

70 p. No. 12498


Ex Libris
Josephi Sedlmayr cancell. frat.




5 J.

BIBLIOTHECA
MONASTERII S^{ti} MICHAELIS ARCH.
ET OMN. S.S. ANGELORUM,
APUD BELMONT
PROPE HEREFORDIAM.

1771.





CONCILIA
GERMANIÆ,

QUÆ

CELSISSIMI PRINCIPIS
JOANNIS MAURITII,
ARCHI-EPISCOPI PRAGENSIS

SUMPTU,

CL. JOAN. FRIDERIC. SCHANNAT

MAGNA EX PARTE PRIMUM COLLEGIT,

ad Canoniam

DEIN

Neustifter

P. JOSEPHUS HARTZHEIM S. J.

EJUSDEM CELSISSIMI IMPENSIS

PLURIMUM AUXIT, ET CONTINUAVIT.

Josephus **TOMUS V.** *Abbas*

AB ANNO MCCCC. AD MD.



COLONIÆ AUGUSTÆ AGRIPPINENSIIUM,

TYPO VIDUÆ JOAN. WILHELMI KRAKAMP, ET HÆREDUM
CHRISTIANI SIMONIS, Bibliopolarum.

ANNO MDCCLXIII.

CUM PERMISSU SUPERIORUM.

CONCILIUM

GERMANICUM

DE

CAUSIS PRINCIPALIS

JOHANNIS MARITIMI

ARCHIEPISCOPI TRAGUENSIS

SUBJECTI

ET JOHANNIS THEOPHILI SCHLIMMER

AD CAUSAS PRINCIPALES

ET CAUSAS PRINCIPALES

ET JOHANNIS THEOPHILI SCHLIMMER

AD CAUSAS PRINCIPALES

ET CAUSAS PRINCIPALES

ET JOHANNIS THEOPHILI SCHLIMMER

AD CAUSAS PRINCIPALES



COLONIAE AGROPHILICAE

AD CAUSAS PRINCIPALES

ET CAUSAS PRINCIPALES

ET JOHANNIS THEOPHILI SCHLIMMER

AD CAUSAS PRINCIPALES

REVERENDISSIMO. CELSISSIMO.
DOMINO. DOMINO.

J O A N N I.
M A U R I T I O.
G U S T A V O.

DEI. GRATIA. ARCHI-
EPISCOPO. PRAGENSI.

SEDIS. APOSTOLICÆ. LEGATO. NATO.

S. ROMANI. IMPERII. PRINCIPI.

COMITI. DE. MANDERSCHIED-
B L A N C K E N H E I M.

E T.

GEROLDSTEIN.

LIBERO. BARONI. IN. JUNCKERATH.

DOMINO. IN. BETTINGEN. DAUN. ET. ERP.

UTRIUSQUE. SACRÆ. CÆSARÆ. NEC. NON. GERMANIÆ.
HUNGARIÆ. ET. BOHEMIÆ. REGIÆ. MAJESTATIS.

CONSILIARIO. INTIMO. ACTUALI.

INCLYTI. REGNI. BOHEMIÆ. PRIMATI.

ECCLESiarUM. METROPOLITANÆ. COLONIENSIS. ET.
CATHEDRALIS. ARGENTINENSIS. RESPECTIVE.

PRÆPOSITO. SENIORI. ac. THESAURARIO.

ILLUSTRIS. ECCLESIAE. COLLEGIATÆ. AD. S. GEREONEM.

PARITER. PRÆPOSITO.

NEC. NON. UNIVERSITATUM. COLONIENSIS.

ET. CAROLO-FERDINANDÆ. PRAGENSIS.

CANCELLARIO. PERPETUO.

ET. PROTECTORI. &c. &c.

REVERENDISSIMO. CELSSIMO.

DOMINO. DOMINO.

JOANNI.

MARTINO.

GUSTAVO.

DEI GRATIA. ARCHIEPISCOPO. PRAGENSIS.

SEDES APOSTOLICA. LEGATO NUNCIATO.

COMITIS. DE. MANDERSCHIED.

BLANKENHEIM.

GEROLDSTEIN.

LIBRO. BARONE. DE. JUNKERATH.

DOMINO. DE. BETTEN. DUK. ET. FER.

PRINCEPS. SACRAE. CAESARIS. REGIS. ROMANAE. MAGISTRUS.

CONSILIARIO. IVINO. ACTUALI.

INCLYT. REGNI. BOHEMIE. PRIMATI.

ECCLIA. METROPOLITANA. COLONIENSIS. ET. CATHEDRA. APOSTOLICA. RESPECTIVE.

PROPOSITO. SENIORI. AC. THESAURARIO.

ILLUSTRI. ECCLIA. COLLEGATA. AD. GEROLDSTEIN.

CAUSAE. PROPOSITO.

VEL. NON. UNIVERSITATUM. COLONIENSIS. ET. CATHEDRA. APOSTOLICA. RESPECTIVE.

CANCELLARIO. PERPETUO.

ET. PROTECTORI. &c. &c.



REVERENDISSIME
 ARCHIEPISCOPE,
 CELSISSIME S.R.I. PRINCEPS,
 AC DOMINE, DOMINE!



TUÆ CELSITUDINIS

Clementissima voluntate ac jussu
 TUUM hoc Conciliorum opus pro-
 sequendum suscepi tanto lubentius,
 quanto impensius minima Societas nostra universa, ea
 præsertim, quæ ad Rhenum, in gentilitio & natali TUO
 solo sita est, TUIS gestit non tantum parere imperiis,
 sed nutibus etiam famulari.

TUUM hoc Opus dixi: neque enim alteri, quam
 TIBI, TUOQUE insigni erga Germaniæ Ecclesias stu-
 dio,

DEDICATIO.

dio, amorique adscribendum est. TUA magna in mente pretiosa hæc non minus, quam vasta Germanicarum Synodorum collectio, inventa primum & adumbrata: TUO ære, TUISQUE impensis, eadem a Schannato, susceptis per varias Europæ Provincias itineribus, incepta: TUA munificentia a P. Josepho Hartzheim continuata, aucta, typis edita, atque ad hanc quinque Tomorum amplitudinem hucusque producta: TUA porro liberalitate, vere Principali, trium adhuc Tomorum, qui misso Programme literatis indicati jam sunt, accessione augenda est.

Non in peregrinam tamen omnino messem, aut a meis alienam laboribus immisi manum. Dudum eodem hoc in agro jam defudavi. Mox enim, ac TUIS Clementissimis sub auspiciis, magnum hoc tot voluminum opus suum in ordinem digerendum, preloque committendum suscepit Hartzhemius, vir & favore TUÆ REVERENDISSIMÆ CELSITUDINIS, & perpetua apud Literatos omnes memoria dignus, sibi me nil minus cogitantem, adoptare voluit Socium, &, ut labores cum ipso dividerem, a Superioribus exoravit: statimque, veluti præscius futurorum, scrinia mihi sua, in quibus reposita quæque habuerat, suis temporibus evulganda, detexit, agendorumque consilia mecum communicavit.

Spero

DEDICATIO.

• Spero propterea, Clementissima TUÆ CELSITUDINIS Benignitate confusus, fore, ut pari Benevolentia, qua priores quatuor TUI hujus operis Tomos ab Hartzhemio excepisti, a me pariter, eorundem cum ipso laborum socio, præsentem hunc, quem demississime offero, Tuisque pedibus substerno, *TOMUM QUINTUM*, dimidia fere ex parte a me editum, Supplemento non modico, Digressione, ac Indicibus auctum, cæterosque deinceps, DEO adjutore, TE vero Fautore, ac Meccenate, secuturos admittere non dedigneris.

Cum multis ex argumentis perspectum habeam, quantis in amoribus apud CELSITUDINEM TUAM P. Hartzhemius semper fuerit, quantisque a TE favoribus cumulatus; non committendum id a me putavi, ut in hac meæ Dedicationis Epistola tristi ejusdem obitus commemoratione renovarem illum dolorem, quem ex tanti viri jactura cum Literatis omnibus percepisti. Patieris tamen, REVERENDISSIME PRÆSUL, ut ejusdem laudes, quas tum ob universalem Scientiarum prope omnium notitiam, tum maxime ob insignes Religiosissimæ vitæ virtutes, non domestico solum nostro, sed externorum etiam, quotquot eum noverant, judicio fuit commeritus, meæ huic Epistolæ subjiciam, æmulandasque toti posteritati transcribam.

Ego

DEDICATIO.

Ego interim oro DEUM Optimum Maximum, qui CELSITUDINEM TUAM ad magnum hoc opus urgendum, promovendumque excitavit, ut aucto vigore, viribusque, TE ad ea usque tempora servet incolumem, quibus non tantum, quæ TUO consilio ac liberalitate cœpta sunt, completa penitus & absoluta videas; sed ex maximis etiam, quæ inde feris annis in Ecclesiam universam derivata fuerint, emolumentis uberrimi solatii, gaudiique fructu perfruaris.

Ita optat, vovet, precatur

REVERENDISSIMÆ
CELSITUDINIS TUÆ

*Infimus Cliens,
Devotissimus Servus*

HERMANNUS SCHOLL S. J.

ELO-

ELOGIUM, ac brevis Vitæ SYNOPSIS

REVERENDI PATRIS JOSEPHI HARTZHEIM,
SOCIETATIS JESU,

*Qui Concilia Germaniæ maxima ex parte collegit, & quæ bucusque edita sunt,
Dissertationibus, ac Digressionibus illustravit.*

Dimidia fere pars hujus Vti Tomi prodierat e prelo, cum ejusdem Collectorem, Editoremque, R. P. Josephum Hartzheim inopina mors rapuit. Die XIV. Januarii, ipso Sancti Hilarii festo, quod in hujus Sancti Doctoris memoriam solemnitus quot annis celebrare consueverat, summo mane repertus est in cubiculo apoplexia tactus, eaque tam gravi, ut licet Expertissimorum Medicorum adhiberetur industria, in horas tamen singulas auctum potius malum fuerit, quam imminutum. Tres dies is morbus lecto affixum tenuit, quarto sustulit Virum ætate, prudentia, scientia, atque eminente virtute, non Societati tantum nostræ, sed urbi, Patriæque universæ, immo & exteris Venerabilem. Quotquot enim norant hominem, suspexere in eo vastitatem ingenii, memoriæ tenacitatem, linguæ facundiam, prudentiæ singulare decus, & imbutum omni literatura animum.

Natus erat Coloniz anno MDCXCIV. XI. Januarii, Patre Viro Clarissimo, Ignatio Conrado, J. U. D. & Urbis Senatore, Matre Gudula Sophia de Herrestorff. Prima Scientiarum rudimenta hausit in urbe natali apud Patres Societatis JESU, quorum etiam institutum, post adeptam in Agrippinensi Universitate Philosophiæ Lauream, complexus est Treviris, anno labentis Sæculi XII. Postò religioso tirocinio, studiisque de more repetitis, extra Rhēni inferioris Provinciā missus est Luxemburgum, ut Germanos ibi, Gallosque politioribus literis docendo excoleret: quod quanta sedulitate, suique commendatione, tum & discipulorum emolumento præstiterit; testantur adhuc, quotquot sunt superstites, qui eo olim usi Magistro fuerant. Theologiæ d. inde uno anno Coloniz, triennio insuper eidem vacavit in Italia Mediolani, ubi discendi studiis, docendi simul laborem conjunxit, dum Hebraicæ linguæ elementa e Cathedra tradidit; ac præterea Prædicatoribus ibidem Milites Germanos, sermone Patrio, sacris Concionibus ad vitam ex Christianæ doctrinæ regulis ducendam informavit.

Propugnatis Theologiæ placitis, celebriores Insuæ & Latii illustravit Bibliothecas, & cum eruditioribus istarum Regionum viris, cumprimis cum Clar. Muratorio, Assemano, Ceva, & Eminent. Cardinali Ptolomæo amicitiam contraxit. Romam ex itinere cum viseret, etiam Eminent. Passionzo innouit, illique se ita ab eruditione probavit, ut Purpuratus hic Præsul deinceps non unis eum literis salutarit.

In Provinciā Rhēni inferioris reversus, Philosophiam sexennio docuit: tum supremis Doctoris honoribus a Sacra Facultate donatus, Theologiam quadriennio, Sacram Scripturam decennio prælegit: in quam eruditissimas quot annis Dissertationes edidit, a Literatis, etiam exteris, magnopere laudatas, avidæque & magno numero in Galliam expetitas. Gymnasii Tricoronati Colonienfis secundariam Præfecturam gessit biennio, primariam annos quatuor & viginti: quo tempore totus in eo fuit, ut Professoribus, ac Discipulis novos indies stimulos, atque animos adderet, arduumque ad scientias iter complanaret. Vigiles semper in Scholas intepdit oculos: concertationes publicas omni studio promovit: Græcis, aliisque Dissertationibus annuis argumentum, ut plurimum, ipse statuit. Historiæ tam Sacræ, quam profanæ studium primus in Provinciæ suæ Scholas invexit, illudque, magno rei literariæ bono, mirifice commendavit, latiusque propagavit. Mirabantur in eo omnes promptissimam de quovis scientiarum genere disserendi facultatem, & stupendam eorum, quæ in Poetis, rudibus olim annis, legerat, memoriam. Virgilium & Horatium ita tenebat animo, ut non semel auditus fuerit suggerere, cum ex his aliquid declamantem memoria fessellisset. Ipsis etiam in versibus pangendis ea erat facilitate, ut si quando casus inopinus ingrueret, pauculas intra horas integrum Poëma conficeret; idque tam ornatum; ut lucernam olere videretur. Soluta porro in oratione quanta fuerit facundia, tum quotidianis in congressibus, tum extemporaneis non raro sermonibus palam fecit, quando in aliorum, quos morbus, aut alius casus impederat, locum peroraturus successit. Cujus quidem extemporaneæ eloquentiæ specimen præcipue dedit in publico, celebrique Literatorum confessu, cum Professoris biduo ante, quam Metaphy-

rhapsodicos jam emeritis solenni valedictione manumissurus erat, defuncti partes in se suscepit. Unicus tantum supererat dictioni parandæ dies; Hartzhemius, ne cuiuspiam alteri molestus esset, hanc sibi Provinciam sumpsit, & postridie ducto ex ipso Professoris obitu argumento, tam gravem, tam ornatam, tamque efficacem de memoria orationem ad Academicos habuit, ut viri facundiam mirarentur cæteri, Discipuli vero, qui dimittebantur, vel inviti in singulis, lachrymasque proruperint. Plus forte admirationis habet, quod sequitur: Anno Jubilæi LI. Exercitia Spiritualia sermone vernaculo publice tradebat in Æde Metropolitana, adscito e Collegis laborum Socio. Sed hic tertio, quartove die nimia dicendi contentione ita obtudit vocem, ut cum explicare confectæ multitudini meditationem niteretur, nec loqui præ raucedine, nec intelligi a populo posset. Aderat in templo Hartzhemius, & ubi Socium in Cathedra laborantem adverit, sibi ut locum cederet, rogavit, atque illico suggestum conscendens, propositum ab altero argumentum assumpsit, & prolecutus est, ac dein Meditatione finita, quæ dicenda ipse paraverat, subjunxit.

Nullum erat bonarum artium, scientiarumque sublimiorum genus, in quo non fuisset egregie versatus: nullum, de quo non mira facundia, copiaque disserteret. Philosophiam, Theologiam, Scholasticam, Dogmaticam, Polemicam, Moralem, Historiam Sacram, profanamque perspectam habuit: Artis insuper Heraldicæ, reique Monetariæ notitiam non attigit tantum, sed apprimè tenuit. Atque ob hanc universalis eruditionis famam, si qua incidere dubitatio, aut consilii expectandi necessitas, frequentissimi ac fere quotidiani ad ipsum a summis, infimisque facti fuere concursus.

Linguarum exoticarum uti amantissimus fuit; ita earundem studium, amoremque in aliis etiam accendit, & suo commendavit exemplo. Præter vernaculam & Latinam, callebat Græcam, Hebraicam, Gallicam, Italicam, & mediocriter Hispanicam. In Græca adeo promptus fuit, ut Græce scriberet ac loqueretur. Anno 1735. selectis ex Tractatu de Fide Propositiones Græco idiomate typis edit, & P. Jacobo Settegast, Societatis nostræ Sacerdote, easdem publice, in Auditorum corona, contra Græce argumentantes, propugnante, ipse totius disputationis arbiter præfedit, raro, & inaudito ante eum diem apud Ubios exemplo.

Ad Gymnasiorum & publici Professoris labores adjunxit munus Examinatoris Synodalis & Ordinandorum. Vergente in Senium ætate, relicta Cathedra Theologica, Metropolitanam ascendit, ut Verbum DEI, quod Theologia Candidatis Latino antea sermone explicaverat, nunc Civitati universæ ex primario hoc urbis suggestu lingua patria explicaret. Integro novennio istud officium ita gessit, ut a summi infimique subellii hominibus, frequentia maxima, nec minore voluptate audiretur. Vehementiore ut plurimum utebatur genere dicendi, atque adeo volubili, ut intra horæ spatium tantum fere expromeret; quantum alii inter unam & dimidiam. Virilem amabat eloquentiam, nullis inustam calamistris, nullis e profana historia flosculis distinctam. Scriptura & Patres fere soli fontes erant, e quibus hauriret. Magnum ejus verbis pondus addebant provecta ætas, pervulgata fama doctrinæ, & vitæ laudatissimæ exemplum. Sive enim domi, sive foris inter amicos versaretur, miram semper præ se ferebat constantiam, integritatem, pietatem in DEUM, Divini honoris zelum, ac proximos omni ope adjuvandi studium. Domesticarum legum nemo erat ipso tenacior, Orationem Matutinam ultra præfinitum horæ spatium produxit sæpe, nunquam citra ejus fines restrinxit: In itineribus usque adeo hujus ita retinens consuetudinis; ut diurnum hoc pensum ferme ad Clepsydram metiretur. Horas Canonicas articulata voce, ac fere de genu, cum in cubiculo esset: aut coram Christo Eucharistico, ad quem adorandum frequentissime consueverat currere, persolvebat: insignioribus Psalmorum locis non raro inhaerens, ac frenos laxans affectui. Sacrificium ultra dimidiam horam passim producebat, candentibus genis, & inflammato vultu sat prodens adstantibus, quibus intus ignibus arderet. Semel ei in vita accidit, ut in itinere Sacrificandi copia non esset: tulit id adeo moleste, ut apud familiares nunquam ejus rei sine doloris sensu mentionem faceret.

Quam nihil defugerit in proximo juvando molestiæ, experti sunt plurimi per ipsum ad Cœnobium revocati Apostatae, adducti ad veram fidem heterodoxi, adjuri pauperes, erecti in spem miseri, atque omnes ii demum, qui eo usi sunt vel conscientiæ, vel studiorum moderatore. Tamen gravissima præ manibus haberet negotia, præsto tamen semper erat, ubi ejus opera vel a penitentibus, vel ab infirmis, moribundisve (in quibus solandis, & ex-

tremam ad luctum roborandis mira dexteritate valebat) vel ab aliis demum alia ope indigentibus perebatur : tanta comitate venientes ad se admittere solitus , ac si in hominem omnibus solum curis , studiisque ac negotiis vacuum incidissent . Ipse primus Coloniae pro indefesso suo alienae salutis procurandae zelo arduum in se suscepit laborem , Sacram B. Patris nostri IGNATII Ascesin , ostiduo Festa Pentecostalia praecedente , Viris Literatis , Ecclesiasticis , Sæcularibusque sermone latino tradendi : quod munus septendecim continuos annos profectus est : ac prioribus quidem solus duas horas mane , totidem vespere perorando explevit , ea facilitate & ubertate verborum , ut Auditores , qui magno numero confluerant , simile quidpiam se vidisse negarent : Annis tamen deinceps consecutis , ob contractam & contentionem invalescentiam , cum socio partitus est laborem eo usque , dum invalescente ætate , gravioribusque distentis negotiis , spartam hanc aliis ornandam debuit relinquere .

Sed reliquas ejus virtutes omnes superabat ardentissimus in DEUM amor , qui eas apud ipsum egerat radices , ut ad hunc omnia sua referret consilia , eodemque amore impellente , quidquid posset , susciperet , imo majora etiam viribus agenda animo destinaret . Tantam certe rerum adhuc elucubrandarum molem etiam in extremo senio sua in mente descripserat , ut illi perficiendae vix integrum Sæculum suffecisset . Sexagenario major Concilia Coloniae , quæ magna cura pridem collegerat , præmissis jam ad Eruditos Programmata , publicam emitte in lucem meditabatur ; cum Reverendissimus & Celsissimus S. R. I. Princeps , ac Archi-Episcopus Pragensis , cui perspecta a multis jam annis viri eruditio fuerat , ceptam olim a Schannato , totius Germaniæ Conciliorum collectionem , illi prosequendam , curandamque ejusdem editionem obtulit . Nihil accidere poterat Hartzhemio jucundius , eo quod adverteret , opus hoc cum insigni non unius tantum Diocesis , sed Ecclesiæ universæ utilitate & emolumentis esse conjunctum . Novis igitur animis , novoque fervore in amplum hunc vastissimi studii campum ingressus fuit , familiari hac sua tessera usus : *Laboramus pro DEO & Ecclesia* . Veterum Chronica , Historias , Annales tum Ecclesiæ universalis , tum particularium perlustravit : Eruditos insuper totius Germaniæ viros frequentiterarum commercio ad idem secum studium excitavit : qua industria tantam congestit Synodorum , earumque rerum , quæ ad Synodos pertinent , multitudinem , ut Schannati collectionem non dimidia solum parte auxerit ; sed , multum etiam superaverit . Magnum equidem Vir ille diligentissimus ex antiquissimis primorum Sæculorum monumentis attulit Hartzhemio subsidium , sed ultra Sæculum XIII. progressus vix fuit : unde pleraque Tomi IV. , Quinti autem Concilia prorsus omnia , aut fere omnia Hartzhemio adscribenda veniunt , præter innumera , quæ in tribus prioribus Tomis Schannati collectis adjecit . Pro Tomis secuturis , nullam omnino Synodum , discussis utcumque scriniis , a Schannato relictam reperi : omnia , quæ in eorundem Programme notantur , P. Josephi indefessa studia detexere .

Ipsum hoc , de quo loquor , Programma ultimum opus fuit , quod imprimendum quidem Typographo commisit ; impressum tamen non vidit , catarrho apoplectico prostratus in lectum , & in medio cursu laborum non tantum ad eorum , quæ pro gloria DEI fecit , scripsitque , sed illorum simul , quæ scribere & facere voluit , mercedem evocatus . Inviserunt decumbentem honoratiores e civitate Viri , & vale supremum dixere . Ingemiscen-
tibus aliis , solus constabat ipse sibi , nec vivere recusans , nec mori timens . Patuit tunc omnibus , quam vere , cum valeret , dictitavit : *Disposui pridem domui meæ ; & exspecto , donec veniat immutatio mea* . De funere ubi percubuit , maximus per urbem inter amicos & clientes consecutus est luctus : Domesticorum vero communis comploratio . Pagellæ publicæ mox Eruditis mortem nuntiarunt ; & Cl. Pintius , Ravennas , Excellentissimo D. Nuntio Apostolico ab epistolis , Hartzhemio suo hoc parentavit Epiaphio :

D. O. M.

JOSEPHO. HARTZHEMIO.

SOC. JESU. PRESBYTERO.

THEOLOGO. PHILOLOGO. ATQUE. ORATORI.

EXIMIO.

LINGUARUM. ORIENTALIUM. EXOTICARUMQUE.

SCIENTISSIMO.

IN. PATRIO. OLIM. GYMNASIO. SACRARUM. LITTERARUM.

INTERPRETI.

Q U I.

QUOAD. VIXIT. PIETATEM. IN. DEUM. AMOREM. IN. PROXIMOS.

URBANITATEM. LEPORES. MIRE. EXERCUIT.

V I R O.

NUNTII. APOSTOLICI. PRÆSERTIM. VERO. CÆSARI. ALBERICO. LUCINIO.

NUNC. SANCTÆ. SEDIS. APOCRISARIO.

QUI. ILLUM. SÆPE. IN. REBUS. ARDUIS. CONSILIARIUM. ADHIBUIT.

APPRIME. CHARO.

OPTIMORUM. STUDIO. CULTORES. COLONIÆ. AGRIPPINENSIS.

MERITO. PARENTANT.

VIXIT. ANN. LXIX. DIES. IV.

OBIT. APOPLECT. XVI. CAL. FEBR. A. C. MDCCCLXIII.

Quis furor est , atram bellis arcescere mortem ?

Imminet , & tacito clam venit illa pede . Ex Tibullo .

Gora

D. CORNELIUS VALERIUS DE VONCK, Libris editis, & gestis apud Batavos Magistratibus Clarissimus, extemporaliter hoc epicedio ejusdem Viri mortem profecutus est:

DIVIS MANIBUS

VENERABILIS PATRIS JOSEPHI HARTZHEMII EX SOC. JESU,
VIRI PIETATE, atque ERUDITIONE CELEBERRIMI.

Tune adeo moreris! Tu me sic, Care, relinquis
Gloria Pierii rara, JOSEPH, chori?
Cujus amicitiae quamquam mihi fœdera demum
Tertia post isthanc prima ferebat biems:
Sic tamen à Summo mihi jam disjunctus amico,
Et videor magna sic mihi parte mori,
Tamquam ter Pyleos Tecum sociatus in annos,
Tempus amicitiae & nostra juvenia foret.
HARTZHEMI moreris? sine me, Venerande,
veheris
Ætheris in summas, nubila transque, plagas?
Nullumne ergo Tui monumentum cernet amoris,
Aut reliquum quidquam VONCKIUS ille
Tui?
VONCKIUS ille, Tui specimen præsigne favoris,
Cui nosces meminì, Teque dedisse dies,
Littera quem Batavis toties invisit in oris,
Littera Teutonico vixit in orbe Tua.

Sed frustra meminisse juvat! jam ridet ab alto
HARTZHEMIUS Secl'i ludicra vota Sui.
Et tamen ex Alto sic consolatur amantes,
Illorum ut semper se meminisse sciant,
Illorum numero me nunc & Care, reponas,
In Superis que mei Tu meminisse velis!
Fallor? & anni isthic (**CAROLI** Tibi maxima quondam
Principis ut fuerat cura) Beatus agens
SULTZBACHIDUM Stirpi mansera Palatia possis,
Et sobolem **CAROLO** Numina possis ovari?
Hæc rata sint utinam Tibi vota, precesque bonorum!
Sic minus **HARTZHEMII** fata dolenda mihi.

Manhemii D. XXVII. Januarii
C1813.

CORN. VALERIUS
DE VONCK.

Typis edita sunt a P. JOS. HARTZHEIM:

- I. Summa historiae omnis ab exordio rerum ad annum a Christo nato MDCCXVIII. in 18. *Luxemburgi*.
- II. De initio Metropoleos Ecclesiasticae Coloniae Claudiae Augustae Agrippinensium Disquisitio I. II. & III. Colon. Agripp. 1731. & 1732. in 4to.
- III. Inscriptionis Herfellenfis Ubio-Romanæ explanatio ad Excell. D. Jacobum S. R. I. Baronem Walhor de Bassenheim. Colon. Aug. Agrippinensium 1745. in 8vo.
- IV. Bibliotheca Scriptorum Colonienfium. Colon. 1747. Fol.
- V. Dissertationes X. Historico-Criticæ in Sacram Scripturam ab anno 1736. ad 1746. in fol.
- VI. Catalogus Historico-Criticus Codicum MSS. Bibliothecæ Ecclesiæ Metropolitanæ Colonienfis. Colon. 1752. in 4to.
- VII. Historia rei Nummarie Colonienfis, & Dissertationes de eadem. ibid. 1754. in 4to.
- VIII. Prodomus historiae Universitatis Colonienfis: quo exhibetur Synopsis Actorum & Scriptorum a Facultate Theologica pro Ecclesia Catholica & Republ. ibid. 1759. in 4to.
- IX. Concilia Germaniæ, quæ Celsissimi Principis Joannis Mauricii Archi-Episcopi Pragensis sumptu, Clar. J. Frideric. Schannat magna ex parte primum collegit, dein P. Jos. Hartzheim S. J. ejusd. Celsissimi impensis plurimum auxit, continuavit &c. ibid. Tomi V. fol.

- Ad Typum parata:
- I. Eisslia Occidentalis illustrata. Opus a Cl. Sebastianato ceptum, a P. Jos. Hartzheim ad finem perductum, Figuris ornatum, & codice Diplomatico auctum.
 - II. Vita Sancti Annonis Diplomatica.
 - III. Historia Gymnasi Tricoronati.
 - IV. Historia Literaria Germaniæ.
 - V. Concionum Germanicarum Tomi plures.
 - VI. Exercitiorum S. P. Ignatii Tomi aliquot.
- His tamen operibus extrema adhuc lima deest.
Magnam enim collectam ab illo fuit Farago Diplomatum pro Archidiacono Colonienfis, Dialecticis Montensis, & Juliacenfis Historia, quam sibi scribendam sumptu perar. Sed hæc ejus consilia aliis deinde interpellata curis, exitu caruere.


FACULTAS REV. P. PROVINCIALIS
CUM PRIVILEGIO CÆSAREO.

Cum Vidua JOANNIS WILHELMI KRAKAMP, & Hæredes CHRISTIANI SIMONIS, Bibliopolæ Colonienfes, typis vulgare desiderant Tomum quintum **CONCILIORUM GERMANIÆ**, a P. Josepho Hartzheim, Societatis nostræ Sacerdote, clucubratum; Ego infra scriptus, ejusdem Societatis in Provincia Rheni Inferioris Præpositus Provincialis, potestate ad id mihi facta ad Adm. Rev. P. N. LAURENTIO RICCI, Universæ Societatis JESU Præposito Generali, iisdem ad primam hanc duntaxat prædicti Tomi editionem facultatem impertio; simulque communico Jus Privilegii Cæsarei, quo Bibliopolis, ac Typographis interdicitur, ne quis Librum ullum a Societatis nostræ Patribus conscriptum, citra consensum Superiorum recudere, aut alibi recumum intra fines S. R. Imperii inferre præsumat. In cujus rei fidem has iis manu propria subscriptas, ac consueto officii mei Sigillo munitas dedi. Paderbornæ 9na Aug. 1763.

(L. S.)

ANTONIUS RÜTING S. J. mpp.

INDEX



INDEX CHRONOLOGICUS

TOMI V.

CONCILIORUM GERMANIÆ ET EPISTOLARUM AD CONCILIA PERTINENTIIUM.

<i>Annus Christi</i>	<i>SÆCULO XV.</i>	<i>Paginae</i>
1403.	MAGDEBURGENSE Concilium Provinciale sub Alberto IV. Archi-episcopo. Capitula CXXIV.	676
1405.	Innocentii VII. Epistola ad Sbynkonem Archi-episcopum Pragensem, de Synodo indicenda contra Schismaticos, Antipapæ Clementi VII. jam defuncto adhærentes.	I
1406.	HAMBURGENSE Provinciale sub Joanne Archi-Episcopo, de errore quorundam Fratrum Minorum.	2
1407.	HERBIPOLENSE Concilium. Capitula XXIX.	3
1408.	HALBERSTADIENSIS Synodus sub Henrico episcopo. Capitula IX.	13
1408.	PRAGENSE Concilium sub Sbynkone Archi episcopo.	28
1409.	GERMANIÆ Episcopi, & Principes, & Doctores, qui Concilio PISANO per se, vel per Legatos interfuerunt, indicati.	25
1409.	Conventus Francofurti Regis Ruperti, Archi-episcoporum & Principum, item Legatorum a Conventu Pisano, & a Gregorio XII.	14
1409.	Appellatio Pisis facta a prætenso Conciliabulo Pisano nomine Ruperti Romanorum Regis per Oratores eo missos.	15
1411.	HERBIPOLENSIS Synodus sub Joanne ab Egloffstein. Capitula VII.	31
1411.	PADERBORNENSIS Synodus sub Wilhelmo.	33
1411.	MINDÆ Episcopale Mandatum Visitationis & Inquisitionis faciendæ.	34
1412.	HAVELBERGENSI Episcopo ex Magdeburgensi Concilio articuli propositi, examinandi circa prætenfa Miracula in Wilsnack.	35
1413.	MISNENSIS Synodus sub Rudolpho episcopo. Capitula XV.	36
1413.	OLOMUCENSIS Synodus sub Wenceslao. Cap. XIII.	39
1414.	AUGUSTANA Synodus sub Anselmo episcopo, Lavingæ celebrata.	43
1414.	CONSTANTIENSIS Concilii Diarium ab die 16. Novembris 1414. ad diem 22. Aprilis 1418. §. XII. universim excerpti, qui ad Germaniam pertinent.	44
	<i>Causa</i> 1. Agitata in hoc Concilio hæresis Crucifratrum.	64
1415.	2. Canonizatio S. Birgittæ.	64
	3. Ducis Austriae Friderici cum Concilio Constantiensi & cum Sigismundo Cæsare conciliatio gemina.	64
	4. Confirmatio Immunitatis Ecclesiasticæ, olim a Friderico & Carolo IV. concessæ.	70

Annus Christi.

	<i>Pag.</i>
1415. <i>Causa</i> 5. Hæresis Wicleffi, Hussi, & Hieronymi Pragensis in hoc Concilio damnata.	80
1416. 6. Causa agitata inter Wilhelmum Episcopum Argentinensem, & Capitulum Ecclesiæ ejusdem, a quibus conjectus fuit in carcerem.	96
1418. 7. Examen librorum Matthæi Grabon ex Ordine Prædicatorum.	118
8. De diffidio Uladislai Jagelonis Poloniæ Regis, & Luitoldi Ducis Lituaniæ, contra Equites Prussicos Ord. B. M. V. Teutonicos.	125
9. Concordata Constantiæ inter Martinum V. & Nationem Germanicam.	127
10. Articuli XVIII. de reformanda Curia Romana, oblatis Concilio Constantiensi.	134
11. Germanicæ Nationis & Martini V. Papæ Concordata quoad Ecclesiastici Regiminis emendationem. Cap. XI.	142
12. Martini Papæ Confirmatio omnium conciliariter Constantiæ actorum.	149
1410. NORIMBERGÆ Conventio duorum Episcoporum.	150
1413. PRAGENSIS Synodi mentio Raudnitzii celebratæ contra Wicleffistas.	150
1414. WORMATIENSIS Synodi mentio.	151
1415. VARMIIENSIS Synodi mentio in Prussia sub Joanne III. episcopo Varmienfi.	151
1415. Joannis XXIII. Papæ Mandatum ad Magistratum Luneburgensem.	723
1416. TORNACENSIS Synodi mentio.	151
1416. WRATISLAVIENSE Concilium sub Wenceslao episcopo. Capitula XX.	152
1417. COLONIENSIS Synodi Provincialis sub Theodorico Archi-episcopo mentio.	160
1417. Mandatum Concilii Constantiensis ad Consules & Scabinos Luneburgenses.	724
1418. COLONIENSIS Concilii contra Grabbonem mentio.	161
1418. SALISBURGENSE Concilium Provinciale, constans articulis XXXIV. sub Eberhardo.	161
1418. Concordata inter Martinum V. Papam, & Nationis Germanicæ Procuratores.	725
1418. Sigismundi Regis Mandatum ad Capitulum Verdense.	732
1418. Sigismundi Regis Mandatum ad Wilhelmum Ducem Brunswicensem.	733
1418. Sigismundi Imperatoris Mandatum ad Ulricum, olim Verdensensem, nunc Seccoviensem episcopum.	734
1418. Sigismundi Imperatoris Mandatum ad Senatum Luneburgensem.	734
1419. HALBERSTADIENSIS Synodus Archidiaconalis.	163
1420. MOGUNTINA encyclica Conradi III. Archi-episcopi ad Decanos suæ Diocesis.	163
1420. LUBECENSE Concilium sub Joanne episcopo. Capitula XXXIV.	165
1420. SALISBURGENSE Concilium sub Everhardo III. Articuli XXXIV. <i>Alii ad annum 1418. referunt.</i>	171
1420. SALISBURGENSE Concilium, Præsidente Joanne Archi-Diacono Salisburgensi. Canones LIX.	187
1421. Martini V. cruciata, Nationi Germanicæ missa, contra Hussitas per Brandam Cardinalem.	204

CONCIL. GERM. TOM. V. SÆCUL. XV.

III

<i>Annus Christi</i>	<i>Pag.</i>
1421. <i>ATREBATENSIS Conciliabuli Hussitarum mentio.</i>	206
1421. <i>PRAGENSE Conciliabulum sub Conrado Archi-Episc. hæretico. Cap. XXII.</i>	198
Raynaldi Reflexiones ad Conciliabulum Pragense.	202
1421. <i>Epistola Conciliabuli ad Principem, populumque Lusatiæ.</i>	203
1422. Martini V. cruciata, indicta Sigismundo Regi, Norimbergæ exequenda.	214
1423. <i>Conventus NORIMBERGÆ.</i>	216
1423. <i>TREVIRENSE Provinciale Concilium sub Ottone Archi-episcopo. Capitula VI.</i>	222
1423. <i>NORIMBERGENSIS Conventus, de bello Hussitis inferendo.</i>	216
1423. <i>MOGUNTINUM Concilium Provinciale sub Conrado Archi-episc. Capitula XVII.</i>	206
1423. <i>COLONIÆ Concilium Provinciale. Capitula XII.</i>	217
1424. <i>LEODIENSIS Synodus sub Joanne de Heynsberg, episcopo.</i>	735
1427. Moguntinus Archi-episcopus Conradus, requisitus a Papa Martino V. per Cardinalem de Anglia, Hortatorias scribit Episcopis pro Subsidii ad bellum Hussiticum profequendum.	227
1427. <i>Conventus FRANCOFURTENSIS. Encyclica epistolæ ad omnes Status Imperii Germanici, ad constandum exercitum in causâ Fidei contra Hussitas. Coordinatio exercitus ducendi in Bohemiam, via, ordo, ratio concepta, &c.</i>	229
1429. <i>RIGENSIS Concilii Provincialis mentio.</i>	231
1431. <i>Conradi Archi-episcopi Moguntini Convocatoria ad Concilium Provinciale.</i>	232
1431. <i>Moguntinus & Colonienfis Archi-episcopi ad alios Germaniæ Archi-episcopos ad Synodos similes celebrandas hortatoriæ.</i>	233
1431. <i>SUMMA Conciliorum BASILEENSIS, FLORENTINI, LATERANENSIS, LAUSANENSIS &c.</i>	774
Apologia Eugenii Papæ IV.	871
1432. <i>Eugenius IV. invitat Conradum Archi-episcopum Moguntinum ad Concilium Basileense.</i>	234
1433. <i>Indultum Concilii Basileensis concessum Quedlinburgenfi Monasterio.</i>	738
1434. <i>Conservatorium Ecclesiæ S. Servatii Quedlinburgensis.</i>	739
1434. <i>Literæ Theodorici Archi-episcopi Colonienfis ad Concilium Basileense.</i>	743
1434. <i>Literæ Paderbornensium ad Concilium Basileense.</i>	745
Compendiosa narratio, quo modo Bohemi ad Concilium perducti sint.	760
1435. <i>ARGENTINENSE Concilium sub Bertholdo. Capitula CVI.</i>	235
1435. <i>RATISPONENSIS Synodi mentio sub Conrado episcopo.</i>	254
1435. <i>Indultum Concilii Basileensis, datum Nobilibus Schwichelte pro tempore interdicti.</i>	921
1435. <i>Pactum Præpositorum in variis Canonis Halberstadiensis Diocesis.</i>	922
1435. <i>Conservatorium Concilii Basileensis pro Confraternitate Capellæ S. Gertrudis Brunswicensis.</i>	923
1438. <i>Moguntinus Archi-episcopus Theodoricus Capitula a Papa & Basileensi Concilio missa Suffraganeis communicat, & responsum poscit.</i>	255
1438. <i>Moguntini Archi-episcopi Epistola ad Religiosos suæ Diocesis, de diffidiis inter Papam & Concilium Basileense.</i>	257

<i>Annus Christi</i>		<i>Pag.</i>
1438.	Moguntini Archi-episcopi Epistola ad Suffraganeos cum copiis Appellationis &c.	256
1438.	FRISINGÆ Synodus sub Nicodemo episcopo.	258
1438.	FRANCOFURTI Conventus Imperii Principum & Episcoporum. Neutralitas decernitur.	258
1439.	Conventus FRANCOFURTENSIS Moguntiae consummatus.	259
1440.	Mentio SALISBURGENSIS Concilii sub Joanne II. Archi-episc.	260
1440.	Ad Frisingensem Synodum Oratio Synodalis.	260
1440.	FRISINGENSIS Synodus sub Nicodemo episcopo. Capitula XXVI.	267
1441.	BASILEENSIS Synodi credentiales ad Jacobum Archi-episcopum Trevirensē.	283
1444.	Eugenii Papæ Epistola declaratoria, scripta Trajectensi Episcopo; quod Ducatus Clivensis eximatur a potestate Archi-episcopi Colonienfis & Episcopi Monasteriensis.	283
1444.	FRISINGENSIS Synodus, indicata sub Joanne III. Episcopo Frisingensi.	285
1445.	TORNACENSIS Synodus indicata sub Joanne.	286
1445.	Exauctoratio Jacobi Trevirensis, & Theodorici Colonienfis Archi-episcoporum per Eugenium IV.	286
1445.	Eugenii Literæ absolutoriæ Clivensium a juramento dato Archi-episcopo Colonienfi & Episcopo Monasterienfi.	287
1446.	WRATISLAVIENSIS Synodus sub Conrado episcopo.	288
1446.	Eugenii IV. concessio, ut Decreta Basileensis Concilii ab Alberto Rege acceptata, in Germania observentur usque ad modificationem.	301
1446.	Eugenii IV. Literæ super diversis indultis post præstitam obedientiam.	302
1446.	LEODIENSIS Synodus, & Reformatio Curiae sub Joanne episcopo. Capitula XXXIII.	306
1446.	HERBIPOLENSIS Synodus sub Gotfrido episc. Cap. CLXXVII.	314
1446.	BASILEENSIS Synodus scribit Jacobo Trevirensi Archi-episcopo, ut suos Legatos Basileam mittat.	360
1447.	EYSTATTENSE Concilium, cum Presbyterorum, tum Clericorum sub Joanne Martino episcopo. Capitula XLIX.	362
1447.	Jacobi Archi-episcopi Trevirensis, & aliquot Germaniae Principum Avisamentum de eo, quod aptissimum sit dirimendo Schismati.	383
1447.	Nicolai V. Papæ Confirmatio, & prolixior Declaratio super conventionē antecedenti, uti & Eugenii Concordata.	386
1447.	Eugenii IV. Papæ Salvatorium circa concessa Germanis.	390
1447.	Eugenii IV. Papæ Decretum, quo Archi-episcopos Jacobum Trevirensē, & Theodoricum Coloniensem dignitati restituit.	394
1448.	Concordata inter Nicolaum V. & Fridericum III.	395
1449.	Felicis V. Anti-Papæ Bulla, qua usurpatæ dignitati renunciat.	917
1449.	Decretum Synodi Laufannensis, quo Nicolaum V. legitime in Pontificem electum esse declarat.	919
1449.	Dissolutio Concilii Laufannensis.	921
1451.	MOGUNTINUM Concilium sub Theodorico Archi-episcopo.	398
1451.	SALISBURGENSE Concilium sub Nicolao Cusano, Legato Apostolico.	923

CONCIL. GERM. TOM. V. SÆCUL. XV.

V

<i>Annus Christi</i>		<i>Pag.</i>
1451.	Nicolai Papæ V. Confirmatio Statutorum Synodaliū & Curiz Leodienfis.	927
1452.	COLONIENSE Concilium.	413
1452.	HERBIPOLENSIS Synodi anno 1452. celebratæ ordo.	420
1452.	MAGDEBURGENSE Provinciale Concilium sub Nicolao de Cufa, Capitula II.	426
1453.	HERBIPOLENSE Concilium sub Gotfrido episcopo.	430
1453.	EYSTETTENSE Concilium sub Joanne episcopo.	433
1454.	CAMINENSIS Synodi sub Henningo episcopo mentio.	437
1454.	CAMINENSIS Synodus sub Henningo episc.	930
1455.	MOGUNTINA Synodus sub Theodorico Archi-episcopo, in Aſchafenburg celebrata.	438
1455.	Nicolai Cufani, Legati Apostolici, Bulla e Synodo Bambergensi data.	440
1447. ad 1456.	WRATISLAVIENSIS Synodus sub Petro episcopo.	443
1456.	SALTZBURGENSE Concilium Provinciale.	936
1463.	CONSTANTIENSE Concilium sub Burkardo episcopo. Capitula XXXI.	449
1463.	Pii Papæ II. Bulla Retractionum.	945
1465.	EYSTETTENSIS Synodus sub Wilhelmo episcopo.	470
1465.	PADERBORNENSIS Synodus sub Simone episcopo.	952
1466.	OSNABRUGENSIS Synodus sub Conrado Diepholtio episcopo.	952
1466.	MAGDEBURGENSIS Synodi mentio.	476
1470.	PATAVIENSIS Synodus sub Udalrico episcopo. Capitula LV.	476
1471.	Statutum Rudolphi, episcopi Wratislaviensis, de casibus reservatis.	953
1473.	WRATISLAVIENSIS Synodus sub Rudolpho episcopo.	491
1475.	WRATISLAVIENSIS Synodus sub Rudolpho episcopo.	497
1475.	FRISINGENSIS Synodus sub Sixto episcopo.	501
1476.	CONSTANTIENSE Concilium sub Hermannno episcopo.	505
1480.	VESONTIONENSE Concilium sub Carolo de Novo Castro Archi-episcopo.	508
1480.	FRISINGENSIS Synodus sub Sixto episcopo. Capitula L.	510
1481.	VESONTIONENSIS Synodus sub Carolo de Novo Castro Archi-episcopo.	509
1481.	TORNACENSIS Synodus sub Ferrico episcopo & Cardinali. Capitula XIV.	525
1482.	TREVERICÆ Sanctiones.	540
1483.	COLONIENSIS Synodus.	541
1483.	CONSTANTIENSE Concilium Diecefanum sub Ottone episcopo. Capitula LVIII.	545
1484.	AICHSTADIENSIS Synodus sub Wilhelmo episc. Capit. XVIII.	567
1490.	SALTZBURGENSIS Synodus Provincialis sub Friderico V. Archi-episcopo. Capitula XLVI.	572
1491.	BAMBERGENSIS Synodus sub Henrico III. episc. Capitula LXI.	597
1492.	SWERINENSIS Synodus sub Conrado episcopo. Capit. LX.	639
1492.	Constitutiones Synodales THOMÆ episcopi Constantiensis. Capitula II.	659

VI

INDEX CHRONOL. TOM. V.

Annus Christi

	<i>Pag.</i>
1492. CAMINENSIS Synodus, celebrata Stargardiæ, sub Benedicto Episcopo Caminensi. Capitula XVIII.	661
1495. TREVERICA Synodus sub Joanne Badensi, Archi-episcopo.	662
1497. VARIENSIS Synodus sub Luca episcopo. Capitula LII.	664
1497. WRATISLAVIENSIS Synodus sub Joanne episcopo. Capitula V.	670
1499. MOGUNTINA Synodus sub Bertholdo Hennebergico, Archi-episc.	673
1500. CAMINENSIS Synodus SEDINI, celebrata sub Martino Cauth, episcopo. Capitula LXI.	673
Brevis Synopsis aliquarum Synodorum HAVELBERGENSIUM ad Sæculum XV. potissima ex parte pertinentium.	955

FINIS INDICIS CHRONOLOGICI.

DIGRESSIO AD SÆCULUM XV.

CAPUT I. <i>Præmittuntur aliqua de Conciliis universim.</i>	958
§. I. <i>Definitio Conciliorum ex mente Catholicorum.</i>	959
§. II. <i>Definitio Conciliorum secundum Protestant.</i>	960
§. III. <i>Qui competat jus Concilia convocandi.</i>	963
§. IV. <i>Ad quem pertineat Conciliis præsidere?</i>	966
§. V. <i>De Conciliorum auctoritate, & infallibilitate.</i>	971
§. VI. <i>De Conciliorum confirmatione.</i>	975
CAPUT II. <i>De Synodis Constantiensi & Basileensi prætermisiss: de celebrioribus hujus Sæculi XV. Scriptoribus Canonistis Germanis, ac de variarum Sectarum erroribus in eodem Sæculo per Germaniam disseminatis.</i>	986
§. I. <i>De Synodis Constantiensi & Basileensi prætermisiss.</i>	986
§. II. <i>De Scriptoribus, præcipue Canonistis, Germanis, qui Sæculo XV. floruerunt.</i>	988
§. III. <i>De erroribus variarum Sectarum, Sæculo XV. per Germaniam disseminatis.</i>	992



INDEX ALPHABETICUS CONCILIORUM GERMANIÆ SÆCULI XV.



A.

Argentinenſe III.
Concilium
A. MCCCCXXXV. p. 235
Atrebatenſe Con-
ciliab. MCCCCXXI. p. 206
Auguſtanum IX. Conc. MCCCCXIV. p. 43

B.

Bambergenſe XI. Con-
cilium An. - - MCCCCXCI. p. 597

C.

Caminenſe II. Conc. MCCCCIV. p. 930
Caminenſe III. - MCCCCXII. p. 661
Caminenſe IV. - MD. - p. 673
Colonienſe LXXI. MCCCCXVII. p. 160
Colonienſe LXXII. MCCCCXVIII. p. 161
Colonienſe LXXIII. MCCCCXXIII. p. 217
Colonienſe LXXIV. MCCCCXII. p. 413
Colonienſe LXXV. MCCCCLXXXIII. p. 541
Constantienſe XIV. MCCCCXIV. p. 44
Constantienſe XV. MCCCCXLIII. p. 449
Constantienſe XVI. MCCCCCLXXXVI. p. 505
Constantienſe XVII. MCCCCCLXXXIII. p. 545

E.

Eichſtettenſe III. Con-
cilium A. - MCCCCXLVII. p. 362
Eichſtettenſe IV. MCCCCLIH. p. 433
Eichſtettenſe V. MCCCCXLV. p. 470
Eichſtettenſe VI. MCCCCCLXXXIV. p. 567

F.

Francofurti XV. Con-
ventus A. - MCCCCIX. p. 14
Francofurti XVI. Con-
ventus - MCCCCXXVII. p. 229
Francofurti XVIII. Con-
ventus - MCCCCXXXVIII. p. 258

B 2

Frifingenſe XXIII. Con-
cilium A. - MCCCCXXXVIII. p. 248
Frifingenſe XXIV. MCCCCXL. p. 267
Frifingenſe XXV. MCCCCXLIV. p. 285
Frifingenſe XXVI. MCCCCCLXXV. p. 501
Frifingenſe XXVII. MCCCCCLXXX. p. 510

H.

Halberſtadienſe X. Con-
cilium A. - MCCCCVIII. p. 13
Halberſtadienſe XI. MCCCCXIX. p. 163
Hamburgenſe II. MCCCCVI. p. 2
Herbipolenſe XVI. MCCCCVII. p. 3
Herbipolenſe XVII. MCCCCXI. p. 31
Herbipolenſe XVIII. MCCCCXLVI. p. 314
Herbipolenſe XIX. MCCCCXII. p. 420
Herbipolenſe XX. MCCCCLIH. p. 430

L.

Leodienſe IX. Conc. MCCCCXXIV. p. 735
Leodienſe X. - MCCCCXLVI. p. 306
Lubecenſe III. - MCCCCXX. p. 165

M.

Magdeburgenſe XVIII.
Concilium A. - MCCCCIII. p. 676
Magdeburgenſe XIX. MCCCCLIH. p. 426
Magdeburgenſe XX. MCCCCCLXVI. p. 476
Mindenſe X. - MCCCCXI. p. 34
Miſnenſe I. - MCCCCXIII. p. 36
Moguntinum LX. MCCCCXXIII. p. 206
Moguntinum LXI. MCCCCLI. p. 398
Moguntinum LXII. MCCCCLV. p. 438
Moguntinum LXIII. MCCCCXCIX. p. 673

N.

Norimbergæ V. Con-
ventus A. - MCCCCX. p. 150
Norimbergæ VI. Conv. MCCCCXXIII. p. 216
Norimbergæ VII. Conv. MCCCCXXIII. p. 216

O.

O.

Olumucense iv. Conc. MCCCCXIII. p. 39
 Osnabrugense i. - MCCCCXVI. p. 952

P.

Patavienſe x. Conc. MCCCCLXX. p. 476
 Paderbornenſe xv. MCCCCXI. p. 33
 Paderbornenſe xvi. MCCCCXLV. p. 952
 Pragenſe vi. - MCCCCVIII. p. 28
 Pragenſe vii. - MCCCCXIII. p. 150

R.

Ratiſbonenſe xv. Con-
 cilium A. - MCCCCXXV. p. 254
 Rigenſe iii. - MCCCCXXIX. p. 231

S.

Saltzburgenſe xxiv.
 Concilium A. - MCCCCXX. p. 171
 Saltzburgenſe xxv. MCCCCXX. p. 187
 Saltzburgenſe xxvi. MCCCCXL. p. 260
 Saltzburgenſe xxvii. MCCCCLI. p. 923

Saltzburgenſe xxviii. MCCCCLVI. p. 936
 Saltzburgenſe xxix. MCCCCXC. p. 572
 Swerinenſe i. - MCCCCXCII. p. 639

T.

Tornacenſe ii. Conc. MCCCCXVI. p. 151
 Tornacenſe iii. - MCCCCXLV. p. 286
 Tornacenſe iv. - MCCCCLXXXI. p. 525
 Treverenſe xxxviii. MCCCCXXIII. p. 222
 Treverenſe xxxix. MCCCCXCV. p. 662

V.

Varmienſe i. Conci-
 lium An. - MCCCCXV. p. 151
 Varmienſe ii. - MCCCCXCVII. p. 644
 Veſontionenſe i. MCCCCLXXX. p. 508
 Veſontionenſe ii. MCCCCLXXXI. p. 509
 Vratiſlavienſe vii. MCCCCXVI. p. 152
 Vratiſlavienſe viii. MCCCCXLVI. p. 288
 Vratiſlavienſe ix. MCCCCLXXXI. p. 491
 Vratiſlavienſe x. MCCCCLXXV. p. 497
 Vratiſlavienſe xi. MCCCCXCVII. p. 670
 Wormatiſenſe xxvii. MCCCCXIV. p. 151

FINIS INDICIS ALPHABETICI.



CATA-

CATALOGUS ROMANORUM PONTIFICUM

AB ANNO MCCCCIV. AD MCCCCXCII.

Quorum annos Conciliis Germaniæ præfigendos putavimus.

<i>Nomen & Natio.</i>	<i>Ordo Successio- nis à S. Petro.</i>	<i>Adiit Pontificatum.</i>	<i>Sedit in Cathe- dra Petri.</i>	<i>Obiit vel abiit à Pontificatu.</i>
Innocentius VII. <i>Sulmonensis, quondam Cofmas Melioratus, Presb. Cardin. S. Crucis.</i>	CCIV.	Anno Christi MCCCCIV. V. Idus Sep- tembris.	Annos II. Menses II. Dies III.	Anno Christi MCCCCVI. VIII. Idus Novembris.
Gregorius XII. <i>Venetus, antea Ange- lus Corarius, Cardin. S. Marci.</i>	CCV.	MCCCCVI. IV. Non. Decembris.	Annos II. Menses VI. Dies III. electo a Car- dinalibus in Concil. Pisano Alexandro V.	MCCCCXV. Pontificatu cessit, obiit MCCCCXVII.

Concilium Pisanum a duarum factionum Cardinalibus ad Schisma Pontificum Romanorum & Avenionensium tollendum indictum fuit A. 1419. Præsedid Cardinalis Piſtavienſis, utriusque Collegii Decanus. Absolutum fuit Sessionibus XXII. Duravit a 29. Mart. ad 14. Aug. anni ejusdem. Sessione XIX. a Cardinalibus viginti quatuor electus Alexander V. aucto Schismate, non sublato.

Alexander V. <i>Cretensis, olim Phila- retus, ex Ord. Minor. Episcopus Vicentinus.</i>	CCVI.	MCCCCIX. XVI. Kal. Junii.	Menses X. Dies VIII.	MCCCCX. V. Non. Maji.
Joannes XXIII. <i>Neapolitanus, antea Balthasar Cossa.</i>	CCVII.	MCCCCX. XV. Kal. Junii.	Annos V. Dies XIII.	MCCCCXV. XI. Kal. Junii Papatu dejectus Sess. XII. Concil. Constantiensis.

Catal. Roman. Pontif. Tom. V.

c

Conci.

Nomen & Natio.	Ordo Successio- nis à S. Petro.	Altit Pontificatum.	Sed't in Cathe- dra Petri.	Oliit vel abiit à Pontificatu.
----------------	------------------------------------	------------------------	-------------------------------	-----------------------------------

Concilium Constantiæ habendum indixit hic Papa, protegente & procurante Sigismundo Rege. Cæpit illud A. 1414. 5. Nov. Sessiones habuit XLIV. Finitum A. 1418. Sessione XII. Joannes XXIII. depositus, Gregorius XII. sponte abdicavit Papatum Sess. XIV. Benedictus XII. Antipapa, olim Petrus de Luna, in Schismate obiit A. 1424. Clemens VIII. pariter Antipapa, olim Egidius Munio, A. 1429. XV. Kal. Sept. vero se Papæ subjecit.

Martinus V.

*Romanus, olim Otto
de Columna, Cardin.
Diac.*

CCVIII.	Anno Christi MCCCCXVII. IV. Non. Novembr.	Annos xvi.	Anno Christi MCCCCXXI. VII. Kal. Mart.
---------	----------------------------------------------------	------------	-------------------------------------------------

Dicitur vulgo MARTINUS V.; etsi reapse sit Tertius nomine Martini: nam, qui nomine III. & IV. Martini celebrantur, MARINI fuerunt, non MARTINI.

Eugenius IV.

*Venetus, antea Gabriel
Condulmerius, Card.
Presbyt. S. Clementis.*

CCIX.	MCCCCXXI.	Annos xvi.	MCCCCXLVII.
	V. Non. Maji.		VII. Kal. Mart.

Concilium Basileæ indixit; quod cæptum A. 1431., Sessiones habuit XLV. Translatum hoc Concilium Basileæ Ferrariam A. 1438., hinc Florentiam ab Eugenio P. M. A. 1439. Florentia demum ab eodem Papa Romam A. 1442. VI. Kal. Maji post Sessionem XXX. deductum. Felix V. Antipapa, olim Amedeus, Sabaudicæ Dux, Basileæ electus, abdicat Lauzanæ Papatum A. 1449.

Nicolaus V.

*Sarzanensis, antea
Thomas, Cardin.
S. Sufannæ.*

CCX.	MCCCCXLVII.	Annos VIII.	MCCCCCLV.
	Prid. Non. Mart.	Dies XIX.	IX. Kal. April.

Callistus III.

*Hispanus, olim Al-
phonfus Borgia.*

CCXI.	MCCCCLV.	Annos III.	MCCCCLVIII.
	VI. Idus Aprilis.	Menses III. Dies XIX.	VIII. Id. Aug.

ROMANORUM PONTIFICUM.

XI

<i>Nomen & Natio.</i>	<i>Ordo Successio- nis à S. Petro.</i>	<i>Adiit Pontificatum.</i>	<i>Sedit in Cathe- dra Petri.</i>	<i>Obiit vel abiit à Pontificatu.</i>
Pius II. <i>Senensis, antea Æneas Sylvius Piccolominius.</i>	CCXII.	Anno Christi MCCCCLVIII. xiv. Kal. Septembris.	Annos VI. minus v. dieb.	Anno Christi MCCCCLXIV. xix. Kal. Septemb.
Paulus II. <i>Venetus, olim Petrus Barbus.</i>	CCXIII.	MCCCCLXIV. iii. Kal. Septembr.	Annos VI. Menses x. Dies xvi.	MCCCCLXXI. viii. Kal. Aug.
Sixtus IV. <i>Savoniensis, quondam Franciscus Roboreus ex Ord. Minorum.</i>	CCXIV.	MCCCCLXXI. v. Idus Aug.	Annos XIII. Dies v.	MCCCCLXXXIV. Idibus Au- gusti.
Innocentius VIII. <i>Genuensis, antea Joan- nes Baptista Cibo.</i>	CCXV.	MCCCCLXXXIV. ante iv. Kal. Septemb.	Annos VII. Menses x. Dies xxvii.	MCCCXCII. viii. Kal. Aug.
Alexander VI. <i>Valentinus, olim Ro- dericus Lenzolius.</i>	CCXVI.	MCCCXCII. iii. Idus Aug.	Annos XI. Dies viii.	MDIII. xv. Kal. Septembr.

FINIS CATALOGI ROMAN. PONTIFIC.



SERI-

SERIES CHRONOLOGICA REGUM ROMANORUM, ET IMPERATORUM OCCIDENTIS.



Wenceslao, ob inertiam ceteraque vitia, prope Rensam ad Rhenum exauctorato, ab Archi-Episcopis VII viris, Joanne Moguntino, Friderico Colonienſi, & Wernero Trevirenſi ſuffectus eſt Rex Romanorum RUPERTUS, Palatinus Anno MCCCC. die XX. Auguſti, Electoribus ceteris ad novum deligendum Imperio Caput invitatis quidem, ſed non comparentibus.

Natus erat Rupertus Anno MCCCCLII. Patre Ruperto Tenace, Palatino, Matre Beatrice, Petri II. Regis Siciliae Filia. Alii Latina voce Clementem, alii Teutonice Chlemm, id eſt, rigidum, appellatum ſcribunt. (a) Utrumque illi agnomen jure tribuitur; quam enim erat naturae bonitate, & morum comitate Clemens, tam in premendis hoſtibus Reipublicae rigidus & ſeverus fuit.

Ejuſdem Anni MCCCC. diem Novembris XXV. designaverat, qua coronam apud Aquisgranenſes ex more ſuſciperet. Sed cum hi juramentum, quo ſuam Wenceslao fidem obſtrinxiſſent, praetendentes, ingreſſum negarent; Anno MCCCCI. Coloniae, ipſa Epiphaniae die, a Friderico Archi-Epiſcopo Colonienſi corona Regia inſignitus fuit: Aquisgranenſibus interim rebellium poena ex lege proſcriptis, graviterque mulctatis.

Anno MCCCCII. Bonifacio IX. Imperii coronam offerente, in Italiam, modico, acciſis jam Imperii rebus, cum exercitu perrexit: verum a Galeano Mediolanenſium Duce majoribus viribus obſiſtente reſpreſſus, accepta clade, ſine corona, ſine gloria, rediit in Germaniam, huic exornandae, atque in pace conſervandae, reliquam aetatem impenſurus.

Invaleſcebat inter haec diuturnum Schisma Eccleſiae, Benedicto XIII. & Gregorio XII. qui Bonifacio ſucceſſerat, pro tuenda Pontificia dignitate, magna invicem contentione decertantibus. Graviffimo morbo ut remedium quaereretur, Anno MCCCCIX. Cardinales, neutro, qui ſe pro Pontifice gerebant, probante, Piſis Concilium, ac paulo poſt Rupertus Rex, Francofurti Comitibus Principum indixere. Ad hunc Principum conventum duo ſe Cardinales adjunxerant, alter ut Gregorii XII. alter ut Cardinalium Piſis congregatorum partes ageret. Diu utrumque diſceptata res fuit. Major Archi-Epiſcoporum, Praelatorumque ceterorum,

(a) Vide Struvium Corp. Hiſt. Germ. Period. IX. pag. 662.

rum, ac Principum pars favebant Cardinalibus: Rupertus autem Rex, cum Archi-Episcopo Trevirensi Wernero, Ducibusque Bavariæ, Gregorio adhærebant. Missi a Rege Pisas Legati, qui pro Gregorio, ne exauctoraretur, perorarent: sed hi, cum non audirentur, facta a Concilio ad Papam Gregorium, provocatione, nemine salutato receperunt. Nihil his moti Conciliabuli Pisani Patres, utroque Pontifice, Gregorio & Benedicto deposito, Petrum de Candia, sub Alexandri V. nomine, Papam dixere, sicque unguem ulceri immitcentes, tertio Pontifice duobus addito, auxerunt Schisma, non sustulerunt.

His peractis non diu superfuit Rupertus. Repentino correptus malo, Oppenheimii decessit Anno MCCCCX. die Maji XVIII. Ægrotans septem arbitris familiæ herciscundæ commisit negotium. Facta divisio eodem anno die Veneris post festum Sancti Michaelis. (b) Heidelbergæ, ubi Academiam erexit (c), in æde S. Spiritus, quam ditavit, Regio apparatu sepultus, hoc meruit Epitaphio honorari: RUPERTUS, DUX BAVARIÆ, COMES RHENI PALATINUS, JUSTUS, PACIS ET RELIGIONIS AMATOR, DIGNUS DEO VISUS, QUI PRO JUSTITIA PATERETUR, HUIUS SACRÆ ÆDIS ET COLLEGI INSTITUTOR, HIC CUM CASTISSIMA CONJUGE ELISABETHA, NORICI MONTIS BURGGRAVIA, QUIESCIT, VITA FUNCTUS ANNO CHRISTI M. CCCC. X. KALEND. JUNII XV.

Ruperto demortuo, Francofurtensibus in Comitibus, quæ pro novi Cæsaris electione in diem Sancti Ægidii a Præsule Moguntino indicta fuerant, ad funestum Schisma Ecclesiæ novum accessit Schisma Imperii. Dissidentibus enim Septemvirosum suffragiis, ab aliis SIGISMUNDUS Wenceslai frater, ab aliis JODOCUS, Moraviæ Marchio, Rex Romanorum dicebatur. Quo factum, ut uno eodemque tempore, & tres in Ecclesia Summi Pontificatus titulo uterentur, Benedictus nimirum XIII. Gregorius XII. & Joannes XXIII., qui Alexandro V. paulo ante (d) successerat: ac tres pariter in Imperio colerentur Reges Romanorum: Wenceslaus Rex Bohemiæ: Sigismundus ejusdem Frater, Rex Ungariæ, & horum Patruelis Jodocus. (e) Non diuturnum tamen Imperii istud Schisma fuit. Damna, quæ inde in Germaniam redundatura merito timebantur, Jodoci mors prævertit, qui Brunnæ, Moraviæ Metropoli, cum præter inanem Regni titulum nihil illustre gessisset ad gloriam, post paucos Imperii menses, anno ætatis suæ LX. (f) decessit, (g) sub Regiis Insignibus, quæ vivens nondum acceperat, sepultus.

Vulgata Jodoci morte, concordibus Procerum omnium votis Imperium oblatum est SIGISMUNDO. Alter is Filius erat Caroli IV. ex Elisabetha Stettinensi, Ludovici Regis Hungariæ consobrina, & Poloniæ Regis Casimiri nepte. Balbinus (h) anno MCCCCLXVIII. natum scribit, diem non memorat. Alii natales ejus ad annum præcedentem referunt.

Anno MCCCCLXXIII. Marchia Brandeburgica a Carolo Patre donatus fuit.

Pri.

(b) Vide Struv. l. cit. pag. 677.

(d) XVI. Kal. Jun. eod. anno 1410.

(f) Schaten: nonagenarium scribit.

(g) Struvius defunctum dicit Octava Januarii A. 1411. Schaten 20. Mart.

(h) Balbin. l. III. C. XXI.

(c) Briet. Anal. Mundi Sec. XV.

(e) Aventin. l. VII. C. XXIII.

Primam uxorem duxit Mariam, Ludovici Hungariæ Regis filiam, & hæredem, jam a pueritia sibi desponsatam: Hungariæ Rex ab Archi Episcopo Strigoniensi coronatus Anno MCCCCLXXXVI.

Quam felix hoc primo connubio, tam infelix altero fuit ob vitia novæ conjugis, quam, Maria Hungariæ Regina anno MCCCCXII. defuncta, decennio ab hujus obitu elapso, duxerat. Erat hæc Barbara, Hermannii Comitis Ciliæ filia. Ex qua Elisabetham filiam & hæredem genuit, Alberto Auftriaco, dein Regi & Imperatori, nuptam.

Anno MCCCCX. post Ruperti mortem a duobus Septemviris Wernero Trevirensi, & Ludovico Comite Palatino Rheni, ac dein anno sequente, Jodoco Marchione æmulo e vivis sublato, Electorum omnium assensu dictus, salutatusque fuit Rex Romanorum. Postremis pro altera electione Comitii Sigismundus ipse interfuit. Cum ob Regiam dignitatem omnium primus rogaretur a cæteris, quem Imperatorem nominaret; Ipse sibi suffragium dedit, dicens: *Me ego novi, non perinde alios, cum nesciam, an quisquam alius æque idoneus sit, capeßendi orbis Imperii.* Delectati isto candore Proceres, ejusdem suffragio suis etiam calculis adstipulati sunt. (2) Princeps re ipsa fuit ob insignem prudentiam, animi magnitudinem, liberalitatem, aliasque dotes, quas proceritas corporis ad augendam Majestatem ornabat, amplissima fortuna dignus. Præter idioma Teutonicum, linguas Latinam, Italicam, Gallicam, Bohemicam, Slavicam ita callebat, ut singulis congrue, facundeque loqueretur. Scientiarum studia ut ipse amavit semper, sic in aliis etiam fovit, munificentissimus eruditorum Fautor & Meccenas. Quam dissimilis Wenceslao fratri, tam ad CAROLI IV. Patris indolem, ex virtutum præstantissimarum lineamentis factus, pacisque non minus, quam belli artibus clarus. Scientiæ tamen militari par felicitas adjuncta non fuit, sæpe enim in Hungaria cum Turcis, sæpe in Bohemia cum Hussitis minus feliciter decertavit. Præcipue in eo enituit ardentissimum studium tuendæ religionis, pacisque & concordiæ in Ecclesiam reducendæ: creditus propterea, Divino munere Imperator obigisse, ut atrocissimo Schismate sublato, turbatum Ecclesiæ statum restauraret.

Hæc prima illi mox ab adito Imperio & antiquissima cura fuit, ac dici vix potest, quantos in se labores suscepit, ut istud negotium & urgeret acriter, & feliciter conficeret.

Cum nullum aptius Schismati dirimendo, fideique adversus invalescentes in Bohemia Wicleffi & Hussi errores defendendæ videretur remedium, quam Concilium Generale; ipse post longum ea de re literarum commercium, Anno MCCCCXIII. in Italiam profectus, Joanni XXIII. cui se se addixerat, persuasit, ut Concilium in annum sequentem indiceret, designato ad illud celebrandum loco, Constantia, urbe Imperatoria.

Eodem anno, XX. Octobris edito Diplomate, tanquam Summus Ecclesiæ universalis Advocatus, tutelam Concilio & securitatem pollicetur.

Anno MCCCCXIV. ut majore cum auctoritate & splendore Constantiensi Concilio interesset, inferiorem ad Rhenum descendit pro Augustali corona Aquis-

grani

(1) *Schæten Annal. Paderb. Part. II. ad annum 1411. & Briet. in Annal. Mundi.*

grani accipienda. Deduxere Regem septem Episcopi, Principes octo, decem ac centum Comites, sexcenti amplius Equestris viri, sex insuper millia electorum Militum. (k)

IV. Novembris Aquisgranum ingressus fuit: quadriduo post Imperiale illi Diadema imposuit Theodoricus a Mœrsa Coloniensis Archi-Episcopus. Inde Constantiam properavit, ubi Dominica, Festum S. Martini præcedente, Joannes XXIII. Concilio initium fecit.

XXIV. Decembris ejusdem anni in ipso pervigilio Nativitatis Christi Constantiam delatus, nocte insequente, Joanne Papa solemnibus ceremoniis Divinum Sacrificium ad aram peragente, Imperator assumpto Diaconi habitu, Evangelium, cujus hoc est exordium: *Exiit edictum a Cesare Augusto*, decantavit.

Anno MCCCCXV. Joanne Papa ex Concilii sententia deposito, Gregorio insuper ob amorem pacis sua sponte Pontificatus insignia ponente, solus expugnandus supererat Benedictus XIII., qui favore Alphonsi Regis Aragonum, & quorundam Hispaniæ Procerum fretus, in retinenda dignitate pertinax, Concilii, totiusque Ecclesiæ precibus ac votis oblectabatur; hanc proin in se suscepit Provinciam Sigismundus, ut si frangere hominis contumaciam non posset, Reges saltem, Principesque ac populos ab ejus obedientia abduceret. Quod instituto, Concilii Patribus bene precantibus, in Galliam, Angliam, & ad Hispaniæ confinia itinere, sua prudentia & auctoritate tam feliciter perfecit, ut Aragoniæ, Castellæ, Portugalliæ, Scotiæ, ac Neapoleos, Siciliæque Reges, alique Principes missis Constantiam Legatis, incredibili totius Ecclesiæ gaudio, sese Concilio adjungerent.

Anno MCCCCXVII. XXVII. Januarii Imperator Constantiam reversus, magnifico cum apparatu excipitur. Benedictus XIII. qui ad mortem usque sua in contumacia persistit, consentientibus Sigismundo, Castiliæ, Navarræ & Aragoniæ Regibus exautoratur. Demum

XI. Novembris ejusdem anni, Schismate jam penitus extincto, Otto de Columna, sub nomine Martini V. novus Ecclesiæ Pastor datus est. Finita Electione, scribit *Platina*, effusum nimio gaudio Sigismundum Regem, nullo habito suæ dignitatis discrimine, conclave ingressum, gratias omnibus egisse, qui tantum virum, ac tam Reipublicæ Christianæ necessarium, delegissent; & ante eum prostratum, cum summa veneratione ejus pedes exosculatum esse. Quem contra Pontifex amplexus, non secus ac fratrem in pretio habuerit, eique gratias egerit, quod sua opera & industria pax tandem Ecclesiæ reddita esset.

XXI. ejusdem Mensis Martinus Episcopus consecratus, magnæque celebritate coronatus, ac dein insigni pompa, præcedentibus, qui in Concilio aderant S. R. E. Cardinalibus, Patriarchis, Archi-Episcopis, Episcopis, Abbatibus, cæterisque Prælatibus, ac Romanæ Curiae Officialibus, Sigismundo Rege ex una, Friderico Marchione Brandeburgico ex altera parte frænum equi, quo Pontifex vehebatur, regentibus, per urbem deductus fuit.

Anno MCCCCXVIII. die Aprilis XXII. Sessione XLV. Concilium Constantiense finitum est. Tribus illud annis ac fere sex mensibus tenuit, de quo, ut Brietius scribit (D), Sigismundus gloriam etiam in terris retulit immortalem, Hercule felicior, excisa Schismatis plusquam tricennalis hydra, cui nova capita in dies adnascebantur.

Anno MCCCCXIX. mortuo fratre Wenceslao, Sigismundus Bohemiæ Regnum adiit. Sed Hussitarum furore, alium ab illo Regem, suæ faventem sectæ, optantium, a pacifica ejusdem possessione diu impeditus fuit. Hi nempe fructus sunt hæresum, post rapinas, cædes, incendia, usque ad perduellionem & Majestatis contemptum insanire.

Anno MCCCCXX. Sigismundus in Bohemiam movit: Pragam obsedit. Coronam Regni Bohemici accepit a Conrado Archi-Episcopo, qui Catholicam adhuc eo tempore tuebatur fidem, sed non diu post ad Hussiticas Calixtinorum partes accessit, fidei proditor & apostata. Pragensis urbis obsidio sextam in septimanam a Sigismundo protrahæta, successu caruit. Revocato dein ex Bohemia Catholico-rum exercitu, Zisca, Dux Hussitarum, Regnum sui juris fecit, horrendum in modum adversus Catholicos, personas præsertim DEO sacratas, deserviens. Quare Martinus V. Papa eodem hoc anno adversus illum sacrum bellum indixit, & sub signo crucis Catholicos ad militiam invitavit.

Anno MCCCCXXI. Extremo Autumno ingens Cruce signatorum exercitus sub auspiciis Sigismundi in Bohemiam processit. Magna rei bene gerendæ concepta spes; sed eventus fefellit. Nam ineunte

Anno MCCCCXXII. dum ad Salzam oppidum confedere agmina, & de Hussitarum, qui subitarium ex agris exercitum conflaverant, adventu audiverunt; tantus repente Catholico militi injectus est terror, ut viso nequidum hoste, omnibus relictis impedimentis, turmatim turpissimam se conjicerent in fugam. Fugientium terga cædentes Hussitæ, magnam stragem edidere. Hæc ad VII. Januarii acta produntur.

Sigismundus ad eam cladem refarciendam Ordines Imperii Norimbergam evocat. Interfuit conventui Julianus Cardinalis, a Pontifice in Germaniam missus. Decreta ad VII. Kal. Junii altera in Bohemos expeditio. Imperator, quo se potentissimi Ducis Austriæ præsidio firmaret, Elisabetham, quam unicam habebat filiam, Alberto Austriaco conjugem dedit. Præter Hungariæ & Bohemiæ Regnorum hæreditatem, Moravia dotis loco adjecta.

Adultæ ætate secunda in Bohemos suscepta est expeditio. XL. Millium peditem coactus exercitus: Equitum paulo minor. Prospero aliquamdiu successu peracta res: Oppida hinc inde capta, spoliati incolæ, hostes profigati. Sed paulo post pavore rursus percussi milites Catholici plenis agminibus se se dederunt in fugam, licet nullus observaretur ante oculos, quem timerent: regnumque Hussitarum direptioni & crudelitati reliquerunt. Tot cladibus attritus Sigismundus, novam cum Zisca aleam tentare non voluit: imo ad extrema delapsus consilia, suas illum in partes traducere studuit, eumque in finem

Anno

(D) *Annal. Mundi ad annum 1418.*

Anno MCCCCXXIV. eidem, incassum tamen, totius Regni Gubernationem obtulit, non sine ingenti suo & Germanici nominis dedecore. Tantum sui timorem Zisca, quamvis utroque oculo cæcus, apud omnes concitaverat. Post quadriennium tamen & vivere & timeri desit, peste, per castra Bohemorum grassante, extinctus.

Anno MCCCCXXVII. itemque MCCCCXXXI. Germanorum arma rursus in Bohemiam versa, sed successu nihilo meliore, quam annis prioribus: nec aliud ex utraque expeditione, quam idem fugæ dedecus, reportatum fuit.

Eodem anno MCCCCXXXI. inchoatum Basileense Concilium: Wilhelmus Bavariz Dux ejusdem Protector a Sigismundo constitutus. Invitati ad illud Bohemi, ut cum armis expugnari non possent; mitiore via & cum Ecclesia, & cum Rege reconciliarentur.

MCCCCXXXIII. die IV. Januarii Bohemorum Oratores Basileam advenere, cum ccc. Equitibus urbem ingressi. IX. die ejusdem Mensis accessere ad Synodum. XIV. Aprilis Legati a Synodo vicissim Pragam ad Bohemos missi.

Eodem anno Sigismundus summo honore Romæ exceptus, ipso die Pentecostes ab Eugenio IV. Papa Augustalibus Imperii Insignibus condecoratus, Imperatorque & Augustus solenni ritu salutatus fuit. Inde Basileam properavit, ut dissidia componeret, quæ inter Pontificem & Concilii Patres exarserant. Sopita ad tempus discordia, Basilea Ulmam, inde Ratisbonam Imperator discessit.

Interea Bohemi nullis antea Catholicorum armis victi, mutuis se ipsos bellis obrivere, Hussitarum Thaboritarum, & Orphanorum fere XL. Millibus a Calixtinis Hussitis Duce Mainardo cæsis. Tanta suorum strage patrata, mitiores effecti, pronioresque ad pacem, & cum Ecclesia Basileæ, inita concordia, & cum Cæsare Ratisbonæ circa annum MCCCCXXXV. reconciliati sunt.

MCCCCXXXVI. Sigismundus VI. Kal. Septembris Pragam invisit, ibique honorificentissime Rex salutatus, Nobilium, civitatumque juramenta excepit, tota plaudente Germania, quod inclytum illud Regnum, post tot cruenta prælia, fatalesque clades, tandem ad concordiam, pristinumque fidei cultum fuerit revocatum.

MCCCCXXXVII. Tot rebus peractis, tanquam suo jam munere perfunctus, Sigismundus Imperator Znoymæ in Moravia, postquam Albertum generum Hungariæ & Bohemiæ Regem dixerat, vivere desit V. Idus Decembris. Imperii anno XXVII. Ætatis LXX.

ALBERTUS hoc nomine inter Cæsares II., uti in Hungariæ, Bohemiæque Regnis, ita in Imperii etiam administratione Socero Sigismundo successit, XIII. Kal. Aprilis omnium Septemvirorum consensu Rex Romanorum electus, Princeps Sapientia, Religione, fortitudine bellica, potentia insuper, & omni virtutum laude Germanos inter Procere clarissimus. Ter uno eodemque anno MCCCCXXXVIII. coronatus. Ipsi Kal. Januarii primam illi Coronam imposuit Hungaria: alteram Bohemia III. Kal. Junii. Tertiam Germania Aquisgrani: quo mense hanc, & quo die acceperit, incertum.

Filius erat Alberti IV. Ducis Austriæ, ex Joanna Alberti Bavariz & Hollandiæ Ducis filia anno 1399. progenitus. Anno ætatis 20. Elisabetham, Sigismundi Imp. filiam unicam & hæredem duxit.

Hoc ipso anno MCCCCXXXVIII. Bohemiam cum exercitu XXX. millium ingressus, Tasconem, hæreticæ factionis, nondum penitus sopitæ, caput, cæterosque rebelles Bohemos contrivit, & Casimirum, æmulum Regni, e Bohemia ejecit.

In Germaniam reversus, Norimbergæ Principum Comititia indixit : in his Germaniam, excepta tamen Bohemia, Austriaque, in quatuor circulos divisit: quorum primus Bavariam cum Franconia, secundus Rhenenies terras cum Alemannia, tertius Westphaliam cum Belgio, quartus Saxoniam complecteretur. Non diu post tamen nova divisio facta in sex circulos. (m)

Anno MCCCCXXXIX. Nova Moguntia Comititia celebravit. Frequentissimus is conventus fuit, nam præter Cardinales ab Eugenio, Præsulesque a Basileensibus Concilii nomine missos, confluxere ex tota pene Europa Episcopi, Principumque Legati. Summa fere rei deliberandæ fuit concordia Ecclesiæ. *Vide de hoc Conventu narrationem Augustini Patritii in bujus Tomi Supplemento pag. 851.*

Solutis Comititiis, cum exercitu in Hungariam festinavit Albertus, ut Amurathi, Turcarum Imperatori, Belgrado imminenti, se se opponeret. Sed is seu fama de adventu Regis, seu, quod præsentis expeditione fatigatus jam esset, ante recesserat, quam Albertus adveniret. Dum reditum parat, in ventris profluvium ex incauto peponum esu incidit: eoque ex morbo in Villa longa, non procul Strigonio decessit, VI. Kalend. Novembris anno Christi MCCCCXXXIX. Ætatis XXX. Imperii II. non integre completo. Elisabetham uxorem gravidam reliquit, quæ dein Ladislaum Posthumum peperit. Non facile Cæsar, *inquit Schaten*, aut majore spe (n) ad Imperium venerit, aut majore luctu in flore ætatis amissus fuerit.

Sub initium anni sequentis MCCCCXL. ipsa solenni die Purificationis Bmæ M. V. ad Summum Imperii fastigium consensu Procerum evectus est FRIDERICUS, hoc nomine IV. Austria, Stiria, Carinthia, Carniola Dux, Comes Tirolis, Ernesti Ferrei, ex linea Stiria, filius, Matre Cimbura, Massovia Ducis filia natus, Leopoldi III. Probi, nepos, Alberti II. Cæsaris Patruelis. Editus in lucem fuit Oeniponti anno MCCCCXV. die Septembris XXIII., adeoque annum ætatis XXVI. nondum compleverat, cum Rex Romanorum appellaretur: Princeps pietate & religione egregius: vigesimo jamtum ætatis anno, aliis incassum obnitentibus, suscepto per mare in Palæstinam itinere, sacra loca inviserat: judicio supra ætatem maturus, pacis juxta ac Cleri amans, æquus, benignus, vini cibique continentissimus, procerum ac pulchro corporis habitu, omnibus virtutum ornamentis ad Imperium natus. (o)

Jacobus Archi-Episcopus Trevirensis ab Electorum Collegio delectus fuit, qui Procerum nomine summum illi honorem deferret, & ad Regnum solenni ritu capessendum secum adduceret. Dignitatem admisit Fridericus, inaugurationis autem celebritas tertium in annum prolata est.

Præter electionis negotium Francofurtensibus in Comititiis etiam de Ecclesiæ ad concordiam reducendæ causâ Episcopi, Principesque tractavere. Nihil sedius in Concilio Basileensi, ab ibidem congregatis actum, quam, quod anno præcedente

(m) *Struv. Corp. Hist. Germ. Period. X. pag. 717.*

(n) *Schaten Annal. Paderborn. L. XVI. ad annum 1439.*

(o) *Schaten L. cit. ad annum 1440.*

dente Eugenium Pontificem, de cujus legitima electione nullum Orbi Christiano dubium fuerat, sua de Sede deicere tentaverint, ejusque in locum Amadeum, Sabaudia Ducem, antea Anachoretam, obtrudere, dato illi nomine Felicis V. Unde novum illud perniciosissimumque enatum est Schisma, quo alii Eugenio, alii Felici, recens a Basileensibus inducitur, alii medias amplexi partes, neutri parebant.

Tertiam hanc neutri parti adhaerentium classem, & anno priore, & his rursus in Comitibus adoptarunt Germania Episcopi complures, & Principes, sedoque exemplo nec verum Pontificem agnoverunt, nec Pseudo-Papam averfati sunt: dicti propterea Acephali. Novum istud Schismatis genus a Theodorico, Colonienfi Archi-Episcopo, qui pertinaci & infenso in Eugenium animo fuit, in Germaniam invehitum scribitur. (p)

Anno MCCCCXLI. coacta Moguntia, quae anno praecedente indicta fuere, Comitibus. Oratores Eugenii Papae, & Basileensium, pro sua quique parte, multis perorarunt. Sed Principes, prioribus inhaerentes, professi sunt, neutras se partes esse secuturos, eo usque, dum aliud in Concilio Generali, extra Florentinum, & Basileense statueretur. Nec plus aliquid ad Ecclesiae pacem allatum est tum in Comitibus anni sequentis, quae Francofurti, tum in iis, quae dein Norimbergae fuere celebrata. Magna quidem ubique pompa peracta res, sed fructu nullo.

Anno MCCCCXLII. Fridericus Rex in circumfusa corona Principum, Aquisgrani, Diademate, Sceptro, Purpuraque Regia exornatus est a Theodorico, Colonienfi Archi-Episcopo, tertia jam vice post Sigismundum, & Albertum, hoc Regalis Unionis munere perfuncto. Aderat reliquos inter Praefules Ludovicus, S. Caeciliae Cardinalis, missus a Concilio Basileensi Legatus: Hunc Episcopus Leonienfis (cujus Ecclesiasticae Potestati Aquisgranum subest) cum ob Schisma Concilii, in ista celebritate praesentem ferre non vellet, ex urbe ejecit. Sed turbas composuit, ejectumque reduxit Theodoricus Colonienfis, qui uti hostem Eugenii, ita perpetuum Basileensium Patronum egit: malo tamen suo; nam non diu post, (q) in poenam rebellionis contra Sanctam Sedem, totam Clivenfis Ducis Provinciam, Ecclesiasticae Jurisdictioni Metropolitanam Colonienfis ab Eugenio subtraham vidit: Atque ipse demum Theodoricus, ob eandem hanc Schismatis, tam diu in Germania defensi causam, una cum Jacobo Sirekio, Archi-Episcopo Trevirensi, quem suas in partes traxit, ejusdem Eugenii Papae sententia, ab Ecclesiae coetu ejectus, & Archi-Episcopali dignitate (r) exutus fuit. Multum utroque eo fulmine commoti, exasperatique fuere VII viri; sed simul etiam, visa Eugenii feveritate, & inconcussa constantia, vehementer perterriti, factique prouiores ad pacem, quae

Anno MCCCCXLVI. Friderici Imperatoris opera, & Aeneae Sylvii industria tandem etiam maximo totius Ecclesiae, Germaniae praesertim, tam diu jam in ancipiti fluctuantis, bono restaurata est, dum post repetitas Legationes, ultro citroque missas, Eugenius Papa ad Friderici Imperatoris preces Archi-Episcopos Coloniensem, Trevirensesque, anathemate solutos, recepit in gratiam, pristinasque restituit in Sedes, (s) alia insuper, ad Germanicae Nationis levamen petita, clementer indulsit. (t) Germani vicissim Praefules, Principesque abjurato Basileensi Schismate, relictaeque Acephalorum factione, Eugenium IV. Summum Pontificem, verumque Christi in terris Vicarium professi, suam illi reverentiam, fidelitatemque addixere. Haec Germanorum ad Romanam Sedem accessio, sub anni Quadragesimi sexti finem

E 2

praei.

(p) Vide Schaten Annal. Paderborn. Parte II. L. XVII. ad hos annos.

(q) Anno 1445. vide infra hoc Tomo pag. 286. literas exemptionis ad Ducem Clivensem datas. Alias item literas ad Episcopum Trajectensem pag. 283.

(r) Anno 1445. vide literas excommunicationis hoc Tomo pag. 286.

(s) Vide infra hoc Tomo pag. 394.

(t) Vide de his literas Eugenii Papae hoc Tomo pag. 301. 302.

præcipue agitata, & sub anni sequentis initium completa fuit. Tantam ea res lætitiâ Romæ excitavit, ut compulsionem campanarum, festivis ignibus, solennique Sacrificio, cui Cardinales omnes intererant, & decreta supplicatione publica, totius Ecclesiæ nomine, pacis auctori DEO gratiæ fuerint perfolutæ.

Anno MCCCCXLVIII. post confectam cum Germanis pacem, Eugenius Pontifex sine exceptione Maximus, (u) Romæ ad Immortalitatem abiit VII. Kal. Martii. Successorem habuit Nicolaum V. qui ex humili, quo natus erat, loco, ob doctrinæ, Theologicæ præsertim, ac insignis Sapientiæ præstantiam, ad Mitram Episcopalem, dein ad Purpuram, postremo, Cardinalium omnium consensione, ad Summi Pontificatus honorem provectus fuit. Rata habuit, probavitque ea, quæ inter Eugenium IV, Cæsaremque, ac Principes Germaniæ pacta erant. Fridericus vicissim edito Diplomate, omnes Imperii Ordines iussit, Nicolaum V. Pontificem, verum Christi in terris Vicarium revereri.

Anno MCCCCXLIX. Lausannæ, quo Basileenses se cum Felice Antipapa receperant, Synodus dissoluta est. Felix, cum Nicolao V. reconciliatus, Papæ nomen posuit: retento honore Cardinalis. Felicior multo, & gloriosior relicta dignitate, quam assumpta. (x)

Anno MCCCCLII. Idibus Martii, Fridericus a Nicolao V. Longobardorum Rex coronatus, simulque cum Leonora, Eduardi Regis Lusitanæ Filia, jam ante per Oratores ipsi desponsata, inter Missarum Solennia a Pontifice Matrimonio devinctus est: postmodum cum eadem Imperiali corona decoratus.

Anno MCCCCLIII. maximo Christiani orbis luctu Constantinopolis a Turcis expugnata, & Orientale Græcorum Imperium ad Barbaros translata est ipsis diebus Pentecostalibus: Manifesta numinis poena, quod Græci initam in Concilio Florentino cum Romana Ecclesia concordiam perfide ruperint, & ad Schisma relapsi, Spiritum Sanctum a Patre & Filio procedere denuo negaverint.

Anno MCCCCXLVIII. Norimbergæ Fridericus pacem publicam instaurat: paulo post iterum Principum inter se discordiis violatam.

Anno MCCCCLXXV. Carolo Audaci, Burgundiæ Duci, Novesium obsidenti restitit, & a Monasteriensi Episcopo casum, ad solvendam obsidionem coegit.

Anno MCCCCXXXVI. Fridericus Maximilianum filium Francofordiensibus in Comitibus Romanorum Regem electum, IX. Aprilis apparatu splendidissimo Aquisgrani coronatum vidit.

Anno MCCCCXCIII. Fridericus IV. Imperator, Lintzii in Austria defunctus, ad Patres abiit. De ipsa mortis die diversæ sunt Auctorum sententiæ. Vero propinquius sentire videntur, qui XIV. Kal. Septembris e vita sublatus scribunt. Qua ex computatione regnavit a prima electione, Francofurti facta, annos LIII. Menses V. rara temporum diuturnitate, & felicitate; quæ post Octavium Augustum nulli exinde Cæsarum obtigit. Annum ætatis expleverat LXXVIII.

Corpus Linzio Viennam deportatum, & Mausolæo, quod sibi paraverat, illatum. (y)

(u) *Briet. in Annal. Mundi ad b. ann.*

(x) *Vide hoc Tomo pag. 917. Bullam, qua Papatui venuntiat. Et pag. 919. Literas Lantzenensium, quibus Nicolaum V. Papam se revereri protestentur.*

(y) *Schæten Annal. Paderb. P. II. L. XLIII.*





CONCILIA GERMANIÆ.

SÆCULUM XV.

CONCILIUM PRAGENSE INDICTUM
Anno Christi MCCCCV. Innocentii VII. Papæ I.
Ruperti Reg. Roman. VI.

*EPISTOLA INNOCENTII PP. VII. ad SBINKONEM
Archi-Episcopum Pragensẽ, de cogenda Synodo contra
(a) Schismaticos.*

VENERABILI FRATRI SBINKONI, ARCHI-EPISCOPO
PRAGENSI.



Ttendentes tuæ Fraternalitatis diligentiam, quam ad statum & honorem nostrum, & Romanæ Ecclesiæ, experimento multiplici, & fide dignorum testimoniis te semper habere cognovimus, ut illa possis erga statum & honorem nostrum,

& præfatæ Ecclesiæ, & ad reductionem oberrantium, & se subtrahentium quomodolibet ab obedientia & devotione nostris, & Ecclesiæ præfatæ, & ad Nostrum, & ejusdem Ecclesiæ gremium reintegrationem, & pro statu Ecclesiæ tuæ Fraternalitati expedire videbitur, ad proximam Provincialem Synodum per eandem

(a) Cum in Bohemia multi ab Innocentio VII. Pontifice ad *Petrum de Luna* defecissent; ad Sbinkonem Pragensẽ Archi-Episcopum dedit Litteras INNOCENTIUS, quibus jussit, ut Provinciale Concilium adversus Schismaticos cogeret, *quas Litteras* Romæ apud S. Petrum VIII. Kalend. Julii datas edidit *Raynaldus in Annalibus.*

dem Fratritatem tuam celebrandam ad te convocandi Venerabiles Fratres nostros, Episcopos Suffraganeos tuos, & dilectos Filios Abbates, Præpositos, Decanos, Archi-Diaconos, Archi-Presbyteros, & alios Prælatos, & personas Ecclesiasticas, sæculares & regulares, exemptos, & non exemptos, Capitula quoque quarumcumque Ecclesiarum, nec non Domorum hospitalis S. Joannis Jerosolymitani, B. MARIE Theutonicorum, Calatravensium, Prædicatorum, Minorum, Eremitarum S. Augustini, Carmelitarum, & Humiliatorum, S. Benedicti, Magistros, Priores, Præceptores, & quorumcumque aliorum Ordinum Fratres tuæ Provinciæ, & generaliter, & specialiter injungendi, & imponendi eis, & cuilibet ipsorum, quæ in favorem nostrum, & Romanæ Ecclesiæ, ac etiam contra asserentes damnatæ memoriæ

Robertum, olim Basilicæ duodecim Apostolorum Presbyterum Cardinalem, qui se Clementem VII. ausu temerario nominare præsumpsit, ac sequaces & fautores eorumdem, ac eisdem adherentes videris expedire: contradictores insuper ac rebelles, & inobedientes, auctoritate nostra, per censuram Ecclesiasticam, appellatione postposita, compescendo, non obstante, si eis vel eorum aliquibus conjunctim vel divisim indultum, quod interdicti, suspendi, vel excommunicari, aut extra, vel ultra certa loca convocari, aut trahi non possint: & INFRA, plenam & liberam hac vice dumtaxat tenore præsentium concedimus facultatem. Datum Romæ apud S. Petrum VIII. Kalend. Julii, Pontificatus nostri I.

Raynaldus *Annal. Eccles. Tom. XVII.*
ad ann. 1405.

HAMMABURGENSE CONCILIUM

PROVINCIALE,

HABITUM SUB ARCHIEPISCOPO BREMENSI JOANNE DE SLAMESTORP,
CUM EPISCOPIS PROVINCIALIBUS LUBECENSI, SWERINENSI,
ET RAZEBURGENSE.

Anno Christi MCCCCVI. Innocentii VII. Papæ II.
Ruperti Reg. Roman. VII.

ERror iste perniciosus, per hæc tempora inter fideles gliscebatur, quicunque veste Monastica Minoritarum Fratrum amictus ex hac vita decederet, illum certa salus æterna ut maneret. Quin nec diutius purgatorii cruciatibus torquendum illum asseriebant nonnulli: cum S. FRANCISCUS semel quorundam annis e coelo dilapsus id committeret, ut inde ereptus additus sibi cliens in Paradisum se remigrantem sequeretur. Id vero Minoribus Fratribus nonnullis exprobratum fuisse in Concilio Provinciali Hammaburgensi anno 1406, asserit Hermannus Cornerus in Chronico ad annum 1359. his verbis: "Temporibus meis, me præsentem in Provinciali Synodo, in urbe Hammaburgensi celebrata anno Domini MCCCCVI. per D. JOHANNEM DE

"SLAMESTORP Archiepiscopum Bre-
"mensensem, & Dominos JOHANNEM, &
"(a) DULMEN LUBICENSEM, RODULF-
"FUM natu Ducem de Meckelenburg
"SWERINENSEM, & DITHLEVUM PAR-
"KENTIN RATZEBURGENSEM, Comprovin-
"ciales Episcopos, præfatus Dominus Jo-
"HANNES, Episcopus Lubicensis, Do-
"ctor utriusque Juris Parisiensis, Vir
"multum solennis, & Pater Religioso-
"rum, hunc errorem in publico Con-
"sistorio, ipsis Fratribus Minoribus ibi-
"dem præsentibus objecit coram tota
"Provincia, tanquam per dictos Fratres
"publice prædicatum in urbe Lubi-
"censi."

Mansi *Supplem. Concilior. T. III. p. 771.*
ex Cornero edito ab Eckarto.

(a) forte: de

CON-

CONCILIUM HERBIPOLENSE

SUB JOANNE AB EGLOFFSTEIN EPISCOPO,

Anno Christi MCCCXVII. Gregorii XII. Papæ I.

Ruperti Reg. Roman. VIII.

JOHANNES, DEI, ET APOSTOLICÆ SEDIS, GRATIA EPISCOPUS
HERBIPOLENSIS; UNIVERSIS CAPITULIS, CONVENTIBUS, ATQUE CLERO
TAM REGULARI, QUAM SÆCULARI, PER NOSTRAS CIVITATEM ET
DIOECESIM HERBIPOLENSEM CONSTITUTIS, SALUTEM IN EQ,
QUI EST OMNIUM VERA SALUS.

Constitutiones, in hac nostra Heripolensi Synodo die data præsentium promulgatas, ab omnibus sciri, & irrefragabiliter secundum mentem observari præcipimus infra scriptas. Quapropter sub excommunicationis pœna statui-
mus & ordinamus: ut deinceps in singulis Capitulis Ruralibus nostræ Diœcesis præsidentes, dictis Capitulis per se, aut alium idoneum debite, ac cum integritate publicent. Ut autem simul statuta Prædecessorum nostrorum diligenter observentur, districtè præcipimus & decernimus, statuendo: quatenus ipsa, quæ volumus utentium moribus approbati, a quibuscumque Prælati, & Decanis Ruralibus recipiantur in scriptis in hac nostra Synodo constitutis: Decani vero Rurales singulis Ecclesiarum Rectoribus, & Vicariis earum, copiam faciant infra mensem, quam in libris Ecclesiarum redigi ordinent, in quibus statuta ipsa lecta, & sæpius repetita, singulorum memorie inculcentur.

Cap. I. *De Rescriptis,*

Cum nemo credendus sit delegatus, nisi commissionem & potestatem ipsammet ostendar, juxta Canonica instituta sub excommunicationis poena præcipiendo statuimus, & ordinamus: ut nullus deinceps per nostram civitatem & Diocesim, cujuscumque se Judicem delegatum sive subdelegatum asserentes litteras, processus, seu mandata, quomodolibet exequatur, seu recipiat, nisi prius sibi per verorum, non corruptorum, non cancellatorum, non suspectorum Rescriptorum originalium commissionis

suæ , ac potestatis eorundem ostensionem fides fiat oculata.

Cap. II. *De Consuetudine.*

Execrabilis & derestandus abusus nostrum graviter turbavit auditum, quem in nonnullis Ecclesiis, & Monasteriis nostræ civitatis & Diocesis comperimus usque hæc tempora proh dolor! perdu-
rasse; qualiter: Festa Sanctorum Johan-
nis Evangelistæ, Stephani Prothomar-
tyris, & Innocentium, cum cæteris die-
bus frequentibus, quæ non immerito
summa forent devotione celebranda,
quasi in ludibrium sint conversa; in ip-
sis namque Festis & diebus in ipsis Ec-
clesiis & Monasteriis Divinus cultus &
ordo in cantu, in pulsu, in habitu, dis-
ciplina & moribus, per ea, quæ tam ju-
ri, quam rationi sunt contraria, Reli-
gioni dissona, choro inconvenientia,
honestati personarum incongruentia,
turpiter immutatur. Consuetudinem ergo
ipsam, quam corruptelam potius &
abusum reputamus, hac sacra Synodali
constitutione reprobamus, vobis in vir-
tute sanctæ obedientiæ districtius inhi-
bentes, ut ab hujusmodi abusu de cætero
desistatis, ac cessetis, districtique diebus
Festis in cantu, in moribus, habitu,
disciplina, atque gestu, cum Ecclesia
nostra majori vos conformetis.

Cap. III. *De ætate ordinandorum.*

Cum, ut, aliquo non obstante Canone, valeat quis libere in XVIII. ad Subdiaconatus, & in XX. ad Diaconatus, & XXV. ætatis anno, ad Presbyteratus Ordines promoveri, statuatur Con-

cilium Viennense; districtius inhihemus: ne quis ad aliquem Ordinem prædictorum in ætate, quam (ut præmittitur) requirit Ordo, non constitutus, præsumat ascendere; alioquin præsumptorem ejusmodi ulque ad legitimam ætatem ab exercitio suspendimus Ordinis antedicti.

Cap. IV. *De Qualitate Ordinandorum.*

Quoniam nullus, nisi Episcopus, ac ipsius in Spiritualibus, Episcopo in remotis agente, Generalis Vicarius, vel, Sede vacante, Capitulum, seu is, ad quem tunc temporis administratio spiritualium noscitur pertinere, suo subdito, ut in Dicecesi aliena ad Clericorum Ordines ascendere valeat, licentiam poterit impertiri, nisi sibi, quod suos Clericos, ac subditos possit, a quo voluerit Episcopo, facere ordinari, a Sede Apostolica specialiter sit indultum; secundum Canonicas Sanctiones, hac in perpetuum valitura Constitutione sanximus; (*) & Examinatores Ordinandorum nullum quemcumque ordinandum Dicecesis alienæ Religiosum, aut Sæcularem recipiant & admittant sine Dicecesanorum Episcoporum litteris dimissoriis, aut alias sui Superioris supradicti, de cujus indulto Apostolico præfatis Examinatoribus fides fieri debet ante omnia oculata.

Præterea, nullus illegitime natus ad aliquem sacrum Ordinem, vel Beneficium curam habens animarum, sine dispensatione Sedis Apostolicæ admittatur in aliqua Ecclesia sæculari, & tales, qui hæcenus sunt admissi, si de eis constiterit, per Archi-Diaconos repellantur: alioquin scienter contrarium facientes, per unum mensem, ab ingressu Ecclesiæ noverint se suspensos.

Cap. V. *De Clericis peregrinis.*

Cum plerumque infames consueverunt loca sua relinquere nationis, statuiimus: ut Clerici peregrini & ignoti, per nostram Dicecesim de cætero ad officium, tamquam Vicarii, vel Socii, in Ecclesiis vel Capellis aliquatenus (b) admittantur, nisi nostras exhibeant litteras, quibus eis officandi in Ecclesiis nostræ Dicecesis licentiam concedimus; præcipimus itaque ex nunc omnes Cle-

ricos peregrinos & ignotos, nostras non habentes litteras super admissione sua, a Vicariis Ecclesiarum, seu Capellarum, & a societate domestica penitus removeri; qui autem in utroque, vel altero hujusmodi mandati nostri articulo transgressor exstiterit, ab ingressu Ecclesiæ, & Divinis, per Nos se noverit suspendendum, ac graviore poena, si ejus culpa exigerit, puniendum.

Cap. VI. *De Officio Archi-Diaconi.*

Quoniam nullus omnino Archidiaconus, Archi-Presbyter, sive Præpositus, vel Decanus, animarum curam, sine judicio vel consensu Episcopi Dicecesani, alicui tribuendi habent facultatem; immo, sicut a sanctis Patribus est statutum, animarum cura in solius Episcopi consistit potestate, nec obtentu alicujus consuetudinis, debent Institutiones, ut puta, quæ ad ipsorum non spectant officium; vendicare, neminique liceat, sine mandato vel sine licentia Episcopi, curam committere animarum; universis & singulis Archi-Diaconis nostræ Ecclesiæ, eorumque Officialis præsentibus & futuris districtius inhihemus, ne alicui sine nostra licentia curam committere præsumant antedictam, alioquin ipsorum quemlibet excommunicationis sententiæ, eo ipso, volumus subjacere.

Item, strictissime præcipimus, & mandamus omnibus & singulis Archi-Diaconis, Præpositis, & aliis Prælati per civitatem & Dicecesim nostras ubilibet constitutis, jurisdictionem Ecclesiasticam habentibus, ut Officiales ad jurisdictionem ipsam præficere studeant, qui sint viri bonæ famæ, in jure periti & experti, notitiam causarum habentes, si tales habere valeant; alioquin viros expertos & conscientiosos, ac Deum timentes, qui ad minus, de consilio jurisperitorum, sententias tam interlocutorias, quam diffinitivas ferant, & ordinate, absque illicita extorsione pecuniarum in singulis procedant, neque de causis ad Forum Ecclesiasticum de jure vel consuetudine non spectantibus se aliquatenus intromittant. Si autem Prælati idioras, exactionatores, notorios concubinariorum, infames, aut uxoratos, seu laicos, aut alios inhabiles ad hujusmodi

(*) forte: ut

(b) supple: non

modi Officialatus officium scienter præfecerint; tam ipsi Prælati præficientes, quamdiu huiusmodi Officiales in dictis officiis sustinuerint, quam Officiales iidem, ab omni exercitio jurisdictionis sint eo ipso suspensi: si autem tales, ut præmittitur, Officiales a principio forsitan ignoranter assumpserint, postquam eos sciverint esse tales, sub pœna prædicta dimittere teneantur: sententiæ vero per Officiales uxoratos seu laicos, in causis Ecclesiasticis latae, sint ipso jure nullae.

Insuper eisdem Archi-Diaconis districtissime inhibemus, ut officium Visitationis per se, vel per suos Officiales exercentes, Parochias, sive personas visitatas indebitis seu onerosis procuracionibus, sive exactionibus gravare aliquatenus non præsumant, nec numerum personarum a sacris Canonibus institutum excedant, neque sumptuosas, sive superfluas expensas quærant, sed cum gratiarum actione accipiant, quæ honeste & competenter illis fuerint ministrata, ac in cunctis agendis taliter procedant, ut non quæ sua sunt, sed quæ Jesu Christi, quærere videantur.

Cap. VII. De officio Vicarii.

Cum sit reprehensione dignum, ut quis oves proprias, alteri earum curam committendo, deferat, & alienas regere, præsertim causa avaritiæ, præsumat; idcirco districtè inhibemus: ne quis Parochialem Ecclesiam obtinens, alienam regere, tanquam mercenarius aliquatenus attemptet, nisi super hoc petita & obtenta nostra, aut Vicarii nostri in Spiritualibus licentia speciali: & nihilominus in litteris per Nos, aut ipsum nostrum Vicarium desuper concedendis, causa rationabilis & manifesta contineatur, quare suam Parochiam per se commode regere non valeat; contrarium facientes, a suis officiis decernimus suspendendos.

Cap. VIII. De Majoritate, & Obedientia.

Quia per inobedientiam prothoplastus DEI gratia fuit privatus, & a Paradiso dejectus, hoc quidam Heremitæ, seu alias in sylvis, seu locis solitariis habitantes, minime advertentes, Pleba-

nis suis, intra quarum Parochiarum limites commorantur, obedientiæ debitum subtrahunt, & ab eis negligunt recipere Ecclesiastica Sacramenta, non curantes, a quocunque Sacerdote Religioso, vel Sæculari huiusmodi Sacramenta recipere, ipsos forte nequeunte solvere vel ligare; unde volentes huic errori seu negligentiae salubriter obviare, statuendo decernimus: ut homines iidem, sic in incerto vagantes, & quos acephalos reputamus, ad subjectionem & obedientiam debitam Plebanis suis imposterum exhibendam, hujus auctoritate statuti, censura Ecclesiastica compellantur.

Præterea supersticiosam quarundam personarum invidiam compescere cupientes, qui more Cham dilectione Filiali rejecta, & paternali pietate conculcata, non solum in Capitulis & Conventibus, pro Tractatibus capitularibus congregati, Prælati suis, & Superioribus reverentiam debitam subtrahunt, verum etiam ad invicem nonnunquam in verba probrosa & contumeliosa prorumpunt, ex quibus negotia, propter quæ tractanda convenerunt, plerumque remanere indiscussa cernuntur in Ecclesiarum dispendium & gravamen; hoc nostro in perpetuum valituro edicto statuimus, & ordinamus: ut in singulis Capitulis, & Conventibus, servetur reverentia & morum gravitas, ita, quod nullus in alterum verbis, aut factis probrosis, aut contumeliosis prorumpat: Decanis nihilominus, & aliis, dictis Capitulis præfidentibus sub excommunicationis pœna districtè injungentes, ut his, qui contra edictum prohibitionis nostræ huiusmodi venerint, per unius mensis spatium, sine spe veniæ, fructus suarum subtrahantur Prebendarum, a quibus ipsos (c) prædicti temporis spatium suspensos manere volumus, & decernimus eo ipso.

Item in virtute sanctæ obedientiæ præcipimus universis & singulis Presbyteris, ac Clericis Ruralibus nostræ Diocesis, quatenus, quotiens ipsos per suos Decanos, & Camerarios, aut alios, ad quos hoc pertinuerit ab antiquo, ad Capitula sive convocationes per insinuationem & publicationem nostri, Successorumque nostrorum, ac etiam Archidia-

conorum convocari contigerit, totiens ipsi ad Capitula & convocationes hujusmodi studeant convenire, nisi ex rationabili causa se de absentia poterint excusare, in quo tamen alium idoneum Presbyterum loco sui ad Capitula & convocationes dirigant antedicta.

Cap. IX. *De Postulando.*

Advocati causarum, cum causam regendam susceperunt, libellum sive petitionem, positiones & articulos, exceptiones & defensiones ordinent, aut ordinata examinent, & in eis, antequam coram Judice producantur, se subscribant; alioquin pro libellis, petitionibus, positionibus, articulis, exceptionibus & defensionibus ipsis, ut præferatur, per Advocatum non subscriptis, parti victrici Judex causæ pro expensis nihil taxet.

Cap. X. *De Judiciis.*

Cum nonnunquam Judices Ecclesiasticos nostræ civitatis & Diocesis, per saltum procedere, tam ex officio, quam ad partium instantiam, perspeximus, quod ex eo provenire cognovimus, quod processus Judicum eorundem sigillo in executionis judicium sigillatos non reportant; universis igitur & singulis Judicibus superscriptis sub excommunicationis pena districte inhibemus, ne deinceps contra personas quascunque ulteriores processus faciant aut dirigant, nisi priores signo executionis, ut præmittitur, viderint debite sigillatas. Huic nostræ sanctioni adjicimus, quod quilibet Ecclesiæ Parochialis Rector sigillum proprium debet habere infra mensem, pro processibus ipsis sigillandis & signandis, sub pena adjecta.

Præterea cum nullus officium duorum in judicio valeat exercere juxta Canonica instituta; hoc edicto perpetuo prohibemus: ne quis Judicum Nobis subjectorum de cetero per se ipsum acta causæ coram ipso pendens scribere præsumat; alioquin actis hujusmodi in judiciis & extra, fidem aliquam minime fore adhibendam declaramus.

Cap. XI. *De Foro competent.*

Quoniam ex constitutione supra posita dubitationes insurgunt, videlicet;

quæ causæ ad Ecclesiasticum forum debeant pertinere; nonnullos casus ejusmodi præsentī duximus annotandos sanctioni, ne Judices tam Ecclesiastici, quam sæculares, per ipsorum ignorantiam se valeant excusare. Inprimis videlicet, omnes invasores Ecclesiasticarum rerum, seu Religiosorum locorum, sub Ecclesiastico judicio conveniuntur; item, causæ rusticorum vel servorum Ecclesiæ; item, causæ publice penitentium; item, causæ pupillorum, viduarum, & miserabilium personarum; item, causæ peregrinorum; item, quando Judex sæcularis justitiam reddere negligit; item, in crimine sacrilegii, usurarum, hæresis, simoniæ, excommunicationis, adulterii, matrimonii, dotis, super decimis; item, causa Nativitatis, Beneficialis, Juris Patronatus, rapinæ; item, ratione pacti & voti fracti; item, ratione juramenti, vel Fidei-dationis; item, quando pars aliqua fuerit Ecclesiastica, sive reus fuerit, sive actor, etiam super re prophana, causâ debet etiam a Judice Ecclesiastico terminari.

Insuper universis Judicibus Nobis subjectis præsentī prohibemus edicto, ne Comitem aut Baronem, Ministerialem Ecclesiæ nostræ Herbipol. ad ipsorum præsumant trahere judicia quovis modo, sine nostra speciali licentia; alioquin judicium ipsum irritum decernimus, & Judicem excommunicationis sententia innodatum eo ipso declaramus.

Cap. XII. *De Præbendis & Dignitatibus.*

Cum in civitate, & Diocesi nostris Herbipolens. diversi Clerici sæculares, non ponentes terminum avaritiæ, nec salutem propriam attendentes, onerare se pluribus Beneficiis Ecclesiasticis, incompatibilibus non formident; Nos, qui aliorum indigentis, & aliorum saluti succurrere cupimus, & Ecclesiarum necessitatibus providere, autoritate præsentis Synodi firmiter & districte præcipimus: ut singuli, talia plura Beneficia possidentes, aut recepto ultimo sint contenti, aut infra XVIII. dierum spatium, a publicatione præsentium, continue sequentium, quem terminum ipsis pro peremptorio assignamus, secum esse per eum, qui jure hoc facere potuerit,

rit, dispensatum legitimis edoceant documentis; alioquin Nos, juxta formam Canonum contra hos traditum, providere curabimus.

Cap. XIII. *De Testamentis.*

Intelleximus, quod nonnulli tam Religiosi, quam sæculares Clerici, vel laici, Divino timore postposito, suarum animarum periculum incurrere, dum res, quæ per manus eorum ex testamento decedentium debent in usus certos, præsertim pios, distribui seu expendi, aliis usibus applicare non formidant, ac negligentias, dolos & fraudes quamplures circa hujusmodi executionis officium committunt: quandoque nullatenus, quandoque tardius id, quod eis commissum est, exequendo, & quod deterius est, pecunias, res, & bona ipsa sibi quandoque usurpant, & in usus proprios convertunt: frequenter etiam pro longe minori prætio, quam alibi commode vendi possent, bona ipsa recipiunt & detribuunt: ita ut plerique non Executores, sed consumptores, sive dilapidatores, aut substractores appellari potius merentur. Cum igitur ad nostrum spectet officium piis ultimis voluntatibus providere, ut secundum voluntatem defuncti cuncta procedant, ideoque contra præmissas fraudes, dolos, & negligentias, prout justum fuerit, secundum sanctiones Canonicas intendimus remediis oportunis providere, prout ad nostrum spectat Pastorale officium: nihilominus ad doli maculam evitandam, omnique fraudis tollendam suspicionem, districtissime præcipimus, & in virtute sanctæ obedientiæ mandamus, ut ipsi Executores deinceps deputandi, quanto cito commode poterint, post obitum defuncti, de omnibus & singulis bonis per ipsum defunctum relictis & inventis, inventarium coram personis honestis & fide dignis conficiant, si nostrum & sacrorum Canonum ultionem evadere velint.

Item; quia sæpe contingit, quod Prælati, & aliis Clericis, ac Ecclesiasticis personis decedentibus, bona ab ipsis dimissa, quæ secundum ipsorum ultimam voluntatem ad certos usus deberent distribui, vel ad alios, si ab intestato decederent, de jure, vel consuetudine devolvi; per utriusque generis ho-

mines, Clericos & laicos, Regulares & sæculares, & quandoque etiam per ipsos Executores occupantur, surripiuntur, dilapidantur, & consumuntur, in eorum, quorum interest, grave dispendium & jacturam. Nos, ipsorum ausus reprimere, ac eorum, quorum interest, indemnitatibus præcavere volentes, decernimus; ut præmissa de cætero temeritate propria præsumentes, per excommunicationis sententiam fore compescendos, a qua nullatenus absolvantur, donec plene restituerint, quidquid de bonis receperint supradictis: & nihilominus decernimus, tales aliis juris remediis, si hoc exegerit qualitas delicti, justitia mediante, fore compescendos.

Præterea; ad aures nostras per clamoralem insinuationem multorum devenit, quod Patroni Ecclesiarum tam laici, quam Clerici, Advocati, Judices, Præcones, bona decedentium Clericorum occupant & usurpant, volentes sibi ab intestato succedere, & aliquando etiam eorum testamenta infringere, pro suæ voluntatis arbitrio, non judicio rationis; quare provide duximus statuendum: ut Patroni Ecclesiarum, & alii supradicti, de talibus de cætero abstineant, & nisi abstinere voluerint, quousque sic ablata restituant, excommunicationis vinculo innodentur, ac alia poena condigna percellantur.

Cap. XIV. *De Decimis, & Oblationibus.*

Decimas sacri Canones sine diminutione Clericis exsolvi jubent: ideoque mandamus, quatenus ipsas de fructibus statim, cum collecti fuerint, & non deductis expensis, cum plenaria integritate exsolvantur.

Item; licet omnis Christianus ad Missarum solemniam aliquid Deo offerre teneatur, & reducere ad memoriam, quod Deus per Moysen dixit: *Non apparebis in conspectu meo vacuus*; in præcipuis tamen Dei, & Sanctorum Festivitatibus per anni circulum occurrentibus, quas circa nostræ Ecclesiæ longævam consuetudinem septem fore censemus, videlicet: Nativitas Domini J. Christi, Pascha, Pentecostes, Nativitas B. Mariæ Virg., Purificatio, Annuntiatio, & Assumptio, ad Oblationes & Offertoria omnes & singulos nostros subditos in suis

fuis Parochialibus Ecclesiis teneri declaramus; nisi aliud in quibusdam Ecclesiis ex longa consuetudine esset introductum.

Cap. XV. *De Statu Monachorum.*

In Religiosorum Reformationem, ex officii debito, oculorum aciem dirigentes, præcipimus, & mandamus omnibus & singulis Regularem vitam professis, quatenus secundum Regulam, quam professi sunt, ac juxta ordinationes, diffinitiones, & statuta Sanctorum Patrum vivere studeant, substantialia, videlicet: obedientiam, paupertatem, & continentiam firmissime servari curent; in habitibus, & calceamentis Ordini suo congruentibus, secundum formam constitutionum desuper confectarum, se decenter & honeste habeant, Tonluras etiam deferant largas & latas, omnesque Fratres communiter vivant, & comedant in Refectorio, in quo nullus carne vescatur, mensæ verò non desit lectio, silentium in Oratorio, Dormitorio, Refectorio, & Claustro debite observetur. Rursus mandamus: ut in singulis Monasteriis idoneis (*d*) teneatur Magister, qui Monachos, sive Novitios in primitivis scientiis instruat diligenter: ipsi etiam Novitiis fidelis deputeur Instructor tam in Divinis Officiis, quam in observantia regulari. Regula etiam in Capitulo ab ipso, qui præest Capitulo, vel alio, cui hoc injunctum fuerit, frequenter legatur; & etiam propter minores vulgari-ter exponatur. Volumus insuper, ut in singulis Monasteriis numerus Monachorum antiquitus institutus teneatur, si quidem ad hoc sufficiant facultates: si minus, tot Monachi teneantur, quot de ipsorum Monasteriorum bonis, sive proventibus absque penuria poterint sustentari. Præcipimus etiam, & mandamus: ut ad portam cujuslibet Monasterii unus Portenarius, sive Janitor providus & discretus deputeur, ne, absque licentia Abbatis, vel alterius præfidentis Monasterio, eodem alicui ingrediendi libertas concedatur, neque mulieres Monasterio virorum aliquatenus intrare permittantur.

Hæc autem omnia in Monasteriis Monialium, quoad articulos Abbatissis, & Monialibus congruentes, præcipimus observari; si quis autem in præmissis,

aut aliquo præmissorum temerarius violator exstiterit, regulari subiaceat disciplinæ, aliisque pœnis a sacris Canonibus & Statutis Ordinum nihilominus comminatis, veniat gravissime percellendus. Abbates quoque, quibus omnes Monachi reverenter obediant, taliter se regant opere & sermone, ut exemplo virtutis, verboque doctrinæ fratres suos instruere possint in bono, & etiam a malo revocare, zelum Religionis habentes secundum scientiam, ut delinquentes corrigant & castigent, obediētes foveant & confortent, nec extra sua Monasteria domicilium aliquamiter teneant, sed sint cum fratribus suis in Monasterio & Choro: & horis Canonicis, prout frequenter poterint, interfiant, Missasque ad minus in summis & præcipuis Festivitatibus per se cantent, vigilem curam, & diligentem sollicitudinem gerentes in omnibus, ut de officio eis commissio dignam Deo possint reddere rationem; quod si remissi, vel negligentes inventi fuerint, secundum regularia instituta & sacros Canones, pœna debita decernimus castigandos, cum offensâ non solum propria, verum etiam aliena de eorum manibus requiratur. Insuper volumus & mandamus: ut omnes & singuli Abbates, Abbatissæ, & Conventus Nobis subjecti, deinceps per Nos requisiti, de omnibus expensis, & receptis per eos, Nobis, & Commissariis nostris ad hæc deputandis, absque dolo, fraude, seu negligentia debitam rationem reddant.

Cap. XVI. *De Censibus.*

Cum circa solutionem & receptionem censuum annuorum infra Dominium Ecclesiæ nostræ temporale diversa sentire diversi consueverint, ex quo dissensiones & scandala suborta plerumque dinoscuntur; præsentibus sub excommunicationis pœna statuimus, volumus, & ordinamus: ut infra dictum Dominium, ratione censuum Ecclesiis, aut Monasteriis, aut actione eorundem singularibus personis debitorum, pro libra Hallens. XXX. & pro libra denariorum, LX. denarii, monetæ Herbipolensis, communiter pro tempore currentis, & non ultra exsolvantur, seu quomodolibet exigantur.

Cap.

[*d*] forte: idoneus

Cap. XVII. De Celebratione Missarum.

Districte inhibendo mandamus, ne de cætero & præcipimus: ne ullus Presbyter, sine Scolare in Missa respondente, Missam audeat celebrare.

Item; Sacerdotes, Diaconus, sive Subdiaconus in veste, quæ polluta est nocturna pollutione, ad aram ministraturus, non accedat.

Item; Altaribus cum disciplina & timore astantes, signa, & Cruces distincte & sine confusione peragite.

Insuper reminiscentes Moyfi, servi Dei, qui hostes populi sui non ferro pugnando, sed prece orando dejecit, statuimus: ut inter cottidiana ad Missas, Matutinum, & Vesperas decantanda suffragia, ante *Da pacem Domine, & Fiat pax in virtute tua*, & Collectam: *Deus, a quo sancta desideria &c.* pro pace Clerus & populus, flexis in terram genibus, & erectus in cælum cordibus cottidie studeat observare, quatenus Dominus noster Jesus Christus Rex pacificus, sedatis tribulationibus, & Ecclesiarum persecutoribus, & invaloribus humiliatis, pacem in populo suo, multiplicatis intercessionibus, largiatur.

Præterea; nullus Clericus uno die duas Missas decantet, præterquam in die Nativitatis Domini nostri Jesu Christi, & necessitate, quæ si eveniat non sumat nisi sanguinem, ablutionem vero astanti porrigat.

Item; firmiter inhibemus, ne mulieres ministrare apud Altaria permittantur.

Item; duo officia sub uno Canone non dicantur.

Item; in Elevatione campana pulsatur, ut in nomine Jesu omne genu flectatur, nec ante pulsatur quam hæc verba dicuntur Sacrosancta: *Hoc est enim Corpus meum.*

Cap. XVIII. De Festivitatibus.

Gloriosissimæ Virginis Mariæ Festum Visitationis, sanctæ recordationis Dominus Urbanus Papa VI. sub duplici Officio solempniter, ut alia dictæ Virginis Festa, statuit per orbem universum celebrandum, ac suavit & consuluit, ut ejusdem Festi vigilia in observatione je-

junii, sicut Festum Assumptionis ejusdem devotius observetur. Nos igitur volentes hujusmodi ordinationem salutarem debitæ executioni demandare, districte præcipimus & mandamus, ut per nostram civitatem, & Dicecesim Festum illud peragatur juxta dictæ ordinationis continentiam supradictam, & quod officium in Historia, sicut tenetur in nostra Ecclesia, ab omnibus decantetur.

Cap. XIX. De Divinis Officiis.

Execrabilis & detestanda aliquorum negligentia nostrum turbavit auditum, quod in plerisque Monasteriis Regularibus, ad hoc fundatis & sufficienter dotatis, horæ Canonice, & alia Divina Officia nullatenus, vel saltem raro, aut negligenter incomplete, & inordinate decantantur seu peraguntur; quodque nonnulli Ecclesiarum Ministri, modestia Clericalis ordinis abjecta, non considerantes, quod beneficium datur propter officium, horas Canonicas dicere, seu psallere negligunt, in Divine Majestatis offensam & scandalum plurimorum. Ne igitur transgressores invaleant hujusmodi, aliisque veniant in exemplum, districte præcipiendo mandamus: ut in omnibus & singulis Ecclesiis Collegiatis, ac Monasteriis regularibus viro- rum, & mulierum, Nobis subjectorum, ad hoc fundatis & sufficienter dotatis, Officium Divinum diurnum pariter & nocturnum horis debitis solempniter cum nota, in spiritu humilitatis, devote, rite, ordinate, distincte, & laudabiliter psallantur, & decantentur; quodque omnes & singuli in sacris Ordinibus constituti, & etiam inferioribus, de patrimonio Christi Beneficiati sæculares, & Religiosi simul singulis diebus Horas Canonicas convenienter & debite dicant, & perficiant: in præmissis vero, vel aliquo præmissorum negligentes, culpabiles, inobedientes, seu rebelles, cujuscumque fuerint status, conditionis, vel dignitatis, decernimus per censuram Ecclesiasticam, ac subtractionem reddituum, & proventuum suorum Beneficiorum, ac alias secundum qualitatem delicti, graviter puniendos; & quia Superiorum negligentia, quæ dum spem impunitatis promittit, multam pestilentiam in subditis nutrire consuevit: idcirco omnibus illis, ad quos id pertinet,

districte, & in virtute sanctæ obedientiæ injungimus, & mandamus: ut circa reformanda præmissa, eorumque singula corrigenda sollicitum curam gerent, alioquin nos eorum negligentiam, prout justum fuerit, puniemus.

Insuper præcipimus & mandamus: ut in omnibus Collegiis infra civitatem & Diocesim nostras constitutis, singulis diebus perpetuis temporibus, finitis Tertiis, pro salute nostra, & Successorum nostrorum Episcoporum pro tempore existentium legatur Psalmus: *Levavi oculos meos in montes*, cum Versiculo: *Salvum fac servum tuum Domine*, & Collecta: *Omnipotens sempiternus Deus, qui facis mirabilia magna solus &c.* prout in nostra Ecclesia Herbipolensi hætenus fieri est consuetum; & idem præcipimus ab omnibus Clericis, Horas Canonicas legentibus, observari.

Præterea, licet a sacris Canonibus dudum fuerit institutum, ut Rectores Parochialium Ecclesiarum, infra unius anni spatium, ad Sacerdotium teneantur promoveri, plerique cortici verborum textus juris inhærentes, Sacerdotalem Ordinem recipiunt, sed officium Ordini adnexum differunt exercere. Nos igitur attendentes, quod sacri Canones non verba, sed mentem amplectantur, hac *Sacra Synodo* statuimus, & ordinamus: quod Rectores Ecclesiarum Parochialium singuli nostræ Civitatis & Diocesis post receptionem Sacerdotii, infra unius anni spatium susceptionis Ordinis ejusdem immediate subsequenti, hoc Sacerdotale officium cum Missarum celebratione teneantur debite exercere, ipsumque fideliter, diebus, quibus vixerint, continuare, nisi desuper per Nos, aut Successores nostros, ex causa, quam Nos, aut Successores nostri duxerimus, aut duxerint, seu saltem ducere debeamus, vel debeant reputare, cum eisdem fuerit dispensatum; alioquin ipsis Ecclesiis Parochialibus sic susceptis, privatos esse volumus eo ipso.

Cap. XX. De Baptismo.

Doceant etiam Sacerdotes, quod non solum viri, sed etiam mulieres in necessitate baptizare possunt, si alius non possit haberi. Sciant etiam Sacerdotes, quod si laicus, cum baptizat ex

simplicitate, non causa introducendi errorem, dicat: *Ego te Baptizo in nomine S. Patris, S. Filii, S. Spiritus*; quod non est rebaptizandus puer, quia illud apponit, quod necesse est intelligi: Pater enim Sanctus est, unde in Johanne: *Pater Sancte serva eos &c.* Filius Sanctus est, unde in Luca: *Quod enim ex Te nascetur, Sanctum vocabitur.* Et Spiritus, Sanctus est, unde ibidem: *Spiritus Sanctus superveniet in Te.* Hoc probat Augustinus per hoc, quod dicitur *ter Sanctus* in Isaia, & Apocalypsi. Si quid aliud autem interpositum fuerit, non est baptizatus; si autem in fine apposuerit, causa devotionis, & ex simplicitate, non intendens per hoc baptizare; & *S. Mariæ, S. Johannis, S. Petri, &c.* baptizatus est.

Pro Baptismo nihil exigatur, sed (a) quid offeratur gratis, accipi potest.

Cap. XXI. De custodia Eucharistiæ.

Nullus de cætero Sacerdos in deportatione saluberrimi Corporis Domini nostri ad infirmos, quantumcumque aura mala, via lubrica vel lutosâ existat, in calopedibus ire præsumat.

Cap. XXII. De Reliquiis, & Veneratione Sanctorum.

Ne in debita veneratione Sanctorum quisquam nostræ civitatis & Diocesis a nostra majori Ecclesia valeat deviare, Festivitates, per anni circulum, per populum Nobis subditum solemniter celebrandas, & quæ ab olim ipsa nostra Ecclesia, & populus civitatis solemniter celebravit, præsentibus duximus annectendas, mandantes: quatenus Festivitates ejusmodi, & nullas alias, sine nostra speciali auctoritate & licentia, populo vestro celebrandas aliquatenus de cætero indicatis.

Festum videlicet: Nativitatis Domini nostri Jesu Christi, S. Stephani, S. Joannis Evang., SS. Innocentium, Circumcisionis Domini, Epiphaniæ Domini, Purificationis S. Mariæ, S. Mathiæ Ap., Annuntiationis B. Mariæ Virg. Resurrectionis Domini, cum tribus diebus sequentibus, S. Georgii M., S. Marci Evang., SS. Philippi & Jacobi App. Inventionis S. Crucis, Ascensionis Domini, Penthecostes cum tribus diebus sequentibus, SS. Trinitatis, Corporis Christi,

(a) adde: si

Christi, S. Viti M., Nativitatis S. Joannis Bapt., SS. Petri & Pauli App., Visitationis S. Mariæ, S. Kyliani, S. Mariæ Magd., S. Jacobi Apost., S. Laurentii M., Assumptionis B. Mariæ, Nativitatis S. Mariæ, Conceptionis S. Mariæ, S. Mathæi Ap., S. Michaelis, S. Burchardi Ep., SS. Simonis & Judæ App., Omnium Sanctorum, S. Martini Ep., S. Elisabethæ Viduæ, S. Catharinæ, S. Andree Ap., S. Nicolai Ep., S. Thomæ Apostoli. Item anniversarius Dedicatio- nis, & Festivitas cujuslibet Ecclesiæ Patroni, dies quoque Dominici singuli per anni circulum occurrentes.

Cap. XXIII. *Ne Clerici, vel Monachi secularibus negotiis se immisceant.*

Quia nonnulli Clerici, finem avaritiæ non ponentes, negotiationes & mercantias illicitas, ac usus detestandas, in animarum suarum periculum exercere non verentur, pœnas multiplices a sacris Canonibus incurrendo; ut igitur vitia tam detestabilia, & Clericali Ordini contraria & inimica a Clero nostro penitus extirpentur, quoniam secundum Apostolum: *Nemo militans Deo implicat se negotiis secularibus.* (b) Idcirco districte prohibemus omnibus Clericis, & Ecclesiasticis personis nobis subiectis, Sæcularibus & Religiosis, cujuscumque fuerint dignitatis, status, aut conditionis, ne vina, blada, seu alia quæcumque mercimonia, causa negotiandi, seu cupiditatis vel lucri, per se, vel alios, publice vel occulte, quovis quæsito colore emant, & ulterius vendant, vel aliis negotiationibus sæcularibus illicitis, aut indecentibus, seu a sacris Canonibus prohibitis, vel alias suo Ordini non congruentibus se immisceant, nec usus nefandissimas exercent, neque tabernas teneant, nec eas, vel alia loca suspecta vel inhonesta absque evidenti causa publice frequentent, neque cum taxillis seu aleis, causa lucri, ludere præsumant, aut in domo sua ludere propter questum permittant; contrarium vero facientes, tamquam violatores Canonum, decernimus animadversione condigna puniendos.

Cap. XXIV. *De Judeis.*

Cum jam dudum Judæis sint prohibitus V. Concilior. German.

(b) II. Timoth. II, 4.

bita & interdicta mancipia Christiana, volumus, & præcipimus: ut Plebani, & alii Rectores Ecclesiarum, ubi sunt domicilia eorum; diebus Dominicis omnes de Fide Catholica Judæorum nutritores & servientes, denuntient excommunicatione ligatos. Excommunicatos etiam denuntient omnes alios Christianos, qui apud Judæos pecuniam suam locant, ut a Judæis usuram recipiant, vel ut Judæi pecuniam mutuent & usuram.

Insuper, quando Sacramentum Altaris ante domos Judæorum deferri contigerit, ipsi Judæi, audito sonitu prævio, intra domos suas se recipiant, & fenestras, ac ostia sua claudant, hoc etiam in quolibet die Parasceve per plateas Ecclesiæ facere compellantur; nec præsumant de Fide Catholica cum simplicibus disputare; nec filios, aut uxores, ad viam Christianorum venientium, invitos audeant detinere; nec Christianos infirmos visitent, vel circa ipsos exercent opera medicinæ.

Cap. XXV. *De Hæreticis.*

Volumus insuper, & in virtute sanctæ obedientiæ districte præcipiendo mandamus: ut omnes Plebani, & Ecclesiarum Rectores, seu Vicarii, nostræ Diocesis, omnes hæreticos, eorum fautores, receptores, nec non defensores ipsorum, denuntient quater in anno, scilicet: in Nativitate Domini; in die Palmarum; in Pentecoste; & in Festo omnium Sanctorum; excommunicationis sententiæ subjacere; & nihilominus eos omnes, cujuscumque status & conditionis existant, tales esse scientes, vel ex verosimili conjectura, vel alias suspitione probabili, si non accusaverint, seu denunciaverint publice, vel si hoc publice non auderent, metu personæ vel rerum, Plebano, Rectori, seu Vicario loci, vel si ex quacumque causa eis secrete denunciare non possent, ad nostram hæc noticiam non detulerint, tanquam fautores eorum ex nunc excommunicamus, & excommunicatos volumus eisdem temporibus nuntiari.

Cap. XXVI. *De Raptoribus.*

Olim infra limites non solum Archidiaconatus illius, infra quem Clericum

in Sacris Ordinibus constitutum, aut Religiosum aliquem temere capi, sed etiam Archidiaconatus illius, ubi ipse detineri contigerit, ut ipso facto cessetur a Divinis, sub excommunicationis lætæ sententiæ pœna statuit sacrum Concilium Moguntinum, ac etiam Statutum Synodale. Nos igitur, matura deliberatione præhabita, de consensu & assensu Prælatorum, atque Cleri, Nobis in hac sancta Synodo assistentium, non solum Concilium & Statutum ipsa approbamus, verum etiam ipsa innovamus, ac ipsis duximus adiungendum, ut & ipsa sub suis pœnis, sententiis, censuris, etiam in statuta forma contra Ecclesiasticarum rerum spoliatores, & Clericorum in morte deprædatores, per omnia inviolabiliter, postquam de captivazione, spoliatione, deretione, aut deprædatione constitit evident, a Clero infra limites Archidiaconatuum supra descriptorum, nullo alio mandato desuper expectato, observetur; ac insuper pro majori Ecclesiasticæ libertatis tutela, dictorumque criminum repulsa, sub eisdem pœnis & sententiis firmiter statuimus & mandamus: quod in nulla Ecclesia, neque Cathedrali, neque Collegiata, nec etiam Monasterio aliquo Ordinis S. Benedicti, filii aut nepotes eorum, qui Clericum aliquem in sacris, ut præfertur, constitutum, aut Religiosum, temere captivaverint, aut captivatum detinuerint, vivum, aut mortuum, ut præfertur, spoliaverint, quovis modo in Canonicos recipiantur, aut in fratres.

Cap. XXVII. De Usuris.

Quia ita crimen usurarum invaluit, ut multi aliis negotiis prætermisissis quasi licite usuras exercent, & qualiter utriusque testamenti pagina condemnentur, nequaquam attendunt. Ideoque volumus, prout in *Lateranensi*, *Viennensi*, & *Lugdunensi* Conciliis statutum est: ne usurarii manifesti, si in hoc peccato decesserint, accipiant sepulturam, & qui propriæ temeritatis audacia, manifestorum usurariorum corpora scienter sepelire præsumperit, ipso facto sententiam excommunicationis incurrat, nulla ei exemptione, vel alio privilegio aliquo qualiter suffragante.

Nullus etiam testamentis manifestorum

usurariorum interfit, aut eos ad confessionem admittat, sive ipsos absolvat, nisi de usuris satisfecerint, vel de satisfaciendo pro suarum viribus facultatum præstent, secundum formam, idoneam cautionem: testamenta autem ipsorum, nisi præmissa satisfactione, aut præstita idonea cautione, non valeant, sed sint ipso facto irrita.

Inhibemus insuper: quod nulli sæculares, vel Religiosi, cujuscumque fuerint conditionis aut status, usurarios saltem manifestos, vel de usuraria pravitate publice diffamatos, audeant qualitercumque absolvere, sed ipsos ad Nos, seu Vicarium nostrum in Spiritualibus, pro absolutione obtinenda remittant, non obstante si ipsis, vel alicui ex eis, forsitan per Nos, aut Vicarium nostrum, generaliter vel specialiter sit indulgum, quod etiam in casibus Nobis reservatis, Beneficium absolutionis valeant impendere: contrarium facientes, ab ingressu Ecclesiæ decernimus ipso facto suspensos, & nihilominus revocamus, & annullamus omnes licencias, & indulta, quibuscumque personis sæcularibus, vel Religiosis per Nos, aut Vicarium nostrum in Spiritualibus concessas, & concessas, ut in casibus Nobis reservatis absolutionis Beneficium possint seu valeant impendere qualitercumque.

Cap. XXVIII. De Penitentis, & Remissionibus.

Cum secundum Concilium *Viennense*, ultimo supplicio deputandis negari, si petant, non debeat penitentiae Sacramentum, abusus dampnabilis in quibusdam partibus contra hæc inductus per *Viennense* Concilium aboletur omnino, & præcipitur Justitiariis omnibus, & Dominis temporalibus, ut ab hujusmodi desistant abusu;

Præterea vobis Sacerdotibus iungimus in virtute sanctæ obedientiæ per præsentem, ut in principio Quadragesimæ, saltem Dominica *Invocavit*, Plebes vestras in ambonibus moneatis, & omni qua poteritis diligentia inducat, quod tempestive confessiones suas faciant Sacerdotibus competentibus, ne in in conscientia cruentata in Festo Paschæ ad Corpus Christi improvide accedere videantur.

Cap.

Cap. XXIX. De Interdicto.

Felicitis recordationis olim Dominus BONIFACIUS PP. VIII. salubriter duxerat ordinandum : quod singulis diebus in Ecclesiis & Monasteriis, in terris seu locis Ecclesiastico suppositis interdicto, constitutis, Missæ celebrentur, & alia dicantur officia, sicut prius, voce tamen submissa, & januis clausis, excommunicatis & interdictis exclusis, campanis etiam non pulsatis, quodque tam Canonici, quam Clerici Ecclesiarum, in quibus distributiones cotidianæ illis, qui horis interfunt Canonicis, distribuuntur, si ad officia non veniant supradicta, distributiones easdem amittant, sicut interdicto perderent non exstante, si Divinis Officiis non adessent. Verum, quia ex levitate poenæ supradictæ constitutio salubris antedicta in plerisque Ecclesiis & Monasteriis nostræ civitatis & Diocesis minime observatur, universis

& singulis Ecclesiarum & Monasteriorum Abbatibus, Prioribus, & Decanis, eorumque vices agentibus in virtute sanctæ obedientiæ, & sub excommunicationis poenæ, quam in ipsos, & ipsorum quemlibet, si non fecerint, quod mandamus, in Dei nomine ferimus in his scriptis, districte statuendo præcipimus & mandamus : quatinus universos & singulos, suarum Ecclesiarum & Monasteriorum personas, per subtractionem fructuum suarum Præbendarum, & alias prout competentius poterunt, dictis officiis tempore interdicti supradicti compellant devotius interesse dietim, & alias constitutiones ipsius Bonifacii faciant inviolabiliter & plenarie observari.

Datum *Herbipoli*, Anno Dom. MCCCVII. die 1. Septembris.

Descriptit Cl. Schannatus ex Codice MS. Canobii S. Michaelis Bambergæ.

SYNODUS DIOECESANA HALBERSTADENSIS,

AB HENRICO EPISCOPO CELEBRATA

Anno Christi MCCCCVIII. Gregorii XII. Papæ II.
Ruperti Reg. roman. IX.

HENRICUS, (a) DEI GRATIA, HALBERSTADENSIS ECCLESIAE
EPISCOPUS; UNIVERSIS ET SINGULIS PRÆLATIS, CANONICIS, ARCHIDIACONIS, PLEBANIS, BENEFICIATIS, PRESBYTERIS; ET CLERICIS
CIVITATIS ET DIOECESIS NOSTRÆ HALBERSTADENSIS, SALUTEM, ET SINCERAM IN DOMINO CARITATEM.

Quia Sanctorum Patrum, & Summorum Pontificum, nec non Generalium Constitutiones Conciliorum, & Statuta, licet Ecclesiarum utilitatem contineant, Clericorum honestatem, & salutem suadeant animarum; tamen in delinquentem abire videntur: igitur omnibus vobis districte præcipiendo mandamus: ut saltem *Statuta Provincialia & Synodalia*, in domibus vestris habeatis, & eadem a die notitiæ publicationis præsentium infra duos menses legatis, & relegatis, vitam quoque & mores, juxta dispositionem eorum-

dem, corrigatis & emendetis, alias ultra poenas in eisdem contentas, poenas alias, juxta delicti exigentiam, infligemus, & irremissibiliter ab omnibus recipiemus; & quia in cunctis per Presbyteros & Clericos, prout evidentia facti demonstrat, plus exceditur, dignum duximus aliqua statuta circa eadem crimina cum poenarum adjectione innovare.

I. Idcirco Ediçto perpetuo inhibemus: ne Clerici in civitate & Diocesi nostra Halberstadenſi, comam vel barbam nutriant, maxime Sacerdotes, qui taliter tondantur, (b) ut pateant eis aures,

B 3

cate-

(a) Henricus von Warberg eligitur anno 1407. Obiit A. 1409. Gröningæ: Halberstadii sepultus in sua Ecclesia Cathedrali. *Lenzen pag. 269. 270.* (b) *lego: tondantur*

cœteri vero inferioris Ordinis Clerici in tonsura non multum discrepent ab eisdem, & coronam desuper habeant congruentem.

II. Vestes rubeas, vel virides non deferant, sed statui suo congruentes, nimia brevitate vel longitudine non notatas, quas etiam prohibemus a latere & retro aperiri, præterea manicas in eisdem portent duorum palmorum cum medio latitudinem non excedentes.

III. Argentatis, vel deauratis, aut alio metallo ornatis cingulis aut cultellis non utantur, sed nec procedant in publicum circumcincti veste superna.

IV. In caputis vel mitris foderaturas non habeant, nisi forte de nigra pelle agnina.

V. Similiter focularibus, vel calceis rubri, aut albi coloris, non induantur.

VI. Balistas, gladios, cultellos, vel alia quæcunque arma, ad offendendum parata, nisi forte in via extra civitatem, villas, vel castra transeuntes, non deferant per se, vel familiares suos, nisi se sequentes in die, vel in nocte deferre permittant.

VII. Clericus non viator, in sacris Ordinibus constitutus, aut Monachus, vel Canonicus secularis, aut Regularis, si tabernam intraverit sine causa evidenti, aut rationabiliter honesta, ibique biberit, aut comederit, præcipue tempore nocturnali; ab officio sit suspensus, donec unum diem in pane & aqua jejundet; si ibidem luserit ad aleam vel taxillos, ab officio sit suspensus, donec duos dies in pane & in aqua jejundet; si in his tertio deprehensus consuetudinem non dimittat, aut si suspensus ingererit se Divinis, per Nos Beneficio, si quod habet, pri-

vabitur, si non habet, alia pœna arbitraria punietur.

VIII. Concubinarios Clericos, qui retinendo publice concubinas, & famam negligunt, & reverentiam maculant clericalem, Nos, more pii Patris, non personas, sed personarum vitia detestantes, eorum salutis præsentis Constitutionis tenore sic duximus providendum: quod si Presbyteri, vel alii Clerici ab Ecclesia qualicumque Beneficio vel stipendiis, ipso facto, sint privati, quæ Beneficia illi, ad quos collatio pertinet, teneantur conferre aliis personis idoneis; alii vero, non Beneficiati, qui in præmissis deliquerint, excommunicationi se noverint subjacere, ipso facto, & insuper pœna pecuniaria ab eisdem irremissibiliter exigetur.

IX. Abusum quoque, ac suspicionem carnalis contagii a personis Ecclesiasticis, paterna diligentia, procul cupientes; personis hujusmodi frequentationem Claustrorum, vel Monasteriorum Monialium, nec non aliarum domorum mulierum conjugatarum juvenum, maxime earum maritis invitis, aut absentibus, & aliarum mulierum quarumlibet suspectarum, ac inhonestam colloctionem, & ludum noxium cum eisdem in cameris, vel publice, de cætero prohibemus, & qui contra fecerint, ultra pœnas a jure expressas, tres libras cere pro quolibet tali excessu. persolvent, & nihilominus carcerali supplicio, per nos eisdem, juxta delicti exigentiam, limitandum, se sciant subjacere.

Datum in Synodo nostra Halberstad.
Anno Domini MCCCCVIII.

Ex Codice MS. Biblioth. S. Petri Erford. descripsit Cl. Schannat b.m.

FRANCOFURTI CONVENTUS

Anno Christi MCCCCIX. Gregorii XII. Papæ III.
Ruperti reg. roman. X.

L Andulphus, a Cardinalibus Pisano in cœtu congregatis missus in Germaniam, sedulam adeo navavit operam, ut Germanos sacro Epiphaniæ die ad Conventum Francofurti celebrandum adduxerit & promoverit,

Interfuere huic Conventui Archiepiscopi: Moguntinus, & Colonienfis, Robertus Romanorum Rex, una cum aliis pluribus Magnatibus & Præsulibus, tum Francorum, Anglorum, ac multarum Germaniæ Provinciarum Oratoribus: cum-

cumque de reintegranda Ecclesiarum conjunctione diebus sex agitatum esset, recurrente septimo, Antonius, Cardinalis Episcopus Portuensis, Gregorii XII. Nepos, & Legatus accessit, ac pluribus in Gregorii causa tuenda adversus Cardinalem Cæm Pisum coactum, atque Landulphum, e Pisis Legatum, egit. Post hanc deliberationem decretum hoc fuit, & postea infra duos dies Rex & Antonius prædicti, & paulatim etiam alii, ad propria redierunt, concludendo finaliter: "Quod Rex Robertus suos, & Moguntinus, & Colonienfis Archi-Episcopi, & Marchio Misnenfis prædicti, eorum Ambasiatores ad Italiam mittere vellent, ad follicitandum factum unionis." Rex Antonium Legatum Gregorii honorifice habuit, coluit, & partes ejus defendendas suscepit. Tum Joannem, Rigensem Archi-Episcopum, Matthæum Wormatiensem, & (a) Ulricum Werdensem

Episcopos (b) Oratores misit, qui Pisis causam Pontificis Gregorii XII. tuerentur.

Theodoricus ad Niem Lib. III. C. 39. coævus Pontificiæ Curie Scriba. Ex quo Raynald. Annal. Eccles. T. XVII. ad b. a.

SCHATENUS paulo aliter ad hunc annum:

Pisis congregati Cardinales ad omnes Archi- & Episcopos scripserunt, & ad Concilium Pisanum (c) eos invitaverunt: sigillatim ad Archi-Episcopum Moguntinum: qui Encyclicas ad Provinciales Episcopos scripsit, eosque Moguntiam post festum Epiphaniæ invitavit.

Gobelinus coævus Author specialius dicit Ferrara III. intra octavam Epiphaniæ Moguntiam convocatos fuisse, Francofurti autem cum Ruperto, Rege Romanorum, convenisse in octava Epiphaniæ.

(a) Schatenus edidit duos Legatos: Rigensem Episcopum, quem Ulricum appellat, & Conradum de Sufato, Theologiæ Magistrum, Canonicum Spirensem. Deinde Schatenus Archi-Episcopum Rigensem vocitat Joannem, Episcopum vero Werdensem nominat Conradum Sultonium. *Parte II. Annal. Paderb. Lib. XV. ad b. a.*

(b) In IV. Sessione nominat Raynaldus in *Annalibus Ecclesiasticis* Ambasiatores Wenceslai, Regis Bohemiæ, 1. Dominum Wenceslaum, Patriarcham Antiochenum. 2. D. Simonem, Episcopum Misnensem. 3. D. Benerium Cofnich, Militem. 4. D. Joannem Nufon, Decretorum Doctorem.

(c) Pisanum Concilium inchoatum fuit h. a. 1409. 25. Martii: eademque die habita prima Sessio: vigesima tertia & ultima Sessio 7. Augusti anni ejusdem.

Appellatio a prætenso Conciliabulo PISIS Anno MCCCCIX. habito per Cardinales utriusque partis, Præfide Cardinali Piſtaviensi; facta nomine RUPERTI, Romanorum Regis, a Procuratore ejusdem Conrado de Sufato, Canonico Spirensi, stante pro Gregorio XII. A. 1406. electo IV. Nonas Decembris, veluti legitimo Papa, quia a Conventu Pisano deponi non posset, allegatis multis argumentis.

IN NOMINE DOMINI. AMEN.

Anno a Nativitate ejusdem millesimo, quadringentesimo nono, indictione secunda, Pontificatus Sanctissimi in Christo Patris & Domini nostri, Domini Gregorii, Divina Providentia Papæ XII. anno tertio, die decima nona mens-

Anno MCCCCIX. Lunæ, XV. Aprilis fuit IV. Sessio, in qua non Magister Conradus de Sufato, sed ejus socius, Episcopus Verdenfis, ascendit Cathedram & fecit arengam in illud Pax vobis: dein præmissis protestationibus dixit: *Intendo difficultare & impugnare acta & agenda in hoc Concilio; finita oratione petierunt mandatum Regis Ruperti sibi exhiberi, & petitiones ac dubia scripto exhiberi: utrumque primo recusant, subin dant, & cras responsum accepturos dimiserunt.* Ita *Manſi Tom. III. Supplem. pag. 1094. 1095. Sessione VII.*

mensis Aprilis, hora primarum, vel quasi, in Ecclesia S. Catharinæ Ordinis Prædicatorum in civitate Pitarum, in Notariorum nostrorum testiumque subscriptorum præsentia, personaliter constitutus, Honorabilis Vir Dominus *Conradus* de Sufato, *Canonicus Ecclesiæ Spirensis*, in Sacra Theologia & in artibus Magister, Procurator, & procuratorio nomine Serenissimi & Gloriosissimi Principis & Domini D. ROBERTI Romanorum Regis semper Augusti, constituentis, prout de ejus mandato per litteras patentes, Sigillo Majestatis dicti Romanorum Regis in cera crocea impendente sigillatas, plenam fecit fidem: animo & intentione appellandi & provocandi, tenens in suis manibus quædam papyri folia, quandam appellationem seu provocationem interposuit, appellavit, & provocavit, Apostolos petiit, & protestatus fuit, omniaque & singula alia fecit, & facere se dixit, quæ in dictis papyri foliis continentur, quorum tenor de verbo ad verbum sequitur, & est talis.

COram vobis discretis viris Notariis publicis tamquam personis authenticis & fidelibus, & testibus hic adstantibus fide dignis, Ego *Conradus* de Sufato, in Sacra Theologia, & in artibus Magister, Canonicus in Ecclesia *Spirensi*, Procurator, & nomine procuratorio Serenissimi, & Excellentissimi Principis & Domini Domini ROBERTI, Dei gratia, Romanorum Regis semper Augusti, præcipui *Defensoris & Advocati Ecclesiæ sanctæ Dei*, animo & intentione appellandi & provocandi, & Apostolos petendi, & recipiendi atque præstandi melioribus & officioribus modo, via, jure, causa, atque forma, quibus possum & debeo, dictumque Dominus meus potest, & debet, dico & propono:

quod licet dudum felices recordationis D. INNOCENTIO PP. VII. ^(b) ab hac vita mortali subtrahito, tunc Episcopi, Presbyteri, & Diaconi, Sacrosanctæ Romanæ Ecclesiæ Cardinales, qui tunc erant, celebraris ejusdem quondam D. INNOCENTII funeralibus, atque ejus corpore Ecclesiasticæ tradito sepulturæ, pro electione Summi Pontificis in conclavi secundum formam sanctorum Canonum congregati, omnium & singulorum vota omnia & singula, concorditer, nemine discrepante, in Sanctissimum in Christo Patrem & Dominum D. *Angelum* ^(c) *tituli sancti Marci* Presbyterum Cardinalem, ipsorumque confratrem, ejus exigentibus meritis, divinitus inspirati direxerunt; ipsumque in summum Romanæ & universalis Ecclesiæ Pontificem elegerunt, inthronizaverunt, & ut talem venerantes adorant.

Et nonnullis interjectis, quibus a Cardinalibus, ut justum Pontificem habitum, promulgatumque toto orbe illius electionem describit, subiungit.

Nihilominus dicti olim Cardinales, omnes & singuli, uno dumtaxat excepto, suæ salutis immemores inobedientie filii, nescitur, quo ducti spiritu, foras egressi contra Sacerdotem Domini, & relicto suo Rege, rebellarunt, & Ecclesiam sanctam Dei, quæ in unitate consistit, ad cujus defensionem prælibatus Serenissimus Dominus meus constituens adstringitur & obligatur, scindentes & scindere molientes, se ^(d) schismatis contra Papam irreligiola temeritate instituerunt, nec non sua temeritate usque ad hoc profligare: & suam divisionem, Catholicam esse credentes Ecclesiam, Cathedrali sibi instituerunt, atque primatum assumere conantes, ab eo, quod unum est, semetipsos segregarunt. Et licet præfari olim Domini Cardinales die XI. men-

Pisano Concilio, quod nonnullis *Generale legitimam* censetur cum Natali Alexandro, sed Baronio, nec approbatum, nec reprobatum videtur. Interfuere 24. Cardinales, tres Patriarchæ: Alexandrinus, Antiochenus, Hierosolymitanus: 180. Episcopi: 300. Cœnobiarchæ: 280. Doctores: præfuit Cardinalis utriusque Collegii Decanus. Celebratæ Sessiones XXII. Sessione XIX. electus Alexander V, ante Petrus Philaretus, Cretenfis.

(b) Innocentius VIII. Pontifex CCIVtus, obiit VIII. Idus Novembris A. 1406. Pontificatus anno secundo, die primo & vicesimo.

(c) Angelus Corarius, Cardinalis, Venetus, Titulo S. Marci, eligitur Pontifex A. 1406. IV. Nonas Decembris, jurat se abiturum Pontificatu, quando Petrus de Luna, seu Benedictus XIII. id facturus esset.

(d) deest: authores

mensis Maji proxime præteriti omnem obedientiam dicto Sanctissimo Domino Gregorio se scripserunt subtraxisse, prout in litteris suis datis *Liburni*, primo die mensis Julii, clarissime continetur, in quibus dicitur inter cetera: " *Quod XI. mensis Maji proxime præteriti, omnem, quantum in nobis fuit, obedientiam juxta juris exigentiam abstraximus, & recessimus ab eodem* : quæ, & tenore litteræ ego Procurator, prædicto nomine procuratorio, in quantum faciunt pro justificatione, & verificatione præsentis appellationis, habere volo pro insertis: plurimum tamen magni, potentes, & sapientes viri, revocant in dubium, an dicta die, prout scripserunt, ipsi obedientiam abstraxerunt, eo quod (e) idem dum Cardinales in aliis suis litteris datis *Pisis* XII. mensis Maji scribunt, quomodo die XI. Maji recesserunt de Luca hora vigesima secunda, hoc est, per duas horas ante noctem, & in eisdem litteris circa finem habentur hæc verba: " *Nec nostræ mentis est, a fide, veritateque juris erga præfatum Dominum nostrum (dummodo modis baculus per eum retentis, sufficiens, ipsum ad id, quod tenetur effectualiter adimplere, dispositum videamus) modo aliquo deviare: sed tali eventu obedientiam & reverentiam debitas exhibere*. Cum igitur XII. die Maji non habebant intentionem obedientiam subtrahendi juxta jam expressa: quomodo itabit, quod die immediata præcedenti subtraxerunt obedientiam?

Item die XIII. dicti mensis Maji appellationem quandam interposuerunt, in qua coram Domino GREGORIO, (f) tamquam Sanctissimo Domino, & Patre Sanctissimo, cum omni reverentia, tamquam humiles ipsius servitores, appellarunt. Quinimo dicunt in ea, " *A vobis, Pater Beatissime, irrationabiliter, & secundum non rectam rationem decernentibus, ad vosmet secundum certam rationem & melius informatum*. Notarii quoque ipsum in instrumento, cui appellatio est inserta, *Sanctissimum in Christo Patrem* scribunt, & appellant, &c. ex quibus luce clarius habetur, quod tunc scilicet die XIII. Maji, ipsi olim Domini Cardinales, & eorum Notarii, *Dominum Gregorium* pro Sanctissimo Patre & Domino, & summo Pontifice, manifeste

scripserunt, nominarunt, & recognoverunt. Quomodo igitur scribunt, quod XI. die dicti mensis Maji obedientiam subtraxerunt? Ecce inculcationem, ecce involutionem, ecce dubitationem, mentibus Principum, Dominorum, & aliorum virorum sapientum ingestam. Et si sic erraverunt in principio: non est mirum, quod in fine gravius erraverunt. Dicitur namque: *Parvus error in principio, maximus est in fine*.

Esto tamen, quo præfati Domini olim Cardinales die XI. mensis Maji obedientiam *D. Gregorio* subtraxissent, quod tamen ex præmissis non apparet; quia tamen, ut scribunt in dictis litteris, hora vigesima secunda, per duas scilicet horas ante noctem recesserunt, evidentissime constat, quod nullam solemnitatem, nec ordinem juris in re tam grandi & nova sicut merito servassent, servaverunt. Vix sufficiebat eis tempus *Pisas* accedendi ante noctem: & ecce obedientiam subtrahere concluderunt, & eam subtraxerunt, ipsumque Sanctissimum Dominum nostrum GREGORIUM, contra justitiam, & juris ordinem, ut apparet, spoliaverunt. Ubi deliberaverunt? in campo. Ubi concluderunt? in diverforio. Ecce præcipitationem facti in principio. Non enim immerito prius Dominum Gregorium monuissent, quod nisi votis & juramenti satisfaceret, obedientiam sibi subtraherent. Numquid attendere debebant, cum quadam maturitate, quanta rei solemnitate Gallici processerunt cum suo Domino, quem vocant *Benedictum*, cum semel sibi obedientiam subtraherent? Litteras autem & instrumenta *Appellationum*, & alia superius inducenda, in quantum faciunt pro justificatione præsentis appellationis, &c. Ego Procurator præsentibus habere volo pro insertis.

Præterea dicti olim Cardinales, prioribus non contenti, sed pejora malis adjicientes, præfato Domino nostro, Sanctissimo Domino Gregorio, multiplices injurias verbis, scriptis, atque factis, cum nulla contra eum adhuc lata esset sententia, cum etiam ipsi non essent, nec deberent esse *Judices in causa propria*, contra juris & justitiæ ordinem, & omnem æquitatem humanam, in multiplex oppro-

(e) forte: idem Cardinales

(f) XII.

opprobrium Sedis Apostolicæ, universalis Ecclesiæ, obedientiæ nostræ, & in Cleri vilipendium, & totius Cleri status denigrationem, multipliciter irrogarunt, ab executione sententiæ nondum latæ inchoantes. Sicque prædicti olim Cardinales per littoras suas, & Pseudo-Apostolos, præfatum Sanctissimum Dominum nostrum nondum iuste convictum, nec confessum prædicarunt, intimarunt, & publicarunt quasi per totam Christianitatem, perjurum, votifragum, schismaticum, imo schismatis auctorem & hæreticum. Numquid est hic modus procedendi tantorum virorum, olim in tanto fastigio dignitatis constitutorum, ad quos oculi aliorum fidelium sicut Sagittarii ad metam respiciunt, iurgiis, blasphemis, & maledictionibus partem adversam, ante sententiam latam, tam turpiter & detestabiliter informare? Numquid ista sunt media ad concordiam & unionem inducendam? Numquid bonus finis, bene etiam intentus, per bona, & apta media bene, & rationabiliter est prosequendus? Numquid scriptum est: *Quod iustum est, iuste exsequaris?* (b)

Item, quis est iste modus a sæculo inauditus, quod dicti olim Domini Cardinales, qui hucusque a tempore Domini GREGORII, & sui Prædecessoris, fuerunt Duces nostræ obedientiæ, Anti-Cardinales Gallicos, pridem excommunicatos, anathematizatos, & indignos aliquo Prælationis titulo nominare, quinimo schismaticos, & illius nefandi schismatis in Ecclesia Sancta Dei inductores & nutritores, vocant, & scribunt Reverendissimos Patres & Dominos, quinimmo & Cardinales Sacrosanctæ Romanæ Ecclesiæ; & Sanctissimum Dominum nostrum GREGORIUM vocant, & scribunt schismaticum, & schismatis nutritorem? Bene hæc potest conversio in oppositam qualitatem appellari: cum tamen ipse Sanctissimus Dominus noster nec schisma induxit, sed pluribus proh dolor! annis ante eum fuit & duravit, nec iis, qui schisma induxerunt, favet, & assistit. Fomentum namque schismatis illis attribuitur, qui schisma faciunt, vel fecerunt, inducunt, vel induxerunt, & in huiusmodi perseverant, vel eidem assistunt, &c. sed nihil ad eos, qui non sunt sibi conscii alicujus culpæ in hoc facto. Sicut enim *Schisma*

Græcorum non est Latinis imputandum: ita nec schisma *Gallicorum*, seu per *Gallicos introductum*, capiti vel membris obedientiæ Romanæ. Ipse insuper pro sublatione schismatis, cum nondum duobus annis esset in Pontificatu, *Concilium Generale* decernere voluit, decrevit, & per suas patentes litteras, prout inferius plenius dicitur, induxit, ut Unio & Pax daretur Ecclesiæ. Denique suis litteris & Nuntiis, omnes & singulos sub obedientia Domini GREGORII consistentes requisiverunt & hortati sunt, ipsisque nihilominus mandaverunt, quantum in eis erat, ut ipsi & eorum singuli Domino GREGORIO obedientiam subtraherent: cum tamen ad huiusmodi subtractionem nondum essent causæ sufficientes ad lucem positæ. Mirabile visum est, quod de tanto se volebant intromittere. Quis etenim constituit eos iudices GREGORII, & totius obedientiæ nostræ, & præsertim Germaniæ? Constat eos velle omnes a Romano Pontifice declinare. Quod si factum fuisset, quis tempore medio dispensasset in casibus Papæ reservatis? Quis cognovisset in causis Appellationum ad eum devolutis? Quis etiam Pallium dedisset, & Archi-Episcopos confirmasset? &c.

Præterea Sanctissimus Dominus noster GREGORIUS videns se non proficere, nec concordare cum eo, qui se vocat *Benedictum* (XIII. seu *Petrum de Luna*) ab alia parte, ad viam cessionis perficiendam, conclusit pro unionē in Ecclesia Dei perficienda, viam *Concili Generalis*, prout etiam illud convocavit, & indixit per certas suas litteras Apostolicas sub data tertio Nonas Julii, in festo scilicet Pentecostes proximo futuro: quarum litterarum tenorem, in quantum faciunt pro verificatione *præsentis Appellationis*, & non aliter, ego Procurator habere volo pro insertis. Et verisimile est, quod ipse Dominus GREGORIUS diu ante, Concilium concluderat: sed antequam litteræ conficerentur, habuit cogitare de congruis tempore & loco, quibus deberet convocari.

Verum ut ipsi Domini Cardinales præfatum Dominum GREGORIUM etiam in hoc sanctissimo proposito prævenirent, præoccuparent, & impedirent: cum quibudam Anti-Cardinalibus & schis-

(b) Deut. XVI, v. 20.

schismaticis, dudum per D[omi]n[u]m GREGORIUM, & suos Prædecessores, ex causis anathematizatis, & quocumque Prælationis titulo privatis atque condemnatis, & pro *Schismaticis* reputatis, atque a gremio & confortio Sanctæ Matris Ecclesiæ, eorum exigentibus demeritis, prorsus exclusis, se univerunt, & junxerunt; ac unum quoddam cum eis, ut asserunt, prætensum Collegium, *nullum Caput habentes*, neque recognoscentes, de facto, licet non de jure, effectum, quoddam *prætensum Concilium*, quod potius Conventiculum, vel Conciliabulum dici debet, per certas suas litteras sub data anticipata, ut vehementer præsumitur, fabricatas in *civitate Pisarum*, in festo Annuntiationis Virginis gloriolæ lapsa, sub data *Liburni, vigesima quarta mensis Junii*, indixerunt. Ex quibus quidem litteris quot dubitationes, quot inculcationes, & involutiones, in cordibus Principum & Dominorum, & Sapientum, ac Christi fidelium exorta sint, vix calamo poterit scribi, vel lingua explicari: eo quod isti Domini olim Cardinales, quantum ex ipsis eorum litteris luce clarius habetur (quas etiam, in quantum faciunt pro verificatione præsentis Appellationis, ego Procurator habere volo pro expressis) nova nunquam prius visa, vel audita, attentare conati sunt; fœditas antiquorum, & Sanctorum Patrum, & sacrorum Canonum doctrinas omittentes, obliquas ac dubias ambulare ceperunt vias, prout & illas continuant de præsentia. Et nihilominus in neglectu posuerunt omne id, & totum, quod est honestatis, consolationis, & conservationis obedientiæ nostræ, & Ecclesiæ Sanctæ Dei, de suis commodis confusione, desolatione, ruina, atque divisione minime curantes. Unde, ut pluribus pauca tangantur, primo videamus de præoccupatione. Ex litteris namque pro Concilio celebrando destinatis, de quibus statim facta est mentio, manifeste habetur, quod unio ipsorum olim Cardinalium cum Anti-Cardinalibus præcessit ipsam prætensi sui Concilii indictionem: dicentes, prius se esse unitos, & postea matura deliberatione conclusisse Concilium convocandum. Unde dicitur in dictis litteris inter cætera: "Quibus visis & pluribus habitis" inter Nos consiliis, firmamus Nos ve-

nire cum Dominis alterius Collegii, & Liburnum accedentibus Nobis, qui locus est prope civitatem Pisanam ejusdem Diocesis, ac de eis Dominis Cardinalibus ex altera parte dant sufficienti numero nobiscum congregatis, in unum Nos univimus propositum, &c. Et nihilominus ut habetur ex litteris suis, super eorum unione datis Liburni penultima die mensis Junii, litteræ Concilii datæ sunt per quatuor dies ante: quia vigesima quarta Junii. Ecce quomodo in scriptis eorum dant intelligere sibi invicem contradictoria, quia ante indictionem convocationis Concilii fuerunt uniti. Quis sanæ mentis existis non inciperet dubitare de factis, & processu dictorum Dominorum? Unde etiam dicti Domini tempore suæ unionis cum Anti-Cardinalibus primo indixissent Concilium: constat tamen, quod hoc factum fuisset per quatuor dies post datam litterarum convocationis Concilii.

Item in quibusdam litteris suis dicto Serenissimo Romanorum Regi, Domino meo directis, datis Liburni vigesima sexta Julii scribunt ista verba: "De liberavimus invicem vocare Concilium Generale ex utraque parte, eisdem loco & tempore: cujus rei atque nostri propositi intimationem, determinato loco, ubi optandissima congregatio hujusmodi fieri debeat, & ordinem nostrum præcipuum, mittimus in brevi." Ex quibus litteris & verbis patet, quod vigesima sexta Julii, quæ fuit plusquam per mensem post prætensam datam litterarum convocationis sui prætensi Concilii, ipsi deliberaverant convocare Concilium: sed nondum convocabant, quia nondum erat determinatus locus, ubi ista congregatio fieri deberet. Igitur tempore datarum litterarum sui prætensi Concilii, nondum erant concordēs de loco. Igitur data est anticipata, & hoc in fraudem Domini GREGORII, ut vehementer præsumitur, & ut videatur eum prævenisse: per hujusmodi enim adinventiones exquisitas vehementer suspicatur, & præsumitur, ipsos olim Cardinales, fuisse & esse causas impediendi unionis exoptatæ. Nonne quis Catholicus hoc concipere poterit evidenter, quod si hujusmodi indictionem Conciliabuli emisissent, dictumque Concilium Papæ fuisset forti-

tum effectum, nec, ut prædicitur, im-
 peditum, sicut obedientia *Benedicti* in
 suo, ita & nostro in Papali Concilio, una-
 nimi voce, & concorditer requisivisset,
 & efficaciter induxisset Dominum GRE-
 GORIUM ad observantiam voti & ju-
 ramenti sui pro reintegratione Ecclesiæ
 Sanctæ Dei? necessariumque fuisset ip-
 sum ad hoc attendere, omnis dilationis
 mora prostergeretur: alias tota obedientia,
 vero ordine, & juxta omnem æquitatem,
 & cum bona conscientia, recessisset ab
 eodem tanquam fautore schismatis anti-
 quati; nullaque fuisset in nostra obedi-
 entia divisio subillata, quin immo ex tunc
 sincera unio per ambas obedientias pro-
 curata, & inducta. Quidam etiam Ab-
 bas Ambasiator dictorum Dominorum
 olim Cardinalium retulit, quod per duos
 menses disputarunt de loco, in quo in-
 diceretur Concilium. Et, de hoc etiam
 habetur evidens magnumque testimoni-
 um eorum, qui adhærent ipsis Dominis
 olim Cardinalibus, dicentium, quod per
 totum mensem Augusti primo fuit con-
 cordatum de loco Pisarum cum Florenti-
 nis. Quod etiam patet ex hoc, quia
 Nuntius, qui deferebat litteras Concilii
 Cardinalium ad partes Rheni, habuit lit-
 teras credentiæ olim Dominorum Cardi-
 naliū, sub data primæ Septembris: post
 hæc recessit de Pisis: & per consequens
 tunc fuit primo expeditus. Et verisimile
 est, quod illum vel alium Nuntium,
 citius destinassent, si de loco & tempore
 die vigesima quarta Junii concordassent.
 Item multi curtesani; quorum aliqui
 tempore indictionis Concilii, per Grego-
 rium fuerunt in Luca, & aliqui in Pisis,
 & aliqui in Liburno, dixerunt, quod
 Dominus Gregorius publicaverat Con-
 cilium suum per plures dies antequam
 audiretur de Concilio olim Cardinalium.
 Videtur igitur manifestum, quod datam
 prædictam callide anticipaverunt, vo-
 lentes Gregorium, & suum Concilium
 prævenire. Quod si per impossibile non
 esset factum: quare sic tarde intimave-
 runt suum Concilium? Nam Dominus
 Gregorius bene per duos menses suum
 Concilium ante prætensum Concilium
 eorum per litteras patentes publicavit.

Insuper est convocatio Concilii ge-
 neralis, juxta traditionem & Decreta
 Sanctorum Patrum, pertinet ad Summum

Romanæ Ecclesiæ Pontificem, disposi-
 tum saltem ad convocandum, & qui,
 quantum in se est, Concilium Generale
 indixit, & per suas patentes litteras Apo-
 stolicas publicavit: dicti tamen olim
 Cardinales, & eorum in hac parte com-
 plices, in litteris & scriptis suis affirmant,
 & verbis prædicare non verentur, quod
 hoc veritatem habeat de Papa *indubitato*.
 Per quæ Papatum Domini Gregorii re-
 vocant in dubium, cum tamen in instru-
 mento Conclavis ad instantiam dictorum
 Dominorum, ante electionem Domini
 Gregorii in Summum Pontificem, clare
 dicatur in hæc verba: *Et intendentes ad
 remedia fortiora, non quid juris pro
 parte eorum justitia fundet.* Quod jus
 verissimum est, & plena veritate fulci-
 tum. Dicti autem instrumenti Concla-
 vis tenorem, in quantum facit pro jus-
 tificatione & verificatione præsentis Ap-
 pellationis, ego Procurator prædictus
 volo habere pro expresso.

Præterea, si dubitant de Papatu
 Domini Gregorii, quare simili ratione
 non dubitant de suo Cardinalatu? Quod
 si dubitant, tunc etiam ex simili dubio
 non habent se intromittere de electione
 Summi prætensi Pontificis, contra præ-
 tensam practicam, quam habent præ ma-
 nibus. Item pariformiter dicti Domini,
 & eorum complices, habebunt dubitare
 de Papatu *Innocentii VII. Bonifacii IX.* &
 fortassis *Urbani VI.* & sic in eandem vi-
 dentur incidere opinionem, quinimmo
 & verius errorem, cum Gallicis, qui a
 principio istius detestandi & horrendissimi
 schismatis, Ecclesiam Catholicam & in-
 consultilem Christi tunicam dividere præ-
 sumperunt. Ipsi etiam in dando Do-
 minum *Gregorium*, & alium, seu alios
 ejusdem Prædecessorem, seu Prædecesso-
 res, obedientiam nostram, in Summos Pon-
 tifices: eandem nostram obedientiam
 totam videntur decepisse, subsannasse,
 & eidem illis, si fas est dicere.

Item in litteris, quas scripserunt Se-
 renissimo Domino meo, Domino RU-
 PERTO, Romanorum Regi, post as-
 sumptionem dicti Domini GREGORII,
 sub data Romæ decima Decembris, scri-
 bunt in hæc verba: " Post solemnes de
 " futuri Pontificis electione tractatus, illo
 " Divinitus inspirante, qui cuncta per-
 " petua ratione gubernat, vota nostra
 in

" in Reverendissimum in Christo Patrem
 " & Dominum ex nostro Collegio, Do-
 " minum *Anselmum*, tituli S. Marci Presby-
 " terum Cardinalem, Confratremque no-
 " strum ad culmen Dignitatis Apostoli-
 " cæ, post Divinæ gratiæ munera, uni-
 " versis ejus exigentibus meritis, nec im-
 " merito ascensurum, nemine discrepan-
 " te, direximus, ipsumque Confratrem
 " nostrum die ultima Novembris in Do-
 " minum nostrum eligimus atque Patrem.
 In quibus verbis dant manifeste intelligi,
 quod ipsum *Gregorium* ad culmen Apo-
 stolice dignitatis elegerunt, & assumpse-
 runt, nullum dubium prætendentes.
 Quod si aliquod dubium prætendebant,
 quare ipsum omni dubio semoto in Sum-
 mum Pontificem elegerunt, & ipsum toti
 nostræ obedientiæ pro Summo Pontifice
 dederunt, præsentarunt, nec non verbis
 & scriptis, Nuntiis & Ambasiatoribus,
 cum solemnitate debita publicarunt?

Præterea licet congregationem per
 dictos olim Cardinales indictam in Pisis
 ad Festum Annuntiationis Virginis Glorio-
 sæ præxime præteritum, prætendant esse
 Concilium generale; & in eo tamquam
 in Concilio generali posse & debere facta
 tractari universalis Ecclesiæ, eaque habe-
 re vim & efficaciam: nihilominus ex ra-
 tione, & simul ex scriptis eorum; &
 modo procedendi, contrarium luculen-
 ter apparet: Concilium namque genera-
 le debet esse liberum secundum traditio-
 nes sanctorum Patrum; sed congregatio
 indicta per ipsos olim Cardinales expresse
 restricta est & limitata: unde in litteris
 suæ convocationis dicitur in hæc verba:
 " Finisque imponatur schismati, per viam
 " mutæ cessionis: & *infra*: Est enim
 " nostra, & Dominorum de collegio alte-
 " rius partis intentio, & irrevocabile
 " propositum, quod cum his, qui veniunt
 " ad dictum locum & terminum, provi-
 " deatur fidei & Ecclesiæ juxta effectus
 " prædictos. Item in litteris confædera-
 " tionis, seu unionis dictorum Domino-
 " rum cum Anticardinalibus dicitur, & scri-
 " bitur inter cetera sic: " Juramento & vo-
 " to irrevocabili firmamus, quod per
 " viam mutæ cessionis (a) ambo de
 " Papatu, vel alterius alio mortuo vel
 " Canonice ejecto, prosequamur unio-
 " nem.

Numquid isti præsumunt impo-
 nere legem Spiritui sancto, a quo dici-
 tur regi Concilium generale? Numquid
 sunt dabiles aliæ viæ rationabiles pro unio-
 ne Ecclesiæ sanctæ, quam via cessionis?
 unde via hæc cessionis est a Gallicis pridem
 adinventæ, & in particulari eorum Con-
 ciliabulo determinatæ, quam pro lege
 isti ponentes, per Anticardinales Gallicos
 inducti, Concilium limitare, & regulam
 seu legem Spiritui sancto imponere mi-
 nus provide, quinimmo & periculose,
 præsumperunt? Quasi Concilium, non
 quamcumque rationabilem viam pro unio-
 ne Ecclesiæ introducenda non inquirere,
 de ea deliberare, atque eam libere & ab-
 solute assumere debeat atque possit.

Item terminus in litteris convocatio-
 nis prædictæ expressus videtur esse nimis
 brevis quoad plures de nostra obedientia:
 eo quod (b) plurimi tantum distant
 a loco Pisarum, quod post insinuationem
 eis factam, per se vel suos Procura-
 tores ad locum Pisarum non poterunt mo-
 do humano pervenire. Si igitur non ve-
 niant, non tamen sunt contumaciter ab-
 sentes, & per consequens congregatio
 facta Pisis non meretur dici Concilium ge-
 nerale. Præterea dicti prætensi Domini
 videntur asserere, dicere, & tenere,
 quod Sanctissimus Dominus, Dominus
Gregorius teneatur in Pisis Concilio præ-
 sentio, per eos indicto, potius concilia-
 bulo, comparere; & si veniret, quod
 posset ibidem judicari. Quod utique
 ex iis, quæ gesta sunt, hæcenus appa-
 ret: eo quod major pars Prælatorum in
 Pisis existentium est de parte sibi adver-
 sa, quæ partem nostram semper reputavit,
 & prædicavit schismaticam, sicut e-
 contra: alii autem omnes fere subtraxe-
 runt Domino Gregorio obedientiam diu
 ante Concilii sui prætensi indictionem,
 & fecerunt se partem contra eum ipsum,
 inculcantes, & crimina enormia imponen-
 tes, ante sententiam latam; ipsique
 olim Cardinales sunt excommunicati,
 omnique honore & dignitate privati &
 exuti. Quis autem compos rationis præ-
 sumat dicere, quod quis, quantumcum-
 que etiam modicus, coram suis adversa-
 riis, seu parte adversa, comparere re-
 neatur; seu etiam, quod sententia præ-
 tensa, si quam ferret, ipso jure subsiste-
 ret?

C 3

(a) forte: amborum.

(b) corrige: plurimi tanta sunt

ret? Præterea esto, quod Dominus Gregorius veniret Pisas & vellet renunciare: non veniente Benedicto, dubium est, an debeat renunciare, cum contingere posset, quod ille, qui vocat se Benedictum, parte ex adversa post resignationem Gregorii diceret: "Ego jam sum unicus, & nullum habeo contendendum de pari, cur vultis me privare vel compellere ad cedendum?" quod si fieret, utique cederet ad ignominiam & verecundiam permaximam totius obedientiæ nostræ: & maxime quia dicitur, & ita dicunt aliqui ex olim Cardinalibus nostræ obedientiæ, quod Anticardinales Gallici obedientiam suo Benedicto pridem restitutam nondum abstraxerant. Præterea licet necessario aliqui de prætensis olim Dominis Cardinalibus, & Anticardinalibus, fuerint excommunicati, anathematizati, inhabilitati, & omnis Prælationis titulo privati: nihilominus in vilipendium Apostolicæ potestatis clavium Ecclesiæ, nescitur quo jure, quo modo, & qua bona conscientia, una partium alteram habilitavit, dispensavit, famæ restituit, & in Cardinales creavit, & fortassis una aliam absolvit. Quæ utique nullatenus ipsis vel alicui eorum, sed soli Papæ, vel suam auctoritatem habenti, possunt convenire.

Item licet Domini olim Cardinales ex obedientia nostra primo, & deinde ipsi, & Anticardinales Gallici simul pro parte Serenissimi Domini, Domini Roberti Romanorum Regis constituentis, Domini mei, & per suos solemnes oratores fuerunt cum omni reverentia & debita instantia requisiti & exhortati, quatenus amore Dei, & intemeratæ Virginis Mariæ, & totius curiæ super cælestis, nec non contemplatione Ecclesiæ militantis, & ad petitionem Regiæ Majestatis, vellet inclinari ad mutandum locum Pisarum, & ad reconveniendum in alio certo loco, dicto Domino Gregorio, & eis congruo; ubi Dominus Gregorius faceret id, ad quod obligatur, & ulterius ad electionem unici summi Pontificis procederetur: quia speraret dicta Regia Majestas, quod per istum modum omnibus dubiis, scrupulis, perplexitatibus, difficultatibus, ac novis divisionibus, præcipue in partibus obedientiæ nostræ, sublati & exclusi, fieret pura & sincera,

integra ac universalis unio in Ecclesia sancta Dei, quam per Concilium indictum a Domino Gregorio, vel etiam per congregationem in Pisis factam seu indictam, timeret non posse habere. Quod si ad hoc inclinarentur, & sic facerent, dicti Oratores Regiæ Majestatis offerebant ipsis Dominis plenam ejusdem Regiæ Majestatis assistentiam: & sive dictus Dominus Gregorius in dicto loco compareret, & debitum suum faceret, sive non, nihilominus ad electionem summi Pontificis procederetur: quia extunc clare appareret, quod Dominus Gregorius nollet facere debitum suum.

Fuit etiam per eosdem oratores dictum & allegatum, quod si pro anima hominis lucranda expediret, sicut revera expedit, magnam immo multum grandem rem facere: multo magis incomparabiliter ad lucrandum plures animas, ad cavendum innumeras strages, ad præveniendum destructiones, destitutiones, & desolationes Ecclesiarum, Monasteriorum, & Cenobiorum, atque universali integra ac pura unione facienda & procuranda, brevis mora, cum assignatione alterius loci bene commodi, nullatenus esset deneganda. Licet etiam dubia & difficultates, quibus multorum animi moventur, & moti sunt, in præsentia dictorum Dominorum, & aliorum Prælatorum in Ecclesia Cathedrali Pisana congregatorum, die decima quinta mensis Aprilis fuerint explicata; propter quæ & alia plurima, prout tunc publice dicebatur, timor erat, & est dictum Domino Regi Romanorum, quod per congregationem in Pisis factam, sincera, & integra fidelium unio nequaquam haberetur; nihilominus dicti Domini, quasi indurati, obstinati, & in alienum sensum miserabiliter versi, & primo & secundo responderunt præcipitanter, prompte, & satis irreverenter, quod impossibile esset mutare locum, quodque super mutatione loci nihil vellent audire, vel tractare quoquo modo.

Et quia dicti olim Cardinales, prout colligitur ex præmissis, consideratis viis, & modis per eos servatis, ab obedientia Domini Gregorii summi Pontificis perpetram recesserunt, multiplices injurias verbis, scriptis, & factis irrogarunt, & ipsum blasphemarunt; prætersum quoddam

dam Concilium, quinimmo Conciliabulum, in loco Pisarum, ad præveniendum, præoccupandum, & impediendum Concilium, indictum per Sanctissimum Dominum nostrum Gregorium Papam duodecimum, quantum in eis fuit, indixerunt; datam litterarum, ut præsumitur, anticiparunt; locum sui prætensi Concilii, verius conciliabuli; dudum antequam eis esset concessus, pro congregatione fienda nominarunt; ipsum Dominum Gregorium Papam dubitatum appellarunt & scripserunt; suam congregationem prætensam, quam Concilium vocant, contra libertatem & naturam Concilii, certis modis, tanquam legem imponentes Spiritui sancto limitarunt, & restrinxerunt; terminum conventionis seu congregationis pro multis de nostra obedientia nimis brevem assignarunt; in propria causa, cum sint pars, & manifeste adversarii, se iudices vel conjudices esse præsumpserunt; se invicem licet nulliter & de facto habilitaverunt, petitiones, instantias, requisitiones, & exhortationes per Oratores dicti Domini Serenissimi Regis Romanorum, & pro parte sua oblatas & factas, pro pura sincera & integra unionis fidelium inducenda (ut cum eorum bona venia loquar) animose, pertinaciter, & præcipitanter, temere & irreverenter excluderunt, & admittere recusarunt. Et quia etiam, ut verisimiliter timetur, dicti prætensi olim Cardinales in neglectu penitus ponentes omne id, quod est confusionis, desolationis, ruinæ, destitutionis, verecundiæ, ignominiae, & divisionis partis, & obedientiae nostræ, quantum apparere potest ex iis, quæ per eos acta sunt, aguntur, & agentur verisimiliter in futurum, sanctam Ecclesiam Catholicam, & inconfutibilem Christi tunicam, scindere, dividere, lacerare, laniare, prosternere, & conculcare, timore Dei prorsus excluso, satagentes plura scandala, dissidia, & errores introducere, ac procurare, & quantum in eis erit, facere non cessabunt novum idolum, vitulum conflabilem, perversum Antichristum, & maledictionis æternæ filium nominando, & intrudendo suas pravissimas, & perversissimas affectiones, & errores insequendo, quibus totum statum Sedis Apostolicæ, & Christi fidelium, ad exitium & præcipitium

intolerabile ponere, & integraliter subvertere nituntur: idcirco ego Conradus supradictus Procurator, & procuratorio nomine præfati Excellentissimi, & Gloriosissimi Principis ac Domini, Domini ROBERTI, Romanorum Regis, semper Augusti, cernens dictos olim Cardinales, & alios Anticardinales, quibus dicunt se unitos, a suo prætento proposito non posse revocari; sed eos huiusmodi velle intendere damnabiliter, & de facto inherere: sentiensque sanctam & universalem Ecclesiam Catholicam, cujus ipse Romanorum Rex est DEFENSOR, ET ADVOCATUS PRÆCIPUUS; ad quem spectat, ne eam aliquibus patiatur insidiantium procellarum fluctibus illidi, & quietam faciem tempestatis insolito timore turbare, & præsertim obedientiam nostram, per omnia & singula præmissa, & alia plurima, quæ calamus non capit, attentata, & præsumpta, in suoque prætento Conciliabulo, per se & eos, qui in eo confluunt, & conveniunt, verisimiliter, ut timetur, licet nulliter, & de facto, attentanda & præsumenda; dictumque Dominum meum, Serenissimum Dominum Regem Romanorum, & jus suum, & quoslibet Romanæ Ecclesiæ, & Sacri Romani Imperii fideles, & præcipue Status, Honores, & Jura Regum, Principum & Prælatorum, communitatum, ac personarum tam Spiritualium, quam sæcularium, cujuscumque status, conditionis, vel sexus existant, præsertim eorum, qui hætenus fuerunt de obedientia Domini Gregorii, & suorum Prædecessorum, multipliciter læsa esse, vel saltem lædi & gravari posse quomodolibet in futurum; ne etiam præfatus Serenissimus Romanorum Rex per dictos olim Cardinales & Anticardinales, ac eorum Conciliabulum, nulliter, & de facto attentata, fienda, & præsumenda, aut ipsorum aliqua, in præjudicium Sacrosanctæ Romanæ Ecclesiæ, Sacrique Romani Imperii, sive Regni, Regum, Principum, Prælatorum, communitatum, ac personarum, sive Spiritualium, sive regularium, atque prædictorum ejusdem Ecclesiæ, & Sacri Romani Imperii sive regni subditorum quorumcunque, aliquatenus videatur approbare, aut in ea vel ipsorum aliquod consentire quovis modo, & volens ne dum contra præterita

rita illata, ac præsentia gravamina, quæ fortassis inferuntur, sed & contra futura, licet nulliter & de facto, inferenda juris Beneficii, dictum Dominum nostrum romanorum regem, Sanctam romanam Ecclesiam, Sacrum Imperium romanum, sive regnum, omnes & singulos supra nominatos defendere, & juvare a præmissis omnibus & singulis, & aliis gravaminibus quibuscumque illatis & inferendis, comminatis, & comminandis, & omnibus sequelis, seu illis, quæ elici poterunt quomodolibet ex eisdem, vel eorum altero, communiter, vel divisim; pro dicto Serenissimo Domino romanorum rege, & pro aliis regibus, Principibus, Prælatibus, communitatibus, personis privatis, Spiritualibus vel secularibus, & aliis quibuscumque præsentis appellationi adherentibus, seu adherere volentibus; nec non a dictis olim Cardinalibus, Anticardinalibus, conventiculo, atque conciliabulo per eosdem convocato, vel in posterum convocando, contra ipsos, & quemlibet ipsorum adherentium eis, atque suum conciliabulum, seu conventiculum ingredientium, seu approbantium; quod cum de jure, & bona æquitate & ratione possum, & debeo, & ipse præfatus Serenissimus Princeps Dominus meus romanorum rex potest & debet; ad Dominum nostrum Jesum Christum, sponsum & caput præcipuum Ecclesiæ militantis, Judicem vivorum & mortuorum, nec non ad generale Concilium legitime, rite & Canonice atque debite convocatum, seu convocandum, in iis scriptis procuratorio nomine, quo supra, provoco, & appello: Apostolos pero primo, secundo, tertio, instantèr, instantius, instantissimè, si quis sit, qui eos mihi dare possit,

velit, aut valeat: protestans; quod hæc appellatione seu provocatione pendente, contra præfatos, sanctam romanam ac universalem Ecclesiam, & Serenissimum Dominum meum Robertum romanorum regem, ceterosque reges, Principes, Prælatos, communitates, personas spirituales, & seculares, Sacrosanctæ romanæ Ecclesiæ & romani Imperii subditos, præsentis appellationi, & dicto romanorum regi adherentes, seu adherere volentes nihil omnino debeat attentari.

Submitto nihilominus ego *Conradus Procurator* nomine procuratorio quo supra, Domino nostro Jesu Christo, & futuro generali Concilio rite, legitime atque Canonice convocato, vel convocando, prædictæ Sanctæ romanæ Ecclesiæ jura, privilegia, honores, bona, immunitates, & libertates, atque ejusdem Ecclesiæ, dictique Domini *Roberti* romanorum regis constituentis, Domini nostri, aliorumque regum, Principum, Prælatorum, communitatum, personarum, atque Ecclesiæ & Imperii subditorum ac fidelium, omniumque & singulorum sibi, & præsentis suæ appellationi adherentium, vel adherere volentium, omnia atque singula bona præsentia & futura, cum protestatione minuendi, corrigendi, immutandi, facti substantia non mutata, & alias prout est moris, cum protestatione etiam intimandi, insinuandi, & publicandi, ubi, quando, quibus, & quoties videbitur expedire.

Raynaldus in Annal. Ecclesiast. No. 19. 20. & seqq. ad ann. 1409.

Harduinus Tomo VIII. Concil. pag. 120. Dacberius eandem refert.

In Sessione VII. Concilii Pisani Petrus de Ancharano, Istorum æaetate Princeps, objectis ab Episcopo Verdensi & Conrado de Susato Sess. IV. respondit.

Refert Mansi Tom. III. Supplem. Concil. pag. 1099. ex codice MS. Bibliothecæ Majoris Ecclesiæ Lucensis inter Felinianos codices, ipsamet manu Petri Ancharani scripto. Dacberiana & Labbeana non tantum plenior, sed & finior est relatio Mansiana.

CONCILIO PISANO interfuerunt

ex Germania Episcopi, Duces, Comites, Doctores
infra scripti Anno MCCCCIX.

MCCCCIX. 28. Martii comparuerunt
Pifis Venerabiles Viri D. D. Sebastia-
nus Decanus, & Nicolaus Warat Ca-
nonicus Ecclesiæ Brixienfis, (a) &
Gregorius Zihorandi Secretarii RR.
in Christo Patris D. Ulrici, Episcopi
Brixienfis, Procuratores pro eodem.

MCCCCIX. 30. Martii R. in Christo Pater
D. Joannes, Episcopus in universali ec-
clesia, & nobilis vir Franciscus Pan-
thira, & D. Andreas de Morciculis,
in jure civili Licentiatius, & venera-
bilis vir Odoricus de Nucussii, Cano-
nicus Civitatenfis, nomine R. in Chri-
sto Patris Antonii, Patriarchæ Aquile-
gensis.

Eodem die D. Enricus Honberch, De-
cretorum Doctor, & Caripiens (forte
Chori-episcopus) Ecclesiæ Trajecten-
fis, procuratorio nomine D. Friderici
Episcopi Trajectenfis.

10. Aprilis D. D. Magister Geraudus
Ronde, sacre Theologiæ Professor,
Lambertus de Stipite, Decretorum
Doctor, Egidius de Vilaninonia (b) in
utroque jure, Andreas Zanderman (c)
in Legibus, & Paulus de Doctingen
etiam in utroque jure Licentiatius,
procuratorio nomine D. Electi Leodiens.
Supradicti Ambasiatores Capituli, Ec-
clesiæ & Diocesis Leodiensis procura-
torio nomine omnium Prælatorum
sæcularium & religiosorum Leodien-
sium.

Eodem die Stephanus, Abbas Monasterii
de Caritate, Ordinis Cisterciensis, Bi-
suntinæ Diocesis, Sacre Theologiæ
Professor, promotus per Benedictum
XIII. die 7. Idus Octobris A. MCCCC.

13. Aprilis Martinus, Episcopus Atreba-
tenfis, promotus per Benedictum XIII.
die VIII. Kal. Decembris A. MCCCCVII.
Indict. x.

Idem pro Abbate Montis Stingilli,
Ord. S. Augustini, Dioc. Atrebatensis,
pro Capitulo Atrebatensis.

Petrus Candent (Guidonis Labb.)
Legum Doctor, & Cancellarius Ducis
Brabantiae. Joannes, Abbas Monasterii
S. Petri de Gemlois, Ordinis S. Bene-
dicti, Leodiensis Diocesis. Otto, Ab-
bas Monasterii S. Mariæ de Zongerloo
(Tongerloe) Ordinis Præmonstrat.
Cameracens. Diocesis. Amandus de
Bremmonte, Licentiatius in sacra pa-
gina. Magister Ganfredus de Zichen,
Magister artium, & Licentiatius in Le-
gibus. Jacobus de Thurnhout, Ma-
gister artium, & Licentiatius in legibus,
procuratorio nomine Illustris Principis
D. Ducis Brabantiae (Brabantiae)

Eodem die Abbas Monasterii S. Petri de
Gemlois (Gemblour) Ordinis S. Be-
nediti, Leodiensis diocesis.

Eodem die Abbas Monasterii B. M. in
Villers, Ordinis Cisterciensis, Leodien-
sis diocesis.

Eodem Joannes, Abbas Monasterii S. Ma-
riæ de Tongerloe, Ordinis Præmonst.
Cameracensis diocesis, promotus per
Bonifacium IX. anno nono Pontifica-
tus, MCCCC.

17. Aprilis Venerabilis Vir Fridericus
Deys, decretorum Doctor, Decanus
Paderbornensis, nomine Everhardi,
Archi-episcopi Saltzburgenfis: item
pro Ulrico, Episcopo (d) Raventi-
nensi: item pro Eugilmaro, Episcopo
Creonensi.

Eodem F. Petrus, Procurator Ordinis
B. M. Teutonicorum, Procurator Ma-
gistri Generalis sui Ordinis.

19. Aprilis D. Joannes Nam, Juris utri-
usque Doctor, procuratorio nomine
Conradi, Electi Olomucensis. Item
idem Joannes electus, procuratorio
nomine pro Capitulo ecclesiæ Pragen-
fis.

20. Aprilis Venerabiles Viri D. D. Joannes,
Abbas Monasterii Casariensis (Râys-
heim) Ordinis Cisterciensis, Augu-
stenfis

(a) Brixinenfis habent excusi, annotante Mansio.
(c) Sudemian, Labbeo. Ughello: Dordemian,

Tomus V. Concilior. German.

(b) de Tomalintus, Labbe.
(d) forte: Laventinenfis.

stenfis vicecefeos. Fridericus Deys, decretorum Doctor, Decanus Paderburnenfis. Joannes de Mißen, Canonicus Ecclesiæ B. M. veteris capellæ Ratisbonenfis, procuratorio nomine pro Joanne, episcopo Ratisbonenfis.

22. Aprilis Joannes, Episcopus Lubicensis, promotus per Bonifacium IX. die VIII. Kal. Octobris, Pontificatus anno IX. anni MCCCXCVII. Idem Joannes, nec non Venerabiles Viri Theodoricus, Decanus ecclesiæ Stendaliensis, & Joannes, Præpositus Tangermundenfis, Licentiatuſ in Decretis, ut Ambaſiatores Illuſtris & Excellentis D. Jodoci, Marchionis Brandenburgensis, Archi-Camerarii S. R. I. & Marchionis Moraviæ.

Eodem die Dominicus Parvi de Varenis, S. Theologiæ Magiſter, Procurator Henrici, Episcopi Tullenſis.

23. Aprilis Ludolphus, Abbas monaſterii Saganenſis, Ordinis Canonicorum Regularium S. Auguſtini Uratiſlaviensis, promotus.

Eodem die idem Abbas cum D. Nicolao Barſinez, Scholaſtico, & Canonico Uratiſlavienſi, procuratorio nomine pro Bencelao, episcopo Uratiſlavienſi, & Clero Capituli ejuſdem civitatis.

Eodem die Venerabiles D. D. Gerardi Rudelli, S. Theologiæ Profeſſor: Lambertus de Stipite, decretorum Doctor: Egidius de Umalmen, U. J. D.: D. Andreas Suderman, in Legibus, & Paulus de Clœtingen, etiam in utroque Jure Licentiatuſ, procuratorio nomine pro Renero, Abbate S. Jacobi Leodienſi, Ordinis S. Benedicti: Henrico, Abbate Monaſterii S. Laurentii extra muros, Leodienſis viceceſis, Ordinis S. Benedicti: Joanne, Monaſterii XII. Apoſtolorum: Bellicedius (Belli reditus) Leodienſis, Præmonſtrat. Ordinis, & Willermo, Abbate Monaſterii S. Ægidii in publico (e) Monte prope Leodium, Ordinis Canonicorum Regularium S. Auguſtini, ſicut & pro rota Eccleſia, civitate, & viceceſi Leodienſi, & Abbatibus Monaſterii Stabulenſis, Ordinis S. Benedicti, Leo-

dienſis viceceſis. Abbate monaſterii S. Trudonis, ejuſdem Ordinis, & viceceſis. Abbate Monaſterii S. Uberti, ejuſdem Ordinis & viceceſis. Abbate monaſterii S. Gerardi de Bramo (Bronio legit Labbe) ejuſdem Ord. & viceceſis. Abbate Monaſterii Walcidiorenſis. Abbate Florienſi omnibus ejuſdem Ordinis & viceceſis. Abbate Alvenſi, Ord. Cisterciens. ejuſdem viceceſis. Abbate Monaſterii Vallis S. Lamberti. Abbatibus (f) monaſterii Vallis Dei. Abbate magni Prati omnibus ejuſdem Ord. & viceceſis. Abbate monaſterii Floreſſenſis, Ordinis Præmonſtratenſis, ejuſdem viceceſis. Abbate monaſterii Parcenſis. Abbate monaſterii Averbodiensis. Abbate monaſterii Helūmenſis, omnibus ejuſdem Ordinis & viceceſis. Abbate monaſterii novi, Ordinis Canonicorum Regularium S. Auguſtini, Leodienſis viceceſis. Abbate monaſterii Flonenſis. Abbate monaſterii Mahomenſis, utroque ejuſdem Ordinis & viceceſis.

26. Aprilis Rodolphus Presbyter, Canonicus Eccleſiæ Cameracenſis, pro Capitulo ejuſdem Eccleſiæ.

28. Aprilis Magiſter Hugo de Cayen, Licentiatuſ in decretis, Cantor & Canonicus Eccleſiæ Conſtantiensis, (g) pro Capitulo Eccleſiæ ſuæ.

30. Aprilis Joannes, Abbas monaſterii S. Ghilelmi [forte Ghisleni] de cella, Cameracenſis viceceſis, Ord. S. Benedicti.

1. Maji. Joannes, nec non D. Thomas de Fraxino, miles, & Henricus de Rheingeflutta (Rheingesslitte Labb.) Licentiatuſ in Legibus Eccleſiaſticis Eccleſiæ S. Petri Luthoſenſis, Cameracenſis viceceſis, procuratorio nomine electuſ Ambaſiator Illuſtris & magnifici Principis Guillelmi Ducis de Bavaria, Hannoniæ, Hollandiæ, & Zelandiæ Comitibus.

4. Maji advenerunt Venerabiles Viri Franciſcus, S. Theologiæ Magiſter, Ordinis Prædicatorum, & Petrus Ringer, Vice-Cancellariuſ venerabilis ſtudio Viennenſis, procuratorio nomine pro Erneſto, Duce Auſtriæ, & Studio ſuo Viennenſi.

(e) pulchro Monte, alia Leſſia.

(g) forte: Conſtantiensis in Normannia.

(f) fors: Abbate

7. Maji Magister Fridericus Rocardi, Præpositus ecclesiæ Hayngentadensis (Heiligenstadenfis *lego*) Maguntinæ diocesis, & Canonicus ecclesiæ Warmensis, procuratorio nomine pro Arnolde, episcopo Culmenfis, & pro Capitulo ecclesiæ Culmenfis, & pro Joanne, episcopo Pomezaniensi (Pomesaniensi *lego*) & ejus Capitulo, ficuti pro Capitulo ecclesiæ Warmensis, & ecclesiæ Sambienfis.

Eodem die Venerabilis Vir Nicolaus Lubich, Decanus ecclesiæ B. M. Erphordienfis, Proto-Notarius, & Secretarius Illustris Principum Friderici, & Guillelmi Germani, Landgravii Thuringi, Marchionum Misnensium, Comitum Palatinorum Saxonie, procuratorio nomine, & ut Ambasiator ipforum.

Eodem die Venerabiles D. D. Godefridus Liveghen (de Leiningen *pato*) Præpositus Moguntinensis, & Thesaurarius Ecclesiæ Colonienfis Theodoricus de Minse, (Mersa *lego*) Præpositus Bonnenfis, & Archidiaconus ecclesiæ Colonienfis Comes. Joannes de Linepe, (g) Subdiaconus ecclesiæ Colonienfis. Henricus Vesterholtz (b) J. U. D. Auditor sacri Palatii, & Decanus ecclesiæ S. Andreæ Colonienfis. Hugo de Heynort (z). Christianus de Eripilis (Erpell) Legum Doctor, Canonicus S. Cassii Bonnenfis, Colon. diocesis. Balduinus de Dicke, Canonicus S. Andreæ Colon. ut Ambasiatores & Procuratores Friderici Archiepiscopi Colonienfis, Sacri Imperii Electoris, & Archi-cancellarii per Italiam

Eodem die Petrus, Episcopus Cameracensis, promotus anno mccccv.

Eodem die Joannes, Abbas Monasterii Tongarenfis, Ordinis Præmonstrat. Cameracensis diocesis.

Eodem die Ægidius, Episcopus Constantienfis, promotus anno mccccvii. pro se, & Michael, Abbate monasterii S. Salvatoris, Vice-comitis, Ordinis S. Benedicti, Diocesis Constantienfis, & pro Guillelmo, Abbate Monasterii Beatæ Mariæ de Bombayo, ejus-

dam Ordinis & diocesis, sicut & pro Joanne, Abbate S. Laudi de S. Laudo, Ordinis S. Augustini, Constantienfis diocesis.

8. Maji Joannes de Torrano, Cantor, & Canonicus Ecclesiæ Metenfis, pro Capitulo Ecclesiæ Tullenfis.

9. Maji Joannes de Tornato, Cantor, & Simon de Fraudi, Canonici Ecclesiæ Metenfis, procuratorio nomine pro Rudolpho Episcopo.

Eodem Viri Venerabiles DD. Joannes Conteti, Licentiat in Decretis, Canonicus Bisuntinus, & Joannes de Nemoribus, Secretarius Cardinalis Salutiarum, procuratorio nomine pro Archi-Episcopo Bisuntino.

Die 16. Maji Venerabiles Viri D. Joannes Kempen, Præpositus Ecclesiæ S. Bartholomæi Francfordienfis, Moguntinæ Diocesis. Philippus Flach, Canonicus Moguntinus. Henricus Heverfels (Herenfels *Lab.*) Decretorum Doctor, Præpositus Ecclesiæ S. Victoris extra muros. Conradus Ovels, Decanus B. Mariæ ad Gratius Moguntinensis. Vest, Præpositus Jerhebursis, ut Ambasiatores Joannis Archi-Episcopi Moguntini, Imperii Electoris, & ejusdem per Germaniam Archi-Cancellarii.

Eodem Venerabiles Viri Henricus de Croule, Licentiat in decretis, Canonicus Ecclesiæ Beatæ Mariæ in Yvodio Consiliarius, & Execlulus de Veldrefinga, Pastor in.... Tevevenfis (f), Capellanus, Ambasiatores procuratorio nomine pro Carolo Duce Lotharingæ & Marchion.

17. Maji. Advenerunt Pisas Hemyngus de Valde, miles, procuratorio nomine Ambasiator D. Bugguzlani (Bugguslai *lego*) Ducis Stetinensis, Lomeraniæ, Salvæ, (m) Cassuriæ Principis Raywart.

Die 19. Maji. Joannes de Goch, Præpositus Ecclesiæ S. Sebastiani Magdeburgensis, Apostolicæ Cameræ Clericus, procuratorio nomine, & ut Ambasiator Guntherii Archi-Episcopi Magdeburgensis, & pro excelsis Prin-

(g) Lennep.

(b) Westerholtz.

(z) Heynort.

(f) Treverenfis Diocesis.

(m) Slaviæ, Cassubiæ.

Tomus V. Concilior. German.

Principibus Henrico , & Gunthero
Fratribus Comitibus de Schwartzem-
burg, sicut & pro Waltero Episcopo
Merleburgensi.

Die 27. Maji. RR. D. Venceslaus , Pa-
triarcha Antiochenus, & Thuno (n),
Episcopus Misnenfis, & Magnus,
& Excelsus D. Benesinus, Baro Regni
Bohemie Regis Romanorum, & Bo-
hemie comparuerunt in dicto Conci-
lio Pisano. Item dicti Ambasiatores
presentarunt literas Dominorum Car-
dinalium ex parte Regis Hungarie ,
quod propter nonnullas causas Am-
basiatores suos ad hoc sacrum Conci-
lium generale mittere non poterat,
sed quod Frater suus Rex Romano-
rum & Bohemie suos mittebat solem-
nes Ambasiatores, & quod ipse a vo-
luntate dicti Fratris sui deviare non
contendebat.

Eodem 27. Maji. Timo, Episcopus mis-
nenfis, promotus a Bonifacio IX. die
III. non. Decembris , Pontificatus X.
Christi mcccxcviii. indict. 6.

Die 29. Maji. Venerabiles Viri Andreas
de Bohemita Libenda, S. Theologiae

(n) Thimo.

Professor, & Herobaldus Zolobold ,
Baccalaureus, in S. Theologia Artium
Magistri , procuratorio nomine pro
Universitate Studii Pragensis.

Die 3. Junii. Venerabilis Vir M. Simon
Gileti, Baccalaureus in legibus, Cano-
nicus Laudonensis , procuratorio no-
mine. . . Joannis, Episcopi Wirdu-
nensis, ejusque Capituli.

13. Junii. Joannes de Montani, Rector
Parochialis Ecclesie S. Udalrici extra
muros novae civitatis Saltzburgensis
Diecefis , procuratorio nomine pro
Conrado, Episcopo Gurcensi.

Eodem Fridericus Deys , Decretorum
Doctor , Decanus Paderbornensis,
procuratorio nomine ut Ambasiator
Illustris Principis D. Joannis Maynar-
di, Palatini Carinthiae, & Comitibus Go-
ritiae & Tirolis.

*Haftenus Mansi Tom. III. Supplementi
Concilior. pag. 1060. ad pag. 1088.
ex codice Regio MS. Taurinensi præ
Catalogis vulgatis a Cossartio, Labbeo,
Marteno, & Ughelliano, veluti ple-
niore & in multis accuratiori.*

CONCILIIUM PRAGENSE

SUB SBYNKONE ARCHIEPISCOPO.

Anno Christi MCCCCVIII. Gregorii XII. Papæ II.
Ruperti Reg. roman. IX.

SUMMA. Damnatio XLV. articulorum Wicleffi.

Hoc anno SBINKO , Pragensis Ar-
chi Episcopus, cum animadver-
tisset Wicleffi hæreses a Joanne Husi, ab
Oppido, quod Auserem sonat, ita dicto,
disseminari, celebrem Synodum coegit, in
qua quadraginta quinque articulos Wi-
cleffi, Londini, (a) & Oxoniae (b) in An-
glia, in Gallia Parisiis, & Romæ ab
Urbano VII. damnatos, etiam in Bohemia
Pragæ damnavit. Ut vero ex Anglia in
Bohemiam Wicleffi hæresis, miserando
Regno exitium allatura irreperit, quive
ii fuerint articuli, quorum primus affir-
mat Substantiam panis manere in Sacra-
mento, tertius negat præsentiam Christi
in Eucharistiae Sacramento, & sextus

debere Deum parere næmoni, ait; de-
scribit Joannes Coclaus ex vetustis mo-
numentis hæc verbis:

*Factum est, ut post mortem ipsius, nimirum
Wicleffi, quidam ex Discipulis ejus, no-
mine Petrus Payne, Anglus, Pragam cum
libris illius profugeret, Regnante Wenceslao,
ea forsitan occasione permotus, quod ante
eum Bohemus quidam, genere Nobilis ex
domo, quam Putridi Pilcis vocant, apud
Oxoniam in litterarum studio constitutus,
libros Wicleffi, quibus titulus est: De uni-
versalibus realibus, inde in Patriam se-
cum retulit, veluti pretiosum thesaurum,
quos Pragæ diversis transcriptionibus multis
boni-*

(a) Anno 1382.

(b) Anno 1382.

hominibus communicavit, & juxta nomen suum putridi hæretici letale virus civibus suis infudit. Communicavit vero libros illos iis potissimum, qui Theutonicorum (uti refert Æneas) odio tenebantur; uti illi per nova dogmata vexati, Academiam Pragensem, in qua prævalebant, Bobemis regendam discedentes relinquerent. Priusquam tamen invaluisset lues illa vulgo apud multos, Doctores, & Magistri Almæ Universitatis Pragensis, qui jam acceperant, multos Joannis Wicleffi articulos publice damnatos fuisse non solum in Anglia per Concilium Provinciale, & per Universitatem Oxoniensem; verum etiam Romæ in Concilio Generali, & Parisiis a celeberrima Facultate Theologica; proposuerunt & ipsi quadraginta quinque articulos Wicleffi publice examinandos sub hoc verborum tenore:

XLV. Articuli JOANNIS WICLEFFI.

- I. Substantia panis materialis, & similiter substantia vini manent in Sacramento Altaris post consecrationem.
- II. Accidentia panis non manent sine subiecto in Sacramento Altaris.
- III. Christus non est in eodem Sacramento identice, realiter, & in propria essentia corporali.
- IV. Si Episcopus vel Sacerdos existat in mortali peccato; non ordinat, non conficit, nec baptizat, nec consecrat.
- V. Non est fundatum in Evangelio, quod Christus missam ordinaverit.
- VI. Deus debet obedire diabolo.
- VII. Si homo fuerit debite contritus, omnis confessio exterior est sibi superflua & inutilis.
- VIII. Si Papa sit præscitus & malus, & hinc membrum diaboli, non habet potestatem super fideles ab aliquo sibi datam, nisi forte a Cæsare.
- IX. Post Urbanum VI. non est alius recipiendus in Papam, sed vivendum more Græcorum sub legibus propriis.
- X. Contra Sacram Scripturam est, quod Viri Ecclesiastici habeant possessiones.
- XI. Nullus Prælatus debet aliquem excommunicare, nisi prius sciat ipsum excommunicatum a Deo.
- XII. Excommunicans Clericum, qui appellavit ad Regem & consilium regni; eo ipso est traditor regni.
- XIII. Illi, qui dimitunt prædicare, sive verbum audire propter excommunicationem Prælati, sunt excommunicati, & in die Judicii traditores Christi habebuntur.
- XIV. Omnes de ordine mendicantium sunt hæretici, & dantes eis eleemosynam, sunt excommunicati.
- XV. Nullus est Dominus civilis, nullus est Prælatus, nullus est Episcopus, dum est in peccato mortali.
- XVI. Domini temporales possunt ad arbitrium suum auferre bona temporalia, & possessiones ab habitualiter peccantibus.
- XVII. Populares possunt ad suum arbitrium Dominos delinquentes corrigere.
- XVIII. Decimæ sunt meræ eleemosynæ, & Parochiani propter peccata possunt eas ad libitum auferre.
- XIX. Speciales orationes applicatæ uni personæ per Prælatos religiosos, non plus profunt eidem, quam generales, cæteris paribus.
- XX. Conferens eleemosynam fratribus, est excommunicatus eo facto.
- XXI. Si aliquis ingreditur religionem privatam quamcumque, tam possessionatorum, quam mendicantium, redditur ineptior, & inhabilior ad observanda mandata Dei.
- XXII. Sancti instituentes religiones privatas, sic instituendo peccaverunt.
- XXIII. Religiosi viventes in religionibus privatis non sunt de religione Christiana.
- XXIV. Fratres tenentur per labores manuum victum accipere, non per mendicitatem.
- XXV. Omnes sunt Simoniaci, qui se obligant orare pro aliis in temporalibus obvenientibus.
- XXVI. Oratio præsciti nihil valet.
- XXVII. Omnia de necessitate absoluta eveniunt.
- XXVIII. Confirmatio juvenum Clericorum, ordinatio locorum & consecratio reservantur Papæ, & Episcopis

- pis propter cupiditatem lucris temporalis & honoris.
- XXIX. Universitates, studia, graduationes, Collegia & magisteria in eisdem sunt vana gentilitate introducta, & tantum profunt Ecclesiæ sicut diabolus.
- XXX. Excommunicatio Papæ, vel alterius Prælati, non est curanda, quia est censura Antichristi.
- XXXI. Peccant fundantes claustra, & ingredienti sunt viri diabolici.
- XXXII. Ditare Clerum est contra regulam Christi.
- XXXIII. Sylvester Papa, & Constantinus Imperator erraverunt Ecclesiam ditando.
- XXXIV. Licet alicui Diacono vel Presbytero prædicare Verbum Dei absque Apostolicæ sedis vel Episcopi auctoritate.
- XXXV. Ingredientes aliquam religionem eo ipso sunt inhabiles ad observanda Divina præcepta, & perveniendum ad Regnum Cælorum, nisi apostataverint ab eisdem.
- XXXVI. Papa cum omnibus Cardinalibus, & Clericis possessionem habentibus, sunt hæretici, & laici isti contentientes.
- XXXVII. Ecclesia Romana est Synagoga Sathanae.
- XXXVIII. Credere indulgentias est fatuum.
- XXXIX. Decretales epistolæ sunt apocryphæ, & seductivæ a fide Christi,

sti, & Clerici sunt stulti, qui eis student.

- XL. Imperator & seculares sunt seducti a diabolo, ut Ecclesiam dotarent bonis temporalibus.
- XLI. Electio Papæ a Cardinalibus, est per diabolum introducta.
- XLII. Non est de necessitate salutis credere, Romanam Ecclesiam esse summam inter alias Ecclesias.
- XLIII. Juramenta illicita sunt, quæ fiunt ad roborandum humanos contractus, & civilia commercia.
- XLIV. Augustinus, Benedictus, Bernardus damnati sunt, nisi poenituerint de hoc, quod habuerunt possessiones, & introierunt religiones.
- XLV. Omnes religiones indifferenter introductæ sunt a diabolo.

Quos quidem articulos rite & legitime examinatos, generali sententia uno ore & communi omnium consensu per solenne Decretum condemnarunt Doctores, & Magistri Academiae Pragensis anno Domini MCCCC. VIII. : cujus rei testem ocularem produco M. Joannem Præbram Bobemum, qui cum multis annis inter Hussitarum Doctores fuerit, unus de præcipuis, respiciens tamen postremo acerrime Wicleffitas impugnavit, atque etiam ex propriis Wicleffi verbis confutavit, & convicit.

Cochleus Lib. I. de Historia Hussitarum. inde Raynaldus in Annal. Ecclesiast. ad b. a. N. 69.

Testimonium de *Universitatis Pragensis sententia* contra Wicleffum hic prolata a Joanne de Præbram, qui primo Hussitis favit, post ejuratis erroribus Hussi, contra eundem scripsit & dimicavit Catholicus : " Profecto toto animo, quod Decretum & Sententia in *Congregatione Doctorum, Magistrorum*, & totius Nationis Bohemicæ circa annum Domini MCCCCVIII. facta in Universitate Pragensi in domo nationis ad nigram Rosam, Magistro Joanne HUS, tanquam principali in eadem præsentem & contentientem, & ME illic etiam præsentem & coassistente, est in hoc de tanto iusta rationabilis atque vera, de quanto omnes & singuli unanimiter nullo penitus contradicente decreverunt, " &c.

Ex Cochleæ L. I. citato de Historia Hussitarum. Raynaldus Loc. cit.

Archi-Episcopus Shinko, motus querelis Doctorum, & Literis, Vir consilio & animo illustris . . . munitus ad hoc Sedis Apostolicæ auctoritate, veluti Legatus, & Commissarius, convocatis Doctoribus, iussit ad se ferri Libros Wiclephi. Quibus sane allatis, Doctorum consilio & examine fretus, omnes illos ignibus adjudicavit. Supra 200. Volumina fuisse, ait *Aeneas Sylvius*.

Cochleus Lib. I. Histor. Hussitar. pag. 17.

SYNODUS DIOECESANA HERBIPOLENSIS,

A JOANNE AB EGLOFFSTEIN EPISCOPO CELEBRATA

Anno Christi MCCCCXI. Joannis XXIII. Papæ II.
Sigismundi Reg. Roman. II.

STATUTA VII.

JOHANNES, DEI, ET APOSTOLICÆ SEDIS GRATIA, EPISCOPUS
HERBIPOLENSIS; UNIVERSIS CAPITULIS, CONVENTIBUS, ATQUE CLERO
REGULARI, ET SÆCULARI, PER NOSTRAS CIVITATEM ET DIOECESIM
HERBIPOLENSEM UBILIBET CONSTITUTIS, SALUTEM IN DOMINO,
ET PRÆSENTIUM REPETITÆ LECTIONIS INCONVULSAM
NOTITIAM ET OBSERVANTIAM.

Cum die data præsentium, in sacra
Herbipolensi Synodo quasdam consti-
tutiones super certis articulis duxerimus
promulgandas, Universitati vestræ per
hæc scripta præcipimus & mandamus,
quatenus eis, quas sub Sigillo Vicariatus
nostri vobis transmittimus, uti velitis in-
antea, easque sub suis certis Titulis Sy-
nodalibus nostris institutis, quæ olim,
sub prima nostra Synodo per Nos ce-
lebrata, debite compilavimus, collo-
care.

I. De Immunitate Ecclesiarum.

Olim, ut infra limites non solum Ar-
chidiaconatus illius, infra quem Clericum
in sacris Ordinibus constitutum, aut Re-
ligiosum aliquem temere capi, sed eti-
am Archidiaconatus illius, ubi ipsum
detineri contingerit, ut ipso facto cesse-
tur a Divinis, sub excommunicationis la-
tæ sententiæ poena, statuit sacrum Con-
cilium Moguntinum, ac etiam Statutum
Synodale: verum quia Concilium &
Statutum hujusmodi nonnunquam ne-
glectum est observari ab illis, in quorum
favorem dinoscitur statutum; factum
est, ut sæpe morte conterantur, velut
vasa testea, Filii Syon incluti, & sicut
ovis ad occisionem reputantur ab impiis
Ecclesiæ filii & Prælati: Nos igitur mul-
ta deliberatione præhabita, de consensu
Prælatorum atque Cleri, Nobis in hac sa-
cra Synodo assistentium, non solum
Concilium & Statutum ipsa approba-

mus, verum etiam ipsa innovamus, ac
ipsis duximus adjungendum, ut & ipsa
sub suis poenis, sententiis, & censuris
etiam instituta forma contra Ecclesiasti-
carum rerum spoliatores & Clericorum
in morte deprædatores, per omnia invio-
labiliter, postquam de captivatione,
spoliatione, detentione aut deprædatione
constiterit evidenter, infra limites
Archidiaconarum supra descriptorum,
nullo alio mandato desuper expectato
observentur. Hoc insuper pro majiori
Ecclesiasticæ libertatis tutela, dictorum-
que criminum repulsa sub eisdem poenis
& sententiis firmiter statuimus & man-
damus, quod in nulla Ecclesia, ne-
que Cathedrali, neque Collegiata,
nec etiam Monasterio aliquo Ordinis S.
Benedicti, filii aut nepotes ipsorum, qui
Clericum aliquem in sacris, ut præfer-
tur, constitutum, aut Religiosum temere
captivaverit, aut captivatum detinuerit,
vivum aut mortuum spoliaverit; quo-
vis modo, in Canonicos recipiantur, aut
in fratres.

II. De Parochiis.

Quamquam a sacris Canonibus du-
dum fuerit institutum, ut Rectores Pa-
rochialium Ecclesiarum infra unius anni
spatium ad Sacerdotium teneantur pro-
moveri; plerique cortici verborum tex-
tus juris inhzrentes; Sacramentalem
ordinem recipiunt, sed officium ordini
ipsi adnexum differunt exercere: Nos
igi-

igitur attendentes, quod sacri Canones non verba, sed mentem amplectantur, sacra approbante hac Synodo statuimus & ordinamus; quod Rectores Ecclesiarum Parochialium singuli nostræ civitatis & Diœcesis post receptionem sacri Sacerdotii, infra unius anni spatium susceptionis ordinis huiusmodi immediate subsequenti, hoc Sacerdotale officium cum Missarum celebratione teneantur debite exercere, ipsique fideliter diebus, quibus vixerint continuare, nisi desuper per Nos, aut Successores nostros ex causa, quam Nos aut Successores nostri duxerimus aut duxerint, seu saltem ducere debeamus vel debeant reputare, cum eisdem fuerit dispensatum, alioquin ipsos, Ecclesiis Parochialibus sic susceptis privatos esse volumus eo ipso.

III. De Cohabitatione Clericorum & Mulierum.

Quamvis per Statuta tam Canonica, quam Synodalia, concubinæ Clericis sint gravibus sub pœnis interdictæ; nonnulli tamen lumbos continentia non præcingentes, focarias seu mulierculas causa concubitus nutriunt atque fovent; universis Decanis tam Cathedralis nostræ Ecclesiæ, quam Collegiatarum, nec non Ruralium Capitulorum, aut eorum vice gerentibus, districtius præcipimus & mandamus; quatenus infra unius mensis spatium a die data præsentium immediate subsequenti, concubinas & focarias huiusmodi a suis subditis penitus rejiciant & expellant, alioquin sanguinem ipsorum de suis manibus requiremus. Si vero quisquam Decanis aut vicem gerentibus eisdem rebellis fuerit, ipsum Nobis, aut nostro in Spiritualibus Vicario infra eundem terminum Decanus ipse significet rebellantem: a Nobis tamen per commissionem præsentium, Potestatem procedendi contra concubinaros istiusmodi nullatenus abdicamus, nec tamen per processum ipsum, si quem (a) Nos aut nostrum Vicarium in Spiritualibus forsitan haberi contigerit, commissionem ipsam intendimus aliquatenus revocare, nisi de revocatione ipsa in nostris inde faciendis litteris mentio fieret.

(a) *supple:* per

IV. De Religione & Veneratione Sanctorum.

Ne in debita veneratione Sanctorum quisquam nostræ civitatis & Diœcesis a nostra majori Ecclesia valeat deviare; Festivitates per anni circulum per populum Nobis subditum solempniter celebrandas & quas ab olim ipsa nostra Ecclesia & populus civitatis solempniter celebravit, præsentibus duximus annectendos, mandantes, quatenus Festivitates ejusmodi, & nullas alias sine nostra speciali auctoritate & licentia nostro populo celebrandas aliquatenus, de cetero indicatis: Festum videlicet, Nativitatis Domini nostri. Sancti Stephani Prothomartyris. S. Joannis Apostoli & Evangelistæ. Sanctorum Innocentium. Circumcisionis Domini. Epiphaniæ Domini. Purificationis sanctæ Mariæ. Sancti Matthiæ Apostoli. Annuntiationis sanctæ Mariæ. Resurrectionis Dominicæ. Sancti Marci Evangelistæ, ante prandium. Sanctorum Philippi & Jacobi Apostolorum. Inventionis sanctæ Crucis. Ascensionis Domini, Pentecostes cum tribus diebus sequentibus. Sanctæ Trinitatis. Corpus Christi, Sancti Viti Martyris. Nativitatis sancti Joannis Baptistæ. Visitationis sanctæ Mariæ. Sanctorum Petri & Pauli Apostolorum. Sancti Kiliani. Sanctæ Mariæ Magdalenzæ. Sancti Jacobi Apostoli. Sancti Laurentii Martyris. Assumptionis sanctæ Mariæ. Nativitatis sanctæ Mariæ. Conceptionis sanctæ Mariæ. Sancti Bartholomæi Apostoli. Sancti Mathæi Apostoli. Sancti Michaelis Archangeli. Sancti Burchardi. Sanctorum Simonis & Judæ Apostolorum. Omnium Sanctorum. Sancti Martini Episcopi. Sanctæ Elisabethæ Viduæ. Sanctæ Katharinæ Virginis. Sancti Andreæ Apostoli. Anniversarius Dedicationis & Festivitatis cujuslibet Ecclesiæ Patroni. Dies quoque Dominicæ singulæ per anni circulum occurrentes.

V. De Statu Monachorum.

Quia Religiosi habitum suæ Religionis non deferentes excommunicati sunt ipso jure, plurimi de Ordine sancti Benedicti sine ipso incedunt; quapropter & nos ipsis a Divinis interdiciamus. Volumus autem, ut ipsi inantea habitum suum Religionis suæ congruum deferant, sub-

substantialia quoque regulæ & religionis obervent; atque in per Clerum nostræ civitatis & Diocesis, præfenti Synodali sanctioni non parentes, in Divinis & extra mandabimus evitari.

VI. De Decimis.

Licet omnis Christianus ad Missarum solemniam aliquid Deo offerre teneatur, & reducere ad memoriam, quod Deus per Moysem dixit: *Non apparebis in conspectu meo vacuus*, in præcipuis tamen Dei & Sanctorum Festivitatibus per anni circulum occurrentibus, quas juxta nostræ Ecclesiæ longævam consuetudinem VII. fere censemus: Nativitatis videlicet Domini nostri Jesu Christi. Paschæ & Pentecostes. Nativitatis sanctæ Mariæ. Purificationis. Annuntiationis. Assumptionis. Ad oblationes & offertoria omnes & singulos nostros subditos in suis Parochialibus Ecclesiis Sacerdotibus suis Curatis teneri præsentibus declaramus, statuendo.

Præterea decernimus & districtissime injungimus, & mandamus, ut singuli Ecclesiarum Rectores in prædictis septem Festivitatibus statuta superscripta, contra spoliatores & captivatores Clericorum edita, suo pronuntient de ambone, ne ipsi prætextu ignorantie eorundem se valeant aliquatenus excusare.

Decimas sacri Canones jubent sine diminutione, & sine expensarum deductione Clericis exsolvi, ideoque mandamus, quatenus ipsas de fructibus statim, cum collecti fuerint, & non deductis expensis cum integritate plenaria exsolvant.

VII. De Accusatione.

Postremo, quia ad morum correctionem, & controversiarum dissolutionem semel ad minus in anno Episcopalem Synodum sacri Canones celebrari præceperunt, statuimus & ordinamus: ut singulis annis deinceps, anno immediate sequenti dumtaxat excepto, omnes & singuli Prælati, & Decani rurales, adjunctis sibi de Clero sibi subdito duobus aut tribus viris idoneis & honestis, Feria quarta post Dominicam, qua *Jubilare* in Ecclesia Dei post Pascha decantatur, pro Concilio, & de quinquennio in quinquennium dicta die generaliter omnes & singuli Synodo Episcopali interesse debentes, sine nova advocazione, pro generali hujusmodi Synodo celebranda, teneantur interesse.

Datum Herbipoli Anno Domini MCCCXI. mensis Octobris die XXIII. nostri Vicariatus sub sigillo.

Descriptit Cl. Schannatus ex Codice MS. Cænobii S. Michaelis Bambergæ.

SYNODUS PADERBORNENSIS

Anno Christi MCCCXI. Gregorii XII. Papæ V.
Joannis XXII. PP. II. Sigismundi rom. reg. II.

WILHELMUS, (a) Paderbornensis electus Episcopus, in Abdinghoviano Sancti Benedicti Cænobio religiosam ad disciplinam reducendo, alterum jam in annum laboraverat multo quidem studio, sed fructu nullo: cum Abbas ac Monachi omnibus Episcopi monitis publicis, privatisque non solum contumaciter restitissent, sed Clerum insuper & plebem adversus Episcopum concitassent. Tandem cum Episcopus post Ecclesiasticas adhibitas centuras, carceres etiam contumacibus intentasset; Monachi cum Clericis, laicisque iram

omnem odiaque verterunt in Ecclesiasticum Episcopi Judicem, tanquam motuum horum incentorem (erat is Gobelinus Persona, ex cujus Cosmodromio hæc excerpimus) eundemque, tentata etiam vita, inperfo cibus veneno, gravissimis injuriis affixere. Quare hic
" in Episcopali Synodo (inquit Gobelinus)
" coram Clero ibidem congregato de infecunditate Personæ suæ, propter machinationes in mortem ejus attentatas, protestans, de speciali mandato Domini
" Electi, Curiam Episcopalem cum jurisdi-

" iurisdictione sua, ad oppidum Bilsfelde, " Electo de jure Patrimoniali pertinens,
 " Diocesis Paderbornensis, ipsi Domino " transferebat."

Gobelinus Persona Cosynodrom. Cap. XCII. Schatenus Annal. Paderborn. P. II. L. XV.

- (a) Wilhelmus, Dux Montium, anno MCCCXCIX. a Paderbornensi Collegio Cathedrali una consensione electus Episcopus, cum Bertrando de Arvassanis Canonico Ravenatensi, quem Pontifex Bonifacius IX. Episcopum nominaverat, plus anno integro de adeunda Episcopatus possessione disceptavit: ad quam dein anno MCCCCI. Prid. Id. Martii, e Papæ, Bernardum in Italiam revocantis, consensu, admissus fuit. Præfuit Ecclesiæ Paderborn. usque ad annum MCCCCXVI. quo dum pro obtinenda Metropolitana Colonienſi, ad quam anno præcedente multorum Canonicorum Colonienſium suffragiis evocatus fuerat, cum Theodorico Mörſano æmulo suo, ab altera Canonicorum parte electo, acriter decertasset; tandem huic non Colonienſem solum Metropolim, sed Paderbornensem etiam Episcopatum cessit anno MCCCCXVI. Et cum Majoribus initiatus nondum esset, relicta sponsa sua Ecclesia, Nicolai Teckleburgensis Comitis filiam Alheidem, Theodorici Mörſani neptem, Sponsam duxit, nuptiis Arnsbergæ 19. Februar. celebratis, præſente & procurante Theodorico Archi-Episcopo Colon. qui Paderbornensem dein Ecclesiam annis septem & quadraginta administratoris nomine tenuit, rexitque.

*Tribunal Inquisitionis stabilitum MINDÆ
 per Vicarii Generalis Litteras, seu Mandatum Episcopale,
 Datum anno MCCCCXI. Indiæ. XIV. Mense Septemb.
 Die XXVIII.*

NOS WILBRANDUS, DEI GRATIA, EPISCOPUS MINDENSIS,
 AD FUTURAM REI MEMORIAM.

Cum, proh dolor! nostra Mindensis Ecclesia quam gravissime & atrocissime ob diversâ & quamplura crimina, præsertim capitalia, ut puta contra naturam, homicidium, crimen læsæ Majestatis, crimen falsi, sacrilegium, conspirationem, falsum testimonium, simoniam, raturam, nec non excessus, malitias, insolentias, scandalisationes, injuriationes, læsiones, malam vitam, inhonestatem morum, multipliciter vitiorum, notabilesque in sanctis moribus, aliis virtutibus, sacris Ordinibus, Divinorum Officiorum obsequiis, ac Beneficiatibus titulis, defectus personarum in ea existentium, quam diutius & incessanter in mali status dispositione, ornatu, regimine & gubernatione, bonorum administratione, fructuum exhibitione, Divini cultus, ac inhonestis & illicitis statutis & consuetudinibus, & aliis, quasi per infinitum corruptibiliter in capite, & in membris sint, & malignizata, scandalizata, & dehonesta, & injuriata, & per minimum læsa & corrupta, & vituperata, nec non etiam, quæ olim locus Paradisi & hortus deliciarum fuerat,

& in spiritualibus Sanctius resorere, ac in temporalibus uberius habundare consueverat, in eisdem spiritualibus & temporalibus passa fuerat, & patitur gravia detrimenta, ac in eis, quasi funditus collapsa, & collabitur, quia nisi ei celeriter succurratur, vix adjiciet, ut resurgat.

Et quia præmissa Nobis innotescunt & nota sunt, non solum ex cottidiana, clamorosa, & publica fama in dies coram clamante, Officium nostrum in civitate ac incessanter propulsante, & ad judicium Nos evocante: verum etiam ex nostra scientia sensibus corporeis per Nos palpata, & per experimenta nobis clara & notoria sunt, & insuper ea non Nobis solum, sed etiam nostris, & vicinarum partium Clero & populo clarescunt. Et cum Ecclesia quam plures Nos, & successive Officiales nostri de mandato nostro in loco Capitulari ipsius Ecclesiæ Canonicos, & ibi capitulariter tunc existentes, & Capitulum celebrantes, monuimus, & iussimus, ac juberi, ac moneri fecerimus, ut præmissa eis in genere & in specie tunc designata infra certos

tos terminos tunc expressos, corrigerent, & emendarent: ipsi tamen monitiones & iussiones huiusmodi adimplere non curarunt, neque curant. Ac videntes & experientes, quod propterea ipsa Ecclesia paupercula summo opere tam in ejuldem capite & membris, *Vsitationem*, & *Inquisitionem*, & *Reformationem*, *punitionem*, & *emendationem*, *relevationem*, *constitutionem*, ac ulterius dispositionem fructuose cujuscumque luna quam maxime necessario indigere dinoscatur. Tenore præsentium constituimus & ordinamus Venerabiles Viros, Dominos, Magistrum *Joannem Barborch*,

Decretorum Doctorem, *Hermannum Reynerdinck*, *Decanum S. Joannis*, *Magistrum Joannem Kerckhof*, *Canonicum S. Martini*, *Jordanum Groten*, *Hamelensem*, *Mindenensis Diecefis Ecclesiarum Canonicos*, ac *Joannem Plettenborch*, *Notarium publicum*, *Clericum Colonienfis Diecefeos*, in nostros Vicarios, & Officiales, speciales & Generales &c. Et sic fuit inchoatum tale factum, quod stetit per tres annos.

Leerbeck Chronicon Mindense. Edidit Leibnitzius Tomo II, Scriptor. Brunsvicens.

Articuli OTTONI, Havelbergensi Episcopo,
in MAGDEBURGENSI CONCILIO propositi, circa cultum
prætenfi cujusdam Sanguinis Christi in Wilsnack.

Anno Christi MCCCCXII. Joannis XXIII. PP. III.
Sigismundi Reg. Roman. II.

I. IN Oppido vestro *Wilsnack* illicita fieri perhibentur in opere, sermone, & fallacibus signis; & primo quidem innumerabilia & incredibilia miracula, & sæpe quod mortui resurgant, quorum tamen nemo visus est.

II. Licet talia figmenta sint publica, nunquam tamen audivimus aliquem vestrorum Clericorum propter hoc esse punitum, ut aliis cederet in exemplum; cum tamen scriptum sit: Peccantem coram omnibus arguere, ut & cæteri timorem habeant.

III. In majorem confirmationem errorum, magna miraculorum volumina conscripta sunt, & diutim talia figmenta conscribuntur, ita quod de Christo, & ejus Apostolis, non tot scripta sunt, quam ibidem habentur; & hæc magna præsumptio est, Posteris nostris talia relinquere in scriptis, quasi per Præde-

cessores Prælatos, & Doctores sint approbata.

IV. Veneratur ibidem populus cruorem, nescimus quem; cum tamen nullus ibidem habeatur, nec aliquid simile cruori. Hoc primo ortum habuit ab illius loci quondam Plebano, cui fides non debuit haberi, ex eo, quod per se factus est in Magdeburg, qualiter egit; Testibus felicis memoriæ *Christiano*, sacre Theolog. Doctore, de Ord. Minorum, & quondam Magistris in Theologia, *Henrico de Geysmania*, & *Petro Steinbecke*.

V. Alii cautius loquentes, asserunt non cruorem, sed Sacramentum ibidem venerari, contra quos communis nominatio loci militat; quia dicitur: *ad sacrum Sanguinem*, & invocatio talis est: *Adjuva me sacer sanguis, vel sacer sanguis me liberet*. Quando tamen necesse non est ad illum

Anno 1383. oppido *Wilsnack* in cineres redacto, dicuntur inter cineres & rudera 3. Hostiæ in una pixide sartæ illæse repertæ fuisse, sed sanguineis guttis resperse: inde fama late manat. Concurfus populi immensus, uti & oblationes, indulgentiæ variae a Papa & Episcopis nunc datæ, nunc revocatæ: de hac Hostia prætenso sanguine imbuta hæc sapiens ordinatio procedit. *V. Lentzen Havelbergische Historie pag. 40. 41. 42.*

Tomus V. Concilior. German.

E 2

illum locum propter Sacramentum recurrere, cum ubique in Ecclesiis habeatur.

VI. Pro Reliquiis ibidem exponitur, nescimus quid, de cera candelæ, quo Fideles consignantur, cum juris sit dispositio, nullas venerari Reliquias, nisi a Sede Apostolica sint approbatæ.

VII. Dicuntur ibidem publicari indulgentiæ multæ & magnæ, nec tamen constât, quis easdem dederit.

VIII. Clerici ibidem ministrantes Divina, leves & multiloqui, absque timore Dei absolvunt in casibus gravibus, nescitur cujus autoritate.

IX. Sumptuosum ibi ædificium erigitur, ex quo fama loci confortatur, & dilatatur in remota, quod non ex-

pedi, antequam res examinetur & iustificetur.

X. Multa insuper ibidem dominatur avaritia; ille pro pecunia visitat peregrinos; ille vendit signa, quibus tamen nullum correspondet signatum; alius, si petatur pronuntiari aliquid miraculum, petit pecuniam; alius, etiam a pauperibus mendicantibus exigit pecuniam pro cedula, in qua innotescit talem, & talem ex ipsis ibi fuisse; alius petit ad structuras; alius ad sacras candelas &c.

Quapropter, cum non modicum impetetur Ecclesiæ Magdeburgensi, & ejus Pontifici, quidquid ibi committitur erroris, petit sacrum hoc Concilium, super omnibus, ac singulis præmissis, informari a vobis.

SYNODUS DIOECESANA MISNENSIS,

SUB RUDOLPHO, EPISCOPO MISNENSI,

CUJUS STATUTA PUBLICATA È CASTRO STULPIN

Anno Christi MCCCCXIII. Joannis XXIII. PP. IV.
Sigismundi Reg. Roman. IV.

RUDOLPHUS, DEI, ET APOSTOLICÆ SEDIS GRATIA, EPISCOPUS MISNENSIS, UNIVERSIS ET SINGULIS ABBATIBUS, PRIORIBUS, PRÆPOSITIS, DECANIS, PLEBANIS, VICE-PLEBANIS, ARCHI-PRESBYTERIS, ET CLERO NOSTRÆ DIOECESIS, SALUTEM IN DOMINO SEMPERNAM, ET MANDATIS HUIUSMODI FIRMITER

OBEDIRE.

Statuta Canonum volentes exequi, ut tenemur, ideo Statuta Synodalia per Prædecessores nostros edita duximus confirmanda, & præsentium autoritate confirmamus, & ea, quæ per negligentiam non sunt servata, innovamus, & sub excommunicationis poena præcipimus observari, quorum copiam recipiant singuli Presbyteri nostræ Diocesis infra mensem, & particularibus Synodis, & conventionibus eadem Statuta legant, & publicent diligenter.

I. Primo: omnes hæreticos, schismaticos, fortilegos, incantatores, &

magicas artes exercentes, homicidas, usurarios publicos, adulteros manifestos, emptores spoliolum scienter, & violatores Ecclesiasticæ libertatis excommunicamus, Dei nomine in his scriptis invocato, quos, & vos singulis diebus Dominicis & Festis excommunicatos publice denunciatis.

II. Item præcipimus, quod singuli Clerici nostræ Diocesis, vestes & tonsuram gerant congruentes, alioquin contra transgressores, quantum de jure poterimus, procedemus.

III.

Rudolphus de Plauvenitz, Episc. Misnensis, sedit ab anno 1411. IV. Idus Januarii ad A. 1419. Alii ad A. 1427. *Calles pag. 281. 282.*

III. Item volumus, quod nemo Clericorum in locis publicis chorifare, tripudiare, ludos ineptos exercere præsumat, & maxime ludum taxillorum indifcrete, sed si quis eis uti voluerit pro recreatione cibi, vel potus, vel causa solatii, hoc non prohibemus.

IV. Item volumus, ut vestes sacrae, & ornamenta, vasa, & alia ad Divinum cultum spectantia, munda, & decenter habeantur, nec mulieribus, aut vetulis committantur ullo modo.

V. Item præcipiendo mandamus: quod singuli Clerici, & præsertim Beneficiarii in Horis Canonicis dicendis, & maxime in Officiis Divinis se regant juxta rubricam Ecclesiæ nostræ Misenensis.

VI. Insuper prohibemus: ne de cætero in Dedicationibus, primis Missis, receptionibus Novitiorum in Monasteriis, seu infra septa Monasteriorum quorumcunque regularium, utriusque sexus, fiant aliquæ choreæ, nec permittantur mulieres qualescunque in Monasteriis Monachorum pernoctare, alioquin contravenientes gravissime puniuntur.

VII. Insuper mandamus: ut in Monasteriis ordinum non mendicantium utriusque sexus, de cætero nemo suscipiatur sine nostro consensu speciali, ne Monasteria ex personarum hujusmodi receptione ultra debitum graventur.

VIII. Item præcipimus, ut nullus Religiosus de cætero admittatur in Terminarium, nisi ad hoc per Nos fuerit præsentatus, & super præsentatione hujusmodi nostras literas exhibeat testimoniales.

IX. Item præcipimus & mandamus, quod Præpositi, & Abbates Monasteriorum Monialium clausuram suorum Monasteriorum sub diligenti habeant custodia, nec quengquam virorum cujuscunque conditionis, Status vel Ordinis existant, die aut noctu Monasteria intrare, nec Monialibus in manifesto sive occulto confabulari permittant, nisi ex legitima necessitate hoc fieri oporteat, quod tamen in præsentia & audientia trium Monachorum Monialium debet fieri, & de licentia Abbatis, alioquin si quæ in personas Monasteriorum evenerint,

de manibus Præpositi & Abbatis requiramus.

X. Præterea licet prius sit provisum omnes & singulas sanctimoniales, ac Deo dicatas Virgines sub perpetua clausura debere in suis Monasteriis permanere, ipsisque nulla facultas exeundi tribuatur, nisi in casibus infra scriptis, videlicet: videlicet si aliqua esset ita infirmata, quod cum aliis sine gravi periculo non possit conversari, & si haberent aliqua Beneficia in feudum a Principibus & Dominis temporalibus, tunc Abbatis cum duobus antiquis & non suspectis exire poterit, ad suscipiendum hujusmodi feudum, & eo suscepto ad Monasterium suum sine mora revertatur. In cæteris casibus sub excommunicationis pœna prohibemus, ne aliqua monialis extra suum Monasterium valeat proficisci sine nostra licentia speciali, alioquin in locis, ad quæ perrexerit, quamdiu ibi perseveraverit, cessetur a Divinis.

XI. Mandamus omnibus & singulis Archi-Presbyteris nostræ Diocesis sub bono obedientiæ, & sub pœna suspensionis ab ingressu Ecclesiæ, quod ab hinc infra mensem diligenter inquirere debeant a Plebanis, & Vice-Plebanis suarum sedium de locis, & beneficiis indigentibus confirmationem, consecrationem, & reconciliationem, sive fuerint Ecclesiæ, sive Capellæ, sive Altaria, aut Cæmeteria polluta sanguine, aut feminis effusione, seu destructa alias ignis combustionem, debeant Nos sub pœna prædicta de ipsis per propria nomina in suis literis infra prædictum mensem certificare, loca vero & Altaria indigentia prædictis, nisi Nobis, (ut præmittitur) fuerint intimata, ex tunc, id est, post mensem, si Ecclesiæ, Capellæ, vel Altaria fuerint ab Officiis Divinis, Cæmeteria vero sepultura ex tunc, prout ex nunc, suspendimus in his scriptis, donec fuerint Nobis intimata.

XII. Insuper etiam de causis animarum nostrum moventibus omnia indulgentia sub quacunque verborum forma, quibuscunque personis per Nos, nostrum Prædecessorem, ac Administratores Capituli, & Ecclesiæ nostræ Misenensis vacantis data & concessa revocamus, cassamus, & irritamus, ac cassâ, & irrita pro-

pronunciamus, ac ea deinceps volumus nullius valoris fore & momenti.

XIII. Insuper mandamus, & præcipimus: ut quæstores quoscunque, seu petitores, & præsertim judæos noviter conversos, recipere vel admittere ad petendum, seu ad prædicandum in vestris Parochiis non debeatis, sine nostris literis veris, & licentia speciali.

XIV. Item præcipimus: ut Clerici continenter, & caste vivere studeant, quod puro corde, & mundo corpore Deo possint Ecclesiastico officio ministrare, si qui vero de cætero deprehensi fuerint detinere concubinas, nisi infra mensem se ab earum consortio separaverint, ex tunc ipsos, & eorum quemlibet, qui hujusmodi nostri Statuti transgressores fuerint, volumus sententia suspensionis innodari.

XV. Item volumus & deliberatione provida duximus inhibendum omnibus & singulis Clericis, Scholarum Rectoribus, Succentoribus, & locatis eorundem nostræ Diocesis, ut de cætero in ipsis Scholis, seu locis aliis quibuscunque, præterquam in studiis privilegiatis, libros sacræ Paginæ, ac Juris Canonici non legant, aut declarent publice, vel occulte, sed in studio artium liberalium stent contenti; quia plerumque (prout experientia didicimus) ex talium in particularibus studiis, lectionibus, pericula non pauca insurgunt animarum, sectæ quam plurimæ, & errores oriuntur; Expositores vero Evangeliorum, Sequentiarum, & Hymnorum, prout moris est, in Scholis materna lingua exponere non prohibemus.

RUDOLPHUS, Dei gratia Episcopus Misenensis, considerantes Domino reddere populum acceptabilem, ac bonorum operum sectatorem, fideles ipsos, ut vitam valeant agnoscere veritatis, ac ab his, quæ mentes fidelium maculant, nec non & scrupulos conscientiarum generant, per quod devia fidei insurgunt, retrahere cupientes, sollicite instigati monitis, & querulosis plurimorum pulsati relatus, quoniam in Diocesi nostra Misenensi tantus abusus invaluit, prout Nobis luculenter existat declaratum, quod nonnulli Rectores, Plebani, sive eorum Capellani avariti-

tiam sectantes, concursus plebium suis in locis provocantes, & populum ex cupiditate attrahentes, signa inconsumpta, imo indicibilia promulgantes, ex quibus Fideles Christi non modice seducuntur. Volumus igitur, & sub pena excommunicationis mandamus: ne quis Prælatus, sive Plebanus, ac Presbyter nostræ Diocesis, quæcunque signa, suis in Ecclesiis, sive locis transacta, qualiacunque nuncupari potuerint, intimare vel publicare præsumant: nisi prius ad nostram, sive Vicarii nostri in Spiritualibus præsentiam ipsorum signorum effectum deduxerint luculenter, ut tandem nostro aut Vicarii in Spiritualibus nostri licentia obtenta, eadem valeant publicare; alioquin hujusmodi nostri mandati transgressores sententiam excommunicationis declaramus incidisse, ipsosque acriter puniimus, nolumus tamen præsens mandatum nostrum ad Ecclesiam nostram Misenensem aliquatenus extendi.

Præterea præcipimus, & mandamus, ut mandatum nostrum dudum per Nos editum suo in effectu teneatur, videlicet: Notarii publici, Tabelliones, & Tabularii, officium Tabellionatus nostra in Diocesi non exercent, neque Acta nostra, Codices, & Protocolla, & Contractus in Judiciis aut extra conscribere præsumant, nisi a Nobis, aut nostro Officiali fuerint approbati, & per Literas nostras, seu Officialis nostri fidem faciant sub pena in Processu nostro inantea expressa.

Mandamus insuper universis & singulis vobis supradictis Curatis, & non Curatis, ut vos omnes singulariter singuli, & universaliter universi nostrorum Processuum & Statutorum in præsentia Synodo lectorum, a nostro Officiali copias recipiatis, & de ambone Ecclesiarum vestrarum hujusmodi nostra mandata diligenter publicetis, & executioni mandari faciatis: nam si quemcunque reprehensibilem circa præmissa perceperimus, allegando ignorantiam, a pœnis sibi applicandis non poterit relevari.

Datum in Castro nostro Episcopali Stulpin, Anno Domini mccccxiii. ipso die S. Galli Confessoris, nostro sub sigillo.

Sumptum ex Codice MS. Biblioth. Metropolit. Eccles. Moguntine.

Dili-

Diligenter collatum cum suo genuino Textu, in Archivo Archi-Episcopali Pragenſi ſub fide mea jurata aſſervato, per omnia concordare, teſtor Pragæ die 7. Octobris A. 1757.

(L.S.)

WENCESLAUS PROCOPIUS DUCHOWSKI mpp.
Reg. Capellan. Oo. Sancti. in Cuius Prag. Beneficiatus,
Notarius Apostolicus, & Curia Archi-Episcopalis
Archivarius juratus.

SYNODUS DIOECESANA OLOMUCENSIS,

A WENCESLAO, PATRIARCHA ANTIOCHENO, ET COMMENDATARIO ECCLESIAE OLOMUCENSIS, IN OPPIDO WISCHAU
CELEBRATA

Anno Christi MCCCCXIII. Joannis XXIII. PP. IV.
Sigismundi Reg. Rom. IV.

WENCESLAUS, DEI ET APOSTOLICAE SEDIS GRATIA, PATRIARCHA ANTHIOCENSIS, COMMENDATARIUS PERPETUUS ECCLESIAE ET EPISCOPATUS OLOMUCENSIS; VENERABILIBUS, HONORABILIBUS, ET DISCRETIS VIRIS, PRÆPOSITIS, DECANIS, ARCHI-DIACONIS, CANONICIS, PLEBANIS, ECCLESIAIARUM RECTORIBUS, ALTARISTIS, VICARIIS, ET CLERICIS, PER CIVITATEM, ET DIOECESIN NOSTRAS
OLOMUCENS. CONSTITUTIS, SALUTEM IN DOMINO,
QUI EST OMNIUM VERA SALUS.

Postquam super solium Pastoralis Eminentiæ ipsius Ecclesiæ *Olo-mucensis* Nos, licet immeritos, Divina Bonitas collocavit, ex injuncti Nobis officii debito, subditorum salutis ac utilitati providere volentes, quasdam nostras Constitutiones necessarias, prout experientia nos docuit, in hac nostra Sancta Synodo, quam de consilio & consensu Decani, & Capituli nostræ Olomucensis Ecclesiæ duximus celebrandam, prioribus annectimus; mandantes, & volentes, ut vos omnes, & singuli vestrum, eas benigno suscipientes affectu, eis utamini de cætero locis, & temporibus quibuslibet oportunis.

Cap. I. De Statutis, & Canonibus observandis.

CAnonum Statuta, Patrum Decreta, nec non Constitutiones Provinciales Domini Arnesti Archiep. & Synodales, tam a nostris Prædecessoribus, quam a Nobis, editas, ab omnibus inviolabiliter teneri, & observari volumus

sub pœna in eisdem oppositis, ignorans enim ignorabitur, & negligens negligetur. Et licet sacri Canones sint Synodi, & Ecclesia Romana, quæ est Mater & Domina omnium Ecclesiarum, quam inscrutabilis Divinæ providentiæ altitudo in universis dispositionibus incommutabilem voluit, totius orbis præcipuum obtineat Magistratum; tamen clamorosa & detestabilis querela per nonnullos Prælatos nostræ Diœcesis, ad Nos pervenit, qualiter: quidam Clerici peregrini, & per illos Clericos laici seducti, scandalose & heretice predicant in angulis, & in publico, ponentes os in Cælum: dicentes, Summum Pontificem, qui est Ordinarius omnium Ecclesiarum, & omnium Christianorum, non posse excommunicare, & quod excommunicatione tam Papalis, quam etiam aliorum Prælatorum sit nulla; asserentes etiam in occulto, & in manifesto, quod bona Clericorum male viventium possunt rapere, & eos spoliare sine pœna excommunicationis, & per hoc nervum Ecclesia-

cllesiasticæ censuræ annullantes, quantum in eis est, laicos simplices & potentes in eorum favorem & hæresim inducentes, alios multos errores hæreticos publice prædicant:

Igitur statuimus: ut si quis Clericus, vel laicus, utriusque sexus, cujuscumque dignitatis vel status existat, ausus sit præsumptione dampnabili, publice vel occulte prædicare, docere, credere vel tenere prædictos errores, tales ut hæreticos excommunicamus. Mandantes: ut tales non fovere, sed potius, si possibilitas fuerit, detinere curetis, & Nobis vel Vicario nostro præsentare puniendos, vel saltem denunciatis Nobis, aut Officiali nostro, sub pœna excommunicationis & alia etiam pœna pro negligentia infligenda. Ex eadem radice & hæretica pravitate dicunt alii, quod Sacerdos in morali existens peccato, non possit conficere Corpus Christi, seu sic ligatus non possit solvere vel ligare suos subditos a peccatis; illi sic tenentes illam hæreticam opinionem, pro hæreticis, & incredulis teneantur & habeantur; quos errores per hanc sacram Synodum pariter dampnamus, anathematizamus, & penitus reprobamus.

Cap. II. De Observandis circa Sacramenta.

In hac Sancta Synodo statuimus: ut Sacerdos quilibet plebem suam doceat diligenter, ut, cum in celebratione Missarum levatur hostia salutaris, quilibet devote flectat genua sua vel saltem se reverenter inclinet, & cum extra septa Ecclesiæ portatur, mandamus solita veneratione venerari.

Item statuimus: ut Sacerdotes & campanarii, qui Sacerdotibus ad Altare in celebratione Missarum assistunt, juxta quod officium eorum requirit, super vestimenta sua superpelliciis utantur; & quia, maxime in Parochiis ruralibus hoc contingit, ut, propter Clericorum defectum, Sacerdotes solos oporteat celebrare contra sanctiones Canonicas, vel pueros ignaros, qui verba, quæ respondent Sacerdoti, non intelligunt, cantare nec legere scientes, loco Clericorum assumant; inhibemus, & sub eadem pœna statuimus: ne Presbyteri sine Clerico

Divina Officia, & maxime Missarum sollempnia celebrare præsumant.

Item; quia veraciter addidimus pessimam consuetudinem, imo corruptellam, sacris Canonibus contrariam, videlicet, quod post confessionem seu consecrationem sacri Crismatis in nostra Ecclesia Olomucensi peractam, Decani rurales illud per laicos leves & pannosos recipi & portari procurent, qui & illud interdum vendunt irreverenter, ex quo multa sortilegia & mala committuntur; Nos, his malis & periculosis consuetudinibus obviare volentes, statuimus, & districte sub pœna excommunicationis mandamus, ut omnes Decani rurales per nostram Diocesim existentes, & quilibet eorum unum Sacerdotem idoneum expensis propriis, pro recipiendis Sacramentis ad Ecclesiam nostram in Olmutz, omni negligentia postposita, transmittat, ut Sacramenta cum reverentia recipiantur, & sub custodia debita deferantur; Plebani vero per Presbyteros vel Clericos idoneos a Decanis recipiant: qui vero Plebani, hujusmodi nostro Statuto, non providendo Presbytero de expensis, contrarii existierint, in uno fertone puniantur, & si contumaciter contrarii huic nostro Statuto persisterint, per Officiale nostrum gravius puniantur. Qui vero Sacramenta de jure, vel consuetudine post confessionem distribuerit, si alteri, quam Sacerdoti, distribuendo ad portandum assignaverit, ipso facto pœnam excommunicationis incurrat.

Item statuimus: quod Baptisma cum summa reverentia celebretur, maxime in distinctione & prolatione verborum vis consistit, servantes formam & modum cum exacta diligentia.

Cap. III. De Celebratione Festivitatum.

Item statuimus: ut circa celebrationem Festivitarum Ecclesiæ nostræ, sit concordia singularum, ita ut omnes Festivitates, prout in Statutis Domini Arnesti continentur, celebrentur.

Insuper adjicimus: ut Festum Visitationis B. Mariæ Virg. quod in predictis statutis non continetur, item Festum S. Hedwigis, & S. Marthæ, in horis trium Lectionum, & Officio Missæ, sollempniter

ter celebrentur ; & quia Beatissimi , & Gloriosissimi Martyris Longini Reliquias ad Ecclesiam nostram Olomucensem attulimus , statuimus quoque , ut totus Clerus nostræ Diocesis ipsius Festum , & diem , cum horis & Divino Officio debeat XV. mensis Martii, una Nobiscum, solemni veneratione venerari.

Et licet multi in Festivitatibus a laboribus abstineant, ad pejora facinora in eisdem Festivitatibus convertuntur (quod dolenter referimus) ludos exercentes , inter quos ludos multa mala vituperia, imo interdum homicidia committuntur. Nos ea mala prohibere volentes , mandamus Plebanis, seu Ecclesiarum Rectoribus, ut tales tabernarios & lufores excommunicatos denuntient, quos ex nunc, prout ex tunc, virtute hujus Statuti nostri excommunicamus.

Cap. IV. *Ut omni Feria sexta, major campana pulsetur.*

Item statuimus : ut singulis Feriis sextis, hora meridiæ major campana pulsetur in memoriam Passionis JESU CHRISTI, conformantes Nos, quantum in hoc, Ecclesiæ Metropolitanæ ; & quicumque homines audito pulsu campanæ, Passionem Domini recolentes, flexis genibus tria *Pater noster*, & totidem *Ave Maria*, devotè dixerint, his, de injunctis sibi pœnitentiis XL. dies misericorditer relaxamus, & hoc Statutum singuli Plebani & Rectores Ecclesiarum suis Parochianis innotescent.

Cap. V. *De Jejuniis.*

Qui sine rationabili causa non observant jejunia, quæ sunt sibi præcepto Ecclesiæ servanda, illis interdiciamus ingressum Ecclesiæ, donec, propter transgressorem præcepti, a proprio Sacerdote pœnitentiam recipiant ; si autem contempserint, & pœnitentiam non susceperint, denuntientur nostro Vicario, gravius puniendi.

Cap. VI. *De Beneficiis erigendis.*

Intelleximus præterea, & nimis graviter in animo nostro reputamus, quod in nostra Diocesi consuetudo talis irrepsit, quod illi, ad quos Beneficiorum erectio pertinet, de consuetudine vel de jure, Beneficia ipsa, quæ de novo fundant, de

Tomus V. Concilior. German.

cessibus illicitis usurariis, & usuram omnino sapientibus erigunt atque creant : nam, ut refertur, pecunias super certis possessionibus mutant illi fundatores sub pactis & conditionibus illicitis, de quibus pensionibus Beneficia petunt exigi & creari. Nos huic pernicioso malo obviare volentes, & attendentes, quod hujusmodi erectiones de talibus redditibus vergunt in interitum animarum, tum propter incertitudinem eorum, cum nulla sint stabilitate subnixæ ; statuimus : ut nullus Christi Fidelium de talibus immundis redditibus Beneficia valeat fundare ; Vicariis etiam in virtute sanctæ obedientiæ districe præcipiendo mandamus, ut nullus eorum talia Beneficia facere præsumat ; Nos enim, si secus factum fuerit, hoc decernimus irritum & inane, volentes, ut prædicti immundi redditus, taliter deputati, illis, quorum quo ad verum dominium existunt, in sorte reddantur, & sine difficultate qualibet assignentur.

Cap. VII. *Ut in Villis Schola non habeantur.*

Item fama referente didicimus, quod multi Plebani, & Rectores Ecclesiarum, in villis, ubi Ecclesiæ earum sunt, Scholas de novo erigunt & erexerunt, ex quibus multa mala committuntur, tum propter negligentiam puerorum, quia ibi Rectores imperiti existunt ; tum etiam propter furta, quæ ibi Scholares existentes magni & parvi, necessitate interdum cogente, committunt, & sic plus in furtis, quam in litteris addiscunt. Illis ergo malis obviare volentes, statuimus sub pœna excommunicationis, & mandamus, ut nullus Scholas habeat in villa, ubi dudum erectæ non fuerint, & in quibus locis tam Rector quam Scholares necessaria habere non possunt, sed in Oppidis, ubi ab antiquo Scholæ fuerint, & de quarum erectione hominum memoria non existat.

Cap. VIII. *De Clericis non residentibus circa proprias Ecclesias.*

Quernlose ad Nos est deductum ; quod multi Plebani & Rectores Ecclesiarum in nostra Diocesi suas proprias Ecclesias deferunt sine licentia Nostra, vel Vicarii nostri Spiritualis, & in civitatibus, oppidis, & villis mansionem tra-

hunt pro libitu, vitam in vanitatibus & in otis deducunt : pensionem , quam a Parochianis suis per eorum Conventores & Vicarios extorquent , inaniter consumunt , & ipsi Conventores , & Vicarii , ab eis locati , scandalose in Parochiis eorum vivunt , per simoniam Sacramenta vendentes , & alia, quo modo possunt exquirunt, ut pensionem Plebanis assignent, de Grege modicam vel nullam curam habentes , ex quo multa scandala & peccata in Parochianis eveniunt. Nos vero, tantis malis obviare volentes, omnes litteras absentiae, per Nos, vel Prædecessores nostros concessos , revocamus , & nihilominus universos Plebanos, Rectores , & Curatos in nostra Diœcesi præsentibus ammonemus, ut infra duorum mensium spatium , a publicatione præsentium , ad suas revertantur Ecclesias , & in eisdem residentiam faciant personalem ; quod si infra dictum terminum ammoniti non redierint , vel causas rationabiles coram Nobis, vel Vicario nostro non allegaverint , ex tunc Nos ad ipsorum privationem procedemus. Insuper statuimus: ut omnes Decani Rurales cum diligentia exacta inquirant de Plebanis & Rectoribus quibuslibet in Decanatu suo, qui sic temerarie sine licentia Nostra, vel Vicarii nostri se absentaverint & absentant , & etiam de eorum Conventoribus, & Vicariis, & quos in eorum Decanatu invenerint, Nobis, vel Vicario nostro eos denuntient, & denunciare faciant, prout nostram voluerint indignationem, & pœnam excommunicationis evitare.

Cap. IX. *Ut Clerici non mercentur.*

Volentes, ut Clerici nostræ Diœcesis in suis actibus universis Deo sint placibiles; & etiam contra ipsos nulla possit haberi suspicio, vel scandalum suboriri, statuimus, & mandamus in hac sancta Synodo, ut nullus Clericorum nostræ Diœcesis, mercimonia & lucra temporalia exquirat, quia omnes mercaturæ, in quibuscumque rebus consistant, per sacros Canones Clericis sunt prohibitæ, quia Clerici non tantum a malo, sed ab omni specie mali debent abstinere; & ideo mandamus, sub excommunicationis pœna, omnibus Decanis Ruralibus, ut diligentiam adhibeant in suis Decanatibus in-

quirendo, si quos Clericos mercatores invenerint, Nobis, vel Vicario nostro, omni negligentia postposita, denuntient puniendos.

Cap. X. *De Archidiaconorum visitatione.*

Item statuimus, & mandamus sub pœna excommunicationis, quod Archidiaconi teneantur per Archidiaconatus suos visitationis officium exercere juxta Canonicas sanctiones, id quod, quanto citius potuerint, incipiant, & usque proximam Synodum in toto compleant, nihil ab his, quos visitabunt, recipiendo, sed expensis sint contenti, ut non quæ sua sunt, sed Jesu Christi quærere videantur; debitam conversationem facientes de ordinibus ministrantium in Ecclesiis, ac de institutionibus Canonicis, de dotibus, & structuris domorum, & cæteris quæ ad ipsorum spectant officium; adjicientes: quod non liceat visitanti, nisi unam procuracionem recipere una die, sive unum solum locum visitaverit, sive plura, etiamsi locus quilibet visitatus ab illo, sufficeret ad procuracionem integram persolvendam, cum eisdem sufficere debet, ut temporalia metat a locis personaliter visitatis pro diebus, quibus eis spiritualia subministravit.

Cap. XI. *De Hospitalitariis, & aliis Questoribus.*

Clamora ad Nos pervenit querela, qualiter quidam Hospitalitarii, & alii Questores, cum literis Papalibus, & Episcoporum falsis, se alios mentiendo, abusiones non modicas in sua prædicatione & petitione proponunt, homines simplices ad dandum eis inducentes, & illam eleemosynam, sive subsidium indiscrete & scandalose in tabernis, & alias sumptuose consumunt. Nos vero, talibus malis obviare volentes, statuimus: ut qui ad quærendas eleemosynas, sive ad subventiones qualescumque destinantur, modesti & discreti sint, nec in tabernis, aut aliis locis incongruis hospitentur, nec inutiles faciant ac sumptuosas expensas. Adhæc quia per indiscretas & superfluas indulgentias, quas facere non verentur, Claves Ecclesiæ contempnuntur, & pœnalis satisfactio evacuatur; ideo mandamus sub pœna excom-

communicationis, omnibus Plebanis, Rectoribus, & Clericis nostræ Diœcesis, ut tales deceptores in Ecclesiis non promoveant, nec ad petitionem admittant, nisi prius visis litteris; quia per experientiam didicimus, quod multi in nostra Diœcesi his temporibus formam & auctoritatem exceſſerunt in multis, absolventes indifferenter in quibuscumque casibus, etiam dispensantes in casibus eis prohibitis, homines mirabiliter spoliantes, & animas eorum decipientes, contra dispositionem sacrorum Canonum: & ideo si quos tales præsumptores invenerint, vel circa eorum potestatem, aliquod dubium habuerint, eos non admittant, sed ad Nos, vel ad Officiale nostrum transmittant puniendos, & litteras, quas super hujusmodi indulgentias habuerint, examinandas. Revocamus interea omnes petitiones antiquas.

Cap. XII. *De Statutorum observantia.*

Cum Synodus infra annos XXX, & citra non fuerit celebrata, & ex eo constitutiones Domini Arnesti, & Synodales nostrorum Prædecessorum in oblivionem sint deductæ, prout experientia, quæ est optima rerum Magistra, declarat; mandamus Venerabilibus & Honorabilibus Viris, Prælati, & Canonicis Ecclesiæ nostræ Olomucensis, nec non aliarum Ecclesiarum, in Diœcesi nostra constitutarum Archidiaconis, Decanis ruralibus, Plebanis, nec non Rectoribus, & omnibus Clericis Beneficiatis, in virtute sanctæ obedientiæ, sub excommunicationis pœna districte præcipiendo, quatenus ipsas nostras constitutiones, una cum constitutionibus Domini Arnesti

mox sibi conscribi faciant, & procurent, ac singulis annis in convocationibus Clericorum studiosius recommendent ac legant; Archidiaconi autem, & Decani rurales, & Parochialium Ecclesiarum Rectores, singuli unum libellum ipsarum constitutionum comparent; nam lapsis tribus mensibus, a data præsentium, nemo per ignorantiam poterit se excusare.

Cap. XIII. *De Synodo annis singulis celebranda.*

Statuimus etiam, ut Synodus sancta singulis annis proxima die post Festum sancti Mauricii, hora tertiæ celebretur, mandantes omnibus & singulis Decanis ruralibus, ut quilibet eorum cum quatuor senioribus Plebanis ad eandem venire non negligant; insuper mandamus: ut quilibet Decanus ruralis omnia & singula Beneficia in suo Decanatu consistentia conscribat diligenter, & conscripta Nobis, infra duorum mensium spatium, a data præsentium, assignet.

NOS WENCESLAUS, Dei gratia, Patriarcha Anthiocens. & Commandatarius perpetuus Ecclesiæ Olomucensis, Anno Dom. mccccxiii. die prima mensis Septembris in die S. Ægidii in Opido nostro *Wisebau*, Synodum celebrantes, Prælati & Canonicis nostræ Ecclesiæ, & aliis sæcularibus & Religiosis Prælati, nec non Presbyteris & toti Clero nostræ Diœcesis, præsentibus mandamus: ut supradictæ nostræ constitutiones ab omnibus ferventur &c.

Descriptit Cl. Schannat b.m. ex cod. MS. Biblioth. Mogunt.

SYNODUS AUGUSTANA

Anno Christi MCCCCXIV. Joannis XXIII. Papæ V. Sigismundi Reg. Roman. V.

ANSELMUS Nobilis a Nenningen electus ex summo Custode Ecclesiæ Cathedralis Augustanæ, concordibus votis, Episcopus Lims anno mccccxi. post divisionem temporaneam Diœcesis Augustanæ inter Fridericum II. de Graffenegg, Episcopum Augustanum,

Tomus V. Concilior. German.

anno 1414. II. Augusti auctoritate Cæsaris Sigismundi, a Joanne XXIII. confirmatum, extra civitatem Augustanam (quæ Diœceseos pars ruralis Episcopo cessit usque ad Apostolicam litis decisionem) Lavingæ anno 1414. Synodum indixit, interdicto supposuit civitatem Au-

gustam

gustam, excommunicationis vinculo sibi resistentes innodavit, omnibusque remediis possessionem Episcopatus sui tuitus est.

Martinus V. anno 1421. utrique Anselmo & Friderico II. Cathedram abju-

dicavit. Uterque Pontificio edicto paruit, Anselmus obiit Blauburæ in Monasterio anno 1424. (aliis 1428.)

Corbinianus Kbamm Hierarchia Augustana Classe III. Sect. XX. pag. 275. Nec plura reperi.



D I A R I U M CONCILII CONSTANTIENSIS

in Germania celebrati anno MCCCCXIV. XVI. Novembris, ad annum MCCCCXVIII. XXII. Aprilis.

DE SCRIPTORIBUS hujus Concilii.

§. I. **M**agni interest, e quo fonte habeamus Acta Concilii Constantiensis. LABBEUS Tom. VIII. Conciliorum post factam maximam diligentiam in conquirendis undequaque Actis hujus Concilii, post codices Roma a Cardinali Barberino acceptos, post visam editionem Hardtii in Germania ex MSS. Vindobonensis, & Wolfenbutelensis Bibliothecarum adornatam, fatetur, primum exemplar hujus Concilii Typo editum, ceptum fuisse Constantiæ anno mccccxcix., absolutum vero Hagenuæ anno md. Addit SCHELESTRATUS (in Dissertat. de Actis Concilii Constantiensis) secundam factam fuisse Mediolani anno mdxi.: tertiam Parisiis anno mdxxiv. opera CAROLI MERLINI, Doctoris, Theologi: eandem recusam Coloniae a. mdxxx. typo Quenteliano: & in his quatuor primævis, ad hanc diem notis Editionibus desunt in Decreto primo Sessionis IV. Constantiensis anno mccccxv. xxx. Martii celebratæ, hæc verba: *Ad fidem, ... & ad reformationem generalem Ecclesiæ DEI in capite & membris*: Hæ ultimæ voces: *Et ad reformationem in capite & membris*, absunt etiam a duobus codicibus Vindobonensi, & Wolfenbutelensi, a Brunswicensi, Gothano, & Lipsiensi, teste Hardtio Tom. IV. Parte I. pag. 86. 87. 89. absunt a novem aliis MSS. codicibus, a Schelestratio visis, & teste Hardtino Tom. VII. Concilior. pag. 251.

§. II. Post quatuor primas editiones, Petrus Crabbe, Mechlinensis Fran-

ciscanus, typo Colonienfi Concilia omnia, quæ novit, fecit recudi anno mdxxxviii. inter quæ Constantiensis Concilium est, juxta exemplar, a Concilii Basiliensis deputatis extractum, & Concilii hujus sigillo munitum.

In hac Crabbeana editione refertur Decretum primum quartæ Sessionis Constantiensis, & secundum Decretum quintæ Sessionis Constantiensis, quale subin a Surio anno mdlxvii. Tom. III. & a Binio mdcvi. & iterum mdcxviii. vulgatum fuit, uti omnes posteriores Synodographi jam ediderunt.

§. III. Quæ autem causa fuerit, ob quam Crabbe ab omnibus anterioribus impressis abierit, & has voces addiderit, quæ pertinent ad fidem, & ad reformationem Ecclesiæ in capite & membris, nescio, & hæreo dubius.

Nam ex una parte quis credat, sex Deputatos, II. Cardinales, II. Episcopos, II. Doctores a PP. Concilii Basiliensis, Acta & Decreta nonnulla Concilii Constantiensis non fideliter excerptisse & contraxisse?

Ex altera parte, si Patres Basilienses post Sess. 25. mandaverint extrahi & conscribi Decreta Concilii Constantiensis; non levis momenti suspicio est, Decreta Sess. IV. & V. fuisse adulterata & aucta ad libitum illorum, qui post Sess. xxv. in Conciliabulo Basiliensi multa infasta & infanda patrarunt, uti creationem Antipapæ Felicis, attentatam depositionem Eugenii &c. quidquid enim ad auctoritatem sibi conciliandam supra Papam, licet verum & agnitum ab Ecclesia

clesia excogitare poterant, id ausi sunt & præsumperunt.

§. IV. Altera quæstio est de generalitate hujus Concilii Constantiensis, licet enim Cleri Gallicani opinio sit, anno MDCLXXXII. declarata, & a Clariss. Viro Hardtio sexcenties repetatur hic titulus: *Magnum & œcumenicum Concilium Constantiense*, videtur tamen minime illi titulus hic convenire ante Sess. xxxv., celebratam die 18. Junii A. MCCCCXVII., qua fuit peracta unio Ambasiatorum Regis Aragoniæ & Castellæ, adeoque Catholicæ, tunc notæ Nationes omnes in suis Legatis unitæ repræsentare poterant ECCLESIAM UNIVERSALEM.

Id historiæ series docet: Sessioni I. & II. sola obedientia JOANNIS XXIII. intererat. Sessioni XIV. accessit obedientia GREGORII XII. Sessioni XXXV. accessit Hispania, Castilia, Aragonia, Portugallia, Sicilia, Scotia, quæ se subtraxerunt obedientiæ, Benedicto XIII. juratæ, & sic ultimæ novem Sessiones *Concilii Constantiensis* possunt dici celebratæ a *Conventu, Ecclesiam universalem repræsentante*: & xxxiv. prioræ Sessiones sunt *Conventus* quatuor Nationum, Germanicæ, Italicæ, Francicæ, & Anglicanæ: neque harum quidem integrarum; nam Germaniæ Rex Sigismundus, & multi Principes Germani steterunt pro Gregorio XII. usque ad Sess. XIV. Italiæ natio divisa erat.

Audiamus ex Regesto Romæ existente, tempore Concilii Constantiensis scripto, historiam Sessionis IV. 30. Martii A. MCCCCXV. celebratæ: "Magna concertatio tam inter Cardinales, quam Nationes fuit ob capitula statuenda. Imo. Cardinales Cardinali Florentino Zabarella difficultatem fecerunt veniendi ad sessionem quartam, nolentes Decretorum ab ipsis impugnatorum, utpote *de jure* non verorum, promulgationi interesse, ideoque Regem Romanorum die 29. Martii apud Nationes plurimum laborasse, ut Decreta a Cardinalibus impugnata omitterentur; obtinuisse tamen ab eis, quod

" sessio usque ad horam decimam promogaretur, & in crastinum usque ad illam horam viderent, si possent ad invicem concordare.

Ex his verbis patet ante Sessionem quartam inter ipsas Nationes discordiam fuisse circa Capitula statuenda Sessione quarta.

Trigesima Martii mane hora septima convenientibus in Palatio Episcopali Rege Romanorum, Cardinalibus, & Nationibus, magna inter illos altercatio fuit super Decretis in sessione publicandis, & tandem Cardinalibus cum Nationibus non concordantibus incepta est missa; cumque Prælati federent in Concilio cum mitris & pluvialibus ad Sessionem Quartam celebrandam; Cardinales (ait *Schelestratus*) noluisse Sessioni illi interesse, quia super definitionibus non fuerunt habitæ, nec sufficienter petitæ deliberationes eorum: ideoque Regem Romanorum ad se vocasse Deputatos Nationum, & ingrediendo cum duobus Cardinalibus S. Marci & Florentino, primam capellam Ecclesiæ Constantiensis, non modicam iterum disceptionem habitam fuisse inter Regem, Cardinales, & Deputatos Nationum super Capitulis prælibatis, tamen Divino Flamine inspirante, in unam sententiam convenerunt, ut omitterentur Capitula a Cardinalibus impugnata, nempe articulus: *De reformanda Ecclesia in capite & membris*, cui Cardinales contradixerant, usque adeo, ut ex sola evitandi schismatis & scandali causa, non animo consentiendi (a) promulgatis Cardinales interfuerint, & Cardinalis Florentinus (qui solebat alias ex ambone promulganda promulgare) noluerit ea die id facere, sed Andreas Lascarus, electus Potznaniensis Episcopus, Decretum illud promulgavit. Hinc iterum claret, quod Sessione quarta & quinta nec fuerit Concilium Oecumenicum, nec concors votum, cui Cardinales & Legatus Regis Galliæ, & Natio Gallica multum protestando contradixerunt.

(a) Hæc ex gestis cœvis Concilii Constantiensis Clariss. *Schelestratus* loco citato.

DIARIUM ET INDEX SESSIONUM, ET IN IIS DECRETORUM.

PRæmittitur Præfatio Concilii Basileensis, jubentis nonnulla Decreta & gesta Concilii Constantiensis excerpti, & conferri per sex Deputatos, duos Cardinales, duos Episcopos, duos Doctores. A. MCCCXLII.

Introitus Joannis Papæ xxiii. ad urbem Constantiensem anno MCCCXLIV. Indictione vii. die Lunæ v. Novembr.

SESSIO PRIMA XVI. Novembris anni MCCCXLIV. Erat indicta prima Sessio Kalendis Novembris Constantiæ celebranda in Ecclesia Cathedrali Constantiæ, sed ob varias causas dilata fuit in decimam sextam hujus mensis. Post Sacrum, Litanias, & sermonem, a Papa ipso habitum

I. Lecta fuit Bulla convocationis Concilii a Cardinali Florentino, data Laudæ V. Idus Decembris a Joanne xxiii. anno quarto Pontificatus.

II. Deputati Protonotarii quatuor Nationum, Germanicæ, Gallicæ, Italicæ, Anglicæ. Pro natione Germanica electus Hermannus Dweg Protonotarius.

III. Notarii pro eadem Germanica electi Gumpertus Fabri, & Giseleerus Bovenent.

IV. Procuratores & Notarii pro eadem electi Magistri: Joannes de Scribanis, & Henricus de Piro.

Præfedit primæ & secundæ Sessioni Papa Joannes.

XXII. Januarii Dominus Frater Joannes Dominici, tituli S. Marci Presbyter Cardinalis Ragusinus, obtento per Imperatorem a Concilio salvo conductu, introductus fuit cum capello rubro, stipatus Duce Bavariz, & Duce Bigæ, & Joanne Electro Constanti-nopolitano, deinde Dominis Episcopis Wormatiensi, Spirensi, & Verdensi, in habitu Prælatorum cum capello nigro, veluti Legati Domini Gregorii XII. in civitatem Constantiensem, & in conventu Eremitarum S. Augustini habitarunt.

SESSIO II. anno MCCCXLV. II. Martii.

Post Missam celebratam Dominus Papa legit scedulam, qua promittebat se cessurum Pontificatu, si & quando Petrus de Luna pæpatus cederet. Bulla super cessione promissa confecta.

Die 20. Martii Papa Joannes in habitu simulato fugit Constantia Scaphulam, & ex ea urbe scripsit Sigismundo Regi, Regi Franciæ, & Collegio Dominorum Cardinalium, se non promissi frangendi causâ, sed sanitatis & securitatis ergo Constantia abiisse.

SESSIO III. XXV. Martii, quæ est prima post fugam Joannis xxiii. præfedit Sessioni Petrus Alliaccensis, Cardinalis Cameracensis: Rex Romanorum in habitu Imperiali cum suis Nobilibus interfuit: Assistebat Regi Cardinalis Florentinus. Post Missam & Litanias Cardinalis Florentinus præmissa exhortatione pronuntiavit constitutiones sequentes:

I. Ipsam Synodum esse legitime convocatam, & inchoatam Constantiæ.

II. Post recessum Domini Papæ, vel aliorum quorumcunque, esse & remanere eam in sua integritate & auctoritate.

III. Non dissolvendam ante perfectam extirpationem schismatis, & dum Ecclesia sit reformata in fide & moribus, in capite & membris.

IV. Non transferendam alio, nisi ex causa rationabili & de consensu Synodi.

V. Nemini recedendum ante finitum Concilium. His lectis & approbatis, *Henricus de Piro*, petiit nomine Concilii & Imperatoris instrumentum.

Quod confectum approbavit & ratificavit Petrus Cardinalis prædens ad Instantiam Regis Sigismundi, & Henrici de Piro Procuratoris & Syndici Nationis Germaniæ, & aliorum Syndicorum & Universitatum, videlicet Viennensis, Erfordensis, Colonienfis, Lubicensis, Ecclesiarum, & Amba-
fiato-

fiatorum, præsentibus Ludovico Duce Bavarie, Nobilibus Friderico & Joanne Burggraviis Norinbergenfisibus, Ludolpho Duce Saxonie.

Post prandium fuit Congregatio deputatorum quatuor Nationum, in qua varia tractata, & deliberata.

SESSIO IV. anno MCCCCXV. 30. Martii in Ecclesia Cathedrali Constantienfi: post Officium & Missam de Spiritu sancto, & Litanias, interfuerunt ducenti Patres, & Rex Romanorum Sigismundus, decem Cardinales, præter Nobiles supradictos, Comes de Schwartzburg, Magister Curie Regis Romanorum. Lectæ Constitutiones V.

I. Quod ipsa Synodus in Spiritu Sancto congregata legitime & generale Concilium faciens, Ecclesiam Catholicam militantem representans, potestatem a Christo immediate habet, cui quilibet cujuscunque status, vel dignitatis, etiam si Papalis existat, obedire tenetur in his, quæ pertinent ad fidem & ad extirpationem schismatis, (b) & reformationem generalem Ecclesie Dei in capite & in membris.

II. Joanni XXIII. locum mutare, vel Officiales advocare non licere sine Synodi consensu.

III. Translationes Prælatorum, privationes, aut acta alia, agenda per Joannem XXIII. contra illos, qui Synodo adhærent, nulla esse.

IV. De qualibet natione eligendos tres, qui cognoscant de causis recedere volentium.

V. Non creandos novos Cardinales. Quibus lectis & approbatis per generalem (c) Synodum, petiit Henricus de Piro instrumentum.

SESSIO V. anno MCCCCXV. indictione VIII. VI. die Aprilis die Sabbati celebrata. Præses Concilii Jordanus Episcopus Albanensis, Cardinalis de Urfinis. Interfuit Imperator cum 33. Principibus Germanie. Cantata Missa. D. Andreas (d) Lascaris electus Poznanienfis certa capitula legit.

Primum idem, quod Sess. IV. supra.

II. Quod quicumque præceptis hujus sanctæ Synodi, aut alterius Generalis, obedire contempserit, nisi respuerit, condignæ poenitentiae subiacitur, & debite puniatur.

III. Joannis XXIII. fugitivi mutationes, translationes attentatas, nullas esse.

Adhuc IV. alias constitutiones addit Surius & Harduinus circa Papam Joannem.

His peractis, D. Andreas, electus Potznanienfis, in *Materia FIDEI* & super materia Joannis Huls varia avisa-menta prælegit. Commissarii in materia fidei Cardinalis Cameracensis, Cardinalis S. Marci, Episcopus Dolensis, & Abbas Cistercii nominati.

SESSIO VI. anno MCCCCXV. VII. Aprilis. Præfedit Joannes Cardinalis Ostiensis. Joannes Episcopus Rigenfis, erat deputatus pro Natione Germania. Episcopus Atrebatensis prælegit duas constitutiones de procuratorio a Joanne XXIII. præstando.

Varie formulæ procuratoriæ.

Legati ad Joannem ex Natione Germanie, Joannes Archi-Episcopus Luthomisenfis, Petrus Episcopus Ripensis, Andreas Episcopus Poznanienfis electi, ut vel omnes, vel ex eis electi adeant Papam fugitivum, revo-cent

(b) *Has voces ultimas a primis Impressis omnibus, & a plurimis MS. abfuisse, jam supra monui.*

(c) *Ita post Petrum Crabbe ex MS. juniore conscripsit Harduinus: Generalis dici potest secundum convocantis Joannis XXIII. intentionem, licet unius hujus obedientie subditi intervenerint, & abfuerint subditi obedientie Petri de Luna, quæ ante 25. Sessionem, & Gregorii XII. quæ ante 14. Sessionem non intervenerunt, imo hi duo aperte negarunt esse Concilium Generale ante suum accessum; & hoc in Actis legitur.*

(d) *Episcopus Electus Poznanienfis legit, quia Cardinalis Florentinus recusabat ea legere, & cum aliis Cardinalibus protestatus est, & disputavit, quod positiones memoratæ non erant veræ de jure, & intervenit Sessioni solo animo vitandi schismatis, nullatenus vero consentiendo. Schelestratus. Labb.*

vocent ad Concilium Constantiæ, vel ad vicinam villam Ulmæ, vel Ravensburg, vel Basileam: interea suspensendum a processu contra eundem: famosi libelli interdicuntur. Statutum, ut Commissarii contra Joannem Hufi pergant in causâ suâ. Alaræ literæ Universitatis Parisinæ ad Constantienses. Demum decreta citatio contra Hieronymum de Praga.

SESSIO VII. II. Maji anno MCCCXV. Præsidebat Joannes Episcopus Ostiensis, Cardinalis Vivariensis. Interfuit Imperator cum insignibus & Principibus prædictis.

Henricus de Piro Promotor Concilii petit citari Papam Joannem: citatur.

Accusat contumaciam Hieronymi Pragensis citati, & non comparentis, præcendi saluum conductum; hic impetratur.

SESSIO VIII. IV. Maji. In Ecclesia Cathedrali Constantiensi præsidebat Johannes, Episcopus Ostiensis, Cardinalis Vivariensis. Interfuit Imperator & Hungariæ Rex cum Insigniis Regalibus, & Nobilibus suis. Post Sacrum, Litanias, Orationes, & sermonem ab Episcopo dictum, Henricus de Piro præsentavit citationem executioni mandatam, petitque, Johannem Wicleff, ut hæreticum, & hæresi immortuum, condemnandum. Eiusdem etiam XLIV. articulos, cum cclx. per Synodum damnandos, uti & nomine quatuor Nationum decerni, ossa ejusdem exhumanda esse, uti & libros reprobandos postulavit. Subinde sententia lecta, quam Surius, & alii Synodographi habent.

Hac eadem Sessione Fridericus Dux Austriæ, qui Joannem XXIII. fugitivum receperat, ideoque a Sigismundo bello impetitus fuerat, cupiens Regi conciliari, per quatuor Prælatos & Duces aliquot introductus, Regi supplex factus est. Juraverat Rex, nunquam se in gratiam eum recepturum. Responderunt Patres, ipsa poenitentia Friderici mutari statum, nec juramento eum amplius ligari. Rex supplicem veniam concessit, mediantibus Principibus Burggravio Nurembergenſi, &

Ludovico Duce Bavariz, hac conditione; ut Papam reducere vellet, ut se, & bona sua in potestatem Regis daret, nec simile quid subinde admitteret. Accepit conditiones Fridericus, & literas in Teutonico scriptas dedit præstandæ satisfactionis Regi & læsis: quas Rex voluit inferi Actis Concilii. Refert eas latine Surius, & alii.

SESSIO IX. XIII. Maji die Lunæ fuit habitata in Ecclesia Cathedrali, Præsidebat Joanne Ostiensis Episcopo, Cardinali Vivariensi. Interfuit Rex & Nobiles cum Insignibus Regalibus, & XIV. Cardinalibus. Post Missam, Litanias, & Orationes fuit a Benedicto Gentiani, Monacho Ord. S. Benedicti, Ambasiatore Studii Universitatis Parisiensis, oblata Epistola Universitatis Parisiensis, qua se Concilio commendat. Deinde Henricus de Piro, Concilii Promotor, & Procurator, dixit, citationem contra Joannem Papam factam, nec comparuisse: quare videri scandalosum, & procedendum contra eundem ex officio.

His factis, Cardinalis Florentinus protulit Bullam Joannis, qua Cardinales Petrum Cameracensem, Guillelmum S. Marci, & se Florentinum constituere ad defendendum & agendum nomine suo. Nullus accepit munus delatum. Henricus de Piro opposuit, citationem esse personalem, & causam criminalem: in hac non admitti Procuratorem. Fit denuntiatio ad portam Ecclesiæ. Promotor petit Commissarios in causa Joannis examinanda. Concilium dat Commissarios... Pro Natione Germanica Episcopum Merseburgensem, Andream Electum Poznanienſem, & Bertholdum de Wildungen, S. Palatii Auditorem. 2do. Concilium deputat Judices... pro Natione Germanica Nicolaum Plocensem Episcopum. 3. Deputat Sessioarios... pro Natione Germanica Magistrum Eberhardum Lupi.

SESSIO X. XIV. Maji celebrata in Ecclesia Cathedrali: præsidebat idem Joannes, Ostiensis Episcopus, Cardinalis Vivariensis, interfuit Rex Romanorum in Insignibus Regalibus cum suis Nobilibus, & duobus Cardinalibus,

bus, sibi Regi assistentibus, Angelo Laudensi, & Jordano de Urinis.

Henricus de Piro Promotor proposuit, contra Joannem Papam citationem factam, & executioni datam: ac denuo eundem citari petiit extra valvas Ecclesiæ per Prælatos quatuor nationum, & duos Cardinales: dein petiit, conclusam sententiam suspensionis Papalis dignitatis debere effectui dari.

Item scrutinium institutum super mittendis cum Rege Romanorum ad Petrum de Luna.

Lecta litera, per Bohemos scripta, & oblata per Dominum Episcopum Luthomislensem. Lecta dein *BULLA* constitutionis Procuratorum D. Gregorii XII. scripta Wernero Archi-Episcopo Treverensi, Ludovico Comiti Palatino Rheni, & Carolo de Malatestis Domicello Ariminensi.

SESSIO XI. XV. Maji habita in Ecclesia eadem. Præside eodem, præsentibus Rege Romanorum & Hungariæ &c. post sacram Missam, Litanias & Orationes, Andreas electus Poznanienfis legit articulos LIV. formatos contra Joannem Papam, per testes probatos, cum nonnullis aliis.

II. Epistola ejusdem ad Regem Sigismundum scripta de Cellis.

III. Idem Andreas legit Decreta pro approbatione scripturarum & deputationis.

Die 26. Maji quatuor deputati Commissarii ad Papam, ad intimandos eisdem articulos, & requirendum responsum, reversi ad Concilium reverterunt acta.

IV. Instrumentum ratificationis articulorum supradictorum factum per Joannem Papam, olim Baltassarem, die 27. Maji.

Idem Commissarii intimant Papæ diem & terminum ad audiendam sententiam.

Papa se nil curaturum, & acceptaturum sententiam, reposuit, citra appellationem.

SESSIO XII. XXIX. Maji celebrata die Mercurii, eodem præside, iisdem præsentibus.

Tomus V. Concilior. German.

Post Officium, Missam, Litanias, facta relatio a Nuntiis ad Papam Joannem missis.

Henricus de Piro petiit pronuntiare sententiam definitivam. Constitutum, non procedendum ad electionem Papæ, nisi sede vacante.

III. Statutum, quod nemo contententium reeligendus in Papam.

Joannes auditam sententiam contra se latam ratificavit: omnia Insignia Papalia coram iis, qui missi fuerant, deposuit.

SESSIO XIII. XV. Junii anno MCCCCXVI. indictione VIII. in Ecclesia majori Constantiensi, præses fuit Joannes Episcopus Ostiensis, Cardinalis Vivariensis, præsentibus Rege Romanorum & Hungariæ, cum reliquis.

Post Missam, Litanias, & Orationem &c.

Henricus de Piro, & Joannes de Scribanis Procuratores & Promotores Concilii proposuerunt pullulare in diversis locis diversas hæreses, &c.

Constitutum: dicere, quod laici teneantur sub utraque specie communicare, est erroneum: id pertinaciter asserentes puniendi per diocesanos locorum, Officiales eorum, vel Inquisitores.

Episcopus Atrebatensis protestatus est, quod Petrus Cameracensis Episcopus esset Commissarius in causa vertente inter Ducem Burgundiæ & Universitatem Parisiensem. Deputantur Commissarii in materia fidei & hæresis extirpatione. pro Natione Germanica Andreas electus Poznanienfis, Magister Nicolaus Dinckelspuel, M. Theodoricus de Monasterio, sacræ Theologiæ Professor, Bertholdus Wildungen sacri Palatii Apostolici causarum Auditor.

In causa vero Joannis Huls statutum, ut Judices olim deputati in illa ulterius cognoscenda procedant.

SESSIO XIV. Apostolica Sede vacante, regnante Serenissimo Sigismundo, *die Jovis 4. Julii* in Ecclesia Cathedrali celebrata præsentibus Rege cum insigniis & Nobilibus, post cantatum Hymnum *VENI CREATOR*, & Orationem:

G

Joan-

Joannes Dominici, Cardinalis S. Sixti, & Carolus de Malatesta Procuratores Gregorii XII. protulerunt Bullam, qua hic Gregorius ipsis, deinde electo Constantinopolitano, Wernhero Archiepiscopo Treverensi, tum Ludovico Comiti Palatino Rheni, concedit auctoritatem, Concilium Constantiense approbandi, non qua per Joannem XXIII. sed quatenus sua (Gregorii XII.) vice, per Serenitatem Regiam convocatum. Declarat, Concilium a se nunc probatj, & unionem Cardinalium utriusque obedientiæ.

Demum tolluntur processus, & cætera in duabus obedientiis hinc inde decreta occasione schismatis.

Concilium omnia per Gregorium XII. in sua obedientia canonice & rationabiliter facta, ratificat.

Recipit Cardinales ipsius Gregorii: Officiarios ejus vult suis gaudere officiis.

Præcipit, nulli recedendum sine licentia.

Petit a Rege præstanda Concilio securitas.

Editur Diploma Regium tuendo Concilio.

His lectis Statutis & probatis, nomine Gregorii XII. & speciali ejusdem mandato, Carolus de Malatestis renuntiat pure & simpliciter Papatui, & omni Juri & titulo ad eum.

Archi-Episcopus Mediolanensis acceptat cessionem nomine Concilii, & intonat: *Tè Deum laudamus.*

Statutum, Petrum de Luna requiring, ut cedat Papatui.

SESSIO XV. VI. Julii, loco & horis consuetis. Præedit Joannes, Episcopus Ostiensis, Cardinalis Vivariensis. Interfuit Rex Roman. cum Insigniis Regalibus, & Nobilibus suis. post Missam cantatam, Litanias, & consæta, introductus Joannes Hus, accusatus, & convictus, ut hæresiarcha, collocatus in medio Concilii supra altius reliquis scamnum. Decretum de silentio servando ab omnibus tempore sessionis instantis. Henricus de Piro promotor proposuit, Magistrum Jo-

annem Hus, Bohemum, fuisse convictum de articulis hæreticis, seditiosis, & eisdem per Præsidentem, per D. Regem, per totam Synodum Constantiensem condemnandos, libros ejus igne comburendos: demum justitiæ complementum a Synodo fieri postulabat.

Bertholdus de Wildungen legit articulos formatos & dogmatizatos ab Hus: quibus recitatis lecta fuit sententia ab Episcopo Concordiensi: quos publice dixit Hus, nolle se revocare.

Subin degradatus fuit in Synodo, exutus omnibus Sacerdotalibus, & Clericalibus indumentis, traditus Curie seculari.

Deinde prælecta est opinio Joannis Parvi: *Quilibet Tyrannus potest & debet licite & merito occidi per quemcumque Vasallum &c.* declarata nomine Concilii erronea in fide & moribus, hæretica, scandalosa, ad fraudes, mendacia, perjuriam, prodiciones viam dans.

Ultimo edidit Concilium Constitutionem contra infautores, seu spoliatores accedentium & recedentium a Concilio Constantiensi.

Finita Sessione libri Joannis Hus fuerunt combusti in platea palatii Episcopalis, videlicet liber de Ecclesia, & alia opuscula ejusdem.

SESSIO XVI. XI. Mensis Julii in majore Ecclesia, Præfide eodem Joanne, post Missam & Litanias &c. præsentibus variis Cardinalibus & Episcopis, Andreas, Electus Poznanienfis, prælegit ex ambone deputatos Ambasiatores Sacri Concilii ad Aragoniam, ita ut hi omnes, vel ex iis quatuor, cum consensu Regis Sigismundi adeant & requirant Petrum de Luna, Benedictum XIII. nominatum, ut renuntiet Papatui. Datæ illis Bullæ, quibus Joannes XXIII. & Gregorius renuntiaverant, quarum autographa Instrumenta jubet Synodus asservari.

III. Datur certis Episcopis Judicibus potestas citandi sub pœna privationis eos, qui recesserunt a Concilio.

IV. Decernitur literas de justitia expediendas.

V. Præfides habere potestatem dandi licentiam recedentibus.

VI. Cardinalibus de bonis Cameræ Apostolicæ providendum, mandatur Cardinali Camerario.

VII. Nuntiatur illos, qui ad Concilium Constantiæ, a Rege Francorum Carolo, & ab Universitate Parisiensi missi fuerant, captos, spoliatos, vulneratos esse. Contra quorum captivatores ex consensu quatuor Nationum decreta fuit Bulla Concilii, & contra alios spoliatores venientium ad Concilium.

VIII. Mandat Concilium registrari Instrumenta ratificatæ sententiæ contra Joannem XXIII.

IX. Mandat transumi literas de cessione Gregorii XII.

SESSIO XVII. XV. Julii die Lunæ.

Joannes Episcopus Ostiensis, Cardinalis Vivariensis, & Vice-cancellarius præfedit. post Litanias dictas, & in iis triplici voto pro itinere incolumi Sigismundi Regis Rom., ad Regem Aragoniæ, pro abolendo schismate Petri de Luna profecturi, Joannes Episc. Ostiensis Cardinalis dixit orationem super Regem, flectentem ante Altare. Quibus peractis Rex Romanorum rediit ad sedem solitam.

II. D. Antonius, Concordienfis Episcopus, de mandato Synodi legit schedulam concessionum, Legationis, salvi conductus, & aliorum indultorum Rmo Patri Domino Angelo Corario, Cardinali Portuensi, per Concilium Constantiense concessorum. &c.

III. Lecta fuit Scheda inhibitionis censuræ, & excommunicationis contra omnes impediētes eos, qui ad Concilium veniunt, vel ab eo licentiatii recedunt.

IV. Decretum, quod impediens Regem Romanorum in itinere, sit ipso facto excommunicatus.

V. Singulis diebus Dominicis Missam celebrandam cum processione & orationibus pro itinere Regis, cum Indulgentia 100. dierum pro iis, qui Missæ &c. interfunt.

VI. Epistola Concilii Constantiensis ad Bohemos, quā Præfides eos orant, ut

Tomus V. Concilior. German.

sectatores pestiferos Doctrinæ Wicleffi & Hussi non permittant prædicare: mandant sub pœnis excommunicationis, privationis Beneficiorum, & degradationis, ut pro ea hæresi repellenda omnibus curis intendant, sub appensis sigillis quatuor Nationum.

SESSIO XVIII. XVII. Augusti, die Sabbati.
Præfuit Joannes Episcopus Ostiensis, Cardin. Vice cancellarius. Post Missam, Litanias, & reliqua:

I. Datur potestas quatuor Episcopis Judicibus definiendi, & causas per duos cognoscendi.

II. Statuitur, adhibendam esse fidem Bullis Concilii, uti Literis Apostolicis.

III. Falsum committens circa Bullam Concilii, puniendus, uti falsarius Literarum Apostolicarum.

IV. Literas expediendas super gratiis, a Joanne, olim Papa, concessis, exceptis exorbitantibus, & expectativis.

V. Deputantur Ambasiatores ad Gregorium XII. olim, nunc Episcopum Cardinalem, super negotiis unionis Ecclesiæ.

VI. Epistola Concilii Constantiensis ad Sigismundum, de rebus Hussitarum.

VII. Literæ Bohemorum & Moravorum ad Concilium, apologetica Joannis Hussi.

SESSIO XIX. die XXIII. Septembris anni MCCCCXV. Sede Apostolica vacante, Præfide eodem Joanne Episcopo Ostiensi, Cardinali Vivariensi. post celebratam Missam, Litanias, & reliqua:

I. Hieronymus de Praga, per Petrum Cardinalem Cameracensem, & alios a Concilio Deputatos instructus de Fide recta S. Matris Ecclesiæ, antea accusatus de hæresi, & ideo per Concilium incarceratus, revocationis schedulam stans in ambone publice, & alta voce legebat . . . "Ego Hieronymus de Praga . . . anathematizo" omnem hæresin . . . Wicleffi & Hussi, "insuper juro me in veritate Ecclesiæ Catholicæ permanfurum." Sequuntur articuli 42. Wicleffi & Hussi ab Hieronymo anathematizati.

II. Bertholdus de Wildung legebat Schedulam Ordinationis concessæ super Regulam S. Francisci, &c.

III. Idem legit aliam constitutionem Concilii: quod non obstantibus falsis conductibus possit Jdex competens de hæresi inquirere.

IV. Idem legit aliam constitutionem Concilii: quod Dominus Vice-Cancellarius expediat Caroli IV. Diploma, & Friderici II. Imp. approbatam ab Honorio III. Ordinationem pro Ecclesiastica libertate sub Bulla Sacri Concilii Constantiensis.

V. Committuntur causæ hæresis certis Judicibus: Joanni Patriarcha Constantinopolitano, & Joanni Episcopo Sylvanectensi, audiendæ; cognoscendæ, decidendæ, & terminandæ cum omnibus & singulis emergentibus, incidentibus, dependentibus & connexis &c.

VI. Statutum: quod Beneficiati, in Concilio Constantensi præsentés, fructus Beneficiorum suorum in absentia a suis Ecclesiis recipiant.

VII. Quod Literæ super provisionibus ad Patriarchales, Metropolitanas, & alias Ecclesias, per Joannem olim Papam usque ad suspensionem concessæ, expendantur. Statutum Concilii lectum & approbatum.

SESSIO XX. XXI. Novembris anno MCC. CCXV. Indictione VIII. Loco, tempore, & Præsidente Concilii iisdem. post Missam, Litanias, & reliqua:

I. Antonius Concordiensis Episcopus legit Monitorium contra Fridericum Ducem Austriæ, in causâ Tridentini Episcopi Georgii turbati in canonica possessione Ecclesiæ, civitatis, & oppidorum, sexdecim annis pacifice obtentorum. Decretum mox expeditum in forma debita publicandum, assignandum, Duce citato, octava die post lapsum 30. dierum ei assignatorum. Quatuor Nationes approbarunt per vocem: *Placet*, pro Germanica Natione Merseburgensis Episcopus.

II. Die Sabbati VIII. Decembris, fuit lecta coram convocatis quatuor Na-

tionibus una Litera missa Cardinalis Angeli Corarii, olim Gregorii XII., gratias agentis Concilio pro benigna providentia circa suam personam.

Approbata a quatuor Nationibus & Cardinalibus.

III. Procurator Friderici Ducis Austriæ, a Monitorio, protestando, appellavit, & appellationis ac protestationis petiit Instrumentum. Contra, Procuratores Episcopi Tridentini petierunt Instrumentum Monitorii pro suo Episcopo.

IV. Congregatio ad audiendam relationem Ambasiatorum, Missorum a Concilio Constantensi ad Petrum de Luna, & Regem Aragoniæ.

V. CAPITULA NARBONÆ concordata inter Sigismundum Romanorum, & Hungariæ Regem, & Ambasiatores Sacri Concilii Constantiensis ex una parte, & ex altera parte Dominos de obedientia Petri de Luna anno 1415. 13. Decembris, in Capitulo novæ Ecclesiæ Narbonensis. Capitula erant XII.

VI. Nomina illorum, qui juraverunt Capitula Narbonæ approbata, & Germanis hi notantur:

Antonius Aquilejensis Cardinalis.

Petrus Cameracensis Cardinalis.

Petrus Archi Episcopus Rigenfis, pro se, & Rege Daciæ, Sueciæ, & Norvegiæ.

Nicolaus Episcopus Merseburgensis pro se, & Archi Episcopo Magdeburgensi.

Joannes Episcopus Slesvicensis pro se, & Rege Daciæ, Norvegiæ.

Martinus Episcopus Atrebatensis pro se, & Duce Burgundiæ.

Georgius Episcopus Tridentinus.

Ulricus Episcopus Verdenfis.

Joannes Episcopus Wormatiensis.

Thomas Episcopus Emonensis.

Andreas Poznaniensis, Ambasiator magni Ducis Witoldi, fratris Lithuanicæ Ducis.

Sisfridus de (a) Ewagen, Ord. S. Benedicti, Augustensis Diocesis.

Ever-

(a) forte: Elwangen.

Everardus Abbas in Lanz pro se, & Monasterio suo, & tanquam pro parte omnium Abbatum Ordinis S. Benedicti, Herbipolensis Dicecesis.

Hermannus de Argivillari, Abbas S. Petri, Ord. S. Benedicti, Tulensis Dicecesis.

Nomina Ambafiatorum & Procuratorum.

Petrus Cathon, Ambafiator Ducis Burgundiæ.

Leo de Nofereco, Licentiatus in Legibus, Canonicus, Decanus Bifuntinensis, Procurator Capituli ejusdem.

Abbas S. Pauli Bifuntinensis.

Theodoricus de Monasterio, pro Universitate Colonienfis.

Joannes Brunn, pro Epifcopo Halberftadenfis.

Petrus de Mera, pro Epifcopo & Capitulo Trajectenfi.

Paulus de Praga, pro Epifcopo Luthomifenfis.

Jacobus Baruth, pro Abbate S. Lamberti, Saltzburgenfis Dicecesis.

Frater Angelus, Abbas Monasterii in Bura, Saltzburgenfis Dicecesis, Ord. Cifterciensis, pro monasterio suo, & Ernesto Duce Austriæ.

Petrus, Præpositus Canonicorum Regularium Monasterii in Lægingen, pro monasterio suo, & Burgravio Nurembergenfi.

Magifter Petrus de Pulcra, pro Universitate Studii Viennensis.

Petrus Parchis, Ordinis Teutonicorum, pro dicto Ordine.

Andreas, Cantor Lubecenfis, pro Epifcopo & Capitulo Lubecenfi, nec non pro Epifcopo & Capitulo Brandenburgenfi.

Joannes de Burnén, pro Epifcopo Monasterienfi.

Joannes Grez-Reginæ, pro Abbate Mobedeus, Pragenfis Dicecesis, Ord. S. Benedicti.

Matthias de Ville, pro Præposito in Vienna, Patavienfis Dicecesis.

Joannes Gervuer, pro Henrico Epifcopo Verdenfi.

Joannes Tremofinus, pro Præposito Thoalarenfi, Dicecesis Pragenfis, Ord. Præmonstratenfis.

Stephanus Polerz, pro D. Epifcopo Luthomifenfi, & Universitate Studii Pragenfis.

Theodoricus Cintemberg, Cancellarius Epifcopi Ubracenfis (Vratislavienfis) pro Ducibus Silefiæ.

Voalmarus Sals & Luderus Rector, pro Epifcopo Hildeshelmenfi, & Capitulo ejusdem.

Petrus Tetinger pro se, & Abbate Fuldentio, Præposito Nurembergenfi, Patavienfis Dicecesis.

Frater Bernardus, Prior domus Cartufiæ, prope Argentinam, Procurator Prioris majoris Cartufiæ.

Nicolaus, Officialis Brixinenfis, pro Epifcopo & Clero Brixinenfi, & Ernesto, Duce Austriæ.

Petrus de Holtzkirchen pro se, & Abbate Fuldenfi, Ord. S. Benedicti, Dicecesis Herbipolensis, & Præposito Nurembergenfi, Patavienfis Dicecesis.

Simon Dobecheus, Archi-Diaconus Vapincenfis, Procurator Capituli Atrebatensis.

Theodoricus de sancto Deodato, Licentiatus in Legibus, Procurator Epifcopi Tullenfis.

Vernejus Militis, Decanus Ecclesiæ Bambergensis, Bremensis Dicecesis.

Henricus de Molendino, Canonicus Bremensis, Ambafiator Domini Bremensis Archi-Epifcopi.

Antonius de Zwanewarde, Procurator Præpositi & Capituli Ecclesiæ S. Salvatoris, Harlebecenfis Dicecesis, & Decani & Capituli Ecclesiæ B. Mariæ Cortracensis, Tornacenfis Dicecefeos.

Hugo Fabri, Magifter in Artibus & Medicinis, Procurator Epifcopi Cameracenfis.

Otto de Milex, Præpositus ecclesiæ Herbipolensis, pro se, & Epifcopo Herbipolenfi.

Joannes Habunde pro se, & Epifcopo Eyftettenfi, & Duce Franconiæ.

Bertholdus Ruke, Præpositus Lubecenfis pro se, & Epifcopis Darbatenfi, Ozilienfi & Coronenfi.

Petrus Storch in Theologia Doctor, pro Universitate studii Lipfienfis.

Joannes Creste, Licentiatuſ in utroque jure, pro Duce Guillelmo Baviaræ, Comite Hollandiæ, Han- noniæ, & Zelandiæ.

Magiſter Albertuſ de Nuremberga, pro ſe, & Epiſcopo Bambergensi.

Philippuſ de Lumpreſſa, Literarum Apoſtolicarum Scriptor, pro ſe, & Bartholomæo, Abbate mona- ſterii S. Laurentii extra muros Tridentinoſ.

Cuntzo de Swolâ, Auditor cauſarum S. Palatii Apoſtolici: & Albertuſ Varentapp pro ſe, & Archi-Epiſcopo Pragenſi.

Joanneſ & Arnolduſ Forcheim, Li- terarum Apoſtolicarum Scripto- res, pro ſe, & electo Metenſi.

Michael de Eſſedal, Rector. Pa- rochialiſ Eccleſiæ in Lolen; Vrati- ſlavienſiſ Diœceſiſ, pro Præpoſito Martalenſi, Ordiniſ Præmonſtra- tenſiſ, Conſtantienſiſ Diœceſiſ.

VII. Epiſtola Franciſci, Narbonen- ſiſ Epiſcopi, ad quinque Cardinales: de unionē inita cum obedientia Bene- dicti XIII. lecta in hac Seſſione.

VIII. Copia ſubtractioniſ per Regem Aragonum & Siciliæ, Ferdinandum, facta Domino Petro de Luna ab ejus obedientia.

IX. Copia literæ clauſæ ex parte di- cti Domini Regiſ, directæ Domino Imperatori.

1416. 4. *Februarii* Congregatio Cardina- lium, Prælatorum, & Procuratorum in Eccleſia Cathedrali Conſtantiæ: in qua DD. Cardinales & Epiſcopi jura- verunt Capitula Narbonæ inita inter tres obedientiaſ Joanniſ XXIII. & Gre- gorii XII. ex una olim Paparum, ex altera Petri de Luna. . . In testi- monium juratorum Capitulorum ſubſcri- bit Petruſ Cardinaliſ Cameracenſiſ.

1416. 20. *Februarii* in Congregatione Dominorum de Concilio ſtatuerunt de officiis Curiaſ quondam Gregorii XII. admittendiſ. 2do. citandoſ Huſ- ſitaſ, diffamanteſ Concilium ob Huſ- ſum damnatum. 3tio Monitorium mittendum captivatoribus, ſpoliato- ribus familiarium Domini Guillelmi Electi Argentinenſiſ: cujuſ Monitorii

tenor ſubjungitur, dati Conſtantiaſ 10. Martii anni 1416.

1416. 24. *Februarii* Congregatio Gene- raliſ Synodi, in Eccleſia, in qua

I. Lectum Decretum de admitten- diſ Officialibuſ olim Gregorii XII.

II. Auditur Legatuſ Ferdinandi Re- giſ Aragoniæ.

III. Fit relatio in cauſa Fidei de ar- ticuliſ 102. contra Hieronymum de praga, teſtibuſ auditis: poſtulat a promotore ſententia.

IV. Joanneſ de Scribanis promo- tor, poſcit poenas contentaſ in Mo- nitorio, contra ſpoliatores Tridentini Epiſcopi declarandaſ.

V. De tribuſ Sanctiſ Sueciæ, Nor- wegiciæ & Daniæ Regnorum fuit de- creta remiſſio ad parteſ ſuper examina- tione.

VI. Recententur articuli 45. Hie- ronymi de Praga, & hujus reſponſa ad articuloſ. Rurſum alii articuli 102. & promotoriſ iſtantia, ut per torturam cogatur edicere verum & ſtatum ſuum aperire.

VII. Cauſa Argentinenſiſ. *Har- douin. Lunig habent acta* inter Ca- pitulum Eccleſiæ Argentinenſiſ & civi- tatiſ Conſuleſ ex una, & ex altera parte inter Wilhelmum electum Epi- ſcopum Argentinenſem.

1416. die 30 Apriliſ fuit Seſſio publica ſine ſolemnitatibuſ.

I. Epiſcopuſ Laudeniſ fecit ſermo- nem de morte Ferdinandi Arragonum Regiſ, & Alfonſi Filii in regnum ſuc- ceſſione.

II. Epiſtola Joanniſ Doctoriſ ad Concilium de geſtiſ in Regno Arrago- niæ: Alteriuſ Epiſtola de geſtiſ in regno Caſtellæ in Comitatuſ Fuxi, & Arminiaci, lectæ fuerunt.

III. Henricuſ de Piro promotor po- poſcit declarari, quod Argentinenſeſ jam incurrerint poenaſ in monitorio miſſo contentaſ: mox procurator Ca- pituli Argentinenſiſ appellavit, & apo- ſtoloſ dari ſibi voluit.

IV. lecta Epiſtola Regiſ Franco- rum de novem aſſertionibuſ Joanniſ parvi.

V.

V. Concilium censuit non deferendum procuratori Capitali Argentinensibus, ejusque appellationi; sed eam temerariam & frivolam esse.

1416. 5. *Maji* Congregatio Generalis loco consueto.

I. Joannes Gerson protulit causam Regis Francorum & Universitatis Parisiensis contra novem assertiones Joannis parvi.

Martinus, Episcopus Atrebatensis, pro Duce Burgundiæ petiit terminum ad replicandum Gersoni.

II. Promotor accusavit contumaciam Capituli Argentinensis.

III. Alamannus Cardinalis Pisanus sermonem fecit de justitia cuivis administranda.

IV. Epistola Sigismundi Regis ad Concilium lecta: qua petiit suspendi declarationem Monitorum usque ad suum adventum.

V. Lectus libellus novem assertionum Joannis parvi.

VI. Deputantur Commissarii in causa Argentinensi, ad recipiendum testes per Concilium.

1416. 9. *Maji* Congregatio Generalis per modum Sessionis publica.

I. Lectæ quatuor literæ: prima Sigismundi ad Concilium.

II. Scheda prorogationis in causa Argentinensi.

III. Regis romanorum.

IV. Universitatis Pragensis. *Subjiciuntur tenores dictarum literarum.*

1416. 11. *Maji* Congregatio in causa Argentinensi.

1416. 16. *Maji* Altera Congregatio in eadem causa. Deputatio Commissariorum in eadem causa.

1416. 23. *Maji* In Congregatione referuntur responsa Hieronymi de Praga.

1416. 26. *Maji* Relatio de fulminatis certis sententiis a Cardinali Angelo Corario, contra Comitem de Urbino Eugubienfis Diocesis.

Continuatum examen & interrogatio Hieronymi de Praga, ejusque responsa. Demum Hieronymus revocatio-

nem olim factam improbavit, Wiclefium & Hussium sanctos, bonos viros fuisse, asseruit, se eorum doctrinam tenere. His auditis promotores petierunt definitivam sententiam in proxima Sessione.

SESSIO XXI. anno MCCCCXVI. 30. *Maji* in Ecclesia Constantiensi. Præside Joanne Episcopo Ostiensi, Cardinali Vivariensi.

I. Post Missam, Litanias, & reliqua sermo fuit factus ab Episcopo Laudensi.

Eo sermone finito, Magister Hieronymus ascendens quandam Bancam replicavit contra ejus sermonem.

His & aliis auditis, patriarcha Constantinopolitanus sententiam definitivam contra eum legit, quam Concilium approbavit.

Ea lecta: Hieronymus est traditus potestati sæculari, & combustus fuit.

II. Lecta Epistola Sigismundi Regis ad Concilium, qua ostendit desiderium pacis & concordie Ecclesie.

III. Epistola Archi-Episcopi Moguntini, quæ se excusat apud Regiam Majestatem, quod in senio constitutus ob necessitates Ecclesie sue non possit ad Synodum venire.

IV. Lectus tenor declarationis pœnarum, in quas Decanus, Capitulum, & civitas Argentinæ incidit, ob Wilhelmum electum Episcopum, & Cantorem, vi captos, nec hætenus dimissos, uti moniti fuerant.

1416. 5. *Junii* Congregatio Generalis.

I. Regis Portugallie Ambasiatores Concilio commendantur.

II. Comes de Nelleburg, locum tenens Gubernatoris & Custodis sacrosanctæ Synodi Constantiensis, per os Episcopi Verdenfis proposuit Literas Fratris sui Canonici Argentinensis, excusatorias de captione Wilhelmi, electi Argentinensis, adeoque illum in pœnis, in monitorio latis, comprehendendi non posse.

1416. 27. *Junii* Congregatio Generalis fuit in causa Argentinensis Wilhelmi. Disputatum pro & contra.

II. Le-

II. Lecta Epistola Regis Francorum super promotione electi Wilhelmi.

III. Lecta Capitula pro D. Argentinensi a Patriarcha Antiocheno coram deputatis Commissariis causæ.

1416. 4. *Julii* Loco & tempore consuetis, Congregatio Generalis absque solemnitate.

Florentinus Cardinalis fecit sermonem pro concordia.

Magister Joannes Abundi obtulit literas clausas a Serenissimo Rege Aragoniæ, & instrumentum publicum procurationis pro Domino Texal Gerali O. B. M. de Mercede.

Ea lecta Magister Antonius Texal, consensu ambone, fecit collationem in laudem Regis dicti, & excusavit de tardatione missionis Ambasiatorum ad Concilium.

Magister Abundi quandam commissionis schedulam pro Domino Joanne Corneli deceptorum Doctore legit.

Tutores eorum instrumentorum & literarum sequuntur.

Procuratorium personæ Antonii Texal pro Rege Aragonum, lectum a Joanne Abundi.

Responsum Concilii Constantiensis factum Generali O. B. M. de Mercede, Ambasiatori Regis Aragonum.

Commissio per Joannem Abundi pro Doctore Tolosano in causa Archidiaconatus Ulmenfis Ecclesiæ Tolosaniæ.

1416. 14. *Julii* Literæ Regis & Reginæ ad Congregationem quatuor Nationum: quia rex & regina Castellæ volebant se unire Congregationi, non tamen esse Concilium Generale ante adventum Legatorum Castellæ.

Auditus Nuntius a Duce Albanæ, Governatore Scotiæ, (cujus Rex captivus tenebatur jam a 12. vel circa annis a Rege Angliæ.)

1416. 18. *Julii*. Congregatio, in qua solum de causis particularibus actum fuit.

I. Lecta Scheda in causâ Fidei.

II. Scheda in causâ Tridentina.

III. De citatione olim Decreta contra Nobiles Bohemiæ, & Moraviæ.

Procurator supplicat pro executione causæ.

IV. Præpositus Quinqueecclesiensis legit Schedulam Deputationis Commissariorum in causâ Fidei, & in causâ Tridentina.

V. Promotor Concilii petit deputari Commissarios in causâ Georgii Episcopi Tridentini, contra Fridericum Ducem Austriæ.

VI. Promotor Henricus de Piro petit executionem citationis contra fautores Wicleffitarum, quosdam Nobiles de Bohemia & Moravia. Deputantur Commissarii ex quatuor Nationibus: pro Germanica Nicolaus Episcopus Merseburgensis, & Joannes de Alexandria.

VII. Commissio in causâ Fidei contra fautores Hussi in Bohemia & Moravia.

10. *Augusti* placuit Nationi Italianæ.

20. *Augusti* placuit Nationi Germanicæ.

21. *Augusti* placuit Nationi Gallicanæ.

VIII. Executio citationis Bohemorum in audientia Constantiæ facta.

Dein executio in partibus Bohemiæ facta, alia, & alia.

1416. 10. *Septembris* Congregatio Generalis. Excepti Ambasiator Alphonsi, Aragonum Regis, qui gratias egit Concilio ob expectatos Ambasiatores suos, & offert se paratum ad unionem.

II. Legitur Instrumentum Procuratorium Regis Aragonum, Siciliæ, Sardinia &c. Legatos accedere Constantiam ad Congregationem, ut fiat unum Generale Concilium.

1416. 16. *Septembris* Congregatio Generalis, sine solemnitatibus. Ludovicus Comes Palatinus, Dux Baviaræ Governor, & locumtenens Sigismundi pro Concilio Constantiensi, protestatur contra Ambasiatores Jacobi de Neapoli, & Reginæ ejus uxoris, qui prætendebant variorum Regnorum titulos &c.

Laurentius de Neapoli, Ambasiator pro Jacobo, & Joanna, pro iis peroravit.

II. Le-

II. Lectæ literæ Regis Poloniæ per D. Petrum de Polonia.

III. Lecta Epistola Magistri Generalis O.B.M. Teutonicorum, pro pace inter eos, & Regem Poloniæ, mediante Sigismundo Rege Rom. & Concilio promovenda.

IV. Literæ Universitatis Cracoviensis. Laudat zelum Concilii contra hæreses Wicleffi, & Hussi &c. Hortatur ad eligendum Pastorem unicum, Christi Sectatorem.

V. Lectum procuratorium Jacobi, & Joannæ, Regum Ungariæ, Siciliæ, Dalmatiæ, Croatiæ, Jerusalem, Raviæ, Serviæ, Galiciæ, Ludomiriæ, Bulgariæ, & Neapoleos.

VI. Literæ credentiæ Regis & Reginæ Neapoleos.

1416. 19. *Septembris.*

I. Lectum instrumentum confirmationis concordatorum, in Narbona initiorum per Regem Navarra.

II. Literæ credentiæ ejusdem Regis Navarra.

III. Subtractio Regis Aragonum ab obedientia Petro de Luna.

IV. Subtractio obedientiæ Regis Navarra eidem facta.

V. Subtractio Comititis Fuxi.

VI. Decretum suspensionis sententiarum & processuum in diversis obedientiis.

SESSIO XXII. 15. *Octobris anno 1416. Indict. IX.*

I. Scheda lecta per ambasiatores Regis aragonum.

II. Literæ convocatoriæ scriptæ a Miseratione Divina Episcopis, presbyteris, Diaconis, Cardinalibus, patriarchis, Archiepiscopis, prælatis, & cæteris, in Constantia provinc. Moguntinensis in Christi nomine congregatis, (a) ad Illustrem Principem Ferdinandum Aragoniæ & Siciliæ regem, ut ipse cum subditis veniat ad tractandum una secum de extirpando schismate (non obstante pertinacia Petri de Luna, nolentis cedere) suos subditos convocari, moneri per regem orant.

Thomas V. Concilior. German.

(a) Non audebant sibi nomen *Concilii* attribuer.

Ea lectura finita, Oratores Domini Alfonsi dixerunt: Nos Oratores convocamus vos omnes Prælatos & cæteros juxta tenorem dicti Capituli.

III. Concedit Synodus ambasiatoribus regis aragonum, Castellæ, Portugalliæ, Navarra, vocem in natione Hispanica, observando Capitula Narbonensia.

IV. Ambasiatores regis Aragonum acceptant omnia decreta & acta secum facta, edita in sacra Generali Synodo Constantiensis.

V. Antonius Taxal fecit brevem collationem. Cui respondit Franciscus Cardinalis nomine Synodi per brevem collationem.

Tum cantatus Hymnus: *Tu Deum laudamus.* Cantata Missa de Spiritu S., Litanias, & reliqua.

VI. Sessio de unione ambasiatorum aragonum.

VII. Decretum locationis eorundem ambasiatorum.

VIII. protestatio ambasiatorum regis Jacobi & reginæ Joannæ.

IX. Protestatio pro rege Francorum.

X. Promotores Henricus de piro de Colonia, Licentiatius in Decretis, & Joannes de Scribanis de placencia, petierunt per protonotarios Sedis Apostolicæ fieri instrumenta ad conscribenda acta Concilii Constantiensis. Ambasiatores regum idem petierunt.

SESSIO XXIII. 5. *Novembris anno 1416.* Loco & tempore consuetis. præside Joanne Episcopo Ostiensi, S. Rom. Eccl. Cardinali Vice-Cancellario. post Officium Missæ, Litanias & alia, fuit lecta

I. Commissio Deputatorum super informatione summaria facienda ad effectum citationis personalis, & per editum contra petrum de Luna.

II. processus in causâ hæresis & schismatis contra petrum de Luna, Benedictum XIII. in sua obedientia nuncupatum, coram S. Synodo & Commissariis habitus.

H

SESSIO

SESSIO XXIV. 28. *Novembris anno 1416.*
Eodem loco, tempore, & præfide.
post Missam, Litanias, & Orationes

Citatio decreta contra Petrum de
Luna & lecta: quam quatuor Natio-
nes approbarunt.

SESSIO XXV. 14. *Decembris anno 1416.*
die Luna, Indict. IX.

I. Unio & incorporatio D. Comitis
de Fuxo per ejus ambasiatores.

II. Custodia, regimen, cura Eccle-
siæ Olomucentis in Spiritualibus, va-
cans per obitum Wenceslai Patriar-
chæ Antiocheni, Joanni Episcopo
Luthomislensi commissa fuere. Ex-
pediendæ litteræ a Cardinali Vice-
Cancellario.

III. Litteræ credentiæ Comitis Fuxi
pro Episcopis Olorensi, & Adurensi,
Legatis suis.

IV. Instrumentum procurationis D.
Comitis Fuxi, & trium Statuum Do-
miniorum suorum.

His lectis unio & incorporatio di-
ctorum Dominorum per quatuor na-
tiones facta. Et cantatum: *Te Deum*
laudamus.

V. Lecta Scheda Deputationis
Commissariorum in causa Tridentina,
pro Natione Hispanica.

VI. Scheda approbationis super
viſualibus, & pensionibus domorum
cum civibus Constantiensis. Una cum
taxa lectorum, domorum, viſualium
pro equis & hominibus.

SESSIO XXVI. 25. *Decembris anno 1416.*
Hora, loco, & præfide iisdem.

I. Unio & incorporatio Caroli, Re-
gis Navarræ, in suis ambasiatoribus.

II. Decretum de non derogando
juri alicujus Nationis in prioritate vo-
torum, lectum ab Episcopo Aretino
nomine Concilii: quod acceptant Le-
gati Regis Navarræ; Dein convocant
omnes Prælatos, & cæteros Dominos,
juxta tenorem Capituli Narbonensis.

III. Legitur Procuratorium Caroli,
Regis Navarræ, Ducis Nemaufensis.

IV. Procuratorium Status Cleri Re-
gni Navarræ.

V. procuratorium Domini Decani
Beatæ Mariæ de Tutela.

VI. procuratorium D. Abbatis de
Oliva, Pampilonensis Diœcesis.

VII. procuratorium D. Abbatis de
Tirafona, Tirafonensis Diœcesis.

VIII. procuratorium Abbatis de
Yrancio, Pampilonensis Diœcesis.

IX. procuratorium Abbatis de Ira-
chis, Pampilon. Diœc. & aliorum Ab-
batum & Capitulum.

X. Citatio Friderici Ducis Austriæ,
& aliorum in causâ Tridentina.

XI. Fit relatio citationis factæ.

XII. Deputantur Commissarii in
causa Augustensi, Monasterii Cæsare-
ensis.

SESSIO XXVII. 20. *Februarii anno 1417.*
Loco & Præfide iisdem.

post Officium Missæ, Litanias, &
reliqua:

I. Fuit accusata contumacia Fride-
rici, Ducis Austriæ, & aliorum in Mo-
nitorio nominatorum.

II. Relatio facta per Commissarios
in causa Tridentina super executione
Monitorii, & approbata.

III. Referuntur tenores dictarum
citationum.

IV. Deputantur Commissarii ad re-
cipiendas informationes Monasterii
Cæsariensis, Ord. Cisterciensis, Augu-
stensis Diœceseos, occasione invasio-
num, exactionum, & injuriarum illa-
tarum a Ludovico, Duce Baviaræ.

SESSIO XXVIII. 3. *Martii anno 1417.* in
Majore Ecclesia Constantiensis. præ-
fide Joanne, Episcopo Ostiensis.

post Missam, Litanias, & reliqua
supervenit Serenissimus Rex Roman.
& Hungariæ Sigismundus cum suis
Nobilibus.

I. post accusatam Ducis Austriæ
contumaciam Nicolaus Episc. Merse-
burgensis legit Decretum Concilii
Constantiensis, quo declarabat Fride-
ricum, Ducem Austriæ, ob Georgium
Episcopum Tridentinum, ejusque
urbes & oppida capta, spoliata, invasa,
violato juramento, facto Sigismundo
Regi

Regi de restituendo, in omnes pœnas constitutione Carolina contentas, incidisse.

II. protestatio Ambasciatorum Regis Francorum pro iustitia ejusdem Regis elucidanda.

SESSIO XXIX. 8. Martii anno 1417. Loco, tempore, & Præsidente, ut supra. post Sacrum factum, Litanias, & reliqua:

I. Stephanus, Dolenfis Episcopus, legit deputationem procuratorum & Notariorum, a Concilio Constant. factam in causa contra Petrum de Luna.

II. Ordinatio lecta super contumacia Domini Petri de Luna.

III. Instrumentum executionis lectum.

SESSIO XXX. 10. Martii anno 1417. in majori Ecclesia Constantiensis.

præsedit D. Joannes, Episcopus Ostiensis, Cardin. Vice-cancellarius.

Interfuit Sigismundus Rex cum multis Principibus.

post Sacrum, Litanias &c.

I. Legati ad Petrum de Luna, retulerunt, eum inventum in castro Paniscola, citatum, & instrumenta Concilii ei exhibita fuisse.

II. Concilium Constantiense approbat subtractionem obedientie factam per Regem Aragonum Petro de Luna.

III. Instrumentum responsionis per Petrum de Luna factæ, productæ, & lectæ.

IV. Practicæ viæ schismatis abolendi per Petrum de Luna duæ: prima via renuntiationis, altera via compromissionis.

V. Instrumentum executionis in personam factæ per D. Lambertum de Stipite, Priorem Ordinis Cluniacensis, Diocesim Leodiensis, Paniscolæ in Derulesi Diocesi.

Post quorum Instrumentorum lectionem Promotores petierunt publica instrumenta fieri, & inter acta Synodi registrari.

SESSIO XXXI. die 31. Martii anno 1417. Post Missam dictam & Litanias, & reliqua: lectum

Tomus V. Concilior. German.

I. Monitorium contra Comitē Virtutum, ob vim illatam Alberto, Episcopo Astensi, capto & incarceration: Commissarii dati: affixæ citationis schedulæ.

II. Lectum Decretum super redintegratione Ecclesiæ Bajonensis, quæ per plures annos, duos Episcopos habuerat, scilicet Petrum, a Joanne xxiii. nominatum, sed jam defunctum: & Guillelmum adhuc superstitem, quem Petrus de Luna illius Sedis Episcopum dixerat. Statutum a Concilio, ut Guillelmus totum Episcopatum obtineat & regat.

III. Præsentantur literæ missivæ Regis Poloniæ ad Concilium, item literæ Advocati Ord. B. M. Teutonicorum. Neutræ lectæ, quia Nationibus non fuerant ante communicatæ.

IV. Petrus de Polonia legebat aliud Decretum, quo subrogabantur Domini Jacobus Plocensis Nationis Germanicæ, Petrus Olorensis Nationis Anglicanæ, Thomas Emonensis Nationis Italicæ, Episcopi: loco Dominorum Ulrici Verdenfis, Patricii Cortagenfis, Lazari Czinenfis Episcoporum, in causa Fidei de Regno Bohemiæ.

Qua subrogatione facta, fuit deputatus in una alia causa Fidei de Regno Bohemiæ R. D. Hieronymus electus Ariminenfis, loco Bartholomæi electi Alexandrini in Lombardia.

V. Promotores petierunt fieri instrumenta.

VI. His factis, de licentia Synodi Petrus de Polonia legebat certam litteram missivam ad Conc. Constantiense per Regem Poloniæ, & Ducem Witoldum, qua excusabant, pacem non factam inter se, & Ordinem Teutonicorum.

VII. Protestationes variæ Anglicanorum de divisione in quatuor Nationes, contententium, quod Anglia mereatur vocari pro sua Natione &c.

SESSIO XXXII. 1. Aprilis anno 1417. Loco, tempore, & Præsidente iisdem.

Post Missam, Litanias, & reliqua:

I. Præsides deputavit ex quatuor Nationibus, & Cardinalibus, qui Petrum de Luna ad valvas Ecclesiæ citent, &

de citatione facta referant ad Synodum.

II. Articuli contra Petrum de Luna numero 81. Testes citati, auditi.

Novæ citationes ad Valvas.

III. Instrumentum contractus inter Cardinales facti, & subscripti per ipsos & Notarios, qualiter eligendus in Papam debeat esse constitutus.

SESSIO XXXIII. 12. Maji anno 1417.

Præside Joanne, Episcopo Ostiensi.

Præsentē Rege Roman. & Hungariæ Sigismundo. Post Missam, Litanias, & reliqua:

Facta iterata citatione Petri de Luna & relatione, lectum Decretum de publicatione arrestationum, & citatione ad contra obijciendum.

Tenores citationum & schedularum sequuntur.

SESSIO XXXIV. 5. Junii anno 1417. *Indict. X.* præfedit Joannes, Episcopus Ostiensis, Cardin. Vice-cancellarius. post Missam, Litanias, & reliqua:

I. Duo Commissarii consensu ambone legerunt articulos productos contra Petrum de Luna, & eorum probationes per testes.

II. His peractis Episcopus Concordienfis legit Decretum ex mandato Synodi.

III. Promotor petit fieri instrumenta actorum lectorum.

SESSIO XXXV. 18. Junii anno 1417.

Præfens Imperator & Rex cum multis Principibus, & Nobilibus sibi inservientibus.

I. Ambasiatores Regis Castellæ & Legionis post lectum procuratorium, ascenderunt ambonem, & tria se facturos, edixerunt:

Concilium Constantiense convocatos.

præsentī congregationi in Constantia se unituros.

Subtractionem obedientiæ in Narbona ratificatam, juxta capitula ibidem concordata, approburos.

II. Oratores & procuratores Illustrissimi Domini Infantis Henrici, Or-

dinis sacre Militiæ sancti Jacobi de Spata, Generalis Magistri.

Convocant omnes prælatos & decanos in hac congregatione.

Uniunt se ipsis.

Acceptant Capitula concordata in Narbona.

III. Ambasiatores Regis Castellæ Approbant Capitula Narbonensia.

Ab obedientia Petri de Luna se subtrahunt, nil obstantibus juramentis eidem factis.

Uniunt se Dominis Constantiæ congregatis.

IV. Legitur procuratorium Oratorum regis Castellæ.

V. Promotor Concilii omnia acceptat, poscit instrumenta fieri.

VI. Canitur: *Te Deum laudamus.*

Ab hac die incipit juxta litteram esse Concilium universale Constantiæ, ab Sessione 36. ad Sessionem 45. & ultimam.

SESSIO XXXVI. 22. Julii anno 1417.

præside Joanne Episcopo Ostiensi.

post Missam, Litanias, & reliqua:

I. Legitur decretum citationis ab Episcopis faciendæ, & affigendæ valvis Ecclesiæ: fit omnium relatio ad Concilium.

II. Legitur Decretum cassationis pœnarum, dictatarum per petrum de Luna, vigore cujusdam constitutionis pro ambasiatoribus regis Castellæ.

III. Citatio ad audiendam sententiam.

IV. promotores petunt fieri instrumenta.

SESSIO XXXVII. 26. Julii anno 1417.

præfedit Joannes, Ostiensis Episcopus.

Interfuit rex Roman. & Hungariæ cum insignibus Regalibus, & Nobilibus, sibi inservientibus.

post Missam, Litanias & Sermonem habitum:

I. Lecta fuit per Guillelmum Cardinalem S. Marci sententia definitiva, qua Benedictus XIII. ob gravia crimina schismatis, hæresis, ob violatum articulum: *Unam, Sanctam, Catholicam Eccle-*

Ecclesiam. privatur, deponitur a Papatu, eidem inhibetur, ne pro Papa se gerat, omnesque Christiani ab ejus obedientia absolvuntur, vetitum insuper sub poenis gravissimis, ne quis ei adhæreat.

His peractis Cardinalis Præses nomine Synodi dixit: *placet*.

II. Subscripterunt Protonotarii: exemplaria postulata.

SESSIO XXXVIII. 28. Julii anno 1417. Loco, tempore, Præsides iisdem.

Post Missam, Litanias, & reliqua:

I. Dominus Petrus de Lomburgia legit decretum Concilii Constantiensis irritans penas omnes ab anno 1416. latas contra ambasiatores Infantis Henrici, Filii Joannis, regis Castellæ.

II. Idem legit decretum revocationis vocum ambasiatoribus regis Aragonum concessarum.

III. Unus ambasiator regis Aragonum protestatus est de nullitate hujus decreti.

IV. Adjunguntur Commissarii novi in causa Argentinensi.

V. Protestatio Cardinalium contra reformationem, ante electionem pontificis præmittendam.

VI. protestatio trium Nationum Italicæ, Gallicæ, Hispanicæ contra Nationem Germanicam, quæ volebat reformationem præmittendam electioni novi Pontificis, facta 11. Septemb. anno 1417.

VII. Protestatio Nationis Germanicæ facta in Concilio contra electionem Papæ, reformationi præmittendam.

Anno 1417. 23. Septembris *Congregatio inter Sessionem 38am & 39am* pro Concordia inter quatuor Nationes: Italicam, Hispanicam, Gallicanam & Anglicam (quæ a Sigismundo Rege se jam junxerat) & Germanicam, quæ sola cum Rege volebat fieri reformationem ante electionem.

Concordia hoc modo facta per Episcopum Vintoniensem, Anglum, tum casu Constantiam invitatum ex vicinia itineris in Jerusalem: qui, cum esset Patruus Regis Angliæ, persuasit Sigismundo, & Nationi Germanicæ,

H 3

ut primo eligeretur certus Pontifex, sed ante electionem per Decretum Concilii in forma fieret *Cautio de fienda Reformatione*, post electum Papam, & expedirentur Capitula reformationis, concordata per omnes Nationes, & darentur Deputati ad ordinandum modum electionis.

II. Lectus fuit tenor Commissionis super præsidendam inter Legatos Regis, & Reginæ Castellæ, & Legionis, & Navarræ, ex una parte, & ex alia inter Legatos Regum Aragonum, Siciliæ, & Portugalliæ.

SESSIO XXXIX. 9. Octobris anno 1417. Præses, locus, & tempus idem.

Post Missam, Litaniam, & reliqua:

I. Bartholomæus, Archi-Episcopus Mediolanensis, legit Decretum de Conciliis Generalibus, a fine hujus Concilii in quinquennium, post in septennium, demum a decennio in decennium celebrandis.

II. Forma præscripta Professionis edendæ a futuro Pontifice.

III. Ne Prælati transferantur inviti.

IV. Spoliorum exactiones, & procuraciones ratione visitationis interdictas esse, & manere.

V. Potesas definiendi possessorum causæ Episcopatus Cumanensis, tribus Episcopis de Concilio commissa.

SESSIO XL. 30. Octobris anno 1417.

Post Missam de Spiritu S., Litanias, & reliqua:

I. Lectæ a Cardinali Guillermo, Tit. S. Marci, Reformationes xviii. fiendæ per Papam una cum Concilio, priusquam Concilium dissolvatur.

II. Decernitur procedendum ad electionem Papæ Romani, absentia Cardinalium Petri de Luna non obstante.

III. Statuitur modus & forma eligendi Pontificis.

SESSIO XLI. 8. Novembris anno 1417. *Indict.* X. Loco, tempore, consuetis.

Interfuit Sigismundus Rex cum Insigniis.

Post Missam, Litanias, & reliqua:

I. Episcopus Laudensis habuit sermonem in illud: *Eligite meliorem*. (*)

II. Le-

[*] IV. Reg. X.

II. Lecta constitutio Clementis Papæ VI. de modo & forma tenendis super visualibus Cardinalium in Conclavi existentium.

III. Capitula X. juranda per Electores Romani Pontificis, & custodes Conclavis.

IV. Nomina jurandorum.

V. Decretum de Electoribus Romani Pontificis pro hac vice. Juxta ordinationem Concilii, Cardinalibus eorum voluntate & consensu adjunguntur Patriarcha Constantinopolitanus, V. Archi-Episcopi, & XI. Episcopi, deinde dilecti Ecclesiæ Filii: Jacobus Bennenfis electus, Italicæ, Robertus Cluniacensis Gallicanæ, Thomas S. Mariæ Eboracensis Anglicanæ, Monasteriorum Abbates. Leonardus Generalis Ord. Prædicatorum, sacre paginæ, Italicæ: Thomas, Decanus Eboracensis, Anglicanæ: Pandolphus de Malatestis, Archidiaconus Bononiensis, Italicæ: Waltherus Grassi, Prior Rhodi Decretorum, Gallicanæ: Philippus de Madalia, Archidiaconus Pœnitentiarius in Eccl. Barcin. sac. paginæ, Hispanicæ: Lambertus de Supite, Prior de Berkeneyo, Gundisalvus Garcia de Brunefta, Decretorum: Walafchus Petri, juris utriusque, Hispanicæ: Nicolaus de Dinckelspuel, Conradus de Susato, sacre paginæ Doctores, Germanicæ Nationis.

VI. Decretum de non spoliando eligendum in Papatu.

VII. Decretum annulationis protestationum, contentionum, nec non suspensionis causarum, & audientiarum.

VIII. Introitus Conclavis.

IX. Electio Papæ die Jovis in Festo S. Martini, XI. Novembris. Odo de Columna, Cardinalis S. Georgii ad Velum aureum, concordii voce eligitur, qui Martinus V. vocari voluit.

X. Coronatio Papæ. Vigesima prima Novembris, die Dominica, in Ecclesia majore Constantiensi, deducente Serenissimo Imperatore, & Prælatibus omnibus coronatur. Coronatus per Sigismundum Regem a dextris, per Marchionem Brandeburgensem a sinistris ducitur fræno equi, cui Papa in-

sidebat, ab Ecclesia ad Monasterium S. Augustini, per circuitum ad Constantiensem Cathedralē solemnissime reductus.

SESSIO XLII. 28. Decembris anno 1417. Præfedit ipse Papa Martinus.

Post Missam, Litanias, & reliqua:

I. Sigismundus Rex jurat fidelitatem Ecclesiæ Romanæ: Confirmatur ejusdem Regis electio.

II. Guillelmus, S. Marci Cardinalis, legit Bullam Martini V. scriptam Domino Imperatori, qua eum liberat ab onere custodiendi Joannis XXIII. & eum sibi Papæ traditum fatetur.

SESSIO XLIII. 21. Martii anno 1418. Indictione XII.

Præfedit Martinus Papa V.

Post Missam, Litanias, & solita: Guillelmus Cardinalis prælegit Decreta per Dominum Papam, & Synodum facta.

I. De exemptionibus Ecclesiarum, Capitulorum, Monasteriorum, post obitum Gregorii XI. factis, quas revocat, & pristinæ Ordinariorum jurisdictioni subijcit.

II. Uniones ab eodem tempore factas ad querelas eorum, quorum interest, revocabit Papa iustitia mediante.

III. Fructus percipiendos vacationis tempore, juris, vel consuetudinis dispositioni relinquit Papa, nec vult sibi, aut Cameræ Apostolicæ applicari.

IV. Simoniam ita vetat, ut simoniace ordinati, sint eo ipso suspensi: Electiones, postulationes, confirmationes simoniacæ.... sint ipso jure nullæ, nec sic promoti faciant fructus suos.... dantes & accipientes ipso facto, sint excommunicati.

V. Dispensationes omnes, præter illas, Bonifacii VIII. per Bullam: *Cum ex eo*, revocat.

VI. De Decimis, & aliis oneribus ecclesiasticis, quæ jura prohibent, ab inferioribus Papa imponi, iterum idem mandat. Papa nisi ex magna causa utilitatem Ecclesiæ concernente, nec nisi de consilio Cardinalium imponet: nec Regno

gno alicui, nisi Prælati Regni contentientibus.

VII. De vita & honestate Clericorum in vestibus, tonsura, & habitu.

VIII. Concordata cum singulis Nationibus Sacro approbante Concilio inita, in sua Cancellaria vult poni papa Martinus, & literas sub sigillo Vice-Cancellarii, volentibus offert super reformatione 30. Octobris anno 1417. in Seff. XL. proposita, cui fuisse & esse satisfactum, Papa declarat.

Subinde Cardinalis Episcopus Ostiensis respondit: De mandato Nationum respondeo, quod placent Nationibus Decreta recitata, & cuilibet Nationi placet concordia cum ipsa per Dominum nostrum facta, & per præmissa fatentur dicto Decreto jam esse satisfactum, non intendentes propterea, quod concordata cum una Natione, in aliquo alteri Nationi afferant præjudicium.

Deinde Guillelmus, Cardinalis S. Marci, de mandato Papæ & Synodi prælegit publice articulos reformatos, per Papam & Synodum, qui erant propositi Seff. XL. 30. Octobris anni proximi.

Articulus primus: De numero & qualitate Dominorum Cardinalium. Statuimus, ut deinceps &c.

Infra XV. articuli avisati & reformati ex Cl. von der Hardt exhibebuntur.

1418. 15. Aprilis. Concordata inter Martinum V. & Nationem Germanicam expedita per Joannem Episcopum Osti-

ensem S. R. E. Cardinalem & Vice-Cancellarium:

Harduinus habet articulos XI.

Von der Hardt totidem ex MS. Vienneſi Cæsares, & Gothano Ducali.

Infra exhibebuntur.

SESSIO XLIV. 19. Aprilis anno 1418. In Ecclesia majori Constantiensi. præsidet Martinus V. PP.

Interest Sigismundus Rex cum insignibus.

Post Missam, Litanias, & solita,

I. Prælegit Antonius de Chalanco, S. R. E. Cardinalis, Decretum de loco futuri Concilii designato, civitate Papiensi.

SESSIO XLV. & ultima 22. Aprilis anno 1418. Loco & tempore consueto.

Papa Martinus V. præsidet.

Interest Sigismundus Rex.

Post Missam, Litanias, & solita

I. Papa absolvit Concilium, hac voce; de mandato Papæ & Concilii: Domini, ite in pace, responsum: Amen.

II. Ambasiator Poloniæ Regis detulit Libellum Fratris Joannis Falkenberg, hereſes & errores continentem, quem, uti jam damnatum per Nationes & Cardinales, damnari, & damnatum pronuntiarı petiit ante dissolutionem Concilii.

Papa respondet, omnia determinata in materia Fidei conciliariter, tenenda & inviolabiliter observanda.

Bulla dissoluti Concilii, Veniæ redeundi ad propria.

Hoc Diarium ex Hardouiniana Collectione Conciliorum Tomo VIII. excerptum fuit.

Cl. Binius brevius Diarium fecit, quod Hardouin recudit.

Cl. von der Hardt Tomo IV. de rebus Concilii Constantiensis, Chronologicam seriem fusiorem præmiſit.

CAUSÆ AGITATÆ
IN ET CORAM CONSTANTIENSI SYNODO,
De Ecclesiis, vel Episcopis, vel Principibus Germaniæ, & Populis
eo Sæculo in Natione Germanica reputatis.



CAUSA PRIMA

De hæresi Cruci-Fratrum in
Misnia.

Anno MCCCCXIV. Misnia vidit nascentem sectam novam Flagellatorum, in Oppido Sangerhausen, qui sibi nomen indiderant *Fratrum Crucis*: circuibant civitates & oppida flagris tergora cædentes.

Adventu suo in orbem iactabant reprobam a Deo Sacerdotium Evangelicum, ob vitam & mores perverfos Ecclesiasticorum: improbabant Baptismum in aqua, suo quemvis sanguine baptizandum. Sacramentum Altaris esse cuculum Presbyterorum, nec in eo esse verum Christi Corpus, nec verum Deum. Negabant Sacerdoti confitendas esse noxas: flagella cum contritione cordis suscepta iis ablundis sufficere. Purgatorium locum & preces pro defunctis rejiciebant: diem Festum præter Dominicum Natalem Domini, & Assumptæ Mariæ in Cælum, alium nullum colebant. *Von der Hardt T. I. Histor. Conc. Const. pag. 124. enumerat L. articulos alios, aliis infaniores.*

Jam Sæculo XIII. & XIV. enarravimus similes fanaticos. *Vide Digressionis in sæculum XIII. §. XIII. pag. 57. Tomo III. & Digressionis nostræ ad sæculum XIV. §. V. pag. 626. Tomo IV. Concilior. German.*

Super præmissis articulis (a) præfati hæretici, culpabiles inventi, per Magistrum Henricum Schonefeld, Magistrum Theologiam, & Inquisitorem Hæreticæ praviratis, igni adjudicati, in præfato oppido Sangerhausen combusti sunt.

Cl. Hardtius dicit S. Vincentium Ferrerium per Literas Constantiam fuisse, post Sessionem XXXV. 9. Julii A. 1417. invitatum, ut a Flagellatorum secta (falsissime Sancto huic imputata) avocaretur. *Tomo IV. in Serie Chronologica Concil. Constant. pag. 43.*

Gobelinus Persona Cosmodromii ætate VI. Cap. XCIII. pag. 294. 295.

CAUSA SECUNDA

S. Birgittæ canonizatæ.

BONIFACIUS IX. durante schismate inter Romanos & Avenionenses Papas

electus fuerat Romæ anno 1389. Hic anno 1391. S. Birgittæ Suecæ sanctarum Viuarum cultum decrevit. Verum cum hujus Pontificis authenticia a Gallis in dubium vocaretur;

Oratores Regni Sueciæ Joanni XXIII. supplicarunt pro eadem Canonizatione extra dubium ponenda. Hic Pontifex tempore Concilii Constantiensis a se, & Cæsare convocati, ante Sessionem Ildam anno 1415. die 2. Februarii cum magna Solennitate S. Birgittam in Templo Cathedrali, præfente Cæsare Sigismundo canonizavit, intererant quatuor Patriarchæ, Cardinales sedecim, (non 29. uti scribit *Naucleus*) Archi-Episcopi XLVII. Episcopi CLX. Principes, Comites, Barones, Doctores sine numero.

Hoc Pontifice in Sessione XII. Constantiensis 29. Maji 1416. deposito, & depositioni suæ acquiescente: Oratores Sueciæ, & Norvegiæ supplicarunt Martino V. in Sessione XLI. Concilii Constantiensis electo, pro eadem causa. Hic Florentiæ Kalendis Julii anno 1419. ut indubitat Pontifex iterat Canonizationem.

Pagi Tomo IV. Breviarii in vita Joannis XXIII. No. XXVI. pag. 387.

CAUSA TERTIA

Friderici, Ducis Austriæ, cum Concilio Constantiensi, & cum Cæsare
Sigismundo duplex dissidium, duplex ejusdem Conciliatio
cum Imperatore.

JOANNES XXIII. priusquam ad Conciliū Constantiense, a se cum Cæsaris consensu convocatum, iret, præsidium Friderici Austriæ Ducis pepigerat, numerata eidem summa sex mille Florenorum aureorum, & creato eodem Capitaneo generali militum Pontificiorum. Hoc pactum Sigismundus Rex sibi oblarum a Joanne, causato cæli Constantiensis sibi noxi inclementiam, Cæsaratum habuit: moraturum enim se sponedit, vel Constantiæ, vel in loco Friderici Ducis Constantiæ vicino.

Post

(a) *Gobelinus plures errores & stultiores, & extensiores habet ætate VI. Cap. XCIII. p. 295. Von der Hardt Tom. III. Pars VII. pag. 94. 95.*

Post primam Sessionem & 2dam, qua promiserat se cessurum Papatu, si alii duo cederent, metuens vel suæ valetudini, vel vi inferendæ, collocutus cum Friderico, qui Constantiam venerat, nocte imminente sub habitu veredarii, vel pugilis clam urbe excessit.

Occasionem fuffererät Friderici ingenium, qui ludos equestres publicos extra urbis mœnia Principibus & Nobilibus exhibuerat, populo igitur & Principibus accurrentibus facile fuit Joanni, excubias Palatio suo appositas fallere. Quare sub alieno Schemate equo euectus, primo Schaffhusam, dehinc Lauffenbergam, inde Friburgum, Brisacum, ac Neuburgum abijt cum Friderico, qui fuga cognita, Papam mox insecutus est.

Cæsar & Patres ultra, quam dici potest, indignati Papæ, & Friderico Duci, metuebant, ne Concilium ab initio dissolveretur, & spes schismatis extinguendi evanesceret.

Joannes & Fridericus primo per Literas Regi & Concilio fugam excusarunt; sed Cæsar ab Episcopis excitatus, in gravissimam iram exarsit.

Indicatur dies Friderico, ceu turbatori Ecclesiæ & Imperii, qua compareat, & rationem facti reddat.

Sed quum citatus, non compareret; in Bannum Imperii ipse & Ditiones ejus declarantur, subditi jurata fide liberantur, arces, prædia, oppida Helvetiis, Suevis, Rhenanis primo occupantur, offeruntur perpetuo retinenda citra relictionem.

Helveti pacto quinquaginta annorum Austriacis obstricti, non audebant obsequi sententiæ Cæsaris: sed Cæsar & Concilium declararunt, hoc pacto non juvari eum, qui in Majestatem Cæsarum, Ecclesiam, & Imperium peccasset, & anathemati subjectus esset; liberari eos hoc in casu juramento facto. Igitur cum & Helvetii, & multi alii ex Cæsareo Banno proficerent, turmatim in ditiones Friderici involarunt, diripuerunt, incenderunt.

Ludovicus, Comes Palatinus Rheni, Friderici Ducis Affinis, hunc adit: ostendit omnium Ecclesiasticorum, & Laicorum Principum animos abalienatos: serviendum tempori, ne ad incitas redigamur, & rideamur ab omnibus: suadens ei, ut supplex fiat Cæsari: Papam restituat, & sua bona in Cæsaris potestatem tradat.

Obsequitur Affini, meliora suadenti Fridericus; frustra obnitente Joanne XXIII. proficiscitur Constantiam, & anno 1415. 5. Maji

a suo affine Ludovico, ac Burggravio Friderico Norimbergensi adductus, supplex æ genibus veniam petit coram Cæsare stipato innumera cohorte Nobilium, & Legatorum in Conventu, & Refectorio Franciscanorum, in Congregatione Deputatorum a IV. Nationibus.

Cæsar gravibus verbis Ducem Austriæ increpuit, & jubet primo: Papam Joannem XXIII. Constantiam reducat: 2. Se & bona sua potestati Cæsaris tradat, nec abeat Constantia, nisi cum venia Imperatoris.

Hæc omnia scripto pollicitus Fridericus (a) Friburgam proficiscitur, ut fugitivum reducat; sed noluit sequi ultra Rudolphi cellam: inde scribit Cæsari, quid facto opus: jubet Cæsar, Joannem ibidem ut custodiat: subin in Monasterio Reichenawienfi custoditus, Ludovico, Palatino Comiti, custodiendus assignatur, qui Mannheimii primum, dein Heidelbergæ inclusum tenuit.

Fridericus Constantiam reversus, cum videret sua ab omnibus diripi impune: ipsummet Cæsarem adit, & in priorem statum reponi petit.

Opponit Cæsar, experietur viam juris, & ostendat postulata sibi deberi: Jus omnibus administrandum.

Hoc generico responso delusum se videns, anno 1416. 30. Martii Fridericus 2da vice clam abijt Constantia, & invisit Tirolim, quam a fratre Ernesto, captis homagiis pene absorptam & creptam, frustra ingemiscit.

Ecclesiastici & Nobiles favebant Ernesto, uti & Concilium Constantiense: civitates & oppida rusticana Tirolentia stabant a Friderico. Demum cum cadmæum bellum metueretur; prudentiores exoptarunt medium concordie, ac Friderico Comitatum Tirolis, Ernesto Stiriam adjucant.

Interim Georgius de Lichtenstein, Tridentinus Episcopus, vidit Dicecesin suam a Friderico vexari, diripi.

1416. 3. *Augusti* Congregatio Nationum in causa Tridentina.

1416. 15. *Augusti* Congregatio in causa Tridentina.

1416. 16. *Augusti* Congregatio in causa Tridentina.

1416. 1. 2. 3. 4. *diebus Septembris* in Congregatione Generali Friderici, Ducis Austriæ, causa Tridentina severe expensa.

1417. 18. *Februarii* Fridericus, Dux Austriæ, ob causam Tridentinam citatus.

1417.

(a) *Promissionem Friderici factam Cæsari, refert Cl. Lunig de rebus Germaniæ II. Theil pag. 531. 532.*

Tomus V. Concilior. German.

1417. 20. *Februarii Sessio XXVII.* in causa Tridentina Friderici Austriaci.

1417. 1. 2. 3. *Martii Sessio Generalis XXVII.*

1417. 4. *Aprilis* Diplomata affixa contra Ducem Austriæ.

1417. 25. *Novembris* Martinus V. Papa Legatum ad Fridericum, Ducem Austriæ, mittit, eum cum Cæsare reconciliaturus.

1418. 7. *Februarii post Sessionem XLII.* Comitia Constantiæ in Curia Regia celebrata fuerunt, Præside Friderico Electore Brandenburgico, contra Fridericum Ducem Austriæ.

1418. 16. *Aprilis ante Sessionem XLIV.* Cæsar re cum Friderico Austriaco nondum compositâ, Constantiam rediit.

1418. 25. *Aprilis post ultimam Sessionem 22.* Aprilis exactam, in Monasterio Münsterlingensi Cæsar cum Friderico, Duce Austriæ multis diebus tractat.

1418. 5. 7. *Maji* Cæsar & Fridericus Austriacus in gratiam redeunt.

1418. 12. *Maji* Sigismundus in foro Constantienti sub Baldachino, Brandenburgico sceptrum tenente Ludovico de Brieg gladium: Fridericum Austriacum de omnibus Principatibus & ditionibus investit coram 50000. hominibus, 1500. equitibus.

Pacis Condition. de reb. Imper. L. IV. pag. 430. Cl. Lunig refert.

Decretum Synodi Constantiensis contra Ducem Fridericum, Austriacum, & ipsi adhærentes, ut Capitulo Metropolitano (a) Tridentino ablata bona sine mora, nisi dictas incurrere velint pœnas, restituant, seque intra determinatum tempus Synodo, aut ejus Delegatis, causam violentæ suæ involutionis in Bona dicti Capituli dicentes, exhibeant.

DE ANNO MCCCCXV.

SACROSANCTA GENERALIS SYNODUS CONSTANTIENSIS UNIVERSALIS ET SINGULIS CHRISTI-FIDELIBUS SALUTEM, ET OMNIPOTENTIS DEI BENEDICTIONEM.

Gravem querelam Venerabilis Fratris nostri GEORGII, Episcopi Tridentinensis, accepimus continentem, quod Illustris Princeps Fridericus, Dux Austriæ, ipsum in Canonica possessione Ecclesiæ & civitatis Tridentinensis, & oppidorum, castrorum, villarum, terrarum, & locorum, juriumque & aliorum bonorum mobilium & immobilium, ad eandem Ecclesiam, & ipsum Episcopum pertinentium, alias sexdecim annis pacifice existentem, Ecclesia, civitate, oppidis, castris, terris, villis, locis, ac juribus, & bonis hujusmodi temerarie, & de facto spoliasset, eaque novem annis citra detinisset, & adhuc detinet occupatas, & occupata, fructus, redditus, & proventus sublevando, & percipiendo ex eisdem, ac ipsum cepisset, & carceribus mancipatum affecisset pluribus gravibus violentiis ac injuriis, propter quæ anathematis, sacrilegii, & alias pœnas, a jure contra talia perpetrantes promulgatas incurrisset, quibus

inforduisset per longa tempora, & inforderet de præsentibus: nonnullasque promissiones, ac etiam certa juramenta, & literas tempore suæ captivitatis, & ante seu post, in præjudicium libertatis Ecclesiasticæ, dictæque Ecclesiæ Tridentinensis damnum non modicum, ab eodem Episcopo incussionibus & metu extorsit. Et ulterius idem Fridericus nuper, dum inter Serenissimum Principem Sigismundum, Romanorum & Hungariæ Regem, ac ipsum Fridericum Ducem, post executionem justitiæ contra eundem Fridericum per dictum Dominum Regem factam, submissionis tractatus firmaretur, se juramenti vinculo adstrinxisset, quod si quæ personæ tam Ecclesiasticæ, quam sæculares dicto Regi de ipso Friderico conquererentur, & ab ipso Rege sibi peterent justitiæ complementum ministrari, ipse Fridericus Dux stare deberet ordinationi dicti Regis, & facere, quæ dictus Rex diceret & ordinaret: quod quidem, licet Rex ipse, dicto

Geor-

(a) Errat Cl. Lunig: Capitulum Tridentinum est Cathedrale, non Metropolitaneum.

Georgio Episcopo de præmissis graviter coram eodem conquerente, decrevisset, & ordinasset, quod ipse Fridericus Dux, Ecclesiam, civitatem, oppida, castra, villas, terras, loca & jura, & bona hujusmodi, quibus ipsum Georgium Episcopum notorie spoliaverat, notorieque detinet occupatas & occupata, eidem Georgio restitueret, ipsumque permetteret eorum possessione impoſterum pacifice uti & gaudere; nihilominus idem Fridericus Dux pro parte dicti Episcopi interpellatus, & sufficienter requisitus, hoc facere non curasset hætenus, nec curat de præſenti. Quapropter antea præmissorum excessuum, & spoliæ notorietate, & rei evidentia, idem Episcopus petit per Nos super præmissis de opportuno remedio sibi provideri, & literas monitoriales contra præſatum Fridericum Ducem, & alios forſan occupatores & detentores Ecclesiæ, civitatis, oppidorum, caſtrorum, villarum, terrarum, locorum, & bonorum hujusmodi, etiamſi Ducalis, vel alterius cujuscunque status, gradus, & præminentie eſſent, decerni, & concedi, ipsumque Fridericum Ducem, & occupatores, & detentores prædictos sub pœnis juris & constitutionis a divæ memoriæ Carolo IV. contra tales facinorosos & sacrilegos editæ, & aliis pœnis gravioribus requiri & moneri, quatenus infra certum terminum idem Fridericus Dux, & occupatores, ac detentores prædicti, Ecclesiam, civitatem, castra, oppida, terras, villas, jura, & alia bona hujusmodi, quibus eundem Georgium Episcopum spoliasset, seu spoliavit: ac etiam quæcunque castra & bona ante & post præſactam spoliationem ad dictam Ecclesiam Tridentinam devoluta, quæ detinerent, seu detinent occupatas, seu occupata restitueret, & restituerent, & alias sibi circa injurias & percepta, & alia debite satisfaceret, & satisfacerent: nec non se, vassallos & subditos suos, & Ecclesiæ suæ prædictæ, a prædictis juramentis & promissionibus absolvi, & prædictas literas cassari, irritari, & annullari, humiliter & cum instantia debita postulavit, & alias circa præmissa petit, & conclusit, sicut in petitionibus pro parte ejusdem Episcopi verbo & scriptis, & in actis coram No-

bis inter dictas partes factis & redactis, plenius noſcitur contineri. Nos vero ^(b) per notorietatem facti, & alias præſacta in causa hujusmodi, coram Nobis, & a Nobis deputatis, Nobis constitit, & constat, petitionem hujusmodi fore justam; ipsum Fridericum Ducem, & occupatores, & detentores antedictos monendos, petitasque literas monitoriales contra dictum Fridericum Ducem, & occupatores, & detentores hujusmodi, partibus ipsis auditis, & servatis servandis, prædictis partibus ad hoc legitime citatis, decrevimus fore concedendas, decernimusque & concedimus in forma, quæ sequitur:

MONITORIUM
in forma debita contra Ducem
Austriæ.

Sacroſancta Generalis Synodus Constantiensis universos & singulos Venerabiles Fratres, Patriarchas, Archiepiscopos, & dilectos Ecclesiæ Filios, Abbates, Priores, Præpositos, Decanos, Cantores, Scholasticos, tam Cathedralium, quam Collegiarum Canonicos, Parochialiumque Rectores Ecclesiarum, cæterosque Presbyteros, Clericos & Notarios, & Tabelliones publicos, per Alemanniam & Italiam, & alias ubilibet constitutos, & eorum quemlibet, tenore præſentium requirimus & monemus primo, secundo, tertio & peremptorie, communiter & diviſim, eisque & eorum cuilibet in virtute sanctæ obedientie & subscriptis sententiarum pœnis districte præcipiendo mandamus, quatenus infra sex dierum spatium, postquam pro parte dicti Georgii Episcopi, vigore præſentium fuerint requisiti, vel eorum alter fuerit requisitus: quorum sex dierum duos pro primo, duos pro secundo, & reliquos duos dies eis & eorum cuilibet pro tertio & peremptorio termino ac Canonica monitione assignamus, ita quod in his exequendis alter alterum non expectet, nec unus pro alio se excuset, præſatum Fridericum Ducem, & quoscunque alios Ecclesiæ & civitatis Tridentinensis, nec non oppidorum, caſtrorum, terrarum, locorum ac jurium & bonorum quorumcunque ad ipsam Ecclesiam pertinentium, prædictorum forſan occupato-

(b) Videtur omiſſum: quia

res & detentores, vassallos & subditos, etiam si Ducalis aut alterius cujuscunque Dignitatis, Status ac præeminentie fuerint, in eorum propriis personis, si & ubi pro præmissorum ac infra scriptorum executione ad eorum præsentiam tutus patebit accessus; alioquin per edictum publicum in audientia publica contradictarum legendum, nec non Cathedrali & sancti Stephani Constantiensis, ac locis circumvicinis, videlicet Aquilejensi, Saltzburgensi, Augustensi, Frisingensi, Brixinensi, Curienensi, Feltrensi & Veronensi Ecclesiis assignandum & inibi publicandum ex parte nostra, Fridericum Ducem Austrie, & alios occupatores prædictos requirant & moneant, quos Nos etiam, tenore præsentium sic requirimus & monemus, ipsique Friderico Duci, in virtute sanctæ obedientie, & sub anathematis, sacrilegii, privationis omnium bonorum feudalium, quæ ab Ecclesia, seu Imperio obtinet, & intrahabilitationis suæ & filiorum suorum masculorum ad obtinendum tam feuda quam Officia & Beneficia usque ad secundam generationem, & honoris, & famæ, ac communionis in consiliis Principum, quam ipsum Fridericum Ducem, juxta constitutionem divæ memoriæ Caroli IV, contra tales facinorosos & sacrilegos editam, a Sede Apostolica canonizatam & approbatam, quin imo & perjuri, ratione juramenti in manibus Regis Romanorum per ipsum Ducem præstiti, & aliis secularibus personis sub excommunicationis & privationis minorum feudalium, quas ipsas personas seculares supradictas, nec non Ecclesiasticis personis sub dictæ excommunicationis ac privationis omnium Beneficiorum Ecclesiasticorum, & in habilitationis ad illa, & quæcunque alia Beneficia in posterum obtinenda, ac suspensionis a Divinis quoad Capitula, nec non interdicti, quoad omnia territoria prædicti Ducis Friderici, & cæterorum occupatorum & detentorum censuris & pœnis; quas Ecclesiasticas personas prædictas, si in præmissis deliquerint, & mandatis & monitionibus hujusmodi non paruerint, seu non paruerit, incidere volumus ipso facto, & quas in ipsas ex nunc prout ex nunc, extunc prout ex nunc, Canonica monitione præmissa, ferimus in his scriptis, nisi mandatis hu-

jusmodi obedierint, districte præcipiendo mandent, seu alter eorum mandet. Quibus Nos etiam tenore præsentium sic mandamus, quatenus ipse Fridericus Dux, & alii forsitan occupatores & detentores hujusmodi, infra triginta dierum spatium post requisitionem & monitionem immediate sequentium, & quorum dierum decem pro primo, decem pro secundo, & reliquos decem dies pro tertio & peremptorio terminis, ac monitione Canonica eis, & eorum cuilibet assignamus, ab occupationibus & detentionibus Ecclesiæ, civitatis, oppidorum, castrorum, terrarum, & locorum, nec non jurium & bonorum prædictorum, & illorum, quæ ante & post præfatam spoliationem ad illam Ecclesiam Tridencinam sunt devoluta, penitus & omnino desistant, & eorum quilibet desistat, ac ipsi Georgio, aut Procuratori, seu Procuratoribus sub ejus nomine, possessionem corporalem, realem & actualem Ecclesiæ, civitatis, oppidorum, castrorum, terrarum & locorum, nec non jurium & bonorum prædictorum efficaciter & sine dolo & fraude restituant, & restitui faciant & permittant, & eorum quilibet restitui faciat & permittat. Ipse quoque Fridericus Dux Georgio Episcopo de perceptis hujusmodi satisfaciatur, invocato etiam ad hoc, si opus fuerit, auxilio brachii secularis. Vassalli quoque & Nobiles, Officiarii, Capitanei & subditi, tam Ecclesiastici, quam seculares supradicti, infra sex dies post lecturam & publicationem, & affixionem præsentium, nec nec lapsum dictorum triginta dierum terminum immediate sequentium, quorum sex dierum duos pro primo, duos pro secundo, & reliquos duos dies pro tertio & peremptorio termino eis & eorum cuilibet per simile dictum assignamus, & assignari præcipimus & mandamus, præfato Georgio Episcopo, tanquam eorum vero Domino, & non ipsi Friderico Duci, seu alteri cuiquam, in omnibus, prout alias consueverunt, facere teneantur. Non obstantibus quibuscunque juramentis in contrarium præstitis, a quibus eos, ut præmittitur, absolvimus, efficaciter pareant, obediant, & intendant, & eorum quilibet pareat, obediat, & intendat. Et insuper in casu, quo præfatus Dux Fridericus, & alii forsitan occu-

occupatores & detentores, nec non Vassalli, Nobiles, Officarii, Capitanei & subditi, & alii supradicti mandatis huiusmodi infra terminos supradictos non paruerint, ex tunc prout ex nunc, ex nunc prout ex tunc, omnes & singulos Vassallos, Nobiles, Officarios, Capitaneos, nec non occupatores & detentores in civitate & Diœcesi Tridentinensi, seu alibi commorantes & constitutos, quorum præsentia pro executione præmissorum, & infra scriptorum facienda tute adiri non potest, per simile edictum pari modo & forma legendum, publicandum, & affigendum, Fridericum Duce[m], & alios occupatores & detentores tenore præsentium preemtorie citamus & mandamus, quatenus ipse Fridericus Dux, & alii forsan occupatores & detentores huiusmodi, moniti & requisiti octava die post lapsum dictorum triginta dierum eis assignatorum immediate sequentium, si juridica fuerit, alioquin proxima die juridica ex tunc sequenti: alii vero, ut Nobiles, Capitanei, Officarii & subditi per edictum huiusmodi moniti & requisiti, vigesima die post lapsum dictarum sex dierum eis assignatorum immediate sequentium, si juridica fuerit, alioquin proxima die juridica sequenti compareant coram Nobis, vel Iudicibus per Nos deputatis, seu interim deputandis, pœnas, censuras, ac sententias huiusmodi declarari, & ipse Fridericus Dux, procedi, visuri, & audituri. Certificantes nihilominus, eisdem, quod usque ad declarationem pœnarum prædictarum procedemus iustitia mediante. Venerabilibus vero Fratribus, Patriarchis, Archiepiscopis & Episcopis, quibus ob reverentiam suarum Pontificalium dignitatum, duximus merito deferendum, si in prædictis deliquerint, vel aliquis eorum deliquerit, eis sex dierum Canonica monitione præmissa ingressum Ecclesiæ interdiximus in his scriptis. Si vero huiusmodi interdictum per alios sex dies sustinuerint, ipsos suspendimus a Divinis. Si vero huiusmodi interdicti & suspensionis sententias animis, quod absit, sustinuerint, vel alter eorum, quod absit, sustinuerit induratis, ipsos ex nunc prout ex

tunc, ex tunc prout ex nunc excommunicationis sententia innodamus. Inferiores vero Episcopis, qui in præmissis exequendis negligentes fuerint, post lapsum sex dierum terminum, excommunicationis sententiam incurere volumus ipso facto. Absolutionem vero omnium & singulorum, qui præfatas nostras sententias, aut earum aliquam incurrerint, vel aliquis eorum incurrerit quoquo modo, Nobis, aut summo futuro Pontifici tantummodo reservamus. Loca vero audientiæ, & valvarum prædictarum, tanquam publica & idonea ad executionem prædictorum, ut præmittitur, publicandam adinstar publicorum edictorum, quæ olim in albo prætorio scribebantur, duximus eligenda, quæ præsentibus nostras literas suo quasi sonoro præconio & patulo iudicio publicabunt, in quibus nostras literas modo præmissis decernimus publicandas, ne prænominati moniti & citati de præmissis aliquam ignorantiam præterdere valeant, vel etiam allegare; cum non sit verisimile apud dictos sic citatos & monitos remanere incognitum, quod tam patenter & notorie exitit publicatum. Volentes nihilominus & decernentes, quod præsentibus nostræ literæ dictos monitos & citatos perinde arceant & adstringant, ac si eorum propriis personis publicatæ fuissent. De executione præmissorum, & de his, quæ in præmissis & quolibet præmissorum vos præscripti Venerabiles Fratres, Patriarchæ, Archiepiscopi, Episcopi, vosque alii delegati nostri feceritis, seu aliquis eorum fecerit, Nos per instrumenta publica, seu alia legitima documenta legitime certificare non obmittatis, sub pœnis supradictis, quibus & cuilibet vestrum in præmissis dabimus plenam fidem. Datum Constantiæ, undecimo Kalendas Decembris, anno a Nativitate Domini millesimo, quadringentesimo decimo quinto, Apostolica Sede vacante.

Tom. XXIX. Concil. ex Typogr. Reg. Paris.

*Cl. Lunig des H. Röm. R. Archivs-
Spicilegii Ecclesiastici 2. Theil pag.
918.*

CAUSA QUARTA

*Confirmatio Immunitatis Ecclesiasticæ
per Concilium Constantiæ.*

SESSIO XIX. ANNO MCCCCXV. XXII. SEPTEMBRIS CELEBRATÆ

DECRETUM,

*QUOD DOMINUS VICE-CANCELLARIUS EXPEDIAT CAROLINAM
SUB BULLA SACRI CONCILII CONSTAN-
TIENSIS.*

Cum in Generalibus Conciliis, *maxime Lateranensi*, (a) provide quædam fuerint Statuta, libertatem Ecclesiasticam concernentia, quæ (b) piæ memoriæ FRIDERICUS SECUNDUS in fervore devotionis Romanæ Ecclesiæ tunc persistens, etiam quædam statuit, & adjunxit: & demum per felicis recordationis HONORIUM TERTIUM fuit ejusdem Friderici Constitutio approbata, & consequenter per divæ memoriæ CAROLUM (c) QUARTUM eadem fuit approbata, & quædam alia in favorem Ecclesiasticæ libertatis adjecta, quæ in libro Cancellariæ Romanæ Ecclesiæ latius continentur: hæc Sancta Synodus decernit, & mandat Domino Vice-Cancellario ejusdem Romanæ Ecclesiæ, ut executorias literas super ipsis expediat in forma dari solita:

*Confirmatio Constitutionum FRIDERICI SECUNDI, &
CAROLINE.*

Sacrosancta Synodus Constantiensis (d) in speculum (e) suæ considerationis extollens, quam gravissima dispendia Ecclesiæ, Monasteria, Hospitalia, Xenodochia, & alia pia loca, ac personæ Ecclesiasticæ sic tempore guerrarum, & lugubris schismatis, prohi dolor! causante malicia, & ambitione mentium humanarum, ad talia diversis coloribus,

modis & titulis inhiantium improbe, hætenus pertulerint, maxime a tempore felicis recordationis URBANI Papæ VI. inclusive citra, ac perferant incessanter, in talliis, collectis, exactionibus, occupationibus, invasionibus, detentionibus, distractionibus, concessionibus, venditionibus, infeudationibus, emphyteoticis, & aliis locationibus, donationibus, dimembrationibus, dationibus, permutationibus, & aliis variis & diversis alienationibus Regnorum, Provinciarum, Comitatum, Dominorum, territoriorum, districtuum, civitatum, castrorum, villarum, & aliorum locorum, bonorum, jurium etiam spiritualium, ac jurisdictionum ad Romanam, & Ecclesias alias, Monasteria, Hospitalia, Xenodochia, & pia loca, ac personas hujusmodi communiter vel divisim spectantium, aliisque gravaminibus hætenus a dicto tempore citra, & per ipsum tempus, seu ipso tempore usque in præsentem diem, præter seu contra dispositionem juris scripti quomodocumque & qualitercumque impositis, illatis, factis, seu præsumptis, aut attentatis: ac intendens, & cupiens circa reformationem Immunitatis Ecclesiarum, & Ecclesiasticarum personarum, ac recuperationem bonorum, & jurium suorum diligenter intendere: quamvis dudum contra sæculares Potestates, nec non Consules civitatum, ac alios, qui Ecclesias, & viros Ecclesiasticos talliis, collectis, & ex-

actio-

(a) Generali XII. anno 1215. Canone XLVI. sub Innocentio III.

(b) Tomo III. nostri editum pag. 505. a Friderico II. Augusto anno 1220. Romæ, & A. 1213. Egræ.

(c) Carolus IV. simile Edictum pro Immunitate Ecclesiastica edidit Tangermundæ anno 1377. XV. Kal. Julii.

(d) Cum multis adjectionibus per Concilium Constantiense in decima nona Sessione, quibus Libertati Ecclesiasticæ plurimum favetur.

(e) forte: in speculam se considerationis

actionibus aliis aggravare nitebantur, in *Lateranensi Concilio* Immunitati Ecclesiæ provifum fuit, per quod hujusmodi præfumpcio sub anathematis diftrictione prohibita fuit; & illius fautores & transgreffores excommunicationi fubjacere præcepit hujusmodi Concilium, donec fatisfactionem earundem impenderent competenter; ac etiam constitutiones & fententiæ, quæ a talibus vel de ipforum mandato forent promulgatæ, inanes & irritæ haberentur, nullo tempore valituræ. Et ut nullus vano in hoc deciperetur errore, ut infra tempus fui regiminis hujusmodi anathema fufineat, quafi poft illud non efferet ad fatisfactionem debitam compellendus, decretum fuit in eodem Concilio, & ipfum, qui fatisfacere recufaret, & fuccefforem illius, nifi fatisfaceret infra mensem, manere debere Ecclesiastica cenfura conclufum, donec fatisfaceret competenter, cum etiam fuccedere debeat in onere, qui fubftituitur in honore. Et licet etiam in facris legibus pro libertate & immunitate Ecclesiastica, five Ecclesiæ, & Ecclesiasticarum perfonarum, multa falubria & favorabilia Statuta fuerint, dudum felicis recordationis HONORIUS Papa III. attente confiderans, quod quondam FRIDERICUS Secundus, olim Romanorum Imperator, tunc fub obedientia & devotione Sanctæ Romanæ Ecclesiæ perfiftens, ad laudem ejusdem Ecclesiæ, & facri decus Romani Imperii, cupiens, ut expurgatis quorundam erroribus & iniquis Statutis penitus deftitutis, de cætero Ecclesiæ & Ecclesiasticæ perfonæ plena vigerent quiete & fecura libertate gauderent, ac pie & iufte attendens, quod quorundam perverforum iniquitas adeo abundaverat, ut non dubitarent contra ecclesiasticam difciplinam, & facros Canones ftatuta fua confingere adverfus ecclesiasticas perfonas, & ecclesiasticam libertatem; edictali lege hujusmodi ftatuta iniqua irritaverat, & præceperat irrita annuntiari, & omnia ftatuta & confuetudines contra civitates & loca, poteflates vel confules, aut quæcumque aliæ perfonæ contra libertatem Ecclesiæ, & ecclesiasticas perfonas hujusmodi edere aut confervare tentaverint contra Canonicas & Imperiales Sanctiones, de ipforum Capitularibus infra

duos menses poft hujusmodi legis publicationem penitus aboleri facerent; & fi de cætero talia attentarent, illa ipfo jure decrevit eife nulla, & eos fua jurisdictione privatos: nec non locum, ubi talia deinceps præfumpta fuiffent, banno mille marcarum auri Fifco Imperiali præceperat fubjacere: Poteflates vero, Confules, Statuarii, & Scriptores Statutorum prædictorum, nec non Confiliarii locorum ipforum, qui fecundum ftatuta & confuetudines memoratas judicarent, extunc efferent ipfo jure infames, quorum fententias & actus legitimos ftatuert aliquid non tenere: quodque, fi per annum præfatorum Constitutionum inventi forent contemptores, bona eorum per totum fuum Imperium mandavit impune ab omnibus occupari, falvis nihilominus aliis pœnis contra tales in *Generali Concilio* promulgatis. Et infuper voluerat tunc idem Imperator, quod nulla communitas vel publica perfona feu privata collectas, feu exactiones, angarias, vel perangarias, Ecclefiis, vel aliis piis locis, aut Ecclesiasticis perfonis hujusmodi imponeret, aut invadere Ecclesiastica bona præfumeret: quod fi fecus faceret, & requifita ab Ecclefia, vel Imperio hujusmodi emendare contemneret, tripliciter refunderet, & nihilominus banno Imperiali fubjaceret, quod fine fatisfactione nullatenus remitteretur. Statuerat infuper, quod, quæcumque communitas vel perfona per annum in excommunicatione propter libertatem Ecclesiæ violatam perfifteret, ipfo jure banno Imperiali fubjaceret, a quo nullatenus extraheretur, nifi prius ab Ecclefia beneficio abfolutionis obtento. Et infuper ordinaverat, ut nullus Ecclesiasticam perfonam in criminali quæftione vel civili ad iudicium fæculare præfumeret trahere contra Canonicas Sanctiones, & contra Constitutiones Imperiales: quod fi fecus faceret, actor a fuo jure caderet, & iudicatum non teneret, & iudex foret ex tunc iudicandi authoritate privatus: quodque iudices temporales, qui Clericis & perfonis Ecclesiasticis iuftitiam denegare præfumerent, tertio requifiti jurisdictionem amitterent, prout dicta Imperiali edictali Constitutione plenius continetur. Dictusque HONORIUS constitutionem ipfam de confilio etiam

etiam Fratrum Sanctæ Romanæ Ecclesiæ Cardinalium, qui tunc erant, auctoritate Apostolica approbans & confirmans, ipsam mandavit inviolabiliter observari: nec non Statutarios & Scriptores prædictos, excommunicatos eadem auctoritate nuntiari.

Et deinde ad evidentiam divæ memoriæ CAROLI QUARTI etiam Romanorum Imperatoris semper Augusti deducto, quod nonnullæ sæculares personæ in potestatibus, & officiis publicis constitutæ, videlicet Duces, Marchiones, Comites, & alii Domini temporales, nec non Consules civitatum, oppidorum, villarum & locorum Rectores, in eorundem provinciis, Dei timore postposito, Statuta singularia & iniquas ordinationes motu proprio & de facto, contra personas Ecclesiasticas, & Ecclesiarum libertates, & harum privilegia, considerant, illisque de facto & publice utebantur contra Canonicas & legitimas sanctiones: utpote quod nulla bona temporalia in vim & potestatem Ecclesiasticam transferantur, & ne Clerici in sacris constituti ad agendum & testificandum in civilibus & maxime in piis causis, aliquatenus admitterentur; quodque excommunicati laici, & publice denuntiati in foro civili minime repellerentur. Et insuper cum prædicti Domini temporales, Consules, & Rectores per sæcularem potestatem res ac bona Clericorum occuparent, arrestarent, & oblationem Christi Fidelibus minuerent atque restringerent; exactiones & tallias indebitas de bonis & redditibus Ecclesiarum exigere & extorquerent, possessiones Ecclesiarum, & personarum earundem devastarent incendiis & rapinis; contractus inter Clericos & laicos factos legitimis, ac libros civitatum, castrorum, villarum, & aliorum locorum prædictorum inscribere & sigillare recularent; donataque & legata ad fabricas, Ecclesiarum structuras, contra dictorum & præfactorum voluntatem, & aliorum quorum intererat, contra iustitiam usurpare præsumerent; ac in fraudem & odium Clericorum de bonis Ecclesiæ, rebus Clericorum, quæ non causa negotiationis, sed pro eorum propriis usibus per eorum terras & Dominia ducebant, & duci faciebant, telonium exigere, & recipere non verebantur, & confugien-

tes atque currentes ad Ecclesias & earum cœmeteria, inde extrahere contra Canonicas & Imperiales sanctiones præsumpserant; idem Carolus Imperator tamquam Christianissimus Princeps, volens & in præmissis providere de remedio salutari, etiam de quorundam Principum, Ducum, Comitum, Baronum, Fideliumque aliorum consilio, auctoritate Imperiali quæcunque Statuta & consuetudines prædictas, tamquam per Canonicas & civiles sanctiones expresse reprobata, cassavit, irritavit, & annullavit, ac cassa & irrita, nulliusque roboris esse voluit penitus & momenti: præcipiens sub indignatione banni Imperialis universis & singulis Principibus, ac Dominis temporalibus, Consulibus, Potestatibus, & aliis in officiis publicis constitutis, quatenus extunc ipsorum Statuta & ordinationes, sicut in præjudicium Ecclesiasticæ libertatis edita fuerant, omnia revocarent, & de luce tollerent: quodque secundum ea non iudicarent amplius, nec sententias ferrent, aut eisdem in iudicio, vel extra iudicium quomodolibet pro & contra Ecclesiasticam libertatem potirentur. Pronuntiavitque insuper & eadem decrevit auctoritate, quod quicumque laicus: cujuscumque status, gradus, aut conditionis existeret, ausu sacrilego, & propria temeritatis audacia Sacerdotem vel Clericum sæcularem vel religiosum diffidaret, proscriberet, captivaret, spoliaret, occideret, mutilaret, aut in carcere detineret, ac hujusmodi maleficia perpetrantes, & facientes scienter receptaret, vel eis favorem præstaret, præter pœnas a sacris Canonibus, Imperialibus, & legalibus Sanctionibus in tales promulgatas, eo ipso redderetur infamis, ac omni honore privatus, nec ad placita vel consilia Nobilium admitteretur quovis modo. Hortans insuper in Domino, & requirens Ecclesiasticos Prælatos, in illis partibus, in quibus committerentur, talia constitutos, ut Legem Imperialem hujusmodi per eorum Ecclesias & Synodos publicarent, ne transgressores hujusmodi per simulatam ignorantiam suas in hac parte valeant malitias excusare, prout in editali lege prædicta plenius continetur. Quia non tantum in Provinciis & Regnis, quæ Romanum proficerentur Imperium, sed fere modernis tem-

temporibus ubique in toto Christiano orbe neglectis hujusmodi *Lateranensis* Concilii constitutionibus, Imperialibus, ac sacris Sanctionibus quibuscumque, ab impiorum malitia adversus Ecclesias & Clericos nulla reverentia, nullo Dei timore, nulloque animarum interitu pensatis, eorundem temere audacia crevit insolenter. Igitur autoritate Dei Omnipotentis prædicta omnia innovat, statuit & confirmat, perpetuisque futuris temporibus ab omnibus Christi fidelibus ubiliber in omnibus & per omnia, juxta ipsarum constitutionum tenores, sub bannis, aliisque pœnis & censuris supra in eisdem comprehensis, inviolabiliter observandis.

Ceterum in eodem (b) *Lateranensi* Concilio statutum & ordinatum fuit, quod Episcopus, sive Ordinarius cum consensu sui Cleri ad relevandas communes utilitates & necessitates, ubi laicorum non suppetunt facultates, absque ulla coercitione possit Ecclesiasticas personas compellere ad aliqua subsidia laicis conferenda, prius Romano Pontifice consulto: & hac sumptâ occasione, laici in quampluribus paribus, minis vel terroribus, seu aliquibus aliis modis aut coloribus diversis ducunt, ut tallias, collectas, subsidia, impositiones, vel alia quævis onera, quocumque vocabulo seu nomine nuncupentur, Ecclesiis, vel Clericis imponant, aut imponi consentiant, vel permittant, cum facultate interdum per ipsosmet laicos, aut alios exigendi. Ex quo Constitutio *Lateranensis*, quæ ob pietatem laicorum fuit ordinata, in impietatem & grave damnum, & jacturam Ecclesiarum, & Ecclesiasticarum personarum vertitur. Ideo dicta Sancta Synodus hoc perpetuo statuit, & ordinat, quod nulla persona sæcularis cujuscumque dignitatis, aut status & conditionis existat, etiamsi Imperiali, Regali, vel quacumque præfulgeat dignitate, sub prætextu consensus Episcopi, Clero tallias, impositiones, & onera, vel subsidia imponat, exigat, vel recipiat, nisi prius Romano Pontifice consulto, sub pœnis, bannis, & censuris eisdem.

Idem per omnia, Romano Pontifice dictas tallias, vel collectas imponente, vel imponi mandante, consensu Episcopi

vel Cleri non accedente; Episcopi vero, qui contra prædictum Concilium *Lateranense*, vel hanc Constitutionem, imponendo, vel imponi consentiendo, vel exigendo consenterint, eis ingressus Ecclesiæ ipso facto sit tamdiu interdictus, donec læsis Ecclesiis, & Clericis, ac Ecclesiasticis personis plenariam fecerint satisfactionem. Prælati quoque, qui contra sacrorum Canonum dispositionem, & contra Constitutionem *BONIFACII VIII.*, quæ incipit: *Vas electionis* &c. visitando, vel caritativum subsidium, nec non tallias & collectas imponendo, Ecclesiasticas personas quocumque modo gravant, ipso facto ab omni administratione temporalium, & spiritualium (etiamsi in Pontificali, vel alia dignitate existant) sint privati, aliis quidem pœnis in jure expressis in suo robore permanfuris.

Item considerans, quod nonnulli Summi Pontifices ex caprata opportunitate nonnullorum Regum, Dominorum, Comitum, & aliarum quarumvis personarum temporalium, aut ad ipsorum benevolentiam captandam, vel alio spiritu ducti, concesserunt, & licentiam dederunt eisdem, tallias, collectas, subsidia, impositiones, datias, pedagia, aut alia quævis onera hujusmodi imponendi, vel exigendi ab Ecclesiis, Clero, vel Ecclesiasticis personis in eorumdem Dominio, vel districtu, aut alibi constitutis & commorantibus, alias ad tempus, alias ad certam summam, sub diversis modis, formis, vel conditionibus, in confectis literis Apostolicis, vel aliis hujusmodi licentiæ comprehensis: idcirco omnes & singulas concessiones & licentias hujusmodi, etiamsi de plenitudine potestatis Romanorum Pontificum, aut Apostolicæ Sedis quovis modo, & quibusvis personis, sub quibuscumque verborum tenoribus concessas revocat, cassat, annullat, & irritat. Distisque Dominis Comitibus, & aliis, ut supra expressis, mandat, & jubet in virtute sanctæ obedientiæ, & sub pœnis, bannis, & censuris, nec non in triplum restitutionibus supra expressis, quas incurunt ipso facto, quod ab inde in antea dictis concessionibus, licentiis, aliqua & aliis quibus ex ipsis nullo modo per se, vel alium, aut alios, directe, vel indirecte,

Tomus V. Concilior. German.

K

palam,

(b) Sub Alexandro III. cap. 19. & sub Innocentio III. cap. 64.

palam, publice, vel occulte, imponendo, vel exigendo, quoquo modo utantur: quinimo privilegia, concessiones, & scripturas huiusmodi super dictis concessionibus & licentiis confectas de luce aboleri faciant.

Item eadem autoritate statuit, ordinat, decernit, & declarat, quod Regna, Provinciæ, Comitatus, Dominia, territoria, civitates, districtus, terræ, villæ, castra, fortalitia, possessiones, ædificia, grangiæ, & quævis alia bona, res, iura, iurisdictiones, actiones reales & personales, spirituales, & temporales, ac patronatus, & pertinentiæ eorundem, & Ecclesiarum Cathedralium Diceceses, quæ Romanæ, seu Patriarchalibus, Metropolitanis, Cathedralibus, Abbatialibus, & quibusvis aliis Collegiatis secularibus vel regularibus Ecclesiis, Monasteriis, Prioratibus, mensisque Cathedralibus, & Abbatialibus, Capitulis, Collegiis, seu Conventibus, Hospitalibus, Xenodochiis, & quibusvis aliis piis locis, alicui, vel aliquibus ex ipsis temeritate, vel audacia, dolo, vi, vel fraude, quomodocumque, vel qualitercumque per qualvis personas Ecclesiasticas vel laicales, Capitula, Collegia, Dominos, Comitatus, & Universitates, etiam si Imperiali, Regali, Cardinalatu, Pontificali, vel alia quavis Ecclesiastica, vel laicali præminencia & dignitate præfulgerent, a tempore felices recordationis GREGORII UNDECIMI inclusive citra (post cuius quidem Gregorii decessum) schisma præfens, prohi dolor! in Dei Ecclesia ortum habuit) quavis occasione seu colore quæsitio fuerint invasa, occupata, usurpata, captata, seu detenta; huiusmodi Ecclesiis, Monasteriis, Prioratibus, mensisque Cathedralibus, & Abbatialibus, Capitulis, Collegiis, seu Conventibus, Hospitalibus, Xenodochiis, & piis locis, videlicet illi & illis, cuius, quorum, vel quarum tempus, & in tempore invasionis, occupationis, usurpationis, captionis, seu detentionis huiusmodi erant, & nunc sunt: dummodo tempore invasionis, occupationis, usurpationis, seu detentionis prædictæ, vel prius, possessiones, Ecclesias, Monasteria, Prioratus, mensas Cathedralis, & Abbatiales, Capitula, Conventus, Hospitalia, Xenodochia, & pia loca, aut

per aliquem, vel aliquod ex ipsis, coram aliquo de executoribus, five conservatoribus, de quibus infra fit mentio, probetur infra tempus quadrimestre, a die probationis prædictæ continue currendum; vel si fama de dicta possessione, aut secuta invasione, occupatione, usurpatione, captione, seu detentione huiusmodi erit in Dicecesi Ecclesiæ, Monasterii, Prioratus, mensarum Cathedralium, Abbatialium, Capituli, Collegii, Conventus, Hospitalis, Xenodochii, vel pii loci huiusmodi, similiter infra simile quadrimestre, continuandum a die legitimæ citationis, monitionis, seu requisitionis personaliter factæ; vel si possessionis copia commode haberi, aut bene, tute, ac legitime citari non possit; tunc & eo casu moneri, & requiri valeat per edictum in aliquo loco Dicecesis, vel ipsi Dicecesi propinquo, ubi invalore occupator, usurpator, captor, seu detentor habitare consueverat, ad habitandum vacua & expedita, plenarie, realiter, & cum effectu, omni cessante exculpatione, & exceptione, restituantur, reddantur, & redintegrentur, ac pacifice dimittantur, sub poenis, bannis, & censuris, & sub aliis ut supra, & sub triplicata restitutione, & sub infamia, & occupatione, & juris amissione superius nominatis: quas negligentes, inobedientes, transgressores, rebelles, & contra facientes incurrunt ipso facto: a quibus poenis, & censuris, & aliis prædictis non possint absolvi, nisi prius factis (ut præfertur) plenius & integris restitutionibus. Et nihilominus ex abundanti cautela ipsa Sancta Synodus ex certa scientia prædicta bona, Regna, civitates, & cætera, ut supra, illis, quibus erant (ut præfertur) restituit, reddit, & redintegrat per præfentes. Et insuper licet Prælatibus, Capitulis, Conventibus, & Rectoribus Ecclesiarum, Monasteriorum, & locorum huiusmodi, quorum talia Regna, bona, & cætera erant, & nunc sunt, eorumque Successoribus, aut eorum Procuratoribus, & Syndicis, auctoritate propria, alicujus consensu, vel licentia minime requisita, possessionem illorum intrare, capere, aut derinere libere, & impune: constitutionibus, & privilegiis Apostolicis, & Imperialibus, & aliis quarumvis personarum nequaquam

quam obstantibus. Rursus quia contractus celebrari, nec non concessiones super Regnis, Provinciis, civitatibus, castris, villis, & aliis bonis supra expressis, viro non purgato, verisimiliter ad vexationes redimendas facti, vel factæ præsumerentur: eapropter ipsa Sancta Synodus ex certa scientia omnes & singulas concessiones, donationes, venditiones, alienationes, pignorationes, divisiones, separationes, dimembrationes, distractiones, extenuationes, permutationes, obligationes, declarationes, revocationes, infeudationes, reinfeudationes, pacta, provisiones, promissiones, sententias, & alios contractus quosque, etiam si iuramentis fuerint convalidatæ, & convalidati, etiam per viam, aut modum cuiuscumque contractus etiam in illis contenta, sub quacumque verborum conceptione appareant, post invasiones, occupationes, usurpationes, captiones, vel detentiones Regnorum, Provinciarum, civitatum, & aliorum alicujus, vel aliquorum bonorum huiusmodi, & ante eorundem bonorum plenariam restitutionem, de, in, pro, aut super eisdem alicui vel aliquibus ex regnis, aliis bonis huiusmodi, vel ipsorum, aut eorum aliquibus iuribus, jurisdictionibus, actionibus, & pertinentiis realibus & personalibus, atque mixtis, Spiritualibus & temporalibus quibuscunque, quibusvis Dominis, Dominiis, Comitatibus, Universitatibus, Capitulis, Collegiis, Patriarchalibus vel aliis Ecclesiis quibusvis, sive eorum mensis aut aliis personis quibuscumque Ecclesiasticis vel laicalibus, etiam si Imperiali, Regali, Pontificali, vel alia Ecclesiastica & temporali præfulgeant dignitate, quavis occasione, a dicto tempore GREGORII inclusive citra, quomodocumque, & qualitercumque factis & concessis, faciendis, concedendis per Romanos Pontifices, motu proprio, ex certa scientia, de plenitudine potestatis cum omnium defectuum supplemento, ac de & cum consensu & consilio sanctæ Romanæ Ecclesiæ Cardinalium, sive per modum aut viam contractuum quorumcumque, vel alias & quavis autoritate etiam Apostolica, Imperiali, Regali, Legatorum, Nuntiorum, aut Vicariorum Sedis Apostolicæ,

sive ordinaria legatæ, vel delegatæ, etiam si factum & concessum fuerit per illas personas, aut de & cum consensu illarum, ad quas in talibus de jure, & de consuetudine facere, concedere, & consentire pertinuerit, nullas & nullos, nulliusque juris, efficaciam, firmitatis, roboris & momenti, atque viribus evacuatos fuisse & esse decrevit & declaravit. Et nihilominus ex abundanti cautela, ipsas & ipsos revocat, cassat, abolet, irritat & annullat, ac viribus evacuat: ipsaque Regna, & Provincias, civitates, & alia bona cum iuribus, & omnibus aliis supradictis, tenore præsentium illis, quorum vel quarum (ut præfertur) erant & sunt, reddit, restituit & redintegrat.

Statuens quoque & præcipiens, decernens & declarans, ipsa omnia & singula reddenda, restituenda, & redintegrandæ, quibus (ut præfertur) erant & sunt vacua & expedita, plenarie, realiter, & cum effectu, omni cessante excusatione, infra dictum quadrimestrem, sub eisdem pœnis, bannis, & censuris, & aliis, quas incurrerent ipso facto, & a quibus non possint absolvi, nisi ut supra continetur: aliis tamen juris remediis pro prædictis executioni demandandis in suo robore permansuris. Et nihilominus liceat Prælati & aliis, quorum talia bona (ut præfertur) erant & sunt, possessiones intrare, & cetera, ut supra continetur.

Item dicta sancta Synodus eadem autoritate ex certa scientia decernit & declarat, omnes & singulas concessiones, donationes, obligationes, venditiones, extenuationes, pignorationes, divisiones, separationes, dimembrationes, distractiones, permutationes, declarationes, revocationes, infeudationes, reinfeudationes, ac censuum, fructuum, seu responsionum aliarum, quocumque nomine seu vocabulo nuncupentur, extenuationem, extinctionem, pacta, promissiones, provisiones, sententias, & alios contractus quoscumque, etiam si iuramentis fuerint convalidatæ & convalidati, etiam per viam aut modum cuiuscumque contractus, & in illis contenta, sub quacumque verborum conceptione appareant, quibusvis Patriarchis, Primati-

bus, Archiepiscopis, Episcopis, eorumque Cathedralibus Ecclesiis, sive antiquis, sive post dictum schisma erectis, aut eorum mensis, Capitulisque, Collegiis, Comitibus, seu Universitatibus, & personis, etiam Imperialis, Regalis, Reginalis, Pontificalis, Cardinalatus, aut cuiusvis Ecclesiasticæ vel mundanæ fuerint dignitatis, præminentia, status vel conditionis, de, in, pro aut super Regnis, Provinciis, Comitibus, Dominis, territoriis, civitatibus, districtibus, terris, villis, castris, fortalitiis, possessionibus, ædificiis, grangiis, & quibusvis aliis bonis, rebus ac pertinentiis suis, iuribusque, iurisdictionibus & actionibus realibus, & personalibus atque mixtis, Cathedraliumque Ecclesiarum Diocesibus, ac patronatum iuribus, & quibusvis aliis tam spiritualibus quam temporalibus, sine aliquo vel aliquibus prædictorum ad Romanam, Patriarchales, Metropolitanas, Cathedralles, Abbatiales, & quasvis alias Collegiatas, & non Collegiatas, Regulares & seculares Ecclesias, Monasteria, Prioratus, mensæque ipsarum Ecclesiarum, Capitula seu Conventus eorum, aliquos vel aliquas ex ipsis factas & factos, præter vel contra dispositionem juris scripti, a dicto tempore Urbani Papæ VI. inclusive citra, quomodocumque & qualitercumque, usque in præsentem diem, sub quibusvis titulis, iuribus, actionibus, causis, modis, conditionibus, viis sive formis, & quavis occasione, etiam motu proprio, ex certa scientia, & de plenitudine potestatis, ac cum suppletionem omnium defectuum, etiam de & cum consilio & consensu sanctæ Romanæ Ecclesiæ Cardinalium, sive per viam aut modum contractuum quorumcumque, vel alias, & autoritate quacumque, etiam Apostolica, Imperiali, regali, reginali, Legatorum, Nuntiorum, aut Vicariorum Sedis Apostolicæ, sive ordinaria, delegata vel subdelegata, vel quacumque alia, etiamsi factum & concessum fuerit per illas personas, aut de & cum consensu illarum, ad quas in talibus de jure & consuetudine facere, concedere, & consentire pertinuerit; fuisse & esse ipso jure nullos & nullas, ac nullius efficaciam, roboris & momenti, viribusque evacuatos & evacuat; & per-

inde censi & haberi, sub & cum modificationibus infra scriptis, ac si facti & factæ non fuissent. Concessionisque, donationes, & cætera hujusmodi, & alias quasvis, quæ cum detrimento, vel læsione Ecclesiarum, Monasteriorum, mensarum, Capitulorum, Conventuum, locorum seu personarum alicujus vel aliquorum hujusmodi factæ a dicto tempore Urbani Papæ VI. citra, ex certa scientia & autoritate prædicta hac edictali constitutione, sub & cum supra & infra dictis modificationibus revocat, cassat, irritat, & annullat; & nihilominus ad abundantiorum cautelam tollit, & penitus viribus evacuat, dictaque Regna, loca, territoria, districtus, jura, iurisdictiones &c. ac bona hujusmodi ad jus, & proprietatem Ecclesiarum, Monasteriorum, locorum, mensarum, Capitulorum, Conventuum, & personarum hujusmodi, ad quæ, seu quas spectabant, & nunc spectant & pertinent, sub & cum supra & infra scriptis modificationibus restituit, reddit, & reincorporat penitus per præsentem. Quorum omnium possessionem vacuum, liberam, expeditam, nihilominus illi, qui talia bona tenuerint, & tunc tenebant, debeant, ac etiam teneantur infra dictum quadrimestre a die probationis vel citationis, monitionis, seu requisitionis, ut supra fiendæ, libere, totaliter, & cum effectu vacua & expedita relaxasse, & dimisisse Ecclesiis, Mensis, Monasteriis, Hospitalibus, locis, & aliis personis hujusmodi, ad quas ante concessionem prædictas spectabant, & pertinebant, & nunc spectant & pertinent, seu spectare & pertinere possunt; sub penis, banis, & censuris, & aliis, ut supra, quas incurrant ipso facto, & a quibus absolvi non possunt, nisi prius satisfecerint & restituerint, ut supra continetur. Et nihilominus liceat Prælati, Capitulis, Conventibus, ac Rectoribus Ecclesiarum, Monasteriorum, & aliorum locorum hujusmodi, quorum talia bona fuerunt, & nunc sunt, eorumque Successoribus, & Syndicis autoritate propria, alicujus consensu, vel licentia minime requisitis, cautione tamen prius præstita, ut inferius denotatur, possessionem illorum intrare, capere, & recipere libere & impune: non obstantibus Constitu-

stitutionibus, Privilegiis Sedis Apostolicæ ejus autoritate concessis, factis, concedendis, & faciendis, ac impetrationibus sub quacumque verborum expressione, & tenoribus concessis; & etiam si de ipsorum tenoribus expediret facere mentionem specialem de verbo ad verbum, in totum, vel in partem; quorum & quarum omnium ipsa Sancta Synodus hic pro expressis, lectis, & insertis haberi vult, & decernit: nec non præscriptionibus, consuetudinibus, & aliis contrariis, & repugnantibus, aut quovis modo huic constitutioni de cætero nequaquam obstantibus quibuscumque.

Prædicta quoque, quæ de declarationibus ac revocationibus hujusmodi dicta sunt, non vendicent sibi locum in infeudationibus, concessionibus, & locationibus quibusvis perpetuis, solitis ante dictum tempus Domini Gregorii Papæ XI. fieri & dari in feudum, revivendum Vicariatum; aut emphyteosim, & Regnis, Provinciis, civitatibus, terris, castris, villis, locis, territoriis, districtibus, & aliis bonis seu juribus hujusmodi, aliquo vel aliquibus eorundem, dummodo utile Dominium eorundem per pacificam tenuram corporalis possessionis ante hujusmodi infeudationem, reinfeudationem, concessionem, non fuerit cum directo Dominio incorporatum, & solidatum, ac etiam, quod Canon & census antiquitus ante Domini Gregorii Papæ XI. pro illis præstari & dari soliti, consueti seu admissi, si qui præstabantur, debite persolvent. Nec etiam locum habeant in venditionibus bonorum, quorum iusta pretia apparebunt & probabuntur, conventuum, & locorum hujusmodi, quorum (ut præfertur) erant dumtaxat, versa esse in permutationibus factis, versis in evidentem utilitatem Ecclesiarum, Monasteriorum, & aliorum hujusmodi. Nec locum sibi vendicent in concessionibus, per Romanos Pontifices pro dotatione in totum vel in partem, ac pro alia quavis subventionem aliquarum Ecclesiarum Cathedralium, & aliarum indigentium quarumcumque civitatum factis de aliquibus Ecclesiis inferioribus, & bonis earum: dummodo hujusmodi civitates ab antiquo & ante dictum schisma habuerint famam, titulum, & nomen civitatis; & dummodo etiam hujusmodi con-

cessa non fuerint alienius Ecclesiæ Cathedralis, sed ab Abbatialibus inferiorum Ecclesiarum. Nec etiam sibi fortientur effectum in venditionibus, & aliis alienationibus bonorum, Hospitalium, Xenodochiorum, & aliorum piorum locorum quorumlibet, quæ Hospitalia, Xenodochia, & pia loca, ut sunt ad Sancta Sanctorum, Sancti Spiritus in Saxia de urbe, Beatæ Mariæ novæ de Florentia, de Scala, de Seminis, ac de Misericordia, de Paradiso, & similia, pro sustentatione pauperum, & hospitalitate conservanda consueverunt ab antiquo bona eorum vendere, aut taliter alienare, locare, aut usufructum concedere, secundum eorum statuta, seu laudabiles & antiquas consuetudines pacifice hæctenus observatas: privilegiis etiam antiquitus a Romanis Pontificibus quibusvis Religiosorum Ordinibus, bonorum & rerum hujusmodi indultis, ac etiam suis consuetudinibus in talibus ab antiquo observatis, in suo robore permanfuris. Nec etiam in Vicariatibus, Gubernationibus, ministracionibus, seu locationibus, aut feudis Provinciarum, terrarum, castrorum, locorum, seu bonorum hujusmodi ad tempus novem annorum, vel abinde infra dumtaxat duraturis: prædictis tamen modificationibus non se ad prædicta invasa, occupata, usurpata, capta, seu (ut præfertur) detenta, aliquantulum extendentibus.

Cæterum decrevit præfata Sancta Synodus eadem autoritate, quod quicumque ex justis & rationabilibus causis probaverit legitime se, de, aut super Regnis, Provinciis, civitatibus, terris, castris, locis, vel bonis hujusmodi, vel eorum aliquo, pro pretiis persolutis, vel ex causa depositi, sive mutui, aut alias ex justis causis recipere debere a Romana, seu aliis Ecclesiis, Monasteriis, Prioratibus, Hospitalibus, vel locis ipsis, seu eorum aliquo, aut ex Prælatibus, seu Rectoribus eorundem occasione dumtaxat Ecclesiarum, Hospitalium, seu locorum præfatorum, ad quæ ipsa bona pertinuissent, vel pertinerent, aliquas florenorum, seu pecuniarum summas, aut res alias; ac illas versas esse in utilitatem evidentem Ecclesiarum, seu Monasteriorum, aut locorum hujusmodi, quod facta coram loci Ordinario de-

ctione, aut defalcatione fructuum, aut proventuum perceptorum, arbitrio dicti Ordinarii loci, sive rerum & bonorum, de quibus ageretur, super quo ipsius Ordinarii conscientiam oneraverit, & onerari; non obstantibus quibuscunque conventionibus, seu pactis initis, vel adjectis, etiam auctoritate Apostolica, vel alia quomodolibet roboratis, ac juramento vallatis, maxime, quoad probandum pretia, res, vel pecunias, versa esse in evidentem utilitatem, vel quorum talia bona fuissent, seu ut fructus in sortem computare quis minime teneretur, aut quod faceret fructus suos, seu aliis contrariis & aliter disponentibus quovis modo, Ecclesia, seu Monasterium, Hospitalale, vel locus hujusmodi residuum, quod declaratur ad restituendum illi qui solvisset, aut ejus hæredibus, seu jus vel causam, aut titulum suum habentibus, infra annum a die talis declarationis continue computandum, vel ad hujusmodi bona obligata usque ad satisfactionem, ut infra declaratur, ipsis creditoribus restituendum, pro dicto residuo declarato; eo ipso Prælatum, Capitulum, Conventum, ac Rectores talis Ecclesiæ, Monasterii, Hospitalis, vel loci, cujus vel quorum (ut præfertur) ipsa bona erant, sub pœna excommunicationis sint adstricti. Et nihilominus pro securitate creditorum super satisfactione hujusmodi, nullus ex Prælati & aliis supradictis possit aut debeat per se aut per alium possessionem talium bonorum intrare, capere vel retinere, nisi idonea cautione prius per ipsos præstita coram loci Ordinario, ipsius vel ipsorum creditorum, & hujusmodi Ordinario recusante, coram loci Ordinario debitoris de eo, quod ab Ecclesiis, Monasteriis, Hospitalibus, vel locis seu personis supradictis ratione declarationis hujusmodi tenerentur, habere creditores ipsi infra dictum annum persolvendo: bona quoque talibus vendita, pignorata, seu aliter obligata, alienata, vel ut supra concessa, illis usque ad satisfactionem specialiter obligata remaneant, & existant. Si autem infra dictum annum satisfactio quantitatis declaratæ facta non fuerit, (ut præmittitur) præviis tribus protestationibus, diversis diebus per creditores, seu eorum Procuratores factis, præfatis Capitulis, Conventibus,

aut Rectoribus hujusmodi super dicta satisfactione, saltem infra mensem a die primæ protestationis faciendæ: tunc lapsò dicto mense liceat hujusmodi creditoribus, aut hæredibus jus, vel causam, seu titulum habentibus ab illis, per se vel Procuratores suos auctoritate propria possessionem bonorum hujusmodi intrare, capere, ac illa tenere & possidere, fructusque & emolumenta ex illis percipere. Deducendo tamen de sorte ipsius debiti, quousque eidem fuerit de quantitate hujusmodi debiti, ut præfertur, declarata integraliter satisfactum: ita tamen proviso circa præmissa & quodlibet prædictorum, quod pro debito Romanæ, vel alterius Cathedralis, vel inferioris Ecclesiæ, Hospitalis, aut pii loci, Prælatum, Rectorem, sive alia persona hujusmodi, nisi solitum pro sua Ecclesia, Hospitali, & pio loco, in cujus evidentem utilitatem dumtaxat probabiliter, ut præfertur, pretium & valorem verum esse fidejuberet, vel alias cautionem de debitis declaratis, vel alias minime præstare teneatur: nec hujusmodi bona pro aliis debitis quoquomodo remaneant obligata; nec etiam de ipsis restitutio & redintegratio, ut supra est declaratum, quovis modo valeat nec debeat retardari. Cæterum, quia lex salubris præteritis intendit, & futuris casibus providere, decernit ipsa Sancta Synodus eadem auctoritate, quod de cætero præmissis, & infra scriptis nulla feudatio, locatio, donatio, venditio, permutatio, pignoratatio, obligatio, sive quævis alienatio, aut declaratio, de aut super Regnis, Provinciis, civitatibus, terris, castris, locis, juribus, ac jurisdictionibus, seu bonis prædictis, aut aliquo eorumdem, auctoritatibus hujusmodi, seu earum aliqua, vel alias sine expressa deliberatione Concilii Generalis, vel saltem Provincialis, cum evidenti tamen utilitate Ecclesiæ, & pii loci hujusmodi fieri possit, vel debeat, quovis colore quæsto, seu jam facta confirmari, extendi, vel prorogari, aut de novo concedi quovis modo. Salvo, quod locationes usque ad prædictum tempus novem annorum, vel abinde infra, & non ultra, tam Apostolica, quam ordinaria auctoritate valeant celebrari, cum dicta præstatione tamen census soliti, sive rationabilis. Ita tamen, quod fiant cum

cum evidenti utilitate hujusmodi tam per Romanum Pontificem, quam per Prælatos, & Rectores, secundum juris scripti formam, etiam infeudationes, emphyteoticæque concessiones, occupationes, & revocationes de bonis feudatibus, ac emphyteoticis ante dictum tempus Gregorii undecimi infeudari solitis, ad Ecclesias, Monasteria, Hospitalia, vel pia loca hujusmodi quomodolibet devolutis, & devolvendis in posterum, cum modificationibus infra scriptis, pro censu & canone solitis, aut adauctis ante præfatum tempus Gregorii undecimi, & non de aliis, aut aliter ullo modo possint etiam fieri concessiones Vicariatuum, Gubernationum, & Administrationum Regnorum, Provinciarum, civitatum, terrarum, castrorum, locorum præfatæ Ecclesiæ Romanæ, quæ ante hujusmodi tempus concedi in Vicariatum, seu administrationem per Romanam Ecclesiam consueverunt per Romanos Pontifices ad tempora novem annorum, & abinde infra, & non ultra, cum responsionibus, Canonibus, & censibus consuevis, melioris seu adauctis ante tempus præfatum: hoc addito, declarato ac reservato, quod Vicariis non solventibus eidem Romanæ Ecclesiæ censum ac Canonem debitum in terminis appositis, vel saltem, infra mensem post lapsum terminum, eo ipso absque aliqua declaratione ad censum & Canonem duplicatos persolvendos præfatæ Romanæ Ecclesiæ teneantur, ac adstricti sint. Et si primum & duplicatum censum seu Canonem prædictos infra alium mensem sequentem non solverint, ipso facto sententias, banna, & pœnas hujusmodi incurrent. Si autem infra semestrem a lapsu primi termini præfati solutionem hujusmodi non fecerint de censu & Canone, ut præfertur, ipso jure cadant ab omni possessione Vicariatus, gubernationis & administrationis hujusmodi, & concessa ad liberam ordinationem Romani Pontificis, & Romanæ Ecclesiæ præfatæ devolvantur, & devoluta ipso facto intelligantur esse, & sint, cum omni rerum integritate & causa. Et illud idem intelligatur servari & fiat in & de Vicariis, gubernationibus, & administrationibus provinciarum, civitatum, terrarum, castrorum, & locorum aliorum quorumvis, Ecclesiarum, Monasterio-

rum, Hospitalium, & locorum aliorum prædictorum, & cujuslibet eorundem. Præmissa quoque extendantur ad solutionem feudorum bonorum emphyteoticorum, & aliorum locatorum responsiones quovis titulo, tam ad Romanam, quam ad alias Ecclesias, Monasteria, & loca alia superscripta, communiter vel divisim, prout de censibus & Canonibus Vicariatuum prædictorum superius continetur. Districtius nihilominus inhibens, ne qua prorogatio, seu nova concessio Vicariatuum, gubernationum, seu administrationum hujusmodi de Regnis, Provinciis, civitatibus, terris, castris, & locis dictæ Romanæ Ecclesiæ fieri possit, aut debeat, nisi de consilio & assensu Romanorum Pontificum & Dominorum Collegii sanctæ Romanæ Ecclesiæ Cardinalium, eorum scrutatis votis, vel saltem per duas partes dicti Collegii in concordia, & non nisi pro evidenti causa, statu, & honore Ecclesiæ præfatæ: ita tamen, quod debeant ipsi Cardinales in literis Apostolicis vel contractibus desuper factis, una cum Romano Pontifice propriis manibus se subscribere, ad instar antiquorum privilegiorum Apostolicorum in perpetuum.

Et si aliter, secus, seu alio modo in præmissis & infra scriptis omnibus & contentis in præfenti Capitulo, vel circa ea facta, seu declarata etiam motu proprio, & de Cardinalium consilio seu consensu, seu alias, & Apostolica vel quavis alia auctoritate, non teneant ipso jure, & nullum jus contrahentibus vel recipientibus aliter acquiratur. Et nihilominus Vicarii ipsi, Gubernatores, & Administratores, & alii recipientes, quovis nomine nuncupentur, vel titulo, vel modo, etiam si sponte concederentur, vel alias contrarium facientes, ipsos processus, banna, sententias, & pœnas ipso facto se noverint incurrisse: concessionibus, constitutionibus, privilegiis Apostolicis, ac aliis quarumcumque personarum, nec non consuetudinibus, & aliis quibusvis in contrarium facientibus, nequaquam obstantibus. Hoc sane intellecto, quod modificationes ipsæ superscriptæ, & ipsarum aliqua, aliis, qui tenent & tenuerunt regna, provincias, civitates, terras, castra, sive alia bona, & in alio infra scripto Capitulo continetur, scilicet, invasa, occupata, capta, seu (ut præfertur)

fertur) detenta; non valeant in aliquo suffragari: quin immo ad plenarie restituendum, reddendum, & ad alia faciendum (ut in eodem Capitulo continetur) protinus sint adstricti.

*Ex eodem Concilio Constantiensi, (a)
quando solvenda sit, sive de-
neganda decima.*

Cum paterna pietas filiis hominum providere debeat, licet in casu necessitatis urgentis valeat vicissitudo laudabilis;

declarat sancta Synodus, non licere Romano Pontifici indictiones sive exactiones quasvis super Ecclesiam, vel Ecclesiasticas personas imponere per modum decimæ, vel alio quovis modo. Si vero cum necessitas acciderit Papæ, qua esset eidem debite subveniendum, vocato generali Concilio, secundum quod expediens videbitur, & utile secundum Decretum Concilii, provideatur eidem.

*Ex Collect. Regia Harduim Tom. VIII.
pag. 923. & seqq.*

(a) Sessio XLIII. anno 1418. 21. Martii.

Inter Statuta Ecclesiæ Colonienfis in Concilio Colonienfi anno 1423. celebrato, publicatur hæc Confirmatio duorum Diplomatum Cæsareorum CAROLI IV. & FRIDERICI, facta pro Immunitate Ecclesiastica a Concilio Constantiensi. (r)

Statuta Colonienfis impressa A. 1554. pag. 237. & seqq.

CAUSA QUINTA

Hæresis Wicleffi, Hussi, Hieronymi Pragensis in Concilio damnata.

MARTINUS EPISCOPUS, SERVUS SERVORUM DEI, VENERABILIBUS FRATRIBUS ARCHI-EPISCOPIS, ET EPISCOPIS; AC INQUISITORIBUS HÆRETICÆ PRAVITATIS UBILIBET CONSTITUTIS, AD QUOS LITERÆ PRÆSENTES PERVENERINT, SALUTEM, ET APOSTOLICAM BENEDICTIONEM.

Inter (a) cunctas Pastoralis Curæ sollicitudines; quibus premimur incessanter, illa potissime fortius Nos angit, ut hæreticis de finibus Christicolarum expulsis, suisque falsis doctrinis & erroribus perverfis penitus, quantum Nobis ex alto conceditur, extirpatis, orthodoxa & Catholica fides integra & illibata permaneat, ac populus Christianus ejusdem fidei sinceritate, quolibet obscuratōnis semoto velamine, immobilis & inviolatus persistat. Sane dudum plus quam omnibus retroactis temporibus in nonnullis Regionibus & Dominiis, præsertim Regno Bohemiæ & marchionatu Moraviæ, ac locis & districtibus illis vicinis,

adversus fidei Catholicæ dogmata, & sanctæ Matris Ecclesiæ traditiones, non solum contra unum, quinimo contra plura Fidei Catholicæ dogmata insurrexerunt quidam hæresiarchæ circumcelliones, schismatici, & seditiosi, Luciferina superbia, & rabie lupina evecti, dæmoniorum fraudibus illusi, de vanitate in idipsum (licet forent de diversis mundi partibus oriundi) convenientes, & caudas colligatas habentes, damnatæ videlicet memoriæ Joannes Wicleff de Anglia, Joannes Huss de Bohemia, & Hieronymus de Praga, (b) qui utinam alios secum ad infidelitatis interitum non traxissent! Nam ubi hujusmodi pestilentes personæ per-

(a) Errores Joannis Wicleff de Anglia damnati sunt Sessio VIII. 4. Maji A. 1415. Joannes Huss de Bohemia, Sessio XV. 6. Julii A. 1415. cum libris coram ipso crematis damnatus, depositus, brachio sæculari traditus, & in sua pertinacia combustus fuit, cineres in Rhenum projecti.

(b) Hieronymus de Praga Sessio XXI. generali 30. Maji A. 1416. absente Cæsare, & locum tenente Electore Palatino, publice damnatus ad rogam, & concrematus fuit, postquam errores suos bis coram Synodo ejuraverat: sed iterum relapsus, perit in errore obiit.

perversa dogmata pertinaciter semina-
bant, in suæ doctrinæ pestiferæ primor-
dio Prælati, & alii judiciaræ potestatis
Regimina exercentes, tamquam canes
muti non valentes latrare, nec ulciscen-
tes cum Apostolo in prompu omnem
inobedientiam, hæresiarchas ipsos pesti-
feros & dolosos, eorum lupinam rabiem
truculentam statim (ut adstricti fuerant)
canonice coercere, eosque de Domo
Domini corporaliter ejicere non cura-
runt; sed sacrilegam, falsam, & perni-
ciosam ipsorum doctrinam per longas
moras negligenter convalere permise-
runt: populorum multitudo illorum
opinionibus falsis decepta, pro veris ac-
cepit, quæ diu mendaciter & perniciose,
ac damnabiliter seminaverunt, eisque
credendo, a recta fide cecidit turba multa,
& errore devio involvitur pro dolor!
paganorum adeo: quod per diversa il-
larum, eidemque conviciarum partium
climata, oves Christi Catholicas hære-
siarchæ ipsi successive infecerunt, & in
stercore mendaciorum fecerunt putre-
scere. Quapropter Generalis Constantien-
sis Synodus tantam fidelium, & fi-
dei orthodoxæ plagam & ruinam videns,
exclamare compulsa est cum Augustino:
" Quid (c) faciet Ecclesiæ medicina, sa-
lutem omnium materna caritate con-
quirens, tamquam inter phreneticos
& lethargicos æstuans?" Numquid
contemnere, numquid desistere, vel de-
bet, vel potest? certe non, secundum
eundem; immo utrisque sit, necesse est,
molesta, quæ neutris est inimica. Nam
& molestus est medicus furenti phre-
netico, & pater in disciplina filio: ille
ligando, iste cædendo; sed ambo dili-
gendo: " Si autem negligent, & eos
perire permittant (inquit Augustinus)
" (d) ista mansuetudo potius falsa crude-
litas est." Proinde Synodus præfata
ad Omnipotentis DEI gloriam, ipsius-
que Catholicæ Fidei, ac Christianæ Re-
ligionis conservationem, augmentum,
& animarum salutem, & præservatio-
nem, eosdem Joannem Wicleff, & Jo-
annem Huls, & Hieronymum, qui in-
ter cætera de Sacro Eucharistiæ Sacra-
mento, & aliis Sacramentis Ecclesiæ, &
articulis Fidei aliter, quam Sancta Roma-
na Ecclesia credit, & tenet, & prædicat,

& docet, quamplurima temere & dam-
nabiliter credere, ac tenere, prædicare,
atque docere pertinaciter attentabant,
velut hæreticos & pertinaces, ac obstina-
tos, jam a communione fidelium sepa-
ratos, & de domo Dei corporaliter eje-
cit, & spiritualiter ejectos declaravit:
& alia nonnulla circa præmissa utilia &
salubria statuit, & decrevit, per quæ alii,
qui causantibus hæresiarchis, eorumque
falsis doctrinis hujusmodi, spiritualiter
de domo Dei exierunt, per vias Cano-
nicas reducerentur ad semitas veritatis.
Et quia (sicut dolenter accepimus)
non solum in Regno Bohemiæ, & Mar-
chionatus, Dominiis, & locis supradictis,
verum etiam in quibusdam partibus,
& Provinciis contiguis, seu vicinis eis-
dem, etiam nonnulli ex sectatoribus, &
sequacibus hæresum, ac errorum hære-
siarcharum prædictorum, timore Divi-
no, & pudore humano prorsus abjectis,
nec de ipsorum, & præsertim Joannis
Huls, & Hieronymi interitu miserabili
sumentes conversionis, & penitentia
fructum; sed tamquam in profundum
pressi peccatorum, Dominum Deum
blasphemare non cessant, ducentes in ir-
ritum nomen ejus: quorum mentes
pater mendacii (e) sic damnabiliter ex-
cecavit, ut prædictos libros, codices,
& opuscula, hæreses, & errores, conti-
nentes, seu continentia, dudum etiam
per Synodum præfatam damnatos, &
damnata, ac ignibus concremenda de-
putata, & concremata, legunt, student,
ac ex eis in sui, & multorum simplici-
um periculum, nedum contra statuta,
decreta, & ordinata in Synodo supradic-
ta, sed etiam contra Canonicas San-
ctiones dogmatizare præsumunt in ani-
marum periculum, ac puritatis Fidei
denigrationem, & scandalum plurimo-
rum. Nos igitur attendentes, quod
error, cui non resistitur, approbati videtur,
ac malis & perniciosis erroribus hujus-
modi resistere, ac eos de medio Christi
fidelium, & præsertim de supradictis
Bohemiæ & Moraviæ Dominiis, & di-
strictibus, ac confinibus, & viciniis eo-
rum, ne amplius & latius se extendant,
funditus evellere cupientes, discretionis
vestræ, Sacro approbante Concilio Con-
stantiensis, per Apostolica scripta com-
mitti-

(c) Epist. 167. ad Faust.

(d) Epist. 50. ad Bonifac.

(e) Joannis VIII.

mittimus, & mandamus, quatenus vos Archi-Episcopi, & Episcopi, ac Electi, & quilibet vestrum per se, seu alium, vel alios, quos graves, & idoneas personas spirituales jurisdictionem habentes esse volumus, omnes & singulos cujuscumque dignitatis, officii, præminentia, status, vel conditionis existant, & quibuscumque nominibus censeantur, qui de præexcellso, salutifero, & supermirabili Sacramento Corporis & Sanguinis Domini nostri JESU CHRISTI, vel de Baptismate, seu de peccatorum Confessione, Pœnitentiæ pro peccatis injunctio, vel reliquis Ecclesiasticis Sacramentis, seu Fidei articulis, aliter sentire, aut docere, quam Sacrosancta Romana Ecclesia, & universalis docet, prædicat, & observat: aut articulos, seu libros, & doctrinas præfatorum hæresiarcharum Joannis Wicleff, & Joannis Hufi, & Hieronymi, per eandem Constantiensem Synodum cum suis autoribus (ut prædicitur) damnatos, & damnatas, tenere, credere, & dogmatizare, ac vitæ finem ipsorum hæresiarcharum publice, vel occulte, pertinaciter quomodolibet laudare vel approbare præsumplerint, eorumque receptatores, defensores, aut fautores quoslibet etiam contemplatione prædictorum errorum; nec non credentes & adherentes eisdem, tamquam hæreticos judicetis, & velut hæreticos sæculari Curia relinquantis. Receptatores quoque, fautores, & defensores hujusmodi pestiferarum personarum, quæ erroribus ipsis crediderint, nec favore, aut contemplatione errorum ipsorum, sed forte carnalis amoris causa, vel occasione alia hujusmodi personas pestiferas receptaverint, præter penas ab utroque jure talibus inflictas, per judices competentes tanta severitate pœnarum in tam enormi scelere ultionem accipiant, quod cedat ceteris grassantibus in exemplum; ut quos Dei timor a malo non revocet, saltem coerceat severitas disciplina. Cum reliquis vero hujusmodi secta damnabili quomodolibet infectis, qui post competentem monitionem, ac frequentem exhortationem, qua pie erga eos, spe correctionis, & emendationis, ac ad melioris vitæ frugem conversionis, utile est, a prædictis erroribus & secta

noluerint resipiscere, & ad gremium, unitatemque Sanctæ Matris Ecclesiæ, ac Fidem Catholicam, quæ sola (f) salvare potest, sine qua nulli veræ salutis subsidium contingit, plene recognoscere, & confiteri, justitiæ severitas (prout facti poposcerit qualitas) dulcore misericordiæ temperetur. Et nihilominus omnes Christianæ & Catholicæ fidei Professores, Imperatorem, Reges, Duces, Principes, Marchiones, Comites, Barones, Milites, Potestates, Rectores, Consules, Proconsules, Scabinos, communitates, & universitates Regnorum, provinciarum, civitatum, oppidorum, castrorum, villarum, terrarum, aliorumque locorum hujusmodi, nec non cæteros jurisdictionem temporalem exercentes, juxta juris formam & exigentiam auctoritate Apostolica exhortando moneatis & requisiti, ut de regnis, provinciis, civitatibus, oppidis, castris, villis, terris, & omnibus aliis locis ac Dominiis supradictis, omnes & singulos hæreticos hujusmodi, secundum tenorem (g) Lateranensis Concilii, quod incipit: *Sicut ait*, adinstar etiam irretitorum crimine ulurarum, quos publice vel manifeste per facti evidentiam cognoverint esse tales, tamquam oves morbidas, gregem Domini inficientes expellant, donec & quousque a Nobis, seu vobis, vel aliis iudicibus Ecclesiasticis, vel Inquisitoribus, fidem & communionem Romanæ Ecclesiæ tenentibus, aliud recipiant in mandatis: nec eosdem in suis districtibus prædicare, domicilia tenere, larem fovere, contractus inire, negotiationes & mercantias quaslibet exercere, aut humanitatis solatia cum Christi fidelibus habere permittant. Et si tales hæretici publici ac manifesti, licet nondum per Ecclesiam declarati, in hoc tam gravi crimine decesserint, Ecclesiastica careant sepultura, nec obligationes fiant, aut recipiantur pro eisdem: bona tamen ipsorum a tempore commissi criminis secundum Canonicas sanctiones confiscata, non occupentur per illos, ad quos alias pertinerent, donec per hujusmodi Judices Ecclesiasticos super hoc potestatem habentes, sententia declaratoria super ipso hæresis crimine fuerit promulgata. Qui autem de hæresi per Judicem competentem Ecclesiasticum in-

venti

(f) Hebr. XI.

(g) Concilium Lateran. sub Alexand. III. cap. 27.

venti fuerint, sola suspitione notati seu suspecti, nisi juxta considerationem, & exigentiam suspitionis, qualitatēque personæ, ad arbitrium judicis hujusmodi propriam innocentiam congrua devotione monstraverint, in purgatione eis Canonice indicta deficientes, & se Canonice purgare non valentes, aut pro hujusmodi purgatione faciendā, obstinatione damnabili jurare renuentes, tamquam hæretici condemnentur. Qui vero dictam innocentiam monstrare ex quadam negligentia seu desidia, & purgationem hujusmodi facere omiserint, anathematis gladio feriantur, & usque ad satisfactionem condignam ab omnibus evitentur; ita quod si per annum in excommunicatione hujusmodi persisterint, extunc velut hæretici condemnentur. Si quis vero super aliquo sæpe dictæ pestiferæ doctrinæ hæresiarcharum prædictorum, vel aliquibus articulis dumtaxat scandalosis, temerariis, seditiosis, vel piarum aurium offensivis, culpabilis repertus fuerit, Canonice puniatur. Si vero propter solam infamiam aut suspitionem dictorum articulorum, vel alicujus ipsorum, quis repertus fuerit suspectus, & in purgatione Canonica propter hoc sibi indicta deficeret, pro convicto habeatur, & tamquam Canonice convictus puniatur. Et insuper felicis recordationis BONIFACII PAPÆ OCTAVI Prædecessoris nostri, quæ incipit: *Ut inquisitionis negotium*, renovantes, & etiam exsequentes, universas Potestates, & Dominos temporales, & Judices antedictos, quibuscumque Dignitatibus, vel Officiis, seu nominibus censeantur, exhortando requirimus & mandamus eisdem; ut sicut reputari cupiunt & haberi fideles, ac Filii Ecclesiæ nuncupari, & in Christi nomine gloriari, ita pro defensione fidei vobis Archiepiscopis, Episcopis, & Electis, ac Inquisitoribus hæreticæ pravitatis, & aliis iudicibus, seu personis Ecclesiasticis per vos ad hoc (ut præmittitur) deputandis, fidem & communionem sanctæ Matris Ecclesiæ tenentibus, pareant, & intendant, præbeantque auxilium & favorem, in hæreticorum nec non credentium, fautorum, receptatorum & defensorum ipsorum investigatione, capione, custodia diligenti, cum ab eisdem fuerint requisiti; ut præfatas personas pestíferas, alias secum perdere molientes, in potestatem seu carce-

rem per vos Archiepiscopos, Episcopos, electos, & Inquisitores prædictos, aut deputandos a vobis, vel ad locum, de quo vos, vel ipsi mandabitis, infra eorundem Dominorum potestatem, Rectorum seu Judicum districtum ducant, vel duci faciant sine mora; ubi per viros Catholicos, a vobis Archiepiscopis vel Episcopis, electis seu Inquisitoribus, seu deputandis personis hujusmodi, vel vestrum aliquo deputato, sub exacta & diligenti custodia, ne fugiant, ponendo eos, etiam compedibus & manicis ferreis teneant, donec eorum negotium per Ecclesiæ judicium terminetur: & quod de hæresi a iudice Ecclesiastico competenti, qui fidem & communionem dictæ sanctæ Romanæ Ecclesiæ teneat, condemnentur, præfati Domini temporales, seu Rectores, Judices, vel eorum Officiales, seu nuntii, sibi relictos, recipiant indilate, animadversione debita puniendos. Verum ne in præjudicium & scandalum præfate fidei orthodoxæ religionis Christianæ, prætextu ignorantie quemquam in hoc circumveniri, aut verfos homines sub frivole excusationis velamine in hac materia palliare contingat; & ut de convincendis, seu cognoscendis, hæreticis, receptoribus, defensoribus, fautoribus, credentibus & adherentibus, nec non de hæresi suspectis, & aliis hujusmodi perversa doctrina quomodolibet maculatis, plenior habeatur in futurum instructio; tam ad Regnum Bohemiæ & convicinas illi, quam alias quaslibet partes, in quibus hæc superstitiosa doctrina quomodolibet pullaverit, articulos infra scriptos, sectam dictorum hæresiarcharum concernentes, pro directione dictæ fidei concernimus transmittendos, & etiam destinandos: scilicet quibus vobis & aliis omnibus Archiepiscopis, Episcopis, & Electis, ac Commissariis & Inquisitoribus in virtute sanctæ obedientiæ præcipimus, & mandamus, ut quilibet eorum infra limites & loca suæ jurisdictionis, nec non Regno & Marchionatu, & locis eis vicinis prædictis, etiam si loca ipsa extra jurisdictionem eandem ultra duas diætas consistant, circa extirpationem & correctionem errorum, ac hæresum, & hujusmodi sectæ pestiferæ, in favorem ipsius fidei orthodoxæ diligenter invigilent: & omnes in-

fama-

ſamatos ſeu ſuſpectos de tam peſtifera labe ſub conſeſſati criminis, excommunicationis, ſuſpenſionis, interdicti, aut alia formidabili pœna Canonica vel legali, prout, quando & quemadmodum eis videatur expedire, & facti inquireret qualitas, ad ſingulos huiusmodi articulos per iuramentum corporaliter præſtitum, tactis ſacroſanctis Evangeliiſ, ſeu Sanctorum Reliquiis, imagine Crucifixi, ſecundum quorundam locorum obſervantiam, juxta infraſcripta *Interrogatoria* ad quem licet articulum convenientia, reſpondere compellant. Nos enim contra omnes, & ſingulos Archiepiſcopos, Epicoſcopos, & Eleſtos, & Inquiſitores, qui ſuper expurgando ſuum territorium, diſtrictum, ſeu locum, de talibus malis, & ſcelerationis hominibus negligentes fuerint, ſeu remiſſe egerint, uſque ad privationem ſeu depoſitionem Pontificalis dignitatis procedere intendimus & procedemus, ac procedi faciemus; alioſque loco illorum ſubſtituemus, qui pravitatem hæreticam poſſint & valeant confundere; & ad alias poenas contra tales a jure inſiſctas, & alias gravioreſ, ſi expediat, inſigendas, procedemus, procedique faciemus, juxta juris & facti exigentiam, ac huiusmodi culpæ & criminis ſeditatem. Tenore vero eorundem articuloſum, ſeu capituloſum, de quibus ſupra fit mentio, ſequuntur per ordinem in hæc verba:

Et primo ſequitur tenor articuloſum JOANNIS WICLEFF.

(SESSIONE VIII. anno 1415. 4. Maji, damnatoſum)

- I. Subſtantia panis materialis, & ſimiliter ſubſtantia vini materialis, remanent in Sacramento Altaris.
- II. Accidentia panis non manent ſine ſubjecto in eodem Sacramento.
- III. Chriſtus non eſt in eodem Sacramento identice, & realiter in propria præſentia corporali.
- IV. Si Epicoſcopus, vel Sacerdos exiſtat in peccato mortali, non ordinat, non conſecrat, non conficit, non baptizat.
- V. Non eſt fundatum in Evangelio, quod Chriſtus Miſſam ordinaverit.

- VI. Deus debet obedire diabolo.
- VII. Si homo fuerit debite contritus, omnis conſeſſio exterior eſt ſibi ſuperflua & inutilis.
- VIII. Si Papa fit præſcitus & malus, & per conſequens membrum diaboli, non habet poteſtatem ſuper fideles ſibi ab aliquo datam, niſi forte a Cæſare.
- IX. Poſt Urbanum Sextum non eſt recipiendus aliquis in Papam, ſed vivendum eſt more Græcorum ſub legibus propriis.
- X. Contra Scripturam Sacram eſt, quod viri Eccleſiaſtici habeant poſſeſſiones.
- XI. Nullus Prælatuſ debet aliquem excommunicare, niſi priuſ ſciat eum excommunicatum a Deo: & qui ſic excommunicat, fit ex hoc hæreticuſ, vel excommunicatuſ.
- XII. Prælatuſ excommunicans Clericuſ, qui appellavit ad Regem, vel ad Conciliuſ Regni, eo ipſo traditor eſt Regiſ & Regni.
- XIII. Illi, qui dimittunt prædicare, ſive audire Verbuſ Dei, propter excommunicationem hominuſ, ſunt excommunicati, & in Dei iudicio traditoſ Chriſti habebuntur.
- XIV. Licet alicui Diacono, vel Presbytero prædicare Verbuſ Dei, abſque auctoritate Sedis Apoſtolicæ, ſive Epicoſcopi Catholici.
- XV. Nulluſ eſt Dominuſ civilis, nulluſ eſt Prælatuſ, nulluſ eſt Epicoſcopuſ, dum eſt in peccato mortali.
- XVI. Domini temporaleſ poſſunt ad arbitriuſ ſuū auferre bona temporalia ab Eccleſia, poſſeſſionatiſ habitualiter delinquentibuſ, id eſt, ex habitu, non ſolum actu delinquentibuſ.
- XVII. Populareſ poſſunt ad ſuū arbitriuſ Dominuſ delinquentes corrigere.
- XVIII. Decimæ ſunt puræ eleemoſynæ: & poſſunt Parochiani, propter peccata ſuorum Prælatuſ, ad libituſ ſuū eaſ auferre.
- XIX. Specialeſ orationeſ applicatæ uni perſonæ per Prælatuſ vel Religioſoſ, non pluſ proſunt eidem, quam generaleſ, ceteriſ paribuſ.
- XX.

- XX. Conferens eleemosynam Fratribus, est excommunicatus ipso facto.
- XXI. Si aliquis ingreditur religionem privatam qualemunque, tam possessionatorum, quam mendicantium, redditur ineptior & inhabilior ad observationem mandatorum Dei.
- XXII. Sancti instituentes religiones privatas, sic instituendo peccaverunt.
- XXIII. Religiosi viventes in religionibus privatis, non sunt de religione Christiana.
- XXIV. Fratres tenentur per labores manuum victum acquirere, & non per mendicitatem.
- Prima pars est scandalosa & presumptuose asserta, pro quanto generaliter & indistincte loquitur: & secunda erronea, pro quanto asserit mendicitatem fratribus non licere.
- XXV. Omnes sunt Simoniaci, qui se obligant orare pro aliis, eis in temporalibus subvenientibus.
- XXVI. Oratio præciti nulli valet.
- XXVII. Omnia de necessitate absoluta eveniunt.
- XXVIII. Confirmatio juvenum, Clericorum ordinatio, locorum consecratio, reservantur Papæ & Episcopis, propter cupiditatem lucris temporalis & honoris.
- XXIX. Universitates; Studia, Collegia, graduationes, & magisteria in eisdem, sunt vana gentilitate introducta, & tantum profunt Ecclesiæ sicut diabolus.
- XXX. Excommunicatio Papæ vel cuiuscunque Prælati non est timenda, quia est censura Antichristi.
- XXXI. peccant fundantes claustra; & ingredientes sunt viri diabolici.
- XXXII. Dicare Clerum est contra regulam Christi.
- XXXIII. Silvester Papa & Constantinus Imperator erraverunt Ecclesiam dotando.
- XXXIV. Omnes de ordine mendicanti-

um sunt hæretici, & dantes eis eleemosynam, sunt excommunicati.

- XXXV. Ingredientes religionem, aut aliquem ordinem, eo ipso inhabiles sunt ad observanda Divina Præcepta, & per consequens ad perveniendum ad regnum celorum; nisi apostataverint ab eisdem.
- XXXVI. Papa cum omnibus Clericis suis possessionem habentibus sunt hæretici, eo quod possessiones habent: & consentientes eis, omnes videlicet Domini sæculares & cæteri laici.
- XXXVII. Ecclesia Romana est Synagoga Satanæ, nec Papa est proximus & immediatus Vicarius Christi & Apostolorum.
- XXXVIII. Decretales epistolæ sunt apocryphæ; & seducunt a fide Christi: & Clerici sunt stulti, qui student eas.
- XXXIX. Imperator & Domini sæculares sunt seducti a diabolo, ut Ecclesiam dotarent bonis temporalibus.
- XL. Electio Papæ a Cardinalibus, a diabolo est introducta.
- XLI. Non est de necessitate salutis, credere, Romanam Ecclesiam esse supremam inter alias Ecclesias.
- Error est, si per Romanam Ecclesiam intelligat universalem Ecclesiam, aut Concilium generale, aut pro quanto negaret primatum Summi Pontificis super alias Ecclesias particulares.
- XLII. Fatuum est credere indulgentiis Papæ & Episcoporum.
- XLIII. Juramenta illicita sunt, quæ fiunt ad corroborandos humanos contractus & commercia civilia.
- XLIV. Augustinus, Benedictus & Bernardus damnati sunt, nisi poenituerint de hoc, quod habuerint possessiones, & instituerunt, & intraverunt religiones: & sic a Papa usque ad ultimum religiosum, omnes sunt hæretici.
- XLV. Omnes religiones indifferenter introductæ sunt a diabolo. (f)

L 3

Temo

(f) Extra hos 45. articulos Constantiæ examinatos, & censuratos, contentos in Libris *Dialogus*: & *Triologus* per Wicleffum nominatis, & Romæ jam anno 1412. damnatos, Magistri Oxonienses alios ducentos sexaginta ex Libris Wicleffi excerpserunt. Constantiensis Synodus eos in globo damnavit, alios notorie hæreticos, alios scandalosos & blasphemos: alios erroneos, temerarios, piarum aurium offensivos, fidei & moribus inimicos: alios vesanos. Voluit insuper eadem Synodus Constantiensis libros cremari, memoriam Wicleffi damnari, ossa exhumari & comburi.

*Tenor autem articulorum JOAN-
NIS HUSS sequitur, &
est talis:*

- I. **U**Nica est Sancta universalis Ecclesia, quæ est prædestinatorum universitas. *Et infra sequitur:* Universalis Sancta Ecclesia tantum est una, sicut tantum unus est numerus prædestinatorum.
- II. Paulus nunquam fuit membrum diaboli, licet fecit quosdam actus, actibus Ecclesiæ malignantium conformes.
- III. Præsciti non sunt partes Ecclesiæ, cum nulla pars ejus finaliter exciderit ab ea: eo quod prædestinationis caritas, quæ ipsam ligat, non excidit.
- IV. Dux naturæ Divinitas & humanitas, sunt unus Christus.
- V. Præscitus etsi aliquando est in gratia secundum præsentem justitiam, tamen nunquam est pars Sanctæ Ecclesiæ: & prædestinatus semper manet membrum Ecclesiæ, licet aliquando excidat a gratia adventitia, sed non a gratia prædestinationis.
- VI. Sumendo Ecclesiam pro convocatione prædestinatorum, sive fuerint in gratia, sive non secundum præsentem justitiam, isto modo Ecclesia est articulus Fidei.
- VII. Petrus non est, nec fuit caput Ecclesiæ Sanctæ Catholicæ.
- VIII. Sacerdotes quomodolibet criminose viventes, Sacerdotii polluant potestatem: & sic ut filii infideles, sentiunt infideliter de septem Sacramentis Ecclesiæ, de clavibus, officiis, censuris, moribus, cærimoniis, & sacris rebus Ecclesiæ, veneratione Reliquiarum, Indulgentiis, & Ordinibus.
- IX. Papalis dignitas a Cæsare inolevit, & Papæ perfectio & institutio a Cæsaris potentia emanavit.
- X. Nullus sine revelatione assereret rationabiliter de se, vel alio, quod esset caput Ecclesiæ particularis: nec Romanus Pontifex est caput Romanæ Ecclesiæ particularis.
- XI. Non oportet credere, quod iste quicumque est Romanus Pontifex, sit caput cujuscumque particularis Ecclesiæ Sanctæ, nisi Deus eum prædestinaverit.
- XII. Nemo gerit vicem Christi vel Petri, nisi sequatur eum in moribus, cum nulla alia sequela sit pertinentior, nec aliter recipiat a Deo procuratoriam potestatem: quia ad illud officium Vicariatus requiritur & morum conformitas & instituentis autoritas.
- XIII. Papa non est verus & manifestus Successor Apostolorum Principis Petri, si vivit moribus contrariis Petro: & si quærit avaritiam, tunc est Vicarius Judæ Scarioth. Et pari evidentia Cardinales non sunt veri & manifesti Successores Collegii aliorum Apostolorum Christi, nisi vixerint more Apostolorum, servantes mandata & consilia Domini nostri Jesu Christi.
- XIV. Doctores ponentes, quod aliquis per censuram Ecclesiasticam emendandus, si corrigi noluerit, sæculari judicio est tradendus, pro certo sequuntur in hoc Pontifices, Scribas & Phariseos, qui Christum non volentem eis obedire in omnibus, dicentes: *Nobis non licet interficere quemquam*, ipsum sæculari judicio tradiderunt; & quod tales sint homicidæ graviores, quam Pilatus.
- XV. Obedientia Ecclesiastica est obedientia secundum adinventionem Sacerdotum Ecclesiæ, præter expressam auctoritatem scripture.
- XVI. Divisio immediata humanorum operum est, quod sunt vel virtuosæ, vel vitiosæ: quia si homo est vitiosus, & agit quidquam, tunc agit vitiose: & si est virtuosus, & agit quidquam, tunc agit virtuose: quia sicut vitium, quod crimen dicitur, seu mortale peccatum, inficit universaliter actus hominis vitiosus; sic virtus vivificat omnes actus hominis virtuosus.
- XVII. Sacerdotes Christi viventes secundum legem ejus, & habentes scripturæ notitiam, & effectum ad ædificandum populum, debent prædicare, non obstante prætextu excommunicatione. *Et infra: quod*

Si Papa vel aliquis Prælatiſſimus mandatum Sacerdoti ſic diſpoſito, non prædicare, non debet ſubditus obedire.

XVIII. Quilibet prædicantis officium de mandato accipit, qui ad Sacerdotium accedit: & illud mandatum debet exſequi, præſentia excommunicatione non obſtante.

XIX. Per cenſuras Eccleſiaſticas excommunicationis, ſuſpenſionis & interdicti, ad ſui exaltationem Clerus populum laicalem ſibi ſuppeditat, avaritiam multiplicat, malitiam protegit, & viam præparat Antichriſto. Signum autem evidens eſt, quod ab Antichriſto tales procedunt cenſuræ, quas vocant in ſuis proceſſibus fulminationes, quibus Clerus principaliffime procedit contra illos, qui denudant nequitiam Antichriſti, qui Clerum pro ſe maxime uſurpabit.

XX. Si Papa eſt malus, & præſertim ſi eſt præſcit, tunc, ut Judas Apoſtolus, eſt diabolus, fur, & filius perditionis, & non eſt caput ſanctæ militantis Eccleſiæ, cum nec ſit membrum ejus.

XXI. Gratia prædeſtinationis eſt vineulum, quo corpus Eccleſiæ, & quodlibet ejus membrum jungitur Chriſto capiti inſolubiliter.

XXII. Papa vel Prælatiſſimus malus & præſcit, eſt æquivoce paſtor, & vere fur, & latro.

XXIII. Papa non debet dici Sanctiſſimus, etiam ſecundum officium, quia alias rex deberet etiam dici Sanctiſſimus ſecundum officium: & tortores & præcones dicerentur ſancti, imo etiam diabolus deberet dici ſanctus, cum ſit Officiarius Dei.

XXIV. Si Papa vivat Chriſto contrarie, etiam ſi aſcenderet per ritam & legitimam electionem ſecundum conſtitutionem humanam vulgatam, tamen aliunde aſcenderet, quam per Chriſtum, dato etiam, quod intraret per electionem a Deo principaliter factam. Nam Judas Scarioth rite & legitime eſt electus a Deo Chriſto Jeſu ad Episcopatum, & tamen aſcendit aliunde in ovile ovium.

XXV. Condemnatio quadraginta quinque articulorum Joannis Wicleff per Doctores facta, eſt irrationabilis & iniqua, & male facta, & ficta eſt cauſa per eos allegata: videlicet ex eo, quod nullus eorum ſit Catholicus, ſed quilibet eorum aut eſt hæreticus, aut erroneus, aut ſcandalofus.

XXVI. Non eo ipſo, quo Electores, vel major pars eorum conſenſerit viva voce ſecundum ritum hominum in perſonam aliquam, eo ipſo illa perſona eſt legitime electa, vel eo ipſo eſt verus & manifeſtus Succesor, vel Vicarius Petri Apoſtoli, vel alterius Apoſtoli in Officio Eccleſiaſtico: unde ſive Electores bene, ſive male elegerint, operibus electi debemus credere. Nam eo ipſo, quo quis copioſius operatur meritorie ad profeſſum Eccleſiæ, habet a Deo ad hoc copioſius poteſtatem.

XXVII. Non eſt ſcintilla apparentiæ, quod oporteat eſſe unum Caput in Spiritualibus Regens Eccleſiam, quod ſemper cum ipſa Eccleſia militante converſetur, & conſervetur.

XXVIII. Chriſtus ſine talibus monſtruofis capitibus per ſuos veraces diſcipulos, ſparſos per orbem terrarum, melius ſuam Eccleſiam regularet.

XXIX. Apoſtoli & fideles Sacerdotes Domini ſtrenue in neceſſariis ad ſalutem regularunt Eccleſiam, antequam Papæ officium foret introductum: ſic facerent, deficiente per ſummæ poſſibile Papam, uſque ad diem judicii.

XXX. Nullus eſt Dominus civilis, nullus eſt Prælatiſſimus, nullus eſt Episcopopus, dum eſt in peccato mortali.

Super præmiſſis autem articulis, quilibet de eis ſuſpectus, ſeu in eorum aſſertione deprehenſus, juxta modum inſerretur inſcriptum.

Inprimis: utrum cognoverit Joannem Wicleff de Anglia, Joannem Huſs de Bohemia, Hieronymum de Praga, ſeu aliquem eorum: & unde habuerit eorum notitiam, & utrum cum eis, vel eorum aliquo, dum viverent, converſationem vel amicitiam habuerit.

Item utrum ſciens ipſos, ſeu aliquem ipſo.

ipforum excommunicatos, scienter participaverit cum illis, reputans & dicens, talem participationem non esse peccatum.

Item utrum post mortem eorum pro eisdem, seu aliquo eorum oraverit, & publice vel occulte opera pietatis exercuerit, asserens eos fore beatos & salvos.

Item utrum eos vel aliquem eorum sanctos reputaverit & dixerit, & eis venerationes velut sanctis exhibuerit.

Item utrum credat, & teneat, & asserat, quod quodlibet Concilium generale, & etiam Constantiense universalem Ecclesiam repræsentet.

Item utrum credat, quod illud, quod sacrum Concilium Constantiense, universalem Ecclesiam repræsentans, approbavit, & approbat in favorem fidei, & ad salutem animarum, quod hoc est ab universis Christi fidelibus approbandum & tenendum: & quod condemnavit, & condemnat, esse fidei vel bonis moribus contrarium; hoc ab eisdem esse tenendum pro condemnato, credendum & asserendum.

Item utrum credat, quod condemnationes Joannis Wicleff, Joannis Hufs, & Hieronymi de Praga factæ de personis eorum, libris & documentis per sacrum generale Constantiense Concilium, fuerint rite & iuste factæ, & a quolibet Catholico pro talibus tenendæ & firmiter asserendæ.

Item utrum credat, teneat, asserat, Joannem Wicleff de Anglia, Joannem Hufs de Bohemia, & Hieronymum de Praga, fuisse hæreticos, & pro hæreticis nominandos ac deputandos, & libros & doctrinas eorum fuisse & esse perverfos: propter quos & quas, & eorum pertinacias, per sacrum Concilium Constantiense pro hæreticis sunt condemnati.

Item utrum habeat in sua potestate aliquos tractatus, opuscula, epistolas, vel quæcumque alia scripta in quocumque idiomate, per Joannem Wicleff, Joannem Hufs, & Hieronymum hæreticos, seu eorum pseudodiscipulos & sequaces editos, vel translatos, edita, vel translata; quod illos vel illa Ordinario loci, vel

eius Commissario seu Inquisitori sub iuramento præsentet.

Quod si apud se scripta hujusmodi se habere non cognoverit, sed alibi; quod juret, illa circa suum Ordinarium, vel alios supradictos, infra certum terminum sibi præfigendum deponere.

Item utrum sciat aliquem, vel aliquos habentes præfatorum tractatus, opuscula, epistolas, vel quæcumque alia scripta, in quocumque idiomate composita, sive translata, quod illum, quod illos detegat, vel manifestet pro purificatione fidei, sive executione iustitiæ.

Item specialiter litteratus interrogatur, utrum credat sententiam sacri Constantiensis Concilii super quadraginta quinque Joannis Wicleff, & Joannis Hufs triginta articulis superius descriptis latam, fore veram & Catholicam: scilicet, quod supradicti quadraginta quinque articuli Joannis Wicleff, & Joannis Hufs triginta, non sunt Catholici, sed quidam ex eis sunt notorie hæretici, quidam erronei, (a) alii temerarii & seditiosi, alii piarum aurium offensivi.

Item utrum credat & asserat, quod in nullo casu sit licitum jurare.

Item utrum credat, quod ad mandatum Judicis iuramentum de veritate dicenda, vel quodlibet aliud ad causam opportunum, etiam pro purificatione infamiae faciendum, sit licitum.

Item utrum credat, quod perjurium scienter commissum, ex quacumque causa vel occasione, pro conservatione vitæ corporalis propriæ, vel alterius, etiam in favorem fidei, sit formale peccatum.

Item utrum credat, quod deliberato animo contemnens ritum Ecclesiæ, cærimonias Exorcismi & Catechismi, aquæ baptismatis consecratæ, peccet mortaliter.

Item utrum credat, quod post consecrationem Sacerdotis in Sacramento Altaris sub velamento panis & vini, non sit panis materialis, & vinum materiale, sed idem per omnia Christus, qui fuit in Cruce passus, & sedet ad dexteram Patris.

Item

(a) MSS. addunt: alii blasphemi, alii periculosi.

Item utrum credat & asserat, quod facta consecratione per Sacerdotem, sub sola specie panis tantum, & præter speciem vini, sit vera Caro Christi & Sanguis, & anima, & Deitas, & totus Christus, ac idem corpus absolute, & sub una qualibet illarum specierum singulariter.

Item utrum credat, quod consuetudo communicandi personas laicales sub specie panis tantum, ab Ecclesia universalis observata, & per sacrum Concilium Constantiæ approbata, sit servanda sic, quod non liceat eam reprobare, aut sine Ecclesiæ auctoritate pro arbitrio immutare. Et quod dicentes pertinaciter oppositum præmissorum, tamquam hæretici vel sapientes hæresim, sint arcendi & puniendi.

Item utrum credat, quod Christianus contemnens susceptionem Sacramentorum confirmationis, vel extremæ unctionis, aut solemnizationis matrimonii, peccet mortaliter.

Item utrum credat, quod Christianus ultra contritionem cordis, habita copia Sacerdotis idonei, soli Sacerdoti de necessitate salutis confiteri teneatur, & non laico, seu laicis quantumcunque bonis & devotis.

Item utrum credat, quod Sacerdos in casibus sibi permixtis possit peccatorem confessum & contritum a peccatis absolvere, & sibi pœnitentiam injungere.

Item utrum credat, quod malus Sacerdos cum debita materia & forma, & cum intentione faciendi, quod facit Ecclesia, vere conficiat, vere absolvat, vere baptizet, & vere conferat alia Sacramenta.

Item utrum credat, quod beatus Petrus fuerit Vicarius Christi, habens potestatem ligandi, & solvendi super terram.

Item utrum credat, quod Papa Canonice electus, qui pro tempore fuerit, ejus nomine proprio expresso, sit Successor beati Petri habens, supremam auctoritatem in Ecclesia Dei.

Item utrum credat, auctoritatem jurisdictionis Papæ, Archi-Episcopi, & Episcopi in solvendo & ligando esse majorem auctoritate simplicis Sacerdotis, etiam si Curam animarum habeat.

Tomus V. Concilior. German.

Item utrum credat, quod Papa omnibus Christianis vere contritis, & confessis ex causa pia, & iusta possit concedere indulgentias in remissionem peccatorum, maxime pia loca visitantibus, & ipsis manus suas porrigentibus adjutrices. Et,

Utrum credat, quod ex tali concessione visitantes Ecclesias ipsas & manus adjutrices eis porrigentes, hujusmodi indulgentias consequi possint.

Item utrum credat, quod singuli Episcopi suis subditis secundum limitationem sacrorum Canonum, hujusmodi indulgentias concedere possint.

Item utrum credat, & asserat, licitum esse, Sanctorum Reliquias, & imagines Christi fidelibus venerari.

Item utrum credat, religiones ab Ecclesia approbatas, a sanctis Patribus rite & legitime introductas.

Item utrum credat, quod Papa vel alius Prælatus propriis nominibus Papæ pro tempore expressis, vel ipsorum Vicarii, possint suum subditum Ecclesiasticum, sive sæcularem, propter inobedientiam, sive contumaciam excommunicare, ita quod talis pro excommunicato sit habendus,

Item utrum credat, quod inobedientia sive contumacia excommunicatorum crescente, Prælati, vel eorum Vicarii in Spiritualibus habeant potestatem aggravandi, & reaggravandi, interdictum ponendi, & brachium sæculare invocandi; & quod illis censuris per inferiores sit obediendum.

Item utrum credat, quod Papa, vel alii Prælati, & eorum Vicarii in Spiritualibus habeant potestatem, Sacerdotes & laicos inobedientes & contumaces excommunicandi, ab Officio, Beneficio, ingressu Ecclesiæ, & administratione Ecclesiasticorum Sacramentorum suspendendi.

Item utrum credat, quod liceat personis Ecclesiasticis absque peccato hujus mundi habere possessiones & bona temporalia.

Item utrum credat, quod laicis ipsa ab eis auferre potestate propria non liceat; imo quod sic auferentes, tollentes, & invadentes bona ipsa Ecclesiastica, sint

M

tam-

tamquam sacrilegi puniendi, etiam si male viverent personæ Ecclesiasticæ, bona huiusmodi possidentes.

Item utrum credat, quod huiusmodi ablatio & invasio cuicumque Sacerdoti, etiam male viventi, temere vel violenter facta, vel illata, inducat sacrilegium.

Item utrum credat, quod liceat laicis utriusque sexus, viris scilicet & mulieribus, libere prædicare Verbum Dei.

Item utrum credat, quod singulis Sacerdotibus libere liceat prædicare Verbum Dei, ubicumque, quandocumque & quibuscumque placuerit, etiam si non sint missi.

Item utrum credat, quod omnia peccata mortalia, & specialiter manifesta, sint publice corrigenda & extirpanda.

Volumus insuper ac statuimus, & decernimus, quod si quis per secretam informationem per vos recipiendam, vel alias repertus fuerit infamatus, seu suspectus de quacumque specie hæresis pestiferæ, sectæ, vel doctrinæ pestilentium Joannis Wicleff, Joannis Hufi, & Hieronymi de Praga hæresiarcharum prædictorum; aut de fovendo, receptando, defendendo præfatos damnatos homines, dum viverent in humanis; vel ipsorum perfidos sequaces, & pseudo-discipulos, aut ipsorum erroribus credendo, pro ipsis defunctis, vel aliquo ipsorum, post obitum orando, vel inter Catholicos nominando & defendendo, vel ipsos, ut sanctos colendo, prædicando, vel adorando, vel alias circa eos suspecte agendo, citeatur per vos seu alterum vestrum, personaliter coram vobis seu altero vestrum compariturus, semotis Procuratore & Advocato, responsurus medio iuramento per ipsum sic (ut prædictum est) corporaliter præfatio, de plana & mera veritate dicenda super prædictis articulis, seu eorum singulis, vel aliis opportunis, secundum exigentiam casus, & occurrentium circumstantiarum ad arbitrium vestrum, & prout vobis, seu alteri vestrum videbitur expedire, vel alias contra eodem ipsorum singulos (prout præsentibus exprimitur, vel alias) Canonice procedatis: nec non præfatas literas, exclusis articulis & interrogatoriis superius positis atque omisissis, in civitatibus, Diœ-

cesibus, terris & locis aliis; ubi tute fieri poterit, autoritate nostra solemniter publicetis, & publicari faciatis, omnes & singulos hæreticos huiusmodi, nec non sectatores ipsarum hæresum & errorum, utriusque sexus, tenentes & etiam defendentes eosdem, aut hæreticis ipsis quomodolibet publice, vel occulte in Divinis, vel alias participantibus, etiam si Patriarchali, Archiepiscopali, Episcopali, Regali, Reginali, Ducali, aut alia quavis Ecclesiastica, vel mundana præfulgeant dignitate: nec non Advocatos & Procuratores, quoslibet, qui hæreticos huiusmodi, aut credentes, sequaces fautores, defensores & receptatores super crimine hæresis, aut credulitatis, sequelar, fautorie, defensionis, & receptionis huiusmodi defenderint, excommunicatos singulis diebus Dominicis, & Festivis in præsentia populi nuntietis, & per alios nuntiari faciatis. Et nihilominus contra eosdem omnes & singulos utriusque sexus, huiusmodi errores tenentes, approbantes, defendentes, dogmatizantes, ac fautores, & receptatores, & defensores eorundem, exemptos & non exemptos, & quemlibet ipsorum, cujuscumque dignitatis, status, præeminentiæ, gradus, ordinis, vel conditionis (ut præfertur) existunt, autoritate nostra diligenter inquirere studeatis: & eos, quos per inquisitionem huiusmodi diffamatos, vel per confessionem eorum, seu per facti evidentiam, vel alias huiusmodi hæresis & erroris labe resperfos reperietis, autoritate prædicta etiam per excommunicationis, suspensionis, & interdicti, nec non privationis dignitatum, Personatum, & Officiorum, aliorumque Beneficiorum Ecclesiasticorum, ac feudorum, quæ a quibuscumque Ecclesiis, Monasteriis, ac aliis locis Ecclesiasticis obtinent, ac etiam bonorum, & dignitatum secularium, ac graduum scientiarum quarumcumque facultatum, & per alias penas, sententias & censuras Ecclesiasticas, ac vias, & modos, quos ad hoc expedire, seu opportunos esse videritis, etiam per captiones & incarcerationes personarum, & alias penas corporales, quibus hæretici puniuntur, seu puniri jubentur, aut solent juxta Canonicas sanctiones. Similiter & Clericos ipsos, & Ecclesiasticas personas usque ad degradationem

tionem inclusive, si eorum culpa ac pertinacia vel rebellio id exigat, aut requiratur, corrigatis & puniatis, ac diligenter corrigi & puniri faciatis: nec non contra eosdem, ipsorum, laicorumque bona secundum Canonicas sanctiones & legales, contra hæreticos & eorum sequaces editas, quibus eosdem sectatores sive sequaces subjacere decernimus, animose confurgatis juxta modum & formam supradictos. Et qui de præmissis hæresibus vel articulis, vel aliquo præmissorum infamati fuerint, ad arbitrium vestrum se purgare teneantur. Alii vero qui per testes seu propriam confessionem, vel alias legitimas probationes convicti fuerint de prædictis hæresibus vel articulis, vel aliquo præmissorum, eosdem articulos, & errores solemniter, & publice revocare, abjurare, pœnitentiam condignam, etiam ad immurationem (si delictum exegerit) subire cogantur: nec non quod errores & hæreses hujusmodi, cujuscumque generis, vel speciei censeantur, de cetero verbo, nutu, vel facto non fovebunt, seu alios ad credendum illis verbo, vel de facto, publice vel occulte, directe vel indirecte, aut alio quovis modo inducent, sufficientem & idoneam cautionem præstare teneantur. Quodsi forsan eosdem articulos solemniter, & publice revocare & abjurare, & pœnitentiam condignam, etiam ad immurationem perpetuam, vel temporalem juxta vestræ discretionis arbitrium, sine dilatione subire, ac sufficientem cautionem, quod errores & hæreses ipsas de cetero non tenebunt, nec fovebunt, nec alios ad credendum, vel verbo, vel facto, publice & occulte, directe vel indirecte, vel quovis quæsito colore inducant, præstare, seu aliquid præmissorum facere voluerint, extunc contra ipsos juxta qualitatem errorum ac delictorum suorum (etiam si expediat) tamquam contra hæreticos, aut hæretica labe resperfos, autoritate nostra juxta Canonicas & legales sanctiones summarie & simpliciter, ac de plano sine strepitu, & figura judicii, & etiam ex officio, appellatione, seu appellationibus quibuscumque cessantibus procedatis, ac ipsos juxta easdem Canonicas traditiones puniaris, etiam si opus fuerit, curiæ seculari relinquendo, contradictores per censuram Ecclesiasticam, appellatione post-

posita, compescendo, invocato ad hoc (si opus fuerit) auxilio ejusdem brachii secularis. Non obstantibus tam felicitis recordationis Bonifacii Papæ octavi Prædecessoris nostri, qua cavetur, ne quis extra civitatem & Diocesim suam, nisi in certis exceptis casibus, & in illis ultra unam diætam a fine suæ Diœcesis ad judicium evocetur, seu ne judices a Sede Apostolica deputati extra civitatem & Diocesim, in quibus deputati fuerint, contra quoscumque procedere, sive alii, vel aliis vices suas committere, aut aliquos ultra unam diætam a fine Diœcesum eorumdem trahere præsumant, & de duabus diæti in Concilio generali, quam aliis quibuscumque constitutionibus Romanorum Pontificum, tam a judicibus delegatis, quam personis ultra certum numerum ad judicium non vocandis, aut aliis editis, quæ possint in hac parte vestræ jurisdictioni aut potestati, ejusque libero exercitio quomodolibet obviare, seu si aliquibus communiter vel divisim ab eadem sit sede indultum, quod interdici, suspendi, vel excommunicari, seu ultra vel extra loca ad judicium evocari non possint, per literas Apostolicas non facientes plenam & expressam, ac de verbo ad verbum de indulto hujusmodi & eorum personis, locis, & ordinibus, & nominibus propriis mentionem, & qualibet alia dictæ Sedis indulgentia generali vel speciali, cujuscumque tenoris existat, per quam præsentibus non expressam, vel totaliter non insertam, vestræ jurisdictionis explicatio in hac parte valeat quomodolibet impediri, & de qua cujusque toto tenore de verbo ad verbum in nostris litteris habenda sit mentio specialis. Datum Constantiæ octavo Kalendas Martii, Pontificatus nostri anno primo.

MARTINUS & C. AD PERPETUAM REI MEMORIAM.

IN eminentis Apostolicæ dignitatis specula superni dispositione consilii constituti, inter sollicitudines alias innumerabiles nostris humeris incumbentes, assidua cura revolvimus, & in votis nostris gerimus desideranter, ut Fides Catholica, quæ Christianæ religionis firmissimum est fundamentum, nostris

prosperetur temporibus, ac a contagio-
 nis hæreticorum dogmatibus, quibus il-
 lam quasi tenebrosi fumi caligine obcu-
 rare fatagunt, conservetur, hæreticaque
 pravitas de finibus fidelium exstirpetur;
 ne innoxii & religione huiusmodi insigni-
 titi, huiusmodi dogmatibus, instigante
 etiam satore malorum operum, infici va-
 leant, & involvi. Sane cum dudum
 damnatæ memoriæ Joannes Hufs de Bo-
 hemia, & Hieronymus de Praga hære-
 sum quondam nefandæ memoriæ Joan-
 nis Wicleff de Anglia, pertinacis hæretici,
 reprobī sectatores, puritatem & splen-
 dorem ipsius fidei, nec non immacula-
 tam Ecclesiam, Domini nostri JESU
 CHRISTI Sponsam, vulpina calliditate
 per diversas doctrinas sacrilegas, atque
 errores multifarios partim inferius desig-
 natos obumbrare, ac Regni Bohemiæ,
 & partium illi vicinarum incolas inficere,
 eisque pestiferum virus inferre per tem-
 pus & tempora, nequiter in suarum,
 nec non incolarum prædictorum, ac alio-
 rum animarum periculum, & scandala
 plurimorum molirentur, Baldassiar
 tunc Joannes XXII: in sua obedientia,
 de qua partes illæ fuerant, nuncupatus,
 volens, prout suo incumberebat officio,
 huiusmodi doctrinas & errores e mundi
 limitibus evellere, & penitus exstirpare,
 habitis primitus, & præcedentibus di-
 versis tam autoritate Apostolica, quam
 nonnullorum Archi-Episcoporum in suis
 Conciliis & locis, insignibus super iis
 processibus, in Concilio per eum tunc
 Romæ celebrato ad ulteriora procedens,
 libellos, volumina, tractatus, libros, sive
 opuscula ipsius Joannis Wicleff, doctri-
 nas & errores huiusmodi continentes, de
 quibus infra fit mentio, condemnavit;
 mandans illos & illa publice concremari;
 districtius etiam inhibendo, ne quis
 Christi nomine insignitus, aliquem, vel
 aliquos, seu aliqua ex dictis libellis, vo-
 luminibus, tractatibus, & libris, sive
 opusculis legere, exponere, docere, vel
 tenere, aut illis quomodolibet uti, vel
 illos, nisi in ipsorum reprobationem, al-
 legare publice vel occulte auderet; ac
 universis ipsius Joannis Wicleff tunc de-
 functi memoriam, quominus de hæresi
 damnaretur, defendere volentibus ter-
 tium tunc expressum terminum assigna-
 vit; & etiam in generali Constantien-
 si

Concilio ad nonnullos alios actus super
 præmissis processit: subsequentes vero,
 postquam ipse Baldassiar (tunc Joannes
 XXII.) dictæ obedientiæ præfati Constantien-
 sis Concilii crebris clamoribus deducto,
 quod supradictus Joannes Wicleff di-
 versos, & inter alios Dialogum, & Tria-
 logum per ipsum nominatos libros, at-
 que opuscula & volumina composuerat;
 in quibus inter cætera quadraginta quin-
 que damnabiles inseruerat & dogmatiza-
 verat erroneos articulos, prout Joannes
 Hufs & Hieronymus supradicti, non-
 nullorum potentum etiam sequacium di-
 ctorum errorum, protectione suffulti
 legerent, & etiam dogmatizarent; sim-
 plicibus primo bonum vinum ponentes,
 paulatim fel draconis in calice Babylo-
 nis, persuasibilibus humanæ sapientiæ
 verbis contra ipsius Catholicæ fidei veri-
 tatem procaciter instillando; ac igno-
 rantes Dei justitiam, & propriam glori-
 am inaniter quærentes statuere: molli-
 endo super oleum sermones suos, quibus
 tamquam jaculis corda vulnerabant in-
 firmorum, linguas suas acuendo, ut
 immaculatos interimerent in occulto;
 ex quibus multa scandala atque damna,
 & animarum pericula in Bohemiæ supra-
 dicto, & Angliæ regnis sunt secuta: præ-
 dictum Constantiense Concilium, quia
 per diligentem inquisitionem super hoc
 de ejus mandato factam præmissa & plu-
 ra alia reperit fore vera atque notoria;
 idcirco prædictos per eundem Baldassa-
 rem (tunc Joannem XXIII.) ut præfertur,
 habitos processus approbando, eosdem
 quadraginta quinque articulos, & quo-
 scumque alios libros, tractatus & opus-
 cula, per eundem Joannem Wicleff
 conceptos atque factos reprobavit; nec
 non illos & illa, ac memoriam ipsius
 Joannis Wicleff damnavit; ipsum fuisse
 & esse notorium, & pertinacem hæreti-
 cum, ac in hæresi peccassisse, nihilomi-
 nus declarando: nonnullorum quoque
 temerariam assertionem, adstruere præ-
 sumentium, Eucharistiæ Sacramentum
 sub utraque scilicet panis & vini specie,
 a fidelibus ipsis sumendum, similiter re-
 probavit. Et deinde postquam nutu
 Dei, cujus in comprehensibilia sunt ju-
 dicia, Joannes Hufs (b) etiam a non-
 nullis

(b) mancus sensus.

nullis murmure gerebantur, aliquorum potentum sæcularium salvo conductu suffultus personaliter venerat, ac Hieronymus prætatus adductus fuerat, ut consummarentur peccata illorum, ad Constantiense Concilium: supradictum utique Concilium ipsum, quia ex fama publica ad eos devenerat, Joannem Huf, & Hieronymum prædictos præfatis erroribus esse implicatos, ipsos carcerali custodia successive mancipari, & ibidem tamdiu teneri fecerat, quousque super præmissis veritas eluceret. Tandem cum de prædictis essent sententialiter convicti, præfatum Constantiense Concilium triginta erroneos articulos dicti Joannis Huf, nec non quemdam libellum per ipsum compositum, & per eum de Ecclesia intitulatum, qui etiam inferius describitur, similiter reprobavit: ac eundem Joannem Huf Presbyterum prius caritative monitum, ut errores ipsius prædictos, prout de jure facere tenebatur, solemniter & publice abjuraret & revocaret; ipso tamen in sua pertinacia damnabiliter persistente, a suis ordinibus degradatum, nudatum quoque & privatum omni privilegio Clericali, de crimine hæresis condemnavit, & nihilominus, quod ex quovis salvo conductu per quemcumque Principem sæcularem concessum, nullum fidei Catholicæ & jurisdictioni Ecclesiasticæ præjudicium generaretur, declaravit; & subsequenter dictum Concilium præfatum Hieronymum laicum, Magistrum in artibus, in hæresim errorum suorum, quos prius similiter caritativis monitis in Concilio supradicto abjuraverat & revocaverat, prout infra continetur, velut canis ad vomitum reproba temeritate relapsus, etiam de crimine hæresis condemnavit. Verum quia non sine displicentia grandi ad nostrum pervenit auditum, quod nonnulli Joannis Huf & Hieronymi prædictorum, quos sæcularis potestas propter eorum demerita & peccata, ignis incendio justitia exigente consumpsit, reprobi sequaces, & affectæ, in profundum malorum descendentes, fidei animas damnabiliter lauciantes, ad

huc prædictas hæreses sequi, ac dogmatizare non sine Divini numinis offensa, & (c) opprobrium fidei supradictæ conantur, in hujusmodi animarum periculum & scandalum plurimorum; & nimis grave existeret ad exterminationem pravitatis prædictæ non agere, quod ipsius contagiosa enormitas agendum requirit; ideo ad Dei Gloriam & ejusdem fidei augmentum, prout ex debito Nobis commissi officii incumbit, sectam deestabilem, & præmissos ipsius execrandos errores, ne propagentur ulterius, & corda fidelium corrumpant, extirpare, errantesque hujusmodi in viam veritatis reducere, ac animas eorum Deo sua Nobis cooperante gratia lucrifacere totis conatibus affectantes, præmissa omnia & singula, nec non ea, quorum tenores inferius describuntur & annotantur, ad publicam notionem cunctorum fidelium præsentium, & memoriam futurorum deduci volumus per præsentem, ne quisquam affectatam, seu quamvis aliam valeat ignorantiam prætere, seu quælibet allegare, sed potius certitudinaliter de iis, quæ pro extirpatione hujusmodi hæresum, & errorum tam Joannis Wicleff, quam Joannis Huf, & Hieronymi prædictorum hætenus gesta fuerunt, informetur. &c.

Hic inserta est Bulla Joannis XXIII. contra eosdem errores, edita in Concilio Romano anno 1412.

2do. *Bulla executoria ejusdem, data Romæ IV. Nonas Februarii anno 1412.*

3tio. *Decretum Concilii Constantiensis contra errores Wicleff, editum Sess. VIII. anno 1415.*

4to. *Decretum ejusdem Concilii Sess. XXI. contra Hieronymum de Praga.*

5to. *Decretum ejusdem Concilii Sess. XXV. quæ incipit: Quia teste veritate.*

Demum conclusio Bullæ: In eminentis, borum omnium Confirmatoria. Datum Constantiæ VIII. Kal. Martii, anno primo Pontificatus.

Harduinus Tom. VIII. Concil. pag. 906. ex primæ editione Hagnoana.

Cl. Hardius in *Indice generali* Tomo VII. *rerum Constantiensis Concilii* narrat, duas Bullas MARTINI V. de anno 1418. VIII. Kal. Martii, datas Constantiæ (unam, quæ inchoatur: *Inter cunctas*, jam hic editam, alteram: *In eminentis*, vulgatam ab Raynaldo

ad annum 1415. Tomo XVIII. *Annal. Ecclesiast.* pag. 77. & ab Cl. Harduino Tomo VIII. *Concilior.* pag. 918. & ab Schelestrato ex *Regeſto authentico variorum Martin. V.* in diſcepcionem venire, utrum ſint Confirmatoriæ Concilii Conſtantiſis, inter Scheleſtratum ex una, & Richerium ac Maimburgum ex altera. Eo quod hi Scriptores diſſideant in ea quaſtione: *An Concilium ſit ſupra Papam?* Cl. Fleury *Hiſtoria Eccleſiaſtica* Tomo XXI. Lib. CIV. No. CXI. pag. 478. poſtquam obſervaviſſet has duas Bullas, non omnino concordare in verbis: eo quod prima *Inter cunctas*, videatur aſſerere Bullam in & cum Concilio editam, *ſacro approbante Concilio*: quæ verba non habet 2da Bulla, ac ſi ſolius Papæ auctoritate edita fuiſſet. Addit ſuam animadverſionem: ex utraque Bulla conſci Superioritatem Concilii Oecumenici ſupra Papam hoc argumento: Inter quaſtiones proponendas hæretico ad Eccleſiam redituro, hæc interrogatio aſſirmanda proponitur: *Utrum credat, teneat, & aſſerat, quod quodlibet Concilium Generale, & etiam Conſtantiſe, Univerſalem Eccleſiam repreſentet? Item utrum credat, quod illud, quod S. Concilium Conſtantiſe Univerſalem Eccleſiam repreſentans, approbavit, & approbat in favorem Fidei, & ad ſalutem animarum, quod hoc eſt ab univerſis Chriſti Fidelibus approbandum & tenendum?*

Quibus relatis pergit ratiocinando: atqui Concilium Conſtantiſe aſſeruit Seſſione V. Concilium habere a Chriſto immediate poteſtatem ſupra omnes perſonas etiam Papales, qui eidem obedire tenentur, & poſſunt puniri, niſi obediant. Ergo definita eſt Catholica Fide hæc Theſis, quod Concilium ſit ſupra Papam.

Jam Cl. Scheleſtratus reſponderat Gallis: quod ea tantum, quæ Concilium *quoad favorem Fidei* approbaſſet, vel damnaſſet, approbare, vel damnare teneatur Catholicam fidem amplexurus: Deinde Concilium hoc non definiit absolute, Concilia generalia habere a Chriſto poteſtatem ſupra Pontifices, ſed tantum pro tempore ſchiſmatis, quando neſcitur, quis ſit verus Papa; nam dubius Papa habetur pro non Papa, & proinde habere ſuper illum poteſtatem non eſt habere poteſtatem in Papam. Ita *Bellarminus*.

Cæterum Bullæ: *Inter cunctas*, &: *In eminentis*, damnatos errores in Concilio Conſtantiſi Seſſ. VIII. contra Wicleſſum: Seſſ. XV. contra Huſſum: Seſſ. XXI. contra Hieronymum Pragenſem, ruſſum condemnant.

DIARIUM HUSSITICÆ DAMNATIONIS ET COMPLICUM.

MCCCCXIV. XXVI. Auguſti Joannes Huſſus Pragæ triplici libello divulgato linguis Latina, Teutonica, Bohemica profeſſus erat, ſe iturum Conſtantiam ad reſpondendum de doctrina ſua, de qua accuſabatur, omnes adverſarios ſuos monens, ad eſſent ibidem, ad eum coarguendum: qui ſi eum vel minimi erroris in fide convincerent, non reculare ſe ſubire quaſcumque hæretici poenas. Agnovit ergo ſemper Concilium Conſtantiſe judicem ſuum in materia Fidei.

XX. Octobris Praga exivit.

XXVIII. Octobris Cæſar Sigismundus dederat Spiræ literas ſalvi commeatus, ne quid violentiæ injuſtæ in via ei accideret, adjecto præcepto ſub poena capitis, ne Conſtantia diſcederet. *Brovius* Literas Imp. exhibit, datas Spiræ xviii. Octobris anno MCCCCXIV.

III. Novembris Conſtantiam advenit. In hoſpicio libere agere permiſſus, errores Wicleſſi diſſeminavit voce & libris.

Monitus cum deſiſtere nolle, teſte *Cervetano in Diario MS. apud Brovium*, ductus eſt ad Pontificem Joannem xxiii., a quo xxviii. Novembris A. MCCCCXIV. cuſtodix cauſa incluſus fuit, ne ſpargere hæreſes pergeret.

Huſſus videns e Clero Bohemico adveſtos accuſatores, & multos adverſarios ſuæ doctrinæ, cepit fugam circumſpicere, & curru ruſtico ſtraminibus oppleto teſtus elabi voluit. Hic curruſ erat Joannis de Latzenbog amici Huſſi. Magiſtratus urbanus Conſtantix monitus fugitivum perſequitur, & interceptum Conſtantiam reducit ad Palatium Papæ. *Naucleus generat.* 48. pag. 437.

437. *M. Cevifart L. Histoire du Concile de Constance L. I. pag. 56.*

Ulricus Reichenthal Chori-Episcopus Constantiensis, & Conradus Dacher Consiliarius Electoris Saxoniae, auctores coevi, narrant, secunda vice Hussium tentasse fugam ex urbe Constantia A. mccccxv. iii. martii ex suo hospitio: sed forte in die & loco unde errant. Nam ut ait *von der Hardt in factis Concilii Constantiensis præviis Tomo IV. in arctiorem custodiam* iii. Martii apud Franciscanos traditus fuit, cum antea in Cœnobio Prædicatorum reclusus fuisset, credo ob tentatam secundam fugam.

I. Decembris deputantur Cardinales examinatores Joannis Hussi. X. Decembris Cæsar imperat Hussium e carcere liberum dimitti.

MCCCCXV. I. Januarii Deputati congregati fuerunt super inquisitione iustitiæ Hussi per Cæsarem non impedienda.

III. Januarii Hussus in carcerem apud Dominicanos recluditur.

XXII. Januar. Hussus Episcopo Constantiensis traditus, Constantia Gottesium vehitur & includitur.

VI. Aprilis Sessio quinta Generali: proponitur causa Hussi, in proxima Sessione tractanda.

XI. Aprilis congregati Deputati quatuor Nationum, Hieronymo de Praga Salvum conductum dant, *Salva semper iustitia.*

XPVII. Aprilis, Sessio VI. Generalis, constituti Commissarii in causa Hussi: de libris & articulis Wicleffi sententia Cardinalium postulata.

XPVIII. Aprilis Hieronymus de Praga citatus prima vice. Congregati Cardinales & Theologi super articulis Wicleffi examinandis.

XXV. Aprilis Hieronymus de Praga Constantia fugit: in itinere Hirsavie captus fuit.

I. Maji denuo idem citatur.

II. Maji celebrata Sessio VII. Generalis. Decreta nova Sessio in diem IV. maji de Wicleffo damnando.

IV. Maji Sessio VIII. Memoria Wicleffi cum ejus articulis & libris damnata, hæreticus declaratus, mandantur ossa exhumari.

XIII. Maji Sessio IX. Hieronymus de Praga tertio citatus.

XXI. Maji Congregatio publica contra Hussium, & ejus Salvum conductum, quem multis modis violaverat.

XXIII. Maji Hieronymus captivus Constantiam reducit.

XXV. Maji Sessio Generalis XI.

XXVIII. Maji Deputati in causa Hussi pro formandis articulis.

XXIX. Maji Sessio Generalis XII.

XXX. Maji congregatae Nationes de Hussio e carcere Gollesienfi Constantiam reducto, publice examinando, Bohemorum libelli supplices oblatis pro Joanne Hussio: responsum iisdem, proxime auditum iri Joannem.

I. Junii Hussitæ sententiam Hussi exponunt, ad quorum revocationem Hussi invitatur.

V. Junii Hussi primum publice auditus.

VII. Junii secunda vice

VIII. Junii pro tertia vice examinatus: articuli XXVI. damnati, & alii propositi: frustra ad eorum revocationem Hussus invitatur.

IX. & XIII. Junii eadem pertinacia invitantibus ad revocationem resistit.

XP. Junii Sessio Generalis XIII.

XXX. Junii datur Hussio Confessarius septiduo ante mortem.

II. III. IV. Julii Sessio Generalis XIV.

V. Julii Congregatio, in qua Hussus pertinaciæ suæ inhæret.

VI. Julii Sessio Generalis XV. Postquam Imperator, Cardinales, & Episcopi sæpissime eum hortati essent ad revocationem errorum; noluit vel unicum revocare, appellavitque ad Judicem JESUM CHRISTUM.

Demum Episcopus Constantiæ duas sententias legit: primam coram Hussio genuflexo, qua libri ejus omnes cum erroribus igni decernebantur; alteram, qua damnabatur ipse ad degradationem. Hactenus Ecclesia

Subiq

Subin degradatus juxta ritum ecclesiæ, ut laicus traditur brachio sæculari, Electori Palatino, & Magistratui urbis: post igni traditus: cineres Constantiæ in Rhenum pro-
jecti.

XI. Julii Sessio Generalis XVI.

XIX. Julii congregati Deputati. Hieronymus Pragensis e carcere in Concilium ductus, examinatus.

XXVII. Augusti Sessio Generalis XXVIII.

VIII. Septembris Hieronymus Pragensis ad revocationem invitatus.

XI. Septembris Hieronymus Pragensis prima vice revocavit errores.

XXIII. Septembris Sessio Generalis XIX. secunda vice idem revocat.

MCCCCXVI. XII. Aprilis Hieronymus Pragensis ad examen retractus.

II. Maji publice examinatus.

XXX. Maji Sessio Generalis XXI. Hieronymus relapsus, pertinax, damnatur ad rogam, & comburitur.

CAUSA SEXTA
CAPITULI & CIVITATIS Argentinenf.
CONTRA
WILHELMUM II. (a) Episc. Argent.

GRAVAMINA PRÆLATORUM, ET CÆTERI
CLERI METROPOLITANI (b) ARGENTINENSIS, CONTRA
EPISCOPUM WILHELMUM II. IBIDEM,
DE ANNO MCCCCXVI.

IN NOMINE DOMINI. AMEN.

ANno a Nativitate ejusdem Millesimo, quadringentesimo, sexto decimo, indictione nona, Apostolica Sede Pastore carente, coram Reverendissimis in Christo Patribus & Dominis, Dominis misericordie Divine, JOANNE, Patriarcha Constantinopolitano, & NICOLAO, Episcopo Merseburgensi, Nuntiis & Legatis sacrosancti Generalis Constantiensis Concilii, super unione & reformatione universalis Ecclesiæ sanctæ Dei congre-

gati ad civitatem, & Capitulum Argentinæ super liberationem, & relaxationem Domini WILHELMII, electi Argentinensis, per cives Argentinenses, & Capitulum antedictum personaliter detenti specialiter destinatis in civitate ipsa, & in loco, in quo Capitulum Ecclesiæ Argentinæ teneri consuevit, & tenetur existentibus, in meique Notarii publici, & testium infrascriptorum præsentia personaliter constituti, & existentes nonnulli Religiosi, & alii

- (a) Wilhelmus de Dießth, Episcopus Argentinensis LXXV, auctoritate Papæ ab Ecclesia Trajectensi transfertur ad Argentinensem 14. Decembris anno 1394. Sedit annos 44. Obiit Molsheim anno 1439. Pridie Nonas Octobris. Hic a civibus Argentinensibus captus fuit in Molsheim A. 1415. 7. Decembr. & Argentinam deductus. Hanc discordiam Episcopi & Civium, cum Moguntinus Archiepiscopus, & Marchio Badensis sopire non possent, ad Concilium Constantiæ res delata fuit.
- (b) Hanc erroneam inscriptionem fabricatus est *Cl. Lunigius*: certum est Argentinam nec hoc Sæculo, nec aliis Metropolim Ecclesiasticam fuisse, sed Episcopalem meram.

1415. 9. 10. 11. Decembris congregatæ Nationes pro liberando Episcopo Argentinensi Wilhelmo de Dießth. De Diez, *Laguillio*.
1416. 13. 14. Januarii Legati Concilii Argentorato Constantiam reversi.
1416. 15. Jan. Congregatio publica Constantiæ, in qua auditi Legati reversi Strasburgo.
1416. 16. 17. 18. 19. Jan. Congregatæ IV. Nationes in causa Argentinensi.
1416. 20. Jan. Congregatio generalis de Episcopo Argentinensi captivo.
1416. 10. Martii Monitorium contra Argentinenses pro Episcopo publicatum.

alii Viri Ecclesiastici, qui Abbates, & Archidiaconi, & alii Prælati civitatis & Diœcesis Argentin. dicebantur, & præsertim Dominus Burchardus, Abbas Monasterii Novillarensis, nec non Johannes Armbruster, Abbas Monasterii in Schutteren, & Johannes Wangenberg, Archipresbyter in Sletstad, nec non Jacobus Ris, Publicanus (c) Ecclesiæ St. Andreae Argentin., ut asserbatur, post debitam reverentiam eisdem Dominis Patriarchæ, & Episcopo Nuntiis, & Legatis antedictis per ipsos Dominos Abbates, Archipresbyteros, & Prælatos impensam, ipsi Dominis Nuntiis, & Legatis per Venerabilem & circumspexitum Virum, Dominum Hermannum Ritter, Advocatum Curia Argentin., nec non Clericum Capituli dictæ Argentin. Ecclesiæ ibidem præsentem, proponi fecerunt multa gravamina, & oppressiones, quibus ipsi, & Clerus Argentin. affligebantur per malum regimen prædicti electi, præsentantes, & exhibentes per eundem quendam papiri rotulum scriptum, cujus tenor de verbo ad verbum inferius est insertus, de malo regimine dicti Domini Argentin. electi, & oppressionibus ac violentiis ipsis factis per eundem, multipliciter conquerendo petentes humiliter, ac etiam postulantes, sibi super dictis oppressionibus, & violentiis, & aliis in ipso rotulo contentis, & expressis, ac malo regimine antedicto, per eosdem Dominos Nuntios & Legatos de optimo remedio providere. Tunc vero iidem Reverendissimi Patres Domini Patriarcha, & Episcopus, Nuntii & Legati prædicti huiusmodi rotulum benigne recipientes ipsis Dominis Abbatibus, Archidiaconis, & Prælatibus responderunt, se velle eis concedere omnia juridica, offerentes se paratos ipsis conquerentibus, si aliqua volebant intentare, juxta eorum possibilitatem ministrare justitiam. Tenor vero rotuli antedicti superius, ut præmittitur, præsentati, & recepti sequitur, & est talis: ...

Reverendi Patres: hii sunt defectus, & gravamina, quibus Prælati, & Clerus Argentin. Diœcesis hæcenus gravati sunt & fuerunt, circa quæ pro conservatione libertatis Status Ecclesiastici petunt eis provideri. Primo cum oportet, quid indistincte Ecclesiastici viri dictæ Diœcesis hæcenus a Domino WIL-

HELMO, electo & confirmato Argentinensi indefensi, sive sint religiosi Viri, Abbates, Præpositi, Proceres, &c. sive Clerici seculares juri stent coram laicis personis judicum, & districtuum Dominorum temporalium, & juri pereant laicis responderi querelis ipsorum, & a laicis recipiant justitiam, & decreto Judicum temporalium pereant cum effectu per præconesque laicorum eisdem mandata observent, & eorum advertant, & eisdem obtemperant indistincte, ob quæ, & qualia Monasteria, Conventus, Præbende eorum, & alia depauperati sunt, & depauperantur cotidie contra Ecclesiasticam libertatem, quia sua consequi non possunt. Secundo Prælati, & Clerus Diœcesis Argentin. hæcenus indefensi a dicto Domino WILHELMO electo, & non protecti, indistincte a laicis ad omnes exactiones, dacias, tallias, gabelas, & alia onera laicalia subeunda, & solvenda orantur, & compelluntur sine omni misericordia, etiam de bonis Monasteriorum, & quæ propriis sumptibus excolunt, ob quæ vires & facultates ipsorum exhaustæ sunt, & si exsolvere eadem recusant, tunc bona ipsorum de facto ab eis auferuntur. Tertio Viri Ecclesiastici, Religiosi, Abbates, Priores, & eorum Monasteria, nec non Clerici seculares indistincte in Diœcesi Argentin. propter indefensam Domini WILHELMI prædicti a laicis Dominis temporalibus ratione Advocatiæ, seu exactionis turpis, quam tamen exactionem Domini temporalem laici milites, & militares dictæ Diœcesis nominant, & nominare consueverunt, jus Advocatiæ omnem substantiam Cleri extorquent: nam aliquis Abbas Domino suo temporali annue sexaginta, vel octoginta modia frumenti advocatiæ nomine assignare annuo, & singulis annis compellitur: ex quibus pro cultu Divino peragendo Monachos suos alere debet, & sic juxta vires facultates indistincte omnes Ecclesiastici Viri extorquentur a laicis: & non tantum in hoc opprimuntur, verum etiam ad mandata laicorum operas serviles facere, & ministrare oportet eisdem, prout cæteri servi & villani, præstando carras seu quadrigas ipsorum, famulas, & alia animalia ipsorum in usus, & commoditatem laicorum Dominorum temporalium.

(c) Credo: Plebanus, seu Parochus.

Tomus V. Concilior. German.

poralium ad eorum nutum & beneplacitum, ob quæ vestigalia immensè gravantur. *Quarto*, quia a Domino WILHELMO, electo prædicto immensè hætenus spoliati, & deprædati sunt, variis viis: nam omni anno collectam habere voluit, & extorsit ab eisdem sine misericordia jam de qualibet marcha reddituum annuorum, quas Viri Ecclesiastici, Religiosi, & Sæculares possiderunt, quintam partem florenorum Renens. ut puta quatuor blapphardos: aliquando de marcha duos blapphardos: aliquando plus, hoc annue continuando, ob quæ annue Clerus tria millia florenorum cum quingentis florenis eidem exsolvit: aliquando vero duo millia, vel mille octingentos florenos. Insuper a quocumque Abbate, Abbatissa, Præposito, vel Priori electo a suo Conventu, & ab ipso confirmando pro conservatione prædicta facienda tantum extorsit, & extorquere consuevit a confirmando, & Monasterio suo, & indistincte omni tempore confirmationem sciente, quod vires facultates Monasteriorum ipsorum, exhaustis, & proprietates & possessiones Monasteriorum vendere coacti sunt, & fuerunt: nam pro confirmatione alicujus Abbatis, vel Abbatissæ jam sexingentos, jam septingentos, jam octingentos, jam quingentos, jam quadringentos florenos extorsit, & extorquere consuevit: & si infra anni spatium, vel quodcumque eundem confirmatum, vel confirmatam, decedere continebat, iterato tantum pro confirmatione novi electi, vel electæ habere voluit, prout prius extorsit ab eisdem. Insuper indistincte ad sui libitum quoscunque Sacerdotes suæ Diocesis, sine causa & ratione, causa extorquendi pecunias ab eisdem, cepit, incarceravit, & incarcerare consuevit, & rebus, & bonis eorum ad sui libitum spoliavit, & abstulit, tam in vita, quam post mortem ipsorum: non vocati in jus, non convicti, neque confessi: & ne similia inhumana eis contingant, decenter petunt, misericorditer eisdem providi de remedio. Insuper iudicia Ecclesiastica ordinaria, nec delegata in Diocesi Argentinenf. in Dominis Minorum temporalium, & Imperii propter indefensam Domini Wilhelmi progressum habere non possunt, nec

måndata Ecclesiastica reciperentur, nec publicare per aliquem Sacerdotem præsumerentur, nec per metum aliquem ad publicanda præsentari sine examinatione sui ipsius & metu corporum: quare nec decimas, census, nec debita ipsis, & eorum Monasteriorum, & Præbendis competentia consequi possunt, ob quæ depauperati sunt hætenus, & cotidie depauperantur, & petunt provideri eisdem, ut de cætero Mandata Ecclesiastica in Diocesi prædicta, & districtibus Dominorum temporalium recipiantur ob sua consequenda. Insuper silvas & nemora ipsorum Monasteriorum, & Religiosorum, Abbatum, Præpositorum, Priorum, & Ecclesiasticarum personarum, nec non bona & jura silvestria, seu forestaria ob indefensam antedicti Domini Wilhelmi electi, &c. Domini temporales recipiunt, & auferuntur ab eis indebite, & prædictis ipsis spoliant indistincte. Petunt similiter, ut hiis provideatur. Item juribus & operis servilibus tam in vita, quam post mortem debitibus & competentibus Abbatibus, Prioribus, Præpositis Monasteriorum, & aliis Religiosis locis a servis ascriptitiis, & aliis personis Monasteriorum eorundem, a Dominis temporalibus laicis spoliantur, & destituuntur, atque sibi titulo præsentæ advocatiæ sub ipsis has operas & jura usurpant & ascribunt in grave detrimentum Ecclesiasticarum personarum: item jura, jurisdictiones, & alia privilegia, quæ & quas viri Ecclesiastici habent, & habere consueverunt, in certis villis & districtibus ad eorum Monasteria pertinentibus, ipsi etiam laici eisdem Ecclesiasticis personis usurpant, & destituuntur, & ipsos impediunt, quominus ipsi gaudere possint ipsorum privilegiis & libertatibus. Item ipsi laici, & Domini temporales propter indefensam ipsorum a dicto Domino Wilhelmo decimas ad ipsorum Monasteria, & Abbacias, & aliarum Ecclesiasticarum personarum, Præbendas, & mensam spectantes sibi usurpant, assumptes sibi vocabulum ironicum & repugnans dicentes: *fore Decimas laicales*, cum tamen nulla decima possit dici *laicalis*, cum possessio in eosdem laicos eorundem non cadat, cum decimæ sint cibis in domo Domini. Item laici & Do-

mini

mini temporales, qui cum potentia armorum incedunt per Dicecesin, ut plurimum in Monasteriis & locis religiosis se locant, & bona ipsorum consumunt, sine misericordia Ecclesias, & Monasteria graviter ledendo, & depauperando: petunt circa eisdem obviari. Insuper præfatus Dominus WILHELMUS a tempore sui introitus (c) in dictam Ecclesiam Argentin. indistincte omnes benedictiones Abbatum, Abbatissarum, cæterorumque Prælatorum, nec non Ordines Clericales, cæteraque Sacramenta per Suffraganeum, seu Episcopum titularem confert, & conferre consuevit Symoniacæ pro pecuniis immensis, quæ pecuniæ ob dationem Ordinum, ob Benedictionem, ob conservationem Ecclesiarum & Cæmiteriorum, & reconciliationem eorundem, hæctenus a Prælatis, & Ecclesiasticis Viris extortæ sunt, & cotidie extorquentur, contra Divinæ legis institutionem; & petunt similiter eisdem de remedio opportuno provideri. Item ipsi Domini Abbates, Præpositi, & Priores Monasteriorum & Conventuum hæctenus indistincte ultra onera Episcopalia debita & competentia solita per Dominum WILHELMUM coacti, compulsi, & coartati sunt hæctenus indistincte ad exactiones indebitas annuas. Nam ipse Dominus WILHELMUS Sagittariis, sive Balistariis suis portenriis fistulatoribus Coc. exponditaribus Cellerariis, & aliis familiaribus suis salarii nomine nil vel parum tribuit, nec tribuere vult, ut asseruit, sed Abbates, Præpositos, & Ecclesiasticas personas compellit per totam suam Dicecesim contra solitum fas & rationem ad satisfaciendum eisdem suis familiaribus annue de salariis apud ipsum Dominum Wilhelmum serviendo deservitur, ob quæ annuæ contributiones ipsos Abbates, Præpositos, Priores, & Ecclesiasticos Viros

imponere oportet, nam talis Abbas aratur annue ad solvendum quatuor florenos, talis ad quinque, talis ad tres, talis ad sex &c. juxta vires facultates: petunt similiter ipsis provideri. De & super quibus omnibus & singulis antedictis iidem Domini Abbates, Archidiaconi, & Prælati petierunt, dictique Domini Nuntii & Legati voluerunt, & concesserunt, sibi unum & plura publica fieri Instrumenta per me Notarium publicum infra scriptum. Acta fuerunt hæc anno, die, mense, indictione, & loco, quibus supra, præsentibus Venerabilibus & Illustribus Viris *Hugelmanno de Vinstingen Decano, Friderico Comite de Zohre, Canonico dictæ Ecclesiæ Argentin. Nicolao Slendorpf, Decano Ecclesiæ S. Sixti Merseburgensis, & Conrado Luppfer* Vicario in Ecclesia Argentin. testibus ad præmissa vocatis specialiter, & rogatis.

Et ego *Ludovicus de Maurinis*, Clericus de Luca, in Legibus Licentiatu publicus, auctoritate Apostolica Notarius, ac præfatorum Reverendissimorum in Christo Patrum, Dominorum *JOHANNIS* Patriarchæ Constantinopolitani, & *Nicolai* Episcopi Merseburgensis, una cum *Nicolao de Slendorff* Decano S. Sixti Merseburgensis, pro tunc Notarius & Scriba prænominatis testibus dictis præsentationibus, exhibitionibus, & requisitionibus, ac singulis, dum sic, ut præmittitur, agerentur, & fierent adfui, vidi, & audiui prius inde publicum Instrumentum, manu aliena fideliter scriptum, me aliis occupatum negotiis conficiens in fidem præmissorum omnium & singulorum rogatus, & requisitus.

Cl. Lunig Spicilegii Ecclesiastici des Teutschen Reichs Archiv 2. Theil pag. 905.

Vtiosissimam descriptionem horum Gravaminum debemus Librario, quo Cl. Lunigus usus est.

(c) Anno 1394. facta permutatione.



Capituli Cathedralis Argentinenſis, uti & Magiſtratus ibidem, Inſtrumentum APPELLATIONIS ad Sedem Apoſtolicam, & Generale Concilium melius informandum, nec non ad futurum Pontificem, per Concilium legitime eligendum, in cauſa Epiſcopi WILHELMII II. Argentinenſis, contra memoratum Capitulum Cathedrale, & Civitatem, de anno MCCCCXVI.

XXVII. Martii Conſtantiæ in publica Congregatione propoſita.

IN NOMINE DOMINI AMEN.

ANno a Nativitate ejusdem Milleſimo, quadriageſimo, ſexto-decimo, Indiſtione nona, Apoſtolica Sede vacante, die Lunæ, viceſima ſeptima Aprilis, hora primarum, vel quaſi, tempore Sacri generalis Concilii Conſtanti-enſis, in noſtrorum Notariorum publicorum, teſtiumque infra ſcriptorum ad hoc ſpecialiter vocatorum, & rogatorum præſentia perſonaliter conſtitutus Honorabilis Vir Dominus Kuwt, (b) alias Bell, Procurator, ut aſſeruit, & Syndicus Procuratorio & Syndicatorio nomine Venerabilium Virorum Dominorum Hugelmann, (c) Decani, & Capituli; nec non Friderici de Zolre, (d) Canonici Venerabilis Eccleſiæ Argentinenſis, ac etiam Excelſorum Dominorum Magiſtri Officiorum, (e) nec non Proconſulium, Conſulium, & Uni-verſitatis Magnificæ civitatis Argentinenſis, nec non Rulini Barpfenning, Ulrici Goſſe, & Michaelis Melbruge, civium Argentinenſium, tam conjunctim, quam diſiſim, habens & tenens in ſuis manibus quandam appellationem papiri cedulam, quam ibidem palam & publice, ac alta & intelligibili voce legit, & publicavit, ac provocavit, & appellavit, & proteſtatus fuit, aliaque dixit & fecit quemadmodum in eadem appellatione continebatur, cujus tenor de verbo ad verbum ſequitur, & eſt talis:

Coram (f) Vobis Notario publico, & teſtibus hic præſentibus, & aſſtantibus: Ego Heinricus Kuwt, (g)

dictus Bell, Procurator, & Syndicus, Procuratorio & Syndicatorio nominibus Venerabilium Virorum Dominorum Hagelmanni Decani, & Capituli, nec non Friderici de Zolre, Canonici Venerabilis Eccleſiæ Argentinenſis, ac etiam Excelſorum Dominorum Magiſtri Officiorum, (b) nec non Proconſulium, Conſulium, & Uni-verſitatis Magnificæ (i) civitatis Argentinenſis, nec non Rulini Barpfenning, Ulrici Goſſe, & Michaelis Melbruge, civium Argentinenſium, tam conjunctim, quam diſiſim, proteſtor ſolempniter & expreſſe, quod per præſentem, & quemcumque alium actum per me dictis nominibus factum, aut faciendum, non intendo, me quibuſcumque rite, & juſte, ac ſancte per prædictum ſacrum generale Conſtantiense Concilium, in Spiritu Sancto legitime congregatum, (k) diſſinitionibus, decretis, ac ſtatutis, & ordinationibus, ac diſſiniendis, decernendis, ſtatuentis, & ordinandis in aliquo opponere, aut contra ea facere, vel venire. Quinimmo volo ſemper & intendo diſſinitionibus ſanctis, & juſtis, nec non decretis, ſtatutis, & ordinationibus, atque mandatis prædicti ſacri Concilii firmiter atque humiliter parere, & obedire. Inſra dictis tamen ſemper ſalvis. Proteſtor inſuper, quod per præſentem actum, vel etiam alium quemcumque per me factum, aut faciendum, nolo, neque intendo, ab appellatione, & appellationibus per me nomine dictorum Dominorum in præſenti cauſa interpoſitis, & gravami-

(b) Libot, Hardouin Tom. VIII. Concil. pag. 532.

(c) Hugelmannus, Dominus de Vinſtingen, Decanus.

(d) Fridericus de Hohenzölleren, Camerarius.

(f) Totum habet Harduin T. VIII. Concilior. a pag. 532.

(g) Libot. Harduin.

(i) magnæ. Harduin.

(e) officiariorum

(b) officiariorum. Harduin.

(k) definitis

vaminibus eis illatis, quoquo modo recedere, neque resiliere, sed eisdem volo firmiter inhaerere, quibus protestationibus ipsis salvis appellando propono dictis nominibus & dico, quod quamvis prædicti Domini, Decanus, Canonici, & Capitulum nuper desolationis, (l) destructionis, dilacerationis bonorum eorum, possessionum, terrarum, oppidorum, & castrorum prædictæ Venerabilis Ecclesiæ Argentinensis alienationis, per WILHELMUM DE DYEST, assertum Electum ejusdem Ecclesiæ, dampnosæ, & irrecoverabiliter factis, præsertim cum idem WILHELMUS tempore suæ dampnosæ, & execrabilis promotionis prædictam Ecclesiam Argentin. in triginta castris, vel circa (m) & oppidis, atque redditibus invenisset ad valorem triginta millium florenorum auri annuatim habundare, quæ omnia temporibus suis miserrime dilapidavit, dissipavit, & quasi ad nihilum reduxit. Ita quod hodie dicta Ecclesia Argentin. nullum hujusmodi oppidorum & castrorum in possessione habet, quod deestabile est audire, pie (n) compatiens & cupientes, quantum in eis erat, indemnitati Ecclesiæ prædictæ providere, & finali ipsius Ecclesiæ exterminio imminenti obviare. Ad ipsius WILHELMII attestacionem tunc fugitivi, & suspecti propter præmissa per eum commissa & perpetrata, volens tunc, & intendens oppidum Zubern ipsius Ecclesiæ Argentin. penitus ab ipsa Ecclesia alienare, (o) prout publica vox, & fama tunc de hiis (p) in partibus illis erat, quemadmodum etiam quasi alienatum esse videtur, debita cum honestate processissent, cum non erat superior, ad quem statim recursus posset haberi propter periculum instans, quem etiam in habitu laicali, & absque tonsura Clericali repererunt, quemadmodum etiam semper incedere solebat, & solet, successive prædicto sacro Concilio arrestacionem, alienationem, destructionem, desolationem, & finale exterminium per suos legitimos Procuratores, atque amicos solemniter, & sufficienter intimassent, cum exhortatione, & supplicatione tam humili, quam devota deprecando,

quatenus prædictum sacrum Concilium prædictis Dominis, Decano, Canonici, & Capitulo, & Ecclesiæ Argentin. in præmissis paterne consulere, ipsique Ecclesiæ tam miserabiliter destructæ occurrere, nec non etiam Dominum BERNHARDUM Comitem de Eberstein, prædicti oppidi una cum WYRICO (q) de Hoenburg occupatorem & derentorem, tunc personaliter coram præfato sacro Concilio, seu certis tunc in causa hujusmodi Deputatis constitutos, ad restituendum Ecclesiæ prædictæ oppidum prædictum, vel ad reponendum ipsum in manibus ipsius sacri Concilii compellere, & constringere dignaretur, prout hæc, & alia in instrumentis publicis desuper confectis, ad quæ me, iis quo supra nominibus refero, & ea, nec non omnia & singula acta, facta, dicta, gesta in præmissis, & circa præmissa hic infero, & pro inferis haberi volo, quatenus tamen faciunt pro justificatione præsentis appellacionis, & non alias, plenius continetur. Nihilominus tamen prædictum sacrum Concilium (cum omni semper benigna supplantatione ejusdem loquendo) majoribus, ut præsumitur, præpeditum negotiis supplicationem, & exhortationem dictorum Dominorum Decani, Cantoris, (r) & Capituli usque nunc exaudire, in præmissis paterne consulere, & occurrere, & indemnitati Ecclesiæ prædictæ providere distulit, atque differt: & quamvis etiam prædicti Domini Decanus, Canonici, & Capitulum nuper Reverendissimis in Christo Patribus, Dominis JOANNI Patriarchæ Constantinopolitano, & NICOLAO Episcopo Merseburgensi, in civitate Argenta nomine dicti sacri Concilii existentibus, nonnullas vias rationabiles, & justas ac sanctas obtulissent, & etiam apud eos debita cum instantia institissent, quatenus indemnitati Ecclesiæ prædictæ providerent, dictumque oppidum ad manus ipsorum nomine prædicti Concilii reciperent, & alias in præmissis ecclesiæ prædictæ salubriter succurrerent, attentis maxime legitimis causis suspicionis perpetuæ alienacionis oppidi prædicti, ac etiam (s) Borre, quod etiam idem Comes Bernhardus

N 3

absque

(l) desolationem, destructionem

(n) propterea compatiens

(p) de ipso

(r) Canonicorum, non Cantoris. Harduin.

(m) vel citra

(o) alleviare

(q) Ulderico

(s) Castri Boje.

absque aliqua requisitione prædicti provisi (†) electi, ac etiam ipsorum Dominorum Decani, Canonicorum, & Capituli de facto cum oppido prædicto una cum prædicto Wyrico (u) occupat, quæ etiam causæ eisdem Ambaxiatoribus allegatæ fuerunt, continentes in effectu videlicet ex eo, quia idem Comes BERNHARDUS absque eorum Dominorum Decani, Canonicorum, & Capituli, quinimmo contra ipsorum voluntatem se detentioni, & occupationi eorundem castri & oppidi intromisit; licet Vassallus sit Ecclesiæ, tamen id oppidum & castrum nec huic sacro Concilio, nec Ecclesiæ Argentin. nec etiam Capitulo ejusdem Ecclesiæ restituere curavit, neque curat, cum tamen juramento fidelitatis Ecclesiæ astringeretur. *Secundo.* Quia idem Comes non obstante juramento fidelitatis, quo Ecclesiæ alligatur; ipse se Dominis Decano, & Capitulo opposuit supradictis, expresse se partem contra eos faciens tam coram prædictis reverendis Patribus, quam alibi: Quinimmo etiam idem Comes cum volentibus Ecclesiæ prædictæ ac Capitulo movere guerram, illegitime conversatur, & eisdem alligatus existit, ac similiter ipsis Dominis Decano, Canonicis, & Capitulo ex prædicto oppido, & castro guerram movere minatur, studens obesse Ecclesiæ, cum juxta exigentiam juramenti fidelitatis sibi prodesse deberet, & ejusdem indemnitati præesse. (x) *Tertio.* Quia idem Comes servitor, & fautor specialissimus fuit, & est Illustri Principis Domini LUDOVICI Ducis Bavarix, Comitis Palatini, qui etiam terras & oppida Ecclesiæ una cum castro Ortenberg de facto, & contra jus detinet, & sic vehementer suspicatur, eadem oppida Zabern, & castrum Borre, (y) sibi ipsi ulurpare posse. *Quarto.* Quia potentia ipsius Domini DUCIS, & præfati Comitis Bernhardi adeo est magna, quod in casu cessus, vel decessus, aut privationis ipsius WILHELMII, vel etiam hoc sacro Concilio dissoluto nunquam oppidum, & castrum prædicta de manibus ipsius Comitis Bernhardi evelli possent. *Quinto.* Quia apparuit, & appareret etiam magna suspicio contra com-

dem Comitem Bernhardum ex eo, quia alias idem Comes recepit in hypothecam villam Zalsbach, (z) cum fortalicio pro sexcentis florenis auri a prædicto WILHELMO sine consensu Capituli ad finem, ut eidem WILHELMO in guerra contra Dominos Decanum, Canonicos & Capitulum, & civitatem Argentin. assisteret: idem etiam Comes eandem villam cum fortalicio Ecclesiæ Argentin. restituere noluit, nisi Decanus, Canonici, & Capitulum hujusmodi villam, & fortalitium ab eodem Comite pro sexcentis florenis de bonis Ecclesiæ reluerent: alioquin etiam in perpetuum ab eadem Ecclesia fuissent alienata. *Sexto.* Ex eo, quia in instructionibus, per Dominos Abbatem Monasterii in Elwangen, & Christian. de Erpel hujusmodi sacri Concilii Nuncios nuper Argentinæ exhibitos, continebatur, & continetur inter cætera, quod idem Comes Bernhardus in omnem eventum reinere deberet, & debeat possessionem castri & oppidi prædictorum, & ea restituere duntaxat dicto Wilhelmo, vel futuro præficiendo Episcopo. Ex quibus etiam luculenter apparuit, & apparet, indemnitati Ecclesiæ minime provifum esse. Quinimmo etiam prædicta contra dispositionem juris communis attemptata videntur. Nam in casu cessus vel decessus prædicti WILHELMII, ac vacationis prædictæ Ecclesiæ gubernatio, & custodia oppidorum, castrorum, & possessionum Ecclesiæ ad Decanum, Canonicos, & Capitulum prædictos pertinent de jure, quo jure iidem Domini Decanus, Canonici, & Capitulum in casu hujusmodi forent penitus destituti, si hujusmodi oppidum, & castrum in manibus ejusdem Comitis modo præmissis remanere deberent. *Septimo* apparuit & apparet suspicio contra eundem Comitem, quod ab initio receptionis castri, & oppidi prædictorum dixit idem Comes coram pluribus fide dignis, se in eadem subintrasse, & ea detinere nomine Imperii, & de jussu prædicti Domini Ducis tamquam Subballivus (a) Imperii. Nunc autem dicit, se eadem detinere & cepisse tamquam Vassallus Ecclesiæ, & pro Ecclesia mutans verba per eum dicta. Et quatenus præ-

(†) præfensi Electi

(y) Bojer, restius: Hohenbar.

(u) Ulrico

(z) Sezuach

(x) pro posse

(a) Subvassallus

prædicti Domini Ambaxiatores & Nuntii Sacri Concilii prædicti rationabilibus causis, modis & viis eis per Dominos Decanum, Canonicos, & Capitulum prædictos oblati debuissent acquiescisse, & Ecclesiæ prædictæ circa ejus indemnitatem providisse; ipsi tamen Domini Patriarcha, & Episcopus, & alii Nuntii prædicti communes (b) & singulas (c) justas & sanctas, ac rationabiles vias prædictas acceptare, & Ecclesiæ prædictæ in præmissis providere penitus recusarunt, & denegarunt, dicentes, se ad præmissa nullum habere mandatum. Et quamvis Sacra Generalia Concilia, & prædictum Sacrum Constantiense Concilium per Spiritum Sanctum, ut pie creditur, regulata fuerunt, prout etiam ipsum Sacrum Constantiense Concilium regulari dicti Domini mei firmiter credunt. Et propterea etiam ipsum Sacrum Concilium in aliquo errorem, quod absit, aut tamquam inscitiam in ipso denegare per quemquam asserere, foret ipsum Spiritum Sanctum reprehendere, quod absurdum inimicum censeretur, verumtamen, quia prædicti Domini appellationis vendita relatione didicerunt, quod præfatum sacrum Constantiense Concilium in hujusmodi causa supradictæ Ecclesiæ Argentinens. in præmissis compatiendo, nonnullis Dominis Prælati, atque Doëtoribus sedecim in numero, videlicet de quatuor nationibus, quatuor deputavit, qui causam hujusmodi audiendi, & cognoscendi usque ad sententiam definitivam exclusive habuerunt potestatem. Qui quidem Domini etiam sedecim Commissarii Deputati inter se deliberaverunt, & concluserunt in hunc modum, videlicet *in primis* applicando jura ad ea, quæ facta sunt in materia, discussioque prius, an super characteris Clericalis, vel Ordinis Ecclesiastici sacri, vel non sacri electi Argent. excipiendi, perseverando, (d) sit ante omnia pronuntiandum. Et utrum ab hujusmodi exceptionibus exeipientes sint repellendi, diversis considerationibus ad evitandum multa inconvenientia, ex (e) consistentibus in facta resultantia ad facilitatem expeditionem causæ sine suspicione,

& ut veritas habeatur, ac scandala, & pericula imminencia evitentur, avifando deliberarunt, *primo*, quod causa hujusmodi tam pro Electo, quam contra eum, Capitulumque, & communitatem Argentin. cum dependentiis, emergentiis, incidentiis, & connexis committatur aliquibus iudicibus per Concilium cum plena potestate in forma juris tractanda in Basilea, vel in alio loco insigni, extra Constantiam & Argent. ex causa usque ad sententiam exclusive. Et cum ex officio Nobis per inquisitionem, quam mercenarie procedendo pleharie processu instructo, & concluso, assignata die ipsi Electo & aliis quibus fuerit, & videbitur assignanda Constantia ad comparandum personaliter, vel peremptorie secundum exigentiam casus, vel materiæ coram Concilio, audituri relationem processus, & ipsius exhibitionem postmodum iudicando per (f) ipsius Concilii deliberationem. Item avifando deliberaverunt, quod ante omnia deberent inducere, monere, & requirere Capitulum, & communitatem Argentinensem, ut ipsum electum deliberent, & relaxarent in manibus iudicum deputandorum nomine Concilii, & hoc (g) excommunicationis in singularum personas, & interdicti in Capitulum & civitatem, & in eorum territoriis, & Dominiis, & aliis pœnis tam iuribus (h) quam aliis, de quibus (i) indebite eis, quas ipsi possint, debeant, & teneantur declarare, casu quo non fecerunt, & processus facere contra particulares culpabiles. Item avifando deliberarunt, quod electo liberato, & in eorum manibus reposito, immediatè in eodem loco existente, debeant inducere, requirere & monere maxime dicti electi consensu interveniente, ut oppidum Zabern & castrum Borre (k) detinentes debeant relaxare, & remittere pure & libere in potestate, & custodia dictorum iudicum nomine Concilii, (l) & hoc per consimiles censuras, & interdicta, & consimiles declarationes, & per privationem feudorum, & aliarum pœnarum, de quibus eis videbitur. *Item* avifando deliberarunt, quod castrum & oppidum hujusmodi debeant dari

(b) omnes, pro: communes

(d) perseverant,

(f) pro ipsius Concilii deliberatione

(b) iuris

(l) & hoc sine stipendiis aut expensis restitutionis

(c) & singuli

(e) ex consistentibus in præfata resultantia

(g) sub pœna

(i) videbitur

(k) Hohenbar

dari, & committi in custodiam alicujus non suspecti, fideli habita deliberatione cum ipso electo, & aliis, de quibus videbitur, & quod ultra redditus annuos dictorum castri & oppidi pro custodia exponendi non possint, & debeant nec etiam etiam pro communibus (l) expensis fieri possit, & quod pro stipendiis suis, vel expensis, vel quocunque casu dato fortuito, vel alio non possit nec debeat differre expeditionem, & traditionem castri & oppidi prædictorum ad decretum & beneplacitum Concilii, vel specialiter ad hoc Deputatorum, & de hoc debeant recipi juramenta (m) obligationes, & hypothecationes, & aliæ securitates possibiles. Item avifando deliberant, quod qui castri, & oppidi custodiam habebunt, debeant, & teneantur jurare & promittere, non offendere Capitulum, vel communitatem Argentinæ, quod eis debeat fieri inhibito, & similiter illis de Capitulo, & communitate Argentinæ, sub pœnis formidabilibus, donec per Concilium, vel suam auctoritatem aliud super hoc fuerit ordinatum. Et quamvis post prædictam deliberationem, & etiam ante eandem Domini sedecim Deputati requisiti fuissent, & committantia ab eis peritum fuisset, quatenus indemnitati Ecclesiæ prædictæ, maxime circa oppidum prædictum providerent, & si providissent, quod nondum apparuit, prædictos Dominos Decanum, Canonicos, & Capitulum de hoc certificarent, cum eandem Domini nunc fuissent, & essent parati, præfatum WILHELMUM relaxare, præstita per ipsum sola juratoria cautione de stando, & parendo juri coram prædictis Deputatis, & sacro Concilio, ad quod etiam ipsi Domini paratos se semper obtulerunt. Prædicti tamen etiam Domini Deputati indemnitati hujusmodi saltem tacite pertransientes (n) se deliberationem, quam facere intendebant circa præmissa fecisse asserabant, dictos tamen Appellantes de provisione indemnitatis hujusmodi certificare non curarunt. Cum eandem Domini Deputati in causa hujusmodi juxta eis per prædictum sacrum Concilium commissâ procedere intendissent: aliqui tamen pauci, animo partiales Prælati, a Spiritu Sancto, ut præsumitur, recedentes, seque Procura-

toribus & Magistris magnis inter sanctos (o) Dominos ibidem in eodem Spiritu congregatos, tamquam principales Governatores repræsentantes, mittentes falcem in messem alienam, in angulis, & non in publico quasdam particulares fecisse dicuntur in causa hujusmodi deliberationes, & a jure communi penitus devias & exorbitantes, licet super hoc a prædicto sacro Concilio nil penitus habuissent in mandatis, saltem sic deliberandi, qui etiam omnibus, & singulis per prædictos sedecim deputatos deliberationibus, & conclusionibus contradixisse & contrarium fecisse comprobantur, prout rei docuit, proh dolor! & hodie docet exitus. Et licet idem Spiritus Sanctus per organum Prophetæ David locutus fuerit sic inquit: *Recte judicate filii hominum*; (p) quod etiam judicium non immerito ipse idem Spiritus S. in prædicto sacro Concilio procul dubio fieri semper voluit ac hodie vult, machinationibus, partialitate, exorbitantiis & particularibus deliberationibus iniquis & injustis, personarum quarumcunque non obstantibus quibuscunque. Quædam tamen prævisa litera sub Sigillo sive Bulla dicti sacri Concilii partialiter, & absque prædictorum sedecim Deputatorum, quinimmo etiam præter, & absque indicatum quatuor nationum prædicti sacri Concilii scitum, consensum; voluntatem, & mandatum *cameraliter*, & *angulariter*, contra omnem juris formam & debitam rationem, etiam *surreptitio* & *obreptitio* contra prædictos Dominos meos, etiam nescitur, ad cujus instantiam, emanata esse dicitur. In qua de omnibus & singulis oblationibus, requisitionibus, exhortationibus, dicto sacro Concilio per dictos Dominos meos factis, nec non de alienatione, desolatione, destructione, periculis, exterminii, & aliis supradictis dilapidationibus per dictum D. WILHELMUM Venerabili Ecclesiæ Argentinæ prædictæ factis, & præstitis nulla penitus mentio facta apparet. Quinimmo per eandem provisam (q) Bullam exorbitantes prædicti Domini mei per edictum, per modum *monitionis* requiri dicuntur, quatenus infra duodecim dies post lectionem, publicationem, & afflictionem ejusdem

præ-

(l) minoribus, pro: communibus

(n) pertransiendo

(b) Psalm. LVII, 2.

(m) Instrumenta

(o) stantes, pro: sanctos

(q) præsentam

prævisæ (r) Bullæ in certis Ecclesiis, & locis ibidem expresse factas prædictum WILHELMUM assertum electum, nec non Cantorem Ecclesiæ prædictæ cum eorum familia absque qualibet contradictionis obstaculo plenarie in manibus dicti sacri Concilii, seu Commissariorum ab eodem sacro Concilio ad hoc Deputatorum libere restituerent, ipsisque ablata redderent, & reddi ac restitui facerent; vel de ipsis, si non extarent, satisfacerent, aut satisfieri procurarent, competenter sub excommunicationis & interdicti, & aliis sententiis, & censuris, ac pœnis. Quodsi forsân hujusmodi monitionibus, & requisitionibus in dicto termino comparere contempnerent, infra alios duodecim dies Domini Hugelmannus Decanus, Fridericus de Zolre, nec Rulinus Barpfening, Ulricus Goffe, & Michael Melbruge personaliter in eorum propriis personis, & alii Domini Canonici, & Capitulum omnes legitime comparerent *Constantiæ* in loco Sessionis, ad videndum & audiendum se declarari in censuras & pœnas tam juris, quam sacri Concilii prædictis incidisse. Certificantes nihilominus omnes, & singulos supradictos Dominos, & eorum quemlibet, quod sive hujusmodi monitionibus, & requisitioni parere, & obedire, ac in præfatis terminis comparere curarent, sive non, ipsa nihilominus sancta Synodus ad omnia, & singula præmissa, & alia juris remedia in præmissis opportuna quomodolibet procederet, quæ utique ab ipsa sancta Synodo processisse minime creduntur, sed potius *cameraliter*, particulariter atque furtive, eadem sancta Synodo penitus ignorante, extorta præsumitur, maxime ex eo, & pro eo, quia quidam Caspar de Perusia, qui semper atque frequenter prædictos Dominos meos in prædicto sacro Concilio, & in Nationibus nequiter, & mendose tamquam Advocatus diffamando, prædictam prævisam (r) Bullam præter scitum consensum, & voluntatem dicti sacri Concilii, & ipsarum Quatuor Nationum, non per Cancellariam, sed angulariter, & cameraliter expedivisse comprobatur, pecunia, & muneribus corruptus dictum sacrum Concilium vituperando, & scan-

dalizando. Nam in eodem præviso (t) *Monitorio* inter cætera continetur; quod dicti Domini Decanus, & Capitulum eidem WILHELMO debitam obedientiam promiserint, & præstiterint, quod omni caret veritate. Quinimmo idem WILHELMUS eisdem Decano, & Capitulo solempne præstitit juramentum de non alienando bona Ecclesiæ prædictæ, cuius tamen fecit, (u) perjurium incurrendo. Etiam non attendens eadem sancta Synodus, quod præfatus Cantor fuit, & est de jurisdictione dictorum Dominorum Decani, & Capituli, quodque etiam de consuetudine legitime præscripta correctio, & punitio Canonorum dictæ Ecclesiæ Argent. delinquentium, ac etiam arrestatio, captio, & detentio eorundem ad eosdem Decanum, & Capitulum spectavit, & pertinuit, quodque etiam si apparere posset, eundem Cantorem, & Canonicum per Decanum, & Capitulum prædictos fuisse captum, quod hujusmodi captura rite, & legitime ipsius Cantoris & Canonici de causis exigentibus facta fuit, & præsertim ex eo, & pro eo, quia idem Cantor ut laicus sine habitu, & tonsura Clericalibus in armis equitando semper incessit. Quodque etiam juxta juramentum per eum præstitum Decano prædicto obedire sæpius recusavit, & contra juramentum suum veniendo, Capitulum ejusdem Ecclesiæ rebus, & bonis suis vi, & manu armata spoliavit, ac sæpius debellare, & deprædare studuit. Eisdem etiam Decanum, & Capitulum ad indebitas exactiones spreto iudicio, & foro atque jurisdictione Spirituali compulit, nec iustitia in foro Ecclesiastico contentari voluit, sed eosdem exactionare (x) deprædari ad suæ libitum voluntatis, & quam plura alia enormia contra juramentum fidelitatis, & obedientiæ commisit, & perpetravit. Non attendens etiam ipsa sancta Synodus, quod præfatus WILHELMUS prævisus (y) Electus non fuit, neque est in aliquo etiam Clericali, vel majori Ordine constitutus, quodque tamquam purus laicus armatus semper incessit sine aliqua tonsura. Quodque etiam tempore suæ arrestationis sic reperi-
tus fuerit, & sic etiam ejusdem correctio-

221

(r) prætenfæ
(u) contrarium

(s) prætenfam
(x) exauctorare

(t) prætenfo
(y) prætenfus

nes punitiones ad præfatos Dominos Magistrum, Officiorum Rectores, & prædictæ civitatis Argentin. non est dubium pertinere. Quodque dictum sacrum Concilium Constantiense de excessibus laicorum non spectat cognoscere. Et præsertim de excessibus in dicta civitate Argent. & ejus districtu per dictum WILHELMUM de Dyest commissis & perpetratis inhibendo, mandando, monendo, vel aliis qualitercunque disponendo. Et licet prædictum prævisum [z] Monitorium præter scitum voluntatem, consensum, atque mandatum dicti sacri Concilii, ac etiam contra juris & stili Romanæ Curia formam emanasse creditur, eique etiam tamquam nullo & a jure communi exorbitanti, nec non subreptitie & obreptitie extorto fides aliqua non fuisset, neque esset adhibenda, sibi que etiam minime parendum, neque obtemperandum per prædictos Dominos monitos, ut dicitur, atque citatos quamvis de facto, & quamvis etiam in prævisa [x] forma dicti prævisi (b) Monitorii caveatur expresse, quod dictum prævisum (c) Monitorium per Edictum publice foret in Romana Curia, & extra in partibus circumvicinis affigendum. Nihilominus tamen etiam prævisa [cc] forma hujusmodi in exequendo minime servata esse dicitur, maxime cum originalis prævisa Bulla hujusmodi minime reperitur in aliquo locorum edicti hujusmodi, extra Romanam Curiam fuisse in valvis Ecclesiarum, ut moris & juris est, affixa. Et licet præfatus Dominus Gaspar de Perusio, Advocatus dictæ partis nuper coram omnibus Dominis Deputatis quatuor Nationum hujusmodi Sacri Concilii in causa hujusmodi, tunc pro audientia Illustris Principis Domini Comitis de Wirtenberg, nec non Basiliensis & Constantiensis civitatum, nec non Bernensis, Turicensis, Schaffhusensis, Lucernensis, Überlingensis, Ravenspurgensis, Rotwilensis, Lyndowensis, Pfulbendorpfensis, & Wiltingensis oppidorum Imperialium Ambaxiatoribus, danda in domo Fratrum Minorum Constantiæ congregatis (d) expresse postulassent & petivissent, quemadmodum etiam sæpe & sæpius pro parte dictorum Dominorum Decani, Canoni-

corum, & Capituli petitum & postulatum fuit: Quatenus hoc Sacrum Generale Concilium indempnitati Ecclesiæ Argentin. prædictæ provideretur, prædictique etiam Ambaxiatores coram eisdem Dominis Deputatis, & a Sacro Concilio etiam cum instantia postulassent, quatenus prædictæ Reverendissimæ Paternitates, & hoc Sacrum Concilium intuitu Dei, & etiam propter bonum pacis & concordia, & etiam pro utilitate & statu Reipublicæ totius Patriæ terminum Monitorii prædicti, nec non etiam *Solum Conductum* eisdem Dominis Decano, Canonico, & Capitulo, ac Magistro Officiorum, Proconsulibus, & Consulibus dictæ civitatis Argent. per idem Sacrum Concilium datum, & concessum ad moderatum tempus, videlicet terminum quindecim dierum proxime futurorum prorogare dignarentur, attento maxime quod iidem Domini Ambaxiatores mediante auxilio & consilio ejusdem Sacri Concilii sperabant inter partes hujusmodi se taliter interponere, & amice tractare, quod causa hujusmodi absque magnis periculis concordaretur & terminaretur. Nihilominus tamen prædictæ Reverendissimæ Paternitates, seu saltem prædicti Domini Deputati Reverendissimorum Domiſſorum Sanctæ Romanæ Ecclesiæ Cardinalium consensu, nec non votis Nationum hujus Sacri Concilii, ut creditur, minime super hoc auditis, neque receptis, petitionem prædictam expresse rejecerunt, seu saltem admittere recusarunt. Et prædictæ Reverendissimæ Paternitates cum benigna semper supportatione earundem Reverendissimarum Paternitatum loquendo, ut dicitur de prædictis non ignari aliasque nulliter, & de facto in causa hujusmodi procedentes ad executionem dicti (e) prævisi Monitorii, nec non penarum & censurarum prævisarum (f) in eodem expressarum declarationem contra eosdem Dominos meos monitos atque citatos procedere nituntur. Et quia prædicta omnia & singula fuerunt, erant, & sunt vera, publica, & notoria, dictique etiam Domini Decanus, Canonicus, & Capitulum, nec non Procurator & Syndicus nominibus, quibus supra prædicta omnia & sin-

(z) prætenſum
(c) prætenſum.
(e) prætenſi

(a) prætenſo
(cc) prætenſa
(f) prætenſarum declarationem

(b) prætenſi
(d) congregatis

& singula fuerunt, & erant quilibet ipsorum fuit, & hodie sunt probare parati, & se ad probandum prædicta, si necesse fuerit, admitti petunt, & quilibet eorum petit, in quantum onus probandi prædicta sibi incumbit, de quo etiam protestatur. Ideo Procurator prædictus nominibus quibus supra, sentiens se, & dictos Dominos suos, & jura ipsorum per prædicta omnia & singula, & eorum quemlibet fore laesos & læsa, timensque eos imposterum ab eisdem Dominis Prælati, Deputatis Sacri Concilii (g) plus posse lædi, ideo ab eisdem Dominis Prælati, & Deputatis Sacri Concilii tamquam male informati, & a prædictis particularibus deliberationibus, & a dicto præviso iniquo nullo & invalido Monitorio, nec non a prætensis pœnis & censuris in eodem contentis, & a singulis membris & Capitulis in ipso expressatis, nec non etiam a dicta prætensa iniqua, & injusta [b] excommunicatione, ac etiam dictarum petitionum justarum non admissione, & non exauditione, & a dicto præviso processu prædictæque venerabilis Ecclesiæ Argentin. irrecuperabili dampnificatione prædictorumque oppidi Zabern, & castri Borre alienatione, & prædicti Comitum BERNHARDI, eorundem occupatoris tali quali tollerantia ipsiusque Comitum expulsionem, denegationem, & ab omnibus aliis & singulis gravaminibus, quæ ex præmissis & actis causæ hujusmodi elici possint, & quæ ad (i) probandum sufficiunt tam conjunctim, quam divisim, non tamen a prioribus Appellationibus in causa hujusmodi interpositis recedendo, ad Sanctam Sedem Apostolicam, & ad Sacrum Generale Concilium melius informandum, & ad futurum Romanum Pontificem auctore Domino per ipsum Sacrum Concilium eligendum in his scriptis dictis nominibus provocat, & appellat, ac Apostolos petit primo, secundo, & tertio, ac instantanter, instantius, & instantissime sibi dari & exhiberi abjiciens (k) se, & dictos Dominos suos, & eorum quemlibet, ac jura & bona ipsorum, eisque adhærentium protectioni, & tuitioni Sedis Apostolicæ, & hujus

Sacri Concilii, protestando solemniter & expresse, quod hujusmodi Appellatione pendente nihil penitus contra ipsos suos Dominos attemptaretur, seu innoveretur. Quodque etiam hujusmodi Appellationem vult & intendit prosecui, & jure debito terminare loco & tempore opportunis. Et quod etiam præsentem Appellationem possit & valeat corrigere, & emendare, eique addere & minuere, & alias protestatur, ut fuit & est moris, & alias protestatur, ut fuit & est moris, atque juris & stili Sacri Palatii Apostolici causarum, & Curie Romanæ: requirens vos Notarios publicos infra scriptos, ut de præmissis omnibus & singulis conficiatur unum vel plura, publicum vel publica, & tot, quot necessaria fuerint, instrumentum vel instrumenta ad futuram rei notitiam. Acta sunt hæc in majori Ecclesia Constantiensis sub anno, Indictione, die, & mense; quibus supra. Præsentibus ibidem Reverendo in Christo Patre Domino Ludovico, Episcopo (l) Bauwarensi, ac Venerabili ac provido viro Magistro Johanne de Breyda in Medicinis Licentiatum, & Petro Annoti Sacri Palatii Apostolici causarum Auditoris, testibus ad præmissa vocatis specialiter, & rogatis. [m]

Et ego Gumpertus Fabri de Wildungen, Clericus Moguntinensis Diocesis, publicus Apostolica & Imperiali auctoritate Notarius, prædictis protestationibus provocationi & appellationi interpositioni, omnibusque aliis & singulis præmissis, dum sicut præmittitur per supradictum Dominum Henricum Kuwt, Procuratorem & Syndicum, fierent, & agerentur una cum infra scripto Notario, & testibus præsens fui, eaque sic fieri, vidi, & audiui. Ideo hoc præsens publicum Instrumentum per alium me aliis occupatum scriptum, una cum provido viro Magistro Johanne Hees de Wener, Notario publico infra scripto exinde confeci, publicavi, & in hanc publicam formam redegi, signoque, & nomine meis solitis & consuetis una cum ejusdem Magistri Johannis Hees Notarii signo & subscriptione signavi, rogatus & requisitus

(g) nil amplius

(h) executione, loco: excommunicatione,

(i) ad appellandum

(k) subjiciens se

(l) Bangarensi

(m) Hic Hardouinus cessat solo nomine Joannis Wener, Notarii ad præmissa addito.

Reliqua sunt Lunigii.

situs in fidem & testimonium omnium & singulorum præmissorum.

Et ego Johannes Hees de Wener, Clericus Padeburn. Diœcesis, publicus Apostolica, & Imperiali auctoritatibus Notarius. Quia hujusmodi appellationi, interpositioni, & lectioni, cæterisque præmissis, una cum prænominatis testibus atque Notario superscripto præsens interfui, eaque sic fieri vidi, & audiui. Ideoque hoc præsens publicum Instru-

mentum per alium fideliter scriptum una cum Notario exinde confecti, subscripti, & in hanc publicam formam redegei, signoque, & nomine meis solitis & consuetis consignavi, rogatus & requisitus in fidem & testimonium omnium & singulorum præmissorum.

Lunig Tomo II. Spicilegii Ecclesiastici II. Theil pag. 892.

Collatus cum Harduini non minus vitiosa descriptione Tom. VIII. Concil. p. 532.

Concilii Constantiensis Pronuntiatio declarationis in penas, quas in citatione Capitulo Cathedrali, & Magistratui Argentinenſibus, ut captum Episcopum coram Concilio, (a) statuant; si inobedientes fuerint, minatum est, & præcedentem Appellationem tanquam frivolum rejecit.

27. Junii anno 1416.

IN DEI NOMINE. AMEN.

AD compescendos temerarios ausus subditorum in Superiores, & Prælatos suos, nec non laicorum, quos Clericis infestos oppido tradit antiquitas in personas Ecclesiasticas, & præsertim Pastorale gerentes officium, tuendamque Ecclesiæ libertatem, hæc Sancta generalis Synodus Constantiensis dudum ad eam, fama publica proferente frequentique, & clamorosa insinuatione rem pene notoriam demonstrante, Hugelmannus Decanus, & Fridericus de Zolre Canonicus de mandato Capituli Ecclesiæ, atque de consensu Proconsulum, Rectorum, & communitatis civitatis Argentinæ, nec non Michaelis Melbruge, Rulini Barpfenning dictæ civitatis civium consilio, auxilio, & consensu dilectos Ecclesiæ Filios WILHELMUM Electum, nec non Fridericum Cantorem dictæ Argentinæ Ecclesiæ cum nonnullis eorum bonis, & rebus manu armata violenter, & temere ceperant in quodam castro ad ipsam Ecclesiam pertinente, atque ad civitatem Argentinæ. invitos adduxerant, carcerique mancipaverant: dictique Hugelmannus, Fridericus alique supra nominati, nec non Capitulum, Consules, Proconsules, civitas, & communitas prædicti inclusos detinebant, prout adhuc detinent mancipatos: Hugelmannum Decanum, Fridericum Canonicum, nec

non Capitulum, Consules, Proconsules, Rectores & communitatem, atque Michaellem, & Rulinum præfatos Canonicos, & peremptorie monuit, quatenus infra certa temporum spatia tunc futura, nunc autem, & diu elapsa prædictos WILHELMUM Electum, & Fridericum Cantorem, sub pœnis juris, & Sacrorum Canonum, nec non excommunicationis in singulos, interdicti in Ecclesiam, atque civitatem, communitatem, nec non in terras Dominia, atque loca ad Capitulum, & communitatem prædictam, & prædictam communiter, vel divisim pertinentes, & pertinentia eidem Sanctæ Synodo redderent, & relaxarent, nisi tamen causam, vel causas allegare vellent; quare ad præmissa minime tenerentur, ad quam seu quas allegandas eorum sancta Synodus certum & peremptorie terminum præfixit, & assignavit, & ad illos peremptorie citavit. Alioquin eadem Sancta Synodus præfatas sententias, & censuras ex tunc in scriptis promulgavit. Et quia præfati moniti hujusmodi monitioni parere, & coram eadem Sancta Synodo legitime ad præmissa in assignato, & prærogato terminis, & eorum quolibet comparere, causamque vel causas præmissas allegare minime curaverunt, immo contumaciter contempserunt. Ad hoc tamen diutius

(a) Congregatione Generali sine solemnitatibus Concilii inter XX. & XXI. Sessiones.

tius expectari idcirco eadem Sancta Synodus præfatus Hugelmann Decanum, Fridericum Canonicum, Michaellem, & Rulinum cives, nec non Consules, & Proconsules, & singulariter singulos excommunicationem, Ecclesiam vero civitatem & communitatem, nec non terras, Dominia, & loca, prædictas, & prædicta interdicti sententias, & censuras incurrisse, dictasque personas singulariter singulas excommunicationi, Ecclesiam

vero civitatem & communitatem, atque terras, Dominia, & loca prædictas, & prædicta Ecclesiastico subiacere interdicto, pronuntiat, & declarat, præmissaque mandat per omnes Ecclesiæ subditos, qui fuerunt super hoc requisiti, publicari, & de præmissis confici literas oportunas.

Lunig Loco citato. ...

*Harduin Tom. VIII. Concilior. pag. 572.
diversis stilo & vitiis multis.*

NOTIFICATIO DECLARATIONIS.

SACROSANCTA ET GENERALIS SYNODUS CONSTANTIENSIS
VENERABILI FRATRI EPISCOPO ANCONITANO, ET DILECTIS ECCLESIAE FILIIS CONSTANTIENSIS ET SPIRENSIS OFFICIALIBUS, SALUTEM, ET DEI OMNIPOTENTIS BENEDICTIONEM.

Cum dudum ad audientiam nostram post depositionem Baldassaris, olim Johannis Pontificis vicefimi tertii in sua obedientia nuncupati, per Nos factam, fama publica referente deductum foret. Quod Hugelmannus de Vynstingen Decanus, & Fridericus de Zolre, Canonici Ecclesiæ Argentinensis. Michael Melbruge, & Rulinus Barpfenning cives Argentin. de Capituli, & Canonicorum prædictæ Ecclesiæ, nec non Consul, & Proconsul, atque communitatis civitatis Argentin. de Capituli, & Canonicorum prædictæ Ecclesiæ auxilio, & consensu, hoc ratum, & gratum habentium, cum nonnullis suis in ea parte complicitibus ad oppidum Mollisheim, Argentin. Diocesis ad Episcopalem mentem spectans, (in quo tunc erat dilectus Ecclesiæ Filius, WILHELMUS electus Argentin. una cum dilectis Ecclesiæ Filiis Friderico de Bytz, Cantore Ecclesiæ prædictæ, & familia ipsorum Electi, & Cantoris pro quibusdam ipsius Ecclesiæ negotiis illic una cum eisdem Decano & Canonico, ut ipse credebatur electus utiliter pertractandis, & promovendis,) manu armata acceperant, & suadente diabolo ac Dei timore, nec non reverentia, & obedientia eidem electo per ipsos debitis inconsulte postpositis, in Electum, & Cantorem prædictos ausu sacrilego manus iniecerant temere violentas. Eosque cum prædicta ipsorum familia ignominiose ceperant, & ad eandem civitatem perduxerant, ibique carceribus manciparant, ac ex post deti-

nuerant, prout adhuc detinent electum ipsum incarceratum. Nec non eosdem Electum, Cantorem & Familiam, bonis, & rebus suis apud eos reperti spoliaverant, propterea excommunicationem, aliasque censuras Ecclesiasticas, & poenas in tales a jure prolatas dampnabiliter incurrendo. Nos de tam gravibus excessibus prope Nos, qui ad universalis Ecclesiæ reformationem diu ante fuimus, prout adhuc sumus auctore Domino insimul congregati, & ad quos super quibuscumque quæstionibus movendis contra Electum, Cantorem ac Familiam prædictos communiter, & divisim de facili poterat recursus haberi, non immerito dolentes & volentes, prout ad Nos spectabat, & spectat, super hiis diligentius inquirere veritatem, Venerabiles Fratres, Johannem Patriarcham Constantinopolitanum, & Nicolaum Episcopum Merseburgensem ad civitatem prædictam, cum plena potestate super præmissis simpliciter, & de plano inquirendi seque informandi, etsi ita esse reperiunt Electum, & Cantorem, ac Familiam prædictos cum rebus, & bonis hujusmodi eis ablati, ut præfertur, libere in nostris manibus restitui, faciendi, requisitionemque, & monitionem hujusmodi, cæteraque circa hæc quomodolibet utilia, & necessaria faciendi, nuntios speciales nostros duximus, destinandos parati de ipso electo quarulantibus omnibus reddere bonum, & breve justitiæ complementum. Ex quorum siquidem Patriarchæ & Episcopi, qui ad eandem

civitatem, prout eis injunximus, propter præmissa personaliter accefferant, relatione fide digna comperimus, quod quanquam prædictas captionem, & detentionem fore notorias in illis partibus reperissent, ac de illis, & aliis præmissis ibi esset publica vox & fama, ipsique Decanum, Canonicum & Capitulum, cives, Consules, Proconsules & communitatem prædictos pro parte nostra requisivissent, & monnissent instanter ut Electum, Cantorem & Familiam relaxarent, electumque in nostris manibus, ut facere tenebantur, libere assignarent, cum oblatione justitiæ, quam apud Nos sublata difficultate qualibet invenirent, si contra ipsos vellent aliqua proponere, coram Nobis: tamen Decanus Fridericus, Capitulum, cives, Consules, Proconsules, & communitas prædicti requisitione, & monitione hujusmodi obauditis, aut spretis prædictos Electum, Cantorem & Familiam relaxare, ipsumque Electum in manibus assignare, minus, debite denegarunt, aut saltem distulerunt, prout adhuc denegant, & differunt de præsentī, propter quæ Nos ad juris remedia concurrere, suggerente justitiā commoniti, & in hac parte ex officio contra ipsos procedere volentes, per Nostros certi tenoris literas admittar Edicti publici majoris Constantiensis, & quorundam aliarum dictæ Ditecesis Ecclesiarum portis publice affixis, monuimus Decanum Fridericum, Capitulum, cives, Consules, Proconsules & communitatem prædictos, ac etiam quoscumque alios in præmissis forte culpabiles, videlicet infra certum terminum peremptorie competenter tunc expressum *Decanum Fridericum, Capitulum, Michaellem & Rulinum*, cives, Consules, Proconsules, communitatem, & complices præfatos, quatenus Electum & Cantorem cum hujusmodi eorum Familia, absque cujuslibet contradictione obstaculo, & plenarie in nostris manibus, seu Commissariis per Nos super hoc deputatorum restituerent, aut ponerent, eisque ablata redderent, aut reddi, & restitui facerent, si extarent. Alioquin de illis satisfacerent, aut procurarent satisfieri, competenter sub excommunicatione, quam alias Decanum, & Fridericum Canonicum, nec non cives, Con-

sules, Proconsules, & alias culpabiles in præmissis, ac etiam singulas personas, & Capitulo, & communitate prædicta incurrere, nec non interdicti pœnis, quo Ecclesiam Argentin. & civitatem præfatas, & omnia loca, terras, & Dominia Capitulo, & communitati prædictis in temporalibus subiecta corporaliter volumus subjacere. Et nihilominus ex tunc etiam Decanum Fridericum, Canonicum, Capitulum, cives, Consules, Proconsules, communitatem & complices, nec non omnes, & singulos in præmissis culpabiles sæpeditos, & eorum fautores per idem edictum peremptorie *citavimus*, ut infra alium terminum peremptorie competenter, etiam tunc expressum videlicet Decanum Fridericum, Canonicum, Michaellem & Rulinum cives, personaliter in eorum propriis personis. Alii vero omnes legitime com-
" parerent coram Nobis ad audiendum
" per Nos declarari, se in penas, & censu-
" ras prædictas incidisse, vel ad docendam cau-
" sam rationabilem, quare illa fieri non debe-
" rent." In quo quidem primo termino
 dilectus Ecclesiæ Filius, Magister Johannes de Scribann. Procurator in Romana Curia & Promotor hujusmodi Officii per Nos *Deputatus* coram Nobis in iudicio comparens, ac de *citatione* prædicta Nobis fidem faciens, per legitima documenta prædictorum citatorum non comparentium contumaciam accusavit. Et licet etiam postea Decano Friderico, Canonico, Capitulo, civibus, Consulibus, & communitati prædictis pro bono pacis, nec non obviandum scandalis & litibus, quæ alias ex præmissis, & eorum occasione possint verisimiliter exoriri, multa dilationes sub dierum competentibus intervallis dederimus ad expurgandum per ipsos coram Nobis hujusmodi minis morosam contumaciam eorundem, & quanquam specialiter exhortatione carissimi Ecclesiæ Filii SIGISMUNDI, Romanorum & Hungariæ &c. Regis Illustrissimi excitati dilectum Ecclesiæ Filium, Nobilem Virum Henricum dictum Latzenboch, militem ad prædictam civitatem Argentin. & Capitulum prælibatum transmissimus, pro hujusmodi liberatione, & relaxatione concorditer facienda, certo termino præfixo, donec ejusdem Henrici respon-

fit haberetur, jam elapso termino eandem declarationem suspenderimus; putantes intercedentibus suffragiis ejusdem invictissimi Romanorum Regis, prædictos Consules, Proconsules, & Capitulum nostris immo Dei, & Ecclesiæ jussionibus hujusmodi obedire debere, ipsi tamen Decanus Fridericus, Canonicus, Capitulum, cives, Consules, Proconsules, & communitas in reprobum sensum dari requisitioni & monitioni, nec non citationi nostris prædictis obedire contumaciter non curarunt, nec in termino eidem Henrico præfixo debite & cum effectu responderunt, nec quæcum eodem Henrico tractaverant, effectu demandarunt. Postea vero præfatus Magister Johannes coram Nobis in judicio comparens, quandam petitionem summariam in hujusmodi causa dedit, Nosque demum attendentes, quod ferro scindenda sunt vulnera, quæ fomenta respuunt medicinæ, ad instantiam præfati Joannis prædictos Decanum Fridericum, Canonicum, Capitulum, cives, Consules, Proconsules, & communitatem ad nostram in causa hujusmodi declarationis sententiam audiendam, in audientia publica, ut moris est, citari fecimus ad certum diem peremptorie competenter, in quo prædicto Johanne coram Nobis *in publica Sessione* in judicio comparente, ac præfatorum citatorum non comparentium contumaciam accusante, & in eorum contumaciam sententiam ipsam ferri petente, Nos ipsos citatos, quod ad hoc, prout erant reputantes, merito contumaces in eorum contumaciam visis, per Nos, & diligenter inspectis omnibus & singulis actis & habitis in causa hujusmodi, ipsisque cum diligentia recensitis & examinatis, per hanc nostram sententiam pronuntiamus, & declaramus præfatos Hugelmannum Decanum, Fridericum Canonicum, Michaellem & Rulinum cives, nec non Consules, Proconsules, & sin-

gulariter singulos *Excommunicationis*, Ecclesiam vero, civitatem, & *communitatem*, nec non terras, Dominia, & loca ad Capitulum & communitatem communiter, vel divisim pertinentes, & pertinentia *Interdicti* sententias & censuras incurrisse, dictasque personas singulariter singulas excommunicationi, Ecclesiam vero, civitatem & communitatem, atque terras, Dominia, & loca prædictas, & prædicta Ecclesiastico interdicto subiacere. Quocirca discretioni vestræ per scripta nostra mandamus, quatenus vos, vel duo, aut unus vestrum per vos, vel alium, seu alios prædictam sententiam nostram, ubi & quando expedire videritis, autoritate nostra solemniter publicetis. Nec non Decanum Fridericum, Canonicum, cives, Consules, Proconsules, & singulas personas excommunicationi ad Ecclesiam Argentin. civitatem, loca, terras, & Dominia ipsa interdicto ipso, ut præmittitur, supposita in omnibus Ecclesiis, & locis, de quibus etiam fueritis requisiti coram multitudine populi publice nuntietis. Et ab aliis tamdiu denunciari dictosque Decanum Fridericum, Canonicum, cives, Consules, Proconsules, & personas arctius evitari ab omnibus faciatis, quousque ipsi absolutionis Beneficium ab excommunicationis sententia, nec non aliis censuris, & penis eisdem a Nobis, aut ab unico & indubitato, Summo Pontifice in proximo Domino annuente creando meruerint obtinere. Contradictores per censuram Ecclesiasticam appellatione postposita compescendo. Datum Constantiæ tertio Nonas Junii, anno a Nativitate Domini, Millesimo, quadringentesimo, sexto decimo, Apostolica Sede vacante.

Cl. Lunig *Spicilegii Ecclesiastici* des E.
Reichs Archivs 2. Theil.

Harduinus Tom. VIII. Concil. pag. 498.
diversitate magna, & multis vitiis plenam copiam hujus Monitorii habet.



Concilii Constantiensis Commissoria potestas

Deputatis commissis X. personis inquirendi contentiones inter Episcopum WILHELMUM II. Argentinensem, & Capitulum suum Cathedralē, uti & Magistratum & communitatem.

De anno MCCCCXVI. XXVII. Aprilis.

Sacro sancta & Generalis Synodus Constantiensis dilectis Ecclesiæ Filiis *Angelo Veronensi, & Branda Placentinensi, Sanctæ Romanæ Ecclesiæ Cardinalibus*, sic vulgariter nuncupatis: nec non *Marino Episcopo Apruntino, Thoma de Auvelia, Sacri Palatii Apostolici causarum Auditori*, pro Italica: *Johanni Patriarchæ Constantinopolitano, Johanni Episcopo Gebenensi*, pro Gallicana: *Jacobo Episcopo Plocensi, Nicolao Vordis etiam dicti Sacri Palatii Apostolici causarum Auditori*, pro Germanica: *Patritio Episcopo Cartaginensi, & Richardo Derbaim*, Sanctæ Sedis Apostolicæ Protho-Notario, pro Anglicana Natione committit omnes & singulas causam & causas tam civiles, quam criminales, quæ vertitur, vertuntur, seu verti, & esse sperantur inter dilectos Ecclesiæ Filios, **WILHELMUM** Electum Argentinensem ex una, ac **Hugelmanum Decanum, Fridericum Canonicum, & Capitulum ejusdem Ecclesiæ Argentin. & Rulinum Barpfenning, Michaelem Melbruge, Magistros civium, Consules, Proconsules, ac communitatem Argentin. & eorum ab utraque parte complices & adherentes conjunctim & divisim parte ex altera, de & super capitationibus dictorum *Electi, & Cantoris Argentin.* suorum familiarium, & sibi adherentium in hac parte, nec non spoliis, violenciis, & injuriis per unam partem contra aliam active & passive deductis, & deducendis juxta tenorem cedulæ alias in *Sessione publica, in præsentia***

materia lætæ audiendi, cognoscendi cum omnibus & singulis emergentiis, incidentiis, dependentiis, & connexis usque ad sententiam diffinitivam exclusive, & cum potestate, & quod si omnes iudices interesse non possint, aut noluerint, major saltem pars in aliorum absentia procedere valeat indemnitati Ecclesiæ Argentin. proviso summarie simpliciter, & de plano sine strepitu, & figura judicii feriis non obstantibus sola facti veritate inspecta, & terminis abbreviatis etiam ex officio cum potestate processus jam decretos, vel in futurum fulminandos, contra quoscunque, quorum contumacia hoc exigit, aggravandi, reagravandi, & brachium sæculare invocandi totiens, quotiens opus erit. Et nihilominus Decanum, & Capitulum, nec non Michaelem, & Rulinum, Cives supradictos, singulasque personas tam Capituli Argentin. quam communitatis ejusdem civitatis, a quibuscunque censuris in forma juris absolvendi. Et Interdictum occasione præmissorum, ubicunque positum relaxandi, vel ad tempus suspendendi, nec non omnes & singulos processus in hujusmodi causa decretos, & decernendos, fulminatos & fulminandos, tam in Concilio Constantiense, quam in partibus per edictum exequendi constitutionibus, & aliis contrariis non obstantibus quibuscunque.

Cl. Lunig Spicil. Ecclesiast. des E. Reichs Archivs 2. Theil.

Harduinus Tomo VIII. Concil. pag. 554.

Commissariorum Concilii Constantiensis Instrumentum Absolutionis pro Capitulo Cathedrali, uti & Magistratu & Communitate Argentinensibus, anno MCCCCXVI.

XVIII. Julii.

IN NOMINE DOMINI. AMEN.

Per hoc præsens publicum instrumentum pateat universis præsentibus, & futuris. Quod anno a Nativitate Domi-

ni Millesimo, quadringentesimo, sexto-decimo, indictione Nona, Sede Apostolica vacante, die vero Sabbati, decima octava men-

mensis Julii Constantiæ, provinciæ Moguntinensis, in Ecclesia Cathedrali processionibus, sive congregationibus publicis per Sacrum Concilium Constantiense super ordinationibus, diffinitionibus, & conclusionibus teneri, & servari solent specialiter deputata, ipsoque Concilio in modum generalis Congregationis super certos ibidem ordinandos, concedendos, & diffiniendos legitime congregato, inter cætera, quæ ibidem Statuta, ordinata, & definita fuerunt, idem Concilium in finem, & effectum, ut provideri possit indemnitati Ecclesiæ Argentinensis, ac Reverendo Patri Domino WILHELMO, Electo Argentinensi, & Friderico Bitz, Cantori dictæ Ecclesiæ ex una, & Hugelmanno Decano, & Friderico de Zolre Canonico, & Capitulo ipsius Ecclesiæ Argentinensis, & Roilino Barchennyg, Michaelæ Melbruge Magistro, civium Consulibus, & Proconsulibus, & communitati sæpe dictæ civitatis Argentinensis, & ipsorum ab utraque parte complicitibus & adherentibus, conjunctim & divisim, in causâ & causis verente, & quæ verti & esse sperarunt inter eos, & quæ una pars alteri, & altera alteri movet, movebit, seu movere intendat de & super nonnullis spoliis, violentiis, injuriis, dilapidationibus, & alienationibus, & aliis, in ipsis causâ & causis deductis, & deducendis, & eorum occasione partibus ex altera, hinc inde plena justitia ministretur, & ex quo Judices seu Commissarii alias per ipsum Concilium ipsis partibus, ad examinandam causam & causas prædictas, videlicet Reverendissimi in Christo Patres & Domini Branda Placentinensis, Angelus Veronenfis, Presbyteri Cardinales, pro Collegio Reverendissimorum Patrum, Dominorum, Sanctæ Romanæ Ecclesiæ Cardinalium: Martinus, Episcopus Aprutinenfis, & Thomas de Aurelia, Sacri Palatii Apostolici causarum Auditor, pro Italica: Johannes, Patriarcha Constantinopolitanus, &

Johannes, Episcopus Gebenensis, pro Gallicana: Jacobus, Episcopus Plorentinensis, & Nicolaus Vordus, ejusdem Palatii Apostolici causarum Auditor, pro Germanica: Patrius, Episcopus Cortragensis, & Richardus Darbam, Sedis Apostolicæ Protbo-Notarius, pro Anglicana Nationibus uniformiter Deputati fuissent, licet tunc plena potestate pro examinatione hujusmodi causæ & causarum usque ad diffinitivam sententiam, in ea, seu eis proferendam exclusive non suffulti, prout in quadam papiri cedula die vigesima septima mensis Julii proxime præteriti, partim per organum Reverendissimi in Christo Patris & Domini, Domini Johannis, Patriarchæ Anthiocensis, in simili Congregatione ipsius Synodi Constantiensis recitata, partim vero de mandato ipsius Synodi, & totius Congregationis per Venerabilem Virum, Magistrum Henricum de Piro, de Colonia, ipsius Synodi Constantiensis Promotorem, in scriptis tunc pronuntiata, cujus tenor inferius est insertus, plenius continetur. Quapropter ipsa Synodus, ut præmittitur, loco & hora, quibus supra, legitime congregata, nil de contingentibus & necessariis, quoad supra dictas causas atque partes omittere volens, supradictis Dominis, Judicibus, & Commissariis alias Deputatis dedit, tribuit, atque concessit plenam potestatem audiendi, & cognoscendi causam & causas hujusmodi, prout & quemadmodum in simili papiri cedula per Reverendum in Christo Patrem, & Dominum, Dominum Antonium, Episcopum Concor-diensem, de mandato ipsius Synodi Sacrosanctæ in ambone, in quo edita, decreta, ordinationes, statuta fuerunt, & diffinitiones ipsius Synodi legi solent, lecta & publicata, cujus tenor similiter inferius est insertus, continetur, & habetur. Tenores vero cedularum, de quibus supra fit mentio, sequuntur, & sunt tales: PRIMO: Quod persona Domini Electi Argentinensis offeratur Sacro Concilio,

cras

1416. 30. Aprilis Appellatio Argentinensium repudiata. Item congregata eodem die Natio Germanica in causa Argentinensium.

1416. 8. Maji Congregatio publica pro Episcopo Argentinensi liberando.

Rursum die 9. Maji anno 1416.

1416. 9. Junii contra Argentinenses pronuntiatum.

1416. 27. Junii Congregatio Generalis. Guillelmus de Dieft Constantiam deducitur, sententiæ Concilii se submisit. Hardtus in Indice ante Tom. IV.

Tomus V. Concilior. German.

P

cras in Congregatione Generali in loco Sessionum faciendi, ibique per habentem verbum nomine dicti Concilii cum honestate & honore debitis recipiatur, secundum quod decet honorem Sacri Concilii, & Ecclesiæ Argentinensis, & personæ ejusdem Domini Electi consideratis. *Item*, quod attendatur, quod dictæ personæ oblatio fiat pure & simpliciter sine conditione & obligatione quacumque, & si forsan aliqua conditio vel obligatio interveniret in dicta obligatione cassetur ante omnia per dictum Concilium, & pure præfata persona recipiatur ad finem justitiæ, inter partes, & alias ex officio interstrandæ. *Item*, quod dictus Electus ibidem offerat & præstet cautionem idoneam de non recedendo a Concilio ante finem causæ, & de stando juri ac judicio sisti, & de parendo, obtemperandoque & obediendo judicatis super omnibus propositis & proponendis contra eum, tam ex officio, quam ad instantiam datam & Capituli, ac civium Argentinensium, & maxime super his, quæ concernunt indemnitatem Ecclesiæ Argentinensis prædictæ. *Item*, quod vice versâ præfati Domini Decanus, & Capitulum, ac cives similem cautionem præstent, quoad proposita, & proponenda contra eos pro parte dicti Electi, & alias ex officio, ne justitia dicti Sacri Concilii in aliquo videatur claudicare.

Ista superius scripta non fuerunt lecta, sed solum per Dominum Patriarcham Anthiocensem verbaliter dicta. Sequens Capitulum fuit lectum, prout sequitur:

Item, quod deputentur per Sacrum Concilium de qualibet Natione duæ notabiles personæ, & ex parte Collegii duo Domini Cardinales, qui habeant plenam potestatem recipiendi dictas cautiones, casu quo in prima Congregatione non essent per Concilium receptæ, & circa custodiam personæ medio tempore providendi in dicto casu, & etiam causam & causas, & quærelas partium prædictarum, & alias ex officio motas, & movendas audiendi, examinandi, & generaliter omnia faciendi, quæ ad plenam discussionem hujusmodi causarum, & quæularum pertinent, seu pertinebant usque ad sententiam diffinitivam.

Tenor secundæ cedule: Sacrosancta & Ge-

neralis Synodus Constantiensis dilectis Ecclesiæ Filiis A. Veron. & B. Placentinensi, Sanctæ Romanæ Ecclesiæ Cardinalibus, sic vulgariter nuncupatis, nec non Marino, Episcopo Apruntinensi &c. *ut supra*. Qua quidem ultima papiri cedula potestatem concessam Judicibus, & Commissariis prælibatis, in se continente lecta & ipsa cedula, ut sic lecta per eundem Dominum Antonium, Episcopum Concordiensem, *Italice: Vitalem Tholonensem, Gallicane: Nicolaum Merseburgensem, Germanice: Patritium Anglicane Nationum*, & Johannem, Episcopum Ostiensem, Cardinales, Collegii nominibus approbata per verbum *Placet*, præfata Synodus Constantiensis ad honorabilis viri Magistri Johannis de Stribann, Promotoris ipsius Synodi justam, & requisitam, mandavit omnibus & singulis Protho-Notariis Sedis Apostolicæ, cæterisque Notariis ipsius Synodi Constantiensis unum vel plura, ac tot, quot sufficiant, fieri publicum & publica Instrumentum & Instrumenta, ad perpetuam rei memoriam, præsentibus ibidem Reverendissimis in Christo Patribus, & Dominis, Dominis: Johanne Ostiensi, Vinariensi, Angelino Penestrin, vulgariter Lauden. Episc. Cardinalibus. Antonio Bononiensi, Antonio Aquilegensi, Gabriele Senensi, Alamano Pisano, Angelo Veronensi, Thoma Tricaritensi, Guilielmo Sancti Marci, Antonio de Challanto, Petro de Fuxi Presbyteris, Reginaldo de Branthatis, Ludovico de Flisto, Amadeo Salutarum Lucido de Comite, & Francisco Florentin. Diaconis Cardinalibus vulgariter nuncupatis, aliisque Dominis, Patriarchis, Archiepiscopis, Episcopis, Abbatibus, Regum, Principum, Comitatum, & Universitatum Studiorum Ambasiatoribus, Doctoribus, & Magistris, ac Procuratoribus Ecclesiasticis & Secularibus dictum Concilium representantibus, aliis Christianis in numero copioso ad præmissa vocatis specialiter & rogatis. Et ego Gunipertus de Wildnerghen, Clericus Moguntinensis Diocesis, publicus, Apostolica & Imperiali auctoritatibus Notarius, præfateque Synodi Constantiensis pro Natione Germanica Scriba, & prædictarum cedularum recitationi, & lectioni, potestatis traditioni, omnibusque & singulis aliis præmissis, dum sicut præ-

mitti-

mittitur, fierent, & agerentur una cum prænominatis Dominis Cardinalibus, cæterisque Dominis pro testibus in scriptis præsens successuris temporibus fui, eaque sic fieri vidi, & audiui. Ideo hoc præiens publicum Instrumentum hujusmodi cedularum lectionem, Judicum deputationem, potestatis dationem in se continens, per alium, me aliis occupato, scriptum de mandato Synodi prælibatæ exinde confeci, publicam, & in hanc publicam formam redegei, signoque & nomine meis solitis & consuetis signavi, rogatus & requisitus, in fidem & testimonium omnium & singulorum præmissorum. Quorum quidem instrumentorum, seu commissionum prædictarum vigore, per Nos in causâ & causis hujusmodi inter partes prædictas ad certos actus rite & legitimo processu, ac cautione idonea & sufficiente de non recedendo a Concilio Constantiensi prædicto ante finem causæ & causarum hujusmodi, quo ad ipsum Dominum Electum duntaxat primo, deinde ab ipso Domino Electo, nec non ab ipsis Dominis, Decano, Canonicis, Capitulo, civibus, & communitati Argentini. subsequenter de stando juri & de judicio fisci, & de parendo, obtemperandoque & obediendo judicatis super omnibus propositis & proponendis, contra alterutram partium tam ex officio, quam ad instantiam alterutrius partis diligenter receptis. Et ad majorem cautelam, & certitudinem præmissorum attendorum, & observandorum, aliisque quam pluribus cautionibus a dictis Dominis, Decano, Canonicis, Capitulo, civibus, & communitate solempni, interveniente stipulatione, tam super restitutione ablatorum, quam expensarum ratione continenter factarum, & alias de parendo & obtemperando mandatis dicti Sacri Concilii, atque nostris coram Nobis datis, & realiter exhibitis.

Tandem die, & hora infrascriptis comparent in judicio coram Nobis Judicibus, & Commissariis præfatis ad hoc specialiter congregatis. Dominus Hugelmannus de Vinstingen, Decanus, ac Thoringus de Arburg, Canonicus Ecclesiæ Argentinensis prædictæ, tam nominibus propriis, quam Capituli, & Ecclesiæ Argentin. citra tamen suorum Procuratorum revocationem, ac idem Do-

minns Thoringus, & Magister Henricus Kuwt, alias Bell, in Romana Curia, & dictorum Dominorum Friderici de Zolre, Canonici Ecclesiæ, nec non Rulini Bapfenning, Michaelis Melbrugè, ac Proconsulum, Consulum, civium, & communitatis civitatis Argent. Principalium Procuratores, prout de ipsorum procuratorum mandatis Nobis legitime constabat, prout constat documentis in præsentia memorati Domini WILHELMII Electi, tunc etiam coram Nobis comparentis, ac ad actum infra scriptum per nos legitime requisiti, prædicti Domini Hugelmannus Decanus, ac Thoringus Canonicus, nec non Magister Henricus Kuwt, alias Bell, Procuratores in personam dicti Domini Friderici de Zolre, & Capituli Ecclesiæ, nec non Rulini Michaelis civium prædictorum, ac Proconsulum, Consulum, & communitatis Argentin. a prædictis excommunicationis sententiis absolvi, ac interdictum in quibuscunque Ecclesiis, terris, seu locis communiter, seu divisim eisdem subjectis positum relaxari per Nos debita cum instantia postulavit, prout id etiam in quadam petitione summaria in scriptis Nobis oblata humiliter flexis genibus petierunt, offerentes se in omnibus patatos stare juri, & parere mandatis Sanctæ Matris Ecclesiæ, dictique Sacri Concilii, atque nostris. Nos igitur Judices, aut Commissarii præfati attendentes requisitionem hujusmodi fore justam, & consonam rationi, & quod Sancta Mater Ecclesia nemini claudit gremium ad eam revertenti, & veniam petenti, conscito Nobis prius de relatione ipsorum, Dominorum Electi, Cantoris, & Familiæ eorundem, ac demum receptis per Nos ab ipsis Dominis Hugelmanno Decano Principali, ac Thoringo Canonico, nec non Magistro Henrico Kuwt, Procuratoribus, procuratoriis nominibus, quibus supra, & per ipsorum quemlibet ad mandatum nostrum, & in nostris manibus tactis corporaliter scripturis Sacrosanctis, ad Sancta Dei Evangelia præstito juramento, ac insuper aliis cautionibus sufficienter de stando juri, & parendo Sanctæ Matris Ecclesiæ, dictique Sacri Concilii, & nostris mandatis, nec non etiam recepta ab eisdem Dominis, Decano, Canonico, & Procuratore, nominibus, quibus supra, cautione idonea, sine deposito, ac promissorio sufficienti

de restituendo effectualiter dictis Dominis, WILHELMO Electro, Friderico Cantori, & Familix eorum res ablatas hujusmodi, quæ exstant, & quarum facultatem restituendi habent, infra viginti dies, a die dat. præsentium immediate sequentes, & de aliis secundum valorem earum sufficienter, competenter ad mandatum nostrorum Judicum, & Commissariorum infra terminum per Nos eodem taxatione prima assignandum, consequenter prænominatos Dominos Hugemannum Decanum, Principalem in persona propria, Toringum, & Magistrum Henricum Kuwt, Procuratores in persona dictorum Dominorum, Friderici Canonici, nec non Rulini, & Michaelis, civium, ac Proconsulum, Consulum civitatis prædictæ, etiam Principalium. Et vice versa ipsos Dominos Fridericum Canonicum, nec non Rulinum, & Michaellem, ac Proconsules, Consules, Cives civitatis ejusdem in personas dictorum Toringi, & Magistri Henrici Kuwt Procuratorum singulariter singulos ab excommunicationis sententiis, quas incurrerint, propter contumaciam in non parendo monitorio supradicto, per Sacrum Concilium contra eos decreto, in quibus sententiis declarati incidisse exstiterunt, præfertur, in nomine Patris, & Filii, & Spiritus Sancti, duximus absolvendos simpliciter, & absolvimus, ac interdictum in Ecclesia, communitate civitatis Argentinæ, aliis quibuscumque Ecclesiis, terris, & Dominiis ratione contumaciæ prædictæ positum, duximus suspendendum, & usque ad tres menses proxime futuros suspendimus per præsentem. Quæ omnia & singula acta, & facta per Nos Judices, & Commissarios antedictos vobis omnibus, & singulis supradictis intimamus, insinuamus, & notificamus, ac ad vestram & cujuslibet vestrum notitiam deducimus, & deduci volumus per præsentem. In quorum omnium, & singulorum fidem, & testimonium præmissorum præsentem nostras literas absolutionis, & relaxationis exinde fieri, & per Notarios publicos, scribasque nostros infrascriptos subscribi, & publicari mandavimus, ac Dominorum Angeli, & Brande Cardinalium, nec non Johannis Patriarchæ prædictorum sigillorum vice, & nomine, & de consensu omni-

um nostrum Judicum & Commissariorum præfatorum fecimus appensione communiri. Datum, & actum Constantiæ, Provinciæ Moguntinensis, in Aula Episcopali Constantiensi, in loco solito, ubi per Nos jura inter dictas partes redduntur, Nobis inibi ad jura reddendum, pro tribunali sedentibus: sub Anno a Nativitate Domini Milleesimo, quadringentesimo, sextodecimo, indictione nona, Apostolica Sede vacante, die vero Jovis, vicesima tertia mensis Julii; præsentibus ibidem honorabilibus Viris Wilhelmo de Sele, & Joanne Bluet de Nuncio nostro in hujusmodi causa jurato, Clerico Leodiensis, & Spirensis Diocesis, ac Ulrico Meyer, Prothonotario civitatis Argentinensis, prædictis testibus ad præmissa vocatis specialiter, & rogatis.

Et ego Johannes Ruenberg de Montemartis, Clericus Padeburnensis Diocesis, publicus Apostolica, & Imperiali auctoritatibus Notarius, ac Reverendissimi in Christo Patris, & Domini, Domini Angeli, Cardinalis Veronensis, Judicis, & Commissarii præfati, & hujusmodi causæ coram eo scriba. Quia prædictis *absolutioni, relaxationi*, eorumque *petitioni*, coram decreto, omnibusque aliis, & singulis præmissis, dum sic, ut præmittitur, fierent & agerentur, una cum prænominatis testibus præsens interfui, eaque omnia, & singula sic fieri vidi, & audi vi. Ideoque hoc præsens publicum instrumentum per alium, me aliis occupatum negotiis fideliter scriptum exinde confeci, ac una cum Antonio connotario meo prædicto subscripsi, & in hanc publicam formam redegi, signoque, & nomine meis solitis, & consuets, una cum appensione sigillorum memoratorum Dominorum Angeli, & Brande Cardinalium, ac Johannis Patriarchæ præfatorum, signari, rogatus, & requisitus in fidem, & testimonium omnium, & singulorum præmissorum.

Et ego Antonius Bartholini Franchi de Patis, publicus Apostolica, & Imperiali auctoritatibus Notarius, ac præfatorum Dominorum Judicum.

Cl. Lunig Spicilegii Ecclesiæ, des Teutschen Reichs Archivs 2. Theil.

Exi-

*Exitus plenus hujus Causæ ex P. Laguillio, S. J.
in Historia Alsatia.*

Advocatus Capituli, & Magistratus Argentinensis coram Congregatione IV. Nationum 11. Decembris anno 1415. dixerunt, Episcopum volentem vendere vel prodigere Savernam & castrum Bar, ut hoc ære pararet nuptias, quique jam viginti castra alienis manibus vendiderat, in locum Capituli inclusum fuisse: eamque mali majoris evitandæ causâ incarcerationem institutam fuisse. De cætero sese subesse & subijcere definitioni Concilii. Advocatus Episcopi petiit Monitorium pro liberatione Episcopi ante omnia.

Deputati Nationum declararunt, a sedecim Commissariis causam examinandam, sed provisionaliter relaxandum Episcopum.

Advocatus Capituli restitit: non relaxandum, nisi restituta possessione Ecclesiæ.

Res ad aliam Congregationem rejicitur.

Interim 22. Decembris anno 1415. fœdus seu confraternitas instituitur inter Decanum, Prælatos, Archi-Diaconos, & omnes Abbates Argentinensis Diœceseos contra Wilhelmum, & statuuntur præservativa media contra abusus ab Episcopis tentatos, vel tentandos. Adveniunt Argentinam Commissarii Constantienses. Principes commissionis erant Patriarcha Constantinopolitanus, & Episcopus Merseburgensis. Effectum nihil. Deputati Confraternitatis plura & atrociora crimina, Wilhelmo objecta, Commissariis, ad Concilium perferenda, insinuarunt.

Commissarii his visis & auditis Constantiam redeunt, relicto in vinculis Episcopo.

Congregatio 19. Januarii anno 1416. magna cum indignatione relationem audivit. Voluit relaxari Episcopum sub conditione jurata, quod pariturs esset decisioni Concilii, castra Savernam & Bar sub Concilii tutela fore.

20. Februarii anno 1416. Procuratores Concilii institerunt pro liberatione Episcopi, & Monitorio expediendo, quod 10. Martii expeditum fuit: incurfuros Decanum, & Camerarium, Canonicos, Cives, Rolinum Barpfenning, Michaellem Melbruge, & Ulricum Gosse excommunicationem, ob contumaciam, nisi intra XII. dies Episcopum & ei adhaerentes liberent carcere.

Evolvitur hic terminus frustra.

27. Aprilis Procurator Episcopi instat pro executione Monitorii declaranda.

Advocatus Capituli & sociorum publico actu appellat ab omnibus actitatis *ad Concilium melius informatum*, & ad Papam futurum, causatus, *Monitorium* non esse a Concilio, sed *subreptum* ab inimicis Capituli & civitatis.

Hæc Appellatio fuit 30. Aprilis anno 1416. rejecta uti temeraria, frivola, contraria juri & rationi.

5. Maji Promotor Concilii in Congregatione petiit, Capitulum & urbem contumaces interdicto subijci, excommunicationem declarari. Interea afferuntur literæ Sigismundi Reg. Rom. per Henricum de Latzenbog, quibus petit suspendi declarationem contra Argentinenses usque ad reditum suum.

Concilium non omnino abstinuit ab actione, sed citavit defensores Capituli & urbis: testes audire voluit, informationesque, ut proximo sabbato definire causam liceret.

8. Maji anno 1416. Henricus de Latzenbog præsentavit credentiales Imperatoris, affirmabatque Concilio, Imperatorem redditurum Episcopo libertatem, & procuraturum indemnitate Ecclesiæ Argentinensis. Imo ipse Henricus promisit, se additurum Episcopum ad Concilium, modo Prælati sibi adjungerentur cum potestate necessaria.

Episcopus Wilhelmus fuit liberatus, misso Latzenbogo, & fociis, 27. Junii anno 1416. apparuit in pleno Concilio. Mox Latzenbogus Argentinam reversus, Chorepiscopum & familiares Wilhelmi Episcopi relaxari fecit, Procurator causæ & Regis Franciæ pro Wilhelmo peroravit.

28. Junii Wilhelmus cum omni decore comparuit in Concilio, sub conditione, quod staturus esset definitioni Concilii, nec Constantia abiturus citra Concilii consensum.

23. Julii anno 1416. Decanus Hugelmannus, & Thuringus d'Arbourg deputati Capituli coram Congregatione speciali una cum Advocato civitatis, genibus flexis supplicarunt pro absolutione a censuris & interdicti ablatione.

Commissarii hac submissione moti, assenserunt precibus, sed ea conditione, ut jurarent se parituros Decretis Concilii, & restituros Episcopo & Cantori Friderico de Birsch, & familiaribus omnia per incarcerationem ablata.

Quo juramento præfrito, ab Excommunicatione absolvuntur, sed civitas adhuc trime-
stri spatio sub interdicto manfit, quod 8. gbris anno 1416. prorogatum fuit usque ad
diem Cinerum anni proximi 1417.

Episcopus egre tulit, hanc gratiam factam ab Commissariis: appellavit *ad Concilium*,
quod solum poterat causam terminare: violatores puniendos, honorem Principis
& Episcopi *vindicandum, reparanda* damna omnia &c.

Sigismundus I. *Januarii anni* 1417. reversus Constantiam, causam Episcopi, qua Prin-
cipis Imperii in se sumpsit tuendam, urbem declaravit incidisse in Bannum Imperii
ob violatam Episcopi Principis dignitatem.

Nobiles & Domini vicini gavisi hac declaratione, sperabant se urbem invasuros, ur-
bana prædatorios.

Urbs hoc Banno Imperiali territa, post restitutum Episcopum & Cantorem libertati,
damnata fuit ad solvendos sex mille florenos Camere Apostolicæ, & majorem sum-
mam Sigismundo Imperatori.

Anno 1417. 6. Novembris ante ingressum in Conclave interdictum civitati & Capitulo
levatum fuit: Decanus, Canonici, & cives damnati in expensas, taxa, reservata Com-
missariis Concilii.

CAUSA SEPTIMA

MATTHÆI GRABON, Fratris ex Ord.

Prædicatorum, tractata Constantiæ III. Aprilis ANTE SESSIO.

NEM GENERALEM XLIV., QUÆ FUIT CELEBRATA

DIE XIX. APRILIS ANNI MCCCCXVIII.

MARTINI V. PP. I. SIGISMUNDI REG. VIII.

CAPUT I.

*Conclusiones Fratris Matthæi
Grabon, Ordinis Prædicatorum,
in Sacro Constantiensi Concilio ad
examinandum Martino V.
oblatae.*

Ex antiquis codicibus Gersonianis.

BEATISSIME PATER! Exponitur
Sanctitati vestræ ex parte viri de-
voti Oratoris Fratris MATHÆI GRA-
BON, Conventus Wismariensis (forte
Vinariensis) provinciæ Saxonix, *Ordi-
nis Prædicatorum*, ac Merseburgensis Dice-
ceseos, quod cum *Lector* ipse existens in
Conventu Groningensi, Diceceseos Tra-
jectensis, dictæ provinciæ, & ordinis,
videret, plures personas sexus utriusque novæ
religionis habitum assumentes, & conventicula
facientes, (a) nullum habitum approba-
tum profitentes, statuentesque sibi ipsis su-
periores pro libitu voluntatis, & sub simulata
devotione populum attrabentes, & multa con-

tra veritatem Sacræ Scripturæ, ac Sacros
Canones attentantes, & de elemosynis Christi-
fidelium domos sumptuosas ad modum Monaste-
riorum regularium ædificantes, & se invicem
in eis includentes cum observatione quorundam
rituum minime per Ecclesiam approba-
torum: cœpit super hoc apud semetip-
sum ardentem cogitare, & an hoc stanti-
bus regulis fidei, & Sacris Canonibus,
Ecclesia dissimulare deberet. Revolvens-
que diligentius Sacræ Scripturæ, sancto-
rumque Doctorum libros, & Sacros Ca-
nones, qualdam conclusiones, reprobantes illo-
rum modum vivendi, extraxit, & scripturæ
commendavit. Quarum una principalis
est, ex qua aliæ deducuntur, exceptis pau-
cis. Nullus potest licite, & meritorie, imo nec ve-
raciter, obedientiæ, paupertatis, & castitatis
universalia consilia conjunctim, extra veras
religiones manendo, adimplere.

Ex quo sequitur immediate formali
consequentia, articulus seu conclusio in
ordine: quod nullus potest prædictum pau-
pertatis consilium meritorie, imo nec veraciter
obser-

(a) Anno 1384. Gerardus de Groot, Daventriensis, Canonicus Ultrajectinus, Præpositus
Aquisgranensis, instituit Societatem plurium Clericorum sæcularium, qui opes suas
in commune conferrent, juventutem docerent, Horas Canonicas, & alia exercitia
pia simul facerent. Thomas de Kempis, oppido Archi-Diœcesis Colonienfis, fuit
ex eorum numero, & scripsit viam Institutoris.

observare, nisi fuerit in Statu Spiritualis perfectionis, sive veræ religionis.

Et dico notanter de istis tribus consiliis simpliciter, seu universaliter sumptis. Secundum quod vero, & in aliquo casu possunt laudabiliter, & meritorie extra religiones observari. Quando enim aliquis secularis dat eleemosynam in casu aliquo, quando ad eam de necessitate præcepti non tenetur, implet illud consilium pauperatis in illo casu tantum. Et quando continet se ab uxoris amplexibus tempore illo, quando illud facere non tenetur, implet consilium continentie, in illo casu secundum quod tantum. Quando etiam obedit alicui suo Prælato, Curato, vel Episcopo, in casu, quando hoc de necessitate præcepti non tenetur, observat illud obedientie consilium in illo casu. Et ista possunt extra religiones vivere, voto, vel sine voto Deo offerre. Unde dicit S. Thomas secunda secunde: Quod in sæculo viventes aliquid Deo dant, & aliquid sibi reservant, & secundum hoc Prælati Ecclesiæ subduntur. Regulares autem oportet totum Deo, quod habent, tantquam holocaustum offerre. Et hoc fit & fieri potest tantum per tria consilia universalis prædicta. Et ideo dicit ibidem, quod ad seculares pertinent tantum particularia vota. Unde particularia vota dicuntur sacrificia, more veterum, de cuius ratione fuit, de offertorio Deo oblata partem dare, & partem retinere. Universalis vero vota holocaustum dicuntur, de cuius ratione fuit, totum Deo offerre, & nihil retinere, quod pertinet ad solos religiosos, se & sua in modum cuiusdam holocausti Deo dedicantes.

Ex quibus sequitur undecima, quod abdicare quemquam omnia propter Christum, extra prædictas religiones manendo, seu, nisi veram aliquam religionem ingrediatur, est sibi, & suis, quorum cura sibi incumbit, vitam subtrahere. Quod est homicidium tot hominum committere, quot ejus curæ subduntur. Hæc est de mente S. Thomæ secunda secunde: Quæst. 33. art. 8. &c.

Ex quibus sequitur, quod nullus potest abdicationem omnium propter Christum facere extra veram religionem manendo, sine peccato mortali. Quia subtraheret sibi vitam.

Ex quibus sequitur, quod omnes

peccant, qui bona sua simpliciter in eleemosynam largiuntur, extra religionem veram manendo, quæ est tertia conclusio in ordine.

Et etiam, quod peccent, qui sua propria resignant, non intrantes religionem aliquam approbatam, quæ est decima octava in ordine, coincidens cum tertia immediate præcedenti.

Ex quibus sequitur decima, quod reputantes se bene facere, assumendo prædictum consilium paupertatis, remanendo in statu seculari, mortaliter peccant. Ratio. Quia talis non est assumptio ipsius nisi fantastica, perversa, & non vera. Ut docet Dominus Johannes XXII. in quadam extravagante: Gloriosum Ecclesiam, &c. & ratio idem convincit.

Ex quibus sequitur, quod seculares, credentes se mereri tali abdicatione (in sæculo scilicet manendo) vitam æternam, mortaliter peccant.

Ex quibus sequitur, quod aliquis sic voluntarie pauper propter Christum, in sæculo manens, omnino nihil habendo, nec etiam ipsam voluntatem habendi propria, includit omni tempore contradictionem, &c. quia includit, quod secularis sit religiosus, & e contra. Quod est omni tempore contradictio.

Ex quibus sequitur, quod non effundi omnes opes simul ab his, qui volunt in statu seculari remanere, reducit quasi immediate ad illud præceptum Decalogi: Non occides. Uno casu tantum dempto secundum expositionem Sancti Thomæ Quæst. XXXIII. allegantis ad confirmationem dicti sui Ambrosii dicentem in primo de Officiis: Deus non vult simul omnes opes effundi, nisi forte ut Helisæus, qui mactavit boves suos, & pavit pauperes ex eo, quod habuit: ut nulla cura teneretur domestica, sed ut se daret in Prophetica disciplinam. Quod verbum scilicet, nisi forte ut Helisæus, exponit Sanctus Thomas: Nisi quis velit statum suum, scilicet secularem, mutare per religionis ingressum, & Principem de extrema necessitate liberare &c. Et Johannes in summa confessionis sub aliis verbis: nisi quis velit ex toto seculum relinquere. Et Magister Sententiarum titulo de Eleemosyna dicit idem. Et loquitur ibi Ambrosius de effu-

effusione , seu abdicatione actu habitatum , ex quibus possit homo convenienter vitam transigere, secundum conditionem status, & personæ.

Ex quibus sequitur , quod dicens pertinaciter , omnia esse meritorie abjicienda propter Christum, in seculo manenti, *hæreticus* est dicendus. Excepto uno solo casu , *de liberando Principem de necessitate extrema*. Per quem, &c.

Ex quibus sequitur, quod *proprietas temporalium verum est statui seculari essentialiter annexa*. Et per consequens Dominus Papa salva autoritate sua, non potest dispensare cum secularibus , ut omnibus in singulari careant , seu nihil in singulari habeant.

Ex quibus sequitur *sextus articulus*, reddens præcedentis articuli quinti rationem. Si enim Dominus Papa posset hoc ; posset alicui concedere propriæ vitæ subtractiones, &c. posset etiam, quod pro omni tempore contradictionem implicat. Quod Deus, secundum Sanctos, facere non potest. Sequitur etiam, quod *Religiosus sine peccato mortali non potest abdicare voluntatem habendi communia*, etiam quando actu talia non habet. Quia etiam illud, quod nullus facere potest sine peccato mortali , nullus potest illud velle facere. Et Religiosus non potest abdicare communia , quia sine illis vivere non posset, cum per suam professionem renuntiaverit omnibus , & singulis propriis singularibus. Sequitur ergo, quod Religiosus , &c. Quia etiam , testante Sancto Thoma *secunda secunda. Q. XXXIII. art. 8. t.* Nullus debet inconvenienter vivere, tribus casibus exceptis,

Sequitur, quod *male faciant, & peccent, illud abjicientes*, de quo secundum statum suum, & conditionem personæ possint convenienter vivere : dictis tribus casibus exceptis, &c.

Nullus etiam corpore validus, extra veram necessitatem existens, potest sine peccato Christi fidelium elemosynas tollere.

Ex quibus sequitur, quod prædicta tria Salvatoris consilia sunt ita concatenata, ut ubi paupertas veraciter seu meritorie invenitur, oportet , quod necessario obedientia, & castitas veraciter, seu meritorie inveniantur. Probatum ita : quia Papa sic arguit in *Decretali*. Qui non

renuntiant propriis , non sunt Religiosi. Ergo *propriis renuntiantes sunt Religiosi*. Et omnis Religiosus est necessario simul cum paupertate ad alia duo consilia veraciter obligatus. &c.

Ordo & numerus articulorum, & conclusionum prædictarum.

Articulus I. Proprietas temporalium rerum statui seculari essentialiter est annexa.

Art. II. Nullus sine peccato potest illud abjicere, quo retento potest convenienter vivere secundum statum suum.

Art. III. Omnes peccant , qui bona sua simpliciter in elemosynam largiuntur propter Christum.

Art. IV. Abdicationes omnium propter Christum nullus facere potest , extra veras religiones manendo , sine peccato mortali. Et dico *veras religiones* per Sedem Apostolicam approbatas.

Art. V. Papa non potest dispensare cum secularibus , ut omnibus in singulari careant.

Art. VI. Si Papa posset alicui concedere hoc , tunc posset concedere propriæ vitæ subtractionem. Quod est contra præceptum Decalogi : *Non occides*.

Art. VII. Religiosus non potest sine peccato mortali abdicare voluntatem habendi communia, quando actu talia non habet.

Art. VIII. Quod aliquis sit voluntarie pauper propter Christum, in seculo manens, omnino nihil habendo in singulari, nec etiam ipsam voluntatem habendi propria , includit omni tempore contradictionem.

Art. IX. Nullus potest paupertatis consilium meritorie observare, nisi fuerit in statu Spiritualis perfectionis, sive veræ religionis. Dico autem veram religionem, secundo modo dictam religionem.

Art. X. Reputantes se bene facere assumendo paupertatem, quæ est Salvatoris consilium , remanendo in statu seculari, peccant mortaliter.

Art. XI. Abdicare omnia etiam pro-

propter Christum, nisi veram approbatam religionem ingrediatur, est sibi, & suis, quorum cura sibi incumbit, vitam subtrahere. Quod est homicidium committere tot hominum, quot etiam ejus curæ subduntur.

Art. XII. Credentes se mereri vitam æternam tali abdicatione, credunt se posse mereri vitam æternam mortaliter peccando.

Art. XIII. Effundi omnes opes simul ab his, qui volunt in seculo manere, reducit quasi immediate ad illud Præceptum: *Non occides.*

Art. XIV. Dicens omnia meritorie esse abjicienda propter Christum remanenti in seculo, est hæreticus judicandus.

Art. XV. Nullus potest meritorie, & secundum Deum obedientiæ paupertatis & castitatis consilia extra veras & approbatas religiones manendo adimplere.

Art. XVI. Tria Salvatoris consilia sunt sic concatenata, ut ubi paupertas meritoria, in quantum est Salvatoris consilium, invenitur, oportet, ut necessaria alia duo, scilicet castitas, & obedientia, inveniantur, quæ a paupertate separari non possunt.

Art. XVII. Matronæ, seu mulieres communem vitam ducentes, infimul commorantes, *Begutte* (b) vulgariter nuncupatæ, quoscunque errores non tenentes, aut prædicantes, seu alias de erroribus, vel hæretica pravitate non suspectæ, æternæ damnationis sunt filiæ, & eorum status est prohibitus & damnatus.

Art. XVIII. Peccant, quia propria sua resignant, non intrantes religionem approbatam. Ratio est secundum eum, quia *Religiosorum est carere proprio*, sicut *Sæcularibus est necessarium retinere proprium.*

Art. XIX. Non licet Presbyteris & Clericis communem vitam ducere, nisi in religione approbata, sub pœna peccati mortalis.

Art. XX. Peccant omnes, qui foveant consilio & auxilio communem vitam ducentes extra religionem approbatam.

Art. XXI. Excommunicati sunt omnes communem vitam ducentes extra religionem approbatam.

Art. XXII. Quare similiter excommunicati sunt illi, qui vitam communem extra religionem approbatam ducentibus præbent eleemosynam. Et qui tales foveant consilio, & auxilio, vel defensione, similiter stant, & sunt in statu perpetuæ damnationis. Et nisi de hujusmodi eorum excessibus magna contritione poenituerint, ad vitam æternam non possunt pervenire, nec salvi permanere.

Art. XXIII. Omnes vitam communem ducentes extra religionem approbatam, sunt illi, a quibus Salvator noster præcipit esse abstinendum, & tamquam a falsis Prophetis attendendum.

Art. XXIV. Quilibet faciens contra *Jura Canonica*, peccat mortaliter.

Art. XXV. Nullus corpore validus, absque communi utilitate & necessitate, potest extra veras religiones sine peccato eleemosynas Christi fidelium tollere. &c.

CAPUT II.

Petri de Alliaco, (c) Cardinalis Cameracensis, judicium de causa fidei Matthæi Grabon, datum Commissario Cardinali a Martino V. constituto.

Reverendissime Pater & Domine! super schedula papyrea sigillo vestro sigillata mihi ad instigatoris instantiam in quadam causa Fidei respondeo, deliberationem meam istam esse præsentem: quod coram Reverendissima Paternitate vestra convocentur Theologi, qui sunt in hoc Sacro Concilio. Quibus proponatur materia, ut communicatis invicem

com-

(b) Vide de illis Disceptionem nostram Digressionem III. ad Sæculum XIV. pag. 623. *Tomi IV. Conciliorum Germaniæ.*

(c) Martinus V. articulos Grabboni censurandos commisit Petro Alliaceri, Cardinali Cameracensi, & Joanni Gerson Cancellario Parisino aliisque post Sessionem XLIII. Constantiensis Concilii, qui censuerunt Grabboni propositiones erroneas, falsas, temerarias, ut postea dicitur.

communi deliberatione sine contentione dicat tandem *unusquisque in publico*, id quod sibi videbitur *conformiter ad Sacram Scripturam*. Et illic ego *in favorem fidei* volo libenter interesse.

Non enim debet talis materia in tenebris vel particulariter terminari, sed communiter & in luce. Ut quilibet, qui intererit, possit vel docere, vel doceri, dum se mutuo quilibet intelliget.

Et talem modum servavi in hoc Concilio in causis fidei mihi commissis. Et nihilominus, quia nescio, si occurrerit occasio, quod non possem interesse in convocatione præmissa, dico, quod mihi occurrit, ut sequitur.

Propositiones sive *Conclusiones*, super quibus fit *Inquisitio*, habent fundamentum primæ conclusionis principale, quod est *erroneum*, repugnans nedum rationi Theologicæ & morali, sed etiam observationi primitivæ Ecclesiæ, quæ scribitur *Actor. IV.* ubi sic in forma dicitur: *Multitudinis autem credentium erat cor unum, & anima una, nec quisquam eorum, quæ possidebat, aliquid suum esse dicebat: sed nec quisquam egens erat inter eos.* Constat itaque, quod in illa Congregatione primitiva fuerunt multi uxorati, & alii diversarum conditionum seculares, qui scilicet non erant ascripti per votum ad tria consilia Evangelica castitatis, obedientiæ & paupertatis, quemadmodum sunt professi religionum, per Beatum Basilium, Benedictum, & Augustinum, ac similes introductarum. Quas iste ponens hujusmodi conclusiones appellat veras religiones, tanquam extra illas non sit vera religio, quod falsum est, imo hæreticum, si sic per præcisionem intelligatur. Quoniam Christiana vera est religio, etiam apud seculares, ut Jacobus in Canonica sua notanter expressit.

Sunt præterea in dictis propositionibus multæ clausule appositæ ultra prædictum principalem fundamentalem errorem: quod seculares non possint vivere sine proprio: quæ continet magnam temeritatem, scandalum, atque proterviam: & quæ possent singillatim reprobari. Ut, quod dicere oppositum illius, quod aliquæ conclusiones suæ continent, sit hæreticum, quod sit implicans contradictionem, quod sit peccatum mortale, quod omnis faciens contra jura Canonica, peccat mortaliter, & ita de similibus.

Est igitur *deliberatio mea*, quod propter ista & similia, quæ tractatus vel libellus, a quo sunt extractæ conclusiones, seu positiones antedictæ, continet, damnandus est, ut erroneus, & temerarius, & scandalosus, & ut dogma falsum Sacræ Scripturæ contrarium. Et per consequens, quod *tractatus est hæreticalis, & igni tradendus*.

Cæterum de Compositore tractatus deliberent Domini iustitiæ, istis attentis, quid agendum.

In testimonium præmissorum propria manu subscripsi. Vester totus Petrus, Cardinalis Cameracensis.

CAPUT III.

Johannis Gersonis judicium, seu propositiones de dogmatibus Matthæi Grabon, in Concilio Constantiensi propositis IN CAUSA FIDEI DE VERA RELIGIONE ET PERFECTIONE.

Quibus propositionibus tredecim Doctores majores, quos pro tunc mundus habuit in Theologia de diversis Universitatibus, contra prædictas assertiones adhaeserunt.

REVERENDISSIMO IN CHRISTO PATRI, AC DOMINO PRÆSTANTISSIMO, DOMINO ANTONIO, CARDINALI VERONENSI, JOHANNES, CANCELLARIUS PARISIENSIS, HUMILITER OBEDIRE.

REVERENDISSIME PATER! super schedula, per Reverendissimam Paternitatem vestram ex commissione Domini nostri mihi transmissa, respondeo conformiter ad responsum Reverendissimi Patris, ac Domini mei, ac Præceptoris præcipui, Domini Cardinalis Cameracensis. Quam responsum in scriptis ego vidi, & huic adhæreo, paratus, si opus fuerit, ad declarationem non veriorum, sed forte latiorum. Scriptum Constantiæ propria manu, die tertia Aprilis, anni Millesimi, quadringentesimi, decimi octavi.

Ad elucidationem veritatis, & ad obedientiæ meritum sex propositiones sequentes cum totidem Corollaris offeruntur

tur vobis Reverendissimo Patri, Domino Cardinali Veronensi, judici in hac parte per me Johannem, Cancellarium Parisiensem.

Propositio I. Sola Religio Christiana est proprie vere, & anthonomastice dicenda religio, quam Christus observavit perfectissimo & summo modo.

Patet prima pars: Quia extra religionem Christianam non est salus. Secundam partem nullus potest negare Christianus. Quia sicut eam Christus docuit in Evangelio, sit & fecit, quod cepit facere & docere.

Propositio II. Religio Christiana non obligat ad observantiam consiliorum neque cum voto, neque sine voto. Patet: quia jam non essent consilia, sed præcepta.

Propositio III. Religio Christiana potest absque voto obligante ad consilia, perfecte imo perfectissime observari.

Patet de Christo, qui non legitur voluisse consilia, qui fuit tamen suæ legis perfectissimus observator. Patet insuper de Apostolis, & Discipulis Christianis in primitiva Ecclesia, quorum multi erant uxorati, multi possessiones habuerunt, quidam in communi, quidam in proprio. Multi subiciebantur solis Prælati suis, Episcopis, & Curatis.

Constat itaque, quod non erant de religionibus Basilii, vel Augustini. Quia nondum fuerant institutæ, vel per Ecclesiam approbatæ, nec talibus regulis subdebantur.

Propositio IV. Religio Christiana non requirit ad perfectionem sui observationem, tam in præceptis, quam in consiliis, quod superaddatur alia religio. Quales dicuntur observationes institutæ per Sanctos Basilium, & Augustinum, &c. Et quales Anselmus vocat religiones factitias. Patet ex præcedentibus.

Propositio V. Religionem hujusmodi factitiæ satis improprie, & abusive, & forsitan arroganter dictæ sunt status perfectionis.

Patet, quia constat, homines imperfectissimos tales religiones profiteri. Sic notat Augustinus, quod non peiores reperit, quam eos, qui in hujusmodi religionibus defecerunt.

Sed aliunde declaratur hæc abusus, Tomus V. Concilior. German.

vel usurpatio nominis. Quia secundum illos, qui noviter, post Sanctos Doctores usi sunt tali vocabulo, statu perfectionis, ille status non dicitur apud religiosos perfectionem habitam, vel acquisitam, sicut est de statu Prælatorum, sed tantummodo dicitur perfectionem acquirendam. Constat autem, quod perfectio acquirenda non est acquisita. Et ideo melius nominaretur via quædam, vel instrumenta, seu dispositiones ad perfectionem acquirendam, quam diceretur status perfectionis. Imo & sicut hujusmodi status, sic dictus, dirigit, & juvat quosdam ad perfectionem observationem veræ religionis Christianæ, sic & multos impedit, atque præcipitat, quod tutius fuerat in seculo remansisse. Quia displicet Deo stulta, & infidelis promissio: quæ scilicet, vel indiscrète sumitur, vel non observatur.

Propositio VI. Religio Christiana perfectius potest, & debet observari a Papa, Cardinalibus & Prælati, etiam si nullo voto sint restricti ultra legem Dei; quam simplices religionum factitiarum Professores. Patet: quia sunt in statu perfectionis excendæ. Primum Corollarium, sequitur primo, quod acceptio religionis, sicut Frater Matthæus Jacobita describit in secunda acceptione, ubi vult declarare, quod est proprie, & anthonomastice religio, est nedum stulta, & insana, sed & hæreticalis, blasphemica, quando dicitur sic: alio modo, inquit, accipitur hoc nomen religio, secundum quod a religando dicitur, prout homo obligat se ad ea, quæ pertinent essentialiter ad statum perfectionis. Et illo modo dicitur anthonomastice tantum de illis, qui sunt in aliqua de approbatis regulis proprie dictis professi, cujusmodi Augustini, Basilii, Benedicti, Francisci, &c.

Patet Corollarium ex præcedentibus deducendo ad hoc inconveniens, quod Christus, & Papa, & Prælati non observaverunt, vel observant essentialiter statum perfectionis. Quia, si non professi sunt regulas prædictas, ideo nec deberent dici de vera religione, nisi improprie, & analogice, contra primam propositionem, quæ solide fundata est: nec est credibile, quod Augustinus, & Sanctus Thomas hoc somniaverunt.

Unde etsi possint in religione Chri-

stiana assignari *duo modi vivendi secularium* videlicet, & illorum, qui profitentur *religiones factitias*, quos communis usus *Religiosos* appellat: non tamen ita distinguuntur isti modi, quin multa, quæ conveniunt talibus Religiosis, convenient, & convenire possint vere, & meritorie multis secularibus: imo & perfectius, sicut patet de Prælati, qui sunt in statu perfectionis exercendæ, tam majores, quam minores, sicut sunt curati, prout multi tenent contra Sanctum Thomam.

Secundum Corollarium. Sequitur *secundo*: quod *extra religiones factitias potest aliquis cum voto simplici, vel sine voto, Christianam religionem in suis præceptis, & consiliis perfecte observare*: & dicere, quod tale votum simplex, si fieret, esset nullum, & pro non voto deberet computari, est apertissimus error, & insanus. Sic tamen *iste Frater* ponit circa finem, & in fine sui scripti ultimi.

Corollarium tertium. Sequitur *tertio*: quod *tota doctrina fratris istius innititur stultæ, & insanæ fantasie, imo & blasphemie*.

Propterea non est mirandum, si hoc inconvenienti dato, multa posuerit, & deducere conatus est. Ut: quod implicet contradictionem, aliquem de seculo servare consilium paupertatis, vel castitatis & obedientie: imo, quod hoc esset mortale peccatum, extra religiones factitias, quas solas vocat veras religiones; & quod Papa non posset dispensare, quod aliquis in seculo sic observaret consilium paupertatis, &c. Et quod dicens oppositum est hæreticus.

Nec valet ratio sua: quod si secularis voveret paupertatem, ageret contra illud præceptum: *Non occides*. Quoniam multis modis posset secularis, sicut & Religiosus, vivere decenter, & sufficienter, in communi sine proprio, imo & nihil habendo, nisi labores manuum suarum: potest etiam aliquis de seculo, sicut confitetur, & verum est, vovere solenniter castitatem. Patet in Sacerdotibus. Cur non similiter vovere posset obedientiam Prælato suo seculari, cum secularibus vivere in communi?

Corollarium quartum. Sequitur *quarto*: Quod fautores, & defensores istius fratris sunt arcendi, seu repellendi. Et nisi desistere voluerint, graviter puniendi.

Ita tamen, quod *non laxetur nimia licentia ad defensionem Begardorum, & Begutturum*, si reperiantur effrenes & discoli, & scandalosi in sacris observationibus. Præsertim in contemptum Prælatorum suorum secularium, & Curatorum, juxta mentem *Decretalium contra tales editarum*.

Corollarium quintum. Sequitur *quinto*: Quod Dominus noster Papa, qui *secularis est*, & similiter sui Cardinales & Prælati, tam majores, quam minores de seculo, debent celeriter, & vehementer operam dare, quod talis doctrina *pestifera, ac blasphema, atque injuriosa* eis, extirpetur judicialiter & publice, ne serpat in majorem perniciem.

Corollarium sextum. Sequitur *sexto*: Quod si autor talis doctrinæ cum suis fautoribus inveniatur *pernix*, & arrogans, & a longo tempore, tam contra Prælatum suum, quam Magistros & Doctores, tam in verbis, quam in scriptis; debet sic arrestari, quod non habeat facultatem redeundi, & deteriora perpetrandi. Sicut jam dicitur hoc pluries fecisse, *recedendo scilicet a Prælato suo & Judice*, & consequenter *semel ab hoc Concilio*.

Alia sunt de validis mendacantibus, ac de actione contra jura Canonica, quæ dimitto.

CAPUT IV.

Matthæi Grabon revocatio & abjuratio prædicatorum suorum articulorum & conclusionum A. 1418.

ante Sessionem XLIV. coram Cardinalibus & Commissariis causæ suæ.

EGO Frater Matthæus Grabon, Ordinis Fratrum Prædicatorum, Professus Conventus Wilmariensis (forte Wisnariensis) Merseburgensis Diocesis, Provinciæ Saxoniz, cognoscens veram Catholicam, & Apostolicam Sedem, anathematizo, & abjuro omnem hæresin, omnemque falsam, & erroneam doctrinam in quodam meo

meo opusculo, tractatulo, seu libello, incipiente: *suppono primo, quod non intendendo infra scripta, neque quomodolibet alia per- tinaciter defendere, &c.* & sic finiente: *Et aliam specificat Joannes Andræ, cujus inven- trices, seu assumptrices conscientiam peccatum reputabant (ut invenitur in glossa utriusque super dictum Cap. Et per hæc patet res- ponsio ad decimum)* maxime ad decem, & septem conclusiones perversas, sive as- sertiones, quarum aliæ sunt hæreticæ, aliæ erroneæ, & aliæ scandalosæ, ac pia- rum aurium offensivæ, per me dictas & manutentas, in dicto perverso opus- culo sive tractatulo, aut libello conten- tas, de qua hæctenus infamatus, convic- tus, & sententialiter condemnatus sum. Contentio Sanctæ Romanæ Ecclesiæ, & Apostolicæ Sedi, ac corde & ore puris profiteor, eandem fidem, & doctrinam me tenere & credere, quam Sancta Ma- ter Ecclesia tradidit & firmavit. Jurans per Sanctam Trinitatem, & per hæc

Sacrofancta Christi Evangelia, eos, qui contra hanc fidem orthodoxam ve- nient cum dogmatibus suis, æterno ana- themate dignos esse. Pronitto etiam, quod, si ego ipse aliquando contra hæc aliquid sentire, dicere aut prædicare præsumptero, Canonum severitati me submitto. Præsenti abjuratori per me lectæ, & perlectæ manu propria me subscripsi, hancque meam confessionem & abjuracionem coram vestra Reverendissima Paternitate, Domine Cardinalis Aquilegensis, Judex & Commissarie, Reverendisq; Patribus Do- minis Prælati, Doctoribus, & Magistris hic præsentibus, ad hoc specialiter vo- catis, & requisitis feci, & approbavi ad futuram rei memoriam, in testimonium præmissorum.

Von der Hardt Concilii Constantiensis To- mi III. Part. VIII. pag. 106.

Ex Tom. V. Operum Gersonis in appen- dice.

CAUSA OCTAVA

De diffidio VLADISLAI JAGELONIS,

Poloniæ Regis, & LUITOLDI, Ducis Lituaniæ,

CONTRA

EQUITES PRUSSICOS Ord. B. M. V. TEUTONICOS,

circa conversionem Samogitiæ, & hujus Provinciæ

possessionem.

DE hoc diffidio multiplex mentio fit in *Faſtis Concilii Constantienſis ante To- mum IV. rerum Conſtantienſis Concilii a Cl. Hardtio adornatis*: verum quantumcunque legerim & volutarim ſeptem Tomos Hardtii, non potui nec originem, nec ſeriem diffidii, nec finem intentum ab utraque parte divi- nare.

Incipio ab ultimo. Qua de cauſa, aut crimine accuſantur a Poloniſ Equites Teuto- nici apud Concilium Conſtantieneſe?

Reſpondet Cl. Hardtius: Ex ea cauſa, quod Equites docerent, aut prætenderent, Samogitas paganos ferro, igne, cæde, non verbo Divino ſolo adducendos, vel cogen- dos ad fidem Chriſti. In eum finem deſcri- bit prolixam orationem Pauli Vlodomiri, Cracoviensis Canonici & Doctõris, ſcriptam

& datam Nationi Germanicæ anno 1415. 5. & 6. Maji congregatæ in publico Con- ventu.

Idem crinomenon sæpius indicat Hard- tius in *Indice generali Tomo VII.* ſubjecto.

Sed, bona venia Hardtii, is error apud Teutonicum Ordinem non fuit: neque eſt mens Eccleſiæ Chriſti, ferro propagare Re- ligionem, ſed verbo Dei prædicando.

Sane Literæ, quas Vladislaus Poloniæ Rex Concilio Conſtantiensi ſcribit, non faciunt mentionem hujus erroris, a Teutonicis Equitibus adoptati: nec Literæ Teutonicorum ad idem. Neque ullus Papa, qui Or- dinem Teutonicorum approbavit, dedit fa- cultatem, paganos, dum quiete ſuo ritu vi- vunt, armis aggrediendi, vel vexandi; ſed ubi Catholicos invadunt, ſpoliant, trucidant,

uti Slavi Sæculi XII. anno 12. invaserunt Saxoniam horrenda strage hominum, pecudum, incendiis, rapinis: v. *Tom. III. pag. 257.* Vel uti Stedingi Provinciam Bremensem, & confines Catholicas ferro & igne invaserunt Sæculi XIII. anno 34. v. *Tom. III. pag. 551.* Tum Papa & Episcopi, ex Lege naturali docti, vim injustam vi justa repellere, cruciatum indixerunt his paganis, vel hæreticis abigendis, compescendis, & pro liberanda patria ab hostibus crudelissimis.

Eadem est mens Catholicorum Theologorum. v. *Digestionis ad Sæculum XIII. §. VIII. de usu gladii contra hæreticos. Tomo IV. Concil. pag. 54.* An autem Teutonici Equites, vel Poloni, vel Lituani, aliquando limites justæ defensionis exceßerint, non hic examinabo.

Pomum discordiæ inter Polonos & Teutonicos fuit Provincia Samogitia: quæ modo a Polonis, modo a Teutonicis invasa & acquisita fuit, modo amissa, modo restituta, quas vices infra recensbo. Accusabant Poloni Teutonicos, hi Polonos usurpatæ violentiæ erga Samogitas. Concilium Constantiense Legatos misit, tum concordiæ conciliandæ causâ inter has duas partes, tum prædicandæ Fidei, & ordinandarum Ecclesiarum in Samogitia. Sententia nulla lata in Concilio legitur, etsi plures ex Polonia Episcopi & Legati pro Rege Vladislao Jagelone Constantiæ adessent. Quare cum frustra in Hardtio initium, vel seriem, vel finem hujus controversiæ quærerem, adivi demum Historiam Lituaniæ P. Kojalowicz, editam Antwerpæ anno 1669. cujus narrationi aliqua ex Hardtio adjeci.

Anno 1404. Raciunzi Rex Poloniæ Vladislavus Jagelo, Vitoldus Alexander Dux Lituaniæ, & Magister Crucigerorum Prussiæ, seu Ord. B. M. V. Teutonicorum Equitum, Baro de Jungingen, conveniunt die condita. Ictum est fœdus post longum bellum, auctore præcipuo Episcopo Vladislaviensi, his Legibus: Vitoldus Samogitiam Crucigeris perpetuo jure tradat: Rex Jagelo 40000. florenorum numeret: Crucigeri Drobryniam Polonis restituant: captivi utrimque fideliter restituuntur: transfugæ extra fines ejiciuntur: excursionibus mutuis in confiniis abstinento.

1405. Vitoldus Dux honorifica Legatione Magistrum, & Primores Ordinis Teutonici Caenam invitat, scribuntur tabulæ fœderis latino & teutonico sermone. Quibus Samogitia, a Lituaniæ Principatu avulsâ, Ordini Teutonico mancipatur. Deducuntur Vitoldiana præstidia: Magister Ordinis Teutonici arces,

oppida, civitates milite suo occupat. Samogitiæ idægre ferunt: multæ cædes patrantur. Vitoldus eosdem ad obsequium Ordinis cogit.

1408. Vitoldus Dux rursus Crucigeros Samogitia expellit.

1409. Crucigeri nova occasione excitati, bellum Poloniæ Regi denuntiant, nisi Samogitiam restituant, & Vitoldi amicitiam renuntiet; etiâ Lituaniâ a se invadendam miantur.

1410. Rex Jagelo contra eosdem bellum decernit, & Crucigeros horrenda clade profligat ad Tannebergam 15. die Julii.

1411. Pax conclusa Torunii: Crucigeri Samogitia cesserunt, post Jagellonis & Vitoldi fata eam recuperaturi.

Rex novo fœdere Polonis Lituânos conjungit, & pæne exæquat: Samogitia Catholica Regio nunc abolita prorsus idololatria, Episcopatu ac Collegio majore in Miednick civitate, minoribus Collegiis Sacerdotum in minoribus oppidis fundatis, inauguratur Catholicæ Fidei Regulis. Leges Ecclesiasticæ Lituaniæ Legibus Regni Poloniæ assimilantur.

Hæc omnia Vitoldus Dux, magnifica Nobilium Samogitarum ad Concilium Constantiense Legatione, confirmari petit.

1415. 17. Februarii advenerunt Legati numerosi Constantiam.

Michael Kochmeister, novæ Marchiæ Advocatus, Equites Crucigeros contra Henricum de Plawen, Magistrum Ordinis Teutonici, excitaverat ea de causa, quod Magister Henricus Legatus a Concilio Constantiensi, Benedicto de Macra, qui ad litem terminandam de finibus Samogitiæ missus fuerat, nimia facilitate indulgisset, ut Memmelum ac Velonæ arces, Samogitiæ adjungerentur: imo Magistrum in vincula conjecit, & Equitum animos ita allexit, ut ipse Magister sufficeretur in locum Plawenii: Utque bellici genii erat, mox fœdus cum Jagelone & Vitoldo ictum rescidit, immisissis inopinato in Drobryniam vastatoribus: ac ne quid sceleris violati jurisjurandi sacrilegio deesset, quoscunque Polonos intercipi contigit, suspendio enecavit.

His injuriis provocatus Rex, exercitum in Prussiam ducit. Interim Turcas Hungaria imminere rumor erat. Pontifex Turcici belli metu, Legatum ad Regem, & Equites Teutonicos mittit Episcopum Lausaneensem: cujus interventu

terventu biennales induciæ ægre inter Regem & Equites pactæ fuerunt.

1415. 4. *Maji* causa Vladislai Jagelonis Regis, contra Equites Prussios Ord. B. M. V. Teutonicos, per Commissarios Concilii Constantiensis examinari cæpta.

1415. 5. *Julii* congregata fuit Natio Germanica in causa Polonorum, quam causam, ait *Hardtius*, hanc fuisse: Verbo, an ferro Pagani ad Fidem adducendi? Hæc opinio *Hardtii*.

1415. 29. *Novembris* Literæ Vladislai Regis, & Vitoldi Ducis lectæ in Congregatione Constantiæ.

1416. 10. *Julii* Michaelis Kochmeisteri scripta Litera coram Congregatione lecta.

1416. 2. *Augusti* Epistola Vladislai Regis. Grates agit, & gratulatur pro Hussis & Hussitis damnatis, & quod Cardinalem & duos Episcopos, Leopoliensem, & Belvensem miserint pro Ecclesiis inter Paganos erigendis. Neutra Epistola alterum accusat, nec Universitas Cracoviensis aut Regem, aut Equites arguit.

Ut mirer, quid Cl. Hardtium impulerit, ad hunc errorem Equitibus assignandum.

1417. Vitoldus Concilii Constantiensis Legatos invitat, ut mandata quantocius exequantur. Legati in Samogitiam adveſti, Matthiam, natione Lituanum, Ss. Theologiæ Doctorem, nuper Collegii Canonorum Vilnensium Præpositum novum Samogitiæ Episcopum creant, consecrant, & quæ ad Ecclesias sacrandas pertinent, mense Octobri perficiunt.

1418. Bellum in Prussiam a Polonis & Lituanis totis viribus suscipitur. Crucigeri oppressi, Legatum a Papa Bartholomæum Capra Mediolanensem Archiepiscopum obtinent, cujus industria biennales induciæ impetrantur. Rex Jagelo & Vitoldus diffisi Equitibus, novum fœdus cum Rege Daniæ, & Duce Pomeraniæ faciunt.

Hæc ex P. Wijuck-Kojalowiez S. J. ostendunt Seriem rei & finem.

CONCORDATA CONSTANTIÆ.

Anno Christi MCCCCXVIII. Martini V. Papæ I.
Sigismundi Reg. Rom. VII.

Concordia facta in Concilio Constantiensi inter MARTINUM Papam V. & NATIONEM GERMANICAM, DE ECCLESIAE UNIVERSALIS ADMINISTRATIONE, a Johanne, Cardinali Ostiensi, Ecclesiæ Romanæ Vice-Cancellario, sub sigillo ipsius communicata Ecclesiæ Metropolitanæ Magdeburgensi, Constantiæ III. Maji, Pontificatus Martini V. anno primo.

UNIVERSIS ET SINGULIS, JOHANNES, MISERATIONE DIVINA
EPISCOPUS OSTIENSIS, SANCTÆ ROMANÆ ECCLESIAE CARDINALIS,
ET VICE-CANCELLARIUS, SALUTEM IN DOMINO, ET
PRÆSENTIBUS FIDEM INDUBIAM ADHIBERE.

§. I.

Sl juxta laudabilem antiquorum sententiam, & providum Sapientum consilium dignum est, ea, quæ majorum consultissima providentia in subditorum gratiam & commoda geruntur, Scripturæ testimonio redigere, dignum per consequens est, & rationi consen-

taneum, ut adeo nota fiat eorum veritas, quod inde nec desit pacificis opportuna provisio; nec usquam perversis sub ignorantia variandi supina facultas requiratur.

§. II. Cum itaque nuper inter Sanctissimum in Christo Patrem & Dominum nostrum, Dominum MARTINUM

Martinus V. antea Odo de Columna, Romanus; concorditer electus in & a Concilio Constantiensi anno 1417. 11. Novembris, Sessione XLI. Obiit anno 1431. 10. Februarii. Sessionibus XLII, XLIII, XLIV. præfedit ipse Papa Martinus.

NUM Divina Providentia Papam QUINTUM, & Reverendos Patres, Prælatos, nec non egregios, & circumspectos viros Ambasiatores, Procuratores, Doctores, & Magistros, cæterosque, *Venerabilem NATIONEM GERMANICAM in Generali Concilio Constantiensi representantes*, & facientes; nonnulla *Capitula concordata, ab utraque parte sponte suscepra*, nec non de dicti Domini nostri Papæ mandato, in *Libro Cancellariæ Sanctæ Romanæ Ecclesiæ, in quo Romanorum Pontificum Constitutiones & Ordinationes solent conscribi*, ad futuram rei certitudinem Nobis operam dantibus, prout ad nostrum spectat officium, die quinta decima mensis Aprilis, Pontificatus dicti Domini nostri Papæ anno primo, conscripta fuerunt, ac de simili mandato in *Audientia contradictorum* die secunda mensis Maji, anno quo supra, lecta & publicata: adjecto, quod sub nostrarum litterarum testimonio indigens, quisque sibi testimonium sumere valeat, in toto vel in ea parte, qua indiguerit earum lem.

§. III. Nos ad Reverendi in Christo Patris Domini GUNTHERI Archiepiscopi, ac Præpositi, Decani, & Capituli Ecclesiæ Magdeburgensis instantiam, Capitula hujusmodi, sicut præfertur, concordata, & sponte suscepra ex integro libro prædicto de verbo ad verbum fideliter conscribi, & præsentibus annotari fecimus, quorum tenor sequitur in hunc modum.

§. IV. *De numero & qualitate Cardinalium.*

Statuimus, ut deinceps numerus Cardinalium Sanctæ Romanæ Ecclesiæ adeo sit moderatus, quod non sit gravis Ecclesiæ, qui de omnibus partibus Christianitatis proportionabiliter, quantum fieri poterit, assumantur, ut notitia causarum, & negotiorum in Ecclesia emergentium facilius haberi possit, & æqualitas regionum in honoribus Ecclesiasticis observetur, sic tamen quod num. XXIV. non excedant, nisi pro honore Nationum, quæ Cardinales non habent, unus vel duo pro semel de consilio, & consensu Cardinalium assumendi viderentur. Sint autem viri in scientia, moribus & rerum experientia excellen-

tes, *Doctores in Theologia, aut in Jure Canonico, vel civili, præter admodum paucos, qui de stirpe Regiæ, vel Ducali, aut magni Principis oriundi existent*, in quibus competens literatura sufficiat; non fratres, aut nepotes ex fratre, vel sorore alicujus Cardinalis viventis; nec de uno ordine mendicantium ultra unum; non corpore vitiiati, nec alicujus criminis, vel infamiae nota respersi: nec fiat eorum electio per auricula vota solummodo, sed etiam cum consilio Cardinalium collegialiter, sicut in promotione Episcoporum fieri consuevit: qui modus etiam observetur, quando aliquis ex Cardinalibus in Episcopum assumetur.

§. V. *De Provisionibus Ecclesiarum, Monasteriorum, Prioratum, Dignitatum, & aliorum Beneficiorum.*

Sanctissimus Dominus noster Papa MARTINUS V. super provisionibus Ecclesiarum, Monasteriorum, Beneficiorum quorumque utetur *Reservationibus* juris scripti ex Constitutione *Execrabilis*, & *Ad Regimen* modificatis, ut sequitur. Ad Regimen Ecclesiæ generalis, quamquam immeriti suprema dispositione vocati, gerimus in nostris desideriis, ut debemus, quod per nostræ diligentiae studium ad quarumlibet Ecclesiarum & Monasteriorum Regimina, & alia Ecclesiastica Beneficia juxta Divinum beneplacitum, & nostræ intentionis affectum, viri assumantur idonei, qui præsent & profint committendis eis Ecclesiis, Monasteriis, & Beneficiis prælatis. Præmissorum namque consideratione inducti, & suadentibus nobis aliis rationalibus causis, nonnullorum Prædecessorum nostrorum Romanorum Pontificum vestigiis inhaerentes, omnes Patriarchales, Archiepiscopales, Episcopales Ecclesias, Monasteria, Prioratus, Dignitates, Personatus, & Officia, nec non Canonici, & Præbendas, ac Ecclesias, cæteraque Beneficia Ecclesiastica, cum cura, vel sine cura, regularia & secularia quæcumque, aut qualiacumque fuerint, etiam si ad illa personæ consueverint, seu debuerint per electionem, seu quemvis alium modum assumi, nunc apud Sedem Apostolicam, quocumque modo vacantia, & in posterum vacatura, nec non per depositionem, vel priva-

tionem, seu translationem per Nos, seu auctoritate nostra factas, & in antea faciendas ubilibet: nec non ad quæ aliqui in concordia seu discordia electi, vel postulati fuerint, quorum electio cassata, seu postulatio repulsa, vel per eos facta renuntiatio; & admissa auctoritate nostra extiterit, seu quorum electorum, postulatorum, & in antea eligendorum, seu postulandorum electionem cassari, vel postulationem repelli, aut renuntiationem admitti per Nos, seu auctoritate nostra continget apud Sedem prædictam, vel alibi ubicumque, & etiam per obitum Cardinalium ejusdem Ecclesiæ Romanæ, ac Officiariorum dictæ Sedis, quamdiu ipsa officia actualiter tenebunt, videlicet Vice-Cancellarii, Camerarii, septem Notariorum, Auditorum literarum contradictarum, & Apostolici Palatii causarum Auditorum, Scriptorum literarum Apostolicarum, & viginti quatuor Penitentiariæ præfate Sedis, & viginti quinque Abbreviatorum, nec non verorum Commentariorum nostrorum, & aliorum viginti quinque Capellanorum Sedis ejusdem in Epitaphio descriptorum, ac etiam quorumcumque Legatorum, seu Collectorum, ac in terris Ecclesiæ Romanæ Rectorum, & Thesaurariorum Deputatorum, seu Missorum hætenus, vel deputandorum, ac mittendorum in posterum, vacantia, & in antea vacatura, ubicumque dictos Legatos, vel Collectores, seu Rectores, aut Thesaurarios, antequam ad Romanam Curiam redierint, seu venerint, rebus eximi contigerit ab humanis; nec non quorumlibet, pro quibuscumque negotiis ad Romanam Curiam venientium, vel etiam recedentium ab eadem, si in locis a dicta Curia ultra duas diætas legales non distantibus jam forsitan obierint, vel eos in antea transire de hac luce contigerit; & etiam simili modo quorumcumque Curialium, peregrinationis, infirmitatis, aut recreationis, seu alia quacunque causa, vel ad quævis loca secedentium; si eos, antequam ad dictam Curiam redierint, in locis ultra duas diætas ab eadem Curia, ut præmittitur, non remotis, dummodo eorum proprium domicilium non existat ibidem, jam forsitan decesserint, vel in posterum eos contingerit de medio

submoveri; nunc per obitum hujusmodi vacantia, vel in posterum vacatura; rursus Monasteria, Prioratus, Decanatus, Dignitates, Personatus, Administrationes, Officia, Canonicatus, Præbendas, & Ecclesias, cæteraque Beneficia Ecclesiastica secularia, vel regularia, cum cura, vel sine cura, quæcumque & qualiacumque fuerint, etiam si ad illa personæ consueverint, seu debuerint per electionem, seu quemvis alium modum assumi, quæ promoti per Nos, vel auctoritate nostra ad Patriarchatum, seu Archi-Episcopatum, Episcopatum Ecclesiarum, nec non Monasteriorum Regimina obtinebant, tempore promotionum de ipsis factarum, nunc quocumque modo vacantia, seu in posterum vacatura; nec non etiam per assecutionem pacificam quorumcumque Prioratum, Personatum, Officiorum, Canonicatum, Præbendarum, Ecclesiarum, aut Beneficiorum aliorum, per Nos, seu auctoritate nostrarum literarum immediate collatorum, seu conferendorum in posterum, præterquam si virtute gratiæ expectatiuæ assecutio fiat, nuac vacantia, & in antea vacatura: plena super præmissis omnibus & singulis cum fratribus nostris collatione præhabita, & matura deliberatione secuta, ordinationi, dispositioni, ac provisioni nostræ usque ad quinquennium de ipsorum fratrum consilio auctoritate Apostolica reservamus, decernentes ex nunc irritum & inane, si secus super præmissis, & quolibet eorum per quoscumque, quavis auctoritate scienter vel ignoranter contigerit attemptari: non obstantibus quibuscumque Constitutionibus a Prædecessoribus nostris Romanis Pontificibus editis, quatenus obistere possent super enarratis articulis vel alicui, vel aliquibus eorum dicto quinquennio durante. Nulli igitur &c.

§. VI. In Ecclesiis Cathedralibus, & etiam Monasteriis Apostolicæ Sedi immediate subiectis fiant electiones Canonice, quæ ad Sedem Apostolicam deferantur, quas etiam ad tempus constitutum in constitutione Nicolai III. quæ incipit: *Cupientes*, Papa expectat; quo facto, si non fuerint præsentatæ, vel si præsentatæ minus Canonice fuerint, Papa provideat; si vero Canonice fue-

rint, Papa eas confirmet, nisi ex causa rationabili & evidenti, & de fratrum consilio, & de digniori, & utiliori persona duxerit providendum: provisio, quod confirmati, & provis per Papam, nihilominus Metropolitanis, & aliis præstent debita juramenta & alia, ad quæ de jure tenentur.

§. VII. In Monasteriis, quæ non sunt immediate subiecta Sedi Apostolicæ, nec non in aliis Beneficiis regularibus, super quibus pro confirmatione, seu provisione non consuevit haberi recursus ad Sedem Apostolicam, non teneantur venire electi, seu illi, quibus providendum est, ad curiam ad habendam confirmationem, seu provisionem: nec etiam dicta Beneficia regularia cadant in gratiis expectativis: ubi autem in Monasteriis ad curiam Romanam pro confirmatione venire, seu mittere consueverunt, ibi Papa non aliter confirmet, aut provideat, quam superius de Ecclesiis Cathedralibus est expressum.

§. VIII. De Monasteriis Monialium Papa non disponet, nisi sint exempta; & tunc per commissionem in partibus. (a) De cæteris Dignitatibus, & Beneficiis quibuscumque secularibus, & regularibus vacaturis, ultra reservationes jam dictas majoribus dignitatibus post Pontificales in Cathedralibus, & principalibus in Collegiatis Ecclesiis, exceptis, de quibus jure ordinario provideatur per illos inferiores: ad quos alias pertinet; nec computentur in turn seu vice eorum.

§. IX. Item (b) Dominus noster Papa declarat, quod per quamcunque aliam reservationem, gratiam expectativam, aut quamvis aliam dispositionem, sub quacumque verborum forma, per

eum aut ejus auctoritate factam, vel faciendam, non velit, neque vult, neque intendebat, nec intendit facere aut fieri, quominus de media parte illarum & illorum, cum vacabunt, alternis vicibus libere disponatur per illos, ad quos collatio, provisio, præsentatio, electio, aut alia quævis dispositio pertinebit, prout ad ipsos spectabit de consuetudine, vel de jure: ita quod cum de una Dignitate, Personatu, Officio, vel Beneficio, ex illis ad electionem, provisionem, collationem, seu quamvis aliam dispositionem alicujus spectante, fuerit auctoritate Apostolica provisum, aut alias dispositum; ille, ad cujus electionem, collationem, vel quamvis dispositionem primo loco pertinebat, & ita consequenter de singulis hujusmodi Dignitatibus, Personatibus, Officiis, & Beneficiis vacaturis, auctoritate ejusdem Domini nostri Papæ aliorum prædictorum alternatis vicibus disponatur; reservationibus, aut aliis a præmissis dispositionibus auctoritate ejusdem Domini nostri Papæ factis, vel faciendis non obstantibus quibuscumque.

(Mensibus scilicet Papalibus nondum tunc introductis.)

§. X. Quotiens vero aliquo vacante Beneficio cadente invicem & gratia expectativa, non apparuerit infra tres menses a die notæ vacationis in loco Beneficii, quod alicui de illo secundum prædictas ordinationes fuerit Apostolica auctoritate provisum; ordinarius, vel alius, ad quem illius dispositio pertinebit, de illo libere disponat, nec sibi in sua vice computetur. Beneficia, quæ per simplicem renuntiationem, aut permutationem vacaverint, neutri parti computentur.

§. XI.

(a) Hic incipit paragraphus, ex varia interpunctione controversus. Dumont in *Corporis Juris Gentium Diplomatico T. II. P. II. pag. 111. Not. 1.* indicat, *Leibnitii* editionem minus recte interpunctam esse, & Parenthesi includit hæc verba: *Majoribus dignitatibus*, usque ad illa: *vice eorum*.

(b) *Cl. von der Hardt in Concilii Constantiensis Historia T. I. pag. 1054.* exhibens hæc Martinus V. cum Germanis concordata ex tribus Cæsareæ Bibliothecæ Tomis MSS. & uno Ducali Brunsvicensi, Consilio coævis, vult, legendum esse: *Idem Dominus noster*, in una periodo continua, inchoata a verbis: *De cæteris Dignitatibus*, quæ per §. X. terminetur: unde consequens sit, *Majores Dignitates* post Pontificalem, Ordinario Collatori relictas. Sed contrarium sentiunt plerique Catholici cum *Branden, Reiffenstul*, & pluribus aliis apud *Rigantium, Comment. in Regulas Cancellariæ Apostolicæ T. I. in Reg. 4. n. 32. 33. & seqq.* qui hæc solum verba parenthesi inclusa volunt: (*Majoribus Dignitatibus post Pontificales in Cathedralibus, & Principalibus in Collegiatis Ecclesiis exceptis*) unde concludunt, *Dignitates majores* Papæ reservatas esse. Addit *Rigantius*, contrariam assertionem erroneam evinci ex inveterata praxi & stilo inconcussè servato a die concordatorum, usque ad præsens, demonstrantibus, dignitates præfatas provisas fuisse per Sedem Apostolicam.

§. XI. De Qualificatione Beneficiandorum.

Sanctissimus Dominus noster Papa Martinus V. ad exaltationem Fidei Catholicæ, & Spiritualem profectum populi Christiani, de consensu & beneplacito Nationis Germanicæ, statuit, ordinat, & decernit, quod deinceps in Metropolitani & Cathedralibus Ecclesiis Nationis Germanicæ ejusdem, sexta Pars Canoniciatum, & Præbendarum sit pro Doctoribus, aut Licentiatibus in sacra pagina, vel altero iurium, vel in Theologia Baccalariis formatis, aut Magistris in Medicina, qui per biennium, seu Magistris in Artibus, qui per quinquennium post Magisterium in Theologia, aut altero iurium, studuerint in Studio Generali; sic videlicet, quod ubicunque non fuerit saltem sexta pars Canonici Præbendarum in Metropolitana, aut Cathedrali Ecclesia taliter graduatorum, ibi quicumque deinceps vacaverit Canoniciatus & Præbenda, quicumque etiam Apostolica, vel alia auctoritate, non nisi taliter graduatis conferatur, quousque dicta sexta pars compleatur taliter graduatorum. Si tamen infra mensem a tempore vacationis huiusmodi Canoniciatus & Præbendæ numerandum repertus fuerit taliter graduatus, & alias idoneus, qui per se, vel Procuratorem voluerit acceptare, quod postmodum continuetur, ut ad minus dictus numerus sextæ partis Canonici Præbendarum taliter, ut præmittitur, graduatorum in ipsis Metropolitani, & Cathedralibus Ecclesiis habeatur: ubi autem soli consueverunt Illustres ac de Comitum, vel Baronum genere, vel ex utroque genere militares in Canonicos admitti, taliter graduati, qui acceptare voluerint, si taliter Nobiles, ut præmittitur, fuerint in Ecclesiis, cæteris etiam Nobilibus factem usque ad dictum numerum præferantur.

§. XII. Item quod in aliis Collegiatis Ecclesiis ejusdem Nationis similiter sexta pars Canoniciatum & Præbendarum, deinceps modo præmissis conferatur, sicut præmittitur, graduatis, aut saltem in Medicina, aut in Artibus Magistris vel Licentiatibus, aut in Theologia, vel altero iurium Baccalariis examinatis per rigorem.

§. XIII. Item quod Parochiales Ecclesiæ, habentes communi æstimatione, quæ secundum famam publicam attendatur, duo millia communicantium, vel plures;

deinceps non conferantur etiam Apostolica, vel quacunque alia auctoritate, nisi Doctoribus, aut Licentiatibus in sacra pagina, vel jure Canonico, vel civili, vel Baccalariis in Theologia formatis: si tamen infra mensem a tempore vacationis Ecclesiæ numerandum, reperiatur taliter graduatus, qui per se, vel Procuratorem voluerit acceptare; decernendo irritum & inane, si secus in præmissis, tam circa Canoniciatus & Præbendas, quam Parochiales Ecclesias, vel eorum aliquid a quoquam, quavis etiam Apostolica auctoritate fuerit attemptatum. Salvis semper laudabilibus consuetudinibus & Statutis Ecclesiarum; quæ præmissis non adversantur: in contrarium, autem facientibus non obstantibus quibuscunque.

§. XIV. Item quatenus prædicta ordinatio pluribus profit, & humanæ ambitioni frenum imponatur, ordinat, statuit, & decernit idem Dominus noster Papa, quod vigore præsentis constitutionis, seu ordinationis, nemo graduatorum possit ultra unum Beneficium Ecclesiasticum adipisci.

§. XV. De prærogativa Graduatorum.

Item vult, quod in pari data ad eandem collationem graduatus non graduato præferatur, prærogativis, & diligentibus, non obstantibus quibuscunque.

§. XVI. Item, quod Vicariæ, ad certa eorum officia in Ecclesiis Cathedralibus & Collegiatis deputatæ, non conferantur, etiam Apostolica auctoritate, nisi talibus, qui huiusmodi Beneficia cantando & legendo, & alias sciverint, & poterint personaliter adimplere.

§. XVII. De Annatis.

De Ecclesiis & Monasteriis virorum dumtaxat vacantibus & vacaturis, solventur pro fructibus primi anni a die vacationis summæ pecuniarum in libris Cameræ Apostolicæ taxatæ, quæ communia servitia nuncupantur: si quæ vero excessive taxatæ sunt, iuste retaxentur, & provideatur specialiter in gravatis regionibus secundum qualitatem rerum, temporum, & regionum, ne nimium prægraventur, ad quod dabuntur Commissarii, qui diligenter inquirent & retaxent. Taxæ autem prædictæ pro media parte infra annum, a die possessionis pacificæ totius, vel majoris partis sol-

ventur , & pro media parte alia infra sequentem annum. Et si infra annum bis vel pluries vacaverint, semel tantum solvatur , nec debitum hujusmodi in Successorem in Ecclesia, vel Monasterio transeat. De cæteris autem Dignitatibus, Personaribus, Officiis & Beneficiis secularibus quibuscunque , & regularibus , quæ auctoritate Sedis Apostolicæ conferuntur, vel providebitur de eisdem, præterquam vigore gratiarum expectativarum , aut causâ permutationis , solvantur annuata seu medii fructus juxta taxam solitam a tempore unionis (possessionis) infra annum; & debitum hujusmodi in Successorem in Officio, Beneficio non transeat. De Beneficiis , quæ valorem viginti quatuor florenorum de Camera non excedunt , nihil solvatur ; debitis omnibus præteriti temporis usque ad Assumptionem Domini nostri communium servitorum, & annuatorum pro medietate relaxatis , solventibus aliam medietatem infra sex menses a die publicationis.

§. XVIII. *De causis tractandis in Romana Curia, vel non.*

Sanctissimus Dominus noster Papa Martinus V. statuit, & ordinat , quod nullæ causæ in Romana Curia committantur, nisi quæ de jure, & natura causæ in Romana Curia tractari debebunt , & quod *causæ, quæ ad forum Ecclesiasticum de jure, vel consuetudine non pertinent*, per Curiam Romanam etiam prætextu crucifiguationis laicorum extra tempus Passagii Generalis non recipiantur, de illis cognoscendo in Curia, vel extra committendo, nisi de consensu partium. Quæ vero ad forum Ecclesiasticum pertinent , & de jure sunt per appellationem , aut alias ad Romanam Curiam devoluta, ac de sui natura in eadem tractandæ , tractentur in ea : cæteræ committantur in partibus, nisi forsân pro causæ, & personarum qualitate, in commissione exprimenda, illis tractare in Curia expedier , pro justitia consequenda, vel de partium consensu in curia tractentur.

§. XIX. *De Commendis.*

Ordinat Dominus noster Papa, quod in postum Monasteria , aut magni Prioratus Conventuales (habentes) hiis

temporibus ultra decem Religiosos, & officia claustralia, dignitates majores post Pontificales in Cathedralibus , sicut & Ecclesiæ Parochiales nulli Prælato, etiam Cardinali dentur, in commendam, datæ aut dati quamprimum commendatariis loco illorum de æquivalenti providebitur, post pacificam possessionem adeptam illas dimittant , una etiam Ecclesia Metropolitana uni Cardinali, vel Patriarchæ concedi poterit provisionem aliam sufficientem non habenti.

§. XX. *De Symonia.*

Ut autem considerata malitia aliquorum temporum proxime præteritorum , quibus labes Symoniaca tam in Ordinibus , quam in Beneficiis Ecclesiasticis tunc conferendis, & percipiendis, ac religionibus ingrediendis, fuit heu nimium frequentata, læsis in hoc conscientis ad perniciosiorem administrationem, & perceptionem Sacrorum Ecclesiasticorum , salubriter omnibus consulatur , & singulis Patriarchis , Archiepiscopis, Episcopis, Abbatibus , Abbatissis, cæterisque Prælatis : nec non Clericis ac personis Ecclesiasticis , Religiosis & secularibus utriusque sexus : ut quælibet eorum infra tres menses post publicationem, aut insinuationem præsentium sibi, aut in Dicecesi , ubi domicilium haberit, factam, aliquem in sacra pagina, vel in jure Canonico Doctorem, vel Licentiatum , vel Baccalaurium formatum : ubi talis non reperiretur , Lectorem , aut alias intelligentem Sacerdotem discretum, ac bonæ famæ, curatum, vel non curatum *eligere valeat Confessorem*, qui infra prædictum tempus, quantocius commode fieri poterit, ejus confessione audita, ipsam personam confitentem a suis peccatis, & a quibuscunque excommunicationum, suspensionum, & interdicti, aliisque sententiis, censuris atque pœnis, quas forsân propter Symoniacam in ordine, vel Beneficio Ecclesiastico, religionis ingressu , aut alias qualitercunque active, vel passive commissam usque ad tempus publicationis prædictæ dignoscitur incurrisse, *in foro conscientie dumtaxat absolvere*; nec non secum super irregularitate, pro eo , quod hujusmodi sententiis ac excommunicatione ligata, forsân Missas, vel alia Divina Officia celebrasse, aut se

illis

illis immiscuisse censetur; usque ad tempus prædictum contracta, ipsaque propter præmissa, aut eorum aliquod a sui ordinis, vel officii executione suspensa, quod in illis nihilominus ministrare, illa exercere & adepta Beneficia, vel statum, in quo est, retinere, & ad ulterio-
ra promoveri possit, in dicto foro valeat dispensare, ac eadem Beneficia, quæ obtinet, ab hoc forsitan vacantia vel vacatura; sicut postquam dimiserit, reconferre, omnemque inhabilitatis, irregularitatis, nec non infamiae maculam symoniacam, atque aliam labem, per eam occasione prædicta usque ad tempus prædictum contractam, in eodem foro totaliter abolere: *Fructus* quoque Beneficiorum ecclesiasticorum; quos forsitan indebite percepit, & quos percipere potuisset, & ad quicquid occasione prædicta fuerit refundendum (dummodo persona ipsa ad restitutionem faciendam, deducto ne egeat in statu, in quo tunc fuerit, aut alias absque nota, vel scandalo sufficiens non fuerit) in dicto foro remittetur, ac etiam de hiis quitare, & liberare tenore præsentium (litterarum) misericorditer indulgemus: constitutionibus Apostolicis in contrarium faciennibus non obstantibus quibuscumque.

§. XXI. *De non vitandis excommunicationis, nisi fuerint denunciati.*

Insuper ad vitandum scandala, & multa pericula, subveniendumque conscientis timoratis, omnibus Christi fidelibus tenore præsentium (litterarum) misericorditer indulgemus, quod nemo deinceps a communione alicujus in Sacrorum administratione vel receptione, aut aliis quibuscumque Divinis, vel prætextu cujuscunque sententiæ, aut censuræ Ecclesiasticæ, a jure, vel homine generaliter promulgatæ teneatur abstinere, vel aliquem vitare, aut interdictum Ecclesiasticum observare, nisi sententia, vel censura hujusmodi fuerit in, vel contra personam, Collegium, Universitatem, Ecclesiam, communitatem aut locum, certam, vel certum a iudice publicata, vel denunciata specialiter & expresse; constitutionibus Apostolicis, & aliis in contrarium faciennibus non obstantibus quibuscumque. Salvo, si quem pro sacrilega ma-

num iniectione in Clericum, sententiam latam Canone adeo notorie constiterit incidisse, quod factum non possit aliqua tergiversatione celari, nec aliquo juris suffragio excusari. Nam a communione illius, licet denuntiatus non fuerit, volumus abstinere juxta Canonicas sanctiones.

§. XXII. *De Dispensationibus.*

Ordinat etiam Dominus noster ad Ecclesias Cathedralis, Monasteria, Prioratus Conventuales, aut Parochiales Ecclesias, super defectu ætatis ultra triennium nullatenus dispensare; nisi forte Ecclesiis Cathedralibus ex ardua, & evidenti causa, de consilio Cardinalium, seu majoris partis illorum videretur, aliter dispensandum. Item Dominus noster in arduis, & gravibus casibus sine consilio Cardinalium non intendit dispensare.

§. XXIII. *De provisione Papæ & Cardinalium.*

Romano Pontifici a Sanctæ Romanæ Ecclesiæ Cardinalibus pro illorum sustentatione, rebus Romanæ Ecclesiæ stantibus, ut sunt, non videtur aliter posse provideri, quam hoc usque factum est, scilicet per Beneficia, & communia servitia, quæ vacantia nuncupantur; verum circa Beneficiorum qualitatem taliter duximus providendum, quod nulli Cardinali Monasterium, (vel) Prioratus Conventualis ultra numerum decem religiosorum secundum moderna tempora habetur (habere) consueti, nulla major dignitas post Pontificalem in Cathedralibus, aut Parochialibus Ecclesiis, nullum Officium Claustrale, nullum Xenodochium, Hospitale, elemosinaria, aut leprosarum in titulum, vel administrationem conferantur; & si quæ talia nunc obtinent, quam primum Papa loco illorum de alio æquivalenti providebit, illa dimittere teneantur, sicut superius de commendis est dictum.

§. XXIV. *De Indulgentiis.*

Cavebit Dominus noster Papa in futurum nimiam indulgentiarum effusionem, ne vilescant: & in præteritum concessas, ab obitu Gregorii XI. adinstar alterius indulgentiæ revocat, & annullat.

§. XXV. Item Sanctissimus Dominus noster, & inclita Natio Germanorum

concesserunt, & protestati sunt, quod omnia, & singula supra scripta durare, & tolerari debeant, usque ad quinquennium *dumtaxat*, a data præsentium numerandum; constitutionibus Apostolicis, Regulis Cancellariæ factis & fiendis; & aliis in contrarium facientibus, non obstantibus quibuscunque; quodque per observantiam eorum nullum jus novum Romano Pontifici, aut alicui Ecclesiæ, vel personæ acquiratur, seu præjudicium generetur: sed lapso dicto quinquennio, quælibet Ecclesia, & persona prædicta liberam facultatem habeat utendi, quolibet jure suo. Non obstantibus supra dictis. Et quod Capitula prædicta, & quodlibet eorum dentur cuilibet, ea habere volenti communiter, seu divisim, in autentica forma, sub Sigillo Vice-Cancellarii cum subscriptione Notarii, sic quod fidem faciant exhibita ubicunque;

pro toto autem non solvantur ultra duodecim *Grossi Tyronenses*.

§. XXVI. Hæc universitati vestræ tenere præsentium firmiter attestantes, eadem nostras præsentis litteras in horum fidem & testimonium præfato Domino Archiepiscopo, Præposito, Decano, & Capitulo Magdeburgensi concessimus, nostri Sigilli munimine roboratas. Datum Constantiæ, Provinciæ Moguntinæ. in domo habitationis nostræ, Anno quo supra, die tertia mensis Maji, Pontificatus su prædicti Domini Papæ Anno primo.

Leibnitz Cod. Juris gentium monet, posteriora Concordata sub Nicolao V. anno 1447. ex his prioribus illustranda.

Von der Hardt Tomo I. Historiæ Concilii Constantiensis pag. 1055. Generalia Concordata exhibet.

Articuli (*) de reformanda Curia Romana

a Martino V. oblatis Nationibus Germanicæ, Gallicæ, Anglicanæ anno 1418. extremo Januario.

Ideati & definiti ante electionem Papæ Sessione XL. anno 1417. 30. Octobri. sed publicati post electionem Sessione XLIII. anno 1418. 21. Martii.

ARTICULUS I.

De numero, qualitate, & Natione Dominorum Cardinalium.

MS. Vindobonense. Papa decrevit non fore ultra XXIV. nisi ex causa & propter honorem Nationis, quæ Cardinalem non haberet.

Statuimus, (a) ut deinceps Numerus Cardinalium Sanctæ Romanæ Ecclesiæ adeo sit moderatus, quod nec sit gravis Ecclesiæ, nec superflua numerositate vilescat.

(b) Qui de omnibus partibus Christianitatis proportionaliter, quantum fieri poterit, assumantur; ut notitia causarum, & negotiorum in Ecclesia emer-

gentium facilius haberi possit, & æqualitas Regionum in honoribus Ecclesiasticis observetur.

(c) Sic tamen, quod numerum viginti quatuor non excedant. Nisi pro honore Nationum, quæ Cardinales non habent, unus, vel duo, pro semel de consilio & consensu Cardinalium assumendi viderentur.

(d) Sint autem Viri in scientia, moribus, & rerum experientia excellentes, Doctores in Theologia, aut in Jure Canonico, vel civili. Præter admodum paucos, qui de stirpe Regia; vel Ducali, vel magni Principis oriundi existant, in quibus competens litteratura sufficiat.

Non fratres aut nepotés ex fratre, vel sorore alicujus Cardinalis viventis.

Nec

(*) Hunc titulum refert Cl. Hardt: MARTINI V. PP. Reformatio in Capite & Curia Romana A. MCCCCXVIII. circa finem mensis Januarii in Concilio Constantensi Nationibus oblata. Tomo I. Histor. Concil. Constantiensis pag. 102.

(a) Cardinalium numerus erit moderatus.

(b) Cardinales ex omnibus Nationibus eligendi. Æqualitas Regionum in Cardinalium electione spectanda.

(c) Cardinales sint XXIV.

(d) Sint Viri docti & prudentes, Doctores, aliqui ex illustribus familiis.

Nec de uno ordine mendicantium ultra unum.

Nec corpore vitiati, aut alicujus criminis vel infamiae nota resperfi.

(e) Nec fiat eorum electio per auricularia vota solummodo, sed etiam cum consilio Cardinalium collegialiter, sicut in promotione Episcoporum fieri consuevit.

Qui modus etiam observetur, quando aliquis ex Cardinalibus in Episcopum assumetur.

ARTICULUS II. IV. V.

De Reservationibus Sedis Apostolicæ.

MS. Vindob. *Ultra reservationes juris due partes sint in dispositione Papæ, tertia vero Ordinariorum.*

De collatione Beneficiorum, & gratiis expectativis.

MS. Vindob. *Papæ non intendit dare, nisi ad unum Beneficiam.*

De Confirmatione Electionum.

MS. Vindob. *Si Canonice factæ fuerint, Papæ confirmet: si non, Papæ provideat.*

Sanctissimus Dominus noster Papa MARTINUS V. super Provisionibus Ecclesiarum, Monasteriorum, & Beneficiorum quorumcunque, vult; intendit, & mandat observare, quod exceptis Ecclesiis, Monasteriis, Dignitatibus, & cæteris Beneficiis reservatis (f) in jure, & designatis, & in Extravaganti, ad Regimen modificata, quantum ad numerum consueverunt: item quoad Capellanos (g) honoris, quod Beneficia eorum non sint reservata. Nisi sint Magistri, Doctores, vel Licentii in Theologia, Jure Canonico, vel civili. Quorum dispositio ad Papam specialiter pertineat.

In Ecclesiis & Monasteriis fiant Electiones Canonice.

(b) De Monasteriis autem non exemptis,

quorum fructus secundum taxam communem decimæ extra Italiam, Hispaniam centum quinquaginta; in Italia vero & Hispania sexaginta librarum Turorensiū parvorum valorem annuum non excedant, fiant confirmationes &c. aut provisiones per Ordinarios, secundum Canonicas Sanctiones.

De Monasteriis vero excedentibus summas prædictas, nec non Cathedralibus Ecclesiis, Electiones ad Sedem Apostolicam deferantur: quatenus ad tempus constitutum in Constitutione Nicolai III. (i) quæ incipit: *Cupientes*, Papæ expectet. Quo transacto, (k) si non fuerint præsentatæ, vel si præsentatæ minus canonicæ fuerint, Papæ provideat: si vero canonicæ fuerint, Papæ eas confirmet. Nisi ex causa rationabili & evidenti, & de fratrum consilio, de digniori & utiliori persona duxerit providendum.

Provisio, quod confirmati & provisī per Papam, nihilominus Metropolitanis, & aliis præsent debita juramenta, & alia consueta.

(l) De Monasteriis Monialium. Papæ non disponet, nisi sint exempta.

(m) Ad Episcopales autem Dignitates & supra nullus eligatur, nisi Doctor aut Licentiatas cum rigore examinis in Theologia, aut jure canonico, vel civili.

De cæteris vero Dignitatibus, Officiis & Beneficiis, secularibus & Regularibus, ultra reservationes prædictas, due partes sint in dispositione Papæ, & tertia pars remaneat in dispositione ordinariarum.

Ita, quod duo prima cedant Papæ, & tertium Ordinario; ita quod perquamcunque aliam reservationem, aut prærogativas non minuatur.

Item Beneficia vacantia per resignationem simplicem, vel ex causa permutationis; neutra Papæ competant: videatur in margine in Cancellaria.

Item non vult, nec intendit gratias expectativas (n) dare, nisi ad unicum Benefici-

(e) Electionis Cardinalium modus.

(g) Capellani honoris.

(i) Sexto Decret. Lib. I. Tit. 6. cap. 16.

(k) Quomodo electiones possint ad Papam devolvi.

(l) De Monasteriis Monialium.

(m) Ad Episcopatus esse eruditos promovendos.

(n) De gratiis expectativis.

(f) Reservationes Papæ ordinariæ.

(b) De Monasteriis non exemptis.

neficium: Nisi in Italia, & in Hispania, & in aliis partibus, ubi Beneficia sunt exilia: Neque ad dignitates majores post Pontificales in Cathedralibus, neque ad principales in Collegiatis, neque ad Prioratus Conventuales.

Dignitates vero majores post Pontificales in Cathedralibus, principales in Collegiatis, nullis (o.) nisi Doctoribus, aut Baccalareis formatis in Theologia, vel Doctoribus, aut Licentiatibus in jure Canonico vel civili, conferri valeant.

Nec ad illas alius assumatur, nisi forte propter ipsorum tenuitatem infra mensem a die vacationis nullus inveniat talis, qui illa voluerit acceptare.

Cæteris autem litteratis in prærogativa datarum (p) providebitur.

Item quod in pari data gratiarum expectativarum (q) ad eandem collationem graduatus non graduato præferatur, & in gradibus paribus Diocesanus præferatur non Diocesano.

Multorum temporum experientia docuit, quod dilationes (r) eligendi, aut alias providendi Ecclesiis, Monasteriis, vel aliis dignitatibus, quibus de jure, vel consuetudine per electionem est providendum, quæ a nostris Prædecessoribus, etiam in Generalibus Conciliis statuuntur, tam prætextu vacationis absentium, quam alias nimium diuturnas damnationes, vexationes, ac onera gravia expensarum inducant;

Quibus providere volentes, *Sacro approbante Concilio statuimus*, ut deinceps vacantibus Ecclesiis, Monasteriis, & Dignitatibus prædictis, ii ad quos pertinebit eligere, a die notæ vacationis in Ecclesia, Monasterio sive loco, *per viginti dies continuos absentes expectent*. Quibus transactis, hi, quæ præsentem fuerint, absque alia vocatione absentium, libere ad electionem procedant.

Qui infra quadraginta dies a die notæ vacationis prædictæ non elegerint, locum habeant Statuta super hoc in Concilio Generali. Quæ, & alia jura, circa

hoc edita volumus in suo robore permanere.

ARTICULUS III.

De Annatis & communibus servitiis & minutis.

MS. Vindob. Papa decrevit, solvantur fructus (s) primi anni, & male taxata, jussu taxentur.

Pro sustentatione Summi Pontificis, & Fratrum suorum Sanctæ Romanæ Ecclesiæ Cardinalium, de Ecclesiis & Monasteriis Virorum duntaxat, vacantibus & vacaturis, solvantur pro fructibus primi anni a die vacationis, summæ pecuniarum in libris Cameræ Apostolicæ (t) taxata, quæ communia servitia nuncupantur.

Si quæ (u) male taxatæ sunt, jussu retaxentur.

Et provideatur specialiter in gravius regionibus, secundum qualitatem rerum, temporum & regionum, ne nimium prægraventur. Ad quod dabuntur Commissarii, qui diligenter inquirent, & retaxent.

Taxæ autem prædictæ (v) pro media parte infra annum a die habitæ possessionis solvantur: Et pro media parte alia infra sequentem annum.

Et (x) si bis in anno vacaverint, semel bene solvetur.

Nec debitum hujusmodi in Successorem in Ecclesia, vel Monasterio transeat.

De cæteris autem Dignitatibus, Personatibus, Officiis, & Beneficiis, secularibus & Regularibus quibuscunque, quæ autoritate Sedis Apostolicæ conferuntur, vel providebitur de eisdem, præterquam vigore gratiarum expectativarum, aut causa permutationis, solvatur valor fructuum primi anni pro media parte infra sex menses a die habitæ possessionis: Et infra alios sex menses pro alia parte.

Et (y) debitum hujusmodi in Successorem in Beneficio non transeat.

AR.

(o) Eruditorum prærogativa.

(q) Labb. & Schelestr. earum

(r) De fructibus primi anni.

(u) De taxis iniquis moderandis.

(x) Si bis in anno Ecclesia vacaverit.

(y) Ne Successores onerentur Antecessoris debito.

(p) forte: litterarum

(r) De dilata electione.

(t) Communia servitia.

(v) Quando taxæ Ecclesiarum solvendæ.

ARTICULUS VI. & VII.

De Causis in Romana Curia tractandis, vel non.

MSc. Vndob. Papa decrevit cætera, quæ de jure ad Curiam non pertinent, in ea non tractari.

De Appellationibus ad Romanam Curiam.

MS. Vindob. *Injuste seu frivole appellans ab interlocutoria, vel gravamine, ultra condemnationem expensarum, & interesse non audiat.*

(z) Causæ quæ ad forum Ecclesiasticum de jure, vel consuetudine non pertinent, per Curiam Romanam non recipiantur, de illis cognoscendo in Curia, vel extra committendo, nisi de consensu partium.

Quæ vero ad forum Ecclesiasticum, ut præmittitur, pertinent, & de jure sunt per appellationem, aut alias ad Romanam Curiam devolutæ, aut de sua natura in illa tractandæ, tractentur in ea.

Cæteræ committantur in partibus.

Nisi (a) forte pro causæ, aut personarum qualitate illas tractare in curia expediret pro justitia consequendâ, vel de partium consensu in curia tractarentur.

Matrimoniales (b) tamen causæ in prima instantia præter appellationem non committantur in Curia, nisi in causis proxime dictis.

Item ad refrinandum appellationes frustratorias, (c) quæ ante definitivas sententias interponuntur, ordinamus, quod *injuste, seu frivole appellantes* ab interlocutoria, vel gravamine, ultra condemnationem expensarum, damnorum, & interesse, in decem florenos, si appellatio interponatur in curia: & in viginti si de partibus ad curiam; parti appellatæ *condemnetur.* Et quod super eadem locutoria, vel gravamine *secundo appellare* non liceat, nisi haberent vim definitivæ.

ARTICULUS IX.

De exemptionibus, & incorporationibus tempore schismatis factis.

MS. Vind. Papa revocat.

Attendentes, quod a tempore obitus felicitis recordationis (d) Gregorii XI. Prædecessoris nostri nonnulli Romani Pontifices, aut pro Romanis Pontificibus se gerentes, & in suis diversis obedienciis reputati, pro sua voluntate, aut pro opportunitate petentium, nonnullas Ecclesias, Monasteria, Capitula, Conventus, Prioratus, Beneficia, loca & Personas, a jurisdictionibus Ordinariorum tempore dicti Gregorii nullatenus exemptas, vel exemptas de novo a dictorum Ordinariorum jurisdictionibus (e) *exemerunt, in grave ipsorum Ordinariorum præjudicium.* Nos volentes hujusmodi præjudicio obviare, omnes exemptiones Ecclesiarum, Monasteriorum, Capitulorum, Conventuum, Præpositurarum, Beneficiorum, locorum, & personarum quarumcunque, etiam, si ex prædictis aliquod Monasterium fuerit exemptum, & postea subiectum Monasterio diversi habitus, vel coloris, a tempore dicti obitus Gregorii XI. per quoscunque pro Romanis Pontificibus se gerentes de novo factas, quæ tamen ante exemptionem hujusmodi nulla exemptione gaudebant, sed simpliciter subiciebantur Ordinariorum jurisdictioni, nullumque ante id tempus initium habuerunt: exceptis etiam exemptionibus, quæ uni toti ordini, & quæ Ecclesiis, Monasteriis, Capitulis, Conventibus, Beneficiis, five locis, a prædicto tempore sub exemptionis modo, aut conditione fundatis, aut contemplatione novæ Fundationis, seu Universitatibus studiorum generalium, aut per modum confirmationis, augmenti aut additionis factæ fuerunt, aut concessæ, aut super quibus præsentibus & auditis, quorum intererat, auctoritate competente ordinatum fuit, seu in quibus Ordinarii consenserint: *Sacro approbante Concilio revocamus, Ecclesias, (f)*

Mo-

- (z) Quæ causæ ad Curiam Romanam spectent. (a) Quæ non ad Curiam spectent.
 (b) Causæ matrimoniales. (c) Appellationes frustratoriæ.
 (d) Quas exemptiones Papa vellet revocatas.
 (e) Ordinariorum præjudicium ex exemptionibus.
 (f) Jus Ordinariis restitutum.

Monasteria, & alia prædicta in pristinam jurisdictionem reducetes. Ceteris autem exemptionibus, ante obitum dicti Gregorii habitis, vel concessis, nullum volumus per hoc præjudicium generari.

Revocamus etiam omnes uniones & incorporationes (g) a tempore obitus Gregorii XI. per eos, qui pro Summis Pontificibus in eorum obedientis reputati fuerunt, factas, seu concessas, quæ effectum sortitæ non fuerunt.

Item omnes etiam, quæ effectum sortitæ fuerunt, de perpetuis Vicariis factas, & concessiones omnes juris Patronatus seu præsentandi, factas laicis, Ecclesiarum, seu Beneficiorum, quæ non fundaverunt, nec doraverunt.

Circa alias vero uniones, quæ effectum jam sortitæ fuerunt, cum certa regula dari non possit, ad querelas eorum, quorum intererit, si non ex rationabilibus causis, vel veris factæ fuerunt, licet Apostolicæ Sedis autoritas intervenerit, revocabimus eas, iustitia mediante, vel aliter secundum juris exigentiam providebimus.

ARTICULUS X.

De Commendis.

MS. Vindob. *Monasteria & Prioratus habentes ultra decem Religiosos nulli dentur.*

Ordinat idem Dominus noster Papa, quod in posterum Monasteria, aut magni Prioratus Conventuales, habere consueti his temporibus ultra decem Religiosos in Conventu, & officia claustralia, dignitates (b) majores post Pontificalem in Cathedralibus, sive Ecclesiæ parochiales, nulli Prælato etiam Cathedrali dentur in Commendam.

Datæ autem, & dati quamprimum Commendatariis loco illorum de æquitate providebitur, post pacificam possessionem adeptam illos dimittant.

Una etiam Ecclesia Metropolitana uni Cardinali, vel Patriarchæ concedi poterit, provisionem aliam sufficientem non habenti.

(g) Uniones Ecclesiarum a Papa revocatæ.

(b) De Commendis per Papam restrictis.

(i) Fructus Ecclesiarum tempore vacationis Papam sibi nolle vindicare.

(k) Alienationes rerum sacrarum per Papam revocatæ.

(l) Regimen terrarum Romanæ Ecclesiæ, quibus committendum.

ARTICULUS XI.

De fructibus medii temporis.

MS. Vindob. *Quando Ecclesia vacat, Papa juris, & consuetudinis, & privilegii dispositioni relinquit.*

Item Sanctissimus (i) Dominus noster Fructus & Proventus Ecclesiarum, Monasteriorum, & Beneficiorum, vacationis tempore obvenientes relinquit, illosque sibi vel Apostolicæ Cameræ prohibet applicare.

ARTICULUS XII.

De non alienandis bonis Romanæ, & aliarum Ecclesiarum.

MS. Vindob. *Papa revocat omnes tales factas citra Papam Gregorium XI.*

Volentes indemnitatibus providere, omnes (k) alienationes rerum immobilium, & jurium, nec non concessiones Vicariatum, terrarum, civitatum, & Dominiorum Romanæ Ecclesiæ, ultra quinquennium sine Concilii consensu, & subscriptione majoris partis Cardinalium illius obedientiæ: nec non omnes alienationes rerum similium aliarum Ecclesiarum, Monasteriorum, & aliorum Beneficiorum sine consensu libero Rectorum & Ministrorum eorundem: per quoscunque pro Romanis Pontificibus se gerentes a tempore felicitis recordationis Gregorii XI. Prædecessoris nostri factas & concessas, Sacro approbante Concilio penitus revocamus.

Alienationes vero, per Prælatos, Rectores, aut Ministros, de rebus similibus Ecclesiarum, Monasteriorum, aut aliorum Beneficiorum suorum præter, aut contra juris formam factas nullas fuisse & esse declaramus, & etiam revocamus: Res ipsas, terras, civitates, atque Dominia, ad jus & proprietatem Ecclesiarum, Monasteriorum, & Beneficiorum ipsorum reducetes.

Volumus etiam, ac intendimus, (l) quod Regimina terrarum, provinciarum, civitatum, & Dominiorum Ecclesiæ Romana,

mana, quas pro tempore possidebit, nulli nisi Cardinali, vel Prælo Ecclesiastico, & ultra quam in iis, quæ requirunt ministeria laicorum: sed nec Vicariatus terrarum Ecclesiæ Romanæ ultra triennium, & de Cardinalium consilio concedantur, vel etiam committantur.

De cæteris autem alienationibus, si qui se gravari senserint, querelam exponant apud Sedem Apostolicam, per quam, ut fieri poterit, providebitur de remedio competenti.

ARTICULUS XIII.

Propter quæ & quomodo Papa possit corrigi & deponi.

MS. Vindob. *Nihil respondit.*

Non videtur, prout nec visum fuit in pluribus Nationibus; circa hoc aliquid novum statui vel decerni.

ARTICULUS XIV.

De extirpatione Simonie.

MS. Vindob. *Ordinati sint suspensi. Electiones sint nullæ.*

Multæ contræ Simoniacam pravitatem ab olim factæ sunt constitutiones, quibus morbus ille non potuit extirpari. Nos volentes, ut possumus, attentius providere, Sacro approbante Concilio declaramus, quod ordinati simoniace (m) ab executione suorum Ordinum sint eo ipso suspensi.

Electiones autem, postulationes, confirmationes, & quævis provisiones Ecclesiarum, Monasteriorum, Dignitatum, Personatum, Officiorum, & Beneficiorum ecclesiasticorum quorumcunque, seu ad illa, nullæ sint ipso jure, nullumque per illas jus cuiquam acquiratur. Nec faciat fructus suos. Sed ad illorum restitutionem tanquam inique ablatorum, percipientes teneantur. Statuentes insuper, quod dantes, & recipientes ipso facto sententiam excommunicationis incurrant, etiam si Pontificali, aut Cardinalatus præfulgeant dignitate.

Distriktius inhihentes, juxta etiam antiqua Statuta Canonum, quod pro Ordinibus, etiam Clericali tonsura, or-

dinans nihil recipiat, cum ad id sint fructus Ecclesiastici deputati.

Quodque Notarii pro literis super Ordinum prædictorum collatione, pro prima Clericali tonsura non ultra unum, pro quatuor minoribus ordinibus unum pro quolibet Sacro Ordine unum grossum de Camera, quorum decem faciunt, florenum de Camera, recipiant. Quod si contra faciant, Canonicis subiaceant institutis.

ARTICULUS XV.

De Dispensationibus.

MS. Vindob. *Omnès revocat, præter illas, quæ secundum formam C. Cum ex eo, factæ sunt.*

Quia Beneficia propter officia conceduntur, reputamus absurdum, ut qui Beneficia obtinent, recusent, aut negligant officium exercere. Nos igitur Sacro approbante Concilio omnes dispensationes, a quibuscunque pro Romanis Pontificibus se gerentibus (n) concessas, quibuscunque electis, confirmatis, seu provis ad Ecclesias, Monasteria, Prioratus Conventuales, Diaconatus, Archidiaconatus, & alia quæcunque Beneficia, quibus certus ordo deditus est, vel annexus, aut de illis: Ne munus consecrationis Episcopi, seu benedictiones habentes, aut ceteros debitos, aut annexos ordines suscipiant, præter illas, quæ secundum formam Capituli: Cum ex eo, sexto Decret. L. 1. tit. 6. cap. 34. factæ sunt, revocamus.

Statuentes, ut qui de præsentibus illas, vel illa obtinent, infra sex menses a die publicationis hujusmodi constitutionis nostræ, & quæ in posterum obtinebunt, infra annum a die possessionis adeptæ se faciant consecrari aut benedici, siue ad alium debitum ordinem promoveri. Alioquin sint ipsis Ecclesiis, Monasteriis, Dignitatibus, Personatibus, Officiis & Beneficiis prædictis ipso jure privati.

Et aliis libere conferantur, aut provideatur. Cæteris constitutionibus circa hæc editis in suo robore duraturis.

Et quia multi Episcopi, & eorum Superiores, atque Abbates, in quibus major de-

bee

(m) De Simonia per Papam extirpanda.

(n) Dispensationes per Papam revocatae.

bet esse sollicitudo Curæ & Officii Pastoralis, plerumque extra Ecclesias, Diceceses, & Monasteria commorantur, propter quod negligitur Officium Pastorale; Eodem approbante Concilio statuimus, quod Episcopi, (o) & Superiores hujusmodi, in suis Ecclesiis vel Dicecesibus, Abbates autem in suis Monasteriis personaliter resideant.

A quibus si per sex menses (p) continuos abfuerint, a perceptione fructuum, & proventuum eorundem per annum integrum: & si per annum abfuerint, ab eorum fructuum, & proventuum perceptione per biennium sint privati.

Qui fructus & proventus in utroque casu Cathedralibus Ecclesiis, & Conventibus Monasteriorum applicentur.

Si vero per biennium abfuerint, ipsis Ecclesiis, & Monasteriis decernimus esse privandos. Nullumque eis in aliquo casuum prædictorum cujusvis generalis studii privilegium suffragetur, nec illis gaudeant quovis modo. Ordinatus Dominus noster, quod ad Ecclesias Cathedralis, Monasteria, Prioratus Conventuales, aut Parochiales Ecclesias, super defectum ætatis ultra triennium nullatenus dispensetur. (q) Nisi forte in Ecclesiis Cathedralibus ex ardua, & evidenti causa de consilio Cardinalium, seu majoris partis illorum, videretur aliter dispensandum.

Item Dominus noster in gravibus, & arduis casibus sine consilio Cardinalium non intendit dispensare.

Circa Beneficia incompatibilia obtinentes, in quibus multi reperiuntur (r) excessus, constitutionem felices recordationis Joannis XXII. Prædecessoris nostri, quæ incipit: *Execrabilis* (Extravagant. Job. XXII. tit. 3. c. 1.) salva moderatione, in eo, quod in ea dicitur de uno Curato Beneficio cum non Curato incompatibili, tamen licite retinendis, ad duo etiam Curata, dummodo non sint duæ Parochiales Ecclesiæ, extendimus, Sacro approbante Concilio innovamus, atque contenta in illa secundum illius formam, & tenorem de novo statuimus, & etiam ordinamus,

contenta in illa volentes diligentius observari.

ARCULUS XVI.

De provisione status Papæ & Cardinalium.

MS. Vindob. Non videtur aliter fore providendum, quam hucusque provisum est scilicet per Beneficia & servitia communia.

Romano Pontifici & Sanctæ Romanæ Ecclesiæ Cardinalibus pro illorum sustentatione, rebus Romanæ Ecclesiæ statibus, ut sunt, non videtur aliter posse provideri, quam hucusque factum est, scilicet per Beneficia (s) & communia servitia, quæ vacantie nuncupantur.

Verum circa Beneficiorum qualitatem taliter duximus providendum, quod nulli Cardinali Monasterium, Prioratus Conventualis, ultra numerum decem Religiosorum secundum moderna tempora habere consuetus, nulla major dignitas post Pontificalem in Cathedralibus aut Parochialibus Ecclesiis, nullum officium claustrale, nullum Xenodochium, hospitale, eleemosynaria, seu leprosarum, in titulum vel administrationem conservantur.

Et si quæ talia nunc obtinent, primum Papa loco illorum de alio æquivalente providebit, illa dimittere teneantur, sicut superius de Commendis est dictum.

Provisio, quod nullus Cardinalis de proventibus Ecclesiasticis non habeat ultra valorem seu millium florenorum.

Statuimus, quod singuli Cardinales, Monasteria, aut Prioratus Conventuales, habentes ultra numerum XII. Religiosorum secundum consuetudinem modernorum temporum, habeant (t) in illis Vicarium Generalem in Spiritualibus, & temporalibus Religiosum.

Poterunt tamen iidem Cardinales ad Regimen temporalium sub dicto Vicario alias personas constituere. Et nitentur, quantum poterunt, ad Ecclesiasticas personas hoc agere.

Constitutus tamen ad Regimen hujus-

(o) Episcopi & Abbates in suis sedeant Ecclesiis.

(p) De dispensationibus super defectu ætatis.

(r) Beneficia incompatibilia restricta.

(s) Vicarius Generalis in Spiritualibus.

(p) Militia absentium.

(s) Vacantie pro Papæ sustentatione.

jusmodi, dictus *Vicarius* sine consensu Cardinalis non valeat revocare.

In minoribus autem Beneficiis constituant *Vicarium in Spiritualibus*. Cætera per alias personas: & quantum poterunt, ut præmittitur, per *Ecclesiasticas* hoc faciant.

Nulli autem laico Monasteria aut Beneficia hujusmodi locent, vel ad firmam aut arradimentum (t) dent.

Teneantur etiam in illis tenere numerum Religiosorum, secundum moderna tempora consuetum: & maxime, quor erant, antequam Cardinales ipsi illa Monasteria aut Beneficia obtinerent.

Nisi postmodum fructus & redditus eorum sine culpa Cardinalium essent adeo diminuti, quod ad sustentationem Prioris, & tot Religiosorum non sufficerent.

Superiores autem dictorum Monasteriorum & Prioratum, quibus *jus visitandi competit*, illa poterunt visitare, & defectus charitative corrigere. Et quæ in illis reparanda viderint, aut collapsa maxime, ac per culpam Cardinalium, vel suorum Ministrorum, tam in Spiritualibus, quam in temporalibus, illa Gubernatoribus ipsorum injungant reparari secundum facultatem Monasteriorum, & Beneficiorum hujusmodi: deducto quantum Abbas vel Prior, si essent, secundum communem modum pro statu suo expenderent.

Quod si in conficiendis his, quæ in præmissis injuncta fuerint, Gubernatores prædicti fuerint negligentes: Superiores ipsi tantum Sedi Apostolicæ & Cardinalium dignitati deferant, quod semel Summo Pontifici & Cardinalibus ipsis studeant intimare. Qui super his provideri procurabunt.

Quod si non fecerint infra terminum competentem, *Superiores ipsi sua auctoritate provideant* secundum jura & Canonicas Sanctiones: procedendo contra gubernatores ipsorum principales &c.

quemadmodum facere possent, si per Abbates, vel Religiosos dicta Monasteria, vel Prioratus obtinerentur. Quocumque privilegio non obstante.

ARTICULUS XVII.

De Indulgentiis.

MS. Vindob. *Cavebit Dominus Papa imposterum nimiam Indulgentiarum effusionem, ne vilescant: Et præteritis revocat, a tempore Gregorii XI. factas.*

Cavebit Dominus noster Papa in futurum nimiam Indulgentiarum effusionem, ne vilescant.

(u) Et in præteritum concessas ab obitu Gregorii XI. citra perpetuas: Item quæ dicuntur *de pana* & culpa, sive *de plena remissione*, concessas locis: Item omnes concessas *ad instar alterius Indulgentiæ* revocat & annullat.

ARTICULUS XVIII.

De Decimis imponendis.

MS. Vindob. *Papa nullas imponet imposterum, Et prohibet ab inferioribus imponi, Et impositas revocat.*

Præcipimus & mandamus, jura, quæ prohibent inferioribus a Papa *Decimas*, & alia onera Ecclesiis, (v) & personis Ecclesiasticis imponere, districtius observari.

Per Nos autem nullatenus imponentur: quod & nostris Successoribus indicamus, non imponi generaliter super totum Clerum: nisi ex magna & ardua causa, & utilitate universalem Ecclesiam concernente, & de consilio, & consensu, ac subscriptione Fratrum, & Prælatorum, quorum consilium faciliter haberi poterit: nec specialiter in aliquo Regno, vel Provincia, inconsultis Prælatibus illius Regni vel Provinciæ.

Cl. von der Hardt Tomi I. de Concilio Constantiensi Part. XXIII. a pag. 1021 ad 1038.

(t) arrendamentum. Labbe, Schelestr.

(u) Indulgentiæ limitatæ.

(v) Decimas Ecclesiis olim impositas a Pontifice non quærendas esse.

GERMANICÆ NATIONIS

E T

MARTINI V. PAPÆ

CONCORDATA,

Quoad Ecclesiastici Regiminis Emendationem, in Concilio Constantiensi anno MCCCCXVIII. adornata.

PRÆFATIO AC TESTIMONIUM JOHANNIS, EPISCOPI OSTIENSIS, CARDINALIS, ET VICE-CANCELLARIJ.

EGO JOHANNES, EPISCOPUS OSTIENSIS, Romanæ Ecclesiæ CARDINALIS, & VICE CANCELLARIUS, infra scripta Constitutiones & Statuta transvidi in Cancellaria de mandato Domini nostri MARTINI PAPÆ V. die quinta decima mensis Aprilis, Pontificatus dicti Domini nostri Papæ anno primo. Et in libro Cancellariæ feci scribi de eodem mandato. Et juxta ejusdem Domini nostri mandatum sic observari ubique mandavi. Et mihi extrahi ea feci & mandavi per Notarium subscriptum, & in hanc publicam & autenticam formam redigi, inferendo ea de verbo ad verbum, prout in quaternis seu Libris dictæ Cancellariæ originaliter conscripta existunt. Ut in quocunque judicio & extra, tam in Curia Romana, quam extra, fidem plenariam faciant, illisque stari debeat incommutabiliter, sicut propriis originalibus. Voluit insuper, mandavit, statuit, & ordinavit idem Dominus noster Papa, quod omnia & singula hic subscripta firmiter & immobiliter observentur. In quorum omnium testimonium sigillum meum cum Notarii publici infra scripti subscriptione apponi feci, & mandavi.

CAPUT I.

De numero & qualitate Cardinalium, & eorum creatione.

Statuimus, ut deinceps numerus Cardinalium Sanctæ Romanæ Ecclesiæ adeo sit moderatus, quod non sit gravis Ecclesiæ.

Qui de omnibus partibus Christianitatis proportionaliter, quantum fieri poterit, assumantur: ut notitia causarum & negotiorum in Ecclesia emergentium facilius haberi possit, & aequalitas Regionum in honoribus Ecclesiasticis observetur.

Sic tamen, quod numerum XXIV. non excedant, nisi pro honore Nationum, quæ Cardinalem non habent, unus vel duo pro semel de consilio & assensu Cardinalium assumendi viderentur.

Sint autem Viri in scientia, moribus, & rerum experientia excellentes, Doctores in Theologia, aut in jure Canonico, vel civili.

Præter admodum paucos, qui de stirpe Regia, vel Ducali, aut magni Principis oriundi existant. In quibus competens literatura sufficiat.

Non fratres aut nepotes ex fratre, vel sorore, alicujus Cardinalis viventis.

Nec de uno ordine mendicantium ultra unum.

Non corpore vitati, nec alicujus criminis vel infamæ nota respersi.

Nec fiat eorum electio per auricularia vota solummodo: sed etiam cum consilio Cardinalium collegialiter. Sicut in promotione Episcoporum fieri consuevit.

Qui modus etiam observetur, quando aliquis ex Cardinalibus in Episcopum assumetur.

CAPUT II.

De provisione Ecclesiarum, Monasteriorum, Prioratum, Dignitatum, & aliorum Beneficiorum.

Sanctissimus Dominus noster Papa Martinus quintus super provisionibus Ecclesiarum, Monasteriorum, & Beneficiorum

rum quorumcunque, *utetur reservationibus Juris scripti*, & Constitutionis: *Execrabilis*, (a) &: *Ad regimen*, (b) modificate, ut sequitur:

AD regimen Ecclesiæ Generalis quam immeriti superna dispositione vocati, gerimus in nostris desideriis, ut debemus, quod per nostræ diligentiae studium ad quorumlibet Ecclesiarum, & Monasteriorum regimina, & alia Beneficia Ecclesiastica, juxta Divinum beneplacitum, & vestrae intentionis affectum, viri assumantur idonei, qui *praesint & prosint* committendis eis Ecclesiis, Monasteriis & Beneficiis praebitis.

Præmissorum itaque consideratione inducitur, & suadentibus Nobis aliis rationabilibus causis, nonnullorum Praedecessorum nostrorum Romanorum Pontificum vestigiis inhaerentes, omnes Patriarchales, Archiepiscopales, Episcopales Ecclesias, Monasteria, Prioratus, Dignitates, Personatus & Officia, nec non Canonatus & Præbendas, & Ecclesias, cæteraque Beneficia Ecclesiastica, cum Cura, vel sine Cura, secularia & regularia, quaecunque & qualiacunque fuerint, etiamsi ad illa personæ confueverint, seu debuerint per electionem, seu quemvis alium modum assumi, apud Sedem Apostolicam quocunque modo *vacantia*, vel imposterum *vacatura*: nec non per depositionem, vel privationem, seu translationem, per Nos, seu auctoritate nostra factas, & inantea faciendas, ubilibet: Nec non, ad quæ aliqui in concordia, seu discordia electi, vel postulati fuerint, quorum electio cassata, vel postulatio repulsa, vel per eos facta renuntiatio, & admissa auctoritate nostra extiterit, seu quorum electorum, vel postulatorum, & in autea eligendorum, seu postulandorum electionem cassari, vel postulationem repelli, aut renuntiationem admitti per Nos, seu auctoritate nostra continget apud sedem prædictam, vel alibi ubicunque: & etiam per obitum Cardinalium ejusdem Ecclesiæ Romanæ, ac Officiariorum dictæ Sedis, quamdiu ipsa officia actualiter tenebunt, videlicet Vice-Cancellarii, Camerarii, septem Notariorum, audito-

rum literarum contradictarum, & Apostolicæ Palatii causarum auditorum, correctorum, centum & unius scriptorum literarum Apostolicæ & XXIV. pœnitentiariæ præfatæ sedis, & viginti quinque abbreviatorum, nec non verorum commentariorum nostrorum, & aliorum XXV. Capellanorum Sedis ejusdem in pitavio (c) descriptorum, & etiam quorumcunque Legatorum, seu Collectorum, ac in terris Ecclesiæ Romanæ Rectorum & Thesaurariorum, Deputatorum, seu missorum hactenus, seu Deputandorum ac mittendorum imposterum vacantia, & in antea vacatura, ubicunque dictos Legatos, vel Collectores, seu Rectores, aut Thesaurarios, antequam ad Romanam Curiam redierint, seu venerint, rebus eximi contigerit ab humanis: Nec non quorumlibet pro quibuscunque negotiis ad Romanam Curiam ventientium, vel etiam recedentium ab eadem, si in locis a dicta Curia ultra duas dietas legales non distantibus, jam forsitan obierint, vel eos in antea transire de hac luce contigerit: & etiam simili modo quorumcunque curialium, peregrinationis, infirmitatis, aut recreationis, seu alia quacunque causa ad quævis loca secedentium, si antequam ad dictam curiam redierint, in locis ultra duas dietas ab eadem curia, ut præmittitur, non remotis, dummodo eorum proprium domicilium non existat ibidem, jam forsitan decesserint, vel in posterum eos contigerit de medio submoveri, nunc per obitum hujusmodi *vacantia*, vel in posterum *vacatura*: rursus Monasteria, Prioratus, Decanatus, Dignitates, Personatus, Præbendas & Ecclesias, cæteraque Beneficia Ecclesiastica, secularia, & regularia, cum cura vel sine cura, quaecunque, & qualiacunque fuerint, etiamsi ad illa personæ confueverint, seu debuerint per electionem, seu quemvis alium modum assumi, quæ promotæ per Nos, vel auctoritate nostra ad Patriarchalium, Archiepiscopaliū, & Episcopaliū Ecclesiarum, nec non Monasteriorum regimina, obtinebunt tempore promotionum, de ipsis factarum, nunc quocunque

(a) Extravagans: *Execrabilis unica de Præbendis & Dignitatibus*, edita fuit anno 1317. a Joanne XXII. Papa.

(b) Extravagans: *Ad Regimen inter communes de Præbendis & Dignitatibus*, edita fuit a Benedicto XII. anno 1335.

(c) Pitavio, credo pro pitatio, seu codicillo, vel catalogo Curialium Papæ.

que modo *vacantia*, seu in posterum *vacatura* : Nec non etiam quæ per assignationem pacificam quorumcumque Prioratum, Personatum, Officiorum, Canoniatuum, Præbendarum Ecclesiasticarum, aut Beneficiorum aliorum, per Nos, seu autoritate literarum nostrarum immediate Collatorum, seu conferendorum in posterum, præterquam, si virtute gratiæ expectatiæ affectus fiat, nunc *vacantia*, & in antea *vacatura* : plena super præmissis omnibus, & singulis cum fratribus nostris collatione præhabita, & matura deliberatione secuta, ordinationi, dispositioni, & provisioni nostræ usque ad *quinquennium* de ipsorum fratrum consilio autoritate Apostolica reservamus. Decernentes ex nunc irritum, & inane, si secus super præmissis, & quolibet eorum per quoscunque quavis autoritate scienter, vel ignoranter contigerit attentari. Non obstantibus quibuscunque constitutionibus, a Prædecessoribus nostris Romanis Pontificibus editis, quatenus obistere possent superius enarratis articulis, vel alicui, seu aliquibus eorum: dicto *quinquennio* durante: Nulli ergo, &c.

In Ecclesiis Cathedralibus, & etiam in Monasteriis, *Apostolica Sedi immediate subiectis*, fiant electiones Canonice, quæ ad Sedem Apostolicam deferantur. Quas etiam ad tempus, constitutum in constitutione Nicolai III. quæ incipit: *Cupientes*, Papa expectet. Quo facto, si non fuerint præsentatæ, vel si præsentatæ minus Canonice fuerint, Papæ provideat: si vere Canonice fuerint, Papa eas confirmet. Nisi ex causa rationabili, & evidenti, & de fratrum consilio, de digniori, & utiliori persona duxerit providendum. Provisio, quod confirmati, & *provisi per Papam* nihilominus *Metropolitanis* cum aliis *præsent debita juramenta*, & alia, ad quæ de jure tenentur.

In Monasteriis, quæ non sunt immediate subiecta Sedi Apostolicæ, nec non in aliis Beneficiis Regularibus, super quibus pro confirmatione, seu provisione non consuevit haberi recursus ad Sedem Apostolicam, non teneantur vestire electi, seu illi, quibus providendum est, ad Curiam ad habendam confirmationem, seu provisionem.

Nec etiam dicta Beneficia regularia cadant in gratiis expectativis.

Ubi autem in Monasteriis ad Curiam Romanam pro confirmatione venire, vel mittere consueverunt: ibi Papa non aliter confirmet, aut provideat, quam superius de Ecclesiis Cathedralibus est expressum.

De Monasteriis Monialium Papa non disponet: nisi sint exempta: Et tunc per commissionem in partibus.

De (d) cæteris Dignitatibus, & Beneficiis quibuscunque secularibus & regularibus, vacaturis ultra reservationes jam dictas: majoribus Dignitatibus post Pontificales in Cathedralibus, & Principalibus in Collegiatis Ecclesiis, exceptis: de quibus *jure ordinario provideatur per illos inferiores*, ad quos alias pertinet: Nec computentur in turno, seu vice eorum: Idem Dominus noster ordinat, quod per quamcunque aliam reservationem, gratiam expectativam, aut quamvis aliam dispositionem, sub quacunque verborum forma per eum, aut ejus autoritate factam, vel faciendam, non velit, neque volebat, neque intendebat, nec intendit facere, aut fieri, quominus de media parte illarum & illorum, cum vacabunt, *alternis vicibus libere disponatur per illos*, ad quos collatio, proviso, *præsentatio, electio*, aut alia quævis dispositio pertinebit, prout ad ipsos spectabit de consuetudine, vel de jure, ita quod cum de una Dignitate, Personatu, Officio, vel Beneficio ex illis ad electionem, provisionem, collationem, seu quamvis aliam dispositionem alicujus spectante, fuerit *autoritate Apostolica provisum*, aut alias dispositum, ille ad cujus electionem, vel quamvis dispositionem primo loco pertinebat, de alio immediate postea *vacaturo provideat*, aut disponat, prout ad eum pertinebit.

Et ita consequenter de singulis hujusmodi Dignitatibus, Personatibus, Officiis, & Beneficiis vacaturis, auctoritate ejusdem Domini nostri Papæ, & aliorum prædictorum, *alternatis vicibus disponatur*. Reservationibus, aut aliis præmissis dispositionibus auctoritate ejusdem Domini nostri Papæ factis, vel faciendis, non obstantibus quibuscunque.

Quo-

(d) De cæteris Dignitatibus incipit periodus critica, de cujus interpunctione diversi diversa sentiunt, ut dixi *hujus Tomi pag. 130.* Dumont censet Periodum non esse completam, nisi in his verbis, *aut disponat, prout ad eum pertinebit.*

Quoties vero aliquo vacante Beneficio, cadente in vice, & in gratia expectativa, non apparuerit infra tres menses à die notæ vacationis in loco Beneficii, quod alicui de illo secundum prædictas ordinationes fuerit auctoritate Apostolica provifum: *Ordinarius*, vel *alius*, ad quem illius dispositio pertinebit, *de illo libere disponat*: Nec sibi in sua vice computetur.

Beneficia etiam, quæ per simplicem renuntiationem, aut permutationem vacaverint, neutra Papæ computentur.

Sanctissimus Dominus noster Papa MARTINUS Quintus, ad exaltationem Fidei Catholicæ, & spirituale profectum populi Christiani, *de consensu, & beneplacito Nationis Germanicæ* statuit, & ordinavit, ac decrevit, quod deinceps in Metropolitaniis, & Cathedralibus Ecclesiis Nationis Germanicæ ejusdem *sexta pars Canoniciatum, & Præbendarum sit pro Doctoribus, aut Licentiatibus in sacra pagina, vel altero juris, vel in Theologia Baccalaureis formatis, aut Magistris in Medicina*, qui per biennium, seu Magistris in artibus, qui per quinquennium post Magisterium in Theologia, aut altero juris studuerunt in studio generali.

Sic videlicet, quod ubicunque non fuerit saltem *sexta pars Canoniciatum Præbendarum*, in Metropolitana, vel Cathedrali Ecclesia, taliter *graduatum*, ibi quæcunque deinceps Canoniciatus, & Præbendæ vacaverint, quacunque etiam Apostolica, vel alia auctoritate, non nisi taliter *graduatis conferantur*, quousque dicta *sexta pars compleatur taliter graduatis*. Si tamen *infra mensem* a tempore vacationis hujusmodi Canoniciatus, & Præbendæ numerandum, repertus fuerit taliter *graduatus*, & *alias idoneus*, qui per se, vel per Procuratorem voluerit acceptare.

Quod postmodum continetur, ut ad minimum dictus *numerus sextæ partis Canoniciatum*, taliter, ut præmittitur, *graduatum*, in ipsis Metropolitaniis, & Cathedralibus Ecclesiis habeatur.

Ubi autem soli consueverunt *Illustres*, aut de Comitum, vel Baronum genere, vel ex utroque genere militares in Canonicos admitti: taliter *graduati*, qui acceptare voluerint, si taliter *Nobiles*, ut præmittitur, fuerint in illis Ecclesiis, cæte-

ris etiam nobilibus saltem usque ad dictum numerum præferantur.

Item quod in aliis Collegiatis Ecclesiis ejusdem Nationis, similiter *sexta pars Canoniciatum, & Præbendarum* deinceps modo præmisso conferatur, sic ut præmittitur, *graduatis*, aut saltem in Medicina, aut in artibus Magistris, vel Licentiatibus, aut in Theologia, vel in altero juris Baccalaureis examinatis per rigorem cum limitatione, modo & ordine supradictis.

Item quod *Parochiales Ecclesiæ* habentes communi æstimatione, quæ secundum famam publicam attendatur, *duo millia communicantium*, vel plures, deinceps non conferantur, etiam Apostolica vel quacunque alia auctoritate, nisi *Doctoribus vel Licentiatibus in sacra pagina*, vel Jure Canonico vel Civili, & Baccalaureis in Theologia formatis. Si tamen *infra mensem* a tempore vacationis numerandum, reperiatur taliter *graduatus*, qui per se, vel per Procuratorem voluerit acceptare.

Decernendo irritum & inane, si secus in præmissis, tam circa Canoniciatus & Præbendas, quam Parochiales Ecclesias, vel eorum aliquod, a quoquam quavis etiam auctoritate Apostolica, fuerit acceptatum.

Salvis semper *laudabilibus consuetudinibus & Statutis Ecclesiarum*, quæ præmissis non adversantur. In contrarium autem facientibus non obstantibus quibuscunque.

Item quatenus prædicta Constitutio, seu Ordinatio, pluribus proficit, & *biannæ ambitioni frenum imponatur*, ordinat, statuit, & decernit idem Dominus noster Papa, quod vigore præsentis Constitutionis, seu Ordinationis, nemo *Graduatorum possit ultra unum Beneficium Ecclesiasticum adipisci*.

Item vult, quod in pari data ad eandem collationem *graduatus non graduato præferatur*. Prærogativis & diligentia non obstantibus quibuscunque.

Item quod *Vicariæ* ad certa Chori officia in Ecclesiis Cathedralibus & Collegiatis deputatæ, non conferantur etiam Apostolica auctoritate, nisi talibus, qui hujusmodi Beneficia cantando, legendo, & alias sciverint & poterint personaliter adimplere.

CAPUT III.

De Annatis.

De Ecclesiis & Monasteriis viro-
rum duntaxat vacantibus & vacaturis,
solventur pro fructibus primi anni a die
vacationis *summæ pecuniarum* in libris Ca-
meræ Apostolicæ taxatæ, quæ communia
servitia nuncupantur.

Si quæ vero *excessive taxatæ* sunt, ju-
ste retaxentur, & provideatur specialiter
in *gravatis regionibus*, secundum qualita-
tem rerum, temporum & regionum, ne
nimium prægraventur. Ad quod dabun-
tur Commissarii, qui diligenter inquirent
& retaxent.

Taxæ autem prædictæ pro media parte
infra annum a die habitæ possessionis pa-
cificæ totius vel majoris partis solventur:
Et pro media parte alia infra sequentem an-
num.

Et si infra annum bis vel pluries va-
caverit, semel tantum solvetur.

Nec debitum hujusmodi in Successorem
in Ecclesia vel Monasterio transeat.

De cæteris autem Dignitatibus, Per-
sonatibus, Officiis secularibus & regula-
ribus quibuscumque, quæ auctoritate Se-
dis Apostolicæ conferentur, vel provi-
debitur de eisdem, præterquam vigore
gratiarum expectatarum, aut causa
permutationis, solvatur annata seu mediæ
fructus juxta taxam solitam tempore unio-
nis infra annum. Et debitum hujusmodi
in Successorem in Beneficio non transeat.

De Beneficiis vero, quæ valorem
XXIV. florenorum de Camera non exce-
dunt, nihil solvatur.

Debitis omnibus præteriti temporis,
usque ad Assumptionem Domini nostri
communium servitorum & annatarum,
pro medietate relaxatis solventibus aliam
medietatem infra sex menses a die publi-
cationis.

CAPUT IV.

*De causis tractandis in Romana
Curia, nec ne.*

Sanctissimus Dominus noster Papa
MARTINUS V. statuit & ordinat,
quod nullæ causæ in Romana Curia com-
mittantur, nisi quæ de jure & natura cau-
sæ in Romana Curia tractari debebunt.

Et quod causæ, quæ ad forum Ec-
clesiasticum de jure vel consuetudine non per-
tinent, per Romanam Curiam etiam præ-
textu cruce signationis laicorum, extra
tempus Passagii generalis, non recipiantur,
de illis cognoscendo in Curia, vel extra
committendo, nisi de consensu partium.

Quæ vero ad forum Ecclesiasticum
pertinent, & de jure sunt per appellatio-
nem, aut alias ad Romanam Curiam de-
volutæ, ac de sui natura in eadem tractan-
dæ, tractentur in ea. Cætera committan-
tur in partibus.

Nisi forsan pro causæ & persona-
rum qualitate, in commissione exprimen-
da, illas tractare in curia expediret, pro
justitia consequenda, vel de partium con-
sensu, in curia tractentur.

CAPUT V.

De Commendis.

Ordinat Dominus noster Papa, quod
in posterum Monasteria, aut magni Prio-
ratus Conventuales, habentes hiis temporibus
ultra decem Religiosos, & officia clau-
stralia, dignitates majores post Pontifica-
les in Cathedralibus, sive Ecclesiæ Paro-
chiales, nulli Prelato etiam Cardinali den-
tur in commendam.

Data autem & dati, quamprimum
Commendatariis loco illorum de æquivalen-
ti providebitur, post pacificam possessionem
adeptam, illas dimittant.

Una etiam Ecclesia Metropolitana
uni Cardinali vel Patriarchæ concedi po-
terit, provisionem illam sufficientiorem
non habenti.

CAPUT VI.

*De Simonia in foro conscientie
providetur, ut sequitur.*

Ut autem, considerata malitia ali-
quorum temporum proxime præteritorum,
quibus labes Simoniacæ tam in Ordinibus,
quam in Beneficiis Ecclesiasticis tunc confe-
rendis & percipiendis, ac religionibus
ingrediendis, fuit heu nimium frequentata,
læsis in hoc conscientiis, ad puriorem ad-
ministrationem & perceptionem Sacra-
mentorum, salubriter consulatur: Omni-
bus & singulis Patriarchis, Archi Episcopis,
Episcopis, Abbatibus, Abbatissis,
cæterisque Prelatis, nec non Clericis ac
per-

personis Ecclesiasticis, Religiosis & secularibus utriusque *sexus*, ut quælibet earum infra tres menses post publicationem aut insinuationem præsentium, sibi aut in Dicecesi, ubi domicilium habuerit, factam, aliquem *in sacra pagina, vel in Jure Canonico Doctorem, aut Licentiatum, vel Baccalaureum formatum*, ubi talis commode poterit reperiri, vel ubi talis non reperitur, *Lectorem*, seu alias *intelligentem Sacerdotem discretum ac bonæ famæ, curatum, vel non curatum, eligere valeat Confessorem*, qui infra prædictum tempus, quantocius commode fieri poterit, ejus confessione audita, ipsam personam confitentem a suis peccatis, & a quibuscunque excommunicationum, suspensionum, & interdicti, aliisque sententiis, censuris, & poenis, quas forsitan *propter Simoniam* in Ordine vel Beneficio Ecclesiastico, Religionis ingressu, aut alias qualitercunque, *active vel passive commissam*, usque ad tempus publicationis prædictæ dignoscitur incurrisse, *in foro conscientie* duntaxat *absolvere*, nec non *secum* super irregularitate, super eo, quod hujusmodi sententiis, aut earum aliqua ligata forsitan Missas, vel alia Divina Officia celebrasse, aut se illis immiscuisse censetur, usque ad tempus prædictum contracta, ipsaque propter præmissa, aut eorum aliquod a suorum ordinis vel officii executione suspensa, quod in illis nihilominus ministrare, illa exercere, beneficia adepta, vel statum, in quo est, retinere, & ad ulteriora promoveri possit, in dicto foro valeat *dispensare*, ac eidem Beneficia, quæ obtinet, ob hoc forsitan vacantia, vel vacatura, si & postquam dimiserit, *reconferre*, omnemque inhabilitatis, irregularitatis, nec non infamiae maculam sive notam, atque aliam labem, per eum occasione prædicta usque ad tempus prædictum contractam, in eodem foro totaliter *abolere*, fructus quoque Beneficiorum Ecclesiasticorum, quos indebite percepit, & quos percipere potuisset, aut quidquid occasione prædicta fuerit refundendum, dummodo persona ipsa ad restitutionem faciendam, deducto, ne egeat in statu, in quo nunc fuerit, aut alias absque nota vel scandalo sufficiens non fuerit, in dicto foro *remittere*, ac eam de his *quitare & liberare*, tenore præsentium misericorditer *indulgemus*: Constitutioni-

bus Apostolicis, & aliis in contrarium facientibus, non obstantibus quibuscunque.

CAPUT VII.

De non vitandis excommunicatis, antequam per Judicem fuerint declarati & denunciati.

Insuper ad vitanda scandala & multa pericula, *subveniendumque conscientis timoratis*, omnibus Christi fidelibus tenore præsentium misericorditer *indulgemus*, quod nemo deinceps a communione alicujus in Sacramentorum administratione vel receptione, aut aliis quibuscunque Divinis, vel extra prætextu cujuscunque sententiæ aut censuræ Ecclesiasticæ a jure, vel ab homine generaliter promulgatæ, teneatur abstinere, vel aliquem vitare, ac interdictum Ecclesiasticum observare: nisi sententia vel *censura* hujusmodi fuerit in vel contra personam, Collegium, Universitatem, Ecclesiam, Communitatem, aut locum certum, vel certa a *Judice publicata vel denunciata* specialiter & expresse.

Constitutionibus Apostolicis & aliis in contrarium facientibus, non obstantibus quibuscunque.

Salvo si quem pro sacrilegio & manuum injectione in Clerum, sententiam latam in Canone adeo notorie contineat incidisse, quod factum non possit aliqua tergiversatione celari, nec aliquo juris suffragio excusari. Nam a communione illius, licet denunciatus non fuerit, volumus abstinere, juxta Canonicas sanctiones.

CAPUT VIII.

De Dispensationibus.

Ordinat etiam Dominus noster ad Ecclesias Cathedrales, Monasteria, Prioratus, Conventuales & Parochiales Ecclesias, *super defectum ætatis ultra triennium nullatenus dispensare*. Nisi forte in Ecclesiis Cathedralibus ex ardua & evidenti causa, de consilio Cardinalium, seu majoris partis illorum videretur aliter dispensandum.

CAPUT IX.

De provisione Papæ & Cardinalium.

Romano Pontifici & Sanctæ Romanæ Ecclesiæ Cardinalibus pro illorum sustentatione, rebus Romanæ Ecclesiæ stantibus, ut sunt, non videtur aliter posse provideri, quam hucusque factum est, scilicet per Beneficia, & communia servitia, quæ vacantia nuncupantur.

Verum circa Beneficiorum qualitatem taliter duximus providendum, quod nulli Cardinali Monasterium, Prioratus Conventuales, ultra numerum decem Religiosorum secundum moderna tempora habere consuevi, nulla major dignitas post Pontificalem in Cathedralibus, aut Parochiales Ecclesiæ, nullum officium claustrale, nullum Xenodochium, Hospitale, Eleemosynaria, seu Leprosaria, in titulum vel administrationem conferantur. Equis quæ talia obinet, quamprimum Papa loco illorum de alio æquivalenti providebit, illa dimittere teneatur, sicut superius de Commendis est dictum.

Provisio, quod Cardinalis de prebentibus Ecclesiasticis non habeat ultra valorem sex millium florenorum.

CAPUT X.

De Indulgentiis.

Cavebit Dominus noster Papa infuturum nimiam Indulgentiarum effusionem, ne vilescant. Et in præteritum concessas ab obitu GREGORII XI. adinstar alterius Indulgentiæ, revocat & annullat.

Anno 1418. VII. Kal. Februarias Martinus V. Sigismundo Regi Diploma concessit, decimas integras unius anni omnium Beneficiorum Ecclesiasticorum in tota Germania sub Imperio Romano consistentium, percipiendi.

Horum Concordatorum Exemplar directum ad Abbatem & Conventum in Selse, Ordinis S. Benedicti, Argentinenfis Diocesis, conscriptorum & publicatorum 2da Maji anno primo Martini, adeoque anno 1418. edit Cl. Senckenbergerus, Imperialis Judicii Aulici Consiliarius, Tomo I. Recessuum Imperii edito Francofurti anno 1747. typo Ernesti Augusti Koch pag. 111. & seqq. quæ editio non tantum accurata & conformis Hardtii & Leibnitii editione, sed utraque emendatior, & verosimiliter originali conformior, quod paucis evidenter demonstratur, nam primo non habet subdivisiones ab utroque additas, nullum pæne habet comma, sicut tum temporis moris erat: pauca hinc & inde puncta. Commata, parentheses, duo puncta &c. sunt additamenta Cl. Leibnitii & Hardtii, non originalium Literarum sæculi XV. initio exaratarum: Certe nec, quod infra anno 1447. producam ex Archæo Electorali cœvo productum, simili simplicitate scriptum, ætatem suam ostendit. Tertio nullum æ, sed simpliciter e scribitur: quæ Ecclesiæ nostre &c. Quarto vix nullum t, sed ejus loco c, ubique v. g. di-

CAPUT XI.

De horum Concordatorum Papæ Martini V. & Nationis Germanicæ valore.

Item Sanctissimus Dominus noster Papa, & inclita Natio Germanorum consenserunt & protestati sunt, quod omnia & singula supradicta durare & tolerari debeant usque ad quinquennium duntaxat, a data præsentium numerandum: Constitutionibus Apostolicis, Regulis Cancellariæ factis & fiendis, & aliis in contrarium facientibus, non obstantibus, quibuscunque. Quodque per observantiam illorum nullum jus novum Romano Pontifici, aut alicui alteri Ecclesiæ vel personæ acquiratur, seu præjudicium generetur.

Sed lapsa dicto quinquennio quælibet Ecclesia & persona prædicta liberam facultatem habeat utendi quolibet jure suo, non obstantibus supradictis.

Et quod Capitula prædicta, & quodlibet eorum, dentur cuilibet ea habere volenti, communiter seu divisim, in autentica forma sub Sigillo Domini Vice Cancellarii, cum subscriptione Notarii. Sic quod fidem faciant, exhibita ubicunque.

Pro toto autem non solvantur, ultra duodecim grossi Turonenses.

Von der Hardt Concilii Constantiensis Tomo I. a pag. 1055. & cæteris.

Ex MSS. codicibus Cesareo Vindobonensi & Ducatibus Brunswicensibus.

g. dispensacio, eleccio, gracia, audiencia, instancia &c. ubi ceteri et substituunt ex sua etate. Videtur Cl. Vir originale Argentinense ipse aut ejus descriptor præ oculis habuisse.

~~~~~

MARTINI V. PP. Confirmatio omnium
per Concilium Constantiense in materiis Fidei Decretorum, & Con-
ciantier factorum, & non aliter: edita occasione damnationis errorum
JOANNIS FALCKEMBERGII, *quæ per Oratores Regis Polo-*
niæ magno clamore postulabatur Sessione ultima hujus Con-
cilii anno 1418. die 22. Aprilis.

EN OCCASIONEM, EN FRUCTUM.

JOANNES DE FALCKEMBERGA, oppido hujus nominis in Dicecesi Caminensi, subjecto Dominis Equitibus Borussiae B. M. V. Ordinis Teutonici: Hic cum Ordini Prædicatorum nomen dedisset, vixit tempore schismatis trium Pontificum, & inter eos Gregorio XII. adhæsit, quod schisma magnum etiam Ordines Regularium turbavit, adeo ut interunius familiarum v.g. Prædicatorum Alumnos, alii Alexandro V. alii Gregorio XII. alii Joanni XXIII. adhærent. Hinc, cum Joannes in Concilio Constantiensi præfens, Leonardum de Datis Ordinis sui Magistrum Generalem agnoscere recusavit, eo quod alteri obedientiam addictus esset: in hujus obstinationis poenam a Concilio totius Ordinis Argentinæ anno MCCCXVII. VI. Junii celebratis, ad perpetuum carcerem damnatus fuit.

Eccum titulum Libelli pro Equitibus contra Poloniam scripti: " Libellus in gratiam Dominorum suorum Equitum Crucigerorum editus, sed multo pipere seu porius felle conditus adversus Vladislaum sive Jagelonem, qui ex Duce Lituaniæ tum infideli & idololatra electus Rex Poloniæ, Christianam Religionem amplexus erat, & cum suis Polonis ac Lituaniis Equites dictos Cruciferos multis cladibus affecerat, ac pæne profligarat. *Initium Libri:* Universis Regibus & Principibus, cæterisque Prælatiis sive Ecclesiasticis, sive secularibus, & generaliter omnibus, qui Christiani nominis meruerunt insigniri titulo. &c. . . *Finis:* Quatenus pro exterminio Polonorum, & eorum Regis Jagyel valeant vitam capessere æternam.

Scilicet, *pergunt dicti PP.*, cum Sigismundus Cæsar ex sententia Concilii Constantiensis Lutetiam progressus esset cum rege Carolo VI. de schismate extinguendo collaturus, Nicolaus, Gnesnensis Archi-Episcopus, comes ei adjunctus, qua erat magnificentia, Doctores omnes Academiæ Parisiensis splendido convivio excepit XVII. Januarii anno mccccxvii. & inter prandendum hic Libellus ipsi fuit ab uno e Magistris oblatas, de quo antea nil audierat.

Offensus eo libello gravissime, ubi Constantiam rediit, cum Legatis Polonis ad Patres conquestus est diebus VIII, IX, X. Februarii sequentis, obtinuitque ut Falckenbergius in carcerem detruderetur. Diebus XI, XII, XIII. ejusdem mensis frequenter congregare Nationes cum Cardinalibus Commissarios delegarunt, qui Libellum & Auctorem examinarent, & ad Synodum referrent. Commissarii delegati II. Non. Junii anno mccccxvii. hanc sententiam tulērunt:

Recusus inter opera *Gersoni* Antverpiæ impressa anno 1776. in appendice Tomi V. a columna 1013. ad columnam 1032. quos libellos si solos scripsisset, nihil mali pisset fuisse: etsi enim has Parvi assertiones fere Magistri omnes reprobas habuerint, quamplures tamen ab hæresis censura eximendas censuerunt.

Verum his inter Regem Poloniæ & Equites Teutonicos ultimam ei perniciem attulit.

SACROSANCTA GENERALIS SY-
NODUS IN SPIRITU SANCTO LEGITIME
CONGREGATA, UNIVERSALEM ECCLESIAM
REPRESENTANS, AD PERPETUAM
REI MEMORIAM.

Nuper oblato Nobis coram Commis-
sariis nostris in causa Fidei quodam
Tractatulo a F. Joanne Falckemberg,
Ord. Prædicatorum, composito &c.
Finis: Committens Commissariis prædi-
ctis, quatenus dicto F. Joanni dicti tra-
ctatuli seu libelli, ut præmittitur: Com-
positori, tanquam humiliter se subjicienti
eisdem, ut cum eodem propter humi-
lem subjectionem præmissam misericor-
diter agentes, pœnitentiam salutarem im-
ponant, prout secundum Deum, juxta
delicti qualitatem, attente etiam his, quæ
secundum sacram Scripturam, & sacros
Canones in hujusmodi negotio atten-
denda viderint, & censuram ipsam in toto
expediant sine ulteriori relatione ad ip-
sum Concilium amplius facienda. Pro-

videantque in præmissis, ut salvetur de-
bita reverentia Catholicæ Fidei, & honor
Regis, & Regni Poloniæ, quod constat
esse nobile membrum Ecclesiæ militantis,
prout secundum Deum viderint expe-
dire. Datum *Constantie* anno Incarnat.
Dom. MCCCCXVII. secundo Nonas Junii.

Legati Poloni XXII. Aprilis anno M-
CCCCXVIII. in ultima Sessione Generali pub-
lica vehementius insistere, ut Libellus jam
per Judices delegatos prædamnatus totius
Concilii & Papæ sententia damnaretur tan-
quam continens doctrinam hæreticam, erro-
neam in fide. *Sed frustra:* Martinus V. si-
lentio omnibus imposito dixit, " quod om-
nia per Concilium in materiis Fidei de-
creta, & conciliariter facta, approbabat,
& non aliter, nec alio modo. " Protesta-
tione & appellatione Polonorum frustra ire-
ratis.

Qualis sententia Joanni fuerit imposita,
qualiter & ubi vitam finiverit, ipsi Scriptores
nesciunt, varia referunt, nihil ad nos.

CONVENTUS IN NORIMBERGA

Anno Christi MCCCCX. Alexandri V. Papæ I.
Ruperti Reg. X.

ALBERTUS, Babebergenſis Episcopus, & FRIDERICUS, Eistettenſis Episc., com-
munis Colloquii gratia Norimbergam convenerunt, & laborantis Ecclesiæ labes
(ob schisma trium, Papatum sibi arrogantium) diligenter discusserunt. Ibi Benedicto
XIII. & Alexandro V. rejectis, Gregorium XII, ut verum & Catholicum Episcopum
approbarunt, & se in ejus obedientia perfituros esse professi sunt, donec ex Concilii
Generalis auctoritate schisma penitus tolleretur.

*Hoffmannus L. V. Annal. Bambergensium edente Ludewigio Tomo I. Scriptor.
Bamberg.*

SYNODUS PRAGENSIS

RAUDNITZII CELEBRATA

Anno Christi MCCCCXIII. Joannis XXIII. Papæ IV.
Sigismundi Reg. rom. IV.

Hoc anno, die 29. Augusti CONRADUS Westphalus, Raudnitzii, ditione ad Archi-
Episcopatum pertinente, Synodum universi Cleri sui celebravit, cujus articuli nil
nisi sanum & Catholicum continebant.

*Hos articulos ex manuscripto codice habuit Balbinus, uti testatur, in Epitome ve-
rum Bosm. L. IP. C. VI. pag. 423.*

*Ex communicatis Literis à D. Dachowsky, Archi-Episcopi Pragensis Archivario,
anno 1762. 30. Martii transmissis, descripsi istam mentionem hujus Synodi.*

WORMATIENSIS SYNODUS

Anno Christi MCCCCXIV. Joannis XXIII. Papæ V.
Sigismundi Reg. rom. V.

JOANNES DE FLECKENSTEIN
(a) in Synodo Feria IV. post Bartholomæi anno Millesimo quadringentesimo decimo quarto, præcepit, ut Festum Visitationis Beatæ MARIE Virginis DEI Genitricis celebraretur in civitate Wormatiensi, & in tota Diœcesi sua.

II. Quod Festum Sanctæ Trinitatis servaretur in Dominica die, in octava Pentecostes. (b)

III. Multas lites & abusus laudabili consilio tollit, religionis cultum auger, numerosa Synodo collecta. (c)

- (a) Joannes de Fleckenstein fuit Episcopus Wormatiæ Ordine XLV. Sedit annis XVI. Obiit A. 1426. 8. Maji, sepultus in majori Ecclesia ante summum Altare.
(b) Hactenus Chronicon Wormatiense, scriptum a Kirschgartenfi Monacho, edente Ludewigo Tomo II. Reliquiæ MSS. pag. 153.
(c) Hæc addit Chnus Schannatus Historiæ Wormatiensis Tomo I. pag. 410. nec plura supersunt.

SYNODUS VARMIENSIS

Anno Christi MCCCCXV. Sede Apostol. vacante.
Sigismundi Reg. rom. VI.

SUB JOANNE III. EPISCOPO VARMIENSI,
20. Febr. contra Wicleffitas celebrata.

HUic Synodo cæteri, qui in Prussia sunt Episcopi, interfuere. Circuitus cum aqua lustrali per domos statutus fuit, eo tempore, quo nefaria Wicleffitarum hæresis in has oras irrupit, & mala multa causavit. Nam plurimi, qui huic sectæ nomen dabant, a recto veræ Fidei tramite recedentes, Ecclesias non frequentabant, Sacramenta irridebant, & contemnebant, seque in popinis liquoribus ingurgitabant : a Dæmoniis vexati mirum in modum cruciabantur, ut in rabiem & insaniam versi, more canum per plateas discurrent : alii in ignem insipientes cremabantur, alii in flumina & puteos se præcipites dabant, & suffocabantur : qui verò aquam lustralem adhibuerant, a periculo omni illæsi servabantur, unde fiebat, ut salis & aquæ exorcistæ usus frequentior haberetur.

Hæc mentio extat in Synodo Varmienfi, anno 1726. Heisbergæ celebrata ab Illustrissimo Christophoro SZEMBECHO Episcopo Varmienfi & Pomesanienfi, impressa Brunsvigæ anno 1726. pag. 64.

SYNODUS TORNACENSIS

A. C. MCCCCXVI. SEDE ROM. VACANTE. SIGISMUNDI R. VII.

SUB JOANNE EPISC.

Ejus Mentio duntaxat superest.

UT JOANNES DE THOYSI, (a) Episcopus Tornacensis, in meliorem statum post bella, famem, pestilentias, Diœcesin reduceret ; Synodum Diœcesanam congregavit Tornaci anno MCCCCXVI, cujus acta repetuntur anno MCCCCLXXXI, ubi Synodum referemus infra.

Summa Statutorum Synodaliurn Tornacensis Ecclesiæ, una cum Synopsi viæ Episcoporum edita a D. La Groux, Pastore Ecclesiæ La marque en Baroeul insulis anno 1726. in 8vo.

(a) Sedit ab anno 1413. ad 1433.

CON-

CONCILIIUM WRATISLAVIENSE

Anno Christi MCCCCXVI. Romana Sede vacante.
Sigismundi Rom. Reg. VII.

*Constitutiones Domini WENCESLAI, (a) Episcopi
Wratislaviensis.*

IN NOMINE SANCTE ET INDIVIDUE TRINITATIS, AMEN.

WENCESLAUS, DEI GRATIA, EPISCOPUS WRATISLAVIENSIS.
UNIVERSIS ET SINGULIS PRESBYTERIS ET CLERICIS NOSTRE DYOCESIS, SALUTEM IN EO, QUI EST OMNIUM VERA
PAX ET SALUS.

Super gregem Dominicum Divinius Nobis creditum, & in partem sollicitudinis vocati, speculatoris officium in vinea Nobis commissa exercentes, ad universas nostre Dioecesis Ecclesias aciem nostre considerationis extendimus, & congrua provisionis remedia singulis defectibus, quanto Nobis ex alto commissum est, intendimus adhibere.

§. I.

Et quamvis deceat quosque subditos curam solertem gerere: ut ambulent velut filii lucis; hoc tamen precipue ab illis videlicet Ecclesiarum Rectoribus, & Prelatis, & Clericis, qui constituti per altitudinem regiminis & officii in specula quasi signum positi sunt ad sagittam, exigitur, & circa commissos sibi Plebanos, Pastoris similiter & Custodum officium implentes, sic invigilent; ut vita, doctrina, & moribus alios ad bene vivendum suo exemplo provocent & inducant. Sane, quia non est ambiguum, illud esse sceleratius commissum, quod est gravius punitum. Cumque viciū incontinentie divine Majestatis oculis sit detestabile; ut etiam totum orbem ab illo viciō expurgandum, catharactas celi solvendo, omnem carnem, paucis exceptis, aquis diluvii delevit pro nulloque crimine dixit, quam pro illo: *penitet* (b) *me fecisse homi-*

nem; illud etiam vitium per penarum exaggerationem de finibus nostre Dioecesis, & presertim a Filiis Levi, ut sacrificium illud incontaminatum puro corde, & casto corpore acceptabiliter offerant, propellere: & eos, qui quasi aurum & argentum colare volentes presentis Synodi ac etiam Nobis a future, indulti auctoritate non novam rem agredientes: neque viam insolitam ambulantes: sed anteriorum jurium, & Constitutionum Provincialium, quarum nonnullæ propter earum vetustatem in oblivionem date sunt & tradite, aliquæ vero per abusum abrogate nec recepte, calcatam, vestigiis inherentes: statuimus & statuendo mandamus, quatenus nullus Presbyter, Diaconus, Subdiaconus, cujuscumque gradus, vel conditionis existant, nostre Dioecesis, concubinam seu focariam, vel alias mulieres suspectas, in domo sua, vel aliena teneat: & ei victualia ministret, seu ministrare faciat. Alioquin omnes tales tenentur, & privantur pena privationis quartæ partis reddituum Beneficiorum suorum, quam incurrere volumus ipso facto. Confidimus enim; quod spiritualis pena excommunicationis, & suspensionis talibus a jure infligenda quevis, quam temporalis, quamvis periculosior formidatur in temporalem commutata: subditorum mutabuntur & mo-

(a) Wenceslaus, Dux Ligniacensis, ex Cathedra Lebusiana translatus fuit a Papa ad Cathedram Wratislaviensem, Episcopus XXVIII.; resignat Episcopatum ad manus Papæ Martini V. anno 1417. 11. Novemb. electi Constantiæ. Obiit eodem anno 1417.

(b) Genesis VI, 7.

mores: & quia necesse est, ut fetro abscindantur vulnera: que fomentorum non sentiunt medicinam; adjicimus presentis constitutionis vigorem. Quod si quis Clericus post ipsius Constitutionis publicationem concubinam tenere presumpserit, penam carceris seu carceralem ad tempus per Nos, vel Officiales nostros moderandum incurrere volumus, ipse juris penitentiam singulis feriis sextis in pane & aqua: feriis quartis & sabbatinis in pane & cervisia, ut corpore, quo deliquit, puniatur, peracturus; quousque ad cor reversus, se a commissis castigatione condigna mactatus duxerit cohibendum. Item cum in officiis charitatis illis primo loco simus obnoxii, a quibus Nos constat charitatis beneficia percepisse, nonnulli hec minime perpendentes, contra debitum ordinem charitatis anime sue potius detrimentum, quam testamentum facientes, & ut eorum vite enormis, apud quos conversati sunt, etiam post mortem jugis maneat memoria: & odor male fame diutius corda fidelium inficiat, concubinis suis & focariis tam magnas faciunt legationes & testamenta, de tot & tantis rebus, & annuis redditibus assignationes & donationes, que etiam valde insignibus nobilibus, & illustribus videntur pro dote sufficere, Ecclesias, quarum intuitu bona acquisierunt, in testamentis suis damnabiliter pretereuntes; Nos, premittis congruam volentes adhibere medelam, statuimus & statuendo mandamus; quatenus nullus Ecclesiarum Parrochialium Rector, vel alius Clericus, quicumque administrationem habens, de bonis, maxime intuitu Beneficiorum suorum acquisitis, aliquod testamentum, legationem, assignationem, seu donationem, concubinis suis, seu focariis, vel aliis suspectis personis, & laicis, in vita, vel in morte faciat: sed secundum juris communis dispositionem eadem bona sua Successoribus suis dimittant, vel Ecclesiis pro earum reparatione, seu librorum, vel aliarum rerum ad Divinum cultum comparatione relinquunt, & disponunt. Et quia juxta Canonicas, & legitimas sanctiones pactum turpe, & rei turpis nulla est obligatio; omnes donationes, testamenta & legationes prædictis personis, &

promissiones de his faciendum facte, irritamus, annullamus, & cassamus. Imo verius irritas, cassas, & nullas nuntiamus: non obstantibus quibuscumque concessionibus & indultis, ac literis testandi sub quacumque forma verborum a Nobis concessis, per que huic nostro Statuto nullum volumus prejudicium generare. Per hoc non negamus, quin Christi pauperibus, amicis suis, & servitoribus: seu in alios pios usus donationem de rebus suis prædictis facere possint, tamen moderatam.

§. II. De Tabernariis.

Item statuimus, & mandamus, hortamurque per viscera misericordie Jesu Christi, quatenus omnes Clerici a tabernarum visitatione, a crapula & ebrietate, que mentis inducit exilium, & libidinis provocat incentivum, abstineant. Conviviaque & commestationes in eorum convocationibus, & animarum commemorationibus (quas *stipas* vocant) non faciant: cantilenas mundanas, turpes; & scurrilia turpiloquia (sicut decet Sanctos) non proferant, neque cantent: linguas suas & ora, quibus incontaminata Christi mysteria conficiunt, & premunt, omni mendacio & perjurio præsertim exclusis, munda confervent, secularibusque negotiis se non misceant: per decentiamque habitus extrinsecam moris honestatem intrinsecam ostendant. Statuendo mandamus, quatenus nullus Clericorum vestes & habitum tam formæ quam coloris sacris Canonibus (præsertim per constitutionem CLEMENTIS V. de vita & honestate Clericorum) prohibitos, nec non mitras ante vel retro veluti cornua curvatas portent, seu deferant. Alioquin ultra penas a jure communi statutas contra facientes, & præsertim tabernas absque itineris necessitate visitantes: pena Synodali, videlicet trium marcarum argenti decernimus præsentis constitutione vigoris ipso facto mulctatos.

§. III. De Eucharistie expositione.

Item quamvis retroactis temporibus, nonnullis personis, tam secularibus quam regularibus, & certis locis spe augmentande devotionis a Nobis sit indultum, ut aliquibus diebus in septima-

na illud vivificum , & salutiferum hereditatis eterne pignus nostrum certissimum , Corporis Domini nostri JESU CHRISTI Sacramentum visibiliter exponi , & publice possit demonstrari ; ex qua frequenti expositione (ut percipimus) excrescit indevotio multorum , minoratur reverentia , tepefcit charitas , & ut locorum vicinorum pericula edocent , ex ea hereses insurgere , & pullulare formidamus : & quia quod ad salutem pie indulgimus , cum ad noxam tendere perspicimus , consultius revocamus . Cumque etiam Sanctorum Patrum sanxit autoritas , quod istud Sacratissimum Sacramentum post Missarum solemniam , nisi pro usu infirmorum & decedentium , reservari non deber : ne veluti (quod in figura , quin Deus de celo manna pluit in deserto Patribus) species hujus Sacramenti in alterum diem reservate putrescant seu putrescant , mandamus igitur statuendum . Quod nullus in antea Clericorum secularium sive regularium sub obestatione Divini iudicii istud veneratissimum Sacramentum Missarum solemnibus expletis (Festo Corporis Domini nostri JESU CHRISTI : & si ejusdem Sacramenti singularis fiat memoria , excepto) exponere , demonstrare , & reservare quam ad usum infirmorum presumat : propter penam rebellionis , & contemptum nostri mandati , quam se noverit incursum , pene Synodali contra facientes , totiens quotiens contra premissa presumpsum fuerit , subiacere volumus ipso facto . Non negamus tamen , quin ipsi Clerici , qui singularem eidem vivifico Sacramento reverentiam exhibere volunt : Missam ipso Sacramento non exposito publice , nec denudato celebrare poterint & decantare .

§. IV. De Collatione Sacramentorum
in communi.

Item multorum oculos sic avaricie vicium execavit , ut Divino timore postposito , Christi-Fideles nec Sacramenta Corporis Christi : nec Unctionis extreme procurare , & eis conferre , nec baptizare : nec matrimonialiter copulare volunt , nisi prius certis denariis presentatis vel datis . Et quia tales ementes , & vendentes exemplo Salvatoris merito de Templo Dei ejiciuntur . Mandamus

omnibus & singulis Presbyteris , Curatis , & non Curatis , ut in antea talia non attentent , Statuentes sub *pena privationis Beneficii* , quatinus nihil pro collatione Sacramentorum (pretextu etiam cujusvis consuetudinis) exigant . Sed ipsa Sacramenta sine pacto , & quavis exactione gratis porrigant & conferant . Volumus tamen , quod ubi pia fidelium devotione & introductione , quod Sacramenta ministrantibus aliquid consuevit dari , quod hujusmodi consuetudinis contemptores , & violatores per Nos ex mero Officio , vel Officiales nostros ad eandem servandum compellandos Nobis vel eis denuntient , & ad nostram , vel eorum notitiam perducant .

§. V. De Clericis peregrinis.

Item statuimus , quo nullus Ecclesiarum Rector Clericos peregrinos , & extraneos in sua Ecclesia ad celebrandum , vel aliud officium exercendum Clericale , nisi visis litteris nostris receptorii , sub pena Synodi admitat .

§. VI. De Sacramento conservando.

Item dolenter referimus , quod nuper ignis voragine duabus Ecclesiis nostre Diecesis consumptis , eoque Sacra-ria , in quibus Sacramenta conservantur , lignea fuerunt , incendio totaliter sunt consumpta & incinerata . Ne igitur propter nostram incuriam Divina ultio in Nos gravius exardescat . Mandamus , hortantes , quatenus Plebani , ceterique Ecclesiarum Rectores , & earum vitrici (a) Sacra-ria , in quibus Sacramenta conservari debent , de lapidibus , seu lateribus construant , & conservari faciant . Districte precipientes sub *pena Synodali* , quatenus Corpus Christi vivificum una cum aliis Sacramentis , Unctionem in loco singulari mundo , & signato seris adhibitis juxta *Generalis Concilii Decreta* , ne ad ea temeraria manus possit extendi ad aliqua nefaria & horrenda exercenda , reservent & custodiant . Ne ossa Regis Ydumee redigantur in cinerem . Et quia ipse Salvator noster redemptionis ministerio expleto : corpus suum mortuum , & pro Nobis in ara crucis arefactum in sepulchro petra exciso sigillis munito voluit recondi & reservari : Multo plus Sacramentum Corporis sui jam in celo regnantis & immortalis ,

[a] forte: Vicarii.

talibus, in quo Sacramento nobiscum manere voluit etiam corporaliter usque ad consummationem sæculi: ne incineretur & corrumpatur, majori diligentia & custodia reverenterque conservari debet & custodiri. Sed quia ad id forte nonnullorum Ecclesiarum perficiendum non suppetunt facultates: ideo omnibus, qui ad ipsa Sacra manus porrexerunt construenda adjutrices, *quadragesima dierum indulgentias*, auctoritate ejusdem Domini nostri Jesu Christi, & Apostolorum Petri & Pauli confisi in Domino misericorditer elargimur.

§. VII. *Accentus & cantus sit idem cum Ecclesia Cathedra.*

Item, quia non licet membra a capite recedere, & turpis sit pars, que suo non congruit universo, convenitque juxta sacrorum Canonum decreta Ecclesie ordinem ab omnibus equaliter custodiri; sub debita obedientia & *pena Synodali*, districte precipiendo mandamus statuendo, quatinus omnes & singuli Clerici Beneficiati nostre Dioecesis, & presertim Ecclesiarum Parochialium Rectores, nec non & Collegiate Ecclesie in Divinis Officiis & Missarum celebrationibus, inchoationibus, & conclusionibus collectarum, in accentibus Epistoliarum & Evangeliorum, & notis prefationum eundem ordinem, & ritum & morem, quem tenet nostra Ecclesia Cathedralis, & qui servatur in eadem, teneant diligenter & observent, seque eidem in omnibus coaptent, & conforment, contra facientes pena Synodali multantes.

§. VIII. *Circuitu interesse debent Beneficiati.*

Item statuimus ordinantes, quod quilibet Clericus in Ecclesiis, in quibus Beneficiatus existit, diebus Dominicis & aliis, quibus Processiones solennes fieri solent, ipsis Processionibus intersit sub pena unius grossi utualis, quam incurere volumus negligentem ipso facto, quam penam in Ecclesia nostra Cathedrali, & Collegiatis per Vicedecanos, in aliis vero per Ecclesiarum Rectores exigere volumus & mandamus, quam penam post eorum requisitionem, si processioni non interfuerit, infra triduum solvere

neglexerit: suspensionis ab ingressu Ecclesie sententiam incurrat ipso facto.

§. IX. *Missas quot quilibet legat.*

Item, quia sunt nonnulli Ecclesiarum Rectores, in quos torpor negligentie intantum obreplit, quod vix in Ecclesiis suis infra unius ebdomade spatium unam Missam: nonnulli Altariste (quod deterius est) unam imo nullam per anni circulum in Altaribus & Ecclesiis, in quibus Beneficiati exiunt, celebrant, seu faciunt celebrare. Quare statuimus, disponimus & ordinamus, quod quilibet Plebanus ruralis tres Missas ad minus in Ecclesia sua singulis ebdomadis, Altarista vero unam, nisi ad plures celebrandas ex fundatione, vel consuetudine esset astrictus, quas omnes teneantur per se, vel per alios, legant, & dicant, seu decantent *sub pena Synodali*, contra facientes gravius processuri.

§. X. *De Copula matrimoniali.*

Item mandamus anterioris juris decreta exequentes, quatenus nullus Presbyter Parochianum alienum, seu quosvis alios etiam suos Parochianos in facie Ecclesie copulet, seu copulare presumet bannis non premissis, contra facientes penam Synodalem, præter penam alias a jure talibus infligendam, incurrere volumus in ipso facto.

§. XI. *Ne rapti raptori copuletur.*

Item mandamus, quatenus nullus raptam raptori copulet, nisi pristina libertati restitutam sub pena præmissa, & quia sunt nonnulli laici, qui bannis non premissis se faciunt copulari: ignorantes publicare, seu bannum premittente verécundentur, & non curent, & ut pena timoris ad ea præmittenda facilius inclinentur, mandamus omnibus & singulis Ecclesiarum Rectoribus, quatenus Constitutionem *Concilii Generalis*, que incipit: *Cum inhibito*: presentibus annexam tribus diebus Dominicis post nunc instans festum Nativitatis Christi, ne in premissis se juris ignorantiam excusare poterint, studeant publice eorum ambonibus publicare.

§. XII. *De Immunitate Ecclesiarum.*

Item, quia fama crebro referente, experientiaque, que efficax rerum magistra existit, didicimus, quod nonnulli Consules civitatum & oppidorum, ac alii Capitanei, Balivi, ceterique potestatem habentes, tot onera Clericis & eorum subditis & bonis imponant, ut omnia eorum negocia, que per eos agenda sunt, de bonis Ecclesiasticis & subditorum eorum cuncta fere velint compleri, & quod deterius est, bona Ecclesiarum propria auctoritate, imo verius temeritate invadunt, homines Ecclesiarum spoliant, & res eorum violenter recipiunt, sibi jus in eis, cum nullum habeant, vendicantes, non perpendentes, quod eis de rebus Ecclesie nulla disponendi sit attributa facultas, quos obsequendi manet necessitas non auctoritas imperandi, & quia *Statuto* (c) *Provinciali* loca, ad que res Ecclesiarum per habitantium in eisdem violentiam ablata deducuntur, Ecclesiastico ipso facto subjiciuntur interdicto. Mandamus vobis omnibus & singulis Ecclesiarum Rectoribus, quatenus in ipsis locis, ad que res ipse perducte sunt, & pervenerint, interdictum auctoritate prefati statui prolatum inviolabiliter observetis, alio super hoc a nobis mandato minime expectato. In derogationemque Ecclesiastice libertatis & contemptum nonnulla statuta faciunt & ordinant, & edicta sua publice proclamant, jurisdictionem etiam ecclesiasticam in eos, qui ad suam justiciam consequendam ad fores Ecclesie confugiunt bannientes, & proscribentes impediunt. Sunt & alii, qui Clericos etiam non solum in bonis molestant, sed & earum personas judicant, captivant, & detinent, & eorum iudicio contra Sanctorum Patrum Decreta parere compellunt. Multi etiam in sue salutis grave dispendium in gradibus consanguinitatis & affinitatis, & alias a jure prohibitis contrahunt, & contrahere matrimonium presumunt. Nonnulli etiam contra nervum Ecclesiastice censure, & in vilipendium & con-

temptum tempore interdicti contra prohibitionem juris, & aliqui excommunicatos publice sepeliunt, & Ecclesiastice tradunt sepulture, & quia contra tales presumptores & temerarios actores sufficienter juris communis remedio est proviſum, (d) certa Capitula Corporis juris clausa. Ne tam illi, qui ea publicare, seu illi, quibus publicari & notificari debent, ignorantiam allegare valeant aliqualem, presentibus nostris Statutis duximus annexenda. Primo C. *Non minus. De Immun. Eccles.* Secundo C. *Cum Inhibitio. De cland. desp.* Tertio C. *Noverit de sent. excomm.* Quarto C. *Quoniam ut intel. & C. Eos qui. De Immunitate Eccles.* Lib. VI. Quinto C. *Quum qui abjectis. De vita & honestate Clericorum in Clem.* Quibus etiam addi fecimus: *Si Judex laicus. De sent. excomm. Lib. VI.* Mandantes omnibus & singulis Archi-Presbyteris Sedium nostre Diocesis, quatenus presentia nostra Statuta una cum predictis Constitutionibus eis annexa, antequam de loco recedant, Curie nostre Notarium recipiant, convocationibusque factis, infra unius mensis spatium singulis suarum Plebanis legant, intiment, & insinuent, quibusque Plebanis eadem statuta a suo Archi-Presbytero; prelati etiam Archi-Presbyteri quilibet a suo Archi-Diacono Statuta, in (e) *proxima Synodo* nostra nuper edita, suis Plebanis per eum communicanda, recipiant, & conscribi faciant infra tres menses *sub pena Synodali*, prefatique Ecclesiarum Rectores eadem Capitula superius descripta & annexa infra hinc, & festum Epiphanie Domini successive certis diebus Dominicis & Festivis populo publicent, & publicari faciant.

§. XIII. *Visitatio Cleri per Archi-Diaconum.*

Item parum est jura condere, nisi sit, qui ea tueatur, & debite executioni demandet sub obtestatione Divini iudicii & suspensionis ab officio pena. Mandamus omnibus Archi-Diaconis nostre Diocesis, quatenus infra hinc & festum Nativitatis Beati Joannis Baptiste quilibet,

(c) Vratislavia ab initio Gaeznensem Archi-Episcopum habuit Metropolitam, cujus Provinciae accensebatur: nunc videtur immediate S. Sedi Apostolicae subiecta.

(d) forte addendum: per certa.

(e) Aliam ergo Synodum præter hanc Wenceslaus celebravit.

bet, prout ad eorum pertinet officium, singuli singulas sui Archi-Diaconatus Basilicas visitent: auctoritateque Nostra, quam eis presentibus impartimur, que corrigenda & reformanda viderint, reforment & corrigant, & presertim de vita & continentia Clericorum diligentius inquirent, penamque statuti supra expressi a concubinariis per censuram Ecclesiasticam exigant, & si excessus qualitas meruerit, vel eorum rebellio gravioribus penis per Nos corrigendum, contumaces Nobis deferant & denuntient. Et an Sacramenta diligenti custodia sint reservata? fidei perillustratione conspiciant, secundumque *Statuta Provincialia antiqua*: singulos in Canone & signis, an ea competenter faciant & sciant, & (a) modo & forma baptisandi, & verbis substantialibus diligenter examinent. Ignorantes ab officio, prout viderint expedire, ad tempus suspendant, nec easdem suspensionis sententias juxta eorundem Statutorum tenorem propter nostram sententiam relaxent. *Penam Synodalem* transgressores Statutorum presentium, & etiam in *proxima Synodo* statutorum, & presertim, qui ea non habuerint, & apud quos ea non reperierint, per Nos in pios usus convertendum solvere compellant, sicque in premissis curam solertem & diligentem exerceant, officique sui debitum irreprehensibiliter exigant, ne videantur, *que sua sunt, querere, sed que JESU CHRISTI*, ut talentum ministerii sibi traditi, cum Dominus rationem positurus cum servis suis venerit, reddere poterint & representare, multiplicibus virtutum meritis augmentatum: superque multa & plura ab eodem constituendi, eternorumque premiorum mansiones consequi, & in gaudia sua feliciter poterint & valeant introire.

§. XIV. De Copula conjugali.

Cum inhibitio copule conjugalis sit in ultimis tribus gradibus revocata, eam in aliis volumus districte observari. Unde Prædecessorum nostrorum vestigiis inherentes, clandestina conjugia penitus inhibemus: prohibentes etiam, ne quis Sacerdos talibus interesse presumat, quin specialem quondam locorum consuetudinem ad alia generaliter

porrigendo; statuimus etiam cum necessaria fuerint, contrahenda in Ecclesiis per Presbyteros publice proponantur competentem termino prefinito, ut ille, qui voluerit, seu noluerit, legitime impedimentum opponat, & ipsi Presbyteri nihilominus investigent, utrum aliquod impedimentum obsistat? Cum autem apparuerit probabilis conjectura contra copulam contrahendam, contractus interdicatur expresse, donec quid fieri debeat, super hoc manifestis constiterit documentis. Si quis enim hujusmodi interdicta conjugia inire presumpserit in gradu prohibito, etiam ignoranter, soboles de tali conjunctione suscepta prorsus illegitima censeatur, de parentum ignorantia nullum habitura subsidium, cum illi taliter contrahendo non ex parte scientie, sed affectatores ignorantie videntur. Pari modo proles illegitima censeatur, si ambo parentes impedimentum scientes legitimum, præter omne interdictum, etiam in conspectu Ecclesie, contrahere presumunt. Sane Parochialis Sacerdos, si tales conjunctos prohibere contempserit, nec non quivis etiam regularis, qui eis presumpserit interesse: per triennium ab officio suspendatur, gravius puniendus, si culpe qualitas postulaverit, sed qui taliter copulari presumpserint, etiam in gradu concessio, dignam penitentiam injungant, si quis autem ad impedienda legitimam copulam maliciosum impedimentum objecerit, Canonicam non aufugit ultionem.

§. XV. De fide pactionis & consensu.

Noverit Fraternalitas tua, &c. *Et infra*: Excommunicamus omnes hæreticos utriusque sexus: quocumque nomine censeantur: & fautores, receptores, & defensores eorum. Nec non & qui de cetero fecerint, servari Statuta edita, & consuetudines introductas contra Ecclesie libertatem: nisi ea de capitularibus suis infra duos menses post hujus publicationem sententiæ fecerint amoveri. Item excommunicamus Statutarios, & Scriptores Statutorum ipsorum, nec non Potestates, Consules, Rectores, Consiliarios locorum, si de cetero hujusmodi Statuta & consuetudines Ecclesiæ tuerint obser-

observate, nec non & illos, qui secundum ea presumpserint judicare : vel in publicam formam scribere judicata. Quoniam (ut intelleximus) quorundam Justiciariorum, Balivorum, Judicumve secularium, ac temporalium Dominorum in quibusdam partibus presumptuosa temeritas sic excrevit, ut in terris eorum sive districtibus literas Apostolicas impetrantes, vel ad Judices Ordinarios Ecclesiasticos recurrentes, super causis, negotiis, seu questionibus, que de jure, aut antiqua consuetudine ad forum Ecclesiasticum pertinent, obtinere non possint, in eis per eosdem ordinarios Judices, vel Apostolicas literas justicie complementum, quin potius super illis recurrere ad judicium seculare, vel a lite, causa & questione desistere compelluntur. Nos justitiam nostram & Ecclesie nostre sponse nolentes negligere, qui alios in sua justitia confovemus, statuimus, ne quis impetratores litterarum nostrarum, vel alios ad forum Ecclesiasticum recurrentes, super causis, que ad idem forum de jure vel antiqua consuetudine pertinere noscuntur, ad desistendum vel in foro seculari de questionibus hujusmodi litigandum, per eorundem Judicium Ecclesiasticorum, vel impetrantium, vel litigantium, seu nolentium litigare, aut propinquorum ipsorum, seu rerum illarum, & Ecclesiarum suarum captionem, modisque aliis quibuscumque compellat, seu compelli faciat, vel procuret, nec per se aliosque impediat, quominus coram Judicibus Ecclesiasticis, delegatis seu ordinariis querelantes de causis, que, ut premissum est, ad cognitionem pertinent eorundem, possint libere justitiam obtinere, nec ad predicta facienda derogare auxilium, consilium, favorem. Si quis vero contra presumpserit, excommunicationi se ipso facto noverit subiacere, a qua, nisi tam Judici, cujus cognitio fuerit impedita, vel jurisdictio usurpata, quam parti, que turbata in persecutione fuerit sui juris: de injuriis, damnis, expensis, & interesse, priusquam per eundem integre fuerit satisfactum, nullatenus absolvatur. Et qui temporale Dominium obtinent, suis subditis, ne Prelatis, aut Clericis, seu personis Ecclesiasticis quicquam vendant, aut emant

aliquid ab eisdem : neque ipsis bladum molant, coquant panem, aut alia obsequia exhibere presumant, aliquando interdant : cum talia in derogationem libertatis Ecclesiastice presumantur, ipso facto excommunicationis sententie decernimus subiacere.

§. XVI. *De vita & honestate Clericorum.*

Quoniam, qui abjectis vestibus proprio congruentibus ordini alias assumere & in publico portare, rationabili causa cessante presumit, Professorum ordinis illius prerogativa se reddit indignum : presentem constitutione sancimus. Quod, quicumque virgata vel partita publice veste uteretur, si Beneficiatus extiterit, per sex menses a perceptione fructuum Beneficiorum, que obtinet, sit eo ipso suspensus. Si vero Beneficiatus non fuerit ; in sacris tamen ordinibus citra Sacerdotium constitutus : per idem tempus redditur eo ipso inhabilis ad Beneficium Ecclesiasticum obtinendum. Idem quoque censemus de Clericis aliis vestem talem publice deferentibus : Clericalem dignitatem, vel Personatum, seu Beneficium aliud obtinentibus, cui cura imminet animarum, nec non ceteri in Sacerdotio constituti ac religiosi quilibet, quos oportet per decentiam habitus extrinseci morum intrinsicam honestatem ostendere, si preterquam ex causa rationabili publice vestem ferant, hujusmodi sint eo ipso, Beneficiati videlicet, a perceptione fructuum Beneficiorum, que obtinent, suspensi per annum. Ceteri vero Sacerdotes, & religiosi quilibet per idem tempus reddantur ad quodcunque Beneficium inhabiles obtinendum. Sed & tales & ceteri quicumque Clerici utentes epitogio seu tabordo foldrato, ita brevi, quod vestis inferior notabiliter videatur, epitogium ipsum seculares Clerici & religiosi administrationem habentes, teneantur infra mensem dare pauperibus. Ceteri vero religiosi administrationem non habentes infra idem tempus teneantur suis superioribus assignare in pios usus aliquos convertendos. Alii Beneficiati suspensionis, ceteri vero inhabilitatis penas predictas per idem tempus se noverint incurrisse. Huic insuper adjicimus sanctioni : ut Clerici, præfer-

tim Beneficiati caligis cacacis, rubeis, aut viridibus publice non utantur.

§. XVII. *De Sepultura Ecclesiastica.*

Eos, qui proprie temeritatis audacia, defunctorum corpora non sine contemptu clavium Ecclesie in cimiteriis interdicti tempore in casibus nemini concessis a jure, vel excommunicatos publice aut nominatim interdictos, vel usurarios manifestos scienter sepelire presumunt: decernimus ipso facto excommunicationis sententie subiacere, a qua nullatenus absolvantur; nisi prius ad arbitrium Diocesani Episcopi eis, quibus per premissa fuerit injuria irrogata, satisfactionem exhibuerit competentem, nullo eis circa premissa exemptionis, vel quovis alio privilegio sub quacumque forma verborum concessio, aliquo modo suffragante.

§. XVIII. *De Copula illicita.*

Eos, qui Divino timore postposito in suarum periculo animarum: scienter in gradibus consanguinitatis, vel affinitatis constitutione Canonica interdictis: aut cum monialibus matrimonialiter contrahere non verentur: nec non religiosos, & moniales, & Clericos, in sacris Ordinibus constitutos matrimonialiter contrahentes, refrenare metu pene ab hujusmodi eorum temeritatis audacia cupientes: ipsos excommunicationis sententie ipso facto decernimus subiacere: precipientes Ecclesiarum Prelatis, ut illos, quos eis constiterit taliter contraxisse, excommunicatos publice tamdiu nuncient, seu a suis faciant subditis nunciari: donec suum humiliter cognoscentes errorem separentur ab invicem, & absolutionis obtinere Beneficium mereantur. Per predicta juribus, que sic contrahentibus alias penas imponunt, in nullo volumus derogari.

§. XIX. *De Jurisdictione & foro competentis.*

Si iudex laicus malefactorem capitum detineat, & is se Clericum dicens, ad Curiam Ecclesiasticam petat remitti: vel curia ipsa eum tanquam suum Clericum repetat: illum iudice inficiante Clericum esse: & ob hoc minime remittendum, dubitatione hujusmodi, anscilicet

sit, qui repetitur, Clericus? ad Iudicem Ecclesiasticum, quia de re Ecclesiastica & Spiritualis, vocato tamen ad hoc seculari, vel alio cujus interest, cognitio pertinebit. Et si notorium fuerit: quod idem malefactor sit Clericus, qui hujusmodi privilegio gaudere debeat: statim absque alia cognitione, si fama publica de hoc extiterit, aut ipse pro Clerico communiter habebatur: in continenti, & ante cognitionem Clericatus Ecclesiastice curie debet reddi. Item etiam censemus, si reus ipse ante deprehensionem pro laico publice se non gerens, deprehensus fuerit in habitu Clericali, tonsuram videlicet, & vestes deferens Clericales. Nam talem debemus Clericum, donec constet de contrario, representare, sicut de illo, qui in possessione ingenuitatis existat. Si dicatur ab alio libertinus: legalis sancit auctoritas: ut probandi necessitate non ipse, sed adversarius adstringatur. Justum est enim, ut ipse talis, quem gestat ex habitu, quousque appareat aliud, presumatur: qualis is esse, cujus fert habitum, comprobetur. Ex stigmatibus namque consueto fabricensibus imprimi, latens fabricensis agnoscitur. Custodes aquarum, quos hydrophylaces nominant, quæ eis infigi solet, annotatione signati, manifesti sunt omnibus: & angariarum nomine non tenentur. Isque status alicui esse videtur, in quo ipse deprehenditur, donec contrarium doceatur. Non sic autem volumus observari: si ante deprehensionem pro laico publice se gerebat: ac pro tali communiter habebatur: quamvis ante deprehensionis tempus captus fuerit in habitu Clericali: tunc enim restituendus non est, quousque fidem de titulo fecerit Clericali, cui eidem probationis onus incumbat propter presumptionem, quæ adversus ipsum orta est ex delatione laicalis habitus, procedendo tamen contra eum, interim processus quivis iudicis secularis penitus conquiescat.

§. XX. *Conductio Eucharistie.*

Et ut Domino quantum in Nobis est, populum reddamus acceptabilem, & bonorum operum sectatorem, & quod gratis accepimus, gratis aliis communicemus: omnibus Christi fidelibus vere confessis & contritis, qui sacrum

Cor.

Corpus Christi, quando deferretur ad infirmos, vel quando ad Ecclesias reportatur, devote conduxerint: seu qui verbum Dei totiens quotiens in Ecclesiis predicatur, audierint: nec non & illis, qui ad pulsationem campanarum de mane & de sero juxta tenorem nostri mandati faciendum flexis genibus unum PATER NOSTER & tria AVE MARIA ob reverentiam Beate Virginis Marie pro felici statu & unione Ecclesie: & pro pace dixerint, quadraginta dierum indulgentias auctoritate Domini nostri JESU CHRISTI, & beatorum Petri & Pauli confissi, misericorditer elargimur. Item de specialis dono gratie omnibus & singulis Presbyteris Curatis & non Curatis, ceterisque Clericis nostre Diocesis hic

preferentialiter constitutis, ut sibi quilibet valeat eligere confessorum seu confessores; eos qui abolvere valeat seu valeant, in casibus etiam Nobis a jure, vel consuetudine reservatis: plenam auctoritatem presentium concedimus facultatem ad unum annum dumtaxat validuris: casibus tamen, in quibus ipso facto quis incidisset excommunicationis sententiam a jure, vel ab homine prolatam, Nobis specialiter reservamus.

*Explicunt Statuta Wenceslai
Wratislaviensis.*

*Descripta ex Libro impresso in 4to anno
1512. Nurembergæ, recuso Wra-
tislaviae anno 1585.*

Cl. Lunig (Continuatione II. Spicilegii Ecclesiastici pag. 1188.) qui ex eodem Libro hanc Synodum edidit, nullum annum celebratæ Synodi addit: sed ex Curio, Silesiacarum rerum Scriptore, certum est, Wenceslaum e Ducum Ligniacensium sanguine ortum fuisse, & ex Episcopo Lebusiano fuisse Pontificis auctoritate translatum ad Cathedrali Ecclesiæ Wratislaviensis. Subin resignasse Episcopatum ad manus Papæ Martini, ac demum mortuum fuisse anno MCCCCXII. ergo ante hunc annum Synodus hæc celebrata fuit.

Curius, Historiographus Silesiæ, hæc de eo certa ponit: I. Quod Pretislaus, Antecessor Wenceslai II, obierit anno 1376. II. Quod Wenceslaus, Ligniacensis Dux, & in Episcopatu Successor, obierit anno 1417, & ante mortem resignavit Episcopatum in manus Martini V, qui anno 1417. 11. Novembris electus fuit Pontifex in Concilio Constantiensis, sed, quot annis sederit in Cathedra Wratislaviensi, non dicit. Idem dicit eum quinquennio administrasse Episcopatum Wratislaviensem, sed unde inchoandum, quo die finiendum? In hac Synodo, quam anno 1416. collocavi ex conjectura, liquet ex §. XII. eum nuper proximo anno aliam Synodum celebrasse.

COLONIENSIS SYNODUS

Anno Christi MCCCCXVII. Sede Rom. vacante.
Sigismundi Reg. rom. VIII.

THEODORICUS, Comes de MOERSA, Archi-Episcopus Coloniensis ex Præposito Bonnenfi, anno MCCCCXIV. VIII. Kal. Maji electus, ab initio sui Archi-Episcopatus reformandæ in Ordine Ecclesiastico disciplinæ Vigiliis admovit, & Primoribus Cleri in cæterum Provinciale congregatis, Leges proposuit, quas communi consensu approbatas, promulgavit anno MCCCCXVII.

*Mörckens in Conatu pag. 146. Idem in Indice Apodictico ad h. annum.
In Statutis Coloniæ, anno 1554. impressis, hujus Synodi nulla fit mentio.*

CONCILIIUM COLONIENSE

SUB THEODORICO, ARCHI-EPISCOPO COLONIENSI,
ET ADMINISTRATORE PADERBORNENSI,

*In quo Clericorum Regularium in communi viventium institutum,
contra impugnantium calumnias defensum, & publicis
tabulis confirmatum fuit.*

ANNO MCCCCXVIII. COLONIÆ PUBLICATIO.

Circa annum MCCCCXVIII. haud le-
vi procella agitati sunt Regulares
Clerici, qui secundum D. Augustini in-
stitutum vitam in communi societate vi-
ventium amplexi erant, & jam ab ali-
quot annis magno Germaniæ bono flore-
re cœperant. Ausus quippe Matthæus
Grabbo Razeburgensis, e Predicatorum
familia Theologiæ Professor, librum a
se conscriptum spargere in vulgus, quo
contendebat, *fas non esse ulli extra mendi-
cantium ordines amplecti aliquod vitæ institu-
tum*, in quo palam secundum Evangeli-
ca consilia paupertatem, castitatem, &
obedientiam profiterentur. Is liber, tan-

quam classico inflato, multos adversarios
concivit Clericis hisce ex mendicantium
famiiliis. a quibus traducti, oppugnati-
que. At postquam ea ad Theodoricum
Coloniensem Archi-Episcopum delata
fuere; convocavit illa in Concilium ex
omnium facultatum Collegiis viros eru-
ditos: quorum judicio cum institutum
Clericorum magnopere probaretur, Archi-
Episcopus publicis etiam tabulis confir-
mavit.

Schatenus Tom. II. *Annal. Paderborn. ad
h. ann.*

Gelenius de Magnitudine Lib. III. *Syntag.
39. pag. 451.*

CONCILIIUM PROVINCIALE SALTZBURGENSE

Anno Christi MCCCCXVIII. Martini V. Pp. I.

Sigismundi Reg. rom. IX.

Cæptum anno MCCCCXVIII. medio Novembri, finitum MCCCCXIX. mense Januario.

*Fœdus inter Archi-Episcopum Salisburgensem, ejusque Suffraganeos
Episcopos initum pro tuenda Immunitate Ecclesiastica*

Anno MCCCCXIX.

NOS EBERHARDUS, Dei gratia,
Archi-Episcopus Salisburgensis,
S. Sedis Apostolicæ Legatus. Nos ejus-
dem gratia Hermannus Frisingensis, Al-
bertus Ratisbonensis, Georgius Passavi-
ensis, Bertholdus Brixinensis, Ernestus
Gurcensis, Engelmanus Chiemenfis,
Ulricus Seccoviensis, & Wolfgangus
Lavantinus Episcopi, Provinciæ Salis-
burgensis Suffraganei, hisce patentibus
attestamur pro Nobis, & Successoribus no-
stris. Postquam pro bono publico præ-
tactæ Provinciæ ad recuperandam Immu-
nitatem Ecclesiasticam, & bonum regim-
en Concilium Provinciale octava post

Festum S. Martini die, in urbe Salisbur-
genfi per Nos Archi-Episcopum Eber-
hardum convocatum, & rite celebratum
fuit; ubi inter cætera ad dictum Conci-
lium diversi defectus, gravamina, & im-
portunitates delata fuerant, quæ Nobis,
nostris Prælatiis, & Clero a quibusdam
sæcularibus Principibus, Dominis, &
Equitibus, Vassallis, eorumque Officiali-
bus, & subditis in dicta provincia com-
morantibus contra Pontificia, & Cæsarea
jura, Clerique immunitatem attentantur.
Quapropter etiam Nos, & illud Con-
cilium, Serenissimum Principem nostrum,
Clementissimum Dominum, Dominum SI-

Tomus V. Concilior. German.

X

GIS-

GISMUNDUM Romanorum regem pro assistentia contra dicta gravamina humiliter invocavimus, & cum Nos ipse noster Clementissimus Dominus Romanorum Rex suis regis litteris desuper assecraverit, quod Nos matura deliberatione & Capitulorum uostrorum consilio confederaverimus, nosque etiam vigore presentium confederamus sequenti modo, & promittimus etiam hoc fœdus servare, nobisque invicem succurrere sub fide principali fideliter & candide. Primo itaque, si aliquis ex secularibus cujusunque status & conditionis contra unum, aut plures nostrum, vel Prælatos, Clerique immunitatem inique egerit, tunc gravatus, vel gravati secundum jura, aut statuta hujus provinciæ contra talem interdictis, & excommunicatione procedat, vel procedant, donec respuerit & parti gravata satisfecerit; & si ejusmodi secularis persona reniteretur, nec satisfacere vellet, & sic in sua temeritate permaneret, post sex septimanas incepti processus Nos invicem invocabimus nostri, nostrorum Prælatorum, & Cleri causa pro assistentia contra talem sæcularem personam, & qui ita inter Nos invocatus fuerit, is sine

mora processum & excommunicationem patentibus literis in sua Diœcesi contra sæcularem publicare teneatur, juxta tenorem, processus fideliter & candide continuando usque ad reorum respicientiam. Si autem, quod Deus avertat, tales personæ in contumacia perseverarent, & gladium Spirituale Censuratum spernerent, deberetque invocari gladius temporalis, præsertim nostri prænominati Clementissimi Domini Romanorum Regis, id fieri debeat nostrum omnium aut potiorum e Nobis consensu & consilio; ita tamen, ut Nos, & nostrum quilibet, qui ita invocatus fuerit, ut præmittitur, assistentiam, consilium, aut consensum sine mora impertiri teneamur, & teneatur, præclusa omni omnino tergiversatione. In quorum omnium fidem, & perpetuam rerum scriptarum memoriam hæc litteras fieri, & nostris, ac nostrorum Capitulorum dependentibus sigillis roborari curavimus. Datum post Nativitatem Christi anno 1419. Dominica immediate ante Festum S. Antonii.

Meichelbeck loco citando Historiæ Frisingensis.

Meichelbeckii Notæ. Has litteras vulgari idiomate fuisse conscriptas omnino nobis persuasum habemus. Certe in Frisingensibus chartariis reperiuntur exaratæ sermone germanico. Verum, quia exemplar nobis exhibitum ob plures lacunas ex litteris detritis ac fugientibus ortas legi totum non poterat, opus erat Instrumentum illud aliunde, & quidem ex Salisburgensi Historia excerpte.

Cæterum ex his sancti Fœderis inter Episcopos initi litteris discent Collectores Conciliorum Synodum Salisburgensem eodem adhuc anno, quo Constantiense terminatum fuerat, nempe A. 1418. medio fere mense Novembri fuisse institutam: & mense Januario anni sequentis, (1419.) hanc piam societatem adversus violatores Ecclesiasticæ Immunitatis coaluisse. Item plures Episcopos huic tractatui, quam dicto Concilio Salisburgensi fuisse præsentēs.

Præter Eberhardum, Archiepisc. Salisburgensem, interfuere: Albertus Ratisbonensis, Hermannus Frisingensis, Engelmanus Chiemenfis, Ulricus Secoviensis, Wolfhardus Lavantinus, Episcopi: & absentium Præfulum Pataviensis, Brixinensis, & Gurcensis Procuratores, una cum Abbatibus, Præpositis, aliisque Prælati & Primoribus Provinciæ Salisburgensis.

Totius Concilii intentio eo spectabat, ut Prædecessorum Archi-Episcoporum FridERICI, CONRADI, Pilgrini Statuta in Provincialibus Synodis concepta, in memoriam revocarentur.

Conditi fuere Articuli XXXIV. publicandi, & inculcandi. Horum articuli plerique a Decretis Concilii Generalis Constantiensis non differebant: aliqui singulariter Wicleffi virus, & mulierum indecentia vestimenta reprehendebant.

Judæi jussi non alio, quam cornuto pileo, uti, ut sic a Fidelibus discernerentur.

Adelzreiter hoc Concilium ad A. 1418. refert.

Duker scribit, anno 1419. Episcopos hujus Provinciæ iniisse Fœdus contra invasores libertatis Ecclesiasticæ.

Fœdus refert *Meichelbeck Historiæ Frisingensis Tom. II. pag. 192, 193.* ex quo hæc bona fide, nec plura habente, excerptimus.

ARCHI-DIACONALIS SYNODUS HALBERSTADENSIS

ANNO CHRISTI MCCCCXIX.

Declaratio duorum Parochorum Diœcesis Halberstadensis, coram Henrico Archi-Presbytero in Synodo facta, de Decima Monasterio Eylwardestorpiensi solvenda.

NOS HENRICUS, Archi-Presbyter Banni Orientalis, publice recognoscimus ex præsentibus, quod juxta annum Domini M. quadringentesimum decimum nonum *Sanctam Synodum* Feria sexta post Matthæi Apostoli in Quernforde celebrantes, honorabiles Viri, Domini Joannes Czygkalo Plebanus in Muchile, & Joannes Michaelis Plebanus in Quernforde, declaraverunt, . . . als ad quæstionem petitoriam, coram Nobis judicialiter motam per Venerabilem Dominum Abbatem in Eylferstorff, quod expedit juxta consuetudinem patriæ, & terræ Decimam exsol-

vere de omnibus feminibus & tementis in agris, pro quocunque tempore anni feminatis, messis & collectis, non obstantibus aliis quibuscunque.

Publicata sunt hæc in præsentia Domini Heinrichi, Plebani de Schapslede: Domini Heynemanni, Canonici castri Quernforde: Domini Joannis, Plebani in Dornstede; Laycorum vero: Clauwes, Gerynghen dicti Mollhufen, & aliorum plurimorum fide dignorum. In evidentiam præmissorum Sigillum nostri officii præsentibus est subimpressum.

Ludewig Reliquia MS. Tom. I. pag. 453.

454.

MOGUNTINA ENCYCLICA

CONRADI (a) Archi-Episcopi, ad Decanos
& Clerum Moguntinum.

Anno Christi MCCCCXX. Martini V. Papæ III.
Sigismundi Reg. rom. XI.

VENERABILIBUS TAM NOSTRE MAJORIS, QUAM ALIARUM COL-
LEGIATARUM ECCLESiarUM NOSTRARUM CIVITATIS ET DIOCESEOS
MOGUNTINE DECANIS, SALUTEM IN DOMINO SEMPITERNAM,
ET MANDATIS NOSTRIS DISTRICTIUS
OBEDIRE.

I Felicis recordationis Predecessores nostri considerantes, quam detestabile sit inobedientie vitium, quod ex radice superbie traxit originem, inter cetera pro honore & reverentia Prælatorum, qui colume Ecclesie forecensentur, provide statuerunt, hoc quoque teneri, & per universos Canonicos Ecclesiarum hujusmodi observari, & fieri voluerunt, quod Canonici Prælati

ipsorum in omni exhibita reverentia assurgendo, & in aliis prerogativis tanquam obedientes esse deberent, & devotionem exhibere specialem, ut per signa hujusmodi ipsi Decani a simplicibus Canonicis discerni valerent, sed quia nonnulli tunc, nunc quoque moderni Canonici immemores juramenti, in eorum receptionibus prestiti, de consuetudinibus Ecclesiarum observandis, nec

adver-

(a) Conradus III. Waldgravius in Dunen, Rhingravius sum Steyn, electus fuit anno 1419. 23. Septembris Archi-ep. XLVII. Obiit 1434. 10. Junii. *Gudenus Cod. Diplom. Tom. IV. pag. 122. & Serarius Lib. V. verum Mogunt. pag. 874.*

advertentes, quod, sicut legum, sic antiquarum consuetudinum transgressores juxta utriusque juris precepta non immerito sunt plectendi contra debitum obedientie, & consuetudinem hujusmodi juri consonam, ex quadam arrogantia vel simulatione quadam motu proprio venire & facere presumpserunt, & presumunt, & inobediendo in his, que justa sunt & honesta, multipliciter contradicunt: propter quod non fuit, aut hodie dubium est, quia talia presumentes notam inobediencie & reatum perjurii tunc incurrerant, & hodie moderni quidam, quod dolenter ymmo & displicenter intelleximus, incurrere non verentur.

II. Nos igitur, qui supradictis . . . Prædecessoribus nostris in hac S. Sede successimus, sic jugum Domini, quod ipsi occasione premissorum humeris ipsorum supportarunt, collo nostro abjicere non volentes, obedientiam & reverentiam debitas & devotas Prelatis Ecclesiarum predictarum, maxime vobis Decanis non solum per Canonicos, ymmo & a fortiori per Vicarios decernimus & volumus exhiberi. Vobis & singulis vestrum in virtute sancte obedientie, & sub excommunicationis pœna districte precipiendo mandantes, quatenus contra omnes & singulos Canonicos & Vicarios, qui vobis, aliisque Prelatis ipsorum quomodolibet in obediendo, debitam quoque reverentiam exhibendo contradicunt, ad penas & censuras in C. *Præterea. de Majoritate & Obedientia.* in Statutis Provincialibus contentas quoad Canonicos, quantum vero ad Vicarios ad claustralem, aut alias juxta excessus qualitatem, intrepide & omni excusatione postposita procedatis, & singuli vestrum procedant, prout excomm. sententiam predictam, nec non indignationem Dei & nostram velitis evitare.

III. Ceterum cum non tantum factorum Canonum, verum etiam Statutorum Provincialium prædictorum super incontinentia Clericorum hætenus quam plura emanarint instituta, cum mulieribus cohabitationis vitium exclusiva, nulla tamen eorundem Clericorum etiam quantumque digesta consilio usque nunc me-

de la sufficit; quin, quod etiam displicenter intelleximus, & non sine cordis amaritudine referimus; nonnulli Prelati, Canonici, Sacerdotes, & Clerici obscenis voluptatibus inhiantes, adhuc hodie publice detineant concubinas. Ne igitur delictum hujusmodi transeat impunitum, vobis Decanis omnibus & singulis . . . sub penis & censuris antedictis, & ut supra, districte precipiendo mandamus, quatenus ad hujusmodi *Concubinatus* vitium extirpandum, sine fictione una Nobiscum laborantes, singuli vestrum, singulis vobis subditis tam Canonicis, quam Vicariis hujusmodi vitio incontinentie rescriptis, vice & auctoritate nostra districte injungendo precipiatis, ut infra terminum congruentem, singulis ipsorum per singulos vestrum eis ad hoc præfigendum, concubinas hujusmodi relinquunt, & a se sine fraude & dolo quibuscunque prorsus repellant sub penis & censuris tam Canonum, quam Statutorum prædictorum, quas contra facientes, & inobedientes, & rebelles incurrere volumus ipso facto. Ad quorum etiam declarationem, & denuntiationem, ac aggravationem, & reaggravationem, prout opus fuerit, procedendi, vobis omnibus & singulis omnimodam tenore presentium tradimus potestatem.

IV. Et, ne Sacerdotes ceu Clerici rurales ab hoc Edicto videantur exclusi, Archi-Dyaconis, seu Præpositis ipsorum pari modo mandamus: subditos ipsorum a vitio concubinatus hujusmodi totis visceribus refrenare, similem potestatem declarandi & reaggravandi ipsis presentibus concedentes. Vos etiam Decani, & Archi-Dyaconi, & Præpositi . . . taliter vos exhibeatis in premissis, ne sanguis subditorum nostrorum de nostris, seu vestris manibus requiratur, & prout penas & indignationes supra dictas volueritis evitare.

In cujus rei testimonium &c. Datum sabbato die post Festum Ascensionis, anno Domini MCCCCXX.

Cl. Gudenus Tomo IV. Codicis Diplomatici Anecdotorum No. LIV. pag. 128.

Anno 1420. dedit ad Cleri optimates Literas in Eltvilla, quibus cum de vitiis aliis, tum vero maxime de obsceno concubinato funditus evellendo monuit.

Serarius Rerum Moguntin. L. V. pag. 874.

CON-

CONCILIIUM LUBECENSE

Anno Christi MCCCCXX. Martini V. Papæ III.

Sigismundi Reg. rom. XI.

SUB JOANNE EPISCOPO.

SUMMA CAPITULORUM.

- | | |
|----------------------------------------------------------------------|---------------------------------------------------------------|
| I. Innovatio veterum Statutorum. | XIX. Ne duæ Missæ eadem die. |
| II. Reservatio casuum Episcoporum. | XX. Ne fiat conventio pro ministrandis Sacris. |
| III. Enumerantur casus reservati. | XXI. Contra usuras Clericorum. |
| IV. Interdictum concubinæ & suspectis. | XXII. Confessiones in publico audiendæ. |
| V. Præceptum vestium modestarum. | XXIII. De non admittendis extraneis. |
| VI. Tonsuræ Clericalis. | XXIV. Christma in Cena Domini acceptandum. |
| VII. Ordo Lubecensis Ecclesiæ servandus. | XXV. Indulgentiæ comitaturis viatico depor-
tato concessæ. |
| VIII. Interdictum ebrietatis. | XXVI. Ne oppignorentur vasa sacra. |
| IX. Alienorum Clericorum. | XXVII. Clausura Monialium arctior præci-
pitur. |
| X. Alienorum Episcoporum & Quæstuariorum. | XXVIII. Baptismalia vasa clausa servanda. |
| XI. De non publicandis Indulgentiis extra-
neis. | XXIX. Parochi ne urbe exeant citra licentiam. |
| XII. De servando interdicto locorum. | XXX. Beneficiati suo tempore ordinandi. |
| XIII. Quæ licita tempore interdicti. | XXXI. Quot Patrini baptizandis. |
| XIV. De iis, qui causam interdicti dederunt. | XXXII. Pæna tabellionum non auctorizato-
rum. |
| XV. De spernentibus excommunicationem. | XXXIII. Copia Synodi habenda sub pæna. |
| XVI. De celebrantibus in Ecclesiis non dedi-
catis, vel pollutis. | XXXIV. Indictio futuræ Synodi. |
| XVII. Qui sepeliendi, qui non? | XXXV. Missarum indictio. |
| XVIII. Excommunicantur impediētes juris-
dictionem Episc. | |

JOHANNES, (a) DEI ET APOSTOLICÆ SEDIS GRATIA, EPISCOPUS
LUBICENSIS, AD FUTURAM REI MEMORIAM.

Cum ideo factæ sunt constitutiones, ut earum metu humana coerceatur audacia, tutaque remaneat inter reprobos innocentia, ad cohibendam humanam audaciam de peccato constitutiones quasdam vitiis, & concupiscentiis in hac nostra Synodo prospeximus opponendas, inherentes vestigiis tam Divini quam humani juris, per quod genus humanum, ut honeste vivat, alterum non lædat, jus suum cuique tribuat, informatur. Quia igitur Rex pacificus, pia miseratione, disposuit, sibi subditos fore pudicos, pacificos, & modestos, ad observationem

istorum exhortationes, inhibitiones, & mandata nostra cum quibusdam nostris constitutionibus, Nobis, & universo Clero nostro necessariis, publicamus, volentes & decernentes, ut quilibet intercedere debeat, ne in his ignorantiam prætere valedat & allegare, quia præsens notificatio, & infrascriptorum publicatio mandatorum habetur loco monitionum Canoniarum juxta quodlibet mandatum infrascriptum, ita quod delinquentes in infrascriptis, condignis pænis puniantur.

I. Imprimis itaque Statuta & Constitutio-
X 3

(a) Joannes Schele, Hannoveræ natus, eligitur Episcopus VII. hoc nomine, Lubecensis, anno 1420, fuerat Decanus Bremensis Metropolitanæ, Thesaurarius Mindenensis Cathedralis, & Canonicus Dorpat in Lithuania. Antea Secretarius Sigismundi Regis, in Concilio Basileensi Doctor Canonum promotus hoc eodem anno 1420. Bononiæ teste diplomate apud *Lunig. P. II. Spicileg. Ecclæs. pag. 388.* Post ab obsequiis fuit Alberti Regis Hungariæ. obiit Viennæ anno 1439, sepultus in Collegio Scotorum. *Grundliche Nachricht der Stadt Lubek 1713. in 8vo.*

tutiones Prædecessorum nostrorum innovamus, præcipimus, & mandamus, ut Præpositi, Decani, cæterique nostrarum Ecclesiæ & Diœcesis Prælati, quibus hoc de jure, privilegio, vel consuetudine legitime præscripta competit, suorum subditorum, infra duos menses proxime futuros, sic studeant excessus corrigere, ut non sint desides, negligentes, seu remissi, ante oculos Deum habentes, justitiam studeant exercere, ut non quæ sua, sed quæ JESU CHRISTI sunt, quærant, pœnam Canonicam, quæ magis timeatur, excedentibus infligendo, ne sanguis subditorum de manibus Prælatorum requiratur. Alioquin hujusmodi jurisdictionem Canonicam, monitione præmissa, volumus ad Nos devolvi, maxime juxta Canonicas sanctiones.

II. Item caveant omnes & singuli Prælati ac alii, & omnino se abstineant, ne se intromittant de casibus, Reverendis Patribus, Dominis Episcopis, Nobisque de jure, vel consuetudine specialiter reservatis, & ipsos ad Nos deferant, ne absolvendo in his, vel judicando, in quibus auctoritatem nostram non habent, umbram exhibeant in opere Domini, & non sit veritas in effectu. Nam quamvis quilibet Sacerdos in sui ordinatione accipiat potestatem ligandi & solvendi, dummodo habeat materiam, casus tamen infra scripti, seu Canones, Episcopis ita reservantur, quod de ipsis nulla attribuitur inferioribus facultas absolvendi.

III. Qui casus sunt: excommunicatos majori excommunicatione absolvere, pœnitentias solennes, Dei & Sanctorum blasphematoribus, ac matrimonium clandestinum, vel contra interdictum Ecclesiæ contrahentibus imponere, de votorum quorumlibet immutatione, de incendio, sacrilegio, incestu Sanctimonialium, male ablatorum, incertorum, vel quando non extant hi, quibus facienda est restitutio, certorum restitutione, de homicidio, de parvulorum oppressione, de sortilegio, de falso testimonio seu instrumento, de Ecclesiarum, & Ecclesiasticæ emunitatis violatione, de perjurio, de adulterio, de percussione parentum, de peccato contra naturam, & maxime cum brutis, & aliis similibus seu

enormibus absolvere, seu quomodolibet dispensare. Hinc est, quod sub excommunicationis pœna latæ sententiæ statuimus, ne quis Clericus, sæcularis aut Religiosus, cujuscumque Status, aut dignitatis fuerit, in prædictis casibus, sententiam nostram sine speciali licentia dispenseret vel absolvat.

IV. Item firmiter inhibemus, ne quisquam sacri Altaris Minister in sacris constitutus habeat concubinam, vel etiam talem in domo sua familiam, de qua quocumque modo sinistra suspicio, vel infamia verisimiliter poterit suboriri. Mandamus sub pœna suspensionis ab Officio latæ in his scriptis sententiæ, ut omnes Clerici nostræ civitatis & Diœcesis habentes concubinas a se ipsas removeant indilate, videlicet intra spatium quatuordecim dierum, ita ut non hospitii, nec vestitu, nec alimentis ipsis procurent, vel faciant procurari.

V. Item cum vestitus indecens, & in-compositus mentis in-compositionem indicet, & cor nuntiet impudicum, mandamus, ut quisque Clericus isto utatur habitu, quem Canones sacri concedunt, ut nec fulgidis, nec sordidis vestibus utatur, nec vestimenta deferant nimia brevitate, vel longitudine notanda, nec quisquam tenacula aurea, vel argentea in togis, vel superiori veste circa collum, vel intuitum ante pectus, aut in manicis circa manus, superfluitatem inducentia publice deferre præsumant. Itaque omnibus & singulis Beneficiatis, & in Sacris Ordinibus constitutis usus vestium rubei & viridis, lucidorum colorum, post duos menses à dato præsentium computandos, sub excommunicationis pœna strictissime interdiciamus.

VI. Et Clerici cum Tonsura rotunda & corona rasa & ampla sicut decet Clericos, præsertim in Sacris constitutos incedentes (b) in ministeriis Divinorum religionem deferant anni temporibus congruentem.

VII. Item in omnibus Divinis Officiis & horis nullum ordinem præter solum Lubicenf. ordinem præcipimus observari.

VIII. Item cum ebrietas mentis inducat exilium, & libidinis provocet incen-

(b) *lego*: incedentes.

cendum, sub pœna suspensionis ab ingressu Ecclesiæ prohibemus, ut nullus Clericus Beneficiatus, vel in Sacris constitutus, in ea civitate, vel loco aut villa, ubi hoc Beneficium seu mansionem, seu Beneficiati vices gerit, occasione ludorum tum taxillis, vel inter socios potando vicissim præsumant tabernas temere visitare.

IX. Item mandamus, quod nullus Clericus ex Diœcesi aliena recipiatur, seu ad servitium, seu ad Beneficium aliquod Ecclesiasticum in nostra Diœcesi, nisi probaverit Nobis, aut Officiali nostro per literas proprii Episcopi sui, vel alias, Canonice se ordinatum, & quod habens executionem sui Officii Diœcesim suam laudabiliter sit egressus. Nam frequenter accidit, quod excommunicati, & irregulares, & aliis criminibus ireriti, cum in suis non admittantur Diœcesibus, ad alienas transeant, Divina celebraturi, in animarum suarum grave periculum ad scandalum plurimorum; alioquin in contrarium facientes excommunicationis sententiam ferimus in his scriptis.

X. Præterea firmiter inhibemus, ut nullus alienus Episcopus ad Pontificale Officium in nostra Diœcesi qualitercunque exercendum, vel aliqui quæstionarii ad exercendum prædicationis, vel quæstus officium deinceps aliquo modo admittantur, nisi fuerint super his nostris litteris specialiter communiti.

XI. Item inhibemus sub pœna excommunicationis, quam ferimus in his scriptis, ut nullus, sive Clericus, sive laicus indulgentias extraneorum Episcoporum pronuntiet, seu pronuntiarum faciat in nostra Diœcesi, nisi ad eas litera certi nostri consensus, rati- habitationis, & confirmationis accesserit & voluntas.

XII. Item statutum est a jure, quod quicunque in loco interdicto ab homine, vel etiam a re scienter & solenniter, campanis pulsatis, & januis apertis celebraverint, nisi privilegium super hoc existat, & nisi in quinque Festivitatibus, scilicet Natali Domini, Paschæ, Pentecostes, Assumptionis Virginis Gloriosæ, & Corporis Christi, quæ per Bonifacium IX. quatuor prædictis est adjecta, irregularitatem incurrant, a qua non per alium, nisi

per Summum Pontificem poterunt liberari, sed, januis clausis, campanis non pulsatis possunt, imo debent submissa voce (interdictis & excommunicatis, & quibuscunque aliunde venientibus, id est, de gremio Ecclesiæ non existentibus Clericis & laicis, ac etiam Religiosis quibuscunque, nisi super his privilegiati existant, & privilegium suum prius ostenderit, exclusis) Divina Officia celebrari, & tantum infra scripta Sacra ministrari.

XIII. Permittitur etiam tempore interdicti baptismus parvulorum, pœnitentia non tantum morientium, sed etiam sanorum & Eucharistia, infirmorum confirmatio in fronte, confectio chrismatis & unguentorum etiam debet permitti tempore interdicti. Hoc sane expresso, quod pœnitentia non solum infirmis, sed & sanis tempore interdicti injungitur, dum tamen excommunicati non fuerint, qui præterquam in mortis articulo ad eandem nullatenus admittantur.

XIV. Illis etiam, propter quorum culpam, dolum, vel fraudem fertur sententia interdicti, vel qui ad perpetrandum delictum aliquod præbuerunt auxilium, consilium, vel favorem, nisi de ipso delicto satisfactionem fecerint competentem, non est proxime Beneficium aliquatenus concedendum.

XV. Item pervenit ad Nos, quod multi excommunicationem vilipendentes, excommunicatos publice admittunt, ad Divinum Officium, celebrantes coram ipsis scienter, vel ignorantia affectata. Quamobrem in omnes tales, qui id animo fecerint, vel qui ipsos ad Ecclesiasticam sepulturam receperint, præter pœnas alias in jure expressas suspensionis ab ingressu Ecclesiæ sententiam generaliter ferimus in his scriptis. Interdicentes etiam reconciliationem omnibus cimiteriis illis, in quibus excommunicatorum corpora sunt sepulta.

XVI. Similiter sub eisdem pœnis firmiter prohibemus ne quisquam in Ecclesiis non dedicatis, aut per effusionem seminis, vel sanguinis, seu alias per violentiam pollutis, vel in privatis domibus, seu ad Alraria non consecrata, vel etiam portatilia, de cætero celebrare præsumat. Ne quisquam de qualicunque Beneficio

Ec;

Ecclesiastico, quocunque nomine censeatur, si mereatur dici Beneficium, ad cuius fundationem, confirmationem Episcopalis consensus, & autoritas efficaciter non accessit, directe vel indirecte se aliquatenus, sub eisdem pœnis, intro-mittat, cum talia sine Episcopali auctori-tate exerceri nequeant aut etiam usurpa-ri. Insuper Statutum felcis memoriæ Domini HEINRICI quondam Episcopi Lubecens. Prædecessoris nostri amplifican-dum statuimus, & sub pœna pereundem in contrarium facientes promulgata inhi-bemus, ne deinceps quis, præsertim in Ecclesia nostra Cathedrali Lubecensi sepe-liatur.

XVII. Item: nisi per Nos propter Bene-ficia impensa sepeliendus dignus fuerit declaratus. Item mandamus & præcipi-mus, quatenus omnes & singuli, qui plura habent Beneficia ex consuetudine, vel ex jure incompatibilia, infra mensem suæ incompatibilitatis dispensationem, si quam habent, debeant adhibere. Alioquin contra ipsos executione, in quantum de ju-re poterimus, procedemus. Insuper ad reprimendum illicitos usus malignantium, vestigiis Venerabilium Dominorum BORCHARDI, HEINRICI, & JO-HANNIS Episcoporum quondam Lube-censium, nostrorum Prædecessorum, in-hærere, ac iustitiam nostram, & Eccle-siæ Lubecensis sponsæ nostræ defensare volentes merito, ut tenemur, in præ-senti *Sancta Synodo* declaramus, esse sta-tutum, decretum, & ordinatum, ac etiam statuimus & ordinamus, ne deinceps ulla persona Ecclesiastica, vel sæcu-laris; quantacunque præfulgeat nobilitate, aut præeminentia status, bona nostra Episcopalia, ac Dominorum nostrorum Præpositi, Decani, Canonicorum, & Capituli Ecclesiæ nostræ Lubecensis vio-lenter invadat, occupet, aut rapiat, aut invasoribus, occupatoribus, aut spolia-toribus præster auxilium, consilium, favo-rem, vel Nos, seu Dominos nostros, Præpositum, Decanum, Canonicos, & Capitulum prædictos, aut Ecclesiam no-stram in iuribus, jurisdictionibus, & liber-tatibus nostris, seu ipsorum impediat vel perturbet, nec etiam colonos, villarios, aut subditos nostros, aut Præpositi, De-cani, Canonicorum, & Capituli prædi-ctorum capiat, res vel bona ipsorum vio-

lenter occupet nomine pignoris, res eorum violenter capiat, eos bonis suis spoliât, equos, boves & oves, & alia pecora eorum in prædam abducatur, per onerosas & violentas hospitalitates, & indebita servitia eos affligat, & illicitas exactiones, tallias, seu collectas, ac ve-digalia, seu precarias eis imponat, nec præmissa sic occupata, rapta, capta, ab-lata, seu deducta emat, vel detineat, nec ad præmissa facienda det consilium, auxilium, vel favorem. Si qua vero persona, cujuscunque conditionis aut status contrafacere præsumpserit, nisi in-fra sex dies immediate sequentes, quo-rum duos pro primo, duos pro secundo, & reliquos duos pro tertio & perem-torio termino, ac monitione Canonica sibi assignamus; occupata, rapta, capta, ablata, extorta, seu abducta restituerit, aut de damnis, violentiis, & injuriis, per-turbationibus, & molestiis destiterit, ex-communicationi ipso facto se noverit subjacere. Si qui vero Domini temporales, Comites, Barones, seu Nobiles, seu Domini temporales, cujuscunque digni-tatis, conditionis, aut status existant, seu existat, aut Advocati, seu Capitanei ip-sorum, seu ipsius, aut majoris oppido-rum, castrorum, aut villarum nostræ Diœcesis in hujusmodi sententias excom-municationum inciderint, & eas animis sustinerent induratis, per mensem a tem-pore lapsus publicatæ monitionis prædi-ctæ computandum, in districtibus, seu terris dictorum Dominorum temporalium, Comitum, Baronum, & Nobilium, seu Domini temporalis, & per omnes Paro-chias districtuum, seu terrarum ipsorum, seu districtus ipsius in nostra Diœcesi constitutas, ac per oppida, castra, & villas prædictorum, dicta monitione præ-missa; generaliter cessetur a Divinis. Si qui vero milites, seu miles, armigeri, seu armiger, vel oppidanus, colonus, aut alius quicunque nostræ Diœcesis in hu-jusmodi Prædecessorum nostrorum & no-stras sententias inciderint, seu inciderit, & eas, ut supra, per mensem animis susti-nuerint induratis, vel sustinuerit, in Pa-rochiis illis, seu in Parochia illa duntaxat, in quibus, seu in qua tenent, seu tenet domicilia, seu domicilium prædicto men-se elapso cessetur generaliter a Divinis. Et ne aliquis prædictorum malefactorum hujus-

hujusmodi statuti, seu decreti ignorantiam valeat prætere, omnibus & singulis Ecclesiarum Rectoribus & intercessoribus per nostras civitates & Diocesium Lubecenses ubilibet constitutis, in virtute sanctæ obedientiæ & nihilominus sub pœna excommunicationis, quam trium dierum spatio pro canonica monitione præmissa in ipsos & ipsorum quemlibet ferimus in his scriptis, si non fecerint, quod mandatur, districtè præcipiendo mandamus, quatenus ipsorum singuli in suis Ecclesiis, singulis diebus Dominicis & Festivis, cum populus convenerit ad Divina, hujusmodi statutum seu decretum per se publicent, seu per alios faciant publicari.

XXVIII. *Item* excommunicamus omnes & singulos, tam Clericos, quam laicos, cujuscunque conditionis fuerint, qui Nos impediunt directe vel indirecte, per se, vel per alium, aut alios in nostra jurisdictione Episcopali, in his, quæ ad officium nostrum Pastorale spectant. Innovamus insuper vetera Statuta Prædecessorum nostrorum de areis & dotibus ædificandis, de anno gratiæ, & de memoriis pro Dominis Principibus in terra Holtzat, & Episcopis Lubicensibus, trina voce quolibet anno per Rectores Ecclesiarum, & Beneficiatos Diocesis nostri faciendis, prout Prædecessores nostri statuerunt, & decreverunt faciendis.

XIX. *Item* inhibemus, ne quis præsumat duas Missas habere de die, nisi in casibus, in jure privilegiatis.

XX. *Item* volumus & mandamus, quod nullus conventionem faciat, seu aliquid exigat pro administratione Sacrorum Ecclesiasticorum, nisi voluntarie offeratur.

XXI. *Item* ne aliquis Clericus exerceat usuras, vel mercaturas suspectas, vel contractum aliquem, in fraudem usurarum.

XXII. *Item* mandamus, ne confessiones in cameris, locisque suspectis, & occultis audiantur, sed in Ecclesiis, seu aliis locis congruis & honestis, nisi infirmitatis affuerit causa. Indulgemus etiam Presbyteris sibi invicem confitendi & absolvendi potestatem in simplicibus.

XXIII. *Item* mandamus, ne Religio-

si extranei & aliarum Diocesium aliquatenus admittantur in Diocesi nostra in parrochiis, nisi doceant, se legitime præsentatos & admissos. Nec etiam quæcunque Religiosæ personæ, nisi in habitu, quem deferre tenentur, ad Divina admittantur, quod, deposito habitu, tamquam depositi a potestate, sunt censendi.

XXIV. *Item* in Cœna Domini cum consecratur Chrisma, compareant, qui ad hoc tenentur.

XXV. *Item* omnibus vere confessis & contritis, sequentibus devote Corpus Domini nostri Jesu Christi, dum portatur ad infirmos, auctoritate Nobis concessa, XL. dies indulgentiarum misericorditer in Domino relaxamus.

XXVI. *Item* mandamus, ne aliquis libros, Calices, Patenas, vel alias res Ecclesiasticas creditoribus præsumat aliquatenus obligari, sed potius obligata redimantur, quæ etiam absque usuris restitui præcipimus.

XXVII. *Item* mandamus Præpositis sanctimonialium, ut caveant, ne aliquis, sive Clericus sive laicus introeat claustra Monialium, nisi de licentia Præpositi, & obtenta desuper nostra licentia speciali. Contrarium facientes ipsi Præpositi, infra octo dierum spatium à tempore recessus, Nobis vel nostro Officiali studeant revelare fideliter.

XXVIII. *Item* mandamus, ut baptisteria Sacra in nostris civitatibus, Diocesis, sub claustro debito, & religiosa Clericali custodia habeantur & servantur.

XXIX. *Item* mandamus omnibus & singulis Divinorum Rectoribus, sub pœna excommunicationis, quatenus, antequam de civitate Lubicensi recedant, per Principalem de quarta Officiali fideliter revelent, vel procurent revelari, nec recedant sub eadem pœna, nisi prius cum Officiali nostro, super absentibus & præsentibus conferant similiter.

XXX. *Item* mandamus, ut unusquisque, secundum exigentiam sui Beneficii statutis a jure temporibus, sub privationis pœna recipiat Sacros Ordines, sicut decet.

XXXI. *Item* districtius inhibemus, ne ad pueros baptizandos plures, quam tres compadres, de cætero assumantur, vel quo-

quomodolibet admittantur. Item quia nonnulli ad officium tabellionatus minus idonei in civitate & Diœcesi nostris illegitime huic officio dicuntur se ingerere, statuimus sub pœna decem marcarum monetæ Lubicens. districte mandando prohibentes, ne quisquam in civitate & Diœcesi nostris prædictis aliquem pro tabellione ad conficiendum publicum instrumentum requirat, nec etiam de officio tabellionatus se quomodolibet intromittat, illud exercendo, nisi per Nos, aut Officialem nostrum expresse fuerit approbatus. Alioquin requiremus pœnam huiusmodi decem marcarum fabricæ applicandarum: similiter & de officio huiusmodi se intromittentes pœnam eandem eo ipso se noverint incurrisse.

XXXII. *Item* ne de præmissis ignorantiam prætereundæ pœna latæ sententiæ mandamus, ut quivis præsertim gerens in civitate & Diœcesi nostra curam animarum, infra mensem proxime secuturum, copiam præsentis processus Synodalis in sua Ecclesia Parochiali apud se, etiam ad usum aliorum habere procurer.

XXXIII. *Item* mandamus omnibus & singulis ad æstivalem Synodum jam proxime præteritam vocatis, tunc absentibus abinde & contumacibus, & etiam nunc absentibus, nec non Clericis concubinariis, per Nos alias monitis, culpabiles, si qui fuerint, excommunicationis & suspensionis sententias per Nos tunc latas damnabiliter incurrendo, quatenus sub pœna xx. marcarum monetæ Lubic. fabricæ applicandarum infra quindecim spatium dierum proxime sequentium, quivis ipsorum Beneficium absolutionis, sive dispensationis a Nobis obtinere procuret. Alioquin pœnam supra proxime dictam, eo ipso se noverit incurrisse.

XXXIV. *Item* petimus & in Domino hortamur, ut civitatis & Diœcesis no-

strarum Presbyter quilibet tres Missas celebret, videlicet unam pro vivis, aliam pro defunctis, & tertiam pro pace, quam Nobis pacis auctor tribuere dignetur, & firmiter stabilire.

In quorum omnium & singulorum fidem & testimonium præsentibus literas, & instrumentum, huiusmodi nostrum Processum Synodalem in se continentes, sive continens exinde fieri, & per Albertum, Notarium nostrum, atque Scribam infra-scriptum, subscribi & publicari mandavimus, nostrique Secreti iussimus appensione muniri. Datum Lubic. in Curia nostra Episcopali ibidem, anno Domini Millesimo, quadringentesimo, vigesimo. Indictione XIII. mensis Octobris, die XXIII. hora tertia, vel quasi, Pontificatus Sanctissimi in Christo Patris & Domini nostri MARTINI, Divina providentia Pape quinti, anno tertio. Præsentibus ibidem honorabilibus & discretis Viris, Dominis, Johanne Dagbeware in Ronneberghe Mündens. & Gherardo in Myestad, nostræ Lubicens. Diœcesis Parochialium Ecclesiarum Rectoribus, Testibus ad præmissa vocatis specialiter & rogatis.

Et ego Albertus von Dembrake, Clericus Verdensis Diœcesis, publicus Imperiali auctoritate Notarius, prædictarum sententiarum atque Processus Synodal. Fulmination. & Decreto, omnibusque aliis præmissis præsens interfui, eaque sic fieri vidi & audiui, & in hanc publicam formam redegi. Quam de mandato supradicti Reverendi in Christo Patris, Domini JOHANNIS, Episcopi Lubicensis, una cum appensione Secreti sui, signo & nomine meis solitis & consuetis signavi, rogatus & requisitus in fidem, & testimonium omnium & singulorum præmissorum.

Lunig. Deutschen Reichs. Archivs II.
Theil pag. 384.



CON-

CONCILIIUM SALTZBURGENSE PROVINCIALE

SUB EBERHARDO, (*) ARCHI-EPISCOPO SALTZBURGENSI,

'Anno Christi MCCCCXX. Martini V. Papæ III.
Sigismundi Rom. Reg. XI.

In causa Fidei & Morum.

IN NOMINE SANCTÆ ET INDIVIDUÆ TRINITATIS, PATRIS,
ET FILII, ET SPIRITUS SANCTI. AMEN.

EBERHARDUS, DEI ET APOSTOLICÆ SEDIS GRATIA, ARCHI-
EPISCOPUS SALTZBURGENSIS, APOSTOLICÆ SEDIS LEGATUS,
AD PERPETUAM REI MEMORIAM.

DEUS omnium creaturarum Fabricator, post infinita sæcula creaturas ad extra suæ caritatis volens esse participes, ad ipsius imaginem & (a) pulchritudinem humanam condidit creaturam, perfectam, in naturalibus illustratam, & cunctis adornatam virtutibus, & ratione rectissima regulatam; quibus felicitatem poterat possidere perpetuam, si in originali iustitia perstitisset. Sed hostis antiquus tantæ, quam amiserat, felicitati invidens, hominem tot donis & virtutibus præfulgentem sua calliditate traxit ad veritatem. Cui homo primus assentiens, cum tota sui ipsius posteritate, in singulis suis virtutibus vulneratus, mortalis effectus, cœpit infinitis, nedum corporis, sed etiam animi incommodis & miseriis laborare. Hinc & homicidia, hinc & mala innumerabilia per appetitum noxium, proclivem ad malum, orbem replevere terrarum. Sed in horum remedium, miserationum Dominus regulas ad honeste vivendum, quibus homo felicitatem recuperaret perditam, nedum per ora Prophetarum, & Principum, & ipsorum Legatorum, sed etiam sacrorum Præfulum Provinciæ Saltzburgensis, in sollicitudinis partem vocatorum Præ-

decessorum nostrorum, pro directione gregis ipsis crediti Divinitus promulgavit. Quæ licet saluberrima exstiterent, temporum tamen exigente malitia, qua universalis Dei Ecclesia monstruoso & pestifero schismate fere sex lustris miserabiliter lacerata, a memoria hominum ex quadam dissuetudine exsularunt. Hinc delinquentium impunitas, præbens veniam delinquendi, effecit, ut effrenata cupiditas, & facilitas veniæ, tam in Clero, quam in populo, nostræ Provinciæ decorem pristinum in moribus per difformitatem vitæ denigrantur. (b) Sed quia dies Sanctificationis illuxit, qua Romana & universalis Ecclesia jam unico & indubitato gubernatur Pastore, tempus est, ut ex debito Pastoralis officii, quod dudum in votis gessimus, ad reprimendum tot conatus noxios, ad sanandum infirmos, ad alligandum confractos, ad corrigendum excessus, ad reformandum mores, providis Statutorum remediis assurgamus.

Hinc est, quod Nos EBERHARDUS præfatus, *Albertus Ratisponensis, Hermannus Frisingensis, Engelmarus Chiemensis, Ulrichus Seccovientis, Wolfhardus Laventinensis*, cum Venerabilium Fratrum nostrorum absentium *Pataviensis, Brix-*

(*) Eberhardus, Baro de Neuhaus, III. hoc nomine eligitur Archi-Episc. Salisburg. anno 1403., Synodum celebravit anno 1418. die octava post Martini redux e Concilio Constantiensi eodem anno clauso (licet in impressione omnes annum 1420. præferant) ait *Hansiz Tom. II. Germ. pag. 468.* Universitas Viennensis 4. Doctores ab Archiep. accitos eo misit ex suo gremio, anno 1418. ait *Hansiz loc. cit.*

(a) forte: similitudinem

(b) lege: denigrentur.

Brixienſis, Gurzenſis, Eccleſiarum Epiſcoporum, Procuratorum, & Venerabilium (b) Abbatum, & aliorum Prælatorum, & totius Sacri Concilii Saltzburgenſis approbatione, conſilio, & conſenſu, omnia & ſingula Statuta Reverendiſſimi Patris & Domini, Domini GUIDONIS, tunc Sancti Laurentii in Lucina Presbyteri Cardinalis, & Reverendiſſimorum Patrum ac Dominorum divæ memoriæ FRIDERICI, CHUNRADI, PILGRINI, Sanctæ Saltzburgenſis Eccleſiæ Archi-Epiſcoporum, ac Legatorum Sedis Apoſtolicæ, Prædeceſſorum noſtrorum, edita in ipſorum Provinciis, ſeu Conciliis Provincialibus, innovamus, & obſervari præcipimus. Quibus novis morbis emergentibus nova remedia adhibentes, Statuta ſubſcripta, de Venerabilium Fratrum noſtrorum prædictorum, & totius Provinciæ approbatione, ordinamus & ſtatuiſſimus, volentes & præcipientes, eaſdem noſtras Conſtitutiones ab omnibus & ſingulis noſtris Suffraganeis, & eorum ſubditis firmiter obſervari & publicari in ipſorum Synodis, copiasque illarum petentibus decernimus ſub petentium ſumptibus & expenſis.

I.

De Summa Trinitate, & Fide Catholicæ, ex Concilio Domini Eberhardi.

DE SUMMA TRINITATE, quæ propter ſui exquiſitiſſimam & probatiſſimam perfectionem, ac clariſſimam, & lucidiſſimam veritatem, adjectione vel declaratione ulla non indiget: ad quam in primis, tamquam principium, medium & finem ſalutis omnium, corda noſtra, manus & oculos elevemus devoti: nihil aliud eſt credendum, tenendum, & docendum, niſi quod *Romana credit, tenet, & docet Eccleſia*, piſſima, ſanctiſſima, & prudentiſſima Mater noſtra: ita tamen, ut omnes Prælati articulos Fidei principales fideliter ſuos ſubditos laicos doceant ſimpliciter credere, ſicut Eccleſia; (c) Eccleſiaſticos vero expliciter & diſtincte.

Item ſtatuiſſimus, ut ſi aliquis Clericus vel laicus utriusque ſexus, cujuſcumque

dignitatis, religionis, vel ſtatus exiſtat, auſus ſit præſumptione damnabili publice prædicare, aut occulte docere, credere, vel tenere, quod Sacerdos in mortali peccato exiſtens non poſſit conficere corpus Chriſti; ſeu ſic ligatus non poſſit ſolvere vel ligare ſuos ſubditos a peccatis; pro hæretico & incredulo habeatur. Quem errorem *hujus Sacri Concilii approbatione* damnamus, anathematizamus, & penitus reprobamus; cum Sacræ Scripturæ dicat auctoritas, quod ſive bonus, ſive malus ſit Miniſter, per utrumque Deus effectum gratiæ conſert. Non enim, quæ ſancta, coinquinari poſſunt: nec ipſa Sacramenta propter hominum malitiam profanari. Unde Sacerdos, quantumcumque pollutus exiſtat, Divina non poteſt polluere Sacramenta, quæ purgatoria cunctarum contagionum exiſtant. Licite ergo a quocumque Sacerdote ab Eccleſia tolerato Divina Myſteria audiuntur, & alia recipiantur Eccleſiaſtica Sacramenta.

II. De Conſtitutionibus.

Fruſtra Sanctorum Decreta *Canonum* antiquis fuſſent ordinata temporibus, ſi illorum executio negligatur. Hinc eſt, quod Nos *Eberhardus*, Dei & Apoſtolicæ Sedis gratia, Saltzburgenſis Eccleſiæ Archi-Epiſcopus, Apoſtolicæ Sedis Legatus, Statuta Romanorum Pontificum de celebrandis *Provincialibus Conciliis & Episcopalis Synodis* diligenter cupientes obſervari, ordinamus; quod noſtrum *Provinciale* proximum Concilium a Feſto Sancti Auguſtini proxime futuro ad annum, indicimus publice, & intimamus in hac civitate Metropolitana noſtra Saltzburgenſi, per Nos, Deo concedente, aut noſtros Procuratores ſolemniſter celebrandum; niſi ex emergente cauſa, ut puta, guerræ, peſtilentiæ, aut alia duxerimus locum immutandum. Quam mutationem loci etiam congruo tempore noſtris literis intendimus publicare. Ad quod conveniendum exnunc ſub penis infra ſcriptis evocamus, citamus, & requirimus omnes & ſingulos noſtræ Provinciæ, qui per annum per ſeipſos, vel alium in caſu *Suffraganeos*, & alios quoscumque, qui de jure, vel conſuetudine ad Provinciale Concilium ire tenentur. Sta-

(b) Religioſorum

(c) Clericos

Statuentes denique pro ulteriori Canonum executione, *Sacro approbante Concilio*, ut singuli *Suffraganei* nostræ provinciæ, qui per annum per se ipsos, vel alium in casu, quo legitime non fuerint impediti, omiserint celebrare *Synodos Episcopales*, a Pontificali officio, nec non ab omni exercitio jurisdictionis Ecclesiasticæ per se vel per alium sint ipso jure suspensi; eorumque jurisdictionis Ecclesiasticæ, & illius liberum exercitium, ad Capitulum, seu Ecclesiam devolvatur, & devoluta persistat; omniaque & singula emolumenta jurisdictionis ad Capitulum pertineant, in publicam ipsius Ecclesiæ, non singularem personarum, vel officiorum utilitatem, donec hujusmodi *Synodos* (d) congregaverit, convertenda. Adjicientes, quod sub pœna præmissa, omnes & singuli nostræ provinciæ Suffraganei infra hinc & *Festum Sancti Jacobi* proxime venturum, suas *Synodos* in suis Diœcesibus studeant celebrare. In quibus de corrigendis excessibus, & reformandis moribus, præsertim in Clero, cum Dei timore agatur, visitationes faciant, vel fieri procurent, maxime Monasteriorum Ordinis Sancti Augustini Canonicorum Regularium, & Sancti Benedicti in certis partibus, heu, nimium collapsorum, juxta Canonicas sanctiones: quod & Nos in nostra Diœcesi Saltzburgenfi fieri procurabimus; ut exhibeamus Nos nostris fratribus in exemplum. Si vero dicto tempore suspensionis durante, Suffraganei nostri, vel alter eorumdem exercitio dictæ jurisdictionis Ecclesiasticæ per se, vel per alium se immiscuerit, aut Capitulum (e) contra præmissa impediverit, ipso factò sententiam excommunicationis incurrat. Quod si per annum alium integrum Suffraganei nostræ provinciæ Concilium Synodale convocare seu celebrare neglexerint (quia crescente contumacia crescere debet & pœna) contra (f) dictos contumaces violatores Canonum & nostrarum constitutionum sequenti Provinciali Concilio, aut Concilio generali, si illud celebrari contigerit, de remedio provideatur opportunè juxta Canonicas sanctiones. Suffraganei vero nostri, & alii, qui de jure, vel consuetudine ad Provinciale Concilium ire tenentur, nisi congruo se tempore personaliter præsentaverint,

excommunicationis sententiam incurrant ipso factò, nisi tali necessitate & impedimento legitime præpediti fuerint, ex tunc per Procuratores suos legitimos comparere teneantur sub pœna prædicta. Durentque Concilia Provincialia per duodecim: & Episcopates Synodi per tres dies, nisi agendorum exigentia prolixius aut præcisius tempus exposcat.

Insuper *Sacro approbante Concilio* ordinamus, ut omnes & singuli nostri Suffraganei in proximis ipsorum Synodis per singulas Diœceses, prout & Nos in nostra proxima Synodi Saltzburgenfi ordinabimus sub pœna suspensionis a Pontificali officio, studeant personas idoneas, probas videlicet & honestas, in testes publicos sive Synodales ordinare, qui per totum annum simpliciter & de plano absque ulla jurisdictione solcite investigent, quæ correctione & reformatione sint digna, & ea fideliter referant ad Provinciale Concilium, aut Synodum Episcopalem, ut correctione digna animadversione congrua puniantur.

Ad reformationem quoque Ordinum *Sancti Augustini* Canonicorum Regularium, & *Sancti Benedicti* nostræ Provinciæ, cura officii Pastoralis attendentes, *Sacro approbante Concilio*, ordinamus Præsidentes Capitulis antedictis, videlicet de Ordine *Sancti Augustini* Canonicorum Regularium, (g) Dominum Præpositum, Metropolitanæ Ecclesiæ Saltzburgenfis, Monasterii Beatæ Mariæ Virginis Nuiburgæ Patavienfis Diœcesis Præpositos; de Ordine vero *Sancti Benedicti* Religiosos Monasterii *Sancti Petri* civitatis Saltzburgenfis, & in Niedernaltach Patavienfis Diœcesis Abbates: quibus plenam concedimus potestatem citandi & evocandi, per censuras etiam Ecclesiasticas omnes & singulos Abbates, Præpositos, Priores, & quoscunque alios Ordinum prædictorum, qui ad Capitula ipsorum Provincialia consueverunt convocari, aut de jure vocari debent. Super quibus ipsis decernimus per Cancellariam nostram fieri literas opportunas, qui in eventum negligentia Episcoporum Suffraganeorum nostrorum, si suas *Synodos* non celebraverint in termino superius (b) expresso; &

Y 3

craen-

(d) aggregaverint,
(g) Dominos

(e) circa præmissa
(b) expressato.

(f) forte: tales

emendanda, & corrigenda in omnibus & singulis Monasteriis Ordinum prædictorum nostræ Provinciæ non correxerint, & emendaverint diligenter, teneantur singuli suum Capitulum Provinciale in loco apto suorum Monasteriorum, in festo Sancti Michaelis proximo futuro, convocare & celebrare: ibique agere de reformatione Ordinum & Monasteriorum juxta Constitutiones dictorum Ordinum, & Canonicas Sanctiones: jure tamen Ordinariorum in omnibus semper salvo. Disctaque Capitula Provincialia prædictorum Ordinum de *triennio in triennium* per prædictos Ordines districtè præcipimus in nostra Provincia celebrari. In casu etiam diligentia, quo nostri Suffraganei etiam suas Synodos celebraverint, fecerintque diligentiam suam pro reformatione Ordinum præfactorum; nihilominus tamen volumus & ordinamus, ac districtè præcipimus, ut Præsidentes superius nominati, debeant & teneantur de *triennio in triennium* incipiendo a fine præsentis Concilii, sua Capitula celebrare; liberumque sit Præsidentibus sæpe dictis terminum præfatum pro suis celebrandis Capitulis prævenire.

Ordinamus denique, *Sacro approbante Concilio*, & in virtute sanctæ obedientia districtè præcipimus, & mandamus omnibus & singulis Abbatibus, Abbatissis, Præpositis, Prioribus, Priorissis, & aliis, quibus cura, & administratio Monasteriorum utriusque sexus dictorum Ordinum nostræ Provinciæ est commissæ; quatenus infra hinc & festum *Pentecostes* proximo futurum, debitum Pastoralis officii sui diligenter impendant: ipsos præcipue ad tria substantialia Ordinis, videlicet, proprietatis abdicacionem, obedientia exhibitionem, & castitatis observationem reducendo: prohibendo congressus (i) sine causa rationabili, & ingressum personarum suspectarum: ac observent, & a suis subditis faciant observari, ut Divinum officium diurnum pariter & nocturnum devote juxta Regulas dictorum Ordinum celebretur. In aliis vero, quæ reformationem Monasteriorum & Ordinum præfactorum respiciunt, se tales ostendant,

quod Nobis, & Suffraganeis nostris ipsos visitantibus, de diligentia quam inveniemus, debebunt merito commendari: scituri, quod si in præmissis, aut eorum aliquo negligentes exstiterint, aut aliqui ex subditis præmissorum rebelles, & inobedientes inventi fuerint; contra tales per Nos, & nostros Suffraganeos ad penas graviores procedemus juxta Canonicas Sanctiones.

III. De Consuetudine.

Consuetudines, quæ gravamen Ecclesiis inducere (k) demonstrantur, invalidas publicamus: locorum Ordinariis, ut in omnem eventum eis resistant, firmiter injungentes.

IV. De Renuntiationibus.

Nullus Ecclesiam, vel Beneficium Ecclesiasticum dimittere, vel recipere præsumat sine sui Superioris auctoritate; quod sub pœna excommunicationis, vel suspensionis omnibus firmiter inhibemus.

V. De Scrutinio.

Statuimus, quod nullus ad examen per Sacrorum Ordinum suceptionem aliquatenus admittatur, nisi recenter confessus fuerit omnia sua delicta idoneo Sacerdoti. Et quia pauci sunt, qui sua delicta cum sequelis eorum intelligant, per districtum informatorem debet instrui ordinandus, an expediat sibi ordinari, an vero (l) irregularitatis alicujus prætextu ei potius sit abstinendum.

Item quod nullus admittatur ordinandus, vel promovendus ad ordinem super Vicaria (m) nisi sit perpetua Vicaria) a qua non possit ad inordinatum placitum amoveri.

Statuimus insuper ad terrorem malefactorum, ut omnes Episcopi Provincie Saltzburgenfis, ac eorum Vicarii, quando volunt & debent suis temporibus ordines celebrare, committant expresse Examinatoribus Clericorum ordinandorum sub anathematis interminatione, ut inter cetera perquirenda fidei diligentia perquirant, sub obtentu honoris percipiendi a singulis ordinandis, ut si pa-

tres,

(i) egressus

(k) dignoscuntur

(l) id est: finis alicujus pravi & minus recti & legitimi.

(m) Hæc parenthetica clausula in MS. Ratisbonensi deest.

tres, avi, aut progenitores eorum usque ad lineam ascendentem, captivaverint, captivatum detinuerint, occiderint, aut mutilaverint temere Clericum aliquem in Sacris Ordinibus constitutum, & pro Clerico se gerentem. Eum vero, quem in aliquo præmissorum affectum per aliquem ipsorum progenitorum usque ad lineam memoratam invenerint, si hujusmodi factum sit notorium, non admittant. Prælati quoque, vel eorum vices gerentes, quorum interest investire, vel instituere præsentatos, ante investituram, vel institutionem cum summa diligentia de his quærant: & quos tales invenerint, nullo modo instituant ad aliquod Officium, vel Beneficium Ecclesiasticum. Examinatores insuper & Prælati, ac eorum vices gerentes, qui fecus in præmissis agere præsumpserint, in futurum suspensionis sententia percellantur: alias per locorum Ordinarios graviter puniendi, nisi cum eis fuerit misericorditer dispensatum, & ab hujusmodi reatibus appareant absoluti.

VI. De Filiis Presbyterorum.

Nullus illegitime natus ad aliquem Sacrum Ordinem vel Beneficium, aut Officium Curam habens animarum, sine dispensatione Sedis Apostolicæ admittatur in aliqua Ecclesia seculari. Et tales, qui hæcenus sunt admissi, si de his constiterit, per eorum Ordinarios repellantur. Alioquin scienter contrarium facientes per unum mensem ab ingressu Ecclesiæ noverint se suspensos.

VII. De Officio Archidiaconi.

Inhibemus Episcopis, Archidiaconis, Prælati, ac eorum Officialibus universis sub pœna suspensionis, quam in omnes facientes contrarium promulgamus, ne subditis suis, aut eis qui litigant, seu litigaverint coram eis, aliquam eis faciant inhibitionem, seu impedimentum aliquod præstent, sub quocunque colore vel modo, publice vel occulte, quo minus causas suas appellationum, seu quascunque alias ad examen Superiorum spectantes, libere possint (n) deferre.

VIII. De Officio Vicarii.

Et quia Ecclesiarum Rectores Vicariis suis adeo relinquunt exiguam portionem, quod ex ea nequeant sustentari, Generali Concilio inhærentes statuimus, ut ipsis Vicariis suis sufficiens, & honesta portio de proventibus Ecclesiæ assignetur. Alioquin ipsi Rectores, si moniti non assignaverint, suis poterunt Beneficiis spoliari. Nullusque sub pœna suspensionis ab Officio, intulatus ad Curam animarum, Vicariam perpetuam, vel (o) Episcopalem, vel (p) plus Beneficii assumere præsumat.

IX. De Officio delegati.

Ad hæc, quorumque contingit, quod judices delegati, (q) ad quos simplices commissiones sub forma communi diriguntur, ultra quam patiantur vires rescripti præcedentis, terras, civitates, oppida & villas Ecclesiastico subijciunt interdicto, invocantes etiam super hoc brachium sæculare. Nos igitur volentes iniquis processibus hujusmodi obviare, præfatiscripto declaramus de Fratrum nostrorum consilio & assensu, quod Sacerdotes nostræ civitatis, Diocesis, & Provinciæ, ad observationem seu publicationem sententiarum hujusmodi interdicti minime teneantur; nec invocationi brachii sæcularis, quam sic faciunt, aliquatenus est parendum: super interdicto vero ponendo, recurrant ad decretalem extravagantem, quæ incipit: *Provide attendendum* (r). Et est Bonifacii VIII. cujus tenor sequitur in hæc verba: "Provide attendendum, quod, ut frequentius, quamvis non sine causa, sine culpa tamen multorum, interdicti sententia proferuntur: quodque sunt nonnulli judices nimis prompti ad proferendas easdem, etiam in negotiis sive causis, quæ interdum plus ex cupiditatis, quam caritatis radice perspicuis indiciis procedere arguuntur: quodque interdicti tempore Divina organa suspenduntur, & laudes; nec Ecclesiastica Sacramenta ministrantur, solent; tolluntur mortuis, seu minuuntur suffragia; præsertim per oblationem frequentem Hostiæ salutaris: adulescentes & parvuli participantes rarius Sacra-

(n) ferre

(o) temporalem

(p) similis Beneficii

(q) seu subdelegati

(r) In sexto Extravag. commun. Lib. 5. de sent. excomm. c. 2.

" Sacramenta, minus inflammantur, &
 " solidantur in fide : fidelium tepescit
 " devotio, hæresis pullulat, & multi-
 " plicantur pericula animarum: præsen-
 " tis constitutionis providemus edicto,
 " ut nulla provincia, civitas, castrum,
 " villa, locus, territorium, vel distri-
 " ctus auctoritate ordinaria, vel delegata
 " supponatur Ecclesiastico interdicto pro
 " pecuniario debito, vel pro cuiusvis
 " monetæ vel pecuniæ quantitate, qua-
 " cumque occasione vel causa, seu quo-
 " vis quaesito colore : pro eo maxime,
 " quod ipsorum Domini, Rectores, seu
 " Officiales, quocumque nomine censo-
 " antur, aut incolæ seu habitatores, aut
 " singulares personæ, ipsorum statutis
 " vel statuendis, ordinatis vel ordinan-
 " dis terminis huiusmodi debitum, seu
 " quantitatem non solverunt hætenus,
 " aut in antea non persolvent. Nos
 " enim exnunc decernimus irritum &
 " inane, si secus hætenus existit atten-
 " tatum, vel contigerit attentari; (s) il-
 " ludque revocamus omnino. Non ob-
 " stantibus quibuscumque contractibus,
 " obligationibus, pactis, conventioni-
 " bus, compositionibus, submissioni-
 " bus, fidejussionibus, consensibus,
 " processibus, & sententiis super hoc
 " habitis; vel habendis, juramentorum,
 " penarum spiritualium & temporalium,
 " seu multarum appositione, vel
 " quacumque alia firmitate vallatis : nisi
 " talis suppositio interdicti hætenus foret
 " facta, vel in antea fieret de Apo-
 " stolice Sedis licentia speciali expressa,
 " per ipsius Sedis patentes litteras ap-
 " parente.

X. De Officio Ordinarii.

Sacerdos vero quilibet plebem (t)
 piam doceat diligenter, ut, cum in cele-
 bratione Missarum levatur Hostia saluta-
 ris, quilibet Deo devote fleat genua
 sua, vel saltem se reverenter inclinet :
 idem faciens, cum eam portat Presbyter
 ad infirmum, quam in decenti habitu, su-
 perposito mundo velamine, ferat mani-
 feste & honorifice ante pectus cum omni
 reverentia & timore, semper nola par-
 vula & lumine, nisi locorum repugnet
 distantia vel temporis qualitas, præce-

dentibus, ut ex hoc fides & devotio
 apud homines augeantur.

Cum mos unicuique gerendus sit,
 & in diversis Dicecesibus nostræ provin-
 ciæ Clerus & populus inveniat variis
 vitiis & defectibus laborare, quæ omnia
 non possunt una quasi medela curari :
 Nos, cunctorum salutis nostri gregis,
 quantum possumus, providere volen-
 tes, aliqua dudum generaliter commit-
 tenda; omnesque & singulos nostros
 Suffraganeos, qui una nobiscum super
 populum nobis creditum in partem so-
 licitudinis sunt vocati, & de contingen-
 tiis apud ipsos in Clero & populo, quæ
 reformatione & emendatione indigent,
 habent notitiam certiorum; paterna ex-
 hortatione requirimus, & monemus in
 visceribus Jesu Christi, ut gregi sibi com-
 missio prælint verbo doctrinæ pariter &
 exemplo, ac secundum qualitatem tem-
 porum & locorum, ea quæ correctione
 & emendatione indigent, reformare &
 corrigere, dum ipsos suas Synodos ce-
 lebrare, & suas Dicecesis visitare con-
 tingit per seipsos, vel alios Deum ti-
 mentes, non omittant; In ipsorum Pa-
 storali Officio taliter procedentes, ut tol-
 lantur scandala, evellantur vitia, & po-
 pulus eis creditus numero, & merito au-
 geatur; ne subditorum sanguis in die
 districti iudicii de ipsorum manibus re-
 quiratur: attendant, ut sint iurium, præ-
 sertim contra Ecclesiastica crimina pro-
 mulgatorum, & nostrarum constitutio-
 num exsecutores. Usuras prohibeant,
 quantum possunt; Clericorum concubina-
 tum cohibeant nimium scandalosum; pro-
 videant, ut Divinum officium (u) canoni-
 ce & debite persolvatur: ut mendicantes
 præsentati cum litteris Ordinarii in
 ipsorum mendicitate non graventur. Ut
 mendicantes Fratres suis limitibus con-
 tenti, Parochiales Ecclesias & ipsarum
 iura non offendant; Festivitates Sancto-
 rum nimis multiplicatas restringant. Item,
 quia Divinum Officium in Ecclesiis cum
 Solemnitatibus debitis persolvatur: ha-
 beantque Archidiaconos, Decanos, &
 Officiales in iure peritos, habentes pe-
 ritiam causarum; quod tales iustitiam
 (v) celeriter faciant, præcipue paupe-
 ribus: abstineant se, & abstinere faciant
 tales

(s) illud quoque

(t) suam

(u) in Ecclesiis cum solemnitatibus debitis

(v) in scientia celeriter faciant pauperibus.

tales ab immoderatis exactionibus circa lites: quod de Monasteriis Ordinum Sancti Augustini Canonicorum Regularium, & Sancti Benedicti, suorum Dioecesium juvenes habiles mittantur ad studium generale: quod Beneficiorum permutaciones dumtaxat ex causis a jure permissis admittantur.

XI. De Majoritate & Obedientia.

Sacro approbante etiam Concilio statui-
mus, ut nulli Clerici Nobilium, Capellani in capellis castrorum Dominorum suorum celebrare præsumant, nisi ante Episcopum, vel loci Archidiacono obedientiam faciant manualementem, ut ad Synodos veniant & Capitula, certis temporibus & statutis mandata Ecclesiastica recepturi, & suis Dominis, ac eorum castrensibus, secundum quod fuerit opportunum, relaturi; cum Plebani, in quorum terminis castra consistunt, hoc facere frequenter non audeant propter tyrannidem suorum Dominorum. Quod si secus quispiam facere præsumperit, per loci Ordinarium, vel Archidiaconum condigne puniatur. Statuentes etiam sub pœna excommunicationis jam latæ sententiæ, districtè mandantes, ut si quando prædam vel spoliū rerum Ecclesiasticarum ad Divinum cultum deputatarum, seu etiam Ecclesiasticam personam captivam ad aliquam civitatem, villam, oppidum, seu castrum adduci contigerit, Sacerdotes & Capellani civitatum, villarum, castrorum, postquam sciverint, non expectato super eo (x) suorum mandato, abstineant a Divinis interim, quoad persona captiva, aut res Ecclesiasticæ prædictæ in præfatis locis deventur.

XII. De his; (y) qui vi metuque absolvunt, vel absolvuntur.

Hos, qui absolutionem, vel quamcumque revocationem ab excommunicatione, suspensione, vel interdicti sententiis, per vim, vel per metum extorserint, cum hoc, quod hujusmodi absolutiones, revocationes sunt irritæ, statuimus, & publicamus, excommunicationis sententiæ subiacere.

(x) forte: Superiorum

(z) forte: ostensus

XIII.

Quia Clerici & Religiosi nonnulli, non attendentes, quantum sit obedientiæ bonum, quod victimis antefertur, & quod peccatum est ariolandi, nolle acquiescere; & scelus idololatriæ, obedire non velle; amissionem rerum suarum & corporis, & vanum metum allegant frequenter, ne cogantur mandatum exsequi Prælatorum. Qui cum prosperitatis tempore multa bona receperint, laute vixerint de patrimonio Crucifixi, imminente necessitatis articulo, pro honore illius adversitates sustinere detrectant, qui cum foret summe dives, ad obediendum Deo Patri pro salute nostra subiit onus voluntariæ paupertatis: ex quo propter contemptum clavium Ecclesiæ, nervus Ecclesiasticæ disciplinæ dissolvitur, & animas miserabiliter periclitari contingit: Sacra hujus Concilii necessaria deliberatione statuimus, ut nulla rerum perditio, aut metus corporis, nec legitime probatus, subditi inobedientiam, mandatum Prælati exsequi non curantis, valeant excusare: adeo, quod si metus corporis dumtaxat sentienti, proprio juramento, & non legitimis coram eo, a quo mandatum subditus receperit (z) ostensis fuerit documentis, nihilominus loco cedat, ne notam transgressionis incurrere videatur. In his autem, quæ in non faciundo consistunt, ut puta, cum mandatur, non communicare excommunicatis, non celebrare in locis interdictis, ac aliis hujusmodi, omnino nullum, nec rerum, nec corporum, quantumcumque probatus metus excusat; cum pro nullo metu debeat peccatum mortale committere; quod ex inobedientia surgere, Sanctorum auctoritatibus comprobatur.

XIV. De Alienatione. (a)

Quia plerumque cessiones actionum in fraudem fiunt; aliquando tamen pure & simpliciter ex causa legitima: statuimus, ut cessiones actionum, quæ ex iustis causis vel causa procedunt, in præsentia Episcoporum, Judicum, seu Officialium suorum, de licentia eorundem, si subsint legitimæ causæ, fiant: jurent etiam

(y) quæ vi aut metus causa fiunt.

(a) mutandi iudicii causa facti.

etiam cedentes, quod non simulate, sed vere cedant. Alioquin sæcus factas, determinamus non tenere.

XV. De Judiciis.

Et quia quidam propter potentiam, quidam propter crudelitatem magnam personaliter citari non possunt: quidam etiam, quia in castris habitant, ita quod nulla potest ad eos citatio pervenire: idcirco provida & necessaria deliberatione statuimus, ut contra tales citationes edictum apud Parochialem Ecclesiam ipsorum publice & legitime proponatur. Quia, si Parochialis Sacerdos tales citare non posset metus causa, faciat juramentum hujusmodi coram aliquo Presbytero honesto, qui ipsi iudici de hoc faciat literatorem fidem. Extunc in Cathedrali Ecclesia tribus Dominicis continuis publice in ambone citentur, dummodo citandi infra unam diastem sint a Cathedrali Ecclesia constituti. Alioquin ad tres quindenas solemniter evocentur. Et extunc contra hujusmodi, ac si personaliter citati fuerint, procedatur, ne ex malitia valeant commodum reportare: propterea, quod crudeles homines & perversi; dum ad forum Ecclesiasticum in causis, etiam de quibus Ecclesia merito habet agnoscere, a iudicibus evocantur, illius auctoritatis, qua dicitur; qui honorat missum, honorat mittentem: immemores existentes; Nuncios Ecclesiasticorum Judicum citatione excommunicationis, vel alias judiciales, & juris litteras defendentes, verbis probrosis, & quandoque duris verberibus quosdam captivantes, alios interdum suis rebus temere, publice spoliantes, multipliciter afficiunt & perturbant, & impediunt citationes, & litterarum executiones, in non modicam Ecclesiasticæ libertatis contumeliam & jacturam. Considerantes igitur malitiis hominum non esse aliquatenus indulgendum, hoc Sacro approbante Concilio duximus statuendum, ut reus nuncios acta judicialia deferentes, per se, vel per alium verberans, spolians, vel captivans, lite etiam non contestata, auctoritate etiam hujus Sacri Concilii habeatur penitus pro convicto. Actor vero in causa reconventionis similia perpetrare per se, vel per alium

non formidans, super instituta contrarium actione amplius nullatenus audiat. Et insuper uterque, ac omnes alii, qui nomine & actione eorum talia facere præsumperint, usque ad condignam satisfactionem læso, & iudicibus summaria cognitione super hujus fieri facto prahabita, percellantur.

XVI. De foro competenti.

Dudum felicitis recordationis PILGRINUS, Prædecessor noster, provide duxerat statuendum, ne Prælati, vel quivis alius Clericus, alium Prælatum, vel Clericum, aut etiam laicus quancunque personam Ecclesiasticam coram seculari iudice trahere, vel convenire, aut tractus seu conventus sponte & judicialiter præsumeret respondere: alioqui tam trahentes, quam tracti, ultra pœnas contra tales a jure promulgatas, excommunicationis sententiam incurrerent ipso facto. Verum nonnulli laici salutis suæ immemores, contra pœnas prædictas, personas Ecclesiasticas, etiam si Pontificali præfulgeant dignitate, ad hujusmodi judicia forensia & secularia indistincte trahere non verentur. Qui quidem iudices sæculares (o) nec compareant propria in persona sic citati, res & bona sua, atque Beneficiorum suorum, decernunt in contumaciam invadenda, sic quod ipsi laici exinde, occasione necepta, bona Ecclesiastica invadere & occupare præsumunt in Ecclesiasticæ libertatis detrimentum. Nos hujusmodi temeritatis audaciam reprimere cupientes, datam constitutionem Prædecessoris nostri auctoritate hujus Concilii de Fratrum nostrorum consilio innovamus, & extendi volumus ad iudices sæculares antedictos. Adjicientes, quod si quando laicus Clericum, seu Ecclesiasticam personam, cujuscumque dignitatis vel conditionis existat, nostræ Salzburgenfis, Brixinensis, Chiemensis, Seccovienfis, & Laventinenfis Diocesium, ad iudicium sæculare trahere vel judicare præsumperit, tamdiu in territorio trahentis & judicantis cessetur a Divinis, donec de hujusmodi injuria satisfecerint parti tractæ, & absolutionis beneficium meruerint obtinere.

XVII.

(o) forte: ne compareant.

XVII. *De vita & honestate Clericorum.*

Etsi per Sacros Canones, & nostrorum Antecessorum constitutiones indecentia in vita, & habitu Clericorum strictissime prohibeatur, nostri tamen subiecti temporibus præsentibus hoc minime attendentes, tam in habitu, quam reliquis ad honestatem in sortem Domini electorum spectantibus habenas suas dimiserunt. Nos igitur huic inhonestati Clericorum occurrere volentes, nostrorum nihilominus Antecessorum constitutionibus in suo robore duraturis, statuimus, ut quicumque Clericus in Sacris Ordinibus constitutus, vel in minoribus, & Beneficiatus tantum, portaverit habitum a Sacris Canonibus, vel a nostris Antecessoribus prohibitum, si monitus fuerit, eo ipso amissionem illius habitus incurrat ipso jure, in aliquod opus pium convertendum (d). Et ut hæc constitutio nostris temporibus effectui non careat, nostris Suffraganeis in virtute sanctæ obedientiæ, & sub interminatione Divini Judicii præcipimus, quod per suas Diceceses aliquos discretos & honestos Ecclesiasticos Viros deputent, qui prædictis Clericis, unica monitione tantum præmissa, præcipiant, ut infra decennium talem habitum deponant, & nullo amplius tempore reassumant. Alioquin ipsum habitum eis publice auferant, etiam violenter, & eum in opus pium convertant; cum consensu tamen ipsorum Dicecesanorum, si habitus ipse notabilis fuerit æstimationis. Alioqui præter talem consensum exsequantur, quod in exemplum prædictorum nostrorum Suffraganeorum intendimus observari.

Cum plerique Fratres Ordinum mendicantium, ac Religiosi Ordinum aliorum intulati, &c. ad Ecclesias Cathedralis suæ religionis habitum absque rationabili causa manifeste non deferentes, ad excusationem in peccatis exemptionis allegando privilegium, de quo minime oporteret, in animæ suæ periculum, & plurimorum scandalum allegando, sicque excommunicationis sententia innodantur, qua ligati damnabiliter exerceant ea, quæ sunt Episcopalis ordinis,

non verentur. Nos tantæ temeritati providere volentes, sacro approbante Concilio, ordinamus, ut sub pœna suspensionis ab ingressu Ecclesiæ, nullus Suffraganeorum nostræ provinciæ in sua Dicecesi ad exercendum ea, quæ Episcopalis ordinis existant, tales titulares Episcopos admittat, nisi habitum suæ religionis manifeste deferant, & sint conversationis laudabilis, & bonæ famæ; omnesque tales, cum excommunicati sint, arctius evitent, & faciant eosdem ab aliis arctius evitari. Nullusque Clericus, vel Scholaris nostræ provinciæ sub pœna suspensionis ab ordine, quem susceperit ab eodem, quam contravenientes incurere volumus ipso facto, sacros aut minores ordines; nec etiam laici utriusque sexus confirmationis Sacramentum quoquo modo recipere præsumant. Nec invitentur tales; nec venientes sponte admittantur ad consecrandum Basilicas, Altaria, aut ad benedicendum quascunque res sacras, nisi de absolutione eorum constiterit manifeste.

XVIII. *De Cohabitatione Clericorum & mulierum.*

Ad arcendum concubinitus crimen, ut de Clero penitus evellatur, summo studio per Sacros Canones est provisum. Quia tamen tempore, quo universalis Ecclesia monstruose divisa persistit, modica diligentia adhibita fuit in exsequendo eisdem provisionibus, crimen præfatum in multis locis etiam provinciæ nostræ, cum maximo Catholicorum scandalo, totius Clericalis Ordinis contemptu frequentatur. Cui morbo volentes occurrere, ut debemus, sacro approbante Concilio decernimus, ut deinceps omnes in Sacris Ordinibus consistentes, vel etiam in minoribus Beneficiati, vel ad religionem aliquam Deo sponte oblati & obligati, qui concubinitus fœditate castitatis votum notorie seu publice violarunt, tenendo notorie concubinas, pœnis infra scriptis ipso facto subjaceant: ut videlicet, si habuerint beneficia secularia, vel regularia officia, aut administrationes vel dignitates, nisi infra duos menses prorsus (e) a se removerint, ipso jure intelligantur suis beneficiis, officiis, administrationibus, &

(d) convertendi.

(e) quæ sequuntur ex MS. Ratisbonensi, suppleta sunt.

& dignitatibus Ecclesiasticis per hanc constitutionem privati. Et possunt ipsa beneficia, officia, administrationes & dignitates prædictæ libere per habentes potestatem aliis conferri, impetrari, vel de eisdem aliis modis Ecclesiasticis provideri. Si vero Beneficiati non fuerint, & concubinas notorie & publice detinuerint, & infra duos menses a se non separaverint, sint ipso jure inhabiles ad quæcumque Beneficia Ecclesiastica assequenda, pœnis aliis a Sacris Canonibus contra tales editis in suo robore duraturis.

XIX. De Institutionibus.

Statuimus, ut nullus Clericus ad Curam animarum ab Episcopo vel Archidiacono admittatur, nisi prius jura-verit, quod nullam in adeptione Beneficii, ad cuius curam præsentatus est, commiserit simoniam. Cum decor Ecclesiæ, exaltatio fidei, & errorum extirpatio per viros in utroque jure Divino peritos & humano instructos, ut plurimum procurari noscatur; illi, quoniam in provisione congrua, quæ ad status ipsorum decentiam expediret, stipendiis Ecclesiasticis carentes, talentum eis creditum dispensare Dei populo non valentes, lucerna sub modio absconsa non effundit in domo Domini luminis claritatem. Unde plerumque contingit, ut Beneficia, & Officia Ecclesiastica, præsertim, quibus onus Curæ animarum, & Ecclesiasticæ jurisdictionis incumbit, minus idoneis provideantur Rectoribus, ex quibus Pastoribus desunt pabula, & ovibus deficiunt alimenta. Ad quorum salutarem remedium Sacrosancta Generalis Constantiensis Synodus; salutis nationis Germanicæ providere intendens, decretum promulgavit inferius annotatum: Nos spirituales animarum profectum nostræ provincie; quem Pastoralis cura dudum concepimus, exsequi cupientes, præfatam constitutionem Constantiensis Concilii sacro approbante Concilio publicantes, præcipimus, & mandamus, ut institutio prædicta ab omnibus nostris Suffraganeis in suis Synodis proxime celebrandis intimetur, & observetur. Quam exnunc cum singulis in ipsa contentis volumus sub pœna sus-

pensionis a collatione & electione Beneficiorum per singulos Beneficiorum Collatores, & Patronos firmiter observari. Tenor vero constitutionis sequitur, & est talis: "Sanctissimus Dominus noster Papa Martinus V. ad exaltationem fidei Catholicæ, &c. Vide informationem ex Concilio Constantiensi de qualitate Beneficiandorum, &c. Invenies, &c.

Quoniam nonnunquam contingit, quod ad vacantem Episcopatum, vel aliam Prælaturam, vel quodcumque Beneficium aut Officium Ecclesiasticum Regulare, vel sæculare, duo in discordia eliguntur, seu instituuntur; & alter, qui minore jure utitur, ut eum, cui majus est acquisitum, per potentiam, vel per tædium fatigare & haurire possit, attrahit favorem potentium laicorum, quibus, ut ei mutant, & assistant, promissiones facit de Beneficiis eorum filiis conferendis, & de juribus, & libertatibus Ecclesiasticis remittendis: Nos huic morbo occurrere volentes remedio salutari præsentis statuti, hujusmodi promissores, & potentum laicorum attractores volumus ipso jure sententia excommunicationis esse innodatos, & nihilominus eos fore ineligibiles ad hujusmodi dignitates: mutuatores etiam pecuniarum, taliter in hoc casu volumus carere actionibus pro mutuo hujusmodi repetendo.

XX. Ut Ecclesiastica Beneficia sine diminutione conservantur.

Quoniam in quibusdam Alemanniæ locis laici Fundatores Ecclesiarum, vel hæredes ipsorum; potestate, in qua hucusque Ecclesia sustinuit, abutuntur, partem decimarum, vel aliarum obventionum Ecclesiasticarum in Beneficiis, in quibus jus obtinent Patronatus, sibi retinent ex pacto, (f) cum præsentantur, Clericos; adeo huic vulneri cancello, & simoniaco censuræ ferrum apponimus, decernentes, ut ex quo aliquid constiterit, pluries eos hujus (modi) perpetrasse flagitium, anathemate feriatur, & ejus terra ponatur sub Ecclesiastico interdicto, donec Ecclesiam sub suo jure dimittat; salvo jure Patronatus, quod eis de jure reservamus, cum possint per juris ignorantiam excusari. Qui vero

(f) forte: cum præsentant Clericos,

vero cæca cupiditate ducti taliter a Patronis Beneficia per præsentationem recipere non verentur, Officio Beneficioque priventur, nec ad Beneficium, vel actus Ecclesiasticos admittantur, nisi per Sedem Apostolicam cum ipsis fuerit dispensatum. Episcopi vero, vel Archidiaconi, qui talibus scienter curam commiserint animarum, ob institutionem hujusmodi (g) Beneficiorum collationem, perpetuo sint suspensi, &c.

Cum Beneficia Ecclesiastica sine diminutione conferri debeant, quidam Ecclesiarum Patroni, personis idoneis prætermisiss, tales adeo cum præsentant, qui portionem, quam talibus debeant esse contenti, suis usibus residuum totaliter applicando. Unde ad hujusmodi mali perniciem extirpandam, statuimus, quod si tales Clerici se portione debita spoliari videntes, ad Episcopum suum querelam non detulerint, auctoritate præsentis Concilii sint ipso jure suspensi; nihilominus per Episcopum eisdem Ecclesiis spoliuntur. Si vero ad Superiorem super hoc detulerint quæstionem, ipsæ Patronum per censuram Ecclesiasticam ab hujusmodi molestatione, & exquisita exactionis malicia compescat: adijcientes nihilominus, quod si in hac (re) pertinax Patronus extiterit, ad præsentationem, &c. Ecclesiæ proximo vacaverit, nullatenus admittatur.

Ad nostrum, quod dolenter referimus, pervenit auditum, quod nonnulli Episcopi, Comites, Barones, Nobiles, ac eorum Potestates & Officiales, dum aliquam vacare contingit in nostra Provincia Prælaturam, Beneficium vel Officium Ecclesiasticum, statim gentes inibi mittunt armorum, quæ graves faciunt in ipsis Prælaturis, vel Beneficiis expensas. Et quod deterius est, nonnumquam hi, ad quos electio, vel præsentatio spectat futuri Prælati, compelluntur eligere, aut præsentare per abusum potestatis secularis, vel potentia inordinatæ. Quandoquidem nullatenus admittunt ad possessionem, etiam jam a suo Superiore confirmatum, donec de certa pecuniæ quantitate concordent cum laicis antedictis, atque persolvant eandem. Nos hujusmodi damnandæ ambitionis audaciam reprimere cupientes, auctoritate

hujus Sacrosancti Concilii statuimus, ut nullus, quacumque Ecclesiastica, vel mundana, etiam si Pontificali, vel Ducali præfulgeat dignitate, talia de cætero facere præsumat, per quæ offenditur Ecclesiastica libertas, & Ecclesiæ multipliciter aggravantur. Quod si secus actum fuerit, nisi infra mensem a tempore hujusmodi vacationis restituerint, aut remiserint jam promissum, quod indebite extorserunt realiter, & cum effectu, ipsos volumus excommunicationis sententiæ eo ipso subjacere; a qua nullatenus absolvantur, donec modo simili restituant extorta: in quibus etiam nulla eorumdem remissio vindicat sibi locum.

XXI. De Emptione.

Nullus prædam aliquam scienter emere, vel tenere præsumat: alioquin nisi infra mensem prædam ipsam, aut ejus æstimationem, si restitutioni non subiaceant, restituat, excommunicationis sententiæ percellatur.

XXII. De Pignoribus.

Ad omnium quoque dubitationem, siue quæstionis materiam amputandam, statuimus, ut si quis prædium suum, cui jus attinet Patronatus, cuiquam obligaverit indistincte, jus præsentandi apud ipsum obligantem resideat. Cum tale jus æstimari non possit. & in sortem nequeat computari. Cum semper fructus rei pignoratæ in sortem debeant computari, juxta Canonicas & legitimas sanctiones.

XXIII. De Testamentis.

Ad hæc, quia quædam in quibusdam partibus consuetudo, immo corruptela detestabilis observatur; videlicet, quod tam Clericus, quam laicus in lecto ægritudinis constitutus, ultra quinque solidos usualis monetæ, vel aliam summam, juxta loci consuetudinem limitatam, nec piis locis, nec personis Ecclesiasticis, pro animæ suæ remedio, aut aliis quibuscumque (b) ordinare legata; considerantes prædictam consuetudinem & sacris Canonibus, & sacris etiam legibus, obviare; cum omnium jura clament, quod ultima voluntas, & ultimum hominis testamentum immobile

Z 3

per-

(g) forte: Beneficiorum collatione perpet.

(b) forte deest: possit.

perseveret: & quod nihil sit, quod magis homines deceat, quam ut supremæ voluntatis liber stylus existat: eandem consuetudinem Deo odibilem, animabus & bonis moribus inimicam, auctoritate hujus Concilii Sacri penitus reprobamus, firmiter statuentes; ut ubicumque jura a testamentorum non prohibent factione, vel in lecto ægritudinis constituto, legandi, disponendi, & ordinandi de bonis collatis circa pia loca, personas Ecclesiasticas, & alias quascumque, dummodo contra legitimas non veniat sanctiones, libera sit facultas. Volentes & præcipientes districtè, ut per locorum Episcopos, & ceteros Prælatos jurisdictionem habentes, universi Clerici & laici impediendes defunctorum legata, seu ultimas voluntates, per excommunicationem in personas, & interdicti in loca sententias, quindecim tamen dierum Canonica monitione præmissa, ferendas ab hujusmodi impedimentis desistere compellantur. Ad quarum executiones, & debitas aggravationes procedente tempore faciendas, Episcopi & Prælati, ad quos testamentorum defensio, utroque jure suadente, dignoscitur pertinere, tam benevolos se exhibeant & paratos, ne hujusmodi negligentia de eorum manibus in die districti iudicii requiratur.

XXIV. De Sepulturis.

Insuper statuimus, & sub poena suspensionis præcipimus firmiter & moneamus, ut quilibet Sacerdos Provinciæ Saltzburgenfis, cujuscumque Dignitatis, seu Eminentia, Status vel Religionis fuerit, infra octo dies causa legitima cessante, postquam ei de morte Archi-Episcopi, vel proprii Episcopi prædictæ provinciæ constiterit, per se, vel per alium Missam pro defunctis dicat, in remedium Archi-Episcopi, aut Episcopi memorati.

XXV. De Parochiis.

Nos Sanctorum Patrum, qui Ecclesiæ Sanctæ Dei, & Personis Ecclesiasticis terminos, quos non licet transgredi, posuerunt, Statuta considerantes, hujus Sacri approbatione Concilii, universis Sacerdotibus tam Religiosis, quam secularibus, cujuscumque Ordinis, condi-

tionis, sive status existant, in civitate, Dicecesis, vel Provinciæ Saltzburgenfis de gentibus sub debito juramenti, quod Episcopo in receptione Sacerdotii præstiterunt, sub interminatione Divini Iudicii firmiter inhibemus, ne quis alienum Parochianum, cujus cura per Episcopum, vel loci Archidiaconum, seu ejus Vicarium, alii est concessa; (excepta necessitatis causa, quæ legem non habet;) ad confessionem recipere, aut ei aliquod Ecclesiæ Sacramentum porrigere præsumat, non petita desuper & obtenta licentia proprii Sacerdotis: cum (i) minime incerti & indubitati juris existat, talem a tali crimine solvi non posse aliquatenus vel ligari: & ex hoc ordinem Ecclesiæ per majores & Sanctos Patres Divina providentia institutum confundi, & perturbari. Et hoc præsens Statutum per universos Plebanos singulis quatuor temporibus, & in præcipuis Festivitatibus coram suis Parochianis præcipimus publicari.

XXVI. De Jure Patronatus.

Ad extirpandam illam detestabilem corruptelam quorundam Ecclesiarum Patronorum, qui Rectoribus earum defunctis, spoliant dotem, & Ecclesiam rebus mobilibus, & interdum immobilibus, in salutis propriæ dispendium & scandalum plurimorum, statuimus, ut si Clericus, sive laicus hoc facere præsumpserit, cujuscumque dignitatis, etiam Pontificalis existat, sit a jure præsentandi ea vice suspensus. Ecclesiam conferat: & si ipse negligens fuerit, Superior ipsam conferat ipsa vice: uterque autem sit excommunicatus ipsa juris & arctius ab omnibus evitetur, donec cum debita satisfactione restituat sic ablata.

XXVII. De Celebratione Missarum.

Prædecessorum nostrorum ducti vestigiis statuimus, inhibentes hujus Sacri approbatione Concilii, ut nullus Sacerdotum novitiorum illa die, qua primam Missam celebrare voluit, in exordio publicationis sanctissimi sui officii oblaturus Deo primitias gratiæ ac salutis sibi collatæ, aliquos ad convivium invitare, aut invitatos habere, aut procurare per se,

(i) in quodam MS. defiderabatur.

se, vel per alium ullo modo præsumat: sed ad solum Deum, cuius militiæ est adscriptus, dirigat aciem sui cordis, maxime illa die devotus, curis & sollicitudinibus temporalium, quibus mentes hominum distrahuntur, exutus; remotis vanitatibus histrionum, quilibet tumultibus & insolentis reproborum, qui etiam sæpe venire assolent non vocati.

XXVIII. De Baptismo.

Baptismus cum summa reverentia celebretur, maxime in distinctione & prolatione verborum, in quibus Sacramenti virtus existit; his scilicet verbis: *Ego baptizo te in nomine Patris, & Filii, & Spiritus Sancti.* Doceant igitur Sacerdotes tam mares quam feminas, in necessitate debere (illos) parvulos baptizare eadem forma in suo idiomate. Et, quod patres & matres proprios infantes, si summa necessitas exigat, poterunt baptizare. Et si Sacerdotes super hoc diligenter requirentes debitam formam in Baptismo invenerint, quod factum est, approbent, suppletes circa baptizatum, quoad unctionem olei in pectore & in scapulis, & Chrismatismis in vertice, quod a laicis est omisum. Si autem in Baptismate debitam formam non invenerint observatam, non differant parvulos baptizare.

Item statuimus, ut in cunctis Ecclesiis Baptismus, Chrisma, Oleum, & Eucharistia sub fideli custodia clavibus adhibitis asserventur, ne possit ad illa manus temeraria extendi. Pallæ quoque altaris, vasa, corporalia & vestimenta Ministrorum munda & nitida conserventur. Nimis enim videtur absurdum in Sacris sordes negligere, quæ decent etiam in profanis.

XXIX. De Emunitate Ecclesiarum.

Quamquam dudum Ecclesiarum Advocati, ut ab indebitis vexationibus earum abstineant, & consuetis iuribus sint contenti, saluberrimis monitionibus antiquorum Conciliorum sint causati: quia cum plerique Domini temporales, & laici alii Provinciæ Saltzburgensis, in Ecclesiis, Monasteriis, seu quibuslibet piis locis, in quibus jus Advocacionis prætendunt, suis iuribus non contenti, in consuetas & enormes novitates exer-

cent, attentant in Ecclesiæ libertatem non modicum detrimentum. Nos huic morbo occurrere cupientes, auctoritate huius Concilii statuimus, ne Advocati Ecclesiarum, Monasteriorum, & aliorum piorum locorum quorumcumque diætæ nostræ Provinciæ, quocumque etiam nomine censeantur, de cetero talia præsumant; nec Ecclesias, Monasteria, & alia pia loca, ultra consuetam & debita onera ullatenus aggravent & infestent, quocumque quæsito colore. Alioquin ipsos, & eorum quemlibet, auctoritate huius Sacri Concilii excommunicationis volumus sententiæ subiacere ipso facto: a qua, donec de huiusmodi indebite extortis ac illatis violentiis Ecclesiis, Monasteriis, atque locis aliis piis competenter satisfecerint, nullatenus absolvantur.

Abusum quoque seu consuetudinem quorundam laicorum, immo potius corruptelam Sacris Canonibus, & legibus inimicam, quam quidam Iudices & Potestates faculares ad instantiam se præcedentium habere auctores contra Prælatos ac Clericos Beneficiatos nostræ Provinciæ, seu etiam contra tales ex officio procedentes, licet de facto, ipsos Prælatos ac Beneficiatos in bonis immobilibus spectantibus ad Ecclesias, Monasteria & Beneficia eorumdem, quasi quodam citationis edicto publico solent ad iudicium evocare, licet nulliter, & de facto, allegantes, quod non contra Clericos, sed ipsorum bona dumtaxat iudicent & procedant: non attendentes, quod Clerici & Clericorum bona eodem gaudent privilegio, & nulla sit eis de rebus, & Personis Ecclesiarum attributa iudicandi facultas. Nos hanc consuetudinem, Sacro approbante Concilio, penitus reprobantes, decernimus, præfatam consuetudinem fore iniquam, rationi, & iuri penitus inimicam: statuentes sub penis præmissis, quas contra facientes incurrere volumus ipso facto; ut nullus, cuiuscumque status, conditionis, aut ordinis existat, etiam si Pontificali aut Ducali præfulgeat dignitate, præfatam reprobam consuetudinem observet, aut observari faciat, nec ipsius prætextu personas Ecclesiasticas predictarum Diocesium in ipsorum bonis, & possessionibus perturbare, inquietare, aut iudicare

care præsumat : decernentes irritum & inane, si secus contra præmissa, a quocumque fuerit attentatum, sententiaque lata licet de facto ac impossibiles, cum omnibus inde secutis nullius existere roboris vel moniti.

XXX. De Simonia.

Ut labes pravitatis simoniacæ in nostra Provincia penitus extirpetur, Nos sacro approbante Concilio, ordinamus, ut constitutio Generalis Concilii Constantiensis inferiori descripta in singulis Ecclesiis Cathedralibus, & aliis Ecclesiis Collegiatis per Ordinarios, aut eorum inferiores ter in anno publice intimetur; ut in poenarum afflictione nullus valeat crimen prædictum ignorantia excusare: adicientes, ut ad locum Ordinarii, & executionem ipsius, & aliorum iurium pro extirpatione pravitatis præfatæ procedant contra quoslibet transgressores. Alioquin contra negligentes executionem huiusmodi, ac simoniam activè, vel passivè committentes in futuris Provincialibus Conciliis acriter, auctore Domino, procedemus. Tenor vero Constitutionis Constantiensis sequitur in hunc modum:

MARTINUS &c.

" Multæ contra simoniacam pravi-
" tatem ab olim factæ sunt constitutio-
" nes, quibus morbus ille non potuit
" competenter extirpari. Nos volen-
" tes de cetero, ut possumus, atten-
" tius providere, sacro approbante
" Concilio declaramus, quod ordinati
" simoniace ab executione suorum or-
" dinum sint eo ipso suspensi. Electio-
" nes autem, postulationes, confirmatio-
" nes, & quævis provisiones simoniacæ
" Ecclesiarum, Monasteriorum, Digni-
" tatum, Personarum, Officiorum, &
" Beneficiorum Ecclesiasticorum quo-
" rumcumque deinceps factæ, nullæ
" sint ipso iure, nullumque per illos
" jus cuiquam acquiratur: nec promo-
" ti, confirmati, aut provisi faciant fru-
" ctus suos; sed ad illorum restitutionem,
" tamquam inique ablatorum,
" percipientes teneantur. Statuentes in-
" super, quod dantes, & recipientes ip-
" so facto sententiam excommunicationis

" incurrant, etiam si Pontificali, aut Car-
" dinalatus præfulgeant dignitate.

XXXI. De Sententia Excommunicationis, suspensionis, & interdictionis.

Item in quibusdam locis, ut accepimus, in tantum accrevit temeritas & præsumptio laicorum, quod, si quando auctoritate Ordinarii, seu Delegati, in terram, villam, aut castrum interdictum generale ponatur, iidem laici officium Sacerdotum, immo quod ipsis Sacerdotibus est prohibitum, usurpant; curantes, ut Ecclesiasticam per hoc magis censuram elidant, apud loca taliter interdicta sepelire præsumunt, in cœmeterio corpora defunctorum. Licet autem jam pridem contra præsumptos huiusmodi inter alia sit provisum, (k) ut non resumantur Divina, quam, quæ tumultata sunt corpora, fuerint exhumata: quia tamen per illos, contra quos interdictum ponitur, antequam satisfaciant, frequenter in pactum deducitur, ut exhumationis poena ab Ordinario, vel Delegato ante omnia similiter remittatur: ne forte huiusmodi delinquentium temeritas actione hac impunita remaneat, & per hoc ceteris detur audacia, similia præsumendi, Sacri approbatione Concilii statui-
mus & mandamus, ut quicumque amodo intra cœmeterium loci interdicti aliquod corpus, seu corpora defunctorum sepelire præsumpserint, aut qui talia præsumptibus opem vel operam quocumque modo adhibuerint, excommunicationis sententiam incurrant ipso facto: a qua non nisi per solum Metropolitanum, vel Diocesenum, aut cui super hoc suas vices specialiter commiserit, absolvantur: Metropolitanus vero, vel ejus Diocesanus, aut eorum in hac parte Vicarii, nequaquam ad impendendum talibus absolutionis beneficium procedant, nisi prius sepultis taliter corporibus exhumatis, Ecclesiæ & personis, quibus ex hoc injuria dignoscitur irrogata, satisfactum fuerit competenter: & nisi super facta exhumatione, & satisfactione præstita, ordinarii, aut si copia ipsius haberi non valeat, Officialium suorum litteras absolutionis ipsis pro testimonio exhibeant & ostendant, ad communionem Ecclesiæ nullatenus admittantur.

XXXII.

(k) forte: ut non prius

XXXII. *De Hæreticis.*

Cum nonnulli (quod dolenter referimus) Wicleffitarum, & Hussitarum hæresibus & erroribus infecti; & de eisdem infamati & suspecti, terminos nostræ provinciae, sub agni specie gerendo lupum, latenter intrantes, & ausu temerario præsumunt prædicare, tenere & docere occulte, & publice prædictorum errores, & hæreses dudum ab universali Ecclesia, & Generali Constantiensi Concilio tamquam erroneos, & hæreticos condemnatos: Nos salutis gregis Domini Nobis commissi, salutis animarum, & huic morbo periculoso pervigili cura providere volentes, ne scintilla modica in principio succrescat in flammam, & fermentum modicum totam massam corumpat, sacro approbante Concilio sub interminatione maledictionis æternæ, ac sub excommunicationis sententiis in singulares personas, & interdichi in loca, si communitates, aut Domini locorum in infra scriptis negligentes, aut culpabiles fuerint, quas contra facientes ac negligentes incurrere ipso facto volumus, inhibemus, ut nulla (1) Ecclesia, mundana vel persona nostræ provinciae, cujuscumque status, conditionis, aut ordinis existat, etiam si Pontificali, aut ducali præfulgeat dignitate, præfatis erroribus, & hæresibus infectos, infamatos, aut suspectos, in suis Ecclesiis, Monasteriis, Parochiis, Dominiis, terris, civitatibus, oppidis, villis, castris, aut domibus, aut locis aliis quibuscumque, ad prædicandum, docendum, aut dogmatizandum publice, vel occulte admittat, seu assumat, quovis quæsito colore: nullusque præfatorum eorumdem prædicationem audire, aut prædicationibus interesse præsumat quoquo modo. Ordinamus, ut omnes Christi fideles utriusque sexus memoratæ nostræ provinciae, postquam audiverint, sciverint, aut eis constiterit, præfatis hæresibus, & erroribus infectos, infamatos, aut suspectos, in præfata nostra provincia morari, docere, dogmatizare errores prædictos, ipsos statim suis Superioribus, quorum præsentiam commode adire poterunt, sine omni excusatione & negligentia, sub pœnis, ut superius exprimitur, denunciare nullatenus omittant.

Omnibus Ducibus, Comitibus, Baronibus, Capitaneis, Burggraviis, Castellanis, Magistris civium, Consulibus, Judicibus, & Officialibus aliis quibuscumque distincte præcipimus, & mandamus sub pœnis præmissis, ut ad requisitionem Suffraganeorum nostrorum, eorumdem Vicariorum, seu Inquisitorum pravitate hæreticæ, seu cujuscumque alterius prædictorum, taliter de hæresi infectos, infamatos, aut suspectos incarcerare, captivare, aut detinere debeant, & teneantur. Et si tales se prætenderent in Sacris Ordinibus constitutos, Nobisque ac nostris Suffraganeis, Archidiaconis, Vicariis, & eorumdem Officiis, & hæreticæ pravitate Inquisitoribus Deputatis, pro nunc autem in nostra provincia postea deputandis, tradant, & assignent taliter denunciatos & suspectos, ut pro extirpatione tam periculosi criminis libere procedant, & procedi faciant juxta Canonicas sanctiones. Receptatores quoque, fautores & defensores eorumdem, pœnis, ut præmittitur, volumus subjacere. Et quia tales infecti, infamati, & suspecti de erroribus supradictis, ut plurimum per simulatam conversionem, ad unitatem Ecclesiæ redeunt fraudulenter, sacro approbante Concilio ordinamus, ut ultra pœnas talibus post conversionem ipsorum, & errorum abjuratorem, carceribus mancipentur, nec relaxentur ab eisdem, donec de vera, & sincera ipsorum conversione verisimiliter præsumatur. Adjicientes, ut omnes, & singuli nostri Suffraganei ad extirpationem tanti mali viriliter assurgentes, omnia, & singula jura contra hæreticos ac de hæresi suspectos, & infamatos contra ipsorum receptatores, fautores & defensores, ac potestates sæculares, qui requisiti legitime neglexerint sua Dominia a pravitate hæretica extirpare, promulgata provide exsequantur, & observent, & a suis subditis faciant inviolabiliter observari, paterne, ut tenemur, in hoc ipsorum officium excitantes.

XXXIII. *De Judeis.*

Non ambigui juris est, Hebraicam gentem a fidelium crucifixi populo aliquo discretionis extrinsecæ signaculo debere esse separatam. Unde sanctæ memoriæ GUIDO, titulo sancti Laurentii in Lu-

(1) forte: Ecclesiastica.

Lucina Presbyter Cardinalis, in hanc nostram provinciam a Sacrosancta Apostolica Sede Legatus, provide decrevit, statuendo, ut Judæi in publicum se exhibentes pileum deferre debeant cornutum: non portantes, pœna pecuniaria præcipimus multatæ puniri. Nos autem volentes prædicti legati bonam intentionem, quantum in Nobis est, effectui mancipare, omnibus sæcularibus potestatibus, cujuscumque conditionis, & præminentiæ existant, quocumque nomine censeantur, sive communitates, sive singulares reipublicæ Præsidentes existant, sub excommunicationis sententia præcipimus, & districte injungimus, ut per se, vel per alios suos familiares, quemcumque Judæorum, pileum talem in publico non deferentem pecuniaria pœna, juxta eorum arbitratum taxanda, quacumque conditione, provocatione, vel excusatione frivola non obstante, protinus puniant.

Præcipimus etiam pro meliori hujus providi Statuti executionis effectu, ut prædictæ potestates per se, vel per alios possint, & debeant Judæum sic pileum cornutum non portantem aliqua veste, vel alia re, publice, & statim in itinere, quo visus est, pignorari, ut sic eo citius pœnam exsolvat antedictam. Et quoniam non tantum masculos Judaicæ superstitioni inherentes a Christiano populo convenit separari, sed etiam ejusdem superstitionis feminas, atque virgines a Catholicorum gente volumus esse segregatas: unde præcipimus sub eisdem pœnarum exactionibus, ut mulieres, vel virgines dictæ superstitioni insudantes, cum se in publicum exhibent Christianorum nostræ provinciæ, nolam sonantem in aliqua sui corporis deferant parte: alioquin ipsas per dictas potestates pœnis, & modis præscriptis in virtute sanctæ obedientiæ mandamus affligi.

XXXIV. *De prohibito & illicito vestitu mulierum.*

Cum in partem sollicitudinis, & Pastoralis officii ad hoc simul assumpti . . . gregem Domini cum rite gubernemus, & in eo vitia extirpemus; & virtutes inseramus, debemus non solum remove peccata, sed etiam cujuslibet mali, & peccati speciem, & imaginem, ac etiam scandalosum

quodlibet, & exempli continens perniciem, curabimus, quantum poterimus, provincia exfulare. Unde (quod dolenter referimus) multorum querelis sumus excitati, ac etiam in parte nostris propriis percepimus oculis, quod in nonnullis nostræ provinciæ partibus mulieres habitu induuntur satis inhonesto, utputa caudam ad modum aspidis, ac alias ornatum exquisitissimum, & supra modum sumptuosum habentes. Faciunt enim quædam mulieres suis peplis, crinibus, atque aliis capitis ornamentis, ac si ante, & post facies habeant monstruose. Considerantes ideoque, quod ex his, & consimilibus vanitatibus scandala, oblocutiones, detractiones, quæ in cordibus simplicium generantur, ac nihilominus per hoc patrimonialia exhauriuntur, furta, rapinæ, & alia innumerosa peccata, & demum *spectacula luxuriam provocantia* in domibus, plateis, & Ecclesiis, aliisque locis damnabiliter proveniunt. Nos igitur volentes, sicut tene-mur, his periculis occurrere, *Sacro approbato Concilio*, sub excommunicationis sententia, & obtestatione Divini Judicii, universos & singulos laicos nostræ provinciæ per viscera JESU Christi obsecramus ac rogamus, & nihilominus districte præcipiendo mandamus, ut uxores suas, & filias, & alias mulieres in sua patria, seu familiari potestate existentes faciant honeste incedere: prohibentes, ne *nimiam* in vestibus, & aliis mulierum ornamentis *superfluitatem* habeant. Eisdem etiam mulieribus sub excommunicationis sententia præcipimus, ut in hoc maritorum suorum obtemperent mandatis. Quod si secus fecerint, nostris Suffraganeis, & aliis Ecclesiasticis Viris nostræ Diocesis & Provinciæ curæ animarum præexistentibus, præcipimus, rebelles mulieres communione privare, ac eas aliis Ecclesiasticis supponere censuris. Universis etiam sæcularibus potestatibus sub ejusdem distictionis pœna injungimus, ut ad corroborationem, & executionem hujus necessarii Statuti faciant Statuta pœnalia, quibus hanc sanctionem faciant exactissime observari. &c. *Deo gratias.*

*Harduin Tom. VIII. Concilior. pag. 957.
& seqq. ad 976.*

Ex Regia Parisina editione excerptum.

Cl. van der Hardt in *Historia Concilii Constantiensis Tomo I. Parte V. pag. 161.* laudat Eberhardi, Archi-episcopi Salisburgensis, Studium pro reformandis moribus suæ Ecclesiæ anno 1420. celebrato Concilio. Addit eundem Eberhardum, quando fuit Constantiæ, quotidie ante portam domus suæ panem & carnes elixas haud exiguo pondere cum jure distribuisse, addito vino; diebus esurialibus pultem & legumina.

CONCILIIUM SALTZBURGENSE

Anno Christi MCCCCXX. Martini V. Papæ III.
Sigismundi Reg. rom. XI.

JOANNES, DEI GRATIA, PRÆPOSITUS (a) ET ARCHI-DIACONUS
ECCLESIAE SALTZBURGENSIS.

UNIVERSIS ET SINGULIS DOMINIS, ABBATIBUS, PRÆPOSITIS,
CETERISQUE PRÆLATIS, ARCHI-DIACONIS, PAROCHIALIUM ECCLESIA-
RUM RECTORIBUS, PLEBANIS ET CLERICIS QUIBUSCUMQUE
PER DIOCESEM SALTZBURGENSEM CONSTITUTIS.

Quamvis per Sacrorum Canonum, & Provincialium Conciliorum Statuta recte ac honeste vivendi norma adeo sit sufficienter comprehensa, quodsi eorumdem negligereetur exsecutio, quodammodo de cetero aliqua nova conderentur Statuta: quia tamen eorumdem tam saluberrimorum Statutorum nostris temporibus memoria quasi evanuit, cœcaque ipsa quodammodo offuscavit oblivio, tamquam prodita numquam extitissent. Et quia juxta sapientis cujusdam dictum, numquam nimium dicitur, quod nunquam satis dicitur: subscriptæ Ordinationes in Episcopali Synodo in civitate Saltzburgenfi nuper celebrata, cui de mandato Reverendissimi in Christo Patris Domini nostri EBERHARDI Sanctæ Saltzburgenfis Ecclesiæ Archi-Episcopi, Apostolicæ Sedis Legati, & ex commissione ejus speciali præsedimus, alias emanarunt. Ad quorum humilem ac devotam observantiam, executionemque promptam & debitam, vos omnes & singulos in Domino exhortamur; prout Divinam ex hoc reportare remunerationem, præfatique Reverendi Domini nostri Archiepiscopi penam & ultionem debitas & condignas volueritis evitare.

I. Declaratio penæ Statuti Provincialis contra notorios concubinos editi.

Contra crimen concubinitus Clericorum plurimum scandalosum, & hinc merito detestandum, non aliter, nec melius, quam dudum in Provinciali Concilio statutum fuit, videmus posse provideri. Innotescimus tamen, & ad memoriam revocamus ejusdem Concilii . . .

. . . omnes namque, qui a die publicationis Statutorum Provincialium, infra duos menses concubinas suas, quas notorie tenuerunt, a se prorsus non removerint, si Beneficiati fuerint, sciant se suis Beneficiis statim ipso facto, absque alia privationis sententia, auctoritate ejusdem Concilii esse privatos; nec aliquid juris amplius competere, aut aliquem se titulum habere in eisdem: tenerique se idcirco ad restitutionem omnium fructuum & proventuum, quos levaverunt, seu in futurum levabunt ex eisdem. Possuntque eorum Beneficia per habentes potestatem libere alijs conferri, vel in curia etiam impetrari. Qui vero Beneficiati non fuerint, sciant se auctoritate ejusdem Concilii ad habendum quæcunque Ecclesiastica Beneficia perpetuo inhabilitatos.

II. Quod

(a) Hundio est Præpositus vigesimus Archi-episcopalis Ecclesiæ: præsedit Concilio nomine Archi-episcopi Eberhardi III. Fests S. Augustini.

Tomus V. Concilior. German.

II. *Quod Clerici non debent secum tenere mulieres juvenes, & de incontinentia suspectas.*

Et quoniam juxta Apostolum non solum a malo, sed etiam ab omni specie mali debemus abstinere; prohibemus, ne Clerici in domibus suis habeant feminas juvenes; de quibus suspicio possit merito suboriri. Qui autem feminarum famulatu carere nequiverint, tales sibi assumant, quæ propter ætatem, morumque gravitatem, aut, si fieri potest, consanguinitatem, omnem merito suspicionem excludant.

III. *Quod Clerici in domibus suis tabernas tenere, aut tabernas, & laicorum convivia accedere non debeant*

Inhibemus insuper, prout etiam per Sacros Canones, & Provincialium Conciliorum Statuta prohibitum existat, ne Clerici officium tabernariorum exercere præsumant; & ne in suis domibus tabernas teneant, aut vinum more tabernariorum vendant. Tabernas quoque, & laicorum convivia (quod valde honestatem dedecet Clericalem; ipsorumque Clericorum vilescere facit auctoritatem) Clerici omnino devitent, nisi necessitatis causa in itinere constituti.

IV. *Quod Clerici venationi, & ludo alearum, & taxillorum insistere non debent.*

Venationi quoque cum canibus, nec non aucupationibus cum falconibus, nisis, aut hujusmodi volucris Clerici omnino non insistant; nec canes tales venaticos, aut aves in domibus teneant, aut secum per viam ducant. Ad aleas etiam & taxillos non ludant, nec hujusmodi ludis intersint, nec ludos tales in domibus suis exercere permittant.

V. *Quales Presbyteros debeant sibi assumere Plebani in adjutorium exercitii curæ animarum.*

Omnibus insuper Saltzburgensis Diocesis Plebanis prohibemus, ne in adjutorium exercitii curæ animarum, aut Capellanatum assumant Presbyteros lufos, potatores, ebriosos, aut laicorum convivia frequentantes, per quos multum plebs

(a) aut nisi fide.

scandalizatur fidelis. Nullum etiam Sacerdotem alienigenam & penitus incognitum, suæ ordinationis litteras, seu formatas omni suspicione carentes non habentem, & vero litteras commendatitias proprii Episcopi (a) aut fide digno testimonio, seu longi temporis conversatione de vita & moribus ipsius fuerit informatus, assumere præsumant.

VI. *Quod Plebani inducere debent sibi subditos Presbyteros ad observantiam Statutorum Provincialium & Synodaliū Ordinationum, & ad deferendum habitus honestos & Clericales, à laicorum habitu discrepantes.*

Studeant quoque Plebani suorum domesticorum, præsertim Clericorum sibi subditorum, diligentem curam gerere, ipsos ad observantiam constitutionum Provincialium, & hujus Sanctæ Synodi ordinationum, morum honestatem, Clericalisque habitus decentiam respicientium, inducendo; nec patiantur eos deferre habitus a Sacris Canonibus, vel Provincialibus Conciliis interdictos: sed faciant ipsos deferre vestes in colore, & scissura honestatem Clericalem decentes; nimia longitudine, vel brevitate non notandas, circa pectus & scapulas; ut moris est laicis, non strictas, & corpori bene adjacentes; sed bene amplas, & aliquantum plicatas, manicas decentes, usque ad contactum manus protensas, infra vero brachium deorsum ultra unius palmæ longitudinem minime dependentes, cum goleriis licitis saltem unius pollicis collo adjacentibus: scissuras, seu aperturas a latere omnino non habentes, nec retro: ab anteriori tamen parte, propter majorem ambulandi commoditatem, ad altitudinem unius palmæ cum media vestes non prohibemus aperiri. Vestes etiam ad equitandum, prout commoditas postulaverit, ante & retro poterunt, honeste tamen aperire. In scissuris hujusmodi, in goleriis, seu aliis vestium extremitatibus foderaturas expositas, & notabiliter præeminentes non habentibus.

Abusum quoque istum Clericorum, quo se sæcularibus hominibus conformantes pallia deferunt, nudis joppulis (b) manicas strictas, ut nunc moris est, multipliciter

(b) joppa, caligæ species Ducangio.

citer plicatas seu (b) rigatas, aut aliàs laicales habentibus, nulla veste manicata coopertis, cum expositis brachiis nequaquam tolerant. Aliasque tam decenter, & honeste Clericos sibi subditos incedere faciant, ut per decentiam habitus extrinsecam morum valeant ostendere honestatem. Hanc autem habitus honestatem exhortamur præcipue ipsos Plebanos, sicut & ceteros Clericos, observare, quatenus in omnibus suis subditis se normam & exemplum præbeant.

VII. *Quod Sacramenta Ecclesiastica, & alia Spirituality libere, sine conventionione, & pactione præcedente debent ministrari.*

Volumus quoque, & præcipimus singulis Saltzburgerensis Diœcesis Presbyteris, quatenus circa Sacramentorum administrationem omnem observent puritatem, libere, sine pactione, aut conventionione prævia, Ecclesiastica Sacramenta, & alia Spirituality administrando. Ex post vero antiquas, & laudabiles Ecclesiarum consuetudines pia fidelium devotione, per ministrorum sustentationem introductas non intendimus prohibere; ad quas etiam observandas superioris officii laici Ecclesiastica possunt censure compelli.

VIII. *Quod non sunt tolerandi pro aliquo questu publice delinquentes, & quod potestate absolvendi in casibus reservatis Sacerdotes abuti non debent.*

Districte quoque prohibemus, ne quis Sacerdotum adulteros, concubinos, seu fornicarios, aut alios quoscunque publice delinquentes gratia, vel favore, aut pro aliquo temporali emittat. Nec obtentam a superiori in casibus reservatis ad certum personarum numerum licentiam, eam venalem exponant; non nisi ad solvendum aliquid ex pacto, eadem licentia utendo; sed gratis & libere, prout expediens fuerit, ad omnes sine personarum acceptione, huiusmodi sibi concessa utantur potestate.

IX. *Quod pro sepeliendis præventis nil est extorquendum.*

Pro sepultura quoque præventorum Presbyteri nil extorquere præsumant.

(b) forte: rugatas.

X. *Qualiter adulteri, & concubinarii publice sint admonendi, & ab ingressu Ecclesie excludendi.*

Ad extirpandum quoque adulterii, & concubinitus publica crimina, quæ in Diœcesi Saltzburgerensi plurimum sunt frequentata, hunc volumus & præcipimus ordinem per singulas Saltzburgerensis Diœcesis Parochias observari; videlicet, ut infra duorum mensium spatium in qualibet Ecclesia Parochiali aliquo die Dominico vel Festivo, quando major adfuerit populi multitudo, publice in ambone admoneantur, & requirantur in generali omnes & singuli utriusque sexus homines præfatis criminibus publice implicati, quatenus ab huiusmodi adulterio, & concubinato penitus & omnino desistant. Si qui vero generali sprete admonitione se non correxerint, sequenti Dominica in specie, & nominatim, ut se emendant, . . . sic illi, quorum Domus inhabitant, quatenus eos ultra non hospitent, admoneantur & requirantur. Quod si nec taliter moniti se correxerint, sequenti Dominica eosdem, ac illos, qui eos hospitare præsumpserint, ab ingressu Ecclesiæ publice excludant, coram quibus exposit Presbyteri nullatenus Divina celebrare præsumant. Idem quoque de conjugibus utriusque sexus, qui temere sibi mutuo cohabitare recusant & nolunt, & de hospitantibus eosdem, etiam si non sit notorium eos alibi adulterari, volumus per omnia observari.

Hunc quoque ordinem perpetuis temporibus in posterum præcipimus observari: ita quod generalis ista monitio in Dominica prima Quadragesimæ publice proponatur, speciali continenter admonitione, & exclusione sequentibus duabus Dominicis, prout supra dispositum, continuatis.

XI. *Qualiter se debeant habere Plebani ad eos, quos ad auctoritatem Superiorem remittunt.*

Quotiens vero ad Superioris auctoritatem aliquos remitti contigerit, Plebanus eosdem reversos, nisi litteras testimoniales Superioris ostenderint, pro absolutis nequaquam teneant, nec Sacramenta eis Ecclesiastica, nisi pœnitentia, aut saltem pœnitentiæ parte peracta, administrent:

strent: quod præsertim circa adulteros, & alios criminosos notorios volumus exactissime observari. Et ut fraudibus via præcludatur, hujusmodi notorios, & manifestos criminosos ad auctoritatem Superioris litteris suis clausis, causæ & facti narrationem plene continentibus, transmittant; eosdemque reversos non ad simplices remissionis schedulas, sed ad litteras Superioris intentionem continentes, ad Ecclesiastica remittant Sacramenta.

XII. Quod matrimonia clandestina non sint contrahenda, & quod secus aut contrarium facientes ad Episcopalem auctoritatem sint remittendi.

Et quoniam ex clandestinis matrimoniorum contractibus plurima sæpe insurgunt pericula animarum, quibus occurrere cupientes, quod super hoc provide a jure statutum existit; præcipimus observari: ut videlicet cum matrimonia fuerint contrahenda, prius per Presbyteros publice in Ecclesia proponantur, bono competenti termino præfinito, ut infra illum, qui voluerit & valuerit, legitimum impedimentum opponat: & ipsi etiam Presbyteri infra illum nihilominus investigent, an aliquod impedimentum obsistat, sollicitare. Cum apparuerit probabilis conjectura contra copulam contrahendam, contractus interdicatur expresse, donec, quid fieri debeat, manifestis conslitterit documentis. Qui vero aliter contrahere præsumpserit, ad Episcopalem auctoritatem puniendi secundum juris dispositionem remittantur.

XIII. Quod matrimonia in Ecclesiis, & mediante Presbytero contrahi debent: & quod non possit, sed ante carnalem copulam nuptiarum solemnia matrimonia sint benedicenda.

In contrahendis quoque matrimoniis hanc volumus honestatem pro reverentia Sacramenti observari, ut videlicet non nisi per Presbyteros, & si commode fieri potest, in Ecclesia, aliquando in alio loco honesto, sine strepitu, cum honestate debita fiant matrimoniorum copulationes. Matrimonia quoque, quæ benedicenda fuerint, non post, ut moris existit, sed ante ipsorum carnalem consummationem, ac solemnitatis nuptiarum ce-

lebrationem, pro benedictionis ipsius reverentia benedicatur.

XIV. Quod Patrimi baptismales non multiplicentur.

Et quia ex cognatione spirituali, sicut etiam carnali, impedimentum oritur matrimonii, impediens contrahendum, & dirimens etiam contractum. Unde ne nimium inter homines ejusdem Parochiæ hujusmodi multiplicentur attinentiæ, mandamus, quatenus Presbyteri parentes baptizandorum puerorum inducere studeant, ut uno tantum viro, vel una muliere, prout Canones disponunt, sint contenti. Ad quod si forte facile induci non possunt, saltem ultra duos, unum scilicet virum, vel unam mulierem, nequamquam admittant.

XV. Quod Presbyteri informare debent populum, qualis & quam lata spiritualis cognatio in baptismo & confirmationis Sacramento oritur.

Injungimus insuper omnibus Plebanis, quatenus populum sibi commissum publice in ambone informare studeant, quod, sicut inter quemlibet levantem aliquem de sacro fonte, & ipsum levatum, sic & inter omnes filios, & filias levantem & ipsum levatum, & inter conjugem levantis carnaliter prius cognitum, & ipsum levatum, nec non inter parentes levati, & ipsum levantem, & ejus conjugem, carnaliter prius cognitum, vel cognitam cognatio oritur spiritualis impediens matrimonium contrahendum, & dirimens jam contractum, & ea, quæ de levante sunt dicta, etiam de baptizante modis expressis declarent esse intelligenda.

In confirmationis quoque Sacramento ratione prius confirmantis, & ad confirmationem aliquam tenentis, non autem ratione ligaturam, aut fasciam solummodo fronti alligantis, seu chrisma dumtaxat abluentis, eisdem modis, ut in baptismo, hujusmodi propinquitatem provenire populo denuntient & declarent.

XVI. Forma Juramenti, quam præstare debent testes Synodales in manibus suorum Archidiaconorum.

Jurabunt testes Synodales, vel sal-

tem fidem loco juramenti piabunt in hac forma. Primo quod per totum annum usque ad Synodum proximam diligenter inquirent, simpliciter tamen de plano, & absque ulla jurisdictione, quæ correctionis, & reformationis tam in Clero, quam in populo sint necessaria; & quod illa fideliter referent in Concilio Provinciali, & Synodo Episcopali proxime celebrandis, postquam fuerint requisiti, usurarios, adulteros, concubinos notorios, seu manifestos, & quoscumque manifeste, & publice delinquentes tam in Clero, quam in populo, quos debita ad hæc adhibita diligentia perquisiverint, deferre & denuntiare, quando super hoc requisiti fuerint, denuntiare non omittent.

XVII. *Statuta summatum, & ordinate sub certis titulis collocata populo (d) collocanda.*

Quoniam multa Statuta Provincialia tam antiqua, quam etiam promulgata, nec non & quæ Synodales ordinationes laicos concernunt, quorum quæ etiam satis dignoscuntur esse pœnalia. Unde ne ipsos ignorantes contingat detrimentum incurrere, quod dignum est eos postmodum (e) vetitos sustinere; idcirco statuimus & ordinamus, quatenus singuli Saltzburgensis Diœcesis Plebani eadem statuta laicos respicientia, prout inferius summatis subiectis rubricis, & titulis ordinate continenter, quam citius poterunt, eorum habita copia, aliquo die Domini vel Festivo, & deinceps singulis annis bis: semel scilicet in Dominica prima Adventus Domini, & semel in Dominica prima Quadragesimæ, Plebi sibi commissa publice in ambone vulgari lingua clare, & intelligibiliter intiment, publicent, & exponant; ad observantiam eorundem, prout unumquemque concernunt, dignoscitur, eandem plebem fideliter exhortando.

XVIII. *De Usurariis & eorum pœnis ex Statutis Domini Guidonis tituli Sancti Laurentii, Presbyteri Cardinalis, Apostolicæ Sedis Legati, quod incipit: Item dolentes.*

Excommunicati sunt ipso facto usurarios exercentes, qui sic excommunicati ter in anno, videlicet in Cœna Domini, in Assumptione Gloriosæ Virginis Ma-

riæ, in Nativitate Domini, per Plebanos, & majores suos debent denuntiari, aliis pœnis contra usurarios editis nihilominus salvis.

XIX. *De eodem ex Statuto Domini Johannis Episcopi Tusculani Apostolicæ Sedis Legati, quod incipit: Usurarios actus.*

Usurarii dicuntur etiam, qui sub titulo emptionis usuras exercent, emendo scilicet pignus pro quantitate, quæ mutuo petitur, & revendendo eidem, redemptionis tempore pro quantitate eadem adaucto numero usurarum. Et hæc constitutio una cum constitutione Gregorii X. in Generali Concilio edita, publicari debet singulis annis in Quadragesima, lecto Evangelio in singulis Ecclesiis Cathedralibus & Collegiatis. Et tunc etiam usuras exercentes contra dicti Concilii tenorem, ac illos, qui eos retinent in domibus propriis, nominatim, & in specie excommunicati debent denuntiari. Et usurarium, etiam occultum, dum tamen duorum vel trium fide dignorum testium ipsum constiterit usuras exercuisse, nec pro eo satisfactum fuerit, nullus recipere debet ad Ecclesiasticam sepulturam. Alioquin Ecclesiastici, in cujus cœmeterio de consensu Prælati, sive Capituli tale corpus sepultum fuerit, exhumatum Ecclesiastico subjacet interdicto.

XX. *Intentio Concilii Generalis, de quo supra fit mentio, quod habetur in Capit. Usurarum, de usuris libro sexto in effectu est talis, ut sequitur.*

Constitutio Lateranensis Concilii contra usurarios edita debet inviolabiliter observari, scilicet, quod manifesti usurarii ad communionem Altaris, & Ecclesiasticam sepulturam, & oblationem faciendam admitti non debent, & qui eorum oblationes receperint, aut ad Ecclesiasticam eos sepulturam admiserint, compelli debent reddere, quod acceperint, & ad arbitrium Episcopi ab officio suspendi. Item secundo præcipitur Dominis terrarum, & universalibus, seu communitatibus, ne permittant alienigenas in terris & locis suis conducere domos, & jam conductas retinere ad exercendum usuras. Contrarium facientes, si sunt Epi-

(d) forte: communicanda

(e) MS. habet: fetitos, haud dubie mendosius.

Episcopi, aut eorum Superiores suspensionem; alii vero inferiores, excommunicationis; communitates autem interdicti sententias, & pœnas incurrunt ipso facto: quas suspensionis & excommunicationis pœnas, si Episcopi, & eorum Superiores, aut singulares personæ per mensem sustinuerint animo indurato, eorum terræ, quamdiu hujusmodi usurarii in ipsis permanserint, Ecclesiastico subiaceant interdicto: & nihilominus laici ab hujusmodi excessu per suos debent Ordinarios compesci.

XXI. *Ex eodem Concilio Generali, quod habetur de usurariis, in Cap. Quamquam, libro sexto.*

Manifesto usurario, licet mandaverit usuras restitui, Ecclesiastica sepultura denegari debet, nisi primo, prout facultates patiuntur, satisfaciatur; vel de restituendo, idonee caveat illis, quibus restitutio facienda, si præsentibus fuerint: vel, ipsis absentibus, loci Ordinario, aut ejus vices gerenti, sive Reçtori Parochialis Ecclesiæ, in qua habitat, coram fide dignis de Parochia; in cautione hujusmodi exprimendo quantitatem usurarum receptarum, si hujusmodi fuerit quantitas manifesta: alioquin aliam quantitatem ipsius recipientis arbitrio moderandam: qui si scienter minorem, quam visibiliter creditur, moderetur, tenebitur ad residui satisfactionem, & eos contra hanc constitutionem sepeliendo, Lateranensis Concilii pœnam incurrunt. Testamenta quoque talium usurariorum alias facta non tenentur: nec debet aliquis interesse, nec eos absolvere, aut etiam admittere ad confessionem.

XXII. *De Constitutione Concilii Viennensis, quæ habetur in Clementina (contra eos) de sepulturis.*

Sepelientes scienter usurarios manifestos, etiam si exempti fuerint, ipso facto excommunicationis sententiam incurrunt: a qua nisi satisfactio prius competenter eis, quibus ex hoc injuria est irrogata, facta fuerit, nullatenus absolvi debent.

XXXIII. *Ex Statuto Domini Pilgrini Saltzburgeris Archi-Episcopi, quod incipit: Apud multos.*

Usurarii, postquam a suis Reçtoribus trina monitione fuerint nominatim moniti, si infra mensem non destiterint, eo ipso excommunicationis sententiam incurrunt. Et Ecclesiarum Reçtores, & Prælati tenentur suos subditos manifestos usurarios monere & inducere; ut infra mensem ab hujusmodi pravitate desistant, & de perceptis satisfaciant cum effectu. Quod si non fecerint, eos excommunicatos denuntiant, certificantes nihilominus eos, quod si in hoc peccato decesserint, Ecclesiastica sepultura carebunt. Quod si Reçtores scienter sepeliverint, similiter ipso facto excommunicationis sententia sunt ligati. Et manifesti usurarii dicuntur, de quibus est publica vox & fama, & certa sunt indicia, & argumenta, quod pecunias mutant ad usuras, easque recipiunt; vel fructus rei pignoratæ ex pacto, vel alias sibi imbusant, nec computant in sortem pecuniæ mutuatæ.

XXIV. *De Spoliatoribus, & raptoribus stratarum, ex Statuto Domini Jobannis Tusculani, quod incipit: Spoliatores stratarum.*

Excommunicati sunt ipso facto spoliatores stratarum, & raptores transeuntium per vias, & eisdem dantes auxilium, vel favorem.

XXV. *De his, qui scienter emunt prædæ, ex Statutis Domini Eberhardi Saltzburgeris Archi-Episcopi.*

Nullus prædæ aliquam scienter emere, vel tenere præsumat: alioquin nisi infra mensem prædæ ipsam, aut ejus æstimationem, si deprædata, & oblata haberi non possit, restituat, excommunicationis sententia percussus.

XXVI. *Qualiter Decimæ sunt persolvendæ, & qualiter pumiri debeant laici decimas usurpantes, ex Statuto Domini Guidonis Cardinalis, Apostolicæ Sedis Legati.*

Decimæ tam antiquæ, quam etiam de novalibus majores & minutæ, juxta lau-

laudabilem consuetudinem patriæ integralliter sunt perfolvendæ. Et laici decimas, maxime novallium, & minutas sibi usurpantes, ab ingressu Ecclesiæ usque ad satisfactionem condignam sint suspensi.

XXVII. *De his, qui imponunt aut exigunt nova passagia, vel antiqua augmentant, ex Statuto Domini Joannis Tusculani Episcopi, quod incipit:*
Imponentes.

Nova passagia imponentes & exigentes, vel antiqua augmentantes, singulis annis Summus Pontifex in Cœna Domini denuntiat excommunicationi subjacere; quos etiam si fuerint Ecclesiasticæ, siue sæculares personæ, quocunque nomine censeantur, locorum Ordinarii per se, vel per suos Vicarios omni anno eadem die Cœnæ Domini, pulsatis campanis, & accensis candelis, excommunicatos, & ab omnibus evitandos usque ad restitutionem integram debent denuntiare.

XXVIII. *Quod etiam in lecto ægritudinis potest quis testari, contraria consuetudine non obstante, ex Statuto Domini Eberhardi Archi-Episcopi Saltzburgerensis, quod incipit:*
Ad hæc.

Non obstante consuetudine, quæ potius est corruptela, ubi jura testamentorum (f) sanctionem non prohibent, quilibet etiam in lecto ægritudinis constitutus, legare, disponere & ordinare potest de bonis sibi collatis a Deo piis locis, aut alias. Et impedimentum præstantes, per Prælatos compefci debent Ecclesiastica censura.

XXIX. *De his, qui tempore interdicti sepeliunt corpora defunctorum, aut sepeliuntibus opem præstant, ex Statuto Domini Eberhardi, Archi-Episcopi Saltzburgerensis, quod incipit:* Item in quibusdam.

Excommunicati sunt laici sepelientes intra cæmeteria locorum interdictorum corpora defunctorum, aut qui sepeliuntibus opem, vel operam præstant: a qua non absolvantur, nec per Ordinarium loci, vel per eum, cui super hoc specia-

(f) factionem.

Tomus V. Concilior. German.

liter commiserit suas vices. Hujusmodi tamen absolutio non est impendenda, nisi prius exhumentur sic tumultata, & satisfactum fuerit Ecclesiæ & personis, quibus exinde injuria dignoscitur irrogata. Nec etiam tales ad communionem Ecclesiæ admittantur, nisi habeant super exhumatione, & absolutione prædicta litteras Ordinarii vel sui Officialis.

XXX. *Quod mulieres per exclusionem a communione prohibendæ sunt ab illicito vestitu; ex Statuto Domini Eberhardi Saltzburgerensis Archi-Episcopi, quod incipit:* Cum in partem,

Mandatur sub pœna excommunicationis omnibus laicis, & sub obtestatione Divini Judicii, ut uxores suas & filias, & alias mulieres, in præsentia, vel familiari potestate constitutas, faciant honeste incedere: prohibeantque, ne nimiam in vestibus longitudinem, & aliis mulierum ornamentis exquisitam superfluitatem habeant. Quibus etiam mandatur sub pœna excommunicationis, ut in his parent maritis: alias Eucharistiæ communionem priventur, & per censuram Ecclesiasticam arceantur. Et in fine mandatur sæcularibus potestatibus sub pœna præfata, ut ad corroborationem hujusmodi statuti faciant hanc constitutionem exacte observari.

XXXI. *De his, qui occidunt, verberant, aut qualitercumque manus violentas in Clericos injiciunt, aut eos captivant, seu captivos tenent. Ex Statuto Domini Guidonis Cardinalis Apostolicæ Sedis Legati, quod incipit:* Item cum in plerisque.

Occidens, verberans, aut qualitercumque manus violentas in Clericos injiciens, seu eos capiens, singulis annis in Synodis Episcopalibus excommunicati denuntiari debent, & nominatim illi, de quibus constiterit manifeste.

XXXII. *De eodem, ex Statuto ejusdem Domini Guidonis, quod incipit:* Quodcumque vero.

Vulnerans enormiter Ecclesiasticam personam, occidens vel captivans, non nisi

nisi per Sedem Apostolicam debet absolvi. Et si quid tenebat ab Ecclesia, illud ipso facto perdit, quod in utilitatem Ecclesiæ debet converti. Et generaliter in Diœcesi, in qua aliquem Canonicum Cathedralis Ecclesiæ, vel in dignitate Ecclesiastica constitutum capi contigerit, aut captivum detineri, usque ad liberationem ipsius, & debitæ satisfactionis exhibitionem: Similiter & in Parochia, in qua res Clerici violenter ablatas detineri contigerit, usque ad satisfactionem, & restitutionem congruam cessari debet a Divinis.

XXXIII. *De eodem, ex Statuto Domini Friderici Saltzburgeris Archiepiscopi, quod incipit: Statutum.*

Captivato Domino Archiepiscopo Saltzburgeris, aut aliquo ipsius Suffraganeo, seu in vasa Ecclesiæ Saltzburgeris, aut quacunq; alia Ecclesiæ Cathedrali provinciæ Saltzburgeris, hostiliter & injuriose, ut de subversione status ejus verisimiliter timeatur; statim postquam hoc innotuerit, per totam provinciam Saltzburgersem cessari debet a Divinis. In terris tamen Principum cessari non præcipitur, nisi ab offensis hujusmodi cessare, & emendam præstare infra mensem admoniti contempserint.

XXXIV. *De eodem, ex Statuto ejusdem Friderici, quod incipit: Item cum hi.*

Qui violentas manus in Clericos injiciunt, debent in Parochia, in qua delictum commissum fuerit, aut in qua injiciens domicilium habuerit, per Rectores Ecclesiarum singulis Dominicis, & Festivis diebus excommunicati denunciari: & qui tales violentos injectores scienter ad Divina vel Ecclesiasticam sepulturam receperint, sunt ab officio suspensi. Qui vero in prædicta denuntiatione, postquam sibi per Ordinarium fuerit specialiter demandata, negligens fuerit, aut remissus, per viginti dies ab ingressu Ecclesiæ, & ab officio est ipso facto suspensus.

XXXV. *De eodem, ex Statuto Domini Joannis Tusculani Episcopi, Apostolicæ Sedis Legati, quod incipit: Eos qui,*

Captivantes seu captivos detinentes

Clericos, & personas Ecclesiasticas, si infra octo dies, postquam requisiti fuerint, eos non relaxaverint, omnibus Dominicis, & Festivis diebus per Prælatos & Rectores Ecclesiarum, in quarum limitibus hujusmodi captivantes, aut detinentes commorantur, & personæ hujusmodi, Ecclesiasticæ fuerint captivæ, aut in quibus captivæ detinentur, excommunicati publice denuntientur. Et nihilominus, ubi hujusmodi personæ Ecclesiasticæ captæ detinentur, quamdiu taliter detinentur, Clerici hoc scientes cessare debent a Divinis: contrarium facientes, excommunicati sunt ipso facto.

XXXVI. *De his, qui verberant, vel capiunt Nuntios Legatorum Apostolicæ Sedis, Archiepiscoporum, Delegatorum, Judicum, & aliorum, aut eos, qui de curiis eorum veniunt, aut eos occidunt: ex Statuto Domini Joannis Tusculani, quod incipit: Si qui in tantum.*

Capietes, verberantes Nuntios Legatorum Apostolicæ Sedis de latere missorum, seu Archiepiscoporum, vel Delegatorum; & eisdem litteras auferentes, vel dilaniantes, seu ipsos in jurisdictionem (aut) eis commissâ quomodolibet, manifeste vel occulte impediens: similiter & illi, qui ad curiam eorum Legatorum, Archiepiscoporum, Episcoporum, vel Delegatorum venientes, aut abinde recedentes offendunt in personis, aut bonis, quæ secum habent, spoliant, excommunicati sunt ipso facto.

XXXVII. *De eodem, ex Statuto Domini Eberhardi Archiepiscopi Saltzburgeris, quod incipit: Præterea.*

Reus verberans, spolians, & captivans nuntium judicis litteras judiciales deferentem, pro convicto debet haberi: & idem in actore in causa reconventionis.

XXXVIII. *De his, qui bona decedentium Clericorum occupare præsumunt: ex Statuto Domini Guidonis Cardinalis Apostolicæ Sedis Legati, quod incipit: Item ad aures.*

Patroni Ecclesiarum tam Clerici, quam laici, Advocati, Judices, & præcones, bona decedentium Clericorum occupantes

& usurpantes, excommunicationis vinculo, quousque ablata restituant, debent innodari.

XXXIX. *De eodem, ex Statuto Domini Frederici Saltzburgerensis Archi-Episcopi, quod incipit:* Item Statutum: & ex Statuto

Domini Joannis Tusculani Apostolica Sedis Legati,

quod incipit:

Nonnulli.

Raptores, invasores, & occupatores bonorum Clericorum (a) detinentium, ipso facto excommunicationis sententiam incurrunt. Et in locis, ubi talia bona violenter ablata conservantur, tamdiu cessari debet a Divinis, postquam hoc Rectoribus Ecclesiarum innoverint, donec ablata hujusmodi successori defuncti reddantur, in pristino loco reponantur, ac alia satisfactio competens subsequatur.

XL. *De eodem, ex Statuto Domini Eberhardi, Archi-Episcopi Saltzburgerensis, quod incipit:* Ad existipandam.

Ecclesiarum Patroni, sive Clerici aut laici, qui Rectore Ecclesiæ mortuo, dotem & Ecclesiam rebus mobilibus spoliant, cujuscumque dignitatis fuerint, sunt a jure putandi illa vice suspensi, & collatio ad immediatum superiorem devolvitur. Insuper etiam ipso facto excommunicationis sententiam incurrunt.

XLI. *De his, qui imponunt tallias, & exactiones Ecclesiasticis personis: ex Statuto Domini Pilgrini Archi-Episcopi Saltzburgerensis, quod incipit:*

Cum Ecclesiæ,

Imponentes Clericis, & Ecclesiasticis personis, & recipientes ab eisdem exactiones, tallias & collectas, si infra mensem, postquam per Ecclesiarum Prælatos moniti fuerint, non destiterint, vel de damnis illatis competenter satisfecerint; excommunicati sunt ipso facto, & terræ ipsorum Ecclesiastico subjacent interdicto.

XLII. *De his, qui Ecclesiasticas personas compellunt solvere pædagia, vel quidagia de rebus suis: ex Statuto ejusdem Domini Pilgrini, quod incipit:* Constitutionem:

& in Cap. De censibus

l. 6.

Bonifacius VIII. statuit, quod si uni-

versitas, seu communitas, vel singularis quæcunque persona, cujuscumque dignitatis fuerit, per se, vel per alium, suo vel alieno nomine Ecclesias, vel Ecclesiasticas personas compulerit solvere pædagia, vel quidagia, seu exactiones pro rebus suis, quas causa negotiationis non deferunt, universitas talis est interdicta, & personæ singulares excommunicatae. Nec valet contraria consuetudo. Et hæc constitutio per Prælatos, Archidiaconos, & Plebanos debet solemniter publicari.

XLIII. *De his, qui occupant, invadunt, aut usurpant sibi Ecclesiastica bona: ex Statuto*

Domini Joannis Tusculani, quod

incipit: Dignum,

Sæculares Ecclesiasticæ personæ, quacumque dignitate præfulgeant (Romanorum dumtaxat Rege, & ejus conjugē, & filiis exceptis) (b) Ecclesias & Ecclesiastica bona, jura & jurisdictiones, seu Ecclesiarum vassallos publice occupare, aut invadere, vel scienter usurpare, seu occupatoribus, invasoribus, aut usurpatoribus hujusmodi potestatem quomodolibet, auxilium, vel favorem (c) præsumpserint: nec non qui bona Ecclesiarum titulo pignorum detinent obligata, a quibus receperint ultra sortem: nisi requisiti infra mensem satisfecerint, ipso facto excommunicati; & terræ ipsorum Ecclesiastico subjacent interdicto; quod Clerici terræ offensorum ad solam denuntiationem Prælati offensi observare tenentur: alioquin ante satisfactionem eorum celebrante a Divinis sunt ipso facto suspensi.

XLVI. *De eodem, ex Statuto ejusdem Domini Joannis Tusculani, quod incipit:*

Nullus de cetero.

Qui prætextu guerrarum, quas habent cum Advocatis Ecclesiarum, earumdem Ecclesiarum bona subriperint, aut Ecclesias ipsas, aut earum villas, & incendio, & hostilitate devastant, aut homines earum suis bonis spoliant, excommunicati sunt ipso facto; nec possunt, nisi sufficienter emendaverint, absolvi.

XLV. *De eodem, ex Statuto ejusdem Domini Joannis, quod incipit:*

Prohibemus.

Qui propter debitum, aut fidei jussoriam obligationem alicujus personæ singu-

(a) forte: decedentium

(b) quæ

(c) præstare

Tomus V. Conciliorum German.

singularis, bona Ecclesiastica ad ipsam Ecclesiam, & Capitulum communiter pertinentia ceperit, seu spoliaverit, nisi requisitus infra quindecim dies, a die requisitionis numerandos, restituerit, excommunicationis sententiam ipso facto incurrit.

XLVI. *De his, qui ad vacantes Ecclesias mittunt armatos, & faciunt ibi expensas. Ex Statuto Domini Eberhardi Saltzburgeris Archi-Episcopi, quod incipit: Ad.....*

Prælati, Principes, aut alii Nobiles, atque Officiales eorumdem, qui ad vacantes Prælaturas, Beneficia sive Officia, mittunt gentes armorum, & inibi expensas faciunt graves, aut compellentes eligere per abusum potestatis sæcularis, aut potentie inordinatæ; seu qui electum, & confirmatum non admittunt ad possessionem, nisi pro certa pecuniæ quantitate; nisi infra mensem emendaverint, quod fecerint, excommunicati sunt ipso facto, a qua sententia non absolvantur, donec satisfaciant, & extorta, restituant, in quibus etiam non prodest eis remissio.

XLVII. *De Laicis recipientibus, & occupantibus Ecclesiastica Beneficia. Ex Statuto Domini Joannis Tusculani, quod incipit: Laicos.*

Laici recipientes & occupantes Ecclesiastica Beneficia, nisi infra mensem a tempore occupationis computando ipsa dimiserint, ipso facto excommunicationis sententiam incurrunt.

XLVIII. *De Advocatis Ecclesiarum, qui ultra jura eis debita Ecclesiastica, gravant Ecclesias. Ex Statuto ejusdem Domini Joannis, quod incipit: Nonnulli.*

Mortuo Ecclesiæ Advocato, non omnes ejus filii, sed ille solus, in quem omnes, vel major pars ipsorum consentit, habeatur pro Patrono. Et Advocati Ecclesiarum, qui defendendo & manutenendo personas & bona Ecclesiarum, quarum sunt Advocati, negligentes fuerint, aut remissi, hujusmodi Advocacionis officio privati sunt ipso facto. Qui vero ab hujusmodi Ecclesiis ultra debitum aliquid auferre præsumperint, nisi infra mensem ablata restituerint, singulis

mensibus debent excommunicati denuntiari.

XLIX. *De eodem, ex Statuto Domini Eberhardi, Saltzburgeris Archi-Episcopi, quod incipit: Quamquam.*

Excommunicati sunt laici Advocati Ecclesiarum, qui suis juribus non contenti, inconspuas & enormes novitates in ipsas Ecclesias exercent & attentant, & ultra debita onera aggravare non formidant.

L. *De Patronis Ecclesiarum, qui post tempus a jure præfixum occupant Ecclesias, aut impediunt Superiores in collatione. Ex Statuto Domini Joannis Tusculani, quod incipit: Ecclesiarum.*

Patroni Ecclesiarum ad Ecclesias vacantes præsentare debent personas idoneas infra tempus a jure statutum. Qui vero post lapsum ejusmodi temporis per mensem Ecclesias ipsas retinere & occupare præsumperint, ipso facto sunt excommunicati, & ea vice præsentatione hujusmodi Ecclesiarum privati; quas Superiores infra tempus eis a jure præfixum conferre tenentur: alioquin a collatione Beneficiorum sunt ipso facto suspensi. Laici vero impediunt Ordinarium providere volentem, ipso facto excommunicationis sententiam incurrunt.

LI. *Ex Statuto Domini Eberhardi, Saltzburgeris Archi-Episcopi, quod incipit: Quoniam. De Patronis, qui partem Advocacionis, cum præsentant, sibi retinent ex pacto.*

Laici Patroni ex pacto sibi retinentes partem decimarum, vel aliarum obventionum Ecclesiasticarum in Beneficiis, cum præsentant Clericos ad ea, excommunicari debent, & terra eorum Ecclesiasticæ interdictioni supponi, donec Ecclesiam liberam dimittant sub suo jure: salvo tamen eis jure Patronatus. Clerici autem taliter ab ipsis recipientes Beneficia, officio & beneficio priventur; nec ad Beneficium vel actus Ecclesiasticos admittantur, nisi per Sedem Apostolicam cum eis fuerit dispensatum. Episcopi vero & Archi-Diaconi, qui talibus scienter curam commiserint animarum, sub insti-

institutione hujusmodi Beneficiorum & collatione perpetuo sint suspensi.

LII. *De eodem, ex Statuto ejusdem Domini Eberhardi, Archi-Episcopi Saltzburgeris, quod incipit: Beneficia.*

Clerici, qui præsentantur ad Ecclesias per Patronos cum assignatione alicujus portionis, ut residuum usibus Patronorum applicetur, si de hoc non deferunt querelam ad Episcopum suum, sunt ipso jure suspensi, & per Episcopum hujusmodi Beneficiis spoliandi. Patroni vero per Episcopum, cum hoc ad ipsum deductum fuerit, ab hujusmodi exactione compescantur. Et si in hoc pertinaces fuerint reperti, ad præsentationem hujusmodi Ecclesiarum, cum proxime vacaverint, nullatenus admittantur.

LIII. *De laicis, qui sine consensu Prælatorum bona Fabricæ Ecclesiarum deputata administrant. Ex Statuto Domini Joannis Tusculani, quod incipit: Laicos.*

Laici sine assensu Prælatorum & Capitulorum bona fabricæ Ecclesiæ deputata administrare non possunt. Et qui contrarium fecerint, si infra mensem, postquam per Ordinarium loci moniti fuerint, non desistunt, excommunicati sunt ipso facto.

LIV. *De his, qui Ecclesias & earum ædificia violenter, & sine Prælatorum assensu incastellare præsumunt, aut gentes ibi tenere. Ex Statuto ejusdem Domini Joannis Tusculani, quod incipit: Nonnullos.*

Qui Ecclesias, campanilia, seu alia Ecclesiarum ædificia violenter, & sine Prælatorum assensu incastellare, aut personis armatis munire præsumperint, & eorum hæreses hujusmodi violentiæ participes, per suos Superiores excommunicationis pœna percellantur.

LV. *De his, qui prohibent, ne quis conquiratur coram Ecclesiastico Judice; aut qui condunt Statuta contra Ecclesiasticam libertatem. Ex Statuto ejusdem Joannis Tusculani, quod incipit: Personis.*

Universitates civitatum & locorum prohibentes, ut nullus conquiratur coram Ecclesiastico Judice, ac Statuta con-

centes contra Clerum & Ecclesiasticam libertatem, interdicti: singulares vero personæ talia committentes, quacumque dignitate præfulgeant, excommunicationis sententias ipso facto incurrunt.

LVI. *De his, qui tradunt Ecclesiasticas personas coram Judice sæculari. Ex Statuto Domini Pilgrini, Saltzburgeris Archi-Episcopi, quod incipit: Sæpe.*

Trahentes Clericos & Ecclesiasticas personas coram judice sæculari; nec non Ecclesiasticæ personæ conventæ sponte coram talibus iudicibus sæcularibus judicialiter respondentes, excommunicati sunt ipso facto.

LVII. *De eodem, ex Statuto Domini Eberhardi, Saltzburgeris Archi-Episcopi, quod incipit: Dudum.*

Judices sæculares, qui personas Ecclesiasticas ad judicia sæcularia evocare, aut trahere in ipsorum contumaciam, ipsis non comparentibus, Ecclesiastica bona invadenda decernere præsumperint, excommunicati sunt ipso facto. Et quotiens laicus cujuscunque dignitatis existat, Ecclesiasticam personam ad judicium sæculare trahere aut judicare præsumperit, tandiu in territorio trahentis & judicantis cessetur a Divinis, donec satisfecerint parti tractæ, & absolutionis beneficium meruerint obtinere.

LVIII. *De eodem, ex Statuto ejusdem Domini Eberhardi, quod incipit: Quamquam. In paragrafo: Abusum.*

Invalida & iniqua est consuetudo, qua iudices sæculares trahere conantur personas Ecclesiasticas ad judicium sæculare; etiam super bonis Ecclesiasticis; & contra facientes excommunicati sunt ipso facto; & eorum processus, ac omnia inde secuta nullius sunt momenti.

LIX. *Provisio contra Hussitas, ne admittantur ad prædicandum; & quod eos scientes suis Superioribus denuntient. Ex Statuto Domini Eberhardi, Saltzburgeris Archi-Episcopi, quod incipit: Cum nonnulli.*

Mandatur sub interminatione maledictionis æternæ, & sub excommunicationis pœna latæ sententiæ in singulares

personas, & interdicti in loca, ne quispian, cujuscumque status existat, etiam si Pontificali vel Ducali præfulgeat dignitate, Wicleffitas & Hussitas, & de eorum hæresibus, & erroribus infamatos aut suspectos, in quibuscumque locis ad prædicandum, docendum, & dogmatizandum admittat, seu assumat, publice vel occulte. Et omnes utriusque sexus Christi-fideles dictæ Provinciæ, postquam audiverint, sciverint, aut eis confiterit, hujusmodi hæreticos & suspectos in Provincia morari vel docere, &c. sub pœnis prædictis denunciare tenentur suis Superioribus, si eorum præsentiam commode adire possunt. Principes quoque & (i) Comites, & eorum Judices & Officiales, ad requisitionem Episcoporum, vel suorum Vicariorum, tales incarcerare, captivare & detinere de-

(i) forte: Communitates.

bent, & tenentur sub pœnis prædictis, etiam si se prætendant in Sacris constitutos, quos tamen suis Superioribus præsentare tenentur. Et contra eos procedatur juxta Canonicas Sanctiones. Receptatores quoque, fautores, & defensores eorumdem pœnis subjaceant præfatis. Insuper ordinatur, ut ultra pœnas juris, non abjurantes hujusmodi errores per annum carceribus mancipentur; nec relaxentur, donec de vera constet ipsorum & non simulata conversione. Hortantur demum Suffraganei, ut contra tales viriliter insurgant, & jura exsequantur, & observent, & a suis faciant subditis inviolabiliter observari.

Harduinus Tomo VIII. Concilior. a pag. 975.- 990. & hic ex Hundii Metropoli.

CONCILIABULUM PRAGENSE HUSSITARUM

Anno Christi MCCCCXXI. Martini V. Papæ IV.
Sigismundi Rom. Reg. XII.

IN NOMINE DOMINI. AMEN.

Incipit Sancta Synodus, habita & rite celebrata, de anno Domini mcccc-xxi. die vii. mensis Julii, in inclita civitate Pragensi, sub CONRADO (a) Archi-Episcopo ejusdem civitatis Pragensis, & sub potestate & mandato Magnificorum & Nobilium Dominorum, Magnatorum, Comitum, Baronum, nec non Magistrorum, Civium, & Communitatum ejusdem civitatis Pragensis: ac Militum, Clientum, civitatum aliarum communitatum Christianissimi Regni Bohemiæ, & Marchionatus Moraviæ, convenientibus ad illam, fere ex universis districtibus, Clericis ejusdem Regni

Bohemiciæ, & Marchionatus Moraviæ: & præsentibus in ea Magistris, (b) Joanne de Pradram, Procopio de Piltzna, (c) Jacobo de Mifna, & Joanne de nova civitate: statuentibus & exponentibus communi consilio totius Cleri, & consensu uniformi, has salubres & Ecclesiasticas Regulas. Ut omnes Clerici prædictarum, civitatis & Dicecesis noverint, quid debeant in futurum observare.

I. Explanatio Fidei ipsius Sanctæ Synodi.

Inprimis pio & fideli corde credimus, & integra mente credendum & asse-

- (a) Conradus, gente Westfalus, Episcopus Olomucensis, post mortem Slinconis & Alberici resignationem Archi-Episcopus Pragensis, ad Hussitarum hæreses prolapsus, novam Calixtinorum sectam, quæ Calicem sub altera specie urgebat, in hac Pseudo-Synodo approbavit: anno 1423. infelici morte extinctus.
- (b) In juventute Hussi favit, post anno 1428. edidit præclaram professionem Catholicæ Fidei, editam a Cochlaeo.
- (c) Jacobus de Mifna, vulgo Jacobus de Mizabohomes & Jacobellus, Concionator in Ecclesia S. Michaelis Pragæ, auctor erroris de utraque specie ex necessitate salutis Laicis danda.

asseverandum affirmamus, omne verbum Sacra Scripturae novi ac veteris testamenti Sanctum & Catholicum: ac ab universis Christi fidelibus venerandum & tenendum toto corde, asseveramus & nunciamus. Item Symbolum Apostolorum, Symbolum magni Nicæni Concilii, Symbolum Athanasii, una cum omnibus aliis Symbolis Catholicis, in Ecclesia primitiva tentis & promulgatis, fideliter & ex integro credimus, & credendum ab omnibus asseveramus. Omniaq; Decreta, Statuta sancta, rationalia, & Catholica Apostolorum, & Ecclesiarum primitivæ: quam pro matre & magistra Fidei Catholicæ honoramus, & a qua discedere nephas putamus: tenenda & observanda decernimus, & mandamus, ita ut quod Apostoli docuerunt, & ipsa servavit antiquitas, nos quoque servemus & custodiamus.

II. *De Gubernatoribus & Directoribus universi Cleri Diocesum Pragensis, Olomucensis, & Lythomisenfis.*

Item pro universo ordine & honestate totius Cleri nostri custodienda & retinenda, omnique præsumptione in Clero hujus Regni compescenda, dignum duximus, eligere quatuor viros idoneos, scientia & vita comprobatos: Principales & capitales, supremosque Cleri Gubernatores, Directores, & Ministratores in Spiritualibus cum consensu Reverendissimi in Christo Patris Archiepiscopi Pragensis, scilicet Magistrum Joannem Przibram, Magistrum Procopium de Pilezna; Magistrum Jacobum de Misna, & Joannem Prædicatorem de nova civitate. Quorum directioni, dispositioni, & vocationi, in omnibus licitis & honestis parere & obedire, sincere promittimus & spondemus: dando & concedendo plenam & omnimodam super Nos potestatem, omnes injustos & rebelles castigandi, puniendi, dirigendi, deponendi, mutandi vel alienandi, & quomolibet aliter, exigente ordine & justitia, peragendi.

III. *De habenda ab omnibus Lege Domini scripta, discenda, & promovenda.*

Item, quod omnes Sacerdotes to-

tam Legem Domini scriptam ex integro, aut si nullatenus possunt, ad minus novam legem habeant, & ipsam tota solitudine legant & discant, & in se & normam & vitam Evangelicam & Apostolicam, nec non in aliis studiose promoveant: Verbum Domini jugiter prædicando, & constanter promulgando.

IV. *De novitatibus absque ratione non inveniendis.*

Item quod nullus Clericorum aliquam novitatem consuetam, contra Evangelium, aut antiqua Sanctorum Patrum præcepta, & decreta rationalia, audeat incipere & docere, aut prædicare, sed ipsam ad prædictos Regni Gubernatores & Directores, aut Synodum Provinciale deferat, & ipsam approbet aut ostendat, & præsertim articulos contra Sacratissimam Eucharistiam, & alia concomitantia, & per Universitatem, & Clerum Pragensem prohibita. Quæ & Nos prohibemus, ut nemo tenere præsumat, aut docere.

V. *De Fide Eucharistiæ, & ejus promotione.*

Item quod omnes Sacerdotes in Divinissimo Eucharistiæ Sacramento, & corde fidelissime credant, & ore syncerissime confiteantur, tam sub forma panis, quam sub forma vini totum Dominum, Jesum Christum, verum Deum & hominem, cum suo proprio corpore & sanguine, nobiscum esse sua præsentia reali. Sicque ab omnibus tenendum fideliter populo nuntient & credendum. Ejusque Sacratissimæ Eucharistiæ communionem Divinissimam, sub utraque specie vini & panis, quotienscunque Spiritus Domini suggererit, sane semel tantum quotidie, aut alias dierum intervallo Christi fidelibus universis, tam sanis, quam ægris, tam adultis, quam infantibus, cum ingenio & pietatis consilio effectualiter exequendum, promoveant, & velut donum omnium gratiarum ardentissime populo recommendent.

VI. *De Ordine, & ritu Missæ juxta decreta Sanctorum observanda.*

Item quod ordo, & Officium Sacrae Missæ, in omni ritu, & gestu ab Ecclesia pri-

primitiva (i) evacuato & exemplato , & a Sanctis primitivæ Ecclesiæ approbato , tento , & in habitu communi, quem alii (k) horarium , alii ornamenta appellant : circumscripta ab eis omni superfluitate, semota & preciositate , ab omnibus & singulis sacrificantibus, nisi necessitas inevitabilis præpediat, diligenter observetur.

VII. *Quod circa omnia Sacramenta Eucharistia est conferenda.*

Item statuimus , quod circa ministrationem omnium sex Sacramentorum, Sacramentum Eucharistiæ, velut virtus & confirmatio eorundem , non deservatur, sed concurrat & ministretur. Quia teste B. Dionysio, nullum Sacramentum rite celebratur, in quo Eucharistia non sumitur.

VIII. *Quod nullus Sacerdos debeat civiliter, & seculariter dominari.*

Item quod nullus Sacerdos Christi super prædiis, agris, domibus, censibus, aut quibuscunque aliis proventibus & possessionibus, civili vel seculari jure, dominetur: sed verius, & ad normam Evangelicæ paupertatis, & vitæ Apostolicæ, victu & amictu moderato contentetur. Ipsas autem eleemosynas, & facultates Ecclesiæ appropriatas, & donationes temporales sive perpetuas, nemo secularium Dominorum per se usurpare debet, aut auferre.

IX. *De Conductoribus (l) & Conventibus.*

Item quatenus a modo nullus Clericus audeat res Ecclesiæ quascunque in mercede convenire, propter avaritiam, & damnosam sollicitudinem annexam. Sic nec sollicitudinem circa patrimonialia exercere, Nicæno Concilio hoc statuente.

X. *De omnibus peccatis mortalibus destruendis & cohibendis.*

Item statuimus in Domino JESU Christo, & sub æterna damnatione denunciari, quatenus quilibet Christi Sacerdos omnia peccata mortalia, publica lege Dei prohibita, toto conatu, & abique omni desidia, in se & in omnibus

aliis, diligenter & pro posse, evitare, destruere, evellere, disperdere & dissipare debeat: nec aliquid hujusmodi malum, per omnia pericula rerum, & corporum suorum, in se & in suis subditis negligens permittere, ignorare, aut tolerare.

XI. *De nihil accipiendo, & exigendo a septem Sacramentis.*

Item quod nullus Sacerdotum Christi a septem Sacramentis, aut pro septem Sacramentorum ministerio, immo nec extra ministerium omnium Sacramentorum, & aliis omnibus spiritualiter annexis, pecuniam aliquam, aut dona accipiat, aut exigat. Nec sub obtentu religionis cujuscunque pro orationibus recipere audeat.

XII. *De non cohabitando mulieribus.*

Item quatenus nullus Sacerdos cum mulieribus maxime juvenibus, nedum cohabitationem, sed nec conversationem habeat, nec colloquia aliquā miscat, nec domus eorum, nisi salubris cogat necessitas, ex Apostoli præcepto vitet, sed devitet.

XIII. *De Clerico in fornicationem lapso.*

Item si quis Sacerdos in fornicationem lapsus fuerit, quod ad unum annum in carcere detentus puniatur. Quod si pluries lapsus fuerit, quatenus degradetur, & ab officio perpetuo suspendatur.

XIV. *De Clerico in ebrietatem lapso.*

Item, si quis Sacerdos in ebrietate aliquotiens repertus fuerit, aut tabernis, aut (m) aliis inservierit; quatenus in carcerem detrudatur.

XV. *De hoc quod Sacerdos debet differre a laicis veste, tonsura, & gestu.*

Item Clericus professionem suam etiam habitu, & tonsura a communi populo differentem, gestu & incessu probet, sed nec vestimentis, nec calciamentis decorem, sed tantum religionem quærat.

XVI.

(i) forte: emanato.

(m) forte: aleis.

(k) Orarium

(l) forte: Conventoribus.

XVI. *De Clerico scurrili, aut maledico.*

Item Clericum scurrilem, aut maledicum, & vanis, & turpibus joculatorem, aut maledicum, ab officio dicimus removendum.

XVII. *De Clerico percussore.*

Item quod Clerici seditionarii nequam ordinentur, & si in ordinibus fuerint, degradentur.

XVIII. *De confessione auriculari non prohibenda.*

Item nemo homines vere poenitentes, humili corde peccata sua confiteri Presbyteris affectantes, quavis temeritate ab eodem presumat repellere, aut prædictam confessionem velut illicitam, aut vim clavium, quibus peccata vere poenitentibus a Domino JESU Christo (n) mysterialiter remitti creduntur, satisfactionis quoque remedia saluberrima, quoquomodo audeat prohibere.

XIX. *De Fonte Baptismi, & Chrismate in Ecclesia retinendis.*

Item quod Ecclesiarum Directores fontem Baptismi temporibus licitis consecratum, Oleum quoque Sacrum cum Chrismate in Ecclesiis suis habeant, & habenda provideant. Et solitis modis ungendi, interrogandi, & respondendi, & exorcizandi infantes baptizent, & baptizatos mox, si idonei sunt & cibi capaces, Sacramento Corporis & Sanguinis Domini communicent.

XX. *De Clerico adjudicando a laicis non defendendo.*

Item si quis cujuscunque honoris Clericus, judicio Episcopi, aut illorum electorum, quocumque crimine fuerit damnatus, non licet eum cuicunque laico quovis modo defendere, sed Ecclesiastico judicio obtemperare.

XXI. *De modo orandi, & legendi Clericorum.*

Item quod quilibet Christi Sacerdos, cui tempus, & locus facultatem dant, ad horas Canonicas sit obligatus: nisi meditatione, aut studio, & legendi,

aut alia utiliore inevitabiliter sit præpeditus necessitate. Quod, si quis otio vacaverit, tempus, per quod aut orare, aut studere potuit, vane consumplerit, sit anathema.

XXII. *De quibusdam rationabiliter omisiss.*

Nuntiamus propter pericula aliqua futura evitanda, quod circa ritus Ecclesiasticos, illa quæ sunt rationabiliter ex certis causis omisssa in communitatibus Pragensium, quod hæc habeantur, & teneantur pro omisssis. Nisi magis rationabilis, & magis utilis causa interveniret pro tali ritu resumendo. Hæc ergo Sancta, & rationabilia Statuta, & Decreta statuimus: immo potius antiqua Statuta (o) Concilia, & Sanctorum præcepta renovamus: Protestantes in his omnibus, quod per illa in nullo fidei orthodoxæ Domini nostri JESU Christi intendimus derogare. Sed si de contrario aliquo eorundem melius docti fuerimus, parati humiliter sumus emendare. Hec in Synodo.

Decreta ista loco reformationis erant Hussitis antiquis. Quia plerique apostata multas ex Wicleffo enormitates docuerant, & in praxim perduxerant, de quibus pessime audiebant apud externos Bohemi. Ad abolendam igitur illam infamiam hujusmodi decreta verbis quidem statuerunt, sed factis maxima ex parte non tenuerunt, neque hodie tenent Waldenses & Thaborita. Ex eo itaque tempore permansit perpetua discordia inter Sacerdotes Thaboritarum, & Magistros atque Clericos Pragenses. Nec ullis tractatibus, aut congregationibus publicis, in concordiam reduci potuerunt, licet a plurimis Baronibus & civitatibus Regni id sæpe attentatum fuerit. Qua de re proluxa scripta est historia a Joanne Lukawitz Sacerdote Thaborita: qui adversus Magistros Pragenses (inter quos nominatissimi erant Jacobellus de Miska, Joannes de Rokyzan, Joannes de Prábram, Wenceslaus de Drachou, & Procopius de Pilzna) ubique tuetur partes Wiclephi & Thaborensium. Quamvis negare non potuerit, Pragenses Magistros davis arbitris pro sua parte ten-

(n) lege: per Sacerdotem ministerialiter
Tomus V. Concilior. German.

(o) forte: Conciliorum
C c

tentiam obtinuisse. Quandoquidem ad Romanæ, & Catholicæ Ecclesiæ ritus & instituta, multo propius accedebant, quam *Thaboritæ*. *Pragenses* enim asserabant cum Romana Ecclesia septem Sacramenta, & consuetos circa eorum administrationem, ritus, & cæremonias: in Eucharistia verum Corpus Christi, in Missa ornamenta, & vasa sacra, in Baptismo exorcismum, unctionem, Chrisma, sal, patrilinos, & id genus alia, in poenitentia confessionem auricularem, & satisfactionem per jejunia, eleemosynas, orationes, & alia pietatis exercitia: extremam unctionem pro infirmis, purga-

torium ignem, & suffragia vivorum pro defunctis, consecrationes, & dedicationes Templorum, & Altarium, Sacros Ordines Clericorum, festa, & jejunia Ecclesiæ, & id genus alia permulta, quæ antiquo ritu observant Catholicæ Ecclesiæ Filii. Quemadmodum ex supradictis Synodi suæ Capitulis, & ex articulis eorum (quos in historia sua in modum epilogi recitat ille ipse *Thaborita*) liquido cognoscitur.

Cochleus Lib. V. Historia Hussitarum Auctor, Canonicus Vratislaviensis, impressus Moguntia anno 1549.

Balbinus in Epitome rerum Bohemicarum Lib. IV. C. 7. fol. 448. scribit, Acta hujus Synodi in veteri codice descripta se habere. Clarissimo D. Dabrowski videntur eadem, quæ Cochleus habet.

Subjungit XXIII. articulos Magistrorum Pragensium sub Conrado Westphalo jam in hæresin lapsi, contra Thaboritas:

Reposuerunt Thaboritæ plures prolixiores articulos, jam divisi ab Hussitis Pragensibus.

ODORICI RAYNALDI Reflexiones ad Conciliabulum Pragensæ anni MCCCCXXI.

Habita itaque est *Pseudo-Synodus a Calixtini schismaticis*, qui inter Catholicos & Hussitas mediam factionem condidere, cum veritatem Catholicam de præsentia Christi in Eucharistia propugnantes, commento diabolico divulsi essent a Fidelium communione, dum contra Ecclesiæ præcepta Communionem sub utraque specie ab hæreticis accipiebant. Cœptum est ejusmodi Conciliabulum die VII. mensis Junii, Præside apostata CONRADO Westphalo, Pragensi Archi-Episcopo, qui cum adversus Hussitarum impietatem pro Ecclesiæ & Christi gloria fundere sanguinem debuisset, a suscepta constantia descendit: cui assedere Magistri scelerum Joannes Przibram, Procopius & Pilzna, Jacobus & Misnia, & Joannes & nova civitate. Cum vero eorum omnium consilia eo spectarent, ut vano fictæ pietatis lenocinio Catholicos deluderent, ita sua Decreta composuere, ut Sanctimoniam Christianam olerent, uno excepto, quo Ecclesiæ Romanæ conculcato ritu, lumen di a laicis sub speciebus vini sanguinis,

contra Decreta Sanctorum Patrum inani pietatis falsæ specie necessitatem induxerunt.

I. *Inprimis admiserunt Novum & vetus Testamentum, Symbolum Apostolorum, Nicæni Concilii, & Decreta primitivæ Ecclesiæ.*

II. *At in secundo Canone viros impios hæreseos infamia notatos ad perdendum Clerum Catholicum, restituendæ disciplinæ Ecclesiasticæ obtentu inani præfecerunt.*

III. *In tertio Sacerdotibus mandata dedere, ut vitam Apostolicam abumbrarent, quo direptioni expositis Ecclesiasticis opibus, nobiles ad se pellicerent.*

IV. *Quinto Canone vetuere quidquam in religione novari, ne ob sectarum inter se pugnantium varietatem ab invicem diffiderent, tum præcipue edixere, ne hæresis Wicleffi & Joannis Huls contra Eucharistiam promulgaretur.*

V. *Quinto Canone præsentiam totius Christi sub qualibet specie cum Catholicis sunt professi his verbis: "Item quod omnes Sacerdotes in Divinissimo Eucha-*

"charitiae Sacramento, & corde fideliffi-
 "mo credant, & ore fynceriffime con-
 "fiteantur, tam fub forma panis, quam
 "fub forma vini totum Dominum JE-
 "fum Chriflum verum Deum & homi-
 "nem cum fuo proprio corpore & fan-
 "guine nobifcum effe fua præfentia rea-
 "li, ficque ab omnibus tenendum fide-
 "liter populo nuntient & credendum."
 Addidere viri inconstantes, qui paulo
 ante nihil in religione novandum edixe-
 rant, ut populo fpecies vini exhiberen-
 tur.

VI. Retinuere *ſexto Canone* Sacros in
 Miſſæ Sacrificio ritus, atque Altarium,
 Templorumque ornamenta.

VII. *Septimo Canone* edixere, ut in
 adminiſtrandis ſex aliis Sacramentis Eu-
 chariſtiæ etiam Sacramentum conferre-
 tur, in quo etiam haud parum novarunt
contra quartum Canonem, dum infantibus
 Baptiſmo perluendis Euchariftiam tradi
 voluere.

VIII. *Oſtavo Canone* ſcleratiſſimi la-
 trones Clerum omni jure atque imperio
 in agros, prædia, domos, & cenſus
 ſpoliarunt, addita Juliani apoſtatae ratio-
 ne, dum in Chriſtianos latrocinia exer-
 cebat, ut ita Chriſti pauperis exemplis ſe
 accommodarent: nec minus inepte re-
 rum uſu ſine ullo jure contentos effe vo-
 luerunt, atque errorem Fratricellorum
 jam ante damnatum redintegrarunt...

XVIII. Interjeſtis pluribus *decimo*
oſtavo, ne Wicleſſi & Joannis Huſi lue-
 viderentur laborare de ſacra exomologefi
 hoc ſancitum: "Nemo homines vere
 "pœnitentes, humili corde peccata ſua
 "confiteri Presbyteris affectantes, qua-
 "vis temeritate ab eodem præſumat re-
 "pellere, aut prædictam confeſſionem

(a) miniſterialiter

"velut illicitam, aut vim clavium, qui-
 "bus peccata vere pœnitentibus a Do-
 "mino JEſu Chriſto myſterialiter (a)
 "remitti creduntur, ſatiſfactionis quo-
 "que remedia ſaluberrima quoquo mo-
 "do audeat prohibere, &c." Quæ vero
 Fidei Catholicæ conſentanea ſanxere, id
 ad declinandam invidiam, ne in ſe uni-
 verſum orbem concitarent, præſtitere;
 ob quam etiam a *Polonis & Lituanis*, cum
 eorum clientelam contra SIGISMUNDUM
 Regem exambirent, hoc anno repudia-
 tos, reſert *Cramerus*. Addit vero *Cochleus*:
 maximam diſcordiam inter *Thaboritas*,
 qui Wicleſſi, & Joannis Huſi errores ſe-
 ctabantur, atque *Calixtinos Pragenſes*, qui
 ad fidem orthodoxam propius accede-
 bant, ab eaque ob calicis uſum diſceſse-
 rant, exortam, neque ulla ratione, datis
 etiam arbitris, ſedari potuiſſe: afferun-
 turque ab eodem auctore plures articuli
 Eccleſiæ Romanæ ritibus in plurimis
 conſentientes, a Pragenſibus contra *Tha-
 boritarum* effrænatam impietatem editi.
 Impendente vero cruce ſignatorum Ca-
 tholicorum, expeditionis terrore, finiti-
 mos Principes, inter alios Miſniæ Marchio-
 nem, exaratis ſexta die Julii litteris ſoli-
 citarunt, ut eorum patrocinium ſuſcipe-
 ret, profeſſi ſunt, nunquam quatuor
 articulis jam ante a nobis expoſitis,
 de quibus in *Concilii Baſileenſis Actis* agen-
 dum erit, diſceſſuros, ac Sigismundum
 Regem multis calumniis onerarunt, in
 quibus omnibus idem *Cochleus ipſum vin-
 dicat*.

Raynaldus ad b. a. in *Annalib. Eccle-
 ſiaſtic. ex Cochleao. Lib. V. Hiſtor.
 Huſſit.*

Ex *Dubravio Hiſtor. Bobemiæ Lib.
 XXVI.*

Epistola CONRADI Archi-Episcopi, jam apoſtatae, & Baronum Regni Bobemiæ, ad Principem & populum Luſatiæ, anno 1421.

CONRADUS, Pragenſis Eccleſiæ Ar-
 chi-Epiſcopus, & Apoſtolicæ Sedis
 Legatus, Zenzo de Wartenberg *alias* de
 Vuesle, Henricus Berka de Duba, Ul-

Tomus V. Concilior. German.

ricus de Hardetz, Hyneck Cruſſina de
 Lichtenberg, Alzo Scopeck, Joannes
 de Kalsko, Mikes de Sampach, Henricus
 de Vuartenberg, Viſtorinus de Kun-

C c 2 ſtat,

stat, Hinko de Kunstat, Hermannus de Broten, Joannes de Lichtenberg *alias* Cruffina, Henricus Latzenbock de Ochlim, Wenceslaus de Sweyretitz, Joannes de Opotzna, Gnuall de Sternberg *alias* de Holitz, Amestus de Richenberg, Joannes de Chlum, Wenceslaus de (*) Gentsefsteyn, Nicolaus de Valstein, Nicolaus de Monachu, Zdenick, Modeck de Teynitz, Magistri civium atque Communitates inclytæ civitatis, & invictæ in veritate urbis Pragenfis, Joannes Ziska de Batznau, civitas & communitas de Moncibus. Cumis una cum aliis Nobilibus, Baronibus, Militibus, Clientibus, Civitatibus & Communitatibus Regni Bohemiæ.

Illustri & Magnifico Principi, nec non terrigenis civitatibus Budissin, Gortitz, Sittaviæ, Lobaviæ, Luban, & Camenitz Fautoribus nostris servitutem paratam cum desiderio omnis boni.

Illustri Princeps, nec non Nobiles Barones, Milites, Clientes, ceterique civitatum Communitates. Noveritis, qualiter inclytum Regnum coronæ Bohemiæ innumeras & atroces injurias, & injurias calumnias, vastationem, & exustiones villarum, inhumanasque & crudeles occisiones virorum pariter & mulierum, & parvulorum, una cum aliis innumeris detrimentis (quæ gemebundum cor absque lacrymis nec videre, nec narrare potest) hætenus ab invasoribus & crudelibus exterarum gentium hostibus perpeffum est, & patitur, pro dolor! in pericula atque damna omnium nostrorum pariter & detrimenta: ideoque

vestram illustrem Magnificentiæ & generosâs Nobilitates, providasque prudentias vestras, nos omnes unanimi desuper compassionem ex intimo corde commoti (a), constanter petimus, immo prout de jure debemus, requirimus, & monemus, quatenus non veluti viri, Deum & famam negligentes, sed veluti viri strenui, memores vestrorum juramentorum, quibus jure feudi & homagiali coronæ Regni Bohemiæ præcipuo estis obligati, & ad ipsam protegendam, & ab omnibus invasoribus & hostibus tuendam prorsus de jure astricti, contra ipsam amplius non insurgatis, immo insurgere quoslibet, velut fideles ipsius Coronæ tutores, pro posse prohibeatis, prout honoris vestri puritatem, & juramenti præstiti integritatem diligitis firmius observare. Alioquin contra vos, & quemlibet hujusmodi secus facientem, velut contra honoris neglectorem, & juramenti præstiti corruptorem, juxta jura Regni remedio opportuno durius procedemus. Significamus insuper vobis graves excessus & culpas Serenissimi Domini SIGISMUNDI Regis, quas ab ipso passî præsentibus inclusas vobis destinamus.

Datum in plena Congregatione Baronum terræ Bohemiæ & Moraviæ, & Dominorum inclytæ civitatis Pragenfis, nec non Militarum & Clientum civitatum & communitatum in Gaslaviensi civitate anno Domini MCCCCXXI. Sabato post Martini.

Cocleus Lib. V. Histor. Hussitarum.

(*) Gutenstein,

(a) forte: commoti

*Epistola MARTINI V. indicit cruciatam
contra Wicleffistas & Hussitas, Nationem Germanicam
hæresi sua inscipientes.*

Anno Christi MCCCCXXI. Martini V. Papæ IV.
Sigismundi Imp. XII.

DILECTO FILIO BRANDÆ, (a) TIT. S. CLEMENTIS PRESBYTERO
CARDINALI, APOSTOLICÆ SEDIS LEGATO, SALUTEM &c.

Considerantes iniquitatis alumnos *Wicleffistas & Hussitas*, aliosque hæreticos, & infideles, qui veram salutis semitam deferentes, Christianæ Religionis persecu-

(a) Castilionæo Mediolanensi.

secutores acerrimos se se reddunt, quique falsis & insanis dogmatibus, & damnatis erroribus, hæresumque fomentis orthodoxam fidem evertere molientes, universum Regnum Bohemiæ, & partes illi conterminas infecerunt: ac cupientes illorum temeritati, quantum cum Deo possumus, obviare, fideles milites Christi, pugiles, athletas vivificæ Crucis, qua Nos a damnatione redemit, caractere insignitos, contra præfatos hæreticos duximus excitandos; ut hæreticos ipsos, qui etiam Dei timore postposito Ecclesias, Monasteria, vel alia pia loca in honorem Christi, Virginis Gloriosæ, Apostolorum, Martyrum, & Confessorum dedicata, eorumque imagines concremant, & evertunt, & fidem Catholicam, præsertim in *Natione Germanica*, delere moluntur, a nequissimis eorum propositis & insultibus, quibus in Christianum sanguinem, & Catholicos Sacerdotes debacchantur, non solum Spiritualibus, verum etiam temporalibus convocatis præfatis proponimus auctore Domino coercere.

Hodie siquidem pro succidendis ex agro Domino vepribus pestiferis & nocivis, quibuscumque perversis erroribus de hæreticorum ipsorum mentibus extirpandis, illorumque salubri reductione ad gremium Sanctæ Matris Ecclesiæ, ut ad cor reversi ab huiusmodi respiciant erroribus, quibus gregem ipsum seducere, & inficere moluntur, & si in eorum obstinatione, & malignitate permanerint, evertantur, te ad Regnum præfatum, nec non Marchionatus Moraviæ, & Misniæ, eorumque provincias, civitates, terras, & loca eisdem hæresibus, & erroribus polluta, tibi plenæ potestatis Legati de latere officium committendo, de Fratrum nostrorum consilio, tamquam pacis Angelum providemus destinandum, prout in aliis nostris desuper confectis literis plenius

continetur. Cupientes itaque, ut huiusmodi legationis officium ad laudem, & gloriam Divini nominis, & salutem fidelium animarum eo facilius exequaris, quo ampliori te noveris per Sedem Apostolicam facultate munitum, directis in celum oculis ad illum, cuius res geritur, Divinum, & humanum præsidium invocantes, ut huiusmodi adjuti præfatis eorundem hæreticorum audaciam, nisi se ad Christum converterint, coercere, & comprimere valeamus, omnes & singulos Reges, Duces, Marchiones, Principes, Barones, Comites, Capitaneos, Magistratus, & quoslibet alios Officiales, eorumque loca tenentes, communitates quoque, universitates civitatum, terrarum, oppidorum, castrorum, & aliorum quorumcumque locorum, ceterosque Christiani nominis Zelatores, Status, & Regionis cuiuslibet, ubilibet dominantes, ac constitutos, rogamus & hortamur, ac per asperionem sanguinis ejusdem Gloriosissimi Redemptoris paternis affectibus obsecramus, in suorum remissionem peccaminum suadentes, ut ad Wiclefitarum, Hussitarum, & aliorum hæreticorum præfatorum subversionem & exterminium, & ad impendenda sibi contra eos profutura suffragia, quibus huiusmodi negotii prosecutio feliciter adjuvetur, potenter ac viriliter se accingant, quos spiritualibus donis, indulgentiis videlicet, & remissionibus de ipsorum fratrum consilio providimus invitandos, &c. *Instruxit amplissimis mandatis Legatum, ut Præsules, & alios viros laborum socios sibi ascisceret, qui Christi fideles, sacram militiam in hæreticos professuros, Crucis Symbolo insignirent.* Datum Romæ apud S. Petrum, Id. Aprilis, Pontificatus nostri anno IV.

Raynald in Annal. Ecclesiasticis ad h. ann. N. 6.

De eodem BRANDA, Legato in Germaniam, hæc adde: Anno MCCCCXXI. mensis Junii die XXI. intravit Leodium cum magno honore, a Domino Episcopo, & omnibus Ecclesiasticis, processionaliter obviam procedentibus usque ad portam S. Leonardi, receptus D. BRANDA Cardinalis Placentinus, a Latere Papæ Legatus, ad signum Crucis prædicandum contra perfidos [a] hæreticos Regni Bohemiæ. Quo ipso die Missa specialis in Ecclesia majori per universum Clerum civitatis, coram dicto Cardinali solemniter pro extirpatione hæresis huiusmodi est celebrata.

C c 3.

Pri.

[a] *Quam perfidi non solum in Ecclesiam & Papam, sed in Regem & Regnum, fuerint Hussita ab anno 1408. ad 1470. docent bella, ad quæ Sigismundus & Successores fuisse coacti.*

Prima Augusti, iterum Missa speciali facta in majori Ecclesia, Dominus Episcopus Leodienfis, cum plurimis Nobilibus, satis magna, ut apparebat, devotione recepit Crucem ad pergendum contra perfidos supradictos, & eadem die post prandium cum pulchro comitatu suorum, & aliorum Cruce signatorum, Leodio recessit versus Regnum Bohemiæ, in subsidium Archi-Episcopi Colonienfis, & aliorum Electorum Imperii, & Principum Alemanniæ.

Chronicon magnum Belgii, ex quo Raynaldus.

Similis Epistola Papæ Martini V. scripta fuit ad Germaniæ Archi-Episcopos, & Episcopos, Electores Imperii, & alios Principes. Raynald. n. 8. ad b. a.

Ex Libro III. Epistolarum Martini V. pag. 151.

*Personæ congressæ ex Germania ad Bohemos Hæreticos
compescendos.*

DUX Militiæ fuit *Fridericus* Marchio Brandenburgenfis, cum eo præcipui fuere *Otto* Trevirenfis, *Theodoricus* Colonienfis, *Guntherus* Magdeburgenfis Archi-Episcopi: item Episcopus Leodienfis, & alii. *Ludovicus* Comes Palatinus, *Albertus* Dux Saxonæ, *Ludovicus* Landgravius Hassiæ, *Fridericus* & *Wilhelmus* Marchiones Mifnenfes, Domini nostri: *Bernus*, *Georgius*, & *Adolphus* Principes Anhaltini: *Fridericus* Landgravius Doringiæ, *Joannes* Dux de Berge, *Henricus* Comes de Schwartzburg, *Volradus* & *Gerardus* Comites de Mansfeld, *Bedo* de Stolberg Comes, & plures alii, quorum *quadraginta Equitum fuere nullia*, dempta multitudine Pedum. Et cum tor & tanti essent, vix Bohemiam ingressi, subito pavore omnes perculsi, & priusquam hostis ullus in conspectu daretur, sedissime omnes simul ceperunt fugere, quilibet extra Bohemiam. Hostis exin metu alieno ingenti præda potitus est, quam relictam invenit.

Langius in Chronico Citizenfi, apud Pistorium inter illustres Scriptores pag. 853. edition. Francof. 1513.

CONCILIABULUM IN ATREBATENSI
DIOECESI ANNO MCCCCXXI.

IN Belgio prope Duacum in oppido, cui *Sains* nomen est, hæresi Bohemica infecti, *Conciliabulum* compegerant: atque in Atrebatensis Episcopi carceres conjectos fuisse, narrat *Monstreletus Vol. 1. Cap. 258.* quorum pars ad animæ sanitatem reversa, infidiam exiit, pars autem Cenforis Fidei & Theologorum monita respuens, Atrebat, Duaci, Valentiniensis, ardentibus rogis consumpta periit: quorum exitio publica salus constituta est.

Raynaldus Annal. Eccles. ad b. a. N. 9.

CONCILIIUM MOGUNTINUM

Anno Christi MCCCCXXIII. Martini V. Papæ VI.
Sigismundi Reg. Rom. XIV.

STATUTA XVII.

SUB DOMINO CONRADO ARCHI-EPISCOPO, EDITA IN PROVINCIALI
CONCILIO, MOGUNTIÆ CELEBRATO.

DE Mandato Reverendissimi in Christo Patris & Domini CONRADI Archi-Episcopi Moguntinensis, in hoc Provinciali Concilio Presidentis, exponitur Vobis Reverendis Patribus, Episcopis, Abbatibus, Nuntiis & Oratoribus ad Concilium hujusmodi convocatis, ceterisque Prælati, Doctoribus & Magistris hic presentibus, sicut olim a Sanctis Patribus noscitur institutum: quod Metro-

Metropolitani singulis annis cum suis Suffraganeis non omittant Concilia celebrare: in quibus de corrigendis excessibus, & moribus reformandis præsertim in Clero, diligenter cum Domini timore habeant tractatum, Sed quia institutioni huiusmodi per non usum videtur esse aliquantulum in non modicum periculum animarum, & in Status Ecclesiastici præiudicium derogatum; quapropter idem Reverendissimus in Christo Pater volens insequi vestigia Sanctorum Patrum; atque etiam in hoc obedire mandatis Apostolicis, sibi desuper directis: Vos Reverendos in Christo Patres, Dominos Episcopos, Abbates, ceterosque Nuntios, Prelatos, Doctores & Magistros, pro celebratione Concilii Provincialis convocari fecimus: vestroque consilio, & auxilio de excessibus corrigendis, & moribus reformandis, ac, que bonum Statum Ecclesie, aut libertates Ecclesiasticas concernere videntur, tractaturi. Verum quia ante omnia in fide incipiendum est, cum sine fide nullus salvetur; *Primo* intendit idem Reverendissimus in Christo Pater, & Dominus, cum consiliostrarum Paternitatum publicare condemnationes, & conclusiones *Wicleff*, & *Hussi* in Concilio *Constantiensi* factas, quod tenentes huiusmodi hæreses sic condemnatas sint hæretici censendi: & eorum fautores, si non desistunt, puniendi. Insuper cum consilio vestro intendit mandare universis Rectoribus Ecclesiarum, quod si quos sciant huiusmodi hæreticorum fautores, vel receptatores: quod eisdem Ecclesie denuntient, debita pena puniendos. Et dein Patres Reverendi, docet experientia; que rerum est magistra, quod dissolutio Clericorum in moribus, & vita domum Dei discolorat, immo versus denigrat, ita quod propter dissolutionem huiusmodi perit devotio in populo, fides decrevit in mundo, & status Ecclesiæ existit diminutus: Et quamquam a Sanctis Patribus contra præmissa salubriter sit provisum cum debita penarum appositione, & in diversis Conciliis Generalibus, & Provincialibus, ultra penas juris communis, nove sint pene appositæ. Heu tamen, & heu in tanto excrevit huiusmodi malitia, quod pene huiusmodi minime formidantur, & sic a bono obedientie receditur, Sanctiones Sanctorum Pa-

trum predictorum, & ordinationes Conciliorum vilipenduntur: surguntque præterea hereses & pullulant, & innumera mala subsequuntur. Ceterum cum nihil Ecclesie Dei magis officiat, quam quod indigni assumantur ad regimen animarum: & grave nimis est, & absurdum, quod Ecclesiarum Prelati, cum possint viros idoneos ad officia promovere, assumere non verentur indignos, quibus, nec morum honestas, nec literarum scientia suffragatur. Unde quanta Ecclesiis ex hoc damna proveniant, nemo sane mentis ignorat. Et licet circa præmissa in diversis generalibus Conciliis sit provisum. Sunt tamen nonnulli, qui non iudicium rationis, sed potius tranquillitatis sequentes affectum, beneficia dignis non satagunt assignare, in periculum animarum, & scandalum plurimorum: propter que etiam studia generalia depereunt: quia studentibus in Beneficiis non providetur: sed potius Beneficia indoctis conferuntur. Et quod ultra lamentabiliter exponitur: quamquam per leges Imperiales, ultra Canonicas Sanctiones per conservationem libertatis Ecclesie diverse pene sint adinvenite contra transgressores libertatis Ecclesie huiusmodi: his tamen non obstantibus, diversa gravamina, & onera Ecclesiis quotidie, & Ecclesiasticis personis imponuntur a multis: datis etiam ad hoc laicis pro executoribus. Insuper quia sunt nonnulli, qui falcem suam mittunt in alienam messem: cognoscentes de causis, ad eorum jurisdictionem minime spectantibus: ex hoc insurgunt invidie, & rancores inter laicales, & Ecclesiasticas personas: incendia, rapine, & diversa alia mala propterea perperrantur, & ordo Ecclesiasticus confunditur. Requirit igitur idem Reverendissimus in Christo Pater & Dominus noster Archi-Episcopus, & vos Reverendos Patres, in Fide Christi, & per viscera misericordie Dei exhortatur, quatinus consilia, & auxilia impertiri dignemini pro salubri Statu Ecclesie: ac pro conservatione libertatis Ecclesiastice. Et etiam que, & qualia in *Generali Concilio in civitate Papiensi* de proximo celebrando, sint circa præmissa proponenda, & agenda: intendit etiam prefatus Dominus cum vestris Reverentiis in omnibus concurrere, que sunt pro bono Statu Ecclesie, & pro conservatione libertatis Eccle-

Ecclesiastice. Idem Reverendissimus Dominus noster Archi-Episcopus dat, & concedit liberam potestatem unicuique in presenti Concilio proponendum, & allegandum, que sibi pro expeditione premissorum videbuntur utilia, honesta, discreta, & quomodolibet oportuna.

Cap. I. *Damnatur heresis Bobemorum.*

Sanctam (b) & orthodoxam Fidem Catholicam, quam Sancta Romana, & universalis profitemur, dogmatizat, & tenet Ecclesia, cum omni ritu observantie Sacramentalis, prout ipsa Romana Ecclesia hactenus tenuit & observat, totis cordibus devotissime credimus, & ore simpliciter confitemur. Verum, quia pridem in Regnis Anglie, & post hoc Bohemie, in quibus predicta fides devotissimo quondam venerabatur affectu, nunc quedam seivissime hereses, quantum in eis est, Status Ecclesiastici destructive, gratiarum Sacramentalium exterminative, & clavium Ecclesie, nec non potestatis earundem ac Ecclesiasticarum censurarum penitus enervative incepterunt noviter, nec adhuc desinunt, maxime in Regno Bohemie pullulare: Que licet in Sacro Constantiensi Concilio Generali cum suis auctoribus, Magistris videlicet Joanne Wicleff primo, ac postmodum Joanne Husse, & Hieronymo de Praga, eorumque sequacibus & adherentibus, nec non omnibus suis erroribus, libellis, & opusculis fuerint condemnate, & Synodaliter reprobate, cum inhibitione sub gravibus penis, ne quisquam cujuscunque dignitatis, status, preeminentie, aut conditionis existat: hujusmodi libellos, seu opuscula, aut errores, sive articulos in eis contentos, reprobata, & reprobatos legere, vel studere presumat. Venena tamen sue toxicationis jam adeo diffusa & multiplicata, quod populus ille pridem Catholicus in Bohemia, nunc ad arma convolans, Clericos, & veros Christicolos inhumaniter persequitur, crudeles ipsi mortis atque martyria, & penas diversimodas inferendo: Ecclesias atque imagines nostri Salvatoris, ejus Gloriosissime Genitricis, ceterorumque Sanctorum destruens, & devastans. I-

circo volentes Nos dicte Ecclesie Romane atque Catholice conformare, predictas hereses, dictorumque heresiarcharum doctrinas erroneas similiter anathematizamus, reprobamus, & totaliter condemnamus: asserentes cum dicto Generali Concilio Constantiensi, quod omnes hujusmodi articuli, aut sunt piarum aurium offensivi, aut seditiosi, aut scandalosi, vel manifeste a fide devii, seu expressam heresim continentes, prout in sententia lata contra dictos hereticos, & sua perversa dogmata plenius continetur. Quapropter universos & singulos Nobis subiectos in virtute sancte obedientie requirimus, & eis precipiendo mandamus, quatenus in Spiritu virtutis Dei exsurgentes, predictorum hereticorum sequaces, eorumque fautores vel receptatores, & eorum doctrinam reprobam cum opusculis memoratis, ubicunque illos seu illa, contigerit reperiri, diligenter inquiratis: Nobisque, Ordinario loci, aut alicui ex inquisitoribus heretice pravitatis, ad hoc a Sede Apostolica deputatis, vel deputandis, prodatis, & revelatis, atque mediante justitia (si non respuerint) exterminari, & libros totaliter concremari fideliter procuretis. Nos etiam omnibus per nostram provinciam constitutis, confessis, & contritis, qui ad id operam, vel efficaciam dederint, aut qui in expeditionem exercituum contra predictos hereticos profecti fuerint, aut ad hujusmodi expeditiones, si personaliter proficisci non valeant, manus suas porrexerint adjutrices: de Omnipotentis Dei misericordia, & Sanctorum ac Sanctorum nostrorum Patronorum, aut Patronarum meritis, & precibus confisi, quadraginta dies indulgentiarum de injunctis eis penitentis misericorditer in Domino relaxamus, Suffraganeos provincie nostre in Domino exhortantes: ut his nostris indulgentiis similes in suis civitatibus, & Diocesis speraddant. Mandamus insuper omnibus, & singulis Ecclesiarum Rectioribus, & eorum Vicariis, seu Plebanis, aliisque Predicatoribus per Provinciam Moguntinensem, quod in singulis sermonibus suis ad populum faciendis, exhortationes faciant speciales ad inducendum populum congruis modis, ut orationes, jejunia, & eleemo-

(a) Hic incipit Liber, in quo hoc Concilium impressum est Eistadii anno 1484. Extrat in Bibliotheca Herbpolenſi.

synas, & alia pia opera: omnesque Presbyteri dicte nostre Provincie Missarum solenniis celebrandis, & alias speciales collectas, & suffragia nostro offerant Salvatori: quatenus Ecclesie sue Sancte, & veris Christicolis contra quoscunque persecutores, & rebelles ejusdem, præsertim dictam fidem Catholicam impugnantem, largiri dignetur victoriam, & triumphum.

C. II. *Instituuntur pulsationes pro memoria Passionis Christi ad feriam sextam in meridie, & compassio- nis Beate Virginis quo libet mane.*

Cum Petri naviculam Sanctam, & Catholicam Ecclesiam interdum propter peccata hominum fluctuantem (cujus fides deficere non potest) confidenter speremus, memoria passionis, & mortis Domini nostri JESU Christi in fide recta, & intercessione Gloriosissime ac semper Virginis Dei Genitricis Marie a fluctibus & incurribus hereticorum liberari: salutationem quoque Virginis Angelicam eidem fore gratissimam; Horum itaque consideratione ad impetrandum veniam peccatorum nostrorum, & ut Deus omnipotens per suam misericordiam sanctam & orthodoxam Romanam, & Catholicam Ecclesiam pacificare, regere, & adjuvare dignetur, & eidem, exclusis erroribus universis, valeamus in pace, & unitate, in fide recta, spe firma, & charitate perfecta famulari: statuimus, volumus, & ordinamus, hoc Sacro Provinciali approbante Concilio; quod deinceps in singulis civitatum, & locorum provincie nostre Ecclesiis principalibus, Collegiatis, & Parochialibus, omnibus feriis sextis hora meridiei, vel circa, in memoriam Passionis ac Mortis Domini nostri JESU Christi, nostreque redemptionis, pulsetur solenniter magna cujuslibet earundem Ecclesiarum campana: ad excitandum Christi fideles, ut eadem hora memoriam Passionis Christi, & sue redemptionis devotius recolant, & per ejus merita misericordiam Dei pro premissis, & omni necessitate Ecclesie implorent. Similiter quoque approbante hoc Sacro Provinciali Concilio statuimus, volumus, & ordinamus: ut deinceps singulis Ecclesiis predictis omni die circa solis ortum in me-

moriā compassionis Gloriosissime, & Intemerate semper Virginis Marie, que stans juxta Crucem sui Dilectissimi Filii cruciabatur, anxietate, & merore plena: pulsetur tribus vicibus campana ipsius Ecclesie, que & prout hactenus circa occasum solis pro salutatione ejusdem Virginis pulsari consuevit, ad hortandum Christi fideles: ut tunc in laude ipsius Virginis incipientes, eam cum salutatione Angelica devote venerentur: ut ipsa, quam Filius ejus nihil negans semper honorat, pro nobis, & omni necessitate nostra apud Dominum intercedat. Nos etiam omnibus contritiis, & confessis in provincia nostra constitutis, qui feria sexta tempore pulsus predicti in memoriam Passionis, & mortis Domini nostri JESU Christi tria *Pater noster*, & tria *Ave Maria*, nec non qui tempore pulsus, qui singulis diebus fieri debet, circa ortum solis ter salutationem Virginis Angelicam *Ave Maria*, flexis genibus oraverint: de Omnipotentis Dei misericordia, & autoritate nostra Metropolitica, & ordinaria quadraginta dies indulgentiarum de injunctis eis penitentiis, totiens quotiens hoc fecerint, misericorditer in Domino relaxamus. Suffraganeos provincie nostre in Domino hortantes, ut his nostris indulgentiis similes in suis civitatibus, & Diocesibus superaddant.

C. III. *De Vestibus Clericorum, & calceis.*

Quoniam, qui abjectis vestibus proprio congruentibus ordini, alias assumere, & eas in publico rationabili causa cessante deferre præsumit, Professorum ordinis illius prærogativis juxta Canonicas Sanctiones se reddit indignum; Idcirco presenti constitutione sancimus, ut Clerici per civitates & opida, & præsertim in Ecclesiis, vestes longas, & statui Clericali decentes deferre debeant, & teneantur, non sericeas ab extra, non variatas aut divisatas, nec desuper ab extra cum plicaturis foderatas, manicis autem strictis, & aliis decentibus utantur: non ferant calceos, sive sotulares inhonestos, aut indecentes, non confuticios extra talum. Itinerantibus autem ex causa brevioribus vestibus uti liceat: transgressores vero a distributionibus, & corpore Prebende per unum mensem

noverint se suspensos. Et ut premissa inviolabiliter observentur, mandamus sub simili pena Ecclesiarum Decanis, vel eorum loca tenentibus: seu his, ad quos de jure, vel consuetudine correctio spectare dinoscitur: quatenus cum effectu inhibeant Officiis Ecclesiarum, ne de distributionibus, & corporibus Prebendarum hujusmodi transgressoribus aliquid administrent, vel assignent: per premissa tamen *Cle. Qm. De vita, & honestate Clericorum*: nec non ordinationi Generalis Concilii Constantiensis, & aliis juribus, que de indecentia vestium Clericorum tractant, non intendimus derogare, sed potius volumus in suo robore permanere.

C. IV. De Tonsura Clericali.

Ut Clericorum mores, & actus eorum exteriores in melius reformatur, honeste vivere studeant universi. Decet igitur unumquemque coronam, & tonsuram unicuique suo ordini, statui, aut dignitati convenientem deferre juxta Canonicas Sanctiones. Sunt tamen nonnulli contemptores sanctionum hujusmodi: ideo statuimus, & decernimus. Transgressores hujusmodi simili pene, ut premitur, subjacere.

C. V. Quando, & ubi Clericis liceat arma portare.

Cum Clericis sit inhibitum, ne arma portent: statuimus, ut nullus Clericorum per civitates, & opida armatus incedat, nec gladios, vel cultellos longos portent, nisi forte eos equitare contingeret, sub pena simili: extra autem civitatem armatus non incedat, nisi hoc faceret in defensionem Ecclesie sue, rerum vel persone, habita licentia a suo Superiore, nisi contingeret eum incedere per loca suspecta, & tunc coopertas loricas, aliaque arma deferre poterit: transgressores autem volumus pene simili subjacere.

C. VI. Confabulantium Clericorum sub Divinis pena statuitur.

Quoniam valde iniquum est, & res pessimi exempli, ut tempore, quo

Divina celebrantur officia, Canonici, & alii Clerici ad Divinum cultum deputati, qui devotissime psalmodie deberent intendere, confabulationes, aliaque inter se habeant colloquia ad Divinum cultum minime spectantia: statuimus igitur, & ordinamus de Fratrum nostrorum consilio, ut dicti Canonici & Clerici, qui tempore divinorum inter se colloquia hujusmodi, seu confabulationes inter se in Choro habuerint, a presentis & Prebendarum, seu Beneficiorum suorum corporibus per unum diem irremissibiliter sint suspensi, aut alias ad arbitrium Decani vel ejus, ad quem spectat eorum correctio, puniantur, qui, si negligentes fuerint: eidem pene se noverint subjacere.

C. VII. Prohibetur Clericis deambulatio per Ecclesiam tempore Divinorum.

Insuper inhibemus, ne de cetero Canonici, vel Clerici tempore Divinorum per Ecclesiam cum laicis, vel aliis Clericis spaciari, vel deambulare presumant. Quod, si contrarium fecerint, presentis, & corporibus Prebendarum, seu Beneficiis suis unius diei careant irremissibiliter, & alias ad arbitrium Decani illius Ecclesie, vel ejus, ad quem spectat eorum correctio, puniantur, qui, si in hujusmodi correctione fuerint negligentes, eidem se noverint pene subjacere.

C. VIII. Carolina mandatur observari.

Rursum Constitutionem, que Carolina (†) nuncupatur, etiam per Sanctissimum in Christo Patrem, & Dominum MARTINUM Divina Providentia QUINTUM, in Generali Concilio Constantensi approbatam, mandamus ab omnibus observari debere, ipsamque constitutionem in aliis constitutionibus Statutorum Provincialium inferimus, & volumus pro inserta haberi. (†)

C. IX. Diffidatio, basitudia, torneamenta, choree, ludus ad taxillos, & concubinatus, Clericis prohibentur.

Insuper statuimus & ordinamus, ut

(†) quæ vulgariter Karolina nuncupatur.

(‡) *Eyssetensis Editio hic interserit: Martinus Episcopus, Servus Servorum, &c. Aliud Statutum Provinciale.*

ut Clerici jurisdictionem temporalem non habentes, guerris se non immisceant, nec aliquam Ecclesiasticam, vel secularem personam hostili more diffident, nisi pro Ecclesia sua; & de Superioris sui licentia speciali, sub pena privationis Beneficiorum suorum: quam, si canonice moniti non destiterint, eos incurrere volumus ipso facto. Eidem etiam pene quosunque Clericos Beneficiatos publice hastiludentes, vel torneamentantes similiter decernimus subjacere. Nullus etiam Clericus in sacris constitutus, aut Beneficiatus, publice (u) coreizare, vel ad taxillos ludere presumat, alioquin per Superiorem suum graviter puniatur. Licet alias in Generali Concilio extiterit ordinatum, ut Clerici in Sacris Ordinibus constituti, aut Beneficiati, ab omni libidinis vicio se debeant præcavere, quatenus in conspectu Omnipotentis Dei puro corde valeant ministrare, & circa præmissa etiam per Predecessores nostros salubriter sit provisum, cum debita penarum adjectione; hujusmodi tamen penas Clerici concubinarij minime curant formidare. Statuimus igitur & ordinamus, ut Clerici concubinas in sua cohabitatione, vel alibi notorie tenentes, aut nutriendos, omnibus proventibus Beneficiorum suorum per unius anni spatium sint ipso facto privati: & si postmodum Canonice moniti non destiterint, ipsos decernimus ipso facto suis Beneficiis fore privatos. Clerici vero in sacris constituti, non Beneficiati, præmissa perpetrantes, si Canonice moniti non destiterint, ipso facto inhabiles reddantur ad Ecclesiastica Beneficia regenda, vel consecranda, donec per Ordinarium cum eis super hoc fuerit dispensatum. Hortamur etiam locorum Ordinarios sub obtestatione Divini Judicii, ut contra quosunque Clericos de predicto vicio suspectos, diligenter inquirent, & procedant juxta Canonicas Sanctiones, quibus non intendimus in aliquo derogare.

C. X. *Quales debeant esse ordinandi, & quod pro collationibus Ordinum, pro formatis, pro conservatione Ecclesiarum, & confirmationibus nihil exigatur.*

Insuper statuimus, ut nullus dein-

ceps ad Sacros Ordines admittatur, nisi diligenter examinatus, sufficientis scientie, legitime etatis, & honestorum conversationis, & morum, saltem testimonio duorum proborum virorum, aut patentium literarum Prelati, Archiepiscopi, vel ruralis Decani fuerit inventus: præsertim si ordinanti (x) alias sit ignotus, alioquin ordinans a collatione ordinum per unum integrum annum sit suspensus. Volentes & mandantes, quod Episcopi ordines conferentes, vel celebrantes, nihil omnino pro hujusmodi ordinatione ab ordinandis, vel alias exigant, aut exigi permittant: alioquin a collatione ordinum per unum annum integrum similiter sint suspensi, salvis tamen Canonibus contra symoniacos in ordine promulgatis: pro singulis vero formatis scribendis, & sigillandis duntaxat unum antiquum tornonsem (y) vel ejus verum valorem ad majus pro scriptura & sigillo recipi toleramus. Pro consecratione autem Ecclesiarum, vel aliarum rerum, aut frontis chrismatione, procurationibus a jure permissis, Episcopi sub pena predicta (z) omnimode sint contenti. Qui autem Vicarios in Pontificalibus habere voluerint, eis aliunde de statu congruo studeant providere, ne Vicarii hujusmodi occasionem in præmissis habeant delinquendi. Et si constiterit alicui Episcoporum, suum in Pontificalibus Vicarium præmissa transgredi quovismodo: ipsum a Vicariatu destituat, aut alias taliter puniat, quod aliis cedat in exemplum. Quod si per mensem facere neglexerit, a collatione ordinum etiam per se, vel alium facienda per sex menses noverit se suspensum.

C. XI. *Eligendi ad dignitates, & curas sint & legitime etatis, & latini.*

Præterea statuimus & ordinamus, quod de cetero nullus ad aliquam dignitatem, vel Personatum, seu Parochialem Ecclesiam eligatur, aut instituat, nisi fuerit legitime etatis, aut sciat latinum competenter legere atque loqui: sæcus autem facientes ab electione, & institutione Beneficiorum per annum ipso facto sint suspensi, & nihilominus nulla sit electio, vel institutio ipso jure.

C. XII.

(u) coreizare
(z) amodo

(x) Ordinandi alias sint ignoti,

(y) Turonensem

C. XII. *Vacantium Ecclesiarum bona
reserventur Successori-
ribus.*

Cum Sacris Canonibus inhibitu sit, ne Capella, Conventus, Collegia, & singulares persone, bona Ecclesiarum Cathedralium, ac Regularium, ac Collegiatarum vacantium, a Prelatis ipsorum dimissa, vel vacationis tempore obvenientia, que in utilitatem dictarum Ecclesiarum expendi, vel futuris debent Successoribus fideliter reservari: occupent, distrahent, & inter se dividant, surripiant, dilapident, dissipent & consumant: Ipsi tamen in eorum grave dispendium, & jacturam, aut damnum Ecclesiarum penas a jure prolatas minime formidantes a premissis minime abstinent. Volentes ergo circa premissa providere, de Fratrum nostrorum consilio, ultra penas a jure statutas, statuimus, ut Capitula, Conventus, & Collegia, ac singulares persone predictarum Ecclesiarum vacantium bona, a Prelatis ipsarum Ecclesiarum dimissa, vel que vacationis tempore obvenierunt, & per eos occupata, & inter se divisa surrepta, & districta ac dilapidata, futuris Successoribus Ecclesiarum infra unius mensis spatium sub excommunicationis pena, si extant, & facultatem restituendi habeant, alioquin eorum verum valorem realiter, & cum effectu assignent: lapso vero mense si premissa minime curaverint adimplere: extunc autoritate hujus Sacri Concilii Capitula, Conventus, & Collegia Cathedralium, Regularium, & Collegiatarum Ecclesiarum interdicto Ecclesiastico supponimus ipso facto, & singulares hujusmodi Ecclesiarum personas etiam ipso facto, excommunicationis sententia innodamus. Per premissa tamen non intendimus derogare Clericorum Statutis de Electione: nec Statutis, aut consuetudinibus Ecclesiarum post decretum: *Quia sepe: de electione T. VI.* legitime introductis.

C. XIII. *Suspenditur effectus penarum
absentium ab hoc Provinciali
Concilio.*

Quamvis juxta Canonicas Sanctiones absentes, & legitime vocatos ad presens Concilium possemus penas juris in-

cidisse declarare; de Fratrum tamen nostrorum consilio effectum penarum hujusmodi suspendimus per presentes. Exhortantes in Domino singulos nostre provincie Suffraganeos; quatenus in proximo Concilio, Deo dante, per Nos celebrando per se, vel alios sufficienter instructos compareant. Quod si non fecerint, ipsos penas a jure contra tales promulgatas indubie incidisse declarare non omittemus.

C. XIV. *Indicit aliud futurum Capitulum
Provinciale.*

Frustra Sanctorum Decreta Canonum antiquis fuissent ordinata temporibus, si eorum executio negligatur. Hinc est, quod Nos CONRADUS, Dei gratia, Archi-Episcopus Moguntinensis, Statuta Romanorum Pontificum, de celebrandis Conciliis diligenter cupimus observari, nostrum Provinciale Concilium in hac civitate nostra Metropolitana per Nos Deo concedente fore celebrandum, incipiendo a Dominica prima post Festum Beati Joannis Baptiste, de anno proximo futuro duximus intimandum, & indicendum, ac intimamus, & indicimus: ad quod conveniendum exnunc sub penis juris singulos nostre Provincie Suffraganeos, ac alios quoscumque, qui de jure, privilegio, vel consuetudine ad Provinciale Concilium ire tenentur, requiramus, citamus, monemus, & evocamus, nisi ex emergenti causa, ut puta, pestilentia vel guerre duxerimus locum, vel tempus mutandum, quam loci, vel temporis mutationem, etiam congruo tempore proponimus nostris literis vobis intimare & publicare, statuentes denique pro ulteriori Canonum executione, hoc Sacro approbante Concilio, ut singuli Suffraganei nostre Provincie, sua Synodalia Concilia non omitant celebrare, deputentque personas providas, idoneas, & honestas, que per totum annum simpliciter, & de plano absque ulla jurisdictione investigent, que correctione, vel reformatione sunt digna, & ea fideliter proferant ad Metropolitanum, Suffraganeos, & alios in Concilio subsequenti celebrando, juxta formam (a) *Decretalis: Sicut olim, de accusationibus.*

C. XV.

(a) formam, omittit Eyslettenensis editio.

C. XV. *Mandat Statuta Provincialia prius & nunc edita recipi, legi, & in Ecclesiis reponi.*

Reverendissimus in Christo Pater & Dominus, Dominus CONRADUS, Archi-Episcopus Moguntinensis, Statuta Provincialia per suos Predecessores salubriter edita, & facta ab omnibus sciri mandat, & de novo predictas constitutiones innovat; precipitque singulis Suffraganeis sue Provinciae, ut copiam Statutorum Provincialium predictorum infra duos menses a data presentis diei computandos ad se recipiant, & in proximo futuro Concilio per eum Deo dante celebrando, que circa premissa sint reformanda, corrigenda, aut proponenda proponant, nec non Statuta Provincialia in hoc presenti Concilio ordinata similiter ad se recipiant, & in Ecclesiis suis reponi, & fideliter conscribi procurent, ac in suis Synodis ea publicent, & legi faciant.

C. XVI. *Causæ prophane ad suum forum remittantur.*

Quoniam nonnulli falcem suam mittunt in messem alienam, causas ad earum jurisdictionem minime spectantes sibi usurpant, & propter hoc diversè guerre, incendia, & innumera mala committuntur. Exhortatur igitur Reverendissimus in Christo Pater, & Dominus noster Vos Reverendos Patres, Nuntios, atque Oratores, quatenus providere dignemini: ut causæ, que de sui natura non sunt in foro Ecclesiastico tractande, ad iudicēs suos remittantur. Quodque provideatis, & providere velitis circa premissa per statuta, & ordinationes rationabilia & rationabiles; cum intentio ejusdem Domini

nostri Archi-Episcopi existit similiter circa premissa in sua Diocesi providere.

C. XVII. *Protestatio Promotoris hujus Concilii.*

Protestor preterea ego Joannes (b) Munterman, presentis Concilii Promotor, nomine procuratorio (c) ejusdem, ac Reverendissimi in Christo Patris & Domini, Domini CONRADI Archi-Episcopi Moguntinensis hic presentis, quod si aliqui (d) vota sua in presenti Concilio dederint, quibus hoc a jure, privilegio, vel consuetudine non competit, pro (e) prestatione votorum hujusmodi, alicui ex eis jus, possessio, vel quasi vocis dande nullatenus adquiratur.

Conclusio hujus Concilii, pro excommunicatione absentium sine licentia, & rationabili causa.

Sequitur: Omnes absentes sine nostra licentia speciali petita a Nobis, & obrenta, Regulares, & seculares cujuscunque conditionis status, seu eminentie existant, qui seu quorum Predecessores Synodum Domini nostri de consuetudine laudabili hactenus observata frequentare consueverunt, nisi rationabilis causa, sive impedimentum eos excuset, in his scriptis excommunicamus. In nomine Patris, & Filii, & Spiritus Sancti. Amen.

Finiunt Statuta Provincialia Moguntina, a Dno CONRADO Archi-Episcopo Moguntino, consentientibus suis Comprovincialibus edita, anno Domini MCCCCXXIII.

Ex Codice impresso Hagenoæ anno 1511. typo Henrici Gran, Civis Hagenav. collato cum codice Eysfettensi anno 1488.

Conradus III. Comes Rhenensis & Sylvestris, Canonicus Metropolitani, Præpositus Francofurtensis, Rudesheimii in die S. Gereonis eligitur anno 1419. extra Moguntiam, propter tumultuantes cives.

Ipsa Præsidente facta est Visitatio Archi-Episcopatus Moguntini per Cardinalem Placentinum jussu Martini V. Romani Pontificis, quæ scripta apud aliqua Collegia habetur. Celebravit quoque Synodum Provinciam Moguntinæ anno 1423, cujus Decreta sunt impressa.

Joannes Latomus in Catalogo Archiepisc. Moguntin. edita a Menckenio T. III. Scriptorum verum Germanicarum.

Anno 1431. Concilium Aschaffenburgi ab eodem celebratum fuisse, scribit Cl. Wurdweinius in Elencho, mihi hactenus non visum.

Obiit Conradus anno 1434. 10. Junii. Teste eodem Latomo.

(b) Muntschman, habet Editio Eysfettensis anni 1488. (c) Promotoris, eadem Editio. (d) aliquibus, eadem Editio. (e) per præstationem

Cruciata indicta & Executioni Mandata
 Anno Christi MCCCCXXII. Martini V. Papæ V.
 Sigismundi Reg. rom. XIII.

Post cladem ad Iglaviam acceptam, Zisca Duce contra Exercitum Sigismundi cæsum & devictum, victor Zisca, licet utroque oculo orbatus, in Catholicos & Sacra omnia debacchatus est. Pontifex Divinæ voluntati acquiescens, ut rabidos hæreticos comprimeret, Rigensem Archi-Episcopum, ac Suffraganeos Præsules, ut vires conjungerent ad impios compefcendos, est cohortatus. Incitati etiam ad tuendam armis religionem Principes Electores, ex quibus Colonienfem, Moguntinum, & Treverensem Crucis signo insignitos, refert Thomas Wallinghamus in *Henrico V.* Ad solemne porro Colloquium Norimbergam convenere Septem-viri pro expediendis bellicis in Hæreticos consiliis, cui cætui Sigismundus Romanorum, Hungariæ, ac Bohemiæ Rex, interfuit, & Branda, Cardinalis, Sed. Apost. Legatus, his ad Cæsarem literis instructus, exponens causas, cur bello hæretici impugnandi.

MARTINUS PAPA SIGISMUNDO &c. &c.

QUamvis non dubitemus Serenitatem tuam sponte inflammata esse ad Bohemiæ Hæresin extinguendam, & ad illud sanctum opus, quod præcipue Tuum est munus, amplioribus exhortationibus non egere; tamen cum sentiamus, Tecum de proximo conventuros Venerabiles Fratres nostros Archi-Episcopos, & dilectos Filios, nobiles Viros, Electores Imperii, & alios Alemanniæ Principes, & in ea vestra congregatione agendum sit de multis magnis & arduis rebus, & potissimum de hac sancta Fidei causa, quæ cæteris major est, & omnibus aliis præponenda: eam Tibi volumus iterum nostris literis commendare, & cordi tuo imprimere, ardenti desiderio stimulati, quod super omnia insidet cordi nostro. Persuasum enim est nobis, quod, si a Te maxime, & a reliquis fidelibus Principibus, & populis Germanicis, in quorum perniciem & confusionem præter Dei & Ecclesiæ suæ injuriam, hæc hæresis intenta est, maturo tempore futuræ æstatis adhibita fuerit cura, & aliquis exercitus ordinatus, ita quod ingrediatur interiora Bohemiæ, facile opprimetur & exterminabuntur hæretici Deo rebelles, & Tibi.

Nam, sicut audivimus, nonnulla oppida vi capta, quædam metu dedita aut voluntate sunt, & fere totus Moraviæ Marchionatus reductus, atque sanatus est, ex quo laudabili principio, si fiat in tempore, quod fieri potest, plena & perfecta victoria subsequetur.

Et propterea Fili Carissime, Te unum maxime in hac causa requirimus, cujus officium est, *armatam* hæresin armis opprimere, sicut aliquando a Christianissimis Imperatoribus, tuis Prædecessoribus factum est.

Etenim, si alterius conditionis surrexisset hæresis in populo Christiano, quæ tantum falsis & sophisticis argumentis labefactare Fidem & Religionem Christianam conaretur, sicut aliquando Patrum nostrorum temporibus visum est: cum sanctis institutis & rationibus veræ doctrinæ, & facili coercionis justitiæ ea tollere posset Ecclesia, nec esset ad Tua, & aliorum arma confugiendum; sed cum hæc abominanda hæresis, quæ non Dei solum legem violat, & Ecclesiæ suæ instituta, sacras ædes diruit, Sacerdotes interficit, ornamenta Ecclesiarum Divino cultui deputata vi rapit, & omnia sacra coinquinat: sed etiam post Divina violata, humana jura confundit, omnemque statum humanum & regimen politicum tollit, & vitam hominum ratione & legibus institutam traducit ad irrationabilem sensualitatem pecudum & licentiam bestialem, in hoc tanto errore vel scelere potius innitatur armis & viribus; Quid aliud facere Nos oportet, quia ad conservandam nostram Religionem & Fidem Christianam in apice Apostolatus a Domino constituti sumus, quam implorare imprimis auxilium sublimitatis Tuæ, & eorum Fidelium, qui armis hanc nefariam pestem possunt superare atque delere, qua-

quales sunt GERMANIÆ Principes & populi, qui sunt huic morbo finitimi & periculo propinquiore? & ideo scribimus de præfenti Principibus iis, quos Tecum existimamus esse in hac Congregatione futura, ut ad extirpationem extremam hujus inquinatissimæ hæresis opportuno tempore cum eorum potentia se paratos exhibeant: quos etiam in hac causa animare auctoritate Tua debes & exemplo, ut intelligant Te suum caput in hac materia ferventem, & velle omnibus viris in hac causa laborare, quæ a Te uno potissimum, cæteris curis & negotiis prætermisissis aut dilatis in aliud tempus, suscipienda est ea animi magnitudine, quæ tam sanctæ rei convenit & dignitati Tux: Etenim si feceris reliqua omnia ratione, & felicissime consummaveris,

nec satisfacies Deo, nec Reipublicæ Christianæ, quæ hujus consummationem victoriæ non abs re a Te uno postulat & expectat, quoniam hoc sibi officium præstare debes, etiamsi in alienis terris offensa esset & turbata Religio Christiana, quæ domi Tux violatur simul cum JURE TUO REGIO. Igitur Fili carissime, da operam, ut in Congregatione præfata ante omnia habeatur ratio Expeditionis Bohemiæ, & ad eam ordinandam omnes curas tuas cogitationesque convertas, Tibique persuadeas nihil posse Te facere aut cogitare DEO acceptius, gratius Nobis, gloriosius Tibi, & utilius populo Christiano. Datum Romæ &c.

*Raynaldus in Annal. Ecclesiast. ad h. ann.
a No. 18. T. XVIII. ex libro brevium.*

*Designatio præfenti Bello in Bohemia, Militum suppeditandorum ab
Electoibus Ecclesiasticis & Sæcularibus, Comitibus, Abbatibus,
Dominis, Equitibus, & Civitatibus, inita & scripta
Norimbergæ anno MCCCCXXII.*

P R I N C I P E S.

Moguntinus, 50. Hastatos (Sleuen)
Coloniensis, 40. Hastatos.
Palatinus, 50. Hastatos.
Saxo, 20. Sagittarios (Schützen)
Brandenburgensis, 50. Sagittarios.
Archiepiscopus Magdeburgensis, 30.
Hastatos & 10. Sagittarios.
Episcopus Hildesensis, 5. Hastatos, 5.
Sagittarios.
Episcopus Herbipolensis, 15. Hastatos.
Episcopus Babenbergensis, 20. Hastat.
Episc. Eistettenensis, 10. Hastat.
Episc. Argentinenensis, 10. Hastat.
Episc. Constantienensis, 8. Hastat.
Episc. Basileensis, 2. Hastat.
Episc. Curienensis, 2. Hastat.
Episc. Vefontionensis, 6. Hastat.
Episc. Augustanus, 2. Hastatos.
Episc. Mindenensis, 6. Hastat.
Episc. Tullenensis, 3. Hastat.
Episc. Wirdunensis, 6. Hastat.
Episc. Lausanensis, 6. Hastat.
Episc. Spirensis, 3. Hastat.
Episc. Wormatienensis, 2. Hastat.
Episc. Verdenensis, 2. Hastat. 6. Sagitt.
Episc. Paterbornensis, 8. Hastat. 8. Sagitt.
Episc. Halberstadiensis, 6. Hastat. 6. Sagitt.
Episc. Bremensis, 10. Hastat. 10. Sagitt.

Episc. Ratisbonensis cum Capitulo, & Clero, & Prælati, 10. Hastat.
Civitas Ratisbonensis, 6. Hastat.
Episcopus Caminenensis, 6. Hastatos, 6. Sagittarios.
Episc. Monasterienensis, 10. Hastat.
Omitto hic Duces & Principes sæculares cum suo censu.
Omitto Dominos & Comites Germaniæ inferioris seu Belgii.
Omitto Comites & Dominos in Germania cum sua taxa & censu.

Census Abbatum & Prælatorum.

Abbas de Weissenburg, 2. Hastatos.
Abbas de Selsse, 1. Hastatum.
Abbas Murbacensis, 1. Hastat. 2. Sagitt.
Abbas Einidlenensis, 2. Hastat.
Abbas de Bebinhusin, 3. Hastat.
Abbas de Salmanweiler, 5. Hastat.
Abbas de Albe, 2. Hastat.
Abbas Campidunensis, 2. Hastat.
Abbas de Ochsenhusen, 2. Hastat.
Abbas de Korfzingen, 1. Hastat.
Abbas de Weingarten, 4. Hastat.
Abbas Fuldensis, 6. Hastat.
Abbas de Peterhusen, 2. Hastat.
Abbas Echlingensis, 2. Hastat.
Abbas de Zwifalde, 2. Hastat.
Abbas S. Georgii, 1. Hastat.

Abbas

Abbas de Yefene, 2. Haftatos.
 Abbas S. Joannis, 1. Haftatum.
 Abbas S. Blasii, 1. Haftat.
 Abbas de Kungseronen, 1. Haftat.
 Abbas de Schussenriet, 1. Haftat.
 Omitto Civitatum Germaniæ & Helvetiæ
 censum.
 Omitto censum Dominorum, qui num-
 mum centesimum dedere.

*Sequuntur Abbates, non Principes, sic
 recensiti.*

Abbas Bisse der weisse Mon.
 Abbas Ringovix.
 Abbas de Ochsenhufen.
 Ille de Rotten.
 Abbas vom Stein.

Abbas Sancti Petri.
 Abbas S. Ruperti.
 Abbas S. Mariæ.
 Abbas de Disenddis.
 Abbas S. Urbani.
 Abbas de Sant Esperg.
 Abbas de Rotenkirch.
 Abbas de Ottenburen.
 Abbas de Martcktail.

Hæc prima Matricula Cleri Germanici
 censi anno MCCCCXXII. in Comi-
 tiis Norimbergensibus ad Milites
 sufficiendos Expeditioni Bohemicæ
 contra Hussitas, & eorum affeclas.

*Teutsche Reichs - Abscheid, erster Theil,
 Grænckfurt 1747. pag. 117.*

NORIMBERGENSIS CONVENTUS

REGIS, EPISCOPORUM, ET PRINCIPUM.

Anno Christi MCCCCXXIII. Martini V. Papæ VI.
 Sigismundi Regis rom. XIV.

*De Bello Hæreticis in Bohemia inferendo per SECUNDAS
 Suppetias.*

SIGISMUNDUS Rex Norimber-
 gam processit, eo consilio, ut *nova*
 in Bohemiam adversus Hussitas auxilia
 compararet: neque enim iis tumultuan-
 tibus ipse se Regnum tenere posse puta-
 bat. Die constituto Fridericus Babe-
 bergensis, Joannes Würtzeburgensis, &
 Joannes Eystetenensis Episcopi, Albertus
 Austriæ, Christophorus Baviaræ, & Fre-
 dericus Saxoniarum Duces. Fridericus, Jo-
 annes, & Albertus Marchiones Branden-
 burgenses venerunt, accessit etiam JU-
 LIANUS Cardinalis Legatus a Martino
 V. PP. missus, ac concione advocata

Principes omnes ad arma adversus Hussi-
 tas capienda hortatus est, denuntians se
 remissionem omnium peccatorum omni-
 bus indulgere, qui rite confessi huic se
 militiæ devovissent. Quibus vocibus
 erecti Principes, qui aderant omnes, ut
 & Archi-Episcopus Moguntinus, Colonien-
 sis, Treverensis, Suevorum Sodalitas, quam
 Divi Georgii nominant, & Imperiales ci-
 vitates ad 40000. Equitum, & totidem
 ferme Peditum, nomina in illam expedi-
 tionem dederunt.

*Hoffmannus Annal. Bambergens. Lib. V.
 ex editione Clar. Petri Ludewig.*



CON-

CONCILIUM COLONIENSE

PROVINCIALE

Anno Christi MCCCCXXIII. Martini V. Papæ VI.
Sigismundi Reg. rom. XIV.

TITULI STATUTORUM ECCLESİÆ COLONIENSIS EDITORUM
A DOMINO THEODERICO, SANCTÆ COLONIENSIS
ECCLESİÆ ARCHI-EPISCOPO.

- I. *Contra fornicarios seu concubenarios Clericos.*
- II. *Contra Sæculares interdicientes suis subditis, ne civilia & necessaria commercia cum Clericis habeant, seu solita obsequia eis exhibeant.*
- III. *Officialis in causis Appellationum a Suffraganeis, servabit jura communia.*
- IV. *Contra abrogantes pias & laudabiles consuetudines.*
- V. *Stationariorum seu Quæstuariorum officia, solis tantummodo Sacerdotibus concedenda.*
- VI. *Contra deambulantes in templis sub Officiis Divinis.*
- VII. *In Vice-Curatores Ecclesiarum Parochialium non Fratres mendicantes, sed Presbyteri sæculares, si tamen idonei haberi poterunt, asserendi.*
- VIII. *Quibus de Concubinariis superius mandatum intelligendum?*
- IX. *Contra hæreses præsertim Wiclefficam seu Hussiticam per id tempus sævientem.*
- X. *Cur singulis Feriis sextis circa meridiem campana magna pulsetur, & cur item quotidie mane & vespere certorum ictuum pulsatio fiat.*
- XI. *Compassionis B. Mariæ festum seu memoria, quando in templis agenda.*
- XII. *Statutorum copia quibus necessario habenda.*

THEODORICUS, DEI GRATIA, SANCTÆ COLONIENSIS ECCLESİÆ ARCHI-EPISCOPUS, SACRI IMPERII PER ITALIAM ARCHI-CANCELLARIUS, WESTPHALIÆ ET ANGARIÆ DUX &c.

- I. *Contra fornicarios seu concubenarios Clericos.*

Licet per Sacros Canones Sanctorum Patrum, satis abunde contra notorios fornicarios Presbyteros, similiter & Clericos in Sacris Ordinibus constitutos, & Beneficiarios, focarias, & concubinas, & mulieres suspectas in domibus suis, & extra domum in Parochia publice habentes, provisum existat: quia tamen succrescente malitia temporis moderni,

Tomus V. Concilior. German.

labes hujusmodi criminis in Ecclesia Dei in tantum inolevit, quod scandala plurima in populo sunt exorta, & verisimiliter exoriri poterunt in futurum, & ex fide dignorum relatione percepimus, quod quidam Ecclesiarum Prælati, & alii etiam Capitula, ad quos, vel ad quem immediate correctio conjunctim, vel divisim ex Statuto seu consuetudine dignoscitur pertinere, obtentu commodi temporalis, vel ex negligentia, tales in suis ini-

E s

qui

quiritatibus sustinuerunt, & sustinent. Ideo hoc Sacro *Provinciali* Concilio approbante, monemus omnes & singulos Ecclesiarum Prælatos, & alios quoscumque nostræ provinciæ, etiam Capitula & Collegia, ad quos, vel ad quem hujusmodi Presbyterorum, Clericorum in Sacris Ordinibus constitutorum, ac Beneficiatorum, & aliorum correctio conjunctim, vel divisim immediate spectare dinoscitur, quatenus intra sex septimanarum spatium post præsentium Statutorum Provincialium publicationem, moneatis in specie, & nominatim sub pœna juris, & aliis maxime formidabilibus, omnes & singulos Prebyteros, & Clericos in Sacris Ordinibus constitutos, ut intra novem dierum spatium post hujusmodi monitionem eis factam, quorum dierum tres pro primo, tres pro secundo, & reliquos tres pro tertio, & peremptorio termino præfigimus, suas focarias, seu concubinas a se removeant, & ipsas ab eorum cohabitationibus, & a Parochia penitus expellant, ipsas vel alias minime in eorum habitationibus, & Parochia admittendi. Alioqui inobedientes, ab Officiis Divinorum suspendant: & si protervitas hoc eorum exegerit, Beneficiis suis priventur. Et si Prælati, & aliqua etiam Capitula, ad quos correctio præscriptorum immediate conjunctim, vel divisim pertinere dinoscitur, præscriptos concubenarios effectualiter non correxerint, ita quod ipsi præscriptas mulieres a se, & Parochia non removeant cum effectu vel animo, aut alias in eorum habitationes, vel Parochias resumpserint: & præscripti Prælati, & Capitula tales Presbyteros, vel Clericos, Beneficiatos, vel non Beneficiatos in suis iniquitatibus per spatium sex septimanarum sustinuerint, ex tunc volumus, quod correctio talium Presbyterorum, & Clericorum, Beneficiatorum, & non Beneficiatorum, ad Dicesanos locorum plenarie devolvatur. Et si Dicesani locorum per sex spatium mensium hujusmodi delicta reliquerint incorrecta, cum ex tunc possint notari de negligentia, volumus & statuimus, quod extunc illorum delictorum, & delinquentium correctio ad Nos libere devolvatur, non obstantibus quibuscunque pactis, consuetudinibus, seu statutis. Inhibemus etiam, ne Beneficiati prædicti filios, aut fi-

lias, vel concubinas dotent, aut ditent de Patrimoniis CRUCIFIXI, aut talium nuptiis, vel etiam exequiis audeant interesse: & qui contrafecerint, pœna Canonica percellantur.

II. *Contra sæculares interdicentes suis subditis, ne civilia, & necessaria commercia cum Clericis habeant, seu solita obsequia eis exhibeant.*

Item licet per Sacros Canones sit provisum contra obtrinentes temporale Dominium, interdicentes suis subditis, ne Prælati, aut Clerici, seu Personis Ecclesiasticis quicquam vendant, vel emant aliquid ab eisdem, neque ipsis blada molant, coquant panem, aut alia obsequia exhibere præsumant, cum talia in derogationem Ecclesiasticæ libertatis præsumantur: quia tamen per sæpe Universitates civitatum, oppidorum, villarum, & aliorum locorum, nec non collegia, societates, seu corpora ministeriorum seu officiorum mechanicorum, præscriptis similia, & interdum majora committunt, & contra tales provisum est; ideo statuimus & ordinamus, omnes & singulos ad hoc opem, consilium, auxilium, vel favorem præbentes, excommunicationis sententiam ipso facto incurrere. Et quia per præmissa providimus Clericis contra laicos, volentes etiam providere laicis contra Clericos, statuimus, quod ipsis laicis de Clericis conquerentibus, ab ipsorum Clericorum iudiciis fiat justitia expedita.

III. *Officialis in causis appellationum a Suffraganeis, servabit jura communia.*

Item statuimus, quod Officialis noster Colonienfis, qui fuerit pro tempore, in causis appellationum, quæ ad Curiam nostram ab audientia Suffraganeorum nostrorum, seu eorum Officialium devolventur, seu hætenus sunt devoluta, servant jura communia, & maxime illa, quæ introducta sunt per felices recordationis Innocentium Papam IV. quæ hodie sunt inserta *Libro sexto Decretalium*. Alioqui ipsum Officialem nostrum ab Officio suspendimus.

IV. *Contra abrogantes pias, & laudabiles consuetudines.*

Item cum præsumptuosa quorundam Dominorum temporalium, Judicum,

cum, Scabinorum, Consulum, universitatum, civitatum, oppidorum, villarum, & aliorum locorum, nec non collegiorum & aliorum, societatum, seu corporum, ministeriorum, & officiariorum mechanicorum, Rectorumque aliorum locorum, vel communitatum, aut quocunque nomine, vel titulo nominare se præsumunt, seu præsumant in futurum: in nonnullis nostrarum civitatis & Diœcesis, nec non Provinciæ terminis, contra Dei Ecclesiam, suam extendentium potestatem temeritas sic excrevit, quod consuetudines, & observantias vetustas, & laudabiles, pia fidelium devotione introductas, non absque serupulo hæreticæ pravitatis infringere moliantur, inhibendo, seu opem, operam, consilium, auxilium, & favorem ad hæc præstando, aut aliis callidis, & occultis machinationibus, seu conditis verbis, aut factis perficiendo, ne tempore exequiarum, ac, in *septimis, tricesimis, & anniversariis* Parochianorum defunctorum, aut alias quocunque tempore, panes, carnes, vel casei, seu pisces, vinum, vel cerevisia, seu candelæ, vel denarii, aut aliæ res quælibet, prout juxta morem, & consuetudinem prædictam earundem Ecclesiarum, Capellarum, vel Altarium, sub antiquis temporibus obtentum fuit, a Christi fidelibus utriusque sexus hominibus offerantur: ne etiam quis minus, aut aliud, quam certam monetam, aut ejus valorem, aut Petias effractæ monetæ, aut consimile (in præjudicium Ecclesiasticæ libertatis, ac contra constitutiones, & observantias memoratas) offerat temporibus antedictis, cum præmissa in Divinæ Majestatis offensam (a qua Majestate laici præscripti suas merito sibi datas recognoscere deberent potestates) ac Ecclesiarum earundem ac consuetudinum, observantiarum prædictarum grandem perniciem tendere dinoscuntur. Nos igitur hujusmodi ausibus nefariis occurrere cupientes, districtius inhibemus, ne quis in modis præscriptis, vel aliis quibuscunque, dictas consuetudines infringat, aut infringere five violare procuret, aut talia mandata, vel statuta, & novas consuetudines immo verius corruptelas de novo introducant, nec per se aliove, quibuscunque machinationibus, conditis verbis, vel factis qualitercunque efficiendo impendant,

Tomus V. Concilior, German.

quominus dictæ, aut quævis aliæ oblationes, Ecclesiis, aut Ecclesiasticis personis quibuscunque juxta vota fidelium libere offerantur: Nec ad prædicta facienda, vel non facienda, dent consilium, auxilium, opem, operam, vel favorem publice, vel occulte.

Insuper districtè præcipiendo mandamus, ut in contrarium attentata, si quæ sint, revocent, & revocari procurent cum effectu intra mensem post publicationem hujusmodi nostri statuti. Alioquin in omnes & singulos, in præmissis contrarium facientes, & in his, aut aliquo ipsorum inobedientes & rebelles, excommunicationis sententiam, quam etiam ipsos per jus commune incidisse reputamus, ferimus in his scriptis: a qua, nisi Rectori Ecclesiæ, Capellæ, vel Altaris, cujus oblatio (ut præmittitur) impedita fuerit vel diminuta, de injuriis, damnis, expensis, & interesse, prius integre satisfactum fuerit, nullatenus absolvantur. Volentes, quod universi & singuli Ecclesiarum Rectores, & eorum vices gerentes prædicti, quorum interest, præmissa suis Parochianis singulis mensibus semel publicare non omittant. Et si universitas in præmissis, vel aliquo præmissorum deliquerit, vel contrafecerit, Ecclesiastico supponimus interdicto.

*V. Stationariorum, seu Quæstuariorum
Officia solis tantummodo Sacerdotibus concedenda.*

Item statuimus, & inhibemus sub pœna excommunicationis latæ sententiæ, ne quis de Officio quæstionatus Eleemosynarum se intromittant, nisi in Sacris Ordinibus fuerit constitutus. Nec ambonem ad prædicandum populo, aut charitativa postulandum subsidia, aut indulgentias sibi commissas insinuandum, vel aliud, quam in eorum literis Apostolicis, vel Diœcesani Episcopi continetur, exponendum, nisi in Sacerdotio constitutus, ascendere præsumat. Mandantes universis & singulis Diœcesanis nostris Capitulis, & aliis, ad quos talium constitutio dinoscitur pertinere, ne alicui, nisi secundum formam statuti, literas concedant, & extra istam formam concessas, quantocius revocare procurent.

VI. *Contra deambulantes in Templis
sub Officiis Divinis.*

Item statuimus, ne Canonici ac Beneficiarii in Ecclesia, vagentur in Choro vel in Ecclesia, aut etiam intra Ecclesiam, vel cœmeterium de loco ad locum, nec stando, nec sedendo inutiliter fabulentur, quamdiu inibi Divina peraguntur. Sed morate & distincte in Choro intendant Divinis, sub pœnis privationis fructuum ad octo dies.

VII. *In Vicecuratos Ecclesiarum Parochialium non Fratres mendicantes, sed Presbyteri seculares, si tamen idonei haberi poterunt, asserendi.*

Item statuimus, & ordinamus sub pœna excommunicationis, quam ferimus in his scriptis, ne aliquis Rector, aut perpetuus Vicarius Parochialis Ecclesiæ, seu Capellæ, ordinet, constituat, vel deputet aliquem Religiosum mendicantem, ad regendum, & gubernandum, seu officiandum Ecclesiam suam, vel ejus Vicariam seu Capellam, aut alias vices suas committere talibus præsumat, modo alter idoneus commodè haberi poterit, dolo & fraude seclusis. Datum, Statutum & ordinatum Colonix de consilio, & in præsentia Venerabilium Virorum Ambasiatorum, & Nuntiorum Reverendorum Patrum, & Dominorum Suffraganeorum nostrorum *Leodiensis, Trajectensis, Monasteriensis, Mindensis, & Osnaugensis Episcoporum: ac Capitulum Ecclesiarum earundem*, qui ad hoc missi fuerunt in multitudine copiosa, Anno Domini mccccxxii. die Sabbati, vigesima mensis Martii, sub sigillo nostro, præsentibus impresso in testimonium præmissorum.

VIII. *Quibus de concubinariis superius mandatum intelligendum?*

THEODORICUS, Dei gratia, Sanctæ Colonienſis Ecclesiæ Archi-Episcopus, Sacri Imperii per Italiam Archi-Cancellarius, Westphaliæ & Angariæ Dux &c. Cum Nos nuper editioni nostrorum Statutorum Provincialium in sessionibus nostri Concilii Provincialis solenniter publicatorum, auctoritatem, consensum, & operam dederimus: jura tamen, & jurisdictiones, aut libertates Suffraganeorum nostrorum, & Ecclesiarum, aut alio-

rum quorumcunque Judicum Provinciarum nostrarum, tollere aut lædere, vel eos ad aliquod verisimiliter impossibile, obligare non intendebamus, nec intendimus: Idcirco ad omnem ambiguitatem tollendam, quæ circa statutum, pridem in hoc Sacro Concilio contra concubinos editum, possit suboriri, declaramus hoc statutum ad *notorios* concubinos, concubinas in eorum habitationibus, vel alibi publice detinentes, duntaxat extendi debere. Nolumus etiam vigore dicti statuti, Nobis aliquam jurisdictionem acquiri, vel ad Nos devolvi. Carolinam in Generali Concilio Constantiensi approbatam, mandamus ab omnibus observari; ipsamque aliis constitutionibus Statutorum Provincialium volumus insertam haberi.

IX. *Contra hæreses præsertim Wiclefficas seu Hussiticam per id tempus sævientem.*

Hæreses hæreticorumque Joannis Wicleff, Joannis Hus, & Hieronymi de Praga doctrinas erroneas anathematizamus, reprobamus, & totaliter condemnamus, asserentes cum Concilio Generali Constantiensi, quod omnes hujusmodi articuli, aut sunt piarum aurium offensivi, aut seditiosi, aut scandalosi, vel manifeste a fide devii, seu expellam hæresim continentes, prout in sententia lata contra dictos hæreticos, & ipsorum perversa dogmata, plenius continetur. Quapropter universos, & singulos subiectos Nobis in virtute sanctæ obedientiæ requirimus, & eis præcipiendo mandamus, quatenus in Spiritu virtutis Dei exurgentes, prædictorum hæreticorum sequaces, aut fautores, aut receptatores; & eorum doctrinam reprobam cum opusculis memoratis, ubicunque illos seu illas contigerit reperiri, diligenter inquiratis; Nobisque Ordinario loci, aut alicui ex Inquisitoribus hæreticæ pravitatis, ad hoc a Sede Apostolica deputatis, vel deputandis productis, vel reveletis, atque mediante justitia (si non respuerint) exterminari fideliter procuretis. Nos enim omnibus per nostram Provinciam constitutis, confisus & contritis, qui ad hoc operam efficaciter dederint, aut qui in expeditione exercituum contra dictos hæreticos profecti fuerint. de Omnipotentis Dei misericordia

dia, & Sanctorum, ac Sanctorum nostrorum Patronorum, & Patronarum meritis, aut precibus confisi, XL. dies indulgentiarum de injunctis eis penitentiis misericorditer in Domino relaxamus: Suffraganeos Provinciæ nostræ in Domino hortantes, ut his nostris indulgentiis similes in suis civitatibus, & Dicecesibus superaddant. Mandantes insuper omnibus & singulis Ecclesiarum Rectoribus, & eorum Vicariis seu Presbyteris, aliisque Prædicatoribus per Provinciam Coloniensem, quod in singulis sermonibus suis ad populum faciendis, exhortationes faciant speciales ad inducendum, populum congruis modis, ut orationes, jejunia, & alia pia opera, omnesque Presbyteri d. tæ Provinciæ nostræ, Missarum in solenniis celebrandis, speciales collectas, & Suffragia nostro offerant Salvatori, quatenus Ecclesiæ Sanctæ, & veris Christicolis contra quoscunque persecutores, aut rebelles ejusdem, præsertim fidem impugnantes, largiri dignetur viæ gloriam & triumphum.

X. *Cur singulis feriis sextis circa meridiem campana magna pulsetur, & cur item quotidie mane, & vespere certorum ictuum pulsatio fiat?*

Item deinceps in singulis civitatum & locorum Provinciæ nostræ principalibus Ecclesiis Collegiatis & Parochialibus, omnibus feriis sextis hora meridiei, vel circa, in memoriam Passionis, & mortis Domini nostri JESU Christi, nostrique Redemptoris, solemniter campana cujuslibet Ecclesiarum magna pulsatur, ad excitandum Christi fideles, ut eadem hora memoriam Passionis Christi, & suæ redemptionis devotius recolant, & per ejus merita, misericordiam Dei pro præmissis, & omni necessitate Ecclesiæ implorent. Similiter quoque approbante hoc Sacro Provinciali Concilio statuimus, ut deinceps in singulis Ecclesiis prædictis omni die circa solis ortum, in memoriam compassionis Gloriosæ Virginis Mariæ pulsatur tribus vicibus campana magna ipsius Ecclesiæ: & prout hætenus circa occasum solis pro salutatione ejusdem Virginis Gloriosissimæ pulsari consuevit, ad hortandum Christi fideles, ut in laude ipsius Virginis incipientes, eam cum salutatione Angelica veneratione,

ut ipsa, quam Filius ejus nihil negans semper honorat; pro Nobis, & omni necessitate nostra apud Dominum intercedat. Nos enim omnibus contritis & confessis, in Provincia nostra constitutis, qui feria sexta tempore pulsus in memoriam Passionis, & mortis Domini nostri JESU CHRISTI tria PATER NOSTER, & tria AVE MARIA &c. Nec non, qui tempore pulsus, qui singulis diebus fieri debet circa ortum solis, ter salutationem Virginis Angelicam, AVE MARIA flexis genibus oraverit, de Omnipotentis Dei misericordia, & autoritate nostra Metropolitana, & Ordinaria XL. dies indulgentiarum de injunctis eis penitentiis toties quoties hoc fecerint, misericorditer in Domino relaxamus: Suffraganeos Provinciæ nostræ in Domino hortantes, ut his nostris indulgentiis similes in suis civitatibus & Dicecesibus superaddant.

XI. *Compassionis B. Mariæ Festum seu memoria, quando in templis agenda.*

Ad gloriam Sanctæ, & intemeratæ Virginis Dei Genitricis pro miseris peccatoribus Filium suum Crucifixum assidue deprecantis & orantis, cujus laudes etiam omnes arenulæ maris, in linguas converterentur, depromere nequirent: nec non ad honorem illius angustiarum & doloris, dum Redemptor noster JESUS Christus expansis manibus in ara Crucis pro salute nostra immolatus, matrem suam benedictam dilectissimo discipulo suo Joanni Evangelistæ commendavit, & præsertim ut prophanorum hæreticorum Hussitarum perfidia, qui imagines ad laudem Crucifixi, & Gloriosæ Virginis dedicatas, ausu sacrilego comburere, & devastare minime formidarunt, nec formidant, statuimus, & ordinamus, ut Festum Commemorationis præfatæ Angustiarum, & Doloris B. Mariæ Virginis, deinceps singulis annis feria sexta post Dominicam JUBILATE, nisi aliquod festum eodem die intervenerit, & ex tunc prima feria sexta proxima subsequenti, in primis Vesperis, Matutinis, aliisque horis, nec non in secundis Vesperis in choro tantum, in omnibus Ecclesiis Provinciæ nostræ subjectis, secundum Notas, & Historiam, & Homiliam de eodem Festo

compositas solenniter celebretur: ut Dominus noster JESUS Christus velamina de cordibus eorundem hæreticorum auferat, & eisdem ad Sacrosanctam Fidem Catholicam revocare, & Christi fideles ab erroribus, & omni malo per piissimam suam misericordiam præservare & custodire dignetur. Cuicumque autem interessenti huic Missæ cum devotione, de Omnipotentis Dei misericordia, & autoritate nostra Metropolitana & ordinaria, XL. dies indulgentiarum de injunctis eis penitentis misericorditer in Domino relaxamus: exhortantes Suffraganeos Provinciæ nostræ in Domino, ut his nostris indulgentiis similes in suis civitatibus & Diocæsesibus superaddant.

XII. Statutorum copia quibus necessario habenda.

Cæterum mandamus omnibus Suffraganeis nostris, & eorum cuilibet, ut Statutorum in Sacro Provinciali Concilio conclusorum & publicatorum copiam sub forma authentica intra unum

Meminit hujus Synodi Joannes Gerson, Cancellarius Parisiensis Universitatis, cum magna laude Theodoricæ, utpote reformatis mores Clericorum suæ Ecclesiæ: L. De modis uniendo ac reformandi Ecclesiam. Apud Cl. von der Hardt Tom. I. Part. V. pag. 104.

Cl. Lunig. Specul. Eccles. Continuat. P. I. pag. 576.

Cl. Morckens in vita Theodoricæ hujus pag. 147. ait illud anno 1418. Conventu Constantiensis soluto, Constitutiones ejusdem per suam Diocæsin publicari, & ab omnibus observari præcepisse, idque constare scribit ex actis Concilii ab eo vulgatis, quæ ego hactenus non vidi.

mensem immediate subsequentem recipiant, & suis Synodalibus Conciliis faciant publicari intra tempus a jure statutum, ne quispiam de sibi subiectis, de eorum editione prætereundum valeat ignorantiam, vel allegare. Et præcipue mandamus Decanis Ecclesiarum nostrarum civitatis & Diocæsis, ac Christianitatum Decanis, quatenus ea in suis Ecclesiis, & Capellis conservent, & publicent, ac ulterius dent (per copiam) Ecclesiarum Rectoribus Decanatum eorundem: alioqui justo impedimento cessante, præmissa negligentes per excommunicationis sententiam, tanquam inobedientes, volumus canonice puniri.

Pronuntiatum in Ecclesia nostra Colonienſi sub anno a Nativitate Domini MCCCXXXIII. die Jovis, XXII. mensis Aprilis, sub Sigillo nostro præsentibus aprefso in testimonium præmissorum.

Ex Statutis Ecclesiæ Colonienſis, Typo Quenteliano anno 1554. unde Harduin Tom. VIII. pag. 1007.

CONCILIIUM TREVERENSE PROVINCIALE

Anno Christi MCCCXXXIII. Martini V. Papæ VI.
Sigismundi Rom. Reg. XIV.

STATUTA VI. Concilii Trevirensis sub OTTONE (a)
Archi-Episcopo.

Hæc sunt Statuta (b) per Reverendissimum in Christo Patrem & Dominum OTTONEM, Dei gratia, Sanctæ Treverensis Ecclesiæ Archi-Episcopum, Germaniæ & Galliæ Bel-

giæ Primatem, atque Sacri Imperii per Galliam & Regnum Arelatensæ Archi-Cancellarium, cum suis Suffraganeis, videlicet Reverendo in Christo Patre, Domino Conrado Beyber, Episcopo Metensi,

per-

(a) Otto de Ziegenheim electus fuit Archi-Episcopus Treverensis 13. Octobris anno 1418. Sedit annos XI. Mortuus 13. Februarii anno 1430.

(b) Multum utique fructum ab hoc Concilio habuit Otto; non tamen a Metropolitano Capitulo eum, quem speraverat. Testantur id Gesta Trevir. Marten. pag. 447. Nempe Archi-Episcopus suam Sponsam Ecclesiam & Capitulum Treverensæ zelo opti-

personaliter præsente, & Reverendo Patre Domino *Henrico*, Episcopo *Tullenfi*, per Procuratorem, videlicet Magistrum *Ymentum de Tapejo*, in legibus Licentiatum, comparente: & Reverendo in Christo Patre, Domino *Ludovico*, Episcopo seu Administratore perpetuo *Viridunensi* Cardinali in remotis agente, & absente, licet vocato, cæterisque Prælati, Religiosis & Sæcularibus Provinciae *Treverensis* in Concilio Provinciali, anno Domini Millefimo, quadringentesimo, vigesimo tertio, XXVI. die Aprilis, in Ecclesia *Treverensi* celebrato, edita, atque per ipsum Sacrum Concilium approbata & ratificata.

Cap. I. De Fide Catholica.

Sanctam Orthodoxam atque Apostolicam Ecclesiam, sanguine victimæ *Pachalis* dedicatam, unicam æterni Sponsam Regis, ipso Sponso in canticis proclamante. *Una est Columba mea* &c. extra quam non est salus: Per unicam arcam *Noe* tempore generalis diluvii, extra quam cuncta animantia super terram deleta sunt, designata: pro qua Dominus per Prophetam oravit, dicens: *Eripe a framea Deus animam meam, & de manu canis unicam meam.* Ubi primum pro se tanquam pro Capite, deinde pro unica ejus sponsa oravit, hanc credimus & simpliciter profitemur. In qua secundum cultum Christianæ Religionis a Spiritu Sancto per Sanctos Apostolos Ecclesiæ Primates primitus introductum, Martyrumque constantia roboratum, Confessorum & Virginum exemplis decoratum, per Sanctos Ecclesiæ Doctores plantatum, atque per Romanos Pontifices Christi Vicarios, Petri Successores suis monitis & præceptis traditum & expressum, vivere tenemur. hunc siquidem Catholicæ Fidei ritum & vere Fidelium cultum, quidam Pseudo-Prophetae suis falsis dog-

matibus & reprobatis doctrinis nitebantur pervertere, his modernis temporibus: inter quos primo *Wicleff*, demum *Husz* & *Hieronymus* hæresiarchæ, Ecclesiam Dei turbarunt. Qui, licet cum suis erroribus & falsis doctrinis cum eis adherentibus per Ecclesiam sunt damnati, ac in Sacrosancta Generali *Constantiensi* Synodo, per sententiam reprobati, plures tamen ipsorum errores sequentes reliquerunt, qui ut experientia didicimus, suis lupinis moribus & caninis latratibus, per se, & certos ipsorum nuntios, per mundum vagantes, suo letifero potu vix numerabilium errorum via quadam *Anthichristiana*, Dei Ecclesiam nituntur ad exterminium ducere, & veros Christi fideles a via veritatis declinare, & diabolico instinctu in fauces rugientis (a) producere. Volentes itaque super grege *Dominico* Nobis commisso pervigili cura, ut tenemur, vigilare, autoritate hujus Sacri Concilii Provincialis, statuimus: & in virtute sanctæ obedientiæ, ac sub pœna excommunicationis latæ sententiæ, quam pro nunc prout ex tunc, firmiter in his scriptis, salvis aliis pœnis in jure expressis, mandamus, ne aliquis Clericus, vel laicus scilicet perversam dictorum *WICLEFF*, *HUSZ*, & *HIERONYMI*, aut eorum sequentium, qui vulgo *Hussitæ* vocantur, vel quorumcumque, etiam aliorum ab Ecclesia damnatorum, doctrinam acceptet, neque tales, aut eorum defensores, aut receptatores, aut nuncios scienter ad sua hospitia recipiant, auxilium, favorem, vel defensionem administrent, quomodolibet vel assistant. Præcipimus insuper omnibus & singulis Dominis, temporalem jurisdictionem habentibus, ut quam statim tales in suis territoriis adesse noverint, ipsos captivent, & Prælati suis Superioribus, ad quos spectat talium examen, ad examinandum eosdem præsentent, & quilibet eorum præsentet sub præ-

" optimo & sincero reformare, & ad meliorem statum reducere cupiens; cui Canonici Capitulares *Treverenses* fortiter se opposuerunt & restiterunt. Tandem sentiens ipse Dominus & Pater Reverendissimus *Otto* se non posse solum proficere in hujusmodi sancto & bono inchoato opere, quendam Legatum Sedis Apostolicæ *HENRICUM*, Cardinalem de Angliâ, de sanguine Regis Angliæ natum, secum *Treverim* cum multitudine Doctorum Virorum adduxit, sperans, inde consequi aliquam bonam reformationem & optatum fructum. Sed, prohi dolor! fator mali seminis corda Canoniorum *Trevirensium* obcæcavit in tantum, quod ipsi Canonici tam Cardinali, quam Archi-Episcopo præfatis restiterunt, ita quod ambo nihil proficerent; sed absque aliquo optato fructu reformationis recefferunt: permittentes Canonicos ipsos in suis antiquis consuetudinibus vel abusionibus. *Ex Illust. D. Hantbeimio.*

(a) forte: projicere

prædictis pœnis. Inferioribus vero, jurisdictionem non regentibus, sub prædictis pœnis injungimus, ut præfatos sic errores seminantes, sine dilatione Prælati Superioribus denuntient, si eorum accessum commode habere poterint. Sin autem; judicibus temporalibus manifestare procurent, qui sub pœnis prædictis tales denuntiatos captivent, & ut præfertur, Præfato Superiori ad examinandum eosdem absque mora studeant perstrutari. Hortamur insuper, & omnibus vere fidelibus, & devotis utriusque sexus, & præsertim religiosis injungimus, ut puro corde, & humili spiritu Deum Omnipotentem exorent, ut sua inoblita bonitate, mentes fidelium errorum armis suæ inexpugnabilis potentia protegat & defendat.

C. II. *De Horis Canonicis legendis & cantandis.*

Attendentes, quod Clerici Beneficiarii, & in Sacris constituti ad immolandum sacrificium laudis, fructum laborum suorum, videlicet horas Canonicas dicendum, in puritate conscientia, & cum devotione, tenentur: quas sæpius, quod dolentes referimus, tam Religiosi, quam sæculares personæ sine advertentia legentes, atque syncopando celeriter discurrentes, ulla disciplina tempore psallendi, servata, taciturnitate, seu silentio prætermisso, & plerumque extranea, prophana, & inhonesta intermiscendo colloquia, horis indebitis pensum suæ servitutis persolvunt. Ne igitur transgressionem hujusmodi invalescant, sacri approbatione Concilii statuimus, ut in Cathedralibus, & Regularibus Monasteriis, & Collegiatis Ecclesiis, Canonici & Religiosi, cæteræque Ecclesiastica personæ debitis horis per se, impedimento cessante, non tantum per pueros, devote cum debitis pausis, silentio servato, sine syncopatione, attenta mente, ut chorus tacens, quid alii legant, advertat: singulas horas Canonicas, cæteraque Divina Officia studeant adimplere, qui postquam chorum intraverunt, ab eodem non recedant, nec tempore Divinorum in Ecclesia, præsertim in navi Ecclesiæ, non deambulent, sine rationabili causa. Caveant tamen Clerici, ne in cantando Divinum Officium voces eorum exaltando plus hominibus placere studeant, quam

præstare Deo officium intendant. Nam in sacro ministerio, dum blanda vox queritur, congrua vita negligitur. Et Cantor Deum moribus stimulat, cum populum vocibus delectat. Cæteri vero Pastores, Vicarii, & alii simplices competentis tempore cum debita animadvertentia, & totali verborum expositione horas Canonicas legant, & Divinum Officium nocturnum sive & diurnum studiose celebrent & devote, salvis rationabilibus privilegiis, & statutis quarumcunque Ecclesiarum, præcipientes omnibus, & singulis Ecclesiarum Prælati, ceterisque, quorum interest, ut omnium negligentia, vel incuria relegatis circa prædicta, vel præmissa reformanda, & eorum singula corrigenda, sollicitam curent diligentiam adhibere, non obedientes per censuram Ecclesiasticam, aut subtractionem fructuum corrigendo.

C. III. *De Fornicatoribus Clericis, Beneficiatis & Ordinatis.*

Quamvis Divino Præcepto omnes teneantur crimen fornicationis vitare, præcipue tamen Viri Ecclesiastici, Sacerdotes, & Ecclesiarum Prælati, quibus per Prophetam Dominus ait: *Sancti estote, quoniam ego Sanctus sum Dominus Deus vester.* Cum enim ipsi dicantur Templum Domini, & debeant esse Sacrarium Spiritus Sancti, indignum est, eos quibuslibet immunditatis servire, ne & istud terribile verbum audiant, quod Dominus per Prophetam dicit: *O vos Sacerdotes, qui fallitis nomen meum, & dixistis, in quo fallimus? quibus respondit: offerentes ad Altare meum panes pollutos; non est mihi voluntas in vobis, & sacrificium non accipiam de manibus vestris,* quia polluti estis, dicit Dominus. Summo ergo opere cavere debent Clerici, & maxime Sacerdotes a cohabitatione mulierum præsertim suspectarum, ne antiqui hostis fraude decipiantur. Quamquam autem contra Clericos in sacris constitutos concubinas notorie secum tenentes, aut alias suspectas mulieres multa sint edita jura nova, sintque plures pœnæ appositæ: multi tamen hujus temporis Clerici dictas pœnas non verentur, sed nefando hujus criminis vitio se contaminant, unde plura scandala oriuntur, & verisimiliter nisi providerint, evenient graviora.

Cu-

Cupientes itaque huic morbo salubriter providere, auctoritate hujus Sacri Concilii statuimus & ordinamus, ut nullus Presbyter, vel Clericus in sacris Ordinibus existens, vel Beneficiatus, concubinam, vel interdictam, vel suspectam mulierem secum in domo teneat. Et si quis hujusmodi talem personam in animæ suæ periculum, honoris & sui status detrimentum tenuerit, teneat, vel actu detinet, eandem infra duodecim dies a tempore publicationis hujus statuti, quorum quatuor pro primo, quatuor pro secundo, & reliquos quatuor dies pro ultimo, & peremptorio termino, & Canonica monitione assignamus, a se realiter, & cum effectu amoveat, & dimittat; & de cætero ad se eam non admittat; seu ad eam accedat, vel cum ea commercium suspectum quomodolibet habeat, sed neque aliam talem assumat, sub pœna perditionis omnium fructuum suorum Beneficiorum unius anni. Quod si nec a prædictis destiterit, per Superiorem suum a Divinis suspendatur, & per alias pœnas, & censuras Ecclesiasticas usque ad Beneficii, seu Beneficiorum suorum pravaricationem procedatur: in quo, si Prælati, vel Collegia correctionem subditorum habentes, post mensem negligentis reperti fuerint, extunc talium correctio ad Nos, vel Episcopum loci ipso facto devolvatur.

Inhibemus insuper prædictis Sacerdotibus & Clericis in Sacris existentibus, ne de stipendio CRUCIFIXI suos filios vel filias, spurios vel concubinas dotent & dient, neque aliud quid de prædictis bonis legent, & neque filios aut filias infantes in suis domibus teneant, aut nutrant, ipsosque filios aut filias sic foveant in victu & vestitu, ut omnis occasio scandali vitetur.

C. IV. De habitu Clericorum.

Clericalis Ordo debet quasi stella matutina in medio nebulæ, & quasi sol refulgens lucet, ad decorem domus Dei, in alios splendere. Sunt enim Clerici in sortem Domini electi, & quasi signum ad sagittam sunt positi. Sicut ergo cæteris dignitate præcedunt, ita decenti habitu, morum honestate, vitæ sanctitate in se debent ostendere, qualiter alios in domo Dei oporteat conversari. Et præcipue Prælati Ecclesiarum, qui ad exemplar, & normam vivendi, cæteris

sunt interpositi: qui summo studio præcavere debent, ne aliqua inhonesta committant, unde scandalum in subditis mentium possit generari: quod enim a Prælati agitur, facile a subditis in exemplum trahitur. Unde igitur Clerici discant a vetitis abstinere, auctoritate hujus Sacri Concilii Provincialis statuimus, ut ipsi suos actus & mores, secundum Decreta Sanctorum Patrum, juris dispositionem, salubriaque monita, atque statuta nostrorum Antecessorum dirigant, & ipsa observare procurent. Specialiter tamen inhibemus, ne quis Clericorum nefanda juramenta, per corporis membra, aut sanguinem nostri Redemptoris, aut alias blasphemias in Deum aut Sanctos ejus dicere, ullo modo præsumat, sub pœna amissionis omnium fructuum suorum Beneficiorum per tres menses.

Item mandamus, ut Clerici in Sacris & Beneficiati existentes, a ludis illicitis abstineant, & maxime a ludo taxillorum vel alearum, qui causa avaritiæ vel turpis quæstus sunt. Officia etiam a jure Clericis prohibita non exercent: ut officium tabernariorum & similiarum a jure prohibitorum. Item cum Sacerdotes & Clericos oporteat per decentiam habitus extrinseci, intrinsecam moris honestatem ostendere, statuimus, ut nullus Clericorum in Sacris existentium, abjecta forma Ecclesiasticæ honestati congruente, alienam formam sibi prohibitam; in suis vestibus deferre præsumet, ne miles celestis militiæ suo habitu, militem armorum se ostendat, sed in decenti veste incedat, suumque habitum in colore, forma, seu figura deferat, prout Sancti Patres ordinarunt, juraque sub certis pœnis sanxerunt, & novissima Sacri *Constantiensis* Concilii Decreta mandaverunt, Antecessorumque nostrorum Statuta salutaria statuerunt: tonsuram etiam & coronam quilibet ipsorum decenter portet, juxta sui Ordinis qualitatem.

C. V. Ne quæstores sine licentia Episcopi loci admittantur.

Ad refrenandum continuos quæstorum excessus, quibus novis excogitatis modis pauperes decipere, & eleemosynas ab eis extorquere diversis fallaciis conantur, nunc indulgentias promittendo, nunc vero certas infirmitates, & plagas a Sanctis, sub quorum nomine eleemosy-

nas petunt, infligendas comminando, variisque aliis deceptionibus populum simplicem, ad manus eis adjutrices præstandum inducendo: nonnullis etiam eorum se quæstores certorum hospitalium, vel locorum Religiosorum falso mentiando, simplicibus falsas literas adulterinis sigillis ostendentes, neque in aliqua Ecclesia Nobis subjecta, sine literis nostris, aut Episcopi loci, seu Apostolicis admittantur. Statuimus & ordinamus, ut nullus laicus in quæstorem admittatur. Habentes autem literas Apostolicas non admittantur, nisi prius Nobis, vel Episcopo loci ad examinandum easdem literas se præsentent. Nullus etiam quæstorum qualescunque literas obtineat, ad prædicandum vel aliqua intimandum admittatur, nisi secundum constitutionem Clementinæ constitutionis: *De Penitent. & Remiss.* Nullus etiam talium quæstorum ad petendum eleemosynam in aliquo loco recipiatur, nisi prius literas suas Pastori, vel Vicario ejusdem loci præsentet, qui ipsum secundum formam infra scriptam admittat. Quod si aliquis sine literis, vel literis non præsentatis, sub forma quæstorum eleemosynam in Ecclesia vel extra petierit, per Pastorem vel Vicarium ibidem regentem, Nobis, vel Episcopo loci, aut Officiali denuntietur. Ut autem forma dicta Clericis cunctis pateat, ejus tenorem de verbo ad verbum decernimus apponi, quæ talis est: Abusionibus, quas nonnulli eleemosynariorum quæstores in suis apponunt prædicationibus, ut simplices decipiant, & aurum subtili vel fallaci potius ingenio extorqueant ab eisdem, cum in animarum cedat periculum & scandalum plurimorum, nam prout Nobis est possibile præcludere cupientes juxta Statutum Concilii Generalis duximus prohibendum districte, ne quæstores aliqui nisi Apostolicas vel Diocesani Episcopi literas exhibuerint, quomodolibet admittantur, nec permittantur, cum solum (b) ipsis competit indulgentias sibi concessas insinuare populo, & charitative postulare subsidia simpliciter ab eodem, & nullatenus ipsi populo prædicare, nec aliquid exponere, quam quod in literis continetur. Supradictas literas quoque Apostolicas Diocesani Episcopi, ne quid fraudis committi valeat, antequam quæstores admittantur,

examinent diligenter. Ad hæc tamen aliqui ex hujusmodi quæstoribus, sicut ad nostram audientiam est perlatum, non sine multæ temeritatis audacia & deceptione multiplici animarum, indulgentias populo suo motu proprio de facto concordant (c), super votis dispensant, a perjuriis, homicidiis, & peccatis aliis sibi confitentes, a peccatis absolvunt, & male ablata, autoritate data sibi aliqua pecuniaria quantitate remittunt, tertiam aut quartam partem de penitentiis injunctis relaxant, animas tres, vel plures parentum, vel amicorum illorum, qui eleemosynas eis conferunt, de purgatorio, ut asserunt mendaciter, extrahunt, & ad gaudia Paradysi perducunt, Benefactoribus locorum, quorum quæstores existunt, remissionem plenariam peccatorum indulgent, & aliqui ex ipsis eos a pœna & a culpa (uti eorum verbis utamur) absolvunt. Nos abusus hujusmodi, per quos censura vilescit Ecclesiastica, & clavium Ecclesiæ autoritas deducitur in contemptum, omni modo aboleri volentes, ea per quoscunque quæstores fieri, vel attentari de cætero districtius prohibemus omnia & singula privilegia, siqua super præmissis, vel eorum aliquo sint in aliquibus locis, ordinibus vel personis quæstores hujusmodi, quomodocunque concessa, ne ipsorum prætextu sit eis materia talia ulterius præsumendi, autoritate Apostolica, quantum ad præmissa penitus revocantes. Quæstores autem, qui deinceps in præmissis, vel aliquo præmissorum, deliquerint, vel alias etiam quibuscunque suis privilegiis abusi fuerint, super locorum Episcopos puniri volumus, nullo modo prorsus eisdem quæstoribus in hac parte privilegio suffragante, quod a suis temerariis ausibus, qui ubique, ut communis habet assertio, nimium excreverunt, pœnæ formidine perpensus compescantur.

C. VI. De Confessoribus.

Cum, ubi majus fertur periculum, cautius sit agendum, volentes itaque salutem animarum providere, & quibusdam periculis, fraudibus quorundam Confessorum plus lanam quam ovem diligentium, quantum possumus obviare: hortamur omnes & singulos Religiosos, ut sæculares Confessores audientes, ut more periti

(b) aliàs: per ipsas competat

(c) aliàs: concedunt

periti medici debitam medelam confessis adhibeant, & salutarem poenitentiam imponant, & peccati circumstantias, eisdem in virtute sanctæ obedientiæ præcipimus, ne propter munera, aut spem lucri, poenitentiam minorem quam expediat, injungant, nec ob aliquam causam duriorē infligant, neque aliquis eorum a confitente ante vel post aliquid exigat, vel extorqueat. Sed nec alicui res oblatas aut ablatas, vel alienas detinentem, nisi restituat, absolvat, nisi sibi fuerit facultas restituendi de eisdem, aut aliis rebus: neque illas res restituendas Confessor recipiat, etiam sub promissione restitutionis faciendæ, nisi forte per alium restitutio ita caute fieri non possit. Item confessor poenitentiam, vel onus confesso injunctum pro aliqua pecunia, vel munere ad perficiendum in se non recipiat, neque assumat, sub pœna amissionis officii audiendi confessionem utque ad gratiam nostram, vel Ordinarii loci sub quo deliquit: sub simili pœna præcipimus, ut nullus confessor aliquem absolvat, in quem potestatem non habeat, & præsertim ut ne absolvat aliquem in casibus specialiter Episcopo reservatis, nisi ad hoc a suo Superiore commissionem habeat. Nullus etiam Confessorum confessionem

audiat in domo sua, vel camera privata, sed in Ecclesia, refectorio, aut ambitu, aut alio loco decente, pœnis sub prædictis. Item simpliciter quorundam Presbyterorum, qui interdum aliis Presbyteris, Curatis vel non Curatis nullam in eos potestatem habentibus confitentur, succurrere cupientes, inhibemus, ne de cætero aliquis Presbyter alicui curato, aut non curato nullam superioritatem in eum habenti, confiteantur (a) sine licentia sui Superioris, cum a non suo iudice nullus ligari valeat vel absolvi.

Per præmissa tamen hujus Sacri Concilii Statuta nolumus neque intendimus statutis Prædecessorum nostrorum, & maxime statutis per BALDUINUM felicitis memoriæ, in Concilio Provinciali editis, & post per eum modificatis, in aliquo contradicere; derogare, seu ea revocare: sed ipsa statuta auctoritate hujus Sacri Concilii approbamus, innovamus & ratificamus, singulisque Nobis subjectis in virtute sanctæ obedientiæ præcipimus, ut eadem statuta observent, eis utantur, & secundum ea vivere non obmittant.

Illustrissimus Hontheimius Tomo II. Historia Diplomatica Treverensis No. DCCXCIII. pag. 367.

(a) lege: confiteatur.

Epistola hortatoria CONRADI, Moguntiae

Archi-Episcopi, ad Bellum Hussiticum, requisiti à Cardinali Angliæ, nomine Papæ MARTINI V.

Anno Christi MCCCCXXVII. Martini V. Papæ XI. Sigismundi Reg. Rom. XVIII.

ENCYCLICA, qua CONRADUS suis Suffraganeis communicat litteras Legati Apostolici, ad bellum Hussiticum hortatorias, juxta conclusa dietæ FRANCOFURTENSIS hic insertas.

CONRADUS D. G. SANCTE MOGUNTINE SEDIS ARCHI-EPISCOPUS, SACRI IMPERII PER GERMANIAM ARCHI-CANCELLARIUS, REVERENDO IN CHRISTO PATRI DOMINO EPISCOPO . . . CONFRATRI, ET AMICO NOSTRO CARISSIMO, GRATUM ET SINCERUM COMPLACENDI ANIMUM, ET CONTRA PULLULANTES HERESES PRO DEFENSIONE FIDEI VIRILITER INSUDARE.

NOveritis, Nos Reverendissimi in Christo Patris, ac Illustris Principis & Domini, D. HEINRICI . . . Cardinalis de Anglia. . . Domini nostri Carissimi, infra scripti tenoris litteras Nobis . . . exhibitas, cum ea, qua de

cuit reverentia recepisse quorum tenor de verbo ad verbum sequitur in hunc modum:

HENRICUS *miseratione Divina tit. S. Eusebii Ss. R. E. Presbyter Cardinalis, de Anglia vulgariter nuncupatus, per universam Germaniam, Ungarie, Bobemique Regna; ac in causa Fidei per universum orbem Apostolice Sedis a latere Legatus.* Venerabili Fratri nostro, Illustri Principi CONRADO Archi-Episcopo Mogunt. S. R. I. Electori, & per Germaniam Archicancellario, & vestris Suffraganeis quibuscumque totius Provincie, & Diocesium vestrarum. . . . Clero exempto, Religiosis, & alias status cujuscunque, preeminentie vel conditionis; nec non omnibus & singulis Principibus, Nobilibus, Plebeis & popularibus fidelibus . . . per dictas vestras Provinciam & Diocesim ubilibet constitutis, salutem in Domino sempiternam.

Quoniam verbum Patris ipse Dei Filius a celestibus ad procliva descendens, ut ovem peractam revocaret, in ara crucis profluentissime ex immensa caritate suo preciosissimo sanguine effuso, sponsam suam sine macula & ruga speciosam, Sanctam Ecclesiam, & Fidem Catholicam miris adornatam prodigiis, suis fidelibus omni puritate venerandam commendavit, quam proh dolor & heu! novissimis his diebus temeritate diabolica perfidissimis, & inhumanissimis hereticorum Hussitarum in *Bobemia* sevientium moribus ac insultibus, in blasphemiam Omnipotentis Dei, Gloriosæque Virginis Mariæ, & totius celestis Jerarchie, atque Christiani politici regiminis everfione conspicimus multipliciter violatam; & cum populus Christianus colla sua submittere teneatur, ne Dei & Redemptoris sui offensâ invalescat, ac perfidia dictorum hereticorum amplius incalescat, flaminisque sui pestiferi contagiosi morbi vicinas, & finitimas partes succendat; multa, & matura deliberatione, urgenti necessitate, & exactissima congruentia visum est Nobis, & aliis tam Ecclesiasticis, quam secularibus Principibus, Prelatis, Comitibus, & Proceribus, nostra & verius Apostolica auctoritate pridem in *Frankfordia*, convocatis, & congregatis in multitudine copiosa, & multorum adjutorio tanti faciri-

na repudii manu forti, & modis congruis quibuscunque felicius supportetur & exterminetur; quo quilibet. . . Christi fidelis pro extirpatione tam dampnate abominationis, juxta in dicta congregatione advisata & conclusa, quorum copiam ad manus habetis, similesque copias singulis vestris Suffraganeis per vos transmitti volumus, infra hinc, & XII. dies ante Dominicam *Reminiscere* proxime venturam, seu ante XVII. diem mensis Februarii partem suam effectualiter contribuat, sub suspensionis ab ingressu Ecclesie in vos Archi-episcopum, & Episcopos Suffraganeos vestros; subque excommunicatione in singulares personas alias; & interdicti penis in locum, seu loca, quas etiam ferimus in his scriptis, dictum spacium temporis pro I. II. & III. termino. . . . nec non monitione canonica tenore presentium prefigentes.

Quilibet etiam Ordinarium sub dicta pena, Vos. . . Venerabilis Frater noster Archi-Episcopo; & . . . Episcopi, quantum ad Clericos vestre Spiritualis, & laicos vestre temporali jurisdictionibus subjectos, hujusmodi concordata fideliter faciatis. . . executioni demandari; & si quis, tanquam sue salutis, & fidei negligens, manum vellet ab hoc salutifera subventionem retrahere.

Exhortamur ergo vos omnes, & singulos predictos. . . per viscera misericordie D. N. J. C. & per asperfionem preciosissimi sanguinis ejusdem, ut tamquam Athlete fortes contra dictos hereticos assurgere, & orationis, ac devotionis fervore vos precingere studeatis; quod heretici prefati, errore falsitatis abjecto, viam agnoscant veritatis; & ut fideles Christi ad premissa reddantur promptiores, de injuncta Nobis potestate cuilibet, qui in propria persona ad expeditionem contra dictos hereticos iverit, & fideliter deceraverit, aut in eadem decesserit expeditione, plenissimam peccatorum suorum habeat remissionem. Qui vero juxta ratam sibi deputatam, vel amplius ad opus preactum manum porrexerit adjutricem, centum dies indulgentiarum in Domino impartimur. Ordinariis vero, vel ipsorum Vicariis ad commutandum vota quecumque, & quorumcunque; nec non quoscunque super male

male acquisitis , dummodo talia ad prædictam expeditionem contribuant , ad absolvendum plenam attribuimus potestatem ; sic tamen , quod collectores ad presentem collectam deputati , de talibus male acquisitis jurati ad hoc , signaturam in registram ipsorum , quemadmodum de aliis contribuendis , prout in articulis , de quibus in presentibus fit mentio , expressum est , facere tenebuntur.

Volumus etiam , quod transumpto harum litterarum , sub sigillo ordinarii Judicis . . . fides integra adhiberi debeat ; appellationis subterfugio in premissis penitus cessante & secluso , mandantes nihilominus , ne aliquis fidelis Christianus Sacrosanctæ Ecclesiæ , & lateris Crucifixi . . . earundem ignorantiam pretendat.

Quod igitur dicte indulgentie ad alligandos animos fidelium , ad succursum effectualem contra dictos hereticos prestandum , in quibuscunque Ecclesiis majoribus , Collegiatis , Parochialibus , & locis Ecclesiasticis Provincie , & Diocesis vestrarum . . . singulis diebus Festivis intra Missarum . . . sollempnia , cum major populi affuerit multitudo , in vulgari sermone intelligibiliter proclamentur ; quodque de modo , & forma executionis vestre . . . Nos per litteras vestras patentes , harum seriem in se continentes , autentice curetis reddere certiores.

Datum *Frankfordie* . . . viii. idus Decembris . Pontificatus Sanctissimi in Christo Patris & D. N. D. *Martini* Pape quinti anno xi.

In cujus rei testimonium presentes nostras litteras sive prebens publicum in-

strumentum , hujusmodi nostrum transumptum in se continentes sive continens , exinde fieri , & per Notarios publicos . . . subscribi , & publicari mandavimus , nostrique Sigilli appensione iussimus communiri. Datum & actum in castro nostro *Hefte* . . . sub anno Domini MCCXXXVII. indict. v. die vero Decembris xi. Pontificatus Sanctissimi . . . MARTINI . . . anno xi. Serenissimo , & Invictissimo Principe , & D. Domino SIGISMUNDO Rom. Rege semper Augusto , ac Ungarie , Bohemie &c. Rege , Domino nostro graciolo feliciter regnante. Presentibus ibidem spectabilibus , & Nobilibus :

Michael de *Wertheim* , & *Friderico* de *Liningen* juniore , Comitibus . *Diethero* de *Hsemburg* , Domino in *Budingen* Barone.

Honorabilibus :

Hermann de *Buchenawe* Preposito Ecclesiæ *S. Johannis* prope *Fuldam*. *Petro* *Echter* , & *Johanne* de *Cronenburg* , nostre *Mogunt.* Ecclesiæ Canonicis.

M. Johanne de *Swerte* Licentiatum in decretis , nostre Sedis Prothonotario. *Wilhelmo* (a) Decano . . . *S. Victoris* extra muros *Mogunt.*

Et strenuis

Johanne *Schencken* de *Schweinsberg* Milite. *Dietherico* *Kemmer* , *Wernero* de *Hartbeim* , aliisque quam pluribus fidedignis testibus ad præmissa vocatis pariter & rogatis.

Ex Tomo IV. Codicis Diplomatici de *Gudenus* pag. 164.

(a) *Stratz* de *Bentheim*.

CONVENTUS FRANCOFURTENSIS

Anno Christi MCCCCXXVII. Martini V. Papæ X.

Sigismundi Regis rom. XVII.

Ad constandam Exercitum contra Hussitas.

Littera per S. R. I. Principes Electores directa universis Principibus Ecclesiasticis & Sæcularibus , per Almaniam constitutis , in causa fidei ad faciendum exercitum contra hæreticos , pro conculatione eorundem.

ILLUSTRIS PREPOTENS ET MAGNIFICE PRINCEPS , CONSANGUINEE CARISSIME.

Novit mundus , novit & Sacrum credimus notitia peregrinum , quot & Rom. Imperium , & a vestra non quantis illa perfida gens Wickleffita , in

Bohemie partibus invalescens dampnatorum *Husi* & *Hieronimi* falsis imbuta dogmatibus, & execrabili, ac Deo, & Sancte Romane Ecclesie odibili resperfa heresi Spiritum veritatis abiciens inconstitilem Salvatoris nostri tunicam moribus conatur laniare caninis; plasmatori omnium Domino blasphemias, intemerate Virgini & Matri, & Sanctis suis contumelias inferat. Sacrosanctum Eucharistie Sacramentum nostre salutis viaticum, & reliquias Sanctorum venerandas conculcando, pedibus intruncando Crucifixi, illibate Matris Marie, & Sanctorum suorum imagines Monasteria, Ecclesias, & loca Sacra nedum profanando, sed & funditus evertendo; nec tantis omnibus malis contenta, majoribus, humanitatis spreto officio, crudelitatem assumens belluarum, & in populum, Christi Sanguine redemptum velut Rampnus in ligna semens, ignem & ferrum in orthodoxorum convertit viscera, suos impietatis gladios in Christi fidelium sanguine inebriat occisorum, & innocentum fervorum JESU Christi, & Virginum velatarum, & Deo, Sacrarum carnes laniandas celi volucris; & terre bestiis derelinquit; quod quidem pregande inter cuncta mala majus, tanto cum ingentiori dolore referimus, quanto idipsum nostris conspiciere oculis, nostrorum exigunt demerita peccatorum, pro cuius pernitiote pestis, & virulente heresis eradicatione & exterminatione, ac eorundem perfidorum hereticorum, Deo & Ecclesie rebellium conculcatione, modis & viis; ex necessitudine congruis, dandis, & inquirendis, Nos ad Illustrissimi Principis & Domini, D. SIGISMUNDI Romanorum, Ungarie, Bohemie &c. Regis Invictissimi, Domini nostri graciosi ammonitionem, & exhortationem, tanquam sui, & S. R. Imp. Principes, Electores, & membra precipua, multos hucusque conventionum celebravimus dies, in quibus Nos, & alii dicti S. R. I. Principes, Ecclesiastici, & seculares, Comites, Barones, Milites, clientes, & civitatum communitates convenimus, multosque labores utinam proficuos pro dictorum hereticorum conculcatione, & ad Sancte Matris Ecclesie gremium reductione gratissimis subivimus mentibus; prout id satis extat

liquidum toti orbi, qui tamen nostri labores, licet accurati pro reductione, & potius conculcatione dictorum rebellium, modicum, quod cum merore referimus, profuerunt. Unde, ut tam infecto morbo omnibus pernicioso de die in diem se ferocius, & amplius augmentanti, generalis antidoti salutari remedio occurratur, Nos fidei zelo, & fervore accensi, alii ex Nobis in propriis personis, & alii gravibus negotiis prepediti in nostris Secretariis, & Oratoribus plenissimis nostris suffultis mandatis in hunc locum *Franckfordie* convenimus; ubi cum prefati Domini nostri Romanorum Regis, & aliorum Principum Ambasiatoribus celebribus, matura deliberatione prehabita de hujusmodi materia fidei feliciter promovenda, & dictorum Hussitarum perfidia conculcanda ad Omnipotentis Dei laudem, sueque Genitricis & Virginis Marie, ac Ss. omnium gloriam, S. R. & Apostolice Sedis exaltationem, Katholice Fidei defensionem, & reipublice commodum & salutem, S. Fidei devotione cordialius inflammati, & mentium nostrarum affectione subunda, in animorum unitatem aspiramus, & in hoc finaliter resedimus ut fortitudinis accincti robore, & lorica fidei induentes in quatuor finibus ad dictorum hereticorum terras, in virtute Crucifixi, cuius res agitur, quique nostrorum exercituum signifer erit precipuus, Divina disponente providentia, armata movebimus castra nostra. Preterim Nos Principes Electores, & alii Sacri Imperii Principes, Ecclesiastici & seculares, Comites, Barones, & communitates partium *Reni*, *Elfacie*, *Suevie*, *Bavarie*, & *Franconie* in una; Nos FRIDERICUS Dux *Saxonie* &c. cum aliis Nobis affluentibus, in alia; Principes & communitates *Slesie* in tertia, nec non Illustres Principes Duces *Austrie*, cum Archiepiscopo *Salzburgensi*, & ceteris sibi assistentibus, in quarta partibus, insultus bellicos contra prefatos hereticos faciemus, & operam dabimus oportunam, ut tantum malum iniciatum, & periculo adauctum graviore, in suo germine venenoso potenti suffocatione deleatur, ne in exterminativam virulentamque plantam Antichristiane Ecclesie valeat pululare.

Et

Et cum amice dilecte, hoc fidei negotium suos in caritate fidei combinatos concernat generaliter singulos, & singulariter universos, sitque modo tempus, quo Altissimus sue fidei defensores, & propugnatores pervigiles suis velit indicijis evidentissimis comprobare; idcirco, ne error hic, & scelus manifestum per non resistentiam videatur aliquatenus approbari, amicitiam vestram, quam dicte fidei sacre causa debeat fortius, quam nostra exhortatio inflammare, quamque ejusdem fidei & Katholice Matris Ecclesie precipuam novimus zelatricem, per viscera misericordie Domini nostri, qui hujusmodi negotij sui erit defensor, obsecrando deprecamur, quatenus ut verus Christianus in confessione fidei non deficiens, ad laudem Dei, exaltationem fidei, & utilitatem reipublice, ad talem exercitum JESU

Christi vestram armatam, & expeditam miliciam, majori quo poteritis numero, dignemini destinare; ita, quod eadem vestra milicia in Ss. Petri & Pauli Apostolorum Festo proxime affuturo, bene disposita sit in opido Nurembergensi, aut in Campis prope, ubi Nos eo tunc in propriis personis inveniet, contra præfatos fidei hostes in proximo consistentes, in altissimi virtute bellaturos, & triumphaturos feliciter, Deo dante; pro quo ipsa vestra dilectio ultra laudum preconiis, que ob id ab hominibus reportabitur, post hujus vite decursum, corona immarcescibili in orbe stellifero merebitur laureari.

Datum Franckfurdie Dominica *Quasimodo geniti* Anno Domini MCCCCXXVII.

Ex Tomo IV. Codicis Diplomatici Gudenus pag. 158.

Anno MCCCCXXVII. Idea consilij de modo & via Exercitus in Bohemiam ituri, taxandi, coordinandi, regundi. Eam Germanice *Senckenbergius refert* §. 46. una cum matricula Militum a Statibus Imperij suppeditandorum, & executione hujus consilij.

Erster Theil Teutscher Reichs-Abscheide Francofurti anno 1747. a pag. 120.

Anno MCCCCXXVII. Taxatio vel census nummorum communi bello contra Hussitas in Bohemia pendendorum ab omnibus germanis Principibus, Laicis & Clericis, Comitibus, Dominis, Equitibus, servis, civitatibus in Comitibus Francofurti hoc anno decretus.

Teutscher Reichs-Abscheid Erster Theil Cl. Senckenbergii pag. 124. & seqq. excusus Francofurti anno 1747.

RIGENSE CONCILIUM

Anno Christi MCCCCXXIX. Martini V. Papæ XII.
Sigismundi Reg. Rom. XX.

HENRICUS Archi-Episcopus (a) Rigensis ex Concilio in Metropoli Rigensi coacto allegavit Romam sedecim viros, qui apud Papam conquererentur de injusta oppressione Ecclesiarum suarum Diocesum.

Verum iidem capti in itinere a Com-

mendatore arcis Goswin, Equite Ordinis B.M.V. Teutonicorum, qui eosdem manibus & pedibus colligatis præcipitavit in lacum congelatum.

Tomo XII. Concilior. Labbé pag. 405.

Ex quo Dictionarium Conciliorum impressum anno 1758.

(a) Nonnisi anno 1255. Archi-Episcopum Rigensem dictum existimat Grunow apud Petrum de Duisburgo in *Chronico* edito ab *Hartknochio* pag. 124.

Rigensis Archi-Episcopus erat octavus, S. R. I. Princeps ante annum 1561. a quo anno inter Poloniæ Archi-Episcopos numerari consuevit. Ante eum annum habebat septem Suffraganeos. *Revaliensem* in Livonia, *Cutiensem* Siegelandensem, ibidem Oiseliensem, Dorpatensem, Culmensem, in Prussia Regali, Sambiensem & Pomesaniensem, post hæresin in Prussia prævalentem.

Sambienfi Diocesi nunc præest Varmienfis Catholicus Episcopus exemptus. Pomesanienfi suppresso præest Culmenfis Catholicus Episcopus, uti & Camienfis in Pomerania regitur a Vladislavienfi Catholico Antistite.

Ita lego in Chorographia Regni Poloniæ, Colonia anno 1658. impressa in 8vo.

CON.

*CONRADUS, Archi-Episc. Moguntinus,**scribit suis Suffraganeis Episcopis, convocando eosdem
ad Concilium Provinciale.*Anno Christi MCCCCXXXI. Eugenii IV. Papæ I.
Sigismundi Regis Rom. XXI.CONRADUS, DEI GRATIA, SANCTE MAGUNTINE SEDIS ARCHI-
EPISCOPUS &c. REVERENDO IN CHRISTO PATRI, DOMINO JOHANNI,
EPISCOPO HERBIPOLensi, AMICO NOSTRO CARISSIMO, GRATUM
ET SINCERUM ANIMUM PLACENDI. REVERENDE IN
CHRISTO PATER ET AMICE
CARISSIME!

N Overit vestra amicitia, lustris duobus jam peractis detestandam heresim *Bobemorum* in medio nostrorum quodammodo consistentem, que, postquam vulgares infecit, tandem universum regnum seduxit, devastavit sancta, & sacras polluit edes; exterminavit Clerum, & omnem celibatum commercio nephando stupravit; omnemque fidei virorem errorum raumate de hominum cordibus arefecit adeo, quod suis non contenta limitibus, in perditionem etiam externos, & armis, & fraude, trahere molitur.

Novistis etiam, quanto expensarum profluvio, quantoque insoncium Christianorum sanguine, & crebris rerum incommodis, solercia Prælatorum, & Principum Alemanie, jam tertio illam extirpare satagens, operam dedit; & fatali nutu tandem invalida, frustrato sine secessit. Timetur etenim, ne confortetur adeo illorum temeritas, quod tellurem germanicam aggressura, semen illud pestiferum laribus nostris afferat, & sub melle palliatum venenum incolis nostris efficiat alimentum; nec dubium, quin ipsius uve, quam Patres nostri manducaverunt, acerbitas in nostris amarescat faucibus, & tanta a seculo non audita, fidei sacre ac religioni, & statui Christiano molestiva flagella, inscrutabili Divino permittente iudicio, in isto nostro conspicere evo, nostra & populi exigant demerita peccatorum.

Unde amice carissime, expedit, ut filii transgressores, leni paterno correpti verbere clamemus in celum, ac

mutuis & devotis in Domino orationibus, & suffragiis concurramus, accuratissimam operam impendentes, quod communicata providentia, alternatoque onere accurrentibus cladibus, & futuris periculis statui Ecclesiastico imminentibus salubriter obvietur, ne plaga huiusmodi in longum torpente propensioris fraudis livore accrescat, sed provisionis debite refarcita munimine, pristina vallescentie juvamine integretur.

Offerente se igitur casti, quod in brevi debeat apud *Basileam* Generale Concilium celebrari, ad quod etiam per litteras Reverendissimi Domini Cardinalis *S. Angeli* Apostolicæ Sedis Legati, & dicto Concilio presidentis, fuimus in proximo solemmniter evocati, dignum duximus arbitrandum, interesse precipue Germanicæ Nationi, que in propriis metis locum Concilii obtinet, & Ecclesiarum honore, & amplitudine potestatis, copiosiorique numero inter ceteras nationes prefulget, gravi consilio, tam res Fidei Katholicæ, que propter *Bobemos* hereticos turbant, quam generalis communitatis Ecclesiarum Alamanie reformationem, & inordinatorum variorum ad equitatis & juris reductionem querere, universali saluti insistere, & alias ipsarum Ecclesiarum statum omni sollicitudine moderare; que quidem, si in presentiarum, quod absit, segniter tractarentur, magno cum periculo Clericalis nominis, in confusionem perennem penitus jaçantur.

Quare indubie arbitrati, quod sacro disponente Concilio contraria singula paca-

pacabuntur, ut eo ordinacius atque utilius universitati Germanice Nationis salubriter consulatur, vos amicum nostrum carissimum, tamquam *Herbipolensem* Episcopum, auctoritate nostra Metropolitana in Domino requirendo, mandamus, ob zelum Katholice Fidei ac universalis, & presertim Metropolis nostre, & aliarum suffraganearum Ecclesiarum augmentum, ac statum pacificum Ordinis Clericalis, vestra propria in persona, quod multum utile censemus, si aliquamvis commode poteritis, advenire, aut, si vestram amicitiam aliquali corporali extunc forsitan egritudine, quod absit, detineri, seu aliis legitimis impedimentis coram Nobis deducendis prepediri contingeret, vestros celebres oratores & nuntios, pleniori mandato suffultos, ad Nos in opidum nostrum *Aschaffsenb.* in diem XII. mensis Novembris proxime affuturam, vestro, ac vestrorum Provinciali consilio de jure, vel consuetudine interesse debentum vice & nomine, dignemini destinare; ubi Nos, dante Domino, personaliter constituti, una vobiscum, ac aliis Reverendis nostris Confratribus & Suffraganeis, quos similiter ad hoc evocavimus, tam spiritualia, quam temporalia incommoda, & gravamina, ac cetera, que statum, & reformationem, tam Metropolis, quam vestre, ac aliarum Ecclesiarum prædictarum, & Ecclesiastici Status conservationem respicere videbuntur, maturo, ut expedit, consilio discutiemus, & etiam colligemus; ut tandem Reverendissimorum

Patrum Dominorum *Salzburgensis, Magdeburgensis, & Bremensis* Archi-Episcoporum, amicorum nostrorum carissimorum, post sua, que similiter interea tenebuntur, & hujusmodi nostrum, Provincialia Concilia celebrata, mittendi oratores, & nuntii in quadam conventionione *Maguntie*, die XIX. Novembris prædicti, una cum Reverendo Patre Domino Archi-Episcopo *Coloniensi*, & Nobis, dante Domino, facienda, juxta hujusmodi nostra, & in suis Provinciis, & Provincialibus Conciliis discussa interim, & collecta, aliqua necessaria, & utilia pro hujusmodi reformatione, reductione, & conservatione speratis, determinare, & concludere valeant, & valeamus; ut ipsorum atque nostri in prelibato Generali Concilio constituti Ambasiatores & Nuntii, in cunctis in eodem Concilio tractandis & gerendis, juxta determinatam conclusam, & assumptam huiusmodi, prædictis reformatione, . . . felicibus pariformiter intenderent, & pro eisdem eo facilius obtinendis accuratius inhererent. Nec velit, deprecamur, ipsa vestra amicitia propter hujusmodi terminum, si vobis videatur brevior, se a dicto nostro Provinciali Concilio absentare, quia non volumus propter memoratam instantem Generalem Synodum, hujusmodi nostre conventionis terminum congrue prolongare.

Datum Eltevil xxii. die Septembris
anno Domini MCCCCXXI.

*Gudenus Tom. IV. Codicis Diplomatici
pag. 185.*

Anno Christi MCCCCXXI. Eugenii IV. Papæ I.
Sigismundi Reg. Rom. XXI.

Domini Magunt. & Coloniens. Archi-Episcopi
scripserunt Dominis Saltzburgensi, Magdeb. & Bremensi Archi-Episcopis,
proponendo narrationem Littere precedentis, ut stat in
forma. Concludendo tamen cum clausula subscripta, que
sequitur in hunc modum

Amicitiâ vestram, quanto studiosius possumus, exhortamur in Domino & rogamus, quatenus ob Zelum Katholice Fidei, & universalis, & presertim Germanice Ecclesie augmen-

tum, ac statum pacificum Ordinis Clericalis ibidem, vestros venerandos Suffraganeos, per se, vel suos nuntios speciales, ad Provinciam Synodum dignemini quantocius poteritis, evocare.

Tomus V. Concilior. German.

G g

In

In qua discutiendes, & maturo consilio colligentes tam spiritualia, quam temporalia incommoda & gravamina, ac cetera, que statum, & reformationem Metropolis, & Suffraganeorum Ecclesiarum vestrarum, quam totius Germanice Nationis, & Ecclesiastici Status conservationem conspiciere videbuntur. Que tandem, si collecta per vestros Oratores, & Nuntios pleno mandato suffultos ad civitatem *Maguntinam*, quam pro talismodi congregatione cunctis Metropolitibus Alamanie credimus aptius situatam, in Dietam, quam prefiximus ad xix. diem mensis Novembris, referre velitis, & destinare: ad quam dietam, & Nos Provincialibus nostris Synodis interea similiter celebratis conventuri, speramus Reverendissimos Patres Dominos *Magdeburgensem, & Bremenensem* Archi-Episcopos amicos nostros carissimos a Nobis pariformiter deprecatos, per suos, & Suffraganeorum suorum nuntios similiter ad dictum termi-

num convenire. Et intentionis nostre fotet, ut vestri, ac aliorum Archi-Episcoporum prefatorum, arque nostri in memorato Sacro Concilio constitui Oratores. . . in cunctis in eodem Generali Concilio tractandis & gerendis, juxta determinata conclusa, & assumpta in dicta conventionem *Maguntina*, pro hujusmodi reformatione, reductione, & conservatione speratis pariformiter intenderent. Vestrum in præmissis responsum amicabile prestolamur, Nos ad vestra beneplacita affectione gratissima semper ultroneos offerentes.

Datum Lanstein sub nostri CONRADI Sigillo, quo & Nos THEODERICUS memoratus propter nostri Sigilli absentiam in præmissis continetur de presenti. xxii. die mensis Septembris anno Domini MCCCCXXXI.

Gudenus Tom. IV. Codicis Diplomatici pag. 188.

*EUGENIUS Pontifex Archi-Episcopum
Moguntinum CONRADUM evocat ad Concilium
Basileense*

Anno Christi MCCCCXXXII. Eugenii IV. Papæ II.
Sigismundi Reg. Rom. XXII.

EUGENIUS EPISCOPUS, SERVUS SERVORUM DEI. VENERABILI
FRATRI CONRADO, ARCHI-EPISCOPO MAGUNTINO, ac S. R. I.
ELECTORI, SALUTEM ET APOSTOLICAM
BENEDICTIONEM.

His que ad salutem, pacem & quietem Ecclesiastice Reipublice, ac totius populi Christiani, augmentum fidei, & extirpationem heresum pertinent, totis cordis visceribus intendentes, Generale Concilium, quod iustis, & rationalibus de causis a civitate *Basiliensi* ad civitatem nostram *Bononiensem* pridem decreveramus transferendum; eisdem rationibus impedimentisque magna ex parte cessantibus, prout per Fraternalitatis tue, ac aliorum S. R. I. Electorum oratores nonnullorumque fide digna relatione nuper informati fuimus; per nostras certi tenoris litteras, quarum copiam eidem Fraternalitati tue presentibus mittimus interclusam, in prefata civitate *Basiliensi*, de Venerabilium Fratrum nostro-

rum S. R. E. Cardinalium consilio, & assensu decrevimus celebrandum.

Quam ob rem Venerabilis Frater, cum adhibentes maxime fidem Oratoribus, ac te, nec non ceteris Romani Imperii Electoribus ad Nos nuper destinatis, affirmantibus Nobis pro tua, ac aliorum Electorum autoritate secure omnia, & ex zelo pacis, ac concordie, cui Nos maxime inheremus, si Concilium in prefata *Basiliensi* civitate celebraretur, esse processura, prefatum de celebrando *Basile* Concilio decretum statuerimus; & pro singulari, quam de tua, ac aliorum Electorum erga Ecclesiasticam Rempublicam, ac statum nostrum, fidelitate, & devotione in Domino fiduciam obtinemus, Fraternalit. tuam una cum ceteris dicti

dicti Romani Imperii Electoribus prefatis, ad tuitionem, custodiam, protectionem, & securitatem prefati Concilii, ut in litteris prefati decreti nostri latius continetur, duxerimus deputandos; hortamur attente in Domino eandem Fraternalitatem, quatenus visis presentibus, eundi ad prefatam civitatem *Basiliensem*. . . Concilii causa celebrandi, quanto cum majori numero potes de tua Diocesi ac Provincia Prelatorum, & Doctorum, te quantocius prepares, & disponas, ut saltem infra tres menses, a data prefati decreti nostri computandos, & in adventu Legatorum nostrorum, quos ad. . . ad Concilium intendimus deputare, ibidem constitutus existas. Pergratum autem Nobis fecerit eadem fraternitas tua, quod etiam valde est consonum rationi, ut omnis dissensionis tolleretur occasio, si diligenter procuraverit, ne quid ante prefatorum legatorum nostrorum ad prefatam civitatem *Besilee* accessum, preter reductionem, & pacem *Bohemorum* ibidem aliud ulterius pertractetur.

Requirimus preterea, & hortamur in Domino Fraternalitatem tuam, quatenus diligenter apud ceteros tuos in iure eli-

gendi Imperii collegas velis operari, quod Venerabilis Frater noster RABANUS Archi-Episcopus *Treverensis*, quem indubitatum ejusdem. . . Ecclesie Presulem esse certum est, & ex cujus quidem Ecclesie titulo jus electionis dependet Imperii, ad possessionem juris ac proprietatem Imperialis electionis, quod maxime est iustitie consonum, ac etiam equitati, omni remota exceptione admittatur. Enimvero prefati oratores a te ac ceteris Electoribus ad Nos pridem destinati, quantocius ad te, ac alios redeuntes, plene de singulis advisati Fraternalitatem tuam plenius informabunt.

Datum *Rome* apud Sanctum Petrum. Anno Incarnationis Dominice MCCCXXII. Kal. Martii. Pontificatus nostri anno secundo.

Galhardus.

Venerabili Fratri CON-
RADO Archi-Episcopo
Maguntino S. R. I. Ele-
ctori.

A. de *Florentia*.

*Gudenus Tom. IV. Codicis diplomatici
pag. 189.*

ARGENTINENSE CONCILIUM

Anno Christi MCCCXXXV. Eugenii IV. Papæ V.
Sigismundi Imp. XXV.

SUB BERTHOLDO, EPISCOPO ARGENTINENSI.

CAPITULA CVI

BERTHOLDUS, DEI GRATIA, EPISCOPUS ARGENTINENSIS, UNIVERSIS ABBATIBUS, PRELATIS, DECANIS, COLLEGIIS, ARCHI-PRESBYTERIS, PLEBANIS, ET OMNI CLERO, ET POPULO CIVITATIS ET DIOCESES NOSTRÆ ARGENTINENSIS, SALUTEM IN DOMINO JESU CHRISTO.

IN hac Synodo nostra Generali, de Capituli & Prelatorum nostrorum consilio, & assensu celebrata sub anno Domini Millesimo quadringentesimo, tricesimo quinto, 14. Calendas Augusti Statuta Prædecessorum nostrorum, & nostra cum additionibus, & determinationibus eorundem in unum colligentes, eaque vestræ caritati subscripto tenore dirigentes statuimus, & auctoritate Dei Omni-

potentis, & nostra ordinaria mandamus, ea firmiter & fideliter observari, inhibentes, ne aliquibus aliis opusculis pro Statutis nostræ Diocesis, vel processibus generalibus utamini quoquo modo.

I.

In primis statuimus, ut si aliquis Clericus, vel laicus utriusque sexus, cuiuscumque status, vel religionis existat, ausus sit præsumptione damnabili publice

prædicare, occulte docere & tenere, quod Sacerdos in mortali peccato existens, non possit conficere Corpus Christi, sive quod ligatus ligare, vel absolvere nequeat suos subditos a peccatis, pro hæretico, & incredulo habeatur. Quorum errorem hujus Sanctæ Synodi approbatione damnamus, anathematizamus, & penitus reprobamus, cum Sacræ Scripturæ dicat auctoritas, quod sive bonus, sive malus sit minister, per utrumque Deus officium gratiæ confert, non enim quæ sancta sunt, coinquinari possunt, nec ipsa Sacramenta potest hominum malitia profanare; unde quantumcumque Sacerdos pollutus existat, Divina non potest polluere Sacramenta, quæ purgatoria cunctarum cogitationum existunt. Licet etiam a quocumque Sacerdote ab Ecclesia tolerando Divina mysteria audiantur, & alia recipiantur Ecclesiastica Sacramenta.

I I.

Sanctissimum Corpus Christi, cuius dignæ venerationi fragilitas humana non sufficit, cum ad infirmos, vel ad mulieres vicinas partui, vel alia de causa extra Corpus Ecclesiæ deportatur, veneratione mandamus solita venerari, videlicet ut Presbyter indutus superpellicio cum stola circa collum illud portet, nisi loci distantia, & temporis qualitas secus exposcat. Clericus vero præcedat cum campanella, & lumine tintinando, & obviantes, donec Sacerdos transeat, genu flectant, & dicant ad minus devote ter orationem Dominicam cum salutatione Virginis Gloriosæ. Nos enim tam Presbytero, quam Clerico deportantibus, & singulis vere poenitentibus, & confessis genu flectentibus, dummodo, ut dictum est, & genu flectant, & ter orationem Dominicam cum salutatione dicant, decem dies pro vice qualibet deinjuncta sibi poenitentia, auctoritate, qua fungimur, relaxamus, Presbyter vero, qui aliter ipsum, vel occulte portare præsumpserit, præter offensam Divinam poenam tanto excessui condignam, & salutis propriæ negligentiam poterit formidare.

I I I.

Damnamus quorundam errorem conferentium Ecclesiastica Sacramenta, maxime in extrema unctione, videlicet,

quod unus inungit, alter proferat verba Sacramenti. Sub poena igitur suspensionis prohibemus talia de cetero attentari; sed in omni Sacramento unus idemque actum faciat, & verba proferat, quæ desiderant Sacramenta.

I V.

Insuper, qui saltem semel in anno omnia sua solus non confessus fuerit peccata proprio Sacerdoti, & Eucharistiæ receperit Sacramentum, nisi de ejus consilio ad tempus duxerit abstinendum, & vivens ab ingressu Ecclesiæ arceatur, & moriens Ecclesiastica careat sepultura, juxta formam *Concilii Generalis*, quam præcipimus observari, & per Plebanos singulis diebus Dominicis per Quadragesimam suis populis prædicari.

V.

Quia propter Divini Officii continuum exercitium Sacerdotibus continue necessarium est poenitentiarum Sacramentum: quia propter etiam superiorum absentiam dictis Sacerdotibus consistendi necessitatem contigerit imminere, nec ulla consuetudine potest introduci, quod quis præter sui superioris licentiam confessorum eligere valeat, qui eum possit solvere, vel ligare. Idcirco hac nostra licentia generali omnibus & singulis Sacerdotibus secularibus nostræ civitatis, & Diocesis clementer indulgemus, ut quivis eorum & quotiens, & quem voluerit, valeat eligere confessorem, & unus alium absolvere, vel sibi invicem poenitentias injungere, casibus Episcopalibus dumtaxat exceptis, valeant salutare. Hoc autem indultum extendi volumus ad Collegiatarum Ecclesiarum Clericos, qui circa confessorum electionem suorum Decanorum debent licentiam obtinere.

V I.

Nonnulli Presbyteri ignari, quanti erroris existat, licite tractare Divinæ, quæ sicut gloriam digne, præsumpta poenam promittunt æternam, in eadem Ecclesia seu diversis, nulla necessitate urgente, sed ad solum quæstum, Missas celebrant bis in die; quod sub attestatione tremendi judicii, hac editali constitutione singulis Presbyteris inhibemus, videlicet ne de cetero plusquam unam Missam, aut in casibus a jure permissis duas

duas una die quisquam cantare, aut legere cum sacrificii celebratione præsumat.

V I I.

Ne autem aliquem contra hanc nostram, & juris prohibitionem casuum prædictorum peccare contingat, casus eosdem sic duximus exprimendos. Licet enim in die Nativitatis Dominicæ Presbytero tres Missas juxta consuetudines Ecclesiæ celebrare, & alio quovis die duas, si tunus est, vel si, una Missa celebrata, superveniat aliqua eminentis status persona; puta Princeps Ecclesiasticus, vel etiam secularis: hujusmodi autem cautela semper adhibita, ut in comunione corporis Missæ post communionem, vini & aquæ persusio non sumatur, quæ sumpta celebrationem aliam impediret. JOHANNES.

V I I I.

Ut animarum periculis occurramus, & Christi fidelium lege Diocesana Nobis subditorum consulamus salutem, deliberatione præhabita, & cautelosa utilitate subditorum pensata, singulis Sacerdotibus, & ordinum suorum executionem habentibus curas, & regimina Ecclesiarum, seu Capellarum, quibus præsent, cum potestate clavium ligandi suos subditos, & solvendi præsentis constitutionis auctoritate concessas, & permissas esse volumus, & concedimus ad cautelam, & ad hæc statuimus firmiter præcipiendo, ut in singulis nostræ civitatis & Diocesis (a), quarum Sacerdotes populum regunt, & per exhibitionem Eucharistiæ communicare subditos consueverunt, habeatur de cetero oleum infirmorum, ne propter ejus ibidem carentiam aliquibus ultra deficiat Sacramentum. JOHANNES.

I X.

Felicis recordationis BONIFACII Papæ octavi vestigiis inhærentes; juxta ejusdem BONIFACII constitutionem sive Statutum sexti Libri, quod incipit: *Gloriosus Deus*, Sanctæ Synodi approbatione præcipimus, ut singulis annis perpetuo Beatorum Apostolorum, & Evangelistarum omnium, Sanctorum quoque Gregorii Papæ, Augustini, & Ambrosii Episcoporum, atque Jeronymi; Festa a Clero nostræ civitatis & Diocesis, cum

Officio de Festis per totum duplicibus instituto cum veneratione solenni, & debita peragantur, & ut tam salubre statutum diligentius observetur. Idem.

X.

Cum sit ars artium regimen animarum, curandum est, & sollicitè providendum, ne imperiti, & insufficientes ad regimen hujusmodi assumantur. Sacræ enim Synodi approbatione statumns, ut quicumque civitatis, & Diocesis nostræ de cetero Clericus fuerit ad ordinem Sacerdotii de novo promotus, talis ut instruatur circa curam regiminis animarum, aliis Clericis uno, vel pluribus per exercitium ejusdem regiminis jam perfectis per biennium commoretur in suscepto Sacerdotii ordine ministrando, nec antea liceat curam alienæ Parochiæ regere, nisi id ei ex causa dispensative fuerit a Nobis permissum de gratia speciali. Ceterum Rectores Ecclesiarum talibus Sacerdotibus contra præsens nostrum Statutum Vicarios concedentes, & Ecclesiarum suarum curas committentes, sub eorundem Beneficiorum, quorum curas sic committunt, perceptione præsentis Statuti auctoritate suspensos esse volumus ipso facto, donec a Nobis super hoc restitutionem meruerint obtinere. JOHANNES.

X I.

Quoniam, ut ait scriptura, secunda post naufragium tabula est culpam simpliciter confiteri, evidenter apparet, sine confessione vocis propriæ non dimitti peccata. Præcipit enim Dominus in Evangelio mundandis peccatoribus, ut ostenderent se Sacerdotibus. Docens corporali præsentia confitenda fore peccata non per nuntium, nec manifestanda per scriptum. Dixit enim: *Ite, monstrate vos*: non unus pro omnibus, non alium faciatis nuntium; qui pro vobis offerat munus, id est, confessionem sive pœnitentiam peccati; sed quæ per vos peccastis, per vos erubescatis. Idcirco præsentis edicto in perpetuum valituro districtius inhibemus, ne quis civitatis, & Diocesis nostræ sua peccata confiteri præsumat per nuntium, vel scriptum, vel etiam absolutionis beneficium impetrare, prout quidam Clerici facere consueverunt, dum eis Missarum solemniam

(a) adde: Ecclesiis

vel alia Divina Officia imminere facienda : nisi forte id expolcat causa rationalis, quæ legitima fuerit secundum Canonicas Sanctiones ; corporalem enim requirit præsentiam forma Sanctæ Ministris Ecclesiæ in absolutione observanda.

X I I.

Pro communi bono, & cultu Divino augmentando, statuimus, ut (a) promissarii, seu præbendarii Parochialium Ecclesiarum suis Plebanis, seu Vice-Plebanis reverentiam exhibeant, & Missis, Vesperis, Completoriis, & Matutinis in Festis, quæ cum novem lectionibus peraguntur, superpelliciatii interfint, concelebrando eisdem Plebanis, cum per hoc ipsi promissarii ab otio, & aliis illicitis retrahantur, quod sub pœna ab officio, & sub pœna solutionis denarium pro qualibet prædictarum horarum neglectu, convertendorum ad magnas candelas ipsius Ecclesiæ, quæ ad elevationem accenduntur, ad quorum solutionem per Vicarium, vel Officialem nostrum ad denunciationem Plebanorum compelli volumus, firmiter præcipimus observari. Ad quorum etiam coactionem per censuram Ecclesiasticam omnibus Archi-Presbyteris presentibus committimus potestatem. Præterea ut in diebus Dominicis, quibus Festa, & Superioris mandata publicantur, populus ad publicam Missam frequentius conveniat ; statuimus, ut promissarii suas Missas in diebus Dominicis post Offertorium Missæ publicæ cantum dicant, si aliud ex aliqua iusta causa de voluntate Plebani procedat. JOHANNES.

X I I I.

Clandestina quoque matrimonia sub pœna excommunicationis fieri prohibemus, & per Plebanos prohiberi sub eadem pœna mandamus : sed fiant in facie Ecclesiæ cum bannis, & monitionibus juxta Concilium Generale. BERTHOLDUS Episcopus.

X I V.

Piæ memoriæ quondam Domini JOHANNIS Prædecessoris nostri vestigiis inherentes, dies Festos, & maxime Dominicos, quibus ab omni opere servili abstinendum est, in ea reverentia, quajus, & Sanctorum Patrum decreta de-

cernunt, fideliter præcipimus, & per Plebanos præcipi volumus observari. JOHANNES.

X V.

Statuimus & ordinamus, quod nullius cujuscumque Altaris Ecclesiæ majoris Presbyter, Præbendarius, vel Capellanus præsumat Missam cum nota, vel aliud Divinum Officium celebrare, antequam in Choro prædicto, in quo Divinum Officium est solemniter celebrandum, a quo etiam, quo ad Divinum Officium aliæ civitatis, & Diocesis Ecclesiæ regulantur, Matutinum officium sit completum. Et quod nullus eorundem postquam prima in Choro prædicto fuerit inchoata, usque ad finem Missæ majoris, & sextæ, vel nonæ, quæ ipsæ Missæ continuantur, præsumant Missam, vel aliud Divinum Officium celebrare, vel inceptum cum nota aliquatenus terminare. Volentes contra hoc statutum facientes, postquam ad ipsorum notitiam pervenerit, sententiam excommunicationis incidant ipso facto.

X V I.

Præterea, quia frequenter Presbyteros noviter ordinatos, prout fama ad Nos referente pervenit, quis eorum prius ad celebrationem primæ Missæ in Ecclesia nostra admitatur, lites, & quod verendum est dicere; convitia oriuntur, ex quo populus scandalizatur; cum id ex radice avaritiæ procedere videatur, statuimus, & sub præsentis decreto pœna excommunicationis jam latæ sententiæ prohibemus, ne de cetero aliquis ad celebrationem primæ Missæ, qui non sit de civitate Argentinensi oriundus, vel qui non habuerit domicilium in ipsa, vel moram ut incola ibidem traxerit, admittatur, & ne admissus sub pœna prædictæ Missæ primam in Ecclesia Argentinensi celebraret quoquo modo. Verum quia avaritiæ vitium in religiosiis maxime est succedendum: idcirco huic statuto adjicimus, quod de cetero nullus religiosus sub pœna prædicta, quam admittentem, & admissum incurrere volumus ipso facto, ad celebrationem primæ Missæ in Ecclesia nostra Argentinensi, (b) nullatenus admittatur.

X V I I.

Ad hæc statuimus, & sub pœna excommunicationis jam latæ sententiæ prohibe-

(a) fors: præmissarii

(b) fors: ullatenus

hibemus, ne in posterum aliquis Clericus Beneficiatus, vel in Sacris Ordinibus constitutus cujuscumque conditionis, dignitatis, vel status existat, eundo per civitatem Argentinensem cinctus incedat desuper more laico, cultum deferens in opprobrium mansuetudinis Clericalis, sed in honesto incedat habitu, sicut decet Ordinem Clericalem.

XVIII.

Inhibemus præterea omnibus Prælati, Canonici, Presbyteris, Præbendaris, & Capellanis nostræ majoris, & aliarum Collegiatarum Ecclesiarum civitatis Argentinensis, licet Choris Ecclesiarum non sint adstricti sub pœna excommunicationis jam latæ sententiæ, ne de cetero ipsas Ecclesias sine religione, id est, superpellicio ingredi præsumant, donec in Choris earundem Ecclesiarum Divina peraguntur. *JOHANNES.*

XIX.

Officia Sacristæ sive ad Clericos, sive ad laicos eorum collatio, vel receptio pertineat, gratis & sine datione vel promissione pecuniæ, vel alterius rei temporalis personis idoneis conferantur, quæ velint, & possint idoneum officium hujusmodi adimplere, & de ornamenta Parochiæ conservando præstare idoneam cautionem. Qui etiam Sacristæ ab hujusmodi officio, nisi ex causa rationabili, & coram Ecclesiastico Iudice non valeant amoveri. Superpellicii quoque, & camiseis albis tempore Divinorum utantur; quæ sub excommunicationis pœna præcipimus observari. *FRIDERICUS Episcopus.*

XX.

Eucharistiam, Baptismum, Oleum Sanctum, Chrisma, Corporaliaque, Pallas, & Ornamenta Ecclesiastica præcipimus sub forti, & tuta custodia mundissime observari: ut quanto specialius hoc injungitur, tanto in hoc excedendo periculosa negligentia severius puniatur. *Idem.*

XXI.

Cum Sacri Canones statuerunt alienationes rerum Ecclesiasticarum maxime in manibus laicorum sine debita juris solemnitate fieri non debere: & si secus fieret, quod etiam alienatio non teneat ipso jure, alienationes hujusmodi nihil-

ominus puniendo, monemus & hortamur Prælatos, & alienatores rerum Ecclesiarum quoscumque, ut alienata præter debitam juris solemnitatem, ad Monasteria, & Ecclesias suas revocent infra mensem: alioquin si quos tales invenerimus, ultionis cautioni subjacebunt.

XXII.

Præterea omnes ementes prædia, vel res immobiles Monasteriorum, vel Ecclesiarum absque auctoritate Superioris, vel præter consensum Capituli, vel Conventus, præter alias juris pœnas hoc Sacro Concilio excommunicationis sententiæ innodamus; contra tales nihilominus procedi debere pro restitutione bonorum hujusmodi per sententias interdicti mandamus.

XXIII.

Insuper Prælati religiosi, ne aliqua debita sine Capituli, vel Conventus consensu inter Judæos sub usuris recipiant, prohibemus: decernentes ad solutionem hujusmodi Monasteria non teneri, immo sponsores, obligatores, seu fidejussores se pro Prælati hujusmodi inter Judæos contra prædicta obligantes, nullam habere contra Monasterium, nec contra ipsum Prælatum penitus actionem, ac cautiones super hac factas, sub quibuscumque pœnis carere juribus declaramus. Inhibemus omnibus Iudicibus, ne ad instantiam Judæorum juxta hujusmodi cautiones procedant, Notariis quoque & Sigilliferis, ne hujusmodi contractus conscribant vel sigillent, sub pœna privationis officiorum suorum strictissime prohibemus.

XXIV.

Item, quia ex eo, quod calices inter Judæos obligantur, quædam nefandissima per ipsos crucis Christi inimicos dicuntur esse commissa in contumeliam Fidei Christianæ; idcirco ad evitandum periculum tam damnosum, sub pœna excommunicationis inhibemus omnibus nobis subiectis, ne de cetero calices aliquos consecratos Judæis obligare præsumant, vel obligationibus consentiant, aut eas procurent: alioquin contra facientes excommunicationis sententiam, quam in his scriptis proferimus, incurere volumus ipso facto: & nihilominus talem obligationis contractum decerni-

mus non valere. *FREDERICUS ex Concilio Herbipolensi.*

X X V.

Ementes bona feudalialia, quæ ad Ecclesias, seu personas Ecclesiasticas, Ecclesiarum nomine jure directi Domini pertinent, ac vendentes, cum ea sine consensu Ecclesiarum & personarum hujusmodi alienare nequeant, Ecclesiarum indemnitatibus providendo, tali volumus & statuimus poena multari, ut ementes vel alienantes Clerici vel laici, sive sint Religiosi, vel Clerici sæculares, qui sine consensu eorum, qui super hoc requirendi sunt, hujusmodi bona feudalialia emerint, vel alienaverint, excommunicationis sententiæ, quam ex nunc proferimus, subjacebunt ipso facto: & bona ipsa, ad quos directum Dominium pertinet, applicentur. *FREDERICUS.*

X X V I.

Prohibemus etiam, ut nullus proprium debitum, aut fidejussoriam obligationem singularis personæ alicujus Ecclesiæ Ecclesiastica bona capiat, quæ ad Ecclesiam seu Capitulum Ecclesiæ communiter pertinent; & qui contra fecerint; nisi moniti infra quindenam a die monitionis numerandam restituerint Ecclesiæ vel Capitulo, ad quos pertinent, excommunicationis sententiæ, quam ex nunc proferimus, subjacere volumus ipso facto. *FRIDERICUS de Concilio Herbipolensi.*

X X V I I.

Nulli de cetero, qui cum Advocatis Ecclesiarum guerras habent vel retinent, bona Ecclesiarum, quarum ipsi Advocati defensores existunt, prætextu guerræ, quam habent cum eis, subripiant, aut Ecclesias illas, vel villas earum & loca incendio, vel hostilitate devastent, aut homines earum spolient suis: & qui contra fecerint, ipso facto, excommunicationis sententiæ, quam in his scriptis proferimus, incurrant, nec absolvi valeant ab eadem, nisi, qui deliquerunt, sufficienter emendant. *Idem in Concilio Herbipolensi.*

X X V I I I.

Laicos in nonnullis partibus prætextu fabricæ Ecclesiæ reparandæ per laicos sine consensu Prælatorum, seu Ca-

pitulorum Ecclesiarum hujusmodi ad recipiendum oblationes, seu proventus alios concessos fabricæ, deputatos, præsentis constitutionis tenore ejusmodi officio ex nunc esse volumus privatos, & alios laicos, vel Clericos sine prælati Ecclesiarum reparandarum assensu prohibemus in posterum ordinari, cum vituperosum existat, ut laici Prælati, & Capitulis Ecclesiarum invititis, bona Ecclesiæ ministrant. Et qui contra fecerint, & moniti infra mensem ab hoc officio non cessabunt, excommunicationis sententiæ, quam in his scriptis proferimus, eo ipso esse volumus innodatos. *JOHANNES.*

X X I X.

Sunt nonnulli, qui anno gratiæ pro relaxatione debitorum in functionibus Beneficiorum defunctis Clericis concessio damnabiliter abutuntur, fructus ipsius anni consanguineis suis, vel aliis, quibus voluerint, relinquentes: ex quo provenit duplex injuria, Ecclesiæ scilicet & personæ. Fraudantur etiam per dictum anni spatium servitore, privatur persona succedens in percipiendis fructibus jure suo: quod de cetero fieri prohibentes, Sacro approbante Concilio, statuimus pro relevatione debitorum, quæ aliunde solvi non possint, anno gratiæ Clerici non utantur, vel nisi ipsius anni fructus pro alia pia causa relinquunt Ecclesiæ, a qua idem Beneficium habuisse noscuntur, alias in præsentias ipsius Ecclesiæ pro defuncti anniversario convertantur.

X X X.

Inhibemus etiam, & sub poena excommunicationis & privationis Beneficiorum interdicimus, ne quis Sacerdos, etiam habens Parochiam vel Præbendam de cetero Vicariam aliquam recipiat, & retineat cum hujusmodi Præbenda vel Ecclesia. Si quis etiam contra præsentis inhibitionis tenorem Vicariam hætenus est adeptus, illam resignet, cum illud contrarium sit Canonici sanctioni. *Idem ex Concilio Herbipolensi.*

X X X I.

Presbyteris duas recipere Vicarias prohibemus omnino, cum impossibile sit, quod Ecclesiis possint servire duabus; & qui contra fecerint, prima Vicaria ipso facto, & de secunda, quamdiu pri-

primam tenuerit, proventibus sit privatus, quos in utilitates ipsius Ecclesiæ per Nos vel Officialem nostrum, vel loci Archi-Diaconum decernimus convertendos. *Idem.*

XXXII.

Item, sub pœna excommunicationis prohibemus, ne quis aliquem Vicarium ab Ecclesia sua sine causâ sufficienti vel legitima prius cognita, & de qua coram suo Iudice sit convictus, removeat, & si secus factum fuerit, id irritum decernimus, & presumptores animadversione debita puniendos, nec e converso Vicarius sine causâ deferat Vicariam. *Idem.*

XXXIII.

Sub pœna excommunicationis prohibemus, ne quis Sacerdotum alium quemquam Vicarium in sua Vicaria supplantet, maxime pecunia mediante; quod si secus a quoquam factum fuerit sub effectu, salvis aliis pœnis juris, ipsum præsumptorem eo ipso admittere nolumus habitum & ambitum. Quia vero quorundam Rectorum præsumtuosa temeritas in præsentis nostræ inhibitionis elusionem quædam pacta vel juramenta nituntur invenire: idcirco ad eorum maliciam comprimendam, statuimus, quod, si cum Rector Ecclesiæ, aut Vicarius Vicariam adepti fuerint, aliqua pacta vel juramenta huic statuto derogantia fecerint, neglecta ea pro vanis & irritis habeantur, sed talia promittens vel jurantes pro incautis promissionibus & temerariis juramentis pœnitentiam agere teneantur. *Idem.*

XXXIV.

Item sub pœna excommunicationis prohibemus Rectoribus, Capellanis, & Vicariis Monasteriorum & Ecclesiarum nostræ civitatis & Diœcesis, ne Quætores quoscunque in Ecclesiis suis admittant, nisi nostras speciales litteras deferentes, vel ne quibuscunque utentes privilegiis, in locis interdictis ad celebrationem Missarum admittant, nisi hoc eis committatur de licentia Iudicis aut Executoris, qui posuit interdictum, aut Superioris potestatem super eos habentis. Item ad prædicandum iidem Quætores non admittantur, sed per Sacerdotes Ecclesiarum & Oratoriorum, a quibus re-

quirunt subsidium, causâ adventus eorum, & petitio proponatur. Quod si litteras nostras etiam habuerint, quod per se possint proponere facta sua, hoc simpliciter faciant, absque cavillationibus & confictis mendaciis, quæ Divinam Majestatem offendunt. Alioquin per Plebanos impediuntur secure: quæstoribus ipsis, si contra hoc Plebanos vexare nisi fuerint, in expensis omnimode condemnandis. *FREDERICUS.*

XXXV.

Quia juris ordo confunditur, si jus suum unicuique non servatur, statuimus & ordinamus, ut cum personæ Ecclesiasticæ quæcumque Regulares vel seculares, cujuscunque ordinis vel status existant, alterius Ecclesiæ Parochianum per electionem ejusdem Parochiani rite & juste factam ad suam Ecclesiam vel cimiterium susceperint tumulandum, Rectori ejusdem Parochiæ de obventionibus quibuscunque & quomodocunque relictis, & occasione ejusdem funeris provenientibus secundum Statuta Canonica quartam partem infra quindenam post ejusdem funeris tumulationem ad requisitionem dicti Rectoris integre, persolvere teneantur. Alioquin salvis aliis juris pœnis, omnes, qui in dicta quarta solvenda in termino prædicto se negligentes exhibuerint, aut alias ac dictis Rectoribus non concordaverint, per censuram Ecclesiasticam præcipimus coerceri.

XXXVI.

Ut Christi militia laudibus deputata Divinis, vita, gestu, moribus & habitu a genere discernatur laicali, districte præcipiendo statuimus, ut Prælati, Sacerdotes, & alii Clerici nostræ civitatis & Diœcesis, cujuscunque gradus vel conditionis existant, vestes deferant, brevitate non culpabiles, aut notabiles ornatu superfluo aut colore. Insuper quorundam Clericorum odibilem detestantes abusum, qui contra Clericalis honoris præeminentiam caligas rubei, gilvi, aut viridis coloris portare præsumunt. Nos id de cetero fieri prohibentes, sub pœna excommunicationis omnes & singulos Clericos nostræ civitatis & Diœcesis, cujuscunque status, ordinis, aut dignitatis existant, qui de cetero tales caligas portare præsumpserint, vel qui

clamydes, aut alias suas vestes geminis aurifrigiis, (a) quæ vulgariter bortum dicuntur, nodulis, aut aliis superfluitatibus auri vel argenti ornaverint, & qui huiusmodi tam præsumtuosa non deposuerint, infra proximas octo dies, statumus propter hoc excommunicationis sententia puniendos. *FREDERICUS Episcopus.*

XXXVII.

Clerici quidam ipsa facti ostensione proprii status honorem obfuscare intendentes, coronam & tonsuram concedentes, quæ principalis decor existunt Ordinis Clericalis, deferre contemnunt. Nos igitur cupientes huic morbo adhibere remedium opportunum, sub pena excommunicationis præcipimus, uttinguli Clerici nostræ civitatis & Diocesis coronas & tonsuras deferant concedentes, qui vero contrarium fecerint, cum a quocunque Iudice Ecclesiastico vel sæculari quicquam pro eis tanquam pro Clericis fuerit iudicandum, quantumcunque vestibus utantur simplicibus, & alia insignia deferant Clericatus: nulla tamen possessione Clericatus fungantur, nec ut Clerici iudicentur, nisi per suspensionem Ordinum sufficientibus & idoneis probationibus se vere Clericos esse probent. Coronam autem intelligimus concedentem, quæ debito capitis loco posita, congruam habens latitudinem, cooperta non est erinibus revolutis. *BERTHOLDUS.*

XXXVIII.

Ad hæc cum nonnulli Sacerdotes Divinum agentes Officium comam & crines nutrant nimis longos contra decetiam Sacerdotalem & Sanctorum Patrum Decreta, quæ Clericos tonsæ capite, & patentibus auribus præripiunt ministrare, statumus, ut quicumque Sacerdos in Sacerdotali officio ministrans visus fuerit comam nutrire, in tantum, quod auriculam comæ nimis excedat, in decem solidis denariorum dandis per Clericos Argentinenſes, ad ornamenta chori Ecclesiæ nostræ Argentinæ per Officium nostrum, si per effectum coram eo committi poterit ad denuntiationem per eum... Fabricæ, vel cuiusvis alterius condemnentur. In Diocesi vero in Collegiatis Ecclesiis in simili pena ad usum ruralis Capituli per Archi-Presbyterum

condemnetur. Archi-Presbyteris enim pro illa & alia Clericali decetia, sive vestium, sive crinium arcendi Contraſtres suos etiam censuram Ecclesiasticam damus, & concedimus præsentibus potestatem: nec volumus aliquos per se stare in Diocesi Sacerdotes extra Contraſternitates, quæ eisdem Archi-Presbyteris non subsint, sed omnes ad ipsorum convocationem convenire per ipsos etiam per censuram huiusmodi arceantur, excommunicatos vero vel suspensos per eos ante denuntiationem ipsi Archi-Presbyteri absolvere possint, postea vero nonnisi per Nos, vel Archi-Diaconum suum, vel Officiales nostros absolvi valebunt. *Idem.*

XXXIX.

Attendentes quantum ex eo, quod Clerici, præsertim Beneficiati civitatis & Diocesis nostræ vestibus partitis & virgatis utuntur, Ecclesiæ ac in Clero & populo scandalum generetur, & quod qui a paucis Nobilibus incipitur, per plebejorum & salsamentariorum filios trahitur in exemplum: ad tollendam pestem huiusmodi, taliter perpetuo edito duximus statuendum, ut quicumque Clericus beneficiatus, vel in sacris Ordinibus constitutus, civitatis & Diocesis nostræ de cetero vestes partitas gestare præsumperit vel virgatas, si cuiusvis Ecclesiæ, aut Ecclesiæ nostræ civitatis & Diocesis fuerit Canonicus præbendatus, tamdiu fructu præbendæ suæ, & voce Capituli careat, in eisdem Collegiatis Ecclesiis, quousque depositis huiusmodi vestibus, Decano suo cautionem faciat de non utendis vestibus huiusmodi per fidem nomine iuramenti; si vero nullius Collegiata Ecclesiæ Canonicus fuerit, sed cuiusvis Ecclesiæ, vel Ecclesiæ nostræ Rector, vel Capellæ, aut alterius Beneficii cuiuscumque ad solvendum, tali, postquam super hoc denuntiatus fuerit, decimas, vel qualvis obventiones Ecclesiæ, vel Capellæ, aut alterius Beneficii sui super huiusmodi decimis vel obventionibus audientia (b) præbeatur, sed debitores huiusmodi decimarum ipsas partim ad Fabricam illius Ecclesiæ vel Beneficii, partim pauperibus ejusdem loci, in quo situm est Beneficium,olvere teneantur, quousque Nobis vel Decano majoris Ecclesiæ vice nostra Bene-

(a) aurifrigium: simbria aurea.

(b) forte: non, addendum.

Beneficiarius de non utendis vestibus huiusmodi caverit similiter per fidem nomine iuramenti. Si vero nullum Beneficium habeat, si in Sacris constitutus Ordinibus, quindecim dierum monitione præmissa, si huiusmodi vestibus de cetero uti præsumpserit, in excommunicationis sententiam incidat ipso facto. *FREDERICUS.*

XL.

Usum tabernarum, præterquam in itinere constituti, & ne tabernas in domibus suis teneant, ludos quoque taxillorum ad hasbardum, & huic similia in locis publicis & inter laicos, omnes & singuli Clerici, & personæ Ecclesiasticæ nostræ civitatis & Diocesis, præsertim in Prælaturis, & in Sacris Ordinibus constituti sibi Sacræ nostræ Synodi prohibitionis sub pœna excommunicationis noverint interdictos. *FREDERICUS de Concilio Herbipolensi.*

XLI.

Hasludia & torneamenta Clerici, qui sunt in dignitatibus & personatibus, seu in Sacris Ordinibus constituti hoc edicto perpetuo sibi noverint interdicta: ita, quod nulla persona Ecclesiastica in dignitate seu personatu, aut in sacris Ordinibus constituta cum armis ipsam exerceat: & qui contra fecerint, excommunicationis vinculum, quam in his scriptis proferimus, incurere volumus ipso facto. *Idem.*

XLII.

Detestabile etiam vitium concubitus a Clero exterminare cupientes, hoc edicto perpetuo statuimus prohibendo, ne aliqui Clerici Regulares vel seculares huic crimini de cetero se involvant. Si qui verò contra hanc nostram prohibitionem concubinas ad suam procurationem sibi de cetero assumerint, in domo vel extra, ita, quod eorum circa hoc notorius sit excessus, excommunicationi, quam ex nunc proferimus, subiaceant ipso facto. Ad hæc juxta tenorem Provincialis Concilii in Clericis, qui retinendo publice concubinas & famam negligunt, & reverentiam maculant Clericalem, more pii patris, non personas, sed personarum vitium detestantes, eorum salutem sic diximus providendum, quod qui deinceps retinere

præsumserint publice concubinas, vel novas focarias acquirere, suis sint privati Vicariis & Beneficiis ipso facto: quas & illi, ad quos collatio pertinet, conferre aliis personis idoneis teneantur. *Idem.*

XLIII.

Insuper omnibus Clericis, & personis Ecclesiasticis quibuscumque nostræ civitatis & Diocesis maxime in Sacris Ordinibus constitutis sub pœna excommunicationis inhibemus, ne se ex Clericis faciendo mercatores notabiles, negotiis secularibus se immisceant, vel negotiationes, aut mercimonia exerceant quoquo modo. *Idem.*

XLIV.

Armorum usum ab omnibus Clericis, & personis Ecclesiasticis evitandum: injungentes eisdem, ne quis sine inevitabilis necessitatis causa, aut nostra licentia speciali arma deferre præsumat, ne contra transgressores per excommunicationis sententiam, exigente iustitia, procedere compellamur, & ne ipsos exuamus privilegio Clericali, quantum ad Canonem de injectione manuum in Clericos violenta. *Idem.*

XLV.

Item prohibemus Clericis quibuscumque, ne in contractibus quos faciunt, sic se obligent vel pacificentur, ut si forsan, quod promittunt, adimpleant, Ecclesiæ ipsorum supponantur Ecclesiastico interdicto. Quæ pacta decernimus non valere, quia delictum personæ non debet in Ecclesiam, vel subditos redundare. *Idem.*

XLVI.

Item apostatas omnes Monachorum & Monialium quarumcumque Religionum, & Canonicorum Regularium in nostra civitate, & Diocesi degentes, manifestos, & occulte latitantes, & eos, qui scientes tales in Ecclesiis suis tenent, & recipiunt, præsentibus excommunicamus, præcipientes omnibus Decanis Conventualibus, Archi-Presbyteris, & Decanis ruralibus, quatenus nomina dictorum apostatarum, & Clericos peregrinos in suis terminis commorantes, inter quos etiam non ordinati Divina, quantum in eis est tanquam veri idololatæ profanant, sollicitè perquirant: quorum nomina in-

fra unius mensis spatium Nobis repræsentent. *FREDERICUS ex Concilio Herbipolensi.*

XLVII.

Ad hæc præsentī decretō in perpetuum valituro decernimus; ut nullus Prælati, seu alia quævis persona Ecclesiastica cujuscumque status, vel dignitatis existant, histrionicas vestes de cetero ferre præsumant. Et qui contra fecerint, sententiam excommunicationis quam ex nunc præferimus, incurrant ipso facto. *JOHANNES.*

XLVIII.

Omnibus Clericis Nobis subjectis Parochiales Ecclesias, nec non etiam Collegiatis officiantibus, in virtute sanctæ obedientiæ injungentes, ut ipsi Dominici, & aliis, quibus Festa novem lectionum aguntur diebus, intra Ecclesias suas horas Canonicas cum nota, vel saltem sine nota studeant canere, vel orare. Quod etiam præcipimus fieri in diebus privatis, quando eis opportunitas id permittit.

XLIX.

Item in virtute sanctæ obedientiæ distrīte præcipimus, ne quis inter laicos, & commensationes frequenter, vel locum commensationis, qui vulgariter dicuntur Trinckstuben teneat, cum sicut per experientiam didicimus, Clerici per eorum frequentiam, & communionem sapius maculentur.

L.

Item invenimus, quod nonnulli pro Clericis se gerentes, cappas seu habitum Monachalem deferant: qui tamen nullius approbatæ regulæ habitum sunt professi, quod de cetero fieri prohibemus. Et generaliter omnes in his scriptis præcipimus & monemus, ut infra quindenam a publicatione præsentium numerandam, habitum sic præsumptum deponant, & in habitu Clericis secularibus se conforment, sub pœna suspensionis ab officio suo, quam in facientes contra hanc nostram prohibitionem ex nunc prout ex tunc proferimus in his scriptis. Et insuper distrīte inhibemus, ne aliquis nostræ civitatis vel Diœcesis Clericos tales præsumptores ad hospitium recipiat, quos ab omnibus arctius præcipimus evitari.

L I.

Item sub pœna suspensionis ab officio latæ ex nunc in his scriptis a Nobis sententiæ inhibemus, ne aliquis Clericus nostræ civitatis, & Diœcesis Altare suum ad quod intitulatus est, per alium officiet, nisi id ei ex causâ rationabili, & legitima fuerit dispensative permissum. Quo casu non per aliquem religiosum, cujuscumque etiam religionis existat, sed per sacularem Clericum officii sui executionem habentem, suppleat vices suas sub pœna prædicta, quam contra facientes incurrere volumus ipso facto. Hac autem prohibitionem volumus comprehendendi Sacerdotes Parochias regentes, qui quotiens ingruit necessitas executionis officii sui, religiosos requirunt.

L I I.

Item sub pœna suspensionis prædicta de cetero prohibemus, ne aliquis Clericorum in sua Ecclesia, vel Altari quempiam alienum Sacerdotem de novo promotum ad celebrandum primam suam Missam pro lucro, vel sub spe lucri sive colore admittat pacto aliquo præcedente, & ne aliquis Collegiatæ Ecclesiæ cujuscumque secularis vel regularis, aut cujuscumque religionis Sacerdos Missam hujusmodi, videlicet primam extra Ecclesiam Collegii sui, & conventus celebrare præsumat, cum id non videatur sine avaritiæ nota præsumi.

L I I I.

Item Spiritualibus Sororibus omnium inclusorum, ac generaliter omnibus aliis personis familiariter conductis pro obsequio Monasteriorum, & locorum Religiosorum cujuscumque ordinis nostræ civitatis & Diœcesis, qui cum regularem professionem non fecerint, præcipimus sub pœna excommunicationis latæ ex nunc a Nobis sententiæ, quam Canonica monitione præmissa præsentibus ferimus in rebelles, ut Sacerdotibus, in quorum Parochiis consistunt, sicut ceteri eorum subditi subsint, & eis obediant, & intendant, nisi post mensem post publicationem præsentium, quod ad id non teneantur, legitime doceant coram Nobis.

L I V.

Item sub pœna suspensionis ab officio latæ ex nunc in his scriptis a Nobis

bis Canonica monitione præmissa sententiæ in contrarium facientes inhibemus, ne aliquis Sacerdos, cuiuscumque status vel religionis existat, alterius Sacerdotis subditum sine ipsius licentia recipiat ad confessionem, vel ei Ecclesiastica Sacramenta ministret, nisi necessitas exigat, vel id alicui competat ex privilegio vel indulto, de quo prius dictum fuerit coram Nobis.

L V.

Item sub pœna excommunicationis ex nunc canonica monitione præmissa in his scriptis latæ a Nobis sententiæ inhibemus, ne aliquis Sacerdos nostræ civitatis, & Diœcesis aliquam Missam celebret, Sacerdotalis Præbendæ perpetuæ, quæ non est de nostra auctoritate modo debito instituta, & per nostras litteras approbata.

L V I.

Item omnibus Sacerdotibus Nobis subiectis Parochias regentibus virtute sanctæ obedientiæ injungimus firmiter & districte, ut ipsi singulis diebus Dominicis infra Missarum solemnias, dum fiunt sermones ad populum, Symbolum sanctæ Fidei Christianæ populis suis in vulgari prædicent & exponant.

L V I I.

Ad hæc inhibemus, ne in baptizandis infantibus ad levandum de Sacro Fonte plusquam duæ vel tres ad majus admittantur personæ, pro quolibet baptizando: cum sicut experientia docet, periculosa impedimenta multoties exinde prove-niant matrimoniis contrahendis. *BERTHOLDUS.*

L V I I I.

Avaritiæ vitium, quod a compater-nitatibus novimus frequentari, extirpare cupientes, & Monasteriorum indemnita-tibus providere, districte inhibemus om-nibus Abbatibus, Abbatissis, & quorum-vis Monasteriorum Prælati, ne aliquo-rum compatres fiant: sed si fierent causa rationabili exigente, tunc, ne aliquid ea de causa tunc, vel postea dent, vel solvant per se, vel per alios, sub pœna excommu-nicationis districte inhibemus. *JOHANNES Argentinenfis Episcopus.*

L I X.

Item, quia nonnullæ sunt personæ in Sacris Ordinibus etiam constitutæ, & ali-

quæ etiam eorum Beneficiatæ officium tabellionatus exercentes, quarum personarum instrumenta, non solum in civilibus, sed etiam in Ecclesiasticis negotiis tanquam publica recipiuntur, licet de earum auctoritate, & de aliis, quæ circa constitutionem tabellionis requiruntur, minime Nobis constet: quod perniciosum Nobis existit. Nos circa hoc adhibere volentes medelam, statuimus, ut hujusmodi personæ gerentes se pro tabellionibus publicis, pro tabellionibus in civitate & Diœcesi nostra in judicio, vel extra in antea nullatenus admittantur, nec earundem personarum instrumenta tanquam publice recipiantur, nec fides talibus instrumentis adhibeatur, nisi prius de auctoritate ipsarum, & de aliis, quæ circa hoc fuerint necessaria, doctum fuerit legitime coram Nobis: injungentes omnibus subditis nostris sub pœna excommunicationis, quam in omnes ferimus, qui præsentī mandato nostro non paruerint: Canonica tamen monitione præmissa, ut instrumenta earundem personarum tanquam publica non recipiant, nec eis tanquam publicis utantur, nihilominus injungimus personis prædictis pro tabellionibus se gerentibus sub pœna prædicta: ut abstineant ab instrumentorum hujusmodi confectioe tamdiu, quousque de earum auctoritate & aliis, ut præmittitur, Nobis facta fuerit plena fides, quibus etiam medio tempore officium tabellionatus interdiximus per præsentē. *FREDERICUS.*

L X.

Quoniam inter crimina Ecclesiastica simoniaca hæresis primum locum obtinet, nos dictam hæresim maxime a personis Ecclesiasticis Regularibus, & secularibus extirpare volentes, scripto præsentī excommunicamus omnes, & singulos vendentes Ecclesiastica Sacramenta, videlicet Baptismum, Eucharistiam, Unctionem extremam, Pœnitentiam, ac alia Sacramenta, nec non benedictionem nubentium, & Ecclesiasticam sepulturam. Illos sententia nostra complectentes; qui aliquid prædictorum negligunt impedire, quique super certa re danda, vel facienda cum eis conveniunt, qui ea expofcunt, cum gratis & absque omni pacto dona, & Sacramenta prædicta debeant exhiberi. Nec prætextu alicujus quantumcunque longevæ consuetudinis, immo potius cor-
H h 3 rupte-

ruptelæ, antequam impendantur, aliquid exigi, vel pacisci permittimus. Licet eis exhibitis volumus, prout iurè cautum est, laudabiles consuetudines observari: similiter excommunicamus omnes & singulos vendentes, & pro eis aliquid dantes vel recipientes, investituras, seu institutiones, præsentationes & concessiones, seu collationes Dignitatum, Officiorum, Rectoriarum, Vicariarum in Monasteriis, Ecclesiis, & quibuscumque aliis nostræ civitatis & Diœcesis Oratorii & Capellis. Quia vero occasione sigilli sigillationes Archi-Diaconorum, & aliorum Prælatorum in huiusmodi potestatem habentium frequenter excedunt; in Beneficio valoris decem librarum reddituum ultra quinque solidos, valoris vero decem marcarum ultra unam libram; valoris viginti ultra duas libras; & sic ascendendo recipi prohibemus: ita quod ultra quinque libras quantumcumque magnum sit Beneficium recipere non præsumant; alioquin contrarium facientes pœna prædicti statuti involvi censemus. Si vero nil vel minus receperint, salubrius iudicamus. *Idem.*

L X I.

Interdicimus etiam Iudicibus Ecclesiasticis ordinariis, delegatis, arbitris, & compromissariis quibuscumque, ne Dei timore postposito, & legum pœna, ac canonica suspensione non curatis, per sordes vel pactiones illicitas pecunia, vel alia promissione quacumque procurante sententias vel pronuntiationes quascumque sibi in causis commissis dare vel proferre præsumant. Alioquin omnes contra facientes, salvis aliis pœnis a iure statutis, excommunicationis sententiam, quam scripto præsentî proferimus, incurrere volumus ipso facto. *Idem.*

L X I I.

Item, ab omnibus Christi-Fidelibus utriusque sexus, & præcipue personis Ecclesiasticis sortilegia, orationes, perverfas incantationes, seu qualibet alia maleficia fieri prohibemus. Si quis vero in prædictis forefactis se reum cognoverit, ab huiusmodi pravo & perverso usu de cætero absteineat cum effectu, & infra octo dies a propriis Sacerdotibus quærant, & recipiant pœnitentiam de commissis: alioquin omnes & singulas

personas huiusmodi pravos & perversos actus committentes, & de jam commissis satisfacere negligentes, ac omnes eisdem consentientes, vel etiam auxiliantes, ipso facto excommunicationis sententia, quam in his scriptis proferimus, volumus innodari. *JOHANNES.*

L X I I I.

Quia Patroni Beneficiorum Ecclesiasticorum bona nonnunquam Rectoris defuncti auferre præsumunt, quæ potius occupare volentibus, defendere tenerentur, ne de cetero talia attentare præsumant, districtius inhibemus, ac ipsos Patronos, si secus fecerint, mandaverint, aut factum suo nomine ratum habuerint, suspendimus ipso facto a præsentatione Capellæ, seu cujuscumque alterius Beneficii, cui talem injuriam irrogarunt, & si in tali suspensione perstiterint ultra tempus ad præsentandum definitum: interdicimus, sicut debemus ex iure ad Nos per negligentiam devolutus, Rectorem instituere in eodem. *Idem.*

L X I V.

Item, quia plerumque plures Clerici a diversis Patronis ad Beneficia in discordia præsentantur, ac unus Patronorum Clericum ab altero Patrono præsentatum capit, vulnerat, & occidit, seu alio suo nomine, ipso Patrono hoc mandante suo nomine, factum ratum habente, unde ne tam detestabile vitium in nostra civitate vel Diœcesi ultra sibi locum vendicet, sacræ approbationis Synodi statuimus & ordinamus, qui in præmissis, aut alio ex eis notorie culpabilis repertus fuerit, ipso facto a iure Patronatus perpetuo cadat, si quod sibi competiti, & competere poterat in eodem.

L X V.

Item statuimus, ut si Clericus ad Beneficium Ecclesiasticum in discordia præsentatus suum adversarium captivat, vel vulnerat, aut hoc fieri mandat, vel hoc suo nomine factum ratum habet, ipso facto a iure cadat, si quod sibi competiti, vel competere poterat in Beneficio illo, ad quod extitit præsentatus, salvis pœnis aliis contra tales malefactores & præcipue occifores promulgatis & promulgandis. *Idem.*

L X V I.

L X V I.

Præterea Statutis *Provincialis Concilii* inhærentes, excommunicamus Clericos, Monachos, Canonicos sæculares & regulares universos, qui colligationes, conspirationes, sive confederationes ul-
las fecerint, fidei vel juramenti interpo-
sita cautione, sive in electionibus facien-
dis, sive pro aliis quibuscumque nego-
tiis contra Canonicas Sanctiones: cum
ex hujusmodi colligationibus suboriantur
discordiæ, quæ Ecclesiasticam discipli-
nam dissolvunt, bona Ecclesiarum dissi-
pant, & pericula pariunt animarum.
Volentes ex colligatione, conspiratione,
seu confederatione hujusmodi neminem
obligari. Eadem quoque excommunica-
tionis sententia innodamus eos, qui con-
juraciones, conspirationes, sive confæ-
derationes tales fecerint, vel fieri procu-
raverint, nisi sine difficultate & dilatione
qualibet ab invicem se absolvant. Et
quicumque detecti fuerint, confederatio-
nes hujusmodi attentare; si Monachi
fuerint, vel Canonici regulares, de suis
Monasteriis tamquam membra putrida
excludantur. Quia vero. conspiratores
hujusmodi occasione utilitatis Ecclesiæ
sue vel Monasterii in hujusmodi facino-
ribus defendere se nituntur, omnes con-
spirationes hujusmodi, quæ occulte &
sine scitu & auctoritate Superioris eorum
sue cognitionis decretum interponentis
attentatæ fuerint, sub prohibitione præ-
dicta decernimus comprehendere, cum alias
esset verbis lex imposita, & non rebus.
FREDERICUS ex Concilio Herbipolensi.

L X V I I.

Eos, qui Dei timore postposito
Clericos, seu personas Ecclesiasticas occi-
dunt, vulnerant, mutilant, prosternunt,
capiunt, aut captos retinere præsumunt
& sententiam, quam incurrunt latam a
Canone, non verentur, adjectione hujus-
modi pænæ volumus cohercere, videli-
cet, quod Prælati, & Rectores Parochia-
rum in locis in quibus captivantes, & cap-
tivos detinentes ipsi degunt, & Clerici
capiuntur, & captivi tenentur, ipsos
captivantes, & captos tenentes excom-
municatos denuntient publice singulis die-
bus Dominicis & Festivis, nisi postquam
requisiti fuerint, eos infra octo dies di-
miserint, & in locis, ubi capti Clerici, vel

personæ Ecclesiasticæ detinentur, tamdiu
scientes cessent a Divinis, quamdiu in
locis fuerint sic captivi. Quodsi contra
fecerint, tamquam eorum malefactorum
participes excommunicatos esse volumus
ipso facto. *FREDERICUS ex Concilio Her-
bipolensi.*

L X V I I I.

Nonnulli, qui se Ecclesiarum affe-
runt esse advocatos, non solum Eccle-
sias ipsas, sicut tenentur, ab oppressi-
onibus non defendunt; sed Ecclesiarum suarum
bona violenter diripiunt, ac personas ip-
sarum multipliciter inquietant. Et si ad-
vocatus quatuor pluresve filias habeat,
quod est tamen intolerabile, omnes se
repræsentant in direptione rerum Eccle-
siarum, sicque per hoc Ecclesiæ, unde spe-
rant auxilium, frequenter sentiunt detri-
mentum. Quibus volentes salubri reme-
dio providere, hac editali constitutione
sanximus cunctos Ecclesiarum advocatos
infra nostræ civitatis, & Diocesis termi-
nos constitutos, cujuscumque sint præ-
minentiæ & status, ejusdem juribus esse
debere contentos, quæ ipsis seu eorum
Antecessoribus fuerant concessa tempore,
quo advocatiam susceperunt, & Ecclesias,
quarum advocati existunt, defensare stu-
deant, & manutenere pro posse. Et si
plures filii aut hæredes alii uni advocato
successerint, solus in quem omnes con-
cordant, aut major pars eorum, habeat-
ur de cetero advocatus. Alioquin si ne-
gligentes in defendendo, & manutenen-
do personas, & jura ipsarum Ecclesiarum
fuerint, vel remissi, hujusmodi advoca-
tionis officio, eos esse privatos volumus
ipso facto. Et si quid ultra debitum ab
ipsis Ecclesiis auferre, aut contra hujus-
modi constitutionis tenorem venire præ-
sumpserint, nisi infra mensem ipsis Eccle-
siis restituerint, quod abstulerunt, vel
emendaverint, quod delinquant, ex-
communicationis sententiam in eos pro-
ferimus in his scriptis, & ad requisitio-
nem personarum Ecclesiæ injuriam pas-
sæ excommunicatos denuntiari manda-
mus. *Idem.*

L X I X.

Spoliatores stratarum, & raptores
alios, qui transeuntes per vias, aut stratas
publicas viduas, pupillos, peregrinos vel
Scholares, aut Clericos ad studium, vel
ad

ad curiam Romanam proficiscentes, aut personas alias eorum bonis vi spoliant, ac eorum violentias, quæ perturbationem desideratæ pacis inducunt, volentes de cetero coerceri, præter pœnas, quas eis sacratissimæ leges imponunt, tali volumus nostro feriente correctionis gladio pœna mulctari, ut tam ipsi, quam receptantes eos sciant, & dantes eis auxilium, vel favorem ipso facto sint nodo excommunicationis, quam ex nunc proferimus, innodati. *Idem.*

LXX.

Falsarios litterarum, seu Bullæ Summorum Pontificum, monetarum, & litterarum, sigillorum nostrorum vel iudicum quorumcumque in his scriptis excommunicantes, eos, qui scienter receptaverint, aut eis præstiterint, quominus capiantur, auxilium, consilium, vel favorem publicum & occultum, præsentis constitutionis tenore ipso facto esse volumus excommunicationis vinculo innodatos. *BERTHOLDUS.*

LXXI.

Begehards quoque, & Beguinos se disputationibus & erroribus involventes in vita, & habitu sub fide sanctitatis excellentia ab aliis hominibus discrepantes, quos *Viennense Concilium* damnat & reprobat, reprobamus. *Idem.*

LXXII.

Blasphemias, & juramenta præsertim inconsueta a Clero extirpare cupientes, ea sub excommunicationis, suspensionis, & pecuniariis, & aliis pœnis per Ordinarios, & Convicarios, & Officiales infligendis, fieri prohibemus. *Idem.*

LXXIII.

Permutationibus Beneficiorum nullum inferiorem Episcopo posse impertiri auctoritatem de jure, & tales permutationes factas sine auctoritate Episcopi carere juribus declaramus: ipsas, si quæ factæ sunt vel fuerint, cassantes, & irritas nuntiantes. *Idem.*

LXXIV.

Beneficiorum perpetuorum Fundationes, & institutiones, quæ de auctoritate Ordinarii fieri debent de jure, in quibuscumque Ecclesiis, vel piis locis fiendas, instrumentis publicis, & authenticis con-

scribi statuimus, & firmari. Instrumenta quoque insuper super quibuscumque institutionibus confecta, vel conficienda omnibus, quorum interest, ostendi, & communicari volumus, & mandamus. *Idem.*

LXXV.

Abusum quarundam Diœcesis nostræ Ecclesiarum Collegiorum, & Monasteriorum, ne quicquam quam jus utile, & necessarium est Ecclesiæ, per majorem, & sanio rem partem Capituli, vel Collegii perficiatur, vel sigillo Capituli sigilletur, nisi omnes de Collegio consentiant, deestatum per *Lateranense Concilium* detestamur: idem Concilium præcipientes firmiter observari. *Idem.*

LXXVI.

Cum membra sine capite nihil agant, statuta per quævis Capitula, vel Collegia Ecclesiarum nostrarum Diœcesis sine Prælatorum suorum consensu quibusvis arduis, vel statum Ecclesiarum tangentibus ordinata, vel quibus in ipso actu adinstar tutoris auctoritas Episcopi non accessit, declaramus, & decernimus non tenere: talia præsentibus irritantes: immo irrita nuntiantes, & de cetero fieri prohibentes. *FREDERICUS.*

LXXVII.

Claustra monialium omnibus, & maxime Clericis interdicimus: inhibentes sub privatione honoris Abbatissis, Priorissis, & Magisteriantibus omnibus Monasteriorum nostræ civitatis & Diœcesis, ne monialium aditum Clericis vel laicis præbeant, nisi ex manifesta, & honorabili causa, sive dispensatione ipsis in loco congruo & rato loqui habeant de honestis. *JOHANNES.*

LXXVIII.

Monachi & Moniales quicumque habitum deferant, secundum quod professio eorum exigit congruentem, & de hoc ipsorum Prælati, & Prælatæ sic provideant, ne ipsis ex negligentia pœnam debitam infligamus: maxime cum religiosi habitum suum contra præsentis constitutionis tenorem illicitè deponentes, sententiam Canonis contra tales prolatam incurrant. *FREDERICUS Argentinen-
sis Episcopus*

LXXIX.

LXXIX.

Præterea cum abdicatio proprietatis, & votum castitatis sic sint annexæ regulæ Monachali, quod contra ea nec Summus Pontifex consueverit dispensare, sub pœna privationis dignitatum, & honorum præcipimus Abbatibus, Abbatissis, & Priorissis, vel quocumque alio nomine censeantur, qui Monasteriis, & Collegiis præesse noscuntur, quod infra mensem a publicatione præsentium auferant subditis omnes redditus annuos, quos habent: alioquin si Prælati, & Prælatæ eorum hoc dissimulaverint, eos suis privabimus dignitatibus, aliis ibidem substituendis, qui velint & valeant idem proprietatis vitium extirpare. Item quod quodcumque peculium in claustris, & extra, omnibus Religiosis infra dictum mensem penitus auferatur. Peculium autem dicimus pusillas res in vestibus, & clenodiis, & alias mobiles, quas tenent, & recipiunt præter licentiam rationabilem Prælatorum: quæ omnia & singula undecumque venisse noscantur ad proprietatem solius Monasterii pertinebunt. Quicumque autem inventi fuerint proprietarii, licet in ægritudine poenituerint, juxta Statuta Canonica morientes non tradantur Ecclesiasticæ sepulturæ. Sed cum rebus hujusmodi in sterquilinio subterrentur. *Idem.*

LXXX.

Item præcipimus Abbatibus, Abbatissis, & quocumque alio nomine censeantur, qui Monasteriis, & Collegiis præesse noscuntur, sub pœna privationis dignitatum suarum, ut quilibet habeant carcerem bene firmatum infra Monasterii muros ad recipiendum, & præservandum ibidem suos Monachos, & Moniales, & alias personas regulares incorrigibiles & pertinaces. *Idem.*

LXXXI.

Item districte præcipimus omnibus Monachis & Monialibus, ac personis regularibus quibuscumque, ac etiam Clericis sæcularibus in Monasteriis præbendis nostræ civitatis & Diœcesis, ut Abbatibus, & aliis Prælatibus suis obedientiam debitam exhibeant, & mandatis eorum licitis, & honestis pareant reverenter: alioquin a Nobis & nostro Officiali, per excommunicationis sententiam eo-

rum pertinaciam, summaria de hoc cognitione præhabita, decernimus compellendam. *Idem.*

LXXXII.

Item sub pœna suspensionis, & privationis dignitatum inhihemus Abbatibus, Abbatissis, Præpositis, Priorissis, & Prælatibus Monachorum, & Monialium nostræ civitatis & Diœcesis, ne in delictis æqualibus inæqualiter punire præsumant suos subditos delinquentes: ut talis correctio, vel pœna nec ex favore, vel odii fomite, sed ex radice caritatis procedere potius videatur. *Idem.*

LXXXIII.

Insuper omnes Personas Regulares, & sæculares cujuscumque ordinis, sexus, vel conditionis existant, quæ seras, vinctes, vel hostia claustrorum quorumcumque, aut carceres, & præcipue monialium de cetero violenter infringere præsumpserint scripto præsentis excommunicamus. *Idem.*

LXXXIV.

Item, qui tractant & administrant negotia Monasteriorum, teneantur ad minus bis in anno Abbati, Prælato, Abbatissæ sive Prælatæ strictam computationem facere de receptis pariter & expensis: Prælati quoque, & Prælatæ hujusmodi, quibus administrationem temporalium in Monasteriis committimus, vel commisimus, de receptis & expensis computent diligenter ad minus semel in anno Nobis, vel ei, quem duxerimus, deputandum. *Idem.*

LXXXV.

Item, si qui Monachi, vel Moniales, aut quicumque alio religionis ordine censeantur, in lapsum carnis inciderint, de quo convinci possint, vel locus non sit infirmitati, tales ex hac nostra sententia fructibus Præbendarum suarum ex nunc privamus: insuper loco & voce in electione careant, & ineligibiles in posterum videantur, quousque per Nos, vel Episcopum, qui pro tempore fuerit, & eorum Abbatem & Abbatissam, aut alios Prælatos Monasteriorum post condignam poenitentiam fuerint restituti, vel etiam restitutæ. *Idem.*

LXXXVI.

Item cum Monachi & Moniales ; ac aliæ Personæ Regulares non habeant personam standi in iudicio , nec se obligandi habeant aliquam potestatem ; & se tamen obligent de facto frequenter : ne id de cetero faciant , districtius inhibemus , contractus per eos initos decernimus non valere . Si qui vero Officiati vel Officiatæ pro necessitate ipsorum opus habuerint contrahendi , non faciant , nisi de Prælatorum suorum consensu , vel conventuum eorundem . Volentes nihilominus , & præcipimus districtè , ut Officiati , & Officiatæ contra formam huiusmodi contrahentes , & se obligantes , officiis suis priventur . Contractus etiam ab officiatis Monachis , & Monialibus contra præmissa initos , irritos nunciamus . Propterea personas huiusmodi , scilicet simplices regulares citari , moneri , & alias vexari in iudiciis prohibemus , quicquid contra hoc factum fuerit , irritum decernentes : imo non solum trahentes eos in iudicium , sed & Iudices , Notarios , & Sigilliferos , contra hæc facientes , Monasterio , cuius persona vexata fuerit , ad expensas , & interesse decernimus obligari . *BERTHOLDUS.*

LXXXVII. *

Pro reformatione morum in Monasteriis feminarum nostræ Diocesis ad perpetuam memoriam sui duximus statuendum . In primis omnes receptas in Collegiis Monasteriorum in *Eschwege* , in *Sindelsberg* , & Sanctum Johannem juxta *Saberniam* , & in *Bibelles* Ordinis Sancti Benedicti veras Monachas , & in *Hoenburg* , & in inferiori Monasterio Ordinis Sancti Augustini veras Canonicas Regulares Religiosas dicimus , & declaramus , & habere Ordines per Sedem Apostolicam approbatos , hæcque apud eas esse & fuisse hæcenus observata , & quod , postquam ad annos pubertatis venerint , ad professionem teneantur : & si stant per tempora juris , tacite censeantur professæ , prout de veris Monialibus , & Religiosis in Canonibus est decretum : & quod ad substantialia religionis , scilicet obedientiam , & carentiam proprii , & continentiam de necessitate salutis omnimode teneantur , nec eis liceat ad sæculum remeare . Et hoc dicimus , statui-

mus , & declaramus , & prædictis Monasteriis perpetuo observandum . In Monasteriis vero *Eyscheim* & *Andelachæ* , quæ in horis Canonicis servant Ordinem Sancti Benedicti , & in Monasterio Sancti Stephani , quod in horis Canonicis servat Ordinem Augustini , quæ se asservunt ab eo tempore , cuius contrarii memoria hominum non existant , substantialia ordinum non observasse , declarationem huiusmodi causâ melioris deliberationis omitimus de præsentî , suadentes eis , sed propter bonum pacis , pro nunc sub nulla pœna præcipientes , ut substantialia ordinum studeant observare , choreas quoque omnibus dominabus quorumvis Monasteriorum nostræ Diocesis , & specialiter in publico , scilicet stubis virorum , quæ dicuntur *Trinkstuben* , & in curiis , & solemnitatibus , quæ sunt pro hastiludiis , & sponalibus , districtè inhibemus . Prælata vero in huiusmodi stubis , & curiis manifeste chorizans deinceps excommunicationis , subdita vero suspensionis per unum mensem a perceptione Præbendæ sententias eo ipso incurrant . Præterea variorum zendaliorum , & ferriçorum forraturas prædictorum sex Monasteriorum Dominabus , quas professas esse decrevimus , omnino interdiciamus ; in Prælatas eorundem Monasteriorum huiusmodi forraturis deinceps utentes , excommunicationis , in subditas vero , suspensionis a perceptione Præbendarum tamdiu , quousque deposuerint , & non utendo talibus in manus Prælatæ pro fidei promissione caverint , octo dierum monitione præmissa , in his scriptis ex nunc , ut ex tunc sententias proferimus . Prælata quoque huiusmodi subditis suspensis Præbendas ministrans , vel in quantum in se est , ministrari permittens , in excommunicationis sententiam incidat ipso facto . Quamvis autem aliquæ personæ prædictorum trium Monasteriorum in *Eyscheim* in *Andelachæ* , & Sancti Stephani forraturis huiusmodi usæ sint ab antiquo , & ob hoc non utamur contra eas pœnis huiusmodi de præsentî : ipsis tamen huiusmodi sumptuosæ superbix prohibemus abusum , & maxime Dominabus Sancti Stephani , quibus per Abbatissas suas , quamvis non sub pœnis prohibitum hoc invenimus ab antiquo : forraturas zendaliorum non nigri coloris . Item ornatum

extra mittentem, qui dicitur *assum an getraucht*. Item appropendicias manicarum, quæ dicuntur *Lussum* excedentes manicæ tunicæ inferioris. Item alias vestes de novo parandas, quam nigri vel bruni coloris eisdem Dominibus prædictorum trium Monasteriorum sub pœna excommunicationis præsentibus inhibemus. Egreðientes autem monasteria absque Prælatæ licentia, vel Prælatis verbis contumeliosis insultantes, prout plerumque fieri didicimus, per ipsas Prælatas tamdiu a perceptione Præbendarum suspendantur, quousque ad Prælatæ gratiam humiliter venientes hujusmodi reatum emendant. Sententias autem ipsarum Prælatarum hujusmodi suspensionis tam in Clericos, quam in Dominas eis subjectas pro ipsorum culpis & negligentis latas vel rite ferendas, usque ad satisfactionem condignam faciemus districtus observari. Prælatæ autem, si in convictione hujusmodi excessuum, præsertim in seipsum, & per consequens in ipsarum Monasteriis commissorum fuerint negligentes, suspensionæ ab administratione Prælationum poterunt merito formidare. *FRIDERICUS ex Concilio Herbipolensi.*

LXXXVIII.

Quidam crudeles homines dum ad forum Ecclesiasticum, de quibus etiam merito habet cognoscere, ab actoribus evocantur, nullius auctoritatis, qua dicitur: *Qui honorat Missum, mittentem honorat*, immemores existentes, Nuncios Ecclesiasticorum Judicum, citationes & excommunicationes, vel alias judiciales litteras, seu mandata deferentes, verbis opprobriosis, & quandoque diris verberibus, quosdam captivantes, alios interdum suis rebus spoliantes, multipliciter afficiunt, ac perturbant, & impediunt citationem, & mandatorum executionem in non modicam Ecclesiæ libertatis contumeliam & jacturam. Considerantes igitur tales per Statuta *Concilii Herbipolensis* esse excommunicatos, & malitis hominum non esse aliquam indulgendum: ita decrevimus statuendum. Postquam reus, præmissa de hoc summaria cogitatione, convictus fuerit Judicis nuntius: litteras, vel mandata judicialia deferentes per se, vel per alium verberasse, spoliasse, vel etiam capti-

vasse, aut actor in causa recognitionis fuerit convictus modo, quo supra, familia per se, vel per alium perpetrasse, uterque, ac omnes alii, quos constiterit nomine & occasione causarum talia præsumisse, usque ad condignam satisfactionem læso & judicibus exhibendam, excommunicationis sententia percellantur, & eorum terræ, & in quibus degunt, supponantur Ecclesiastico interdicto. *JOHANNES.*

LXXXIX.

Quia quidam propter potentiam, quidam propter crudelitatem nimiam citari non possunt personaliter, quidam etiam in castris habitant, ita quod nulla potest ad eos citatio pervenire. Idcirco juxta *Concilium Moguntinum* provida & necessaria deliberatione statuimus, ut contra tales citationis edictum tribus diebus Dominicis in Missa publica apud ipsorum Parochialem Ecclesiam, vel si Parochialis Sacerdos iustam timoris causam suo juramento ostenderit, in Ecclesia Cathedrali solemniter publicare. Et ex nunc contra hujusmodi, ac si personaliter citati fuerint, procedere, ne ex malitia sua valeant commodum reportare. *FREDERICUS.*

XC.

Generales citationes de cetero fieri prohibemus. Statuimus, ne quis Judex Ecclesiasticus sub generali clausula ita scribat: *quos dator præsentium vobis nominaverit*, prohibentes Sacerdotibus, ne mandata talia exequantur. Nos enim tales citationum & commissionum litteras decernimus esse nullas. *Idem.*

XCI.

Sub pœna excommunicationis omnibus Sacerdotibus & aliis Clericis prohibemus, ne mandata vel citationes quorumcumque Judicum delegatorum, vel subdelegatorum recipiant, vel etiam exequantur, nisi jussu, rescripto autentico, sive jurisdictionis Bulla Papali, vel alio sigillo autentico signato, & cum ex hoc litteris, quæ *vidimus*, appellatur per Officialem civitatis curiæ nostræ sub hæc decretis, & sigillo ejusdem civitatis sigillatis, & eorundem rescripti *vidimus*, ac mandatorum susceptorum a copia sibi retenta. *Idem.*

XCII.

Quia personæ Judicibus, quibus auctoritate Sedis Apostolicæ causæ committi valeant, & loca, in quibus procedere, & ad quæ partes citari debeant, per nova jura sunt expressa & limitata: idcirco omnibus Reſtoribus & Sacerdotibus nostræ civitatis & Dicecesis, sub pœna excommunicationis firmiter inhibemus, ne si quando Judicum delegatorum, vel subdelegatorum mandata susceperint, quibus aliquæ personæ citari mandantur, vel si alias de ipsorum Judicum jurisdictione, vel alia de causa antedicta mandata de jure subsistere valeant, verisimiliter dubitaverint, illa nullatenus exequantur, sed super eis Vicarium, vel Officialem nostrum, qui tempore fuerint, requirant, & de ejus consilio dictæ executioni superſedeant, aut si jusserint, exequantur. *BERTHOLDUS.*

XCIII.

Processum quondam Domini JOHANNIS Prædecessoris nostri de salariis Advocatorum, Procuratorum, & aliarum personarum, Curiarum nostræ, & Archidiaconorum nostrorum præcipimus observari. *BERTHOLDUS.*

XCIV.

Evitantes Judiciorum Ecclesiasticorum & subditorum nostrorum curiarum abusus, scilicet, quod frequenter citationes & monitiones ad certos & nominatos dies . . . primo dies Dominicus infra hebdomadam, qua terminus citationis occurrit, Plebanis præſentantur, & per ipsos diebus privatis publicantur, citatis tunc circa rem rusticam occupatis, de curialium, & aliorum sapientum consilio sic duximus statuendum, quod nulla deinceps citatio, vel hujusmodi monitio ad nominatum diem concepta per quemquam Plebanorum, nisi ante diem Dominicum proximum terminum citationis vel monitionis præcedentem, vel saltem in ipso die Dominico ante sententiam publicæ Miſſæ præſentata fuerit, & postea ad minus trium dierum intervallum habuerint, quomodolibet publicetur, Plebanus vero contrarium faciens, qualibet vice pœnam decem solidorum ad fabricam Ecclesiæ nostræ Argentinensis solvendo-

rum incurrat, & nihilominus citato vel monito ad damnum vel expensas, quas hac occasione pertulerit, teneantur. Orta autem diffensione circa præſentationem litterarum inter portitores & Plebanos, Plebanorum credi volumus juramento. Nullus autem Sigillifer citationes vel monitiones hujusmodi in sabbatho, vel quarum data eſſet in sabbatho, cum terminus sit in scripti hebdomada, sigillare præſumat. Alioquin ad damna & expensas teneantur citato. Portitores autem hujusmodi deferentes citationes vel monitiones ad minus feria sexta ab Argentina recedant. Qui contra præmissa fecerint, factas non tenere decernimus, nec artare citatum. Sententias vero contra præmissa latas, contra Plebanos non exequentes hujusmodi per Nos vetitas citationes & monitiones, aut contra tales citatos vel monitos, ex nunc volumus & decernimus non tenere. Ac Officialem quemlibet contra præmissa scienter procedentem, & contra quem tam inique processum fuerit, ad expensas & interesse teneri. *Idem.*

XCV.

Quia Procuratores Curiarum pro litterarum executionibus multa sumentes, portitoribus exequentibus, qui labores & pericula sustinent, avaritia canina nullam vel quasi minimam tribuunt portionem: ad hæc ut legationes haberi valeant contra morem solitum portitores, statuimus & præcipimus, quod eisdem portitoribus de qualibet littera executioni mandata per eos ad minus unus obulus assignetur. Portitor vero minus recipiens vel subtractionem portionis suæ sibi factam subicens, & Officiali non revelans, pœnam carceris sustinebit. Procurator autem contra hæc excedens, & portionem hujusmodi portitoris subtrahens, tamdiu a procuratorum, & omnibus consistoriis excludatur, quousque pro qualibet vice unam libram denariorum Officiali persolvat, pro media parte suis, & pro alia media aliorum curialium usibus profuturam. *Idem.*

XCVI.

Cum nonnunquam pro concione etiam non communicantium multitudo vexetur: circa hoc sic duximus statuendum, quod in nulla citatione plusquam sex

lex personæ pro communione citentur, nec detur citatio talis, nisi eam impetrans se intellexisse veraciter citandos, excommunicasse prius, notario per fidem nomine juramenti. De quo, si de hoc antequam factum fuerit, contentio oriatur, tam impetrans, quam Notarius jurare corporaliter teneantur: alias Judex habeat pro non facto. Citata etiam pro concione, si Plebano suo de non communicando eidem excommunicato ante absolutionem in casibus illicitis fidem dederint nomine juramenti, & hoc sub sigillo Plebani per nuntium etiam simplicem ad terminum etiam citationis transmiserit, & veniendo ad iudicium, vel ad Procuratorem mitendo sint excusati: ita quod contra eos procedi non debeat, neque possit. Citationes autem participantium contra præmissa faciendas cum subsecutis processibus, ac sententias contra præmissa ferendas decernimus non tenere, nec non vexato contra præmissa adversarium ad expensas, & interesse teneri, cui adversario ad hæc refundendum procurare impetrans teneatur. *Idem.*

XCVII.

Quia periculose interdicta pro pensionibus, & pecuniarum, & debitorum summis contra constitutionem BONIFACII Papæ octavi, qui hujusmodi interdicta irrita ipso jure, proferuntur frequenter. Nos hujusmodi interdicta omnia pro pensionariis debitis, censibus, vel pensionibus lata vel ferenda, sive per delegatos Sedis Apostolicæ, sive per quemcumque Officiale, declaramus virtute dictæ constitutionis (a) populis penitus esse nulla. Inhibentes omnibus, & Sacerdotibus, omnique Clero, ne hujusmodi interdicta de cetero curent, vel in periculum animarum suarum observent sententias, & processus in quovis talia non observantes, ob hoc latos, vel ferendos irritos decernentes, omnesque hujusmodi impetrantes interdicta tam adversariis, quam gravatis Ecclesiis ad expensas interesse teneri. Præmittimus autem, ne Divinum Ecclesiæ subtrahatur officium, ut si qui debitores hujusmodi pensionis, & censuum Ecclesiarum, & piorum locorum, pro eo, quod non solvunt, in excommunicationum, & omnium aggra-

vationum sententiis, servatis juxta morem curiarum debitis intervallis, per tres menses sorduerint animo indurato, Judex quoque, & Dominus temporalis hujusmodi excommunicatum, requisitus per Judicem Ecclesiasticum, ut in subsidium jurisdictionis Ecclesiasticæ illum ad redeundum ad Matris Ecclesiæ gremium sua temporali jurisdictione compellat, qui hujusmodi subditum non curaverit exhibere, contra hujusmodi Dominos, vel temporales Judices, propter eorum contemptum, & maxime in loco eis subiecto, ubi excommunicatus degit, per interdicti sententias procedatur. *Idem.*

XCVIII.

Ne actus judiciales curiarum delusorii reddantur, præsertim cum per appellaciones, vel alias ad Superioris confistoria deferuntur abusus signaturarum, quæ in spatio actorum signantur, per quas ipsa acta confunduntur, & quibus signaturis alibi non creditur, detestantes, statuimus, quod litis contestationes, conclusiones, & alii actus principales, non in signaturis, sed in specialibus actis & sigillatis ponantur, nec Judex recipiat, nisi hujusmodi actus in processibus inveniat sigillatos. Quamvis autem derogationes terminorum, & suspensiones signari valeant in spatio: signaturas tamen hujusmodi fieri contra unam partem absentem tamquam contumacem, altera hoc petente, nisi de signatura hujusmodi sigillatus iudicii ostendatur recessus. (b) *FREDERICUS.*

XCIX.

Quia quædam in quibusdam partibus consuetudo, immo potius corruptela detestabilis observatur, videlicet, quod tam laicus, quam Clericus in lecto ægritudinis constitutus, ultra quinque solidos usualis monetæ, vel aliam summam juxta illius loci consuetudinem limitatum, nec piis locis, quam personis Ecclesiasticis pro animæ suæ remedio, & salute aliqua possit ordinare legata: considerantes prædictam consuetudinem Sacris Canonibus, & sæcularibus etiam legibus obviare: cum nihil sit, quod magis hominibus debeat, quam ut supremæ voluntatis liber stylus existat; eandem consuetudinem Deo quodlibet

(a) lege: Papalis

(b) Forte deest: prohibemus.

animabus, & bonis moribus inimicam, auctoritate hujus Sacræ Synodi penitus reprobamus: firmiter statuentes, ut unicuique, quem jura a testamentorum non prohibent factione, in sanitate, vel lecto ægritudinis constituto legandi, disponendi, & ordinandi de bonis suis sibi a Deo collatis circa pia loca, & personas Ecclesiasticas, dummodo suos hæredes contra sanctiones legitimas non prætereant, libera sit facultas: volentes, & præcipientes, ut per universos Prælatos, & Judices Ecclesiasticos omnes Clerici, & laici impediētes defunctorum legata, seu ultimas voluntates per excommunicationis in personas interdicti in loca sententiarum, octo dierum monitione præmissa, ferendas ab hujusmodi impedimentis desistere compellantur. *BERTHOLDUS.*

C.

Cum nonnulli Clerici executores largarum eleemosynarum, quæ pro anima pauperibus erogari tenentur, hujusmodi distribuenda mendicantibus distribuunt consanguineis, vel amicis, imo quandoque, quod deterius est, usurpare suis usibus non formidant: præsentem decreto statuimus tales executores non liberari, nec eis, quod satisfecerint, concedi; nisi hæc publice distribuunt, loci etiam Plebano sciente. Plebani etiam hujusmodi negligentias ad Nos deferant, si Divinam, & nostram velint effugere ultionem. *Idem.*

C I.

Item inhibemus, ne de cetero aliqua Religiosa secularisve persona se auctoritate dispensandi, absolvendi, aut alio quovis modo Nobis ratione dignitatis Pontificalis, vel jurisdictionis a jure concessa, & specialiter reservata aliquo modo intromittat, vel eadem auctoritate quovis modo utatur, nisi cui Nos eandem auctoritatem, sicut opportunitas suaserit, in parte, vel etiam generaliter duxerimus

licite commitrendam, & qui de hoc se ostendat nostris patentibus præmunium.

CII.

Item indulgentias quibuscvis personis Argentinæ concessas, ut in earum domibus possint celebrari Divina, præsentibus revocamus. *Idem.*

CIII.

Jus & consuetudinem Ecclesiæ nostræ Argentinensis ab antiquo servatam scilicet, quod & qualiter decedentes Clerici saltem tertionem legare Episcopo teneantur, inviolabiliter præcipimus observari. *Idem.*

CIV.

Potestatem dispensandi, absolvendi, & si ratio exegerit invitandi, interpretandi, & corrigendi super Statutis Synodalibus præmissis Nobis specialiter reservamus.

C V.

Sigillifero autem curiæ nostræ, ut has nostras constitutiones, & quoslibet notabiles processus nostros in uno libro conscribi faciat, & in curia nostra continue conservari, ut ad illum, cum opus fuerit, habeatur recursus, districte mandamus. *Idem.*

CVI.

Omnibus quoque Abbatibus, Abbatissis, Priorissis, Præpositis, Prioribus, & aliis Collegiatarum nostrarum Ecclesiarum, vel Monasteriorum Prælati, omnibus Archi-Presbyteris, ut hujusmodi nostra Statuta in scriptis recipiant infra duos menses, & Archi-Presbyteris suis Confratribus publicent bis in anno, in virtute sanctæ obedientiæ, sub pena excommunicationis firmiter præcipiendo mandamus.

Martene. Thesauri Anecdotorum Tom. II. a pag. 529. ad 555.

Ex MS. Bibliothecæ Argentoratensis.

MENTIO SYNODI RATISPONENSIS

ANNI MCCCCXXXV.

CONRADUS Episcopus Feria IV. post Dominicam *Jubilare* Synodum ordinariam celebravit.

Andreas Ratisponensis in Chronico Bavaria ad annum MCCCCXXXV.

An-

Anno Christi MCCCCXXXVIII. Eugenii IV. PP. VIII.

Regno vacante.

Copia Littere, in qua THEODORICUS,

Archi-Episcopus Moguntinus, scribit Suffraganeis deliberate super aliquibus articulis, per Papam & Concilium missis;

& quod respondeant.

THEODORICUS, (&c.) GRATAM ET SINCERAM COMPLACENDI VOLUNTATEM, REVERENDE PATER ET AMICE CARISSIME; NEC NON HONORABILES IN CHRISTO NOBIS SINCERE DILECTI.

INter ceteras nostri Pastoralis Officii sollicitudines istam, qua pax, & Ecclesie Sancte Romane unitas, reformationisque tam in capite, quam in membris prosecutio possent conservari, minimam minime reputamus. Quare nisi salubri preveniatur remedio, gravem suboriri veremur scissuram, ultra quam calamo perarare valemus populo Dei dispendiosam.

Sane cum nonnullis defluxis diebus Sanctissimus in Christo Pater & Dominus noster, Dominus EUGENIUS Papa modernus Nobis, nostrisque S. R. I. Coelectoribus, Sacri Basilienfis Concilii ad civitatem Ferrariensem ex causis in Bulla Sanctitatis sue expressis Nobis exhibita translationem insinuari, Nosque requiri fecerit, quatenus ad Concilium Ferrariense per Sanctitatem suam indictum, nos duceremus conferendos; porro Inclita Germanie Natio in Sacra Basilienfi Synodo collocata pridie Nobis intimavit, qualiter huiusmodi translatio ad civitatem Ferrariensem predictam facta, etiam contra S. Concilii Basil. Decreta, dictarum pacis, unitatis & reformationis nimium foret destructiva, ordinarie auctoritatis turbativa, & quod severius commemorabant, huiusmodi translatio tanti sit discidii, quod spes totius reformationis jam facte & faciende cessaret, abusus Romane Curie exuberanter succresceret, & consequenter plurima pericula, maximamque ignominiam in Germanie partibus germinarent; Preterea Natio supradicta Nos debita requisivit instantia, quatenus decretata in Sacro Basilienfi Concilio super sublatione reservationum, propter quam cuilibet Ordinariorum Beneficia in Diocesi sua

vacantia libere incumberet conferre (quibus etiam decretis cautum existit, quod ibi cause debeant tractari, & terminari, ubi originem assumpserunt, quodque non omisso medio ad Papam, sed ad Ordinarium immediatum provocari debeat; quodque ejusmodi Decreta auctoritatem Superiorum conservarent, caritatem in inferioribus corroborarent, & innumeris periculis & abusionibus obviarent) gratanter acceptare, per nostram Metropolim insinuare & publicare; ipsumque Sacrum Basil. Concilium manutenere, & favoribus nostris assistere oportunis, usque de ordine & modo, quibus Sanctitati sue dicti Domini nostri, aliisque Prelatis propter annatarum subtractionem competens fieret provisio, avilare dignaremur; prout hec per dictæ Nationis venerabilem Oratorem *liberioribus verbis* existunt deducta. Et quis est, qui harum rerum magnitudinem non ponderabit! rem itaque tam grandem, tamque arduam intactam relinquimus, majori & celebriori digestionem pertractandam.

Maturo igitur cum nonnullis doctis, devotis, & fidelibus nostris dilectis, ad id signanter evocatis super premissis prehabito consilio, arbitrati eramus expedire, ad vos, aliorumque nostrorum Suffraganeorum, nec non eorundem Capitulorum presentiam atque notitiam, premissa sub compendio perferre; post digestam deliberationem, de harum more rerum, consulta vestra, quid circa premissa agendum, & concludendum finaliter existat, Nobis die subnotato communicanda expetere, & explorare. Et quoniam hanc rem, celerem desiderare expeditionem nemo est, qui non animad-

madvertat; quare, ut antelatum est, certum diem, videlicet Dominicum, quo in Ecclesia Dei *Judica* cantatur, proximo quadagesimali tempore futurum, Venerabilibus, & Nobis dilectis, Decano, & Capitulo Ecclesie nostre *Moguntine*, Cleroque universo civitatis ejusdem decrevimus indicendum, cum intimatione, quatenus hoc die, cum ceteris sequentibus diebus Nobiscum conveniant, & constituentur in civitate *Moguntina*, inibi quid circa premissa agendum, pertractaturi, & consulturi. Nec breviorum terminum prefigere conveniebat, pretextu electionis Romanorum Regis, in Cæsarem Deo propicio promovendi, Nobis impeditis.

Quare vestram exhortamur caritatem, in visceribus Domini Nostri JESU Christi exorantes, ut sollicitudo vestra cum Capitulo, doctis & Clericis Ecclesie vestre convenire, & que superius exposita sunt, & ipsa quomodolibet tangencia mature, & fideliter pertractare; quidve deceat, quidve in his dedeceat, examinare, & demum concludere velit, quod in hac re felicius fuerit amplexandum. Nōs die superius commemorata

to de hujusmodi vestris intentionibus pertractatis, deliberatis, & conclusis, in quo etiam finaliter exoptatis residere, ad suprad. civitatem *Moguntinam* per fideles, & constantes vestre caritatis oratores certificando, dictosque vestros oratores eatenus deputando, & fulciendo, quatenus si aliquid per Nos, alios Suffraganeos nostros, quibus familia denunciavimus, aut eorum Ambasiatores, nostrumque Clerum supradictum, tempore & loco predictis foret pertractandum, determinandum, & concludendum circa premissa, & ipsorum quodlibet, ob mandati defectum omitti non oporteat; ymmo verius sine more dispendio prosequatur, quod Canonicum, honestumque, & visum fuerit expedire pro populo Dei, ad laudem Omnipotentis Clementie, atque Nobis ad complacenciam valde gratam. Super quibus omnibus vestrum efflagitamus in scripto responsum.

Datum in Castro nostro *Aschoffenburg*. xxi. die mensis Februarii. Anno Domini MCCCXXXVIII.

Ex Tomo IV. Codicis Diplomatici Gu-
deniani pag. 232.

Anno Christi MCCCXXXVIII. Eugenii IV. Pp. VIII.

Alberti II. Reg. I.

MISSIVE Domini Archi-Episc. Moguntini

*ad Augustanum, Argentinensem & Curiensem Episcopos cum co-
pis Appellationis, Protestationis & Unionis Instru-
mentorum interclusis.*

Gratam in Christo complacendi voluntatem Reverende Pater, Amice carissime! satis liquide ex scriptis nostris, Vestre Paternitati dudum de mense Februarii factis, illiusmodi dira & discidium materia, que inter Sanctissimum in Christo Patrem & D. N. D. EUGENIUM Papam QUARTUM ex una: nec non Sacrosanctum *Basiliense* Concilium, partibus ex altera, suscitata existit, alias proci dolor! plus noto, nato innotescere potuit, amaritudinem hoc pretextu animum nostrum perfulgentem habundē demonstrantibus, & non immerito; cum hec res Ecclesiasticum statum ve-

risimiliter innumeris commovere dispendiis, & populi salutem Christiani impedire conspiciatur.

Idcirco certum terminum videlicet diem Dominicam, qua in Ecclesia Dei *Judica* decantabatur proxime preterita, vestre caritati, pariter & aliis nostris Suffraganeis insinuavimus, exhortatique fuimus, quatenus hoc die vestros constantes & litteratos viros in *Moguntiam* transmitteretis, inibi cum aliis, dicto die ad hujusmodi locum evocatis interessendum, atque in re tam ardua pertractandum & concludendum, quod necessarium foret, & oportunum.

Et

Et quia pluribus aliis ad eundem locum predicto die suos notabiles Oratores mittentibus, vos reperimus, de quo satis miramur, nec venisse, nec misisse, ideo cum his, quorum copia illuc erat, id quod expedierat, pertractatum fuit & conclusum. Ubi inter cetera exhibita hec fuere, que presentibus inferuntur, & per Nos vestre Caritati transmittuntur; que siquidem potissime per nostros Coelectores, super electione Romanorum Regis novissime *Frankfordie* constitutos, digesta fuerunt, fabricata & conclusa. Unde, cum huiusmodi protestationis, & unionis effectus claudere prestolatur quosvis, adherere Nobis, ipsisque Coelectoribus nostris satagentes; sitque Nobis creditum, ea ipsa per nostram etiam Metropolim publicare, & vota eorum, qui scuto *Protestationum*, & *Unionum predictarum* cupierint manuteneri, vigilanter explorare,

vobis earundem copiam duximus mittendam, atque insinuandam.

Quocirca vestram deprecamur Caritatem, nec non eandem Metropolitica requirimus auctoritate, quatenus una cum Coelectoribus nostris antefatis, atque Nobis, Vos, vestrumque Clerum universum, vestreque ditioni suppositos status etiam cujuscumque, provisioni nostre huiusmodi subjugare, sub umbra & viribus earum respirare, Nosque, prout antelatum est, de huiusmodi vestra, vestrorumque intentione quantocius certificare velit. In quo Deo obsequium vos arbitramur exhibere, & facietis nobis complacentiam, vicaria exhibitione rependendam.

Datum *Afchaffenburg*. VII. Aprilis, anno Domini MCCCCXXXVIII.

Ex Tomo IV. Codicis Diplomatici Gude-
miani pag. 240.

Anno Christi MCCCCXXXVIII. Eugenii IV. Pp. VIII.
Alberti II. Regis I.

MISSIVA missa per Dominum Moguntinum
ad Religiosos sue Diocesis, . . . inter Papam & Concilium
BASILIENSE.

SALUTEM ET SINCERAM IN DOMINO KARITATEM IN CHRISTO
NOBIS SINCERITER DILECTE.

Quanta amaritudine nostre mentis sinceritas nedum propter diversitatem, verum adversitatem nuper inter Sanctissimum Dominum nostrum Papam EUGENIUM QUARTUM ex una, & Sacrum BASILIENSE Concilium, partibus ex altera, subortam commota sit, ipse novit, qui nihil ignorat; cum durante hoc dissidii genere dispendiosum existat succidende solium, quod frugem Reipublice, Statusque Ecclesiastici impedire affueverat, & quod sitit mundus, universus semen plantare pacis optate.

Quare Nobis cum Reverendis in Christo Patribus, Illustribusque Principibus S.R.I. & nostris Coelectoribus super Romanorum Regis electione, Deo duce, felicibus demandata auspiciis; proxime in *Frankfordia* receptis, pro humanitatum vestrarum debito, quam hu-

jus rei dispendiosa procella merito reddit fluctuantem, potissime, ut cavillationem pertinacium excludere possemus, Nobis providimus quibusdam salubribus *Protestationis*, *Appellationis* & *Unionis* medelis, quibus siquidem verisimiliter conscientiarum nostrarum puritas in tantis animarum nostrarum angustiis relevamen suscipere valeat & tutelam. Nihil enim ausibus temerariis aggressi sumus, sed ut, cum contrariorum evolverint effectuum mandata, atque processus, alicujus securitatis aura auram possemus respirare. Quarum quidem *Protestationis*, *Appellationis* & *Unionis*, tunc *Decretarum* copias tibi presentibus interclusas duximus insinuandas.

In Domino devotionem tuam sinceriter exhortantes, auctoritateque Metropolitica requirentes, quatenus inspectis, atque intellectis huiusmodi *Prote-*

Tomas V. Councillor. German.

K k

statio-

stationis, Appellationis, atque Unionis effectibus, cum fiducia in earum robore conquiescas, nobiscum concurras; atque juxta omnem vim ac effectum earumdem nostrarum provisionum Nobis adhereas, & de tua adhesionem, aut voluntate scriptis, & Munimentis tuis authen-

tis Nos edocere, & certificare quantocius cures, Nobis ad complacenciam valde gratam.

Datum *Aschaffenburg*. die VIII. Mensis Aprilis, anno Domini MCCCCXXXVIII.

Gudenus Tomo IV. Codicis Diplomatici pag. 242.

CONVENTUS FRANCOFORDIENSIS

Anno Christi MCCCCXXXVIII. Eugenii IV. PP. VIII.

Germanicæ Neutralitatis Initium.

Convenerunt Francofordiæ Electores Imperii post mortem SIGISMUNDI Cæsaris ad novum Cæsarem subrogandum. Qui cum varia indies edicta Romani Pontificis & Basileensium cernerent, communi consensu xv. Kal. Aprilis ejusd. anni MCCCCXXXVIII. statuunt, se, Provincialesq. omnia decreta alterius partis contra alteram partem non suscipere, venerarique & EUGENIUM Pontificem, & Concilium Basileense, velleque usque ad sextum mensem deliberare, cujus parti sit adhærendum.

Interea tamen protestari, se non discedere ab obedientia & reverentia Sedis Apostolicæ. Prælatos autem Ecclesiarum populos sibi commissos jure ordinario gubernaturos. Hoc principium fuit Neutralitatis Germanicæ, quæ prætextu concordie per sex menses instituta, supra sex annos perduravit, ab Eugenio & Basileensibus reprobata. Nemini enim parebant, cum censuræ imponebantur.

Augustinus Patritius C. LXXXIII. apud Natalem Alexandr. Tom. VIII. pag. 542.

FRISINGÆ SYNODUS

Anno Christi MCCCCXXXVIII. Eugenii IV. PP. VIII.

Alberti II. Reg. I.

EX EPISCOPI NICODEMI ABSENTIS MANDATO.

Ad Laudem & Gloriam Omnipotentis DEI, salutem quoque Gregis, Reverendo in Christo Patri & Domino, Domino NICODEMO, Episcopo Frisingensi, crediti Nos, *Nicolaus de Gumpenberg* Præpositus, *Joannes Grunwalder* Decretorum Doctor, Canonicus, ac ejusdem Reverendi Patris in Spiritualibus Vicarius Generalis, Sacræ SYNODI Episcopalis ex commissione speciali Nobis per eundem desuper facta Præsidentes, una cum Venerabilibus Patribus & Dominis, Abbatibus, Præpositis, Archidiaconis, Decanis, & universo Clero Diocesis Frisingensis, nobiscum in hac Sacra Synodo confedentibus, ad correctionem excessuum & reformationem mo-

rum, diligenti & matura deliberatione præhabita, infra scriptas Constitutiones & Statuta ex causis rationabilibus solempniter & comuniter edidimus, conclusimus, & præsentibus promulgamus, sub penis quoque in eis contentis præcipimus inviolabiliter observari, & ut infra continetur, anno bis publicari.

Constat Capitulis XXXVI, quæ post biennium anno 1440. 2. Septembris in alia Synodo Frisingensi, infra citanda, fuisse contracta, & ad pauciora panda reducta: *ut Meichelbeck.*

Datum & actum *Frisingæ* in Aula Episcopali sub anno a Nativitate Domini M. Quadringentesimo tricesimo octavo, Indi-

Indictione prima, die vero penultima mensis Aprilis, Pontificatus Sanctissimi in Christo Patris & Domini nostri, Domini EUGENII, Divina Providentia Papæ QUARTI, anno octavo. In cuius robur & testimonium præmissorum sigillum

Vicariatus Episcopi Ecclesiæ Frisingensis sæpe dictis præsentibus duximus imprimendum.

(L.S.)

Meichelbeck Historiæ Frisingensis Tom. II. pag. 223.

Asserens hanc Synodum paucis notam fuisse, sed ex cœvo Ebersbergenfi innotuisse sibi. Vellem hujus Synodi Capita expansa ex codice MS. descripsisset *Meichelbeckius*, uti Synodi anni 1440. Capitula dedit.

CONVENTUS MOGUNTINUS

MENSE MARTIO.

Anno Christi MCCCCXXXIX. Eugenii IV. Papæ IX.
Alberti II. Cæsaris II.

Fuit hic Conventus ingenti Cardinalium, Episcoporum, & Sacerdotum eo confluentium accursu, & eximii Principum Legationibus celeberrimus. Aderant ex ordine Septemvirorum tres Archi-Episcopi THEODORICUS Colonienfis, THEODORICUS Moguntinensis, & RABANUS Trevirensis, interque exteros Archi-Episcopus Turonensis. Accessere Episcopi ex Gallia, Hispania & Italia cum Aquilejensi patriarcha. Summa fere rei deliberandæ erat concordia Ecclesiæ: quando satis intelligebat Pontifex Patres Basilæ non tam in hæreses extinguendas, & disciplinam Ecclesiæ reparandam, quam in se depressendum, exuendumque Pontificia dignitate intentos, omnia consilia agitare. Hinc quantum Pontifex conatus Basileense Concilium dissipare; tantum Basileenses obnixi, ne loco moverentur. Jam vero ubi Moguntia ad disceptationem ventum, Theodoricus Agrippinensis Archi-Episcopus, ut qui potentia, generis claritudine & auctoritate facile inter omnes eminebat, prolocutus, pro Patribus Basilææ retinendis,

& decretis Basileensis Concilii recipiendis sententiam dixit: quem Theodoricus Moguntinus, & Rabanus Trevirensis Archi-Episcopi secuti.

Interim cum aliis Moguntiam accessit Nicolaus Cusanus, (*) qui sicuti antea Concilio Basileensi obtulerat *tres libros de Concordia Ecclesiæ*; magna a se cura, magnaue ingenii laude elaboratos; ita pro Eugenii Pontificis auctoritate in hoc Conventu Episcoporum, & Principum libere & acerrime peroravit.

At quantum ille in præsentia, cæterique Pontificis Legati, & cum his integrioribus viri pro Eugenio contenderent, nihil tamen in hoc Moguntino Conventu impetrare licuit. Mansere pertinaces Septemviri: recepta sunt decreta Concilii Basileensis & Germanis imperata: Statutum, retinere Patres Basilææ in Synodo: neque veritum illis, quominus in jus vocarent ipsum Pontificem.

Schæten. Annal. Paderb. T. II. L. XVI. ex Ænea Sylvii de Gestis Concil. Basileens. & Raynald. Hist. Eccl.

(*) Hercules omnium Eugeniarum partium Nicolaus Cusanus existimatus est, homo & priscarum literarum eruditissimus, & multarum rerum usu perdoctus: hic omnem studium suum, omnemque conatum in defensione Eugenii collocavit. *Æneas Sylv.*

Idem Pactum Concordiæ, inter sex Electores contra quodvis a quovis excitandum schisma, initum anno 1439. die S. Martini in Conventu Francofurtensi, refert *Gudenus Tomo IV. Codicis Diplomatici pag. 249. No. CXIV. editionis Francofurtensis anni 1758.*

SYNODI SALISBURG. MENTIO

Anno Christi MCCCCXL. Eugenii IV. Papæ X.
Friderici III. Regis I.

SUB JOANNE II. (a) ARCHIEPISCOPO.

JOANNES per Literas sollicitatus ab Principibus Imperii Moguntia & Francfurti congregatis, ut Eugenio adhereret, cæterum Neutralitatem amplecteretur. Iterum per Literas sollicitatus a Congregatis Basileæ, ut Concilio præ Eugenio adhereret (b) incertus, quo se verteret, constituit evocato suorum Concilio deliberationem suscipere.

Misit etiam Literas ad Academicos Viennenses, oravitque, ut sibi submitterent ad Congregationem, quam ipse facere cogitabat cum suis Episcopis Suffraganeis, ac Ambassiatoribus Principum sæcularium in sua Provincia residentium aliquos Doctores Divini & humani juris ad cogitandum ac deliberandum quid sibi expediat.

Quid in Synodo Salisburgenfi statutum, aut quam in sententiam itum fuerit idoneis instrumentis, non instrumitur, ait Hansfizi. (c)

Illud videtur. Patres negotium remississe ad ulteriorem indaginem. Archiepiscopus certe ad Fridericum III. Regem

tunc Literas dedit, quibus eum orabat, uti rem per viros doctos disceptari curaret, eorumque iudicium sibi perscriberet: quum incertum haberet, quo vela verteret, utrum Concilio se applicaret? an potius eorum partibus, qui *Neutrales* vocabantur, accederet?

Rex eodem anno MCCCCXL. Doctores Universitatis Viennensis per Epistolam hortatus est, uti cum Episcopis Passaviensi & Frisingensi certum in locum convenirent, consulerentque in medium, quid in causa Neutralitatis Germanicæ Archiepiscopo respondendum, quid Concilii dandum esset?

Doctores inito cœtu, quum diu multumque differerent, ad extremum re infecta discesserunt, propterea, quod Magistri duorum classium Theologiæ videlicet & Artium censuerent standum pro Concilio, minimeque ad partem *Neutralium* accedendum. Multi Doctorum sententiam scripto complexi sunt.

Hæftenus Hansfiz. S. J. Parte II. Germaniæ sacræ pag. 476.

(a) Joannes II. de Reisperger concordii suffragio electus Archiepiscopus Salisburgenfis XXXIX. mense Aprili. Obiit anno 1441. ultima Septembris, constanter adherens legitimo Papæ Eugenio.

(b) Epistolam Concilii refert *Hansfizi* Tomo II. *Germaniæ sacræ* pag. 475. e MS. Cæsareo.

(c) *Loco citato* pag. 476.

ORATIO SYNODALIS

Anno Christi MCCCCXL. Eugenii IV. Papæ X.
Friderici III. Regis I.

Habita ad SYNODUM FRISINGENSEM
SUB NICODEMO EPISCOPO,

DE VERBIS EVANGELISTÆ: *Ascendens JESUS in Naviculam, transfretavit, & venit in civitatem suam.*

Reverendissime Pater! (a) Sedis hujus Præsul alme, Sacra Frisingensis Synode, singuli quoque Patres in Christo, Abbates Reverendi, Docto-

res Egregii, Venerabiles Præpositi, præcolendi Prælati, honorabiles populo- rum Pastores, cæterique quibuscunque dignitatum, meritorumve insigniti, Do- mini mei ac Patres præstantissimi. Con- venientibus Nobis in unum in nomine Domini, tractaturis de his, quæ ad Dei laudem, & Ecclesiarum opportunita- tem pertinent, provisoris, auditoris, actoris, & facturis. Dominum & Ma- gistrum nostrum, unigenitum Dei Fili- um, omni propulsa dubietate, præsen- tem esse certissime credamus, non enim efficacia carere potest promissionis ejus verbum illud: *Ubiunque duo vel tres in nomine meo congregati fuerint, (b) ego ero in me- dio eorum*; dicente eo: *celum & terra transibunt, verba autem mea non transibunt*. Ad hunc Prætres optimi dirigite mentes, hujus imploremus auxilium, quo sine nullum rite fundatur exordium: quate- nus ipse nostram ascendens naviculam, sic regat, ita dirigat, taliter salvet, ut nullis marinis obstantibus turbationibus, Synodali actu efficaci executione solutis ad portum transfretemus, sed & mihi quæso non sufficienti cogitare ali- quid ex me, quasi ex me, Patres colen- tissimi, gratiam postulantes interveni- te: ut & idem Dominus noster JESUS Christus naviculam meam ascendens, de- fectum meum supplendo, opus quod cœpi, Nobis omnibus ut proficit ad salu- tem, terminare dignetur: quarens in Do- mino gloriantes, Apostolicum illud eu- logium vere dicere valeamus: *Sufficientia nostra ex Deo est. (c)* Quod ut facilius impe- tremus, thronum gratiæ, Dei Genitri- cem, Virginem scilicet Mariam fiducia- liter adeamus, & ejus Patrocinium men- talibus lacrymis exigentes imploremus, ut ea quasi Navicula mediante, quam JESUS ascendit sua in Incarnatione, No- bis transmittatur, quo promissio illa Di- vina verificetur, qua dicitur: *Dilata os tuum & ego implebo illud. (d)* Quod ut fiat ipsi offeramus illud Ave supra modum suave: voce suppressa; sed affectu præ- grandi dicentes: AVE MARIA GRA- TIA PLENA.

*Ascendens Jesus in naviculam,
transfretavit & venit in
civitatem suam.*

Reverendissime Pater! Sacraque Frisingensis Synode: septuplex Nobis occurrit mystica navicula, qua ascensâ Unigenitus Dei Filius transfre- tavit, & venit in civitatem suam. Est quippe navicula una pretiosa nimis, be- nedicta scilicet natura Christi, quam Do- minus JESUS suam per Incarnationem ascendit, ut ejus officio carnis ad unio- nem perveniret, quam anima mediante credimus eum assumpsisse (ut testatur hoc Augustinus) unde navicula illa me- diante ad carnem veniens transfretavit, & venit in civitatem suam. Est navicu- la secunda ejusdem Christi innocentissi- ma humanitas, qua mediante ipse con- ceptus in Virginem velut aliam suam in civitatem veniens transfretavit. Est & tertia navicula Virgo scilicet Maria, quam Dominus JESUS, cum ejus in utero conciperetur, ascendens transfre- tavit, ut hunc in mundum velut suam ad civitatem veniret. In propria enim venit, & sui eum non receperunt. Hac de navicula accipi potest, quod de mu- liere forti sapiens cecinerat, cum dice- ret: *Facta est quasi navis infistoris de longe portans panem suum*. Est quoque navicu- la quarta, Crux scilicet Christi gloriosa, quam ipse sua passione ascenderat, & ea mediante transfretavit, & venit in lim- bum Patrum, civitatem suam, quam tunc fluminis impetus lætificavit. Est insuper navicula quinta, Ecclesia Christi militans, aut quævis fidelium congre- gatio. Sicut enim mare transeuntibus nulla est salus, nisi in navi: ita mundum illum itinerantes, nisi Ecclesiæ Filii fue- rint in fide, spe & charitate, salutem nullam consequuntur. Hanc naviculam puto Paulum significasse, cum diceret: *Nisi hi in navi manserint, vos salvi fieri non potestis*. Est denique navicula sexta, ipsa charitas, per quam Spiritus Sanctus mentem humanam inhabitans, quasi su- per aquas ferri videtur, nisi etenim hu- mana mens aqua foret, nequaquam scriptura diceret: *Pravum est cor hominis,*

K k 3

(a) Orationis hujus habitæ Scriptor & Declamator erat Joannes Kokkuis, S. Theologiæ & Artium Liberalium Magister, & Decretorum Doctor, Monachus Tegernseensis. Meichelbeck pag. 224. Tom. II. Hist. Frisingensis.

(b) Matthæi XVIII. & XXIV. Capp. (c) II. Corinth. III.

(d) Psalmo LXXX.

Et inscrutabile, Et quis cognoscet illud? Est demum navicula septima poenitentia Sacramentalis, per quam quasi secundam tabulam post naufragium, Christo per gratiam suam eam ascendente, transtrantes venimus in civitatem suam, Sanctam scilicet Ecclesiam. Hæc de navicula in bono acceptæ enumeratione dicta sufficiant. Posset etiam naviculæ nominatio enumerari per aliquam ipsius acceptionem in malo, de qua ipsius acceptione est etiam illud: *In spiritu vehementi conteres nares Tharsis.* Sed quorū ista? ad propositum igitur revertentes, omnibus naviculis aliis omisissis, quintam duntaxat prosequamur. Sed valde mihi verendum est, ne, dum bona, quæ novi hac de congregatione in medium produco, in laudando largus plus, quam satis est, adulationis vitio reprehendar. Et rursus, dum vitia detestor, quibus forte congregationis hujus personæ nonnullæ, vel reæ habentur, vel suspectæ: non ut oportet verba modificando (cum lingua in lubrico sit posita) Divini contemptus reus fiam: veritate dicente: *Qui vos spernit me spernit.* Qui enim in verbo non offendit, hic perfectus est vir. Occurrit vulgari Proverbii consilium: *Parce lauda parcius vituperare.* Inter utrumque igitur, quantum valeo, medius iter agam. Confido nempe, Sacra Frisingensis Synode, de tui pro me apud Deum, interventus efficacia. Supplementis etiam, non dubito, meos de tua dignatione defectus. Sic itaque tibi commendatus, cætus colendissime, jam te Dominicam naviculam mihi videor ascendisse. Lætus igitur proficiscar ascendens: *Hoc mare magnum, Et spaciosum manibus, operationes facturum in aquis multis.* Ascendam illuc usque ad celos, & contemplantur bona tibi collata, cætus optime: opera Domini visurus, & mirabilia ejus in profundo, dum videlicet, quæ spectant dignitatis ad excellentiam, quæ (quantum ad propositum sufficit) in sex punctis mihi visa sunt contineri: scilicet in institutionis electione, in administrationis autoritate, in excellenti sublimatione, in singulari educatione, in pretiosa commendatione, & in tui luminosa irradatione. Quantum ad primum de electione audi Apostolum de te quid dicat, tuam nempe personam induens, inquit: *Elegit nos ante mundi*

constituti nem. Et Veritas ipsa dicit: *Ego vos elegi de mundo.* De secundo autem, scilicet de Administrationis autoritate Dominus inquit: *Quodcumque ligaveritis super terram, erit ligatum Et in calis, & quodcumque solveritis super terram, erit solutum Et in calis.* Tertium autem scilicet excellens sublimatio, sic persuaderetur. Officiorum dignitas sumi debet penes suorum actuum dignitatem, & actuum dignitas penes dignitatem objectorum. Sed quod est objectum Sacrosancto Corpore Domini nostri JESU Christi dignus? Quis hujus vitæ exterior actus sublimior, honorabilior, & delectabilior esse potest Sacramenti Domini corporis consecratione, aut contrectatione? unde Beatus Bernardus: *Credimus, inquit, quia non est potestas post Deum, sicut potestas vestra. Stupet calum, miratur terra, contremiscit homo, reveretur plurimum angelica celsitudo.* Et paulo post. *Hæc est vere cumulat gloria, hæc est vere celestis indulgentia, hæc est super excellens gratia, Sacerdotem suis manibus Deum tenere, Et aliis dando porrigere.* Hæc ille. De quarto, scilicet de singulari educatione, audi Dominum ad te loquentem, cum in veteri testamento dicit: *Non habebitis partem inter eos, ego pater Et hereditas vestra in medio Filiorum Israel.* Quid enim est aliud victus tuus, Sacra Synode, nisi quod Divina inspiratione homines non tibi, sed Deo obtulerunt, & in præsentia adhuc offerunt? Pro quinto autem, quod est pretiosi commendatio, est advertendum, quod ad pretiosa & chara, sicut sunt thesauri, & cætera similia, homines multum sunt solliciti. Unde quam sint talia eorum æstimatione pretiosa, ex nullo melius, quam ex diligenti cordis appositione ad talia perpendi potest: *Ubi enim est thesaurus tuus, ibi est cor tuum.* Sed Deus ad animam humanam in tantum cor apponit, ut hoc Beatus Job non immerito admirari cogere. Unde dicit: *Quid est homo, quia magnificas eum: aut quid apponis erga eum cor tuum?* An non thesaurus tibi videtur, pro quo proprio Filio suo non pepercit Deus? pro Nobis enim omnibus tradidit illum. Nihil certe aliud reperies in universo mundo, pro quo mori dignatus sit. Ecce Angelus sicut homo peccavit, sed non Deus redemit eum, sed animam humanam. Illam autem si pretiosam tuæ curæ commisit, hanc certe, si pe-

si perierit, tua de manu requisiturus est, dicente eo: *Sanguinem autem ejus de manu tua requiram.* De sexto scilicet de luminosa irradiatione Dominum audiamus dicentem: *Vos autem dixi amicos, quia omnia quaecunque audivi a patre meo, nota feci vobis.* Non autem taliter fecit omni nationi, & judicia sua non manifestavit eis. Hæc omnia Beatus Petrus brevi sermone complexus est. *Vos inquit, estis gens electum* (ecce electio quoad primum) *regale Sacerdotium* (ecce administratio quoad secundum) *gens sancta* (ecce sublimatio quoad tertium) *Populus acquisitionis* (ecce educatio quoad quartum) *ut virtutes ejus annuntietis* (ecce pretiosi commendatio quoad quintum) *qui de tenebris vos vocavit in admirabile lumen suum.* (Ecce illuminatio quoad sextum) Age itaque gratias, cœtus optime, ei, qui omnia subjecit sub pedibus tuis, te vero nulli. *Deus enim stetit in Synagoga Deorum*, id est in Synodo Sacerdotum: in medio autem eorum non aliquis Regum terræ, non Angelus, non Archangelus, non Principatus, non Potestas, non denique Virtus, aut Dominatio, nec demum de Cherubim, aut Seraphim Spiritus aliquis, sed Deus ibi judicet, si hoc modicum est tibi, audi quod majus est. *An nescitis, inquit Apostolus, quoniam Angelos judicabimus?* ea propter vos Sancti Dei vocabimini sacris in litteris, non solum Principes terræ, ut ibi: *Constituit eos Principes super omnem terram.* Aut *Principes populorum*, ut ibi: *Principes populorum congregati sunt cum Deo Abraham.* Sed sæpe Angeli, aut apud Malachiam Prophetam, ubi dicitur: *Labia Sacerdotis custodiunt scientiam, & legem exquirunt de ore ejus: quoniam Angelus Domini exercituum est.* Quod forte adhuc modicum esset, nisi etiam nomen illud, quod est super omne nomen, tibi communicasset: ut videlicet etiam te Deum dignaretur appellare, ut ibi: *Dii fortes terræ vebementer elevati sunt:* Et ego dixi: *Dii estis & filii excelsi omnes.* Unde & Moyfi dictum legimus: *Ego te constitui Deum Pharaonis.* Taceo de singulari perexcellente privilegio illo, quo te quasi Divinæ Majestatis aliqui omnipotentia honoravit, ut non solo nomine, sed etiam re ipsa Deus esse merearis: cum scilicet auctoritatem tibi communicavit miraculum illud grande faciendi, ut quoties tu volueris, & quodcumque, de cœlo ad terram, & ad

te Deum quasi trahere possis, & queas in Sacramenti, Corporis scilicet & Sanguinis Dominici confessione. Perpende, si possis, an majus sit cœlum & terram, & omnia, quæ in eis sunt, creare denihilo, vel panem & vinum in Corpus & Sanguinem Domini nostri JESU Christi transubstantiare? & hanc tamen actionem sic mirabilem, tantamque virtutem requirentem, tibi utcumque dignatus est communicare. Nonne hac actione omnipotenti virtute quadam te dotavit, & præ creaturis aliis, imo præ ipsis spiritibus angelicis dignificavit? sic ecce per te quasi quandam per navem in mirabili ista actione, & Sacramenti confessione de cœlorum regno in hanc lachrymarum vallem transiretando, transire dignatur velut *De gente in gentem*, & *de regno ad populum alterum*: ut sic facta sis, Sacra Synode, quasi navis institoris de longe (quia de cœlo) portans panem suum (quia Christum in Sacramento Altaris). Hæc sunt Patres optimi! quæ cœlum ascendentes perspeximus: Nunc autem aliquando descendemus usque ad abyssos, ut videamus mirabilia in profundo, abominationes scilicet pessimas, fornicationes, negligentias, scandalaque plurima, & cætera similia. Illic nempe reptibilia, quorum non est numerus: animalia pusilla cum magnis. Illic negotiorum sæcularium naves pertransibunt. Draco etiam ille, superbiæ scilicet Tyrannus, quem Dominus formavit, id est formari permisit, ad illudendum ei, in die scilicet retributionis, cum fiet, quod scriptum est: *Qui se exaltat humiliabitur.* Illic videbis quomodo obscuratum sit aurum, mutatus color optimus, & aurum verum in scoriam. Jam enim refriguit charitas multorum & abundavit iniquitas: jam fides sine operibus mortua est. Intramus quidem Ecclesias, Missas facimus & audimus, de Christo loquimur, de Christiano seu Clericali nomine gloriamur. Sed quid hæc omnia; Profecto nihil nisi tunica Joseph, id est exterior apparatus: Filium autem, id est cordis debitam intentionem fera pessima devoravit. Non est enim veritas non est misericordia, non est scientia Dei in terra. Maledictum, & mendacium, furtum & homicidium inundaverunt: & sanguis sanguinem tetigit. Jam heu experientia cognoscimus præsentia esse tempora illa periculosa, quæ olim

olim Apostolus prædixit esse ventura. Erunt, inquit, homines se ipsos amantes, cupidi, elati, superbi, blasphemæ; parentibus non obediens, ingrati, scelesti, sine affectione, sine pace, criminales, incontinentes, immites, sine benignitate, proditores, protervi, tumidi, voluptatum amatores magis quam Dei, habentes quidem speciem pietatis, virtutem autem ejus abnegantes. Quod autem hæc omnia nostra accidant de culpa tam in Clero, quam in populo, mihi forte dicenti non crederetur. Audiamus ergo magnæ autoritatis virum Chrysostomum Salvatoris nostri in Hierusalem venientis ingressum in templum tractantis. Hoc erat, inquit, boni medici, ut ingressus ad infirmam civitatem salvandam, primum ad originem passionis intenderet. Nam sicut de templo omne bonum, sic & omne malum procedit. Quemadmodum medicus quando primum ingreditur ad infirmum, statim de stomacho ejus interrogat, & cum componere festinat: quia si stomachus sanus fuerit, totum corpus validum erit: si autem dissipatus fuerit, totum corpus infirmum est. Ita si Sacerdotium integrum fuerit, tota Ecclesia florebit: si autem corruptum fuerit, omnium fides marcida. Et paulo post: Vere, inquit, quemadmodum cum videris arborem pallentem, foliis marcidam: intelligis, quia aliquam talpam habet ad radicem. Ita cum videris populum indisciplinatum, & irreligiosum, tunc cognosce, quia Sacerdotium non est sanum. Hæc ille. Ecce naves istas videmus ad abyssos descendentes, hoc nostro tempore illic pertransientes. Non utique sunt illæ, quas Dominus ascendat, sed quas confringat & conterat: dicente Psalmista: *In spiritu vehementi conteres naves Tharsis.* Caveamus igitur Patres optimi, ne postquam velut navicula Christum ascendentem suam per gratiam accepimus, nostro vicio in navem Tharsensem conterendam convertamur: sed satagamus potius, ut nobis mediantibus Christus velut sua navicula transireturus suis in membris nostræ curæ commissis, veniat in civitatem suam, Hierusalem scilicet supernam: Thema nostrum verificaturus, quod erat.

Ascendens JESUS in naviculam, transfretavit, & venit in civitatem suam.

CONvenientibus itaque Nobis in unum PP. optimi, navibus illis, quas Tharsenses diximus, nostra culpa (ut vidimus) hujus mundi mare magnum transeuntibus, in spiritu vehementi conterendis est insitendum: ut sic, quod nostra culpa fuit actum, nobis penitentiam agentibus destruat, quod fieri poterit tripliciter: scilicet satagendo ad debitam subditorum correctionem, ædificando per boni operis actionem, & ad finem dirigendo per salutiferam suasionem. Primum notatur per ipsius Jesu in naviculam ascensionem, cum in themate præmittitur, ascendens JESUS in naviculam. Secundum per Navigationis laboriosam actionem, cum subditur: Transfretavit. Tertium per finis gaudiosam adeptionem, ubi concluditur: & venit in civitatem suam. Primum est solicii Pastoris. Secundum exemplaris operatoris. Tertium experti ductoris, & confirmatoris. Per primum subditi purgantur, per secundum illuminantur, per tertium perficiuntur. Pro primo facit, quod dicitur: *Cum autem ascendisset in naviculam, cessavit ventus:* quia imperavit ventis & mari, & facta est tranquillitas. Ecce purgativa correctio, quoad primum. Ad concordandum secundum accedat, quod dicitur apud Lucam: *Sedens de Navicula, docebat eos.* Ecce illuminativa operatio quoad secundum. Pro tertii consonantia contendit, quod habetur ibidem, quo dicitur: *Subductis ad terram navibus, relictis omnibus, sequuti sunt eum.* Ecce perfectiva suasio quoad tertium. Dixi primo, quod navium contritio, quas non ascendit Christus, fiat satagendo debitam ad subditorum correctionem: quæ notatur, cum in themate præmittitur. *Ascendens JESUS in naviculam.* Eo nempe naviculam ascendentem, & ventis, & mari imperante, cessavit ventus, & facta est tranquillitas; sic correpto impio, recedit a sua via mala: dicente Psalmista: *Multiplicate sunt infirmitates eorum, postea acceleraverunt.* Cessant enim tunc impetus passionum, & fit tranquillitas & pax in corde ipsius, ut fiat jam templum Domini sanctum. *In*
pace

pace etenim factus est locus ejus. Hic est effectus solliciti Pastoris & boni, qui animam suam ponit pro ovibus suis, qui intrat in ovile per ostium, non aliunde. Qui quidem ovilis ingressus hic designatur per ascensionem in naviculam. Qui etiam ingressus per ostium fit, si debita fiat intentione, hoc est, ovium ad salutem, ut scilicet Pastoris presentia ventus cesset tentationum. Econtrario mercenarius & neglector, & qui non intrat in ovile per ostium, sed aliunde, ventos non sedat, sed suscitatur. Videt enim lupum venientem, & fugit, quia mercenarius est. Est autem mercenarius (si Beato Gregorio credimus) qui lucris terrenis & commodis inhiat, Prælationis honore gaudet, temporalibus lucris paciscitur, impenso ab hominibus honore lætatur. Ille ergo videt lupum venientem & fugit. Lupus autem venit, cum per scævitiā malorum boni tribulantur. Sed utinam nostri temporis mercenarii, non prius fugerent, quam lupum venientem viderent. Qui (pro dolor) ad flatum verbi, ad auræ sonitum, ad solas scilicet Tyranni quaslibet minas fugiunt: aut quomodolibet aliter, rationabili, aut legitima causa non exigente, suis ab ovibus & parochiis se absentant. Fugiant, inquam, non mutando locum, sed subtrahendo subsidium. Fugiant, quia iniustitiam vident & tacent: relinquentes iustitiam, ne perdant pecuniam. Quibus Dominus per Ezechielem (a) dicit: *Non ascendistis ex adverso, nec opposuistis vos murum pro domo Domini.* Sed ubi quæso hodie, qui se malis & vitis viriliter opponat, qui publice peccantes arguat, iustitiam defendat, ac faciat? Non sunt (heu) temporibus istis defensores in murum æreum, sed parietes inclinati, & maceræ depulsæ. Non utique tanta foret malorum audacia, nisi viderent Clericorum timiditatem, & dissolationem Prælatorum. Sed audi, quisquis es ille, qui derelicta non visitas, dispersa non quæris, contrita non sanas, & quod stat non nutris, qui carnes pinguum comedis, Propheticam exprobrationem. Inquit enim: *O Pastor & Idolum delinquens gregem.* Et quid quæso est idolum, nisi imago quædam furda & muta, ac ad omne bonum inutilis, & tamen in alto posita rei alicujus speciem gerens, & lo-

cum occupans; Divini cultus tolerans exhibitionem: Unde recte Prælati negligens idolum dicitur: quia vice Dei positus honorem accipit, sed surdus est ad clamorem pauperum miserorum, & mutus ad verbi Dei prædicationem. De quibus Scriptura dicit: *Canes muti non valentes latrare.* Nonne vobis videtur Pastor ille hujusmodi negligentis suis Dominum sua de navicula non tam verbo, quam facto repellere, ac ipsi dicere: *Domine exi a me, quia peccator ego sum?* Terreat itaque Nos Patres, sententia terribilis, quæ dicit: *Maledictus, (b) qui facit opus suum negligenter* (ut dicit una translatio, nostra tamen habet fraudulentem). Surgat itaque, qui dormit, sollicitè gesturus gregis sibi commissi curam. *Meminerit, quia hora est jam nos de somno surgere.* Et instet oportune importune, arguat, increpet, & obsecret in omni patientia & doctrina. Sed quis sapiens, ut custodiat hæc, & intelligat misericordias Domini. *Vir etenim insipiens non cognoscet, & stultus non intelliget hæc.* Quia impie agent impii, neque intelligent omnes impii. Porro docti intelligent, docti inquam non solo intellectu illustrati, sed affectu inflammati: qui non tam viderunt, quam gustaverunt; quoniam suavis est Dominus, quem sentiunt suam in naviculam ascendisse. Et tantum de principali primo. Dixi secundo, quod naves Tharsis conteri possint ædificando per boni operis actionem: quæ notatur, cum in themate subditur: *Transfretavit.* Annon bona actio erat, quod JESUS sedens de navicula, docebat eos? Annon hoc faciens, lux in tenebris luxit? Et quia ipsius actio nostra fuit instructio: ideo luceat lux nostra coram hominibus, ut videant nostra bona opera, ut non solo nomine, sed etiam re ipsa simus lux: dicente Domino: *Vos estis lux mundi.* Et ad quid Lux nostra lucere debeat, ostenditur, cum dicitur: *Ut videant vestra bona opera, & glorificent Patrem vestrum, qui in celis est.* Ubi notatur subditorum ædificatio, unde & Dominus nobis hoc expressius significare volens, dicere dignatur: *Vos estis Sal terræ.* Nostra nempe doctrina, & vita bona condiri debent oves nobis subjectæ, ne vitorum forde putrescant & fæteant. Pro dolor! Sal illud in multis evanuit hodie,

(a) Ezechiel. C. XIII.

(b) Jeremiæ C. XLVIII.

die, & adeo est infatuatum, ut vel condire, vel a corruptione præservare nihil queat. Quoniam nostri temporis Clerici sunt, heu, affectu crudeles, affatu mendaces, habitu sæculares, gestu incompofiti, victu luxuriosi, actu impii, & sub vacuo Sanctitatis nomine sancti nominis derogant disciplinæ: ita ut jam sit *Sacerdos sicut populus*. Laici quippe Clericos videntes sibi conformes in vanitate, iniquitate, & malitia, audientesque eorum verba malitiæ ad *excusandas excusationes in peccatis*, quibus dicunt: homines sumus sicut vos non valentes resistere: sibi putant consimiliter licere. Porro falsis infatuationem ex duobus accipimus. Primo ex populi fœtore. Si enim nos, qui spirituales sumus, melius condiremus, melior utique ab eis famæ nostræ procederet odor. Sed quia malo exemplo nostro fœtere fecimus odorem nostrum coram eis, cogimur etiam sentire fœtorem eorum, & omne malum de nobis audire. Impletum est itaque illud Esaïæ Vaticinium: interfecti eorum projicientur, & de cadaveribus ascendet fœtor, & tabescent montes a sanguine eorum. Interfecti quippe projiciuntur, dum a Prælati de animarum morte nihil curatur, sed de cadaveribus fœtor ascendit, & tabescunt montes, quando subditorum malitia etiam Præbyteros inficit, & confundit Prælatos: ut tam in propria, quam in ipsorum salute deficiant. Secundo falsis infatuationem cognoscimus ex ejus conculcatione. De sale namque infatuato Veritas dicit, quod ad nihilum valet ultra, nisi ut mittatur foras, & conculcetur ab hominibus. Anne conculcatio sit, quod tam multum repleti sumus despectione. Facti quippe sumus in Proverbium, & derisum omni populo, opprobrium abundantibus, & despectio superbis: ut jam fere quilibet horreat Sacerdotium, nisi in quantum quis dives esse cupit, aut præbendam pinguem habere desiderat. Et unde ista, nisi quia sal non sumus: vel si sumus sal, infatuatum sumus? Dicit autem Veritas, quod si sal evanuerit, in quo salietur? Quasi diceret: in nullo. Vis vere ergo salire, cætus optime, vis condire, vis populum a dicto vitiorum fœtore præservare, quod sal non infatuatum sis, oportet. Operemur igitur bonum ad omnes, dum

tempus habemus. Térreat terribilis illa sententia. Sciant Rectores, quod tot mortibus digni sint, quot perditionis exempla in subditos transmittunt. Simus igitur Christi bonus odor in omni loco, & jam in ipsa navicula nostra Christi exemplo transfretamus. Et tantum quidem dictum sit de principali secundo. Dixi tertio, quod navium contritio malarum fieri habeat finis directione per salutiferam suasionem. Quod notatur, cum in themate concluditur: *Et venit in civitatem suam*. Ecce terminus. Unum quodque autem tunc est perfectum, cum suum attigerit finem. Hinc est, quod subductis ad terram navibus, relictis omnibus, sequenti fuit eum, consilium perfectionis exequentes, quo dicitur: *Si vis perfectus esse, vade & vende omnia, quæ habes, & da pauperibus, & vini & sequere me*. Perfecti itaque estote Patres optimi, & jam ipsa perfectionis executione alios perficietis. Aperta jam nobis esset via dicendi de Episcoporum & Religiosorum perfectione, & de utriusque status differentia, & officio & lapsu: sed quoniam sermonis ad finem properamus, illa transimus, in tempus aliud reservantes. Unum tamen his duobus de statibus silentio non prætereamus: quoniam si eorum Professores, Pontifices scilicet & Religiosi tam re, quam nomine, tam opere, quam verbi professione cultores essent in vinea Domini: mala, quæ memoravimus supra, procul dubio forent pauciora. Nunc vero, quia Structores sunt nomine, re vero destructores: ideo venerunt super nos mala hæc omnia, ut sit, sicut prophetatum est: *Præerunt Structores, destruentes te*. Nonne destructores destruunt, quando Evangelicam viam, quæ arcta est, latam mentiuntur? cum peccata gravia, ebrietates, commessiones, choreas, adulteria, contentiones, rixas, & cætera hujusmodi millia prætendunt, imo laudant? Vis audire destructores? Quoniam inquit Propheta: *Laudatur peccator in desideriis animæ suæ, & iniquus benedicitur*. Exacerbavit Dominum peccator. Clericos nempe communicantes cum laicis in prædictis criminibus non raro vel negare oportet Scripturam, seu pervertere, & fortassis errores, aut hæreses afferre, & Dei veritatem in mendacium commutare, & aliis bonis viris non

communicantibus ob hoc detrudere, si non velint tam aperte confundi, & velut desperati reputari. Sunt & alii destructores, qui raptos, usurarios, falsarios, incendiarios, sodomitas, & quantumlibet magnis peccatis immissos, nullam quandoque in eos auctoritatem habentes, pro modica pecunia, vel exiguo prandio, aut solo favore consequendo promptissime absolvunt, levissimas ponentes poenitentias, & maximas indulgentias: sicque de facilitate veniæ incentivum præbent delinquendi. Contra quos apud Ezechielem dicitur: *Væ, qui consuevit pulvillos sub omni cubito manus, & faciunt cervicalia sub capite universæ ætatis ad capiendas animas.* Quæ quidem verba idem Ezechiel exponens subdit, ut caperent animas populi mei, vivificabant animas eorum, & violabant me ad populum meum propter pugillum hordei, & fragmentum panis: ut interficerent animas, quæ non moriuntur: ut vivificarent animas, quæ non vivunt: mentientes populo meo, credenti mendacis. Et infra subditur: *Maverè fecistis cor iusti mendaciter, quoniam ego non con-*

tristavi, & confortastis manus impij, ut non reverteretur a via sua mala, & viveret.

Nescio, quid apertius dicere possem nostrum ad propositum, quam illa Prophetæ verba. Tales non utique sunt Pastores boni, imo nec mercenarii. Sed in vestibus ovium venientes Dominicum ad gregem, intrinsecus latitant lupi rapaces, devorantes plebem Domini, sicut escam panis. Quid putatis ergo de gregibus agitur, si lupi Pastores sunt? Hæc sunt PP. optimi, quæ in unum convenientes in nomine Domini eradicare debemus. Videamus itaque, ut gratia Dei in nobis vacua non sit, neque in vanum eam accipiamus, negligentias emendemus, scandala vitemus, mala quantum possumus, impediamus: ut sic per hujus mundi mare transfretantes, quilibet ex nobis veniat in civitatem suam, Hierusalem scilicet supernam. Quod nobis præstare dignetur Dominus noster JESUS CHRISTUS, nostram hanc præsentem naviculam ascensurus. Amen.

R. F. Meichelbeck Hist. Frising. Tom. II. Parte Instrument. pag. 246.

CONCILIIUM FRISINGENSE

IN CAUSA ECCLESIASTICARUM CONSTITUTIONUM, TEMPORE
NICODEMI, DE SCALA EPISCOPI CELEBRATUM

Anno Christi MCCCCXL. Eugenii IV. Papæ X.
Friderici III. Regis I.

TITULI CAPITULORUM.

- | | |
|--------------------------------------------------------------|-----------------------------------------------------------|
| I. De Clericis peregrinis & ignotis. | IX. De rebus Ecclesiæ non alienandis. |
| II. De Judiciis. | X. De Sepulturis. |
| III. De Foro competenti. | XI. De Decimis. |
| IV. De vita & honestate Clericorum. | XII. De Regularibus & eorum statu. |
| V. De cohabitatione Clericorum & mulierum. | XIII. De jure Patronatus & Advocatis Ecclesiarum. |
| VI. De Clericis non residentibus in Ecclesiis vel Præbendis. | XIV. De censibus & exactionibus. |
| VII. De Præbendis & Dignitatibus. | XV. De benedictione salis, & aspersorii diebus Dominicis. |
| VIII. De concessionibus Præbendæ & Ecclesiæ non vacantis. | XVI. De celebratione Missarum. |
| | XVII. De Baptismo. |

Tomus V. Concilior. German.

L 1 2

XVIII.

XVIII. *De custodia Eucharistiæ, Chrismatis, & aliorum Sacramentorum.*

XIX. *De clandestina desponsatione.*

XX. *De Simonia, & ne aliquid pro spiritualibus exigatur vel promittatur.*

XXI. *De Judæis.*

XXII. *De usuris & usurariorum penis & præemptionibus.*

XXIII. *De penis.*

XXIV. *De penitentiis & remissionibus.*

XXV. *De sententia excommunicationis, interdicti, & suspensionis.*

XXVI. *De publicatione Statutorum & eorum copia habenda.*

PRÆFATIO.

AD laudem & gloriam Dei Omnipotentis, salutem quoque gregis Nobis crediti. Nos NICODEMUS ejusdem gratia Episcopus, Frisingensis; una cum Venerabilibus Fratribus nostris sincere dilectis, Nicolao Præposito, Henrico Decano, totoque Capitulo Ecclesiæ nostræ Frisingensis, nec non Venerabilibus Patribus, Honorabilibusque Nobis in Christo dilectis Abbatibus, Præpositis, Archidiaconis, Decanis, ac universo Clero nostræ Diocesis, Nobis in hac Sacra Synodo assistentibus, ad coercionem excessuum, reformationemque morum, diligenti ac matura deliberatione præhabita, infra scriptas constitutiones, & statuta ex causis rationabilibus solemniter, & communiter edidimus, & præsentibus promulgamus, sub penis quoque in eis contentis præcipimus inviolabiliter observari, & ut infra continetur, in anno bis publicari.

CAPITULA.

I.

Quia Pastorali sollicitudini incumbit, subditis providere, ne ab ignotis seducantur, quos nonnunquam percepimus retroactis temporibus abjectos, & quod detestabilius est, facinorosos, inhabiles circa Divina, se ingressisse in animarum pericula, & scandala plurimorum: districte sub excommunicationis poena præcipimus, & mandamus universis nostræ Diocesis Prælati, Decanis, Ecclesiarum Rectoribus, Plebanis, & Vice-Plebanis, ne de cetero aliquem alienæ Diocesis, seu ignotum etiam peregrinum se pro Presbytero, seu in sacris constitu-

to gereatem, ad ipsorum consortium, Sacramentorum & Sacramentalium administrationem, vel alias ad regimen quomodo admittant, nisi desuper literis nostris, aut Vicarii nostri patentibus, aut aliis legitimis documentis fuerint certificati.

II.

Ne quisquam laicus vexetur per inane citationem laboribus & expensis, statuimus, & præcipimus omnibus Judicibus Ecclesiasticis nostræ Diocesis, ne laicos quoslibet, ad audiendum sui citent vel evocent, nisi causam citationis exprimant nominatim & expresse, quæ ad forum pertineat Ecclesiasticum de jure vel consuetudine; nec citatum super aliis causis quam in citatorio expressis respondere compellant. Quoniam frustra forent iudiciorum strepitus & diffinitiones, si non fierent earundem executiones, statuimus, & sub excommunicationis poena mandamus omnibus, & singulis nostris subditis, quod tam nostra, quam aliorum nostrorum iudicum iussa, præcepta, mandata, sententias, & processus cujuscunque contentiæ aut tenoris, firmiter sibi destinata devote recipiant, & fideliter exsequantur, nuncios eorundem benevole acceptent, ad vindictam vel offensionem nullatenus prodeant; per proprium sigillum, si habuerint, in signum executionis celebratæ literas ipsas una cum subscriptione muniant & consignent, si quis autem contemptor, vel neglector fuerit in aliquo præmissorum, ad præfatam poenam, & nihilominus parti læsæ teneatur ad resarciendum expensas, & damna pariter, & interesse, præmissa nostra taxatione, vel judi-

judicum eorundem , a quibus prædicta emanarunt, & hoc quantum in litem fuerit juratum.

I I I.

Quia privilegium fori Ecclesiæ est immediate a jure Divino, quandoquidem nec consensus, nec tolerantia excusare potest; animarum periculis providere volentes, statuimus, & universis Christi fidelibus nostræ Diœcesis districtè præcipiendo inhibemus, ne quemquam Clericum, aut personam Ecclesiasticam, Capitulum, aut Collegium quodcumque ad judicium forensè trahant: iudiciis quoque forensibus, ne quemquam eorundem coram se experiri cogant. Alioquin tam actor quam iudex sententiam excommunicationis ipso facto incurrant. In qua ipsos, & ipsorum Plebanos, dum in scriptis legitime requisiti fuerint, similiter sub eadem excommunicationis pœna volumus illico excommunicatos publice denunciari, numquam ad absolutionis Beneficium admittendos, donec parti læsæ super injuriis, & expensis taliter irrogatis caveant, vel satisfaciant competenter, secundum æstimationem, & declarationem legitimas, coram Nobis, vel Judice Ecclesiæ nostræ rite faciendas. Salva nihilominus exactione pœnarum in constitutionibus aliis super hoc per Sedem Apostolicam, & in Concilio Provinciali promulgatarum.

Inhibemus, & sub pœna excommunicationis interdiciamus omnibus Christi Fidelibus, Clericis, & laicis nostræ Diœcesis, ut nullus ipsorum contra dictum Salvatoris, & Sacros Canones sine jussu nostro, aut Vicarii nostri speciali, præter judices Capituli nostri Archidiaconi in Raëtnbuch per Archidiaconum ibidem, de causis matrimonialibus diffiniat, aut agnoscere præsumat. Licet illorum, qui occulte Dei judicio asserunt, lepræ morbo percussi separatio a communione hominum majoribus gradibus Ecclesiæ dumtaxat secundum expertorum modicorum examen sit credita; frequenti tamen querelarum assertionem percepimus, plures innocenter separatos, alios separandos toleratos: præsentī statuto sub excommunicationis pœna inhibemus, quod nullus deinceps nostræ Diœcesis Clericus, laicus quocumque modo, vel forma quemquam sua temeritate audeat judicare leprosum, vel ab hominum separare com-

munionem. Sed universis & singulis sub nostra Diœcesi degentibus districtè præcipimus, quod suborta fama contra quemquam, quod lepræ morbo percussus sit, talem nostræ, aut Vicarii nostri transmittat audientiae, tamquam ad Sacerdotem Leviticum per Nos, aut Vicarium nostrum amplius examini medicorum subjiendum pro experimento, an rumori veritas suffragetur: hoc tamen, nisi casus adeo sit indubitatus, quod tergiversatione nequeat occultari, puta, cum infirmus aperte profitetur, quod manus Domini tetigerit eum.

I V.

Quia Clericorum est, in se ipsis implere voluntatem Domini, & lucere per honestam conversationem, qualiter alios oportet in domo Domini conversari, Sacra Synodo approbante statuimus, volumus, & mandamus, universos Clericos nostræ Diœcesis, Præpositum, Beneficiarios, & in sacris constitutos honeste, clericaliter, & devote se exhibere: a crapula, & ebrietate abstinere, mitras caudatas penitus dimittere; cingulos, & monilia auro & argento, vel alio metallo excessive ad modum laicorum splendentia abjicere omnino & vitare: vestes non rubei nec viridis coloris deferre desuber claufas, sic quod superior aliis supereminet; ut inferior nequeat maxime in summitate apparenter videri: biretum capiti superpositum cum caputio humeris imposito portare ipsis in publico deambulantibus, contrafacientes vero, ultra pœnam juris communis, per suspensionem a perceptione fructuum Beneficiorum fabricæ applicandorum, secundum quod protervia meruit & excessus, arctius debere per Nos, aut Vicarium nostrum puniri.

Item inhibemus omnibus Clericis supradictis, ne in publico, vel alibi præsentibus laicis tabernas intrent, nisi in itinere constituti, vel alia ex causa rationabili; nec ludos inhonestos: maxime taxillorum exercent, nec talibus intersint. Contrafacientes vero pœna juris communis, & ad arbitrium nostrum, aut Vicarii nostri puniri volumus & mandamus.

Item statuimus, & in virtute sanctæ obediendiæ districtè præcipiendo mandamus,

mus, ut nullus Clericorum maxime Beneficiariorum, cauponem vel tabernarium hospitem sibi constituat continuum in domo habitationis suæ; aut potum venalem negotiationis causa exponat publice aut vendat. Permittimus tamen domos Prælati, & Monasteriis pro hospitalitate rationabiliter introducta, & secundum permissum regulæ & juris communis. Contrafacientes arbitrio nostro, aut Vicarii nostri, ætius puniri volentes.

Ne Redemptoris Domini nostri JESU Christi patrimonium inutiliter consumatur, aut in usus temporales exquisitis diabolicis suggestionibus expendatur, de quo potius pauperum necessitatibus est subveniendum: statuimus, ne Clerici maxime Beneficiarii quacumque dignitate præfulgeant, Mimis, Joculatoribus, Histriionibus, Buffonibus, Galliardis, seu hominibus artis ludicræ, prætextu nuptiarum, militiæ vel alterius similis causæ, quidquam largiantur.

V.

Volumus concubinatum evitari sub pœnis *Decreti Sacri Generalis Concilii Basileensis*: quas pœnas una cum pœnis juris communis contra inobedientes exsequi præcipimus & mandamus. Tenor autem prædicti decreti sequitur per omnia in hæc verba:

Sacro sancta Generalis Synodus Basileensis in Spiritu Sancto legitime congregata universalem Ecclesiam representans, ad perpetuam rei memoriam.

Quicumque (a) Clericus cujuscunque status, conditionis, religionis, dignitatis, etiam si Pontificalis, vel alterius præminentiae existat, qui post hujus constitutionis notitiam, quam habere præsumatur per duos menses post publicationem ejusdem in Ecclesiis Cathedralibus, quam ipsi Diœcesani omnino facere teneantur, postquam eadem constitutio ad eorum notitiam pervenerit, fuerit publicus concubinarus, a perceptione fructuum omnium suorum Beneficiorum trium mensium spatio sit ipso facto suspensus, quos suus Superior in fa-

bricam, vel aliam evidentem Ecclesiarum utilitatem, ex quibus hi fructus percipiuntur, convertet: Nec non & hujusmodi publicum concubinarium, ut primum talem esse innotuerit, mox suus Superior admonere teneatur, ut infra brevissimum terminum concubinam dimittat. Quod si non dimiserit, vel dimissam, aut aliam publice resumpserit; jubet hæc Sancta Synodus, ut ipsum omnibus suis Beneficiis omnino privet; & nihilominus si publici concubinari, usquequo cum eis per suos Superiores post ipsarum concubinarum dimissionem manifestamque vitæ emendationem, fuerit dispensatum, ad susceptionem quorundam honorum, dignitatum, beneficiorum, vel officiorum sint inhabiles. Qui si post dispensationem recidivo vomitu ad hujusmodi concubinatum redierint, sine spe alicujus dispensationis ad prædicta prorsus inhabiles existant. Quod si hi, ad quos talium coercitio pertinet, eos, ut prædictum est, punire neglexerint; eorum Superiores, tam in ipsos de neglectu, quam in illo pro concubinato modis omnibus digna privatione animadvertant. In Conciliis enim Provincialibus, & Synodalibus adversus tales punire negligentes, vel de hoc crimine diffamatos, etiam per suspensionem a collatione Beneficiorum, vel alia condigna pœna severiter procedant. Et si hi, quorum destitutio spectat ad Summum Pontificem, per Concilia Provincialia, aut suos Superiores propter publicum concubinatum comperiantur privatione digni, statim cum processu inquisitionis ipsi Summo Pontifici deferantur. Eadem diligentia, & inquisitio in quibuscumque Capitulis Generalibus, & Provincialibus quoad suos servetur, pœnis aliis contra prædictos, & alios non publicos concubinaros statutis in suo robore permanfuris. Publici autem intelligendi sunt non solum hi, quorum concubinatus per sententiam, aut confessionem in jure factam; seu per rei evidentiam, quæ nulla possit tergiversatione celari, notarius existit: sed, & qui mulierem de incontinentia suspectam, vel infamatam tenet, & per suum Superiorem admonitus ipsam cum effectu non dimittit. Quia vero in quibusdam regionibus nonnulli jurisdictionem habentes pecuniarios quæstus a concubinariis percipere non erubescunt,

cunt, patiendos eos in tali fœditate fordescere: sub pœna maledictionis æternæ præcipit, ne deinceps sub pacto omnino compositionis, aut spe alicujus quæstus talia quovis modo tolerant, aut dissimulent: alioquin ultra præmissam negligentiam pœnam, duplum ejus, quod propterea acceperint restituere ad pios usus omnino teneantur, & compellantur. Ipsas autem concubinas, seu mulieres suspectas Prælati modis omnibus curent a suis subditis, etiam per brachii sæcularis auxilium, si opus fuerit, penitus arcere. Qui etiam ex tali concubinato procreatos filios apud patres suos cohabitare non permittant. Jubet insuper hæc Sancta Synodus, ut etiam in prædictis Synodis, & Capitulis hæc constitutio publicetur, & quilibet suos subditos ad ipsarum concubinarum dimissionem moneat diligenter. Injungit præterea omnibus sæcularibus viris, etiam si regali præfulgeant dignitate, ne ullum qualecumque inferant impedimentum, quocumque quæsto colore Prælati, qui ratione officii sui adversus suos subditos pro hujusmodi concubinato procedunt. Et cum omne fornicationis crimen lege Divina prohibitum sit, & sub peccati mortalis pœna necessario evitandum, monet omnes laicos tam uxoratos quam solutos, ut similiter a concubinato abstineant. Nimis enim reprehensibilis est, qui uxorem habet, & ad aliam mulierem accedit. Qui vero solutus est, si continere nolit, juxta Apostoli consilium uxorem ducat. Pro hujus autem Divini observatione præcepti, hi ad quos pertinet, tam salutaribus monitis, quam aliis tantis remediis cum studio laborent.

V I.

Periculis animarum, quæ cunctis operibus præferuntur, desiderantes occurrere, statuimus, volumus, & sub pœna privationis Beneficii mandamus, ut omnes habentes Ecclesias, quibus animarum cura est annexa, personaliter in eisdem resideant, ut infra hinc, & Festum Sancti Michaelis proxime futurum Nos aut Vicarium nostrum legitime doceant, quare in eisdem personaliter residere non debeant, nec teneantur. Quia Beneficium datur propter officium, statuimus, quod quicumque Canonicus Ecclesiæ no-

stræ Cathedralis, aut alterius Collegiatae nostræ Diœcesis, per se, vel alium, officium suum, quod exhibere debet in ordine quocumque secundum consuetudinem Ecclesiasticam hætenus observatam, per unam septimanam continuam neglexerit quacumque de causa, vel occasione, decem libros denariorum usualis monetæ ad fabricam ejusdem Ecclesiæ solvere teneatur. Si vero minus quam per unam septimanam neglexerit, eandem pœnam proportionaliter secundum ratam temporis persolvere teneatur. Si quis vero per secundam septimanam, ut prædicitur, neglexerit, a perceptione fructuum, & reddituum Præbendæ, quam obtinet in Ecclesia, penitus sit suspensus, donec pœnam solverit integraliter superius expressam. Qui autem per tertiam neglexerit septimanam, ad nullum actum Capitularem, nec ad aliquod stipendium Præbendale admittatur, donec de pœna satisfecerit memorata, nec non ad arbitrium nostrum, sicut alias sibi duxerimus adiungendum, puniatur.

V I I.

Quia in tantum quorundam processit ambitio, ut non duo, vel tria, sed plura perhibeantur habere Beneficia: de consilio Venerabilium Fratrum, & Patrum nostrorum hoc emendari cupientes: statuimus, & sub pœna privationis Beneficiorum mandamus, ut omnes & singuli Clerici nostræ Diœcesis incompatibilia de jure Beneficia retinentes, Nobis aut Vicario nostro infra hinc, & Festum Sancti Michaelis dispensationes super hoc obtentas indicent, & ostendant. Inhibemus quoque sub eadem pœna, ne quisquam Clericorum plures quam unum teneat Vicarium, nisi evidentis necessitatis causa aliud sibi a Nobis, vel Vicario nostro fuerit indultum.

V I I I.

Ne per receptionem Canonicorum Præbendis non vacantibus alienæ mortis votum turpiter ingeratur, statuimus, ut de cetero nullus recipiatur in Canonicum Ecclesiæ nostræ Cathedralis, nec alicujus alterius Collegiatae nostræ Diœcesis, nisi vacaverit Præbenda, quæ illi, qui assumitur in Canonicum, assignetur: alioquin receptio in contrarium facta nulla sit ipso facto,

facto, nisi facta fuerit de licentia nostra speciali.

I X.

Quia non omnibus liquet Canones contra alienationes rerum Monasteriorum, & Ecclesiarum, iurium prohibitiones publicando, omnino inhibemus omnibus Abbatibus, Prioribus, Præpositis, & aliis Prælatiis, ac Clericis universis tam sæcularibus, quam regularibus, sub pœna privationis administrationum ipsorum, ne de rebus Ecclesiarum vel Monasteriorum suorum alienationes sine licentia legitima faciant perpetuas quocumque titulo, gratuito vel oneroso: nec etiam res temporales insignes, aut notabiles præter juris formam & licentiam, secundum eandem obtentam ^(b) quocumque alienare præsumant: statuimus, & irrefragabiliter diffinimus, quod in qualibet Parochia Plebanus, assumptis sibi duobus honestioribus subditis suis, quorum quilibet habeat clavem unam, & ipse tertiam, omnia, quæ devotione fidelium ad fabricam Ecclesiæ, luminaria, vel ad alias utilitates fuerint deputata, diligenter colligat & conservet, & his usibus impendat, ad quos sunt deputata. Volumus etiam, quod nec tales sibi adjuncti, nec alii Procuratores Ecclesiarum qualescumque de rebus Ecclesiæ præter scitum Plebani quidquam disponant, ut res ipsa suspitione careat; & non detur occasio subtrahendi res Ecclesiarum. Volumus, & sub excommunicationis pœna præcipimus, quod Plebani & assumpti sibi ad hoc officium seu ministerium exsequendum, loci Decano semel in anno quolibet plenam teneantur reddere rationem. Quem rationes huiusmodi sub eadem pœna tam solícite, quam attente sub his testimoniis, exigere volumus & recipere, atque auctoritate nostra sub memorata pœna inhibere Plebanis & Ecclesiarum Procuratoribus, ne res Ecclesiarum nomine Vaccarum vulgariter *Immer Kûe*, vel alias quovis quæsito colore sub specie usuræ mutuent, aut quomodolibet locent.

Statuimus, ut nullus Ecclesiasticus vel sæcularis cujuscumque status vel conditionis fuerit, Ecclesiarum vacantium, aut Clericorum decedentium bona rapiat, dissipet, aut invadat, quocumque quæsito colore. Contra facientes decedens

Ecclesiastica careat sepultura: vivens autem cum tota familia sua ab ingressu Ecclesiæ arceatur, donec ablata restituerit universa.

Item simili pœna carentiæ sepultura decedentium, & ingressus Ecclesiæ vivorum prohibemus laicis, ne de sepulturis dandis se intromittant, nec campanas, vel ad Divinum cultum deputata contra voluntatem Plebanorum quocumque modo, præsertim ad profana & religioni Ecclesiasticæ adversa contrectent, aut per mansionarios Ecclesiarum pertractari mandent auctorabiliter contra Sacros Canones, nec in Ecclesiis & rebus earumdem quidquam statuunt, vel quomodocumque ordinare præsumant.

X.

Insuper præsentī Constitutione duimus inhibendum universis Clericis nostræ Diœcesis, ne suspensos patibulo, decollatos, vel alios qualitercumque per sententiam morti traditos, in torneamentis ludis, publicis spectaculis, aut alias occisos, vel subito defunctos, qui non eodem anno confessi, vel alias in mortalibus peccatis morte præventi fuerint, vel non receperint Eucharistiæ Sacramentum; nisi de consilio Sacerdotis duxerint abstinendum, tradere præsumant Ecclesiasticæ sepultura, absque licentia nostra, aut Vicarii nostri super hoc petita diligentius & obtenta: nihilque pro confessione huiusmodi exigatur, neque recipiatur, nisi voluntarie offerant, sed dumtaxat sibi salarium competens solvatur.

X I.

Multi sæcularium interdum in detestationem Cleri temeritate propria decimas, quas omnium Dominus solvi præcepit, servitio suo mancipatis subtrahere non verentur, in animarum suarum grande periculum. Ideoque cunctis Prædicatoribus & Confessoribus, Religiosis & Sæcularibus præcipimus, & in virtute sanctæ obedientiæ mandamus, quatenus in prædicationibus & confessionibus subditos suos studiosius moneant, & inducant, quod memores salutis animarum decimas ipsas omnium terræ nascentium sine diminutione integre; personales vero, secundum laudabilem consuetudinem persolvant, si penas damnationis æternæ voluerint evitare.

XII.

(b) forte: quomodocumque

XII.

Quia Religiosos, qui per religionem sponte assumptam Deo dicati sunt, purioris decet honestatis, & vitæ nitore clarere, ut Deo possint salubrius famulari: quapropter præsentī constitutione irrefragabiliter duximus statuendum, ut universi Abbates, Prepositi, Priores, Decani, cæterique Monasteriorum Professi nostræ Diœcesis, monastica & regulari vigeant disciplina: Regulamque eis a Sanctis Patribus institutam, secundum quod sacrorum Statuta Canonum edocent, præsertim tria Ordinis substantialia, videlicet abdicationem proprietatis, obedientiam & continentiam, cærimonialiaque religionis secundum sanctam Regulam, & diffinitiones Sanctorum Patrum diligentius studeant in omnibus observare. Si quis autem prædictorum suæ salutis immemor promissorum extiterit violator seu neglector, secundum eandem regulam, & diffinitiones Patrum pœna condigna puniatur.

Quoniam nedum in viris, sed etiam in mulieribus Deo devotis vigere debet Religio sancta & vita monastica secundum regulam suæ Professionis, & Patrum sanctorum diffinitiones; immo etiam tanto cautius tenentur Prælati, & alii eis Præfecti vigilare, quanto fragiliores noscuntur: Statuimus, volumus, & mandamus, quod omnes Prælati quorumcunque ordinum mendicantium, & non mendicantium, & alii quicumque Monachi, & non Monachi nostræ Diœcesis, quibus etiam a Deo devotarum mulierum cura est commissa, easdem paterne, pie & solerter secundum suam Regulam, & Patrum diffinitiones ad observantiam Regulæ, & monasticæ vitæ inducant, informant, & compellant juxta officii debitum: diligenter etiam vigilent, ne in receptione alicujus ipsarum quidquam per symoniam exigatur: negligentes vero & non reformantes, cujuscumque religionis fuerint, maxime de ordine Sancti Francisci, qui triplicem regulam sive modum sancte vivendi declaravit, districta animadversione judicii punire non tardabimus. Insuper constitutionem BONIFACII Papæ octavi super clausura Monialium editam, quæ incipit: *Periculo*, cum effectu executioni demandari volumus & mandamus. Quia nonnunquam sub specie reli-

gionis surgunt sectæ, nec non conventiones pestiferæ juribus inimicæ: præcipimus & mandamus cunctis Ecclesiarum Rectoribus nostræ Diœcesis, quod omnes viros & mulieres infra terminos suarum Parochiarum degentes sub specie religionum non approbatarum, & communium in vita accepta, in communi vita popularium discrepantes requirant, quod infra mensem a sua requisitione ipsos informant, cujus religionis sint, & suæ vitæ ac status approbationem. Quod si non fecerint, ipsos teneant in omni obedientia parochiali, sicut alios Parochianos; & Nobis, & Vicario nostro eosdem nihilominus denunciare non omittant.

XIII.

Quamvis Patroni & Advocati sint in subsidium Ecclesiarum admissi, sæpe tamen hoc reddit ad noxam & oppressionem, ut inde sentiant detrimentum, quod a defensione nascitur institutum: & infra constitutione præsentī sancimus, & volumus, quod tam Patroni, quam Advocati Ecclesiarum, cujuscumque præminentie aut status fuerint, gratia permessa, & antiquis juribus ipsis, & eorum progenitoribus in institutione prima, seu cum ipsi ad Advocatus a principio per eos, ad quos pertinuit, suscipiebantur, deputatis, penitus & omnino stent contenti, & pro posse suo statum, honorem, & res Ecclesiarum requisiti fideliter tueantur, & defendant. Item, si Patronus plures filios aut hæredes dereliquerit, omnes illi succedant in stirpem & in locum defuncti: ac nihil plus exigant, extorqueant, vel recipiant, quam ei debebatur, in cujus locum & jus successerunt, & nihilominus, sicut defunctus, Ecclesiam defendere teneantur. Si quis vero in extorsione, aut receptione juris Advocatiæ modum exceßerit memoratum, aut Patronatus occasione, jure suo privetur, & nihilominus sicut raptor, & spoliator Ecclesiæ puniatur.

XIV.

Quamvis res Ecclesiasticæ non ad alium, quam pium usum, in quem ordinatæ sunt, expendi debeant, salva Sedis Apostolicæ auctoritate; quidam tamen Prælati, & alii Clerici plus timentes terrenam quam Divinam offendere

Majestatem, non verentur laicis Ecclesiis, quantum in eis est, facere triburias. *Et infra:* Sub excommunicationis pena inhibemus universis Prælati & Clericis nostræ Diœcesis, ne novam steuram, aut quamvis aliam exactionem laicis solvere præsumant, non habita super hoc Superioris sui licentia speciali & expressa.

Item inhibemus omnibus Clericis nostræ Diœcesis sub pena jam dicta, ne aliquis eorum Decano, aut Archidiacono sine Nostro, aut Vicarii nostri mandato collectam & exactionem solvere præsumat.

XV.

Cupientes affectum devotionis augmentari, mandamus in virtute sanctæ obedientiæ, & volumus omnes Sacerdotes, qui Parochiis præsent, singulis diebus Dominicis aquam & sal benedicere, ac eisdem una cum toto Clero ad ipsas Ecclesias spectante, horis consuetis ante Missarum solemniam processionaliter circumire. Ut autem populus ad hujusmodi processiones invitetur, omnibus penitentibus confessis, & contritis, ipsam processionem devote sequentibus, ac illis, qui hujusmodi processionibus libenter interessent, sed quominus intersint custodia bonorum suorum, infirmitate, aut alio legitimo impedimento detinentur, sub fiducia Divinæ pietatis de thesauro Ecclesiæ quadraginta dies indulgentiarum de injunctis sibi penitentibus misericorditer relaxamus, & eisdem indulgentias per Rectores supra dictos volumus exhiberi publicari.

XVI.

Volumus, & in virtute sanctæ obedientiæ mandamus, ut nullus Divina Missarum solemniam sine luminibus celebrare præsumat: nec hostiam ante consecrationem in altum quoquo modo elevare, ne adorando hostiam non consecratam, populum idololatriam committere contingat.

Item Statutum Concilii Provincialis Saltzburgerensis præsentibus nostris Statutis inferendum duximus, cujus tenor sequitur in hæc verba: "Item statuimus, ut si quis Clericus, vel laicus utriusque sexus existat, ausus sit præsumptione, damnable publice prædicare, aut occulte docere, credere, & tenere,

(c) *fonte:* mysteria.

" quod Sacerdos in mortali peccato existens non possit conficere Corpus Christi, seu sic ligatus non possit absolvere, vel ligare suos subditos a peccatis; pro hæretico, & incredulo habetur. Quem errorem hujus Sacri Concilii approbatione damnamus, anathematizamus, & penitus reprobamus; cum Sacræ Scripturæ dicat auctoritas, quod siue bonus, siue malus fuerit Minister, per utrumque DEUS effectum gratiæ confert: non enim, quæ sancta sunt coquinari possunt, nec ipsa Sacramenta per hominum malitiam profanari. Unde Sacerdos quantumcunque pollutus existat, Divina non potest polluere Sacramenta, quæ purgatoria cunctorum contagiorum existunt. Licite ergo a quocunque Sacerdote ab Ecclesia tolerato, Divina (c) ministeria audiantur, & alia recipiantur Ecclesiastica Sacramenta. Damnatione simili reprobamus quorundam opinionem erroneam, asserentem, Episcopum, Presbyterum, seu Sacerdotem curatum non posse solvere Presbyteros fornicarios a fornicationis reatu propter votum castitatis: inhibentes, ne quisquam de cetero prædictam opinionem sub penis prædictis docere, tenere, ac dogmatizare quoquo modo præsumat publice vel occulte, adjuicimus quoque, ut nullus in Diœcesi nostra ad prædicandum siue annuntiandum Verbum Dei admittatur, nisi missus sit, & de missione sua constiterit sufficienter.

Cupientes, ac volentes Indulgentias de Corpore Christi per D. N. Sanctissimum EUGENIUM Papam QUARTUM concessas publicari, tenorem earundem præsentibus inferi mandamus, qui sequitur, & est talis:

EUGENIUS Episcopus, servus servorum Dei, ad perpetuam rei memoriam.

EXcellentissimum Corporis & Sanguinis Domini nostri JESU Christi Sacramentum, quod appropinquante Passionis ejus hora Dominus ipse signo præcipui, quo Nos dilexit, amoris salubriter instituit, ejusdem commemorationem Sanctissimam jugi mentis ex-

ful-

sultatione contemplantes, ad hoc inter singulos hujusmodi mercâtos Sanguine Spirituality dispensare munera votis exposcimus; ut illi condignis assurgentes laudibus, sua frequentia ad ipsius venerationem Sacramenti corda dirigant; & eo quo corporalis habetur præsentia Salvatoris viatico, fructus vitæ complectentes æternæ, cœlestia conscendant, ipsum qui Nobis se in edulium tribuit perpetuo conspecturi. Sane dudum piæ memoriæ URBANUS Papa IV. Prædecessor noster, ad orthodoxæ corroboracionem, & exaltationem fidei digne, & laudabiliter statuens, ut de tanto Sacramento præter illam, quæ dietim in Ecclesia fieret, annuatim memoria solennior, & specialior haberetur: & ad celebrandum ejus tam excellum tamque gloriosum Festum quintam post octavas Pentecostes feriam designans, ac Christi fideles quoslibet ad colendum illud donis Spiritualibus animare volens, omnibus vere pœnitentibus confessis, qui matutinali officio festi ejusdem in Ecclesia, in qua etiam illud celebraretur, interessent, centum: qui vero Missæ totidem, & qui in primis ipsius festi matutinalibus, vespers similiter centum: qui autem in secundis, totidem; illis vero, qui Primæ, Tertiar, Sextæ, Nonæ, & Completorii horarum officiis, pro qualibet ipsarum quadraginta: iis autem, qui per octavas ipsius festi Matutinalibus, Vesperis, Missæ, aut prædictarum horarum officiis interessent, singulis octavarum ipsarum diebus similiter centum. Et subsequenter felicitis recordationis MARTINUS Papa V. etiam Prædecessor noster fideles eisdem ad imperiendum pro veneratione Sacramenti hujusmodi potiora reverentiæ, & devotionis exercitia firmare cupiens, singulis ex iis vere pœnitentibus & confessis, qui & quoties in ipsius Sacramenti profesto jejunium, vel loco ipsius aliud pium juxta consilium bonorum confessorum opus fecerint, etiam centum: & qui præmissis in Ecclesiis, in quibus illa celebrari contingeret, officiis interessent, nec non Episcopis, & aliis Prælati Superioribus, qui dictis officiis libenter interessent; sed quominus eis in ipsis Ecclesiis interesse possent, pro conservandis suarum dignitatum juribus, & aliis tunc legitime

impedimentis, pro matutinali ducentos; reliquarum vero, videlicet Primæ, Tertiar, Sextæ, Nonæ, & Completorii festi octuaginta: rursus autem in quibuslibet octavarum diebus pro singulis matutinalium, Missarum, & Vesperarum, similiter centum: nec non reliquarum horarum, officiorum hujusmodi quadraginta, illis præterea, qui processiones, in quibus ipsum vivificum Sacramentum dicto festo juxta præfatarum ritus Ecclesiarum deferretur, continuo secuti forent; ac quibuslibet in festo ac octavarum diebus hujusmodi pro pace, & tranquillitate Ecclesiæ Missas devote celebrantibus, pro singulis ipsarum, nec non aliis in eodem festo Eucharistiæ Sacramentum devote sumentibus, etiam centum singulis annis pro festo vice qualibet eis, qui dum corpus Dominicum communicandis deferretur infirmis, illud cum incenso luminari præcedendo, vel sequendo venerarentur, similiter: & qui tunc illud alias devote secuti forent, etiam quinquaginta dies de injunctis eis pœnitentis misericorditer relaxamus. Ac etiam ipse MARTINUS Prædecessor noster, quod in festo & diebus octavarum hujusmodi in terris, & locis Ecclesiasticis, quavis auctoritate suppositis interdicto, pulsatis campanis, januis apertis, & alta voce excommunicatis prorsus exclusis, sed interdictis, ut ocuis reconciliari studerent, admissis; & illis, qui causam vel occisionem hujusmodi interdicto dedissent, altari tunc nullatenus appropinquantibus; Missæ & officia præmissa licite celebrari possent, auctoritate Apostolica duxit concedendum. Nos vero, quos interim ad summi Apostolatus apicem Divina clementia provexit, etiam pro frequentiori hujusmodi veneratione Sacramenti summis gestientes affectibus nostri partes ministerii salubriter imperitari; nec non relaxationes, & concessiones prædictas Apostolici robore muniminis ipsorum notioni fidelium committentes, præmissis per eundem MARTINUM Prædecessorem, ut præfertur, relaxatis diebus alias totidem dies pariformiter ab ipsis fidelibus consequendos addicimus præsentibus: & insuper universos Patriarchas, Archi-Episcopos, Episcopos, & aliarum Ecclesiarum Prælatos monemus, & hortamur in Domino; & eis per Apo-

stolica scripta in virtute sanctæ obedi-
tiæ districtè præcipiendo mandamus, &
in remissionem peccaminum inungimus,
ut per se, vel alios eorum subditos per
singulas suarum civitatum, & Diocesis
Ecclesias (d) in Dominicam feriam, &
festum pridem proxime præcedente, sa-
lutaribus ad venerationem potissime Sa-
cramenti hujus monitis, & exhortatione
præsentium, quorum etiam tenor inter
matutinales festi, nec non dierum octa-
varum hujusmodi lectiones recitentur,
litterarum continentiam, & effectum
publicare, & insinuare procurent: ut
ejusdem Sacramenti suffragante myste-
rio, subditi & fideles ipsi spiritualium
gratiarum uberiori fulciantur augmento,
& ab illo, qui se pro ipsis immo-
lavit hostiam, post hujus vitæ cur-
sum ad gloriam perducantur æternam.
Verum quia difficile foret hujusmodi li-
teras singulis exhiberi, volumus, &
eadem auctoritate decernimus, quod
ipsarum transumpto manu publica, &
sigillo alicujus Episcopalis, vel Superio-
ris Ecclesiasticæ Curia munito, tamquam
præfatis, si originaliter exhiberent lite-
ras, plena fides exhibeatur, & perinde
stetur, ac si originales litere forent exhi-
bitæ vel ostensæ.

Datæ Romæ apud Sanctum Petrum
anno Incarnationis Dominicæ Millesimo
quadringentesimo tricesimo tertio, VII.
Kalend. Junii, Pontificatus nostri anno
tertio.

XVII.

Baptismus cum summa reverentia
celebretur, maxime in distinctione, &
prolatione verborum, in quibus Sacra-
menti virtus existit, his scilicet verbis:
*Ego baptizo te in nomine Patris, & Filii,
& Spiritus Sancti.* Doceant igitur Sacer-
dotes tam mares, quam feminas, in ne-
cessitate debere parvulos baptizare ea-
dem forma in suo idiomate, & quod pa-
tres, & matres proprios infantes, si sum-
ma necessitas exigat, poterunt baptiza-
re: & si Sacerdotes super hoc diligenter
inquirentes debitam formam in baptismo
invenerint, quod factum est, appro-
bent; suplenes circa baptizatum, quo
ad unctionem olei in pectore, & in sca-
pulis, & Chrismatis in vertice, quod a
laicis est omisum. Si autem in baptiza-
to debitam formam non invenerint ob-

servatam, non differant pueros bap-
tizare.

XVIII.

Item præcipiendo mandamus, ut
secundum Constitutionem *Lateranensis
Concilii*, Eucharista, Chrisma, & Oleum
Sanctum sub fideli custodia, & reverentia
debita, clavibus adhibitis, conserventur:
ne possit ad illa temeraria manus extendi
ad aliqua horribilia, & nefanda exercen-
da. Si vero is, ad quem spectat custo-
dia, ea incaute reliquerit, ultra juris
communis poenas, in libra ceræ eidem
Ecclesiæ solvenda, & applicanda puniatur.
Et si per ejus pigritiam aliquod nefan-
dum inde congerit, ejusmodi subja-
ceat ultioni, juxta nostram, aut Vicarii
nostri ordinationem, & delicti quantita-
tem. Sacramentum etiam Eucharistiæ
singulis mensibus ad minus semel reno-
vari præcipimus, aut pluries secundum
locorum exigentiam, & opportunita-
tem.

In plerisque etiam Ecclesiis Map-
pæ, Palæ, Corporalia, & alia vestimen-
ta Divino cultui deputata tam inculta,
& immunda relinquunt, quod interdum
quibusdam sunt horri, contra Statu-
tum Concilii generalis: universis Custo-
dibus, Sacristis, & Ecclesiarum Recto-
ribus districtè præcipimus, quatenus
omnia vestimenta, ornamenta, ac vasa
supradicta per ipsos munda, & nitida
conserventur, corporaliaque pluries in-
fra annum juxta casus exigentiam per
Clericos mudentur. Si quis vero in
transgressionem hujusmodi Statuti culpabi-
lis fuerit, usque ad condignam satisfac-
tionem ab officio suspendatur.

XIX.

Statuimus & præcipimus universis
Christi fidelibus nostræ Diocesis, utrius-
que sexus, ne quisquam eorum clande-
stinis desponsationibus, aut occultis matri-
monii interfuit. Præcipimus insuper in
virtute sanctæ obediendiæ universis Ec-
clesiarum Plebanis, quod postquam ip-
sis constiterit, procerto & probabili
fama, aliquos clandestine contraxisse,
ipsos statim ad publicandum in facie Ec-
clesiæ, aut jura sua prosequendum coram
judice per subtractionem Sacramento-
rum, extra tamen necessitatis articulum
cogere non postponant.

XX.

(d) forte: in Dominica feriam & festum prædictum legendum.

XX.

Districte præcipiendo interdiciamus, ne quisquam Sacerdotum pro reconciliatione pœnitentium, aut pro administratione alicujus Sacramenti, vel aliquorum Sacramentalium, paciscatur de sibi danda pecunia, nec aliquo alio æquivalenti pro eodem. Sed volumus dispositis absque dilatione pro tempore, & loco congruis, administrari, & exhiberi secundum ritum Ecclesiæ. Verum quod rationis, & juris explorati existit, quod focii passionum sint pariter, & focii consolationum, permittimus expositi exigi etiam cum imploratione officii iudicis quantitatem in talibus, consuetudine debitam, ad quam laicos hortamur, & quantum de jure est, adstringimus, & compelli volumus.

Item inhibemus sub pœna privationis officii, ne aliquis Sacerdotum quemquam notorie delinquentem accepta pecunia, vel alio commodo temporali pœna condigna corrigere prætermittat.

Item interdiciamus, & districte inhibemus, ne quisquam Clericorum, cuiuscumque status fuerit, censum de aliquo Beneficio, aut pecuniam, vel emolumentum aliud, ex pacto quocumque quaesito colore augeat, vel quemquam augere compellat. Contrafacientes tam dantes, quam recipientes, duplum quam dederint, vel acceperint Nobis (e) remissibiliter solvere teneantur: nihilominus juxta arbitrium nostrum, aut Vicarii nostri arctius punientur.

Item volumus Statutum Concilii Generalis Constantiensis, & constitutionem de symonia editam publicari, ut in fine: quoniam contra transgressores ejusdem districte, Deo dante, procedemus. Cujus statuti tenor sequitur per omnia in hæc verba:

MARTINUS &c. &c.

Multæ contra symoniacam pravitatem ab olim factæ sunt constitutiones, quibus morbus ille non potuit extirpari. Nos volentes de cætero, ut possumus, attentius providere, Sacro approbante Concilio decernimus, quod ordinati Symoniace ab executione suorum ordinum sint eo ipso suspensi: Electiones autem, Postulationes, Confir-

mationes, & quævis Provisiones symoniace Ecclesiarum, Monasteriorum, Dignitatum, Personatum, Officiorum & Beneficiorum Ecclesiasticorum quorumcunque deinceps factæ, nullæ sint ipso jure, nullumque per illos jus cuiquam acquiratur; nec promoti, confirmati, aut provisi faciant fructus suos; sed ad illorum restitutionem, tamquam inique ablatorum percipientes, teneantur. Statuimus insuper, quod dantes, & recipientes ipso facto sententiam excommunicationis incurrant, etiamsi Pontificali, aut Cardinalatus præfulgeant dignitate.

XXI.

Quamvis Judæi, qui Sanguinis Christi vindictam in se receperunt, ubi servire Christianis, aut se laboribus nutrire parati sunt, benignitate Ecclesiæ misericorditer tolerantur; ipsi tamen gratia tanta, & tolerantia non contenti, orthodoxorum religionis Christianæ facultates usuris exhauriunt, laqueos offensionis inferunt, & petram scandali: in qua defensione, & adjutorio aliquorum culpabilium laicorum detestabilius foveantur.

Hinc statuimus districte præcipiendo, quod Judæi in nostra Diœcesi non permittantur fenerari, nec uti famulis Christianis. Nullus quoque Christianus domos ad habitandum eisdem ad exercendum fenus locet: nec permittatur eis communio maxime ad frequentem visitationem Christianorum, præterquam in casibus præmissis, ne eorundem peccatis involvantur. In die Pentecostes fenestræ & ostia clausa teneantur toto die. In diebus autem lamentationis, & Dominicæ Passionis in publicum minime prodeant: cum salutaris Hostia ad infirmos deputatur, caveant omni diligentia, ne contra Christianam fidem, Beatam Virginem, vel Sanctos alios contumeliosa verba proferant: nec permittantur cum simplicibus disputare de fide; ne callidis sermonibus corda percutiant simplicium. Nullus cum eis edere præsumat, aut balneari, aut medicinas ab eis capere. Si quis vero Judæorum in his culpabilis repertus fuerit, eidem communio Christianorum denegetur. Quod si quis Judæorum, mulierem cognoverit Christianam, pro tanto facinore viginti libras

M m 3

dena.

(e) lege: irremissibiliter.

denariorum usualis monetæ Domino loci, in quo scelus hoc perpetratum fuerit, irremissibiliter solvere teneatur, ad hoc per captionem rerum, & personæ, nec non aliis opportunis remediis compellendus. Idem si Christianus, quod detestabilius est, propter periculum partus cognoverit Judæam. Et si Judæos satisfacere (a) pœna pecuniaria nequiverit, carcerali custodiæ mancipetur afficiendus, donec scandalum sopiatur. Christianus quoque ad Judæam accedens ultra dictam multam, excommunicationis pœnam incurrat, nisi absolutionis Beneficium a Nobis, vel Vicario nostro meruerit obtinere.

XXII.

Usurarum voraginem detestantes, inhibemus omnibus Christianis nostræ Diœcesis, tam Clericis, quam laicis; ne pecunias ad usuras mutuent, aut in impignorationibus ultra sortem aliquid ex pacto recipiant, nec emptiones detestabiles faciant, aut alios quoslibet actus usurarios exercent. Quod si quis contra fecerit, ultra pœnas juris communis, & Concilii Provincialis Saltzburgerensis, subiaceat solutioni decem libras denariorum usualium irremissibiliter solvendarum ad fabricam Ecclesiæ, aut in usus pauperum, juxta nostrum, aut judicantis nostri nominē arbitrium, convertendos; Inhibemus insuper sub excommunicationis pœna universis Prælati, Decanis, Plebanis, & cæteris quibuscunque religiosis & sæcularibus, ne aliquem dictis criminibus manifeste reum, satisfactione non præmissa, ad quam tamen eosdem induci volumus, modis possibilibus Ecclesiasticæ tradant sepulturæ.

XXIII.

Volumus, & mandamus Statutum divæ memoriæ GUIDONIS LEGATI DE LATERE per nostram Diœcesim promulgari, & publicari: quo caveretur, quod quicumque Personam Ecclesiasticam vulneraverit enormiter, captivaverit, vel occiderit, ipso facto ea, quæ ab Ecclesia nomine feudi, jurē censuali, vel in emphyteusim, aut alias quocumque nomine teneat, perdat penitus, & amittat, in utilitatem Ecclesiæ convertenda. Adjicimus quoque, quod in illa Parochia, in qua Canonicum Ecclesiæ Cathedralis capi contigerit, vel detineri, vel alium

(a) multa

in dignitate, vel Personatu, seu Clericatu constitutum, donec liberetur & absolvatur, cessetur generaliter a Divinis salva satisfactione eidem debita impendenda.

XXIV.

Quia nonnulli Sacerdotes, sæculares, vel religiosi in poenitentia frena laxare, & extra terminos sibi positos auctoritatem in casibus Superioribus reservatis præsumere ausu temerario referuntur; sub excommunicationis pœna inhibemus, ne quisquam Sacerdotum, regularis, vel sæcularis nostræ Diœcesis, quemcunque sibi contentem in casibus Sedis Apostolicæ de jure, vel consuetudine reservatis absolvere præsumat, nisi habito ejusdem desuper sedis indulto, & mandato speciali; nec etiam in casibus similiter de jure, aut consuetudine Episcopo reservatis absolvere attemptet: præsertim excommunicationis majoris vinculo innodatum, hæreticum, Judæum, fautorem alterius eorundem, laicum prædicatorem, aut auditorem ejus, spoliatores alicujus dotis Ecclesiasticæ, aut Sacerdotes maxime in agone laborantes, aut temerarium occupatorem bonorum Ecclesiæ, depopulatorem agrorum, vinearum & hortorum, incestuosum, fornicatorem cum sacra moniali, homicidam etiam casualem: publicantem confessionem sibi factam, peccantem contra naturam, aut cum brutis; sacrilegum incantatorem, seu incantatricem præcipue cum Sacramentis, Sacramentalibus, vel offibus mortuorum: proliis oppressorem, etiam a casu incendiarium, commercia habentem cum Judæis, maxime in usuris; propinantem, ementem, & vendentem venenum, præsertim in machinationem mortis proximi, dæmonem invocantem, eudentem falsam monetam, utentem scienter auro vel argento falso, cogentem Christianum dare ad usuram, blasphemum nominis Christi vel Sanctorum, falsum testem, coeuntem cum Judæa, obligatum ad vagas restitutiones, nec quemquam alium enormibus criminibus irretitum, non habita a Nobis desuper commissione speciali & expressa.

Item volumus sub eadem pœna, omnes Confessores absolvendo uti ad minus istis verbis: *Ego absolvo te a peccatis*

catis tuis, & restituo te Sacramentis Ecclesiæ. In nomine Patris, & Filii, & Spiritus Sancti.

Inhibemus insuper sub excommunicationis pœna, districtè præcipiendo, ne quisquam Sacerdotum religiosus, vel sæcularis nostræ Diœcesis non habita de super Sedis Apostolicæ, aut Nostræ, seu Vicarii nostri speciali licentia, se intro-mittat de distributione rerum male acquiratarum, incertarum & vagarum.

Quia ex pastoralis solitudine incumbit Prælati, & suorum subditorum vultum intrinsecus agnoscere secundum talentum sibi creditum; Statuimus propterea, volumus, & in virtute sanctæ obedientiæ mandamus, ut omnes Abbates, Præpositi, Decani, Archi-Diaconi nostræ Diœcesis, specialiter non exempti, Nobis aut Vicario; omnes vero Sacerdotes inferiores suis Decanis, Monachi suis Abbatibus vel Præpositis, qui per Præpositos soliti sunt gubernari; sua peccata confiteantur, nisi alicui ipsorum a Superiore nostro, aut Nobis, seu Vicario nostro, de spiritali indulto aliud sit concessum.

Abusonibus quæstorum viam præcludere cupientes, statuimus, volumus, & mandamus, quod hi, qui præsumunt Ecclesiis, nullum quarumcumque occasione litterarum petere vel colligere eleemosynam permittant, nisi litteris eorumdem prius diligenter perspectis; & Nostris, aut Vicarii nostri, quibus appareat, quod suæ litteræ sint veræ, ac eorumdem auctoritas adhuc duret, seu non exspiraverit. Quo comperto, nulla portione recepta, exacta vel requisita, ab eodem pro eleemosyna petenda admittatur. Quod, si qui contra fecerint, triplum restituere teneantur ad usum, quibus eleemosynæ sunt deputatæ, remissione colligentium minime profutura. Nec tunc, præter id, quod in litteris continetur exhibitis, aliquid proponere populo permittantur. Hortamur præterea universos & singulos nostræ Diœcesis laicos, ne Quæstores, vel Collectores huiusmodi in eleemosynis colligendis quoquo modo perturbent, aut impedire præsumant.

Præcipimus insuper, & mandamus omnibus Prælati, Rectoribus & Vicariis

Ecclesiarum, sub excommunicationis pœna, quod omnes falsos quæstores, qui non exhibebunt per omnia sanas litteras, detineant captivos, ipsosque Nobis, aut Vicario nostro transmittant, vel denuncient, quantocius poterunt, pro demeritis puniendorum, (f) taliter, quod exemplis eorum ceteri similia facere pertimescant.

XXV.

Præcipimus, & in virtute sanctæ obedientiæ inhibemus omnibus nostræ Diœcesis jurisdictioni Præsidentibus, ne quemquam Clericum vel laicum pro culpa vel contumacia excommunicent, sine scriptis & monitione Canonica non præmissa.

Quoniam juris apices non omnibus innotescunt ad uberiores Sacerdotum instructionem, & salubrem informationem, qualiter Sacerdotes interdicti tempore se gerere debeant, & habere; præfenti de iuramento statuto; quod interdicti tempore tam ab homine, quam a iure prolati, tam sani, quam infirmi sunt ad remedium paterne admittendi, nisi fuerint interdicti, & excommunicati, vel quorum dolo, culpa, consilio, favore, aut auxilio latum existit interdictum; quibus tantum viaticum, & baptisma parvulorum conceduntur. Nullus inungatur, vel tradatur Ecclesiasticæ sepultura, præter Clericos, qui servaverunt interdictum; nisi tales sint, qui nominatim excommunicati, interdicti, vel suspensi fuerint. Qui vero Clerici non fuerint, huiusmodi sententiis innodati, sine pulsatione campanarum (g) constantibus quibuscumque solemnitatibus, cum silentio tumultetur. Insuper Sacerdotes populum habentes, sine scrupulo conscientiæ, semel in hebdomada viros, & mulieres possunt ad Ecclesiam convocare, nec non ipsis exponere Verbum Dei: Mulieres post partum non inthronizentur cum solemnitate Psalmi & Orationum: nuptiæ sic non benedicantur: nec aqua benedicta populus solemniter aspergatur. Singulis diebus Missæ in Ecclesiis celebrentur, & alia quævis Divina Officia, sicut prius; submissa tamen voce, januis clausis, omnino quibuslibet excommunicatis, & interdictis, ac omnibus aliis, nisi super hoc privilegium

(f) forte: puniendos

(g) forte: cessantibus.

gium exhibeant speciale, exclusis: Ministris altaris dumtaxat exceptis, campanis non pulsatis: bini & insimul tres horas Canonicas simul legere possunt, ita quod foris seu extra Ecclesiam nullatenus audiantur. In Festivitatibus vero Natalis Domini, Paschæ, Pentecostes, ac Assumptionis Beatæ Virginis Gloriosæ a vespere vigiliarum earundem usque ad vespere earundem Festivitatibus inclusive, campanæ pulsantur, januis apertis alta voce Divina Officia solemniter celebrentur, excommunicatis prorsus exclusis, sed interdictis admissis; sic tamen quod illi, propter quorum excessum interdictum huiusmodi est prolatum, Altari nullatenus appropinquent: nec in illis Festivitatibus sepeliantur corpora mortuorum, neque vivis, & sanis illis diebus Sacramentum Eucharistiæ ministretur. Præterea inhibemus, ne in Ecclesia non consecrata, vel a jure, vel ab homine interdicta, vel exsecrata per humanum injuriosum sanguinem, vel semine humano & uxorio polluta, nullatenus Divina celebrentur.

Item Decreta Sacri Generalis Concilii Basileensis de excommunicatis certo modo non vitandis, de interdictis non leviter ponendis decreta, & per Nationem Germanicam acceptata per Dioecesim nostram cupientes publicari, tenorẽ eorundem præsentibus nostris Statutis & Constitutionibus duximus inferendos, quæ sequuntur per omnia in hunc modum:

AD vitandum scandala ac multa pericula, subveniendumque conscientis timoratis, statuit hæc Sancta Synodus, quod nemo deinceps a communione alicujus in Sacramentorum administratione, vel receptione, aut aliis quibuscumque Divinis, vel extra, prætextu cujuscumque sententiæ, aut censuræ Ecclesiasticæ, seu suspensionis, aut prohibitionis, ab homine, vel a jure generaliter promulgatæ, teneatur abstinere, vel aliquem vitare, aut interdictum Ecclesiasticum observare, nisi sententia, prohibitio, suspensio, vel censura huiusmodi fuerit in, vel contra personam, Collegium, universitatem, Ecclesiam, vel locum certum, a iudice publicata, vel denunciata specialiter & expresse:

" aut si aliquem ita notorie sententiam excommunicationis constiterit incidisse, quod nulla possit tergiversatione celari, aut aliquo juris suffragio excusari: nam a communione illius abstinere vult, juxta Canonicas Sanctiones. Per hoc tamen huiusmodi excommunicatos, suspensos, interdictos, seu prohibitos non intendit in aliquo relevare, nec eis quomodolibet suffragari. Quoniam ex indiscreta interdictorum promulgatione scandala multa consueverunt evenire, statuit hoc Sancta Synodus, quod nulla civitas, oppidum, castrum, villa aut locus, Ecclesiastico supponi possit interdicto, nisi ex causa, seu culpa ipsorum locorum, aut Domini, seu Rectoris vel Officialium. Propter culpam autem seu causam alterius cujuscumque privata personæ, huiusmodi loca interdici nequaquam possunt auctoritate quacumque ordinaria, vel delegata, nisi talis persona prius fuerit excommunicata ac denunciata, seu in Ecclesia publicata; ac Domini seu Rectores, vel Officiales ipsorum locorum auctoritate iudicis requisiti, huiusmodi personam excommunicatam infra biduum inde cum effectu non ejecerint, aut ad satisfactionem compulerint: qua etiam post biduum ejecta recedente, vel satisfactione, mox Divina resumuntur, quod etiam in pendentibus locum habeat.

Pridem Reverendissimus Pater & Dominus noster JOANNES Sanctæ Sedis Saltzburger Archi-Episcopus Nobis intimare curavit, quod nuper in diætâ Moguntinensi indicta per Illustrissimum Dominum nostrum, Dominum ALBERTUM Romanorum, Bohemiæ, Hungariæ &c. &c. Regem, Oratores ejusdem Domini Regis, nec non aliqui Sacri Imperii Principes Electores propriis in personis, alii vero ac etiam totius Germanicæ Nationis Metropolitani per suos Oratores convenientes, inter diversos tractatus ibidem præ manibus habitos, decreta edita in Sacra Basileensi Synodo, cum certis tamen restrictionibus, modificationibusque temporum qualitatibus, ac diætæ Germanicæ Nationi ac commodis, concorditer acceptarunt. Quapropter Nos hortando requisivit, quatenus dicta decreta per Dioecesim nostram

nostram reverenter publicare, exsequi, & observari mandaremus, sicut præferatur restricta, & modificata. Nos vero mandatis Superioribus obedire, veluti tenemur, volentes, dicta decreta, sicut & præmittitur, acceptata, cum quorundam ex iis qualificationibus, modificationibus, præsentibus nostris Statutis duximus quoad ipsorum initia adjungenda: mandantes, quatenus omnes & singuli utriusque status homines nostræ Diœcesis, quorum interest, ea fideliter observent sub pœnis in eisdem contentis. Et primo decretum per Sacrum *Constantiense Concilium* factum, & per Sacrum *Basileense Concilium* renovatum, de auctoritate & potestate Sacrorum Generalium Conciliorum, temporibus & modis eadem convocandi, & celebrandi, quod est primæ Sessionis, & incipit: *Frequens Generalium Conciliorum celebratio agri Domini præcipua cultura est. &c. &c.* Iterum decretum de electionibus duodecimæ Sessionis, quod incipit: *Sicut in construenda domo præcipue est architectoris cura.* Sed quia lex sic clare non (g) tendi potest, quin aliquam possit recipere dubitationem, petitum est, quatenus Sacrum Concilium declarare dignetur, quod electiones Pontificum, & Abbatum fiant servata forma in hoc decreto tradita; quodque in ceteris inferioribus dignitatibus electivis quibuscumque sufficiat modus, & forma juramenti in eodem decreto expressi. Ceterum statuere dignetur Sacrum Concilium, quod promovendus per Papam secundum quamdam clausulam hujus decreti, quæ incipit: *Nisi ex magna &c. &c.* remittatur consecrandus, aut benedicendus ad suum Superiorem immediatum, si forsitan talis promovendus fuerit præsens in Romana Curia: quod tamen nihilominus remittatur, ut hujusmodi suo immediato Superiori præstet debitum juramentum; quodque etiam confirmatio Electionum fiat per immediatum Superiorem, ad quem spectat jus confirmandi: & si ipse sine causa rationabili confirmare distulerit, seu reculaverit, mediatum Superiorem adiri poterit. Insuper quod etiam contingat provisionem per Sacrum Concilium Domino Papæ non fieri, nihilominus electiones secundum formam

hujus decreti, & supra declaratam valeant fieri, & robur obtineant; neque propterea, quod sibi per Sacrum Concilium provisum non fuerit, quovis modo valeant impediri. Item Decretum decimæ quintæ Sessionis, de Conciliis Synodalibus & Provincialibus observandis, quod incipit: *Pridem hæc Sancta Synodus &c. &c.* Item decretum decimæ nonæ Sessionis de Judæis, & Neophytis, quod incipit: *Salvatoris nostri JESU Christi sequens vestigia &c. &c.* Item omnia saluberrima decreta vicestimæ Sessionis, quorum primum disponit de publicis concubinariis, & incipit: *Quicumque Clericus cujuscumque &c. &c.* Secundum: de modo communicandi his, qui dicuntur excommunicati, suspensi vel interdicti, & incipit: *Ad vitandum scandala &c. &c.* Tertium: de modo, & forma ponendi interdictum in loco, & Divina refumendi, & incipit: *Ut lites citius terminentur &c. &c.* Similiter omnia decreta vicestimæ primæ Sessionis, quorum primum tollit annatas. Circa hoc tamen dignetur Sacrum Concilium declarare, quod non intendit per hoc decretum prohibere, quando licite exigatur, & solvatur, si quid tempore receptionis Beneficiarii solitum sit solvi fabricæ, vel pro ornamentis Ecclesiæ, vel simili casu, ad usum tamen Divini cultus, & non ad privatum commodum personarum convertendum. Secundum decretum vicestimæ primæ Sessionis disponit de pacificis Possessoribus non molestandis, & incipit: *Quicumque non violentus.* Tertium docet quomodo Divinum Officium sit in Ecclesia celebrandum, & incipit: *Si quis Principem sæculi.* Quartum ostendit, quo tempore debet quis esse in Choro, & incipit: *Qui in Matutinis.* Quintum, qualiter extra Chorum horæ Canonice sunt dicendæ, & incipit: *Quoscumque etiam &c. &c.* Sextum de his, qui tempore Divinorum vagantur per Ecclesiam, & incipit: *Quicumque in Ecclesia.* Septimum, quod tabula pendeat in Choro, & incipit: *Ut cuncta in Domo Dei ordinate &c. &c.* Octavum, quod in Missa impleatur Credo, & quod non basse legatur Missa, & incipit: *Abusum aliquarum Ecclesiarum.* Nonum, de pignorantibus cultum Divinum, & incipit: *Abusum etiam illum cultu*

(g) forte: tradi.

Thyus V. Concilior. German.

N n

tui Divino &c. &c. Decimum, de capitulis tempore Missæ non tenendis, & incipit: *Prohibet hæc Sancta Synodus.* Undecimum, de spectaculis non faciendis in Ecclesia, & incipit: *Turpem etiam illum &c. &c.* Similiter decretum de numero & qualitate Cardinalium, de quo in vicesima tertia Sessione, & incipit: *Cum Summo Pontifici &c. &c.* Item decretum ejusdem vicesimæ tertiæ Sessionis, de electione cassanda, ex qua turbari posset Ecclesia, & incipit: *Licet dudum hæc Sancta Synodus &c. &c.* Item decretum ejusdem Sessionis, per quod reservationes tolluntur, & incipit: *Et quia multiplices.* Circa hæc tamen dignetur Sacrum Concilium jus commune revocare, quod propter hujusmodi Beneficia in dicto decreto sibi reservata conferat infra spatium unius mensis, alioquin Ordinarii conferre valeant, quodque provisi a Papa infra quatuor menses Ordinarii suam provisionem, sub pœna amissionis juris, insinuare debeant. Item decretum Sessionis ejusdem tollens Clementinam, litteris de Probat. & incipit: *Licet in Apostolicis &c. &c.* Insuper decreta tricesimæ Sessionis de communione Sacramenti Eucharistiæ, & incipit: *Ut lucidius videatur &c. &c.* Item decretum de collationibus Beneficiorum tricesimæ primæ Sessionis, & incipit: *Placuit Divinæ pietati &c. &c.* Cum aliis decretis, de qualificationibus in ordine promovendorum loquentibus. Supplicatur cum Sacro Concilio, ut declarare dignetur, quod vigore horum decretorum non intendit tollere inferioribus Ordinariis tempus Lateranensis Concilii, quodque ante ipsius lapsum non habeat locum præventio.

XXVI.

Quo hæc Statuta non tradantur oblivioni, & ne quisquam ignorantiam valeat allegare, sed ut subditi possint in eis frequentius meditari; sub excommunicationis pœna præcipimus, & injungimus omnibus Abbatibus, Præpositis,

Prælati & Decanis, & transcriptionem prædictorum, & copiam totalem ac plenam habeant, & ea bis in anno de verbo ad verbum Abbates & Præpositi, convocatis omnibus Monachis, & Canonicis Regularibus, & Præpositi seu Decani Cathedralis, & Collegiarum Ecclesiarum, Canonicis in unum collectis; Decani vero singuli in Conventu, Collegio, seu Capitulo, suis Confratribus omnibus, etiam non curatis, accersitis publicent, & perlegant, aut publicari, & perlegi faciant. In contrarium, contra hujus statuti neglectores seu contemptores inquisitionem habebimus diligentem, pœnas exactissime (b) persecuturi.

Forma juramenti soliti per testem Synodalem præstari.

EGO N. juro, quod amodo, & antea quidquam novi & audivi, aut postmodum inquisiturus sum, quod contra voluntatem Dei, & totam Christianitatem in ista Parochia, vel in isto meo Decanatu, (si Decanus jurat) factum sit, aut futurum erit, si in diebus meis evenerit, cum ad meam cognitionem quocumque modo perveniat, si scio, aut indicatum mihi fuerit, Synodalem esse causam, & ad ministerium Episcopi pertinere, quod ego nec propter amorem, nec propter timorem, nec propter pretium, nec propter parentelam, nullatenus celem Episcopo meo, aut ejus misso, cui hoc inquirere jusserit, quandocumque me ex hoc interrogaverit. Sic me Deus adjuvet, & hæc Sancta Dei Evangelia; (si Presbyter est, alias sic) & illorum Sanctorum reliquiæ.

Ex Tomi II. Historia Frisingensis Parte II. Instrumentali No. CCCXXXVIII. pag. 253. Auctore Clarissimo Domino Carolo Meichelbeck Benedictino Benedicti Burano. Typis Augustanis anni 1729.

Cl. Severinus Binius Concilior. Tom. III. Parte II. pag. 1001. & Harduinus eandem ediderant. Sed neuter habuit Orationem Synodalem dictam ad Patres in Synodo a Joanne Kockio, Theologiæ & Artium liberalium Magistro, Decretorum Doctore, Monacho Tegernseensi, quam primus edidit Meichelbeck Tomi II. Part. II. Instrumentaria No. CCCXXXVIII.

Lunig Spicilegii Ecclesiastici 2. Theil pag. 238.

(b) forte: persecuturi.

Credenciales Synodi Basileensis ad Jacobum

a Sirck, Archi-Episcopum Treverensem, in Conventu Moguntino existentem (a) Anno MCCCCXLI. XXV. Februarii.

VENERABILI JACOBO, ARCHI-EPISCOPO TREVERENSI,
ROMANI IMPERII ELECTORI.

SACROSANCTA SYNODUS BASILIENSIS IN SPIRITU SANCTO LEGITIME
CONGREGATA, UNIVERSALEM ECCLESIAM REPRÆSENTANS, VENERA-
BILI JACOBO, ARCHI-EPISCOPO TREVIRENSI, ROMANI IMPERII
ELECTORI; SALUTEM ET OMNIPOTENTIS DEI
BENEDICTIONEM.

Intelligentes Conventionem Moguntie alias indictam per Carissimum Ecclesie Filium FREDERICUM, Regem Romanorum Illustrem, in presentiarum teneri, plurimosque illuc Principes, ac Prelatos confluere, Teque cum aliis Electoribus Romani Imperii debere interesse, & sperantes conventum hujusmodi pro bono universalis Ecclesie ac conservatione auctoritatis Generalium Conciliorum fieri; mittimus ad conventionem ipsam dilectos Ecclesie Filios LUDOVICUM tit. Sancte Cecilie Vice-Cancellarium, qui non solum in hoc Basiliensi, sed in Pisano, & Constantiensi Generalibus Conciliis pro exaltatione fidei, & auctoritate universalis Ecclesie conservanda assiduas subiit sollicitudines & labores, cujusque tibi, & constantiam, & probitatem notam esse non dubitamus, & JOHANNEM tit. Sancti Martini in montibus, non solum nobilitate, sed etiam scientiarum, & virtutum splendore conspicuum, Sancte

Romane Ecclesie Presbyteros, Cardinales Legatos, ac GUILLELMUM HUGONIS Archi-Diaconum Metens. Legum Doctorem, Oratores nostros; quibus nonnulla commisimus, statum universalis Ecclesie ac totius Religionis Christiane bonum concernentia, cum aliis Oratoribus nostris, illuc per antea missis, devotioni tue referenda. Quapropter te attente hortamur, ut eisdem in dicendis nostro nomine plenam fidem adhibens, in conventionem hujusmodi pro autoritate, & honore universalis Ecclesie, & fidei Catholice exaltatione sic labores, quod & tu inde merito commendari debeas, & hec Sancta Synodus fructus ex tuis operibus perferat in Christiana Religione, quos sperat, optatos. Datum Basile V. Kal. Martii, anno a Nativitate Domini millesimo quadringentesimo quadragésimo primo.

Illustr. Hontheim. Tom. II. N. DCCC VIII.

(a) De hoc Conventu Moguntino ejusque Actis: vide Müllers *Reichs-Tag Theaterum I. Forst. Cap. V. pag. 57. seqq. & Continuation. Historie Ecclesiastice D. Fleury Tom. XXII. ad annum MCCCCXLI.*

EUGENII Papæ IV. Epistola ad Episcopum

Trajectensem, qua nuntiat, quod Ducatum Clivensem ab omni potestate spirituali Archi-Episcopi Coloniensis, & Episc. Monasteriensis, exemerit, dictoque Trajectensi injungit, ut Episcopum titularem deputet, qui Episcopalibus muneribus juxta beneplacitum Ducis fungatur. XVII. Kalend. Februar. anno MCCCCXLIV.

EUGENIUS EPISCOPUS, SERVUS SERVORUM DEI, VENERABILI
FRATRI EPISCOPO TRAJECTENSI, SALUTEM ET APOSTOLICAM
BENEDICTIONEM.

Pastoralis Officii desuper Nobis Divina providentia commissi debitum postulat & requirit, ut contra nostrorum & Romanæ Ecclesiæ rebellium
Tomus V. Concilior. German. N n 2 teme.

temeritatem, eorum, qui in nostra, & Sedis Apostolicæ obedientiæ devotione, & fide firmi, & immobiles permanferunt, statui & quieti, animarumque salutis salubriter consulamus.

II. Exhibita siquidem Nobis pro parte dilectorum Filiorum, Nobilium Virorum, *ADOLPHI Ducis Chyppensis, & JOANNIS ejus Primogeniti*, petitio continebat, quod, cum tam sæculares, quam Ecclesiasticæ personæ, nec non Collegia, Capitula, Monasteria, Ecclesiæ, & alia loca Ecclesiastica in suis Dominiis, & terris in Colonienfi, & Monasterienfi Dicecesi consistentia, pro eo, quod *Archi-Episcopus Colonienfis* Nobis & Apostolicæ Sedi inobediens, & rebellis existit, & iniquitatis Filius *HENRICUS qui se gerit pro Episcopo Monasterienfi*, damnationis Filio *AMEDEO olim Ducis Sabaudia, qui se Elicem P. ausu sacrilego nominare præsumit*, & post, & contra processus Apostolicos, contra (ipsum) & adhærentes fautores & sequaces per Nos factos, adhærere præsumpsit; plurima in spiritualibus, & temporalibus detrimenta sustineant, & animarum pericula incurrant, cum hæreticis & schismaticis, ac Nobis rebellibus jure ordinario sint subiecta: pro parte dictorum Ducis, & Primogeniti Nobis fuit humiliter supplicatum, ut eorum subditorum suorum statui, & saluti providere misericorditer dignemur.

III. Nos igitur, quibus *pascendi oves Christi* divinitus est tributa potestas, volentes, ne in perditionis baratrum animæ fidelium perducantur, sed potius ab hæreticorum contagione retrahantur, & ne illorum labes corda Christicolarum possit inficere; debito remedio provide-re: omnia & singula, personas, Collegia, Capitula, Monasteria, Ecclesias, & loca quælibet Ecclesiastica, Domina, terras, & loca supradicta, donec aliud super hoc duxerimus disponendum; *ab omni jurisdictione, Potestate, & Superioritate Spirituali Colonienfis Archi-Episcopi, & Episcopi Monasterienfis* eximentes & liberantes.

IV. Fraternitati tuæ unum Episcopum, etiam titularem, gratiam & communionem Apostolicæ Sedis habentem, qui in dictis Dominiis, locis & terris, quæ dicti Dux, Primogenitus, & eorum

Successores in præfatis Colonienfi, & Monasterienfi Dicecesi ad præsens ubique tenent, & in futurum quomodolibet obtinebunt, Clericos ordinare, & ad omnes Sacros Odines Ecclesiasticos promoveri, Christma, Oleum Sanctum conficere, ac omnia alia, & singula Pontificalia jura, omnemque Spiritualem jurisdictionem, quæ Archi-Episcopi Colonienfes, & Episcopi Monasterienfes pro tempore inibi habere, & exercere consueverunt, & consuetudine, vel de jure, tam in visitando, quam corrigendo, reformando, quam alia necessaria pro bono regimine illarum partium Cleri faciendo exercere valeat; nec non contra omnes & singulas Personas sæculares, & Ecclesiasticas cujuscumque Status, Ordinis, Religionis, seu conditionis fuerint, Monasteria quæcumque, Prioratus, Collegia, Universitates quorumcumque ordinum, etiam mendicantium, quæ schismatis labe infecta essent, aut præfato Amedeo quomodolibet adhærent, seu faverent; ac contra omnes, & singulos non obediētes Nobis & rebelles inquirere & procedere, illasque per censuras Ecclesiasticas, & alia juris remedia, appellatione postposita, ac per coercionem realem & personalem Beneficiorumque suorum quorumlibet (etiāsi Monasteria, Prioratus, & dignitates Conventuales, Personatus, ac Ministerationes, & officia fuerint) privare, & realiter ab eisdem amovere possit; invocato ad hoc, si opus fuerit, auxilio brachii secularis, nec non excommunicationis & interdicti; aliasque omnes & singulas sententias, censuras & pœnas, quocumque tenore fuerint per ipsos Archi-Episcopos, Henricum, & Decanum Sancti Cuniberi Colon. ac quoscunque alios quæcunque etiam auctoritate in personas, Monasteria, Prioratus, Collegia, Dignitates, Ecclesias, & Ecclesiastica loca quæcunque præfata latas, & promulgatas, & impofterum ferendas; auctoritate nostra suspendere, revocare, tollere, & annullare queat, ac cum ipsis personis, quæ sic excommunicatæ se irregularitatis maculam forsân incurrisse putarent, super hujusmodi irregularitate dispensare, & eas habilitare, & in pristinum statum reponere valeat; *Deputandi*, & illum amovendi, aliumque sui loco ponendi, quotiens pro parte dicto-

rum Ducis & Primogeniti, fuerit requisitus, auctoritate præfata tenore præsentium concedimus facultatem.

V. Volentes similiter, & tibi eisdem auctoritate, & tenore concedentes, ut omnia & singula, Dignitates, Personatus, Administrationes, & Officia, Monasteria, Prioratus, cæteraque Beneficia Ecclesiastica quæcumque in dictis Dominis, terris & locis nunc vacantia, & imposterum sive per privationes hujusmodi, seu alias quomodolibet vacatura quæcunque, quodcunque, qualiacunque, & cuiuscunque valoris fuerint, quæ in turno sive mense ordinariorum vacare contigerit, dummodo non sint Sedi Apostolicæ reservata, personis idoneis per ipsos Ducem, & Primogenitum tibi nominandis auctoritate præfata conferre, & de illis providere, ac personas, quibus hujusmodi Beneficia contuleris, in corporalem possessionem ipsorum Beneficiorum inducere, ac de ipsorum fructibus, redditibus, proventibus, juribus, & obventionibus universis integre responderi facere, libere, & licite valeas; constitutionibus & ordinationibus Apostolicis ac Synodalibus, & Provincialibus, Conciliis, Statutis quoque, & consuetudinibus Ecclesiarum, & Mo-

nasteriorum prædictorum, in quibus Beneficia hujusmodi forsitan fuerint, juramenti quoque per personas ipsas præfatis Archi. Episcopo & Henrico hætenus forsitan præstitis (quæ quoad hoc relaxantes nullius esse decernimus roboris, vel momenti) cæterisque contrariis non obstantibus quibuscunque. Per præsentem tamen non intendimus in aliquo iuribus Ecclesiæ Colonienfis, quæ prout cæterarum augere cupimus, in aliis quam, ut præmittitur, derogare. Datum Romæ apud Sanctum Petrum, anno Incarnationis Dominicæ Millesimo, quadringentesimo quadragésimo quarto, decimo septimo Kalend. Februarii, Pontificatus nostri anno quarto decimo.

POGGIUS.

LX.
Jo. LEGOUH.

Versa pagina
pro POGGIO.

A. de Magio,

Ditmarus ad Teschenmacher *Annal. Julici*
in *Codice Diplomat. No. LXXIX.*
pag. 82.

Leibnitz. *Codice Juris gentium in Mantissa No. XXXV. pag. 168.*

FRISINGENSIS SYNODUS INDICATA

Anno Christi MCCCCXLIV. Eugenii IV. PP. XV.

Friderici III. Reg. V.

SUB JOANNE III. EPISCOPO FRISINGENSI.

JOANNES GRUNWALDERUS,
(a) Vicarius olim Episcopi Frisingensis, in Concilio Basiliensi habitus Titulo S. Martini in montibus Presbyter Cardinalis, defuncto anno 1443. NICODEMO Episcopo Frisingensi, electus fuit Episcopus concordi suffragio Capituli Frisingensis, & 10. Octobris anno 1443. jam a Metropolitano Salisburgenfi confirmatus, adiit possessionem.

Hic anno 1444. Casparum Tegernseensem Abbatem ad Synodum Diocesanam in virtute sanctæ obedientiæ districte præcipiendo & mandando vocavit.

Meichelbeck *Tom. I. Hist. Frisingensis*
pag. 237. nec plura de hac Synodo habet.

[a] Erat Filius illegitimus Joannis Ducis Bavari, Decretorum Doctor renuntiatus, Parochus ad S. Petrum, Canonicus Frisingæ, Vicarius Nicodemi Antecessoris, demum a Felice V. Antipapa Cardinalis nuncupatus, licet ipse nunquam se Cardinalem dixerit, nec a coævo vocatus fuerit. Obiit anno 1452. Viennæ 2. Decembris.

SYNODUS TORNACENSIS

Anno Christi MCCCCXLV. Eugenii IV. Papæ XV.
Friderici III. Reg. VI.

SUB JOANNE CHEVROT EPISCOPO.

Mentio sola : Statuta vide anno MCCCCLXXXI. quo repetita fuere.

JOANNES CHEVROT Episcopatum Tornacensem anno MCCCCXXXIX. adeptus, Duci Burgundiæ a Consiliis erat. Synodum, ut Diœcesi suæ provideret, congregavit XIII. Aprilis anno MCCCCXLV, in qua Statuta Prædecessorum renovavit : quæ repetita vi-

de sis in Synodo Tornacensi anno MCCCLXXXI.

Le Groux Pastor edidit anno 1726. insulis summam Statutorum Synodaliū Tornacensium, una cum vitis Episcoporum ejusdem Urbis.

Exauctoratio Jacobi Trevirensis, & Theodorici Colonienſis Archi-Episcoporum per EUGENIUM Papam IV.

ANNO MCCCCXLV. IX. FEBRUARIJ.

VENERABILI FRATRI EPISCOPO TRAJECTENSI
SALUTEM.

Nuper iniquitatis filios-Theodoricum de Mærfem (a) olim Colonienſem, & Jacobum Sirck Trevirenſem Archi-Episcopos tanquam *Hereticos & Schismaticos*, Nostrosque & Romanæ Ecclesiæ rebelles, ex justis & urgentibus causis omni dignitate Archi-Episcopali, ac omni cura, regimine & administratione Colonienſis & Trevirenſis Ecclesiarum privavimus, & amovimus ab eisdem, ac privatos fore declaramus, & deinde ad provisionem earundem Ecclesiarum, ne per hujusmodi privationes vacantes dispendia paterentur, paternis & sollicitis studiis intendentes, Colonienſi Ecclesiæ de persona Dilecti Filii ADOLPHI (b) Clivenſis duximus providendum, ad Ecclesiam vero Trevirenſem, Venerabilem Fratrem nostrum JOANNEM tunc Cameracenſem Episcopum, de Fratrum consilio, autoritate Apostolica tranſtulimus, ac Adolphum Colonienſem, & Joannem Trevirenſem Ecclesiis præfatis præfecimus in Archi-Episcopos & Pastores;

curam, regimen & administrationem Colonienſis & Trevirenſis Ecclesiarum ipsis Adolpho & Joanni in Spiritualibus & temporalibus plenarie committendo; ac mandando dilectis Filiis, Capitulis, Cleris, populis, & universis Vassallis Colonienſis & Trevirenſis Ecclesiarum, ac Civitatum & Diœcesium earundem, ut præfatis Archi-Episcopis tanquam eorum Patribus & Pastoribus in omnibus plenarie intenderent, & efficaciter obedirent, ipsosque Archi-Episcopos, quemlibet videlicet eorundem, ad suam Ecclesiam benigne reciperent, ac pro Nostra, & Sedis prædictæ reverentia, debita honorificentia pertractarent, prout in diversis nostris literis exinde confectis plenius continetur &c.

Datum Romæ apud S. Petrum anno &c. MCCCCXLV. V. Idus Febr. Pontificatus nostri anno XV. (c)

Illust. Hontbeim. Historia Diplom. Trevirenſ. Tom. II. N. DCCCXXI.

(a) de Mærſa.

(b) Adolphus Clivenſis Dux semper a partibus Eugenii IV. stetit: hinc ejus filio Adolpho Mitram Colonienſem detulit Eugenius: sed nullo effectu, obſistentibus Cæsare & Prin-

Principibus Germaniæ: Anno 1447. 5. Februarii utrumque Archi-Episcopum restituit suæ Cathedræ, & priorem sententiam revocavit.

(c) Cum durante Schismate Papali Eugenius IV. hanc depositionem Archi-Episcoporum attentaſſet, Dietrichus Moguntinus, Jacobus Trevirensis, Theodoricus Colonienſis, Ludovicus Palatinus, Fridericus Saxoniz, & Fridericus Brandenburgicus, Electores Imperii, *Francofurti* convenientes, occultum inter ſe fœdus percutiunt: niſi Eugenius irritam iſtam depositionem decerneret, Nationis Germanicæ onera tolleret, & autoritatem Conciliorum, ut ea Conſtantiæ declarata fuerat, profiteretur, ſe ipſius depositionem in Baſilea factam, probaturos. Gobellinus in *Comment. Pii II. L. I. pag. 11.* Aeneas Sylv. *Europa cap. XXXVII.* Raynaldi *Contin. Annal. Baron. Tom. XVIII. ad annum MCCCCXLVI.* Müller *Reichs-Tag Theatr. P. I. L. 25.* Ubi hæc Electorum uniõ exiſtat.

III. Honthelm. *ibidem.*

Litteræ, quibus EUGENIUS Papa IV. omnes Personas Eccleſiaſticas & Sæculares DITIONIS CLIVENSIS a Juramentis Archi-Episcopo Coloniensi & Episcopo Monasteriensi præſtitis abſolvit, & 2do omnes eorum pœnas, ſententias, cenſuras, & banna nullius exiſtere roboris decernit. Dat. Romæ VI. Id. Jul. anno MCCCCXLV.

EUGENIUS EPISCOPUS, SERVUS SERVORUM DEI, AD FUTURAM REI MEMORIAM.

Commiſſam Nobis cœlitus gregis Domini curam digni in Domino gere-
re tunc ſperamus, cum illos, quos per fallacem ſuæ calliditatis ſuaſionem a debita religionis cultura, & Sanctæ Sedis Apoſtolicæ obedientia, & reverentia retraxit miniſter Sathanæ, & ſeduxit; ad Sanctæ Marris Eccleſiæ gremium, & unitatem, ac ſtatum ſalvationis, & gratiæ piis exhortationibus, reducimus, & ſalutarium eruditionum amonitionibus revocamus. Sane Nos dudum de notoria *THEODORICI* de Muerſe pro Archi-Episcopo Coloniensi, & *HENRICI* ejus Fratris pro Episcopo Monasteriensi ſe gerentium adverſus Nos, & Sanctam Romanam Eccleſiam rebellionem & inobedientiam pleniffime informati, quæcunque juramenta dictis Theodorico & Henrico per quasvis Eccleſiaſticas, vel ſeculares perſonas infra terras & Domina dilectorum Filiorum Nobilium Virorum *ADOLPHI Ducis Clivenſis*, & *JOHANNIS* ejus Primogeniti Illuſtrium, moram trahentes, præſtitæ, per alias noſtras relaxamus, ac nullius decrevimus exiſtere roboris & momenti.

II. Cum autem ſicut veridicorum relationibus accepimus, nonnulla ex perſonis ipſis, nec non Eccleſiis, Monaste-

riis, Capitulis, Collegiis, ac locis Eccleſiaſticis, ſecularibus & Regularibus, etiam ultra præmiſſa juramenta retroactis temporibus cum majori, ac aliis civitatis & Dioceſis Coloniensis Eccleſiis, Monasteriis, Capitulis ac Collegiis, & locis de illis firmiter aſſiſtendo, adhærendo, ſeu cum eis tenendo, & ab eis, ipſorumque ſtatu, ordinationibus, ſtabilitate ſeu alias nullatenus recedendo, colligationes & ſtabilitates, etiam intervenientibus juramentis fecerint, & diverſis pactis, etiam juramento vallatis, firmaverint; & propterea ad ſegregandum ſe a colligationibus, ſtabilitatibus, pactis & poſterioribus juramentis prædictis, non modicas difficultates ingerat, etiam gravitates: Nos itaque, qui præmiſſis ex Apoſtolatus tenemur officio providere; colligationes, ſtabilitates, pacta, & deſuper præſtitæ juramenta prædicta, nec non quæcunque inde ſecta, tanquam minus provide & irrationabiliter, ac contra Sanctam Romanam Eccleſiam, cujus auctoritas in quolibet juramento cenſetur excepta, geſta, & facta, quamdiu dicta Eccleſia, Capitula Monasteria, & loca in rebellionem erga Nos & Apoſtolicam Sedem perſiſterint, pro

pro infectis haberi, nec eos ad ipsorum observantiam teneri quoquo modo volumus & decernimus: per præsentis districtius inhibentes sub Divini obtestatione iudicii, quibusvis personis prædictis, ac aliis quibuslibet, ne prætextu dictorum colligationum, pactorum, & juramentorum, quæ dicta rebellione durante irrita, cassa, & manca nuntiamus, contra præsentium litterarum formam ac seriem alicui ex rebellibus Nobis, & dictæ Sedi quomodolibet adhæreant, pareant, vel intendant, vel quicquam audeant attemptare, & insuper omnia & singula, pœnas, sententias, censuras, & banna quacumque dignitare & auctoritate, & Cæsarea, & Regia contra personas Ecclesiasticas, oppida, loca, Dominia, & terras, quæ *ADOLPHUS Dux & JOHANNES Primogenitus præfati* ad præsens ubique tenent, & in futurum quomodolibet tenebunt, lata & ferenda cassamus, irritamus, revocamus, annullamus; ac pro infectis, cassis & irritis haberi & reputari, nulliusque existere roboris decernimus per præsentis: non

obstantibus colligationibus, pactis, & desuper præstitis juramentis prædictis, cæterisque contrariis quibuscunque.

III. Nulli ergo omnino hominum liceat hanc paginam nostræ constitutionis, inhibitionis, nuntiationis, irritationis, revocationis, annullationis, & voluntatis infringere, vel ei ausu temerario contravenire. Si quis autem hoc attemptare præsumperit, indignationem Omnipotentis Dei, & Beatorum Petri & Pauli Apostolorum ejus se sciverit incursurum. Datum Romæ apud Sanctum Petrum, anno Incarnationis Dominicæ Millesimo quadringentesimo, quadragesimo quinto, sexto Id Julii, Pontificatus nostri anno quinto decimo.

JA. DE VICENTIA.

POGGIUS.

P. DAVIDIS.

A. de Magio.

Leibnitz. Codice Juris Gentium, in Mantissa pag. 170.

Ditmarus ad Tschernmacheri Annales Julia, in Codice Diplomati. No. LXXX. pag. 83.

SYNODUS VRATISLAVIENSIS

Anno Christi MCCCCXLVI. Eugenii IV. Papæ XVI.
Friderici III. Regis VII.

Synodalia Statuta Episcopi CONRADI.

IN NOMINE DOMINI. AMEN.

NOS CONRADUS Dei gratia, Episcopus Vratislaviensis, ut animas Nobis commissas lucrificare valeamus, non omnino nova Statuta, sed vetera reformando: nostras constitutiones, licet non omnes quasdam tamen, quibus plus nostris subditis consulatur, de corrigendis excessibus, & moribus reformandis, ad decorem nostre, & omnium aliarum Ecclesiarum nostre Diœcesis decrevimus subscriptas constitutiones, constitutionibus Prædecessorum nostrorum annectendas. Ita tamen, quod tam in nostra predicta, quam aliis Ecclesiis dicte nostre Diœcesis habeantur, & sin-

gulis annis in Ecclesiis ubilibet legantur, & ab omnibus districtius observentur.

Primo igitur statuimus, ut omnes Clerici coronam & tonsuram habeant congruentem, & quilibet suo ordini competentem comam habeat, barbam non nutriant, nec pelles eminentes circa collum extra vestes ferant. Item indumenta non nimia brevitare, vel longitudine: & in manicis non nimia amplitudine notanda ferant, pannis, etiam rubeis & viridibus, nec virgultis, nec vestibus retroscissis utantur.

Insuper statuimus, quod tabernas omnino divitent: a crapula, & ebrietate se

Conradus, ex Principibus Oelsnicensibus & Glogoviensibus Ducibus, Episcopatum adeptus est Vratislaviensem post resignationem Episcopi Wenceslai, Ducis Lignienensis, factam anno 1417. Sedit annos 30. Mortuus anno 1447.

se abstineant: nec ad equales haustus se, vel alios incitent, incitando se obligent, hoc quidem statutum de visitatione tabernarum nolumus ad viatores, & ad peregrinos extendi.

Item, ut ad aleas, & ad taxillos non ludant; hujusmodi ludis intersint, etiam ut plausus manuum more gentili, vel cantilenas seculares cantare non presumant: quia in uno ore laudes Christi, una cum laudibus Jovis non concordant.

Item ut fibulas, vel corrigias auri vel argenti ornatum habentes; aut aliam superfluitatem decoris non ferant: nec annulos, nisi quibus competit, ex officio vel dignitate.

Item ut nullus Clericorum in Sacris Ordinibus constitutus suspectas mulieres secum habeat, vel eis cohabitare, & presertim maritatas. Atque quod accessus suspectarum mulierum devitent, & ab omni vicio libidinis se abstineant, & continenter vivant ac mundi.

Item ut Sacerdos, Dyaconus, vel Subdyaconus Cirogie, alias Cirologie, artem exerceat, que adustionem vel incisionem inducit. Nec sententiam sanguinis dicat, aut proferat, aut sanguinis vindictam exerceat: nec intersit, ubi exercetur, nec etiam literas dicat, vel scribat, pro sanguinis effusione destinandas, ac omnino ne literas incendiariis dicat vel scribat: aut ab ipsis recepat, vel aliquo modo sibi presentatas ab eisdem incendiariis exequatur.

Preterea ut Clerici omnino arma non ferant, nec in fraudem aliorum cultellos nimia longitudine notandos: & indecentes non habeant, nec utantur.

Item ut decimas alteri debitas non accipiant, nec de ipsis se intromittant. *Insuper* quod Predicatores Verbi Dei sive Divini suis in prædicationibus ad vulgum proponant, quod nemo a solutione decimarum, quicumque, cujuscunque conditionis exstiterit, sit emunis vel liber. Nec non occupatores, impeditores violentos, seu fraudulentos decimarum detentores: & prohibentes decimas in villis suis, vel aliis locis quibuscunque componi: & eos qui quamvis pro certa summa pecunie emerunt decimas, sed non persolverunt, singulis diebus Dominicis

a tempore mensis Julii usque ad medium Augusti denuntient excommunicatos, & excommunicent: ut in forma Ecclesie consueta.

Item quod nullus accipiat Ecclesiam, vel aliud Beneficium a manibus laicorum sub aliqua promissione vel pacto, quod non velit uti privilegiis, vel libertatibus ipsis Beneficiis indultis & concessis, atque quod damnatam simoniacam pravitatem omnino effugient, scientes, quod omnes simoniaci sunt interdicti quoad se: nec salvari possunt, nisi renuntient Beneficio per simoniam adepti, & sunt suspensi a Divinis.

Item quod quilibet Presbyter ad Divinum Officium secum habeat Clericum, qui tam diurnum, pariter & nocturnum absque sincopatione peragat, & ab intrinsicis collocutionibus vacet, atque quod secundum ordinem Ecclesie Cathedralis tam circa secreta Missæ, quam in aliis Officiis se conformet.

Item quod in singulis Ecclesiis Sacramenta Eucharistie, Chrismatis, & Sacre Undionis sub fidelis custodie clavibus adhibitis conferantur: nec non singulis quoque annis, Chrisma ab Ecclesia accipiat Cathedrali, per illos, qui sunt in sacris Ordinibus constituti. Et quod vetus Chrisma in Ecclesia concremetur.

Item quod postquam vinum acescit, non ponatur ad consecrandum. Et ponatur multo plus de vino quam de aqua in sacrificio consecrando. Atque quod Presbyteri celebrantes omnino conficiant, ne populum idololatrare contingat.

Insuper Presbyteri Beginas, vel alias mulieres procurari postulantes singulis septimanis non procurent Eucharistie Sacramento, nisi constiterit, quod confesse sint, & quod devotio requirat hoc eorum.

Item corporalia fiant de tela subtili, vasa totius ministerii ut palle Altaris, vestimenta ministrorum munda, & nitida conferantur, & specialiter in sacculis mundis, & pulchris ponantur: annis singulis, & temporibus certis in Ecclesiis laventur.

Preterea ut omnes Ecclesie, que habent fontem baptismalem, si nequeunt habere lapideum, habeant ligneum ad

officium Baptismi in longitudine competent. Atque quod singuli Sacerdotes Ecclesiarum Parochialium habeant librum penitentialem, ut si quando iusta de causa penitentias, & satisfactiones peccatori injungant & obtemperant, sic tamen quod annuntient peccatori, quam gravem penitentiam agere deberet secundum Sanctorum Patrum instituta, ad hoc, ne apud rudes omnino penitentia vilescat. Et quod ita sollicitè officium in funerealibus pauperum celebrent, & in penitentis eis injungendis, sicut faciunt circa divites & sublimes.

Insuper quod Presbyteri tempore baptismi sponte oblata recipiant, sed penitus nihil extorqueant: sub pena suspensionis Ecclesie ab ingressu, & quacumque hora portatur puer ad baptismum: sine contradictione baptisetur. Et ita volumus intelligi de omnibus aliis Sacramentis Ecclesiasticis Christi Fidelibus ministrandis.

Item quod in Festivitatibus annuntiandis per circulum anni omnes concordent: ne ex diversitate temporum scandalum in populo generetur. Excepta Dedicatione Ecclesie: & Festo Patroni ipsius Ecclesie. Et si feria secunda aliquod festum occurrerit celebrandum, quod habet vigiliam cum jejunio sibi annexo, sabbato precedenti jejunetur.

Præterea quod quilibet Rector Ecclesie Parochialis ignorans linguam Parochianorum: provideat sibi de alio sufficienti, & scienti linguam: ne populus negligatur. Alioquin si aliquid exinde mali evenierit gravissime punietur. *Insuper* quod singulis temporibus quadragesime nuntient populo, quod quilibet postquam ad annos discretionis pervenerit: omnia peccata sua solus semel in anno suo proprio Sacerdoti confiteatur: reverentè ad minus in Pascha Corpus Domini nostri JESU Christi suscipiat, nisi forte ex causa rationabili, vel consilio proprii sui Sacerdotis prohibeatur. Et si forte ex propria malitia, vel temeritate abstinuerit: vivus ab ingressu Ecclesie arceatur, donec satisfaciatur, & mortuus Ecclesiastica careat sepultura.

Item quod quilibet Prædicator Verbi Divini denuntiet excommunicatos omnes & singulos, qui affirmant simplicem fornicationem non esse peccatum

mortale. Et super his omnes Presbyteri & Clerici invigilent diligenter.

Insuper si Sacerdos insufficiens fuerit peccatori in penitentia injungenda: consilium requirat a peritiorè, tacita omnino persona peccatoris five confitentis: quam si alicui expresserit aliquo modo, sine spe restitutionis deponatur, & in Monasterio ad peragendum penitentiam recludatur.

Præterea statuimus, quod quilibet Rector Ecclesie Parochialis prohibeat clandestina, & occulta matrimonia fieri: & omnino prohibeat contrahere volentes, nisi primo fuerint denunciati, & publicati: ut quicumque sciat aliquod impedimentum legitimum: illud proponat infra terminum certum prefigendum. Terminum vero lapso, si nullus apparuerit contradictor, vel non constiterit de legitimo impedimento: tunc copulentur in Christi nomine contrahentes.

Item ut nullus Clericorum, vel Presbyterorum plures Vicarias habeat: sed unam tantum, & perpetuam. Atque quod publica officia, & fordida non assumant neque exerceant in domibus laicorum.

Item. Nullus religiosorum cujuscumque religionis ad Ecclesiam secularem deserviat, vel sub aliqua occasione, seu pretextu ibi diu moretur. Neque Ecclesiam conducatur, vel conveniat spectantem ad regimen Presbyteri secularis.

Item quod Rectores Ecclesiarum denuntient excommunicatos publice a suis Superioribus excommunicatos, & prout ipsis injungitur ab eisdem sub pena trium marcarum, sicut statuit Dominus Archi-Episcopus: & ista pena Sinodalis.

Insuper quod iidem Rectores, & omnes Sacerdotes prefationes institutas, & non alias in suis Missis observent: prout a Sanctis Patribus est institutum.

Item ne pretextu ignorantie in premissis omnibus, & singulis se quisquam valeat excusare; Precipimus & mandamus in virtute sancte obedientie, & sub pena suspensionis ab officio, & nihilominus Sinodali injungentes: ut unusquisque Archidiaconus, & Archipresbyter nostre Diocesis infra unum mensem copiam pre-

presentium statutorum ab Ecclesia nostra recipiant : & eandem consociis sedium suarum tradant , & per ipsos Archipresbyteros postmodum aliis Ecclesiarum Rectoribus sibi subditis infra unum mensem a data sibi copia presentium statutorum computando assignent : ita quod quilibet Rector Ecclesie sive Plebanus constitutiones easdem habeat in Ecclesia sua patri affixas.

Item non credatur deinceps pronuntiantibus indulgentias concessas, aut concedendas : nisi eis examinatis per Ordinarios : per cujus literas postea de hoc constabit.

Item Confessores in audiendo confessiones , non habeant acceptationem personarum pauperum, & divitum , sed qui primum venient , primo audiantur , nisi necessitas secus suaderet : nec quidquam exigant, aut confessiones quoquomodo prodant.

Item quod nullus plura officiet Altaria, quam officiare possit, presertim quod tot Missæ legantur, quod in primeva fundatione sunt expresse , vel de duobus officiantes sunt contenti.

Item quod quilibet Rector Parochialium Ecclesiarum proprium Sigillum habeat ipsius Ecclesie, quo ad executionem mandatorum consignandam , & quod processus, & mandata diligenter exequantur.

Insuper quod pias voluntates personarum , testamenta atque legata omnino non impedian , etiam quoad Altaria de novo erigenda , vel alia Beneficia de novo creanda.

Item quod Predicatores, tam seculares, quam religiosi discretionem habeant in pronuntiando ; ne tacenda proferant , aut proferenda reticeant , unde scandala in populo possint generari : & sibi invicem non contradicant diversa, adversa, & omnino contraria predicantes.

Item quod nulli Sacerdotes, & Parochialium Ecclesiarum Rectores propriis Beneficiis derelictis , in quibus residere deberent , curam aliarum Ecclesiarum , vel Beneficiorum gratia temporalis lucri sibi usurpent, & si Vicarios constituent , & ministros in Beneficiis alienis , cum vix unum officium adimplere sufficiunt , stipendia sibi vendicent plurimorum : ne

que quodlibet negotiationis genus exercent sub censu quocunque contra statuta, & Canonicas Sanctiones. *Insuper* quod nullus duas , vel tres Ecclesias regat. Aut quod duo vel tres unam conveniant, aut conducant.

Insuper quod nullus Rector Parochialis Ecclesie de sua Ecclesia absque rationabili causa , & absque nostra licentia speciali se absentare presumat , nisi sit Canonicus nostre Ecclesie, qui habeat Ecclesiam Parochialem, quem quoad residentiam in nostra Ecclesia faciendam volumus supportari , a residentia sue Ecclesie Parochialis. Illis vero, qui se de suis Ecclesiis, aut aliis Beneficiis residentiam requirentibus absque licentia nostra absentarunt, in virtute sancte obedientie precipimus & mandamus sub pena districtius Sinodali, ut infra sex menses a publicatione presentium computandos ad suas Ecclesias, ut eisdem debita presentent obsequia, revertantur : alioquin infra annum, extunc inchoandum eosdem absentes a perceptione pecuniarum, seu Beneficiorum, vel Ecclesiarum fructuum ipsorum eo ipso volumus penitus fore suspensos : ad quos, si infra aliquod tempus propria temeritate, vel aliquo exquisito colore se ingesserint ; illis similiter Ecclesiis sint ipso jure privati. *Insuper* cum juxta Canonicas Sanctiones, una Ecclesia unius debeat esse Sacerdotis : presenti prohibemus edicto, ne de cetero aliquis duas vel plures in nostra Diocesi habeant Ecclesias : nec duo vel plures unam Ecclesiam a nobis etiam abessendi licentia obtinentes, aliquo titulo colorato sibi querant, vel quesitas retinere in hac parte presumpserint attentare pecunias, quas pro Ecclesia hujusmodi conductores Ecclesiarum ipsarum locatoribus dederint, aut dare permiserint, prorsus amittant illas : extunc dandas ad Ecclesie nostre fabricam, dicte nostre Ecclesie, representandas, atque in usus dicte nostre Ecclesie fabricæ convertendas.

Preterea statuimus , ut quicumque nostre Diocesis sive laicus, sive Clericus de cetero per annum in excommunicationis sententia per quemcunque Ecclesiasticum Judicem in ipsum rite prolata, contumaciter presumpserit perdurare : ipsorum bona mobilia, que obtinent universa, per Principes & Potestates secula-

res: ad Nostri tamen & Ecclesie requi-
sitionem, debeant confiscari. Si vero
Clericus sententiam excommunicationis
per annum sustinuerit animo pertinaci:
fructibus Beneficiorum suorum, que in no-
stra Diocesi obtinet, per eundem annum,
quo in sententia perstiterit, ipso facto
irrecuperabiliter sit privatus. Quos vero
fructus Beneficiorum, si forsan consump-
sit illo anno: tunc sequentis anni reddi-
tibus omnino careat, quos pro opere
fabrice nostre Ecclesie decrevimus colli-
gendos: sola sustentatione ipsi Clerico
dumtaxat ad Nostrium, vel nostri Succes-
soris arbitrium, de ipsis redditibus sive
fructibus reservata.

Item, ut omnes Archi-Presbyteri
nostre Diocesis, & quilibet Sacerdos
amodo quolibet anno, aut alias totiens
quotiens fuerint vocati, veniant ad *Synodum*
Episcopalem & Dioecesiam, proxima
Dominica post Festum S. Hedwigis annis sin-
gulis celebrandam, excepto eo anno,
quo contingat *Synodum Provincialem* cele-
brari: & quicumque non venerit, vel se
legitime non excusaverit: infra quinde-
nam tempore Synodi celebrande tres
marcas argenti solvat pro pena, quam si
infra mensem tunc non solverit, sit su-
spensus ab ingressu Ecclesie, quousque
satisfaciat realiter & cum effectu. Archi-
Presbyteri vero suos Presbyteros absen-
tes a *Synodo* Archi-Dyacono debent in
scriptis annis singulis sub penis predictis
presentare.

Item nullus ex Clericis, Peregrinis,
& Advenis, nisi habitis litteris dimissoria-
libus, & receptatoriis admittatur.

Item de interdictis, que per Recto-
res Ecclesiarum servantur: etiam per Re-
ligiosos observentur.

Item, quod visitantes infirmos, cum
Sacramentis, vel legentes Missas non in-
cedant in calopedibus. Et visitantes in-
firmos cum Sacramentis, ut presertim, se-
quentibus indulgentias centum dierum
a Domino BONIFACIO concessas pro-
nuntient.

Item predicent Predicatores Verbi
Dei contra usurarios & captantes indebita
lucra: & signanter, qui mutant pecu-
nias sine autoritate Superiorum, sine li-
teris census percipiunt, usura est.

Item provideant Visitatores depu-

tandi circa exercentes sortilegia contra fe-
bres ac infirmitates quascumque, scriben-
tes caracteres, vel figuras, & nomina in-
cognita, vel quascumque alias supersti-
tiones exercentes. Et hec vel similia
circa homines & animalia exercentes.

Item sane didicimus, quod quidam
Rectores, sive Plebani Ecclesiarum no-
stre Diocesis venientes ad se cursores,
portitores Nostrorum, Officialis nostri,
& aliorum Judicum nostre Diocesis man-
datorum: male, & inhoneste recusantes
hujusmodi mandata exequi, nec non
procurantes ipsos fustari, mergi, & aliis
angustiis deordinate tribulari, in vilipen-
dium Nobis, & dictis Judicibus, jurata
obedientia ommissa tractant. Nec non
certi seculares eisdem ingressum civitatum
& oppidorum prohibent. Nos hujus-
modi iniquitatis & pravitatis errorem ab
eis semovere volentes tanquam merito,
Precipimus in virtute sancte obedientie,
& districtius sub pena excommunicatio-
nis, & decem florenorum Hungariensium
pro Camera nostra applicandarum om-
nibus & singulis Ecclesiarum nostre Dio-
cesis Rectoribus, sive Plebanis, & eor-
um vices gerentibus, Altaristis, & Mo-
nasteriorum Religiosis, quatenus ipsi, &
eorum quilibet, quando cum Nostreis,
nostri Officialis, & aliorum Judicum no-
stre Diocesis quibuscunque mandatis in
genere vel in specie per cursores, seu nun-
cios nostros, aut eorum requisiti fuerint,
eosdem benigne acceptent, & acceptos
pie tractent, & a quibuscunque molestiis
defendant, hujusmodi nostri mandata
Officialis nostri, & aliorum Judicum no-
stre Diocesis cum diligentia, omni semota
contradictione & tedio, fideliter exe-
quantur. Et si utique non pateret tutus
accessus ad loca illa, quibus ipsi excom-
municandi seu citandi degunt: extunc
decernimus, quod processus, seu citatio-
nes in locis vicinis circumjacentibus, sine
quavis contradictione exequatur sub pe-
nis prescriptis.

Item statuimus, decernimus, & or-
dinamus: quod omnes & singuli Prelati,
ac precipue Archi-Dyaconi & Archi Pres-
byteri omnium Sedium nostre Diocesis,
omnes & singulos defectus, quorum-
cumque occupatorum, seu detentorum
bonorum Ecclesiasticorum capcione aut
lesione personarum Ecclesiasticarum co-
ram

ram Nobis, & nostro Clero in hac Sino-
do, aut in posterum fienda juxta tempo-
ris opportunitatem proponant: publicent
& manifestent. Cum tamen in denun-
tiandis istis quamplurimum desides, consi-
deramus, & consideravimus, ac remissos:
ut juxta declarationem, & decisionem
hujusmodi ipsis justicie complementum
reddere valeamus, prout Deo dante,
pro posse nostro indubie faciemus.

Item, ne homines Spirituales, & se-
culares nostræ Diocesis ad aliena loca,
seu ad alienas Dioceses vexentur, ad
sumptusque graves & inutiles, nec non
ad periculationem rerum & corporum,
propter viarum & locorum varia discrimi-
na deducantur; Statuimus & ordina-
mus, quod nullus Presbyter curatus, &
non curatus, aut Notarius publicus man-
data peregrina extra Diocesim nostram
emanata, sine mandato nostro, aut Vica-
rii nostri in Spiritualibus speciali accep-
tet, siue executionem eorundem procu-
ret, seu in Ecclesiis affigi faciat, sed
portatores hujusmodi mandatorum, &
nuncios ad Nos, vel Vicarium nostrum in
Spiritualibus remittat cum effectu sub pe-
na Sinodali

Item quamvis perfidos Judæos pro-
pria culpa perpetue servituti submisit:
pietas tamen Christiana eos receptat, &
sustinet cōhabitationem eorum. Ingrati
tamen Nobis esse non debent, ut Nobis
illam retributionem impendant, quam
juxta vulgare proverbium: *Mus in pera* :
Serpens in gremio: *Ignis in sinu* suis consue-
verunt hospitibus exhibere: Et quam-
quam ipsi nonnumquam contra fidem Ca-
tholicam, detestabilia, & inaudita, fidei-
que contraria opera committunt, quibus
etiam non competit Christi fideles inter-
esse, ne indignationem, & plagam Dei
Omnipotentis incurrant: Idcirco preci-
piendo mandamus, ut in post nullus Ju-
deus aliquam nutricem, seu Familiam
Christianam sibi servantem teneat, sub
pena trium marcarum argenti puri; ne
filii libere famulentur ancille: cum mors
Christi Christianos liberos, illos autem
illiberos effecit. Nullus autem Christia-
nus ipsis serviat: presertim in domibus
ipsorum, quum Judeorum mores & no-
stri in nullo concordant, & ne ipsi ob
continuum conversationem, & assiduam
familiaritatem ad suam superstitionem, &

perfidiam simplicium animos inclinarent.
Talem ergo familiaritatem cum eis habentibus,
& eis servantibus omnia Ecclesia-
stica interdicanter Sacramenta.

Item quia multi prohi dolor! nostri
modernis temporibus Beneficia Ecclesia-
stica assumere non formidant, juris ordi-
ne non servato in scandalum multorum,
& periculum animarum suarum non mo-
dicum; Quare statuimus & ordinamus,
quod in post nullus se de aliquo Beneficio
quovis modo intromittat: nisi ante Frida
siue proclamatio premittatur, juxta juris
communis dispositionem, sub pena de-
cem florenorum irremissibiliter pro Fisco
Camere nostre pagandorum.

Item sane didicimus, quod quidam
religiosi falcem in messem alienam sepi-
sime mittere non formidant, in sepultu-
ris, confessionibus, ac aliis forum Pasto-
rum verorum concernentibus, in preju-
diciū & jacturam non modicam vero-
rum Plebanorum & propriorum. *Pretere-*
rea statuimus & ordinamus, quod in an-
tea nullus religiosorum cujuscumque re-
ligionis, seu ordinis existat, non curatus,
aliquod funus ad sepeliendum recipiat &
acceptet, vel exequias peragat, nec ad
legendum tricesimos circa se aliquem al-
liciat, aut ad eligendum sepulturam circa
se, aut in Monasterio suo, aliquem in-
ducat, sine scitu & voluntate proprii
Plebani, specialiter illa intumulandi, sub
pena excommunicationis, & decem flore-
norum, Fisco Camere nostre irremissibili-
ter solvendorum.

Item statuimus, quod inquisitores he-
retice pravitatis de heresi diligenter in-
quirant juxta privilegia ipsis a jure con-
cessa: & de aliis criminibus que ad cor-
rectionem, ac emendationem ordinario-
rum pertinere dinoscuntur, se quovis
modo intromittere presumant; sub pena
excommunicationis, & decem florenorum
pro Fisco Camere nostre irremissibiliter
assignandorum: nisi ad emendandum siue
corrigen- dum, tales per loci ordinarium
fuerint deputati.

Item auribus nostre audiente inso-
nuit, qualiter nonnulli nostre Diocesis
Clerici seculares, & religiosi, salutis pro-
prie immemores, homines sexus utriusque
causa lucris temporalis ad prophanos ido-
latriæ cultus plurimum induxerunt &
indu-

inducunt, signa (b) fieri ab imaginibus suarum Ecclesiarum, Monasteriorum, sive Capellarum suarum Ecclesiarum, domorum, sive locorum, fingendo, asserentes in periculum, & detrimentum animarum Christi fidelium non modicum. Quare dictis periculosis, & enormibus defectibus obviare, eosdemque extirpare, eradicare, & pro possibilitate nostra emendare volentes: prout ex officio Nobis divinitus credito, & concesso tenemur & astringimur; Statuimus & ordinamus, quod in antea nullus Clericorum, tam secularium, quam religiosorum: cujuscumque status, gradus, dignitatis, seu eminentie existant, alicui imagini, seu figure signa (b) ascribat, seu attribuat. Nec ea in sermone, vel extra, denuntiare, publicare, seu affirmare presumat sub pena excommunicationis, & decem florenorum, Fisco Camere nostre irremissibiliter pagandorum: nisi talia auditis, & desuper examinatis fideliter testibus, ac aliis probationibus legitimis per Nos examinata, ratificata, & approbata fuerint pariter & admitta. Alioquin contra facientes, totiens quotiens predicta fecerint, dictis penis volumus subjacere.

Item percepimus, quod errores multiplices circa resignationem Beneficiorum, & permutationem earundem occurrunt, ut puta pravitas simoniaca, aliaque dispositioni juris omnino contraria; Quare dictis defectibus obviare, eosdemque de medio tollere volentes, statuimus, & ordinamus, quod in post nullus Clericorum cujuscumque status, gradus, conditionis, seu eminentie existat, aliquid Beneficium Ecclesiasticum assignare, seu permutare in manibus Patronorum, seu personarum status cujuscumque, quovismodo presumat, nisi in manibus nostris, aut Vicarii nostri Generalis, juramentisque ipsorum utrorumque de cavenda fraude, vel contractu illicito quocumque premissis sub pena decem florenorum Fisco Camere nostre applicandorum, ac irremissibiliter persolvendorum.

Item statuimus, quod casus Papales & Episcopales tradantur ad Synodum.

(b) iniracula, *intellige*: prodigia.

Sciendum breviter, pro quibus casibus ac penitentiis sit penitens ad Episcopum remittendus.

Ad cujus rei memoriam evidentem, omisis difficultatibus, *dico primo*: Quod Penitentiarii alia est publica, alia est solennis, alia vero privata. Publica est, cum alicui injungitur peregrinatio cum baculo cubicali, & pera benedictis, vel aliquo genere vestis: vel publice penitere, est publice coram populo, seu pro publico crimine penitentiam agere: similitudinarie tamen potest dici publice penitere, sicut & qui in propria domo penitentiam agit; & sicut qui propter delictum invitatus in Monasterium detruditur: hanc Sacerdos potest injungere, cum non sit inhibitum, & non imponitur nisi pro gravi crimine. Clericis talis penitentia non est injungenda, nisi depositis. Solennis penitentia est, que fit in *Capite quadragesimali*: quam omnes penitentes, qui publicam suscipiunt, aut susceperunt penitentiam, ante fores representent Episcopo civitatis: sacco induti nudis pedibus, vultibus in terram dimissis, se reos esse ipso etiam habitu, & vultu protestantes, & ista imponitur a solo Episcopo; & hec penitentia imponitur pro homicidio, pro sacrilegio, pro incestu, & similibus gravibus horrendis casibus, pro filiorum oppressione, & breviter pro omni gravi crimine, totam urbem, vel villam commovente. Hoc autem scias, quod omnis solennis penitentia est publica, sed non e converso. Solennis tamen magis continet secundum solennitatem predictam. Privata autem penitentia est, quæ pro occultis peccatis imponitur, que sunt Presbytero confitenda. Et ab eo est penitentia injungenda. Nisi in casibus, qui sequuntur: in quibus sunt contentes ad Episcopum remittendi.

Et primo casus Episcopales sequuntur.

Primo coiens cum moniali consecrata, vel virgine: vel non consecrata, vel mulier cum religioso,

Item verberans patrem, vel matrem.

Item

Item deflorans virginem vi oppressam vel seductam.

Item machinans in mortem conjugis.

Item abutens Chrismate, vel re sacra.

Item furtum faciens in Ecclesia.

Item Clericus, cujus negligentia furtum commissum fuit in Ecclesia.

Item baptifans proprium puerum sine necessitate.

Item proprium puerum ad baptismum, vel confirmationem tenens sine necessitate.

Item fractor voti.

Item contrahens seu religionem intrans invita uxore post copulam consecutam.

Item confessus se credidisse hereticam pravitatem, quo ad absolutionem a peccato.

Item simoniacus quoad peccatum.

Item excommunicatus celebrans soleniter in Ecclesia, quoad peccatum: sed quoad irregularitatem, ad Papam.

Item Clericus per saltum promotus.

Item ordinatus ab alieno Episcopo sine licentia proprii Episcopi.

Item homicida factus verbo vel consensu, nisi defendendo, vel in fure vim faciente occiso. Homicide autem aliqui mittuntur ab Episcopis ad Sedem Apostolicam propter enormitatem criminis, ad contritionem habendam, non tamen de juris necessitate, sed de Episcoporum providentia & voluntate.

Item coiens in Ecclesia maxime consecrata.

Item coiens cum Judea vel Saracena.

Item concipiens filium, & non a suo viro, quem vir credens filium suum, instituit eum heredem in prejudicium aliorum.

Item procurans abortum, vel sterilitatem in se vel in alio.

Item contrahens matrimonium cum alio post sponsalia, juramento interposito.

Item scienter celebrans in Ecclesia interdicta, quo ad absolutionem a peccato; sed quoad dispensationem ab irregularitate mittendus est ad Papam.

Item sortilegus.

Item demones invocans pro furto, vel mulieribus, vel quocunque modo.

Item scienter excommunicatos publice, aut nominatim interdictos, manifestos usurarios, in cimiteriis, aut Ecclesiis, sepelientes; & rales sepelientes etiam ipso facto excommunicati sunt.

Item clandestine, vel contra interdictum Ecclesie matrimonium contrahentes.

Item blasphemator Dei & Sanctorum.

Item oppressor filiorum studiose, violenter vel negligenter.

Item pro sacrilegio.

Item pro incendiis.

Item perjurus, qui precedente juramento postea falsum dicit.

Item sodomite, & omnes, qui fornicantur contra naturam: maxime cum brutis.

Item incestum faciens.

Item fornicans cum ea, quam baptisavit, vel confessionem audivit.

Item usurarius quoad peccatum, & dispensationem.

Item celebrans in Altari non consecrato.

Item sine sacris indumentis.

Item non jejunos.

Item pro ablatorum, subtractorum, illiciteque acquiritorum restitutione, & extendatur dumtaxat ad unum fertonem grossorum, sed infra non fiat remissio.

Etiam diligenter notandum est, quod in necessitatis articulo, in predictis casibus, & aliis, quicumque fuerint, etiam Superioribus reservatis, potest Sacerdos simplex absolvere: premisso tamen, quod necessitatis articulo cessante consistentes ad Superiores, a quibus alias absolvendi fuissent, remittantur.

Insuper diligenter notandum est, quod in casibus, in quibus Episcopus habet potestatem absolvendi, potest etiam is, cui ipse vices suas commiserit, suam jurisdictionem exercere: preterquam in quique casibus.

Primus est, ubi solennis penitentia est injungenda, ut supra.

Secundus est, qui nec potest absolvi ab excommunicatione in casu, ubi ex-

com-

communicat, nisi ei specialiter committatur.

Tertius ubicumque invenit irregularem contractam, tunc debet eum ad Episcopum remittere, ut dispenset cum eo, si potest, vel saltem cum suis literis illum remittat ad Papam.

Quartus incendiariis ante publicationem, secundum quosdam.

Quintus, si sit de consuetudine alicujus diocesis, quod certa crimina Episcopo reservantur. Sed advertendum est, quod Episcopus generaliter delegando vices suas circa penitentiam imponendam, ac similia, non intelligitur tali delegasse potestatem dispensandi, & absolvendi ab excommunicatione, & receptiones juramentorum, & restitutionem in integrum: nisi specialiter exprimatur, cum ad ipsius Episcopi correctionem specialiter spectare videatur. Et tunc ex causa legitima discreto viro, qui sciat rem, circumstantias negotiorum, potest committere.

Item notandum est, quandocumque aliqui ad confessionem de criminibus conveniunt, & quamvis confiteri velint, se tamen asserunt abstinere non posse, quid sit faciendum circa tales? Consultationi tali taliter respondemus, quod Confessores eorum confessiones recipere debent, & eis de criminibus consilium adhibere. Quia licet non sit hujusmodi vera penitentia, tamen admittenda est eorum confessio, & crebris, & salubribus monitis est penitentia indicenda.

Sequuntur casus Papales antiquorum juris, in quibus quis a solo Papa absolvitur.

Primus: qui verberat Clericum, hic tamen casus habet in jure exceptiones.

Secundus est de eo, qui incendit vel frangit Ecclesiam, vel locum religiosum, seu cimiterium, qui post denuntiationem non nisi a Papa absolvitur, & idem de quolibet incendio, si denuntietur.

Tertius: Quando Papa aliquem nominatim excommunicat, quem solus Papa absolvit, sic solus participantibus absolvit.

Item Presbyter secundas nuptias benedicens, licet non sit excommunicatus, tamen mittendus est ad Sedem Apostolicam, quia est a Beneficio, officioque suspensus.

Item falsificans literas Papales, vel scienter literis Papalibus falsis utens.

Item insequutor Cardinalium, qui incurrit multas & graves penas C. *Felices* Lib. VI.

Item illi mittuntur ad Sedem Apostolicam, qui occasione sententie excommunicationis, suspensionis, vel interdicti, latitant, dicentia gravandi illos, qui tulerunt eam, vel suis in personis, vel bonis. *De sentent. excommunic. Quicumque* Lib. VI.

Item corpus alicujus defuncti incidentes, vel coquentes pro ossibus transferendis, sunt excommunicati, & a Sede Apostolica absolviendi.

Item Inquisitores hereticorum, odio, vel gratia, amore, vel lucro contra justitiam, vel scientiam, omittentes contra quempiam procedere, vel contra ipsam heresim: alicui imponentes injuste, quod impedit officium suum, sunt excommunicati ipso facto, & a solo Papa absolviendi.

Item Religiosi, qui sine licentia specialis proprii Sacerdotis, scilicet cujus est populus, solennizarent matrimonia, aut ministrarent Sacramenta Eucharistie, vel extreme Unctionis, sunt excommunicati ipso facto, & a solo Papa absolviendi.

Item similiter sunt excommunicati Religiosi, qui excommunicatos a Canone in casibus, a jure non concessis, aut a sententiis per Statuta Provincialia, seu Sinodalia promulgatis aliquem absolvent, a pena, & a culpa, & a Papa tamen absolviendi.

Item insequutor Episcoporum est excommunicatus, & a solo Papa absolvendus. *Juxta Cle. de Sent. excommunic.*

Item Clerici religiosi inducentes aliquos ad votandum, jurandum, vel promittendum de eligendo apud eos sepulturam, vel jam electam ulterius non immutent, sunt excommunicati ipso facto, & tamen per Sedem Apostolicam absolviendi.

Item

Item, qui cogunt celebrare aliquem in loco interdicto, vel ad audiendum Divina, vocant excommunicatos vel interdictos.

Item, qui prohibent talibus excommunicatis & interdictis, ne moniti exeant.

Item tales excommunicati vel interdicti, si moniti non exeant, sunt excommunicati ipso facto, & a Sede Apostolica absolvendi.

Item illi etiam, qui ferrum, equos, arma, vel alia necessaria, ad impugnandum Christianos deferunt, seu transmittunt, seu galeas aut naves vendunt, aut in piratis navibus Sarracenorum gubernationem exercent, vel impendunt consilium vel auxilium ad dispendium terre sancte, sunt excommunicati ipso facto, tamen absolvendi per Sedem Apostolicam per Extravagantem CLEMENTIS Quinti, que incipit: *Multa mentis*.

Item sciendum est, quod quicumque curialis, qui facit, vel recipit promissionem, de aliqua re vel utilitate consequendi, vel obtinendi aliquam gratiam aut iusticiam apud Sedem Apostolicam, excommunicatus est ipso jure, de quo plenius habetur in Extravaganti BONIFACII, que incipit: *Excommunicamus*.

Sequuntur Canones Penitentiales.

Ut autem Sacerdos circa Penitencias dispensando cautius arbitretur: notandi sunt casus, in quibus per Canones certe pene seu penitentiae imponuntur. Nam Canones penitentiales tenetur scire Sacerdos, alias vix in eo nomen Sacerdotis constabit.

Primus Canon dicit: quod si Presbyter fornicationem fecerit, penitentiam decem annorum facere debet, hoc modo: inclusus, sacco indutus, & humi prostratus, misericordiam Dei jugiter implorans, tribus mensibus continuis de vespera in vesperam, pane & aqua utatur, exceptis diebus Dominicis, & precipue festivitatis, in quibus modico vino pisciculis & leguminibus recreatur. Elapsis sic & finitis tribus mensibus exeat de carcere, non tamen procedat in publicum, ne grex fidelis in

eum scandalum patiatur, per hoc appareat, quod loquitur de publico. Post hec reassumptis aliquantulum viribus anno uno & dimidio in pane & aqua peniteat, exceptis Dominicis & aliis precipuis festis: in quibus vino & sagimine, ovis & caseo reficiatur. Finito sic primo anno & dimidio particeps sit sanguinis Domini, & ad apicem & ad Psalmos cum aliis fratribus cantandos admittatur: in Choro tamen ad cornu Altaris non accedat, sed minorum Ordinum tantum officia gerat. Deinde usque ad expletionem septimi anni tres legitimas ferias, videlicet secundam, quartam, & sextam, exceptis diebus Paschalibus, qui scilicet sunt quinquaginta, in pane & aqua jejundet, tamen secundam feriam uno denario vel uno Psalterio potest redimere: sed si sic septimum annum compleverit, potest eum Episcopus ad gradum pristinum revocare, ita tamen, quod in tribus annis subsequenter omni feria sexta, nulla interveniente misericordia, in pane & aqua jejundet.

Sacerdoti etiam pro quolibet peccato, siue crimine, quod depositionem inducit, est consimilis penitentia injungenda.

Canon secundus dicit, quod Sacerdos cognoscens filiam suam spiritualem, scilicet quam baptizavit, vel confirmari fecit, vel in penitentia audivit, penitentiam duodecim annorum agere debet, & si in publicum prodierit, est deponendus. Episcopus autem, qui talia commiserit, quindecim annis peniteat: Mulier vero religioni tradenda est, rebus suis pauperibus erogatis.

Tertius, si quis contra naturam peccaverit, & est Clericus, deponi debet, vel religioni tradi, si corrigibilis appareat, ad perpetuam penitentiam peragendam. Si laicus, excommunicari, & a ceru fidelium usque ad condignam satisfactionem fieri alienus: & hoc vicium majus est, quam si matrem quis cognosceret.

Quartus, quod Sacerdos, qui inter est clandestinis nuptiis, triennio suspenditur, & si culpa hoc exegerit, gravius puniatur.

Quintus, si quis excommunicatus celebraverit, triennio penitere debet, a vino & carnibus abstinere.

Sextus, si quis votum simplex violaverit, tribus annis penitere debet.

Septimus, quod qui alium injuste accusat ad mortem, quadraginta dies in pane & aqua, per septem vero annos peniteat, si accusatus occisus sit: & si membrum perdidit, per triennium.

Octavus, quod quicumque Filiam Spiritualem, vel commatrem suam cognoscit, per septem annos peniteat, & ei consentientes similiter.

Nonus, quod si quis desponsatam alii duxerit, eam dimittat, & XL. dies per septem annos in pane & aqua peniteat.

Decimus, qui cognoscit duas commatres, vel sorores, sive vivat uxor, sive non: ad minus septem annis peniteat, licet plus deberet.

Undecimus, quod homicida voluntarius sine spe restitutionis deponitur, & septem annis peniteat.

Duodecimus, quod casualis homicida quinque annis peniteat.

Tredecimus, quod si factum fuit propter necessitatem inevitabilem, per duos annos debet penitere, licet, si esset inevitabilis, in nullo imputaretur sibi, quod verum est quoad peccatum, sed quoad cautelam, & innocentiam suam Ecclesie ostendendam, bonum est penitere: sed si quis per insaniam committat homicidium, non imputatur ei, qui vero etiam intuitu discipline incaute percutiendo occidit, deponitur.

Quartus decimus, quod matricida per decem annos peniteat secundum formam sacris aspersa traditam. Uxoricide autem imponitur major penitentia, talis enim, & qui Dominum occidit, nunquam equitet, nec vehiculo deportetur, quare dixit Hugo, quod majus peccatum est, uxoricidium, quam matricidium, cum gravius puniatur. Alii contra. Sed ideo major penitentia imponitur, quia promptiores sunt homines ad occidendas uxores quam matres.

Quintus decimus, quod perjurus quadraginta diebus in pane & aqua per septem annos peniteat, & semper debet esse in penitentia scilicet interiori.

Sextus decimus. In falsa mensura

est triginta dierum in pane & aqua penitentia imponenda.

Septimus decimus. Si quis solenniter penituit, & postea rediit ad vomitum, decem annis peniteat.

Decimus octavus. Qui devotam vel monialem cognoscit, decem annis peniteat, & ipsa similiter penitentiam agat, secundum formam traditam.

Decimus nonus. Qui cantat Missam, & non communicat, annum penitere debet, & interim a celebratione Missæ cessare.

Vicesimus. Qui mortuum Clericum involvit in palla Altaris, decem annis & quinque mensibus peniteat: Diaconus vero triennio & dimidio, sive sex mensibus.

Vigesimus primus. Qui committit sacrilegium violando Ecclesiam vel Christum, seu Calicem Sacrum pollutis manibus accipit, vel similia committit, annis septem peniteat: in duobus proximis, non intret Ecclesiam, & usque ad quartum non offerat, & tribus diebus in ebdomada a carnibus & vino abstineat jejunando, & alia consideranda sunt, sicut de hoc plenius invenitur in jure.

Vigesimus secundus. Si parentes frangunt sponsalia filiorum, triennio separantur a communione, & filii similiter, si in culpa sint. Sed si filii secundum promissionem factam contraxerint, excusantur uterque quo ad penam Ecclesie intelligas, non quoad reatum, ex quo dederunt operam in contrarium.

Vigesimus tertius. Qui duxit in matrimonium, quam polluit per adulterium, quinque annis peniteat.

Vigesimus quartus. Quod maledicus contra Deum, vel aliquem Sanctorum suorum, linguam publice relaxans in blasphemiam: debet agere penitentiam per septem ebdomadas.

Vigesimus quintus. In Sacerdote nudante illum, qui confessus est verbo vel signo.

Vigesimus sextus. Qui compulsus conditionaliter perjurat, si liber sit, quadraginta diebus per septem annos peniteat, si servus sit, tribus annis.

Vige-

Vigesimus septimus. Qui perjurat in manibus Episcopi in Ecclesia Sacrata, tribus annis: qui in non consecrata, uno anno peniteat: qui coactus & per ignorantiam, jejundet tribus quadragesimis.

Vigesimus octavus. Qui scienter falsum jurat, vel alium jurare compellit, duodecim annis peniteat.

Vigesimus nonus. Qui in dicendis horis Canonicis, & aliis Officiis Divinis, a consuetudine Metropolitane proprie Ecclesie discrepat, sex mensibus communione privetur, si ex contemptu hoc accidit.

Tricesimus. Episcopus, qui ordinat sine justa causa Clericum invitum, penitus invitum, vel absolute, anno suspenditur.

Tricesimus primus. Episcopus, qui correctionem de venditione ministeriorum dissimulat, duobus mensibus; Sacerdos quatuor: Diaconi & ceteri ad arbitrium judicis peniteant.

Tricesimus secundus. Sortilegus quadraginta diebus peniteat.

Tricesimus tertius. Qui videt in astro labio futura, duobus annis peniteat.

Tricesimus quartus. Si per negligentiam aliquid de sanguine stillaverit in terram, id est, tabulam terre adhaerentem, lingua lambatur, & tabula radatur: si non fuerit tabula, locus corrodat cavando, & Sacerdos quadraginta diebus peniteat. Si super Altare stillaverit calix, forbeat minister stillam, & tribus diebus peniteat: si super lintheum Altaris, & ad aliud stilla pervenerit, septem diebus peniteat, & lintheamina, que tetigerunt stillam tribus vicibus minister abluat calice subterposito, & aqua ablutionis sumatur, vel juxta Altare condatur, scilicet si sine abhominacione sumi non potest.

Tricesimus quintus. Si quis propter ebrietatem, vel voracitatem Eucharistiam evomerit, si laicus sit, XL. diebus, Clericus autem LXX. diebus, Episcopus nonaginta diebus peniteat: si propter infirmitatem hoc accidat, septem diebus.

Tricesimus sextus. Qui Presbyterum interfecerit, duodecim annis peniteat.

Tricesimus septimus. Qui domum

vel aream voluntarie succendit, sublata vel incensa omnia restituat, & tribus annis peniteat: Canon tamen dicit, quod si ex odio vel pro vindicta hoc fecerit, excommunicari debet, nec absolvatur, quousque satisfecerit. Penitentia autem ponitur, ut Hierosolimam, vel in Hispaniam ad Sanctum Jacobum vadat, in Dei servitio per annum moraturus. Si quis Archi-Episcopus, vel Episcopus hoc relaxarit, damnum restituat, & per annum ab officio Episcopali abstineat. Hodie postquam denunciati sunt, possunt absolvi citra Sedem Apostolicam.

Tricesimus octavus. Qui communicat ignoranter heretico, uno anno peniteat: qui scienter quinque annis, qui permittit hereticum cantare Missam ignoranter, XL. dies. Si pro reverentia ejus, per annum: si in subversione fidei, tamquam hereticus damnatur.

Tricesimus nonus. Qui ignoranter cognoscit duas sorores, vel matrem & filiam, vel amicam, vel neprem, septem annis peniteat: si scienter, perpetuo careat conjugio.

Quadragesimus. Qui cum brutis coierit, plus quam per septem annos peniteat. Idem de incestu.

Quadragesimus primus. Patronus, qui res Ecclesie dilapidat, anno peniteat.

Quadragesimus secundus. Qui lustrat domum suam magicis & incantatoribus, quinque annis peniteat.

Quadragesimus tertius. Si mus comedat Corpus Christi, Sacerdos XL. diebus peniteat. Si perdidit, XXX. dies: si incaute dimisit, quamvis nihil nephandi inde acciderit, tribus mensibus ab officio suspendatur.

Quadragesimus quartus. Qui jurat non facere pacem cum proximo suo, uno anno peniteat, & ad pacem redeat.

Quadragesimus quintus. Pro perjurio, adulterio, & homicidio dantur regulariter septem anni. Idem pro fornicatione, licet non ita aspera penitentia injungatur.

Quadragesimus sextus. Qui scienter rebaptizatur, septem annis peniteat, faciendo tres quadragesimas, & feria quarta & sexta in pane & aqua jejunando, si pro vicio heresis hoc fecerit: si autem pro immundicia, id est, pro salute cor-

poris obtinenda, tribus annis peniteat. Cum discretione autem injungatur penitentia, & prescripti Canones moderentur, cum hodie sint arbitrarii. Provisio tamen, quod circa penitencias imponendas in casibus supradictis, prout de jure fieri poterit, hujusmodi penitencie augerantur, & minuantur, pensatis singulis circumstantiis, & habito respectu ad contritionem & lachrymas confitentis. Et sciendum, quod secundum LEONEM Papam nemo desperare debet, dum adhuc est in corpore constitutus, quia nunquam, quod diffidentia etatis differtur, consilio maturiori perficitur. *De Penit. Dif. VII. c. 1.* Hoc exemplum habes in latrone, cujus etiam sera fuerit penitentia, perfecta tamen & accelerata fuit indulgentia. Tanta enim posset esse contritio, quod sufficeret ad omnem penam delendam, ita quod talis anima, nec per purgatorium transiret, sed ad patriam convolare. Verum quidem hoc periculosum, rarum, & incertum est nobis.

Item didicimus: quod quidam Ecclesiarum Rectores, ac Monasteriorum nostre Dioecesis tam seculares, quam Religiosi, honestati Clericali, ac cultui Divino minime intendentes, ludos in lutiis, tubis & clamoribus excitare presumunt, populum, plus propter lucrum & vanam gloriam ad audiendum Divina congregatum, in Missis solennibus, aut votivis provocant, quam ad laudem & honorem Dei. Cum vero in Ecclesia non alia, nisi que honestatem & devotionem introducere videantur, exerceri debent; Quare statuimus & ordinamus, quod nullus Ecclesiarum tam secularis, quam religiosus Rector, sive Plebanus, & presertim Monasteriorum & nostre Dioecesis inantea quovis modo de talibus Missis votivis, aut solennibus nunciatis, indiscretis, ac honestati Clericali contrariis, & derogantibus attentare presumat sub pena excommunicationis, & decem florenorum, Fischo Camere nostre irremissibiliter applicandorum.

Item intelleximus, quod plura Altaria, ceteraque Beneficia in nostra Dioecesi per negligentiam & incurabilitatem ministrorum succumbunt ac pereunt, & signanter per alienationem ac amissionem monumentorum eorundem, & privilegiorum. Hujusmodi igitur defecti-

bus obviare volentes, ut tenemur, Statuimus & ordinamus, quod inantea nullus Clericorum nostre Dioecesis monumenta, incorporaciones, privilegia, seu instrumenta Beneficiorum, seu Altarium suorum quovismodo apud se retineat. Sed ea ad sacras edes sub fidei custodia infra unum mensem reponat, & presentare procuret, sub excommunicationis & decem florenorum penis persolvendorum, ac irremissibiliter Fischo Camere nostre applicandorum.

Item didicimus, quod Predicatores Verbi Divini nostre Dioecesis in Ecclesia publice exorbitare non formidantes: factis secularibus ad forum seculare spectantes se intromittentes & immiscendo: propter quod statuimus, & ordinamus, quod de cetero, & inantea nullus Predicatorum Verbi Divini, emptiones, vendiciones domorum, vaccarum ac animalium, ceterarumque rerum quarumcumque denunciare presumat sub excommunicationis & decem florenorum penis, Fischo Camere nostre persolvendorum.

Sub anno Nativitatis Domini MCCXLVI. Pontificatus Sanctissimi in Christo Patris & Domini, Domini EUGENII Divina Providendia Pape quarti, Anno ejus sedecimo. Reverendo in Christo Patri & Domino, Domino CONRADO, Dei Gratia Episcopo Wratislav. Synodum a *Festo Sancti Urbani* usque ad octavam Beati Johannis Baptiste celebrante: Venerabilis Vir Dominus Henricus Roraw, Custos, Canonicus & Officialis Wratislaviensis, nec non dicti Reverendi Patris Domini CONRADI Episcopi Wratislav. *Vicarius in Spiritualibus Generalis*, dicteque Synodi Promotor, una cum Scientifico Viro *Magistro Balthasar*, Rectore Scholarum Ecclesie Wratislav. de mandato ejusdem Domini CONRADI Episcopi Wratislav. Generali, presentia statuta pro correctione & morum reformatione, nec non Cleri defectuum, aliqua comportarunt de antiquis eisdem adjungentes. Que omnia Reverendus in Christo Pater & Dominus CONRADUS Episcopus Wratislav. supradictus, una cum Clero sue Dioecesis ad Synodum congregato acceptavit, roboravit, & confirmavit, eisque suam ordinariam auctoritatem interponendo pari-

pariter & decretum. Acta sunt hec anno & Pontificatu predictis. Indictione nona, die Veneris *prima mensis Julii*, hora quasi primarum, in alba stuba Curie Episcopalis Wrat. presentibus ibidem Honorabilibus & discretis Viris Dominis Joanne de Wolavia, Plebano apud Sanctam Elisabeth. Petro Wartinberg Subcustode. Joachim Mansionario Majoris. Casparo Lehener, Mansionario crypte Collegiate Sancte Crucis. Jacobo Baringer, Predicatore Verbi Dei, Beate Marie Magdalene Wratislav. Martino Santberg, Plebano in Stynawia Ecclesiarum, & Johanne Weynrich Notario publico,

ac copiosa multitudine Cleri congregata, testibus ad premissa vocatis pariter, rogatis, Originale in hoc finali loco continebat subscriptiones trium Notariorum publicorum, qui premissa Synodo interfuerunt, ipsa statuta conscripserunt, & in formam publicam redegerunt, quorum nomina brevitatis intuitu pretermittuntur.

Impressa fuit hæc Synodus anno 1512.

Nuremberge per Hieronymum Holtzel a pag. XXIII. ad XXIV. in 4to.

Recusa in codice impresso Wratislavie anno 1585. a pag. 61. in 4to.

EUGENII Papæ IV. Concessio ad instantiam FRIDERICI III. Imperatoris facta, ut Decreta Concilii Basileensis ab ALBERTO Rege acceptata, porro in Germania observentur usque ad futuram modificationem.

Anno Christi MCCCCXLVI. Eugenii IV. Papæ XVI. Friderici III. Regis VII.

EUGENIUS, EPISCOPUS, SERVUS SERVORUM DEI, AD FUTURAM REI MEMORIAM.

AD tranquillitatem & commodum omnium Christi Fidelium, & præsertim Nationis Germanicæ, quam Apostolica Sedes singulari affectione prosequitur, diligenti studio intendentes, ea libenter concedimus, per quæ ipsius Nationis personarum quieti & commoditatibus consulatur.

§. II. Sane ad instantiam Cavissimi in Christo Filii nostri FRIDERICI III. Romanor. Regis, Illustris & Venerabilis Fratris nostri THEODORICI Archi-Episcopi Moguntin. & dilecti Filii Nobilis Viri FRIDERICI Marchionis Brandenburgensis per alias nostras litteras nonnulla circa Concilium Constantiense, ejusque Decreta, nec non futuri convocationem Concilii mentem nostram concernentia declaravimus, prout in ipsis literis plenius continetur. Super aliis autem Decretis Basileæ editis, & per claræ memoriæ quondam ALBERTUM Romanorum Regem acceptatis, ex quorum observantia Natio Germanica præfata ex pluribus gravaminibus dicitur relevari, contenti sumus, volumus, ac de-

cernimus, quod omnia & singula vigore Decretorum hujusmodi cum suis modificationibus acceptatorum, per eos, qui illa acceptarunt, vel acceptantibus in Natione præfata adhæserunt, usque in præsentem diem quomodolibet gesta vel acta sunt, cum omnibus inde secutis rata, firma, & inviolabilia persistant; nec in posterum a quoquam quavis auctoritate cassari, annullari, aut irritari, quovis modo valeant vel revocari; quodque omnes & singulos, qui usi sunt illis, ac in vim dictorum Decretorum, a die acceptationis eorundem quicquam consecuti sunt, securi sint & quieti; nec propterea impeti, turbari, aut molestari possint quomodolibet in futurum.

§. III. Super observatione vero & modificatione Decretorum eorundem, cum nonnulli Prælati Nationis præfate ex eisdem Decretis gravatos se fore conquesti sint; cumque in illis Apostolicæ Sedis, quæ multum in suis juribus ex ipsis Decretis gravata dignoscitur, recompensatio promissæ sit, decrevimus, Legatum nostrum cum

sufficiente potestate ad partes Germaniæ hujusmodi transmittere, qui mediantibus Rege, Archi-Episcopo, & Marchione præfatis, ac aliis ejusdem Nationis Principibus & Prælatibus, cum quibus fuerit opus, super observantia & modificatione Decretorum hujusmodi, nec non super provisione, Sedi prædictæ faciendis, tractare poterit, & finaliter concordare.

§. IV. Permittentes interim & indulgentes, quod omnes & singuli, qui præfata Decreta receperunt, vel recipientibus, ut præmissum est, adhæserunt in præfata Natione, illis similiter cum modificationibus, quibus recepta sunt, libere & licite uti possint, quos etiam circa singula præmissa manuteneri & defendari volumus, donec per Legatum hujusmodi, ut prædictum est, concordatum fuerit, vel per Concilium, quod ad prædictorum Regis, Prælatorum, & Principum exhortationem convocare proponimus, aliter fuerit ordinatum; non contraveniuntur, nec contravenientibus consensuri quovis modo. Speramus autem, & a certo tenemus dictos Regem, Archi-Episcopum, Marchionem, & alios Principes & Prælatos tanquam devotos ipsius Sedis, non passuros medio tem-

pore Romanam Ecclesiam remanere in suis juribus spoliata.

§. V. Hanc autem concessionem ad eos, qui declarationi, vel obedientiæ per suos Prælatos, vel Superiores Nobis factæ, aut infra sex menses faciendæ se opponerent, nullatenus extendi volumus, vel eis opitulari. Nos enim ex nunc irritum decernimus & inane, si secus super hiis a quoquam quavis auctoritate scienter, vel ignoranter contigerit attemptari. Nulli ergo omnino homini liceat hanc paginam nostræ constitutionis, permissionis, concessionis, & voluntatis infringere, vel ei ausu temerario contraire. Si quis autem hoc attemptare præsumpserit, indignationem Omnipotentis DEI, & Beatorum Petri & Pauli Apostolorum ejus se noverit incursurum.

Datum Romæ apud Sanctum Petrum, Anno Incarnationis Dominicæ, Millesimo, quadringentesimo, quadragésimo sexto, Nonis Februarii, & Pontificatus nostri anno sexto decimo.

Cl. Senckenberg refert ad annum 1447. Teutsches Reichs = Abschied Parte I. No. XLVI. pag. 174. - 177.

EUGENII IV. super diversis indultis, dispensationibus, ac concessionibus datis FRIDERICO III. Imperatori, & Principibus Germaniæ, qui recesserant a neutralitate, & obedientiam ei præstiterant. VII. Id. Febr. anno Incarnationis MCCCCXLVI.

EUGENIUS EPISCOPUS, SERVUS SERVORUM DEI, AD FUTURAM REI MEMORIAM.

INter cætera desideria cordis nostri filios quoslibet ad Nostram, & Apostolicæ Sedis obedientiam exoptantes adduci, illa, temporum qualitate pensata, aliquando concedimus, ordinamus, & statuimus, per quæ Christi fidelium tranquillitati & commodis, remotis dissensionibus & scandalis consulatur, & exinde animarum salutem valeant adipisci. Sane cum propter dissensionem inter Nos & eos, qui Basileæ sub nomine Generalis Concilii remanserant, dudum exorta, (a) nonnulli Principes tam Ecclesiastici

quam seculares Nationis Germanicæ, in quadam neutralitate, & animorum suspensione, a die decima septima mensis Martii de anno Millesimo quadringentesimo tricesimo octavo usque in præsentem diem se tenuerint, ea mente, ut asserunt, ut postmodum unanimi consensu in Nostra, & Sedis Apostolicæ obedientia & reverentia paribus gressibus incedere possent: & Carissimus in Christo Filius noster FRIDERICUS REX ROMANORUM, Illustris, ac Venerabilis Frater noster THEODERICUS Archi-Episcopus Moguntin. & Dilectus Filius Nobilis

(a) forte: exortam.

lis Vir *FRIDERICUS* Marchio Brandeburgensis, Sacri Imperii Electores; ac Venerabiles Fratres nostri *FRIDERICUS* Magdeburgensis, *FRIDERICUS* Saltzburgerensis, & *GERARDUS* Breimensis Archi-Episcopi, ac quidam alii Prælati & Principes dictæ Nationis Nobis debitam obedientiam per suos Oratores præstiterint; ac Nos solum Jesu CHRISTI Vicarium recognoverint & professi fuerint;

§. II. Nos attentis, quod dictæ neutralitatis, & suspensionis tempore plurima in ipsa natione acta, gesta & facta fuerint, quæ confirmationem, indulgentiam, & dispositionem super eis Apostolicæ auctoritatis requirunt; præfatorum Regis, Archi-Episcoporum, Marchionis, cæterorumque Prælatorum, & Principum supplicationibus inclinati, omnes & singulos, tam Metropolitanarum, quam Cathedralium, aliarumque Ecclesiarum, nec non dignitatum, etiam Abbatialium, ac post Pontificales majorum, & in Collegiatis Ecclesiis Principalium, & aliorum Beneficiorum, ac Officiorum Ecclesiasticorum quorumcunque, etiam si Ecclesiæ Curatæ, Canoniciatus & Præbendæ fuerint; electiones, postulationes, confirmationes, collationes, provisiones, & dispositiones, nec non processus, sententias, aliaque acta judiciaria, auctoritate ordinaria, hujusmodi suspensionis, & neutralitatis tempore factas seu facta, quæ omnia & singula hic haberi volumus pro sufficienter expressis, ac ea rata, & grata habentes auctoritate Apostolica, ex certa scientia confirmamus.

§. III. Volentes, ac etiam statuentes, ut nulli, qui possessione Ecclesiarum, Monasteriorum, Dignitatum, Beneficiorum, & Officiorum hujusmodi, quacunque, etiam eorum, qui Basileæ post translationem, & dissolutionem Concilii ibidem remanserunt, auctoritate, ea fuerunt affecti, super hujusmodi Ecclesiis, Dignitatibus, Beneficiis, & Officiis, ac Sententiis & Processibus (etiam si in Romana Curia vel extra eam lis, cujus statum præsentibus habemus pro expresso, indecisa pendeat, etiam si super eis, ad ea, vel contra ea fuerit alteri jus quæsitum, seu aliqui se habere prætenderent) ex nunc in antea,

in ipsa Curia vel extra eam, Apostolica vel alia quavis auctoritate impeti, aut quomodolibet ex quavis ratione, vel causa molestari possint, sed in suis possessionibus pacifice remaneant.

§. IV. Lites quoque, & causas quascunque super hujusmodi Ecclesiis, dignitatibus, beneficiis, & officiis pendentes (illis duntaxat exceptis, quæ coram ordinariis Judicibus, apud quos juxta formam dictæ suspensionis, & protestationis exinde secutæ, licuit litigare, indecisa pendente) ad Nos advocantes, auctoritate & scientia prædictis extinguimus, & super eis adversariis eorum perpetuum silentium imponimus; Possessores vero ipsos volumus in suis Ecclesiis, Monasteriis, Dignitatibus, Beneficiis, & Officiis pacifice remanere, quibus omnibus ipsas Ecclesias, Monasteria, Dignitates, Beneficia & Officia, quocumque modo vacaverint, auctoritate, & scientia præfatis tenore presentium conferimus, & providemus de eisdem: ac illis, qui *Pallium dictorum, qui Basileæ post nostram translationem sub nomine Generalis Concilii remanserunt, auctoritate, receperunt*, ut illo uti possint, præsentibus, concedimus, & indulgemus. Illis autem, qui non habent, sine difficultate dabimus, & etiam libere concedemus: illis tantum personis exceptis, quæ occasione privationum, propter nostram, aut Basiliensem adhæSIONEM factarum beneficia detinent, in quibus habeat locum provisio, & dispositio super hiis, quæ contra protestationem facta forent, per præfatum Regem, & Electores Imperii conjunctim, vel divisim promulgata.

§. V. Per hoc autem nulli contententium super titulo & juribus Ecclesiarum Frisingens. & Osiliens. volumus aliquod præjudicium afferri, aut etiam generari, sed liberum sit unicuique eorum jus suum prosequi iustitia mediante.

§. VI. Præterea omnia & singula, quæ dictis suspensione, & protestatione durantibus, in præjudicium, gravamen vel læsionem jurisdictionis, juris vel possessionis Metropolitanorum, Diocesanorum, Principatum, Dominiorum, terrarum Regis, & Electorum, ac Archi-Episcoporum prædictorum; nec non alio-

aliorum Episcoporum, Prælatorum, Collegiorum, personarum, seu rerum quarumcunque, contra fœdus protestationis, & suspensionis huiusmodi quomodocunque vergentia, Apostolica vel alia quavis auctoritate concessa, ac in iudicio, vel extra obtentata: insuper Ecclesiasticas censuras, multas, & pœnas, nec non cuiuscunque irregularitatis, & inhabilitatis maculas, tam a iure, quam ab homine propter præmissa quomodolibet promulgatas quoque seu infligendas, quoad Regem, Archi-Episcopos, & Marchionem præfatos, eorumque Dominia, Clericos, subditos, & Vassallos, & ad eos quoque, qui infra sex menses, a dato præsentium computandos, se declaraverint pro Nobis, aut eidem declarationi adhæserint; cassamus, irritamus, & annullamus, nulliusque esse decernimus roboris, vel momenti: omnem irregularitatis, & infamiae maculam, sive notam, per eos præmissorum occasione contractam penitus abolentes; at eos reabilitantes, & restituentes ad eorum Ecclesias, Beneficia, Officia, dignitates, & honores quæcunque, ac in pristinum statum, & eum, in quo erant ante præmissa, reponentes; nec non illis, qui contra ipsos impetratis, concessis, vel obtentis, seu impetrandis, concedendis, & obtinendis quomodolibet niterentur, etiam si eis aut eorum alicui jus quæsitum foret, ex certa scientia de potestatis plenitudine perpetuum silentium imponentes.

§. VII. Insuper quascunque obligationes super annatis, seu communibus, & minutis servitiis, cæterisque iuribus, Nobis & Cameræ Apostolicæ, seu Collegio Venerabilium Fratrum nostrorum Sanctæ Romanæ Ecclesiæ Cardinalium, cæterisque Officialibus debitis, seu quæ deberi dicerentur occasione quarumlibet Metropolitanarum, & Cathedralium Ecclesiarum, Monasteriorum, Dignitatum, Officiorum, & Beneficiorum quorumcunque usque in præsentem diem; remittimus, de nostra liberalitate relaxamus, pariter & donamus, eosque qui in huiusmodi debitis obligati essent, ab omni eorum solutione absolvimus, & etiam liberamus.

§. VIII. Dispensationes præterea quascunque, nisi tales forent, quas ha-

cenus Sedes Apostolica concedere non consuevit, *Indulta quoque, forum conscientie respicientia*, etiam in calibus Sedi Apostolicæ reservatis, nec non novas, pro possessoribus, sine præiudicio juris quæsitæ, ipsa suspensione durante, vel etiam antea a Nobis, aut ab eis, qui Basileæ sub nomine Concilii remanerunt, aut legatorum suorum, vel alia quavis auctoritate obtentas, impetratas, concessas seu concessa, ac omnia inde secuta a die datæ concessionis earundem eadem auctoritate confirmamus, perinde si a Nobis impetrata fuissent.

§. IX. Super sententiis autem in Romana Curia, vel in Basilea, sub nomine Generalis Concilii ante ipsam suspensionem, vel ea durante in causis, in quibus uterque litigantium extraordinario titulo nititur, latis, quæ executioni nondum sunt demandatæ: volumus, statuimus, & ordinamus, quod huiusmodi sententiæ coram iudice ordinario tractentur; & quicquid utraque pars vellet producere, pro iure suo coram eo debeat exhibere, qui quidem iudex summarie simpliciter, & de plano sola facti veritate inspecta procedens, negotium ipsum unica valeat terminare sententia, a qua nulli partium appellare liceat, aut provocare, aut restitutionem aliquam obtinere: per hoc autem nullatenus præiudicare intendimus eis, qui possessionem dignitatum, etiam Metropolitanarum, Cathedralium, & Abbatialium, seu Beneficiorum quorumcunque, ordinaria, vel alia auctoritate sub eadem Natione obtinentes, durante neutralitate, vel suspensione, prædictorum vigore processum in Romana Curia, vel in Basilea sub nomine Generalis Concilii obtentorum, aut alias violenter fuerunt spoliati; sed tam spolia, quam iura eorum denuo coram iudicibus ordinariis cognoscantur, & sine debito terminentur.

§. X. Insuper omnes, & singulas præfata Nationis, aut alterius in ea Beneficia, vel Officia obtinentes, personas Ecclesiasticas & seculares, etiam si regalis, Archi-Episcopalis, Episcopalis, vel alterius Dignitatus fuerint, qui post dissolutionem, sive translationem præfati Concilii per Nos factam, Congregationi Basilienensi sub nomine Generalis Concilii adhæserunt, obederunt, aut incorporati fue-

fuerunt, qui jam ad nostram obedientiam sunt reversi, vel infra sex menses post declarationem pro Nobis factam reddierint, seu declarationi ipsi adhaerint; ab omnibus & singulis juramentis, perjurii reatu, ac aliis censuris & poenis, si quibus tenerentur, qui incurriscent, inflicti, & in tales promulgatis, aut propterea intelligendis, auctoritate præfata absolvimus; & liberamus, ac omnem irregularitatem, inhabilitatis, & infamiae maculam sive notam exinde quando libet totam contractam, abolemus, & in pristinum statum restituimus, & reponimus perinde, ac si talia minime emanassent.

§. XI. Præterea omnes, & singulas personas Nationis præfatae sive alterius Beneficia in ea vel Officia, sicut præmissum est, obtinentes, quæ sub declaratione hujusmodi pro Nobis facta, vel facienda contineluntur, quæ post hujusmodi Concilii translationem Basileæ remanserunt, aut ipsi congregationi adhaeruerunt, faverunt, officiis in eadem præfuerunt, aut in legatione eorum missi sunt quandoque, aut eis crediderunt, ab omnibus excommunicationis, suspensionis, interdicti, aliisque censuris, & poenis in eas per processus nostros, aut alias inflicti, & promulgatis absolvimus; cum his, qui ibidem, seu a provisis ab ipsis, aut eorum auctoritate sacros ordines dicto tempore receperant, ut in susceptis ordinibus ministrare valeant, dispensantes.

§. XII. Volumus insuper, quod singuli Metropolitani nationis ejusdem actu jam Nobis obedientes, vel qui infra sex menses, ut præteritur, Nobis, & Apostolicæ Sedi debitam obedientiam præbuerint; confirmes Bullas sive literas Apostolicas habeant, super quibus petentibus quibuscunque, quoties opus fuerit, sub eorum sigillis transumpta concedere valeant, eisque in iudicio, vel extra plena fides, sicut originalibus literis per omnia præbeatur. Super Ecclesiis autem *Trevirensi & Colonienfi*, de quibus in petitionibus Regis, Archi-Episcopi Moguntinensis, & Marchionis præfatorum specialis est positus articulus, per alias nostras literas desuper editas specialiter providimus, prout in eis latius continetur.

Tomus V. Concilior. German.

§. XIII. Ut autem præmissa eo firmitus observentur, pro Nobis & Successoribus nostris Romanis Pontificibus de Venerabilium Fratrum nostrorum Sanctæ Romanæ Ecclesiæ Cardinalium consilio & assensu, pollicemur omnia, & singula supradicta inviolabiliter observare, & contra ea, vel ipsorum aliquod in toto vel in parte, nullo unquam tempore, quicquam innovare, & quod Nobis licere non patimur, eidem Successoribus indicamus; decernentes ex nunc irritum & inane, si secus super his a quocunque quavis etiam Apostolica auctoritate, scienter vel ignoranter contigerit attemptari; Quin imo, si adversus præmissa literæ aliquæ, aut mandata ad cujuscumque instantiam, vel etiam, si motu proprio, seu ex certa scientia, etiam cum derogatoriis clausulis, sub quacunque verborum forma a Nobis seu nostra auctoritate ab alio quovis emanassent, seu in futurum emanarent; tales ex nunc pro infectis volumus haberi, quodque is contra quem emanassent, aut concessæ fuissent, aut emanarent, aut in futurum concederentur, illis minime obedire teneatur.

§. XIV. Non obstantibus quibuscunque constitutionibus Apostolicis, & etiam cum decreto irritante, quocunque tenore existant, in genere vel in specie, per Nos seu Prædecessores nostros concessis, seu concedendis privilegiis vel indultis, de quibus ac totis tenoribus eorum specialis & expressa, etiam de verbo ad verbum mentio in nostris literis foret facienda; nec non quarumcunque Ecclesiarum statutis & consuetudinibus, etiam juramento, confirmatione Apostolica, vel quacunque alia firmitate roboratis, cæterisque in contrarium facientibus quibuscunque. Nulli ergo omnino hominum liceat hanc paginam nostrorum confirmationis, voluntatis, statuti, advocationis, extinctionis, impositionis, collationis, provisionis, concessionis, cassationis, irritationis, annulationis, constitutionis, abolitionis, rehabilitationis, restitutionis, repositionis, remissionis, relaxationis, donationis, absolutionis, liberationis, ordinationis, intentionis, dispensationis, pollicitationis, & indicationis infringere, vel ei ausu temerario contraire. Si quis

Q q *quæ rationibus* autem

autem hoc attemptare præsumperit, indignationem Omnipotentis Dei, & beatorum Petri & Pauli Apostolorum ejus se noverit incursum. Datum Romæ apud

Sanctum Petrum, Anno Incarnationis Dominicæ, *Millesimo, quadringentesimo, quadragesimo sexto, septimo Id. Februarii*, Pontificatus nostri anno *sexto decimo*.

Cl. Leibnitz Codex Juris Gentium Part. I. pag. 392.

Cl. Senckenburg habet eandem Bullam, sed anno 1447. cætera paria.

Teutscher Reichs Abscheid Erster Theil No. XLVI. pag. 174.



LEODIENSIS SYNODUS

Anno Christi MCCCCXLVI. Eugenii IV. Papæ XVI.
Friderici III. Reg. VII.

SUB JOANNE HEINSBERGIO, EPISC. LEODIENSI.

*JOANNIS Episcopi IIX. (a) Leodiensis Reformatio Curie
& Cleri Leodiensis.*

UNIVERSIS PRÆSENTIA STATUTA VISURIS SEU AUDITURIS,
JOANNES, DEI GRATIA, EPISCOPUS LEODIENSIS, SALUTEM
IN DOMINO SINCERAM.

QUamvis bonæ memoriæ ADULPHUS, Episcopus Leodiensis, Prædecessor noster, ad extirpandum Officiarium Curie nostræ, nec non curiarum Venerabilium Virorum Præpositi, Capituli, Archidiaconorum nostrorum Leodiensium ipsas curias sequentes abusus & excessus, quædam statuta utilia condiderit: quædam scilicet anno *millesimo tricentesimo tricesimo septimo, mensis Septembris die vicesima octava*, quædam autem eodem anno, sed mensis Octobris die septima; alia quædam anno a Nativitate ejusdem Domini *millesimo tricentesimo XLIII. mensis Julii die nona*, & illa mandaverit sub certis pœnis in eisdem adjectis inviolabiliter observari. Illa tamen usquequaque observata non sunt, unde gravamina sunt addita nostris subditis graviora; ideoque eorundem subditorum incommodis obviare volentes illa statuta, & alia Synodalia per Prædecessores nostros edita, ac per Nos noviter cum aliquibus editionibus innovata, salvis tamen infra scriptis statutis, de dicti nostri Capituli consilio & consensu innovamus, & de novo confirmamus, præcipientes autoritate nostra districtius, & in

virtute sanctæ obedientiæ, & sub pœnis in illis expressis diligentius ab omnibus observari, quædam autem consideratione venerabilium majoris, & secundariorum Ecclesiarum nostrarum Leodiensium Capitulorum, ac Cleri nostrarum civitatis & Diocesis Leodiensis de memorati nostri Capituli majoris consilio, & consensu statuentes.

Licentia testandi per Episcopum, vel Officialem confirmata maneat.

Inprimis siquidem statuimus, quod licentia testandi alicui Presbytero, seu Beneficiato per literas sub sigillo Officialis Curie Leodiensis concessa non expiret per recessum, vel decessum illius Episcopi, cujus autoritate concessa fuit, sed perpetuo sit firma & valida.

De Inventario faciendo.

Item, si contingat Sigilliferum vel Officialem foraneum apponere manus ad bona mobilia alicujus Presbyteri, vel alterius Beneficiati ab intestato, seu absque licentia testandi defuncti, conficiatur de illis bonis statim & fideliter inventarium, &

(a) Joannes Heinsbergius, Archi-Diaconus Hasbania, Filius Domini Hinsbergii & Lewenbergii, anno ætatis 23. electus unanimi voto Capituli Leodiensis anno 1419. 15. Junii. Obiit 1459. 15. Kal. Novembr. *Penlon.*

& id , quod exequiis , & debitis solutis supercreverit , cedat dispositioni nostræ , convertentes ; prout Nobis visum fuerit expedire.

De vicesimo denario dando pro placet & absentia.

Item quod de cætero pro absentia infra Festum Sancti Ægidii per petentes non recipiatur ultra quam vicesimus denarius valoris annui Beneficiorum , deductis realibus oneribus , & ut Beneficii , de quo absens petetur , vero valore notitia a Rectore petentis certior habeatur , volumus notitiam eandem juramento Rectoris & virorum fide dignorum coram illo , a quo petetur absens , vel certo Commissario in hoc Beneficio ad hoc dando , & nullatenus dari deneganda doceri posse & debere , proviso in hoc , quod docto semel Officiali vel Sigillifero Leodiensi modo præmissis , seu Archidiacono , suove Vicario , non arretetur talis docens absque legitima causa , valorem ejusdem secundario deducere vel docere , sed uterque Prælatorum prædictorum sit contentus documento , coram altero ipsorum fideliter facto , nisi fructus hujusmodi Beneficii augmententur , aut diminuantur , quodque pro *Placet* cujuscunque Beneficii curati quanticunque valoris , ultra unum scutum vetus , Beneficii vero non curati ultra quatuor grossos veteres , quales subscribuntur , de cætero non recipiantur quovismodo ; volumus tamen & mandamus pro *Placet* ipsorum Beneficiorum minus recipi secundum fructuum tenuitatem.

Nota, quod dantur duo grossi antiqui pro resignationibus & de valore grossi.

Item in absentia , & placet etiam conjunctim pro resignationibus , tam per Sigilliferum nostrum , quam Archidiaconos Ecclesiæ nostræ Leodiens. non recipiantur ammodo ultra quam duo grossi antiqui , quorum duodecim valebunt florenum Renensem , & unum dimidium stufferum bonum , quales etiam grossos solvi volumus in absentia & *regratiationibus* , & quod nihil quoad absentiam capiatur , sed recipiatur abusive.

Quod non denegetur alicui Canonico &c. residenti in civitate Leodiensi absentia, & quod sint contenti de vicesimo denario ut supra.

Item quia Decani, seu Vicedecani & Capitula secundariarum Ecclesiarum nostrarum Leodiens. hæctenus plura onera, vexationes & labores nobiscum , & cum Venerabili Capitulo nostro Leodiensi , pro libertate Ecclesiastica nostra servanda, & pro resistent. injuriarum , expreflionum , & gravaminum , quæ pro dolor Clero modo tam infra civitatem , quam extra diversimode, & pluries retro actis temporibus obvenerunt , & indies obveniunt , subire habuerunt , & habent , dum talia vel similia occurrunt , idcirco ipsis Dominicis , Decanis , seu Vicedecanis , & Capitulis secundariarum Ecclesiarum nostrarum Leodiensium prædictarum gratiose indulgendo ordinamus , & statuimus , ut in antea nullus Sigillifer noster pro tempore , aut aliquis Archidiaconorum , sive Vicarius eorundem Decanusve, sive Vicedecanus Christianitatum, seu consiliorum quorumcunque , aut alius Prælati , quicunque nostrarum civitatis & Diocesis Leodiensis alicui Canonico præbendato nostrarum Ecclesiarum secundariarum Leodiens. prædictarum , & resident. in eisdem seu aliqua ipsarum , & extra easdem Beneficium & Officium , seu Beneficia , seu Officia nostræ Diocesis , Curatum , seu non Curatum , aut curata vel non curata obtinentes licentiam abeundi , fructusque , ad Nos , nostram dispositionem , & ad Prælatos prædictos , seu aliquem ipsorum ratione absentiae hujusmodi spectantes , levantes , & habentes ac facientes , illi vel illis laudabiliter in Divinis deservire denegat : sed concedere debeat , unicuique Canonico residenti , ut præfertur , petenti & competentem taxam , juxta articulum , sive proventum prædictum de vicesimo denario singulis annis infra, & ante Festum beati Lamberti Martyris offerentes , hortantes omnes & singulos Decanos , vel Vicedecanos , & Capitula omnium & singularum Ecclesiarum nostrarum , Collegiarum extra civitatem Leodiensem , & infra Diocesim nostram consistentium : ut ipsi & eorum singulis seu favorabiliter in præmissis cum Canonicis resident. in aliqua Ecclesiarum

secundariarum nostrarum præactarum se conformet, & absen. nulli ipsorum Prælatorum & Canonicorum resident. illam petenti denegent, scituri, quod si facere recusaverint (quod absit) non gaudebunt, neque fruuntur nostris præsentibus ordinationibus seu statutis.

Fructus Beneficiorum sub fisco colore &c. non arrestentur.

Item inhibemus, ne de cætero fructus Beneficiorum, in quibus Rectores eorum personaliter resident sub fisco colore, quasi ipsi sint absentes, aliquatenus arrestentur, nec etiam eorum Rectores, qui absentes sunt cum licentia suorum Prælatorum, huiusmodi licentiam dare debent, dummodo Beneficia huiusmodi alias laudabiliter officientur prout debent, quodque si forsitan scienter, vel ignoranter secus contigerit attentari, comperta veritate summarie iudex sine aliqua difficultate arrestum tollat, & si forsitan contra talem Rectorem, vel ejus Procuratorem, aut alium habentem causam ab eo occasione huiusmodi arresti quomodolibet fuerit post contumaciam, vel alias processum ad excommunicationem, suspensionem, vel interdictum, absolutio sibi sine difficultate impendatur, & pro revocatione arresti absque absolutione huiusmodi, etiam pro eo signo sive pro sigillo nihil recipiatur, sed litteræ super huiusmodi revocatione, seu absolutione confectæ gratis per Notarios ad talia deputatos signentur, & per eos, ad quos spectet, sigillare, gratis sigillentur, & insuper, si contingat collectorem fructuum Beneficiorum absen. & Procuratorem negociorum curiæ propter injustum arrestum, vel injustam censuram huiusmodi condemnari in expensis, præcipimus illas statim solvi, vel in iudicio deponi ad opus illius, cui eadem expensæ sic adjudicatæ fuerint.

Nullus Collector fructuum admittetur, nisi juraverit hic inserta.

Item statuimus, ut nullus Collector fructuum Beneficiorum, quorum Rectores sine licentia sunt absentes, admittantur ad exercendum huiusmodi officium in iudicio vel extra, nisi prius juraverit, quod non procurabit aliquos fructus aliorum Beneficiorum, in quibus Rectores

eorum personaliter resident, sub fisco colore prædicto aliquatenus arrestari, nisi prius illo Rectore debite in propria persona, vel in loco Beneficii vocato, iudex ad arrestationem huiusmodi ex aliqua rationabili causa, quam in huiusmodi decreto exprimi volumus judicialiter decreverit procedendum, & etiam, nisi idem Collector juraverit, quod Beneficiis curatis, vel non curatis, quorum fructus colligere sibi commissum est, seu committetur, debite & laudabiliter faciat deserviri: & quod solvet jura eorum, & onera etiam realia supportabit, & quod si bona eorundem propter suum defectum diminuuntur, ipse damnum plenarie refarciet absque fraude.

De arrestatione fructuum Beneficiorum Rectore absente.

Item statuimus, quod si licentia abundi præcedit arrestationem antedictam, Collector fructuum prædictorum pro arrestatione, seu pro literis nihil percipiet, si vero licentia huiusmodi arrestationem subsequatur, tunc per hoc volumus arrestum esse sublatum, & Collector, si præsens sit, vel Subcollector duos dumtaxat grossos percipiet, alioquin si absens fuerit ad opus ejus, Sigillifero, vel Vicario Archidiaconi, qui arrestum posuit pro arrestatione, & literis nihil percipiet dummodo tantundem expoluerit, & arrestum non fuerit privative positum, in promptu solvi præcipimus, sed si propter loci distantiam plus meruerit, hoc sit in arbitrio iudicis.

Item de Synodo celebranda, & de excessibus Synodalibus, ac excommunicatione, & institutione Procuratorum Fiscalium, nec non de salario & scripturis Sententiariorum, articulatorum, copiatorum Notariorum, Procuratorum quorumcunque Fiscalium Curias nostras, & aliorum Prælatorum frequentantium, nec non de his, qui cedere volunt bonis propter paupertatem, servetur, & fiat, prout in Statutis Synodalibus Curie Leodiensis, nec non moderationibus tempore bonæ memoriæ Domini ADULPHI, quondam Episcopi Leodiensis, factis, atque prout in pace Tongrensi, & aliunde ordinatum est, & provisum; salvo, quod articulator non debeat contra

unam personam super diversis excessibus facere diversos sive plures processus, nisi iudex ex speciali causa decreverit hoc esse faciendum, & sit contentus pro responsionibus & juramento ad articulos, si in eisdem sit unicus dumtaxat excessus, salario, prout de illis provisum est, in solutis, & aliis præactis, & si fuerint plures excessus in eisdem articulis, sit contentus recipere & habere, prout iudex quantitatem scripturarum, responsionem ad eosdem decreverit recipiendum fore vel solvendum.

*Quod excommunicatus per annum arbitrio
Judicis plectetur.*

Item si citatus ex officio ad Curiam nostram Leodiens. vel alicujus Archidiaconorum responsurus super excessu quocunque fuerit propter suam contumaciam excommunicatus, statuimus: ut hujusmodi contumax de cætero ultra summam vel valorem sex grossorum Turonens., si vero Presbyter duodecim grossorum non plectetur pro sua contumacia, si vero quis ad cujuscunque iustitiam per annum, & amplius excommunicationis sententiam animo sustinuerit indurato, arbitrio iudicis plectetur, & eo mediante cuilibet tali sua absolutio gratis signetur, & pro duobus grossis, prout de illis provisum est, sigilletur, & idem volumus observari per quoscunque Iudices nostræ Diocesis etiam autoritate Apostolica fungentes.

*Quod non recipiatur ultra viginti denarios
condemnation. pro interlocutoriam
vim diffinitivæ habente.*

Item statuimus, quod pro sententia diffinitiva, seu interlocutoria negotio finem imponente signando & sigillando non recipiatur ultra viginti denarios condemnationum, vel absolutionum, pro interlocutoria autem signando, aut sigillando, quæ vim non habet diffinitivæ sententiæ, non recipiantur ultra duos grossos.

*De numero Procuratorum Fiscalium, &
quales debent esse Procuratores
fisciales.*

Item circa Procuratores negotiorum statuimus, quod de cætero non sint in Curia nostri Officialis, nisi quindecim

Procuratores negotiorum Curie ejusdem præter collectores, & quod in q. a. libet Curiarum Præpositi, & Archidiaconorum non sit nisi unus, & sint illi probi, discreti, & fideles, latinum congrue loqui scientes, qui non sunt Presbyteri, non tabelliones publici, Notariatus officium in aliqua Curiarum prædictarum exercentes, non infames homicidæ, publici adulterii, manifesti usurarii, vel laici, & collectores fructuum Beneficiorum vacantium & absentium, sed sint Presbyteri, & bonæ fidei homines.

Item statuimus, quod nullus eorum sit Sigillifer, Archidiaconus, vel Notarius illius Curie, cujus ipse est negotiorum Procurator ordinatus: sed sint in singulis Curis singula officia distincta, & sit unusquisque contentus suo officio.

De litteris absentium.

Item cum in litteris absentium ab aliquo Beneficio per Officialem nostrum, & Archidiaconos concedentes, exprimitur persona illi deservitura, cum clausula una, cum alio vel aliis Beneficiis, nolumus, quod talis deservitor pro licentia hujusmodi quidquam solvat, ex quo in hoc casu est ei licentia ad hoc concessa.

De Citatione.

Item statuimus, quod nullus de cætero citetur ad Curiam Leodiensem, seu Archidiaconorum super suis excessibus responsurus, nisi cum citatorio mittantur etiam articuli continentes excessus hujusmodi, vel saltem, nisi in ipso citatorio excessus taliter sint expressi, quod citatus possit plene instrui, super quibus ipse in iudicio convenitur.

*Nullus incarceretur, nisi convictus de crimine
vel confessus, seu in eo comprehensus.*

Item inhibemus, ne citatus aliquis autoritate ordinaria, vel nostri conservatoris Apostolici ad civitatem Leodiensem pro causa sua agenda vel deferenda, ac legitime prosequenda veniens, vel inde recedens, aut in ea domicilium fovens, & juri stare paratus de cætero capiatur, vel incarceretur, aut incarcerationis detineatur: nisi crimen in jure confessus, aut in crimine comprehensus

fuerit, seu de eo convictus, si contingat aliquem talem, vel quemcunque alium in crimine non deprehensum, non convictum detineri, illi dentur articuli celementer & expedite, quod nisi factum fuerit, volumus, & mandamus ipsum in continenti sub cautione, quam iudex decreverit, emitti, & prohibemus, ne aliquis in Diœcesi Leod. Beneficiatus, & in suo Beneficio residens pro quocunque crimine sibi imposito capiatur: vel etiam fructus sui Beneficii arceantur, nisi, ut præmittitur, convictus, aut saltem desuper prius debite citatus fuerit, ac comparere, & juri stare non curaverit: vel de ejus fuga verisimiliter timeatur, aut crimen hujusmodi executionem in personam requiret.

De Rescriptione Mandatorum.

Item, quod de cætero Executores litterarum monitoriarum, quæ impetrantur super contumacia judicato vel recognito, teneantur iudici, qui illas concessit, modum & formam, atque diem, & horam suæ executionis una cum speciali designatione personarum, in quas hujusmodi litteras, scilicet executi rescribere in fine earundem litterarum, vel per transfixam, suamque rescriptionem sigillo proprio & noto, quo uti consueverunt, communire.

De Juribus litterarum proclamatarum, & admisoriarum.

Item juri communi Prædecessorum nostrorum statutis & ordinationibus innitentes districte prohibemus, ne pro designatione Beneficiorum per admittentes, pro institutione, & admissione ad Beneficia quidquam recipiatur, etiam quocunque colore quæsitum nihilominus tamen pro scriptura signo, & sigillo trium proclamationum ante institutionem, seu admissionem fieri consuetarum sex grossi, & pro institutione, seu admissione, scriptura, signo & sigillo duodecim grossi, & pro audientia unus grossus recipi poterunt, & non ultra: per quæ tamen non intendimus tollere jus quæsitum per antiquitatem temporis Archidiaconis, & Prælati aliis, habentibus compositionem de octava parte fructuum beneficii, vel officii, tempore admissionis hujusmodi, neque infringere consuetudinem lauda-

bilem Archidiaconorum, & aliorum Prælatorum minus pro præmissis, aut aliquo præmissorum referbere consuetorum, quam præcipimus in suo statu irrefragabiliter observari.

De Visitationibus, quas Archidiaconi faciunt.

Item circa visitationes, quas Archidiaconi faciunt per se, vel suos Vicarios statuimus, quod ipsi Visitatores in his taliter se habeant, quod nihil contra Canonicas Sanctiones, sive Synodales constitutiones aliquatenus faciant, seu fieri etiam permittant, sed his dumtaxat quæ eis licita sunt, sint contenti, nihil penitus curialitatis, vel procuratoris nomine a Provisoribus mensæ Sancti Spiritus, aut fabricæ Altaristis appendiciis non separatis, seu hiabus Ecclesiarum, Capellis, aut etiam Hospitalibus recipientes, & quod, ut melius observetur, volumus, ut Visitatores Apostolica autoritate forsitan committentes ad hoc per eorum adstringi juramenta in Capitulo nostro Leodiensi præstanda, & si locus in aliquo fieri contigerit, volumus hoc Nobis, aut dicto Capitulo nostro majori fideliter, quam citius nunciari, ut quod reparandum fuerit, debite reparetur, & ulterius, quod deinceps visitationes per Procuratores nequaquam admittantur, vel fiant etiam autoritate Apostolica, nisi mandata sive literæ Apostolicæ debite obtinendæ prius per Nos Episcopum præfatum, & nostrum Venerabile Capitulum, aut saltem per ipsum nostrum Capitulum visæ examinatæ, & admittæ fuerint, sufficienter & deliberatæ.

Notarius aut Procurator non exigit aliquid pro juramento, ubi juramentum non est præstitum.

Item si contingat reum de excessu aliquo propter quem fuerit ex officio, vel ad instantiam partis tractus in causam componere ante litis contestationem, vel postquam, antequam in causa sit juratum, nullus Notarius in causa hujusmodi sive Procurator aliquod ab eodem reo suoque Procuratore exigere præsumat ratione alicujus juramenti, quod nondum in ipsa causa præstitum est, videlicet, ut non recipiat Notarius aliquid pro jura-

juramento, quod non fuit in ipsa causa præstitum, nec super articulatis adversus eum penitentiam recipere, vel componere volentem ad jurandum compellat, si tamen aliqua de articulis adversus eum penitentiam petens, vel compositionem negaverit, intensionis nostræ est, quod respondeat medio juramento calumniæ ante penitentiam injungendam, vel compositionem fiendam.

De Litteris Statutorum.

Item, quia nimis discretè quamplures litteras, quæ dicuntur statutorum, & potissime per quas mandatur cessari a Divinis percipimus a Curia nostra Leodiensi emanasse, statuímus, quod de cætero litteræ, quæ dicuntur statutorum, & potissime per quas mandatur cessari a Divinis, dictentur per aliquem, seu aliquos nostræ Curie prædictæ expertum seu expertos, præstitum seu præstitos, & signeto officialitatis per nostrum Officialem si rationabiles & jure, vel statuto bene fundatæ sint, in ipsarum capite muniantur, antequam sigillentur.

Item statuímus, quod si canonicè intranti, & pacifice possidenti biennium auctoritate Apostolica Legati vel ordinaria Beneficium Ecclesiasticum, quodcumque litem in futurum super eodem Beneficio moveri contingat, fructus ejusdem Beneficii nullatenus ex eo capite, quod Beneficium est litigiosum, vel quod occasione Beneficii lis moveatur, illi subtrahantur, vel arrestentur, sed eo casu ipse illos percipiet, cum ea integritate, qua eos perciperet, si super Beneficio hujusmodi vel ejus occasione lis mota non esset, nisi subtractionem vel arrestationem hujusmodi mediante judicis competentis judiciali decreto ex aliqua rationabili causa fieri contingat, volumus autem, quod tali possessori, cui super suo Beneficio lis est mota, non denegetur absentia, si ex legitima causa se voluerit absintare.

De Foraneis.

Item statuímus, ut nullus de cætero sit Officialis noster, seu alicujus Archidiaconorum prædictorum Officialis foraneus, nisi sit Presbyter, vel Clericus vitæ laudabilis & honestæ conversationis, qui officium hujusmodi exerceat

laudabiliter, & honeste, & in quolibet consilio non sit, nisi unus Officialis foraneus, & unus Archidiaconus foraneus consilii Bekenf. propter sui latitudinem, nec non Tong. Traject. & Sancti Trudonis propter idiomatum diversitatem dumtaxat exceptis.

De Matrimonio.

Item, quia cognovimus quosdam Clericos, seu Officiales foraneos aliquando super matrimoniis, seu sponsalibus contractis partes contra hujusmodi matrimonium, seu sponsalia opposcentes concordasse, & aliquando compositionem cum illis iniisse, & pecunias ea de causa recepiisse: ut de cætero periculis animarum obvietur, inhibemus omnibus nostris subditis, ne super oppositionibus factis contra matrimonium, seu sponsalia contractum, seu contracta concordiam aliquam faciant, seu tractent componere, seu concordari, sive tractari procurent, ne etiam aliquis hujusmodi compositionibus, concordis, tractatibus interesse præsumat: sed super hujusmodi matrimoniis sponsalibus, & oppositionibus expectetur sententia judicis competentis.

Item inhibemus, ut litem in aliqua Curiarum prædictarum habentem in civitate Leodiensi ad causam ipsam Procuratorem legitime constitutum, vel substitutum aliquis citare, seu citari facere præsumat, ad quem actum, seu ad aliquos actus dictæ causæ, nisi de speciali & expresso mandato judicis, ex aliqua rationabili causa hoc processerit.

Item etiam inhibemus, ne in aliqua causa Notarius aliquis responsiones facientes ad positiones, sive testes producentes audiat, recipiat, vel examinet extra Curiam nostram, nisi iudex causæ illi præsentis vel absentis Notario hoc expresse commiserit.

Quod nullus potest aut debet duabus Ecclesiis deservire.

Item prohibemus, quod nequaquam uno Presbytero committatur deservitura duarum Ecclesiarum Parochialium non condependentium absque evidenti necessitate, & si contingat ex tali necessitate uni Presbytero deservitura talium duarum Ecclesiarum Parochialium committi, volumus

lumen tamen, quod talis Presbyter bis celebret in die absque nostra licentia speciali, cum id jure prohibeatur: habentes autem plura Beneficia, & illis simul deservientes, propterea non vexentur, nec quidquam ab eis exigatur, vel recipiatur, dummodo oneri ipsorum possint satisfacere, & satisfaciant cum effectu.

Placet Coadjutorium (a) non expirat per mortem curati.

Item quod Curato residenti in curia sua, & obtento placet Coadjutorium (a) si medio tempore decesserit testamento per eum condito de licentia nostra, illud non expiret per mortem dicti Curati, sed durabit usque ad Festam Beati Joannis Baptiste mortem prædictam immediate subsequens.

Placet deservitorium non expirat per mortem Curati absentis.

Item similiter de Curato absente de nostra, & aliorum Prælatorum licentia, & testamento per eum de eadem licentia nostra condito placet pro deservitore suo obtentum per mortem ejusdem absentis Curati non expiret, sed durabit ut supra.

Item volumus, statuimus, & ordinamus, quod nemini petenti licentiam fructus sui Altaris competentes non habenti, ponentes, & convententes in augmentum hujusmodi sui Beneficii, vel Altaris per nostrum Officiale, & Sigilliferum, aut Archidiaconos, seu Vicarios suos prædictos denegatur, proviso quod fructus levans in augmentum convertens ipsi Altari faciat debite in Divinis deserviri, & post lapsum temporis sibi ad hoc indulti computum inde reddere teneatur, & placet deservitorium sibi in hac parte gratis concedatur.

Item si contingat deinceps aliquem Presbyterum curatum, vel alium quemcunque Beneficiatum propter executionem mandatorum Ecclesiasticorum minas aut metum sustinere, propter quas non audet in Beneficio, aut loco residere, volumus, & mandamus tali Presbytero licentiam abeundi ab hujusmodi suo Beneficio gratis concedi, metu ipso durante, & nihilominus per Judicem a quo man-

data emanarunt, sibi de expensis necessariis honestate servata, pro eodem tempore debite provideri.

Conjugatus non fit judex, Sigillifer, seu Vicarius.

Item inhibemus, ne de cætero aliquis fit judex, & Sigillifer noster, seu Vicarius, & componens in eadem curia simul & semel, quodque nullus conjugatus sit Officialis, Sigillifer noster, Vicariusque alicujus Archidiaconorum, aut judex alicujus curiarum prædictarum.

De Visitatione Decanorum.

Item inhibemus, ne Decani Christianitatum sub colore visitationis factæ, vel illius remissione recipiant de suis quartis Capellis pecunias annuas, nisi personaliter visitaverint, & cum effectu: & tunc sient contenti quarta illius, quod Archidiaconis pro integræ Ecclesiæ visitatione debetur; idem volumus observari in solutione obsonii, & Cathedralici ipsarum quartarum Capellarum dictis Decanis facienda, & nihilominus resideant ipsi Decani quilibet in suo Concilio, nisi fuerit Officialis, Sigillifer, aut Protonotarius noster, aut locum tenens alterius eorundem, salvisque privilegiis Apostolicis, vel nisi cum eis per Nos, aut nostros Superiores fuerit dispensatum.

Item statuimus, ut iidem Decani rurales in solutionibus absentium, & placet de suis quartis Capellis, ac etiam in proclamatione, & admissionibus ad easdem, & octava parte fructuum sint contenti, & illis utantur sicut Sigillifer & Archidiaconi.

De Deliberatione Sacri Chrismatis.

Item prohibemus, ne Sigillifer noster Leodiensis, aut aliquis alius pro deliberatione Sacri Chrismatis, Olei Sacri, aut olei infirmorum in civitate nostra Leodiensi Decanis Christianitatum nostræ Diocesis in hebdomada penitentiali deliberari solitorum, neque etiam ipsi Decani pro ministracione hujusmodi sacrorum a Fratribus Conciliorum facienda quidquam recipiant vel exigant, contra, vel præter tenorem statutorum Synodaliū: sed absque extorsione alicujus pecuniæ sive sub colore expensarum, aut alias

(a) Non est in impresso anni 1518. Antwerp.

alias quocunque illa expedite deliberent, cum ad hoc ex debito officiorum suorum obligentur.

Item prohibemus, ne hujusmodi Sacramenta deinceps per nostrum Sigilliferum, aut quemcunque alium, neque etiam eorum deliberatio denegetur alicui Decano propter deportationem, aut executionem quorumcunque mandatorum Ecclesiasticorum, abique decreto nostri Officialis speciali.

De Commissionibus causarum.

Item quamquam Archidiaconi, & Decani Christianitatem audire, & cognitionem causarum coram eis intentarum committere valeant, tamen, ut ipsi superiorum eorum jurisdictionem, & auctoritatem non defraudent, inhibemus, ne decisionem, & diffinitivam sententiam ipsarum committere præsumant quoquomodo, & similiter inhibemus Officiali curiæ nostræ Leodiensis, ne causas per viam appellationis ad eum devolutas aliquatenus committere præsumat: & causas alias per viam simplicis querelæ coram eo intentatas ultra semel committere præsumat decidendas.

De Juribus præsentationis ad Sacros Ordines.

Item in factis præsentationibus ad Sacros Ordines statuimus & ordinamus, quod pro præsentatione ad quemlibet Sacrum Ordinem non recipiantur. Ultra sex grossi, quales præscribuntur in quarto puncto, signo & sigillo, in univervo.

Quod semel in anno Curati rescribant suo Decano.

Item statuimus, quod de cætero rescribens suis temporibus Decano, seu Vice decano alterius Conciliorum nostræ Diocesis, prout moris est, debet semel duntaxat in anno, & non amplius rescribere nomina, & cognomina Beneficiorum Curatorum, & non Curatorum, ac officiorum infra Parochiam suam consistentes una cum annuo valore Beneficiorum ac officiorum hujusmodi juxta communem æstimationem, vel prout melius sciverit, ac nominibus, & cognominibus Rectorum eorundem resident, atque abscent, ab eisdem, & deservitorum eo-

rundem, & excommunicatorum per annum, & amplius, & talis sic rescribens non debet ex officio citari super ulteriori rescriptione facienda.

Quod Presbyter non citetur super incontinentiis, nisi mulier, cum qua peccavit (a) prius, ad Synodum vocata fuerit.

Item statuimus, & ordinamus, quod nullus Presbyter super incontinentiis citetur, nisi mulier nominata in citatorio, cum qua dicitur incontinentis peccasse, sit primo ad Sanctam Synodum provocata: volumus tamen, quod in eventum, in quem Synodus in loco domicilii ejusdem mulieris non fuerit celebrata, vel talis mulier per dolum, fraudem, five timorem Statutorum Synodaliū sit neglecta, & in Synodo non provocata, & de hoc Procurator Fiscalis inquirere voluerit, hoc licite facere poterit.

Pena contra violatores præsentium Statutorum.

Item quia parum valent statuta, nisi debitis pœnis vallentur, statuimus & ordinamus, quod omnes Officiales, Sigilliferi, Notarii, Procuratores negotiorum prædictarum curiarum, & Clerici foranei, qui sunt vel erunt, hæc statuta pro posse, & bona fide, quantum in eis erit, observent. Si quis autem Officialis, Sigillifer, aut Notarius, aut Clericus foraneus Officialis nostri, vel Archidiaconorum prædictorum, aut Procurator quicunque, scienter dicta statuta, vel eorum aliqua præsumpserint violare, volumus & ordinamus, quod talis suspendatur ab exercitio officii ad sex menses, & ultra, prout suo judici in ea parte videbitur expedire, & alias arbitrio judicis ejusdem puniatur, prout hoc meruerit protervitas delinquentis.

Pena contra non habentem præsentia statuta.

Item præcipimus omnibus Judicibus, Sigilliferis, Officialibus, Advocatis, & Procuratoribus negotiorum dictarum curiarum, Clericis foraneis Officialis nostri & Archidiaconorum, nec non Decanis Conciliorum prædictorum, aut vice gerentibus sub pœna excommunica-

[a] *Acta impress.*

nicationis, quod quilibet ipsorum infra mensem post præsentem publicationem copiam statutorum ipsorum habeat, ne super illis ignorantiam aliquam valeat allegare, & quod ipsi Decani, & eorum vice gerentes Rectoribus Ecclesiarum sui Concilii ea publicent, & ipsi Rectores eorum copiam recipiant, quantocius poterunt, & si aliquos violatores, seu transgressores eorundem statutorum, vel aliquos falsarios, vel abutores litterarum Apostolicarum, vel delegatorum iudicum, seu curiæ Officialis nostri Capituli, vel Archidiaconorum prædictorum, vel super hoc diffamatum sciverint, invenerint, vel perceperint, illorum nomina, vel excessus Officiali nostro, prout Statuta Synodalia præcipiunt, denuntient, vel rescribant; verum quoniam omnia præmissa per Nos ordinata, & statuta sunt dumtaxat propter abusus rebel-
lorum, & in melius reformando, non intendimus per ea jurisdictionibus nostris per Nos, & per nostros Officiales curiæ nostræ juratos ac Archidiaconorum Ecclesiæ nostræ Leodiensis, & aliorum Prælatorum in aliquo derogare: salvis semper ordinationibus, & statutis nostris su-

pra scriptis in suo robore permanens. In quorum omnium testimonium sigillum nostrum una cum Sigillo nostri dicti Capituli apposuimus, & Nos Capitulum Leodientem prædictum in signum consilii, & consensus nostri super, & in præmissis datorum, & ut statuta, & alia præmissa robor obtineant perpetuæ firmitatis Sigillum nostrum una cum sigillo dicti Reverendi Patris Domini nostri Episcopi Leodientis prædicti his litteris, seu statutis duximus apponendum. Datum anno a Nativitate Domini Millesimo quadringentesimo quadragésimo sexto, mensis Junii die quarta.

Nota: Prædictæ Reformationes confirmatæ sunt per Sanct. D. N. NICOLAUM Papam V. anno Incarnationis Dominicæ Millesimo quadringentesimo quinquagesimo primo, XIV. Kal. Novembris, Pontificatus sui anno V.


Impressa est hæc Synodus Parisiis in Chalcographia Jodoci Badii: Antverpiæ expensis Joannis Forsterman anno 1518.

Joannes Hinsbergius ex Provinciali Synodo Colonienſi A. 1424. reversus, Statuta Provincialia vulgavit, Clero Leodiensi consentiente. *Siffrius Petri in vita. Chapeville Tom. III.*

Idem Joannes Hinsbergius Synodum anno 1287. a Joanne Flandro Episcopo Leodiensi celebratam, constantem Cap. XIX. & eo anno a nobis editam Tomo III. ex Martene, sed constantem Capitulis XXIV, qualem Martenus vulgavit, de novo publicavit A. 1445. *Litera Petri impressum Leodii.*

Idem Hinsbergius anno 1424. edidit Ordinationes Curie suæ Episcopalis, moderatas præ iis, quas Adolphus de Marka Antecessor in Episcopatu annis 1337, 1339, 1343. eviderat.

Lunig. Continuatio III. Spicilegii Ecclesiastici.



SYNODUS HERBIPOLENSIS

SUB GOTFRIDO (a) EPISCOPO,

Anno Christi MCCCCXLVI. Eugenii IV. Pp. XVI.
Friderici III. Reg. VII.

In qua renovantur Statuta Provincialia Moguntinorum Archi-Episcoporum, præsertim PETRI de anno 1310. & multorum Herbipolensium Episcoporum Statuta inferuntur:

Putæ JOANNIS, MANGOLDI, WOLFRAMI, GOTFRIDI, & ANDRÆ
Episcoporum Herbipolensium.

GOTFRIDUS Dei & Apostolicæ Sedis Gratia, Episcopus Herbipolensis, universis & singulis Abbatibus, Prioribus, Præpositis, Decanis, Scholasticis, Can-

Cantōribus, Archidiaconis, Custodibus, tam Cathedralis, quam Collegiatarum Canonicis, Parochialium Ecclesiarum, Capellarum, & Sacrorum Locorum Rectoribus, nec non Presbyteris, & Clericis aliis quibuscunque per, & infra civitatem & Diocesim nostras Herbipolenses ubilibet constitutis, salutem, & pœnitentium repetitæ lectionis notitiam, & observantiam inconvulsam. Dudum felici memorie JOHANNES (b) Prædecessor noster providenter attendens, & provide cupiens reformatorem reformationi prospicere, utilitati communi prodesse, ac subditorum suorum commoditatibus utiliter consulere, plurimas constitutiones Synodales edidit, in quibus multa utilia, & salubria statuit quasdam juris communis, atque metropoliticas Constitutiones interserendo noxia sperans per eadem de finibus suæ Diocesis evellere, sed hominum prohi dolor! succrescente malitia eadem constitutiones, quas moribus hominum voluit approbare, in dissuetudinem & abusum penitus abierunt, ut nemo sit, qui secundum earundem continentiam mores suos componere, aut semitas studeat corrigere, ac si nullius penitus roboris forent sive momenti; Nos vero, qui sicut præfato Prædecessori nostro licet immeriti in Episcopali Officio Domino permittente successimus, sic & in effectus plenitudine in his, quæ Republicam, ac subditorum nostrorum utilitatem concernunt, successisse debemus. Quare ipsius utilia, sancta, & iusta Statuta in sequenti libello sub debitis titulis fecimus collocari, eaque corroboravimus, ratificavimus, & approbavimus per pœnitentes. Mandantes vobis omnibus, & cuilibet vestrum in virtute sanctæ obedientiæ, nec non sub pœnis in eisdem Statutis contentis, ut vos de cætero juxta earundem continentiam regatis, & quilibet vestrum se regat, quæ eas in præsentem continentur libello constitutiones, & nullas alias constitutionibus Synodalibus a quibuscunque Prædecessoribus nostris promulgatis de cætero habitori.

De Summa Trinitate, & Fide Catholica. Ex Concilio Domini PETRI.

Archi-Episcopi Moguntinensis.

(anno 1310.)

Capitulum primum in hac Synodo promulgatum.

DE SUMMA TRINITATE & FIDE Catholica nihil aliud est credendum, tenendum, vel docendum, nisi quod Sacrosancta credit, tenet, & docet Romana Ecclesia Mater nostra, ita tamen, quod omnes Prælati articulos fidei principales fideliter suos subditos doceant, laicos simpliciter credere sicut Ecclesia, Clericos vero explicite & distincte.

Ex Concilio Aschaffenburgensi.

Statuimus, ut si quis Clericus vel laicus utriusque sexus, cujuscunque dignitatis, religionis, aut status existat, ausus sit presumptione damnable publice predicare, vel occulte docere, credere, vel tenere, quod Sacerdos in mortali existens peccato non possit configere Corpus Christi, seu sic ligatus non possit ligare vel absolvere suos subditos a peccatis pro heretico seu incredulo habeatur, quem errorem hujus Sacri Concilii approbatione damnamus, anathematizamus, & penitus reprohamus. Cum Sacra Scriptura dicat auctoritas, quod sive bonus sive malus sit Minister, per utrumque Deus effectum gratie confert. Non enim, quæ Sancta sunt, inquinari possunt, nec ipsa Sacramenta possunt hominum malicia prophanari. Unde Sacerdos quantumcunque pollutus existat, Divina non potest polluere Sacramenta, quæ purgatoria cunctarum cogitationum existunt, licite ergo a quocumque Sacerdote ab Ecclesia tolerata Divina ministeria audiantur, & alia recipiantur Ecclesiastica Sacramenta.

De Constitutionibus. JOHANNES
Episcopus.

Constitutiones Synodales tam a Nobis, quam Prædecessoribus nostris promul-

(a) Gotfridus ex Decano Cathedralis Bambergensis, & Canonico Herbipolensi eligitur Episcopus Herbipolensis A. 1443. erat natus Comes Pincerna de Limburg. Severus Justitiæ cultor, recuperavit titulum Ducis Franconia, quem Albertus Brandeburgicus ob possessionem quorundam oppidorum usurpaverat. Obiit anno 1455.

(b) Joannes ab Egloffstein, Prædecessor in Episcopatu Herbipolensi, anno 1409. Synodum celebravit, relata pag. 31. hoc Tomo IV.

mulgatas, ab omnibus sciri, & irrefragabiliter precipimus secundum mentem observari. Decernentes & volentes, ut post publicationem presentem ignorans ignorabitur, & negligens negligatur. Sub excommunicationis pena statuimus & ordinamus, ut deinceps in singulis Capitulis ruralibus nostre Diocesis presidentes dictis Capitulis per se, aut alium, aut alios ydoneum, seu ydoneos constitutiones publicent debite, ac cum integritate infrascriptas.

Idem. Ut autem Statuta Predecessorum nostrorum cum additionibus & moderationibus nostris diligentius observentur, & observari, ac memorie commendari valeant, districte precipimus & decernimus statuendo. Quatinus ipsa, que volumus utentium moribus approbari, a quibuslibet Prelatis & Decanis ruralibus recipiantur in scriptis in hac nostra Synodo constitutis, Decani vero rurales singulis Ecclesiarum Rectoribus & Vicariis eorum copiam faciant infra mensem, que in libris Ecclesiarum redigi ordinent, & inscribi, in quibus Statuta ipsa lecta & sepius repetita singulorum memorie inculcentur.

De Rescriptis. Ex Concilio Moguntinensi.

Cum secundum legitimas Sanctiones Preses Provincie delegatos Principis ad ipsius Presidis Provinciam declinantes non debeat ex officii debito sincere amplius facere, quam eorum legatio se extendat, Sacro approbante Concilio constituimus, ut nullus Plebanus, vel Vicarius, vel quicumque Clericus alter, vel Prelatus citationem vel processum alium a iudice delegato Sedis Apostolice, vel Subdelegato sibi directe decitando quemcunque, vel trahendo ultra unam dietam vulgarem notorie computandum a fine Diocesis partis ree aliquatenus exequatur.

JOHANNES Episcopus.

Cum nemo credendus sit delegatus, nisi commissionem & potestatem ipsius ostendat juxta Canonica instituta sub excommunicationis pena precipiendo statuimus & ordinamus, ut nullus deinceps per nostram civitatem & Dioecesim cujuscunque se iudicem delegatum sive

subdelegatum asserentem literas processus, seu mandata quomodolibet exequatur, seu recipiat, nisi sibi per verorum non fallorum, non corruptorum, non cancellatorum, aut suspectorum rescriptorum originalium commissionis sive potestatis eorundem, aut saltem per nostrorum Successorum, aut Vicariorum nostrorum in Spiritualibus literarum visionis, vidimus communiter nuncupatarum ostensionem fides fiat oculata.

De consuetudine. PETRUS Archiepiscopus.

Consuetudines, que gravamen Ecclesiis inducere dinoscuntur, invalidas publicamus, locorum Archiepiscopis, ut in omnem eventum eis resistant, firmiter injungentes.

Ex Synodo Domini WOLFRAMI, Episcopi Heripolensis.

Nonnulli Sacerdotes simplices Sacramentum Confirmationis in mortis articulo presumunt fidelibus exhibere, quod ab Apostolorum tempore fuit solum Pontificibus reservatum ad excusandas excusationes in peccatis solam consuetudinem pretendentes. Unde omnibus Presbyteris districtius inhihibetur, ne talia de cetero sua temeritate attemptent, presertim cum umbra quedam ostendatur in opere, veritas autem non subeat in effectu.

Item ex eadem Synodo.

Detestanda etiam consuetudo in locis plurimis nostre civitatis & Diocesis inolevit, quod uno conjugum ante in-tronizationem mortuo, alter superstes cum mortuo juxta feretrum, in quo positus est, a nonnullis Sacerdotibus, ac si ambo venirent, intronizantur, cum igitur juxta Apostolum mortuo viro mulier sit a lege viri soluta, talia fieri de cetero prohibemus.

JOHANNES Episcopus.

Execrabilis & detestandus abusus nostrum graviter turbavit auditum, quem in nonnullis Ecclesiis & Monasteriis nostre civitatis & Diocesis comperimus usque ad hec tempora prochi dolor! perdurasse. Qualiter festa Sanctorum Johannis Evangeliste, Stephani Pro-

Protho-Martyris, & Innocentium cum certis diebus sequentibus, que non immerito summa forent devotione celebranda, quasi in ludibrium sint conversa. In ipsis namque festis & diebus in ipsis Ecclesiis & Monasteriis Divinus cultus & ordo in cantu, in pulsu, & habitu, disciplina, & moribus per ea, que tam juri, quam rationi sunt contraria, religioni dissona, choro inconvenientia, honestati personarum incongruentia turpiter immuetur: Consuetudinem ergo ipsam, quam corruptelam potius & abusum reputamus hac Sacra Sinodali Constitutione reprobamus, vobis in virtute sancte obediencie districtius inhibentes, ut ab hujusmodi abusu de cetero desistatis & cesseris, dictisque festis & diebus in cantu, moribus, habitu, disciplina atque gestu cum Ecclesia nostra majori vos conformetis.

*De Renuntiatione. PETRUS Archi-
Episcopus Maguntinensis.*

Nullus Ecclesiam vel Beneficium Ecclesiasticum dimittere, vel recipere presumat sine Superioris sui auctoritate, quod sub pena suspensionis omnibus firmiter prohibemus.

*De etate, & qualitate, & ordine prescipientium. PET. Archi-Episc.
Magunt.*

Jus commune pene adjectione juvamus, districtissime inhibentes, ne aliquis Prelatus, seu ejus vices gerens, cuius interest investire aliquem minorem, videlicet qui non attigerit XXV. annum, ad Parrochiale Ecclesiam investire presumat. Alioquin factum ipsum sit irritum, & Prelatum, seu ejus Vicarium hujusmodi inhibitionis temerarium transgressorem ex facto hujusmodi ab ejus officio decernimus suspendendum per unum annum proxime subsequentem, alias etiam ad arbitrium nostrum puniendum.

JOHANNES Episcopus.

Cum ut in aliquo non obstante Canonico valeat quis libere in XVIII. ad Subdiaconatus, & in XX. ad Diaconatus, & in XXV. etatis sue anno ad Presbyteratus ordines promoveri, ut statuit Concilium Viennense, districtius inhibemus, ne

quis ad aliquem ordinem predictorum in etate ipsa, quam, ut premittitur, requirit ordo non constitutus presumat ascendere. Alioquin presumptorem ejusmodi usque ad etatem ab executione suspendimus ordinis antedicti.

*De Scrutinio in ordine faciendo. PETR.
Archi-Ep.*

Statuimus ad terrorem malefactorum, ut nostri in Pontificalibus Vicarii, quando volunt & debent suis temporibus ordines celebrare, committant expresse Examinatoribus Clericorum ordinandorum sub anathematis interminatione, ut inter cetera perquirenda fidei diligentia perquirant sub obtentu honoris percipiendi a singulis ordinandis, ut patres, avi, & progenitores eorum usque ad quartam lineam ascendentem captivaverint, captivatum detinuerint, occiderint, & mutilaverint temere Clericum aliquem in sacris Ordinibus constitutum, & pro Clerico gerentem. Cum autem, quem in aliquo premissorum culpabilem per aliquem progenitorum suorum usque ad lineam memoratam invenerint, si factum hujusmodi sit notorium non admitantur.

Prelati quoque, vel eorum vices gerentes, quorum interest investire, vel instituere presentatos, ante investituram, vel institutionem cum summa diligentia de his querant, & quos tales invenerint, nullo modo instituunt, vel investiant ad aliquod Beneficium, vel officium Ecclesiasticum juxta formam statutorum a Predecessoribus nostris desuper editorum. Examinatores insuper, & Prelati, ac eorum vices gerentes, qui secus in premisis agere presumpserint in futurum, suspensionis sententia percellantur.

De temporibus ordinationis, & qualitate ordinandorum.

Statuimus, quod nullus ad examinationem, sive ordinationem aliquam admittatur, nisi recenter sit confessus omnia delicta sua ydoneo Sacerdoti. Ut quia pauci sunt, qui sua delicta, vel sequelas intelligant delictorum per discretum Sacerdotem de hoc valeat instrui ordinandus, an sibi expediat ordinari, vel ob irregularitatis alicujus obtentum ei sit potius abstinendum. Item nullus pro-

movendus admittatur ad ordinem, ad titulum Vicarie, nisi sit perpetua Vicaria, a qua possit ad Pastoris, sive Ordinantis placitum amoveri.

JOHANNES Episcopus.

Quoniam nullus nisi Episcopus, ac ejus in Spiritualibus Episcopo in remotis agente Generalis Vicarius, vel sede vacante Capitulum, seu is, ad quem tunc temporis administratio Spiritualium noscitur pertinere suo subdito, ut in Diocesi ad Clericorum Ordines ascendere valeat aliena, licentiam poterit impertiri, nisi sibi, quod suos Clericos, aut subditos possit, a quo voluerit Episcopo facere ordinari, a Sede Apostolica specialiter sit indultum: secundum Canonicas Sanctiones, ac in perpetuum valitura constitutione sanximus, ut Examinatores ordinandorum nullum quemcunque ordinandum Diocesis aliene religiosum, aut secularem recipiant & admittant, sive Diocesanorum ipsorum literis dimissoriis, aut alias sui Superioris supradicti, decujus indulto Apostolico prefatis examinatorebus fides fieri debet ante omnia oculata.

De Filiis Presbyterorum.

Nullus illegitime natus ad aliquem sacrum Ordinem, vel Beneficium curam habens animarum sine dispensatione Sedis Apostolice admittatur in aliqua Ecclesia seculari, & tales, qui hactenus sunt admissi, si de eis constiterit per eorum Archidiaconos repellantur. Alioquin scienter contrarium facientes per unum mensem ab ingressu Ecclesie noverrint se suspensos.

De cunctis peregrinis. Ex Conc. Fritzlariensi. Domini SIFRIDI

Episcopi.

Peregrini & ignoti Clerici nullo modo recipiantur ad ordines vel officium, nisi literis Episcoporum suorum commendaticiis, & dimissoriis sint muniti.

De eodem. Statutum JOHAN.

Episcopi.

Cum plerumque infames consueverunt loca sue relinquere nationis, statuimus, ne Clerici, peregrini, & ignoti per nostram Diocesim de cetero ad officium tanquam Vicarii, vel socii in Ec-

clesiis, vel Capellis aliquatenus admittantur, nisi nostras exhibeant literas, quibus ei officiandi Ecclesias in nostra Diocesi licentiam concedamus. Precipimus & ex nunc omnes Clericos peregrinos, & ignotos literas nostras non habentes super admissione sua a Vicariis Ecclesiarum seu Capellarum, & a societate domestica penitus removeri. Qui autem in utroque, vel altero hujusmodi mandati nostri articulo transgressor extiterit, ab ingressu Ecclesie, & Divinis per Nos se noverit suspendendum, ac graviore pena, si ejus culpa exigerit, puniendum.

De Officio Archidiaconi. ANDREAS

Episcopus Herbipolensis.

Precipitur, quod nullus Archidiaconorum extra civitatem Herbipolensem sine licentia nostra aliquem habeat Officiale, seu causas aliquas nisi valde viles & modicas decidentem. Et quia ubi periculum vertitur cautius est agendum, sub pena excommunicationis specialiter inhibemus, quod nulla causa matrimonialis, in qua consilium peritorum magis, quam in aliis necessarium habeatur extra dictam civitatem, aliquo modo decidatur. Alioquin etiam taliter indignantibus suspensos manere volumus, donec de transgressione hujusmodi Nobis emendam fecerint competentem.

JOHANNES Episcopus.

Quoniam nullus omnino Archidiaconus, Archi-Presbyter, sive Prepositus, vel Decanus animarum curam sine judicio, vel consensu Episcopi Diocesani alicui tribuendi habet facultatem, immo a Sanctis Patribus est statutum animarum cura in foliis Episcopi consistit potestate, nec obtentu alicujus consuetudinis debent institutiones utputa, que ad ipsorum non spectant officium, vendicare, neminique liceat sine mandato, vel licentia Episcopi curam perficere animarum. Universis & singulis Archidiaconis nostre Ecclesie, eorumque officii presentibus, & futuris districtius inhibemus, ne alicui sine nostra licentia curam committere presumant antedictam. Alioquin ipsorum quemlibet excommunicationis sententie eo ipso volumus subiacere.

Idem.

Idem.

Stricte precipimus, & mandamus omnibus & singulis Prepositis, Archidiaconis, & aliis Prelatis per civitatem, & Dioecesim nostras ubilibet institutis jurisdictionem Ecclesiasticam habentibus, ut Officiales ad jurisdictionem ipsam preficere studeant, qui sint viri bone fide in jure periti, & experti notitiam causarum habentes, si tales habere valeant. Alioquin viros expertos, & conscientiosos ac Deum timentes, qui ad timore de consilio jurisperitorum sententias tam interlocutorias, quam definitivas ferant. Et ordinate absque illicita extorsione pecuniarum in singulis procedant, neque de causis ad forum Ecclesiasticum de jure, vel consuetudine non spectantibus se aliquatenus intromittant. Si qui autem Prelati ydeoras exactiores notorios, concubinariorum infames, aut uxoratos, seu laicos, aut alios inhabiles ad hujusmodi officium Officialatus in dictis officiis sustinuerint, quod Officiales idem ab omni exercitio jurisdictionis sint eo ipso suspensi. Si autem tales, ut premititur, Officiales a principio forsitan ignoranter assumpserint, postquam eos sciverint esse tales, sub pena predicta dimittere tenebuntur, sententie vero per Officiales uxoratos, seu laicos in causis Ecclesiasticis late sint ipso jure nulle. Insuper eidem Archidiaconis strictissime inhibemus, ut officium visitationis per se, vel suos Officiales exercentes, Parochias sive personas visitatas indebitis, seu onerosis procuracionibus, sive exactacionibus gravare aliquatenus non presumant, nec numerum electionum, sive personarum a sacris Canonibus institutum excedant, neque sumptuosos, sive superfluos expensas querant, sed cum gratiarum actione accipiant, quod honeste, & comperenter illis fuerit ministratum, ac in cunctis agendis taliter procedant, ut non que sua sunt, sed que JESU CHRISTI, querere videantur.

*De Officio Vicarii. Ex Concilio Fritzlar-
rensi Domini SIFRIDI Archiepiscopi.*

Statuitur, ut Rectores Ecclesiarum sufficientem assignant portionem ipsi Vicariis de bonis Ecclesiarum Parrochialium suarum, ut de eis congruam sustentationem habere, & jura Episcopalia, &

Archidiaconalia persolvere, ac alia onera incumbencia valeant supportare. Alioquin dictum Concilium decrevit dictos Rectores huic statuto non parentes dictis Ecclesiis spoliandos. Idem statutum etiam decrevit providere contra maliciam ipsorum Rectorum, statuens, quod ipsi Vicarii mutari non debent passim singulis annis ad voluntatem ipsorum Rectorum, qui hoc propter turpem questum facere satagunt. Sed tunc demum cum ipsi Rectores actu Sacerdotes existentes in ipsis Ecclesiis per se deservire volunt, vel alias ipsi Vicarii ex causis legitimis ab ipsis Ecclesiis merito sunt removendi.

*Ex Statuto Sinodali Dom. WANGOLDI
Episc. Herbipolensis.*

Prohibetur etiam, quod nullus habeat plures Vicarios, quia cum Vicarii teneantur personaliter Ecclesiis deservire, alienum est ab ordine juris, ut Vicariam quis habeat preter unam. Nec etiam Vicarius Vicariam presumat substituere quoquomodo, nam taliter substitutus non Pastor, sed Mercenarius, cujus non sunt oves proprie, potius est censendus, qui videns lupum fugit, & dimittit oves, quas lupus rapit misereabiliter, & dispergit. Sane cum majoribus honoribus sanctos inferiores recipere non sit decens, prohibetur, quod nullus Pastor, cujuscunque Ecclesie existens se de regimine Vicarie aliquantulum intromittat, nisi de nostra licentia hoc fiat, & causa rationabilis id exposcat.

JOHANNES Episcopus Herbipolensis.

Cum sit reprehensioni dignum, ut quis oves proprias alteri earum curam committendo deserat, & alienas regere presertim causa avaritie presumat, idcirco districte inhibemus, ne quis Parrochiam Ecclesiam obtinens alienam, tamquam mercenarius aliquantulum attemptet, nisi super hoc petita, & obtenta nostra, aut Vicarii nostri in Spiritualibus licentia speciali, & nihilominus in literis per Nos, aut ipsum nostrum Vicarium desuper concedendis causa rationabilis, & manifesta contineatur, quare suam Parrochiam per se commode regere non valeat. Contrarium facientes a suis officiis decernimus suspendendos.

De

*De Officio delegati. Ex Conc. Aſchaf-
fenb.*

Quia plerumque contingit, quod iudices delegati, seu ſubdelegati, ad quos ſimplices commiſſiones ſub forma communi diriguntur contra ultra quam patiantur ſines reſcripti extendentes invocant etiam brachium auxilii ſecularis. Nos igitur volentes huiusmodi iniquis proceſſibus obviare, preſenti declaramus edicto, quod Sacerdotes, & Clerici noſtre civitatis, & Dioceſis ad obſervationem, ſeu publicationem huiusmodi proceſſuum minime teneantur.

*De Officio Ordinarii. Ex Synodo Dom.
GOTFRIDI Epiſc.
Herbip.*

Licet Archi-Epiſcopus in ſubditos Suffraganeorum ſuorum exceptis quibusdam caſibus in jure expreſſis nullam prorsus habeat poteſtatem, nonnulli tamen veſtrum per ſimplicitatem, & juris ignorantiam conſuetudinem oneroſam in noſtre jurisdiſtionis & honoris non modicam derogationem, & omnium veſtrum grave prejudicium inducere, minus provide preſumentes ipſius Domini Archi-Epiſcopi, & Judicum ſuorum delegationem paſſim ſuſcipiunt, precepta exequentur, & in cauſis per appellationem ad eos devolutis teſtimonium ferunt contra Predeceſſorum noſtrorum Statuta ſuper eo in Sinodis, quas celebraverunt, promulgata. Ne igitur ex huiusmodi conſuetudine ſubrepticia quicquam de jurisdiſtione noſtra in poſterum ſibi contra Statuta Canonum quicquam vendicat vel uſurpet, Predeceſſorum noſtrorum in hac parte veſtigii inherere volentes, vobis univerſis & ſingulariter ſingulis mandamus in virtute ſancte obedientie, & ſub pena excommunicationis late ſententie, quatenus deinceps nullus veſtrum Domini Archi-Epiſcopi Maguntinenſis, ſeu Judicum ſuorum prediſtorum mandata ſeu precepta aliqualiter exequatur, ſeu mandatis & preceptis eorum obediat, vel intendat exceptis dumtaxat caſibus infraſcriptis.

De Caſibus.

Caſus ſive articuli, in quibus Archi-Epiſcopus habet jurisdiſtione in ſubditos Suffraganeorum ſuorum ſunt hi: pri-

mo cum deviat in Divinis Officiis a conſuetudine Metropolitanæ Eccleſiæ, niſi contraria conſuetudo, & rationabilis obviet ex adverſo. Item ſi delinquit in ejus Dioceſi. Item ſi habet domicilium in Dioceſi ſua. Item ſi cauſa deferatur ad eum per appellationem. Item cum abſolutus ab Archi-Epiſcopo non vult parere Epiſcopo, videlicet poſtquam ſubditus de injuſta excommunicatione de Epiſcopo ſuo conquerens fuit ab Archi-Epiſcopo Canonice abſolutus Epiſcopo ſuper eo, de quo fuit excommunicatus, ſatisfacere contempſerit, extunc Archi-Epiſcopus poteſt ipſum ſubditum Epiſcopi in priſtinas excommunicationis ſententias reintrodere. Item ſi cauſa criminalis eſt inter Epiſcopum, & Clericum ſuum, tunc cauſa illa debet deduci in Sinodum, in qua preeſt Archi-Epiſcopus. Item ſi Clericus habet civilem cauſam contra Epiſcopum ſuum. Item quando Canonici abſque maniſeſta, & rationabili cauſa ceſſaverunt a Divinis maxime in contemptum Epiſcopi, tunc Metropolitanus ad querelam ipſius tamquam a Sede Apoſtolica ſuper hoc delegatus cognita veritate ipſos poterit caſtigare. Item quando Epiſcopus eſt negligens in eo, quod ipſe facere debet, hoc eſt videlicet, quando Metropolitanus conſtituet yconomos, quos Epiſcopus neglexerit habere in ſua Eccleſia. Yconomus autem dicitur, cui res Eccleſiæ gubernande mandantur. Item ſi aliquis conqueratur Superiори de injuſta ſententia excommunicationis, & appellatur poſt excommunicationem preſtitam cautione de ſtando mandatis Eccleſiæ eſt in optione Superioris, an velit abſolvere eum, an remittere eum ad abſolvendum ad eum, a quo appellavit, premiſſa tamen cognitione, quod ex juſta cauſa ſit appellatum, & ex vera. Alioquin non transferetur jurisdiſtione ad Archi-Epiſcopum, nec ipſum abſolvere poſſet. Si vero non appellavit, ſed per ſimplicem querelam ipſum adivit, debet eum remittere ad inferiorem, ut ipſum abſolvat, & ſi inferior ipſum abſolvere nolit, Archi-Epiſcopus eum abſolvat, tamen ſi periculum eſſet in mora propter huiusmodi remiſſionem, ſtatim eum abſolvat. Si autem quis proponat poſt appellationem legitime interpoſitam, ſe excommunicatione fuiſſe innodatum, vel in forma

ex-

excommunicationis intolerabilem errorem fuisse patenter expressum in causis istis primo admittitur probatio, ut appareat, an absolvi debeat, an denunciari non ligatus? Si autem in istis casibus absolutio impendi petitur ad cautelam, necesse habeat appellans probare primitus appellatum infra decendium, quamvis adhuc de veritate causæ non constet. Item, qui conqueruntur coram Superiore executoris se irrationabiliter excommunicationi, vel interdicto suppositos, & offerunt se ad iusticiam de hiis, pro quibus sententiam ipsam acceperunt; Superior periculo imminente, ne in excommunicatione decedat, poterit absolvere non obstante appellatione illius, qui ipsum excommunicavit. Item, si Sede Episcopali vacante, Capitulum in Spiritualibus negligenter & perperam administrat, Archi-Episcopus ob negligentiam & violentiam Capituli, eo vocato, tunc super hoc cognitione premissa visitatorem, seu administratorem eidem Ecclesie licite poterit deputare. Item, cum evidens est Episcopi esse sententiam injustam vel indisceram. Item cum visitat Provinciam, potest literas remissionis peccaminum concedere. Item cum visitat, potest subditorum Suffraganeorum confessiones audire, absolvere, ac penitentias injungere. Item, cum ad eum deferitur questio per consultationem. Item in hiis, que tanguit totam Provinciam communiter. Item quoad congregationem Sacri Concilii Provincialis, & que ibi aguntur, & statuuntur. Item in injuriis notoriis sibi, vel familie sue, vel suis nunciis, cum visitationis exercent officium, irrogatis. Item ratione privilegii sibi a Papa concessi. Item, si inter Episcopum & Capitulum suum fiat contractus aliquis super rebus immobilibus tunc, ne Episcopus potest esse autorisator in re propria. Item, quando Episcopus recusatur tamquam suspectus, vel alia de causa mittit ei partes, & refert totam causam. Item ratione consuetudinis, dummodo rationabiles sint & prescripte.

De Majoritate & Obedientia. Ex Statuto Sinodali Dom. WOLFRAMI, Episc. Herbip.

Nulli Capellani Nobilium in Capellis castrorum Dominorum suorum celebrant.

Tomus V. Concilior. German.

brari debent, nisi antea Episcopo, vel loci Archi-Diacono obedientiam faciant manualet, & ad Synodos, & Capitula venire debent recepturi mandata Ecclesiastica, & denunciaturi suis Dominis, & eorum castrensibus, cum Plebani aliquando hoc facere propter eorum tyrannidem non sunt ausi. Qui autem ante obedientiam hujusmodi factam Capellas officiaverint, suspensi & excommunicati per Ecclesiarum Plebanos tamdiu nuncientur, donec satisfaciant & obediant, ut dictum est.

Precipitur etiam sub pena suspensionis jam late sententie, ut si quando predam five spoliū spiritualium personarum, seu etiam Ecclesiasticam personam captivam ad aliquem locum adduci contigerit, Sacerdotes & Capellani eorundem locorum, postquam hoc sciverint, nullo alio super eo expectato mandato a Divinis cessabunt.

Ex Sinodo Domini WOLFRAMI, Episc. Herbipol.

Quia ex Statuto Concilii Provincialis Maguntinensis edito & promulgato contra spoliatores rerum & personarum Ecclesiasticarum, quod incipit: *Sacro etiam approbante Concilio &c.* In tit. *De major. & obedient.* posito, Ecclesiasticis personis civitatis & Diocesis, ac Provincie Maguntinensis, ut credimus, sufficienter provisum non extitit. De consilio igitur Prelatorum, & Capitali Ecclesie nostre pro utilitate subditorum nostrorum scilicet Ecclesiasticarum personarum eidem statuto duximus auctoritate ordinaria annectendum, quod non solum in locis civitatis & Diocesis nostre, ad que dictum spoliū deducetur, verum etiam in illis locis, in quibus res Ecclesiasticarum personarum absque mandato Judicis Ecclesiastici competentis occupari, arrestari, detineri, aut afferri, seu distrahi domos, vel earum, five quecunque edificia demoliri contigerit, in eisdem locis cessetur sub pena in eodem Concilio Provinciali expressa ab officiis Divinorum.

JOHANNES Episcopus.

Quia per inobedientiam Protoplastus Dei gratia fuit privatus, & a Paradiso dejectus: hoc quidem heremite, seu

S s alias

alias in filvis, seu locis solitariis habitantes minime advertentes Plebanis suis, intra quorum Parochiarum limites commorantur, obedientie debitum subtrahunt, & ab eis negligunt recipere Ecclesiastica Sacramenta, non curantes a quocunque Sacerdote religioso vel seculari hujusmodi Sacramenta recipere, ipsos forte nequeunte solvere & ligare. Unde volentes huic errori seu negligentie salubriter obviare, statuendo decernimus, ut homines eosdem sic in incerto vagantes, quos acephalos reputamus ad subjectionem & obedientiam debitam Plebanis suis in posterum exhibendam, hujus auctoritate statuti censura Ecclesiastica compellantur.

JOHANNES Episcopus.

Superstitiosam quarundam personarum invidiam compescere cupientes, qui more Cham dilectione filiali rejecta, & paternali pietate conculcata, non solum in Capitulis & Conventionibus pro tractatibus capitularibus congregati, Prelatis suis & Superioribus reverentiam debitam subtrahunt, verum etiam ad invicem nonnunquam in verba probrosa, & contumeliosa prorumpunt, ex quibus negotia, propter que tractanda convenerant, plerumque remanere indiscussa cernuntur in Ecclesiarum dispendium, & gravamen, hinc nostro imperpetuum valituro edicto statuimus & ordinamus, ut in singulis Capitulis & Conventionibus servetur reverentia & morum gravitas, ita quod nullus in alterum verbis aut factis probrosis, aut contumeliosis prorumpat, Decanis nihilominus, & aliis dictis Capitulis presidentibus sub excommunicationis pena late sententie districtè injungentes, ut hiis, qui contra edictum prohibitionis nostre hujusmodi venerint, per unius mensis spatium sine spe venie fructus suarum subtrahant prebendarum. A quibus ipsos per dicti temporis spacium suspensos manere volumus & decernimus eo ipso.

Idem.

In virtute sancte obedientie precipimus universis & singulis Presbyteris, & Clericis ruralibus civitatis nostre & Diocesis, quatinus quotiens ipsos per suos Decanos & Camerarios, aut alios,

ad quos hoc pertinerit ab antiquo ad Capitula, live convocationes pro innuante & publicatione processuum, sive mandatorum nostrorum Successorum, quam nostrorum, ac etiam Archidiaconorum convocari contigerit, totiens ipsi ad Capitula & convocationes hujusmodi studeant convenire, nisi ex rationabili causa se de absentia poterint excusare, in quo casu alium ydoneum Presbyterum loco sui ad Capitula & Convocationes dirigant antedicta.

De Postulando. JOHANNES Episcopus.

Advocati causarum, cum causam dirigendam susceperunt, libellum sive petitionem, positiones & articulos, exceptiones & defensiones ordinant, aut ordinata examinant, & in eis antequam coram iudice producantur, se subtrahunt. Alioquin pro libellis, petitionibus, articulis, exceptionibus & defensionibus ipsis, ut prefertur per Advocatum non subscriptis, parti victrici iudex cause pro expensis nihil taxet.

De Procuratoribus. Ex Statuto WOLFRAMI Episc. Herbipol.

Ubi majus periculum vertitur, ibi procul dubio consilius aut cautius est agendum. Cum itaque experientia magistra rerum efficacem manifestat tutelam pupillorum, nec non cure adutorum minorum sepe sepius in non modica, ymmo gravis patrimoniorum sive substantiarum ipsorum minorum suorum parentum industria & laboribus studiofis, ac multis variisque casibus sollicit, ut plurimum conquisitarum dispendia ac detrimenta. Pro utili juris dispositione citra hoc ullatenus non attenta per ipsorum impuberum minorum curatores plerumque suspectos, desides, & remissos absque curiosa providentia ac sollicitudine studiosa illegaliter proci dolor! gubernantur, ita ut ipsi plerique malevoli & maligni non tutores & curatores, sed consumptores sive dilapidatores, ac substractores appellari potius mererentur. Cum in ipsis revera hujusmodi officiorum nomina rebus seu personis non valeat, licet debeant consonare.

Nos itaque huic morbo, qui communi-

munitur irrepsit infra limites nostrarum civitatum & Dioecesis salubriter adhibere medelam, sicque res minorum salvas fore ex nostro officio debito desiderabiliter affectantes, hac constitutione maturo consilio Capituli, Prelatorum, & specialiter Archi-Diaconorum Ecclesie nostre desuper prehabito, decernimus statuendum, ut nulla persona Nobis subiecta Ecclesiastica vel mundana sexus utriusque, cujuscunque gradus, ordinis, conditionis, aut status existat, de tutela, aut cura testamentaria legitima, seu dativa, vel alia qualicunque universalis vel particulari bonorum pupillorum, & adutorum minorum deinceps quoquo modo, directe vel indirecte, in toto vel in parte ubilibet se intromittere presumat, nisi prius confecto publice & legitime per eam inventario, id est, descriptis, & conscriptis universis bonis ipsius minoris, immobilibus, mobilibus, ac se moventibus coram Nobis, seu Officiali, vel alio a Nobis, vel eodem Officiali nostro ad hoc specialiter deputando, corporale prestiterit juramentum. Videlicet omnia & singula utilia ipsis pupillis & adultis minoribus facere diligenter, & inuclia pretermittere providenter, ipsorumque personas, & res ad commodum & utilitatem eorum custodire, & salvare utique bona fide, & sua administratione rationem reddere tempore opportuno cum integra residuorum resignatione & restitutione, ac nil alienare de bonis ipsorum minorum, hiis maxime, que servando poterunt conservare absque auctoritate competentis judicis. De cetero volumus etiam, ac ordinamus presentibus statuentes, quod prefati tutores & curatores copiam dicti inventarii totaliter & fideliter transcripti ordinario Episcopo, aut suo Officiali pro tempore existenti per ipsos conservandam, ut tempore exitus, administrationis sue, ejusque rationis redditue qualitas hujusmodi administrationis sue de cerni valeat evidenter ante sue administrationis inchoationem, tradat publice, & assignet. Premissa autem in tutelis & curis ipsorum minorum dumtaxat, quorum substantia summa vel valorem centum librarum Hallensium transcendit, volumus & statuimus permanere, & inviolabiliter observari. Si vero substantia & facultates eorum ad centum libras

Hallensium, vel ad minus se extendant tunc ea, que premissa sunt quoad juramenti prestationem, & inventarii conscripti assignationem coram Magistratu municipalis, vel coram iudice seculari Presidente in loco, ubi ipse impubes, vel pubes minor moratur, sive ipsorum facultates consistunt, statuimus fore efficaciter adimplenda. Si quis igitur hujus Statuti transgressor extiterit temerarius, ipsum nisi infra mensem ab hujusmodi transgressionis tempore numerandum resipuerit, id scilicet, quod in hoc Canone seu Statuto continetur exequendo, effectualiter excommunicationis sententiam, quam ex nunc in hujusmodi transgressorem ferimus, per presentes incurrere volumus ipso facto. Salvis nihilominus aliis penis a jure statutis contra tales pro tutoribus & curatoribus perperam se gerentes. Sic quoque, Deo dante, ut firmiter credimus, confidentiusque speramus, hujusmodi tutorum & curatorum, ut plurimum suspectorum malignitas in nostris civitatis & Dioecesis saltem presentis pene formidine sibi non inveniet successorem, nec deinde minores Divina suffragante clementia de thesauris & divitiis ad eos ab eorum parentibus delatis in egestatum miseras citra ipsorum vicium de cetero, ut hactenus lamentabiliter contigit, dilabentur, hoc statutum pro utilitate minorum inductum per Plebanos locorum annis singulis pluribus diebus Dominicis in theutonico in ambonibus Ecclesiarum suarum ad populum publicetur.

JOHANNES Episcopus.

Ut calumpniis Procuratorum occurratur, presenti declaramus edicto, ut quicumque se Procuratorem in judiciis Ecclesiasticis nostre civitatis & Dioecesis esse allegaverit, aut officio Procuratoris se ingesserit, nisi de ipsius mandato appareat in actis cause, tanquam falsarius per judicem cause judicetur.

De hiis, que vi metusve causa sunt. Ex Concilio Fritzlariensi Domini GOTFRIDI Archiepiscopi.

Quia Clerici & Religiosi nonnulli non attendentes, quantum sit obedientie bonum, quod victimis antefertur, & quod peccatum est ariolandi nolle acquiescere, & scelus ydolatrie obedire

non velle, amissionem rerum suarum & corporis vanum metum allegant frequenter, ne cogantur mandatum exequi Prelatorum, qui cum prosperitatis tempore multa bona receperint, & laute vixerint de patrimonio Crucifixi, imminente Ecclesie necessitatis articulo pro honore illius aduersitates sustinere detrahant, qui cum foret summe dives ad obediendum Deo Patri pro salute nostra onus subiit voluntarie paupertatis. Ex quo propter contemptum clavium Ecclesie nervus Ecclesiastice discipline dissolvitur, & animas miserabiliter periclitari contingit. Sacri hujus Concilii prehabita deliberatione statuimus, ut nulla rerum perditio aut metus corporis, nisi legitime probatus, subditi inobedientiam mandatum Prelati exequi non curantis, valeat excusare, adeo quod similis metus corporis non simplici proprio juramento, sed legitimis coram eo, a quo mandatum subditus recepit, ostensus fuerit documentis, nihilominus loco cedat, ne notam transgressionis incurere videatur. In his autem, que in non faciendo consistunt, utpote cum mandatur non communicare excommunicatis, non celebrare coram interdictis, ac alia hujusmodi, nullus omnino nec rerum, nec corporum quomodocunque probatus metus excuset, cum pro nullo metu quis debeat peccatum mortale committere, quod ex inobedientia insurgere Sanctorum auctoritatibus comprobatur.

PETRUS Archiepisc.

Eos, qui absolutionem, vel quamcunque revocationem ab excommunicationis, suspensionis, & interdicti sententis per vim vel metum extorserint, cum hoc, quod hujusmodi revocationes sunt irritæ, statuimus & publicamus excommunicationis sententie subiacere.

De Judiciis. Ex Concilio Maguntinensi Domini WERNHERI Archiepiscopi.

Quidam crudeles homines & per-versi, dum ad forum Ecclesiasticum in causis etiam, de quibus Ecclesia merito habet cognoscere, ab actoribus evocantur, illius auctoritatis, qua dicitur, *Qui honorat missum, mittentem honorat*, immemores existentes, Nuncios Ecclesia-

sticorum Judicum citationis, excommunicationis, vel alias judiciales, & jurisdictionis literas deferentes verbis probrosis, & quandoque diris verberibus, quosdam etiam captivantes, alios interdum suis rebus temere publice spoliantes multipliciter afficiunt & perturbant, & impediunt citationem, & literarum executiones in non modicam Ecclesiastice libertatis contumeliam, & jacturam. Considerantes igitur maliciis hominum non esse aliquatenus indulgendum, hoc sacro approbante Concilio duximus statuendum, ut reus nuncios acta judicialia deferentes, per se, vel per alium verberans, spolians, & captivans, lite etiam non contestata, auctoritate hujus Concilii habeatur penitus pro convicto. Actor vero in causa reconventionis similia perpetrare per se, vel per alium non formidans super instituta contra reum actione amplius nullatenus audiat, & insuper uterque, ac omnes alii, qui nomine & occasione eorum talia facere presumpserint, usque ad condignam satisfactionem lesa & iudicibus summaria cognitione super hujus forefacto prehabita, precellantur.

JOHANNES Episcopus Herbipolensis.

Cum nonnunquam Judices Ecclesiasticos nostre civitatis, & Dioecesis per saltum procedere, tam ex officio, quam ad partium instantiam conspeximus, quod ex eo provenire cognovimus, quod nuncii processus judicum eorundem sigillo executorum in executionis iudicium sigillatos non reportant. Universis ergo, & singulis iudicibus superscriptis sub excommunicationis pena districte inhibemus, ne deinceps contra personas quascunque ultteriores processus faciant, aut dirigant, nisi priores signo executionis, ut premititur, viderint debite sigillatos.

Huic adjicimus nostre sanctioni, quod quilibet Ecclesie Parochialis Rector sigillum proprium debet habere infra mensem pro processibus ipsis sigillandis & signandis sub pena antedicta.

Idem.

Preterea cum nullus officium duorum in iudicio valeat exercere juxta Canonica instituta, hoc edito perpetuo prohibemus, ne quis iudicum Nobis sub-

jecto-

jectorum de cetero per se ipsa acta cause coram ipso pendente conscribere presumat. Alioquin actis hujusmodi in iudiciis, & extra fidem aliquam minime declaramus fore adhibendam.

De foro competentis. Ex Concilio Aſchaffenburgensi.

Preterea nullus Ecclesiasticam Personam in criminali causa, vel civili questione, nec aliquem etiam laicum pro rebus, & possessionibus Ecclesiarum sine Personali jure, quod vulgo *Leibgeding* dicitur, quis earundem Ecclesiarum possessiones, vel bona possideat, siue alio quocunque titulo trahere presumat in iudicium seculare.

Ex eodem.

Huic adjicimus sanctioni prioris statuta Concilii sectantes, ne Prelati, vel quicumque Judices Ecclesiastici de causis, quas laici habent ad invicem se nullatenus intromittant, nisi tales cause sint, quas ad forum Ecclesiasticum non sit dubium pertinere, ne ex hoc seculare iudicium, quod esset valde incongruum, enervetur.

JOHANNES Episcopus.

Quoniam ex constitutione supra posita dubitationes insurgunt videlicet, que cause ad Ecclesiasticum forum debeant pertinere, nonnullos casus ejusmodi presentis duximus annotandos sanctioni, ne Judices, tam Ecclesiastici, quam seculares per ipsorum ignorantiam se valeant quempiam excusare. In primis videlicet omnes in vafores Ecclesiasticarum rerum, seu religiosorum locorum sub Ecclesiastico iudicio conveniuntur. Item cause rusticorum, vel servorum Ecclesie. Item cause publice penitentium. Item cause pupillorum, viduarum, & miserabilium personarum. Item cause peregrinorum. Item quando iudex secularis justitiam reddere negligit. Item in crimine sacrilegii, usurarum, heresis, symonie, excommunicationis, adulterii, matrimonii, dotis super decimis. Item causa Nativitatis, Beneficialis Jurispatronatus, rapine. Item ratione pacti, & voti fracti. Item ratione iuramenti, vel fidei dationis. Item quando pars aliqua fuerit Ecclesiastica, siue reus fuerit, siue actor, etiam super

re prophana causa coram Iudice Ecclesiastico terminari.

JOHANNES Episcopus.

Universis Iudicibus Nobis subjectis presenti prohibemus edicto, ne Comitum, aut Baronem ministerialem Ecclesie Herbipolensis ad ipsorum presument trahere iudicia quomodo, sine nostra licentia speciali. Alioquin iudicium ipsum irritum decernimus, & iudicem excommunicationis sententia innodatum eoipso.

Idem.

Volumus, statuimus, ac sub pena predicta prohibemus, ne quis Clericus conjugatus, aut bigamus, seu in minoribus non constitutus ordinibus, se de officio iudicandi aliquatenus intromittat.

De Jure jurando. Statutum Synodale Domini WOLFRAMI Episcopi Herbipolensis, tractum ex Concilio Domini PETRI Archiepiscopi Magunt.

Statuitur contra conspiratores, quod Clerici, Monachi, & Canonici universi, qui colligationes, seu confederationes ulas fecerint fidei, vel iuramenti cautione interposita suis in electionibus faciendis, pro aliis quibuscunque negotiis, contra Sanctiones Canonicas, excommunicati sunt, nec ex confederatione hujusmodi debet aliquis obligari.

De Vita & honestate Clericorum. Ex Concilio Maguntin. GERHARDI Archiepiscopi.

Clericis vagabundis est statutum, & prohibetur, quod nullus a Clericis, vel Personis Ecclesiasticis recipi, nec dari quicquam debeat eisdem, cum vitam ducant reprobam & infamem.

Ex eodem.

Statuitur & districte precipitur observari, quod Sacerdotes & campanarii, qui Sacerdotibus ad Altare circa Baptismum, deportationem Olei, & Corporis Domini ad infirmos assistunt, & juxta quod officium eorum requirit, ministrant, super vestimenta sua superpellicia Sacerdotes, & campanarii camisis albis utantur. Quas quidem camisas campanariorum, & superpellicia Sacerdotum populus cujuslibet

bet Parochie, quando, & quotiens necesse fuerit, de elemosinis, que in Parochiis possunt haberi; alioquin de propriis consumptibus comparabit. Statuitur etiam in Sacerdotes, qui post publicationem hujus statuti superpellicium pro se, & camisiā pro suo campanario non habuerit infra duos menses post eandem publicationem proxime subsequentes, tamdiu cesset ab Officiis Divinorum, donec defectus hujusmodi suppleatur. Precipitur etiam, ne Presbyteri sine ministri suffragio Divina Officia, & maxime Missarum solemnia celebrare presumant, attendentes illud, quod dicitur: *Ve soli, qui non habet, cum ceciderit, sublevantem.*

De eodem, ex eodem.

Contra Clericos militares, qui Clerici scemate derelicto comam nutriunt, & gestantes habitum laicalem coram Prelatis suis, & in Ecclesiis, in quibus habent Beneficia, neque reverenter incedunt, statuitur & precipitur, ut apostantes hujusmodi, si, antequam a suis Prelatis, sive Capitulis evocati, & prius habitis Beneficiis fuerint spoliati, ad suas Ecclesias, sive Prebendas redire voluerint, non aliter admittantur, nisi discipline claustralis carcerem tanto tempore sustineant, quanto a suis Ecclesiis eos constiterit aberrasse, ne minus satisfactionis prolixitas, quam prevaricationis diuturnitas prorogetur.

JOHANNES Episcopus.

Clericus non viator in Sacris Ordinibus constitutus, aut Monachus, vel Canonicus Regularis, si tabernam intraverit sine causa rationabili, & honesta, ubicunque bibens aut comedens, aut in vicino loco servienti taberne, vel alias publico aliquantulam moram trahit, ab officio sit suspensus, donec unum diem in pane & aqua jejundet. Et si ibidem luserit ad aleas, & taxillos, ab officio sit suspensus, donec duos dies in pane & aqua jejundet. Si in hiis tercio deprehensus consuetudinem non dimittit, aut si suspensus ingresserit se Divinis per sententiam Episcopi Herbipolensis tunc pro tempore existentis privetur Beneficio, si quod habet, si non habet, pro ejusdem arbitrio puniatur.

Item ex Concilio Constantiensi.

Statuimus & ordinamus, quod Presbyteri, Diaconi, Subdiaconi, & alii in minoribus ordinibus constituti, omnesque de Clero nostro continue de cetero tonsuram sive coronam deferant Clericalem, habeantque saltem Presbyteri crines longos, ita tamen tonsos, quod patentibus auribus incedant, gradatimque ascendendo Clerici in minoribus ordinibus constituti minorem decentem tamen, Subdiaconi autem consequenter aliquantulum majorem, deinde Diaconi ampliorem, & demum Presbyteri Diaconis latiore, ampliorem, & majorem habeant, seu portent tonsuram sive coronam, ita quod status, & gradus cuilibet ipsorum in hoc discerni, & perpendi commode possit & valeat, quam sic frequenter ad minus de quatuor septimanis ad quatuor septimanas radi faciant, quod illius rasura cunctis insipientibus notanter, & evidenter appareat. Et qui premissa facere contempserit, seu neglexerit, pena in Sacris Canonibus contenta puniatur. Insuper inhibemus, ne aliquis Prelatus, seu Clericus Beneficiatus, aut Officiarius in Ecclesia Dei gerens secularis, vel regularis manicas ad cubitum pendentes, & longas cum magna, & sumptuosa superfluitate, seu vestes fissas retro, & in lateribus cum foderaturis ultra oram extendentibus cum fissuris deferre, & cum talibus in Ecclesiis cum superpelliciis, aut aliis vestibus ad cultum Dei, & Officium Ecclesiasticum ordinatis, etiam intra Ecclesias ipsas, in quibus Beneficiatus exultat, Divinis Officiis interesse presumat. Contrarium vero faciens pro qualibet vice a perceptione fructuum Ecclesiasticorum per mensem noverit se suspensum, fructusque illi Ecclesie applicentur. Mandantes omnibus & singulis Prelatis, & aliis, ad quos spectat, ut hujusmodi penas abique remissione exigant, & fabricis Ecclesiarum applicent. Alioquin Nos ipsorum negligentiam, prout justum fuerit, animadversione condigna puniemus.

De cohabitatione Clericorum, & mulierum.

JOHANNES Episcopus.

Quamvis ad arcendum concubinitus crimen, & de Clero penitus eliminandum summo studio per Sacros Canones Statuta Provincialia, & Sinodalia sit provisorium, quia tamen nonnulli hujusmodi pro-

prohibitiones minime curantes, crimen prefatum cum maximo Catholicorum scandalo & totius Ordinis Clericalis contemptum nimium frequentant: Cui morbo duximus occurrendum, & providendum statuentes, & ordinantes, ut deinceps omnes in Sacris Ordinibus existentes, vel in inferioribus Beneficiati, seu aliquam religionem professi, qui concubinatus feditate se maculaverint, aut concubinas, seu feminas suspectas notorie in domo, vel alibi tenuerint, seu nutriverint, vel frequentem moram cum eis fecerint, vel alias qualitercunque habuerint, nisi eas infra mensem a die publicationis presentium computandum prorsus a se removeant, & totaliter licentiaverint, sic quod illas, vel alias ulterius minime admittant, penis a Generalibus Conciliis, Sacris Canonibus, Statutis Provincialibus, & Synodalibus iustitia mediante decernimus animadversione condigna puniendos, mandantes, & sub ostentatione Divini Iudicii injungentes omnibus & singulis Prelatis, & Decanis ruralibus, ut hoc nostrum Statutum diligenter observent, & a suis subditis inviolabiliter observari faciant. Alioquin Nos ipsorum negligentiam, & dissimulationem, prout iustum fuerit, animadversione condigna puniemus. Si vero quisquam Prelatis, aut Decanis eisdem rebellis fuerit in premisis; ipsum Nobis, aut nostro in Spiritualibus Vicario Generali infra proximam quindenam, mensem prefatum immediate sequentem Prelatus, aut Decanus ipse significet rebellem.

*De Clericis non residentibus. Ex Conc.
Magun. PETRI Archiepiscopi.*

Statuitur, ut in Cathedralibus, & aliis Collegiatis Ecclesiis Canonici, & alii Beneficiati nullas distributiones quotidianas, que tantum residentibus, & qui Divinis intersunt officiis, dari debent, in absentia participant, exceptis illis, quos infirmitas, seu iusta, & rationabilis corporalis necessitas, aut evidens utilitas Ecclesie excusaret, contraria consuetudine non obstante. Et qui illas taliter receperint, non faciunt eas suas, & ad restitutionem Ecclesie omnino tenebuntur. Idem etiam de distributionibus pro defunctorum Anniversariis dandis est nihilominus observandum.

GOTFRIDUS Episcopus Herbipolensis.

Volumus & mandamus, ut Ecclesias Parochiales in nostris civitate, & Diocesi obtinentes in ipsis infra novem mensem spaciū a publicatione presentium computando, quorum tres pro primo, tres pro secundo, & residuos tres menses pro tercio, & peremptorio termino, a Canonica monitione ipsis omnibus, & cuilibet eorum damus, & assignamus, & prefigimus, personalem faciant residentiam, ac curam ipsarum, & populi per se ipsos exerceant: culpabiles vero, & inobedientes prout juris fuerit, utique puniemus, licentias autem sine indulto de non residendo per Nos, aut Vicarium nostrum in Spiritualibus hactenus concessas, sive concessas prefato termino elapso tenore presentium revocamus, penitus, & annullamus. Idem fieri volumus in aliis Beneficiatis Beneficiorum curam animarum non habentium a jure tamen communi statuto, aut consuetudine residentiam personalem requirentium.

De Prebendis & Dignitatibus. JOHANNES Episcopus.

Cum in civitate, & Diocesi nostris Herbipol. diversi Clerici seculares non ponentes terminum avaricie, nec salutem propriam attendentes onerare se pluribus Beneficiis incompatilibus Ecclesiasticis non formident. Nos, qui aliorum indigentis, & eorum saluti succurrere cupimus, & Ecclesiarum necessitatibus providere: auctoritate presentis Concilii firmiter, & districte precipimus, ut singuli talia plura Beneficia possidentes, aut recepto ultimo sint contenti, aut infra decem & octo dierum spaciū a publicatione presentium continue sequentium, quem terminum ipsis pro peremptorio termino assignamus, secum esse per eum, qui jure hoc facere potuerit, dispensatum legitimis edoceant documentis. Alioquin Nos juxta formam Canonum contra hos traditam providere curabimus Beneficiis ipsis & personis.

Idem.

Grave nimis est & absurdum, quod quidam ecclesiarum Prelati, & alii seculares, & Religiosi, Capitula, & Conventus, cum possint viros ydoneos ad Ecclesiasti-

siastica Beneficia, & Ordines Sacros presentare, assumere, & promovere non verentur indignos, rudes, & ignaros, quibus nec morum honestas, nec literarum scientia, neque etatis maturitas suffragantur. Unde quanta exinde Ecclesiis damna proveniant, nemo sane mentis ignoret; ex hoc enim status Ecclesiasticus deformatur, salus animarum negligitur, & alia plura mala, & scandala exinde sequuntur. Volentes igitur huic morbo mederi, precipimus, ut pretermisiss indignis ydonei ad Beneficia Ecclesiastica, & ad Ordines Sacros presententur, qui Deo & Ecclesiis velint, & valeant gratum efficere famulatum. Contrarium vero presumentes penis a Sacris Canonibus institutis decernimus iustitia mediante puniendos. Inhibentes strictissime Vicario nostro in Spiritualibus, qui est, & qui pro tempore erit, & aliis quibuscunque, ne aliquos seculares, vel regulares ad Beneficia Ecclesiastica, presertim quibus cura imminet animarum, admittant, seu investiant, vel ad Sacros Ordines promoveant, seu promoveri permittant, nisi prius tales de, & super scientia, moribus, & etate, ac ceteris de jure necessariis diligenter fuerint examinati, & ydonei reperiuntur sic, quod in omnibus, & per omnia diligens cura adhibeatur, ut digni promoveantur, & indigni repellantur, quum melius est paucos bonos, quam multos malos habere ministros. Si enim cecus cecum ducat, ambo in foveam dilabuntur. Et si secus incaute fuerit presumptum, non solum deiciendus est indigne promotus, verum etiam promovens indignum animadversione condigna puniendus.

Idem.

Quoniam, ut non ambigimus, ex fonte avaritie illa provenit enormitas, quod nonnulli Monasteriorum, Ecclesiarum, Conventuum, ac dignitatum Prelati, nec non Abbates, Abbatisse, Prepositi, Commendatores, Decani, Priores, Priorisse & ceterae Personae Ecclesiastice exempti & non exempti civitatis & Diocesis nostrarum, quibus Parochiales Ecclesie sunt incorporate, annexe, seu unite, & in quibus jus obtinent Patronatus seu Rectorum presentatio pertinet ad eosdem, de proventibus ipsarum Parochialium Ecclesiarum tantum percipi-

unt annuatim, quod Rectores ipsarum Ecclesiarum non possunt de residuo, seu portione eis assignata commode sustentari, Episcopalia jura solvere, & alia eis incumbencia onera supportare, ymmo, quod deterius est, ad ipsas Ecclesias promoveri, dum vacantes, cupientes, non aliter presentent, seu admittant, nisi prius jurent, seu promittant, vel alias per litteras, seu instrumenta se astringant, seu obligent, quod de certa portione debeant esse contenti, que interdum reperitur tam exigua & modica, quod nedum premissa onera subire valeant, sed etiam miserabiliter sub tanta laborum, & onerum sarcina in obprobrium Sacerdotalis dignitatis egerere coguntur, propter que sepius contingit, quod non inveniuntur persone ydonee, que hujusmodi Ecclesias velint recipere, sic quod frequenter minus ydoneis conferuntur, ex quibus pericula imminere animarum. Nos volentes super premissis, prout Nobis ex nostro incumbit officio, remedium, quantum Nobis est possibile, adhibere, & ipsis Vicariis perpetuis onus diei, & estus portantibus subvenire; in virtute sancte obedientie & sub obestratione Divini Judicii districte precipimus, & mandamus vobis omnibus, & singulis supradictis, quatenus infra trium mensium spacium a publicatione presentium numerandum, Vicariis ipsis perpetuis in Ecclesiis institutis, sive instituendis congruas portiones non habentibus, de quibus idem Vicarii congrue sustentari, & Episcopalia jura solvere, ac alia eis incumbencia onera valeant supportare, quibuscunque impedimentis, pactis, seu obligationibus, penis, reiectis, & semoris assignent, & effectualiter tradant. Quas quidem portiones, si forsan infra terminum predictum assignare, & cum effectu tradere neglexerint, aut aliquis eorum neglexerit: Nos extunc auctoritate nostra ordinaria, & etiam Apostolica, a Sacris Canonibus Nobis tradita ad hujusmodi assignationem faciendam in Ecclesiis & Vicariis, in quibus oportum fuerit, prout jus dictabit, & ordo exegerit rationis, iusticia mediante procedemus, & alias negligencias eorum, & cujuslibet ipsorum puniemus, quod ceteris cederet in exemplum. Exemptionibus, & aliis privilegiis non obstantibus quibuscunque.

De

De Institutionibus. Ex Concilio Fritzlarienti.

Statuimus, ut nullus Clericus ad curam animarum ab Episcopo, vel suo Vicario admittatur, nisi prius iuraverit, quod nullam in acceptione Beneficii, ad cuius curam est presentatus, commiserit simoniam, quodque bona ejusdem Beneficii non velit alienare, & alienata pro posse recuperare.

De Concessione Prebende. Ex Concilio Fritzlarienti.

Statuitur, quod nullus in Canonicum eligi debet Beneficio non vacante, nisi iusta necessitas, vel utilitas Ecclesie id requirat. Et tunc unus tantum, & non plures assumi debent. Si qui autem contra hoc statutum facere presumpserint, quod factum est, ipso jure non teneat, & Episcopus ad tot Prebendas potestatem habeat, quot persone fuerint sic assumpte.

Ne sede vacante aliquid innovetur. Ex Concilio Maguntini.

Statuitur, ut quicumque defuncto Episcopo relicta ab eo, aut sede vacante bona Ecclesie occupaverit, ipso facto excommunicationis sententiam incurrat, quam Successor inviolabiliter faciens observari, nullatenus relaxet sine restitutione, & satisfactione condigna de sui Capituli consilio & assensu.

Ut Ecclesiastica Beneficia sine diminutione conferantur. Ex Concilio Fritzlarienti.

Cum Beneficia Ecclesiastica sine diminutione conferri debeant, quidem Ecclesiarum Patroni personis ydoneis pretermittis; tales ad ea presentant, qui portione aliqua debent esse contenti, reliquum suis usibus totaliter applicando. Unde ad hujusmodi malam perniciem extirpandam; statuimus, quod si tales Clerici se de portione debita spoliari videntes, ad suum Episcopum querelam non detulerint, auctoritate hujus Concilii sint ipso jure suspensi. Et nihilominus eisdem Ecclesiis spoliarentur per Episcopum, & Presbytero ydoneo provideatur de ipsis. Si vero ad Superiorem super hoc detulerint questionem, ipse Patronum per censuram Ecclesiasticam ab

Tomus V. Concilior. German.

hujusmodi molestatione compescat. Adjicientes nihilominus, quod si in hoc pernix Patronus extiterit, ad presentationem talis Ecclesie de cetero nullatenus admittatur.

De Rebus Ecclesie non alienandis. Ex Synodo Herbipolensi.

Item, quia plures Rectores Ecclesiarum Parochialium simplicitate, ac juris ignorantia, & affectione carnali, quam habent ad suos, seducti, redditus, & fructus Ecclesiarum suarum, ut accepimus, in magna quantitate vendunt, vel alias alienant ad tempus, sub quibusdam coloribus, & figmentis, afferentes, se velle venditionis precium in utilitatem ecclesiarum convertere, & sic dictum precium convertunt damnabiliter in utilitates consanguineorum, vel aliorum familiarium suorum, ex quo Ecclesie, ut frequenter sustinent detrimenta. Hunc igitur contractum decernimus irritum, & inane; injungentes etiam Archidiaconis locorum, ut tales Sacerdotes vel Clericos, quos in hoc culpabiles invenerint, corrigant, seu puniant, secundum quod eos in his pro facti qualitate, & quantitate repererint delinxisse, eosque in predictis Ecclesiis indempnes conservant per censuram Ecclesiasticam compellentes.

De Testamentis, & ultimis voluntatibus. Ex Concilio Viennensi.

Statutum est in Concilio Viennensi, quod religiosi, etiam exempti ad executionem cujuscunque ultime voluntatis deputati, ad cujus executionis officium assumi non possunt, nisi a Superiori iuxta petita, & obtenta licentia, si etiam Prelationis fungantur officio, locorum Ordinariis debitam reddere, ipsique Ordinarii ab eisdem absque dolo, fraude, seu negligentia de suscepto executionis officio teneantur exigere rationem. Illos quos circa id delinxisse repererint, in aliorum exemplum pena debita quocunque non obstante privilegio puniunt.

Ex Concilio Fritzlarienti.

Statuitur, quod Clericus de proventibus anni gratie, vel alias de rebus Ecclesie acquisitis, concubine sue vel filiis ex fornicatione genitis quicquam penitus non relinquat, quod si fecerit, lega-

T t

tum

tum non tenéat , & quod taliter est reli-
ctum, Ecclesie applicetur.

Ex eodem Concilio.

Ad abolendam de Domo Domini
consuetudinem, vel potius corruptelam,
seu temeritatem , qua Clerici, qui sig-
num pudicitie deberent ostendere laicis,
quibus sunt positi in exemplum, in argu-
mentum sue finalis impudicitie fructus
Prebendarum suarum concubinis , vel
spuriis suis legant in ultima voluntate,
contra quos rigor Ecclesiasticus debet
exereri. Quare sub anathematis vin-
culo prohibemus, ne de cetero Clerici
gratie annis abutentes, cum de rebus
Ecclesie nullum possint condere testa-
mentum, fructus Beneficiorum Ecclesia-
sticorum spuriis vel concubinis dimittant.
Qui vero contra hanc inhibitionem
venire presumpserit, in signum sue per-
ditionis Ecclesiastica careat sepultura,
& quibus taliter fructus legantur, careant
ipso jure, qui autem testamentum tale
post mortem defuncti manutenere vo-
lunt, & per quorum manus personis il-
lis fructus prebende fuerint ministrati,
excommunicationis mucrone percellan-
tur.

*Ex Concilio Aschaffenburgenſi GERHARDI
Archi-Episcopi.*

Ad hec, quia quedam in quibus-
dam partibus consuetudo ymmo cor-
ruptela detestabilis observatur, videlicet,
quod tam Clericus, quam laicus in lecto
egritudinis constitutus ultra quinque so-
lidos usualis monete, vel aliam summam
juxta loci illius consuetudinem limita-
tam, nec piis locis, nec personis Eccle-
siasticis pro anime sue remedio & salute
aliqua possit ordinare legata. Conside-
rantes predictam consuetudinem sacris
Canonibus, & secularibus legibus obvia-
re. Cum omnia jura clamant, quod
ultima voluntas & ultimum honoris te-
stamentum immobile perseveret, & nihil
sit, quod magis hominibus debeatur,
quam ut supreme voluntatis liber stilus
existat. Eandem consuetudinem Deo
odibilem, animabus & moribus bonis
inimicam & nocivam, hujusmodi aucto-
ritate Sacri Concilii penitus reprobamus;
firmiter statuentes, ut ubicunque &
unicuique, quem jura a testamentorum
non prohibent factione, in sanitate, vel

in lecto egritudinis constituto, legandi,
disponendi, & ordinandi de bonis sibi
a Deo collatis circa pia loca & personas
Ecclesiasticas, dummodo contra legiti-
mas Sanctiones liberos suos non preter-
eat, libera sit facultas. Volentes, &
precipientes districte, ut per locorum
Episcopos, & ceteros Prelatos jurisdi-
ctionem habentes, universi Clerici & laici
impedientes defunctorum legata, seu ul-
timas voluntates, excommunicationis in
personas, & interdicti in loca sententias,
octo dierum monitione premissa feren-
das, ab hujusmodi impedimentis⁴ desiste-
re compellantur. Ad quarum execu-
tiones & debitas aggravationes proce-
dente tempore faciendas, Episcopi &
Prelati, ad quos testamentorum defensio
utroque jure suadente dignoscitur perti-
nere, tam benivolos se exhibeant &
paratos, ne hujusmodi negligentia de
eorum manibus in die districti judicii
requiratur.

JOHANNES Episcopus.

Intelleximus, quod nonnulli tam
Religiosi, quam seculares Clerici & laici
Divino timore postposito in suarum pe-
riculum animarum, pecuniam, res &
bona, que per manus eorum ex testa-
mentis decedentium deberent in usus
certos presertim pios distribui, seu ex-
pendi; aliis usibus applicare non formi-
dant, ac negligentias, dolos, & fraudes
quam plures circa hujusmodi executio-
nis officium committunt, quandoque
nullatenus, quandoque tardius id, quod
eis commissum est, exequendo. Et
quod deterius est, pecunias, res, & bona
ipsa sibi quandoque usurpant, & in usus
propriis convertunt frequenter, etiam
pro longe minori pretio, quam alibi com-
mode vendi possunt, ad extinctionem
propriam bona ipsa recipiunt & distra-
hant. Ita, ut plerique non executores,
sed consumptores, sive dilapidatores, seu
substractores appellari potius mereantur.
Cum igitur ad nostrum spectat officium
piis ultimis voluntatibus providere, ut
secundum voluntatem defuncti universa
procedant: Ideoque contra premissos
fraudes, dolos, & negligentias, prout
justum fuerit, secundum Sanctiones Ca-
nonicas intendimus remediis oportunis
providere, prout ad nostrum spectat
pastorale officium, & nihilominus ad
doli

doli maculam evitandam, omnisque fraudis tollendam suspicionem strictissime precipimus, & in virtute sancte obedientie mandamus, ut ipsi executores deinceps deputandi, quantocius commode poterint, post obitum defuncti de omnibus & singulis bonis per ipsum defunctum relictis & inventis, inventarium coram personis honestis & fide dignis conficiant & conscribant, si nostram & sacrorum Canonum ultionem evadere voluerint.

Idem.

Quia sepe contingit, quod Prelatis, & aliis Clericis, & Ecclesiasticis personis decedentibus bona ab ipsis dimissa, que secundum ipsorum ultimam voluntatem ad certos usus deberent distribui, vel ad alios, si ab intestato decederent, de jure vel consuetudine devolvi; per utriusque sexus homines, Clericos & laicos, regulares & seculares, & quandoque etiam per ipsos executores occupantur, surripiuntur, dilapidantur, & consumuntur; in eorum, quorum interest, grave dispendium & jacturam; Nos ipsorum ausus reprimere, ac eorum, quorum interest, indempnitatibus precavere volentes: decernimus, ut premissa de cetero temeritate propria presumptas per excommunicationis sententiam fore compescendos, a qua nullatenus absolvantur, donec plene restituerint; quicquid de bonis receperint supradictis, & nihilominus decernimus tales aliis juris remediis, si hoc exegerit qualitas delicti, justitia mediante fore compescendos.

Idem.

Item ad aures nostras per clamorosa insinuationem multorum pervenit, quod Patroni Ecclesiarum tam laici, quam Clerici, Advocati, Judices, Precones bona decedentium Clericorum occupant & usurpant. Volentes sibi ab intestato succedere, & aliquando etiam eorum testamenta infringere pro sue voluntatis arbitrio, non judicio rationis: Quare provide duximus statuendum, ut Patroni Ecclesiarum, & alii supradicti de talibus de cetero abstinant; & nisi abstinere voluerint, quousque sic ablata restituant, excommunicationis vinculo innodentur, ac alia pena condigna percellantur.

Tomus V. Conciliorum German.

De Sepulturis. BONIFACIUS Papa octavus, eodem titulo, libro sexto.

Animarum periculis & scandalis, que ex his proveniunt, volentes obviare universis Religiosis & secularibus Clericis, cujuscunque status vel conditionis existant, in virtute sancte obedientie, ac sub interminatione maledictionis eterne strictissime prohibemus, ne aliquos ad vovendum, jurandum, vel fide interposita, seu alias permittendum inducant, ut apud eorum Ecclesias sepulturam eligant, vel jam electam ulterius non immutent. Nos enim, si secus actum fuerit, electionem talem decernimus nullius penitus existere firmitatis. Statuentes, ut hi, qui sic elegerint, neque apud sic electas Ecclesias ullatenus sepeliri, nec alibi, ne contra votum juramenti, aut promissum hujusmodi a se factum materiam habeant veniendi, possint eligere sepulturam, sed contradictione quacunque cessante sepeliantur omnino circa illas Ecclesias, apud quas sepeliendi de jure fuissent, si alias sepultura non electa forsitan decessissent. Si vero iidem Religiosi, vel Clerici predictos in suis Ecclesiis vel cimiteriis presumpserint sepelire; ad restitutionem tam sepulchrorum corporum, si petantur, quam etiam omnium, que occasione sepulture illorum provenierint, quomodolibet ad eosdem infra decendium integraliter faciendam ipsos obligatos esse censuimus. Quam nisi fecerint, Ecclesie ipse, apud quas sepulti fuerint, nec non cimiteria earundem extunc eo ipso, & tam diu remaneant Ecclesiastico supposita interdicto, donec ab eis facta fuerit restitutio plenaria omnium predictorum.

Ex Synodo Episcopi Herbipolensis.

Consuetudini generali, que est optima legum interpret, in civitate & Diocesi nostra hactenus inconculse servate nos conformare volentes: statuimus, quod funus quodlibet apud alienam Ecclesiam sepeliendum, prius ad Parochiam deportetur: nam sicut funeratus a proprio Sacerdote curato, dum viveret, Ecclesiastica Sacramenta recepit, sic est congruum & honestum, ut habendo Missam in propria Ecclesia, ultimum vale recipiat ab eodem.

T t 2

De

De Parochiis. Ex Concilio Fritzlariensi.

Sane gravis & clamorosa querela nostris auribus inculcatur, quod nonnulli suis juribus & finibus non contenti Parochianos alienos presumunt recipere temere ad Divina, contra Canonicas Sanctiones, & cum dictorum Parochianorum Judices non existant, nec ligandi, nec solvendi in eos acceperint potestatem, se tamen Judices faciendo in foro spirituali periculo se absolunt, & ligant pro suo libito voluntatis, sicque ipsos, qui proprios spernunt Presbyteros, minime absolutos illud salutiferum nostre peregrinationis viaticum, quod non proficit, nisi prius a criminum labe mundatis, in animarum suarum, & eorum, qui id non dijudicantes indiscrete recipiunt, conferre periculum non verentur. Sicque dicti eorum Sacerdotes, qui curam recipiendo eorum suam pro ipsis animam obligarunt, dum sibi taliter subtrahuntur, statum ignorantem ipsum non possunt, quod in eis egrotum est sanare, nec consolidare infirmum, nec alligare confractum, & sic dum curationis necessarie non adhibentur remedia, invalescentibus morbis usque ad interemptionem lesio dilatatur: Unde Sacerdotes nullam possint de sic pereuntibus animabus superno iudici reddere rationem. Nos Sanctorum Patrum, qui Ecclesie Sancte Dei, & personis Ecclesiasticis terminos, quos non licet transgredi, posuerunt, Statuta considerantes hujus Sacri Concilii approbatione universis Sacerdotibus tam Religiosis, quam Secularibus cujuscunque ordinis, conditionis, sive status existant in civitate, Diocesi, vel Provincia Maguntina degentibus, sub debito juramenti, quod Episcopo in receptione Sacerdotii prestiterint, ac sub interminatione Divini iudicii firmiter inhibemus, ne quis alienum Parochianum, cujus cura per Episcopum, vel loci Archidiaconum, seu ejus super eo Vicarium aliis est commissa, presumat excepta necessitatis causa, que legem non habet, ad confessionem recipere, vel ei aliquod Ecclesiasticum Sacramentum porrigere, nisi petita desuper & obtenta licentia proprii Sacerdotis; cum certi & indubitati juris existat, talem a tali crimine solvi non posse aliquatenus, vel ligari. Et ex hoc ordinem Ecclesie

per majores & sanctos Patres per Divinam providentiam institutum confundi quod per universos Plebanos singulis diebus Dominicis & Festivis coram suis plebibus precipimus publicari.

De Decimis. JOHANNES Episc.

Decimas Sacri Canones jubent sine diminutione, & sine expensarum deductione Clericis exolvere. Ideoque mandamus, quatenus ipsas de fructibus statim cum collecti fuerint, & non deductis expensis cum integritate plenaria exolvantur.

Idem.

Licet omnis Christianus ad Missarum solemniam aliquod Deo offerre teneatur, & reducere ad memoriam, quod Deus per Moysen dixit: *Non apparebis in conspectu meo vacuus.* In precipuis tamen Dei, & Sanctorum Festivitatibus per anni circulum occurrentibus, quas juxta Ecclesie nostre longevam consuetudinem septem fore censemus: Nativitatis videlicet Domini nostri JESU CHRISTI, Pasche, Penthecostes; Nativitatis Sancte Marie, Purificationis, Annuntiationis, Assumptionis, ad Oblationes & Offertoria omnes & singulos nostros subditos in suis Parochialibus Ecclesiis Sacerdotibus suis curatis teneri, presentibus declaramus statuendo, nisi aliud in quibusdam Ecclesiis ex longa consuetudine esset introductum.

De statu Monachorum.

Statutum est in Concilio Viennensi, quod singulis mensibus tam in Monasterio, quam extra, sublata occasione quacunque ad confessionem saltem semel accedant omnes & singuli Monachi. Et in prima Dominica mensis cujuslibet in Monasterio semper communicent, nisi ex causa forte, quam Abbati, Priori, aut Penitentiariis Monasterii non differant intinere, eorumque iudicio vel abstineant, vel accedant.

Ex Concilio Maguntinensi.

Statuimus insuper, ut in singulis Monasteriis fenestree perlatorie duplicata habeant ferramenta, ut & Moniales suis Prepositis, & Prelatis in rebus licitis & honestis obediant, nec cuiquam alii preter eorum licentiam sua consiteantur

peccata. Ipsi etiam Prepositi & Prelati claustra Monialium non introeant, nisi summa magna & evidens necessitas exposcatur.

De eodem.

Compaternitatem a Monachis, & Monialibus contrahi districtius prohibemus. Statuimus, ut si aliqua claustra monialium ad inopiam tantam devenerunt, quod illi de proventibus Monasterii contentari non possunt, & ab amicis panis, vinum, denarii, vel aliquid hujusmodi transmittantur eisdem, non hoc prius recipiant, quam Magistre, vel Abbatisse id significant, ut de ejus arbitrio, quid de hoc, quod missum est, fieri debeat, statuatur, & labores earum veniant in commune, quod & de Monachis irrefragabiliter volumus observari.

De eodem.

Statuimus etiam, ut juxta Concilium proxime celebratum Monachi, & alii Religiosi quilibet, alterius coloris vestibus, quam ejus ordini congruit, non utantur, siue cotidiane, siue pluviales existant. Monasteria Ordinis Sancti Augustini, & Benedicti juxta observationem sue regule efficacius reformatur. Prohibemus districtè, ne quis Abbas vel Abbatissa duas habeant Abbatis, & etiam nulli Monacho vel Moniali duo officia in Monasterio assignentur, nisi Abbatis providentia de assensu Capituli propterevidentem necessitatem Monasterii id duxerit ordinandum.

De eodem.

Nullus Monachus in Abbatem, vel ad aliquod officium, nisi dudum expresse professus fuerit assumatur, & si qui taliter jam assumpti sunt, a suis removeantur officiis, & alii substituantur eisdem. Quod de monialibus etiam decernimus observandum. Hoc priori Concilio in non Professorum odium adjungentes, ut cum juxta decretum Pelagii Abbas sit a Monachis eligendus, nullus omnino non professus, quantacunque temporis diuturnitate ibi duraverit, ad electionem Abbatis aliquatenus admittatur, nec valeat ei suffragari siue de facto siue consuetudine, scilicet, quod una cum ceteris Monachis ad tractatus alios Ecclesie antea sit admissus.

Monachi jam adulti, si post annum probationis in manus Abbatis professionem facere recusaverint, de Monasterio expellantur. Quod etiam de Monialibus observetur.

Nullus Monachus vel Monialis in duobus Monasteriis locum habeat, vel prebendam. Item quicquid Monachus vel Monialis, undecunque provenierit, adquisierit, suis applicare usibus non presumat, sed totum in communes usus Monasterii redigatur.

Idem.

Nullus Monachus vel Monialis proprium quid habeat, & qui proprium habuisse in morte fuerit deprehensus, Ecclesiastica careat sepultura, & si sepultus est, jam exhumetur; si qui vero ipsorum ad mandatum sui Prelati propriis renunciari noluerint, de Monasterio expellentur.

Idem.

Ludus alearum, corearum, scarorum, taxillorum, annulorum, & globorum Monachis, & Monialibus prohibemus districtè. Item Abbates & Monachi mantella, & sarchotes non portent, nec pannos de nigro bruneto, sed quanto possunt haberi precio viliori, juxta quod precipit regula eorundem atque Concilium Viennense.

Idem.

Abbates in communi dormiant dormitorio cum suis Monachis, in refectorio communi vescantur, nisi quando justa necessitas propter magnos, & honestos hospites id fieri eosdem compellat, idem de Abbatibus statuimus observandum.

Idem.

Item tam Abbatibus, quam Monachis vulpina pellicia, & de cuniculis prohibemus, sed agninus tantum utantur. Item Monachi calceos strictos, qui scivales dicuntur, non habeant, sed alios sue regule competentes.

Idem.

Item Abbates cappas rotundas ad modum Episcoporum in usu cottidiano non portent, sed cum manicis, ut eorum ordo postulat, & requirit: nec ipsi, nec Monachi, qui quando equitant, mantel-

la deferant super cappas, quas claufas fore cenfemus.

Idem.

Hoc etiam ftaturum lucidius declarantes, ftatuimus, ut tam Monachi, quam Abbates in cappis nigris equitant, & rotundis, vel in habitu ufitato.

Idem.

Insuper inhihemus diftrictè, ne occasione qualibet fcculares perfone domos, vel habitacula fua faciant juxta Monafteria Monachorum, quia frequenter & ex hoc contra Monachos finiftra prefumpcio eft exorta, nifi forte alicui perfone omni fufpicionc carenti id de confenfu, & auctoritate Diocefani Epifcopi permittatur. Abbates vero, qui contra hoc fieri prefumpferint, gravi fubjaceant ultioni. Item Abbas nullum Monachum alterius Monafterii fine literis dimifforii proprii Abbatis in fuo Monafterio recipere, vel tenere prefumat. Item Monachi in refectorio carnibus non utantur, nifi in infirmatorio cum egrotant.

De eodem.

Item quicumque Monachus in lapfum carnis ceciderit, de quo fuerit manifeftum, ad nullam amplius dignitatem, nec ad aliquod officium Monafterii affumatur, nifi propter manifeftam emendationem, & honeftam, ac religiofam converfationem ipfius per Diocefanum Epifcopum fecum fuerit mifericorditer difpenfatum. Eidem quoque pene fubjaceat, fi fuper hoc infamatus fuerit, nec Canonice potuerit fe purgare, & in penam fui criminis de cetero ultimus fit & in Choro, & in Capitulo, vocem non habeat ad aliquam Monafterii ordinationem tractandam, nifi poft emendationem manifeftam Abbatis providentia, & confenfu Conventus ipfum duxerint admittendum. Si vero Abbas, vel Monachus in officio conftitutus in fimilem lapfum ceciderit, a fuo ftatim removeatur officio. Quod circa Prepofitum fieri volumus, fi de hoc infamatus fuerit, nifi Canonice fe expurget, & nihilominus penis illis fubjaceat, que de fimplici Monacho fuperius funt exprefle. Idem de Abbatiffis, & Monialibus ftatuimus obfervandum, & hec omnia, que ftatuta funt de Monacho circa continentiam, propriorum abdi-

cationem, & fimilia, ad Canonicos Regulares volumus extendi, licet quo ad efum carniū, & quedam alia regule interferviant laxiori.

De eodem.

Plerique Religiofi, maxime Ordinis Sancti Benedicti, non verentur convivium celebrare, fcculares etiam perfonas ad ipfa cenobia pro comeffationibus invitantes, ex quo non folum fcandalifantur extranei, & confratres, vmmo eorum religio diffolvitur, & modella monaftica deformatur. Cum igitur juxta Sacrorum Canonum ftatuta, & Venerabilium Conciliorum decreta Monacho non liceat, undecunque pervenit, aliquid, fuis ufibus propriare privatis, Sacri Concilii approbatione talia de cetero ex quacunque caufa fieri prohibemus. Si quis autem transgreffor extiterit, pro qualibet transgreffione carceralem octo dierum in graviore culpa fubeat difciplinam.

Idem.

Preterea, & fi contra moniales, que de fuis clauftis propter aliquos enormes exceffus, aut animi levitate temere fugientes, & in feculo fcculariter per aliqua temporum fpacia converfantcs, & tandem penitentia ducte ad claufta, de quibus fugere prefumpferint, humiliter redire volunt, certe & varie pene juxta qualitatem, & quantitatem excedentium a Sanctis Patribus funt ftatute. Quidam tamen Abbates & Abbatiffe, ac ceteris magiftratus penis in Sacris Canonibus circa fui ordinis regulam contra hujusmodi profugas perfonas expreflis non exiftentes contenti, graviore, & quali importabiles penas ipsis in fui reverfione imponere non verentur, vel quod deterius eft, eafdem perfonas quantumcunque humiliter poftulantes aditum ad fua claufta, ex quibus exiverunt, admittere unanimiter contradicunt. Cum ergo juxta Sacrorum Canonum diverfas auctoritates pene non ampliande, fed potius fint reftingende, & longe fecurius fit de mifericordia Deo, quam de crudelitate reddere rationem, Cum etiam Dominus per os Prophete pollicitus fit dicens: *Peccator in quacunque hora converfus fuerit, & ingemuerit, omnium iniquitatum fuarum minime recordabor.* Nos attendentes, quod ubi Paterfamilias largus

gus dispensator extiterit, non decet famulum esse tenacem, ut peccandi via, & occasio personis talibus precludatur, provida deliberatione Concilii hujus discernimus statuendum, & sub pena dispensationis universis Abbatibus, Abbatissis, & ceteris Monasteriis Magistralibus cujuscunque Ordinis, seu conditionis existant, aut quocunque nomine appellentur, injungimus firmiter, & districtè, ut suis fratribus & sororibus in apostasie labem ex quacunque causa prolapsis, desiderantibus & appetentibus cum humilitate, & devotione regressum suum (*) misericordie, quam alma Mater Ecclesia nulli petenti claudere constituit, more pii Patrisfamilias, qui filium primo prodigum, & postmodum penitentem paterne recepit, liberaliter studeant aperire, ita quod hujusmodi personas redire ad sua claustra volentes, quantumcunque excessus earum graves fuerint, vel enormes, juxta cujuslibet ordinis disciplinam, sive regulam, & consuetudinem observatam, sine qualibet contradictione recipiant, & admittant. Ita tamen, quod propter earum accessus, nec victus, nec vestitus subtrahatur eisdem, sed alias, sicut prediximus, regulariter puniantur. Alioquin predictam suspensionis sententiam per Ordinarios locorum, seu Officiales eorum in omnes contradictores procedente tempore, juxta quod eorum protervia meruerit, precipimus promulgari.

JOHANNES Episcopus Herbipolensis.

Insuper ad religionum reformationem ex officii debito oculorum aciem dirigentes, districtè percipimus, & mandamus omnibus, & singulis regularem vitam professis, quatenus secundum regulam, quam professi sunt, ac ordinationes, diffinitiones, & Statuta Sanctorum Patrum vivere studeant. Substantialia, videlicet obedientiam, paupertatem, & continentiam firmissime servare curent, in habitibus & calceamentis ordini suo congruentibus secundum formam Cle. *Ne in agro*, & aliarum constitutionum desuper confectarum se decenter & honeste habeant. Tonsuras etiam deferant largas & latas. Omnesque fratres communiter vivant, & comedant in refectorio, in quo nullus carne vescatur, mense vero

non desit lectio. Silentium in oratorio, dormitorio, refectorio, & claustrò debite observetur. Rursus mandamus, ut in singulis Monasteriis ydoneus teneatur Magister, qui Monachos sive Novicios in primitivis scientiis instruat diligenter. Ipsi etiam Novicii fidelis deputetur instructor tam in Divinis Officiis, quam in observantia regulari. Regula etiam in Capitulo ab ipso, qui preest Capitulo, vel alio, cui hoc injunctum fuerit, frequenter legatur, & etiam propter minores vulgariter exponatur. Volumus insuper, ut in singulis Monasteriis numerus Monachorum antiquitus institutus teneatur, si ad hoc sufficiant facultates. Si autem facultates non sufficiant, tot Monachi teneantur, quot de ipsorum Monasteriorum bonis sive proventibus absque penuria poterint sustentari. Precipimus etiam & mandamus, ut ad portam cujuslibet Monasterii unus portenarius sive janitor providus, & discretus deputeretur, ne absque licentia Abbatis, vel alterius Presidentis in Monasterio eodem alicui ingrediendi libertas concedatur, neque mulieres Monasteria virorum aliquatenus intrare permittantur. Hec autem omnia etiam in Monasteriis Monialium quoad articulos Abbatissis & Monialibus congruentibus precipimus observari. Si quis autem in premisis, aut aliquo premissorum temerarius violator extiterit, regulari subiaceat discipline, aliisque penis a sacris Canonibus & Statutis Ordinum inflicis nihilominus veniat gravissime percellendus. Abbates quoque, quibus omnes Monachi reverenter obediant, taliter se regant opere & sermone, ut exemplo vite, verboque doctrine fratres suos instruere possint in bono, & etiam a malo revocare, zelum religionis habentes secundum scientiam, ut delinquentes corrigant, & castigent, obedientes foveant, & confortent, nec extra sua Monasteria domicilium aliquid teneant, sed sint & maneant cum fratribus suis in Monasteriis, ac Choro, & Horis Canonici, prout frequenter poterint interfine, Missasque ad minus in summis & precipuis festivitibus per se cantent, vigilem curam, & diligentem sollicitudinem gerentes de omnibus, ut de officio eis commissio dignam Deo possint reddere rationem. Quod si remissi vel negligentes

[*] *lego: sumum.*

res inventi fuerint secundum regularia instituta, & sacros Canones pena debita decernimus puniendos: cum offensa non solum propria, verum etiam aliena de eorum manibus requiratur. Insuper volumus, & mandamus, ut omnes & singuli Abbates, Abbatisse, & Conventus Nobis subiecti, deinceps per Nos requisiti, de omnibus expositis & receptis per eos Nobis, aut Commissariis nostris ad hoc deputandis, absque dolo, fraude, seu negligentia debitam rationem reddant.

De Religiosis Domibus. Ex Concilio Viennensi.

Cum de quibusdam mulieribus, Beginabus vulgariter nuncupatis, que cum nulli promittant obedientiam, nec prius renuncient, neque profiteantur aliquam regulam approbatam, religiose nequaquam existunt, quanquam habitum, qui Beginarum dicitur, deferant, & adhereant religiosis aliquibus, ad quos specialiter trahitur affectio earundem, Nobis fide digna relatione insinuatam extiterit, quod earum aliquæ quasi perductæ in mentis insaniam de summa Trinitate, & Divina essentia disputent, & predicent, ac circa fidei articulos, & Ecclesiastica Sacramenta opiniones Catholice fidei contrarias introducant, & multos super his decipientes simplices in errores diversos inducant, aliaque quam plura pericula animarum parientia, sub quodam velamine sanctitatis faciant, & committant. Nos tam ex his, quam ex aliis de ipsarum opinione sinistra frequenter auditis eas merito suspectas habentes; statum earundem sacro approbante Concilio perpetuo prohibendum duximus, & a Dei Ecclesia penitus abolendum, eisdem, & aliis mulieribus quibuscunque sub pena excommunicationis, quam contrarium facientes incurrere volumus ipso facto, injungentes expresse, ne statum huiusmodi dudum forte ab ipsis assumptum, quoquomodo sectentur ulterius, vel ipsum aliquatenus de novo assument. Predictis vero religiosis, per quos eedem mulieres in huiusmodi beginagii statu foveri, & ad ipsum suscipiendum induci dicuntur, sub simili excommunicationis pena, quam eo ipso, qui secus egerint, se noverint incursores, (a) restrictius inhibemus, ne mulieres aliquas

predictum statum, ut predicatur, dudum assumptum sectantes, aut ipsum de novo forsitan assumentes quomodocunque admittant, ipsis super hoc sectando, vel assumendo prebentes ullomodo consilium, auxilium, vel favorem: nullo contra premissa privilegio valituro. Sane per predicta prohibere non intendimus, quin si fuerint fideles aliquæ mulieres, que premissa continentia, vel etiam non premissa (*) honeste in suis conversantes hospitiiis penitentiam agere voluerint, & virtutum Domino in humilitatis spiritu deservire, hoc eisdem liceat, prout ipsis Dominis (b) ministrabit.

Ex Concilio Maguntinensi.

Statuitur, quod secta & habitus, nec non conventicula Beghardorum claustrorum per plateas & vicos civitatum, oppidorum, & villarum hoc vulgare (*Brot durch Gut*) & quelibet aliæ singularitates a Sancta Dei Ecclesia non receptæ, sint penitus reprobatæ, & mandatur universis Plebanis per civitatem, & Diocesim, ac Provinciam Maguntinensem constitutis, ut eosdem Beghardos publice tribus diebus Dominicis, & Festivis ammonerent, ut huiusmodi singularitates derelictis se teneant sicut alii Christiani, & quod non predicent in cavernis, vel aliis locis secretis, & non conveniant cum Beginis se conformantibus eisdem in moribus, habitu, & incessu. Alioquin extra Parochias suas expellant eosdem. Idem etiam de Beginis pestiferis est statutum.

De Capellis Monachorum. Ex Concilio Maguntinensi.

Ad hec cum Religiosi quidam per Fratres sui Ordinis efficiant Ecclesias unitas sibi, & id Fratribus illis sit occasio dissolutionis, quia iidem eo sunt prouiores ad lubricum, quo ex religioso titulo se autumant exemptos, ac Prelati eorundem per Ordinarios tales corrigi minime pariantur, sed quasi pro ordinis scandalo evitando ipsos ad domos suas revocant, vel ad alias Parochias mittant illos. Auctoritate huius Sacri Concilii duximus statuendum, ut Religiosorum Ecclesie per Fratres eorum non officientur, sed per Clericos seculares, ut saltem de reliquiis, que de mensâ Religiosorum ceciderint, sustentari valeant pauperes Sacerdos.

(a) forte: incursores.

[*] forte: promissa

(b) lego: Dominus

cerdotes, qui in vituperium ordinis Sacerdotalis publica egestate laborant, ita, quod hec sint verissima illa verba Hieronimi dicentis in Canone: mendicat infelix Clericus in plateis.

De Jure Patronatus, Ex Concilio Maguntinensi PETRI Archiepiscopi.

Statuitur, quod si Clericus, sive laicus Ecclesie Patronus Rectore ejusdem defuncto spoliatur dotem, & Ecclesiam, jure presentandi est ea vice privatus, & Superior Ecclesiam illa vice deferri debet. Statutum est etiam contra Patronos Ecclesiarum, qui bona Clericorum decedentium sibi usurpant contra Statuta Concilii Lugdunensis, ut a jure Patronatus, & presentandi, illa vice cadant penitus ipso facto.

Ex Synodo WOLFRAMI Episcopi Herbipolensis.

Item prohibemus in virtute sancte obedientie, & sub pena suspensionis ab ingressu Ecclesie late sententie, & obtestatione Divini Judicii, ne Sacerdotes, & alie Ecclesiastice persone a Patronis Ecclesiarum ad Ecclesias Parochiales vacantes nomine, & vice alicujus minoris impuberis, vel alterius etatem legitimam non habentis se faciant veris Rectoribus presentari, quia ex isto execrabili abusu, qui irrepsit, proh dolor in nostra civitate & Diocesi, ut accepimus, Ecclesia Dei, & anime fidelium dampnabiliter decipiuntur, preter alia mala, que ex his pollulant, & etiam ipsa Ecclesia inficitur symoniaca pravitate. Qui quidem sic instituti apud laicos Kirchenreger vulgariter nuncupantur, & qui haecenus presentati sic fuerant fraudulentè, eas a se abdicent & resignent, quod eis sub predicta suspensionis ab ingressu Ecclesie pena firmiter precipimus per presentes.

De Censibus, JOHANNES Episcopus.

Cum circa solutionem, & receptionem censuum annuorum infra Dominium Ecclesie nostre temporale diversa sentire diversi consueverunt, ex quo dissensiones, & scandala suborta plerumque dinoscuntur, presentibus sub excommunicationis pena statuimus, volumus, & or-

Tomus V. Concilior. German.

dinamus, ut infra dictum Dominium ratione censuum, Ecclesiis, & Monasteriis, aut occasione eorundem singularibus personis debitorum, pro libra Hallen, triginta, & pro libra denariorum sexaginta denarii monete Herbipolensis communiter pro tempore currentis, & non ultra exsolvantur, seu quomodolibet exigantur.

De Consecratione Ecclesie, vel Altaris, Ex Concilio Fritzlarisiensi.

Ecclesia, aut cimiterium per sanguinis, aut feminis humani effusionem, aut per excommunicati corporis tumulationem violatum, sive pollutum, per alium, quam Episcopum reconciliari non potest: cum ea, que sunt Episcopalis ordinis, non nisi ab Episcopo valeant emendari.

De Celebratione Missarum, & Sacramento Eucharistie, & Divinis Officiis. Statutum ex Synodo WOLFRAMI Episcopi, Herbipol.

Ad decorem Domus Domini, & ad cultum Divini Officii inibi ampliandum, & ut Christi fideles ad Divinorum Officiorum frequentiam, ac etiam devotionem salubrius invitentur, Statuimus, & ordinamus, & nihilominus Curatis Sacerdotibus in virtute sancte obedientie injungimus per presentes, quod ipsi de cetero in Ecclesiis suis debitis horis cottidie, pulsato campana ad hoc signo, non in cameris, stubis, aut aliis locis, ut nonnulli ex eis haecenus facere ex accidia consueverunt, saltem Matutinum, & Vespertinum Officium dicant, cum commode fieri poterit, nisi eos quandoque inevitabilis necessitas, seu impedimentum legitimum ab hoc retrahat & excuset, quia ex isto abusu plures libri Ecclesiarum hujusmodi furim asportantur, ac etiam in locis prohibitis deteriorantur graviter ipsi libri. Alioquin ad solutionem librorum sic perditorum, & deteriorum juxta modum prehabiti dicti Plebani tenebuntur. Et nihilominus super eo legitime puniatur.

De eadem Synodo.

Item antiquam Ecclesie nostre Matris vestre consuetudinem, que retro temporibus in dissuetudinem negligenter

abiiit, innovare volentes, statuimus, ymmo etiam omnibus Clericis civitatis & Diocesis maxime Curatis precipimus in virtute sancte obedientie in his scriptis, ut in ordine, & in Officio Divino, & in Festorum mobilium dierumque celebrum inditione, Dominicalium quoque historiarum impositione, communis septimane, & jejuniorum publicatione, & observatione quoad se, & subditos suos in omnibus ipsi nostre Ecclesie se conforment, quem Divinum Ordinem in scriptis a succentore Ecclesie nostre de cetero imperpetuum singulis annis recipere debebunt. Et similiter diem Sancti Kiliani, & Dedicationis ejusdem Ecclesie solemniter celebrent. Eisdemque diebus in septimana Pentecostes cum plebibus eandem nostram Ecclesiam devote visitent Ecclesiarum Plebani, qui & quorum Predecessores ab antiquis temporibus hoc facere consueverunt. Ipsi quoque Plebani in diebus Patronorum, & Dedicationis Ecclesiarum suarum solennes ferias una cum plebe sua teneant & observent.

De eadem Synodo.

Item in die Dedicationis Ecclesie nostre, que occurrit in die Columbani, Divinum Officium Plebani locorum Diocesis nostre de Martyribus peragant & observent.

De eadem Synodo.

Item anniversarium Reverendi Domini BRUNONIS quondam Episcopi Herbipolensis, per nostros subditos civitatis, & Diocesis nostre sabbato post diem Beati Urbani, quo feliciter diem extremum clausit peragi precipimus juxta consuetudinem humiliter & devote.

De eadem.

Statuit Concilium Maguntinense inhibendo sub pena suspensionis late sententie, ut nullus Sacerdotum noviciorum illa die, qua celebrare debuerit primam Missam, oblaturus Deo primitias gratie, & salutis sibi collate, aliquos ad convivium invitare, aut invitatos habere, aut id fieri procurare per se, vel per alium nullomodo presumat, sed ad solum Deum dirigat aciem sui cordis remotis vanitatibus, histrionum cursibus, tumultibus, & insolentis reproborum.

Ex Concilio Viennensi.

Nonnulli Clerici horas Canonicas dicere, seu psallere presumunt transcurrentes, sincopando extranea quidem, & plerumque vana, prophana, & inhonesta intermiscendo colloquia, tarde ad Chorum conveniendo, seu Ecclesiam ipsam absque rationabili causa ante finem officii exeundo, frequenter aves interdum portando, seu portari faciendo, canesque venaticos secum ducendo, ac quasi nihil pretendentes de Clericali militia in corona, vestibus, & tonsura Divina etiam celebrare, aut eis interesse minus devote presumunt. Nonnulli etiam tam Clerici, quam laici presertim in certis Festis, dum in Ecclesia orationi insistere deberent, non verentur in ipsis earumque cimiteriis coreas facete dissolutas, ac etiam interdum canere cantilenas, ac multas insolentias perpetrare, ex quibus Ecclesiarum, & cimiteriorum violationes, inhonesta, varique delicta, quandoque sequuntur, & Ecclesiasticum plerumque perturbatur officium in Divine Majestatis offensam, & altantium scandalum populorum. In multis insuper Ecclesiis cum vasis, vestimentis, & ceteris ornamentis ad Divinum cultum necessariis indecentibus vidque pensatis earumque facultatibus deservitur, que omnia, & singula Viennense Concilium interdicat.

JOHANNES Episcopus.

Districte etiam inhibendo mandamus, ne de cetero in locis non consecratis, vel in Ecclesiis violatis Divina celebrentur, nisi ex nostra permissione, & licentia speciali, & expressa, nec in cimiteriis non consecratis, vel violatis corpora defunctorum sine nostra licentia tumultentur.

Idem.

Item inhibemus, ne Plebani, vel Sacerdotes aliqui excommunicatis a Domino Papa, vel a Nobis, vel aliquo iudice ordinario, seu delegato ante obitum absolutionis Beneficium in Festivis, vel privatis diebus de cetero introitum Ecclesie indulgeant, vel eos recipiant ad Divina, cum ante absolutionem excommunicationis vinculum non possint ad tempus suspendere, nec sine peccato medio tempore possit eis, nisi certis casibus communicari. Qui vero contrari-

um fecerit , ipso jure ab officio sit suspensus.

Idem.

Insuper districtè precipimus , ne ullus Presbyter sine Scolare sibi in Missa respondente Missam audeat celebrare.

Idem.

Sacerdos Diaconus in veste, que polluta est nocturna pollutione, ad aram ministraturus non accedat.

Idem.

Altaribus cum disciplina, & timore astantes signa, & cruces distincte, & sine confusione peragite.

Idem.

Remittente Moyse Servi Domini , qui hostes populi sui non ferro pugnando, sed prece orando dejecit, statuimus, ut inter cotidiana ad Missas, Matutinum, & Vesperas decantanda suffragia Antiph. *Da pacem. & V. Fiat pax in virtute. & Collecta: Deus a quo sancta desideria &c.* Pro pace Clerus provolutus in terram genibus, & erectis in celum cordibus cotidie studeat observare : Quatinus Dominus noster JESUS Christus Rex pacificus sedatis tribulationibus , & Ecclesiarum persecutoribus, & in vasoribus humiliatis pacem in populo suo multiplicatam intercessoribus largiatur.

Idem.

Nullus Clericus uno die duas Missas decantet, preterquam in die Nativitatis Domini nostri JESU Christi, & necessitate, que, si eveniat, non sumat, nisi sanguinem, abluitionem vero astanti porrigat.

Idem.

Firmiter inhibemus, ne mulieres ministrare apud Altaria permittantur.

Idem.

Duo Officia sub uno Canone non dicantur.

Idem.

In Elevatione Domini campana pulsatur, ut in nomine IHESU omni genu flectatur, nec ante pulsatur, quam hec verba dicantur Sacrosancta : *Hoc est enim Corpus meum.*

Tomus V. Concil. German.

Idem.

Felicis recordationis olim Dominus URBANUS Papa sextus pio ductus proposito omnibus vere penitentibus , & confessis , Sacrosanctum Eucharistie Sacramentum , quando ad infirmos portatur , & reportatur devote affociantibus centum dies indulgentiarum misericorditer in Domino relaxavit. Quod in sermonibus vestris, quos ad populum vos facere contingerit, Christi fidelibus frequentius insinuare curetis.

Idem.

Gloriosissime Virginis Marie Festum Visitationis Sancte recordationis Dominus URBANUS Papa sextus sub duplici Officio solemniter , ut alia dicte Virginis Festa statuit per orbem universum celebrandum , ac suasit & consuluit, ut ejusdem Festi vigilia in observatione jejunii sicut Festum Assumptionis ejusdem devotius observetur. Nos igitur volentes hujusmodi ordinationem salutarem debite executioni demandare districtè precipimus , & mandamus , & per nostras civitatem , & Diocesim Festum peragatur juxta dicte ordinationis continentiam supradictam, ac quod officium & historia, sicut tenetur in nostra Ecclesia, ab omnibus decantetur.

Idem.

Execrabilis, & detestanda aliquorum negligentia nostrum turbavit auditum , quod in plerisque monasteriis regularibus ad hoc fundatis , & sufficienter dotatis, hore Canonice , & alia Divina Officia nullatenus, vel saltem raro negligenter, incomplete, & inordinate decantentur, seu peragantur. Quodque nonnulli Ecclesiarum Ministri modestia ordinis Clericalis abjecta, non considerantes, quod Beneficium datur propter officium, horas Canonicas dicere , seu psallere negligant in Divinæ Majestatis offensam, & scandalum plurimorum. Ne igitur transgressores invalescant hujusmodi , aliisque veniant in exemplum, districtissime precipiendo mandamus, ut in omnibus, & singulis Ecclesiis Collegiatis, ac Monasteriis regularibus Virorum & Mulierum Nobis subjectorum ad hoc fundatis, & sufficienter dotatis, singulis diebus Officium Divinum diurnum pariter , & no-

Ætuum horis debitis solemniter cum nota in spiritu humilitatis devote, rite, ordinate, distincte, & laudabiliter psallantur, & decantentur. Quodque omnes & singuli in Sacris Ordinibus constituti, & etiam in inferioribus de Patri- monio Christi Beneficiati seculares, & Religiosi similiter singulis diebus horas Canonicas convenienter, & debite dicant, & perficiant. In premissis vero, vel aliquo premissorum negligentes, culpabiles, inobedientes, seu rebelles, cujuscunque fuerint status, conditionis, vel dignitatis decernimus per censuram Ecclesiasticam, ac subtractionem reddituum, & proventuum suorum Beneficiorum, & alias secundum qualitatem delicti graviter puniendos. Et quia Superiorum negligentia, que dum spem impunitatis permittit, multam pestilentiam in subditis nutrire consuevit, idcirco omnibus illis, ad quos id pertinet, districte, & in virtute sancte obediencie districte injungimus & mandamus, ut omni negligentia, & incuria relegata circa reformanda premissa, & eorum singula corrigenda sollicitam curet diligentiam adhibere. Alioquin Nos eorum negligentiam pro ut justum fuerit puniemus. Insuper precipimus, & mandamus, ut in omnibus Collegiis infra civitatem, & Dioecesim nostras constitutis singulis diebus perpetuis futuris temporibus finitis tertiis, pro salute nostra, & Successorum nostrorum Episcoporum pro tempore existentium legatur Psalmus: *Levavi oculos meos in montes &c.* cum Versu: *Salvum fac servum tuum.* cum collecta: *Omnipotens sempiternus Deus, qui facis mirabilia magna solus.* &c. Prout in nostra Ecclesia Herbipolensi hætenus fieri est consuetum. Et idem precipimus ab omnibus Clericis horas Canonicas legentes observari.

Idem.

Quancumque a Sacris Canonibus dum fuerit institutum, ut Rectores Parochialium Ecclesiarum infra unius anni spacium ad Sacerdotium teneantur promoveri, plerique cortici verborum textus juris inherentes Sacerdotalem Ordinem recipiunt, sed officium ordini an-nexum differunt exercere. Nos igitur attendentes, quod Sacri Canones non verba sed mentem amplectantur, sacra approbante hac Synodo statuimus, & or-

dinamus, quod Rectores Ecclesiarum Parochialium singuli nostre civitatis, & Dioecesis post receptionem sacri Sacerdotii infra unius anni spacium susceptionis ordinis ejusdem immediate subsequenti, hoc Sacerdotale officium cum Missarum celebratione teneantur debite exercere, ipsumque fideliter diebus, quibus vixerit, continuare. Nisi desuper per Nos, aut Successores nostros ex causa, quam Nos, aut Successores nostri duxerimus, aut duxerint, seu saltem ducere debeamus, vel debeant reputare, cum eisdem fuerit dispensatum. Alioquin ipsis Ecclesiis Parochialibus sic susceptis privatos esse volumus eo ipso.

*De Baptismo, & ejus effectu. Ex Synodo
Kivitzlariensi.*

Baptismus cum summa reverentia celebretur maxime in distinctione, & prolatione verborum, in quibus Sacramenti virtus consistit his scilicet verbis: *Ego baptizo te in nomine Patris, & Filii, & Spiritus Sancti.* Doceant etiam Sacerdotes, tam mares, quam feminas in necessitate parvulos baptizare eadem forma in suo ydiomate, & quod patres & matres infantes proprios, si summa necessitas exigit, poterunt baptizare. Et si Sacerdotes super hoc diligentius inquirentes debitam formam servatam in baptismo invenerint, quod factum est, approbent supplentes circa baptisatum, quoad unctionem olei in pectore, & in scapulis, & crismatis in vertice, quod a laicis est obmissum. Si autem in baptismo debitam formam non invenerint observatam, non differant pueros baptizare.

JOHANNES Episcopus.

Doceant Sacerdotes laicos baptizare in necessitate teutonico predictam formam facere, & quomodo puer baptisatus sit a laico requirat Sacerdos ab eo, qui eum baptisavit, si formam servaverit predictam. Quod si non servavit formam predictam, ipse Sacerdos baptiset puerum, & faciet totum officium sicut scriptum est in libris, si autem servaverit laicus predictam formam Sacerdos inungat Oleo Sancto cum Crismate, & dicat illa verba, que dicat in unctione, & non magis faciat circa unctionem pueri. Si autem de baptismo illius dubitetur, tunc

tunc baptizetur sub hac forma. Si es baptizatus non te rebaptizo, si non es baptizatus, ego te baptizo in nomine Patris, & Filii, & Spiritus Sancti. Hec tria fiant, sicut in libris continentur.

Item de eodem.

Doceant etiam Sacerdotes, quod non solum viri sed etiam mulieres in necessitate baptizare possunt, si alius non possit haberi. Sciant etiam Sacerdotes, quod si laicus cum baptizat, ex simplicitate, non causa introducendi errorem, dicat. Ego te baptizo in nomine Sancti Patris, Sancti Filii, Sancti Spiritus, quod non est rebaptizandus puer, quia illud apponit, quod necesse est intelligi. Pater enim Sanctus est, unde in Johanne: Pater Sancte serva eos &c. Filius Sanctus est, unde in Luca: Quod enim ex te nascitur, Sanctum vocabitur. Et Spiritus Sanctus est: unde ibidem Spiritus Sanctus superveniet in te. Hoc probat Augustinus per hoc, quod dicitur ter Sanctus in Ysaia, & in Apocalypsi. Si quod autem aliud interpositum fuerit non est baptizatus. Si autem in fine apposuerit causa devotionis, & ex simplicitate, non intendens per hoc baptizare: & Sancte Marie, & sancti Johannis, & sancti Petri, baptizatus est. Si autem intendit per hoc baptizare, non est baptizatus. Pro baptismo nihil exigatur, sed si quid offeratur gratis, accipi potest.

De custodia Eucharistie. Ex Concilio Maguntinensi, Fritzlarienti.

Item statuimus, ut in cunctis Ecclesiis Baptismus, Crisma, Oleum, & Eucharistia sub fideli custodia clavibus adhibitis conserventur; ne possit ad illa temeraria manus extendi. Palle quoque, Altaris vasa, corporalia, & vestimenta ministrorum munda, & nitida conserventur, nimis enim videtur absurdum, in sacris sordes negligere, que dedecere etiam in prophanis. Precipitur ex Statuto WOLFRAMI Episcopi Herbigopolensis, quod singulis annis Sacerdotes curati in Cena Domini vasa munda Herbigopolim transmittant ad recipiendum in eis Crisma, & Oleum Sanctum, que quidem vasa debent esse debitis characteribus consignata.

Ex Concilio Viennensi.

Prohibetur etiam in presenti Concilio Viennensi, ne quis de cetero in aulis, aut cameris, aut aliis privatis locis, seu domibus, sed dumtaxat in Ecclesiis, in quibus ad hoc fontes speciales sunt deputati, aliquos, nisi Regum vel Principum, quibus valeat in hoc casu deferri, liberi extiterint, aut talis necessitas emerferit, propter quam nequeat ad Ecclesiam absque periculo propter hoc accessus haberi, audeat baptizare. Quivis autem secus attemptare presumpserit, aut suam in hoc presentiam exhibuerit, taliter per suum Episcopum castigetur, quod alii attemptare similia non presumant.

JOHANNES Episcopus.

Statuimus preterea, ut secundum statuta Canonum Sacerdotes tantum, non alii in extremis laborantes infirmos in viatico, & confessione procurent, campanam semper secum deferentes, ex cuius sono devotio fidelium excitetur ad tanti reverentiam Sacramenti. Insuper nullus de cetero Sacerdos in deportatione saluberrimi Corporis Domini nostri Sacramenti, quantumcunque aura mala, via lubrica, vel lutosa existat, in colopediis ire presumat.

De Reliquiis, & veneratione Sanctorum.

JOHANNES Episcopus.

Ne indebita veneratione Sanctorum quicquam nostre civitatis, & Dioecesis a nostra majori Ecclesia valeat deviare, Festivitates per anni circulum per populum Nobis subditum solemniter celebrandas, & que ab olim ipsa nostra Ecclesia & populus civitatis solemniter celebravit, presentibus duximus annectendas. Mandantes, quatenus Festivitates ejusmodi, & nullas alias sine nostra speciali auctoritate, & licentia populo vestro celebrandas aliquatenus de cetero indicatis: Festum videlicet Nativitatis Domini nostri. Sancti Stephani Prothomartyris. Sancti Johannis Apostoli & Evangeliste. Sanctorum Innocentium. Circumcisionis Domini. Epiphanie Domini. Purificationis Sancte Marie. Resurrectionis Dominice cum tribus diebus sequentibus. Sancti Georgii Martyris. Sancti Marci Evangeliste. Sanctorum Philippi & Jacobi Apostolorum. Inventionis san-

Æ Crucis. Ascensionis Domini. Penthecostes cum tribus diebus sequentibus. Sancte Trinitatis. Corporis Christi. Sancti Viti Martiris. Nativitatis sancti Johannis Baptiste. Sanctorum Petri & Pauli Apostolorum. Visitationis Marie Virginis. Sancti Kiliani. Sancte Marie Magdalene. Sancti Jacobi Apostoli. Sancti Laurentii Martiris. Assumptionis sancte Marie. Nativitatis sancte Marie, Conceptionis sancte Marie. Sancti Bartholomei Apostoli. Sancti Matthei Apostoli. Sancti Michaelis Archangeli. Sancti Burchardi. Sanctorum Simonis & Jude Apostolorum. Omnium Sanctorum. Sancti Martini Episcopi. Sancte Elisabeth Vidue. Sancte Katherine Virginis. Sancti Andree Apostoli. Sancti Nicolai Episcopi. Sancti Thome. Anniversarius Dedicationis, & Festivitas cujuslibet Ecclesie Patroni. Dies quoque Dominici singuli per anni circulum occurrentes.

*De Observatione Jejuniorum. Ex Concilio
Fritzlarienti.*

Adhec etiam prohibemus, ne quis adultus pariter, & discretus ordinaria, & statuta jejunia utpote XL. quatuor temporum, & Vigiliarum presumant infringere, nec hujusmodi necessaria propter votiva, & extra ordinaria jejunia violet, cum tale damnum tali lucrum Deus non sit recompensari. Inherentes priori consilio pravam quorundam consuetudinem reprobamus, qui sextam feriam violant, sabbato, quarta feria, vel die alia ebdomade jejunantes: hoc decetero fieri Sacri auctoritate Concilii firmiter prohibemus.

*De Immunitate Ecclesiarum, & Cimiteriorum. BONIFACIUS
octavus.*

Eos qui temporale Dominium obtinentes suis subditis, ne Prelatis, aut Clericis, seu Personis Ecclesiasticis quicquid vendant, aut emanent aliquid ab eisdem, neque ipsis bladum molent, coquant panem, & alia obsequia exhibere presumant, aliquando interdunt, dum talia in derogationem libertatis Ecclesiastice presumantur, eo ipso excommunicationis sententia decernimus subiacere.

*Ex Concilio Maguntinensi. PETRI
Archiepiscopi.*

Excommunicamus omnes, qui Deo dicatas Ecclesias ausu sacrilego prophanantes faciunt immunitiones de ipsis, & ad firmandum eos perfodiunt cimiteria ossibus mortuorum ejectis: omnes etiam opem, vel operam, consilium & juvenem prestantes, excommunicationis sint sententia innodati: Ecclesie etiam taliter prophanate, & nihilominus omnia illa loca, in quibus auctores, vel opem, auxilium, vel juvenem prestantes habent domicilia, vel receptacula, sunt auctoritate Concilii Maguntinensis Ecclesiastico supposita interdicto: & familie eorum subtrahi debent Sacramenta, & Ecclesiastica sepultura, donec cum debita satisfactione ipsa munitio destruat.

*Ne Clerici, vel Monachi secularibus negotiis
se immisceant. JOHANNES
Episcopus.*

Quia nonnulli Clerici finem sue avaritie non ponentes, negotiationes, & mercantias prohibitas, & illicitas, ac usuras detestandas in animarum suarum periculum exercere non verentur, penas multiplices a sacris Canonibus incurrendo: ut igitur vicia tam detestabilia, & Clericali ordini contraria, & inimica a Clero nostro penitus extirpentur. Quum secundum Apostolum *Nemo militans Deo implicat se negotiis secularibus*, idcirco districte prohibemus omnibus Clericis & Ecclesiasticis personis Nobis subiectis, secularibus, ac religiosis cujuscunque fuerint dignitatis, status, aut conditionis, ne vina blada, seu alia quecunque mercimonia causa negotiandi, seu cupiditatis, vel lucri per se, vel alios publice, vel occulte quovis quesito colore emanent & ulterius vendant, vel aliis negotiationibus secularibus illicitis, aut indecentibus, seu a Sacris Canonibus prohibitis, vel alias suo ordini non congruentibus se immisceant, nec usuras nequandissimas exercent, neque tabernas teneant, nec eas, vel alia loca suspecta, vel inhonesta absque evidenti causa publice frequentent, neque cum taxillis, seu aleis causa lucri ludere presumant, aut in domo sua ludere propter questum permittant. Contrarium vero facientes tanquam

quam violatores Canonum decernimus animadversione condigna puniendos.

*De Sponsalibus, & Matrimonio. Ex Synodo
WOLFRAMI Episcopi Her-
bipolensis.*

Statuimus, ut nullus cujuscunque conditionis existat, viros, seu mulieres per vim, coactionem, seu metum, qui potest cadere in constantem virum, matrimonium contrahere cogat aliquo modo, seu compellat prefertim, ubi impedimenta legitima obstat nesciuntur. Quod si quis contrarium attemptare presumpserit per se, vel per alium, aut alios directe, aut indirecte, eundem presumptorem, aut alios quoscunque sibi ad hoc consilium, auxilium, vel favorem prestantes, excommunicationis sententie ipso facto decernimus subjacere. Nam difficile est, ut bono exitu peragantur, que sunt malo principio inchoata.

*De Clandestina desponsatione. Ex Concilio
Maguntinensi.*

Statuitur, ut matrimonium cum reverentia, & honore in conspectu Ecclesie celebretur. Sic ut cum matrimonium fuerit contrahendum, in Ecclesiis publice per Parochialem Presbyterum tribus diebus Dominicis, & Festivis a se distantibus publice proponatur, ut si quod impedimentum matrimonii contrahendi noverint aliqui, illud infra terminum competentem ab ipso Presbytero presigendum in facie Ecclesie sine difficultate revelent. Excommunicationis quoque sententia in genere proferatur in omnes hujusmodi impedimentum celantes. Si quis autem non premissa denunciatione clandestina, & interdicta conjugia inire presumpserit etiam ignoranter, soboles de tali conjunctione suscepta illegitima est censenda. Parochialis etiam Sacerdos, si tales conjunctiones prohibere contempserit, aut quilibet etiam regularis, qui eis presumpserit interesse, per triduum ab officio suspendatur. Quibus quidem Sacerdotibus in virtute sancte obedientie injungimus districtius in his scriptis, ut hoc salutare statutum, & penas, in eo expressas in qualibet quarta parte anni in amonibus Ecclesiarum suarum duobus diebus Dominicis ad plebem publicent, ne quis per ejus ignorantiam excusare se valeat, ne penas, de quibus predictur, incurrat.

*De Cognatione Spirituali. BONIFACIUS
Papa octavus.*

Ne dum inter baptisatum, & illum, qui eum suscipit de baptismo, ac inter eundem baptisatum, & suscipientis filios & uxorem ante susceptionem carnaliter cognitam ab eodem, ymmo etiam inter suscipiendum patremque baptisati, & matrem cognationem spirituales in baptismo contrahi jure constet, que cognatio, & contrahendum matrimonium impedit, & dirimit post contractum. Et eadem, que de suscipiente sunt dicta, sunt etiam de baptisante censenda. Ex confirmationis quoque seu frontis crismatione spiritualis cognatio eisdem modis contrahitur, matrimonia similiter impediens contrahenda, & dirimens post contracta;

*Ex Concilio Maguntinensi. PETRI Archi-
Episcopi.*

Statuimus, ut unus tantum assumatur Patrinus in Sacramento Baptismatis, & confirmationis, ad impedimenta matrimonii precavenda.

*De Consanguinitate, & affinitate. Ex
Concilio Viennensi.*

Eos, qui Divino timore postposito in suarum periculum animarum scienter in gradibus consanguinitatis, vel affinitatis constitutione Canonica interdictis, aut cum monialibus contrahere matrimonia liter non verentur, nec non Religiosos, & Moniales, aut Clericos in sacris Ordinibus constitutos matrimonia contrahentes excommunicationis sententie decernit *Viennense* Concilium subjacere, precipiens Ecclesiarum Prelatis, ut illos, quos ea constiterit taliter contraxisse excommunicatos publice tamdiu nuncient, seu a suis faciant subditis nunciari, donec suum humiliter recognoscentes errorem separentur ab invicem, & absolutionis habere Beneficium mereantur.

*De Simonia. Ex Concilio Apschaffenbur-
genfi.*

Statuitur, quod quicumque pro Eucharistia, oleo infirmorum, baptismate parvulorum, chrismate, Oleo sancto, sepultura, aut aliquibus aliis Sacramentis conferendis aliqua de cetero munera quantumcunque modica a suis subditis tanquam debitum exegerit, auctoritate Con-

Concilii *Aschaffenburger* est excommunicationis vinculo innodatus, nisi hujusmodi munera sponte, & caritative a Christi fidelibus offerantur.

JOHANNES Episcopus.

Statutum nuper in Sacro CONSTANTIENSI Concilio contra symoniacam pravitatem editum, ne quis ignorantiam pretendere valeat, duximus iterato publicandum.

MARTINUS Episcopus servus servorum Dei. Multe contra symoniacam pravitatem ab olim facte sunt constitutiones, quibus morbus ille non potuit extirpari. Nos volentes de cetero, quantum possumus attentius providere, Sacro approbante Concilio declaramus, quod ordinati symoniace ab executione suorum ordinum sunt eo ipso suspensi. Electiones autem postulationes, confirmationes, & quevis provisiones symoniace Ecclesiarum, Monasteriorum, Dignitatum, Personatum, Officiorum, & Beneficiorum Ecclesiasticorum quorumcunque deinceps facte, nulle sint ipso jure, nullumque per illas cuiquam jus acquiratur, nec faciat fructus suos, sed ad illarum restitutionem tanquam inique ablatorum percipientes teneantur. Statuentes insuper, quod dantes & recipientes ipso facto sententiam excommunicationis incurrant, etiam si Pontificali, aut Cardinalatus presuleant dignitate. Datum Constantie XXI. mensis Martii anno Domini Millesimo quadringentesimo decimo octavo, Pontificatus Sanctissimi in Christo Patris, & Domini Domini MARTINI &c. anno I.

De Judeis. Ex Concilio Maguntinensi.

Statutum est in Concilio Maguntinensi, ut in universis civitatibus, oppidis, castris, & villis, civitatis, Diocesis, & Provincie Maguntinensis Gens Judeorum utriusque sexus infra duos menses post publicationem hujus statuti talia signa & habitum, quibus seu per que sine qualibet ambiguitate a Christiano populo distinguatur sibi eligat, & deferat manifeste. Dignitates quoque seculares, & officia publica, quibus de gente prefata aliquis forte preest, & mancipia Christiana prorsus dimittat. Alio-

quin cum omnibus locis, ubi Judei dicto statuto obedire nolentes habitare, vel domicilia obtinere noscuntur, in penam Christianorum Potentum tam diu cessetur ab Officiis Divinorum, donec per Potestates, Principes, & Nobiles Christianos, in quorum territoriis predicta gens misera, & perfida converfatur ad observationem premisorum omnium compellatur. Ipsi autem Judei per locorum Diocefanos indirecte per subtractionem communionis fidelium excommunicationis sententia percellantur. Si quis vero de gente prefata in die Parasceve visus fuerit in platea, vel per ostium domus sue prospicere, vel per fenestras, ad quod probandum duorum Christianorum stabitur juramento, is loci Diocefanus in marcha argenti pene nomine teneatur. Ad cujus solutionem ad omnes defendentes eum per excommunicationis sententiam compellantur. Et ne quis Christianus hujus statuti ignorantiam valeat allegare, universis Ecclesiarum Rectoribus per Maguntinam civitatem, & provinciam constitutis, in quorum Parochiis Judei morantur, sub pena excommunicationis auctoritate dicti Concilii late sententie precipimus firmiter, ut quilibet in sua Parochia singulis diebus Dominicis singula quatuor tempora immediate sequentibus infra Missarum solennia publice prefatum statutum lingua materna exponere non obmittat.

JOHANNES Episcopus.

Cum jam dudum Judeis sint prohibita, & interdicta mancipia Christiana, volumus & precipimus, ut Plebani, & alii Rectores Ecclesiarum, ubi sunt domicilia eorum, diebus Dominicis omnes de fide Catholica Judeorum nutrices, & servientes denuncient excommunicatione ligatos. Excommunicatos etiam denuntient omnes alios Christianos, qui apud Judeos pecuniam suam locant, ut a Judeis usuram recipiant, vel ut Judei eandem pecuniam mutuent ad usuram.

Idem.

Si vero Sacramentum Altaris ante domos Judeorum deferri contigerit, ipsi Judei audito sonitu previo intra domos suas se recipiant, & fenestras ac ostia sua claudant. Hoc etiam in quolibet die Parasceve per Prelatos Ecclesie facere, com-

compellantur. Nec presumant de fide Catholica cum simplicibus disputare. Nec filios, aut uxores Judeorum ad viam Christianorum venientium invitos audeant detinere. Nec Christianos in Judasimum alliciant, aut aliquem ausu temerario circumcidant. Nec Christianos infirmos visitent, vel circa ipsos exerceant opera medicine.

De Hereticis. JOHANNES Episcopus.

Volumus insuper, & in virtute sancte obedientie districte precipiendo mandamus, ut omnes Plebani, & Ecclesiarum Rectores, seu Vicarii nostre Diocesis omnes hereticos, fautores eorum, receptores, & credentes, nec non & defensores ipsorum denuncient quater in anno, scilicet in Nativitate Domini. In die Palmarum. In Penthecoste. Et in Festo omnium Sanctorum excommunicationis sententie subjacere. Et nihilominus eos omnes, cujuscunque status, & conditionis existant tales esse scientes, vel ex veri simili conjectura, vel alias suspicione probabili, si non accusaverint, seu denunciaverint publice, vel non auderent metu persone, vel rerum Plebano, Rectori, seu Vicario loci, vel si ex quacunque causa eis secure denunciare non possent ad nostram hoc noticiam non detulerint: tanquam fautores, & conservatores eorum, quos ex nunc excommunicamus, volumus eisdem temporibus nunciari.

De Raptoribus. Ex Concilio Maguntensi.

Statuitur, & precipitur sub pena excommunicationis, quam transgressores incurrunt, ut non solum in terminis illius Archidiaconatus, in quo Prelatum, vel Religiosum aliquem, seu Clericum habentem sacros ordines, & pro Clerico se gerentem contigerit, temere captivari; Sed in terminis illius Archidiaconatus, in quo quempiam talium detineri consiterit, ipso facto cessetur ab Officiis Divinorum. Specialiter autem in omnibus locis illis, in quibus captivatores & eorum complices in maleficio, ipsis consilium, auxilium, vel juvamen prestantes domicilium obtinent, & sive de facto, sive jure jurisdictionem exercent,

Tomus V. Concilior. German.

(a) lego: decedentium

aut ubi habent receptaculum, servetur strictissime Ecclesiasticum interdictum. Ita videlicet, quod corpora mortuorum ad Ecclesiasticam sepulturam nullatenus admittantur. Quin ymmo si per violentiam laicalem in Ecclesiis, vel cimiteriis fuerint tumultata, ibi non relaxetur aliquo modo sententia interdicti, nisi prius ejectis corporibus illis, sic per laicalem violentiam tumultatis. Archidiaconi quoque, & eorum Officiales in aliis locis Diocesis requisiti, predictos sacrilegos ab omnibus suis subditis excommunicatos denunciari faciant publice singulis diebus Dominicis, & Festivis, donec captivatus liber, & indemnis cum satisfactione debita dimittatur.

Ex Concilio Aschaffenburgensi.

Statuitur, ut persona quantumcunque Nobilitate, aut Preeminentia status prefulgeat, si ecclesias, seu ecclesiastica bona jurisdictionis, vel vasallos earum violenter, aut auctoritate propria publice occupare, aut occupando invadere, vel scienter occupantibus Ecclesias, & Ecclesiastica bona predicta prestare presumat quomodolibet per se, vel alium, vel alios consilium, auxilium, aut favorem, & nisi requisitus infra mensem Ecclesie lese, aut Prelato ipsius damnum illatum emendaverit, ipso facto sit anathematis vinculo innodata. Decentium (a) etiam Clericorum peculium occupare, vel occupatum detinere omnibus laicis sub anathematis pena exnunc prout ex tunc late sententie districtius inhibemus.

JOHANNES Episcopus.

Quoniam Clericidium abhominabilius, & detestabilius, gravius, & perniciosius captione quacunque existere dinoscitur, constitutionem contra Clericorum captivatores superius editam contra Clericorum occisores extendentes; Volumus, & sub excommunicationis pena districtissime precipiendo statuimus, & ordinamus, constitutionem supradictam contra Clericidas antedictos usque ad satisfactionem congruam Deo Nobisque, atque lesis impendendam per omnia inviolabiliter observari.

Idem.

Olim ut infra limites non solum Archidiaconatus illius, infra quem Clericum

X x

in

in sacris Ordinibus constitutum, aut Religiosum aliquem temere capi, sed etiam Archidiaconatus illius, ubi ipsum detineri contiterit, ut ipso facto cessetur a Divinis, sub excommunicationis late sententie pena statuit sacrum *Concilium Maguntinense*, ac etiam Statutum *Synodale*. Verum quia Concilium, & Statutum huiusmodi nonnunquam neglectum, & observari ab illis, in quorum favorem dinoscitur institutum, factum est, ut sepe morte conteruntur, velut vasa testea filii Syon incliti, & sicut ovis ad occisionem reputantur ab impijs Ecclesie filii & Prelati. Nos igitur multa deliberatione prehabita de consensu & assensu Prelatorum, atque Cleri Nobis in hac Sancta Synodo assistentium, non solum Concilium & Statutum ipsa approbamus, verum etiam ipsa innovamus, ac ipsis duximus adjungendum, ut & ipsa sub suis penis, sententiis, & censuris etiam instituta forma contra Ecclesiasticarum rerum spoliatores, & Clericorum in morte depredatores per omnia inviolabiliter, postquam de captivatione, spoliatione, detentione, aut depredatione contiterit evidenter a Clero infra limites Archidiaconatum supra descriptorum, nullo alio mandato desuper expectato, observentur. Ac insuper pro majori Ecclesiastice libertatis tutela, dictorumque criminum repulsa, sub eisdem penis & sententiis firmiter statuimus, & mandamus, quod in nulla Ecclesia, neque Cathedrali, neque Collegiata, neque etiam Monasterio aliquo Ordinis Sancti Benedicti, filii, aut nepotes ipsorum, qui Clericum aliquem in sacris, ut prefertur, constitutum, aut Religiosum detinuerint vivum aut mortuum, ut prefertur, spoliaverint, quovis modo in Canonicos recipiantur, aut in Fratres.

De Usuris. JOHANNES Episc.

Quia quidam Clerici, per quos Nomen Domini blasphematur, sue avaritie finem non imponentes, usuram tam in pecunia, quam in aliis rebus exercere non verentur, penas contra usurarios in Generalibus *Lugdunensi* & *Viennensi Concilio* promulgatas non timentes, ut igitur vitium tam detestabile, & Clericali Ordini inimicum per Nos amplius valeat

extirpari, universos & singulos in Clero constitutos hoc genus usurarum exercentes, auctoritate hujus Concilii primo, secundo, tercio, & peremptorie requiremus, & monemus, ut infra unius mensis spacium a publicatione presentium in hac Sancta Synodo facta continue sequens atque currens, omnibus & singulis ipsorum creditoribus de usuris extortis & receptis ab eisdem satisfaciatur cum effectu, prout ipsorum patiuntur facultates, aut super ipsis amice se componant, ac deinceps a detestandis usurarum lucris desistant, atque cessent. Alioquin ipsos, & ipsorum quemlibet auctoritate hujus Concilii exnunc excommunicationis vinculo innodamus.

Idem.

Quia crimen usurarum ita invaluit, ut multi aliis negociis pretermisissis quasi licite usuras exercent, & qualiter utriusque testamenti pagina condempnatur, nequaquam attendunt. Ideoque volumus, prout in *Lateranensi*, *Viennensi*, & *Lugdunensi Concilio* statutum est, ne usurarii manifesti Christianam, si in hoc peccato decesserint, accipiant sepulchram. Et qui proprie temeritatis audacia manifestorum usurariorum corpora scienter sepelire presumpserint, ipso facto sententiam excommunicationis incurrant, nulla eis exemptione, vel alio privilegio aliquo suffragante. Nullus etiam testamentis manifestorum usurariorum interlit, aut eos ad confessionem admittat, si ipsos absolvat, nisi de usuris satisfecerint, vel de satisfaciendo pro suarum viribus facultatum prestant secundum formam decreti, quamquam de usuris idoneam cautionem. Testamenta autem, nisi premissa satisfactione, aut prestata idonea cautione non valeant, sed sint ipso facto irrita.

Inhibemus insuper, ut nulli Seculares vel Religiosi, cujuscunque fuerint conditionis aut status, usurarios saltem manifestos, vel de usuraria pravitate publice diffamatos audeant qualitercunque absolvere; sed ipsos ad Nos, seu Vicarium nostrum in Spiritualibus pro absolutione obtinenda remittant, non obstante, si ipsis, vel alicui ex eis forsan per Nos, aut ipsum Vicarium nostrum generaliter, vel specialiter sit indultum, quod

etiam

etiam in casibus Nobis reservatis beneficium absolutionis valeant impendere. Contrarium facientes ab ingressu Ecclesie decernimus ipso facto suspensos. Et nihilominus revocamus, & annullamus omnes licencias & indulta quibuscunque personis secularibus vel Religiosis per Nos, aut Vicarium nostrum in Spirituallibus concessas & concessa, ut in casibus Nobis reservatis absolutionis beneficium possint seu valeant impendere qualitercunque.

De crimine falsi. Ex Concilio Fritzlarvensi.

Et quia plerique falsarii litteris Apostolicis, & aliorum Prelatorum testimoniis afferunt se munitos, hoc igitur decrevit Sanctum Concilium itatendum, ne tales qualiacunque scripta deferant a Clericis, vel a quibuscunque personis Ecclesiasticis recipiantur in Ecclesiis, vel in domo, nisi prius ipsorum littere per Diocesanum Episcopum, si ejus copia possit haberi: alioquin per Capitulum Ecclesie Cathedralis examinate fuerint diligenter. Et nisi ipsius Episcopi, vel Capituli litteris testimonialibus sint muniti. Et hoc ideo, quia per Sacerdotes simplices non potest de facili litterarum veritas vel falsitas indagari. Sane quicumque persona contra hanc formam tales receperit, ipso jure ab officio & beneficio per triennium sit suspensa, alia pena nihilominus juxta Superioris arbitrium punienda. Illud quoque presentis auctoritate Concilii huic Capitulo duximus annexendum, ut si tales sine dictis litteris testimonialibus petitiones suas presumpserint promovere, Plebani civitatum & villarum, & alii, ad quos venerint, eos cum rebus eorum per seculare judicium, si alias detinere non possunt, non dubitent occupare, loci Diocesano presentandos.

De Sortilegiis. Ex Concilio Maguntinensi.

Excommunicamus, anathematizamus omnes sortilegos firmiter prohibentes, ne ab alio, quam suo Episcopo, nisi forsit in mortis articulo, absolvantur. Et hanc excommunicationis sententiam singulis diebus Dominicis & Festivis per Sacerdotes in eorum Ecclesiis & Capellis precipimus publicari.

Tomus V. Concilior. German.

(h) lago: cogimur.

*De Clerico excommunicato ministrante.
Ex Concilio Fritzlarvensi.*

Cum scriptum sit in lege Domini, quod, quicumque non obtemperasset Sacerdotibus, is extra castra positus lapidabatur a populo, aut gladio cervice subiecta expiabat contemptum. Et in primitiva Ecclesia inobedientes ejecti de Ecclesia rapido ore demonum trahebantur. Multi nomine Sacerdotes censuram Ecclesie contempnentes excommunicati, vel suspensi a Prelatis suis exigentibus culpis eorum, & immemores, quod Episcopis, & Prelatis clavium celorum sit collata potestas, attemptare sibi interdicta ministeria non verentur, contra quos volumus rigorem Ecclesiasticum exercere, statuimus igitur, ut tales sine spe restitutionis ab officiis deponantur, & infames, ac detestabiles facti de cetero ad Beneficia Ecclesiastica nullatenus admittantur, nisi per penitentiam approbatam, & conversationem laudabilem Sedis Apostolice gratiam meruerint obtinere.

De Privilegiis. Ex Concilio Generali.

Quamquam quibusdam regularibus a Sede Apostolica sit concessum, ut his, qui fraternitatem eorum assumpserint, si forte Ecclesie, ad quas pertinent, a Divinis Officiis fuerint interdicti, ipsos quoque mori contigerit, sepultura Ecclesiastica non negetur, nisi excommunicati, vel nominatim fuerint interdicti. Quia tamen nonnulli questores elemosinarum eorum regularium privilegia eis a dicta sede sic gratiose concessa minus sane intellecta ad abusum, ut percipimus, pertrahere non verentur, vobis ad obviandum deceptionibus eorundem super eo coguntur (h) exprimere declarationem Concilii Generalis, quod illa de his videlicet fratribus intelligit, vel qui adhuc manentes in seculo eorundem ordini sunt oblati, mutato habitu seculari, vel qui eis bona sua dederint inter vivos, retento sibi, quamdiu in hoc seculo vixerint, usu fructu, qui tamen sepeliuntur apud ipsorum regularium, vel aliorum non interdictas Ecclesias, in quibus elegerint sepulturam, ne si de quibuslibet ipsorum fraternitatem assumptis fuerit intellectum pro duobus, vel tribus

X x 2

dena.

denariis annuatim sibi collatis dissolvatur, & vilescat Ecclesiastica disciplina.

*Ex Synodo WOLFRAMI Episcopi Her-
bipolensis.*

Quia nonnulli religiosi maxime exempti, subditos nostros preferim Ecclesiasticas personas ad remota loca extra nostram civitatem, & Dioecesim ad presentiam conservatorum privilegiorum suorum passim citari procurant contra debitum rationis, ut sic fatigati ipsi citati laboribus, & expensis, ac paupertate oppressi cogantur per indirectum suas causas, & Ecclesiarum suarum derelinquere indefensas, ac liti cedere, quantumcunque defensiones habere legitimas videantur. Statuimus de consilio Prelatorum Ecclesie nostre salubriter pro commodo, & utilitate communi, & singulari dictorum subditorum nostrorum, ut ipsi tales subditi in singulis Ecclesie nostre Archidiaconatibus ad ordinationem, & dispositionem Archidiaconorum locorum suorum illis ibidem sic ciatis, ad minus in media parte expensarum faciendarum per eos subveniant pecunia in parata. Quod sue tunc persecutioni, & defensionibus valeant efficacius, & commodius inherere, ad quam quidem ordinationem, & dispositionem intra breve tempus, & salubriter faciendam ipsos Archidiaconos in virtute sancte obedientie stringimus per presentes.

Item ex eadem.

Item omnes & singulas Ecclesiasticas personas seculares & regulares, exemptas, & non exemptas civitatis & Dioecesis nostrarum exhortamur in Domino, perpersus, attentiusque monemus, ut excommunicatos majori excommunicatione ab homine, vel a jure notorie in Divinis Officiis vident, & in locis interdictis civitatis & Dioecesis earundem scienter Divinum Officium non celebrent. In hoc ad sui exculpationem nullam affectatam ignorantiam, que eos in his non excusat, aliquantulum pretendentes, si sententias excommunicationis, suspensionis, ac penas irregularitatis in Constitutionibus BONIFACII VIII. & CLEMENTIS V. Romanorum Pontificum, nec non processibus quibusdam Domini JOHANNIS Pape XXII. expressas ac

latas, in contrarium facientes, voluerint evitare.

Idem ex eadem.

Item injungimus Sacerdotibus Parochialibus in virtute sancte obedientie in his scriptis, ne de ordinibus Mendicantium in Ecclesiis suis, seu cimiteriis quempiam permittant, quantum in eis est, predicationis officium exercere, nisi juxta tenorem Constitutionis BONIFACII, que incipit: *Super Cathedrali* &c. innovate hodie per CLEMENTEM Papam V. in Concilio Viennensi sub titulo *De Sepulturis*, in Capitulo *Dudum*, & etiam prius per eos nostris literis certificati fuerint, scilicet, quod per Nos post presentem Synodum, ad hujusmodi exercendum officium sint admissi, & quod ante omnia eosdem moneant nostro nomine, ut nihil predicent ad populum sub quocunque etiam quesito colore, quod Romanam & universalem Ecclesiam offendere possit. Et si quempiam dictorum mendicantium terminariorum secus facere in premissis contigerit, ipsum dicti plebani nominatim, vel alias prout melius poterit, prodere suis literis non obmittant. Volumus etiam, quod curati Sacerdotes civitatis & Dioecesis nostre eosdem fratres ad dicendum Missas in Ecclesiis suis admittant, dummodo ipsi fratres absque injuria & damno ipsorum curatorum hoc faciant Sacerdotum.

Ex Concilio Viennensi.

Statutum est in Concilio Viennensi, quod excommunicati etiam exempti sint, qui in casibus a jure non permittis defunctos sepeliunt in cimiteriis, vel Ecclesiis tempore interdicti, vel qui scienter sepeliunt excommunicatos publice, aut nominatim interdictos, vel usurarios manifestos.

Item in Constitutionibus BONIFACII VIII. sub titulo: *De sententia excommunicationis L. VI.* statutum est, quod absolutus propter mortis articulum imminenti, vel aliud impedimentum ab eo, a quo alias de jure absolvi non poterat, si cessante impedimento hujusmodi se non presentat, cum commode potest ei, a quo alias absolvi debeat, sententiam incidit eandem.

*De injuriis. Ex Concilio Aschaffen-
burgensi.*

Statuitur, ut Canonicus, qui sue, vel alterius Ecclesie Canonicum verbis probrosis affecterit manifeste per quartam; si vero convicia manifesta dixerit in Prelatum, per mediam partem anni a tractatu & consortio sui Capituli, nec non a perceptione fructuum sue Prebende penitus sit exclusus. Si quis autem Canonicorum in predictas personas, etiam citra sanguinis effusionem, manus iniecerit temere violentas, penas predictas dupliciter patiatur.

Pro vulnere vero hujusmodi personis ab aliquo Canonicorum illato, si etiam nulla membri mutilatio ex tali vulnere fuerit subsecuta, per premissas penas quadrupliciter puniatur, & insuper in utroque casu juxta sui Diocesani arbitrium leso satisfaciatur compenter, antequam restitutionis beneficium consequatur. Sed pro temeraria membri mutilatione omni beneficio Ecclesiastico sit ipso jure privatus.

Que omnia & singula circa alios Clericos beneficiatos, si personas Ecclesiasticas predictis modis ledant, seu ledantur ab ipsis, juxta premissam formam & ordinem sub penis eisdem precipitur observari.

*De Penitentis & Remissionibus. Ex
Concilio Viennensi.*

Cum secundum Concilium Viennense ultimo deputandis supplicio negari, si petant, non debeat Penitentis Sacramentum, abusus dampnabilis in quibusdam partibus contra hec inductus, per Viennense Concilium aboletur omnino, & precipitur Justiciariis omnibus, & Dominis temporalibus, ut ab hujusmodi desistant abusu, immo locorum Ordinariis injungitur, ut eos ad hoc, cum primum commode poterunt, diligenter moneant, & si necesse fuerit, Ecclesiastica censura compellere non obmittant.

Ex eodem Concilio.

In Concilio Viennensi strictissime prohibetur, ne elemosynarum questores aliqui, nisi Apostolicas & Diocesani Episcopi literas exhibuerint, quomodo libet admittantur, nec permittantur,

cum solum ipsis competat sibi indulgentias concessas insinuare populo, & caritativa subsidia postulare suppliciter ab eodem: ullatenus ipsi populo predicare, nec aliud exponere, quam quod in literis continebitur supradictis. Literas quoque Apostolicas, & Diocesani Episcopi, ne quid fraudis committi valeat, per easdem, antequam questores ipsos admittant, examinent diligenter. Ad hoc cum aliqui ex hujusmodi questoribus, sicut ad nostram audientiam est perlatum, non sine multe temeritatis audacia & deceptione multiplices animarum indulgentias populo motu suo proprio de facto concedant, super votis dispensent, a perjuriis, homicidiis, & peccatis aliis sibi confidentes absolvant, mala ablata incerta data sibi aliqua pecunie quantitate remittant tertiam, aut quartam partem de penitentis injunctis, relaxent animas tres vel plures parentum, vel amicorum illorum, qui elemosynas eis conferunt, de purgatorio, ut asserunt, mendaciter extrahant, & ad gaudia Paradisi perducant, & Benefactoribus locorum, quorum questores existunt, remissionem plenariam peccatorum indulgeant. Et aliqui ex ipsis eos a pena, & a culpa absolvant, abusus hujusmodi penitus aboletur, & ea per quoscunque questores fieri vel attemptari de cetero strictius inhibetur.

Et omnia & singula privilegia, si qua super premissis, vel eorum aliquo sint aliquibus locis, ordinibus, vel personis questorum hujusmodi quoquomodo concessa, auctoritate Apostolica, quantum ad premissa sint penitus revocata. Questores autem, qui deinceps in premissis vel aliquo premissorum deliquerint, vel alias etiam quibuscunque suis privilegiis abusi fuerint, sic per locorum Episcopos puniri eosdem precipitur, nullo prorsus eisdem questoribus in hac parte privilegio suffragante, quod a suis temerariis ausibus, qui ut communis habet assertio, nimium excreverunt, pene formidine perpenis compescantur.

Ex Concilio Fritzlarisiensi.

In Confessionibus audiendis maximam adhibeant diligentiam Sacerdotes, ita ut a penitente usitata peccata & communia singillatim, inusitata vero

tamen per quasdam circumlocutiones caute perquirant, ne inexpertis detur materia, quod ante nescirent, perpetrandi. Caveat autem omnino Sacerdos, ne verbo aut signo, aut aliquo alio modo prodar aliquatenus peccatorem, sed si prudentiori consilio indigerit, illud absque omni expressione persone, caute perquirat. Quem, qui peccatum in penitentiali iudicio, sibi detectum presumpserit revelare, non solum a Sacerdotali officio deponendum decernimus, verum etiam ad agendum penitentiam in artum Monasterium detrudendum. Verum, quia quidam Confessores, & si personam confitentis non expriment, circumlocutionibus tamen confitentium, & peccati circumstantiis sub quadam generalitate indirecte publicant confitentem. Statuimus igitur, ut nullus Sacerdos expressa religione, conditione, seu statu alicujus peccatum recitet confitentis, immo nec peccati qualitas, locus, seu vicinia perpetrati facinoris specificetur ullo modo, cum ex hujusmodi circumlocutionum iudiciis auditoris industria personam interdum eliciat peccatoris, & ex specificatione peccati humana fragilitas ad perpetrandum similia forsitan provocetur.

Ex eodem.

Et quia plerumque infirmus sua confiteri peccata propter multorum presentiam erubescit. Id a Sacerdotibus precipimus districtissime observari, ut prius familiariter, & secrete audiant confessionem ipsius infirmi, si mortis periculum non obstat, & postea ad eum deferant cum devotione, & habitu, & reverentia condecensibus Eucharistiam salutarem.

Ex eodem.

Prohibemus etiam, ne quis Sacerdos ab uno sibi confitente de aliorum peccatis nominibus expressis inquirat. Et ne Missas, quas penitentibus procurandas injunxerit, ipsemet celebrare presumat. Et ne pro vivis fiat aliquod tricenarium, vel annale.

Ex eodem.

Sunt autem tria peccata, que in satisfactionibus injungendis sunt Domino Apostolico reservanda, scilicet in Clericos, vel quoscunque Religiosos injectio manuum violenta, Ecclesiarum, vel religio-

a) *Sensus obscurus in Originali.*

forum locorum incendia, & symonia in ordine perpetrata.

Ex eodem.

Quia in penitentis injungendis quidam casus frequenter emergunt, qui propter Sacerdotum ignorantiam expediri non possunt. Et quia etiam dispensationem Episcopalem requirunt, in illis casibus ad Episcopum, vel suos penitenciarum habeatur recursus, sive occulti fuerint, sive etiam manifesti. Statuitur etiam quod Sacerdotes in satisfactionibus injungendis in religione sedeant, majora Penitenciarum Episcopi referent: utpote homicidia, sacrilegia, incendia, peccata contra naturam, concubitus personarum conventualium, presertim in sacris ordinibus constitutarum, incestus videlicet cum consanguinea, vel affine, compatre vel comatre, vel cum ea, que votum castitatis emisit, injectionem manuum in parentes, oppressiones parvulorum per negligentias parentum in igne, vel in aqua natos amittentium, Beneficia ^{a)} perjuria solemnia fidei fractiones votorum transgressores, Symoniam, adulteria, hereses, apostasias, maleficia eorum, qui maleficiunt conjuges, ne possint coire, vel qui procurant sterilitatem mulierum, vel abortum, falsarios, qui sigilla literas, vel monetam falsificant, falsa instrumenta conficientes, falsum testimonium reddentes, blasphematores Dei & Sanctorum, sortilegos, ac majori excommunicatione excommunicatos. In hujusmodi peccatis, vel similibus detentos mittant Sacerdotes ad Episcopos, vel eorum Penitenciarum absolvendos, nec absolvant, preterquam in mortis articulo absque loci Episcopi licentia speciali. Declarantes, quod illi quibus hoc committitur, potestatem illud aliis personis non habeant committendi.

Ex Synodo WOLFRAMI Episcopi Herbipolensis.

Sunt nonnulli Sacerdotes tanta simplicitate seducti, quod in casibus Episcopalis penitentis ad introducendum dumtaxat in Cena Domini, ad Nos transmittunt credentes, quod ad absolutionem illorum casuum sola introductio sine confessione Nobis, seu Penitenciarum nostris faciendi sufficiat tunc eisdem, quorumquidem talium Sacerdotum simplicitatem quoad

quoad hoc valde reprehensibilem iudicamus. Statuentes, & mandantes vobis universis, & singulis, ut taliter penitentibus in confessionibus vobis fiendis, specialiter injungatis, ut tales casus antequam introducantur, Nobis seu penitentiariis nostris detegant confitendo, & absolutionis Beneficium consequantur.

Ex eadem.

Quia nonnulli Sacerdotes Curati Dioecesis nostre in mittendo Parochianos suos in Cena Domini Herbipolim ad nostram presentiam sunt per omnia desides, & remissi: statuimus, & precipimus eis in virtute sancte obedientie, ut in omnem eventum ipsos Parochianos ad diem, & locum preactos transmittere non obmittant.

Ex eadem.

Preterea vobis Sacerdotibus injungimus in virtute sancte obedientie per presentes, ut in principio quadragesime saltem Dominica *Invocavit*: plebes vestras in amonibus Ecclesiarum moneatis, & omni qua poteritis diligentia inducatis, quod tempestive confessiones suas faciant Sacerdotibus competentibus, ne in conscientia cruentata in Festo Pasche ad Corpus Christi inprovidè accedere videantur.

GOTFRIDUS Episcopus Herbipolensis.

Elemosinarum questores terminum sue avaritie ponere nescientes, sed ut facultates uno die exhaurire valeant plurimorum, de, & super literis nostris literas quorundam Prelatorum recipiunt, & extorquent *visionis*. Nos sub excommunicationis pena late sententie presenti edicto irrefragabiliter inhibemus, ne deinceps questores quicumque ad petendum elemosinas in Ecclesiis, & locis quibusvis admittantur, neque promoveantur, nisi veras & originales literas nostri, aut Vicarii nostri in Spiritualibus pro tempore existentis sigillorum appensione communitas vobis duxerint ostendendas. Non obstantibus literis *visionis*, *vidimus*, communiter nuncupatis Prelatorum, & personarum quorumcunque.

Idem.

Item Penitentiarios quoscunque in

casibus Episcopalibus in genere, aut in specie per Nos antea deputatos extra civitatem nostram Herbipolensem, sive in scriptis, aut verbo sit factum, prorsus presentibus revocamus. Volentes, quod nostri subditi utriusque sexus in hujusmodi casibus de cetero ad civitatem nostram Herbipolensem veniant ad Nostram, vel Penitentiariorum nostrorum presentiam, quos ibidem deputavimus, vel in posterum duximus deputandos. Nisi literis nostris extra dictam civitatem certis, & ydoneis personis ex causis legitimis aliter duxerimus committendum.

De Sententia excommunicationis. Ex Concilio Viennensi.

Item, quod quicumque laici, vel alie persone Judices Ecclesiasticos pro eo, quod sententias excommunicationis, suspensionis, vel interdicti protulerant, occiderint, ceperint, seu alias in personis, aut bonis suis, vel suorum gravaverint, seu hoc fieri mandaverint, sive eos, quorum sunt occasione prolata, vel eadem sententias observantes sententialiter excommunicatis communicare nolentes ad communicandum compulerint, nisi hujusmodi mandatum ante hoc male factum revocaverint, & satisfaciant de commissis, incurrant excommunicationis sententiam eo facto. Illi etiam excommunicati sunt, qui mandato utuntur, vel alias deliquerint in premissis. Qui si in eadem sententia per duos menses permanserint, extunc non possunt absolvi, nisi per Papam.

Ex eodem.

Statuitur in Concilio *Viennensi*, quod Domini temporales, qui cogunt aliquos in loco interdicto celebrare Divina, vel qui per precones faciunt tunc ad illa audienda populum evocari, vel prohibent, ne publice excommunicati, vel interdicti super hoc per illos, qui Missas celebrant, moniti Ecclesias exeant, & ipsi nominatim moniti, qui non exeunt, excommunicati sunt, & per Sedem Apostolicam absolvendi.

Ex eodem.

Item Libro VI. statutum est in constitutione BONIFACII VIII. incipiente: *Quum ut intelleximus*, sub tit. *De Immunitate*

ante Ecclesiarum. Quum excommunicati sunt omnes a jure, qui impediunt super causis, que ad forum Ecclesiasticum de jure, vel consuetudine pertinent, a Sede Apostolica literas impetrari, vel super hujusmodi causis coram ordinariis, vel delegatis Judicibus Ecclesiasticis litigari, a quo non possunt absolvi, nisi satisfaciunt tam judici, quam parti in his lesis de injuriis, damnis, expensis, & etiam interesse. Item in Concilio Viennensi caveatur, quod religiosi quicumque non debent extra suum ordinem aliquibus personis Clericis, vel laicis Sacramentum Unionis extreme, vel Eucharistie ministrare, vel matrimonia solemnizare, non habita super his licentia Plebani loci, nec excommunicatos ab homine, vel a jure, nec a pena, nec a culpa quempiam debent absolvere, nisi ostendant se de novo privilegiatos super eo. Quia super his privilegia, si qua habuerint, sunt cassata in Concilio Viennensi, & si secus fecerint, sunt excommunicati in eodem Concilio, & non possunt absolvi, nisi per Papam.

Ex eodem.

Item in eodem Concilio Viennensi statutum est sub pena excommunicationis late sententie, ne fratres Minores in Ecclesiis suis fratres & sorores tertie Regule Sancti Francisci recipiant tempore interdicti, ad Divina, nisi ostendant se de novo esse privilegiatos super eo, quia privilegia, que de hoc habuerint, ante Concilium Viennense sunt ibidem penitus revocata. Premissa omnia & singula notent Plebani diligenter, & in ambonibus Ecclesiarum suarum publicent coram plebe.

BONIFACIUS octavus.

Alma Mater Ecclesia plerumque nonnulla rationabiliter ordinat, & consulte, que suadente subjeutorum utilitate postmodum consultius, & rationabilius revocat in meliusve commutat. Sane a nostris fuit dudum Predecessoribus institutum, ut in terris, seu locis Ecclesiastico suppositis interdicto, nulla, certis casibus & Sacramentis exceptis, Divina Officia celebrentur, vel ministrantur Ecclesiastica Sacramenta. Quia vero ex distractione hujusmodi statutorum excrescit indevotio populi, pullulant hereses, & infinita

pericula animarum insurgunt, ac aliis sine earum culpa debita servicia subtrahuntur cum Fratribus nostris super his deliberatione habita diligenter concedimus, quod tempore interdicti ab homine, vel a jure prolati non tantummodo morientes, sed & viventes tam sani, quam etiam infirmi ad penitentiam, que propter pronitatem, & velocitatem hominum ad peccandum summe necessaria est, licite admittant, dum tamen excommunicati non fuerint, quos admitti preterquam in mortis articulo, nolumus ad eandem.

Illis vero, propter quorum culpam, dolum, vel fraudem lata est sententia interdicti, vel qui ad perpetrandum delictum, cujus occasione ipsum interdictum est latum, prebuerunt consilium, auxilium, vel favorem, nisi de ipso delicto, si sint tales, quod id facere valeant, prius satisfecerint, vel de satisfaciendo idoneam cautionem dederint, aut si satisfacere nequeunt, vel hujusmodi cautionem prestare juraverint, quod cum poterunt satisfaciant, ad satisfactionem hujusmodi per eum, vel eos, qui ipsam facere debent, & possunt, prestandam dabunt consilium, vel auxilium, & juxta posse suum laborabunt fideliter, non est penitentiae officium aliquatenus concedendum. Nec tunc etiam quo ad istos, vel alios, qui circa hoc minime deliquerunt, ubi civitas, vel locus alius, seu universitas interdicti existunt, fienda est relaxatio interdicti, sed est eis solummodo injungenda penitentia salutaris. Addicimus preterea, quod singulis diebus in Ecclesiis, & Monasteriis Missæ celebrentur, & alia dicantur Divina Officia sicut prius, submissa tamen voce, januis clausis, excommunicatis, & interdictis exclusis, & campanis etiam non pulsatis, & tam Canonici, quam Clerici Ecclesiarum, in quibus distributiones cotidiane illis, qui horis intersint, Canonicis tribuuntur, si ad officia non venerint supradicta, distributiones easdem amittant, sicut interdicto non extante perderent, si Divinis Officiis non adessent. In Festivitatibus vero: Nativitatis Domini, Pasche, & Pentecostes, ac Assumptionis Virginis Glorioso campane pulsantur, & januis apertis alta voce Divina Officia solemniter celebrentur excommunicatis prorsus exclusis. Sed interdictis, qui voluerint interesse admittantur.

admissis, quibus ob reverentiam dictarum solennitatum, & ut ipsi ad humilitatis gratiam, & reconciliationis affectum facilius inclinentur prefatis diebus participationem permittimus Divinorum, sic tamen, quod illi propter quorum accessum interdictum huiusmodi est prolatum ad altare nullatenus appropinquent. Ceteris que circa observationem interdictorum a nostris sunt Predecessoribus instituta in suo robore duraturis. Non obstantibus quibusvis privilegiis quibuscunque Ecclesiis, Monasteriis, Ordinibus, Religionibus, seu personis Ecclesiasticis, secularibus vel regularibus, exemptis & non exemptis, sub quavis forma & expressione verborum ab Apostolica Sede concessis, que contra tenorem presentis constitutionis nulli volumus suffragari: cum quibuscumque tam secularibus, quam regularibus sufficere debeat, ut tempore interdicti modo premissis diebus celebrent supradictis.

*JOHANNES Papa vigesimus
secundus.*

Provide attendentes, quod ut frequentius, quamvis non sine causa sine culpa tamen multorum interdicti sententie proferuntur, quodque sunt nonnulli Iudices nimis prompti ad proferendas eadem etiam in negotiis sive causis, que plus interdum ex cupiditate, quam caritatis radice perspicuis iudiciis procedere arguuntur. Quodque tempore interdicti Divina organa suspenduntur, & laudes & ecclesiastica Sacramenta non ministrantur, ut solent, tolluntur mortuis, seu minuantur suffragia, presertim per oblationem frequentem hostie salutaris. Adolescentes & parvuli percipientes rarius Sacramenta minus inflammantur & solidantur in fide, fidelium devotio tepescit, hereses polluant, & multiplicantur pericula animarum: presentis constitutionis provideamus edicto, ut nulla Provincia, civitas, castrum, villa, locus, territorium, vel districtus auctoritate ordinaria vel delegata supponatur Ecclesiastico interdicto pro pecuniario debito, vel pro cuiusvis monete, vel pecunie quantitate, sub quacunque occasione, vel causa, seu quovis quesito colore pro eo maxime, quod ipsorum Domini Rectores, seu Officiales quocunque nomine censeantur, aut in-

Tomus V. Concilior. German.

cole, seu habitatores, aut singulares persone ipsorum statutis, vel statuendis, ordinatis, vel ordinandis terminis huiusmodi debitum, seu quantitatem non solverint hactenus, vel in antea non persolvant. Nos quoque etiam decernimus irritum & inane, si secus hactenus extitit attemptatum, vel contigerit attemptari. Illud quoque revocamus omnino non obstantibus quibuscunque contractibus, obligationibus, pactis, conventionibus, compositionibus, submisionibus, fideiussionibus, consensibus, processibus, & sententiis super hoc habitis, vel habendis, iuramentorum, penarum temporalium, vel spiritualium, seu mulctarum, vel quacunque alia firmitate vallatis. Nisi talis suppositio interdicti hactenus foret facta, vel in antea fieret de Apostolice Sedis licentia speciali, & expressa per ipsius Sedis patentes literas apparente.

Ex Concilio Constantiensi.

Ad evitandum scandala & multa pericula, subveniendumque conscientis timoratis statuit, quod nemo deinceps a communione alicujus in Sacramentorum administratione, vel receptione, aut aliis quibuscunque Divinis, vel extra pretextu cuiuscunque sententie, aut censure Ecclesiastice, seu suspensionis, aut prohibitionis ab homine, aut a jure generaliter promulgate teneatur abstinere, vel aliquem vitare, aut interdictum Ecclesiasticum observare: nisi sententia, prohibitio, suspensio, vel censura fuerint in vel contra personam, Collegium, Universitatem, Ecclesiam, aut locum certum vel certam a Iudice publicata, vel denunciata specialiter & expresse, aut si aliquem ita notorie excommunicationis sententiam constiterit incidisse, quod nulla possit tergiversatione, aut aliquo juris suffragio excusari. Nam a communione illius abstinere vult juxta Canonicam Sanctionem. Per hoc tamen huiusmodi excommunicatos, suspensos, interdictos, seu prohibitos non intendit in aliquo relevare, nec eis quomodolibet suffragari.

Ex Synodo Episcopi Herbipolensis, ex constitutis CLEMENTIS, ex frequentibus.

Item monemus & hortamur in Domino simili modo Religiosos exemptos,

Y y

&

& non exemptos civitatis & Dioecesis nostre, ut in observantia cessationis a Divinis, seu interdicti Ecclesiastici, quas quandoque de jure communi, vel Provinciali, aut Synodali, seu privilegio, consuetudine, vel statuto, aut alias de mandato Judicum competentium Ecclesie, vel singulare persone consueverunt hactenus observare in civitate nostra Ecclesie nostre Cathedrali, in aliis vero locis matricibus Dioecesis nostre, hoc est, Parochialibus Ecclesiis cessantibus a Divinis & interdictis, intra quarum Ecclesiarum limites ipsa Monasteria doctorum Religiosorum sita existunt, non obstantibus suis privilegiis, exemptionibus, libertatibus, consuetudinibus, & constitutionibus quibuscunque. Que omnia cassata sunt in Concilio Viennensi quoad hoc negotium, si excommunicationis in eodem Concilio latas sententias in facientes contrarium, & irregularitatis maculam deinde sequentis evitare voluerint, se conforment.

De eadem.

Nulli possunt se privilegio Apostolice Sedis tueri, quominus excommunicatos ab homine vel a jure presertim pro violenta manuum injectione in Clericos debeant evitare. Cum hujusmodi injectores violenti pro hujusmodi facto sint a Canone excommunicationis sententia innodati.

De eadem.

Si concubine publice Clericorum Ecclesiastica censura districte notentur, eosdem concubinarios non est dubium sententia excommunicationis majoris involvi, qui post latam sententiam communicant in eodem crimine criminosis.

JOHANNES Episcopus.

Ut circa Sacrosanctum Dominici Corporis & Sanguinis Sacramentum per amplius Christiana augetur devotio, & suorum excresceret retributio meritorum, quo devotius atque frequentius ad ea contingeret Sacramenti hujusmodi insignia venerari, Sanctissime recordationis olim Dominus URBANUS Papa Sextus laudes provide festive venerationis, & gratias summe referens Deitati ad robur & exaltationem Catholice Fidei, constitutionibus felicis recordationis quondam

Domini BONIFACII Pape octavi, que incipit: *Alma mater*, in ea parte, qua idem Dominus BONIFACIUS statuerat, quod in Natalis Domini, Pasche, Penthecostes & Assumptionis Beate Marie Festivitatibus in terris ac locis Ecclesiastico suppositis interdicto, campane pulsarentur, & januis apertis alta voce Divina Officia solenniter celebrarentur, ad hujusmodi venerandi Sacramenti festum extendit. Statuens, ut per universum orbem in terris & locis Christi fidelium suppositis ejusmodi interdicti pro tempore in hac celebritate Sacramenti predicti, sicut in prefatis quatuor festis contentis in Bonifaciana constitutione supradicta campane similiter pulsantur, & apertis januis alta voce Divina Officia solenniter celebrentur, excommunicatis tamen prorsus exclusis, sed interdictis admissis, quibus nihilominus ob reverentiam tante celebritatis, & ut ex hoc ad humilitatis gratiam, & reconciliationis affectum inclinarentur facilius eo die participationem Divinorum indulset. Sic tamen, quod illi, propter quorum excessum prolatum fuisset interdictum hujusmodi, altari nullatenus appropinquarent.

Idem.

Felicis recordationis olim Dominus BONIFACIUS Papa octavus salubriter duxerat ordinandum, quod singulis diebus in Ecclesiis & Monasteriis in terris, seu locis Ecclesiastico suppositis interdicto constitutis Misse celebrentur, & alia dicantur Divina Officia, sicut prius, voce tamen submissa & januis clausis, excommunicatis & interdictis exclusis, campanis etiam non pulsatis. Quodque tam Canonici, quam Clerici Ecclesiarum, in quibus distributiones cottidiane illis, qui horis intersint Canonicis tribuuntur, si ad officia non veniunt supradicta, distributiones easdem amittant, sicut interdicto perderent non extante, si Divinis Officiis non adessent: verum quia ex levitate pene supradictæ constitutio salubris antedicta in plerisque Ecclesiis & Monasteriis nostre civitatis & Dioecesis minime observatur, universis & singulis Ecclesiarum & Monasteriorum Abbatibus, Prioribus & Decanis, eorumque vices obtinentibus in virtute sancte obedientie, & sub excommunicationis pena, quam in ipsos & eorum quemlibet, si non fecerint, pre-

presentibus, quod mandamus Dei nomine ferimus in his scriptis districtissime statuendo precipimus & mandamus. Quatenus universas & singulas suarum Ecclesiarum & Monasteriorum personas per subtractionem fructuum suarum Prebendarum, & alias prout competentius poterunt, dictis officiis tempore interdicti compellant devotius interesse, distam, & aliam constitutionem ipsius BONIFACII faciant inviolabiliter & plenarie observari.

GOTFRIDUS Episc. Heripol.

Dudum bone memorie JOHANNES Predecessor noster immediatus ad obviandum gravibus animarum periculis, ac diversis scandalis pro informatione judiciorum Ecclesiasticorum inter cetera provide statuit, ut in judiciis suis, ac aliis Ecclesiasticis judiciis sibi subjectis post processum inhibitionis, communionis, seu literę participantie communiter nominatę non immediate ad interdici Ecclesiastici, vel inhibitionis Ecclesiastice sepulture promulgationem procedatur, sed primo tunc post intervallum quindecim dierum cessatio Divinorum in locis, in quibus excommunicatus ipse aggravatus, & reagravatus visus fuerit, vel moram traxerit, in forma debita fulminetur, & quindecim diebus ex post, si ipsius excommunicati continuatio exegerit, poterit poni cessatio Divinorum post ipsius recessum ad tres dies, & in tertia quindena ad sex dies, & deinde post quindecim dies ad novem dies. Istisque processibus, & aggravationibus successive fulminatis poterit tunc, demum in casibus a jure permissis procedi cum maturitate ad interdicti Ecclesiastici observantiam, aut Ecclesiastice sepulture inhibitionem, juxta contumacie, & protervitatę exigentiam, processusque aliter emanatos irritavit ipso facto. Volens per premissa ad instar providi medici vulnera languentium primo lenioribus, & his non proficientibus, demum fortioribus medicamentis curare. Verum quidam Parochialium Ecclesiarum Rectores simplices, ac juris ignari, dum cessatio Divinorum in Ecclesiis indicitur, non solum organa suspendunt, sed etiam Sacramenta & Sacramentalia, quę a Christifidelibus interdicti tempore subtrahuntur, sibi subditis mini-

strare recusant, nullam inter Divinorum cessationem, & Ecclesiasticum interdictum differentiam ponentes. Quidam vero interdicti tempore prohibita faciunt, & concessis nesciunt gaudere. Ex quibus pericula causantur animabus, ac talis modi Rectores in irregularitatis aliquando prolabantur maculam. Nos ex Pastoralis nostri officii debito, quantum possibile est premissa remediare cupientes, volumus & ordinamus, ut propter cessationem Divinorum, quocunque etiam dierum per Nos, aut Judices Nobis subiectos indictam nulli Sacramenta, ac Sacramentalia, sive sepultura Ecclesiastica absque tamen solemnitate aliquatenus denegentur, sed dumtaxat organa suspendantur, officia tamen Divina januis clausis submissa voce, & absque campanarum pulsu celebrentur. Sed propter interdictum Ecclesiasticum in civitatem, oppidum, Parochiam, castrum, aut villam ab homine jure, aut statuto, prolatum non solum organa suspendantur, sed etiam Sacramenta, & Sacramentalia, ac sepultura Ecclesiastica denegantur infra scriptis salvis. Permittitur etiam eodem interdicto durante propter more periculum exhiberi baptismus, & confirmatio tam pueris, quam adultis. Crisma die Cene conficitur. Matrimonium contrahitur, sed in facie Ecclesie non solemnizatur.

Tam sani, quam infirmi ad penitentiam, & confessionem admittuntur, excommunicatis, & causam interdicti prestantibus exceptis, qui tamen cum certis modificationibus juxta Capitulum: *Alma*, aliquando ad confessionem admittuntur.

Viaticum infirmis, & sanis ad mortem damnatis non denegatur, sed etiam eisdem patenter aliis etiam Christi Fidelibus presentibus porrigitur. Clerici decedentes, qui interdictum observaverunt in cimiterio absque campanarum pulsu, ac omnibus cessantibus solemnitatibus tumultentur. Singulisque diebus in Ecclesiis Missę celebrentur, & alia dicantur Divina sicut prius januis clausis, & campanis non pulsatis. In Festivitatibus Natalis Domini, Pentecostes, Corporis Christi, & Assumptionis Virginis Gloriosę Divina Officia alta voce januis apertis, campanisque pulsatis, excommunicatis tamen exclusis a primis Vesperis usque ad secundas

das Vesperas inclusive celebrentur: non in eisdem quinque diebus interdicto durante corpora mortuorum Ecclesiastice tradantur sepulture, aut Sacramenta alias tempore interdicti ministrari prohibita aliquatenus ministrentur. Verbum Dei ut prius, pulsu etiam precedente seminatur interdicto Ecclesiastico non obstante.

Idem.

Cum in multis, variisque casibus a jure communi cujus ignorantia non excusat, majoris excommunicationis sententia in excedentes proferatur, ideo succincte enumerare curavimus, ut agniti magis evitentur, & de jure veteri sunt viginti octo:

Primus. Cum quis injecit manus violentas in Clericum, etiam in minori ordine constitutum, aut in Monachum, etiam non Clericum, ut puta conversum, aut monialem,

Secundus. Cum quis incidit in heresim jam damnatam.

Tercius. Cum quis defendit hereticum.

Quartus. Cum quis dicit Romanum Ecclesiam non esse caput aliarum Ecclesiarum.

Quintus. Cum quis potest defendere Clericum a violenta manuum injectione, & non defendit.

Sextus. Cum quis incarcerat Clericum, & iste casus implicatur quasi in primo.

Septimus. Est contra Consules, Officiales, & ceteros angarios, & similia onera Clericis imponentes.

Octavus. Est contra succedentes proximum dictis, nisi infra mensem errorem Predecessorum suorum purgaverint.

Nonus. Contra illos, qui statuerunt, aut introduxerunt statuta, & consuetudines contra libertatem Ecclesiasticam.

Decimus. Contra illos, qui talia Statuta de cetero fecerint.

Undecimus. Contra illos, quia talia statuta scripserint.

Duodecimus. Contra illos, qui talia statuta servare fecerint, licet ea non statuerint.

Tridecimus. Contra illos, qui secundum illa judicaverint.

Quartus decimus. Contra illos, qui judicata conscripserint.

Quintus decimus. Contra incendiarios, & fractores Ecclesiarum, vel locum contiguum Ecclesie infra limites cimiterii. Alii autem aliter violantes bona Ecclesiarum sunt excommunicandi per sententiam.

Sedecimus. In eo, qui electus est in Papam a minori parte quam a duobus partibus Cardinalium se pro Papa ingerente, & non respicit.

Decimus septimus. Contra illos, qui talem pro Papa tenuerint.

Decimus octavus. Contra falsitantes per se, vel per alium literas Papales.

Decimus nonus. Contra eum, qui scienter utitur literis sic falsatis.

Vicesimus. Contra illos, qui arma bellica faciunt infidelibus in prejudicium Ecclesie.

Vicesimus primus. Contra illos, qui in studiis generalibus tractant de locando hospicia Scolarium ante tempus prefinitum.

Vicesimus secundus. Contra religiosos leges, & medicinam in scholis audientes.

Vicesimus tertius. Contra Plebanos, Archidiaconos, Presbyteros leges, aut medicinam audientes, nisi infra spacium duorum mensium destiterint.

Vicesimus quartus. Contra Sigillarios, & ballistarios, qui his utuntur in libello injusto.

Vicesimus quintus. Cum quis participat in crimine excommunicato.

Vicesimus sextus. Cum quis paticipat scienter in Divinis cum excommunicato a Romano Pontifice.

Vicesimus septimus. Contra illos, qui Romanos, aut alios Christianos in mare navigantes capiunt, aut spoliunt.

Vicesimus octavus. Contra illos, qui innituntur ordinibus factis a schismaticis, ac recipientes alienata a schismaticis ab Ecclesiis.

De Jure vero sexti libri Decretalium sunt triginta duo.

Primus. Contra eos, qui tempore electionis Pape ad conclave eligentium alicui secreta scripturam, aut nuncium transmittunt.

mittunt, aut cum aliquo eorum secrete loquuntur.

Secundus. Contra Rectorem, & Officiales civitatis, in qua Summus Pontifex eligi debet, si fraudes committunt, aut diligentiam eis commissam fideliter non faciunt.

Tercius. Contra eos, qui gravaverint aliquam personam Ecclesiasticam, vel ejus consanguineos, vel Ecclesias, seu bona pro eo, quod eum pro quo rogabatur, eligere noluit.

Quartus. Contra usurpantes bona Ecclesiarum vagantium.

Quintus. Contra seminantes discordiam in electionibus Abbatissarum.

Sextus. Contra eos, qui de regimine Urbis Rome se intromittunt, nisi specialis intervenerit Apostolice Sedis licentia, per ipsius sedis literas exprimenda.

Septimus. Contra partem procurantem conservatorem procedere contra formam juris.

Octavus. Contra extorquentem per metum absolutionem.

Nonus. Contra Judicem simulantem se mulierem in testem productam personaliter audire.

Decimus. Contra obedientem Imperatori per Sedem Apostolicam deposito.

Undecimus. Contra compellentes personas Ecclesiasticas ad submisionem bonorum, & jurium ipsarum Ecclesiarum.

Duodecimus. Contra laicos, qui ex contractibus initis super rebus Ecclesiasticis plus sibi usurpant, quam ex natura contractus eis licet.

Tredecimus. Contra Religiosos mendicantes, eementes eis domos ad habitandum de novo.

Quartus decimus. Contra imponentes thelonia, pedagia & guidagia Clericis.

Quintus decimus. Contra eos, qui impediunt super causis, que ad forum Ecclesiasticum de jure vel consuetudine pertinent literas a Sede Apostolica impetrari, vel super ipsis coram Ordinariis vel Delegatis Ecclesiasticis litigari.

Sedecimus. Contra violantes libertatem Clericorum per indirectum.

Decimus septimus. Contra Religiosos

temere habitum dimittentes, aut studia litterarum visitantes absque Abbatis licentia.

Decimus octavus. Contra Doctores & Magistros, qui Religiosos habitu suo dimisso Leges vel Physicam audientes scienter docere, aut in Scholis suis presumpserint retinere.

Decimus nonus. Contra tradentes scienter Ecclesiastice sepulture hereticos, aut eorum fautores.

Vicesimus. Contra laicos publice vel privatim disputantes de Fide Catholica, sed iste casus potius est ferende sententie, quam late.

Vicesimus primus. Contra Judices laicos super crimine heresis judicantes, aut captos super eodem crimine liberantes, sive executionem eis adjunctam non exequentes, aut Judicem Ecclesiasticum super eodem crimine procedentem impediendes.

Vicesimus secundus. Contra illos, qui Jacobum & Petrum de Columna pro Cardinalibus tenent.

Vicesimus tertius. Contra eos, qui dictis Jacobo & Petro favorem prebuerunt vel auxilium.

Vicesimus quartus. Contra eos, qui per assassinos aliquem Christianum interfecerint vel mandaverint, quamquam mors non subsequatur, aut tales receptaverint vel defensaverint.

Vicesimus quintus. Contra personas Ecclesiasticas minores Episcopis, qui alienigenas, sive non oriundos de terris suis in eorum terris conducere, domus ad exercendum fenus, vel conductas habere aut alias habitare permittunt, Episcopi vero suspensionis sententiam incurrunt.

Vicesimus sextus. Contra concedentes, aut extendentes repressalias adversus personas Ecclesiasticas.

Vicesimus septimus. Contra insequentis hostiliter aliquem ex Cardinalibus, etiamsi non iniecerint manum.

Vicesimus octavus. Contra Rectores & Dominos, qui interfectores Cardinalium animadversione digna non puniunt.

Vicesimus nonus. Contra ledentes directe vel indirecte Ecclesiasticos Judices propter sui jurisdictionis exercitium.

Tricesimus. Contra eum, qui propter mortis periculum fuit absolutus ab excommunicationis sententia ab aliquo, a quo alias absolvi non poterat, si cessante impedimento se non presentat, cum commode potest, ei a quo alias absolvi debebat.

Tricesimus primus. Contra absolutos a Sede Apostolica, vel delegatis ipsius, qui se debent alicujus conspectui pro suscipienda penitentia, aut pro satisfaciendo lesio presentare & non faciunt.

Tricesimus secundus. Si quis injicit manus violentas in Novicium, etiam non Clericum, neque Professum.

Ex Clementinis eliciuntur quinquaginta & unus casus, quare a jure excommunicationis sententia promulgatur in excedentes.

Primus contra Possessorem Beneficii, qui in una sententia diffinitiva succubuit, quod per triennium non possedit, si sequestrum per loci Ordinarium fiendum impedit, aut fructus sequestratos occupat.

Secundus contra eos, qui defunctorum corpora in loco interdicto Ecclesiastice tradant sepulture.

Tercius, qui publice excommunicatos;

Quartus, qui nominatim interdictos,

Quintus, qui manifestos usurarios scienter tradunt Ecclesiastice sepulture in loco etiam non interdicto.

Sextus, Septimus, Octavus, & Nonus, contra Religiosos gravantes, vel defraudantes Ecclesias in decimis. *Primo.* Ex eo, cum decimas Ecclesiis debitas sibi absque causa legitima appropriare, seu usurpare presumunt. *Secundo*, quando aliorum animalia suis gregibus immiscunt, ut exinde decima non solvatur. *Tercio*, quando animalia emunt, & venditoribus, aut aliis locant, ut decima ex eis non solvatur. *Quarto*, quando de terris quas tradunt aliis excolendas decimas solvere Ecclesiis non permiserunt, aut prohibuerunt.

Decimus. Contra religiosos administrationem non habentes, qui sine licentia speciali suorum Prelatorum ad cu-

rias Principum se conferunt, ut suis Prelatis, aut Monasteriis damna inferant.

Undecimus. Contra Monachos, qui intra septa Monasterii sine Abbatis licentia arma tenent.

Duodecimus. Contra impediētes Visitatores Monasteriorum Monialium.

Tredecimus. Contra mulieres sectantes, aut de novo assumētes statum Beginarum.

Decimus quartus. Contra religiosos pro statu Beginarum dantes auxilium, consilium vel favorem.

Quindecimus. Contrahens scienter matrimonium in gradu consanguinitatis,

Decimus sextus. vel in gradu affinitatis prohibito.

Decimus septimus. vel cum moniali.

Decimus octavus. Religiosus contrahens matrimonium,

Decimus nonus. vel monialis,

Vicesimus. aut Clericus in sacris Ordinibus constitutus, excommunicatus est ipso jure.

Vicesimus primus. Inquisitores heretice pravitatis, & substituti a talibus Inquisitoribus, aut ab Episcopo, vel sede vacante a Capitulo ad exercendum officium inquisitionis heretice pravitatis, si ex odio, gratia, vel amore, aut propter lucrum, vel commodum temporale omittunt procedere contra quemquam ubi fuerit procedendum super hujusmodi pravitate.

Vicesimus secundus. Aut hujusmodi pravitatem infanti imponunt.

Vicesimus tercius, aut infontem alio modo vexant super tali crimine, excommunicati sunt, & per solum Papam preterquam in mortis articulo veniunt absolvi.

Vicesimus quartus. Inquisitores heretice pravitatis, aut Commissarii ab eis, aut Episcopo, vel sede vacante a Capitulo deputati, si pretextu officii inquisitionis illicite pecuniam, aut aliquid aliud extorqueant, excommunicati sunt.

Vicesimus quintus. Si prefati Ecclesiarum bona ob delictum Clericorum Fisco etiam Ecclesie scienter applicant, similiter excommunicati sunt.

Vicesimus sextus. Officiales communita-

nitatum facientes statuta super usuris solvendis non repetendis, aut non restituendis.

Vicesimus septimus. Aut talia scribentes.

Vicesimus octavus. Aut dictantes.

Vicesimus nonus. Vel secundum illa judicantes.

Tricesimus. Vel non delentes illa de libris communicatum si possunt.

Tricesimus primus. Vel illa servantes excommunicati sunt ipso jure.

Tricesimus secundus. Religiosi, qui Clericis, aut laicis Sacramentum Unionis extreme,

Tricesimus tertius. Vel Eucharistie ministrare,

Tricesimus quartus. Aut matrimonia solemnizare, non habita super his Presbyteri Parochialis licentia speciali.

Tricesimus quintus. aut qui excommunicatos a Canone preterquam a casibus a jure expressis, vel per Privilegia Sedis Apostolice concessis eisdem.

Tricesimus sextus. vel a sententiis per statuta Provincialia, aut Synodalia promulgatis,

Tricesimus septimus. seu a pena, & culpa absolvere quemquam presumpserint, excommunicationis incurrunt sententiam ipso facto per Sedem duntaxat Apostolicam absolvendi.

Tricesimus octavus. Banniens injuriose Episcopum.

Tricesimus nonus. vel qui hujusmodi bannum fieri mandaverit, aut factum ab aliis ratum habuerit, vel socius fuerit in hoc delicto facientis. Aut consilium in in hoc dederit, aut favorem, seu scienter defensaverit eundem bannientem, ipso jure est excommunicatus, a qua excommunicatione nequeat, nisi per Summum Pontificem preterquam in articulo mortis absolvi.

Quadragesimus. Religiosi mendicantes, qui domos ad habitandum, vel loca quaecunque de novo recipiunt, aut prius recepta mutant vel alienant.

Quadragesimus primus. Aut retrahunt aliquos a solutione decimarum Ecclesiis debitaram.

Quadragesimus secundus. Sibi confitentibus conscientiam faciant de solvendis

hujusmodi decimis; alioquin scienter obmittentes tam diu ab officio predicationis manent suspensi, quousque fecerint, si commode facere possunt, & si medio tempore prædicare presumpserint, excommunicati sint ipso facto.

Quadragesimus tertius. Religiosi, aut Clerici seculares, qui aliquos ad fovendum jurandum, aut promittendum inducunt, ut sepulturam apud eorum Ecclesias eligant, vel electam ulterius non immutent: excommunicati sunt, & per solum Romanum Pontificem preterquam in mortis articulo veniunt absolvendi.

Quadragesimus quartus. Religiosi etiam exempti violantes interdictum Ecclesiasticum, aut Divinorum cessationem servatam per matricem Ecclesiam loci excommunicati sunt.

Quadragesimus quintus. Domini temporales, qui cogunt aliquos in loco interdicto celebrare Divina.

Quadragesimus sextus. vel qui precones faciunt tunc ad illa audienda populum evocari.

Quadragesimus septimus. Vel qui prohibent ne publice excommunicati, vel interdicti super hoc per illos, qui Missas celebrant, moniti Ecclesias exeant.

Quadragesimus octavus. Et ipsi nominatim, qui non exeunt excommunicati, & per Papam absolvendi.

Quadragesimus nonus. Fratres minores, si tempore interdicti recipiunt in suis Ecclesiis ad Divina Fratres vel Sorores tercii Ordinis Sancti Francisci, excommunicati sunt.

Quinquagesimus. Asserens pertinaciter, quod anima rationalis seu intellectiva non sit forma corporis humani, tamquam hereticus excommunicatus est.

Quinquagesimus primus. Pertinaciter asserens uluram non esse peccatum, tamquam hereticus excommunicatus est.

Hoc quoque sciendum, quod a jure excommunicati vitandi non sunt, nisi secundum formam Constitutionis *Generalis Concilii Constantiensis* sic incipientis: *Ad evitandum scandala.*

De verborum significatione. Ex Concilio Maguntino.

In omni sermone ad communem verbi intelligentiam recurrendum est.

De

*De Regulis Juris. GOTFRIDUS
Episcopus.*

Sanctorum Patrum Regulis, & presentibus Statutis quivis noster subditus regatur in vita, verbis, & factis, ut sciat & faciat, quod acceptum est Omnipotenti Deo. De cujus misericordia & Beatorum Petri & Pauli Apostolorum ejus, & preciosorum Martyrum Kyliani, Colnati, atque Tornani, Ecclesie nostre Herbipolensis Patronorum auctoritate & meritis confisi, omnibus vere penitentibus & confessis, qui prefatas Consti-

tutiones & Statuta sibi comparaverint, legerint, aut legi audierint, quotiescunque hec fecerint, quadraginta dies de injuncta sibi penitentia misericorditer relaxamus.

Datum in civitate nostra Herbipolensi decima octava Kalendas Octobris, Anno Domini Millesimo, quadringentesimo, quadragesimo sexto.

Ex Libro impresso in Folio Litera Petri sine consule & die, quo continentur Synodi Herbipolensis variae.

Synodus Basileensis JACOBO Archi-Episc.

Treverico adversus EUGENIUM scribit, ut suos Consiliarios ad continuandam Synodum mittat. Anno MCCCCXLVI.

V. Decembris.

SACROSANCTA GENERALIS SYNODUS BASILIENSIS (a) IN SPIRITU SANCTO LEGITIME CONGREGATA, UNIVERSALEM ECCLESIAM REPRESENTANS. VENERABILI JACOBO ARCHI-EPISCOPO TREVIR. ROMANI IMPERII ELECTORI, SALUTEM ET OMNIPOTENTIS DEI BENEDICTIONEM.

Meminisse te arbitramur, in Conventione Francoford. (b) pro pace Ecclesie in Dominica Invocavit celebrata omnium Venerabilium Archi-Episcoporum, & Nobilium Ducum, Marchionumque Principum Electorum Imperii communem fuisse sententiam, alteram conventionem pro ipsa Ecclesie pace in eodem loco ad sequentes immediate Kalend. Septemb. celebrandam fore, in qua sperabant, omni impedimento cessante negotium ipsius Ecclesie concludere & consummare, obnixius orantes, quatenus

labores nostros diutius continuatos ad hoc in tam angusto temporis intervallo non pigeret sustinere, mitteremusque nostros Oratores ad ipsam conventionem solemnes, quos, ut instanter petebant, ad Kalend. Septemb. Francofordiam destinavimus, redeuntes vero ad Nos ipsi nostri Oratores Dilectissimus Ecclesie Filius Ludovicus tit. S. Cecilie Cardinalis Arelatens. vulgariter nuncupatus Legatus Noster a latere, sui que College, Prelati, & Doctores in Divino jure, & humano percelebres, retulerunt, (c) nihil actum esse

(a) Jam ab anno 1435. erat certo Schismaticum Conciliabulum, quotidie numero immutatum, ut nequidem historice Physice repræsentaret Occidentis Universalem Ecclesiam, nedum Orientis.

(b) Francofordiæ & Moguntiae ita reverebantur Conventum Basileensem, ut in ea acta contra Eugenium Papam improbarent, & Neutralitatem exactam inter Concilium & Papam, quem unicum Eugenium credebant, revererentur, & præ Florentia & Basilea locum tertium eligerent.

(c) Nil actum esse de conclusione & consummatione negotiorum Ecclesie in ipsa Conventione Multum econtra actum est in Conventione Francofortana ad Kal. Septemb. hujus anni indicta: scilicet in eadem, ope potissimum atque artibus Aeneæ Sylvii, Eugenius pro legitimo Papa fuit agnitus, si generale Concilium convocaret; Decreta priorum Conciliorum confirmaret, gravaminibus Nationis Germanicæ medelam adferret, & Archi-Episcopos Trevirensensem ac Coloniensem restitueret. Gobelinus in Comment. Pii II. L. I. pag. 12. Nauclerus Vol. II. Gen. XLIX. pag. 1073. Müller

esse de conclusione, & consummatione negotiorum Ecclesie in ipsa conventione, sed omnia ad aliam (d) conventionem in Dominica *Lætare* Nuremberge celebrandam fuisse delata; quod equo animo audissemus, si everfio fidei, violatio veritatis, justicie contemptus, desertio auctoritatis universalis Ecclesie, Generalium Conciliorum ruina, persecutio fidei, simul ipsam dilationem non comitarentur, miserabilisque exitus hujus Sacri Concilii, in quo omnium preteritorum, & futurorum Conciliorum robur & firmamentum est collocatum. Quenam deinceps spes Conciliorum, hoc pereunte, relinquetur in futurum, que preteritorum auctoritas, que firmitas fidei, queve securitas cultorum veritatis? sed invalforibus fidei paratur auctoritas, impunitas hereticis, oppressio-ibus occasio, erroribus locus, Religionis Christiane instabilitas, omnibus humanis rebus incertitudo, que nisi confestim Christianitati superventura videremus, hoc a Nobis deserto Concilio, nec ad horam amplius in eo permaheremus, cederemusque innumeris calamitatibus, que Nos incessanter opprimunt supra modum: sed speramus in Deo, cujus causam agimus, quod faciet Nobiscum cum temptatione proventum, nec Generalium Conciliorum auctoritatem inter fluctus temptationum perire permit- tet, que veritatis Fidei Catholice indissolubile est vinculum, totiusque reformationis, & decoris Ecclesie stabilimentum & robur. Quapropter Sancta hec Synodus, que potestatem a Christo immediate accepit, ancoram spei sue firmans in Domino, nil pretermittet possibile per eam fieri ad superventuris malis occurrendum; videt namque hostem fidei, & Christianitatis inimicum olim EUGENIUM non desistere a persecutione veritatis, ac in suis heresibus induratum nil aliud moliri, nisi ruinam hujus Sancte Synodi, ut libere extollens se supra id, quod est

Sanctum atque Divinum, scilicet legem Dei & Christi, impune Catholicam Fidem corrumpat, amplius, quam jam temptavit corrumpere, ut catervatim secum animas Christianorum ad infernum deducat. Vider in super resisti ei non posse, nisi hec Sancta Synodus firmiter perseveret: perseverare non potest, nisi per Patrum continuationem, continuare vero tunc melius potest, si in copioso numero Coadjutores habuerit, haberi possunt melius a nemine, quam a te tuisque Collegis Electoribus, qui pro vestra fide devotioneque, quam ad Ecclesiam geritis, polliciti estis ex singulari Dei dono tam solemniter, quam frequenter, ad exaltationem auctoritatis omnium Generalium Sacrorum Conciliorum toto posse conari, & singulariter hujus Sacri Concilii Basiliensis auctoritatem seriofius suscipere commendatam. Et animadvertere debet tua devotio, quod si tu, & alii tui Coelectores Imperii, quod Deus avertat, aliquid in favorem olim EUGENII, qui hanc Sanctam Synodum hostiliter continue non desinit impugnare, attemptarent, non esset servare fidem determinatam in magna Constantiensis Synodo, & veritatem, auctoritatem, & justiciam Ecclesie Catholice hujus Basiliensis, Constantis, & aliorum Generalium, ipsam Ecclesiam representantium, nec esset animarum vestrarum salutem conservare, aut procurare, sed totaliter ab his discedere, illaque funditus submergere, & perpetuo sepelire, essetque contra tuum, & aliorum Electorum debitum, & pollicitationem, quam publice Nobis dedistis, que omnia incommoda, tua, tuorumque Coelectorum diligentia, & cura vicari poterunt, si, que tam solemniter promissis, prosequemini adimplenda. Quare tuam devotionem hortamur, mone-mus, & requirimus de tuis ad Nos subditis Prelatis, Doctisque Viris Nobiscum laboraturos in vinea Domini mittas, erunt.

ler *Reichs-Tag Theat. Tom. I. cap. 26.* Misit deinde Fridericus Imperat. Æneam & Procopium Rabensteinium ad Romanam Curiam, quibus accessit Joannes de Lysura a Moguntino missus. Hi, postquam Pontifex omnia capita Decreti Francofurten-sis probasset, ei obedientiam præstiterunt. Gobelinus *L. citato pag. 13.* Mullerus *L. citato Tom. I. pag. 346. seqq.*

(d) Conventionem in Dominica *LÆTARE* Nuremberge celebrandam) Quid in hoc Nurembergensi Convntu de negotio Schismatis frustra actum sit, latius exponit Müller *cit. Tom. I. Caput. 29.*

Tomus V. Concilior. German.

Z z

eruntque primi novissimi, & novissimi primi in hujus sancti operis merito & premio, desque operam, quantum ab alto concessum tibi erit, ut venientibus, & redeuntibus securitas sit, ne male continuetur, quod pessime inceptum est pridem in prefato Dilectissimo Ecclesie Filio Cardinali Archi Episcopo Arelateni Legato nostro de Latere, & Vice-Cancellario, Imperiique Principe, ad Nos cum suis Collegis redeunte, & sub salvis conductibus Imperiali, & Venerabilis Roperi Episcopi Argentin. in cujus Dominio excessus est commissus, que res tam gravis & enormis est, ut tibi par facta vix, aut nunquam legatur. Speramus tamen in tuo ferventissimo zelo justicie, aliorumque tuorum Collegarum, vos ita in hoc casu provisos, ut de prete-

ritis fiat emenda, & in futuris similia non formidentur: super his autem Dilecto Ecclesie Filio Jacobo de Lyns decretorum Doctore & Cancellario tuo, qui diebus his commoratus Nobiscum, que oculis vidit, & manibus contrectavit, nostri ex parte fidem creditivam adhibere velis, tuique auxilii potentiam impartiri, ut hec Sancta Synodus plurimorum Sapientum adjuta consiliis efficacius intendat ad pacem Ecclesie procurandam, tibi que juvanti ad querenda consilia gaudium sequatur, donante Deo. Datum Basilie nonis Decembris, anno Millesimo quadringentesimo quadragesimo sexto.

Illustr. Hontbeim Tom. II. Histor. Pragmat. Trevir. N. DCCCXXII. pag. 406.

CONCILIUM EYSTATTENSE.

Anno Domini Millesimo, quadringentesimo, quadragesimo septimo, undecima die Mensis Octobris publicata sunt hæc STATUTA

SYNODALIA, septingentis fere Presbyteris & Clericis in Synodo congregatis,

SUB JOANNE MARTINO.

IN NOMINE SANCTÆ ET INDIVIDUÆ TRINITATIS. AMEN.

JOHANNES, DEI GRATIA, EPISCOPUS EYSTETENSIS, UNIVERSIS SECULARIUM ET REGULARIUM ECCLESiarUM PRELATIS, RECTORIBUS, PLEBANIS, VICE-PLEBANIS, CANONICIS, CAPPELLANIS, ALTA-
RISTIS, PRESBYTERIS, ET CLERICIS QUIBUSCUNQUE, BENEFICIATIS, ET NON BENEFICIATIS, PER CIVITATEM ET DIOECESIM NOSTRAM UBILIBET CONSTITUTIS, SALUTEM IN DOMINO SEMPTERNAM.

QUoniam juxta Canonum Sanctorumque Patrum Decreta Episcopi per singulas ordinati provincias subjectos sibi Sacerdotes, & Presbyteros commissatque plebes in ritu Catholice fidei instruere. Illis Ecclesiasticorum Sacramentorum, atque reliqui Divini cultus normam tradere, eradicare vitia, & virtutes plantare jubentur. Recte officii sui debitum certe legis descriptionem, ac bene vivendi regula constituta exequentur, ut exterminatis undique de-

viis oves Dominice pura conscientia unanimes habitent in Domo Domini. Namque, ut ait Propheta, Lex Divina disponens immaculata convertens animas testimonium Domini fidele: sapientiam prestat parvulis: qua videlicet, si quid deforme fuerit, in moribus, aut a Patrum orthodoxorum deviet institutis, ordinante Canonica Lege veluti reipublice, medela ab omnibus fiat alienum. Hac igitur salubri commotione permoti Pastoralis cure regimen, licet

De Falckenstein inter Ecclesiæ Eichstadiensis Statuta impressa post codicem Diplomatum Nordgavicum refert pag. 49. hæc Statuta ad annum 1435.

licet immeriti, suscipientes recentuimus, subiecto Nobis Clero utile quamplurimum fore, si juxta occurrentium temporum necessitatem honestis gubernetur Legibus, quibus veluti expressa forma ad regendum animarum curam, plebiumque sibi commissarum efficiantur. Instructores, prayos devitent abusus, & bonis moribus vitam suam studeant adornare. Imitantes itaque novissima *Sacri Basilienfis Concilii* de celebrandis Episcopalibus Synodis dispositionem, de Venerabilis Capituli nostri, Divinique, & humani juris peritorum consilio. Ad laudem Omnipotentis Dei, Gloriosissime Virginis Marie Genitricis ejus; beatorum Petri & Pauli Apostolorum, beatique Willibaldi, egregii Confessoris Patroni nostri, ac omnium Sanctorum, pro felicitatu hujus sancte Aureatenfis, alias Eystetenfis Ecclesie, ac Episcopalis Sedis, totiusque Cleri, & populi ad ipsam pertinentium laudabili incremento infra scripta edidimus Synodalia Statuta, nonnulla in his per bone memorie quondam REYMBOTHONEM, PHILIPPUM, BERTHOLDUM, & ALBERTUM immediatum Predecessores nostros promulgata renovantes, alia, prout Nobis, & memoratis jurisperitis expedire videbatur, adjicimus: quibus tanquam equitati deservientibus extirpari vitia, resflorere honestatem, bonorumque morum, ac Religionis Christiane votivum pervenire succrementum confidimus in Domino. Quapropter vobis omnibus, & singulis supradictis in virtute sancte obediencie firmiter, & districte precipiendo mandamus. Quatenus infra scripta statuta, & constitutiones Synodales per Nos auctoritate nostra ordinaria editas, & edita, quas etiam tanquam ratas, & approbatas vim legis obtinere volumus, prompto suscipiatis affectu: ac illas de cetero juxta earum tenorem, & continentiam sub penis in eis contentis omnino observare curetis. Alioquin contra transgressores propter Divinam, quam merito formidabunt, ultionem, in supradictis penis, & aliis remediis juris procedemus. Non tamen intendimus jurisdictioni Decani Ecclesie Cathedralis, ad quem sicut ex longeva, & antiqua consuetudine immediata correctio excessuum Clericorum civitatis nostre pertinere dinoscitur, in aliquo derogare.

Tomus V. Concilior. German.

*De Summa Trinitate, & Fide
Catholica.*

A Summo Numine, a quo omnia procedunt, sumentes exordium Catholicam Christi profiteamur fidem, ac eam, quam tenendam docet, atque predicat nostra universalis, & Apostolica Ecclesia: firmiter precipientes Nobis subiectis Clero, & populo, ut in vera Religione Christiana ambulantes. Sanctam & Individuam Trinitatem, Patrem, & Filium, Sanctumque Spiritum unum Deum cum sincera adorent cordis puritate. Nec quidquam credant, colant, vel venerentur, quod Romana Ecclesia, aut Patrum orthodoxorum decreta a veritate Catholica censeant alienum, atque refutandum. Propter quod ut fidelium populus vulgaris in ipsa Christiana fide rectius vivat, ac plenius instruatur, precipimus Ecclesiarum Parochialium Rectoribus, & aliis, qui predicationis exercent officium, quod tam in sermonibus, quam confessionum auditionibus circa hoc specialiter sint attenti, ne, quod absit, error in fide exurgat in populo, quodque in singulis Parochialibus Ecclesiis, Dominicalibus, & solennibus Festivitatum predicationibus ipsi populo materna, seu vulgari lingua orationem Dominicam, que incipit: *Pater noster*: & *Symbolum Apostolorum* pronuntient.

Contra Hereticos, & Superstitiones.

Hinc universas hereticorum detestamur sectas, quibuscunque censeantur nominibus, preterim novissimorum *Wiclefistarum*, *Hussitarum*, & *Waldensium* errores, omnesque alias vanas, & superstitiones observantias, quorum juxta Prophetam dicentem: *Odisti observantes vanitates*: Deo odibilis est scientia, incantationes, divinationes, sortilegia, atremque maleficam, & phitonisarum quibus decepti homines putant bona provenire sibi, vel mala posse evitari. Ad hunc quoque perducunt errorem, quod credant certis verbis, sive ut eorum utamur vocabulo, benedictionibus, aut certis ligaturis, vel observantiis curari posse languores aut pecora, a morfu ferarum conservari. Quod quidem pestiferum genus, cum ut audi-

Z z 2

mus,

mus, nimis commune sit in vulgo, eradicare cupientes statuimus, ut deinceps quicumque Presbyter, aut Clericus talem repererit, cujuscunque sexus, vel conditionis hominem, sive Clericum, sive laicum predictis damnatis erroribus involutum, aut incantationibus demoniacis, vel superstitionibus vanis qualitercunque utentem. Si in penitentiali foro hoc crimen cognoverit, taliter absolvendum ad Nos, vel Penitentiarium nostrum omnino remittat, etiam si alias pro certis personis, in casibus Episcopaliibus absolventi auctoritatem, quam ad hunc casum nolumus extendi, a Nobis obtinuerit, & nihilominus, si quis infra limites alicujus Parochie de heresi, aut predictis erroribus, vel una superstitione publice infamatus fuerit, Plebanus, sive Rector illius Ecclesie ipsum caritative, & fraterne ammonere debet, ut desistat; quod si non destiterit, teneatur eundem sub pena privationis Beneficii infra unius mensis spatium Nobis, aut nostro in Spiritualibus Vicario Generali illico denunciare, ut in tales punitione condigna animadvertamus.

Contra Blasphemos.

Preterea cum sint nonnulli homines perditii, qui Majestati Dei, & in Sanctos ejus publice blasphemias inferre non vereantur, quam quidem injuriam neque homines ferre decet; statuimus, ut ubicunque tales blasphemii reperiantur, hi ab Ecclesiarum Rectoribus in predicationibus, & confessionibus severius prohibeantur: Ecclesiasticis penitentiis prout facti, & personarum qualitas permittit; quod si sic minime desistant; deferant illos ad Potestates, & Rectores seculares, ibidem gravioribus penis affligendos: super quo volumus omnino, quod Plebani eosdem Rectores, & potestates seculares seriose, & constanter requirant.

De Predicatione Verbi Dei.

Cum Sacerdotes, quibus a Domino predicandi ministerium commissum est, Dominicas oves sibi creditas Verbi Dei Spiritualia alimonia pascere, & ut in Preceptis Divinis ambulent, edocere debeant, Idcirco eosdem in suis ser-

monibus precipimus esse cautos, ne verba proferant inuclia, aut vana, & maxime piarum mentium offensiva, sed potius Scripturam Sacram veteris, seu novi Testamenti, ac precipue Evangelium Christi plane, & intelligibiliter Dominicus, & aliis solennibus diebus populo predicent. Primo textum, prout jacet, vulgariter exponendo subiunctis postillis, vel per membra declarent, veluti plebis capacitati convenire cognoverint. Et quia repetita noticia Mandatorum Dei multum videtur edificare in populo, specialiter ordinamus, ut Rectores Ecclesiarum Parochialium ad minus semel in anno assumant materiam decem preceptorum, & illam una cum correctionibus viriorum convenienter prolequantur. Inducentes cum summa diligentia populum ad agendum penitentiam pro peccatis commissis, ac propterea singulis annis Dominica prima Quadragesime volumus, quod eidem populo publicent, & pronuntient Constitutionem Generalis Concilii, que incipit: *Omnis utriusque sexus, &c.* & aliis monitis salutaribus eos ad confitendum Sacerdotibus, & se Deo reconciliandum inducant. Caveant autem omnino Predicatores hujusmodi, ne in suis sermonibus utantur scripturis apographis (a) sive non autenticis: & siquid forte per ignorantiam proferant, ab Ecclesia, vel a Doctoribus non approbatum: hoc caute studeant revocare, neque ad convitia, vel exprobrationes criminum, vel ad suas particulares causas expediendas in ambonibus quovismodo descendant, ut ubi Dei causa agitur, ibi odia, rixe, sive vindicta non seminentur, quem quidem abusum sub pena suspensionis a Divinis, & interdictionis officii predicationis spatium trium mensium districte prohibemus.

Tenor vero dicte Constitutionis talis est.

Omnis (b) utriusque sexus fidelis postquam ad annos discretionis pervenerit, omnia sua solus peccata saltem semel in anno fideliter confiteatur proprio Sacerdoti, & injunctam sibi penitentiam propriis viribus studeat adimplere: suscipiens reverenter ad minus in Pascha Eu-

(a) *hgr.* apocryphis

(b) Lateranensi Concilio IV. sub Innocentio III. anni 1215.

Eucharistie Sacramentum, nisi forte de proprii Sacerdotis consilio ob aliquam rationabilem causam ad tempus ab ejus perceptione duxerit abstinendum. Alioqui & vivens ab ingressu Ecclesie arceatur, & moriens Christiana careat sepultura. Unde hoc salutare statutum frequenter in Ecclesiis publicetur, ne quisquam ex ignorantie cecitate velamen excusationis assumat. Siquis autem alieno Sacerdoti justa de causa sua voluerit peccata confiteri, licentiam prius postulet, & obtineat a proprio Sacerdote cum aliter illum ipse non possit solvere vel ligare. Sacerdos autem sit discretus & cautus, ut more periti medici superinfundat vinum & oleum vulneribus sauciati, diligenter inquirens, & peccatoris circumstantias & peccati, quibus prudenter intelligat, quale ei debeat prebere consilium, & cujusmodi remedium adhibere diversis experimentis utendo, ad sanandum egrotum. Caveat autem omnino, ne verbo aut signo, aut alio quovismodo prodat aliquatenus peccatorem, sed si prudentiori consilio indiguerit, illud absque ulla expressione persone caute requirat, quoniam qui peccatum penitentiali iudicio sibi detectum presumpserit revelare, non solum a Sacerdotali officio deponendum decernimus, verum ad agendum penitentiam perpetuam in arctum Monasterium detrudendum.

De Indictione feriarum.

Insuper universis Sacerdotibus Ecclesias Parochiales regentibus, committimus, & mandamus, ut populum sibi subiectum ad condignam feriarum, & jejuniorum observantiam inducant sub obtestatione obediencie infra notatos dies juxta consuetudinem, & observantiam nostrarum civitatis & Diocesis festivandos, & jejunandos precipiendo. Hi ergo dies & festa per anni circulum juxta observantiam Ecclesie nostre feriari solenniter & celebrari debebunt.

Primo Festum Circumcisionis Domini.

Item Festa Epiphanie Domini.

Conversionis Sancti Pauli.

Purificationis Beate Virginis.

Sancti Richardi Confessoris & Regis.

Sancti Matthie Apostoli

Sancte Walburgis, si extra Quadragagesimum cadit.

Annuntiationis Beate Virginis.

Item dies Gloriosae Resurrectionis cum tribus diebus sequentibus.

Festum Armorum Christi. Sancti Georgii Martyris.

Sanctorum Philippi & Jacobi Apostolorum, ac Beate Walburgis.

Item Festum Inventionis Sancte Crucis.

Item dies Ascensionis Domini.

Sancti Bonifacii Martyris Archiepiscopi Moguntini.

Festum Penthecostes cum tribus sequentibus.

Festum Corporis Christi. Sanctorum Viti & Crescentie.

Nativitatis Sancti Johannis Baptiste.

Petri & Pauli Apostolorum.

Item Festum Visitationis Marie.

Festum Sancti Willibaldi Patroni nostri.

Sancte Margarethe. Beate Marie Magdalene.

Beati Jacobi Apostoli Majoris.

Sancti Laurentii Martyris.

Item Festum Assumptionis Gloriosae Virginis Marie.

Sancti Bartholomei Apostoli.

Festum Nativitatis Gloriosae Virginis Marie.

Sancti Matthei Apostoli & Evangeliste.

Festivitas Sancti Michaelis Archangeli.

Item Festum Dedicationis Ecclesie Majoris, decima tertia die Octobris.

Festum Sanctorum Simonis & Jude Apostolorum.

Festivitas omnium Sanctorum.

Sancti Martini Episcopi.

Sancte Catharine Virginis & Martyris.

Sancti Andree Apostoli.

Sancti Sole Confessoris.

Sancti Nicolai Confessoris.

Festum Conceptionis Virginis Marie

Sancti Wunnibaldi Confessoris.

Sancti Thome Apostoli.

Item Festum Nativitatis Christi.

Sancti Stephani Prothomar.

Sancti Johannis Apostoli & Evangeliste.

Sanctorum Innocentum.

Sancti Thome Martyris, Episcopi Cantuariensis.

Hi autem Dies in observantia jejunii, & abstinentie teneri debebunt.

Primo Vigilia Mathie Apostoli.

Dies Quadragesime a die Cinerum usque ad Vigiliam Pasche inclusive abstinentie, & parsimonie dicati sunt, demptis

Diebus Dominicis, quibus tamen a carne, & lacte abstinere oportet.

Item dies Majoris Litanie, & dies Rogationum secundum consuetudinem hactenus observatam exhortatorie pronuntientur.

Item Vigilia Pentecostes.

Item dies Quatuor Temporum, videlicet feria quarta, feria sexta, & dies sabbati in hebdomada Pentecostes.

Item Vigilia Sancti Johannis Baptiste.

Item Vigilia Petri & Pauli Apostolorum.

Item Vigilia Sancti Laurentii.

Item Vigilia Beati Jacobi Apostoli.

Item Vigilia Assumptionis beate Marie Virginis.

Item Vigilia Sancti Bartholomei.

Item dies Quatuor Temporum, videlicet feria quarta, feria sexta, & dies sabbati immediate succedentes Festum Exaltationis S. Crucis.

Item Vigilia Sancti Matthei Apostoli & Evangeliste.

Vigilia Sanctorum Simonis & Jude.

Vigilia omnium Sanctorum.

Vigilia Sancti Andree Apostoli.

Item dies Quatuor Temporum, videlicet feria quarta, feria sexta, & dies sabbati immediate succedentes Festivitatem Sancte Lucie Virginis & Martyris.

Item Vigilia Sancti Thome Apostoli.
Item Vigilia Nativitatis Jesu Christi.

Tempora vero, quibus celebrationes, sive solennitates nuptiarum interdicte sunt, subsequuntur, videlicet:

A prima Dominica Adventus Domini, usque ad octavas Epiphanie. Deinde a Dominica Septuagesime usque ad octavas Pasche. Postea ab hebdomada Rogationum usque in Dominicam post Festum Pentecostes. Supra scriptis temporibus a Sacris Canonibus prohibentur nuptie solenniter celebrari.

De Examine Sacerdotum.

Quia vero juxta Prophetam Lex Dei ex ore requiritur Sacerdotum, propter quod scientia Divine Scripture his necessaria est. Idcirco Clericos Nobis subditos precipimus sollicitos, & diligentes esse circa studium Sacrarum Literarum, ne veluti ceci cum his, quos ducunt, in foveam cadant; cujus rei gratia volumus: quod deinceps non solum, quando ad sacros Ordines admittuntur, sed etiam dum Ecclesias suscipiunt regendas de scientia, & pericia, & aliis, videlicet vita, & honesta conversatione, & moribus diligenter examinentur.

De Sacramentis Ecclesie.

Hi igitur, qui presunt cure animarum, que est ars artium: sciant & ponderent ad id se deputatos, quod Christi fidelibus juxta institutionem, ritum, & ordinationem universalis Ecclesie Ecclesiastica ministrent Sacramenta, & ne quid in his committant erroris, sive negligentie, sed curent diligenter debitas observare formas verborum, ac unumquodque Sacramentum cum consuetis ceremoniis (prout institutum dignoscitur) legitime conferre & ministrare.

De Baptismo.

Baptismus itaque omnium Sacramentorum janua, cujus substantia in elemento aque consistit, super baptizando aqua effusa sub hac verborum forma conferatur: N. Ego te baptizo in nomine Patris, & Filii, & Spiritus Sancti; hoc

(spe-

specialiter observato, quod nulli extra Ecclesiam preter calum necessitatis, propter quam nequeat ad Ecclesiam absque periculo haberi accessus, baptizentur, nisi fuerint Regum liberi, aut Principum, quibus in hoc deferatur, prout in *Pienensi Concilio* desuper edito continetur. Baptisterium etiam semper teneatur clausum & seratum, cujus claves apud Sacerdotes, & non in manibus laicorum, diligenter reserventur. Et quia propter parvulorum baptizandorum imbecillitatem compadres fisci solent, nec ex illorum pluralitate contingat in contrahendis postea matrimoniis impedimentum oriri: precipimus districte, ut unus duntaxat in baptismo assumatur compater, seu patrinus. Quodque in solemnizandis hujusmodi matrimoniis Rectores Ecclesiarum diligenter perquirant, de impedimentis, occasione compaternitatis contractis, prohibentes, ne quis filiam Sacerdotis, qui ipsam baptizavit, ducat aliquatenus in uxorem.

De Sacramento Eucharistiæ & Officio Missæ.

Officium Missæ, in quo Divinum Eucharistiæ Sacramentum conficitur, a Presbyteris cum cordis puritate attente, ac devote precipimus celebrari. Ut quando Missas (non cantando) legunt, verba extra Secretam & Canonem alta, & intelligibili voce proferant, que possint a circumstantibus audiri. Attendant omnino, ne quid de forma consecrationis tam panis, quam calicis obmittatur, sed ut integra verba cum consecrandi intentione proferant; & presertim super calicem ante, quam elevetur, incipiendo ibi: *Hic est enim calix Sanguinis mei &c.* compleatur usque ibi: *Hec quotiescunque.* Caveant etiam quascunque committere in officio Missæ negligentias. Quod si forte per incuriam aquam loco vini in calicem infundi, & consecrationis verba desuper proferri contingat, celebrans iple, postquam hoc senserit, juxta Doctorum Sacre Scripture doctrinam iterato vinum infundere, ac verba consecrationis calicis ex integro repetere debet ibi incipiendo: Simili modo, & perficiendo usque ad illud: *Hec quotiescunque &c.* Deinde Sacramentum sic consecratum sumens complendam legat, Missamque ad finem perficiat.

*De Sacerdotibus existentibus in peccatis.
Ex Concilio PHILIPPI, quondam Episcopi.*

Statuimus, ut si aliquis Clericus, sive laicus utriusque sexus, cujuscunque dignitatis, religionis, aut preeminentie existat, ausus sit presumptione dampnabili publice predicare, vel occulte dicere, credere, vel tenere: quod Sacerdos in peccato mortali existens non possit conficere corpus Christi, seu sic ligatus suos subditos solvere a peccatis, pro heretico & incredulo habeatur. Unde quantumcunque Sacerdos pollutus existat, Divina non potest polluere Sacramenta, que purgatoria cunctorum contagionum existunt. Licite ergo, a quocunque Sacerdote ab Ecclesia tolerato Divina audiantur Mysteria, & illa recipiantur Sacramenta.

De custodia Eucharistiæ, & reverentia Sacramentorum.

Ne propter Sacramentorum irreverentiam ira Dei sæviat in Ministros, statuimus, ut Eucharistia, Christina, & Oleum sanctum sub diligenti custodia in vasis mundis, ac nitidis, & lumine continuo ardenti servantur, clavibus apud Sacerdotes, & non in manibus campanarum, & aliarum secularium personarum semper retentis; ad precavendum denique putredinem, & fumentium horrorem, ipsum Eucharistiæ Sacramentum aliquoties in anno, puta, singulis mensibus, aut post duos ad minus secundum locorum exigentiam renovari debebit; cum autem Sacerdos Eucharistiam, vel Oleum infirmorum ad decumbentem deportaverit, videat, quod superpellicio & stola, seu orario sit indutus, superposito mundo velamine manifeste & honeste ante pectus suum, campanella & lumine precedentibus, hec faciat; omnibus etiam vere pœnitentibus & confessis, qui se Sacerdoti, Eucharistiam, vel Oleum infirmorum taliter deferenti eundo vel redeundo associaverint, si hoc in die fecerint, decem: Si vero de nocte cum lumine proprio vel alieno viginti dies, de injunctis sibi pœnitentiis preter indulgentias ab aliis concessas auctoritate nostra ordinaria misericorditer in Domino relaxamus.

De

De eodem, ex Statutis Domini BERTHOLDI.

Cum autem Sacramentum Eucharistie sit excellentius ceteris Sacramentis, & tanquam solus Deus debeat adorari, tenore presentium duximus statuendum, ut, cum Sacerdos cum Sacramento Eucharistie visitat, & procurat infirmum, si totum Sacramentum expenderit, adeo, ut nihil remaneat in conservatorio, seu vase, in reditu Sacerdotis extingatur candelæ, & nola aliquatenus non pulsetur, ne fideles vas adorando vacuum idololatricæ vitium incidant, vel incurrant, si vero aliquid superfuerit de hujusmodi Sacramento, Sacerdos per semetipsum, vel per Sacerdotem alium, quantumcunque via difficilis fuerit, & extensa, ad Ecclesiam ipsam referat, & deportet. Alioquin hoc non observato præter ultionem Divinam ad arbitrium nostrum gravissime subjaceat ultioni.

De Sacramento Unctionis extreme.

Unctionis extreme Sacramentum pro infirmorum salute institutum debet a Presbyteris cum debitis ceremoniis, & forma conferri, ut dum super egros hec proferunt verba dicentes: *Ungo hos oculos tuos &c.* non putetur hanc substantialem esse formam, sed alia deprecatoria verba, que subjunguntur, videlicet: *Per istam sanctam Unctionem, & suam piissimam misericordiam inclinet tibi Dominus, quidquid deliquisti per visum.* Que sic repeti debent in singulis aliis unctionibus membrorum.

De Matrimonio.

Matrimonii nuptiarumque solennitatem merito recommendantes, prohibemus, quæcunque matrimonia clandestine contrahi; & ne Clerici Nobis subiecti taliter contractis intersint, aut quovis modo auctorizent; statuentes, ut, dum aliqui matrimonium contrahere velint, hoc proprio Plebano suo insinuare curent. Idemque in Ecclesia Parochiali infra Missarum solennia, Dominica, vel alia die Festiva publicam proclamationem faciat, nominando personas hujusmodi contrahere volentes, admoneatque Parochianos suos, ut si quis coniugunitatis, affinitatis, compaternitatis, vel aliud Canonicum impedimentum inter

contrahentes ipsos sciat, aut noverit, hoc infra octo dierum terminum ad audientiam suam deferat, & si quidem Plebanus ipse impedimentum aliquod ex probabili conjectura cognoverit, matrimonium tale nullatenus solennizet, quinimo potius expresse interdicat, & nihilominus si contrahentes ipsi a contractu non resilirent, hoc ad audientiam nostram vel Officialis nostri deferat absque mora. Quod si quisquam Sacerdotum nostrorum matrimonium non premissa proclamatione publica, & termino octo dierum non elapso, veluti superius exprimitur, solennizare presumpserit, sciant se penas juris, videlicet suspensionis ab officio per triennium ob hoc incurrisse, ac gravius a Nobis, prout facti qualitas exegerit, puniendos.

De Confessionibus audiendis.

In confessionibus vero audiendis illam precipue diligentiam Sacerdotes observent, ut a confitente peccata usitata, & communia sigillatim, inusitata vero per quasdam circumstantias caute perquirant, ne inexpertis detur materia, quod ante nescierant, perpetrandi; in communi quoque loco Ecclesie, & suspensione carente sedent, Sacerdotes cum confessiones audiunt, & in spiritu lenitatis audiant, & instruant confitentem ut de peccatis, quibus Deum offendit, contritionem habeat, & propositum abstinenti. Imo specialiter inhibemus, ne aliquis Sacerdotum in casibus Nobis, & Episcopis reservatis, maxime notoriis aliquem presumat absolvere in foro penitentie, nisi ex speciali commissione nostra, vel Vicarii nostri vices nostras in hac parte gerentis. In satisfactionibus vero injungendis majora majoribus reserventur; in minoribus autem secundum quantitatem culpe, & qualitatem delinquentium se teneant atque regant, aliaque observent, que in constitutione superius posita, que incipit: *Omnis utriusque sexus &c.* clarius exprimuntur. Sciant insuper Sacerdotes, quod juxta doctrinam Canonum infirmis languentibus non est injungenda penitentia, sed tamen innotescenda. Ita quod satisfactionis impossibilitas Domini nostri JESU Christi passione sui que pretiosi sanguinis effusione suppleatur.

Insuper statuimus, & de presenti decere.

decreto inhibemus omnibus Curatis, & non Curatis nostrarum civitatis & Dicecesis, etiam Religiosis, ne de casibus Episcopalibus Nobis & Episcopis reservatis, quos duximus inferius annotandos, intrinittere se audeant, sed ad Nos, seu nostros in hac parte vices gerentes remittantur, decernentes, absolutiones per eos absque speciali commissione nostra, seu Vicarii nostri in casibus hujusmodi, preterquam in mortis articulo factas, viribus penitus carere.

Casus Episcopales.

Remittantur itaque ad Nos, seu vices nostras gerentem rebaptizatus, reconfirmatus, & reordinatus.

Item, qui matrimonium per sponsalia jurata cum alia quoque persona contraxerit.

Item mulier, que antequam certificatur de morte mariti, cum secundo contraxerit.

Item perimens, seu negligens prolem propriam.

Item in se sterilitatem, vel abortum quomodolibet procurans.

Item homicida facto, precepto, consilio, aut auctoritativa exhortatione, seu alio quovis modo.

Item ille, cui solennis poenitentia fuerit injungenda.

Item quilibet symoniacus. Item usurarius. Item raptor. Item sacrilegus.

Item incendiarius. Item latro.

Item Ecclesiam consecratam Sanguinis vel seminis effusione polluens.

Item quilibet Ecclesie, vel cimiterii, aut Immunitatis, vel Libertatis Ecclesiastice violator.

Item quilibet excommunicatus a Canone, vel a constitutione.

Item quilibet irregularis. Item Sacerdos proditor confessionis.

Item celebrans in Ecclesia interdicta, vel Altari non consecrato, aut mobili sine licentia, aut indumentis non sacris, aut non jejuniis.

Item non ordinatus celebrans, vel ministrans in ordine, quem non habet.

Item Sacerdos, cujus culpa, vel negli-

gentia aliquid inhonesti, vel scandali circa Sacramentum evenit.

Item Sacerdos notorius fornicator, aut publicus concubinarium.

Item quilibet dejerans, vel veniens contra suum juramentum.

Item falsarius literarum & monete.

Item quilibet manus violentas injiciens in Presbyterum, Clericum, matrem, aut patrem suum.

Item quilibet conjugatus contrahens matrimonium vivente uxore cum secunda, vel intrans religionem, seu recipiens sacrum Ordinem conjuge invita & econtra.

Item conjux, qui vel que in mortem conjugis effectualiter machinatus, vel machinata fuerit.

Item scienter coiens cum infideli.

Item coiens cum brutis.

Item promotus per alium, quam proprium Episcopum sine licentia.

Item furtive, vel per saltum, vel extra statuta tempora promotus.

Item excommunicatus, vel suspensus, aut interdictus in ordine suo ministrans, vel qui taliter ligatus aliquem suscepit ordinem.

Item scienter sepeliens aliquod corpus excommunicati in cimiterio, vel etiam non excommunicati tempore interdicti.

Item abutens quomodolibet Sacramentis Ecclesie, ut, puta, hostia, chrismate, vel alia re sacra.

Item quilibet scienter baptizans prolem propriam, vel illam tenens in baptismo, aut confirmatione.

Item omnis hereticus, aut fautor, aut participator heretice pravitatis.

Item quilibet publice criminofus.

Item quilibet coiens cum Sanctimonialibus.

Item omnes clandestine contrahentes.

Forma Absolutionis.

Hanc vero in foro poenitentiali observare, & tenere debent Sacerdotes absolutionis formam, tanquam substantialem & brevioram, ut videlicet premissa oratione deprecatoria: *Miseretur*

tui omnipotens Deus &c. dicant : Dominus noster Iesus Christus dignetur te absolvere, & ego auctoritate, qua fungor, absolvo te a vinculo excommunicationis minoris, si incidisti, & a peccatis tuis. In nomine Patris, & Filii, & Spiritus Sancti. Amen.

Ne pro administrandis Sacramentis aliquid exigatur.

Volumus & districte precipiendo prohibemus, ne Sacerdotes pro administrandis Sacramentis, vel pro sepultura fidelium munera, quantumcunque modica exigant, aut extorqueant a suis subditis more contrahentium, ipsis autem Sacerdotibus non interdiciamus, ut si subditi eorum post Sacramentorum administrationem a fidelibus introductam nollent observare, quin ad hoc officium nostrum, seu Officialis nostri implorando possint iidem subditi licite coartari, & prout jus dictaverit compelli.

De Cultu Divino peragendo:

Quia Clerici vocati in sortem Domini Divino principaliter mancipantur obsequio debent servitutis sue pensum fideliter, diligenterque perolvere. Quapropter subiectis Nobis Clericis precipimus districte, ut Canonicas horas, reliquumque Divinum Officium, diurnum pariter & nocturnum, juxta ordinationem rubricæ Breviarii, quo in nostra Cathedrali utimur Ecclesia per totum anni circulum cantando, & legendo rite & devote perficiant, Constitutiones noviter in Basilienfi Concilio desuper editas imitando. Volumus tamen, quod post singulas horas Canonicas dicantur de Beata Virgine An. V. & Collecta. & similiter in tertiis fiat Conclusio cum Collecta de Spiritu Sancto: *Adsit nobis quesumus &c.* prout in antiquis statutis continetur. Itaque ut Clerus noster in Divino cultu pariformiter ambulet, ordinamus, quod deinceps in quolibet Decanatu Rurali unus ad minus habeatur liber rubricæ Breviarii apud dictam Ecclesiam Cathedralē usitati, ad quem omnes illius Decanatus Clerici recursum habere possint, neque licitum sit cuiquam ab illo deviare, nisi peculiaria quedam peragerentur Festa in Cathedrali, aut aliis Ecclesiis. Nam ad illorum observantiam reliquas aliter non censemus

fore astrictas. Preterea dispositionem juris in Decretali HONORII Pape sequendo quorundam abusivum torporem tollentes, statuimus, quod in qualibet Collegiata Ecclesia singulis diebus, sive Festum, sive simplex feria occurrat, Officium Misse publicum diei illius collegialiter decantetur, nec obmittatur quovis modo propter Officium anniversarium defunctorum. Aliter vero facientes, volumus quotidianis distributionibus unius hebdomade esse privatos, & ad arbitrium nostrum gravius puniendos. Debent autem Clerici in Collegiatis Ecclesiis, & aliis Parochialibus insignibus, etiam Altariste & Capellani, superpelliciaci, vel alias sacris induti vestibus Divino Officio reverenter interesse, ut sic a secularibus distincti personis, speciali decore domum studeant ornare Dei, & suorum Fundatorum, seu Patronorum intentionibus juxta eorundem fundationem omnino satisfacere.

De Recordatione Fratrum. Statutum antiquum.

Cum sancta & salubris sit cogitatio pro defunctis exorare, statuimus, & inviolabiliter observari mandamus, ut juxta consuetudinem Cathedralis Ecclesie nostre omnes & singuli cujuslibet Decanatus Confratres annis singulis feria secunda ante Festum Dedicationis ipsius Ecclesie nostre, omnium Confratrum suorum memoriam defunctorum apud aliquem locum ad hoc aptum cum Missa, & Vigiliis, & Placebo precedenti nocte celebrent sollemniter & devote.

De Regularibus. Statutum Domini ALBERTI.

Quoniam nonnulli Religiosi contra Deum, & suam institutionem multipliciter & notorie excedunt, eorumque Prelati desides & negligentes in observatione regularis discipline, ac correctionis excessuum existunt, eos per viscera misericordie Domini nostri Jesu Christi requirimus, & exhortamur, ut personas regulares sibi subiectas ad observantiam regularum suarum, & statutorum regularium diligentius inducant, moneant, & alliciant; preferim, & prout in decreto Sacri Basilienfis Concilii continetur, ut omnis proprietas ab eis abdicetur, &

ne quicquam in receptionem eorum in ingressu religionis per simoniam exigatur. Et si opus fuerit, strictius compellant, ut de officio sibi commissio dignam Deo possint facere rationem, & si ultra prevaricatores ordinis sui fuerint, aut contemptores, seu negligentes, vel remissi, pro certo se noverint, non solum de officio deponendos, sed alio modo secundum regulam suam castigandos, cum offensam non solum propria, verum etiam alienam, ac sanguis subditorum suorum de suis manibus requiratur.

Ne Monachi regant Parochias.

Statuimus insuper districtius prohibentes, ne Monachi, aut quicunque alii Religiosi, seu Clerici, & Sacerdotes seculares cujuscunque conditionis existant, absque licentia nostra speciali, & institutione ac commissione regiminis animarum præsumant Parochiales Ecclesias regere, & tenere, alioquin ab ingressu Ecclesie, & a Divinis noverint se suspensos, qua suspensione durante, si se Divinis ingesserint, laqueum irregularitatis non evadent, a quo non nisi per Sedem Apostolicam valeant absolvi.

De vita & honestate Clericorum.

Honestatem in moribus, vestiumque decentiam precipimus Clericos nostros, prout jura disponunt, omnino observare, cum enim, ut Beatus Petrus Apostolus ait: *Sit genus electum regale Sacerdotium, debent status sui dignitatem exterioribus habitus conversatione ostendere*: vestes itaque longas usque ad talem deferant, precipue autem, dum Divino in Ecclesiis interfint Officio, coloribus vero prohibitis, hoc est, viridi & rubro non utantur, sed alias juxta patriæ consuetudinem taliter incedant; ne cuiquam scandalo sint aut derisioni, fugiant preterea frequentiam tabernarum, abstinentes a ludo taxillorum, & alearum quocunque, omnisque inhonesta conversatio mulierum sit illis prorsus aliena. Quod si quisquam in his excessisse reperiat, Nos contra tales ad pœnas juris, & alias pro nostro arbitrio severius infligendas procedemus.

Contra Concubinarios.

Verum, quia Clericis in Sacris constitutis Ordinibus indicta est continentia,

Tomus V. Concilior. German.

& concubinatus crimen, quo plurimi involuti sunt a Lege damnatum & vetitum. Nos constitutionem novam de publicis concubinariis in *Sacro Basiliensi Concilio* editam, in nostris civitate & Diocesi locum habere volumus, ut deinceps juxta illius tenorem contra Clericos concubinarios, cujuscunque sint status aut conditionis, districtè procedatur.

De Adulteris & Usurariis.

Ex Statutis Domini WILHELMII, de publicis criminosis, & penitentia injungenda.

Sunt preterea inter seculares homines nonnulli, qui se damnatis Lege Divina criminibus publice involvunt, quidam enim in adulterio publico commorantur, alii vero usurarum student lucris, quorum vita detestabilis severitate quoque pœne Ecclesiastice emendanda est, & idcirco statuimus, ut si in aliqua Parochia reperiantur publici adulteri, vel usurarii, vel alias Ecclesiasticis delictis irretiti, Plebanus seu Rector Ecclesie illius loci debet eosdem primo solus, dehinc sub attestatione aliquorum vicinorum fraterne & caritative admonere, ut a peccatis hujusmodi desistant, quod si taliter correcti non destiterint, teneantur prefati Plebani, seu Rectores infra spatium mensis sub pœna suspensionis a Divinis illos ad audientiam nostram, vel Vicarii nostri deferre, ut hujusmodi publica peccata censura Ecclesiastica cohibeamus.

De Libertate Ecclesiastica.

Ecclesiasticam cupientes tueri libertatem, ac nostris temporibus adaugeri, prohibemus districtissime sub pœna suspensionis a perceptione fructuum Beneficii, ne quisquam Clericus cujuscunque ordinis nostrarum civitatis & Diocesis cuiquam seculari persone sub colore protectionis, aut defensionis absque nostra speciali licentia se constituat censualem, veluti a nonnullis factum nostris est auribus intimatum. Quin imo si qui ita se censuales constituissent, teneantur sub eadem pœna intra duorum mensium spatium liberatos se facere & absolutos. Neque presumant Clerici ad quecunque secularia & vetita judicia vocati in personalibus actionibus, vel super rebus Ecclesiarum aut Beneficiorum ibidem coram judice laico, in contemptum privilegii Clericalis quovis modo contendere, quin

imo citati taliter debent absque mora ad Nos. vel nostrum in Spiritualibus Vicarium super hoc habere recursum ad impetrandum remissionis literas vel aliter, prout expedire cognoverimus, eis providendum. Hoc autem non observantes, sciant se pœnam privationis stipendii prebendalis cujuslibet Beneficii, quod obtinent, ad tempus spatii sex mensium multandos incurrisse.

De Captivatoribus Clericorum. Statutum antiquum.

Quia Prelati & Clerus nostre Diœcesis a nonnullis perditionis filiis multipliciter contra libertatem Ecclesiasticam aggravantur, & quia nova contra novos morbos oportet antidota preparari, multa deliberatione prehabita, de consilio & consensu Capituli nostri statuimus, & jam nunc in quoslibet captivatores Clericorum excommunicationis sententiam promulgamus, statuentes, quod si in terminis alicujus Decanatus Prelatum Religiosum aliquem, vel Clericum habentem Sacros Ordines, & pro Clerico se gerentem temere captivari, aut captivum detineri constiterit, ipso facto infra terminos illius Decanatus cesset a Divinis, ut sic tam Nobiles, quam Magnates, quam etiam populares cum plebe contra malefactores hujusmodi ex Divinorum carentia provocati assurgant ad liberationem illius, qui ausu sacrilego detinetur captivus, auxilium præstaturi. Specialiter autem in omnibus locis illis, in quibus captivatores, & eorum complices nostre Diœcesis in maleficio ipsis consilium, & auxilium, vel favorem, vel juvamen prestantes domicilium obtinent, & sive de facto, sive de jure jurisdictionem exercent, ac ubi habent receptaculum, observetur distictissime interdictum, ita, quod corpora mortuorum ad Ecclesiasticam sepulturam nullatenus admittantur, quin imo si per violentiam laicalem in Ecclesiis vel cimiteriis fuerint tumultata, ibi non relaxetur aliquo modo sententia interdicti, nisi prius ejectis illis corporibus, sic per laicalem violentiam tumultatis. Durante etiam hujusmodi interdicto, Sacerdotes aliud facere non presumant, nisi quod in diebus Dominicis proposito suis plebibus Verbo Dei, pronuntiatis quoque festivis diebus, qui

in ista septimana occurrunt, eos aqua benedicta conspergant, nullum omnino dicatur officium in aperto: hic servetur illa Decretalis: *Alina*. Semel in hebdomada absque signo campanarum clausis ostiis cum suo tamen Ministro pro conficiendo viatico sub silentio Missam dicant, prefatum interdictum juxta modum & formam predictos reverenter, & humiliter servetur; Decani quoque, & eorum Confratres in aliis locis nostre Diœcesis requisiti, predictos sacrilegos ab omnibus suis subditis excommunicatos denunciari faciant publice singulis diebus Dominicis & festivis, quousque ipse captivus, liber & indemnus cum debita satisfactione dimittatur. Quod si detentor Clerici per unum mensem Clericum detinuerit captivatum, & eo dimisso infra annum a tempore captivitatis Clerici computando, satisfactione neglecta non obtinuerit se absolvi, extunc ab omnibus feudis cadat ipso jure, quo a quibuscunque Ecclesiis nescitur obtinere: salvis aliis pœnis contra tales a jure editis, & statutis, hoc adjecto, quod deinceps nullus Clericorum nostrorum concordiam & compositionem cum quocunque captivatore, aut injuriatore suo inire possit, per quam dictis captivatori, seu injuriatori abolitionis beneficium suis expressis expensis procurare, vel obtinere astringatur, ad quem quidem abusum tollendum ex certa scientia statuimus, Clericos in contrarium facientes a perceptione fructuum Beneficiorum suorum suspendendos, nec de cetero unquam in consortium Clericorum nostrarum civitatis & Diœcesis assumendos.

De Spoliatis Sacerdotes defunctos.

Contra laicos insuper Patronos, seu Advocatos Clericorum, aut quoscunque alios, qui post mortem Pastoris, aut Vicarii ipsum defunctum spoliant rebus per eum relictis, excommunicationis sententiam presentis statuti vigore promulgamus, statuentes, ut Ecclesia, in qua defunctus taliter Clericus fuerit spoliatus, interdicto Ecclesiastico sit supposita ipso facto. Nolumus quoque, ut alius Sacerdos Successorum ipsam ante restitutionem omnium ablatorum, & satisfactionem plenariam, nisi de Nostra, vel Vicarii nostri licentia speciali aliquatenus officiare presumat. Insuper statuimus, sive sit

fit Clericus, sive laicus Patronus, qui defuncto Patre, vel Vicario dotem spoliaverit, vel Ecclesiam, sit in pœnam a jure presentandi ea vice suspensus, & immediatus Superior Ecclesiam conferat illa vice.

De Prebendis diminutis.

Licet jam dudum jure provisum sit, ut Vicariis institutis in Ecclesiis incorporatis talis debeat congrua portio de proventibus illarum assignari, de qua honeste sustentari, jura persolvere, ac hospitalitatem tenere valeant; temporibus tamen nostri regiminis, recepimus hujus defectus querelas, quod Presbyteri propter inopiam, & Canonice portionis diminutionem cogantur proprias deferere plebes, & alibi residendo sibi victum querere. Quapropter ne Ecclesie Parochiales debitis deiraudentur obsequiis, aut populus in Sacramento rum administratione negligatur; statui-
mus districte precipiendo, ut omnes & singuli Collatores seu Patroni, qui hujusmodi incorporatas possident Ecclesias, Vicarios ipsas regentes ad Nostrum, vel Generalis Vicarii nostri in Spiritualibus arbitrium super dicta Canonica portione contentos reddant. Alioquin non obstante promissionibus, vel juramenti de non petendo augmentum portionis factis fortasse tempore presentationis, quas etiam presenti statuto declaramus irritas & inanes, auctoritate nostra ordinaria juxta locorum, & personarum exigentiam superinde curabimus providere; ut vero deinceps in fundandis Beneficiis Ecclesiasticis sufficientie dotationis major habeatur certitudo, decernimus, nullum Beneficium de novo confirmandum in nostris civitate & Diocesi, nisi redditus assignati, si simplex usque ad summam triginta sex florenorum de Rheno: vel si curatum fuerit Beneficium pro uno Presbytero ad minus quadraginta quinque similium florenorum communi extimatione annuatim se extendant.

De Decimis solvendis.

Cum decime tributum sint egentium animarum, quas Dominus in signum universalis Domini pro Ministris Altaris sibi retinuit, & Canonice Sanctiones jubeant eas de omnibus fructibus cum integra-

te persolvi: Statuimus declarando, quod laici decimas ipsas de agris, pratis, hortis, & arboribus, nec non de omnibus aliis fructibus qualitercunque de terra nascuntur, Clericis seu Parochialibus Ecclesiis, nullis deductis expensis sive messorum sit pretium, familie, aut mercenariorum, etiam si de uno fundo, & uno anno pluribus vicibus crescant atque proveniant plures fructus, & similiter de animalibus, & aliis licite acquisitis sine fraude quilibet tribuant integraliter, & extolvant. Ad quod faciendum, & abusum detestabilem ruralium tollendum volumus, ut Plebani & Rectores Ecclesiarum in predicationibus publicis, & confessionis secretis caritative, & persuasive populum inducant, declarando, quod ad hujusmodi integram solutionem decimarum ex precepto Ecclesie sint astrikti.

De Testamentis, & Executionibus Clericorum.

Quia circa Clericorum testamenta, & eorum executiones sepe fraudes committuntur, bonaque relictæ per eos ad usus non destinatos, vel alias inutiliter dissipantur, Nos, quibus ex officio provisio circa hec merito incumbit, remedium ponere volentes, statuimus, ut quicumque de executionibus relictorum per Clericos decentes se intromittere velit, teneatur infra unius mensis spatium de sua constitutione fidei commissoria, & executoria ultime voluntatis coram Nobis, vel Vicario nostro plenam, & idoneam facere fidem, antequam manum apponat ad exequendum, vel relictæ bona Clerici defuncti dispensandum: Inventarium sub manu authentica de bonis inventis, & relictis per defunctum omnino conficiat, ac post lapsum anni, a tempore mortis testatoris computandum, similiter infra unius mensis spatium Nobis, aut nostro Vicario integram de inventis, & distributis faciat rationem. Si quis vero aliter, & premissis non observatis bona cujuscunque Clerici Nobis subditi dispensare presumpserit, nostro Fisco in summam quinquaginta florenorum de Rheno condemnatus, multandusque existat. Præterea cum frequenter dissensiones occurrant inter Clericos noviter promotos ad beneficia, & Executores Defunctorum super distribu-

dis fructibus restantibus per mortem , cui debeant applicari: proinde Nos Canonum Sanctiones imitand , ordinamus huiusmodi inter premissos faciendam divisionem : ut de super existentibus fructibus talis assignetur Successoribus in Parochialibus Ecclesiis congrua portio, unde honeste sustentari valeant usque ad novorum fructuum perceptionem quocunque tempore, anni Rectorem Parochialis Ecclesie decedere contingat , ne occasione tali populus debito defraudetur obsequio Divino. Quod si forte Executores Defuncti, & Rector Ecclesie noviter institutus in hoc concordare non poterint , teneantur iidem omnimode Nostro, vel Vicarii nostri desuper stare iudicio, & quicquid per Nos, aut eundem nostrum Vicarium Decretum fuerit, sub pœna quadraginta Florenorum de Rheno acceptent libere, & exequantur.

De Officio & Juramento Decanorum Ruralium.

Decani Rurales, qui juxta antiquam consuetudinem per Diœcesin nostram constitutam, debent officium suum fideliter exequi, & implere, prout in antiquis statutis continetur. Sic tamen nullus in Decanum ruralem electus ante confirmationem a Nobis, vel Vicario nostro obtentam Decanatus huiusmodi officium presumat quovis modo exercere. Similiter nec possint Decani, vel Camerarii a fratribus deponi, aut alias libere cedere, nisi renuntiationis, cessationis, vel depositionis causa sufficiens eorum Nobis, vel Vicario nostro fuerit ostensa & deducta. Debet autem Decanus ruralis taliter in Diœcesi nostra constitutus in principio sue receptionis jurare, vel saltem fide data promittere vice & loco juramenti, quod infra scriptos articulos sine fraude & dolo observabit. Primo, quod Domino Episcopo Eystertensi obediens existat, ejusque mandata, & suorum Judicum reverenter accipiat, arque cum benevolentia pro posse suo efficaciter adimpleat; & juxta officium suum fideliter exequatur. Item, quod Constitutiones Synodales per Episcopos Eystertenses factas, editas, vel approbatas firmiter observet, & ab aliis Constitutibus sui Decanatus jubeat inviolabiliter observari, illud etiam obser-

vabunt Decani rurales, ut quandocunque juxta consuetudinem antiquam Presbyteri, aut Clerici alicujus Decanatus semel, aut bis in anno conveniunt, eis non concedant recedendi licentiam, nisi coram omnibus illius Decanatus Clericis hec presentia Synodalia Statuta publice lecta fuerint, ut sic per repetitam notitiam ad eorundem observantiam efficacius inducantur. Si quid etiam questionis & difficultatis magne in Clero illo emerferit, & precipue de his, qui concubinatus publici, vel aliis enormibus criminibus, puta heresis, irregularitatis, apostasie, simonie, perjurii notarii, & similibus sunt irretiti, aut alias scandalum grave generant in populo, hoc absque mora infra unius mensis spatium Nostri, vel Vicarii nostri auribus curent intimare, aliquin secus negligenter facientes pœna suspensionis a Divinis, & pecuniaria, videlicet viginti quinque florenorum de Rheno absque remissione multabimus.

Quod Parochiales Ecclesias regentes de causis matrimonialibus, & aliis causis non cognoscant, nec eas diffiniant. Statutum antiquum.

Ad audientiam nostram quoque ex fide dignorum relatione pervenit, quod nonnulli Decani, Camerarii, Rectores, Plebani, & Vicarii nostre Diocesis in gravem jurisdictionis nostre detractionem in suarum periculum animarum de causis matrimonialibus cognoscere, nec non easdem diffinire non verentur, & his, qui de contractibus matrimonialibus eorum ipsis accusantur, seu denuntiantur, negantibus dictos contractus super ipsorum negativa publice in ambonibus suis corporalia deferunt juramenta, actoribus super his perpetuum silentium imponendo, & jurisdictionem nostram sibi in hac parte usurpando, & insuper sententias excommunicationis majoris in subditos suos auctoritate propria fulminare presumant, nec non personaliter suspensi & excommunicati, ac in presentia publice majori excommunicatione excommunicatorum scienter se Divinis ingerere non erubescant, mandata quoque nostra Vicarii, & Officialis nostri ipsis injuncta vilipendendo executioni mandare non curant. Et quia quilibet Sacerdos in sua

consecratione ad Sancta Dei Evangelia tacta jurat, quod sit obediens suo Episcopo, ad cujus Parochiam extitit ordinatus. Quapropter universis & singulis Decanis Ruralibus, Camerariis, & aliarum Ecclesiarum Rectoribus Plebanis, Viceplebanis, & Vicariis per totam nostram Diocësin constitutis sub pœna suspensionis ab ingressu Ecclesie districtissime statuendo prohibemus, & sub prestitis in ipsorum consecratione juramentis eos seriose requirimus, & in Domino exhortamur, ne de causis matrimonialibus usurarum, decimarum, nec non de omnibus aliis causis, & questionibus Clericorum, seu laicorum, que judiciale indaginem exposcant: & quia de jure, aut consuetudine ad forum nostrum Ecclesiasticum pertinere dignoscuntur, audiant, vel diffiniant, sed eas audiendas ad Officiale nostrum, qui pro tunc fuerit, adhibita diligentia transmittant; sententias etiam excommunicationis majoris in subditos suos fulminare sub dicta pœna omnino prohibemus, suspensi quoque personaliter excommunicati per Nos, vel Officiale nostrum, qui pro tempore fuerit, in contemptum clavium Ecclesie se Divinis ingerere non pretendant. Alioquin ipso facto a jure, & secundum Canonicas Sanctiones irregularitatem se noverint incurrisse, a qua non nisi per Summum Pontificem, seu ejus Pœnitentiarium absolutionis Beneficium poterit obtinere. In excommunicatorum insuper presentia temere, & scienter celebrare ullo modo non presumant. Alioquin post primam celebrationem ab ingressu Ecclesie ipso jure noverint se suspensos, & si fuerint suspensi, & a dicta sententia suspensionis per Nos non fuerint absoluti, secundo se Divinis ingesserint, laqueum irregularitatis ipso facto similiter a jure non evitabunt. Vobis etiam firmiter damus in mandatis in virtute sancte obediencie firmiter precipiendo, ut mandata nostra, & ab Officiali nostro vobis injuncta per vos executioni debite mandentur. Alioquin quicunque ea temere absque causa rationabili coram Nobis propoſita exequi neglexerit, ab ingressu Ecclesie noverit se fore per Nos suspensum. Contra transgressores nihilominus in premissis, seu aliquo premissorum preter penas juris preactas ad privationem Beneficio-

rum suorum, iustitia mediante, procedemus.

De Questionariis & Literis extraneorum Judicium.

Ad obviandum etiam malitiis questionariorum, qui sepe per immoderatam Indulgentiarum promulgationem a fidelibus simplicibus eleemosynas extorquent, & nonnunquam eleemosynarum collectores falsis literis eosdem decipiunt. Discurrendo turpiter per tabernas, & flagitia perpetrando, prout tempore nostri regiminis experti sumus. Nos statuendo prohibemus omnibus & singulis Clericis, & Presbyteris curatis, & non curatis, ne de cetero quoscumque questionarios, aut eleemosynarum collectores absque nostris specialibus commendatitiis literis ad predicandum, vel indulgentias promulgandum, sive eleemosynas colligendum qualitercumque admittant: quin imo etiam si literas a Nobis obtinuerint sub nomine alicujus Hospitalis, Ecclesie, vel Capelle, & laici conjugati cum talibus mittantur, qui collecturam conduxerunt pro certa summa pecuniarum, eosdem pariformiter repellant, nisi ostendant per autentica documenta, quod Ecclesiarum vel Hospitalium sint familiares jurati. Idem decernimus observandum circa mandata citationum, seu edicta quorumcumque Judicum extraneorum, delegatorum, aut conservatorum: ut nullus ex nobis subiectis Clericis eadem recipiat, publicet, vel insinuet, nisi pariformiter super hujusmodi extraneorum Judicum literis a Nobis, vel Vicario nostro, aut Officiali generali literas, quas vulgo *vidimus*, appellantur, habuerit, quibus intelligat, Nos de premissis informatos, ut sic fraudibus decipientium simpliciores viam modis omnibus precindamus.

De Magistris fabricæ Ecclesiarum.

Hi qui pecunias, aut bona Ecclesiarum ad fabricam deputata administrant, sive Clerici, sive laici existant, cum aliena gerant negotia, debent singulis annis inter Pascha, & Festum Ascensionis Domini, aut alio competenti tempore de omnibus perceptis, & distributis in presentia Plebani, seu Rectoris Ecclesie loci, qui pro

pro tempore fuerit , & aliquorum Parochianorum debitam reddere rationem , ut sic bona ad fabricam Ecclesiarum deputata, vel ex eleemosynis fidelium collecta ad necessarios usus , puta edificiorum , ornamentorum, & non alibi omnimodo convertantur. Injungimus insuper prefatis Administratoribus , sive Magistri sint fabricæ , aut vocabulo vitrici Ecclesie nuncupentur, quod in suo officio fideles existant veluti Deo , cujus restraçant , reddere rationem habeant: quodque attendant circa Domorum Dei edificationes, & ornamentorum defectus, ut juxta facultatum exigentiam debito semper tempore reparentur ; similiter, quod sacre vestes Altarium, & Clericorum munde, ac nitide conserventur, quas etiam precipimus aliquoties in anno pro ipsorum exigentia, & congruitate lavari. Si vero quisquam ex prefatis fabricæ Magistris , aut Ecclesie vitricis negligens repectus fuerit, vel singulis annis rationem facere , prout sepius exprimitur , recusaret, hunc debeat, & possit Plebanus, seu Rector Ecclesie , infra cujus limites hoc contingit, per Sacramentorum subtractionem , vel alia Ecclesiastica pœna contringere , & punire, vel ad nostram, vel Vicarii nostri audientiam deferre. In his autem, qui hospitalibus leprosoriis , vel orphanatropiis presunt , tam circa faciendam rationem, quam in aliis eorum administrationem tangentibus , Statutum *Viennensis Concilii* (a) & juris communis dispositionem in nostris civitate & Diœcesi precipimus observari. (b)

Sequitur (c) de Conciliis Provincialibus & Synodalibus celebrandis post annum 1431.

Sacro sancta Generalis Synodus *Basiliensis* in Spiritu Sancto legitime congregata, universalem Ecclesiam representans, ad perpetuam rei memoriam. Pridem

hec Sancta Synodus quoddam saluberrimum promulgavit decretum pro stabilitate, & robore Generalium Conciliorum, quorum frequens celebratio precipua est agri *Dominici cultura*. Verum cum ad eandem culturam non dubium sit pertinere Synodos Episcopales, & Concilia Provincialia prout veteres Canones decreverunt frequentari ; Ideo eadem Sancta Synodus antiquos, & laudabiles mores nostris cupiens temporibus observari, statuit, atque precipit, Synodum Episcopalem in qualibet Diœcesi post octavas *Dominice Resurrectionis*, vel alia die secundum consuetudinem Diœceseos ad minus semel in anno ; ubi non est consuetudo, bis annuatim celebrari per Diœcesanum propria in persona, nisi Canonico impedimento fuerit impeditus, & tunc per Vicarium ad hoc idoneum , que Synodus saltem triduo, vel biduo duret, vel prout necessarium Episcopo visum fuerit. Prima autem die convenientibus Diœcesano, & omnibus aliis, qui in hujusmodi Synodis interesse tenentur, infra Missarum solennia, vel post Diœcesanus, vel alius ejus nomine Verbum Dei proponat, exhortando omnes ad bonos mores sectandum, abstinendum a vitiis, & ad ea, que pertinent ad Ecclesiasticam disciplinam, & officia singulorum, presertim ut hi, quibus animarum cura commissa est, diebus *Dominicis*, & aliis solennibus plebem subiectam doctrinis, & monitis salutaribus instruant ; Postea legantur Statuta Provincialia, & Synodalia, & inter alia aliquis compendiosus tractatus docens, quomodo Sacramenta ministrari debeant, & alia utilia pro instructione Sacerdotum. Deinde ipse Diœcesanus de vita & moribus subditorum solerter inquireat, labem simoniace pravitatis, contractus usurarios concubinatam, fornicationem, & alia quevis crimina, & excessus debita correctione cohibeat. Alienationes rerum Ecclesiasticarum a jure prohibitas revocet, ab-

- (a) Concilium Viennense in Delphinatu Generale vocatur, celebratum anno 1311. & 1312.
- (b) Inter Statuta *Wilhelmi XI.* in hac Synodo anni 1447. resuscitata, ex Synodo *Eystertensi* sub *Bertholdo* anno 1364. celebrata.
- (c) Cum *Bertholdus* Episcopus obierit anno 1365. & Synodus *Basiliensis* cœperit anno 1431. ad 1438. hinc quæ subjiciuntur Synodo *Eystertensi* a *Bertholdo* coactæ anno 1364, adjecta sunt Statutis *Eystertensibus* a posteriore Episcopo, ex Synodo *Basiliensi* excerpta.

abusus Clericorum & aliorum subiecto-
rum, que circa Divinum Officium, dela-
tionem debiti habitus defecerint, in melius
reformat, & emendet, & quam multa
scandala sepe contingunt ex eo, quod
Constitutio BONIFACII Pape VIII. que in-
cipit: *Periculoso*, edita super clausura Mo-
nialium, non servatur: studeat ipse Dæ-
cesanus, ut omnino juxta ipsius constitu-
tionis tenorem executioni demandetur,
nec non ut quicumque Religiosi Dæce-
sano subiecti regulas, & constitutiones sua-
rum religionum, presertim ut ab eis om-
nis proprietates abdicetur, inviolabiliter ob-
servetur, ne etiam in receptione ipsorum
ad religionem quidquam per simoniam
exigatur. Precipua autem in ipsa Synodo
Episcopi cura sit inquirere, ac debitis
remediis occurrere, ne aliquod dogma
hereticum, erroneum, aut scandalosum, pia-
rum aurium offensivum, fortilegia, divi-
nationes, incantationes, superstitiones,
& quevis diabolica signa Dæcesim
suam inficiant. Instituantur preterea tes-
tes Synodales, viri graves, providi, &
honesti, legis Dei zelum habentes juxta
Dæcesim latitudinem in numero compe-
tenti, aut alii eorum probitatem habentes,
ubi alii non sunt ad hoc instituti, qui
si Dæcesano minus idonei videantur
eos amovendo, alios prout ei vide-
bitur expedire, instituat: hi autem in
manibus ipsius Dæcesani, vel sui Vicarii
jurare teneantur, ut tradit Canon *Episco-
pus* in Synodo, qui per anni circulum lu-
strantes ipsam Dæcesim, que corrigenda
vel reformanda viderint, his, ad quos ta-
lia corrigere, vel reformare pertinet, refe-
rant, que nisi correctæ, vel reformata jam
fuerint, ad Synodum subsequenter pro-
ferant, in qua debitis remediis occurrat-
ur, sed & preter illa, que a testibus Syn-
odalibus, vel aliis eorum officium exer-
centibus Dæcesanus audierit. Inquirat
& ipse diligenter de cunctis suorum sub-
ditorum excessibus, & aliter in delinquen-
tes insurgat correctionis debite disciplina,
ut aliis malignari volentibus transeat in
exemplum. Celebretur quoque in singu-
lis Provinciis saltem infra biennium a fine
Concilio Generalis, & demum ad minus se-
mel de triennio in triennium Provinciale
Concilium in loco tuto, in quo tam
Archi-Episcopus, quam Suffraganei om-
nes & alii, qui in hujusmodi Conciliis

Provincialibus interesse tenentur, debite
vocati interfint; quod si Episcopus Can-
onico fuerit impedimento detentus,
Procuratorem suum destinet non solum ad
excusandum, & probandum absentie cau-
sas, sed etiam ad ipsius nomine in Conci-
lio interessendum, suscipiendumque, quic-
quam Concilium duxerit statuendum.
Alioquin ipse Episcopus a perceptione
medietatis fructuum unitis anni sue Eccle-
siae, qui per personam in ipso Concilio
deputandam in ipsius sue Ecclesie fabri-
cam effectualiter convertantur, eo ipso
sit suspensus. Alii vero venire negligentes,
Concilio arbitrio puniantur, aliis juris
pœnis in suo robore duraturis; Concilio
autem generali durante, & per sex menses
ante, hujusmodi Provincialia Concilia non
celebrentur. Porro in hujus inchoa-
tione Concilii ipse Metropolitanus, vel
alius ejus nomine infra Missarum solennia,
vel post exhortatorium sermonem faciat
de iis, que ad statum Ecclesiasticum, & pre-
cipue ad Pontificale officium pertinent,
seriose memorando, comminandoque sin-
gulis, quod juxta Prophete sententiam:
si eorum culpa cujusvis anima perierit,
illius sanguis de manibus eorum a Deo
exigetur. Precipue autem fiat tunc mo-
nitio exacta, ut dignis, & bene meritis,
quorum vita sufficienti testimonio nota
sit, Ordines & Beneficia sine ulla simo-
niaca labe conferantur. Et super omnia,
ut in animarum cura committenda sum-
ma diligentia, & matura inquisitio adhi-
beatur: & ut bona Ecclesiastica nullatenus
ad usus illicitos, quin imo ad hono-
rem Dei, Ecclesiarum conservationem,
habenda secundum Sacros Canones pre-
cipua cura pauperum, & indigentium lau-
dabiliter convertantur. Scientes, quod
de his omnibus apud tribunal eterni Judi-
cis usque ad minimum quadrantem ratio-
nem reddituri sunt. In quibus quidem
Conciliis de corrigendis excessibus mori-
busque subditorum reformandis, & pre-
cipue qualiter Episcopi in conferendis
Beneficiis, confirmandis electionibus, mi-
nistrandis ordinibus, deputandis confes-
soribus, predicando ad populum, & puni-
endo excessus subditorum, observatio-
neque Episcopali Synodorum, ceteris-
que ad officium Episcopale, ac jurisdi-
ctionem, & administrationem eorum in
spiritualibus, & temporalibus quodlibet

spectantibus se gesserint ; & presertim si a simoniaca labe manus innoxias servant , diligens inquisitio secundum juris communis dispositionem fiat , ut omnes , qui in premissis deliquisse comperti fuerint , per ipsum Concilium puniantur , & corrigantur. Simili modo de ipso Metropolitano circa omnia supra dicta diligenter inquiratur , cujus excessus , & defectus ipsum Concilium eidem specialiter exprimat , ipsum ammonendo , & obsecrando , ut cum aliorum Pater vocetur , & esse debeat , a talibus omnino desistat , & nihilominus inquisitionem de ipso habitam in scriptis redactam ad Romanum Pontificem , vel alium ejus Superiorem , si quem habet , sine mora transmittat , ut ab eo punitionem , & reformationem suscipiat condecens. Inter cetera , si que discordie , contentiones , & inimicitie inter quoscunque vigerint , que quietem , & tranquillitatem Provincie possent perturbare , curet omni studio Sacrum Concilium illa sedare , & more piorum Patrum ad pacem concordiamque filiorum vigilanter intendat , & si inter Regna , Provincias , seu Principatus hujusmodi discordias suscitari contigerit , mox Sancti Dei Antistites Concilia Provinciarum suarum simul congregari procurent , & sibi invicem consilium , & auxilium impendentes cuncta discordiarum fomenta amputare studeant , neque alicujus amore , vel odio pretermittant , sed ad Deum solum , & salutem populi mentis oculos erigentes ad sanctum pacis opus , omni tepiditate semota , invigilent. Cogitentur insuper in Provinciali Concilio , quod immediate Generale Concilium sequens antecedit , omnia , que in eodem Generali Concilio visa fuerint prosequenda ad Dei Gloriam , & Provincie commodum , salutemque populi Christiani. Ibidemque eligantur in numero competenti , qui ad proximum Generale Concilium nomine totius Provincie debeant proficisci , quibus per subsidium , vel alias provideatur , prout , & de jure , & Concilio Provinciali visum fuerit expedire : ita tamen , quod illi , qui ultra personas , ut predictum est , deputatas ad ipsum Concilium Generale accedere voluerint , aut eorum Clerus nullatenus propterea graventur. Relegantur in uno-

quoque Provinciali Concilio , que secundum Canonicas Sanctiones in eisdem legi precipiuntur , ut ea & inviolabiliter observentur , & transgressoribus pene debite inferantur. Quod si Metropolitani , vel Diocesani predictis terminis in celebrandis Provincialibus , & Episcopalibus Synodis , cessante legitimo impedimento fuerint negligentes , medietatem omnium fructuum , & obventionum , ratione suarum Ecclesiarum ad eos pertinentium fabrica ipsarum Ecclesiarum applicandam eo ipso amittant , qui si in eadem negligentia per tres proximos menses perseveraverint , ab Officiis , & Beneficiis sint ipso facto suspensi , quibus transactis temporibus sub ante scriptis pœnis antiquior in Provincia ordine Episcopus ipsius Metropolitanus Episcopi autem major in dignitate Pontificali in Sacris constitutus , nisi ad alios forsan de consuetudine , vel privilegio pertineat , negligentiam in celebrandis dictis Provincialibus , & Episcopalibus Synodis supplere teneatur. Jubet insuper hec Sancta Synodus omnibus Prelatis Religionum , & Ordinum quorumcunque , ad quos celebrare Capitula pertinet , quod illa Statuti temporibus sub predictis pœnis servant , & servari faciant , in quibus secundum Canonicas Sanctiones , & Religionum Constitutiones cum omni studio & diligentia ad veram singularum Religionum , & Ordinum reformationem intendant ; ita , ut deinceps in singulis Monasteriis juxta proprias regulas , & constitutiones debite regularis fiat observantia , & precipue ut tria substantialia vota omnino servantur. Per premissa autem hec Sancta Synodus non intendit juribus quorumcunque quomodolibet derogare. Datum *Basilee* in Sessione publica &c. &c. VI. Kal. Octobris , anno tricesimo sexto.

De publicis Concubinariis.

Sacrosancta Synodus Basiliensis (a) in Spiritu Sancto legitime congregata , Universalem Ecclesiam representans , ad perpetuam rei memoriam.

Quicunque Clericus , cujuscunque status , conditionis , dignitatis etiam si Pontificalis , vel alterius preeminentie existat , qui

(a) Sessione XX. anni 1435. 23. Januarii cum jam Pontificia auctoritate dissolutum esset Conciliabulum Basileense.

qui post hujus constitutionis notitiam, quam habere presumatur per duos menses post publicationem ejusdem in Ecclesiis Cathedralibus, quam ipsi Dicesani omnino facere teneantur, postquam eadem constitutio ad eorum notitiam pervenerit, fuerit publicus concubinarus, a perceptione fructuum omnium suorum Beneficiorum trium mensium spatio sit ipso facto suspensus, quos suus Superior in fabricam, vel aliam evidentem Ecclesiarum utilitatem, ex quibus hi fructus percipiuntur, convertat; nec non & hujusmodi publicum concubinarius, ut primum talem esse innoverit, mox suus Superior monere teneatur, ut infra brevissimum terminum concubinam dimittat, quod si non dimiserit, vel dimissam, aut aliam publice resumpserit: jubet hec Sancta Synodus, ut ipsum suis omnibus Beneficiis omnino privet. Et nihilominus hi publici concubinarii usque quocumque eis per suos Superiores post ipsarum concubinarum dimissionem, manifestamque vite emendationem fuerit dispensatum, ad suspensionem quorumcunque honorum, dignitatum, vel officiorum sint inhabiles, qui, si post dispensationem re-eidivo vomitu ad hujusmodi publicum concubinatum redierint, sine spe alicujus dispensationis ad predicta prorsus inhabiles existant. Quod si hi, ad quos talium correctio pertinet, eos, ut predictum est, punire neglexerint, eorum Superiores tam in ipsos de neglectu, quam in illos de concubinato modis omnibus digna punitione animadvertant: in Conciliis etiam Provincialibus, & Synodalibus adversus tales punire negligentes, vel de hoc crimine diffamatos etiam per suspensionem a collatione Beneficiorum, vel alia condigna poena severiter procedatur. Et si hi, quorum destitutio ad Summum Pontificem spectat, per Concilia Provincialia, aut suos Superiores propter publicum concubinatum reperiuntur privatione digni, statim cum processu & inquisitione ipsi Summo Pontifici deferantur: eadem diligentia & inquisitio in quibuscunque Capitulis Generalibus, & Provincialibus quoad suos servetur poenis aliis contra predictos, & alios non publicos concubinaros statutis in suo robore permanens. Publici autem intelligendi sunt non solum hi, quorum concubina-

tus per sententiam, aut confessionem in jure factam, seu per rei evidentiam, quam nulla possit tergiversatione celare, notorius est; Sed qui mulierem de continentia suspectam, & infamatam tenet, & per suum Superiorem admonitus ipsam cum effectu non dimittit. Quia vero in quibusdam regionibus nonnulli jurisdictionem Ecclesiasticam habentes, pecuniariorum questus a concubinariis percipere non erubescunt, patiendos eos, in tali seditate sordescere; sub poena maledictionis eterne precipit, ne deinceps sub pacto compositionis, aut spe alicujus questus talia quovis modo tolerent, aut dissimulent, alioquin ultra premissam negligentie poenam duplum ejus, quod propterea acceperint, restituere ad pios usus omnino teneantur, & compellantur. Ipfas autem concubinas, seu mulieres suspectas Prelati modis omnibus curent a suis subditis, etiam per brachii secularis auxilium, si opus fuerit, penitus arcere: qui etiam ex tali concubinato procreatos filios apud patres suos cohabitare non permittant. Jubet insuper hec Sancta Synodus, ut etiam in predictis Synodis, & Capitulis hec constitutio publicetur, & quilibet suos subditos ad ipsarum concubinarum dimissionem moneat diligenter. Injungit preterea omnibus secularibus viris, etiam si Regali prefulgeant dignitate, ne ullum qualecunque inferant impedimentum quocunque questu colore Prelatis, qui ratione officii sui adversus suos subditos pro hujusmodi concubinato procedunt. Et cum omne fornicationis crimen Lege Divina prohibetur sit, & sub peccati mortalis poena necessario evitandum, moneant omnes laicos tam uxoratos, quam solutos, ut similiter a concubinato abstineant: nimis reprehensibilis est, qui uxorem habet, & ad mulierem alienam accedit, qui vero, si solutus est, continere nolit, juxta Apostoli consilium uxorem ducat: pro hujusmodi autem Divini observatione precepti hi, ad quos pertinet, tam salutaribus monitis, quam aliis Canoniciis remediis omni studio laborent.

Sequitur Decretum de excommunicatis vitandis.

Ad vitandum scandala, ac multa pericula, subveniendumque conscientis ti-

moratis statuit hec Sancta Synodus, quod nemo deinceps a communione alicujus in Sacramentorum administratione, vel receptione, aut aliis quibuscunque Divinis, vel extra, pretextu cujuscunque sententie, aut censure Ecclesiastice, seu suspensionis, aut prohibitionis ab homine, vel a jure generaliter promulgate teneatur abstinere, vel aliquem vitare, aut interdictum Ecclesiasticum observare, nisi sententia, prohibitio, suspensio, vel censura hujusmodi fuerint in vel contra *personam*, Collegium, Universitatem, Ecclesiam, aut locum *certum*, vel *certam* a *Judice publicata*, vel denunciata *specialiter*, & *expresse*, aut si aliquem ita notorie excommunicationis sententiam confiterit incidisse, que nulla possit tergiversatione celari, aut aliquo juris suffragio excusari. Nam a communione illius abstinere vult juxta Canonicas Sanctiones. Per hoc tamen hujusmodi excommunicatos, suspensos, interdictos, seu prohibitos non intendit in aliquo relevare, nec eis quomodolibet suffragari.

De Interdictis servandis.

Quoniam ex indiscreta interdictorum promulgatione multa consueverunt scandala evenire, statuit hec Sancta Synodus, quod nulla civitas, oppidum, castrum, villa, aut locus Ecclesiastico supponi possint interdicto, nisi ex causa, seu culpa ipsorum locorum, aut Domini, seu Rectoris, vel Officialium: propter culpam autem seu causam alterius cujuscunque private persone hujusmodi loca interdicti nequaquam possint auctoritate quacunque ordinaria vel delegata, nisi talis persona prius fuerit excommunicata, ac denunciata, seu in Ecclesia publicata, ac Domini, seu Rectores, vel Officiales ipsorum locorum auctoritate Judicis requisiti hujusmodi personam excommunicatam infra biduum inde cum effectu non ejecerint, aut ad satisfaciendum compulerint, qua etiam post biduum ejecta, recedente, vel satisfaciente mox Divina resumuntur, quod etiam in pendenti- bus locum habeat.

De Cultu Divino.

Quomodo Officium Divinum in Ecclesia sit celebrandum.

Si quis Principem seculi rogaturus, habitu honesto, gestu decenti, prolatio-

ne non precipiti, sed distincta, attentaque mente se ipsum, ac verba studet componere: quanto diligentius in sacro loco omnipotentem oraturus Deum hec omnia facere curabit. Statuit igitur hec Sancta Synodus, ut in cunctis Cathedralibus, ac Collegiatis Ecclesiis horis debitis, signis, congrua pulsatione premissis Laudes Divine singulas horas non cursum, ac festinanter, sed asiatim & tractim, & cum pausa decenti presertim in medio cujuslibet versiculi Psalmorum debitam faciendo inter solenne & feriale officium differentiam reverenter ab omnibus persolvantur: Horas Canonicas dicturi cum tunica talari, ac superpelliciiis mundis ultra medias tibias longis, vel cappis juxta temporum, ac regionum diversitatem Ecclesiam ingrediantur, non caputia, sed almutia & birreta tenentes in capite. Qui cum in Choro fuerint, gravitatem servant, quam & locus, & officium exigunt, non infimul ac cum aliis confabulantes, seu colloquentes, aut literas, seu scripturas alias ibidem legentes, & cum psallendi gratia ibidem conveniant, muta & clausa labia tenere non debent, sed omnes, presertim qui majori funguntur honore, in Psalmis, Hymnis, & Canticis Deo alacriter modulentur. Cum dicitur: *Gloria Patri, & Filio, & Spiritui Sancto*, omnes consurgant. Cum nominatur gloriosum illud nomen JESUS, in quo omne genu flectatur celestium, terrestrium, & inferorum, omnes caput inclinent. Nemo ibidem, dum hore publice cantantur, legat, vel dicat privatim officium, Quia non solum obsequium, quo obnoxius est, choro subtrahit, sed alios psallentes perturbat. Super his debite observandis, aliisque ad Divini Officii persecutionem, ac chori disciplinam spectantibus Decanus, vel cui onus incumbit, diligenter invigilet, hinc inde, ne quid inordinate fiat, circumspiciens; horum autem transgressores illius hore, in qua circa predicta excefferint, vel alia majori, prout transgressionis quantitas exigit, plectantur poena.

Item, quo tempore quisquis in Choro esse debet.

Qui in Matutinis ante finem Psalmi: *Venite exultemus*. In aliis horis ante finem primi Psalmi: in Missa ante ultimum *Ayrie eleyson*, usque ad finem Divini Officii

non interfuerit, nisi forte necessitate cogente, ac petita & obtenta a Presidente chori licentia discedere oporteat, pro illa hora absens censeatur. Salvis Ecclesiarum consuetudinibus, si que forte circa hoc artiores existant. Idem in his observetur, qui a principio usque ad finem in processionibus non permanserint, pro cuius executione deputeretur aliquis onus habens, notandi personas singulas statuto tempore non convenientes, juramento astrictus agere fideliter, & nulli parcere. Jubet etiam Sancta Synodus, quod in illis Ecclesiis, in quibus singulis horis certe distributiones statute non sunt, omnino etiam de grossis fructibus, si opus sit, deputentur, & juxta mensuram laboris plus minusve quisque capiat emolumentum, tollens prorsus abusum illum, quo in una dumtaxat hora presens totius diei distributiones usurpat, & illum, quo Prepositi, vel Decani, aut alii Officiales ex hoc solum, quod Officiales sunt, licet actualiter pro utilitate Ecclesie non absint, quotidianas distributiones percipiunt.

Item qualiter Hore Canonice extra Chorum dicende sunt.

Quosunque etiam alibi Beneficiatos, seu in Sacris constitutos, cum ad Horas Canonicas teneantur, admonet hec Sancta Synodus, si orationes suas Deo acceptas fore cupiunt, ut non in gutture, vel inter dentes seu deglutiendo, vel sincopando dictiones, nec colloquia, vel risus intermiscendo, sed sive soli, sive associati Divinum diurnum, nocturnumque Officium reverenter, verbisque distinctis peragant, ac tali in loco, unde a devotione non retrahantur, ad que se disponere, & preparare debent juxta illud, quod scriptum est: *Ante orationem prepara animam tuam, ne sis quasi, qui temptat Deum.*

De his, qui tempore Divinorum vagantur per Ecclesiam.

Quicumque in Ecclesia Beneficiatus presertim de majoribus Divinorum tempore per Ecclesiam, vel foris circa ipsam deambulando, aut cum aliis colloquendo vagari visus fuerit, non solum illius hore, sed totius diei presentiam ipso facto amittat, qui si semel correctus non desti-

terit, per mensem distributionibus careat, vel graviori, si pertinacia exegerit, pœne subiaceat, ita, ut tandem desistere cogatur: prohibeatur etiam, ne Divina Officia tumultuose quorumcunque per Ecclesiam discursus impedian, aut perturbent. Regulares, qui in Conventualibus Ecclesiis circa predicta excesserint, gravi pœna Superiorum arbitrio castigantur.

De Tabula pendente in Choro.

Ut cuncta in Domo Dei ordinate procedant, & quilibet sciat, quid sibi agendum imminet, statuatur tabula aliqua continuo pendens in Choro, in qua, quid per unumquemque ex Canonicis, vel aliis Beneficiatis in singulis horis per hebdomadam, aut majus tempus legendum, vel cantandum sit: qui autem secundum quod descriptus fuerit, facere per se, vel per alium neglexerit, pro qualibet hora distributiones unius diei amittat.

De his, qui in Missa non complent Credo, vel cantant cantilenas.

Abusum aliquarum Ecclesiarum, in quibus *Credo* in unum, quod est Symbolum, & Confessio Fidei nostre, non complete usque ad finem cantatur, aut Prefatio, seu Oratio Dominica obmittitur, vel in Ecclesia cantilene seculares admiscuntur, seu Missa etiam privata sine Ministris preter secretas orationes ita submissa voce dicitur, ut a circumstantibus audiri non possit, abolentes statuimus, ut, qui in his transgressor inventus fuerit, a suo Superiore debite castigeretur.

De Pignorantibus Divinum Cultum.

Abusum etiam illum Cultui Divino manifeste derogantem, quo nonnulli Ecclesiarum Canonici contrahentes debita sic se Creditoribus obligant, ut nisi statuto tempore satisfaciant, a Divinis cessetur officiis, abolentes, & obligationem hujusmodi etiam si jurejurando firmata sit, sic irritam decernentes statuimus, ut qui talem illicitum contractum fecerint, trium mensium fructus ipsi Ecclesie applicandos ipso facto amittant, & quamdiu Divina non resumpserint, nullos ex ipsa Ecclesia proventus recipiant.

*De tenentibus Capitula tempore Missæ
majoris.*

Prohibet hec Sancta Synodus, ut tempore Missæ, præsertim diebus solennibus Capitula, seu actus Capitulares, aut alii contractus per Canonicos non celebrent, nisi forte urgens & evidens ingruerit necessitas. Qui vero ad talem horam Capitulum indixerit, a distributionibus quotidianis per hebdomadam sit suspensus, neque ipsi Canonici pro illa hora ipsas distributiones lucentur.

De Spectaculis in Ecclesiis non faciendis.

Turpem illum abusum in quibusdam frequentatum Ecclesiis, quo certis anni celebratibus nonnulli cum mitra, baculo, & vestibus Pontificalibus more Episcoporum benedicunt, alii, ut Reges ac Duces induti, quod festum fatuorum, innocentium, seu puerorum in quibusdam Regionibus nuncupatur, alii larvales & theatrales jocos, alii choreas & tripudia marium & mulierum facientes, homines ad spectacula & cachinationes movent; alii commensationes & convivia ibidem preparant, hec Sancta Synodus dete-

stans statuit, & jubet tam Ordinariis, quam Ecclesiarum Decanis, & Rectoribus sub poena suspensionis omnium proventuum Ecclesiasticorum trium mensium spatio, ne hec & similia ludibria, neque etiam mercantias, seu negotiationes nundinarum in Ecclesia, que domus orationis esse debet, ac etiam cimiterio exerceri amplius permittatur. Transgressores per Censuram Ecclesiasticam, aliaque juris remedia punire non neglegant. Omnes autem consuetudines, statuta, ac privilegia, que his non concordant, circa hec Decreta, nisi forte majores poenas addicerent, irritas esse hec Sancta Synodus decernit.

Datum in Sessione publica in Ecclesia Majori Basiliensi solemniter celebrata, die Jovis, nona Mensis Junii, Anno Domini Millesimo Quadringentesimo tricesimo quinto.

Ex impresso codice Eysladii in 4to. extante in Collegii Augustani S. J. Esu Bibliotheca Pluteo FL. IV. N. 13. commodato mihi anno 1759. a P. Bonsebah S. J.

Item extante in Biblioth. Collegii Herbipolensis S. J. anno 1762. commodato mihi a P. Thoma Grebner.

Anno Christi MCCCCXLVII. Non. Februarii
EUGENII Papæ IV. Concessio, ut Decreta
Concilii Basileensis, ab ALBERTO Rege acceptata, porro in Germania observentur, usque ad futuram modificationem Romæ.

EUGENIUS EPISCOPUS, SERVUS SERVORUM DEI, AD FUTURAM
REI MEMORIAM.

§. I. **A**D tranquillitatem, & commodam omnium Christi fidelium, & præsertim Nationis Germanicæ, quam Apostolica Sedes singulari affectione prosequitur, diligenti studio intendentes, ea libenter concedimus, per quæ ipsius Nationis personarum quieti, & commoditatibus consulatur.

§. II. Sane ad instantiam Carissimi in Christo Filii nostri, FRIDERICI, Romani Regis, Illustris & Venerabilis Fratris nostri, THEODORICI Archi-Episcopi Maguntinensis, ac Dilecti Filii nobilis Viri, FRIDERICI, Marchionis Brandenburgensis,

per alias nostras litteras, nonnulla circa Concilium Constantiense, ejusque Decreta, nec non futuri convocationem Concilii, mentem nostram concernentia declaravimus, prout in ipsis litteris plenius continetur. Super aliis autem Decretis, Basileæ editis, & per claræ memoriæ quondam ALBERTUM Romanum Regem acceptatis, ex quorum observantia, Natio Germanica præfata, ex pluribus gravaminibus dicitur relevari; contenti sumus, volumus, ac decernimus, quod omnia & singula, vigore Decretorum hujusmodi, cum suis modificationibus accepto-

tato.

tatorum, per eos, qui illa acceptarunt, vel acceptantibus in Natione præfata adhæserunt, usque in præsentem diem, quomodolibet gesta, vel acta sunt, cum omnibus inde secutis, rata, firma, & inviolabilia persistant, nec in posterum a quoquam, quavis autoritate cassari, annullari, aut irritari, quovis modo valeant, vel revocari; Quodque omnes, & singuli, qui usi sunt illis, ac in vim dictorum Decretorum, a die acceptationis eorundem, quicquid consecuti sunt, securi sint, & quieti, nec propterea impeti, turbari, aut molestari possint quomodolibet in futurum.


§. III. Super observatione vero, & modificatione decretorum eorundem, cum nonnulli Prælati Nationis præfate ex eisdem decretis gravatos se fore conquesti sint, cumque in illis Apostolica Sedi, quæ multum in suis juribus, ex ipsis decretis gravata dignoscitur, recompensatio præmissa sit, decrevimus, Legatum nostrum cum sufficienti potestate ad partes Germaniæ hujusmodi transmitti, qui mediantibus Rege, Archi-Episcopo, Marchione præfatis, ac aliis ejusdem Nationis Principibus & Prælatis, cum quibus fuerit opus, super observatione, & modificatione decretorum hujusmodi, nec non super provisione Sedi prædictæ faciendis, tractare poterit, & finaliter concordare.

§. IV. Permittentes interim, & indulgentes, quod omnes & singuli, qui præfata decreta receperunt, vel recipientibus, ut præmissum est, adhæserunt in præfata natione, illis similiter cum modificationibus, quibus recepta sunt, libere, & licite uti possint, quas etiam circa singula præmissa manuteneri, & de-

ferri volumus, donec per Legatum hujusmodi, ut prædictum est, concordatum fuerit, vel per Concilium, quod ad prædictorum Regis, & Prælatorum, & Principum exhortationem convocare proponimus, aliter fuerit ordinatum, non contraventuri, nec contravenientibus consensuri quovis modo. Speramus autem, & a certo tenemus dictos Regem, Archi-Episcopum, Marchionem, & alios Principes, & Prælatos tanquam devotos ipsius Sedis non passuros, medio tempore, Romanam Ecclesiam remanere in suis juribus spoliata.

§. V. Hanc autem concessionem ad eos, qui declarationi, vel obedientiæ per suos Prælatos, vel Superiores Nobis factæ, aut infra sex menses faciendæ, se opponerent, nullatenus extendi volumus, vel eis opitulari. Nos enim ex nunc irritum decernimus, & inane, si secus super his a quoquam quavis autoritate scienter, vel ignoranter contingerit attemptari. Nulli ergo omnino homini liceat, hanc paginam nostræ constitutionis, permissionis, concessionis, & voluntatis infringere, vel ei ausu temerario contraire. Si quis autem hoc attemptare præsumserit, indignationem Omnipotentis Dei, & Beatorum Petri & Pauli Apostolorum ejus, se noverit incursum. Datum Romæ apud Sanctum Petrum, Anno Incarnationis Dominicæ, Millesimo, quadringentesimo, quadragésimo septimo, Nonis Februarii, Pontificatus nostri anno sexto decimo.

Ex Constitutionum Imperii Ch. Senckenbergii Collectione Germanica, Parte I. pag. 177.



JACOBI Electoris Trevirensis, & aliquot Germaniæ Principum Avisamentum de eo, quod sibi videtur dirimundo Schismati aptissimum, (a) Anno MCCCCXLVII. Mense Julio.

Advitata in facto Pacis Ecclesiæ, in quibus Reverendissimus in Christo Pater, & Illustrissimus Princeps Domi-

nus JACOBUS Archi-Episcopus Trevirensis pro se, ac Illustribus Principibus Dominis T. Archi-Episcopo Colonienfi, L. Co.

(a) De his Avisamentis ita ex *Monstreleto Raynaldus Contin. Annal. Baron. Tom. XVIII. ad annum MCCCCXLVII. N. 20.* "Mense Julio Trevirenses Archi-Episcopum, Regis Francorum, Ducis Saxoniz, & Colonienfis Archi-Episcopi, Electorum Impe-

Comite Palatino Rheni, Duce Bavariz, & Friderico Duce Saxoniz suis Coelectoribus, se conformare voluerit Serenissimo; & Christianissimo Domino Regi Francorum, in modum, qui sequitur: Primo enim desiderant ipsa Regia Majestas, & prefati Domini quatuor Electores sui confederati, quod bona pax, & tranquillitas vigeat inter Viros Ecclesiasticos ubique per orbem, ex qua status melius disponetur, & magna bona universæ Christianitatis proveniant, intenduntque efficaciter laborare, quod divisiones & differentiz modernis temporibus existentes in Ecclesia Dei primitus sedentur, & pacificentur, quodque unum Concilium Generale pro bono Ecclesiæ celebretur, in quo magna bona, Deo concedente, procurabuntur; nec non Conciliorum Generalium auctoritas refloreat, & ab omnibus in debita reverentia, & observacione habeatur.

Et quoniam hæc magnæ & pene inextricabiles altercationes interveniunt inter felicis recordationis EUGENIUM Papam IV. & Concilium Basileense, ac eos, qui eidem interfuerunt, variique processus, sententiz, censuræ, privationes, & pænæ hinc inde occasione præmissorum emanarunt, & adhuc aliqui in Basilea, aliqui in Laterano se Concilium habere dicunt. Quibus altercationibus finem expedit imponere, ut citius & convenientius pax in Dei Ecclesia haberetur, nec non ad pacatam, & fructuosam celebrationem unius Concilii Generalis perveniri possit. Considerantes Rex & prefati Principes Electores, quod Catholica universalis Ecclesia diffusa per orbem, & communitas fidelium ut plurimum huiusmodi processus, sententias, censuras, privationes, & pœnas &c. &c. hinc inde emanatas, non recepit, nec ratas habuit, licet jam ad informationem de iis habendam magnum tempus effluxerit; volentes inniti ipse Rex & prædicti Domini Principes Electores auctoritati, & observacioni ipsius universalis Ecclesiæ, &

eam insequentes, atque efficere satagentes, quæ ejusdem Ecclesiæ paci congruunt, sicuti pacem ipsam prosequi interest Principum, & Prælatorum; visum est disponendum & ordinandum, firmiterque observandum, etiam quantum ad Dominum Ducem Sabaudiz & Dominia sua, qui dispositioni & ordinationi Regis stare promisit, atque apud omne, ubi opus fuerit, prosequendum, quod sicut communiori Ecclesiæ observatio huc usque habuit, prefati processus, sententiz, censuræ, privationes & pænæ occasione præmissorum, & omnium ex eis dependentium (esto etiam, quod in huiusmodi censuris, privationibus &c. aliæ causæ adderentur) hinc inde emanaræ, & quæcumque mandata, ordinationes, seu dicta, conscripta, aut quomodolibet acta, seu gesta in huiusmodi rerum persequutione, cujuscunque, vel quorumcunque, adversus quemcunque vel quoscunque, omniscunque status, gradus, dignitatis, vel conditionis etiam Papalis, Cardinalatus, Archi-Episcopalis, Episcopalis existerent, seu quocunque nomine etiam Papæ vel Concilii hæc facta sunt, pro non factis habeantur, quorum omnium tenores hic habeantur pro expressis, etiam si talia sint, de quibus mentio specialis de verbo ad verbum habenda foret. Esto etiam, quod talia universalem Ecclesiam, & auctoritatem Conciliorum universalium, aut Sedis Apostolicæ concernant quovis modo; omnisque dissensio, divisio, & scissura occasione horum proveniens penitus auferatur, aut dimittatur, ac si nunquam prædicta facta fuissent; tractatus pacis, & concordiz inter præfatum Papam EUGENIUM, & omnes & singulos, qui Concilio Basiliensi interfuerunt, seu tanquam eidem Concilio, aut gestis ejus adherentes, cum eo, seu ipse cum eis aliquas differentias habuerunt, adversatus per ipsum Christianissimum Dominum Regem Francorum, continuetur, & perficiatur. Respectu S. D. N. NICOLAI Papæ

Imperii, tum Ducis Sabaudiz, & Basileensium; atque in iis Cardinalem Arelatensem, nec non Angliæ & Siciliæ Regum Oratores convenisse, ac post plura colloquia Amedeum adeundum, ut ad pacem ipsum urgerent, decrevisse, collatisque cum ipso & Pseudo-Cardinalibus sermonibus, compositas concordiz formulas, quas Angliæ Regis Oratores Pontifici exposuere, indignas prorsus responsis, ipsumque numquam iis se assensurum dixisse, refert idem Monstreletus. Ut vero aliquas admiserit Nicolaus, alias respuerit, atque Amedeus Pseudo-Pontificatu se abdicaverit, proximo anno dicitur. Nota Illmi Honthelmii.

Papæ V. cui per eosdem, qui Concilio Basiliensi, aut gestis ejus quovis modo adhæserunt, faverunt, aut obediverunt, & per quoscunque alios, qui præfato EUGENIO, aut ipsi S. D. N. Papæ NICOLAÛ contrariati fuerint, omnis honor, reverentia, & obedientia, eisque per ipsum S. D. Papam NICOLAUM omnis honor & paterna dilectio absque prædictorum recordatione exhibeatur. Quodque deinceps ab appellatione Concilii Generalis tam in Basilea, quam in Laterano (quæ appellatio non jam unitati Ecclesiæ de cætero proficeret, sed obesser) penitus cesset, ut sic omni impedimento sublato ad Concilium Generale, sicuti præmittitur, habendum, quod ab omnibus Christianis in unanimitate & concordia reputetur, perveniri possit.

Non tamen intendunt præfati Domini, quod per prædicta, decretis acceptatis cum suis modificationibus tam in Imperio, quam in Regno Franciæ aliud intelligatur præjudicium generari.

Item, quod unicuique volenti habere literas super prædictis expediantur in forma meliori. Dignum insuper arbitrantur Regia Majestas & Principes Electores præfati, & ad hoc operam cum effectu impendent, quod Patri Domini Ducis Sabaudia se prædictæ observationi communis universæ Ecclesiæ diffusæ per orbem conformanti, & promissionem ejusdem Domini Ducis Filii sui præfato Christianissimo Regi factam, quæ ipso Patre sciente, & non contradicente, nec prohibente in dubio facta præsumitur, amplectenti cum effectu, atque pro tanto bono pacis Ecclesiæ omnino nomen & titulum Papatus dimittent, honor exhibeatur, ac statum honorabilemque provisionem in Ecclesia habeat, nec non etiam, quod per eum promoti ad dignitates & honores Ecclesiasticos, qui eos acceptarunt, & ad Beneficia quæcunque, qui ipsorum Beneficiorum possessionem pacificam habent, in sua obedientia eadem assequantur, & obtineant. Et similiter de iis, qui sub nomine *Generalis Concilii Basiliensis* promoti sunt in eorum obedientia. Officiariis quoque suis omnis consolatio possibile fiat; qui tam in Romana Curia, quam sub administratione Domini Patris

præfati Ducis Sabaudia habebuntur recommissi: aliqua tamen super prædictis privationibus & promotionibus, aliquos particulares tangentia; bonum hujus negotii concernentia, intendit Rex aperire & moderare in conclusione hujus concordia.

Ultra prædicta super loco & tempore futuri Concilii videbatur prædictis Dominis Principibus Electoribus, quod haberet fieri in uno quinque locorum in Almania nominatorum, sed Domino Regi Franciæ propter rationes quamplures videtur, & ista instare intendit, quod locus Concilii rebus gerendis commodus determinetur in suo Regno. Verumtamen quantum ad tempus, advisatum est inter ipsum Dominum Regem Francorum & Principes Electores præfatos, quod videatur omnibus ipsis procurandum, ut incipiat illud Concilium *de Kalend. Septemb.* proxime futuris ad annum.

Item instabit Dominus Rex Francorum, quod S. D. NICOLAUS Papa V. Concilii Constantiensis Decretum: *FREQUENS*, & alia ejus Decreta, sicut cætera Concilia, Catholicam militantem Ecclesiam representantia, ipsorum potestatem, honorem, & eminentiam, sicut & cæteri Antecessores sui suscipiet, amplectetur, & venerabitur.

Item Dominus Rex Francorum, & quilibet suorum confederatorum habeat Bullas super indictione futuri Concilii, & susceptione prædicta, si obtenta fuerit.

Item si Dominus Sabaudia, vel Dominus Pater ejus, seu quicumque eidem adhærentes, iis pacis & concordia mediis, de quibus in præfata cedula continetur, repugnaverint, aut acquiescere noluerint, seu distulerint, quod non speratur, & deinceps contra eos, aut eorum aliquos per S. D. N. NICOLAUM Papam procedatur, non confidant, quod de cætero in pacificandis, quantum ad eos, negotiis Rex, & præfati Principes Electores, quemodolibet se intromittant; quin immo intendunt omnibus viis & modis justis, & rationabilibus præbere auxilium & favorem, processibus & censuris, & excommunicationibus contra tales fiendis, maxime postquam con-

renta in præsentibus advisamentis fuerint per S. D. Papam NICOLAUM concordata.

Item supradictis advisamentis supranominatus Reverendissimus in Christo Pater, & Illustrissimus Princeps Dominus JACOBUS, Archi-Episcopus Trevirensis, pro se, nec non Venerabilis Joannes de Linss, utriusque Juris Doctor, pro parte Reverendissimi in Christo Patris, & Illustrissimi Principis Domini THEODORICI, Archi-Episcopi Colonienensis, & Magister Henricus Engellard pro parte Illustrissimi & Excelsi Principis Domini FREDERICI, Ducis Saxonie, & Sacri Romani Imperii Principum Electorum missi Ambasiatores ad præfatum Christianissimum Dominum Regem Francorum pro prædictis Dominis Archi-Episcopo Colonienensi, & Duce Saxonie in vim literarum credentialium per eos nuperrime exhibitarum præfato Christianissimo Domino Regi Francorum se conformant, & concurrunt in modum, qui sequitur: scilicet, quod prædictorum advisamentorum prosequutio fiat diligenter apud Domi-

num Patrem Domini Ducis Sabaudie, & aliis, ubi erit oportunum, ex parte præfati Serenissimi & Christianissimi Domini nostri Regis Francorum, concurrentibus in hoc secum, & se eidem conformantibus præfatis Domino Archi-Episcopo Trevirensi, & Ambasiatoribus ipsorum duorum Archi-Episcopi Colonienensis, & Ducis Saxonie, propter multa pericula, quæ intervenire possent, si pratica & expeditio præmissorum protraherentur in longum, dummodo tamen præfatis Dominis Archi-Episcopis Trevirensi & Colonienensi provisiones necessariæ pro eorum, & omnium suorum, ut præmittitur, securitate & indemnitate, & literæ desuper oportunæ S. D. N. NICOLAI sub motu proprio in forma meliori, secundum apunctuata in prædictis cedulis tradantur, & deliberentur. Factum Bituricis vigesimo octavo die Junii, anno Domini Millesimo, quadringentesimo, quadragesimo septimo.

III. Hontheim Tom. II. N. DCCCXXIV.
pag. 409.

Anno Christi MCCCCXLVII. Kal. Aprilis
NICOLAI V. Confirmatio, & prolixior
*Declaratio super Conventione antecedenti, uti & EUGENII
Papæ Concordata, quæ hic certis modis
confirmantur.*

NICOLAUS EPISCOPUS, SERVUS SERVORUM DEI, AD PERPETUAM
REI MEMORIAM.

AD Sacram Petri Sedem divina dispositione sublimati, singulis, quæ pro universalis Ecclesiæ unione, ac pace, & tranquillitate profutura conspiciamus, Apostolicæ providentiæ sollicitudinem libenter intendimus, & ad felicem illorum prosecutionem, & consummationem, opem & operam impendimus efficaces.

§. I. Nuper siquidem Charissimus in Christo Filius noster FRIDERICUS Rex Illustris, & nonnulli alii dilecti Filii, Ecclesiastici & sæculares, Principes, inclutæ Nationis Germaniæ ex una; ac Dilectus Filius noster JOANNES, S. An-

geli Diaconus Cardinalis in partibus illis Apostolice Sedis de latere Legatus, per Nos ad dictas partes missus, sufficienti desuper a Nobis & Sede Apostolica auctoritate suffultus, ex alia partibus; Romanæ, & dictæ Nationis nominibus (a) pro ipsius Ecclesiæ unione, pace, & tranquillitate inter Ecclesiam & Nationem prædictam, perpetuo solidandis, & conservandis, diversa rationabilia, & utilia, ordinationes, statuta, ac partibus ipsis hinc inde approbata, laudata, conclusa, acceptata, & concordata fecerunt, utilibus, pro firmiori eorum subsistentia (b) robur Apostolicæ firmitatis adjicere, nec

non

(a) Goldastus Const. Imp. Tom. I. pag. 408. legit: *nomine*, pro *nominibus*.

(b) Von Andler legit *Substantia* Corp. Const. Imp. pag. 494.

non auctoritatem potiore , & decretum interponere dignemur.

§. II. Nos itaque, qui statuta, ordinationes, & concordata prædicta, per nonnullos ex Venerabilibus Fratribus nostris Sanctæ Romanæ Ecclesiæ Cardinalibus magnarum maturitatis, authoritatis, & literaturæ viros, diligenter examinari & discuti fecimus; eaque rationabilia & salubria tam Ecclesiæ, quam Nationi præfata fore comperimus; de dictorum, & aliorum Venerabilium Fratrum nostrorum (c) Ecclesiæ Cardinalium consilio, & assensu, Apostolica authoritate, & ex certa scientia approbamus, ratificamus, laudamus, & acceptamus, & præsentis scripti patrocinio communimus, juxta modum & formam subseqentes.

§. III. Placet Nobis super Ecclesiæ, & Beneficiorum Ecclesiasticorum quorumcunque provisionibus, juris scripti reservationibus, & *Execrabilis*, ac ad Regimen constitutionibus modificatis, ut sequitur: Ad regimen Ecclesiæ Generalis, quanquam immeriti, superna dispositione vocati, gerimus in nostris desideris, ut debemus, quod per nostræ diligentiae studium, ad quarumlibet Ecclesiæ & Monasteriorum regimina, & alia Beneficia Ecclesiastica, juxta Divinum beneplacitum, & nostræ intentionis affectum, viri assumantur idonei, qui præsent, & profint committendis eis Ecclesiis, Monasteriis, & Beneficiis prælibatis. Præmissorum itaque consideratione inducti, & suadentibus Nobis aliis rationabilibus causis, nonnullorum Prædecessorum nostrorum Romanorum Pontificum vestigiis inhaerentes, omnes Patriarchales, Archiepiscopales & Episcopales Ecclesias, & etiam Monasteria, Prioratus, Dignitates, Personatus, & Officia, nec non Canoniciatus, Præbendas & Ecclesias, cæteraque Beneficia Ecclesiastica, cum cura, vel sine cura, secularia & regularia, quæcunque & qualiacunque fuerint, etiam si ad (d) illa personæ confueverint, seu debuerint per electionem, seu quemvis alium modum

assumi, nunc apud Sedem Apostolicam, quocunque modo vacantia & in posterum vacatura; nec non per depositionem, vel privationem, seu translationem per Nos, seu authoritate nostra factas, & in antea faciendas ubilibet, nec non, ad quæ aliqui in concordia electi sive postulati fuerint, quorum electio cassata, seu postulatio repulsa, vel per eos facta renuntiatio, & admissa authoritate nostra extiterit; seu quorum electorum, vel postulatorum, & in antea eligendorum seu postulandorum electionem cassari, seu postulationem repelli, aut renuntiationem admitti per Nos, aut authoritate nostra continget, apud Sedem prædictam, vel alibi ubicunque, ac etiam per obitum Cardinalium ejusdem Ecclesiæ Romanæ, aut Vicecancellarii, Camerarii (e) septem Notariorum, Auditoris literarum contradictarum, & Apostolici Palatii causarum Auditorum, Correctorum, centum & unius scriptorum literarum Apostolicarum, & viginti quatuor Pœnitentiariæ præfate sedis, & viginti quinque Abbreviatorum, nec non verorum commensalium nostrorum, & aliorum viginti quatuor Capellano- rum sedis ejusdem, in Epitaphio descriptorum & etiam quorumcunque Legatorum, seu collectorum, ac in terris Romanæ Ecclesiæ Rectorum, ac Thesaurariorum Deputatorum, seu missorum hætenus, deputandorum aut mittendorum imposterum nunc vacantia, & in antea vacatura, ubicunque dictos Legatos, vel Collectores, seu Rectores & Thesaurarios, antequam ad Romanam curiam adierint (f) seu venerint, rebus eximi contigerit ab humanis; nec non quorumlibet pro quibuscunque negotiis ad Romanam curiam venientium, seu etiam recedentium ab eadem, si in locis a dicta curia ultra duas dietas legales non distantibus, jam forsitan obierint, vel eos in antea ab hac luce transire contigerit; ac etiam simili modo quorumcunque curialium peregrinationis, infirmitatis, seu recreationis, vel alia quacunque causa ad quævis loca secedentium, si eos, ante-

(c) Goldastus & Bullar ponunt *prædicta Ecclesia*.

(d) Andler legit: *in illa*.

(e) (Aut Officialium dictæ Sedis, quamdiu ipsa officia actualiter tenebunt, videlicet Vicecancellarii, Camerarii.)

(f) Goldastus *redierint* legit, nec non Andler & Bullar.

antequam ad dictam curiam redierint , in locis ultra duas dietas ab eadem curia, ut permittitur (g) non remotis (dummodo eorum proprium domicilium non existat ibidem) jam forsitan decesserint , vel imposterum eos contigerit de medio submoveri, etiam nunc per obitum huiusmodi vacantia, vel imposterum vacatura rursus Monasteria, Prioratus, Dignitates, Personatus, Decanatus (b), Administrationes, Officia, Canonicatus, Præbendas, & Ecclesias, cæteraque Beneficia Ecclesiastica, secularia, & regularia, cum cura, vel sine cura, quæcunque & qualiacunque fuerint, etiam si ad illa personæ consueverint, seu debuerint per electionem, seu quemvis alium modum assumi, quæ promoti per Nos, seu auctoritate nostra, ad Patriarchalium, Archi-Episcopaliū & Episcopaliū Ecclesiarum, nec non Monasteriorum regimina, obtinebant tempore promotionum de ipsius factorum, nunc quocunque modo vacantia, aut imposterum vacatura, nec non etiam per affectionem pacificam quorumcunque Prioratum, Personatum, Officiorum, Canonicatum, Præbendarum, Ecclesiarum, aut Beneficiorum aliorum per Nos, seu auctoritate nostrarum literarum, immediate collatorum, seu conferendorum imposterum, præterquam si virtute gratiæ expectatiuæ antecuratio fieri, nunc vacantia & in antea vacatura, plena super præmissis omnibus & singulis, cum Fratribus nostris, collatione præhabita, & matura deliberatione secuta, ordinationi, dispositioni, ac provisioni nostræ, de ipsorum fratrum consilio, auctoritate Apostolica reservamus. Decernentes exnunc irritum, & inane, si secus super præmissis, & quolibet eorum per quoscunque, quavis auctoritate, scienter, vel ignoranter contigerit attentari.

§. IV. Item placet Nobis, quod in Metropolitanis & Cathedralibus, etiam immediate non subiectis Ecclesiis & Monasteriis immediate subiectis Sedi Apostolicæ fiant electiones Canonice, quæ ad dictam sedem deferantur, quas etiam ad tempus constitutionis, felicitis recordationis NICOLAI Papæ III. quæ incipit: *Cupientes* &c. expectabimus, &

elapso dicto termino, si non præsentatæ, vel si præsentatæ minus Canonice fuerint, providebimus, & si Canonice fuerint, eas confirmabimus, nisi ex rationabili, & evidenti causâ (k), de dictorum fratrum consilio de digniori & utiliori persona duxerimus providendum, proviso, quod confirmati prædicti, & per Nos (l) provisi, Metropolitanis suis, & aliis præstent debita iuramenta, & alia, ad quæ de jure tenentur. Et in Monasteriis dictæ sedis immediate non subiectis, & aliis regularibus Beneficiis, super quibus pro confirmatione, vel provisione, ad dictam sedem non consuevit haberi recursus, electi, seu illi, quibus providendum est, pro confirmatione, & provisione huiusmodi ad curiam Romanam venire non tenebuntur. Ipsaque regularia Beneficia sub expectativis gratis non cadant. Ubi autem pro Monasteriis ad dictam curiam venire, seu mittere consueverint, non aliter confirmabimus, vel providebimus, quam superius de Cathedralibus Ecclesiis est expressum. Et de Monasteriis Monialium non disponemus, nisi sint exempta, & nunc per commissionem ad partes.

§. V. De cæteris vero Dignitatibus & Beneficiis quibuscunque, secularibus & regularibus vacaturis ultra reservationes prædictas (majoribus dignitatibus post Pontificales in Cathedralibus, & principalibus, in Collegiatis Ecclesiis exceptis) de quibus jure ordinario providetur (m) per illos inferiores, ad quos alias pertinet; placet etiam Nobis, quod per quamcunque aliam reservationem, gratiam expectativam, aut quamvis aliam dispositionem, sub quacunque verborum forma per Nos, vel auctoritate nostra, factam, vel faciendam, non impediamus Nos, quominus de illis, quum vacabunt de *Februario, Aprilis, Junii, Augusti, Octobris & Decembris* mensibus, libere disponatur per illos, ad quos eorum collatio, provisio, præsentatio, electio, seu quævis alia dispositio pertinebat, reservatione, aliave quavis dispositione, auctoritate nostra factis vel faciendis, non obstantibus quibuscunque. Quoties vero aliquo vacante Beneficio in

Janu-

(g) Goldastus ponit *promittitur*.

(i) Hæc Constitutio sub tit. *De Electione* legitur.

(k) Goldastus scribit & Bullar. c. l. *ac de*.

(m) Goldastus c. l. *provideatur* legit.

(b) Decanatus, omittit Goldastus.

(l) Goldastus c. l. *per eos*.

Januarii, Martii, Maji, Julii, Septembris & Novembris mensibus, specialiter dispositioni dictæ sedis reservatis non apparuerit (n) infra tres menses, a die notæ vacationis in loco Beneficii, quod alicui de illa (o) Apostolica autoritate provisum fuerit, ex tunc & non antea, ordinarius, vel alius ad quem illius dispositio pertinebit, de illo libere disponere poterit. Et ad finem, ut hæc ordinatio Beneficiorum non reservatorum per alternos menses possit per dictam Nationem publicari, & omnes, qui ea gaudere voluerint, tempus congruum habeant, eam acceptandi, tunc quoad dictam sedem a Kalendis *Junii*, proxime futuris, ipsa currere incipiet, & durabit deinceps, nisi in futuro Concilio de consensu dictæ nationis aliter fuerit ordinatum.

§. VI. Placet similiter Nobis, quod circa provisionem dictæ sedis ordinandam, modus Annatarum hoc modo curat: de Ecclesiis Cathedralibus omnibus & Monasteriis virorum duntaxat, vacantibus & vacaturis, solvantur de fructibus primi anni, a die vacationis, summæ pecuniarum in (p) Camera Apostolica taxatæ, quæ communia servitia nuncupantur; & si quæ excessive taxatæ sint, retaxentur, & quod provideatur specialiter in gravatis regionibus, secundum qualitatem rerum, temporum, & regionum, ne nimium prægraventur: ad quod petentibus dabimus Commissarios (q) in partibus, qui diligenter inquirent & retaxent. Taxæ autem prædictæ, pro media parte infra annum a die habitæ possessionis pacificæ, totius vel majoris partis, solvantur (r) & pro alia media parte infra annum sequentem, & si infra annum bis vel pluries vacaverint, semel tantum solvatur, nec debitum hujusmodi in Successorem in Ecclesia vel Monasterio transeat. De cæteris vero Dignitatibus, Personatibus, Officiis, & Beneficiis secularibus ac regularibus quibuscunque, quæ autoritate dictæ sedis conferuntur, vel de quibus providebitur (præterquam vigore gratiarum expectatarum, aut causâ permutatio-

nis) solvantur annuatæ seu medii fructus, juxta taxam solitam, a tempore possessionis intra annum, & debitum hujusmodi similiter in Successorem non transeat. Sed de Beneficiis, quæ valorem viginti quatuor florenorum auri de Camera non excedunt, nihil solvatur; durentque hæc observantia deinceps, nisi eam similiter in futuro Concilio, de ipsius Nationis consensu contingat immutari.

§. VII. In aliis autem, quæ per felicis recordationis EUGENIUM Papam IV. & jam Prædecessorem nostrum, pro dicta natione usque tempus futuri Generalis Concilii, permissa, concessa, indulta & decreta, ac per Nos confirmata fuerunt, in quantum illa concordia præsentis non obvient, ista vice nihil volumus esse immutatum. Et per hoc, quod in concordatis hujusmodi, five quibusvis aliis eorum occasione conficiendis literis propter compendiosiores descriptionem Alamania specialiter appellatur, Natio ipsa censi non debet a Germanica Natione distincta, seu quomodolibet separata.

§. VIII. Et præterea, quia difficile foret, præsentis literas ad singula, in quibus de eis forsitan fides facienda fuerit, loca deferri, eadem Apostolica autoritate decernimus, quod ipsorum transumpto, Metropolitanorum dictæ Nationis sigillo munito, tanquam præsentibus, si exhiberentur literis, plena fides adhibeatur, & perinde stetur, ac si dictæ præsentis literæ forent exhibitæ, vel ostensæ. Et insuper quoque irritum & inane sit, si secus super his a quoquam, quavis autoritate, scienter vel ignoranter contigit attentari.

§. IX. Nulli ergo omnino hominum liceat hanc paginam nostræ approbationis, ratificationis, laudationis, acceptionis, commutationis, reservationis, constitutionis & voluntatis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei ac Beatorum Petri & Pauli Apostolorum ejus, se noverit incursum. Datum Romæ

C c c 3

apud

(n) Goldastus apparuerint, pro apparuerit scribit.

(o) Gold. & Bullar ille, pro illa legunt.

(p) Gold. & Bullar legunt: in Libris Camera Apostolica.

(q) Gold. commissionem legit, non vero Commissarios.

(r) Diversis literis notarum comma omittitur à NICOLARTI in praxi Benef. pag. 9.

apud S. Petrum anno Incarnationis Do- dragesimo septimo. Kal. Aprilis, Pontifi-
minicæ Millefimo, quadringentesimo, qua- catus nostri anno secundo.

*Cl. Senckenberg im Teutschen Reichs- Abschiede Tomo I.
In Constitutionum Imperii Collectione Germanica Parte I. pag. 181.*

Anno Christi MCCCCXLVII. V. Februarii
*Salvatorium EUGENII IV. circa Concessa
Germanis.*

EUGENIUS EPISCOPUS &c. AD FUTURAM REI
MEMORIAM.

DEcet Romani Pontificis prudentiam, quæ per eam juxta qualitatem temporum aguntur, taliter moderari, ut eis Sedi Apostolicæ, aut Romanæ Ecclesiæ nullum præjudicium generetur. Sane cum Carissimus in Christo Filius, FRIDERICUS Rex Romanorum, Illustris ac Venerabilis Frater noster, Archiepiscopus Moguntinus, & Dilectus Filius FRIDERICUS, Marchio Brandenburgensis, Sacri Imperii Electores, nonnullique alii Nationis Germanicæ Prælati & Principes, quædam petiverint a Nobis fieri, quæ necessitas ipsa, & Ecclesiæ utilitas, ut eos ad nostram, & Sanctæ Romanæ Ecclesiæ unitatem, & obedientiam alliciamus, Nos concedere quodammodo compellit, Nos ad vitandum omne scandalum & periculum, quod exinde sequi posset, nolentes aliquid dicere, aut confirmare, vel concedere, quod esset contra Sanctorum Patrum doctrinam,

nam, vel quod vergeret in præjudicium hujus Sanctæ Apostolicæ Sedis, quoniam propter imminentem Nobis aggritudinem non valemus, omnia, per eos petita, & per nos concessa, cum ea integritate judicii & consilii examinare, & ponderare, quæ rerum magnitudo & gravitas requirit, tenore præsentium protestamur, quod per quæcumque a Nobis dictis Regi, Archiepiscopo, Marchioni, Prælati, Principibus, ac Nationi, responsa, & respondenda, concessa, & concedenda, non intendimus in aliquo derogare doctrinæ Sanctorum Patrum, aut præfatæ Sedis privilegiis & auctoritati, habentes pro non responsis, & non concessis, quæcumque talia a Nobis contigerit emanare. Nulli ergo &c. Dat. &c. V. Februar. Anno XVI.

In Constitutionum Cl. Senckenbergii Imperii Collectione Germanica Parte I. pag. 178.

Anno Christi MCCCCXLVII. VII. Idus Februarii
*Bulla EUGENII IV. Papæ super diversis
Indultis, Dispensationibus, ac Concessionibus, datis FRIDERICÒ V.
Regi Romanorum, & Principibus Germaniæ, qui receperant a
Neutralitate, & obedientiam ei præstiterunt.*

EUGENIUS EPISCOPUS, SERVUS SERVORUM DEI,
AD FUTURAM REI MEMORIAM.

§. I. **I**nter cætera desideria cordis nostri filios quoslibet ad Nostram, & Apostolicæ Sedis obedientiam exoptantes... adduci, illa, temporum qualitate pensata, aliquando concedimus, ordinamus, & statuimus, per quæ Christi fide-

lium tranquillitati, & commodis, remotis dissensionibus & scandalis, consulatur, & exinde animarum salutem valeant adipisci. Sane cum propter dissensionem inter Nos, & eos, qui Basileæ sub nomine Generalis Concilii remanserant, dudum

dum exortam, nonnulli Principes tam Ecclesiastici, quam Seculares Nationis Germanicæ in quadam Neutralitate, & animorum suspensione, a die decima septima mensis Martii, de anno Millesimo, quadringentesimo, tricesimo octavo, usque in præsentem diem se tenuerint, ea mente, ut asserunt, ut postmodum unanimi consensu in Nostra, & Sedis Apostolicæ obedientia & reverentia, paribus gressibus incedere possent: Et Carissimus in Christo Filius noster FRIDERICUS, Rex Romanorum, Illustris ac Venerabilis Frater noster THEODORICUS, Archi-Episcopus Maguntinensis, & dilectus Filius nobilis Vir FRIDERICUS, Marchio Brandenburgensis, Sacri Imperii Electores; ac Venerabiles Fratres nostri, FRIDERICUS Magdeburgensis, FRIDERICUS Saltzburghensis, & GERARDUS Bremensis Archi-Episcopi, ac quidam alii Prælati, & Principes dictæ Nationis, Nobis debitam obedientiam per suos Oratores præstiterint, ac Nos solum Jesu CHRISTI Vicarium recognoverint, & professi fuerint.

§. II. Nos attentis, quæ dictæ Neutralitatis, & suspensionis tempore, plurima in ipsa Natione acta, gesta, & facta fuerint, quæ confirmationem, indulgentiam, & dispensationem super eis Apostolicæ autoritatis requirunt; præfatorum Regis, Archi-Episcoporum, Marchionis, cæterorumque Prælatorum & Principum supplicationibus inclinati, omnes & singulos, tam Metropolitanarum, quam Cathedralium, aliarumque Ecclesiarum, nec non dignitatum, etiam Abbatialium, ac post Pontificiales majorum, & in Collegiatis Ecclesiis principalium, & aliorum Beneficiorum, ac Officiorum Ecclesiasticorum quorumcunque, etiam si Ecclesiæ curatæ, Canoniciatus, & Præbendæ fuerint; electiones, postulationes, confirmationes, collationes, provisiones, & dispositiones; nec non processus, sententias, aliaque acta judiciaria, autoritate ordinaria, hujusmodi suspensionis, & neutralitatis tempore, factas, seu facta, quæ omnia & singula hic haberi volumus pro sufficienter expressis, ac ea rata & grata habentes, autoritate Apostolica, ex certa scientia confirmamus.

§. III. Volentes ac etiam statuentes, ut nulli, qui in possessione Ecclesiarum, Monasteriorum, Dignitatum, Beneficiorum, & Officiorum hujusmodi, quacunque etiam eorum; qui Basileæ post translationem & dissolutionem Concilii, ibidem remanserunt, autoritate, ea fuerint affecti, super hujusmodi Ecclesiis, Dignitatibus, Beneficiis & Officiis, ac sententiis & processibus (etiam si in Romana curia vel extra eam sit, cujus statum præsentibus habemus pro expresso, indecisa pendeat, etiam si super eis, ad ea, vel contra ea, fuerit alteri jus quæsitum, seu jus aliqui se habere prætenderent) ex nunc in antea, in ipsa curia, vel extra eam, Apostolica, vel alia quavis autoritate impeti, aut quomodolibet, ex quavis ratione, vel causa, molestari possint, sed in suis possessionibus pacifice remaneant.

§. IV. Lites quoque, & causas quascunque, super hujusmodi Ecclesiis, Dignitatibus, Beneficiis, & Officiis pendentes (illis duntaxat exceptis, quæ coram ordinariis Judicibus, apud quos, juxta formam dictæ suspensionis & protestationis, exinde secuta, licuit litigare, indecisa pendet) ad Nos advocantes, autoritate & scientia prædictis extinguimus, & super eis, adversariis eorum, perpetuum silentium imponimus; possessores vero ipsos, volumus in suis Ecclesiis, Monasteriis, Dignitatibus, Beneficiis & Officiis pacifice remanere; quibus omnibus ipsas Ecclesias Monasteria, Dignitates, Beneficia & Officia, quocunque modo vacaverint, autoritate, & scientia præfatis, tenore præsentium conferimus, & providemus de eisdem, ac illis, qui pallium dictorum, qui Basileæ post nostram translationem, sub nomine Generalis Concilii remanserunt, auctoritate receperunt, ut illo uti possint, præsentibus concedimus, & indulgemus. Illis autem, qui non habent, sine difficultate, & etiam libere concedemus: Illis tantum personis exceptis, quæ occasione privationum, propter nostram, aut Basileensem adhesionem factorum Beneficia detinent, in quibus habeat locum provisio, & dispositio super his, quæ contra protestationem facta forent per præfatum Regem, & Electores Imperii, conjunctim, vel divisim promulgata.

§. V. Per hoc autem nulli contententium super titulo & juribus Ecclesiarum Frising. & Osilien. volumus aliquod præjudicium afferri, aut etiam generari, sed liberum sit unicuique eorum, jus suum prosequi, iustitia mediante.

§. VI. Propterea omnia & singula, quæ dictis suspensione, & protestatione durantibus in præjudicium, gravamen, vel læsionem jurisdictionis, juris, vel possessionis Metropolitanorum, Diocesanorum, Principatuum, Dominiorum, terrarum, Regis & Electorum, ac Archiepiscoporum prædictorum, nec non aliorum Episcoporum, Prælatorum, Collegiorum, Personarum, seu rerum quorumcunque, contra fedus protestationis & suspensionis huiusmodi, quomodocunque vergentia, Apostolica, vel alia quavis auctoritate concessa, ac in iudicio, vel extra obtenta: Insuper Ecclesiasticas censuras, multas & penas, nec non cuiuscunque irregularitatis, & inhabilitatis maculas, tam a jure, quam ab homine, propter præmissa quomodolibet promulgatas quoque, seu infligendas, quoad Regem, Archiepiscopos, & Marchionem præfatos, eorumque Dominia, Clericos, subditos, & Vassallos, & ad eos quoque, qui infra sex menses, a dato præsentium computandos, se declaraverint pro nobis, aut eidem declarationi adhæserint; cassamus, irritamus, & annullamus, nulliusque esse decernimus roboris, vel momenti; omnem irregularitatis & infamiae maculam, sive notam, per eos, præmissorum occasione contractam, penitus abolentes; at eos reabilitantes, & restituentes ad eorum Ecclesias, Beneficia, officia, dignitates, & honores quæcunque, ac in pristinum statum, & eum, in quo erant ante præmissa, reponentes; nec non illis, qui contra ipsos impetratis, concessis, vel obtentis, seu impetrandis, concedendis, vel obtinendis, quomodolibet niterentur, etiamsi eis, aut eorum alicui jus quæsitum foret, ex certa scientia, de potestatis plenitudine, perpetuum silentium imponentes.

§. VII. Insuper quascunque obligationes super annatis, seu communibus, & minutis servitiis, cæterisque juribus, Nobis, & Camera Apostolicæ, seu Collegio Venerabilium Fratrum nostrorum,

Sanctæ Romanæ Ecclesiæ Cardinalium, cæterisque Officialibus debitis, seu quæ deberi dicerentur, occasione quarumlibet Metropolitanarum, & Cathedralium Ecclesiarum, Monasteriorum, Dignitatum, Officiorum, & Beneficiorum quorumcunque usque in præsentem diem, remittimus de nostra liberalitate relaxamus pariter & donamus, eosque, qui in huiusmodi debitis obligati essent, ab omni eorum solutione absolvimus, & etiam liberamus.

§. VIII. Dispensationes præterea quascunque, nisi tales forent, quas hæcenus Sedis Apostolica concedere non consuevit, *indulta quoque forum conscientie respicientia*, etiam in casibus Sedi Apostolicæ reservatis, nec non novas pro possessoribus sine præjudicio juris quæsi, ipsa suspensione durante, vel etiam antea a Nobis, aut ab eis, qui Basileæ sub nomine Concilii remanserunt, aut Legatorum suorum, vel alia quavis auctoritate obtentas, impetratas, concessas, seu concessa, ac omnia inde secuta a die dictæ concessionis earundem, eadem auctoritate confirmamus, perinde si a Nobis impetrata fuissent.

§. IX. Super sententiis autem in Romana curia, vel in Basilea, sub nomine Generalis Concilii ante ipsam suspensionem, vel ea durante, in causis, in quibus uterque litigantium extraordinario titulo nititur, latis, quæ executioni nondum sunt demandatæ; volumus, statuimus, & ordinamus, quod huiusmodi sententiæ coram iudice ordinario tractentur, & quicquid utraque pars vellet producere, pro jure suo, coram eo debeat exhibere, qui quidem iudex summarie simpliciter & de plano, sola facti veritate inspecta procedens, negotium ipsum unica valeat terminare sententia; a qua nulli partium appellare liceat, aut provocare, aut restitutionem aliquam obtinere: per hoc autem nullatenus præjudicare intendimus eis, qui possessionem dignitatum, aut Metropolitanarum, Cathedralium & Abbatialium, seu Beneficiorum quorumcunque, ordinaria, vel alia auctoritate, sub eadem natione obtinentes, durante neutralitate, vel suspensione, prædictorum vigore processuum, in Romana curia, vel in Basilea sub

nomine Generalis Concilii obtentorum, aut alias violenter fuerint spoliati; sed tam spolia, quam iura eorum, denuo coram iudicibus ordinariis cognoscantur, & sine debito terminentur.

§. X. Insuper omnes, & singulas, præfatæ Nationis, aut alterius in ea beneficia vel officia obtinentes, personas Ecclesiasticas & seculares, etiam si Regalis, Archiepiscopalis, Episcopalis, vel alterius dignitatis fuerint, qui post dissolutionem, sive translationem præfati Concilii, per Nos factam, Congregationi Basiliensium sub nomine Generalis Concilii adhæserunt, obediverunt, aut incorporati fuerunt, qui jam ad nostram obedientiam sunt reversi, vel infra sex menses, post declarationem pro nobis factam, redierint, seu declarationi ipsi adhæserint; ab omnibus & singulis juramentis, perjurii reatu, ac aliis censuris & pœnis, si quibus tenerentur, aut incurrisissent, inflicis, & in tales promulgatis, aut propterea infligendis; autoritate præfata absolvimus, & liberamus, ac omnem irregularitatem, inhabilitatis, & infamiæ maculam sive notam, exinde quandolibet forsan contractam abolemus, & in pristinum statum restituimus, & reponimus, perinde, ac si talia minime emanassent.

§. XI. Præterea omnes & singulas personas, Nationis præfatæ, sive alterius Beneficia in ea, vel Officia, sicut præmissum est, obtinentes, quæ sub declaratione huiusmodi, pro nobis facta, vel faciendâ continebantur, quæ post huiusmodi Concilii translationem, Basileæ remanserunt, aut ipsi Congregationi adhæserunt, faverunt, officiis in eadem præfuerunt, aut in legatione eorum missi sunt quandoque, aut eis crediderunt; ab omnibus excommunicationis, suspensionis, interdicti, aliisque censuris & pœnis in eas, per processus nostros, aut alias inflicis, & promulgatis absolvimus; cum his, qui ibidem, seu a provisis, ab ipsis, aut eorum autoritate, sacros Ordines dicto tempore receperant, ut in susceptis Ordinibus ministrare valeant, dispensantes.

§. XII. Volumus insuper, quod singuli Metropolitani Nationis ejusdem, actu jam nobis obedientes, vel qui infra sex menses, ut præfertur, Nobis, & Apo-

stolicæ Sedi debitam obedientiam præbuerint, consimiles Bullas, sive Litteras Apostolicas habeant, super quibus, petentibus quibuscunque, quoties, opus fuerit, sub eorum sigillis transumpta concedere valeant, eisque in iudicio, vel extra, plena fides, sicut originalibus litteris, per omnia præbeatur. Super Ecclesiis autem *Trevirensi & Colonienfi*, de quibus in petitionibus Regis, Archiepiscopi Maguntinensis, & Marchionis, præfatorum, specialis est positus articulus, per alias nostras litteras desuper editas, specialiter providimus, prout latius in eis continetur.

§. XIII. Ut autem præmissa eo firmius observentur, pro Nobis & Successoribus nostris, Romanis Pontificibus, de Venerabilium Fratrum nostrorum, Sanctæ Romanæ Ecclesiæ Cardinalium, consilio & assensu pollicemur, omnia & singula supra dicta, inviolabiliter observare, & contra ea, vel ipsorum aliquod in toto, vel in parte, nullo unquam tempore quicquam innovare, & quod nobis licere non patimur, eisdem Successoribus indicamus; decernentes ex nunc irritum & inane, si secus super iis a quocunque, quavis etiam *Apostolica auctoritate*, scienter, vel ignoranter, contigerit attemptari; quin imo si adversus præmissa litteræ aliquæ, aut mandata, ad quoscunque instantiam, vel etiam si motu proprio, seu ex certa scientia, etiam cum derogatoriis clausulis sub quacunque verborum forma, a Nobis, seu nostra autoritate, ab alio quovis emanassent, seu in futurum emanarent, tales ex nunc pro infectis volumus haberi, quodque is, contra quem emanassent, aut concessæ fuissent, aut emanarent, & in futurum concederentur, illis minime obedire teneatur.

§. XIV. Non obstantibus quibuscunque Constitutionibus Apostolicis, & etiam cum *Decreto irritante*, quocunque tenore existant, in genere vel in specie, per Nos, seu Prædecessores nostros concessis, seu concedendis privilegiis vel indultis, de quibus ac totis tenoribus eorum, specialis & expressa etiam de verbo ad verbum mentio in nostris litteris foret faciendâ; nec non quarumcunque Ecclesiæ statutis, & consuetudinibus, etiam

juramento, confirmatione Apostolica, vel quacunque alia firmitate, ceterisque in contrarium facientibus quibuscunque. Nulli ergo omnino hominum liceat, hanc paginam nostrarum confirmationis, voluntatis, statuti, advocacionis, extinctionis, impositionis, collationis, provisionis, concessionis, cassationis, irritationis, annulationis, constitutionis, abolitionis, reabilitationis, restitutionis, repositionis, remissionis, relaxationis, donationis, absolutionis, liberationis, ordinationis, intentionis, dispensationis, pollicitationis,

& indicationis infringere, vel ei ausu temerario contraire. Si quis autem hoc attemptare presumpserit, indignationem Omnipotentis DEI, & Beatorum Petri & Pauli Apostolorum ejus, se noverit incursurum. Datum Romæ apud S. Petrum, Anno Incarnationis Dominicæ Millesimo, quadringentesimo, quadragésimo septimo, septimo Idus Februarii, Pontificatus nostri anno sexto decimo.

Cl. Senckenbergius in *Constitutionum Imperii Collectione Germanica, Parte I.* pag. 174.

Anno Christi MCCCCXLVII. Nonis Februar.
EUGENII Papæ IV. Decretum, quo Archiepiscopos JACOBUM Trevirenses, & THEODORICUM Coloniensem in suos Archiepiscopatus restituit.

AD FUTURAM REI MEMORIAM.

AD ea, quæ reductionem subditorum omnium, pacem & tranquillitatem fidelium spectant, dirigentes aciem mentis nostræ, illa libenter agimus, ut Sedis Apostolicæ benignitas latius diffundatur. Sane Charissimus Filius in Christo FRIDERICUS, Rex Romanorum Illuster, ac Venerabilis Frater noster Archiepiscopus Moguntinus, & Dilectus Filius Nobilis Vir FRIDERICUS Marchio Brandeburgensis, Sacri Imperii Electores, alique nonnulli Prælati & Principes Nationis Germanicæ pro bono pacis & concordie, & ad tollenda scandala Nationis præfatæ, Nobis humiliter supplicarunt, prout in Capitulo præsentibus de verbo ad verbum inserto continetur, sequitur & est talis: "Item omnia & singula per ipsum Dominum EUGENIUM Papam durante animorum suspensione prædicta contra & adversus Reverendissimos in Christo Patres Dominos JACOBUM Trevirenses, & THEODORICUM Coloniensem Archiepiscopos, Sacri Romani Imperii Principes Electores, eorumque Ecclesias Jura & Dominia ex causa neutralitatis, vel alia quacunque causa innovata volentibus ipsis in declaratione pro ipso Domino Eugenio facienda cum Regia Majestate, & aliis Principibus

"Electores concurrere, revocabit, cassabit, & annullabit, ac eos per suas literas cum Ecclesiis, Dominis, ac juribus hujusmodi in pristinum statum reponat in forma necessaria & opportuna. Nos igitur sperantes, quod hoc cedit ad statum Ecclesiæ, pacem & tranquillitatem Nationis præfatæ in prædictorum Regis, Archiepiscopi, Marchionis, aliorumque Prælatorum & Principum hoc petentium complacentiam, tenore præsentium promittimus bona fide, quod quando ipsi olim Trevirensis & Colonienfis Archiepiscopi ad gremium nostrum & Ecclesiæ vementes cum Regia Serenitate, & aliis Electoribus prædictis in declaratione pro nobis facienda, ut præfertur, concurrerint, Nobisque plenam & debitam obedientiam præbuerint, ac pro vero JESU Christi Vicario recognoverint, ipsos ad prædictas Ecclesias absque ulla exceptione aut oppositione restituemus, ac in pristinum statum reponemus, juxta tenorem Capituli superius descripti. Nulli ergo &c. Datum Romæ apud S. Petrum. Incarnationis Dominicæ MCCCCXLVII. non. Februar. Pontificatus nostri ann. XVI. (a)

III. Honthelm Tom. II. N. DCCCXXXIII. pag. 408.

(a) Hæc

- (a) Hæc restitutio fructus fuit illius agnitionis; & concordie, de qua in Nota ad literas Synodi Basiliensis de V. Decemb. anno MCCCCXLVI. actum est. Ipse Æneas Sylvius de *Statu Europæ Cap. LIV.* Prius tamen, inquit, quam obiret (Eugenius IV. qui 23. Februarii anno MCCCCXLVII. defunctus, locum fecit Nicolao V.) Germani, qui postquam duos de Pontifice contendere animadvertunt, *Neutralitate* quadem utentes, utrique recusarunt obedire, destinatis Romam Legatis, inter quos & ego unus eram a Friderico Imperatore missus, obedientiam ei jam jam morituro restituerunt. Ipse vero Theodoricum Coloniensem, & Jacobum Trevirenssem Archi-Episcopos, quos Pontificali dignitate privaverat, mutata sententia ad pristinos reduxit honores. *Nota Illmi Hontbenii.*

Anno Christi MCCCCXLVIII.

CONCORDATUM inter NICOLAUM V. & FRIDERICUM III.

IN nomine Domini amen Anno a Nativitate eiusdem millesimo quadringentesimo quadagesimo octavo, die decima septima Mensis Februarii Inter Sanctissimum in Christo Patrem ac Dominum nostrum Dominum Nicolaum Divina Providencia Papam Quintum (a) Apostolicamque Sedem ac Nationem Alamanicam. Sanctissimi Domini nostri & Sedis eorundem nominibus, per Reverendissimum in Christo Patrem ac Dominum Dominum Johannem Sacro Sancte Romane Ecclesie Cardinalem Legatum ad Nationem Germanicam de latere missum plena in ea parte auctoritate & potestate munitum Et pro ipsa Nacione Alamanica per Gloriosissimum Principem ac Dominum nostrum, Dominum Fridericum Romanorum Regem semper Augustum &c. plurimorum Sacri Romani Imperii Electorum aliorumque eiusdem Nationis tam Ecclesiasticorum quam seculariorum (b) Principum consensibus accedentibus conclusa laudata & acceptata sunt concordata subscripta, . Sanctissimus Dominus noster Nicolaus Papa Quintus super provisione Ecclesiarum Beneficiorumque quorumcumque utetur reservacionibus iuris scripti & constitutionibus *Execrabilis* & ad Regimen modificatis ut sequitur. Ad Regimen Ecclesie Generalis quamquam immeriti superna disposicione vocati ge-

rimus in nostris desiderys ut debemus, quod per nostre diligencie studium ad quarumlibet Ecclesiarum & Monasteriorum regimina & alia Beneficia Ecclesiastica iuxta Divinum beneplacium & nostre intencionis affectum viri assumantur ydonei qui presint & profint committendis eis Ecclesijs Monasterijs & Beneficijs prelibatis, Premissorum itaque consideratione inducti & suadentibus Nobis alys rationabilibus causis nonnullorum Predecessorum nostrorum Romanorum Pontificum Vestigiis inherentes omnes Patriarchales Archiepiscopales Episcopales Ecclesias Monasteria Prioratus Dignitates Personatus & officia necnon Canonatus & Prebendas & Ecclesias ceteraque Beneficia Ecclesiastica cum cura vel sine cura secularia & regularia quaecumque & qualiacumque fuerint etiam si ad illa persone consueverint seu debuerint per electionem seu quemvis alium modum assummi nunc apud Sedem Apostolicam quocumque modo vacancia & imposterum vacatura necnon per depositionem seu priuacionem seu translacionem per Nos seu auctoritate nostra factas & inantea faciendas vbilibet necnon ad que aliqui in concordia seu discordia electi vel postulati fuerint, quorum electio cassata seu postulacio repulsa vel per eos facta renunciatio & admissa auctoritate nostra existerit seu quorum electio-

FINI

(a) Nicolaus V. electus anno 1447. 6. Martii, Obiit A. 1455. ante IX. Kal. Aprilis. Hæc Concordata 17. Februarii anni 1448. in Germaniam missa, & publicata fuerunt: an vero acceptata fuerint: alia quæstio. *V. Bartels Dissertat. De Concordatis. Nelles Dissert. De Concordatis.*

(b) Secularium. *Senckenberg.*

Tomus V. Concilior. German.

rum uel postulatorum & inantea eligendorum uel postulandorum electionem cassari seu postulacionem repelli aut renunciacionem admitti per Nos aut auctoritate nostra continget (c) apud Sedem predictam uel alibi ubicumque & etiam per obitum Cardinalium eiusdem Ecclesie Romane aut officiorum dicte Sedis quamdiu ipsa officia actualiter tenebunt uidelicet Vicecancellary Camerary septem Notariorum Auditorum litterarum contradictarum & Apostolici Pallacy causarum Auditorum Correctorum Centum & Vnius Scriptorum litterarum Apostolicarum & vigintiquatuor penitentiarie prelate sedis & vigintiquinque Abbreviatorum necnon verorum commensalium nostrorum & aliorum vigintiquinque Capellanorum sedis eiusdem, in epitaphio (d) descriptorum, & etiam quorumcumque Legatorum seu collectorum ac in terris Romane Ecclesie Rectorum & Thesaurariorum deputatorum seu missorum hactenus uel deputandorum aut mittendorum imposterum (e) vacancia & (f) in ante vacatura ubicumque dictos Legatos uel Collectores seu Rectores aut Thesaurarios antequam ad Romanam Curiam redierint seu venerint rebus eximi contigerit ab humanis (g) necnon quorumlibet pro quibuscumque negociis ad Romanam Curiam veniencium seu etiam recedencium ab eadem, si (h) in locis a dicta Curia ultra duas dietas legales non distantibus iam forsitan obierint vel eos inantea ab hac luce transire contigerit etiam simili modo quorumcumque curialium peregrinationum infirmitatis seu recreacionis uel alia quacumque causa ad quous loca recedencium si eos antequam ad dictam curiam redierint in locis ultra duas dietas ab eadem Curia ut premititur non remotis dummodo eorum proprium domicilium non existat ibidem iam forsitan decesserint uel imposterum eos contigerit de medio submoueri, & (i) nunc per

obitum huiusmodi vacancia uel imposterum vacatura, Rursus Monasteria Prioratus & Decanatus Dignitates Personatus Administraciones Officia Canonicatus Prebendas & Ecclesias ceteraque Beneficia Ecclesiastica secularia & regularia cum cura uel sine cura quecumque & qualiacumque fuerint etiam si ad illa persone consueuerint seu debuerint per electionem seu quemuis alium modum assummi que promoti per Nos vel auctoritate nostra. & (k) Patriarchalium Archi-Episcopaliū & Episcopaliū Ecclesiarum necnon Monasteriorum regimina obtinebant tempore promocionum de ipsis factarum nunc quocumque modo vacancia aut imposterum vacatura necnon etiam que per affecucionem pacificam quorumcumque Prioratum Personatum Officiorum Canonicatum Prebendarum Ecclesiarum Beneficiorum aliorum per Nos seu auctoritate nostrarum litterarum immediate collatorum seu conferendorum imposterum preterquam si virtute gracie expectatiue affecucio fiat nunc vacancia & inantea vacatura plena super premissis omnibus & singulis cum Fratribus nostris collacione prehabita & matura deliberacione secuta (l) ordinariam disposicionem ac provisionem nostre de ipsorum Fratrum consilio auctoritate Apostolica reservamus decernentes exnunc irritum & inane si secus super premissis & quolibet eorum per quoscumque quavis auctoritate scienter uel ignoranter contigerit attemptari. (m) Item in Ecclesiis Metropolitanis & Cathedralibus etiam Apostolice Sedi immediate non subiectis in Monasteriis Apostolice Sedi immediate subiectis fiant electiones Canonice que ad Sedem Apostolicam deferantur quas etiam ad tempus constitutum in constitutione Nicolai que incipit *Cupientes* Papa expectet, quo facto si non fuerint presentate uel si presentate minus Canonice fuerint, Papa provideat Si vero Canonice fuerint Papa eas confirmet

(c) contigerit *Leibnitz*.

(e) nunc addit *Senckenberg*.

(g) punctum *Senckenb*.

(h) eos antequam ad dictam Curiam venerint. interponit *Senckenb*.

(i) & etiam nunc *Senckenb. Leibnitz*.

(l) ordinationi dispositioni ac provisioni nostre de ipsorum fratrum consilio auctoritate Apostolica reservamus. *Leibnitz & Senckenb. & videtur melior sensus*.

(m) *Apud Senckenb. & Leibnitz. insertur: §. 3. Item in Ecclesiis Metropolitanis.*

(n) *Martinus V. addidit limitationem temporis ad quinquennium. Nota Leibnitz.*

(d) in Epitaphio *Senckenberg. Ego: pittacio.*

(f) in ante *Senckenb*.

(k) *Senckenb. ad. pro: &.*

firmet nisi ex causa rationabili & evidenti & de Fratrum consilio de digniori & vtiliori persona duxerit providendum Prouiso quod confirmati & prouisi per Papam nichilominus Metropolitanis & aliis prestant debita iuramenta & alia ad que de iure tenentur, (m) In Monasteriis que non sunt immediate subiecta Sedi Apostolice necnon in alys Beneficijs Regularibus super quibus pro confirmacione seu prouisione non consuevit haberi recursus ad Sedem Apostolicam non teneantur venire electi seu illi quibus prouidendum est, ad Curiam ad habendum confirmacionem uel prouisionem nec eciam dicta Beneficia Regularia cadant in gracy expectatiuis.

Vbi autem in Monasterijs ad Curiam Romanam venire seu mittere consueuerunt Ibi Papa aliter non confirmet uel prouideat quam superius de Cathedralibus Ecclesijs est expressum. De Monasteriis Monialium Papa non disponat nisi sint exempta & tunc per commissionem in partibus, de ceteris Dignitatibus & Beneficijs quibuscumque secularibus & Regularibus vacaturis (n) ultra referuaciones jam dictas maioribus dignitatibus post Pontificiales in Cathedralibus & Principalibus in Collegiatis (o) exceptis de quibus iure ordinario prouideatur per illos inferiores ad quos alias pertinet (p) Idem Sanctissimus Dominus noster per quamcumque aliam referuacionem gratiam expectatiuam aut quamuis aliam disposicionem sub quacumque verborum forma per eum aut eius auctoritate factam uel fiendam non impediet quominus de illis cum vacabunt de Mensibus February Aprilis Juny Augusti Octobris & Decembris libere disponatur per illos ad quos collocacio prouiso presentacio electio seu alia queuis disposicio pertinebit referuacioni-

bus alys a (q) premissis ac disposicionibus auctoritate eiusdem Domini nostri Pape factis uel faciendis non obstantibus quibuscumque Quociens vero aliquo vacante Beneficio de Mensibus Januarii Martii May July Septembris & Novembris specialiter disposicioni Apostolice Sedis referuatis non apparuerit infra tres menses a die note vacacionis in loco Beneficy quod alicui de illo Apostolica auctoritate fuerit prouisum ex tunc & non antea ordinarius uel alius ad quem illius disposicio pertinebit de illo libere disponat. (r) Item ad finem ut hec ordinacio collocacionis Beneficiorum non referuatorum per alternos menses possit per Nacionem publicari & omnes qui ipsa gaudere voluerint tempus congruum habeant eandem acceptandi tunc quo ad Apostolicam Sedem in Kalendis Juny proxime futuris ipsa currere incipiet durabitque deinceps nisi in futuro Concilio de consensu Nacionis aliter fuerit ordinatum. (s) Item circa provisionem Apostolice Sedi ordinandam modus annatarum hoc modo currat de Ecclesijs Cathedralibus omnibus & Monasterijs virorum dumtaxat vacantibus & vacaturis soluentur pro fructibus primi anni a die vacacionis summe pecuniarum in libris Camere Apostolice taxate que communia seruicia nuncupantur Sique vero excessiue taxate sunt, (t) relaxentur, & prouideatur specialiter in gravatis regionibus secundum qualitem rerum, temporum, & regionum, ne nimium pregrauentur ad quod Sanctissimus Dominus noster petentibus dabit Commissarios in partibus qui diligenter inquirent & relaxent, Taxe autem predictæ pro media parte infra Annum a die habite possessionis pacifice tocus uel maioris partis soluantur & pro media parte alia (u) infra

D d d 3

(m) §. 4. Apud Senckenberg & Leibnitz: sed in duobus originalibus exemplaribus hujus Concordati asseruatis in Archo Universitatis Colonienfis de anno 1418, ubi similis argumenti §. insertus est, incipiendo: De cæteris dignitatibus, usque ad: Quociens vero aliquo vacante. nullum comma, virgula, punctum interposita sunt; uti nec in toto Concordato ullum comma aut punctum est: quare a Leibnitzio & Senckenbergio insertus §. 5. ante Idem Sanctissimus Dominus noster, solis his descriptoribus debetur uti, & commata, puncta, ab his addita.

(n) Ecclesijs. Senckenb.

(o) In Martini V. Concordatis additur: nec computantur in turno seu vice eorum. Leibn.

(p) Apud Senckenberg & Leibnitz: Item, habet Leibnitz pro Idem.

(q) aut promissis, Leibnitz pro: a premissis.

(r) §. 6. Leibnitz & Senckenb.

(s) §. 7. Leibnitzio.

(t) iuste relaxentur. Leibnitz.

(u) alia omisit Senckenb.

infra sequentem annum. Et si infra annum bis uel pluries vacaverit semel tantum solvetur nec debitum huiusmodi in Successorem (*) in Ecclesia uel Monasterio transeat. De ceteris Dignitatibus Personatibus Officiis & Beneficiis secularibus quibuscumque & regularibus que auctoritate Sedis Apostolice conferentur uel de quibus prouidebitur preterquam vigore expectatiuarum aut causa permutationis soluantur annate seu medij fructus iuxta taxam solitam a tempore possessionis infra annum & debitum huiusmodi in Successorem in Beneficio non transeat, de Beneficiis uero que valorem viginti quatuor florenorum (y) de Camera non excedunt nihil solvatur, curatque hec obseruancia deinceps nisi eam similiter in futuro Concilio de consensu Nationis imitari (z) contingat. (a) In aliis autem que felicitis recodacionis Dominum Eugenium Papam Quartum (b) pro Natione prefata usque ad tempus futuri Generalis Concilii permixta concessa indulgetur atque decreta & per memoratum Sanctissimum Dominum nostrum Papam Nicolaum confirmata fuere in quantum illa concordie presenti non obuiant ista vice nihil extitit inmutatum. (c) Voluit etiam memoratus Dominus Legatus quod super concordatis presentibus singuli Metropolitani predictae Nationis presentibus quibuscumque quantum opus

eis videbitur sub suis Sigillis transumpta concedere valeant quodque transumptis eisdem in iudicio & extra stetur & adhibeatur tamquam huic originali carte per omnia plena fides, per hoc autem quod in concordatis huiusmodi siue quibusvis alys eorum occasione conficiendis litteris propter competenciolem (d) descriptionem Alamania specialis appellatur Nacio ipsa censi non debet a Germanica Nacione distincta seu quomodo libet separata, Ad fidem igitur & robur omnium premissorum Nos Fridericus Romanorum Rex & Nos Joannes Cardinalis Legatus supradicti cartam presentem nostris appensis mandauimus communiri sigillis.

AD MANDATUM
DOMINI REGIS
in Consilio

Pro Copia Originali suo, in Archivio Electorali Trevirensi cum appensis duobus sigillis, Friderici Romanorum Regis scilicet, & Joannis Cardinalis Legati, adhuc illasse asserto, per omnia congrua, consona, & collationata

(L.S.)

PETRUS DOMINICUS
HAACK, Archivarius
mpp.

(x) successionem Leibnitz & Senckenb.

(z) immutari Leibn. & Senckenb.

(b) Ad Eugenii IV. Concordata data Friderico III. & Principibus Germaniae cum recederent a Neutralitate anno 1446.

(d) Leibnitz habet: compendiosiore.

§§. & numeri, & commata & puncta, quae Leibnitz & Senckenberg addiderunt, in nullo originali uero de anno 1448. sunt: adeoque ad ea non reflectendum.

(y) auri addit Senckenb. & Leibn.

(a) §. 8. Leibnitz & Senckenb.

III. & Principibus Germaniae cum recederent a Neutralitate anno 1446.

(c) §. 9. Leibn. & Senckenb.

CONCILIIUM MOGUNTINUM

Anno Christi MCCCCLI. Nicolai V. Papæ V.
Friderici III. Regis XII.

THEODORICI, Archi-Episcopi Moguntini,
STATUTA SYNODALIA.

Reverendissimus in Christo Pater & Dominus, Dominus THEODORICUS (a) Archi-Episcopus Moguntinensis &c. super propositis pridem &

avisatis in Sacra Provinciali Synodo ad diem Dominicam post festum Sancti Martini, de anno Domini Millesimo, quadringentesimo, quinquagesimo primo, cum continuatione

tione dierum sequentium per suam Paternitatem Reverendissimam indicta una cum Provincialibus, sive Suffraganeis, & eorundem Procuratoribus deliberavit, ac in modum infra scriptum conclusit.

Primo *Synodus Sancta* acceptat ordinationem, sive decretum *Sacri Basilien-
sis Generalis Concilii* de Provincialibus & Dioecesanis Conciliis celebrandis editum, ac dudum per vocationem nostram acceptatum, in antea praticari & observari precepit, voluitque, quod quoad Missas, Letanias & Orationes cum cæremoniis per Reverendissimum in Christo Patrem, Dominum NICOLAUM, tituli Sancti Petri ad Vincula Cardinalem, Apostolicæ Sedis per Alemaniam Legatum, jam observatum de cetero ipsa Provincialia Concilia celebrentur, & observentur, prout & antiquitus solitum est fieri, & consuetum fuit, que & in *Libris Statutorum Provincialium* conscribi vult, & registrari.

*Tenor vero Statuti Basilien-
sis Concilii, de quo supra fit mentio,
sequitur, & est talis:*

SACROSANCTA GENERALIS SY-
NODUS BASILIENSIS IN SPIRITU
SANCTO LEGITIME CONGREGATA
UNIVERSALEM ECCLESIAM RE-
PRESENTANS, AD PERPE-
TUAM REI MEMO-
RIAM.

PRidem hec Sancta Synodus, quod tam saluberrimum promulgavit decretum pro stabilitate & robore Generalium Conciliorum, quorum frequens celebratio precipua est agri Dominici cultura. Verum cum ad eandem culturam non dubium sit pertinere Episcopales Synodos, & Concilia Provincialia prout veteres Canones decreverunt frequentari: Ideo eadem Sancta Synodus antiquos, & laudabiles mores nostris cupiens temporibus observari statuit, atque precipit Synodum Episcopalem in qualibet Dioecesi post octavas Dominicæ Resurrectionis, vel alia die secundum con-

suetudinem Dioecesis ad minus semel in anno: ubi vero est consuetudo; bis annuatim celebrari per Diocesanum propria in persona, nisi canonico impedimento fuerit prepeditus, tunc per Vicarium ydoneum, que Synodus saltem bi-duo, aut triduo duret, vel prout necessarium Episcopo visum fuerit. Exprimat autem dies conveniens Dioecelano, & omnibus aliis, qui in huiusmodi Synodo interesse tenentur, infra Missarum solennia & post, Diocesanus, vel alius ejus nomine Verbum Dei proponat, exhortando omnes ad bonos mores sectandum, abstinendum a viciis, & ea, que pertinent ad Ecclesiasticam disciplinam, & officia singulorum, & presertim, ut hi, quibus cura animarum commissa est, diebus Dominicis, & aliis solennitatibus plebem subjectam doctrinis & monitis salutaribus instruant. Postea legantur statuta Synodalia & Provincialia, & inter alia alias *compendiosus tractatus* docens, quomodo Sacramenta ministrare debeant, & alia utilia pro instructione Sacerdotum, deinde ipse Episcopus Diocesanus de vita, & moribus subditorum solerter inquirat labem simoniace pravitatis, contractus usurarios, concubinatum, fornicationem, & alia quevis crimina excessus debita correctione cohibeat. Alienationes rerum Ecclesiasticarum a jure prohibitas revocet. Abusus Clericorum, & aliorum subditorum, qui circa Divinum Officium delatione debiti habitus defecerint, in melius reformat, & emendet. Et quoniam multa sepe scandala contingunt ex eo, quod constitutio BONIFACII Pape octavi, que incipit: *Periculosa*, edita super claustris monialium non servatur, studeat ipse Diocesanus, ut omnino juxta ipsius constitutionis tenorem executio demandetur, nec non ut quicumque Religiosi Diocesano subiecti regulas, & constitutiones suarum religionum, presertim ut ab eis omnis proprietas abdicetur, & inviolabiliter observent, nec etiam in receptione ipsorum ad religionem quicquam per simoniacam pravitatem exigatur; precipua autem in ipsa Synodo Episcopi cura sit

(*) Theodoricus Pincerna & Dominus in Erbach, ex Canonico Metropolitico eligitur Archi-Episcopus XLVII. anno D. 1434. die SS. Apostolorum Petri & Pauli, Bingii. Obiit Aichaffenburgi A. 1459. Synodum Moguntiae celebravit ad prolapsos Cleri & populi mores erigendos, a præsentè Legato, Sed. Apostolicæ Cardinali S. Petri ad Vincula, & confirmante. *Serarius L. V. rerum Moguntiae pag. 874.*

fit inquirere, ac debitis remediis occurrere, ne aliquod dogma hereticum erroneum, aut scandalosum, aut piarum aurium offensivum sortilegia, divinationes, incantationes, superstitiones, & quevis diabolica figmenta Dioecesim suam inficiant. Instituantur preterea testes Synodales viri graves, providi & honesti, legis Dei zelum habentes, juxta Dioecesis latitudinem in numero, aut alii eorum potestatem habentes, ubi alii non sint ad hec instituti, qui si Diocesano minus idonei videantur, eos amovendo, alios prout ei videbitur expedire, instituat. Hi autem in manibus ipsius Diocesani, seu sui Vicarii jurare teneantur ut tradit Canon *Episcopus* in Synodo, qui per anni curriculum lustrantes ipsam Dioecesim, que corrigenda, vel reformanda viderint his, ad quos talia corrigere, vel reformare pertinet, referant, que nisi correctæ, vel reformata jam fuerint, ad Synodum subsequenter proferrant, in qua debitis remediis occurratur, sed & preter illa, que a testibus Synodalibus, vel aliis eorum officium exercentibus Diocesanus audierit, inquirat, & ipse diligenter de cunctis subditorum suorum excessibus, & taliter in delinquentes insurgat correctionis debite disciplina, ut aliis malignari volentibus transeat in exemplum. Celebretur quoque in singulis Patrociniis infra biennium a fine Concilii Generalis, deinde ad minus semel de triennio in triennium Provinciale Concilium in loco tuto. Quod si Episcopus Canonico fuerit impedimento detentus, Procuratorem suum destinet non solum ad excusandum, & approbandum absentie causas, sed etiam ipsius nomine in Concilio interessendum. Alioquin ipse Episcopus a perceptione medietatis fructuum unius anni sue Ecclesie, qui per personam ipso in Concilio deputandam in ipsius Ecclesie sue fabricam effectualiter convertantur, eo ipso sit suspensus. Alii vero venire negligentes Concilii arbitrio puniantur, aliis penis juris in suo robore duraturis. Concilio autem Generali durante, & per sex menses ante, hujusmodi Provincialia Concilia non celebrentur. Porro in hujusmodi inchoatione Concilii Provincialis ipse Metropolitanus, vel alius ejus nomine infra Missarum solennia, vel post exhortato-

rium sermonem faciat ea, que ad Ecclesiasticum Statutum, & precipue ad Pontificale Officium pertinent, seriose memorando comminandoque singulis juxta Prophete sententiam, *si eorum culpa cujusvis anima perierit, ipsius sanguis de manibus eorum a Domino exigetur.* Precipue autem tunc fiat monitio exacta ut dignis, & bene meritis, quorum vita testimonio sufficienti munita sit, Ordines, & Beneficia sine ulla labe simoniaca conferantur. Et super omnia, ut in animarum cura committenda summa diligenter, & matura inquisitio adhibeatur. Et ut bona Ecclesiastica nullatenus ad usus illicitos, quinimo ad honorem Dei, Ecclesiarum conservationem habendo secundum Sacros Canones precipuam curam pauperum, & indigentium laudabiliter convertantur, scientes, quod de his omnibus apud Tribunal eterni Judicis usque ad minimum quadrantem rationem reddituri sunt; In quibus quidem Conciliis de corrigendis excessibus moribusque subditorum reformandis, & precipue qualiter Episcopi in conferendis Beneficiis, confirmandis electionibus, ministrandis ordinibus deputandis Confessoribus, predicando ad populum, & puniendo excessus subditorum, observationeque Episcopali Synodorum; ceterisque ad Officium Episcopale, ac jurisdictionem eorum in Spiritualibus, & temporalibus quomodolibet spectantibus se gesserint, & presertim, an a simoniaca labe manus innoxias servent, ut omnes, qui in premissis deliquisse comperti fuerint, per ipsum Concilium corrigantur, & puniantur. Simili modo de ipso Metropolitano circa omnia predicta diligenter inquiratur, cujus excessus, & defectus ipsum Concilium eidem specialiter exprimat ipsum admonendo, & obsecrando, ut cum pater vocetur, & esse debeat, a talibus omnino desistat, & nihilominus inquisitionem de ipso habitam, & in scriptis redactam ad Romanum Pontificem, vel alium ejus Superiorem, si quem habet, sine mora transmittat, ut ab ipso punitionem, & reformationem suscipiat condecentem. Inter cetera, que discordie, contentiones, inimicitie inter quascunque vigerint, que quietem, & tranquillitatem provincie possunt perturbare, curet omni studio Sacrum Concili-

um illa sedare, & more piorum Patrum ad pacem concordiamque Filiorum vigilantiter intendat. Et si inter Regna Provincias, seu Principatus hujusmodi discordias fuscitari contigerit, mox Sancti Dei Antistites Concilia Provinciarum suarum simul congregati procurent, & sibi invicem Concilium, & auxilium impendentes contra discordiarum fomenta amputare studeant, neque hoc alicujus amore, vel odio pretermittent. Sed ad Deum solum, & salutem populi mentis oculos dirigentes, ad hoc sanctum pacis opus, omni tepiditate semota, invigilent. Cogitentur insuper in Provinciali Synodo, que immediate Concilium Generale subsequens antecedit omnia, que in eodem Generali Concilio visa fuerint, proseguenda, ad Dei Gloriam, & Provincie commodum, salutemque populi Christiani ibidem eligantur in numero competenti, qui ad proximum Generale Concilium vice totius provincie debeant proficisci, quibus per subsidium, vel alias provideatur, prout de jure, & Concilio Provincialium visum fuerit expedire. Ita, quod illi, qui ultra personas, ut predictum est, deputatas, ad ipsum Concilium Generale accedere voluerint, aut eorum Clerum nullatenus propterea graventur. Relegantur in unoquoque Provinciali Concilio, que secundum Canonicas Sanctiones in ejusdem legi precipiuntur, ut ea violabiliter observentur, & transgressoribus pene debite inferantur, quod si Metropolitani, aut Dioecesani predictis terminis in celebrandis Provincialibus, & Episcopalibus Synodis cessante legitimo impedimento negligentes fuerint, medietatem omnium fructuum, & honorum obvenientium ratione suarum Ecclesiarum ad eos pertinentium fabrice ipsarum Ecclesiarum applicandam eo ipso admittant, qui si in eadem negligentia per tres proximos menses perseveraverint, ab Officiis, & Beneficiis sint ipso facto suspensi, quibus transactis temporibus sub antelcriptis penis antiquior in Provincia ordine Episcopus ipsius Metropolitanus Episcopi, aut major in dignitate post Pontificalem in Sacris constitutus, nisi ad alios forsitan de consuetudine vel privilegio pertineat negligentiam in celebrandis predictis Provincialibus, & Episcopalibus Synodis supple-

Tomus V. Concil. German.

re teneantur. Jubet insuper hec Sancta Synodus omnibus Prelatis Religionum & Ordinum quorumcumque, ad quos celebrare Capitula pertinet, quod illa statutis temporibus supradictis penis servant, & servari faciant. In quibus secundum Canonicas Sanctiones cum omni studio & diligentia ad veram singularem Religionum & Ordinum reformationem intendat, ita ut deinceps in singulis Monasteriis juxta proprias regulas & constitutiones debite regularis vigeat observantia, & precipue vero tria substantialia professionis vota omnino observentur, per premissa autem hec Sancta Synodus non intendit juribus quorumcumque quomodolibet derogare. Datum Basilee in Sessione publica ejusdem Sancte Synodi in Ecclesia majori Basiliensi solenniter celebrata VI. Kal. Decembris, Anno a Nativitate Domini Milleesimo, quadringentesimo, tricesimo tertio.

Ordinavit etiam Libellum utilem & instructivum per Sanctum THOMAM: De articulis Fidei & Sacramentis, editum, in omnibus tam Provincialibus, quam Dioecesis Synodis legi, & singulis Rectoribus Parochialium Ecclesiarum communicari.

Inserit hic suae Synodo Libellum S. THOMAE Aquinatis: De articulis Fidei & Sacramentis Ecclesiae, scriptum ad Archiepiscopum Panormitanum, cujus initium est: Postulavit a me vestra dilectio, recensentur a PP. Eckharto & Quetif Tom. I. Scriptor. Ord. Praedicator. pag. 333. Inter certa opera S. Thomae ab antiquissimis & coevis Historiographis enumerata: qui Libellus in multis aliis Synodis Provinciae Moguntinae insertus, Parochis commendatur, v. g. Herbipolensi Synodo anni 1452. Extat etiam impressus Tomo XVII. Operum S. Thomae 5to loco inter Opuscula.

Addidit etiam Sacrosancta Synodus Capitulum: Post miserabilem, de usuris illi statuto esse annexandum, & inserendum, & cum eo publicandum,

Cujus Capituli tenor sequitur, & est talis:

Post miserabilem & contra Judeos: ad remittendas Christianis usuras per

E c c. Prin-

Principes & Potestates compelli precipimus seculares, & donec eis remiserint Christi fidelibus tam in mercimoniis, quam in aliis per excommunicationis sententiam eis jubemus, communionem omnimodam denegari.

De vicio Concubinatus.

Ceterum Sancta Synodus statuit, quod ante omnia locorum Ordinarii detestabile concubinus vicium a Clero extirpent contra notorios concubinos per penas juris, & in decretis Sacri Basilienf. Concilii, & Statutis Provincialibus contentas procedentes, quodque nihilominus hujusmodi concubinarij publici a perceptione fructuum suorum Beneficiorum ipso facto sint suspensi. Quinimo specialiter voluit, ne Prelati Capitula, sive Collegia sub pena interditi eisdem taliter in concubinato perseverantibus aliquos fructus administrent, Concubine vero ipsorum, si infra triiduum requisite se non elongaverint, & abcesserint, excommunicationis sententiam incurrant ipso facto. Ac nihilominus, si in tali peccato perseveranter decesserint, Ecclesiastica careant sepultura.

Tenor vero Statuti Sacri Basilienfis Concilii, de quo supra fit mentio, sequitur, & est talis:

SACROSANCTA SYNODUS GENERALIS BASILIENSIS, IN SPIRITU SANCTO LEGITIME CELEBRATA; UNIVERSALEM ECCLESIAM REPRESENTANS, AD PERPETUAM REI MEMORIAM.

Quicumque Clericus, cujuscunque status, religionis, conditionis, dignitatis, etiam si Pontificalis, vel alterius preeminentie existat, qui post hujus constitutionis noticiam, quam habere presumatur per duos menses post publicationem ejusdem in Ecclesiis Cathedralibus, quam ipsi Diocesani omnino facere teneantur, postquam eadem constitutio ad eorum noticiam pervenerit, fuerit publicus concubinarus, a perceptione fructuum omnium Beneficiorum trium mensium spatio sit ipso

facto suspensus, quos suus Superior in fabricam, vel aliam evidentem Ecclesiarum utilitatem, ex quibus hi fructus percipiuntur, convertat, nec non & hujusmodi publicum concubinarium ut primum talem esse innotuerit, mox suus Superior monere teneatur, ut infra brevissimum terminum concubinam dimittat, quod si non dimiserit, vel dimissam, aut aliam publice relumpserit; jubet insuper hec Sancta Synodus, ut ipsum suis omnibus Beneficiis omnino priveret. Et nihilominus hi publici concubinarij usque quo cum eis per suos Superiores post ipsarum dimissionem, manifestamque vite emendationem fuerit dispensatum, ad susceptionem quorumcunque honorum, dignitatum, beneficiorum, vel officiorum sint inhabiles. Qui si post dispensationem recidivo vomitu ad hujusmodi publicum concubinatum redierint sine spe alicujus dispensationis ad predicta prorsus inhabiles existant, quod si hi, ad quos talium correctio pertinet, eos, ut predictum est, punire neglexerint, eorum Superiores tam in ipsos de neglectu, quam illos pro concubinato modis omnibus digna punitione animadvertant. In Conciliis etiam Provincialibus, & Synodalibus adversus tales punire negligentes, vel de hoc crimine diffamatos etiam per suspensionem a collatione Beneficiorum, vel alia condigna pena severiter procedatur. Et si hi, quorum destitutio ad Summum Pontificem spectat, per Concilia Provincialia, aut Superiores suos propter publicum concubinatum reperiantur privatione digni, statim cum processu inquisitionis ipsi Summo Pontifici deferantur, eadem diligentia & inquisitio in quibuscunque Capitulis Generalibus & Provincialibus, quoad suos servetur penis aliis contra predictos, & alios non publicos concubinarijs statutis in suo robore permanfuris. Publici autem intelligendi sunt non solum hi, quorum concubinus per sententiam, aut confessionem in jure factam, seu per rei evidentiam, que nulla possit tergiversatione celari, notorius est. Sed qui mulierem de incontinentia suspectam, & infamatam tener, & per suum Superiorem admonitus ipsam cum effectu non dimittit. Quia vero in quibusdam Regionibus nonnulli jurisdictionem Ecclesiasticam habentes, pecu-

pecuniarios questus a concubinariis recipere non erubescunt, patiendos eos in tali feditate fordescere, sub pena maledictionis eterne precepit, ne deinceps sub pacto, compositione, aut spe alicujus questus talia quovis modo tolerent, aut dissimulent. Alioquin ultra premissam negligentie penam duplum ejus, quod propterea acceperint, restituere ad pios usus omnino teneantur, & compellantur. Ipsas autem concubinas, seu mulieres suspectas Prelati modis omnibus curent a suis subditis etiam per brachii secularis auxilium, si opus fuerit, penitus arcere. Qui etiam ex tali concubinato procreatos filios apud parentes suos cohabitare permittant. Jubet insuper hec Sancta Synodus, ut etiam in predictis Synodis, & Capitulis hec constitutio publicetur, & quilibet suos subditos ad ipsarum concubinarum dimissionem moneat diligenter. Injungit preterea omnibus secularibus viris etiam Regali prefulgeant dignitate, ne ullum qualecunque inferant impedimentum quocunque questu colore Prelatis, qui ratione officii sui adversus suos subditos pro concubinato procedant, & cum omne fornicationis crimen lege Divina prohibitum sit, & sub peccati mortalis pena necessario evitandum monet omnes laicos tam uxoratos, quam solutos, ut similiter a concubinato abstineant. Nimis enim reprehensibilis est, qui uxorem habet, & aliam mulierem accedit. Qui vero solutus est, qui continere nolit, juxta Apostoli consilium uxorem ducat, pro hujus autem Divini observatione precepti hi, ad quos pertinet, tam salutaribus monitis, quam aliis canonicis remediis omni studio laborent.

De mercatoribus diebus Festivis.

Circa abusum Preceptis Divinis contrarium quorundam laicorum, qui Christiana Religione neglecta diebus Dominicis & Festivis publice mercatum exercent, & lucris, & cupiditatibus non verentur insistere, providens Sancta Synodus mandat omnibus laicorum Ordinariis, ut sub pena suspensionis a perceptione Sacramentorum, etiam privatione Ecclesiastica sepulture per Ecclesias Paro-

chiales suarum Diocesum publice prohibeant. Ne de cetero predictis diebus Dominicis & Festivis quodcumque publicum mercatum rerum vendibilium, quæ ad usum quotidiani victus necessarie non sunt, quovis modo fiant.

De abusu Questionariorum.

Abusus questionariorum, qui quotidie excrescunt, volentes reprimere mandat Sancta Synodus, ne admittantur questionarii ipsi aliter, quam secundum formam juxta dispositionem juris cum literis Diocesano. Et ut via malicie eis precludatur, curent locorum Ordinarii in suis literis non solum formas juris, sed etiam indulgentias, quas publicare valeant exprimere, ne quicquam aliud, quam in eisdem literis exprimitur, liceat dictis questionariis populo proponere.

De Fraternitatibus novis.

Item Sancta Synodus prohibet, ne de cetero admittantur quæcumque nove fraternitates, ex quibus verissimiliter detrahi posset honori, seu juribus Ecclesiarum Parochialium, quinimo vult, quod jam factis nullus adhibeatur favor, nec indulgentie eis concedantur.

De Interdictis.

Sancta etiam Synodus acceptat constitutionem BONIFACII Pape Octavi, incipientem: *Provide*, quæ Statutis Provincialibus reperitur adjuncta una cum ordinatione in Sacro Basiliensi Concilio super modo ponendi interdicta facta, quas quidem constitutiones & ordinationes vult, & mandat publicari, ac certa ponenda & tenenda interdicta omnino observari.

Tenor vero Statuti, de quo supra fit mentio, sequitur, & est talis:

Provide attendentes, quod ut frequentius quamvis non sine culpa tamen multorum interdicti sententie proferuntur, quodque sunt nonnulli iudices nimis prompti ad proferendas easdem etiam in negociis, sive causis, quæ plus interdum ex cupiditate, quam caritatis radice perspicuis indiciis procedere

arguuntur, quodque tempore interdicti Divina organa suspenduntur, & laudes nec Ecclesiastica Sacramenta ministrantur, ut solent, tolluntur mortuis, seu minuuntur suffragia presertim per oblationem frequentem hostie salutaris; adolescentes, & parvuli percipientes rarius Sacramenta minus inflammantur, & solidantur in fide, fidelium devotio tepescit, hereses pollulant, & multiplicantur pericula animarum: presentis constitutionis providemus edicto, ut nulla provincia, civitas, castrum, villa, locus, territorium vel districtus auctoritate ordinaria, vel delegata supponatur Ecclesiastico interdicto pro pecuniario debito, vel pro cujusvis monete, vel pecunie quantitate sub quacunque occasione, vel causa, seu quovis quesito colore pro eo maxime, quod ipsorum Domini Rectores, seu Officiales quocunque nomine censeantur, aut incole, seu habitatores, aut singulares persone ipsorum statuti, vel statuendis, ordinatis, vel ordinandis terminis hujusmodi debitum, seu quantitatem non solverint hactenus, vel in antea non persolvant. Nos enim ex tunc decernimus irritum & inane, si secus hactenus extitit attentatum, vel contigerit attentari, illudque revocamus omnino non obstantibus quibuscunque contractibus, obligationibus, pactis, conventionibus, compositionibus, submissionibus, fideiussionibus, consensibus, processibus & sententiis super hoc habitis, vel habendis, juramentorum penalium, temporalium vel spiritualium, seu multarum, seu quacunque alia firmitate vallatis, nisi talis suppositio interdicti hactenus foret facta, vel in antea fieret de Apostolice Sedis licentia speciali, & expressa per ipsius Sedis patentes literas apparente.

De interdictis non leviter ponendis, ex Concilio Basilensi.

Quoniam ex indiscreta interdictorum promulgatione multa consueverunt scandala evenire, statuit hec Sancta Synodus, quod nulla civitas, oppidum, castrum, villa, aut locus ecclesiastico supponi possint interdicto, nisi ex causa, seu culpa ipsorum locorum, aut Domini, seu Rectoris, vel Officialium propter culpam, aut causam alterius cujuscunque private persone: hu-

jusmodi loca nequaquam interdicti possint auctoritate quacunque ordinaria, vel delegata, nisi talis persona prius fuerit excommunicata, & denunciata, seu in Ecclesia publicata, ac Domini, seu Rectores, vel Officiales ipsorum locorum auctoritate judicis requisiti personam excommunicatam infra biduum cum effectu non egerint, aut ad satisfaciendum non compulerint, qua etiam post biduum ejecta recedente, vel satisfaciente mox Divina resumantur, quod etiam in precedentibus locum habeat.

Sancta etiam Synodus recipit, laudat, & commendat Bullam super deliberationibus in Capitulo Moguntinensi in hac presertim, que pretenduntur esse gratiosa, faciendis a Sanctissimo Domino nostro Domino NICOLAO Papa quinto emanatam. Vultque hec Sancta Synodus, quod in omnibus aliis, tam Cathedralium, quam Collegiarum Ecclesiarum Provincie Moguntinensis Capitulis, & sub penis in eodem contentis observetur, fietque executio contra non observantes per Ordinarium loci, vel ejus in Spiritualibus Vicarium, aut alium, cui duxerit id committendum, mandatque hec Sancta Synodus, ut singuli ex observantibus, vel observari volentibus oppositores, & non observantes sub pena suspensionis a Divinis late sententie Diocesano loci denuncient, & nihilominus a majori parte concludatur.

Tenor Bulle, de qua supra fit mentio, sequitur, & est talis:

NICOLAUS EPISCOPUS, SERVUS
SERVORUM DEI, AD FUTURAM
REI MEMORIAM,

INjunctum Nobis desuper, quo universis orbis restringimur Ecclesiis, Apostolice servitutis officium, sedula Nos perurget instantia illarum jugiter intendere profectibus, & ut elisis ab ejus cujusvis note dispendiis votive directionis ope fruamur, prout expedire conspiciamus, salubriter providere. Cum itaque sicut Dilectus Filius noster Johannes, Sancti Angeli Diaconus Cardinalis, nuper Nobis exposuit, in Ecclesia Moguntinensi, quendam detestabilis, & abusiva, si sic dici meretur, consuetudo irrepsit, & invalescit, quod

quod in occurrentibus pro Ecclesie ipsius tractatibus, & negociis ea, que pluribus etiam majori parte agenda, & amplectenda videntur, paucorum etiam duorum, vel unius contradictione plerumque non ex ratione, aut juris tramite, sed pro nudo, levique voluntatis libito prodeunte conclusionem, & executionem habere possunt, sicque negotia ipsa, que tam propter Domini temporalia, quibus Ecclesia ipsa Maguntinensis notabiliter dotata est, quam etiam sinistras temporum condiciones plus solito quotidie multiplicantur, & ingruunt graviora pro eo, quod omnium consensus haberi non potest sæpius, vel plus debito periculosius retardantur, aut penitus remanent impedita. Unde Ecclesia in spiritualibus, & temporalibus varia passa est, & majora non sine scandalorum, & discensionum fomento pati posset dispendia, & etiam detrimenta. Sunt etiam in dicta Ecclesia nonnulli, ut suam presumptionem palliare videantur, & in agendis negociis aliorum conclusionem impedire valeant, negotia ipsa fore gratiosa, cum tamen non sint, pro nutu contendunt, sicque iterum paucorum, aut unius contradictione aliorum vota suspenduntur. Nos igitur attendentes, quod premissa Canonice Sanctionibus obviant, ut licet illis sufficienter provisum existat, Nos etiam prout ex Pastoralis Nobis incumbit officio, animadversione debita providere volentes, ut quos Dei timor, & Canonica instituta a talibus presumptionibus retrahere non possunt saltem Ecclesiastica disciplina coerceat, & compescat. Ex premissis, & aliis rationalibus causis Nos non immerito moventibus, consuetudinem predictam tanquam Sacris Canonibus contrariam auctoritate Apostolica penitus reprobamus, viribus destituimus, abolemus, districtius inhibentes universis, & singulis ipsius Ecclesie personis sub excommunicationis pena, quam alias ipso facto incurrant, ne quicquam ex ipsis pretextu consuetudinis huiusmodi de cetero in Capitulo, & Conventibus suis majori parte, quo minus juxta juris communis dispositionem in agendis, & tractandis concludere, & exequi valeant resistere, seu opponere, vel impedire, seu impediendis assistere, & favere quoquo modo audeat, seu presumat, volentes insuper, & statuentes auctoritate prefata, quod si

aliquando super negociis, de quibus agitur, quod sint gratiosa, vel non, in Capitulo predictæ Ecclesie altercatio oriatur, discussioni, & determinationi majoris partis in Capitulo stetur, quodque ea, que sic per easdem duas partes, definita fuerint, determinata, & conclusa partis minoris oppositione, seu impedimento non obstante exequantur pena sub predicta, preterea cupientes, ut inhibito voluntas ordinatio, & alia premissa firmiter, & inviolabiliter observentur Venerabili Fratri nostro Archiepiscopo Moguntinensi, ac ejus in Spiritualibus Vicario, & Officiali Generali per hec scripta mandamus, quatinus ipsi, vel eorum alter per se, vel per alium, seu alios premissa omnia & singula, ubi & quando expedire viderit, auctoritate Apostolica solenniter publicare, ac omnes & singulos, quos excommunicationis sententiam huiusmodi propter premissa incurrisse constiterit tamdiu in dicta Ecclesia, & aliis locis de quibus eis videbitur excommunicatos publice nunciare studeant, & procurent, faciantque ab aliis nunciari, & ut tales ab omnibus artius evitari, donec ipsi excommunicati singuli videlicet eorum, quod contra prohibitionem nostram huiusmodi, & alia premissa deinceps quomodolibet modo venire, vel attentare non debeant, singuli corporaliter prestiterint juramenta, & absolutionis Beneficium a sententia huiusmodi meruerint obtinere. Contradictores per censuram Ecclesiasticam appellatione postposita compescendo non obstantibus felicis recordationis BONIFACII Pape octavi Predecessoris nostri, quibus cavetur, ne quis extra suam civitatem, vel Diocesim, nisi in certis exceptis casibus, & in illis ultra unam diœtam a fine sue Diœcesis evocetur, seu ne Judices a Sede Apostolica deputati extra civitatem vel Diœcesim, in quibus deputati fuerint contra quoscunque procedere, sive alii, vel aliis vices suas committere presumant, ac de duabus dictis in Concilio Generali, & aliis Apostolicis constitutionibus. Nec non predictis, & aliis Ecclesie predictæ statutis, & consuetudinibus juramento, confirmatione, vel quamcunque alia firmitate roboratis contrariis quibuscunque, aut si aliquibus communiter, aut divisim a dicta sit sede indultum, quod interdicti, suspendi, & excommunicari non possint per li-

teras Apostolicas non facientes plenam, & expressam, ac de verbo ad verbum de indulto hujusmodi mentionem. Nulli ergo omnino hominum liceat hanc paginam nostre reprobationis, destitutionis, abolitionis, inhibitionis, voluntatis & statuti infringere, vel ausu temerario contraire, si quis autem hoc attentare presumpserit, indignationem Omnipotentis Dei, & Beatorum Petri & Pauli Apostolorum ejus noverit se incursum. Datum Rome apud Sanctum Petrum, Anno Incarnationis Dominice *Millesimo, quadringentesimo, quinquagesimo tertio*, Kal. Decembr. Pontificatus nostri anno quarto.

Bulla pro executione Caroline.

Sancta Synodus recipit, laudat, & commendat Bullam per Sanctissimum Dominum nostrum, Dominum NICOLAUM Papam quintum pro executione Caroline, & contra diffidatores concessam, & per Reverendissimum Dominum Cardinalem *Augusten*. impetratam. Sub cuius transumpto, quibus in hac Provincia transmissa non est, transmittetur. Vultque etiam, precipit, atque mandat hec Sancta Synodus, ut Statutis Provincialibus inferatur, & executio ejusdem juxta ipsius tenorem omnino fiat.

Tenor vero dicte Caroline, de qua supra fit mentio, sequitur, & est talis:

PETRUS, MISERATIONE DIVINA TITULI SANCTI VITALIS, SACRO-SANCTE ROMANE ECCLESIE PRESBYTER, CARDINALIS, ET EPISCOPUS AUGUSTENN. UNIVERSIS ET SINGULIS, AD QUOS PRESENTES NOSTRE LITERE PERVENIUNT, SALUTEM IN DOMINO, ET SUB-SCRIPTURUM NOTICIAM INDUBITATAM.

UNiversitati vestre notum facimus, quod literas Sanctissimi in Christo Patris, & Domini nostri, Domini NICOLAI, Divina providentia Pape quinti ejus vera Bulla plumbea in cordula canapi more Romane Curie impenden. bullatas salvas, sanas, & integras, ac omni suspicionis nota carentes mature vidimus, & in evidens testimonium existentie, & veritatis earundem hic de verbo ad verbum transumptissimas, & transumi, & ex-

emplari fecimus, quorum tenor de verbo ad verbum sequitur, & est talis:

NICOLAUS, SERVUS SERVORUM DEI, VENERABILIBUS FRATRIBUS ARCHI-EPISCOPIS, ET DILECTIS FILIIS ABBATIBUS, PREPOSITIS, PRIORIBUS EXEMPTIS, ET NON EXEMPTIS, CETERISQUE PERSONIS ECCLESIASTICIS QUIBUSCUNQUE PER ALAMANTIAM UBILIBET CONSTITUTIS, SALUTEM ET APOSTOLICAM BENEDICTIONEM.

ENormitas nephandi sceleris; quod per nonnullos maledictionis filios in partibus Alamanie impudenter, ut intelleximus, perpetratur, mentem nostram taliter perturbavit, quod nisi cum dolore id vobis significare non possumus; accepimus siquidem, quod ipsi maledictionis & iniquitatis Alumni Prelatos, Sacerdotes, Domini, & alias Ecclesiasticas personas diffidare, ac taliter pertractare, ac eos, & illis adherentes invadere, trucidare, capere, bonis expilare, ac expoliare, ac fessissimis suppliciis affligere, & quod omnis Lex Divina & humana detestatur, incarcerare non formidant, & cum premissa perpetrant, ac si gloriosum ac laudabile opus fecissent, inde se jactant, & gloriantur, quapropter ad nostrum spectat officium super his oportune providere. Vobis universis & singulis in virtute sancte obedientie districtè precipiendo mandamus, & quemlibet vestrum in visceribus Domini nostri JESU CHRISTI hortamur, quatinus contra omnes & singulos sacrilegos predictos cujuscunque dignitatis, status, ordinis, vel condicionis fuerint, etiam si Ducali, Comitali, vel quavis alia mundana dignitate prefulgeant, juxta constitutionem per felices recordationis MARTINI Papam quintum, Predecessorem nostrum dudum editam, quæ *Carolina* vocatur, quam vos, & quemlibet vestrum expediat habere, & quater in anno ad minus vestris in Diocesis, & in Ecclesiis coram plebe, & populi multitudine in ambonibus publicari volumus, & mandamus, ne prefati sacrilegi tyranni ignorantiam pretendere valeant, quovis modo auctoritate nostra procedatis. Non enim leviter credendum est, quosvis orthodoxe fidei cultores, precipue eos, qui de nobili genere procreati existunt, in tante desperationis labem proflire, ut agni-

agnitis tot penarum censuris, quibus hujusmodi sacrilegum genus hominum innotatur, atque involvitur, aliquo modo talia flagitiosa & enormia crimina velle committere; Inhibeatis nihilominus eadem auctoritate dilectis Filiis nobilibus Viris, Ducibus, Marchionibus, Principibus, Comitibus, Baronibus, Militibus militaribus, Magistris civium, Civibus, Consulibus, Proconsulibus, Communitatibus, & Universitatibus civitatum, oppidorum, castrorum & locorum quorumcunque sub penis & censuris in eadem constitutione contentis, & aliis formidabilibus, prout vobis videbitur, ne dictos sacrilegos quovis modo recipiant, sive admittant, seu eis auxilium vel favorem prestant, aut in Civitatibus, Dominiis, castris, terris, locis, districtibus eorum ditioni subiectis aliquatenus morari permittant recipi, sive hospitari, eis saluum conductum, aut aliam defensionem, sub quacunque forma ullatenus prestando, & quia difficile foret hanc nostre ordinationis & intentionis seriem sub Bulla ad quemlibet vestrum destinare, volumus, & Apostolica auctoritate decernimus, quod transumpto Bulle hujus nostre ordinationis & intentionis sigillo dilecti filii nostri PETRI, tituli Sancte Romane Ecclesie Presbyteri, Cardinalis Augusten. nuncupati munito, & per duos authenticos Notarios subscripto, illi prorsus fides in iudicio vel extra adhibeatur, sicut si illa Bulla nostra cuilibet vestrum mitteremus interclusam.

Sic erga Venerabiles Fratres, & Dilecti Filii pro Ecclesiastica libertate conservanda pugnatis, quod Beato Thome pluribusque aliis Sanctis Martyribus, qui pro hujusmodi libertate utanda mori non timuerunt, possitis quoad hoc non immerito coequari. Datum Rome apud Sanctum Petrum Anno Incarnationis Dominice Millesimo quadringentesimo quinquagesimo primo. Idus Februarii. Pontificatus nostri anno quarto. Quia igitur habita collatione diligenti compertum est, prefens nostrum transumptum cum originalibus literis per omnia, & in omnibus concordare, & quod nihil depositum, appositum, seu transumptum fuerit, neque est, quod sensum earundem literarum Apostolicarum varicaret in aliquo, seu mutaret intellectum. Ideo illis auctorita-

tem nostram, & decretum interposuimus, & presentibus interponimus. Volentes & statuentes, ut huic nostro transumpto sicuti literis originalibus antedictis in iudiciis, & extra stetur, credatur, & adhibeatur in omnibus plena fides. In quorum omnium, & singulorum fidem robur, & testimonium premissorum presentes literas, sive prefens publicum instrumentum hujusmodi nostri transumptum, & exemplum in se continentes, sive continens inde fieri, & per Notarios publicos infra scriptos curie nostre juratos subscribi & publicari mandamus, nostrique sigilli jussimus, & fecimus appensione communiri.

Datum & actum Auguste Anno a Nativitate Domini Millesimo quadringentesimo quinquagesimo primo. Indicione quattadecima. Pontificatus dicti Domini nostri Pape anno quinto, die vero Martis tertia decima mensis Aprilis, hora vespere, vel quasi in aula nostra Episcopali presentibus ibidem Venerabili Viro Magistro Leonardo in decretis Licentiaro, Canonico Majoris Augusten. & Beate Marie Virginis in Fuchtwangen, nostre Dioecesis Ecclesiarum Preposito, nostro in Spiritualibus Vicario, & Officiali Generali, Johanne Schott Armigero Castellano nostro in faucibus alpium, Johanne Westersteren Armigero nostre Dioecesis, & provido Viro Johanne Laucher, Cancellario nostro testibus ad premissa in testimonium evidens vocatis pariter & rogatis.

Et ego Nicolaus Bermir de Torgaw, Clericus Missinensis Dioecesis publicus Sacra Imperiali auctoritate Notarius & curie & Augustenn. scriba juratus, quia predictis transumptioni, collationi, & auctoritatis, ac decreti impositioni omnibusque aliis & singulis, dum sic ut premititur, agerentur, & fierent una cum Notario publico subscripto, & testibus supra scriptis prefens interfui, eaque sic fieri vidi, & audiui, ideoque de mandato supradicti Reverendissimi Patris Domini Cardinalis prefens transumptum per alium, me aliis tunc preposito negociis fideliter scriptum una cum Notario publico infra scripto exinde confeci, subscripsi, publicavi, & in hanc publici instrumenti formam redegi, signoque, & nomine meis solitis, & consuetis, ac cum appensione sigilli memora-

ti Domini Cardinalis signavi rogatus , & requisitus in fidem , & testimonium omnium , & singulorum premissorum.

Et Udalricus Rulin de Narve, Clericus Augustensis Diocesis publicus, Sacra Imperiali auctoritate Notarius , causarumque curie Augustensis scriba juratus, quia preinsertarum literarum Apostolicarum transumptioni, collationi auctoritatis, & decreti interpositioni, omnibusque aliis , & singulis premissis, dum sic, ut premittitur, agerentur, & fierent una cum Notario & testibus superscriptis presens interfui, eaque sic fieri vidi, & audiui. Ideoque de mandato supradicti Reverendissimi Patris Domini Cardinalis presens transumptum per alium , me aliis, tunc prepedito negociis fideliter scriptum una cum Notario publico prescripto exinde confeci , subscripsi publicavi, & in hanc publici instrumenti formam redegi signoque, & nomine meis solitis , & consuetis signavi , munivi rogatus , & requisitus in fidem , & testimonium omnium , & singulorum premissorum.

De Reformatione Monasteriorum.

Super vero reformatione Monasteriorum, & Personarum Religiosarum vult omnino Sancta Synodus, quod ordinarii ipsi diligenter invigilent, ac eosdem Religiosos, & eorum Monasteria, tam viro- rum, quam mulierum ad observantiam vite, regularis & debite clausure, & precipue, ne quis ad Monasteria Monialium extra casus a jure permisso ingrediat, ipseque Moniales non egrediantur penis & censuris , & remediis juris scripti , & constitutionum Generalium , & provincialium Conciliorum ad auctoritate Apostolica specialiter desuper editorum effectualiter restringant, compellant etiam per depositionem , & privationem privilegiorum incorporationum, & unionum , & inhabilitationem ad dignitates & officia.

De Fratribus mendicantibus presentatis.

Sancta Synodus attendens Apostolicam Sedem Fratribus mendicantibus privilegia , & in edificationem Ecclesie concessisse, & ob hoc in Clementina: Du-

dum fratres presentandos Episcopo, & per eum ad auditionem confessionum admittebunt vult esse ydoneos, & probate vite, & quia illi, qui vota solennia non observant, non possunt dici probate vite. Unde cum Episcopos ad quos spectat curam gregis sui habere, admonitos esse convenit, ne alios admittant, quam ut Clementina habet, qualificatos ita, quod eis constet per facti evidentiam, aut testimonio bonorum hominum eos dignos esse, quibus sibi creditas animas absolvendas committant, hunc ad finem, ut fratres ipsi religionis sue observantiam citius adaugeant, aut acceptent. Mandat Synodus, quod quisque Episcopus Fratribus ordinis mendicantium cum omni caritate regularem observantiam persuadeat, ostendendo ad hoc omnem gratiam, & benevolentiam cum comminatione, quod nisi infra compens tempus eis per quemlibet Episcopum prehendendum per facti evidentiam regularem vitam secundum professionem suam servare inceperint, & continuaverint, quod tunc post lapsum termini istius eos tales ydoneos minus probate vite ad audiendum confessionem, predicationes, & petitiones, ac alios actus legitimos non admittant. Episcopi etiam non patiantur, fratres in terminis longiores moras trahere, sed operam dent, ut petitione peracta ad suos Conventus redeant, nisi eos in audiendis confessionibus, & predicatione Verbi Dei diutius morari in aliquo loco judicaverint expedire.

De ostensione Eucharistie.

Propter reverentiam Divinissimo Eucharistie Sacramento exhibendam, & ne populi fidelis devotio ex frequenti ejus visione tepescat, ordinat hec Sancta Synodus, quod deinceps ipsum Sacramentum visibiliter in Monasteriis, preterquam in festo Corporis Christi, & per ejus Octavas deferri, & tunc non nisi sub Divino Officio octave ejusdem ostendi debeat, etiam occasione cujuscunque fraternitatis, aut institutionis desuper facte mandans Ordinariis locorum, ut contra Presbyteros, qui in premissis excederet per inflectionem gravium penarum procedant.

*De corruptelis & abusomibus
Canonicorum.*

Sancta etiam Synodus, quia informata est in nonnullis Ecclesiis Provincie Moguntinensis tam Cathedralibus, quam Collegiatis pessimas & juri Divino, & positivo, ac rationi contrarias vigere, & ex corruptela introductas esse consuetudines, presertim in nominando personas ante vacationem Beneficii, & sepe puero sine discretionem ante quartum decimum annum; habendo minime respectum ad Ecclesiam, & Dei cultum, sed potius ad carnem, vel aliud commodum, aut spem ex pacto aliquid etiam in Beneficiis pro se, vel suis consequendi, & in exactione pecunie, antequam quis ad possessionem Prebende admitatur, quod utique spem venditionis, & simoniace pravitatis habere dinoscitur, que quidem pecunia, quod pejus est, apud quasdam Ecclesias non in Ecclesiam, sed proprios Canonicorum usus convertitur, quod utique a vicio symoniace pravitatis nunquam excusari potest, in receptione vini bladorum, vel aliarum rerum in excessivis annis expectantie, in quibus, quod horrendum est, neque quotidiane distributiones expectanti tribuuntur, in emancipationem, quam ita appellare solent, doctorum & notabilium personarum cum receptione multarum pecuniarum in admissione ad Capitula eorum, qui latinum congrue fari nesciunt, nec intelligent in eo, quod Canonici suis Decanis in licitis & honestis obedire, & ad Divina ministrare contemnant. Si pro vagabunditate in Ecclesia, vel ante, aut cavillationibus in Choro, vel similibus arguantur non attendant, neque curent, quod ad interessendum Divinis Officiis astringi sub suspensione absentium comprehendendi volunt, ac quod in certo parvo tempore sub una lectione, Psalmo, Epistola, Evangelio, vel alio presentias se deservisse contendunt, & statim ad secularia negocia vel lascivias revertantur, aut eant, quod etiam tempore Divinorum Vesperorum precipue choreas publicas, stibas, & alias conventiones laicorum visitent, & frequentent, illisque, ac ludis diversis, potationique vinorum apud easdem interfint, & immisceant habitum & tonsuram statui suo conde-

centem non deferant, & si quandoque vel parvam coronam deferant, per revolutionem crinium, de qua potius gloriari deberent, abscondunt longos crines, seu comam adeo, ut aures videri nequeant, nutriant, demumque, quod dictu audituque mirabile est, quod per certa anni tempora circa autumnum precipue cum magis gratiarum actioni dum torcularia vino redundant, insistere deberent, a Divinis cessant, & vacantias faciunt, liberique, & ab obedientia pro tali tempore absoluti esse volunt, quando contra Deum & obedientiam prescribere possint: pluraque alia contra Sacros Canones, & Provincialia, Synodaliaque Statuta in Dei offensam, animarum suarum periculum, & scandalorum plurimorum agant, seque pretextu consuetudinum, & observantiarum excusare nitantur, cum non attendant corruptelas potius esse & vetustates errorum, multa denique juramenta illicita a diversis tam tempore electionis, sive collationis Beneficiorum prestantur, ex quibus hi, qui talia recipiunt commoda privata consequi sperant, ac etiam via correctionis debite precluditur, & impediuntur sepe Prelati, ne Ecclesiarum suarum utilitatem possint procurare. Similiter & a Rectoribus Ecclesiarum, sive Vicariis eorundem perpetuis sub solvendis annuis pensionibus hujusmodi juramenta illicita extorquentur, quibus obstantibus propter carentiam necessarij victus Ecclesie ipse divino defraudantur obsequio. Hec itaque Sancta Synodus premissa omnia damnat; mandans omnibus & singulis locorum Ordinariis, ac etiam Prelatis inferioribus, quibus correctio per Statuta Provincialia conceditur, & injungitur, ut non obstant premissis damnatis, consuetudinibus, & observantiis, ad quarum continuationem neminem quocunque juramento, cum vinculum iniquitatis non sit, astringi declarat, quatenus sub excommunicationis, aliisque statutis expressis & comprehensis penis juxta juris, & dictorum statutorum formam circa premissa invigilent, cassent, corrigant, statuunt, ordinent, & emendent, quantoties realiter & cum effectu volens hec Sancta Synodus, ut ubi infra spacium quinque mensium immediate sequentium Diæce-

fani, ac inferiores Prelati in & circa premissa negligentes, & remissi fuerint, Superior immediatus, aut futura Provincialis Synodus corrigat, statuatur, ordinet & emendet, ac etiam ad declarationem penarum contra & adversus Ordinarios locorum, & inferiores Prelatos procedat.

Petit igitur prefatus Reverendissimus in Christo Pater, & Dominus, Dominus THEODERICUS Archi-Episcopus, totaque Provincialis Synodus Moguntinensis, quatinus Vos Reverendissime in Christo Pater, & Domine, Domine Nicolae Tituli Petri ad Vincula, Sacro Sancte Ramane Ecclesie Cardinalis, & Apostolice Sedis per Alemaniam Legate supra scriptis, deliberatis, & conclusis robur confirmationis, & approbationis auctoritate Legationis vestre in forma meliori adicere dignemini: dantes, & concedentes etiam speciales facultates pro executione in defectum potestatis Ordinariorum, cum penarum additionibus, ubi opportunum judicaverit, ut speratus reformationis fructus laudabiliter exinde proveniat.

Confirmatio Reverendissimi Domini Legati.

Quoniam captas conclusiones per Vos Reverendissimum in Christo Patrem Dominum THEODERICUM Archi-Episcopum Moguntinensem consentientibus Comprovincialibus vestris legi audivimus, & eas reformationi, quam querimus, judicavimus plurimum profuturas; ipsas, uti petitur, ratas, & gratas habentes, auctoritate Apostolica Nobis tradita in Dei nomine confirmamus, & per obedientiam, & sub penis per Vos ad singula Statuta, ubi visum fuerit adjungendis, precipimus illa observari ordinationibus ubilibet per Vos factis hac potestate Nobis ad visitandum, corrigendum, & statuendum, & aliis in Bulla Legationis nostre contentis semper salvis, quibus per hanc nostram confirmationem nequaquam intendimus derogare super his, & earum executione literas decernentes opportunas, reservantes Sanctissimo Domino nostro Pape ac Nobis legatione duran. potestatem addendi, corrigendi, interpretandi, & declarandi, & queque alia faciendi, per que san-

cta reformatio, que solum quaeritur, poterit augeri. Jure Metropolitano Reverendissimi Domini Moguntinensis, & Ordinarios Provincie semper salvo. Insuper sub spe, quod in dictis quinque mensibus, de quibus in fine dictorum conclusorum continetur, effectualis executio eorum per Reverendissimum Dominum Moguntinensem, & Suffraganeos suos fieri debeat, suspendimus, & relaxamus omnes, & singulas censuras, & penas in ordinationibus, & Statutis nostris ubicunque locorum Provincie Moguntine emanatis positas, & comprehensas quantum ad eos, qui illas, & illa simpliciter non assumpserint, aut uti voluit in, & per totam Provinciam Moguntinensem per dictos quinque Menses, ita tamen, quod executio dictorum Statutorum Provincialium interim fiat, juxta earundem formam, & tenorem, & si illam fieri & observari contingeret; volumus dictas censuras, & penas nostras, etiam ex postquamdiu observaverint, locum habere non debere. Si vero executio non fuerit dictorum Statutorum Provincialium extunc in his, in quibus executio eorundem facta non est: volumus penas & censuras mandatorum nostrorum in locis, in quibus publica sunt; sibi locum vendere, similiter in defectum executionis hujusmodi contra alios, quibus hujusmodi mandata nostra insinuata non fuerint, ratione previa processuri.

Post premissam confirmationem Reverendissimus Dominus Legatus publicari fecit litteras Indulgentiarum, quas dedit omnibus Sacerdotibus, qui infra Missarum Solemnia in principio & in fine in concludendo Collectam ultimam addiderint; Et Famulos tuos N. Papam, & N. Episcopum nostros una cum universa Ecclesia Catholica ab omni adversitate custodi, quadringenta dierum Indulgentiam pro quolibet die Dominico.

Item dictus Dominus Legatus ad instantiam Reverendissimi Domini Moguntinensis, & Suffraganeorum suorum extendit ordinationem & concordiam factas in Synodo Bambergenfi inter Rectores Parochialium Ecclesiarum, & Mendicantes ad totam Provinciam Moguntinensem, & decrevit litteras cuilibet, qui illa habere voluerit in speciali desuper concedendas.

Sequitur Litera de Fratribus Mendicantibus & Plebanis, ex Synodo Bambergensi, acceptata pro tota Provincia Moguntina.

NICOLAUS, MISERATIONE DIVINA, TITULI SANCTI PETRI AD VINCULA SACROSANCTE ROMANE ECCLESIE PRESBYTER CARDINALIS, APOSTOLICE SEDIS PER ALEMANIAM LEGATUS; IN DIOECESANA BAMBERGENSI SYNODO PRESIDENS, UNIVERSIS CHRISTI-FIDELIBUS EJUSDEM DIOECESIS SALUTEM IN DOMINO SEMPERITERNAM.

Quoniam officio nostro incumbit, ut undique ea, que pacis sunt, diligenti studio promoveamus, maxime autem, quando ad id Apostolice Sedis singularis iussio accedit. Sane ad Sanctissimum Dominum nostrum, Dominum NICOLAUM Papam Quintum delato inter Plebanos & Mendicantes oppidi Nurnbergensis dicte Dioecesis non parvas fore differentias exortas, & Nobis per eundem Sanctissimum Dominum nostrum commissio, ut easdem de medio facere curaremus, atque post intellecto in hac Bambergensi Dioecesi in plerisque locis similes querelas esse, quodque scandala plurima in populo ex hoc oriantur, auditis in hac Synodo querelis super hoc & responsionibus per hanc nostram ordinationem de *Synodali consensu* de libertate tactam, uti sequitur, providemus. Et quia jam dudum circa publicationem Capituli Concilii Generalis: *Omnis utriusque sexus*, Statutum Synodale de publicando dictum Capitulum: *Omnis utriusque sexus* Concilii Generalis per omnes Dominicas Quadragesime approbantes auctoritate Legationis nostre, qua fungimur, decernimus, quod publicatio illa in dicto oppido Nurnbergensi per Deputatos a Domino Episcopo Bambergensi simpliciter, ut textus jacet, tantum fiat inhibentes super eadem auctoritate, ne quisquam cujuscunque conditionis Ecclesiastice vel secularis infra limites Dioecesis Bambergensis constitutus, exemptus, vel non exemptus quovis modo, di-

recte, vel indirecte, publice, seu occulte quenquam ab observantia jam dicte constitutionis, ac quod ille suo Sacerdoti, a quo Sacramentum Eucharistie recipere tenetur, vel alteri de licentia ejusdem saltem semel in anno non confiteatur, aut ab interessendo Divinis saltem diebus Dominicis, & majoribus Festivitatibus in sua Parochiali Ecclesia, aut a solutione jurium Parochialium retrahere presumat. Quinimo volumus, quod quisquis talia fecerit, etiam cujuscunque ordinis, seu religionis, exemptus vel non exemptus, suspensionis ab ingressu Ecclesie, & perceptione Sacramenti Eucharistie sententiam incurrat, absolutionem (preterquam in mortis articulo) Apostolice Sedi reservantes. Et quia Fratres de ordine Mendicantium modo quo in Clementina *Dudum* ponitur, prelati, & per Episcopum admissi in casibus Episcopis per reservationem Pape, aut Episcopi non prohibitis eis confitentes veraciter absolvent: pari poena inhibemus, ne quisquam cujuscunque conditionis fuerit Ecclesiastice vel secularis, exemptus aut non exemptus, potestatem absolvendi eorundem fratrum sic admissorum detrachere directe vel indirecte, publice vel occulte presumat. Quinimo volumus, quod quisquis talia fecerit, suspensionis ab ingressu Ecclesie, & Sacramenti Eucharistie sententiam incurrat, absolutionem preterquam in mortis articulo Apostolice Sedi reservantes, & ad finem, ut populus sciat, qui sint tales admissi, & qui casus prohibiti statuimus, & dicta auctoritate ordinamus, quod Dominus Bambergensis Episcopus omni anno in prima Dominica Quadragesime deinceps per principalia loca sue Dioecesis hanc nostram ordinationem, & fratres admissos per eum, eos ad confessionem audiendos nominatim, ac casus Pape, atque sibi reservatos, & in quibus sibi reservatis auctoritatem dedit absolventi publicationem populo faciendam, disponere teneatur.

Prohibemus sub simili suspensionis late sententie pena, ne amplius quisquam ex Fratribus mendicantibus contra Plebanos, aut Plebani qui-

" cunque contra fratres ipsos predicare
 " presumant, sed qui causam querele
 " habuerit, iudicem adeat competentem.
 " Datum Bambergæ in Synodo Dicece-
 " sana per Nos ibidem in Ecclesia ma-
 " jori solenniter celebrata die *Lune tertia*
 " *Maji*, Anno a Nativitate Domini Mille-
 " simo, quadringentesimo, quinquagesimo pri-
 " mo. Pontificatus Sanctissimi in Christo
 " Patris & Domini nostri, Domini NI-
 " COLAI, Divina providentia Pape
 " quinti, anno quinto.

*Statutum de Questoribus de novo
 adjunctum.*

Cum Divinorum Officiorum Rectores in Divinis Officiis, & Parochialibus juribus per elemosinarum questores sepius perturbentur, statuimus, & ordinamus, ut hujusmodi questores vigore literarum auctoritate nostra ipsis concessarum, aut in antea concedendarum. In Festivitatibus Domini nostri JESU Christi Pasche, Pentecostes, Nativitatis Gloriosæ Virginis Mariæ, Purificationis, Annuntiationis, & Assumptionis, nec non Ecclesiarum Parochialium Patrocinii, & ipsarum Dedicationum Anniversariis deinceps ad stationes faciendas, aut elemosinas ipsis Ecclesiis petendas nequaquam admittantur.

*De Indulgentiis Festi Corporis
 Christi.*

Indulgentias Festi Corporis Christi a Papa URBANO, MARTINO, & EUGENIO confirmatas, mandamus Vobis omnibus & singulis Plebanis, & Divinorum Rectoribus, quatinus indulgentias infra scriptas a tribus Romanis Pontificibus ad augmentum devotionis Christi fidelium circa venerationem, & reverentiam Venerabilissimi Sacramenti Corporis & Sanguinis Domini nostri JESU

Christi per quod salvati, & liberati sumus interessentibus Missis, & horis Canonicis in Festo ipsius Sacramenti, & per octavas ejusdem de thesauris ipsius Ecclesie datas, & concessas singulis annis publicare in Ecclesiis vestris die Pentecostes, & in octava ejusdem subditis vestris non dimittetis, ne tedium generet prolixitas eas summatim insinuetis: summa in primis vesperis a tribus Romanis Pontificibus preactis, quingenti dies indulgentiarum, & ad completorium sunt ducenti dies, summa in matutinis quingenti dies sunt, ipso die summa in Missa totidem, scilicet quingenti dies, summa in secundis vesperis quingenti dies, summa vero ad horas ipso die Corporis Christi, scilicet primam, tertiam, sextam, nonam & completorium sunt mille dies indulgentiarum, sed qualibet die per octavas sunt quingenti dies. Quicumque jejunaverit in profesto Corporis Christi, vel qui opus pium aliud de Concilio sui Sacerdotis fecerit, habebit etiam ducentos dies, existentes in processione ducentos dies. Qui communicant ducentos dies. Quicumque precedit aut sequitur Sacramentum, quando portatur infirmis cum incenso lumine, ducentos dies. Qui vero sine lumine centum dies. Presbyteri celebrantes Missam pro pace, seu tranquillitate quotiens per octavas fecerint, toties habebunt ducentos dies indulgentiarum. Quapropter exhortamur subditos vestros, ut confiteantur, & preparent se contritos, & confessos in remissionem peccatorum. Datum Anno Domini millesimo, quadringentesimo, quinquagesimo primo.

*Cl. Lunig. Spicil. Ecclesiastici Contin. II.
 pag. 68.*

*Eadem Synodus fuit excusa Hagena in
 4to. anno 1512.*



CONCILIIUM COLONIENSE PROVINCIALE

Anno Christi MCCCCLII. Nicolai V. Papæ VI.
Friderici III. Regis XIII.

SUB NICOLAO CUSANO, CARDINALI, LEGATO APOSTOLICO,
ET THEODORICO, ARCHIEPISCOPO COLONIENSI.

*STATUTA in Provinciali Concilio Coloniensi per Dominum NICO-
LAUM de CUSA Cardinalem, & Legatum de Latere per
Alemaniam, comprobante Archi-Episcopo Coloniensi
THEODERICO.*

NICOLAUS, MISERATIONE DIVINA TIT. S. PETRI AD VINCULA
SACROSANCTÆ ROMANÆ ECCLESIAE PRESBYTER CARDINALIS, PER
ALEMANIAM, ET NONNULLA ALIA REGNA ac PROVINCIAS
APOSTOLICÆ SEDIS LEGATUS, AD PERPETUAM
REI MEMORIAM.

Adspirante Divinæ pietatis influxu,
& vigore Apostolici spiritus, qui
(teste Hieronymo) Petri Cathedram non
deserit, se nunc ad pascendum Domini-
cum gregem diligenter convertente,
actum est, quod Sanctissimus Dominus
noster, Dominus NICOLAUS Papa
Quintus, oculos ad hanc magnam Pro-
vinciam Coloniensem attollens, Nos,
licet omnium Sacri Collegii Cardinalium
minimum, transmiserit, ut videamus,
qualiter vos Fratres, & Filii sui dilecti,
in via Domini proficiatis: hinc DEO
gratias agamus, qui nos ad Divina My-
steria sollicitanda collegit, ut mutuis con-
siliis cuncta in melius dirigantur. Et
quoniam nunc adestis, Vos Reverendis-
sime Domine THEODORICE, Archi-Epi-
scope Coloniensis, cum Venerabili Ca-
pitulo, ac vestrorum Comprovincialium
vices agentibus, Venerabilibusque Ab-
batibus, Præpositis, Decanis, Canonicis,
aliisque religiosis & devotis, doctisque
Sacerdotibus & Magistris numero co-
pioso: tempus adeste credimus, ut nunc
deliberationum communium per plu-
res dies digestæ factarum, fructuosa de-
finitio subsequatur: quæ, ut clarior fiat,
præmittendum arbitramur, Nos non
velle, per ea, quæ statuimus, Apostoli-
cis, aut Legatorum ejus, aut Nostri

antea factis ordinationibus in aliquo de-
trahere, neque etiam Comprovincialium
aut Synodaliū Dicecesium Statutis, lau-
dabilibusque consuetudinibus quibus-
cunque (quæ per nostra statim promul-
ganda decreta non corriguntur aut li-
mitantur) derogare, nec etiam aucto-
ritati Apostolicæ Sedis, aut ejus Legati,
nec Metropolitanis, aut suorum Coepi-
scoporum Comprovincialium, nec juri-
bus, libertatibus, privilegiis, ac exemp-
tionibus præjudicium fieri quovis mo-
do: sed potius jus uniuscujuslibet, quale
habere dinoscitur, salvum esse volumus.
Ad aliqualem autem Ecclesiastici Status
reformationem, quousque Deus majori
observantiæ commodius tempus conce-
serit, Nos NICOLAUS Cardinalis Lega-
tus &c. supradictus huic *Sacro Provinciali
Concilio* autoritate Sanctissimi Domini
nostri NICOLAI Papæ V. præidentes,
de expresso Reverendissimi in Christo
Patris ac Domini nostri, Domini THEO-
DORICI, Archi-Episcopi præscripti, No-
bis confedentis, ac sui Venerabilis Ca-
pituli, omniumque Comprovincialium
consensu, universaque Synodo concor-
diter approbante, statuimus, & ordina-
mus, ut sequitur:

Inprimis, quod de cætero de trien-
nio in triennium fervetur Concilium
F f f 3 Pro.

Provinciale in sancta civitate Colonienſi, ſtatim poſt Octavas Dominicæ Reſurrectionis, in forma & ſub pœnis juris communis, cum Litanis & Solennitatibus nunc adhibitis, ſeu alias congruentibus, videlicet, quod dicatur Miſſa, legantur Litaniz, & fiat ſermo exhortationis.

Item, quod ſingulis annis in Diœceſibus Suffraganeorum Comprovincialium, ſerventur Concilia Episcopalia, ſeu Synodalia per ipſos Suffraganeos, ſeu illos, ad quos de antiqua conſuetudine ſpectat, in quibus corrigenda corrigantur juxta Canonum & Statutorum continentiam.

Inſuper laudamus, & legi mandamus in Synodis Diœceſanorum libellum Sancti Thomæ de Aquino, *De articulis Fidei & Sacramentis Eccleſiæ*, quodque præcipiatur Curatis, ut partem, quæ eſt de Sacramentis, habeant, & ſtudeant diligenter.

Item volumus & mandamus, quod Statuta Provincialia bonæ memoriæ ENGILBERTI, ſeu HENRICI, Archi-Epiſcoporum Colonienſium, cum additionibus aliorum ſubſequentium tam Romano- rum, quam Comprovincialium Pontificum, circa tuitionem Eccleſiaſticæ libertatis, & non alias, innoventur, publicentur crebrius, & diſtricte ſerventur.

Item, quod Judæi intra decem meſes, & ab eo tempore in antea per totam Provinciam Colonienſem deferant ſignum, videlicet circulum de ſilis croceis in veſte extrinſeca ante pectoralia: & hoc quoad mâculos: quodque feminæ deferant duas rigas blavii coloris in peplis, earundem ad inſtar Judæorum in urbe Romana. Et quod nihilominus ſervetur Decretalis: *Post miſerabilem, extra de Uſuris*. Ad quæ omnino compellantur, tam per Eccleſiaſticam, quam ſecularem poteſtatem.

Item circa ingreſſum ad Beneficia, & Ordines, ac permutationem Beneficiorum, atque reſidentias Curatorum, ſtatuiſimus jura & ſtatuta Provincialia & Episcopalia obſervari, ac in proxima viſitatione, quam fieri mandamus, corrigenda, abſque diſſimulatione corrigi & emendari.

Inſuper ad reformationem moris Eccleſiaſtici Status, ordinamus, & ſtatuiſimus, quod Presbyteri, Diaconi, Subdiaconi, & alii in minoribus ordinibus conſtituti, de cætero conſuram deferant Clericalem, atque crines longos, & tamen ſic detoſos, quod auribus patentibus incedant, ita quod ſtatus, & gradus cujuſlibet eorundem, diſcerni commodè poſſint, & valeant. Et quod veſtes deferant competenter longas, decentes & honeſtas, in lateribus clauſas, juxta morem, & conſuetudinem Diœceſium ſeu locorum.

Item ut ſinguli Diœceſani provideant in ſuis Diœceſibus, ne de cætero Dominicis, & Feſtivis diebus ad honorem Dei indiſtis, mercatus rerum vendibilium, quæ ad uſum quotidiani victus neceſſariæ non exiſtunt, quomodolibet fiat, niſi in caſibus permiſſis a jure, & præſertim juxta determinatronem Sancti Thomæ de Aquino ſupradicti.

Item abuſum quæſtuariorum, qui quotidie excreſcit, reprimendo mandamus & præcipimus, ne de cætero admittantur, niſi juxta formam juris communis, & tenorem Statutorum Synodaliſum Diœceſium prædictarum.

Item prohibemus, ne de cætero auctoritate quacunque erigantur, admittantur, vel confirmentur aliquæ novæ congregationes virorum, aut mulierum, etiam in communi vita vivere adſpirantium, niſi aliquam regulam per Sedem Apoſtolicam approbatam, expreſſe conſiteantur, ſeu acceptent. Mandamus præterea talibus congregationibus jam forſan exiſtentibus, niſi ſic qualificatis, omnem favorem ſubtrahi, nec eaſdem aliquo privilegio, vel indulto de cætero communiri debere, offerentes nihilominus congregationibus qualificatis ſupra tactis favorem, & auxilium.

Item ſtatuiſimus, ne de cætero quacunque auctoritate admittantur aliquæ novæ fraternitates, ex quibus veriſimiliter detrahi poſſit religioni, & juribus Eccleſiarum, quodque nullæ indulgentiæ tali- bus concedantur.

Item ſtatuiſimus, quod quicunque Clericus Beneficiatus, vel in Sacris Ordinibus conſtitutus, qui poſt hujusmodi conſtitutionis noticiam (quam habere præ-

præsumatur post duos menses a tempore publicationis, quæ inferius fieri mandatur) fuerit publicus concubinarium in crimine huiusmodi perseverando, a perceptione fructuum Beneficiorum suorum, trium mensium spatio sit ipso facto suspensus. Quos Superior ad quem id alias immediate spectat, ad fabricam, vel aliam evidentem Ecclesiarum utilitatem, ex quibus hi fructus percipiuntur, convertat. Quodque si Superior, ad quem id spectat, viderit concubinarium illum metu prædictæ suspensionis fructuum non retrahi, tunc antequam ad ultiores juris pœnas eidem infligendas, procedatur: eundem tamen publicum concubinarium Canonice moneat & aviset, quod nisi intra terminum tunc sibi præfigendum cesset, ad dictas pœnas se processurum. Et nihilominus hi publici concubinarij post huiusmodi suspensionem, ac monitionem, & processum, usquequo cum ipsis per suos Superiores post ipsarum concubinarum dimissionem, manifestamque vitæ emendationem fuerit dispensatum, ad subceptionem novi tituli quorumcunque Beneficiorum, aut officiorum, Honoris, seu Dignitatis Ecclesiasticorum sint inhabiles. Quod si post dispensationem recidivo vomitu ad huiusmodi concubinatum redierint, sine spe alicujus dispensationis, ad prædicta prorsus inhabiles existant, quod si hi, ad quos talium correctio pertinet, ipsos (ut prædictum est) punire neglexerint, eorum Superiores, tam in ipsos de neglectu, quam in illos pro concubinatu, modis omnibus digna punitione animadvertant. Publici autem intelligendi sunt non solum hi, quorum concubinatus per sententiam, aut confessionem in iure factam, seu per rei evidentiam, quæ nulla posset tergiversatione celari, notorius est: sed qui mulierem de incontinentia suspectam, & infamatam tenet, ac per Superiorem suum admonitus ipsam cum effectu non dimittit. Clerici vero in Sacris non Beneficiari, ubi Beneficiati caderent in suspensionem fructuum, cadent similiter in suspensionem ab ingressu Ecclesiæ: & contra eos procedatur ad graviores pœnas, etiam multas.

Item statuimus, quod nullus Officialis, seu Iudex in aliquo loco interdictum Ecclesiasticum ponat simpliciter, vel ad tempus pro pecuniario debito, juxta

constitutionem BONIFACII octavi, quæ incipit: *Provide, &c.* nisi pro debito Ecclesiæ, vel Beneficio Ecclesiastico, similiter, nisi in rescripto Apostolico aliud expresse contineatur. In quo siquidem interdicto Ecclesiastico, & cessu a Divinis, volumus jus commune, atque statuta, tam Provincialia, quam Synodalia servari. Nolumus tamen per hoc secludere, quin si Judices seculares, aut Domini temporales in subsidium fuerint requisiti ad compellendum, excommunicatos redire ad gremium Sanctæ Matris Ecclesiæ, & propter eorum inobedientiam fuerint excommunicati, & in ea excommunicationis sententia per annum rebelliter inforduerint, quod tum adversus ipsos Judices, seu Dominos tales procedi possit ad interdictum Ecclesiasticum, & cessationem a Divinis.

Item pro reformatione Monasteriorum, & Religiosarum personarum, statuimus, atque districtius præcipimus, quod desuper Ordinarii diligenter invigilent, ipsosque Religiosos utriusque sexus, juxta tenorem juris communis, & Statutorum Synodaliū suorum, ad observantiam vitæ regularis constringant.

Item attendentes Apostolicam Sedem Fratribus mendicantibus privilegia in ædificationem Ecclesiæ concessisse, & ob hoc in Clem. *Dudum &c.* Fratres præsentandos Episcopo, & per eum ad audientiam confessionis admittendos, vult esse idoneos & probatæ vitæ: & quia Episcopi, ad quos voto solenni spectat curam gregis eorum habere, admonitos esse convenit, ne admittant alios, quam ut Clementina illa habet, qualificados: ita quod eis constet per facti evidentiam, aut testimonio bonorum hominum, eos dignos esse, quibus sibi creditas animas absolvendi claves committant: Hinc ad finem, ut fratres ipsi religionis suæ observantiam citius adaugeant, seu acceptent, intentionis nostræ existit, quod quisque Episcopus Suffraganeus Fratribus ordinis Mendicantium cum omni caritate regularem observantiam persuaदेat, offerendo ad hoc omnem gratiam, & benevolentiam, cum comminatione, quod nisi intra competens tempus eis, per quemlibet Episcopum præfigendum, per facti evidentiam regularem vitam secundum pro-

professionem ipsorum servare inceperint, & continuaverint, quod tunc post lapsum terminum eos tales inidoneos minus probatæ vitæ, ad audientiam confessionum, prædicationes, & petitiones, ac alios actus legitimos non admittat. Episcopi etiam non patiantur, fratres in terminis longiores moras trahere: sed operam dent, ut petitione peracta, ad suos Conventus redeant, nisi eos in audiendis confessionibus, & prædicatione Verbi Dei, diutius morari in aliquo loco debere judicaverit.

Item statuimus & ordinamus, quod Visitationes fiant, prout de jure præcipitur: & si Ordinarii in *Visitationibus* suarum Diocesum, vel alias reperiant concursum populi ad aliquas imagines, cognoverintque informatione summaria recepta, populum amplius ad dispositionem figuræ talis imaginis, quam salva fide expediat, inclinari, quod tunc imaginem tollant, & alias omnino provideant, ne idololatriam committant. Similiter si HOSTIA transformetur in cruentam carnem, seu in sanguinem apparentem, occultetur penitus, & omnino juxta traditionem juris, nec populo quomodolibet publicetur, seu ostendatur, ne seducatur, & quæstuiarius accursus populo prohibeatur.

Item ad majorem honorem Sanctissimi SACRAMENTI statuimus, quod deinceps ipsum Sanctissimum SACRAMENTUM, nullatenus visibiliter in quibuscunque Monstrantiis ponatur, aut deferatur, nisi in Sanctissimo Festo Corporis CHRISTI cum suis octavis, & extra hujusmodi Festa cum suis octavis semel in anno in qualibet civitate, aut oppido, seu Parochia, vel ex singulari indulto Ordinarii, aut alias pro pace, vel alia necessitate imminente, & indispositione rempublicam pregravante: & tunc cum summa reverentia, atque devotione: in præmissis tamen laudabilibus consuetudinibus hujus Metropolitanæ, & Cathedralium Ecclesiarum Suffraganeorum ejusdem, semper salvis.

Item cum natura quotidie novas depræperat edere formas, & omnia subjacent mutationi, reservamus Provinciali Synodo proximæ, & sequenti, liberam & absolutam potestatem superius statuta or-

dinata, & per Nos præcepta, emendandi, corrigendi, reformandi, & commutandi, prout juxta malitiam, atque qualitatem temporis, & subditorum Provinciarum Colonienfis, videbitur expedire.

Cæterum expresse permittimus Metropolitanæ, & Ordinariis Provinciarum, & Diocesum prædictarum, ac unicuique Ordinario, Beneficium absolutionis a pœnis, & censuris quibuscunque, tam in præmissis hujus Sanctæ Synodi, quam aliis Provincialibus, & Synodalibus Statutis, contentis, & comprehensis, exceptis Apostolicæ Sedi de jure reservatis.

Item volumus & mandamus, quod per Ordinarios locorum intra mensem omnia suprascripta, per Diocesum singulorum publicentur. Statuimusque insuper & declaramus, quod omnia prædicta Capitula cum suis pœnis, ligent a tempore publicationis Comprovincialium, intra duos menses immediate sequentes, atque per eos, ad quos spectat, post publicationem in delinquentes executioni demandari.

Item in robur omnium decernimus super his opportunas literas, quas tam Nostro, quam Reverendissimi Domini Archi-Episcopi Sigillo volumus communiti.

Aliarum verò literarum, de quibus supra fiat mentio, tenotes de verbo ad verbum sequuntur, & sunt tales videlicet:

Ut Monasticæ personæ, tam exemptæ, quam non exemptæ, regularem vitam juxta regulam Ordinis, quem professæ sunt, vivant: alioquin sint inhabiles & ineligiblees.

&c.

NICOLAUS, MISERATIONE DIVINA TITULI S. PETRI AD VINCULA SACRO-SANCTÆ ROMANÆ ECCLESIE PRESBYTER CARDINALIS, PER ALEMANIAM ET NONNULLA ALIA REGNA, ET PROVINCIAS APOSTOLICÆ SEDIS LEGATUS, REVERENDISSIMO AC REVERENDIS IN CHRISTO PATRIBUS, DOMINIS THEODERICO, ARCHI-EPISCOPO COLONIENSI, AC UNIVERSIS EPISCOPIS PER PROVINCIAM Co-

COLONIENSEM CONSTITUTIS, SALUTEM IN DOMINO SEMPERNAM.

QUoniam Sanctissimus Dominus noster, Dominus NICOLAUS, Divina providentia Papa Quintus, curam habens, ut universalis Ecclesia sibi commissâ, in suis membris per orbem diffusis salubriter guberetur, Nos ad hanc Coloniensem, quemadmodum & ad nonnullas alias Alemanicæ Nationis Provincias, pro communi animarum salute procuranda, transmissit, plurimas ad id oportunas nobis tribuens facultates: Nos considerantes ad honorem Dei, animarum ipsarum salutem, ac populi Christiani gratam consolationem tendere, si omni studio & diligentia procuraverimus, quod personæ religiosæ quamcunque regulam per Sedem Apostolicam approbatam, tacite vel expresse professæ, secundum regulam huiusmodi religionis suæ vivant, & DEO Altissimo reddant vota sua: Considerantes etiam, quomodo ob hanc causam eisdem Religiosis personis, ut in observantia regulari Omnipotenti DEO eo liberius & quietius servire possint & debeant, ab Apostolica Sede plurima privilegia & indulta multa concessa, pluresque Parochiales Ecclesiæ cum earum fructibus, redditibus, & proventibus illis unitæ, & incorporatæ existunt: quarum quidem religiosarum personarum nonnullæ tantis ingratis beneficiis, salutem suam miserabiliter negligentes, dictarum religionum suarum regulas & statuta observare non curant: quin immo temerarie contradicunt, in grave animarum suarum periculum & scandalum religionum. Quapropter nisi mores illi pravos & dissolutam vitam abjecerint, ac ad cor redierint, opera priorum Patrum, in quorum locum successerant, devote adimplendo, privilegia ac indulta, atque Ecclesias prædictas juste merentur amittere, quorum si in pertinacia, seu incorrigibiles perseverare præsumperint, nequaquam poterunt esse digni. Hinc est, quod Nos autoritate Apostolica, qua in hac parte fungimur, omnibus & singulis personis religiosis Monasteriorum quorumcunque tam virorum, quam mulierum, per civitatem, Diocesim & Provinciam Coloniensem ubilibet constitutis, exemptis, & non exemptis, sub

pœna amissionis & revocationis omnium & singulorum privilegiorum, indultorum, & unionum prædictorum, eis, & eorum Monasteriis quacunque etiam Apostolica autoritate concessorum & factorum, districtè præcipiendo mandamus, quatenus intra unum annum a die datæ præsentium computandum, regularem vitam juxta regulas & statuta Ordinis, quem (ut præmittitur) professæ sunt, effectualiter observare incipiant, & sic inceptam, fideliter continuare studeant, ut tenentur. Eadem quoque autoritate ordinamus, decernimus, & declaramus, omnes & singulas personas religiosas prædictas, per civitatem, Diocesim, & Provinciam Coloniensem ubilibet constitutas, quæ intra dictum annum regularis vitæ observantiam animo continuandi effectualiter non inceperint, post lapsum ejusdem anni, in antea ad quamcunque dignitatem fore inhabiles, ac ineligiblees, quodque post lapsum duorum annorum, a data præsentium numerandorum, nulla talium personarum religiosarum, nisi prius saltem per annum integrum immediate præcedentem, regularem tenuerit observantiam, ad quamcunque dignitatem eligibilis existat. Mandantes insuper Vobis Reverendissimo ac Reverendis Patribus Dominis, Archi-Episcopo, & Episcopis præfatis, ac omnibus aliis & singulis, ad quos de jure, consuetudine, vel privilegio electionum & personarum, ac Monasteriorum præfatorum confirmatio pertinet, ne contra ordinationem, decretum, ac declarationem nostras huiusmodi veniendo, ullam electionem de persona (ut præfertur) inhabili pro tempore factam quovis modo confirmetis, seu confirmare attentetis, siue præsumant.

Quod si secus feceritis, aut fecerint, confirmationes easdem simili autoritate Apostolica ex nunc prout ex tunc, & ex tunc prout ex nunc decernimus irritas & inanes, nulliusque existere roboris vel momenti. Et si forsân intra ipsum primum annum a data præsentium computandum, casus vacationis aliqujus dignitatis occurrerit, ad quam persona eligeretur, quæ in observantia regulari sui ordinis antea non steterit per annum, aut vitam regularem hujus-

modi nondum incepisset fervare, circa illam confirmator agere poterit, prout de juris communis dispositione fuerit faciendum.

Ut igitur hæc nostra sancta ordinatio, & charitativa admonitio, ad omnium, quorum interest, intererit, vel in futurum interesse poterit, publicam deducatur notitiam, Vobis Reverendissimo Patri Domino Archi-Episcopo, ac etiam Episcopis præfatis firmiter præcipimus & mandamus, quatenus has nostras literas, & in eis contenta, per vestras Provinciam & Dioceses, & ubicunque opus esse judicaveritis, intra unius mensis spatium a tempore receptionis præsentium insinuare, ac publicare curetis, & ea, quantum ad Vos spectat, observetis, ac ab aliis omnibus, quorum interest, faciatis inviolabiliter observari.

Datum Colonie sub nostro sigillo die tertia mensis Martii, Anno a Nativitate Domini Millesimo, quadringentesimo, quinquagesimo secundo, Pontificatus Sanctissimi in Christo Patris & Domini nostri, D. NICOLAI, Divina Providentia Papæ quinti, anno quinto.

*Authoritate Apostolica præcipitur,
ut per Provinciam Coloniensem
Dominicis diebus ad finem Col-
lectarum Missæ oretur nomi-
natim PRO PAPA &
ANTISTITE LOCI.*

NICOLAUS, MISERATIONE DIVINA TIT. S. PETRI AD VINCULA SACRO-SANCTÆ ROMANÆ ECCLESIAE PRESBYTER CARDINALIS, PER ALEMANIAM, ET NONNULLA ALIA REGNA, AC PROVINCIAS APOSTOLICÆ SEDIS LEGATUS, UNIVERSIS ET SINGULIS, AD QUORUM NOTITIAM PRÆSENTES LITERÆ PERVENERINT, SALUTEM IN DOMINO SEM-
PITERNAM.

Quoniam dignum esse dinoscitur, ut qui in Sanctorum Patrum vestigiis, quoad fidem ambulamus, eorundem etiam, quantum ex alto conceditur, sacras observantias imitemur: Apostolus autem Paulus, sciens subdi-

torum salutem in Deo accepto Præsule plurimum conservari, præcepit pro Re-ctoribus & sublimibus indefinenter preces effundi: sic etiam legimus in Apostolorum actibus, Ecclesiam sine intermissione pro Beatissimo Apostolorum Principe Petro orasse: unde existat constitutum, Romani Pontificis nomen inter Sacra debere recitari: Hoc enim Sancti Patres universalis Ecclesiæ unitati perutile arbitrati sunt: verum, sicut Romanus Pontifex universæ Ecclesiæ Catholicæ curam habet, ita in sollicitudinis partem singuli Episcopi vocati noscuntur: Quare etiam convenit, in singularum Diocesis pro Pontificibus singulis orationes effundi: Hoc quidem pro unitatis Ecclesiæ universalis, & Diocesis cujuscunque conservatione judicamus convenire: idcirco Sacro Colonienf. Provinciali Concilio, cui autoritate Sanctissimi Domini nostri, Domini NICOLAI, Divina providentia Papæ quinti, præsidemus, concorditer approbante, ordinamus, quod ex nunc in antea Sacerdos quilibet dictæ Provinciæ singulis diebus Dominicis, dum celebraverit, ad finem Collectarum, tam in principio, quam in ultimo Missæ adiacere debeat orationem, quæ sequitur: *Et Famulos tuos N. Papam, & N. Antistitem nostros, una cum universa Ecclesia Catholica ab omni adversitate custodi. Per Dominum &c.* Et ut in Colonienf. Diocesi Sanctissimus Dominus noster, Dominus NICOLAUS Papa Quintus, ac THEODERICUS nunc Antistes, sic & ipsorum Successores in præscripta oratione nominandi sunt. Ut autem omnis Sacerdos ordinationem nostram hujusmodi observans, spiritualis thesauri se gaudeat munere refectionem, cuilibet Sacerdoti pro qualibet die Dominica, qua dictam orationem Collectis ipsis adjunxerit, ut præfertur, quinquaginta dies de injunctis sibi penitentiis, autoritate nostræ Legationis, qua fungimur, misericorditer in Domino relaxamus. Volumus etiam & præcipimus, ordinationem & concessionem nostras hujusmodi per totam Colonienf. Diocesin tam regularibus, quam secularibus, exemptis & non exemptis Presbyteris, per Officalem ejusdem diligenter publicari. Datum Colonie sub sigillo nostro die tertia mensis Mar-

Martii, Anno a Nativitate Domini Millesimo, quadringentesimo, quinquagesimo secundo, Pontificatus Sanctissimi in Christo Patris & Domini nostri, Domini NICOLAI, Divina providentia Papæ quinti, anno quinto.

*Statuta CONRADI & SIFRIDI
Archi-Episcoporum, de regulari
observantia, auctoritate Aposto-
lica confirmantur, declarantur,
& ad exemptos quorumcun-
que Ordinum exten-
duntur.*

NICOLAUS, MISERATIONE DIVI-
NA TIT. S. PETRI AD VINCULA
SACRO-SANCTE ROMANÆ ECCLESIE
PRESBYTER CARDINALIS, PER ALEMA-
NIAM, ET NONNULLA ALIA REGNA
ET PROVINCIAS APOSTOLICÆ
SEDIS LEGATUS.

Quoniam Religiones multum a viis
Prædecessorum hoc tempore adeo
declinaverunt, quod in plerisque
Monasteriis non solum monastica vita,
sed & regularum scientia periisse dino-
scitur: quæ cum in Statutis Provinciali-
bus CONRADI, & Synodalibus SIFRIDI
summarie annotentur, & præcipiantur
sub excommunicationis lætæ sententiæ
pœna observari, sitque per Nos Synodo
approbante statutum, religiosas perso-
nas reformari debere per Ordinarios se-
cundum juris & Statutorum Synodali-
um formas: hinc ut in Religiosorum noti-
tiam ordinatio Conciliorum præfatorum
Archi-Præfulum deducatur, statuta illa
de Religiosis Apostolica auctoritate in-
novamus: quorum tenor ex Synodali-
bus Decretis SIFRIDI Capit. VII. sequi-
tur, & est talis: Statuimus, ut nullus
Monachus, aut Monialis claustrum suum
exeat, per civitates, villas, vel oppida
discurrendo, aut in villa Monasterio ad-
jacente comedendo, nisi ex causâ ratio-
nabili & urgente: & id tunc fiat cum
sui Prælati, vel Prælatus licentia. Quam
licentiam volumus, ut Prælatus, vel Præ-
latus non dent, nisi cautâ examinata, quæ
sit evidens, & non possit sine scandalo
denegari. Item in oratorio, refecto-
rio, & dormitorio per Monachos conti-

nuum semper silentium observetur. In
claustris vero illis horis servant silentium,
quibus observantia præcipit regularis.
In refectorio omnes comedant, & non
carnes, nisi in infirmaria. Una sit om-
nibus coquina & communis cibus, nisi
de licentia Abbatis vel Prioris, & ex cau-
sa. Speciales cameras & comestiones
ibidem districtius inhibemus. Omnes
in communi dormitorio dormiant, nisi
debiles fuerint, vel infirmi. Divinum
Officium, secundum regulam Beati Be-
nedicti, vel Augustini, & instigationes
Sanctorum Patrum, celebrent. Item
sub pœna excommunicationis lætæ sen-
tentiæ præcipimus, ut omnes Religiosi,
& præcipue Sanctimoniales, habitum,
peplum, & velum secundum regulam
ferant ubicunque fuerint constituti. Cap-
pas, manicas, tunicas, phalas, indu-
menta, tabbardos, calceos, vel caligas
non ferant, nisi Beati Benedicti, & Beati
Augustini regulæ congruentes. Quod
propter abusum, qui his temporibus in
talibus inolevit, sub pœna excommuni-
cationis lætæ sententiæ præcipimus ab
omnibus tam Monachis, quam Moniali-
bus firmiter observari. Propria non
habeant, nec pecuniam, nisi cui hoc
committitur ratione officii vel admini-
strationis sibi commissæ per Abbatem.

Item officia vel administrationes ha-
bentes, contractus non ineant, locatio-
nes quarumcunque rerum mobilium,
vel immobilium non faciant: mutuum
aliquatenus non recipiant a quocunque
præter scitum Abbatis & Conventus.
Et si contra fecerint, sciant contractum
hujusmodi non tenere, & se sententiam ex-
communicationis contra ipsos in hoc casu
a Nobis latam in his scriptis, incurrisse.
Et hæc eadem extendi volumus ad Præ-
latos & Canonicos regulares Præmon-
stratenses, & alios quoslibet Religiosos.
Item Abbatibus & Prioribus districtè
præcipimus, ut omnia & singula, quæ
ad regulam & ordinem pertinent, fa-
ciant ab omnibus & singulis inviolabili-
ter observari cum appositione pœnæ,
quæ in regula continetur: rebelles vero,
& incorrigibiles ad Nos deferentes, ut
ipsorum per Nos rebellio compescatur.
Item statuimus, ut secundum statutum
Concilii Generalis Domini INNOCENTII
Papæ tertii, per Abbates, Priores, Præ-

positos Ordinis Sancti Benedicti nostræ civitatis & Diocesis, de triennio in triennium commune Capitulum observetur. Cujus Concilii tenorem volumus, ut singuli habeant, ut sciant, qualiter hujusmodi Capitulum servare teneantur. Et quia hujusmodi statutum est negligenter servatum, licet Dominus CONRADUS, Prædecessor noster antedictus, hoc mandaverit, Nos pœnam adjicimus, & non servantes, excommunicamus in his scriptis. *Usque hac verba Statuti.*

Nos autem pro clariori intellectu ejusdem, volumus excommunicationis pœnas intelligi, in eas personas religiosas ferri, quæ aut communem vitam, aut paupertatem, modo quo supra præcipitur, aut obedientiam, aut stabilitatem in Monasterio, nisi licentia interveniat, aut quæ habitum religionis non deferunt, aut administrando sua auctoritate contractus faciunt, cujuscunque etiam religionis fuerint. Et quoniam nonnullæ reperiuntur religiones, post constitutionem dictam exortæ & exemptæ, & quæ, licet sint de Provincia Colonienſi, se comprehendi non putant, & periculosa censuram parvipendunt: hinc Nos Apostolica auctoritate decer-

nimus, statutum illud in jam dictis per Nos casibus cum sua pœna ad omnes & singulas religiones tam exemptas, quam non exemptas, etiam Cistercienses, ubilibet per Provinciam constitutos extendi: ita tamen, quod non nisi anno revoluta pœna locum sibi vendicer. Præcipimus igitur omnibus religiosis personis, exemptis, & non exemptis, per Provinciam constitutis, ut quanto citius ad reformationem se adaptent, illam recipiant, & continent. Quod si intra annum non fecerint, eo ipso in pœnam statuti prælibati, & alias juris & regularum suarum pœnas se sciant incidisse. Per hanc tamen annalem pœnæ suspensionem, non credant secum dispensatum, quominus ad votorum suorum observantiam sub pœna peccati mortalis, semper sint adstricti. Datum Colonia sub nostro sigillo die octavo mensis Martii, anno a Nativitate Domini Milleſimo, quadringentesimo, quinquagesimo secundo, Pontificatus Sanctissimi in CHRISTO Patris & Domini nostri, Domini NICOLAI, Divina providentia Papæ quinti, anno quinto.

In Statutis. Colonienſibus anni 1554. pag. 254.

ORDO SYNODI HERBIPOLENSIS

Anno MCCCCLII. celebratæ.

IN Nomine Domini. Amen. Incipit Ordo observatus in Sacra Episcopali Synodo Herbipolensi, de anno a Nativitate ejusdem Milleſimo, quadringentesimo, quinquagesimo secundo, die septima mensis Martii, quæ fuit Feria tertia proxima post Dominicam, qua in Ecclesia Dei cantabatur: Reminiscere, sollemniter in Ecclesia Herbipolensi celebrata.

In primis post decantationem Primarum, aliis subsequenter Horis Canonici omisſis, mox Succentor in Choro Sancti Kiliani Ecclesiæ præfatæ Antiphonam: Veni Sancte Spiritus, alta voce cantare incepit: qua finita legebatur Versus & Collecta de S. Spiritu.

Deinde per unum Vicarium Dominicalem Officium Missæ de Festo Annuntiationis Beatæ Virginis Mariæ, adjunctis Collectis in principio & sine de Spiritu Sancto, & de die sollemniter decantabatur.

Et post Officium Missæ mox duo Vicarii Litaniarum Sanctorum cantabant, & Presbyter, qui Missam præfatam celebravit, cum V. & Collecta de omnibus Sanctis conclusit. Item sub hujusmodi Officio Missæ; Dominus Episcopus, Decani, ceterique Canonici & Vicarii majoris, in Haugis, & novi Monasterii Ecclesiarum, in Choro Sancti Kiliani præfato, non cappis nigris induti, sed superpelliciati, absque permixtione aliarum personarum, in sedibus suis more solito se locaverunt. Aliis vero ad Synodum vocatis, ut puta Abbatibus, Decanis, Præpositis, Ecclesiarum Parochialium Rectoribus, ceterisque permixtim absque aliqua locatione in superiori parte dicti Chori existentibus. Item ad Offertorium neque Dominus Episcopus, neque ceteræ personæ accedebant propter evitare confusionem, & tumultum. Quibus sic peractis Reverendus in Christo Pater & Dominus, Dominus GOTFRIDUS Dei

Dei gratia, Episcopus Herbipolensis, ac Francie Orientalis Dux, & dictæ Sacræ Episcopalis Synodi tunc Præfident, ad Sedem sibi honorifice cum tapetis dispositam, & ornatam in gradu, quo itur de superiori parte Chori præfati ad partem inferiorem, se locavit; dorsum versus summum Altare vertendo. Et statim exposuit: Dominum Anthonium Guntheri, in Decretis Licentiatum, in Promotorem dictæ Sanctæ Synodi elegit, & alta voce eum pro tali nominari, & per medium Johannis Fabri Notarii publici subscripti publicari fecit, qui quidam Promotor officium suum incipiens, primo de mandato dicti Domini Episcopi, & Præfidentis omnes personas laicales sub excommunicationis pena de Choro præfato exire jussit: ex post jamis ipsius Chori undique clausi ac custodibus ad eas assignatis, Promotor prædictus ordinem in Sessionibus tribuens, ad latus præfati Reverendi Præfidis dextrum primo, Dominum Vicarium in Pontificalibus, & subsequenter Dominos Sanctorum Burchardi, Stephani, & Jacobi Scotorum intra & extra muros Herbipolensium Monasteriorum. Abbates: Amerbach, Sluchternensis, Theres, Camberg, Bancz, Raten, & cæter. Ad latus vero sinistrum in Neuenstat, Murbart, Smarzach, Aurach, Pracu, Steina, & Feysdorff, Herbipolensis Diæcesis Abbates, non tamen mitratos locavit.

Item deinde Dominum Decanum Majoris Ecclesiæ de loco suo consueta ascendere fecit, idem Promotor ad primum stallum in superioribus sedibus versus gradum, quo descenditur ad altare Beatae Virginis Mariæ, & ad latus ejusdem Decani in mediate Dominum Decanum Ecclesiæ Onolzspacensis locavit, & consequenter seniores Canonicos de Choro Domini Decani gradatim descendendo, in Choro vero Domini Præpositi suo modo fecit, & propter absentiam ipsius Præpositi seniorelem Canonicum ad primum stallum in superioribus sedibus versus gradum, quo descenditur ad altare Sancti Petri locavit, & post omnes Canonicos majoris Ecclesiæ in choro Domini Præpositi in superioribus sedibus sedere fecit Decanos in Oringiu, Moszbach, Smalkaldensis & Rombilt. Ad pedes vero Domini Episcopi in superiori parte gradus Dominos Doctores & Licentiatos ipsius Domini Episcopi Consiliarios locavit. Ad pedes illorum gradatim descendendo duos ipsius Synodi Notarios subscriptos. Et post hos gradus ante pulpitum chori ponebant scamna, in quibus locabantur Præpositi in Heidenfeldt, Trifenstein,

Langenczenfis Dominorum Abbatum absentium Procuratores, nec non Præpositi in Koburg, castelli Beatae Virginis Mariæ in Reczbach, & Archi Diaconus Fuldenfis, Priores, & Guardiani Ordinum Mendicantium, ex post Decani rurales, Procuratores, & Dissinitores. In aliis vero ordo sedendo non curabatur, sed quilibet sedebat, aut stabat, prout sibi videbatur congruere. Quibus locatioribus sic, ut præmittitur, factis Promotor præfatus palam & publice protestabatur, quod per talis modi locationem nulli jus de novo acquirere, aut quæsitum perdere in sedendo prointenderet. Ac subsequenter Dominus JOHANNES SCHIMEL - PFENNINGH, in sacra Pagina Licentiatum, Prædicator in summo, ex jussu PROMOTORIS locum, in quo legitur Evangelium diebus non festis, ascendit, ac Verbum Dei proposuit, exortando omnes ad bonos mores sectandum & abstinendum a viciis. Subsequenter Promotor sermone finito eundem locum, in quo Prædicator suam collationem fecit, mox ascendit, ac arengam præmisit hujusmodi sub tenore:

Præfatio Promotoris ante Synodum.

Reverendi, Venerabiles, Conscriptique Patres & Domini mei, in Sancta hac Synodo ad mandatum Reverendissimi in Christo Patris & Domini nostri communis, Domini GOTFRIDI, hujus inclitæ Herbipolensis Ecclesiæ Præfalis in præsentiarum ex debito præfidentis congregati. Idem Reverendissimus Pater, & Dominus noster communis prævida meditatione attendens, quod non ideo felices Episcopi, seu Pontifices quia præsunt. Sed si non præsunt, infelices reputari debere remediis subjectorum, cum vellet, prout ex pastoralis tenebatur officio invigilare. Inter cæteras suæ sollicitudinis curas id potissime suæ Dominationis specialius admonebat animum. Quod omne vicium tanto scelestius in se crimen habet, quanto qui peccat major habetur. Ita, ut ipso peccato nonnunquam ob multitudinem impune parcitur. Et in Sacerdotibus, qui ad ferendum vasa Domini sanctificati esse jubentur, minime toleratur, cum in eorundem infamiam, si criminosi fuerint, omnium pene linguæ æquantur.

Unde a die, qua nōbīlis ista Herbipolēsis Ecclesia suam dominationem de subdito in Prælatum, de discipulo in Magistrum, & de filio in Patrem elegit, provida sollicitudine & mediis, quibus potuit publica Cleri sui flagitia prona admonitione removere studuit. Licet usque in præsentem diem modicum & quasi nihil profecerit. Intuetur enim adhuc claro lumine nonnullos Sacerdotes, filios plorationis æternæ, manu sacrilega, ac ore polluto, priusquam manus suas per veram pœnitentiam, & totalem dimissionem suspectarum mulierum, ad quam caritative variis modis per suam Paternitatem, sunt requisiti, non lavisse, & tamen altare Domini circuire, Missas absque earundem a sede elongatione dicere, ac Sacramentum, in quo vita consistit, recipere, & suis mortuis membris incorporare, immo, ut verius dicam, incarcerare; aliosque suæ etiam ditioni subiectos, ad munera sic avaritiæ oculos apertos habere, ut pro pecunia & commissis ovibus tondendis, seu verius excoriandis non formidant iudicis officium assumere, jura confundere, lites suscitare, innocentes diffamare, transactiones rescindere, dilationes concedere, veritatem suppressere, fovere mendacium, æquitatem vendere, inihiare exactionibus, versutiis concinnare, verbis & clamoribus pauperibus insidiari, laqueos tendere, benedicta deturpare, prudenter allegata pervertere, simulationes nutrire, fœdera rumpere, matrimonia dissolvere, fornicationes dissimulare, adulteria & cætera peccata fovere, ac Sacramenta & absolutiones vendere, non volentes gratis accepta juxta Evangelicam veritatem gratis dare. Ne igitur sua Paternitas ob remissam correptionem digna circa majores objurgationi constituatur. Sed ut quilibet Ecclesiasticus suæ Dominationi subiectus ex sua paterna correptione fieri possit & dici, Ductor & Doctor vitæ speculum, oculus cæci pœnitentiæ forma, Sanctitatis exemplum, præco Domini, tuba Evangelii, amicus sponfi, lingua muti, pes aridi, sal terræ, lumen Franconiæ, Minister Altissimi, Vicarius Episcopi, immo Episcopus Domini, Vos Dominos meos & Patres, Prælatos, & Presbyteros pro communi profectu virium & totius pro-

vinciæ ad hanc Sanctam Synodum, & in præsentem horam duxit convocandos, ubi Divino Officio primo & deinde Verbi Dei pabulo per oraculum Venerabilis Magistri JOHANNIS SCHIMELPFENNING, in sacra Pagina Licentiat, laudabiliter Deo gratis peractis Vos refici voluit. Et tertio & ultimo meæ parvitati, ut publicarem Statuta novissime in Sancta Provinciali Moguntinensi Synodo conclusa, & promulgata injunxit. Quorum tenor sequitur in hunc modum:

Qua arena finita mox idem Promotor Statuta Provincialia subsequēntis tenoris alta & intelligibili voce de verbo ad verbum legit & publicavit.

Reverendissimus in Christo Pater & Dominus THEODORICUS, Archi-Episcopus Moguntinus &c. super propositis pridem & assatis in Sacra Provinciali Synodo ad diem Dominicum post festum Sancti Martini, de anno Domini Millesimo, quadringentesimo, quinquagesimo primo cum continuatione dierum sequentium, per suam Paternitatem Reverendissimam indicta, una cum Comprovincialibus, sive Suffraganeis, & eorundem Procuratoribus deliberavit, ac in modum infra scriptum conclusit.

Primo Synodus ipsa acceptat Ordinationem sive Decretum Sacri BASILIENSIS GENERALIS Concilii de Provincialibus & Diocæsanis Conciliis celebrandis editum, ac dudum per Nationem nostram acceptatum, in antea praticari & observari præcipit. Voluitque quod quo ad Missas, Letanias, & Orationes cum cæremoniis per Reverendissimum in ipso Patrem & Dominum, Dominum NICOLAUM, titulo Sancti Petri ad Vincula Cardinalem, Apostolicæ Sedis per Germaniam Legatum, jam observatum de cætero ipsa Provincialia Concilia celebrentur, & observentur, prout & antiquitus fieri solitum est, & consuetum fuit, quæ & in libris Statutorum Provincialium conscribi vult, & registrari.

Tenor vero Statuti Sacri Basiliensis Concilii, de quo supra fit mentio, sequitur, & est talis:

SACROSANCTA GENERALIS SY-
NODUS BASILIENSIS IN SPIRITU
SANCTO LEGITIME CONGREGATA
UNIVERSALEM ECCLESIAM RE-
PRESENTANS, AD PERPE-
TUAM REI MEMO-
RIAM.

PRidem hæc Sancta Synodus quod-
dam saluberrimum promulga-
vit Decretum pro stabilitate & robore
Generalium Conciliorum, quorum
frequens celebratio præcipua est agri Domi-
nici cultura. Verum cum ad eandem
culturam non dubium sit pertinere
Episcopales Synodos, & Concilia Pro-
vincialia, prout veteres Canones de-
creverunt frequentari.

Finis: " Datum Basileæ in Sessione
publica ejusdem Sanctæ Synodi, in
Ecclesia majori Basiliensi solemniter
celebrata VI. Kalendas Decembris, an-
no a Nativitate Domini Millefimo, qua-
dringentesimo, tricesimo tercio.

ACTA POST SYNODUM

ANNOR. 1451. - 1452.

*Finita Lectione Statutorum præfatorum anni
1452. Promotor sæpe fatus de mandato
Reverendi in Christo Patris, & Domini
GODFRIDI Dei gratia Herbipol. Præ-
sulis reveritissimi, & dictæ Synodi presidentis,
omnes in eadem Synodo constitutos in ho-
ram ejusdem diei primam conveniri jussit
in loco Capitulari Ecclesiæ majoris Herbi-
pol. ac hora prædicta superveniente tra-
ditum Sancti THOMÆ de AQUINO
præinsertum Statutis Provincialibus de
articulis fidei, & Ecclesiæ Sacramen-
tis de verbo ad verbum idem Promotor
etiam in Domini Episcopi præsentia, Ab-
batibus in dextro, & Canonicis majoris
Ecclesiæ in sinistro lateribus sibi conseden-
tibus publice legit, & seriatim intima-
vit. Ex post Tractatu præfato finito de
mandato præfati Reverendi Patris ipsius
Sacra Synodi præsentis omnes, & singulos
ad eandem Synodum vocatos ad pulsam
majoris campanæ in crastinum ad Chorum
Sancti Kiliani Ecclesiæ majoris Herbipol.
pro continuatione Synodi convenire jussit,
& fecit. Die vero octavo mensis Martii,
quæ fuit feria quarta post Dominicam Re-*

*miniscere anni præmentionati de mane
hora primarum post pulsam majoris cam-
panæ, Succentor Antiphon. Veni sancte
Spiritus cantare incepit, sicut in die
præcedenti, & Presbyter pro officio Mis-
sæ decantandæ indutus Vess. & Collect.
De Sancto Spiritu legit, & tandem
officium non peculiare, sed de ipsa feria
decantavit: omiſſa Sanctolorum Letania.
Quo finito Dominus Antonius Promotor
præfatus post sessionem Domini Episcopi
in sua sede facta omnes, & singulos Præ-
latos, ceterosque, ut die besterna locati
fuerunt, sedere jussit, & auctoritate
Domini Præsidentis mandavit, & lai-
cos, uti die præcedenti, sub excommunica-
tionis pena de choro abscedere fecit, tan-
dem januis chori clausis ad locum suum
sicut in præcedenti die se convertit, & sub-
sequentem arcam præmisit.*

Quia Reverendi conscriptique Pa-
tres, & Domini mei Prælati, Re-
ctores, & Presbyteri in hac San-
cta Synodo congregati, expedit Re-
verendissimo Patri ac Domino nostro com-
muni, Domino GODFRIDO Nobilis hu-
jus Herbyopol. Ecclesiæ Episcopo, quati-
nus sic respiciat in faciem Ecclesiæ suæ,
ut arripiat judicium manus ejus hodie,
& ventilet cornu Syriæ, intonet contra
Edom, fulminet contra Bethel, contra
idola Egypti, contra pingues Samariæ,
contra Sacerdotes Baal, contra Pastores
seipsos, & non gregem pascentes, contra
Judices & Officiales, qui iniquas con-
dunt leges, contra canes mutos non va-
lentes latrare, contra amphoram Za-
chariæ, contra vasa Pastoris stulti, contra
ambitionem Simonis Magi, contra ty-
rannidem sæculi, & rebellionem clauſtri,
contra oppressores Sacerdotum, contra
denique turbatores Ecclesiæ, & omnes
fidei, & mortum subversores: sua enim
Dominatio ex debito Pastoralis officii te-
netur, & deinceps vult, de quo vos
certos reddit, se exhibere benignum hu-
milibus, rigidum superbis, misericor-
dem penitentibus, inflexibilem obsti-
natis, Joannem incestuosus, Matthiam
apostatus, Pinees fornicatoribus, Hely-
am ydololatriis, mentientibus Perum,
blasphemantibus Paulum, & negotian-
tibus Christum, ut sic ædificare, destrue-
re, & evellere ad Domini verbum pos-
sit, & reddere sibi plebem perfectam.

Qua-

Quapropter pro continuatione hujus Sanctæ Synodi statuta subsequētia per me legi mandavit.

Quia collatione finita, quia tædiosum, & fortasse inutile fuisset, omnia, & singula Statuta Provincialia, & Synodalia legi, Promotor certa statuta decem & septem in numero pro ea vice magis accommodata alta & intelligibili voce legit.

Primum statuimus ad terrorem malefactorum de scrutinio in ordine faciendo. Secundum, cum sit reprehensione dignum de Officio Vicarii. Tertium, nulli Capellani nobilium. Quartum, quia ex statuto Concilii Provincialis. Quintum, superstitionem quarundam personarum invidiam, de majoritate, & obedientia. Sextum, statuitur contra conspiratores de jure jurando. Septimum, statuitur, ut quicumque defuncto Episcopo, ne sede vacante aliquid innovetur. Octavum, ad abolendam de Domino Domini consuetudinem. Nonum, intelleximus, quod nonnulli, de Testamentis. Decimum, item quicumque Monachus in lapsum carnis, de Statu Monachorum. Undecimum, statuitur, quod Clericus, sive laicus. Duodecimum, item prohibemus in virtute sanctæ obedientiæ, de Jure Patronatus. Tredecimum, olim, ut infra limites, de raptoribus. Quartumdecimum, statuitur, ut Canonicus, de injuriis. Quintumdecimum, ad evitandum scandala, & multa pericula. Sedecimum, si concubinæ. Decimum septimum, dum bonæ memoriæ, de Sententia excommunicationis.

Quibus Statutis de verbo ad verbum summarium uniuscujusque præmittendo lectis, Promotor ad mandatum Domini Episcopi Præsidentis in hunc, qui sequitur modum, publicavit.

Reverendus in Christo Pater, & Dominus, Dominus GOTFRIDUS Dei gratia, Episcopus Herbipolen. hujus Sacræ Episcopalis Synodi Præsidentis, innovat non solum jam lecta, sed & omnia Statuta Synodalia per olim bon. mem. MAN-GOLDUM, GODERIDUM, WOLFRA-MUM, JOHANNEM, & JOHANNEM, ac alios Episcopos Herbipol. nec non per suam Paternitatem in unum volumen redacta, & illa publicari, atque observari, & a quibuscumque Prælati, ac Ecclesiarum Parochialium Rectoribus civitatis, & Diœ-

cesis Herbipol. infra duorum mensium spatium a die præsentis numerandum in scriptis recipi vult, & mandat.

Ex post dictus Promotor nomine omnium dicto Reverendo Patri subsectorum humiliter supplicavit, ut censuris, & penis innodatos occasione statutorum Synodali-um pro hac vice absolvere dignaretur. Unde idem Dominus Episcopus deliberatione præhabita more pii Patris per organum Domini Georgii Hoeloch, decretorum Doctoris in hunc, qui sequitur, modum respondit:

Cum præsens annus Jubilæus propter largissimas indulgentias Apostolica autoritate concessas merito annus gratiæ dicatur & sit, ideo Reverendus in Christo Pater & Dominus, Dominus GOTFRIDUS, Episcopus Herbipol. gratiam, quam potest suis subditis ad instar Apostolicæ Sedis facere, & exhibere volens omnes, & singulos sibi subiectos a quibuscumque excommunicationum, suspensionum, & interdicti sententiis, censuris, & quibuscumque aliis poenis vigore dictorum Synodali-um Statutorum generaliter promulgatis, & fulminatis sine tamen præjudicio juris cujuscumque quæsi absolvit, nec non interdictum Ecclesiasticum, & Divinorum cessum per eadem statuta in quæcumque Monasteria, Ecclesias, Capellas, seu alia loca latum relaxat per præsentem, illis duntaxat, qui publici concubinarij sunt, aut qui bona Ecclesiæ Herbipolens. defuncto Episcopo occupaverunt, exceptis. Nullam etiam per præmissam absolutionem, & relaxationem ad futura delicta, & excessus spem impunitatis tribuere intendit, sed de cætero contra præfata Synodalia statuta delinquentes punire vult juxta excedentium demerita.

Subsequenter contra elemosynarum quæstiones de omnium consensu, ac novum Statutum sub tit. De pœn. & remis. situandum, dictus Dominus Episcopus publicari fecit.

Cum Divinorum Officiorum Rectores in Divinis Officiis & Parochialibus juribus per elemosynarum quæstiones sæpius turbentur, statuimus, & ordinamus, ut hujusmodi quæstiones vigore litterarum: autoritate nostra ipsis concessarum, aut in antea concedendarum, in festivi-

tati-

ratibus Nativitatis Domini nostri JESU CHRISTI, Paschæ, Pentecostes, Nativitatis glorioſæ Virginis Mariæ, Purificationis, Annuntiationis, & Assumptionis, nec non in Ecclesiarum Parochialium Patrocinii, & ipsarum Dedicationum Anniversariis, deinceps ad stationes faciendas, aut elemosynas in ipsis Ecclesiis petendas, nequaquam admittantur.

Tandem contumaciam omnium & singulorum absentium, vocatorum, & præfatæ Synodi interesse debentium accusavit, & eos contumaces reputari, ac processus contra eosdem in debita forma decerni petivit. Dominus Præſidens legitime vocatos, & absentes contumaces, prout erant, reputavit, & contra eosdem processus decrevit. Subſequenter futuram Synodum Episcopalem de proxime in Ecclesia Cathedrali Herbipolensi in Feriam tertiam poſt Dominicam, qua in Ecclesia Dei cantabitur Jubilate, anni Domini Millesimi, quadringentesimi, quinquagesimi tertii præſatus Promotor ad juſſum ſæpeſati Domini Episcopi ſolemniter celebrandam, publice indixit.

Præterea Synodum ipsam Episcopalem ex tunc celebratam Promotor concludi petiit.

Quam Dominus Præſidens pro conclusa habere voluit, & conſuſit. Poſtremo ſuper omnibus & ſingulis in hac Sacra Episcopali Synodo Herbipolensi actis, geſtis, publicatis, intimatis, lectis, ſtatutis, ordinatis, & mandatis ſæpeſatus Promotor Notarios publicos ſubſcriptos, & eorum quemlibet in meliori forma, qua potuit, & debuit ut ſupra &c. requiſivit. Et tandem benedictionem & licentiam nomine omnium in eadem Synodo exiſtentium humiliter genuflexus, & capite inclinato debita cum instantia poſtulavit, quos Reverendus in Chriſto Pater & Dominus, Dominus GOTFRIDUS Episcopus & Præſidens ſæpeſatus, benedicens in Chriſti nomine licentiavit.

In quorum evidens teſtimonium præmiſſorum Nos GOTFRIDUS, Dei gratia Episcopus, & Præſidens præſatus, hunc libellum omnia & ſingula in dicta Synodo acta, geſta, publicata, intimata, lecta, ſtatuta, ordinata, & mandata in ſe continentem fieri, & per Notarios, & quemlibet eorum infra ſcriptos ſubſcribi,

Tomus V. Concilior. German.

& publicari juſſimus & fecimus. Datum & actum anno, diebus, horis & locis ſupra ſcriptis, Indictione quinta decima, Pontificatus Sanctiſſimi Domini noſtri, Domini NICOLAI, digna Dei providentia Papæ QUINTI, anno ejus ſexto, & Nativitatis Domini noſtri JESU Chriſti Millesimo, quadringentesimo, quinquageſimo ſecundo. Præſentibus ibidem Honorabilibus Viris Dominis Richardo de Maſpach majoris, Eckario de Milex in Haugis, & Gregorio Ledenther novi Monasterii diſtavum Eccleſiarum Decanis. Johanne Duwer, & Georgio Hobenloch Decretorum Doctoribus, teſtibus ad præmiſſa vocatis pariter, & rogatis.

Et ego Johannes Fabri, Clericus Maguntin. Diaceſ. publicus Imperiali autoritate Notarius, Reverendique in Chriſto Patris & Domini, Domini GOTFRIDI, Episcopi Herbipol. nec non officiorum Vicarius & Officialatus ejusdem, ipſiusque Curia Herbipol. Scriba juratus, quia præmiſſis omnibus & ſingulis in dicta Sacra Episcopali Synodo actis, geſtis, dictis, publicatis, intimatis, lectis, ſtatutis, ordinatis, & mandatis, & in proximo præcedenti Libello viginti quinque folia cum dimidio continente, per alium (me certis aliis præſedito negotiis) fideliter conſcripto, dum ſic, ut præmittitur, in dicta Synodo fierent, & agerentur una cum teſtibus ſupra, & Connotario meo a tergo ſcriptis, præſens interfui, eaque ſic fieri vidi, & audivi. Ideoque de præſati Reverendi Patris & Domini, Domini GOTFRIDI Episcopi Herbipol. mandato & juſſu præſentem libellum manu mea propria cum Connotario meo a tergo ſubſcripto, ſubſcripſi publicavi, & in hanc formam publicam redegi, ſignoque & nomine meis ſolitis & conſuetis conſignavi rogatus, & requiſitus, in fidem & teſtimonium omnium & ſingulorum præmiſſorum.

(L.S.)

JOHANNES FABRI.

Et ego Johannes Moler, Clericus Herbipolensis Diaceſ. publicus ſacra Imperiali autoritate Notarius, quia præmiſſis omnibus & ſingulis in dicta Sancta Synodo Episcopali Herbipol. actis, dictis, geſtis, publicatis, lectis, intimatis, ſtatutis, ordinatis, & mandatis, ac in præcedenti

H h h

Libel.

Libello viginti quinque cum dimidio foliorum, per alium, me certis negotiis prædicto, fideliter descripto, dum sic, ut præmittitur, fierent, & agerentur, una cum testibus & Notario supra scriptis præsens interfui, eaque sic fieri, vidi, & audiui; Ideo præsentem Libellum manu mea propria cum Notario prædicto subscripsi, publicavi, & in hanc publicam formam redegi, signoque, nomine, & cognomine meis solitis & consuetis consignavi rogatus, & requisitus in fidem,

& testimonium omnium & singulorum præmissorum.

(L.S.) JOHANNES MOLER.

Clarissimus Lunig Continuatione II. Spicilegii Ecclesiastici a pagina 1048. ad pag. 1059.

Ex Libro impresso in Folio Litera Petri sine mentione ulla anni & loci. Credo Wurceburgi impressum, vel Moguntiae post annum 1470.

CONCILIIUM PROVINCIALE MAGDEBURGENSE

Anno Christi MCCCCLII. Nicolai V. Papæ VI.
Friderici III. Regis XIII.

ANNO MCCCCLII. Feria VI. ante Pentecosten Dominus Cardinalis NICOLAUS DE CUSA, Legatus per Almaniam, venit in Berga, & volens intrare civitatem Magdeburg, multi scripti & banniti volebant cum eo intrare, quos consularus recusabat intrmittere, & sic processio rediit; tandem tractantes & conventum fuit, quod illi, qui non essent banniti, possent crucem sequi, & sic in die Pentecostes de mane solenniter cum processione introductus fuit

cum Archi-Episcopo (a) in Insula incendens, & isto die summam celebravit Missam, & convocare fecit Suffraganeos ad Concilium Provinciale celebrandum, & duo tantum comparuerunt, scilicet Brandenburgensis (b), & Merseburgensis (c), ubi aliqua Decreta statuta fuerunt rationalia & temporari congruentia, quæ post recessum suum toti Clero fuerunt publicata.

Anonymi Chronicon Magdeburgense apud Meibomium Tom. II. Scriptorum Germaniæ pag. 361.

Quomodo Dominus Cardinalis de CUSA in publica Sessione Magdeburgensi commisit Præpositis, JOHANNI IN NOVO OPERE, & PAULO AD S. MAURITIUM Monasteriorum Ordinis Canonicorum Regularium Visitationem & Reformationem per Provinciam Magdeburgensem & Maguntinam.

CAPITULUM I.

Reverendissimus Dominus Cardinalis NICOLAUS de Cusa, Apostolicus de latere Legatus, cum ad Oppidum Hallense pervenisset, ab omni Clero & populo devotissime fuit susceptus, cujus notitiam tunc primum ipse contraxit. Dein in civitatem Dicecesis Metropolitanam Magdeburgensem descendens,

omnes Suffraganeos Episcopos Magdeburgensis Provinciae ad Synodum, per eum celebrandam, convocavit, cum omnibus suis majoribus Prælatibus, & in dignitate constitutis; videlicet Magdeburgensem Archiepiscopum, Merseburgensem, Nurembergensem, Misnensem, Brandenburgensem, & Havelburgensem Episcopos. Omnibus

- (a) Fridericus Comes de Beichlingen accessit ad Cathedram anno 1445. Lunæ post Jubilate, mortuus in odore Sanctitatis anno 1464. 11. 9bris. *Leitzen.*
(b) Stephanus II. Episcopus Brandenburgensis XII. sedit ab anno 1422. ad 1459. *Leitzen.*
(c) Joannes Boso Martisपुरgi electus anno 1433. obiit 1463. *Naucker.*

bus in Ecclesia Magdeburgensi pariter congregatis, Dominus Cardinalis, Archiepiscopus, & Episcopi, mitris suis infulati, in circuitu sedebant Sanctuarii, singuli in sedibus suis: & retro eos Domini Abbates, Præpositi, Priores, Guardiani, Decani, cunctique Prælati alicuius dignitatis Ecclesiæ illius Cathedralis in stallis chori sui se collocaverant; reliqui omnes Spirituales, Religiosi, & seculares Presbyteri, in navi chori inter stillos cantorum pariter sederunt. Tunc Dominus Cardinalis, in gradibus Sanctuarii sedens, exoritur est dicens: Reverendissimi, Venerandi, & Venerabiles Patres; Sanctissimus in Christo Pater Dominus noster NICOLAUS *Papa V.* ad Almania totam, & ad istam me misit provinciam pro Cleri, & Religiosorum omnium reformatione, eorum *ab erroribus inventis* ad verum statum Christianæ Religionis plenaria reductione. Primo ergo omnium *Ordinem* reformare volumus *Canonicorum Regularium Alni Patris Augustini*; ad quem reformandum assumere volumus *Patrem* a juventute sua in regulari observantia bene institutum, *Domini Joannem*, Præpositum novi operis, personam nostram designans. Quo audito, pro ejus reverentia surrexi, & super pedes steti. Tunc adjecit: & in socium adjungimus ei *Doctorem Paulum*, Præpositum ad S. Mauritium Hallis sui ordinis. Commisit autem Nobis visitationem, & reformationem *viginti Monasteriorum* nondum tunc reformatorum *per Saxoniam, Thuringiam, & Misniam* ordinis nostri utriusque sexus, formam visitationis, & reformationis eorum in Bulla, sigillo suo firmata, Nobis describens; unum *Provinciale Capitulum* Canonicorum Regularium in Saxonia in Monasterio Novi operis prope Hallas Magdeburgensis Diocesis singulis annis in Exaltatione S. Crucis mandans celebrari; statuta Canonica, seu constitutiones Capituli Generalis de Windesem, quæ incipiunt: *Quoniam ex prescripto regule &c.* per omnia in eodem Capitulo volens observari. Tunc si in eisdem statutis forent aliqua moribus patriæ non congruentia, illa Capitulum illud Provinciale de consilio Domini Magdeburgensis, auctoritate Apostolica, posset immutare. Dedit etiam Nobis plenam auctoritatem,

omnes & singulos, Visitatores, & Reformatores suos recipientes, ab omnibus sententiis suspensionis, excommunicationis, & interdicti, a jure, vel ab homine generaliter promulgatis, absolvendi, & ab omni irregularitatis, inhabilitatis, & infamiae macula rehabilitandi, & dispensandi. Dedit etiam alia multa Nobis privilegia, quæ in libris, Nobis desuper datis, sunt expressa hujusmodi sub tenore.

CAPITULUM II.

Bulla Concessionis ejusdem, de verbo ad verbum:

NICOLAUS, MISERATIONE DIVINA TIT. S. PETRI AD VINCULA SACRO-SANCTÆ ROMANÆ ECCLESIAE PRESBYTER CARDINALIS, APOSTOLICÆ SEDIS PER ALEMANNIAM LEGATUS, VENERABILIBUS IN CHRISTO NOBIS DILECTIS PATRIBUS, AC RELIGIOSIS PERSONIS, ABBATIBUS, PRÆPOSITIS, PRIORIBUS, PRIORISSIS, ORDINIS S. AUGUSTINI CANONICORUM REGULARIUM, PER PROVINCIAM MAGDEBURGENSEM ET MAGUNTINAM, SAXONIAM, ET THURINGIAM UTILIBET CONSTITUTIS, SALUTEM IN DOMINO.

Divina pietate Ecclesiam Sanctam misericorditer respiciente actum esse, quis poterit dubitare, quod in hoc tempore Sanctissimus Dominus noster, Dominus NICOLAUS *Papa V.* Pastor vigilantissimus eidem Ecclesiæ præfectus extitit; cujus diligentissima cura ad hoc indefinenter attendit, ut oves sibi creditas in salutis viam dirigere possit, & in Dei charitate unumquemque pro suo debito ardere procuret. Idcirco sua Sanctitas ad sacerrimam vestram religionem oculos attollens, Nobis districte præcepit, atque singulariter dedit in mandatis, ut per singula commissæ Nobis Legationis loca eam sollicitudinem, quantum ex alto conceditur, adhibeamus, quod omnis, siqua exorta videretur, deformitas, a vestra religione Divina, Apostolica visitatione amoveatur, sacraque Religio in sanctis observantiis reviviscat: cumque Nos, permultis etiam aliis occupati negotiis, ad singula vestra loca personaliter accedere non valeamus: per alios nostros Commissarios id

ipsum explere compellimur, quod nostra in persona facere nequimus. Hinc Venerandos in Christo Patres, *Johannem* Novi operis, & *Paulum S. Mauricii* intra muros oppidi Hallensis Monasteriorum Præpositos, de quorum fidei integritate, & optimo zelo ad Dei cultum, & religionis observantiam, plurimum annuente Domino speramus, Apostolica autoritate vestri ordinis Visitatores deputamus, eosque ad vos, & ad singula vestra Monasteria utriusque sexus, ad visitationis officium plenarie exercendum, cum omni facultate ad hoc necessaria transmittimus. Quibus præcipue dedimus in mandatis, ut ipsi solum Deum præ oculis habentes, omni sinistra affectione postposita, dispositiones, statum, & conditionem omnium, & singulorum virorum, tam exemptorum, quam non exemptorum, & personarum, & in ipsis, & in ipsorum quolibet degentium, primum a capite incipiendo, dein ad alias personas descendendo usque ad ultimam, sollicite, & diligenter inquirant, & inquisita debite conscribant, vel conscribi faciant; omniaque, & singula, quæ a regula, & statutis Capituli de Windeſem, quæ incipiunt: *Quoniam ex præscripto regula &c.* per MARTINUM Papam V. approbatis, devia esse compererint, emendare procurent. Ubi vero in visitatione hujusmodi graves excessus, & incorrigibiles personas eos reperire contingeret, quod tunc invocato ad hoc auxilio brachii secularis, ad extirpationem criminum, & deformitatum omni diligentia adhibita procedant. Volumus etiam, quod omni diligentia hujusmodi Visitatores invigilent, ut tria substantialia omnis religionis scilicet *paupertas, castitas, & obedientia* exactissime observentur, & uniformitas habitus, ac morum in vestro ordine, ubique observetur; ita quod nemo Canonicorum Regularium ordinis vestri utriusque sexus Professus, nisi forte (a) redditus foret, quod ad Sacros Ordines promoveri non possit, sine *Roqueto Romano cum manicis*, deinceps incedere præsumat, omnibus dispensationibus in contrarium concessis, vel statutis quibuscunque non obstantibus; quæ omnia tenore præsentium irrita fore decernimus. Siqua vero alia in statutis prænarratis forent expressa,

quæ propter evidentem causam merito forent immutanda, illa dispositioni, & ordinationi Patrum ac Definitorum ordinis vestri, in Capitulo Provinciali in Novo opere partium Saxoniarum, in *Exaltatione S. Crucis*, singulis annis congregatorum, reservamus. Quod quidem Capitulum Provinciale juxta tenorem statutorum præmissorum singulis annis in tempore præfato, ab omnibus Monasteriis vestris prænominatis, sub pœnis in *Concilio Magdeburgensi* de Religiosis informandis, præcipimus, & mandamus diligenter observari. Unde & volumus, quod prædicti nostri Commissarii, & Visitatores nonnullas vestras ordinationes, & statuta, quæ ad Dei honorem animarumque salutem vestrarum, pro reformatione, introductione observari mandamus, vobis omnibus, & singulis insinuent & publicent; & ubi vos per observantiam regularem gratiæ Dei capaces invenerint, plenariæ indulgentiæ cum injecta facili pœnitentia participes esse faciant: cum potestate vos omnes, & singulos a quibuscunque excommunicationis, suspensionis, & interdicti sententiis, censuris & pœnis, ab homine, vel a jure generaliter promulgatis, sine præjudicio juris cujuscunque absolvendi, nec non interdictum, occasione præmissorum ab Ecclesiâ per Statuta Provincialia, vel Synodalia, aut alia quovis modo in Monasteria, & Ecclesiâ vestras latum, relaxandi, vosque ab omni irregularitatis, inhabilitatis, & infamiæ macula, si qua sitis ligati, Divina celebrando, vel eis se ingerendo, aut ordines suscipiendo, vel quam alias qualitercunque, contraxistis, vel incurristis, dispensandi, vel rehabilitandi: vobis etiam, si in Monasteria per simoniacam pravitatem ingressum fortassis habuistis, ut remanere possitis; data quoque & accepta, Monasteriis, quibus data reperiuntur, ad usus communis utilitatis, ut remanere possint, autoritate Apostolica dispensandi, aut, si opus fuerit, Abbatibus, Prioribus, vel Priorissis, & aliis Præfidentibus hujusmodi visitandis, si alias hoc eorum merita exegerint, in foro conscientiæ de novo providendi, fructusque male perceptos misericorditer remittendi, & desuper quitandi. Volumus etiam, quod dicti nostri, uti verius Sedis Apostolicæ Vigi-

(a) forte: creditus.

Visitatores & Nuncii, & eorum quilibet, gaudere valeat omni salvo conductu, libertate, privilegiis, a Sede Apostolica, & etiam Regia Majestate Nobis quomodolibet concessis, ita & taliter, quod dicti Visitatores, & eorum quilibet, in hujusmodi Visitationis officio ad quemcunque locum declinantes, a nullo omnino hominum, quacumque etiam præfulgeat dignitate, autoritate, vel potestate, invadi, spoliari, detineri, incarcerari, vel arrestari valeat, ac possit, etiam ratione quorumcunque debitorum, vel quavis alia occasione ipsis in hujusmodi visitationis officio constitutis. Cumque ipsi propter dictarum provinciarum latitudinem, Monasteriorumque in eis multitudinem, ac ipsorum etiam Visitorum legitimum, vel ex parte rei familiaris, vel alias occupationem, ad hujusmodi explendum visitationis officium singulis annis occurrere non possint; ne ipsos Visitatores, & visitandos nimium gravari, vel ipsorum Monasteriorum visitationes differri, vel penitus impediri contingat: in proximo Capitulo Provinciali, loco & tempore prænarra- tis celebrando, *Comvisitatores*, juxta tenorem statutorum præfactorum, ordinari volumus. Insuper, & ipsis Visitoribus cunctis limites, & terminos deputavimus, & deputamus præsentis, videlicet *Diece- sis Magdeburgensem, Merseburgensem, Nuen- burgensem, Brandenburgensem, Havelbergensem, Halberstadtensem, Hildesheimensem, Per- densensem, Saxoniam, ac Thuringiam*: & præ- cipue Monasterium regularium in Erfordia Maguntinensis Diocesis, & Montis S. *Geor- gii* prope Goslarium Hildesheimensis Diocesis, prætaxatis Visitoribus, *Johanni, & Paulo* Præpositis, præsentium sub te- nore committimus. Vobis omnibus & singulis Abbatibus, Præpositis, Priori- bus, Priorissis, singulisque Personis Monasteriorum citatarum Diocesium, & locorum prædictorum, exemptis, & non exemptis Ordinis S. Augustini Canonicorum Regularium utriusque sexus, autoritate Apostolica in virtute sanctæ obedientiæ, ac sub pœnis excommuni- cationis, quam in singulares personas, & interdicti, quod in loca, & Monasteria vestra ferimus in his scriptis: districtè præcipiendo mandamus, quatenus præ- nominatos Visitatores, a Nobis Deputa-

tos; ut Apostolicos Visitatores, & Nun- cios, cum omni reverentia, & obedi- entia, quibus Apostolicæ Sedi astringimini, suscipiatis, & ad ipsorum visitationis officium in omnibus exequendum libere admittatis; omnium illorum Monaste- riorum vestrorum, ac personarum qua- rumcunque, a capite usque ad ultimum, dispositionem, & conditionem plenius manifestando; omniaque & singula, quæ Visitatores ipsi secundum regulam, & statuta prætaxata fieri, & observari man- daverint, vel ordinaverint, reverenter acceptetis & diligenter, ut tenemini, observare studeatis. Et si secus feceritis, quod absit, tunc sæpe dictis Visita- toribus per præsentis committimus, & etiam districtè præcipimus, ut vos, & quemlibet vestrum, in præmissis inobe- dientem, cujuscunque conditionis, vel status fuerit, post trium dierum Canoni- cam monitionem, ultra pœnam ordinis præmissam, in excommunicationis, ac Monasteria inobedientium, in interdi- cti Ecclesiastici pœnas per Nos, ut præ- fertur, latas, incidisse declarent. Abso- lutionem vero omnium, & singulorum, qui præfatas nostras, sententias incurre- rint, Nobis, & Sedi Apostolicæ tantum- modo reservamus. Insuper volumus, quod semper deinceps de triennio in tri- ennium a Capitulo hujusmodi Provinciali, loco & tempore sæpe dictis celebrando, duo ex Patribus, vel Fratribus notabilio- res, ac in regula & statutis experti, ad Capitulum, & Monasterium in Windelem se transferentes, dum ipsum Generale Capitulum celebrari contingit, mitti debeant, quos volumus per ipsos Prio- res, & Definidores debere admitti, eum in finem, ut in Ordine vestro regularis obser- vantia uniformitas, & bona concordia teneatur, & foveatur. Datum Magdeburgi nostro sub Sigillo, die XXVIII. mensis Julii, anno a Nativitate Domini MCCC- CLI. Pontificatus Sanctissimi in Christo Patris Domini nostri, Domini NICO- LAI Divina Providentia Papæ V. anno quinto.

*Buschius de Reformatione Monasteriorum
Lib. IV. C. I.*

*Apud Leibnitium Brunsvicensia illustran-
tem Tom. II. pag. 956. & seqq.*

CONCILIIUM HERBIPOLENSE

Anno Christi MCCCCLIII. Nicolai V. Papæ VII.
Friderici III. Regis XIV,

IN NOMINE DOMINI. AMEN.

Ad Sacram Episcopalem Synodum de anno Domini Millesimo, quadringentesimo, quinquagesimo tertio, die decima septima mensis Aprilis, quæ erat feria tertia proxima post Dominicam, quæ in Ecclesia Dei cantabatur Misericordia Domini, in Choro Sancti Kiliani Ecclesiæ Cathedralis Herbipol. celebratam post Abbates Ordinis Sancti Benedicti, Decanos Collegiarum Ecclesiarum, ac Decanos rurales, Procuratores, & Diffinitores, omnes & singuli Ecclesiarum Parochialium Rectores Diocesis Herbipolens. vocabantur. Et Reverendo in Christo Patre & Domino, Domino GOTFRIDO, Dei gratia, Episcopo Herbipol. ac Franciæ Orientalis Duce, in eadem Synodo Præsidente, post decantationem solennis Missæ de Spiritu Sancto cum Antiph. Veni Sancte Spiritus, Letania: & Antiph. Regina cæli, sua Dominatio per ipsius Synodi Promotorem sessiones & locationes, aliasque solemnitates & caeremonias fieri adimplere eo ordine, forma, & modo iussit, & fecit, quibus in proxima Synodo Herbipol. celebrata, superius descripta factæ, & adimpletæ fuerunt. Quibus sessionibus & locationibus, ac cæteris caeremoniis, & præsertim laudabili sermone ad Clerum facto, debite præmissis & peractis: tandem ipsius Synodi Promotor locum, in quo legitur Evangelium diebus non festivis, ascendit, ac præmissa primitus arenga tandem omnia & singula Statuta Provincialia nova, & in proxima Synodo Episcopali Herbipol. lecta, & supra descripta, uniuscujusque Statuti summarium præmittens, publicavit. Quibus finitis omnes ad hanc Synodum vocatos in horam duodecimam dicti diei, & post sonitum majoris campanæ ad præfatum Chorum Sancti KILLANI in religionem redire iussit. Quibus tandem post prandium redeuntibus publicata fuerunt certa Statuta Provincialia & Episcopalia nondum anno præterito publicata, omisso tractatu Sancti Thomæ de Aquino: De articulis Fidei, & Ecclesiæ Sacramentis,

quem tamen legi per Decanos rurales in Capitulis eorum, Dominus Episcopus Præsidentis præfatus voluit, & mandavit. Præterea proxima die sequenti, videlicet feria quarta, quæ erat decima octava mensis præfati, post decantationem Missæ de Dominica, Promotor dictæ Synodi recitationem Statutorum Provincialium & Synodaliū continuavit, ac tandem novum statutum de collaudatione & approbatione ipsius Sanctæ Synodi publicavit hujusmodi sub tenore.

EXORDIUM SYNODI

anni 1453.

ET si dudum Sacrum Provinciale Concilium Maguntinense universis & singulis Sacerdotibus tam Religiosis, quam sæcularibus cujuscunque ordinis, conditionis, seu status existant, in civitate, Diocesi, vel Provincia Maguntina degentibus, sub debito juramenti, quod Episcopo in receptione Sacerdotii præstiterunt, ac sub interminatione Divini judicii, ne quis alienum Parochianum, cujus cura sibi non est commissa, necessitatis duntaxat causâ excepta, quæ legem non habet, ad confessionem recipere, vel ei aliquod Ecclesiasticum Sacramentum porrigere, nisi petita & desuper obtenta licentia proprii Sacerdotis; provide & districte prohibuerit, nihilominus plures Sacerdotes in & apud oppidum Fuldens. nec non Religiosi de ordinibus Sancti Johannis Hierosolomitæ, & Beatæ Mariæ Virginis Teutonicorum alienos Parochianos nostrarum civitatis & diocesis Herbypol. ad confessionem recipere, ipsosque etiam in casibus Nobis tanquam Episcopo, & quod amplius est, Apostolicæ Sedi reſervatis, absolvere nituntur in ipsorum, & sic sibi contentium grande animarum periculum. Nos ad dicti Sacri Provincialis Concilii uberiores executionem de hujus sacræ Episcopalis Synodi

di approbatione statuimus & ordinamus, ac universis & singulis Parochialium Ecclesiarum Rectoribus nostrarum civitatis & Diocesis præfatarum in virtute sanctæ obedientiæ districtè mandamus & præcipimus, ut Christi fideles ipsorum Parochialium Rectorum curæ creditos, & dictis Sacerdotibus in & apud oppidum Fuldens. aut Religiosis de ordine Sancti Johannis Hierosolimitanorum & Theutonicorum, quoad animarum curam non subiectos sub excommunicationis pœna, & iteratis vicibus publice prohibeant, ne de cætero eosdem Sacerdotes etiam quosunque in & apud Fuldam, seu Religiosos de dictis ordinis Sancti Johannis Hierosolimitanorum & Theutonicorum pro confessionibus suis faciendis extra necessitatis articulum ad-eant, aut ipsis, sive alteri eorum aliqua-tenus faciant Confessionem Sacramentalem, ut saltem per confitentium sub-tractionem præfatus compefcat periculofus abusus.

Consequenter legebatur Bulla Indulgentiarum de Festivitate Corporis Christi hujusmodi tenoris:

EUGENIUS EPISCOPUS, SERVUS
SERVORUM DEI, AD PERPETU-
AM REI MEMORIAM.

EXcellentissimi Corporis & Sanguinis Domini nostri JESU Christi Sacramentum, quod appropinquante Passionis ejus hora Dominus ipse signo præcipui, quo nos dilexit, amoris fa- lubriter instituit, ejusque commemorationem sacratissimam jugi mentis exul- tatione contemplantes, ad hoc inter singulos hujusmodi meratos sanguine spiritualia dispensare munera votis ex- poseimus, ut illi condignis assurgentes laudibus sua frequentius ad ipsius ve- nerationem Sacramenti corda dirigant, & eo, quo corporalis habetur præsentia Salvatoris, viatico fructus vitæ comple- tentes æternæ, cœlestia conscendant, ipsum, qui se nobis in edulium tribuit, perpetuo conspecturi. Sane dudum pie memoriæ URBANUS Papa Quar- tus Prædecessor noster ad orthodoxæ corroboracionem, & exaltacionem fidei

digne & laudabiliter statuens, ut de tanto Sacramento præter illam, quæ dietim in Ecclesia fieret, annuatim so- lennior memoria & specialior habere- tur, & ad celebrandum ejus tam ex- cellsum, tamque gloriosum festum quin- tam post octavas Pentecostes feriam designans, ac Christi fideles quoslibet ad colendum illud donis spiritualibus animare volens, omnibus vere pœni- tentibus & confessis, qui in matutinali officio festi ejusdem in Ecclesia, in qua illud celebraretur, interessent cen- tum: qui vero Missæ, totidem: & qui in primis ipsius festi Vesperis, cen- tum similiter: qui autem in secundis, totidem: Illis vero, qui Primæ, Ter- tiæ, Sextæ, Nonæ, & Completorii horarum officiis interessent singulis octavarum ipsarum diebus, similiter centum. Et subsequenter felicitis re- cordationis MARTINUS Papa Quin- tus etiam Prædecessor noster, fideles eosdem ad imparcienda pro veneratio- ne Sacramenti hujusmodi potiora reve- rentiæ & devotionis exercitia firmare cupiens, singulis ex eis vere pœniten- tibus & confessis, qui & quoties in ip- sius Sacramenti profesto jejunium, vel loco illius aliud pium juxta suorum consilia Confessorum opus facerent, etiam centum: & qui præmissis in Ec- clesiis, in quibus illa celebrari continge- ret, officiis, interessent, nec non Epi- scopis, & aliis Prelatis Superioribus, qui dictis officiis libenter interessent, sed quominus eis in ipsis Ecclesiis inter- esse possent, pro servandis suarum dignitatum juribus, & alias tunc legi- time impeditis, pro Matutinali ducen- tos, & pro Missæ officiis totidem, & pro qualibet Vesperarum etiam ducen- tos: reliquarum vero videlicet Primæ, Tertiar, Sextæ, Nonæ, & Completorii Festi octuaginta: Rursus autem in quibuslibet octavarum diebus pro sin- gulis Matutinalium, Missarum, & Ve- sperarum similiter centum, nec non reliquarum horarum officiorum hujus- modi quadraginta, illis præterea, qui processiones, in quibus ipsum vivificum Sacramentum dicto festo juxta præ- fatarum ritus Ecclesiarum deferretur, continuo secuti forent, ac cujuslibet in festo, & octavarum diebus hujusmo- di

" di pro pace & tranquillitate Ecclesiæ
 " Missas devote celebrantibus, pro sin-
 " gulis ipsarum, nec non aliis in eodem
 " Festo Eucharistiæ Sacramentum devo-
 " te fumentibus, etiam centum, singulis
 " annis profecto, vice qualibet eis, qui
 " dum Corpus Dominicum communi-
 " candis deferretur infirmis, illud cum
 " incenso luminari præcedendo vel se-
 " quendo venerantur, similiter centum:
 " & qui tunc illud alias devote secuti
 " forent, quinquaginta dies de injunctis
 " eis pœnitentiis misericorditer relaxa-
 " runt; ac etiam ipse MARTINUS
 " Prædecessor noster, quod in festo &
 " diebus octavarum hujusmodi in terris
 " & locis Ecclesiastico quavis authorita-
 " te suppositis interdicto pulsatis cam-
 " panis, januis apertis, & alta voce ex-
 " communicatis prorsus exclusis, sed in-
 " terdictis, ut citius reconciliari studerent
 " admissis, & illis, qui causam vel oc-
 " casionem hujusmodi interdicto dedis-
 " sent, altari tunc nullatenus appropin-
 " quantibus, Missæ & Officia præmissa
 " licite celebrari possent, auctoritate
 " Apostolica duxit concedendum. Nos
 " vero, quos interim ad Summi Aposto-
 " latus apicem Divina Clementia pro-
 " vexit, & pro frequentiori hujusmodi
 " veneratione Sacramenti summis gestien-
 " tes affectibus, nostri partes ministerii
 " salubriter impartiri, nec non relaxatio-
 " nes & concessiones prædictas Aposto-
 " lici robore muniminis ipsorum devo-
 " tionis Fidelium committentes, premis-
 " sis per eundem MARTINUM Præ-
 " decessorem, ut præfertur, relaxatis
 " diebus alios totidem dies pariformiter
 " ab ipsis fidelibus consequendos adji-
 " cimus per præsentem. Et insuper
 " universos Patriarchas, Archi-Epi-
 " scopos, Episcopos, & alios Eccle-
 " siarum Prælatos monemus, &horta-
 " mur in Domino, ac eis per Apostolica
 " scripta in virtute sanctæ obedientiæ di-
 " strictè præcipiendo mandamus, & in
 " remissionem peccaminum injungimus,
 " ut per se, vel alias eorum subiectos,
 " per singulas suarum civitatum, & Diœ-
 " ces. Ecclesias in Dominica Festum
 " prædictum proxime præcedente saluta-
 " ribus ad venerationem potissime Sacra-
 " menti hujusmodi monitis, & exhorta-
 " tionibus præsentium, quarum etiam

" tenor inter matutinales festi, nec non
 " dierum octavarum hujusmodi lectiones
 " recitetur, literarum continentiam, &
 " effectum publicare, & insinuare pro-
 " curent, ut ejusdem Sacramenti suffra-
 " gante misterio subditi; & ipsi fideles
 " Spiritualium gratiarum uberiori fulcian-
 " tur augmento, & ab illo, qui se pro
 " ipsis immolavit hostiam, post hujus vi-
 " tæ cursum ad gloriam perducantur æter-
 " nam. Verum quia difficile foret, hu-
 " jusmodi literas singulis exhiberi, volu-
 " mus, & eadem autoritate decernimus,
 " quod ipsarum transumpto manu publi-
 " ca, & sigillo alicujus Episcopalis, vel
 " Superioris Ecclesiasticæ Curie munito,
 " tanquam præfatis, si originales exhibe-
 " rentur, literis plena fides adhibeatur,
 " & proinde stetur, ac si originales lite-
 " ræ forent exhibitæ, vel ostensæ.

" Datum Romæ apud Sanctum Pe-
 " trum, anno Incarnationis Dominicæ
 " Millesimo quadringentesimo tricesimo tertio,
 " VII. Kalendas Junii. Pontificatus nostri
 " anno tertio.

Subsequenter Dominus Episcopus PRÆSI-
 DENS præfatus omnibus Ecclesiarum
 Pavobialium Rectoribus, sive civitatis,
 & Diœces. Herbipol. districtè injunxit,
 ut diebus Dominicis populo sibi credito
 ad textum recitarent, aut recitari pro-
 curarent, publice in ambonibus suarum
 Ecclesiarum Dominicam Orationem, Sa-
 lutationem Angelicam, Symbolum Apo-
 stolorum, & decem Præcepta, voluitque
 ut iidem Rectores post Festum Sancti
 Michaelis proxime venturum tamdiu sa-
 nis extra necessitatis articulum Eucha-
 ristie denegent Sacramentum, quousque
 præfata orationes una cum decem Præ-
 ceptis ad literam recitare faciant.

Tandem contumaciam omnium & singu-
 lorum absentium, & ad hanc Synodum
 vocatorum, dictus Promotor accusavit, ac
 processus contra eosdem decerni, & con-
 sequenter ipsam Synodum concludi, bu-
 militer postulavit, & obtinuit.

Ultimo super omnibus & singulis in hac
 sacra Episcopali Synodo Herbipol. actis,
 gestis, publicatis, intimatis, lectis, sta-
 tutis, ordinatis, & mandatis sæpefatus
 Promotor Notarium publicum subscrip-
 tum, in meliori forma, qua potuit & de-
 buit,

buit, ut supra &c. requisivit. Et tandem benedictionem & licentiam nomine omnium in eadem Synodo existentium debita cum instantia postulavit, quo Reverendus in Christo Pater, & Dominus, Dominus GOTFRIDUS, Episcopus & Præfatus sepefatus, benedicens in Christi nomine licentiavit, cum cantico: Ite in orbem.

Acta sunt hæc anno, diebus, horis, & loco supra scriptis. Indictione prima. Pontificatus Sanctissimi in Christo Patris ac Domini nostri, Domini NICOLAI digna Dei providentia Pape V. anno ejus optimo. Præsentibus ibidem Venerabilibus Viris Dominis Richardo de Maspach, majoris Eckario de Milcz in Haugis, & Gregorio Ledenther, Novi Monasterii Ecclesiarum Decanis. Johanne Duwer, & Georgio Hæloch, Decretorum Doctoribus, testibus ad præmissa vocatis.

Et ego Johannes Fabri, Clericus Moguntinens. Dioces. publicus Imperiali auctoritate Notarius, Reverendique in Christo Patris & Domini, Domini GOTFRIDI, Episcopi Herbipol. & Franciæ Orientalis Ducis, nec non officiorum Vicaria-

tus & Officialatus ejusdem, ipsiusque Curie Herbipol. Scriba juratus, quia præmissis omnibus & singulis in dicta sacra Episcopali Synodo actis, gestis, dictis, publicatis, statutis, & dictis, uti in tribus foliis hanc meam scriptionem immediate præcedentibus continentur, dum sic, ut præmittitur, in dicta Synodo fierent, & agerentur una cum testibus supra scriptis præsens interfui, eaque sic fieri & agi, vidi & audivi. Ideoque de præfati Reverendique Patris & Domini, Domini GOTFRIDI Episcopi mandato & jussu manu mea propria subscripsi, publicavi, & in hanc formam publicam redegi. Signoque & nomine meis solitis & consuetis consignavi rogatus, & requisitus in fidem, & testimonium omnium præmissorum.

(L.S.)

JOANNES FABRI.

Ex impresso codice in folio Litera Petri, sine nota, anni, & Typographi, probabiliter Herbipoli impresso.

Ex quo forte Cl. Luvig Continuatio II. Spicilegii Ecclesiastici pag. 1059. ad pag. 1062.

Gotfridus III. de Limburg fit Episcopus anno MCCCCXLII. Præfuit annis XII. Moritur anno MCCCCLV. in die Palmarum. Hic primus Ducem se scripsit Francorum, qui titulus deinde etiam impressus fuit monetæ, ideo, quia eundem titulum attentabat Albertus Marchio Brandenburgensis, & Achilles Francorum.

Cl. Groppe in Collectione novissima Scriptorum Wurceburgensium pag. 828.

EYSTETTENSE CONCILIUM

SUB JOANNE, EPISCOPO EYSTETTENSI,

Anno Christi MCCCCLIII. Nicolai V. Papæ VII.

Friderici III. Regis XIV.

JOHANNES, (a) DEI GRATIA, EPISCOPUS EYSTETTENSIS, UNIVERSIS ET SINGULIS ECCLESiarUM PAROCHIALIUM RECTORIBUS, PLEBANIS, VICE-PLEBANIS, VICARIIS, SEU LOCA TENENTE EORUNDUM, PER CIVITATEM ET DIOECESIM NOSTRAS UBILIBET CONSTITUTIS, SALUTEM IN DOMINO.

Vobis omnibus & singulis, & cuilibet vestrum in virtute sancte obediencie, & sub pœna suspensionis a Divinis districtè precipiendo mandamus, quate-

(a) Joannes ab Aych, vel de Duba, Magnus Decanus, & Administrator Archi-Episcopatus Pragensis, Præpositus Ecclesiarum S. Nicolai Pragæ, Wissebrodi in Bohemia, & Beatae Virginis Wetzlaræ, Cancellarius Alberti II. Imperatoris, electus fuit Episcopus Aichstadiensis anno 1445. Creatus a Papa PIO II. Cardinalis anno 1462, mortuus anno 1464.

Tomus V. Concilior. German.

I i i

quatenus infra scriptos articulos, quos ad Dei laudem pro bono regimine cure animarum, & ad salutem Christi fidelium observandos, ordinavimus, in vestris Ecclesiis juxta modum inferius descriptum publicetis, observetis, ac à vestris Parochianis faciatis firmiter observari.

Primo quidem veridica relatione percepimus, populum vulgarem in plebisque locis diebus Dominicis & Festivis raro interesse Divino Officio, Missæ, & Predicationi Verbi Dei, licet juxta ordinationem & statutum Sanctæ Matris Ecclesiæ iisdem diebus interesse teneantur, ut ibidem de Divinis preceptis, & Evangelicis doctrinis informetur; Nos volentes huic morbo obviare, & animarum saluti consulere; vobis omnibus, & singulis committimus, quatenus plebes & parochianos vestros, qui ad annos discretionis pervenerint, admoneatis eosdem sub pœna excommunicationis, ut omnes & singuli deinceps singulis Dominicis & Festivis diebus officio Missæ integre peragendo interfint, & predicationem verbi Dei in Ecclesiis, ubi predicatur, diligenter audiant, faciundo ob reverentiam dignissimi Eucharistiæ Sacramenti genuflexiones in terram, dum Hostia salutaris per Presbyterum elevatur, nec a Missa hujusmodi ante benedictionem Sacerdotis, & donec ipsa compleatur, quovis modo recedant, aut alias inhoneste discurrant; sed cum devotione cordis ibidem Deum exorent pro peccatis; alioquin, si quis in hoc negligens repertus fuerit aut rebellis, hunc in confessionibus severe corrigat, & si non emendaverit, eidem Sacramenta Ecclesiæ & sepulturam Ecclesiasticam denegatis, nisi legitimo impedimento, aut rationabili causa quis excusetur. Et volumus nihilominus, ut talem, qui tempore predicationis verbi Dei extra Ecclesiam, & in cimiterio stare, contra vestram prohibitionem non formidat, ad auctoritatem Episcopalem mittatis. Nosque etiam contra contemptores hujusmodi saluberrimi precepti per excommunicationis inflictionem procedemus. Insuper populum vobis commissum in sermonibus vestris curetis ad hoc inducere, ut processionibus, & aliis actibus, ac ceremoniis Ecclesiasticis devoto interfint, laudesque Omnipotenti

Deo cum attentione cordis ac morum gravitate ibidem persolvant.

Secundo, quia fraterna caritas, sine qua nemo Deo placere potest, in cordibus multorum videtur refrigerare tantum, ut nec conscientias suas de damnis proximo illatis arguant. Idcirco vobis precipimus, ut in sermonibus ad populum, ac in confessionibus secretis inter homines dilectionem ordinatam servandam doceatis, precipue eos arguendo, quod proximis damna in rebus, ut puta, agris, pratis, ortis, censibus, decimis, & aliis quibuscunque inferant, vel eos defraudant, vel ledunt in personis, aut bona fama, vel honore, quorum omnium conscientias desuper infermeris. Quodque tales curent per satisfactionem realem, reconciliationem sive amicabilem compositionem letis satisfacere, & ad hoc eos efficaciter inducant.

Tertio. Quia heu! plura consideramus esse in populo publica peccata, inter que precipue est adulterium Divina Lege prohibitum, injungimus vobis, ut hujusmodi publicos adulteros similiter admoneatis, ut de cetero ab hoc damnabili peccato desistant, ipsosque omnes tam viros, quam mulieres, qui taliter & publice in adulterio commorantur, ad Penitentiarium nostrum absolvendos remittatis, penitentias eisdem injungendo, nec ad Communionem sacram admittatis, nisi de absolute sua a dicto Penitentiario scripture testimonium habueritis. Insuper quia luxurie crimen nimis excrescit, velintque nonnulli excusationes allegare in peccatis, quasi simplex fornicatio peccatum mortale non existat, hoc precipue mandamus in confessionibus secretis severius arguendum, ut error iste omnino extirpetur.

Quarto. Licet alias in Statutis nostris Synodalibus providerimus contra publicos blasphemos Sanctorum, ac etiam contra damnatissimum Idololatriæ peccatum, videlicet incantationes & sortilegia pythonum & pythonissarum, quia tamen, quod dolenter dicimus, adhuc a multis est in usu, quapropter districte vobis precipimus, quatenus Statuta nostra Synodalia desuper edita summa cum diligentia practicetis, & nihil-

nihilominus in confessionibus de huiusmodi peccatis diligentem inquisitionem faciatis, & quoscunque inveneritis viros aut mulieres, ad Pœnitentiarium nostrum remittatis, nec quemcunque talem ad Communionem sacram admittatis, nisi prius promissionem fecerit loco iuramenti, quod de cetero ab huiusmodi incantationibus, sortilegiis, & aliis superstitionibus per Ecclesiam reprobatis desistere, nec amplius iisdem uti, vel fidem adhibere velit. Et nihilominus, si qui publici blasphemii per vos reperti forent, vel publice huiusmodi incantationibus, sortilegiis, & aliis superstitionibus, ut premittitur, per Ecclesiam reprobatis utantur, vel eisdem fidem adhibeant: volumus, ut eosdem admoneatis, ut illico a blasphemii incantationibus & superstitionibus predictis prorsus abstineant, & desistant, nec iisdem amplius utantur, vel fidem adhibeant. Et si qui post admonitionem vestram contemptores & delinquentes in premissis fuerint reperti, volumus, ut ipso facto ab omnibus Ecclesiasticis Sacramentis, & Ecclesiastica sepultura sint suspensi, super qua quidem suspensione ipsi plebano sine speciali licentia Vicarii nostri in Spiritualibus nulla penitus sit attributa facultas dispensandi.

Quinto. Cum sint nonnulli utriusque sexus homines, qui Sacerdoti in altari existenti in faciem prospiciant, ipsumque a devotione sua impediunt, & retrahant, seque etiam super altaribus appodiant, precipimus vobis, ut Parochianos vestros super premissis severe corrigatis, ut talia & similia deinceps non committantur, ipsosque in distantia duorum passuum retro Sacerdotem stare jubeatis, & quod se super altaribus nequaquam appodiant, alioquin omnes transgressores, & in hoc delinquentes ad Episcopalem auctoritatem remittatis.

Sexto. In plerisque Ecclesiis ante Divinissimum Eucharistie Sacramentum, lumen continuo ardens non habetur, ne igitur propter ipsius irreverentiam ira Dei se viat in ministros, vobis districte precipiendo mandamus, ut in antea perpetuis temporibus lumen continuo ardens ante Eucharistie Sacramentum teneri disponatis. Et siquidem Ecclesie adeo egeant, quod de suis facultatibus

lumen huiusmodi tenere nēqueant, volumus, ut ad hoc opus specialem inter Parochianos vestros collecturam fieri disponatis, eosdem ad contributionem huiusmodi seriofius adhortantes. Nosque nihilominus quatenus predictum lumen continuo ardens in Ecclesiis predictis commodius, & facilius disponi, & procurari queat, literas indulgentiarum ad hoc habendum per Vicarium nostrum in Spiritualibus petentibus gratis dare demandabimus.

Septimo. In nonnullis Ecclesiis civitatis, & Dioceseos nostrarum inolevit talis consuetudo, que profecto magis corruptela dicitur, quod viri, & mulieres in stationibus ipsarum Ecclesiarum permixtim stent, & socienter, cum deceat magis exemplo Marie Virginis Genitricis Salvatoris nostri, & Iosephi Nutricii ejusdem de Templo redeuntium quemlibet sexum in suo comitatu, seu ordine constitui, quam utrumque sexum ad extinguendum devotionis ardorem, uti ex hoc naturaliter contingere solet, taliter commisceri. Eapropter mandamus vobis, ut Parochianos vestros ad hoc diligenter admoneatis sub pena suspensionis ab Ecclesiasticis Sacramentis, ut infra brevem terminum per vos eisdem statuendum cum effectu disponant, quod stationes huiusmodi in navi, seu corpore Ecclesiarum sint communes, & quod viri a mulieribus dividantur, ita quod in latere dextero versus meridiem viri, & in sinistro versus septentrionem collocentur virgines, & mulieres, sive quod in anteriori parte versus chorum stent viri, & in posteriori juxta dispositionem cujuslibet Ecclesie remaneant mulieres, servata tamen discretione, ut honorabilibus, alias honestioribus personis in huiusmodi stationibus juxta eandem qualitatem debitus semper deferatur honor.

Octavo. Relatione fide dignorum dicimus, quod vitrici quorundam Ecclesiarum cum pecuniis ad earum fabricam pertinentibus usurarias exerceant pravitates, ad aliosque usus privatos mutare, & convertere non formident, debitaque a creditoribus non exigant. Et rationem secundum formam statutorum nostrorum Synodaliū facere negligant, quod profecto in grave dispendium ip-

farum Ecclesiarum, & periculum animarum ipsorum cedere arbitramur. Quamobrem vobis districte precipiendo mandamus, quatenus vitricos vestrarum Ecclesiarum sub pena suspensionis ab omnibus Ecclesiasticis Sacramentis, & carentie Ecclesiastice sepulture admoneatis, ut a tempore publicationis presentis nostri mandati ipsis facite, infra triginta dierum terminum rationem de perceptis, & expositis, aliisque debitis juxta tenorem statuti nostri Synodalis specialiter desuper editi, cum effectu faciant, & nihilominus facta ratione hujusmodi, ut premititur, volumus, quod sub pœna predicta eosdem admoneatis, ut infra hinc & festum Nativitatis Christi proximum futurum omnia & singula debita a creditoribus fabricæ effectualiter exigant, & requirant, & de singulis pecuniis & debitis ad fabricam pertinentibus ante terminum predictum vos certos reddant. Quodque illico in qualibet Ecclesia truncus sive cippus fiat, ad quem unam clavem plebani, vitrici vero Ecclesiarum aliam habeant, & summa cum custodia teneant, reponanturque ibidem ad eundem omnes pecunie Ecclesiarum numerate, nec quovis modo exponantur, nisi pro ipsarum necessitatibus, & de consensu claves predictas habentium absque dolo.

Novo. In quibusdam Ecclesiis Diccensis nostre quidam abusus excrevit, quod plebani (a) ejusdem pretextu Presbyteros ad personaliter custodiendum pecora cogere non erubescunt, quod non parum in opprobrium Cleri, & contemptum Christiane religionis tendere cernimus, cum Sacerdotes populum regentes Pastores censeantur animarum, quocirca vobis districte precipiendo mandamus, ne in antea pecora ad ipsorum Parochianorum coactionem, & importunam instantiam personaliter quovis modo custodiat, seu custodire presumatis; volumus etiam, ut quamprimum ab ipsis requisiti fueritis, ad id faciendum a Divinis Officiis cessetis, donec ipsi plebani ab hujusmodi coactionibus & compulsionibus cum effectu desistant, per hoc tamen nolumus, Presbyteros pecora habentes a solutione mercedis pastoris mercenarii pro sua rata seu portione esse excusatos, vel absolutos.

(a) forte pro Plebes, vel Parochiani.

Decimo. In Sacra Provinciali Synodo Moguntina novissime celebrata inter cetera statuta, quoddam statutum de Judeis, & crucis Christi inimicis editum fuit, quod incipit: *Licet olim* &c. in quo mandatum sub cessatione Divinorum, & subtractionis communionis pœnis, quod Judei signa deferre debeant, declarando adjicitur, signum illud esse debere circulum de filis croceis in veste extrinseca ante pectus quoad masculos; & due rigæ flavei coloris in peplis mulierum conformiter ut in urbe Roma, & quia parum esset jura condere, nisi essent, qui ea executioni demandarent; quocirca vobis districte precipiendo mandamus, quatenus mox visis presentibus Officiales, regentes, & Parochianos vestros moneatis, & requiratis, ut infra terminum triginta dierum a tempore publicationis presentis nostri mandati omnibus Judeis & crucis Christi inimicis eorum ditioni subiectis precipiant, & mandent sub gravibus pœnis, quatenus quilibet eorum circulum de filis croceis in veste extrinseca ante pectus quoad masculos, & duas rigas flavei coloris in peplis mulierum ipse teneat, quemadmodum in ipso statuto Provinciali continetur, conformiter deferant, alioquin tam contra Officiales regentes, & Parochianos vestros, ut predictur, lapso termino ad subtractionem Eucharistie Sacramenti, nec non denegationem Ecclesiastice sepulture, quam contra Judeos predictos ad exclusionem communionis fidelium, ac alias artius, prout ordo juris distaverit, procedere curabimus iustitia mediente.

Undecimo. Abusus quorundam laicorum preceptis Divinis contrarius vehementer excrevit, qui Christiana Religione neglecta diebus Dominicis & Festivis publice mercatum exercent, & lucris, & cupiditatibus non verentur insistere, & quia id presatum Maguntinense damnat, & reprobat, quapropter vobis districte precipiendo mandamus, ut sub pena suspensionis a perceptione Sacramentorum, & privatione Ecclesiastice sepulture late sententia per vestras Parochias publice prohibeatis omnes utriusque sexus homines in vestris Parochiis existentes, ne de cetero predictis diebus Dominicis, & Festivis quodcumque publicum mercatum, rerum vendibilium, que

que ad usum quotidiani victus non sunt necessarie, infra Missarum, & Divinorum Officiorum solemniam, & potissimum ante prandium quovismodo exercent, seu exerceri permittant, alioquin contra permittentes, & transgressores ad declarationem dictarum penarum procedere curabimus iustitia mediantes.

Duodecimo. Ad notitiam vestram deduci volumus Statutum Synodale novissime per Nos editum, quod disponit de temporibus, quibus celebrationes, sive solennitates nuptiarum a jure interdictæ sunt, cujus quidem statuti tenor sequitur, & est talis. . . *A prima Dominica Adventus Domini usque ad octavas Epiphaniæ; deinde a Dominica Septuagesimæ usque ad octavas Pasche: Postea ab ebdomada Rogationum usque in Dominicam post Festum Pentecostes, supra scriptis temporibus a Sacris Canonibus prohibentur nuptie solenniter celebrari.*

Tredécimo. Quod omnibus, qui in casibus reservatis ad auctoritatem Episcopalem remittuntur, adjungaris, ut ab Officialibus, vel Vicariis in Spiritualibus, aut Pœnitentiariis nostris, ad quos eos remittitis, secum cedulas reportent, per quas, qualiter expediti sint, vobis constare possit, nec absque hujusmodi cedulis aliquem talium absolvatis, aut etiam ad communionem Sacram admittatis.

Quatuordecimo. Cum Ecclesiastica censura a nonnullis minus timoratis parvipendatur, ita, quod excommunicati publice denunciati, in dispendium animarum suarum Ecclesias ingredi presumant, & alias communioni fidelium se immisceant, ut prius precipimus vobis; & cuilibet vestrum, ne coram taliter publice denunciatis Divina Officia celebretis. Quinimo tales excommunicatos ab Ecclesiis repellatis; & siquidem ab ingressu Ecclesie desistere nollent, Officiales, & Dominos temporales locorum seriose requiratis, quod hujusmodi rebelles & excommunicatos puniant, & a suis temeritatibus coerceant, alioquin si quis ex vobis hujus precepti nostri contemtor exstiterit, aut neglector, Nos contra talem ad penas juris irregularitatis, & alias procedemus. Datum in Aula nostra Episcopali Eystetteni, feria sexta infra octavas Corporis Christi. Anno Domini millesimo quadringentesimo quinquagesimo tertio, sub nostri Vicariatus sigilli impressione &c.

Hæc Synodus descripta est ex Libro Synodali Eystetteni, impressa Eysladii anno 1484. in 4to.

Renovata fuit hæc Synodus a Successore Episcopo Wilhelmo de Reichenau post annum 1464. additis XFIII. Capitulis.

SYNODUS CAMINENSIS

Anno Christi MCCCCLIV. Nicolai V. Papæ VIII.

Friderici III. Regis XV.

SUB HENNINGO XXI. EPISCOPO.

HENNINGUS (a) Episcopus Caminensis Synodum conscripsit in hebdomada post Dominicam Judica in Arce Gultzow celebratam, cujus acta plena adhuc supererant anno MDCXXVI. Cramero scribente. Compendium dat De Wujia Cap. XXXVI. *Historiæ Episcopatus Caminensis*, ex hac Epistola Synodica: "Ad aures nostras pervenit, quod non solum minores Clerici, & simplices beneficiis Beneficiati, sed, prohi dolor! nonnulli Clericorum Prælati I. superfluis comestationibus, II. & illi-

"citis confabulationibus insudantes fere, III. medietatem noctis impendunt, IV. in Divino Officio nocturno vix & raro comparentes, V. & postquam dormi oraverint, syncopando Horas Canonicas transcurrunt, quasi nullam ad Deum haberent intentionem. . . .

Terminariis etiam severe interdixit, ne ulterius in sua Diocesi terminarent.

Hactenus de Wujia in Hist. Episc. Caminensis, editis a Ludewigio Tom. II. Scriptor. Bambergensium.

Iii 3

(a) Henr.

(a) Henricus IV. ex Stolpen natus, Canonice electus, & Duci Pomeraniæ præsentatus, receptus, & investitus fuit, gubernavit Ecclesiam Caminensem annos XXVI. Obiit MCCCCLXXII. Anno MCCCCLVI. Dominica post Galli & Lulli initium fecit Universitatis Grypswaldensis in sua Diocesi sitæ, præsentem Alberto de Sidow Suffraganeo suo Gryphis sylvæ oriundo: præsentibus Principe Wartislao IX. Stettini & Rugiæ Principe, Domino de Zuina, Archi-Diacono Uzenamensi, Friderico Zaibou Præposito in Verchen, Matthia Wedel Archi-Diacono Stolpenfi, Hermano Stupwacht Thesaurario Caminenfi, Henrico Buckow Præposito, cum toto Clero, & Nobilibus, & Magistratu.

Privilegium obtinuerat Dux Wartislaus a Calixto III. Papa, & Friderico III. Augusto: Episcopus Caminenfis perpetuus Cancellarius, & conservator Universitatis est.

De Wujia habet Bullam Calixtinam pag. 611.

MOGUNTINA SYNODUS

Anno Christi MCCCCLV. Callisti III. Papæ I.
Friderici III. Regis XVI.

Sancta Synodus Provincialis Maguntina
Provinciæ in & ad oppidum Aschobenburg
Maguntine Diocesis, per Reverendissimum in
Christo Patrem & Dominum, Dominum
THEODERICUM (a) *Archi-Episcopum*
Maguntinum eidem Presidentem, ad diem
Sanctorum Viti & Modesti, que erat
quinta decima mensis Junii, cum continua-
tione dierum sequentium, de anno Do-
mini Millesimo, quadringentesimo, quinquage-
simo quinto, ad providendum contra
& adversus quedam perniciosissima dog-
mata infra Provinciâ predictâ publicè
predicata, ex quibus haud dubium
plurima suborta sunt scandala; aliæque
salubria salutem animarum concernentia
statuendo convocata, celebrataque ad
infra scripta concorditer, & unanimiter
devenit, que & inviolabiliter, & sub pe-
nis in eisdem contentis observari vult,
præcipit, atque mandat. Ad perpetuam
rei memoriam.

Quamquam ex Sacris Canonibus
Sanctorumque Patrum definitionibus,
ac Scripturis sanctis habunde satis, & clare
constet, dogma perversum illud quo
curiosi, quidam vanitatibus suis dediti, &
inflato spiritu se justos putantes cum per-
versissimi fuerint, asserere ausi sunt,
"nullum Sacerdotem in mortali peccato
constitutum alium, sive Clericum, sive
laicum peccato mortali, scilicet irretitum
ab hujusmodi absolvere posse," a fide

recta, sanæque doctrinæ deviare, sitque
per bone memorie GERHARDUM
Archi-Episcopum Maguntin. in Concilio
suo, quodam scilicet in oppido Aschafen-
burgensi tento damnatum anathematiza-
tum, & penitus reprobatum, eo quod
sacre Scripture dicat auctoritas, quod
sive bonus, sive malus sit Minister, per
utrumque tamen Deus effectum gratiæ
confert, non enim, que facta sunt, co-
inquinari possunt, prout in eodem Sta-
tuto Provinciali latius continetur. Quum
tamen nonnulli perversi, prout ex pluri-
morum fide dignorum testimonio com-
pertum, errorem hunc, qui radicatus
sperabatur extinctus, veriti non sunt
denuo suscitare, illumque publice pre-
dicare, & exemplo quodam materiali de
duobus vinctis & ligatis, quorum alter
alterum solvere nequit, asserere: dig-
num duxit hec Sancta Synodus fide-
li populo, quam perniciosus & gravis sit
error iste, demonstrare, illumque simi-
liter damnare: pariformi namque levi-
tate & errore dici posset, quod Episco-
pus vel Sacerdos in peccato mortali ex-
istens, non ordines conferret, non
conficeret, non consecraret, non bapti-
zaret, ex quo consequenter sequeretur
omnem collationem Sacramentorum in
Ecclesiastica Ierarchia dubiam & incer-
tam esse, nullumque se de certo dicere
posse baptizatum, ordinatum, vel abso-
lutum,

(a) Theodoricus Dominus Pincerna de Erbach Archi-Episcopus Moguntinus XLVIII.
Electus anno 1434. in octava Petri & Pauli, obiit anno 1459.
Aschaffenburg.

lucum, cum nullus de lege communi sciat, an Episcopus ordinans, vel Sacerdos consecrans, baptizans, vel absolvens in peccato mortali sit, an non, nemo enim scit, *an odio, an amore dignus existat.* (a) Unde & huiusmodi dogma hec Sancta Synodus erroneum & hereticum dicit, & declarat. Nec simile illud de materialiter vinctis & ligatis conveniens est, cum juxta Canonicas Sanctiones Sacramentorum collatio & exhibitio non in merito est Episcopi, vel Sacerdotis visibiliter conferentis, sed JESU CHRISTI illa instituentis, neque Episcopus, vel Sacerdos principaliter quicquam agit, sed columba i. Spiritus Sanctus, cujus operationem Episcopi, vel Sacerdotis ab Ecclesia tolerati malicia, dummodo alias rite procedat, non potest impedire, vel prophanare. Certum, quoque prophanos illos in articulo, qui premittitur est, aberrantes funiculum errorum aliorum se fecisse, quo utinam ipsi duntaxat precincti, & illum pro se fecisse, trahentes alios in laqueum peccati mortalis non traxissent, plurimos scandalizassent, diversosque alios articulos falsos, erroneos, piarum aurium offensivos afferuisse, predicasse, dogmatizasse, simili testimonio claruit, quod "sub excommunicationis sententia non animam, sed corpus solum liget, sicque "ad terrorem duntaxat inventa; atque Sacerdos beneficiatus pro aliis, quam pro "sui beneficii fundatoribus orare, vel officia Divina peragere, sic ut eis proffit, "non possit, neque debeat. Quamquam "Clericus secularis, sicut Religiosus habere propria non possit, neque habeat. "Et demum, quod sedum est, narrare, "quia Sanctimonialis professi, si carnis temptatione, & humana fragilitate victa, castitatem servare noller, majoris culpe " & facilius venie esset si cum Religioso, quam cum seculari delinqueret," dignum similiter duxit hec Sancta Synodus, & illos falsos & erroneos damnare. Excommunicatio namque major non solum a communione fidelium, que corpus respicit, sed & a participatione Sacramentorum, Orationum, & Suffragiorum Ecclesie, aliorumque Divinorum & Spiritualium separat, & juxta Apostolum tradit aliquem Sathane: quæ quam periculosa sint anime, quisque sane

mentis intelligit. Et quanquam haud dubie terrori plurimum sit, & esse debeat cuilibet Christiano, medicinalis tamen est, cum per illam ad hoc tendat Ecclesia, ut erubescens & compunctus peccator rebellis, & contemptor mandatorum, & preceptorum Prelatorum Ecclesie interius salvus fiat, resipiscat, & satisfaciatur, sicque ad unitatem Ecclesie, communionemque fidelium redeat, & revertatur. Afferere vero, quod Beneficiatus non pro alio, quam sui beneficii fundatore orare, vel Officia Divina peragere possit aut debeat, esset omnem Ecclesie Dei ritum, consuetudinem, & observantiam tollere, subvertereque, que & in Cathedralibus, Collegiatis, & Parochialibus Ecclesiis, ac Monasteriis per divos Romanorum Imperatores, Reges, Principes, Prelatos, & pios homines fundatis permittunt, nedum pro illis, sed & pro aliis, pro quibus voluerint orare, & Divina Officia peragere, Sacrificiaque offerre, Sanctosque Patres non recte Canonem Missæ, ceteraque plura Divina Officia, qui pro vivis, & defunctis, & in generali pro pluribus orare debere nos instruunt, instituisse, quod, quam impium sit, & quam erroneum, nemo sane mentis est, qui non intelligat. Beatissimi presertim Hieronymi concurrentibus verbis sic iniquitatis: Cum igitur pro centum animabus psalmus, vel Missa dicitur, nil minus quam si pro quolibet ipsorum diceretur, accipitur. Dicere autem, quod Clericus secularis proprium habere non possit, est cum Wicleff & Hufs dudum cum eorum doctrina damnatis, portionem ponere, contra quem quidem articulum falsum, & erroneum illumque tenentes Hussitas tot, & tanta in Sacris Constantien. & Basiliens. Generalibus Synodis dicta, & allegata, sacre Scripture testimonia sunt, ut opus non sit illa de presenti replicare; sedum autem illum ultimum articulum, quem repetere nolumus, erroneum esse duo vota castitatis concurrent. sacrilegiumque, quod dupliciter hinc inde committeretur, limpidissime declarant. Unde hec Sancta Synodus omnes, & singulos premissos articulos, perniciosos, falsos, erroneos, seditiosos, ac piarum aurium offensivos dicit, declarat, damnat, anathematizat, & penitus reprobatur, vult.

(a) Eccles. IX, 1.

vultque, quod contra eos, qui illos asseverare, predicare, & dogmatizare presumpserint, aut presumere in futurum, tanquam contra, & adversus hereticos, & a recta fide devios, nec non, & contra receptantes, auxiliantes, & defendentes eosdem, aut saluum conductum eis prebentes tanquam contra, & adversus receptores, & defensores hereticorum, & male sentientium de fide per Ordinarios, aut Inquisitores hæretice pravitatis ad executionem penarum adversus tales in jure statutarum procedi possit, procedatur: Sancta Synodus etiam informata, quod in nonnullis civitatibus, & oppidis Provincie Maguntinæ Jura Parochialium Ecclesiarum plurimum diminuta sint, & minuantur indies, talisque devotio prout dignum foret, per populum ad illos, & eorum Rectores minime habeatur, ex eo maxima, quod quidam Fratres Ordinum mendicantium non reformati, neque sub observantia debita viventes predicaverint, quod quilibet Christianus etiam diebus Dominicis, & festivis quatuor Festivitatibus, principalibus duntaxat exceptis, libere possit ire ad audiendum Missam quo velit, nec obligetur hujusmodi diebus Dominicis, & Festivis sub pena peccati mortalis suam Ecclesiam Parochialem visitare ad audiendum Missam in eadem, ac quod nullus adstrictus sit suo Plebano semel in anno confiteri, vel ab eoliceantiam conficendi petere, tanquam si decretalis illa Generalis Concilii: *Omnis utriusque sexus*, quoad hoc penitus abolita sit, & extincta: quodque mendicantium auctoritas penitentialis major sit plebanorum, qui etiam mendicantes, & si reformati non sint, neque sub & in observantia vivant, ex eo, quod approbate regule sunt, probare vite censendi sint, ut ordinarius eos sibi presentatos admittere teneatur, preterea quod nullus, postquam apud ipsos mendicantes sepulturam elegerit, plebano suo ad ultimum vale sit adstrictus: oportunitate judicavit hec Sancta Synodus, & in his audito possibili providere, sicque in omnibus servare temperiem, ut sic nec Fratribus mendicantibus in suis indultis eis in vim & vigore Cle. *Dudum* competeret, derogetur, aut detrahatur. Rectoresque Parochialium Ecclesiarum in

debita reverentia, suisque juribus, & honestis consuetudinibus conferentur, & quam ad hoc plurimum deservire videtur constitutio Synodalis per Reverendissimum in Christo Patrem & Dominum, Dominum NICOLAUM, tituli Sancti Petri ad Vincula Sancte Romane Ecclesie Presbyterum Cardinalem Brixinensem vulgariter nuncupatum, tunc Apostolice Sedis per Alamaniam Legatum, in Diocesana Synodo *Bambergenfi* facta, & edita, & per eundem Reverendissimum Dominum Legatum in proxime lapsa Provinciali Synodo Maguntinæ celebrata, ad Provinciam Maguntinæ extenta, & per Reverendissimum Dominum THEODERICUM, Archi-Episcopum Maguntinum, Sanctamque Synodum tunc acceptata, ideoque & hec Sancta Synodus illam denuo suscipit, acceptat, & innovat, omnibusque *Suffraganeis Provincie Maguntinæ* precipit, atque mandat, ut illam debite demandent executioni: cujus tenor de verbo ad verbum sequitur, & talis est:

NICOLAUS, MISERATIONE DIVINA, TITULI SANCTI PETRI AD VINCULA SACROSANCTE ROMANE ECCLESIE PRESBYTER CARDINALIS, APOSTOLICE SEDIS PER ALEMANIAM LEGATUS; IN DIOCESANA BAMBERGENSI SYNODO PRESIDENS, UNIVERSIS CHRISTI-FIDELIBUS EJUSDEM DIOCESES, SALUTEM IN DOMINO SEMPTERNAM.

Quoniam officio nostro incumbit, ut undique ea, que pacis sunt, diligenti studio promoveamus, maxime autem, quando ad id Apostolice Sedis singularis jussu accedit. Sane ad Sanctissimum Dominum nostrum, Dominum NICOLAUM *Papam Quintum* de facto inter Plebanos & mendicantes Fratres oppidi Nurenbergensis dicte Diocesis non parvas fore differentias exortas, & Nobis per eundem Sanctissimum Dominum nostrum commissio, ut easdem de medio facere curaremus, atque post hoc intellecto in hac *Bambergenfi* Diocesi in plerisque locis similes querelas esse, quodque scandala plurima in populo ex hoc oriantur.

Auditis in hac Synodo querelis super hoc, & responsionibus per hanc nostram ordi-

ordinationem de *Synodali consensu* de liberata factam, uti sequitur, providemus. Et quia jam dudum circa publicationem C. Concilii Generalis (a) *Omnis utriusque sexus: Statutum Synodale* reperimus, tunc consequenter ad illud ipsum tale Statutum Synodale de publicando dictum C. *Omnis utriusque sexus* Concilii Generalis per omnes Dominicas Quadragesime approbantes, auctoritate Legationis nostrae, qua fungimur, decernimus, quod publicatio illa in dicto oppido *Nurembergensi* per deputandos a Domino Episcopo Bambergensi simpliciter, prout textus jacet, tantum fiat. Inhibentes insuper eadem auctoritate, ne quisquam cujuscumque conditionis Ecclesiastice vel secularis infra limites Diocesis Bambergensis constitutus, exemptus, vel non exemptus quovis modo directe vel indirecte, publice vel occulte quemquam ab observantia illius jam dicte constitutionis, ac quod illi suo Sacerdoti, a quo Sacramentum Eucharistie recipere tenetur; vel alteri de licentia ejusdem saltem semel in anno non confiteatur, aut ab interessendo Divinis saltem diebus Dominicis, & majoribus Festivitatibus in sua Parochiali Ecclesia, aut absolutione jurium Parochialium retrahere presumat. Quinimo volumus, quod quisquis talia fecerit, etiam cujuscumque ordinis, vel religionis exemptus, vel non exemptus, suspensionis ab ingressu Ecclesie, ac perceptione Sacramenti Eucharistie sententiam incurrat, absolutionem, preterquam in mortis articulo Apostolice Sedi reservantes. Et, quia Fratres de ordine Mendicantium modo quo *Clem. Dudum* ponitur, presentati, & per Episcopum admissi in casibus ipsis per reservationem Pape, aut Episcopi non prohibitis eis confitentes, veraciter absolvent, pari poena inhibemus, ne quisquam cujuscumque conditionis fuerit, Ecclesiastice vel secularis, exemptus vel non exemptus, presentatis absolventi eorundem fratrum sic admissorum detrudere directe vel indirecte, publice vel occulte presumat. Quinimmo volumus, quod quisque talia fecerit, suspensionis ab ingressu Ecclesie, & perceptionis Sacramenti Eu-

charistie sententiam incurrat, absolutionem preterquam in mortis articulo Apostolice Sedi reservantes. Et ad finem, ut populus sciat, qui sint tales admissi, & qui casus prohibiti, statuimus: ac dicta auctoritate ordinamus, quod Dominus Episcopus Bambergensis omni anno in prima Dominica Quadragesime deinceps per principalia loca totius sue Diocesis hanc nostram ordinationem, & fratres per eum admissos ad confessionem audiendum, nominatim ac casus Pape, atque Sibi reservatos, & in quibus sibi reservatis auctoritatem dedit absolventi, publicationem populo faciendam, disponere teneatur, prohibentes sub simili suspensionis late sententie poena, ne amplius quisquam ex Mendicantibus contra Plebanos, & Plebani quicumque contra fratres ipsos predicare presumat: sed qui causam querele habuerit, judicem adeat competentem. *Datum Bambergæ in Synodo Diocesana (b) per Nos ibidem in majori Ecclesia solemniter celebrata. Anno a Nativitate Domini Millesimo, quadringentesimo, quinquagesimo primo, die Lune, tertia mensis Maji. Pontificatus Sanctissimi in Christo Patris, & Domini nostri, Domini NICOLAI, Divina providentia Pape quinti, anno quinto.*

Preterea hec Sancta Synodus innovat constitutionem alias in dicta proxime Maguntie tenta Provinciali Synodo factam, que incipit: *Sacra Synodus intendens, Apostolicam Sedem Fratribus Mendicantibus privilegia in edificationem Ecclesie concessisse. &c.* Vultque, & precipit hec Sancta Synodus, omnibus & singulis Episcopis Provincie Maguntine, & eorum in Spiritualibus Vicariis, quatenus illam debite demandent executioni. Verum etsi per premissa satis evidenter appareat, temerariam & inquam predictorum articulo- rum fuisse predicationem, per quam haud dubie constat populum ab observantia constitutionis: *Omnis utriusque sexus*, & ab interessendo Divinis saltem Dominicis & Festivis diebus in sua Parochiali Ecclesia, & absolutione jurium Parochialium retrahi, quia tamen in cordibus plurimorum tantum virus infixit, ut uno medicamine difficile sanari queat, rati sumus hanc materiam latius, & spe-

(a) Lateranensis anno 1215. Canone 20.

(b) Synodus Bambergæ anno 1451. 3. Maji per Nicolaum Cusanum.

speciali constitutione quoad subditos Provincie Maguntine diffinire. Quis enim nesciat, nisi qui penitus ignorans sit, vel esse velit, Sanctorum Canonum, Patrumque voluntatem fuisse, idque ab origine nascentis Ecclesie in morem & consuetudinem deductum esse, quod populus diebus Dominicis & Festivis solennibus Ecclesiam suam Parochialem visitare, & Officium Missæ solennis, quod hora tertiaria fieri consuevit & debet, in eadem audire, Rectorique suo Parochiali, a quo Sacramenta Ecclesiastica recipere tenentur, semel in anno confiteri, aut ab eodem licentiam confitendi petere ac obtinere, eique de juribus Parochialibus ex longevis consuetudinibus introductis satisfacere debeat, ac teneatur. Quis enim literatorum ignoret, *Cle. Dudum* plures condiciones in Mendicantibus, qui representantur Ordinariis, ut ad confessiones audiendas possint admitti, & debeant requirere, inter quas hec precipua est, ut probate vite sint juxta textum, qui non de approbata regula, sed probata vita mentionem facit, qui & non majorem potestatem in absolvendo dat presentatis & admissis, quam curati habeant, cum sicuti nec illi, sic nec isti in casibus Sedi Apostolice aut Episcopo reservatis, nisi speciales sint desuper auctoritate fulciti, absolvere queant. Precipit igitur hec Sancta Synodus, atque mandat, quod quisque Christianus diebus Dominicis & Festivis solennibus Ecclesiam suam Parochialem visitet, & integrum officium Missæ etiam cum Predicatione Verbi Dei in eadem audiat sub pœna peccati mortalis, quam, nisi iusta causa excuset ipsum, incurrat. Declarat preterea, quod Canon Concilii Generalis: *Omnis utriusque sexus*, nusquam correctus, sed observandus existat. Ita, quod unusquisque Christianus suo Sacerdoti, a quo Sacramentum Eucharistie recipere tenetur, vel alteri de licentia ejusdem saltem semel in anno fideliter confiteatur, & si alibi sepulturam elegerit, ad ultimum vale, ubi id longeva consuetudine maxime si illa in contradictorio judicio obtenta sit, introductum exitit, etiamsi quandoque quibusdam non placuerit, suis Rectoribus, seu Presbyteris Parochialibus teneatur, ita tamen, quod si in exigendo Presbyter parochialis excessivus

esse vellet, Ordinarii judicio stetur. Per premissa tamen non intendit hec Sancta Synodus prejudicare, privilegio Mendicantium eis in, & per *Cle. Dudum* dato, quin volentes ipsis Fratribus mendicantibus Episcopo presentatis, & per ipsum, aut etiam eo sine causa renitente Apostolica auctoritate secundum formam dicte *Cle.* admissis quoties, toties confiteri, licite & libere hoc possint & valeant, ipsique mendicantes hoc modo qualificati, & admissi eos in casibus specialiter Pape & Episcopo non reservatis vere absolvant.

Innotuit demum huic Sanctæ Synodo, de quadam detestabili abusione, que adeo invaluit, qua plerique omnes collationes Beneficiorum, ac nominationes ad eadem habentes nullum nominent, ac nulli Beneficia conferant, nisi ex pacto tacito vel expresso, aut ipso facto pro nominationibus, aut collationibus, alii Beneficia dentur, vel in favorem suum dimittantur, quod valde damnable existit, & Sacris Canonibus contrarium. Unde licet, ut premititur, contra hec tam per Sacros Canones, ac Statuta Provincialia provisum existat, hec tamen Sancta Synodus ultra penas predictas juris & statutorum, vult, atque declarat dictas nominationes, & collationes sic factas, & faciendas esse ipso facto nullas, ac pro illa vice Collationes, & Provisiones dictorum Beneficiorum ad Ordinarium censi devolutas; mandans singulorum locorum Ordinariis, ut pro extirpatione dicte abusionis, ac excessus per se, & suos invigilent: de dictis Beneficiis sic devolutis, dum & quando casus, ut premititur, devolutionis, & vacationis evenierit providendo, celeriter quoque delinquentes juxta Canonum statuta puniendo, & emendando. Insuper, cum deformitati vestium Clericorum, ac Visitatoribus impedimenta prestantium, ut provideretur avisatum sit, hec Sancta Synodus statuit, & mandat, quod nullus hominum cujuscunque status, aut conditionis existat, Visitatores per locorum Ordinarios, aut quorumcunque religionum Prelatos destinatos in officio visitationis in antea quovismodo impediunt, sive impedire presumant, contrarium facientes, si Episcopi fuerint, eo ipso ab ingressu Ecclesie sint suspensi, reliqui vero per sententiam ex-

communicationis per Superiores percellantur, quodque singuli Ordinarii locorum in suis Diœcesibus super habitu Clericorum ubi per Statuta Synodalia provisum sufficienter non existat, prout de jure, ac loci opportunitate ipsis visum fuerit, celeriter per sua Statuta Synodalia provideant: Postremo cum Sanctissimus in Christo Pater, & Dominus CALIXTUS Divina Providentia Papa tertius, Bullas super electione sue Sanctitatis ad apicem Summi Pontificatus, ac Sedem Beatissimi Petri Principis Apostolorum, qui Tituli Sanctorum quatuor Coronatorum Presbyter Cardinalis extitit, Valentinus vulgare nuncupatus, Reverendissimo in Christo Patri & Domino, Domino THEODORICO Archi-Episcopo Maguntin. & suis Suffraganeis transmissit, que in hac Sacra Synodo per Nuncium sue Sanctitatis presentata sunt, in quibus sua Sanctitas desiderat, ut processiones, & orationes pro sua Sanctitate fiant, hec Sancta Synodus statuit atque mandat, ut singuli Episcopi Provincie Moguntine in suis

Diœcesibus, ac locis insignibus processiones, & devotiones indicant, & instituant in laudem Dei Omnipotentis, sueque Genitricis, ac totius curie triumphantis, ut Divina clementia sue Sanctitati manum adjutricem porrigat, qua roborata injectum sibi Sedis Apostolice Officium ad gloriam sui nominis, salutem, & pacem Populi Christiani, extirpationem heresum, confusionem, & supplantationem infidelissimi, ac atrocissimi Turci, exaltationem, & dilatationem fidei Christiane, ac Divini cultus augmentum valeat exercere. Conclusum, decretatum, ac datum Aschoffenburg ibidem in loco Capitulari, aulaque festiva Ecclesie Collegiate Sanctorum Petri & Alexandri, die sabbati vicesima prima mensis Junii. Anno Domini Millesimo, quadringentesimo, quinquagesimo quinto, sub secreto prefati Domini Archi-Episcopi presentibus appenso.

Descripta hæc Synodus ex Libro Synodorum Eystettensium anno 1484. impresso Eystadii in 4to.

WRATISLAVIÆ SYNODUS

Inter Annos MCCCCXLVII. & MCCCCLVI.

Statuta Synodalia Domini PETRI, (a)

Episcopi Wratislaviensis.

De Majoritate & Obedientia.

Quam grata, quam favorabilis, quam suavis, quam amabilis, quam acceptabilis sit erga matrem affectio filialis: quam vero execrabilis, damnata, scelestissima, fœvissima, maledicta, atque pœnalibus exterminanda suppliciis, irreverentia filiorum ad matrem: multis docemur exemplis. Et licet multa filios ad maternæ reverentiæ observationem efficaciter exhortentur: nonnullæ tamen Personæ Ecclesiasticæ, quæ Ecclesiam tanquam matrem, & ejus bona tueri, honorare, & defendere tenentur: dum sibi

quietem, & honorificentiam venantur in favorem secularium, matrem suam, unde tuitionem recipiunt, persequuntur: ita ut jam non filii, sed fratres, & Collegæ ipsorum, quibus dicitur: *Vos ex patre diabolo estis: (b)* appellari mereantur. Nos itaque hanc insolentiam exterminare affectantes, præsentī statuimus decreto: ut nulla Ecclesiastica Persona, exempta, vel non exempta, cujuscunque status, gradus, aut dignitatis existat, alicui laico cujuscunque præminentie, aut conditionis existat, contra Ecclesias, Ecclesiasticasve Personas, & eorum bona, quominus

(a) Petrus de Novack, Juris Consultus, Præpositus major Wratislaviensis Ecclesiæ, dicitur electus fuisse post annum 1447. & 1456. obiisse. *Ita Histoire Ecclesiastique d'Allemagne, imprimée a Bruxelles chez Francois Foppens an. 1724. Tom. II. pag. 168.*

(b) Joannis VIII, 44.

minus ea libere, & quiete possidere; immunitatibus Ecclesiasticis gaudere valeant: consilium vel favorem, directe vel indirecte, publice vel occulte, aut quovis quæsito ingenio, aut colore sinistro, legitimis causis non occurrentibus, impedere præsumat, aut condonare. Si quis autem famæ suæ prodigus, & proprii persecutor honoris, contra tam salubre statutum venire præsumpserit, ultra pœnam Synodalem ab ipso irremissibiliter exigendam, excommunicationis sententiam incidat ipso facto: cujus absolutionem Nobis specialiter reservamus.

Volumus etiam, & in virtute sanctæ obediendiæ districte præcipiendo mandamus; ut omnes Clerici nostræ Diœcesis, tam Nostros, quam Officialis nostri, & aliorum Judicum Ecclesiasticorum nostræ Diœcesis, processus quoscunque, sive mandata, contra quascunque personas, sive ex officio nobili, sive mercenario, edita & decreta, veneranter suscipiant, & debitæ executioni demandent, ut teneantur: nuntios vero, sive tabellarios eorundem mandatorum, consuetis favoribus pertractent: eosque ne per manus sinistras apprehendi, & in eorum agendis impediri, offendi, & periclitari valeant, quomodolibet aut tardari: sub umbra silentii, absque omni dolo, & fraude falvos recedere faciant, & procurent: sub pœna decem florenorum Nobis ad cameram nostram perfolvendorum.

Insuper volumus, & mandamus, quatenus nullus nostræ Diœcesis Clericus cujuscunque status, gradus, aut conditionis, mandata peregrina, sine Nostro, aut nostri in Spiritualibus Vicarii mandato, & licentia speciali acceptet, executionem eorundem per se, vel interpositas personas faciat, aut fieri procuret, seu in Ecclesiis suis affigi permittat: sed nuntios dictorum mandatorum, & portatores, ad Nos, vel nostrum in Spiritualibus Vicarium remittat cum effectu; sub pœna Synodali a contra facientibus strictissime exigenda.

De Foro competenti.

Pastoralis sollicitudinis studio jugiter invigilare convenit, ne quisquam per vexationes, vel afflictiones indebitas proximum opprimere permittat: sicque iusticia ordine debito ministretur, ut &

viris dolosis auferatur nocendi licentia, & ne quies, & tranquillitas Rectorum facile perturbetur. Inoleverunt enim haec tenus intolerabilium vexationum abusus permulti, dum nimium frequenter, & præsertim a remotis finibus nostræ Diœcesis, interdum in causis prophanis, & mere secularibus interdum in causis feudalibus, interdum propter cessiones imaginarias, & simulatas, interdum in causis non solum alibi in iudicium deductis, verum etiam calculo definitivæ sententiæ extinctis, quam plurimum ad nostrum Wratislaviense Consistorium, & Judices Commissarios, nostræ Diœcesis, citari, & evocari consueverunt, atque ita expensis, & laboribus fatigari. Et nonnumquam commodius arbitrantur, vexationem suam gravi damno redimere, quam sic litium subire dispendia, unde iurisdictiones perturbantur, & odia, ac rancores graviter suscitantur: Nos itaque tanti abusus habenas constringere cupientes: insuper statuimus & ordinamus, quatenus deinceps nullus Clericus cujuscunque status, gradus, aut conditionis existat, huiusmodi causas, aut aliquam ipsarum in se suscipere, nec coram quocunque Iudice Ecclesiastico nostræ Diœcesis movere, aut suscitare præsumat. Alioquin contrarium facientes ultra condemnationem expensarum, pœnam decem florenorum Hungaricalium: Procurator vero, qui onus procuratoris in jam dictis causis assumerit, & in eis, aut aliqua ipsarum postulaverit, aut procuraverit, quinque florenorum pœnam se noverit incurrisse: Nobis ab eisdem, & quolibet ipsorum, ad Cameram nostram irremissibiliter perfolvendorum.

De vita & honestate Clericorum.

Quoniam, qui abjectis vestibus proprio congruentibus ordini, alias sumere, & in publico portare præsumit, Professoris ordinis illius prærogativa se reddit indignum: hac nostra constitutione sancimus, ut omnes & singuli, tam Religiosi, quam seculares Clerici, curati & non curati, cujuscunque status, ordinis, gradus, aut conditionis existant, aut quacunque splendeant dignitate, juxta suarum dignitatum, statuum, ordinum, & graduum existentiam, habitum proprium, & tonsuram, ac coronam Clericalem, & vestes

vestes mediocritatis, obediendo Canonibus deferant. Virgatis quoque & partitis, aut scacatis vestibus, fibulas, vel corrigias auri, vel argenti habentes, aut pannos rubei aut viridis coloris, nec non quadraturis in ora vestimenti circumferentialiter, & ad apparentiam confutis non utentur: nisi in præmissis, aut aliquo præmissorum per rationabilem causam poterint excusari, ut sic per decentiam habitus extrinseci, morum intrinsecam valeant ostendere honestatem. Contrarium facientes, ultra pœnas suspensionis & inhabilitatis hujusmodi mandati transgressoribus, & signanter Religiosis, a jure communi infictas, pœnam Synodalem se noverint incurrisse, Nobis ad Cameram nostram irremissibiliter persolvendam.

Volumus etiam, ut a crapula & ebrietate abstineant. Nec tabernatorum aut carnicum officium exerceant. Aut de commerciis, mercantiis, & negotiis quibuscunque, vel officiis secularibus clericali honestati non convenientibus se intromittere audeant. Nec comam aut barbam nutriant. Nec arma offendendi animo deferant: aut tabernas frequentare præsumant. Aleas vero & taxillos penitus non ludant, nec hujusmodi & aliis ludis theatralibus ad vanitatem introductis, aut in sorte constitutis intersint: sed in omni modestia, honestate & timore Dei, cum viris timoratis suas habeant conversationes. Missas & alia Divina Officia in Ecclesiis suis devote peragant. Ac in omnibus sic clericaliter vivant: ut vita, doctrina, & exemplo alios ad bene vivendum provocent & inducant: pœnis sub præmissis, & aliis gravioribus, juxta qualitatem & magnitudinem delicti, a delinquentibus, nostro officio acerrime exigendis.

De cohabitatione Clericorum & Mulierum.

Quoniam id, quod a Prælati & Clericis quibuscunque agitur, a subditis facile trahitur in exemplum. Ut igitur Clericorum mores reformare, & incontinentiæ vitium tanquam majus (quia pro pudor communius) eliminare valeamus: hac nostra constitutione irrefragabiliter ordinamus, quatenus omnes Clerici, cujuscunque status, dignitatis, or-

dinis, aut conditionis existant, concubinas, sive focarias, aut alias mulieres quasunque de incontinentia suspectas, quas secum in dote, & domibus propriis, aut alienis, tenent, foveant, & habent, rejiciant, & desistant, ac eas a domibus propriis, & aliorum penitus dimittant: nec eis amplius conversari, aut eas accedere præsumant; ut sic a concubinatus scelerata fœditate purgati in Domo Domini digne valeant famulari: sub pœna decem florenorum Nobis ad Cameram nostram irremissibiliter persolvendorum.

De Institutionibus.

Fama referente accepimus, quomodo nonnulli Clerici, maxime peregrini, de quorum Sacerdotio, vita, & moribus nemini constat, non per verum institutionis ostium, sed aliunde tanquam fures & latrones, plures Ecclesias & Beneficia Ecclesiastica nostræ Diœcesis, cura & regimine animarum, a Nobis, aut nostro in Spiritualibus Vicario non obtenta, intrant, administrationes de manu laici recipiunt, & jam receptas tenent, sicque in vestimentis ovium, lûpi rapaces, intrantes ovile, non ut gregem Domini cum solatio reficiant, sed potius ut suæ aviditatis ingluvie de lana ovium valeant satiari: seque de confessionibus, absolutionibus, & aliis, quæ sunt de cura animarum, intromittunt: unde simplices homines decipiuntur, periclitantur animæ, & persæpe idololatria, ac multa sceleratissima scelera, Divinam Majestatem offendunt committuntur. Ne igitur tam periculosa calliditas per impunitatis licentiam fortius invalescat, præsentis constitutione statuimus & ordinamus: quatenus omnes & singuli Archi-Presbyteri in suis sedibus, omnes Clericos beneficiatos, & præsertim curam habentes animarum, nostra autoritate ad se evocent, de ipsorum Sacerdotio, præsentationibus, institutionibus, & præcipue de cura & regimine animarum, informationem sufficientem ab eisdem, & quolibet ipsorum recepturi. Et si quos non Sacerdotes, vel alias injuste vel dolose in pasturam ovium intrasse repererint, mox detineant, & detineri faciant, Nobis, aut nostro in Spiritualibus Vicario ulterius ad Curiam nostram Wratislaviensem transmittendos: invocato etiam ad hoc, si opus

fuert, brachio seculari, quos tanquam animarum seductores ita castigare curabimus, ut exemplo illorum addiscant cæteri, a talibus versutiis & actibus scandalosis abstinere.

De rebus Ecclesiæ non alienandis.

Quoniam nonnulli nostræ Diœcesis, census, & proventus suorum Beneficiorum in usus prophanos dispergunt: & dum census sub reemptionis clausula comparati, reemuntur, pecunias capitales ad se recipiunt, dilapidant, & consumunt. Plures etiam ex pacto iniquitatis, quo Ecclesias, & Beneficia sua intrant, Patronis ipsorum indulgent, ut certos census ab eorum Beneficiis distrahant, & in usus suos beneplacitos convertant, in animarum suarum grave periculum, & Beneficiorum Ecclesiasticorum dispendia, & gravamen, unde plura Beneficia tanquam exhausta, inania, & eviscerata depereunt, & quasi exultantia a memoria hominum in terram oblivionis relegantur. Nos vero, qui Divinum cultum nostris temporibus diligimus adaugeri, tantæ malitiæ viam præcludere, & tam iacturosos dispendiis occurrere cupientes: insuper statuimus, & ordinamus, quatenus tam nostræ majoris, & aliarum Collegiatarum Ecclesiarum Prælati, Canonici, Vicarii, Mansionarii, Altaristæ, necnon Clerici Beneficiati, Curati, & non Curati, universi & singuli, per nostram Wratislaviens. Diœcesim ubilibet constituti, omnia privilegia, sub quocunque tenore verborum, & quacunque autoritate data, indulta, & concessa, seorsum, & in una charta, nec non omnes & singulos census, redditus, decimas & proventus, ubi & in quibus villis, vel locis, & quibuscunque rebus, seu decimis consistant, ad ipsos & eorum Dignitates, Personatus, Canonicatus, Præbendas, Officia, & Beneficia curata, & non curata, ad Capellas, sive Altaria, in limitibus Ecclesiarum suarum existentes, tam communiter & collegialiter, quam seorsum, & divisim, & singulariter spectantes, & spectantia: nec non libros, calices, ornamenta, & alia clenodia Ecclesiastica, similiter in alia charta sigillatim determinata, & juxta originales fundationes, erectiones, institutiones, incorporationes, & privilegialium, ac aliarum quarumcunque literarum censualium, tam

sub hæreditario, quam sub reemptione, & aliis quibuscunque titulis datarum continentias, & tenores fideliter conscribant: & quilibet seorsum pro suo interesse sub propriis expensis conscribat, & conscribi faciat, & conscripta infra duorum mensium spatium a die præsentis Synodi continue & immediate sequente, de Præbendis, Dignitatibus, & Beneficiis quibuscunque, in nostra Wratislaviens. & aliis Collegiatis Ecclesiis, Præposito & Decano, aut in eorum absentia immediate duobus Prælati: de Beneficiis vero extra easdem Collegiatas Ecclesias constitutis, Archipresbyteris sedium dent, tradant, præsentent: & quilibet eorum det, tradat, & præsentet integre, & cum effectu Nobis quatenus apud nostram Wratislaviens. Ecclesiam, tanquam matrem reponi, & fideliter conservari valeant, ulterius transmittenda; ne per amplius ipsi, aut ipsorum aliqui fraudibus in executionem, dissipationem, dilapidationem, & fundamentalem destructionem privilegiorum, censuum, reddituum, & aliorum bonorum Ecclesiasticorum machinari: sed potius hæc omnia præmissa auscultatione originalium per decreti nostri interpositionem conservari valeant, & adaugeri; alioquin spacio duorum mensium decurso, si secus fecerint, ultra pœnam Synodalem, quam contra facientes incurere volumus ipso facto ad alias pœnas quantum de jure poterimus procedemus.

Volumus etiam, quatenus ipsi, & quilibet ipsorum census, redditus, & proventus, suis Beneficiis non incorporatos, ac Beneficia quæcunque in nostra Diœcesi de novo erecta, & fundata, nedum per Nos confirmata, infra unius mensis spacium, a die præsentis Synodi, incorporari, & confirmari disponant cum effectu: ne ex eorum desidiosa negligentia dicta Beneficia non confirmata, & census non incorporatos, tractu temporis aboleri, minui contingat, & fraudari; alioquin si secus fecerint, ex tunc dicto termino decurso, ipsos, & quemlibet ipsorum, spiritualium bonorum laniatores, & destructores animadversione condigna castigare curabimus, censura qua convenit Ecclesiastica mediante.

De Testamentis & ultimis Voluntatibus.

Volumus etiam, ut tam nostræ majoris, quam etiam aliarum Ecclesiarum Collegiatarum Prælati, Canonici, Custodes, Subcustodes, Vicarii, Præcentores, Mansionarii, nec non Clerici habentes Beneficia Ecclesiastica, curata & non curata, per nostram Diocesin ubilibet constituti, omnes & singuli, & singulariter unusquisque de Beneficio suo Ecclesiastico, etiam si dignitas aut personatus fuerit, dummodo tamen in taxa communi ad valorem annuum decem marcarum, vel ultra se extenderit, unum florenum Hungaricalem: si autem in taxa communi ad quinque marcas, vel ultra non tamen ad decem marcas se extenderit, annuatim unum medium florenum: si vero mansionaria, altare, aut aliud beneficium vel officium fuerit, quod ad quinque marcas in communi taxa se non extendat, unum fertonem in suo testamento testari, donare, & assignare debeat, & teneatur. Alioquin si testator Beneficium, seu Beneficia, Personatus, & Dignitates, si quod, vel quæ habet, tacitus in suo testamento præterierit, extunc dictum testamentum, si sic dici meretur, viribus evacuamus, volentes ipsum intestatum decessisse, atque id nullius esse roboris vel momenti. Si autem intestatus decesserit, extunc de omnibus per eum derelictis pro quolibet Beneficio, quod tempore mortis habuit, vi præsentis nostræ constitutionis, modo quo supra ante omnia debita portio deducatur, & hinc inde Beneficiis suis assignetur: aliis constitutionibus de testamento & ultimis voluntatibus, nec non de peculio Clericorum, tam a jure communi, quam etiam consuetudinibus editis a nostris Prædecessoribus, & a Nobis huc usque tentis, & observatis, semper salvis, & in firmitate duraturis. Insuper mandamus; quatenus omnes & singuli Clerici & laici utriusque sexus, cujuscunque dignitatis, status, gradus, aut conditionis existant, testamenta, & ultimas voluntates, per quascunque personas facta, edita, & ordinata, aut in futurum facienda, edenda, & ordinanda, factas, editas, & ordinatas coram Nobis, aut nostro in hac parte deputato, vel deputando Commissario,

infra duorum mensium spacium, a præsentium infirmatione continue, & immediate computando, in medium offerant, & producant: de præmissis testatis, legatis, & assignatis, & eorum fideli executione & dispositione juxta testamentorum, & instrumentorum desuper editorum continentiam & tenorem, integram & sufficientem rationem reddituri, ut tenentur. Alioquin si secus fecerint, extunc dicto termino evoluta, omnia & singula testata, legata, & donata a præmissis testamentariis, censura qua convenit mediante, integre repetere, voluntatem quoque dictorum testamentorum autoritate nostra ordinaria exequi curabimus, & adimplere: dictorum testamentariorum contradictione, negligentia & rebellione non obstantibus, quos nihilominus pro tanta desidia & negligentia castigare non omitemus.

Statuimus etiam pœnis sub præmissis, ut in qualibet Ecclesia post elevationem vivifici Sacramenti Corporis Domini nostri JESU CHRISTI, in summa Missa cantetur Antiphona: *Contre Domine fortitudinem inimicorum Ecclesie tue* &c. cum Versiculis & Collectis a Nobis desuper institutis: quatenus propitiationis Agnus precibus nostris placatus, omnium adversitatum horrores tranquillet ad pacem sempiternam.

Insuper ordinamus, ut quilibet Sacerdos in nostra Diocesi constitutus, in omnibus suis Missis istas clausulas in fine ultimæ Collectæ, & in Secreto, ac complenda: *Pacemque tuam, &c. Et Famulum tuum Antistitem nostrum, cum omnibus suis commissis, &c.* adjicere, & imponere non omittat pœnis sub præmissis.

Item ordinamus sub jam dicta Synodali pœna, ut in qualibet Ecclesia nostræ Diocesis, singulis diebus mane & sero pulsetur campana pro pace & unitate Ecclesiæ.

De Sententia Excommunicationis.

Ad vitandum scandala, & multa pericula, quæ evenire solent conscientis timoratis: statuimus & ordinamus, quod nemo deinceps a communione alicujus in Sacramentorum administratione, vel perceptione, aut aliis quibuscunque Divinis, vel extra prætextu cujuscunque sententiarum,

tia, aut censura Ecclesiastica, seu suspensione, aut prohibitione ab homine, vel a jure generaliter, vel specialiter promulgata, teneatur abstinere, vel aliquem vitare, aut interdictum Ecclesiasticum observare: nisi sententia, prohibitio, suspensio, vel censura hujusmodi fuerint, in vel contra personam, Collegium, Universitatem, Ecclesiam, aut locum certum, vel certam, a Judice publicata, vel denunciata specialiter, & expresse: aut si aliquem ita notorie excommunicationis sententiam constiterit incidisse, quod nulla possit tergiversatione celari, aut aliquo juris suffragio excusari: nam tunc solum a communione illius abstinere volumus, juxta Canonicas Sanctiones. Per hoc tamen hujusmodi excommunicatos, suspensos, interdictos, aut prohibitos, in aliquo non intendimus relevare, nec eis quomodolibet suffragari.

De Clandestina desponsatione.

Insuper mandamus penis sub præmissis, quatenus nullus Presbyter in contrahendis matrimoniis aliquas personas copulare presumat bannis non præmissis: sed prius in ecclesiis publice coram plebis multitudine tria proponat edicta, ut qui voluerit, & valuerit, legitimum imponat impedimentum. Presbyteri etiam medio tempore, tam a partibus copulandis, quam etiam ab aliis de impedimentis diligenter inquireant. Et si nec per impositionem, nec per investigationem de impedimento constiterit, eos copulare non omittant. Si autem per oppositionem cujuscunque, aut alias contra copulam in facie Ecclesiæ consummandam probabilis apparuerit conjectura, mox contractus interdicatur: nec tunc ad consummandum matrimonium in facie Ecclesiæ admittatur, donec quid fieri debeat, per Nos, aut nostrum Officiale, sint edocti. Certificantes eosdem, quod si secus fecerint, quod tunc contra eosdem ad penam Synodalem, ac ad alias penas vigorosius procedemus: aliis penis, tam in contrahentes, in forma Ecclesiæ, quam etiam copulantes eosdem, semper salvis, & in sui firmitate duraturis: a Nobis nihilominus contra eosdem exequendis.

De Celebratione Missarum.

Quoniam nonnulli Ecclesiarum Re-

ctores magis appetentes otii effeminari, ac sceleribus, quam fructuosis exercitiis laboribus: feminalis operationis exercitatione postposita, adeo otiationis energiam desiderant, ut vix in Ecclesiis suis infra unius hebdomadæ decursum unam Missam: plures etiam Altaristæ (quod deterius est) in suis Beneficiis per integrum anni circulum nullam Missam celebrant, nec ab aliis suo loco disponunt celebrari: unde crescit inde votio in fidelium cordibus, ita ut plures a Beneficiorum fundatione, dotatione, & aliis piis causis retrahantur, & multa incommoda suscitentur. Nos igitur tanti otii sterilitatem, quæ pravæ sobolis solet fecunditate imprægnari, excutere, ac Clerum nostrum a negligentia somno suscitare affectantes, hac nostra Synodali constitutione sancimus, ut quilibet Presbyter curatus in sua Parochiali Ecclesia singulis septimanis tres Missas ad minus, Altarista vero Missam per se, aut alium idoneum Presbyterum, celebrare teneantur, nisi ad plures celebrandas ex fundatione, origine, aut consuetudine sint astricti, sub pena Synodali, a negligentibus ad Cameram nostram irremissibiliter persolvenda.

Volumus etiam & ordinamus, ut quilibet Clericus in Ecclesia, in qua Beneficiatus existit, singulis Dominicis, & aliis diebus, quibus ex ritu institutionis, & observantiæ Sanctæ Matris Ecclesiæ solennes fieri solent Processiones, ipsis Processionibus decenter habituatus intersit propria in persona: nisi per justam absentiam, aut aliam legitimam causam, ad quam probandam sit adstrictus, digne valeat excusari, sub pena unius grossi usualis, quam negligentem, desidiosum, sive absentem, toties, quoties, incurrere volumus ipso facto. Prædictam autem penam in nostra Vratislaviensi Ecclesia, & in aliis Collegiatis Ecclesiis per Vice-Decanos: in aliis vero non Collegiatis Ecclesiis per Ecclesiarum Rectores exigere volumus & mandamus, ad alias penas nihilominus prout pravitas exegerit delinquentium, auctoritate ordinaria processuri. Insuper ordinamus sub obedientiæ debito, & pena Synodali districtius injungenda, quatenus omnes & singuli Clerici nostræ Diocesis, & præsertim Collegiarum, &

& aliarum Ecclesiarum Parochialium Rectores, in Missarum celebrationibus, in jejuniis & festivitatum observationibus, & aliis Divinis Officiis decantandis, in initio, medio, & fine collectarum, in accentibus Epistolarum, Evangeliorum, Præfationum, & in aliis ceremonialibus, eundem, quem nostra Wratislaviensis Ecclesia tenet ritum, morem, & Divinum ordinem, per Nos præsentis anno institutum, & in profuturum instituendum habeant, publicent, teneant diligenter & observent: seque etiam tanquam membra suo capiti pari vocis consonantia, & consonanti concordia in omnibus coaptent, & conforment: ne ex differentia rituum scissura fidei, aut vacillatio simplicium cordibus immitatur.

De Immunitate Ecclesiarum.

Sacrorum Canonum vestigiis adhære cupientes, statuimus, & sub pœna Synodali firmiter præcipiendo mandamus: ne quis cujuscunque status, gradus, ordinis, dignitatis, aut præmiæ fuerit, impetratores literarum nostrarum, aut Judicum Ecclesiasticorum nostræ Diocesis, super causis, negotiis, seu quæstionibus, quæ de jure, aut antiqua consuetudine ad forum Ecclesiasticum pertinere noscuntur, ad desistendum, vel in foro sæculari de quæstionibus hujusmodi litigandum, per captionem nunciorum, processuum, & literarum lacerationem, rerum, & bonorum ablationem, modisque aliis quibuscunque compellat, seu compelli faciat, vel procuret: nec per se aliosque impediat, quominus coram Judicibus Ecclesiasticis nostræ Diocesis, in præmissis causis, aut aliqua ipsarum, possint libere justitiam obtinere. Si quis vero

contra præsumperit, ultra pœnam Synodalem excommunicationi se ipso facto noverit subjacere, cujus absolutionem Nobis specialiter reservamus. Inhibentes nihilominus omnibus tam Religiosis, quam sæcularibus Presbyteris, ne sic delinquentibus, & jurisdictiones Ecclesiasticas perturbantibus, munus absolutionis impendere præsumant, etiam si auctoritatem nostram in absolutione meruerint obtinere, nisi hoc eis specialiter concedatur. Sed eos, & quemlibet ipsos tanquam excommunicatos publice vitare, ac eosdem in suis sermonibus coram plebe singulis diebus Dominicis denunciare, ad Nos quoque pro absolutionis beneficio obtinendo remittere debeant, & teneantur sub pœna Synodali ab eis postulanda.

Volumus etiam, ut hi, qui faciunt, impediunt, vel procurant per se, vel per alios quoquomodo, ne ad eos possit citatio pervenire: vel quorum domicilia, sive loca non possunt tuto libereve adiri, per citationes jantiis nostræ majoris Wratislaviensis Ecclesiæ, aut aliarum vicinarum Ecclesiarum affixas citari valeant, & ardent hujusmodi citationes post lapsum termini, quem distantia considerata locorum citationibus ipsis apponi convenit competentem, ac si ad eos personaliter pervenissent: ita ut Judex contra talem procedere poterit, tanquam contra contumacem. *Hæc de Statutis Synodalibus Domini PETRI, Episcopi Wratislaviensis.*

Impressa fuere Nurembergæ anno 1512. per Hieronym. Holtzel, expensis Francisci Klofe de Wratislavia, recusa Wratislaviæ anno 1585.

Leguntur etiam apud *Lunig. Continuatur. II. Spicilegii Eccles. pag. 1205.*

CONCILIIUM CONSTANTIENSE

Anno Christi MCCCCLXIII. die S. Galli. Pii II. PP. VI.
Friderici III. Cæs. XXIV.

SUB BURKARDO EPISCOPO.

TITULI.

I. De Summa Trinitate & Fide Catholica.
Ad idem.

II. De Officio Decani Rubrica.
Ad idem. Ad idem. Ad idem.

Tomus V. Concilior. German.

L I I

III. De

compendiosius redigendas, quibusdam interdum mutatis, & penis adjectis, & superfluis amputatis, & aliquibus novis adjectis, que a jure & Sacris Generalium & Provincialium Conciliorum sanxitis fundamentis equitati deserviunt, & debitam continent honestatem, que per vos, & unumquemque... auctoritate nostra ordinaria precipimus inviolabiliter custodiri. Volentes & presentibus statuente auctoritate eadem, ut universi Nobis subiecti hoc tantum volumine seu libello pro Constitutionibus nostris Synodalibus in futurum utantur, quod quidem volumen sub sigillo nostro quilibet Decanus Nobis subditus habere teneatur, per eum, seu ejus vices gerentem in Capitulo rurali Confratribus suis, & aliis, quorum interest, singulis annis, qualibet excusatione cessante, bis ad minus publicandas.

*De Summa Trinitate, & Fide
Catholica.*

Inprimis igitur omnia & singula in Sacro Provinciali Concilio Maguntinensi dudum celebrato per recolende memorie quondam Dominum CONRADUM tunc Archi-Episcopum, & Metropolitani loci, tam de Fide Catholica, quam veneratione & memoria Passionis Domini nostri JESU CHRISTI, & ipsius Beatissime Matris semperque Virginis MARIE, ac reformatione morum provide statuta & ordinata, que hic volumus haberi pro expressis, devotissime suscipimus, & illa ab omnibus subditis nostris inviolabiliter observari mandamus, indulgentiasque plures, scilicet quadraginta dierum per Civitatem & Diocesim nostras omnibus contritis & confectis, qui juxta mentem eorundem statutorum contra hereses Johannis Wicleff, Johannis Hus, & Hieronymi de Praga damnatorum operam & efficaciam dederint, ac illis, qui memoriam Passionis Domini nostri JESU CHRISTI, seu venerationem Gloriosissime Virginis MARIE deinceps egerint, de DEI Omnipotentis misericordia, auctoritate nostra ordinaria de injecta eis penitentia elargimur.

Ad idem.

Quamvis a sacris Canonibus & Sanctorum Patrum traditionibus contra
Tomus V. Concilior. German.

manifestos Sanctorum blasphemos, & damnatum, & abhominabile ydololatriæ scelus, videlicet incantationes, superstitiones, & fortilegia phytonum & phytonissarum in locis diversis sufficienter cautum & provisum existat, quia tamen, quod mentis amaritudine referimus, adhuc vicia talia in multis locis Nobis subiectis existunt in usu, quapropter erroribus & periculis exinde indies surgentibus, quantum in Nobis est, obviare cupientes, districte statuto presenti perpetuo duraturo precipimus, ut contra tales Statuta Canonum desuper edita summa cum diligentia ab universis Nobis subiectis practicentur, & in confessionibus de peccatis hujusmodi solers fiat inquisitio, ut tam mares, quam mulieres talia exercentes, a communione Sacramentorum excludantur, ac pro absolutionibus ad Nos, vel Vicarium nostrum remittantur. Et nihilominus, si qui publici blasphemii reperti fuerint, vel de ejusmodi incantationibus & superstitionibus ab Ecclesia reprobatis se intromiserint, vel eisdem fidem adhibuerint, ut ab his infra breve tempus eis statuendum desistant, volumus moneri sub pena suspensionis a Divinis & Ecclesiastica sepultura, a qua non nisi per Nos, vel Vicarium nostrum, aut nostros Superiores valeant liberari. Hoc etiam statutum nostrum salutiferum, ne quis illius ignorantiam pretendere possit, volumus per regentes curam animarum in Cancellis Ecclesiarum si & quotiens expedire visum fuerit, solemniter publicari.

De Officio Decani Rubrica.

Indemnitatibus Ecclesiarum & Beneficiorum, que frequenter propter eorum longam vacantiam grandia in spiritualibus & temporalibus dispendia patiuntur, occurrere volentes BURCHARDI olim Episcopi Constantiensis, Predecessoris nostri vestigiis inherendo statuimus, ut quilibet Decanus, seu vices horum tenens, singulis annis ad minus bis, scilicet in quibuslibet sex mensibus semel in presentia Confratrum suorum in loco Capitulari congregatorum de omnibus Beneficiis infra Decanatum solum vacantibus, curatis & non curatis, que ultra tempus Collatoribus seu Patronis eorundem a jure statutum vacaverint: nec

non de ipsis Collatoribus & Patronis, ac eorum nominibus diligentius inquirat; Nobis, seu Vicario nostro in Spiritualibus illa cum suorum Patronorum & Collatorum nominibus quamprimum commode possit, sic tamen, quod istud ultra duorum mensium spatium non differat, post inquisitionem huiusmodi in scriptis notificet. Quod si facere omiserit, penam suspensionis ab officio Divinorum dicto duorum mensium spatio lapsa incurrat, quam etiam penam quilibet Confratrum, qui super premisis requisitus ea Decano scienter celaverit, incidat simili modo. Verum quia nonnulli pretextu literarum Apostolicarum, quas se impetrasse mentiuntur, Ecclesiastica Beneficia vacantia propria temeritate in periculum animarum suarum occupare presumunt, ordinamus, ut de cetero quilibet Decanus, seu ejus locum tenens, tam eorum, qui infra suum Decanatum Ecclesiastica Beneficia vigore literarum Apostolicarum assequuntur, quam etiam Beneficiorum & Patronorum eorundem nomina infra mensis spatium a tempore assentionis huiusmodi computandum, Nobis, vel Vicario nostro rescribat; seu notificet, alioquin similem penam, ut prefertur, dicto mense lapsa incurrat, tempus autem a jure datum pro conferendis Beneficiis Patronis Ecclesiasticis sex menses, laicis vero quatuor intelligatur.

Ad Idem.

Præterea statuimus & ordinamus, ut quilibet Decanus, seu ejus locum tenens intra proximos tres menses a publicatione presentium, omnes suos Confratres, ceterosque Presbyteros seculares, & Religiosos infra suum Decanatum Beneficia Ecclesiastica inofficiantes, de quorum titulis, seu induciis sibi non constat, ad ostendendum sibi investituras, aut inducias Beneficiorum suorum moneat, & eos qui infra quindecim dies ammonitionis huiusmodi illas sibi non ostenderint, ab inofficiatione Beneficiorum suorum auctoritate nostra in scriptis cum inserctione causæ suspensionis suspendat, & de cetero nullum infra suum Decanatum ad inofficiandum aliquod Beneficium Ecclesiasticum, nisi sibi prius ostenderit investituram, aut inducias si-

gillatas, scienter toleret, & admittat. Quod si quempiam talium literas suas, ut prefertur, sibi non ostendentem, in regimine, & inofficiatione Ecclesiastici Beneficii contra premissa tolerare presumpserit, ipsum, ut supra mandatur, non suspendendo, extunc aliis quindecim diebus elapsis suspensionis sententiam propter huiusmodi negligentiam suam incurrat ipso facto: sit etiam forma suspensionis, quam in scriptis Decani ferant: Quia tu monitus, ut titulum, vel inducias tui Beneficii ostenderes, infra quindecim dierum spatium huiusmodi mandato non paruisti, nec titulum ostendisti; ideo auctoritate mihi concessa te in his scriptis a Divinis suspendo, & suspensionem denuntio. Quam formam etiam in aliis censuris infligendis juxta causam exigentiam volumus observari.

Ad Idem.

Considerantes, quod Decani rurales pro eo constituuntur, ut Clericorum honestatem, & Confratrum utilitatem procurent, excessus eorum referant, mandata nostra, Vicarii, & Officialis nostrorum debite exequantur, & singula, que a Superioribus mandantur, ad notitiam Confratrum suorum deducant: que cum a Decanatibus suis absentes nequeant adimplere, statuimus & ordinamus, ut quilibet Decanus nostre Diocesis teneatur residentiam facere infra suum Decanatum personalem, decernentes, ut absentes a suis Decanatibus Decani, nisi infra mensem proximum a publicatione presentium ad residentiam taliter, secum effectu receperint, & etiam illi, qui se de cetero a suis Decanatibus absintaverint, animo alibi residendi, seu domicilium extra Decanatum suum constituendi, & fovendi in absentia huiusmodi per unum mensem persisterint ab huiusmodi suis Decanatibus lapsa mensis spatio predicto sint eo ipso privati, moxque Camerarius teneatur Confratres Capitulares pro alterius Decani electione convocare, & alium Decanum cum eisdem eligere. Quod si Camerarius infra quindecim post lapsum dicti mensis spatii facere neglexerit, sit eo ipso ab Officio Divinorum suspensus.

Ad

Ad Idem.

Hac insuper constitutione universis, & singulis Decanis Nobis subiectis precipimus, ut notorios excessus, & prefertim illos, quibus Ecclesia scandalifatur quorumcunque infra suum Decanatum Beneficiorum, seu aliorum Clericorum infra duos menses a tempore notitie sue computandos, Nobis, seu Vicario nostro notificent, & conscribant. Quod si quis facere neglexerit, & huiusmodi statutum executus non fuerit cum effectu propter Omnipotentis Dei misericordiam, quam incurrit, pena condigna, per Nos, aut nostrum Vicarium puniatur, & mulctetur. Sunt autem scandalosi excessus, furtum manifestum, homicidium, fornicatio scandalosa Presbyteri, & adeo notoria, quod nulla potest tergiversatione celari. Item si Clericus literatorie excommunicatus publice, & in forma Ecclesie celebraret, vel ministraret legendo Evangelium, seu Epistolam. Item si Clericus usuram manifeste exerceret. Item si Clericus cuiuscunque gradus post monitionem Decani se tabernis, lupanaribus, & actibus illicitis notorie immisceat, & his similes.

Insuper ordinamus, ut nullus in Decanum ruralem nostre Dioecesis electus, aut eligendus, nondum confirmatus officium Decani ante confirmationem suam a Nobis, vel Vicario nostro obtinendam, exercere, aut se Decanum nominare, vel scribere, vel pro tali gerere quomodolibet presumat: formam autem iuramenti per Decanum quemlibet in sua confirmatione prestandi talem esse volumus juxta ad Nos deductam, & longeve observatam consuetudinem, ut sequitur: Primo videlicet jurabit, quod mandata nostra, Vicarii, & Officialis nostrorum pro tempore existentium reverenter exequatur, ut Nobis, & eidem fidelis erit, quodque officium, ad quod electus est, fideliter exercebit absque dolo, & fraude. Item quod penes se habeat statuta Synodalia & illa in anno quater, vel evidenti se dante necessitate, vel impedimento, minus bis Contratibus suis ad intellectum publicabit, eaque inviolabiliter observabit, & ab aliis quantum in eo est, observare faciat dolo, & fraude temotis. Quod insuper excessus Contratum

suorum, prout ad se spectat, corrigere, incorrigibiles vero pro eorum excessibus pro quibus deferendi sunt Nobis, vel Vicario, seu Officiali nostris deferre non tardabit.

Ceterum quamvis ex Predecessorum nostrorum, & etiam nostra concessione diu tolerata, Decanis locorum competat facultas, Ecclesiis per obitum vacantibus ad mensis spatium, a die vacationis earundem computandum, per personas ydoneas providendi in Divinis & animarum cura, nolumus tamen, quod induciis autoritate nostra ordinaria ad Ecclesias ipsas, vel alia Beneficia vacantia concessis expirantibus, ipsi Decani illis perinde providendi absque nostra, vel Vicarii nostri speciali licentia aliquam habeant facultatem, alioquin si secus per ipsos actum fuerit, decernimus viribus carere.

De Remunerationibus Beneficiorum.

Universis nostri Episcopatus Ecclesiasticis Personis Beneficiatis districtius prohibemus, ne Beneficia nostrarum civitatis, & Dioecesis debeant aliter, quam in manus nostras, seu Vicarii nostri, vel Superioris ad hoc potestatem habentis dimittere, vel resignare, aut illa aliis, nulla super hoc a Nobis, vel Vicario nostro, vel alterius ad hoc potestatem habentis licentia relinquere. Quod si secus actum fuerit, ad huiusmodi resignata, & dimissa Beneficia, per Nos, vel Vicarium nostrum, nisi forte ex causa rationabili tales resignationes auctoritate nostra approbarentur, seu ratificarentur, quisquam nullatenus instituatur.

De temporibus Ordinationum.

Sepe contigit, quod nonnulli Clerici civitatis, & Dioecesis nostrarum vinculo excommunicationis astricti, aut apostate, seu irregulares, vel ydiote, aut alias susceptione Sacrorum Ordinum indigni, in remotis partibus per alienos Episcopos quandoque furtive, & quandoque per saltum, & interdum extra statuta tempora, & alias indebite se faciunt contra Statuta Sacrorum Canonum promoveri, & deinde se a Romano Pontifice, vel alias debite promotos mentientes, in Sacris Ordinibus presumunt ministrare; volentes igitur his pro executione

cutione juris communis juxta posse providere, statuimus, ut nullus civitatis, & Dioecesis nostrarum Clericus, absque licentia speciali Nostra, seu Vicarii nostri ad Sacros Ordines promotus, in ordinibus hujusmodi in civitate, & Dioecesi nostris ministrare presumat, seu ad executionem ordinum taliter susceptorum per aliquem admittatur, ymo ipsum, & quemlibet ipsorum sic furtive promotorum ab ingressu Ecclesie suspendimus, donec, & quousque de ordinibus suis coram Nobis, vel Vicario nostro docuerit, & quod admitti debeat, nostris, seu Vicarii nostri literis patentibus ostendat. Si quis autem hanc constitutionem transgredi, & contra illam in susceptis ordinibus non admittitur, ut predicatur, ministrare presumpserit, eo ipso excommunicationis sententiam incurrat, quam etiam extunc per Decanum, & alios Confratres, apud quos tales moram fecerint, ipsos incurrisse denuntiari volumus, & publicari.

De Filiis Presbyterorum.

Sacris disponentibus ordinationibus Filii Sacerdotum in Ecclesiis Patrum ministrare, aut eas, aut alia in eisdem Beneficia Ecclesiastica quomodolibet obtinere, & ipsi, & alii illegitime nati, seu ex illegitimo coitu procreati, sine dispensatione Sedis Apostolicæ Beneficia curata obtinere prohibentur, & si ex dispensatione hujusmodi unum curatum obtineant, deinde tanto defectu natalium, quem patiuntur, a sede prefata, ut duo, vel plura Beneficia similem curam habentia recipere possint, & retinere valeant, si eis Canonice conferantur, obtineant, tales dispensationes, tanquam per turreptionem obtente nullius penitus sint momenti. Quapropter censentes, parum fore jura condere, nisi executionibus demandentur; Volumus, & statuimus, ut deinceps Sacerdotum Filii in suorum Patrum Ecclesiis in nostris civitate, & Dioecesi ministrare, aut eas, seu alia Beneficia in eisdem quomodolibet obtinere non presumant, illaque extunc in antea per ipsos taliter contra juris dispositionem occupata, vacare decernimus, & eorum Collatoribus licentiam talia ydoneis conferendi presentibus assignamus, nisi cum ipsis per Sedem Apostolicam deli-

per fuerit dispensatum: eisdem Clericorum, & aliorum illegitime natis beneficiis nostrarum civitatis, & Dioecesis, presentibus injungentes, ut infra unius mensis spatium a publicatione presentium, de suis dispensationibus, tam super eo, quod in Ecclesiis Patrum ministrare, succedere, & in eis Beneficia obtinere valeant, quam super defectibus suis, & pro obtinendis uno, vel pluribus beneficiis, a Sede Apostolica obtentis coram Nobis, vel Vicario nostro doceant, ut animarum periculis, & Ecclesiasticis beneficiis debite provideatur. Quod si secus fecerint, contra ipsos secundum ordinationes predictas, prout de jure poterimus, procedemus.

De Clericis peregrinis.

Didicimus, quod in civitate, & Dioecesi nostris plures peregrini, de quorum promotione non constat, in Sacris Ordinibus publice ministrant, & curam regant animarum, licet literas commendatitias & dimissoriales suorum Episcoporum nunquam ostendant. Volentes igitur in his providere, statuimus, ut deinceps nullus Clericus peregrinus, sive religiosus, sive secularis existat, ad executionem suorum ordinum infra civitatem, & Dioecesi nostras in publico admittatur, nisi per literas nostras, seu Vicarii nostri se admittendum fore prius ostendat. Si quis autem contra hoc statutum per Nos, vel Vicarium nostrum non admittitur, scienter ministrare, & de cura animarum se intromittere presumpserit, eo ipso excommunicationis sententiam incidat, quam etiam sententiam taliter delinquentes incurrisse, volumus denuntiari, certificantes quoslibet eorum taliter excommunicatos post hujusmodi denuntiationem celebrantes, suspensionis sententiam a jure in tales promulgatam incurrrere, & exinde notam contrahere irregularitatis.

De Majoritate, & Obedientia.

Statuimus, ut unusquisque Decanus, Rector, Plebanus, Viceplebanus, sive Curatus Nobis subiectus, literas nostras, ac Vicarii, & Officialis nostrorum, nostraque, & eorum mandata reverenter ubique infra limites sue Parochie recipiat, & sine dolo ac fraude proxima Dominica die sequenti diligentius exequa-

quatur, nuntiosque literarum nullo modo prodar, sed pro viribus defendat, secus autem faciens, & constito de eo, puniatur. Volumus etiam & statuimus, ut de executione quorumcunque mandatorum, literarum, & processuum a Nobis, seu Vicario, vel Officiali nostris emissorum, dies, mensis, annus, nomen exequentis, & literæ executionis per Rectores, Plebanos, & Vice-Plebanos apponantur, ut sic videlicet executor scribat a tergo mandati ejusdem propria sua manu: *Executum est hoc mandatum per me N. Plebanum in N. anno infra scripto die tali, mensis talis*: ut de hujusmodi executione legitima fides per hoc habeatur. Alioquin si secus actum fuerit, per Officiales nostros gravius puniatur.

Inhibemus quoque, ne quispiam Clericorum Nobis subjectorum cuicunque Congregationi, Capitulo, aut Conventiculo, in quo quidquam in prejudicium status, & honoris Episcoporum Constantinensium, seu jurium Episcopatum tractetur, interesse dando consilium, auxilium, vel favorem, scienter, & dolose presumat, secus autem facientes, nostram incurrant, ultra penam juris, indignationem.

Et propterea considerantes, quod tum Ecclesiasticus Ordo confunditur, cum unicuique honor debitus non observatur, statuimus & ordinamus, quod de Ecclesiis Collegiatis, Conventualibus, seu Capitularibus antiquæ honestates, & consuetudines approbare, debite observentur, & Prelatis eorundem in assurgendo, & aliis prerogativis debita reverentia & obedientia, cum sint calumpnie (a) Ecclesiarum earundem, exhibeantur tam a Canonici, quam aliis Presbyteris simplicibus Ecclesiarum hujusmodi. Quod si quis transgressor hujus statuti repertus fuerit, in fructibus Prebende sue taliter puniatur, ut discat Superioribus honorem & reverentiam condignos impendere, & exhibere.

De Judiciis.

Quia matrimoniales cum dependentibus, & connexis, per eos, qui potestatem indicandi habent, & Canonum Statuta

non ignorant, tractari, & diffiniri debent, statuimus, & in virtute sanctæ obediencie mandamus, ut deinceps unusquisque Presbyter habens curam animarum, ac subditorum, quorum cohabitatio, vel separata habitatio, vel matrimonia, fama publica, vel veritates erronee (b) fuerint. Itaque (c) de his an jure subsistere possint, saltem probabile dubium extiterit, tales postquam hoc sciunt, specificè monentur, ut super his infra duos menses proximos per declarationem decisionis, ut sententiam Judicum super his petant, & aliunde causam hujusmodi usque ad finem, quantum in eis est, prosequantur, alioquin taliter moniti si hec infra eosdem duos menses facere contempserint, Ecclesiastica Sacramenta eis in vita denegentur, & morientes peccata sua non confesse (d) careant Ecclesiastica sepultura. Presbyter autem Curatus, qui taliter monendo non processerit, per Nos vel Vicarium nostrum graviter, & condigne puniatur. Inhibemus quoque omnibus, & singulis subditis nostris Clericis, & laicis, cujuscunque status, aut conditionis existant, ne de excommunicatione, cognitione, vel decisione judiciali quarumcunque causarum matrimonialium aliter, quam per modum salubris consilii se intromittant, aut aliarum quarumlibet, de jure, vel consuetudine ad forum Ecclesiasticum spectantium; secus autem facientes decernimus excommunicationis sententie eo ipso subjacere. Per hoc autem non prohibemus, quominus in causis, ubi transactiones locum habent, in arbitratore, & viros communes compromitti possit, per que discordiarum materie, & questiones celerius valeant terminari; dummodo talia in fraudem non fiant.

De Foro competenti.

Attendentes, quod laici de Ecclesiasticis negotiis intromittere se non debent, omnibus & singulis Ecclesiasticis Personis per civitatem, & Dioecesim nostras constitutis interdiciamus, ne quisquam laicorum, Clericum ad judicia laicalia, seu secularia dolose trahat, aut Clerici ad talia se trahi consentiant, vel hujusmodi verita judicia subeant, seu ibidem ali-

(a) forte: columnæ

(d) fors: confessi

(b) error videtur in cod. MS.

(c) addendum videtur: si.

aliquatenus respondeant, sub causarum suarum sic motorum, etiam si in huiusmodi veritis iudiciis pro ipsis indicaretur, proditiōe & amissione: feudalibus tamen causis exceptis, quas prout de jure volumus pertractari.

Ad idem servetur Capitulum Libri secundi, cujus tenor sequitur de verbo ad verbum, ut ecce.

Si diligenti, & infra. Afferuisti (d) te usque ad hec tempora tenuisse, quod sit licitum Clerico renunciare saltem in temporalibus juri suo, & sibi laicum judicem constituere, presertim, ubi adversarii voluntas accedit, ac tenere juramentum super hoc interpositum respondisti, immemor constitutionis, qua cavetur Pacto privatorum juri publico minime derogari. Cum igitur jus hoc in Milevitanensi & Carthaginensi (e) Conciliis specialiter promulgatum sit: "Ne Clerici Clericos relicto suo Pontifice ad judicia publica pertrahant: alioquin causam perdant, & a communione habeantur extranei; tam Episcopi, quam Diaconi, seu quilibet Clerici in criminali seu in civili negotio, si derelicto iudicio Ecclesiastico publicis iudiciis se purgare voluerint, etiam si pro eis lata sit sententia, locum suum amittant, & hoc in criminali actione; in civilibus vero perdant, quod evicerint, si locum suum maluerint obtinere. Manifeste patet, quod non solum inviti, sed etiam voluntarii pacisci non possunt, ut secularia judicia subeant, cum non sit Beneficium hoc Personale, cui renunciari valeat, sed potius toti Collegio Ecclesiastico publice sit indultum, cui privatorum pacto derogari non potest. Nec juramentum licite servari potuit, quod contra Canonica Statuta illicitis pactiōibus informatur.

Preterea inhibemus, ne de cetero quæcunque Ecclesiastica persona civitatis, & diocesis nostrarum nobis subiecta privilegium, auxilium, vel subsidium laicale contra Nos, sive jurisdictionem nostram sibi qualitercunque assumat, aut invoceat, vel sibi procuret. Contrarium au-

tem facientes eo ipso excommunicationis sententie subiaceant.

De Probationibus.

Ad obviandum fraudibus quorundam, qui literas de gratia, vel iustitia a Nobis, vel Vicario nostro, seu Officiali impetratas signari obtinent ab eisdem, sicque solo signo contenti talibus literis pro sigillatis utuntur. Attendentes, quod signa huiusmodi dumtaxat specificant, quod literæ, quibus apposita sunt per Sigilliferum nostrum debeant sigillari, presenti constitutione decernimus omnes literas taliter impetratas, & in futuro obtinendas, nullius fore roboris, efficacie, vel momenti. Eos etiam, qui deinceps talibus literis pro veris, & efficacibus utentur, seu recipientes fraudulenter, excommunicationis sententia hoc statuto innodamus.

Ad Idem.

Quia sicut didicimus, sepe propter defectus probationum, cognationum spiritualium pericula consurgunt animarum, eo quod ad invicem matrimonii Sacramento confictis interdum cognationum spiritualium obstant impedimenta, que difficulter, vel aliquando vix, vel non probari possunt. Huiusmodi periculis cupientes quo ad Nobis subiectos obviare, decernimus, & hoc statuto perpetuo servari precipimus, ut Ecclesiarum per civitatem, & Diocesim nostras Rectores, Plebani, Viceplebani, & singuli Curati in baptizando pueros subditorum suorum, levantium, & baptisati nomina in registro communi, quod in sua Ecclesia habeant, conscribant, & testes quamplures assumant: similiter subditos suos inducant, & informant, ut deinceps in Confirmatione suorum puorum coram Episcopo testes requirant discretos, & honestos, qui de Confirmatione, & tentione coram Episcopo, ac nomine tenentis, dum opus fuerit, testimonium valeant dare, ut facilius impedimenta huiusmodi, & minoribus laboribus, & expensis valeant opportuno tempore comprobare.

De

(d) Innocentii III. De foro competenti Lib. II. Titulo II. Decretalium.

(e) Carthaginensis Concilii Cap. XV. Tomo I. Concil. German. pag. 201. Africanos inter Canones LXXI. Tomo I. Concil. German. pag. 224.

De Sententia, & re judicata.

Intelleximus, quod interdum Ecclesiarum Curatarum, & Dioecesis nostrarum Rectores, seu Plebani cum subditis suis in causis matrimonialibus, tam simplicibus; quam impedimentalibus in curiam nostram Constantiensem, ubi expediri debent, adveniant, & tales sententiis diffinitivis pretendentes sufficere, quod lectioni sententiæ intererant partes jubent sine sententiis, & literis recedere: sepius etiam contigit, quod latis hujusmodi sententiis partes earum suis Plebanis, & aliis afferunt eas aliter latis esse, quam sunt, & deinde secundo curiam nostram visitantes variant depositiones, & contrarias reportant sententias. Et quia aliquando propter temporis diuturnitatem de sententia constare non poterit, ex quo non modica pericula evenerunt animarum, ut experientia sumus edocti: volentes igitur periculis hujusmodi obviare presenti edicto districtius inhibemus, ne de cetero aliquis Ecclesiarum Rector, seu Plebanus premissa quomodolibet faciat, decernentes partibus afferentibus sententias pro matrimonio, vel contra matrimonium latis absque sententiarum literis debite sigillatis credi non debere, & nihilominus eadem afferentes, a Sacramentorum communione excludimus salvo mortis articulo, donec, & quousque sententias hujusmodi scriptas, & debite sigillatas obtineant, Rectores autem, & Plebanos Ecclesiarum, si deinde premissa perpetraverint, aut etiam quamcunque sententiam hujusmodi antequam illam scriptam, aut sigillatam videant, publicare presumpserint, per integrum mensem ab ingressu Ecclesie suspendimus, fructus Ecclesiarum suarum aliis per idem tempus cedentes inofficiantibus eisdem, & subditis providentibus reservantes.

De Vita, & honestate Clericorum.

Presenti inviolabiliter duraturo prohibemus edicto, ne de cetero aliquis Clericus in Sacris Ordinibus constitutus, aut Beneficiatus infra civitatem, & Dioecesim nostras vinum sub mensura publice vendere, ministrando fercula, lectisternia, & hospitium ad modum publici hospitii, aut mercationes ad modum

laicorum exercere, puta res venales pro luero captando remissius emere, ut carius vendat, seu alias illicite mercari per se, vel interpositam personam quomodolibet presumat: si quis autem talia facere presumpserit, & ab hujusmodi negotiationibus non respuerit, lucrum exinde captatum Fisco nostro decernimus applicandum.

Ad Idem.

Quoniam valde iniquum est, & pessimi exempli, ut tempore, quo Divina celebrantur officia, Canonici, & alii Clerici ad Divinum cultum deputati, qui devotissime psalmodie debent intendere, confabulationes aliaque inter se habeant colloquia ad Divinum cultum minime spectantia: statuimus, & ordinamus, ut Canonici & Clerici, qui tempore Divinorum inter se colloquia hujusmodi, seu confabulationes in choro habuerint, a presenciis, & Prebendarum, seu Beneficiorum suorum corporibus per unum diem irremissibiliter sint suspensi; & alias ad arbitrium Decani, aut ejus, ad quem spectat eorum correctio, puniantur. Qui si negligentes fuerint in hujusmodi correctione, eidem se pene noverint subiacere.

Insuper inhibemus, ne de cetero Canonici, vel Clerici tempore Divinorum per Ecclesiam cum laicis, vel aliis Clericis spaciari, vel deambulare presumant. Quod si contrarium fecerint, presenciis, & corporibus Prebendarum, & Beneficiorum suorum unius diei irremissibiliter careant, & alias ad arbitrium Decani, vel ejus, ad quem spectat eorum correctio, puniantur. Qui, si in hujusmodi correctione fuerint negligentes, eidem se pene noverint pari modo subiacere.

Rursus presenti constitutione prout etiam in Provinciali quondam Domini CONRADI Archi-Episcopi Maguntini sanxitur dinoscitur, volumus, precipimus, & ordinamus, ut Clerici nostrarum civitatis, & Dioecesis, in civitatibus, & oppidis, presertim in Ecclesiis vestes longas Clericali statui decentes non subductas de vario, aut serico, nisi graduatus, aut Canonicus majoris Ecclesie Constan. vel nobilis existat, deferant, non sericas ab extra, non variatas, aut divisiatas, nec desuper ab extra duplicatu.

ris foderatas, sed manibus strictis, & alias decentibus utantur, non deferant calceos, seu solulares inhonestos, aut indecentes, non confuticios extra talum, aut rostratos, vel longis rostris protensos. Itinerantibus ex causa brevioribus vestibus uti liceat, coronam vero, & tonsuram suo statui, ordini, aut dignitati convenientes juxta Canonum Sanxiones deferant, nec armati incedant, neque gladios, aut cultellos longos portent, & nisi forte contra civitatem, & loca sua eos pergere contingat, vel de licentia Superioris propter Personarum Ecclesie, & rerum suarum defensionem id faciat.

Hujus autem statuti transgressores ad unius mensis spatium a fructibus Beneficiorum suorum noverint se suspensos. Quorum fructuum dispensationem arbitrio nostro reservamus per premissa tamen *Colonienfis*: ubi de vita, & honestate Clericorum &c. Nec non Sacri Generalis *Constan.* & *Basilen.* Conciliorum ordinationibus, & aliis juribus, que de indecentia vestium tractant, non intendimus derogare.

Item, ut Clericorum maxime Beneficiorum vita sit exemplaris, & accepta universis Clericis Beneficiatis in sacris, & Dioecesi nostra constitutis constitutione presenti districtius inhiemus, ne ludis taxillorum, choreis, hastiludiis torneamentis, & aliis spectaculis publicis, & prohibitis intersint, aut talia exercent, prout penas condignas in contrafacientes facti exigente qualitate auctoritate nostra infligendas, voluerint evitare.

Et insuper excogitatis habituum novitatibus contra decentiam Clericalem obviare volentes, presenti constitutione nostra sanximus districtius prohibentes, quod deinceps nullus Clericus Religiosus, vel secularis nostrarum civitatis, & Dioecesis mantellos ab una in toto clausos, & alia partibus in scapula nodatos, & usque ad fimbriam scissos taliter, quod indumenta, que sub illis geruntur, videri possint, aut vestes, seu tunicas ante, & retro plicis confutas deferre presumant, sed singuli vestibus honestati Clericali, & cujuslibet ipsorum ordini congruentibus juxta juris, & *Provinciarum*, & *Synodali* Statutorum dispositiones sint contenti. Quodque comas non nutriant, sed crines capitis ante, & retro

non nimis longas deferant, prout Canonum, & Statutorum predictorum penas, ac nostram, ac Canonicam ultionem voluerint evitare.

Simili modo precipimus, & mandamus, ut Clerici Beneficiati nostrarum civitatis, & Dioecesis temporibus Divinorum Ecclesiarum in, & sub quibus Beneficiati existunt, absque superpellicis non accedant, vel subintrent, contrarium facientes vice qualibet trium dierum spatio stipendiis suis Prebendalibus careant, in usus fabricæ convertendis. Quos etiam Decanis, Rectoribus, plebanis, & aliis in Ecclesiis Superioribus reverentiam debitam impendere volumus sub nostri gravi indignatione, & pena superius expressa.

De Cohabitatione Clericorum, & mulierum rubrica.

Sacra Generalis Synodus *Basiliensis* reformationem status Clericalis intendens inter alia constitutionem salubrem contra Clericos concubinos edidit, per locorum Ordinarios publicandam, & exequendam, cujus quidem constitutionis ignorantiam ne quis pretendere valeat de Clero nostro, illam presentibus inseri, & in statutis nostris aliis publicari, & districtius volumus observari.

Cujus Tenor sequitur, & est iste:

SACROSANCTA GENERALIS SYNODUS BASILIENSIS, IN SPIRITU SANCTO LEGITIME CONGREGATA, UNIVERSALEM ECCLESIAM REPRESENTANS, AD PERPETUAM REI MEMORIAM.

Quicumque Clericus cujuscunque status, conditionis, religionis, dignitatis, si etiam Pontificalis, vel alterius preeminentie existat, qui post hujus constitutionis notitiam, quam habere presumatur per duos menses post publicationem ejusdem in Ecclesiis Cathedralibus, quam ipsi Diocesani omnino facere teneantur, postquam eadem constitutio ad eorum notitiam pervenerit, fuerit publicus concubiniarius, a perceptione fructuum omnium Beneficiorum suorum trium mensium spatio sit ipso facto suspen-

" suspensus, quos suus Superior in fabri-
 " cam, vel aliam evidentem Ecclesia-
 " rum utilitatem, ex quibus hi fructus
 " percipiuntur, convertet. Nec non &
 " hujusmodi publicum concubinarium,
 " comprimui talis esse innuit, mox
 " suus Superior monere teneatur, ut
 " infra brevissimum terminum concubi-
 " nam dimittat. Quod si non dimiserit,
 " vel dimissam, vel aliam publice reaf-
 " sumperit, vult hec Sancta Synodus,
 " ut ipsum omnibus suis Beneficiis om-
 " nino privet, & nihilominus hi publici
 " concubinarij usquequo cum eis per
 " suos Superiores post ipsarum concubi-
 " narum dimissionem, manifestamque
 " vite emendationem fuerit dispensatum
 " ad susceptionem quorumcumque ho-
 " norum, Dignitatum, Beneficiorum,
 " vel Officiorum inhabiles existant. Qui
 " si post dispensationem recidivo vomitu
 " ad hujusmodi publicum concubina-
 " tum redierint, sine spe alterius dispen-
 " sationis ad predicta prorsus inhabilis
 " censetur. Quod si hi, ad quos talium
 " correctio pertinet, hos, ut predictum
 " est, punire neglexerint, eorum Su-
 " periores, tam in ipsos de neglectu, quam
 " in alios de concubinato modis omni-
 " bus digna punitione animi advertant,
 " in Conciliis etiam *Provincialibus* adver-
 " sus tales punire negligentes, vel de
 " hoc crimine diffamatos etiam per sus-
 " pensionis, ac ablationis Beneficio-
 " rum, vel aliam condignam penam
 " severiter procedatur. Et si hi, quo-
 " rum destitutio ad summum Pontificem
 " spectat, per *Concilia Provincialia*, aut suos
 " Superiores propter publicum concu-
 " binatum reperiantur, privatione digni
 " statuti, cum processu inquisitionis ipsi
 " Summo Pontifici deferantur, eadem
 " diligentia & inquisitione in quibuscun-
 " que Capitulis Generalibus & Provin-
 " cialibus quoad suos serverur, penis
 " aliis contra predictos, & alios publi-
 " cos concubinarjos statutis in suo robo-
 " re permanentis. Publici autem intel-
 " ligendi sunt non solum hi, quorum
 " concubinatus per sententiam, aut con-
 " fessionem in jure factam, seu per rei
 " evidentiam, que nulla possit tergiver-
 " satione celari, notorius est, sed qui
 " mulierem de incontinentia suspectam,
 " & infamatum tenet, per suum Supe-

Tomus V. Concilior. German.

" riorem admonitus, cum ipsam non
 " dimittit. Quia revera de quibusdam
 " Regionibus nonnullam jurisdictionem
 " Ecclesiasticam habentes, pecuniarios
 " questus a concubinarijs percipere non
 " erubescunt, patientes eos in sua fedi-
 " tate sordere: sub pena maledictionis
 " eterne precipit, ne deinceps sub pacto
 " compositionis, aut alia spe alicujus
 " questus talia quovis modo tolerant, aut
 " dissimilent. Alioquin ultra premissam
 " penam negligentie duplum ejus, quod
 " propterea acceperint, restituere ad
 " pios usus omnino teneantur, & com-
 " pellantur. Episcopus autem concu-
 " binas, seu mulieres suspectas predictis
 " modis omnibus curet a suis subditis,
 " etiam per brachij secularis auxilium,
 " si opus fuerit, penitus arcere. Qua-
 " rum concubinarum res, que de bonis
 " presumantur habere, Ecclesie in fabri-
 " cam, vel in aliam evidentem ipsius
 " Ecclesie utilitatem per ipsos Prelatos
 " convertantur. Qui etiam ex tali concu-
 " binatu procreatos filios apud patres
 " cohabitare non patiantur. Jubet in-
 " super hec *Sacro-sancta Synodus*, ut etiam
 " in predictis Capitulis hec Constitutio
 " publicetur, & quilibet suos subditos
 " ad ipsarum concubinarum dimissio-
 " nem moneat diligentius. Injungit
 " preterea omnibus secularibus viris,
 " etiam si regali prefulgeant dignitate, ne
 " ullum qualecunque impedimentum
 " quocunque questu colore Prelatis,
 " qui ratione officij sui adversus suos
 " subditos pro hujusmodi concubinato
 " procedant, & cum omne fornicationis
 " crimen Lege Divina prohibitum sit,
 " & sub pena peccati mortalis necessario
 " evitandum, monet omnes laicos tam
 " uxoratos, quam solutos, ut similiter
 " a concubinato abstineant. Nimis enim
 " reprehensibilis est, qui uxorem habet,
 " & aliam mulierem accedit. Qui vero
 " solutus se continere nolit juxta Apostoli
 " consilium *uxorem ducat*. Pro hujus-
 " modi autem Divini observatione Pre-
 " cepti hi, ad quos pertinet, tam salu-
 " taribus monitis, quam aliis Canonicis
 " remedijs omni studio laborent.

De Clericis non residentibus.

Cum ad hoc sint Ecclesiastica Bene-
 " ficia deputata, ut in eis ad serviendum

M m m 2

Altissi-

Altissimo talés affumantur, qui per se ipsos volunt, & possunt eorum curam exercere, statuimus, ut quilibet infra civitatem & Dioecesim nostras Beneficiarius cujuscunque status, ordinis, conditionis extiterit, cujus Beneficium residentiam personalem vel certum ordinem de jure statuto, vel consuetudine requirit, in illo infra proximum mensem personaliter residere incipiat, & abinde quamdiu Beneficium hujusmodi obtinuerit, residentiam hujusmodi faciat, seque ad ordinem, quem Beneficii onus sui requirit, juxta tempora obtineat promoveri, transgressores vero hujusmodi statuti nostri per suos Superiores servato juris ordine priventur, nisi expressam super hoc a Nobis, vel Vicario nostro licentiam obtinere meruerint.

De Prebendis.

Item statuimus, ut quilibet Religiosus infra Dioecesim nostram Constantiensis curam gerens animarum, titulum hujusmodi Beneficii sui in proximo Capitulo post illius affectionem Decano, vel ejus locum tenenti in presentia fratrum ostendat, & si alium, quam a Nobis, vel Vicario nostro impetratum, ostendet, titulo hujusmodi nulla fides adhibeatur, nisi forte Romanus Pontifex illum sibi concessisset, & hoc Notris, vel Vicarii nostri literis appareret declaratum. Si quis vero contra premissa per Nos, vel Vicarium nostrum in Spiritualibus venire presumpserit, ultra penam juris communis tamdiu a Divinis suspensus remaneat, quousque hujusmodi statuto nostro studuerit cum effectu parere, & obedire.

De portione competenti.

Cum non debeat bovis os ligari triturantibus, (a) sacris jubentibus Canonibus, universos & singulos Prelatos civitatis & Dioecesis nostrarum in Domino exhortamur, ut Ecclesiarum Parochialium ipsis, & eorum mensis incorporatarum nostre Dioecesis Vicariis de Prebendis congruis unde decenter sustentari jura Episcopalia & Archi-Diaconalia solvere, & alia incumbencia onera supportare valeant, prout de jure tenentur provideant, alioquin prout de jure contriunguntur, eis negligentibus ad Pre-

(a) forte: triturantis.

bendarum hujusmodi deputationem servatis servandis procedere, non obtemus requisiti.

De Institutionibus.

Cum in cunctis sacris Ministeriis sint etatis maturitas, gravitas morum, & literarum scientia requirenda, presenti perpetuo prohibemus statuto, ne deinceps aliquis Sacerdos religiosus vel secularis infra civitatem, & Dioecesim nostras quodcunque Ecclesiasticum Beneficium cum vel sine cura, absque institutione, seu investitura, aut induciis, seu licentia a Nobis, vel Vicario nostro, aut alias legitime, ac per literas sigillatas obtentis, & prius Decano, vel ejus locum tenenti ostensis regere, aut quomodolibet inofficiare, suo vel alieno nomine presumat, nisi ipsius Beneficii Rector, seu Vicarius, vel Cappellanus personaliter in eo resideat, cujus nomine & consensu aliquis ut servus in Divinis inibi officiet. Secus autem facientem, cum non suos fructus faciat, ipso jure ad residendum Fisco nostro de fructibus sic per eum levatis condemnamus, & Fisco eidem duximus applicandos. Concedimus tamen, ut Beneficio, postquam primo vacare cepit, possit loci Decanus per se, vel alium, quem duxerit eligendum per primum proximum mensem, & non ultra inducias providere, servato tamen moderamine superius de officio Decani expresso.

Ad idem.

Cum ad extirpandam quorundam detestandam cupiditatem in sacro LATERANENSI CONCILIO prohibitum sit, ut nullus diversas dignitates Ecclesiasticas, aut Parochiales Ecclesias recipiat, & consequenter statutum, quod recipiens Beneficium, habens curam animarum annexam, si prius tale habebat, sit eo ipso jure privatus, & si forte illud retinere jure contenderit, etiam alio spoliatur, immo si ultra mensem teneat, ambobus sit privatus, Apostolice tamen Sedis dispensatione in his salva, & alibi canon viciu cupiditatis hujusmodi redarguens tales in curatis Beneficiis plurales, eo quod sic retenta ad ipsos non spectant *de jure*, rem asserit contrectare alienam, & sic furtum committere quodammo-

dammodo & rapinam non sine suorum, & subditorum animarum periculo gravi. Eapropter ut hujusmodi Canones, & Sacrorum Conciliorum Generalium sanxita debite executioni demandentur locorum Ordinariis per felices recordationis GREGORII DECIMI in Sacro Generali Concilio est preceptum, ut subditos suos plures dignitates vel Ecclesias, quibus animarum cura imminet, obtinentes, seu personatum, aut dignitatem cum alio Beneficio, cui similis cura est annexa, ad exhibendam dispensationem auctoritate, qua hujusmodi Ecclesias, personatus, aut dignitates Canonice tenere se afferunt, infra tempus arbitrio Ordinariorum statuendum districte compellant. Nos itaque animarum periculis obviare, & ad hoc, ut Ecclesiastica Beneficia Canonice possideantur, per executionem premissorum cupientes providere, hoc presenti statuto decernimus, ut deinceps a publicatione presentium, sic ut prefertur, plura curata obtinentes Beneficia, ac plures dignitates & personatus, seu personatus & dignitatem cum alio beneficio curato de suis dispensationibus, quarum auctoritate illa tenere se pretenderint, nec non titulis suis ad eadem infra duorum mensium spatium coram Nobis, vel Vicario nostro in Spiritualibus legitime, & sub penis juris doceant. Alioquin, ne deficientes in titulis & dispensationibus hujusmodi Canonici occupando injuste, ipsa Beneficia rem contrectent alienam, & per consequens furtum committant, & anime exinde periclitentur. Ipsorum quoque sanguis de nostris manibus requiratur, ad executionem premissorum sacrarum constitutionum contra ipsos dictis mensibus lapsis effectualiter procedemus.

De Testamentis & ultimis voluntatibus.

Quoniam in quibusdam locis nostrarum civitatis & Diocesis, ut intelleximus, corruptela detestabilis observatur, videlicet, quod tam Clericus, quam laicus in lecto egritudinis constitutus ultra certam limitatam & expressam summam, nec piis locis, neque personis Ecclesiasticis pro anime sue remedio & salute aliqua possit ordinare legata, con-

siderantes predictam consuetudinem sacris Canonibus, ac secularibus Legibus obviare, cum omnia jura clament, quod ultima voluntas, & ultimum hominis testamentum immobile perseveret, & nihil sit, quod hominibus magis debeatur, quam ut supreme voluntatis liber stylus existat, eandem consuetudinem Deo odibilem, animabus & bonis moribus inimicam, auctoritate hujus salutaris sanctionis penitus reprobamus, firmiter statuentes, ut illi, quos jura testamentorum non prohibent factionem, etiam in sanitate vel lecto egritudinis constituti legandi, disponendi, & ordinandi de bonis sibi a Deo collatis ad pia loca & personas Ecclesiasticas dummodo decenter suas legitimas sanctiones non pretereant, sit libera facultas, volentes, & precipientes districte, ut universi Clerici & laici impediens defunctorum legata, seu ultimas voluntates, per excommunicationis in personas, & interdicti in loca sententias monitione Canonica premissa ferendas ab hujusmodi impedi-
mentis desistere compellantur.

Ad Idem.

Dolenter audivimus, quod fidelium tam Clericorum, quam laicorum testamenta, & ultime voluntates maxime pro animarum salute, & ad pios usus, & testata in suis debitis executionibus, & ordinationibus interdum perversis aliquibus negligentis intervenientibus, & obstantibus in nostris civitate, & Diocesi in locis particularibus impediuntur & retardentur. Cum itaque ultima voluntas, seu ultimum hominis testamentum pro lege servari debeat, & supreme hominis rationalis voluntatis liber stilus existat, & nostro incumbat officio Pastoralis talibus providere, & testamenta utroque jure suadente defendere, universis nostre jurisdictioni subiectis Ecclesiasticis, & secularibus sub interminatione Divini Judicii, ac excommunicationis sententia, quam in contrarium facientes sex dierum monitione premissa in his scriptis ferimus, ne testamenta, ac ultimas fidelium Ecclesiasticorum, vel secularium personarum, quas jura a testamentorum factionibus non prohibent, voluntates maxime ad usus pios, & animarum salutem se extendentes, earumque executiones debi-

tas impediunt, negligent, & retardent, nec testamentorum, & causarum eorundem, ac ipsorum occasione pro tempore motorum cognitioni se intromittant, sed ad Nos, & Officiales nostros ordinariam jurisdictionem causarum hujusmodi habentes remittant, districtius inhibemus.

De Parochiis, & Parochianis.

Gravis ad Nos querela perduxit, quod nonnulli suis juribus, & finibus non contenti Parochianos alienos presumant recipere temere ad Divina contra Canonicas Sanctiones, & cum predictorum Parochianorum Judices non existant, nec ligandi, nec solvendi in eos receperint potestatem, se temere Judices faciendo in foro penitentiali periculose absolvent, & ligant pro sue libito voluntatis, sicque ipsos, qui proprios spernunt Presbyteros minime absolutos illud salutiferum nostre peregrinationis viaticum, quod non proficit, nisi prius a criminum labe mundatis in animarum suarum, & eorum, qui id non disjucantes indiscrete recipiunt, conferre periculum non verentur, (a) sicque dicti eorum Sacerdotes, qui curam recipiendo suam pro ipsis animabus obligarunt, dum sibi taliter subtrahunt statum ignorantes ipsorum egrotorum non possint, quod in eis est sanare, nec consolidare infirmum, nec alligare contractum. Et sic dum curationis necessarie non adhibentur remedia, invalescentibus morbis usque ad interemptionem lesio dilatur, unde Sacerdotes nullam possint de sic pereuntibus animabus superno Judici reddere rationem. Nostorum Patrum, qui Ecclesie Sancte Dei, & Personis Ecclesiasticis terminos, quos non licet transgredi posuerunt, statuta considerantes universis Sacerdotibus, tam Religiosis, quam secularibus cujuscunque Ordinis, conditionis, vel status existant in civitate, & Diocesi nostris degentibus sub debito juramenti, quod in receptione suorum Ordinum presterunt, ac sub interminatione Divini Judicii firmiter inhibemus, ne quis alterius Parochianum cujus curam per Episcopum, vel loci Archidiaconum, seu ejus super eo Vicarium commissam, aliis existit, presumat ad confessionem recipere excepta necessitatis cau-

sa, que legem non habet, vel ad porrigendum ei Ecclesiasticum Sacramentum, nisi petita desuper, & obtenta licentia proprii Sacerdotis, cum certi, & indubitati juris existat, talem a tali crimine absolvi non posse aliquatenus, vel ligari, & ex hoc ordine Ecclesie per majores, & Sanctos Patres Divina providentia institutum confundi, quod per universos Plebanos singulis diebus Dominicis, & Festivis coram suis plebibus precipimus publicari.

Ad Idem.

Quia veridica relatione intelleximus populum vulgarem in plerisque locis Nobis subjectis diebus Dominicis, & Festivis raro interesse Divino Officio Missæ, & predicationi Verbi Dei, licet juxta ordinationem, & Statutum Sancte Matris Ecclesie eidem diebus interesse tenentur, ut ibidem de Divinis Preceptis, & Evangelicis doctrinis informetur: Nos volentes huic morbo obviare, & animarum saluti consulere, presenti volumus, & ordinamus statuto districtè universis Presbyteris Curatis nostre Dioecesis mandantes, & exhortantes, quatenus plebes, & Parochianos suos, qui ad annos pervenerint discretionis, hortentur, & amoneant sub pena excommunicationis, quatenus deinceps singulis Dominicis, & Festivis diebus officio Missæ in ipsis Ecclesiis suis interesse studeant, & predicationem verbi diligenter audiant, nisi legitimo impedimento, aut causa rationabili quis excusetur, nec ab hujusmodi officio ante benedictionem Sacerdotis, donec compleatur, recedant, vel alias inhoneste discurrant, non faciendo ob reverentiam Divinissimi Sacramenti genuflectiones in terram dum Hostia salutaris per Presbyterum elevatur, cum devotioneque cordis Deum exorent pro peccatis, si quis vero negligens, & rebellis in his fuerit, hunc in confessione severe volumus emendari. Et nihilominus talis, qui tempore predicationis Verbi Dei extra Ecclesiam, & in cimiterio stare contra prohibitionem hujusmodi non formidaverit ad auctoritatem nostram Episcopalem remittatur, contemptores hujus saluberrimi mandati per excommunicationis inflectionem arceantur. Insuper Presbyteri Curati in sermonibus suis popu-

(a) Canon: *Omnis utriusque sexus*, XXI. Concil. Lateran. anni MCCXV.

populum eis commissum ad hoc inducere curent , ut processionibus & aliis actibus, & ceremoniis Ecclesiasticis intersint devote laudesque Omnipotenti Deo cum attentione cordis, & morum gravitate ibidem persolvant.

De Regularibus.

Quoniam nonnulli Religiosi contra Deum, & suam conscientiam multipliciter excedunt, & eorumque Prelati desides, & negligentes in observatione regularium discipline, ac correctione excessuum existant, eos per viscera misericordie Domini nostri JESU Christi requirimus, & hortamur, ut personas regulares sibi subiectas ad observantiam regule sue, & statutorum regularium diligentius inducant, moneant, & illiciant, & si opus est strictius compellant, ut de officio sibi commissio dignam Deo possint reddere rationem. Quod si ultra ordinis sui prevaricatores fuerint, aut contemptores, seu negligentes, vel remissi; pro certo se noverint, non solum ab officio deponendos, sed & alias secundum regulam suam castigandos cum offensa non solum propria, verum etiam aliena, ac sanguis subditorum suorum de suis manibus requiratur. Nos etiam eorundem Prelatorum negligentiam favente Domino supplēbimus juxta Canonicas sanctiones.

Ad Idem.

Periculorum nimium fore considerantes, & scandalosum, quod persone regulares utriusque sexus extra Monasteria sua vagantes in seculo moram trahunt, nonnullae etiam ex ipsis religiosi habitu dimisso apostatate non formidant, excommunicationis, ut sic sententiam incurrendo, suis superioribus rebellando. Cum itaque periculosum sit vagantibus excommunicatis, & apostatis in Divinis participare, volumus, universis Nobis subiectis mandantes, ut omnes, & singulos sic in seculo suis sub districtibus vagantes, & commorantes cujuscunque ordinis, vel conditionis fuerint, moneant, & requirant, ut infra mensis spatium a die publicationis, & requisitionis hujusmodi ad sua Monasteria redeant, & vota Deo reddant suis superioribus juxta ordinem, & regule institutionem obediendo, vel saltem infra eundem terminum co-

ram Nobis, vel Vicario nostro de indultis, si que de contrario habeant, legitime doceant, alioquin contra ipsos per Ecclesiastice censure penas, & prout justum fuerit procedemus.

Ad Idem.

Quamvis contra Monachos, & Moniales de suis claustris propter aliquos enormes excessus, aut animi levitate temere fugientes, & in seculo per tempora vagantes, & conversantes, & tandem penitentia ductos ad claustra sua humiliter redire volentes certe, & varie pene juxta qualitatem, & quantitatem a Sanctis Patribus sint statuta. Quidam tamen Abbates, & Magistratus penis in suis regulis contra tales profugos expressis non contenti, graviores, & quasi importabiles penas ipsis in sui reversione imponere non verentur, vel quod deterius est easdem personas quantumcumque humiliter postulantes ad sua claustra, de quibus exiverant, admittere inhumaniter contradicunt. Cum itaque de jure non sint ampliande pene, sed levande, & longe securius sit de misericordia quam crudelitate rationem reddere, cum etiam Dominus per os Prophete sit pollicitus sic dicens: *quacunque (a) bona peccator conversus fuerit, & ingemuerit omnium iniquitatum suarum amplius non recordabitur.* Nos etiam advertentes, quod ubi Pater familias largus dispensator existit, non decet famulum esse tenacem, ut peccandi materia, occasio talibus precludatur, provida deliberatione statuiamus, & presenti statuto decernimus, & ordinamus, ut Monasteriorum Abbates, & Prelati, Abbatisse, Prepositi, Priores, & Magistratus cujuscunque ordinis Nobis subiecti Fratribus, & Sororibus modo premisso a suis Monasteriis profugientibus, aut in Apostasiam ex quacunque causa lapsis desiderantibus, & querentibus cum humilitate, & devotione regressum suum misericordie, quam Mater Ecclesia claudere nulli petenti consuevit more pii Patris familias, qui filium primo prodigum, & postea penitentem (b) paterne suscepit, studeat liberaliter aperire, & tales redire volentes, quantumcumque eorum excessus graves fuerint vel enormes, juxta cujuslibet ordinis disciplinam, sive regulam, & consuetudinem observatam, sive conditionem recipiant, &

(a) Ezechiel XXXIII, 12.

(b) Lucæ XV, 22.

& admittant, ita tamen, quod propter eorum excessus nec victus, neque vestitus eis subtrahatur, sed alias regulariter puniantur, ut prefertur, prout ipsi Prelati & Magistratus sententiam suspensionis a Divinis, quam in contra facientes sex dierum Canonica monitione premissa in his scriptis ferimus, voluerint evitare.

Idem de Monialibus.

Sacras Apostolicas Constitutiones debite executioni demandantes hoc nostro statuto inhibemus, ne Sanctimonialibus cujuscumque sint status, religionis, vel ordinis nostrarum civitatis & Diocesis, que in suis Monasteriis sub perpetua clausura manere jubentur in constitutionibus Apostolicis antedictis. Ita quod nulle earum religionem tacite vel expresse profite quacunque ratione vel causa, nisi forte tali morbo evidenti aliquam earum laborare constiterit, quod non posset cum aliis absque gravi periculo vel scandalo commorari, Monasteria ipsa egrediendi sit facultas deinceps absque licentia Superiorum suorum, quam non nisi ex causa preexpressa, vel inevitabili exigente necessitate concedi volumus Monasteria sua exeant, prout dictarum constitutionum penas, & ultionem Canonice voluerint evitare. Atque, ut ipse Sanctimoniales a publicis & mundanis conspectibus separate Deo liberius servire valeant, & lasciviendi oportunitate sublata corda sua & corpora in omni sanctimonia diligentius custodire, universis & singulis Ecclesiasticis & secularibus personis nostre jurisdictioni subiectis interdiciamus, & inhibemus, ne absque rationabili, & manifesta causa, & sine Superioris, ad quem pertinet, licentia speciali, ipsa Monasteria Sanctimonialium subintrent sub suspensionis in Ecclesiasticas, & excommunicationis in seculares personas penis, quas trium dierum monitione previa, contra facientes incidere volumus ipso jure &c.

De Lulbardi.

Quum plures in Diocesi nostra *Lulbardi*, & *Begutte*, etiam in conjugio existentes in seculo manentes scapularia deferant, & precipue hi, quide *tertia Regula*

se fore asserunt, & quia scapulare vere & approbate religionis signum esse dinoscitur, si hujusmodi scapularia deferentes tamquam laicales persone, prout se fore pretendunt a laicis pertractarentur, non modicum scandalum generaret. Volumus, & districte universis Decanis ruralibus, Ecclesiarum Rectoribus, & Plebanis per civitatem, & Dioecesim nostras constitutis mandamus, ut omnes, & singulos utriusque sexus sic scapulare deferentes moneant, & requirant, ut infra duorum mensium spatium a publicatione presentium qua auctoritate? an ex regula suscepti ordinis? an ex privilegio? scapularia hujusmodi deferant, coram Nobis, vel nostro Vicario doceant, ut scandalis obviare, & animarum ipsarum saluti providere valeamus. Alioquin si secus fecerint, & ut prefertur, non docuerint, lapsis dictis mensibus ad excommunicationis sententiam, & prout de jure poterimus, contra ipsos procedemus.

Preterea quamvis plures ex eisdem *Lulbardi* validi sint, & ad laborem utiles, carius tamen de eleemosyna vivere, quam suarum *manuum* (c) *laboribus* studeant manducare sacra id reprobante scriptura, universos fideles nobis subiectos in domino exhortamur, & requirimus, ut tales *Lulbardi* validos, & aptos ad laborem suis eleemosynis pascere se retrahant, ne fautores mali nominentur. Nos enim contra ipsos *Lulbardi* si deinceps, qui validi fuerint, eleemosynam exigere non destiterint, censura Ecclesiastica compescere curabimus iusticia mediante.

De Custodia Eucharistie, & reverentia Sacramentorum.

Ne propter irreverentiam Sacramentorum ira Dei se viat in Ministros, statuimus, ut Eucharistia, Chrisma, & Oleum Sanctum sub diligenti custodia servetur. Cum autem Sacerdos Eucharistiam vel Oleum infirmorum ad decumbentes deportaverit, videat, ut superpellicio, & stola, seu orario sit indutus, supposito mundo velamine, manifeste & honeste lumine, ac etiam campanella Eucharistie Sacramentum precedentibus, hoc faciet, omnibus etiam vere penitentibus & confessis, qui Sacerdotem Eucharistie Sacramentum, vel Oleum infirmorum,

morum , ut sic deferentem eundo , vel redeundo associaverint , vel secuti fuerint , & si hoc de die faciunt decem , si vero de nocte cum lumine proprio , vel alieno , viginti dies de injunctis eis penitentiis preter indulgentias alias auctoritate Apostolica concessas auctoritate nostra ordinaria misericorditer in Domino relaxamus.

De Sponsalibus , & Matrimoniiis.

Quamvis in *Generali Concilio INNOCENTIUS Papa tertius* sufficienter statuit , ut ne quis Sacerdos clandestinis matrimoniis interfit , inhibens nihilominus , ne talia clandestina matrimonia contrahantur , quia tamen , quod dolenter referimus , predicta clandestina matrimonia sepius contrahuntur , per que tam grandia scandala , quam animarum pericula non modica insurgunt. Predecessorum igitur nostrorum vestigiis inherendo prohibemus de cetero clandestina matrimonia contrahi juxta constitutionem generalem in *Sacro Generali Concilio editam* , que habetur in *Capitulo finali de clandestinis desponsationibus* infra scriptam , quam in omnibus Parochialibus Ecclesiis precipimus singulis annis per Regentem curam animarum quater publicari. Ne autem constitutio predicta cuiquam sit incognita , eam etiam de verbo ad verbum hic inferi volumus. *Cujus tenor sequitur , ut ecce.* (a)

" Cum inhibito copule conjugalis sit in ultimis tribus gradibus revocata , eam volumus in aliis districtè observari , unde Predecessorum nostrorum vestigiis inherendo clandestina matrimonia penitus inhibemus , prohibentes etiam , ne quis Sacerdos talibus interesse presumat : quare specialem quorundam locorum consuetudinem ad alia generaliter prorogando statuimus , ut cum matrimonia in Ecclesiis fuerint contrahenda , per Presbyteros publice proponatur competenti termino prefinito , ut infra illum , qui voluerint , aut voluerit legitimum impedimentum apponat. Et , ipsi Presbyteri etiam nihilominus investigent , utrum aliquod impedimentum obstat. Cum autem apparuerit probabilis conjectura contra copulam contrahendam , contractus interdicatur ex-

" presse , donec quid fieri deceat super eo , manifestis constiterit documentis. Si quis vero hujusmodi clandestina matrimonia inire presumpserit in gradu prohibito , etiam ignoranter , soboles de tali conjunctione suscepta prorsus illegitima censeatur , de parentum ignorantia nullum penitus habitura subsidium. Cum illi taliter contrahendo non expertes scientie , vel saltem affectatores ignorantie videantur , pari modo proles illegitima censeatur , si ambo parentes impedimentum scientes legitimum preter commune interdictum , etiam in conspectu Ecclesie contrahere presumpserint. Sane si Parochialis Sacerdos tales conjunctiones prohibere contempserit , aut quilibet alius regularis , qui eis presumpserit interesse , per triennium ab officio suspendatur , gravius puniendus , sicut culpe qualitas postulaverit , sed & his , qui taliter copulari presumpserint , etiam in gradu concessio pena condigna injungatur. Si quis autem ad impediendam legitimam copulam malitiosum impedimentum objecerit , Canonicam non effugiet ultionem. " Hac constitutione prohibemus , ne quis Sacerdotum civitatis , & Diocesis nostrarum de cetero clandestinis matrimoniis interfit. Quod si secus fecerit , ultra penas Canonice predictas condigne puniatur. Si autem aliqui ex ipsis subditis matrimonium clandestine contraxerint , mox postquam hoc sciverint , eos moneat , ut matrimonium per eos contractum in facie Ecclesie infra proximum mensem solemniserint , nisi ille mensis infra Dominicam *Invocavit* , & octavam Pentecostes forte incideret , tunc enim infra mensem proximum post octavas Festi Pentecostes matrimonium in facie Ecclesie solemnizare legitimo cessante impedimento teneantur. Et si id facere contempserint , seu eorum Curatus , ut preferatur , ipsos monere non curaverit , tam curatus , quam contrahentes juxta dictam constitutionem , & alias Canonice puniantur.

De Judeis.

Ne Judei de cetero in civitate , & Diocesi nostris nutrices , vel servientes habeant Christianos , districtè inhibemus , quia

(a) Concilium Lateranense IV. Generale XIV. anno 1215. Capitulo 51.

Tomus V. Concil. German.

quia indignum est, quod filii libere filiis famulentur ancille, omnibus ipsorum servientibus, & nutricibus precipientes, ut a servitiis eorum infra proximum mensem a publicatione presentium recedant, quos etiam Judei libere dimittere teneantur. Transgressores vero hujus statuti animadversione condigna puniantur. &c.

Ad idem de Judeis.

Quoniam dudum in Sacra Provinciali Synodo Moguntina (b) novissime celebrata inter cetera de Judeis, & Crucis Christiane inimicis statutum reperitur, & mandatum sub celsatione Divinorum, & pena subtractionis communionis, "quod Judei signa deferre debeant, (b) per que a Christianis distingui, & discerni videantur declarando dicit: signum hujusmodi tale esse debere: circulus vide licet de filis croceis in veste extrinseca ante pectus, quo ad mares, & masculos, & due rige blavii coloris in peplis mulierum conformiter, ut in Urbe Romana." Quod autem parum proficit statuta condere, & eorum executionem negligere: Idcirco constitutione presenti precipimus, & mandamus districte; & universis Judeis per civitatem, & Diocesim nostras habitantibus sub penis gravibus expedire visis mandetur, quatenus hujusmodi signa extrinseca juxta declarationem predictam deferant conformiter, & ad hoc per potestatem secularem, & Officiales, & Regentes compellantur. Alioquin contra fecus facientes Officiales, & Regentes ad subtractionem Sacramenti Eucharistie, & contra Judeos ad exclusionem communionis fidelium, & alias prout de jure procedatur.

De Adulteris.

Quedam persone relicto legitimo thoro non verentur una domo in adulterinis amplexibus manifeste cohabitare in scandalum plurimorum, quorum saluti providere volentes omnibus Rectoribus, Plebanis, & Curatis nostre Diocesis in virtute sancte obedientie districte precipiendo mandamus: quatenus omnes, & singulos, qui in adulterinis amplexibus insimul residere non verentur, amoveant, requirant, & exhortentur, ut infra quindecim dies abinvicem discedant,

& si mandato hujusmodi obedire contempserint, & post dictos quindecim dies, quod absit, insimul cohabitaverint, tales in eorum vita ab Ecclesiasticis excludantur Sacramentis, & post mortem, nisi penitentiam egerint de commissis, Ecclesiastica careant sepultura, & nihilo minus ad Nos, vel Vicarium nostrum pro absolutionis beneficio consequendo remittantur. Ipsi vero Rectores, Plebani, & Curati, quiteos monere omiserint, a Nobis, vel Vicario nostro Canonice expectare se non dubitent ultionem, quibus etiam sub simili comminatione districte injungimus, ut eorundem rebellium nomina infra alios quindecim dies Nobis vel nostro Vicario denuntient, ut contra eosdem ad ultiores procedere valeamus penas.

De Raptoribus.

Spoliatores stratarum, & raptores alios, qui transeuntes per vias, & stratas publicas viduas, pupillos, & personas alias presertim Ecclesiasticas eorundem bonis vi spoliant, ac eorum violentias, qui perturbationem desiderande pacis inducunt, tali volumus nostro feriente gladio correctionis pena mulctari, ut tam ipsi, quam receptantes eos, & scienter dantes eis auxilium, vel consilium ipso facto sint anathematis vinculo innodati. Hoc quidem statutum volumus anno quolibet in singulis quatuor Festivitatibus principalibus, si sermo eodem die sit, alioquin sequenti die proxima, dum sermo fuerit, in quibuslibet Ecclesiis civitate, & Diocesi nostris in cancellis publicari.

De Usuris.

Usurarios actus Divina, & humana lege satis novimus exprobatos, & contra exercentes usuras novissima constitutio Concilii Lugdunensis penas statuit exquistas, sed quia quesito novo fenorandi colore nonnulli sub titulo vendicationis exercent usuras, qui pecunias mutant datis induciis, ut statuto die recipiant fruges forte in duplo valore, quos deinde multo ampliori pecunia vendunt. Quidam etiam emendo rem pro certa quantitate venditori dimissam statuto termino pro adaucto modo usurarum quantitate revendunt. His fraudibus obviando prohibe-

(b) Concil. Moguntinum anni 1451. sub Theodorico Archiep.

hibemus, ne quis usurarium absolvat, vel publicum ad Ecclesiasticam recipiat sepulturam, nisi cautione prestita de universis restituendis juxta constitutionem Apostolicam in Conciliis Lugdunensibus factam, que habetur *de Usuris Libro sexto &c.* Quamquam subscriptam, quam in omnibus Parochialibus Ecclesiis precipimus singulis annis per Regentem curam animatum semel videlicet Dominica Quadragesima, qua canitur *JUDICA* solemniter publicari. Ne autem constitutio predicta cuiquam sit incognita, illam volumus hic de verbo ad verbum inferere, ut ecce. (a)

” Quamquam usurarii manifesti de
” usuris, quas receperunt, satisfieri ex-
” pressa quantitate, vel distincte in ulti-
” ma voluntate mandaverint. Nihilomi-
” nus Ecclesiastica sepultura eis denege-
” tur, nisi de usuris ipsis fuerit, prout
” patiuntur facultates eorum plenarie sa-
” tisfactum, vel illis, quibus facienda
” est restitutio, si presto sint ipsi, aut
” aliis, qui possunt eis acquirere, vel eis
” absentibus loci Ordinario, aut ejus
” vices gerenti, sive Parochie Rectori (in
” qua testator habitat) coram aliquibus
” fide dignis de ipsa Parochia (quibus
” quidem Ordinario, Vicario, aut Rectori
” predicto modo cautionem hujusmodi
” eorum nomine liceat presentis constitu-
” tionis auctoritate recipere: ita quod
” illis perinde actio acquiratur) aut fer-
” vo publico, de ipsius Ordinarii manda-
” to ydonee de restitutione facienda sit
” cautum. ” Ceterum si receptarum usu-
” rarum quantitas sit manifesta: illam sem-
” per in cautione predicta exprimi volumus.
” Alioquin aliam recipientes cautionem hu-
” jusmodi arbitrio moderandam, ipse ta-
” men scienter non minorem, quam verifi-
” militer creditur, moderetur: & si secus
” fecerit, ad satisfactionem residui teneatur.
” Omnes autem Religiosos, & alios, qui
” manifestos usurarios contra presentis San-
” ctionis formam ad Ecclesiasticam ausi
” fuerint admittere sepulturam, pene *Lateranen-
sis* Concilii contra usurarios promulga-
” te statuimus subjacere. Nullus manife-
” storum usurariorum testamentis interfit,
” aut eos ad confessionem admittat, sive
” ipsos absolvat, nisi de usuris satisfice-

rint, vel de satisfaciendo pro suarum viribus facultatum presentent, ut premititur cautionem ydoneam. Testamenta quoque manifestorum usurariorum aliter facta non valeant, sed sint irrita ipso jure, &c.

De Penis.

Sacri Provincialis Concilii antiqui, nec non RUDOLFFI, HEINRICI MART. quorundam Episcoporum Predecessorum nostrorum vestigiis inherendo hac constitutione perpetuo valitura sanximus, ut si in antea quecumque Ecclesiastica, vel secularis persona cujuscunque status, gradus, vel conditionis existat, instigante diabolo infra civitatem, & Diocesim nostras Clericum, & pro Clerico se gerentem interfecerit, vel mutilaverit, aut talem sine licentia Superioris ipsius Clerici captivaverit, aut detinuerit, eo ipso in terris, Ecclesiis, & Parochiis totius Decanatus, in quo hujusmodi delicta commissa, aut Clericus hujusmodi captus fuerit, sed non solum in illo Decanatu, sed etiam in quibuscunque aliis Decanatibus, in quibus quempiam talium detineri constiterit, & in omnibus locis, in quibus interfector, seu mutilator, vel captivator, seu ejus complices ipsi consilium, auxilium, & juvamen prestantes, domicilium, aut Dominium obtinentes, sive de facto, sive de jure jurisdictionem exercuerint, aut obtinuerint, vel moram traxerint, & ad que devenerint. Et quamdiu in eisdem fuerint, & post cujuslibet eorum abinde recessum ad tres dies continuos ipso facto cessetur a Divinis, & servetur strictissime Ecclesiasticum interdictum tamdiu & quousque lesio, Nobis, & Ecclesie fuerit de tanto flagitio satisfactum, aut interdictum hujusmodi alias rite fuerit relaxatum. Tales etiam injuriatores tamquam excommunicati eo ipso a singulis arcus evitentur, donec absolutionis beneficium meruerint legitime obtinere. Ne autem hi juxta premissa interdictum servare debentes se valeant per ignorantiam quomodolibet excusare, precipimus, ut Rectores, seu Plebani Ecclesiarum Parochialium, in quorum Parochiis facinora predicta commissa fuerint, statim & infra unius diei spatium Decano, si presens infra Decanatum fuerit.

Alio-

(a) Anno 1274. Concilium Lugdunense II. Generale XIV. celebratum sub Gregorio X.

Tomus V. Concilior. German.

N n n 2

Alioquin Camerario, si Camerarius etiam abesset, viciniori Presbytero curato illius Decanatus præsentem rem gestam referat. Qui Decanus, Camerarius, vicinior Presbyter curatus omnibus ceteris fratribus Decanatus huiusmodi, & etiam Religiosis in eo commorantibus infra biduum proximum hoc idem facinus manifestet, ac interdictum per eos, & in toto Decanatu servandum fore notificet. Quibus super his fidem plenam, sicut nostris literis, volumus adhiberi. Si quis vero Rectorum, seu Plebanorum Ecclesiarum Parochialium, aut Decanorum, vel Camerariorum hoc nostrum preceptum implere contempserit, excommunicationis sententiam eo ipso incurrat, a qua non possit nisi congrua satisfactione previa liberari: per præmissa tamen constitutionibus legalibus & Provincialibus contra sacrilegos prædictos editis, & aliis, quæ de ipsorum penis tractant, non intendimus derogare, sed potius in suo robore volumus permanere. &c.

Ex eadem Generali Synodo.

Insuper eadem Sancta Synodus Generalis BASILIENSIS ad vitandum scandalum, & multa pericula, subvenendumque conscientis timoratis statuit, quod nemo deinceps a communione alicujus in Sacramentorum administratione, vel receptione, aut aliis quibuscunque sententiis, vel extra cujuscunque sententie, vel censure Ecclesiasticæ, aut suspensionis, vel prohibitionis ab homine vel jure generaliter promulgate teneatur abstinere, vel aliquem vitare, aut Ecclesiasticum interdictum servare, nisi sententia, prohibitio, suspensio, vel censura Ecclesiastica huiusmodi fuerit, vel contra Personam, Collegium, aut Universitatem, Ecclesiam, aut locum certum, vel certam a iudice promulgata & denunciata specialiter & expresse, aut si aliquem ita notorie excommunicationis sententiam constiterit incidisse, quod nulla possit tergiversatione celari, aut aliquo juris suffragio excusari, non a communione illius abstinere vult juxta Canonicas Sanctiones, per hoc tamen huiusmodi excommunicatos, suspensos, & interdictos, seu prohibitos non intendit in aliquo relevare, nec eis quomodolibet suffragari.

Ad idem ex eadem Generali Synodo.

Quoniam ex indiscreta interdictorum promulgatione multa consueverunt scandala evenire, statuit hec Sancta Synodus, quod nulla civitas, oppidum, castrum, villa, aut locus Ecclesiastico possit supponi interdicto, nisi ex causa, seu culpa ipsorum locorum, aut Domini, seu Rectoris, vel Officialium propter culpam vero, seu causam alterius cujuscumque private persone huiusmodi loca interdicti nequaquam possint auctoritate Ordinaria quacunque, vel Delegata, nisi talis persona fuerit prius excommunicata, aut denunciata, sive in Ecclesia publica, ac Dominum, seu Rectores, seu Officiales auctoritate iudicis requisiti huiusmodi personam excommunicatam infra biduum inde cum effectu non ejecerint, aut ad satisfactionem compulerint, qua etiam post biduum rejecta recedente, vel satisfaciente mox Divina resumí possint, etiam in precedentibus ipsa Synodus locum habet, & habere vult. &c.

Ad idem, ex Statutis quondam Domini HEINRICI Episcopi, Predecessoris nostri.

Quia hæcenus propter Sacri Concilii Basiliensis Statuta de interdicto Ecclesiastico Predecessoris nostri statutis per Nos, ut prefertur, acceptatis inserta dubitarunt nonnulli statutum de *Penis* ex Processuum olim HAINRICI, Episcopi Constantiensis, quod incipit: *Sacri Provincialis* esse sublatum, & propterea interdictum huiusmodi intra ejusdem statuti seriem non fore observandum, Nos huiusmodi ambiguitatem tollere volentes, presenti statuto nostro decernimus & declaramus statutum prædictum per dicta Sacri Concilii statuta minime fuisse, aut esse sublatum, ne eadem statuta Concilii huiusmodi statutum, quod etiam Provinciale est, & in favorem Ecclesiasticæ libertatis editum tollere, maxime cum idem Generale Concilium per eadem statuta constitutionibus Legalibus & Provincialibus contra sacrilegos, de quibus statutum loquitur, editis non voluerit, nec velit derogare. Eapropter idem statutum sub penis illius juxta omnem illius tenorem precipimus observari.

De Magistris.

Experientia docti novimus, quod quondam Verbum Dei in Ecclesiis nostrarum civitatis & Dioecesis seminantes Religiosi, & seculares Presbyteri interdum rancore moti contra se invicem predicare non verentur in populi scandalum, & exemplum perniciosum. Nos considerantes, quod sicut ex indiscreto silentio sepius error post se relinquitur: Ita, & incauta locutio sepe errorem inducit. Idcirco presenti statuto inhibemus, ne quis predicationem in Monasteriis, aut Ecclesiis nostrarum civitatis & Dioecesis, sive Religiosus, sive secularis existat, de cetero contra alium quicumque in cancellis predicet, sed si errorem, heresim, vel quid aliud contra alterius jus aliquis ex ipsis predicaverit, id Nobis, vel nostro in Spiritualibus Vicario referatur. Ne ex huiusmodi contentione publica scandala in populo, & pericula consurgant animarum, secus facientes penam gravem, & condignam non evadent.

De Penitentibus, & remissionibus.

Quia nonnulli religiosi terminis suis non contenti, in predicationem animarum in casibus Sedi Apostolicæ, & Nobis reservatis in civitate, & Dioecesi nostris subditos nostros absolvere presumpserint, licet de hoc nullam receperint potestatem, presenti decreto inhibemus, ne deinceps nudo verbo ipsorum religiosorum asserentium se talem habere potestatem, nisi alias de potestate huiusmodi fecerint fidem, legitimis documentis credatur, declarantes absolutiones eorum in casibus predictis fore nullas, nisi hoc specificæ a Sede Apostolica, seu a Nobis eis sit concessum &c.

Ad idem.

Ubi periculum majus imminet, ibi procul dubio magis est consulendum. Attendentes itaque, quod manifesta peccata non sint occulta correctione purganda. Et quod malum ubi oritur, ibi puniri debet, omnibus Penitentiariis nostris districtius inhibemus, ne quempiam super peccato publico extra tempus quadragesimale absolvere quomodolibet presumant, aut de quocunque publico crimine se intromittant. Volentes, quod publicos pec-

catores postquam casum publicum fore intellexerint, mox ad Nos, seu Vicarium nostrum absolvendos, & deinde inibi puniendos, ubi publice deliquerunt, remittant, ac decernentes absolutiones per Penitentiarios nostros super publicis criminibus de cetero fiendas nullius fore roboris, vel momenti, in contrarium concessis non obstantibus quibuscunque.

Ad idem.

Declaramus insuper, quod Penitentiarii nostri presentes, & futuri nullam habeant potestatem sibi socios in officio Penitentiariæ nostre assumendi, aut vices suas alteri committendi, nisi specialiter ad id a Nobis, vel Vicario nostro habuerint in mandatis.

Idem.

Preterea ordinamus, & presenti decreto inhibemus, ne quis Penitentiario- rum nostrorum de cetero literas confessionis, seu confessionis testimoniales sibi confitentibus quomodolibet presumat dare, decernentes literas huiusmodi per eos dandas nullam fidem habere, aut eis fore adhibendum, si qui autem literis testimonialibus huiusmodi absolutionis, sive in casibus Episcopalibus Nobis reservatis indiguerint, seu alias tales ad sui cautelam forte pecierint: ad Nos, seu Vicarium nostrum pro talibus remittantur.

Idem.

Insuper omnibus Presbyteris curatis, & non curatis nostrarum civitatis & Dioecesis inhibemus, ne de casibus Episcopalibus Nobis reservatis, quos duximus inferius annexendos intromittere audeant, sed ad Nos, seu Vicarium nostrum omnes infra scripti remittantur, decernentes, absolutionem per eos, absque speciali concessione nostra, seu Vicarii nostri in casibus huiusmodi preter quam in mortis articulo factis, vitibus penitus carere.

Remittantur itaque subscripti pro absolutione.

Item rebaptizatus, reconfirmatus, & reordinatus.

Item qui matrimonium post sponsalia jurata cum alia, quam sponsa contraxerit. &c.

N n n 3

Insu-

Insuper Statuta predicta apud Notarium hujus Synodi nostre recipi volumus per eum fideliter collationata, & ejus manu per nominis appositionem signata, ac per Sigilliferum tunc nostrum pro eorum robore gratis figillari.

Lecta & rata sunt hec statuta antedicta in Synodo Episcopali tunc solempniter celebrata in Ecclesia majori Constantiensi, anno Domini Millefimo, quadringentesimo, sexagesimo tertio, die crastino festi S. Udalrici, que fuit quinta dies Julii, Indictione undecima.

Ex Codice Chartaceo MS. communicato ab amico vero Constantiæ habitante anno 1760.

Siquelantur in eodem MS. Codice

Dubia a Clero proposita, Episcopo
super variis in Synodo præcedente anni 1463. Resolutionibus una cum Responsionibus Ejusdem Episcopi BURCHARDI, quæ cum Conciliares non sunt, hic omituntur.

Titulus autem eorum dubiorum & avisamentorum hic ponitur, ut intelligat Clerus non denegandam sibi ab Episcopo audientiam, si dubia emergentia in Decretis Synodalibus Episcopo reverenter proponat.

Reverendissimus Pater & Dominus, Dominus BURCHARDUS, Episcopus Constantiensis, de gratia speciali

pro salute Cleri sui cuilibet suæ Diocesis Decano rurali, & in Collegiatis Ecclesiis majori Prælato dat & concedit auctoritatem ordinariam canonice absolvendi quoslibet Clericos in sacris, & sub eisdem Decanatibus & Collegiis constitutos a fornicationis crimine publico & occulto; sic tamen, quod ipsi Prelati & Decani in suis Ecclesiis absolvendos diligenter sub juramenti debito inquirent, si irregularitatem inciderint, ac tales, quos suspensos & irregulares invenerint, pro absolutione & dispensatione salubrius consequenda ad Vicarium ipsius Revmi Præfatis Constantiensis remittant: & quod hujusmodi gratia ad unum mensem integrum a die celebratæ Synodi anni MCCCCLXIII. computandum, & non amplius perduret.

Post lectionem & publicationem itaque Statutorum prædictorum Clerus deliberatione aliquanti præhabita certa movit dubia & dedit avisamenta, petendo sibi super his consuli & provideri, sicque Rmus Pater & Dominus, Dominus Episcopus per peritos Synodi Religiosos & Seculares de super consultos ad ea generalia & singula Responsa dedit, ut infra.

Tenor itaque dubiorum & avisamentorum Cleri, de quibus supra fit mentio, sequitur de verbo ad verbum.

Dein subiungitur Responsio ad hujusmodi dubia. In fine

Nomine LINCK CONRADUS
Substitutus mpp.

SYNODUS EYSTETTENSIS

Anno Christi MCCCCLXV. Paulo II. Pp. II.
Friderici Cæs. XXVI.

SUB WILHELMO (a) EPISCOPO.

CANONES XVIII.

I. De Hereticis superstitiosis.

II. De Sacerdotibus existentibus in peccato mortali.

III. De Matrimonio.

IV. Quid dicatur Clam vel Clandestinum.

V. De Confessionibus audiendis.

VI. De publicis criminosis & penitentia injungenda.

VII. Ne pro administrandis Sacramentis aliquid exigatur.

VIII.

(a) Guilelmus, Nobilis a Reichenaw, sedit in Cathedra Eystettensi ab anno 1464. usque ad annum 1496. quo obiit.

VIII. De vita & honestate Clericorum.

IX. De captivitatibus Clericorum.

X. De Præbendis diminutis.

XI. De Magistris Fabricæ Ecclesiarum.

XII. De sententia Excommunicationis.

XIII. De Renuntiatione.

XIV. De Statu Monachorum.

XV. De Clericis peregrinis.

XVI. De Locationibus Beneficiorum.

XVII. De Excommunicatis propter violentiam Clericorum.

XVIII. De Dispensantibus cum existentibus in peccato mortali, ut recipiant Sacramentum.

P R Æ F A T I O.

WILHELMUS, DEI ET APOSTOLICÆ SEDIS GRATIA EPISCOPUS EYSTETTENSIS, UNIVERSIS ET SINGULIS RECTORIBUS, PLEBANIS, ET VICE- PLEBANIS, ET EORUM LOCA TENENTIBUS, CÆTERISQUE PRESBYTERIS, CAPELLANIS, CURATIS ET NON CURATIS, PER CIVITATEM ET DIOECESIN NOSTRAS UBILIBET CONSTITUTIS, SALUTEM IN DOMINO.

CUM Pastoralis curæ sit, subjectionum moribus condigno remedio obviare, & corpora, quæ languore carent, arte & modis omnibus præservare; Nos volentes juxta commissæ nobis pastoralis sollicitudinis officium Clero & Plebi nostræ Diocesis paterne consulere, pro Divini Nominis gloria, & amplianda Religione ac virtutibus, retundendæque malitia, de Venerabilis Capituli nostri, Jurisque peritorum consilio ad laudem DEI Omnipotentis, Gloriosissimæ Virginis MARIE, Beatorum Petri & Pauli Apostolorum, Beatique Willibaldi egregii Confessoris & Pontificis, Patroni nostri, ac omnium Sanctorum pro felici statu hujus Sanctæ Eystetenensis Ecclesiæ, ac Episcopalis Sedis, totiusque Cleri & populi ad ipsam pertinentium. Statuta quædam Synodalia felicis memorie Domini JOHANNIS immediati Prædecessoris nostri, Anno Domini Millesimo, quadringentesimo, quadragesimo septimo, in Synodo pro tunc publicata, prout jam pridem similiter ac per Nos actum est, ratificavimus, & nunc præsentibus ratificamus certo moderamine in eisdem observato, prout ex infra scriptis nostris statutis intelligetis. Præterea nova quædam edidimus, quæ omnia vim Legis & Præcepti sub pœnis in eisdem contentis habere, ac districte per vos observari volumus. Alioquin eorundem transgressores præter Divinam ultionem merito formidandam pœnas prædictas, & alia remedia opportuna expectent. Non tamen interdiciamus jurisdictioni Decani Ecclesiæ Cathedralis nostræ, ad

quem sicut ex longæva & antiqua consuetudine immediata correctio excessuum Clericorum civitatis nostræ pertinere dinoscitur, in aliquo derogare.

De Hæreticis supersticiosi.

Et si universas detestamur hæreses, & odimus singulas vanas & supersticiosas sectas & observantias hæreticorum, & Nobis, ac Vicario in Spiritualibus, & Penitentiario nostris omnium & singulorum damnatis erroribus involutorum absolutiones per quoddam Statutum Synodale Prædecessorum nostrorum sint reservatæ. Nos tamen considerantes propter ipsius statuti nimiam generalitatem, plerosque Presbyteros sive Confessores ipsum nimis generaliter intelligere, & plures, quam statuti intentio esse possit, ad Sedem Episcopalem pro absolutione mittere. Nos volentes generalitatem restringere, & ipsum statutum declarare, præsentibus dicimus & declaramus eos duntaxat, qui sectas damnatas, ac ea, quæ directe articulis fidei contraria sunt, credunt, vel sequuntur, atque alia supersticiosa pro rebus temporalibus acquirendis, retinendis, vel recuperandis habentes, fidem & spem in illis committunt, ad Sedem Episcopalem remittendos. Nisi forte in levioribus tanta esset consuetudo delinquentis, quæ correctionem facilem non reciperet, ex qua in alia majora lapsus se qui posset amplior, super quo arbitrandum conscientiam Confessoris oneramus.

De

De Sacerdotibus existentibus in peccatis mortalibus.

Quoniam secundum Sacrorum Canonum declarationes Sacerdotes etiam mortalibus prægravati sceleribus, Divina conficiunt Sacramenta, quæ pollui non possunt. Nulli tamen extra casum a jure expressum in mortali constituto peccato, Divina licet celebrare Mysteria, aut alia quævis conferre Sacramenta, Nos volentes quantum possumus ausum sive temeritatem quorundam Sacerdotum, qui publico maculati concubinato frequenter & quasi quotidie celebrant, & ministrant Sacramenta, impedire, præsentis constitutione ordinamus, præcipimus, & statuimus, ne aliquis Sacerdos in publico sive notorio laborans concubinato post unius mensis spatium ab hodie computandum Divina celebret Officia, nisi prius a Nobis, aut nostro in Spiritualibus Vicario, aut cui Nos, vel idem Vicarius noster vices nostras in ea parte commiserimus, confessus rite fuerit, absolutus, & ad Nostrum, vel Vicarii nostri mandatum, justum, & dispositionem concubinam, quam sic publice tenuit, aut tener, dimiserit, sub pœna carceris, quam volumus contrarium facientes, ipso facto incurrere, ac alias juxta excessus qualitatem graviter puniri.

Et quoniam non est nostræ intentionis, ut hujusmodi publici concubinarum passim, & indifferenter quasi joco occasione confessionalium, aut licentia confitendi a Nobis, vel Vicario nostro datorum, & emanatorum ab eorum talibus excessibus absolvantur, ne facilitas veniæ incitamentum præbeat delinquendi, præsentibus inhibemus ne aliquis Sacerdos nostræ Diœcesis post lapsum unius mensis aliquem talem publicum concubinarum, sive fornicarium occasione talium confessionalium, vel licentia confitendi absolvat, sed potius ad Nos, aut nostrum in Spiritualibus Vicarium remittat. Dецernentes irritum, & inane, siquid in contrarium factum, aut attentatum fuerit, nisi forte idem Sacerdos absolvendus Divina, tam necessario celebrare debeat, ut absque gravi scandalo populi vacare non possit, tunc poterit per quemcumque Sacerdotem absolvi; ita tamen, ut ad brevem terminum per eundem confes-

forem statuendum se Vicario præsentet ad recipiendum pro modo culpæ poenitentiam salutarem, hortantes nihilominus omnes, & singulos Confessores a talibus publicis concubinariis ex majori auctoritate electos, ut & ipsi circa tales diligenter, & diserte vigilant, ne ipsi sua levitate se aliorum criminum faciant participes, super quibus omnibus cujuscunque conscientiam districte oneramus.

De Matrimonio.

Matrimonia clandestina, ex quibus sæpius vitium, & expertum, plurima oriri scandala, & pericula animarum. Dum hi contrahunt, quibus a jure prohibitum est contrahere, prohibere volentes, Nos poenis juris, nostras adjicientes, statuimus, ut singuli Plebani statim, postquam ad ipsorum noticiam, aliquos in aliquo gradu prohibito, vel legitimum habentes impedimentum, quominus contrahere possint, clam contraxisse pervenerit, eos, qui ita contraxerunt, mox ab ingressu Ecclesiæ, tam diu excludant, quousque iidem contrahentes coram Vicario nostro recepta poenitentia, & sibi per suas patentes literas; ac alias per Officialem nostrum super hujusmodi impedimento Canonice expediti fuerint remissi, salvis tamen poenis juris circa eos, qui etiam extra omne impedimentum clam contrahunt, quibus per præsens nostrum statutum in nullo volumus derogari.

Quid dicatur Clam, vel Clandestinum.

Et ne vocabulum *Clam*, sive *Clandestinum* multis, & præsertim in hac materia ignotum cuiquam ambiguitatem generet, præsentis constitutione declaramus, id fore, & esse clandestinum matrimonium ad præsens censendum, quod per verba de præsentis, aut futuro, copula carnali subsecuta contrahitur, priusquam eorum contractus futuri matrimonii per Plebanum ipsorum in loco, vel locis, ubi verisimiliter noticia haberi potest ipsorum contrahentium, & devenerit in cognitionem impedimentorum, fuerit secundum statuta Synodalia, & Ecclesiæ publicatus.

De Confessionibus audiendis.

In ministrandis vero, & conferendis Sacramentis illud summopere providendum est, ne, ubi salus expectatur animarum, scandalum generetur, & peccatum nutriatur, propterea præsentis constitutione districte prohibemus, ne quisvis Sacerdos cujuscumque mulieris sanæ in stuba, sive camera doris, vel domus suæ confessionem audiat, sed in communiore loco Ecclesiæ, suspitione carente. Neque pueros extra Ecclesiam baptizent, nisi horum, quibus jura permittunt, nisi forte tempore hyemis propter ingens frigus aliud facere necessitas cogat. Tunc utique tam salubre Sacramentum cum ea reverentia, & disciplina conferatur, ut etiam propter devotionem altantium merito gratia baptizato conferri præsumatur, vel augeri; alioquin contrarium facientes ad arbitrium nostrum graviter puniemus.

De publicis criminosis, & penitentia injungenda.

Quoniam secundum Sacros Canones manifesta peccata non sunt occulta correptione corrigenda, præsentibus districte prohibemus, ne de cætero aliquis Confessor aliquem manifestum criminofum occulta penitentia puniat, sed manifesta, sive crimina sint levia, sive magna. Nam, quamvis penitentia sint arbitraria, illud tamen in suo genere locum habere certum est, ita, ut circa manifestam penitentiam in manifestis, & circa occultam in occultis sit arbitrandum: manifesta etiam occulta penitentia corrigere, potius mutare penitentiam videtur, quam arbitrari, quod, nedum simplicibus, verum & Episcopis jure prohibitum apparet, nisi forte peccator, vel confessi tanta sit resistentia, ut potius se Divinæ correctioni, quam humanæ velit submittere, quem non abjiciendum, sed cum innotescencia periculi, sive discriminis, quibus se ingerit, absolutum jubemus ire dimitti; alioquin hoc non observato, ad arbitrium nostrum gravi subjaceat ultioni.

Ne pro administrandis Sacramentis aliquid exigatur.

Cum nil pro Sacramentis administrandis exigi, vel extorqueri oportet,

Tomus V. Concilior. German.

Nos volentes statutum vetus de non exigendo aliquid pro administrandis Sacramentis manu tenere, districte prohibemus, ne aliquis Plebanorum nostræ diocesis, & eorum loca tenentes, ex pacto, vel conventionione confessionales denarios inter se, & cooperatorem dividendos conveniant & dividant, sed si Plebanus ipsi socio aliquid libere communicare velit, non prohibemus; socium tamen, vel cooperatorem de his, quæ sibi fideles sponte offerunt, Plebano dandum cogi nolumus, consuetudine quacunque non obstante: quoniam sæpius Plebanos, & Cooperatores propterea desides, & negligentes in audiendis fidelium confessionibus cooperimus. Hortantes nihilominus omnes & singulos Confessores, ne spe alicujus temporalis lucri consequendi propterea festinantius audiant, brevius expediant, quam oportet, scientes, quod si eorum culpa vel negligentia alios negligant, ipsi sibi eorum peccata accumulunt; quod si quisquam in his excessisse reperiatur, Nos contra talem ultra Divinam ultionem, quam incurreret, ad graves penas pro nostro arbitrio infligendas procedemus.

De vita & honestate Clericorum.

Et quia statutum de honestate Clericorum plurimi adeo vilipendunt, ut nedum in Nostra & communis vulgi præsentia prohibitis utantur vestibus, verum & circa Divina eas minime deponunt, & alias inhoneste contra juris dispositionem incedunt; ut itaque Clericorum mores, & actus eorum in melius refoventur, honeste vivere studeant universi, statuimus, ut omnes & singuli Clerici per civitatem & Diocesis nostras constituti tonsuram suo ordini, statui, & dignitati convenientem deferant, comam, & crines, sive pilos ultra nodum colli extensas non nutrant, ac rostris calceorum articulum digiti excedentes deponant, alioquin transgressores a distributionibus quotidianis cum corpore Præbendæ per unum mensem noverint se fore suspensos, omnino sub prædicta poena prohibentes, ne aliquis Sacerdotum coram quocunque sibi ministrante, qui præmissorum transgressor repertus fuerit, & apparet, Divina celebret officia, sed eum tanquam indig-

num astare & ministrare prohibeat, quoniam non credimus, talem absque mortalitatis peccati culpa posse Sacra celebrare, vel Divinis astare, quia factis Sacris Canonibus pertinaciter contradicit.

De captivitatibus Clericorum.

Verum cum in terminis alicujus Decanatus Religiosi vel Clerici in Sacris constituti captivantur, captivi detinentur; interdictum Ecclesiasticum servari, & a Divinis cessare oportet, dubium, quis captivus dicatur, tollere volentes presentibus pronunciamus, & declaramus; nedum hunc dici debere captivum, qui derentus vinculis sive carceri mancipatur; sed etiam eum, qui tentus & coactus permittit, sine vel cum poena ad certum terminum se captivatori, aut alteri nomine & vice ipsius statuere, aut liber dimissus poenam certam solvere, & debere.

De Præbendis diminutis.

Patroni Beneficiorum cum juris dispositione obligati, Nostri vero & Prædecessorum nostrorum etiam statutis hortati sint, ut ad Beneficia Ecclesiastica sine diminutione personas habiles & idoneas præsentent, nihilominus tamen hujus contrarium fieri, quotidiana docet experientia. Proinde districte prohibemus, ne Vicarius noster in Spiritualibus aliquem ad quodcunque Beneficium investiat, nisi prius coram eo is, qui præsentatus est, vel qui præsentat, sufficienter docuit, aut alias sibi legitime constans beneficium juxta tenorem statuti Synodalis de Portione Canonum disponens fore, & esse dotatum, vel provisum, & sic præsentato absque diminutione debita fuerit portio assignata & tradita, nisi is, qui præsentatur, adeo in fructibus Beneficii non ex culpa vel fraude Patroni attenuati, sit contentus, ut nulla sibi contra Nos vel Patronum possit competere querela vel actio.

De Magistris Fabricæ Ecclesiarum.

Statutum de Magistris fabricæ Ecclesiarum in suo robore permanere omnino jubemus, hoc adjicientes & moderantes, ut ratio de perceptis & expositis ab his, a quibus & coram quibus fieri debet, non nisi & semper infra Pascha

& Ascensionem fiat. Et a Plebano loci recessus plenus de omnibus perceptis, expositis, remanentibus, & debitis Vicario nostro in scriptis mittatur, quem si forte aliquis vel aliqui mittere impediant, vel impedire nitantur, is, vel ille ab eorum Plebanis ab ingressu Ecclesiæ coerceatur tam diu, quotque a Nobis, aut Vicario nostro aliud habuerit in mandatis, vel facto pareat, vel paruerit, nec ipsi Magistri, vel Procuratores per se, vel cum eorum Plebano alicui sine Nostri, aut Vicarii nostri expressa licentia aliquam pecuniæ summam mutant, vel accommodent, nisi ipse Plebanus, & Vitrici, sive Magistri fabricæ pro accommodatis vel mutuo datis pecuniis velint esse principales debitores & solutores, quam pecuniam accommodatam vel mutuam etiam in proxima ex post ratione sub poena dupli sine contradictione solvere debeant, & teneantur.

De Sententia Excommunicationis.

Ex causis plerisque Nos, nostrique Vicarius in Spiritualibus, & Officialis mandata sub poena excommunicationis læ sententiæ emittimus: post accusatam etiam contumaciam trinæ, vel alias sufficientis admonitionis ad reproducta mandata subscribimus, excommunicatum declaramus, excommunicamus, vel suspendimus: ex quibus nulli dubium manet, ex rigore juris tales, contra quos declaratio, vel post contumaciam accusatam excommunicatio, vel suspensio scribitur; excommunicati sive suspensi sunt judicandi, & censendi: quia tamē simplices & juris ignari, quamdiu literæ non expediuntur, sibi de Beneficio absolutionis non provident, putantes se nisi literis expeditis minime ligari; volumus, ut quilibet contumacias accusans, quæ primum ex copia notarii facere possit, expediat; contrarium facientes, & literas extradi obmittentes, per Vicarium, & Officialem nostros in poena duplicis taxæ Banni, & litterarum puniri seriose jubemus.

De Renuntiatione.

Ecclesiasticorum Beneficiorum renuntiationes, & renuntiationes debite fiant, nullique ad ea, nisi digni, & idonei præsen-

sententur, & recte conferantur; statui-
mus, ut sicut eorum resignationes, five
renuntiationes, nisi in nostras, aut Vicarii
nostri, aut alterius ad id de jure, vel con-
suetudine potestatem habentis manus fa-
ctæ & admittæ, quoad Nos nullæ sunt,
ita nulli, qui ad ea vacantia ex resignatio-
ne alia, quam in manus nostras, aut
Vicarii nostri, aut cui ad hoc Nos, vel
idem Vicarius noster, vel is potestatem ad
idem modo prædicto habens vices commi-
serimus, vel commiserit, facta præsenten-
tur, vel conferantur: certificantes omnes, &
singulos Beneficiatos præsentantes, & futuros
nostrarum civitatis & Diocesis, quod
si quis Beneficium Ecclesiasticum ad in-
stitutionem nostram spectans, per se, vel
alium in manus alicujus Patroni Eccle-
siastici, vel sæcularis ex quacunque causa
sine nostra, aut Vicarii nostri licentia re-
signaverit, quod ipsum Beneficium alte-
ri, cui Nobis placuerit, conferemus,
aut alias graviter, prout Nobis expedire
videbitur, puniemus, hortantes omnes
& singulos alios, ad quos de jure, vel
consuetudine beneficiorum spectat colla-
tio & institutio, ut & ipsi idem faciant &
observent.

De Clericis peregrinis.

Cum sit honestati contrarium, & a
Sanctorum Patrum institutione alienum
sine consensu Episcopi Clericos aliarum
Diocesium indifferenter in Ecclesiis insti-
tuere, præfenti edicto omnibus & sin-
gulis Presbyteris curatis, & non curatis
per Diocesim nostram constitutis distri-
cte prohibemus, ne aliquem alienæ
Dioceseos Presbyterum in Vicarium,
Cooperatorem, aut Capellanum in Ec-
clesia, vel Beneficio suo sine nostra, aut
Vicarii nostri expressa licentia instituat,
præficiat vel assumat, alioquin contrari-
um facientes severe punire non obmit-
temus.

De Statu Monachorum.

Monachi, quia per villas, & oppi-
da, five quascunque Ecclesias Parochia-
les singuli de jure communi poni non de-
bent, præcipiendo mandamus omnibus
& singulis Beneficiatis, & Vicariis Bene-
ficiorum, & Ecclesiarum quarumcunque,
ne aliquis Religiosum, five Monachum,
etiam Canonicum Regularem quemcun-

Tomus V. Concilior. German.

que per se, & in sui loco ad quodcunque
tempus præficiat vel ponat, neque quem-
que Missas in Ecclesia, vel Capella sua
dicere, vel celebrare permittat sine nostra,
aut Vicarii nostri speciali licentia. Præ-
latum tamen regularem quemcunque,
si ad aliquem locum diverti contigerit,
per se, vel Capellanum sui ordinis, vel
sæcularem celebrare non prohibemus,
alioquin aliter facientes pena suspensio-
nis, aut alia, prout Nobis videbitur, mul-
tabimus.

De Locationibus Beneficiorum.

Ecclesiarum locationes, nisi ex ra-
tionabilibus causis, per Rectorem, vel
Pastorem prius Nobis, vel Vicario no-
stro expositis, fieri omnino prohibemus.
Et ut non aliis, quam fide dignis, doctis,
& discretis, aut Nobis, aut Vicario no-
stro præsentatis personis, & Presbyteris
locentur, sub pena decem florenorum
districte præcipiendo jubemus.

*De Excommunicatis propter violentiam
Clericorum.*

Sæpe Clerici, & Presbyteri per lai-
cos sua culpa offensi, vel violentati, ne
ipsorum culpa coram Superioribus
appareat, cum laicis scandalose se com-
ponunt: & dum laicis absolutio aliter,
quam ordo juris dictat, denegatur, scan-
dalizantur; districte mandamus, ne ali-
quis Clericus in sacris constitutis se sponte
sine nostra, aut Vicarii nostri, vel Prælati
sui in ipsum jurisdictionem ordinariam
de jure, vel consuetudine habentis licen-
tia cum offensore suo componat vel con-
cordet. Non prohibemus tamen de mo-
do concordie inter se convenire, quem
tamen Nobis, aut Vicario nostro, vel
Prælato suo ante acceptationem idem of-
fensus exponere teneatur. Qui cum per
Nos, Vicarium, vel Prælatum assumptus
& approbatus fuerit, per offensum accipi
potest, ut sic appareat juste, si offensore
in partibus veniat absolvendus; horum au-
tem transgressores, prout quantitas exi-
git transgressionis pena plecentur.

*De Dispensantibus cum existentibus in
peccato mortali, ut recipiant
Sacramentum.*

Quia ad notitiam nostram pervenit,
O o o 2 non-

nonnullos Sacerdotes nostræ Diceceſeos curam animarum habentes cum his, quos in caſibus Superiori noſtro, vel Nobis reſervatis abſolvere non poſſunt, diſpenſare, ut ad ſacram Communionem, priuſquam ab eis in caſibus a jure permiſſis, aut Superiori noſtro, vel Nobis beneficium abſolutionis conſequentur, accedant; Nos volentes vetus ſtatutum omnino ſervari, præſenti decreto ſub pœna carceris decem dierum præcipimus, & mandamus, ne aliquis Sacerdotum

noſtræ Diceceſeos de cætero aliquem ad Sacram Communionem admittat, niſi prius per eum in caſibus a jure expreſſis vel Superiori noſtro, aut Nobis, vel vices noſtras gerenti a peccatis, & Superiori noſtro, vel Nobis reſervatis ſcite abſolutus, & abſolutum.... ſe: alioquin pœna prædicta, vel alia pro noſtro arbitrio punire non obmittemus.

Edidimus hæc Synodum ex Libro Synodali impreſſo Eichſtadi in 4to. anno 1484. a pag. XXVI. ad pag. XXIX.

SYNODUS DIOECES. MAGDEBURGENSIS

ANNO CHRISTI MCCCCLXVI.

Item eodem anno ſecunda Feria poſt Lucæ Dominus JOHANNES tenuit Synodum in Eccleſia Magdeburg, . . ubi perſonaliter interfuit cum tribus Abbatis & multis Prælatiſ.

Chronicon Anonymi ad hunc annum. Apud Meibomium Tom. II. Scriptor. Germaniæ.

SYNODUS PATAVIENSIS

ANNO CHRISTI MCCCCLXX.

Conſtitutiones Synodales Reverendiſſimi Patris ac Domini, Domini UDALRICI, Episcopi Pataviensis.

CAPITULA LV.

UDALRICUS, ^(a) DEI GRATIA, EPISCOPUS PATAVIENSIS, IMPERIALIS CANCELLARIUS, AD PERPETUAM REI MEMORIAM.

Pæſtoraliſ noſtri officii debitum, quo Deo permittente præſtamus, Nos admonet, quatenus primo ſuper ratione, & cultu Deo omnipotenti debitis jugiter exhibendis, ac Sanctis ejus honoribus impendendis: Secundo ſuper exceſſibus noſtrorum ſubditorum corrigendis, ac moribus eorum reformandis, ne eorum ſanguis de manibus noſtris in finali judicio requiratur, ſolenter intendamus. Fuſſemus denique a primaria noſtræ ſublimationis ad Episcopaliſ dignitatis apicem inſtitutione eis intendendo mente devota avidi, impediendibus au-

tem variis mundi, præſertim Diceceſis tam in ſpiritualibus, quam in temporalibus negotiis inevitabilibus, eis, quibus animo & labore ſtudiſis intendere volebamus, nequaquam operam dare poteramus. Arridentibus autem in præſentiarum tempore ac opera opportunis, quæ omiſimus, accuratori volumus ſupplere ſolicitudine ac labore; Quare ad præſentes diem & horam noſtros in Chriſto ſincere dilectos Contratres, SEVERIDUM Præpoſitum, VALENTINUM Decanum, totumque Capitulum, ac ſingulos Abbates, Præpoſitos, Officiales, Præ-

(a) Odalricus III. de Perilluſtri Gente Nuſdorff, a Capitulo Salisburgenſi anno 1451. contra voluntatem Friderici III. Imperatoris, electus unanimi voto Episcopus LIII. Synodum celebravit hoc anno 1470. pro tuenda & conſervanda Clesi disciplina, *Ex P. Hanſſio.*

Prælatos, Archi-Diaconos, Decanos, Plebanos, Vicarios, Altaristas, Capellanos, sociosque Divinorum, insuper totum Clerum nostræ Diœcesis convocamus, ad quorum avisiones & requisitiones &c. in scriptis traditas & assignatas, eorumque assensu & consilio subscripta fecimus, ordinavimus, & conclusimus Statuta, seu Constitutiones Synodales, volentes, præcipientes, & mandantes districtè sub pœnis obedientiæ, excommunicationis, & aliis inibi contentis ac fulminatis, inviolabiliter observari, teneri, ac effectui dari.

I. De Reverentia Deo & Cultui Divino impendenda.

Incipientes itaque prius cultum & honorem Dei procurare cupientes, statuimus, volumus, & ordinamus, quatenus ad Ecclesias Dei humilis sit & devotus ingressus, quieta conversatio, Deo insipientibus grata, & quæ considerantes non solum instruat, sed & ædificet, & reficiat. Convenientes ibidem ad nomen illud, quod est super omne nomen, JESU CHRISTI, præcipue dum aguntur Missarum solemnia, flectant genua cordis, quod vel capitis inclinatione testentur. Nullus ibidem seditiones excitet, conclamationes, aut inanes conversationes, colloquia, aut fabulas faciat, impetumve committat; sint ibidem insuper quæcunque alia, quæ Divinum possint turbare Officium, aut oculos Divinæ Majestatis offendere, penitus extranea, ne ubi peccatorum venia est impetranda, ibi peccatorum detur occasio, aut deprehendantur peccata committi. Cessent igitur in Ecclesiis, earumque cœmiteriis negotiationes præcipue nundinarum, aut fori cujuscunque tumultus.

II.

Inhibemus insuper, ne pueri noviter baptizati ad altare pro receptione vini ex calice tempore Missarum deferantur, aut per celebrantes Missas eis vinum ex calice porrigatur, cum ex hoc multi temere credant tales fieri scientificos, & malam gerant fidem, qua occasione pericula animæ oriuntur.

III. De Pater noster, Ave Maria, & Veneratione Sanctorum.

Insuper committimus sub pœna obedientiæ omnibus Ecclesiarum Parochialium Rectoribus, Vicariis eorundem, ac Prædicatoribus universis, quatenus omni sermonis tempore, signanter diebus Dominicis, *Pater noster*, *Ave Maria*, *Symbolum Apostolorum*, *decem Præcepta*, ac *formam Baptismi* populo suo materna lingua suis subditis diligenter pronuntient, ne ea valeant ignorare, vel ignorare: diligenterque alliciant, informant, & inducant, ut diligenter addiscant, ut Deum valeant etiam ore implorare, & salutem animarum suarum procurare. Nihilominus eos inducant ad suscipiendum Confirmationis Sacramentum, quod salubriter nescitur a Deo institutum, & effectum facere salutarem.

IV. De Clericis peregrinis.

Firmiter inhibemus, ne Presbyteri peregrini ignoti, aut extra Diœcesim nostram ordinati in publico ad Missarum solemnia celebranda admittantur, nisi per literas testimoniales, vel alias Canonice de ipsorum ordinatione Nobis, aut Officiariis nostris Generalibus prius fiat fides.

V. De Officio Vicarii.

Et quia Ecclesiarum Plebani, sive Rectores, & Prælati Monasteriorum in Ecclesiis sibi incorporatis suis Rectoribus adeo relinquunt exiguam portionem, quod ea nequaquam possunt sustentari: nonnulli vero antiquas augent pensiones, sive absentias, quod eorum Vicarii minus rationabiles, ac tolerabiles faciunt excogitatis ingeniis exactiones; statuimus, ut ipsis Vicariis sufficiens, & honesta portio de proventus Ecclesiæ assignetur; alioquin ipsi Rectores & Prælati, si moniti non assignaverint, suis poterunt Beneficiis privari. Nullus quoque sub pœna suspensionis ab officio, ad curam animarum institutus, Vicariam perpetuam, vel temporalem similis Beneficii assumere præsumat.

VI. De Collectoribus.

Veridica accipimus relatione, quod hospitalia, quibus de gratia permittitur eleemosyna, in Diœcesi nostra colligen-

da in tribus diebus Dominicis vel Feti-
vis, tales collectiones permittant per Pe-
dellos, & alios nuntios colligere, vel faci-
ant imponi, qui paciscuntur cum eis
pro certa summa danda, siue plus, vel mi-
nus colligatur, ex quo sequuntur multæ
fraudes. Aliqui enim, ut plus habere
valeant, colligunt ostiatim, alii bis impo-
nunt collectam, aliis fraudibus inpræsen-
tiarum, quæ fieri solent, omittis; volumus
propterea, quatenus amplius talia hospi-
talia per suos nuntios literas nostras Ec-
clesiarum Parochialium Rectoribus, seu
Vicariis eorundem præsentent, qui eas
exequantur juxta earum tenorem. Fiat
quoque collectio per Magistrum Zeche,
vel alium fidum per hujusmodi Recto-
res aut Vicarios deputandum, quæ col-
lecta sigilletur, & per eos includetur, sicut
hactenus est observatum. Nullus ergo
amplius ostiatim habeat colligere, nec
admitti debet ad colligendum, nisi Offi-
cialis, Archi-Diaconus, aut Diaconus li-
teris nostris examinatis, ne fraus com-
mittatur, suas insuper hujusmodi col-
lectoribus literas assignet, ut est con-
suetudo.

VII.

Non sine displicentia percepimus
nostros Suffraganeos in ordinatione Cle-
ricorum, Ecclesiarum consecratione, &
Officiales in literis tradendis ad Suffra-
ganeos, cum examinati sunt, ac eorum
Notarios in salariorum expetitione exce-
dere, super quo volumus, ac præsentium
constitutionum tenore mandamus,
quatenus in antea Domini Suffraganei in
præmissis non excedant, sed pia mode-
ratione expensarum, sumptuum, &
aliorum onerum præmissa ultra condig-
num, & æquum minime exigant; Offi-
cialis autem in suis literis sicuti citatione
simplici sit contentus. Notarius autem
de quolibet intitulo duos denarios mo-
netæ currentis; similiter Pedellus, aut
Curfor pro suo labore in intromittendo
duos recipiat, & amplius non petendo.

VIII. De eodem.

Insuper volumus, quod Suffraganei
nostri Professi ordinem, habitum suum
deferre debeant, sicuti clara juris dispo-
sitio existit, & nullum ad quemcunque
gradum, nisi aut nostris Officialibus, aut

cui commiserimus, fuerint prius præsen-
tati, ordinare præsumant, in quantum
nostram voluerint evitare indignationem.

IX. De officio Ordinarii.

Insuper Sacerdos Parochialis quili-
bet plebem suam doceat diligenter, ut
cum in celebratione Missarum Hostia
levatur salutaris, quilibet devote flectat
genua sua, vel saltem se reverenter in-
clinat; idem faciens, cum eam Presbyter
portat ad infirmum, quam in decenti
habitu, superposito mundo velamine fe-
rat manifeste, ac honorifice ante pectus
cum omni reverentia & honore, sem-
per nola parvula & lumine præcedentibus,
nisi locorum repugnet distantia, vel tem-
poris qualitas, quatenus ex hoc fides &
devotio apud homines augeatur.

X. De Majoritate & Obedientia.

Statuimus præterea, ut nulli Clerici,
Nobilium Capellani, in Capellis castrorum
Dominorum suorum celebrare præsu-
mant, nisi ante Episcopum, vel loci Ar-
chi-Diacono, Officiali generali, aut De-
cano obedientiam faciant manualementem, &
quod ad Synodos veniant, Statuta inibi,
Capitula, Mandata, & Ordinationes,
ibidem instituta & ordinata recepturi, &
suis Dominis, ac eorum Castrensibus, se-
cundum quod fuerit opportunum, rela-
turi; cum frequenter Plebani, aut eorum
Vicarii, in quorum terminis castra con-
sistunt, hoc facere commode non au-
deant. Quod si secus facere quisquam
præsumperit, per ipsos Episcopum, Ar-
chi-Diaconum, Officialem, aut Decanum
condigne puniatur.

XI. De spoliis & captivitate Personarum Ecclesiæ.

Statuimus etiam sub excommunica-
tionis poena latæ sententiæ districtæ præ-
cipientes, ut si quam prædam vel spo-
lium rerum Ecclesiasticarum ad Divinum
cultum deputatarum, seu etiam Eccle-
siasticam personam captivam ad aliquam
civitatem, oppidum, villam, seu castrum
adduci contigerit, Sacerdotes & Capel-
lani civitatum, villarum, oppidorum, siue
castrorum, postquam sciverint, non ex-
spectato super eo Superiorum mandato
abstineant a Divinis interim, quousque
dicta

dicta persona captivata, aut res Ecclesiasticæ prælibatæ in præfatis locis detinentur.

XII. *De his, quæ vi vel metus causa fiunt.*

Etiam statuimus, hos, qui absolutionem, vel quamcunque revocationem ab excommunicationis, suspensionis, vel interdicti sententiis per vim, vel metum extorserint, quamvis hujusmodi absolutiones, & revocationes a jure sint irritæ, excommunicationis sententiæ subiacere. Et quia Clerici, Presbyteri, ac Religiosi nonnulli non attendentes, quantum sit obedire bonum, quod *victimis* (a) *anteferitur*, & quod peccatum est *aviolandi* non *velle obedire*, rerum suarum, vel corporum vanum videlicet metum, cum Nobis, ac nostris & nostrorum mandatis obedire tenentur, allegantes, quo minus hujusmodi mandata exequantur, ex quo propter contemptum clavium Ecclesiasticæ disciplinæ virtus dissolvitur, Sacræ hujusmodi approbatione Synodi statuimus, ut nulla rerum prædictarum, aut metus corporum, subditorum nostrorum inobedientiam mandata hujusmodi exequi non curantium valeant excusare: & in tantum, quod si metus corporis simplici proprio juramento duntaxat, & non legitimis coram Nobis, vel eo, a quo mandatum subditis receperit, ostensus fuerit documentis, nihilominus cedat loco, in eis autem, quæ in non faciendo consistunt, ut puta, non communicare excommunicatis, vel non celebrare in loco interdicto; & hujusmodi aliis, nec rerum neque corporum, quantumcunque metus prolatus fuerit, excusat. Cum nullo metu debeat peccatum mortale ex inobedientia committere, sicut Sanctorum autoritatibus comprobatur.

XIII. *De Fide Instrumentorum.*

Placuit nostræ Sanctæ Synodo, ut nullus se publicum Notarium asserens in officio tabellionatus aliquammodo admittatur, nec credatur ejus instrumento, nisi coram Nobis, aut nostris Officialibus, vel eorum vicegerentibus de suo officio plenam faciat fidem. Quoniam sæpe ex Notariis incognitis, & imperitis gravia solent pericula evenire.

XIV. *De Vita & Honestate Clericorum.*

Licet Sacri Canones decreverint salubres super victu, habitu, & vita Clericorum constitutiones, nihilominus non vanum credimus, ea in nostris Statutis Synodalibus refricare, quo minus simplices valeant ignorare. Statuimus juxta juris communis dispositiones, ut Clerici officia & commercia secularia maxime inhonesta non exerceant; mimis, jocularibus, & histrionibus non intendant, tabernas prorsus, nisi forte causa necessitatis in itinere constituti evitent. Ad aleas & taxillos non ludant, nec hujusmodi ludis intersint. Coronam & tonsuram habeant congruentes, & se in officiis Ecclesiasticis, & aliis bonis studiis exerceant diligenter, clausa deferant desuper indumenta, id est, superior vestis eorum sit clausa, nimia brevitate & longitudine non notanda. Pannis rubeis aut viridibus, nec non manicis & fotalibus consuticiis, freno seu pectoralibus deauratis, aut aliam superfluitatem gerentes non utantur, corrigias auri vel argenti ornatum habentes non ferant, sicut nec annulos, nisi quibus ex officio competit dignitas. A crapula & ebrietate omnes Clerici abstineant, ac alias se habeant, teneant, ac regant, puta in circumferentiis vestium sericeis diversorum colorum, atque aliis variis coloribus pellium in habitu, & statu, vita, & honestate, ut sacræ disponunt constitutiones. Quod si quicumque Clericorum in sacris Ordinibus constitutus, vel in minoribus Beneficiatus portaverit habitum a sacris canonibus, aut Nobis inhibuitum, si monitus fuerit, ultra poenam inobedientiæ eo ipso amissionem illius habitus incurrat ipso jure. Et ut hæc constitutio nostra nostris effectu temporibus non careat, nostris Archi-Diaconis, Officialibus, & Decanis in virtute sanctæ obedientiæ præcipimus districte, quod per districtam jurisdictionem sibi commissis per se, vel alios, vel alium unica monitione duntaxat præmissa præcipiant, quatenus infra decendium talem habitum deponant, & nullo amplius tempore reassumant, alioquin ipsum habitum eis auferant, etiam violenter, & eum in opus pium convertant de nostro consensu, si habi-

(d) I. Regum XV, 22.

habitus notabilis fuerit æstimationis. Decet enim Sacerdotes & Clericos in domibus suis honeste conversari, cum Discipulorum Christi in suo officio gerant vices, quatenus aliis sint bonæ vitæ exemplum. Mandamus poenis supradictis, ut ibidem in domibus suis honeste conversentur, moribus insistant gravibus & decentibus, nullas choreas, aut alia inhonesta conventicula sæcularium personarum admittant, si nostram voluerint evitare ultionem.

XV. *De Institutionibus.*

Quoniam nonnunquam contingit, quod ad vacantem Prælaturam, aut quodcunque beneficium aut officium Ecclesiasticum regulare vel sæculare duo vel plures asserunt sibi jus competere, eliguntur, vel instituuntur: & alter, qui minore vel nullo jure utitur, ut eum, cujus pinguius vel majus jus est acquisitum, per potentiam vel tedium fatigare, & exhaustire possit, attrahit favorem potentium laicorum, vel Advocatorum, quibus, ut eis assistant & manteneant, promissiones faciunt de jurebus & libertatibus Ecclesiasticis remittendis, seu etiam de pecuniis mutuandis; Nos huic morbo occurrere volentes præsentis statuti remedio salutari, hujusmodi promissores & potentium laicorum attractores, volumus ipso jure sententia excommunicationis innodatos esse, & nihilominus eos fore inhabiles, sive ineligibiles ad hujusmodi beneficia & dignitates. Mutuatores etiam pecuniarum talium in hoc casu volumus carere actionibus pro mutuo hujusmodi repetendo.

XVI. *De Vacazione Prælaturæ, aut Beneficii.*

Quoniam sæpius relatione plurimorum didicimus, quod nonnulli nobiles, ac potestates seculares, & eorum Officiales, cum aliquam contigerit vacare Prælaturam, Beneficium vel officium in nostra Diœcesi, statim gentes, vel famulos ibidem mittant armorum, aut eorum officiales graves faciunt in ipsis Prælaturis, vel beneficiis expensas: & quod deterius est, nonnunquam hi, ad quos collatio, vel præsentatio spectat, futurum Pastorem compellunt eligere, per abu-

sum potestatis secularis, vel potentie inordinatæ, quem nihilominus non admittunt ad possessionem, etiam a Superiore confirmatum, aut constitutum, donec de certa pecuniæ quantitate concordet cum eisdem, atque eandem perolverat. Nos hujusmodi damnandæ ambitionis audaciam reprimere cupientes auctoritate hujus Sacræ Synodi statuimus, ut nullus quacunque Ecclesiastica, vel mundana præfulgeat dignitate, talia de cætero præsumat, & Ecclesiæ multipliciter aggravantur. Quod si secus actum fuerit, nisi infra mensem a tempore hujusmodi vacationis, aut extortionis restituerit, aut extortum jam promissum remiserit realiter, & cum effectu, ipsum volumus excommunicationis sententiæ eo facto subiacere, a qua nullatenus absolvatur, donec restituat extorta, & rescindat promissa, in quibus etiam nulla eorundem remissio sibi debet locum vendicare.

XVII. *De Pignoribus.*

Ad omnem dubitationem, sive vacationis materiam amputandum statuimus, ut si quis prædium suum, cui jus attinet Patronatus, cuicunque obligaverit, indistincte jus præsentandi apud ipsum obligantem resideat, cum tale jus æstimari non possit, & contra in sortem nequeat computari.

XVIII.

Quia omnia jura clamant, quod ultima voluntas, vel ultimum hominis testamentum immobile debet perseverare, & nihil sit, quod magis hominibus debeat, quam ut supremæ voluntatis liber salvus existat; auctoritate hujusmodi statuimus, ut, ubicunque jura a testamentorum prohibent factione, etiam in sanitate, vel lecto ægritudinis constituto legandi, disponendi, & ordinandi de bonis sibi collatis iusta, & ad pia loca Personas Ecclesiasticas, & alias quocunque, dummodo contra legitimas non veniant sanctiones, libera sit facultas. Volentes, & præcipientes districte, quod per nostros subditos Judices, universi Clerici, & laici impediunt defunctorum legata, sive ultimas voluntates per excommunicationis, interdicti in loca sen-

tentias, quindecim dierum Canonica admonitione præmissa, ferendas ab hujusmodi impedimentis desistere compellantur. Et ad quorum executionem, & debitam aggravationem, si contumacia eorum exegerit, tempore faciendi ipsi iudices prælibati, ad quorum officium testamentorum defensio utroque jure suadente dignoscitur pertinere, tam benevolos se exhibeant, & paratos, ne negligentia de eorum manibus in die districti iudicii requiratur.

XIX. De Sepulturis.

Insuper statuimus, & sub pœna suspensionis præcipimus firmiter, & monemus, ut quilibet Sacerdos nostræ Diocesis, cujuscunque dignitatis, eminentiæ, status, seu religionis fuerit, infra octo dies, causa legitima cessante, postquam ei de morte Episcopi Pataviensis pro tempore existentis constiterit, per se vel alium Missam pro defunctis dicat in remedium Episcopi memorati.

XX. De Sepulturis, & præventis, & funeralibus.

Pridie in Synodo nostra mature deliberatum est, qui præventi in morte dici debeant. Cum autem pro sepultura, tanquam spiritali bono, juxta juris dispositionem nihil exigi debeat, volumus quod pro licentia sepeliendi præventos per eos, qui hujusmodi dare habent licentiam, nihil temporalis exigatur. Sed quia pro beneficio merito sit beneficium; non prohibemus, quin ipsi, qui licentiam hujusmodi dant, bonis mediis sine labe simoniæ, ac alia pravitate, consanguineos, aut propinquos ipsius præventi sepeliendi inducere poterunt, ad dandam elemosynam pro fabrica Ecclesiæ nostræ Pataviensis, ut unde gratiam receperint, non immerito benevolentiam aut gratitudinem retribuunt, ac beneficium recognoscant.

XXI. Ne pactiones in Spiritualibus fiant.

Inhærentes deinde vestigiis nostrorum Prædecessorum, quatenus pactiones in spiritualibus non fiant, districtissime inhibemus, ut super defunctorum remediis ante exequias, & sepulturam defuncti nulla pactio, seu conventio in-

Tomus V. Concilior. German.

tercedat; defuncto autem, sicut convenit, sepulto, quidquid ex testamentis, vel laudabili consuetudine Sacerdoti debetur, vel Ecclesiæ convenit, persolvendum ab hæredibus defuncti, vel ab illis, qui in bonis ipsorum succedunt, petatur & ab eis ad solutionem, si opus fuerit, per Ecclesiasticam censuram compellantur.

XXII. Ne Religiosi præsertim mendicantes sermonem ante prandium faciant.

Et quia, nisi unicuique suæ jurisdictionis reservetur, Ecclesiasticus ordo confunditur, inhibemus districtè, ne religiosi præsertim mendicantes, quicunque ante prandium contra Clement. dudum de sepulturis, sermonem faciant ad plebem, nisi specialiter a Nobis, aut alias decenter desuper fuerit privilegiatus: de quo ipsum Plebanum, vel ejus Vicarium, ubi sermo fieri debuerit, volumus fieri certiozem.

XXIII. Ne Religiosi habitum deponant.

Cum plerique fratres ordinum mendicantium, ac religiosi aliorum ordinum suæ religionis habitum absque causa rationabili manifeste deferentes, excusationem in peccatis, exceptionis privilegium, de quo minime apparet, in suæ animæ periculum, & plurimorum scandalum allegando, sicque excommunicati a jure exercent sui ordinis officium, Sacra approbante Synodo ordinamus, ut nullus nostrorum subditorum tales ad sui officii executionem admittat, nisi habitum suæ religionis manifeste deferat, sitque laudabilis conversationis, & bone famæ, omnesque tales, cum sint a jure excommunicati, evitent, faciantque ab aliis arctius evitari, in quantum nostram voluerint evitare ultionem.

XXIV. De Parochis, & alienis Parochianis, & juribus Parochialibus.

Nos Sanctorum Patrum, qui Ecclesiæ Sanctæ Dei, & Personis Ecclesiasticis terminos, quos non licet transgredi, posuerunt, statuta considerantes, hujus approbatione Synodi universis Sacerdotibus

P p p

tibus

tibus, tam religiosis, quam sæcularibus, cujuscunque ordinis, conditionis, sive status existant, in civitate, Diocesi nostra Patavienſi degentibus sub debito juramenti, quod Episcopo in receptione Sacerdotii præstiterunt, & sub interminatione Divini Judicii, firmiter inhibemus, ne quis alienum Parochianum, vel cujus cura per Nos, vel nostros Officiales, alii est commissæ, excepta necessitatis causa, quæ legem non habet, ad confessionem recipere, aut ei aliquod Ecclesiæ Sacramentum porrigere præsumat, non petita desuper & obtemperata, aut concessa licentia proprii Sacerdotis. Cum certi, & indubitati juris existat, talem a tali crimine solvi non posse aliquatenus vel ligari, & ex hoc ordinem Ecclesiæ per Majores, & Sanctos Patres Divina providentia institutum confundi, & perturbari. Et hoc præsens statutum per universos Plebanos, seu eorum Vicegerentes singulis quatuor temporibus, & in præcipuis Festivitatibus coram suis Parochianis præcipimus publicari.

XXV. *De Juribus Parochialibus.*

Iterum interrogatio est facta in nostra Sacra Synodo de his, qui non solvunt jura Parochialia, census, testata, & similia debita ad Ecclesias, & pias causas, an a confessione, an a Sacramentis Pœnitentiæ, & Eucharistiæ debeant suspendi? Declaramus, si tales confiteantur se obnoxias, & temerarie, vel sine causa, cum solvere possint, nolle solvere, quia in peccato consistunt, tenendo rem alienam temere, non debent, imo nequeunt absolvi, per consequens, nec communicari. Si vero ex paupertate, vel ob aliam causam rationabilem, quominus solvere possint, aut debeant, proponerent in tali casu hujusmodi non veniunt repellendi. Videat autem confitens, quam bene in sua conscientia versetur coram Domino Deo, cui omnis conscientia patet, cujus ipsè Confessor in hac parte locum tenet, propterea talis bene erit avilandus, nefaciens contra conscientiam ædificet in gehennam.

XXVI. *De Parochis, & Sacerdotibus Curatis.*

Veridica recepimus relatione, quod nonnulli Curati ab Ecclesiis suis se per

aliquot dies absentent appropriando civitatibus, negotiorum, vel interdum laici viæ causa, non attendentes suæ curæ animarum: propterea sæpe inopinati inimi in agone, aut mulieres prægnantes negliguntur in suarum animarum jacturam. Nos huic morbo providere volentes, ne anima a Nobis, aut dictis Curatis in novissimo districto judicio requirantur, districtè comminando mandamus, quatenus ubi plures sunt Sacerdotes, semper unus apud dotem, & plebem pro infirmis, prægnantibus, & similibus curandis remaneat; si vero unus duntaxat inibi est, per vicinum Sacerdotem, aut alium modum accommodum disponat; ne hujusmodi infirmi, & puerperæ negligantur: secus facientes arctius puniemus, & puniri faciemus.

XXVII. *De Jure Patronatus.*

Ad extirpandam tam detestabilem corruptelam quarundam Ecclesiarum, vel Capellarum, Patronorum, qui Rectoribus earundem defunctis dotem, aut domum & Ecclesiam, vel Capellam rebus mobilibus, & interdum immobilibus in salutis propriæ dispendium, & scandalum plurimorum spoliant: statui-
mus, ut sive Clericus, vel laicus hoc facere præsumpserit, cujuscunque dignitatis existat, sit a jure præsentandi ea vice suspensus, & Superior immediate ipsam Ecclesiam, vel Capellam conferat: quod si negligens fuerit, iterum Superior eam conferat ipso jure, sitque nihilominus excommunicatus ipso jure, & arctius ab hominibus Christi fidelibus evitetur, donec cum debita satisfactione restituat ablata.

XXVIII. *De Celebratione Missarum.*

Prædecessorum nostrorum docti vestigiis, statuimus, ut nullus Sacerdorum novitiorum illa die, qua primam Missam celebrare voluerit, in exordio publicationis Sanctissimi sui officii oblaturus Deo primitias gratiæ, & salutis sibi collatæ, aliquos ad convivium convocare, aut invitatos habere, vel procurare per se, vel alium ullo modo præsumat, sed ad solum Deum, cujus militiæ est adscriptus, dirigat aciem sui cordis, maxime illa die devotus, curis, & sollicitudinibus temporalium, quibus mentes hominum

minum distrahantur , debeat esse exultus , vanitatibus remotus , histrionum curfibus, tumultibus & insolentis improborum, qui etiam venire assolent non vocati , foro liber.

XXIX. De Baptismo.

Baptismus cum reverentia summa celebretur , maxime in distinctione , & prolatione verborum, in quibus Sacramenti virtus existit, his scilicet verbis : *Ego baptizo te in nomine Patris, & Filii, & Spiritus Sancti*; & quidem simul fiat ablutio, & formæ verborum prolatio, dicente Augustino: *Accedit verbum ad Elementum, & fit Sacramentum*. Et ad talem simultatem sufficit, ut unum eorum incipiatur, antequam alterum finiatur, ita videlicet, ut ablutio non finiatur, antequam forma verborum incipiatur, & e converso: doceantque Sacerdotes , tam mares , quam feminas in necessitate debere parvulos baptizare: eadem forma proprios infantes , si summa necessitas exigat , poterunt baptizare. Et si Sacerdos super hoc diligenter inquirens debitam formam in baptismo invenerit, quod factum est, approbet, suppleat circa baptizatum , quoad unctionem olei in pectore, & in scapulis, ac chrismate in vertice, quod a laicis est omissum. Si autem in baptizante debitam formam non invenerit observatam , non differat pueros baptizare. Item statuimus , ut in Curatis Ecclesiis Baptismus, Chrisma, Oleum, & Eucharistia sub fideli custodia clavibus adhibitis observentur , ne possit ad ea manus temeraria extendi. Pallia quoque, Altare, vasa, corporalia, & vestimenta Ministrorum munda, & in decencia conserventur. Nimis enim videtur absurdum in sacris sordes negligere, quæ decent etiam in profanis.

XXX. Iterum de Baptismo.

In Baptismo credimus observari debere, quod baptizandus post Baptismum debet chrismari, etiam in Baptismo Chrismato. Baptismus quoque debet chrismari in sabbatho Paschæ, ubi habetur novum Chrisma & Pentecoste. Nec debet consuetudo variari in legitimis, & non legitimis natis: cum parentum peccatum non obstat ipsis natis. Et in immersione, vel perfusione servetur consuetudo hucusque introducta. Nec

quæri debet de nomine Patris, præsertim, ubi persona possit scandalizari, & peccata occulta pandi.

XXXI. De Decimis.

Cum decimæ tam prædiales, quam personales indistincte debeantur, ut auctoritates tam veteris, quam novi testamenti, & jura clarissima testantur, quas Dominus Deus sibi in signum universalis Dominiæ reservat ac retinuit, quarum usum ipse Dominus Deus Clericis concessit, & quia cum male solvuntur, homines in Decimas computantur. Nec Dominus locustas, sive alia nociva fructuum, aut plagas ab eisdem amovet, tollitque Fiscus, quod non recipit Christus, ut actu & quotidiano cernimus aspectu, poteruntque homines ad solutionem sive præstationem hujusmodi decimarum primo Ecclesiastica censura compelli, sive coerceri, ut clari juris est. Declaramus omnes & singulos prædia possidentes, ac detinentes ad prædiales Decimas solvendas integre sine fraude & dolo collectis fructibus, expensis seminibus, ac censibus, tributis, salariis, ac impensis minime deductis teneri. Sique in uno agro plures fructus diversis temporibus, etiam eodem anno proveniunt, de singulis solvendas fore ac deberi decimales Parochiæ, ubi sunt sita prædia, personales etiam similiter sint debitæ & solvendæ, secundum quod servat consuetudo Parochiæ, ubi quis recipit Ecclesiastica Sacramenta, nisi aliis speciali jure competere dignoscantur. Præterea liquet de croco, canapo, lino, & similibus fructibus decimas solvendas fore. Insuper nedum majores, sed & minores debentur Ecclesiæ Parochiali; sive ejus Rectori. Sique aliquibus jure competere speciali, possunt Plebani, & Ecclesiarum Rectores, vel eorum Vicarii ad eas decimas dandum requirere, & nisi de jure hujusmodi informantur, poterunt de jure expetere. De aucis autem, pullisque, ne fiat fraus his, qui percipere habent decimas, si quis uno anno non tot habeat aucas, aut gallinas in numero decem, vel ultra, non tamen viginti, debent hujusmodi aucæ, & gallinæ cum sequenti anno, vel sequentibus computari, & denuo juxta numerum semper decima persolvi, dolo

& fraude quibuslibet procul motis. Contra non solventes quoscunque adeatur autoritas Judicii & Superiorum.

XXXII. *De Immunitate Privilegiarum Clericalium.*

Et quia privilegia Clericorum & Ecclesiasticæ libertates per multos heu! sæculares etiam potentes minime tenentur, sed multipliciter infringuntur, quatenus eadem & eadem metu poenæ, si non amore Clericalis ordinis teneantur; volumus, ordinamus, ac inviolabiliter observari mandamus, quatenus Capitula: *Quoniam de Censibus.* & Capit. *Quoniam.* & Cap. ult. *De Immunitate Ecclesiarum.* Lib. 4. ac articuli, qui in cœna Domini de mandato Summorum Pontificum, singulariter Sanctissimi Domini nostri, Domini PAULI II. novissime publicati, quæ infra de verbo ad verbum continentur, impofterum singulis quatuor temporibus, siue Dominico die sequenti in ambone coram populi multitudine, sermonis tempore materna lingua diligenter exponantur, & publicentur; ne homines fortassis horum iurium ignari ignorantiam prætereendere valeant, ac sententias inibi inflictas, per ignorantiam iuris, quæ non excusat, miserabiliter incurrant. De *Carolina* autem publicanda melius censemus deliberandum.

XXXIII. *De eodem.*

Quia sacra ædes in honorem DEI Omnipotentis, & Sanctorum ejus ædificata, merito sunt a fidelibus honorandæ, quatenus salubrius gratiam nobis obtineant & salutem, statueruntque Summi Pontifices, quod reus criminis fugiens ad Ecclesiam, non est ab ea violenter extrahendus, nec inde donari debet ad mortem, vel aliam poenam corporalem, sed Rectores Ecclesiarum sibi obtinere debent membra & vitam; super eo tamen, quod inique fecit, est alias legitime puniendus. Nisi publicus latro fuerit, vel nocturnus depopulator agrorum, qui dum itinera frequentata, vel publicas stratas obsidet aggressione insidiis, ab Ecclesia extrahi potest, impunitate non præstita: aut si sub spe impunitatis in Ecclesia vel cimiterio deliquit, quam institutionem volumus ar-

etius sub excommunicationis poena servari.

XXXIV. *Ne commercia in Ecclesiis fiant.*

Dominus noster JESUS CHRISTUS voluit domum suam habere sanctificatam, ab ea expellens vendentes, & ementes, quatenus sæcularia & mundana inibi minime exercerentur. Hoc exemplo permoti districte prohibemus, omnibus & singulis Ecclesiarum Plebanis, aut eorum vicegerentibus, ne institutores lebetarii, aut alii in cœmeteriis & porticibus Ecclesiarum commercia sua vendant, & habeant. Et ne præcones, & alios officiales, siue quoscunque laicos ad proclamandum, intimandum, seu faciendum sua sæcularia negotia, edicta, seu vocationes, & similia in suis Ecclesiis admittant, quod si fecerint, eos arctius puniemus. Si vero iidem præcones, officiales, & laici propria auctoritate contra voluntatem Plebanorum, siue Vicariorum ea tegerint, decernimus eos hac constitutione ab ingressu Ecclesiæ suspensos ipso facto, quod si hac suspensione non obstante ingressi fuerint, debere excommunicari. Item volumus servari & publicari Capit. ult. *De Immunitate Eccles.* quod etiam infra ponitur, & incipit: *Eos, qui.*

XXXV. *De Regularibus & Monachis.*

Volumus itaque & ordinamus, ac districte præcipiendo mandamus, quatenus Abbates, Priores, Præpositi, & alii Prælati Ordinum S. Benedicti, & Augustini Canonicorum Regularium, visitationes, reformationes, Synodos, siue Congregationes faciant & observent in singulis suis punctis, & clausulis Cap. *In singulis.* & Cap. *Sequentes.* de statibus Monachorum disponant, nostro jure ordinario semper salvo. Fiat tamen semper singularis diligentia pro reformatione Monasteriorum Monialium, & clausura eorundem. Juxta Cap. *Periculosa* eo, tit. Lib. 6. reservatoque Nobis imprimis, quatenus Visitatores idoneos ista vice prædictis Monasteriis visitandis, & réformandis possimus, prout volumus, deputare, mox, ut Nobis arriserit opportunitas ac facultas: provisio insuper, quod hujusmodi Abbates, Priores,

res,

res, Præpositi, & alii Prælati Ordinum prædictorum in hujusmodi Visitationibus, Reformationibus, Synodis, Congregationibus, & aliis indiſtis & contentis taliter se habeant, ut merito a Nobis valeant commendari, scituri, quod si in eisdem, aut eorum aliquo negligentibus, aut remissi fuerint, aut aliqui ex subditis præmissorum rebelles, & inobedientes, contra tales, & eorum quemlibet ad penas graviores procedemus juxta canonicas sanctiones.

XXXVI. De Religiosis.

" PAPA CLEMENS IN CONCILIO
" VIENNENSI excommunicat ipso facto
" per Sedem Apostolicam duntaxat ab-
" solvendo, qui Clericis, aut laicis
" Sacramenta Unctionis extremæ, vel
" Eucharistiæ ministrare, Matrimoniale
" solemnizare non habita super his Pa-
" rochialis Presbyteri licentia speciali,
" aut qui excommunicatos a Canone,
" præterquam in mortis articulo in casibus a jure, vel per privilegia Sedis
" Apostolicæ concessis, vel a sententiis
" per Statuta Provincialia aut Synodalia promulgatis, seu qui a pœna &
" a culpa absolvere præsumperint, sub-
" jungens, quod tales locorum Ordina-
" rii, postquam de hoc eis constiterit,
" facere debent publice nunciari. In-
" hibens insuper eisdem, ne in sermo-
" nibus suis Ecclesiarum Prælati detra-
" hant, aut retrahant laicos ab Eccle-
" siarum suarum frequentia vel accessu,
" seu indulgentias pronuntient indiscre-
" tas. *Et infra*: ne etiam in casibus Se-
" di Apostolicæ, ac locorum Ordinariis
" reservatis quemquam absolvant, aut
" personas Ecclesiasticas ad loca multum
" remota conveniant. Ut autem hæc
" Decreta inconcusse servantur, manda-
" mus in virtute sanctæ obedientiæ om-
" nibus Ecclesiarum Rectoribus, eorum
" Vicariis, ac aliis Presbyteris nostræ
" Diocesis, quatenus præmissa in suis
" Ecclesiis ipsos Religiosos facere non
" permittant, ac desuper diligenter in-
" tendant. Si qui, quos, vel quem in-
" venerint talia facientes, Nobis citius,
" & sine mora, aut nostris Officialibus,
" Decanis, aut Archi-Diaconis intimare,
" & notificare procurent, desuper per
" Nos contra eos debite providendi

" juxta dicti Sacri Canonis seriem, ac
" tenorem; sique alia in derogationem
" jurium Parochialium attentare præ-
" sumperint, præsertim in confessioni-
" bus audiendis, prædicationibus, can-
" delis benedicendis, & aliis juribus ex-
" ercendis, avitati curabimus providere
" de medio opportuno; sique nonnulli
" se a Nobis juxta Clemenſinam: *Du-
" dum: de Sepulturis*. licentiam impetrasse
" dicerent; talibus nisi habita desuper
" noticia literarum nostrarum non cre-
" datur. Abbates & Præpositi Canoni-
" corum Regularium possunt Monachos
" ac Religiosos suos ab excommunica-
" tionis sententia inflicta a jure pro vio-
" lenta manuum injectione in alium
" Religiosum, siue inciderint ante, vel
" post ingressum Religionis, dummodo
" talis excessus non sit enormis, simili-
" ter Novicios, & Hospites secum habi-
" tantes, cum tunc censentur mona-
" sticæ personæ, absolvere. Secus au-
" tem, si injecerint manus hujusmodi
" in Clericum sæcularem. Tunc enim
" absolvi habebunt ab Episcopo in eo
" casu, quo potest alios similiter excom-
" municatos absolvere. Non autem a
" qualibet alia excommunicatione Ca-
" nonis, nisi in jure videatur expressum.
" Succedunt etiam Conventus Religio-
" forum in administratione spiritualium
" & temporalium suo mortuo Prælato.

XXXVII. De Veneratione Sancto-
rum.

Volumus insuper, ut Festa Sancto-
rum, signanter per vacationem laborum
non multiplicentur, sed servetur *Bre-
viarium Ecclesiæ nostræ Pataviensis*, &
Festa Sanctorum usitatorum, Festum insu-
per Annuntiationis Mariæ, ac aliorum
Festorum in jejuniis currentium, remit-
timus singulos ad Breviarium memora-
tum, quod diligenter perlectum dat in-
formationem, quo minus intimatio fieri
debeat ad omnes singularitates, si tamen
dubium in eis occurrerit, potest fieri re-
cursus tempore suo ad chorum Ecclesiæ
nostræ Pataviensis, ubi clare informa-
buntur. Habeatur insuper Festum se-
cundum Nos *medium*, id est, omnia lau-
date. *Evangelistarum, de quatuor Doctoribus*,
juxta Capitulum *Gloriosus, de Reliquiis*, &
veneratione Sanctorum. Lib. 6.

XXXVIII. *Ne in die Sancti Blasii longa
Benedictio dicatur.*

Quoniam in benedictione aquarum *Sancti Blasii*, & *Sancti Stephani* vulgariter nuncupata, errationes & idololatricæ, siue fides perversa sæpius per simplices committuntur, placet & suademus, quod huiusmodi benedictiones omittantur. De thurificationibus autem, quæ circa Nativitatem Domini, & similia Festa in domibus frequenter fiunt, & ab antiquis hucusque factæ sunt, toleramus ea intentione, sicuti Antecessores nostri fideles frequentarunt, ac sancta Mater Ecclesia tolerat, & toleravit hucusque. Inhibentes distincte sub obedientia pœnæ, ne dictæ benedictiones aquarum amodo fiant, transgredientes denuntiatos pœna debita volumus per suos Iudices fieri.

XXXIX. *De reparandis ædificiis, & structuris
Monasteriorum.*

Inhærentes statuto in Synodo Pataviensi tempore felicitis recordationis nomine LEONARDI Prædecessoris nostri facto, mandamus, statuimus, & ordinamus, quod omnes & singuli Abbates, Abbatissæ, Præpositi, Priores & Priorissæ, Ecclesiarum Parochialium Rectores, Altarissæ, & alii Beneficiati Monasteriorum, Prioratuum, Ecclesiarum, & Beneficiorum aliorum in dicta civitate & Diocesi nostra Pataviensi curias, dotales, domus, & habitationes eorum ad dicta Beneficia spectantes in ædificiis, & structuris necessitatis conservent, & collapsa reforment, quanto cius commodè valuerint. Alioquin Visitatores locorum prædictorum mittendi, aut nostri Officiales, autoritate huius Sanctæ Synodi taxabant expensas pro reformatione ædificiorum præmissorum necessarias, arrestabantque, arrestabimus, aut arrestari faciemus fructus, & obventiones Beneficiorum prædictorum, & illos pro reformatione prædictorum impendi facient, aut Nos faciemus contradictione aliqua non obstante.

XL. *De Historiis celebrandis.*

Similiter adhærentes Synodo in nostra civitate hac Pataviæ anno millesimo quadringentesimo tricesimo septimo celebrata declaramus, quod Beneficiati, & Clerici in sacris Ordinibus constituti non

arctentur ad omnes historias, quas Cathedralis Ecclesia nostra Pataviensis ex singulorum institutione observat, decantat, aut solemnizat, sed unusquisque satisfaciit conformando se Breviario Diocesis nostræ Pataviensis in dicendis horis Canonicis.

XLI. *De Administratione Sacramentorum, & Veneratione Locorum.*

De administrandis Sacramentis conformiter, & quod Sacramentorum locus cum luminaribus provideatur, & quod campanatores, ac moniales claves non habeant ad Sacramenta, comstantem visitatoribus expedienda, & rito Synodali statuto eis committimus, quatenus ibi diligenter provideant, & intendant juxta rationem, & Patrum Sanctorum instituta. Similiter de missalibus & agendis fiat.

XLII. *Ne Corpus Christi ad fideles indigne
portetur.*

Dudum in nostra Diocesi inolevit corruptela fortassis primo ex fidelium devotione, quod nonnullis temporibus alium Corpus Christi per campos, & segetes ad diversa loca, etiam ad ignem deportatur: interdum minus devote ibi cavillationes, risus, fabulationes, & otia committuntur, ubi deberet fieri cultus, & honor Divinus: insuper orationes, & cantus devotionis, sunt potius derisiones, vel irrationes, & prius enarrata: in pluribus etiam locis leguntur quatuor Evangelia, ad quatuor mundi partes cum suis ceremoniis contra fulgura, & tonitrua. Inde surgit dubieas multum periculosa, ac si Deus non esset ubique præsens, & imploratus, siue invocatus adesset, nisi præmissis adhibitis, sique cultus creaturæ, qui cultus impendi debet Creatori, pluraque alia mala, ex quo non parva surgit idololatria, & incauta fides apud vulgares, & simplices non scientes, huiusmodi suas ceremonias, ac peregrinationes ad laudem, & honorem Dei applicare, sed potius potationi, vel aliis ceremoniis ibidem corpori Divino impensis. Eapropter ne, ubi debemus gratiam impetrare, impetremus iram, vel vindictam, ad tollendum omnem scrupulum, incautam fidem, ac malas intentiones præfenti Synodali Statuto præcipimus & mandamus, quatenus per amplius hu-

jusmodi deportationes, Processiones, Evangeliorum, sive orationum lectiones, ac alia hujusmodi similia; ubi dedecus Deo, fidei præjudicium, ac animarum periculum possit evenire, minime fiant. Quod si secus factum fuerit, tam Plebanos, quam alios Curatos, quam Plebanos, & laicos alios debita curabimus pœna ulcisci, ac a nostris Officialibus, & Archi-Diaconis id fieri faciemus. Et tamen pro conservandis fructibus ad vitium fidelium, quatenus exinde Deus laudetur, & fideles in vita ad Dei honorem & laudem conserventur, poterunt fieri aliæ devotæ orationes ac implorationes juxta Ecclesiæ Catholicæ morem & instituta.

XLIII. De Præventis.

Insuper Synodi immediate prælibatæ morem amplectentes, declaramus apud Plebanos & Ecclesiarum Rectores circa præventorum mortem hunc servari modum: quod si quis Christi fidelis devote circa festa Paschæ Pœnitentiæ & Eucharistiæ Sacramentum percepit, & si dando operam relicitæ, gratia exempli, si feriata die exerceret piscaturam, amputaret ligna in sylva, vel eundo per pontem casu præcipitaretur, aut alias ex permissione Divina subito dies suos clauderet extremos, quod talis non censeretur præventus. Si vero talis, etiam si hujusmodi Sacramenta in Pascha suscepisset, daret operam rei illicitæ, ut si daret se ad latrocinia, concitaret seditionem, vel tumultum, sive piscaretur, vel mercaretur die festivo, aut sabbato præter necessitatem a Sanctis Patribus, & ab Ecclesia institutum ex contemptu publice solveret; aut si prostratus ægritudine recusaret Pœnitentiæ, Eucharistiæ, ac sacræ Unctionis Sacramenta suscipere: Et tunc si tali casu præcipitaretur, censeretur præventus, & nequaquam ut is, qui ad festa Paschæ negligit recipere prædicta Sacramenta Pœnitentiæ & Eucharistiæ, ad Ecclesiasticam Sepulturam veniet admittendus, cum tales & similes in peccato publico reperiuntur decedere mortali, & inde Ecclesiastica sepultura ipsis in majorem cederet damnorum accumulationem.

XLIV. De Casibus Episcopaliibus, Plebanis, aut eorum Vicariis committendis.

Cæterum, cum nonnulli fontes sæpius majora reticent peccata, solam notam veniendi ad auctoritatem Episcopalem timentes, volumus itaque talibus & similibus salubriter providere. Ex statuto ejusdem Synodi permoti ordinamus, quod Nos, noster Vicarius generalis, aut Officialis Magister fabricæ, aut alius ad hoc deputandus ad omnes personas, quæ sine scandalo, aut alias rationabili causa remitti tempore Quadragesimali non possunt, auctoritatem subdelegabimus, vel supra nominati subdelegabunt; alias vero personas notanter publicos usurarios, concubenarios, adulteros, sacrilegos, fortilegos, incantatores, & incantatrices, dæmonum responsa recipientes, ultimas voluntates non fideliter exequentes, & alios publicanos, & his similes ad Nos, & dictos Superiores decernimus remittendos.

XLV. De Oblatione.

Clari juris est, quod Oblationum nomine, quicquid offertur Ecclesiæ quocunque modo vel in Ecclesia, vel extra, vel in Missa, aut extra; sive in morte, sive in vita, in immobilibus, vel mobilibus, nec est præscriptibile, nisi per alium Clericum, & quod a sæcularibus possideri non debet, restat laicos, qui se assuerunt vitricos, seu magistros Zeche, nullum jus sibi a communitate locorum vindicare debere, neque posse. Quinimo omnis administratio ad Pastorem Ecclesiæ pertinere demonstratur. Quicunque igitur laicus hujusmodi oblationes per singularem potestatem, aut sine Pastoris Ecclesiæ voluntate obtinet, procul dubio contra Deum, & Sanctorum Patrum nititur sanctiones. Quinimo & qui accepit, & qui tradidit, raptor & sacrilegus judicatur. Vel Rectorem Ecclesiæ Parochialis principalem, aut ejus Rectorem, aut Vicarium ejus, hujusmodi vitricos, aut magistros Zeche, una cum consilio communitatis Ecclesiæ fore eligendos, ita quod iidem contra juris dispositionem nullum jus in Ecclesiæ bonis valeant vindicare. Quapropter presenti decreto statuimus, quod in antea magistri Zeche hujusmodi, sive vitrici per Ple.

Plebanum, sive Rectorem Ecclesiæ, aut ejus vicegerentes, ac Plebanos ejus eligi debent, qui prudenter ac diligenter suum officium juxta consuetudinem conservatam fabricæ fructus, redditus, & proventus Ecclesiæ colligant, exercent, ac importent, & ea fideliter cum scientia Plebani, ejus Vicarii, & vice gerentis, ubi saltem arduum fuerit exponendum, exponant, onera fabricæ supportent, superex Crescentia fideliter conservent, omnique anno cum ipsi Plebano, Rectori Ecclesiæ, aut ejus Vicario visum fuerit, rationem fidelem faciant, & quidquid ultra exposita superfuerit, in unam cistam una cum Plebano, Vicario, aut ejus vicegerentibus munitam, una cum privilegiis, & literis ipsius Zeche deponant, quam cum tribus clavibus ferrent, sive concludant, quarum unam habeat ipse Plebanus, Rector Ecclesiæ, vel Vicarius, secundam ex Magistris Zeche, aut vicricus, & etiam unus fides ex Parochianis, & quia Plebanus, Rector Ecclesiæ, aut ejus Vicarius de suis laboribus merito emolumentum recipit, & de Ecclesiæ suæ bonis, cum ejus sponfus, & Provisor existat antidotum reportat, ne bovis claudatur os tritantis, tertia pars de hujusmodi oblatis conferatur, & assignetur, nisi aliud Canonicum impedimentum obsistat, quod decreto, & declarationi nostræ, nostrorum Officiatum, aut Archi-Diaconorum duximus committendum. Insuper ad oblationes communes, & solitas juxta nostræ Diocesis, ac Parochiarum consuetudinem hucusque introductam decrevimus, ipsos Parochianos, seu obligatos, si præstare recusaverint, & contempserint, per Ecclesiasticam censuram compellendos.

XLVI. De Capellanis.

Vestigiis Prædecessorum nostrorum inhærendo de Capellanis in castris, civitatibus, oppidis, sive villis, sub Parochiis quibuscunque degentibus statuimus, quod hujusmodi Capellani de juribus Parochialibus nullo modo, aut ingenio se intromittant, neque de Benedictionibus nubentium, introductionibus mulierum post partum, vel nuptiis, collationibus Sacramentorum, Benedictionibus cereorum, Cinerum, Palmarum, & solemnibus Baptismatis, nec prædicent, aut Festa

indicant, sive Offertoria sibi usurpent; neque Parochianos ipsarum Parochiarum, nisi sibi prædicta deceant, aut competant, vel aliquid eorum de privilegio speciali, de quo facere fidem coram suis Plebanis, aut Vicariis debebunt. Siqui autem Capellani contra prædicta fecerint, præcipimus per eorum Archi-Diaconos, aut Decanos debita pœna, quatenus talibus abstineant, coerceri.

XLVII. De Penitentibus.

Fuit dudum in Synodo una Pataviensi, & novissime per Nos cum consilio, & assensu nostræ Synodi pridem celebratæ institutum, quod publici, & scandalosi peccatores juxta ejusdem Synodi tenorem deberent ad Nos, Officiales nostros, aut alios in eo auctoritatem habentes remitti ad majorem informationem & paternam correctionem. In præsentiarum nonnulli conqueruntur tales remitti sine informatione, ac correctione hujusmodi: sed quia ars artium est cura animarum, præcipimus, quod hujusmodi remissi in suis confessionibus, & casibus remissis diligenter audiantur, prompta correctione, & emendatione infermentur, & taliter paterne cum eis agatur, quod ovis errans ad suum ducatur ovile. Et quanquam penitentia sint arbitraria juxta Sanctorum Patrum documenta, & peccata gravia, & scandalosa, sive publica melius, & fructuosius, ubi crimen peractum est, puniantur; non abs re est, si puniendi taliter ad domum, & suum Plebanum, aut ejus vicegerentem remittantur, tunc puniantur juxta superioris, si injungit, præceptum: alias juxta peccatorum quantitatem, & confessorum qualitatem. Pro literis autem statuimus recipi debere pro quolibet octo denarios, vel si scriptura plus exigit, juxta laborum qualitatem, super quo eas tradentium conscientiam oneramus.

XLVIII. De Confessionibus, & literis confessionalium.

Cum pro Sacramentorum administratione nihil sit exigendum, ne simonia labes incuratur, præcipimus, quod ab Officiali nostro Pataviensi, & Viennensi, seu alio, cui id committitur, pro literis confessionalium Plebanis, Rectoribus Ecclesiarum, aut suis Vicariis datis ultra com-

communem consuetudinem nil exigatur, nec idem aut alius, cui id committitur, ut præfertur, in specie mandet, aut præcipiat certam quotam a talibus dari ad fabricam Ecclesiæ nostræ Patavienfis. Sed fideliter quemque bonis inducat informationibus & benevolis, ut ad ipsam Ecclesiam, quæ noscitur Mater omnium Ecclesiarum, & hominum totius Diocesis, ac ab ejus Pastore, sive Episcopo bona Spirituality irremunerabilia, ad temporalia minime, comparanda recipit, sua temporalia largiatur, quatenus partem se faciat bonorum operum inibi quotidie peractorum, & peragendorum, & indulgentiarum talibus a Summis Pontificibus, Episcopis Patavienfibus, & aliis Patribus concessarum. Volumus insuper, quod sigillum confessionis caute custodiatur. Alias præcipimus tales, ubicunque inquiri poterunt, pœnis juris sine omni velamine excusationis, & gratia puniri, & Nobis denunciatis utique taliter punire non omitemus.

XLIX. *Qui circa Pascha non confitentur, nec communicant.*

Verum est in dubium, quomodo agendum sit cum illis, qui ex rebellionē circa Festum Paschæ non confitentur & communicant, an debeant publice vocari, & quomodo peccata puniri? Mandamus contra tales taliter procedi. Occulti occulte personaliter per Plebanos suos, aut eorum Vicarios, publici vero, & notorii in ambone sermonis tempore primo generaliter, sique non obediunt, denuo publice vocentur, quatenus se ad confessionem, & communionem infra terminum constituendum præparent, confiteantur & communicent. Si adhuc non obdierint, damus cum præsentibus ipsis Plebanis, seu eorum vicegerentibus facultatem, tales juxta Canonem: *Omnis utriusque sexus, De Pœn. & Rem.* ab ingressu Ecclesiæ arcendi, & Christiana sepultura privandi. Si autem hujusmodi pœnam aliquamdiu sustinuerint, neque confiteri, & communicare voluerint, tales præcipimus sine moræ dispendio nostris Officialibus denunciari, quos tandem simili præcepto volumus per censuram Ecclesiasticam monitione congrua præmissa ad præmissa cogi, & arctari.

Tomus V. Concilior. German.

L. De publicis mulieribus, licitoribus, præconibus.

Quæritur insuper de mulieribus publicis, licitoribus, & præconibus, usurariis, & similibus notoriis, & scandalosis? Supra est statutum, quod tales in generali concessione autoritatis non veniunt, quare merito sunt omittendi; tunc enim eis dabitur forma, & modus tales puniendi.

LI. De Excommunicatis.

Prohibemus districte, ne per aliquem subditorum nostrorum Officiale, Decanum, Archi-Diaconum, Plebanum, Vicarium, aut Vicegerentem, detur excommunicatis, aut ab ingressu Ecclesiæ suspensis, licentia ingrediendi Ecclesiam Divinorum tempore, aut communio fidelium, cum excommunicatus semper secum deferat excommunicationem, nisi prius absolutionem obtineat; celebrans etiam coram excommunicato, an suspensionem ab executione sui officii incurrat, remittimus eundem ad Canonem Concilii Basiliensis, qui est hujusmodi sub tenore ad evitandum scandalum, & ponitur tenor totus.

LII. Ne Laici bona, & fructus Ecclesiarum sibi usurpent.

Quoniam ea, quæ Deo dicata sunt, in humanos usus converti non debent: & laici etiam religiosi super rebus, & personis Ecclesiæ disponendis nulla est attributa Facultas, quos obsequendi arctat necessitas, non autoritas imperandi; hac constitutione mandamus, quatenus laici, cujuscunque sint præminentiæ, seu autoritatis, sibi fundos, colonos atque fructus, proventus, vel redditus Beneficiorum quorumcunque ne usurpent, nec ea propria autoritate per Sacerdotes, per se eligendos, ac deputandos inofficiant, sive aliquid machinationis in detrimentum Beneficiorum, eorumque pertinentium, quocunque ingenio, sive colore quovis modo faciant. Quod si fecerint, ab eo præcipimus Ecclesiastica censura compesci.

LIII. De Beneficiis manualibus.

Abusus quotidianus in nostra Diocesi irrepsit, & diutim pullulat, ac fortius

Q q q

crefcit,

crescit, quod nonnulli, tam spirituales, quam faculares Missas, quas manuales vocant, fundant, erigunt, dotant; ad eas Capellanos ad libitum vocant, recipiunt & applicant, ac eos remouent ad suæ libitum voluntatis in non paruum præjudicium, iacturam, & detractionem nostrorum iurium Episcopaliū, ac contra juris dispositionem, & ordinem rationis. Huic morbo quotidiano obviare, sicuti nostra Episcopalis autoritas exigit, volentes, hac constitutione districte præcipiendo ordinamus, quatenus in antea huiusmodi fundationes, dotationes, & Capellanorum receptiones, & applicationes minime fiant. Si quisquam suæ animæ salutem procurare volens tales fundationes, aut dotationes facere voluerit, nostra autoritate, & scientia faciat. Alioquin singulos Capellanos, huiusmodi manualia Beneficia recipientes, & inofficantes, ab ingressu Ecclesiæ volumus esse suspensos ipso facto. Fundata autem siue modo erecta huiusmodi Beneficia eadem pena nolumus per quemcunque Sacerdotem inofficiari, nisi nostra autoritate impetranda, pena sub eadem.

LIV. *Ne pactetur de funeribus.*

Item auisatum est, quod Plebanus Sancti Pauli hujus Pataviæ, antequam funera Ecclesiasticæ tradantur sepultura, de peragendis vigiliis, officio, sepultura septimi & tricesimi paciscatur, ac alia huiusmodi gravamina inferat; item contrahentes matrimonia ad celebranda officia compellat, pro eis recipiendo pecunias ex pacto, etiam a valde pauperibus. Insuper Sacerdotes, vel eorum corpora infra civitatem defuncta, extraneos, & intraneos, etiam non Beneficiatos, vel salariatos intra eandem Ecclesiam, imo alibi eligentes sepulturam arctat, & stringit apud se, & suam Ecclesiam sepeliri; Quæ gravamina & alia, si quæ sunt similia, & hætenus contra antiquum morem, siue consuetudinem apud Sanctum Paulum per modernum Plebanum, aut suos Præ-

decessores introducta, volumus per nostros Venerabiles Fratres, Capitulum nostrum Pataviense, cui idem Plebanus subiectus est, eradicari & amoveri, quantum fieri poterit. Quod si factum non fuerit, emendationem nostra autoritate Episcopali adhibebimus salutarem.

LIV. *Mandatum Domini Præfule, ut omni in scriptis hanc habeant chartulam cum suis tractatulis.*

Conclusio Statutorum.

Omnia præmissa salutaria Statuta præsentibus, quibus nostrum est appositum sigillum, omnibus Abbatibus, Præpositis, Prælati, Plebanis, Ecclesiarum Rectoribus, Vicariis, Sociis Divinorum, Capellanis, Altaristis, Presbyteris, Notariis, ac omnibus Nobis subditis Clericis in nostra Diocesi constitutis intimamus, in sinuamus, notificamus & publicamus, ac pro publicatis, intimatis, insinuatis, & notificatis habere volumus, transgressoresque puniri juxta penas inibi contentas, ac alias, sicuti est juri consonum & rationi. Volumusque, & sub excommunicationis pena mandamus, quatenus huiusmodi statuta, cum tractatulis inibi colligatis quilibet prædictorum sibi rescribat, aut rescribi faciat, ut secundum ea se possit regulare, & ipsis conformare. Signanter præcipimus ab examinatoribus ad ordines servari, quatenus juxta eorum tenorem, ac seriem ordinandos ad Sacros Ordines examinent, ac in ipsis ignaros non admittant. Quatenus Sancta Mater, Dei Ecclesia de suis filiis literatis, & imbutis gaudere valeat, atque possit, aliter non facturi. Datum Pataviæ, &c.

P. Marcus Hanfz. Germaniæ Sacrae T. I. pag. 553. ad 569. Ex MS. Codice Collegii Canonorum Regularium in Tyrnstein Hieronymi primus edidit.



WRATISLAVIÆ SYNODUS

Anno Christi MCCCCLXXIII. Sixti IV. Pp. III.

Friderici III. Reg. XXXIV.

Statuta Synodalia Domini RUDOLPHI (a) Episcopi Wratislaviensis feliciter incipiunt.

AD FUTURAM REI MEMORIAM:

Quonquam Reverendi quondam Patres CONRADUS & PETRUS, Episcopi Wratislavienses suo modo cum diversis cæremoniis *Synodos Episcopales* celebraverint, etiam in Vesperis de sero ante Synodum incipiendo maxime propter locationem Prælatorum, Abbatum videlicet & aliorum; Reverendo tamen Patri, Domino RUDOLPHO Episcopo Wratislaviensi, Apostolicæ Sedis cum potestate Legati de Latere, Legato; qui diversis Generalibus, Nationalibus, Provincialibus, & Diocesanis Synodis & Conventionibus interfuit, visum fuit sufficere, quod Synodus Episcopalis servaretur, prout sua Paternitas observavit. Quapropter sua Paternitas hujusmodi modum ac vocationem ad primam suæ Paternitatis Synodum, quam emisit: nec non Constitutiones & Ordinationes, quas in Synodis per suam Paternitatem celebratis, fecit, & publicavit, in hunc libellum conscribi, & ad Ecclesias hinc inde distribui fecit, ut suæ Paternitatis Successores, si placeat, hunc modum continuare possint. Inprimis igitur sequitur Forma Citationis per suam Paternitatem emissæ, quæ tamen in futurum necessaria non erit, cum in prima Synodo in fine constituerit, quod futuris temporibus singulis annis absque alia convocatione, Synodus debeat observari, prout infra continetur.

Citatio ad primam Synodum.

RUDOLPHUS, DEI GRATIA, EPISCOPUS WRATISLAVIENSIS, SANCTÆ SEDIS APOSTOLICÆ CUM POTESTATE LEGATI DE LATERE AD INCLYTA BOHEMIÆ, POLONIÆQUE REGNA, DIVERSASQUE PARTES ALMANIÆ LEGATUS &c. VENERABILIBUS VIRIS, DOMINIS, MAJORIS NOSTRÆ WRATISLAVIENSIS, BEATÆ MARIÆ GLOGOVIÆ MAJORIS, OPPOLIENSIS ET LEGNICENSIS ECCLESiarUM COLLEGIATARUM ARCHI-DIACONIS, IN CHRISTO NOBIS SINCERE DILECTIS, SALUTEM IN DOMINO.

AD Regimen nostræ Wratislaviensis Ecclesiæ (licet immeriti) DEO annuente, vocati, etsi juxta Sacrorum Canonum, Statutorumque Provincialium Constitutiones, Synodum in dicta nostra Wratislaviensi Dicecesi, saltem semel in anno, reformandorum mōrum, ac corrigendorum excessuum subditorum gratia, celebrare, semper cordi Nobis fuerit, votisque hujuscemodi nostris

quam libenter, prout dignum fuisset, satisfecissemus: tamen quantis curis gravibus nimis onusti, quot fortunis periculisque interea agitati, ac laceffiti fuerimus, nedum exacti temporis consideratio edocet, ac considerata solerter illius tempestatis discrimina, cum cunctis hujus Patriæ incolis notissima manifestant, nemoque sanæ mentis ignorat. Verum licet hujusce tempestati turbulentæ

(a) Rudolphus de Rudesheim, natus in Rudesheim, Archi-Dicefis Moguntinæ vico: Ss. Theol. Doctor, Decanus Wormatiensis, Præpositus major Frisingensis; antea Auditor Rotæ Romanæ, subin Episcopus Lavantinus, & Nuntius Papæ in Polonia & Bohemia; pervenit ad Episcopatum Wratislaviensem post annum 1463. Obiit anno 1482. *Histoire Ecclesiastique d'Allemagne a Bruxelles chez Foppens Tomo II. pag. 169.*

lente, nec sic finis ex alto optatus concessus sit, respirareque paucillum ad præsens vix detur; ne tamen multis crassantibus locus sit exemplo, sanguis-que subditorum reformandorum de manibus nostris requiratur, neglecta, ac omissa instaurare, compentare, corrigere, ordinare, reformareque, quoad poterimus, authore Domino, cordi Nobis, ac præsentis est instituti. Habita igitur matura cum Fratribus nostris, videlicet Venerabili Capitulo Ecclesiæ nostræ, deliberatione, Synodum Dicecesanam in eadem Ecclesia nostra decima octava die mensis Octobris proxime futura, celebrandam, universo Clero dictæ nostræ Dicecesis indiximus, ac per præsentem indicimus: quare vobis committimus, & in virtute sanctæ obedientiæ mandamus, quatenus universos & singulos vestri Archi Diaconatus Prælatos seculares, aut religiosos, Abbates, Priores, quarumcunque Collegiarum, ac Conventualium Ecclesiarum Præpositos, Prælatos, Canonicos, Archi-Presbyteros, ac alios quoscunque, qui de jure aut consuetudine Synodo hujusmodi interesse tenentur, uno edicto pro tribus peremptorie evocetis, requiratis, ac eisdem dictam Synodum futuram insinuetis: hujusmodi quoque vocationis edictum, ac Synodi insinuationem in Ecclesia prædicta publice proponentes, ut ad præmissorum, ac cujuslibet eorum noticiam verisimiliter perveniat, ne in præmissis & subnotatis ignorantiam prætere, seu quomodolibet allegare valeant aliqualem: quos & Nos per præsentem vocamus, ac in virtute sanctæ obedientiæ requirimus, quatenus præfata die XVIII. dicti mensis Octobris, hoc est ipso die, ac festivitate Sancti Lucæ Evangelistæ proxime futura, ac duobus diebus immediate sequentibus, Capitula majoris, & Sanctæ Crucis, Plebani, & omnes Sacerdotes civitatis Wratislaviæ, & suburbiorum ejus, nec non omnes Domini Abbates Monasteriorum totius Dicecesis, propria in persona, ac duo Prælati ex unoquoque Collegio, sive Conventu extra civitatem in Dicecesi, si commode fieri poterit, aut saltem unus Prælati cum altero Canonico, aut Confratre dicti Collegii, aut Conventus: Archi-Presbyteri vero omnes singula-

rum sedium, cum uno ex Fratribus sue sedis, ac communibus expensis Fratrum ejusdem sedis, pro dicta Synodo die Sancti Lucæ Evangelistæ solenniter inchoanda, ac celebranda, in habitu ad hoc decenti in dicta nostra Wratislaviensi Ecclesia personaliter compareant, pro communi utilitate totius nostræ Dicecesis, Status Ecclesiastici, Ecclesiasticarumve personarum reformatione, ac animarum salute statuendum, ac ordinandum inibi consulturi, statuta demum acceptaturi: nec inde sine speciali nostra licentia recessuri, sub poena arbitraria, quam Nos hujusmodi inobedientibus & rebellibus imponemus, & ab eisdem Domino concedente exigemus. Datum Wratislaviæ die ultima mensis Julii, anno Domino MCCCCLXXIII. nostro sub sigillo literam reddet. &c.

ADVENIENTE itaque die Statuta mane pullatum est ad Synodum tribus vicibus cum campana magna, prout decebat: & Dominus Episcopus præfatus intrans Ecclesiam, inprimis constituit Promotorem Synodi, videlicet Dominum JOHANNEM HOFEMAN, Licentiatum in Jure Canonico, Ecclesiæ suæ Canonicum, & in Spiritualibus Vicarium: cui commisit, ut Dominos Abbates, Prælatos, Canonicos, Archi-Presbyteros, & alios locaret juxta dignitates eorum, & alias quoad processiones, sessiones, & alia agenda respectum haberet, ut singula honeste procederent: Item proponenda proponeret, & interroganda ab Archi-Presbyteris, & aliis interrogaret, & alia faceret, quæ per Promotorem Synodalem fieri consueverunt. Item deputavit Notarium, videlicet Dominum Arnastum Rudiger, Protho-Notarium Cancellariæ suæ Paternitatis, ut singula in Synodo notanda, & conscribenda notaret, & conscriberet. Deinde intravit sua Paternitas Sacristiam cum Ministris, Archi-Diacono videlicet, & alio Canonico, & quatuor Vicariis, ipsis assistantibus ad induendum se in Pontificalibus &c. Medio tempore Dominus Promotor locavit Dominos Abbates, & alios Prælatos, qui in futurum locari debent, prout sequitur: Inprimis in dextro stallo Domini Episcopi servatus est locus Episcopo: post quem, si Suffraganeus, sive Vicarius in Pontificalibus artu,

affuisset, locari debuisset, & si in futurum adesset, locari deberet. Consequenter vero Prælati & Canonici majoris, & post illos, sive superius, sive inferius, in bancis, prout stare potuerunt, Præpositus Ecclesiæ Sancti Egidii, atque Prælati, & Canonici Ecclesiæ S. Crucis. Item Præceptores, sive Magistri de Corpore Christi, & Sancto Matthia, & Præpositus S. Spiritus. Ex alio vero latere, vel stallo sinistro locati fuerunt Domini Abbates infra scripti, qui omnes personaliter comparuerunt: Lübben, Beatæ Mariæ ad Arenam: Sancti Vincentii extra civitatem, secundum ordinem ipsorum: in Sagono, in Heinrichaw, in Camentz, in Grissaw, in Ruda, in Gymelnitz. Et post ipsos Prælati & Canonici Ecclesiarum Glogoviz majoris, Legnicensis, Nissenfis, Oppolienfis, Brengensis, Ratiborienfis, & Glogoviz superioris: sive superius, sive inferius in bancis, prout stare potuerunt. Sub Abbatibus vero positi fuerunt stantes eorum Capellani, tenentes baculos: ante quos Capellanos Abbatum locati fuerunt banci, super quibus locati fuerunt Prælati, & aliqui, qui superflui fuerunt, qui in superioribus locari non potuerunt. In corpore vero Chori sederunt Archipresbyteri, & eorum Socii, & alii Sacerdotes & Clerici, qui interfuerunt. Promotor vero & Notarius sederunt infra in banco apud januam Chori ad latus Episcopi. Post locationem vero factam, & dicta Tertia, Episcopus Pontificalibus indutus cum Ministris processit ad altare, & ibi inchoavit Antiphonam: *Veni Sancte Spiritus*. Qua finita, per Chorum inceptæ & continuatæ fuerunt Litanie per duos ad hoc deputatos, prostratis omnibus, sive genua flectentibus, & Episcopo similiter genibus flexis super Cathedra incumbente, ac mitra deposita, usque ad illud: *Ut Domnum Apostolicum* &c. quo dicto Episcopus surrexit cum Ministris, & mitra supraposita, facie versa ad Congregationem Synodalem, habens baculum in manu, cantando Letaniam, continuavit illo modo: *Ut Synodum istam in tuo nomine congregatam benedicere digneris*. Te rogamus &c. *Ut Synodum istam benedicere & inspirare digneris*. Te rogamus audi nos. *Ut Synodum istam benedicere, inspirare, & sa-*

lificare digneris. &c. Quibus per Episcopum dictis, iterum eo prostrato, finitæ fuerunt Letaniz. Quibus finitis Archidiaconus clamavit: *Pater noster*. quo sub silentio dicto, Episcopus cum Ministris surrexit, & supraposita mitra cum baculo in manu alta voce, quasi cantando dixit: *Et ne nos inducas in tentationem*, &c. *Memor esto Domine Congregationis tuæ, quam possedisti ab initio*. *Salvum fac populum tuum Domine*, & benedic hereditati tuæ: & rege eos &c. *Nihil proficiat inimicus in nobis*, & filius iniquitatis non nocebit nobis. *Esto nobis Domine turris fortitudinis, a facie inimici*. *Fiat misericordia tua Domine super nos, quemadmodum speravimus in te*. *Domine Deus virtutum converte nos*, & ostende nobis faciem tuam, & salvi erimus. *Domine exaudi orationem meam*, & clamor meus ad te veniat. Dominus vobiscum &c. *Oremus: Adsumus Domine Sancte Spiritus, adsumus peccati quidem immunitate detenti, sed in nomine tuo specialiter aggregati, veni ad nos, esto nobiscum, & dignare illi cordibus nostris: doce nos, quid agamus, quo gradiamur, & ostende, quid efficere debeamus, ut te auxiliante tibi in omnibus placere valeamus*. *Esto salus & suggestor, & effector iudiciorum nostrorum, qui solus cum Deo Patre & ejus Filio nomen possides gloriosum*. Non nos patiaris perturbatores esse justitiz, qui summam diligis æquitatem, ut in sinistrum nos non ignorantia trahat, non favor inflectat, non acceptio muneris vel persone corrumpat: sed junge nos tibi efficaciter solius tuæ gratiæ dono. ut finis in te unum, & in nullo d. viemus a vero, qualiter in nomine tuo collecti, sic in cunctis teneamus cum moderamine pietatis justiciam, ut hic a te in nullo dissentiat sententia nostra, & in futuro pro bene gestis consequemur præmia sempiterna: Per Christum Dominum nostrum, Amen. Quibus gestis processio facta est per Ecclesiam cum Responsorio: *Apparuerunt Apostolis* &c. qua completa, incepta, & continuata est Missa solennis de Spiritu Sancto per Episcopum cantata: qua finita Episcopus exuta casula, & induta cappa, sive pluviali cum mitra, portato ante se baculo processit ad stallum suum, & Ministri cum luminaribus reversi sunt ad Cameram, & eis exutis venerunt ad stallos suos, sive loca sua. Episcopo autem constituto in stalli suo, egregius vir, Dominus Andreas Wayner, Canon-

cus Wratislaviensis, Sacræ Theologiæ Professor, recepit Benedictionem a sua Paternitate, & fecit solennem sermonem & exhortationem ad Clerum. Quo finito, Vicarius in Spiritualibus, tanquam Promotor, apportavit librum Statutorum Provincialium, & Synodaliū, quorum aliqua illa die lecta fuere, quibus lectis, Dominus Episcopus pro ista vice finem imposuit, & Benedictionem solennem dedit subsequenter: *Qui dispersos Israel congregat, ipse vos hic & ubique custodiat, Amen.* Et non solum vos custodiat, sed ovium suarum idoneos custodes efficiat. *Amen.* Ut cum summo Pastore CHRISTO de gregum suorum pastore gaudeatis in celo. *Amen.* Quod ipse &c. Mandavitque omnibus, ut prandio facto omnes convenirent ad domum Episcopalem audituri, quæ sua Paternitas Reverendissima ibi proponere, querere, & tractare vellet &c. Quibus venientibus, inprimis Dominus Episcopus quæsit de defestibus tam inter Ecclesiasticos, quam Sæculares existentibus: unde tam Domini Abbates, quam alii de Collegiis, atque Archi-Presbyteri multa contra tyrannos, patronos, & alios laicos, proposuerunt, & conquesti fuerunt, & aliqui cedulas obtulerunt, & legi fecerunt, quas Dominus Episcopus post diversos tractatus & sermones ad se recepit, ut per Constitutiones Synodales de novo fiendas, vel per innovationem antiquarum Constitutionum Provincialium vel Synodaliū, quantum possibile esset, remedium poneretur: & sic facta collatione, Dominus Episcopus dimisit eos, & iunxit, ut die sequenti iterum in Ecclesia convenirent ad continuandam Synodum. Et ita fuit expedita prima dies.

Secunda vero die Synodi iterum convenientibus, Episcopo, Abbatibus, & cæteris, locatisque juxta modum diei præcedentis, Dominus Abbas in Arena, quia insulatus, & tunc Præcessor pro illo anno ante Dominum Abbatem Sancti Vincentii fecit officium: si tamen affuisset Suffraganeus, sive Vicarius in Pontificalibus, ille fecisset. Et iterum ut die præcedenti incepit Antiphonam: *Veni Sancte Spiritus*, deinde dictæ sunt Letaniæ. Sed quia Dominus Episcopus fuit præsens in stallis suis in Pontificalibus, continuavit Letaniam prout hesterno die,

dicendo: *Ut Synodum istam &c.* si vero Episcopus non fuisset præsens, celebrans sive faciens officium continuasset, & benedixisset, prout Pontifex præcedenti die fecit, sed in fine Versiculorum iunxit Collectam, videlicet: *Nostorum tibi Domine circumdantes genua cordium, quæsumus, ut bonum, quod a nobis a te requiritur, exequamur, scilicet ut prompta tuam sollicitudine gradientes, discretionis ardore subtile iudicium faciamus, ac misericordiam diligenter clareamus studiis tibi palcitra actionis.* *Amen.* Quibus factis absque processione inceptum est officium solenne de Beata Virgine: quo expedito, & Abbate redeunte ad stallum, Dominus Episcopus aliqua per se dixit de utilitate celebrationis Synodorum, & quod necesse sit, quod magnus fructus inde sequatur tam inter Ecclesiasticos, quam sæculares, qui saltem timore denuntiationis eorum male agentium in Synodo, aut formidine pœnæ desistant a prava eorum vita. Et quomodo in aliis Regionibus singulis annis bina vice Synodus celebretur, ad quam omnes Beneficiati tam curati, quam non curati, exceptis paucis, qui in Ecclesiis dimittuntur pro populo, convenire tenentur. Sed sua Paternitas dixit se non velle in tantum Clerum gravare, sed duntaxat statuere, quod semel in anno celebretur, ad quam Clerus Civitatis, Abbates, & aliqui de Collegiatis Ecclesiis, & Archi-Presbyteri cum suis venire teneantur. Deinde sua Paternitas fecit iterum per Promotorem legi aliquas Constitutiones de vita & honestate Clericorum, de fornicariis, de vestibus, contra concubinos, contra ebriosos, & existentes sæpius in tabernis. Post hoc dedit solennem, illo, ut sequitur modo: *Dominus mentis & lingue corporalis & spiritualis det nobis incrementa gratiæ Sacerdotalis.* *Amen.* Atque vobis ad dextram constitutis participium celestis tribuit Regni. *Amen.* Quod ipse præstare dignetur, qui nos ante constitutionem mundi prædestinatos, & ante finem sæculi iustificatos præseivit, per infinita secula seculorum. *Amen.*

Post prandium vero iterum convenientibus omnibus in curia Episcopali in stuba superiori, Dominus Episcopus commisit Archi-Presbyteris, ut exactam diligentiam faciant, & inquirent de vita Sacerdotum sub sede sua: & ubi intellexerint

riat aliquem concubinarium, aut luforem, aut visitantem tabernas, aut ebriosum, &c. quod contra talem procedant, suspendendo a Divinis, & alias prout eis videbitur, ut talis desistat, & si desistere non velit, suus Archi Presbyter ei præfigat terminum comparendi coram Domino Episcopo, vel Vicario suo: & quod ipse Archi-Presbyter suam Paternitatem, aut ipsius Vicarium cum plena informatione de hoc aviset, &c. Item quod Archi-Presbyteri, & omnes alii sub sede, habeant advertentiam, cum quis Sacerdos moritur, ne laici, (maxime Patroni) apponant manum ad bona defuncti, sed quod ipsi se intromittant & faciant, prout infra in statuto desuper factò continetur. Item, quod similiter habeant respectum ad usurarios publicos, ut illis Sacramenta & sepulturam Ecclesiasticam non administrent, nisi restituant per usuram extorta, vel cautionem faciant, quod ipsi si convalescant, aut hæredes eorum, si moriantur, restitutionem certarum faciant: & super incertis, vel inveteratis cum Episcopo componant, prout etiam in constitutione desuper facta continetur.

Tertia vero die fecit officium Abbas ad Sanctum Vincentium, etiam infulatus, cum Antiphona: *Veni Sancte Spiritus.* & Létaniis, ut supra, cum Collecta, post Versiculos, Oremus: *Ad te Domine iterum clamoribus vocibus proclamantes unanimiter postulamus, ut respectu gratiæ tuæ solidati præcones virtutis efficiamur intrepidi, tuumque valeamus verbum cum omni fiducia loqui. Amen.* Et quia Episcopus fuit præsens, dixit iterum: ut Synodum istam. cum Versiculis & Collecta. Qui si non fuisset præsens, dixisset cantans officium, & cantata fuit Missa solenniter de Sancto Johanne Patrono sine Processione. Post officium Episcopus fecit admonitionem istam: "Precibus itaque Deo præmissis, Fraternitatem vestram Dilectissimi Filii cum pia exhortatione admoneo, & per Divinum nomen obtestor, ut ea, quæ a Nobis de Deo, & sacris ordinibus, vel moribus, discreta fuerint, cum omni pietate suscipiatis, & cum summa reverentia perficere studeatis, quatenus superna auxiliante gratia, ea quæ ad salutem nostram, & Christiani populi Nobis commissi pertinere videntur, diligenter & provide tractemus,

ne oves Domini nostri JESU Christi Nobis commissæ (licet indigne) ob nostram pereant negligentiam, pro quibus in die iudicii rationem reddituri sumus. Deinde vos simili obtestatione conjuro, vel obsecro, ut nullus vestrum in iudicio fratrem suum, aut personam accipiat, aut quolibet favore, vel munere pulsatus a iusto iudicio scienter avertatur, aut discedat: sed cum tota pietate fraternæ dilectionis, & cum Dei timore libenter vobiscum adhibeatis studium; quatenus per vestram doctrinam, & sacram admonitionem, peccata, errores, & pravitates filiorum vestrorum, qui ante Nos, vel tempore nostro, instigante diabolo, in civitate ista, vel Parochiis vestris, perpetrata fuerint, Dei auxiliante misericordia, ad correctionis emendationem, & bonorum executionem perducere valeamus, & in extremo iudicii die, non de negligentibus, & culpis a Domino sicut pigri, & mali servi iudicemur: sed de benefactis, ac recte dispositis primum æternæ beatitudinis recipere mereamur." Deinde lætæ fuerunt constitutiones Synodales, sive illæ, quæ innovatæ fuerant, quibus factis Episcopus mitratus stans conclusit Synodum cum illa oratione: *Nulla est Domine humane conscientiæ virtus, quæ sine offensione possit tuæ voluntatis iudicia expedire. Et ideoque imperfectum nostrum viderunt oculi tui, perfectioni deputata quod perfectiore æquitatis sine concludere præoptamus. Te in nostris principis occurrentem poscimus, te quoque in fine iudiciorum nostrorum excessibus adesse precamur, scilicet, ut ignorantia parcas, ut errorem indulgeas, ut perfectis votis perfectam operis efficaciam largiaris. Et quia conscientia removente tabescimus, & si qua ignorantia nos traxerit in errorem, aut præceptis forsitan voluntus impulerit a iustitia declinare: ob hoc te poscimus, te rogamus, ut si quid offensionis in hac Concilii celebritate attraximus, condonante te sit remissibile: ut in eo, quod soluturi sumus aggregatum Concilium, a cunctis primum absolvamur nostrorum nexibus delictorum, qualiter & transgressores veniam, & confidentes tibi subsequatur remuneratio sempiterna.* Deinde benedixit hoc modo: *Omnipotens Dei Filius, qui est initium & finis, complementum nobis tribuat charitatem. Amen. Et qui vos ad expletionem huius fecit pervenire*
Syno-

Synodi, absolutos efficiat vos ab omni contagione delicti. Amen. Ut ab omni reatu liberriores effecti absoluti, etiam per donum Sancti Spiritus, felici reditu vestrarum sedium cubilia repetatis illasi. Amen. Quod ipse, Deinde dictus Episcopus omnibus, qui interfuerunt Synodo, dedit indulgentias pro quolibet die Synodi, autoritate Legationis C. & autoritate Ordinaria XL. dies, in forma Ecclesiæ consueta. Finaliter cantabatur, *Te Deum laudamus.* Et data fuit licentia omnibus ad propria remeandi: Ita tamen, quod unusquisque Archi-Presbyter constitutiones Synodales secum recipiat, & fideliter exequatur, ita ut in futura Synodo de singulis rationem reddere possit.

*RUDOLPHI Episcopi Statuta
Synodalia in prima Synodo.*

INPRIMIS: quod Festum Præsentationis Beatæ Virginis saltem in Choro, quod usque nunc ab aliquibus duntaxat Ecclesiis servatum est XXI. mensis Novembris, pridie videlicet Festivitatibus Beatæ Cæciliæ, per totam Diocæsim fervari debeat, & teneri tanquam festum duplex.

Item, quod quando tenentur brevia suffragia, etiam debeant teneri suffragia de Sancto Johanne Evangelista, & de Sancto Vincentio Levita Compatronis, cum Sancto Johanne Baptista in Ecclesia majori Wratislaviensi.

Item, quod in precibus, ubi hætenus dictum est: *Domine salvos fac Principes nostros*, amplius dici, & in libris scribi, vel apponi debeat: *Domine saluum fac Regem, & Principes nostros.*

Item, quod Prædicatores debeant hortari, & informare populum in sermonibus suis, & dum Sacerdos in Missa post memoriam mortuorum dicit: *Nobis* &c. quod alta voce cum concussione pectoris dici debet, quod omnes audientes utriusque sexus similiter pectus percutere debeant: pro quo Dominus Episcopus, & Legatus talem dedit indulgentiam, ut quis per talem percussorem pectoris X. dies indulgentiarum in forma Ecclesiæ consequatur, & mereatur. Præterea Dominus Episcopus hortatus est Dominos Abbates tunc præsentibus, ut fratres suos in observantia re-

gulari bene instruant, & instituunt. Et quod ante omnia tria substantialia regulari bene observent, quæ voverunt, castitatem, paupertatem, & obedientiam: quæ si bene, & perfecte servantur, veniet, & consequetur omnis honestas, vigilantia, & omne opus perfectum.

Item innovavit omnes constitutiones, tam Generalium, quam Provincialium Conciliorum, atque etiam Episcopali Synodorum contra Concubinarios: Item contra frequentantes tabernas, & ebriosos Sacerdotes editas, in virtute sanctæ obedientiæ præcipiendo omnibus Archi-Presbyteris omnium sedium totius Diocæsis, ut unusquisque Sacerdos tales in sua sede existentes moneat, & requirat, ut focarias suas a se repellant, & amplius neque in domo, neque extra quovis modo foveant, aut nutrant. Similiter, ut ebriosi, & frequentantes tabernas, a talibus se abstineant, & sobrie vivant, & nequaquam in tabernis sedeant ad potandum, &c. illos autem, qui post acquisitionem, & monitionem hujusmodi a talibus abstinere nolunt, debeat & tenebitur Archi-Presbyter Domino Episcopo, aut suo Vicario in Spiritualibus denunciare, & in scriptis annotare, ut puniantur. Quod si Archi-Presbyteri in talibus desides vel negligentis reperiantur, poterit Episcopus, vel ejus Vicarius contra tales procedere, & acriter punire.

Item, quod nullus Curatus audeat intronifare homines alienæ Parochiæ, sine speciali consensu, & commissione proprii Plebani.

Item, quod nullus Plebanus, vel ejus locum tenens audeat intronifare volentes contrahere matrimonium, absque trina proclamatione tribus diebus successive in ambone coram populi multitudine, facta ad hoc, ut habentes impedimenta contrahendi publicentur, & ad solennisandum matrimonium impediuntur & prohibeantur.

Item, quod nemo audeat intronifare, contrahere volentes, etiam si proclamationes debitæ temporibus factæ sint, tempore a jure interdicto, nisi super hoc habeant indultum ab Episcopo, aut ejus Vicario in Spiritualibus, aut alio Commissario, cui Dominus Episcopus specialem desuper in scriptis dedisset facultatem.

Item

Item, quoniam, ut experientia docuit, & docet, quod laici (maxime Patroni) post mortem Plebanorum, se intromittunt de bonis defunctorum, illa rapiendo; dispergendo; & vane consumendo: interdixit hoc sua Paternitas omnibus & singulis, cujuscunque status, vel conditionis existant sub poena anathematis; sed voluit sua Paternitas, quod Testamentarii Sacerdotis defuncti, aut si tales non constituisset, neque haberet, Archi-Presbyter, vel viciniore Plebani, sive Sacerdotes, de bonis relictis se intromittant; & singula fideliter conscribant. Et si per laicos impedimentum praestetur, statim declarentur in amonibus excommunicati, vigore hujus constitutionis Synodalis. Quod si quis intestatus decesserit, Archi-Presbyter, vel viciniore Sacerdotes, aut Commissarii Domini Episcopi, si qui ibidem, vel prope sint, statim verum inventarium omnium relictorum per ipsum faciant, defunctum honeste sepeliri exequias, septimum, & tricesimum servari procurent: residuum autem Episcopo, aut Vicario ejus in Spiritualibus mitant; sive assignent &c. & de expositis rationem faciant & cetera.

Item innovavit Dominus Episcopus ordinationes, & constitutiones juris, & Statutorum Provincialium contra usurarios publicos & notorios, & praecipue, quod non admittantur ad Ecclesiastica Sacramenta, neque ad sepulturam Ecclesiasticam, nisi desistere velint a receptione hujusmodi usurae, & restituere male per usuram recepta, vel componere se cum

illis, a quibus aliqua per usuram extorserrunt, vel eorum haeredibus, si & in quantum ad sanitatem redierint, ac quod filii, vel haeredes promittant, quod si ipsum contingat decedere, quod ipsi velint satisfacere, vel cum eis se componere, a quibus per usuram aliqua extorserrunt, aut cum Episcopo, si incertum sit, a quibus usuram receperint, aut si tales non supersint, neque haeredes habeant.

Ultimo instituit, & ordinavit sua R. P. quod in futurum singulis annis semel in anno, videlicet secunda, tertia, & quarta feriis post Dominicam *Jubilate* teneri debeat Synodus, incipiendo in anno Domini *Millesimo quadringentesimo, septuagesimo quinto*, absque nova convocatione ipsius Synodi: in qua si Dominus Episcopus pro tempore non possit interesse, Vicarius in Pontificalibus, si quis fuerit, & in ejus defectum Senior ex Abbatibus Monasteriorum Sancti Vincentii, & Beatae Mariae Virginis in Arena, qui illo anno praecedat, in Stallo Episcopi sedebit, & cum Praelatis Ecclesiae majoris, & Vicario in Spiritualibus praesidebit, & facta Synodi diriget & ordinabit.

Et tantum de Synodo prima.

Excusae hae Constitutiones Nurembergae anno 1512. per Hieronymum Holtzel litera Petri, recuse nitidiori charactere Wratislaviae anno 1585.

Cl. Lunig Continuat. II. Spicileg. Eccles. pag. 1214. tertio recudit hanc Synodum.

WRATISLAVIÆ SYNODUS

Anno Christi MCCCCLXXV. Sixti IV. Papae V.

Friderici III. Imp. XXXVI.

SUB RUDOLPHO EPISCOPO.

ANno Domini *Millesimo, quadringentesimo, septuagesimo quinto*: Feria secunda post Dominicam *Jubilate*, Reverendissimus in Christo Pater, & Dominus, Dominus RUDOLPHUS, Episcopus Wratislaviensis, & adhuc Sedis Apostolicae cum potestate Legati de Latere Legatus, ex indicatione Synodi in

alia Synodo facta, *secundam Synodum* in propria persona celebravit: & illos modum, ordinem, & caeremonias servavit per tres dies, prout in praecedenti Synodo servati fuerunt. Constituit autem sua Paternitas in eadem Synodo Promotorem Synodi Venerabilem Virum, Dominum *Martinum Lindner*, De-

Tomus V. Concilior. German.

R r r

cre-

cretorum Doctorem, Canonicum Ecclesiæ majoris Wratislaviensis, qui locavit Prælatos, prout supra. Item Notarium Synodi *Michaelm Blorock*, Prothonotarium Cancellariæ suæ Paternitatis. Collationem vero, sive sermonem ad Clerum prima die iterum fecit Honorabilis Dominus Doctor Wayner, Cancellarius Ecclesiæ Wratislaviensis. Qua finita, Promotor accusavit absentium contumaciam, præcipue Abbatum aliquorum, qui per fratres suos, quos ad Synodum miserunt, excusaverunt se; faciendū proponi impedimenta eorum, cur venire non possent, quæ & Dominus Episcopus admisit. Deinde Dominus Episcopus iterum collaudans celebrationem & continuationem Synodi, narravit, quod plures publici usurarii, qui prius sibi de hoc non formata conscientia indifferenter pecunias mutuarunt, & usuram de illis receperunt cum pacto, quod cum vellent, pecuniæ cum usura sibi restitui deberent, & qui hunc propter inhibitionem in præterita Synodo factam, & privationem Ecclesiasticorum Sacramentorum destitissent, & amplius huiusmodi usuram recipere non vellent, sed inscriptiones legitimas sub titulo redemptionis, prout Ecclesia admittit, consentire vellent: & quædam alia sua Paternitas proposuit, per quæ singulos induxit ad bonam voluntatem ad Synodum veniendi, & illi interessendi.

Secunda vero die post lectas Constitutiones Synodales Domini CONRADI bonæ memoriæ, præfatus Dominus Episcopus publicari fecit Conservatoriam a Serenissimo Rege MATTHIA, per Paternitatem suam impetratam, super tuitione, & defensione ipsius Domini Episcopi, & totius Cleri sui, in privilegiis, libertatibus, juribus, & bonis Ecclesiasticis, prout sequitur in hæc verba:

MATTHIAS, DEI GRATIA, HUNGARIÆ, BOHEMIÆ &c. REX: MARCHIO MORAVIÆ: LUCEMBURGENSIS ET SILESIE DUX, AC MARCHIO LUSATIE &c. &c. UNIVERSIS ET SINGULIS ILLUSTRIBUS, MAGNIFICIS, NOBILIBUS, ET EGREGIIS PRINCIPIBUS, BARONIBUS, ET CUIUSCUNQUE STATUS HOMINIBUS, IN DIOCESI WRATISLAVIENSI CONSTITUTIS, ET PRÆSERTIM SPECTABILIBUS CAPITANEIS NOSTRIS, TAM IN INFERIORI,

QUAM SUPERIORI SILISIA, SALUTEM NOSTRAM REGIAM ET GRATIAM.

Non sine displicentia querelam Reverendi in Christo Patris, Dominus RUDOLPHI, Episcopi Wratislaviensis, Principis nostri, & Apostolicæ Sedis Legati accepimus, multos esse in ipsa Dioecesi sua, qui Dei timore posthabito, nec homines reverentes multa in injuriam Ecclesiastici status moluntur, juraque spiritualia multipharie defraudantur, contra Sacros Canones & Decreta Ecclesiastica, in præjudicium animarum suarum, & ipsius Episcopi, ac Cleri sui damnum multum grave: & præsertim, quod sint nonnulli, qui villas, allodia, decimas, census, & alia bona, tam mobilia, quam immobilia ipsorum tenent, & violentè spoliant, occupant, & detinent: alii, qui decimas maldratas, fertones Episcopales minime solvunt: alii, qui sacrilegas manus in bona Sacerdotum, qui ab intestato, vel etiam facto testamento decedunt, immittunt: alii, qui sub pallio juris Patronatus Presbyteros in Ecclesiis jam adeptis & possessis simpliciter ejiciunt, vel ad commutandum, cum voluerint, inducunt, & cogunt: alii, qui de testamentis Sacerdotum ipsorum, & legatis ad pias causas, se ingerunt, & ea in proprios usus convertunt, sive sint de bonis eorum mobilibus, sive de centibus sub titulo redemptionis emptis, qui inter mobilia computantur, quamvis alias coram Notario, & testibus rite & legitime facta fuerint. Alii, qui census subditorum suorum, quos viris Ecclesiasticis dare tenentur & deberent, quosve libenter traderent, recipiunt, & subditos ipsos dare, ubi tenentur, prohibent, nullam Ecclesiasticam centuram propterea curantes, modo ipsos, qui talibus censuris involvuntur, potius sustinendo, quam ut de ipsis se exuant admonendo: contra Statuta Provincialia, & Ecclesiasticam libertatem. Alii denique etiam cives in civitatibus, qui census debitos Ecclesiasticis personis denegant, vel magna in parte diminuunt: non admittentes, quod aliquis Ecclesiasticus domum aut alia bona emat: quod si emit, porrigere nolunt. Pluraque alia abusuionem, oppressivum, & injuriarum contra ipsos spirituales, genera exercendo. Unde præfatus

fatus Reverendissimus Pater, Dominus RUDOLPHUS Episcopus Nobis humiliter supplicavit, ut de remedio opportuno, ex nostra Regia clementia providere dignaremur. Nos igitur, qui nullum subditorum nostrorum injuste opprimi volumus, & præsertim Ecclesiasticorum, quibus ex data Nobis Divino munere gratia singulariter afficimur, & quos ante omnia protegere debemus, & tenemur, talibus supplicationibus inclinati, vobis, & cuilibet vestrum harum serie firmiter præcipimus, & mandamus, quatenus dum & quoriescunque præsentibus fueritis requisiti, seu alter vestrum fuerit requisitus, hujusmodi injuriatores, cujuscunque status aut conditionis existant, ad desistendum a talibus injuriis & oppressiõibus, & ad satisfaciendum pro ablatis, & retardatis, atque ad observandum immunitatem Ecclesiasticam, cogatis. Dictumque Dominum RUDOLPHUM Episcopum, & suum Clerum, in immunitate Ecclesiastica, & suis privilegiis manuteneatis, & quilibet vestrum manuteneat: contrafacientes etiam brachio seculari acriter percellendo; gratiæ nostræ sub obtentu. Datum in castro Rathiborienfi XII. die mensis Martii, anno Domini Millesimo, quadringentesimo, septuagesimo quinto. Regnorum nostrorum anno Hungariæ &c. decimo octavo: Bohemiæ vero sexto.

Tertia vero die per Promotorem præfatum publicari fecit Constitutiones & Ordinationes novas Synodales, five innovationes antiquarum Constitutionum & Ordinationum Sanctorum Patrum, quæ sequuntur, & sunt tales:

Inprimis statuit, voluit, & ordinavit: quod in qualibet sede per Archi-Presbyterum, & Seniores elegantur, & constituantur aliqui, tam Ecclesiastici, quam seculares boni viri, Deum timentes, tanquam testes Synodales, qui una cum Archi-Presbytero, vel per se scrutentur, & inquirent de publicis criminibus, maxime de publicis concubinariis, vel adulteris, de sortilegis, de Clericis tenentibus vel frequentantibus tabernas, de publicis usurariis, de persequentibus Clerum, de rapientibus bona Clerico-

rum, five viventium, five defunctorum, & his similibus: & illa deferant Archi-Presbytero, ut Archi-Presbyter illa ad Synodum deferre possit.

Item inhiuit Clericis, ut non deferant vestes ante apertas sine nodis, aut aliis clausuris, sub pœna perditionis vestis, & alia pœna arbitraria, quam Episcopus vel Vicarius in Spiritualibus, aut alius Commissarius suæ Paternitatis, imponere poterit. Voluit etiam, quod Prædicatores verbi Divini contra talem detestandum abusum, & laicos talibus vestimentis utentes, acriter prædicent: & requirant laicos, ut talibus in antea non utantur. Sartoribus autem sub pœna privationis Ecclesiasticorum Sacramentorum, & sepulturæ inhibeant, ut ultra hujusmodi vestes non faciant sine nodis, vel aliis clausuris: sed omnino nodos, aut alias clausuras faciant sine fraude, si vero illi, quibus sartores nodos, aut alias clausuras, quibus hujusmodi vestes claudi possint, facient, & illis uti non velint, neque utantur, tales hujusmodi pœnæ, carentiæ Sacramentorum, & sepulturæ Ecclesiasticorum, subjaceant.

Item quia diffidentes Clerum in communi vel particulari, secundum dispositionem KAROLINÆ, per Sedem Apostolicam, & Sacra Generalia Concilia approbatæ, efficiuntur ipso facto infames, intestabiles, & ad omnes actus honorificos, & legitimos inhabiles: Et quoniam mala voluntas eorum captivandi, & spoliandi Clericos per hujusmodi diffidationem apparet, ita quod per eos non stet, quin omnia mala, quæ possent, Clericis inferrent, & cum voluntate, ac proposito maleficia metiantur: declaravit sua reverendissima Paternitas, tam autoritate Legationis, quam ordinaria, quod tales diffidentes ex ipsa præsentatione, five transmissione literarum diffidationum efficiantur ipso facto excommunicati: ita ut ab omnibus scientibus illos diffidasse Clerum, tanquam excommunicati denunciari, & vitari debebunt, quodque etiam ad civitates, & oppida, etiam sub salvo conducto admitti non debeant: & si admittantur, mox, & in continenti a Divinis cessari debeat, tamdiu, & quousque a loco expellantur, aut carceribus mancipentur. Salva ni-

hilominus poena arbitraria, ipsis tales admittentibus ad civitates, oppida, & alia loca per Episcopum, aut ejus in Spiritualibus Vicarium infligenda.

Item cum sacri liquores cum omni veneratione deferendi sint, statuit, & ordinavit Dominus Episcopus, ut nulus illos audeat deferre, nisi Sacerdos, qui & Stolum consecratam secum habeat, quæ reservaculum sacrorum liquorum involvat.

Item, quoniam malus inolevit abusus, quod Curati, sive alii Sacerdotes, per Patronos suos laicos petere solent ab Episcopo auctoritatem pro se, vel suis subditis, in casibus Episcopalibus.

Item absentias ab Ecclesiis, similiter & commendas, aut indulta de celebrando in Altaribus portatilibus, præcipue in fortalitiis; voluit dictus Dominus Episcopus, quod talia petere volens, per se ipsum, aut alium Sacerdotem, vel in scriptis petat, & requirat, & omnino desuper concessiones tales ex cancellaria suæ Paternitatis recipiat: alioquin hujusmodi concessiones habeantur pro non factis. Ita etiam, ut Episcopus, vel Vicarius tales utentes hujusmodi assertis concessionibus, super quibus scripturam sub sigillo Episcopi, vel Vicarii in Spiritualibus non habent, juxta arbitrium punire possit. Præterea innovavit sua Paternitas antiquorum Patrum ordinationes & statuta: quod nemo videlicet audeat erigere nova oratoria sine consensu Episcopi & Plebani, in quorum Diocesi, & limitibus Parochiæ consistunt: quæ si alter erigantur, habeantur pro locis prophanis, ita etiam, ut impune ab omnibus demoliri possint. Et celebrans in eodem absque speciali licentia, & approbatione Episcopi, efficiatur irregularis: etiam si haberet facultatem in portatili in quocunque loco tuto, & honesto celebrandi.

Item quod nemo audeat celebrare in Ecclesia polluta, aus alias execrata, neque sepelire in cimiterio execrato ante reconciliationem, vel sine speciali licentia, sive indulto Episcopi in scriptis desuper, & sub sigillo desuper dandis. Cæterum cum unusquisque Sacerdotum, maxime, qui confessiones audire debet, scire debeat discernere inter lepram, &

lepram: in virtute sanctæ obedientiæ mandavit dictus Dominus Episcopus, ut unusquisque Sacerdos confessiones augere volens addicere atque scire debeat casus per Episcopum Wratislaviensem pro tempore generaliter, vel specialiter sibi reservatos, ita ut casuales, ad habentes potestatem absolvendi remittere possit. Voluit etiam, quod Archi-Presbyter in hoc adhibere debeant diligentiam, ad sollicitandum omnes, ut ante Quadragesimam unusquisque hujusmodi casus sciat, alioquin ab audientia confessionis repellatur. Præterea quoniam intellexit sua Paternitas, quod nonnulli impetrantes petitoria, aut alia indulta super questu faciendo ad annum, aut aliud tempus, in eorum literis expressum, lapsæ tempore nihilominus indultis hujusmodi, sive literis petitoriis utantur, quod ulterius fieri sua Paternitas sub poena excommunicationis lætæ sententire, quam taliter utentes ipso facto incurrant, inhibuit. Et nihilominus tales ad restitutionem, quæ sic extortierunt, pro fabrica Ecclesiæ suæ majoris teneantur, & obligati existant. Denique cum sua Paternitas magnos clamores multorum Curatorum, decimas, tertones, sive annonas habentium, audivit, quod per piscinas, quæ quotidie fiunt, & hætenus factæ sunt, eis in redditibus suis plurimum detrahatur, cum tales habentes, & facientes piscinas, de illis decimam, aut aliud æquivalens dare non velint: declaravit sua Paternitas, quod omnes illi, qui hujusmodi piscinas habent, aut facient in futurum, qui alitunde ad solutionem decimarum obligati sunt, decimam, aut aliam quotam ex piscibus dare tenentur, ac si ibi terra culta esset. Et quod unusquisque habens decimas, maldratas, tertones Episcopales, aut annonas per cenitram Ecclesiasticam, aut privationem Ecclesiasticorum Sacramentorum hujusmodi decimam, aut aliam quotam condignam extorquere possit. Ultimo dictus Dominus Episcopus omnibus Prælati & Canonicis, Collegiatarum Ecclesiarum, nec non Archi-Presbyteris, & sociis suis, quos secum habuerunt, & in hujusmodi Synodo interfuerunt, dedit auctoritatem confitendi pro se, & audiendi, & absolvendi populum eorum, usque ad futuram Synodum.

modum. Et quod ipsi omnibus absentibus hujusmodi auctoritatem nomine suæ Paternitatis dare possint. Illis tamen duntaxat, qui contribuere sint parati, & contribuant pro expensis, per eos, qui comparuerunt factis, demptis casibus reservatis. Et nihilominus sua Paternitas dedit facultatem Prælati & Archipresbyteris, etiam sub pœna suspensionis a Divinis, compelleri omnes ad contribuendum pro expensis in Synodo per comparentes factis.

Tandem sua Reverendissima Paternitas indixit contributionem generalem, regalem videlicet, pro solvenda, & comportanda summa per Serenissimum Dominum Regem, pro relutione certorum castrorum a sua Paternitate, & Clero suo expedita, quæ judicio omnium denegari non potuisset: in qua sua Paternitas per deputatos ad hoc constitutos, Capitulo Ecclesiæ majoris, & aliis Capitulis Ecclesiarum Collegiarum suæ Diocesis, nec non cuilibet Monasterio specialem quandam instituit, & alias generaliter super residuo Clero, sex grossos de marca beneficii non taxati, imposuit. Et Venerabiles Viros, Dominos, *Georgium Freyberg*, & *Martinum Lindner*, Decretorum Doctorem, Canonicos Ecclesiæ Wratislaviensis in collectores deputavit,

quibus & sua Paternitas pollicita est, se de hujusmodi contributione nequaquam velle intromittere, neque de ea sibi quicquam usurpare, sed permittere, quod omnia, quæ provenire poterunt, fideliter sublevent, & in usus deputatos exponant. Cum etiam omnia imposita Clero, plene, & integre solvantur, vix medietas summæ per Serenissimum Dominum Regem impositæ, aut parum ultra colligetur, & adhuc residuum manebit in humeris suæ Paternitatis, quod aliunde ex contributione laicorum sibi subjectorum necesse erit extorquere, & ad loca depurata consignare. Finaliter sua Paternitas dedit benedictionem, & indulgentias consuetas.

Et tantum de Synodalibus Statutis Reverendissimi Patris Domini RUDOLPHI Episcopi Wratislaviensis, Apostolicæ Sedis (pro tunc) Legati.

Excusa primum hæc Synodus anno 1512. Nurembergæ in 4to a pag. XLVI. ad XLIX. typo Hieronymi Hölzel & Litera Petri.

Excusa 2do Wratislaviæ anno 1585. in 4to nitidioris characteris.

Cl. *Lunigius Continuat. II. Spialegii Ecclesiæ* pag. 1218. tertio eam recedit.

SYNODUS FRISINGENSIS

Anno Christi MCCCCLXXV. Sixti IV. Papæ V.
Friderici III. Imp. XXXVI.

SUB SIXTO EPISCOPO. (a)

Quia experientia Magistra didicimus ex eo, quod *Decretum Concilii Generalis* de clandestina desponsatione in nostris civitate & Diocesi, per abusum in oblivionem venit, & observatum non existit, plures in gradibus consanguinitatis, & affinitatis lege Divina, ac Canonica

prohibitis, ac cognatione spirituali conjuncti matrimonia, verius contubernia contrahere non sunt veriti in suarum animarum periculum, & scandalum plurimorum. Nos ex Pastoralis officii debito animarum salutis, quantum in Nobis est, prospicere cupientes, *Sacra Synodo appro-*

(a) Sixtus de Tannberg ex Præposito Isanensi, & Canonico Frisingensi, & Plebano Lauffingano anno 1474. electus Episcopus Frisingensis XLVtus, cedente Joanne Tuelbeckio, a Pontifice confirmatus, a Salisburgensi Avunculo suo consecratus: Obiit anno 1495. 14. Julii. Sedit annos 21, optime meritis de Clero & populo tres Synodos habuit pro Cleri reformatione. Unam hanc *Meichelbeck* servavit ex quo hæc & reliqua edimus.

probante statuimus, & ordinamus, ut de cetero nulli Sacerdotes clandestinis matrimoniis interint, sed contrahere volentes publice in Ecclesiis coram Plebis sue multitudine solemniter copulent; ita tamen, quod ante copulationem hujusmodi ad minus una die Dominica, vel Festiva de ambone suarum Ecclesiarum infra missarum solemnias personas contrahere volentes nominent, & adhortentur omnes, ut si aliquis sit, qui inter eos, qui matrimonium contrahere proponunt, impedimentum sciat, quod vel contrahendum impediat, vel etiam dirimat matrimonium jam contractum, publicent, vel denuntient. Et post publicationem in ambone, ut præmittitur, factam, per triduum expectent, an forsitan aliquis comparuerit, qui impedimentum legitimum allegaverit. Et si talis legitimum accusaverit, vel denunciator veniat, curatus caveat, ne partes copulet, priusquam de allegato impedimento cognitum fuerit. Quod si secus factum fuerit, condigna pena illum punire curabimus. Verum si nullus contradictor apparuerit, post lapsum dicti termini curatus per se, aut suum substitutum, partes libere conjungat, si aliud Canonicum impedimentum illis non obstat.

Item quia quidam nomine solo, & non re Sacerdotes curati, & illorum Vicarii plus lucris temporalibus, quam animarum salutis intendunt, magis que sua, quam que Dei sunt, querentes, sibi subiectos in remediis, & aliis parochialibus juribus gravant, de sepultura, & aliis Spiritualibus paciscuntur, ac statui suorum in Divinis cooperatorum detrachentes, illos certo pretio minus debito conveniunt: propter quod etiam Presbyteros indoctos, & minus habiles recipere coguntur, & recipiuntur, Nos huic vitio pestifero succurrere cupientes, Sacra Synodo approbante statuimus, volumus, & ordinamus, ut præfati curati, eorumque Vicecurati a predictis in futurum desistant realiter & cum effectu. Ac ipsi Parochialibus juribus secundum antiquam, & laudabilem Ecclesie consuetudinem sint contenti, ac suis in Divinis cooperatoribus debita, & consue-

ta salaria solvant, ac tales in cooperatores recipiant, de quorum vita, & moribus valeant, & possint respondere. Certificantes eos, qui in præmissis culpabiles reperti fuerint, quod canonica illis ultio non deerit, illosque condigne punire curabimus.

Preterea intentionis præfati Reverendissimi Patris Domini Presidentis est, ut Decretum Concilii Basiliensis contra concubenarios editum inviolabiliter observetur. Et mandavit monitionem Synodalem fieri XXX. dierum, ut in forma factum existit.

Item voluit Decretum Concilii Generalis, quod habetur in C. *Omnis utriusque sexus*, *De Pen. & Rem.* publicari, cuius tenor sequitur: *Omnis utriusque &c.*

Item testes Synodales deputati sunt, qui juraverunt, nomina testium sequuntur.

Item Visitatores Monasteriorum deputati sunt.

INNOCENTIUS PAPA III.

In Concilio Generali. (a)

Omnis (b) utriusque sexus fidelis, postquam ad annos discretionis pervenerit, omnia sua solus peccata saltem semel in anno fideliter confiteatur proprio Sacerdoti, & inunctam sibi penitentiam propriis viribus studeat adimplere, suscipiens reverenter in Pascha Eucharistie Sacramentum, nisi forte de proprio Sacerdotis consilio ob aliquam rationabilem causam ad tempus ab ejus perceptione duxerit abstinendum, alioquin & vivens ab ingressu Ecclesie arceatur, & moriens Christiana careat sepultura. Unde hoc salutare statutum frequenter in Ecclesiis publicetur, ne quicumque ex ignorantie cecitate velamen excusationis assumat.

§. Si quis autem alieno Sacerdoti voluerit iusta de causa sua peccata confiteri, licentiam prius postulet, vel obtineat a proprio Sacerdote, cum aliter ipse illum non possit solvere, vel ligare.

§. Sacerdos autem sit discretus, & cautus, ut more periti medici superintendat

(a) Lateranensi IV. Generali XII. anno 1215.

(b) Canone XX.

dat vinum, & oleum vulneribus sauciati, diligenter inquirens, & peccatoris circumstantias & peccati, quibus prudenter intelligat, quale debeat prebere consilium, & cujusmodi remedium adhibere diversis experimentis utendo ad sanandum egrotum.

§. Caveat autem omnino, ne verbo aut signo, aut quovis alia modo, prodatur aliquatenus peccatorem, sed si prudentiori consilio indigerit, illud absque ulla expressione persone caute requirat, quomodo qui peccatum in penitentiali foro sibi detectum presumpserit revelare, non solum a Sacerdotali Officio deponendum decernimus, verum etiam ad agendum perpetuum penitentiam in artum Monasterium detrudendum.

Visitatores Monasteriorum Ordinis Sancti Benedicti deputati sunt.

Venerabiles Patres Domini Abbatres in Tegernsee, & Scheyrn, quibus assistet Dominus Presidens per se, aut per suum Vicarium. Et tempus Visitationis fiende commissum est arbitrio Domini Presidentis.

Visitatores Monasteriorum Ordinis Sancti Augustini Canonorum Regularium deputati sunt.

Venerabiles Patres, Domini Archidiaconus in Raylenpuoch, & Prepositus in Undenstorf, quibus Dominus Presidens per se, vel suum Vicarium assistet. Et tempus visitationis Paternitas sua R. statuer.

Sequuntur nomina Testium Synodaliū Deputatorum.

In Decanatu Pämkirchen D. Simon, Plebanus in Saurbach.

In Decanatu Urmperg D. Ulricus Prannth Plebanus in Päng.

In Decanatu Hohenprunn D. Plebanus in Swaben.

In Decanatu Holtzhauß D. Plebanus in Geroltzpach.

In Decanatu Zerding D. Plebanus in Reichenkirchen.

In Decanatu inter Aquas D. Plebanus S. Viti Frisingensis.

In Decanatu Tonkirchen D. Paulus, Vicarius in Aufkirchen.

In Decanatu Guntzelhoven D. Plebanus in Ysenwang.

In Decanatu Basserburgk D. Stephanus, Plebanus in Mitrach.

In Decanatu Mosen: D. Johannes, Plebanus in Pfranpach.

In Decanatu Pruck D. Andreas, Plebanus in Mosack.

In Decanatu Kolbach D. Plebanus in Mitterndorff.

In Decanatu Landshut D. Johannes Riederer, Plebanus in Vilslern.

In Decanatu Monacen: D. Leonhardus, Plebanus in Talkirichn.

In Decanatu Newnkirichn: D. Ulricus, Plebanus in Orlsing.

In Decanatu Zolling D. Plebanus in Artenkirichen.

In Decanatu Volkerstorf.

In Archidiaconatu Raytenpuech D. Ludovicus, Plebanus in Peytingau.

Isti jurarunt juramentum Testium Synodaliū in Statutis contentum.

Item Collegiatis Ecclesiis visitabit Dominus Presidens per se, aut alium, quem ad hoc deputabit.

Item Decani rurales infra Pasche & Pentecostes festa proxime futura adjunctis sibi testibus Synodalibus visitabunt Parochias Decanatus sui. Et si necessarium videbitur, Dominus Presidens per aliquem de suis hujusmodi visitationem faciet, adjunctis sibi Decano, & teste Synodali. Et Visitatores recepto juramento a Plebanis, eorum domesticis Capellanis, & ab aliis honestis & gravibus viris Parochiarum querent de infra scriptis.

Primo. De vita, scientia, & moribus regentis Ecclesiam. Et an bene presit domui sue?

Secundo. Quomodo Ecclesia provisā sit circa Sacramenta & reservatoria Sacramentorum?

Tertio. Quomodo provisā sit libris, calicibus, patenis, corporalibus, sacris vestibus, & ornatibus, & an illa munda teneantur? Et si defectus in his sit, an fabrica Ecclesie sufficiat ad illa reparanda? Et an singulis mensibus viaticum pro infirmis denuo consecratur?

Quarto. An Ecclesia sit in debitis?
&

& an Rector Ecclesie alienaverit; vel obligaverit ad tempus, vel ad vitam bona Ecclesie? & qualem familiam habeat?

Item, an sit tabernarius, lutor, vel alias mali exempli? & an singulis diebus Dominicis legat Missas, & prædicet populo? & an ad hoc aptos libros habeat? & an sit in debitis? & an Missas fundatas, & alias de jure vel consuetudine debitas cum devotione, & honeste persolvat?

Item videatur liber ipsius, quo utitur in conferendis & administrandis Sacramentis. Et examinetur, si sciat formas Sacramentorum?

Item, si Ecclesia regitur per Vicarium, queratur precipue, si Pastor sibi fructus in toto vel in parte reservaverit? aut Ecclesiam cum omnibus fructibus eidem locaverit? & an excessivum censum solvat? & an gravet subditos in recipiendis remediis, vel aliis juribus Parochialibus? & an Cooperatoribus & Capellanis debitum salarium solvat?

Preterea inquiretur de formatis Vicariorum, sociorum Divinorum, & Capellanorum: & si sint de aliena Diocesi, an sint recepti juxta statutum de Clericis peregrinis.

Item queratur de viticiis Ecclesiarum, an singulis annis rationem reddant Plebano, & communitati Parochie? Et an habeant cistam cum tribus clavibus, in quam pecunias fabrice deponant juxta statutum Provinciale? & si non habeant, ut de his provideant? Et quod lumen assidue circa Corpus Dominicum ardeat?

Item queratur, an in Parochia sint usurarii manifesti, vel aliis publicis criminibus irretiti: & de alijs etiam fiat inquisitio, que videntur reformanda?

In premissis, que possunt commode reformare, reforment, & de per se actis, & reformandis, per totum mensem Junii proxime futurum Domino Præsidenti rationem reddant, & majora ad illius, vel Vicarii ejus notitiam deducant.

Avifati sunt singuli Curati, ut vigore quarumcunque literarum a Domino nostro Episcopo, vel suo Vicario emanatarum non absolvant quoscunque

in publicis, ac notoriis criminibus constitutos, sed eisdem cum literis suis clausis ad Vicarium transmittant, seriem, & qualitatem hujusmodi notorii criminis in se continentibus.

Preterea iidem Curati ceteri sint, ne occulta crimina in hujusmodi suis literis scribant, ne aliquò modo contingat sigillum confessionis aperiri. Preterea omnes notorie criminosos, quorum excessus totam Parochiam scandalisant, & qui alias publicas penitencias egerunt; nihilominus tanquam canes redierunt ad vomitum, & peccata priora: si non sunt persone nobiles, aut mulieres, ad solennem publicam penitentiam peragendam, quam vulgus *cavonam* appellat, mittantur.

Item ordinatum est, ut hi, qui ad ordines sunt promovendi, se juxta Nanneren. Concilii Statutum, quod habetur XXIV. Di. in C. Quando, Feria quarta ante ipsam ordinationem se ad civitatem Frisingensem conferant, diebus Jovis & Veneris examen subituri. Et eo tempore in civitate Frisingense in commellationibus, & ebrietatibus abstineant. Religiosi vero, qui de consuetudine admittuntur, & statim presentationi suorum superiorum, concessum est, ut die Veneris se presentent. Dominus etiam Præsidentis hortatus est singulorum ordinum Prelatos, ne indignos, inhabiles, insufficientes, aut in minoribus annis constitutos presentent, prout Omnipotenti Deo de hoc habent reddere rationem. Et si videbitur expedire, Domini Examinatores, etiam sic Presentatos poterunt examinare, & de moribus, & vita illorum inquirere.

Item, quia Curati negligentes sunt, circa collecturam ad fabricam Ecclesie Frisingensis tempore Quadragesimali, & Adventus Domini, intendit Dominus Præsidentis contra negligentes, prout de jure & secundum formam statuti procedere,

SIXTUS, DEI ET APOSTOLICÆ SEDIS GRATIA, EPISCOPUS FRISINGENSIS, UNIVERSIS ET SINGULIS DOMINIS ABBATIBUS, PREPOSITIS, DECANIS KATHEDRALIS, AC COLLEGIATARUM CANONICIS, PAROCHIALIUMQUE ECCLESiarUM RECTORIBUS, VICARIIS, ALTARISTIS, CAPELLANIS, CETERISQUE

INSQUE PRESBYTERIS, PER CIVITATEM ET DIOECESIM NOSTRAS FRISINGENSEM UBIQUE CONSTITUTIS, SALUTEM IN DOMINO SEMPERTERNAM.

Quia Spiritus Sancti gratia nobis cooperante Synodum celebramus, nostrequae intentionis sit in Nobis subditis vicia extirpare, virtutes plantare, eosque ad placendum Deo idoneos Ministros efficere, & cum nihil adeo dedecorare Sacerdotalem dignitatem videamus, sicuti concubinatum manifestum. Quare hac Synodali proclama omnes & singulos manifestos concubenarios nostrarum civitatis & Dioecesis, & eorum quemlibet monemus, & requirimus, ut infra triginta dierum spatium a Dat. presentium computando, quorum triginta dierum decem pro primo, decem pro secundo, & reliquis decem

eis, & cuilibet ipsorum pro tertia dilatione, & termino peremptorio assignamus, hujusmodi suas publicas concubinas a se, & sua conversatione realiter, & cum effectu abiciant, & cuilibet eorum a se abiciat, neque easdem, aut alias in locum illarum assumant, vel assumat. Alioquin contra eosdem, & eorum quemlibet nominatim procedemus, & procedere mandabimus ad declarationem penarum juris communis, & in Decreto Concilii Basiliensis per Nos recepto, & inter Statuta nostra posito decretarum & statutarum. Datum *Frisinge* die Jovis, decima nona mensis Januarii, sub sigillo Vicariatus, anno Domini &c. LXX. quinto.

R. P. Meichelbeck Hist. Frising. Tom. II. Parte Instrum. pag. 292.

CONCILIIUM CONSTANTIENSE

Circa annum Christi MCCCCLXXVI. Sixti IV. P. P. V. Friderici III. Reg. XXXV.

SUB HERMANNO EPISCOPO.

HERMANNUS, (a) DEI ET APOSTOLICE SEDIS GRATIA, EPISCOPUS CONSTANTIENSIS; UNIVERSO CLERO NOSTRO, TAM IN CIVITATE QUAM DIOECESI NOSTRIS, RELIGIOSO ET SECULARI, SALUTEM ET SINCERAM IN DOMINO CARITATEM.

Cum pridem tempore celebrate per Nos Synodi Episcopalis, nonnulli articuli, seu avilamenta pro parte vestra porrecti, & quatenus super his statuta, ordinationes, & responsiones nostras facere dignaremur, peticum, & seriofius supplicatum existat. Quare petitioni vestre benigne annuentes ad articulos, & avilamenta singulos, & singula, per vos, ut prefertur, porrectos, & porrecta de consilio nostrorum fidelium juris peritorum, & singulariter ad singula respondendum

deliberavimus, atque respondemus. Statuentes, & ordinantes, & nostris Synodalibus constitutionibus submissa, apponentes, & adicientes, ut sequitur:

I. *Ad Articulum primum*, qui talis est, & fuit tenoris. "Item cum varietas" perfolvendi horas Canonicas inducat" aliquo modo errorem, & scandalum," perimus, ut quivis Archi-Diaconus," Dominis sui Archi-Diaconatus singulis" annis Divinum dirigat ordinem, ad quem

(a) Hermannus de Lato Landenburgo ex Decano summæ Aedis eligitur Episcopus A. 1475. *judice Bruchio*, vere religiosus, mitis, munificus in pauperes: senio confectus, adigit Coadjutorem Ludovicum Nobilem a Freiberg, Canonicum: equidem Roma confirmationem quæsit, sed supplantatus a Coadjutore, ex ejus facti merore obiit anno 1477. *Hulnerus* XI. annos sedisse narrat contra plurimos, biennium Sedis assignantes. *Pregitzerus in Suevia sacra*.

Synodum Episcopalem a se celebratam dicit hic in Præfatione hujus declarationis Statutorum & Ordinationum, in Synodo editarum. *Damus repertas in codice MS. chartaceo Constantiensi*. Synodi Acta & Canones hæcenus non potui nancisci: sed ex declarationibus quadamtenus deteguntur.

Tomus V. Concilior. German.

" quem recipiendum singuli Sacerdotes
" teneantur.

Precipue de Septuagesima, & historiis imponendis Festo Annuntiationis Marie &c. Respondemus; quia petitio illius articuli expeditionem exigit onerosam. Cui nunc aliis prepediti curis vacare, & intendere nequivimus. Ideo primo majori deliberatione, que necessaria erit, hunc articulum, quoad ejus expeditionem Nobis imposterum reservamus.

II. *Ad articulum secundum*, sic sonantem. " Item cum districtus aliquis superpositus est Ecclesiastico interdicto, ex dispositione statutorum Synodali-um, quod huiusmodi relaxatio interdum gratis fiat, salvo salario scriptoris, reservamus tamen Domino actionem contra eum, qui causam, vel occasionem dedit interdicto.

Petitioni, ut licite favorabiliter annuentes statuimus sic fieri, & servari debere.

III. *Super tertio articulo*, qui talis fuit, & est. " Item quod de cetero nullus citetur super obijciendis ad falsam relationem vilium personarum, quemque denuntiant potius ex odii fomite & livore, quam zelo justitie & correctionis fraterne, ut est de dispositione juris.

Circa huiusmodi articulum ordinantes, quia in his certa regula tradi non potest, Vicario nostro in Spiritualibus commissimus, ut in his juxta qualitatem personarum, tam deferentiam, quam delatarum distinctionem, & circumspexionem habeat diligentem & exactam, ut Clerus noster faciliter non vexetur.

IV. *Ad quartum videlicet*. " Item, quod certa, & determinata taxa servetur circa fornicarios, & prolificatores non scandalosos, sicut ab antiquo fuit libra denariorum.

Servari volumus per Vicarium nostrum, ut supra ad tertium articulum ordinavimus.

V. *Ad quintum articulum*. " Item quanti ex juris dispositione facienda est inquisitio per Procuratorem Fisci, aut alium ad hoc deputatum, qui talis

(b) Sensus falsus vel obscurus.

" Inquisitor sit persona honesta, & Ecclesiastica, non laicalis in matrimonio constituta; qui ut scandalo visum est, jumenta detulerunt Clericis, & infantes per eos puniti fuerunt, & fontes impune evaserunt.

Petitioni annuentes statuimus sic fieri, & servari debere.

VI. *Super sexto articulo*. " Item con- queruntur singuli Rectores & Clerus universus de questionariis precipuis, five Sancti (b) Episcopus Sanctorum Valentini, Antonii, Bernardi &c. quomodo multivarie per tales graventur, primum absurda, & piarum aurium offensiva in cancellis verbum Dei evangelisando committunt.

Ordinantes statuimus, ut deinceps non mandetur, questores ad ambones Ecclesiarum admitti debere, nisi alias a Sede Apostolica super hoc fuerint privilegiati. Et servetur *Clementina: Abusibus de pe. & re.*

VII. *Ad septimum*. " Item quod per amplius denegant persolvere quartam ipsi Rectoribus, cujus contrarium hactenus observatum fuit.

Volumus a quibuscunque questuariis, tamquam in petitione Ecclesie nostre Constantiensis, quartam partem Rectoribus & Plebanis solvi.

VIII. *Super octavo*. " Item in precipuis, & majoribus Festivitatibus, & in Dedicationibus, & Patrociniiis Ecclesiarum suas instituunt petitiones non in modicum gravamen Rectorum, & ipsarum Ecclesiarum, & quadragesimali tempore in prejudicium petitionis Matricis Ecclesie.

Considerantes licitum esse, ut petitiones huiusmodi Festivitatibus non instituantur, volumus questores deinde dictis diebus, & Festivitatibus a collectione sequestrari, nisi ex Superiori facultate utpote Sedis Apostolice se ad hoc admitti debere docuerint.

IX. *Ad nonum*. " Item quod fieret statutum, que festa Sanctorum deberent sub banno festuari. Et videtur Clero, quod aliqua Festa Sanctorum de cetero non festivantur sub banno.

Quia varietas consuetudinis vix certa

tam super hoc admittat constitutionem. Ideo presentem articulum nunc pertransimus.

X. *Ad decimum.* " Item quod fieri provisio circa fratres mendicantes, qui suis in cancellis quandoque incaute loquuntur, offendentes Clerum imo non verentur; universitates a Sede Apostolica approbatas publice offendere, & auctoritati eorum detrahere.

Statuimus & ordinamus, ut Religiosi mendicantes nostræ Diocesis servant Cle. *Dudum.* Et si contra eam in domitis linguis, & indifferere predicaverint, juxta posse nostrum eos compellimus, & Clero nostro auxilio erimus.

XI. *Super undecimo.* " Item in nonnullis locis Diocesis Constantiensis auctoritate Apostolica illuc confluentes, peccataque consentientes, ut veretur preter ritum Ecclesie, & animarum salutem absolventur ab his, qui nec vinum, nec oleum vulneribus sauciatis infundere sciunt, petitur, ut condigni, & viri pro hujusmodi exequendis deputentur, prout in jure cautum est.

Ita fieri debere volumus, atque Divino auxilio ordinamus.

XII. *Ad duodecimum.* " Item quod Capellani in Divinis Officiis peragendis sint auxilio, & adjutorio suis Superioribus cantando, legendo &c. Non obtinentibus quibuscunque comprehensis in dotationibus suorum Beneficiorum.

Ordinamus, & statuimus Capellanos singulos juxta dotationes, & laudabiles consuetudines, & jus commune ad cooperandum Plebanis strictos esse.

XIII. *Super tredecimo.* " Item de *Lol-bardis, & Begutis*, quantum ad Eucharistie Sacramenti susceptionem servetur juris dispositio, quod in mense dumtaxat semel illud suscipiant.

Ita fieri, & servari debere volumus.

XIV. *Ad quartum decimum.* Item conqueritur Clerus, quomodo nobis les ipsius Diocesis minentur ipsis mortem, si exequantur mandata Divina.

Quoniam tempora jam sint peri-

Tomus V. Concilior. German.

(*) *Sensus obscurus.*

culis plena, tamen juxta posse de his providebimus.

XV. *Ad quintum decimum.* " Item est Clerus dubius, quis in occultis reservatis Episcopo habeat absolvere, aut quivis alterius indistincte.

Collectorem petitionis matricis hanc facultatem auctoritate nostra tradere, aut eam a Vicario nostro, qui illam gratis dabit, recipi volumus.

XVI. *Ad decimum sextum.* " Item desiderant Decani rurales, & Prelati Collegiatarum Ecclesiarum, ut facinorosi, vagabundi, seu peregrini Sacerdotes sint (*) pro suis delictis a Decanis ruralibus condigna pena plecti, & puniri.

Non videtur Nobis petitioni annuendum, sed reservamus talem facultatem apud Nos & nostrum Vicarium, discretionem tamen juxta excessuum qualitatem servari volumus.

XVII. *Ad decimum septimum.* " Item conqueruntur Religiosi, Prelati & seculares, quod non defendantur, neque teneantur in suis juribus, & sustineant suis demeritis non exigentibus diffidationes, aliaque intolerabilia suorum Monasteriorum, & Ecclesiarum onera, & nemo sit illis Adjutor, neque Defensor in hujusmodi molestationibus.

Assistentiam, & defensionem eis faciemus Nobis possibiles.

XVIII. *Ad decimum octavum.* " Item conqueruntur se Prelati gravatos in hoc, quod Dominus noster Constantiensis provisores faciat certos laicos, & Clericos, qui non sunt capaces habitus, & professionis Monasteriorum, quibus diriguntur, dando primas partes ad sua Monasteria.

Statuimus ut de cetero non fiant talia de laicis, & personis inhabilibus.

XIX. *Ad decimum nonum.* " item cum omnis Monachus subiectus sit Abati suo tamquam ordinario. Conqueruntur Domini Prelati, quod eorum subiecti Fratres per Dominum Reverendissimum citentur.

Volumus & statuimus, ut Prelati suos Monachos corrigant, & emendent, absque eo, quod a Nobis, aut nostris

Vicario, & Officiali citentur. Nisi negligentia Prelatorum aliud suaderet, vel aliquis Monachorum ad querelas aliorum fuerit citatus.

XX. *Ad vicefinum.* " Item conquerruntur Domini Prelati de certis Clericis beneficiatis, quod illi non contenti corpore suarum Prebendarum eos conveniant super competentia quamquam specificato sibi corpore illa sumptierint beneficia.

Volumus servari dispositionem juris, cui non habemus derogare.

Ad ultimum. " Item ut statutum de Judeis servetur, & stricte observari mandetur ex causa urgente.

Ita servari volumus, precipimus, & mandamus.

CONRADUS ARMBROST,
Notarius sp.

Ex Libro MS. *Constitutionis* mihi submisso,
& communicato.



VESONTIONE CONCILIUM

Anno Christi MCCCCLXXX. Sixti IV. Pp. IX.
Friderici III. Reg. XL.

SUB CAROLO (a) DE NOVO CASTRO, ARCHI-EPISCOPO
VESONTIONENSI.

I. *Quod Decani rurales debeant comparere in Synodo.*

Decani Christianitatis (quos rurales vocamus, alii Archi-Presbyteros) compareant in utraque collatione Synodi Vesontionensis cum superpelliciiis albis, mundis, & honestis; similiter & Curati, seu eorum Vicarii cum superpelliciiis (præsertim in Synodo marutina) diligenterque attendant ad verba sacræ exhortationis, & ad alia, quæ eis dicentur & mandabuntur, nec recedant ab ipsa Synodo absque Nostra, aut Vicarii Generalis nostri licentia.

II. *Qualis debet esse vita Sacerdotis?*

Clerici omnes, qui Christi sunt famuli, sicuti laicos gradu & professione antecedunt, ita scientia, bonorum operum actione, virtute, morum honestate & sanctitate præcellere debent, ut ostendant in semetipsis, qualiter oporteat laicos in Ecclesia Catholica, quæ Domus Dei est, conversari. Vilissimus enim reputandus est, qui alios dignitate & honore præcellit, nisi scientia & sanctitate præstantior sit. Caveant igitur sibi Sacerdotes ab omni luxu profano, fastuoso & carnali tam in vita, quam in cultu,

& ab omni specie mali abstineant: decorumque conditionis suæ atque status servent, non solum coram Deo, sed etiam coram hominibus; ne occasionem dent adversario maledicendi. Idem renovatum statutum in Synodo anni MDLXXXIII.

III. *Clerici compositione exteriori corporis suæ conditionis dignitatem ostendant.*

Clerici omnes & singuli in habitu & incessu suam professionem, religionem, & statum probent, & ostendant: non quærant in vestimentis aut calceamentis decorem: sed aliorum sui status & ordinis, cum quibus vivunt, bonos & simplices mores observent. Sit eorum etiam incessus ornatus & modestus: non modo festinus, modo tardus, ut gravitate itineris mentis maturitatem ostendant: nam incompositio corporis inæqualitatem mentis indicat.

IV. *Ne arma ferant Clerici.*

Non ferant arma, quorum arma sunt orationes & lacrymæ, & quos vitæ sanctimonia tutos & venerabiles reddere debet.

Repetitum statutum in Synodis Vesontionensibus anni 1573. & 1648.

V.

(a) Carolus de Neuchatel, ante Episcopus Bajocensis & Abbas S. Pauli, Vesontione eligitur Archi-Episcopus anno 1462. Vesontionensis ordine LXXXV. cum esset annos natus XXI. Obiit anno 1498. *Histoire Ecclesiastique d'Allemagne* T. II. pag. 195.

V. Clerici caste vivant, & confortia
suspectarum mulierum fugiant.

Clerici caste, continenter & pudice
vivant: nam castitas sola est, quæ cum
fiducia Deo possit hominum animas præ-
sentare. Non habeant in domibus suis
feminas, quarum vita & conversatio
suspecta sit de incontinentia, ut in con-
spectu Omnipotentis Dei puro ac casto
corpore, ac mundo corde ministrare
valeant.

VI. Clerici spectaculis non intersint, nec
ea exhibeant.

Turpibus & obscenis spectaculis,
aut confabulationibus ne intersint: quia
corrumpunt bonos mores (b) colloquia prava.
Minus ergo licebit spectacula ipsa exhi-
bere, & histrionum habitu prodire in
theatrum, fabulasque recitare scenicas.

VII. In vel prope Ecclesiam neque nundinæ,
neque judicia laicorum ha-
beantur.

Clerici non patiantur in Ecclesiis,
aut cœmeteriis suis choreas fieri, aut ne-
gotiationes mercantium & nundinarum,
seu etiam judiciorum laicalium strepitus
& causas teneri.

Hæc ex Statutis Synodi anni 1480. multis
pauca excerpta lego in libello, cui
titulus: " Statuta & Decreta Syno-
dalia Bisuntinæ Diœcesis, publicata
ab anno 1480. ad 1707. jussu RR.
D. Francisci Josephi de GRAMMONT
Archi-Episcopi Bisuntini, S. R. I.
Principis. Impressa Vefontione
anno 1707. typis Societatis Typo-
graphicæ.

(b) I. ad Corinth. XV, 33.

SYNODUS VESONTIONENSIS

Anno Christi MCCCCLXXXI. Sixti IV. Papæ X.
Friderici III. Imp. XLI.

SUB CAROLO DE NEUCHATEL, ARCHI-EPISC. VESONTIONIS.

Duo Statuta sequentia excerpta describo.

I. Ne permittant Curati Quæstus in suis
Parochiis fieri sine literis
Ordinarii.

II. Clerici contra Clericos coram Judice
seculari litigare prohibentur.

Curati, seu eorum Vicarii non per-
mittant aliquos in suis Ecclesiis
quæstus quoscunque facere sine literis
nostris, aut nostri Vicarii Generalis. Ne
permittant eos verbum Dei prædicare,
aut aliud proponere, quam in veris li-
teris Apostolicis, aut in literis nostris sit
expressum, nisi tales sint viri literati, &
personæ graduatæ notæ, & in literis no-
stris nominatæ, & diligenter videant
datam literarum postularum, si sit pro
anno, in quo accedunt ad Ecclesias eo-
rum, & si in eis sit aliqua rasura, aut
alia suspicio. Si quos autem abufores
noverint, illos cum suis literis & bonis
capiant, arrestent, & ad Nos ducant fi-
deliter & severe.

Excommunicamus omnes Clericos,
qui contra Clericum, seu aliam quam-
cunque Ecclesiasticam personam coram
Judice seculari litigaverint in personali-
bus actionibus, & eos præcipimus ex-
communicatos publice nuntiari singulis
diebus Dominicis & Festivis.

Hæc duo ex plurimis Synodis ab anno
1480. ad 1717. De anno 1482. affer-
vavit libellus inscriptus: " Statuta,
seu Decreta Synodalia Bisuntinæ
Diœcesis, jussu D. Francisci Josè-
phi de GRAMMONT, Archi-Episc.
Bisuntini, S. R. I. Principis publi-
cata. Excusa Vefontione A. 1707.
Typis Societatis Typographicæ
in 8vo.

*Renotatum statutum in Synodo Vefon-
tionensi anni 1647.*

FRISINGENSIS SYNODUS

Anno Christi MCCCCLXXX. Sixti IV. Papæ IX.
Friderici III. Imp. XL.

*Statuta innovata, & de novo edita in Synodo celebrata per Reverendum
in Christo Patrem, & Dominum SIXTUM, Episcopum Ecclesie
Frisingensis, Frisinge diebus Mercurii, & Jovis post
Dominicam: MISERICORDIAS
DOMINI.*

De Vita & honestate Clericorum.

Quia Clericorum est in se ipsis imple-
re Domini voluntatem, & lucere
per bonam conversationem, qua-
liter oporteat alios in domo Domini con-
versari. *Sacra Synodo approbante statuimus,*
volumus, ac mandamus universos Cleri-
cos nostre Diocesis, prefertim beneficia-
tos, & in sacris constitutos, honeste,
Clericaliter, & devote se exhibere, a cra-
pula, & ebrietate abstinere, indumenta-
que scissis in oris, seu extremitatibus, ab
extra superducta, mitras caudatas penitus
dimittere; cingulos, & monilia auro & ar-
gento, vel alio metallo excessive splen-
dentia, ad modum laicorum, abjicere
penitus & vitare. Vestimenta rubei, aut
viridis coloris, deferre Clericos omnino
prohibemus. Equalibus colliriis in
joppulis, tunicis, sive mantellis, ne alte-
rum respectu alterius in circumferendis
eminentius appareat, utantur. Mitram
capiti suppositam, capucium deferant
Clerici humeris suis reverenter ipsis in
publico deambulantibus. Contra faci-
entes vero, ultra penas juris communis
per suspensionem proventuum, Benefi-
ciorum Ecclesiasticorum, fabricæ appli-
candorum secundum quod proterviamer-
uerit, & excessus, artius per Nos, aut
Vicarium nostrum puniantur.

Item inhibemus omnibus Clericis
supradictis in publico, vel alibi presenti-
bus laicis, tabernas intrare, preterquam

in itinere constitutis, vel ex alia causa
rationabili. Et omnes ludos inhonestos
maxime taxillorum exercere. Contra
facientes pena juris communis, vel ad
arbitrium nostrum, aut Vicarii nostri pu-
niri volumus & mandamus.

Item statuimus, & in virtute sancte
obedientie districte precipiendo manda-
mus, ut nullus Clericorum cautionem, vel
tabernarium hospitem sibi constituat con-
tinuum in domo habitationis sue, aut
potum venalem negociacionis causa ex-
ponat publice, aut vendat. Permittimus
tamen domos Prelatis, & Monasteriis pro
hospitalitate rationabiliter introducta, &
secundum permissum regule, & juris
communis, contra facientes vero arbitrio
nostro, aut Vicarii nostri artius puniri vo-
lumus, & mandamus. Ut etiam Clericus,
qui in Domini sortem assumptus est, Di-
vinis officiosis inhiat ministeriis districte
inhibemus, & sub obedientie pena man-
damus, ne quis Clericus cujuscunque
dignitatis, religionis, aut secularis existat,
venationes, & sylvas vagationes cum
canibus exerceat, penis nihilominus ju-
ris contra tales promulgatis in suo robo-
re permanferis.

De Continentia Clericorum.

Volumus concubinatam evitari sub
penis, & juxta decretum Sacri Generalis Ba-
silienfis Concilii, quas penas una cum pe-
nis juris contra inobedientes exequi pre-
cipi.

Sixtus de Tannberg in Auroltzmünster illustri sanguine ornis, J. V. D., Canonicus Fri-
singensis, fit anno 1456, Præpositus Isanensis, anno 1458. Camellarius Joannis Præ-
decessoris sui, eodem cedente eligitur 1474. Episcopus Frisingensis ordine XLV.
Pridie Idus Januarii. *Hactenus Meichelbeck Tom. II. pag. 262.*
Synodum narrat h. a. 1480. ab eodem celebratam & typo vulgatam, & d. parum diver-
sam a Synodo 1440. *Idem Meichelbeck pag. 267.*

cipimus, & mandamus, cujus decreti tenor sequitur per omnia in hec verba:

SACRO-SANCTA GENERALIS
SYNODUS BASILIENSIS, IN SPIRITU
SANCTO LEGITIME CONGREGATA,
UNIVERSALEM ECCLESIAM
REPRÆSENTANS, AD PERPETUAM REI MEMORIAM.

Quicumque Clericus cujuscunque status, conditionis, religionis, dignitatis, etiam si Pontificalis, vel alterius preeminentie existeret, qui per hujus constitutionis noticiam, quam habere presumatur, per duos menses post publicationem ejusdem in Ecclesiis Cathedralibus, quam ipsi Diecepsani omnino facere teneantur, postquam eadem constitutio ad earum noticiam pervenerit, fuit publicus concubinarium, a perceptione fructuum omnium suorum Beneficiorum; trium mensium spacio sit ipso facto suspensus, quos suus superior in fabricam, vel aliam evidentem Ecclesiarum utilitatem, ex quibus hi fructus percipiuntur, convertat. Nec non & hujusmodi publicum concubinarium, ut primum talem esse innoverit, mox suus Superior admonere teneatur, ut infra brevissimum terminum concubinarium dimittat, quod si non dimiserit, vel dimissam, aut aliam publice resumpserit: jubet hec Sacra Synodus, ut ipsum omnibus suis beneficiis omnino privet. Et nihilominus hi publici concubinarium usquequo cum eis per suos Superiores post ipsarum concubinarum dimissionem, manifestamque vite emendationem fuerit dispensatum, ad suspensionem, quorumcunque honorum, dignitatum, beneficiorum, & officiorum sint inhabiles. Qui si post dispensationem, recidivo vomitu ad hujusmodi concubinarium redierint sine spe alicujus dispensationis ad predicta prorsus inhabiles existant. Quod si hi, ad quos talium correctio pertinet, eos, ut predictum est, punire neglexerint eorum Superiores tam in ipsos de neglectu, quam in illos pro concubinato modis omnibus digna punitione animadvertant. In Conciliis etiam Provincialibus, & Synodalibus adversus tales punire ne-

gligentes, vel de hoc crimine diffamatos, etiam per suspensionem a collatione beneficiorum, vel alia condigna pena severiter procedatur. Et si hi quorum destitutio ad Summum Pontificem spectat, per Concilia Provincialia, aut suos Superiores, propter publicum concubinarium reperiuntur privatione digni, statim cum processu inquisitionis ipsi Summo Pontifici deferantur. Eadem diligentia, & inquisitio in quibuscunque Capitulis Generalibus, & Provincialibus quoad suos servetur, penis aliis contra predictos, & alios non publicos concubinarium statutis in suo robore permanentis; publici autem intelligendi sunt non solum hi, quorum concubinarium per sententiam, aut confessionem in jure factam, seu per rei evidentiam, quam nulla possit tergiversatione celari, notorius est. Sed qui mulierem de incontinentia suspectam, & infamam tenet, & per suum Superiorem ammonitus ipsam cum effectu non dimittit; Quia vero in quibusdam religionibus nonnulli jurisdictionem habentes pecuniarios questus a concubinarium percipere non erubescunt, patiendi eos in tali feditate sordescere, sub pena maledictionis eterne precipit, ne deinceps sub pacto, compositione, aut spe alicujus questus, talia quovis modo tolerant, aut dissimulent. Alioquin ultra premissam negligentiam penam, duplicem ejus, quod propterea acceperint, restituere ad pios usus omnino tenentur, & compellantur. Ipsas autem concubinas, seu mulieres suspectas, Prelati modis omnibus curent a suis subditis, etiam per brachii secularis auxilium, si opus fuerit penitus arcere. Qui etiam ex tali concubinato procreatos filios apud patres suos cohabitare non permittant. Jubet insuper hec Sacra Synodus, ut etiam in predictis Synodis, & Capitulis hec constitutio publicetur, & quilibet suos subditos ad ipsarum concubinarum dimissionem moneat diligenter. Injungit præterea omnibus secularibus viris, etiam si regali præfulgeant dignitate, ne ullum qualecunque inferant impedimentum, quocunque questu colore Prelatis, qui ratione officii sui adversus suos subditos pro hujusmodi concubinato procedunt. Et cum omne fornicationis crimen Lege Divina prohibitum sit, & sub

pec.

peccati mortalis pena necessario evitandum, monet omnes, tam uxoratos, quam solutos, ut similiter a concubinato abstineant, nimis enim reprehensibilis est, qui uxorem habet, & aliam mulierem accedit. Qui vero solutus est, si continere nolit, juxta Apostoli consilium uxorem ducat, pro hujus autem Divini observatione precepti, hi ad quos pertinet, tam salutaribus monitis, quam aliis Canonicis remediis omni studio laborent.

De Clericis ignotis, & peregrinis.

Quia Pastoralis sollicitudini incumbit subditis providere, ne ab ignotis seducantur, quos nonnunquam recepimus retroactis temporibus, reprobos, abjectos, & quod detestabilius facinerosos, & inhabiles circa Divina se ingessisse in animarum pericula, & scandalum plurimorum. Districte sub excommunicationis pena precipimus, & mandamus. Universis dicte Diocesis Prelatis, Decanis, & Ecclesiarum Rectoribus, ne de cetero aliquem aliene Diocesis, seu peregrinum se pro Presbytero gerentem, vel in sacris constitutum ad ipsorum consortium, Sacramentorum, & Sacramentalium administrationes, vel alias regimini cure quoque admittant, nisi desuper literis nostris, aut Vicarii nostri patentibus, aut alias legitimis documentis certificati fuerint.

Ne Clerici Jocularibus, vagis Scholaribus, & similibus Goliardis largiantur.

Ne Redemptoris nostri Crucifixi Patrimonium inutiliter expendatur, & in usus turpes exquisitis diabolicis suasionibus convertatur, de quo est pauperum necessitatibus succurrendum. Statuimus & in virtute sancte obedientie inhibemus, ne Prelati, Religiosi, aut seculares, & Clerici quocunque nomine censeantur, mimis, jocularibus, hystrionibus, buffonibus, seu hominibus artis lubricæ, pretextu nuptiarum, milicie, vel alterius similibus causis quidquam sub quocunque modo, specie, aut forma, nec otium in pecunia numerata largiantur.

Ut Clerici personaliter resideant, nec plura Beneficia habeant.

Animarum periculis, que cunctis opibus preferuntur, desiderantes occurrere, statuimus, volumus, & sub pena privationis beneficii mandamus, ut omnes habentes Ecclesias, quibus cura animarum dinoscitur annexa, personaliter in eisdem resideant. Absentes infra hinc & Festum Purificationis proxime futurum se ad residenciam corporalem recipiant, aut Nos, seu Vicarium nostrum legitime informant, quare in eisdem residere non debeant, & teneantur. Omnes quoque, & singuli compatibilia de jure beneficia retinentes, Nobis, aut nostro Vicario infra eundem terminum dispensationes super hoc obtentas indicent, & ostendant. Inhibemus quoque sub eadem pena, ne quisquam Vicariam teneat præter unam, nisi necessitatis evidentis causa per Nos, aut Vicarium nostrum aliud fuerit concessum, & permissum.

Ut Canonici suis Prebendis deserviant.

Quia beneficium datur propter officium, statuimus, quod quicunque Canonicus Ecclesie Cathedralis, vel alterius Collegiate dicte nostre Diocesis per se, vel per alium officium suum, quod exhibere debet in ordine quocunque secundum consuetudinem Ecclesiarum habetenus observatam per unam septimanam continuam neglexerit, quacunque causa, vel occasione, decem libras denariorum usualis monete ad fabricam ejusdem Ecclesie solvere teneatur. Si vero minus quam per unam septimanam neglexerit, eandem penam proportionabiliter, & secundum ratam temporis persolvere teneatur. Si vero minus, quam per unam septimanam neglexerit, ut predicatur, ab omni stipendio Prebendali Prebende, quam habet in Ecclesia penitus sit suspensus, donec solverit penam integraliter superius expressam. Qui autem tertiam neglexerit septimanam, ad nullum actum Capitularem, nec ad aliquod stipendium Prebendale admittatur, donec de pena satisfecerit memorata. Nec non ad arbitrium nostrum

strum alias puniatur, prout visum fuerit expedire. Nolumus tamen per hanc nostram ordinationem statutis, & consuetudinibus earundem Ecclesiarum, quantum ad penas alias contra tales fulminatas, aliquatenus derogari.

De non recipiendis Canoniciis, Prebendis non vacantibus.

Ne per receptionem Canonicoꝝ Prebendis non vacantibus, aliene mortis votum turpiter ingeratur; Statuimus, & inhibemus, ut de cetero nullus recipiatur in Canonico Ecclesie dicte Dioecesis, nec in aliqua Collegiata dicte Dioecesis, nisi prius vacaverit stipendium prebendale, quod illi, qui assumitur in Canonico, assignetur. Alioquin receptio in contrarium facta nulla sit ipso facto, nisi facta fuerit de licentia nostra speciali.

De Penitentia.

Quoniam nonnulli Sacerdotes regulares, & seculares in penitentia frena laxare, & extra terminos sibi positos, auctoritatem in casibus superioribus reservatis presumere ausu temerario referuntur; sub excommunicationis pena inhibemus: ne quisque Sacerdotum religiosus, vel secularis dicte nostre Dioecesis quemcunque sibi confitentem in casibus Sedi Apostolice de jure, vel consuetudine reservatis absolvere presumat, nisi habita ejusdem sedis desuper indulgentia, & mandato speciali. Nec etiam in casibus similiter de jure, aut consuetudine Episcopo reservatis, aliquem absolvere attemptet, presertim excommunicationis majoris vinculo innodatum, hereticum, judæum, fautores alterius eorundem, laicum predicatorem, aut auditores ejus, spoliatores alicujus dotis, aut Sacerdotis, maxime in agone, aut temerarium occupatorem bonorum Ecclesie, depopulatorem agrorum, vinearum, aut ortorum, incestuosum fornicatorem cum Sanctimoniali, homicidam etiam casualem, publicantem confessionem, peccantem contra naturam, aut cum brutis, sacrilegum, incantatorem, aut incantatricem, precipue cum Sacramentis, Sacramentalibus vel offibus mortuorum, prolis oppressorem, etiam a casu incendiarium, commercia habentem cum Judeis maxime in usuris,

preparantem, propinantem, ementem, aut vendentem venenum, presertim in machinationem mortis proximi, demonem invocantem, eudentem falsam monetam, utentem scienter auro vel argento falso, cogentem Christianum dare usuras, blasphemum Christi nominis vel Sanctorum, falsum testem, coeuntem cum Judea, obligatum ad vagas restitutiones: Nec quenquam alium enormibus criminibus irretitum, non habita desuper a Nobis, aut Vicario nostro commissione speciali & expressa, vagarum etenim rerum distributionem fiendam Nobis reservent, ad nosque legitime deducant, quam, si secus factum per eosdem fuerit, tantundem fabricæ Ecclesie nostre Frisingensis, quantum distribuere contra nostram prohibitionem presumpserint, sub excommunicationis pena infra duos menses immediate sequentes persolvant.

Item volumus sub eadem pena omnes Confessores absolvendo uiri ad minus illis verbis: *Ego absolvo te a peccatis tuis, & restituo te Sacramentis Ecclesie, in nomine Patris, & Filii, & Spiritus Sancti.*

Inhibemus insuper sub dicta excommunicationis pena districte precipiendo: ne quisque Sacerdotum secularis, vel religiosus nostre Dioecesis, non habita desuper Sedis Apostolice, Nostra, aut Vicarii nostri licentia speciali, se intromittat, de distributione rerum male acquisitarum, incertarum, seu vagarum.

De Benedictione salis, & aspersorii Dominicis diebus.

Cupientes affectum devotionis augmentari, mandamus in virtute sancte obedientie, & volumus, omnes Sacerdotes, qui Parochiis presunt, singulis diebus Dominicis aquam & sal benedicere, ac eosdem una cum toto Clero ad ipsas Ecclesias spectante, horis consuetis ante Missarum solennia Ecclesiam processionaliter circuire. Ut autem populus ad hujusmodi processiones invitetur, omnibus vere penitentibus, confessis, & contritis ipsam processionem devote sequentibus sub fiducia Divine pietatis de thesauro Ecclesie quadraginta dies indulgentiarum de injunctis eis penitentis in Domino misericorditer relaxamus. Quas quidem indulgentias per Recto-

res supra dictos extunc volumus publicari.

De annuali confessione Superiori facienda.

Quia ex pastoralis sollicitudine incumbit Prelatis, subditorum suorum vulgum intrinsecus agnoscere secundum talentum creditum; statuimus preterea, volumus, & in virtute sancte obedientie mandamus, ut omnes Abbates, Prepositi, Decani, Archi-Diaconi nostre Diocesis specialiter non exempti, Nobis, aut Vicario nostro: omnes vero Sacerdotes inferiores suis Decanis, Monachi suis Abbatibus, vel Prepositis, qui per Prepositum soliti sunt gubernari, semel in anno omnia peccata sua confiteantur. Nisi alicui ipsorum de speciali nostro, aut Vicarii nostri indulto aliud fuerit concessum, seu indultum.

De symonia, & ne aliquid pro Sacramentis, & Sacramentalibus exigatur.

Districte precipiendo interdiciamus, ne quisque Sacerdotum pro reconciliatione penitentium, aut pro administratione alicujus Sacramenti, vel aliquorum Sacramentalium paciscatur de sibi danda pecunia, vel aliquo alio æquivalenti pro eodem. Sed volumus dispositis abque dilatione pro tempore & loco congruis, eadem administrari & exhiberi secundum ritum Ecclesie. Verum, quia rationis & juris explorati existit, quod socii passionum sint pariter & socii consolationum, permittimus expostexigi, etiam cum imploratione officii judicis, quantitatem in talibus ex consuetudine debitam, ad quam laicos hortamur, & quantum de jure est, astringi, & compelli volumus.

Item inhibemus sub pena privationis officii, ne aliquis Sacerdotum quencumque notorie delinquentem, accepta pecunia, vel alio commodi temporali, pena condigna corrigere pretermittat.

Item interdiciamus, & districte inhibemus, ne quisquam Clericorum cujuscunque status fuerit, censum de aliquo Beneficio, aut pecuniam, vel emolumentum aliud, ex pacto, quoquo nomine anticipande pensionis, vel alio quocunque quesito colore augeat, vel aliquem augere compellat. Contrafa-

cientes tam dantes, quam recipientes, duplum, quod dederint, & receperint, Nobis irremissibiliter solvere teneantur, & nihilominus juxta arbitrium nostrum, aut Vicarii nostri actius punientur.

Item volumus Statutum five Decretum Generalis Concilii Constantiensis de Symonia editum publicari, ut in fine, quoniam contra transgressores ejusdem districtius Deo dante procedemus, cujus tenor per omnia sequitur in hec verba:

MARTINUS &c. &c. Multe contra Symoniacam pravitatem ab omnibus facte sunt Constitutiones, quibus morbus ille non potuit extirpari. Nos volentes de cetero, ut possumus, attentius providere, Sacro approbante Concilio declaramus, quod ordinati symoniace ab executione suorum ordinum sint eo ipso suspensi. Electiones aut postulationes, confirmationes, & quævis provisiones symoniace, Ecclesiarum, Monasteriorum, Dignitatum, Personatum, Officiorum, & Beneficiorum Ecclesiasticorum quorumcunque deinceps facte, nulle sint ipso jure. Nullumque per illas jus cuiquam acquiratur, nec promoti, confirmati, aut provisi faciant fructus suos. Sed ad illorum restitutionem tanquam inique ablatorum percipientes teneantur. Statuimus insuper, quod dantes & recipientes ipso facto sententiam excommunicationis incurrant, etiam si Pontificali aut Cardinalatus prefulgeant dignitate.

De usurariis & eorum penis, nec non preemptionibus.

Usurarum voraginem detestantes inhibemus omnibus Christi fidelibus nostre Diocesis tam Clericis, quam laicis, ne pecunias ad usuras mutuent, aut in impignoratione ultra sortem aliquid ex pacto recipiant, nec preemptiones detestabiles faciant, aut alios quoslibet actus usurarios exercent. Quod si quis contra fecerit, ultra penas juris communis, & Concilii Provincialis Salzburgenfis subiaceat solutioni decem librarum denariorum usualium, irremissibiliter solvendum, ad fabricam Ecclesie, aut in usum pauperum juxta nostrum, aut nostro nomine judicantis arbitrium convertendas.

Inhi-

Inhibemus insuper sub excommunicationis pena univēsis Prelatis, Decanis, Plebanis, & ceteris quibuscunque Religiosis, & Secularibus, ne aliquem dictis criminibus manifeste reum satisfactione non premissa, ad quam tamen eosdem induci volumus modis possibilibus, Ecclesiastice tradant sepulture.

Ne preventi & in enormibus decedentes, aut occisi, Ecclesiastice tradantur sepulture.

Insuper presenti constitutione duximus inhibendum univēsis Clericis nostre Diocesis, ne suspensos patibulo, decollatos, vel alias qualitercunque per sententiam mortis traditos, in torneamentis, ludis publicis, spectaculis, aut alios occisos vel subito defunctos, qui non eodem anno confessi, vel alias in mortalibus peccatis morte preventi fuerint, vel non receperint Eucharistie Sacramentum, nisi de consilio Sacerdotis duxerint abstinendum, tradere presumant Ecclesiastice sepulture, nisi licentia nostra, aut Vicarii nostri super hoc petita diligentius & obtenta; nihilque pro concessione hujusmodi exigatur, neque recipiatur. Sed duntaxat Notario salariū competentis solvatur.

De Eleemosynariis & Questoribus admit- tendis, vel non.

Abusio nibus Questorum viam precludere cupientes, statuimus, volumus, & mandamus, quod hi, qui presunt Ecclesiis, nullum quarumcunque occasione literarum petere, aut colligere eleemosynas permittant, nisi literis eorundem prius diligenter perspectis, & Ordinarii, quibus appareat, quod sue literę sint vere, ac earundem authoritas adhuc duret, seu non expiraverit, quo comperto nulla portione decerpta, exacta, vel requisita ab eisdem pro eleemosyna petenda admittantur, quod si qui contra fecerint, triplum restituere teneantur ad usum, quibus eleemosyne sunt deputate, remissione colligentium minime profutura. Nec Questores propria in persona quicquam proponere populo permittantur. Sed per Plebanos, seu Rectores Ecclesiarum promoveantur, hortantes preterea univēsos & singulos nostre Diocesis laicos, ne Questores

& collectores hujusmodi in elemosynis colligendis, quoquomodo perturbent, aut impedire presumant. Precipimus insuper & mandamus omnibus Prelatis, Rectoribus, & Vicariis Ecclesiarum sub excommunicationis pena, quod omnes falsos Questores, qui non exhibent per omnia sanas literas, detineant captivos, ipsosque Nobis, aut Vicario nostro transmittant, seu denuntient, quantocius poterint pro demeritis puniendos, taliter, quod exemplis eorum ceteri similia facere pertimescant.

Ne mendicantes sine testimonio literarum suorum Superiorum, & Episcopi admittantur.

Volumus, statuimus, & mandamus, quod Rectores Ecclesiarum nostre Diocesis, fratres mendicantes nequam invitent, vel admittant, nisi de proponendo verbum Dei, & audiendis confessionibus, a suis Superioribus licentiam, & ab Ordinario auctoritatem Canonice presentationis, examinationis, & admissionis literis authenticis, & patentibus, eisdem sufficienter patefiant. Volumus quoque Rectores laicos sub excommunicationis pena inhibere, ne alios fratres mendicantes, quam taliter presentatos, & admissos in confessionibus adeant. Ipsi etiam fratres in decedentium, sive recedentium talium presentatorum, & admissorum locum nullum surrogare, aut substituere quoquomodo debeant, nisi prius sit Ordinario presentatus, & per eundem, ut prefertur, admissus. Insuper volumus, & sub excommunicationis pena mandamus: ne quivis administrationem & curam animarum exercens, religiosos quoscunque, etiam si literas suorum superiorum, ut extra Monasteria sua morari valeant, eisdem ostendant, admittant, nisi habitibus eorum pro religione sua solitis incedant, seque pro religiosis patenter gerant, & ostendant.

De bonis Fabricę Ecclesię, & ratione de eisdem reddenda.

Statuimus, & irrefragabiliter definimus, quod in qualibet Parochia Plebanus assumptis sibi duobus honestioribus subditis suis, quarum quilibet habeat clavem unam, & ipse tertiam, omniaque devotione fidelium, ac fabricam

Ecclesie luminaria, vel ad alias utilitates fuerint deputata, diligenter colligat, & conservet, & his usibus impendat, ad quos sunt deputata. Volumus etiam, quod nec tales sibi adjuncti, nec alii Procuratores Ecclesiarum qualescunque, de rebus Ecclesie præter scitum Plebani quidquam disponant: ut autem res ipsa suspitione careat, & non detur occasio subtrahendi res Ecclesiarum, volumus, & sub excommunicationis pena precipimus, quod Plebanus, & assumpti sibi ad hoc officium, seu ministerium exequendum, loci Decano, semel in anno plenam teneantur facere rationem, quem hujusmodi rationes sub pena eadem, tam solidite, quam attente sub bonis testimoniis exigere volumus, & recipere, atque autoritate ordinaria sub memorata pena inhibere Plebanis, & Ecclesiarum Procuratoribus, ne res Ecclesiarum, nomine vaccarum, vulgariter *Inmerkue*, aut alias quovis quesito colore sub specie usure mutuent, & quolibet locent.

Ne vacantes Ecclesie spoliuntur, & que ablata, eisdem restituantur.

Statuimus, ut nullus Ecclesiasticus, vel secularis cujuscunque status, vel conditionis fuerit, Ecclesiarum vacantium, aut Clericorum decedentium bona rapiat, dissipet, aut invadat, quocunque quesito colore: contra faciens, decedens, Ecclesiastica careat sepultura; vivens autem cum tota familia sua ab ingressu Ecclesie arceatur, donec ablata restituerit universa. Item simili pena, carentia sepulture decedentium, & ingressus Ecclesie vivorum, prohibemus laicis, ne de sepulchris dandis se intromittant, nec campanas, aut alia ad Divinum cultum deputata contra voluntatem Plebanorum, quocunque modo, præsertim ad prophana, & religioni Ecclesie adversa contrectent, aut per Mansionarios Ecclesiarum pertractari mandent, authorizabiliter contra Sacros Canones, nec in Ecclesia, & rebus earundem quidquam statuunt, aut quecunque ordinare presumant.

Ne Clerici exactiones persolvant.

Quamvis res Ecclesiastice non ad alium quam pium usum, in quem ordi-

nate sunt, expendi debeant, salva Sedis Apostolicæ autoritate, quidam tamen Prelati, & alii Clerici plus timentes terrenam, quam Divinam offendere Majestatem, non verentur laicis Ecclesias, quantum in eis est, facere tributarias, & *infra*, sub excommunicationis pena inhibemus universis Prelatis, & Clericis nostre Diocesis, ne novam steuram, aut quamvis aliam exactionem laicis solvere presumant, non habita super hoc licentia superioris speciali, & expressa.

Item inhibemus omnibus Clericis ejusdem Diocesis, sub pena jam dicta, ne aliquis eorum Decano, vel Archidiacono sine mandato nostro, aut nostri Vicarii collectam, aut exactionem solvere presumat.

De Patronis, & Advocatis Ecclesiarum.

Quamvis Patroni, & Advocati sint in subsidium Ecclesiarum admissi, sepe tamen hoc tendit ad noxam, & oppressionem, ut inde sentiant detrimentum, quod ad defensionem nescitur institutum, & *infra*, Constitutione presenti sancimus, & volumus, quod tam Patroni, quam Advocati Ecclesiarum cujuscunque preeminentie, aut status fuerint, gratia permessa, aut antiquis juribus, ipsis & eorum progenitoribus in institutione prima, seu cum ipsi ad advocatias a principio per eos, ad quos pertinent, incipiebantur, deputatis penitus, & omnino stent contenti, & pro posse suo statum, honorem, & res Ecclesiarum requisiti fideliter tueantur, & defendant.

Item si Patronus plures filios, aut heredes reliquerit, omnes illi succedant in stirpem, & in locum defuncti, & nihil plus exigant, extorqueant, vel recipiant, quam ei debebatur; in cujus locum, & jus successerunt, & nihilominus sicut defunctus, Ecclesiam defendere teneantur: si quis vero extorsione, aut receptione juris advocatie, modum excesserit memoratum, Patronatus occasione jure suo privetur, & nihilominus sicut raptor, & spoliator Ecclesie puniatur.

Contra Violatores Ecclesiasticarum Personarum.

Volumus, & mandamus Statutum divi

dive memorie GUIDONIS, de latere Legati, per Dioecesin nostram publicari, quo cavetur, quod quicumque personam Ecclesiasticam vulneraverit, captivaverit, vel occiderit, ipso facto, ea, que ab Ecclesia nomine feudi jure censuali, aut in Emphyteusim, aut alias quocunque nomine tenuit, perdat penitus & amittat, in utilitatem Ecclesie convertenda. Adidimusque, quod in illa Parochia, in qua Canonicum Ecclesie Cathedralis capi contigerit, vel detineri, vel alium in dignitate, vel Personatu, seu Clericatu constitutum, donec liberetur & absolvatur, cessetur generaliter a Divinis salva satisfactione eidem debita impendenda.

Ne Clerici citentur ad Judicium Forensi.

Quia privilegium fori Ecclesie est immediate a Jure Divino, contra quod nec consensus, nec tolerantia excusare potest, animarum periculis providere volentes, statumus, & universis Christi Fidelibus dicte Dioecesis, districte precipiendo mandamus, ne quemquam Clericum, aut Personam Ecclesiasticam, Capitulum vero, & Collegium quodcunque, ad Judicium Forentem trahant: Judicibusque Forensibus, ne quemquam eorundem coram se experiri cogant. Alioquin tam actor, quam Judex sententiam excommunicationis ipso facto incurrant, in qua ipsos, & eorum quemlibet per ipsorum Plebanos cum in scriptis legitime requisiti fuerint, sub eadem excommunicationis pena volumus illico excommunicatos publice denuntiari, nunquam ad absolutionis Beneficium admittendos, donec parti lese super injuriis & expressis taliter irrogatis, caveant, vel satisfaciant competenter, secundum extimationem, & declarationem legitimam coram Ordinario, aut iudice Ecclesie nostre *Frisingensi*, rite faciendas. Salva nihilominus exactione penarum in constitutionibus aliis super hoc per *Sedem Apostolicam*, & in *Concilio Provinciali* promulgatarum.

Ne Clerici citentur laicos, causa non expressa.

Ne quisquam laicus vexetur per inane citationem laboribus, & expensis; Statumus, & precipimus universis Judi-

cibus Ecclesiasticis nostre Dioecesis, ne laicos quoslibet ad audientiam sui citent, vel evocent, nisi causam citationis nominatim exprimant, & expresse, que ad forum pertineat Ecclesiasticum de jure, vel consuetudine, nec citatum super aliis causis, quam in citatorio expressis respondere compellant.

Ne Judices nostre Dioecesis excommunicent sine scriptis.

Precipimus ac in virtute sancte obedientie inhibemus nostre Dioecesis juris consultis presidere, ne quenquam Clericum, vel laicum pro culpa, vel contumacia excommunicent sine scriptis, & monitione canonica non premissa.

Ut de causis matrimonialibus nemo, quam Judex Ecclesiasticus diffiniat.

Inhibemus, & sub pena excommunicationis interdiciamus omnibus Christi fidelibus Clericis, & laicis nostre Dioecesis, ut nullus ipsorum contra dictum Salvatoris, & sacros Canones sine nostro, aut Vicarii nostri jussu, & mandato speciali, preter Judices Capituli *Frisingen.* & Archidiaconi in *Kaytenbuech* per Archidiaconatum ibidem, de causis matrimonialibus diffiniant, aut cognoscere presumant.

Contra clandestinas desponsationes.

Statuimus, & precipimus universis Christi fidelibus nostre Dioecesis utriusque sexus, ne quicumque eorum, clandestinis desponsationibus, aut occultis matrimoniis intersit: precipimus insuper in virtute sancte obedientie universis Ecclesiarum Plebanis, quod postquam ipsis constiterit pro certo, & probabili fama, aliquos clandestine contraxisse, ad jura sua prosequendum coram Ecclesiastico Judice per subtractionem Sacramentorum, extra tamen necessitatis articulum cogere non postponent.

Ut Mandata Judicum exequantur.

Quoniam frustra forent judiciorum strepitus, & diffinitiones, si non fierent eorundem executiones; statuimus, & sub excommunicationis pena mandamus omnibus & singulis nostris subditis, qui

tam Nostra, quam aliorum nostrorum Judicum, jussa, precepta, mandata, sententias, & processus, cujusunque continentie aut tenoris fuerint sibi destinata devote recipiant, & fideliter exequantur. Nuntios eorundem benivole acceptent, ad vindictam, vel offensivam nullatenus prodant, & per proprium sigillum, si habuerint, in signum executionis celebrare, literas ipsas una cum subscriptione communiant, & consignent, si quis autem contemptor, vel neglector fuerit in aliquo premisorum ad prefatam penam nihilominus partilese teneatur ad refarciendum expensam, pariter & interesse, premissa Ordinarii taxa con-vel judicum eorundem, a quibus predicta mandata emanarunt, & hoc quantum fuerit in litem juratum.

De interdicto observando.

Quoniam juris apices non omnibus innotescunt, ad uberiorem Sacerdotum instructionem, & salubrem informationem, qualiter Sacerdotes interdicti tempore se gerere debeant, & habere, presenti declaramus statuto, quod interdicti tempore tam ab homine, quam a jure prolati tam sani, quam infirmi sunt ad remedium plenarie admittendi, nisi fuerint interdicti, vel excommunicati, vel quorum dolo, culpa, consilio, favore, aut auxilio, latum extitit interdictum, quibus tantum viaticum & baptisma parvulorum conceduntur. Nullus inungatur, vel tradatur Ecclesiastice sepulture preter Clericos, qui servaverunt interdictum, nisi tales sint, qui nominatim excommunicati, interdicti, vel suspensi fuerint. Qui vero Clerici non fuerint, hujusmodi sententiis innotati sine pulsatione campanarum, cessantibus quibuslibet solennitatibus, cum silentio tumultuantur. Insuper Sacerdotes populum habentes, sine scrupulo conscientie, semel in hebdomada viros & mulieres, possunt ad Ecclesias convocare. Nec non ipsis exponere Verbum Dei, mulieres post partum non intronizentur cum solennitate Psalmi & Orationum. Nuptie sic non benedicantur, nec aqua benedicta populus solenniter aspergatur, singulis diebus Missæ in Ecclesiis celebrentur, & alia quævis Divina Officia

sicut prius, submissa tantum voce, januis clausis, omnino quibuslibet excommunicatis & interdictis exclusis, Ministris Altaris duntaxat exceptis, & omnibus aliis, nisi super hoc privilegium exhibeant speciale: campanis non pulsatis bini, vel intus tres horas Canonicas simul legere possunt; Ita tamen, quod foris seu extra Ecclesiam nullatenus audiantur. In Festivitatibus Natalis Domini, Pasche, Pentecostes, Assumptionis Beate MARIE Virginis, a Vesperis Vigilarum eorundem usque ad Vesperam predictorum dierum inclusive, campane pulsentur, aperiantur Ecclesiarum janue, Divina quoque Officia solenniter celebrentur, excommunicatis prorsus exclusis, sed interdictis admissis, qui si causam dederint interdicto, altari nullatenus propinquent. Nec in illis Festivitatibus corpora sepeliantur mortuorum, neque vivis & sanis illis diebus Sacramentum Eucharistie ministretur. Preterea inhibemus, ne in Ecclesia non consecrata vel a jure, aut ab homine interdicta, vel execrata per humanum injuriosum sanguinem, aut semine polluta, nullatenus Divina celebrentur.

Item Decreta *Sacri Generalis Basilensis Concilii*, de interdictis non leviter ponendis, de excommunicatis certo modo non vicandis: per Diocesim nostram publicari cupientes, tenores eorundem presentibus nostris statutis & constitutionibus inferendum duximus, qui sequuntur per omnia in hunc modum:

Quoniam & indiscreta interdictorum promulgatione scandala multa contueverunt evenire: Statuit hec sancta Synodus, quod nulla civitas, oppidum, castrum, villa, aut locus Ecclesiastico supponi possint interdicto, nisi ex causa seu culpa ipsorum locorum, aut Domini, seu Rectoris, vel Officialium, propter culpam autem, seu causam alterius cujusunque private persone, hujusmodi loca, interdicti nequaquam possint, autoritate quacunque Ordinaria, vel delegata, nisi talis persona prius fuerit excommunicata, ac denunciata, seu in Ecclesia publicata, ac Domini, seu Rectoris, vel Officialis ipsorum locorum autoritate judicis requisiti, hujusmodi personam excommunicatam

infra

infra biduum inde cum effectu non egerint, aut ad satisfactionem non compulerint, quâ etiam post biduum ejecta, recedente, vel satisfaciente mox Divina resumî possint, quod etiam impendentibus locum habeat.

De Excommunicatis certo modo non vitandis.

Ad vitanda scandala, ac multa pericula, subveniendumque conscientis timoratis, statuit, quod nemo deinceps a communione alicujus in Sacramentorum administratione, vel receptione, aut aliis quibuscunque divis, vel extra, pretextu cujuscunque sententiæ, aut censure Ecclesiæ seu suspensionis, aut prohibitionis, ab homine, vel a jure generaliter promulgate teneatur abstinere, vel aliquem vitare, aut interdictum Ecclesiasticum observare, nisi sententia, prohibitio, suspensio, vel censura hujusmodi fuerint, in vel contra personam, Collegium, aut Universitatem, Ecclesiam, vel locum certum a Judice publicata, vel denunciata specialiter, & expresse, aut si aliquem ita notorie excommunicationis sententiam confiterit incidisse, quod nulla possit tergiversatione celari, aut aliquo aliquo juris suffragio excusari. Nam a communione illius abstinere vult, juxta Canones sanctos. Per hoc tamen hujusmodi excommunicatos, suspensos, interdictos, seu prohibitos, non intendit in aliquo relevare, nec eis quomodolibet suffragari.

Ut decima cum integritate persolvantur.

Multi secularium interdum in detestationem Cleri, temeritate propria decimas, quas omnium Dominus solvi precepit, subtrahere non verentur in animarum grande periculum. Cunctis preterea Predicatoribus & Confessoribus, Religiosis & Secularibus precipimus, & in virtute sancte obediencie mandamus, quatenus in predicationibus subditos suos studiosius moneant, & inducant, quod memores salutis animarum, decimas ipsas omnium terre nascentium, sine diminutione integre, personales vero secundum laudabilem consuetudinem persolvant, si penas damnationis eterne voluerint evitare.

De judicio leproforum.

Licet illorum, qui occulto Dei judicio asseruntur lepre morbo percussi, separatio a communione hominum, majoribus gradibus Ecclesiæ duntaxat secundum expertorum medicorum examen sit credita, frequenti tamen querulantium assertione recepimus, plures innocenter separatos, alios separandos, toleratos; presenti statuto sub excommunicationis pena inhibemus, quod nullus deinceps dicte Dioecesis Clericus vel laicus quocunque modo vel forma quemquam hominem, sua temeritate audeat judicare leprosum, vel ab hominum separare communione, sed universis & singulis sub ditione nostra degentibus, districte precipimus, quod suborta fama contra quemquam, qui lepre morbo percussus sit, talem Ordinarii transmittat audientiæ, tanquam ad Sacerdotem leviticum per ipsum amplius examini medicorum subjiciendum pro experimento, an rumori veritas suffragetur, hoc tamen nisi sit casus adeo indubitatus, qui per tergiversationem nequeat occultari, puta, cum infirmus aperte profiteatur, se manum Domini tetigisse.

De Observantia regulari.

Quia Religiosos, qui per Religionem sponte assumptam Deo dicati sunt, purioris decet honestatis, & vite nitore clarere, ut Deo salubrius possint famulari. Quapropter presenti constitutione irrefragabiliter duximus statuendum, ut universi Abbates, Prepositi, Priores, Decani, ceterique Monasteriorum Professi nostre Dioecesis, monastica & regulari vigeant disciplina. Regulamque eis a Sanctis Patribus institutam secundum quod Sacrorum Statuta Canonum edocent, presertim tria Ordinis substantialia, videlicet abdicationem proprietatis, obedientiam, & continentiam, ceremonialiaque religionis, secundum sectam, regulam, & diffinitionem Sanctorum Patrum diligentius studeant in omnibus observare. Si quis autem predictorum sue salutis immemor, premissorum extiterit violator, seu neglector, serio secundum eandem regulam, & diffinitionem Patrum pena condigna puniatur.

De Monialibus Deo devotis.

Quoniam nedum in viris, sed etiam in mulieribus Deo devotis vigere debet religio sancta, & vita monastica secundum regulam sue Professionis, & Sanctorum Patrum diffinitiones, imo tanto cautius tenentur Prelati, & alii eis Prefecti vigilare, quanto fragiliores noscuntur. Statuimus, volumus, & mandamus, quod omnes Prelati quorumcunque Ordinum mendicantium, & non mendicantium, ac alii quicunque Monachi, & non Monachi nostre Diocesis, quibus cura Deo devotarum mulierum est commissa, easdem paterne, pie, & solerter secundum suam Regulam, & Patrum diffinitiones ad observantiam regule & vite monastice inducant, informant, & compellant juxta officii debitum: diligenter etiam vigilant, ne in receptione ipsarum ad religionem quidquam per symoniam exigatur. Negligentes vero, & non reformantes, cujuscunque religionis fuerint, maxime de ordine Sancti Francisci, qui triplicem regulam, sive modum sancte vivendi declaraverint, districta animadversione per Ordinarium puniantur, insuper Constitutionem BONIFACII Pape VIII. super clausura Monialium editam, que incipit: *Periculo*, cum effectu executioni demandari volumus & mandamus.

Contra Inventores Sectarum.

Quia nonnunquam sub specie religionis surgunt secte, nec non conventiones pestifere juribus inimice, precipimus, & mandamus cunctis Ecclesiarum Rectoribus dicte Diocesis, quod omnes viros & mulieres infra terminos suarum Parochiarum degentes, sub specie religionum non approbatarum, & communium in vita accepta a communi vita populorum discrepantes requirant, quod infra mensem a sua requisitione ipsos informant, cujus religionis sint, & sue vite ac status approbationem. Quod si non fecerint, ipsos teneant in omni obedientia Parochiali sicut alios Parochianos, & Ordinario eosdem nihilominus denuntiare non obmittant.

De rebus Ecclesiarum non alienandis.

Quia non omnibus liquet Canones, contra alienationes rerum Monasterio-

rum, jurium prohibitiones, publicandum omnino inhibemus omnibus Abbatibus Prioribus, Prepositis, ac aliis Prelatis tam secularibus, quam regularibus, sub pena privationis administrationum ipsarum, ne de rebus Ecclesiarum suarum, vel Monasteriorum suorum alienationes sine licentia faciant perpetuas, quocunque titulo gratuito, vel oneroso. Nec etiam res temporales insignes, aut notabiles preter juris formam, & licentiam secundum eandem obtentam quomodocunque alienare presumant.

De Baptismo.

Baptismus cum summa reverentia celebretur, maxime in distinctione, & prolatione verborum, in quibus Sacramenti virtus existit, his scilicet verbis: *Ego baptizo te in nomine Patris, & Filii, & Spiritus Sancti*. Doceant igitur Sacerdotes, tam mares, quam feminas, in necessitate debere parvulos baptizare eadem forma in suo idiomate, & quod patres, matres, proprios infantes si summa necessitas exigit, poterunt baptizare, & si Sacerdotes super hoc diligenter inquirentes debitam formam in baptismo invenerint, quod factum est, approbent, supponentes circa baptizatum, quo unctione olei in pedore, & scapulis, & crismatis in vertice, quod a laicis est obmissum. Si autem in baptizato debitam formam non invenerint observatam, non differant pueros baptizare.

De Eucharistia & aliorum Sacramentorum Ecclesie custodiam.

Item precipiendo mandamus, ut secundum Constitutionem *Lateranensis Concilii* Eucharistia, Crisma, & Oleum Sanctum sub fideli custodia, & reverentia debita clavibus adhibitis conferrentur, ne possit ad illa temeraria manus extendi, ad aliqua horribilia, & nefanda exercenda. Si vero is, ad quem spectat custodia, ea incaute reliquerit, ultra juris communis penas in libra cere eidem Ecclesie solvenda, & applicanda puniatur. Et si per ejus pigritiam aliquod nefandum inde contigerit, graviore subiaceat ultioni, juxta nostram, aut Vicarii nostri ordinationem, & delicti quantitatem. Sacramentum etiam Eucharistie singulis mensibus ad minus semel renovari precipimus, aut plu-

pluries secundum locorum exigentiam, & oportunitatem.

In plerisque etiam Ecclesiis, mappe, palle, corporalia, & alia vestimenta Divino cultui deputata, tam inculta & imunda relinquuntur, quam interdum quibusdam sunt horrore, contra statutum Concilii Generalis: universis Custodibus, Sacristis, & Ecclesiarum Reſtoribus, diſtrictè precipimus, quatenus omnia vestimenta, & ornamenta, ac vasa supradicta per ipsos munda & nitida conferventur, corporaliaque pluries infra annum, juxta casus exigentiam, per Clericos mudentur. Si quis vero in transgressione hujusmodi statuti culpabilis fuerit, usque ad condignam satisfactionem ab officio suspendatur.

Ex Epistola EUSEBII Pape.

Constituimus, ut Sacrificium Altaris non in serico panno, aut intincto quisquam celebrare presumat, sed in puro linteo ab Episcopo consecrato terreno scilicet lino procreato, atque contexto, sicut corpus Domini nostri JESU Christi in sindone linea munda sepultum fuit. Volumus etiam, & in virtute sancte obedientie mandamus, ut nullus Divina Missarum solennia sine luminibus celebrare presumat, nec Hostiam ante Consecrationem in altum quoquo modo elevare, ne adorando Hostiam non consecratam populum idolatriam committere contingat.

Item Statutum Concilii Provincialis Saltzburgensis presentibus nostris Statutis duximus inferendum, cujus tenor sequitur in hec verba: "Item statuimus, ut si aliquis Clericus vel laicus utriusque sexus, cujuscunque dignitatis, religionis, vel status existat, ausus sit presumptione damnabili publice predicare, aut occulte docere, credere, vel tenere, quod Sacerdos in mortali peccato existens, non possit conficere corpus Christi, seu sic ligatus non possit solvere vel ligare suos subditos a peccatis, pro heretico & incredulo habeatur. Quem errorem hujus Sacri Concilii approbatione damnamus, anathematizamus, & penitus reprobamus, cum Sacre Scripture dicat auctoritas, quod sive bonus, sive malus fuerit Minister, per utrumque Deus effe-

Tomus V. Concilior, German.

ctum gratie confert. Non enim, que Sancta sunt, coinquinari possunt. Nec ipsa Sacramenta propter hominum malitiam prophanari. Unde Sacerdos quantumcunque pollutus existat, Divina non potest polluere Sacramenta, que purgatoria cunctarum contagionum existunt, licite ergo a quocunque Sacerdote ab Ecclesia tolerato Divina Myſteria audiantur, & alia recipiantur Ecclesiastica Sacramenta. Damnatione simili reprobamus quorundam opinionem erroneam, asserentem Episcopum Presbyterum, seu Sacerdotem curatum non posse solvere Presbyteros fornicarios a fornicationis reatu propter votum castitatis, inhibentes, ne quisquam de cetero predictam opinionem sub penis predictis docere, tenere, aut dogmatizare quoquomodo presumat, publice vel occulte. Adicimus quoque, ut nullus in Diocesi nostra ad predicandum sive annuntiandum Verbum Dei admittatur, nisi missus sit, & de missione sua constiterit sufficienter.

*De Celebratione Missarum, & de Divino Cultu designata in Sess. XXI.
Concilii Basil.*

Predecessorum nostrorum ducti vestigiis, statuimus inhibentes hujus Sacri approbatione Concilii, ut nullus Sacerdotum novitiorum illa die, qua primam Missam celebrare voluerit in exordio, seu publicatione sancti sui officii oblaturus, Deo primitias gratie, ac salutis sibi collate aliquos ad convivium invitare, aut invitatos habere, aut procurare per se, vel per alium ullo modo presumat, sed ad solum Deum; cujus militie est adscriptus, dirigat aciem sui cordis, maxime die illa devotus curis & sollicitudinibus temporalium, quibus mentes hominum distrahuntur exutus. Remotis vanitatibus hyſtrionum, cursibus, tumultibus, & insolentis reproborum, qui etiam sepe venire assolent, non vocati.

Item vult & mandat Reverendissimus Dominus noster in futurum ab usum, quo nonnulli Presbyteri suos subditos sibi consentientes etiam in casibus, quibus non habent potestatem absolvendi, absolutione non obtenta ad communionem admittunt, & post communionem pro absolutione transmittunt penitus aboleri,

V v v

&

& nullum Christi fidelem absque absolutione in forma Ecclesie solita & consueta admitti.

Item vult & mandat prefatus Reverendissimus Dominus noster, quod de cetero nullus Questorum ad collecturam ab Adventu Domini usque ad octavas Nativitatis Christi, & ab hebdomada prima Quadragesime usque ad octavas Pasche admittatur, sed quilibet Plebanorum, seu Rectores Ecclesiarum unum de Parochia sua fidelē constituat, qui singulis diebus Dominicis & Festivis elemosynam pro fabrica Ecclesie Frisingensis matricis & majoris petat & requirat, ac collecta fideliter Domino Plebano ejusdem loci presentet, qui Plebanus Decano, & dein Decanus Magistro fabricæ Ecclesie Frisingensis prefato sub bono conscientie, & districto examine presentare curent.

Item precipit & mandat prefatus Dominus noster illum abusum, quo nonnulli Plebeji quadam assumpta audacia sibi certos dies aliās non celebres, contra generalem observantiam Dioecesis celebres instituunt, & turpiter a suo toto discrepant, similiter penitus aboleri.

Juramentum Testium Synodaliū.

Ego N. juro, quod amodo & in antea, quid novi, audivi, aut postmodum inquisiturus sum contra voluntatem Dei, & rectam Christianitatem, in tali Decanatu & Parochia, ad quas deputatus sum, factum sit, aut futurum erit, si in diebus meis, ad meam devenerit cognitionem quocunque modo pervenerit, sive seivero, aut indicatum mihi fuerit, Synodalem causam esse, & ad ministerium Episcopale pertinere, nec propter amorem, nec propter timorem, nec propter pretium, nec propter parentelam, ullatenus celem vobis Reverendissimo Patri, aut Vicario Misso, cui hec inquirere jusseritis, quecunque ex hoc interrogatus fuero, sic me Deus adjuvet, & ille Reliquie Sacrosancte.

De clandestina Desponsatione, & publicis Nuptiis.

Quia experientia magistra didicimus, ex eo, quod Decretum Concilii Generalis de clandestina desponsatione in no-

stris civitate & Dioecesi per abusum in oblivionem venit, & observatum non exiit, plures in gradibus consanguinitatis & affinitatis Lege Divina, ac Canonica prohibitis, ac cognatione spirituali conjuncti, matrimonia verius contubernia contrahere non sunt veriti, in suarum animarum periculum, ac scandalum plurimorum; Nos ex pastoralis officii debito animarum salutem, quantum in nobis est, prospicere cupientes, Sacra Synodo approbante statuimus & ordinamus, ut de cetero nulli Sacerdotes clandestinis matrimoniis intersint. Sed contrahere volentes publice in Ecclesiis coram plebis sue multitudine, solenniter copulent. Ita tamen, quod ante copulationem hujusmodi ad minus una die Dominica vel Festiva de ambone suarum Ecclesiarum infra Missarum solennia, personas contrahere volentes, nominent, & adhortentur omnes, ut si aliquis sit, qui inter eos, qui matrimonium contrahere proponunt, impedimentum sciat, quod vel contrahendum impediatur, vel etiam dirimat matrimonium jam tractatum, publicent, vel denuntient. Et post publicationem in ambone, ut premittitur, factam per triduum expectent, an forsitan aliquis comparuerit, qui impedimentum legitimum allegaverit. Et si talis legitimus accusator vel denunciator veniat, curatus caveat, ne partes copulet, priusquam de allegato impedimento cognitum fuerit, quod si secus factum fuerit, condigna pena illum punire curabimus. Verum si nullus contradictor apparuerit post lapsum dicti termini curatus per se, aut suum substitutum partes ipsas libere conjungat, si aliud canonicum illis non obstat.

De Curatis gravantibus subditos in executione jurium parochialium.

Item quum quidam nomine solo, & non re Sacerdotes curati, & illorum Vicarii plus lucris temporalibus, quam animarum salutem intendentes, magisque sua, quam, que Dei sunt, querentes, sibi subiectos in remediis, & aliis Parochialibus juribus gravantes de sepultura, & aliis spiritualibus paciscuntur, ac statui suorum in Divinis cooperatorum detrahentes, illos certo pretio minus debito conveniunt, propter quod etiam Presbyter-

byteros indoctos, & minus habiles recipere coguntur & recipiunt. Nos huic vitio pestifero succurrere cupientes Sacra Synodo approbante statuimus, volumus; & ordinamus, ut prefati Curati, eorumque Vice-curati a predictis in futurum desistant realiter, & cum effectu. Ac ipsi Parochialibus juribus secundum antiquam & laudabilem Ecclesie consuetudinem sint contenti, ac suis in Divinis cooperatoribus debita & consueta salaria solvant. Ac tales in cooperatores recipiant, de quorum vita & moribus valeant, & possint respondere, certificantes eos, qui in premissis culpabiles reperti fuerint, quod canonica illis ultio non deerit, illosque condigne punire curabimus.

*De remittendis ad auctoritatem Episcopi
& ad cavenas.*

Avisati sunt singuli Curati, ut vigore quarumcunque literarum a Domino nostro Episcopo, vel suo Vicario emanatarum non absolvant quoscumque in publicis & notoriis criminibus constitutos, sed eosdem cum literis suis clausis ad Vicarium transmittant, seriem & qualitatem hujusmodi notorii criminis in se continentes. Preterea iidem Curati cauti sint, ne occulta crimina in hujusmodi suis literis scribant, ne aliquo modo contingat, sigillum confessionis aperiri. Preterea omnes notorie criminosos, quorum excessus totam Parochiam scandalizat, & qui alias publicas penitencias egerunt, nihilominus tanquam canes redierunt ad vomitum, & peccata priora, si non sunt persone nobiles aut mulieres, ad solemnem penitentiam peragendam, quam vulgus carenam appellat, mittantur.

*De tempore, quo ordinandi se debent
presentare ad examen.*

Item ordinatum est, ut hi, qui ad ordines sunt promovendi, se juxta *Ravennatens. Concilii* Statutum, quod habetur XXIV. de inc. qu. feria quarta ante ipsam ordinationem se ad civitatem Frisingens. conferant, diebus Jovis, & Veneris examen subituri. Et eo tempore in civitate Frisingensi a commensationibus, & ebrietatibus abstineant. Religiosi vero, qui de consuetudine admittuntur, & status presentationi suorum Superiorum

Tomus V. Concilior. German.

concessum est, ut die veneris se presentent. Dominus etiam Presidens hortatus est singulorum ordinum Prelatos, ne indignos inhabiles, insufficientes, aut in minoribus annis constitutos presentent, prout Omnipotenti Deo de hoc habent reddere rationem. Et si videbitur expedire, Domini Examinatores, etiam sic Presentatos poterunt examinare, & de moribus, & vita illorum inquirere.

*Institutio Festi Conceptionis Genetricis
Virginis Marie.*

Statuimus, & irrefragabiliter observari volumus diem Conceptionis Beatissime & intemerate Dei Genetricis Virginis Marie in choro & foro sollemniter celebrari. Mandamusque omnibus, & singulis Parochialium Ecclesiarum Rectoribus, eorumque Vicariis, & cooperatoribus in Divinis, ut populo sibi credito precipiant festum ipsum in choro & foro sollemniter pronuntient Patres Concilii Basilienf. celebrari cunctis fidelibus vere penitentibus, & confessis ea die Missarum sollemniis centum, primis autem & secundis vespers totidem, sermoni verbi Divini de ea festivitate intersint, centum quinquaginta dies, concessione perpetuis temporibus duratura de injunctis penitentis elargitos fore. Incitantes populum, ut se indulgentiis hujusmodi participem faciat, & festum ipsum in honore Gloriosissime Genetricis cum debita devotione celebrent.

*De Horis Canonicis debito modo legendis
ex Concilio Basiliensi.*

Admonet Reverendissimus Dominus Presidens, & hec Sancta Synodus omnes Beneficiatos seu in sacris ordinibus constitutos, qui ad horas Canonicas tenentur, ut cogitent orationes suas Deo acceptas facere, illasque non in gutture, vel inter dentes, seu deglutendo, vel syncopeando dictiones, nec colloquia, vel risus intermiscendo, sed sive soli, sive associati Divinum nocturnum Divinumque Officium reverenter verbisque distinctis peragant. Ac tali in loco, ubi a devotione non retrahantur, atque se disponere, & preparare debent. Juxta quod scriptum est: *Ante orationem (a) praepera animam tuam, ne sis quasi temptans Deum.*

(a) Eccl. XVIII, 23.

V v v 2

De

De novis Ecclesiis erigendis.

Hoc presentis Concilii consensu declaramus, ut jure Canonicus Sanctiones nullus in Parochia sua erigat, vel erigere patiatur novas Ecclesias, vel in campis statuas cum truncis, ad quas pecunie reponantur, nisi Episcopus primum lapidem ponat. Cum populus novitate gaudeat, & Matrices Ecclesie debitis fraudentur honoribus, & sepe numero falsa pro veris in his locis publicari dicuntur. Volentes & mandantes, ut Decani rurales ad Nos, vel Vicarium nostrum deferant, ubi similia attemptantur, & cum cause cognitione, quod justum est decernemus, non tamen per hoc volumus prohibere, quin statue, vel ex lapide, vel ex ligno in laudem Salvatoris, & Sanctorum ejus dirigi possint. Ita tamen, quod illa fiant juxta communem consuetudinem patrie absque ligneis Capellis, vel asserum conglutinatione ad instar Capellarum.

Statutum de cognacione spirituali text.
est in cap. fin. de cog. spir.
lib. VI.

Statuimus, ut unus tantum assumatur Patrinus in Sacramento baptismatis ad impedimenta matrimonii precavenda juxta Sacrorum Canonum scita. Volumus etiam, ut Decani rurales attenti sint ad informandum Sacerdotes Parochiales, & eorum cooperatores, formas Sacramentorum juxta cartam alias illis missam, & officii sui debitum legaliter exerceant.

De Testibus Synodalibus.

Volumus etiam, & admonemus testes Synodales, ut juxta juramentum per se prestitum crimina publica, que infra terminos sibi commissos observarunt ad notitiam nostram, & nostri Vicarii deducant, presertim crimina sequentia: concubinitus publici, heresis, irregularitatis, Apostasie, Simonie, perjurii, usure, ac alia, que grave generant in populo scandalum, alioquin eos tanquam negligentes puniemus.

Ut spirituales citati ad judicium seculare non compareant.

Item volumus & ordinamus, ac districte in virtute sancte obedientie mandamus omnibus & singulis Dominis, Ab-

batibus, Prepositis, Decanis, Capitulis, & Presbyteris, per civitatem & Dioecesim Frisingensem constitutis, ut vocati ad judicium seculare in causis eo non spectantibus non compareant, nisi prius se judici suo spirituali illius cause ordinario representent, consilium, & auxilium illius imploraturi: contra rebelles ad penas juris procedatur, justitia mediante.

Item ordinamus, ut in causis decimarum, & aliis de jure, vel consuetudine ad forum Ecclesie spectantibus nullus trahatur, vel respondeat in judicio seculari. Alioquin contra judicem trahentem, & reum respondentem procedatur, prout de jure per eum, ad quem jurisdictio causarum hujusmodi in civitate, & Dioecesi Frisingensi spectat, & pertinet.

Item synodally monentur omnes, & singuli concubinarij publici, ut infra triginta dies a presenti monitione synodali computandis realiter, & cum effectu concubinas a se abiciant, illasque, neque alias resument sub penis in statuto Synodali contra concubinarios editis contentis, & contra contumaces procedatur, ad penas, in decreto Concilii Basiliensis inter statuta Synodalia recepto contentis prout de jure.

Item quia Plebani negligenter agere dicuntur circa res ad fabricas Ecclesiarum spectantes precipimus, & statutum circa hoc editum observetur. Et Plebani, qui non habent tertiam clavem, poterunt venire ad Nos, vel Vicarium nostrum, & dabuntur illis licere opportune.

Item fiat mentio de turnis, & processionibus fiat mentio de mitris, seu infulis Prelatorum, & disponant, quod in proxima Synodo concedente altissimo celebranda omnes Prelati pariformes mitras deferant albas juxta juris communis dispensationem.

Item volumus Decretum generalis, quod habetur in c. *Omnis utriusque sexus. de Pen. & Re.* publice cujus tenor sequitur, renovari.

INNOCENTIUS Papa III. in Concilio Generali.

Omnis utriusque sexus fidelis postquam ad annos discretionis pervenerit, omnia sua solus peccata, saltem semel in anno fideliter confiteatur proprio Sacerdoti.

doti. Et injunctam sibi penitentiam propriis viribus studeat adimplere, suscipiens reverenter ad minus in Pascha Eucharistie Sacramentum, nisi forte de proprii Sacerdotis consilio ob aliquam rationabilem causam ad tempus ab ejus preceptione duxerit abstinendum. Alioquin, & vivens ab ingressu Ecclesie arceatur, & moriens Christiana careat sepultura. Unde hoc salutare statutum frequenter in Ecclesiis publicetur, ne quisquam ex ignorantie cecitate velamen excusationis assumat. Si quis autem alieno Sacerdoti voluerit iusta de causa sua peccata confiteri, licentiam prius postulet, vel obtineat a proprio Sacerdote, cum aliter ipse illum non possit solvere, vel ligare. Sacerdos autem sit discretus, & cautus, ut more periti medici superfundat vinum, & oleum vulneribus sauciati, diligenter inquirens, & peccatoris circumstantias, & peccati, quibus prudenter intelligat, quale debeat prebere consilium, & cuiusmodi remedium adhibere, diversis experimentis utendo ad sanandum egrotum. Caveat autem omnino, ne verbo aut signo, aut quovis alio modo prodat aliquatenus peccatorem, sed si pro decentiori consilio indiguerit, illud absque ulla expressione persone caute requirat: quomodo qui peccatum in penitentiali foro sibi detectum presumpserit revelare, non so-

lum a Sacerdotali officio deponendum decernimus; verum etiam ad agendum perpetuam penitentiam in artum Monasterium detrudendum.

De publicatione Statutorum, & eorum copia.

Quod hec statuta non tradantur oblivioni, & ne quisquam ignorantiam valeat allegare, ac ut subditi possint in eis frequentius meditari, sub excommunicationis pena precipimus, & injungimus omnibus Abbatibus, Prepositis, Prelatis, Decanis, ac Parochialium Ecclesiarum Rectoribus, ut transcriptionem predictorum Statutorum, & copiam totalem, ac plenam habeant, & bis in anno de verbo ad verbum Abbates, & Prepositi, convocatis omnibus Monachis, & Canonicis Regularibus, & Prepositi, seu Decani Cathedralis, & Collegiatarum Canonicis suis in unum collectis, Decani vero singuli in Conventu, Collegio, seu Capitulo, suis Confratribus accersitis, publicent, & prelegant, in communi. Contra hujus statuti negligentes neglectores, seu contemptores inquisitionem habebimus, diligenter penas exactissime profecturi.

Cl. Lunig. Continuat. III. Spicilegiu Ecclesiastici pag. 1056. & seqq.

SYNODUS TORNACENSIS

Anno Christi MCCCCLXXXI. Sixti IV. Papæ XI.
Friderici III. Imp. XLII.

SUB FERRICO EPISCOPO ET CARDINALI.

CAPITULA XIII.

FERRICUS (a) DE CLUGNIACO, MISERATIONE DIVINA TIT. SANCTI VITALIS SACROS. ROMANÆ ECCLESIE PRESBYTER CARDINALIS, ET EPISCOPUS TORNACENSIS.

Pastoralis officii debito, & obligationibus, quibus Divinæ Majestati astringimur: in quantum possumus satisfacere desiderantes, & ea magis, quo sua pietate,

V v v 3.

(a) Ferricus a Cluniaco, J. U. D., Ducis Burgundiæ Consiliarius, anno 1473. Episcopus Tornacensis LXX. electus fuit. Romam secedens, a Sixto IV. Cardinalium Collegio adscribitur anno 1480. titulo S. Vitalis. Tornacum reversus, in Ecclesia S. Salvatoris Brugis, suæ tunc Diocesis, Synodum celebrat 4. Octobris anno 1481. Romam denuo reversus obiit anno 1483. non sine veneni suspitione, sepultus in S. Maria de Populo.

tate, Nos ad Cardinalatus dignitatem vocare placuit. Disposuimus hanc nostram Synodum Generalem nunc celebrare, ut in ipsa cum exhortationibus, & admonitionibus salutaribus, tum statutorum per Prædecessores nostros bonæ memoriæ Episcopos Tornacenses editorum recordatione: tum ipsorum declaratione, & in eisdem additione, gregi Nobis commisso facilius providere, & ipsum spiritualiter pascere valeremus. Et hinc nervus Ecclesiasticæ disciplinæ, salutarisque doctrinæ, magis vigeret, excessusque corrigerentur, & errores emendarentur. Quæ quidem Prædecessorum nostrorum statuta robur plenarie firmitatem habere volumus in quantum illa nostris infrascriptis, & nostra illis non contradicant perinde, ac si nunc per Nos, ac in nostra Synodo Generali primitus edita forent, & de verbo ad verbum publicata; mandantes ob hoc, & injungentes Decanis nostris Christianitatis, ac singulis Presbyteris nostræ Diocesis, præcipue Ecclesiarum Parochialium Rectoribus, quatenus veram copiam hujusmodi sequentium, & publicandorum statutorum infra tres menses ad tardius habeant; ut illa frequenter legendo melius intelligant, & observare studeant, cum quibus, Altissimo favente, nostra proxima in Synodo compareant, & ut moris est coram se teneant, ad summi Pastoris laudem, & status Ecclesiastici honorem, ut de bono, & salubri opere magis commendari possint.

Caput I. De Baptismo, & adjacentibus.

Injungimus Curatis, Vice-Curatis, & aliis Presbyteris nostræ Diocesis, quatenus reverenter, ac cum gravitate, & modestia Baptismi Sacramentum in Ecclesia, & non extra, nisi in casu necessitatis ministrent, verba Sacramentalia tractum proferant: Chrisma, Oleum sanctum, fontes & piscinas cum omni munditia, & puritate teneant; obstetrices, & mulieres, quid & qualiter in casu necessitatis circa dictum Sacramentum agendum sit, instruant. Item ordinamus, quod pro levando prolem masculini sexus de sacro fonte ultra duos viros cum una muliere, & pro feminei sexus ultra duas mulieres cum uno viro absque nostra, seu Decani Christianitatis loci licentia non ad-

mittant: nisi ipsi levantes in dignitatibus, seu sacris Ordinibus fuerint constituti, quo casu toleramus hujusmodi numerum levantium posse excedi: Injungant etiam Presbyteri baptisantes puerum levantibus, ut ipsi in fidei articulis instrui procurent, & ad hoc dicti levantes adstringantur.

Item inhibemus Decanis nostris Curatis & Vice-Curatis, cæterisque Presbyteris, & Religiosis nostræ Diocesis, ne mulieres, quæ in incestu, stupro, aut de Presbyteris, vel Religiosis conceperunt; nec etiam Moniales, Hospitalarias, Beghinas, & alias Religiosas ad purificationem, seu reconciliationem post partum recipere, seu purificare præsumant absque nostra, aut curiæ nostræ Tornacensis licentia speciali.

Item etiam similiter inhibemus ipsis Ecclesiarum Parochialium Rectoribus, Presbyterisque, & Religiosis dictæ nostræ Diocesis, ne mulieres, quæ in adulterio seu fornicatione conceperunt, ad purificationem post partum absque scitu, & licentia Decani Christianitatis loci admittant.

Item præcipimus Parochialium Ecclesiarum Rectoribus, Presbyterisque & Religiosis dictæ nostræ Diocesis, quatenus in Baptismo inquirent diligenter, & sciant nomina & cognomina parentum, parvulorum procreatorum, hujusmodique nomina, & cognomina, atque Parochias, in quibus degunt, in scriptis redigant, nec non literas consensus tam Curæ nostræ, quam Decanorum Christianitatis de mulieribus purificandis, fideliter semel in anno dictæ Curæ nostræ fideliter exhibeant.

Caput II. De Sacramento Eucharistiæ.

Item statuentes ordinamus, ob reverentiam Ss. Sacramenti, ut Sacerdos accedens visitare infirmos cum Sacramento Eucharistiæ, aut extremæ Unctionis, faciat lumen ante se deferre, ac nolum sonare, & in habitu decenti publice incedat.

Item injungimus Curatis, & Vice-Curatis, ac aliis Presbyteris, aut altaria, mappas, cortinas, ampullas, & piscinas, ac vestes sacras, ac ornamenta altaris & Ecclesiæ cum omni puritate & munditia conservent; & super hoc Decani vigi-

lent,

lent, quos negligentes vel culpabiles in præmissis invenerint, Curia nostra referant canonice puniendos.

Caput III. De Matrimonio.

Item inhibemus omnibus Curatis, & Vice-Curatis nostræ Diœcesis, ne de cætero proclamationes bannorum super matrimoniis contrahendis faciant, nisi Dominicis diebus, & aliis Festis solemnibus per totam Diœcesim Tornacensem generaliter observari solitis, & hora summae Missæ circa Offertorium, & in ambone Ecclesiæ.

Item statuimus & ordinamus, quod si duo contrahere volentes, sint diversarum Parochiarum in eodem Decanatu, Curatus litteras suas testimoniales super bannis proclamatis scribat alteri Curato. Si vero dicti contrahentes diversorum Decanatum existant, Curatus Decano suo scribat, & Decanus illas litteras roboratas mittat Decano alterius contrahentium: qui quidem Decanus Curato suo sub eo degenti scribat. Et si oriundus de nostra Diœcesi contrahere velit cum persona alienæ Diœcesis, Curatus suas litteras dirigat Decano suo, & Decanus illas roboratas mittat Officiali nostro; pro quibus litteris concedendis Curatus ultra quatuor, & Decanus ultra sex solidos monetæ Regis non recipiant. Si autem persona alienæ Diœcesis in nostra Diœcesi matrimonium contrahere voluerit, non admittatur ad huiusmodi matrimonium absque Nostra, seu Curia nostra licentia speciali.

Item inhibemus Curatis, Vice-Curatis, cæterisque Presbyteris, ne sine licentia speciali Curia nostra ad matrimonii solemnisationem admittant illos, quos sciverint sponsalia contraxisse clandestine, vel eorum matrimonium bannis & Ecclesiæ solemnitatibus omisissis, copula carnali consummasse, aut ubi sciverint oppositionem, vel impedimentum intervenisse. Et quid de præmissis seiverint, per famam, vel alias, Curia nostra Tornacensi rescribant, & denuntient indilate. Etiam ne aliquos ad sponsalia extra Ecclesiam, vel cimiterium, aut ad matrimonii solemnisationem ante solis ortum, vel contrahere volentes ad sponsalia per verba de præsentis admittere præsumant.

Item inhibemus nostris Decanis, ne de causis sponsalium matrimonii seu divortii, aut aliis ad forum nostrum Ecclesiasticum spectantibus cognoscere, vel eas coram se tractari facere quoquo modo præsumant.

Item prohibemus sub pœna excommunicationis omnibus & singulis subditis nostris, qui sunt matrimonialiter copulati, ne absque iudicio Ecclesiæ, se ab invicem separent, aut segregatim vivant, aliquosve contractus, promissiones, iuramenta, aut vota de seorsim manendo, facere, vel inire præsumant. Et quos de præmissis Decani vel Curati noverint culpabiles, Curia nostra referant secundum casus exigentiam.

Caput IV. De Penitentis & Indulgentiis.

Item reservamus Nobis, & Vicariis nostris absolutiones a maioribus peccatis: ut puta peccato contra naturam in viris ultra vigesimum annum: raptu virginis, homicidio, incendio, simonia, hæresi, & apostasia, sacrilegio ultra 40. solidos; incestu cum patre, matre, filio, filia, fratre, sorore, cum religiosis mulieribus professis: Iniectione manuum violenta in parentes ex deliberatione facta, fornicatio, quod fit circa Sacramenta, vel Sacramentalia; oppressione parvulorum voluntarie, vel negligenter facta; negligentia parentum in igne & aqua natos perdentium; perjurio solemni, & fidei fractione in curia nostra Tornacensi, & alibi judicialiter facta; voti solemnitis transgressionem; maleficio impediendo coitum; procreatione sterilitatum, vel abortivorum; propinatione veneni; hæreticali, & magna blasphemia Deo & Sanctis, vel Ecclesiæ, ex animi deliberatione facta; falsificatione litterarum nostræ curiæ; omni excommunicatione, tam a Nobis, quam a Canone lata, & omni peccato his simili vel graviore: nisi sit Sanctæ Sedi Apostolicæ de jure reservatum, in quibus casibus majorem auctoritatem a Nobis non habentibus, excepto in mortis articulo omnimodam absolvendi interdicimus potestatem.

Item ne deinceps hæsitetur, qui casus Decanis nostris Christianitatis sint concessi, eorum declarationem hic duximus annotandam: & sunt hi: videlicet: pec-

peccatum contra naturam in omni ætate a mulieribus perpetratum, & in viris citra vigesimum annum : Pollutiones in omni ætate: Perjuria, & fidei fractiones extra iudicium factæ: votorum non solennium transgressiones. Iniectiones manuum in parentes, & in Clericos citra decimum quartum annum, ubi non fuerit gravis læsio, vel deliberatio. Sortilegia, quæ non fiunt circa Sacramenta, vel Sacramentalia. Parvulorum oppressiones casuales. Clandestinæ nuptiæ. Incestus (exceptis, matre, filio, filia, fratre, sorore) stuprum virginis, omnia adulteria, hoc salvo, quod si clandestinæ nuptiæ, incestus, stuprum, & adulteria huiusmodi per duos testes, aut plures, qui his interfuerint, aut alias per communem famam vel infamiam, probari possint, prius super his Ecclesiæ, vel nostram iurisdictionem exercentibus satisfiat. Iniectiones manuum mulierum in Clericum, vel Sacerdotem ubi non est enormis læsio, de qua tamen si probari possit, ut dictum est, prius læso, & Ecclesiæ satisfiat, Sacrilugia de 40 solidis, & infra, dummodo debita fiat restitutio Ecclesiæ de eisdem; ac omnia peccata eis similia, & inferiora.

Quæ quidem inferiora Rectoribus Parochialium Ecclesiarum dimittuntur, ut puta, inordinati concubitus cum mulieribus, mollieties, peccata contra naturam in ætate puerili, in viris usque ad decimum quintum annum, & in mulieribus usque ad vigesimum quartum annum: adulteria ex una parte provenientia damnificationes, & furta dummodo fiat restitutio, quam cito facultas se obtulerit, Levis injectio manuum in parentes. Sortilegia in rebus minimis, & communibus, ubi non est horror, & turpitud. Stuprum virginis occultum, abortus non procreati, sed casuales, & iis similia.

Item inhibemus omnibus, & singulis Sacerdotibus, ne confessiones mulierum, cum quibus carnaliter peccaverint, vel eas ad peccandum induxerint, audiant; nisi in magno necessitatis articulo.

Item statuimus, & ordinamus, quod si alicui sit imponenda poena publica, aut solemnis poenitentia, talis ad Nos, vel Vicarios nostros remittatur absolvendus.

Item præcipimus omnibus Ecclesia-

rum Parochialium Rectoribus, ut suos Parochianos sæpe moneant, & inducant, ut frequenter ad confessionem accedant, ad minus semel in anno omnia peccata sua consiteantur suo proprio Sacerdoti, scilicet Rectori Parochialis Ecclesiæ, vel alteri de ejus licentia, qui quidem Rector Parochialis ideo magis proprius dicitur esse Sacerdos, quia non solum confessiones audit, sed etiam ministrat Sacramenta: & una cum Corpore Christi reverenter recipiant, & quos seiverint omisisse infra mensem post festum Paschæ quolibet anno, curiæ nostræ referant, vel rescribant absque dissimulatione quacunque.

Item animarum subditorum nostrorum salutem providere cupientes, omnibus vere poenitentibus & confessis; qui eorum Ecclesiam Tornacensem devote visitaverint, & de bonis eorum dederint, centum & quadraginta dies: Item Benefactoribus pauperum suorum suarum Parochiarum 40 dies. Item omnibus, & singulis quod die deferentibus funera, seu corpora pauperum de domibus ad Ecclesiam, & qui exequiis intererunt, 30 dies. Item omnibus, & singulis flectentibus genua, & dicentibus *Pater noster*, qui in Missa audierint nominare hoc nomen JESUS, vel hoc nomen MARIA, vel hæc verba: ET VERBUM CARO FACTUM EST, 20 dies. Item comitantibus Presbyterum Corpus Christi, vel extremam unctionem ad infirmos deferentem, si fuerit de die 20., si fuerit de nocte 40 dies. Item illis, qui devote interfunt processionibus, quæ fiunt in suis Ecclesiis Parochialibus 20 dies. Item qui exequiis, & funeralibus Presbyterorum interfuerint 40 dies. Item qui primæ Missæ Sacerdos novi interfuerint 40 dies. Item illis, qui ob reverentiam, & honorem Domini nostri JESU Christi, & Ecclesiæ sanctæ, assurgunt Sacerdotibus 20. dies de injectis sibi poenitentis relaxamus.

Item Statuta Prædecessorum nostrorum insequendo, & ad obviandum fraudibus, quæ in foro poenitentiali committi possent, statuimus, & ordinamus, quod de cætero Religiosi mendicantes, qui singulis annis ad prædicandum, & confessiones audiendum, per Nos, seu Vicarios nostros admittuntur, litteras admissionis eorum Decanis locorum, ubi præ-

prædicare, seu confessiones audire intendunt, præsentare teneantur, antequam actus confessionis & prædicationis exercent, ut ipsi Decani in prima eorum convocatione nomina dictorum Religiosorum admissorum, cum eorum potestate facta per schedulas, & alias Curatis valeant declarare, alias nullatenus admittantur.

Item revocamus ex nunc omnes & singulas facultates per Nos quibusvis personis Ecclesiasticis sæcularibus, seu religiosis, cujuscunque ordinis de absolvendo subditos in casibus Nobis, vel nostris Decanis Christianitatis, aut Curatis nostræ Diœcesis reservatis & commissis, per Nos hæcenus concessas; volumusque & præcipimus, quod eisdem facultatibus non utantur, nisi a Nobis super hoc in scriptis speciale obtineantur commissionem & facultatem.

Caput V. *De Testamentis & Sepulturis.*

Item præcipimus & Injungimus Decanis nostris, quatenus bona mobilia Presbyterorum quorumcunque Nobis subditorum in nostra Diœcesi decedentium statim post obitus eorum arrestent, fideliter inventorient, & sub stricto, & securo arresto inventoriata teneant, quoadusque eis constiterit, an Presbyteri defuncti testamentum condiderint, vel ne; si autem intestati decesserint, bona prædicta sic arrestata, & inventoriata per dictos Decanos ad majorem utilitatem vendantur; & taliter super hoc Decani disponant, quatenus ipsi inde gentibus, & officiariis nostris computum & rationem loco, & tempore debitis reddere possint. Si vero testamentum condiderint, non relaxent Decani arrestum, nec manus inde amoveant, quoadusque eis legitime constiterit testamentum prædictum, per Nos, seu Curiam nostram fuisse & esse approbatum: tunc enim, & non citius toleramus bona ipsa recedi executoribus testamenti, seu aliis per Officiale nostrum loco ipsorum executorum, vel alterius eorundem, si onus hujusmodi executionis testamenti assumere recuſaverint surrogandis, injungendo Ecclesiarum Parochialium Rectoribus, quatenus nomina & cognomina eorum, qui in suis Parochiis fecerint te-

stamenta, suis Decanis rescribant infra mensem post obitum testatoris, ac etiam nomina & cognomina executorum: qui quidem Decani super hoc Curiam nostram informant infra mensem sequentem.

Item, ut executores testamentorum, qui per Curiam Tornacensem approbantur, seu eorum loco surrogandi infra annum a die obitus testatoris coram gentibus, & officiariis nostris computum & rationem reddere teneantur, vocatis hæredibus testatoris, & aliis, qui ad hoc pro suo interesse erant vocandi, inhibentes dictis executoribus & surrogatis, ne hujusmodi testamentorum executionem suscipiant, vel bona testatoris apprehendant, donec & quousque legale, & in fide dignorum præsentia fecerint de dictis bonis inventorium in scriptis fideliter redactum.

Item præcipimus omnibus & singulis Rectoribus Parochialium Ecclesiarum, quatenus suos Parochianos publice moneant, & sæpius exhortentur, ut testamentorum executiones, quas susceperunt diligenter, & fideliter expleant, & præcipue de Legatis factis Ecclesiæ, & piis locis, ac Ecclesiasticis, pauperibus, aut miserabilibus personis, satisfaciant; & quos dicti Rectores fecerint in præmissis remissos & negligentes, Curie nostræ nuntient, & scribant indilate.

Item inhibemus Parochialium Ecclesiarum Rectoribus, ne Ecclesiastica Sacramenta ministrare præsumant illis, qui extra eorum Parochias se dicunt aliud domicilium habere, & ibi fuisse confessos, nisi ipsis Rectoribus constiterit per litteras Rectoris hujusmodi alterius domicilii ipsos debite fuisse confessos, & Sacramentum Eucharistiæ recepisse; & si tales decesserint eorum corpora Ecclesiæ sepulturæ non tradantur absque Curie nostræ licentia speciali. Et si vivi tali errore per biennium perseverare præsumperint, nomina talium præcipimus per dictos Rectores Curie nostræ rescribi, ut super hoc, prout decebit, provideatur.

Item prohibemus, ne quis cadaver excommunicati, abortivi, aut alterius sepultura Ecclesiastica indigni sepelire præsumat, nisi sub distantia viginti

pedum a cœmiterio Ecclesiæ Parochialis.

Item cum salus animarum sit rebus cæteris præferenda, statuimus, ut quilibet pro salute animæ suæ de rebus & bonis suis causâ ultimæ suæ voluntatis testari, vel alias disponere valeat, præsertim ad pios usus libere, & quiete: in omnes vero, qui contra hujusmodi statutum nostrum fecerint, aut venerint directe, tacite, vel expresse, clam, vel palam, seu auxilium, consilium præbuerint, & favorem una cum aliis poenis a jure statutis, excommunicationis sententiam in his scriptis proferimus. Quæ quidem testamenta, seu testamentarias dispositiones, cum de illis per Sacerdotem testatoris, vel Scabinos loci, aut alios fide dignos, quos testator, vel dispositor elegerit, seu qui præsentibus fuerint, legitime constiterit, defendere intendimus, & tueri, prout de jure, & debite executioni demandari facere quolibet impedimento in contrarium præstito non obstante.

Item inhibemus dictis Rectoribus, & aliis Presbyteris, ne absque Nostra, aut Curæ nostræ licentia speciali, Ecclesiasticæ tradant sepulturæ corpora, seu cadavera ulurariorum, interdictorum, seu excommunicatorum quorumcunque, nec illorum, quos per famam, vel alias sciverint, seu dici audierint homicidium notorie perpetrasse, vel in incestu, seu adulterio, abjectis suis uxoribus, & simili fœditate, etiam per plures annos non confitendo, nec sua Ecclesiastica Sacramenta recipientes vixisse, nisi eis constiterit tales absolutionis beneficium obtinuisse, & per Nos, aut Curiam nostram litteras inde visas, & debite examinatas. Similiter nec cadaver, sive corpus abeujus in Ecclesia, vel cœmiterio polluto inquinare, aut sepelire præsumant, seu permittant.

Caput VI. De servitio Divino, & nonnullis concernentibus Officiis Decanorum & Curatorum.

Item præcipimus Decanis nostris, ut quocies in eorum Decanatibus contigerit jurisdictionem nostram Ecclesiasticam & spirituales, seu observationem Synodorum suarum impediri, vel Ecclesiarum immunitates infringi, aut violari,

super hoc mox faciant informationem diligenter, ac ipsam in scriptis redactam Curæ nostræ immediate transmittant.

Item injungimus dictis Decanis, nec non Curatis & Vice-Curatis, ac Capellanis, cæterisque subditis nostris in vim juramenti per eos præstiti, quatenus significant, & intiment dictæ Curæ nostræ, seu Promotori causarum ejusdem, clandestinas affidationes, nec non crimina, excessus, & delicta tam Presbyterorum & Clericorum, quam aliorum, de quorum criminibus, seu excessibus Ecclesia potest, seu debet cognoscere de consuetudine, vel de jure.

Item inhibemus Decanis nostris, nec non Curatis, & Vice-Curatis, ac Ecclesiarum Rectoribus & Ministris, ne in eorum Ecclesiis aliquem Presbyterum alienæ Diocesis ad celebrandum Missas, ac alia Divina Officia admittant, nisi per litteras nostras, aut Vicariorum nostrorum de licentia & gratia nostris expresse constiterit; nec dicti Provitores & Ministri talibus Presbyteris, vestes, calicem, aut alia ornamenta ad celebrandum apta admittrent.

Item injungimus Decanis nostris, quatenus diligenter inquirent, de & super onere Missarum & servitii, ad quod Beneficia sui Decanatus astringuntur, & summo opere vigilent, ne hujusmodi obsequiis defraudentur, & ubi defectum invenerint, statim hujusmodi Beneficiorum fructus & bona in & sub manibus nostris arrestent, & de dictis bonis faciant hujusmodi beneficiis deserviri, & etiam, quod ommissum fuerit, debite suppleri, de residuo Nobis, aut Vicariis nostris tempore & loco reddituri computum & rationem.

Item injungimus Curatis, & non Curatis, cæterisque Presbyteris & Beneficiatis in nostra Diocesi, quatenus horas suas Canonicas ad usum Diocesis debite legant: ipsique Curati, & Ecclesiarum Parochialium Rectores diebus Dominicis & Festivis, & aliis diebus, quibus eis incumbit, Missas, & alia Divina Officia celebrent, populumque eis commissum horrentur, excitent, & inducant diebus Dominicis & Festivis Ecclesiam suam Parochialem frequentare, & Divina Officia audire, & eisdem interesse,

teresse, eundemque populum fidei articulis instruere, ac crimina & maleficia detestentur.

Item quia cum tam de jure, quam vigore Constitutionum Provincialium & Synodaliū Parochiani diebus Dominicis, & Festivis ad audiendum servitium Ecclesiæ, & verbum Dei in scis Parochialibus Ecclesiis venire debeant, & eis intendere teneantur: inhibemus omnibus & singulis Curatis, cæterisque Presbyteris & Religiosis nostræ Diocesis, ne dictis diebus Dominicis & Festivis, horis decantationum summæ Missæ & Vesperarum in Capellis extra dictas Ecclesias Parochiales constitutis Divina celebrare, seu Verbum Dei prædicare præsumant, Rectoribus, seu Gubernatoribus dictarum Capellarum, ne hæc fieri permittant.

Item hortentur dicti Curati, & Presbyteri, prout Nos etiam hortamur omnes Christi fideles, quatenus cum audient de sero campanam sonare, ac pulsare ob reverentiam B. Mariæ Virginis, ter *AVE MARIA* flexis genibus dicant: intimantes eisdem, quod cuilibet id facienti, & in statu gratiæ existenti, Dominus Papa 20. dies indulgentiarum concessit, & Nos 10. eis concedimus.

Item injungant dicti Curati suarum Parochiarum Provisoribus, & Ministris tam fabricæ, quam mensæ pauperum, prout etiam eis injungimus, quatenus quolibet anno in præsentia Decani Christianitatis, aut saltem Curati rationem, & computum de per eos administratis faciant, atque reddant: & hujusmodi computa in præsentia Decani Christianitatis loci faciant in archivis, & cistis dictarum Ecclesiarum secure custodiri, ac reponi.

Item præcipiant, & injungant dicti Curati suis Parochianis, ut festa & solemnitates Dei & Sanctorum diligenter observent & celebrent, & quosciverint in hoc deficere vel errare, dictæ curiæ nostræ referre non postponant.

Item injungimus Decanis nostris, quatenus diligenter inquirent, & Nos informant infra 4 menses de & super bonis ad fundationem, & dotationem Capellanarum, nec non Confraternitatum

adhuc non confirmatarum concessis & collatis, & qualiter de dictis bonis disponitur, ut congrue super hoc provideatur: inhibeantque dicti Decani, prout etiam inhibemus, ne in dictis Capellaniis, & Confraternitatibus nondum confirmatis, Missæ, vel alia Divina Officia absque nostra licentia celebrentur.

Item prohibemus sub pœna excommunicationis, & pœna per curiam nostram arbitrandam omnibus Presbyteris, Curatis, & non Curatis, ne quis Missam bis in die celebret, seu celebrare præsumat, nisi illis diebus, quibus per Ecclesiam fieri permissum existit.

Item inhibemus sub pœna excommunicationis omnibus, & singulis Presbyteris, ne quis duabus Ecclesiis Parochialibus simul, & semel, nec alteri Ecclesiæ Parochiali propria dimissa deservire præsumat, absque nostra, aut Vicariorum nostrorum licentia speciali.

Item injungimus dictis Curatis, & Vice-Curatis, quatenus Parochianos suos hortentur & moneant, ut Sacramentum confirmationis reverenter suscipiant, & eorum proles hujusmodi Sacramentum suscipere faciant & procurent, suosque Parochianos, verbo doctrina & exemplo, viam salutis animarum suarum doceant, ac eos hortentur & excitent, ut pueros suos ad studium literarum deputent, & præcipue *Pater noster*, *Ave Maria*, Articulos fidei, *Confiteor*, *septem Psalmos*, & alias similes orationes, & Ecclesiæ suffragia addiscere faciant.

Item præcipimus, & injungimus omnibus & singulis in nostra Diocesi Beneficia obtinentibus, quatenus temporibus statutis, ad ordines, quos Beneficia sua requirunt, se faciant promoveri, & in eisdem Beneficiis residentiam personalem, ipsis deserviendo, nisi super hoc cum eis fuerit legitime dispensatum.

Item præcipimus, & mandamus, ne deinceps in nostra Diocesi aliquis per Vicarios nostros ad sacros Ordines promoveri permittatur: nisi eis debite constiterit, quod ipse promovendus Beneficium Ecclesiasticum liberum, & non accommodatum, pro ipsius sustentatione valoris annuæ minus trium librarum grossorum, aut bona patrimonialia totidem valoris sine fraude, oneribus dedu-

Etis habuerit, quod, seu quæ dictus promovendus solemniter juramento non alienare promittet, nisi sibi de aliquo Beneficio, aut titulo competenti debite fuerit provisum.

Item inhibemus Curatis, Vice-Curatis, Capellanis, cæterisque Presbyteris nostræ Diocesis, ne amodo celebrent in Altaribus majori, B. Mariæ, & Patroni suarum Ecclesiarum, nisi fuerint consecrata, & alia procurent, quantocius commode fieri poterit consecrari, in quibus dumtaxat, & non in dictis tribus, poterunt interim lapidibus portativis uti consecratis.

Item inhibemus omnibus Curatis, Vice-Curatis, & Ecclesiarum Provisoribus nostræ Diocesis, ne aliquas Confraternitates, seu Ghildas de novo institui permittant in suis Ecclesiis, nisi prius nostra, vel curiæ nostræ licentia super hoc obtenta, cum consensu Curati loci, quodque illarum convivia, seu commensationes nullatenus in suis Ecclesiis, quæ Domus orationis sunt, non convivorum, fieri, neque cibaria in Ecclesiarum cæmeteriis, sub pœna 20 librarum, quoties id fecerint, preparari permittant.

Item inhibemus Curatis, Vice-Curatis, & Ecclesiarum Provisoribus, ne indulgentias quascumque in eorum Ecclesiis, seu Capellis admittant, neque publicari, aut Altaribus appendi permittant, nisi de nostra, vel Vicariorum nostrorum licentia speciali literatorie constiterit.

Caput VII. De Immunitate, & libertatibus Ecclesiarum & Ecclesiasticarum personarum.

Item inhibemus omnibus, & singulis subditis nostris, ne in Ecclesiis, Cæmeteriis, aut locis sacris placita sæcularia teneant, aut exerceant, vel exerceri permittant, ludos quoque joculariorum, & histrionum, vel forum rerum venalium, seu proclamationes edictorum, vel bannorum justitiæ sæcularis fieri tolerant.

Item statuimus, quod ubicumque obsidentur Ecclesiæ, vel Cæmeteria adversus eos, qui causa immunitatis habendæ ibi confugiunt, moneantur obsidentes per locorum Rectores, seu eorum

vice-gerentes, ut recedant, & desistant: alioquin dicti obsidentes nuntientur excommunicati, & ibidem cessent a Divinis.

Item statuimus, quod si Ecclesia, vel Cæmeterium polluat quovis modo, sic quod reconciliatione indigeat, nisi ille vel illa, qui in hujusmodi pollutionis culpa fuerint, infra mensem reconciliationem procuraverint, Parochiani loci infra duos menses sequentes reconciliationem fieri facere, & procurare teneantur, actiones eis contra illum, vel illos, quorum culpa pollutio facta est, super damno & interesse reservata.

Item, quia nonnunquam banniti, exules, & alii malefactores ad immunitatem Ecclesiæ confugientes, solent ibidem minus devote se tenere, & ad longum tamquam in domo privata habitationis suæ perseverare, commellationes, & convivia publice in conspectu omnium cum amicis, per sepe cum impudicis mulieribus in Ecclesia tenere, & alta voce cantare, insolentias inhonestas, & rumores facere, tabernam publicam de Ecclesia Dei facientes; ea propter super hoc providere cupientes, districtè præcipiendo mandamus omnibus Curatis, & Vice-Curatis nostræ Diocesis, ne amodo talia permittant, quin immo bannitos, exules, & malefactores quoscumque talia perpetrantes, moneant nostra auctoritate, ut infra triduum post monitionem sibi factam ab inde recedant, cum intimatione expressa, quod nisi id fecerint cum effectu, per Decanum Christianitatis loci, assumpto secum auxilio brachii sæcularis, si opus est, extrahantur per ipsum ad prisoniam Curie nostræ adducendi, ut de eis cognoscat noster Officialis, an immunitate Ecclesiæ sic facientes gaudere debebunt, an non.

Item præcipimus Decanis nostris, & specialiter injungimus, quatenus Presbyteros, & Clericos, quos per Justitios laicales captos & detentos seiverint, statim auctoritate nostra requirant, ac eos restitui procurent, eosque ad curiam nostram indilare, si pro crimine capti, & restituti fuerint, adducant juxta sua demerita corrigendos, & puniendos. Si vero pro levi delicto cau-

sare

sive civili, vel emenda pecuniaria, capiti & restituti fuerint, sub & mediante cautione idonea ad curiam nostram prædictam certa die ibidem comparituri transmittantur.

Caput VIII. *De Vita & Honestate Clericorum.*

Item inhibemus sub pœnis juris, & aliis per Nos arbitrandis omnibus & singulis Presbyteris, Beneficiatis, ac Officiatis, & Religiosis nostræ Diœcesis, ne vestes nimium breves, aut in spatulis alarum, comam seu bireta retroplicata, pileos etiam cum cornicis, seu sotulares rostratos indecent, aut alias vestes statui Ecclesiastico non congruentes gestare, & ne arma portare, aut tabernas, seu taxillorum, aut alios illicitos ludos, aut spectacula frequentare, seu negotiis sæcularibus se immiscere, vitamve dissolutam & inhonestam ducere præsumant; sed a frequentatione tabernarum, & ludorum illicitorum, ac armorum portatione penitus abstineant; & si armati, vel dissolute vestiti incedere, vel sævis aut illicitis actibus se immiscere reperti fuerint, volumus & requirimus eos per laicales iustitios capiti, ac Nobis restitui pro suis demeritis juxta casum exigentiam puniendos.

Item præcipimus & mandamus dictis Presbyteris, & Beneficiatis Nobis subditis, ne in domibus eorum, vel alibi concubinas teneant, & si quas habuerint, eas immediate expellant: injungentes Decanis nostris, ut quilibet in suo Decanatu super hoc diligenter inquireat, & quid invenerit, Nobis, aut Curie nostræ frequenter referat, vel rescribat, ut contra eos districte, & prout decet, procedatur.

Item injungimus dictis Curatis, Vice-Curatis, & Presbyteris, ut a crapula & ebrietatibus, ac cibariis nimis exquisitis, aut delicatis abstineant, & ut convivia, aut conversationes, sive commestationes cum laicis non habeant, præcipue ubi conveniunt mulieres, de quibus possit haberi suspicio aliqualis, sive nota, alioquin prout decebit, contra eos procedatur.

Caput IX. *De bonis & ædificiis Beneficiorum.*

Item præcipimus Decanis, ut ad futuram rei memoriam, & conservacionem jurium Beneficiorum, quilibet Beneficia sui Decanatus, & eorum terras, bona, redditus, & pertinentias in scriptis particulariter & districte redigat, ac registrum inde faciat, quod vel ejus veram copiam, bene collationatam de triennio in triennium in suis compotis reportare non postponant.

Item si contingat aliquem Curatum, Vice-Curatum, seu Capellanum beneficiatum in Diœcesi nostra, sententia excommunicationis a jure vel ab homine lata innodari: statuimus & præcipimus, quatenus statim Decanus loci fructus Beneficii excommunicati prædicti arretet, & sub manibus nostris teneat, faciatque de dictis fructibus Beneficio excommunicati in Divinis deserviri.

Item statuimus & ordinamus, quod Abbates & Conventus Monasteriorum nostræ Diœcesis, bona hujusmodi Monasteriorum vendere, alienare, seu permutare, aut redditus vitales, seu perpetuos super dictis bonis vendere, vel assignare, contractusve alios super venditione, seu alienatione hujusmodi bonorum facere de cætero non possint, nisi pro evidenti utilitate, & de Nostra, aut Vicariorum nostrorum licentia speciali. Et si tales contractus, quos omnino prohibemus, facere præsumperint, pronuntiamus & declaramus illos viribus carere, & effectum, aut executionem sortiri non debere, immo ex nunc decernimus eosdem contractus cassos, irritos, penitus & inanes.

Item injungimus Decanis nostris, quatenus quilibet in suo Decanatu arretet, & sub manibus nostris gubernari faciat fructus omnium & singulorum Beneficiorum Nobis subditorum, quorum possessores in eis residenciam non faciunt personalem; nisi cum eis super hoc per Nos, aut Vicarios nostros fuerit litteratorie dispensatum, vel ipsi in studio generali, aut loco privilegiato resident: & de hujusmodi privilegio, ac testimoniali residentie legitimæ doceant, cujus prætextu hujusmodi fructus suos facere possint. Ordinantes insuper,

ut ultra duos menses in anno Curatus ab ejus Ecclesia Parochiali absens esse non possit, quam absentiam duorum mensium, dum eam ex causa rationabili facere voluerit, Decano loci tenebitur intimare, alioquin Ecclesiæ fructus suos facere non possit pro anno suæ absentiae memoratae.

Item injungimus Curatis, Capellanis & Beneficiatis nostræ Diocesis, quatenus infra annum, suorum Beneficiorum domos, & ædificia sustentent, & debite reparent, & si in præmissis negligentes fuerint aut remissi, Decanus loci hujusmodi Beneficiorum fructus statim arrescat, & de dictis fructibus reparationes in hujusmodi ædificiis necessarias indilate fieri faciat, & nisi circa præmissa Decani vigilaverint, & diligentiam fecerint: volumus & ordinamus, quod hujusmodi reparationes necessariæ propriis sumptibus & expensis dictorum Decanorum negligentium fiant, & expellantur.

Item præcipimus, quod quicumque Beneficiati Nobis subditi omnia bona & redditus suorum beneficiorum tam in missalibus, quam in aliis libris authenticis scripto fideliter redigant: & alienata recuperent, inhibentes eisdem, ne quidquam de dictis bonis vendere, aut alienare, seu parentibus consanguineis, aut aliis personis dare, assignare, seu transferre, nec de dictis bonis quidquam acquirere, nisi ad opus Beneficii possint, aut valeant quovis modo, etiam nec in fundis alienis quidquam de hujusmodi bonis ædificare quoquo modo præsumant; decernentes nullum & invalidum quidquid secus factum fuerit.

Item inhibemus quibuscumque Prælati, Presbyteris, & Beneficiatis Nobis subditis, ne libros, calices, vestes, jocalia, seu ornamenta suarum Ecclesiarum, & Beneficiorum Divino cultui dedicata vendant, alienent, impignorent, aut alias de eisdem disponant, quominus res ipsa Officio Divino in Ecclesiis prædictis applicari valeat.

Item statuimus, quod si quis Presbyter terras sui beneficii ad censum sine fraude conceaserit, & postquam censitor per ejus laborem expensas & industriam hujusmodi terras melioraverit, dictum

Presbyterum ante terminum censæ contingat decedere, vel resignare, quod eo casu successor in beneficio decedentis, vel resignantis hujusmodi censum approbare, aut censitori meliorationem ipsam arbitrio vel judicio proborum reddere, & refundere teneatur. Et si super his oriatur discordia, illam per Officalem nostrum terminari volumus.

Item, quia aliqui abusus circa regimen beneficiorum nostræ Diocesis tam in Divinis Officiis, quam in administratione bonorum eorundem fieri, & committi possent, ex quo Ecclesiarum bona perduntur, & diminuuntur: prohibemus, ne deinceps aliquis Beneficiatus in dicta nostra Diocesi bona, terras, redditus, & proventus sui beneficii Nobis subditi ullo modo in emphiteosim, neque etiam ultra 9. annos, in arrendam, seu ad firmam aut locationem dare, nec aliquas terrarum, bonorum, seu hæreditagiorum dictorum beneficiorum, ad alia, aut cum aliis facere præsumat, absque Nostra, aut Vicariorum, seu Officialis nostrorum licentia & autoritate, quod si quis contra fecerit, contractus ipse nullus sit, & arbitrarie puniatur.

Item Decanis nostris Christianitatis districtè præcipimus, quatenus debite, & diligenter inquirent, & curiæ nostræ referant, an per Presbyteros idoneos Nobis subditos, seu admissos, Capellis, & aliis Beneficiis nostræ Diocesis non Curatis, Missæ, & alia Divina Officia secundum institutionem, beneficiorum, & intentionem fundatorum, debite celebrentur: & si negligentia comperiat in his & similibus, volumus debite provideri.

Item injungimus Decanis nostris, quatenus diligenter inquirent, & curiæ nostræ referant, si in Ecclesiis, Monasteriis, Prioratibus, & Hospitalibus, & aliis piis locis nostræ Diocesis, cultus Divinus debite fiat, & si debitus Religiosorum, vel aliarum Ecclesiasticarum Personarum ad hoc determinatus numerus, pro servitio Divino, celebrando in eisdem resideat; inhibentes Abbatibus, Prioribus, & aliis Ecclesiasticis Personis quibuscumque, ne tantum de bonis ipsarum Ecclesiarum capiant, aut extorquere præsumant, quod residuum hu-

jus-

jusmodi bonorum sufficere nequeat ad sustentationem Religiosorum, & aliarum Personarum Ecclesiasticarum in dictis locis deservientium, aut ibidem existentium, atque ad reparationes ædificiorum, aliasque necessitates ipsis in Ecclesiis & locis incumbentes.

Item injungimus, & præcipimus Decanis nostris, ne aliquem Presbyterum ad deservendum Ecclesiæ Parochiali recipiant, nisi prius eis constiterit, per Nostras, aut Vicariorum patentes literas, dictum Presbyterum Nobis præsentatum, & per Nos admissum fuisse, volumus etiam fructus Ecclesiæ, cujus servitio Presbyter non præsentatus, & admissus se intrinsece, statim per Decanum loci arrestari, & sub manibus nostris gubernari, ut ibidem tam ad Officium Divinum, quam alias auctoritate nostra debite provideatur.

Item præcipimus, & injungimus sub pœna excommunicationis, & anathematizationis omnibus & singulis, qui celaverint, & celant feoda, jura, redditus, & proventus ad Ecclesiā nostram Tornacensem & Episcopatum nostrum, seu alias Ecclesias, vel Beneficia nostræ Diocesis spectantia, & pertinentia, & eis, qui seiverint aliqua de præmissis fuisse, & esse male alienata, aut substracta, quatenus infra duos menses, postquam præmissa seiverint, Nobis & curiæ nostræ, referre & revelare non omittant.

Caput X. De Literarum & Mandatorum
nostrarum, & Curie nostræ executione.

Item præcipimus, & mandamus Curatis, & Vice-Curatis, Presbyteris, & Notariis Nobis subditis, quatenus literas, & mandata curiarum nostrarum eis directa viderent, & diligenter exequantur: nec non literas excommunicatorias & aggravatorias, infra summæ Missæ celebrationem, diebus Dominicis & Festivis, alta voce publicent coram populo, ut excommunicati vitari, nec causam ignorantie prætereundum possint, injungentes eisdem executoribus, ut quater in anno in dictis Ecclesiis suis, dum aderit populi multitudo, registrant interdictionum, & excommunicatorum absque dissimulatione legant, & publicare non

omittant, nec differant, vel postponant literarum, & mandatorum prædictorum executiones facere, vel Portitoribus, seu Procuratoribus hujusmodi literas reddere, & restituere executas, propter minas, inhibitiones, seu requestas, vel preces Dominorum temporalium, seu quorumcunque aliarum personarum; & si dictarum literarum, & mandatorum Executores videant, aut formident Portitoribus literarum periculum imminere, eos dirigere, & a dicto periculo liberare, quantum in eis fuerit, procurent: ac literas, & mandata ipsis Portitoribus statim reddant executas: ita quod non habeant expectare, nisi voluerint.

Item inhibemus omnibus, & singulis literarum inhibitoriarum, per Clericos impetratarum Executoribus, ne in executione earum formam solitam prætermittant, videlicet, si in ipsis literis inhibitoriis contineatur clausula: *Si pro levi, vel si pro gravi delicto, &c.*

Advertant Executores, si delictum Clerico imposito grave existat, & eo casu sint adeo de dicto Clerico securi, ut quanto citius poterunt, ad prisonias curiæ nostræ adducatur. Et si delictum leve fuerit, ipsum Clericum mediante cautione ad certum diem, ad curiam nostram transmittant, ad vel infra quam diem, Executor Officiali nostro, casus Clerico impositi declarationem una cum nominibus pro eo cautionem præstantium, referat, vel rescribat. Ordinantes insuper & statuentes, quod Decanus, vel alter quicumque dictarum literarum inhibitoriarum Executor pro sola executione facta in villa vel oppido, quo dictus Executor residebit, ultra duodecim solidos monetæ Flandriæ a Clerico exigere non valeat. Et si extra villam, vel oppidum pro executione fienda dictum Executorem accedere, aut pluribus diebus vacare contingat, sit moderato salario contentus. Quod si ultra justum, & moderatum salarium exegerit, iptum etiam Clerico non obstante, ad restitutionem compelli, & acerrime puniri volumus & mandamus.

Item ad obviandum fraudibus, & malitiis, quæ per abusores sub umbra falsarum literarum sæpius contra simplices personas Nobis subditas committuntur,

tur, eas ad adversa judicia, & loca citando, monendo, ac expensis & laboribus multipliciter inquietando: statui-
mus & ordinamus, ne de cætero, quis li-
teras aliarum curiarum in nostris civitate
& Dicecesi exequi præsumat, nisi prius
per Officiale nostrum dictæ literæ visæ,
& per ejus placitum roboratæ fuerint.

Caput XI. *De Sententia excommuni-
cationis, & cessu a Di-
vinis.*

Item Prædecessorum nostrorum ve-
stigia insequentes tam auctoritate Sacro-
rum Canonum, quam in vim Statuto-
rum, & *Constitutionum Provincialium*
& *Synodali* hæcenus editarum, quas
& quæ volumus in suo robore perma-
nere, nec eis derogare intendimus, ex-
communicatos publice nuntiari manda-
mus per Ecclesiarum Rectores, ac alios
Presbyteros, omnes & singulos utrius-
que sexus incendiarios, & Ecclesiarum
infractores seu violatores.

Item omnes illos & illas, qui con-
tractis sponsalibus in civitate & Dicecesi
Tornacensi, etiam si super hoc banni fue-
rint proclamati, vel ne absque Nostra,
aut Curia nostræ licentia speciali in alie-
na Dicecesi matrimonium contrahunt, aut
solemnizant, & qui præmissis scienter
interesse, vel ad hoc consilium, favo-
rem, & auxilium præbere præsumunt.

Item omnes illos & illas, qui scien-
ter in gradu prohibito, vel tempore a
jure interdicto matrimonium in simul
contrahunt, ac illos & illas, qui post
conventiones, vel sponsalia consummare
præsumunt solemnitate Ecclesiæ omi-
ssa: omnes etiam illos & illas, qui vel quæ
sponsalibus aut matrimonio aliquod im-
pedimentum fide inveniunt, & confin-
gunt, quominus ad matrimonium pro-
cedatur.

Item etiam omnes & singulos tam
Clericos, quam laicos, qui conjuratio-
nes, aut verius conspirationes commu-
nibus eorum expensis, aut alias faciunt,
ad præstandum impedimenta contra li-
bertates Ecclesiasticas, & jurisdictionem
nostram spiritualem.

Item omnes & singulos Dominos
temporales, qui suis subditis inhi-
bent, ne unus alium in foro Ecclesiastico tra-

hat, ac conveniri faciat, aut alias dire-
cte, vel indirecte jurisdictionem nostram
impediunt.

Item omnes & singulos Dominos
temporales, qui tallias, subsidia, anga-
rias, perangarias, aut alia indebita, &
extraordinata onera, viris Ecclesiasticis
inducunt, & imponunt, & eas ab ipsis
exigunt & recipiunt, nisi ipsi Ecclesia-
stici ex causâ hoc liberaliter concele-
rint.

Item omnes & singulos Religiosos
exemptos, & non exemptos, qui absque
nostra, aut curiæ nostræ licentia regi-
men Ecclesiæ Parochialis Sacramentorum
matrimonii, vel alterius administrationi
præsumpserint, se immiscere.

Item omnes & singulos, qui li-
gando in curia nostra, vel ad eam quæ-
relando, accedentes impediunt minis,
prohibitionibus, aut alias directe, vel
indirecte, quominus causas suas in curia
nostra prolequantur, aut propter hoc
eis, vel eorum consanguineis, vel affi-
nibus molestias per se, vel per alios infe-
runt, aut inferri procurant, vel eis
auxilium, consilium, aut favorem præ-
stant.

Item omnes & singulos Presbyteros
& Clericos, qui torneamentis, aut ha-
stilibus, sive talibus actibus se immiscere
præsumunt.

Item omnes & singulos, qui statu-
ta fabricant, edunt, & servant, ac ser-
vari faciunt, contra Ecclesiasticam liber-
tatem, etiam statuiimus, & scriptores hu-
jusmodi statutorum, nec non laicales
justitios, qui talia faciunt statuta, &
illa præcipiunt, & mandant observari, &
secundum ea judicant in præjudicium
Ecclesiasticæ libertatis.

Item excommunicari mandamus om-
nes illos & illas, qui matrimonialiter con-
juncti ab invicem se separant, & seorsum
se tenent absque judicio Ecclesiæ.

Item excommunicatos nuntiari man-
damus omnes exemptos, & non ex-
emptos, qui etiam interdicti tempore
usurarios publicos, aut excommunicatos
sepeliunt in loco sacro.

Item excommunicatos nuntiari man-
damus omnes & singulos privilegio Cle-
ricali gaudere debentes, qui pro excessi-
bus

bus & delictis per eos commissis sponte & voluntarie respondent coram laicalibus iustitiariis, & se eorum ordinationi submitunt, & ultra hæc ordinamus, dictos Clericos ex officio Curie nostræ citari, & canonica punitione gravissime puniri.

Item excommunicatos nuntiari mandamus omnes & singulos, qui cogunt, & compellunt per captionem, minas, aut alium terrorem Clericos ad deponendum tonsuram, & ad induendum contra eorum voluntatem vestes non clericales, & se submitendum iustitiæ sæculari.

Item excommunicatos nuntiari mandamus omnes & singulos, qui prohibent, vel impediunt, directe vel indirecte, ne victualia, aut alia bona Presbyteris, Religiosis, vel aliis Ecclesiasticis personis vendantur, seu expendantur.

Item excommunicatos nuntiari mandamus omnes & singulos temporales iustitios, & alios sæculares, qui in odium jurisdictionis Ecclesiasticæ, Presbyteros, Religiosos, aut alios Ecclesiasticos, quos sciunt iudicio Ecclesiæ se submisisse, & ad forum Ecclesiasticum recurrisse, vexant, molestant, vel exleges faciunt, seu alias inquietant quoquo modo.

Item excommunicatos nuntiari mandamus omnes & singulos, qui aliquem confugientem, vel se tenentem in Ecclesia, vel cœmeterio, aut alio loco sacro causa immunitatis habendæ, capiunt, percutiunt, vulnerant, aut violenter extrahunt, & eos, qui ad hoc auxilium, consilium, & assistentiam præbent.

Item excommunicatos denuntiari mandamus omnes & singulos, qui Nostras, aut Curie nostræ, seu Decanorum nostrorum litteras a portitoribus violenter capiunt, lacerant, vel eisdem portitores verberant, percutiunt, aut male tractant; & qui hoc fieri mandant.

Item excommunicatos nuntiari mandamus omnes & singulos, qui Decanos impediunt, ne libere teneant suas Synodos, & ob hoc testes, seu Scabinos Synodales male tractant; vel eis in odium eorum officii injuriuntur, & qui in hoc eis auxilium, seu consilium præbent, atque favorem.

Item excommunicatos nuntiari man-

damus omnes & singulos, qui cogunt aliquem in locis interdicto suppositis Divina celebrare, & qui interdictos & excommunicatos in Ecclesia ad audiendum Divina evocare præsumunt, & qui excommunicatos prohibent, ne Ecclesia exeant: quod si interdicti, & excommunicati hujusmodi per celebrantem exire moniti non recedant, illico celebrantem a Divinis cessare volumus. Poterunt tamen ii interdicti & excommunicati in Ecclesia interesse, dum in ea prædicabitur verbum Dei: proviso, quod prædicatione facta, statim inchoato servitio Divino recedant.

Item præcipimus, quod in Parochia, in qua Canonicus, Curatus, seu Capellanus infra nostras civitatem & Diocesim Beneficiatus, vel Presbyter de nostris civitate & Diocesi oriundus, seu, qui alienæ Diocesis ad deservendum Ecclesiæ Parochiali, aut Capellanæ, per Nos, aut Curiam nostram institutus, verberatus, aut vulneratus fuerit, mox ibidem a Divinis cessetur. Et si Curatum, Capellanum, aut Presbyterum, vel Nostrum, aut Curie nostræ litterarum executorem, seu portitorem interfici contingat, quod absit, præcipimus undique ad unam leucam a loco criminis perpetrati mox cessari a Divinis: & nihilominus occisores singulis diebus festivis, publice in Ecclesiis denuntientur excommunicati.

Item ubicumque portitores litterarum, & mandatorum, aut litterarum, vel mandata Curie nostræ, & pariter ubi Presbyteri, aut litterarum Executores capiuntur, & invitis detinentur, tam in loco captionis, quam loco detentionis præcipimus, & mandamus cessari a Divinis: etiam ubi Domini temporales, seu Judices, & Iustitiiarii sæculares faciunt, aut fieri mandant præcepta & inhibitiones contra jurisdictionem nostram, & ejus consuetudinem hæcenus observatam.

Item statuimus, ut si aliqui reperti fuerint, cessationem a Divinis indebitè indici procurasse, per Officialem nostrum ad expensas legitimas, & interesse partis condemnentur, & alias gravissime puniantur.

Monemus insuper omnes illos & illas, qui sententiam excommunicationis quavis auctoritate latam, per annum &

amplius pertinaciter sustinuerint, corde & animo induratis, quatenus infra duorum mensium spatium proximo computandorum absolutiones suas, in forma debita obtineant; alioquin contra ipsos excommunicatos, prout iura volunt, & requirunt canonice sanctiones, canonice procedemus. Curatis vero, & Vice-Curatis dictæ nostræ Diœcesis districte iungimus, quatenus omnibus & singulis Parochianis suis, sicut præmittitur, excommunicatis præsentem nostram monitionem tam ad eorum proprias personas, quam in plebis suæ Ecclesiis, diebus Dominicis aut Festivis populo inibi ad audiendum Divina congregato, palam & publice notificent, & insinuent, nec non eosdem excommunicatos, & quemlibet eorum expresse moneant, ut a dicta excommunicationis sententia se absolvi faciant: monitionem vero huiusmodi, nomina, & cognomina suis patentibus literis infra mensem proximum Curie nostræ omni excusatione & favore positis significant, ut contra eos, prout iustum fuerit, procedatur.

Item præcipimus Decanis nostris Christianitatis, ut quolibet anno reportent in scriptis nomina, & cognomina illorum, qui per biennium & ultra, non formidant in excommunicationis sententia permanere, contra quos tamquam in fide suspectos, nisi pœniterint, & absolutionis beneficium meruerint obtinere, procedi volumus & mandamus.

Caput XII. De Prædicatoribus & Quæstoribus.

Item inhibemus Decanis nostris, ac omnibus & singulis Ecclesiarum Rectoribus, ne aliquem Religiosum, aut alium ad prædicandum, seu confessiones subditorum nostrorum audiendum, vel ad deserviendum Ecclesiæ Parochiali, vel alteri beneficio, seu officio Ecclesiastico, nostræ Diœcesis admittant, seu admitti permittant, nisi per litteras nostras, aut Vicariorum nostrorum constiterit, ipsum Nobis præsentatum, & per Nos admittum esse.

Item præcipimus, quod quæstuarii, sive quæstores, absque Nostra, seu Vicariorum nostrorum, aut Curie nostræ speciali licentia, in Ecclesiis, plateis, &

vicis negotia suarum quæstarum, exponere, vel verbum Dei prædicare non permittantur, inhibentes Decanis, & quibuscumque aliis subditis nostris, ne litteras quæstæ alicui pro casu quocumque concedant, nostra Curia prædicta inconsulta; nec permittantur dicti quæstores suas quæstas exponere diebus solemnibus, quibus populus communicare consuevit, utpote in festis Paschæ, Pentecostes, omnium Sanctorum, Nativitatis Domini, Dedicationis Ecclesiæ & Patroni loci.

Item statuimus, ut nullus quæstor admittatur in aliqua Ecclesia, nisi prius ibidem facta quæstæ generali pro pauperibus infirmis, & miserabilibus personis illius loci, sive Parochiæ, quibus de bonis Parochianorum est subveniendum, & nuntient Præsbyteri suis Parochianis, diebus festivis, quod ex determinatione Concilii Provincialis cuilibet Parochiano, eleemosynam dictis pauperibus, infirmis & miserabilibus personis eroganti, Episcopus loci 40. dies Indulgentiarum concessit, V. De Pœnit. & Indulgentiis.

Caput XIII. De Convocationibus Decanorum.

Item cum Decani nostri Christianitatis convocationem suorum Curatorum in aliquibus locis ter, & in aliis quater in anno temporibus minus aptis tenere consueverint: statuimus & ordinamus, quod a modo dicti Decani nostri huiusmodi suas convocationes teneant, & faciant dumtaxat ter in anno; videlicet: primam inter festum Epiphaniæ, & festum Purificationis B. MARIE, Secundam vero inter Dominicam EXAUDI, & festum Trinitatis. Terciam vero inter festum B. Remigii, & omnium Sanctorum.

Item præcipimus & mandamus, quod omnes Curati, & Vice-Curati Nobis subditi, diebus & terminis prædictis in dictis convocationibus, ac locis per dictos Decanos qualibet vice deputandis, personaliter compareant, nisi gravi infirmitate, aut alio legitimo impedimento, de quibus litteratorie fidem facere teneantur, quod oppressi fuerint: & qui in iis defectuosi, aut negligentes erunt, per Curiam nostram tamquam rebelles, &

& inobedientes, puniri volumus & mandamus.

Item quia tam per mortem, quam alias, Ecclesiarum nostræ Diœcesis Rectores, nonnunquam renovare contingit, volumus & ordinamus, quod ille, vel illi, cui, vel quibus regimen curæ animarum per Nos, aut Vicarios nostros de novo committitur in proxima convocatione, quæ fiet, post huiusmodi onus sibi commissum, statuta nostra debite collationata, & per Decanum loci signata, adinstar aliorum Curatorum, & Vice-Curatorum nostræ Diœcesis, qui anno quolibet post festum Purificationis gloriolæ Virginis MARIÆ, talia statuta nostra portare, & Decano nostro Christianitatis loci, sub quo erunt, præsentare tenebuntur, secum portent, & suo Decano ostendant.

Caput XIV. *De comparitione ad Synodum, & eam tangentibus.*

Item omnibus & singulis, qui nostræ Synodo tenentur interesse, ad comparandum in nostra proxima Synodo feria III. post Dominicam *Misericordia Domini*, anno Domini Millesimi, quadringentesimi, octuagesimi tertii tunc currentis in Ecclesia nostra Tornacensi, hora septima de mane assignamus, ac eis, & eorum cuilibet absque alia evocatione intimamus, nisi interim aliter auctoritate nostra fuerit ordinatum.

Item statuímus, ut quicumque canonico impedimento detenti ad Synodum nostram comparere non valent, Procuratores cum litteris suis mittant, suscepturos, quicquid Synodus ipsa rite statuerit. Procuratores autem suos ita instructos mittant, ut in animas eorum jurare possint, quod canonico impedimento sunt detenti; cuius impedimenti species, sive causa in ipso procuratorio exprimat: alioquin mittentes pro excusatis non habebuntur.

Item præcipimus, ut venientes ad Synodum honeste incedant, & in honestis hospitibus se recipiant, sumptus moderatos faciant, & ne in veniendo, stando, aut recedendo nimiam faciant moram, nec recedant absque licentia; in iungentes Decanis nostris, ut in albis & stolis, cæteris autem Presbyteris, ut cum

superpelliciis dictæ Synodi celebrationi intersint.

Item præcipimus, ut singuli Presbyteri, qui ad Synodum huiusmodi venire tenentur, Constitutiones nostras Synodales habeant, & si contigerit, eisdem additiones, subtractiones, aut mutationes fieri, ad nostrarum exemplar corrigant & emendent. Statuentes insuper, & Ecclesiarum Parochialium Rectoribus districte præcipiendo, & injungendo, ut huiusmodi constitutiones & statuta publicent, & maxime ea, quæ continentur in Capitulo, sive titulo: *De immunitate Ecclesiarum, & De sententia excommunicationis*, ac in vulgari exponant in Ecclesiis suis Parochialibus, quater in anno, videlicet ipso die Pentecostes, in festo B. Remigii in capite Octobris, in festo Nativitatis Domini, & Dominica in ramis Palmarum infra Missarum solemniam immediate post Offertorium.

Item revocamus omnes & singulas gratias tam super non residentiis Beneficiorum, quam aliis quibuscumque per Nos, aut Vicarios nostros hæcenus, quacumque occasione, quibuscumque personis tam Ecclesiasticis, quam sæcularibus factas, ac eas, & litteras inde factas cassamus, & annullamus: nisi expresse clausula Synodali revocatione interim forsan facientes non obstante, in eisdem contineatur.

Postremo cupientes salutem animarum subditorum nostrorum more pii patris, & boni pastoris providere, omnibus & singulis personis utriusque sexus dictæ nostræ Diœcesis, sententiis interdicti & excommunicationis ad instantiam, & prosecutionem suorum creditorum Nostra, vel Curie nostræ Tornacensis auctoritate ligatis & innodatis, quæ infra festum Nativitatis Domini N. J. Christi proxime venturi, suis creditoribus satisfaciant, aut cum ipsis concordabunt, sicque in eorum absolutione consentiant, de quo officialiis nostris debite constiterit. Volumus, & de gratia speciali indulgemus, eorum solutionem a Nobis, seu dictis Officialiis nostris gratis & sine expensis pro hac vice obtineant, & assequantur: Mandantes omnibus & singulis Curatis, & Vice-Curatis nostræ Diœcesis, quatenus huiusmodi gratiam nostram in Ecclesiis

clésiis suis Parochialibus, & alibi, ubi opus fuerit, quamprimum & repetitis vicibus, publice legant, notificent, & diligenter insinuent.

Lectæ & publicata fuerunt Statuta Synodalia præscripta in *Synodo Episcopali Tornacensi* per præfatum Reverendissimum in Christo Patrem, & Dominum D. Cardinalem Episcopum Tornacensem in sua Ecclesia S. Salvatoris Brugensis celebrata. Assistentibus sibi R. in Christo Patre, Domino Ægidio, Episcopo Sarreptano, Suffraganeo, ac DD. ac Magistris Ægidio Lapostole, Decretorum Doctore, Joanne de Carvin Officiali, Adriano Milot Vicariis dicti Reverendissimi Patris, Joanne Pavonis Sigillifero, Paulo de Porta Secretario dictorum Vicariorum, Nicolao Danckart, Jacobo de Vivario Promotoribus, & Ægidio Vandhouven Scriba Curia Tornacensis in Brugis, per me Jacobum Magistrum Joannis, ejusdem Reverendissimi Domini Cardinalis Secretarium, Feria V. post B. Remigii mensis Octobris die IV. Anno Domini *Millesimo, quadringentesimo, octingentesimo primo*. Præsentibus R. R. Patribus, Dominis Philippo S. Petri, Raphael S. Bavonis juxta

Gandavum, Waltero S. Petri Oudemburgensis, Judoco S. Andreæ juxta Brugas S. Benedicti, Philippo de Brimen S. Amandi in Pabula Commendatario, Joanne S. Nicolai juxta Tornacum, Philippo S. Bartholomæi de Echout in Brugis, Antonio de Dulci-Valle S. Augustini Ordinum Monasteriorum Abbatibus; Petro Bogaert S. Donatiani Brugensis, Joanne de Neuville B. Mariæ Curtracensis Ecclesiarum Collegiarum Decanis; Adriano de Poitiers S. Petri Insulensis, Carolo de Campis ejusdem S. Petri Thoraltensis etiam Ecclesiarum Collegiarum Praepositis, Cantore S. Piat Secliniensis; nec non pluribus aliis Prælati & Patronis tam Ecclesiasticis, quam Secularibus, ac duodecim Decanis Christianitatis, una cum Curatis, & Vice Curatis suorum Decanatum, & pluribus aliis Beneficiatis Diœcesis Tornacensis ibidem comparentibus ad præmissa vocatis.

Collationatum ad exemplar authenticum in Archiepiscopatus Tornacensis.

Impressum anno 1726. a D. Le Grunx in Summa Statutorum Synodaliū Ecclesiæ Tornacensis, cum Synopsi vitæ Episcoporum L. II. pag. 81.

TREVERICÆ SANCTIONES

Anno Christi MCCCCLXXXII. Sixti IV. Pp. XII.
Friderici III. Imp. XLIII.

SUB JOANNE II. (a) ARCHI-EPISCOPO.

ANNO MCCCCLXXXII. JOANNES Badensis, Treverorum Metropoli, in urbe sua salutaribus Ecclesiasticam disciplinam edictis, formare aggressus labefactas vel avaritia, vel pravi moris licentia Cleri partes restituit, multaque præclara faciendis nte moribus Decreta publice proposuit.

CAPITA SANCTIONIS.

I. Ut Wernerii Archi-Episcopi Decretum, quo liberam Clericis testandi potestatem fecit, atque super his legassent, ita jus fore civit incolume, citumque maneret: ut quibus negotii vel publici, vel privati gerendi causa justè Divinorum munerum in Sacerdotum Collegiis ob-

eundorum vacationes extra ordinem concessæ fuissent, nî Sigillifero Rhenensem aureum jure, non amplius, penderent; at minus etiam, si Sacerdotii parvitas id exposceret.

II. Porro, qui in absentium loca submittantur, ubi ab Officiali judice idoneis esse præditi moribus censi fuissent, aureo dimidiato, vel minore tenerentur pro gradu facultatum Ecclesiæ, cujus officiis servituri essent.

Addit posthæc

III. Qui tabulas matrimoniales, ut bonis honestisque rationibus nullo prohibente jungantur, ab Officiali accipiunt, Rectores Ecclesiæ suo nequaquam jure fraudent.

IV.

(a) Joannes, Marchio Badensis, Bernardi Badensis Filii, eligitur a Capitulo Treverico anno 1456. Archi-Episc. Trevericus.

IV. Ut lustrando expiandoque polluto, violatoque sacro solo pro Aqua Gregoriana, quam dicunt, seu reconciliatione, plus aureo pretii monetæ usitatæ non solvatur. In submissioris autem fastigii sacris ædificiis, sex duntaxat albi.

V. Ut Frugum primitiæ, proventuumque Sacerdotiorum vacantium, quas Archi-Episcopus auferre solet, possessio-ribus, si petant, alioquin Ecclesiasticis viris, nullo autem pacto profanis, elocentur.

VI. Ut pœnitentiæ administrandæ functio non nisi idoneis hominibus imponatur, & quos vitæ integritas & doctrina amplissimis Academiæ testimoniis probata commendat.

VII. Ut Cenfor Fiscalis Ecclesiasticorum injurias non negligat.

VIII. Ut ipse Archi-Episcopus, & ordinis utriusque Magistratus, Ecclesias, Ecclesiasticorumque fortunas in Trevirensi, Lotharingico, Barrensi, & Lutzelburgiorum solo strenue, summaque fide defendat, ac propugnet: ut intacta sacra

bona relinquat, Clerique cum æquitate jura temperet: judicia tam sacra, quam profana ab omni fraude & calumnia repurget.

IX. Tribunalia vero sacra ex instituto JACOBI Decessoris, utrobique cum Treveris, tum Confluentiæ recte, sapienterque ordinata de novo inspiciat, ac recognoscat: cum eo tamen, uti ne hæc omnia Nobilium & Militarium Diœcesis privilegiis, aut laudabilibus eorum institutis fraudi sint, ac detrimento.

In quorum fidem & testimonium JOANNES Archiepiscopus, binas literas scribi, sigilloque suo communiri iussit, datas in civitate sua Treverensi vigesimo septimo mensis Novembris MCCCCCLXXXII.

Has Literas *Encyclicas multi Synodographi in Synodo datas scripserunt: ego malui loqui verbis Broweri & Masenii.*

Annales Treverorum Broweri & Masenii Typo Leodienfi anno 1760. ad b. a. N. CLXIII.

SYNODUS COLONIENSIS

Anno Christi MCCCCCLXXXIII. Sixti IV. Pp. XIII.
Friderici III. Imp. XLIV.

STATUTA partim nova, partim antiqua superioribus temporibus in diversis Synodis promulgata, & pronunciata, auctoritate & mandato Domini HERMANNI ARCHIEPISCOPI, ac per ejus Officiale Synodaliter edita, innovata, publicata, & firmiter observari mandata.

Venerabilis, & Egregius Vir Dominus (a) Officialis Curiae Colonienfis innovat omnia & singula Statuta Provincialia & Synodalia hujus insignis Ecclesiæ Colonienfis, nec non alia quæcunque mandata & pronunciata in diversis *præteritis Synodis*, hic lecta & publicata, & mandat omnia, & singula ille firmiter observari sub pœnis & censuris inibi contentis: & præsertim innovat statuta, quorum principia causa brevitas (ex quo singuli Christianitatum Decani & Parochialium Ec-

clesiarum, & Capellarum Rectores Diœcesis Colonienfis eorundem statutorum copiam habere, & illa publicare & observare tenentur, prout eis in singulis Synodis mandatur) hic legantur, & publicentur in modum infra scriptum, & primo statuta quondam Reverendissimi Patris ac Domini, D. ENGILBERTI Archi-Episcopi Colonienfis, & successive suorum Successorum.

Y y y 3

EN-

(a) Joannes Meuchen, Præpositus Ecclesiæ S. Severini, Archi-Diaconus in Heselohn, fuisse videtur hoc anno Officialis Curiae Colonienfis.

ENGILBERTI II. (b)

SIFRIDI (c)

Contra eos, qui manus in Clericos, vel Personas Ecclesiasticas injiciunt temere violentas. Incipiens:

Statuimus, ut sacrilegi, qui suadente Diabolo, Dei timore postposito manus injiciunt in Clericos &c.

Ejusdem contra raptores, & invasores honorum Ecclesiarum &c. incipiens:

Atque ad reprimendum importunam præsumptionem raptorum &c.

Ejusdem. De eodem.

Prædones autem, raptores, & invasores hujusmodi & eorum recept. &c.

Ejusdem contra detentores, seu substractores decimarum: incipiens:

Item cum sacrilegi censeantur &c.

Ejusdem contra impediētes Ecclesiasticorum Judicum jurisdictionem, & executionem sententiarum: incipiens:

Ne vero jurisdictionem Judicum Ecclesiasticorum, sive Ordinarii &c.

Ejusdem contra eos, qui Clericos non sine violenta manuum injectione capiunt, & detinent: incipiens:

Quia vero in tantam vesaniam plerumque prorumpit quorundam &c.

Ejusdem contra occisores, & mutilatores Clericorum: incipiens:

De occisoribus, & mutilatoribus Clericorum & Clericos &c.

Ejusdem contra eos, qui minas intulerint Personis Ecclesiasticis de corpore, vel rebus: incipiens:

Volentes item malo antequam eveniat, quantum possumus, obviare &c.

Ejusdem contra Clericos, qui mutilant, vel occidunt Clericum: incipiens:

Statuimus etiam, ut Clericus occidens, vel mutilans Clericum &c.

Ejusdem contra Clericos in executionibus sententiarum remissos, & sententias ipsius modo debito non servantes: incipiens:

Hebdomadarii item in Ecclesiis Conventualibus, Plebani &c.

De vita, & honestate, & officio Clericorum incipiens:

Ex Concilio Generali statuimus & præcipimus, quod universi Clerici &c.

Ejusdem de Clericis cohabitatoribus mulierum & concubinaris: incipiens:

Ex Concilio bonæ memoriæ CONRADI Archi-Episcopi &c.

Ejusdem de Sacramento penitentiae, & confessionis, & eorum attentis: incipiens:

Præcipimus, ut Sacerdotes Parochialium Ecclesiarum subditos &c.

Ejusdem de matrimoniis, & ejus attentis: incipiens:

Prohibeant frequenter Sacerdotes omnibus subditis suis &c.

Ejusdem de sepulchris, & cimiteriis: incipiens:

Statuimus, ut nullus excommunicatus, & publice denunciatus in &c.

Ejusdem de malefactoribus ad Ecclesiam confugientibus: incipiens:

Quia nonnulli homicidia, mutilationes membrorum, & alia &c.

Ejusdem de usurariis manifestis: incipiens:

Statuimus, ut usurarii manifesti (quos nos in his scriptis excommunicamus) &c.

Ejusdem de Clericis in Ecclesiis, vel Capellis celebrantibus sine nostra, vel Archi-Diaconorum licentia: incipiens:

Statuimus, ut nullus Sacerdos, vel Clericus in Ecclesia Parochiali, vel Capella audeat celebrare sine &c.

Ejusdem de executione mandatorum nostrorum, & curiæ nostræ Coloniensis: incipiens:

Præcipimus districtè sub pœna excommunicationis latæ sententiæ in his scriptis, quod Decani &c.

Ejusdem de interdicto Ecclesiastico, qualiter sit observandum: incipiens:

Cum plerumque, & communiter circa observationem interdictorum, perniciose hætenus sit erratum &c.

(b) Anno 1266. Engelbertus II. celebravit Synodum Coloniae, constantem Capitulis XIV. e qua Synodo hæc excerpta hic renovantur. Vide Tomi nostri tertii pag. 61.

(c) Sifridi Colonienſis Archiepiſc. Concilium de anno 1281. Tomi III. nostri pag. 657.

WICH.

WICHBOLDI (d)

De Apostatis, discursoribus, & vagis Clericis.

incipiens:

Quia vero (ut intelleximus) aliqui Clerici, utpote apostatæ, discursor. &c.

*Ejusdem de Legatis fabricæ Ecclesiæ Colonien-
sis, & de pena. Incipiens:*

Si quis fabricæ Ecclesiæ Sancti Petri, & Parochiali Ecclesiæ &c.

Ejusdem de manifestis usurariis. Incipiens:

Excommunicamus, & excommunicatos denuntiamus omnes usurarios manifestos, & singulis &c.

Ejusdem, ne fiat questio in Ecclesia, vel via publica per Concionatores questuarios. Incipiens:

Sacerdotes non permittant Prædicatores questuarios &c.

Ejusdem, ne aliquis detineat Legata fabricæ Ecclesiæ majoris Colon. Incipiens:

Monemus item omnes Sacerdotes, & alios quoscumque nostræ &c.

Ejusdem, ut unusquisque promoveat fabricam majoris Ecclesiæ Colon. Incipiens:

Item præcipimus, & injungimus universis Presbyteris Colon. &c.

Ejusdem, de laicis Provisoribus structurarum Ecclesiasticarum. Incipiens:

Item statuimus, quod laici Provisorum Parochialium Ecclesiarum &c.

Ejusdem contra falsarios monetarum, & eorum receptatores. Incipiens:

Quia nonnulli in diversis partibus nostræ Diocesis falsas, seu &c.

Ejusdem, contra detentores cerocensur. Incipiens:

Item præcipimus, ut universi Ecclesiarum Rectores moneant &c.

Ejusdem, quibus horum statutorum copia necessario habenda. Incipiens:

Præcipimus etiam omnibus Decanis Christianitatum, & Plebanis locorum, ut præmissorum &c.

HENRICI (e)

Contra publicos usurarios. Incipiens:

Sed & omnes usurarios usuras publice exercentes requirimus, & monemus, quatenus suæ salutis &c.

Ejusdem contra illos, qui faciunt statuta in præjudicium Ecclesiasticæ libertatis, & Episcopalis jurisdictionis. Incipiens:

Item omnes illos, qui statuta ediderint, vel statuta servaverint facta in præjudicium Ecclesiasticæ &c.

Ejusdem, contra perturbatores jurisdictionis Officialis nostri &c. Incipiens:

Item omnes illos, qui in Consistorio nostro, vel alias, dum Officialis noster, vel alii Officiales &c.

Ejusdem contra Prælatos usurpantes sibi jurisdictionem Episcopalem. incipiens:

Monemus item omnes, & singulos jurisdictionem habentes &c.

Ejusdem, ne alienus, seu ignotus permittatur celebrare in Ecclesiis. incipiens:

Cum item a jure penitus sit interdictum, ne quis ad celebrandum &c.

Ejusdem, quod pro clandestino matrimonio excommunicatos nullus habet absolvere, nisi Officialis Colon. Incipiens:

Licet etiam hæcenus Sacerdotibus ruralibus & Decanis, ne excommunicatos pro matrimoniis &c.

Ejusdem contra illos, qui temere absolvent excommunicatos ab Episcopo, seu Officiali, & qui adulterant literas, aut monetam. Incipiens:

Cum autem minor in majorem non habeat potestatem, districtius &c.

Ejusdem, contra illos, qui truncos erigunt in plateis & oblationes tollunt. Incipiens:

Item cum ex usurpatione quadam per aliquorum laicorum insolentias sit inductum, quod trunci lignei &c.

Ejusdem, quibus diebus Parochiani teneantur venire ad Ecclesiam suam Parochialem. Incipiens:

Quia

(d) Wichboldus, Archiepisc. Colon. anno 1360. celebrat Concilium, ex quo hæc excerpta. Vide Tomum IV. Concil. German. pag. 37.

(e) Henricus, Archiepisc. Colon. tres Synodos celebravit, unam anno 1306, aliam anno 1307, Diocesanas, quas vide Tomo IV. Concil. German. pag. 99. & 106. Tertiam Provincialem celebravit anno 1310. Statuta XXIX. continentem, descriptam Tomo IV. pag. 117.

Quia vero dubium quibusdam extitit de festis, in quibus Parochiani &c.

Ejusdem, contra Clericos tonsuram Clevicalem, & vestes Clericales non deferentes. Incipiens :

Item præcipimus in virtute sanctæ obedientiæ Decanis Ecclesiarum &c.

Ejusdem, ne quis laicus arreslet, vel detineat bona Clericorum. Incipiens :

Statuimus item & inhibemus sub pœna excommunicationis latæ sententiæ in his scriptis, ne quis &c.

Ejusdem, ne laici faciant statuta in præjudicium alicujus Ecclesiæ. Incipiens :

Inhibemus etiam laicis universis & singulis, ne quis statuta &c.

WILHELMI (f)

Contra illos, qui officium tabernariorum exercent injuste. Incipiens :

WILHELMUS Dei Gratia &c. Prædecessores nostri bonæ memoriæ, HENRICUS & WALRAMUS, considerantes statum Clericorum &c.

Ejusdem, de usurariis manifestis, & exercitibus contractus dictos Hantgelt. Incipiens :

WILHELMUS &c. omnibus, quibus ex privilegio competit, proponere verbum Dei, præcipiendo &c.

Ejusdem, quod homines existentes de loco interdicto non habeant admitti ad Sacramenta Ecclesiastica in loco non interdicto. Incipiens :

WILHELMUS &c. perniciosus quidam, ut intelleximus, in nonnullis nostræ Diocesis partibus abusus inolevit, quod loco aliquo &c.

Ejusdem, contra injectores manuum in Clericos & Ecclesiasticas personas. Incipiens :

WILHELMUS &c. multiplicata fide dignorum ad Nos perduxit relatio, quod complures scelerati, qui &c.

Ejusdem, ne aliquis assumatur in Capellanum, vel Vicarium sine Episcopali licentia, & quod Rectores de eleemosynis retentis fabricæ teneantur satisfacere. Incipiens :

WILHELMUS &c. ad nostrum non sine displicentia pervenit auditum, quod nonnulli Rectores, seu Curati &c.

Ejusdem, Religiosi extra sua Monasteria moram trahant, & contra receptatores eorum. Incipiens :

WILHELMUS &c. vergit quidem in totius religionis opprobrium &c.

Ejusdem, ne Quæstores cum crucibus, vel calicibus admittantur in Parochiis sine licentia data per Episcopum, aut Capitulum. Incipiens :

WILHELMUS &c. meminimus Nos jam dudum, & vicibus multiplicibus &c.

Ejusdem, contra detentores, & substractores Legatorum fabricæ &c. Incipiens :

WILHELMUS &c. multifariis excitationibus nos oportet &c.

Ejusdem, ne Religiosi quicunque quæstum publicum faciant, vel male quæsta incerta, alias quam ad fabricam Ecclesiæ Colonienfis ordinent. Incipiens :

WILHELMUS &c. etsi de statu cunctarum Ecclesiarum nostræ &c.

Ejusdem, contra exercentes contractus Hantgelt. Incipiens :

In Synodali congregatione facta universis Clericis &c. præcipiendo &c.

FRIDERICI (g)

De Presbyteris concubinariis, & focariis ipsorum. Incipiens :

Porro statutum bonæ memoriæ D. CONRADI Prædecessoris &c.

Ejusdem, ut capto aliquo Clerico statim cesset a Divinis. Incipiens :

Item licet jam dudum certus modus per nostros Prædecessores &c.

Ejusdem contra usurarios, & exercentes contractum, qui nuncupatur Hantgelt. Incipiens :

Præterea felicitis recordationis Domini ALEXANDRI III. constitutionem &c.

Ejus-

(f) Wilhelmus, Archiepisc. Colon. Concilium celebravit anno 1351. in quo Canones XXXV. conditi. Vide illud Tomo IV. Concil. German. pag. 370. & sequentibus.

(g) Fridericus de Sarwerden, Archiepisc. Colonienfis, multa Statuta Synodalia edidit inter annos 1370. & 1400, quæ leges omnia Tomo IV. Concil. German. a pag. 548.

Ejusdem, ne aliquis Sacerdos inebrietur, vel calceos rostratos deferat. Incipiens:

Præterea, cum ex Decreto Concilii Agathensis, quod incipit: Ante &c.

Ejusdem, quod matrimonium contrahere volentes debito modo proclamentur. Incipiens:

Item Statutum, seu Mandatum piæ memoriæ D. HENRICI Prædecessi, &c.

Ejusdem, contra injectores manuum in Clericos, vel minas, vel alias damna Ecclesiis, aut personis Ecclesiarum &c. Incipiens:

Item licet statutum, quod incipit: Item cum magnum sit scandalum, dudum per fœlicis recordat. &c.

Ejusdem, quod quilibet tenetur in anno semel confiteri, & Sacramentum Eucharistiæ a proprio accipere Sacerdote. Incipiens:

Item Statutum bonæ memoriæ Domini HENRICI Prædecessoris nostri, seu præceptum, quod incipit: Canonum &c.

Ejusdem contra illos, qui in Consistorio Ecclesiastico deliquerint contra Officalem, Advocatos, vel Procuratores. Incipiens:

Item Statutum, seu mandatum bonæ memoriæ Domini HENRICI Prædecessoris nostri, quod incipit: Item omnes illos &c. Per quod quidem &c.

Ejusdem, quod omnes habeant copiam Statutorum Colonienfium. Incipiens:

Cæterum omnia, & singula Statuta Prædecessorum nostrorum usu, & moribus utentium recepta, & usitata &c.

Ejusdem, de impediendis jurisdictionem, de violatoribus immunitatum, & de excommunicationis per annum & amplius, non tumulandis. Incipiens:

FRIDERICUS Dei Gratia &c. Quamquam Sacris Canonibus, & nonnullorum Prædecessorum nostrorum &c.

Ejusdem contra usurarios, Lombardos ac Sanguis capientes. Incipiens:

FRIDERICUS &c. Universis, & singulis Christianitatum &c. Quamvis usurarum voraginem, quæ animas &c.

Item mandat Venerabilis Dominus Officialis Curie Colonienfis sub pœna excommunicationis omnibus, & singulis Christianitatum Decanis, & aliis, quibus opus fuerit, ut ipsi hujusmodi pronunciata recipiant, atque in suis Capitulis, Pastoribus, & Plebanis sui Decanatus eadem diligenter publicent, ipsisque mandent, & committant, eadem pro posse, & nosse fideliter observari sub pœnis inibi comprehensis.

Ex editione Statutorum Ecclesiæ Colonienfis facta anno 1554.

CONCILIIUM CONSTANTIENSE DIOECESANUM

Anno Christi MCCCCLXXXIII. Sixti IV. Pp. XIII.

Friderici Imp. XLIV.

SUB OTTONE EPISCOPO LXXI.

OTTO, (a) DEI ET APOSTOLICE SEDIS GRATIA, EPISCOPUS CONSTANTIENSIS; UNIVERSIS SÆCULARIUM ET REGULARIUM ECCLESiarum PRÆLATIS, RECTORIBUS, PLEBANIS, VICE-PLEBANIS, CANONICIS, CAPELLANIS, PRESBYTERIS, ET CLERICIS PER CIVITATEM ET DIOECESIM NOSTRAS UTILIBET CONSTITUTIS, PRÆSENTIBUS ET FUTURIS, SALUTEM IN DOMINO SEMPTERNAM.

Gubernator & Rector omnium rerum cœlestium, & terrenarum æquo moderamine cuncta disponens in terris, tam in spiritualibus, quam sæcularibus

(a) Otto, Comes a Sonnenberg, ex familia Comitum Truchsesiorum de Walburg, electus anno 1481, præfuit usque ad annum 1491. juxta *Chronicon Constantiense* Pistorii.

Tomus V. Concilior. German.

Z z z

ribus rebus voluit esse legum conditores, ut homines propulsatis vitiis, & insolentis magis humaniter juxta legem naturæ viverent, & se ipsos recognoscerent, ita quoque justitia roboraretur, vigeret æquitas, & candor innotesceret honestatis taliter, ut appetitus noxius sub juris regula constitutus, alterum non lædat, jus suum unicuique tribuat. Horum itaque consideratione inducti, diversas Constitutiones Synodales Prædecessorum nostrorum, in diversis codicibus dispersas, sub debita modificatione adjiciendum, his aliquas novas, quæ a jure fundantur, æquitati deserviunt, & continent honestatem, in unum colligimus volumen, sive libellum, quas auctoritate nostra ordinaria mandamus per vos inviolabiliter observari, volentes, ut universi Nobis subiecti infra scriptis utantur pro Statutis Synodalibus in futurum, atque quilibet Decanus Nobis subiectus habere teneatur ipsum volumen, sive libellum nostro sub sigillo per eum, seu ejus vices gerentem in Capitulo rurali Confratribus suis, & aliis, quorum interest, singulis annis, qualibet excusatione cessante, bis ad minus publicandum.

*De Summa Trinitate, & Fide
Catholica.*

Inprimis igitur omnia & singula, in Sacro Provinciali Concilio Moguntinensi dudum celebrato, per recolendæ memoriæ quondam Dominum CONRADUM, tunc Archi-Episcopum, & Metropolitanum loci, tam de Fide Catholica, quam veneratione & memoria Passionis Domini nostri JESU CHRISTI, & ipsius Beatissimæ Matris semperque Virginis MARIÆ, ac reformatione morum provide statuta & ordinata, quæ hic volumus haberi pro expressis, devotissime suscipimus, & illa ab omnibus subditis nostris inviolabiliter observari mandamus. Indulgentiasque similes, scilicet quadraginta dierum, per civitatem & Diocesem nostras omnibus contritis & confessis, qui juxta mentem eorundem statutorum contra hæreses Johannis Wigklaff, Johannis Hufs, & Jeronymi de Praga damnatorum, operam & efficaciam dederint; ac illis, qui memoriam Passionis Domini nostri JESU CHRISTI, seu

venerationem Gloriosissimæ Virginis MARIÆ deinceps egerint, de DEI Omnipotentis misericordia, auctoritate nostra ordinaria de injuncta eis poenitentia elargimur.

Ad idem, de Blasphematoribus.

Quamvis a Sacris Canonibus, & Sanctorum Patrum traditionibus contra manifestos Sanctorum blasphemos, ac damnatum & abhominabile idololatricæ scelus, videlicet incantationes, superstitiones, & sortilegia phizonum, & phitonissarum, in locis diversis sufficienter cautum & provisum existat; quia tamen, quod mentis amaritudine referimus, adhuc vitia talia in multis locis Nobis subiectis existunt in usu: quapropter erroribus & periculis, exinde indices confluentibus, quantum in Nobis est, obviare cupientes, districte statuto presenti perpetuo duraturo præcipimus, ut contra tales Statuta canonica desuper edita summa cum diligentia ab universis Nobis subiectis practicentur, & in confessionibus de peccatis hujusmodi tolerari fiat inquisitio, & tam mares, quam mulieres talia exercentes a communione Sacramentorum excludantur, ac pro absolutione ad Nos, vel Vicarium nostrum remittantur: & nihilominus, si qui publici blasphemii reperti fuerint, vel de hujusmodi incantationibus, vel superstitionibus, ab Ecclesia reprobatis se intromiserint, vel eisdem fides adhibuerint, ut ab his infra breve tempus eis statuendum desistant, volumus moneri sub poena suspensionis a Divinis, & Ecclesiastica sepultura, a qua non nisi per Nos, vel Vicarium nostrum, aut nostros Superiores valeant liberari & absolvi, hoc etiam statutum nostrum salutiferum, ne quis illius ignorantiam prætereundum possit: volumus per regentes curam animarum in cancellis Ecclesiarum, si & quotiens expedire visum fuerit, solenniter publicari.

De officio Decani.

Indemnitatibus Ecclesiarum, & Beneficiorum, quæ frequenter propter eorum longam vacationem grandia in spiritualibus & temporalibus dispendia patiuntur, occurrere volentes, statuimus, ut quilibet Decanus, seu ejus locum

cum tenens, singulis annis ad minus bis, scilicet in quibuslibet sex mensibus semel in præsentia Confratrum suorum, in loco capitulari congregatorum, de omnibus Beneficiis infra Decanatum suum vacantibus, Curatis & non Curatis, quæ ultra tempus, Collatoribus, seu Patronis eorum a jure statutum vacaverint, nec non de ipsis Collatoribus, & Patronis, ac eorum nominibus diligentius inquirat, Nobis, seu Vicario nostro in Spiritualibus illa cum suorum Patronorum, & Collatorum nominibus, quam primum commode possit, sic tamen quoque istud ultra duorum mensium spatium non differat post inquisitionem hujusmodi, in scriptis notificet: quod si facere obmiserit, penam suspensionis ab officio Divinorum dicto duorum mensium spatio lapsa incurrat, quam etiam pœnam quilibet Confratrum, qui super præmissis requisitus, ea Decano scienter celaverit, incidat simili modo. Verum quia nonnulli prætextu litterarum Apostolicarum, quas se impetrasse mentiuntur, Ecclesiastica Beneficia vacantia propria temeritate in periculum suarum animarum occupare præsumunt; Ordinamus, ut de cetero quilibet Decanus, seu ejus locum tenens, tam eorum, qui infra suum Decanatum Ecclesiastica Beneficia vigore litterarum Apostolicarum affecuntur, quam etiam Beneficiorum, & Patronorum eorundem nomina infra mensis spatium, a tempore affecutionis hujusmodi computandum, Nobis, & Vicario nostro referibat, seu notificet, alioquin similem pœnam, ut præfertur, dicto mense lapsa incurrat, tempus autem a jure datum pro conferendis Beneficiis Patronis Ecclesiasticis sex menses, laicis vero quatuor intelligatur.

Ad idem.

Præterea statuimus, & ordinamus, ut quilibet Decanus, seu locum ejus tenens, infra proximos tres menses a publicatione præsentium omnes suos Confratres, cæterosque Presbyteros sæculares & Religiosos infra suum Decanatum Beneficia Ecclesiastica inofficiantes, de quorum titulis, investituris, seu induciis sibi non constat, ad ostendendum sibi investituras, titulos, aut inducias Beneficiorum suorum autoritate nostra in

scriptis cum insertione causæ suspensionis requiratur. Et de cetero nullum infra suum Decanatum ad inofficiandum aliquod Beneficium Ecclesiasticum, nisi prius ostenderit sibi titulum, investituram, aut inducias sigillatas, scienter toleret, vel admittat. Quod si Decanus quempiam talium litteras suas, ut præfertur, sibi non ostendentes, in regimine, & inofficiatione Ecclesiastici Beneficii contra præmissa tolerare præsumpserit, ipsum, ut supra mandatur, non suspendendo; ex tunc aliis quindecim diebus elapsis Decanus ipse suspensionis sententiam propter hujusmodi negligentiam suam incurrat ipso facto: sit etiam forma suspensionis, quam in scriptis Decanus ferat: Quia tu monitus, ut titulum, vel inducias tui Beneficii ostenderes infra quindecim dierum spatium; hujusmodi mandato non paruisti, nec titulum ostendisti. Idcirco autoritate mihi concessa te in his scriptis a Divinis suspendo, & suspensum denuncio. Quam formam etiam in aliis censuris infligendis juxta causarum exigentiam volumus observari.

Ad idem.

Considerantes, quod Decani rurales pro eo constituuntur, ut Clericorum honestatem, & Confratrum utilitatem procurent, excessus eorum referant, mandata nostra, Vicarii, & Officialis nostrorum debite exequantur, & singula, quæ a Superioribus mandantur, ad noticiam Confratrum suorum deducant: quæ tamen a Decanatibus suis absentes nequeant adimplere; Statuimus, & ordinamus, ut quilibet Decanus Diocesis nostræ Constantiensis teneatur infra suum Decanatum facere residentiam personalem: decernentes, ut absentes a suis Decanatibus Decani, nisi infra mensem proximum a publicatione præsentium ad residentiam taliter se cum effectu receperint, & etiam illi, qui se de cetero a suis Decanatibus absentaverint, animo alibi residendi, seu domicilium extra Decanatum suum constituendi, & fovendi, in absentia hujusmodi per unum mensem manserint, hujusmodi suis Decanatibus lapsa mensis spatio prædicto sint eo ipso privati, moxque Camerarius teneatur Confratres Capitulares pro electione alterius

Decani convocare, & alium Decanum eisdem eligere. Quod si Camerarius infra quindecim dies post lapsum dicti mensis spatium facere neglexerit, sit eo ipso Officio Divinorum suspensus.

Ad idem.

Hac insuper constitutione universis, & singulis Decanis Nobis subjectis præcipimus, ut notorios excessus, & præferim illos, quibus Ecclesia scandalizatur, quorumcunque infra suum Decanatum Beneficiatorum, seu aliorum Clericorum, infra duos menses a tempore notitiæ suæ computandum, Nobis, seu Vicario nostro notificent & conscribant. Quod si quis facere neglexerit, & huiusmodi statum executum non fuerit cum effectu, præter Omnipotentis DEI indignationem, quam incurrit, poena condigna per Nos, aut nostrum Vicarium puniatur & mulctetur. Sunt autem scandali excessus, furtum manifestum, Presbyteri homicidium, fornicatio scandalosa Cleri, & adeo notoria, quæ nulla tergiversatione celari potest. Item si Clericus literatorie communicatus publice, & in forma Ecclesiæ, celebraret, vel ministraret legendo Evangelium, seu Epistolam. Item si Clericus usuram manifeste exerceret. Item si Clericus cujuscunque gradus post monitionem Decani se tabernis, lupanariibus, & actibus illicitis, & litigiosis notorie immisceat, & his similes.

Ad idem.

Insuper ordinamus, ut nullus in Decanum ruralem nostræ Diocesis electus, aut eligendus, nondum confirmatus, officium Decani ante confirmationem suam a Nobis, vel Vicario nostro obtinendam exercere, aut se Decanum nominare vel scribere, vel pro tali genere quomodolibet præsumat. Formam autem juramenti, per Decanum quemlibet in sua confirmatione præstandi esse volumus juxta ad Nos deductam, & longeve observatam consuetudinem, ut sequitur: Primo videlicet jurabit, quod mandata nostra, Vicarii, & Officialis nostrorum pro tempore existentium reverenter exequatur, ac Nobis & eisdem fidelis erit. Quodque officium, ad quod fideliter electus est, exercebit absque dolo & fraude. Item, quod penes se habeat statuta Synodalia, & illa

quater, vel evidenti se dante necessitate, vel impedimento, ad minus bis in anno Confratribus suis ad intellectum publicabit: ea quoque inviolabiliter observabit, & ab aliis, quantum in eo est, observari faciat dolo & fraude semotis: quodque insuper excessus Confratrum suorum, prout ad se spectat, corrigere, incorrigibiles vero pro eorum excessibus, pro quibus deferendi sunt, Nobis, vel Vicario, aut Officiali nostro, deferre non tardabit.

Ad idem.

Ceterum quamvis ex Prædecessorum nostrorum, & etiam nostra concessione diu tolerata, Decanis locorum competat facultas, Ecclesiis per obitum vacantibus ad mensis spatium a die vacationis earundem computandum, & personas idoneas providendi in Divinis, & animarum curam; nihilominus tamen induciis, autoritate nostra ordinaria ad Ecclesias ipsas, vel alia Beneficia vacantia concessis, expirantibus, ipsi Decani illis provide providendi absque nostra, vel Vicarii nostri speciali licentia, nullam habeant facultatem, alioquin si secus per ipsos actum fuerit decernimus viribus carere &c.

Ad idem.

Cum autem de consuetudine legitime præscripta, Nos in bonis mobilibus, & immobilibus Sacerdotum, seu Clericorum Beneficiatorum nostræ Diocesis, defectum natalium patientium, post mortem eorundem succedere habeamus, mandamus omnibus nostræ Diocesis Decanis & Camerariis, ut quam statim ipsis, aut alteri eorundem de morte cuiusvis Presbyteri, aut Clerici Præbendati huiusmodi natalium defectum patientis constiterit, bona per eundem quæcunque sive mobilia, sive immobilia sint, sub arrecto firmo nostra autoritate ponant, aut poni faciant, inhibentes omnibus, ne supradicta bona distrahant, aut alienent, seu in usus suos convertant, sub poena excommunicationis latæ sententiæ, admonitione tamen trium dierum prævia: ac Nobis quoque, seu nostro Vicario, aut Sigillifero absque mora obitum præbendorum Presbyterorum, seu Clericorum præbendorum, cujuslibet eorundem insinuent & notificent: secus facientes ve-

ro volumus fore, & esse ab officiis suis suspensos ipso facto, donec a Nobis, aut Vicario nostro in Spiritualibus absolutionis meruerint Beneficium obtinere.

De Renuntiationibus Beneficiorum.

Univerſis noſtri Episcopatus Eccleſiaſticis Perſonis Beneficiatis diſtrictius prohibemus, ne audeant aliter, quam in manus noſtras, ſeu Vicarii noſtri in Spiritualibus, vel Superioris ſuper hoc poteſtatem habentis, Beneficia ſua dimittere & reſignare, aut illa alias nulla ſuper hoc a Nobis, ſeu Vicario noſtro, vel ab alio Superiore poteſtatem habenti, obſculta licentia relinquere. Quod ſi ſecus factum fuerit, ad huiusmodi reſignata, & diſmiſſa Beneficia, per Nos, ſeu Vicarium noſtrum, niſi forte ex cauſa rationabili tales reſignationes autoritate noſtra approbarentur, ſeu ratificarentur; quiſquam nullatenus inſtituatur.

De temporibus Ordinationum.

Sæpe contingit, quod nonnulli Clerici civitatis & Dioceſis noſtrarum vinculo excommunicationis adſtricti, aut apoſtatae, ſeu irregulares, vel idiotæ, vel alias ſuſceptione ſacrorum Ordinum indigni, in remotis partibus per alienos Episcopos quandoque furtive, & aliquando per ſaltum, & interdum extra ſtatuta tempora, & alias indebite ſe faciunt, contra Statuta ſacrorum Canonum promoveri, & deinde ſe a Romano Pontifice, vel alias promotos fore, mentientes, in ſacris Ordinibus præſumunt miniſtrare; volentes igitur his pro executione juris communis juxta poſſe providere, ſtatuiſmus, ut nullus civitatis & Dioceſis Conſtantienſis Clericus, abſque licentia noſtra, ſeu Vicarii noſtri ad ſacros Ordines promotus, in ordinibus huiusmodi in civitate & Dioceſi noſtris miniſtrare præſumat, ſeu ad executionem ordinum taliter ſuſceptorum per aliquem admittatur: imo ipſum & quemlibet ipſorum, ſic furtive promotum, ab ingreſſu Eccleſiæ ſuſpēdimus, donec & quoſque de ordinibus ſuis coram Nobis, aut Vicario noſtro in Spiritualibus legitime docuerit, & quod admitti debeat, noſtris, ſeu Vicarii noſtri patentibus literis oſtendat. Si quis autem hanc conſtitutionem tranſgredi, & contra illam in ſuſceptis ordinibus, non admiſſus,

ut prædicitur, miniſtrare præſumpſerit, eo ipſo ſententiam excommunicationis incurrat, quam etiam extunc per Decanum, & alios Conſratres, apud quos tales moram fecerint, ipſos incurriſſe, denunciari volumus, & publicari.

De Filiis Presbyterorum.

Sacris diſponentibus ordinationibus filii Sacerdotum in Eccleſiis Patrum miniſtrare, aut eas, ſeu alia in eiſdem Beneficia Eccleſiaſtica quælibet obtinere: & ipſi & alii illegitime nati, ſeu ex illegitimo coitu procreati, ſine diſpenſatione Sedis Apoſtolicæ unum Beneficium Curatum obtinere prohibentur: & ſi ex diſpenſatione huiusmodi unum Curatum, deinde, tacito defectu natalium, quem patiuntur, a ſede præſata, ut duo vel plura Beneficia ſimilem curam habentia recipere poſſint, & retinere valeant, & ſi eis Canonice conferantur, obtineant; talis diſpoſitio tanquam per ſurſeptionem obſculta nullius penitus ſit momenti: qua propter cenſentes parum fore iura condere, niſi executioni demandentur, volumus & ſtatuiſmus, ut deinceps Sacerdotum filii in ſuorum Patrum Eccleſiis, in noſtris civitate, & Dioceſi miniſtrare, aut eas, ſeu alia Beneficia in eiſdem quemodolibet obtinere non præſumant, illaque ex nunc in antea per ipſos taliter contra juris diſpoſitionem occupata, vacare decernimus, & eorum Collatoribus licentiam talia idoneis conferendi præſentibus assignamus, niſi cum ipſis per Sedem Apoſtolicam de ſuper ſit diſpenſatum: eiſdem Presbyterorum filiis, & aliis illegitime natis Beneficiatis noſtrarum civitatis & Dioceſis præſentibus injungentes, ut infra unius menſis ſpatium a publicatione præſentium de ſuis diſpenſationibus, tam ſuper eo, quod in Eccleſiis Patrum miniſtrare, ſuccedere, & in eis Beneficia obtinere valeant, quam ſuper defectibus ſuis, & pro obtinendis uno vel pluribus Beneficiis a ſede prædicta obtentis coram Nobis, vel Vicario noſtro doceant; ut animarum periculis obvietur, & Eccleſiaſticis Beneficiis debite provideatur: quod ſi ſecus fecerint, contra ipſos ſecundum ordinationes prædictas, prout de jure poterimus, procedemus.

De Clericis peregrinis.

Didicimus, quod in civitate, & Dicecesi Constantienſi plures peregrini, de quorum promotione non conſtat, in ſacris Ordinibus publice miniſtrent, & curam regunt animarum licet literas commendatitias, & dimiſſoriales ſuorum Episcoporum, vel examen nunquam oſtenderunt: volentes igitur in his providere, ſtatuiſmus, ut deinceps nullus Clericus peregrinus, ſive ſecularis, vel Religioſus exiſtat, ad executiones ſacrorum Ordinum infra civitatem, & Diceceſim noſtras in publico admittatur, niſi per literas noſtras, aut Vicarii noſtri ſe admittendum fore prius oſtendat: ſi quis autem contra hoc ſtatutum, per Nos, vel Vicarium noſtrum non admiſſus ſcienter miniſtrare, & de cura animarum ſe intromittere præſumpſerit; eo ipſo excommunicationis ſententiam incurrat, quam etiã ſententiam taliter delinquentes incurriſſe, volumus denunciari, certificandum quolibet, coram taliter excommunicatis, poſt huiusmodi denuntiationem celebrantes, ſuſpenſionis ſententiam a jure in tales promulgatam incurriere, & exinde notas contrahere irregularitatis.

De Majoritate & Obedientia.

Statuiſmus, ut unusquisque Decanus, Rector, Plebanus, Vice-Plebanus, ſive Curatus Nobis ſubjectus, litteras noſtras, ac Vicarii, & Officialis noſtrorum, noſtraque & eorum mandata reverenter ubique infra limites ſuæ Parochiæ recipiat, & ſine dolo & fraude proxima Dominica die ſequenti diligenter exequatur, nuntiosque litterarum nullo modo prodatur, ſed pro viribus defendat: ſecus autem faciens, & conſtituto de eo, puniatur. Volumus etiã, & ſtatuiſmus, ut in executione quorumcunque mandatorum, litterarum, & proceſſuum a Nobis, vel Vicario, ſeu Officiali noſtris emiſſorum, dies, menſis, annus, nomen Exequentis, & locus executionis per Rectores, Plebanos, & Vice-Plebanos apponantur, ut ſic videlicet Executor ſcribat a tergo mandati ejusdem propria ſua manu: Executum eſt " Mandatum hoc per me N. Plebanum " Eccleſiæ in N. nomen & cognomen " ſuum, ac Eccleſiæ ſuæ nomine ex-

" primendo anno intra ſcripto, die tali, " menſis talis &c." Ut de executione huiusmodi legitima fides per hoc habeatur, alioquin, ſi ſecus actum fuerit, per Officiales noſtros gravius puniatur.

Inhibemus quoque, ne quiſpiam Clericorum Nobis ſubjectorum, cuiſcunque Congregationi, Capitulo, aut Conventiculo, in quo quidquam in præjudicium ſtatus, & honoris Episcoporum Conſtantienſium, ſeu jurium Episcopaliū tractatur, intereſſe, dando conſilium, auxilium, vel favorem ſcienter & doloſe præſumat, ſecus autem faciens, noſtram incurrat ultra penam juris indignationem.

Et præterea conſiderantes, quod tunc Eccleſiaſticus ordo confunditur, cum unicuique honor debitus non obſervatur; Statuiſmus, & ordinamus, quod in Eccleſiis Collegiatis, Conventualibus, ſeu Capitularibus antiquæ honeſtates & conſuetudines approbatæ debite obſerventur, & Prælatiſ eorundem in aſſurgendo, & aliis prærogativis debita reverentia & obedientia, cum ſint columnæ Eccleſiarum earundem, exhibeantur tam a Canonicis, quam aliis ſimplicibus Presbyteris Eccleſiarum huiusmodi. Quod ſi quis huius ſtatuti transgreſſor repertus fuerit, fructibus Præbendæ ſuæ taliter puniatur, ut diſcat Superioribus honorem & reverentiam condignos impendere, & exhibere.

De Judiciis.

Quia cauſæ matrimoniales cum dependentibus, & connexis, per eos, qui poteſtatem judicandi habent, & Canonum ſtatuta non ignorant, tractari & deſiniri debent: ſtatuiſmus, & in virtute ſanctæ obedientiæ mandamus, ut deinceps unusquiſque Presbyter habens curam animarum, ac ſubditos, quorum cohabitatio, ſeu diſcohabitatio, ſeu matrimonia fama publica in veritate vel errore fuerint, itaque de his, an jure ſubſiſtere poſſint, ſaltem probabile dubium extiterit, tales, poſtquam hoc ſciunt, ſpecificè moneant, ut ſuper his infra duos menſes proximos pro declaratione diſciſionum recipienda ad Nos, vel Officialem noſtrum remittant, ut & ſententiam Judicis ſuper his petant, & ab-

inde

inde causam hujusmodi usque ad finem, quantum in eis est, protequantur. Alioquin taliter moniti, si hoc infra eosdem duos menses facere contemserint, Ecclesiastica Sacramenta eis in vita denegentur, & morientes, peccata sua non confessi, careant Ecclesiastica sepultura. Presbyter autem curatus, qui taliter monendo non processerit, per Nos, vel Vicarium nostrum graviter & condigne puniatur, volentes, ut quilibet Plebanorum hujusmodi nostram constitutionem singulis annis semel, aut bis in Ecclesiis eorumdem publicet, aut publicari faciat.

Inhibemus quoque omnibus & singulis subditis nostris Clericis, & Laicis, cujuscunque status aut conditionis existant, ne de examinatione, cognitione, vel decisione judiciali quarumcunque causarum matrimonialium aliter, quam per modum salubris consilii se intromittant, aut aliarum quarumlibet, de jure, vel consuetudine ad forum Ecclesiasticum spectantium. Secus autem facientes, decernimus excommunicationis sententiæ eo ipso subjacere. Per hoc autem non prohibemus, quominus in causis, ubi transactiones locum habent, in arbitratore & viros communes compromitti possit, per quæ discordiarum materiæ, & quæstiones celerius valeant terminari, dummodo talia in fraudem non fiant.

De Foro competenti.

Attendentes, quod laici de Ecclesiasticis negotiis intromittere se non debent, omnibus & singulis Ecclesiasticis personis per civitatem & Diocesem nostras ubilibet constitutis interdiciamus, ne quisquam laicorum Clericum ad judicia laicalia, seu sæcularia dolose trahat, aut Clerici se trahi ad talia consentiant, vel hujusmodi verita judicia subeant, seu ibidem aliquatenus respondeant, sub causarum suarum sic motorum, etiam si in hujusmodi veritis judiciis pro ipsis judicaretur, perditione seu amissione, feudalibus tamen causis exceptis, quas prout de jure volumus tractari.

*Ad idem de Foro competenti servetur
Capitulum Libri secundi, cujus
tenor sequitur de verbo
ad verbum:*

Si diligenti. (& infra) Afferuisti, te usque ad hæc tempora tenuisse, quod sit

licitum Clerico renuntiare, saltem in temporalibus causis, juri suo, & sibi laicum judicem constituere, præsertim ubi adversarii voluntas accesserit, ac tenere juramentum super hoc interpositum respondisti, immemor constitutionis, qua cavetur, pacto privatorum juri publico minime derogari: cum igitur jus hoc in Millevitanensi & Carthaginensi Concilio specialiter promulgatum sit, ne Clerici Clericos, relicto suo Pontifice, ad judicia publica pertrahant, alioquin causam perdant, & a communione habeantur extranei, & tam Episcopi, quam Diaconi, seu quilibet Clerici in criminali, vel civili negotio, si derelicto judicio Ecclesiastico publicis judiciis se purgare voluerint, etiam si pro eis lata sit sententia, locum suum amittant, & hoc in criminali actione: in civili vero perdant, quod evicerint, si locum suum maluerint obtinere; manifeste patet, quod non solum inviti, sed etiam voluntarii pacisci non possunt, ut sæcularia judicia subeant, cum sit beneficium hoc generale, non personale, cui renuntiare valeat, sed potius toti Collegio Ecclesiastico publice sit indultum, cui privatorum pacto derogare non potest: nec juramentum licite servari potuit, quod contra Canonica Statuta illicitis actionibus informatur.

Præterea inhibemus, ne de cætero quæcunque Ecclesiastica Persona civitatis & Diocesis Constantiensis Nobis subiecta civilegium, auxilium, vel subsidium laicalia contra Nos, sive jurisdictionem nostram sibi qualitercunque assumat, aut invocet, vel sibi procuret, contrarium autem facientes, eo ipso excommunicationis sententiæ subjaceant.

De Probationibus.

Ad obviandum fraudibus quorundam, qui literas de gratia, vel justitia a Nobis, vel Vicario, seu Officiali nostris impetratas signari obtinent, & solo signo contenti talibus literis pro sigillatis utuntur, attendendum, quæ signa hujusmodi duntaxat significant, quæ literæ, quibus apposita sunt per Sigilliferum nostrum, debeant expediri; præsentem constitutionem decernimus, omnes literas taliter impetratas, & in futuro obtinendas nullius fore roboris efficacitæ, vel momenti, eos etiam, qui deinceps talibus literis pro

pro veris, & efficacibus utuntur, seu recipient fraudulenter, excommunicationis sententia hoc statuto innodamus.

Ad idem.

Quia, sicut didicimus, sæpe propter defectus probationum cognationum spiritualium, pericula consurgunt animarum: eo quod ad invicem matrimonii Sacramento constrictis interdum cognationum spiritualium obstant impedimenta, quæ difficulter, vel aliquando vix, vel non probari possunt; huiusmodi periculis cupientes, quo ad Nobis subiectos obviare, decernimus, & hoc statuto perpetuo servari præcipimus, ut Ecclesiarum per civitatem & Dioecesim nostras Rectores, Plebani, Vice Plebani, & singuli Curati in baptizando pueros subditorum suorum, levantium, & baptizati nomina in registro communi, quod in sua Ecclesia habeant, conscribant, & testes quam plures assumantur. Similiter subditos suos inducant, & informant, ut deinceps in confirmatione suorum puerorum coram Episcopo testes requirant discretos & intelligentes, qui de confirmatione & tentione coram Episcopo ac nomine tenentis, dum opus fuerit, testimonium valeant dare, & facilius impedimenta huiusmodi & minoribus laboribus, & expensis valeant oportuno tempore comprobare.

De Sententia & re iudicata.

Intelleximus, quod interdum Ecclesiarum, civitatis & Dioecesis nostræ Constantiensis Rectores, seu Plebani cum suis subditis in causis matrimonialibus tam simplicibus, quam impedimentorum, in curiam nostram Constantiensem, ubi expediri debeant, adveniant, & latis sententiis definitivis, prætendentes sufficere, quod lectioni sententiæ intererant præsentibus, iubent sine literis & sententiis recedere: sæpius etiam contingit, quod latis huiusmodi sententiis præsentibus, coram suis Plebanis, & aliis asserunt, eas aliter latis esse quam sunt, & deinde secundo curiam nostram visitantes variant depositiones, & contrarias reportant sententias: & quia aliquin propter temporis diuturnitatem de sententia constare non poterit, ex quo non modica pericula eveniunt animarum, ut experientia sumus edocti: volentes igitur periculis huius-

(*) Videtur aliquid desiderari.

modi obviare, præsentibus edicto districtius inhibemus, ne de cætero aliquis Ecclesiarum Rector, seu Plebanus præmissa quomodolibet faciat, decernentes, partibus asserentibus sententias pro matrimonio, vel contra matrimonium latis, absque sententiarum literis debite sigillatis credi non debere: & nihilominus eosdem asserentes a Sacramentorum communione excludimus, salvo mortis articulo; donec & quousque sententias huiusmodi scriptas, & debite sigillatas obtrineant. Rectores autem, & Plebanos Ecclesiarum, si deinde præmissa perpetraverint, aut etiam quamcunque sententiam huiusmodi, antequam illam scriptam (*) præsumpserint, per integrum mensem ab ingressu Ecclesiæ suspendimus, fructus Ecclesiarum suarum per idem tempus cedent inofficiantibus eisdem, & subditis providentiibus reservantes.

De Vita & honestate Clericorum.

Præcepti inviolabiliter duraturo prohibemus edicto; ne de cætero aliquis Clericus in sacris Ordinibus constitutus, aut Beneficiatus infra civitatem & Dioecesim nostras, vinum sub mensura publice vendere, ministrando fercula, lectisteria & hospitium ad modum publici hospitii, aut mercatoris, ad modum laicorum exercere: puta res venales pro lucro captando remissius emere, ut carius vendat, seu alias illicite mercari per se, vel interpositam personam, quomodolibet præsumat. Si quis autem talia facere præsumpserit, & ab huiusmodi negotiationibus non resipuerit; lucrum exinde captatum Fisco nostro decernimus applicandum, atque alias, etiam gravius puniendum juxta excessus qualitatem.

Ad idem.

Quoniam valde iniquum est, & pessimi exempli, ut tempore, quo Divina celebrantur officia, Canonici, aut alii Clerici ad Divinum cultum deputati, qui devotissimæ psalmodiæ debent intendere, confabulationes, aliaque inter se habeant colloquia ad Divinum cultum minime spectantia; Statuimus & ordinamus, ut Canonici & Clerici, qui tempore Divinorum inter se colloquia huiusmodi, seu confabulationes in choro habuerint, a præsentibus, & a Præbendarum, seu Beneficiorum suo-

suorum corporibus per unum diem irremissibiliter sint suspensi, & alias ad arbitrium Decani, aut ejus, ad quem spectat eorum correctio, puniantur, qui si negligentes fuerint in hujusmodi correctione, eidem se pœnæ noverint subiacere.

Insuper inhibemus, ne de cætero Canonici vel Clerici tempore Divinorum per Ecclesiam cum laicis, vel aliis Clericis spaciari, vel deambulare præsumant; quod si contrarium fecerint, præsentis, ac corporibus Prebendarum, & Beneficiorum suorum unius diei careant irremissibiliter, & alias ad arbitrium Decani, aut ejus, ad quem spectat eorum correctio, puniantur, qui si in hujusmodi correctione fuerint negligentes, eidem pœnæ se noverint pari modo subiacere.

Ad idem.

Rursus constitutione præsentis, prout etiam in Provinciali Concilio quondam Domini CONRADI Archi-Episcopi Moguntini sancitum dinoscitur, volumus, præcipimus, & ordinamus, ut Clerici nostrarum civitatum, & Diocesis in civitatibus, & oppidis, præsertim in Ecclesiis, vestes longas statui Clericali decentes, & non subductas de vario, aut serico, nisi graduatus aut Canonicus majoris Ecclesiæ Constantiensis, vel nobilis existant, deferant, non sericias ab extra, non variatas, aut divisas, nec desuper ab extra cum plicaturis foderatis, sed manicis strictis, & alias decentibus utantur: non deferant caltios, seu sotulares inhonestos, aut indecentes, non confutios extra talum, aut rostratos, vel longis rostris protensos: itinerantibus autem ex causa brevioribus vestibus uti liceat, coronam vero & tonsuram suo statui, ordini, aut dignitati convenientem juxta Canonum Sanctiones deferant, nec armati incedant, neque gladios, seu cultellos longos portent, nisi forte extra civitatem, vel loca sua eos pergere contingat, vel de licentia Superioris pro personarum Ecclesiæ, & rerum suarum defensione id faciant: districtius insuper inhibentes, ne mantellos ab ante apertos & scissos, & alias undique clausos, & circa collum cum magna zona constrictos, diploides quoque cum manicis vix cubitum brachiorum tegentibus, collum eorum ab ante

& retro nudis apparentibus ad modum laicorum turpiter gerentium: sed vestibus honestati Clericali congruentibus utantur, prout Canonicam, & nostram gravem ultionem voluerint evitare. Hujus autem statui transgressores ad unius mensis spatium a fructibus Beneficiorum suorum noverint se suspensos, quorum fructuum dispositionem arbitrio nostro reservamus. Per præmissa tamen *Clementina: quam de vita & honestate Clericorum &c.* Nec non *Sacri Generalis Constantiensis*, ac etiam *Basilienfis Conciliorum* ordinationibus, & aliis juribus, quæ de indecentia vestium tractant, non intendimus derogare.

Item ut Clericorum, maxime Beneficiorum vita sit exemplaris, & accepta, universis Clericis beneficiatis in Sacris, & nostra Diocesi constitutis constitutione præsentis districtius inhibemus, ne ludis taxillorum, choreis, hastiludiis, torneamentis, & aliis spectaculis publicis & prohibitis interfint, aut talia exerceant, prout pœnas condignas, in contrascentes facti exigenti qualitate auctoritate nostra infligendas, voluerint evitare.

Insuper districtius inhibemus Clericis, pro sacris Ordinibus suscipiendis, itinerantibus, ne in hospitibus ludis taxillorum, aut aliis enormibus suis turpibus actibus insistant, sed honeste & clericali-ter vivant: secus vero facientes, volumus esse a susceptione Ordinum pro qualibet vice ipso facto suspensos.

Ad idem.

Et insuper excogitatis habituum novitatibus contra decentiam Clericalem obviare volentes, præsentis constitutione nostra statuimus, sancimus, districtius prohibentes, quod deinceps nullus Clericus religiosus, vel sæcularis nostrarum civitatis & Diocesis mantellos ab una in toto clausos, & alia partibus in scapula nudatos, & usque ad simbriam scissos taliter, quod indumenta, quæ sub illis geruntur, videri possint, aut vestes, seu tunicas ante & retro plicis confutas deferre præsumant, sed singuli vestibus honestati Clericali, & cujuslibet Ordini ipsorum congruentibus juxta juris, & Provincialium, & Synodaliū Statutorum dispositionem sint contenti, quodque

comas non nutrant, sed crines capitis ante & retro non nimis longos deferant, prout Canonum, & Statutorum prædictorum penas, & Nostram, & Canonicam ultionem voluerint evitare.

Simili modo præcipimus, & mandamus, ut Clerici beneficiati nostræ civitatis & Diocesis temporibus Divinorum Ecclesiarum, in- & sub quibus Beneficiati existant, absque superpellicii non accedant, vel subintrent: contrarium facientes, vice qualibet trium dierum spatio stipendiis suis præbendalibus careant, in usus fabricæ convertendis, quos etiam Decanis, Rectoribus, Plebanis, & aliis in Ecclesiis Superioribus reverentiam debitam impendere volumus sub nostra gravi indignatione, & pena superius expressa.

De cohabitatione Clericorum & Mulierum.

Sancta Generalis Synodus Basiliensis reformationem Status Clericalis intendens, inter alia constitutionem salubrem contra Clericos concubinos edidit, per locorum Ordinarios publicandam, & exequendam. Cujus quidem constitutionis ignorantiam, ne quis prætere valedere de Clero nostro, illam præsentibus inferi, cum statutis aliis nostris publicari, & districtius volumus observari, cuius tenor sequitur, & est talis:

SACROSANCTA GENERALIS SYNODUS BASILIENSIS, IN SPIRITU SANCTO LEGITIME CONGREGATA, UNIVERSALEM ECCLESIAM REPRÆSENTANS, AD PERPETUAM REI MEMORIAM.

Quicumque Clericus cujuscunque status, conditionis, religionis, dignitatis, si etiam Pontificalis, vel alterius præminentie existat, qui post hujus constitutionis notitiam, quam habere præsumatur, per duos menses post publicationem ejusdem in Ecclesiis Cathedralibus, quam ipsi Diocesani omnino facere teneantur, postquam eadem constitutio ad eorum notitiam pervenerit, fuerit publicus concubinariorum a perceptione fructuum omnium Beneficiorum suorum trium mensium spatio sit

ipso facto suspensus, quos suos Superior in fabricam, vel aliam evidentem Ecclesiarum utilitatem, ex quibus hi fructus percipiuntur, convertet: nec non & hujusmodi publicum concubinariorum, cum primum talem esse innotuerit, mox suos Superior monere teneatur, ut infra brevissimum terminum concubinam dimittat, quam si non dimiserit, vel dimissam, vel aliam publice reassumpserit, vult hæc Sancta Synodus, ut ipsum omnibus suis Beneficiis omnino privet, & nihilominus hi publici concubinarij, usque cum eis per suos Superiores post ipsarum concubinariorum dimissionem, manifestamque vitæ emendationem fuerit dispensatum, ad susceptionem quorumcunque honorum, dignitatum, beneficiorum, & officiorum sint inhabiles: qui si post dispensationem recidivo vomitu ad hujusmodi publicum concubinariorum redierint, sine spe alterius dispensationis ad prædicta prorsus inhabiles existant. Quod si hi, ad quos talium correctio pertinet, eos, ut prædictum est, punire neglexerint, eorum Superiores tam in ipsos de neglectu, quam in alios de concubinato modis omnibus digna punitione animadvertant: in Conciliis etiam Provincialibus adversus tales punire negligentes, vel de hoc crimine diffamatos, etiam per suspensionem, privationem collationum Beneficiorum, vel aliam condignam penam severiter procedatur. Et si hi, quorum destitutio ad Summum Pontificem spectat, per Concilia Provincialia, aut suos Superiores propter publicum concubinariorum reperiuntur privatione digni, statim cum processu inquisitionis ipsi Summo Pontifici deferantur. Eadem diligentia & inquisitio in quibuscunque Capitulis Generalibus, & Provincialibus quoad suos fervetur, penis aliis contra prædictos, & alios publicos concubinos statuta in suo robore permanfuris. Publici autem intelligendi sunt non solum hi, quorum concubinariorum per sententiam, aut confessionem in jure factam, seu per rei evidentiam, quæ nulla potest tergiversatione celari, notorius est, sed qui mulierem de incontinentia suspectam, & infamam tenet: per suum Superiorem admonitus, ipsam cum effectu non dimittit. Quia vero in quibusdam Regionibus

gionibus nonnulli jurisdictionem Ecclesiasticam habentes, pecuniarios, quæstus a concubinariis percipere non erubescunt, patientes eos in sua fœditate sordere; sub pœna maledictionis æternæ præcipit, ne deinceps sub pacto compositionis, aut spe alicujus quæstus talia quovis modo tolerant, aut dissimulent, alioquin ultra præmissam pœnam negligentia duplum ejus, quod propterea acceperint, restituere ad pios usus omnino teneantur, & compellantur; ipsas autem concubinas, seu mulieres suspectas Prælati modis omnibus curent a suis subditis, etiam per brachii sæcularis auxilium, si opus fuerit, penitus arcere: quarum concubinarum res, quæ de bonis præsumantur habere Ecclesiæ, in fabricam, vel in aliam ipsius Ecclesiæ utilitatem per ipsos Prælatos convertantur, qui etiam ex tali concubinato procuratos filios apud parentes suos cohabitare non patiantur. Jubet insuper hæc Sancta Synodus, ut etiam in prædictis Capitulis hæc constitutio publicetur, & quilibet suos subditos ad ipsarum concubinarum dimissionem moneat diligenter: injungit præterea omnibus sæcularibus viris, etiam si Regali præfulgent dignitate, ne ullum qualecunque inferant impedimentum quocunque quæsito colore Prælati, qui robore officii sui adversus suos subditos pro hujusmodi concubinato procedunt, & cum omne fornicationis crimen Lege Divina prohibitum sit, & sub pœna peccati mortalis necessario evitandum, monet omnes laicos tam uxoratos, quam solutos, ut similiter a concubinato absteineant: nimis enim reprehensibilis est, qui uxorem habet, & aliam mulierem accedit, qui vero solutus, si continere noluerit, juxta Apostoli consilium uxorem ducat. Pro hujusmodi autem Divini observatione Præcepti, hi, ad quos pertinet, tam salutaribus monitis, quam aliis Canonicis remediis omni studio laborent.

De Clericis non residentibus.

Cum autem ad hoc sint Ecclesiastica Beneficia deputata, ut in eis ad serviendum Altissimo tales assumantur, qui per se ipsos volunt, & possunt eorum curam exercere; Statuimus, ut quilibet infra civitatem, & Diocesim nostras Beneficiatus,

cujuscunque status, ordinis, vel conditionis extiterit, cujus Beneficium residentiam personalem, vel certum ordinem de jure statuto, vel consuetudine requirat, in illo infra proximum mensem personaliter residere incipiat, & abinde quamdiu Beneficium hujusmodi obtineat, talem residentiam faciat, seque ad ordinem, quam onus Beneficii sui requirit, juxta tempora obtineat promoveri: transgressores vero hujus statuti nostri per suos Superiores servato juris ordine priventur, nisi expressam super hoc a Nobis, vel Vicario nostro licentiam obtinere meruerint.

De Præbendis.

Item statuimus, ut quilibet Religiosus intra Diocesim nostram Constantiensem curam gerens animarum, titulum hujusmodi Beneficii sui in proximo Capitulo post illius affectionem Decano, vel ejus locum tenenti, in præsentia Fratrum ostendat: & si alium, quam a Nobis, seu Vicario nostro impetratum ostenderit, titulo hujusmodi nulla fides adhibeatur, nisi forte Romanus Pontifex illum sibi concessisset, & hoc nostris, vel Vicarii nostri literis appareret declaratum; si quis vero contra præmissa per Nos, vel Vicarium nostrum in Spiritualibus venire præsumpserit, ultra pœnas juris communis tamdiu a Divinis suspensus remaneat, quousque hujusmodi statuto nostro studuerit cum effectu parere & obedire.

De Portione congrua.

Cum non debeat bonis (*) os ligari triturantibus, sacris jubentibus Canonibus; universos, & singulos Prælatos civitatis, & Diocesim nostrarum in Domino exhortamur, ut Ecclesiarum Parochias, ipsas, & eorum mensis unitarum, & incorporatarum nostræ Diocesim, Vicariis de Præbendis congruis, unde decenter sustentari, jura Episcopalia, & Archidiaconalia solvere, hospitalitatem tenere, & alia incumbencia onera supportare valeant, prout de jure tenentur, provideant; alioquin, prout de jure constringuntur, eis negligentibus ad Præbendarum hujusmodi deputationem, servatis servandis procedere non obmittemus.

Tomus V. Concilior. German.

A a a a

De

(*) forte: bovis-triturantis.

De Institutionibus.

Cum in cunctis sacris Mysteriis sint ætatis maturitas, gravitas morum, & literarum scientia requirendæ, præsentī perpetuo prohibemus edicto, ne deinceps aliquis Sacerdos sæcularis, vel Religiosus infra civitatem, & Dicesim nostras quodcunque Ecclesiasticum Beneficium cum cura, vel sine cura, absque institutione, vel investitura, aut induciis, seu licentia a Nobis, vel Vicario nostro, aut alias legitime, ac per litteras sigillatas obtentis, & prius Decano, vel ejus locum tenenti ostensis regere, aut quomodolibet inofficiare suo, vel alieno nomine præsumat; nisi ipsius Beneficii Rector, seu Vicarius, vel Capellanus personaliter in eo resideat, cujus nomine & consensu aliquis, ut socius in Divinis, inibi inofficiet: secus autem facientem, cum non suos fructus faciat, ipso jure ad spondendum Fisco nostro de fructibus, sic per eum levatis, condemnandus, & Fisco eidem decernimus applicandos. Concedimus tamen, ut Beneficio, postquam primo vacare ceperit, possit loci Decanus per se, vel alium, quem duxerit eligendum, per primum proximum mensē, & ultra in Divinis providere, servato tamen moderamine superius de officio Decani expresso.

Cum ad extirpandum quorundam detestandam cupiditatem in Sacro *Late-
ranensi Concilio* prohibitum, sit, ut nullus diversas Ecclesiasticas dignitates, aut Parochiales Ecclesias recipiat, & consequenter statutum, quod recipiens Beneficium, habens curam animarum annexam, si prius tale habebat, is eo sit ipso jure privatus, & si forte illud retinere contenderit, etiam alio spoliatur, imo si ultra mensem reheat, ambobus est privatus; Apostolicæ tamen sedis dispensatione in his talia, & alibi Canon vicium cupiditatis hujusmodi redarguens tales in Curatis Beneficiis plurales, ea, quia sic retenta ad ipsos non spectant de jure rem asserit contrectare alienam, & sic furtum committere quodammodo & rapinam, non sine suarum, & subditorum animarum periculo gravi; eapropter ut hujusmodi Canones, & Sacrorum Conciliorum Generalium sancita, debitæ executioni demandentur, locorum Ordinariis per felicis recordationis GREGORII

decimi Decretum in Sacro Generali Concilio est præceptum, ut subditos suos plures dignitates, vel Ecclesias, quibus animarum cura imminet, obtinentes, seu Personatum, aut dignitatem cum alio Beneficio, cui similis cura est annexa, ad exhibendam dispensationem, auctoritate hujusmodi Ecclesias Personatus, aut dignitates Canonice tenere se afferentes, intra tempus arbitrio Ordinariorum statuentium districte compellant; Nos itaque animarum periculis obviare, & hoc, ut Ecclesiastica Beneficia canonice possideantur, per executionem præmissorum cupientes providere, hoc præsentī statuto decernimus; ut deinceps a publicatione præsentium, sicut præfertur, plura cuncta obtinentes Beneficia, ac plures dignitates, & Personatus, seu Personatum, & dignitatem cum alio Beneficio curato, de suis dispensationibus, quarum auctoritate illa tenere prætendunt, nec non titulis suis ad eadem, infra duorum mensium spatium coram Nobis, vel Vicario nostro in Spiritualibus legitime, & sub pœnis juris doceant; alibique, ne deficientibus iis titulis, & dispensationibus hujusmodi Canonicis, occupando injuste ipsa Beneficia, rem contraçant alienam, & per consequens furtum committant, & animæ exinde periclitentur, ipsorumque sanguis de nostris manibus exigatur, ad executionem præmissarum sacrarum constitutionum contra ipsos dictis lapsis mensibus effectualiter procedemus.

Sequitur de Testamentis, & ultimis voluntatibus.

Quoniam in quibusdam locis nostrarum civitatis, & Dicesis, ut intelleximus, corruptela detestabilis observatur, videlicet quod tam Clericus, quam laicus in lecto egritudinis constitutus, ultra certam limitatam, & expressam summam, nec piis locis, nec Personis Ecclesiasticis pro animæ suæ remedio, & salute, aliqua possit ordinare Legata; considerantes, prædictam consuetudinem Sacris Canonicis, & sæcularibus legibus obviare: cum omnia jura clamant, quod ultima voluntas, & ultimum hominis testamentum immobile perseveret, & nihil sit, quod hominibus magis debeatur, quam ut supremæ voluntatis liber stilus existat, eandem consuetudinem Deo odibilem,

ani-

animabus, & bonis moribus inimicam, auctoritate hujus salutaris Sanctionis penitus reprobamus, firmiter statuentes: ut illis, quos jura a testamentorum non prohibent factione, etiam in sanitate, & in lecto ægritudinis constitutis, legandi, disponendi, & ordinandi de bonis sibi a Deo collatis ad pia loca, & personas Ecclesiasticas, dummodo contra suos legitimas non prætereant sanctiones, libera sit facultas. Volentes, & præcipientes districtè, ut universi Clerici, & laici, impediennes defunctorum legata, seu voluntates, per excommunicationem in personas, & interdicti in loca sententias, monitione Canonica premissa, ferendas, ab hujusmodi impedimentis desistere compellantur.

Ad idem.

Dolenter audivimus, quod fidelium tam Clericorum, quam laicorum testamenta, & ultimæ voluntates maxime pro animarum salute, & ad pios usus legata, & testata in suis debitis executionibus, ordinationibus, interdum perversis machinationibus hominum, & quandoque negligentis intervenientibus, & obstantibus, in nostris civitate & Diœcesi in locis pluribus multipliciter impediuntur, & retardentur. Cum itaque ultima voluntas, seu ultimum hominis testamentum pro lege servari debeat, & supremæ hominis rationabilis voluntatis liber stilus exsistat, & nostro incumbat officio pastoralibus providere, & testamenta utroque jure suadente defendere; universis nostræ jurisdictioni subiectis Ecclesiasticis, & sæcularibus sub interminatione Divini judicii, & excommunicationis sententia, quam in contrafacientes, sex dierum monitione prævia, in his scriptis ferimus, ne testamenta & ultimas fidelium Ecclesiasticarum, vel sæcularium personarum, quas jura a testamentorum factione non prohibent, voluntates, maxime ad usus pios, & animarum salutem se extendentes, earumque executiones debitas impendant, negligant, vel retardent, nec de testamentorum, & causarum, eorundem, ac ipsorum occasione pro tempore motorum cognitioni se intromittant, sed ad Nos, & Officiales nostros, ordinariam jurisdictionem causarum hujusmodi habentes, remittant, districtius inhibemus.

De Parochiis & Parochianis.

Gravis ad Nos querela perduxit, quod nonnulli suis juribus & finibus non contenti, Parochianos alterius præsumant recipere temere ad Divina, contra Canonicas Sanctiones: & cum dictorum Parochianorum Judices non existant, nec ligandi, nec solvendi in eos receperint potestatem, se tamen judices faciendo, in foro pœnitentiali periculose absolvunt, & ligant pro libito suæ voluntatis: sicque ipsis, qui proprios spernunt Sacerdotes, minime absolutis illud salutiferum nostræ peregrinationis viaticum, quod non proficit, nisi prius a criminum labe mundatis, & in animarum suarum, & eorum, qui id non dijudicantes, indiscrete recipiunt, periculum conferre non verentur: sicque dicti eorum Sacerdotes, qui curam recipiendo, suam pro ipsis animam obligarunt, dum sibi taliter subtrahunt, statum ignorantes ipsorum ægrotantium non possunt, quod in eis est, sanare, nec consolidare infirmum, nec alligare contractum, & sic, dum curationis necessarii non adhibentur remedia, invalescentibus morbis usque ad interemptionem læsio dilaturatur, unde Sacerdotes nullam possunt de sic pereuntibus animabus supremo judici dare rationem; nostrorum Patrum, qui Ecclesiæ Sanctæ Dei, & personis Ecclesiasticis terminos, quos non licet transgredi, posuerunt, statuta considerantes, universis Sacerdotibus tam religiosis, quam sæcularibus, cujuscunque ordinis, conditionis, sive status existant, in civitate & Diœcesi nostris degentibus, sub debito juramento, quod in receptione suorum ordinum præstiterunt, & sub interminatione Divini judicii firmiter inhibemus, ne quis alienum Parochianum, cujus cura per Episcopum, vel loci Archidiaconum, seu ejus Vicarium super eo alii est commissæ, præsumat, excepta necessitatis causa, quæ legem non habet, ad confessionem recipere, vel ad porrigendum ei Ecclesiasticum Sacramentum, nisi petita desuper & obtenta licentia proprii Sacerdotis: cum certi & indubitati juris existat, talem a tali crimine absolvi non posse aliquatenus, vel ligari, & ex hoc ordinem Ecclesiæ per majores & Sanctos Patres Divina Providentia institutum

confundi : quod per universos Plebanos singulis diebus Dominicis & Festivis coram suis plebibus præcipimus publicari.

Ad idem.

Insuper intelleximus nonnullos incuratos Presbyteros exequias defunctorum contra voluntatem subditorum, duntaxat Dominicis, aut Festivis diebus, neglectis officiis Festorum, seu Dominicarum, Missas defunctorum peragere, eorum commodum temporale magis, quam animarum salutem quærentes; volentes igitur hujusmodi obviare abusibus, inhibemus districte præcipiendo, ne de cetero supradicti incurati præmissa attemptare præsumant, & nisi rationabilis causa subsistat, se officiis Festivitatum conformiter celebrando summas Missas de eisdem, prout correctionem, & penam condignam, ac nostram gravem evitare voluerint indagationem.

Ad idem.

Quia veridica relatione intelleximus, populum vulgarem in plerisque locis Nobis subjectis diebus Dominicis, & Festivis raro interesse Divino officio Missæ, & prædicationi verbi Dei, licet juxta ordinationes, & Statutum Sanctæ Matris Ecclesiæ eisdem diebus interesse debeant, ut ibidem de Divinis præceptis, & Evangelicis doctrinis informetur; Nos volentes huic morbo obviare, ac animarum salutem consulere, præsentem volumus, & ordinamus statuto, districte universis Presbyteris Curatis nostræ Diocesis mandando & exhortando, quatenus plebes, & Parochianos suos, qui ad annos pervenerint discretionis, hortentur, & admonent sub pœna excommunicationis, quatenus deinceps singulis Dominicis, & Festivis diebus officio Missæ in Ecclesiis suis interesse studeant, & prædicationem verbi Dei diligenter audiant, nisi legitimo impedimento, & causa rationabili quis excusetur, nec ab officio hujusmodi ante benedictionem Sacerdotis, donec compleatur, recedant, vel alias inhoneste discurrant, faciendo ob reverentiam Divinissimi Sacramenti genuflexiones interim, dum Hostia salutaris per Presbyterum elevatur, cum devotioneque cordis Deum exorent pro peccatis. Si quis vero rebellis, & negligens in his fuerit, hunc in confessio-

ne severe volumus emendari, & nihilominus talis, qui tempore prædicationis verbi Dei extra Ecclesiam, & in cæmeterio stare, contra prohibitionem hujusmodi non formidaverit, ad auctoritatem nostram Episcopalem remittatur, contemptores etiam hujus saluberrimi præcepti per excommunicationis inflictionem arceantur. Insuper Presbyteri Curati in sermonibus suis populum eis commissum ad hoc inducere curent, ut processionibus, & aliis actibus, & cæremoniis Ecclesiasticis intersint devote, laudesque omnipotenti Deo cum attentione cordis, & morum gravitate ibidem persolvant.

De Regularibus.

Quoniam nonnulli Religiosi contra Deum, & suam conscientiam multipliciter excedunt, eorumque Prælati desideris, & negligentes in observatione regularis disciplinæ, & correctione excessuum existunt; eos per viscera misericordiæ Domini nostri Jesu Christi requirimus, & hortamur; ut personas regulares sibi subiectas ad observantiam regularum suarum, statutorum regularium diligentias inducant, moneant, & alliciant, & si opus est, strictius compellant, ut de officio sibi commissio dignam Deo possint reddere rationem: quod si ultra prævaricationes ordinis sui fuerint, aut contemptores, vel remissi, pro certo se noverint, non solum ab officio deponendos, sed alias secundum regulam suam castigandos, cum offensâ non solum propria, verum etiam aliena, ac sanguis subditorum suorum de suis manibus requiratur. Nos etiam eorundem Prælatorum negligentiam, favente Deo, supplebis juxta Canonicas Sanctiones.

Ad idem.

Periculosum nimium fore considerantes, & scandalosum, quod personæ regulares utriusque sexus extra Monasteria sua vagantes in sæculo moram trahant, nonnullæ etiam ex ipsis religionis habitu dimisso apostatare non formidant, excommunicationis sententiam ut sic incurrendo, & suis Superioribus rebellando. Cum itaque periculosum sit talibus sic vagantibus excommunicatis, & apostatis in Divinis participare, volumus, & universis Nobis subjectis Ecclesiasticis personis mandamus, ut omnes & singulos, sic in sæcu-

sæculo suis sub districtibus vagantes, & commorantes, cujuscunque ordinis, & conditionis fuerint, moneant, & requirant, ut infra mensis spatium a die publicationis, & requisitionis hujusmodi ad sua Monasteria redeant, & vota sua Deo reddant, suis Superioribus juxta ordinem & regulæ institutionem obediendo, vel saltem infra eundem terminum coram Nobis, vel nostro Vicario de indultis, si quæ de contrario habeant, legitime doceant. Alioquin contra ipsos per Ecclesiasticæ censuræ penas, & prout justum fuerit, procedemus.

Ad idem de Regularibus.

Quamvis contra Monachos, & Moniales de suis claustris propter aliquos enormes excessus, aut animi levitate temere fugientes, & in sæculo per tempora vagantes & conversantes, & tandem pœnitentia ducti ad claustra sua humiliter redire volentes, certæ, & variæ pœnæ juxta qualitatem, & quantitatem excedentium a Sanctis Patribus sint statutæ; quidam tamen Abbates, & Magistratus pœnis in Sacris Canonibus, & regula sui ordinis contra tales profugos expressis non contenti, graviores, & quasi importabiles pœnas ipsis in sua reversione imponere non verentur, vel quod deterius est, easdem personas quantumcunque humiliter postulantes, ad sua claustra, de quibus exiverunt, admittere inhumaniter contradicunt. Cum itaque de jure pœnæ ampliandæ non sint, sed levandæ, & longe sit securius de misericordia, quam crudelitate reddere rationem, quam etiam Dominus per os Prophetæ sit pollicitus, sic dicentis: Peccator quacunque hora conversus fuerit, & ingemuerit, omnium iniquitatum suarum amplius non recordabitur. Nos etiam advertentes, quod ubi Paterfamilias largus dispensator existit, nec decet familiam esse tenacem; ut peccandi materia, & occasio talibus præcludatur, provida deliberatione statuimus, & præsentī statuto decernimus, & ordinamus, ut Monasteriorum Abbates, & Prælati, Abbatissæ, Præpositi, Priores, & Magistratus cujuscunque ordinis Nobis subiecti, Fratribus, & Sororibus modo præmissis a suis Monasteriis profugentibus, aut in apostasiam ex quacunque causa lapsis, desiderantibus, & quærentibus cum humilitate, &

devotione regressum, sinum misericordiæ, quem Mater Ecclesia claudere nulli petenti consuevit, more pii Patrisfamilias, qui filium primum prodigum, & postea pœnitentem, paterne suscepit, studeant liberaliter aperire, & tales redire volentes, quantumcunque eorum excessus graviores fuerint, & enormes, juxta cujuscunque ordinis disciplinam, sive regulam, & consuetudinem observatam; sine contradictione recipiant, & admittant, ita tamen, quod propter eorum excessus, nec victus, nec vestitus eis subtrahatur, sed alias regulariter puniantur, ut præfertur, prout ipsi Prælati, Abbates, Abbatissæ, Præpositi, Priores, & Magistratus sententiam suspensionis a Divinis, quam in contrasacientes, sex dierum canonica monitione præmissa, in his scriptis ferimus, voluerint evitare.

Idem de Monialibus.

Sacras Apostolicas constitutiones debite executioni demandantes, hoc nostro statuto inhibemus, ut sanctimoniales cujuscunque sint religionis, vel ordinis, nostræ civitatis, & Diœcesis, quæ in suis Monasteriis sub perpetua clausura manere jubentur in constitutionibus Apostolicis ante dictis, ita quod nulla earum religionem tacite vel expresse professæ, quacunque ratione vel causa, nisi forte tali morbo evidenti aliquam earum laborare constaret, quod non posset cum aliis absque gravi periculo vel scandalo commorari, Monasteria ipsa egrediendi sit facultas, deinceps absque licentia Superiorum suorum, quam non nisi ex causa præexpressa, vel inevitabili exigente necessitate concedi volumus, Monasteria sua exeant, prout dictarum constitutionum pœnas, & ultionem Canonicam voluerint evitare: quodque, ut ipsæ Sanctimoniales a publicis & mundanis aspectibus separatæ, Deo liberius servire valeant, & lasciviendi oportunitate sublata, corda sua & corpora in omni sanctimonialia diligentius custodire; universis & singulis Ecclesiasticis, & Regularibus personis, nostræ jurisdictioni subiectis, interdiciamus, & prohibemus, ne absque rationabili & manifesta causa, & sine Superiorum, ad quem pertinet, licentia speciali ipsa Monasteria Sanctimonialium subintrent sub pœnis suspensionis in Eccle-

Ecclesiasticas, & excommunicationis in
fæculares personas, prout de jure pote-
rimus, contra ipsos procedemus.

De Lolhardis.

Præterea, quamvis plures ex Lol-
hardis validi sint, & ad labores utiles,
carius tamen de eleemosyna vivere, quam
suarum manuum labore student man-
ducare, Sacra id reprobante scriptura.
Univerfos Christi fideles Nobis subjectos
in Domino hortamur, & requirimus, ut
tales Lolhardos validos & aptos ad la-
borem, suis eleemosynis pascere se retra-
hant, ne fautores mali nominentur: Nos
enim contra ipsos Lolhardos, si dein-
de, qui validi fuerint, eleemosynam exi-
gere non desisterint, censura Ecclesiasti-
ca compescere curabimus iustitia me-
diante.

*De custodia Eucharistiæ, & reverentia
Sacramentorum.*

Ne propter irreverentiam Sacra-
mentorum ira Dei sæviat in Ministros,
statuimus, ut Eucharistia, Chrisma, &
Oleum sanctum sub fideli custodia serven-
tur: cum autem Sacerdos Eucharistiam,
vel Oleum infirmorum ad decumbentem
deportaverit, videat, quod superpellitio,
stola, seu orario sit indutus, supposito
mundo velamine, manifeste & honeste,
lumine, ac etiam campanella Eucharis-
tiæ Sacramentum præcedentibus hæc fac-
ciet. Omnibus etiam vere pœnitentibus,
& confessis, qui Sacerdotem Eucharisti-
am, vel Oleum infirmorum, ut sic dese-
rentem eundo, vel redeundo, associave-
rint, vel secuti fuerint, & hoc de die
faciunt, decem: si vero de nocte, cum
lumine proprio vel alieno, viginti dierum
de injunctis sibi pœnitentiis, præter in-
dulgencias ab aliis, & autoritate Aposto-
lica concessas, autoritate nostra ordi-
naria misericorditer in Domino relaxa-
mus.

Ad idem, de Custodia Eucharistiæ.

Considerantes, quam graviter gloriosus
Deus propter Sacramentorum irreveren-
tiam offenditur, ideo quamquam a Præ-
decessoribus nostris circa Sacramentorum
custodiam, & reverentiam sufficienter
sanctum dinoscatur, quia tamen, ut
quotidiana edocemur experientia, Sacer-

dotes cum Divinissima Eucharistiæ, & ex-
tremæ Unctionis Sacramenta ad infirmos
deportant, incaute cum calopedibus, &
scandalose, & turpiter, capite nudo, aut
vix bireto superposito, ornatis capillis in
mundi conspectum procedant; districtè
præsenti statuto inviolabiliter duraturo
sancimus, ut constitutio proxime præin-
serta firmiter observetur, ac quilibet Pæf-
byter sic infirmos Eucharistiæ, & extremæ
Unctionis Sacramentis accedens absque
calopedibus, & capite almutio, si saltem
tali in loco almutia solita sint portari,
alioquin caputio Clericali per collum tra-
cto, ut sola facies nuda appareat, devo-
tionis religionis præcedente lumine, &
campanella juxta ejusdem constitutionis
tenorem incedat: indulgencias inibi expres-
sas Christi Fidelibus in Domino elargien-
tes. Si qui vero hanc constitutionem
nostram servare contempserint, se ultio-
nem nostram gravem non evasuros agnos-
cant.

De Ecclesiarum Procuratoribus.

Quorundam fide dignorum didicimus
relatione, quod pro fabricis quam pluri-
marum Ecclesiarum nostræ Diœcesis Pro-
curatores laici duntaxat constituantur, qui
ad eorum nutum cum pecuniis, & rebus
fabricæ hujusmodi, absque Plebanorum
scitu, & consensu propria commoda qua-
rant, ac mercationes, & contractus inter-
dum vitiosos cum illis exerceant, & ea
ad alios privatos usus convertere non for-
mident, nec de per eos perceptis collectis,
imbursementis, & gestis in præsentia Plebano-
rum, (*) tanquam Procuratorum principali-
um interest, rationem reddere studeant, fa-
bricas Ecclesiarum hujusmodi, & eorum
animas miserabiliter defraudando, quod
profecto periculosum fore arbitramur.
Quam ob rem Ecclesiarum indemnitati, &
subditorum saluti providere cupientes,
præsenti constitutione ordinamus, ut de-
inceps cujuslibet Ecclesiæ nostræ Diœce-
sis Rector, sive Plebanus, tanquam princi-
palis, & cum eo duo laici, vel tot, quot
fuerint necessarii, & opportuni Procura-
tores constituantur, qui quidem laici hu-
jusmodi Procuratoris officia citra eorum
privata commoda fideliter cum scitu, &
consensu Plebani exerceant, ac utilitatem
Ecclesiæ promoveant, rationem de singulis
per eos levatis, collectis, distributis, actis,
&

(*) *supple:* quorum

& factis in præsentia ipsius Reſtoris, ſive Plebani, tanquam principalis Procuratoris, coram his, qui ad hoc ſunt deputati, temporibus conſuetis faciendum, prout de hoc in extremo iudicio reſpondere velint. Qui autem huiusmodi noſtri ſtatuti rebelles fuerint reperti, per eorum Plebanos, & Paſtores monitione prævia excommunicari poſſint, & debeant, ad quod eiſdem Plebanis præſentis ſtatuti vigore liberam damus facultatem.

De Sponſalibus & Matrimoniis.

Quamvis in Generali Concilio INNOCENTIUS Papa tertius ſufficienter ſtatuert, ne quis Sacerdos clauſtiniſis matrimoniis interſit, inhibens nihilominus, ne talia clauſtina matrimonia contrahantur: quia, quod tamen dolenter referimus, prædicta clauſtina matrimonia ſæpius contrahuntur, per quæ tam grandia ſcandala, quam animarum pericula non modica inſurgunt. Prædeceſſorum igitur noſtrorum veſtigiiſ in hærendo prohibemus, de cætero clauſtina matrimonia contrahi, juxta conſtitutionem in Concilio Generali editam, quæ habetur in ea: Si de clauſtiniſis ſponſalibus, infra ſcriptam, quam in omnibus Parochialibus Eccleſiis præcipimus ſingulis annis per regentem curam animarum quater publicari. Ne autem conſtitutio prædicta cuiquam ſit incognita, eam etiam de verbo ad verbum hic inferi volumus, cujus ſequitur tenor, & eſt talis:

CUM inhibito copulæ conjugalis ſit in ultimis tribus gradibus revocata, eam in aliis volumus diſtrictè obſervari, unde Prædeceſſorum noſtrorum veſtigiiſ in hærendo, clauſtina matrimonia penitus inhibemus, prohibentes etiam, ne quis Sacerdos talibus intereſſe præſumat; quare ſpecialeſ quorundam locorum conſuetudinem ad alia generaliter prorogando, ſtatuiſmus, ut cum matrimonia fuerint contrahenda, in Eccleſiis per Presbyteros publice proponatur competentis termino præſinito, ut infra illum, qui voluerit, aut valuerit, legitimum impedimentum apponat. Ipi Presbyteri nihilominus inſtillant: utrum aliquod impedimentum obſiſtat, cum autem apparuerit probabilis conjectura contra co-

Tonus V. Concilior. German.

pulam contrahendam, contractus interdicatur expreſſe: donec quid fieri debeat ſuper eo manifeſtis conſtiterit documentis. Si quis vero huiusmodi clauſtina vel interdicta conjugia inire præſumpſerit in gradu prohibito, etiam ignoranter, ſoloboles de tali conjunctione ſuſcepta, proriſus illegitima cenſeatur, de parentum ignorantia nullum habitura ſubſidium; cum illi taliter contrahendo, non expertes ſcientiæ, vel ſaltem affectatores ignorantia videantur. Pari modo proles illegitima cenſeatur, ſi ambo parentes impedimentum ſcientes legitimum, præter omne interdictum, etiam in conſpectu Eccleſiæ contrahere præſumpſerint. Sane ſi Parochialis Sacerdos tales conjunctiones prohibere contempſerit, aut etiam quilibet Regularis eis præſumpſerit intereſſe, per triennium ab officio ſuſpendatur, gravius puniendus, ſi culpæ qualitas poſtulaverit. Sed & his, qui taliter copulari præſumpſerint, etiam in gradu conſeſſo, pœnitentia condigna injungatur. Si quis autem ad impediendum legitimam copulam malitioſum impedimentum objecerit, Canonicam non effugiet ultionem.

Hac conſtitutione prohibemus, ne quis Sacerdotum civitatis & Diœceſis Conſtantienſis de cætero clauſtiniſis matrimoniis interſit, quod ſi ſecus fecerit, ultra pœnas Canonis prædictas condigne mulctetur; ſi autem aliqui ex ipſis ſubditis matrimonium clauſtine contraxerint, mox, poſtquam hoc ſciverit, eos moneat: ut matrimonium per eos contractum in facie Eccleſiæ infra proximum meſem ſolemnizent, niſi ille meſis infra Dominicam *Invocavit*, & octavam Pentecoſtes forte incideret, tunc enim infra meſem proximum poſt octavas Pentecoſtes matrimonium huiusmodi in facie Eccleſiæ ſolemnizare, legitimo ceſſante impedimento teneantur; & ſi id facere contempſerint; ſeu eorum Curatus, ut præfertur, ipſos moneri non curaverit, tam Curatus, quam contrahentes juxta dictam conſtitutionem, & alias canonice puniantur.

De Judeis.

Ne Judei de cætero in civitate & Diœceſi noſtris nutrices, ſeu ſervientes
B b b b habeant

habeant Christianas, districtius inhibemus: quia indignum est, quod filii liberæ filii famulentur ancillæ: omnibus ipsorum servientibus, ac mulieribus præcipientes, ut servitiis eorum infra proximum mensem a publicatione præsentium recedant, quas etiam Judæi libere dimittere tenentur, transgressores vero hujus statuti, animadversione condigna puniuntur.

Ad idem.

Quoniam dudum in Sacra Provinciali Synodo Moguntina, novissime celebrata, inter cætera de Judæis, & crucis Christi inimicis, statutum reperitur, & mandatum, sub cessione Divinorum, & pœna subtractionum Communionis, quod Judæi signa deferre debeant, per quæ a Christianis distingui, & discerni videantur, declarando adjicit signum hujusmodi tale esse debere: circum videlicet de filis croceis in veste extrinseca ante pectus, quoad mares, & masculos, & duæ rigæ blavi coloris in peplo mulieres conformiter, ut in urbe Romana. Cum autem parum prosit statuta condere, & eorum executionem negligere, idcirco constitutione præsentis præcipimus, & mandamus districtè, universis Judæis, per civitatem & Diœcesim nostras habitantibus, sub pœnis gravibus, expedire visis mandentur, quatenus hujusmodi signa extrinseca juxta declarationem prædictam deferant conformiter, & ad hoc per Potestatem sæcularem, & Officiales regentes compellantur: alioquin contra fecus facientes Officiales, & Regentes ad subtractionem Sacramenti Eucharistiæ, & contra Judæos ad exclusionem communionis fidelium, & alias, prout de jure, procedatur.

De Adulteris.

Quædam personæ relicto legitimo thoro non verentur, una domo in adulterinis amplexibus manifeste cohabitare in scandalum plurimorum: quorum saluti providere volentes, omnibus Rectoribus, Plebanis, & Curatis nostræ Diœcesis in virtute sanctæ obedientiæ districtè præcipiendo mandamus, quatenus omnes & singulos, qui in adulterinis amplexibus insimul residere non verentur, amoveant, requirant, & exhortentur, ut in-

fra quindecim dies ab invicem discedant: & si mandato hujusmodi obedire contemserint, & post dictos quindecim dies, quod absit, insimul cohabitaverint; tales in eorum vita ab Ecclesiasticis excludantur Sacramentis, & post mortem, nisi pœnitentiam egerint de commissis, Ecclesiastica careant sepultura: & nihilominus ad Nos, vel Vicarium nostrum pro absolutionis Beneficio consequendo remittantur. Ipsi vero Rectores, Plebani, & Curati, qui eos monere omiserint, a Nobis, vel Vicario nostro Canonice expectare se non dubitent ultionem, quibus etiam sub simili comminatione districtius injungimus, ut eorundem rebellium nomina infra alios quindecim dies Nobis, vel nostro Vicario denuncient, ut contra eosdem ad ulteriora procedere valeamus.

De Raptoribus.

Spoliatores stratarum, ac Raptores alios, qui transientes per vias, & stratas publicas, viduas, pupillos, & personas alias, præsertim Ecclesiasticas, eorum bonis vi spoliant: propter eorum violentias, qui perturbationem desiderandæ pacis inducunt, tali volumus nostro ferienti correctionis gladio pœna mulctari, ut tam ipsi, quam receptantes eos, & scienter dantes eis auxilium, vel favorem, ipso facto sint anathematis vinculo innodati. Hoc quidem statutum volumus anno quolibet in singulis quatuor festivitibus principalibus, si sermo eodem die sit, alioquin die sequenti proximo, dum sermo fuerit, in quibuslibet Ecclesiis civitatis, & Diœcesis nostrarum in cancellis publicari.

De Usuris.

Usurarios actus Divina, & humana lege satis novimus exprobratos, & contra exercentes usuras novissima constitutio Concilii Lugdunensis pœnas statuit exquisitas. Sed quia quæsito novo serviendi colore nonnulli sub titulo venditionis exercent usuras, qui pecunias mutuanti datis induciis, ut statuto die recipiant fruges, forte in duplo valore, quos deinde ampliori pecunia vendunt: quidam etiam emendo rem pro certa quantitate venditori dimissam; statuto termino pro adaucto numero usurarum quantitate reventur:

dunt: his fraudibus obviando , prohibemus , ne quis usurarium absolvat publicum , vel ad Ecclesiasticam recipiat sepulturam , nisi cautione præstita de universis restituendis juxta constitutionem Apostolicam in *Concilio Lugdunensi* factam, quod habetur : de *Usuris* Lib. VI. quamque subscriptam , quam in omnibus Parochialibus Ecclesiis præcipimus , singulis annis per regentem curam animarum, semel videlicet in Dominica Quadragesimæ, qua canitur : *Judica* &c. solenniter publicari. Ne autem constitutio prædicta cuique sit incognita, illam volumus hic de verbo ad verbum inseri, ut ecce :

QUamquam usurarii manifesti de usuris, quas receperant, satisfieri expressa quantitate , vel indistincte in ultima voluntate mandaverint ; nihilominus eis Ecclesiastica denegetur sepultura, nisi de usuris ipsis fuerit , prout paciuntur facultates eorum, plenarie satisfactum, vel illis, quibus est facienda restitutio, si præsto sint ipsi, vel aliis, qui possint eis acquirere , vel eis absentibus loci Ordinario, aut ejus vices gerenti, sive Rectori Parochiæ, in qua testator habitat, coram aliquibus fide dignis, de ipsa Parochia : quibus quidem ordinario, Vicario , aut Rectori prædicto modo cautionem hujusmodi eorum nomine liceat præsentis constitutionis auctoritate recipere; ita quod perinde actio acquiratur, ac si publico de ipsius Ordinarii mandato idonee de restitutione facienda sit cautum. Cæterum si receptorum usurarum sit quantitas manifesta, illam semper in cautione prædicta exprimi volumus. Alioquin aliam recipiens cautionem hujusmodi , arbitrio moderandam, ipse tamen scienter non minorem, quam verisimiliter creditur, moderetur, & si secus fecerit , ad satisfactionem residui teneatur. Omnes autem religiosos , & alios, qui manifestos usurarios contra præsentis sanctionis formam ad Ecclesiasticam ausi fuerint admittere sepulturam, pænæ Lateranensis Concilii contra usurarios promulgatæ, statuimus subjacere. Nullus manifestorum usurariorum testamentis interfit, aut eos ad confessionem admittat, sive ipsos absolvat , nisi de usuris satisfecerint, vel de satisfaciendo pro suarum viribus facultatum præstent, ut præmittitur , idoneam cautionem : testamenta

quoque manifestorum usurariorum aliter facta non valeant , sed sint irrita ipso jure.

De Pænis occasione interdicti.

Sacri Provincialis Concilii antiqui, nec non RUDOLPHI, HENRICI, & MARQUARDI Episcoporum , Prædecessorum nostrorum vestigiis inhærendo, hac constitutione perpetuo valitura sancimus, ut si in antea quæcunque Ecclesiastica , vel secularis persona, cujuscunque dignitatis, status, vel conditionis existat, instigante Diabolo, infra civitatem & Diocesim nostras Clericum , & pro Clerico se gerentem interfecerit , aut mutulaverit, aut sine licentia Superioris ipsius Clerici captivaverit, aut detinuerit, eo ipso in terris, Ecclesiis, Parochiis, totius Decanatus, in quo hujusmodi delictum commissum , aut Clericus hujusmodi captus fuerit : & non solum in illo Decanatu , sed etiam in quibuscunque aliis Decanatibus , in quibus quempiam talium detineri constiterit, & in omnibus locis , in quibus interfector, seu mutilator, aut captor , seu ejus complices, ipsi consilium, auxilium, & juvamen præstantes, domicilium, aut dominium obtinent, & sive de facto, sive de jure jurisdictionem exercuerint, aut obtinuerint, vel moram traxerint : & ad quæ devenerint, & quamdiu in eisdem fuerint, & post cujuslibet ipsorum abinde recessum ad tres dies continuos ipso facto cesset a Divinis : & servetur strictissime Ecclesiasticum interdictum tamdiu, & quousque læso, Nobis, & Ecclesiæ fuerit de tanto flagitio satisfactum, aut interdictum hujusmodi alias fuerit legitime relaxatum. Tales etiam injuriatores, tanquam excommunicati, eo ipso a singulis arcibus evitentur, donec absolutionis Beneficium meruerint legitime obtinere. Ne autem hi juxta præmissa interdictum servare debentes, se valeant per ignorantiam quomodolibet excusare; præcipimus, ut Rectores, seu Plebani Ecclesiarum Parochialium , in quorum Parochiis facinora prædicta commissa fuerint, statim, & infra unius diei spacium, Decano, si præsens in Decanatu fuerit, alioquin Camerario, si Camerarius etiam abesset, viciniore Presbytero Curato illius Decanatus præsentem, rem gestam referant : qui Decanus, seu Camerarius , aut viciniore Confrater curatus

omnibus cæteris Confratribus Decanatus huiusmodi, & etiam religiosis in eo comorantibus, infra biduum proximum, hoc idem facinus manifestet, ac interdictum per eos, & in toto Decanatu servandum fore notificet, quibus super his fidem plenam, sicut nostris literis, volumus adhiberi. Si quis vero Rectorum, seu Plebanorum ecclesiarum Parochialium, aut Decanorum, vel Camerariorum, hoc nostrum præceptum adimplere contempserit, excommunicationis sententiam eo ipso incurrat, a qua non possit, nisi congrua satisfactione prævia, liberari. Per præmissa Constitutionibus legalibus, & Provincialibus contra sacrilegos prædictos editis, & aliis quæ de ipsorum pœnis tractant, non intendimus derogare, sed potius eas in suo robore volumus permanere.

Ex eadem Generali Synodo Basiliensi.

Insuper eadem Sacrosancta Synodus Basiliensis ad vitandum scandala, & multa pericula, subveniendumque conscientis timoratis statuit, quod nemo deinceps a communione alicujus in Sacramentorum administratione, vel receptione, aut aliis quibuscunque in iudiciis, vel extra, cuiuscunque sententiæ, aut censuræ Ecclesiasticæ, aut suspensionis, vel prohibitionis ab homine, vel jure generaliter promulgatæ occasione teneatur abstinere, vel aliquem vitare, aut Ecclesiasticum interdictum observare; nisi sententia, prohibitio, suspensio, vel censura Ecclesiastica huiusmodi fuerit vel contra Personam, Collegium, Universitatem, Ecclesiam, aut locum certum, aut certam a iudice publicata, vel denunciata specialiter, & expresse: aut si aliquem ita notorie excommunicationis sententiam constiterit incidisse, quod nulla possit tergiversatione celari, aut aliquo juris suffragio excusari: nam a communione illius abstinere vult juxta Canonicas Sanctiones. Per hoc tamen huiusmodi excommunicatos, suspensos, & interdictos, seu prohibitos non intendit in aliquo relevare, nec eis quomodolibet suffragari.

Ad idem, ex eadem Generali Synodo.

Quoniam ex indiscreta interdicto-

rum promulgatione multa consueverunt scandala evenire, statuit hæc Sancta Synodus, quod nulla civitas, oppidum, castrum, villa, aut locus Ecclesiastico possit supponi interdicto, nisi ex causa, seu culpa ipsorum locorum, aut Domini, seu Rectoris, vel Officialium; propter culpam vero, seu causam alterius cuiuscunque privatæ personæ, huiusmodi loca interdici nequaquam possint autoritate quacunque ordinaria, vel delegata; nisi talis persona fuerit prius excommunicata, aut denunciata, sive in Ecclesia publicata, ac Domini, seu Rectores, vel Officiales autoritate iudicis requisiti, huiusmodi personam excommunicatam infra biduum inde cum effectu non ejecerint, aut ad satisfaciendum compulerint. Qua etiam post biduum ejecta, recedente, vel satisfaciente mox Divina resumi possint..., etiam in præcedentibus locum ipsa Synodus vult habere: per hanc tamen constitutionem non volumus esse sublatam constitutionem nostram præmissam, quæ incipit: *Sacri Provincialis.*

De Magistris.

Experientia docti novimus, quod quidam Verbum Dei in Ecclesiis nostrarum civitatis, & Diœcesis leminantes, Religiosi, & sæculares Presbyteri, interdum rancore moti, contra se invicem predicare non verentur in populi scandalum, & exemplum pernitiosum. Nos considerantes, quod sic ex indiscreto silentio sæpius error post se relinquitur, ita ut incauta locutio sæpius errorem inducit; idcirco præsentī statuto inhibemus, ne quis Prædicantium in Monasteriis, & Ecclesiis nostrarum civitatis & Diœcesis, sive Religiosus, sive Sæcularis existat, de cætero contra alium quidquam in cancellis prædicet: sed si errorem, hæresim, vel quid aliud, contra alterius jus, aliquis ex ipsis prædicaverit, id Nobis, vel nostro Vicario in Spiritualibus referatur, ne ex huiusmodi contempione publica scandala in populo, & pericula confurgant animarum: secus facientes, pœnam gravem & condignam non evadent.

De Penitentis & Remissionibus.

Quia nonnulli Religiosi, terminis suis non contenti, in perditionem animarum in casibus Sedi Apostolicæ, & Nobis refer-

reservatis, in civitate & Diocesi nostris subditos nostros absolvere præsumunt, licet de hoc nullam recipiunt potestatem; præfenti Decreto inhibemus, ne deinceps nudo verbo ipsorum religiosorum asserentium, se talem habere potestatem, nisi alias de potestate hujusmodi fecerint fidem legitimis documentis, credatur, declarantes, absolutiones eorum in casibus prædictis factas nullas esse, nisi hoc specificè a Sede Apostolica, seu a Nobis eis sit concessum.

Ad idem.

Ubi periculum magis imminet, ibi procul dubio magis est consulendum. Attendentes itaque, quod manifesta peccata non sunt occulta correctione punienda, & quod malum, ubi oritur, ibi punire debet; omnibus Pœnitentiariis nostris districtius inhibemus, ne quempiam super peccato publico extra tempus Quadragesimale absolvere quomodolibet præsumant, aut de quocunque publico crimine se intromittant; volentes, quod publicos peccatores, postquam casum publicum fore intellexerint, mox ad Nos, seu Vicarium nostrum absolvendum, & deinde ibi puniendum, ubi publice deliquit, remittant: ac decernentes, absolutionem per Pœnitentiariorum nostros super publicis criminibus de cætero fiendam, nullius fore roboris vel momenti: in contrarium concessis, non obstantibus quibuscunque.

Ad idem.

Declaramus insuper, quod Pœnitentarii nostri præfentes, & futuri nullam habeant potestatem, sibi socios in officio Pœnitentiariæ nostræ assumendi, aut vices suas alteri committendi, nisi specialiter id a Nobis, vel Vicario nostro habuerint in mandatis.

Ad idem.

Præterea ordinamus, & præfenti decreto inhibemus, ne quis Pœnitentiariorum nostrorum de cætero literas confessionis testimoniales sibi consentibus quomodolibet præsumat dare, decernentes, literas hujusmodi per eos dandas nullam fidem habere, aut eis fore adhibendam. Si quis autem literis testimonialibus hujusmodi absolutionis, sive in casibus Nobis reservatis indigerit, seu alias tales

ad sui cautelam forsan petierint, ad Nos, seu Vicarium nostrum pro talibus remittantur.

Ad idem.

Insuper omnibus Presbyteris Curatis, & non Curatis nostrarum civitatis & Diocesis inhibemus, ne de casibus Episcopalis, Nobis reservatis, quos duximus inferius annectendos, intromittere audeant, sed ad Nos, seu Vicarium nostrum omnes infra scripti remittantur, decernentes, absolutionem per eos absque speciali concessione nostra, seu Vicarii nostri in casibus hujusmodi, præter quam in mortis articulo, viribus penitus carere &c.

De Sententia Excommunicationis.

Quoniam excommunicati absolutos se esse nonnunquam mentiuntur, ex quorum communione pericula eveniunt animarum; præfenti constitutione inhibemus, ne de cætero quisquam Sacerdos Curatus Nobis subiectus, quamcunque personam ejus Parochiæ, quam semel per nostras, seu Vicarii, vel Officialis nostri literas excommunicatorias sigillatas excommunicatam denunciavit: aut contra quam tales literas vidit, & recepit, ultra ad Divina sua scienter admittat, vel coram eo celebret, aut absolutum credat, vel teneat; nisi absolutionem suam literatorie, & sigillatam illius sigillo, qui eum excommunicavit, sibi prius ostendat: transgressores autem ultra pœnam juris, quam incurrunt, pœnam condignam non evadent.

Quamvis contra absentes, ad hanc Synodum vocatos, ad pœnas juris procedere, eorum contumacia exigente possemus; ex causis tamen certis Nos moribus mitius agentes, sub spe, quod in futurum nostra benignitate attenta redantur obedientes, pœnarum hujusmodi effectum duximus suspendendum, & suspendimus per præfentes.

Præterea, ne Clerus noster censuris, & sententiis Ecclesiasticis autoritate ordinaria, propter statutorum a Nobis, & nostris Prædecessoribus editorum transgressionem deinceps damnabiliter illaqueetur; sententias easdem a Nobis, & Prædecessoribus nostris latas, dummodo a

jure latæ non sint, tollimus in his scriptis, illos in arbitrarias pœnas per nostrum Vicarium in transgressores infligendas commutantes, citra pœnarum juris sublationem; quibus per hoc nolumus derogare.

Remittantur itaque ad Nos, seu Vicarium nostrum in subscriptis casibus pro absolutionibus.

Item rebaptizatus, reconfirmatus, vel reordinatus.

Item, qui matrimonium post sponsalia jurata cum alia, quam sponsa contraxerint.

Item mulier, quæ antequam certificetur de morte mariti, secundo contraxerit.

Item ille, qui virginem defloraverit, oppresserit, & rapuerit.

Item opprimens, vel negligens propriam prolem.

Item in se sterilitatem, vel abortum quomodolibet procurans.

Item homicidium, facto, præcepto, consilio, consensu, autoritate propria, aut autoritativa exhortatione, vel quovis alio modo commissum.

Item incestum in tertio, aut proximiori gradu consanguinitatis, aut affinitatis committens.

Item voti transgressores.

Item illi, quibus solennis pœnitentia fuerit injungenda.

Item Simoniacus.

Item Usurarius.

Item Raptor.

Item Sacrilegus.

Item Incendarius.

Item Latro.

Item Ecclesiam consecratam sanguinis, vel seminis effusione polluens.

Item quilibet Ecclesiæ, vel cœmeterii, aut immunitatis, vel libertatis Ecclesiasticæ violator.

Item quilibet excommunicatus a Canone, vel Constitutione.

Item quilibet irregularis.

Item Sacerdos proditor confessionis.

Item celebrans in Ecclesia interdicta, vel Altari non consecrato, aut mobili

sine licentia, vel sine indumento, aut non jejunos.

Item non ordinatus celebrans, vel ministrans in ordine, quem non habet.

Item Sacerdos, cujus negligentia vel culpa aliquid inhonestum, vel aliquod scandalum circa Sacramenta evenit.

Item quilibet dejerans, seu veniens contra suum juramentum.

Item falsarius litterarum, vel monetæ.

Item quilibet manus violentas injiciens in patrem, vel matrem suam.

Item quilibet conjugatus contrahens matrimonium vivente uxore cum secunda, vel intrans religionem, vel recipiens sacrum Ordinem conjugis invitæ, vel econtra.

Item conjux, qui, & quæ in mortem conjugis effectualiter machinatus, vel machinata fuerit.

Item scienter coiens cum infideli.

Item promotus per alium, quam per proprium Episcopum sine licentia.

Item furtive, seu per saltum, vel extra statuta tempora promotus.

Item excommunicatus, vel suspensus, aut interdictus in ordine suo ministrans, vel qui taliter ligatus aliquem ordinem suscepit.

Item scienter sepeliens corpus excommunicati in cœmeterio, vel etiam non excommunicati tempore interdicti.

Item abutens quomodolibet Sacramentis Ecclesiæ, ut puta: Hostia, Christmate, vel alia re sacra.

Item omnis adulter, vel adultera, saltem publicus, & publica.

Item quilibet scienter baptizans propriam prolem, vel illam tenens in Baptismo aut Confirmatione.

Item omnis hæreticus, aut fautor, vel participator hæreticæ pravitatis.

Item committens Sodomiticum crimen, aut cum brutis commissum. &c.

Item quilibet cum Sanctimonialibus coiens.

Item omnes clandestine contrahentes, nisi infra tempus statuti supra nominati solemnizaverint.

Ad finitæ suspitionis tollendum ambiguum, inhibemus, ne quis Sacerdos, vel Religiosus de cætero con-

fessionem mulierum audiat alibi, quam in loco publico, ubi videri possit, secus &c.

Descriptum ex impresso in folio Littera Petri siue mentione anni, loci, aut Typographi, forte Constantiensis.

AICHSTADIENSIS SYNODUS

Anno Christi MCCCCLXXXIV. Sixti IV. PP. XIV.

Friderici III. Imp. XLV.

SUB WILHELMO DE REICHENAW.

WILHELMUS, (a) DEI ET APOSTOLICÆ SEDIS GRATIA, EPISCOPUS EYSTETTENSIS; UNIVERSIS ET SINGULIS RECTORIBUS, PLEBANIS, ET VICE-PLEBANIS, CURATIS, ET NON CURATIS, PER CIVITATEM ET DIOECESIN NOSTRAS EYSTETTENSES UBILIBET CONSTITUTIS, SALUTEM IN DOMINO.

Cum Pastoralis curæ sit, subditorum morbis condigno remedio obviare, & corpora, quæ languore carent, artē & modis omnibus præservare: Nos volentes juxta commissæ Nobis Pastoralis sollicitudinis officium Clero & Plebi nostræ Diocesis paterne consulere; pro Divini nominis gloria, & amplianda religione, ac virtutibus, retundendaque malitia, de Venerabilis Capituli nostri, jurisque peritorum consilio, ad laudem DEI OMNIPOTENTIS, Gloriosissimæ MARIE Virginis, Beatorum PETRI & PAULI Apostolorum, Beatique WILLIBALDI, egregii Confessoris & Pontificis, Patroni nostri, ac omnium Sanctorum, pro felici statu hujus Sanctæ Eystettensis Ecclesiæ, ac Episcopalis Sedis, totiusque Cleri & Populi, ad ipsam pertinentium, STATUTA quædam SYNODALIA felicitis memoriæ Domini JOHANNIS, immediati Prædecessoris nostri, anno Domini Millesimo, quadringentesimo, quadragesimo septimo, in Synodo pro tunc publicata, prout jam pridem similiter, ac per Nos actum est, ratificavimus, & nunc præsentibus ratificamus, certo moderamine in eisdem observato, prout ex infra scriptis nostris Statutis intelligetis. Præterea nova quædam edidimus, quæ omnia vim legis & præcepti, sub pœnis in eisdem conten-

tis habere, ac districtè per vos observari volumus: alioquin eorundem transgressores, præter Divinam ultionem merito formidandam, pœnas prædictas, & alia remedia opportuna expectent. Non tamen intendimus jurisdictioni Decani Ecclesiæ Cathedralis nostræ, ad quem, sicut ex longæva & antiqua consuetudine, immediata correctio excessuum Clericorum civitatis nostræ pertinere dinoscitur, in aliquo derogare.

De Hæreticis superstitiosis.

Et si universas detestamur hæreses, & odimus singulas vanas, & superstitiosas sectas, & observantias hæreticorum, & Nobis, ac Vicario in Spiritualibus, & Pœnitentiario nostris omnium & singulorum, damnatis erroribus involutorum, absolutiones per quoddam Statutum Synodale Prædecessorum nostrorum sint reservatæ; Nos tamen considerantes propter ipsius Statuti nimiam generalitatem plerosque Presbyteros, sive Confessores, ipsum nimis generaliter intelligere, & plures, quam Statuti intentio esse possit, ad Sedem Episcopalem pro absolutione mittere; Nos volentes generalitatem restringere, & ipsum Statutum declarare, præsentibus dicimus, & declaramus, eos duntaxat, qui sectas damnatas, ac ea, quæ directè articulis fidei

(a) Wilhelmus de Reichenaw, J. U. D., major Præpositus Aichstadiensis Ecclesiæ, eligitur Episcopus anno 1464. Obiit 1496.

fidei contraria sunt, credunt, vel sequuntur, atque alia superstitiosa pro rebus temporalibus acquirendis, retinendis, vel recuperandis, habentes fidem, & spem in illis, committunt, ad Sedem Episcopalem remittendos; nisi forte in levioribus tanta esset consuetudo delinquentis, quæ correctionem facilem non reciperet, ex qua in alia majora lapsus sequi posset amplior, super quo arbitrando conscientiam Confessoris oneramus.

De Sacerdotibus existentibus in peccatis mortalibus.

Quamquam secundum sacrorum Canonum declarationes, Sacerdotes, etiam mortalibus prægravati sceleribus, Divina conficiunt Sacramenta, quæ polloi, non possunt; nulli tamen, extra casum a jure expressum, in mortali constituto peccato Divina licet celebrare Mysteria, aut alia quævis conferre Sacramenta. Nos volentes, quantum possumus, ausum, sive temeritatem quorundam Sacerdotum, qui publico maculati concubinato, frequenter, & quasi quotidie celebrant, & ministrant Sacramenta, impedire; præsentem ordinamus constitutione, præcipimus, & statuimus, ne aliquis Sacerdos in publico, sive notorio laborans concubinato, post unius mensis spatium, ab hodie computandum, Divina celebret Officia, nisi prius a Nobis, aut nostro in Spiritualibus Vicario, aut cui Nos, vel idem Vicarius noster, vices nostras in ea parte commiserimus, confessus rite fuerit absolutus, & ad nostrum, vel Vicarii nostri mandatum, iussus, & dispositionem, concubinam, quam sic publice tenuit, aut tenet, dimiserit sub pœna carceris, quam volumus contrarium facientes, ipso facto incurrere, ac alias juxta excessus qualitatem graviter puniri.

Et quoniam non est nostræ intentionis, ut hujusmodi publici concubinarum passim & indifferenter, quasi joco, occasione confessionalium, aut licentia confitendi a Nobis, vel Vicario nostro datorum & emanatorum, ab eorum talibus excessibus absolvantur, ne facilitas veniæ incitamentum præbeat delinquentibus;

præsentibus inhibemus, ne aliquis Sacerdos nostræ Diocesis post lapsum unius mensis aliquem talem publicum concubinarum, sive fornicarium, occasione talium confessionalium, vel licentia confitendi absolvat, sed potius ad Nos, aut nostrum in Spiritualibus Vicarium remittat; decernentes irritum & inane, si quid in contrarium factum, aut attemptatum fuerit; nisi forte idem Sacerdos absolvendus, Divina tam necessario celebrare debeat, ut absque gravi scandalo populo vacare non possit, tunc poterit per quemcumque Sacerdotem absolvi, ita tamen, ut ad brevem terminum, per eundem Confessorem statuendum, se Vicario præsentet, ad recipiendam pro modo culpæ poenitentiam salutarem; hortantes nihilominus omnes & singulos Confessores a talibus publicis concubinariis ex majori autoritate electos, ut & ipsi circa tales diligenter & discrete vigilent, ne ipsi sua levitate se aliorum criminum faciant participes, super quibus omnibus cujuscunque conscientiam districte oneramus.

De Matrimonio.

Matrimonia clandestina, ex quibus sæpius visum est, & expertum, plurima oriri scandala, & pericula animarum, dum hi contrahunt, quibus a jure prohibitum est contrahere, prohibere volentes: Nos pœnis juris nostras adjucentes, statuimus, ut singuli Plebani, statim, postquam ad ipsorum notitiam, aliquos in aliquo gradu prohibito, vel legitimum habentes impedimentum, quominus contrahere possint, clam contraxisse, pervenerit, eos, qui ita contraxerunt, mox ab ingressu Ecclesiæ tamdiu excludant, quo usque iidem contrahentes Vicario nostro, recepta poenitentia & emenda (a) sibi per suas patentes literas, ac alias per Officialem nostrum super hujusmodi impedimento canonice expediti, fuerint remissi; salvis tamen pœnis juris circa eos, qui etiam extra omne impedimentum clam contrahunt, quibus per præsens nostrum statutum in nullo volumus derogari.

(a) *Emenda.* Pecuniaria multa, compensatio damni, emendatio, quæ judicis arbitrio irrogatur.

Quid dicatur Clam, vel Clandestinum.

Et ne vocabulum Clam, sive Clandestinum, multis & præsertim in hac materia ignotum, cuiquam ambiguitatem generet, præsentī constitutione declaramus, id fore & esse clandestinum matrimonium ad præsens censendum, quod per verba de præsentī, aut futuro, copula carnali subsecuta, contrahitur, priusquam eorum contractus futuri matrimonii per Plebanum ipsorum, in loco vel locis, ubi verisimiliter notitia haberi potest ipsorum contrahentium, & deveniri in cognitionem impedimentorum, fuerit secundum Statuta Synodalia & Ecclesiæ publicatus.

De Confessionibus audiendis.

In ministrandis vero & conferendis Sacramentis illud summopere providendum est, ne ubi salus expectatur animarum, scandalum generetur, & peccatum nutriatur: propterea præsentī constitutione districte prohibemus, ne quis Sacerdos, cujuscunque mulieris sanæ in stuba, (b) sive camera dotis, (c) vel domus suæ, confessionem audiat, sed in communiore loco Ecclesiæ suspicione carente; neque pueros extra Ecclesiam baptizent, nisi horum, quibus jura permittunt; nisi forte tempore hyemis, propter ingens frigus aliud facere necessitas cogat: tunc utique tam salubre Sacramentum cum ea reverentia & disciplina conferatur, ut etiam propter devotionem astantium merito gratia baptizato conferri præsumatur vel augeri; alioquin contrarium facientes, ad arbitrium nostrum graviter puniemus.

De publicis criminosis, & penitentia injungenda.

Quoniam secundum Sacros Canones manifesta peccata non sunt occulta; ne de cætero aliquis Confessor aliquem manifestum criminofum occulta peni-

tentia puniat, sed manifesta, sive crimina sint levia, sive magna. Nam quamvis penitentia sint arbitraria; illud tamen in suo genere locum habere certum est, ita ut circa manifestam penitentiam in manifestis & circa occultam, in occultis sit arbitrandum. Manifesta etiam occulta penitentia corrigere, potius penitentiam mutare videtur, quam arbitrari: quod nedum simplicibus, verum & Episcopis jure prohibitum apparet, nisi forte peccatoris, vel confessi tanta sit resistentia, ut potius se Divinæ correctioni, quam humanæ velit submittere: quem non abjiciendum, sed cum innotescencia periculi, sive discriminis, quibus se ingerit, absolutum jubemus ire dimitti. Alioquin hoc non observato, ad arbitrium nostrum gravi subiaceat ultioni.

Ne quid pro ministrandis Sacramentis exigatur.

Cum nil pro Sacramentis ministrandis exigi, vel extorqueri oporteat: Nos volentes statutum vetus de non exigendo aliquid pro ministrandis Sacramentis manutenere, districte prohibemus, ne aliquis Plebanorum nostræ Diocesis, & eorum loca tenentes, ex pacto vel consuetudine confessionales denarios inter se, & cooperatorem dividendos conveniant, & dividant: sed si Plebanus ipsi socio aliquid libere communicare velit, non prohibemus: socium tamen, & cooperatorem de his, quæ sibi fideles sponte offerunt, Plebano dandum cogi nolumus, consuetudine quacunque non obitante: quoniam sapius Plebanos & cooperatores propterea desides, & negligentes in audiendis fidelium confessionibus comperimus: hortantes nihilominus omnes, & singulos Confessores, ne spe alicujus temporalis lucri consequendi, propterea festinantius audiant, breviusve expediant, quam oportet, scientes, quod si eorum culpa vel negligentia alios negligant, ipsi sibi eorum peccata accumulent. Quod si quis-

(b) Hypocaustum; scriptum quoque reperitur: *Stupa. Hist. Austral. ad an. 1292*, per totam Hyemem aura adco levis fuit, quod stupis bene caruissent homines, si voluissent. Ad ann. 1298. ibidem; extra portam stupæ a convicinis & concurrentibus decem in una *stupa* sunt occisi.

(c) *Camera dotis*, la Chambre de la Femme, *Germ. das Frauenzimmer*, sive locus, ubi Domina, vel aliæ uxores communiter habitare & versari solent.

quisquam in his excessisse reperiatur, Nos contra talem ultra Divinam ultionem, quam incurreret, ad graves penas, pro nostro arbitrio, infligendas procedemus.

De vita & honestate Clericorum.

Et quia statutum de honestate Clericorum plurimi adeo vilipendunt, ut nedum in nostra, & communis vulgi presentia prohibitis utantur vestibus, verum & circa Divina ea minime deponunt, & alias inhoneste contra juris dispositionem incedunt: ut itaque Clericorum mores, & actus eorum in melius reformentur, honeste vivere studeant universi; statuimus, ut omnes & singuli Clerici per civitatem & Diocesim nostram constituti, tonsuram suo ordini, statui, & dignitati convenientem deferant, comam, & crines, sive pilos, ultra nodum colli extensos non nutrant, ac rostrum (d) calceorum articulum digiti excedentes deponant; alioquin transgressores a distributionibus quotidianis cum corpore Præbendæ, per unum mensem noverint se fore suspensos: omnino sub prædicta pœna prohibentes, ne aliquis Sacerdotum, coram quocunque sibi ministrante, qui præmissorum transgressor repertus fuerit, & appareat, Divina celebret Officia: sed eum tantquam indignum astare, & ministrare prohibeat; quoniam non credimus, talem absque mortalis peccati culpa posse Sacra celebrare, vel Divinis astare, qui factis sacris Canonibus contradicit.

De Captivitatibus Clericorum.

Verum cum in terminis alicujus Decanatus Religiosi, vel Clerici, in sacris constituti captivantur, captivi detinentur; interdictum Ecclesiasticum servari, & a Divinis cessare oportet: dubium, qui captivus dicatur, tollere volentes, presentibus pronunciamus & declaramus: nedum hunc dici debere captivum, qui tentus vinculis sive carceri mancipatur; sed etiam eum, qui tentus & coactus promissit sine, vel cum pœna, ad certum terminum se captivatori, aut alteri, nomine & vice ipsius, sta-

tuere, aut liber dimissus pœnam certam solvere & debere.

De Præbendis diminutis.

Patroni Beneficiorum cum juris dispositione obligati, nostris vero, & Prædecessorum nostrorum etiam statutis honorati sint, ut ad Beneficia Ecclesiastica, sive diminutione, personas habiles, & idoneas præsentent; nihilominus tamen hujus contrarium fieri quotidiana docet experientia. Proinde districte prohibemus, ne Vicarius noster in Spiritualibus aliquem ad quodcunque Beneficium investiat, nisi prius coram eo is, qui præsentatus est, vel qui præsentat, sufficienter docuit, aut alius sibi legitime constans, Beneficium juxta tenorem Statuti Synodalis de portione Canonica disponentis, fore & esse dotatum, vel provisum: & sic præsentato absque diminutione debita fuerit portio assignata, & tradita. Nisi hic, qui præsentatur, adeo in fructibus Beneficii, non ex culpa, vel fraude Patroni, attenuati sit contentus, ut nulla sibi contra Nos, vel Patronum possit competere querela vel actio.

De Magistris fabricæ Ecclesiarum.

Statutum de Magistris fabricæ Ecclesiarum in suo robore permanere omnino jubemus, hoc adjicientes & moderantes, ut ratio de perceptis & expositis ab his, a quibus & coram quibus fieri debet, non nisi, & semper infra Pascha & Ascensionem fiat: & a Plebano loci recessus plenus de omnibus perceptis, expositis, remanentibus & debitis, Vicario nostro in scriptis mittatur; quem si forte aliquis, vel aliqui mittere impediunt, vel impedire nituntur, is vel ille ab eorum Plebanis ab Ecclesiæ ingressu coercerantur tam diu, quosque a Nobis, Vicario nostro, aliud habuerit in mandatis, vel facto pareat, vel paruerit. Nec ipsi Magistri, vel Procuratores per se, vel cum eorum Plebano alicui sine nostra, aut Vicarii nostri expressa licentia aliquam pecuniæ summam mutuent vel accommodent, nisi ipsi Plebanus, & Vicarius, sive Magistri fabricæ, pro accommodatis, vel mutuo datis pecuniis velint esse

(d) Rostros, vel juxta alios communiter Rostra, quo nomine appellantur acumina calceorum, vel prominentes, & ultra pedum longitudinem profluentes extremæ calceorum partes.

esse principales debitores & solutores. Quam pecuniam accommodatam, vel mutuatam, etiam in proxima expositione rationum sub poena dupli sine contradictione solvere debeant & teneantur.

De Sententia Excommunicationis.

Ex causis plerumque Nos, nostrique Vicarius in Spiritualibus, & Officialis, mandata sub poena excommunicationis latae sententiae emitimus: post accusatam etiam contumaciam trinæ vel alius sufficientis ammonitionis ad reproducta mandata subscribimus, excommunicationem declaramus, excommunicamus & suspendimus. Ex quibus nulli dubium manet, ex rigore juris tales, contra quos declaratio, vel post contumaciam accusatam excommunicatio vel suspensio scribitur, excommunicati sive suspensi sunt iudicandi & censendi. Quia tamen simplices & juris ignari, quamdiu literæ non expediuntur, sibi de Beneficio absolutionis non provident, putantes, se nisi literis expeditis, minime ligari; volumus, ut quilibet contumacias accusans, quam primum ex copia Notarii facere possit, expediat; ac contrarium facientes, & literas extradi obmittentes, per Vicarium & Officiale nostros in poena duplicis taxæ, panni vel literarum puniri seriose iubemus.

De Renuntiatione.

Ut Ecclesiasticorum Beneficiorum resignationes, & renuntiationes debite fiant, nullique ad ea, nisi digni & idonei præsententur & recte conferantur; statuimus, ut, sicut eorum resignationes sive renuntiationes, nisi in nostras, vel Vicarii nostri, aut alterius, ad id de jure vel consuetudine potestatem habentis, manus factæ & admittæ, quoad Nos nullæ sunt; ita nulli, qui ad ea vacantia ex resignatione alia, quam in manus nostras, aut Vicarii nostri, aut cui ad hoc Nos, vel idem Vicarius noster, vel is potestatem ad id modo prædicto habens, vices commiserimus, vel commiserit, facta, præsentatur, conferantur: certificantes omnes & singulos Beneficiatos, præfentes & futuros nostrarum civitatis & Dicecesis, quod si quis Beneficium Ecclesiasticum, ad institutionem nostram

spectans, per se, vel alium in manus aliqujus Patroni Ecclesiastici, vel sæcularis ex quacunque causa sine Nostra, vel Vicarii nostri licentia resignaverit; quod ipsum Beneficium alteri, cui Nobis placuerit, conferemus, aut alias graviter, prout Nobis expedire videbitur, puniemus; hortantes omnes & singulos alios, ad quos de jure vel consuetudine Beneficiorum spectat collatio & institutio, ut & ipsi idem faciant & observent.

De Clericis peregrinis.

Cum sit honestati contrarium, & a Sanctorum Patrum institutione alienum, sine consensu Episcopi Clericos aliarum Dicecesium indifferenter in Ecclesiis instituere; præfenti edicto omnibus & singulis Presbyteris, curatis, & non curatis, per Dicecesim nostram constitutis, districte prohibemus, ne aliquem alienæ Dicecesis Presbyterum in Vicarium, Cooperatorem, & Capellanum in Ecclesia, vel Beneficio suo, sine Nostra, aut Vicarii nostri expressa licentia, instituat, præficiat, vel assumat; alioquin contrarium facientes, severe punire non obmittemus.

De Statu Monachorum.

Monachi, qui per villas & oppida, sive quascunque Ecclesias Parochiales, singuli de jure communi poni non debent, præcipiendo mandamus omnibus & singulis Beneficiatis, & Vicariis Beneficiorum, & Ecclesiarum quarumcunque, ne aliquis Religiosum, sive Monachum, etiam Canonicum regularem quemcunque, pro se, & in sui loco, ad quodcunque tempus præficiat, vel ponat, neque quemquam Missas in Ecclesia, vel Capella sua dicere, sive celebrare permittat sine Nostra, aut Vicarii nostri speciali licentia. Prælatum tamen regularem quemcunque, si ad aliquem locum divertere contigerit, per se, vel Capellanum sui Ordinis, vel sæcularem celebrare non prohibemus. Alioquin aliter facientes, poena suspensionis, aut alia, prout Nobis videbitur, multabimus.

De Locationibus Beneficiorum.

Ecclesiarum locationes, nisi ex rationabilibus causis, per Rectorem, vel Pastorem prius Nobis, vel Vicario nostro

expositis, fieri omnino prohibemus; & ut non aliis, quam fide dignis, doctis, & discretis, ac Nobis, aut Vicario nostro præsentatis personis, aut Presbyteris locentur, sub pœna decem florenorum districte præcipientes jubemus.

De. Excommunicationis propter violentiam Clericorum.

Sæpe Clerici, & Presbyteri per laicos sua culpa offensi, vel violentati, ne ipsorum culpa coram Superioribus appareat, cum laicis scandalose se componunt; & dum laicis absolutio aliter, quam ordo juris dicitur, denegatur, scandalizantur; districte mandamus, ne aliquis Clericus, in Sacris constitutus, se sponte sine Nostra, aut Vicarii nostri, vel Prælati sui, in ipsum jurisdictionem ordinariam de jure, vel consuetudine habentis, licentia, cum offensore suo componat, vel concorder. Non prohibemus tamen, de modo concordia inter se convenire, quem tamen Nobis, aut Vicario nostro, vel Prælato suo, ante acceptationem offensus exponere teneatur. Qui cum per Nos, Vicarium, vel Prælatum, assumptus, & approbatus fuerit, per offensum accipi potest, ut sic appareat iuste, si offensor in partibus veniat absolvendus, vel Sedi Apostolicæ

relinquendus. Horum autem transgressores, prout quantitas exigit, transgressionis pœna plebentur.

De Dispensantibus cum existentibus in peccato mortali, ut recipiant Sacramentum.

Quia ad noticiam nostram pervenit, nonnullos Sacerdotes nostræ Diœcesis, curam animarum habentes, cum his, quos in casibus Superiori nostro, vel Nobis reservatis, absolvere non possunt, dispensare, ut ad sacram Communionem, priusquam ab eis in casibus a jure permissis, aut Superiori nostro, vel Nobis beneficium absolutionis consequuntur, accedant. Nos volentes vetus statutum omnino servari; præsentī decreto sub pœna carceris decem dierum præcipimus, & mandamus, ne aliquis Sacerdotum nostræ Diœcesis de cætero aliquem ad sacram Communionem admittat, nisi prius per eum in casibus a jure expressis, vel Superiori nostro, vel Nobis, vel vices nostras gerenti; a peccatis, & Superiori nostro, vel Nobis reservatis, sit rite absolutus, & absolutum se ostenderit. Alioquin pœna prædicta, vel alia, pro nostro arbitrio, punire non obmittemus.

Wilhelmus Episcopus hæc suæ Diœcesis Statuta imprimi curavit per Matthiam Walcker anno 1484: quam primævam editionem ex Bibliotheca Collegii PP. Soc. JESU commodatam accepi. Anno 1733. eadem denuo edita fuere per Clar. Joan. Henr. a Falckenstein, post Codicem Diplomatum Antiq. Nordgaviensium. *Frankfurti & Lipsiæ.*



SYNODUS SALTZBURGENSIS PROVINCIALIS

Anno Christi MCCCCXC. Innocentii VIII. Pp. VI.
Friderici III. Imp. LI.

SUB FRIDERICO V. ARCHI-EPISCOPO.

Statuta Provincialia XLVIII. Archi-Diœcesis Saltzburgenfis.

AD honorem, laudem, & gloriam Omnipotentis DEI, Gloriose Virginis MARIE, totiusque celestis Curie triumphantis, & incrementum Fidei Christiane, Nos FRIDERICUS, Dei Gratia, Sanctæ Saltzburgenfis Ec-

clesiæ Archi-Episcopus, APOSTOLICÆ SEDIS LEGATUS: SIXTUS FRISINGENSIS, GEORGIUS CHIEMENSIS, MATTHIAS SECCOVIENSIS Ecclesiarum Episcopi, Oratores & Procuratores RATISPONENS. PATAVIENS. BRIKINENS. LA-
VEN-

VENTIN. Episcoporum, ac Capitulorum Ecclesiarum Cathedralium, pleno mandato suffulti Prælati, & eorum Oratores & Procuratores, in Sancto Concilio Provinciali in Ecclesia Parochiali Sancti Nicolai, oppidi Muldorff, Saltzeburgensis Dicecesis, decima nona mensis Octobris, anno Domini Millesimo, quadringentesimo, nonagesimo celebrato congregati, de consilio omnium huic Sacro Concilio interessentium Constitutiones, & Statuta Provincie Saltzeburgensis salubriter condita, & edita sunt in hunc, qui sequitur, modum.

De Vita & honestate Clericorum.

Quia Clericorum est, in seipsis implere Domini voluntatem, & lucere per bonam conversationem, qualiter oportet alios in Domo Domini convertari; Sacro Provinciali Concilio approbante, statuimus, volumus, & mandamus, universos Clericos Provincie nostre presertim Beneficiatos, & in sacris constitutos, honeste, clericaliter, & devote se exhibere, a crapula & ebrietate abstinere, indumentaque scissa in oris, seu extremitatibus ab extra superducta non deferre, mitras caudatas penitus dimittere, cingulos & monilia, auro, argento, vel alio metallo excessive splendens, ad modum laicorum abjicere penitus & vitare. Vestimenta rubei & viridis coloris deferre Clericos omnino prohibemus: equalibus colliriis in joppulis tunicis, sive mantellis, ne alterum respectu alterius circumferentis eminentius appareat, utantur: mitram seu pirreta, capiti suppositum capucium humeris Clerici reverenter deferant; ipsis in publico deambulantibus. Contrafacientes vero ultra penas juris communis per suspensionem proventuum Beneficiorum Ecclesiasticorum, fabrice applicandorum, secundum quod protervia demeruit & excessus, arctius per Nos, Officialem, Archidiaconos nostros, aut Ordinarios loci, seu eorundem Vicarios & Officiales puniantur.

Item inhibemus omnibus Clericis supradictis, in publico, vel alibi, presentibus laicis tabernas intrare; preterquam in itinere constitutis, vel ex alia causa rationabili, & omnes ludos inhonestos, maxime taxillorum, exercere. Contrafacientes pena juris communis, & ad arbitrium nostrum, seu Superiorum suorum, in ipsos jurisdictionem habentium, puniri volumus & mandamus. Item statuimus & in virtute sancte obedientie districte precipiendo mandamus, ut nullus Clericorum cauponem, vel tabernarium hospitem sibi constituat continuum in domo habitacionis sue, aut potum venalem negociationis causa publice exponat vel vendat, nisi ex antiqua consuetudine hactenus observata jus publice vendendi vinum habuisset. Permittimus tamen domos Prælati & Monasterii, pro hospitalitate rationabiliter introductas, & secundum permissum regule & juris communis: contrafacientes vero arbitrio nostro, & suorum Superiorum, in eos jurisdictionem habentium, puniri volumus, & mandamus. Ut etiam Clerus, qui in Domini sortem assumptus est, Divinis officiosis intendat ministeriis, districte inhibemus, & sub obedientie pena mandamus; ne quis Clericus cujuscunque dignitatis, religionis, aut status existat, venationes, & silvaticas vagationes cum canibus exerceat: penis nihilominus juris contra tales promulgatis in suo robore permanfuris.

De continentia Clericorum.

Volumus concubinatum evitari sub penis, & juxta Decretum Sacri Generalis Basil. Concilii, quas penas una cum penis juris contra inobedientes exequi precipimus, & mandamus. Cujus Decreti tenor sequitur per omnia in hec verba:

SACROSANCTA GENERALIS SY-
NODUS BASILIENSIS, IN SPIRITU
SANCTO LEGITIME CONGREGA-
TA, UNIVERSALEM ECCLESIAM
C c c c 3 RE-

Fridericus V. Comes Schaumbergius, per Compromissarios anno 1489. 19. Decembris electus est Archi-Episcopus Salisburgensis XLVus. Anno 1490. ab Innocentio VIII. Pp. confirmatus, Synodum Provinciale in Ecclesia Parochiali S. Nicolai in oppido Muldorff coegit. Canones LI. indicat *Hansiz T. II. Germanie Sacrae a pag. 541. ad 544. ex Lunigii Spicilegii Ecclesiastici Continuatione III.* Obiit anno 1494. 4. Octobr.

REPRESENTANS, AD PERPETUAM
REI MEMORIAM.

Quicunque Clericus cujuscunque status, conditionis, religionis, dignitatis, etiam si Pontificalis vel alterius preeminentie existat, &c. (*Vide supra pag. 554. ubi Decretum hoc Synodi Basiliensis expansum legitur.*)

De Clericis ignotis & peregrinis.

Quia Pastoralis sollicitudini incumbit, subditis providere, ne ab ignotis ledantur, quos nonnunquam percepimus, retroactis temporibus reprobos, abjectos, & quod detestabilis est, facinorosos, & inhabiles circa Divina, se infestasse in animarum pericula, & scandalum plurimorum; hoc sacro approbante Concilio districte sub excommunicationis pena precipimus, & mandamus universis Provincie nostre Prelatis, Archidiaconis, Decanis & Ecclesiarum Rectoribus, ne de cetero aliquem aliene Diocesis, seu peregrinum, se pro Presbytero gerentem, apud ipsos in consortium Sacramentorum, & Sacramentalium administrationes, vel alias regiminis curam quoquomodo admittant, nisi desuper nostris, aut loci illius Ordinarii, seu ejus Vicarii, vel Officialis patentibus literis, aut alias legitimis documentis certificati fuerint.

Ne Clerici jocularibus, vagis Scholaribus, & similibus Goliardis largiantur.

Ne Redemptoris nostri Crucifixi Patrimonium inutiliter expendatur, & in usus turpes exquisitis diabolicis suasionibus convertatur, de quo pauperum necessitatibus est succurrendum; statuimus, & in virtute sancte obedientie inhibemus, ne Prelati, Religiosi, aut seculares, & Clerici, quocunque nomine censeantur, mimis, jocularibus, histrionibus, buffonibus, seu hominibus artis lubricæ, pretextu nuptiarum, militie, vel alterius similis causæ, quicquam sub quocunque modo, specie, aut forma, nec etiam in pecunia numerata largiantur.

Ut Clerici personaliter resideant, nec plura Beneficia habeant.

Animarum periculis, que cunctis opibus preferuntur, desiderantes occur-

rere, statuimus, volumus, & sub pena privationis Beneficii mandamus, ut omnes habentes Ecclesias, quibus curæ animarum dinoscitur annexa, personaliter in eisdem resideant, absentes vero infra hinc, & tres menses proximum futuros, a die publicationis presentis computandos, se ad residentiam personalem recipiant: aut eorum quilibet suum Dioecesum, aut ejus in Spiritualibus Vicarium, aut Officiale, legitime informet, quare in eisdem residere non debeat, nec teneatur. Omnes quoque & singuli incompatibilia de jure Beneficia retinentes, eorundem Ordinarii, aut Vicarii, vel Officialibus ipsorum, infra eundem terminum dispensationes super hoc obtentas indicent, & ostendant. Inhibemus quoque sub eadem pena, ne quisquam Vicariam teneat præter unam, nisi necessitatis evidentis causâ aliud per Dioecesum, aut ejus Vicarium, vel Officiale permixtum fuerit, & concessum.

De Penitentia.

Quoniam nonnulli Sacerdotes regulares & seculares in penitentia frenâ laxare, & extra terminos sibi positos auctoritatem in casibus, superioribus reservatis, presumere ausu temerario referuntur; sub excommunicationis pena hoc approbante sacro Concilio Provinciali inhibemus, ne quisquam Sacerdotum religiosus, vel secularis totius nostre Saltzburg. Provincie, quemcunque sibi confidentem in casibus, Sedi Apostolicæ de jure vel consuetudine reservatis, absolvere presumat: nisi habito ejusdem Sedis desuper indulgentia & mandato speciali. Nec etiam in casibus similiter de jure aut consuetudine Episcopo reservatis aliquem absolvere attemptet, præsertim excommunicationis majoris vinculo innodatum, hereticum, Judeum, fautores eorundem, laicum predicatorem, aut auditores ejus, spoliatores alicujus dotis, aut Sacerdotis maxime in agone, aut temerarium occupatorem bonorum Ecclesiæ, depopulatorem agrorum, vinearum, aut ortorum, incestuosum, fornicatorem cum Sanctimoniali, homicidam etiam casualem, publicantem confessionem, peccantem contra naturam, aut cum brutis, sacrilegum, incantato-

ratorem, aut incantatricem, precipue cum Sacramentis, Sacramentalibus, vel offibus mortuorum, prolis oppressorem etiam in casu, incendiarium, commercia habentem cum Judeis maxime in usuris, preparantem, propinantem, ementem, aut vendentem venenum, presertim in machinationem mortis proximi, demonem invocantem, eudentem falsam monetam, utentem scienter argento & auro falso, cogentem Christianum dare usuram, blasphemum Christi nominis vel Sanctorum, falsum testem, coeuntem cum Judea, obligatum ad vagas restitutiones, nec quemquam alium enormibus criminibus irretitum, non habita desuper a Nobis, Metropolitano, vel suo Diocesano, aut eorum in hac parte Vicario commissione speciali & expressa. Vagarum etenim rerum distributionem eorum Ordinariis reservent, ad ipsosque legitime deducant. Quodsi secus factum per eosdem fuerit, tantundem fabrice Ecclesie Cathedralis, sub qua degunt, quantum distribuere contra hujusmodi prohibitionem presumpserint, sub excommunicationis pena infra duos menses immediate sequentes persolvant.

Inhibemus insuper sub dicta excommunicationis pena districtè precipiendo, ne quisquam Sacerdotum secularis vel religiosus nostre Saltzburgenfis Provincie, non habita desuper Sedis Apostolice, aut Ordinarii sui, vel ejus in hac parte Vicarii, aut Officialis licentia speciali, se intromittat de distributione rerum male acquisitarum, incertarum, seu vagarum.

Forma Absolutionis.

Item volumus sub eadem pena omnes Confessores absolvendo uti ad minus illis verbis: Ego absolvo te a peccatis tuis, & restituo te Sacramentis Ecclesie in nomine Patris, & Filii, & Spiritus Sancti.

De benedictione salis & aspersorii Dominicis diebus.

Cupientes affectum devotionis augmentari, mandamus in virtute sancte obediencie, & volumus, omnes Sacerdotes, qui Parochiis prefunt, singulis diebus Dominicis aquam & sal benedi-

cere, ac eosdem una cum toto Clero ad ipsas Ecclesias spectantes horis consuetis ante Missarum solennia Ecclesiam personaliter circuire. Ut autem populus ad hujusmodi processiones invitetur, omnibus vere penitentibus, confessis, & contritis, ipsam processionem devote sequentibus, sub fiducia Divine pietatis de thesauro Ecclesie quadraginta dies indulgentiarum de injunctis eis penitentibus in Domino misericorditer relaxamus. Quas quidem indulgentias per Rectores supradictos extunc volumus publicari.

De Simonia, & ne aliquid pro Sacramentis & Sacramentalibus exigatur.

Districtè precipiendo interdiciamus, ne quisquam Sacerdotum pro reconciliatione penitentium, aut pro administratione alicujus Sacramenti, vel aliquorum Sacramentalium paciscatur de sibi danda pecunia, vel aliquo alio equivalenti pro eodem; sed volumus dispositis absque dilatione pro tempore, & loco congruis, eadem administrari, & exhiberi secundum ritum Ecclesie. Verum quia rationis & juris explorati existit, quod socii passionum sint pariter & socii consolationum; permittimus expositi exigi, etiam cum imploratione officii Judicis, quantitatem in talibus ex consuetudine debitam, ad quam laicos hortamur, & quantum de jure est, astringi, & compelli volumus.

Item volumus Statutum, sive Decretum GENERALIS CONCILII CONSTANT. De Simonia. editum publicari, ut in fine, quoniam contra transgressores ejusdem districtius Deo dante procedemus, cujus tenor per omnia sequitur in hec verba:

" MARTINUS &c. Multe contra Simoniam pravitatem ab olim facte sunt constitutiones, quibus morbus ille non potuit extirpari. Nos volentes de cetero, ut possumus, attentius providere, sacro approbante Concilio declaramus, quod ordinati simoniace ab executione suorum Ordinum sint eo ipso suspensi, Electiones, aut postulationes, confirmationes, aut quevis provisiones simoniace Ecclesiarum, Monasteriorum, Dignitatum, Personarum natu-

" natuum, Officiorum & Beneficiorum
 " Ecclesiasticorum quorumcunque, de-
 " inceps facte, nulle sint ipso jure, nul-
 " lumque per illas jus cuiquam acqui-
 " ratur: nec promoti, confirmati, aut
 " provisi faciant fructus suos, sed ad il-
 " lorum restitutionem tanquam inique
 " ablatorum percipientes teneantur. Sta-
 " tuimus insuper, quod dantes, & reci-
 " pientes, ipso facto sententiam excom-
 " municationis incurrant, etiamsi Pon-
 " tificali, aut Cardinalatus prefulgeant
 " dignitate.

Item interdiciamus, & districte in-
 hibemus, ne quisquam Clericorum, cu-
 juscunque status fuerit, censum de ali-
 quo Beneficio, aut pecuniam, vel emo-
 lumentum aliud ex pacto, quoquomo-
 do, nomine anticipande absentie, seu
 pensionis, vel alio quocunque quesito
 colore augeat, vel aliquem augere com-
 pellat. Contrafacientes tam dantes, quam
 recipientes, duplum quod dederint, vel
 receperint, Nobis, aut loci Ordinario,
 seu Vicariis nostris irremissibiliter solve-
 re teneantur, & nihilominus juxta ar-
 bitrium nostrum artius puniantur.

Item inhibemus sub pena privatio-
 nis officii, ne aliquis Sacerdotum quem-
 quam notorie delinquentem, accepta
 pecunia, vel alio commodo tempora-
 li, pena condigna corrigere preter-
 mittat.

*De Usurariis, & eorum penis, nec non
 preemptionibus.*

Usurarum voraginem detestantes, hoc
 Sacro approbante Concilio inhibemus
 omnibus Christi-Fidelibus nostre Saltz-
 burg. Provincie tam Clericis, quam lai-
 cis, ne pecunias ad usuras mutuent, aut
 in pignorationem ultra sortem aliquid ex
 pacto recipiant, nec preemptiones de-
 testabiles faciant, aut alios quoslibet
 actus usurarios exercent. Quodsi quis
 contrafecerit, ultra penas juris commu-
 nis & Conciliorum Provincialium Saltz-
 burgensium, per Predecessores nostros
 bone memorie celebratorum, subiaceat
 solutioni decem librarum denariorum
 usualium irremissibiliter ad fabricam Ec-
 clesie, sub qua degunt, aut in usus pau-
 perum juxta Superioris in hac parte ju-
 dicantis arbitrium convertendas.

Inhibemus insuper sub excommu-
 nicationis pena universis Prelatis, Archi-
 Diaconis, Decanis, Plebanis, & ceteris,
 quibuscunque Religiosis & secularibus,
 ne aliquem dictis criminibus manitte-
 reum, satisfactione non promissa, ad
 quam tamen eosdem induci volumus
 modis possibilibus, Ecclesiastice tradant
 sepulture.

*Ne preventi, & in enormibus peccatis
 decedentes, aut occisi, Ecclesia-
 stice tradantur sepul-
 ture.*

Insuper presenti constitutione duxi-
 mus inhibendum universis Clericis totius
 Saltzburgensis Provincie, ne suspensos
 patibulo, decollatos, vel alias qualiter-
 cunque per sententiam morti traditos,
 in torneamentis, ludis publicis, specta-
 culis, aut alias occisos, vel subito de-
 functos, qui non eodem anno confessi,
 vel alias in peccatis mortalibus morte
 preventi fuerint, vel non receperunt
 Eucharistie Sacramentum, nisi de consi-
 lio Sacerdotis duxerit abstinendum, tra-
 dere presumant Ecclesiastice sepulture,
 nisi de licentia Ordinarii, aut ejus in hac
 parte Vicarii, vel Officialis super hoc dili-
 gentius petita & obtenta, nihilque pro
 concessione hujusmodi preter consuetu-
 dinem exigatur, seu recipiatur.

*De Eleemosynariis & Questoribus admit-
 tendis, vel non.*

Abusionibus Questorum viam pre-
 cludere cupientes, statuimus, volumus,
 & mandamus, quod hi, qui presunt
 Ecclesiis, nullum, quarumcunque occa-
 sione literarum, etiam potestatum secu-
 larium, petere, aut colligere eleemosi-
 nam permittant, nisi literis eorundem
 prius diligenter perspectis, & Ordinarii,
 quibus appareat, quod sue litere sint
 vere, ac earundem autoritas adhuc
 duret, seu non expiraverit; quo com-
 perto, nulla portione recepta, exacta,
 vel requisita ab eisdem, pro eleemolina
 petenda admittantur. Quodsi qui con-
 trafecerint, triplum restituere teneantur
 ad usus, quibus eleemolina sunt deputa-
 te, remissione colligentium minime pro-
 futura: nec Questores, seu Collectores
 propria in persona quicquam proponere
 popu-

populo permittantur, sed per Plebanos, seu Rectores Ecclesiarum promoveantur: hortantes propterea universos & singulos nostre Saltzburgerſ. Provincie laicos, ne Questores & Collectores hujusmodi in eleemoſinis colligendis quoquo modo perturbent, aut impedire preſumant. Precipimus inſuper, & mandamus omnibus Prelatis, Rectoribus, & Vicariis Ecclesiarum ſub excommunicationis pena, quod omnes falſos Questores, qui non exhibent per omnia ſanas litteras, detineant captivos, ipſosque Nobis, aut loci Ordinario, ſeu Vicariis noſtris transmittant, ſeu denuntient, quantoties poterint, pro demeritis puniendos taliter, quod exemplis eorum ceteri ſimilia facere pertimeſcant.

Ne Mendicantes ſine teſtimonio litterarum ſuorum Superiorum, & Episcopi admittantur.

Volumus, ſtatuiſmus, & mandamus, quod Rectores Ecclesiarum nostre Saltzburgerſis Provincie, Fratres mendicantes nequaquam invitent, vel admittant; niſi de proponendo Verbum Dei, & audiendis confeſſionibus a ſuis Superioribus licentiam, & ab Ordinario authoritatem, canonice preſentationis, examinationis, & admiſſionis litteris authenticis, & patentibus habeant. Volumus quoque Rectores laicos ſub excommunicationis pena inhibere, ne alios Fratres mendicantes, quam taliter preſentatos & admiſſos, in confeſſionibus adeant. Ipſi etiam Fratres in decedentium, ſive recedentium talium preſentatorum & admiſſorum locum nullum ſurrogare, aut ſubſtituere quoquomodo debeant, niſi prius ſit Ordinario preſentatus, & per eundem, ut preſertur, admiſſus. Inſuper volumus, & ſub excommunicationis pena mandamus, ne quis, adminiſtrationem, & curam animarum exercens, Religioſos quoscumque, etiamſi litteras ſuorum Superiorum, ut extra Monaſteria ſua morari valeant, eiſdem oſtendant, admittant.

De bonis Fabrice Eccleſie, & ratione de eiſdem reddenda.

Statuiſmus, & hoc ſacro approbante Concilio irrefragabiliter diſſiniſmus, quod in qualibet Parochia Plebanus, af-

Tomus V. Concilior, German.

ſumptis ſibi vitricis Eccleſie, & duobus honeſtioribus ex Parochianis ſuis, quos communitas ibidem ad hoc duxerit eligendos, quorum vitricorum quilibet habeat clavem unam, & ipſe terciam, omnia, que devotione fidelium ad fabricam Eccleſie, luminaria, vel ad alias utilitates fuerint deputata, diligenter colligat, & conſervet, & his uſibus impendat, ad quos ſunt deputata. Volumus etiam, quod nec vitrici, nec tales ſibi adjuncti, nec alii Procuratores Ecclesiarum qualescumque, de rebus Eccleſie preter ſcitum Plebani quicquam diſponant. Ut autem res ipſa ſuſpicionem careat, & non detur occaſio ſubtrahendi res Ecclesiarum, volumus, & ſub excommunicationis pena precipimus, quod Plebanus, vitrici, & aſſumpti ſibi ad hoc officium, ſeu miniſterium exequentium, loci Archi-Diacono, aut Decano, ſeu communitati ejuſdem Parochie ſemel in anno plenam teneantur facere rationem: quam, vel quas huiusmodi rationes ſub pena eadem tam ſolicite, quam attente, ſub bonis teſtimoniis exigere volumus, & recipere, atque authoritate Ordinaria, ſub memorata pena, inhibere Plebanis, vitricis, & Ecclesiarum Procuratoribus, ne res Ecclesiarum quovis queſito colore mutuent, ſeu lo-cent.

Ne vacantes Eccleſie ſpolientur, & quod ablata eiſdem reſtituantur.

Statuiſmus, ut nullus Eccleſiaſticus, vel Secularis cujuſcumque ſtatus, vel conditionis fuerit, Ecclesiarum vacantium, aut Clericorum decedentium bona rapiat, diſſipet, aut invadat, quocumque queſito colore: contra facientes, decedens Eccleſiaſtica careat ſepultura, vivens autem cum tota familia ſua ab ingreſſu Eccleſie arceatur; donec ablata reſtituerit univerſa: creſcente vero temeritate & contumacia eorundem, majori & artiori pena conſtringantur.

Item ſimili pena carentie ſepulture decedentium, & ingreſſus Eccleſie vivorum, prohibemus laicis, ne de ſepulturis dandis ſe intromittant, nec campanas, aut alia ad Divinum cultum deputata contra voluntatem Plebanorum quocumque modo, preſertim ad prophana & religioni Eccleſie adverſa, con-

D d d d

treſcent,

trecentis, aut per mansionarios Ecclesiarum pertractari mandent. authorizabiliter contra Sacros Canones: nec in Ecclesia, & rebus earundem quicquam statuunt, aut quecunque ordinare presumant.

Ne Clerici exactiones persolvant.

Quamvis res Ecclesiasticæ non ad alium, quam pium usum, in quem ordinata sunt, expendi debeant, salva Sedis Apostolicæ auctoritate; quidam tamen Prelati, & alii Clerici, plus timentes terrenam, quam Divinam offendere Majestatem, non verentur laicis Ecclesias, quantum in eis est, facere tributarias: & infra sub excommunicationis pena inhibemus universis Prelatis, & Clericis nostre Salzberg. Provincie, ne tallias, steuras, seu quasvis alias exactiones, laicis solvere presumant, non habita super hoc licentia Superiorum speciali, & expressa.

Item inhibemus omnibus Clericis ejusdem nostre Provincie sub pena jam dicta, ne aliquis eorum Decano, vel Archidiacono, sine mandato sui Ordinarii, seu ejus Vicarii, collectam, aut exactionem solvere presumat.

De Patronis & Advocatis Ecclesiarum.

Quamvis Patroni & Advocati sunt in subsidium Ecclesiarum admissi; sepe tamen hoc tendit ad noxam & oppressionem, ut inde sentiant detrimentum, quod ad defensionem nescitur institutum: & infra, Constitutione presenti sancimus, & volumus, quod tam Patroni, quam Advocati Ecclesiarum, cujuscunque preeminentie, aut status fuerint, gratia premissa, aut antiquis juribus, ipsis, & eorum progenitoribus in institutione prima, seu, cum ipsi ad Advocacias a principio per eos, ad quos pertinuit, suscipiebantur, deputatis, penitus & omnino stent contenti, & pro posse suo statum, honorem, & res Ecclesiarum requisiti fideliter tueantur, & defendant.

Item si Patronus plures filios, aut heredes reliquerit, omnes illi succedant in stirpem, & in locum defuncti, & nihil plus exigant, extorqueant, vel recipiant, quam ei debebatur, in cujus locum & jus successerunt, & nihilominus, sicut

defunctus, Ecclesiam defendere teneantur. Si quis vero in extorsione, aut receptione juris Advocacie modum exceperit memoratum occasione juris Patronatus; jure suo privetur, & nihilominus sicut raptor & spoliator Ecclesie puniatur.

Contra Violatores Ecclesiasticarum Personarum.

Volumus, & mandamus, statutum Divine memorie GUIDONIS, Legati de latere per Provinciam nostram Salzburgenf. publicari, quo caveatur, quod quicumque personam Ecclesiasticam vulneraverit, captivaverit, vel occiderit; ipso facto ea, que ab Ecclesia nomine feudi jure censuali, aut in emphiteusim, aut alias quocunque nomine tenuit, perdat penitus & amittat, in utilitatem Ecclesie convertenda. Adjicimus quoque, quod in illa Parochia, in qua Canonici Ecclesie Cathedralis capi contigerit, vel detineri, vel alium in dignitate, vel Personatu, seu Clericatu constitutum; donec liberetur, & absolvatur, cesset generaliter a Divinis, salva satisfactione eidem debita impendenda.

Ne Clerici citentur ad judicium forense.

Quia privilegium fori Ecclesie est immediate a jure Divino, contra quod nec consensus, nec tolerantia excusare potest; animarum periculis providere volentes, statuimus, & universis Christi fidelibus per Provinciam nostram Salzburgenf. ubilibet constitutis, districte precipiendo mandamus, ne ququam Clericum, aut personam Ecclesiasticam, Capitulum, aut Collegium quocunque ad judicium forense trahant: Judicibus quoque forensibus, ne ququam eorundem coram se experiri cogant: alioquin tam actor, quam judex, sententiam excommunicationis ipso facto incurrant: in quo ipsos, & eorum quemlibet, per ipsorum Plebanos, dum in scriptis legitime requisiti fuerint, sub eadem excommunicationis pena volumus illico excommunicatos publice denuntiari, nunquam ad absolutionis beneficium admittendos, donec parti lese super expensis & injuriis, taliter irrogatis, caveant, vel satisfaciant competenter,

tenter, secundum estimationem, & declarationem legitimas coram Ordinario, aut ejus Vicario, rite faciendas: salvis nihilominus aliis penarum constitutionibus a jure communi, & per Sedem Apostolicam, ac in Concilio Provinciali promulgatis.

Ne Clerici citent laicos causa non expressa.

Ne quisquam laicus vexetur per inanem citationem laboribus & expensis; statuimus, precipimus, & mandamus universis Judicibus Ecclesiasticis per Provinciam nostram Saltzeburgensem ubilibet constitutis, ne laicos quoslibet ad audientiam sui citent, vel evocent, causa vocationis nominatim non expressa, & que talis sit, que de jure, vel consuetudine ad forum pertineat Ecclesiasticum, nec citatum super aliis causis, quam in citatorio expressis, respondere compellant.

Ne Judices Ecclesiastici nostre Provincie excommunicent sine scriptis.

Precipimus, ac in virtute sancte obedientie inhibemus omnibus per Provinciam Saltzeburgensem jurisdictionem president., ne quemquam Clericum vel laicum pro culpa, vel contumacia excommunicent sine scriptis, & monitione Canonica non premissa.

Ut de causis matrimonialibus nemo, quam Judex Ecclesiasticus diffinit.

Inhibemus, & sub pena excommunicationis interdiciamus omnibus Christi fidelibus, Clericis; & laicis, per Provinciam nostram Saltzeburgensem ubilibet constitutis, ut nullus ipsorum contra dictum Salvatoris, & Sacros Canones de causis matrimonialibus cognoscere, concordare, seu diffinire qualitercunque presumat; absque licentia Ordinarii, seu ejus Vicarii, vel Officialis jussu & mandato speciali.

Contra clandestinas desponsationes.

Statuimus, & precipimus universis Christi fidelibus, per Provinciam nostram Saltzeburgensem constitutis, ne quisquam eorum clandestinis desponsationibus, aut occultis matrimonii inter-

Tomus V. Concilior. German.

fit. Precipimus insuper in virtute sancte obedientie universis Ecclesiarum Plebanis, quod postquam ipsis constiterit pro certo, vel probabili fama, aliquos clandestine contraxisse; ipsos statim ad publicandum in facie Ecclesie, aut jura sua persequendum, coram Ecclesiastico Judice per subtractionem Sacramentorum, extra tamen necessitatis articulum, cogere non postponant.

Ut mandata Judicum exequantur.

Quoniam frustra forent judiciorum strepitus, & diffinitiones, si non fierent eorundem executiones; statuimus, & sub excommunicationis pena mandamus omnibus & singulis, per Provinciam nostram Saltzeburgensem constitutis, quod tam nostra, quam aliorum nostrorum Judicum iussa, precepta, citationes, mandata, sententias, & processus cujuscunque continencie, aut tenoris fuerint, sibi destinata devote recipiant, & fideliter exequantur: Nuncios eorundem benevole acceptent, ad vindictam vel offensionem nullatenus procedant, & per proprium sigillum, si habuerint, in signum executionis celebrate, vel cum subscriptione manus propriæ muniant, & consignent. Si quis autem contemptor vel neglector fuerit premissorum; ad prefatam penam nihilominus parti lese teneatur ad refarciendum expensas, damna, pariter & interesse, premissa Ordinarii taxatione, vel Judicum eorundem, a quibus predicta mandata emanarunt, & hoc, quantum fuerit, in litem juratum.

De interdicto observando.

Quoniam juris apices non omnibus innotescunt; ad uberiores Sacerdotum instructionem & salubrem informationem, qualiter Sacerdotes interdicti tempore se gerere debeant & habere, presenti declaramus statuto, quod interdicti tempore tam ab homine, quam a jure prolati, tam sani, quam infirmi sunt ad remedium penitentiae admittendi, nisi fuerint interdicti, vel excommunicati, vel quorum dolo, culpa, consilio, favore, aut auxilio latum extitit interdictum: quibus tantum viaticum & baptisma parvulorum conceduntur: nullus inungatur, vel tradatur Ecclesiastice sepulture, preter Cle-

D d d d *

ricos,

ricos, qui servaverint interdictum, nisi tales sint, qui nominatim excommunicati, vel suspensi fuerint. Qui vero Clerici non fuerint huiusmodi sententiis innotati, sine pulsatione campanarum, cefantibus quibuslibet solemnitatibus, cum silentio tumultentur. Insuper, Sacerdotes, populum habentes sine scrupulo conscientie, semel in ebdomada viros & mulieres possunt ad Ecclesias convocare, nec non ipsis exponere verbum Dei. Mulieres post partum non intronizentur cum solennitate Psalmi & Orationum: Nuptie sic non benedicantur: nec aqua benedicta populus solenniter aspergatur. Singulis diebus Missæ in Ecclesiis celebrentur, & alia quevis Divina Officia, sicut prius, submissa tamen voce, januis clausis, omnino quibuslibet excommunicatis & interdictis exclusis, ministris Altaris duntaxat exceptis, & omnibus aliis, nisi super hoc privilegium exhibeant speciale. Campanis non pulsatis, bini vel insimul legere possunt, ita tamen quod foris, seu extra Ecclesiam nullatenus audiantur. In Festivitatibus Natalis Domini, Pasche, Penthecostes, Assumptionis Beate Marie Virginis a Vesperis vigiliarum earundem usque ad Vesperam predictorum dierum inclusive, campane pulsantur, aperiantur Ecclesiarum janue, Divina quoque officia solenniter celebrentur, excommunicatis prorsus exclusis, sed interdictis admissis: qui si causam dederint interdicto, Altari nullatenus appropinquent. Nec in illis Festivitatibus sepeliantur corpora mortuorum, neque vivis & sanis illis diebus Sacramentum Eucharistie ministratur. Preterea inhibemus, ne in Ecclesia non consecrata, vel a jure, aut ab homine interdicta, vel execrata per humanum injuriosum, sanguinem, aut femine polluta, nullatenus Divina celebrentur.

Item Decreta Sacri Generalis Basilienf. Concilii de interdictis non leviter ponendis, de excommunicatis certo modo non vitandis per provinciam nostram Saltzeburgensem publicari cupientes, tenores eorundem presentibus nostris statutis & constitutionibus inferendos diximus, qui sequuntur per omnia in hunc modum.

QUONIAM ex indiscreta interdicto-

rum promulgatione scandala multa consueverunt evenire, statuit hec Sancta Synodus, quod nulla civitas, oppidum, castrum, villa aut locus, Ecclesiastico supponi possunt interdicto, nisi ex causa, seu culpa ipsorum locorum, aut Domini, seu Rectorum, vel Officialium. Propter culpam autem, seu causam alterius cujuscunque private persone, huiusmodi loca interdicti nequaquam autoritate possint quacunque ordinata, vel delegata, nisi talis persona prius fuerit excommunicata ac denunciata, seu in Ecclesia publicata, ac Domini, seu Rectores vel Officiales ipsorum locorum auctoritate Judicis requisiti, huiusmodi personam excommunicatam infra biduum inde cum effectu non ejecerint, aut ad satisfactionem non compulerint: qua etiam post biduum ejecta, recedente, vel satisfaciente, mox Divina resumantur, quod etiam in causis pendentibus locum habeat.

De Excommunicatis certo modo non vitandis.

Ad vitanda scandala, ac multa pericula, subveniendumque conscientiis timoratis, statuit, quod nemo deinceps a communione alicujus in Sacramentorum administratione, vel receptione, aut aliis quibuscunque Divinis, vel extra, preterea cujuscunque sententie, aut censure Ecclesiastice, seu suspensionis, aut prohibitionis ab homine, vel a jure generaliter promulgate, teneatur abstinere, vel aliquem vitare, aut interdictum Ecclesiasticum observare, nisi sententia, prohibitio, suspensio vel censura huiusmodi fuerint in vel contra personam, Collegium, aut Universitatem, Ecclesiam, vel locum certum a Judice publicata, vel denunciata specialiter, & expresse: aut si aliquem ita notorie excommunicationis sententiam constiterit incidisse, quod nulla possit tergiversatione celari, aut aliquo juris suffragio excusari. Nam a communione illius abstinere vult juxta Canonicas Sanctiones. Per hoc tamen huiusmodi excommunicatos, suspensos, interdictos, seu prohibitos non intendit in aliquo relevare, nec eis quomodo libet suffragari.

Ut decime cum integritate persolvantur.

Multi secularium interdum in detestationem Cleri, temeritate propria decimas, quas omnium Dominus solvi precepit, subtrahere non verentur in animarum grande periculum. Cunctis propterea Predicatoribus & Confessoribus, Religiosis & secularibus precipimus, & in virtute sancte obedientie mandamus, quatenus in predicationibus & confessionibus subditos suos studiosius moneant: & indicent, quod memores salutis animarum, decimas ipsas omnium terre nascentium sine diminutione, integre, personales vero secundum laudabilem consuetudinem persolvant, si penas damnationis eterne voluerint evitare.

De Judicio leproforum.

Licet illorum, qui occulto Dei Judicio afferuntur lepre morbo percussi, separatio a communione hominum, majoribus gradibus Ecclesie duntaxat, secundum expertorum medicorum examen, sit credita; frequenti tamen querulantium assertionem percipimus, plures innocenter separatos, alios separandos, toleratos. Presenti statuto sub excommunicationis pena inhibemus, quod nullus deinceps Clericus vel laicus Saltzburgerus, Provincie quocunque modo, vel forma, quemquam hominem sua temeritate audeat judicare leprosum, vel ab hominum separare communione. Sed universis & singulis sub prefata provincia nostra degentibus, districtè precipimus, quod suborta fama contra quemquam, quod lepre morbo percussus sit, talem loci Ordinarii transmittat audientie, tanquam ad Sacerdotem Leviticum, per ipsum amplius examini medicorum subjiciendum pro experimento, an rumorì veritas suffragetur: hoc tamen, nisi sit casus adeo indubitatus, quod tergiversatione nequeat occultari, puta cum infirmus aperte profiteretur, se manum Domini tetigisse.

De Observantia regulari.

Quia Religiosos, qui per religionem sponte assumptam Deo dicati sunt, purioris decet honestatis & vite nitore clarescere, ut Deo salubrius possint famulari; Quapropter presenti constitutione irre-

fragabiliter duximus statuendum, ut universi Abbates, Præpositi, Priores, Decani, cæterique Monasteriorum Professi in nostra Saltzburg. Provincia constituti, monastica regulari vivant disciplina, regulamque eis a Sanctis Patribus institutam, secundum quod Sacrorum Statuta Canonum edocent, presertim tria ordinis substantialia, videlicet abdicationem proprietatis, obedientiam, & continentiam, ceremonialiaque religionis secundum sanctam Regulam & diffinitionem Sanctorum Patrum, diligentius studeant in omnibus observare. Si quis autem predictorum sue salutis immemor premissorum extiterit violator, seu neglector, secundum eandem regulam & diffinitionem Patrum, pena condigna puniatur.

De Monialibus Deo devotis.

Quoniam nedum in viris, sed etiam in mulieribus Deo devotis vigere debet religio sancta, & vita monastica secundum regulam sue professionis, & Sanctorum Patrum diffinitiones: ymmo tanto cautius tenentur Prælati, & alii eis prefecti, vigilare, quanto fragilioris sexus esse noscuntur. Statuimus, volumus & mandamus, quod omnes Prelati quorumcunque ordinum mendicantium, & non mendicantium, ac alii quicunque Monachi, & non Monachi, nostre Provincie Saltzburg., quibus cura Deo devotarum mulierum est commissa, easdem paterne, pie, & solerter secundum suam regulam, & Patrum diffinitiones ad observantiam regule & monastice vite inducant, informant, & compellant juxta officii debitum. Diligenter etiam vigilant, ne in receptione ipsarum ad religionem quicquam per simoniam exigatur. Negligentes & non reformantes, cujuscunque religionis fuerint, maxime de ordine Sancti Francisci, qui triplicem modum Sancte vivendi declaraverint, districta animadversione per Ordinarium puniantur. Insuper constitutionem BONIFACII Papæ octavi, super clausura monialium editam, que incipit: Periculoso. cum effectu executioni demandari volumus & mandamus.

Contra Inventores Sectarum.

Quia nonnunquam sub specie religionis surgunt secte, nec non conventiones

tiones pestifere, juribus inimice; precipimus & mandamus cunctis Ecclesiarum Rectoribus dicte nostre provincie, quod omnes viros & mulieres infra terminos suarum Parochiarum degentes, sub specie religionum non approbatarum & communium, in vita accepta a communi vita populorum discrepantes, requirant: quod infra mensem a sua requisitione ipsos informet, cujus religionis sint, & sue vite status approbationem: quod si non fecerint, ipsos teneant in omni obedientia Parochiali, sicut alios Parochianos, & Ordinarios eosdem nihilominus denuntiari non obmittant.

De rebus Ecclesiarum non alienandis.

Quia non omnibus liquet Canones contra alienationem rerum Monasteriorum, juriur prohibitiones publicandum: omnino inhibemus omnibus Abbatibus, Prioribus, Prepositis, ac aliis Prelatis, tam secularibus, quam regularibus, sub pena privationis administrationis ipsorum, ne de rebus Ecclesiarum suarum, vel Monasteriorum suorum, alienationes, sine licentia petita, & obtenta faciant perpetuas, quocunque titulo, gratuito, vel oneroso. Nec etiam res temporales insignes, aut notabiles preter juris formam & licentiam secundum eandem obtentam quomodocunque alienare presumant.

De Baptismo.

Baptismus cum summa reverentia celebretur, maxime in distinctione & prolatione verborum, in quibus Sacramenti virtus existit, his scilicet verbis: Ego baptizo te in nomine Patris, & Filii, & Spiritus Sancti. Doceant igitur Sacerdotes tam mares, quam feminas in necessitate debere parvulos baptizare eadem forma in suo idiomate: & quod patres & matres proprios infantes, si summa necessitas exigit, poterunt baptizare. Et, si Sacerdotes, super hoc diligenter inquirentes, debitam formam in baptismo invenerint; quod factum est, approbent, suppleant circa baptismatum quoad unctionem olei in pectore, & in scapulis, & chrismatis in vertice, quod a laicis est obmissum: si autem in baptisato debitam non invenerint observatam, non differant pueros baptizare.

De Eucharistia, & aliorum Sacramentorum Ecclesie custodia.

Item precipiendo mandamus, ut secundum Constitutionem Lateranensis Concilii Eucharistia, Chrisma, & Oleum sanctum, sub fidei custodia, & reverentia debita clavibus adhibitis conserventur, ne possit ad illa temeraria manus extendi ad aliqua horribilia, & nephanda exercenda. Si vero is, ad quem spectat custodia, ea incaute reliquerit, ultra juris communis penas in libra cere, eidem Ecclesie solvenda, & applicanda puniatur. Et si per ejus pigritiam aliquid nephandum inde contigerit; graviori subjaceat ultioni, juxta nostram, aut Superioris sui ordinationem, & delicti quantitatem. Sacramentum etiam Eucharistie singulis mensibus ad minus semel renovari precipimus, aut pluries, secundum locorum exigentiam & oportunitatem. In plerisque etiam Ecclesiis, mappe, palle, corporalia, & alia vestimenta, Divino cultui deputata, tam inculta, quam imunda relinquuntur, quod interdum quibusdam sunt horrore, contra statutum Concilii generalis. Universis Custodibus, Sacristis, & Ecclesiarum Rectoribus districte precipimus, quatenus omnia vestimenta, & ornamenta, ac vasa supradicta per ipsos munda, & nitida conserventur, corporaliaque pluries infra annum juxta casus exigentiam per Clericos mudentur. Si quis vero in transgressione hujusmodi statuti culpabilis fuerit, usque ad condignam satisfactionem ab officio suspendatur.

Ex EUSEBII Pape Epistola LI.

Constituimus, ut Sacrificium Altaris non in serico panno, aut intincto, quicquam celebrare presumat; sed in puro lintheo, ab Episcopo consecrato, terreno scilicet lino procreato, atque contexto, sicut corpus Domini nostri JESU CHRISTI in sindone lineae, munda, sepultum fuit. Volumus etiam, & in virtute sancte obedientie mandamus, ut nullus Divina Missarum Solennia sine luminibus celebrare presumat, nec Hostiam ante consecrationem in altum quocumque modo elevare, ne adorando Hostiam, non consecratam, populum idololatriam committere contingat.

Item

Item Statutum Concilii Provincialis Saltzeburg., per Predecessores nostros editum, presentibus nostris statutis duximus inferendum, cujus tenor sequitur in hec verba: Item statuimus, quod si aliquis Clericus, vel laicus utriusque sexus cujuscunque dignitatis, religionis, vel status existat, ausus sit presumptione damnabili publice predicare, aut occulte docere, credere, vel tenere, quod Sacerdos in mortali existens non possit conficere corpus Christi: seu sic ligatus, non possit solvere vel ligare suos subditos a peccatis, pro heretico & incredulo habeatur. Quem errorem hujus Sacri Concilii approbatione damnamus, anathematizamus, & penitus reprobatum, cum Sacre Scripture dicat autoritas, quod siue bonus, siue malus fuerit Minister, per utrumque Deus effectum gratie confert. Non enim, que Sancta sunt, coinquinari possunt, nec ipsa Sacramenta propter hominum malitiam prophanari. Unde Sacerdos, quantumcunque pollutus existat, Divina non potest polluere Sacramenta, que purgatoria cunctarum contagionum existunt. Licite ergo a quocunque Sacerdote ab Ecclesia tolerato Divina Mysteria audiantur, & alia recipiantur Ecclesiastica Sacramenta. Damnatione simili reprobamus quorundam opinionem erroneam, asserentem, Episcopum, Presbyterum, seu Sacerdotem curatum, non posse solvere Presbyteros fornicatorios a fornicationis reatu, propter votum castitatis: inhibentes, ne quisquam de cetero predictam opinionem sub penis predictis docere, tenere, aut dogmatizare quoquomodo presumat publice aut occulte. Adjicimus quoque, ut nullus in Provincia nostra ad predicandum, siue annuntiandum Verbum Dei admittatur, nisi missus sit, & de missione sua constiterit sufficienter.

Quomodo Divinum Officium in Ecclesia fit celebrandum.

Item volumus, quod Divinus cultus rite & laudabiliter per omnia peragatur, prout Sacro-Sancta Synodus Basiliens. in Sessione vigesima prima salubriter statuit in hunc, qui sequitur, modum: Si quis Principem seculi rogaturus, habitu honesto, gestu decenti, prolatione non precipiti, sed distincta, attenta quoque

mente seipsum, ac verba studet componere; quanto diligentius sacro loco omnipotentem oraturus Deum hec omnia facere curabit? Statuit igitur hec Sancta Synodus, ut in cunctis Cathedralibus, ac Collegiatis Ecclesiis, horis debitis, signis, debitis, congrua pulsatione premissa, laudes Divine per singulas horas, non cursim ac festinanter, sed assatim & tractim, & cum pausa decenti, presertim in medio cujuslibet versiculi Psalmorum, debite faciendo inter solemne ac feriale officium differentiam, reverenter ab omnibus persolvantur. Horas Canonicas dicturi cum tunica talari ac superpelliciis mundis ultra medias tybias ingrediantur, non capucia, sed almucias, vel pireta tenentes in capite. Qui cum in choro fuerint, gravitatem servant, quam & locus & officium exigunt, non insimul, aut cum aliis confabulantes, seu colloquentes, aut literas, seu scripturas alias legentes. Et cum psallendi gratia ibidem conveniant, muta ac clausa labia tenere non debent, sed omnes, presertim qui majori funguntur honore, in Psalmis, Hymnis, & canticis Deo alacriter modulentur: cum dicitur: *Gloria Patri, & Filio, & Spiritui Sancto*, omnes consurgant. Cum nominatur gloriosum illud nomen JESUS, in quo omne genu flectitur celestium, terrestrium, & infernorum, omnes caput inclinent. Nemo ibidem, dum hore in communi publice cantantur, legat, vel dicat privatim officium: Nam non solum obsequium, quo obnoxius est, choro subtrahit, sed alios psallentes perturbat. Super his debite observandis, aliisque ad Divini Officii prosecutionem, ac chori disciplinam spectantibus, Decanus, vel cui onus incumbit, diligenter invigilet, hinc inde, ne quid inordinate fiat, circumspiciens. Horum autem transgressores illius hore, in qua circa predicta excesserint, vel alii majori, prout transgressionis gravitas exigit, plecentur pena.

Quo tempore in Choro quisque debeat esse.

Qui in Matutinis ante finem Psalmi: *Venite exultemus*: in aliis horis ante finem primi Psalmi: in Missa ante ultimum Kyrie eleison; usque in finem Divino Officio non interfuerit, nisi forte necessitate

fitate cogente, ac petita & obtenta a Præsidente Chori licentia, discedere oporteat, pro illa hora absens censeatur, salvis Ecclesiarum consuetudinibus, si que forte circa hoc actiones existant. Idem in his observetur, qui a principio usque ad finem in processionibus non permanferint: pro cuius executione deputeretur aliquis, ontus habens notandi personas singulas, statuto tempore non convenientes, juramento astrictus, fideliter agere & nulli parcere.

Jubet etiam hec Sancta Sinodus, quod in illis Ecclesiis, in quibus singulis horis certe distributiones statute non sunt, omnino etiam de grossis fructibus, si opus sit, deputentur, ut juxta mensuram laboris plus minusve capiat emolumenti, tollens prorsus abusum illum, quo in una dumtaxat hora prefens totius diei distributionem usurpat: & illum, quo Prepositi, vel Decani, aut alii Officiales ex hoc solum, quod Officiales sunt, licet actualiter pro utilitate Ecclesie non absint; quotidianas distributiones percipiunt.

Qualiter Hore Canonice extra Chorum dicende sunt.

Quoscunque etiam alibi Beneficiatos, seu in Sacris constitutos, cum ad horas Canonicas teneantur, admonet hec Sancta Sinodus, si orationes suas Deo acceptas fore cupiunt, ut non in guttore vel inter dentes, seu deglutiendo, seu sincopando dictiones, nec colloquia, vel risus intermiscendo; sed sive soli, sive associati, Divinum diurnum, nocturnumque Officium, reverenter verbis distinctis peragant, ac tali in loco, ut a devotione non retrahantur, ad quam se disponere & preparare debent, juxta id, quod scriptum est: Ante orationem preparare animam tuam, ne sis, quasi qui temptat Deum.

De his, qui tempore Divinorum vagantur per Ecclesiam.

Quicumque in Ecclesia Beneficiatus, presertim de majoribus, Divinorum tempore per Ecclesiam, vel foris circa ipsam deambulando, aut cum aliis colloquendo, vagari visus fuerit, non solum illius hore, sed totius diei presentiam

ipso facto amittat. Qui si semel correctus, non desisterit; per mensem, distributionibus careat, vel graviore, si pertinacia id exegerit, pene subjaceat, ita ut tandem desistere cogatur. Prohibeatur etiam, ne Divina Officia tumultuosi quorumcumque per Ecclesiam discursus impedian, aut perturbent regulares. Qui in conventualibus Ecclesiis circa predicta excefferint, gravi pena Superioris arbitrio castigantur.

De tabula pendente in Choro.

Ut cuncta in domo Dei ordinate procedant, & quilibet sciat, quod sibi agendum immineat, statuatur tabella aliqua continue pendens in Choro, in qua (*scriptum sit*) quid per unumquemque ex Canonicis, vel aliis Beneficiatis, in singulis horis per ebdomadum, aut majus tempus legendum, cantandumve sit. Qui autem secundum quod ibi descriptus fuerit, facere per se, vel alium neglexerit; pro qualibet hora distributiones unius diei amittat.

Predecessorum nostrorum ducti vestigiis, statuimus, inhibentes hujus Sacri approbatione Concilii; ut nullus Sacerdotum noviciorum illa die, qua primam Missam celebrare voluerit, in exordio publicationis sanctissimi sui officii oblaturus Deo primicias, gracie ac salutis sibi collate, aliquos ad convivium invitare, aut invitatos habere, aut procurare per se, vel per alium presumat ullo modo; sed ad solum Deum, cujus milicie est adscriptus, dirigat aciem sui cordis: maxime die illa devotus, curis & sollicitudinibus temporalium, quibus mentes hominum distrahuntur, exutus, remotis vanitatibus, hystrionum cursibus, tumultibus, & insolentis reproborum, qui etiam sepe veniunt, non vocati.

Item volumus & mandamus, in futurum abusum, quo nonnulli Presbyteri suos subditos sibi confitentes, etiam in casibus, in quibus non habent potestatem absolvendi, absolutione non obtenta ad Communionem admittunt, & post Communionem pro absolutione transmittunt, penitus aboleri; & nullum Christi fidelem sine absolutione in forma Ecclesie solita, & consueta, admitti.

De

De clandestina desponsatione, & publicis nuptiis.

Quia experientia rerum omnium magistra didicimus, ex eo, quod Decretum Concilii Generalis de clandestina desponsatione in nonnullis Diocesibus Provincie nostre per abusum in oblivione venit, & observatum non existit, plures in gradibus consanguinitatis & affinitatis, lege Divina ac Canonica prohibitis, ac cognatione spirituali conjuncti, matrimonia, verius contubernia, contrahere non sunt veriti in suarum animarum periculum, ac scandalum plurimorum. Nos ex Pastoralis officii debito animarum salutis, quantum in Nobis est, prospicere cupientes, Sacra Synodo approbante, statuimus & ordinamus, ut de cetero nulli Sacerdotes clandestinis matrimoniis interfint, sed contrahere volentes publice, in Ecclesiis, coram plebis sue multitudine solenniter copulent, ita tamen, quod ante copulationem hujusmodi ad minus una die Dominica vel Festiva, de ambone suarum Ecclesiarum infra Missarum solennia personas contrahere volentes nomen, & adhortentur omnes, ut si aliquis sit, qui inter eos, qui matrimonium contrahere proponunt, impedimentum sciat, quod vel contrahendum impediat, vel etiam dirimat matrimonium jam contractum, publicent, vel denuntient: & post publicationem in ambone, ut premittitur, factam, per triduum expectent, an forsitan aliquis comparuerit, qui impedimentum legitimum allegaverit. Et si talis legitimus accusator vel denunciator veniat, Curatus caveat, ne partes copulet, priusquam de allegato impedimento cognitum fuerit: quod si secus factum fuerit, condigna pena se puniendum sciat. Verum, si nullus contradictor apparuerit, post lapsum dicti termini Curatus per se, aut suum Substitutum, partes ipsas libere conjungat, si aliud Canonum impedimentum illis non obstat.

De Curatis, gravantibus subditos in executione jurium Parochialium.

Item, quia quidam nomine solo, & non re Sacerdotes curati, & illorum Vicarii plus lucris temporalibus, quam animarum salutis intendentes, magisque sua, quam, que Dei sunt, querentes,

Tomus V. Concilior. German.

sibi subiectos in remediis, & aliis Parochialibus juribus gravant, de sepultura, & aliis spiritualibus paciscuntur, ac statui suorum in Divinis cooperatorum detrahentes, illos certo pretio minus debito conveniunt, propter quod etiam Presbyteros indoctos, & minus habiles recipere coguntur, & recipiunt. Nos huic vicio pestifero succurrere cupientes, Sacro Provinciali approbante Concilio statuimus, volumus, & ordinamus, ut prefati Curati, eorumque Vice-Curati a predictis in futurum desistant realiter & cum effectu, ac ipsi Parochialibus juribus secundum antiquam, & laudabilem Ecclesie consuetudinem sint contenti, ac suis in Divinis cooperatoribus debita & consueta salaria solvant, ac tales in cooperatoribus recipiant, de quorum vita & moribus valeant & possint respondere, certificantes eos, qui in premissis culpabiles reperti fuerint, quod Canonicam ultionem, & condignam penam non evadant.

De remittendis ad auctoritatem Episcopi, & ad carrenas.

Avisati sint singuli Curati, ut vigore quarumcunque litterarum confessionnalium personis privatis concessarum, a Nobis, vel Ordinario loci emanatarum, non absolvant aliquos in publicis & notoriis criminibus constitutos, sed eosdem cum litteris suis clausis ad Nos, & loci Ordinarios, seu Vicarios, & Officiales nostros, publice in loco, ubi publice deliquerunt, pro qualitate criminum puniendos transmittant, seriem & qualitatem hujusmodi notorii criminis in se continentibus. Preterea fidei Curati cauti sint, ne occulta crimina in hujusmodi suis litteris scribant, ne aliquo modo contingat sigillum confessionis aperiri. Preterea omnes notorie criminosos, quorum excessus totam Parochiam scandalisat, & qui alias publicas penitentias egerunt, nihilominus tanquam canes redierunt ad vomitum, & peccata priora, si non sunt persone nobiles, aut mulieres, ad solemnem penitentiam peragendam (quam vulgus carrenam appellat) mittantur.

De novis Ecclesiis erigendis.

Hoc presentis Concilii consensu declaramus, ut juxta Canonicas Sanctiones

E c c e

nullus

nullus in Parochia sua erigat, vel erigere paciatur novas Ecclesias; vel in campis statuas cum truncis, ad quas pecunie reponantur; nisi Episcopus, vel alius de licentia sua, primum lapidem ponat: cum populus novitate gaudeat, & matricibus Ecclesiæ debitis fraudentur honoribus, & sepe numero falsa pro veris in his locis publicari dicantur. Volentes, & mandantes, ut Archi-Diaconi, vel Decani rurales ad Nos, vel Vicarium nostrum, vel alios Superiores suos deferant, ubi similia attemptantur, & cum causæ cognitione, quod justum est, decernemus. Non tamen per hoc volumus prohibere, quin statue, vel ex lapide, vel ex ligno in laudem Salvatoris, & Sanctorum ejus erigi possunt: ita tamen, quod illa fiant juxta communem consuetudinem Patrie, absque ligneis capellis, vel asserum conglutinatione ad instar capellarum.

Volumus etiam, ut Archi-Diaconi, & Decani rurales attentis sint ad informandum Sacerdotes Parochiales, & eorum cooperatores formas Sacramentorum juxta libros, obsequiales appellatos, de proximo imprimendos, ita ut officium suum laudabiliter exercere possint.

Ut Spirituales citati ad judicium seculare, non compareant.

Item volumus & ordinamus, ac hoc Sacro approbante Concilio Provinciali districtè in virtute sancte obedientie mandamus omnibus & singulis Abbatibus, Prepositis, Archi-Diaconis, Decanis, Capitulis, & Presbyteris, & Clericis per Provinciam nostram Saltzeburgensem ubilibet constitutis, ut vocati ad judicium seculare in causis criminalibus, aut civilibus, ad judicium seculare non spectantibus, non compareant, nisi prius se Judici suo spirituali, illius causæ Ordinario, representent consilium & auxilium illius imploraturi: contra rebelles ad penas juris procedatur justitia mediante. Item ordinamus, ut in causis decimarum, matrimonialium, & aliis de jure, vel consuetudine ad forum Ecclesiæ spectantibus, nullus trahatur vel respondeat in judicio seculari: alioquin contra judicem

trahentem, & reum respondentem procedatur, prout de jure, per eum, ad quem jurisdictio causarum hujusmodi in Provincia nostra Saltzeburgensi spectat, & pertinet.

De Notariis publicis.

Placuit nostro Sacro Concilio, ut nullus se publicum Notarium asserens ad officium tabellionatus exercendum aliquatenus admittatur, nisi per litteras testimoniales, nec credatur eis, nisi per Ordinarium loci, vel ejus Vicarium, seu Officialem sint approbati & admissi, cum sepe a Notariis ignotis, & imperitis gravia soleant provenire pericula.

De Prelatis Ordinis Sancti Benedicti.

Statuimus etiam autoritate Sacri Concilii Provincialis, quod Abbates, Priores, & Prelati, Ordinis Sancti Benedicti, Provincie nostre Saltzeburgensis Capitula eorum, quæ multo nunc transacto tempore per eos non sunt habita, non absque Divini cultus diminutione, & Monasteriorum ejusdem Ordinis detrimento, *Quinta decima die Junii de anno Domini M.C. Nonagesimo primo, quæ est dies Sancti Viti, proxime futura, in civitate nostra Saltzburg, Capitulum celebrent, & postea simile proximis tribus annis, singulis annis in loco huic rei accommodo, pro augmento Divini cultus, & bona reformatione totius Ordinis teneant.* Et postea de triennio in triennium juxta Sacri Basilien. Concilii dispositionem celebrare non omittant, ita tamen, quod in eisdem Capitulis nihil tractent, quod jurisdictionibus Ordinariorum locorum quoquomodo prejudicare possit.

Sequuntur varia Adjuncta eidem Concilio, jussu Patrum.

I.

INNOCENTIUS Papa tertius
in Concilio Generali.

" **O**mnis (a) utriusque sexus fidelis;
" postquam ad annos discretionis
" pervenerit, omnia sua solus peccata
" saltem semel in anno, fideliter confiteatur

(a) Anno 1215. ab 11. ad 30. 9bris XII. Concilium Generale Lateranense celebravit: condidit Capitula vel Canones LXX. Canon XXI. incipit: *Omnis utriusque sexus.*

teatur suo proprio Sacerdoti, & in-
 junctam sibi penitentiam propriis viri-
 bus studeat adimplere, suscipiens ad-
 minus in Pascha Eucharistie Sacramen-
 tum, nisi forsân de proprii Sacerdotis
 consilio, ob aliquam rationabilem cau-
 sam, ad tempus ab ejus perceptione
 duxerit abstinendum. Alioquin &
 vivens ab ingressu Ecclesie arceatur,
 & moriens Christiana careat sepultura.
 Unde hoc salutare statutum frequenter
 in Ecclesiis publicetur, ne quisquam
 ex ignorantie cecitate velamen excu-
 sationis assumat. Si quis autem alie-
 no Sacerdoti voluerit, justa de causa,
 sua peccata confiteri, licentiam prius
 postulet, & obtineat a proprio Sacer-
 dote; cum aliter ipse illum non possit
 solvere, vel ligare. Sacerdos autem
 sit discretus, & cautus, ut more periti
 Medici superfundat vinum & oleum
 vulneribus sauciati, diligenter inqui-
 rens, & peccatoris circumstantias, &
 peccati, quibus prudenter intelligat,
 quale debeat prebere consilium, & cu-
 jusmodi remedium adhibere diversis
 experimentis utendo, ad sanandum
 egrotum. Caveat autem omnino, ne
 verbo, aut signo, aut quovis alio mo-
 do prodat aliquatenus peccatorem,
 sed si prudentiori consilio indiguerit,
 illud absque ulla expressione persone,
 caute requirat. Quoniam, qui pec-
 catum in penitentiali foro sibi dete-
 rum presumpserit revelare, non so-
 lum a Sacerdotali officio deponendum
 decernimus, verum etiam ad agen-
 dum perpetuam penitentiam in artum
 Monasterium detrudendum.

Ein igtlicher glaubiger Mensch, so
 bald er in den Jaren seiner Ver-
 nunft kommen ist, soll allain alle seine
 Sünde bevoran einmal im Jahr seinem
 aigen Priester getrewlichen peichten,
 und sich fleißigen, die Pnes ime aufge-
 setzt mit aigen Kreften zu vollbringen,
 und soll würdiglich empfangen zum myn-
 sten zu Oseren das Heilig Sacrament
 des Fronleichnams Ihesu Christi. Es
 sey dann das er nach Rath seines aigen
 Priesters etlicher gnugsamer Ursach
 halben ain Zeit von Empfangung dessel-
 ben Sacraments sich enthalte, sunst

soll im lebendig Eingang der Kirchen
 verboten werden, und so er stirbt, soll
 er Christenlicher Begrepnus mangeln,
 und beraupt sein. Demnach zimpf sich
 das hailwirtig Geseze etwe oft in den
 Kirchen zu offentbahren, das nymant
 aus Unwissenheit Ursach nemen mug
 sich deshalben auszureden, und zu ent-
 schuldigen. Ob aber ymandt einen frembs
 den Priester redlich Ursach halb sein
 Sünd wolt peichten, der soll vorhin
 von dem aigen Priester urlaub begeh-
 ren und erlangen, nachdem er in sunst
 nit mocht entlosen oder entbinden. Der
 Priester soll auch beschaiden, und fürs-
 sichtig sein, daß er als ein verständig
 Arzt Ol und Wein in die Wunden des
 verferren Kranken ingiesse, und soll
 fleißig erfragen die Umbsiend des Sün-
 ders und der Sünde, daraus er weis-
 lich und gruntlich verstee, wie er im
 Rath geben, und was er im Arzney
 zufügen solle, damit er mancherley Er-
 forschung gebrauchen zu hailen den
 Kranken. Doch soll er sich vor allen
 Dingen hueten, das er mit Worten oder
 Zeichen in kein Weis mit nichte offens-
 bar den Sünder: dann ob er ains weis-
 seren Rats bedorft, den soll er on alle
 Vermeldung der Person fürsichtiglich
 erfragen: wann wer die Sünde, die
 im in der Peicht entdeckt und geoffent
 sind, understund zu offenbaren, densel-
 ben erkennen wir nicht allein vom dem
 Priesterlichen Ampt zu entschen, sun-
 der auch zu ewiger Buß in ein Closter
 strengs Ordens verpfossen zu werden.

II. Adjunctum Concilii Saltzburg.

Bulla de Conciliis celebrandis.

SACROSANCTA GENERALIS BA-
 SILIENS. SYNODUS, IN SPIRITU
 SANCTO LEGITIME CONGREGATA
 UNIVERSALEM ECCLESIAM RE-
 PRESENTANS, AD FUTU-
 RAM REI MEMO-
 RIAM.

PRidem (b) hec Sancta Synodus quod-
 dam saluberrimum promulgavit, de-
 cretum, pro stabilitate & robore Genera-
 lium Conciliorum, quorum FREQUENS
 CELE-

(b) Anno 1433. VI. Kalendas Decembris.

Tomus V. Concil. German.

E e e e 2

CELEBRATIO precipua est agri Domini cultura; verum cum ad eandem culturam non dubium sit pertinere, *Episcopales Synodos, & Concilia Provincialia*, prout veteres Canones decreverunt, frequentare. Ideo eadem Sancta Synodus antiquos & laudabiles mores nostris cupiens temporibus observari, statuit, atque precipit, Synodum Episcopalem in qualibet Dioc. post octavas Dominicæ Resurrectionis, vel alia die secundum consuetudines Dioc. ad minus semel in anno, ubi non est consuetudo bis annuatim, celebrari per Dioecesum in propria persona, nisi Canonico impedimento fuerit impeditus, & tunc per Vicarium, ad hoc ydoneum, que Synodus saltem triduo vel biduo dureret, vel prout necessarium Episcopo fuerit visum. Primo autem die convenientibus Diocesano, & omnibus aliis, qui in huiusmodi Synodo interesse tenentur, infra Missarum solemnias vel post, Diocesanus vel alius ejus nomine verbum Dei proponat, exhortando omnes ad bonos mores sectandum, abstinendum a viciis, & ad ea, que pertinent ad Ecclesiasticam disciplinam, & officia singulorum, & prefertim ut hi, quibus animarum cura commissa est, diebus Dominicis, & aliis solennibus plebem subjectam doctrinis & monitis salutaribus instruant: postea legantur statuta Provincialia & Synodalia: & inter alia aliquis compendiosus tractatus, docens, quomodo Sacramenta ministrari debeant, & alia utilia pro instructione Sacerdotum. Deinde ipse Diocesanus de vita & moribus subditorum solerter inquirat, labem simoniæ pravitatis, contractus usurarios, coneubinatum, fornicationem, & alia quevis crimina & excessus debita correctione cohibeat, alienationes rerum Ecclesiasticarum jure prohibitas revocet, abusus Clericorum & aliorum subjectorum, qui circa Divinum Officium delatione debiti habitus defecerint, in melius reformat & emendet. Et quoniam multa scandala sepius contingunt ex eo, quod constitutio BONIFACII Pape octavi, que incipit: Periculoso, edita super Monialium clausura, non servatur, studeat ipse Diocesanus, ut omnino juxta ipsius constitutionis tenorem executioni demandetur, nec non ut quicunque religiosi Diocesano subjecti regulas

& constitutiones suarum religionum, prefertim ut ab eis omnis proprietas abdicetur, inviolabiliter observent, ne etiam in receptione ipsorum ad religionem quicquam per simoniam exigatur. Precipue autem in ipsa Synodo Episcopi cura sit inquirere, ac debitis remediis occurrere, ne aliquod dogma hereticum, erroneum, ac scandalosum, seu piarum aurium offensivum, sortilegia, divinationes, incantationes, superstitiones, & quevis diabolica figmenta Diocesim suam inficiant. Instituantur preterea testes Synodales viri graves, providi, & honesti, legis Dei zelum habentes, ubi alii ad hoc non sunt instituti, qui si Diocesano minus idonei videantur, eos amovendo, alios, prout videbitur expedire, instituat. Hi autem in manibus ipsius Diocesani, vel sui Vicarii jurare teneantur, ut tradit *Canon. XXXV. q. 12. Episcopus* in Synodo: qui per anni circulum lustrantes ipsam Diocesim, que corrigenda vel reformanda viderint, his ad quos talia corrigere vel reformare pertinet referant, que nisi correctæ vel reformata jam fuerint, ad Synodum perferant subsequenter, in qua debitis remediis occurratur. Sed & preter illa, que a testibus Synodalibus, vel aliis eorum officium exercentibus Diocesanus audierit, inquirat ipse diligenter de cunctis suorum subditorum excessibus, & (*contra*) taliter delinquentes insurgat correctionis debite disciplina, ut aliis malignari volentibus transeat inde in exemplum. Celebraretur quoque in singulis Provinciis saltem infra biennium a fine Concilii Generalis, & deinde ad minus de triennio in triennium Provinciale Concilium in loco tuto, in quo tam Archi-Episcopus, quam Suffraganei omnes, & alii, qui in huiusmodi Conciliis Provincialibus interesse tenentur, debite vocati interfunt. Quod si Episcopus Canonico fuerit impedimento detentus, Procuratorem suum destinet non solum ad excusandum & probandum absentie causas, sed etiam ipsius nomine in Concilio interessendum, suscipiendumque, quidquid Concilium duxerit statuendum; alioquin ipse Episcopus a perceptione medietatis fructuum unius anni sue Ecclesie, qui per personam in ipso Concilio deputandam in ipsius Ecclesie sue fabricam effectualiter convertantur, eo ipso sit suspensus.

penfus : alii vero venire negligentes , Concilii arbitrio puniantur , aliis juris penis in suo robore duraturis. Concilio autem Generali durante , & per sex menses ante, hujusmodi Provincialia Concilia non celebrentur. Porro in hujus inchoatione Concilii ipse Metropolitanus, vel alius ejus nomine infra Missarum solennia, vel post , exhortatorium sermonem faciat, ea que ad statum Ecclesiasticum, & precipue ad Pontificale officium pertinent, seriose memorando, comminandoque singulis, quod juxta Prophete sententiam, si eorum culpa cuiusvis anima peribit, illius sanguis de manibus eorum a Domino exigetur. Precipue autem tunc fiat monitio exacta, ut dignis & benemeritis, quorum vita sufficienti testimonio nota sit, Ordines & Beneficia sine ulla simoniaca labe conferantur, & super omnia, ut in animarum cura committenda summa diligentia & matura inquisitio adhibeatur, & ut bona Ecclesiastica nullatenus ad usus illicitos, quin ymo ad honorem Dei, Ecclesiarum conservationem, habendo secundum Sacros Canones precipuam curam pauperum & indigentium, laudabiliter convertantur, scientes, quod de his omnibus apud tribunal eterni judicis usque ad minimum quadrantem rationem reddituri sunt. In quibus quidem Conciliis de corrigendis excessibus, moribusque subditorum reformandis, & precipue, qualiter Episcopi in conferendis Beneficiis, confirmandis electionibus, ministrandis ordinibus, deputandis Confessoribus, predicando ad populum, & puniendo excessus subditorum, observationeque eorum in Spiritualibus & temporalibus quomodolibet spectantibus se gesserint, & presertim, qui simoniaca labe rianus innoxias servant, diligens inquisitio secundum juris dispositionem fiat, ut omnes, qui in premissis deliquisse comperti fuerint, per ipsum Concilium puniantur, & corrigantur. Simili modo de ipso Metropolitanano diligenter inquirentur excessus, & defectus de eo Concilio exprimendis, ipsum admonendo, ut cum aliorum Pater vocetur, & esse debeat, a talibus omnino desistat. Et nihilominus inquisitionem de ipso habitam in scriptis redactam ad Romanum Pontificem, vel ejus Superiorem, si quem haber, sine mora transmittat, ut ab eo punitionem & re-

formationem suscipiat condecens. Inter cetera, si que discordie, contentiones & inimicitie inter quoscumque vigerint, que quietem & tranquillitatem Provincie possent perturbare, curet omni studio Sacrum Concilium illa sedare, & more priorum Patrum ad pacem, concordiamque filiorum vigilanter intendat. Et si inter Regna, Provincias, seu Principatus, hujusmodi discordias suscitari contigerit, mox Sancti Dei Antistites Concilia Provincialium suarum simul congregari procurent, & sibi invicem consilium & auxilium impendentes discordiarum fomenta amputare studeant: nec hoc alicujus amore, vel odio pretermittant, sed ad Deum solum, & ad salutem populi mentis oculos erigentes ad sanctum pacis opus (omni tepiditate semota) invigilent. Cogitentur insuper in Provinciali Synodo, que immediate generale Concilium sequens antecedit, omnia, que in eodem generali Concilio visa fuerint proseguenda ad Dei gloriam, ac Provincie commodum, salutemque populi Christiani: ibidemque eligantur in numero competentis, qui ad proximum generale Concilium nomine Provincie debeant proficisci, quibus per subsidium vel alias provideatur, prout de jure, & de Concilio Provinciali visum fuerit expedire: ita tamen, quod illi, qui ultra personas, ut predictum est, deputatas, ad ipsum Concilium generale accedere voluerint, aut eorum Clerus nullatenus propterea graveetur. Relegantur in uno quoque Provinciali Concilio, que secundum Canonicas Sanctiones in eisdem legi precipiuntur, ut ea & inviolabiliter observentur, & transgressoribus pene debite inferantur. Quodsi Metropolitanus, vel Diocesani predictis terminis in celebrandis Provincialibus, & Episcopalibus Synodis cessante legitimo impedimento fuerint negligentes, medietatem omnium fructuum & obventionum, ratione suarum Ecclesiarum ad eos pertinentium, fabrice ipsarum Ecclesiarum applicandam, eo ipso amittant: qui si in eadem negligentia per tres proximos menses perseveraverint; ab officiis & beneficiis sint ipso facto suspensi: quibus transactis temporibus sub ante scriptis penis antiquior in Provincia ordine Episcopus ipsius Metropolitanus Episcopi, aut major in dignitate

tate post Pontificalem in Sacris constitutus, nisi ad alios forsan de consuetudine, vel privilegio pertineat, negligentiam in celebrandis dictis Provincialibus & Episcopalibus Synodis supplere teneantur. Jubet insuper hec Sancta Synodus omnibus Prelatis religionum & ordinum quorumcunque, ad quos celebrare Capitula pertinet, quod illa statutis temporibus sub predictis penis servant, & servari faciant: in quibus secundum Canonicas Sanctiones, & Religionum Constitutiones cum omni studio & diligentia ad veram singularum Religionum, & Ordinum reformationem intendant, ita ut deinceps in singulis Monasteriis juxta proprias Regulas & Constitutiones debita regularis vigeat observantia, & precipue tria substantialia Professionis vota omnino servantur. Per premissa autem hec Sancta Synodus non intendit juribus quorumcunque quomodolibet derogare. Datum Basilee in Sessione publica, sexto Kalendas Decembris, anno Domini Millefimo quadringentesimo tricesimo tertio.

*Tertium Adjunctum Synodi Salisburg.
ex Constantiensi Concilio.*

*Sequitur Confirmatio CAROLLI
NE per MARTINUM Quintum
Papam in Latino & vulgari
publicanda, ut infra per
Statutum anno
MCCCCXVIII.*

MARTINUS EPISCOPUS, SERVUS
SERVORUM DEI, DILECTIS FILIIS,
ABBATI MONASTERII SCOTORUM
IN WIENNA, PATAVIENSIS DIOCES.
ET AUGUSTENS. AC SALTZBURG.
ECCLESiarum DECANIS, SALU-
TEM ET APOSTOLICAM
BENEDICTIONEM.

AD compescendos conatus nepharios perverforum, qui personas, & loca Ecclesiastica super bonis & juri-
bus suis offendere, ac multiplicibus perturbare molestiis non verentur, tanto magis per Romanum Pontificem decet de opportuno remedio providere, quanto per amplius turbationes hujusmodi, molestie, & in Divine Majestatis

offensam, nec non Ecclesiastice libertatis redundare dispendium dinoscuntur. Dum siquidem cum in diversis mundi partibus Consules civitatum, & Rectores, nec non alii, qui potestatem habere videbantur, tot onera frequenter imponerent Ecclesiis, ut deterioris conditionis factum sub eis Sacerdotium videretur, quam sub Pharaone fuisset, qui legis Divine noticiam non habebat, quique omnibus aliis servituti subactis, Sacerdotes & possessiones eorum in pristina libertate dimisit, & de publico eis alimoniam ministravit. In Concilio Lateranensi Ecclesie immunitati providendo sub anathematis distractione prohibitum extitit, ne Consules, Rectores, aut alii predicti Ecclesias, & viros Ecclesiasticos tallis, seu collectis, vel exactionibus aliis aggravare presumerent, transgressores, & fautores eorum precipiendo anathematis sententie subiacere, donec satisfactionem impenderent competentem. Et etiam deinde in Generali Concilio editum fuerit, quod si Episcopi forte simul cum Clericis, etiam si tantam necessitatem vel utilitatem inspicerent, ut absque ulla coactione ad relevandas communes utilitates, vel necessitates, ubi laicorum non suppetere facultates, subsidia per Ecclesias laicos ducerent concedenda, minime super hoc consulto Romano Pontifice, concessionem, & sententiam, que a talibus, vel de ipsorum mandato forent promulgate, essent irritæ & inanes, nullo umquam tempore valiture: ac etiam in ipso Generali Concilio Decretum extitit, illum, qui infra tempus sui regiminis propter fractionem Constitutionum, vel Sanctionum hujusmodi sustineret anathema, tanquam post illud non esset ad satisfactionis debitum compellendus: nec non ipsius Successorem, qui non satisfaceret infra mentem, manere Ecclesiastica censura conclusum, donec satisfaceret competenter, cum succederet in onere, qui substitueretur in honore. Postmodum vero felices recordationis HONORIUS Papa tercius, Predecessor noster, attente considerans, quod quondam FRIDERICUS secundus, olim Romanorum Imperator, tunc sub obedientia & devotione Sancte Romane Ecclesie persistens, ad laudem ejusdem Ecclesie, & sacri decus

decus Romani Imperii cupiens, ut expurgatis quorundam erroribus, & iniquis statutis penitus destitutis, de cetero Ecclesie, & Ecclesiastice persone plena vigerent quiete & secura libertate gauderent, ac pie & iuste attendens, quod quorundam perversorum iniquitas adeo abundaverat, ut non dubitarent contra Ecclesiasticam disciplinam, & sacros Canones statuta sua infringere, adversus Ecclesiasticas personas, & Ecclesiasticam libertatem, edictali lege hujusmodi statuta iniqua irritaverat, & preceperat irrita nunciari, & omnia statuta & consuetudines, que civitates & loca, Potestates vel Consules, aut quecunque alie persone contra libertatem Ecclesie, vel personas Ecclesiasticas hujusmodi edere, aut servare temptarent, contra Canonicas vel Imperiales Sanctiones, de ipsorum Capitularibus infra duos menses post ipsius legis publicationem penitus abolere facerent, & si de cetero talia attemptarent, illa ipso jure decrevit esse nulla, & eos sua jurisdictione privatos, nec non locum, ubi talia deinceps presumpta fuissent, banno mille marcharum auri Fisco Imperiali preceperat subjacere: Potestates vero, Consules, Statutarii, & Scriptores statutorum predictorum, nec non Consiliiarii locorum ipsorum, qui secundum statuta & consuetudines memorata judicarent; extunc essent ipso jure infames, quorum sententias, & actus legitimos statuerat aequaliter non tenere: quodque si per annum prefatarum constitutionum inventi forent contemptores, bona eorum per totum suum Imperium mandavit impune ab omnibus occupari, salvo nihilominus aliis penis contra tales in eisdem generalibus Conciliis promulgatis. Et insuper voluit idem tunc Imperator, quod nulla communis, vel persona publica, seu privata, collectas, seu exactiones, angarias, vel perangarias Ecclesiis, vel aliis piis locis, aut Ecclesiasticis personis imponere, seu invadere Ecclesiastica bona presumere: quod si secus faceret, & requisita ab Ecclesia, vel Imperio hujusmodi emendare contingeret, tripliciter refundetur, & nihilominus banno Imperiali subjaceret, quod sine satisfactione debita nullatenus remitteretur. Statuebat insuper, quod quecunque commu-

nitias, vel persona per annum in excommunicatione propter libertatem Ecclesie violatam persisteret, ipso jure similiter dicto banno Imperiali subjaceret, a quo nullatenus extraheretur, nisi prius ab Ecclesia beneficio absolutionis obtento. Et insuper ordinaverat, ut nullus Ecclesiasticam personam in criminali questione vel civili ad judicium seculare trahere presumat contra easdem Canonicas Sanctiones, & Constitutiones Imperiales: quod si secus faceret, actor a suo jure caderet, & judicatum non teneret, & iudex foret extunc judicandi autoritate privatus: quodque judices temporales, qui Clericis, & personis Ecclesiasticis justitiam denegare presumerent, tertio requisiti suam jurisdictionem amitterent. Constitutionem ipsam de consilio etiam Fratrum suorum Sancte Romane Ecclesie Cardinalium, qui tunc erant autoritate Apostolica approbans, & confirmans, ipsam mandavit inviolabiliter observari, nec non statutos, & scriptores, ac violatores predictos excommunicatos eadem autoritate nunciari. Et deinceps ad audientiam Dive memorie CAROLI Quarti, etiam Romanorum Imperatoris semper Augusti deducto, quod nonnulli singulares persone in potestatibus, & officiis publicis constitute, videlicet Duces, Marchiones, Comites, Barones, & alii Domini temporales, nec non Consules civitatum, oppidorum, villarum, & locorum Rectores in diversis Provinciis ejusdem Imperii, Dei timore postposito, statuta singularia & iniquas ordinationes, motu proprio, & de facto contra ipsas personas Ecclesiasticas, & Ecclesiarum libertates, ac earum privilegia condiderant, illisque de facto & publice utebantur, contra Canonicas & legitimas Sanctiones: utpote quod nulla bona temporalia in potestatem Ecclesiasticam transferrentur, & ne Clerici in sacris Ordinibus constituti, ad agendum & testificandum in civilibus, & maxime in piis causis aliquatenus admitterentur, quodque excommunicati laici, & publice denunciati in civili foro minime repellerentur. Et insuper predicti Domini temporales, Consules, & Rectores per secularem Potestatem res & bona Clericorum occuparent, arresterent, & oblationes Christi fidelium minue-

minuerent, atque restringerent, exactio-
nes & tallias indebitas de bonis, red-
ditibus Ecclesiarum exigent, & extor-
querent, possessiones Ecclesiarum, &
personarum earundem devastarent in-
cendiis & rapinis: contractus inter Cleri-
cos & laicos factos legitime ad libros
civitatum, villarum, & locorum pre-
dictorum inscribere, & sigillare recu-
sarent, donataque & legata ad fabri-
cas, & Ecclesiarum structuras contra
Prelatorum voluntatem, & aliorum,
quorum intererat, temere usurpare pre-
sumerent, ac in fraudem & odium Cle-
ricorum de bonis etiam & rebus eorun-
dem Clericorum, que non causa nego-
ciationum, sed pro eorum propriis usi-
bus per eorum terras ducebant, seu
duci faciebant, thelonium exigere & re-
cipere non verebantur: & confugien-
tes ad Ecclesias, & earum cimiteria inde
extrahere, contra Canonicas & Imperia-
les Sanctiones huiusmodi presumpserant,
& presumebant. Idem CAROLUS Im-
perator, tanquam Christianissimus Prin-
ceps, volens in premissis providere de re-
medio salutari, etiam de quorundam Prin-
cipum, Ducum, Comitum, Baronum,
fideliumque aliorum Sacri Imperii sepe-
dicti Concilio, & auctoritate Imperiali,
quecunque statuta, & consuetudines pre-
dicta, tanquam per Canonicas & civiles
Sanctiones expresse reprobata, cassavit,
irritavit, & annullavit, ac cassa, & irrita
nulliusque esse voluit roboris vel mo-
menti, precipiens sub Imperialis banni
pena universis & singulis Principibus &
Dominis temporalibus, Consulibus, Po-
testatibus, ac aliis in officiis publicis in
eodem Imperio constitutis, quatenus
extunc ipsorum statuta & ordinationes
sicut in prejudicium Ecclesiasticæ liber-
tatis edita fuerant, omnino revocarent,
& de luce tollerent, quodque secundum
ea non judicarent amplius, nec senten-
tias distarent, aut eisdem in iudicio, vel
extra iudicium quomodolibet pro se con-
tra eandem Ecclesiasticam libertatem po-
tarentur: pronuntiavit insuper, & eadem
decrevit auctoritate, quodque quicum-
que laicus cujuscunque status, aut con-
ditionis existeret, ausu sacrilego, & pro-
prie temeritatis audacia Sacerdotem, vel
Clericum secularem, vel religiosum dif-
fidaret, proscriberet, captivaret, spo-

liaret, occideret, mutilaret, aut in
carcere detineret: vel huiusmodi male-
ficia perpetrantes scienter receptaret, vel
eis favorem prestaret; preter penas a
Sacris Canonibus & legalibus Sanctioni-
bus in tales inflictas, eo ipso redderetur
infamis, ac omni honore privatus, nec
ad placita, vel consilia nobilium admitter-
etur quovismodo. Hortans insuper in
Domino, & requirens Ecclesiasticos Pre-
latos in illis partibus, in quibus com-
mitterentur talia, constitutos, ut legem
Imperialem huiusmodi per eorum Ec-
clesias & Synodos publicarent, ne trans-
gressores huiusmodi per simulatamigno-
rantiam suam valerent in hac parte ma-
liciam excusare, prout in constitutioni-
bus, & Sanctionibus Conciliorum, &
HONORII predictorum, ac Imperiali-
bus prefatis plenius continetur. Cum
autem sicut lamentabili querela Venera-
bilis Fratris nostri N. Episcopi Frisingi,
& dilectorum Filiorum N. Prepositi, N.
Decani, & Capituli Ecclesie Frisingi, ac
Cleri, & Ecclesiarum ac Ecclesiasticarum
Personarum civitatis & Diocesis Frisingi
nuper accepimus, nonnulli Principes,
Duces, Comites, Barones & alie secula-
res Potestates earundem constitutionum
& sanctionum Canonicarum, & legalium
forsan ignari, & contra ipsas ab Episcopo,
Preposito, Decano, Capitulo, Clero &
Personis, ac Ecclesiis & Ecclesiasticis Per-
sonis predictis, forsitan tallias & gabellas,
ac alias exactiones illicitas hactenus ex-
torserunt, & adhuc extorquere nitun-
tur, ac etiam bona Episcopi, Pre-
positi, Decani, Capituli, Cleri, Eccle-
siarum, & Personarum predictarum in-
vaserint, arrestaverint, occupaverint,
detinuerint, & suis usibus applicaverint,
nec non occupare, invadere, arrestare,
detinere, & eisdem suis usibus applicare
similiter de facto presumpserint in ani-
marum suarum periculum, nec non
Episcopi, Prepositi, Decani, Capituli,
Cleri, Personarum & Ecclesiarum predi-
ctarum non modicum prejudicium at-
que damnum. Nos in premissis Episco-
po, Preposito, Decano, Capitulo, Cle-
ro, Personis & Ecclesiis predictis oppor-
tune providere volentes, discretionis ve-
stre per Apostolica scripta mandamus,
quatenus vos vel duo, aut unus vestrum
per vos vel alium, seu alios, Episcopo,
Pre-

Preposito, Decano, Capitulo, Clero, Personis, & Ecclesiis predictis contra quoscunque transgressores, & violatores Constitutionum, & Sanctionum earundem, cuiuscunque status, dignitatis, & excellentie fuerint, efficacis defensionis auxilio assistentes, non permittatis eos contra Canonicas & legales Constitutiones, & Sanctiones huiusmodi indebite molestari: nec non easdem Constitutiones, ubi & quando expedire videritis, solenniter publicantes, faciat transgressores & violatores huiusmodi, si & prout iustum fuerit, ac ubi & quotiens expedierit, tandiu excommunicatos, aut anathematizatos publice nunciari; donec ab earundem talliarum, collectarum, impositionum, & quarumlibet extorsionum, nec non bonorum Episcopi, Prepositi, Decani, Capituli, Cleri, personarum, & Ecclesiarum predictarum invasione, arrestatione, occupatione, detentione, & applicatione omnino desistant, nec non etiam efficaciter restituant eisdem Episcopo, Preposito, Decano, Capitulo, Clero, personis, & Ecclesiis predictis occasione premissorum per eos lesis, seu gravatis, tallias, gabellas, & exactiones ipsas, ac etiam bona Episcopi, Prepositi, Decani, Capituli, Cleri, personarum & Ecclesiarum earundem arrestata, occupata, detenta, & applicata ipsis, aut que per se, vel alios illo pretextu quomodolibet receperint, imo verius remere & illicite usurparint, a se libere omnino relaxent, ac in manibus vestris iuraverint, quod de cetero talia non committant, & ea committentibus non prestant auxilium, consilium, vel favorem: contradictores per censuram Ecclesiasticam, & alia juris oportuna remedia compescendo, invocato etiam ad hoc, si opus fuerit, auxilio brachii secularis. Ceterum, si forsan huiusmodi transgressorum, aut violatorum, vel ea fieri mandantium, ipsisque consentientium, seu dantium in illis per se, vel alios, directe vel indirecte, publice vel occulte auxilium, consilium, vel favorem, presentia promotionibus, & requisitionibus per vos de ipsis faciendis, tute, secure, vel commode haberi nequirit; Nos vobis monitiones, & requisitiones huiusmodi, ac citationes quaslibet per edicta publica locis affigenda publicis, de quibus

Tomus V. Concilior. German.

sit verisimilis conjectura, quod ad noticiam citatorum, & monitorum huiusmodi pervenire valeant, faciendi plenam & liberam concedimus tenore presentium potestatem. Volentes, quod monitiones, requisitiones, & citationes huiusmodi perinde ipsos citatos requisitos, & monitos, ut premititur, ardent, ac si eis facte, & insinuate preentialiter, & personaliter extitissent. Non obstantibus tam pie memorie BONIFACII Pape octavi, etiam Predecessoris nostri, quibus cavetur, ne aliquis extra civitatem suam vel Dioecesim, nisi in certis exceptis casibus, & in illis ultra unam dietam a fine sue Dioecesis ad iudicium evocetur, seu ne iudices extra civitatem & Dioecesim, in quibus deputati fuerint, contra quoscunque procedere, aut alii, vel aliis vices suas committere, seu aliquos ultra unam dietam a fine Dioecesis eorundem trahere presumant: dummodo ultra duas dietas aliquis auctoritate presentium non trahatur, ac de personis ultra certum numerum ad iudicium non vocandis, quam aliis Constitutionibus Apostolicis contrariis quibuscunque. Aut si aliquibus communiter, vel divisim a Sede Apostolica indultum existat, quod interdici, suspendi, vel excommunicari, aut extra, vel ultra certa loca ad iudicium evocari non possint, per litteras Apostolicas non facientes plenam & expressam, ac de verbo ad verbum de indulto huiusmodi mentionem. *Datum Constantie XVII. Kalend. Januarii, Pontificatus nostri anno primo.*

Silient Babst Martinus der fünfft des Namens hat die Bull Privilegia und Freiheit, so Weilent Kaiser Karolus der gros löblicher Gedechnus der Gaisstlichkeit geben hat, bestet, darinn die hernachfolgend Maining begriffen ist, zu straffen die unbillich Anjuchung der bosen, die Gaisstlich Stet, und Person an iren Guterem und Rechten unterstehen zu belaidigen, und mit mancherley Beschwernus betruben. Geburet Uns so vil mer dassel mit zeitiger Hilff zu firkommen, so vil mer soliche Beschwernung zu Belaidigung Gotslicher Majestat, und Gaisstlicher Freiheit Nachthail, und Schaden raichet. Nun aber vor

FFFF

lan:

langer Zeit, als in vil Landen die Rathen, und Verweser der Stett, und auch ander die gewaltig darinn waren, die Gotzheuser mit so manigfaltigen Purden ernstlich beschwerten, also das die Priesterchaft in ainen boßeren Standt gesetzt wardt, dann die unter Pharaone was, der doch Gotlicher Gesez mit wissen het, und wiewol der all ander zu dienstlicher Eigenschaft und Unterthänigkeit bezwang; jedoch die Priesterchaft mit irer Haben und Gutern bey alter Freyhait beleiben lies, und in von dem gemainen Gut ir Notdurfft und Nahrung reichet. Darumb ward in dem gemainen Concili zu Lateran umb gaislicher Freyhait willen bey strenger Verfluchung und Penen gebotten, das die Schepfen Rathen, oder ander Herren der Stett, die Gotzheuser und gaisliche Personen mit Tazzen und ander gewaltigen Beschazungen in kein Weis solten beschweren, und ward daselbst erfunden und erkant, wer dawieder thete, der solt mit dem grospanigen Fluch behest sein, als lang Uns er darumb nach billichen Dingen genug thete. Es war auch in der gemainen Kristlichen Sammlung des Concili geordnet und gesetzt, ob villeicht die Bischoffen mit sampt der Pfaffhait solich Nutz und Notdurfft erkanten, also das sie dadurch verstanden, das der Laien Guter nicht genug darzu weren, sich unbezwungenlich darzu ergeben, und denselben Laien von den Gotzheusern und Kirchen ein Hilff erlaubten, oder gunten, doch on des Babstis Rat; so solle dieselben Erlaubnus, und auch die Pen, die dieselbe erlauber wieder die Pfaffhait villeicht darumb theten, oder thun wurden, ganz kraftlos eitel und on schaden sein. Auch ward in dem gemainen Concili gesetzt, ob ainer, der in die obgemelt Pen gefallen wer, umb solich ubergreifen der vorherurten Ordnung, der in der Zeit, so er in vorgemelten Gewalten und Herschaften was, nicht genug gethan, als oben begriffen ist, sonder die Pen also gelitten het, und so er davon entsezt wurde, mainet er wer nichts mer darumb schuldig, und solt auch zu widererthumung für das nimmer bezwungen werden, so sol sein Nachkommen ob er darumb nicht genug thet, in ainen Monat mit gaislichen Pan be-

hest sein, als lang er darumb Uns genug thu nach billichen Dingen, dann wol zimlich ist, das am Nachkommen der Eren, auch ein Nachkomm sey der Purde seins Ampts. Nachmalen hat Unser Vorforder Babst Honorius der drit seliger Gedecheus fleißiglich betracht, das Weilent Friderich der ander, Römisch Kaiser die Zeit in Gehorsam und Andacht der Römischen Kirchen wesend, zu Lob derselben, und Eren, und Zier des Römischen Reichs begert; das etlich Trisal und ungerechte Gesez ausgeireut wurden und vernichtet, damit fürbas die Gotzheuser und geistlich Personen sich ganzes Gemachs und sicher Freyhait gefreuen, und der genießten mochten. Er bedacht auch gütlich und rechtlich etlicher Menschen Bosheit, die als ubersflüssig was, das sie on alle Forcht wieder Gotliche Ordnung geistlichen Personen und Freyhaiten zu schaden gesetzt erdachten und machten, die er auch mit Kaiserlicher Macht vernicht hat, und geschafft als kraftlos zu verkunden und gepotten, alle soliche ire Auffsez und Gewonheit, die Stett, Segent, Potestaten, Schepfen, oder ander Person, wie die genant sint, hielten oder prauchten wieder die Freyhait der Gotzheuser, oder gaislicher Person, die Gotlichen und Kaiserlichen Gesezen widerwertig weren, auß iren Recht, Puchern, und Statbuchern, darin die geschriben weren, abzuthun, und genzlich zu vertilgen inner zweien Monaten, nach Öffnung desselben seins Kaiserlichen Gebots: und ob sie darnach ichts dawieder theten, das solt von im selbs nichts und kraftlos, und sie Gerichts und aller Gewalt entsezt, und darzu die Stett und Land, wo das geschach, des Römischen Reichs kamer taufent Marck Golts verfallen, und die Potestaten, Schepfen solicher Gesez-Meister, und Schreiber, und auch die Rathen derselben Stett, oder Segent, die nach solichen Gesezen, oder Gewonheiten Recht sprechen, zu Stund erlos und unleumtig sein, und solten auch derselben ir Gericht, und was sie also handelten, kein Kraft haben, und ob geschach, das sie, oder ir etlich ein Jar dawieder theten, und nit ruchten, zu halten, so hat er meniglich geurlaubt, derselben Hab und Gutter in allen Land-

den seines Reichs anzufallen, und an Straff zu nemen, und inzulieffen, un-
aufgehört ander Pen in dem gemainen
Concili darauf gesacht. Auch hat der-
selb Kaiser gebotten und gesacht, kein
Commun, oder Person in grossen stand,
oder in klainen Steuer, oder Beschac-
kung Gohsenser, und ander gaislichen
Steten und Personen anschlagen, oder
ir Hab und Guter anfallen, oder zu
ungewohnlicher Arbeit und Hülff ir Per-
son, oder ir Gut noten und beschweren
soltten. Wer aber darwider thet, und
das nit zuhand, als er darumb eraischet
und ermonet wird, widerpracht, der
solt das mit der Trißbild bezalen, und
solt darzu in Kaiserlicher Acht und Pann
sein, daraus er in kein Weis kommen
mocht, als lang Uns er mit gaislichen
Gewalt darvon wird erlediget. Dar-
nach hat er geordnet, das nyemand kein
gaislich Person umb kainerley Sach
willen, sie berur Leib oder Gut, für
weltlich Gericht solt furwenden, oder la-
den wider dieselb gaislichen und Kai-
sersacht und Freiheit: beschich es daru-
ber, so wer der Anklager gefallen von
allen seinen Rechten, dasselb Recht kraft-
los, und der Richter entsetzt seines Ge-
walts und Gericht. Und auch ob die
weltlichen Richter gaislichen Personen
wider weltlich Person nicht recht thun
wolten, so heten, so sie zum drittenmal
darumb ersucht wurden, keinen Gewalt
mer zu richten. Die egemelten Kaiser-
lich Gesech hat der vorgenant Babst
Honorius nach rath seiner Brüder der
Cardinel, die dan die Zeit waren, mit
Bebilichem Gewalt und Macht bestet,
bekrestigt, und gebotten die also unver-
ruckt zu halten, und sonderlich, welch
solich obgemelt Gesech wider gaislich
Freiheit machen, schreiben, und auch
die wieder die obberurten Freiheit frey-
lich thun für pennig öffentlich zu verkun-
den und zu halten. Und nachdem wird
fürbracht Karolo dem vierden seliger
Gedechnus, auch des Romischen Reichs
Kaiser, alzeit Herr der desselben, wie das
etlich weltlich Personen in Gewalten
und grossen Ämpten wesend, als Hertz-
ogen, Marggraffen, Grafen, Freyen und
ander weltlich Herrn und Rathgeben
der Stet, Merckt, Dörffer, und auch
etlich Gegent Verweser in manigen Pro-

vincigen desselben Reichs die Forcht
Gottes hindan gesecht, besunder Sta-
tut und unrecht Ordnung von aigem
Muthwillen gewaltlich wider gaislich
Person und Freiheit der Gohsenser ge-
macht hetten, die doch gaislichen und
Kaiserlichen Gesechen und Gepotten wie-
derwertig weren, und die öffentlich prach-
ten, mit Namen, das kein zeitlich Gut in
gaislicher Person gewaltsam nit geben
solt werden in kein Wais, und das kein
Priester oder geweihter Man vor Ge-
richt als ain Elager oder als ain Zeuch
in weltlichen Sachen, und besonderlich
in hailwertigen Handlen nicht aufgenom-
men, noch gehört solt werden, und auch,
das man keinem pännigen Layen, ob
er halt in denselbigen Pan öffentlich ver-
kundet wer worden, vor weltlichen Ge-
richt nit solt verwerffen noch wideren.
In het auch angelangt, wie die egemelten
Herren, Schepfen und Ämptleut der
Gaislichen Hab und Guter mit weltli-
chen aigen Gewalt bekumerten und frey-
seulich besessen, und unterweilen verbes-
seten und verputen, und die Opfer der
Krisiglaubigen Menschen minderten, und
engten, auch, wie sie Steuer und unbillich
Beschakung von der Kirchen und Gohs-
heuser Guter und Zinsen gewaltlich ne-
men und abnoteten, und ire Guter
mit Prant und Rauberei wüßeten, und
solich Handel so zwischen gaislichen und
weltlichen Personen rechtlich gehandelt
wurden, in ir gewonlich Pucher nicht
schreiben noch versigelen wolten, und
was man zu den Kirchen gebe, oder
Schuff, oder zu dem Paue, in freisenlich
inzugen: wider der Prelat und ander, die
das berurt, Gunst und Willen, und auch
der Pfaffheit zu unlust, von iren Hab
und Guter, die sie nicht durch gewins
oder gewerbs willen, sunder zu ir selbs
muck und notdurff durch ihr Stet und
Gepiet furten oder schaften zu furen,
Maut und Zol von in gewaltiglich ai-
schen und nemen: und die, so in die Kir-
chen oder Freithof stichen, daraus ziehen,
und nemen freislich wider gaisliche und
Kaiserliche Freiheit. Darumb hat der-
selb Karolus, als Krislicher Fürst, das
alles zu unterkommen und zuverren,
auch mit rath etlicher seiner Fürsten,
Grafen, Freyen und ander des Heiligen
Reichs Getrewen all obgemelt Gesech

und Gewonhait, als die da gaislich und weltlich wissenlich verbotten waren, mit Kaiserlichen Gewalt und Macht vernichtet und vertilget, und schuff die fur unkreftig, und fur nicht gehalten zu werden, also das sie kein Krafft und untuchtig sein sollten: und gebot bey Kaiserlichen Pann und Acht allen und iglichen Fursten, und weltlichen Herrn, Scherffen, Potestaten, und anderen, die in Gewalten und Ampten desselben Reichs waren, das sie zu Stund dieselben Statut, Gesetz und Ordnung, als die dann gaislicher Freiheit zu schaden erdacht weren, genzlich wiederrufen und sichtiglich aufheben, und das sie hinfur nicht nach solichen Statuten richten noch urteilen, und die auch nicht prauchen solten, weder in noch ausser Rechten in kein Weg fur sie und wieder gaislich Freiheit. Auch gebot und sacht Er in krafft desselben Kaiserlichen Gewalts, welcherlei in weltlichen Stand und Wesen er wer, mit aigner freyenlicher Dursichtigkeit und aigner Torschait Priestern oder Pfaffen, sie sein weltlich oder Closterlich, abgesaget, aus dem Land versant, oder verpant, vieng, beraubet, todet, lemet, oder in veneknus neme, oder die, die solich Mißthat theten, aufhielt, oder in gunstlich nachschub theten, die solten ze Stund zu sampt andern Penen, so in von gaislich und weltlich Gewalts wegen darumb aufgesetzt sein, unleinutig und erlos sein, und in keinem Rat noch Teding der Edelen nimmermer genommen werden in kein weis. Und hat derselbig Kaiser gaislich Prelat der Land, do solichs bescheh, ernstlich ersuchet und ermonet, das sie dits sein Kaiserlich Gebot und Gesech in iren Kirchen und Pfastlicher Samnung verkunt, und wissenlich machen solten in aller Mas und Form, als die in des Concili, und des Babst Honori, und in vorberurten Kaiserlichen Gesachen begriffen ist, dadurch das die Ubeltheter mit verdachter Unwissenheit ir Bosheit nicht mochten decken. Wann Wir aber durch cleglich anbringen der gemeiner Priesterschaft vernommen haben, wie etlich Fursten, Herzogen, Grafen, Herren, und ander weltlich Herschaften, vielleicht der vorgemelten geistlicher und Kaiserlichen Gesech unwissend, sich unterstehend wieder dieselben

Gesech von den Kirchen-Personen tech Steuer, und ander unzinlich Beschackung, und sie mit Zwang und Dranchsal zu haben, und sie darzu noch zu dringen in ubung sein, auch wie sie der Kirchen und gaislicher Personen Guter angetast, verheft, verhielten, und zu iren eignen nach und gebrauch, auch eigen Gewalt zuaign sich unterstehen, zu Verdammus irer Seelen, und der berurten Gaislichen nicht wenig Nachtheil und Schaden, und dennoch haben Wir Babst Martinus vorgenant furgenommen, gemeine Priesterschaft und Gaislichkeit, und den Kirchen darinn notdurftiglich furzusehen, darauf gebieten, das der gemelten Gaislichen und Kaiserlichen Gesechten Ubertretter, in was Stand und Wirten sie sein, offenbahrllich, als oft und so vil recht ist, und geburen wirt, fur pammich verkundet werden, als lang und so vil von solichen Steuer, Tacken, Beschwerungen, und anderen Notzwangen, auch der Gaislichen Guter Vorhaltung, verbieten, oder verheften und Innhabung und zuzuaignen genzlich abstecken, und wer sie deshalb innen oder empfangen haben, genzlich wiedergeben, nichts minder der ganzen Priesterschaft, den Kirchen und gaislichen Personen, die also von in bescheditet und besweret, Tack und Steuer, und was irer Guter von in verheft, vorgehalten, ingehet und in zugeaignet durch sich selbst, oder durch ander von iren wegen genommen freyenlich und unbilllicher Weis zugeaignet hetten, von in frey gezelt, und der genzlich abstecken und wiedergeben, und schweren, das hinfur solichs nimmer von in beschehen soll, und den, die solichs thun und handeln wurden, kein hilf, rath noch gunst beweisen: die aber strafenlich darwieder reden, durch gaislichen Penen und Censur, und ander Hilf der Rechten zu straffen; furter ob vileicht der solichen Pöblichen und Kaiserlichen Gesechten Ubertretter, oder die, so denselben hilf, rath und gunst mittailen gegenwertigkeit zumonen und requiriren, sicher und frey nicht wolst stat haben; So geben Wir Babst Martinus den Gaislichen den Gewalt, das sie solich Citation und Monung der berurten Ubertretter, wo die an gemainen und offenbahrllichen Enden und Stetten, also

das

das solich Verkündnus verscheulich inen zuwissen kommen mag, angeschlagen wirt, gleich als vil Pündt und Kraft hab, als weren sie in unter Augen, und persönlich verkündet, on Irrung aller Gesetz, so wieder solichs alles geordnet, gesetzt, und ausgegangen ist.

Quibus temporibus Carolina debeat publicari.

Statuimus, & districte precipiendo hoc Sancto approbante Concilio manda-

mus, quatenus dicta Constitutio Bulle Caroline singulis annis perpetuis futuris temporibus in Dominicis quatuor temporum per omnes & singulos Plebanos, aut eorundem vicegerentes per nostram Provinciam nulla excusatione obstante publicetur.

Cl. Lunig in Continuat. III. Spicilegiæ Ecclesiæ. pag. 770. & seqq.

SYNODUS BAMBERGENSIS

Anno Christi MCCCCXCI. Innocentii VIII. Pp. VII.
Friderici Imp. LII.

*Statuta Episcopatus Bambergensis, ut in Synodo Bambergensi sub
Præsidio HENRICI III. (a) Episcopi confecta,
& publicata sunt.*

HENRICUS, DEI GRATIA ET APOSTOLICÆ SEDIS EPISCOPUS BAMBERGENSIS, UNIVERSIS ET SINGULIS IN CHRISTO NOBIS DEVOTIS, DILECTIS ABBATIBUS, PRIORIBUS, PRÆPOSITIS, DECANIS, ARCHI-DIACONIS, SCHOLASTICIS, CANTORIBUS, CUSTODIBUS, THESAURARIIS, SUCCENTORIBUS, CANONICIS: COLLEGIIS, CAPITULIS, ET CONVENTIBUS, PAROCHIALIUMQUE ECCLESiarum RECTORIBUS, VICARIIS PERPETUIS, CAPELLANIS, PRIMISSARIIS, ALTARISTIS, PRESBYTERIS, CURATIS, ET NON CURATIS, DIACONIS, ET SUBDIACONIS, ET TAM SÆCULARIBUS, QUAM ORDINUM QUORUMCUNQUE REGULARIBUS CLERICIS, TOTIQUE CLERO CIVITATIS ET DIOCESES NOSTRÆ BAMBERGENSIS, CUJUSCUNQUE ETIAM DIGNITATIS, STATUS, GRADUS, ORDINIS, AC PRÆ-
EMINENTIÆ ET EXCELLENTIÆ EXISTANT, COMMUNITER ET DIVISIM,
SALUTEM IN DOMINO SEMPERNAM.

IN hac Synodo nostra vestigiis Prædecessorum nostrorum inhaerendo, Constitutionibus super Synodo celebranda, in Concilio Basiliensi editis satisfaciendo, quasdam Constitutiones, & Ordinationes, ac certa Statuta, cum quibusdam additionibus, correctionibus, & declarationibus simul collectis, vestra dirigimus charitati, tenoris subsequenti: Vobisque, & vestrum cuilibet autoritate DEI Omnipotentis mandamus, ut ipsa Statuta in virtute sanctæ obedientiæ firmiter & fideliter observare studeatis. Inhibemus quoque sub pœna excommunicationis, ne aliquo alio opusculo præter præsens pro

Statutis nostris Synodalibus utamini quoquo modo. Et primum:

TITULUS I.

*De SS. TRINITATE & Fide
Catholica.*

A Summo imprimis Numine, a quo omnia procedunt, fumentes exordium, Catholicam Christi profiteamur Fidem, ac eam, quam tenendam docet, & prædicat Mater nostra universalis & Apostolica Ecclesia, præcipientes Clero & populo Nobis subiectis: ut in vera religionis Christianæ veritate ambulantes, Sanctam & Individuam Trinitatem, Pa-

F f f f 3

(a) Henricus Gros a Trockau, Episc. Bambergensis XXXVI., anno 1487. i. Februarii electus, & ab Episc. Augustano consecratus fuit. Obiit 39. Maji anno 1501. XIV. anno sui Episcopatus. Præter hanc Synodum condidit Statuta pro suo Officiali & Curia. Apud Ludewig. Tom. I. pag. 1191. Scriptor. Bamberg.

trem, Filium, & Spiritum Sanctum, unum Deum, sincera adorent cordis puritate: nec quicquam credant, colant, & venerentur, quod Romanæ Ecclesiæ, aut Patrum orthodoxorum Decretis, & a veritate Catholica censeatur alienum, atque refutandum.

Propter quod, ut fidelium populus vulgaris in ipsa Christiana Fide rectius vivat, & plenius instruat; præcipimus Ecclesiarum Parochialium Rectoribus, & aliis quibuscunque, qui prædicationis exercent officium, quod tam in sermonibus, quam confessionum auditionibus circa hoc specialiter sint attenti, ne, quod absit, error in fide exurgat in populo: quodque in singulis Parochialibus Ecclesiis Dominicis, & Festivitatibus diebus in prædicationibus ipsi populo orationem Dominicam incipientem: *Pater noster!* &c. & *Ave Maria*, & Symbolum Apostolorum in materna & vulgari lingua, secundum quam populo congruerit, fideliter & diligenter pronuntient, & prædicent.

TITULUS II. De Constitutionibus.

Cum membra sine capite nihil agant: præsentia Statuta, quæ quævis Capitula, vel Collegia Ecclesiarum nostrarum civitatis & Diocesis, etiam de Prælatorum suorum consensu, super quibusvis arduis, statum Ecclesiarum tangentibus, ordinata, quibus in ipso actu, ad instar tutoris, auctoritas Episcopi non accesserit; declaramus, & decernimus, non tenere, talia præsentibus irritantes, imo irrita renuntiantes, & de cætero fieri prohibentes.

TITULUS III. De Præscriptis & Commissionibus.

Hominum malitiis, justitiæque & iudicii per Apostolicarum, & aliarum litterarum falsitates, aliasque Deo odibiles adinventiones, Dei timore postposito, illudentium, obviare volentes, justitiam ipsam, vera, iustaque judicia, quantum cum Deo possumus, promovere, & confovere cupientes: universis & singulis Abbatibus, Præpositis, Decanis, Archidiaconis, Cantoribus, Custodibus, tam nostræ Cathedralis, quam Collegiatarum Canonicis, Parochialiumque Ecclesiarum

Rectoribus, Plebanis, Vice-Plebanis, Capellanis, Vicariis perpetuis, Altaristis, Primissariis, Presbyteris, Curatis & non Curatis, Clericis, Notariis, & Tabellionibus publicis, per civitatem & Diocesim nostram Bamberg. constitutis, in virtute sanctæ obediendi, & sub excommunicationis pœna districte præcipiendo inhibemus, ne de cætero Abbates, Præpositi, Decani, Scholastici, Cantores, Custodes, & alii deputati, vel in futurum deputandi, etiam a Sede Apostolica, aut ejus auctoritate, Executores, & Subexecutores, aut Judices delegati, aut subdelegati, litteras quascunque etiam Apostolicas de gratia, vel iustitia, aut commissiones per modum subdelegationis, seu alias ipsis factas, quomodolibet exequi, vel citatorios, aut quoscunque alios processuum pœnales decernere, emittere, vel promulgare: Nec Abbates, Præpositi, Decani, Scholastici, Archidiaconi, Cantores, Custodes, Canonici, Rectores, Plebani, Capellani, Vicarii perpetui, Altaristæ, Primissarii, cæterique Presbyteri, Clerici, Notarii, & Tabelliones supra dicti, litteras hujusmodi, aut quoscunque citatorios, aggravatorios, reaggravatorios, interdicti, vel alios processuum pœnales, quavis etiam, præterquam Ordinaria, auctoritate a Nobis, vel Judicibus Nobis subjectis, in civitate vel Diocesi nostra per quemcunque emissos, insinuare, intimare, publicare, vel exequi præsumant; priusquam de diligenti examinatione litterarum earundem, ac processuum hujusmodi, per Nos, & Vicarium nostrum in Spiritualibus, aut Commissarium generalem, per litteras, aut illius patentes desuper datas, seu confectas litteras, quæ *vidimus* communiter appellantur, fuerint plenius informati. Quicunque autem ex supra dictis hujusmodi nostræ inhibitionis transgressor, si Beneficiatus fuerit, fructu beneficii, seu beneficiorum suorum carere debet ad unum annum; si autem beneficio caruerit, in Sacris tamen constitutus, suspendi debet a Divinis, & in Sacris ministrare prohibemus. Notarios vero, qui ipsam præsentem inhibitionem violare præsumperint, absque eo, quod pœna cum hoc condigna mulctentur & puniantur, in civitate & Diocesi nostris eorum actus exercere postea nullatenus permittemus.

Ex

Ex injuncto Nobis Pastoralī officio compellimur, ut usum falsarum litterarum restringamus, ne damna inde eveniant, in quantum Nobis a Domino conceditur, extirpare cupientes hac præsenti irrefragili perpetua Constitutione & Sanctione, auctoritate, qua fungimur, statuimus omnibus & singulis nostræ civitatis & Diœcesis Clericis & personis, in quocunque gradu constitutis, tam Dignitatibus, Personatibus, Prælaturis, Officiis, & Beneficiis Ecclesiasticis Præsidentibus, & aliis quibuscunque Notariis, & Tabellionibus publicis, præsentibus & futuris, in virtute sanctæ obedientiæ, & sub excommunicationis, privationis beneficii & officii pœnis, quas quemlibet, qui contra præsentem constitutionem & inhibitionem fecerit, aut fieri procuraverit, eo ipso & de facto incurrere volumus, & eas in eosdem & quemlibet eorum ferimus Dei nomine in scriptis, firmiter & districte præcipimus & mandamus, ne aliquis eorum per litteras quascunque etiam Bullatas, seu tanquam Apostolicas, in Judicem, seu Conservatorem, vel Commissarium, aut in Executorem, vel Subexecutorem in gratiosis, vel iustitiæ negotiis, tanquam delegatus, vel alias fuerit requisitus, hujusmodi litteras recipiat; seu eas exequatur, vel eas exequi faciat, aut procuret, seu procedat vigore earundem aliquo modo: & ne aliter Clerus nostræ civitatis & Diœcesis processus, seu mandata ex hujusmodi litteris, & earum auctoritate habitos & confectos, ac habita & confecta, seu quoscunque, quascunque, & quæcunque alios, alias, vel alia processus, litteras, & mandata per delegatos, vel subdelegatos hujusmodi emanatas, seu aliquem earundem recipiat, intimer, vel insinuet, publice, vel alias exequatur, tam diu & quousque primitus certificati fuerint per litteras nostras, aut Vicarii, vel Commissarii nostri litteras, quæ communiter vidimus, nuncupantur, quod hujusmodi litteræ per Nos, vel Vicarium nostrum visæ, examinatæ, & absque falsitate justæ, legitimæ, & rationabiles fuerint approbatæ. Quod extunc eas reverenter accipiant, & cum omni obedientia exequantur: certificantes insuper Clerum nostrum universum, quod etiam post pœnas & censuras Ecclesiasticas prædictas (contra) contra-

dictores quoslibet & rebelles arctius, prout eorundem pertinacitas & temeritas meruerit, procedetur.

TITULUS IV. De Qualitate præficiendorum.

Quoniam solícite curandum, & providendum est de cura animarum & Sacramentorum Ecclesiasticorum, ne imperiti ad regimen hujusmodi Curæ & Beneficiorum assumantur, aut eis præficiantur;

Hac Sacra Synodali approbatione statuimus, & volumus, quod deinceps non solum, quando ad Ss. Ordines admittuntur, sed etiam dum Ecclesias suscipiunt regendas, & Beneficia, Clerici de scientia, peritia, moribus, vita honesta, conversatione & aliis diligenter examinentur: & Clericus noviter ad Sacerdotium promotus, cum aliis Clericis in exercitio regiminis animarum dudum provectis, per biennium commorari debet, circa regimen & curam instruendus. Nec infra biennium liceat alicui talium curam alienæ Parochiæ in nostra Diœcesi regere, nisi id ex causâ per Nos vel Vicarium nostrum dispensative fuerit indultum. Rectores Ecclesiarum suarum Vicarias contra præsens nostrum statutum concedentes, & curam committentes, ab earundem Ecclesiarum fructuum perceptione, auctoritate præsentium suspensos esse volumus ipso facto tamdiu, donec a Nobis, vel dicto nostro Vicario restitutionem super hoc meruerint obtinere.

TITULUS V. De S. Unctione.

Damnamus quorundam errorem, quo in extrema Unctione unus inungit, & alter proferit verba Sacramenti: sub pœna igitur suspensionis prohibemus, talia de cætero attentari; in omni autem Sacramento conferendo, actum faciens Sacramentalia verba, ad conficiendum & tractandum proferre debet. Item Sacerdos diligenter observet, ut Sacramentum extremæ unctionis administret sub forma deprecative, quam Beatus GREGORIUS hac videlicet forma instituit: *Per istam unctionem, & piissimam suam misericordiam indulgeat tibi DEUS quicquid deliquisti per visum; & sic de singulis membris & locis inungendis.* Etiam infi-

insinuet recipientibus effectum hujus Sacramenti; qui duplex est, unus sanitatis corporalis, & alius sanitatis Spiritualis: & illud Sacramentum tantum adultis, & in periculo mortis constitutis est conferendum. Firmiter similiter præcipiendo statuimus, ut in singulis Ecclesiis & Capellis nostrarum civitatis & Diocesis, in quibus Sacerdotes populum regunt, & subditos communicare consueverunt, habeatur de cætero oleum infirmorum, ne propter ejus carentiam aliquibus deficiat hujusmodi Sacramentum.

TITULUS VI. De Clericis peregrinis

Clericum extra nostram Diocesim, & ab alio Episcopo promotum, ac alium quemcunque alienæ Diocesis, nullus Rector, sive Beneficiatus in sua Ecclesia, sive Capella, Divina permittat celebrare officia, seu in Capellanum recipiat, nisi per Nos, aut nostrum in Spiritualibus Vicarium examinatum & admissum, ac de examinatione, admissione & ordinatione ejusdem per nostras, aut dicti Vicarii nostri literas, legitimam fecerit fidem, & conversatio ejus probata fuerit; sub suspensionis poena præsentibus prohibemus.

TITULUS VII. De Officio Archidiaconi.

Statuimus, ut nullus omnino Archidiaconus curam animarum, instituendo in Parochialibus Ecclesiis, sive Capellis, aut Beneficiis, sine consensu nostro, aut mandato, alicui tribuat: imo cura animarum ac Beneficiorum ordinatio & institutio in Episcopi judicio & potestate maneat. Si quis vero contra hoc (*agere*), aut potestatem, quæ ad Episcopum pertinet, sibi usurpare præsumpserit, ab Ecclesiæ limitibus arceatur. Quam constitutionem volumus ab Archidiaconis Ecclesiæ nostræ firmiter observari, ipsis in virtute sanctæ obedientiæ districte præcipiendo mandantes; ne curam animarum Pastoribus, vel Vicariis Ecclesiarum, aut Capellarum, sine nostra licentia & consensu committant, aut eos in ipsis instituere (*presument*), nec ipsi Pastores & Vicarii institutionem & curam præter nostrum judicium, seu consensum recipiant ab eisdem. Nos etiam, si quid contra præsens

statutum & inhibitionem attentatum fuerit; irriamus, & cassamus, ac irritum decernimus & inane, ipsosque rebelles graviter puniri volumus.

TITULUS VIII. De Officio Sacristæ.

Officia Sacristæ, vel Ecclesiastici, aut Campanatoris, sive ad Clericos, sive ad laicos eorum receptio pertineat, gratiæ, & sine omni datione, aut promissione pecuniæ, vel alterius rei temporalis, personis idoneis conferantur, qui velint & possint rite officium hujusmodi adimplere, & de Sacramentis custodiendis, aut clynodiis, ac Ornatu Ecclesiarum conservandis, diligentiaque debita circa singula facienda, præstare debent cautionem, & Plebano ac vitricis obedientiæ & fidelitatis officiorum hujusmodi facere promissionem teneantur. Qui etiam Sacristæ, sive Campanatores ab officiis suis, (*si*) præmissa facere recusaverint, ac alias ex iusta causa, per & coram Judice Ecclesiastico discutienda, possint amoveri. Superpellicis quoque tempore Divinorum, Baptismi, & deportationum Corporis Christi & Sacramentis ad infirmos, uti debeant, sub poena privationis hujusmodi suorum officiorum.

TITULUS IX. De Officio Vicarii.

Statuimus, ut Rectores Ecclesiarum sufficientem assignent portionem suis Vicariis, de bonis suarum Ecclesiarum & Beneficiorum, ut de iis congruam sustentationem habere, & jura Episcopalia persolvere, ac alia onera incumbencia valeant supportare, alioquin decernimus, dictos Rectores huic nostro statuto non parentes, dictarum Ecclesiarum & Beneficiorum fructibus privandos. Statuendo etiam decernimus providere contra maliciam ipsorum Rectorum, & statuimus, quod ipsi Vicarii mutari non debent passim singulis annis ad voluntatem ipsorum Rectorum, qui hoc propter turpem quæstum facere sagunt; sed tunc demum, cum ipsi Rectores, actu Sacerdotes existentes, in ipsis Ecclesiis per se deservire volunt, vel quando alias ipsi Vicarii ex causis legitimis ab ipsis Ecclesiis sunt removendi. Similiter statuimus, & sub poena priva-

privationis tertiæ partis fructuum mandamus, ut Plebani & Beneficiarii nostrarum civitatis & Diocesis domos suarum Ecclesiarum competenter reficiant, ac in ædificiis solitis manteneant, ne ipsas ruinam seu casum pati contingat. Cum sit reprehensione dignum, ut quis oves proprias, alteri earum curam committendo, deferat, & alienas regere, præsertim causa avaritiæ, præsumat; idcirco districte inhibemus, ne quis Parochialem Ecclesiam obtinens, alienam regere, tanquam mercenarius aliquatenus attentet, nisi super hoc petita & obtenta nostra, aut Vicarii nostri licentia speciali. Et nihilominus in literis desuper per Nos, vel eundem Vicarium editis causa continetur, quare suam commode regere non valeat. Contrarium vero facientes, ab Officiis Divinis decernimus suspendendos.

Presbyteris duarum Parochialium Ecclesiarum Vicarias habere omnino prohibemus, qui vero contrarium facere præsumperint, prima, quam ipso facto (*vacare*) decernimus, careant: alterius vero Vicariæ, quam diu primam occupaverint, provenibus per Nos, vel Vicarium nostrum in Spiritualibus, in utilitatem Fisci nostri, & Ecclesiæ, in qua Vicaria est, convertendis, eo ipso sint privati.

TITULUS X. *De Majoritate, Obedientia.*

Inhibemus, ne de cætero aliqua religiosa sæcularisve persona se de dispensationis, absolutionis, vel alio quovis actu, ad Nos, ratione dignitatis Pontificalis, vel jurisdictionis, de jure pertinentis, seu autoritatæ; sive potestate aliqua Nobis specialiter reservata, aliquantulum intromittat, vel eadem auctoritate quovis modo utatur, nisi cui Nos eandem auctoritatem nostram, sicuti oportunitas suaserit, in parte, vel etiam generaliter duxerimus committendam, sub pœna excommunicationis, quam contrafacientes incurrere volumus ipso facto.

Nulli Capellani Nobilium in Capellis etiam castrorum Dominorum suorum Divina celebrare debent, nisi antea Nobis, aut nostro in Spiritualibus Vicario obedientiam faciant manualementem: Et ad

Tomus V. Concilior. German.

Synodum, & Capitula venire debent, recepturi mandata Ecclesiastica, & denuntiari suis Dominis, & eorum Castrensibus: cum Plebani aliquando hoc facere propter eorum tyrannidem non sunt ausi. Qui autem ante obedientiam hujusmodi factam Capellas officiaverint, tam diu nuntientur suspensi & excommunicati, donec pro præmissis satisficiant, & ut dictum est, obediant. Supersticiosam quarundam personarum invidiam compescere cupientes, qui more Chain dilectione filiali rejecta, & paternali pietate conculcata, non solum in Capitulis & Conventionibus pertractandis, capitulariter congregatis, Prælati suis, & Superioribus reverentiam debitam subtrahunt, verum etiam ad invicem nonnunquam in verba opprobriosa & contumeliosa prorumpunt; ex quibus negotia, propter quæ tractanda convenerant, plerumque indiscussa remanere cernuntur: hinc nostro in perpetuum valituro edicto statuimus, & ordinamus; ut in singulis Capitulis & Conventionibus servetur reverentia, ac morum gravitas, & honestas: ita quod nullus in alterum verbis, vel factis opprobriosis, vel contumeliosis, vel injuriis prorumpat: eorumque Capitulis, & Conventionibus præsentibus, sub excommunicationis pœna, latæ sententiæ districte injungentes, ut his, qui contra edictum prohibitionis nostræ hujusmodi venerint, per unius mensis spatium sine spe veniæ fructus suarum subtrahantur Præbendarum, a quibus ipsos per dicti temporis spatium suspensos manere volumus, & decernimus eo ipso.

In virtute S. obedientiæ præcipimus universis & singulis Presbyteris, & Clericis ruralibus nostræ Diocesis, quatenus quoties ipsos per suos Decanos, & Camerarios, aut alios, ad quos hoc pertineat, ad Capitula sive Convocationes pro insinuatione mandatorum nostrorum, aut Successorum nostrorum, vel alias convocari contigerit, toties ipsi ad Capitula, & Conventiones hujusmodi studeant convenire; nisi ex rationabili causa se de absentia poterint excusare, in quo casu alium idoneum Presbyterum loco sui ad Capitula & Conventiones dirigant ante dicta.

Prohibemus, ne adversus correctio-

G g g nem

nem Superioris sui quicumque regularis, vel secularis Clericus præsumat, secularis personæ adiutorium aut potentiam invocare; qui autem hoc facere non reformidat, & huiusmodi invocatione usus fuerit, carcerali custodia tanto tempore concludatur, donec ob præsumptionem huiusmodi, Nostro, aut Vicarii nostri pœna arbitrio sit sufficienter recompensata, nisi id ei per Nos admissum (*) fuerit. Et ut ab hoc malo temerarii Clerici pœnæ duritia retrahantur, adjicimus, quod talia sine huiusmodi nostra licentia præsumentes nullo nunquam tempore in Ecclesia, seu Monasterio, adversus quam, seu quod, ac Prælatum, vel Superiorem, seu alium, dictum seculare adiutorium, sive potentiam invocaverint, cujuscunque dignitatis, vel administrationis officium consequantur, & alias etiam nihilominus Superioris sui arbitrio legitime puniantur.

TITULUS XI. *De his, quæ vi, metusve causa fiunt.*

Quia Clerici religiosi nonnulli, non attendentes, quantum sit obedientiæ bonum, quod victimis antefertur, & quod peccatum est maximum & scelus idololatriæ, obedire non velle; amissionem suarum rerum, & corporis vanum metum allegant frequenter, ne cogantur mandata exequi Prælatorum: qui etiam prosperitatis tempore multa bona receperint, lauteque de patrimonio Crucifixi vixerint, imminente Ecclesiæ necessitatis articulo pro honore illius & commoditate adversitates sustinere detrectent, ex quo autem propter contemptum clavium Ecclesiæ, nervus Ecclesiasticæ disciplinæ dissolvitur, & animas miserabiliter periclitari contingit; statuimus, ut nulla rerum perditio, aut metus corporis, nisi legitime probatus, subditi inobedientiam, mandatum Prælati exequi non curantis, valeat excusare: adeo, quod si metus corporis non simplici proprio juramento, sed legitimis coram eo, a quo mandatum subditus recepit, ostensus fuerit documentis. Nihilominus loco cedat, ne notam transgressionis incurrere videatur. In his autem, quæ in non faciendo consistunt, utpote, cum mandatur, non communicare excommunicatis, non celebrare co-

ram interdictis, ac alia huiusmodi, nullus omnino nec rerum, nec corporis, quomodocunque probatus metus excuset, cum pro nullo metu quis debeat peccatum mortale committere, quod Sanctorum auctoritatibus comprobatur.

Nos, qui absolutionem, vel quancunque revocationem ab excommunicationis, suspensionis, & interdicti sententiis per vim, vel metum extorserint, cum hoc, quod huiusmodi revocationes sunt irritæ, statuimus, & publicamus, excommunicationis sententiæ subjacere.

TITULUS XII. *De Judiciis.*

Quidam crudeles homines & perverſi, dum ad forum Ecclesiasticum in causis etiam, in quibus Ecclesia merito habet cognoscere, ab authoribus evocantur, illius auctoritatis, qua dicitur, qui honorat missum, mittentem honorat, immemores existentes, Nuncios Ecclesiasticorum Judiciorum, & Judicum, citationum, excommunicationis, vel alias judicialis, & jurisdictionis literas deferentes, verbis probrosis, & quandoque diris verberibus ultra comminationes graves, quosdam etiam captivantes, alios interdum suis rebus temere publice spoliantes, multipliciter afficiunt, & perturbant, ac impediunt citationes, in non modicam Ecclesiasticæ libertatis contumeliam, & jacturam. Considerantes igitur, malitis hominum non esse indulgendum, statuimus, ut reus, nuncios acta judicialia deferentes, per se, vel per alium verberans, spolians, seu captivans, lite etiam non contestata, habeatur penitus pro convicto: actor vero in causa reconventionis similia perpetrare per se, vel per alium non formidans, super instituta contra reum actione amplius nullatenus audiatur; & insuper uterque, atque etiam omnes alii, qui nomine, vel occasione eorum talia facere præsumpserint, usque ad condignam satisfactionem læso & iudiciis, summaria cognitione super hoc facto præhabita, puniantur.

Generales citationes fieri prohibentes, statuimus, ne quis Judex Ecclesiasticus, Nobis subiectus, in suis processibus, videlicet sub generali clausula, ita scribat: Citetis, quos lator præsentium vobis nominaverit, vel simile in effectu.

Nec

(*) fors: remissum

Nec Sacerdotes talia mandata sine etiam speciali expressione partium, seu nominum exequantur; Nos enim talium citationum, & commissionum literas discernimus esse irritas & nullas.

TITULUS XIII. De Foro Competenti.

Præterea nullus Ecclesiasticam Personam in criminali causa, vel civili quaestione, nec alium etiam laicum pro rebus, bonis & possessionibus Ecclesiarum, five personali jure, quod vulgo *Leibgeding* dicitur, quis earundem Ecclesiarum possessiones, vel bona possideat, five alio quocunque titulo, trahere præsumat in iudicium sæculare.

Statuimus etiam, ne Iudices Ecclesiastici de causis, quas laici habent ad invicem, se nullatenus intromittant, nisi tales causæ sint, quas ad forum Ecclesiasticum non sit dubium pertinere, ne ex hoc sæculare iudicium, quod esset valde incongruum, enervetur. Quoniam ex constitutione supra posita dubitationes insurgunt, videlicet, quæ causæ ad forum Ecclesiasticum debeant pertinere, nonnullos casus ejusdem præsentibus duimus annotandos.

Imprimis videlicet, omnes invatores Ecclesiasticarum rerum, seu religiosorum locorum, sub Ecclesiastico Iudice conveniuntur.

Item causæ rusticorum & servorum Ecclesiæ.

Item causæ publice penitentium.

Item causæ pupillorum, viduarum, & miserabilium personarum.

Item causæ peregrinorum.

Item quando Iudex secularis iustitiam reddere negligit.

Item in crimine sacrilegii.

Item usurarum.

Item hæresis, simoniæ, excommunicationis, adulterii, matrimonii, dotis, super decimis.

Item causa natiuitatis, Beneficialis, Juris Patronatus, rapinæ, ratione peccati & voti fracti, pretii deserviti.

Item ratione iuramenti vel fidei dationis.

Tomus V. Concilior. German.

Item quando pars aliqua fuerit Ecclesiastica, etiam super re profana causa in foro Ecclesiastico terminari debet.

Libertatem Ecclesiasticam tueri, ac nostris temporibus adaugeri cupientes; sub pœna excommunicationis latæ sententiæ, quam ferimus in his scriptis, & privationis fructuum Beneficiorum, districte inhibemus, ne Clerici ad quæcunque sæcularia, ac verita iudicia vocati, in Personalibus, ac aliis actionibus, super rebus Ecclesiarum, aut Beneficiorum suorum, coram iudice laico, in contemptum privilegii Clericalis quovismodo respondeant, seu se subiciant foro sæculari;

Quinimo citati, aut vocati debeant absque mora ad Nos, vel nostrum in Spiritualibus Vicarium, super hoc habere recursum, ad impetrandum remissionis literas, aut aliter, prout melius expedire cognoverimus, eis providendum. Contrarium facientes acriter discernimus fore puniendos.

TIT. XIV. De Fide Instrumentorum.

Nonnullæ sunt Personæ in Ss. Ordinibus constitutæ & beneficiatæ, officium tabellionis, seu Notariatus exercentes, quorum instrumenta non solum in civitatibus, sed etiam in Ecclesiasticis negotiis tanquam publica recipiuntur; licet de autoritate eorum, & de aliis, quæ circa tabellionis constitutionem requiruntur, minime Nobis constet, quod perniciosum nimium existit. Nos circa præmissa volentes adhibere medelam; statuimus, ut personæ, gerentes se pro Notariis, seu tabellionibus publicis in civitate & in Dicecesi nostris, in iudicio vel extra, in antea nullatenus admittantur, nec eorundem instrumenta, tanquam publica recipiantur, nisi prius de autoritate ipsorum & de aliis, quæ circa hoc fuerint necessaria, doctum fuerit legitime coram Nobis, aut nostro in Spiritualibus Vicario Generali;

Inhibemusque omnibus subditis nostris, ne instrumenta eorundem tanquam publica recipiant, nec iis tanquam publicis instrumentis utantur: Et nihilominus eisdem, pro tabellionibus se gerentibus, ut abstineant ab huiusmodi instrumento-

G g g g 2 rum

rum confessione tamdiu, donec de eorum auctoritate & aliis, ut præmittitur, Nobis facta fuerit plena fides: quibus etiam medio tempore tabellionatus officium ad arbitrium nostrum, seu dicti nostri Vicarii, & ejusdem arbitrium infligendum interdiximus per præsentem.

TIT. XV. *De Jurjurando.*

Vestigis Prædecessorum nostrorum inherentes, excommunicamus omnes & singulos Clericos, Monachos, Canonicos Regulares & sæculares, qui colligationes, conspirationes, seu confederationes ullas fecerint, fidei, vel juramenti interposita cautione, sive in electionibus faciendis, sive pro aliis quibuscunque negotiis, contra Canonicas Sanctiones; nisi intra tres dies post habitam hujusmodi conjugationem, confederationem, seu conspirationem immediate sequentes, quos illis pro trina & Canonica monitione assignamus, ab omni obligatione sua ad hoc facta se absolvant, & in hujusmodi conspiratione, & ejus occasione attentata prorsus revocent, & poenitentiam desuper recipiant: ex conspirationibus enim, & obligationibus istis suboriuntur discordiæ venenatæ, Ecclesiastica disciplina dissolvitur, bona Ecclesiæ dissipantur, & pericula proveniunt animarum. Volumus ejusmodi colligationes seu confederationes, sub quacunque etiam illicita forma factas, neminem obligare.

Quicumque autem inventi fuerint, confederationes, aut conspirationes hujusmodi facientes, etiam si Monachi fuerint, vel Canonici Regulares, de suis Monasteriis, tanquam membra putrida, excludantur.

TIT. XVI. *De Vita & honestate Clericorum.*

Ut Christi militia laudibus Divinis deputata, vita, gestu, moribus & habitu a gente discernatur Clericali (*); districte sub pena suspensionis præcipiendo statuimus, ut Prælati, Sacerdotes, & alii Beneficiati, ac in sacris constituti Clerici nostræ civitatis & Diocesis, cujuscunque gradus & conditionis existant, habitum deferant brevitate non culpabilem, aut ornatu superfluo, vel colore

notabilem. Inhibemusque sub excommunicationis pena detestabilem usum, quo vestes, caligas rubei, gilvi aut viridis coloris portare, aut gemmis, nodis, fibulis, vel aliis superfluitatibus auri & argenti, vel perlis ornare, seu calceis rotatis, vel collieris cancellatis, aut a tergo femineo more nimirum superque in brachiis excisis, ac diversorum colorum sonis, nec non manicis desuper incisis, uti præsumunt. Quicumque autem Clericus Nobis subiectus partitas vestes, aut virgatas in publicum absque causa necessitatis excusabili ferre præsumperit, executionem pœnarum, suspensionis & inhabilitatis, a jure constitutarum, juxta differentias status personarum, in se sentiet exerceri cum vigore. Similiter sub pena excommunicationis præcipimus, ut singuli Clerici, cum a quocunque Judice Ecclesiastico, vel sæculari quicquam pro eis, tanquam pro Clericis, fuerit judicandum, quantumcunque vestibus utantur simplicibus, & alia insignia deferant Clericatus, fugiantur, nec ut Clerici judicentur, nisi pro susceptorum ordinum sufficientibus, & idoneis probationibus, se veros Clericos esse, probent. Insuper etiam sub excommunicationis pœna præcipimus, mandantes, ut singuli Clerici cujuscunque conditionis existant, in sacris Ordinibus constituti, coronam omnino concedentem portent & habeant, quæ debito capitis loco posita congruam habeat latitudinem, & cooperta non est crinibus revolutis. Inhibentes quoque in eadem excommunicationis pœna eisdem Clericis, in sacris Ordinibus constitutis, ne contra decentiam Clericalis status de cætero comam, crines & barbam nutriant, sed radendos deferant decenter.

Usus tabernarum, præterquam in itinere constituti, & ne tabernas in domibus suis teneant, ludosque taxillorum & chartarum, & his similes, in locis publicis, præsertim inter laicos, omnes & singuli Clerici in Prælaturis etiam, & in sacris Ordinibus constituti, sibi hac sacræ nostræ Synodi prohibitionis sub excommunicationis pœna noverint esse interdictos & prohibitos.

TIT.

(*) fors: sæculari.

TIT. XVII. *De cohabitatione Clericorum,
& mulierum.*

Decretum Concilii Basiliensis.

Quicumque Clericus cujuscunque status, conditionis, religionis, & dignitatis, etiam si Pontificalis vel alterius Præminentie existat, qui post hujus constitutionis noticiam, quam habere præsumatur per duos menses, post publicationem ejusdem in Ecclesiis Cathedralibus, quam ipsi Dicesani omnino facere teneatur, postquam eadem constitutio ad eorum noticiam pervenerit, fuerit publicus concubinaris, a perceptione fructuum omnium Beneficiorum suorum, trium mensium spatio sit ipso facto suspensus, quos suos Superior in fabricam, vel aliam evidentem Ecclesiarum utilitatem, ex quibus hi fructus percipiuntur, convertat. Nec non & hujusmodi publicum concubinarium, ut primum talem esse innotuerit; mox suus Superior monere teneatur, ut intra brevissimum terminum concubinam dimittat. Quod si non dimiserit, vel dimissam, aut aliam publice resumpserit, jubet hæc Sancta Synodus, ut ipsum omnibus suis Beneficiis omnino privet: & nihilominus hi publici concubinarii, usquequo cum eis per suos Superiores, post ipsarum concubinarum dimissionem, manifestamque vitæ emendationem, fuerit dispensatum, ad susceptionem quorumcunque honorum, dignitatum, beneficiorum vel officiorum sint inhabiles: qui si post dispensationem recidivo vomitu ad hujusmodi publicum concubinatum redierint, sine spe alicujus dispensationis, ad prædicta prorsus inhabiles existant. Quod si hi, ad quos talium correctio pertinet, eos, ut prædictum est, punire neglexerint, eorum Superiores tam in ipsos, pro eorum neglectu, quam in illos pro concubinato modis omnibus digna punitione animadvertant.

In Conciliis etiam Provincialibus, & Synodalibus adversus tales punire negligentes, vel de hoc crimine diffamatos, etiam per suspensionem a collatione Beneficiorum, vel alias condigna pena severiter procedatur. Et si hi, quorum defectio ad Summum Pontificem spectat, per Concilia Provincialia, aut suos

Superiores propter publicum concubinatum reperiantur digni, statim cum processu inquisitionis ipsi summo Pontifici deferantur.

Eadem diligentia & inquisitio in quibusdam Capitulis generalibus & Provincialibus, quo ad suos servantur, penis aliis contra prædictos, & alios non publicos concubinarios statutis in suo robore permanfuris.

Publici autem intelligendi non solum hi, quorum concubinatus per sententiam aut confessionem in jure factam, seu per rei evidentiam, quæ nulla possit tergiversatione celari, notorius est: sed qui mulierem de incontinentia suspectam, & infamatam tenet, & per suum Superiorem admonitus, ipsam cum effectu non dimittit.

Quia vero in quibusdam Regionibus nonnulli jurisdictionem Ecclesiasticam habentes, pecuniarios quæstus a concubinariis percipere non erubescunt, patiendi eos in tali fœditate fordescere; sub pena maledictionis æternæ præcipitur, ne deinceps sub pacto vel compositione, aut spe alicujus quæstus talia quovis modo tolerant, aut dissimulent: alioquin ultra præmissam negligentiae penam duplum ejus, quod propterea acceperint, restituere ad pios usus omnino teneantur, & compellantur.

Ipsas autem concubinas, seu mulieres suspectas, Prælati modis omnibus curent a subditis suis, etiam per brachii secularis auxilium, si opus fuerit, penitus arcere, qui etiam ex tali concubinato procreatos filios apud Patres suos cohabitare non permittant.

Jubet insuper hæc Sancta Synodus, ut etiam in prædictis Capitulis hæc constitutio publicetur, & quilibet suos subditos ad concubinarum suarum dimissionem moneat diligenter. Injungit præterea omnibus secularibus viris, etiam si præfulgeant Regali dignitate, ne ullum qualecunque inferant impedimentum, quocunque quæsto colore, qui ratione officii sui adversus suos subditos pro hujusmodi concubinato procedunt.

Et cum omnino fornicationis crimen Lege Divina prohibitum sit; & sub peccati mortalis pena necessario evitandum, monet omnes laicos, tam uxoratos, quam

G g g g 3. in nomine domini

quam solutos, ut similiter a concubina-
tu abstineant: nimis enim reprehensi-
bilis est, qui uxorem habet & ad mulierem
alienam accedit. Qui vero solutus est,
si continere non velit, juxta Apostoli
consilium uxorem ducat. Pro hujus-
modi autem observatione præcepti, hi,
ad quos pertinet, tam salutaribus moni-
tis, quam aliis Canonicis remediis, cum
omni studio laborent. Cum Clerici con-
cubinarii notorii sint ipso jure ab officiis
& beneficiis suis suspensi quoad se & ali-
os, ministrandoque in sacris Ordinibus
sæpe irregularitatem incurrant, a qua
nisi per Sedem Apostolicam, poterint
liberari; si suspensione hujusmodi duran-
te, se in Divinis immisceant, in suis offi-
ciis ministrando, ut prius, publiceque
concubinas, aut alias de incontinentia
suspectas, aut infamatas, aut rixosas mu-
lieres apud se in domibus & habitationi-
bus suis tenentes, famam negligunt, vi-
tamque maculant Clericalem; Nos igitur
pii patris more, non personas, sed
personarum vitia detestantes, sacrosque
Canones & jura desuper edita debitæ ex-
ecutioni, ut tenemur, demandare volen-
tes, omnes & singulos Clericos nostrarum
civitatis & Diocesis, cujuscunque
dignitatis, status, gradus, ordinis, condi-
tionis & præeminentiæ fuerint, qui
hujusmodi vicio publici concubinatus
sunt involuti, obsecramus, rogamus;
requirimus & monemus, eis & eorum
cuique in virtute sanctæ obedientiæ, &
sub præscripti juris & infra scriptis pœ-
nis, quas omnes singulos, hujusmodi
nostris salutaribus monitionibus, requi-
sitionibus & mandatis non parentes, in-
cidere volumus: districte præcipiendo
mandantes, quatenus omnes & singuli
supradicti, qui in præmissis culpabiles
fuerint, ad præsensque existunt, aut quod
Deus avertat, in futurum erunt, infra
triginta dierum spatium, & præsentium
publicationem eis factam immediate se-
quentes, quorum triginta dierum de-
cem pro primo, decem pro secundo, &
reliquis decem dies pro tertio ac peremp-
torio termino, ac monitione Canonica,
& omnibus dilationibus, eis, & cuique
iporum assignamus, dictas concubinas,
de incontinentia suspectas, infamatas, &
alias rixosas, seu scandalosas mulieres, a
domibus & cohabitationibus eorum se-
parent, amoveant, atque dimittant cum

effectu. Hujusmodi mulieres dimissas,
& similes, ad domos & habitationes suas,
deinceps non reassumant, seu quivis
eorum reassumere præsumat: alioquin
dicto monitionis termino elapso, moni-
tionibus, & requisitionibus hujusmodi
non parentes, ab officiis suis & benefi-
ciis suspensos declarari, declaratosque
publice denuntiari facientes. Intiman-
tesque nihilominus eisdem Clericis con-
cubinariis præsentibus & futuris, quod,
quicumque hujusmodi sententias suspen-
sionis, & pœnas, nec non requisitionem
& monitionem nostras prædictas contem-
nere præsumperint, in rebellione &
contumacia ultra 30. dies prædictos te-
mere perduraverint, quod contra præ-
sumptores eosdem etiam per excommu-
nicationis, & deinde exigente contuma-
cia, rebellione & duritia eorum, ad pri-
vationis beneficiorum, & alias graviores
pœnas, prout protervitas eorum expo-
stulabit, jurisque ac rationis ordo dicta-
verit, per Nos, aut nostrum in Spiritua-
libus Vicarium procedemus, & procedi
faciemus.

Ut præsens nostrum mandatum,
quoad omnes Clericos nostrarum civita-
tis & Diocesis, qui in præmissis culpa-
biles existunt, efficaciorum sortiatur effe-
ctum, honorabilem, Nobis in Christo
sincere dilectum Decanum Ecclesiæ no-
stræ Bambergensis, & ipso Decano ab-
sente, Seniore pro tempore ejusdem
Ecclesiæ, in Domino hortamur, atque
obsecramus, rogamus, requirimus, &
monemus, quatenus infra definitum tri-
ginta dierum spatium præsentem hanc
publicationem nostram immediate se-
quens, & postquam præsens mandatum
& publicatio sibi innoverit, ad exci-
pationem prædicti vicii concubinatus,
morumque reformationem, juris com-
munis, præsentisque mandati nostri, nec
non omnium & singulorum, aliorum
Statutorum nostrorum Synodalium, præ-
cedentium & sequentium, correctionem,
emendationem, & executionem, quoad
omnes & singulos, Clericos, suæ corre-
ctioni, reformationi & jurisdictioni, in
ea parte immediate subiectos, cujuscun-
que etiam status, gradus, conditionis,
aut præeminentiæ fuerint, prout unum-
quemque respective concernunt, &
transgressores culpabiles reperientur,
cum effectu procedere non omitant.

Alio.

Alioquin ipsius Decani nostri, vel Senioris prædicti, quod absit, negligentia in hac parte exigente, iploque in correctione vitorum, & excessuum, a jure communi, ac in præsentibus nostris statutis designatorum, atque prohibitorum, in prædicto dierum termino contra, ut præmittitur, sibi subditos minime procedere curante, sed forsân dissimulante: eundem præsentibus certificamus, quod tam juxta juris communis, quam præsentis mandati nostri dispositionem, contra tales vitiosos, atque culpabiles, eidem Decano, seu Seniori subiectos, ad executionem omnium & singulorum supra dictorum, contra quoscunque, qui in hac parte culpabiles fuerint, vitorumque eis prohibitorum extirpationem, morumque reformationem, prout tenemur, per Nos, aut nostrum in Spiritualibus Vicarium, lapso prædicto termino, cum effectu procedere curabimus, prout iustitia exigit, ordoque dictaverit rationis.

Præterea intimatur, insinuat, publicatur, ac ad omnium & singulorum Rectorum Parochialium, ac Beneficiorum quorumcunque, per prædictas civitatem & Diocesim nostras constitutorum, notitiam deducitur, eisque, & cuiuslibet eorum inhiheretur, ne de cætero ipsi, vel eorum aliquis, alicui talium concubinariorum, seu hujusmodi mulierem, aut pueros habenti, Ecclesiam, vel Beneficium arrendare, seu locare præsumant, aut præsumat.

Inhibemusque similiter prædicto in Spiritualibus Vicario, ac Notario nostris, ne deinceps talibus commendam, curam animarum, administrationem, sive accessum concedant, seu eosdem admittant, absque speciali nostro mandato: sed prorsus, & omnino amoveant, & si forsân per ignorantiam Ecclesia, vel Beneficium eis, vel alicui eorum arrenderetur, commendaretur, seu accessus daretur; habita præmissorum notitia, sine omni dilatione amoveri, & per Rectorem alium poni, ipsosque tam locantem, quam locatum, condigna poena puniri volumus, de quibus omnes & singulos præsentibus certificamus.

TIT. XVIII. De Clericis non residentibus, & distributionibus quotidianis.

Inviolabili Constitutione prohibemus, ne distributiones, quæ ab Ecclesiis quibuscunque nostrarum civitatis & diocesis, quæ pro defunctorum anniversariis in quibuslibet etiam rebus pro tempore largiuntur, aliis personis, quam in officiis, ad quæ ipsæ distributiones deputatæ sunt, curaverint personaliter interesse, juxta cujuslibet ordinationem Ecclesiæ rationabilem, jam factam, vel faciendam, tribuantur. Qui vero aliter de distributionibus istis quicquid ceperit, nisi ipsum infirmitas, seu ista & rationabilis corporis necessitas, aut evidens Ecclesiæ utilitas excusaret, dominium receptorum rerum restituere teneatur. Volumusque ea, quæ similiter de distributionibus quotidianis, non dandis absentibus personis, cum exceptionibus in jure constituta sunt, firmiter observari. Insuper etiam sub suspensionis & privationis fructuum, & Beneficiorum poena districte inhibemus, ut nullus Beneficiarius nostrarum civitatis & Diocesis ab Ecclesia sua, vel Beneficio suo, ad quam, seu quod, intitulatus existit, se absentare velit, nisi Nostra, aut Vicarii nostri licentia desuper obtenta; non obstantibus quibuscunque confirmationibus Beneficiorum, ac aliis forsân in contrarium facientibus.

TIT. XIX. De Præbendis, & concessione earundem.

Pro communi bono, decore Ecclesiarum, ac cultu Divino augmentando statuimus, ut Præbendarii, aut Beneficiarii Parochialium Ecclesiarum suis Plebanis & Viceplebanis reverentiam exhibeant, ac in Processionibus, Matutinis, Missis, Vesperis & Completoriis, in plenis officiis, & in Festis, quæ cum novem lectionibus peraguntur, similiter Dominicis diebus, supelliceati inter sint; cum per hoc ipsi Præbendarii, Primissarii & Beneficiarii ab omni, & aliis illicitis retrahantur, quod sub poena suspensionis per præsentem mandamus & observari volumus.

Insuper inhibendo monemus omnes Rectores Ecclesiarum & Capellarum, ne fru-

fructus suarum Ecclesiarum, Viciarum, Capellarumque & Beneficiorum, redditusque eisdem antiquitus deputatos, præsumant inantea minores: quodsi attentare præsumperint, id, quod egerint, irritum habeatur, & contra præsumptores, tanquam præsentis statuti transgressores, per censuram Ecclesiasticam procedi omnino volumus: super quo etiam in investitura concedenda juramentum desuper deferri mandamus. Statuimus, quod cum aliquis Rector Ecclesiam, aut Vicarius Vicariam adepti fuerint, si aliqua pacta, vel juramenta, statuto alicui derogantia aut juri contraria, vel quæcunque alia illicita, in quibuscunque aliis contractibus fuerint interjecta, ea pro non adjectis, sed irrita habeantur: & talia promittentes & jurantes pro hujusmodi promissionibus temerariis & illicitis juramenti poenitentiam agere & emendam condignam facere teneantur.

Quoddam statutum Prædecessorum nostrorum in certa sua ambiguitate reformantes, omnibus & singulis Parochialium Ecclesiarum Rectoribus sub poena suspensionis ab ingressu Ecclesiæ, & officio latæ sententiæ, quam contrarium facientes volumus incidere ipso facto, districtius inhibemus, ne Vicarios, quos in suis Ecclesiis, etiam Sede Episcopali vacante, aut Nobis extra nostram Diocesin constituto, locare tendant, seu regimen curæ animarum, absque Nostra, vel Successorum nostrorum, seu tempore vacationis prædictæ Senioris partis Capituli, licentia & permissione, permittant quomodolibet exercere: exercentes autem similem poenam similiter incurrere volumus, & ad graviores procedere.

Sub poena suspensionis latæ sententiæ districtissime inhibemus, ne aliquis Rector Parochialis Ecclesiæ in hujusmodi sua Ecclesia, vel Capellis, sub limitibus etiam ejusdem existentibus, aliquem Presbyterum ad officium pro alio, sine nostra licentia, ad Divina admittat: nec etiam sub eadem poena nullus Beneficiatus nostræ civitatis & Diocesis Beneficium, ad quod intulatus existit, per alium officiet, nisi id ei per Nos, aut autoritate nostra, dispensative sit permissum.

Quo casu non per aliquem Religiosum, cujusunque etiam religionis existat, sed per sæcularem Clericum, officii sui executionem habentem, suppleat vices suas: nullusque sub eadem poena Ecclesiam vel Beneficium hujusmodi etiam confirmatum absque nostra speciali licentia regat, seu quovis modo officiare præsumat, seu ad regendum aliquis se intromittat.

Grave nimis est & absurdum, quod quidam Ecclesiarum Prælati, & alii sæculares, ac Religiosi, Capitulaque & Conventus, cum possint viros idoneos ad Ecclesiæ Beneficia & Ordines Sacros præsentare; assumere & promovere non ventur indignos, rudes, & ignaros, quibus nec morum honestas, nec literarum scientia, neque ætatis maturitas suffragantur: unde quanta exinde Ecclesiis damna proveniant, nemo sanæ mentis ignorat, ex hinc etiam status Ecclesiasticus deformatur, salus animarum negligitur, & alia plura mala & scandala exinde sequuntur.

Volentes igitur huic morbo mederi, præcipimus, ut prætermisiss indignis, idonei ad Beneficia Ecclesiastica & ad Ordines Sacros præsententur, qui Deo & Ecclesiis velint & valeant gratum efficere famulatum: contrarium vero facientes, & præsumentes, poenis a sacris Canonibus constitutis decernimus justitia mediente, puniendos.

Inhibentes strictissime Vicario nostro in Spiritualibus, qui est, & qui pro tempore erit, & aliis quibuscunque, ne aliquos sæculares vel regulares ad Beneficia Ecclesiastica, præsertim quibus cura imminet animarum, admittant, seu investiant, & ad Sacros Ordines promoveant seu promoveri permittant; nisi prius tales de & super scientia, moribus & ætate, ac cæteris de jure necessariis, diligenter fuerint examinati, & idonei reperi: sic, quod in omnibus & per omnia diligens cura adhibeatur, ut digni promoveantur, & indigni repellantur; quia melius est, paucos bonos, quam multos malos habere ministros: si enim cæcus cæcum ducit, ambo in foveam dilabuntur. Et si secus incaute fuerit præsumptum, non solum deiciendus est indigne promotus, verum etiam promovens

vens indignum animadversione condigna puniendus erit.

Quoniam, ut non ambigimus, ex fonte avaritiæ illa provenit enormitas, quod nonnulli Ecclesiarum ac dignitatum Prælati, Abbates, Abbatissæ, Præpositi, Commendatores, Decani, Priores, Priorissæ, & certæ Personæ Ecclesiasticæ, exempti & non exempti civitatibus & Diocesis nostrarum, quibus Parochiales Ecclesiæ sunt incorporatæ, annexæ, seu unitæ, & in quibus jus obtinent Patronatus, seu Rectorum præsentatio pertinet ad eosdem, de proventibus ipsarum Ecclesiarum tantum percipiunt annuatim, quod Rectores ipsarum Ecclesiarum non possunt de residuo, seu portione eis assignata commode sustentari, Episcopalia jura solvere, & alia eis incumbentia onera supportare: imo, quod deterius est, ad ipsas Ecclesias promoveri, dum vacant, cupientes, non aliter præsentent, seu admittant, nisi prius jurent & promittant, vel alias per litteras, seu instrumenta se adstringant, seu obligent, quod de certa portione debeant esse contenti, ultra forsitan incorporaciones, per Sedem Apostolicam, aut Prædecessores nostros factas, quæ interdum portio ita exigua est, & modica, quod nedum præmissa onera subire valeant; sed etiam miserabiliter sub tanta laborum & onerum sarcina in opprobrium Sacerdotalis dignitatis egere coguntur, propter quæ sæpius contingit, quod non inveniantur personæ idoneæ, quæ hujusmodi Ecclesias velint recipere, sic quod frequenter etiam minus idoneis conferantur, ex quibus pericula imminant animarum.

Nos volentes super præmissis, pro ut Nobis ex nostro officio incumbit, remedium adhibere, ipsi Vicariis perpetuis onus dici & ætus portantibus salubriter subvenire, in virtute sanctæ obedientiæ, & sub obsecratione Divini Judicii districte præcipimus, & mandamus vobis omnibus & singulis prædictis, quatenus infra trium mensium spatium, a publicatione præsentium numerandum, Vicariis ipsis perpetuis, in prædictis Ecclesiis institutis, sive instituendis, congruas portiones non habentibus, de quibus iidem Vicarii congrue sustentari, & Episcopalia jura solvere, ac alia eis

incumbentia onera valeant supportare, quibuscunque impedimentis, pactis, seu obligationibus penitus rejectis, & remotis, assignent, & effectualiter tradant. Quas quidem portiones, si forsitan intra terminum prædictum assignare, & cum effectu tradere neglexerint, aut aliquis eorum neglexerit; Nos ex tunc auctoritate nostra ordinaria, & etiam Apostolica, a sacris Canonibus Nobis tradita, ad hujusmodi assignationem faciendam in Ecclesiis, & Vicariis, in quibus opportunum fuerit, prout jus dictabit, & ordo exegerit rationis, justitia procedemus, & alias negligentias eorum, & cujuslibet ipsorum puniemus, quod cæteris cedet in exemplum: exemptionibus, & aliis privilegiis non obstantibus quibuscunque.

TIT. XX. De Institutionibus.

Statuimus, ut nullus Clericus, ad curam animarum a nostro Vicario admitatur, nisi prius juraverit obedientiam, & quod nullam in acceptione Beneficii, ad cujus curam est præsentatus, commiserit simoniam, quodque bona ejusdem Beneficii non velit alienare, alienata pro posse recuperare.

Beneficiorum perpetuorum fundationes, institutiones, & confirmationes, quæ ordinaria auctoritate fient, literis, seu instrumentis publicis, & authenticis conscribi statuimus, & confirmari. Instrumenta quoque & litteras, super quibuscunque institutionibus, seu confirmationibus confecta, & conficienda, omnibus, quorum interest, communicari volumus, & mandamus, etiam in simplicibus & authenticis copiis secundum petentium voluntatem.

TIT. XXI. Ne Sede vacante aliquid imovetur.

Statuimus, ut quicunque bona Ecclesiæ, Sede vacante, aut Episcopo defuncto, ab eo relicta occupaverit, ipso facto excommunicationis sententiam, quam ferimus in his scriptis, incurrat, quam Successor inviolabiliter faciens observari nullus relaxet, sine restitutione, & satisfactione condigna, de Capituli consensu & consilio.

TIT.

TIT. XXII. *Ut Beneficia Ecclesiastica sine diminutione conferantur.*

Cum Beneficia Ecclesiastica sine diminutione conferri debeant, quidam Ecclesiarum Patroni personis idoneis prætermisiss, tales ad ea præsentant, qui portione aliqua debent esse contenti, reliquum suis usibus totaliter applicando. Unde, ad hujusmodi malam perniciem extirpandam statuimus, quod si tales Clerici se de portione debita spoliari videntes, ad Nos, vel Vicarium nostrum non detulerint, sint ipso facto suspensi: & nihilominus eisdem Ecclesiis spoliarentur, & Presbytero idoneo provideatur de ipsis: Si vero ad Nos detulerint questionem, ipsum Patronum per censuram Ecclesiasticam ad hujusmodi molestationem compenari volumus, & mandamus; adjicientes nihilominus, quod, si in hoc pertinax Patronus extiterit, ad præsentationem talis Ecclesiæ vel Beneficii nullatenus admittatur.

TIT. XXIII. *De Rebus Ecclesiæ non alienandis.*

Quia plures Rectores Ecclesiarum Parochialium, simplicitate, ac juris ignorantia, in affectione carnali, quam habent in suos, seducti, redditus & fructus Ecclesiarum suarum, ut accepimus, in magna quantitate aliquando vendunt, seu alias alienant ad tempus, sub quibusdam coloribus & figmentis, asserentes, se velle venditionis pretia in utilitatem Ecclesiarum convertere; & sic dictum pretium convertunt damnabiliter in utilitates consanguineorum, vel familiarum suarum, aut aliorum, ex quo Ecclesiæ frequenter sustinent detrimenta; hunc igitur contractum decernimus irritum & inane.

Prohibemus etiam, ut nullus propter debitum, aut fidejussoriam obligationem singularis personæ alicujus Ecclesiæ Ecclesiastica bona capiat, vel quæ ad Ecclesiam & Capitulum ipsius Ecclesiæ pertinent. Qui vero contra fecerunt, nisi moniti, intra quindenam, a die monitionis numerandam, bona hujusmodi restituerint Ecclesiæ, vel Capitulo, ad quos pertinent, excommunicationis lætæ sententiæ, quam ex nunc ferimus, subiacere volumus ipso facto.

Calices quoque, vasa, ac alia Ecclesiæ ornamenta, furtim, vel raptim Ecclesiis rapta, vel aliis piis locis, sub pœna restitutionis ablatorum, nullus emat, vendat, vel pignori obliget, vel ad obligationem recipiat. Nullus etiam de cate-ro, cum Advocatis Ecclesiarum *guerras* habens, bona Ecclesiarum, quarum ipsi Advocati defensores existunt, prætextu guerrarum hujusmodi surripiat, aut Ecclesias ipsas, vel villas earum, & loca incendio vel hostilitate devastet, aut homines earum spoliet suis bonis.

Qui vero contra fecerit, ipso facto excommunicationis sententiam, quam ferimus in his scriptis, incurrat: a qua non valeat absolvi, nisi prius ablata restituat, aut pro damnis satisfaciatur.

TIT. XXIV. *De Permutatione Beneficiorum.*

Permutationis Beneficiorum nullum inferiorem Episcopo, seu Nobis, posse impartiri auctoritatem, de jure declaramus. Et tales permutationes factas sine nostra, aut Episcopi auctoritate, carere viribus declaramus: ipsas, si quæ factæ sint, vel fierent, cassamus, & irritas nunciamus.

TIT. XXV. *De Testamentis, & Executoribus eorundem.*

Hac Sacrosanctæ Synodi auctoritate firmiter statuimus, ut unicuique, quem jura non prohibent testari, in sanitate, vel lecto ægritudinis constituto, legandi, disponendi, & ordinandi de bonis sibi a Deo collatis, circa pia loca, & personas Ecclesiasticas, vel sæculares, dummodo suos hæredes contra sanctiones legitimas non prætereant, sit libera voluntas. Reprobamus quancunque constitutionem, vel in contrarium statutum non valere; volentes itaque & præcipientes, ut per universos Prælatos, & Judices Ecclesiasticos, omnes Clerici & Laici impediētes defunctorum legata, seu ultimas voluntates, per excommunicationis sententiam, & alias censuras compellantur, ut debitos suos fortiantur effectus.

Intelleximus, quod nonnulli tam religiosi, quam sæculares Clerici & Laici, Divino timore Dei postposito, in suarum periculum animarum, pecunias, res, & bona

bona, quæ per manus eorum ex testamentis decedentium deberent in usus certos, etiam pios distribui, seu expendi, aliis usibus applicare non formidant, ac sæpe negligentias, dolos, & fraudes quam plures circa executionis officium committunt, quandoque nullatenus, quandoque tardius id, quod eis commissum est, exequendo: Et quod deterius est, pecunias, res, & bona ipsa sibi quandoque usurpant, & in usus proprios convertunt: frequenter etiam, quod longe minori pretio, quam alibi vendi possent commode, ad existimationem propriam bona sibi recipiunt, & distrahunt; itaque ut plerique non executores, sed consumptores, sive dilapidatores, seu subtractores appellari potius mereantur. Cum igitur ad nostrum spectet officium, piis ultimis voluntatibus providere, ut secundum voluntatem defuncti universa procedant, & exequantur: ideo contra præmissas fraudes, & dolos, & negligentias, intendimus remediis opportunis providere, prout ad nostrum Pastoralis spectat officium.

Statuimus, ut quicumque de executione relictorum, maxime Clericorum decedentium, se intrinsece velint, debeant, & teneantur intra unius mensis spatium, a tempore obitus defuncti, de legitima sua constitutione fidei commissaria, sive executoria ultimæ voluntatis, nec non testamento, sive defuncti hujusmodi ultima voluntate, coram Nobis, vel Vicario nostro, plenam & idoneam facere fidem, ac se ad executionem ejusdem admitti obtinere: & antequam manus (præterquam ad depositionem) apponant ad exequendum, vel relictæ bona defuncti dispensandum, inventarium, sub manu authentica, vel, ubi Notarius commode haberi non poterit, coram fide dignis personis, de bonis inventis, aut relictis per defunctos omnino conficere, ac post lapsum anni, a tempore mortis testatoris computandum, similiter unius mensis spatium, Nobis, aut Vicario nostro, & Procuratori Fisci nostri, integram de inventis & distributis diligentem facere rationem. Si quis vero aliter, & præmissis non observatis, bona cujuscunque, præsertim Clerici, dispensare, aut se de executione faciendâ (*intrinsece*) præsumperit, talem Fisco nostro Episcopali in

Tomus V. Concil. German.

quingenta florenorum Rhenanorum summa irremissibiliter perfolvendorum mulctari, & puniri volumus eo ipso.

Discordias & dissensiones, quæ sæpe inter testamentarios defunctorum Beneficiatorum, de & super portione fructuum defervitorum oriuntur, removere cupientes, statuimus, & ordinamus, quod quicumque Beneficiatus nostrarum civitatis & Diocesis Bamberg., qui vixerit usque ad diem Sancti Jacobi majoris inclusive, etiam si contingat eum mori eodem die, habere debet omnia singula blada Beneficii sui, videlicet triticum, sili-ginem, & hordeum pro defervitiis, ut sibi, & suis testamentariis perfolvantur, & in usum defuncti convertantur. Qui autem ad festum Sancti Michaelis vixerit, aut eodem die mortuus fuerit, habeat avenam, vinum, aliaque seminum genera, & fructus quoscunque, etiam pullos autumnales. Qui vero usque ad Sancti Martini, pecuniarum census: Nativitatis Christi, encenia: Esto mihi, pullos, carnes priviales: Paschæ, ova, ventres agnellorum: Pentecostes, encenia: Walpurgis, pecuniarum census.

TIT. XXVI. *De Sepulturis.*

Periculis animarum & scandalis obviare volentes, inhibemus, ne secularis, regularisve persona, cujuscunque status, vel conditionis existat, quemquam inducat verbis, nutibus, vel signis, ut alienam eligat sepulturam, vel ut electam jam immuret.

Quorundam utriusque sexus hominum malitiis, qui in animarum suarum salutis dispendium, & scandalum plurimorum non solum contra prohibitionem Apostolicam, sed etiam in detractum Rectorum Parochialium Ecclesiarum, & proximi nocumentum, multos verbis, nutibus, signis, aliisque suasionibus allectivis, tam in mortis periculo, quam in sanitate constitutos, inducunt, quod omissa propria, videlicet eorum Parochialis Ecclesiæ sepultura, alienam eligant, vel quod electam immutent: ex Pastoralis officii debito volentes opportune obviare, universis Christi fidelibus utriusque sexus, cujuscunque status, aut conditionis existunt, per nostras civitatem & Diocesin constitutis, sub interminatione maledictionis perpetuæ, in virtute sanctæ

H h h h 2

obe-

obedientiæ, & sub pœna excommunicationis, nec non suspensionis a perceptione Sacramentorum, districtissime prohibemus, ne quisquam ad votendum, jurandum, vel fide interposita, seu alias, ad promittendum, quœquam ad hoc inducat personam, quod propriam, sicut præmittitur, sepulturam dimittat, & alienam eligat, vel quod jam electam immutet. Alioquin quicumque hujus nostræ prohibitionis violator fuerit, præsentis constitutionis edicto pœnis excommunicationis, & suspensionis hujusmodi tamdiu se noverit innodatum, donec per Nos, aut eum, cui nostras in hac parte vices commiserimus, præterquam in mortis articulo, digna pœnitentia & satisfactione præcedentibus, fuerit absolutus.

Quia etiam ordo juris confunditur, si jus suum unicuique non servatur, statuimus ordinando, ut Personæ Ecclesiasticæ tam sæculares, quam regulares, cujuscunque ordinis, vel status existant, qui alterius Ecclesiæ Parochianum, per electionem sepulturæ rite & legitime factam ad suam Ecclesiam, vel cimiterium susceperint tumulandum, Rectori ejusdem Parochiæ, de quibuscunque obventionibus, occasione illius funeris provenientibus, secundum Statuta Canonica, quartam partem intra quindenam, post ejusdem funeris tumulationem, & dicti Rectoris requisitionem, integre persolvere teneantur. Alioquin, salvis aliis juris pœnis, omnes, qui in dicta quarta parte solvenda in termino prædicto se negligentes exhibuerint, per censuram Ecclesiasticam præcipimus coerceri, tanquam aliena temere, vel de facto detinentes.

TIT. XXVII. De Parochiis.

Sane gravis & clamorosa nostris auribus inculcatur querela, quod nonnulli suis juribus & finibus non contenti, Parochianos alienos præsumunt recipere temere ad Divina, contra Canonicas Sanctiones: & cum dictorum Parochianorum Judices non existant, nec ligandi, nec etiam absolvendi in eos acceperint potestatem, se tamen Judices faciendo in foro spiritali, periculose absolvunt, & ligant pro suo aliquando libitu voluntatis.

Sicque ipsi, qui proprios sper-

nunt Presbyteros, minime absolutis, illud salutiferum nostræ peregrinationis viaticum cum labe . . . in animarum suarum, & eorum, qui non judicantes indiscrete recipiunt, conferre periculum non verentur. Sicque dicti eorum (*Parochi, qui*) suam pro ipsis animam obligant, dum sibi taliter subtrahuntur, statum ignorantes ipsorum, non possunt, quod in eis agrotum est, sanare, nec consolidare infirmum, nec alligare confectum: & sic dum curationis necessariæ non adhibentur remedia, in invalescentibus morbis usque ad interemptionem læssio dilatur: unde Sacerdotes nullam possint de sic pereuntibus animabus superno iudici reddere rationem. Nos Sanctorum Parrum, qui Ecclesiæ Sanctæ Dei & Personis Ecclesiasticis terminos, quos non licet transgredi, posuerunt, statuta considerantes, hujus Sanctæ Synodi approbatione, universis Sacerdotibus, tam religiosis, quam sæcularibus cujuscunque ordinis, conditionis sive status existant, in civitate & Diœcesi nostris degentibus, sub debito juramenti, quod Nobis in receptione Sacerdotii præstiterunt, ac sub interminatione Divini Judicii firmiter inhibemus, ne quis alienum Parochianum præsumat, excepta necessitatis causa, quæ legem non habet, ad confessionem recipere, vel ei aliquod Ecclesiasticum Sacramentum porrigere, nisi petita desuper & obtemperata licentia proprii Sacerdotis, cum certi indubitati juris existat, talem a talicrimine solvi non posse aliquatenus vel ligari: & ex hoc ordinem Ecclesiæ, per majores & Sanctos Patres, per Divinam providentiam institutum, confundi, quod per universos Plebanos coram suis plebibus præcipimus publicari.

TIT. XXVIII. De Decimis, primiciis & oblationibus.

Quia Dominus in signum universalis Domini decimas pro ministris Altaris retinuit, Canonicaque præterea sanctio jubeat, eas de omnibus fructibus, cum integritate persolvi; statuimus, quod laici decimas ipsas de agris, pratis, hortis, & arboribus, nec non de omnibus fructibus, qualitercunque e terra nascuntur, Clericis seu Parochialibus Ecclesiis, nullis deducis expensis, sive messorum, sive familiarum, aut mercenariorum sit pretium, etiam

amfi de uno fundo, & uno anno pluribus vicibus crescant, atque proveniant plures fructus, & similiter de animalibus, & aliis rebus licite acquisitis, sine omni fraude integraliter tribuant & exsolvant.

Volumus igitur, ut Plebani & Rectores Ecclesiarum, & alii Prædicatores in prædicationibus publicis, & confessionibus secretis, charitative persuasioneque bona populum inducant, declarando, quod ad hujusmodi integram solutionem decimarum, ex præcepto Ecclesiæ sint adstricti.

Decimas igitur Sacri Canones sine diminutione, & sine expensarum deductione jubent Clericis exsolvi: ideoque mandamus, quatenus ipsis de fructibus statim, postquam collecti fuerint, & non deductis expensis, cum integritate exsolvantur.

Licet omnis Christianus ad Missarum solennia aliquod munus Deo offerre teneatur, & reducere ad memoriam, quod Deus per Moysen dixit: Non apparebis in conspectu meo vacuus: in præcipuis tamen Festivitatibus, per anni circulum occurrentibus, quas juxta Ecclesiæ longævam consuetudinem quatuor fore præ aliis censuimus: Nativitatis scilicet Domini nostri JESU Christi, Paschæ, Pentecostes, & Assumptionis Beatæ Mariæ Virginis, ad oblationes & offertoria omnes & singulos nostros subditos in suis Parochialibus Ecclesiis Sacerdotibus suis Curatis teneri, præsentibus declaramus, statuendo, nisi aliud forsan in quibusdam Ecclesiis ex longa consuetudine introductum.

TIT. XXIX. De Regularibus.

Clausura Monialium omnibus, & maxime Clericis omnino interdiximus, inhibentes sub privatione honorum Abbatissis & Priorissis omnium Monasteriorum nostrarum civitatis & Diocesis, ne Monialium aditum Clericis vel laicis præbeant, nisi ex manifesta & rationabili causa, sine dispensatione. Monachi & Moniales quicunque habitum deferant, secundum quem professio eorum exigit, congruentem, & de hoc ipsorum Prælati & Prælatæ sic provideant, ne ipsis ex ipsorum circa hoc commissâ negligentia debitam penam cogamur infligere; ne ipsi Monachi & Mo-

niales habitum suum contra præsentis constitutionis tenorem illicite deponentes, laqueis sententiæ Canonis contra tales latæ se involvant. Fragilitati sexus Monialium ex corde compatiendo, magnam tentationis occasionem removeere volentes, universis & singulis, cujuscunque status, gradus, ordinis & præminentie existant, Clericis in majoribus ordinibus constitutis, sub suspensionis ab ingressu Ecclesiæ & Divinis officiis, & laicis sub excommunicationis pœnis, districtius inhibemus, ne de cætero alicujus Monasterii Monialium prædictarum nostrarum civitatis & Diocesis, cujuscunque etiam ordinis fuerit, septa, videlicet, ambitum, dormitorium, refectorium, domos, quas ipsæ Moniales inhabitant, aut hortos communes, vel speciales introire, aut cum Monialibus ipsis commessiones, aut confabulationes suspiciosas in dictis vel aliis Monasteriorum locis, habere præsumant; nisi ipsis a Nobis, & Vicario nostro, aut nostro desuper auctoritatem habente, vel ab eorundem Monasteriorum visitatoribus expressa ad hoc licentia concedatur.

TIT. XXX. De Jure Patronatus.

Statuimus, quod si Clericus, sive laicus Ecclesiæ Patronus, Rectore ejusdem defuncto, spoliatur dotem aut domum, ad Beneficium spectantem, sive Ecclesiam; jure præsentandi, est ea vice privatus, & Superior illam Ecclesiam vel Beneficium illa vice conferre licite habebit. Statuimus etiam contra Patronos Ecclesiarum, qui bona Clericorum decedentium sibi usurpant, ut a Jure Patronatus, & Præsentandi illa vice cadant penitus ipso facto.

Item prohibemus in virtute sanctæ obedientie & sub pœna suspensionis ab ingressu Ecclesiæ latæ sententiæ, & sub obtestatione Divini Judicii, ne Sacerdotes & alii Ecclesiasticæ Personæ, a Patronis Ecclesiarum, ad Ecclesias Parochiales vacantes, nomine & vice alicujus minoris impuberis, vel alterius ætatem legitimam non habentis, se faciant pro veris Rectoribus præsentari: quia ex isto execrabili abusu, qui irrepit, pro dolor! in nostra Diocesi, ut accepimus, Ecclesia Dei & animæ fidelium damnabiliter decipiuntur, præter alia mala, quæ ex his

pullulant, & etiam ipsa Ecclesia inficitur simoniaca pravitate; qui quidem sic instituti apud laicos *Kirchtrager* vulgariter nuncupantur: & qui hactenus presentati sic fuerint fraudulenter, eos a se abdicent & resignent, quod sub prædicta suspensionis ab ingressu Ecclesiæ pœna firmiter præcipimus per presentes.

Si plures Clerici a diversis Patronis ad Beneficia Ecclesiastica Nobis fuerint in discordia presentati, ac unus Patronorum per se, aut alium, sive alios, Clericum ab altero Patrono, seu prætendente præsentatum capit, vulnerat, vel occidit: ne tam detestabile vitium in nostra civitate & Diœcesi ultra sibi locum vendicat, hujus sacri approbatione Synodalis statuti statuimus, quod, si Patronus in præmissis, aut eorum aliquo notorie culpabilis repertus fuerit, ipso facto sit jure Patronatus, si quod illi in dicto Beneficio, seu ad ipsum competiit, perpetuo spoliatus.

Statuimus etiam insuper, ut si Clericus ad Beneficium Ecclesiasticum in discordia presentatus, aut alias suum captivaverit adversarium, vel vulneraverit, aut hoc fieri mandaverit, seu suo nomine factum hoc ratum habuerit, sit ipso facto jure suo, quod sibi contra adversarium competiit, & competere poterat, privatus, salvis pœnis, contra tales, & præcipue contra offensores & occisores Clericorum quomodolibet promulgatis.

TIT. XXXI. De Censibus.

Libertatem Ecclesiasticam tueri, ac prodigalitatem Clericorum nostrorum prohibere cupientes, sub excommunicationis pœna latæ sententiæ, quam ferimus in his scriptis, districte inhibemus, ne quisquam Clericus nostrarum civitatis & Diœcesis, cujuscunque etiam gradus, status, ordinis, aut conditionis existat, sine nostro consensu, etiam ex quacunque causa, se, aut subditos suos cuiquam sæculari personæ constituat censuales, vel ad protegendum se submittat; quin imo si cuiquam se censuales constituissent; sub eadem pœna intra duorum mensium spatium liberos, & absolutos facere teneantur: neque sub eadem pœna præsumant Beneficiati, sine hujusmodi

nostro consensu, fructus, redditus ac bona suorum Beneficiorum in perpetuum oppignorare, vendere, locare, commutare, aut quovis modo alienare.

TIT. XXXII. De Consecratione Ecclesiæ & Altaris.

Distincte inhibendo, sub excommunicationis pœna, quam ferimus in his scriptis, mandamus, ne de cætero in cœmeteriis non consecratis, vel violatis corpora defunctorum, in communionem decedentium sine nostra licentia tumulentur: nec in his locis non consecratis, vel Ecclesiis, aut Altaribus violatis, sub eadem pœna, Divina celebrentur officia, nisi ex nostra permissione, aut speciali, aut expressa desuper obtenta licentia.

TIT. XXXIII. De Celebratione Missarum, & Sacramento Eucharistiæ.

Sanctissimum Christi Corpus, quod digna veneratione non sufficit commendari, cum extra Ecclesiam deportatur, veneratione mandamus solita venerari: videlicet, ut Presbyter superpelliciatum cum stola circa collum illud reverenter portet ante pectus, nisi loci distantia, aut temporis qualitas aliud deprecetur: Clericus vero superpelliciatum similiter, aut honestus laicus præcedat cum campanella, aut lumine, tintinnando; id vero audientes, videntes, vel scientes fieri, & obviantes, donec Sacerdos transeat, genuflectant & dicant, devote ad minus ter orationem Dominicam cum salutatione Angelica. Nos tam Presbytero & Clerico, quam singulis aliis prædictis, qui pro reverentia tanti Sacramenti genuflectunt, etiam ad infirmum & inde ad Ecclesiam devote sequentibus vere pœnitentibus & confessis, qui orationem & salutationem prædictas dixerint, quadraginta dies indulgentiarum, pro qualibet vice de injunctis sibi pœnitentiis autoritate, qua fungimur, in Domino relaxamus; Presbyter vero, qui aliter, vel occulte ipsum portare præsumperit, præter offensam Divinam, pœnam excessui condignam, a Nobis formidabit.

Felicis recordationis olim **URBANUS** Papa VI. pio ductus proposito, omnibus vere pœnitentibus & confessis, Sacro-

Sacrosanctum Eucharistiæ Sacramentum, quando ad infirmos portatur, & reportatur, devote associantibus, centum dies indulgentiarum misericorditer in Domino relaxavit; quod in sermonibus (*quos*) ad populum facere contigerit, Christi fidelibus frequentius insinuare mandamus.

Statuimus insuper, ut nullus Sacerdos hoc Sacramentum in colopedibus transiens tractare præsumat, & cum omni reverentia, cautela & timore illud portet. In nulloque indecenti loco illud ponat, sed ad Ecclesiam de infirmo studeat reportare.

Item quivis Rector Ecclesiæ hortetur plebem suam, ut iis timestive, & jejuni Sacramenta percipiant, nisi periculum mortis aliter exposcat, si immineret.

Item, si Sacerdos aliquid post medium noctis per modum cibi, vel porus sumperit, debet sequenti die penitus a celebratione Missæ abstinere.

Præcipimusque Missas a Presbyteris cum omni cordis puritate, devote, & attente celebrari, verbaque extra Canonem altiori & intelligibili voce proferant, ut possint a circumstantibus audiri: & attendant omnino, ne quid de forma consecrationis tam panis, quam calicis omitatur, verbaque integra consecrationis cum intentione perfecta proferant.

Item pueri carentes usu rationis, qui non possunt fringere inter cibum corporalem & spirituales, ad sumptionem corporis Christi, nullatenus admittantur; cum ad ejus susceptionem requiratur devotio actualis.

Incipientibus autem habere discretionem, etiam ante perfectam ætatem, puta cum fuerint undecim, duodecim, vel tredecim annorum, & alias, quando in illis signa devotionis, discretionis, ac fervor, vel desiderium rationabiliter apparuerint, corpus Dominicum ministratur.

Item caveant Sacerdotes, ne Hostiam, cum qua celebrandum, tam diu conservent, quoad incipiat corrumpi, ac in ea sit aliqua dispositio corruptionis: ex tali enim scienter consciens, peccat graviter propter irreverentiam Sacramenti.

Insuper & corpus Domini nostri JESU CHRISTI usque ad corruptionem

specierum panis nullatenus conservetur, sed ad minus innovetur singulis septimanis, aut quindenis, juxta loci qualitatem: tamen super custodia, & renovatione ipsius Sacramenti curam habens; custoditum sumere, & loco sumpti aliud consecrare, non differat ultra mensem.

Item Sacerdotes sint cauti, quando præparant calicem, ne vinum omnino sit acetum factum, vel acerosum, aut acetum putridum, vel pendulum, seu corruptum, & aqua parum apponatur, ut a vino de facili & totaliter absorbeat.

Item si musca, aut aranea, aut aliud immundum aliquid in calicem ante consecrationem ceciderit, effundatur, & abluto calice de novo præparetur: si vero aliquid horum post consecrationem acciderit, illud caute capiatur, & diligenter lavetur, & comburatur, ablutioque simul cum cineribus ad Sanctuaria in Ecclesia recondatur.

Item, si Sacerdos ante consecrationem corporis Domini percipit; vinum & aquam non esse in calice, debet statim apponere, & consecrare; si vero post consecrationem verborum percipit, quod aqua desit, debet nihilominus procedere, nec debet aquam vino jam consecrato miscere, quia sic sequeretur corruptio Sacramenti: si vero percipit post verba consecrationis, quod vinum non fuerit in calice, siquidem hoc percipiat ante consumptionem corporis Domini, debet deposita aqua, si inibi fuerit, imponere vinum cum alia aqua, & resumere verba consecrationis sanguinis; sed si percipiat post sumptionem corporis, debet apponere aliam hostiam iterum simul consecrandam, cum sanguine, quia si diceret sola verba consecrationis sanguinis, non servaretur ordo debitus consecrandi.

Item si per negligentiam aliquid de sanguine stillaverit super tabulam, quæ solet esse sub pedibus Sacerdotis celebrantis, lingua lambatur, & tabula radatur, & igne comburatur, & cinis juxta Altare condatur; sed Sacerdos pœniteat quadraginta diebus.

Si vero super Altare, interposita palla, stillaverit calix, forbeat minister, & diebus tribus pœniteat. Si super linteam Altaris, & ad aliud linteam stilla pervenerit, quatuor diebus pœniteat, & lintamina,

mina, quæ tetigerit illa stilla, tribus vicibus Sacerdos abluat, calice supposito, & aqua ablutionis sumatur, & juxta Altare condatur; prædictis autem diebus penitentia est injungenda: potest tamen injungi penitentia arbitraria pensatis conditionibus, negotio & causa.

Item si quis per ebrietatem, voracitatem, vel infirmitatem, Eucharistiam evomuerit, debet vomitus ille sumi diligenter, & cremari, & cineres juxta Altare recondi.

Ut Clerici, qui in sortem Domini existunt vocati, obsequium debitum Deo præstent, districtè sub excommunicationis pena, quam in his scriptis ferimus, omnibus subjectis Nobis Clericis secularibus præcipimus & mandamus, quatenus horas Canonicas, reliquumque Officium Divinum, diurnum pariter & nocturnum juxta ordinationem rubricæ Breviarii, quo in Ecclesia nostra Bambergenſi utimur, per totum anni circulum legendo dicant & cantando, non transcurrendo, sincophando, extranea & plerumque vana, profana & inhonesta verba, sive colloquia varia intermiscendo, sed rite & devote, infirmitatis & alia legitima causa sive impedimento cessante.

Missæque juxta confirmationes Beneficiorum & anniversariorum institutionem legere & celebrare, ac anniversarios observare studeant, nec se in illis negligentes constituant, alias ad prædictam ac acriorem pœnas contra tales mandamus procedi.

Volumus ac districtè præcipiendo prohibemus, ne Sacerdotes pro administrandis Sacramentis, vel pro sepultura fidelium, munera quantumcunque modica, a suis subditis exigant aut extorqueant. Ipsi autem Sacerdotibus non interdiciamus, ut si subditi eorum post Sacramentorum administrationem, aut post funerum sepulturam, laudabilem & devotam consuetudinem, pro hujusmodi Sacramentorum administratione a fidelibus introductam, nollent observare, . . . ad hoc officium nostrum, seu Vicarii nostri implorando possint iidem subditi licite coarctari, & prout jus dictaverit, consueta ad persolvendum compelli.

Ad decorem domus Domini, & ad cultum Divini Officii ampliandum, & ut Christi fideles ad Divinorum Officiorum frequentiam, ac etiam de-

votionem salubrius invitentur, statuimus & ordinamus, & nihilominus curatis Sacerdotibus injungimus per præsentem, quod ipsi de cætero in Ecclesiis suis debitis horis quotidie pulſato campæ ad hoc signo, non in cameris suis, aut aliis locis, ut nonnulli ex eis hæcenus facere ex accidentia consueverunt, saltem matutinum & vespertinum officium dicant in iisdem Ecclesiis, cum fieri poterit, nisi eos necessitas, seu impedimentum aliquod ab hoc retrahat & excuset: quia ex ipso abusu plures libri Ecclesiarum hujusmodi furtim asportantur, & etiam deteriorantur graviter; alioquin ipsi Presbyteri ad hujusmodi librorum prædictorum & deterioratorum restitutionem tenebuntur, & nihilominus super eo punientur.

Pastoralis officii nostri cura sollicitè Nos admonet, subditorum nostrorum salutem providere, virtutes plantare, ac vitia & scandala remove. Sane dudum multorum ad Nos veridica relatione pervenit, qualiter transactis temporibus, nonnulli noviter Presbyteri ordinati, in decantationibus, aut celebrationibus suarum primarum Missarum, quas primitias vocant, more secularium nuptiarum, convivia apparaverint, turbamque tam cognatorum, quam aliorum utriusque sexus hominum, Clericorum & laicorum ad convivia hujusmodi invitaverint, propinas receperint, choreas duci, strepitum cum instrumentis musicalibus, & quod plura alia, quæ in dictis secularibus nuptiis vix licite admittuntur, fieri, & exerceri permiserint: quæ omnia & singula Presbyteros ipsos a devotione, quam in prima celebratione Missarum habere præsumunt, magis distrahunt, quam conducunt. Nos igitur abusiones hujusmodi tollere, ipsosque Presbyteros sic celebrantes, a mensarum curis absolutos, devotioni, ac Divino officio magis intentos esse cupientes, in virtute sanctæ obedientiæ mandamus districtissime inhibendo, ne deinceps Presbyteri quicunque, cujuscunque status, ordinis, conditionis, aut dignitatis existant, in aliqua Ecclesia, & Monasteriorum nostrarum civitatis & Diœcesis, suas primitias decantare, aut celebrare volentes, eo die, quo easdem celebrare constituunt, & celebrant, ultra decem personas virilis sexus duntaxat, inter quos etiam sibi ad Altare mini-

ministrantes comprehendere volumus, in prandio, & in cena secum habeat invitatos, propinasque, nisi ad altare oblatas, non recipiat, aut imbuatur, neque choreas juxta sæcularium nuptiarum morem apud se coram eo duci, aut fieri faciat, ducat, aut ab aliis fieri permittat, sub suspensionis a Divinis officiis poena, quam contrafacientes incurrere volumus ipso facto.

Idem in inthronisationibus Monialium in Monasteriis Monialium nostræ Diœcesis, quoad personarum invitandarum numerum, & propinas volumus observari: ne, cujuscunque conditionis, aut status existat, in inthronisatione sua propinas recipiat, ut ultra numerum præactum utriusque sexus homines secum invitatos habeat, aut adducat sub poena suspensionis a Divinis officiis prædicta. Nonnulli, ut plurimorum relatione accepimus, tam Clerici, quam laici, præsertim in certis festis, dum in Ecclesia orationi insistere deberent, non verentur in ipsis, earumque cœmeteriis choreas facere, actus dissolutos exercere, ac etiam interdum canere cantilenas, seu confabulationes illicitas facere, ac multas insolentias perpetrare, ex quibus ecclesiarum & cœmeteriorum violationes, inhonestas, variaque delicta quandoque sequuntur, ac Ecclesiasticum plerumque perturbatur officium, in Divinæ Majestatis offensam, & altantium scandalum populorum. In multis etiam Ecclesiis cum vasis, vestimentis, & cæteris ornamentis, ad Divinum cultum necessariis, indecentibus, pensatis utique earum facultatibus defervitur: quæ omnia & singula præsentibus interdiciamus, & firmiter prohibemus.

Inhibemus etiam, ne Plebani, vel Sacerdotes aliqui excommunicatis a Domino Papa, vel Nobis, aut Judice ordinario, seu delegato, ante obtentum absolutionis Beneficium, in festivis vel privatis diebus, de cætero introitum Ecclesiæ indulgeant, vel eos recipiant ad Divina, cum ante absolutionem excommunicationis vinculum non possint ad tempus suspendere, ne sine peccato medio tempore possit eis, nisi in certis casibus, communicari: qui vero contrarium fecerit, ipso jure ab officio sit suspensus.

Tomus V. Concilior. German.

Insuper districte præcipimus, ne ullus Presbyter sine Scholare, five ministrante, sibi in Missa respondente, Missam audeat celebrare: in elevatione corporis Dominici campana pulsetur, ut in Nomine JESU omne genu flectatur.

Execrabilis & detestanda aliquorum negligentia nostrum turbavit auditum, quod in plerisque Monasteriis regularibus ad hoc fundatis, horæ Canonicae, & alia Divina officia interdum nullatenus, vel saltem raro, negligenter, incomplete, & inordinate decantantur, seu peraguntur.

Quodque nonnulli Ecclesiarum Ministri, modestia ordinis Clericalis abjecta, non considerantes, quod Beneficium datur propter officium, horas Canonicas dicere, seu psallere negligunt, in Divinæ Majestatis offensam, ac scandalum plurimorum. Ne igitur transgressores invalescant hujusmodi, aliisque veniant in exemplum, districte præcipiendo mandamus, ut in omnibus & singulis Ecclesiis Collegiatis, ac Monasteriis regularibus virorum & mulierum, Nobis subjectorum, ad hoc fundatis & dotatis, singulis diebus officium Divinum, diurnum pariter & nocturnum horis debitis, sollemniter cum nota in spiritu humilitatis, devote, rite, ordinate, distincte, & laudabiliter psallatur, & decantetur.

In præmissis vero negligentes, culpabiles, inobedientes, seu rebelles, cujuscunque fuerint status, conditionis, ordinis, vel dignitatis, decernimus per censuram Ecclesiasticam, ac subtractionem reddituum & proventuum suorum, ac alias secundum qualitatem delicti graviter puniendos. Et quia Superioris negligentia, quæ dum spem impunitatis permittit, multam pestilentiam in subditos nutrire consuevit: idcirco omnibus illis, ad quos id pertinet, districte, & in virtute sanctæ obedientiæ injungimus, & mandamus, ut omni negligentia & injuria penitus relegata, circa reformationem præmissa, & eorum singula corrigenda sollicitam curent diligentiam adhibere, alioquin Nos eorum negligentiam, pro ut justum fuerit, puniemus.

Cum Sacrorum Canonum sanxerit auctoritas, quod nullus Sacerdos Divina Missarum Solemnia debeat in Altari

portatili, vel viatico celebrare : ideo Rectoribus Ecclesiarum, & universis Clericis nostrarum civitatis & Diocesis, firmiter in virtute sanctæ obedientiæ, ac sub excommunicationis sententiæ, quam in his scriptis ferimus, pœna præcipiendo mandamus, ne in hujusmodi viaticis altaribus, absque nostro speciali indulto, celebrent, aut alios Presbyteros sæculares, vel regulares patiantur aliquatenus celebrare.

TIT. XXXIV. *De Baptismo.*

Baptismus omnium Sacramentorum janua est; ideo de ejus forma etiam mulieres instruantur, ut tempore necessitatis, quando pueris natis imminet periculum mortis, ipsos valeant, absensibus Presbyteris, rite baptizare. Et dicant sine additione, & diminutione videlicet: N. Ego te baptizo in nomine Patris, & Filii, & Spiritus Sancti, amen: & est expectandus totalis partus ab utero: ubi autem periculum mortis timeretur, egressa parte principali, & capite, in quo operationes animæ magis manifestantur, baptizetur infans.

Item pueri, quantocius fieri poterit, baptizentur, ne debilitate morte præveni damnentur. In hyeme aqua calefacta competenter infans baptizari potest. Inhibemus etiam, ne Rectores Divinarum, sicuti, ut accepimus, aliqui facere solent, Dominicis diebus post Pascha usque ad Pentecosten, cum fonte Baptismatis populum aspergere præsumant; sed cum aqua benedicta, ad hoc similiter sicut aliis diebus Dominicis benedicenda, populum fidelem aspergere debeant.

Docere igitur Sacerdotes debent tam mares, quam feminas in necessitate parvulos baptizare, in forma præscripta in suo idiomate. Et quod patres & matres infantes proprios, si summa necessitas exigit, poterunt baptizare; & si Sacerdotes super hoc diligentius inquirentes, debitam formam servatam in Baptismate invenerint, quod factum est approbent, supplentes circa Baptizatum quoad unctionem olei in pectore, & in scapulis, & Chtismatis in vertice, quod a laicis est obmissum.

Si autem in Baptismate debitam formam non invenerint observant, non

differant pueros baptizare: si autem de Baptismo alicujus dubitetur, tunc baptizetur sub hac forma: Si es baptizatus, non te baptizo: si non es baptizatus, ego te baptizo in Nomine Patris, & Filii, & Spiritus Sancti. Hæc tamen fiant, sicut in libris continentur.

Sciant etiam Sacerdotes, quod, si laicus (cum) baptizat, ex simplicitate, non causa introducendi errorem, dicat: ego te baptizo in nomine Sancti Patris, Sancti Filii, Sancti Spiritus; quod non est re-baptizandus puer, cum quis illud apponit, quod necesse est intelligi: Pater enim est Sanctus: unde in Johanne: Pater Sancte serva eos &c. Filius Sanctus est: unde in Luca: Quod enim ex te nascetur Sanctum, vocabitur Filius Dei. Et Spiritus Sanctus est: unde ibidem: Spiritus Sanctus superveniet in te. Hoc probat Augustinus per hoc, quod dicitur ter Sanctus, & in Isaia, & in Apocalypsi.

Si quod autem aliud interpositum fuerit, non est baptizatus: si autem in fine apposuerit aliquid causa devotionis, & ex simplicitate, non intendens per hoc baptizare, videlicet: Sanctæ Mariæ, & Sancti Johannis, & Sancti Petri &c. baptizatus est. Si autem intendit per hoc baptizare, non est baptizatus.

Item pro Baptismo nihil exigatur, sed, si quid offeratur gratis, accipi, & consuetudo introducta observari potest. Prohibetur etiam per præsentem, ne quis de cætero in aulis & cameris, aut aliis privatis locis, seu domibus, sed duntaxat in Ecclesiis, quæ ad id sunt deputatæ, aliquos, nisi Principum, quibus valeat in hoc casu deferri, liberi extiterint, aut talis necessitas emerferit, propter quam nequeat ad Ecclesiam absque periculo propter hoc accessus haberi; audeat baptizare; qui autem secus attentare præsumpserit, aut suam in hoc præsentiam exhibuerit, taliter per Nos punietur, quod alii similia attentare non præsumant.

TIT. XXXV. *De Custodia Eucharistia.*

Statuimus, ut in Ecclesiis Eucharistia, & Chrisma, nec non aqua Baptismalis, ac singula ad Divinum cultum spectantia, ne ad ea nefanda manus extendi

tendi valeat, sub fideli custodia, adhibitis clavibus solenniter & diligenter conserventur.

Ordinamus insuper, ut mulieres sacra vasa contingere, & ad altare Sacerdotibus ministrare non præsumant. Statuimus, ut vasa ministerii, & sacra vestimenta, nec non locus Sacramenti, ac Reliquiarum, ac corporalia munda teneantur; cum autem corporalia fordida fuerint, non nisi per Sacerdotes intra Sacrarum abluantur. Itaque vestimenta & corporalia vetustate consumpta, ad humanos usus nullatenus redigantur, sed incendio tribuantur, & cineres, ut moris est, conserventur.

TIT. XXXVI. De Reliquiis, & Veneratione Sanctorum.

Ne in debita veneratione Sanctorum quisquam nostræ civitatis & Diocesis a nostra majori Ecclesia valeat deviare, Festivitates per anni circulum per populum Nobis subiectum solenniter celebrandas, & quæ ab olim ipsa nostra Ecclesia & populus solenniter celebravit, præsentibus duximus annectendas. Mandantes, quatenus festivitates ejusmodi, & nullas alias, sine nostra speciali auctoritate & licentia populo nostro celebrandas aliquatenus de cætero indicatis. Festum videlicet Nativitatis Domini nostri JESU CHRISTI, Sancti Stephani Proto-martyris, Sancti Joannis Apostoli & Evangelistæ, Sanctorum Innocentium, Circumcisionis, Epiphaniæ Domini, Conversionis S. Pauli, Purificationis B.M. Virg., Cathedræ Petri, Mathiæ Apostoli, Sanctæ Cunigundis Imperatricis obitus, Annuntiationis B. M. Virginis, Resurrectionis Dominicæ cum tribus diebus sequentibus, Sancti Georgii Martyris, Sanctorum Apostolorum Philippi & Jacobi, Inventionis Sanctæ Crucis, Joannis ante Portam latinam, quæ est dies Dedicationis nostræ Ecclesiæ Bambergensis, Ascensionis Domini, Pentecostes cum tribus diebus sequentibus, Ss. Trinitatis, Corporis Christi, S. Viti, Nativitatis Sancti Joannis Baptistæ, Ss. Apostolorum Petri & Pauli, Visitationis B.M. Virg., S. Kiliani, Obitus S. Henrici Imperatoris, S. Mariæ Magdalænæ, S. Jacobi Apostoli, S. Petri ad Vincula, S. Laurentii Martyris, As-

Tomus V. Concilior. German.

sumptionis B. Mariæ Virginis, S. Bartholomæi Apostoli, S. Ægidii Confessoris, Nativitatis Mariæ, Translationis S. Cunigundis, S. Mathæi Apostoli & Evangelistæ, Michaelis Archangeli, Translationis S. Ottonis Episcopi, S. Dionisii & Sociorum ejus, Ss. Apostolorum Simonis & Judæ, omnium Sanctorum, Martini Episcopi, Præsentationis B. Mariæ Virg., S. Catharinæ, S. Andreæ Apostoli, S. Nicolai Episcopi, Conceptionis B.M. Virg., S. Thomæ Apostoli, Anniversarius Dedicationis, & Festivitas Patroni cujuslibet Ecclesiæ, dies quoque singuli Dominici per anni circulum currentes.

TIT. XXXVII. De observantia Jejuniorum.

Ad hæc etiam prohibemus, ne quis adultus pariter & discretus ordinaria & statuta jejunia, utpote Quadragesimæ temporis, & Vigiliarum, præsumat infringere, nec non hujusmodi etiam quatuor temporum jejunia, propter voriva & extraordinaria, quis violare præsumat, cum tale damnum tali lucro Deus non sit recompenfare. Reprobamus similiter pravam quorundam consuetudinem, qui sextam feriam violant, sabbatho, quarta feria, vel alio die in hebdomade jejunantes: de cætero hoc fieri districte prohibemus.

Universis & singulis Ecclesiarum Parochialium, & Divinorum Rectoribus, ac Verbi Divini Prædicatoribus, nec non Curatis per civitatem & Diocesim nostras Bambergens., ubilibet constitutis notificamus, quod dudum, ut accepimus, successive ad Illustrium Principum Dominorum GEORGII & OTTONIS, Comitum Palatinorum Rheni, ac Baviaræ Ducum: nec non providorum virorum Magistrorum Civium, & Consulatus oppidi Bamberg.: nostræ Bambergensis civitatis & Diocesis instantias, seu petitiones, omnibus & singulis Christi fidelibus, utriusque sexus hominibus, etiam in hujusmodi nostra Diocesi Bambergensi sub eorum temporali Domino constitutis, ut Quadragesimalibus, & aliis diebus, quibus butyri, & aliorum lacticiniorum usus est prohibitus, butyro, & aliis lacticiniis vesci, ex certis causis tunc expressis, sub certis modis & formis, a

l i i i 2

Sancta

Sancta Apostolica Sede inductum sit & concessum. Nos attendentes causam & rationes, ob defectum crescentiæ olei olivarum pro huiusmodi indultis obtentis expositas, non minus in civitate & tota Dicecesi nostra Bambergensi prædicta, quam in illius partibus militare, deformitatem, & disparitatem, sive differentias tollere, cæterorumque subditorum nostrorum, in prædictis indultis non comprehensorum commoditatibus amplius consulere volentes, ut omnes in dictis nostris civitate & Dicecesi constituti, unius cultus, quoad præmissa, ad parem etiam observantiam inclinentur, pridem similiter pro universis & singulis Christi fidelibus, utriusque sexus hominibus, tam Clericis, quam laicis prædictarum nostrarum civitatis & Dicecesis Bambergensis in supra dictis indultis concessionibus non comprehensis, ut etiam in Quadragesimalibus, ac aliis diebus, in quibus butyri, & aliorum lacticiniorum esus ex præcepto Ecclesiæ, vel consuetudine est prohibitus, butyro, & aliis lacticiniis absque scrupulo conscientiæ, uti, & vesci libere & licite valeant, de consensu & voluntate Venerabilium, in Christo nobis sincere dilectorum, Præpositi, Decani, & Capituli Ecclesiæ nostræ Bambergensis, a dicta Sede Apostolica gratiose indulgeri, & concedi obtinuimus, & impetravimus; ita tamen, quod indultis gratis, concessionibus, & impetrationibus nostris huiusmodi, uti volentes, tam Clerici, quam laici, si in singulis eorum bonis ultra valorem ducentorum florenorum Rhenensium habeant, octo; si vero minus, quam ducentorum florenorum, ut præfertur, habeant, quinque denarios monetæ nostræ usualis currentis, loco poenitentiae salutaris, quolibet anno, quo indultis huiusmodi uti voluerint, ad certos truncos, sive loca per Nos deputandos, sive deputanda, erogare, & imponere teneantur: qui denarii sic impositi ad laudem Omnipotentis Dei, & Divini cultus augmentum, & non ad alios usus converti debeant, prout & quemadmodum, in litteris Apostolicis, desuper confectis & emanatis, quas alias in valvis dictæ Ecclesiæ Bambergensis publicari fecimus, & mandavimus, præsentibusque pro expressis haberi volumus, præmissa omnia & singula latius continentur.

Quæ omnia & singula in & ad subditorum nostrorum notitiam deducere volentes: vobis omnibus & singulis supradictis in virtute sanctæ obedientiæ & sub excommunicationis poena districtè præcipiendo mandamus, quatenus indulta, & concessionis Apostolicas, & impetrationes nostras huiusmodi in omnibus Ecclesiarum & Capellarum Vestrarum, quolibet anno singulis Dominicis proximis ante angarios & quatuor tempora, ac quando Esto mihi, ante carnisbrivium, & Invocavit, in capite jejunii in Ecclesia Dei officia cantantur, diebus solenniter, ac diligenter publicetis, ac Christi fideles, & populum vestrum desuper fideliter informare studeatis.

TIT. XXXVIII. De Ecclesiis adificandis.

Ut Domus, ac Ecclesiæ, & Capellæ ad Omnipotentis Dei, Gloriosissimæque Virginis Mariæ, & Sanctorum decorem, gloriam & honorem, ædificatæ, fabricatæ, consecratæ, illæ & illibatæ perpetuo conserventur; sub excommunicationis poena inhibemus, ne quis Ecclesiam, seu Capellam, aut muros eorundem, seu characteres in eisdem factos, sive Altare aliquod temere infringere, vel sine speciali nostra licentia rumpere, violare, destruere, aut demoliri, vel præmissa facere, aut fieri mandare præsumat: contrafacientes sententiam prædictam, quam in his scriptis ferimus, ipso facto subiacere & incurrere volumus: nec sub eadem poena quis novam Ecclesiam, sive Capellam sine nostra huiusmodi licentia, aut Vicarii nostri, in nostris civitate & Dicecesi erigere, construere aut ædificare, aut signa forsan simulare, aut alias facta tanquam vera approbare, seu acceptare, aut peregrinis signa peregrinationis assignare præsumant.

Statuimus, ut Administratores, Magistri fabricæ, vel hi, qui Ecclesiarum bona & pecunias ad fabricam deputatas administrant, vel quibus commissa cura est fabricæ, sive Clerici, sive laici existant, cum aliena negotia gerant, debeant singulis annis inter Pascha & Festum Ascensionis Domini, aut alio tempore Plebano pro tempore, & aliis, quorum interest, de omnibus & singulis perceptis & distributis rationem reddere, ut bona & res ad fabricam Ecclesiæ cuiuslibet depu-

deputata, vel ex Christi fidelium elemosynis collecta, ad necessarios usus ædificiorum, & ornamentorum convertantur. Injungimus insuper prædictis administratoribus, sive Magistris fabricæ, quod in suo officio fideles existant, veluti Deo, cujus res tractant, rationem reddere habent. Quodque attendant circa domorum Dei ædificationes & ornamentorum, ac aliorum defectus, ut juxta earum facultatem & qualitatem decorentur.

Si vero quisquam ex privatis Magistris fabricæ, aut Ecclesiæ viticis negligens repertus fuerit, vel singulis annis, ut supra, rationem reddere recusaverit, hunc debeat & possit Plebanus, seu Rector Ecclesiæ, intra cujus limites hoc contingit, per Sacramentorum subtractionem, aut aliam Ecclesiasticam penam constringere, vel ad nostram aut Vicarii nostri audientiam deferre: in his autem, quæ hospitalibus vel leproforiis, aut orphanotrophiis præfunt, tam circa reddendam rationem, quam in aliis eorum administrationem & necessitatem tangentibus, statutum Viennensis Concilii & juris communis dispositionem in nostris civitate & Diocesi præcipimus observari.

TIT. XXXIX. *De Immunitate Ecclesiarum & Cemiteriorum.*

Præcipimus, sub pœna suspensionis latæ sententiæ, ut si ab aliquibus laicis prædam, spoliū, sive rapinam spirituum Personarum, seu etiam aliquam Ecclesiasticam Personam captivam ad aliquem locum adduci contigerit, Sacerdotes & Capellani eorundem locorum, postquam hoc sciverint, nullo alio expectato mandato a Divinis cessabunt.

Statuimus etiam pro utilitate subditorum nostrorum, Ecclesiasticarum videlicet Personarum, quod non solum in locis, ad quæ dictum spoliū sive persona deducetur; verum etiam in illis locis, in quibus res Ecclesiasticarum Personarum, absque nostro, aut Judicis Ecclesiastici competentis (mandato sc.) occupari, arrestari, detineri, auferri, seu distrahi, etiam domus earum, sive quæcunque ædificia, demoliri contigerit, in eisdem locis cessetur ab Officiis Divinorum.

Ad detestabilem malignorum audaciam ac insolentiam, temeritatem compescendam, & ut Ecclesiarum libertas observetur, sub excommunicationis pœna, quam ferimus in his scriptis, districte præcipiendo inhibemus, ne quis in Ecclesiis, Capellis, seu loco Sacro, insolentias, exclamationes, seditionem, impetum, aut tumultum facere, seu immunitatem violare, aut Ecclesiis, vel Ecclesiasticis Personis *Talias*, collectas, sive onera imponere, aut servituti laicali, aut ditioni submittere, vel subicere, aut subiaci arctare præsumat: sed ab omnibus prædictis, quibuslibet aliis illicitis actibus, etiam societatibus, foedis negotiationibus, nundinis & mercantiis in eis habendis, seu faciendis, aut ad alias, seu illa confugientibus extrahere, vi depellere, aut amovere cessent, & penitus se abstineant; contra vero facientes ultra pœnam prædictam acrius puniri mandamus.

TIT. XL. *De Sponsalibus & Matrimonii.*

Clandestina matrimonia sub pœna excommunicationis fieri prohibemus, & per Plebanos inhiberi sub eadem pœna mandamus, sed in facie Ecclesiæ fiant. Si vero aliqua dubia super matrimoniis, & quibuscunque aliis Sacramentis emergerint, Sacerdotes ad Nos referant, recepturi consilium salutare. Plebanique in prædicationibus doceant & observent hanc formam in matrimonio, quod coram hominibus fide dignis vir dicat mulieri: Recipio te in meam legitimam uxorem: & vice versa mulier dicat: Recipio te in meum legitimum maritum. Cum multa ex inthronisatione nubentium temporibus a jure prohibitis cum pompis, & insolitis actibus secularibus, alias etiam plurima exinde oriuntur scandala, quibus obviare cupientes, sub latæ sententiæ excommunicationis pœna quibuscunque Parochialium Ecclesiarum Rectoribus, seu eorum locum tenentibus, cæterisque Presbyteris & Beneficiatis nostrarum civitatis & Diocesis mandamus, eisque districte inhibemus, ne deinceps aliquos nubentes temporibus a jure, seu consuetudine prohibitis inthronificare, seu sic alias etiam alibi, quam in suis Parochiis, ut antea, nisi de expressa licentia nostra eis

offensa, aut data inthronisatos, ad Ecclesiam, vel Divina admittere, aut illis celebrare, vel Sacramenta Ecclesiastica ministrare præsumant; omnemque solennitatem & pompam huiusmodi temporibus in matrimonii fiendam penitus prohibentes; Tempora autem prohibita sint hæc: a prima Dominica Adventus Domini usque ad octavas Epiphaniæ Domini inclusive. A Septuagesima usque ad octavas Paschæ, similiter inclusive; in hebdomade Litaniæ majoris, item Festo S. Marci, nec non a Dominica, qua cantatur: Vocem iucunditatis, quæ proximior est ante Festum Ascensionis Domini & Rogationum, usque ad octavas Corporis Christi etiam inclusive.

Statuimus, ut matrimonium cum reverentia & honore in conspectu Ecclesiæ celebretur; si autem matrimonium fuerit contrahendum in Ecclesiis publice, per Presbyterum Dominicis & Festivis diebus publice proponatur, ut, si quod impedimentum matrimonii contrahendi aliqui noverint, infra terminum competentem, ab ipso Presbytero præfigendum, in facie Ecclesiæ sine difficultate illud revelent.

Excommunicationis quoque sententiam in genere proferimus in omnes huiusmodi impedimentum celantes. Si quis autem, non præmissa denuntiatione, clandestina & interdicta conjugia inire præsumpserit, etiam ignoranter, soboles de tali conjunctione suscepta illegitima est censenda.

Parochialis etiam Sacerdos tales conjunctiones si prohibere contempserit, aut quilibet etiam Regularis, qui eis præsumpserit interesse, per trium dierum spatium ab officio suspendatur.

TIT. XLI. De Cognatione Spirituali.

Cum in jure inter personam baptizata, & illum, qui eam suscepit, ac inter eandem baptizata personam & suscipientis filios, & uxorem ante conceptionem huiusmodi carnaliter cognitam ab eodem, nec non inter suscipientem patremque baptizati & matrem, cognatio intercedat spiritualis, quæ matrimonium impedit contrahendum & dirimit post contractum: hæc quoque jam dicta

de suscipiente, sunt etiam de baptizante censenda. Præterea, quia ex confirmatione, seu frontis Chrismatione Spiritualis cognatio eisdem modis contrahitur, matrimonia similiter impediens contrahenda, & dirimens post contracta; idcirco præsentis statuti, & dicti juris auctoritate huiusmodi spirituales cognatos matrimonium invicem contrahere districtius inhibemus.

TIT. XLII. De Consanguinitate & Affinitate, ex Concilio Vicensi.

Eos, qui Divino timore postposito, in suarum periculum animarum scienter, in gradibus consanguinitatis, vel affinitatis, constitutione canonica interdictis, aut cum monialibus contrahere matrimonialiter non verentur; nec non Religiosos & Moniales, aut Clericos in Sacris Ordinibus constitutos, matrimonia contrahentes excommunicationis sententiæ decernimus subiacere ipso facto: præcipientes Ecclesiarum Prælati, ut illos, quos ea constiterit taliter contraxisse, excommunicatos tamdiu publice nunciarent, seu a suis subditis faciant nunciari, donec suum humiliter recognoscens errorem, separentur ab invicem, & absolutionis Beneficium habere mereantur.

TIT. XLIII. De Simonia.

Quoniam inter Ecclesiastica crimina Simoniaca pravitas primum locum obtinet: ideo eandem hæresin extirpare volentes scripto præsentem excommunicamus omnes & singulos vendentes Ecclesiastica Sacramenta, videlicet Baptisma, Eucharistiam, Unctionem extremam, Pœnitentiam, & alia Sacramenta, nec non Ecclesiasticam Sepulturam, seu Beneficium Ecclesiasticum: illos sententia nostra complectentes, qui aliquid prædictorum negligunt, vel differunt impendere, quo usque pecunia, vel æquivalens pecuniæ detur, aut promittatur, seu desuper quomodolibet pactum fiat. Gratis enim & absque omni pacto, dona & Sacramenta prædicta debent exhiberi, nec prætextu alicujus quantumcunque longævæ consuetudinis, imo potius corruptelæ, antequam impendantur, aliquid exigi per-

permittimus vel pacisci; licet eis exhibitis, volumus, prout de jure cautum est, consuetudines antiquas observari.

Interdicimus etiam Judicibus Ecclesiasticis Ordinariis, delegatis arbitris, & compromissariis quibuscunque in nostra civitate & Dicecesi, ne Dei timore postposito, & legum, & Canonum suspensionem non curantibus per sortes & pactiones alias illicitas, de danda sibi pecunia, vel alia re temporali, vel alia promissione quacunque interveniente, sententias, vel pronuntiationes quascunque in causis istis, quas nobis reservamus, autoritate quacunque audeant proferre.

Nec dolum, seu fraudem contra hujusmodi salutare nostrum interdictum adinvenire præsumant; alioquin omnes contrafacientes, salvis aliis poenis a jure statutis, excommunicationis sententiam, quam, ex nunc & in his scriptis ferimus, incurere volumus ipso facto.

TIT. XLIV. De Judæis.

Statuendo præcipimus, ut in universis civitate, oppidis, castris & villis nostris gens Judæorum, quam habitare in nostris Dominiis videmus, etiam utriusque sexus, talia signa & habitum, quibus, seu per quæ, sine qualibet ambiguitate a Christiano populo distinguatur, sibi eligat, ac ferat manifeste.

Judæi etiam mancipia Christiana dimittant, alioquin cum omnibus locis, ubi Judæi statuto dicto obedire nolentes, habitare, vel domicilia obtinere nesciunt, in poenam Christianorum potentum, tamdiu cessent a Divinorum Officiis, donec per Nos prædicta gens misera, ac perfida ad observationem præmissorum omnium compellatur. Ipsi autem Judæi per Nos indirecte per subtractionem communionis fidelium excommunicationis sententia compellantur. Si quis vero de gente prædicta in die Parasceves visus fuerit in platea, vel per ostium domus suæ prospicere, vel per fenestras, ad quod probandum duorum Christianorum stabitur iuramento; Nobis & Præfecto, vel Advocato loci, ubi hoc fieri contingeret; in marca argenti poenæ nomine teneatur, cujus solutionem & omnes dependentes eum per excommunicationis sententiam compellemus.

Et ne quis Christianus hujus statuti ignorantiam valeat allegare, universis Ecclesiæ Rectoribus, per civitatem & Dicecesin nostras constitutis, in quorum Parochiis Judæos morari contingit, sub poena excommunicationis sententiæ latæ præcipimus firmiter & districte, ut quilibet in sua Parochia singulis diebus Dominicis, singulorum quatuor temporum immediate sequentibus, infra Missarum solennia publice præfatum nostrum statutum lingua materna exponere non omittat.

Cum Judæis sint prohibita, & interdicta mancipia Christiana; volumus & præcipimus, ut Plebani & alii Rectores Ecclesiarum, ubi sunt domicilia eorum, diebus Dominicis omnes de fide Catholica Judæorum nutrices & servientes denuncient excommunicatione ligatos; excommunicatos etiam denuncient omnes alios Christianos, qui apud Judæos pecuniam suam locant, ut a Judæis usuram recipiant, vel ut Judæi eandem mutuent ad usuram.

Si vero Sacramenta ante domus Judæorum deferri contigerit, ipsi Judæi audito sonitu prævio, intra domus suas se recipiant, & fenestras, ac ostia sua claudant; hoc etiam in qualibet die Parasceves per Rectores Ecclesiarum facere compellantur. Nec præsumant de fide Catholica Judæi cum simplicibus disputare: nec Christianos in Judaïsimum alliciant, aut aliquem aut temerario circumcidant. Nec filios aut uxores Judæorum ad viam Christianorum venientium, & suscipientium audeant decinere. Nec Christianos infirmos visitent, vel circa ipsos quovismodo opera medicinæ exercent.

TIT. XLV. De Hæreticis.

Detestamur sectas universas, quibuscunque etiam nominibus censeantur, omnesque vanas & superstitiosas observantias, divinationes videlicet, & sortilegia, artemque maleficam & pythoniissarum; quibus decepti homines putant bona provenire, vel mala posse evitari, ad hunc quandoque perducuntur errorem, ut credant, verbis, sive fictis benedictionibus, aut certis ligaturis, carac-
teribus & observantiis posse homines,
vel

vel pecora curari, & a languoribus conservari. Quod quidem pestiferum genus e vulgo eradicare cupientes, statuimus, ut deinceps, quicumque Presbyter vel Clericus talem reperiat, cujuscunque conditionis hominem, sive Clericum, sive laicum prædictis erroribus involutum, aut præmissis vel incantationibus dæmoniacis, vel superstitionibus magicis qualitercunque utentem, & in penitentiali foro hoc crimen cognoverit, ad Nos, seu Vicarium, aut Commissarium nostrum, ad absolvendum remittat: quoniam omnia præmissa prohibemus, & nisi de commissis satisfaciatur, & desistat, eum & omnes facientes, consentientes, & auxiliantes, ipso facto excommunicationis sententiæ, quam in his scriptis ferimus, innodamus.

Item quod nullus, sive Clericus, sive laicus ausus sit, damnabili præsumptione publice prædicare, vel occulte docere & tenere, quod Sacerdos in peccato mortali existens non possit conficere Corpus Christi, sive sic ligatus suos subditos a peccatis absolvere, vel ligare queat. Sic ergo prædicans, docens, & credendo tenens, pro hæretico & incredulo habeatur, quem errorem hujus Sanctæ Synodi approbatione damnamus, anathematizamus & penitus reprobamus; nam quæ Sancta sunt, inquinari non possunt, nec Sacramenta hominum malitia profanantur. Præterea sive bonus, sive malus sit minister, per utrumque effectum Deus confert. Licite ergo a quocunque alias idoneo Sacerdote Divina audiantur, & Ecclesiastica ministeria, & Sacramenta recipiantur. Insuper volumus, & in virtute sanctæ obedientiæ districte præcipiendo mandamus, ut omnes Plebani & Ecclesiarum Rectores, seu Vicarii nostræ Diocesis, omnes hæreticos, fautores eorum, receptores & credentes eorum opiniones, nec non & defensores eorum, denuncient, ad minus semel in anno, excommunicationis sententiæ subjacere, præsertim etiam in hebdomada sancta, & nihilominus eos omnes, cujuscunque conditionis, aut status existant, tales esse scientes, vel ex verisimili conjectura, aut alia suspitione probabili, si eosdem publice non accusaverint, seu denunciaverint, vel si publice non auderent metu personæ, aut rerum, aut Plebano, Re-

ctori, seu Vicario loci, ex quacunque causa secure detinere non possent, ad nostram hoc notitiam non detulerint, tanquam fautores & conservatores eorum, quos ex nunc excommunicamus in his scriptis, volumus prædicto tempore nunciari.

TIT. XLVI. *De Apostatis.*

Apostatam, habitu suo dimisso vagantem, cum ipse excommunicatus sit ipso facto, jure nullus admittat quomodolibet ad Divina, imo tanquam excommunicatus vitetur & mandetur ab aliis districtius evitari. Et Nobis, aut nostro in Spiritualibus Vicario, si commode fieri poterit, præsentetur debita poena puniendus.

TIT. XLVII. *De Raptoribus.*

Provide Personas Ecclesiasticas in suis libertatibus juxta Canonicas Sanctiones, ut nostrum debitum ad id Nos adstringit, confovere volentes, præsentis constitutione firmiter prohibemus, ne de cætero quisquam in Personas Ecclesiasticas manus sacrilegas mittere, aut sine nostra speciali licentia easdem capere, vel tenere, aut carcerali custodia mancipare præsumat: & cum tales temerarii præsumptores excommunicati de jure ipso facto existant, in quos & Nos in his scriptis sententiam excommunicationis ferimus, mandamus eosdem præsumptores in omnibus & singulis Ecclesiis nostrarum civitatis & Diocesis, quam primum de hujusmodi facinore eis constiterit, excommunicatos denunciari nominatim intra Missarum solennia coram plebe, singulis diebus Dominicis & Festivis, nullo super hoc alio mandato expectato, tandiu donec de eorum absolutione constiterit evidenter: & in loco, ubi Clericus detinetur incarceratus, interdictum strictissime observari, & a Divinis cessari volumus. Plebani vero, in quorum Parochiis talia crimina committuntur, quanto magis poterint, ad Nos deferant; ut contra ipsos malefactores, si eorum protervitas, ac commissi criminis qualitas exegerit, arctius procedamus.

Ad nostram pervenit notitiam, quod nonnulli laici, Advocati, Officiales, Justicarii & alii seculares nostræ Diocesis, & etiam in terris, & locis aliis nostræ diocesi sub-

subjectis, Abbates, Præpositos, Decanos, Parochialium Ecclesiarum Rectores & Beneficiatos etiam quoscunque, tam in vitam quam in morte, rebus & bonis suis spoliare, fructus sequestrare, imo etiam adhuc, ut percipimus, viventes & aliquando agonizantes, vel ipsis mortuis, eorum cadavera, quod abominabile est, quandoque subitus strata in palea locare, lectos, supellectilia, vestes & res alias eorundem Clericorum auferre, & illa sibi temere usurpare, eisque ab intestato, vel testatis succedere, seu eorum testamenta infringere in Dei offensam, & læsionem immunitatis Ecclesiasticæ, animarum suarum periculum, & scandalum plurimorum (*presumant*). Nos igitur Ecclesiarum & personarum earundem sollicitam curam habentes contra ausus talium & conamina, opportunum remedium apponere cupientes, & ut res prædictæ in iuribus & libertatibus suis non lædantur: statuendo strictissime inhibemus omnibus & singulis Militibus, militariibus, Advocatis, Capitaneis, Officialibus, oppidorum, castrorum & villarum Communitatibus, Scultetis, Consulibus, Proconsulibus, Judicibus, Præconibus, & aliis laicis, quibuscunque nominibus censeantur, nostræ jurisdictioni subjectis, ne de cætero bona, seu res personarum Ecclesiasticarum, præsertim Rectorum Parochialium Ecclesiarum, Capellarum, Altarium, seu Beneficiariorum quorumcunque & Clericorum singulorum, quæ omnino debuerunt, debent, & debebunt esse libera in morte & in vita, in vita, vel post eorum mortem, seu decessum, propria voluntate, seu potius remeritate tollere, recipere, violentiam inferre, impedire, occupare, sequestrare, vel quovis modo usurpare, aut se de illis intrudere, seu ab intestato succedere prætere, aut eorum testamenta infringere præsumant, aut quilibet eorum præsumat. Quod si quis prædictorum, cujuscunque etiam status, ut præmittitur, extiterit, præsens nostrum statutum violaverit, aut contra fecerit; nisi intra triduum, post hujusmodi sacrilegium commissum immediate sequens, restitutionem omnium & singulorum bonorum & rerum ablatarum, receptarum, occupatarum, usurpatarumque, ac relaxationem cum effectu fecerit, & curaverit fieri, seu de præmissis omnibus

& singulis destiterit, excommunicationis sententiam ipso facto, quam præsentibus ferimus, elapsis tribus diebus eo ipso incurrant.

Statuimus, & sub pena excommunicationis, quam transgressores incurere volumus, districtè, ut supra notatum, & præcipiendo mandamus, ut non solum in terminis, & locis, in quibus Clericum, sacros Ordines habentem, & pro Clerico se gerentem, contigerit temere captivari, sed etiam in terminis & locis nostræ Diocesis, in quibus quempiam talium detineri constiterit, ipso facto cessetur ab officiis Divinorum.

Specialiter autem in omnibus locis illis, in quibus captivatores, & eorum complices in maleficio, ipsis consilium, auxilium, vel juvamen præstantes, domicilium obtinent, & sive de facto, sive de jure jurisdictionem exercent, aut ubi habent receptaculum, fervetur strictissime Ecclesiasticum interdictum, ita videlicet, quod corpora mortuorum, ad Ecclesiasticam sepulturam nullatenus admittantur; quinimo, si per violentiam laicalem in Ecclesiam vel cimiterium fuerint tumultuata, ibi non relaxetur aliquo modo sententia interdicti, nisi prius ejectis corporibus illis sic per laicalem violentiam tumultatis.

Statuimus, ut (*nulla*) persona, quantumcunque nobilitate, aut præminencia status præfulgeat, Ecclesias, seu Ecclesiastica bona, Jurisdictiones, & Vasallos earum violentè, aut autoritate publica publice occupare, arcere, aut occupando invadere, vel scienter occupantibus, seu arcentibus auxilium, aut favorem præstare præsumat; & nisi requisita intra mensem Ecclesiæ læsæ, aut Prælato ipsius damnum illatum emendaverit, ipso facto sit anathematis vinculis innodata.

Quoniam Clericidium abominabilius, derestabilius, gravius, & perniciosius captione quacunque existere dignoscitur, constitutionem, contra Clericorum captivatores superius editam, contra Clericorum occisores, aut percutientes, nec non ipsos percussores Clericos extendentes, volumus, & sub excommunicationis pena districtissime præcipiendo statuimus, & ordinamus, constitutionem supradictam contra clericidas

antedictos, & percutientes, nec non manus alias violentas in Clericos injicientes, & etiam in ipsos Clericos percussores, sic extensam usque ad satisfactionem congruam, Deo, nobisque, atque læsis impendendam, per omnia inviolabiliter observari. Spoliatores stratorum, & raptores, qui alias in nostra Dicecesi transeuntes, per vias, aut stratas publicas, viduas, pupillos, Scholares, vel Clericos, ad studium, vel ad Curiam Romanam proficiscentes, ac personas alias earum bonis vi spoliant, ac eorum violentia perturbationes desiderandæ pacis inducunt volentes, præter pœnas, quas eis leges imponunt, tali pœna condigna coercere volumus, ut tam ipsi, quam receptantes eos scienter, & dantes eis ad hoc consilium, auxilium, & favorem, nisi intra tres dies, post commissam rapinam, & spoliū hujusmodi, ad eorum reversi, res ablatas curaverint personis restituere, aut restitui facere spoliatis, sint excommunicationis pœna, quam ex nunc in ipsos ferimus, innodati.

TIT. XLVIII. *De Usuris.*

Cum tam veteris, quam novi testamenti scriptura usurarum crimen detestetur, igitur ipsius pravitate & voraginem a nostris subditis juxta Canonum Sanctiones extirpaturi, eas volumus Sanctiones in nostro Episcopatu executioni demandare: universis & singulis Parochialium Ecclesiarum, & aliis Divinorum Rectoribus quibuscunque, in nostris civitate & Dicecesi constitutis, & loca eorum tenentibus, districtius inhibemus, ne manifestos usurarios ad communionem Altaris admittant, nec oblationes eorum accipiant, neque Ecclesiasticæ, si in illo peccato discesserint, eorum corpora tradantur sepulture: quæ acceperit, reddere compellendus est, & donec ad arbitrium nostrum, vel Vicarii nostri satisfecerit, a sui officii executione suspendatur.

Et nihilominus ipse sepeliens talem usurarium, sententiam excommunicationis incidet ipso facto, a qua non, nisi injuriam passus fuerit satisfactum, veniet absolvendus.

Inhibemus quoque, quod nullus manifestorum usurariorum testamentis

præsumat interesse, nisi de usuris satisfecerit, seu de satisfaciendo pro suarum virium facultate præstet cautionem.

Inhibemus etiam insuper, ut nulli Sæculares vel Religiosi, cujuscunque fuerint conditionis aut status, usurarios saltem manifestos, vel de usuraria pravitate publice diffamatos, audeant qualitercunque absolvere, sed ipsos ad Nos, seu nostrum in Spiritualibus Vicarium pro absolute obtinenda remittant; non obstante, si ipsis, vel alicui ex eis forsitan per Nos, aut ipsum Vicarium nostrum generaliter sit indultum, quod etiam in casibus Nobis reservatis, Beneficium absolute valeant impendere: contrarium facientes ab ingressu Ecclesiæ decernimus ipso facto suspensos. Et nihilominus revocamus, & annullamus omnes licentias & indulta quibuscunque personis sæcularibus vel religiosis, per Nos, aut Vicarium nostrum concessas, & concessas, ut in casibus Nobis reservatis absolute Beneficium possint, seu valeant impendere qualitercunque.

Quia quidem Clerici, per quos Nomen Domini blasphematur, suæ avaritiæ finem non imponentes, usuram tam in pecunia, quam in aliis rebus exercere non verentur, pœnas contra usurarios de jure & alias promulgatas non timentes; ut igitur vitium tam detestabile, & Clericali ordine indignum, per Nos amplius valeat extirpari, universos & singulos in Clero constitutos, hoc genus usurarum exercentes primo, secundo, tertio, & peremptorie requirimus & monemus, ut intra unius mensis spatium a publicatione præsentium continue sequens, atque currens, omnibus & singulis creditoribus ipsorum, de usuris extortis & receptis ab eisdem, satisfaciant cum effectu, prout ipsorum patiuntur facultates, aut super ipsis amice se componant, & deinceps a detestandis usurarum lucris desistant atque cessent, alioquin ipsos & ipsorum quemlibet, ex nunc excommunicationis vinculo innodamus.

TIT. XLIX. *De crimine falsi.*

Falsarios litterarum, seu Bullarum Summorum Pontificum, ac litterarum, ac sigillorum nostrorum, vel Judicum, aut aliorum quorumcunque nostrarum civi-

civitatis & Diœcesis, & etiam eos, qui scienter receptaverint, aut eis præstiterint, quo minus capiantur, auxilium, consilium, vel favorem, publice, vel occulte: Ac eos, qui scienter falsis litteris, vel sigillis utuntur, seu usi fuerunt, præsentis constitutionis tenore ipso facto volumus excommunicationis vinculo esse innodatos, & cum hoc acrius, ut decet, puniendos.

TIT. L. De Sortilegiis.

Omnibus Christi fidelibus utriusque sexus nostrarum civitatis & Diœcesis, & præcipue personis Ecclesiasticis sortilegia, orationes perversas, incantationes, & alia quælibet maleficia prohibemus. Si qui vero in prædictis forte factis se reos cognoverint, ab huiusmodi pravo & perverso usu abstineant de cætero cum effectu. Et infra octo dies a propriis Sacerdotibus quarant & recipiant pœnitentiam de commissis: alioquin omnes & singulos huiusmodi pravos & perversos actus committentes, & de jam commissis satisfacere negligentes, ac omnes eisdem consentientes, vel etiam auxiliantes, ipso facto excommunicationis sententiæ, quam ferimus in his scriptis, volumus innodari.

TIT. LI. De Clerico percussore.

Ad coercendum insultus, & rumores per Clericos fiendos, ipsosque defacili laicos contra se provocantes refræmandum, hac nostra constitutione mandamus, ut Clerici nostrarum civitatis & Diœcesis discretè, virtuosè, pacifice, ac amice, sine offensione alicujus vivere, seque ab omnibus verbis probrosis, rixosis, & contumeliosis, & factis illicitis abstinere studeant; & sicut laici, ipsos Clericos offendere, aut lædere non debeant: sic sub excommunicationis pœna ipsi Clerici alter alterum, seu quempiam alium, etiam laicum, casibus tamen jure expressis exceptis, percutere, offendere, seu lædere non debet: quod si secus quis fecerit, ultra sententiam prædictam per Nos, vel Vicarium nostrum multari & puniri volumus & mandamus.

TIT. LII. De Maledictis & Blasphemis.

Sunt, ut accepimus, nonnulli perditii, qui Majestati Dei, Beatissimæ Genitri-

Tomus V. Concilior. German.

ci suæ Mariæ, Sanctisque ejus publice blasphemias inferre non verentur, quas quidem injurias ferre, nec audire non decet. Statuimus, quod ubicunque tales blasphemii recipiantur in confessionibus, ad Nos, vel Vicarium nostrum, seu Commissarium remittantur; & a Rectoribus Ecclesiarum in prædicationibus severius prohibeantur. Quod si publici sint, nec ab eorum blasphemia desistant; per eosdem Rectores ad Potestates deferantur seculares, ibidem gravioribus pœnis affligendi: super quo volumus omnino, quod Plebani & Rectores Potestates seculares seriose & constanter requirant.

TIT. LIII. De Clerico excommunicato ministrante.

Cum scriptum sit in lege Domini, quod, quicunque non obtemperasset Sacerdotibus, is extra castra lapidabatur a populo, aut gladio cervice subiecta expiabat contemptum; & in primitiva Ecclesia inobedientes ejecti de Ecclesia rapido ore dæmonum trahebantur: multi nomine Sacerdotes censuras Ecclesiæ contemnentes, excommunicati & suspensi a Sacerdotibus & Prælati suis, exigentibus culpis eorum, & immemores, quod Episcopis & Prælati clavium & celorum sit collata potestas, attentare sibi interdicta ministeria non verentur, contra quos volumus rigorem Ecclesiasticum exercere.

Statuimus igitur, ut tales, sine spe restitutionis, ab officiis deponantur, & infames, & detestabiles facti, de cætero ad Beneficia Ecclesiastica nullatenus admittantur, nisi per pœnitentiam approbatam & conversionem laudabilem Sedis Apostolicæ gratiam meruerint obtinere.

TIT. LIV. De Privilegiis.

Sub excommunicationis lætæ sententiæ pœna inhibemus Parochialium Ecclesiarum, & quorumlibet Divinorum Rectoribus nostrarum civitatis & Diœcesis, ne Quæstores quoscunque absque nostris litteris, seu Vicarii nostri, & illis visis, ac speciali licentia ad prosecutionem negotii, seu quæstus in Ecclesiis eorum admittant, seu promoveant: Nec, quibuscunque etiam utantur privilegiis, in locis interdictis ad celebrationem Missarum admittant eosdem, nisi id eis conceda-

K k k k 2

tur

tur de licentia Judicis, qui interdictum posuit, aut Superioris potestatem habentis super eo.

Item ad prædicandum eosdem Quæstores non admittant, nec iidem quæstores admittantur, sed per Sacerdotes Ecclesiarum, & locorum, in quibus requirunt subsidium, hoc duntaxat, quod in eorum literis viderint & cognoverint contineri, publicetur; nec etiam eosdem Quæstores cum novis & singularibus actibus, seu apparatis admittant, nisi præmissa in nostris literis caveantur, ac mentio, & licentia de eis expresse factæ existant.

TIT. LV. De Quæstoribus.

Ex Concilio Viennensi strictissime statuendo prohibemus, ne eleemosynarum Quæstores aliqui, nisi Apostolicas, & nostras literas exhibuerint, quomodo libet admittantur, nec permittantur, cum solum comperat sibi indulgentias concessas insinuare populo, & charitativa subsidia postulare simpliciter ab eodem; nullatenus ipsi populo prædicare, nec aliud exponere, quam quod in literis continetur supradictis.

Literas quoque & Apostolicas, & nostras, ne quid fraudis committi valeat per eosdem, antequam Quæstores ipsos admittant, examinent diligenter. Ad hoc cum aliqui ex hujusmodi Quæstoribus, sicut ad nostram audientiam est perlatum, non sine multe temeritatis audacia & deceptione multiplici animarum indulgentias populo, motu suo proprio, de facto concedant, super votis dispensent, a perjuriis, homicidiis, & peccatis aliis sibi confitentes absolvant, male ablata incerta, data sibi aliqua pecuniæ quantitate, remittant, tertiam aut quartam partem de penitentiis injunctis relaxent, animas tres & plures, parentum vel amicorum illorum, qui eleemosynas illis conferunt, de purgatorio, ut asserunt mendaciter, extrahant, & ad gaudia Paradisi perducant, & Benefactoribus locorum, quorum Quæstores existunt, remissionem plenariam peccatorum indulgeant, & aliqui ex ipsis eos a pœna, & a culpa absolvant; abusus hujusmodi penitus abolentes, & eos per quoscunque Quæstores fieri & attentari, de cætero strictissime inhibemus: & omnia &

singula privilegia, si qua super præmissis, vel eorum aliquo sint aliquibus locis, ordinibus, vel personis Quæstorum hujusmodi quoquo modo concessa, auctoritate Apostolica, quantum ad præmissa penitus revocamus. Quæstores autem, qui deinceps in præmissis, vel aliquo præmissorum deliquerint, vel alias etiam quibuscunque suis privilegiis abusi fuerint, sic per Nos puniri eosdem volumus, nullo prorsus eisdem Quæstoribus in hac parte privilegio suffragante; quod a suis temerariis ausibus, qui, ut communis habet assertio, nimium excreverunt, pœnæ formidine perperius commescamus.

TIT. LVI. De Injuriis.

Statuimus, ut Canonicus, qui suæ, vel alterius Ecclesiæ Canonicum verbis probrosis affecerit manifeste, per quartam: si vero convitia manifesta dixerit in Prælatum, per mediam partem anni a tractatu & consortio sui Capituli, nec non a perceptione fructuum suæ Præbendæ sit exclusus.

Si quis autem Canonicorum in prædictas personas, etiam citra sanguinis effusionem, manus injecit temere violentas, prædictas pœnas dupliciter patiatur: pro vulnere vero, hujusmodi personis ab aliquo Canonicorum illato, si etiam nulla membri mutilatio ex tali vulnere fuerit subsecuta, per præmissas pœnas quadrupliciter puniatur: & insuper in utroque casu juxta nostrum arbitrium læso satisfaciatur competenter, antequam restitutionis Beneficium consequatur. Sed pro temeraria membri mutilatione omni Beneficio Ecclesiastico sit ipso jure privatus. Quæ omnia & singula circa aliorum Clericos beneficiatos, si Personas Ecclesiasticas prædictis modis lædant, seu lædantur ab ipsis, juxta præmissam formam & ordinem sub pœnis hujusmodi præcipimus observari.

TIT. LVII. De Penitentiis & Remissionibus, ac Prædicationibus Verbi Dei.

Cum Sacerdotes, & quibus prædicandi officium & ministerium commissum est, sive imminet, omnes animas sibi creditas Verbo Dei spiritali alimonia pascere debeant, ut in Præceptis Di-

Divinis bene ambulent; eosdem in suis sermonibus præcipimus esse cautos, ne verba proferant inutilia, & maxime piarum aurium offensiva, sed potius Scripturam novi videlicet & veteris testamenti, ac præcipue Evangelium Christi plane & intelligibiliter prædicent, textum subjunctis postillis exponendo per membra declarent, veluti plebis capacitati convenire & expedire cognoverint: debeantque semel in anno assumere materiam decem Præceptorum una cum correctionibus vitiorum, & convenienter prosequi.

Caveant autem omnino Prædicatores ipsi, ne in suis sermonibus utantur Scripturis apocryphis, sive non authenticis, nec ad convicia, vel exprobrationes criminum, seu verba inutilia, scandalosa, vana, concitativa, detractoria, sive indifferenta, aut ad suas, vel aliorum particulares causas, sive odia in ambonibus quovis modo prorumpant. Ne ubi causa Dei agi debeat, odia, rixæ, sive vindictæ ibi incitentur, seu seminentur, quem abusum sub pena suspensionis a Divinis, & interdictionis officii prædicationis omnino prohibemus.

Caveant & similiter etiam laici, ne eisdem prædicatoribus in ambonibus, seu sermonibus reclamare, seu replicare, aut eis impedimenta præstare præsumant, contra facientes ultra penam affligendam, excommunicationis sententiæ innodamus.

" Insuper (*) sub dicta pœna suspensionis a Divinis, & interdictionis officii Prædicationis, nec non privationis Beneficiorum pœna, jam dictis Prædicatoribus, & Ecclesiarum Rectoribus, aliisque officia Prædicationis exercentibus inhibemus, ne in eorum sermonibus populo quicquam expressis, seu occultis verbis, contra eorum Superiores tam spirituales, quam sæculares, ex quibus error, odia, insultationes, bella quoque & strages, variaeque mala inde exoriri possent, prædicent, seu prorumpant, imo etiam eos a similibus diligenter avertant: contra fa-

" cientes penam prædictam incurrissè volumus ipso facto.

Et ne quis per ignorantiam Statuti Generalis Concilii, de confitendis peccatis, & perceptione Eucharistiæ editi, se valeat excusare: mandamus, in virtute sanctæ obedientiæ universis & singulis Ecclesiarum Parochialium, & aliis Divinorum curatis Rectoribus Nobis subiectis, ut in singulis Dominicis diebus Quadragesimæ cujuslibet anni, coram populo sibi subdito, hujusmodi statutum studeant publicare in forma videlicet subscripta:

Omnis utriusque sexus fidelis, postquam ad annos discretionis pervenerit, omnia sua solus peccata saltem semel in anno fideliter confiteatur proprio Sacerdoti, & injectam penitentiam propriis viribus studeat adimplere: Suscipiens reverenter ad minus in Pascha Sacramentum Eucharistiæ, nisi forte de proprii Sacerdotis consilio, ob aliquam rationabilem causam, ad tempus ab ejus perceptione duxerit abstinendum: alioquin & vivens ab ingressu Ecclesiæ arceatur, & moriens Christiana careat sepultura.

Si quis autem alieno Sacerdoti voluerit iusta de causâ confiteri peccata, licentiam prius postulet & obtineat a proprio Sacerdote, cum aliter illum non possit solvere, aut ligare.

Monemus quoque & requirimus omnes & singulos Sacerdotes nostrarum civitatis & Diocesis, ut in auditione confessionis quivis eorum discretus sit & cautus, diligenter requirens peccatorum, & peccati circumstantias, quibus prudenter intellectis, more boni Medici sanum consilium præbeant.

Caveant autem omnino Sacerdotes, ne verbo vel signo prodant peccatorem; & si prudentiori consilio indiguerint, illud absque ulla expressione caute perquirant: nam qui ex confessione peccatum revelare præsumperit, non solum a Sacerdotali officio deponendum talem esse decernimus; verum etiam ad agendam perpetuam penitentiam in arcem Monasterium detrudendum.

K k k k 3

Item

(*) Paragraphus hic ab Henrico Episc. Bambergensi in Synodo anni 1491. insertus non fuit, sed anno 1534. additus a Wigando Episcopo Bambergensi, qui in celebrata a se Synodo hæc Henrici Statuta renovavit, confirmavit, & hoc uno paragrapho auxit. *Lunig Spicil. Eccles. T.2. pag. 101.*

Item præsentì edicto statuimus, & districtius inhibemus, ne quis nostrarum civitatis & Diœcesis sua peccata confiteri præsumat, per nuncium, sive scripturam, vel etiam absolutionis beneficium impetrare a peccatis, prout quidam facere consueverunt contra Canonicas Sanctiones, corporalem etenim requirit præsentiam.

Similiter sub attestatione tremendi iudicii, hac edictali constitutione inhibemus, ne de cætero quisquam Presbyter plures, quam unam Missam, salvo privilegio die Nativitatis Christi constituto, ac casibus, quibus a jure dici duas permixtum est, una die legere, aut cantare cum Sacrificii celebratione præsumat.

In audiendis etiam confessionibus observetur, ut peccata usitata & communia sigillatim, inusitata vero per quasdam circumstantias ante perquirantur, ne inexpertis detur occasio, & materia perpetrandi, aut innotescendi peccata, quæ ante nesciverunt.

In communiori quoque loco Ecclesiæ & suspitione carente pro confessionibus audiendis Sacerdotes sedere debeant, & in spiritu lenitatis audiant, & instruant consistentem, ut de peccatis, quibus Deum offendit, contritionem habeat, & propositum abstinendi.

Specialiter autem inhibemus, ne aliquis Confessorum in casibus Nobis, & Episcopis reservatis, maxime notoriis, aliquem præsumant absolvere in foro pœnitentiæ, nisi ex speciali commissione nostra, vel Vicarii nostri, vices nostras in hac parte gerentis; in satisfactionibus vero injungendis majora majoribus reserventur, in minoribus autem secundum qualitatem culpæ & delinquentium se teneant, aliaque observent.

Sciant insuper Sacerdotes, quod juxta doctrinam Canonum infirmis & languentibus non est injungenda pœnitentia, sed tamen innotescenda; ita tamen, quod satisfactionis impossibilitas Domini nostri JESU CHRISTI Passione, sui que pretiosi sanguinis effusione suppleatur.

Insuper statuimus, & præsentì Decreto inhibemus Curatis, & non Curatis, etiam quorumcunque ordinum Religiosis civitatis & Diœcesis nostrarum Bamberg.

prædictarum Presbyteris, ne se casibus Episcopalibus, Nobis de jure, vel consuetudine, & Episcopis reservatis, quos duximus inferius annectendos, intromittere audeant; sed ad Nos, seu nostros in hac parte vices nostras gerentes remittant: decernentes, absolutiones per eos factas absque speciali commissione nostra, seu Vicarii nostri, aut potestatem nostram in his habentis, in casibus ejusmodi, præterquam in mortis articulo, viribus penitus carere.

Hanc autem formam absolutionis, tanquam substantialem, generalem & breviorẽ Sacerdotes observare debebunt, ut videlicet præmissa oratione deprecatoria: Misereatur tui Omnipotens Deus, &c. dicant: Dominus noster JESUS CHRISTUS dignetur te absolvere: & ego autoritate, quã fungor, absolvo te (a vinculo excommunicationis minoris, si incidisti) a peccatis tuis, in Nomine Patris, & Filii, & Spiritus Sancti. Amen.

TIT. LVIII. *Casus Episcopales.*

Remittatur igitur ad Nos, seu vices nostras gerentes, rebaptizatus, reconfirmatus, reordinatus.

Item, qui post sponsalia jurata, cum alia, quam sponsa contraxerit.

Item, qui matrimonium clandestine, vel contra interdictum Ecclesiasticum contraxerint.

Item mulier, quæ antequam certificata fuerit de morte mariti, cum secundo contraxerit.

Item perimens, seu negligens prolem propriam.

Item sterilitatem & abortum quomolibet procurans.

Item homicida, facto, præcepto, consilio, aut autoritativa exhortatione, seu alio quovis modo.

Item publice criminosi.

Item falsi testes, oppressores liberorum, perjuri, incestuosi.

Item volens mutare vota, ac voti transgressor.

Item ille, cui solennis pœnitentia fuerit injungenda.

Item quilibet Simoniacus, Usurarius,

rius, raptor, Sacrilegus, incendiarius, latro.

Item Ecclesiæ consecratam sanguinis, vel seminis effusione polluens.

Item quilibet Ecclesiæ vel Cœmeterii, aut immunitatis, vel libertatis Ecclesiasticæ violator.

Item quilibet excommunicatus a Canone, vel constitutione.

Item quilibet irregularis.

Item Sacerdos proditor confessionis.

Item celebrans in Ecclesia interdicta, vel Altari non consecrato, aut viatico, vel nobili sine licentia, aut indumentis non consecratis, seu Sacris: celebrans non jejunos.

Item non ordinatus celebrans, vel ministrans in ordine, quem non habet.

Item Sacerdos, cujus culpa, vel negligentia aliquid inhonesti, vel scandali circa Sacramentum evenit.

Item Sacerdos notorius fornicator, aut publicus concubinarius.

Item quilibet perjurus, vel veniens, aut faciens contra suum juramentum.

Item blasphemator Dei, B. Mariæ Virginis & Sanctorum.

Item falsarius literarum & monetæ.

Item quilibet violentas manus injiciens in Presbyterum, Clericum, parentes, aut patrem, seu matrem.

Item quilibet conjugatus contrahens matrimonium, vivente uxore, cum secunda, vel intrans religionem, seu recipiens Sacrum Ordinem, conjuge invita, & contra.

Item conjux, qui vel quæ conjugum effectualiter machinatus fuit mortem.

Item scienter coiens cum infideli, aut brutis animalibus.

Item restitutiones vagæ, & dispositiones male ablatorum, incertorum & certorum, quando non existant hi, quibus facienda est restitutio.

Item promotus per alium, quam proprium Episcopum, sine licentia.

Item furtive, vel per factum, vel extra statuta tempora promotus.

Item excommunicatus vel suspensus,

aut interdictus in ordine suo administrans, vel qui taliter ligatus aliquem suscepit ordinem.

Item scienter sepeliens corpus excommunicati in Cœmeterio, vel etiam non excommunicati tempore interdicti.

Item abutens quomodolibet Sacramentis Ecclesiæ, ut puta Hostia, Chrismate vel alia re Sacra.

Item quilibet scienter baptizans propriam prolem, vel illam tenens in Baptismo aut Confirmatione.

Item omnis hæreticus, aut fautor, aut participator hæreticæ pravitate.

Item quilibet coiens cum sanctimoniali, aut ingrediens eorum Monasteria.

Ad laudem & gloriam Omnipotentis Dei, ejusque intactæ Virginis Matris Mariæ, ut Nomen Domini nostri JESU Christi, ut nomen prædictæ Virginis Mariæ condignis laudibus extollatur & veneretur: omnibus & singulis ejusdem Christi nominis Professoribus, utriusque sexus hominibus, live Clericis, sive laicis, qui ad pulsus salutationis Angelicæ: Ave Maria! quem mandamus, ut in singulis Monasteriis, Collegiis & Parochiis nostrarum civitatis & Diocesis mane in aurora, & ferotino tempore cujuslibet diei, campana cum tribus intervallis depulsetur, ipsam B. V. Mariam cum salutatione Angelica hujusmodi trina vice repetita duxerint venerari: Seu intra ministeria, præcipue Missarum solennia, dum nomen scilicet JESU Christi, vel etiam prædictæ B. Virginis Mariæ recolitur, legitur, aut cantatur, inclinato capite genua flexerint, aut intra Missarum solennia imaginem Crucifixi, quam ministrans Presbytero celebranti post Agnus Dei, collecta & osculo pacis factis, exhibuerit, & postea ad populum converterit osculandum, devote acceperint, & commemorationem Passionis Christi, vel ejus Stigmata in mente revolverint: Nec non omnibus & singulis Presbyteris celebrantibus, in fine Missæ cum tali clausula: Et famulum tuum Episcopum nostrum cum omnibus his commissis ab omni adversitate custodi, & pacem Ecclesiæ nostris concede temporibus, & in ultima Collecta concludentibus; totiens, quotiens præmissa, seu aliquid illorum fecerint, vere confessis & contritis, pro qualibet vice

vice quadraginta dies indulgentiarum de iniuncta eis pœnitentiâ misericorditer in Domino relaxamus, & elargimur. Has autem indulgentias nostras per omnes & singulos Rectores, Plebanos & Divinorum Rectores prædicari, & promulgari, & a quibuscunque Plebanis præcipimus fideliter custodiri. Mandamus insuper omnibus utriusque sexus hominibus, quod quando Gloria Patri &c. legitur, aut cantatur, caput similiter inclinare debeant.

Ad Evangelium autem, Magnificat, Benedictus, ac Nunc dimittis &c. fixo & erecto pede stare: Salve Regina, Alma Mater & Regina cœli, Antiphonas, genu flectere, & nisi impedimentum aliquod, aut frigus obstitit, denudato capite devote audire debeant, nec tempore huiusmodi, ac Divinorum, in Ecclesiis & Capellis vagare, aut tractatus habere præsumant.

Et quia plerumque infirmus sua confiteri peccata propter multorum præsentiam erubescit; ideo Sacerdotibus præcipimus, districtissime observare, ut prius familiariter, & secrete audiant confessionem ipsius infirmi, si mortis, aut aliud periculum, vel impedimentum non obstat, & postea ad eum deferant cum devotione & habitu, ac reverentia, ut supra notatum est, condecensibus Eucharistiam salutarem.

Prohibemus etiam, ne quis Sacerdos ab uno sibi confitente de aliorum peccatis, nominibus expressis inquirat.

Et ne Missas, quas pœnitentibus procurandas injunxerit, ipsimet celebrare præsumant.

Noverint autem Presbyteri, fore tria peccata, quæ in satisfactionibus injungendis sunt Domino Apostolico reservata, videlicet in Clericos, vel quoscunque Religiosos injectio manuum violenta enormis, Ecclesiarum vel Religiosorum locorum incendia, & simonia, in ordine constituto celebrata.

Ne Judices sæculares, & Domini temporales, puniendo delicta & crimina, culpis se involvant excessivis, statuimus, ut ultimo deputandis supplicio, si petierint, non debeant pœnitentiæ & Eucharistiæ denegari Sacramenta, & per hoc

volumus, & præcipimus, ut præsens statutum per Rectores Ecclesiarum in suis sermonibus, in locis residentibus, ubi aliqui judicantur, publicetur.

Inhibemus sub excommunicationis pœna, ut corpora eorum, etiam consentientibus Judicibus & sæculari potestate, ac aliorum quorumcunque interemptorum, seu casu quovis fortuito decessorum, absque speciali nostra, seu Vicarii nostri licentia obtenta, a nullo Rectore huiusmodi Ecclesiasticæ tradantur sepulturæ.

TIT. LIX. *De Sententia Excommunicationis, suspensionis, & interdicti. Ex Concilio Viennensi.*

Quicumque laici, vel aliæ Personæ Judices Ecclesiasticos, pro eo, quod sententias excommunicationis, suspensionis & interdicti protulerint, occiderint, ceperint, seu alias in personis & bonis suis, vel suorum gravaverint, seu hoc fieri mandaverint, sive eos, quorum sunt occasione prolata: vel easdem sententias observantes, sententialiter excommunicatis communicare nolentes ad communicandum compulerint: nisi huiusmodi mandatum ante hoc male factum revocerint, & satisfaciant de commissis, excommunicationis sententiam incurrere volumus ipso facto. Illos etiam excommunicatos decernimus, qui mandato huiusmodi utuntur, vel alias deliquerint in præmissis: Qui si in eadem sententia per duos menses permanserint, nullus præter Papam, eos absolvere possit.

Ex eodem.

Statuimus, quod Domini temporales, qui cogunt aliquos in loco interdicto celebrare Divina, vel qui per præcones faciunt tunc ad illa audienda populum evocari: vel prohibent, ne publice excommunicati, vel interdicti super hoc per illos, qui Missas celebrant, moniti Ecclesias exeant, & ipsi nominatim moniti, qui non exeunt, excommunicati sunt, & per Sedem Apostolicam absolviendi.

Ex eodem.

Item libro sexto statutum est in Constitutione BONIFACII VIII. incipiente: *Quoniam ut intelleximus.* sub titulo: *De Immunitate Ecclesiarum*: Quoniam excommunicati sunt a jure omnes, qui impediunt super causis, quæ ad forum Ecclesiasticum de jure, vel consuetudine pertinent, a Sede Apostolica literas impetrari, vel super hujusmodi causis coram Ordinariis, vel delegatis Judicibus Ecclesiasticis litigari, & quod non possunt absolvi, nisi satisfaciant tam judici, quam parti in his læsis, de injuriis, damnis, expensis, & etiam interesse. Item cavetur, quod Religiosi quicunque non debent extra suum ordinem aliquibus personis Clericis, vel laicis Sacramentum Undtionis extremæ, vel Eucharistiæ ministrare, vel Matrimonia solemnizare non habita super his licentia Plebani loci: Nec excommunicatos ab homine, vel a jure, nec a pœna, nec a culpa quempiam debent absolvere; nisi ostendant se de novo privilegiatos super eo, quia super his privilegia, si qua habuerint, sunt cassata; & si secus fecerint, sunt excommunicati, & non possunt absolvi, nisi per Papam.

Item statuendo inhibemus, sub pœna excommunicationis latæ sententiæ, ne Fratres minores in Ecclesiis suis Fratres & Sorores tertiæ Regulæ Sancti Francisci recipiant tempore interdicti a Divinis, absque privilegio super hoc obtento. Et præmissa notent Plebani diligenter, & in ambonibus Ecclesiarum suarum coram plebe publice denuntient. Quia periculosa interdicta pro pensionibus, & pecuniarum, ac debitorum summis contra Constitutionem BONIFACII Papæ VIII. qui hujusmodi interdictum irritat ipso jure, frequenter & sæpe feruntur; Nos hujusmodi interdicta omnia pro pecuniarum debitis, seu pensionibus lata vel ferenda, sive per Legatos Sedis Apostolicæ, sive per quemcunque, declaramus, in virtute sanctæ prædictæ Constitutionis Papalis penitus esse nulla: inhibentes omnibus Plébanis, ac Sacerdotibus, omnique Clero, ne hujusmodi interdicta de cætero curent, vel in periculum animarum servant, sententiasque & processus, in quosvis talia non observantes ob hoc latos vel ferendos, irritos decernentes: omnesque hujusmo-

di interdicta impetrantes, tam adversariis, quam gravatis Ecclesiis ad expensas, & interesse teneri. Permittimus autem, ne Divinum Ecclesiæ subtrahatur officium, ut si qui debitores hujusmodi pecuniam pensionum, vel censuum Ecclesiarum, & piorum locorum pro eo, quod eos non solvunt in excommunicationum, & aggravationum sententias servatis juxta modum curiarum debitis intervallis per tres menses sorduerint animo indurato; Judexque, vel Dominus temporalis hujusmodi excommunicatum per Judicem Ecclesiasticum excommunicatorem, ad hoc requisitum in subsidium jurisdictionis Ecclesiasticæ, illum ad redeundum ad Sanctæ Matris Ecclesiæ gremium, & parendum sua temporali jurisdictione compellere non curaverit; contra Judicem & Dominum temporalem prædictos pro eorum contemptu, & maxime in loco eis subiecto, ubi excommunicatus degit, per interdicti sententias procedatur.

TIT. LX. Ex Concilio Constant.

Ad evitandum scandala & multa pericula, subveniendum conscientis timoratis, statuimus, quod nemo deinceps a communione alicujus in Sacramentorum administratione, vel perceptione, aut aliis quibuscunque Divinis, vel extra, prætextu cujuscunque sententiæ, aut censuræ Ecclesiasticæ, seu suspensionis, aut prohibitionis a jure, vel ab homine generaliter promulgatæ, teneatur abstinere, vel aliquem vitare, aut interdictum Ecclesiasticum observare; nisi sententia, prohibitio, suspensio, vel censura fuerint in, vel contra Personam, Collegium, Universitatem, Ecclesiam aut locum certum, vel certam a Judice publicata, vel denunciata specialiter & expresse.

Præterea omnes & singulas Ecclesiasticas Personas seculares, & regulares, exemptas, & non exemptas civitatis & Diœcesis nostrarum exhortamur in Domino perpenius, attentiusque monemus, ut excommunicatos majori excommunicatione ab homine, vel a jure notorie, seu de quibus legitime constiterit; in Divinis officiis vitent, & in locis interdictis civitatis & Diœcesis earundem scienter Divinum officium non celebrent; in hoc ad sui excusationem nullam affectatam

ignorantiam, quæ eos in his non excusat, aliquantulum prætendentes, si sententias excommunicationis, suspensionis, ac pœnas irregularitatis in Constitutionibus BONIFACII VIII. & CLEMENTIS V. Roman. Pontificum, nec non processibus quibusdam Domini JOANNIS Papæ XXII, expressas ac latas, in contrarium facientes, voluerint evitare.

Item volumus & mandamus, quod in Natalis Domini, Paschæ, Pentecostes, Assumptionis B. M. Virginis, & Corporis Christi Festivitatibus, prout in BONIFACII Papæ VIII. Constitutione continetur, in terris & locis Ecclesiastico suppositis interdictis, campanæ pullentur, & januis apertis alta voce Divina officia solennia celebrentur, excommunicatis tamen prorsus exclusis, sed interdictis admittis, quibus ad reverentiam celebritatis tantæ, ut ex hoc ad humanitatis gratiam, & reconciliationis affectum inclinentur, eo die quolibet participationem indulgemus Divinorum: sic tamen quod illi, propter quorum excessum prolaturum est interdictum hujusmodi, altari nullatenus appropinquent.

Quidam Parochialium Ecclesiarum Rectores simplices, ac juris ignari, cum cessatio Divinorum in Ecclesiis indicitur, non solum organa suspendunt, sed etiam Sacramenta & Sacramentalia, quæ a Christi fidelibus interdicti tempore subtrahuntur, sibi subditis ministrare recusant, (nullam) inter Divinorum cessationem, & Ecclesiasticum interdictum differentiam ponentes. Quidam vero interdicti tempore prohibita faciunt, & concessis nesciunt gaudere, ex quibus pericula causantur animabus, & hujusmodi Rectores in irregularitatis aliquando prolabantur maculam. Nos ex Pastoralis officii nostri debito, quantum possibile est, præmissa remediare cupientes, volumus, & ordinamus, ut propter cessationem Divinorum, quocunque etiam dierum per Nos, aut Iudices Nobis subiectos, indictam, nulli Sacramenta, sive sepultura Ecclesiastica, absque tamen solennitate, aliquatenus denegentur, sed duntaxat organa suspendantur: officia tamen Divina, januis clausis, submissa voce, & absque campanarum pulsu celebrentur: sed propter interdictum Ec-

clesiasticum in civitatem, oppidum, Parochiam, castrum, aut villam ab homine, jure, aut statuto prolaturum, non solum organa suspendantur, sed etiam Sacramenta, & Sacramentalia, ac sepultura Ecclesiastica denegentur, infra scriptis salvis.

Permittitur enim eodem interdicto durante, propter moræ periculum, exhiberi Baptismus, & Confirmatio tam pueris, quam adultis, Christina die Cœnæ conficitur, Matrimonium contrahitur, sed in facie Ecclesiæ non solennizatur.

Tam sani, quam infirmi ad pœnitentiam & confessionem admittantur, excommunicatis, & causam interdicti præstantibus exceptis, qui tamen cum certis modificationibus aliquando ad confessionem admittantur.

Viaticum infirmis & sanis ad mortem damnatis non denegetur, sed etiam eisdem patenter, aliis etiam Christi fidelibus præsentibus, porrigatur. Clerici decedentes, qui interdictum observant in cœmeterio absque campanarum pulsu, ac omnibus cessantibus solennitatibus tumulentur. Singulisque diebus in Ecclesiis missæ celebrentur, ac alia dicantur Divina officia, sicut prius, januis clausis & campanis non pulsatis.

In prædictis festivitatibus Natalis Domini, Paschæ, Corporis Christi, Assumptionis Virginis gloriosæ, Divina officia alta voce, januis apertis, campanisque pulsatis, excommunicatis tamen exclusis, a primis Vesperis usque ad secundas Vesperas inclusive celebrentur, non autem in eisdem quinque diebus, interdicto durante, corpora mortuorum Ecclesiasticæ tradantur sepulturæ, aut Sacramenta, alias tempore interdicti ministrari prohibita, aliquatenus ministrentur: Verbum Dei, ut prius, pulso etiam præcedente, seminatur, interdicto Ecclesiastico non obstante.

Tit. LXI. Casus Excommunicationis majoris a jure latæ colliguntur, viginti octo ex antiquis.

Cum in multis variis casibus a jure communi, cujus ignorantia non excusat, majoris excommunicationis sententia in excedentes proferatur; ideo succincte enu-

enumerare curavimus, ut agniti magis evitentur. Et de jure veteri sunt viginti octo:

- I. Cum quis injectit manus violentas in Clericum, etiam in minori Ordine constitutum, aut Monachum, etiam non Clericum, utpote conversum, sive Monialem.
- II. Cum quis incidit in hæresin damnatam.
- III. Cum quis defendit hæreticum.
- IV. Cum quis dicit, Romanam Ecclesiam non esse caput aliarum Ecclesiarum.
- V. Cum quis potest defendere Clericum a violenta manuum injectione, & non defendit.
- VI. Cum quis incarcerat Clericum, & iste casus implicatur quasi proximo.
- VII. Est contra Consules, Officiales, & cæteros, angarias, & onera Clericis imponentes.
- VIII. Est contra succedentes proxime dictis, nisi infra mensem errorem Prædecessorum suorum purgaverint.
- IX. Contra illos, qui statuerunt, aut introduxerunt statuta & consuetudines contra libertatem Ecclesiasticam.
- X. Contra illos, qui talia statuta de cætero fecerint.
- XI. Qui talia statuta scripserint.
- XII. Contra illos, qui talia statuta servare fecerint, licet ea non statuerint.
- XIII. Contra illos, qui secundum illa judicaverint.
- XIV. Contra illos, qui iudicata conscripserint.
- XV. Contra incendiarios & fractores Ecclesiarum, vel (*locorum contiguorum*) Ecclesiæ infra limites cœmiterii; alii autem aliter violantes bona Ecclesiarum, sunt excommunicandi per sententiam.
- XVI. In eo, qui electus est in Papam a minori parte, quam a duabus partibus Cardinalium, se pro Papa ingerente, & non resipiscit.
- XVII. Contra illos, qui talem pro Papa tenuerunt.
- XVIII. Contra falsificantes per se, vel alium literas Papales.
- XIX. Contra eum, qui scienter utitur literis sic falsatis.

Tomus V. Concil. German.

XX. Contra illum, qui arma bellica facit infidelibus contra Ecclesiam.

XXI. Contra illos, qui in studiis generalibus tractant delocanda hospitium Scholarium ante tempus præfinitum.

XXII. Contra Religiosos, leges, aut medicinam in Scholis audientes.

XXIII. Contra Plebanos, Archi-Diaconos, Presbyteros, leges, aut medicinam audientes, nisi infra spatium duorum mensium destiterint.

XXIV. Contra sagittarios, balistarios, qui his utuntur in bello injusto.

XXV. Cum quis participat in crimine excommunicato.

XXVI. Cum quis participat scienter in Divinis cum excommunicato a Romano Pontifice.

XXVII. Contra illos, qui Romanos, aut alios Christianos in mare navigantes capiunt, aut spoliunt.

XXVIII. Contra illos, qui innituntur Ordinibus factis a schismaticis, & recipientes alienata a schismaticis ab Ecclesiis.

De Jure vero sexti Libri sunt XXXII.

- I. Contra eos, qui tempore electionis Papæ ad conclave eligentium, alicui secreta scripturam, aut nuntium transmittunt, aut cum aliquo eorum loquuntur.
- II. Contra Rectorem, & Officiales civitatis, in qua Summus Pontifex eligi debet, si fraudes committant, aut diligentiam eis commissam fideliter non faciant.
- III. Contra eos, qui gravaverint aliquam personam Ecclesiasticam, vel ejus consanguineos, vel Ecclesias, seu bona pro eo, quod eum, pro quo rogabatur, eligere noluit.
- IV. Contra usurpantes bona Ecclesiarum (*vacantium.*)
- V. Contra seminantes discordiam in electionibus Abbatissarum.
- VI. Contra (*eum*), qui de regimine urbis Romæ se intromittit, nisi specialis intervenit Apostolicæ Sedis licentia per ipsius Sedis literas exprimenda.

- VII. Contra partem procurantem, Conservatorem procedere contra formam juris.
- VIII. Contra extorquentem per metum absolutionem.
- IX. Contra iudicem simulantem se mulierem in testem productam personam literatim audire.
- X. Contra obedientem Imperatori, per Sedem Apostolicam deposito.
- XI. Contra compellentes personas Ecclesiasticas ad submissionem bonorum & iurium ipsarum Ecclesiarum.
- XII. Contra laicos, qui ex contractibus initis super rebus Ecclesiasticis plus sibi usurpant, quam ex natura contractus eis licet.
- XIII. Contra Religiosos Mendicantes, ementes eis domos ad habitandum de novo.
- XIV. Contra imponentes thelonia, pedagia, & quidagia Clericis.
- XV. Contra eos, qui impediunt super causis, quæ ad forum Ecclesiasticum de jure, vel consuetudine pertinent, literas a Sede Apostolica impetrari, & super ipsis coram Ordinariis, vel Delegatis Ecclesiasticis litigari.
- XVI. Contra violantes libertatem Clericorum per indirectum.
- XVII. Contra Religiosos temere habitum dimittentes, aut studia literarum usitantes absque Abbatis licentia.
- XVIII. Contra Doctores & Magistros, qui religioso habitu suo dimisso Leges, & Physicam audientes, scienter docere, aut in Scholis suis præsumpserint retinere.
- XIX. Contra tradentes scienter sepulturæ Ecclesiasticæ hæreticos, aut eorum fautores.
- XX. Contra laicos publice vel private disputantes de Fide Catholica. NB. Sed iste casus potius est ferendæ sententiæ, quam latæ.
- XXI. Contra Iudices laicos, super crimine hæresis judicantes, aut captos super eodem crimine præcedente impediendo.
- XXII. Contra illos, qui Jacobum & Petrum de Columna pro Cardinalibus tenent.
- XXIII. Contra eos, qui dictis Jacobo & Petro favorem præbuerunt, vel auxilium.
- XXIV. Contra eos, qui per assassinos aliquem Christianum interfecerint, vel mandaverint, quanquam mors non subsequatur, aut tales receptaverint, vel defensaverint.
- XXV. Contra personas Ecclesiasticas, minores Episcopis, qui alienigenas sive non oriundos de territoriis suis, in eorum terris conducere domus, ad exercendum sænus, vel conductas habere, aut alias habitare permittunt: Episcopi vero suspensionis sententiam incurrunt.
- XXVI. Contra concedentes, aut extendentes repressalias adversus personas Ecclesiasticas.
- XXVII. Contra insequentes hostiliter aliquem ex Cardinalibus, etiam si non injecerint manum.
- XXVIII. Contra Rectores & Dominos, qui interfectores Cardinalium animadversione digna non puniunt.
- XXIX. Contra lædentes directe, vel indirecte Ecclesiasticos Iudices, propter jurisdictionis exercitium.
- XXX. Contra eum, qui propter mortis periculum fuit absolutus ab excommunicationis sententia ab aliquo, a quo alias absolvi non poterat, si, cessante impedimento, se non sistit, cum commode potest, ei, a quo alias absolvi debebat.
- XXXI. Contra absolutos a Sede Apostolica, vel delegatis ipsius, qui se debent alicujus conspectui pro suscipienda poenitentia, aut pro satisfaciendo læso præsentare, & non faciunt.
- XXXII. Si quis injicit manus violentas in Novitium, etiam non Clericum, neque Professum.

Ex Clementinis eliciuntur LI.

- I. Contra Possessorem Beneficii, qui in una sententia definitiva succubuit, quod per triennium non possedit, si sequestrum per loci Ordinarium fiendum impedit, aut fructus sequestratos occupat.
- II. Contra eos, qui defunctorum corpo-

ra in loco interdicto Ecclesiasticæ tradunt sepulturæ.

III. Qui publice excommunicatos,

IV. Qui nominatim interdictos,

V. Qui manifestos usurarios scienter tradunt Ecclesiasticæ sepulturæ in loco etiam non interdicto.

VI. VII. VIII. IX. Contra Religiosos gravantes, vel defraudantes Ecclesias in decimis: 1. Ex eo, cum decimas Ecclesiis debitas absque causa legitima appropriare, seu usurpare præsumunt. 2. Quando aliorum animalia suis gregibus immiscunt, ut exinde decima non solvatur. 3. Quando animalia emunt, ut venditoribus, aut aliis locent, ut decima ex eis non solvatur. 4. Quando de terris, quas tradunt aliis excolendas, decimasolvere Ecclesiis non permiserunt, aut prohibuerunt.

X. Contra Religiosos, administrationem non habentes, qui sine licentia speciali suorum Prælatorum ad curas Principum se conferunt, ut suis Prælati, aut Monasteriis damna inferant.

XI. Contra Monachos, qui intra septa Monasterii, sine Abbatis licentia, arma tenent.

XII. Contra impediētes Visitatores Monasteriorum Monialium.

XIII. Contra mulieres sectantes, aut de novo assumētes statum (*Beguinarum*.)

XIV. Contra Religiosos pro statu (*Beguinarum*) dantes auxilium, consilium, vel favorem.

XV. Contrahentes scienter matrimonium in gradu prohibito consanguinitatis,

XVI. Vel in gradu affinitatis prohibito,

XVII. Vel cum Moniali.

XVIII. Religiosus contrahens matrimonium,

XIX. Vel Monialis,

XX. Aut Clericus, in Sacris Ordinibus constitutus, excommunicatus est ipso jure.

XXI. Inquisitores hæreticæ pravitatis, & substituti a talibus Inquisitoribus, aut ab Episcopo, vel sede vacante, a

Capitulo, ad exercendum officium inquisitionis hæreticæ pravitatis, si ex odio, gratia, vel amore, aut propter lucrum, vel commodum temporale, omittunt procedere contra quemque, ubi fuerit procedendum super hujusmodi pravitare,

XXII. Aut hujusmodi pravitatem insonti imponunt,

XXIII. Aut insontem alio modo vexant super tali crimine; excommunicati sunt, & per solum Papam, præterquam in mortis articulo, veniunt absolvendi.

XXIV. Inquisitores hæreticæ pravitatis, aut Commissarii, ab eis, aut Episcopo, vel sede vacante, a Capitulo deputati, si prætextu officii inquisitionis illicite pecuniam, aut aliquid aliud extorquent, excommunicati sunt.

XXV. Si præfati Ecclesiastica bona, ob delictum Clericorum Fisco, etiam Ecclesia sciente, applicant, similiter excommunicati sunt.

XXVI. Officiales communium facientes statuta super usuris solvendis, non repetendis, aut non restituendis;

XXVII. Aut talia scribentes,

XXVIII. Aut talia dictantes,

XXIX. Vel judicantes secundum illa,

XXX. Vel non delentes illa de libris committatum, si possunt,

XXXI. Vel illa servantes, excommunicati sunt ipso jure.

XXXII. Religiosi, qui Clericis, aut laicis Sacramentum Unionis extremæ,

XXXIII. Vel Eucharistiæ ministrare,

XXXIV. Aut matrimonia solennizare, non habita super his Presbyteri Parochialis licentia speciali:

XXXV. Aut qui excommunicatos a Canone, præterquam a casibus a jure expressis, vel per privilegia Sedis Apostolicæ concessis eisdem,

XXXVI. Vel a sententiis per statuta Provincialia, aut Synodalia promulgatis,

XXXVII. Seu a pœna & culpa absolvere quemquam præsumpserint, excommunicationis incurrunt sententiam ipso facto, per Sedem duntaxat Apostolicam absolvendi.

XXXVIII. Banniens injuriose Episcopum.

XXXIX. Vel qui hujusmodi bannum fieri mandaverit, aut factum ab aliis ratum habuerit, vel socius fuerit in hoc facientis, aut consilium in hoc dederit, aut favorem, seu scienter defensor fuerit eundem bannientem, ipso jure est excommunicatus, a qua excommunicatione nequeat, nisi per Summum Pontificem, præterquam in mortis articulo, absolvi.

XL. Religiosi mendicantes, qui domos ad habitandum, vel locum quemcunque de novo recipiunt, aut prius recepta mutant, vel alienant.

XLI. Aut retrahunt aliquos a solutione decimarum Ecclesiis debitarum.

XLII. Sibi conscientibus conscientiam faciant de solvendis hujusmodi decimis; alioquin scienter omittentes, tamdiu ab officio prædicationis manent suspensi, quousque fecerint, si commode facere possunt; & si medio tempore prædicare præsumserint, excommunicati sunt ipso facto.

XLIII. Religiosi, aut Clerici sæculares, qui aliquos ad vovendum, jurandum, aut promittendum inducunt, ut sepulturam apud eorum Ecclesiam eligant, vel electam alterius non imitent, excommunicati sunt, & per solum Romanum Pontificem, præterquam in mortis articulo, veniunt absolvendi.

XLIV. Religiosi etiam exempti violentes interdictum Ecclesiasticum, aut Divinorum cessationem, servatam per matricem Ecclesiam loci, excommunicati sunt.

XLV. Domini temporales, qui cogunt aliquos in loco interdicto celebrare Divina:

XLVI. Vel qui per præcones faciunt, tunc ad illa audienda populum evocari:

XLVII. Vel qui prohibent, ne publice excommunicati, vel interdicti, super hoc per illos, qui Missas celebrant, moniti, Ecclesias exeant.

XLVIII. Et ipsi nominatim, qui non exeunt, excommunicati sunt, & solum per Papam absolvendi.

XLIX. Fratres minores, si tempore interdicti recipiunt in suis Ecclesiis ad Divina Fratres vel Sorores tertii Ordinis S. Francisci, excommunicati sunt.

L. Afferens pertinaciter, quod anima rationalis, seu intellectiva, non sit forma corporis humani, tanquam hæreticus excommunicatus est.

LI. Pertinaciter asserens, usuram non esse peccatum, tanquam hæreticus excommunicatus est.

Hoc quoque sciendum, quod a jure excommunicati vitandi non sint, nisi secundum formam Constitutionis, seu Statuti supra sic incipientis: *Ad vitandum scandala*, in Tit. *De sententia excommunicationis*.

De Regulis Juris.

Sanctorum Patrum Regulis & præsentibus Statutis quivis noster subditus regatur in vita, verbis, & factis, ut sciat & faciat, quod acceptum est Omnipotenti DEO, ut, consummato hujus vitæ curriculo, una Nobiscum in celesti Patria recipere mereantur sempiterna præmia.

Constitutio Concilii Basiliensis de Synodo per Episcopos celebranda.

SACROSANCTA GENERALIS SYNODUS BASILIENSIS, IN SPIRITU SANCTO LEGITIME CONGREGATA, UNIVERSALEM ECCLESIAM REPRÆSENTANS.

PRidem hæc Sancta Synodus quoddam saluberrimum promulgavit Decretum pro stabilitate & robore Generalium Conciliorum, &c. *Vide eandem hanc Constitutionem supra in precedente Concilio Salisburgensi pag. 587.*

Conclusio.

Hæc quoque nostra Synodalia Statuta, mandamus in Ecclesia nostra Bambergensi per Notarium publicum primo, & deinde, quatenus opus fuerit, per Rectores Parochialium Ecclesiarum, & alios Curatos pro populi sibi subditi oportunitate, in quantum ipsos, ac populum concernunt, in eisdem nostris civitate

vitae & Dioecesi, temporibus ac locis convenientibus publicari, seu intimari.

Et ut secundum veterem consuetudinem Sancta Episcopalis Synodus hactenus feria tertia post Dominicam *Exaudi* celebrata existit: sic singulis futuris annis celebrabitur eadem die in Ecclesia nostra Bambergensi. Et Clerici, qui in illa interesse teneantur, non praesumant se absque nostra licentia, aut rationabili, & iusta causa ab ipsa quomodolibet absentare. Temerarie vero se retrahentes puniri volumus, & praesentibus mandamus: si autem forsitan locum & diem ejusdem Synodi contigerit mutari, id eisdem Clericis volumus tempestive intimare.

Insuper volumus, etiam sub excommunicationis poena districte praecipiendo mandamus, quod haec nostra Statuta Synodalia in praedictis nostra civitate & Dioecesi firmiter observanda, in nostra majori Bamberg, nec non in Collegiatis Ecclesiis, & Monasteriis singulis eandem nostrarum civitatis & Dioecesis,

& apud Decanos rurales, ac Ecclesiarum Parochialium Rectores quoscunque, debeant de verbo ad verbum haberi conscripta in litera correctae, & auscultatae, ita ut sint per manum Notarii nostri Fisci subscripta, si de inobedientia noluerint reprehendi; & secundum ea in quibuscunque causis, & in quacunque instantia sententiarum, & definiri debere.

Dispensandi tamen super hujusmodi, nec non absolventi a sententiis in praedictis Statutis, & Constitutionibus per Nos, ut praemittitur, latis, & supra expressis, interpretandique, atque mutandi, & corrigendi ea, Nobis, & quibus id commiserimus, omnimodam reservamus potestatem.

Data in civitate nostra Bamberg, Anno a Nativitate Domini Millesimo, quadringentesimo, nonagesimo primo, Feria tertia post Dominicam, qua in Ecclesia Dei cantabatur officium *Exaudi*.

Lunig Spicil. Ecclesiastici Tomo II. a pag. 75.

SWERINENSIS SYNODUS

Anno Christi MCCCCXCII. Innocentii VIII. P. VIII.
Friderici Imp. LIII.

*Statuta Synodalia Episcopatus Sverinensis, quae ab Episcopo CON-
RADO edita anno MCCCCXCII., & iterum anno
MDXIX. publicata sunt.*

CONRADUS, (a) DEI ET APOSTOLICE SEDIS GRATIA EPISCOPUS
SWERINENSIS, UNIVERSIS ET SINGULIS DOMINIS PRESBYTERIS, CLERICIS
SECULARIBUS ET RELIGIOSIS, PER NOSTRAM CIVITATEM ET DIO-
CESIM UBILIBET CONSTITUTIS, PRESENTIBUS ET FUTURIS, CUJUSCUN-
QUE GRADUS, ORDINIS, STATUS, DIGNITATIS, AUT PREEMINENTIE
SINT, VEL FUERINT, IN DOMINO SALUTEM
SEMPITERNAM.

Ad perpetuam rei memoriam. Ad hoc constituciones, & leges fuerunt & facte sunt, ut humana coerceatur audacia, & nocendi facultas reformetur.

(a) Conradus, cognomento Lofsen, Wismaria ortus, atque in utroque Jure doctus (anno 1482.) eligitur in Episcopum Sverinensem: licet senio gravis Cathedram adiisset, eandem tamen 20. annis tenuit. Multa Ecclesiae praedia pignore obligata, aut ere gravata alieno redemit, & Ecclesiae libera reddidit. Obiit anno 1503. pridie Nativitatis D. N. J. C. *Cranz. in Metrop. L. XII. C. 20.*

Conrado successit Joannes, cognomento Thuen (alii: Comes de Thun) militari genere, non tamen

tur. Ad cohibendum igitur humanam audaciam de peccato, constitutiones quasdam, vitiis & concupiscentiis in hac nostra Sancta Synodo perpeximus opponendas, vestigiis tam Divini, quam humani juris inherentes, quibus homines Nobis subiecti honeste vivant, & alterum non ledant, aliis non faciant, quod sibi fieri non velint, jus suum unicuique tribuant, reformentur. Quoniam autem Rex Pacificus pia miseratione disposuit, subiectos sibi fore pudicos, pacificos, & modestos: ideoque Predecessorum nostrorum vestigiis inherere volentes, constitutiones, statuta, ordinationes & mandata infra scripta una cum quibusdam juris constitutionibus, Nobis, & Vobis necessariis, videlicet bone memorie GUIDONIS Tusculani quondam Romane Ecclesie Cardinalis, Sancte Sedis Apostolice in Germania de latere Legati, ac Reverendissimorum Patrum, Dominorum Bremensis Ecclesie Archi-Episcoporum, in hoc Synodali nostro processu duximus facienda, statuenda, & publicanda, prout tenore presentium facimus, statuimus, & publicamus: penas tam Ecclesiasticarum censurarum per nonnullos Predecessores nostros in subsequentibus articulis appositas, & indubie animas plurimorum, contra Superiorum constitutiones improvide agentium, illaqueantes, per modum abolitionis, in pecuniarias infra scriptas, quasi in eas, que pro dolor hodie a nonnullis magis advertuntur, & que executionem promptiorem recipiunt, commutando. Volentes, & decernentes, ut loco Canoniarum monitionum infra dicenda habeantur: ita quod in eis excedentes parata executione percellantur.

Juxta consuetudinem Ecclesie nostre publicamus & notificamus, & in quantum possumus, & valemus, omnia & singula premissa infra scripta approbamus, innovamus, & observari inviolabiliter mandamus.

I. *Revocatio Confessorum & Commissariorum in foro penitentie.*

In primis igitur in hac Sacra Diocessana Synodo diligenti deliberatione præhabita, revocamus omnes & singulos Confessores; & Commissarios, seculares & Religiosos quoscunque, etiam exemptos, in foro penitentie per Nos, vel nostri nomine, aut nostros Vicarios, Officiales, vel Commissarios datos, seu Deputatos, habentes potestatem in genere, vel in specie, quascunque personas utriusque sexus, cujuscunque status, gradus, ordinis vel conditionis existant, eorum nominibus expressis vel non expressis, in casibus quoque modo Nobis reservatis specialiter expediendi, confessiones eorum audiendi, & eis penitencias salutare injungendi, vel cum ipsis dispensandi. Quorum & cujuslibet ipsorum auctoritatem, facultatem, cujuscunque tenoris existat, revocamus & irritamus, & ad Nos presentibus advocamus, & ab eis penitus tollimus & abdicamus, cum interpositione decreti, quod; si contrarium factum fuerit, nullius sit roboris vel momenti. Quodque Commissarii, in ante per Nos deputandi, teneantur Reſtoribus in locis, in quibus deputantur, literas nostras ostendere & exhibere, & earundem literarum copias tradere. Quodque literis Prioribus vel posterioribus non credatur, nisi nostro sigillo munitis, datumque post publicationem nostram hujusmodi continentibus. Nec aliter per Reſtores Ecclesiarum, Capellarum, vel aliorum piorum locorum, quovismodo admittantur, sed per ipsos nostra autoritate repellantur. Et si presumptuose contra hoc se in his gesserint, hoc publice populo de ambone, & nihilominus Nobis infra unius mensis spacium significetur per hujusmodi Reſtores, vel eorum vices gerentes, quodque nullus preter Nos valeat in foro penitentie committere vices nostras, vel auctoritatem absolvendi, vel dispensandi in

tamen amplo natus, sed illis præditus virtutibus, ut Principibus Magnopolensibus semper esset commendatissimus. Srenuam in eo operam posuit, ut Monasteria tam virorum, quam mulierum, religiosam reduceret ad disciplinam, & incontinentiam e Clero proſcriberet. Sanctos ejus labores mors, biennio vix exacto secuta, interrupit. *Cranz. in Append.*

Joannis in locum suffectus est Petrus, vir insignis, virtute & scientiis notior, quam natalibus, Episcoporum Suerinensium XXXI., Catholicorum, qui huic Sedi præfuerunt, postremus. *Cranz. ibid. Hist. Eccl. Germ. Gallice edita typis Bruxellensib. apud Franc. Foppens.*

in casibus Nobis (ut predicatur) specialiter reservatis, nisi hoc a Nobis singulariter in mandatis receperit.

II. *De Clericis peregrinis sine licentia Prelatorum non admittendis cum exhortatione ad Prelatos Dioecesis de corrigendis excessibus subditorum.*

Item cum Divina disponente Clementia, nostram Swerinensem Ecclesiam & Dioecesim Deus ipse voluit esse *Cathedralem*; ac quidam Prelatos (Episcopo inferiores) tanquam ipsius oculis crebro vigilantes etiam preordinaverit, ut tam per ipsius Episcopi quam ipsorum Prelatorum providam circumspeditionem, circumspiciamque providentiam, dicta nostra Ecclesia & Dioecesis salubriter regeretur. Nullus Rectorum Ecclesie, aut Monasteriorum in aliena Dioecesi ad Sacros majores Ordines ordinatum, ad officium, aut alia Sacramenta ministrandum, aut Missas cantandum, sive Epistolam, aut Evangelium publice legendum, in Capellis, Monasteriis, aut Altaribus celebrandum quovismodo admittat, nisi talis per Episcopum pro tempore Swerinensem, aut ejus Officiale, seu saltem Officiale loci illius, immediatam jurisdictionem habentem, admissus fuerit, sub pena decem marcarum Lubicens, pro qualibet vice contraria extorquendarum, & in pios usus convertendarum. Volumus etiam, quod Prelati inferiores debitum respectum adhibeant, quod non admitatur, nisi rite ordinatus, & alias vite laudabilis & conversationis honeste existat, nisi prius per Nos, & Capitulum nostrum fuisset concorditer admissus & receptus. Nos igitur Ecclesie, ac Dioecesis nostre Swerinensis singulis Prelatis, jurisdictionis, seu regiminis exercitium quomodolibet habentibus, salubriter eos in Domino exhortando, in virtute sancte obediencie precipiendo mandamus, quatenus suorum excessus subditorum sic studeant corrigere, ne desides & remissi, seu in ipsis nimis onerosi videantur, sed misericordiam cum disciplina ante oculos habentes, justitiam exerceant, penam Canonicam (aut pecuniariam, que magis timeatur) delinquentibus infligendo, ne sanguis subditorum de manibus requiratur Prelatorum. Timeantque

Tomus V. Concilior. German.

nostri Prelati (immo penitus abstineant) ne ipsi, vel Officiales sui de casibus Nobis de jure, vel consuetudine specialiter reservatis, puniendo, dispensando, vel absolvendo se quomodolibet intromittant, nec umbram exhibeant in premisis in opere, cum veritas non subsistat in effectu.

III. *Revocatio Commissariorum judicium cum advocacione causarum.*

Item revocamus, & pro revocatis publicamus omnes & singulos Commissarios judiciales, per Predecessores nostros quacunque auctoritate per civitatem & Dioecesim Swerinensem datos & deputatos, sive jam cause pendeant, sive sint inchoande, & sive res sit integra, sive non. Hujusmodi causas sic, ut premittitur, commissas, quarum personas, status & terminos volumus habere pro sufficienter expressis, in eisdem statu & terminis, in quibus existunt, ad Nos & nostrum Consistorium expresse tenore presentium advocamus, & declaramus, quod partes poterunt hujusmodi causas prosequi, & in eo statu, quo ultimo illic remanserunt, coram Nobis resumere.

IV. *Revocatio licentie de non residendo, & quod Beneficiati resideant infra mensam, & deserviant, vel ordinent diligenter Officiales, & illis satisfaciant.*

Item revocamus & cassamus omnes dispensationes & licentiatioria, per Predecessores nostros factas & facta, quibuscunque nostrarum civitatum & Dioecesis contra hec Synodalia Statuta per Nos edita & publicata, de hoc videlicet, quod possint in eadem Ecclesia, seu Capella, Monasterio, vel alio loco, in quo Ecclesiastica Beneficia instaurata sunt, habere unum Beneficium, vel redditus eleemosinales cum una officiatione, aut duas simul officiationes: Ac presentibus statuimus, ordinamus & mandamus, quod quilibet Clericus nostre civitatis & Dioecesis Beneficiatus, quocunque Beneficio exigente ex fundatione, vel de consuetudine, generali, vel speciali, seu privilegio, aut alia causa, residentiam, in ipso resideat personaliter,

M m m m

ne c

nec ab ipso ultra unius mensis spacium absque rationabili causa se absenter, sed suo Beneficio huiusmodi in Divino Officio deserviat, neque dispensationem aliquam de non residendo in ipso Beneficio a quocunque Prelato inferiore, nisi ab illo, qui eandem dispensationem secundum juris communis dispensationem dare & concedere poterit, sed a Nobis obtineat in casibus Nobis a jure permisis. Ac quivis huiusmodi Clericus simplici Beneficio, eleemosyna, aut Commenda Beneficiatus residentiam jure, Statuto, Fundatione vel consuetudine, aut alia causa, non exigente, infra dictum mensem a die institutionis, & assuetudinis, si per se ipsum deservire non potest, saltem honestum Presbyterum, notum, bone fame, & probum in communione fidelium existentem, loco sui pro officiante ordinet: Cui officianti per Beneficiatum debet integre sine ulla diminutione occulta, siue manifesta, illud salarium solvi, quod in huiusmodi Ecclesia, Capella, vel loco, vel saltem in locis vicinis ab antiquo solitum est solvi. Quodque talis officians, etiam diligenter Divino Officio deserviat, & Missas secundum fundationem Beneficii, eleemosyne, Commende, vel Altaris: & ad omne minus semel in qualibet septimana ibi Missam legat: & ea propter minus, quam solvi consuevit, acceptare vel recipere pro officatura non presumat, sub pena trium florenorum. Nobis irremissibiliter exsolvendorum per huiusmodi statuti transgressorem.

V. *De Altari portatili non utendo, ac consecratione, reformatione & reconciliatione locorum sacrorum.*

Item revocamus, cassamus, & annullamus omnes & singulas permissiones & concessiones, quibuscunque personis vel locis, per Predecessores nostros, & etiam per Nos datas & concessas; de celebrando in Monasteriis, seu Hospitalibus; Cenobiis, Basilicis, Capellis, Altaribus, & locis quibuscunque, etiam ad consecrandum deputatis, & nondum consecratis, in tabulis, siue viaticis consecratis. Et inhibemus, ne aliquis celebret, aut faciat celebrari ibidem, sub pena viginti florenorum Renens. Eccle-

sie nostre Swerin. applicandorum. Mandamus quoque per Rectores & Provisores Ecclesiarum, & aliorum locorum huiusmodi procurari, ut loca non consecrata consecrentur, aut violata, seu polluta, destructa, vel diruta, & reedificatione indigentia reformentur, reparentur, & reconcilientur infra quatuor mensium spacium computando a die data presentium, & in futurum a die peractæ destructionis, violationis, aut pollutionis. Alioquin Rector huiusmodi Ecclesie vel loci, vel eius vicem gerens, dictos Provisores dicto termino elapso, infra octo dies proxime tunc sequentes Nobis insinuet, ut ad executionem procedere valeamus sub pena premissa.

VI. *Monitio ad restaurandum pia loca, & de materialibus eorum non alienandis.*

Item mandamus insuper, & moneamus sub excommunicationis & dicta viginti florenorum penis illos, ad quos spectat reparatio Ecclesiarum, Cimiteriorum, & aliorum piorum locorum. Quatenus huiusmodi loca, reparatione, circumseptione, aut melioratione indigentia infra dictorum quatuor mensium spacium reparare, & meliorare pro posse cum effectu satagant. Inhibentes etiam sub eisdem penis quibuscunque utriusque sexus Christi fidelibus, ne ligna, lapides, & alia spectantia ad edificia Ecclesiarum, & aliorum piorum locorum, convertantur, concedantur, deportentur, siue alienentur ad quoscunque usus profanos; absque scitu & voluntate Rectorum & Provisorum predictorum.

VII. *Inhibitio, ne res Ecclesie, aut locorum piorum alienentur sine licentia Episcopi.*

Item inhibemus, ne aliqua utriusque sexus persona Ecclesiastica, mundana, vel religiosa, sine vera & causa necessaria, & debita juris solemnitate servata, ac consensu eorum, quorum consensus jure, vel consuetudine requiritur, res & bona quęcunque (quorumcunque piorum locorum) licite alienare, vel distrahere, seu occupare, aut sic alienata, distracta, vel occupata ultra unius mensis spacium retinere presumat sine nostra licentia speciali sub pena excommunicationis late sententie, Canonica monitio-

ne premissa in scriptis, & alia pena pecuniaria proximo statuto contenta.

VIII. *De Oblationibus solitis non minuendis.*

Item ad Statuta Synodalia, per Predecessores nostros publicata, declaranda, presentibus innovando & statuendo adicimus, ne quecumque utriusque sexus Ecclesiastice, mundane, aut Religiosæ persone, quocumque colore, adinventione, inductione, mandato, aut consilio, publice, aut privatim diminuunt, seu restringant solitas oblationes, vel numerum personarum ab antiquo offerre solitarum in exequiis defunctorum, post partum mulierum purificarum introductionibus, nuptiarum solenniis, festivitibus, vel aliis temporibus, seu actibus, prout in constitutionibus Divorum quondam FRIDERICI, & KAROLI Romanorum Imperatorum, semper Augustorum, plenius continetur, quas hic volumus habere pro sufficienter insertis, quas etiam precipimus sub penis predictis inviolabiliter observari.

IX. *Ut Personæ Ecclesiasticæ propria temeritate laicorum, vel Clericorum non relegantur, aut proscribantur, & de pena contra facientium.*

Item simili modo intimatur Advocatis, Rectoribus, Judicibus, Proconsulibus, & Consulibus, ac Prefectis locorum suorum, quod si deinceps Clericos, Ecclesiasticas Personas, propria temeritate bannire, relegare, aut proscribere non verebuntur, quod omnes & singuli, tam laici, quam Clerici talia presumptentes, aut ea fieri mandantes, seu eorum nomine & mandato facta, rata habentes, vel in eis faciendis dantes auxilium, consilium, vel favorem, excommunicationis majoris sententiam, per felicis recordationis URBANUM Papam V. latam incurrant, & loca eorum sint supposita Ecclesiastico interdicto ipso facto, nisi talia revocaverint. Quodque nullus ab eisdem sententiis per alium, quam per Romanum Pontificem possit absolvi. Nec etiam interdictum huiusmodi per alium relaxari, & penas Divorum Imperatorum FRIDERICI & KAROLI, ut prefertur, non evadant.

Tomus V. Concilior. German.

X. *Prohibitio, ne quis sine commissione in foro penitentiali, vel contentioso, in casibus, vel causis reservatis se intromittat.*

Item prohibemus sub penis excommunicationis sententiæ (*), ne quis inferior sine speciali, & expressa nostra commissione in foro penitentiali, vel contentioso de casibus, vel de causis (de jure, consuetudine, statuto, vel alio quovis modo) Nobis reservatis se intromittat. Nobisque expresse reservamus causam, & causas per quecumque alia Predecessorum nostrorum statuta in usu existentia, aut communi observantia Nobis reservatas, quibus tamén inferiores Prelati legitime non præscriperint. Et sub eadem pena mandamus, quatenus Ecclesiarum Rectores, & alii Confessores habeant, & penes se conservent copias casuum Nobis reservatorum, & in presentibus statutis infra expressorum.

XI. *Ne quis mandata peregrinæ exequatur sine insertione totius sue facultatis.*

Item statuimus, & ordinamus, ac sub excommunicationis sententiæ (in his scriptis lata) mandamus, quatenus nullus Presbyter, vel Clericus nostre civitatis, & Diocesis recipiat, admittat, vel exequatur quecumque mandata, quorumcunque conservatorum, delegatorum, & subdelegatorum, vel eis pareat; nisi tenor literarum (sue potestatis) in eis de verbo ad verbum insertus, & per Notarium publicum mandata huiusmodi subscripta, & authentico sigillo Judicis sigillata, ac copie eorundem per publicum Notarium auscultate, & collationate eidem Executori dimittantur. Nec etiam quascunque cassationes, annulationes, aut nullitatum declarationes, contra quoscunque processus, per quoscunque Judices, sive Commissarios, Apostolica, ordinaria, arbitraria, vel alia quavis auctoritate decretas, seu emissas, aut contra quascunque sententias, & pronuntiationes diffinitivas, vel interlocutorias, aut mandata, aut decreta judiciaria, & arbitraria similiter admittat, aut exequatur; nisi huiusmodi Judex ad hoc a Sede Apostolica specialem habeat au-

M m m m 2 . . . th-

(*) forte: sub pena excommunicationis latæ sententiæ.

thoritatem ; quam Nobis prius mandamus ostendi , aut aliis Prelatis inferioribus exhiberi , ac per Nos , seu eisdem Prelatos exequi mandari.

XII. *Ut non admittatur Questor , nisi de licentia doctum fuerit.*

Item statuimus , ordinamus , ac inviolabiliter observari precipimus , quod nullus Questor , aut nulla persona Ecclesiastica , religiosa , vel mundana , de cetero per Rectores quorumcunque Monasteriorum , Ecclesiarum , Capellarum , & aliorum locorum piorum admittatur , ad petendum , seu colligendum eleemosynas , & caritativa subsidia , pro his locis , vel miserabilibus personis , per nostram civitatem , & Dioecesim ubilibet ; nisi nostram licentiam , & auctoritatem , ac desuper nostras patentes literas vice qualibet coram ipsis producat , exceptis Fratribus Predicatorum , Minorum , & aliorum privilegiorum Ordinum , quos suis gaudere volumus , & desideramus privilegiis.

XIII. *Ut eleemosynales redditus , nondum confirmati , infra quatuor menses confirmantur , & subtracti redditus infra mensem notificentur.*

Item quod omnes , & singuli Presbyteri & Clerici , quibus eleemosynales redditus (nondum confirmati) pro sustentatione sunt deputati , eisdem infra quatuor mensium spacium , ne cum tempore , ut sepius factum est , usus redire possint ad prophanos , a Nobis obtineant cum effectu confirmari , ac eos per literas nostras ascribi Ecclesiastice libertati . Illi vero in quorum Monasteriis , Ecclesiis , Capellis , vel aliis locis piis , huiusmodi redditus deputati sunt pro cultu Divino , vel sub quorum Parochiis redditus huiusmodi (etiam nulli loco , vel persone deputati) siti sunt , vel unde forte subducti , seu subtracti sunt , infra unius mensis spacium post dictos quatuor menses immediate sequentis , Nobis premissa sub pena sex florenorum totiens quotiens exsolvendorum , notificare procurent , ut eisdem redditus spirituales confirmemus , ac Personis Ecclesiasticis idoneis , & dignis providere ad deserviendum eisdem valeamus.

XIV. *Ne Judices in causis cessionum quicquam faciant , nisi juramento prefito , ut infra.*

Item cum laici Clericis sint , & fuerint oppido infesti , propter crebras debitorum cessiones (quas adversus eos recipiunt) magis infesti redduntur . Idcirco mandamus sic observari , quod nullus de cetero Judicum per , & infra civitatem , & Dioecesim nostram super huiusmodi cessionibus quicquam judicialiter faciat , vel attemptet , citando , vel iudicando , nisi tam prius a cedente , quam cessionario , formale & corporale recipiat juramentum , super ipsius cessionis veritate , & puritate , quod non sit simulata , sub pena decem florenorum.

XV. *Ut uniformitas in Divinis Officiis observetur ad ordinationem Ecclesie Swerinensis , & quod Beneficiati Ecclesiarum intersint circuitibus festivis diebus.*

Item cum incongruum sit membra a suo capite discrepare ; idcirco precipimus in virtute sancte obediencie omnibus , & singulis nostrarum civitatis , & Dioecesis Beneficiatis , aliisque , qui ad dicendum horas Canonicas ex ordine suscepto , vel alia quavis de causa sint obligati , ut in horis Canonicis dicendis , & in Sacramentis Ecclesiasticis ministrandis , festivitibus , & jejuniis observandis , & ceteris Ecclesiasticis ceremoniis , seriem , modum , ordinationem , vel ordinarium Ecclesie nostre Swerinensis uniformiter teneant & observent . Et quod ulteriori ampliorique Divini cultus augmento omnibus , & singulis Dominicis , & aliis festivis diebus , quibus fit solemnis circuitus , in eodem circuiu , & stationibus , exposit consuetudo more fiendis cum suis Superioribus adsint ; & se nullo modo abstant , nisi evidens necessitas id exposit , alioquin inobedientes totiens quotiens penam unius dimidii floreni , Ordinario loci , & ejus Fisco applicandi , incurrant.

XVI. *Ut Provivores Ecclesias , & Cimideria reforment.*

Insuper monemus omnes & singulos Provivores Parochialium Ecclesiarum , & Parochianos , quatenus infra spacium duo-

duorum mensium a notificatione presentium immediate proximorum, Cimiteria, seu Ecclesias (que indigent reparatione) muris, tectis, seu sepibus circumdant, ne Sacramenta Ecclesiastica, vel ornamenta, seu mortuorum corpora ibidem sepulta, pericula gravia, & inhumana per bestias aliquando pariantur, seu dishonestationibus officiantur, & alioquin vobis Plebanis circuitum ipsius Cimiterii, & ipsis Parochianis Ecclesiasticam sepulturam, donec premissa implenda fecerint, inhibemus, sub pena quinque marcarum Lubicens. (totiens, quotiens post monitionem nostram contrarium factum fuerit) Nobis solvendarum.

XVII. De dotibus, & edificiis Ecclesiarum, per eosdem Provisores edificandis, & reparandis.

Item, quia Provisores, sive jurati Ecclesiarum hujus Dioecesis oblationes, & legata quecumque ad usum fabricarum facta, de antiqua consuetudine soli in toto recipiunt, & retinent; Juri & equitati consonat, ut iidem Provisores ad Ecclesiarum suarum, ac illis accedentium edificiolorum, edificationem, & reparationem non immerito teneantur. Cum onus sustinere debeat is, qui commodum recipit. Idcirco statuta quondam Reverendissimi Domini GUIDONIS Cardinalis, & in hac Provincia Bremens. de latere Legati desuper edita in hac parte specialiter approbantes, innovantes, & declarantes, dictis Provisoribus solis, ubi Ecclesiarum facultates ad id sufficient, alioquin etiam Parochianis cujuslibet Parochie universis, & singulis in virtute Sancte obedientie, & sub penis in proximo statuto contentis precipimus, & mandamus, eosque ad hoc de jure teneri decernimus, quatenus intra trium mensium spatium, a notificatione presentium per Ordinarios locorum immedios, quos hujus statuti Executores, quoties necessitas requirit, specialiter deputamus, eis facta, immediate sequentium, domos sive Plebanias Rectorum, & Capellanas Capellanorum, ac custodias custodum ad easdem Ecclesias spectantes in earum necessariis, & utilibus edificiis, presertim in parietibus, tectis, fenestris, ligneis ac vitreis, nec non portis, sive clausuris, phalangis, sive sepibus, prout

inibi convenientius fieri poterit, edificent, & reforment toties, quoties opus fuerit: quodque domus dotis, sive Plebania predicta, si fundus hoc patiat, habeat in longitudine quinquaginta, vel circa; & in latitudine triginta pedes ad minus; stabulis tamen in his minime computatis. Laquear quoque supra ignem in longitudine xxiv. pedum: & quod in ipsa (domo) dotis, sive Plebania hujusmodi sint ad minus quatuor fenestre vitree, singule unius ulne in longitudine & latitudine, expensis Ecclesie a principio illic ponende. Sed si Rector Ecclesie, aut sui illas destruxerint, per eum reparande. Et similiter sint in eadem domo pro Rectore cubile, & estuarium sub clausuris, & cum fenestris competentibus, similiter tribus, aut quatuor vitreis, ut supra reformandis. Provideatur quoque in curia dotis, sive Plebanie prelate, de fornace bona, bene cooperta, pro panibus bene fiendis, ac puteo aquarum pro necessitate ejusdem dotis. Si vero dicti Provisores, seu quando Ecclesie facultates hoc supportare non possunt, ipsi Parochiani, ad hoc a Rectoribus instanter requisiti, ultra dictum tempus trium mensium, temere premissa facere distulerint, Ordinarii locorum predicti, ad quos Rectores tunc recurrant, ad executionem realem hujusmodi statuti sub premissis, & aliis eorum arbitrio apponendis penis procedere non postponant. Cum enim vili pastori pecorum quelibet communitas oppidi, aut ville, integram domum facere, & reparare non differat; Quare etiam magis Pastoribus animarum suarum domos, non ad ipsos, sed Ecclesiam, in qua Divina audiunt, ac salutarem doctrinam, Sacramentaque Ecclesiastica recipiunt, quelibet Parochia edificare, & reparare ad honorem Dei obligatissima erit.

XVIII. Ut vetus Crisma apud fontem fundatur, & novum ab Archidiacono, seu loci Ordinario statim post Pascha suscipiatur.

Item precipimus, ut Presbyteri Parochiales singulis annis in die Parasceves vetus Crisma, & utrumque oleum sub fonte baptismali effundant, cum ultra ab illo die non debeant uti antiquo Crismate: sed ab Archidiacono, seu eorum

Ordinario, statim post Pascha novum Christma suscipiant, ne quis sine premisso Sacramento decedat. Et pro Christmate dando nihil petant, sive recipiant.

XIX. *Prohibitio, ne quæcunque bona Ecclesie impignorentur, dentur &c. sine licentia Episcopi.*

Idem prohibemus, ne quis (cujuscunque status, gradus, ordinis, sexus, vel conditionis fuerit) campanas, calices, libros (etiam de libraria, seu bibliotheca) vestimenta, seu ornamenta, vel quascunque res mobiles, vel immobiles Ecclesie, & maxime Divino cultui deputatas, seu deputata, quacunque etiam necessitate imminente, presumat alicui impignorare, dare, vendere, obligare, aut commutare, seu ad longum tempus concedere, sine nostra licentia speciali. Et si quid contra premissa a quoquam attemptatum fuerit, decernimus nullum, irritum, & inane, & sententiam majoris excommunicationis (Canonica monitione premissa) incurrere volumus eundem ipso facto.

XX. *De reverenter portando Sacramentum Eucharistie, ut infra.*

Item præcipimus, statuimus, & ordinamus, volumusque, & mandamus, ne venerabile Sacramentum Eucharistie in capsulis, seu locis seratis publicis, ad nutum Parochianorum aperiendis, habeatur. Sed in Ciboriis Ecclesiarum (locoque decenti & apto) locatis sub congrua clausura, per Plebanum, & non custodem, in ruralibus Ecclesiis reverenter honorificeque cum omni cura recondatur. Et quod Sacerdotes in portatione memorati venerabilis Eucharistie Sacramenti ad infirmum devote, & humiliter incedant, & ipsum Sacramentum ante pectus cum reverentia, induti superpelliceo albo, aut alias congruenti religione, & stola, supposito panniculo mundo, precedente lumine cereo, & campana portare debebunt, & sequentibus indulgentias pronuntiare solitas & consuetas, quas etiam eis presentibus misericorditer in Domino concedimus, & elargimur, & præsertim per quondam URBANUM Papam sextum in sua obedientia concessas.

XXI. *De Sacramento Eucharistie frequenter per circuitum non deferendo, nec singulis diebus exponendo.*

Item consimili sub tenore districte prohibemus, ne Rectores Ecclesiarum, Capellarum, aut aliorum piorum locorum, seu eorum vices gerentes de cetero illa levitate utantur, scilicet, ut in singulis patrociniis, aut aliis festivitibus, quibus ab universali Ecclesia hoc non soleat observari, quovis modo publice per cimiterium deferant, aut in publico cum speciali ritu venerandum, exponant Sacrosanctum Corpus Dominicum adjunctis sibi vitricis, seu provisoribus Ecclesie laicis; cum in precipuo ipsius Sacramenti festo, & paucis festivitibus aliis hoc sit specialiter indultum, aut fieri consuetum. Oppositum vero facere, non est Sacramentum honorare, sed in vilipendium ejus conari, propter assiduitatem, & nimiam laicorum ad ipsum familiaritatem. Nec non ex prohibitione Legatorum Sedis Apostolice, atque nostra, vobis inhihemus, quod Corpus Dominicum singulis diebus in capsa publica, aut alias loco evidenti propter varia pericula non ponatis: nisi hoc Ecclesia vestra ex indulto, sive privilegio authentico habeat: quod Nobis infra unius mensis spatium mandamus exhiberi sub pena quatuor florenorum.

XXII. *Ut due ad minus habeantur Hostie in qualibet septimana renovande.*

Item precipimus, ut quilibet Rector Ecclesiarum, vel Capellarum habeat in loco honesto sub fideli custodia in Ecclesia, vel Capella, duas ad minus Hostias, qualibet septimana renovandas, & consecrandas, ut tempore necessitatis infirmis viaticum salutis valeat ministrare. Nec pixidem vacuum presumat de infirmis reportare.

XXIII. *Prohibitio de non celebrando nuptias infra tempora hic expressa.*

Item prohibemus solemnitates nuptiarum fieri ab Adventu Domini usque ad diem Epiphaniæ Domini inclusive: & a Septuagesima usque ad octavas Pasche: à tribus diebus Rogationum ante Ascensionem usque ad Dominicam primam post festum Pentecostes etiam inclu-

clusive. Et Presbyteris, ac Clericis similiter inhibemus, ne se immisceant temporibus huiusmodi prohibitis solemnitatibus nuptiarum sub pena decem florenorum. Prohibemus etiam omnibus & singulis Presbyteris sub eisdem penis, ne copulationem Matrimonii faciant sine solemnitate. Et si secus factum fuerit, dictum Matrimonium clandestinum reputamus: & si fieri potest commode, procedat etiam previa denuntiatio propter eos, qui viventibus conjugibus alia Matrimonia nulliter contrahere presumunt.

XXIV. *Preceptum, ne infra designati ad Ecclesiasticam Sepulturam recipiantur.*

Item precipimus, ut nullum hereticum, usurarium monitum, sive prædorem excommunicatum, interdictum, se ipsum precipitando, strangulando, vel aliter interficiendo interimentem, blasphematorem non penitentem, seu confiteri nolentem, maxime in festo Pasche, & in suis extremis, ac in mortali peccato notorio decedentem, apostatam, Monachum morientem propria habentem absque sui Superioris licentia, seu morientem in torneamentis, aut duello, raptorem, homicidam, spoliatorem bonorum, & rerum Ecclesiasticarum inuolentem, seu Immunitatis Ecclesiarum violatorem, vel decimas perceptas, & subductas Ecclesie debitas, non persolventes, novas exactiones a Clericis exigentes, vel Scriptores, Compositores, Statuarios, seu quomodolibet statuta facientes contra ecclesiasticam libertatem, ad Ecclesiasticam recipiatis, seu admittatis sepulturam: & facientibus prohibeatis sub penis superscriptis.

XXV. *Mandatum ad excitandum populum, ut manus adjutrices fabrice Ecclesie Suerin. porrigat, & porrecta ad ipsam Ecclesiam mittat Nuntio fideli.*

Item mandamus omnibus & singulis Ecclesiarum Capellanis, Altariumque Rectoribus, & eorum vices gerentibus, ac Presbyteris, quatenus de cetero singulis diebus Dominicis per Quadragesimam, & Adventum Domini, aliisque temporibus, in procemio hujus Ordinarii

designatis, immediate post sermonem suis Parochianis publicent indulgentias eidem Ecclesie concessas, & post dictum procemium notatas, & eos moveant, & inducant, quod in remissionem suorum peccaminum pias elemosynas, & caritativa subsidia elargiantur ad fabricam nostre Ecclesie Suerin. magna & sumptuosa reparatione indigentis; cum quilibet eorum nostre Dioecesis, & Ecclesie Suerinensis tanquam matricis censeatur, & est Parochianus. Quodque se participes faciant omnium orationum, & bonorum operum, quæ in eadem Ecclesia nocturnis, diurnisque temporibus continue fiunt, & exercentur, ac indulgentiarum Apostolicarum, & aliarum, ad structuram, & fabricam huiusmodi manus adjutrices porrigentibus concessarum: & Nos eis, quotienscunque manus ad hoc porrexerint adjutrices, de Omnipotentis DEI misericordia, ac Beatorum Petri & Pauli auctoritate confisi, dummodo confessi & contriti fuerint, XL dies de injunctis eis penitentiis relaxavimus.

XXVI. *Ne Clerici habeant concubinas.*

Item de cohabitatione Clericorum, & mulierum sic duximus statuendum, ne quis Clericus in civitate, vel Diocesi nostra habeat concubinam publice, seu famulam, de qua quovis modo sinistra suspicio, infamia, seu scandalum Clero vel populo possit suboriri; vel eam si habeat, infra mensem a se separet: ita quod nec ei in propria domo, vel ipsius concubine, sive in loco circumvicino cohabitaret, neque ad eam accederet, aut concubina ad eum revertatur, sub pena decem florenorum, Nobis irremissibiliter totiens, quotiens de contrario repertum fuerit, solvendorum: Preterea sicut mundissima sunt Sancta Matris Ecclesie Sacramenta, ita & ministris eorum convenit, ab omni carnis peccato mundissimos existere: eapropter, que juris communis, & Sacrorum Conciliorum Canones, Provincialiaque & Synodalia decreta circa vitam, & honestatem Clericorum multipliciter, & provide statuerunt, hic pro repetitis, & statutis de novo haberi volumus, pauca tamen & signanter ex eisdem statutis ad memoriam reducendo; cum magis

magis teneri, aut timeri solet, quod specialiter injungitur, quam quod generaliter imperatur. Et primum, quod juxta statutum, & dispositionem (pie memorie) prefati Domini GUIDONIS Cardinalis, in istis partibus tunc Apostolice Sedis Legati, in Provinciali Bremensi Concilio (eodem Concilio approbante) nemo ambigit factum: Verba statuti sunt hec: Nemo de cetero publice concubinam teneat: alioquin, nisi ipsam infra mensem a se, & ipsius consortio separet, ita quod in domibus illius, aut propriis, aut aliis quibuscunque, non cohabitaret, neque ad illam accederet; extunc omni Beneficio Ecclesiastico sit privatus. Publici vero concubinarij juxta Decretum Sacri Synodalis Concilii Basiliensis intelligendi sunt non solum hi, de quorum concubinato per sententiam, aut confessionem in jure factam, seu per rei evidentiam, (qua nulla tergiversatione celari possit) constiterit; verum etiam, qui mulierem de incontinentia infamatam, tenet; & per suum Superiorem admonitus ipsam non dimittit: & preter hec notorii concubinarij a jure communi ab executione suorum ordinum (& tam beneficio, quam officio) sunt suspensi, in quibus, si postmodum ministraverint, irregulares censentur.

XXVII. *Ne Clerici utantur fulgidis, & foderatis vestibus, & qualis erit habitus eorum.*

Item inhibemus universis, & singulis Presbyteris, & Clericis nostre civitatis, & Diocesis, ne vestibus nimis fulgidis, vario, vel serico duplicatis, seu foderatis (Preclatis, Doctoribus in jure Canonico, Legibus, & Medicinis, Licentiatis, & nostre Ecclesie Canonice exceptis) se ornent. Nec nimis sordidis, sed decentibus, quas Canones ipsis concedunt, utantur. Et ne manicas ad cubitum pendentes, magnas & longas cum superfluitate, collarique ultra mentum se extendentia; nec vestes ante & retro, ac in lateribus foderatas & scissas, neque bireta precipua deferant, nisi prout status eorum exegerit, hoc est, quod non deferant graduati bireta alterius coloris, quam eis data sunt tempore promotionis rubea, aut fusca. Alii non graduati solum nigris utantur sub pena quatuor floren-

rum, neque capucia brevia, laicalia, sive incila: neque mitras foderatas, magnas, & rotundas, aut bonnetas circumplicata more laicorum, neque annulum publice portent: aut viridis, seu rubei coloris vestitu utantur, pena sub premissa totiens quotiens de contrario repertum fuerit, Ordinariis locorum irremissibiliter exsolvenda. Ac Clerici in Sacris constituti, cum tonsura rotunda, & corona rasa incedant, barbam, aut comam nullo modo nutriant, in Ministeriis Divinorum religionem deferant anni temporibus congruentem; neque Presbyteri in togis celebrent, autoritate Apostolica Sacri Concilii Constantiensis, & Nostra, inhibemus pena sub premissa.

XXVIII. *Ne Clericus officium negotiationis exercent, sed infra sex dies totaliter se abstineant.*

Item cum Christus ejecerit ementes, & vendentes de Templo, & scriptum sit: Negotiatorem Clericum, quasi pestem mortiferam fugere debes; Clericique in Sacris constituti non debeant se secularibus negotiis immiscere, videlicet emptio- ni & venditioni, nisi quantum a jure eis permittatur; Statuimus & ordinamus, quod post publicationem presentium infra sex dies, extunc immediate sequentes, omnes Presbyteri, & Clerici in Sacris constituti, & Beneficiati, a negotiationibus in totum cessent. Hoc est, quod in magnis massis, & gravi quantitate (ut in tunnis, & aliis similibus) non emant, & particularim, divisim, aut minuatim vendant, sub pena trium florenorum Nobis irremissibiliter solvendorum.

XXIX. *Ne Ecclesiastica persona officium redundans in scandalum ordinis Clericalis exercent.*

Insuper statuentes, ne Presbyteri, vel Clerici in Sacris Ordinibus constituti nostre civitatis & Diocesis, Advocatias, seu officia secularia, sive Thelonia (que in scandalum ordinis Clericalis redundant) quoque modo directe, aut indirecte regant, vel gubernent per se, vel alios cujuscunque status, gradus, ordinis, conditionis, seu preeminentie fuerint, sub

sub pena decem florenorum totiens quotiens Nobis irremissibiliter exsolvendum.

XXX. *Ut absque alia requisitione servetur interdictum in locis, in quibus sit detentio Clericorum, aut Nuntiorum Apostolicorum, vel Ordinariorum.*

Item precipimus, & mandamus, quod si in nostra civitate, vel ipsius Diocesis oppidis, castris, villis, seu aliis locis aliquem Prelatum, vel Canonicum nostre Ecclesie, sive Diocesis Presbyterum, seu Clericum (verum Clericum reputatum) per Potestatem secularem incarcerari, seu detineri, vel alias occidi contigerit, extunc statim, postquam huiusmodi incarceratio, detentio, Presbytericidium, vel Clericidium ex fama publica, seu relatione fide dignorum, aut alias verissimiliter ad vestram notitiam pervenerit; absque aliqua alia requisitione, monitione, & intimatione, si Prelatus Diocesis, vel Canonicus Ecclesie nostre fuerit, per totam nostram Diocesim; si Presbyter, vel Clericus, per districtum, in quo occisus fuerit, vel detentus, seu incarceratus, per mensem; In civitate vero, oppidis, suburbis, aut aliis locis (ipsis contiguis) in qua, seu quibus plures Parochiales Ecclesie, sive Monasteria existunt, sub qua, vel quibus incarceratio, detentio, Presbytericidium, seu Clericidium huiusmodi factum fuerit, tam in civitate, oppidis, suburbis (non obstante, quod in una Parochia interemptio facta sit) nihilominus in aliis locis, & singulis Ecclesiis, & locis etiam contiguis simul & uniformiter, seu conjunctum (omni cessante mora) ecclesiasticum servetis interdictum, non resumendo Divina indifferenter, donec & quousque pro huiusmodi detentione, incarceratione, seu Clericidio facta sit emenda condigna, nisi aliud a Nobis inde receperitis in mandatis. Idem volumus quoad portatores mandatorum Apostolicorum, sive ad nuntios nostros, & Ordinariorum, extendi, & observari penis sub premissis.

XXXI. *Ut observetur Constitutio Legati Sedis Apostolice, & cessetur a Divinis propter ablationem rerum Clericorum, & mense Episcopalis &c.*

Item volumus & precipimus inviolabiliter observari Constitutionem prefati Reverendissimi in Christo Patris, & Domini GUIDONIS, Apostolicæ Sedis Legati, videlicet, quod in quacunque Parochia, ubi bona & res Clericorum violenter ablata, capi, duci, portari, vel detineri, aut etiam per laicos arrestari contigerit, usque ad restitutionem congruam a Divinis cessetur. Idem volumus extendi, & observari quoad res, & bona ad mentem nostram Episcopalem, Prelatorum, & Canonicorum Ecclesie nostre, & Diocesis spectantes, & spectantia. Adjicientes, quod in Parochiis, & locis, in quibus huiusmodi Canonicorum, Presbyterorum, & Clericorum captivatores, detentores, incarceratores, interfectores, & occisores, ac bonorum Clericorum, ac mense nostre Episcopalis predictorum spoliatores visi fuerint, & moram traxerint, quamdiu presentes fuerint, similiter cessetur a Divinis, penis sub premissis.

XXXII. *Ut Monasteria juxta juris dispositionem & frequentia regantur.*

Item mandamus vobis Dominis Prepositis, Gubernatoribus, & Provisoribus, ac Abbatibus, Prioribus, & ceteris Rectoribus Monasteriorum in virtute sancte obedientie, & sub excommunicationis sententie pena (a qua nullus citra nostrum consensum absolvere habebit) quatenus vestra Monasteria, Moniales, & Personas Monasteriorum secundum juris dispositionem, & statutorum nostrorum Predecessorum ordinationem, regatis, & gubernetis, ac ordinetis, quod ipse persone se secundum Canonum Sanctiones, & Statuta predicta regant, & gubernent. Monasteria sub firma & diligenti clausura de cetero habeant, neque facultatem deinceps Professe egrediendi acquirant. Militarium etiam propriorum amicorum tam spiritualium, quam secularium castra, civitates, oppida, curias, aut forum publicum, & nuptiarum solemnitates fugiant. Monasteria sua non exeant, neque vagentur, nisi ob-

N n n

tenta

tenta licentia, propter infirmitatem evidentem, & alias rationabiles & evidentes causas, ita quod in publico non videantur. Etiam mandamus vobis penis sub premissis, quod nullis Personis spiritualibus, seu secularibus, Presbyteris, Capellanis, Officiantibus, Custodibus, aut aliis cum ipsis servientibus, sive existentibus, (quocunque nomine censeantur) detur copia, sive licentia ad eas intrandi, neque colloquia habendi, nisi in ardua legitimitate & presentia eorum, quorum merito interest, de rigore observantie. Ut si sint persone, que necessario intrare habuerint ex legitima causa, quod tunc colloquia in presentia Abbatissæ, Priorissæ, sive Superioris fiant, etiam sub bono testimonio: contrarium vero facientes, penis premissis, ac aliis a jure statutis, ipso facto volumus subjacere; quia a mundanis & publicis aspectibus, ut Deo eo liberius servire valeant, debent esse alienæ, ut sublata lascivie opportunitate, corda & corpora earum in omni sanctimonia diligentius custodiant, & solum Deum Sponsum earum pre oculis habeant, cui se devoverunt. Insuper mandamus, quod ad Monasteria non recipiantur ultra numerum personarum, quam redditibus & Monasterii proventibus tolerabilis sit, ut ceteræ sine pecunia nutrirî, & sustentari possint, quia illa major reputatur causa destructionis Monasteriorum. Item in aliis articulis in jure expressis volumus & mandamus, quod Prepositi, Abbatissæ, Priorissæ, Subpriorissæ, aut alii (ad quos spectat gubernatio earum) eas informet juxta continentiam Regule, quod debita reformatio apud eas fiat. In quibus omnibus & singulis conjunctim & divisim conscientias eorum gravamus. Item mandamus, quod nulla Monialium propria habeat, sed omnia sint eis communia. Ut igitur singula premissa Monasteria, & Moniales respicientia, diligentius, & attentius cum omni mansuetudine, & gravitate in finem bonum & concupitum perfici possint, statuimus & mandamus sub pena excommunicationis sententie, ut quodlibet Monasterium nostre Diocesis habeat verum approbatum, & per Nos confirmatum, Prepositum Sacerdotem bone vite, in fama laudabilem, in spiritualibus, & temporalibus providum, qui possit salubriter preesse, &

prodesse in omni sanctimonia & castitate; ut moribus, exemplo, & bono regimine illius per singula premissa ad salutiferum finem vita earum perducatur.

XXXIII. *Prohibitio, ne Clericus contra Dominum Episcopum, & Ecclesiam, ac suum Prelatum procuret, aut extra judicium prebeat consilium.*

Item prohibemus, ne aliquis Clericus nostre civitatis & Diocesis, alieno nomine, in negociis seu causis quibuscunque, Nos, & nostram Ecclesiam tangentibus, contra Nos, & nostram Ecclesiam, aut Clericus contra suum Prelatum, & Canonicos, seu Patronum suum postulet in judicio, vel procuret, nisi in quantum de jure, aut contra Nos, & nostram Ecclesiam, & Personas predictas, prebeat extra judicium, consilium, auxilium, vel favorem, sub pena decem florenorum Nobis solvendorum.

XXXIV. *Inhibitio, ne Judices peregrinum Notarium admittant ad actus conscribendum.*

Item inhibemus universis & singulis Prelatis in vestra civitate & Diocesi constitutis, cujuscunque status, gradus, vel ordinis extiterint, ne coram ipsis in actis judicialibus aliquem Notarium de aliena Diocesi, seu ignotum ad scribendum in causis coram eis pendentibus & pensuris admittant, nisi per Nos, vel eosdem Prelatos prius electus, & approbatus fuerit. Alias instrumentis, per talem Notarium sine approbatione (in quibuscunque actibus judicialibus, & extrajudicialibus) confectis, in nostra civitate & Diocesi minime fides habeatur.

XXXV. *Inhibitio, ne quis de absolutionibus casuum Episcopatum se intro-mittat.*

Item inhibemus universis & singulis Presbyteris, religiosis & secularibus quibuscunque nostre civitatis & Diocesis, ne quis eorum de absolutionibus casuum Episcopatum, Nobis a jure, vel consuetudine reservatorum, nisi de nostra licentia speciali absolvendo, commutando, seu dispensando quovis modo se intro-mittat. Et si qui per nostram Diocesim autho-

authoritatem absolvendi receperint, illam revocamus, & cassamus, quousque de novo meruerint obtinere, & notitiam personarum, quibus concessæ sunt, firmitus habeamus. Unde reservamus Nobis absolutionem excommunicatorum a Nobis, penitentias solemnes injungere, vota commutare: blasphemiam in Deum & Sanctos committentium, clandestine, & contra interdictum Ecclesie contrahentium, perjuriam publicam committentium, infringentium vota, vel juramenta, sacrilegorum, incestuosorum, quorumcunque usurariorum, Sanctimonialium, & aliarum virginum defloratorum, seu seductorum, aut illarum, seu aliarum honestarum mulierum violatorum, & oppressorum, seu in mortem conjugum machinatorum, & abutentium Chrismate, Eucharistia, vel re sacra; Proprios filios sine necessitate baptisantium, vel ipsos ad Baptisma, vel Confirmationem tenentium, maleficorum, Symoniam cujuscunque generis committentium. Per saltum vel furtive; vel symoniace promotorum, aut Symoniacorum propter Beneficium, vel ingressum religionis. In Ecclesia, vel loco consecrato luxuriam committentium. Coeuntium cum Judea, Sarracena, vel Pagana. Abortum in se & sterilitatem, vel in alio procurantium: adulterorum, peccatum contra naturam, seu Zodomiticum, cujuscunque generis committentium. Falsum testimonium perhibentium. Litteras, vel instrumenta quascunque, seu quecunque falsificantium. Ecclesiarum, seu cimiteriorum immunitates violentiam, & ipsa incendium, & spoliandum. Parentes percutientium. Parvulos opprimendum, incantatorum, & augurum, ac divinatorum, intoxicatorum, publicatorum raptorum. Male ablatorum, seu legatorum, aut fidei commissorum (presertim in Ecclesiasticis personis, & piis locis, vel pauperibus) cum non appareat, cui restitutio sit fienda; vel si nimium distant, debitorum imbutorum, & retentorum. Cum aliis casibus similibus maxime dispensationem Episcopalem requirentibus.

XXXVI. *Ut Conjugati in Matrimonio commorari infra mensem debeant.*

Item precipimus & mandamus universis & singulis utriusque sexus perso-

Tomus V. Concilii Germanici.

nis laicalibus, quatenus omnes, qui sponsalia in facie Ecclesie contraxerint (carnali copula non subsecuta) secundum sacrorum Canonum Sanctiones infra mensem a data presentium Matrimonium perficere, & se secundum Legem (Divinam, & humanam) matrimonialiter tractare debeant. Si vero aliqui in nostra civitate & Dioecesi essent constituti, qui in facie Ecclesie per verba de presenti Matrimonium contraxerint (carnali copula non subsecuta); Mandamus eisdem, quatenus infra mensem (impedimentis juris & facti cessantibus) Matrimonium hujusmodi ratum esse designent, & prout de jure tenentur, cohabitent. Vel si qui ab invicem discesserint, & seorsum habitant, infra eundem terminum reconveniant, sub pena decem florenorum, irremissibiliter Nobis solvendorum.


XXXVII. *Prohibitio, ne ad Baptismum plures, quam tres Compadres vocentur.*

Item prohibemus (penis sub premissis) universis & singulis Presbyteris nostre civitatis & Dioecesis, ne plures Compadres, quam tres in Baptismo puerorum admittant, quoniam nonnulli casus sunt (ex cognatione spirituali procedentes) qui non solum impediunt Matrimonium contrahendum, immo dirimunt contractum: propter quorum ignorantiam verisimiliter timetur, circa Sacramentum Matrimonii diversas committi negligentias. Ut ergo Sacerdotes (maxime Curati) de quorum ore subditi legem requirere habent, se & suos eo expeditius dirigant; mandamus, ut quilibet Parochialis Presbyter quandam cedulam (casuum predictorum, nec non cujusdam figure contentivam) quam infra subjunximus, habere, & eam intra unius mensis spacium in sua Ecclesia affigere, affixamque continue ibidem tenere debeat, ut ex ea ipse, & quilibet eam intuens, de casibus cognationis spiritualis informari possit. Et hoc sub pena unius marce Lubicensis, per Prelatum a Rectore (totiens, quotiens in ejus Ecclesia cedula hujusmodi reperta non fuerit) exigende. Debet etiam pro tempore populum sibi subditum sepius in predicationibus suis informare, & casus in hujus-

modi cedula expressos declarare, ut sic pericula in futurum evitari possint. Cognatio spiritualis est inter baptisatum & levantem. Baptisatum, & filios levantis. Baptisatum, & conjugem levantis prius cognitam. Conjugem levantis prius cognitam, & parentes levati. Levantem,

& parentes levati. Similiter sentiendum est inter baptisatum, & baptisantem cum suis attinentibus, ut supra. Item inter confirmatum, & tenentem ad confirmationem cum suis attinentibus, ut supra. Et inter confirmatum, & confirmantem cum suis attinentibus, ut supra.

Arbor de casibus Cognationis spiritualis.



Arbor Cognationis spiritualis.

Et sic prohibitio ista extendit se ad XX. personas impediens Matrimonium contrahendum, & dirimens contractum. (*)

XXXVIII. *Mandatum, ut bona ablata mense Episcopali, intra duos menses restituantur.*

Item præcipimus & mandamus, quatenus moneatis omnes & singulos (tam Clericos, quam laicos) ut infra duos menses continuos, bona, res, pecunias, clementia (in auro & argento) libros quorumcunque facultatum, ad castrum Butzow (aut ad Matricem Ecclesiam) sive ad Capitulum nostrum spectantia, hactenus publice, vel occulte usurpata, ablata,

& asportata detinentes, Nobis, seu Capitulo nostro intra tres menses restituant, vel se nobiscum amicablem super eisdem componant. Scientes vero Nobis intra eundem terminum per se, vel alios notificent. Quam dilationem trium mensium pro Canonica monitione assignamus. Alioquin ipsos, & quemlibet eorum rebellem, seu rebelles excommunicamus Dei nomine in his scriptis. Quos & vos extunc in genere singulis diebus Dominicis, & Festivis (& quorum nomina sciveritis in specie) in Ecclesiis vestris excommunicatos denunciatis, donec absolutionis Beneficium a Nobis meruerint obtinere.

XXXIX.

(*) Schema istud Cognationis spiritualis a Concilio Tridentino mutatum est, aliquibus gradibus abrogatis.

XXXIX. *De Capitalibus summis ad Beneficia Ecclesiastica spectantibus reimponendis.*

Item in casu & eventu, quibus Beneficiorum quorumcunque principalis, sive capitalis summa per quoscunque censuarios & debitores reemi, & exsolvi contigerit, omnibus & singulis, sub excommunicationis pena predicta (nec non viginti florenorum multa) exnunc prout extunc, & econtra, quam Canonica monitione premissa ferimus Dei nomine in his scriptis, districte precipimus & mandamus, ut summam principalem reemptam & exsolutam, non ad se solum recipiant, sive in detrimentum fructuum Beneficiorum imbuant; Sed suis Collatoribus, & eorundem Beneficiorum Provisoribus tradant, quacunque prorogatione cessante reimponendam, si locus & tempus affuerit. Et si qui sint Beneficiorum suorum reemptas, & exsolutas summas principales, & nondum reimpositas detinentes (in animarum suarum periculum) eisdem sub similibus pena, & multa mandamus districte, ut intra duos menses immediate futuros, summas principales hujusmodi (ad sua Beneficia spectantes) Collatoribus, & Provisoribus Beneficiorum suorum tradant, atque etiam de eorum consensu (ut premititur) reimponant; Nisi aliud cautum fuerit in fundatione, tunc faciant juxta tenorem, & voluntatem testatoris. Contrarium facientes sententiam ipsi, & penis premissis subiacere volumus, absolutione Nobis tantummodo reservata. Et quod unusquisque Beneficiatus domus, sive curias suorum Beneficiorum ruinosas, sive destructas, pro necessitate decenti, & congrua intra annum restauret, & erigat. Alioquin dictorum Beneficiorum Collatoribus, & Patronis dabimus facultatem, ut fructus illorum Beneficiorum recipere, & in utilitatem, & instauracionem curiarum, domorum, & edificiorum hujusmodi convertere possint.

Et quod omnes Beneficiati suorum Beneficiorum fundaciones in Missali, aut alio libro ipsius Beneficii descriptas intra tres menses habeant, ad videndum & observandum, ad que preterito fundacionis sint obligati, penis sub premissis. Et si qui sint, qui fundaciones suas habere

non poterint, ad Nos, aut venerabile Capitulum Ecclesie nostre Swerinenf. juxta qualitatem Beneficii sui, ac ipsius collationis pro nova fienda fundacione, aut confirmatione recursum habeant, sub tempore dictorum trium mensium, & premissis penis. Volumus etiam, quod in omnibus presentationibus, & institutionibus, ac collationibus Beneficiorum quorumcunque fructus cujuslibet Beneficii determinate exprimantur, sub pena denegationis, institutionis, & collationis predictarum per illos, ad quos spectant.

XL. *Qualiter & quando Provifores Ecclesiarum reddunt computum, & eligi debeant.*

Item quia non ex delatione Curatorum, sed facti evidentia, & certa experientia accepimus, vitricos, seu Provifores, & Juratos Ecclesiarum quarundam nostre Diocesis laicos in officio sibi credito minus legitime procedere, elemosynas, stipendia, donaria & legata Ecclesiis (quibus intersunt) erogata apud se detinere, non in usum Ecclesie, sed nonnunquam suam pro dolor convertere rationem, & computum de perceptis, & expositis male, & inter se ipsos, & aliquando nunquam reddere, Curatos & Plebanos ad conscientiam illorum non admittere, officium illud quasi hereditario jure occupare, & ad suos successive transferre, multaque absurda in eo irreprehensibiliter vel committere, vel omittere; districte sub excommunicationis late sententie, & alia arbitraria pena prohibemus, ne de cetero tale quid soli attemptent, sed Provifores hujusmodi in singulis Parochiis suum Plebanum pro tempore, cum quatuor ad minus senioribus, ac discretioribus viris de Parochia ad interessendum computo hujusmodi, ad minus semel in anno per eos fiendo admittant, sua portione dictum Plebanum non fraudent, & correctionem, si quam viderint, ab eo benigne suscipiant. Et quod in posterum nullus in Proviforem novum recipiatur, nisi cum consilio & consensu Parochie, ac Rectoris Ecclesie. Et idem electus juret statim post electionem suam in manibus Plebani, vice nostra, & Proviforum antiquorum, de fideliter, & cum sana conscientia istud officium exercendo, alias non reputetur Provifor. Quod si oppositum com-

pertum fuerit, nec ipsemet Plebanus pro suo excessu nostram evadet censuram. Dicti vero Provisores, qui premissa per duos annos facere distulerint, Ecclesiastica careant sepultura, & tanquam sacrilegi erunt censendi. Et hanc constitutionem pernececessariam singulis diebus Dominicis, quo ad usque ad omnium (quorum interest) notitiam perveniat, mandamus per quemlibet Plebanum loci publicari, sub penis premissis.

XLI. Ut executiones testamentorum, sive ultimarum voluntatum fiant intra annum.

Item, quoniam secundum jus commune defunctorum pias voluntates dilatas Episcoporum decens est studio adimpleri. Hinc precipimus & mandamus, quod quicumque ultimarum voluntatum Executores deputati fuerint, vel in futurum deputabuntur, executiones testamentorum, sive voluntatum ultimarum intra annum faciant. Quem terminum eis exnunc, prout extunc, & extunc, prout exnunc absque alia requisitione pro executione effectualiter fienda, assignamus a tempore obitus testatoris, & volumus, quod mandatum nostrum huiusmodi interpellet ipso facto pro homine. Quod si non fecerint (iusto impedimento cessante) Nos ad executionem illorum procedemus. Provideant etiam dicti testamentarii, quod de dispositione, ac executione sua facta vel fienda, registra clara, & vera conficiant. Ita quod si requisiti fuerint, Nobis, vel Ordinariis eorum, approbationem huiusmodi testamentorum jure, aut consuetudine habentibus, reddere possint congruam rationem, sub pena decem florenorum, per Nos, vel dictos Ordinarios exigendorum.

XLII. Quod Prelati, & Rectores Ecclesiarum habeant Statuta Provincialia & Synodalia, ac ea observent, & publicent, & de subsidii non exigendis, nec Ecclesiis cum oneribus, aut pensionibus gravandis per Prelatos Episcopo inferioribus.

Insuper precipimus & mandamus, quod omnes & singuli nostre Swerinensis Ecclesie, & alii nostre Diocesis Prelati, copias Provincialium Statutorum non habentes, atque nostrorum, nec non FRI-

DERICI, & KAROLI Imperatorum, in Concilio Constantiensi approbatorum, ac Guidonis & Tusculani (olim Sancte Romanæ Ecclesie Cardinalium) in partibus Almanie Legatorum, a Nobis, vel nostro Commissario intra mensem (& Rectores Parochialium Ecclesiarum immediate intra alium mensem subsequenter) sub suis expensis recipiant, & ea fideliter observent, & per ipsorum subditos observari procurent. Ac per Ecclesiarum Rectores in illa parte, qua laicos concernunt, mandamus publice de ambone publicari. Et quod Prelati prescripti a suis inferioribus & subditis subsidium, decimam, contributionem, sive exactionem aliquam non petant, exigant, seu quovismodo postulent, aut extorqueant.

Cum ipsi inferiores Prelati subditos suos ad solutionem illarum decimarum, subsidiorum, contributionum, sive exactionum cogere possint. Attento quod realia sint, & non personalia, sed solum in necessitate Ecclesie & Diocesis nostrarum, & pro solutione debitorum earundem, Nobis, & Successoribus nostris (tanquam Episcopis) teneantur, & de jure sint stricti. Neque predicti Prelati, aut eorum Officiales contra dispositionem juris pensiones annuas, in quibuscunque Beneficiis reservent, & cum Possessoribus contra tenorem fundationum earundem quovis modo dispensent, eo quia de jure non possunt. Neque etiam prenominati Prelati, aut eorundem Synodales Commissarii Rectoribus in districtibus suarum jurisdictionum onerosi sint in sumptibus & expensis, cum in Synodis presederint, ipsasque Synodos tempore congruo celebrent. Nec a Rectoribus, seu etiam loca tenentibus Ecclesiarum quarumcunque, ex avaritia, seu odio pecunias, vel recognitiones quascunque recipiant, sub pena decem florenorum, Fisco nostro applicandorum, totiens, quotiens factum fuerit contrarium.

XLIII. Denuntiatio excommunicatorum ob non visitationem Sacrosancte Synodi.

Item omnes & singulos, qui de jure vel consuetudine huic Sancte Synodo personaliter interesse debuissent, & non licentiatos, vel impeditos iusto impedimento, reputamus contumaces, & declaramus

mus puniendos, seu excommunicandos. Quos etiam exnunc, prout extunc, & econtra, nisi se infra quindenam proxime subsequentem (quam pro Canonica monitione eis assignamus) de huiusmodi contumacia legitime, prout de jure, excusaverint, realiter, & cum effectu coram Nobis (in) Butzow (aut nostro in hac parte Commissario) in nostra absentia. Alioquin in his scriptis omnes & singulos, & eorum quemlibet excommunicamus.

XLIV. *De Vita & conversatione Clericorum.*

Item auctoritate Apostolica, & Sacri Concilii Constantien. ac nostra mandamus omnibus, & singulis Presbyteris, & Clericis nostre civitatis & Diocesis, quatenus honeste vivant, & a quibuscunque illicitis, & inhonestis jocis, & ludis, ac dissolutionibus, & presertim taxillorum, & lartarum, precipue in locis sacris tempore Divinorum se abstineant. Tabernas publicas non intrent, nisi in itinere constituti, & necessitatis causa. Ut autem occasionem tanti piaculi abscindamus, inhibemus, quod Clerici tabernas in suis domibus per se, vel per alias personas non teneant. Et cum ebrietas inducat mentis exilium, ac libidinis provocet incentivum, omnes Presbyteri, & Clerici diligenter se abstineant a crapula, ebrietate, & potibus, qui inebriant. Nec se mutuo invitent, obligent, & constringant ad commensuratos haustus, aut ad potus equales. Officiisque Ecclesiasticis, & aliis bonis studiis inhereant, & intendant, sub pena trium florenorum toties, quoties fit contrarium.

XLV. *Qui & qualiter dicere teneantur Horas Canonicas.*

Item ordinamus, statuimus, & mandamus, quod omnes Presbyteri, & in Sacris Ordinibus constituti, & Clerici Beneficiati, qualibet die teneantur dicere horas Canonicas. Et ante quamlibet huiusmodi horarum *Pater noster* & *Ave Maria*, premittere. Et in eisdem horis omnes versiculos integre, & complete proferre.

XLVI. *Ut Presbyteri, & Clerici tempore Divinorum in Ecclesiis incedant in habitu hic expresso, & in illis religiose versentur.*

Item omnibus, & singulis Prelatis, Canonicis, Beneficiatis, Officiantibus, & quibuscunque Presbyteris, & Clericis nostre Ecclesie, ac aliarum Ecclesiarum civitatis, & Diocesis Swerinenf. inhibemus, ne tempore Divinorum in Ecclesiis, seu processionibus cum pileis, aut mitris, nec cum Jiripipiis (more stole per collum dependentibus) sed cum religione decenti, & biretis, vel malmutis non nimium pretiosis (in quibus deferre habebunt) incedant. Et ne cum religione, cappa, vel superpellicio in foro, vel in alio loco prophano incedant, vel morentur. Aut in Ecclesiis, vel in Cemiteriis tempore Divinorum evagentur. Et quod in Ecclesia, & Choro temporibus debitis (& presertim Divinorum) esse debeant. Et quod in Ecclesiis, Cemiteriis, processionibus, & conventionibus Ecclesiasticarum Personarum se a colloquiis, confabulationibus & clamoribus, ac quibuslibet dissolutionibus, & Divinorum perturbationibus penitus abstineant. Et Divinorum temporibus legant, contentent, & orent, prout de jure obligantur, sub pena duorum florenorum totiens, quotiens solvendorum.

XLVII. *Que cantica in Missa integre cantari debent, statutum.*

Item statuimus, & mandamus, ut quilibet Sacerdos nostre Diocesis, cum gratia Dei dispositus, Missarum solemniter decantaverit, Gloria in excelsis, Credo, Offertorium, Prefationem cum *Pater noster*, juxta Sacrorum Canonum sanctiones a principio usque ad finem decantet, nullo abstracto, diminuto, vel resecto: aut aliud responsum, vel carmen vulgare loco premissorum in organis, aut choro, qui presentes fuerint Clerici resonent. Et in Credo tractatim cantetur: Ex Maria Virgine, & Homo factus est, genibus flexis. Alioquin contra transgressores rite procedemus, dantes cum hoc omnibus Presbyteris nostre Diocesis, qui in Missis eorum post Recordare, collectam, A cunctis . . . &c. devote dixerint:

rint , Ac pro nobis , & omnibus nobis commissis in fine oraverint , Et in fine Missæ Initium Evangelij secundum Joannem , voce sonora dixerint ; Et cum dicitur : Verbum caro factum est , genua flexerint ; XI. dies indulgentiarum pro qualibet vice de injunctis penitentiis.

XLVIII. *De homicidis, & eorum absolutione.*

Item de homicidis servetur consuetudo antiqua, videlicet, quod ab ingressu Ecclesiæ, & sepultura Ecclesiastica, donec Episcopali auctoritate absoluti sint, maneant suspensi. Adjicimus, quod de absolutione tali non debet stari eorum verbo, sed ad illam per litteras Episcopi, vel ad minus Confessoris ipsorum Curato eorum attestatio fiat.

XLIX. *De Decimis solvendis.*

Item mandamus Parochialium Ecclesiarum, presertim campestrium, sive ruralium Rectoribus, ac loca eorum tenentibus, ut juxta tenorem mandatorum nostrorum, decimale debitis temporibus singuli in suis Ecclesiis moneant & requirant eorum Parochianos, ut frumenta decimalia (qualiacunque fuerint) in annona & frumentis bene purgatis & mundatis, decimam eorum exsolvant. Alias remitemus eos censuris laqueatos, & de aliis remediis cogitabimus. Attento, quod decima jure Divino in mundissimo frumento solvi debeat.

L. *Fundationes Beneficiorum juxta suum tenorem sunt observande.*

Item statuimus & ordinamus, ut unusquisque Beneficiatus nostre Diocesis juxta ultimam voluntatem testatoris, fundatoris beneficio satisfaciatur. ex eo quia nemo post Papam contra voluntatem testatoris dispensare potest. Videant igitur sic Beneficiati ex tenore ultime voluntatis, si edificia & habitationes (que ruinam minantur, aut patiuntur, aut in totum diruta, seu destructa sunt) quod juxta foundationis tenorem reparent, reedificent, aut nova construant secundum exigentiam. Mandamus igitur vobis sic Beneficiatis, ut satisfactionem pro Beneficiis vestris impendatis, ne Patrom conqueri habeant de negligentia. Quia, pro

dolor! hodie (pro) extorsione fructuum Beneficiorum magna cura adhibetur; pauci autem diligentia pro conscientia servanda, & conservanda exhibetur.

LI. *Casus, in quibus fiat reconciliatio Ecclesiarum, aut Cemeteriorum.*

Item propter graves violentias, confictiones, & injurias enormes, seu abstractiones, sive propter aliquas alias invasiones, alicui confugienti pro tuitione ad Ecclesiam, sive Cemeterium, in quibus quilibet gaudere debet immunitate, ac libertate ob reverentiam Dei, & ejus Sanctorum irrogatas: Etiam si quis cistas, aut alias capias cum vestibus, vel aliis clenodiis in Ecclesiis propter securitatem positas (prout quotidie reperitur) cum violentia injuriose confregerit, aut alias per mala ingenia aperiendo res, vestes, aut alia inclusa rapiendo deportaverit, sacrilegium committendo, quibuscunque mediis violenter invadendo; volumus, & statuimus, quod (si) in Ecclesia, aut Cemeterio reconciliari omnino debeat, & Nobis pro tali excessu, & manifesta offensa, condigna satisfactio impendi. Eodem modo, qui sepulchra, aut domos mortuorum violaverit, lapides, seu marmora rumpendo, aut corpora sepulta, sive reliquias abstulerit, seu contrectaverit, eadem pena reconciliationis percelli debeat.

LII. *De octavis Assumptionis Virginis Mariæ, nec non Sanctæ Mariæ Magdalene, & de Festo Sanctorum Processi & Martiniani.*

Item statuimus, & mandamus expost, & in antea suffragium de Beata Maria Magdalena, juxta ordinem antiphonarum in laudibus ejus diei, cum versiculo: Dimissa sunt ei peccata multa, quoniam dilexit multum, per octavam ipsius dicitur. Et ipsa octava dies propter, & ante diem Beate Marthe anticipetur cum Festo trium lectionum, cum ultimis tribus responsoriis ex historia istius Festi. Et quod in die sanctorum Processi & Martiniani martyrum novem lectiones cum historia de Martyribus cum Omelia propria: Egremente JESU de templo, observentur. Ac quod sub octava Assumptionis Gloriosissime Vir-

Virginis Marie deinceps, & perpetuis temporibus collecta: Veneranda nobis Domina, hujus diei &c. ad omnes Horas Canonicas devote dicatur, & observetur. Sed in ipsa octava in primis Vesperis collecta: Concede nobis quesumus.

LIII. De Festo Presentationis.

Item statuimus & ordinamus, ut ex post, & in antea festum Presentationis Virginis Marie (qualiter oblata, & presentata est in templo) quod festum presentibus de novo per totam nostram Diocesim instituendum duximus, sicuti cetera ipsius Dei Genitricis festa, cum debitis & consuetis ceremoniis in summis festis, quanto solemnius, aut decentius fieri potest etiam cum processionibus singulis annis XXI. die mensis Novembris (que est profestum Beate Cecilie) peragatur, dies quoque illa tota celebris habeatur. Et ab Ecclesiarum Rectoribus Dominica immediate precedente proclametur cum exhortatione; ut Christi fideles se ab operibus mechanicis per integrum diem illum abstineant. Historia sicut de Nativitate ejusdem, mutatis mutandis, & non aliter servetur. Invitatorium: Corde & voce simul. In fine: . . . Presentationem. Nos vero omnibus Christi fidelibus, qui ipsius Beate Marie Virginis Presentationis festum celebraverint (vere penitentibus & contritis) quadraginta dies indulgentiarum de injunctis eis penitentis misericorditer in Domino relaxamus.

LIV. De Octava Sancti Nicolai Episcopi.

Item volumus & statuimus, quod festum Beati Nicolai, quod occurrit in Adventu, per octavam cum suffragio celebrari debeat per ordinem Antiphonarum, adiunctis festi Beati Andree. Et octava dies debet anticipari propter festum Beate Lucie, quod habetur pro festo duplici. Et observabitur octava dies cum tribus Lectionibus, & tribus ultimis Responsoris, cum Capitulo: Talis enim decebat. In primis Vesperis super Magnificat antiph.: O Pastor eterne. Ad Benedictus antiph.: O per omnia laudabilem.

Tomus V. Concilior. German.

LV. Quod inferiores Prelati extra territorium non exerceant jurisdictionem contentiosam.

Item volumus & mandamus, quod Prelati inferiores jurisdictionem habentes, eandem in foro contentioso extra districtum, sive territorium eorum non exerceant; nec partes extra districtum eorum citando, & de causa cognoscendo auctoritatem assument. Si contrarium factum fuerit, declaramus tale irritum & inane, & nullius roboris & firmitatis, tanquam factum extra territorium.

LVI. De Usurariis non absolvendis.

Item universis & singulis Divinorum Rectoribus, aut eorum loca tenentibus, sub excommunicationis pena mandamus: quatenus moneatis seriose, & requiratis vestros Parochianos, tam spirituales, quam seculares, ut deinceps non recipiant sub sola cautione litterarum, vel sigillorum, aut fide iussorum annuos redditus pro quacunque summa pecunie principali, quia manifesta usura est. Et salva conscientia hujusmodi redditus usurarios recipere non possunt, imo tenentur ad restitutionem. Qua de re precipimus & mandamus, quod nullus vestrum, tales hujusmodi lucri receptores absolvat, nisi restitutione facta.

LVII. De mundificatione Ornamentorum Ecclesiasticorum, que nequaquam alienantur, aut impignorentur, ac de celebratione Missarum.

Item volumus & districte precipimus, quod Altarium, Calicum, Missarum, & alia Ecclesiarum ornamenta munde, & nitide, ablutionibus (non quidem per feminas, sed altaris Ministros juxta Sanctiones Canonicas) repetitis, absque eorum impignoratione, vel alienatione diligenter conserventur. Et quod Prelatus immediatus desuper sepissime subditorum altaria circumeundo oculum dirigat, etiam mediante inflictione pene, aut mulcte, de qua sibi secundum qualitatem excessus videbitur, quodque nullus Presbyter Missam celebret sub sermone, nec illam dicat, nisi postquam tertiam horarum Canonicarum perolverit, & nequaquam absque Ministro. Et ut absque speciali licentia Episcopi Swerin. in quatuor maj-

O o o o

jonibus

joribus & aliis celebribus Festivitatibus, ac Dominicis diebus in Capellis extra Parochialem Ecclesiam constitutis, in prejudicium Rectoris Parochiæ, nullatenus a quocunque Presbytero celebretur, sub pena arbitraria contrafacienti per Ordinarium cujuslibet loci infligenda.

LVIII. *De Dominicis, & aliis Festivis diebus celebrandis, & ne in illis Plebani se a suis Parochiis absentent.*

Item vobis Divinorum Rectoribus, seu Verbi Dei Predicatoribus in civitate & Diocesi Swerin. ubilibet, in virtute sancte obedientie, districte precipiendo mandamus, quatenus statim post sermonem populum vobis subiectum in omnibus sermonibus vestris fideliter exhortando, auctoritate nostra moneatis, & requiratis (& nihilominus vestris utriusque sexus Parochianis mandetis) sub excommunicationis, & aliis penis, per Ordinarios locorum secundum qualitatem excessuum infligendis; Quatenus in antea Dominicos, & alios celebres dies, quos jus commune, aut vetus observantia precipit venerari, devote celebrent, & Ecclesias frequentent, Divinis Officiis, Laudibus, & Orationibus ibidem insistant, ut ea, que aliis diebus circa Divinas laudes, & gratiarum actiones neglexerint, eo plenius tunc possint, & valeant (dante Domino) recuperare. Vosque Rectores Parochiarum ruralium, nequaquam Dominicis, & aliis celebribus Festivis diebus a vestris Parochiis sermones, & Missas pretermittendo absentetis, sed populum vobis commissum Verbo Dei, & sacrificio vestro spiritualiter reficiatis, sicque Deo vos dignos reddere, sibi que in perpetuum conregnare possitis.

LIX. *De potestate Presbyterorum mutuo se absolvendi.*

Item universis, & singulis Presbyteris Beneficiatis, & non Beneficiatis, ac aliis in sacris constitutis per nostram civitatem & Diocesim (presentibus, & futuris) usque ad futuram Synodum duntaxat licentiam, & auctoritatem, in Confessorem (quotiens voluerint) quemcunque discretum Presbyterum, Religiosum, vel secularem, eligendi, qui ipsos in calibus,

etiam Nobis specialiter reservatis, in foro conscientie duntaxat valeat autoritate nostra absolvere, & penitentiam eis injungere salutarem, concedimus, & indulgemus.

LX. *De anno gratie, & deservito in Beneficiis.*

Cum in Statutis bone memorie FRIDERICI Episcopi Swerin. habeatur de annis gratie, & deservito, ejus tenorem hic ponemus. Item iste modus servatus in Ecclesia Swerin., quod, qui decesserit in die Michaelis post Nonam Completam, quando dictum: Deo gratias, habeat annum deservitum, & annum gratie. Sed per unum annum scilicet primum tantummodo habebit bursam. Et si habuit expensas, & familiam, eidem familie remanenti simul in curia defuncti dabuntur panes per primum mensem. Sed carebit defunctus stipe memoriarum, licet per duos annos habeat tollere fructus, & corpus Prebende.

Item tam Canonici, quam Vicarii mortui, pro annis, quibus percipiunt fructus Beneficiorum suorum, deserviri facient in Beneficiis illis, & omnia onera supportabunt. Et similis modus in Collegiatis Ecclesiis hujus Diocesis poterit observari. In ceteris vero Ecclesiis extra Cathedrali Swerin. & Collegiatis ecclesias predictas, in quibus per hanc Diocesim Swerin. Beneficia per obitum possessorum vacare contigerit, sequendo vestigia dicti quondam Domini GUIDONIS Legati, & bone memorie HERMANNI, Episcopi Swerin., sic etiam poterit observari, quod si simplicia fuerint, & possessor post horum duodecimam in die Sancti Michaelis moriatur, defunctus habebit annum deservitum, & similiter annum sequentem pro anno gratie. Si vero ante duodecimam horam moriatur, unum duntaxat annum videlicet deservitum habebit. In curatis autem Beneficiis, sive Parochialibus Ecclesiis, cum earum Rectores curam animarum respicere, & exercere, ac personaliter in eisdem de jure residere teneantur, & familiam alere, ac os bovis triturantis scriptura dicat ligari non debere; Defunctus habeat pro solutione debitorum, & aliorum onerum, sive ultime voluntatis fru-

fructus, & omnia emolumenta duntaxat unius totius anni a die obitus inchoandi, & revoluti anno, eodem die terminandi provenientia interim ex dicto Beneficio curato. Et tam in curatis, quam simplicibus Beneficiis, Defuncti, five eorum Testamentarii interim onera eisdem Beneficiis respective incumbentia, supportabunt per novos Rectores, seu Beneficiarios, vel alias idoneas personas, de eorum consensu inibi ordinandas. Si vero succedentes in Beneficiis voluerint servare constitutionem: Suscepti regimini, que est Extravagans JOANNIS Pape XXII. propter annum gratie, tunc unque pro rata fructuum, quos percipiunt, deservient, & onera Beneficii supportabunt.

Protestamur etiam, quod per huiusmodi Statutorum publicationem nolumus, nec intendimus. Predecessorum nostrorum, atque GUONIS & TUSCULANI (in paribus Alnanie Legatorum) Statutis & Constitutionibus in aliquo derogare, quominus in ea parte, qua abrota, revocata, seu moderata non sunt, obtineant sui roboris firmitatem. Immo eadem approbamus, ratificamus, & in-

novamus, unaque cum Statutis & Constitutionibus huiusmodi publicamus, & per civitatem & Diocesim Swerin. sub in eis expressis penis firmiter observari etiam mandamus.

Huiusmodi Statuta Synodalia & Constitutiones edita, & promulgata fuerunt olim per quondam Dominum CONRADUM, Episcopum Swerin. predictum, sub anno a Nativitate Domini MCCCCXCII. die III. mensis Aprilis. Nunc vero per Nos ADMINISTRATORES (*) Decanum, & Capitulum Ecclesie Swerin. predictæ innovata, ratificata, & approbata, ac de novo publicata: prout tenore presentium publicamus. Que huic *communi totius Diocesis Ordinaro* inferi fecimus ad laudem Dei, & publicam utilitatem; ne quisquam de illis possit, aut valeat in futurum pretendere ignorantiam, seu quomodolibet allegare. Datum & actum apud Ecclesiam *Swerinensem*, in loco nostro Capitulari, sub anno a Nativitate Domini M. D. XIX. die XII. mensis Januarii.

Cl. Lunig Spiegelii Eccles. Cont. III. in appendice pag. 65.

(*) Decanus & Capitulum Diocesis Swerinensem eo tempore administrabant ob immatunam ætatem Magni, Principis Mecklenburgensis, qui anno 1516, cum septem duntaxat annorum esset, Petri, Episcopi Successor electus est. Hoc sub Principe Augustino Conrædus Swerinensem in Ecclesiam invecit fuit. Conjugem duxit Elisabetham, Frederici I. Danie Regis filiam. Obiit anno 1550. *Hist. Eccles. Germ. Bruxellæ edita apud Franc. Leppens.*

Constitutiones Synodales THOMÆ,

Episcopi Constantiensis, editæ

Anno Christi MCCCCXCII. Alexandri VI. Pp. I.
Friderici Imp. LIII.

THOMAS, (a) DEI, ET APOSTOLICÆ SEDIS GRATIA EPISCOPUS, ET PRÆPOSITUS CONSTANTIENSIS. UNIVERSIS ET SINGULIS SECLARIUM ET REGULARIUM ECCLESiarUM PRÆLATIS, RECTORIBUS, PLEBANIS, VICE-PLEBANIS, CANONICIS, CAPELLANIS, PRESBYTERIS, ET CLERICIS, PER NOSTRAM CIVITATEM ET DIOCESEM UBILLET CONSTITUTIS, PRÆSENTIBUS ET FUTURIS, SALUTEM ET SINCERAM IN DOMINO CARITATEM.

TAmetsi pius omnium Conditor, & Redemptor in sua Sancta Ecclesia militante Sacrum Clericalem Ordinem

Divinis suis ministeriis præcipue mancipavit; voluit tamen illum laudabili quidem vita, moribus bonis, clarisque vir-

Tanus V. Concilior. German.

O o o o 2

tutum

tutum exemplis , ac dogmate sancto gregi suo Dominico adeo provide præesse; ut tandem tam Clerus ipse, quam sibi creditus grex, ipso summo bono, perenni gloria feliciter fruerentur. Quam ad rem etiam officii nostri debito congruit opem ferre, quod equidem nullo munere conducibilis futurum censemus, quam ut *Synodales ille* (parvo quidem hætenus, ut verendum est, usu trite) *Constitutiones* recenseantur de cetero observande: quas Nos itaque Prædecessorum nostrorum sanctæ memoriæ vestigiis inherentes, *Diversis siquidem dispersas codicibus*: adactis nonnullis, prout saluti & commodis expedit, in hoc breve compendium congerere: vobisque serie subscriptorum communicare, & publicare curavimus, Vos auctoritate nostra ordinariæ in virtute sanctæ obedienciæ districtius requirentes, quatenus hujusmodi Constitutionibus deinceps pro statutis Synodalibus uti, illas vestris mentibus commendare, & omni studio observare velitis. Quilibet quoque ex vobis Decanis, in sibi commissis districtibus, easdem Confratribus suis communicare, ab eisdem transcribere facere, atque in suis *Ruralibus Capitulis*, singulis annis, quotiens *Ruralia Capitula* celebrantur, palam coram totaliter legi facere, & publicare debeat, quavis exceptione semota.

§. I. De Summa Trinitate, & Fide Catholica.

In primis igitur, omnia & singula in Sacro *Provinciali Concilio Moguntinensi* dudum celebrato per recolendæ memoriæ quondam Dominum CONRADUM tunc Archi-Episcopum, & Metropolitanum loci, tam de Fide Catholica, quam veneratione, & memoria Passionis Domini nostri JESU Christi, & ipsius Beatissimæ Matris, semperque Virginis Mariæ, ac reformatione morum provide

statuta, & ordinata, quæ hic volumus haberi pro expressis, devotissime suscipimus, & illa ab omnibus subditis nostris inviolabiliter observari mandamus.

Quamvis a Sacris Canonibus, & Sanctorum Patrum traditionibus, contra manifestos Sanctorum blasphemos, &c. *Idem reliqua in Concilio Constantiensi anno 1483. celebrato sub Ottone Episcopo, supra pag. 546. unde §. hic sub Tit.: De Blasphematoribus, de verbo ad verbum descriptus fuit.*

§. II. De Officio Decani.

Indemnitatibus Ecclesiarum, & Beneficiorum, quæ frequenter propter eorum longam vacationem, grandia in spiritualibus, & temporalibus dispendia patiuntur, occurrere volentes, statuimus: ut quilibet Decanus, seu ejus locum tenens, singulis annis, quotiens *Ruralia Capitula* celebrantur, in præsentia Confratrum suorum, in loco *Capitulari*, congregatorum, de omnibus Beneficiis infra Decanatum suum vacantibus Curatis, & non Curatis, quæ ultra tempus, Collatoribus, seu Patronis eorum a jure statutum vacaverint, nec non de ipsis Collatoribus, & Patronis, ac eorum nominibus, diligentius inquireat. Nobis, seu Vicario nostro in Spiritualibus illa, cum suorum Patronorum, & Collatorum nominibus, quamprimum commode possit, sic tamen, quod istud ultra unius mensis spacium, a die notitiæ computandum, non differat, post inquisitionem hujusmodi in scriptis notificet. Quod si facere obmiserit: penam duorum florenorum Renensium, (*) dicto mensis spacio elapso, incurrat: quam etiam penam quilibet Confratrum, qui super præmissis requisitus, ea Decano scienter celaverit, incidat simili modo. Verum quoniam nonnulli prætextu litterarum Apostolicarum, quas se impetrasse mentiuntur, Ecclesiastica Beneficia vacantia propria temeritate in periculum suarum

(a) Thomas Ferlower de Cilia J. U. D., Friderici Imp. Orator, Eccles. Cathedr. Constantiens. Præpositus, ejusdem Ecclesiæ Episcopus electus est anno 1491. Altero ab electione anno renovavit Statuta Synodalia ab Ottone, Episcopo Constantiensi, olim anno 1483. promulgata. Obiit anno 1496.

(b) In Constitutionibus Synodalibus Ottonis Episc. Constant. supra pag. 547. statuitur *Pana suspensionis ab officio Divinorum*, quæ hic mutatur in muletam pecuniariam. Hugo de Hohen Landenberg, Thomæ in Cathedra Constantiensi Successor, qui easdem has Constitutiones anno 1497. innovavit, pro hac duorum florenorum mulcta statuit penam quinque florenorum.

rum animarum occupare præsumunt; ordinamus; ut de cetero quilibet Decanus, seu ejus locum tenens, tam eorum, qui infra suum Decanatum Ecclesiastica Beneficia, vigore literarum Apostolicarum affequantur, quam etiam Beneficiorum, & Patronorum eorundem nomina, infra mentis spacium a tempore affectuionis hujusmodi computandum, Nobis,

vel Vicario nostro rescribat, seu notificet: alioquin similem penam duorum florenorum, uti præfertur, dicto mense lapsso incurrat, tempus autem a jure datum pro conferendis Beneficiis Patronis Ecclesiasticis *sex menses*: laicis vero *quatuor* intelligatur ad præsentandum. *Vide reliqua in Concilio Constantiensi anni 1483. pag. 547.*

SYNODUS CAMINENSIS

CELEBRATA STARGARDIÆ IN POMERANIA,

SUB BENEDICTO, (C) EPISCOPO CAMINIENSI,

Anno Christi MCCCCXCII. Alexandri VI. Pp. I.

Friderici III. Imp. LIII.

I.

BENEDICTUS interdicat Clericis, publicas tabernas ne introeant, nec apud suspectas mulieres sedent, nec ad suspecta cenopolia, vel cellas, se conferant.

II. Interdicat ebrietate sub poena duorum Ungaricorum florenorum, lusu alearum, cætarum, usu digladiandi, lusuque scænicis in vetibus.

III. Statuit, quæ poena percutienti, vulneranti, aut interficienti Clericum infligenda: item, quæ Clericis furibus Ecclesiarum, trachonibus fenestrarum, invasoribus domorum, aut similem vim aliis inmerentibus.

IV. Quomodo captivus Canonicus, aut Clericus tractandus.

V. Cuilibet Ecclesiastico Beneficiario in loco suæ Ecclesiæ, aut Beneficii residendum.

VI. Nemo duarum Ecclesiarum curam suscipiat, nisi forte altera alteri connexa sit.

VII. Cuilibet Parocho in persona suo officio fungendum.

VIII. Nuptiæ clandestinæ prohibentur.

IX. Ne Parochus in aliena Parochia sponsis benedicat.

X. Concubinarum usum interdicat, easque eliminandas præcipit.

XI. Residentes apud Ecclesiam Cathedralē (Camini) & Collegiatam (Stettini sub titulo B. V.) & Plebanus Ecclesiarum, qui expensis propriis vivere coguntur, ex juris statuto, aut consuetudine poterunt in domibus eorum tenere honestam mulierem, non suspectam de incontinentia, non minus quadraginta annorum ætatem habentem. Sed Vicarii Ecclesiarum nullam habeant mulierem, continua conversatione cum eis morantem, nisi fuerit mater, & soror: cum Prælati aut honestis viris expensas teneant, & nullo modo cum fornicariis ipsorum, nisi ex causis in jure expressis, ubi dispensandi facultatem Episcopus sibi reservat.

XII. Reprehenditur infortia Procuratorum forensium, qui licet nec Grammaticen, nec Rhetoricam, nec Logicam norint, causas tamen agere volunt, partes inter se committere, aut inter poenula conciliare. Definuit, quæ danda sint Advocatis & Procuratoribus salaria. Præscribit juramentum ab eis edendum.

O o o o 3

XIII.

(*) Mortuo Romæ, circa annum 1482, Marino (alii Maximum nominant) Episcopo Caminensi, Papa Episcopatum hunc alicui Cardinalibus tribut, cui, cum non placeret Pomerania Mita, translata fuit in Benedictum de Waidtem Ecclesiasticum, & Doctorem, natione Bohemum. Ab hoc anno 1499. resignata in manus Ducis Bugslavii. Obiit Benedictus in itinere Romano Oeniponti.

XIII. Confessarii, ne vendant absolutionem, neque pauperes gravent. Distatur taxa Confessariis: item Notariis Consistorii.

XIV. Clerici vestes congruas induantur juxta discrimen status. Canonici, Prælati, Vicarii suis vestibus discriminentur. Calceos rostratos Clerici non ferant, nec capillos promissos.

XV. Testamenta sine Episcopi, aut Prælati consensu nulla sint. Nullum ex ordine Mendicantium ad dignitatem Suffraganei, aut Vicarii, elevandum, nec

Episcopi sigillum eis committendum. Nullum Mendicantem ex ordine Minorum, ulli agro extra Monasterium assistendi licentiam habere, neque agro seculari ullum Sacramentum administrare eisdem licere.

XVI. Parochus habeat Catalogum eorum, qui in Paschate confessi sint.

XVII. Episcopus statuit certos dies festos per annum celebrandos.

XVIII. Interdicitur iter ad sacra loca, aut indulgentias quærendas, citra specialem licentiam Episcopi.

Hæc Latina feci ex *L. II. Historie Pomeranie cap. 48*, Germanice conscriptæ a Cramero, qui sedis calumniis hæc Capitula interpolavit, & aspersit. Utinam exemplar Latium obtingat, una cum actis & statutis plurium Synodorum Caminensium, quæ desiderantur!



TREVERICA SYNODUS

Anno Christi MCCCCXCV. Alexandri VI. Pp. III.
Maximiliani Imp. II.

SUB JOANNE BADENSI, ARCHIEPISCO.

MENTIO apud BROWERUM.

Continuata negotiorum publicorum, & Archi-Diœcesis serie JOANNES Archi-Episcopus sylvescere, & variis obfitum jacere vitorum sentibus arvi sacri cernens solum: curam eam imprimis laudabilem & honestam suscepit, ut extus & evulsis ubique succrescentibus zaniis, pravique moris exemplis sublatis, religionem ab omni labe puram, intactamque servaret, & Monasticæ rei labantem disciplinam, bene firmis salubrium præceptorum administriculis suffulciret.

Synodo hanc ob rem Archi-Diœcesis, Abbatibus, & e Clero Primoribus in unum convocatis indicta: quæ in Synodo cum cætera non perinde Nobis

comperta; quæ de nobilissimo Virginum Horreensium Collegio, quod intra urbis Augustæ mœnia est, præclare sancivit, ex ipso, quod tradidit Sanctimonialibus Diplomate, verissime narrabimus.

Browerus & Masenius Annal. Treviror.

LXIX. ad h. a. N. CXXX.

Diploma ipsum *Browerus* non exhibet: referemus illud ex *Illmi Honthemii Historia Diplomatica Trevirensi*.

JOANNES, (a) D. G. TREVERENSIS ECCLESIAE ARCHIEPISCOPUS, S. R. I. PER GALLIAM ET REGNUM ARELATENSE ARCHICANCLARIUS ET PRINCEPS ELECTOR, AD PERPETUAM REI MEMORIAM.

Quia post nostri Pastoralis Regiminis ingressum fere omnia Sanctimonialia-

(a) Joannes II. Badensis postularus fuit ad Cathedram Trevirensis Archi-Episcopalem anno 1456. *Gesta Trevirensium apud Illmum Honthemium* hæc memorant de hoc Archi-Episcopo: "Tempore suo plurima utriusque sexus Monasteria, præsertim Ordinis S. Benedicti, Reformationi subiecta sunt, utpote Lacensis, Mediolacensis, Theologiensis, Schonawæ, Tygerstein, S. Agnetis in Treviri, Insula juxta Confluentiam, Vallendar, Engelport, & post nobilium Dominarum Monasterii S. Irminæ in Horreo Treverensi." (*Browerus addit Gronaugiam, & Leram inter Confluentium muros*) Similem sollicitudinem Archi-Præsulum Trevericorum non tantum ante, sed & post Tridentinum Concilium in reformandis & visitandis Monasteriis Regularium, deinceps videbimus, ait *Ill. Honthemius in Historia Diplomatica Trevirensi Tomo II. pag. 497.*

nialium Monasteria nostrarum civitatjs & Diœcesis a Monastica clausura, Regularique vita defecisse, prò dolor! compereimus; ideo omni cura, ut hujusmodi Monasteria recludi, reformarique possent, studuimus, ut DEO Nobis favente successu temporum pleraque sunt reclusa, & reformatà. Nihil enim virginibus, quibus terrenæ nuptiæ viluerunt, quæque terrenos amplexus non desideraverunt, pro suæ virginitatis honore pure & sine macula custodiendo, regularique vita conservanda, magis necessarium ducimus, quam eas sub stricta clausura ab hoc nequam sæculo abstractas vivere, ubi nihil videant, seu audiant, quo purum & pudicum virginitatis petus inquinari queat.

Nuper igitur ad magis inclyti Monasterii S. Mariæ in Orreo civitatis nostræ Treverensis, quod Gloriosissimi & Catholici Regis DAGOBERTI Filia, S. IRMINA, erexit, dotavitque, quodque S. MODOALDUS, tunc Archi-Episcopus Treverensis, consecravit, in quo nedum jam memorata Irmina, sed etiam Modestia, Anastasia, & aliæ virgines sancte vixere, antiquitatem, dignitatem, & sanctitatem oculos nostros spirituales intendentes, consilio, assensu, & applausu Venerabilium & Nobilium Præpositi, Decani, & Capituli Ecclesiæ nostræ, plurimumque Abbatum, Prælatorum, Presbyterorum, & Clericorum nostrarum, Procerum quoque, imo totius populi dictum Mo-

nafterium in Orreo, quod initio ad Regulam S. Benedicti institutum sub memorata Irmina, & reliquis sanctis Virginibus vixit: postquam ad Regulam S. Augustini translatum, novissimis temporibus Canonissarum sæcularium Collegium extitit, ad suam originem & primam S. Benedicti Regulam, clausura, habitu, cantu, & aliis caeremoniis, veneranda, religioſaque Joanna, de Bassa Petra, ante Canonissarum Magistrā, nunc vero in manus nostras S. Benedicti Regulam Professa, & Abbatissa, id flagrantissime exposcente, hodie reducimus, & reformamus per præſentes, volentes, ordinantes, & statuentes, ut inibi perpetuis futuris temporibus hujusmodi regularis vita maneat, vigeat, & conservetur: quotiescunque Abbatiam vacare contigerit, Sanctimonialis Abbatissam Canonice eligant, quam sic electam Nos, nostrive Successores, uti ante hac Magistram, confirmabimus, Nostris etiam, & Ecclesiæ nostræ, visitandi, rationes audiendi, Patres, seu Commissarios deputandi, & reliquis ordinariis & temporalibus juribus semper salvis.

Datum in sæpe memorata nostra Treverensi civitate anno Domini MCC-CCXCV. die Mercurii, post festum S. Brictii (b), sub sigillo nostro Pontificali oblongo.

Illnus Hontbernius Historiæ Diplomaticæ Trevericæ T. II. pag. 497.

(b) Dies S. Brictii incidit in XIII. Novembris: Inscriptio Templi S. Irminæ Treverici dicit XVII. Novembris hujus anni 1495. Monasterium reformatum fuisse ad Regulam S. Benedicti: quæ forte eo anno fuit dies Mercurii post Brictii: adeoque Diploma & Synodus reformatoria conveniunt in anno & die: miror autem in toto Diplomate nullam mentionem Synodi hujus anni fieri, etsi fiat diserta mentio assensus & applausus Capituli Cathedralis, plurimumque Abbatum, Prælatorum, Presbyterorum, & Clericorum Treverensium, sub quibus verbis Synodus Diœcesana intelligi poreſt, atamen Synodi nulla explicita mentio est.



VARMIENSIS SYNODUS

Anno Christi MCCCCXCVII. Alexandri VI. Pp. V.
Maximiliani I. Imp. IV.

SUB LUCA EPISC.

LUCAS, DEI GRATIA, EPISCOPUS VARMIENSIS ; ARCHI-PRESBYTERIS, ECCLESiarUM PAROCHIALIUM RECTORIBUS, ET CLERICIS,
PER NOSTRAM DIOECESIN CONSTITUTIS, SALUTEM
IN DOMINO.

Saluti, & quieti subditorum nostrorum tam sæcularium, quam Ecclesiasticorum intendentes, & vestigiis Prædecessorum nostrorum fælic. record. inhærentes de consilio universalis nostri Capituli Varmiensis statuimus subscripta.

I. De Celebratione Missæ.

Primo, quod nullus Sacerdos extra Ecclesiam Missam absque nostra, vel Successorum nostrorum licentia celebrare præsumat.

I I.

Item ne quis Sacerdos in Ecclesia, Cœmeterio, a iure vel homine interdicto Divina Officia publice, nisi quatenus a iure permittitur, celebret, mortuos sepeliat, nubentes benedicat, si irregularitatem voluerit evitare.

I I I.

Item excommunicatus, interdictus sacris, cui interdictus est ingressus Ecclesiæ, si Divina celebraverit in Ecclesia, ut prius, irregularitatem incurrit.

IV.

Item qui præsentem publice excommunicato, aut nominatim interdicto, scienter Divina celebraverit, ipso iure ab ingressu Ecclesiæ est suspensus, & si sic suspensus celebraverit, irregularitatem incurrit.

V. De Sepulturis.

Item sepelientes scienter publice excommunicatos, seu nominatim interdictos, vel manifestos usurarios, excommunicati sunt, exemptione quacunque non obstante.

VI.

Item prohibemus, ne quis in Ec-

clesia, vel Cœmeterio sanguinis, vel seminis humani effusione pollutus Divina celebret, aut mortuos sepeliat, aut in talibus Cœmeteriis, vel Ecclesiis nondum consecratis circuitus, vel processiones cum Crucibus, aut Reliquiis faciat, donec reconciliata fuerint, vel consecrata.

VII. De Chrismate, & aliis Sacramentis.

Item ne quis chrismandos chrismet, de veteri Chrismate, sub pœna depositionis.

VIII.

Volumus præterea, quod Sacerdotes Ecclesiarum Parochialium Eucharistiam in loco mundo teneant, Baptisterium, & Christma, Oleum Sanctum sub fidei custodia, & clausura custodiant, corporalia, pallas altaris, vasa, & vestimenta ministeriorum munda conservent, contrarium facientes arbitrio nostro multabuntur.

IX. Sacerdos de quolibet Archi-Presbyteratu Frauenburgum pro Chrismate ferendo mittendus.

Item ut Sacramentis Ecclesiasticis debita reverentia exhibeatur, & plures graves negligentiae compescantur, statuimus, ut singulis annis de qualibet sede unus Presbyter pro Chrismate afferendo ad Ecclesiam Varmensem mittatur, expensis omnium Ecclesiarum Parochialium de illa sede, quodque idem Presbyter illud deferat reverenter ad locum insigniorem dictæ sedis, ut alii Rectores aliarum Ecclesiarum Parochialium de loco huiusmodi insigniori per se, vel alium Presbyterum ad suas Ecclesias decenter id valeant deportare.

X.

X. *Alieni Parochiani non communi-*
candi.

Item, ne quis Parochianum non suum ad Sacramenta recipiat, Plebani sui licentia non obtenta, nisi viator, vel in extrema necessitate constitutus fuerit.

XI. *De Peregrinis Clericis.*

Item, ne quis Plebanus Presbyterum alterius Diocesis in Capellanum recipiat, aut publice celebrare permittat, nisi prius per literas nostras se receptum ostendat.

XII. *De Matrimonio.*

Item prohibemus sub poena suspensionis ab officio, & beneficio, ne quis solemnizet matrimonia, seu copulet, nisi ambo, vel alter saltem copulandum sit de sua Parochia, & alter sit sibi notus, vel per suum Plebanum ostensionem habeat; quod nullum sibi obstat impedimentum Canonicum, quominus matrimonium contrahere possit: Hoc adjecto; quod tria banna tribus diebus Dominicis, aut celebribus publice de ambone præmittantur, & nominibus propriis, & cognominibus eorundem expressis specificatio fiat.

Sponsalia cum copula carnali.

Contrahentes vero matrimonia per verba de presenti, vel futuro, carnali copula subsecuta, non possunt se invicem abolvere, vel ab invicem propria auctoritate discedere, licet per Sacerdotem matrimonium in Ecclesia non sit autorizatum, vel solenni benedictione roboratum. Debent igitur Rectores Ecclesiarum, dum eis contiterit, per confessionem, vel alias ipsos inducere, & coëgere, ut ad suas conjuges redeant, aut Episcopo suo nominatim eos denunciare, vel accusare, ut per ipsum de remedio opportuno provideatur.

XIII.

Item statuimus, quod Parochianorum matrimonia, Orationem Dominicam, Salutationem Anglicam, & Symbolum ignorantium, per Sacerdotem Curatum auctorizari non debent, tanquam in fide minime instructorum, donec instructi fuerint de eisdem.

Tomus V. Concilior. German.

XIV. *Tempora interdicta solemnizandis*
matrimonii.

Item licet omni die possit contrahi matrimonium per verba de presenti, ac etiam sponsalia de futuro, solennitas tamen matrimonii, seu consummatio ejus tribus temporibus anni prohibetur, videlicet Imo. A prima Dominica Adventus Domini, usque Epiphaniæ inclusive, sic; quod in crastino Epiphaniæ usque ad Septuagesimam exclusive, licite matrimonia consummantur. Secundum tempus a Septuagesima usque ad octavam Paschæ inclusive, sic, quod feria II. post Dominicam Quasimodo geniti, usque ad dies Rogationum exclusive licite matrimonia solemnizentur. 3tium tempus a diebus Rogationum usque ad Ss. Trinitatis Festum inclusive, sic, quod feria II. post Festum Ss. Trinitatis, & deinceps usque ad Adventum Domini licite matrimonia auctorizentur, & consummentur.

XV. *De frequentatione Ecclesie.*

Item statuimus, quod Parochiani, cujuscunque linguae fuerint, diebus Dominicis, & Festivis fideliter ad suam Ecclesiam Parochialem confluant, Divina, & prædicationes ad ædificationem fidei audiant, si boni Christiani reputari velint.

Pœna negligentie.

Negligentes, & remissi in præmissis per suos Rectores moniti, si se emendare non curaverint, careant Ecclesiastica sepultura.

XVI. *De Pœnitentia.*

Item omnis fidelis, qui ad annos discretionis pervenit, debet singulis annis omnia peccata sua confiteri suo Curato, & pœnitentiam injunctam peragere, & ad minus in Pascha recipere Eucharistiæ Sacramentum, nisi de consilio sui Curati duxerit a perceptione abstinendum.

Qui Ecclesiastica sepultura privandi
sunt.

Alioquin vivens ab ingressu Ecclesiæ arceatur, & moriens, Ecclesiastica, sive Christiana careat sepultura. Et non solum tales, sed etiam excommunicati, interdicti, usurarii manifesti, & qui se

P p p p

iplos

ipſos interficiunt, vel in ſuis ſcelerbꝯ interficiuntur.

XVII. Pana bis in Quadrageſima non conſitentis.

Blasphemus, impœnitens, & omnes, qui notorie in peccato mortali decedunt, Eccleſiaſtica carere debeant ſepultura: & ſi tales ſepulti ſunt, exhumari debent, & oſſa eorum projici extra ſacra loca, & ſtatutum hoc cum aliis præcedentibus, & ſequentibus, maxime, quæ populum reſpiciunt, ſæpius prædicari debent, ne transgreſſores ignorantiam valeant allegare.

XVIII.

Item, ſi quisquam Parochianorum ante medium Quadrageſimæ conſiteri contempſerit, illius conſeſſio nihilominus audiri debet, & ſalutaris pœnitentia imponi. Sed pro contemptu tali, ſi gravis fuerit, a perceptione venerabilis Sacramenti ad tempus ſuſpendi, vel remitti poterit, ſicut pro aliis enormibus criminibus, pro quibus de jure foret quis remittendus, vel ſuſpendendus.

XIX. De Officio Patrinarum.

Item Patrini filios ſuos ſpirituales, quos de ſacro Fonte levant, inſtruere in fide tenentur. Teutonici igitur, ſive Pruteni, Orationem Dominicam, & Symbolum ignorantes, ac ſacrilegiis, & incantationibus inſiſtentes notorie contra Divinam Legem, tanquam inhabiles ad inſtruendum alios in fide, ad compaternitatem admitti non debent. Ut ergo in his certitudo habeatur, electi in patrilinos Orationem Dominicam, & Symbolum coram baptizante privatim dicere teneantur, niſi de ſcientia illorum certa notitia habeatur, ſuper quo conſcientiam Curatorum oneramus.

XX. Cuique Apoſtolus eligendus.

Item laudabilem conſuetudinem hætenus ſervatam innovantes præcipimus; quod parentes parvulos ſuos ad eligendum ſibi Apoſtolum pro devotione, & custodia eorundem fideliter inducere debent: alioquin parvuli hoc negligentes, ſeu contemnentes a Sacramento Venerabilis Euchariſtiæ exiſtant alieni.

XXI. Merces in Cœmeteriis venales non exponendæ.

Item turpem illum abuſum, quocertis anni temporibus celebribus nonnulli cum mitra, & baculo Paſtorali, ac veſtibus Pontificalibus more Epifcoporum in Eccleſiis, & extra benedicunt, & cachinationes in Eccleſiis, & extra provocant, & nonnulli mercantias nundinarum in Eccleſiis, & Cœmeteriis venales exponunt, deteſtantes, prohibemus, ne Curati, & ſignanter in civitate, vel oppidis amplius fieri permittant, alioquin quartam partem fructuum Eccleſiarum ſuarum amittant in uſum fabricæ Eccleſiæ Matricis irremiſſibiliter convertendam.

XXII. De Parochis Curatis.

Item hortamur in Domino, ut omnes Curati officium ſuum in Miſſis celebrandis, ſermonibus faciendis, conſeſſionibus audiendis, maxime in Quadrageſima, Sacramentis miniſtrandis, & ad officium ſpectandis diligentes ſint, alioquin contra negligentes, quantum de jure poterimus, procedemus.

XXIII.

Item, quod quilibet Beneficiatus, & alias in ſacro Ordine conſtitutus noſtræ Diœceſis, in horis, & officiis legendis, & cantandis Eccleſiæ noſtræ Cathedrali ſe conformet.

XXIV. Miſſa privata clariori voce dicenda.

Item abuſum illum, quando in aliquibus Eccleſiis: Credo in unum Deum, quod eſt ſymbolum, & conſeſſio fidei noſtræ, non complete cantantur ad finem, aut Præſatio, ſeu oratio Dominica omititur, vel in Eccleſiis cantilenæ (omiſſo cantu Eccleſiaſtico) admiſcentur, aut privatim Miſſæ, præter ſecretas orationes ita ſubmiſſa voce dicuntur, quod a circumſtantibus audiri non poſſunt, abolentes, ac mandantes, ut in his culpabiles ſe emendent, alioquin in quaſitione diligenti præhabita, ſeveritate debita contra tales procedemus.

XXV. De Oblationibus.

Item mandamus, ne quis Sacramentum aliquod ex rancore, vel propter jura

jura Parochialia non soluta, Parochianis deneger, vel eis ingressum Ecclesiæ contradicatur; sed contra eos jus, si quod habet, prosequatur.

XXVI.

Unde pro declaratione jurium Parochialium, quæ ex oblatione debentur, ad tollendas varias controversias, & altercationes, statuimus; quod, quicquid de pecuniis, aut quibuscunque rebus ad altare offertur, spectare debet ad Rectores Ecclesiarum tantum. Quicquid vero Ecclesiis, aut Capellis offertur, pro medietate ad Rectores, pro altera medietate ad fabricam pertinebit; si vero ad imagines positas extra, vel intra Ecclesias aliquid oblatum fuerit, similiter dividatur. Oblata vero in truncum, sive ad tabulam post finem Offertorii, fabricæ applicentur.

XXVII. *Judicia causarum Ecclesiasticarum.*

Item, ne quis de causis matrimonialibus, & aliis causis quibuscunque, ad forum nostrum spectantibus, vel de casibus Nobis specialiter reservatis, etiam si dubium sit, an sit casus reservatus, se nullatenus committere præsumat.

XXVIII.

Item prohibemus, ne a sententiis juris Presbyteri absolvant, neque contra jura dispendent.

XXIX. *Canones penitentiales.*

Debent etiam Presbyteri Parochiales sibi procurare Canones penitentiales summam, non, quod omnino secundum hujusmodi Canones penitentias injungant, sed ut consideratis circumstantiis peccantis, & qualitatibus contritionis, & aliis, penitentias hujusmodi minuire valeant, aut augere, sub pena suspensionis ab executione sacri officii.

XXX.

Volumus eos præterea habere summas Sacramentales, seu Penitentiales, utpote Pisanis, vel Angelis, vel consimiles, ne errent in casibus.

XXXI. *Casus excommunicationis ipso jure.*

Debent etiam Curati comparare sibi in summa casus, quibus aliquis sen-

Tonus V. Concilior. German.

tentiam excommunicationis incurrit ipso jure, & eosdem publicare quolibet anno, singulis diebus Dominicis in Adventu, & Quadragesima in sermonibus de ambona.

XXXII.

Item inhibemus, ne Presbyteri causas Ecclesiasticas judicent, neque penas infligant, salvo tamen eo, quod faciunt in foro penitentiae.

XXXIII. *Casus Episcopis reservati.*

Item absolutionem casuum sequentium Nobis reservamus: Absolutiones a sententia excommunicationis majoris, juris, vel hominis, homicidii cujuscunque, oppressionis puerorum, perjurii publice in judicio facti, blasphematorum Dei, & Sanctorum ejus in publico, sortilegorum cum invocatione demonum, & de quibus alias scandalum est ortum, incendiariorum, commutationis votorum, male acquisite dimidium fertonem excedentium. Item quorumcunque criminum enormium, pro quibus fuerit solennis, & publica penitentia imponenda. Item ubicunque est arduum, seu grave factum, præsertim, si sit difficile, vel ambiguum. Item contrahentium prohibitas nuptias scienter. Item violentia Ecclesiæ, vel Coemiterii, aut aliud sacrilegium. Item absolutio Sacerdotum, vel Confessorum, qui in his casibus, seu in eorum aliquo, in quo absolvere non potuerunt, absolverunt.

*De Predicatione Verbi Dei.*XXXIV. *Orationes post Conciones recitentur.*

Item precipimus in virtute S. obedientiae omnibus Curatis, ut Parochianis suis, & maxime Prutenis, post sermonem, Orationem Dominicam, Salutationem Angelicam, Symbolum, & Confessionem lente, & tractim in Prutenico de ambona pronuncient, ut ex fidei recitatione hujusmodi valeant proficere ignorantes. nescientes Orationem Dominicam, Symbolum, & Salutationem Angelicam, sive Teutonicam, sive Prutenicam fuerint, a Communionem Sacramenti Eucharistiæ omnino sint alieni.

XXXV.

Item, quod Rectores Ecclesiarum Parochialium habentes Teutonicos, &

P p p p z

Pru-

Prutenos in Pârochia sua permixtim, si suppetunt facultates, Capellanum Prutenum habere debent, ut per prædicationem talium Pruteni instruantur in fide: & si Capellanum Prutenum habere nequiverint, super quo conscientias Curatorum oneramus, quod ex tunc per se, vel per Capellanum Teutonicum fideliter prædicent Verbum Dei, accurate, & cum summa diligentia. Si vero Rectorum facultates non suppetunt ad tenendum Capellanum Prutenum, vel Teutonicum, ex tunc Curatus Teutonicis per se, & Prutenis per interpretem uno contextu prædicet Verbum Dei. Quod si onerosum forte Teutonicis videretur, alternis vicibus Teutonicis, & Prutenis prædicatio fiat, nisi Pruteni linguam Teutonicam sibi haberent notam. Idem est modus servandus, ubi Curatus duas Ecclesias Parochiales habet in commissis.

XXXVI. De Jejuniiis.

Item in intimandis jejuniiis sint Curati, & Prædicatores attenti, quod indicta jejunia ab Ecclesia, servari præcipiant. Duntaxat non indicta ab Ecclesia, voluntati hominum relinquunt, ne simplicium conscientiarum incuria, seu ignorantia Sacerdotum percutiantur. Infirmi quoque, debiles, pueri, penuriam patientes, senes, pregnantæ, parvulos lactantes, & alias honesto, & gravi labore afflictæ non sunt eo modo, sicut potentes, robusti, sani, & otiosi ad jejunia compellendi;

Ejus carniæ, & ovorum, quibus permittentur.

Imo infirmis, cum urgens necessitas exigit, ab Episcopo suo; alioquin, dum ejus copia haberi non potest, a Curato suo, etiam in Quadragesima, & alias, dum tamen scandala vitentur, ejus ovorum, imo & carniæ indulgeri potest.

Jejunia indicta.

Indicta jejunia ab Ecclesia sunt hæc: Quatuor tempora, Quadragesima tota, sic, quod die Ccenæ Domini jejunium non solvatur, omnium Apostolorum Vigiliæ, præter Vigiliæ Philippi, & Jacobi, & Beati Joannis Evangelistæ, Vigilia Nativitatis Domini, Pentecostes, Joannis Baptistæ, Laurentii, omnium Sanctorum, & Assumptionis Beatæ Virginis ex præcepto Ecclesiæ, cæteræ Vigiliæ Virginis

Gloriosæ regulariter de consuetudine, dies Rogationum secundum antiquam consuetudinem, feria sexta plus ex laudabili consuetudine, quam ex statuto jejunatur. Adventus Domini ex necessitate jejunandus non est, nisi ubi fuerit consuetudo. Item inter Pascha, & Pentecosten non est jejunandum ex præcepto, diebus Rogationum exceptis, alii dies ex præcepto Ecclesiæ non jejunantur.

XXXVII. De vita, & honestate Clericorum.

Item prohibemus, ne Clerici tabernas visitent, nisi viatores fuerint: ebrietates, & ingurgitationes non frequentent, tonsuram, & vestes Clericales deferant, mercantias, choreas, ludos taxillorum, scurrilia verba, & turpia omnino vitent, si gaudere voluerint privilegio Clericali.

XXXVIII. Suspectæ mulieres removende.

Item, ne quis mulieres suspectas secum in domo habeat, aut earum hospitium, seu confabulationes frequentet, ne ipsorum Clericorum ex hoc vituperetur ministerium, & alias scandalum generetur.

XXXIX.

Item, quod in Sacris constituti, cum sibi servientibus, & aliis quibuscunque feminis ad forum, Fraternitates, vel alias pedestre, vel curru non vadant, cum ex hoc oriatur detractio, & scandalum plurimorum, sub poena Synodali: & qui tales denunciaverit extra Synodum, & secrete, dimidietatem poenæ habeat irremissibiliter sibi per Nos, aut Officiale nostrum applicandæ.

De Inventariis.

XL. De peculio castrensi Clerici libere testari possunt.

Item mandamus sub poena excommunicationis, quod promoti ad Ecclesias Parochiales quacunq[ue] Autoritate, mox post habitam possessionem debent de omnibus inventis coram notabilioribus Parochiæ inventarium duplicatum facere, quorum unum apud Rectorem, reliquum apud Parochianos maneat, ut, si post Ecclesias suas resignare pure, aut causa permutationis pro simplici, vel cura-

curato Beneficio decreverint, hujusmodi Ecclesias eo, vel meliori modo dimittant: abusum illum, quo Curati cum permutantibus mobilia vendunt, tanquam onerosum Ecclesiæ detestantes.

XLI.

Item Ecclesiarum Rectores, si tempore promotionis bona patrimonialia, vel peculium castrense habuerint, vel etiam post arte, ingenio, vel etiam successione acquisierint, non tamen intuitu Ecclesiæ; si inventarium congruo tempore fecerint, de his in vita, permutatione, donatione, & testamento libere disponere poterunt, prout eis, & salutis eorum melius prospexerint convenire.

XLII.

Item mandamus, ne quis Beneficiis rennueret, nisi in manus nostras, neque abique nostra licentia ab eis recedat.

XLIII. De Testamentis Clericorum.

Statuimus tamen, ne Sacerdotum testamenta in executione ponantur, donec Nobis presentata fuerint, aut robur nostrum illis adjectum fuerit. Volumus autem presentationem istam a tempore defuncti intra unum mensem fieri.

Volumus nihilominus, ne in testando obliviscantur Ecclesiæ suæ, tanquam hæredis, neque in legando excedant Sacrorum Canonum constitutiones: alioquin reservamus Nobis, & Successoribus nostris arbitrium disponendi de hujusmodi Legatis: & quod testamenta fiant, & consignentur coram honestis, & fide dignis personis.

XLIV.

Item Rectore Parochialis Ecclesiæ in extremis laborante, etiam de bonis inventis, & postea acquisitis inventarium renovavit, & fecit, nihilominus Parochiani, & maxime per Collatores, vel Patronos, deputati inventarium faciant, & bona inventa fideliter custodiant, & consignent; ut sacrilegia, furta, detractiones vitentur, ac relictæ Successori conserventur: Speratur enim per hoc ipsis Ecclesiis, & eorum Rectoribus futuris temporibus commodum provenire.

XLV. Excommunicantur bona Sacerdotum divipientes.

Item ad majorem cautelam, ne præmissa contingant, excommunicamus divipientes bona Sacerdotum, quomodo libet decedentium.

XLVI. Servientes Parochis post mortem illius, salarium conventum exigere non possunt.

Item statuimus, & ordinamus, quod Rectores Ecclesiarum Parochialium sibi servientibus utriusque sexus salarium conventum singulis annis persolvant, & ipsi servientes ab eis singulis annis hujusmodi salarium conventum exigant; neque post mortem Rectorum in fraudem Successorum aliquod debitum ab eis servientibus, prout hactenus actum est, confingatur, nec eis suffragari debet consilio Rectoris defuncti in extremis; cum talis consilio plerumque reperitur conficta, & fraudulenta.

XLVII. De Inventario Parochi consanguineorum ad se receptorum.

Item Rector Parochialis, colligens apud se parentes, vel consanguineos utriusque sexus, inventarium facere debet coram fide dignis personis, & Parochianis, de quibuscunque bonis per eos introductis; alioquin de bonis post mortem Rectoris nihil exigere poterunt, vel debebunt. Idem in famulabus, quas matronas dicimus, volumus observari.

XLVIII. De Mandatorum Executione.

Item, ut mandata nostra melius exequantur, ad quorum fidem executionem juramento Curati sint adstricti, ita tuimus: ut nullus per diem & noctem nostra mandata, aut Officialium nostrorum apud se retineat, sed ad locum mittat deputatum, & Nobis, aut Officialibus nostris fidem faciat per appositionem nominis proprii & sigilli, quod quilibet habere debet, & de die, quo hujusmodi mandatum nostrum executum fuerit.

XLIX. De Collectis pro temporum variatione interponendis.

Item, licet Omnipotens, & Misericors Deus semper a suis fidelibus pro sua gratia,

gratia, & pietate colendus sit; est tamen plerumque specialiter aliquando pro serenitate, aliquando pro pluvia devote exorandus: accidit etiam nonnunquam, quod in una parte nostræ Diœcesis serenitas, & in alia pluvia desideratur a fidelibus; volumus igitur, quod deinceps quilibet Plebanus nostræ Diœcesis, debita tamen adhibita discretione, quæ mater est omnium virtutum, singulis annis Missas opportunas pro qualitate temporis celebret, collectas imponat, & processiones faciat, populumque, & Clerum suæ Parochiæ ad interessendum hujusmodi Missis, & Processionibus fideliter inducat, ipsumque ad eleemosynas, jejunia, & orationes, & pietatis opera pro necessitatibus occurrentibus impetrandis, vel avertendis invitet, etiam si mandatum nostrum speciale ad hoc non fuerit destinatum.

L. De Statutis legendis in Fraternitatibus.

Item statuimus, quod in qualibet Ecclesia Parochiali, in qua, & quoties Sacerdotes Fraternitates suas peregerint, hujusmodi statuta inter eos, ipsi audien-

tibus cum diligentia legant, sub pœna extinctionis Fraternitatum earundem, quodque Præpositi Fraternitatum earundem infra mensem a die peractæ Fraternitatis per se, vel scripta Nos, aut Officiale nostrum securasse, & certiorum reddidisse.

LI. Pœna Synodalis.

Item statuta hæc universa, & singula, præter pœnas a jure alias inflictas, sub pœna Synodali, videlicet trium marcarum, præcipimus inviolabiliter observari.

LII.

Item statuimus, & mandamus, quatenus quilibet Ecclesiæ Parochialis Rector hæc statuta habeat, & in Ecclesia sua Parochiali loco congruo parieti publice affigat infra sex menses a die notificationis præsentium, sub pœna Synodali.

Acta & publicata sunt hæc in Ecclesia Parochiali Heilspurg. anno Domini 1497. die vero 20. Februarii.

In quorum fidem, & evidens testimonium, secretum nostrum præsentibus duximus imprimendum.

Ex codice Constitutionum Synodaliūm Diœcesis Warmiensis, impresso Brunsherg. anno 1612, conumodato ab Illmo Dno Zaluski Episcopo Kijovienſi.

WRATISLAVIENSIS SYNODUS

Anno Christi MCCCCXCVII. Alexandri VI. PP. V.

Maximiliani I. Imp. IV.

SUB JOANNE IV. (a) EPISC. WRATISLAVIÆ.

Reverendissimus in Christo Pater & Dominus, Dnus JOHANNES Quartus, Episcopus Wratislaviensis, binas duntaxat Synodos celebravit: cause & difficultates in Litteris expresse obliterunt. Primam anno Domini Millesimo, quadringentesimo, nonagesimo sexto, post Octavas Corporis Christi: ubi querele Ecclesiasticorum tantum audite, & defectus examinati sunt. Alteram anno Millesimo, quadringentesimo, nonagesimo septimo, die vigesima sexta Aprilis, & diebus sequentibus: in qua post multam plurimorum defectuum Reformationem, per sua sequentia Statuta condidit.

CONSTITUTIONES SYNODALES Reverendissimi Domini JOHANNIS quarti, Episcopi Wratislaviensis, condite anno Domini Millesimo, quadringentesimo, nonagesimo septimo: ultimis diebus Aprilis.

JOHANNES, DEI GRATIA, EPISCOPUS WRATISLAVIENSIS &c. UNIVERSIS ET SINGULIS DOMINIS ABBATIBUS, PRÆPOSITIS, CAPITULIS, CONVENTIBUS, PRESBYTERIS, ET CLERICIS CIVITATIS ET DIOECESIS NOSTRÆ WRATISLAVIENSIS, SALUTEM IN DOMINO.

Quoniam in hac Synodo, quam Patrum instituto; solemniter egimus, vina favente gratia, Sanctorum nonnulla Nobis proposita sunt, quæ par-

partim Ecclesiasticum, partim sæcularem statum, & communem animarum salutem concernunt: nec tamen faciliter potuerunt sub hac temporis brevitate commode expediri, ob casuum gravitatem, qui meliorem rerum indaginem, deliberationemque requirunt; Animo concepimus anno sequenti diebus opportunis aliam iterum Synodum convocare, & in illa Domino concedente, de omnibus statuere, & definire, quæ in præsentī propoſita ſunt, & ad Eccleſiæ ſtatum, tam in temporalibus, quam in ſpiritualibus pertinere videntur. Ne vero ſine omni fructu præſentem Synodum ſoluiſſe videamur; imprimis repetimus & innovamus omnia, tam Provincialia, quam Synodalia Statuta Prædeceſſorum noſtrorum, quondam CONRADI, PETRI, RUDOLPHI, Episcoporum Wratislaviensium, in ea maxime parte, qua Eccleſiaſtica Immunitatem, & Clericorum honeſtatem concernunt; Volentes, atque hoc Synodali Decreto mandantes, ea omnia firmiter obſervari: ſub Synodali pœna, & arbitrio noſtro, ſecundum qualitatem negligentiarum, vel exceſſum inſigendis gravioribus pœnis. Quibus adjicimus ſtatuendum:

Obſervatio in Officiis Divinis.

Quod omnes Presbyteri noſtræ Diœceſis ſæculares, in Divinis laudabiliter peragendis officiis, & publice officiandis in Eccleſiis, ſe moribus, & ſignis conſuetis mutuo conforment; nec ſingulares ſibi geſtus, aut ceremonias in eiſdem officiis, & præſertim Miſſarum, quæ a communi uſu diſcrepant, aſſumant; in genuflexionibus, vel tuſionibus, aut aliis corporalibus moribus, qui levitatem, vel hypocriſin ſapere, & circumſtantes ſcandalizare poſſent. Per quod nolumus Religioſis in conſuetis ſuorum ordinum ceremoniis, & ritibus, aut alicui Presbyterorum in cordis devotione, & privatis uniuſcuſque lectionibus, meditationibus, contemplationibus, orationibus, & ſanctis conſuetudinibus, legem impoſuiſſe.

Item, ut nihil in Sacris Eccleſiæ Officiis admittatur, in quibus maxime ſalu-

tis humanæ Myſterium Chriſti Corpus, & Sanguis pro omnibus vivis, & defunctis offeruntur, quod oculos Divinæ Majeſtatis offendere, vel homines ad cogitationes illicitas trahere poſſet: ſed omnia cum ſumma reverentia, & decore fiant.

Statuimus, & mandamus, quod Presbyteri omnes, & ſinguli convenientem uniuſcuſque dignitati habitum gerant, neque longitudine, neque brevitate, aut colorum varietate reprehendiſſibilem: qui præſertim colla & crura tegat, ne in Divinis peragendis illorum nuditas, Officiale inhoneſtet, & circumſtantes ſcandalizet, ac propterea celebraturi Miſſam caligati ſint, aut calceis altis, ſive botis, ejuſmodi crura tегentibus: ſub pœna unius talenti ceræ, vel alia arbitraria, toties, quoties contraveniſſe conſtiterit, per in ſpiritualibus Vicarium noſtrum irremiſſibiliter exigenda & inſigenda.

Feſta Sanctorum Petri & Pauli Apoſtolorum, & Agnetis.

Item ſtatuimus, quod Feſta Sanctorum Petri & Pauli Apoſtolorum ſub toto triplici: & Beatæ Agnetis Virg. & Martyris, quæ inter cæteras ſpecialiter ab Eccleſia eo honorabilior exiſtit, quod in Canone Miſſæ locum obtinuit, & octava feſti ſui per omnes Eccleſias agitur, ſub duplici officio in noſtræ Diœceſis Eccleſiis obſerventur. Populus tamen laicalis per hoc, ipſa die Sanctæ Agnetis a ſuis laboribus non retrahatur, ſed in ſuis localibus conſuetudinibus relinquitur.

De audiendis Confessionibus.

Item facultatem in audiendis confessionibus, injungendis pœnitentiis, & abſolutionibus impendendis juxta & ſecundum formam quondam Domini RUDOLPHI editam, & in libello Statutorum ſuorum Synodaliū annotatam, & per Nos in principio noſtræ ad hanc Eccleſiam Wratislaviē. translationis approbatam, & innovatam, hac Synodaliū Conſtitutione iterum repetimus, volentes, ut omnes, tam Religioſi,

(a) Joannes de Roth, Suevus, natus de Vendinger, fuerat Auditor Roræ, & Episcopopus Lavantinus, dein anno 1482. Wratislaviæ Episc. Coadjutorem anno 1501. Fridericum, Caſimiri Teſchini Ducis Filium, aſſumpſerat: ſed mutata dein mente effecit, ut Coadjutor nominaretur Joannes de Thurzo. Obiit 1506.

qui ad officium audiendarum confessionum assumpti fuerint, quam Parochiales, ac alii, quibus competit, Presbyteri, illam præ oculis habeant, observent, nec contra faciant. Alioquin omni hujusmodi facultate privati existant, nec se de audiendis confessionibus, & absolutionibus intromittant, donec, & quousque aliter duxerimus statuendum.

Declaratio super sententia excommunicationis, litteris monitionum inserta.

Super vero consultatione plurimorum de illis, qui moniti infra certum terminum satisfacere de redditibus Ecclesiasticis, aut aliis quibuscunque rebus, cum clausula in monitoriis, juxta stylum nostri Consistorii consueta ista: Alioquin ex tunc hujusmodi monitionis termino evoluti, ac alias justitia exigente, ipsum, ipsam, vel ipsos excommunicamus Dei nomine in his scriptis. Quos sic excommunicatos, singulis Dominicis diebus publicetis, & denuntietis &c. parere debent. An mox lapso termino hujusmodi pro excommunicatis haberi debeant? an vero declaratio alia, vel denuntiatio sit expectanda?

Pro informatione simplicium, & purificatione conscientiarum timoratarum ita duximus declarandum: Quod monitione hujusmodi, sive in faciem monendi, sive publico edicto per Executorem facta, totus terminus monitionis sub silentio expectandus est, & si post lapsum terminum talis, is ad cujus instantiam monitio decreta est, tacet: nec ultra Executorem, vel alium sollicitat, præsumendum est monitum paruisse, aut alias satisfecisse. Quoniam pro quolibet, quod sit bonus, & obediens Judici præsumitur, donec constiterit de contrario. Si vero ille, qui moneri fecit, cum executione venerit, post completum terminum monitionis, & non esse paritum aliquo modo conqueritur; monitus pro excommunicato est habendus, & denunciandus, quia id habet processus, aut mandatum Judicis, quod continet in se laram in scriptis sententiam, & denunciationem mandati. Potest ergo qui-

libet, qui ad sui favorem monitionem obtinet, prorogare propria sua voluntate terminum solutionis, & in toto a monitorio recedere, antequam transivit in effectum. Quando autem in effectum transivit, hoc est, præfixo termino totaliter lapso, jam noviter excommunicatus est, & absolutione Judicis eget. Si quis vult, ut monitio sua, termino prorogationis non obstante, vigorem habeat, & post terminum prorogatum monitus pro excommunicato habendus sit, necesse est, ut fiat Judicis auctoritate: quia non ex pacto, aut voluntate actoris excommunicatio nascitur, sed ex sententia Judicis.

De Sententia Excommunicationis.

Ad vitandum scandala, & multa pericula, quæ venire solent conscientis timoratis, statuimus, & ordinamus: quod nemo deinceps a communione alicujus in Sacramentorum administratione, vel perceptione, aut aliis quibuscunque Divinis, vel extra, prætextu cujuscunque sententia, aut censura Ecclesiastica, seu suspensione, aut prohibitione ab homine, vel a jure, generaliter, vel specialiter promulgata, teneatur abstinere, vel aliquem vitare, aut interdictum Ecclesiasticum observare: nisi sententia, prohibitio, suspensio, vel censura hujusmodi fuerint in, vel contra personam, Collegium, Universitatem, Ecclesiam, aut locum certum, vel certam, a Judice publicata, vel denunciata specialiter, & expresse. Aut si aliquem ita notoriæ excommunicationis sententiam constiterit incidisse, quod nulla possit tergiversatione celari, aut aliquo juris suffragio excusari: Nam tunc solum a communione illius abstinere volumus, juxta Canonicas Sanctiones. Per hoc tamen hujusmodi excommunicatos, suspensos, interdictos, aut prohibitos in aliquo, non intendimus relevare, nec eis quomodolibet suffragari &c.

Actum in Synodo, ut supra.

Ex codice impresso Wratislaviæ anno 1585. commodato ab Illmo Zalaski Episcopo Kijoviensi.

MOGUNTINA SYNODUS

Anno Christi MID. Alexandri VI. Papæ VII.

Maximiliani I. Imp. VI.

SUB BERTHOLDO HENNEBERGICO, ARCHI-EPISC.

Synodum Cleri Moguntini coegit BERTHOLDUS (a) anno 1499. in qua peroravit *Grefemundus* (b) de dignitate Sacerdotali: "Consulte, *ajebat*, "quæso vobis, Patres, consulite animabus vestris, & conscientiæ tranquillitati. "Cogitatis ipsi, quantum sceleris sit, "sacrosanctam Religionem negligi, polui, violari, tantum honoris gradum "per flagitium inquinare, seque tanta dignitate reddere indignum? Cogitate, tam dicta vestra, quam facta esse palam, & omnium oculis passim expolita. Cogitate, Deum Opt. Maximumque nihil non videre, esse memoriam tandi, ac netandi, justum insuper "in illo die tremendo ac inexorabilem "Judicem futurum. Etenim quis est "tam vecors, qui, cum in cælum suspexerit, aut Deum esse non sentiat; "aut cum Deum esse intellexerit, non intelligat, eum delictis nostris ad iracundiam concitari, & meritis cuique

"penas infligendum? Si enim bonus est Deus; credendum utique est, mala nostra illi displicere. Si Omnipotens; quid prohibet eum, quo minus iram suam exerceat, & in Nos animadvertat? Si justus, nihil relinquet impunitum. Justitia enim est, reddere unicuique, quod suum est. Verum cum idem etiam misericors sit; nonne levius, nonne tolerabilius est, misericordiam ejus, quam justitiam experiri? Quare post habitam de commissis poenitentiam, & satisfactionem, post confirmatum, deinceps abstinendi propositum, exorandus est nobis Altissimus, ut & præteritorum obliviscens, & futura stabiliens, ultionem, quam juste paraverat, misericorditer avertat.

Hæc mentio hujus Synodi apud Serarium, *Rerum Moguntinarum L. V. in vita Bertholdi. pag. 880.*

Schmidius nil plus Serario habet.

(a) Bertholdus, Comes de Henneberg de Rhomheldt, ex majoris Ecclesiæ Moguntinæ Decano eligitur Archi-Episcopus 20. Maji anno 1484. Feria V. post *Cantate*. Obiit anno 1504. 19. Decembris. Errat Bruchius, qui anno 1505. fato functum scribit.

(b) Theodoricus Grefemundus junior, J. U. D. Canonicus & Scholasticus Collegiæ S. Stephani.

SYNODUS CAMINENSIS

IN OPPIDO VETERIS STETTINI (LATINE SEDINI) CELEBRATA

Anno Christi MD. Alexandri VI. Papæ VIII.

Maximiliani I. Imp. VII.

SUB MARTINO (a) CARITH, EPISCOPO.

INDEX STATUTORUM LXI.

Statutum I. Quilibet Clericus suo Superiori obediat, & subditus esto.

II. In quavis controversia penes Officium & Prælatos stet præventio, sine fraude tamen & dolo. *III.*

(a) Martinus Carith, Collbergæ natus, Bugislaum X., Pomeraniæ Ducem, in Palæstinam comitatus fuerat, jam Doctor, & Collegiæ Ecclesiæ Collbergensis Præpositus: inde redux, Benedicto Caminensi Episcopo resignante, illius in locum successit anno 1499. Obiit anno 1521. 26. Novembris.

Tomus V. Concil. German.

Q 9 9 9

- III. Clerici a politicis negotiis & societatibus abstineant, puta a torneamentis, venationibus, digladiationibus, lationibus, lufibus, aleis, mercimoniis, mercatibus, uluris, & hujusmodi.
- IV. Nullus Clericus Procuratoris officio fungatur.
- V. Abjiciant concubinas, vestitus splendidos, nec sumptus in eos faciant: graviterque Episcopos reprehendit incontinentiam & luxuriam coelibum.
- VI. Parochi urbani personaliter resideant apud suas Ecclesias, iisque præfint.
- VII. Ecclesiæ inferiores Matriæ se accommodent, & conforment.
- VIII. Oppidani in Ecclesiis & Monasteriis cantu, pullandis campanis, se se conforment Ecclesiæ Principali.
- IX. Imagines non esse adorandas.
- X. Vinum clarum & probum Sacrificio Missæ adhibendum.
- XI. Sacellum, clusam, vel Capellam non esse erigenda, nisi Episcopo primum lapidem collocante.
- XII. Infra mensem cœmeteria, ubi disturbata fuerint, restauranda, & edificanda.
- XIII. Neque in festo Natalis Domini, neque in Quadragesima cucullo tectus quis in Ecclesia compareat, (unde multa impudice sacris in locis tractentur) neque cantus amatorii in Ecclesia tolerantur.
- XIV. Non nisi in consecratis Ecclesiis Sacrificia facienda; cantu Horarum finito.
- XV. Nullus Sacerdos, dum Verbum Dei prædicatur, Missam celebret.
- XVI. Presbyter sacrificaturus idoneum Ministrum, librum, calicem, vascula vino & aquæ capiendis, sibi provideat: sigillatim calix aureus sit vel argenteus: non æreus, quia æruginem contrahit: non aurichalceus, quia a cupro sapit: non ligneus, quia vermibus obnoxius: non vitreus, quia facile frangitur.
- XVII. Civitatum Parochi quavis Dominica die sacrum ipsi faciant.
- XVIII. Civitatum Parochi, seu eorum Administratores, nullum mandatum publicent, aut exequendum jubent, nisi ab Episcopo, aut ejus Archidiacono, aut ordinario Vicario probatum.
- XIX. Idem Parochi, ne latrones, fures, aut ejusmodi infames homines in ædituos assumant.
- XX. Ornamenta Ecclesiarum nitida & munda servantur.
- XXI. Ecclesiæ prædo censendus, qui aliquid ad usum Ecclesiæ deputatum surripit, etiam prius, quam in Catalogum Ecclesiæ relatum sit.
- XXII. Nemo audeat, bona Ecclesiastica immobilia, vel mobilia, puta: Libros, vestes, campanas, aut hujusmodi alia, quocumque demum modo abalienare, aut oppignorare.
- XXIII. Excommunicentur omnes, quicunque alios a Testamentis condendis impediunt.
- XXIV. Judices sæculares de causis Testamentorum iudicium ne ferant.
- XXV. Omnia Testamentis legata infra annum Ordinario per computum ostendantur.
- XXVI. Quot annis aqua fontis Baptismalis renovetur.
- XXVII. Chrisma item quot annis renovandum.
- XXVIII. Quomodo Sacramenti arca circumferenda sit.
- XXIX. Sub Pascha exomologesis fiat a quovis, & qui intra annum eam exomologesin haud fecerit, careat sepultura in cœmeterio Ecclesiæ.
- XXX. Quilibet suo Parocho confiteatur, & Confessarii, Roma quandoque missi, nomina eorum, qui iis confessi fuerint, annotent, & ordinario Parocho tradere teneantur.
- XXXI. Quinam casus sint, quorum absolutio soli Episcopo reservata?
- XXXII. Confessarii nec in tentoriis, nec in ædibus, aut rure, sed intra Ecclesias tantum confessiones audiant.
- XXXIII. In confessionibus nec pecunia, nec aliquid pecuniæ æquivalens a confitentibus exigatur.
- XXXIV. Nullus Sacellanus, sine speciali consensu, acceptetur.

- XXXV. Nullus quempiam instituat sine speciali mandato Episcopi.
- XXXVI. Nemo extra Diocesim ab alieno Episcopo ordinetur.
- XXXVII. Omnes ordinandi a Prælati suis boni testimonii literas asserant.
- XXXVIII. Claustrum promissiones vel sponfiones non permittantur.
- XXXIX. Ne laici matrimonii confirmandis se ingerant.
- XL. Quivis in Parochia sua sepeliatur. Item, qui persone non debeant in Parochiali cimiterio humari.
- XLI. Ecclesiastici congruo habitu vestium utantur.
- XLII. Nemo alteri cedat rem alienam.
- XLIII. Ne Abbates suo Monasterio incorporent ullam Ecclesiam citra Episcopi mandatum.
- XLIV. Terminari fratres, & Mendicantes, elapso tempore eis præfixo, ad Cenobia sua revertantur.
- XLV. Monialibus extra Monasteria spariari, aut cum secularibus viris confabulari, aut eos nocturno hospitio excipere non liceat. Et quonesi rappositus isdem colloquitur, Superiorem pelliceam tunicam induatur.
- XLVI. Ne redditus earum, quam ante factum, pretio emantur, aut venundentur.
- XLVII. De Notariis juratis, & eorum officio.
- XLVIII. Quousque interdicta in materia pecuniaria extendenda.
- XLIX. Nemo Missæ sacrificium faciat in navi.
- L. Area Ss. Sacramenti semel duntaxat in anno circumferatur, vel monstretur.
- LI. Nemo Monachus, vel Regularis contestationes excipere, aut aliud officium Ecclesiasticum exercere audeat.
- LII. Laicus laicum ne ad Judicium Ecclesiasticum trahat.
- LIII. Cum Christum ipsi Sacerdotalem statum intulerit, homines vero Monachorum regulas adinvenerunt, hinc Episcopus statuit, quod Monachi immo loco esse debeant, & supra Monachos Presbyteri.
- LIV. De privilegiis Clericorum, & eorum exemptionibus.
- LV. Quicumque criminis reus, qui ad Ecclesiam, aut loca sacra, velut asylum, confugit, liber sit, exceptis

Tomus V. Concilior. German.

- publicis viarum prædonibus, incendiariis, Ecclesiarum prædonibus, & qui Clericum occiderint.
- LVI. Qua solennitate anniversaria Dedicatæ Ecclesiæ dies celebranda sit.
- LVII. Diem S. Martini futuris temporibus inter festa numerandum.
- LVIII. Quare non sabbatum septimus hebdomadæ dies, sed primus feriandus?
- LIX. Feriis sextis non carne, non lacte, non butyro, nec caseo vescendum, nisi aegris, peregrinantibus, aut alio privilegio munitis.
- LX. De varis Indulgentiis ab Episcopo concessis.
- LXI. Nullus Clericus sit, qui non sic certo Superiori subiectus.

Hæc Synodi Statuta fuerant, quæ ex Germanico Crameri in Latinum transuli. Sequitur subiecta eisdem subscriptio in hæc verba:

— Anno Domini Millesimo, quingentesimo, die Lunæ, quinta mensis Octobris, de mandato Reverendi in Christo Patris, & Domini, Domini MARTINI, Episcopi Caminensis, Synodum generalem, in oppido Stettini ibidem in Ecclesia Collegiata Beate MARIE Virginis, in Insulis celebrantis, lecta & publicata fuerunt hæc supra scripta Statuta, per commendabilem Virum, Dominum, & Magistrum THOMAM HAKER, Beate MARIE Colbergensi, & S. Nicolai Grypswald. Ecclesiarum Canonicum, præfati Domini Episcopi Cancellarium, Venerandis Patribus tam Cisterciensis, quam Premonstratensis Ordinis Abbatibus baculatis: & Venerabilibus, & commendabilibus viris Cathedralis Caminensis, quam aliarum Ecclesiarum Collegiatarum Canonicis, & generali tam secularium, quam religiosarum personarum Clero, astantibus, grata & rata habentibus. In cuius rei testimonium supradicti Reverendi Patris, & Domini MARTINI Episcopi sigillum præsentibus est impressum.

Hæc Daniel Cramerus in Chronico Germanico Eccl. Sæc. Pomeraniae, anno 1628. in-pressi Script. L. II. cap. 51.

Cuius Lutheranas gloriæ historie asportas Jacobus Gretserus S. J. Tomo X. novæ editionis multo magno vigore intulit, & integres ejus columnas dedit, in vita S. Brunonis, Pomeranorum Apostoli.

SUPPLEMENTUM TOMI V.
CONCILIORUM GERMANIÆ.

CONCILIIUM PROVINCIALE
MAGDEBURGENSE (*)

AB ALBERTO IV. MAGDEBURGENSI ARCHIEPISC. CELEBRATUM
INTER ANN. MCCCCLXXXIII. ET MCCCCIII.

*In quo antecedentia Statuta renovantur, quæ vero his inserta
non sunt, antiquantur.*

ALBERTUS, DEI GRATIA, SANCTE MAGDEBURGENSIS ECCLESIE
ARCHIEPISCOPUS, UNIVERSIS PRELATIS, CAPITULIS, CONVENTIBUS,
CLERO, ET CLERICIS, AC CHRISTI-FIDELIBUS, TAM RELIGIOSIS, QUAM
SECULARIBUS, SEXUS UTRIUSQUE, PER NOSTRAM MAGDEBURGENSEM
PROVINCIAM UBILIBET CONSTITUTIS, IN DOMINO SALUTEM, AC PRE-
SENS OPUSCULUM GRATANTER ACCEPTARE, LECTIONIS STUDIO
FREQUENTI MEMORIE COMMENDARE, ACCEPTATUMQUE
DISTRICTIUS EFFECTUALI OBSERVANTIA
ADIMPLERE.

Licet a diversis nostris Predecessoribus,
Conciliis diversis Provincialibus ce-
lebratis, plurima Statuta, & (*Decreta*) Pro-
vincialia, per que tam Clericorum, quam
laicorum status resplendet adornatus, viciis
repulsis, scandalis refecatis, & nociuis
quibusque eminus profugatis, edita, &
promulgata pervenerunt in lucem: Et
quanquam fel. record. BORCHARDUS
Predecessor noster novissimus, & tali no-
mine designatus, omnium Predecessorum
suorum, & nostrorum statuta in unum col-
lecta opusculum sub certis rubricis adu-
nasset; tamen modum & formam, quam

alii Archiepiscopi in suis Statutis Provin-
cialibus digne servaverant, pretermi-
sit observare; causa congruenti ipsum
pro temporis tunc currentis dispositione
movenente. Nos vero ordinem, & rubri-
cas positas in constitutione Sacre Roma-
ne Ecclesie, quam sequi expedit, & sum-
ma Reverentia decet venerari, quia ex
ipsa sola veritas conspicitur, & que intra
se positos valida caritatis compage custo-
dit, sequi volentes; quia turpis est pars,
que se toti minime conformat universo;
Statuta Provincialia predicti BORCHAR-
DI, & aliorum Predecessorum nostrorum,
&

(*) Concilium hoc dedimus quidem Tomo IV. præcedente; sed mutilum, ex manco ex-
emplari, in quo vix tertia Statutorum pars, varia insuper omnino truncata reperie-
bantur. Visum proinde fuit, non abs re futurum, si illud integrum, & in tota sua
latitudine excudendum curaremus, prout a *Lunigio ex Editione Lipsiensi*, anno 1489.
facta, exhibetur; ut Lector Ecclesie hujus Metropolitanæ olim tam nobilis Con-
stitutiones in una & imperturbata serie sibi ab oculis positas videat.
Albertus hoc nomine IV. Archiepiscopus Magdeburgensis, idemque Episcopus Mer-
seburgensis, Comes de Querfurt, sed in Cathedra Metropolitana ab anno 1383.
Obiit 1403. quo anno intermedio Provinciale hanc Synodum celebraverit, ex
certorum monumentorum penuria definire non possumus. Adscripta illa fuerat in
Tomo præcedente Alberto II. seu potius III. si S. Adalbertum, quem Cranzius etiam
Albertum appellat, simul adnumeret. Nunc sequi malimus Lunigium, qui ex
antiquo codice Lipsiensi Constitutiones hanc Alberto IV. tribuit.

& que ipsi in hoc presenti Concilio per Nos edita, de consensu, & approbatione Venerabilium Fratrum nostrorum, & Coepiscoporum nostre Provincie, B. Misnensis, C. Merseburgensis, D. Nuenbergensis, E. Havelbergensis, F. Brandenburgensis, adiecimus, aliis Statutis Predecessorum nostrorum immutatis, ac in melius reformatis, aliis etiam penitus resecatis, prout tempus exposcit, & causarum de novo incumbentium facultas requirit, ordinate secundum rubricas, & juxta ordinem in Constitutionibus Romane Ecclesie observatum, presenti opusculo inscribi fecimus annotatas, ut legentibus Provincie subditis, qui ad ipsorum observantiam tenentur adstricti, facilius sit aditus, & statuta ipsa, cum casus ipsorum, vel alicujus eorum in dubium venerit, facultas inveniendi. Statuta autem Predecessorum nostrorum quaecunque, & quascunque tenentur exstant, etiam nostra, presenti que volumine minime reperiuntur inserta, & presentibus annumerata, volumus habere pro cassatis, & rejectis, nec quemquam de nostra Provincia ad ipsorum observantiam in iudicem, vel extra in actibus suis, sed duntaxat ad ea, que in presenti volumine continentur, fore obligatum.

STATUTA SYNODALIA.

De Summa Trinitate, & Fide Catholica

Albertus Archi-Episcopus, ex Concilio Magdeburg.

Que propter sui exquisitissimam, & probatissimam perfectionem, ac clarissimam, & lucidissimam veritatem adjectione, vel declaratione ulla non indiget, ad quam imprimis, tanquam principium, medium, & finem salutis omnium, corda, manus, & oculos elevamus, devotis nihil aliud est credendum, tenendum, vel docendum, nisi quod Romana credit, tenet, docet Ecclesia, purissima, sanctissima, & prudentissima Mater nostra. Ita tamen, ut omnes Prelati articulos fidei principales fideliter suos subditos doceant, laicos simpliciter credere, sicut Ecclesia, Clericos vero explicite, & distincte.

Albertus Archi-Episcopus, ex Concilio Magdeburgens.

Inprimis igitur statuimus, ut si aliquis Clericus vel laicus, utriusque sexus, cujuscunque dignitatis, religionis, vel status existat, ausus sit, presumptione damnabili, publice predicare, vel occulte docere, credere, vel tenere, quod Sacerdos, in mortali existens peccato, non possit conficere Corpus Christi, seu sic ligatus non possit solvere, vel ligare suos subditos a peccatis; pro heretico, & incredulo habeatur. Quem errorem hujus Sacri Concilii approbatione damnamus, anathematizamus, & penitus reprobamus: cum Sacre Scripture dicat auctoritas, quod sive bonus, sive malus sit minister, per utrumque Deus effectum gratie confert. Non enim, que sancta sunt, coinquinari possunt, nec ipsa Sacramenta potest hominum malicia prophanare. Unde Sacerdos, quantumcunque pollutus existat, Divina non potest polluere Sacramenta, que purgatoria cunctarum contagionum existunt. Licite ergo a quocunque Sacerdote ab Ecclesia tolerato Divina mysteria audiuntur, & ana recipiuntur Ecclesiastica Sacramenta.

Rubrica de Constitutione.

Albertus Archi-Episcopus, ex Concilio Magdeburgens.

Canonum Statuta primum, & demum Constitutiones Provinciales, tam a nostris Predecessoribus, quam a Nobis editas, & presentibus insertas ab omnibus ferri, ac inviolabiliter custodiri mandamus sub obtentu juris & honoris eorum: post presentem enim publicationem ignorans ignorabitur, & neghgens negligeretur.

Albertus Archi-Episcopus, ex Concilio Magdeburg.

Statuimus, ut presens libellus de Constitutionibus Provincialibus in singulis Ecclesiis Cathedralibus sub sigillo nostro, ac deinde in aliis Ecclesiis Collegiatis, & Conventualibus nostre Provincie, infra tres menses a presentium publicatione computandos, sub sigillo Dioecesanorum sine excusatione qualibet habeatur conscriptus, & in choro jaceat, ut sic possit patere cuilibet legere, seu videre volenti.

Q q q q 3

Ut

Ut autem communis utilitas predictarum constitutionum in noticiam luculentam cunctorum deveniat, Venerabilibus Fratribus, & Coepiscopis nostris injungimus, & mandamus in virtute sancte obedientie, quatenus ipsas mox conscribi faciant & procurent, ac anno quolibet in singulis eorum Synodis in toto Clero, ubi sic commode fieri poterit, alioquin alibi legi faciant, & injungant subditis suis, ut eas quilibet sibi procuret, & tenorem earum memorie recommendet, & maxime Archidiaconis, & suis subditis, scilicet Decanis ruralibus, Archipresbyteris, & Presbyteris hoc injungant. Nos insuper de Omnipotentis Dei misericordia, Beatorum Petri & Pauli Apostolorum ejus, autoritate, nec non Mauriti & Sociorum ejus, Patroni nostri, meritis confisi, omnibus vere penitentibus & confessis, qui eas sibi comparaverint, legerint, aut legi audierint, quotiescunque hoc fecerint, XL. dies de injuncta sibi penitentia relaxamus.

*De Constitutionibus FRIDERICI
& KAROLI Imperatoris.*

*Albertus Archi-Episcopus, ex Concil.
Magdeburg.*

Presenti Statuto, Sacro approbante Concilio, ordinamus, & mandamus districte observari, ut quilibet Episcopus cum suo Capitulo nostre Provincie, pro se, ac suis Capitularibus, Prelatis, Religiosis, & secularibus, & generaliter pro Clericis sue civitatis & Dioecesis universis, pro temporibus affuturis procurent, & habeant sine defectu Constitutionem felicis record. FRIDERICI & KAROLI quarti Romani Imperatoris, quam & Nos cum nostro Capitulo eodem modo servare intendimus, & quantum possumus, nostros Successores hortamur sub Bulla Papali perpetuo durante, si ipsam obtinere potuerint, vel ad tempus obtentam in eisdem Conservatoribus, verius tamen Executoribus, in locis eis congruis, qui in casibus dicti privilegii, & quemlibet Episcopum, & suum Capitulum, & Clerum Religiosum, & secularem sue civitatis & Dioecesis, ab injuriis, per quempiam ipsis inferendis defendant, juxta dicti privilegii continenciam, injuriatoribus penas con-

tentas in eodem infligant. Processus contra tales penales secundum dictam Karolinam, & usque ad satisfactionem debitam, & quousque injuriatores sint a Sede Apostolica absoluti, vel ab aliis, quibus hujusmodi potestas dinoscitur reservata, qui sibi specialiter in casibus dicte Karoline absolutionem, & interdicti relaxationem reservaverunt. Volumus etiam, ut quater in anno quilibet Curatus civitatis & Dioecesis nostre provincie, videlicet Dominicis diebus immediate quatuor tempora sequentibus, suis Parochianis infra Missarum solennia, pronunciet publicando sub lingua Teutonica, & suos Parochianos ammoneat diligenter, ut se caveant, ne in penas dicte Karoline incidunt laqueati. Volumus etiam, & mandamus, ut in singulis Synodis Episcopalibus, Prelatis, & Clericis universis ibidem presentibus dicta Karolina diligenter publicetur, quam presenti statuto in fine volumus de verbo ad verbum annotari.

Rubrica de Rescriptis.

*Albertus Archi-Episcopus, ex Concil.
Magdeburg.*

Cum secundum legitimas Sanctiones Preses provincie delegatos Principes ad ipsius Presidis provinciam declinantes, non debeat ex officii debito sinere, amplius facere, quam eorum legatio se extendat.

De Processibus Judicum delegatorum.

*Albertus Archi-Episcopus, ex Concil.
Magdeburg.*

Attendentes, quod Judices delegati a Sede Apostolica, & a Legatis a latere, vel aliis Legatis, Conservatores, Deputati gratiarum, Executores, vel ab eis Subdelegati Judices, Subconservatores, vel Subexecutores Deputati communiter, vel divisim, potestatem eis traditam, & mandatorum suorum fines transcendant multis modis, & aliquibus fraudibus exquisitis etiam sepe Bulle Apostolice per nonnullos iniquitatis filios falsificantur, que etiam alias jure ipso sunt nulle: & per sic falsificatas Executores, Judices supradicti, earum falsitate minime cognita, que de facili non potest, decipiantur. Cum autem processus earum auctoritate fulminati, sint ipso jure, & facto nulli, nec quis

quis ad eorum executionem, taceo observantiam, teneatur obligatus, diversos fulminantes processus, limites sui mandati excedentes, loca Ecclesiastico interdicto, seu cessationi generali pro rebus mobilibus, vel pro pecuniaria summa supponentes. Unde Sacro approbante Concilio statuimus, ut nullus Plebanus, seu Vicarius, vel quicumque alter Clericus, vel Prelatus citationem, seu processum aliquem a Iudice delegato Sedis Apostolicæ, vel Subdelegato ipsius, vel a Legato dicte Sedis Apostolicæ, etiam a latere, gratiarum Executoribus, vel Conservatoribus, vel ab ipsis communiter subdelegatis, vel divisim sibi directos de citando quomeunque, monendo, vel trahendo ultra unam dietam vulgarem notorie computandam a fine Diocesis admittant, de quorum autoritate ante omnia debet constare, vel aliquatenus exequantur, nisi fuerint per *Vidimus* Dioecesani approbati. Pro quo *Vidimus* Officiales Episcopi, vel alius, qui hoc officium habet exercere, non antequam recipiet, quam tres solid. denarium communium, & in illa Diocesi currentium, contrarium faciens sit ab ingressu Ecclesie suspensus, quousque parti sic indebite exactione duplum restituat. Statuimus etiam rescripta conservatoria Papalia, literas gratiarum Legatorum quorumcunque, & subdelegationes a predictis Officialibus, vel aliis, qui hoc officium gerunt per nostram provinciam, nostrorum Suffraganeorum debere examinari examinatione diligenti faciendâ, & ut evitetur omnis falsitas, & corruptela, exhiberi. Si autem contingat, quonquam Plebanum Curatum, seu Clericum, etiam in dignitate constitutum, in civitatibus, & Diocesi nostre Provincie, per Iudices delegatos Sedis Apostolicæ, vel Legatorum ipsorum, Conservatores gratiarum, Executores, vel ab eis Deputatos, citari, vel vexari pro eo, quod sine *Vidimus* sui Diocesani eorum citationes, & processus alios quoscunque requisiti spreverint recipere, & executionem debite demandare; extunc Episcopus, cui dicti Plebani, Curati, & alii Clerici subsunt, & in cujus civitatibus & Diocesi nostre provincie sunt Beneficiati, ipsos totitis Cleri sumptibus, & expensis defendere non tardabit, cum ad ipsum spectat, ut suam jurisdictionem tueatur. Nihilomi-

nus, si Episcopus in premissis negligens inveniatur, subdito, si que damna receperit, & expensas fecerit, ad arbitrium nostrum, vel nostri in Spiritualibus Vicarii sibi plenarie restituat, & cum effectu.

Rubrica de Electione.

*Albertus Archi-Episcopus, ex Concil.
Magdeburg.*

Item quamvis provisum sit Canonice de illis, nondum in Sacris Ordinibus constitutis, quibus de Ecclesiis Parochialibus providetur, & qui tales Parochiales Ecclesias ea de causa recipiunt duntaxat, ut eas rebus, & bonis inventis in eisdem mobilibus precipue (taceamus de alienatione rerum immobilium) possint spoliare, etiam fructus universos primi anni, infra quem deberent ad Sacerdotium promoveri, recipiunt, in suos usus convertunt minime promoti, dictas Parochiales Ecclesias sic spoliatas, & defraudatas tacite resignando, vel expresse Patronis eorum, vel Collatoribus. Volumus autem jus, quod in casu illo providit ad permutantes infra annum, si sint promoti, sive non, prorogari; ita ut bona inventa in dotibus Ecclesiarum predictarum, apud Ecclesias tales debeant sine qualibet diminutione suis Successoribus remanere, pro eorum sustentatione. In premissis vero reperti culpabiles, & delinquentes a perceptione beneficiorum, que obtinent in Provincia nostra, volumus esse suspensos, nec fructus ipsorum posse facere suos, nec in utilitatem suam debere convertere, donec ablata priori Ecclesie omni cum restituant integritate.

Rubrica de scrutinio in ordine faciendo.

Albertus, ex Concil. Magdeburg.

Statuimus ad terrorem malefactorum, ut universi Episcopi Magdeburgensis Provincie, ac eorum Vicarii, quando volunt, & debent suis temporibus Ordines celebrare, committant expresse Examinatoribus Clericorum ordinandorum, sub anathematis interminatione, ut inter cetera perquirenda fidei diligentia perquirant, sub obtentu honoris percipiendi, a singulis ordi-

ordinandis Religiosis cujuscunque ordinis, vel secularibus, ut si patres, avi, ac progenitores eorum, usque ad quartam lineam ascendentes, captivaverint, captivos detinuerint, occiderint, mutilaverint, proscripserint, bannizaverint, diffidaverint Clericum in sacris Ordinibus constitutum, & pro Clerico se gerentem, etiam si in minoribus fuerit constitutus, & pro tali se gerebat, habitum, & tonsuram deferens; eum, quem in aliquo premissorum affectum per aliquem progenitorum suorum usque ad lineam memoratam invenerint, si factum illud sit notorium, vel scitum in loco nativitatis sue, nullatenus admittant. Prelati vero, vel eorum vices gerentes, quorum interest investire, vel instituere presentatos, ante investituram, vel institutionem cum summa diligentia de his querant, & quos tales invenerint vitio progenitorum laborantes, de quo scriptum est, nullo modo instituunt, vel investiant ad aliquod beneficium, vel officium, Ecclesiasticam etiam dignitatem. Et si tales quovis modo per negligentiam Ordinantium fuerint ordinati, vel per propriam taciturnitatem, cum de hoc constiterit; sint ab Ordinibus sic susceptis suspensi, & maneant; donec a suis Diocesanis dispensationem meruerint obtinere. Instituti etiam in Beneficio, vel claustris professi, vel Monasterio oblati, sint ipso facto jure, quod habent in Beneficiis, privati: Oblati vero & Professi a dictis claustris expellantur, vel saltem suspensi maneant ab Ordinibus sic susceptis, donec Diocesani sui cum eis dispensaverint, ipsorum meritis, & laudabili conversatione eorum hoc exigente: & cum Beneficio institutis etiam Diocesani, prout viderint expedire, habeant plenam potestatem in his dispensandi; Examinatores insuper & Prelati, ac eorum vices gerentes, qui fecus in premissis agere presumpserint, in futuro per suos Superiores immediatos suspensionis sententia percellantur: alias etiam pro tanta negligentia per Diocesanos suos Ordinarios graviter puniendi.

Rubrica de Renunciatione.

*Albertus Archi-Episcopus, ex Concil.
Magdeburg.*

Nullus Ecclesiam, vel Beneficium Ecclesiasticum dimittere, vel recipere

presumat sine Superioris sui autoritate, quod sub pena suspensionis firmiter inhibemus: etiam quodcunque fuerit, Curatum, vel non Curatum, quod ea de causa recepit duntaxat, ut sub ipsius titulo ad sacros Ordines, & ad Sacerdotium promoveatur. Nam decens est, ut sicut in recipiendo Beneficia Ecclesiastica Canonum Statuta observantur, sic & pari modo in dimittendo & in renunciando Beneficio, seu Beneficiis Ecclesiasticis, debent Canones observari.

De Temporibus ordinantium.

*Albertus Archi-Episcopus, ex Conc.
Magdeburg.*

Statuimus, quod nullus ad examinationem aliquatenus admittatur, nisi antea confiteatur omnia sua delicta idoneo Sacerdoti, & quia pauci sunt, qui sua delicta, vel sequelas intelligunt delictorum, ideo per discretum Confessorem debet instrui ordinandus: & talem, seu tales Vicarius Episcopi, qui statuta Canonum non ignorant, seu alios idoneos pro ordinandis, secundum ipsorum pluralitatem, vel paucitatem, tempore ordinationis deputabit, etiam in loco, ubi continget ordines celebrari, vel Vicario in Pontificalibus, qui ordines celebrabit, si de ejus puritate conscientie confusus fuerit, tribuat facultatem, ordinandos in confessione expediendi. Et talibus Confessoribus injungimus sub interminatione maledictionis eterne, ut ordinandos, quos invenerunt repellendos in foro suo, id est, anime, ubi factum eorum est occultum, ammoneant, ne quovis modo ad ordinum susceptiones procedant. Si autem casus eorum non prestaret eis perpetuum impedimentum, sed esset dispensabilis per Episcopum suum, vel Papam, vel per alios, sicut per Archiepiscopum, vel Cardinales certos, in casibus eis specialiter reservatis, pro dispensatione remittant ad eosdem Superiores obtinenda.

Rubrica de Clericis peregrinis.

*Albertus Archi-Episcopus, ex Conc.
Magdeburg.*

Nullus in Ecclesia sua ignotum, seu peregrinum, de aliena Diocesi venientem ad celebrationem Divinorum in publico pre-

presumat admittere, licet formatas literas sue ordinationis exhibeat, nisi & ostendat literas Dioecesis Episcopi, vel ejus Vicarii, in cujus Dioecesi se petit admitti: in quibus contineatur expresse, quod in ejus Dioecesi in Spiritualibus habeat licentiam celebrandi, ne ignoti, & de longinquo venientes, qui frequenter sunt apostate, criminosi, & irregulares in sua temeritatis malicia foveantur, & tribuatur audacia Divina prophandandi. Contrarium faciens in una Marca puri, & defedati argenti pro admissione qualibet per loci Archidiaconum puniatur. Si vero Archidiaconum non habuerit, tunc per Dioecesanum, vel ejus Vicarium in Spiritualibus, cujusunque etiam dignitatis fuerit, Abbas, Prepositus, vel Decanus, medietatem Archidiaconatus utilitati, vel Diocesani, ubi non habent Archidiaconum, vel alium Prelatum ejus loci delinquentes, reliquam vero medietatem fabrice Cathedralis Ecclesie convertendam.

Rubrica de Officio Ordinarii.

Albertus Archiep. ex Conc. Magd.

Cum quilibet Archiepiscopus & Episcopus, Canone disponente, teneatur Dominicis diebus singulis, & festivitatis aliis presertim summis, in Ecclesia sua populo sibi credito, se presentem exhibere, Missam celebrare, verbum Dei proponere, ac indulgentias dare; unde precipimus, quod quilibet Episcopus nostre provincie maxime in summis festivitatis, nisi necessitate prohibente, vel causa rationabili eum excusante, sit presens in Ecclesia sua Cathedrali, verbum Dei proponat, vel se presente per alium idoneum proponi faciat, & indulgentias populo det, Missam in eadem Ecclesia devotius celebrando.

Albertus Archi-Episcopus, ex Concil. Magdeburg.

Post hec statuimus, ut singuli Episcoporum nostre provincie suos carceres habeant juxta Ecclesiam Katedralem pro Clericis duntaxat, & speciales, ita quod nullatenus cum furibus, & aliis ultimo supplicio deputatis, vel deputandis, Clerici detineantur incarcerati: in quibus gallarii Clerici, vel Monachi incorrigibi-

les & Apostate, vel alii, qui hoc meruerint, recludantur perpetue, vel ad tempus, prout eorum exposcunt excessus. Ad quod efficacius exequendum alie Ecclesie, si opus fuerit, subsidium conferant, & juvamen. Episcopus tamen cum suo Capitulo carcerem procurabit apud Ecclesiam majorem, vel in alio loco congruo, & custodem carceris unum, vel plures, secundum quod opus fuerit, suis sumptibus & expensis, juratos tamen prius, quod fideliter velint preesse incarcerationis, & eos custodire diligenter, & humaniter tractare, deputabit, & de expensis nihilominus incarcerationis etiam providebit juxta Canonum precepta in vestitu pariter, & amictu.

Rubrica de Officio Delegati.

Albertus Archi-Episcopus, ex Conc. Magdeburg.

Quia frequenter injuriati Clerici, seculares, vel Religiosi, facultatibus destituti, vel minus idonei, etiam si eis rerum affluentia fuerit copiosa, vel metu concussi, & tali, qui merito cadere debet in constantem, contra suos injuriatores pro justitia consequenda cum satisfactione debita non presumunt actionem intentare; Statutorum nostre provincie, etiam Executores in civitatibus, vel Dioec. Deputati, ubi Clerico injuriato, vel Religioso injuria illata est, injuriantium potentiam perhorrescentes contra tales requisiti per dictos Clericos, vel ex suo officio procedere, vel processus fulminare formidant; ne ergo injuriatores, & Clericis secularibus, vel Religiosis, injuriam, seu violentiam in personis eorum, rebus & bonis Ecclesiarum suarum, & suis juribus, & libertatibus, familia, consanguineis, nepotibus, vel neptibus inferentes, transeant impuniti, & de sua temeritatis violentia commodum reportent; gloriantes cum illis, qui letantur cum male fecerint; Sacro igitur approbante Concilio, presenti statuto ordinamus, ut Clerus cujuslibet civitatis & Dioecesis nostre provincie habeat unum, vel plures Procuratores fiscales, quibus etiam in locis congruis & securis, ubi tyrannorum potentiam non habent formidare, Episcopus loci, cum consensu sui Capituli, Prelatorum, & sanioris

Cleri partis sue civitatis, & Dioecesis deputabit, qui Clericorum secularium, & Religiosorum injuriam, ut Promotores curie, cum Clerici injuriati seculares vel Religiosi propter inopiam, injuriantium potentiam, suam justitiam contra injuriantes prosequi non presumant, dictorum injuriatorum justitiam coram Executore loci Karoline, vel Urbanine prosequi festinabunt, & requisiti per injuriatos, vel suo officio, illis agere non valentibus, procurent processum, juxta statuta nostrae provinciae, cum suis penis contra injuriantes, & usque ad satisfactionem congruam fulminari, & per subditos nostrae provinciae arctius observari. Predicto vero Procuratori fiscali, seu Procuratoribus, Episcopus loci, & per quem cum suo Clero fuerit, seu fuerint deputati, eis de expensis, quas in prosecutione injuriarum, & pro injuriatis Clericis secularibus, vel Religiosis facient, si injuriati predicti Procuratori de stipendio congruo pro suis laboribus, & expensis satisfacere noluerint, seu, inopia eos excusante, non potuerint, providebit.

De Subsidio Juris.

Statutum Borchardi, ex Concil. Hallens.

Congruum reputamus, & consonum equitati, quod Executores statutorum nostrae provinciae sibi debeant necessitate, seu utilitate exigente, ad invicem suffragari; unde presenti statuto sancimus, quod quilibet Executor, dum super processibus, & sententiis, per eum in sua Dioecesi factis, & habitis, Executorem alterius Dioecesis super eis publicandis, & etiam observandis duxerit per suas literas requirendum; quod idem requisitus, occasione postposita, nisi in necessitate inevitabili se excusare valeat, requisitionem hujusmodi admittere teneatur.

De Executore negligente, vel denegante justitiam.

Borchardus, ex Concil. Hallens.

Si Executor in aliqua Dioecesi nostrae provinciae deputatus, executionis suae ministerium facere negligat, seu denegat conquerenti, & potissime per Procuratorem fiscalem requisitus ad instantiam injuriam passus, seu pro eo; extunc ad

Episcopum, loci Ordinarium in casu hujusmodi recurratur, qui Executorem suum pro commissa negligentia corrigat, & ad faciendum debitam executionem compellat; adjicientes, quod nec per Nos, nec Coepiscopos nostros sententiae Executoris rite, & rationabiliter late de facto possint, vel debeant revocari, nec eorum officium aliquo modo impediri.

Borchardus, ex Concil. Hallens.

Cum Statutorum nostrorum remediis intendamus contra notorias injurias, & violentias providere, decernimus, quod Executores statutorum hujusmodi ad ea, quae judiciale indaginem exigunt, se nullatenus intromittant, nec ad talia, quae ordinem Judiciarum requirunt, suam extendant aliquatenus potestatem; quia in talibus juris, & judiciorum ordinem servare juxta Canonum instituta expedit, & rigorem.

De Exceptionibus, & repulsione Testium in causa notorie tatis.

Borchardus, ex Concil. Hallens.

Plerumque tamen id, quod notorium asseritur, apud Executorem notorium non habetur, & ad hoc testes quandoque producuntur a parte, ut Executori de notorio fides fiat; unde a quibusdam revocatur in dubium, an Executor exceptiones propositas contra testes productos ad notorium ostendendum admittere teneatur: & licet super eo Doctores diversi sentire diversimode videantur, quibusdam asserentibus hujusmodi exceptiones debere admitti, aliis vero affirmantibus, ipsas in hujusmodi casu repellendas; Nos tamen decernimus, & declaramus, illi opinioni, favore Ecclesiarum, & Personarum Ecclesiasticarum potius adherendum; quae exceptiones tales asserit, non esse contra testes hujusmodi admittendas. Tales namque ad Judicem ordine Judiciario procedentem, non autem, ad Executorem, qui circa notoria intendit, pertinere videntur, nisi exceptiones obiectae adeo forent sufficientes & notoriae, quod nulla possent tergiversatione celari, quod discreti Executoris arbitrio duximus relinquendum.

*Rubrica de Majoritate & Obedientia.**Albertus Archi-Episcopus, ex Concil.
Magdeburg.*

Sacro approbante Concilio statui-
mus, ut nulli Clerici nobilium Capella-
ni, in Capellis castrorum Dominorum
suorum celebrare presumant, seu alia
conferre Sacramenta Ecclesiastica, nisi
ante Episcopo loci, si dictæ Capelle sub-
sint Episcopo immediate, & ad eas ha-
beat instituere, vel alteri Prelato, *Archi-
diacono, Preposito, Decano rurali*, qui hoc
jus obtinet in dicta Capella, manua-
lem obedientiam faciant, & etiam ad Synod.
veniant e Capella certis temporibus, &
statutis, recepturi & mandata Ecclesiasti-
ca, & predicaturi suis Dominis, & eo-
rum catrensibus, secundum quod fue-
rit opportunum; cum Plebani, in quo-
rum terminis castra consistunt, hoc fa-
cere frequenter non audeant propter ty-
rannidem Dominorum. Qui autem ante
obedientiam sic, ut premititur, presti-
tam Prelatis, quibus subsunt immédia-
te, Capellas tales officiare presumpserint,
sint ipso facto excommunicati, ac per
totum Archidiaconatum, in quo hujus-
modi Capelle consistunt, excommuni-
cati nuncientur per Ecclesiarum Recto-
res tanto tempore, quousque satisfaciant,
& obediant, ut est dictum.

*De his, que vi & metus causa
sunt.**Albertus Archi-Episcopus, ex Concil.
Magdeburg.*

Cum obedientia potissime meritum
vite conferat, & victimis prefertur, in
quibus aliena caro, sive in ipsa Deo pro-
pria consecratur; Unde quamplures Ple-
bani Sacerdotes, & Clerici hoc minime
attendunt, & cum eis Superiorum man-
data dirigimus, etiam pro executione de-
bita faciendi requisiti, tanquam vano
metu concussi, & talem allegantes, ipsa
mandata exequi, seu processus etiam de-
bite executioni mandare, in suarum ani-
marum periculum contemnunt, penas
diversas Ecclesiasticas frequenter, & lega-
les aliquando ob hoc miserabiliter incur-
runt laqueati, pro Christo, & ipsius sponsa
Matre Ecclesia, cujus stipendio, & Chri-

Tomus V. Concilior. German.

sti patrimonio laute reficiuntur, sagi-
nati, ex adverso ascendere, ac pro ejus
libertatibus conservandis bellare refugi-
unt: quapropter Ecclesiastica censura
contemnitur, nervus Ecclesiasticæ dis-
cipline dissolvitur, clavium potestas ludi-
brio fit, & vilescit. Sacri hujus igitur
Concilii provida celebratione sancimus,
diffinientes, ut nullus Prelatorum, Ple-
banorum, Curatorum, seu Clericorum
nostre provincie debeat se excusare,
quominus requisitus ad executionem
mandatorum suorum Prelatorum, Supe-
riorum, & Executorum statutorum pro-
cedant, & debite exequantur: & ipsi
eadem observent, & per suos faciant
observari, etiam si penas, & censuras con-
tineant Ecclesiasticas, seu legales: etiam si
metum corporum, rerum suarum tempo-
ralium, seu majoris partis amissionem
pro sua allegant excusatione in antea;
cum revera quisque Prelatus, Plebanus,
Curatus & Clericus potissime, taceamus
de laicis, potius debet omnia mala pari
presentis status, quam malum inobedi-
entie incurrere, etiam si per idoneos testes
coram Superiore, a quo mandata, &
processus diriguntur, se offerant para-
tos, ad probandum hujusmodi metum.
In his enim, que in non faciendo confi-
stunt, utpote cum mandatur non com-
municari excommunicatis, non celebra-
re in locis interdictis, aut coram majoris
sententie excommunicatis, seu aliis hujus-
modi, nullus omnino, nec rerum, nec
corporum, quantumcunque probatus
metus, nequaquam possit, vel debeat
excusare a talium observatione, firmiter,
& intrepide exequenda: quia melius
esset viam veritatis non agnovisse, quam
ut quis post agnitam ab ea discedat, ut
prophanus, & idololator sceleratus.

*De alienatione judicii mutandi
causa.**Albertus Archi-Episcopus, ex Concil.
Magdeburg.*

Quia plerumque cessiones actionum
in fraudem fiunt, alie vero pure, & simpli-
citer ex causa legitima, vel ex causis; sta-
tuimus, ut cessiones actionum, que ju-
stis causis, vel causa procedunt, in pre-
sentia ipsorum Episcoporum, vel Judi-
cum, vel Officialium eorum, & de licen-

R r r r 2

tia

tia eorundem, si cognoscant legitimas esse, fiant. Jurent etiam cedentes, quod non simulate, sed vere cedant, alioquin secus factas decernimus non tenere.

Contra impediētes, ne citatio ad eos perveniat.

Albertus Archi-Episcopus, ex Concil. Magdeburg.

Et quia quidam propter potentiam, quidam propter crudelitatem magnam personaliter citari non possunt, quidam etiam in castris habitant, ita quod nulla potest propter eorum tyrannidem citatio ad eos pervenire, vel aditus haberi securus; idcirco provida & necessaria deliberatione statuimus, ut contra tales citationis edictum apud Parochialem Ecclesiam ipsorum publice & legitime proponatur. quod si Parochialis Sacerdos, quod tales citare non possit, coram Superiore non simplici, vel proprio jramento, sed iustis probaverit documentis; in Cathedrali Ecclesia tribus diebus Dominicis continue citentur in ambone, dummodo citandi infra unam dietam sint a Cathedrali Ecclesia constituti, alioquin ad tres quindenae solemniter evocentur, & extunc contra hujusmodi, ac si personaliter citati fuerint, procedatur, ne ex malitia hujusmodi valeant commodum reportare.

Rubrica de foro competenti.

Albertus Archi-Episcopus, ex Concil. Magdeburg.

Præterea quidam crudeles homines & perversi, dum ad forum Ecclesiasticum in causis etiam, de quibus Ecclesia merito habet agnoscere, ab actoribus evocantur, illius autoritatis, que dicit: Qui honorat Missum, mittentem honorat, immemores existentes, Nuntios Ecclesiasticorum Judicium, citationes, excommunicationes, vel alias judiciales, vel jurisdictionis literas deferentes, verbis quandoque probrosis, & diris verberibus afficientes, quosdam etiam captivantes, vulnerantes, mutilantes, & nonnullos occidentes, alios interdum suis rebus temere & publice spoliantes, multipliciter afficiunt, & perturbant, & impediunt citationem, & literarum executio-

nes, in non modicam Ecclesiasticæ libertatis contumeliam & jacturam. Considerantes igitur, malitiis hominum non esse aliquatenus indulgendum, hoc sacro approbante Concilio duximus statuendum, ut reus, nuntios acta judicialia deferentes, per se, vel per alium verberans, spolians, vulnerans, mutilans, occidens, captivans, lite etiam non contestata, autoritate hujusmodi Concilii habeatur penitus pro convicto. Actor vero in causa reconventionis similia perpetrare per se, vel per alium non formidans, super instituta contra eum actione amplius nullatenus audiat, & insuper uterque, ac omnes alii, qui nomine & actione eorum talia presumpserunt, usque ad condignam satisfactionem lesi, & iudicibus summam cognitionem super hujusmodi forefacto prehabita, percellantur adeo iustis & gravibus penis, ut alii metu pene a similibus arceantur. Ita etiam, quod si tales sint Clerici, pena contra captivantes Clericos, vulnerantes, mutilantes, verberantes, & occidentes promulgata in Statutis nostris Provincialibus, & Predecessorum nostrorum huic volumini inscriptis, usque ad satisfactionem congruam districtius observetur, penis etiam a Canonibus, & Legibus talibus inflictis, nihilominus rigorose observatis.

Præterea hujus approbatione Concilii statuimus, & vobis universis & singulis Rectoribus Ecclesiarum Parochialium, seu vices eorum gerentibus, per nostram Provinciam constitutis, sub pena suspensionis Ecclesie ab ingressu precipimus, & mandamus, quatenus omnes, tam Clericos, quam laicos in terminis Ecclesiarum constitutos, cujuscunque dignitatis, nobilitatis, conditionis, aut status existant, publice in vestris Ecclesiis moneatis, ne jurisdictionem Ecclesiasticam, Nuntios, mandata nostra, seu literas nostras, vel Judicium nostrorum, etiam nostrorum Suffraganeorum, & Judicium quorumcunque nostre Provincie Ecclesiasticorum, deferentes verberando, offendendo, vulnerando, mutilando, capiendo, occidendo, seu ipsas literas lacerando, vel quocunque alio modo impedire præsumant; alioquin contrarium facientes, sententiam excommunicationis incurrere volumus

lunus ipso facto, & excommunicatos a Canone nuntiamus, & ab omnibus artibus evitandos singulis diebus Dominicis, accensis candelis, & pulsatis campanis, cum vobis de hoc per evidentiam facti constiterit, etiamsi aliud mandatum nostrum, Judicium nostrorum, Suffraganeorum nostrorum, vel eorum Judicium super hoc non receperitis, in vestris Ecclesiis publice nuntietis, quousque a sententiis excommunicationis hujusmodi per Nos, vel Judices nostros, seu nostros Suffraganeos, vel eorum Judices, si in civitate vel Diocesi, seu altera eorum excessus hujusmodi commissus repperit, fuerint legitime absoluti. Adjicimus insuper, quod quilibet Episcopus in sua Diocesi, prout sibi expedire videbitur, super statutis hujusmodi valeat dispensare.

Ut nullus Jdex secularis quemcunque spiritualem judicet.

Albertus Archi-Episcopus, ex Concil. Magdeburg.

Cum laici etiam cujuscunque dignitatis, status, & preeminentie fuerint, de rebus Ecclesie disponere non habeant, multo fortius Prelatos, & Clericos, seu quemcunque de personis Ecclesiasticis, vel laicum religiosum, alicui religioni dedicatum, etiamsi nondum fuerit tacite professus, vel expresse, cum omnes tales sunt in sortem Domini electi, & a seculari potestate, & a judicio tam in criminalibus causis, quam civilibus, Christi privilegio exempti, punire; unde universis Judicibus secularibus, per nostram Provinciam constitutis, districtius inhibemus, & mandamus, ne quandam Prelatum tam regularem, quam secularem, Clericum, vel laicum Religiosum, contra Ecclesiasticam libertatem, ad cujuscunque instantiam laici, vel Clerici, vel ex suo officio ad judicium trahere seculare per se, vel Procuratorem, etiam ipsum judicare, vel sententiam presumant; Actor vero, si laicus fuerit, qui hoc procuraverit, cum Judice, ambo sine sententia excommunicationis majoris ligati ipso facto, quos sic citatos & per Judicem, aut Officiale Episcopi in Synodo Episcopali, & in propriis eorum Parochiis, ac aliis vicinis sic excom-

municatos, donec parti citanti, & Episcopo loci de hujusmodi excessu satisfactionem prestiterint, publice faciat denunciare. Clericus vero, qui sic procuraverit Clericum alium ad sui, vel alterius instantiam, ad judicium evocare seculare, sit Beneficio suo meliori, si plura obtinet, in natura, in nostra Provincia ipso facto privatus: si vero unum dumtaxat, eodem etiam sit ipso facto privatus: si vero nullum Beneficium obtinet, in nostra Provincia domicilium tamen habens, aliunde veniens, hunc excessum committens in nostra Provincia, propter quem se subditum nostre jurisdictioni facit, volumus presenti constitutione esse inhabilem ad Beneficium Ecclesiasticum in nostra Provincia obrinendum, donec a Nobis, si hunc excessum commiserit in nostra civitate, vel Diocesi, seu a nostris Suffraganeis, in quorum civitate, vel Diocesi, vel alterius eorum hujusmodi excessus commiserit, satisfactione condigna fuerit cum eo misericorditer dispensatum.

De fide Instrumentorum.

Albertus Archi-Episcopus, ex Concil. Magdeburg.

Cum ex eo, quod plerique adeo rudes & ignari inveniuntur, quod per se protocolla facere penitus ignorant, & alii se Notarios publicos mentientes, conficere instrumenta presumant, ex quibus incommoda & pericula oriuntur, quibus nos obviare volentes, prohibemus, ne pro Notario publico se quisquam gerat, vel quevis instrumenta conficiat in nostra Provincia, vel quisquam eis utatur confectis, antequam de creatione sua loci Diocesano, vel ejus Officiali fecerit plenam fidem: contrarium faciens excommunicationem incidat ipso facto, & instrumenta per eum facta sint irrita ipso facto, & alias per loci Diocesanum: conficiens cum utentibus scienter poena debita puniatur.

De Jurejurando.

Albertus Archi-Episcopus, ex Concil. Magdeburg.

Cum Legis veteris autoritas, & Evangelica veritas invincibilis precipiat, quod omne verbum debeat stare in ore

duorum, vel trium; unde prohibemus omnibus spiritualibus Judicibus, ne de cetero in iudiciis in quantacunque causa juramentum deferant decisorium, adversa parte volente intentum suum per testes probare fide dignos, & hoc petente.

De exceptionibus a loco non tuto.

Albertus Archi-Episcopus, ex Concil. Magdeburg.

Quoniam exceptio de loco non tuto nonnunquam ad fugam ab opponente confingitur, ut ejus ope evitetur iudicium, & conquerens defraudetur, quod sicut experientia docuit, plerumque fieri consuevit coram Executoribus nostre Provincie. Quamvis exceptio eadem adeo videatur legitima, quodsi repulsa fuerit, licite valeat appellari. An igitur Executor statutorum exceptionem hujusmodi coram eo propositam teneatur admittere, vel repellere, non immerito dubitatur; unde juxta prudentum consilium, & doctrinam, duximus statuendum, quodsi quis coram Executore locum, ad quem citatus existit, sibi asserit non securum, petens sibi locum alium tutum, & idoneum assignari, quod idem excipiens ad mandatum Executoris debeat exprimere coram eo, quid in illo securo, quem postulat, velit proponere vel probare. Et, si tale quid exprimere jussus contumaciter recusaverit, extunc Executor in negotio proposito, tali exceptione non obstante, procedere non obmittat. Si vero aliquid, vel aliqua dixerit exprimendo, Executoris reliquantur arbitrio, an super tali, vel talibus expressis sit exceptio admittenda, & locus alius securus super expressis, & propositis assignandus: nam forsitan expressa reperientur frivola, vel impertinentia, aut talia, de quibus Executor intromittere non valebit, & sic per expressionem talium facilius poterit opponentium fraudibus obviare. Ita tamen, quodsi fuerit exceptio super loco non tuto probanda coram Executore loci, ubi proponitur, probatio ejus fiat,

De Appellationibus.

Albertus Archi-Episcopus, ex Concil. Magdeburg.

Quia sepe contingit, in causa appellationum, ad Nos a nostris Suffraganeis appellari, vel ad ipsos a Judicibus eis subiectis interpositis a sententiis diffinitis provocari per Superiores: cum omnia secundum formam juris attemptata, & absolvi appellantes, & ipsis revocatis predicti appellantes in delusionem juris, iudicum, & partis appellate, a prosecutione sue appellationis desistunt. Ne igitur provisio facta ad remedium, ut experimento didicimus, tendat ad noxam; statuimus, ut si infra duos menses post revocationem hujusmodi, ipsi appellantes prosequi appellationes suas non curaverint, extunc per inferiores Judices, a quibus appellarunt, in pristinas sententias retrudantur, tamdiu eisdem ligati publice nuntientur, quousque, iusta causa cessante, ad appellationum suarum prosecutionem moram suam expiando, redire festinent, vel pareant iudicatis.

Rubrica de vita & honestate Clericorum.

Albertus Archi-Episcopus, ex Concil. Magdeburg.

Ad hec, quia Clerici vagabundi, qui Ebirhardini dicuntur, quorum vita Deo odibilis est, Clericos, & ipsos laicos scandalizant, discurrendo per terras, in villis, que carent propriis Sacerdotibus, celebrare presumunt, seu quod verius, quantum in ipsis est, prophanare Divina Officia; statuimus, ut tales ad mandatum Diocesani, vel loci Archidiaconi teneantur in custodia carcerali, ad hoc, si necesse fuerit, invocato auxilio brachii secularis, salvis nihilominus constitutionibus contra tales per Sedem Apostolicam promulgatis.

Rubrica contra Clericos militares.

Albertus Archi-Episcopus, ex Concil. Magdeburg.

Contra Clericos militares, & prefertim in Sacris constitutos, qui Clericali scemate derelicto, eam nutriunt, & gestant-

gestantes habitum laicalem, coram Prelatis suis, & in Ecclesiis, in quibus habent beneficia, neque reverenter incedunt; demum post tyrocinia, & actus alios militares, quos interdum exercent, habitum pristinum resumentes, ad beneficia priora se admitti impune desiderant, sic terram viis duabus ingredi non verentur; hoc Sacro Concilio approbante, statuimus, ut apostatantes hujusmodi, si, antequam a suis Prelatis, sive Capitulis evocati, & prius habitis beneficiis fuerint spoliati, ad suas Ecclesias, seu Prebendas redire voluerint, non aliter admittantur, nisi discipline claustra, vel carcerem tanto tempore sustineant, quanto a suis Ecclesiis eos constiterit taliter aberrasse. Ne minus satisfactionum prolixitas, quam prevaricationum diuturnitas prorogetur. & sic reversi debent ultimum in Capitulo, & in Choro, Processionibus, & aliis actibus locum duntaxat perpetim obtinere.

De cohabitatione Clericorum.

*Albertus Archi-Episcopus, ex Conc.
Magdeburg.*

Attendentes, quod omnibus Dei Ministris, & in ejus sortem sua Divina providentia electis, & omnibus Religiosis sit a Sacris Canonibus preceptum, ut non solum abstineant a malo, sed etiam ab omni specie mali. Unde quoslibet Canonicos tam Cathedralium, quam Collegiatarum Ecclesiarum nostre Provincie, ceterosque Beneficiatos, hortamur, & in visceribus Christi obsecramus, ne animo in stubis venalibus, & publicis balnea recipiant, ubi suspectarum personarum presentia se prebet frequenter scandalose; sed in stubis suarum Ecclesiarum, aut in propriis curiis suis, personis suspectis balnea sua faciant longe exclusis, que in singulis Ecclesiis nostre Provincie Cathedralibus, & Collegiatis, si non habentur, volumus edificari, vel si sunt defectuosa, infra mensem restaurari, & debitis temporibus calefieri mandamus, & de quindena in quindenam precipimus deputatis consuetis, & honestis ministris pro Canonicorum, & Clericorum usu balneandi. Religiosis universis nostre Provincie in Monasteriis degentibus, quibus urbium & populi frequen-

tia, locorumque publicorum aditus est interdictus, omnino prohibemus presenti nostro statuto, ne quis eorum audeat de cetero in stuba prefata, extra septa Monasterii sui, balnea publica subire: sed habeant stubas suas communes, ut Ecclesie Cathedrales, & Collegiate, in Monasteriis suis, & pro Conventu suo, quas eis calefieri jubemus, ac in eis de quindena in quindenam deputatis, etiam consuetis, & honestis ministris pro Religiosis balneantibus obsequiis exhibendum. Presens etiam statutum ad Sanctimonialiales nostre Provincie, prout concernit Religiosos, observandum prorogamus, proviso, quod si qui Religiosi, vel Moniales, vel infirmitate ipsorum exigente, pro remedio recuperande, conservandeque sanitatis balnea subire coguntur, pro eisdem in quolibet Monasterio parvula stubella construantur, & habeatur aptata requisitis, ut dum opus fuerit, infirmi in ea duntaxat pro remedio, balnea suscipiant, & nullatenus sani in eis balneis uti permittantur. Religiosi vero habitantes in Parochiis, vel aliis locis, certis officiis deputati, in curiis suis habeant stubellas parvulas, in quibus seclusis suspectis personis, balneis pro munditia, seu pro remedio, cum infirmitas hoc exposcit, perfruantur. Transgressores vero hujus statuti salutaris, tam seculares, quam religiosos, volumus, si Canonici sunt, Ecclesiarum Cathedralium, vel Collegiatarum, vel alii Beneficiati, per suos Episcopos pena debita emendari; si vero Religiosi, vel Moniales, pena graviore, post carceralem, per suos Prelatos precipimus emendari; si autem ipsorum Religiosorum, vel Monialium Prelati pro hujusmodi excessibus corrigere neglexerint, Episcopus loci ipsorum negligentiam severitate debita supplebit contra delinquentes observata.

Rubrica de Concubinariis.

*Albertus Archi-Episcopus, ex Concil.
Magdeburg.*

Attendentes, quod scriptum est, & dictum, precipue Sacerdotibus, & Clericis universis in Sacris constitutis: (*) *Sancti estote, quia Sanctus ego sum.* Precipimus hujus Sacri approbatione Concilii,

(*) Levitici XI, 44.

cilii, ut Sacerdotes universi, & Clerici in sacris Ordinibus constituti, & alii simplices, Dei servitio mancipati, studeant caste vivere & continenter, quatenus in conspectu Omnipotentis Dei puro corde valeant, & mundo corpore ministrare. Si quis autem Clericorum visus fuerit deinceps incontinentie vitio laborare, publice concubinam secum detinendo, vel alias sepositam in domo nutriendo aliena, fama publica hoc attestante, ita, quod vulgariter dicitur, talis est concubina ipsius, post ammonitionem Canonicam ei per suos Prelatos immediatos factam, verbo, vel in scriptis, illam prorsus de domo sua non expulerit, vel a se posite victum & amictum subtraxerit, aut ipsius consortium penitus evitaverit, officio & beneficio suo privetur. Si vero nec sic fetorem sue libidinis curaverit evitare, quia, crescente contumacia, crescere debet & pena, anathematis gladio feriat. Qui vero voluptatibus inhiantes, concubinas usque ad hec tempora tenuerint publice; ne delictum preteritum transeat impunitum, eos sub tali pena duximus religandos: ut si Canonici fuerint, vel Beneficiati in Ecclesia Cathedrali, vel Collegiata, XL. diebus in claustris suis in quadragesimali cibo jejurent. Si autem hoc agere contempserint, Prepositis, Decanis, & Capitulis Ecclesiarum suarum sub anathematis pena prohibemus, ne Prebendarum fructus eis ministrent, vel ad Chorum, vel ad Consortium Capituli eos admittant, nisi digna penitentia, de qua premititur, omni dispensatione seclusa, incepta, & peracta plenarie. Qui vero sic amotas resumpserint, decernimus eos Beneficiis esse privandos, statuentes, ut illi, ad quorum collationem eorum Beneficia pertinent, ipsis privatis, ea personis idoneis assignent infra tempus in Lateranensi Concilio comprehensum, alioquin proximis Superiorum suorum extunc ea studeant assignare. Si vero Decani, vel alii eorum Superiorum excessum scientes, dissimulare presumpserint, ipsos volumus & pronuntiamus a perceptione fructuum suorum Beneficiorum non solum suspensos, quæ obtinent in nostra Provincia, sed privatos, fabricæ Ecclesiæ, ubi Prelati sunt, applicandis.

*Albertus Archi-Episcopus, ex Concil.
Magdeburg.*

De Clericis concubinariis ruralibus rigor superius expressus servetur, quorum Archidiaconi, si eos in suis iniquitatibus voluerint confovere, vel eorum dissimulare excessus, scient ab officio se suspendendos, & si in presumptione permanserint, precipimus eos per Episcopos suos a dignitatibus removeri, quæ dignitates per eosdem Episcopos, vel alios, ad quos donatio spectat, personis idoneis infra tempus Lateranensis Concilii assignentur.

De Institutionibus.

*Albertus Archi-Episcopus, ex Concil.
Magdeburg.*

Quancumque Sacrorum Canonum statutis prohibitum invenitur districte, ne aliquis Clericus a laico de Beneficio Ecclesiastico, in quo jus obtinet Patronatus, institui se permittat, vel se ipsum de facto instituat: vel quisquam talis electus, vel postulatus, ad aliquam dignitatem, vel officium secularis vel regularis, cujuscunque ordinis, etiam in concordia se ipsum intendat, vel procurat intrudi, non ingrediens per ostium, sed ut fur per devia aliunde, & non canonice subintrans, sed potius presentatus Episcopo, ab eo, vel loci Archidiacono investituram recipiet, prout ad alterum eorum spectare dignoscitur. Si vero aliquis fuerit electus, vel postulatus ad aliquam dignitatem in concordia, vel a saniori, & majori parte sui Capituli, seu Conventus, Episcopo presentatus, per ipsum confirmetur, & mandetur institui, electione, vel postulatione ipsius tamen prius per diligentem examinationem Canonica reperta, & pronuntiata. Si quis autem electorum, & postulatorum se in dignitatem intruserit, spiritualia, vel temporalia administrando in parte, vel in toto; omni jure quesito sibi per talem presentationem, electionem, seu postulationem, sit ipso facto privatus, nec de cetero ad illam dignitatem, officium, vel Beneficium assumatur. Volumus autem præsens statutum ad Reverendos Patres, Episcopos Suffraganeos nostre Provincie minime extendi.

Alber.

*Albertus Archi-Episcopus, ex Concil.
Magdeburg.*

Cum frequenter magis a tramite regule, & statutorum observantia divertere videntur, qui amplioribus privilegiis perfulgent premuniti, presertim Hospitalarii Fratres de Domo Teutonica, & alii Religiosi Ordinum quorumcunque, ubi laici, licet minus provide Sacerdotibus, & aliis Clericis principiantur, & quanquam eis sit prohibitum Sanxionibus Canonice in diversis, ne ad Ecclesias Parochiales vel Capellas, quas a Sede Apostolica, non tamen pleno jure, eis subjectas, vel a Diocesano, vel suo Capitulo, suis Domibus, vel Monasteriis obtinuerunt, vel obtinebunt in futurum, unitas & incorporatas, & consueverunt per seculares Clericos regi, & a tanto tempore recte sunt, de cujus contrario memoria hominum non existit, per suos Confratres officiare presumant, sed Clericos seculares & idoneos Episcopo, sive Archi-Diacono loci, infra tempus debitum presentent, qui illos instituent tanquam perpetuos Vicarios in eisdem, ordinata ipsis portione congrua pro ipsorum victu decenti & amictu, de quo possunt etiam large hospitalitatem, Episcopalia onera supportare, & Archi-Diacono ipsorum, vel alteri Prelato ipsius loci integrè de suo jure annuatim, & debitis temporibus respondere: quam portionem debitam & congruam Episcopus, vocatis supradictis, quibus Ecclesia Parochialis, vel Capella est incorporata & unita, & in eorum presentia ante institutionem presentati taxabit, & instituendo taxatam faciat per predictos Religiosos, & Fratres in sua presentia in tutoribus bonis dicte Parochialis Ecclesie, vel Capelle assignare. Et jurabunt dicti Fratres pro se, & suo Conventu exhibito mandato super hoc sufficienti, quod hujusmodi portionem dicto instituendo per pactum non minuent, vel alias quocunque modo sibi auferent in parte, vel in toto. Et si contingeret ex quacunque causa etiam dictam portionem in parte, vel in toto deperire, ipsi aliam coram Ordinario loci, & ad ejus arbitrium in loco deperditæ assignare, & quod dictum Vicarium sic instituendum non procurabunt amoveri, vel occasionem sibi dent, dictum Bene-

ficiam resignandi & dimittendi, cum talis sit Episcopo, vel Archi-Diacono, vel alteri Prelato presentatus titulum habeat perpetuum in Beneficio, nec per eos ad libitum ipsorum possit vel debeat de predicto Beneficio amoveri, ad ista etiam tenentur predicti Religiosi ex juris dispositione & precepto, quacunque eorum exemptione non obstante.

*Albertus Archi-Episcopus, ex Conc.
Magdeburg.*

Preterea statuimus, ne Religiosi, cujuscunque ordinis vel religionis existant, privilegiati fines suorum excedant privilegiorum, cum privilegium mereatur amittere, qui concessa sibi abutitur potestate. Si qui etiam Religiosorum per donationem, vel alium legitimum titulum jura Patronatus aliquorum Beneficiorum Ecclesiasticorum acquisierint, talia Beneficia propria temeritate suis usibus non usurpent; sed ipsis vacantibus ad ea Sacerdotes idoneos seculares, per quos regi consueverunt, non Fratres sui ordinis, vel alterius, presentent, nec bona ipsarum Ecclesiarum, corporalia vel incorporalia, seu libertates quascunque detracta suis Monasteriis, vel domibus, dignitatibus, vel officiis applicare presumant; contrarium vero facientes, sint jure Patronatus, quod habent in predictis Ecclesiis ipso facto privati. Demum, si predicti Religiosi ad Beneficia predicta curata, vel non curata, infra tempus a jure statutum, Diocesanus loci, vel Archi-Diaconus, ubi habet institutionem, vel alius Prelatus quicunque, non presentaverint talem, per quem, vel quos Ecclesia recta est, vel aliud Beneficium, ex quo propter lapsum temporis, & negligentiam sunt auctoritate presentis constitutionis jure Patronatus, quod ad ipsa Beneficia habuerunt, privati; volumus jus Patronatus ad Diocesanum loci sine omni exceptione fore devolutum. Qui, prout Ecclesie expediat, providum virum secularem & idoneum instituat, dummodo per talem consuetum sit regi, sive Curatum sit, sive non Curatum. Si quas etiam Ecclesias Parochiales, infra quarum limites, grangias, & Monasteria habuerint, terras, agros, prata, vel vineas, aut alia bona, de quibus de jure decimam solvere tenentur,

in decimatione fraudaverint, omnes ipsi ad hoc opem, vel operam dantes, & ipsorum serviciis intendentes, decernimus ipso facto sententiam excommunicationis incurrisse. Quicumque vero ausu temerario contra dictam constitutionem venerit, cujuscunque status fuerit, vel conditionis, ipso facto sit anathematis sententia innodatus. Et si Clericus fuerit, qui talia commiserit, opem vel operam, consilium vel auxilium, predictis vel alicui predictorum adhibuerit perpetrandi, omnibus sit Beneficiis Ecclesiasticis & dignitatibus privatus, que obtinet in nostra Provincia, ad ulteriora percipienda omnino inhabilis & indignus, laicorum etiam contra presentem nostram constitutionem in aliquo venientium filii & nepotes usque in quartam generationem, nisi sufficienter injuriam passis satisfactum fuerit, ad omnem honorem & dignitates Ecclesiasticas inhabiles sint, & eos etiam inhibemus sub anathematis pena, quam ex nunc in omnes contrarium facientes ferimus, in Ecclesia Dei promoveri.

De Sede vacante.

*Albertus Archi-Episcopus, ex Concil.
Magdeburg.*

Quoniam in quibusdam Alemaniarum locis Fundatores Ecclesiarum, vel heredes ipsorum potestate, in qua hucusque Ecclesia sustinuit, abutuntur, partem decimarum, vel aliarum obventionum Ecclesiasticarum, in quibus jus obtinent Patronatus, sibi retinentes, ex pacto tamen presentent Clericos ad eandem; huic vulneri canceroso, & simoniaco censuræ ferrum apponimus, decernentes, ut ex quo constitit, Patronum hujusmodi perpetrasse flagitium, anathemate feriat, & ejus terra ponatur sub Ecclesiastico interdicto, donec Ecclesiam liberam suo juri dimittat, salvo jure Patronatus, quod eis de jure reservamus, quod possint per juris ignorantiam excusari. Qui vero cupiditate ducti taliter a Patronis presentationem receperint, officio, beneficioque priventur, nec ad beneficium, vel actus Ecclesiasticos admittantur, nisi per Sedem Apostolicam secum fuerit dispensatum. Episcopi vero, aut Archi-Diaconi, aut alii Pre-

lati jus instituendi habentes, qui talibus scienter curam commiserint animarum, ab institutione Beneficiorum, & collatione perpetuo sint suspensi.

*Albertus Archi-Episcopus, ex Concil.
Magdeburg.*

Cum Beneficia Ecclesiastica sine diminutione conferri debeant, quidam Ecclesiarum Patroni, personis idoneis pretermittis, tales ad ea presentent, qui portione, quam talibus dant, debent esse contenti, reliquum suis usibus totaliter applicando; unde ad hujusmodi mali pernitiem extirpandam statuimus, quod si tales Clerici, se portione debita spoliari videntes, ad Episcopum suum querelam non detulerint, autoritate hujus Concilii sint ipso jure suspensi: & nihilominus eisdem Ecclesiis priventur per Episcopum, & de Plebano idoneo provideatur ipsis Ecclesiis, vel aliis Beneficiis: si vero ad Superiorem hanc detulerint questionem, ipse Patronum per censuram Ecclesiasticam ab hujusmodi molestatione compescat. Adjiciendo nihilominus, quod si in hoc pertinax Patronus extiterit, ad presentationem Ecclesie talis, cum proxime vacaverit, pro illa vice duratim jure presentandi sit privatus, & Episcopus ea vice Patronatus jure fungatur.

De rebus Ecclesie non alienandis.

*Albertus Archi-Episcopus, ex Concil.
Magdeburg.*

Interdicimus, ne in dignitate constituti, & administrationem habentes Administratores perpetui, seu temporales Ecclesiarum, seu Monasteriorum etiam Monialium, & alii Beneficiati, quicumque de rebus ad eorum dignitates, administrationem, seu beneficia pertinentibus, potissime mobilibus, etiam juribus corporalibus alienare quocunque modo alienationis titulo presumant. Verbo autem alienationis, venditionis, donationis, obligationis, permutationis, vel in emphyteusim, sicut in quibusdam Ecclesiis, & Monasteriis fieri consuevit, perpetuum contractum volumus comprehendere: nec etiam ad vitam amplius vendere presumant, ut nunc communi-

ter

ter consueverunt, habito etiam consensu omnium de Collegio, seu Monasterio; nisi *Diocesani* consensus, in qualibet tali venditione requisitus, accedat, & fuerit obtentus. Et si quid contra premissa fuerit, vel alterum ipsorum attemptatum, & factum, ex nunc irritum decernimus & inane. Foresta quoque nemonum secari, & piscinas evacuari non faciant, sine fratrum consilio & assensu: si fecerint, in usum Monasterii, seu Ecclesie, pretium committatur. Abbas vero, vel Officiarius cuiuscunque Monasterii, si de rebus Ecclesie quicquam citra formam Canonicam alienare presumpserint, etiam ad dignitatem suam divisim, vel conjunctim pertinentibus, ipsum Superiorem, cum id certis claruerit argumentis, a suo in continenti deponat officio, nec de cetero ad dignitatem aliquam, vel vel administrationem admittatur, nisi secum sit per loci Episcopum misericorditer dispensatum: auctoritate presentis Concilii decernentes, ut in mutuo contrahendo, nec non obligatione, Sacri Canones observentur, qui eos creditores tantum appellant, qui probant mutuum in utilitatem Ecclesie cecidisse.

*Albertus Archi-Episcopus, ex Concil.
Magdeburg.*

Ceterum nonnulli Ecclesiarum Advocati spe defensionis earum in Advocatos ea conditione primo assumpti, quod de certis stipendiis & servitiis spontanee deputatis eisdem, ipsarum Ecclesiarum jura, possessiones, & homines defendere debeant, facti sunt ex defensoribus offensores: eo, quod tam immoderatis exactionibus & servitiis angariant homines, quod non possint propriis Dominis persolvere census suos, aliasque illicite dividentes Advocatias in partes, inferioribus suis eas in grave ipsarum Ecclesiarum dispendium inphodare presumant. Quia privilegium meretur amittere, qui concessa sibi abutitur potestate; statuimus, quod sponte assignatis sibi primo stipendiis & servitiis sint contenti, prout coram Imperio est obtentum, sententia Principis approbante; alias & Ecclesiarum jura, possessiones, & homines defendant, & protegant, ut tenentur: nihil aliud in eorum potestatibus, juriis, & possessionibus, & ho-

minibus usurpantes, reintegrent Advocatias, quas in partes dilacerasse, & inferioribus inphodasse noscuntur; pheodarii vero eas taliter occupatas dimittant. Quod si non fecerint infra mensem moniti per Ordinarios, vel alios suos inferiores; ipse Advocatus, & pheodarius suus ad id faciendum per excommunicationis, & interdicti sententias compellantur. Demum statuimus, ut si quis Ecclesiarum, vel Clericorum bona, sive homines, temere invalerit, spoliis, incendiis, vel rapinis, aut tollendi pignoris occasione aliqua, quam contra alicujus Ecclesie Advocatum se proponit habere, secundum statuta edita contra infautores rerum & personarum Ecclesiasticarum, contra tales procedatur, & usque ad satisfactionem condignam observentur.

*Albertus Archi-Episcopus, ex Concil.
Magdeburg.*

Hac Constitutione sanximus, cunctos Ecclesiarum Advocatos, infra Provincie terminos constitutos, cujuscunque preeminentie sint, aut status, eisdem debere juriis esse contentos, que ipsis, seu eorum antecessoribus fuerint concessa tempore, quo Advocatiam unius susceperint, & Ecclesias, quarum Advocati existunt, defendere studeant, & manutenere pro posse.

*Albertus Archi-Episcopus, ex Concil.
Magdeburg.*

Insuper statuimus, ne persona quantuncunque nobilitate, aut preeminentie statu prefulgeat, Ecclesias, aut Ecclesiastica bona, jura, jurisdictiones, civitates, oppida, castra, villas, districtus, predia, vasallos, litones, servos, & alios subditos quoscunque eorum, violenter, auctoritate propria occupare, aut occupando invadere, vel scienter occupantibus Ecclesias, aut bona Ecclesiastica predicta presumant prestare quomodolibet per se, vel per alium, aut alios, consilium, auxilium, & favorem. Et nisi requisitus infra mensem Ecclesie lese, aut Prelato ipsius damnum illatum emendaverit, ipso facto anathematis vinculo sit innodatus, nec absolvatur per suum Episcopum, nisi satisfecerit, & cautione prestita Episcopo suo de similibus posterum non committendis.

Thomas V. Concilior. German.

S S S S 2

Alber-

*Albertus Archi-Episcopus, ex Concil.
Magdeburg.*

Hoc sacro approbante Concilio districtius inhibemus, ne aliquis Episcopus, vel Prelatus, Capitulum, vel Conventus, aliqua bona immobilia sub pignoribus, que vulgariter *Underpandynge* dicuntur, ponant, aut obligent quibuscunque personis contractum alienationis rerum Ecclesie perpetuum roborandum, sine expresso consensu Episcopi, & juris solennitatibus, que in rerum hujusmodi alienatione requiruntur; alioquin factum ipsum decernimus irritum, & inane. Et Episcopos, qui hoc fecerint, ab ingressu Ecclesie suspendi, alios vero Prelatos ab officio & beneficio, personas vero alias excommunicationis sententiis ipso facto decernimus subjacere. Et mandantes nihilominus volumus hujusmodi contractus alienationis factos, etiam cum quibuscunque, cum contra juris ordinem, & preceptum sint celebrati, esse irritos, & ipso jure nullos, nec Ecclesias, Monasteria, Beneficia quecunque ad ipsorum observantiam fore obligata. Mandamus successoribus contrahentium, ut omni diligentia adhibita studeant bona Ecclesiarum suarum, Monasteriorum, seu Beneficiorum sic de facto alienata ad jus ipsarum Ecclesiarum, Monasteriorum, seu Beneficiorum suorum revocare, in sortem computatis fructibus, quos dictorum bonorum detentores perciperunt, invocato ad hoc, si opus est, Superiorum suorum adjutorio & succursu. In premisis vero negligentes, volumus etiam pro tanta negligentia, si convicti fuerint, ab ingressu Ecclesie suspendi, inferiores vero a suis administrationibus, seu beneficiis per suos Superiores suspendendos.

Item de rebus Ecclesie, & ornatu nulli private persone obligandum aliqua concedantur, & si aliquibus sunt concessa, illa infra mensem redimere, & Ecclesie restituere compellantur.

Item statuimus, ut proventus fabrice uni vel duabus personis fide dignis in singulis Ecclesiis committantur, qui eos ad opus Ecclesie convertant utiliter, & singuli justam de ipsis, & certam Capitulo reddant rationem, & ne iidem redditus dividantur, vel ad expensas messis, vel autumnii, seu extraordinaria onera con-

vertantur. Obvenientia etiam de Prebendis suspenforum, & tempore suspensionis, & aliorum Beneficiorum ad usum fabrice convertantur.

*Albertus Archi-Episcopus, ex Conc.
Magdeburg.*

Et quoniam pauci sunt in singulis Ecclesiis, qui predia & redditus Ecclesie plene cognoscant, nisi illi, qui officia forsitan habuerunt, & multa, vel aliqua propter negligentiam officiatorum, & statum temporis inequalem, ex eo sunt perditata vel distracta; statuimus, quod predia, & redditus Ecclesiarum, jura corporalia, vel incorporalia, jurisdictiones, libertates, & servitutes quecunque Ecclesiarum, Monasteriorum communes dignitatum, beneficiorum & officiorum, etiam laicorum, que Ecclesie specialiter obsequuntur, in duobus libris conscribantur, & quibus terminis redditus premissorum sunt emovendi, & colligendi, ac quibus usibus exponendi: quorum unus ponatur in loco Ecclesie, vel Monasterii tuto & tali, ubi tamen quilibet de Ecclesia vel Monasterio, cujus interest, pro suo interesse possit tempore, cum sibi incumbit, ratione sue dignitatis, Beneficii, vel officii congruum habere accessum. Alius vero liber reservetur in loco Ecclesie vel Monasterii, ubi privilegia & clemencia alia reservantur, tutiori.

Rubrica de emptione & venditione.

Nullus etiam predam aliquam scienter emere, vel retinere presumat; alioquin, nisi ipsam statim restituat, excommunicationis sententia percellatur.

Rubrica de pignoribus.

*Borchardus Archi-Episcopus, ex Concil.
Hallenfi.*

Detestanda quorundam temeritas, qui in sua causa jus sibi dicere contra Sanctiones legitimas moluntur, nonnunquam personis Ecclesiasticis exhibet se molestam, quoniam aliquid ipsis contra Personas Ecclesiasticas habere proponunt, licet persone predictae Ecclesiastice paratas se exhibent stare juri coram suo Judice Ecclesiastico competente; nihilominus tamen iidem temerarii impignoratio-

nes,

nes, que vulgo *Pandingbe* dicuntur, frequenter in rebus & bonis ad Beneficia dictarum ecclesiasticarum Personarum spectantibus, vel in personis ipsorum committere non verentur, unde non modica damna & injurie, cum tediis variis, bonis Ecclesiarum, Ecclesiasticarum Personarum, villis, & villanis, & subditis eorum, fraudibus exquisitis, inferuntur. Attendentes igitur, quod præmissæ invasiones, que, ut eorum verbis utamur, *Pandingbe* vocantur, de cetero conniventibus oculis diffimulare non debemus; unde provida deliberatione *Sacri Concilii auctoritate* sanximus, quod quicumque Nobilis, Baro, Comes, Vassallus, seu singularis persona, ipsorum Advocati, vel Officiarii, aut alia quæcunque persona, eorum nomine, hujusmodi *Pandingbe* fecerint, fieri mandaverint, ratum habuerint, consilium, seu auxilium præstiterint, si persona fuerit singularis, ipsam excommunicationis sententiae volumus ipso facto subjacere; si requisitus per Executorem ex officio suo, vel ad instantiam injuriam passi, infra quindecim dies, res Personæ Ecclesiasticæ, si ad ipsam nomine Ecclesiæ pertineant, vel nomine suo proprio, non restituerit integraliter & cum effectu, damna refarciant cum satisfactione de injuriis, præmissa occasione illatis Personæ Ecclesiasticæ, seu ejus hominibus, & subditis, vel ad arbitrium Executoris, infra quindecim dies sibi assignatos, contumaciter adimplere neglexerit, volumus in loco domicilii ipsius strictissimum servari interdictum lapsis quindecim diebus predictis, & cum contigerit ipsum ad alia loca pervenire nostre Provincie, & quamdiu moram traxerit in aliqua Parochia extra locum sui domicilii, in eadem Parochia, & in ejus presentia strictissimum ratione illius Parochie servabitur interdictum. Si vero Proconsules, Consules, Rectores civitatis, oppidi, castri, vel ville in præmissis culpabiles reperti fuerint, per se, vel per alios hujusmodi *Pandingbe* fecerint, vel fieri mandaverint, persone singulares hoc facientes, vel mandantes, eo ipso sunt excommunicati, loca vero eorum, si intra quindecim dies requisiti per Executorem ex officio suo, vel ad instantiam injuriam passi, non satisfecerint, prout supra est expressum, Ecclesiastico subiecti sunt interdicto.

Borchardus Archiepiscopus, ex Concilio Hallensi.

Contingit interdum, quod Rectores, seu majores civitatis, aut oppidi alicujus contra Dominos suos; ad quos civitas, aut oppidum spectare dignoscitur, spiritu rebellionis assumpti, civitatem, vel oppidum alterius Domini ditioni subjiciunt & submittunt, ad hoc etiam sibi constituentes, in signum; & recognitionem submissionis, de certa summa pecunie annuam pensionem: quod plerumque ex ea causa se facere dolose pretendunt, ut tam in rebus, quam in personis tuitionis, & defensionis presidio tueantur; unde igitur ex presumptione hujusmodi versus Dominis damna gravia inferuntur, ipsique presumptores occasione hujusmodi fraudulenta a consuetis Dominorum suorum servitiis se subducunt, ut debite fidelitatis vinculum dissolvatur, & dissensiones exinde, & scandala suscitentur; unde statuimus & sanximus, quod quicumque submissiones hujusmodi in civitatibus, oppidis, castris, jurisdictionibus, juribus, aut quibuscunque ad Ecclesiam alienam nostre provincie spectantibus, quocunque colore quesito, facere presumpserint, perpetuo sint in . . . & pheidis, si que a quibusvis Ecclesiis Magdeburg. Provincie obtinuerint, ipso facto privati. Et singulares persone, si que talia fecerint, aut rata habuerint, aut ad ea præstiterint consilium, auxilium, aut favorem, eo ipso sententiam excommunicationis incurrant, & si civitas, oppidum, castrum, vel villa fuerit, quod taliter alieno Domino est submissum, Ecclesiastico subiaceat interdicto.

Borchardus Archiepiscopus, ex Concilio Hallensi.

Insuper & is, qui submissionem causa illicita, aut alicujus utilitatis, aut commodi temporalis cupiditate seductus, aut appetitu dominandi presumptuose deceptus, vel ad hoc quavis alia causa allectus, ad se receperit, a tali submissione infra mensem omnino recedere, atque infra eundem mensem, quicquid ad eum hujusmodi submissionis occasione quocunque modo pervenit, totaliter restituere teneatur, alioquin excommunicationis sententiam incidet ipso facto: volumus

lulus autem, quod hoc statutum locum non habeat in precedentibus, sed in futuris.

Sequitur de Testamentis.

*Albertus Archi-Episcopus, ex Concil.
Magdeburg.*

Clericus de proventibus anni gratie, vel alias de rebus, intuitu Ecclesie, aut Beneficiorum suorum acquisitis, concubine sue, vel filiis ex fornicatione genitis, quidquam penitus non relinquat: quodsi fecerit, legatum non teneatur, & quod taliter est relictum, Ecclesie applicetur.

*Albertus Archi-Episcopus, ex Concil.
Magdeburg.*

Ad abolendam de Domo Domini consuetudinem, & potius corruptelam, seu temeritatem, qua Clerici qui signum pudicitie deberent ostendere laicis, quibus sunt positi in exemplum, in argumentum sue finalis impenitentiae, fructus Prebendarum suarum concubinis, vel spuris suis legant in ultima voluntate, rigor Ecclesiasticus debet exerceri; quare sub anathematis vinculo prohibemus, ne de cetero Clerici gratie annis abutentes, cum de rebus Ecclesie nullum possint condere testamentum, fructus Beneficiorum, etiam Ecclesiasticorum, spuris & concubinis dimittant. Qui vero contra hanc inhibitionem venire presumpserint, in signum sue perditionis Ecclesiastica careant sepultura, & quibus taliter fructus legant, eis careant ipso jure: qui autem testamentum tale post mortem defuncti manuteneant volunt, & per quorum manus personis illis fructus Prebende fuerint ministrati, Ecclesia ipsius manuteneantis, vel ministrantis sit supposita interdictio.

*Albertus Archi-Episcopus, ex Concil.
Magdeburg.*

Ad hec quia quedam in quibusdam partibus consuetudo, immo corruptela detestabilis observatur, videlicet, quod tam Clericus, quam laicus in lecto egritudinis constitutus, ultra quinque solidos usualis monete, vel aliam summam, juxta illius loci consuetudinem limitatam, nec piis locis, nec personis Ecclesiasticis pro anime sue remedio, & salute aliqua possit ordinare, & donare legata; consideran-

tes, predictam consuetudinem, & Sacris Canonibus, & secularibus legibus obviare, & cum omnia jura clament, quod ultima voluntas, vel ultimum hominis testamentum immobile perseveret, & nihil sit, quod hominibus magis debeatur, quam ut supreme voluntatis liber stylus existat; eandem consuetudinem Deo odibilem, animabus, & bonis moribus inimicam, auctoritate hujus Sacri Concilii penitus reprobamus, firmiter statuentes, ut ubicunque jura a testamentorum non prohibent factione, & in sanitate, vel in lecto egritudinis constituto legandi, donandi, disponendi, & ordinandi de bonis sibi collatis circa pia loca, & personas Ecclesiasticas, dummodo suos legitimos non pretereant heredes, libera sit facultas: volentes & precipientes districte, ut per locorum Episcopos, & ceteros Prelatos, jurisdictionem habentes, universi Clerici & laici impediunt defunctorum legata, seu ultimas voluntates, per excommunicationis in personas, & interdicti in loca sententias, octo dierum monitione premissa ferendas, ab hujusmodi impedimenti desistere compellantur. Ad quarum executiones, & debitas aggravationes, precedente tempore faciendas Episcopi & Prelati, ad quos testamentorum defensio, utroque jure suadente, dignoscitur pertinere, tam benevolos se exhibeant & paratos, ne hujusmodi negligentia de eorum manibus in die districti iudicii requiratur.

*Albertus Archi-Episcopus, ex Concil.
Magdeburg.*

Statuimus, & a cunctis precipimus immobiliter observari, ut manus fideles ad exequendas ultimas decedentium voluntates electi, antequam de rebus, seu bonis defuncti se aliquatenus intromittant, inventarium faciant sub fidedignorum testimonio de eisdem, ac infra annum cuncta disponant secundum placita defunctorum, atque per locorum Dioces. districtissime compellantur. Clericos vero, & laicos hoc statutum salutare violantes in toto, vel in parte, volumus penis Canonum, & legum fore subiectos, quibus in premissis delinquentes tenentur astricti, & notam infamiae incurrere ipso facto.

*Rubrica de Sepulturis.**Albertus Archi-Episcopus, ex Concil.
Magdeburg*

Cum Sacris Canonibus sit consonum, ubi quis vivus receperit Ecclesiastica Sacramenta, quod ibi etiam mortuus requiescat; omnibus Christi fidelibus, qui sepulti fuerint in suis Ecclesiis, Parochiis, Dei Omnipotentis misericordia, & Beatorum Petri & Pauli Apostolorum ejus, & Beati Mauricii Patroni nostri, & Sociorum ejus confisi, in relevamen suorum peccaminum XL. dies indulgentiarum de injecta sibi penitentia misericorditer relaxamus.

*Albertus Archi-Episcopus, ex Concil.
Magdeburg.*

Ad nostrum pervenit auditum, plurimos nostrorum subditorum, & maxime, qui Rectores sunt Ecclesiarum, & Curati Parochialium, quod quidam Domini temporales, Duces, Comites, Barones, Vasalli, civitatum, oppidorum, castro- rum, & villarum Potestates, Advocati, Rectores, Proconsules, Consules, Altermanni, seu Vitrici Ecclesiarum Parochialium, & Capellarum, Campanarum Ecclesie, & ornatus dominium sibi adscribentes, in damnationem suarum animarum, & Ecclesiæ libertatis derogationem, suam potestatem ad eis prohibita extendentes, tempore interdicti in solennitatibus Ecclesie majoribus, in Kalend. eorum, seu nuptiis divitum, & potentum, cum funera traduntur sepulture, vel eorum peraguntur exequie, vel cum anniversaria fiunt, vel memorie Defunctorum, campanas pulsare, & alias solennitates facere, ornatum Ecclesie exponere, ac si Ecclesia, & Cimiterium ejus nullo Ecclesiastico subjaceret interdicto: etiam tempore interdicti diebus solennibus, Palmarum, Pasche, Ascensionis, Pentecostes, & aliis Festivitatibus, in quibus statuit Ecclesia Processiones fieri solennes, & observat in locis non interdictis: laici hujusmodi Processiones eis vetitas cum Crucibus, vexillis, & Reliquiis facere presumunt, etiam tempore interdicti, Sacerdotum sibi officium assumentes, claves Ecclesie contemnendo; unde presenti statuto sanximus, ut nullus Dux, Comes, vel Baro, vel quicumque alius laicus, pre-

sumat, tempore interdicti hujusmodi processiones mandare, ut fiant, facere per se, vel interesse: transgressores hujus statuti, & contrarium facientes, volumus sententia excommunicationis majoris ex facto esse ligatos, & loca, in quibus hujusmodi processiones fiunt, subjacere interdicto, donec Episcopo loci satisfaciant de tanto temeritatis excessu, & caveant sibi idonee, nec de cetero consimilia attemptent. Cum laicis nulla sit attributa facultas de rebus Ecclesie disponendi, quibus manet perpetua obligatio Ecclesie obsequendi: quia nonnulli Principes, & Barones nostre Provincie, ac alii temporales Domini in castris, oppidis, & villis, seu communitatibus eis subiectis, nec non Proconsules, & Rectores hereticis, & ipsis penitus interdictis jure Divino pariter & Canonico, se abstinere, ut tenentur, non formidant: statuta super modo offerendi, & funerum exequias peragendi in suis civitatibus, castris, oppidis, & villis statuerunt in suarum animarum periculum & damnationem, primo, ut defunctorum exequie nonnisi certis diebus possint peragi in septimana, nam in pulsibus, Missis, & quod certe Missæ celebrantur pro animabus eorum, & non plures, ac etiam quotiens Offeratorium fieri debet ad Missas predictas, & quod unico pulsu omnibus peragendum in uno die, vel diebus per eos statutis in septimana sufficiunt, in Ecclesiis, in quibus defunctorum anniversaria, vel memorie quæcunque peraguntur. Sacro igitur approbante Concilio statuimus & ordinamus, ut quicumque Nobiles, Barones, & persone singulares in civitatibus, oppidis, castris, villis, seu civitatibus, oppidorum, castrorum, aut villarum Proconsules, Consules, Rectores, aut alio quocunque nomine censeantur, per se, vel per alios hujusmodi statuta fecerint, vel facta servaverint, nisi infra mensem post requisitionem eis factam per Executorem statutorum illius Diocesis, ubi talia facta fuerint, & servata predicta statuta, si sic dici merentur, cum verius sint corruptele, & laquei animarum, ab earum observatione penitus destiterint, ipsis tamen de libris Capitularibus suis, prius omnino deletis, & caveant Executores idonee, quod talia Statuta de cetero non statuant, nec edita & statuta observent; contra-

rium

rium facientes persone singulares, post lapsum dicti mensis excommunicationis sententiam ipso facto incurrant, loca vero, in quibus hujusmodi statuta edi & fervari contigerit, Ecclesiastico post mensem predictum subiaceant interdicto.

De Parochiis, & alienis Parochianis.

Albertus Archi-Episcopus, ex Concil. Magdeburg.

Desiderantes Divinum cultum non minui, sed augeri, & Ministros Ecclesiarum in Divinis Officiis peragendis nullatenus impediri, statuimus, quod Rectores Ecclesiarum, quibus celebratio Divinorum, & cura populi est commissa, ad pulsandum, vel pulsari faciendum pro conventionem populi ad Divinorum auditionem, & ad talia, que salutem respiciunt animarum, liberam, quacunq; eis hora placita & congrua, habeant potestatem, nec a tali libertate, a quocunque possint vel debeant prohiberi, cum indignum valde sit, ut talia ex arbitrio pendeant alieno, ut videlicet per quemquam laicum, vel laicos certa forma, aut hora minus congrua imponatur. Si quis autem contrarium hujus statuti attemptare presumpserit, prohibitionem, aut impedimentum aliquod inferendo, nisi monitus per Rectorem Ecclesie cessaverit infra mensem, eo ipso sententiam excommunicationis incurrat. Non obstante, si quid consuetudine in contrarium allegatur, que cum Ecclesiis sit onerosa, merito est reprobanda juxta Canonum Sanctiones.

Albertus Archi-Episcopus, ex Concil. Magdeburg.

Nos Sanctorum Patrum, qui Ecclesie Sancte Dei, & Personis Ecclesiasticis terminos, quos non licet transgredi, posuerunt, Statuta considerantes, hujus Sacri approbatione Concilii universis Sacerdotibus tam Religiosis, quam secularibus cujuscunque ordinis, conditionis, sive status existant, in civitatibus, Diocesi, vel Provincia Magdeburg. degentibus, sub debito juramenti, quod Episcopo in receptione Sacerdotii prestiterunt, & sub interminatione Divini Judicii firmiter inhibemus, ne quis alienum Parochianum, cujus cura per Episcopum, vel loci Archidiaconum, seu ejus super eo

Vicarium alii est commissa, presumat excepta necessitatis causa, que legem non habet, ad confessionem recipere, vel ad porrigendum ei aliquod Ecclesiasticum Sacramentum, nisi petita, & obtenta de super licentia proprii Sacerdotis: cum certi, & indubitati juris existat, talem a tali aliquo modo solvi non posse, vel ligari, & ex hoc ordinem Ecclesie per majores, & Sanctos Patres institutum timendum est confundi: quod per universos Plebanos singulis diebus Dominicis, & Festivis coram suis Parochialibus precipimus publicari.

Borcbardus Archi-Episcopus, ex Concil. Hallensi.

Insuper statuimus, quod Clerici Parochialium Provifores, vel vitrici, qui Altermanni in vulgari vocabulo nuncupantur, de rebus Ecclesiarum, que recipiunt & expendunt, ad requisitionem Rectoris Ecclesie, quem ad hanc in virtute sancte obedientie duximus adstringendum, bis in anno in presentia ipsius Rectoris, & quorundam aliorum de Parochiis honestorum virorum, rationem reddere teneantur, ut & de predictorum consilio & consensu res Ecclesiarum ad usum earundem congruos, & decedentes utiliter convertantur, ac pariter Nos, & aliorum locorum Episcopi, quibus Ecclesiarum cura & sollicitudo imminet, super rebus Ecclesiarum per Rectores ipsos super hoc requisitos possimus apertius informari.

Albertus Archi-Episcopus, ex Concil. Magdeburg.

Cum Sanctorum Imaginibus propter illorum reverentiam, quos figurant, locus dignior debeatur; ob hoc presenti statuto prohibemus, ne in civitatibus, oppidis, castris, vel villis, vel eorum plateis, sive in viis ante civitatem, oppida, castra, vel villas; etiam in locis aliis quibuscunque, nemo de cetero presumat Imaginem Sancte Crucis erigere, sive alias imagines pictas, incorporeas, seu corporeas, in aliqua materia, sub tectura, vel sine tectura, & oratoria facere sub quocunque colore, cum homines sepe per tales imagines, & Cruces ad idololatriam alliciantur committendam, sine Diocesani, vel ejus Vicarii in Spiritualibus consensu expresso. Etiam prohibemus sub anathematis vinculo, vitricis Ecclesiarum, seu Altermannis, ne de cetu fidelium eleemosynas petant, manibus

nibus suis Sanctorum Imagines, vel Reliquias cum tabulis, vel preter tabulas secum delatas, circuire diebus festivis, & celebribus de cetero presumant, diebus Dedicationis, ac Patroni ipsius Ecclesie dumtaxat exceptis, & tunc demum post Offertorium majoris Missæ; cum ista omnia ex avaricie radice procedere videntur indubie, & ipsorum Plebanorum, seu Curatorum, & Capellarum Rectoribus damna non modica inferant, & suo jure defraudant: cum omnes oblationes facte in Parochia, vel infra limites ipsius, in loco quocunque, etiam speciei cujuscunque, Plebano Ecclesie pertinent, & de jure communi debentur. Etiam prohibemus laicis quibuscunque, præsertim Vitricis Ecclesiarum, & Altermannis; ne de cetero in Ecclesiis Parochialibus, etiam Capellis, vel ante in cimiteriis presumant imagines ponere, & Offertorium factum coram eisdem recipere, quocunque quesito colore; etiam si ad hoc Plebani, Curati, vel Capellarum Rectorum expressus accedat consensus: cum tales sint a Canonibus condemnati. Etiam si que tales imagines jam temporibus retroactis posite in locis predictis; illas volumus infra mensem per Vitricos Ecclesiarum, seu Capellarum demoliri, & oblata coram talibus imaginibus volumus Plebano, seu Curato, vel Rectori Capelle pro medietate ad usum suum presentari, reliquam medietatem volumus Fisco Dioces. loci integre applicari. Et super præmissis volumus per Officiales Episcoporum nostre Provincie diligenti executione invigilare.

*Albertus Archi-Episcopus, ex Concil.
Magdeburg.*

Licet jure communi preceptum sit & mandatum; ut quilibet Christi fidelis utriusque sexus debeat & teneatur singulis diebus Dominicis, anni cujuslibet, & aliis diebus solennibus Missam integram in sua Parochia, & majorem, seu Parochialem integre audire, & Verbum Dei, ad quod quemlibet nostre Provincie Curatum predicandum suis subditis per se, vel alium idoneum nomine suo, eosque ad audiendum obligamus.

De Statu Monachorum.

*Albertus Archi-Episcopus, ex Concil.
Magdeburg.*

Statuimus insuper, ut in singulis Monasteriis facte Monialium fenestre parlatorie, que ad loquendum sunt deputate, & precipue, per quas habent confiteri, duplicata habeant ferramenta, nec alicui virorum permittatur, Moniales visitare potissime Monasterium ingrediendo, sed cum opus fuerit, parentes admittantur & medici; cum aliqua fuerit gravi infirmitate derenta, & ei suffragio medici sit opus; tunc tantum medicus cum laudabili testimonio, Preposito presente, durante infirmitate, quotiens opus fuerit, egrotam visitabit. nec alicui Moniali nostre Provincie liceat clausuram sui Monasterii egredi, pro quacunque causa, sine licentia sui Diocesani Episcopi; etiam si fuerit exempta, nisi in causa Decretalis: Indenunitatibus, BONIFACII octavi.

Prohibemus etiam, ne de cetero Moniales nostre Provincie in Monasteriis, vel Ecclesiis suis sub quocunque colore, in memoriam alicujus Sancti, vel presumpse consuetudinis, in suo proprio habitu, vel alieno, ludos facere presumant, sine larvis, cum larvis: nec etiam per extraneos ludos aliquos, seu spectacula quecunque fieri permittant. Similiter prohibemus, & vel in visceribus JESU CHRISTI obsecramus, ne tempore oblationis Sanctimonialium, & cum vestiuntur, vel quocunque alio tempore, comestationes, seu choree fieri in Monasterio permittantur, nec aliquo tempore secularibus personis, quantumcunque Monialibus propinque sint mulieres, vel puellæ, infra claustra & septa Monialium pernoctandi hospitium prebeatur. Etiam ipsæ Moniales in licitis & honestis suis Prepositis, & Prelatis obediant reverenter, nec alicui, præter Episcopi sui, vel ejus Vicarii in Spiritualibus licentiam requisitam & obtentam, sua peccata confiteri presumant; Nihilominus unicuique Preposito Sanctimonialium nostre Provincie districtè precipimus, ut claustra eis commissa fideliter servant sub clausura: portas, per quas consuevit fieri accessus ad eas, ab extra claudant firmibus seris, & clavibus, apud se diligenti custodia reservatis, nec

cuiquam aperiant, nisi in casibus superius expressis. Si autem Abbatissa, sive Priorissa, vel Prepositus, contra premissa fecerint in parte, vel in toto, preiens statutum violando; Abbatissam, Priorissam volumus ab officio, seu sua dignitate cecidisse ipso facto, Prepositum ab ingressu Ecclesie suspendi; donec a suo Dioces. vel ejus Vicario in Spiritualibus meruerit relaxationis beneficium obtinere. Nota, si non placet ista pena adiciatur, quod Abbatissa debet deponi, & Prepositus per suum Dioces. debet suspendi.

*Albertus Archi-Episcopus, ex Concil.
Magdeburg.*

Compaternitatem a Monachis & Monialibus contrahi districtius prohibemus, statuentes, ut, si aliqua claustra Monialium ad inopiam tantam devenierint, quod ibi de proventibus Monasterii sustentari non possint, & ab amicis panis, vinum, denarii, vel aliquid hujusmodi mittatur eisdem, non ipse Moniales hoc recipiant, sed Abbatisse, vel Magistre sue id significant, ut de ejus arbitrio eque, secundum Deum, & observantiam Regule, de talibus disponat, & ita, quod in communes usus convertantur, & distribuuntur unicuique, prout opus est. Istud statutum etiam a Monachis volumus observari.

*Albertus Archi-Episcopus, ex Concil.
Magdeburg.*

Prohibemus etiam Monialibus, statuentes, ut sacri Canones jam prohibuerunt, ne aliqua Monialis de cetero Professsa, vel non Professsa, aliquod artificium, vel manuum suarum opus exerceat causa lucris, seu negotii cujuscunque, nec purlas, cyrothecas, vel alia similia faciat, etiam amicis, nec aliis, ut gratis tribuat, vel impendat. Nam non decet viam Dei agnovisse, & post agnitam optimam partem deseruisse, nisi paupertatis defectus ipsas ad laborandum, redditibus Monasterii destructis, districtius compelleret, & amicorum suffragio destitutas.

*Albertus Archi-Episcopus, ex Concil.
Magdeburg.*

Ad hec, quia juvenularum Regina-

rum (*) lapsus frequens, & evidens, statum religionis deformat, & plurimos scandalizat; statuimus, ut nulla de cetero in earum numerum admittatur, nisi quadragesimum etatis sue annum excefferit, & probata a pennis existat, sexagenarium numerum, quem scripsit Apostolus, talibus assumendis, propter fragilitatem nostri temporis ad quadragesimum numerum restringens.

*Albertus Archi-Episcopus, ex Concil.
Magdeburg.*

Sub pena etiam anathematis prohibemus; ne Clericus vel Religiosus quispiam introeat in domum earundem: sed, si quis ex justa causa & honesta cuique earum loqui voluerit, hoc in Ecclesia sub bono testimonio faciat manifeste, ne sinistra contra ipsos suspicio oriatur: alioquin gravi subiaceat ultioni, quam talibus per Diocesanum loci precipimus infligendam.

*Albertus Archi-Episcopus, ex Concil.
Magdeburg.*

Sectam & habitum, nec non conventicula suspicione mali non vacua *Bobecharorum*, clamantium per plateas & vicos civitatum, oppidorum, & villarum hoc vulgare: *Brot durch Got*; nec non quaslibet alias singularitates a Sancta Dei Ecclesia non receptas colentium reprobamus, mandantes sub pena suspensionis universis Prelatis per civitatem, Dioces. & Provinciam Magdeburg. constitutis, ut tales *Bobecharos*, & Vicarios publice tribus Dominicis diebus & festivis ammonemus, ut, hujusmodi singularitatibus derelictis, se teneant, sicut alii Christiani, & quod non predicent in cavernis, & in aliis locis publicis, & cum Beguinis se conformantibus eisdem moribus, habitu, & incessu. Alioquin extunc ipsos extra terminos suarum Parochiarum per excommunicationis sententiam, autoritate hujus Concilii, repellere non obmittant, denuntientque vicinis Sacerdotibus, ut tales sic repullos in suis Parochiis non admittant. Idem de Beguinis pestiferis duximus statuendum.

Rubri-

(*) forte: Beginarum.

*Rubrica de Capellis Monachorum.**Albertus Archi-Episcopus, ex Concil. Magdeburg.*

Firmiter prohibemus presentis Concilii autoritate; ne Episcopi, vel Archi-Episcopi concessionibus Ecclesiarum, que sunt Hospitalariis, vel aliis Religiosis, cujuslibet approbationis consensum ullo modo exhibeant, donantes eis Parochiales Ecclesias, Capellas viventes incorporantes, seu quevis alia Beneficia; nisi requisito prius & habito consensu Capituli Ecclesie Cathedralis. Aliter concessionis hujus donationes, uniones, incorporaciones, sive factas, sive de cetero faciendas, vires non decernimus habere.

Albertus Archi-Episcopus, ex Concilio Magdeburg.

Quia plerumque Religiosi, & presertim de ordinibus Mendicantium, jam derelictis suis Monasteriis, aliqui in apostasia, alii vero habitum sue religionis deferentes, alii de consensu Superiorum sui ordinis, alii propter eorum scitum & consensum, cum sint terminarii, certis locis deputati, regimen Parochialium Ecclesiarum suscipiunt, curam populi gerentes; ipsis Sacramenta Ecclesiastica ministrando, baptizantes, matrimonia celebrantes, corpore Christi & sanguine sacrosanctis eos reficientes preter Archidiaconi, & precipue Diocesani loci consensum & auctoritatem, alii Curatorum ipsorum de consensu, alii populi de consensu Parochialis. Cum igitur predicti Religiosi, precipue Mendicantes, regimen populi suscipere, & exercere, & Sacramenta ministrare prohibeantur; quapropter presentis statuti autoritate, Sacro Concilio approbante, prohibemus; ne predicti Religiosi, & presertim Mendicantes, presumant de cetero regimen alicujus Parochialis Ecclesie suscipere, & curam gerere. In contrarium facientes, nisi infra quindecim dies, moniti per Diocesanum, vel ejus Vicarium in Spiritualibus destiterint, sententiam excommunicationis ipsos & quemlibet eorum volumus incurrere ipso facto, & ab officio, quod autoritate Clementine debent exequi in Dioeces. certa, & civitate,

Tomus V. Concilior. German.

volumus esse privatos, nec de cetero ad illud officium exercendum in nostra Provincia per quemquam Curatorum admittendos.

Albertus Archi-Episcopus, ex Concil. Magdeburg.

Ad extirpandam detestabilem corruptelam, & abusum quorumlibet Patronorum nostre Provincie spiritualium, seu secularium, quam quidam eorum hucusque temeritate propria, in derogationem Ecclesiastice libertatis, & animarum suarum grave dispendium observare presumpserunt, & observarunt, domos, curias, habitationes, & dotes Ecclesiarum, precipue Parochialium, Capellarum, & aliorum Beneficiorum spoliando, mobilibus rebus inventis in dictis domibus, curiis, habitationibus Ecclesiarum predictarum Parochialium, Capellarum, & aliorum Beneficiorum, aut in aliis locis quibuscunque, Plebanis, Curatis, Capellanis, seu Altaristis; aut aliis Beneficiatis defunctis, vel nondum defunctis, sed in agone constitutis, omni Dei timore postposito, spoliantes, & res spoliatas hujusmodi abducunt, & frequenter temporibus retroactis abduxerunt, suisque usibus applicant; presenti nostro statuto, sacro approbante Concilio, reprobamus, & condemnamus cum suis presumptoribus, sicut a jure dignoscitur reprobata. Et maxime cum tales res presumantur, intuitu Ecclesiarum acquisite, potissime mobiles, de immobilibus non hesitantibus, & debeant futuris Plebanis, seu Curatis, & eorum usibus, quamdiu fuerint Plebani, seu Curati, remanere: post mortem vero eorum, seu recessum, si dictas Parochiales Ecclesias dimiserint permutando, vel simpliciter renuntiando, nihilominus res acquisite per dictos Curatos etiam mobiles, & intuitu Ecclesiarum dictarum, sicut sacra Canonum precipit autoritas, apud Ecclesias dimittent, relinquentes usibus Successorum suorum; qui sicut & sui Predecessores in eisdem viventes, & constituti in sanitate censentur usufructuarii in rebus predictis; Infirmantes vero ad mortem, & in morte usurarii dumtaxat a jure sunt constituti; presenti ergo constitutione sanximus, ut non solum Patroni Ecclesiarum, Capellarum, & Bene-

T t t t 2

ficio

ficiorum seculares, spirituales, vel regulares, Advocati, Officiarii, Dominorum temporalium, potissime Ecclesiasticorum, seu quicumque alius, vel alii, nomine suo proprio, seu alieno, deinde & in antea curias, & dotes, domos, allodia Ecclesiarum Parochialium, Capellarum, seu quorumcunque Beneficiorum Ecclesiasticorum, & alias res quasunque apud quoscunque etiam existentes presumpserint, etiam sub quocunque colore spoliare, & ad se recipere, Plebanis, Curatis, Capellanis, & quibuslibet aliis Beneficiariis defunctis, vel adhuc laborantibus in agone, res mobiles, seu immobiles abducere de eisdem, vel a creditoribus eorum monere, vel saltem arrestare, arrestatas ammonere, & detinere; spoliatores tales ipso facto cum eorum complicibus, in facto spoliationis, detentionis eis auxilium prebentibus, sententia excommunicationis majoris precepti statuto, & autoritate fore decernimus ligatos. Adjicientes etiam, si tales spoliatores, arrestatores, usurpatores, & detentores per Archi-Diaconum loci, vel Successorem in Beneficio hujusmodi requisiti, res spoliatas de predictis curiis, dotibus, domibus Ecclesiarum, vel aliorum locorum, ubi fuerint recondite, infra quindecim dies post requisitionem, dictis spoliatoribus factam verbo, vel in scriptis per Archi-Diaconum loci, vel in Beneficio Successorem, integre, & sine omni diminutione reportaverint, restituerint, seu procuraverint restitui, & reportari, & reportent, & restituant. Plebanis curatis, & aliis Beneficiariis in Parochiis, ubi tales fuerint visi, & quamdiu moram fecerint in eisdem, extra domicilium eorum proficiscentes, & in eorum presentia, & precipue in loco domicilii eorum strictissimum servetur interdictum, quod nullatenus per Executorem loci, & notorum statutorum, relaxetur, nisi omnibus ablatis, spoliatis, & abductis integre & plene Ecclesiis, Capellis, seu Beneficiis aliis restitutis, & reportatis: nihilominus Beneficiariis successoribus in dictis Beneficiis satisfactione exhibita, congrua, & decenti, ad arbitrium Executoris statutorum loci de tante temeritatis ausu, & presumptione.

*Albertus Archi-Episcopus, ex Concilio
Magdeburg.*

Quia plerique Ecclesiarum Patroni, qui etiam aliquotiens a jure Advocati nuncupantur, suis terminis non contenti, ultra pensionem & redditus, seu proventus ab antiquo eis, a primeva fundatione deputatos nova jura sibi in dictis Ecclesiis, & earum bonis vendicantes, diripiunt, & usurpant sibi bona & res dictarum Ecclesiarum; propter quod spiritualia, que sine temporalibus consistere non possunt, dictis Ecclesiis subtrahuntur: hoc Sacro approbante Concilio statuimus; ut hujusmodi Patroni, sive Advocati, in premissis delinquentes, per Executorem loci, ex officio statutorum, vel ad instantiam partis injuriam passe, & pro Ecclesia, seu Monasterio requisiti, a vendicatione indebita novorum jurium, servitorum, & exactione qualibet infra XV. dies penitus desistant, & bona Ecclesiarum direpta & usurpata, ut premissum est, integraliter, & cum effectu Ecclesiis, Monasteriis, quecunque fuerint, & earum personis restituant, ac de injuriis, ac presumptis violentiis, ad arbitrium dicti Executoris, dictis Ecclesiis, Monasteriis, & earum personis ipsorum nomine satisfaciant; alioquin diripientes, usurpantes, vendicantes, exactionantes, extorquentes, & retinentes ejusmodi nova jura, seu bona, extunc ipso facto a jure advocatie, seu Patronatus volumus, & decernimus cecidisse, & ad eorum heredes proximiores, descendentes in recta linea, si sint; illis vero deficientibus, & ascendentes similiter in recta linea; illis etiam deficientibus, ad loci Dioeces. fore devolutum, & non solum jus Patronatus, sed & omne jus, quod predicti delinquentes in dictis Ecclesiis, & Monasteriis, & earum bonis pretendebant se habere. Idem contra Patronos Ecclesiarum, qui bona Clericorum decedentium sibi usurpant, contra statuta Lugdunen. Concilii, ut a jure Patronatus, & presentandi cadant, & nihilominus expressas superius, & in presenti statuto, si requisiti fuerint, ut premissum est, per Executorem res, & bona decedentium Clericorum inventa & ablata, infra terminum superius expressum non restituerint, & de injuriis satisfecerint juxta formam superius expressam, volumus & decernimus incurrere ipso facto. Hoc statu-

statutum per locorum Ordinarios distri-
ctissime, invocato ad hoc, si opus fuerit,
auxilio brachii secularis, decernimus exe-
quendum.

Rubrica de Consecratione Eccle- sie vel Altaris.

*Borchardus Archi-Episcopus, ex Concil.
Hallenf.*

Et quia Ecclesiarum reconciliatio du-
bitari consuevit a multis; presentis Con-
cilii autoritate declaramus; quod Eccle-
sia violata per alium, quam Episcopum,
reconciliari non potest, eaque sub Epif-
copatus ordine non nisi Episcopo valeat
demandari.

Rubrica de Celebratione Mis- sarum.

*Albertus Archi-Episcopus, ex Concil.
Magdeburg.*

Presentis Concilii autoritate ordi-
namus, statuentes; ne de cetero quis-
quam Clericorum, seu Religiosorum pre-
sumat illa die, qua Missam suam primam
celebrat, convivii & commensationibus,
choreis, & aliis ludibriis exhilarari per se,
vel per suos invitatos: & duntaxat invi-
tandorum numerum ad decem scutellas
restringat. Nullatenus, etiam joculatores,
fistulatores, ac quoscunque histriones,
vel mimos admittat, ne ejus mens, que pro
illo tempore potissime Deo dedicata, aliis,
quam Divine contemplationi devotius in-
tendat.

Rubrica de Baptismo, & ejus effectu.

*Albertus Archi-Episcopus, ex Concil.
Magdeburg.*

Baptismus cum summa reverentia
celebretur maxime in distinctione, & pro-
latione verborum, in quibus Sacramenti
virtus consistit, hisce verbis: *Ego te bap-
tizo in nomine Patris, & Filii, & Spiritus
Sancti.* Doceant etiam Sacerdotes, tam
mares, quam feminas in necessitate de-
bere parvulos baptizare, eadem forma in
suo idiomate servata: & quod patres, &
matres proprios infantes, si summa ne-
cessitas exigat, ita quod alios habere
non possint, potuerint baptizare. Et si

Sacerdotes, super hoc diligentius inqui-
rentes, debitam formam servatam in bap-
tismate inveniant, quod factum est, ap-
probent, supplentes circa baptizatum
quoad unctionem olei in pectore, & in
scapulis, & Crismatis in vertice, quod a
laicis est obmissum, & fieri non potest.
Si autem in baptismate debitam formam
non invenerint observatam, debent eos
baptizare denuo, & alia circa hoc neces-
saria adimplere.

*Albertus Archi-Episcopus, ex Concil.
Magdeburg.*

Cum autem contingat, infirmos Sacra
Unctione perungi in extremis, attendant
Sacerdotes, quod formam verborum
scriptam in libris Agendorum suorum de-
bite, & perfecte exprimant, & cum de-
votione; sicut & in Sacra Dominici Cor-
poris consecratione fieri Christus institu-
it, & Ecclesia videtur attentius observa-
re: & simili modo formam observent, &
verba debite exprimant, aliis Sacramentis
appropriata.

De custodia Eucharistie.

*Albertus Archi-Episcopus, ex Concil.
Magdeburg.*

Statuimus, ut in cunctis nostre Pro-
vincie Ecclesiis, & Monasteriis Baptismus,
Chrisma, Oleum, Eucharistia sub fidei cu-
stodia clavibus adhibitis obserentur, ne
possit ad illa manus temeraria extendi:
palle quoque, Altaris vasa, corporalia, &
vestimenta ministrorum munda, & nitida
conserventur. Nimis enim videtur ab-
furdum, in sacris sordes negligere, que
dedecent & in prophanis.

*Albertus Archi-Episcopus, ex Concil.
Magdeburg.*

Quia Sacerdotes & Campanarii, qui
Sacerdotibus ad Altare circa baptismum,
deportationem olei, & Corporis Domini
ad infirmos assistunt, & juxta quod offi-
cium eorum requirit, ministrant; super
vestimenta sua superpelliciis Sacerdotes,
& Campanarii camisiis albis utuntur, di-
strictè precipimus observari. Quas qui-
dam camisas Campanariorum, & superpel-
licia Sacerdotum populus cujuslibet Pa-
rochie, vel vitrici, aut altermanni ipsorum
nomine, quando & quotiens necesse fue-
rit,

rit, de eleemosynis, que ad fabricam elargienrur, procurabunt. Altermanni, seu vitrici Ecclesiarum predictarum in predictis reperti negligentes per Archidiaconos suos digna pena corrigantur: Approbatione totius Concilii statuentes, ut Sacerdotes, qui post publicationem hujus statuti superpellicium pro se, & camisiā, pro suo campanario non habuerint, & portaverint in Ecclesiis suis in Divinis, & cum Sacramenta derulerint ad infirmos, at tamen ipsos in Ecclesia ministrare contingat, per Officialem Episcopi principalem digna pena emendentur.

*Albertus Archi-Episcopus, ex Concil.
Magdeburg.*

Quia felices recordat, URBANUS Papa sextus salubriter providit gravi abusione, quā plerique Sacerdotes, seculares, & Religiosi exempti, & non exempti, & precipue Mendicantium ordinum Fratres, in Ecclesiis suis, & Monasteriis tempore generalis, vel specialis interdicti, conſueverunt Corpus Christi in patulo exponere, & in Altari, vel alio loco in vase perspicuo; ita ut laici, quibus tempore interdicti Divinorum participatio omnino est interdicta, nisi in certis casibus, & per consequens visio Corporis Christi; ne quod una via prohibitum esse dignoscitur, per aliam eque illicitam lucri causa concessum, & questus videatur: & hujusmodi abusionem committentes, tam Clericos seculares, quam Religiosos ordinum quorumcunque exemptos, & non exemptos, & precipue mendicantium ordinum Fratres, vinculo excommunicationis constrinxit; ne ergo Clerici seculares, & regulares exempti & non exempti, precipue Fratres mendicantes in nostra Provincia degentes, ignorantiam pretendentes, que non potest esse, nisi crassa, vel supina, predicti statuti penam incurrant laqueati; volumus, & mandamus predictum statutum URBANI sexti in singulis Synodis nostris, ac Fratrum & Episcoporum nostre Provincie legi, & publicari, ut metu pene ipsius abusum predictum de nostra Provincia profugatum extirpemus. Injungentes predictis Fratribus, & Coepiscopis nostre Provincie cum suis Executoribus, Canonumque, & eorum Officialibus, ut, quoscunque culpabiles invenerint in premisis in suis civitatibus & Dio-

cesibus, seculares, vel religiosos, exemptos & non exemptos, etiam mendicantium ordinum Fratres, faciant penam constitutionis predictę denunciare incidisse, & ab omnibus arctius evitari, donec Diocefano loci, in cujus civitate, vel Dioceſi hujusmodi excessus committere presumpserunt, satisfaciant, & se doceant legitime absolutos.

*Albertus Archi-Episcopus, ex Concil.
Magdeburgens.*

Insuper Sacra approbatione Concilii statuimus, & ordinamus, & precipimus presentis Statuti autoritate districtius observari, ne quisquam Parochialis Presbyter in ruralibus, seu in villis Beneficiatus amplius presumat, sicut in civitatibus, & oppidis solus Divina Officia peragere, & presertim Missam cantare, vel legere, sine socio Clerico, seu adjutore, vel laico scienti honesto, secundum quod hoc Canones dudum statuerunt. Predictis vero campanariis, sicut premissum est, ad officium eorum assumptis nullatenus ornatus Ecclesie custodiendus committatur, nisi ipsi de custodia ejus fidei Plebanis, & Altermannis Ecclesie cautionem idoneam preſtiterint de dicto ornatu fideliter, & munde custodiendo, & quod deposito ipsorum officio, velint ipsum Altermannis, & Plebanis integre restituere cum inventario super hoc facto, & eis tradito ornatum cum predicto, quod inventarium in traditione, & commissione ornatus singulis campanariis confici volumus duplicatum, unum tradendum campanario assumpto, alium, seu correspondentem Plebanus, seu Curatus sibi reservent fideliter custodiendo. Et cum dictus campanarius amotus fuerit; Plebano, & vitrici predictę Ecclesie ornatum sibi presentatum, & diligenter custoditum, munde, & integre restituat cum inventario suo Successori sub premissis pacto committendum.

*Albertus Archi-Episcopus, ex Concil.
Magdeburg.*

Statuimus, ut dictum Sacramentum Eucharistie, quod summa dignum est veneratione inter Sacramenta, & Sanctissimum, cum ad infirmum deferretur, Presbyter nullatenus incedat in calopediis, sed tantum calceatus, & habitu decenti superpellicio indutus, deferens desuper stolam,

iam, corpusque Dominicum decenter ante pectus suum portet, luminaribus, cereis ardentibus, una vel pluribus, ante latis cum campanula continuo resonante, in mappa cerea, vel alia decenti, & munda. Quod dum Christi fideles, cum sic deferatur ad infirmum, sequi hortamur Presbyterum deferentem, sequentes humiliter, & devote ad infirmum, & de infirmo redeuntem ad Ecclesiam, XL. dierum de penitentia eis inuncta relaxata, ante fores Ecclesie pronuntiatione Presbyteri nostra autoritate recepturi, quam omnibus vere confessis, & contritis dandam, & pronuntiandam, presentibus concedimus, & indulgemus, & de quolibet infirmo visitato. Si autem contingeret, quod nulla Eucharistia, visitatis infirmis, in pixide remaneret ad Ecclesiam reportanda, ex tunc ante ostium infirmi visitati, candelis extinctis, campana cessante a pulsu, Presbyter ibidem pronuntiatis indulgentiis pixidem ad Ecclesiam reportet sine solennitate, populum licentiando, ne idololatria quevis per populum committatur improvisè.

De observatione Jejunii.

*Albertus Archi-Episcopus, ex Concil.
Magdeburgens.*

Ad hec etiam prohibemus, ne quis adultus pariter, & discretus, ordinaria & statuta jejunia, ut quadragesimale, quatuor temporum, & Vigiliarum presumat infringere, nec hujusmodi necessaria jejunia pretextu votivi, & extraordinarii jejunii violare; cum tale damnum tali lucro Deus nolit compensari. Inherentes *priori Concilio* pravam consuetudinem quorundam reprobamus, qui sextam feriam violant, sabbatho, vel quarta feria, vel die in hebdomade jejunantes. Hoc de cetero fieri sacra autoritate Concilii firmiter prohibemus, & presertim illa jejunia superstitiosa, quibus Deum temptare videntur, vel alias machinantur in malum, ut sic jejurent, ut die jejunii tribus buccellis panis, & totidem cerevisie, vel aque pro die naturali sint contenti, vel alio modo superstitiose jejurent usque ad visionem syderum more gentilium, vel Judeorum. Hec & hujusmodi cum Religioni Christiane sint inimica, Sacri Concilii approbatione de

cetero fieri prohibemus, injungentes Confessoribus, tam secularibus, quam religiosis de ordine mendicantium presentatis & admittis; ut confitentes sibi ab hujusmodi jejuniis superstitiosis retrahant, districtius eis inhibentes, ne talia de cetero faciant, sed Ecclesie jejunia, quæ mature congruunt, & Deo sunt accepta, cum omni sinceritate observent.

Rubrica de Ecclesiis edificandis.

*Albertus Archi-Episcopus, ex Concil.
Magdeburg.*

Prohibemus etiam, ut Religiosi, vel quilibet alii Ecclesias de novo fundare, vel fundatas transferre, sine Episcopi Diocef. licentia, & sine primarii lapidis benedictione presumant: aliter fundata Ecclesia dirruatur, & is, qui fundat, si Clericus existat, vel Monachus, ab officio suspendatur, alia pena nihilominus juxta Superiorum arbitrium puniendus: si laicus fuerit, usque ad satisfactionem condignam excommunicationis vinculo innodetur. Item Altaria superflua per Ecclesias Parochiales omnia tollantur, nec Altare, nec aliquid de novo fiat, nisi Episcopo permittente, nec tunc etiam, nisi eidem Altari tantum in proventibus assignetur, ut saltem luminaria, & ornatum correquisitum ultra victum ministri habeant competenter.

Hoc presentis statuti autoritate declarantes, quod Episcopus primarium lapidem benedicere, & in fundamento locare propria in persona teneatur, nec benedictionem lapidum, seu positionem eorundem alii debet, quam Episcopo de mandari.

Rubrica de Immunitate Ecclesiarum, & Cimiteriorum.

*Albertus Archi-Episcopus, ex Concil.
Magdeburg.*

Excommunicamus, & anathematizamus omnes, qui dedicatas Deo Ecclesias ausu sacrilego prophanantes, faciunt munitiones de ipsis, ad infirmandum eas perfodiant cimiteria, ossibus mortuorum ejectis: omnes quoque adhiben-

tes opem, vel operam, consilium, vel juvamen, decernimus excommunicationis sententia subiacere : Ecclesias etiam taliter prophanatas, & nihilominus omnia illa loca, in quibus actores, aut opem, consilium opportunum, aut prestantes juvamen, habent domicilia, vel receptacula, subijcimus extunc Ecclesiastico interdictione. In graviores etiam penam subtrahantur eorum familie Sacramenta, & Ecclesiastica sepultura, donec cum debita satisfactione munitio destruat. Preterea, quia quidam a Personis Ecclesiasticis contra libertatem eorum, & approbatam consuetudinem, ex antiquis obtentum temporibus, ab eis pedagias, & theolonia interdum extorquent injuste, tales ad abstinendum ab huiusmodi angariis, & ad restituendum sic extorta injuste, per Ordinarios suos, monitione premissa, per Ecclesiasticam cogantur censuram.

*Albertus Archi-Episcopus, ex Concil.
Magdeburg.*

Ad hoc, Sacro approbante Concilio, irritamus, & irrita nuntiamus omnia statuta & consuetudines, que civitates, vel loca, Potestates, Consules, vel quecumque alie persone contra libertates Ecclesie, ac personas Ecclesiasticas edere, vel servare adversus Canonicas Sanxiones presumpserunt, & eadem a suis Capitularibus mandamus infra duos menses post huiusmodi publicationem statuti penitus aboleri, & si similia de cetero acceptaverint, ipso jure decernimus esse nulla. Potestas vero, ac omnes Statutarii ipsorum locorum, ea pro statutis observantes, & qui, secundum statuta & consuetudines memoratas, judicaverint, extunc inhabiles sint omnem in Ecclesia Dei legitimam ad actum, salvis nihilominus penis aliis contra tales in generali Concilio promulgatis.

Item statuimus, ut quecumque civitas, vel communitas, persona publica, vel privata, collectas, sive exactiones, angarias, sive perangarias, Ecclesiis, vel aliis piis locis, aut Ecclesiasticis personis imponant, vel bona Ecclesiastica invadere presumant, quadruplum refundant, si requisiti contempserint emendare.

Jurisdictionem Ecclesiasticam, preterquam per vias a Canonibus indultas,

nullus attemptet aliquatenus impedire, & Ecclesiarum, vel aliorum locorum emunitatem de jure & consuetudine obtentam infringere, aut aliquammodo violare presumat.

Novas etiam actiones, que vulgo *Inghelt* nominantur, vel alio nomine, nulla civitatum instituat, & ab institutis post huiusmodi edicti publicationem infra mentem desistat : nec mensuras rerum venialium ab antiquo servatas, & a fidelibus approbatas minuire, vel immutare presumat. De servis & mancipiis Ecclesiarum in civitatibus residentibus, & post eorumdem servorum mortem Ecclesie debita jura, quarum servi fuerant, recipere minime prohibeantur.

Insuper statuimus, ut persona, quacunque nobilitate aut preeminencia status presulgeat, Ecclesiasticas personas, aut Ecclesiastica bona, jura, jurisdictiones, & vasallos eorum violenter, aut autoritate propria publica occupare, vel occupando invadere, vel scienter occupantibus Ecclesias, & bona predicta prestare presumat quomodolibet per se, vel per alium, aut alios, consilium, auxilium, vel favorem; & nisi infra XV. dies Ecclesie lese, aut Prelato ipsius damnum illatum emendaverit, ipso facto sit anathematis vinculo innodatus. Decedendum etiam Clericorum peculium occupare, vel occupatum tenere, omnibus laicis sub anathematis pena ex nunc, prout ex tunc in ipsos lata, districtius inhibemus.

De Sponsalibus & Matrimonio.

*Albertus Archi-Episcopus, ex Conc.
Magdeburg.*

Matrimonium, statuimus, ut cum omni reverentia & honore in conspectu Ecclesie celebretur : & cum matrimonium fuerit contrahendum, per Presbyteros proprios, seu eorum vices gerentes, tribus diebus Dominicis in Ecclesiis, aut aliis Festivis diebus a se distantibus, publice proponatur; ut, si quod impedimentum matrimonii contrahendi noverint aliqui, illis infra terminum competentem ab ipsis Presbyteris prefigendum in facie Ecclesie, sine difficultate revelent; excommunicationis sententia quoque in genere proferatur in omnes hujus-

hujusmodi impedimentum celantes, a qua sine satisfactione debita nullatenus absolvantur: & si qui tempore hujus denuntiationis presentes fuerint, & impedimentum celaverint, postmodum, nec ad accusationem, nec ad testimonium contra ipsum matrimonium admittantur, nisi tales in casus, qui matrimonium dirimunt sic contractum, vel probari, matrimonium nullum reddant, & conjunctos omnino separandos.

*Albertus Archi-Episcopus, ex Concil.
Magdeburg.*

Cum Sacramentum matrimonii sit magnum significatione, & institutione primum, & omni reverentia, & celebritate dignum; volentes igitur ejus nobilitatem, significationem, & celebritatem omnibus Christi fidelibus, cujuscunque conditionis, status, aut sexus fuerint, attentius commendare; Sacro igitur approbante Concilio statumus, ne quis laicus, etiam cujuscunque status, preeminentie, vel nobilitatis fuerit, presumat, aliquos matrimonialiter copulare *in domibus, vel extra etiam in Ecclesia*; cum laicis Sacramentorum administratio penitus sit interdicta. Sed cum aliqui fuerint *desponsati* per parentes, vel propinquiores, defunctis parentibus, vel viventibus parentibus, de eorum consensu; vel se ipsos desponsaverunt, sponsalia contrahendo per verba de futuro, vel matrimonium de presenti; nihilominus per Curatos suos, qui sunt ipsorum *proprii Sacerdotes*, & immediati, tribus diebus Dominicis in Ecclesiis Parochialibus, aut aliis Festivis diebus tribus a se distantibus per edictum publice proponantur infra Missarum solemniam coram Christi fidelibus, & Parochianis, qui illo tempore tenentur in Parochiis suis propriis esse congregati, ut, si quis, vel qui sint, qui inter desponsatos de futuro, vel de presenti, aut desponsandos aliquod impedimentum noverint, propter quod matrimonio jungi non possint, vel matrimonio jam juncti simul remanere, illud infra tempus proclamationis per Curatum contrahere volentibus prefigendum in facie Ecclesie, & ipsis contrahere volentibus, & consanguineis ipsorum omni studio adhibito, & sine difficultate revelent. Excommunicationis quoque sententia in genere pro-

feratur in omnibus hujusmodi impedimentum celantibus, a qua sine satisfactione debita nullatenus absolvantur. Et si qui tempore hujusmodi denuntiationis presentes fuerint, & impedimentum celaverint, postmodum nec ad accusationem, nec ad testimonium, sive in Ecclesia, sive extra in alio loco contra ipsum matrimonium admittantur. Laicos vero personas matrimonio copulantes, volumus excommunicationis majoris sententie esse subjectos, etiamsi trina proclamatio publica in Ecclesia distinctis diebus debito precesserit intervallo: conjunctos vero, vel se conjungentes preter alias penas ipsis a jure Canonico, & eorum filiis procreandis, vel procreatis inflictas, volumus a participatione Sacramentorum penitus esse exclusos. Et si contigerit, ipsos, vel aliquos eorum ante reconciliationem obtentam a suo Episcopo duntaxat, vel suo Vicario in Spiritualibus, cui ipsam duximus referendam, ex hoc seculo migrari, Ecclesiastica careant sepultura, nec dispensetur super hoc per Episcopum suum, nisi evidens, & rationabilis causa dispensationem inducat, & exposcat: & presens statutum volumus celebre per Curatos nostre Provincie quater in anno, qualibet die Dominica post quatuor tempora infra Missarum solemniam Parochianis suis adunatis verbo Dei proposito, & Festivis diebus indictis, sicut tenentur, fideliter publicari.

*Albertus Archi-Episcopus, ex Concil.
Magdeburg.*

Item adjicientes ordinamus, quod Decani & Capitula Ecclesiarum nostre Provincie, tam Cathedralium, quam Collegiatarum, Abbates, Prepositi, & alii Prelati Religiosorum, ac ipsorum Conventus, presens statutum violantes, & numerum personarum idonearum obmittentes ad literarum studia destinare privilegiata, pro quolibet anno summam, quam suis studentibus taxatam, & quam eis ministrare tenentur, Episcopo loci, sine qualibet excusatione solvent pro emenda, nisi evidens Ecclesie sue, seu Conventus paupertas ipsos, & de hoc per Episcopum cognito possit excusare. Prepositi vero rurales, Plebani & Curati, quorum Beneficia valent, eorum supportatis oneribus,

ribus, in studio eis triginta florenorum auri ministrare, vel amplius, si ipsi per triennium ad minus in studiis privilegiatis in Theologia, vel in jure Canonico studere contempserint, nisi antequam eorum Beneficia fuerint adepta, jam per tantum tempus, ut prescriptum est, in studiis privilegiatis jam profecti studuerunt, vel alia causa rationabilis ipsos possit excusare, de qua tamen suo Episcopo fidem faciant, creditivam summam, quam de suis Beneficiis annuatim possint habere, & in studio deberent expendere cum profectu, Episcopo loci solvent integraliter pro emenda.

*Albertus Archi-Episcopus, ex Concil.
Magdeburg.*

Insuper adjicimus statuentes, ne quis Canonicus Ecclesiarum nostre Provincie Cathedralium, secularium, vel Collegiarum, in antea emancipetur, stallum in Choro, locum & vocem in Capitulo habeat, seu debeat obtinere; nisi prius vitam suam per biennium continuum, & integrum causa studii duntaxat manens in studio privilegiato, & proficiens bonis moribus, & actibus probaverit virtuosus.

Rubrica de cognatione Spirituali.

*Albertus Archi-Episcopus, ex Concil.
Magdeburg.*

Juxta Canonum statuta servetur in Baptismo conferendo, & in confirmatione, quod duo duntaxat teneant puerum in baptismo, & fiant compadres, & unus vel duo ad majus.

Rubrica de Magistris.

*Albertus Archi-Episcopus, ex Concil.
Magdeburg.*

Recolentes altis cum suspiciis, Ecclesiam nostram Metropolitancam, aliasque Ecclesias Kathedrales, Collegiatas, religionum Monasteria, Preposituras rurales, Plebanos, Parochiales Ecclesias, ceteraque quam plurima Beneficia nostre Provincie virorum literatorum non solum decore inclito, sed eorum auxilio, & consilio destitutas, qui fidem Sacrosancam, Ecclesiarum libertates, jura, & personarum privile-

gia antiqua tanquam milites rempublicam armata militia sunt potentes defendere; unde, Sacro approbante Concilio, statuimus, & ordinamus, ut pro quolibet tempore affuturo Decanus, & Capitulum Ecclesie nostre Metropolitane deputer, & habeat habiles, ad proficiendum in studio privilegiato de gremio Capituli nostri, seu alias de Ecclesia unum in Sacra pagina proficientem, alium in jure Canonico, & tertium in legibus. Ecclesie vero alie Kathedrales duos, unum in Theologia, reliquum in jure Canonico, vel in legibus proficientes: Ecclesie vero Collegiate & Monasteria unum in Theologia, seu in jure Canonico proficientem, quibus Prebendarum suarum corpora, juxta Canonum precepta ad triennium integre ministrabunt, & si predicti studentes de Ecclesiis Cathedralibus nostre Provincie, & Collegiatis non habeant ab Ecclesia ratione dignitatis, personarum, vel officiorum, si quas obtinent, & ultra corpus sue Prebende, unde possint in studio victum habere decentem, & amictum, & libros necessarios comparare; volumus eis subveniri per Decanos, & Capitula eorum ad valorem corporis Prebendarum suarum de communi: Abbates vero, Prepositi, & alii Prelati Religionum, suis Religiosis, taxatis ipsorum Prebendis, cum omnibus obventionibus suis summam taxatam in studio permanentibus pro quolibet anno ministrabunt, & ultra, illam equivalentem summam de communi ministrare studentibus predictis idoneis non obmittant; sed tamen Prelati, & conventus bona sint indistincta. Si vero distincta, Prelatus de portione addenda quartam de redditibus sue dignitatis studentis; Conventus vero tres particulas de suis bonis ministrabunt. Prepositi vero rurales, Plebani, seu Curati, qui verbo, & exemplo suis subditis residentibus continue preesse tenentur, qui annuatim pro subsidio studii sui possint in absentia XXX. floren. habere de suis Beneficiis predictis, ad minus per triennium in studio juris Canonici, vel Theologie debent permanere. Si qui autem de predictis Prepositis Ruralibus, Plebanis, Curatis, vel aliis Beneficiatis in dignitatibus constituti, Ecclesiarum Cathedralium, & Collegiarum Canonici, Monasteriorum Religiosi, habiles & idonei, velint

velint usque ad Magisterium, seu Doct-
 ratum in aliqua scientiarum predictarum
 in studio remanere, illis omnino volu-
 mus per suos Episcopos licentiam largam
 impertiri, proviso quod tempore studii
 ipsorum, Beneficiis suis predictis fide-
 liter, viris idoneis ad hoc assumptis per
 Superiorem, ad quem hoc spectare dig-
 noscitur, provideatur. Si qui autem
 Canonorum, tam Cathedralium, quam
 Collegiarum Ecclesiarum, seu Religio-
 si, habiles tamen & idonei, velint usque
 ad Magisterium, seu Doctorem in ali-
 qua scientiarum predictarum in studio
 remanere; illis volumus omnino, ac, si
 Canonici sunt, per suos Decanos, & Ca-
 pitula, si vero Religiosi, per suos Prela-
 tos, & Conventum largam licentiam de-
 cernimus concedendam, & nihilominus
 ipsis, & cuilibet ipsorum debent corpora
 suarum Prebendarum duplicata cum mo-
 deratione prescripta pro quolibet anno
 integre, & sine defectu ministrari.

Rubrica de Judeis.

*Albertus Archi-Episcopus, ex Concil.
 Magdeburg.*

Cum gens Judaica Crucis Christi, &
 nostre Religionis inimica, ut rei evi-
 dentia multis signis edocuit, & scripturarum
 sanctarum testimonia veritatis: Cum ergo
 nostre religionis profectio, que pro
 inimicis, doctrina Evangelica instructa,
 docet exorare, ipsos sustinet, in memo-
 riam Dominice Passionis, & humanita-
 tis duntaxat intuitu patienter tolerando:
 quia etiam sicut gentiles, & Pagani, lumi-
 ne vultus sui resurgent insigniti; non ta-
 men sic tolerandi sunt, ut privilegia ha-
 beant, propriam legem, & religionem,
 Christum Dominum nostrum maledicendi,
 blasphemandi, & contumeliis diver-
 sis afficiendi; unde Sacro approbante
 Concilio statuimus, & districtius preci-
 pimus observari, ut Judei, intra Provin-
 ciam nostram moram facientes, de cete-
 ro sub penis infra notatis, Canones contra
 eos scriptos, qualiter se habere debeant
 in septimana Dominice Passionis, peni-
 tus observent, per totum illud tempus
 domos suas, & fenestras clausas teneant,
 nec de domibus suis in publicum prode-
 ant, etiam suas Synagogas visitando. Sed
 antea de sibi necessariis pro illo tempore

pro victu, & in aliis provideant, ne Chri-
 stianis Sacratissime Passionis memoriam
 exhibentibus, & lamentationis signa
 presentantibus illis diebus ab eodem po-
 pulo Judeorum illudatur. Judeos ve-
 ro contrarium facientes volumus per lo-
 corum Ordinarios penis pecuniariis gra-
 viter mulctari, & eorum rebellione exi-
 gente, si in premissis culpabiles reperti
 fuerint, contra eos brachium invocari
 seculare.

*Albertus Archi-Episcopus, ex Concil.
 Magdeburg.*

Insuper districte precipiendo pre-
 sentis Concilii approbatione mandamus,
 ne per Principes nostre Provincie, Co-
 mites, Barones, per se, vel per alios
 Christianos, dictis Judeis seculares digni-
 tates, officia publica, vel privata de ce-
 tero regenda committantur; cum valde
 sit indecens, filium libere, filio ancille sub-
 esse debere & famulari, & si, que com-
 missa sunt, quod absit, infra XV. dies
 post publicationem presentium, per com-
 mittentes tales dignitates, officia publi-
 ca, vel occulta, revocentur, que & nos pre-
 senti Concilio revocamus. Quod si non
 fecerint; per locorum Diocesanos com-
 mittentes debeant excommunicari dire-
 cte, Judei pecuniaria summa mulctari,
 juxta ipsorum facultatum possibilitatem;
 quam si non curaverint, participatio
 Christianorum juxta Canonum docu-
 menta penitus subtrahatur. Revocamus,
 cassamus, & tollimus omnia privilegia
 libertatis, in quibus eis concessum est,
 & contra veritatem Evangelicam, & de-
 tali igitur preceptum; ne rem furtivam
 eis in pignus datam teneantur Domino
 suo requirenti, gratis, & sine omni
 solutione restituere: cum hoc non lice-
 at Christiano, nec licere debet Christi,
 & ejus Crucis, & nostre religionis ini-
 mico; Judei vero renuentes, & contradi-
 centes res furtivas Dominis suis gratis re-
 stituere, cum ipsis furibus communicare
 videntur in furto, similiter in spolio, & in
 preda.

Medietas bonorum suorum, que
 possident, sit confiscata, & sine omni ju-
 ris auxilio, Fisco Ordinarii sit applicata:
 insuper sicut Canones precipiunt, nullus
 Judeus nostre Provincie Christianos mas-
 culum,

culum, vel feminam in domibus suis in servitio teneat, vel extra, vel in mensa, nec in *stuba* Judeorum, & eis propria, vel sua, aut in publica communicet, seu commercium cum eisdem habeat in cibo, vel in potu, nullatenus eorum munera, etiam si sint esculenta, vel poculenta, recipiat, attendens illud Prophete: Quod ignis descendit de celo, & tabernacula eorum combussit, qui libenter munera ceperunt, & potissime a Christi inimicis, & suis. Inhibemus & universis Christi fidelibus nostre Provincie, ne aliquo tempore infirmantes, seu sani, judeos medicos ad se advocent, nec medicamina, vel consilia quovis modo ab eis recipiant: contrarium facientes per locorum Ordinarios sanos volumus excommunicari Christianos, infirmos vero in premissis culpabiles repertos, si ab illa infirmitate decesserint, nisi digne penituerint, & abjurarint Judeorum consilia in medicinam, similiter etiam sani, si in hoc delicto decesserint, penitentia digna non premissa, & cum satisfactione debita Ordinario exhibita pro tante temeritatis excessu, etiam careant Ecclesiastica sepultura.

*Albertus Archi-Episcopus, ex Concil.
Magdeburg.*

Item, cum in Sacro Concilio Romanorum Pontificum, olim sacratissime sit sancitum, ne Judeis sub alendo puero- rum obtentu, nec pro servitio, nec pro qualibet alia re, Christiana mancipia habere in domibus suis permittatur, eo quod execrentur Christianos, qui cum presumpserint habitare cum ipsis, per continuam conversationem, & assiduam familiaritatem, & suam superstitionem, & perfidiam execrabilem incontinentium possint simplicium Christianorum animos de facili inclinare. Nos, qui Dei injurias graviter portamus, hujus Canonis auctoritate statuimus; ut omnes Christiani nostre Provincie sub quocunque pre- textu Judeorum domibus inhabitantes, infra XV. dies, post publicationem hujus statuti, de Judeorum domibus, nunquam postmodum reversuri, recedant. Nulla- tenus etiam Judeorum pueros lacte suo nutrant, vel alia servitia prestant, cum omne participium Christianis habendum

cum Judeis strictissime sit interdictum, ut sacri Canones publice declamant pre- cipiendo. Alioquin Christiani contrarium facientes per sententiam excommunica- tionis percellantur, & alii Christiani tamdiu a Judeorum familiaritate, & com- mercio arceantur, quamdiu hujusmodi Christianos presumpserint in suis domibus retinere.

Rubrica de Hereticis.

*Albertus Archi-Episcopus, ex Concil.
Magdeburg.*

Universos Canones, ac Statuta, prout a sancta Matre Ecclesia sunt edita a Spi- ritu Sancto docente, qui universum Corpus Ecclesie suo afflatu regit, & vivi- ficat, que etiam, Domino JESU Christo ad Patrem suum intercedente, a Catho- licis regulis, constitutis, & veritate decli- nare non possit, ipso attestante, qui di- cit: (a) *Ego pro te rogavi Patre, ut non deficiat fides tua; sacri approbatione Con- cillii, ut tenemur adstricti, & tanquam vere fidei Zelatores, precipimus, & man- damus, in omnibus suis Capitulis, & arti- culis districtius, omni metu cessante, & potentium, terrore observari, & potissi- me per Confratres nostros, & eorum Vi- carios in Spiritualibus, ad quos hoc prin- cipaliter pertinet; ut ipsi diligenti stu- dio per se, & per suos Vicarios, sicut & Nos intendimus, sollicita cura, & toto co- natu invigilent, ut hereticos, & schisma- ticos repertos in suis civitatibus, & Dio- cesibus penitus exterminent, frequen- ter scrutinium contra eos repertos ob- servant, eis penas debitas indigendo, etiam, si opus est, ut fieri debeat, pro exe- cutione ultimata brachio ad hoc invocato seculari.*

Rubrica de Schismaticis.

*Albertus Archi-Episcopus, ex Concil.
Magdeburg.*

Cum igitur veteri testamento omne genus augurii, aurspicum, maleficii, & in- cantationis sub pena corporis fuit popu- lo Judaico prohibitum, & interdictum pro tanto, quia de quo legis preceptum conti- nens: dominum Deum tuum solum adora- bis, & ab ipso postules auxilium, & in ipso omnia

(a) Lucæ XXII, 32.

omnia tua consilia permaneant. Unde omnes augurum facientes, masculos, & feminas, fitones, & fitonissas, auruspices, maleficos, incantatores, presenti statuto, approbante Concilio, excommunicamus, & volumus eos ad Nos, & in nostra civitate, & Diocesi, vel ad nostrum Vicarium in Spiritualibus, cum penituerint, remitti absolvendos. Inhibentes strictissime sub interminatione Divini iudicii, ne quis Religiosus Curatus, vel Sacerdos aliquis in isto casu, vel consimili, eos sub confidentia aliqua absolvere presumat: injungentes omnibus Curatis per nostram Provinciam constitutis, ut in suis Parochiis non permittant hujusmodi homines habitare, sed diligenti inquisitione prehabita, cum tales invenerint, nuntient Vicario Episcopi, & cooperentur, ut de suis Parochiis expellantur, cum tales reperti fuerint, pena eis debita pro modo culpe prius inflicta. Si autem aliqui tales reperti fuerint, & vere, non simulate, ad gremium sancte Matris Ecclesie redire voluerint, signa penitentiae ostendentes; abjuratis sceleribus prioribus commissis; recipiantur a proprio Curato, & absolutione obrenta per Diocesanum, vel suum Vicarium in Spiritualibus, quibus reservata est, vel alterum ipsorum. Nihilominus, quia Deum creatorem temptantes sponte per idololatram offenderunt, diebus Dominicis nudis pedibus, cum processio fit per Cimiterium, Dominicalem Crucem, vel vexillum antecedant, capuccio abjecto, cincturam nudam propriam in collo portantes: processione intrante, ante fores Ecclesie maneant, & post omnes primo introeant. Attendentes chorum illi sic stantes nudis pedibus, non longe retro Presbyterum, sine capuccio, cingulum tenentes in collo, totam Missam, in signum vere penitentiae audiant, & conversorum defensores, receptatores, credentes horum simili pena volumus emendari.

Rubrica de Apostatis.

Borchardus Archi-Episcopus, ex Concil. Hallensi.

Contingit aliquoties, quod nonnulli Clerici vinculo excommunicationis affecti, vel prophani, vel irregulares,

seu aliter ad Divinorum celebrationem indigni, Diocesim, in qua de his noticia habetur, fugientes, ad Diocesim aliam se transferunt fraudulenter; ut sic debitas suorum excessuum penas evitent, & Divinis se ibidem ingerant officiis, aut ea celebrent, sicut prius: non verentes in his suam ledere conscientiam, nec Divinam offendere Majestatem. Cum itaque non sit malitiis indulgendum; precipimus statuentes, quod Executor in ea Diocesi, in qua predicta sunt notoria, vel hujus notitiam de eisdem talibus, in quorum Diocesi dicti presumptores se receperint, denuntiare per suas literas teneatur, ut ipsi tales excommunicatos faciant excommunicatos, & ab omnibus arctius evitandos publice nuntiari, & ut in suis locis pro posse eorum, nullatenus stare, vel morari permittant, ne forte in sua rebellione, & inobedientia, ac delicto notorio ipsos fovere cum aliquorum scandalo videantur; invocato ad hoc, si opus fuerit, auxilio brachii secularis.

Rubrica de Raptoribus.

Albertus Archi Episcopus, ex Conc. Magdeburg.

Cum igitur seculares Potestates, Barones, Nobiles, Vasalli, Advocati, Officiarii civitatum, oppidorum, villarum Rectores, vel alii persone singulares, ausu sacrilego, diabolico instinctu seducti, non solum Viris Ecclesiasticis, & universis militie Clericali adscriptis oppido sunt infesti, ipsos occidere, vulnerare, mutilare, captivare, captivos retinere, & non solum ipsos, sed ipsorum familiam utriusque sexus cum eis habitantem, vel alibi pro eis, & in eorum odium, contra Ecclesiasticam libertatem, non verentur, sui status, & honoris prodigi, & sceleratis nequitiores; volentes eorum malitiis obviare, & a tante temeritatis ausu penarum acerbitate prohibere, sacri approbatione Concilii sanximus, ut quicumque Principum, Comitum, Baronum, Nobilium, per se, vel per alias personas, ipsorum Advocati, Vasallini, vel Officiarii, civitatum, oppidorum, villarum, & castrorum Rectores, etiam per se, seu per alias personas, mandantes, ratum habentes, consilium, vel favorem, dans vel dantes

in premissis, Abbatem, Prepositum, Decanum, Priorem, Archidiaconum, seu quemlibet alium, in dignitate Ecclesiastica constitutum, seculari, vel religiosa, Canonicum Ecclesie Cathedralis, vel Collegiate, Plebanum Curatum, Presbyterum, Monachum cujuslibet ordinis, etiam Fratrem ordinum Mendicantium, seu Clericum in Sacris constitutum, & quemlibet alium Clericum clericaliter viventem, habitum & tonsuram deferentem clericalem, occiderit, vulneraverit, mutilaverit, captivaverit, captivum detinuerit, vel eorum consanguineos, aut alios eorum familiares, cum eis, vel alibi habitantes sexus utriusque, in ipsorum odium, displicentiam, & pro eis, vel alias, propria temeritate; ut in terminis Archidiaconatus illius, & per totum illius Archidiaconatum, ubi aliquem de predictis personis, seu Clericum secularem, vel religiosum ordinis cujuscunque, in sacris Ordinibus constitutum, vel simplicem, & pro Clerico se gerentem, etiam novitium, vel conversum ordinis cujuslibet, habitum sui ordinis deferentem, & sub obedientia constitutum, occidi, vulnerari, mutilari, capi, vel detineri constituerit, eo ipso servetur strictissimum interdictum. Adjicientes, ut non solum in Archidiaconatu, in quo hujusmodi excessus fiunt, seu ubi committentur in futurum; sed etiam in omnibus locis nostre Provincie, in quibus predictorum Clericorum, & Religiosorum occisores, vulneratores, mutilatores, captivatores, vel detinentes eos captivos, & eorum complices, qui eis hujusmodi maleficium, & excessum mandaverint, ratum habuerint, consilium, aut auxilium presterint, seu domicilium, jurisdictionem, de facto, vel de jure obtinuerunt: & illis quoque locis, ubi tales receptaculum habuerint infra nostram Provinciam, servetur strictissimum interdictum: ita videlicet, quod corpora mortuorum ad sepulturam Ecclesiasticam nullatenus admittantur. Et si forte in Ecclesiis, vel Cimiteriis per abusum laicalis potentie hujusmodi corpora sepulta fuerint, nisi prius ejectis inde corporibus, nullatenus relaxetur, & Clericis captivis, vulneratis, mutilatis, vel eorum consanguineis, nepotibus, vel nepribus, vel aliis eorum familiaribus, sexus utriusque, pristina

libertati restituti, cum debita satisfactione ipsis, & Episcopo loci factis, exhibita cum plena restitutione ablatorum, si que eis ablata sunt, vel rebus suis sunt spoliati. Si autem occisi fuerint, vel in captivitate, vel vulneribus mortui, tunc etiam interdictum nullatenus relaxetur, nisi per occisores, vel in quorum captivitate mortui sunt, amicos, & Episcopo loci, & Beneficio, satisfactio sit secundum Canonicas traditiones exhibita, & cum effectu. Adjicimus etiam, ut non solum in terminis Archidiaconatus, & in quo Prelatum, seu Religiosum aliquem, Canonicum, Plebanum, Curatum, Clericum sacros Ordines habentem, vel simplicem, & pro Clerico se gerentem, temere occidi, vulnerari, mutilari, captivari, captivum detineri contingat, seu eorum consanguineos, vel familiam sexus utriusque; sed in terminis Archidiaconatus, in quo quemquam talium detineri constituerit, vel eorum consanguineos, & familiam pro eis, & in ipsorum odium, strictissimum servetur interdictum, ut sic tam Nobiles, quam Magnates, quam etiam populares cum plebe, contra malefactores hujusmodi ex Divinorum carentia provocati, consurgant ad liberationem illius, vel illorum, qui ausu sacrilego detinentur captivi, vel captivis auxilium presterint. Nihilominus tamen occisores, mutilatores, vulneratores, captivatores, & Clericos in captivitate detinentes, volumus ad Sedem Apostolicam, pro absolutione obtinenda, remitti: & eos, si in Parochiis, in quibus habitaverint, visi fuerint, moram fecerint, & in Parochiis Archidiaconatus illius, & eos in propriis Parochiis, & in omnibus Parochiis, ubi maleficium perpetraverint, Archidiaconos illius per Curatos singulis diebus Dominicis & Festivis publicari, & nuntiari sententia excommunicationis majoris, Canone: *Si quis suadente Diabolo*, fore ligatos: nec predicti Curati ab executione hujus statuti diebus predictis cessare presumant, nisi de absolutione Apostolica predictis malefactoribus impensa, approbatione Vicarii Diocesis in Spiritualibus interposita, fuerint certificati: quam approbationem predictus Vicarius facere non presumat, nisi predicti malefactores, ultra aliam satisfactionem exhibitam,

bitam, vel exhibendam, idonee caveant predicto Vicario, quod talia de cetero facere non presumant. Et istum ultimum articulum non solum de occisoribus, vulneratoribus, mutilatoribus, captivatoribus, & detentoribus Clericorum in captivitate, volumus observari, sed etiam de prestantibus consilium, auxilium, & favorem; cum tales juris autoritas pari pena constringit, & cum de hoc fuerint convicti.

*Albertus Archi-Episcopus, ex Concil.
Magdeburg.*

Nos igitur statuto precedenti ipsa duximus adjungendum, firmiter statuentes, quod si temerarii captivatores Clericorum aliquos de familia sua habuerint Clericos consiliarios & scriptores, iidem statim se detrahant a communione eorum non solum in Divinis, sed etiam in mensa, aut in aliis, quibus excommunicato quomodolibet communicatur illicita, nec consilii eorum interfint, nisi forte tractatum haberent cum eis de procuranda liberatione eorum, quam, si infra duos menses procurare non poterint, sub pena excommunicationis late sententie precipimus, quod extunc non solum a consilio & scribendo se abstrahant, sed omnino ab eis recedant: quam si iidem Clerici per unum mensem sustinuerint, extunc periculum suorum Beneficiorum incurrant ita, quod ipsorum Beneficia aliis conferri valeant, nec non inhabiles ad alia capienda ex tali mora reddantur in nostra Provincia. Advocati, qui patrocinium, vel defensionem assumpserint quorumlibet Clericorum detentorum, aut etiam in occulto eis dederint consilium, vel literas excusationum dictaverint, vel scripserint, aut literas quascunque a Superioribus impetraverint, quibus a liberatione Clerici, vel refusione damnorum de satisfactione Ecclesie quoquo modo de facto valeat colerare, nisi prius Clericum dimiserint, ablata restituerint, aut Ecclesie satisfecerint de offensa, excommunicationis sententia innodamus.

*Albertus Archi-Episcopus, ex Concil.
Magdeburg.*

Preterea cum Predecessorum nostrorum statutum per penas contra cap-

tivatores Clericorum predictas ad hoc non Ecclesiis, nec Ecclesiasticis personis sufficienter provisum existat, considerantes, quod pro delicto facti Canones interdum punire precipiunt totam terram, & ad quartam generationem filii puniuntur; Nos de similibus ad similia procedere cupientes, provida deliberatione hujus Concilii Predecessorum nostrorum statutis duximus admittendum, irrefragabiliter statuentes, ut non solum eorum filii, qui Canonicos, & in minoribus Ordinibus constitutos; & ceteros Clericos pro Clericis se gerentes, ac alias personas Ecclesiasticas captivare, detinere, occidere, mutilare, ac lethalius nimis atrocibus vulneribus, quibus per medicorum nequit industriam subveniri, vulnerare presumunt; sed omnis eorum sacrilegorum utriusque sexus ab ipsis descendens posteritas usque ad quartam generationem, nec ad sacros Ordines, nec ad aliqua Beneficia Ecclesiastica, nec in Claustris, nec Cenobiis, cujuscunque Ordinis nostre Provincie admittatur: quod si contrarium factum fuerit, ex malitia & ignorantia ordinatos ab executione Ordinum perpetuo volumus esse suspensos; receptos vero ad Beneficia Ecclesiastica secularium Ecclesiarum pro non receptis haberi decernimus ipso facto: sed ne personis in Monasteriis, sive claustris receptis detur via ad secularem habitum redeundi: tales quidem in suis Monasteriis ita volumus remanere, quod in Conventu ultimi reputentur, & nunquam ad officia, vel ad aliquas dignitates assumantur; de illis autem personis, que in Ecclesiis Conventualibus, aut Monasteriis ante hoc nimirum statutum inveniuntur promote, autoritate hujus Concilii districte precipimus observari, ut si parentes ipsorum aliquid commiserint premissorum, predictæ persone ob hujusmodi suorum parentum delictum, nunquam ad personatus, vel dignitates aliquas assumantur; sed in suis gradibus persistentes ad ultiores efficiantur inhabiles & indigni ipso facto, omnibus aliis penis contra ordinantes, presentantes, & recipientes personas hujusmodi in priori Concilio constitutis, in suo robore duraturis.

Albertus

*Albertus Archi-Episcopus, ex Concil.
Magdeburg.*

Verum quia in Concilio anteriori statuitur omnes penas contra occisores, captivatores ibidem statutas inviolabiliter observandas, donec captum liberum, & solutum dimitti contingat prestita satisfactione debita, & condigna; pari ratione, & nunc duximus statuendum, quod nisi mutilato, percusso, seu vulnerato fuerit per emendam condignam, & satisfactionem debitam satisfactum, nequaquam cessandum ab executione, seu observatione penarum percussoribus, seu vulneratoribus superius inflictarum.

*Albertus Archi-Episcopus, ex Concil.
Magdeburg.*

Similiter volumus Advocati, Capitanei, Abbatis, Prepositi, Archidiaconi, Canonici, vel Rectoris alicujus Ecclesie, aut Clerici cujuscunque sufficere pro executione facienda insinuationem, quam super hoc forma defert promulgata.

*Albertus Archi-Episcopus, ex Concil.
Magdeburg.*

Statuimus etiam, ut nullus manifestus amicus, vel aliquis habens potestatem rerum captivati promittat, vel det aliquam pro liberatione ipsius, vel dando se interponat, vel alias aliquam cautionem faciat: quodsi contra Statutum hujus sacri Concilii quisquis in casu hujusmodi inventus fuerit, alicui dedisse, vel promississe; in tanto Diocesano pene nomine teneatur astrictus. Adjicientes, quod si detentor Clerici per unum mensem Clericum detinuerit captivatum, aut, eo dimisso, infra annum a tempore captivitatis Clerici computandum, satisfactione neglecta, non obtinuerit se absolvi; extunc ab omnibus feudis cadat ipso jure, que a quibuscunque Ecclesiis noscitur obtinere. Hec omnia contra captivatores Episcoporum multo fortius volumus observari, eo adjecto, quod Episcopo captivato Clerici a familia captivatoris statim recedere teneantur: quod captivatores tales ipso facto non solum a juris cadant perpetuo pheudo, que captivitatis tempore, a quibuscunque Ecclesiis obtinebant, verum etiam ipso facto cum omni posteritate fiant inhabiles, & in eternum

ad pheuda quolibet a quibuscunque Ecclesiis assequenda, aut bona eorum quolibet, que habuerunt captivitatis tempore propria, Ecclesie applicentur. Etiam hi, qui pheuda eis duxerint concedenda, ipso facto excommunicationis sententiam incurrant. Quodsi proximi Domini feudorum pheuda illa, in quibus casibus premissis Episcoporum, vel Clericorum captivatores ceciderunt, infra mensem unum vel duos concedere, vel ad se neglexerint revocare, extunc pheudorum ipsorum collatio ad Superiorem proximum devolvatur, id quod de occisoribus, & mutilatoribus Clericorum multo fortius volumus observari.

URBANUS AD PERPETUAM REI MEMORIAM &c.

Quia, sicut displicenter recepimus, nonnulli diversarum partium Principes, Marchiones, Duces, Comites, Barones, & alii Nobiles, nec non Potestates, Capitanei, Ballivi, Scabini, Advocati, Rectores, Judices, & Consules, alique Officiales, & Consilarii civitatum, & oppidorum, castrorum, aliorum locorum, alique laici, & laicales persone Dominium, seu jurisdictionem in temporalibus habentes, nec non ipsarum civitatum communia, ad oppidorum, terrarum, & aliorum locorum universitates non attendentes, quod laicis in Clericos, & Personas Ecclesiasticas nulla est attributa potestas, ipsos Clericos, & Personas Ecclesiasticas, etiam interdum in dignitatibus constitutos temeritate propria bannire, seu relegare, aut proscribere non verentur; Nos adversus temeritatem hujusmodi remedium apponere cupientes, omnes, & singulos talia presumentes, aut ea fieri mandantes, seu eorum nomine, vel mandato facta rata habentes, vel in eis faciendis dantes consilium, auxilium, vel favorem, cujuscunque preeminentie, dignitatis, status, vel conditionis existant, si singulares persone fuerint, eorum videlicet singulos, vel si communia, vel universitates constituerint, omnes & singulos eorundem communium, & universitatum Potestates, Capitaneos, Ballivos, Scabinos, Advocatos, Rectores, Judices, Consules, & Officiales, quocunque nomine censeantur, & Consilarios, & privatas perso-

personas, que hujus sacrilegii principaliores prestatores existunt, excommunicationis sententias incurrere, nec non quemlibet eorundem communium, seu universitatum, ac illas illorum Principum, Marchionum, Ducum, Comitum, Baronum, Nobilium, & Majorum quorumcunque laicorum, & laicarum personarum tanta presumendum: in quibus talia fierent, civitates, oppida, terras, castra, & alia loca Ecclesiastico interdicto subjacere volumus ipso facto, nec ipsis sententiis per alium, quam Papam Romanum poterit, preterquam in mortis articulo, absolvi, nec interdictum hujusmodi per alium etiam relaxari; non obstante, si aliquibus communiter, vel divisim a Sede Apostolica sit indultum, quod excommunicari, suspendi, vel interdicti non possint per litteras Apostolicas, non facientes plenam & expressam, ac de verbo ad verbum de indulto hujusmodi mentionem, & de eorum propriis nominibus, in quibuscunque constitutionibus, privilegiis, & literis Apostolicis contentis, de quibus etiam plenam, & expressam in dictis litteris fieri oporteat mentionem. Nulli ergo &c.

Datum Rome IV. idus Decemb. nostri Pontificatus anno VI. URBANI V.

Albertus Archi-Episcopus, ex Concil. Magdeburgensi.

Considerantes, quod Clericorum quorumcunque, precipue in dignitate constitutorum, sive Religiosi fuerint, sive seculares, occisoribus, mutilatoribus, tanti criminis attempta enormitate nondum sit sufficiens pena per constitutiones Predecessorum nostrorum, & nostras inflicta; sacro approbante Concilio, presenti statuto ordinamus, & adjicimus, quod ultra alias penas, emendas, & satisfactiones, predicti occisores & mutilatores, & eorum quilibet, debet tribus diebus Dominicis, se continue sequentibus, nudis pedibus, & corpore, tantum femoralia habens, in Ecclesia Cathedrali, civitatis & Diocesis illius, in qua Clericum occidit, seu mutilavit, processionem illa hora, qua fit in dicta Ecclesia, nudus & discalceatus, deferens rotam parvulam in dorso, & virgam in qualibet manu, antecedere continue; donec circuitu facto, processio Ecclesiam ingreditur, & ante illam janui-

am, per quam processio ingreditur, subfistet, & duobus ultimis Prelatis, vel Canonici in processione, & cuilibet eorum, unam virgam presentabit ad manum, & in signum vere penitentie petet se cum predictis virgis emendari; qui, receptis virgis predictis, ipsum leviter pro qualibet vice castigatum emendabunt: si autem esset Curatus alicujus Parochialis Ecclesie, seu Canonicus Ecclesie Collegiate, vel Religiosus alicujus Monasterii, ultra emendam premissam, quam quilibet talis facinorosus facere tenetur, & debet in Ecclesia Cathedrali, & illa peracta in eadem Ecclesia similem faciat, & tribus diebus Dominicis ante processionem, & observata simili forma in Beneficio occisi, vel mutilati nobiliori, si plura obtinet, & secularis fuerit: si vero Religiosus, in Monasterio suo servetur talis modus & forma. Nolumus etiam istam emendam per quemquam debere remitti venerabilem Fratrem nostre Provincie Episcopum, nec predictos facinorosos ad communionem Christi fidelium recipi & admitti, nisi emendam prescriptam in forma sua observent, ultra alias emendas, & penitencias predictis injunctas a Lege, vel a Canone facinorosis. Et hujusmodi constitutionem volumus districtius observari ab illis, qui Plebanos, seu Curatos occidunt, vel mutant, vulnerant, captivant, vel detinent captivos, & similiter per Vassallos, & omnes subditos Ecclesiarum, & Monasteriorum in premissis delinquentes.

Rubrica de Usuris.

Albertus Archi-Episcopus, ex Concil. Magdeburg.

Contra Usurarios juxta Statutum Lateranense Concilii procedatur, ut si notorius fuerit ipsorum excessus, sine distinctione aliqua Ecclesiastica careant sepultura. Nihilominus ipsorum heredes ad restituendum usuras per censuram Ecclesiasticam compellendi. Si quis autem tales sepelire presumpserit, ipsius Beneficiis spoliatur. Excommunicationis sententia singulis diebus Dominicis solemnibus proferatur in omnes, quicunque usuras de cetero presumpserint exercere: hoc priori Concilio adjungentes, ut si non notorii usurarii, demum in egritudine constituti, absolvi desiderant, nullatenus

Tomus V. Concilior. German.

X x x x

audi.

audientur, nisi primitus satisfaciant, vel heredes suos tales habeant, quod pro eis satisfaciant, in quantum possibile fuerit de usuris.

Sacri Concilii approbatione ordinamus, statuentes, ut in usurarios omnes cunctis diebus Dominicis & Festivis per locorum Plebanos, & eorum Vicarios auctoritate nostra excommunicationis sententia proferatur; ita, ut qui publice exercent usuras, aut qui coram Ecclesia de usura convicti fuerint, aut confessi, aut qui per juratos villarum pro usurariis publice sunt proclamati, excommunicentur solenniter nominati. Qui vero de usure vitio sola sunt suspicione notabiles, nisi, datis sibi super hoc a Prelatis, Plebanis, seu Vicariis certis terminis, se de hujusmodi vitio legitime coram Ecclesia expurgaverint, & debitores usurarum, & fidejussores datos, forsitan super eis absolverint simpliciter & publice ab usuris, excommunicentur similiter nominati cum eis, qui solvant usuras, nec accusant, post communicationem factam eisdem infra mensem. Ab usurariis autem manifestis juxta Lateranense Concilium nullus omnino oblationes recipiat, nec ad communionem admittantur altaris, & si in hoc peccato decesserint, non recipiantur ad Ecclesiasticam sepulturam. Qui autem contra premissa fecerit, eosque recepit, restituere compellatur, & donec secundum sui Episcopi, vel ejus in Spiritualibus Vicarii arbitrium satisfecerit, ab officii sui maneat suspensus executione. Tales, si respicere non curaverint a peccato, deinde post restitutionem, que male extorserunt per usurariam pravitatem, si ad restitutionem omnium eorum suffecerint facultates: vel si in toto solvendo non fuerint, prius restituta ea, ad quam suffecerint, portione, de reddendo residuo fortuito tempore sufficientem cautionem adhibeant eis, vel eorum heredibus, si existant, ex quibus extorserunt usuras: alioquin pauperibus, vel piis locis juxta ordinationem suorum Episcoporum, vel ipsis in Spiritualibus satisfactione idonea, prestita cautione ab eisdem suis Episcopis, vel eorum Vicariis in Spiritualibus absolutionis Beneficium consequantur. Nos enim solum predictis absolutionem talium duximus committendam, ne per quorum-

dam Sacerdotum simplicitatem, & per malitiam aliorum, qui contra restitutionem hujusmodi proprium questum querunt, non salutem animarum, vel commodum proximorum, quibus est merito restitutio facienda, contra usurarios aliquid incongruum statuatur. Quod si usurarii prescripti, spe finalis penitentiae, & absolutionis extreme claves Ecclesie sani contempserint, & temere sustinuerint anathema, seque in extremis absolvi petierint; juxta provisionem statuti Lateranensis Concilii non statim sub proprio juramento est eis absolutio impendenda, nisi prius male cuncta extorta restituant, dummodo in bonis mobilibus & immobilibus tantum habeant, quod restituere valeant universa: vel saltem refundant, in quantum ipsorum facultates se extendunt, & de reliquo refundendo & satisfaciendo Ecclesie, sanitate recepta, & copia rerum nata, dederint fidejussores idoneos, consanguineos, & affines. Quod si fidejussores tales non exstiterint, & in eis appareant vere penitentiae signa, recepto sub forma prescripta proprio Sacramento, admittantur ad Penitentiae, & Eucharistiae Sacramentum: sed in penam tam diuturni contemptus clavium ad terrorem aliorum negetur eis extrema Unctio, & Ecclesiastica sepultura, nisi forte, suadente causa legitima, hoc a Nobis eis ex gratia contigerit indulgeri: ad que etiam duo ultima consequenda non sufficient proprium juramentum; & penitentiae signa premissa, cum pater & mater male acquisita restituere sint parati, sed forsitan fidei contradicunt, vel properantibus nolunt per premissas exponere cautiones, vel cum uxor pro marito, vel e converso maritus pro uxore similia facere detractant: adjicientes, quod si usurarii manifesti per mensem unum temere in excommunicatione duraverint, ex tunc uxoribus & filiis, ac propriis ipsorum mancipiis Divina & Sacramenta Eucharistie subtrahantur, Baptismate parvulorum, & penitentia morientium exceptis, servientibus aliis & ancillis conductitiis, & colonis eorum excommunicationis gladio feriendis.

Preterea, cum delicta privilegium emunitatis non habeant, & delinquentem pena, non dignitas merito comitetur, statuimus, ut quilibet, sive Miles, sive

Mini-

Ministerialis noster existat, seu ex quocunque privilegio, sive prescriptione recesserit super usuris, cessante in hoc crimine omni privilegio, sub officio Fratrum nostrorum Episcoporum nostre Provincie conveniri debeat, cum privilegium mereatur amittere, qui sui honoris & sibi tam viliter abutitur potestate, nihilominus & hoc contra captivatores, spoliatores Ecclesiarum, & Clericorum, Ministeriales sint, vel alias gaudeant privilegio, & contra fidei iussos datos ab usurariis, volumus observari, videlicet, quod per nostros Officiales, vel nostrorum fratrum Coepiscoporum, valeant coartari.

Rubrica de Crimine falsi.

*Albertus Archi-Episcopus, ex Concil.
Magdeburgens.*

Et quia plerique Falsarii literis Apostolicis, & aliorum Prelatorum testimoniis afferunt se munitos, hoc Sanctum decrevit Concilium, ne tales, qualiacunque scripta deferunt, a Clericis, vel a quibuscunque aliis personis recipiantur in Ecclesiis, vel in domo; nisi prius ipsoform literis per Episcopum Diocesis, si ejus copia possit haberi, alioquin ejus in Spiritualibus Vicarios examine fuerint diligenter, & nisi ipsius Episcopi, vel Vicarii literis testimonialibus sint muniti, & hoc ideo, quia per Sacerdotes simplices non possit de facili literarum veritas, vel falsitas indagari. Sane quaecunque persona Ecclesiastica ultra hanc formam, tales receperit, ipso jure ab officio & beneficio per triennium sit suspensa, alia pena nihilominus juxta Superiorum arbitrium punienda. Istud quoque presentis autoritate Concilii huic Capitulo duximus admittendum, ut si tales, sine dictis literis testimonialibus petitiones suas presumpserint promovere; Plebani civitatum, ac villarum, ac alii, ad quos veniunt, eos cum rebus eorum (per) seculare judicium, si alias detineri non possint, non dubitent occupare, Diocesano, seu Archidiacono presentandos.

Rubrica de Sortilegiis.

*Albertus Archi-Episcopus, ex Concil.
Magdeburg.*

Excommunicamus, & anathematizamus.

Tomus V. Concilior. German.

zamus omnes sortilegos, firmiter prohibentes, ne ab alio, quam suo Episcopo, nisi forsan in mortis articulo, absolvantur, & hanc excommunicationis sententiam singulis diebus Dominicis & Festivis per Sacerdotes in eorum Ecclesiis, & Capitulis precipimus publicari.

*Albertus Archi-Episcopus, ex Concil.
Magdeburg.*

Cum scriptum sit in Lege Domini, quod quicunque non obtemperasset Sacerdotibus, extra castra positus dilapidabatur a populo, aut gladio cervici subiecta expiabat contemptum, & in presentia Ecclesie inobedientes cuncti de ecclesia rapido ore demonum trahebantur. Multi, nomine Sacerdotes, censuram Ecclesie contemnentes, excommunicati, vel suspensi a Prelatis suis, exigentibus culpis eorum, immemores, quod Episcopis, & Prelatis clavium Celorum sit collata potestas, attemptare sibi interdicta ministeria non verentur, contra quos volumus rigorem Ecclesiasticum exercere; statui- mus igitur, ut tales sine spe restitutionis ab officiis deponantur, & infames, ac detestabiles facti, de cetero ad Beneficia Ecclesiastica nullatenus admittantur, nisi per penitentiam approbatam, & conversationem laudabilem Sedis Apostolicę gratiam meruerint obtinere.

Rubrica de Privilegiis, & Ex- cessibus Privilegiato- rum.

*Albertus Archi-Episcopus, ex Concil.
Magdeburg.*

Preterea statuimus, ne Religiosi cujuscunque ordinis, vel religionis exstant privilegiati, fines excedant suorum privilegiorum, cum privilegium mereatur amittere, qui concessa sibi abutitur potestate. Si qui etiam Religiosorum per donationem, vel alium legitimum titulum, jura Patronatus aliquorum Beneficiorum Ecclesiasticorum acquisierint, talia Beneficia propria temeritate suis usibus non usurpent, sed, ipsis vacantibus, ad ea Sacerdotes idoneos, per quos regi consueverint, & sunt recte, pervertent, nulla bona, detractis predictis Beneficiis, usibus suis reservent, Abbatie, Prioratui, Conventui, seu aliquibus officiis applicando.

X x x x 2

Sed

Sed Ordinarius institutionem exacta diligentia faciet institui, ad presentationem dictorum Religiosorum, vel quem ipse ex officio suo instituerit, Beneficia ad ipsum devoluta ex negligentia dictorum Religiosorum, de temporalibus ad dictum Beneficium, juribus corporalibus, & incorporalibus integre faciat responderi; alioquin elapso tempore a jure statuto, Ordinarius loci, prout Ecclesie expediat, providum virum instituat in curatum. Si quas etiam Ecclesias Parochiales, & in eorum limitibus grangia, & Monasteria habuerint, terras, agros, prata, & vineas, aut alia bona, de quibus jure decimam solvere tenentur, & decimationem defraudaverint; omnes, ipsis ad hoc opem, vel operam dantes, vel ipsorum servitiis intendentes, decernimus ipso facto excommunicationis sententiam incurrisse. Quicumque vero ausu temerario contra predictam constitutionem venerit, cujuscunque status fuerit, vel conditionis, ipso facto sit anathematis vinculo innodatus. Et, si Clericus fuerit, qui talia commiserit, aut opem, vel operam, consilium, auxilium predictis, vel alicui predictorum exhibuerit perpetrandi, omnibus sit Beneficiis Ecclesiasticis, & dignitatibus privatus, & ad ulteriora percipienda omnino inhabilis, & indignus. Laicorum etiam contra presentem nostram constitutionem in aliquo venientium filii, & nepotes, usque in quartam generationem, nisi sufficienter injuriam passo satisfactum fuerit, ad omnem honorem, & dignitates Ecclesiasticas inhabiles sint, & eos etiam inhibemus, sub anathematis pena, quam exnunc in omnes contrarium facientes ferimus, in Ecclesia Dei ulterius promoveri. Et quia de Canonicis, & Clericis conviciatoribus, & percussoribus per Predecessorum nostrorum Concilia, seu Statuta, nulla certa forma vel pena, preter eam, que jure communi comprehendere invenitur, expressa; Nos attendentes, quod plus timeri solet, quod specialiter alicui precipitur, quam generaliter imperatur; approbatione totius Concilii necessario duximus statuendum: ut Canonicus, qui sue, vel alterius Ecclesie Canonicum verbis probrosis afficit manifeste, per quartam: si vero convicia manifesta dixerit in Prelatum, per mediam partem anni a tractatu, & consortio sui Capituli, nec non a percep-

tione fructuum sue Prebende penitus sit exclusus. Si quis autem Canonicorum in predictas personas, etiam citra sanguinis effusionem, manus injecerit temere violentas, penas predictas dupliciter patiat: pro vulnere vero hujusmodi personis ab aliquo Canonicorum illato, si etiam nullius membri mutilatio ex tali vulnere fuerit secuta, sine omni remissione quadrupliciter puniatur, & insuper in utroque casu, juxta sui Dioecesis arbitrium, leso satisfacere competenter debet, antequam restitutionis Beneficium assequatur; sed pro temeraria membri mutilatione omni Beneficio Ecclesiastico ipso jure sit privatus. Que omnia, & singula circa alios Clericos Beneficiatos, si Personas Ecclesiasticas predictis modis ledant, seu ledantur ab ipsis, juxta premissam formam, & ordinem sub penis eisdem observari mandamus, salvis tamen aliis penis, in sacris Canonibus contra temerarios violentarum manuum in Clericos injectores expressis, salvis etiam aliis juribus, que vim repellere permittunt.

Rubrica de Penis.

Albertus Archi-Episcopus, ex Cons. Magdeburg.

Statuentes presentem constitutionem, ut si quando contigerit personam Ecclesiasticam, vel ejus familiam domesticam captivari, & ad aliquam civitatem, oppidum, castrum, villam, captum duci, & in dicta civitate, oppido, castro vel villa captivum detineri, in vinculis incarcerationum, vel alias quocunque modo, aut infra terminos ipsorum in aliquo loco, seu res ipsarum spiritualium Personarum abduci, vel abducta detineri; Sacerdotes, vel Capellani civitatis, oppidi, castri, ville, cujuscunque eminentie, vel status fuerint, exempti, presentis nostre constitutionis vigore & autoritate, non exempti vero in subsidium juris, quos etiam requirimus per presentes, postquam sic sciverint, & ad eorum notitiam devenerint, & quousque predictae persone Ecclesiasticae, vel eorum familie, consanguineae, vel nepotes eorum, bona sic in praedam, vel spoliis abducta detineant, non expectato super eo Superioris mandato, cessent a Divinis, strictissimum Ecclesiasticum servantes interdictum; & nihilo-

minus

minus predicti Sacerdotes, Capellani dicte civitatis, oppidi, castri, ville, presentis constitutionis autoritate in unum congregati adeant, & requirant Dominos civitatis, oppidi, castri, vel ville, ne predictas personas Ecclesiasticas aliunde ad bona sua adductas, seu eorum familiam, ipsorum nepotes & neptes cum suis rebus captivos detineri permittant, nec aliunde ad loca alia deduci ulteriora, seu ipsorum bona & res quecumque; sed mox personis predictis pristina redditus liberati, ipsis etiam ipsorum bona integraliter restituant. Quod si dicti Domini temporales civitatis, oppidi, castri, ville, vel alterius loci, seu alie Potestates temporales adimplere contempserint requisite; volumus ipsas sententia excommunicationis majoris, & quemlibet eorum fore ligatum, & tamdiu excommunicatos denuntiari, & loca predicta, in quibus visi fuerint, & moram traxerint, & in eorum presentia, quamdiu ibi fuerint, esse supposita Ecclesiastico interdicto: nec absolvantur a predictis sententiis, nec interdum relaxetur, nisi ad arbitrium Executoris loci personis lesis plenarie satisfaciant, maxime puellis & mulieribus, quas corruerunt, & quibus abusi sunt, & pro tante temeritatis excessu penam patientur, sicut occisores & mutilatores Clericorum, incedentes ante crucem nudi & discalceati, secundum quod occisores Clericorum, vel mutilatores, ultra omnes alias penas, eis inflictas, facere tenentur astricti: nec istam penam per quemquam Venerabilium Fratrum nostrorum, Coepiscoporum nostre Provincie, nec per Archi-Episcopum nolumus remitti.

*Albertus Archi-Episcopus, ex Concil.
Magdeburg.*

Ex multorum querelis recepimus nostrorum rubditorum, qui & ipsi, quod dolenter referimus, experientia didicimus evidenti, quomodo Mendicantium ordinum Fratres sue institutionis, & professionis observantie facti immemores, soli incedere in campis, in civitatibus, & villis nunc pedestres, nunc in equis, nunc in curribus; alii sine habitu, aliquando sue professionis habitum deferentes, presumunt, & Curatis nostre Provincie, quibus deputati terminarii, ad supportandum cum eis ipsorum onera in con-

fessionibus, eorum subditis, dummodo tamen presentati fuerint, audiendo, jam facti sunt in gravamen. Et cum solum in Adventum Domini usque ad diem Circumcisionis Domini inclusive, & per Quadragesimam usque ad octavam Pasche, & per festum Pentecostes, ac Assumptionis B. Marie Virginis deberent in locis, ubi terminarii deputati sunt, in verbo Dei requisiti proponendo, & licentati dumtaxat per Curatos in confessionibus audiendis prestare subsidium, suis sanctis moribus populum ad profectum incitare salutis; Nunc vero, privilegiis eis concessis ab universali Ecclesia, presumptuose abutentes, fere per totum annum in locis, ubi terminarii deputati sunt, & in domibus suis frequenter soli cum mulieribus, quas ipsorum *Martas* (ut eorum verbis utamur) habitare non verentur, ex quibus scandala plurima frequenter oriuntur in populo: nunc Medicorum officium exercentes, nunc se artifices in diversis artibus & artificiis mentientes, victum per tales abusus querentes, & quod deterius est, in stubis communibus inter populares balneare non verentur. Volentes igitur predictorum Mendicantium Fratres ordinum, & presertim terminarios, terminis suorum privilegiorum esse contentos, nec ipsos debere presumere, que suam professionem dedecent, & scandalum ponunt in populo; unde, Sacro approbante Concilio, statuto presenti ordinamus, statuentes, & prohibentes, ne quis Mendicantium ordinum Frater de cetero presumat solus, etiam in habitu sue professionis, & nullatenus habitu deposito, Monasterium suum egrediendo, per quevis loca nostre Provincie incedere, vel morari, presertim in domibus, & in locis, ubi sunt terminarii deputati, extra tempora prescripta: nec Medicorum officium, aut aliud quodcumque artificium assumere, & exercere, quod sue religioni non congruit: nec balnea recipere in stubis communibus, & inter populares, ubi frequenter suspensarum mulierum se prebet copiosa presentia. Si qui vero Religiosi hoc salutare statutum violantes, presumpserint soli in civitatibus, castris, villis, vel per alia loca nostre Provincie incedere, sine socio sui ordinis, habitu sue professionis deposito, vel delato, vel incedentes in

calopediis, Medicorum officium, vel aliud officium, quod sue religioni non congruit, presumpserint exercere, seu in locis, ubi sunt terminarii, & extra tempora prescripta, & eis concessa, habitare, vel balnea publica adire, & balneare in eisdem; volumus per Curatos, in quorum Parochiis sunt deputati, ad suos Superiores, & ad manendum amplius in suis claustris remitti, & de cetero eos pro terminariis minime sustineri. Si autem predictorum Mendicantium ordinum Fratibus sic solis, ipsorum habitu deposito, vel delato repertis, vel in stibis communibus balneantibus, injuria illata fuerit; volumus eis per Executorem statutorum nostrorum nostre Provincie, si injuriati fuerint, subveniri minime, nec ipsos ad predicandum Verbum Dei in Ecclesiis nostre Provincie, vel ad audiendum confessiones, vel ad petendum charitativa subsidia a populo nostre Provincie, per Plebanos & Curatos admitti.

*Albertus Archi-Episcopus, ex Concil.
Magdeburg.*

Hoc sacro approbante Concilio statuimus, ut si quis in hoc Sacrilegii genus irreperit, quod Archi-Episcopum, vel Episcopum nostre Provincie fuerit hostiliter infecutus, vel percusserit, aut ceperit, aut fieri mandaverit, vel factum ratum habuerit, aut consilium dederit, vel favorem, aut postea acceptaverit, vel defensusaverit eundem: sicut reus criminis lese Majestatis perpetuo sit infamis, diffidatus nihilominus, & bannitus, sit instabilis: dentur cuncta ejus edificia in ruinam, & ut perpetuam notam infamie perpetua ruina testetur, nullo tempore reparentur: nullus ei debita reddere, nullus in judicio respondere teneatur. Quicquid etiam in bonis reperitur ipsius, ipsi Ecclesie, cujus est Episcopus, applicetur, ut ex illis nihil transmittat ad posteros; sed potius cum ipso quodammodo damnentur & sua. Si que vero feuda, Officium, vel Beneficium Spirituale, aut temporale ab aliquibus Ecclesiis obtinet, sit eis ipso jure privatus, que sic libere ad Ecclesias convertantur, quod Ecclesiarum Rectores de ipsis pro sua voluntate disponant. Quod si qui predictorum filios habens, vel nepotes, per rectam lineam descendentes, Beneficiatos, quivis Bene-

ficio sit eo ipso privatus. Nulli preterea talium filiorum, atque nepotum, per virilem sexum descendendum, ab eisdem aliquis aperiatur janua dignitatis, aut honoris Ecclesiastici, vel mundani. Et ut magis famosa eis sit infamia, ab omnibus actibus legitimis repellatur. Volumus etiam, & presenti statuto adjicimus, ut in executione predicta, sicut ex injectio- ne manu violenta ipso facto sententiam excommunicationis incurrat, & tam infecutor, quam supradicti alii, tanti mali participes, quamdiu in sua contumacia perduraverint, singulis diebus Dominicis, & Festivis pulsatis campanis, & candelis accensis per omnes loci illius Ecclesias, in quo tantum fuerit facinus perpetratum, nec non civitatis, Diocesis, vicinarum, excommunicati publice nuntientur, nec ab alio, quam a Provinciali Concilio, vel Summo Pontifice possint absolutionem, preterquam in mortis articulo obtinere. Cum autem primo fuerint absolventi, primo sufficienter, & idonee caveant, quod inferende pene parebunt, & auxiliante Domino penitentiam peragent injungendam. Deinde per omnes illius loci Ecclesias principales, vicinorumque locorum, diebus Dominicis, & solennibus incedant nudi coram populo, femoralia tantum habentes, & virgas, seu fertiles ferentes in manibus, cum quibus per easdem Ecclesias publice sustententur, ituri postmodum ad Sedem Apostolicam, ibidem acturi penitentiam per annum integrum: nec inde postmodum reversuri, absque dicti Archi-Episcopi, vel Episcopi lesi, vel sic offensi, & Ecclesie sue licentia ipirituali. Ceterum cum tales gratiam reconciliationis meruerint, Beneficio absolutionis obtento, indulgeatur licentia, ut suam, & suorum injuriam prosequantur, & debitorum illorum, que contracta fuerunt, post absolutionem acquisitam, repetitio non negetur. Preterea precipimus, ut Presides Provinciarum, Domini, seu Rectores, Schulteti, & alii temporales civitatum, oppidorum, castrorum, villarum, & aliorum locorum, contra presumptores predictos presentis statuti tenorem districte observent, & faciant observari. Quod si non fecerint, tam ipsi, quam Officiales Episcoporum, infra mensem, postquam res ad ipsorum notitiam pervenerit, eo ipso sententiam excom-

excommunicationis incurrant ; civitates vero, & universitates alie, que talia presumptimenter receperint, vel in his consilium, vel auxilium dederint, vel infra mensem taliter saltem delinquentes, prout tanti facinoris enormitas exegerit, & facultas eis affuerit, non duxerint puniendos, Ecclesiastico subiaceant interdicto.

*Borchardus Archi-Episcopus, ex Concil.
Hallenf.*

Ut autem penas premissas contra captivatores, vel detentores Personarum Ecclesiasticarum nostre Provincie, hoc Concilio generaliter promulgatas mitigare, remittere, interpretari, declarare, vel etiam ampliare, prout facti qualitas exegerit, valeamus; tam Nobis, quam cuilibet Fratrum Coepiscoporum nostrorum, in sua Diocesi libera sit facultas, penes prioribus super Archi-Episcopi, vel Episcopi captivitate, seu detentione statutis immutatis, nisi super hoc omnium nostrum accedente communi consilio, & consensu.

*Albertus Archi-Episcopus, ex Concil.
Magdeburg.*

Cum non solum Clerici, sed etiam ipsorum familia utriusque sexus, sint, & esse debeant a secularium quorumcunque Judicum iudicio, & Potestatum secularium potestate, invasione, oppressionem, & in iure exempti; hoc tamen multe seculares persone, Potestates, Advocati, Ballivi, civitatum, castrorum, oppidorum, & villarum Rectores, per se, vel alium, vel alios, Curatorum, Plebanorum, & aliorum Clericorum familiares, vel ancillas, vel eorum consanguineas cum eis habitantes, vel alibi moram trahentes, in ipsorum Clericorum odium invadere per se, vel per submissas personas, verberare, vulnerare, captivas ducere, & eis abductis & captivis detentis abuti non verentur, ipsas etiam rebus suis spoliantes, & exactioantes. Attendentes, quod huiusmodi injurias, vel libertatis Ecclesiasticarum personarum violationem, non debemus sub aliqua dissimulatione sustinere; Ea propter presentis constitutionis auctoritate, sacri approbatione Concilii, statuimus, ut quecumque singularis persona premissas personas, vel eorum aliquam verberaverit, vulneraverit, captivas du-

xerit, mutilaverit, eis abusus fuerit, rebus suis spoliaverit, vel exactionaverit, sit ipso facto excommunicationis sententia innodatus: & nihilominus ubi domicilia habuerit, vel moram traxerit, & in ejus presentia, fervetur strictissimum interdictum, quousque huiusmodi personas, & presertim mulieres, puellas, seu virgines, quibus abusus est, pristine restituerit libertati, ac etiam rebus earum integre restitutis, atque satisfactio de injuriis eis illatis, ad arbitrium Executoris Diocesis, ubi predicta committi continget.

*Borchardus Archi-Episcopus, ex Concil.
Hallenf.*

Insuper & is, qui submissione tam illicita, aut alicujus utilitatis, aut commodi temporalis cupiditate seductus, aut appetitu dominandi presumptuose deceptus, vel ad hoc quavis alia causa allectus, ad se receperit a tali submissione infra mensem, non recedere, atque infra eundem mensem, quicquid ad eum huiusmodi submissionis occasione, quocunque modo pervenit, vero Domino loci, in cujus injuriam est receptum, totaliter restituere teneatur; alioquin excommunicationis sententiam incidat ipso facto.

Rubrica de Confessionibus & Penitentia.

*Albertus Archi-Episcopus, ex Concil.
Magdeburg.*

In Confessionibus audiendis maxime adhibeant diligentiam Sacerdotes, ita, ut a penitente ulcra peccata, & omnia sigillatim, inusitata vero tantum per quasdam circumlocutiones caute perquirant, ne inexpertis detur materia, quod ante nescierant: ne verbo aut signo, vel aliquo modo prodant aliquatenus peccatorem; sed si prudentiori consilio indiguerint, illud absque omni expressione persone caute perquirant: quoniam qui peccatum in penitentiali iudicio sibi detectum presumpserit revelare, non solum a Sacerdotali officio decernimus deponendum, verum etiam ad agendum penitentiam in artum Monasterium detrudendum. Verum quia quidam Confessores, etsi personam confitentis non expriment, circumlocutionibus
tamen

tamen confitentium peccata, & circumstantias sub quodam generalitatis involucro indirecte publicant confitentem; Concilium proxime celebratum clarius elucidando statuimus, ut nullus Sacerdos expressa religione, conditione, seu statu, alicujus peccatum recitet confitentis, immo nec peccati qualitas, locus, vel vicinia perpetrati facinoris indicetur, aut specificatione peccati humana fragilitas ad perpetrandum similia provocetur.

*Albertus Archi-Episcopus, ex Concil.
Magdeburg.*

Et quia plerumque infirmos sua confiteri peccata propter multorum presentiam erubescere contingit, illud a Sacerdotibus precipimus districtissime observari, ut ipsi familiariter, & secrete audiant confessionem, si mortis periculum non subsistat, & postea ad eum deferant cum devotione, habitu, & reverentia condecenci hostiam salutarem.

*Albertus Archi-Episcopus, ex Concil.
Magdeburg.*

Prohibemus etiam, ne quis Sacerdos ab uno sibi confite de aliorum peccatis, nominibus expressis, inquirat, & ne Missas, quas penitenti procurandas injunxerit, ipsemet celebrare presumat, & ne pro vivis fiat aliquod tricennarium, vel annuale.

*Albertus Archi-Episcopus, ex Concil.
Magdeburg.*

Quamvis Ecclesia toleret, quod de conniventia proprii Sacerdotis subditi Presbyterorum & Plebanorum, pro majori consilio adipiscendo, religiosi quibusdam confiteantur interdum; volumus tamen, immo sacri Concilii auctoritate, sub pena excommunicationis late sententie inhibemus omnibus Religiosis, ne subditis Plebanorum, maxime autem Beguinis, Vagerdinis, & inclusis, aut aliis personis hujusmodi communicent Corpus Domini, aut alia porrigant Ecclesiastica Sacramenta, parvulis, vel adultis. Hoc etiam sub eadem pena Religiosis omnibus firmiter inhibentes, ut cum processiones, & stationes solennes, quas observat Ecclesia generalis ex institutione ecclesie, & magne auctoritatis, & multe opitu-

lationis existant, utpote in quibus Dominus honoratur votis communibus, & placatur; ne populum abstrahant ab eisdem, predicationes tunc ipsis instaurando: immo in predicationibus sedulo proponant eisdem, quod totaliter tenentur interesse festivitatis, & quod peccent se ab hujusmodi Processionibus abstrahendo. Eidem populo exponant, quod Matricem Ecclesiam in precipuis festivitatis tenentur accedere, ac illam sua presentia honorare, a qua Sacramento- rum gratia in eos, quasi ex fundamentali gurgite influit & descendit: ipsique tunc abstineant ab omnibus allecivis, quibus abstrahi posset populus, quominus ad solennitatem veniat sue matris. Interdicimus etiam omnibus religiosiis mendicantibus, ne ipsi presumant de cetero novas facere adinventiones in Processionibus & aliis, nec Dominicis diebus, & aliis festivis circuitum faciant processionaliter per ambitus, cimiteria, & Ecclesias, secum reliquias deferentes, nisi diebus Dedicationis Ecclesiarum suarum, nec cereos in die Purificationis populo solenniter benedicant, nec ramos, palmas, seu frondes in die Palmarum, neque herbas, vel alios fructus in die Assumptionis B. Marie Virginis, vel alio quocunque die, premissa vel consimilia de cetero facere presumant. Requiritur igitur omnes Fratres & Coepiscopos nostre Provincie, & ipsorum Officiales, ut diligenti cura invigilent, ut Mendicantium ordinum Fratres in premissis culpabiles repositos, ab hujusmodi excessibus supra modum exquisitis, & a jure non permissis, cessare compellant, & Episcopo loci de tante temeritatis excessu satisfacere per distributionem Ecclesiasticam compellant, Executore statutorum loci hoc efficiente.

*Albertus Archi-Episcopus, ex Concil.
Magdeburg.*

In furto, usura, rapina, & fraude ante omnia injungant penitentibus, ut si possint, ablata restituant: alias nulla valebit eis satisfactio ad salutem, cum non dimittatur peccatum, nisi restituatur ablatum.

*Albertus Archi-Episcopus, ex Concil.
Magdeburg.*

Sunt autem tria peccata, que in satisfactio-

tisfactionibus injungendis sunt Domino Apostolico reservanda, scilicet: in Clericos, vel alias personas, vel alios quoscunque Religiosos injectio manuum violenta, Ecclesiarum, vel Religiosorum locorum incendia, & Symonia in ordine perpetrata. In aliis peccatis minoribus secundum quantitatem culpe, & pluralitatem confitentis, rationabilem satisfactionem temperent Sacerdotes.

*Albertus Archi-Episcopus, ex Concil.
Magdeburg.*

Statuimus, quod Sacerdotes in satisfactionibus injungendis, in religione sedentibus, ac majoribus majora referrent, utpote homicidia, sacrilegia, incendia, peccatum contra naturam, concubitus personarum conventualium in sacris Ordinibus constitutarum: incestus, videlicet cum consanguinea, vel affine, vel cum ea, que votum castitatis emit: injectiones manuum in parentes, oppressiones parvulorum, negligentiam parentum in ignem vel aquam natos amittentium, Beneficiatorum perjuriam, solennes fidei fractiones, vororum transgressores, Symoniam, adulteria, hereses, apostasias, maleficia eorum, qui maleficiunt conjuges, ne possint coire, vel qui procurant sterilitatem mulierum, vel abortum: falsarios, qui sigilla, literas, vel monetam falsificant. In hujusmodi peccatis, & similibus detentos mittant Sacerdotes ad Episcopos absolvendos, nec absolvant, preterquam in mortis periculo, absque loci Episcopi licentia speciali. Declarantes, quod illi, quibus hanc duximus commitrendam, potestatem illam aliis personis non habeant committendi. In dubio autem consulant Episcopum, vel ejus vices gerentem, vel alios sapientes, quorum consilio penitentem absolvant, vel transmittant ad alium absolvendum.

*Albertus Archi-Episcopus, ex Concil.
Magdeburg.*

Quia Clerici quidam & laici, vinculo excommunicationis attristi, fiducia finalis penitentiae & absolutionis extreme claves Ecclesie contemnunt tempore sanitaris; Hujus Sacri Concilii auctoritate statuimus, ut tales in extremis ad reconciliationis Beneficium nullatenus

Tomus V. Concilior. German.

admittantur duntaxat sub proprio jramento, nisi idoneam cautionem presentent, quod sive moriantur, sive convalescant, per se, vel per suos, in quantum ipsis est possibile, satisfaciant de commisso.

Rubrica de Sententia Excommunicationis.

*Albertus Archi-Episcopus, ex Concil.
Magdeburg.*

Si Episcopus aliquem excommunicat certa de causa, denuntiet vicinis Episcopis per suas patentes literas, ut excommunicatum faciant denuntiare, & vitari: ex tunc sine aliqua difficultate vicini Episcopi excommunicatum faciant publice nuntiari, & in Diocesis suis arctius vitari. Si vero Episcopi in hoc fuerint negligentes, vel excommunicatis communicaverint; tamdiu Kathedra- lium Ecclesiarum Canonici sibi non communicent, quamdiu huic salubri statuto pretempserint obviare.

Rubrica de Verborum significationibus.

*Albertus Archi-Episcopus, ex Concil.
Magdeburg.*

Parum enim esset malitiis hominum occurrere per bonorum jurum sanctio- nes; nisi quibus date, ad ipsorum observantiam, prout sui status concernunt decorem, iusto modo compellantur; Sa- cro igitur approbante Concilio ordina- mus, quod licet Statuta Provincialia presentis opusculi sint ab omnibus sub- ditis nostre Provincie debita reverentia, & observantia amplectenda; tamen non omnia omnibus communiter precepta videntur, sed aliqua Prelatis, aliqua Ca- nonicis secularibus, aliqua Curatis, & Plebanis, aliqua vero Religiosis sexus utriusque. Quapropter volumus & pre- cipimus, ut Plebani, & Curati Statuta presentis opusculi habeant, & frequenter perlegant, que specialiter eis loquuntur, ad menssem semel cum diligentia per- legant, & memorie sue commendent; ne penas ipsorum incurrant laqueari. Etiam statuta presentis opusculi habeant, & perlegant Monachi, & ipsorum Pre- lati, & quique regulares statuta ipsos concernentia, per que vita & status sue

Y y y y

Pro-

Professionis conservatur in decore. Volumus, singulis septimanis, & feriis sextis ipsis congregatis, in unum lectione diligenti recitari, & istum modum precipue volumus per Prepositos Sanctimonialium, & per ipsas Moniales observari, ut semel in septimana, videlicet feriis sextis hora Capitulari, ipsis in unum congregatis, statuta, que de emendatione status ipsarum in presenti opusculo conscripta videntur, ipse habeant, & perlegant studio diligenti, & observent, ne improvide penis eorum laqueentur.

*Albertus Archi-Episcopus, ex Conc.
Magdeburg.*

Cum in aliquo Statuto Sedis Apostolice, ejus Legati, vel nostre Provincie Judicum dicte sedis Executorum, & Conservatorum, processibus, vel Ordinariorum mandatis ponitur ista oratio: Supponimus civitatem, oppidum, castrum, villam, vel aliquem locum Ecclesiastico, vel strictissimo interdicto. Vel ista oratio: Cessetis per civitatem, oppidum, castrum, villam, vel alium locum a Divinis, vel penitus a Divinis: iste orationes parem vim habent, & tunc per totam civitatem, & ejus suburbia debet servari strictissimum interdictum: & exempti, quacunque exemptione non obstante, tenentur ad ipsius observationem, & tunc est interdictum generale, & comprehendit omnes Ecclesias civitatis &c.

Cum vero in aliquo statuto predicatorum dicitur: Ecclesiam talem, Monasterium, vel Capellam supponimus strictissimo interdicto; tunc solum illa Ecclesia est interdicta, & in illo interdicto non habet locum Capitulum, Alma mater; quia est interdictum speciale. Idem esset, si in aliquo statuto, vel processu diceretur: interdicimus, seu supponimus Ecclesiastico interdicto civitatis, castri, vel ville Ecclesiam: tunc in tali Ecclesia est interdictum speciale.

Item si diceretur in aliquo statuto, processibus, seu mandato: Volumus per civitatem, oppidum, castrum, vel villam, & mandamus cessari a solenniis Divinorum: vel dicitur sic: Cessetis in Ecclesia Sancti Martini a solenniis Divinorum; & in hoc casu omnia Divina Officia peraguntur, sicut prius, legendo, & Ecclesiastica Sacramenta ministrantur, non prohibitis sanis, & infirmis, ut prius, sed solum tunc cessatur a cantu, & ab organis.

Regule Juris.

Omne statutum presentis opusculi, aut continet mandatum, aut consilium.

Statutum, continens mandatum, seu preceptum, obligat omnes subditos nostre Provincie, quibus dirigitur sub pena peccati.

Statutum, continens consilium, licet transgressor penam non meretur, tamen perfectius viveret, ipsum adimplendo. Sicut diversi sunt status hominum nostre Provincie, ita opportunum fuit, diversa statuta edere, quibus mali retrahantur a noxiis, & boni dirigantur, vel ministrantur ad opera virtutis.

Omne statutum continens preceptum presentis nostri opusculi, sive affirmativum, sive negativum, ligat, & constringit subditos nostre Provincie, quibus dirigitur, secundum suam limitationem & adjectas condiciones.

Sanctorum Patrum regulis, & statutis Christianus regatur in vita, verbis, & factis, ut sciat, & faciat, quod acceptum est Omnipotenti Deo, qui vivit, & regnat per omnia secula seculorum.

*Cl. Lunig in Continuat. II. Spicilegii
Eccles. pag. 270. & sequentibus.*



JOAN.

JOANNIS XXIII. Papæ Mandatum ad
Magistratum Luneburgensem, ut Curiam Luneburgensi in urbe sitam
restitui faciant HENRICO Verdensi Episcopo, aut ejus
Procuratori. Ex Concilio Constantiensi.

Anno Christi MCCCCXV. Joannis XXIII. PP. V.
 Sigismundi Regis VI.

JOHANNES EPISCOPUS, SERVUS SERVORUM DEI, DILECTIS
 FILIIS PROCONSULIBUS, ET CONSULIBUS OPPIDI LUNEBORGENSIS,
 VERDENSIS DIOCESIS, SALUTEM ET APOSTOLICAM
 BENEDICTIONEM.

ADea, que Apostolice Fidei augmentum respiciunt, libenter, pro ut ex debito Pastoralis officii tenemur, intendimus, & ut Christi fideles in fide perseverare, & a tramite fidei deviantes redire valeant, sollicitudinis nostre partes libenter impendimus, illasque personis, quas Nobis, & Sancte Romane Ecclesie devotas esse conspiciamus, ducimus committendas.

Sane ad audienciam nostram fide dignorum insinuacione pervenit; quod nonnulli in *Diocesi Verdensi* moram trahentes, post & contra generale Concilium Pisenum: in quo Angelus Corario, Gregorius XII. & Petrus de Luna, Benedictus XIII. tunc in eorum obedienciis nuncupati, ac insimul de Papatu contententes, notorii schismatici, & pertinaces heretici sententialiter declarati fuerant: eidem Angelo notorie adherere, & favere, nec non quandam Curiam *ad Episcopalem mensam Verdensi* justo titulo pertinentem, & in oppido Luneburgensi dicte Diocesis consistentem, in fomentum schismatis detinere & occupare presumpserint, & presumant. Nos igitur, qui orthodoxe fidei cultum augeri, & eidem fidei pertinaciter resistentibus obviare, quantum cum Deo possumus, intensius desiderii affectamus, discretionem vestram, de qua in Domino fiduciam gerimus specialem, rogamus, & hortamur attente, per Apostolica scripta mandantes, quatenus post receptionem presencium dictos detentores, & occupatores personaliter accedentes, ipsos auctoritate Apostolica moneatis, & mandetis eisdem, ut post sex dies, monitionem

& mandatum hujusmodi immediate sequentes, prefatam Curiam cum omnibus juribus & pertinenciis suis Venerabili Fratri nostro HENRICO, *Episcopo Verdensi*, sponte & libere dimittant, ipsumque ad eandem Curiam absque impedimento quolibet admittant: alioquin detentores & occupatores prefati excommunicacionis sentenciam eo ipso incurrant: quodque si eandem excommunicacionis sentenciam per alios sex dies animo sustinuerint indurato; vobis sub pena excommunicacionis, quam ferimus in his scriptis, trina tamen Canonica monitione premissa, precipimus & mandamus, quatenus infra alios sex dies ex tunc immediate sequentes, quorum duos pro primo, duos pro secundo, & reliquos duos dies pro tertio & percemptorio termino prefigimus & assignamus, ipsos occupatores & detentores brachio seculari ab eadem Curia auctoritate prefata amoveatis, dictumque *Episcopum*, vel Procuratorem suum ejus nomine, ad Curie, nec non jurium & pertinentiarum predictarum corporalem possessionem auctoritate prefata admittere studeatis, contraditores districtione, qua convenit, compescendo, preces, & mandatum hujusmodi taliter impleturi, quod devotorum filiorum affectum habere dignemini erga matrem, & nos devocionem vestram dignis attollere laudibus, & congruis graciaram actionibus prosequi valeamus. Datum Constantie VII. Id. Februarii, Pontificatus nostri anno quinto.

Jo. Langbe.

Presentata est hæc Bulla Consulibus in Luneborgh ipsi in loco consulariter congregatis, per Magistrum Nicolaum Poppen, Officialem Curie Verdenfis, anno Domini M. CCCCXV. die Veneris, XXVI. mensis Aprilis, hora nona vel quasi &c.

Item eadem quasi hora in mei Lippoldi de Wendeborffelde, alias dicti Bodeker, Notarii publici, & testium, videlicet Lamberti de Langhen, & Bernardi de Bornum, laicorum, Osnabrugensis & Hildensemensis Diocesis, presencia personaliter coram prefatis Consulibus constituto honorabili viro Domino Borchardo de Monte, Priore Monasterii Sancti Michaelis, Conrado de Elltorp Advocato, nec non quibusdam pretensis familiaribus Ulrici de Albek, videlicet Johanne Hassone, & Ulrico Swevo, occupatoribus &c. Curie Episcopalis in Luneborg, prefati Consules presentem Bullam legi, & insinuari fecerunt, ipsisque copiam exinde dederunt, requirentes & mandantes, prout in Bulla continetur.

Communicavit Cl. ab Erath, Nassovico-Dillenburgeris Consiliarius.

*Concilium Constantiense mandat Consulibus,
& Scabinis oppidi Lunebergensis, ut HENRICO Verdensi Episcopo, jam cum ULRICO Antecessore conciliato, faciant
omnia bona Verdensis Ecclesie restitui.*

Anno Christi MCCCCXVII. Apostolica Sede vacante.
Sigismundi Regis VIII.

SACROSANCTA ET GENERALIS SYNODUS CONSTANTIENSIS,
DILECTIS ECCLESIE FILIIS, SCABINIS, ET CONSULIBUS OPPIDI LUNEBURGENSIS, VERDENSIS DIOCESIS, SALUTEM, ET DEI
OMNIPOTENTIS BENEDICTIONEM.

ET si propter universalis Ecclesie scissuram jam diu, quod dolenter reterimus, vigentem, etiam in particularibus diversis Ecclesiis per contententes ad invicem fuerit suborta divisio, adeo, quod in plerisque partibus una Ecclesia duos aut tres habeat incumbentes; Nos qui ad ipsius universalis Ecclesie reparationem convenimus, tribus obedientiis conjunctis in unum, Deo auspice, sedaverimus scissuram hujusmodi, decens est, ut ipsarum particularium, maxime Cathedralium Ecclesiarum, divisionem cum omni sollicitudine, quantum Nobis possibile fuerit, etiam reparemus, & earum specialius, ad quarum reparationem nostrorum Decretorum tenore hætenus editorum dignoscimur obligati. Sane cum nuper, dum pro parte Venerabilis Fratris nostri, Angeli, Episcopi, Sanctæ Romane Ecclesie Cardinalis, tunc Gregorii XII. in sua obedientia nuncupati, cessio juris, si quod sibi in Papatu comperebat, fieri deberet, prout & demum facta fuit, declaravimus, & in publica Sessione pronuntiari fecimus,

quod ubi duo, vel plures in eodem titulo ex diversis obedientiis concurrerent, cum debita mansuetudine, & rationabili equitate, utriusque obedientie honore, quantum fieri posset, salvo, super hoc provideremus modo & tempore opportunis, compertumque sit, quod alias ad Ecclesiam Verdensi Venerabilis Frater Ulricus, per dictum Angelum dudum ante cessionem ipsam, ac Venerabilis Frater Henricus, successive per ALEXANDRUM Papam V. in sua obedientia nuncupatum, promoti essent, & alter civitatem cum magna parte Diocesis, alter vero etiam aliquam partem Diocesis obtinerent, cujus tandem occasione hoc sacro incepto Concilio fuerat inter eos coram Judicibus per sacrum Concilium ad hoc deputatis, questionis materia suscitata, & aliquamdiu inter eos disceptatum. Et quoniam nuper idem Dominus Ulricus per Venerabilem Fratrem nostrum Everhardum, Archiepiscopum Salzeburgensem, ad quem ipsius Ecclesie dispositio de antiqua consuetudine dicitur pertinere, ad Ecclesiam Seccoviensem tunc

tunc vacantem assumptus est, & ipsius possessionem pacifice adeptus. Nos desiderantes, quantum nobis ex alto conceditur, huiusmodi *Verdensis*, & aliarum Ecclesiarum scissuram & divisionem reparare, nec non Decreta predicta, ac reservationem & declarationem huiusmodi ad debitum effectum, prout tenemur, deducere; Universitatem vestram rogamus attente, & hortamur in Domino, quatenus ut fideles filii Matris lese succurrentes, commoditate data, modis honestis, quibus expediet, quantum in vobis fuerit, ut ipsa Ecclesia *Verdensis* iurium, bonorumque & castrorum suorum integritate gaudere, & deperdita recuperare, ipseque Dominus *Henricus* ejus

plena & pacifica possessione gaudere, & perfrui valeat cum effectu, operam velle adhibere efficacem, ex hoc ultra huius seculi laudem & gloriam, que inde vobis uberrime provenient, meritum ab eo, qui bonorum omnium largifluus retributor est, uberrime recepturi, Nosque ex hoc votis vestris, si que vobis grata poterimus, tenacius astringemur.

Datum *Constance* XIV. Kal. Octob. Anno a Nativitate Domini Millesimo, quadringentesimo, decimo septimo, Apostolica Sede vacante.

JO. LANGHE.

*Ineditum communicavit Cl. ab Erzb.,
Nassovico-Dillenburgeris Consiliarius.*

CONCORDATA inter MARTINUM V.

Roman. Pontificem,

ET

Nationis Germanicæ Procuratores, Ambasiatores inita: *Missæ in duplici Exemplari authentico*

ad Universitatem Coloniensem.

Anno Christi MCCCCXVIII. Martini V. Pp. I.

Sigismundi Regis IX.

UNIVERSIS & singulis JOHANNES miseratione Divina Episcopus Otiensis Sanctæ Romane Ecclesiæ Cardinalis & Vice-Cancellarius salutem in Domino & presentibus fidem indubiam adhibere Si juxta laudabilem antiquorum sententiam & providum sapientum consilium dignum est ea que majorum consultissima providentia in subditorum gratiam & commoda geruntur scripture testimonio redigere dignum per consequens est & rationi consentaneum ut adeo nota fiat eorum veritas (a) quod inde nec desit pacifices (b) opportuna provisio Nec ulquam perverfis sub ignorantia variandi lupina facilitas relinquantur Cum itaque nuper inter Sanctissimum in Christo Patrem & Dominum (c) Dominum MARTINUM Divina providentia Papam quintum & Reverendos Patres Pre-

latos nec non egregios & circumspectos Viros Ambasiatores (d) Procuratores Doctores & Magistros ceterosque venerabilem nationem Germanicam in Generali Constantiensis Concilio representantes & facientes nonnulla Capitula concordata & ab utraque parte sponte suscepta nec non de dicti Domini nostri Pape mandato & libro Cancellariæ Sanctæ Romane Ecclesiæ in quo Romanorum Pontificum constitutiones & ordinationes solent conscribi ad futuram rei certitudinem Nos operam dando prout ad nostrum spectat officium die XV. mensis Aprilis Pontificatus dicti Domini nostri Pape anno primo conscripta fuerunt ac de particulari mandato in audientia contradictoriarum (e) die secunda mensis Maji anno quo supra lecta & publicata adjecto, quod sub nostra-

Y y y 3.

rum

(a) Aliud exemplar habet: veracitas

(c) nostrum

(d) Ambasiatores

(b) pacifica

(e) contradictarium

rum literarum testimonio indigens quisque sibi testimonium sumere valeat in toto vel in parte qua indiget earundem Nos ad Venerabilium Nuntiorum Universitatis studii Colonienfis instantiam Capitula hujusmodi sic ut prefertur concordata & sponte suscepta ex integro ex libro predicto de verbo ad verbum fideliter conscribi & presentibus adnotari fecimus quorum tenor sequitur in hunc modum

Statuimus ut (f) deinceps numerus Cardinalium Sancte Romane Ecclesie adeo sit moderatus quod non sit gravis ecclesie qui de omnibus partibus Christianitatis proportionabiliter quantum fieri poterit assumantur (g) ut notitia causarum & negotiorum in Ecclesia emergentium facilius haberi (h) possit & equalitas regionum in honoribus Ecclesiasticis observetur sic tamen quod numerum XXIV. non excedant nisi pro honore Nationum que Cardinales non habent unus vel duo pro semel de consilio & consensu Cardinalium assumendi viderentur Sint autem viri in scientia moribus & rerum experientia excellentes Doctores in Theologia aut in jure Canonico vel civili preter admodum paucos qui de stirpe Regia vel Ducali aut magni Principis oriundi existant In quibus competens literatura sufficiat non fratres aut nepotes ex fratre vel sorore alicujus Cardinalis viventis nec de uno ordine Mendicantium ultra unum non corpore vitati nec alicujus criminis vel infamie nota resperfi nec fiat eorum electio per auricularia vota solummodo sed etiam cum consilio Cardinalium collegialiter sicut in promotione Episcoporum fieri consuevit qui modus etiam observetur quando aliquis ex Cardinalibus in Episcopum assumetur

De Provisione Ecclesiarum Monasteriorum Prioratuum Dignitatum (i) & aliorum Beneficiorum.

Sanctissimus Dominus noster Papa MARTINUS quintus super provisioni-

bus Ecclesiarum Monasteriorum & Beneficiorum quorumcunque utetur reservationibus juris scripti & (k) Constitutionis *Execrabilis* & *Ad regimen* modificationis ut sequitur Ad regimen Ecclesie Generalis quamquam immeriti supina (l) dispositione vocati gerimus in nostris desiderijs ut debemus quod per nostre diligentie studium ad quorumlibet Ecclesiarum & Monasteriorum regimen & alia Beneficia Ecclesiastica juxta Divinum beneplacitum & nostre intentionis affectum viri assumantur idonei qui presint & profint committendis eis Ecclesiis Monasterijs & Beneficiis prelibatis Premissorum namque consideratione inducti & suadentibus Nobis aliis rationabilibus causis nonnullorum Predecessorum nostrorum Romanorum Pontificum vestigijs inherentes (m) omnes Patriarchales Archiepiscopales Episcopales Ecclesias Monasteria Prioratus Dignitates Personatus & Officia nec non Canonicatus & Prebendas & Ecclesias ceteraque Beneficia Ecclesiastica cum cura vel sine cura secularia & regularia quecunque & qualiacunque fuerint etiam ad illa persone consueverint seu debuerint per electionem seu quemvis alium modum assumi nunc apud Sedem Apostolicam quocunque modo vacantia aut imposterum vacatura nec non per depositionem vel privationem seu translationem per Nos seu auctoritate nostra factas & in antea faciendas ubilibet nec non ad que aliqui in concordia seu discordia electi vel postulati fuerint quorum electio cassata seu postulata (n) repulsa vel per eos facta renuntiatio & admissa auctoritate nostra extiterit seu quorum electorum vel postulatorum repelli aut renuntiationem admitti per Nos aut auctoritate nostra contingeret (o) apud sedem predictam vel alibi ubicunque & etiam per obitum Cardinalis ejusdem Ecclesie Romane ac Officiorum dicte sedis quamdiu ipsa officia actualiter tenebuntur videlicet Vice-Cancellarii Camerarii septem Notariorum Auditorum literarum contradictorum & Apostolici Palatii causarum auditorum correctorum centum & unius scriptorum Literarum Apostolicarum & XXIV

(f) De numero & qualitate Cardinalium

(i) Dignitatum omnium.

(m) inherendo

(g) assumatur

(k) constitutionibus

(n) postulatio

(b) poterit

(l) superna

(o) contingit

XXIV Primarie (p) prefate Sedis & XXV Abbreviatorum nec non verorum (q) commensalium nostrorum & aliorum XXV. Capellanorum sedis ejusdem in Pithaphio (r) descriptorum & etiam quorumcunque Legatorum seu Collectorum ac (s) in terris Ecclesie Romane (t) Procuratorum & Thesaurariorum Deputatorum seu Missorum hactenus vel Deputandorum ac mittendorum in posterum vacantia & in antea vacatura ubicunque dictos Legatos vel Collectores seu (u) Procuratores aut Thesaurarios antequam ad Romanam curiam redierint seu venerint rebus eximi contigerit ab humanis nec non quorumlibet pro quibuscunque negotiis ad Romanam Curiam venientium vel etiam recedentium ab eadem si in locis (x) a dicta Curia ultra duas dietas legales non distantibus jam forsitan obierint, vel eos in antea transire de hac luce contigerit & etiam simili modo quorumcunque curialium peregrinationis infirmitatis aut recreationis seu alia quacunque causa ad quevis loca secedentium si eos antequam ad dictam curiam redierint in locis ultra duas dietas ab eadem curia ut premititur non remotis dummodo eorum proprium domicilium non existat ibidem jam forsitan decesserint vel in posterum eos contigerit de medio submoveri nunc per obitum hujusmodi vacantia vel in posterum vacatura rursus Monasteria Prioratus Decanatus Dignitates Personatus Administrationes Officia Canonicatus Prebendas & Ecclesias ceteraque Beneficia Ecclesiastica secularia & regularia cum cura vel sine cura quecunque & qualiacunque fuerint etiam si ad illa persone consueverint seu debuerint per electionem seu quemvis alium modum assumi que promoti per Nos vel autoritate nostra ad Patriarchalium Archi-Episcopaliū & Episcopaliū Ecclesiarum nec non Monasteriorum regimina obtinebant tempore promotionum de ipsis factarum nunc quocunque modo vacantia seu in posterum vacatura nec non etiam que per assecutionem pacificam quorumcunque Prioratum Personatum Officiorum Ca-

nonicatum Prebendarum Ecclesiarum aut Beneficiorum aliorum per Nos. aut autoritate literarum nostrarum immediate collatorum seu conferendorum in posterum preterquam si virtute gratie expectative assecutio fiat nunc vacantia & in antea vacatura plena super premisis omnibus & singulis cum fratribus nostris collatione prehabita & matura deliberatione secuta ordinationi dispositioni ac provisioni nostre usque ad quinquennium de ipsorum fratrum consilio autoritate Apostolica reservamus Decernentes exnunc irritum & inane si secus super premisis & quolibet eorum per quascunque quavis autoritate scienter vel ignoranter contigerit attemptari Non obstantibus quibuscunque constitutionibus a Predecessoribus nostris Romanis Pontificibus editis quatenus obistere possent superius enarratis articulis vel alicui seu aliquibus eorum dicto quinquennio durante Nulli igitur &c.

In Ecclesiis Cathedralibus & etiam Monasteriis Apostolice Sedi immediate subiectis fiant electiones Canonice que ad Sedem Apostolicam deferantur quas etiam ad tempus constitutum in Constitutionibus NICOLAI III. que incipit *Cupientes* Papa expectet quo facto si non fuerint presentate vel si presentate minus Canonice fuerint Papa eas confirmet nisi ex causa rationabili & evidenti & de fratrum consilio de digniori & utiliori persona duxerit providendum provisioque (y) confirmati & provis per Papam nihilominus Metropolitanis & aliis present debita iuramenta & alia ad que de jure tenentur

In Monasteriis que non sunt immediate subiecta Sedi Apostolice nec non in aliis Beneficiis regularibus super quibus pro confirmatione seu provisione non consuevit haberi recursus ad Sedem Apostolicam non teneantur venire electi seu illi quibus providendum est ad curiam ad habendam confirmationem seu provisionem nec etiam dicta Beneficia regularia cadant in gratiis expectativis Ubi autem in Monasteriis ad curiam Romanam

(p) Pœnitentiarum

(q) Vicariorum

(r) (*Credo idem significari, quod Pittacio, catalogo*)

(s) Matri Ecclesie

(t) Rectorum, non Procuratorum

(u) Rectores, non Procuratores

(x) ad eam Curiam

(y) provisio quod

nam pro confirmatione venire vel mittere consueverunt. Ibi Papa non aliter confirmet aut provideat quam superius de Ecclesiis Cathedralibus est expressum (z). De Monasteriis Monialium Papa non disponet nisi sint exempta & tunc per commissionem in partibus &c.

De ceteris Dignitatibus & Beneficiis quibuscunque secularibus & Regularibus vacaturis ultra reservationes jam dictas majoribus dignitatibus post Pontificalem in Cathedralibus & principalibus in Collegiatis Ecclesiis exceptis de quibus jure ordinario provideatur per illos inferiores ad quos alias pertinet nec computentur in turno seu vice eorum. Idem Dominus noster Papa declarat quod per quamcunque aliam reservationem gratiam expectativam aut quamvis aliam dispositionem sub quacunque verborum forma per eum aut ejus autoritate factam vel faciendam non velit neque vult neque intendebat nec intendit facere aut fieri quominus de media parte illarum & illorum cum vacabunt alternis vicibus libere disponatur per illos ad quos collatio provisio presentatio electio aut quevis alia dispositio pertinebit (a) prout ad ipsos spectabit de consuetudine vel de jure. Itaque (b) cum de una dignitate personatu officio vel beneficio ex illis ad electionem provisionem collationem seu quamvis aliam dispositionem alicujus spectantem fuerit autoritate Apostolica provisum aut alias dispositum ille ad cujus electionem collationem vel quamvis dispositionem primo loco pertinebit de alio immediate postea vacaturo provideat aut disponat prout ad eum pertinebit & ita consequenter de singulis hujusmodi dignitatibus personatibus officiis & beneficiis vacaturis autoritate ejusdem Domini nostri Pape (c) & aliorum predictorum alternatis vicibus disponatur reservationibus aut aliis a premissis dispositionibus autoritate ejusdem Domini nostre Pape factis vel faciendis non obstantibus quibuscunque Quotiens vero aliquo vacante

beneficio cadente in vice & gratia expectativa non apparuerit infra tres menses a die note vacationis in loco beneficii quod alicui de illo secundum predictas ordinationes fuerit Apostolica auctoritate provisum Ordinarius vel alius ad quem illius dispositio pertinebit de illo libere disponat nec sibi in sua vice computetur beneficia etiam que per simplicem renuntiationem aut permutationem vacaverint neutri parti computentur.

Sanctissimus Dominus noster Papa MARTINUS quintus ad exaltationem Fidei Catholice & spirituales profectum populi Christiani de consensu & beneplacito Nationis Germanice statuit ordinat & decernit quod deinceps in Metropolitanis & Cathedralibus Ecclesiis Nationis Germanice ejusdem sexta pars Canoniciatum & Prebendarum sit pro Doctoribus aut Licentiatibus in sacra pagina aut altero Jurum vel in Theologia & Baccalaureis formatis aut Magistris in Medicina qui per biennium seu Magistris in artibus qui per quinquennium post Magisterium in Theologia aut altero Jurum studuerunt in studio generali sic videlicet quod ubicunque non fuerit saltem sexta pars Canonice prebendarum in Metropolitana vel Cathedrali Ecclesia taliter graduatorum ibi quecunque (d) deinceps vacaverint Canoniciatus & Prebenda quacunque etiam Apostolica vel alia auctoritate non nisi taliter graduatis conferatur quousque dicta sexta pars compleatur taliter graduatis. Si tamen infra mensem a tempore vacationis cujuslibet Prebende numerandum (e) reperitus fuerit taliter graduatus & alias idoneus qui per se vel Procuratorem voluerit acceptare

Rr (f) postmodum continetur ut ad minus dictus numerus sexte partis Canonice taliter ut premittitur graduatorum in ipsis Metropolitanis & Cathedralibus Ecclesiis habeatur ubi autem soli consueverunt Illustres aut de Comitum & Baronum genere vel ex utroque paren-

(z) Caput III. De

(c) factis vel faciendis non obstantibus quibuscunque, cetera omissa usque ad verbum Quotiens.

(f) Cl. Leibnitz legit: qui postmodum continetur, stella interposita, que dubiam lectionem significat: tolerabilior foret hæc, qui postmodum continetur, sed To qui non respondet Abbreviationi.

(a) prout omissum

(b) ita quod

(d) quomodocunque

(e) numerandi

parente militares in Canonicos admitti taliter graduati qui acceptare voluerint si taliter Nobiles ut premittitur fuerint in illis Ecclesiis ceteris etiam Nobilibus alternatim usque ad dictum numerum proferantur

Item quod in aliis Collegiatis Ecclesiis ejusdem Nationis similiter sexta pars Canonicatum & Prebendarum deinceps premissis modo conferatur sic ut premittitur graduatis aut saltem in medicina vel in artibus Magistris vel Licentiatibus aut in Theologia vel altero jurium & (g) Baccalaureis examinis (h) per rigorem

Item quod Parochiales Ecclesie habentes coi ext. (i) que secundum famam publicam attendatur duo milia communicantium vel plures (k) deinceps non conferantur etiam Apostolica vel quacunque alia autoritate nisi Doctoribus aut Licentiatibus in sacra pagina aut jure Canonico vel civili vel Baccalariis in Theologia formatis si tamen infra mensem a die vacationis Ecclesie numerandum reperiatur taliter graduatus qui per se vel Procuratorem suum voluerit acceptare decernentes irritum & inane si secus in premissis tam circa Canonicatus & Prebendas quam Parochiales Ecclesias vel eorum aliquod a quoquam quavis autoritate etiam Apostolica fuerit atemptatum salvis semper laudabilibus consuetudinibus & statutis Ecclesiarum que premissis non adversantur In contrarium autem facientibus non obstantibus quibuscunque

Item quatenus predicta ordinatio pluribus profit & humane ambitioni frenum imponat ordinat statuit & decernit idem Dominus noster Papa quod (l) vigore presentis constitutionis seu ordinationis nemo graduatorum possit ultra unum Beneficium, Ecclesiasticum adipisci

Item vult quod in pari data ad eandem collationem graduatus non graduato preferatur prerogativis & diligentia non obstantibus quibuscunque

Item quod Vicarie ad certa chori officia in Ecclesiis Cathedralibus & Collegiatis deputata non conferantur etiam autoritate Apostolica nisi talibus qui hujusmodi officia cantando legendo & alias sciverint & potuerint personaliter adimplere

De Annatis

De Ecclesiis & Monasteriis virorum duntaxat vacantibus & vacaturis solventur pro fructibus primi anni a die vacationis summe pecuniarum in libris Camere Apostolice taxate que communia servitia nuncupantur Si que vero excessive taxate sunt iuste relaxentur & provideatur specialiter in gravatis (m) regionibus secundum qualitatem rerum temporum & regionum ne nimium pregraventur ad quod dabuntur Commissarii qui diligenter inquirent & relaxent Taxe autem predictæ pro media parte infra annum a die habite possessionis pacifice totius vel (n) majoris partis solventur & pro media parte alia infra sequentem annum & si infra illud tempus bis vel pluries vacaverint (o) semel tantum solventur nec debitum hujusmodi in Successorem in Ecclesia vel Monasterio transeat De ceteris autem Dignitatibus Personatibus Officiis & Beneficiis secularibus & regularibus que autoritate Sedis Apostolice conferentur vel providebuntur (p) de eisdem preterquam vigore gratiarum expectatarum (q) aut causa permutationis solvatur annata seu medii fructus juxta taxam solitam tempore unionis (r) infra annum & debitum hujusmodi in Successorem in Beneficio non transeat De Beneficiis vero que valorem XXIII. fl. de Camera non excedunt nihil solvatur debitis omnibus preteriti temporis usque ad Assumptionem Domini nostri communium servitiorum & annatarum pro medietate relaxatis solventibus aliam medietatem infra sex menses a die publicationis

De

(g) & omissum.

(h) examinatis

(i) Cl. Leibnitz legit: anni extimationem, mihi videtur: communi existimatione

(k) plebis

(l) qui

(m) gravarorum

(n) amplioris

(o) vacaverit

(p) providebuntur

(q) expectantiarum

(r) immisionis

Tomus V. Concil. German.

Z z z z

*De causis tractandis in Romana
Curia vel non*

Sanctissimus Dominus noster Papa MARTINUS quintus statuit & ordinat quod nulle causae in Romana Curia committantur nisi quae de jure & natura causae in Romana Curia tractari debebunt & quod causae quae ad forum Ecclesiasticum de jure vel consuetudine non pertinent per Romanam Curiam etiam pre-textu cruce signationis laicorum extra tempus passagii generalis non recipiantur de illis cognoscendo in Curia vel extra committendo nisi (s) de consensu partium quae vero ad forum Ecclesiasticum pertinent & de jure sunt per appellationem aut alias ad Romanam Curiam devolute ac de sui natura in eadem tractande tractentur in ea ceterae committantur in partibus nisi forsitan pro causa & personarum qualitate in commissione exprimenda illas tractari in Curia expediret (t) pro justitia consequenda vel de partium consensu in Curia tractarentur

De Commendis

Ordinat Dominus noster Papa quod in posterum Monasteria aut magni Prioratus Conventuales his temporibus ultra X Religiosos & officia claustralia dignitates majores post Pontificalem in Cathedralibus sive Ecclesie Parochiales nulli Prelato etiam Cardinali dantur in commendam date autem & dati quamprimum commendatariis loco illarum de equivalenti providebitur post pacificam possessionem adeptam illas dimittant una etiam Ecclesia Metropolitana uni Cardinali vel Patriarche concedi poterit provisionem alias sufficientem (u) non habenti

De Symonia

Ut autem considerata malitia aliquorum temporum proxime preteritorum quibus labes Symoniaca tam in Ordinibus quam Beneficiis Ecclesiasticis tunc conferendis & percipiendis ac Religionibus ingrediendis fuit heu nimium frequentata lesis in hoc conscientiae ad

puriorem administrationem & perceptionem (x) Sacramentorum Ecclesiasticorum salubriter consulatur omnibus & singulis Patriarchis Archi-Episcopis Episcopis Abbatibus Abbatissis ceterisque Prelatis nec non Clericis ac personis Ecclesiasticis Religiosis & secularibus utriusque sexus ut quilibet eorum infra tres menses post publicationem aut institutionem presentium sibi aut in Diocesi ubi domicilium habuerint (y) aliquem in sacra pagina vel in jure Canonico Doctorem aut Licentiatum vel Baccalarium formatum ubi talis commodere reperiri poterit vel ubi talis reperiretur (z) Rectorem aut alias intelligentem Sacerdotem discretum ac bone fame Curatum vel non Curatum eligere valeat Confessorem qui infra predictum tempus quanto citius commode fieri poterit ejus confessione audita ipsam personam consentem a suis peccatis & a quibuscunque excommunicationum suspensionum & interdicti aliisque sententiis censurarum (a) atque penis quas forsitan propter simoniacam (b) in ordine vel Beneficio Ecclesiastico religionis ingressum aut alias qualitercunque active vel passive commissam usque ad tempus publicationis predictae dinoscitur incurrisse in foro conscientie duntaxat absolvere nec non secum super irregularitate pro eo quod hujusmodi sententiis aut earum aliqua ligata forsitan Missas vel alia Divina Officia celebrasse aut se illis immiscuisse censetur usque ad tempus predictum contracta ipsaque propter premissa aut eorum aliquod a suorum ordinis vel officii executione suspensa quod in illis nihilominus ministrare illa exercere adepta Beneficia vel statum in quo est retinere & ad ulteriora promoveri possit in dicto foro valeat dispensare ac eidem Beneficia quae obtinerent ob hoc forsitan vacantia vel vacatura si & postquam dimiserit reconferre omnemque inhabilitatis irregularitatis nec non infamiae maculam sive notam atque aliam labem per eam occasione predictam usque ad tempus predictum contractam in eodem foro totaliter abolere fructus quoque Beneficiorum Ecclesiasticorum quos forsitan indebite perceperit & quos per-

(s) nec de consensu

(t) expedietur

(x) præceptorum, Senckenb. erronee.

(y) factum, male apud Leibnitz officientem

(z) Lectorem

(a) censuris

(b) Simoniam

percipere potuisset (e) ac quicquam occasione predicta fuerit refundendum dummodo persona ipsa ad refusionem faciendam deducto ne egeat in statu in quo tunc fuerit aut alias absque nota vel scandalo sufficiens non fuerit in dicto foro remittere ac eam de his quittare & liberare tenore presentium nunc (d) indulgemus constitutionibus Apostolicis & aliis in contrarium facientibus non obstantibus quibuscunque

Insuper ad vitandum scandala & multa pericula subveniendique conscientis timoratis omnibus Christi fidelibus tenore presentium (e) nunc indulgemus quod nemo deinceps a communione alicujus in Sacramentorum administratione vel receptione aut aliis quibuscunque Divinis vel extra pretextu cujuscunque sententie aut censure Ecclesiæ a jure vel homine generaliter promulgate teneatur abstinere vel aliquam viam aut interdictionem Ecclesiasticam observare nisi sententia vel censura hujusmodi fuerit in vel contra personam Collegium Universitatem Ecclesiam communitatem aut locum certam aut certum a Judice publicata vel denunciata specialiter & expresse constitutionibus Apostolicis & aliis in contrarium facientibus non obstantibus quibuscunque salvo si quem pro sacrilega manuum injectione in Clericum sententiam latam a Can. adeo notorie constiterit incidisse quod factum non possit aliqua tergiversatione celari nec aliquo juris suffragio excusari nam a communione illius licet denunciatus non fuerit volumus abstinere juxta Canonicas sanctiones.

De Dispensationibus

Ordinat etiam Dominus noster (f) quod ad Ecclesias Cathedralis Monasteria Prioratus Conventuales aut Parochiales Ecclesias super defectu etatis ultra triennium nullatenus dispensetis (g) nisi forte in Ecclesiis Cathedralibus ex ardua & evidenti causa de consilio Cardinalium seu majoris partis eorum videretur aliter dispensandum

Item Dominus noster in gravibus & arduis casibus sine consilio Cardinalium non intendit dispensare

De provisione Pape & Cardinalium.

Romano Pontifici & Sancte Romane Ecclesie Cardinalibus pro illorum sustentatione rebus Romane Ecclesie stantibus ut sunt non videtur aliter posse provideri quam hucusque factum est scilicet per beneficia & communia servitia que vacantie nuncupantur (h) verum circa beneficiorum qualitatem taliter duximus providendum quod nulli Cardinalium Monasterium Prioratus conventualis ultra numerum X Religiosorum secundum moderna tempora habere consuevi nulla major dignitas post Pontificalem in Cathedralibus aut Parochialibus (i) Ecclesia nullum officium claustrale nullum Xenodochium Hospitale Elemosinarium seu Leprosaria in titulum vel administrationem conferantur & si que talia nunc obtinent quamprimum Papa loco illorum de alio equivalente providebit illa dimittere teneantur sicut superius de Commendis est dictum

De Indulgentiis

Cavebit Dominus noster Papa in futurum nimiam indulgentiarum effusionem ne vilescant & in preteritum concessas ab obitu GREG. XI. adinstauratius indulgentie revocat & annullat

Item Sanctissimus Dominus noster & inclita Natio Germanorum consenserunt & protestati sunt quod omnia & singula supradicta durare & tollerari debeant usque ad quinquennium dumtaxat a data presentium numerando Constitut. Apostol. Regulis Cancell. factis & fiendis & aliis in contrarium facientibus non obstantibus quibuscunque Quodque per observantiam eorum nullum jus novam Romano Pontifici aut alicui alteri Ecclesie vel persone acquiratur seu prejudicium generetur sed lapso dicto quinquennio quilibet Ecclesia & persona pre-

(e) potuissent ut quotquot occasione predicta

(e) misericorditer, pro: nunc

(g) dispensare, Cl. Leibn.

(i) Parochialis habet unum exemplar.

(d) misericorditer, loco: nunc

(f) quod, abest.

(h) unde, pro: verum

predicta liberam facultatem habeat utendi quolibet jure suo non obstantibus (k) supradictis Et quod (l) Capitula predicta & quodlibet eorum dentur cuilibet ea habere volenti communiter aut divisim in autentica forma sub sigillo Domini (m) Vice-Cancellarii cum subscriptione Notarii sic quod fidem faciant exhibita ubicumque (n)

Hec itaque Universitati vestre te-

nore presentium firmiter attestando (o) easdem nostras presentes literas in horum fidem & testimonium prefatorum concessimus nostri sigilli munimine roboratas Datum Constant. Provincie Magunt. in domo habitationis nostre antio quo supra die III. mensis Maji Pontificis (p) Domini nostri Pape anno primo.

(L.S.) LOBENXIUS

Ex Archæi Universitatis Colonienfis gemino exemplari authentico, sigillo cereo rubro munito, & integerrimo, asservato N. 44. & 79. inedito, summa diligentia collationato a me *Jos. Hartzheim* 1762. 27. Junii.

Contuli & utrunque Exemplar cum Senckenbergiano cœvo, ex Archæo Monastico descripto exemplari, quod legitur in dem 1. Theil des Teutichen Reichs-Abtschied: habet hic *Commata, Puncta, Enumerationes Paragrophorum, Capitulum*, quibus exemplaria Colonienfia omnino carent.

(k) omnibus

(l) que, pro: quod.

(m) Domini omittit *Leibn.*

(n) pro toto autem non solvantur nisi duodecim grossi Turonenses: addit *Senckenberg, & Leibn. sed nec primum nec secundum Exemplar Colonienſe hæc habet.*

(o) attestantes

(p) Pontificatus



SIGISMUNDUS Rex Capitulo Verdenſi

mandat: ut HENRICO ab HOYA Episcopo obedientiam præſtet, & bonorum omnium possessionem concedat.

Anno Christi MCCCCXVIII. Martini V. P. P. I.
Sigismundi Regis VIII.

SIGISMUNDUS &c. HONORABILIBUS, EGREGIIS, ET DISCRETIS,
DECANO, CAPITULO, AC UNIVERSO CLERO CIVITATIS ET DIOCESEOS
VERDENSIS, NOSTRIS ET SACRI IMPERII DEVOTIS FIDELIBUS
DILECTIS, GRATIAM &c.

Honorabiles &c. Quoniam, ut experientia, optima rerum magistra, de se nuntiare & testari poterit, propriis nostris postpositis negotiis jam aliquorum annorum retroactis ad hoc solum, ut scisuram templorum domus Dei, quantum Nobis ex alto concederetur, sedare, ac ad reparationem quietis status universalis Ecclesiæ militantis intendere possemus, studia nostra flagrantibus, atque summis desideriis convertimus, tandem misericors & miserator Dominus, nesciens

continere, in ira misericordias suas, tempore, quo exigentibus erroribus nostris majora supplicia merebamur, argumentum saluationis ostendit, factumque est eo annuente, qui omnium bonorum largitor est munificus, ut tres hucusque obedientiæ propemodum divisa, conjunctæ sint in unum. Restat, ut particularium Ecclesiarum conquassatio, & scisura sublevetur. Et quoniam jam pridem inter Venerabiles HENRICUM DE HOYA (a) ex una, & ULRICUM (b) occasiono-

(a) Henricus de Hoya ab Alexandro V. provifus de Ecclesia Verdenſi. Renuntiat 1426.
(b) Ulicus Albanenſis ab Gregorio XII. provifus de Ecclesia Verdenſi: poſtea promotus ab Salisburgenſi Archi-Epiſcopo ob Sigismundi Cæſaris inſtantiam ad Epiſcopatum Seccoviendẽm.

caſione Eccleſiæ Verdenſis, quam quilibet eorum ad ſe prætendebat pertinere, aliquamdiu fuerat materia quæſtionis ventilata. Tandem quia nuper idem Ulricus ad noſtram inſtantiã ad Eccleſiam Seccovienſem, tunc vacantem, aſſumptus, & promotus eſt, & illam in præſentiarum pacifice tenet, & poſſidet. Sic huiusmodi diſſenſionum acerbitas demonſtratur mitigata, & juxta huius Sacri Concilii Decreta amplius unici Paſtoris, & Paris animarum veſtrarum, videlicet ipſius HENRICI, eſtis cuſtodie relictæ, & commiſſi. Quocirca Univerſitatem veſtram attente rogamus, & hortamur in Domino, quatenus eidem Henrico, ut unico animarum veſtrarum

Cuſtodi, & Paſtori, obedientiam debitam, & devotam exhibeatis, & ipſum ad plenam & pacificam poſſeſſionem ipſius Eccleſiæ, tam in Spiritualibus, quam etiam in temporalibus admittatis, & ab aliis admitti procuretis, ac alias ſibi pro ipſius Eccleſiæ iurium diſtractorum recuperatione, ut fideles filii, fruſtuose aſſiſtis. Nobis in hoc ultra meritum a Deo conſequendum ſingulariſſimam complacentiam optenturi. Datum Conſtantie X. III. die Septemb. Regnorum noſtrorum anno Hungariæ &c. XXXI. Romanorum vero octavo.

*Ineditum communicavit Cl. ab Eyath,
Naffovico Dillenburgericus Conſiliarius.*

SIGISMUNDI Imperat. Mandatum

Ad WILHELMUM, Ducem Brunſw. Luneb.

Ut Caſtrum Verdenſe de Rodenburg HENRICO Epifcopo reſtituat.

Anno Chriſti MCCCCXVIII. Martini V. P. P. I.

Sigismundi Reg. VIII.

ILLUSTRIS PRINCEPS, AVUNCULE NOSTER CHARISSIME!

Multorum aſſertione didicimus, quamvis vix credamus, jam aliquibus elapſis temporibus Caſtrum de Rodenburg ad Eccleſiam Verdenſem nullo medio pertinens, per gentes felicitis recordationis Henrici, Genitoris tui, Ducis Lunenburgienſis, Avunculi noſtri, nocturno tempore fuiſſe invaſum, & uſurpatum, & per ipſum tuum Genitorem, quamdiu vitam agebat in humanis, fuiſſe occupatum & detentum, teque in ipſius Caſtri poſſeſſionem ſucceſſiſſe, & ipſum hoïe occupatum detinere. Et quia hic ad iſtud Concilium (noſtris multiſanis incumbentibus Nobis negotiis poſtpoſitis) intentione & deſiderio inter alia convenimus, ut poſt unionem habitam jam (*Laudes Altifſimo*) in capite, tribus obediæntiis in unum conjunctis, evidentem operam & diligentiam ad hoc impenderemus, ut ſingulæ Eccleſiæ ab earum oppreſſionibus liberarentur. Et quoniam, Avuncule dilecte, prout noſtri, teſtimonio Veritatis inſtruimur, ut demus Cæſari, quæ ſunt Cæſaris, & Deo, quæ ſunt Dei, nec decet Nos illos impugnare,

quos tenemur tueri, & defendere, cumque, ut Nobis ſuggeritur, tu ipſius Eccleſiæ Vaſallus, & ſibi iuramento fidelitatis adſtrictus, dignoſceris, decet clare memoriæ Progenitorum tuorum inhærendo veſtigiiſ, ipſius Eccleſiæ bona non ſolum non invadere, ſed ipſam etiam poſſe tuo ab ipſius oppreſſionibus relevere. Quapropter te rogamus attente, & requirimus, ut ipſum Caſtrum cum attinentiis ſuis ipſi Eccleſiæ Verdenſi, & Henrico moderno ipſius Eccleſiæ Epifcopo, & Paſtori abſque contradictione reſtituas, & relaxes, Deo in hoc debitum impendens, & Nobis complacentiam ſingularem oſtenſurus. Quoniam intentionis noſtræ, & ipſi Henrico Epifcopo pro ipſius Caſtri recuperatione pro viribus noſtris aſſistere, & favere. Datum Conſtantie d. X. III. Sept. Regnorum noſtrorum anno Hungariæ &c. XXXI. Romanorum vero VIII.

*Ineditum communicavit Clav. ab Eyath,
Naffovico-Dillenburgericus Conſiliarius.*

SIGISMUNDUS Imp. ULRICO olim Ver-
denſi, nunc Seccoviienſi Episcopo, ultimi anni redditus Verdenſis
Diacesis exſolvendos mandat Conſulibus, & Magiſtratui
Lunenburgenſi. Conſtantiae A. 1418.

Anno Chriſti MCCCCXVIII. Martini V. PP. I.
Sigismundi Reg. VIII.

WIr SIGMUND von Gotes Gnaden Romiſcher Kung, zu allen zytē Merer des Richs, und zu Ungern, Dalmacien, Croatien &c. Kūng, Embieten den erfamen Burgermeiſtern, Ratmannen, und Bürgern der ſtat zu Lünenburg, unſern und des Richs lieben Getruen, unſer Gnad, und alles Gut.

Erfamen lieben Getreuen, wann der erwidrig *Ulrich*, Biſchoff zu Sekow, unſer Fürſt, Rate, und lieber Andechtiger, durch ſiner ſunderlicher Redlikeit und Vernunfte willen, die eran im hat, dem Stifft zu Sekow kürztlich fürgeſetzt iſt, und wann er Biſchoff zu Verden bis uf die zyt derſelben Fürſetzung gewezt iſt, alſo das im als eym Biſchoff zu Verden, deſſelben Biſtums Tzinſe, Rente, Zehenden, und Nucze, die dann von diſem vergangenen Jare erſchinen ſind, von Rechts wegen, und billich gefallen, und werden ſollen, dorumb begeren Wir, und bitten euch ouch mit ſunderlichem und ernſtlichem Fliffe, das ir günſtlich

und ernſtlich dortzu tun und beholffen ſin wollet, das ſolich itzigen Tzinſe, Rente, Tzehenden und Nutzze, dem vorgenannten *Ulrich*, und ſinen Botten, dem, oder den er dann das beſilhet, gentzlich gericht, betzahlet, und geantwort werden, und das ir ouch nicht geſtattet, das in, oder die ſinen yemand, wer die ſin, doran hindern oder irren in kein Wis, als Wir des beſunder und gantz zuverſiht und getruen zu euch haben, wenn doran tut ir uns dankneme und beſunder anneme Lieb und Wolgefallen. Geben zu Conſentz des nechſten Sampttags nach Sant Francis tag, unſerer Riche des Ungriſchen &c. in dem XXXI. und des Romiſchen in dem achten Jaren.

P. D. *Frideric. March.*
Brandenb. &c.

Johannes Kirchen.

*Ineditum communicavit Clav. ab Erath,
Naſſovico-Dillenburgenſis Conſiliarius.*

SIGISMUNDI, Regis Romanorum,

Ad Lunenburgensem Senatam,

*Ut Castrum Rodenburg, ab Henrico Duce Lunenburgensi occupatum,
restitui faciant HENRICO Verdenſi Episcopo.*

Anno Chriſti MCCCCXVIII. Martini V. PP. I.
Sigismundi Reg. VIII.

SIGISMUNDUS, DEI GRATIA, ROMANORUM REX SEMPER AUGUSTUS, AC HUNGARIE, DALMACIE, CROATIE &c. REX.

Honorabiles, & Circumſpecti, Fideles Dilecti. Cum quilibet ex talento, in hoc fluctuanti ſeculo ſibi credito, in diſtricto extremi judiciū examine, ubi

teſte Scriptura judicabimur, Deo teſti, atque Judici ſic exactam redditurus rationem, Nobis debitum reputamus, ut poſteaquam ad univerſalis Eccleſie, quam luſtris

stris jam labentibus octo fastuosorum defecavit impunitas, reparationem, & solida, & quodammodo infallibilia, tribus obedientis per mundi climata sparsis, Deo direttore, conjunctis in unum, sunt posita fundamenta; ad hoc ut particulares etiam Ecclesie ab earum violentiis, & oppressionibus liberentur, aciem considerationis nostre convertamus. Equidem occasione Ecclesie *Verdensis*, jam pridem inter Venerabiles *Henricum*, modernum Episcopum ex una, & *Ulricum*, nunc *Seccoviensem* Episcopum parte ex altera, fuit aliquamdiu questionis ventilata materia. Sed quia idem *Ulricus* tandem ad Ecclesiam *Seccoviensem*, tunc Pastoris solatio destitutum, per Venerabilem . . . *Archi-Episcopum Saltzburghensem*, nostre intercessionis intuitu, assumptus, & promptus est, hujusmodi dissensio in se ipsam resoluta & mitigata dignoscitur. Et quoniam multorum fide dignorum testimonio reperimus, hujusmodi inter eos in hoc Sacro Concilio durante lite, ipsum *Henricum* possessione peculiaris sui Castri in *Rodenburg*, ad ipsam Ecclesiam *Verdensis* simpliciter titulo directi Dominii, a tempore, quo in contrarium non exstitit viventium memoria, pertinentis, per bone memorie Illustrissem *Henricum*, Ducem *Luneburgensem*, fuisse noturno tempore spoliatum, & hujus-

modi spoliationem per ejus heredes, hucusque non absque Divine Majestatis offensa continuari. Quapropter Universitatem vestram rogamus seriose & attente, ut ipsum *Henricum* amplius, tanquam unicum animarum vestrarum Patrem, & Pastorem debitis & reverentia, & honoribus venerantes, sibi ut ad plenam & pacificam ipsius Ecclesie jurum, & pertinentiarum omnium possessionem realiter & integraliter perveniat, ipsumque Castrum, & alia ipsius Ecclesie jura, ut asseritur, distracta, & deperdita recuperare valeat, nostre considerationis intuitu, fructuosis vestris auxiliis, & consiliis assistatis, vestris votis, ubi expedierit, Nos per hoc fortius astringentes. Nostre enim omnino intentionis est, ipsi *Henrico*, ut ipsius Ecclesie, Sponse sue, lacrimabilis scissura reparetur, pro viribus adherere. Datum *Constantie* vicesimo tertio die mensis *Decembris*, Regnorum nostrorum anno *Hungarie* etc. *Tricesimo primo*, *Romanorum* vero octavo.

Ad Mandatum Domini Regis

JOHANNES DE STRIGONIO, Præpositus, & Vice-Cancellarius.

Ineditum communicavit Cl. ab Erath, Nassovico-Dillenburgericus Consiliarius.

LEODIENSIS SYNODUS

Anno Christi MCCCCXXIV. Martini V. Pp. VII.
Sigismundi Reg. XIV.

JOANNES DE HEYNSBERCH, (a) DEI ET APOSTOLICÆ SEDIS GRATIA, EPISCOPUS LEODIENSIS, DUX BULLION. ET COMES LOSSENS. UNIVERSIS ET SINGULIS PRÆSENTES ORDINATIONES VISURIS, ET AUDITURIS, SALUTEM IN DOMINO.

Cum Nos alias una cum Venerabili Capitulo nostro Leodiensi nonnullas ordinationes fecerimus pro communi bono, & evidenti utilitate reipublicæ, & subditorum nostrorum, nec non statuta, seu moderationes per recolend.

Memoriæ Dominum ADULPHUM de *Marcka*, quondam Episcopum Leodiensem, Prædecessorem nostrum, pro & super reformatione status, & Officiarum Curie nostræ Leodiensis, & aliarum Curiarum Spiritualium, Nobis subje-

ctarum

(a) Joannes de Heinsberg ex Canonico S. Lamberti, & Archi-Diacono Hannoniæ electus Episcopus anno 1419. Resignavit Cathedram Ludovico Borbonio anno 1456.

starum, dudum edita renovaverimus, & mandaverimus inviolabiliter observari; Quia tamen contra fraudes & abusus, qui, & que ab Officiatis a multis retroactis temporibus committebantur, & de die in diem committuntur, non fuit, nec est per statuta, & moderationes antedictas sufficienter, & plene provisum, & novis supervenientibus morbis nova convenit antidota præparari, & quæ noviter emergunt, novo indigent auxilio; idcirco pro communi utilitate nostrorum subditorum, & convenientium reformatione abusuum predictorum, & status dictarum Curiarum, ad predictas moderationes prælibati quondam Domini ADULPHI pridem publicatas adjicimus, & fecimus ordinationes, & statuta predicta, quas per omnes & singulos Notarios, & Procuratores curias predictas frequentantes, præsentis, & futuros mandamus, & præcipimus sub poenis infra scriptis inviolabiliter observari.

In primis, siquidem cum temporibus retro præteritis quamplures nedom Clerici idiotæ, & experti, sed etiam laici penitus illiterati, latinumque congrue loqui nescientes, alii autem turpis, & inhonestæ vitæ, tabernasque publice, continueque frequentantes, ac alii de criminibus, & publice vitiis diffamati, Notariatus, & Procurationis officia indifferenter exercuerunt in Curia nostra predicta, & de die in diem exercere, fraudesque quamplures in hujusmodi officiis committere, nec non Curiam nostram sub nequitiiis, & fraudibus fama publica attestante, diffamare consueverunt in subditorum nostrorum damnum non modicum, & gravamen; Idcirco Nos volentes præmissis obviare, statui-
mus, & ordinamus, quod de cætero nullus admittetur ad exercendum officium Notariatus, vel Procurationis in Curia nostra, vel aliis Curiis predictis, qui sit illiteratus, aut latinum competenter loqui non sciat, aut sit malæ famæ, vel de aliquo gravi crimine diffamatus, aut etiam communiter, & publice tabernas frequentantes. Inhibemus universis & singulis Procuratoribus sub poena decem florenorum Rhenensium Fisco Curie nostræ applicantes, ne deinceps aliquis Officium Procurationis inter partes in dicta Curia nostra exercere præsumat in

Spiritualibus, vel aliis gravibus, & magnis causis, aut illis, qui iudicium ordinem in ipsis observari requirunt, & quæ valorem decem floren. Rhenensium excedunt, nisi prius per Officiale nostrum fuerit diligenter examinatus, ac approbatus, ac ad exercendum hujusmodi Procurationis officium in causis predictis admissus, ipsiusque nomen ad exercendum Procurationis officium in causis predictis fuerit in loco publico per dictum Officiale nostrum deputatum, scriptum, & annotatum.

Quodque Notarii nullum ad expeditiones causarum predictarum in Procuratorem admittant, nisi fuerit de infra scriptis, & nominatis supradictis; & hoc idem mandamus in Curiis Spiritualibus Capituli, Præpositi, & Archidiaconorum predictorum fieri, & observari.

Item cum Procuratores, & Notarii Curie predictæ, Dominis, & Advocatis ejusdem Curie, veluti Patronis causarum, & partium, in iudiciis merito deferre debeant, hinc est, quod omnibus Curie nostræ Procuratoribus, & Notariis inhibemus, ne quis deinceps loca, & sedes Advocatorum in dicta Curia pro tempore, quo Officialis noster, vel vices ejus gerens, ibidem pro tribunali ad jura reddenda sedent, subintrare, vel occupare, seu stare, vel sedere præsumat sub poena quatuor grofforum veterum, Fisco Curie nostræ applicantes, quam contrarium facientes, toties, quoties incurrere volumus ipso facto.

Item sub poena consimili, & ut præfetur, applicantes, prohibemus universis Procuratoribus predictis, ne deinceps absque mandato, vel licentia Officialis nostri, vel vices gerentis, præsumant, aut attentent in iudicio causas, seu allegationes pro partibus suis, seu aliqua ipsarum, presentibus vel inconsultis Advocatis earundem proponere. Cum hoc ad Advocatorum officium spectare dignoscatur, & per id insipientiæ Procurator. consulatur, ac honestati iudicii predicti Officialis nostri provideatur.

Item sub predicta poena quatuor grofforum veterum, ut præscribitur, applicantum, inhibemus omnibus & singulis Notariis, ac Procuratoribus dictæ

Curie nostræ, ne deinceps aliquis ipsorum pro confectioe, & dictamine, & scriptura literarum, monitorum, vel inhibitorum a Curia nostra prædicta emitendarum, ultra quadraginta solidos communis pegamenti Leodiensis recipere præsumat.

Item ad vitandum fraudes, quæ in literis excommunicatoriis, aggravatoriisque, & reaggravatoriis, & ipsarum executionum sæpissime commissæ sunt, statuimus & ordinamus, quod exnunc in antea per nostrum Officiale deputetur unus Notarius, qui nomina citatorum contumacium, & monitorum, ac literas monitorias, seu contumaciales desuper emanatas, nec non primas aggravationes resignare habeat, & de designatione citatorum, & monitorum, ac literarum contumacialium, & primarum aggravationum prædictarum, simul sex duntaxat denarios monetæ communiter in Civitate Leodiensi currentis, ratione officii sui hujusmodi recipiat: inhibemusque sub prædicta pœna quatuor grossorum veterum, ut præscribitur, applicandorum, ne deinceps aliquis Notarius Curie nostræ signet aliquas literas secundas, aut posteriores aggravationes, nisi viderit, & consiterit sibi, prædictas literas contumaciales per Notarium prædictum esse regratiatas, & de hoc in signaturis suis teneantur facere mentionem.

Item committimus Officiali nostro Leodiensi, quod de personis, & statibus Notariorum, & Procuratorum dictæ Curie nostræ toties, quoties sibi videbitur expediens, se informet, & inquirat: & quæ circa ipsos, & eorum officia invenerit corrigenda, & informanda, corrigat, & reformet, prout secundum qualitates, & circumstantias personarum, & excessuum videbitur eidem expedire, taliter faciat, quod Curia nostra prædicta in melius reformetur, & subditi nostri per Officiatos ejusdem Curie nostræ non graventur. Cæterum inhibemus omnibus Notariis, & Procuratoribus Curie nostræ prædictæ, pro, vel super convitiis, seu injuriis verbalibus eis per Advocatos, Notarios, aut Procuratores hujusmodi illatis, vel factis, ipsos coram alio iudice, quam coram Nobis, aut Officiali nostro impe-

dire, vel ad iudicium trahere præsumant: alioquin contrarium facientes, pœnam decem florenor. Rhenensium Fisco Curie nostræ applicantes, toties, quoties fecerint, incurrant ipso facto, quia non est rationi consonum, ut prædicti super convitiis, vel rixis verbalibus hujusmodi forenses iudices adeant cum Nos, & Officialis noster parati sumus eis semper ministrare justitiæ complementum; & insuper præcipimus omnibus Procuratoribus Curiarum prædictarum sub pœna privationis officii sui perpetuæ, nec non decem floren. Rhenens. auri, Fisco Curie nostræ applicantes, quatenus de singulis pecuniis per ipsos a partibus pro deductione causarum suarum receptis, tradere teneantur eisdem partibus recessum, seu scedulam sua manu propria scriptam, aut subscriptam, continentem summam, seu quantitatem hujusmodi pecuniarum: & nihilominus toties, quoties requisiti fuerint, vel saltem in fine causæ teneantur, partibus suis assignare in scriptis, & rationem reddere, ubi, & apud quos, aut qualiter hujusmodi pecunias consumpserunt, & expenderunt.

Item statuimus, quod partes in Curia nostra prædicta litigantes, seu Procuratores ipsarum, in principio cujuslibet causæ convenient ad invicem de Notario communi, qui acta totius causæ a principio usque ad finem conscribat: & si in unum Notarium convenire nequierint, tunc per iudicem deputetur Notarius communis, qui acta causæ conscribat, ne liceat ipsum per unam partem, seu Procuratorem ejus, invita, vel contradicente parte altera mutare, seu alium Notarium absque Decreto, & ante Iudicem assumere, sub pœna duorum florenorum Rhenensium Fisco Curie nostræ, toties, quoties secus factum fuerit, applicantes, salvo tamen & excepto, quod una partium hujusmodi poterit in rescriptionibus partium, & testium auditione adungere suis expensis alium Notarium, si velit.

Item præcipimus omnibus Notariis Curie nostræ sub pœna decem florenor. Rhenensium auri, Fisco Curie nostræ applicantes, ne pro scripturis, vel salariis ipsorum in causis a Sede Apostolica in nostra Diocesi Leodiensi delegatis, plus

recipere præsumant, quam per statuta, & moderationes nostras, & Curia nostra prædictæ, in causis ordinaria autoritate coram Nobis, aut Officiali nostro ventilatis recipere permiffum est, alioquin id, quod ultra hoc receperint, omnino restituere teneantur, & pœnam prædictam incurrant ipso facto.

Item statuimus, quod per Officiale nostrum deputetur unus fidelis, & iuratus Procurator, qui contra statuta, & moderationes, ac ordinationes nostras prædictas venientes, denuntiet Officiali nostro Leodiensi, qui contra ipsos simpliciter, ac summarie, & de plano sine processu aliquo judiciali procedat, & per quemlibet transgressorem pœnas præscriptas solvi faciat, & compellat, prædictusque denuntians a quolibet transgressore

convicto quatuor Baddragens. communis pagamenti Leodiensis habeat pro suo salario, & si idem denunciator negligens fuerit, deponatur, & loco ejus, vel ipso mortuo, alius fidelis surrogetur. In quorum omnium robur, & testimonium sigillum nostrum præsentibus literis duximus appendi. Sub anno a Nativitate Domini Millesimo, quadringentesimo, vicesimo quarto, Mensis Octobris die vicesima.

Cl. Lunig Spicilegii Ecclesiastici Continuat. III. pag. 1085.

Impressa fuit hæc Joannis Heinsbergii Constitutio Parisius anno 1518. pag. 38, 39, 40, 41. ex Chalcographia Jacobi Badii, expensis honesti viri Guillelmi Vorstermanni, Bibliopole Antverpiensis.

Monasterio Quedlinburgensi, Diœcesis Halberstadensis, a Concilio Basileensi datur facultas post abitum Excommunicatorum statim Divina publice celebrandi.

Anno Christi MCCCCXXXIII. Eugenii IV. Pp. III.
Sigismundi Reg. XXIV.

SACROSANCTA GENERALIS SYNODUS BASILIENSIS, IN SPIRITU S. LEGITIME CONGREGATA, UNIVERSALEM ECCLESIAM REPRESENTANS, DILECTIS ECCLESIE FILIIS, CLERO, ET UNIVERSITATI, SEU COMMUNITATI QUEDELINGBURGENSI, HALBERSTAD. DICEC., SALUTEM ET OMNIPOTENTIS DEI BENEDICTIONEM!

Sincera devotionis affectus, quem ad universalem Ecclesiam gerere confitebamini, promeretur, ut votis illis, præsertim quæ in Divini cultus augmentum, & animarum vestrarum salutem cedere dignoscuntur, quantum Nobis ex alto conceditur, favorabiliter annuamus. Cum igitur Nobis pro parte vestra expositum extiterit, quod sæpe contingit, oppidum vestrum ex eo, quod personæ excommunicatæ, & quibus Ecclesiæ est interdictus ingressus, ad ipsum oppidum declinant, & in eo aliquamdiu perseverando moram trahunt, Ecclesiastico subijci & supponi interdicto, propter quod vos, & alios, ipsum oppidum inhabitantes, etiam post dictarum personarum excommunicationum recessum per certos dies subsequentes cessare oportet a Divinis, in Divini cultus detrimentum, ac Christi fi-

delium præjudicium, & periculum animarum. Quare Nobis pro parte vestra fuit humiliter supplicatum, ut vobis super his de remedio providere dignaremur. Nos igitur vestris devotis in hac parte supplicationibus inclinati, ut quotiescunque hujusmodi personas excommunicatas, seu interdictas a jure, ut ab homine, quavis etiam auctoritate ad vestrum oppidum declinare contigerit, mox post recessum earum extra oppidum hujusmodi absque cujusvis moræ intervallo, oppidi alicujus alterius super hoc licentia minime requisita in singulis Ecclesiis, Monasteriis, & Capellis ipsius oppidi in ibi pro tempore confluentium, & degentium præsentia, apertis januis, & campanis pulsatis, excommunicatis tamen & interdictis exclusis, Missas, & alia Divina Officia publice, sollemniter, & alta voce resume-

re, & celebrare, ac quæcunque alia Ecclesiastica Sacramenta ministrare libere, & licite valeat, dummodo vos, aut confluentes, seu degentes ipsi causam hujusmodi non dederitis, & dederint interdito, nec id vos specialiter interdicti contigerit, vobis, & vestrum cuilibet indulgemus non obstantibus Constitutionibus

Apostolicis, nec non Statutis Provincialibus, & Synodalibus, cæterisque quibuscunque. Datum in Basilea XIII. Cal. Decembr. Anno a Nativitate Domini Millesimo, quadringentesimo, tricesimo tertio.

*Ineditum communicavit Clav. ab Evath,
Consiliarius Nassovico Dillenburgicus.*

Conservatorium Ecclesiæ S. SERVATII Quedlingburgensis, ex Originali emendatum.

Anno Christi MCCCCXXXIV. Eugenii IV. Pp. IV.
Sigismundi Regis XXV.

SACRO SANCTA GENERALIS SYNODUS BASILIENSIS, IN SPIRITU S. LEGITIME CONGREGATA, UNIVERSALEM ECCLESIAM REPRÆSENTANS, DILECTIS ECCLESIAE FILIIS - - PRÆPOSITO B. MARIE ERFFORDIENSIS, MAGUNTINÆ DIOCESEOS, ET S. NICOLAI MAGDEBURGENSIS, AC B. MARIE HALBERSTADENS. ECCLESIARUM DECANI, SALUTEM ET OMNIPOTENTIS DEI BENEDICTIONEM.

AD compescendos conatus nepharios perverlorum, qui personas, & loca Ecclesiastica super bonis, & juri-
bus suis offendere, & multiplicibus perturbare molestiis non verentur, tanto magis decet per Nos oportuno remedio providere, quanto per amplius turbationes hujusmodi, & molestiæ in Divinæ Majestatis offensam, nec non Ecclesiasticæ libertatis redundare dispendium dinoscuntur. Dudum siquidem, cum in diversis mundi partibus Consules civitatum, & Rectores, nec non alii, qui potestatem habere videbantur, tot onera frequenter imponerent Ecclesiis, ut deterioris conditionis factum sub eis Sacerdotium videretur, quam sub Pharaone fuisset, qui Legis Divinæ notitiam non habebat, quique omnibus aliis servituti subactis, Sacerdotes & possessiones eorum in pristina libertate dimisit, & de publico eis alimoniam ministravit. *In Concilio Lateranensi.* Ecclesiæ immunitati providendo sub anathematis districtione prohibitum extitit, ne Consules, Rectores, aut alii prædicti Ecclesias, & Viros Ecclesiasticos tallis, seu collectis, aut exactionibus aliis aggravare præsumerent, transgressores, & fautores eorum præcipiendo anathematis sententiæ subiacere,

donec satisfactionem impenderent competentem. Et etiam deinde in generali Concilio editum fuerit, quod si Episcopi forte simul cum Clericis, etiam si tantam necessitatem, vel utilitatem inspicerent, ut absque ulla coactione ad relevandas communes utilitates, vel necessitates, ubi laicorum non suppeterent facultates subsidia per Ecclesias laicis ducerent concedenda, minime super hoc consulto Romano Pontifice, concessionibus & sententiis, quæ a talibus, vel de ipsorum mandato forent promulgatæ, essent irritæ & inanes, nullo unquam tempore valituræ; Ac etiam in ipso generali Concilio Decretum extitit, illum, qui infra tempus sui regiminis propter fractionem Constitutionum vel Sanctionum hujusmodi sustineret anathema, tanquam post illud non esset ad satisfactionis debitum compellendus, nec non ipsius successorem, qui non satisfaceret infra menses, manere Ecclesiastica Censura conclusum, donec satisfaceret competenter, cum succederet in onere, qui substitueretur in honores; Postmodum vero felix recordationis HONORIUS Papa III. attente considerans, quod quondam FREDERICUS Secundus, olim Romanorum Imperator, tunc sub obedientia & devotione S. Ro-

manæ Ecclesiæ persistens ad laudem ejusdem Ecclesiæ, & sacri decus Romani Imperii cupiens, ut expurgatis quorundam erroribus, & iniquis statutis penitus destitutis, de cætero Ecclesiæ, & Ecclesiasticæ personæ plena vigerent quiete, & secura libertate gauderent, ac pie & juste attendens, quod quorundam perverforum iniquitas adeo habundaverat, ut non dubitaret contra Ecclesiasticam disciplinam, & Sacros Canones statuta sua confingere adversus Ecclesiasticas personas, & Ecclesiasticam libertatem, edictali lege hujusmodi statuta iniqua irritaverat, & præceperat irrita nunciari, & omnia statuta, & consuetudines, quæ civitates, & loca, Potestates, vel Consules, aut quæcunque aliæ personæ contra libertatem Ecclesiæ, vel personas Ecclesiasticas hujusmodi edere, aut servare temptarent contra Canonicas, vel Imperiales Sanctiones, de ipsorum Capitularibus infra duos menses post ipsius legis publicationem penitus aboleri facerent, & si de cætero talia attemptarent, illa ipso jure decrevit esse nulla, & eos sua jurisdictione privatos, nec non locum, ubi talia deinceps præsumpta fuissent, Banno mille marcharum auri Fisco Imperiali præceperat subjacere, Potestates vero, Consules, Statutarii, & Scriptores statutorum prædictorum, nec non Consilarii locorum ipsorum, qui secundum statuta & consuetudines memorata judicarent, ex tunc essent ipso jure infames, quorum sententias, & actus legitimos statuerat aliquantulum non tenere. Quodque si per annum præfatarum Constitutionum inventi forent contemtores, bona eorum per totum suum Imperium mandavit impune ab omnibus occupari, salvo nihilominus aliis pœnis contra tales in eisdem generalibus Conciliis promulgatis. Et insuper voluit idem tunc IMPERATOR, quod nulla Communitas, vel persona publica seu privata collectas, exactiones, angarias, vel perangarias Ecclesiis, vel aliis piis locis, aut Ecclesiasticis personis hujusmodi imponere, seu invadere Ecclesiastica bona præsumeret, quod si secus faceret, & requisita ab Ecclesia, vel Imperio hujusmodi emendare contemneret, tripliciter refunderet, & nihilominus Banno Imperiali subjaceret, quod sine satisfactione debita nullatenus remitteretur. Statuerat insuper, quod

quæcunque Communitas, vel persona per annum in excommunicatione propter libertatem Ecclesiæ violatam persisteret, ipso jure similiter dicto Banno Imperiali subjaceret, a quo nullatenus extraheretur, nisi prius ab Ecclesia beneficio absolutionis obtento. Et insuper ordinaverat, ut nullus Ecclesiasticam personam in Criminali quæstione vel Civili ad Judicium seculare trahere præsumeret contra easdem Canonicas Sanctiones, & Constitutiones Imperiales, quod si secus faceret, actor a suo jure caderet, & judicatum non teneret, & Judex ex tunc foret judicandi auctoritate privatus. Quodque Judices temporales, qui Clericis, & personis Ecclesiasticis justitiam denegare præsumerent, tertio requisiti jurisdictionem suam amitterent, Constitutionem ipsam de consilio etiam Fratrum suorum S. Romanæ Ecclesiæ Cardinalium, qui tunc erant, auctoritate Apostolica approbans, & confirmans, ipsam mandavit inviolabiliter observari, nec non Statutarios, & Scriptores, ac violatores prædictos excommunicatos eadem auctoritate nunciari. Et deinde ad audientiam Divinæ memoriæ KAROLI Quarti etiam Roman. Imperatoris semper Augusti deducto, quod nonnullæ seculares personæ, in Potestatibus, & officiis publicis constitutæ, videlicet Duces, Marchiones, Comites, Barones, Milites, & alii Domini temporales, nec non Consules civitatum, opidorum, villarum, & locorum Rectores in diversis Provinciis ejusdem Imperii, Dei timore postposito, statuta singularia, & iniquas ordinationes motu proprio, & de facto contra ipsas personas Ecclesiasticas, & Ecclesiarum libertates, & eorum privilegia condiderant, illisque de facto, & publice urebantur contra Canonicas & Legales Sanctiones, utpote quod nulla bona temporalia in potestatem Ecclesiasticam transferrentur, & ne Clerici, in sacris Ordinibus constituti, ad agendum, & testificandum in Civilibus, & maxime in piis causis aliquatenus admitterentur, quodque excommunicati laici, & publice denunciati in Civili foro minime repellerentur; Et insuper prædicti Domini temporales, Consules, & Rectores per secularem Potestatem res & bona Clericorum occuparent, arrestarent, & oblationes Christi fidelium minuerent, atque restrin-

restringerent, exactiones, & tallias indebitas de bonis & redditibus Ecclesiarum exigerent, & extorquerent, possessiones Ecclesiarum, & personarum earundem devastarent incendiis & rapinis. Contractus inter Clericos & laicos legitime factos ad libros civitatum, villarum, & locorum prædictorum inscribere, & sigillare recusarent, donataque & legata ad fabricas, & Ecclesiarum structuras contra Prælatorum voluntatem, & aliorum, quorum intererat, temere usurpare præsumerent, ac in fraudem & odium Clericorum, de bonis etiam & rebus eorundem Clericorum, quæ non causa negotiationum, sed pro eorum propriis usibus per eorum terras ducebant, seu duci faciebant, thesaurum exigere, & recipere non verebantur, & confugientes ad Ecclesias, & eorum cimiteria, inde extrahere contra Canonicas & Imperiales Sanctiones huiusmodi præsumferant, & præsumebant. Idem CAROLUS Imperator, tanquam Christianissimus Princeps, volens in præmissis providere de remedio salutari, etiam de quorundam Ducum, Principum, Comitum, Baronum, Militum, Fideliumque aliorum Sacri Imperii sæpe dicti consilio, auctoritate Imperiali, quæcunque statuta ac consuetudines prædictæ, tanquam per Canonicas & Civiles Sanctiones expresse reprobata, cassavit, irritavit, & annullavit, ac cassâ, irritâ, nulliusque esse voluit roboris, vel momenti præcipientes sub Imperiali Banni pœna universis & singulis Principibus, & Dominis temporalibus, Consulibus, Potestatibus, & aliis in officiis publicis in eodem imperio constitutis, quatinus ex tunc ipsorum statuta, & ordinationes, sicut in præjudicium Ecclesiasticæ libertatis, edita fuerant, omnino revocarent, & de luce tollerent, quodque secundum ea non iudicarent amplius, nec sententias dictarent, aut de eisdem in iudicio, vel extra iudicium quodlibet proficere, & contra Ecclesiasticam libertatem eandem potirentur. Pronunciavit insuper, & eadem decrevit auctoritate, quod quicumque laicus, cujuscunque status, aut conditionis existeret, ausu sacrilego, & propriæ temeritatis audaciâ Sacerdotem, vel Clericum secularem, vel Religiosum diffidaret, proscriberet, spoliaret, captivaret, occideret, mutilaret, aut in carcere detineret, vel huiusmodi

maleficia perpetrantes scienter receptaret, vel eis favorem præstaret, præter pœnas a sacris Canonibus, & legalibus sanctionibus in tales inflictas, eo ipso redderetur infamis, & omni honore privatus, nec ad placita vel consilia Nobilium admitteretur quovis modo; Hortans insuper in Domino, & requirens Ecclesiasticos Prælatos in illis partibus, in quibus committerentur talia, constitutos, ut legem Imperialem huiusmodi per eorum Ecclesias, & Synodos publicarent, ne transgressores huiusmodi per simulatam ignorantiam suam valerent in hac parte malitiam excusare, prout in Constitutionibus, & Sanctionibus Conciliorum, & Honorii prædictorum, ac Imperialibus præfatis plenius continetur. Cum autem sicut lamentabili querela dilectarum Ecclesiæ Filiarum, Abbatissæ, & Capituli secularis Ecclesiæ Quedlingborgen. Rom. Ecclesiæ immediate subiectæ, nec non universorum perpetuorum Beneficiatorum, & Personarum Ecclesiasticarum in eadem, aliisque Ecclesiis, & Monasteriis eidem subiectis Halberstad. Dioeceseos nuper accepimus, nonnulli Principes, Duces, Comites, Barones, Communitates, & alii seculares potestates earundem Constitutionum, & Sanctionum Canonicarum, & legalium forsitan ignari contra ipsas ab Abbatissa, & Capitulo, Beneficiatis, & personis prædictis communiter, vel divisim forsitan tallias, & gabellas, ac alias exactiones illicitas hæcenus extorserint, & adhuc extorquere nitantur, ac etiam bona Abbatissæ, Capituli, Personarum, & Beneficiatorum prædictorum invaserint, arrestaverint, occupaverint, detinuerint, & suis usibus applicuerint, nec non occupare, invadere, arrestare, detinere, ac eadem suis usibus applicare similiter de facto præsumant, in animarum suarum periculum, nec non prædictorum Abbatissæ, Capituli, Beneficiatorum, & Personarum non modicum præjudicium, atque damnum, Nos ipsis Abbatissæ, Capitulo, Beneficiatis, & personis de opportuno remedio providere volentes, discretionem vestram pro hæc nostra scripta in virtute sanctæ obedientiæ districtè præcipiendo mandamus, quatinus Vos, vel duo, aut unus vestrum per Vos, vel alium, seu alios Abbatissæ, Capituli, Beneficiatis, & personis prædictis contra quoscunque trans-

transgressores, & violatores Constitutionum, & Sanctionum eorundem, cujuscunque gradus, dignitatis, & excellentiæ fuerint, efficaci defensionis auxilio assistentes, non permittatis eos contra Canonicas, & legales Sanctiones, & Constitutiones hujusmodi indebite molestari, nec non easdem Constitutiones, & Sanctiones, ubi & quando expedire videritis, solemniter publicantes, faciatis transgressores, & violatores hujusmodi, si & prout justum fuerit, aut ubi & quoties expedieret, tam diu excommunicatos, aut anathematizatos publice nunciari, donec ab earundem talliarum, collectarum, impositionum, & quarumlibet extorsionum, nec non bonorum Abbatissæ, Capituli, Beneficiatorum, & personarum prædictarum hujusmodi invasione, arrestatione, occupatione, defensione, & applicatione omnino desistant, nec non etiam efficaciter restituant eisdem Abbatissæ, Capitulo, Beneficiatis, & personis occasione præmissorum per eos communiter, vel divisim lesis, seu gravatis, tallias, gabellas, & exactiones ipsas, ac etiam bona prædictorum Abbatissæ, Capituli, Beneficiatorum, & Personarum arrestata, occupata, detenta, & applicata, ipsis, aut quæ per se, vel alios illo prætextu quomodolibet receperint, imo verius usurpaverint temere & illicite, a se libere omnino relaxent, ac in manibus vestris juraverint, quod de cætero talia non committant, & ea committentibus non præstent auxilium, consilium, vel favorem, contradictores per censuram Ecclesiasticam, & alia juris oportuna remedia compescendo, invocato ad hoc, si opus fuerit, auxilio brachii secularis. Cæterum si forsan hujusmodi transgressorum, & violatorum, vel ea fieri mandantium, ipsisque consentientium, seu illis per se, vel alium, seu alios dantium, directe vel indirecte, publice vel occulte auxilium, consilium, vel favorem præsentia, pro monitionibus, & requisitionibus per vos de ipsis fiendis tute, secure, vel

commode haberi nequiret, Nos vobis monitiones, & requisitiones hujusmodi, ac citationes quaslibet per edicta publica in locis affigenda publicis, de quibus sit verisimilis conjectura, quod ad notitiam dictorum citatorum, & monitorum pervenire valeant, faciendi plenam & liberam concedimus tenore præsentium facultatem; Volentes, quod monitiones, requisitiones, & citationes hujusmodi perinde ipsos citatos, requisitos, & monitos, ut præmittitur, ardent, ac si factæ, & insinuatæ præsentialiter, & personaliter extitissent. Non obstantibus piæ memoriæ BONIFACII Papæ VIII, quibus caveretur, ne aliquis extra suam civitatem, vel Dioecesim, nisi in certis exceptis casibus, & in ultra unam diëtam a fine suæ Dioceos ad judicium evocetur. Seu ne Judices extra civitatem, vel Dioecesim, in quibus deputati fuerint, contra quoscunque procedere; aut alii, vel alii vires suas committere, seu aliquos ultra unam diëtam a fine Dioceos eorundem trahere præsumant, dummodo ultra duas diëtas aliquis auctoritate præsentium non trahatur, ac de personis ultra certum numerum ad judicium non vocandis, quam aliis Constitutionibus Apostolicis contrariis quibuscunque, aut si aliquibus communiter vel divisim a Sede Apostolica indultum existat, quod interdicti, suspensi, vel excommunicari, aut extra, vel ultra certa loca ad judicium evocari non possint per litteras non facientes plenam & expressam, ac de verbo ad verbum de indulto hujusmodi mentionem. Dat. Basileæ VIII. Kal. Novembris, anno a Nativitate Domini Millesimo, quadringentesimo, tricesimo quarto.

S. deficit.

C. de Bionis.

*Ineditum communicavit Cl. ab Erath,
Nassovico-Dillenburgeris Consiliarius.*



Literæ

*Litteræ THEODORICI Archi-Episcopi
Colonienfis, & Administratoris Ecclesiæ Paderbornenfis, ad Concilium
Bafilense, pro impetranda conjunctione Ecclesiæ Paderbornenfis,
cum Metropolitana Colonienfi.*

Anno Christi MCCCCXXXIV. Eugenii IV. Pp. IV.
Sigismundi Regis XXV.

REVERENDISSIMIS, REVERENDISQUE PATRIBUS, ET VENERABILIBUS DOMINIS, IN SACRO-SANCTA BASILIENSI SYNODO CONGREGATIS, DOMINIS, ET AMICIS PERCARISSIMIS, SACRO-SANCTÆ BASILIENSI SYNODO IN SPIRITU SANCTO LEGITIME CONGREGATÆ, UNIVERSALEM ECCLESIAM REPRESENTANTI, THEODORICUS, DEI GRATIA, ARCHIEPISCOPUS COLONIENSIS, SACRI ROMANI IMPERII PRINCEPS ELECTOR, ET PER ITALIAM VICE-CANCELLARIUS, WESTPHALIÆ ET ANGARIÆ DUX, APOSTOLICÆ SEDIS LEGATUS, REVERENTIAM DEBITAM ET DEVOTAM.

Reverendissimi, Reverendi Patres, propter diuturnos guerrarum turbines, quos intestina clade obice a longa ætate Ecclesiæ Paderbornenfis pertulerat, cum desperatis rebus illi undique præsidia defecissent, ac crudeli congressu decerneret cum antistite Clerus, laic. vero vulgus voto diviso dispersum patribus hinc inde faveret; perniciosâ adeo terræ, & Diocesi illi plaga accrevit, quod invasa seditione intranea, tellus etiam ab æteris pro libito vastaretur. Unde mutuis jaculis membrorum, & capitis universâ corporis armonia tabescens adeo sterneretur, ut pene careret incolis patria, & incendiis voragine domicilii destituta ea tempestate non solum civilibus, & suburbanis, sed nec sacris ædibus parceretur; nihil enim Rmi Rdiq. Patres, contuentibus patriam occurrebat, quam desert. & - ruinarum vestigia, vepres, & arva latissima cultura omni orbata; videbantur enim se primo - - - quandam vastissimam Trojam, aut Babylonis reliquias in ipsis - - - Cum vero Capitulum prædictum Paderbornense longo certamine contra Præsulem fessum fortunam meliorem timeret illius, qui magnificum Ducem Montensem Fratrem, & inclitos multos favoribus attraxerat opportunis, quamvis penitudine fera finale sibi, & patriæ excidium metuens, crescente illi dietim calamitatum procella, ad me, & Coloniensem Ecclesiam veluti prout tunc proficiebatur ad fiduciam anchoram suppliciter recurrerebat, patriæ me tutorem contra

domesticos hostes instantissime postularet. Verum licet eo tempore gravibus æmulis, & guerris Colonienfis Ecclesiæ vexaretur, nec commode rebus propriis intentus alienis poteram otari, diuturna repulsa ipsorum instantiam repellebam, ut tandem cum nihil inviolatum rapinis adesset, quod raptoribus, & hostibus exteris, & intraneis in spoliis occurrere posset, coact. penuria, & fame armati, & proceres loca meâ Diocesis eis vicina rap. - - incurfibus molestabantur, unde ratus fore utilius vicinam patriam protegere, quietam, & pacificam facere, quam inimicam sustinere, aut exterminio dare, & metuens, ne favore guerræ lassati in magnificum Ducem Montensem Fratrem electi eorum mihi tunc, & Colonienfi Ecclesiæ adversantem intenderent, sic quod juncta illi Paderbornensis patria me, & Ecclesiam meam fortius perturbaret, indefessis Capituli, & patriæ instantis inclinatus tutoris officium sumpsi, rebus Ecclesiæ illius, & patriæ publicis, & privatis sinceritate amica intendens, adversum enim eis Ducem WILHELMUM, ut præfertur, eorum electum ex ferocissimo hoste placatum faciens, pacem cum eo illis emi viginti trium millium precio florenorum de ere Colonienfis Ecclesiæ exhausto, vicinosque Principes, & Dominos, Ecclesiæ, & patriæ Paderbornensi molestos, qui fines eorum depopulabantur jugiter, muneribus, & donis per maximis, ac fœderibus, sanctionibus adeo mihi devinxi, quod ab eo tempore optima & fecura

secura pace fruatur, nisi quod ipsi sæpe pact. infractis etiam sponte infringant, quam semper laboribus, & impensis per me, & meos reintegrare oportet. Interea priusquam ingenio, & solertia mea adversantia singula pactata fuissent, videns Capitulum prælibatum multo proficere, quod me tutore pace optima potiretur, dubitans, ne per novi provisionem antistitis ab illa rebus mutatis discederet, per multa temporis intervalla me simul cum opidanis, & militaribus accuratissime profligavit, ut darem consensum, quod per Pontificem maximum tunc JOHANNEM XXIII. illa mihi Ecclesia ex tutore administrationis titulo traderetur ad vitam. Cumque per spectabiles nuncios suos Capitulum prædictum assentiente patria impetrasset mihi non roganti, non satagenti, non operam danti, administrationis prædictæ Bullas allatas per suos alacriter tradiderunt, & exercitui pro patria eorum tuenda præsidem deductum obvius Crucibus, & sacris Reliquiis cum juramento obire, & fidelitatem præstantes, a quibus militia, & patria nullo modo discederet, tanquam Patrem patriæ in Pastorem, & Dominum receperunt. Tanta quoque voluptate unusquisque status reffectus est, propter habundantiam pacis, quæ eis cotidie concresebat, quod unionem illam, quam cum Colonienſi Ecclesia ad vitam meam contraxerat, brevi spatio vitæ hominis deficere ambigens, firmum tractatum facerent, & consensum darent per literas Capituli sigillo munitas manendi apud Ecclesiam Colonienſem uniri, & . . . ab obitu meo annis centum complendis absque Episcopo proprio optantes hæc Apostolica, & Concilii Constantienſis auctoritatē firmari; dicebant enim a certo . . . eis impossibile fore proprium sustentare Episcopum, allodiis destructis, & munimentis Episcopalis mensæ, aut deperditis, aut pignoribus permaximis obligatis; quæ si redimerentur in integrum, non manerent Episcopo pro sumptibus ad numerum sex florenorum annuatim, unde oporteret cum egestate fore mendicem, nisi vellet subditorum, & vicinorum rapinis insistere, unde tam fructuosa pax facile posset infringi; & hæc omnia ipsi JOHANNI tunc Romano Pontifici, ac sacro demum Constantienſi Concilio, ac invictissimo

Principi Domino meo Gratosissimo Imperatori moderno, tunc Romanorum Regi per Capituli literas apertissime profitentes per suos instantes orarunt, quatenus me Administratore, ut supra scribitur, potirentur. Neque quidem denariis pignoribus obligatum. Ulterius, ut mea ad eos pietas magis claresceret, octo millia florenorum de Camera Archiepiscopali tradita exposita manualiter tradidi Capitulo memorato, antiquum debitum quitando, quo olim mea illi tenebantur Ecclesia, pollicentibus literis, & sigillis sub jurejurando, dictam summam solum ad redemptionem bonorum Episcopalis mensæ, vel partis ipsorum exponere, licet demum juramenti immemores in proprios illos usus vertissent; nec hoc tacentibus, quod pro reis, & expeditionibus multiplicibus, & armatorum stipendiis, sine quorum potentia patriam tutari non poteram, summam ultra triginta millium florenorum, præmissis exceptis de Camera Ecclesiæ Colonienſis ad Capituli instantias expendi voventis literis, & sigillis, se summam prædictam Ecclesiæ meæ fideliter, & integraliter soluturos. Ejus promissi gratia, quia ego castrorum Capitaneis, & custodibus juramento eis dari fueto juxta consuetudinem Paderbornenſis Ecclesiæ, de non resignando fortalitiis de manu Ecclesiæ Colonienſis, nisi debito illi prius soluto, addidi, accusor veluti illicitorum, & infuitorum juramentorum prædictis Officialibus, adinventor. Ad hoc Rdi Patres me fides Ecclesiæ meæ promissa coegit, ne ipsius retento thesauro conspiratores me a patria propulſissent. Impingunt mihi Rmi Patres prætenſis querelis, quod Paderbornenſem Ecclesiam incorporari perpetuo Colonienſi Ecclesiæ impetraverim, quod est potius ad ipsorum acta præterita retorquendum; felices enim memoræ MARTINUS Papa V. examinato diligentius Ecclesiæ statu & viso, quod non solum possent ammodo cum honestate sustentare Episcopum, ac quod debitis Colonienſis Ecclesiæ difficiliter satisfaceret, & intellecto Capituli, & Patriæ voto de stando apud Colonienſem Ecclesiam annis centum, providit prudenter,

denter & decrevit sagaciter melius fore dictam Ecclesiam Paderbornensem Colonienſi uniri, & incorporari, quam centum annorum curriculo ministrari; tollebat enim inde statum ambiguum Ecclesiæ memoratæ, & illam fortiori capiti adjungebat, ut sic paci ejusdem perpetuo provideret. Incorporationem illam, Rmi Patres, digeste & mature Summus Pontifex declaravit: Militia & oppida & Barones, Prælati, & de Clero pars sanior Paderbornensis Ecclesiæ per suas literas acceptarunt, Serenissimus Dominus meus Imperator illi adhæsit, & regalia mihi, & Ecclesiæ Colonienſi concessit; per-veram & realem possessionem dicta incorporatio suum est sortita effectum, nec sub clausula generali revocatoria, per Dominum EUGENIUM Papam facta, intelligitur annullata; quod si quorundam præsumptio, qui nomine Capituli Paderbornensis callide pacem illius Ecclesiæ perturbare nituntur, incorporationem prædictam moleste sufferant, nihil, Patres amplissimi, profecto, quam justitia, quam pax, quam honestas Reipub. illos ad iracundiam concitarunt: priscos enim Antistites, quos captivare, maximisque dare convitiis assuebant, potentia debiles nulla obedientia venerantes, quorum similes habere affectant ad illicita, ut communis foret Clerico, & laico galea & rapina, & homicidio pollutam gestare coronam liceret. Quæ quia detestatus ad religionis illas metas conabar abducere, coram vestro sanctissimo cœtu virtutem, & mei famam honoris, deturpare procurant.

Idcirco vestram sanctissimam concionem deploro humiliter, filialiter, & devote, quorum super præmissis & omnibus statum meum, & Ecclesiæ meæ concernentibus honor. Albertum Varentrap, Official. Colonienſi. Decretorum, Henricum de Erpell, S. Severini Colonienſi. Legum, Tilmannum de Lins, S. Florini Confluentiæ Præpositos, Decretorum Doctores, & strenuos ac nobiles Viros, Rolmannum de Dadenberg Militem, ac Johannem de Gunenberg, Dominum in Landtsron, Ambassiatores, & Consiliarios meos Basileæ existentes, benigne, & favorabiliter audire dignemini, scriptis, & actis Sanctam Synodum informaturos: suppliciter deprecando, quatenus dignetur Synodus Sancta me, & Colonienſem Ecclesiam nostris conservare in juribus, & auditis, & examinatis per eos Præpositis litigiorum oclusis ambagibus adversariis silentium imp. . . . ac ad obediendum Sanctæ Romanæ Ecclesiæ institutis, & mihi inducere; difficile enim Nobiles & Militia Colonienſis Ecclesiæ, qui pro reformando Paderborn. Ecclesiam vitam exposuere & bona, jam rebus integris ære exposito, & jure Ecclesiæ privaretur, unde possent acerbiora scandala, & discordiæ eminere. Valeat justa sanctissima Congregatio, cui me, & Ecclesiam meam filialem recomendo. Datum in castro meo Popelstorp, mensis Maji die quinta, sub sigillo, anno Domini MCCCCXXXIV.

*Ex Annalibus Paderbornensibus Parte II.
Lib. XVI. pag. 583.*

Literæ Paderbornensium ad Concilium

*Basileense, quibus ostendunt æquum non esse, ut Ecclesia
Paderbornensis Colonienſi uniatur.*

Anno Christi MCCCCXXXIV. Eugenii IV. Pp. IV.
Sigismundi Regis XXIV.

Reverendissimi Patres & Domini, pro brevi, & summaria informatione vestrarum Reverendissimarum Paternitatum, qui in materia cujusdam assertæ unionis & incorporationis de Ecclesia Paderbornensi Ecclesiæ Colonienſi,

Tomus V. Concilior. German.

ut dicitur, factæ, mandatis causas assignari, quare hujusmodi asserta unio, sive incorporatio fieri, seu effectum sortiri non debeat, cum omni humilitate damus, & exhibemus infra scripta, quibus visis V. R. Paternitatibus clare constabit,

B b b b b

&

& luculenter apparebit, dictam præsentiam unionem & incorporationem, si qua sit, merito revocandam, cassandam, annullandam, & irritandam fore, ac revocari, cassari, annullari, & irritari cum omnibus inde secutis, & attentatis debere. Et primo dicimus, proponimus, & protestamur, quod per præsentem & quamcunque aliam comparitionem, sive actum per nos factam, seu factum, vel in antea quomodolibet faciendam, seu faciendum, non intendimus, neque volumus ab appellatione pro parte Dominorum Præpositi, Decani, & Capituli, atque personarum Ecclesiæ Paderbornensis, ac aliorum ipsis ad hærentium, ab ipsa præsentia unione & incorporatione ad Sanctissimum Dominum nostrum Papam male informatum, sed melius informandum interposita resilire.... Primo ista unio præsentia, si qua est, expedita est cameraliter, & non in Consistorio Sanctissimi Domini nostri, in quo tales causæ consueverunt tractari, parte vocata, & audita, & quod pejus est, nondum potuit haberi copia ipsius unionis de Registr. Est autem hæc præsentia unio facta, Capitulo Ecclesiæ Paderbornensis, & aliis, quorum intererat, ad hoc non vocatis, neque consentientibus, imo penitus ignorantibus. Item cum Ecclesia Paderborn. sit Provinciæ Mogunt. debebat vocari etiam Capitulum Mogunt. nec sufficit assensus Domini Archi-Episcopi Mogunt. sine assensu sui Capituli.

Præterea per sexingentos annos, & ultra Ecclesia Cathedralis, prout hodie est, bene & sufficienter dotata ad sustentandum Episcopum, & Pastorem suum proprium habuit, prout habuit proprium suum territorium, propriam Diocesim, oppida murata multa, atque castra, fortalicia diversa, & pluralitatem villarum munitarum, & etiam militiam, & diversa Dominia, atque quamplures Comites, & Barones, ac plures Milites, & multos Militares, & alios Nobiles sub se, & etiam plura loca murata, & munita popularia, & adeo fortia, quod hodie si non esset constituta Sedes Episcopalis in civitate Paderbornensi, merito deberet hodie, si non esset ibidem, constitui, erigi, & collocari. Non ergo debet supprimi tam solennis Cathedralis Ecclesia contra mentem & intentionem Re-

gum, Imperatorum, & Reginarum, qui eam fundarunt, & dotarunt. Insuper ex antiquis statutis ejusdem Ecclesiæ Paderbornensis, & privilegiis a centum annis, & ultra, in ea nullus receptus fuit, aut etiam admittitur in Canonicum Capitulum ejusdem Ecclesiæ, vel ad aliquam dignitatem in eadem, nisi fuerit, aut sit de Baronum, aut Nobili, aut saltem de Militari genere procreatus ex utroque parente, aut alias vir maturus, Doctor, vel Licentius in jure Canonico, vel Civili, seu Magister in sacra Theologia.

Est præterea Ecclesia Paderbornensis in civitate Paderbornensi constituta in loco bene solemniori, & populofo, forti, murato, & bene munito, nec subest aliqua rationabilis causa, quare debeat supprimi, & Ecclesiæ Colonienfi uniri; Non enim propter paupertatem Ecclesiæ Colonienfis, quæ valet annuatim C millia, nec propter paupertatem Ecclesiæ Paderbornensis, cum sit sufficienter dotata, & multos habuit Episcopos nobiles & illustres, quos notabiliter, & solenniter sustentavit. Est etiam absurdum quid, quod tam notabilis Ecclesia, prout fuit & est præsens Paderbornensis Ecclesia, ad preces unius duntaxat, & ex assumpta occasione, scilicet de consensu alterius, deberet sic supprimi, & extinguui, & in Collegiatam redigi, sedesque Cathedralis ita deleri, seu cassari, & ejusdem Ecclesiæ honor alteri Ecclesiæ sine maxima necessitate applicari: & illud cum dissimulatione sic transiri, utique nullatenus apud rationabiles & mansuetos quovis modo debet admitti, neque per quempiam rationabiliter tolerari.

Et deinde, quia in eadem Bulla, seu ejus impetratione asseritur, suggestum fuisse, Ecclesiam Paderbornensem fore in redditibus, & proventibus annuis adeo destitutam, & depauperatam, quod ejus redditus, & proventus annui ultra quadringentos florenos auri de Camera annuam se non extendant, quod veritate caret, quinimo ejus redditus, & proventus annui prædictam taxam in duplo, & ultra annuatim excedunt, salva alienatione, & impignoratione quorundam castrorum, locorum, & reddituum annuorum, quam R. Pater Dominus THEODORICUS modernus Archi-Episcopus Colonienfis, tanquam Administrator,

tor, & Commendatarius Ecclesiæ Paderborn. prætextu cuiusdam prætextæ Commendæ, per quondam Dominum JOHANNEM Papam XXIII. cessæ & factæ, fecit, & alienavit, seu impignoravit, absque requisitione, & consensu Capituli Ecclesiæ Padeborn., imo ut præsumitur, contra ejus juramentum per eum Ecclesiæ, & Capitulo Paderborn. in sua administratione ratione commendæ prædictæ præstitum, ejus reverentia tamen semper salva, & sic utique ex falsa suggestione de annuo valore ipsius Ecclesiæ Paderborn., & ultra dimidium iusti & veri, imo ad duplum ejus. Quare merito huiusmodi unio prætextæ, si qua sit, rescindi, seu tolli & annullari, aut revocari jure, & æquitatē suadente debet.

Insuper descendendo ad speciem idem Dominus THEODORICUS Archi-Episcopus, postquam fuit præfectus Administrator Ecclesiæ Paderborn. in signe castrum cum oppido Dringhenberg murato, & munito inter alia oppida, & castra ejusdem Ecclesiæ, & in quo pro tempore Episcopi Padeborn. pro majori parte temporis consueverunt facere veram personalem residentiam, pro & ex eo, cum fuerit, & sit cum pleno Dominio, & proprietate Ecclesiæ Padeborn., & pro tempore Episcopi Padeborn. ipsius in spiritualibus, & temporalibus, præfatus vero Dominus THEODORICUS Archi-Episcopus idem castrum cum oppido, & ejus districtu, etiam absque requisitione Capituli, & eo non consentiente, impignoravit pro magna pecuniarum quantitate jam ante plures annos, & fortassis, nisi super hoc per Dominum nostrum Papam provideatur consulte, etiam in perpetua alienatione castrum, & oppidum prædicta remanebunt, fertur enim in publicum, quod ipse Dominus Archi-Episcopus armigerum, in quem transtulit huiusmodi castrum cum oppido, strinxit ad insolitum juramentum, ut puta, jurare fidelitatem Ecclesiæ Coloniensi, & ejus pro tempore Archi-Episcopo, nihil enim penitus exprimens in hoc de fidelitate Ecclesiæ Padeborn., aut illius pro tempore Episcopo, & Capitulo.

Item est aliud castrum notabile muratum, munitum, & forte, appellatum

Castrum *To den Nygbenbase*, sive ad *Novam Domum*, in quo etiam idem Dominus pro tempore Episcopus Pad. suam consuevit facere personalem residentiam propter vicinitatem ejus cum civitate, & Ecclesia Pad. quod etiam castrum irrequisito Capitulo, & eo inconsulto impignoravit, seu alienavit, etiam cum simili constrinxione juramenti, ut fertur. Considerent modo R. P. V. si idem Dominus THEODORICUS Archi-Episcopus servaverit bene contenta in Bulla commendæ suæ, aut ultimæ videlicet unionis prætextæ de non alienando ab Ecclesia Pad. immobilia, & stabilia, aut etiam mobilia preciosa, ut ipse Dominus THEODORICUS Archi-Episcopus ponderaverit verba juramenti sui solemniter præstiti, fidelis esse Ecclesiæ Padeb. ubi per ultimam Bullam videtur intendere, quod Domina supprimatur, & ex ea constituatur ancilla. Patet ergo, etiam per præmissa, quod culpa ipsius Domini Archi-Episcopi Ecclesiæ Padeb. est in fructibus diminuta. Placeat ergo Reverendissimi Patres, super præmissis recipere informationes, & illis receptis, fideliter, sicuti firmiter speramus, referre Sanctissimo Domino nostro, ut Ecclesia Padeb. maneat, in statu suo, & compellatur Dominus Archi-Episcopus, ut castra, & oppida per eum sine consensu Capituli impignorata redimat, & Ecclesiæ restituat.

Item dicitur contineri in dicta prætextæ Bulla assertæ unionis, & suppressionis Cathedralis, & Ecclesiæ Padeborn. eandem esse taxatam in Apostolica Camera ad centum florenos auri de Camera, & ejus redditus mensæ Episcopalis ascendere ad quadringentos similes florenos ad mulcendum Principem, ut annueret unioni, & suppressioni, & dolo se tacuit ille, qui non habuit ignorare, ex quo præfuit Administrator Ecclesiæ Paderbornensis quindecim annis & ultra, quod ipsa Ecclesia Paderbornensis abundabat tot, & tantis castris, & oppidis muratis, atque munitionibus & villis, & etiam habundavit, & habundat multitudine Nobilium, & armatorum Vassallorum ejusdem Ecclesiæ, & sub qua etiam revera plures magni Nobiles, imo Duces, Landgravius Hassiæ, & quam plures Comites, & Barones eidem Ecclesiæ

Paderbornensi juramento fidelitatis astricti sunt jure Vassallano, ratione castrorum, & bonorum, quæ possidet intra, & extra Diocesim Paderbornensem.

Et ut de his tangatur exemplum, nam immediatus Prædecessor ipsius Domini moderni Archi-Episcopi Colonienfis, quondam FRIDERICUS tunc Archi-Episcopus Colonienfis, causante temporis malitia, aut suadentibus adversis eventibus, odioque, & rancore per eum contra Ecclesiam Paderbornensem præconcepis, captata sibi temporis opportunitate, prout putabat, animo invadendi Ecclesiam Paderbornensem, ac subditos ejusdem Ecclesiæ damnificandi, idem quondam Dominus Archiepiscopus congregavit sibi validum exercitum armatorum forte in numero M. & V. c. Equitum, & etiam CCCC. Balistariorum cum alia Comitiva eis hostiliter intravit Diocesim Paderbornensem, quærens subditos Ecclesiæ Paderbornensis, & eorum bona invadere, & eorum oppida, castra, & villas incendio concremare, & spolia atque captivos abducere, quæ subito percipiens tunc electus Ecclesiæ Paderbornensis cum ejus Vassallis, & subditis in continenti se aggregarunt, quærentes modum resistendi, & cum Adjutorio Dei resistendo adversariis dictam multitudinem Armatorum dicti quondam Archi-Episcopi quasi totam, seu majorem partem in sua Diocesi Paderbornensi detinuerunt captivam, ita quod ipse tunc quondam Dominus FREDERICUS Archi-Episcopus cum paucis personaliter vix evasis, de quibus etiam debet recordari ipse Dominus THEODORICUS modernus Archi-Episcopus Colonienfis, si saltem tunc fuit in patria, cum hæc res gesta sit circa spacium viginti annorum, vel modicum ultra, & plures adhuc superstites sunt in humanis, qui eidem conflictui interfuerunt. Non ergo debuit impetrans in prætenfa unione suggerere Romano Pontifici Ecclesiam Paderbornensem fore ita exilem cum revera Diocesis Paderbornensis in fructibus superhabundet, prout notum est omnibus de patria ejusdem Diocesis, & quam pluribus aliis de partibus circumvicinis existentibus.

Et forte quærens hujusmodi unionem, & suppressionem Cathedralis Ec-

clesiæ, voluit bona, castra, & oppida ejus distrahere, seu impignorare, ut posset eam exilem dicere, & citius suppressionem Ecclesiæ Cathedralis obtinere.

Item, & ex eo merito revocanda, cassanda, irritanda, & annullanda est eadem unio, seu incorporatio prætenfa, quia facta est citra, & præter consensum, & assensum Dominorum, Præpositi, Decani, & Capituli ipsius Ecclesiæ Paderbornensis, imo eis nescientibus & ignorantibus, & adhuc minime requisitis, & simili modo præter consensum Dominorum Decani, & Capituli ipsius Ecclesiæ Moguntinensis, cui Ecclesia Paderb. jure Metropolitico est subjecta, imo eisdem etiam ignorantibus, nescientibus, & irrequisitis fuit, & est obtenta, de quorum tamen omnium, & singulorum per eandem prætenfam unionem agitur præjudicio, detrimento, gravamine, & destitutione, & depressione perpetuis Ecclesiæ Paderbornensis.

Item nec etiam ea de causa prætenfa incorporatio, five unio locum sibi vendicare habet, quod ipsa Ecclesia Paderbornensis ad tantam devenerit depressionem, & inopiam, quod ipsa pro Pastoris, & Episcopi sustentatione ipsius, etiam decenti, & competenti non sufficiat. Absit hoc dicere, cum ipsa Ecclesia Paderbornensis habeat solemnem civitatem, & in se ipsa, etiam a primæva ejus fundatione sit Ecclesia solemnissima adinstar aliarum Ecclesiarum Cathedralium per partes Alemanniæ, non solum in structura, & fabrica, sed imo etiam copiosa multitudine Beneficiorum in eadem, & cum congruentibus redditibus, habet enim Ecclesia Paderbornensis post principalem dignitatem, videlicet Pastoralem, omnes alias in ordine Dignitates, & Prælatos inferiores adinstar aliarum Ecclesiarum Cathedralium, & imo VIII. Archidiaconos, & totidem sedes Archidiaconales per Diocesim, & XXIV. Canonicos majoribus Præbendis Præbendatos, qui omnes sunt Nobiles, vel Militares, ex utroque parente, vel ad majus Doctores, vel Licentiatum in jure, vel sacra pagina, & maturi viri, & copiosum numerum perpetuorum Vicariorum, & Beneficiorum ulera XL, nec non alios Ministros quam plures in eadem Ecclesia Divinis Officiis inter-

interessentes, ipsique Ecclesiæ servientes.

Est etiam ipsa Civitas Paderbornensis adeo insignis, quod in ea ultra dictam Ecclesiam Cathedralem fuit, & est quædam alia solemnitas Collegiata Ecclesiæ secularis, habens etiam Prælatos suos, & Canonicos, & perpetuos Vicarios in numero condecens, & congruo, & congrua sustentatione annuorum reddituum beneficialiter expeditos, & ultra in eadem Civitate Paderbornensi sunt plures Ecclesiæ Parochiales curatæ, & solemnitas Monasteria, atque Conventus diversorum ordinum, etiam intra muros ejusdem civitatis, ac fuit, & est eadem civitas Paderbornensis, tam magna & populosa, potens ac fortis, quod una de solemnioribus civitatibus, & oppidis totius Alamanniæ reputatur, quam Ecclesia Paderbornensis, & Episcopus ratione ipsius cum mero, & mixto Imperio in Spiritualibus, & temporalibus possidet, & habet pleno jure.

Habet etiam supradicta Ecclesia Paderbornensis, & Episcopus ejus pro tempore existens nomine ipsius plurima & insignia oppida, castra, & fortalicia in numero ultra XXX, & quam plures alias munitiones, villas, & villagia, quod fastidium audientibus, si singulariter nominarentur, procul dubio generaret, in quibus, vel majori parte Ecclesia Paderbornensis, & Episcopus nomine ipsius habet merum, & mixtum Imperium, & nomine Ecclesiæ ea omnia, & singula, seu omnes, & singulas, vel majorem partem eorundem tenet, & possidet cum jurisdictione spirituali, & temporalis pleno jure, nec alium recognoscunt, etiam Dominum temporalem, quam Episcopum Paderbornensem pro tempore existentem.

Item sunt etiam inter hæc oppida plura, & tam solemnitas, & insignia ad Ecclesiam Paderbornensem spectantia in numero ultra tria vel quatuor, quod congruenter, & optime sufficerent pro Cathedrali Ecclesia in eisde de novo fundanda & erigenda, imo plures civitates, in quibus jam sedes Cathedralis fundata est, eis æquiparare non possent. Nam si licitum esset, & ac necessitas, & causa rationabilis hoc exigere, quod Ecclesia Paderbornensis, sive Episcopus

cum consensu Capituli aliquod ipsorum vendere, & alienare vellent, & possent alicui alteri Arch-Episcopo, vel alteri Principi, seu Domino temporali circumvicino, tantam pro eo possent habere pecuniæ summam, quod cum eisdem pecuniis novi redditus, & proventus annui sine dubio possent emi & comparari, qui pro unius Episcopi, vel etiam Arch-Episcopi sustentatione congruenti, & competenti sufficerent habunde.

Item ultra præfatas Ecclesias scilicet Cathedralem, & Collegiatam in civitate Paderbornensi, in Dicecesi fuerunt, & sunt alia solemnitas Collegiata Ecclesiæ ad minus in numero tres, vel quatuor habentes, salvis vacationum temporibus aliqua ex eis Præpositos, Præposituras, Dignitates principales in eisdem existentes, Decanos, & Decanatus, Scholasticos, & Scholastrias, & alias dignitates inferiores, & officia in eisdem, & in qualibet earum, etiam quam plures Canonicos Capitulares, & totidem Præbendas Canonicales, & Vicarias perpetuas, & Beneficia perpetua in magno numero, quarum una est in oppido Hervordenensi, una in oppido Huxariensi, & alia in Bilsveldensi.

Item sunt etiam in dicta civitate & Dicecesi Paderbornensi, quam plura Monasteria regularia & secularia, virorum & mulierum diversorum ordinum, ut puta Sancti Benedicti, Cisterciensis, Canonicorum Regularium, Canonicorum secularium, ordinis Mendicantium, etiam Monialium, quorum aliqua etiam sunt regularia, ac solemniter, & opulente per Romanorum Imperatores fundata, erecta, & dotata, quæ etiam in recitando rædium generaret, & fastidium in specie nominari.

Item habet eadem Ecclesia, & Episcopus pro tempore existens, sub se, & ejus Dominio quam plures Comites, Nobiles, Barones, ac innumerabiles Militares eundem Episcopum pro Domino spirituali, & temporalis duntaxat recognoscences, & ab eo tenentes bona feudalia, ac Emphetheutica, ac sibi propterea stricti juramento fidelitatis.

Item habet Ecclesia Paderbornensis quam plures potentes Principes, Comites, Barones, & terrarum Dominos feudum ab eo tenentes, & recipientes, &

B b b b b 3

eum

eum etiam recognoscunt pro Domino temporali.

Item habet Ecclesia Paderbornensis largam & latissimam Diecefin extensam per proprium ipsius Ecclesie Patrimonium, & Dominium, seu territorium temporale superius expressum, nec non per territoria quam plurimorum Principum, Comitum, Nobilium, & Dominorum temporalium, videlicet Ducum Brunsvicensium, & Luneburgensium, Comitum de Waldeg, Comitum de Ravensberg, ac Comitum de Swalenberg, Comitatum de Sterneberg, Comitatum de Redberg, & Comitatum de Pirmunt, nec non territoria Dominorum Baronum de Lippia, Baronum de Biren, Baronum de Schenenberg, in quibus etiam Comitatus, & territoria sunt quam plura solemnissima, populosa, murata, fortia, & insignia oppida, Diecefis Paderbornensis existentia, quorum quodlibet abundanter, & peropportune sufficeret pro Cathedrali Ecclesia, & Episcopali Sede, imo etiam Archi-Episcopali de novo ibidem fundanda, & erigenda.

Est etiam predicta Ecclesia Paderbornensis in omnibus Dominiis, bonis temporalibus, redditibus, proventibus, & territoriis, nec non potestate temporali solemnior, amplior, & uberior, & magis excellens, seclusis Archi Episcopalibus Ecclesiis, quam aliqua Cathedralium Ecclesiarum, & Diecefis circumvicinarum, & antiquarum, videlicet Hildefemensis, Osnabrugensis, Mindensis, & Verdensis, quæ omnes tamen habent & tenent suos Prælatos Episcopos, & Pastores. Quare merito & sæpèdicta Ecclesia Paderbornensis manebit in suo statu, libertate, honore, & consuetudine, ac jure, & privilegiis, quas jam ultra septingentos annos salva vacationis tempore habuit, tenuit, & pacifice præscripsit, & possedit.

Concluditur ergo tam ad scripta Capitulum Moguntinensium, & Paderbornensium Ecclesiarum, & etiam æquitate & ratione suadente, & etiam ut obvietur scandalis, periculis, & discordiis, atque guerris, & ne incendia, homicidia multifarie, & multimode sequantur, postquam V. P. R. receperunt summariam informationem de veritate eorum, quæ superius dicta sunt, saltem summa-

riam, & pro summaria informatione per paucos, qui in Curia Romana poterint haberi, & etiam per copiosam multitudinem testium in partibus, si expedit, ubi veritas habundat, & est in luce, de habundantia Ecclesie Paderbornensis tam in Vasallis, quam in Nobilibus, & armatis, atque aliis subditis, & redditibus, ac opulencia oppidorum notabilium, atque castrorum, & villarum multitudinem, & amplitudine districtus in hujusmodi Diecefi, tunc utique his habitis Sanctissimo Domino nostro est summe persuadendum, ut casset, seu irritet, seu revocet ipsam præsentam unionem, & applicationem, ac suppressionem Cathedralis Ecclesie Paderbornensis, ex quo nondum sortita est effectum, neque aliquo modo poterit effectum consequi, nisi cum maximo dispendio, pro eo, quod a maximo usque ad minimum, & nullo medio quodammodo prætermisso reclamant, & se opponunt, expresse dicentes: Vivat Ecclesia Paderbornensis, in libertatibus suis ab antiquo adductis, & introductis illæsa, & gaudeat amodo suo proprio Prælatore, prout a septingentis annis citra gaudere consuevit. Et sic pariformiter etiam tollatur commenda predicta ab ipsa Ecclesia Paderbornensi, quæ satis diu duravit, & ipsi Ecclesie per alienationem satis onerosa fuit, & amplius ipsius Ecclesie Paderbornensis esset destructio. Et quæ Commenda, si ipsius data bene inspicetur, quæ est data Friburgi, Constantiensis Diecefis, Yd. April. Anno quinto, ubi tunc ipse Dominus JOHANNES XXIII. fuerat in motu & fuga de Concilio Constantiensis, & sic illa litera, & plures aliz etiam exorbitantissimæ transiverunt absque deliberatione, & sine consilio, ymo præter scitum Dominorum Cardinalium, & fortasse predicta Commenda etiam sine deliberatione ipsius olim Domini JOHANNIS, prout constat adhuc antiquis multis curialibus, qualiter literæ Friburgi, & in aliis locis, tempore, quo fuit in motu & fuga ipse Dominus JOHANNES, transiverunt, etiam ipsa Commenda transivit. Et maxime tollatur ipsa Commenda, cum ipse Archi Episcopus Colonienensis potens & habundans sit, & sic astringi non posset amplius ad fidelitatem Ecclesie Paderbornensis, tanquam Administrator, nisi cum juramento suo, contra

contra quod videtur vovisse in prioribus alienationibus, & in suppressione ejusdem Ecclesiæ ultimo quæsitæ. Ergo tollatur, & deur Capitulo Ecclesiæ Paderbornensis amodo licentia & potestas eligendi de gremio ejusdem concorditer proprium Prælatum, ac Dominum Ecclesiæ, civitati, Capitulo, & Dicecesi, utilem & idoneum, qui multo melius cognoscitur in gremio Ecclesiæ, quam extra, cum ipsa Ecclesia de gratia Dei habundat Nobilibus, & literatis inter se, & eo concorditer electo, requirat hac vice confirmationem a Sede Apostolica; cum revera eorum Metropolitanus ex inordinato consensu per eum, ut dicitur, dato, si eum dedit, videatur se reddidisse indignum ad dandam confirmationem electioni, & præmissa fiant cum mandato pœnali Apostolico ad ipsum Dominum Archi-episcopum Coloniensem, ut amplius desistat ab inceptis, tam in Commenda, quam in unione præmissis, seque amodo nullatenus de aliqua ex eis quovis modo impediatur, remanendo in metis Ecclesiæ, & Dicecesis suæ propriæ Colonienfis. Tunc ponetur Ecclesia, civitas, & Dicecesis Paderbornensis, & tota illa patria in pacis tranquillitate, quam Deus unicuique desideranti concedat ubique.

His primum ad Patres Concilii transmissis, subjunxere mox alias Paderbornenses ad Concilium literas, quibus multo plenius accuratiusque statum Paderbornensis Ecclesiæ explicant, unice solliciti, ne veterem illum Episcopatum Paderbornensem, a Carolo Magno conditum, & tot exinde Cæsarum, ac Regum privilegiis exornatum, tot possessionibus bonorum, tot urbibus, oppidis, castris, Collegiis Canonicorum, & Cœnobiiis Monachorum, & Monialium, Parochiis, Vassallorum, & Nobilium multitudinem, etiam supra Osnabrugensem, Mindenensem, Hildesheimensem, & Verdensensem Episcopatus Carolinos accumulatum, quam latissima Regione Dicecesis, & jurisdictione per tot circum Comitatus explicatum, sero tandem post septingentos annos extinguere paterentur.

REVERENDISSIMI PATRES, præ brevi summaria informatione pro cautâ sequenti; sic quod ex hujusmodi brevi informatione in Curia de-
tur via ad concedendam pleniorẽ ha-

bendam in partibus, & magis certam ad obviandum, & providendum periculis, & scandalis, quæ obmissis remediis possent ventimiliter evenire, quodsi & in quantum in Romana Curia infra scripti Articuli ita exacte, & specificè non possent deduci.

Et recipiatur consideratio prima in præsentem in primo Articulo. Si enim ipsa Ecclesia Paderbornensis a centum annis proxime præteritis citra fuisset, & esset Collegiata, qui, & quantus labor, & qualis necessitas expediret, obtinere, ut erigeretur in Ecclesiam Cathedralẽ solemnem, prout ipsa eadem Ecclesia Paderbornensis per sexingentos annos & ultra fuit Cathedralis usque in præsens, & habens omni tempore præterito cessantibus vacationum ipsius temporibus Pastorem suum proprium, proprium territorium, propriam Dicecesim, propria oppida murata multa, atque castra, & fortalitia diversa, tacendo de pluralitate villarum munitarum, & etiam militum, & diversa Dominia, atque quam plures Comites & Barones, ac plures milites, & multos militares, & alios Nobiles sub se, & etiam quam plura loca, murata, & munita popularia adeo fortia, quod hodie si non esset constituta Sedes Episcopalis in dicta Civitate Paderbornensi, posset hodierno tempore licite Sedes Episcopalis constitui, erigi, & collocari de novo intra eandem Dicecesim in aliis diversis locis insignibus.

Nunquid si de novo ex casu præmissis de ipsa, si foret Collegiata, deberet erigi in Cathedralẽ, & in ea collocari Sedes sive Cathedra, & in illa creari Præsul, prout a septingentis annis citra fuit, & cessantibus infra scriptis, etiam ad ipsius erectionem requirentur varii labores, variae intercessionis, majores preces, supplicationes, & mandata, ut puta, quod pro tempore Imperator, ac Reges, Duces, Comites, & Barones scriberent ad Sanctissimum Romanum Pontificem, exprimendo causas, & necessitates propter quas peterent exaudiri, & sic fieri, ut de Collegiata efficiatur Cathedralis, & erigeretur Cathedra, & in illa crearetur, & præficeretur Præsul, & quod per exhortationes hujusmodi scriptorum ipse Romanus Pontifex induceretur ad consulendum ejus sacrum Collegium

gium Dominorum Cardinalium , an expediret ita rationabiliter fieri , & non est dubium , quin apud ipsam Ecclesiam Paderbornensem a primæva ejus erectione in Cathedralem ita factum fuerit & existat.

Claret enim hodie apud eandem , quia ex antiquis statutis ejusdem Ecclesiæ, etiam approbatis a centum annis , & ultra, in ea nullus repertus fuerit , aut etiam admittitur in Canonicum Capitularem ejusdem Ecclesiæ, vel ad aliquam dignitatem in eadem, nisi fuerit, vel sit Baronum, aut Nobili, aut saltem de militari genere procreatus ex utroque parente, aut alias vir maturus, Doctor, vel Licentiatum in jure Canonico vel Civili, seu Magister in Sacra Theologia , alias dignus, & idoneus ad Præbendam, vel dignitatem sub eadem Cathedra , & in eadem Ecclesia habendam.

A contrario autem sensu deberet concurrere multo major labor, necessitas, scriptura, & deprecatio major ad Romanum Pontificem, & ad ejus cœtum Dominorum Cardinalium, ut talis honorabilis Ecclesia Cathedralis ita solemniter erecta, notabiliter dotata, & præpollens Vasallis, Dominio, Baronibus & Nobilibus, ac Militaribus, nec non diversis oppidis, castris, atque fortalitiis muratis, & quæ hæc præscripsit sex vicibus præscriptionum, quæ currit contra Romanam Ecclesiam, videlicet spatio centum annorum, ad septies centum annorum spatio habuerit Cathedram, & cessantibus vacationum temporibus pro tempore Episcopum, & præmissa singula in præsentis articulo superius expressata, prout est præsens Paderbornensis Ecclesia, quod contra hujusmodi præscriptiones eadem Paderbornensis Ecclesia ad preces unius duntaxat, & ex assumpta occasione, scilicet consensu alterius, deberet sic supprimi, & extingui, & in Collegiatam redigi, & sedes Cathedralis deleri seu cassari, & ejusdem Ecclesiæ honor alteri Ecclesiæ sine maxima necessitate applicari, & illud cum dissimulatione transire, utique nullatenus apud rationabiles & mansuetos quovismodo debet admitti, aut per quempiam rationabiliter tolerari.

Ad propositum ipsius informationis, & pro brevi summario dicitur, quod

longissima præscriptione, & in memoria hominum non existit de contrario, quod ipsa Ecclesia Paderbornensis, & ejus Cathedra constituta fuit, & est in civitate, loco bene solemniter, atque populoso, forti, murato, & bene munito, ita quod a nemine dici potest, eam constitutam in rure, sed in loco populoso, munito, murato, forti atque apto, & satis amplo.

Item habuit, & habet etiam eadem Ecclesia Paderbornensis universa, quæ consueverunt habere intra se communiter singulæ aliæ Ecclesiæ Cathedralles per Alamanniam, tam in dignitatibus, quam Canonicatibus prædictis, quam etiam perpetuis Vicariis.

Habuit etiam, & habet eadem Ecclesia Paderbornensis, cessantibus saltem vacationum temporibus, post Episcopum, Præpositum & Præposituram, Decanatum & Decanum, Scholasticum & Scholasticum, Cantorem & Cantoriam, Thesaurarium & Thesaurarium, Camerarium & Camerarium, ac diversos Archidiaconatus sedium, diversas sedes per Diocesis, & totidem Archidiaconos, & quilibet suam jurisdictionem juxta distincta loca & Diocesis, videlicet sedes Archidiaconi Horhusen, sedes Archidiaconi Wartbergenensis, sedes Archidiaconi Huxariensis, sedes Archidiaconi Steinhemenensis, sedes Archidiaconi Lemegen, sedes Archidiaconi Bracklen, & plures Archidiaconatus, & sedes Archidiaconales in Civitate & Diocesi Paderbornensi prædictis, & quam plures alios Canonicos Capitulares ejusdem Ecclesiæ, & totidem Præbendas Canonicales, & Capitulares, & ubi in singulis ejusdem personis requiritur, quod singulariter singuli sint nobiles ex utroque parente, aut saltem minus militares ex utroque parente, seu saltem alias viri maturi ætate, vita, moribus, & scientia, videlicet Doctores, Magistri, aut Licentiatum, aut in studiis approbati privilegiatis, alias nullus in præmissis admittitur ad dignitates, aut Præbendas Ecclesiæ ejusdem.

Item in eadem Ecclesia ultra præmissas dignitates, & Præbendas Canonicales sunt in numero XL & ultra perpetui Vicarii, & Beneficiati, & Clerici sacculares, & totidem perpetua Beneficia Ecclesiastica a se invicem distincta eorum quod.

quodlibet ab alio , & quorum quodlibet nutrit suum Possessorem satis congruenter , ut servietur eidem Ecclesiæ more consueto in Divinis Officiis , & in horis consuetis in cantando & legendo , sicut moris est , & ultra prædicta quam plures ministri , & servitores Clerici diverforum officiorum.

Item ultra præmissa etiam a tempore præscripto ut supra , intra muros ejusdem civitatis fuit , & est quædam notabilis solemnitas Collegiata Ecclesia, appellata Ecclesia Ss. Petri, & Andreæ Paderbornensis, in vulgari autem appellata to Bustorp , habens salvis vacationum temporibus Præpositum & Præposituram, dignitatem principalem in eadem, ac Decanum & Decanatum , Scholasticum & Scholastriam , Cantorem & Cantoriam, Thesaurarium & Thesaurariam , & in eadem dignitates, & officia, & quam plures Canonicos, Præbendatos, & totidem Præbendas Canonicales , & ultra prædictos, & prædicta perpetuos Vicarios, & perpetua Beneficia in multitudine copiosa, ita quod est solemnitas Collegiata Ecclesia, etiam sub multitudine Beneficiorum continua singulis temporibus consuetis cum solemnitate, sicut Cathedralis Ecclesia , Divina celebrans officia, & horas nocturnales, & diurnales juxta temporum intervalla.

Item ultra præfatas Ecclesias, Cathedralē scilicet, & Collegiatam Ss. Petri & Andreæ , in ipsa Diœcesi Paderbornensi fuerunt, & sunt etiam diversæ Ecclesiæ aliæ Collegiatae ad minus quatuor , una videlicet Ss. Joannis & Dionisii Hervord. Paderborn. Diœcesis habens salvis vacationum temporibus Præpositum & Præposituram dignitatem principalem in eadem, ac Decanum & Decanatum, Præpositum & Præposituram , Scholasticum & Scholastriam, ac alios in dignitatibus, & officiis constitutos , & plures Canonicos Capitulares, & totidem Præbendas Canonicales , & Vicarios perpetuos, ac Beneficia perpetua in magno numero & constituta in magno loco, & murato, & bene munito oppido Hervordenſi, bene populoso , & de quo oppido natus fuit quondam bonæ memoriæ Dominus Hermannus Duvers, Apostolica Sedis Prothonotarius, qui si viveret, de supradictis, & infra dicendis relationem facere posset debita.

Tomus V. Concilior. German.

Item etiam in eodem oppido insigni & bene notabili fuit, & est quoddam aliud notabile, & insigne Collegium, vocatum communiter & appellatum S. Pufinna , duplici consideratione. In una consideratione habet Abbatissam & Canonicas sæculares, revera tamen religiose viuentes in bona multitudine, & ad illud Collegium non recipiuntur, nisi mulieres illustres, & Ducum, Comitum, Baronum , Militum, & ad minus Militarium genere procreata: prout hodierno tempore Abbatissa ejusdem Collegii est nata Comitissa, & soror carnalis unius magni Comitissæ, videlicet Comitissæ de Waldeghe. Est etiam pro mensa Abbatissæ ejusdem, & mensa Abbatissæ ab antiquo, prout hodie, valde sufficienter provisum & opulente. Est etiam sufficienter aliis Canonicabus, vel Canonissis in eodem Collegio habitantibus, quantum ad Præbendas Canonicales, sufficienter provisum.

Item in secunda parte ejusdem Collegii sunt Canonici sæculares, Capitulum cum ipsis Abbatissa, Canonicabus & Canonissis representantes vel facientes, & de communi utilitate, & commodo ipsius Collegii tractantes, insimul commune Capitulum facientes : & vacant in horis Canonicis Divinis Officiis cantando, & legendo, sicut ceteræ Ecclesiæ Collegiatae, ac eis, & unicuique pro Beneficio suo, & secundum ejus statum sufficienter est provisum apud eundem locum, & in eodem Collegio, sive Ecclesia, secundum ejus statum deservientes.

Item a supradictis temporibus citra in Diœcesi Paderbornensi fuit, esseque consuevit, & hodie est quoddam aliud solemne oppidum muratum, insigne munitum, forte, atque valde populosum, appellatum communiter, & vocatum oppidum Huxariense, & in illo est etiam alia solemnitas Collegiata Ecclesia, vocata Collegiata Ecclesia S. Petri Huxariensis. Paderbornensis Diœcesis, habens salvis vacationum temporibus Præpositum & Præposituram, dignitatem Principalem in eadem, Decanum & Decanatum, & in eadem Ecclesia ceteras Dignitates & officia inferiora, & quam plures Canonicos Capitulares ejusdem Ecclesiæ, & totidem Præbendas Canonicales, & plures perpetuas Vicarias & perpetua Beneficia in eadem, & notabile Collegium repræ-

C c c c c

sen-

sentans, & horis Canonicis, & Divinis, temporibus consuetis vacans, sicut cæteræ Ecclesiæ Collegiatae.

Item a dicto tempore citra in præfata Diœcesi Paderbornensi fuit, erat, & est quoddam aliud insigne, & notabile oppidum, etiam muratum, magnum & forte, appellatum communiter oppidum Bilevelde, Paderbornensis Diœcesis, habens sibi multum populum, & est locus insignis, habens etiam intra se solemnem Collegiatam Ecclesiam, appellatam communiter & vocatam Ecclesiam Ss. Mariæ & Georgii Paderbornensis Diœcesis, habens etiam pro tempore Decanum & Decanatum in eadem Ecclesia dignitatem principalem, & cæteras inferiores dignitates, & officia, & plures Canonicos Capitulares, & totidem Præbendas Canonicales, ac etiam diversas perpetuas Vicarias, & perpetua Beneficia, ita quod etiam eadem Ecclesia repræsentat solemnem Ecclesiam Collegiatam, & personæ ejusdem etiam vacant Divinis Officiis, & horis Canonicis temporibus consuetis, prout in cæteris Cathedralibus & Collegiatis Ecclesiis solitum est fieri, de quo etiam oppido natus fuit quondam Dominus Johannes Bileveldensis, dum vixit, Auditor causarum Palatii Apostolici, multo tempore notabilis Curtesanus.

Deinde quod etiam non taceatur, sed aliquid dicatur de Ordinibus & Monasteriis per civitatem & Diœcesin Paderbornensem in diversis locis constitutis, & situatis, & lege Diœcesis Paderbornensis fruentibus, dicitur, quod quasi singuli ordines in eadem Diœcesi Paderbornensi reperiuntur infra eandem Diœcesin Monasteria habentes.

Ordo enim Cisterciensis habet Monasteria diversa ad minus tria, & inter illa unum solemne Monasterium appellatum Herdehus, bene opulentum, & in magno numero fratrum & converforum, existens adeo insigne, quod ejusdem Monasterii in Herdehus pro tempore Abbas consuevit reputari saltem, quoad partes illas, & circumvicinas, Pater Abbas in ordine hujusmodi, ut puta, quod consuevit visitare, alia Monasteria sui ordinis.

Aliud Monasterium in Breydelar communiter appellatum.

Item aliud quoddam Monasterium Monialium ejusdem ordinis . . . Monasterium in Beringhusen communiter appellatum.

Item aliud Monasterium ejusdem ordinis, appellatum Almelhusborn, Paderbornensis Diœcesis, Ordinis Cisterciensis, versus Saxoniam, in Diœcesi Paderbornensi, & sita confinatione ejusdem Monasterii ad contrarium situm, ejusdem Diœcesis Paderbornensis . . . fere usque ad oppositam partem ejusdem Diœcesis, quasi tres diætæ vulgares, & longe.

Item quam plura etiam Monasteria Ordinis Sancti Benedicti, in & sub eadem Diœcesi, etiam notabilia, & bene dotata, & in numero ad minus sex, quorum unum infra civitatem Paderbornensem, appellatum Monasterium Ss. Petri & Pauli, Abdinchove nuncupatum, Ordinis Sancti Benedicti, satis solemne, habens Abbatem, Priorem, & Conventum, & est Monasterium opulentum, & satis notabile viventium sub regula.

Item unum aliud Monasterium notabile, & insigne, regale, vocatum communiter, & appellatum Corbeja, per Karolum Magnum erectum, dotatum, & fundatum, Ordinis Sancti Benedicti, Paderbornensis Diœcesis, & est solemnissimum Monasterium, tam in dotatione, quam fundacione, & non solum Regale, verum etiam Imperiale, & est Monasterium ab antiquissimo tempore, & adeo solemne, quod ab antiquo Abbas pro tempore ejusdem Monasterii consuevit habere sub se, prout hodierna die habet, etiam mero & mixto Imperio notabilissima oppida, & castra quam plura, etiam Paderbornensis Diœcesis, & idem Abbas pro tempore consuevit esse de curia Romanorum Imperatorum, & curiam ejus sequi, serviens in aliquo solemniori officio, habens etiam sub se aliqua Monasteria ejusdem ordinis, Paderbornensis Diœcesis, & etiam extra ab illo dependentia. Et ut veritas dicatur, qui in impetratione præsentis unionis Ecclesie Paderbornensis ad Colonensem taxatam ad centum florenos duntaxat non expressit, quamquam forte scivit, quod ipsum Monasterium Corbejense, seu illius Abbatia, quæ est sub lege Episcopi, & Ecclesiæ Paderbornensis.

bornensis, seu in ejus Diœcesi sita, taxatum reperitur in Camera Apostolica ad florenos quadringentos de Camera.

Item aliud Monasterium ejusdem ordinis, vocatum communiter, & appellatum Monasterium S. Petri, situm in oppido notabili, murato & munito, & Helmeshusen nuncupato, habens Abbatiam & Conventum &c. ut supra.

Item unum aliud Monasterium, vocatum communiter, & appellatum Monasterium in Monster, Paderbornensis Diœcesis, habens Abbatem & magnum Conventum, ut supra.

Item unum aliud Monasterium ordinis & Diœcesis prædictorum, vocatum communiter, & appellatum Monasterium in Wlechorp, habens Abbatem & Conventum, ut supra.

Item unum aliud Monasterium ordinis, & Diœcesis prædictorum, vocatum communiter, & appellatum Monte Martis, habens Præpositum pro tempore tanquam caput, & Superiorem, & plures Conventuales.

Sequuntur nomina Monasteriorum, & Ecclesiarum Collegiatarum Canoniarum sæcularium, videlicet Abbatissæ Hervord. Herisensis, Schildesche. De Conventibus Monasteriorum Conventualium, ut puta Canoniarum Regularium, ordinis Mendicantium diversorum ordinum in civitate & Diœcesi Paderbornensi, tædium generaret referre.

Item de quam pluribus Monasteriis Monialium diversorum ordinum, copiose, & diffuse per civitatem & Diœcesin Paderbornensem prædictas consistentibus, in recitando tædium generaret audientibus, quorum aliqua opulentissime fundata existunt tam in civitate, quam oppidis dictæ Diœcesis.

Sequuntur Parochiales Ecclesiæ in civitate & Diœcesi Paderbornensi constitutæ. Ecclesiæ Parochiales sitæ, & constitutæ in civitate & tota Diœcesi Paderbornensi plures centenarias in numero continent, quarum quatuor solemnes in ipsa civitate Paderbornensi existunt notabiles & bonæ: quatuor in magno oppido Hervordensi bonæ & notabiles: duæ in oppido magno Lemegen: duæ in oppido Bilveldensi: quatuor in magno oppido

Warburgen, intra & extra: duæ in oppido magno Huxariensi: duæ in magno oppido, intra & extra Monte Martis. Aliqua vero fuerunt, & sunt dispersim, hinc inde sub consideratione oppidorum, castrorum, & villarum in ipsa Diœcesi late sitarum, quarum Ecclesiarum Parochialium, aliqua earum quolibet, si non habet plura milia communicantium, tunc ad omne minus habet mille communicantes in consideratione dictorum oppidorum, villis, & villagiis diversis locis dictæ Diœcesis & situat.

Et si placeret aliqua earum nominari in specie, sequuntur nomina earum, quæ omnes, & plures aliæ hic in Romana curia specificè nominari non possunt. Sunt sub lege Ecclesiæ Paderbornensis & Diœcesis ejusdem, & quolibet earum sit in sedibus Archidiaconalibus, secundum sua confinia, prout etiam hoc superius tactum est.

Sequuntur nomina Comitatum, & Baroniarum, sitarum in Diœcesi Paderbornensi, quorum aliqui Comitatus, etiam pleno jure, tam temporali, quam Spirituali ad Episcopum Paderbornensem pro tempore existentem, & Paderbornensem Ecclesiam spectant. Et primo antiquus Comitatus insignis, notabilis, Comitatus Warbergenfis, de quo tactum est supra, qui etiam antiquo tempore post ipsius Ecclesiæ Paderbornensis primævam foundationem, post quondam bonæ memoriæ mortem Dedoconis, ipsius Comitatus ultimi Comitis, qui cum pura devotione ipsi Ecclesiæ Paderbornensi contulit, & donavit.

Item Comitatus Swalenberg, quem Ecclesia Paderbornensis post ejus primævam foundationem cum totali ejus districtu pacifice, & quiete habuit.

Item magnus Comitatus Waldeck, cujus etiam totum Dominium, modico excepto, sub lege Ecclesiæ Paderbornensis in Spiritualibus regitur.

Item pariformiter notabilis Comitatus Ravensberg, qui ut supra immediate dictum est de Comitatu Waldeck, etiam vivit sub lege in Spiritualibus Ecclesiæ Paderbornensis.

Item Comitatus Sternebergh, ejus bonam partem Paderbornensis Ecclesiæ,

& ejus Episcopus pro tempore existens, in temporalibus Dominus est.

Item Comitatus Redberg, & magna pars Comitatus Everstein, ac similiter magna pars Comitatus Paimunt, Humberg, & territoria, & districtus dictorum Comitatum, sub lege Ecclesiæ, & Diœcesis Paderbornensis vivunt.

Item est & alius Comitatus, appellatus Comitatus Spiegelberch, & est pro majori parte Diœcesis Paderbornensis, & sub lege Diœcesis pro tempore Episcopi Paderbornensis cum suo districtu pro majori parte.

Et hi Comites . . . supradictorum Comitatum sunt Vasalli Ecclesiæ Paderbornensis, & servire tenentur ad ipsius Ecclesiæ requestam.

Sequuntur nomina Baroniarum: primo magna Baronia Lippensis, quæ in magnis oppidis, villagiis, & potestate, ac dando, veniat æquiparando magno Comitatu, cujus Baroniæ districtus, præterquam oppidum Lippens. in spiritualibus subest Episcopo, & Ecclesiæ Paderbornensi.

Baroniæ de Buren de mero jure spectant ad Ecclesiam Paderbornensem, & per ipsam Ecclesiam Paderbornensem post ejus primam fundationem acquisitæ sunt sub lege Diœcesis Ecclesiæ Paderbornensis.

Item Baronia Schœnenberg pro ejus majori parte Paderbornensis Diœcesis.

Item Baronia Padberg etiam Diœcesis Paderbornensis.

Et hi omnes & supradicti Barones sunt Vasalli Ecclesiæ Paderbornensis, & servire tenentur ad ipsius Ecclesiæ Paderbornensis requestam.

Est etiam sciendum, quod plures Duces, in aliis Diœcesibus constituti, Landgravii Hassiæ, ad fidelitatem & homagium præstandum Episcopo Paderbornensi pro tempore existenti, sunt astricti Ecclesiæ Paderbornensi, dum in periculis & necessitatibus constitueretur, requisiti ad subveniendum.

Sequuntur nomina civitatum & oppidorum, quæ ad Ecclesiam Paderbornensem spectant tam in temporalibus, quam spiritualibus pleno jure. Et primo civitas Paderbornensis, quæ in Alemannia notabilis inter alias civitates existit, & insignis, fortissima, murata, & bene munita, habens in se Ecclesiam Pader-

bornensem, ut Dominam, & Magistram, aliam magnam Collegiatam Ecclesiam notabilem, & alia Monasteria virorum, & mulierum diverforum Ordinum, & IV. magnas Parochiales Ecclesias, de quibus supra, magnam, præpollentem, divitem, populosam, unitissimam in hac materia unionis præsentæ cum Capitulo Ecclesiæ, Paderbornensibus reclamantibus & renitentibus a majori usque ad minimum contra dictam præsentam unionem, & potius mori parati sunt, quam perdere statum & libertatem Matris & Domini suæ Ecclesiæ Paderbornensis.

Deinde duo oppida Warbêrg, Diœcesis Paderbornensis, in se contigua per muros distincta, unum videlicet oppidum novum, & aliud oppidum antiquum cum ejus castro, & duobus suburbiis, magna, fortia, insignia, murata, populosa, & bene munita, in quibus sunt IV. Parochiales Ecclesiæ ab intra & extra, prout supra, & alias in ipsis bene viginti quatuor Beneficia sine cura pro Clericis inibi deservientibus, & antiquitus consuevit esse Comitatus magnus, & ut præmittitur, ex donatione devenit ad Ecclesiam Paderbornensem.

Et ad quæ oppida nuper de mense Octobris proxime præterito, dum Reverendus in Christo Pater, Dominus THEODORICUS Archi episcopus Coloniensis causa, ut animum suum darent, & se inclinarent ad dictam præsentam unionem, dum hæc attemptata forent, per aliquos ex Consiliariis Domini THEODORICI præfati in teatro, vel in domo consulari dicti novi oppidi Warberg existen. etiam ibi aliquibus Magistris civium, & Consulibus aliorum oppidorum ad ipsam Ecclesiam Paderbornensem spectantium infra dicendorum, & aliis hominibus in numero & multitudine copiosa, & dum præstare deberent assensum, & consensum ad hujusmodi unionem findam Ecclesiæ Paderbornensi ad Coloniensem, unanimiter, una voce, & uno animo, a majori usque ad minimum male contenti dixerunt, & acclamarunt: Vivat Ecclesia Paderbornensis, & ejus libertas. Et adeo idem oppidum est insigne, quod sufficeret pro erectione unius Cathedræ Episcopalis, & habet duos Magistros civium, & duos Consulatus, unumquodque ipsorum per se.

Item

Item unum aliud oppidum insigne, pulchrum, muratum, & notabile, ac populosum, munitum, appellatum oppidum Bracle, Paderbornensis Diœcesis, & in eodem est una de sedibus Archi-Diæconalibus, sedes Bracien in Ecclesia Paderbornensi nuncupata, & habet unam solemnissimam Parochialem Ecclesiam, præpollentem, & notabilem, & plura alia Beneficia in eadem Ecclesia, Clericis secularibus assignari consueta in titulum Beneficii. Et est oppidum adeo insigne, & notabile, quod in eodem moneta cudi consuevit, de voluntate tamen Episcopi Paderbornensis pro tempore existentis; est etiam idem oppidum adeo insigne, quod Cathedra Episcopalis de novo institui, & erigi posset.

Item unum aliud notabile, insigne oppidum muratum, & bene munitum, magnum, & populosum, vocatum, & appellatum Borgentrick, habens unam solemnem Ecclesiam, & Parochianos multitudinem copiosa, & opulentum, & fulcrum in victualibus inter cætera oppida illarum partium, & propter amenitatem & ubertatem illorum trium oppidorum prædictorum vocatur patria illorum districtu, patria Lilli, id est Lilienland.

Item unum aliud notabile, insigne, pulchrum, munitum, ac populosum, & bene munitum oppidum, vocatum communiter & appellatum Nyhem, Paderbornensis Diœcesis, habens solemnem Parochialem Ecclesiam adinstar dictorum oppidorum ut supra, de quo olim oriundus fuit quondam bonæ memoriæ Magister Theodoricus Nyhem inter præfidentes in Cancellaria Domini nostri, unus de Majoribus, & toti Curia tempore suo notus.

Item unum aliud oppidum, ut supra, non minus insigne, quam oppida, de quibus dictum est, vocatum communiter & appellatum oppidum Stenhem, Paderbornensis Diœcesis, in quo etiam est una de sedibus Archi-Diæconalibus, ut supra.

Item est unum aliud oppidum, ut supra, insigne, muratum, & munitum, vocatum communiter, & appellatum oppidum Soltkorten, Paderbornensis Diœcesis, & inibi est vena falis, & decoquitur sal pro usu illius patriæ.

Item unum aliud oppidum solemne,

& insigne, ut supra, vocatum, & communiter appellatum Lechtenowe cum castro suo, Paderbornensis Diœcesis, notabile adinstar prædictorum oppidorum.

Item unum aliud oppidum insigne, ut supra, vocatum communiter & appellatum oppidum Bûren cum castro suo, Paderbornensis Diœcesis, etiam multum notabile adinstar oppidorum prædictorum.

Item unum aliud oppidum cum castro suo, ut immediate supra, vocatum communiter, & appellatum Peckelfen, notabile, muratum, & insigne, ut supra, Paderbornensis Diœcesis.

Item unum aliud oppidum, vocatum Levenowe cum castro suo, Paderbornensis Diœcesis.

Item unum aliud notabile oppidum, vocatum, & appellatum Lude cum castro, Paderbornensis Diœcesis, & est Baronia, & spectat in temporalibus & spiritualibus, ut supra, ad Paderbornensem Diœcesin.

Item unum aliud oppidum, vocatum & appllatum Dringhenberg cum castro, murato, & bene munito, ut supra, & est adeo notabile, quod Episcopi Paderbornenses in eo aliquando consueverunt facere residentiam personalem.

Item unum aliud oppidum, vocatum communiter, & appellatum oppidum Beverunghen cum castro, ut supra, Paderbornensis Diœcesis.

Item unum aliud oppidum, vocatum, & communiter appellatum oppidum Cleneberg, Paderbornensis Diœcesis, muratum, & munitum, ut supra.

Item unum aliud oppidum cum castro, vocatum communiter, & appellatum oppidum Wunnenberg, Paderbornensis Diœcesis, muratum & munitum, de quo oriundus etiam fuit quondam bonæ memoriæ Dominus & Magister Fridericus Deys, Decanus Ecclesiæ Paderbornensis, & Sacri Palatii Apostolici causarum Auditor, & cæteræ curiæ tempore suo bene notus.

Item unum aliud oppidum, vocatum communiter, & appellatum oppidum Breidenborne.

Item unum aliud oppidum, vocatum & communiter appellatum Vorde cum

castro, Paderbornensis Diœcesis, ut supra.

Item unum aliud oppidum, vocatum communiter, & appellatum oppidum Gerden, Paderbornensis Diœcesis, forte, ut supra.

Item unum aliud oppidum, vocatum & communiter appellatum Wilbodesfen, Paderbornensis Diœcesis, ut supra.

Et est sciendum, quod omnia oppida supra descripta sic pleno jure ad Ecclesiam Paderbornensem spectantia, sint notabilia oppida, murata, munita, & fortia, populosa, & habundantia secundum majus & minus, habentia magnum populum, Magistros civium, Consules juratos, & consilium, & magnam communitatem.

Item est unum aliud oppidum, vocatum, & communiter appellatum oppidum Drendeborg cum suo castro, Paderbornensis Diœcesis, quod pro medietate spectat ad Episcopum & Ecclesiam Paderbornensem, munitum & forte.

Item est unum aliud oppidum, ut supra, vocatum & communiter appellatum oppidum Helmershusen cum suo castro, Paderbornensis Diœcesis, cujus certa pars tam oppidi, quam castri ad Episcopum Paderbornensem, pro tempore existentem, & Ecclesiam spectat.

Sequuntur castra, quæ pleno jure spectant ad Episcopum pro tempore existentem, & Ecclesiam Paderbornensem.

Et primo castrum Nyehus, Paderbornensis Diœcesis, insigne, forte, muratum, & bene munitum, bene situantum, & in eodem castro consuevit esse Residencia Episcoporum Ecclesiæ Paderbornensis, pro tempore existentium, quod prædictus Reverendus Dominus THEODORICUS Archi-Episcopus Paderbor. impignorando ad manus dedit alienas.

Item unum aliud castrum, forte & muratum, Paderbornensis Diœcesis, vocatum Lippespringhe cum ejus suburbio.

Item unum aliud castrum, forte & muratum, vocatum communiter, & appellatum castrum Dregborg, Paderbornensis Diœcesis, ut supra.

Et est advertendum, quod memoratus Dominus THEODORICUS Archi-Episcopus Colonienfis, duo meliora castra superius descripta, unum videlicet oppidum cum castro suo Dringheberg nuncupatum, & aliud etiam insigne ca-

strum superscriptum Nyehus appellatum, & de quibus Episcopus Paderbornensis, pro tempore existens, residentiam personalem facere consuevit, impignorando dedit ad manus alienas, ita & taliter, quod prædicta duo castra, notabilia & insignia, una cum prædicto oppido non sunt in posse, nec potestate Capituli Ecclesiæ Paderbornensis.

Sequuntur oppida insignia, & notabilia, quæ ad Ecclesiam Paderbornensem non spectant, sed tantum eidem subsunt sub lege Diœcesana. Et primo oppidum Hervorden, de quo modicum tactum est in titulo de Collegiatis Ecclesiis, Paderbornensis Diœcesis. Nam idem oppidum est oppidum solemne, Imperiale, muratum, munitum, & insigne, ac populosum & præpollens, non recognoscens alium Dominum, nisi Romanum Regem: unde, ut supra dictum est, habet in se duo Collegia, duos Conventus, & plures Parochiales Ecclesias, & plura Monasteria Monialium: & idem oppidum valde sufficeret propter ejus amœnitatem, & ubertatem, & divitias pro Cathedra Episcopali nova erigenda.

Item est unum aliud oppidum in Comitatu Ravensburgensi, de quo supra, situm, solemne, insigne, muratum, & munitum, vocatum communiter, & appellatum oppidum Bilyeld, Paderbornensis Diœcesis, habens in se, ut præmittitur, unam notabilem Collegiatam Ecclesiam, de qua supra, quod sufficeret pro Cathedra Episcopali nova erigenda.

Item unum aliud oppidum insigne, muratum, & bene munitum, ut supra, vocatum communiter, & appellatum oppidum Lemegen, in quo etiam sunt, ut præmittitur, duæ Parochiales Ecclesiæ notabiles, situm in Dominio magnæ Baronie Lippiensis, & adeo notabile, & magnum, & divitiis, ac structura præpollens, quod etiam sufficeret pro Cathedra Episcopali inibi erigenda.

Item est unum aliud oppidum insigne, & notabile, forte, populosum, & famosum, vocatum communiter, & appellatum oppidum Mons Martis, in quo etiam est unum notabile Monasterium Ordinis Sancti Benedicti, de quo oppido oriundus est Venerabilis Vir Magister Johannes de Monte Martis, Decretorum Doctor, & Literarum Apostolicarum Scrip-

Scriptor, & Abbreviator, quod etiam sufficeret pro erectione unius novæ Cathedralis Episcopalis.

Item unum aliud oppidum pulchrum, forte, bene muratum, & bene munitum, vocatum communiter, & appellatum oppidum Huxariense, Paderbornensis Diœcesis, habens in se notabile Collegium Canonicorum sæcularium, & alia Monasteria tam virorum, quam mulierum, & duas notabiles Parochiales Ecclesias. Est etiam in eo sedes Archi-Diœconalis in Ecclesia Paderbornensi, vocata communiter sedes Huxariensis, adeo insigne, quod ad instar aliorum oppidorum etiam posset institui de novo sedes Episcopalis.

Item est unum aliud oppidum notabile, & insigne, populosum, valde muratum, & bene munitum, vocatum communiter, & appellatum oppidum Corbecke, in Comitatu Comitum de Waldeck situm, & est adeo tale, taliter insigne, quod in eo etiam possit sedes Episcopalis de novo collocari.

Sunt & quamplura alia magna, & parva oppida & castra, villæ & villagia, numero & multitudine copiosa, de quibus hic nihil tangitur, ne fastidium generetur, quæ omnes subjacent legi Ecclesiæ Paderbornensis, & Episcopo pro tempore existent.

Confinia Diœcesis Paderbornensis. Imprimis ut recipiatur consideratio confinium Civitatis, Ecclesiæ, & Diœcesis Paderbornensis respectu ad alias civitates, & Diœceses eidem confines, dicitur, confinat enim Diœcesis Paderbornensis in una parte ad Diœcesin Hildesimensensem,

sub qua & Episcopus, Civitas, & Ecclesia Hildesimensis, & considerative Ecclesia Paderbornensis plus habet de castris, & oppidis muratis, atque munitionibus, ac de latitudine Patriæ & Diœcesis, quam habet Ecclesia, Civitas, & Diœcesis Hildesimensis.

Item confinat etiam eadem Diœcesis Paderbornensis alteri Diœcesi, appellatæ Diœcesi Mindenensi, habens pro tempore Episcopum, Ecclesiam, Civitatem, & Diœcesin. Et ipsa Ecclesia, Civitas, & Diœcesis Paderbornensis etiam præeminet in oppidis, castris, & munitionibus, atque in latitudine & longitudine ultra Diœcesin & civitatem Mindenensem, immo, ut veritas dicatur, nunc Ecclesia, civitas, & Diœcesis Paderbornensis in oppidis, castris, munitionibus, longitudine, & latitudine cuilibet Diœcesi proxime dictis - - videlicet Hildesimensi, & Mindenensi prævalet, & præeminet.

Item confinat etiam Diœcesis Paderbornensis ab alio situ cum Diœcesi Osnabrugensi, quæ Diœcesis etiam pro tempore habet Episcopum, civitatem, & Diœcesin, & revera civitas, Ecclesia, & Diœcesis Paderbornensis in oppidis muratis, castris, & munitionibus præeminet, quo ad Diœcesin, Ecclesiam, & civitatem.

Item confinat etiam ab alia parte ad Diœcesin Paderbornensem quædam alia Diœcesis, appellata communiter Monasteriensis, habens civitatem, Ecclesiam, & Diœcesin solemnes, & pro tempore Episcopum, & revera Ecclesia, civitas, & Diœcesis Paderbornensis in oppidis, castris, & munitionibus, præeminet Ecclesiæ & Diœcesi Monasteriensi.

Tantum hæc literæ ad priores pondus attulere, ut nemo exinde Patrum conjunctionem Paderbornensis Ecclesiæ cum Colonienfi probaret. Anno demum 1444. Theodoricus Archi-Episcopus, acri cum Sufatenfibus bello implicitus, cum adverteret, quantum sibi in utramque partem accessurum esset, si Paderbornenses aut hostes, aut amicos haberet, cum illis redire in gratiam voluit, & omne jus, quod a Pontifice sibi datum obtendebar, ultro remisit, suamque cessionem publicis Tabulis consignavit. Tabulas has exhibet *Sebatenus in Annal. Paderb. Tom. II.* ex quo etiam, quæ ad causam hanc Paderbornensem, in Concilio Basileensi agitam, pertinent, depromptimus.



Compendiosa Enarratio,

*Quomodo Bohemi vocati, productique sint ad Basileensem Synodum
Oecumenicam, & quid illic egerint. (*)*

CUM Bohemi in erroribus suis peristerent, & primitivam, ac Apostolicam Ecclesiam jactantes, a Romana Sede pertinacius eviarent, exulceratis nimis illorum animis ob Johannis Husi, & Hieronymi Pragensis exustionem, missus est in Germaniam Legatus Julianus Cardinalis, titulo Sancti Angeli, ut expeditionem appararet in rebelles Bohemos, quam Romana consuetudo cruciatam appellat. Putabat enim Romanus Pontifex, hanc gentem a Germanis facile posse superari. Verum res aliter evenit: nam nostris sæpius in fugam versis, tantum vicinis omnibus terrorem incusserunt, ut nihil aliud quam pacem optaret Germania. Rebus itaque non succedentibus, cum semper Bohemi superiores essent, quamquam a novo jam Pontifice EUGENIO sententia anathematis damnati; optimum factu visum est, si Basileam, ubi nuper indictum erat Concilium, vocarentur. Quare Cardinalis Julianus eo loci præmisit Johannem Polemarium Pontificii Juris Doctorem, Sacrique Palatii Auditorem, & Johannem de Ragusio, Theologiæ Professorum, Ordinis Prædicatorum, tum Procuratorem generalem, qui postea Episcopus Argentis factus, etiam in Cardinalium numerum meruit recipi, titulum Sancti Sixti indeptus. Qui cum Basileam venissent Anno mccccxxi. mense Augusto, vocarunt literis ad Concilium Johannem Mulbrunæ Abbatem, & Johannem Gelhusium, ejusdem Cœnobii Monachum. Nam hoc nomen propter dexteritatem ingenii, ac regionum, ac rerum experientiam imprimis opus erat ad obeundas legationes. Abbas aliis negotiis distentus non venit: Johannem tamen morbo paulo ante vexatum, & adhuc valetudine non satis confirmata Basileam misit; Quo non multis post diebus Julianus quoque pervenit, ut promiserat. Is sta-

tim Johannem Gelhusium, & Hammannum Offenburgium, Consulem Basileensem, primum ad SIGISMUNDUM Cæsarem, Feldkirchii tum agentem, deinde ad FRIDERICUM Ducem Austriæ mittit, pro componendo bello, quod huic erat cum PHILIPPO Duce Burgundiæ. Fiebat hoc, ut reddita pace tuto liceret Basileam venire non solum proceribus ecclesiasticis, sed & mercatoribus, atque adeo omnia, quæ ad victum pertinent, importare; Hanc legationem obeuntes, literas acceperunt a Sancta Synodo, SIGISMUNDO Cæsari reddendas, quibus Bohemi, Moravi ad Concilium vocabantur: has ille mox in Bohemiam perferendas curavit. At cum in Italiam proficisceretur, Imperialem a Pontifice coronam suscepturus, Protectorem interim velut Vicarium Sacro Concilio dedit WILHELMUM Bavariz Ducem. Porro cum Synodus monita fuisset, nostros condiciones pacis a Bohemis accipere velle post fecdam illam fugam; arbitrans, hoc ignominiosum esse, misit Johannem Niderium Ordinis Prædicatorum Theologum, & Johannem Gelhusium, qui commodum redierant, ut vicinum Bohemis populum consolarentur, & Moravos Bohemosque ad Concilium ante vocatos, ad veniendum sedulo urgerent. Hi tertio Kalendas Novemb. Basilea discedentes, Monachium versus (id est, oppidum Bavariz) iter instituerunt. Ubi cum primum WILHELMUM Ducem, & hujus Fratrem ERNESTUM, atque ERNESTI Filium ALBERTUM salutassent, & mandata legationis suæ exposuissent; ipsumque WILHELMUM monuissent, ut quamprimum Basileam veniret, quod ei tutela Concilii commissæ esset a Cæsare; mox FRIDERICUM Marchionem Brandeburgii, JOHANNEM Ducem Bavariz, & Senatum Nurenbergensem, ac alios Principes & Dominos, partim li-

teris

(*) Ex rerum expetendarum fasciculo, quem M. Ortwinus Gratus non satis fideliter & prudenter congestit, desumpta. Refertur ead. narratio in Editione Conciliorum Regia Tomo XXX. & ab Harduino, Concil. Tomo VIII.

teris Synodalibus, partim etiam ore suo sunt adhortati, ut nullo pacto fœdus cum Bohemis inirent, quod Ecclesiæ nocere posset; adfuturum mox auxilium: Rogabantque nomine Concilii, ut, si Bohemi Legatos suos Basileam mittere vellent, deducerent eos per suam quique regionem salvos. Omnes se hoc facturos receperunt. De vocatis Bohemis dici non potest, quam gavisi fuerint omnes, præsertim laici, cum etiam lacrymas emitterent affectus vehementissimi testes. Deinde cum Senatum Nurenbergensem consultuissent, de mittendis in Bohemiam literis Synodalibus, visum est melius esse, si prius sciscitarentur ab Egrensis, num aliquid ad Superiores Concilii literas Bohemi respondissent, quas ipsi perferendas curassent. Egrenses per literas moniti, tabellarium illum Nurenburgam miserunt, qui literas Concilii in Bohemiam ante pertulerat. Is retulit, quanta cum reverentia literas accepisset Consul majoris Civitatis Pragensis, & quibus ipse præmiis fuisset donatus. Unde spem Legati conceperunt rem bene processuram. Itaque consilio Senatus Nurenbergenfis usi, & aliorum, præsertim Abbatis Sancti Ægidii, Albertique Pastoris apud Sanctum Sebaldum, & Conradii Cuonhoferii, remiserunt ad Egrenses tabellarium illum, & suis privatim, & Concilii literis oneratum: neque enim commodior erat ratio, literas in Bohemiam mittendi; Multum porro laboratum est in hac re, cum ab Egrensisbus ipsis, tum a FRIDERICO Marchione Brandeburgensi, & JOHANNE Duce Bavarie, & a Senatu Nurenbergenfi; tantopere cupiebant hi inter Christianos pacem instaurari. Exempla literarum, quibus Sacra Synodus Bohemos denuo invitat, & alias item exhortatorias, ac literas Oratorum ad eosdem, & ad hos Pragensium respondentes causa brevitate omisimus. Porro Bohemi non per omnia nostris fidentes, in literis petebant, ut Oratores Concilii cum Principibus vicinis ad Egram venirent: suos illic quoque adfuturos, ut de commeatu, seu publica fide danda, quem saluum conductum appellant, & aliis rebus tractaretur. Decretus fuit ei Conventui dies Dominicus, qui Pascha proxime seque-

batur. Erat is mensis Aprilis dies vigesimus septimus. Itaque venerunt Egram Oratores Sacri Concilii, Henricus, Abbas Sancti Ægidii Nurenbergenfis, Johannes Nider, Theologiæ Professor, ac Prior Domus Prædicatorum apud Basileam, Fridericus de Parspergo, Decanus Ratisponensis, Juris Pontificii peritus; Magister Henricus Tocgius, Canonicus Magdeburgensis, Theologus, Albertus, Pastor apud Sanctum Sebaldum Nurenbergæ, & Johannes Gelhusius, Cœnobita Mulbrunensis, cum Illustribus Principibus FRIDERICO, Marchione Brandeburgii, & JOHANNE, Bavarie Duce, ac aliis Proceribus, fere cum ducentis & quinquaginta equis. Verum de Bohemis nullus aderat, quod Bilenenses, & Dominus Suanbergius saluum conductum non misissent. Id cum ex literis intellexissent, effecerunt, ut ab Egrensisbus, & Elenbogensibus Nuntij Bohemorum Nicolaus Humpoltzius, Secretarius majoris civitatis Pragensis, & Matthias Clumpezanus, Præfectus Piestensis, producerentur, veneruntque Egram cum decem & novem equis octavo die mensis Maji. Postridie apud Marchionem Henricus Tocgius eleganti oratione Bohemorum Nuntios salutavit, Evangelicum illud usurpans, declaransque: *Pax vobis.* Mox ipsi proposuerunt, quam atrocibus injuriis a nobis fuissent hætenus affecti, eamque rem extitisse causam tot utrimque cladum. Gaudere se, quod tandem spes affluisit, ut audirentur aliquando; deinde de commeatu præstando disputatum est. Obsides postulant Bohemi, non quosvis, sed Principes & Nobiles. Id cum nostris non placeret, & res ita differretur, cepit vulgus apud Egram clamare, quo minus cum Bohemis procederet concordia, per Ecclesiasticos stare & Principes. proinde pientissimi Principes FRIDERICUS, Marchio Brandeburgensis, & JOHANNES, Bavarie Dux, suapte sponte se obligarunt. Hoc idem paulo post rogante Synodo fecit Protector Concilii WILHELMUS, Dux Bavarie, item ipsa Synodus, & Sigismundus Cæsar. Præterea promissio facta est, hoc idem omnes Principes & civitates præstituros, per quorum ditionem essent profecturi Bohemi, atque adeo civitatem ipsam Basileensem. Quæ de commeatu

diplomata paulo post sunt Pragam missa. postulatam & hoc est a Bohemis, ut ipse Cæsar præsens adesset in Synodo, quam fieri posset, plene congregata. Convenit Egrensis duravit dies viginti unum. In quo etiam fuerunt Ornatiissimi Viri Petrus Volkamer, Consul Nurembergensis, & Conradus Cuonhofer, iustus, sumptuque civitatis suæ. Verum Bohemi, quanquam audissent, nostros miranda pollicentes, adhuc non plane fidebant; quare elegerunt duos Nuntios Nicolaum Humpoltzium, & Johannem Zaczensem, qui Basileam irent, & cuncta diligenter explorarent. Hos Conradus, Episcopus Ratisponensis, & Conradus Seglawer, Decanus Eistertensis, Carelsburgum usque, ubi Marchio Badensis degubat, deduxerunt, in hoc a Synodo paulo ante emissi, ut expiscarentur, an essent venturi Bohemorum Legati. In comitatu vero erant & nostris Abbas Eberacensis, & ceteri Nuntii Sacri Concilii. Cum Biberacum venissent, quidam infeliciter curiosus ex altero Bohemorum Nuntio quæsit, undenam esset. Respondit is, se Zaczensem esse. Illic (inquit ille) sunt execrabiles hæretici, & pessimi homines &c. Qui propter huiusmodi convicium, veluti violator publicæ fidei, statim in carcerem raptus est, plus pœnæ depensurus, nisi ipsi Nuntii Bohemorum, & Abbas Eberacensis precibus hominem liberassent. Cum venissent Basileam, vino & piscibus fuerunt a Senatu donati. Manserunt illic dies quinque & dimidiatum. Decimo Octobris die venerunt ad Synodum, quæ convenerat apud Prædicatores. Hi Nuntii, cum domum fuissent reversi cum Diplommatibus Concilii, indicassentque, quæ viderant, rem videlicet agi serio, nec subesse dolum; delecti sunt Oratores ad Concilium mittendi de Regno Bohemiæ & Marchionatu Moraviæ, Joannes de Krainitz, Jacobus de Wurczieslönitz Beneficiarius de Makrowitz, Joannes Velwar de Praga, Matthias de Clumpezan, Laurinus de Hradisse, Gregorius de Curia, Nicolaus Scriba Pragensis, Magister Joannes de Roccizano, Magister Petrus Payne de Anglia, Procopius Ductor Exercitus Taboritarum, Nicolaus de Pelertznau, Marcoldus de Zbraslavitz, Martinus de Chrudim, & Petrus Zac-

zensis. Qui cum in rusca convenissent, illinc per nostros in Chambiam sunt producti cum triginta duobus equis per nobiles viros Hinskoverum, Hugium, Pavelstorferum, Fridericum Præpositum Ratisponensem, & alios; ubi Conradus Ratisponensis Episcopus subtitulat; ex Chambia Suenckendorphum itum est. Atque cum jam Nurembergæ essent vicini, Matthias Clumpezanus Præfectus Piestensis vexillum protulit: cuius una pars Crucifixi imaginem depictam, altera calicem Eucharistiæ figura superposita, sicque Nurembergam ingressi sunt. Verum cum a nostris moniti essent, id postea nusquam fecerunt. Nurembergenses, præter vinarium, atque piscarium munus, etiam viginti duo Equites concesserunt, qui illos Ulmam comitarentur. Ex Nurembergæ Albertus, Marchionis filius, in Guntzenhusium produxit, Oringensis Comes Ministri Nordlingam, & postero die Ulmam; Ulmenis porro Biberacum, & Sulgoviam usque: inde exceptos Jacobus Truchses de Walpurgo eques auratus Stockacum produxit; Satellites Ducis Baviaræ Wilhelmi Schaffhusium post deduxerunt: illic naves ingressi quarta die Januarii Basileam venerunt. Porro nono die ejusdem mensis, cum Synodum accessissent, habuit orationem Julianus Cardinalis, de eo, quod, quidquid uspiam dubiorum est, id auctoritate Concilii deliniri debeat; quandoquidem omnes mortales iudicio Sanctæ Matris Ecclesiæ, quam Generale Concilium repræsentat, se subnuttere tenentur. Quæ quidem oratio non omnibus Bohemis probabatur. Habuit & Roccizanus orationem nomine Bohemorum, diem postulans, quo audirentur. Is fuit destinatus decimo sexto ejus mensis, quo die Joannes Roccizanus pauca præfatus, primum articulum de Communionis sub utraque specie proponere cepit, usque in tertium diem, semper ante meridiem. Deinde Wenceslaus Taborita, secundum articulum de corrigendis, & eliminandis peccatis publicis in medium protulit per bidui spatium. Post quem Udalricus Presbyter orphanorum, tertium articulum de libera predicatione Verbi Dei duobus item diebus proposuit. postremo Petrus Payne Anglus de quarto articulo, qui erat de civili Do-

Dominio Clericorum, per tres dies dis-
feruit. Fecerunt autem copiam suarum
disputationum Sacro Concilio in scriptis,
& gratias egerunt, quod auditi fuissent.
Posterioresque tres satis inciviler in no-
stros invexerunt, Joannem Wiclephum,
& Joannem Hussum a doctrina laudan-
tes, nihil veriti, Doctores Evangelicos
vocare, quos pridem Ecclesia damnavat.
Exigebat res, ut Bohemis aliquid respon-
deretur. Itaque surgens Joannes de Ra-
gusio, Theologiæ Professor, Ordinis
Prædicatorum Procurator generalis, pe-
tiit clara voce in medio Sacræ Congre-
gationis potestatem sibi dari, ut respon-
deret privato nomine ad primum Bo-
hemorum articulum. Assensit Synodus.
Octoque diebus respondit horis ante
meridianis. Antequam inciperet respon-
dere, Joannes, Abbas Cisterciensis, ora-
tionem ad Bohemos habuit, ut se sub-
mitterent determinationi Sanctæ Matris
Ecclesiæ, quam id Sacrum Concilium
repræsentaret. Ea res Bohemos non pa-
rum offendit: inter respondendum Joan-
nes Ragusius, Theologorum istorum
more, quos Scholasticos hodie vocant,
crebro hæreseos, & hæreticorum voca-
bulum habebat in ore. Non poterat
hoc tandem ferre Procopius Bohemus,
quin surgens cum stomacho, de hac in-
juria apud Sanctam Synodum conque-
stus est. Conterraneus (inquit) iste
noster injuria nos afficit, hæreticos nos
subinde vocans. Ad hoc Ragusius:
Quia (inquit) conterraneus vester sum
lingua, ac natione, propterea tam avide
cupio vos ad Matrem Ecclesiæ redire.
Erat is gente Dalmata. Constat autem
Dalmatas in Bohemiam transgressos; ab
occupata Regione nomen accepisse, pa-
rumque abfuit, quin ob eam offensio-
nem Basilea abirent: vixque placari po-
terant. Quidam etiam ex Bohemis no-
lebant Ragusium ad finem usque dispu-
tantem audire. Deinde respondit ad se-
cundum articulum insignis Theologus
Ægidius Carlerius, Decanus Ecclesiæ
Cameracensis, per quatuor dies. Ad
tertium articulum Henricus, cognomen-
to Frigidum ferrum, Theologus Ordinis
Prædicatorum, dies tres.

Ad quartum postremo Respondit
Joannes Polemarius, Auditor causarum
Sacri Palatii, tribus item diebus, affie-

batque Bohemos tædio nostrorum (ut illis
videbatur) prolixitas. Quanquam ve-
ro nostram accurate respondissent, ni-
hilominus illi suos articulos adhuc perti-
naciter defendebant: præsertim primum,
adeo ut Joannes Roccizanus responsio-
nes Ragusii sex diebus fortiter impug-
naret. Porro cum disputatio pareret
disputationem, & non videretur, hoc pa-
cto pax & concordia facile coitura,
tentatum est aliud remedium ab Illustri
Bavariæ Principe WILHELMO, Prote-
ctore Sacri Concilii, videbatur ut omnis
disputationibus res amice componere-
tur. Utrunque deputati sunt aliquot
de concordia tractaturi: qui cum unde-
cimo Martii die convenissent, & jussi
essent dicere sententiam suam, qui a parte
Concilii erant, optimum, inquit, sibi
videri, si illi nobiscum unirentur, &
unum corpus efficerentur: quod cor-
pus tum omnes diversitates opinionum,
sive sectarum concordare, & declarare
posset, atque definire, quid in singu-
lis agendum foret, sive credendum. Bo-
hemi cum aliquamdiu deliberassent, aje-
bant, hanc viam non videri satis aptam,
nisi prius quatuor illi articuli exactius
essent declarati, ita ut aut nos cum ipsis,
aut ipsi nobiscum sentirent, alioquin
rem ridiculam futuram, si jam uniti, in
articulorum rursus decisione discrepa-
rent. Respondit hic a nostris, si rite
unirentur, invocato Spiritu Sancto,
nequaquam eos in hujusmodi decisione
erraturos, quando quilibet Christianus
tali definitioni credere debeat. Quod si
hoc facere vellent, adamantinam plane
coalituram utrinque concordiam. Ve-
rum surdis (quod ajunt) fabula cane-
batur, sed & alii tres adversum respon-
siones datas pertinaciter disputabant. Id
temporis Julianus Cardinalis Concilii
Præficiens, talem ad Oratores Bohemo-
rum habuit orationem: Audivit (inquit)
hæc Sancta Synodus per decem dies cum
magna patientia quatuor vestrorum ar-
ticulorum propositiones. Et in fine sub-
junxit: Proposuistis (inquit) proximis
diebus quatuor articulos, sed audimus
præter hos quatuor multa vos alia habe-
re dogmata peregrina, in quibus a no-
bis dissentitis. Necessarium est, si ve-
stra unitas, & perfecta fraternitas inter
nos sequi debet, ut omnia in hoc Sacro

Concilio propalantur, quatenus per gratiam Spiritus Sancti, qui pacis & veritatis est auctor, debita, ac salubris provisio fieri possit. Nec ex levibus conjecturis ista accepimus. Partim enim a fide dignis personis audivimus, partim quidam, qui hic sunt, propriis oculis in Bohemia viderunt, partim etiam ex vestra relatione perpendimus. Magister enim Nicolaus secundo loco proponens, allegavit inter alia Johannem Wickliff Evangelicum Doctorem. Si illum creditis Evangelicum esse, consequens est, ut dicta ejus authentica reputetis: si vero non ita putatis, æquum esset, ut hoc nobis innotescat. De iis igitur, & quibusdam aliis vos rogamus, ut nos certificare velitis, quid credatis, & quam super his fidem adhibeatis. Nec sic requirimus, ut motiva, & rationes vestras nunc explicetis; sed satis nobis nunc est, ut ad singulos articulos nobis respondeatis per verbum: Credimus, aut non credimus. Quod si feceritis, ut speramus, tunc aperte cognoscemus, vos cupere, ut bonam de vobis æstimationem capiamus. Si quid autem est, de quo velitis per nos certificari, interrogate audacter, & confestim vobis respondebimus. Parati enim sumus, (juxta Beati Petri doctrinam) unicuique poscenti reddere rationem de ea, quæ in nobis est, fide. Ad hoc paucis responderunt Oratores Bohemorum, venisse se tantum, ut quatuor illos articulos proponerent, non tam suo, quam publico totius Regni Bohemici nomine. Nec aliud dixerunt. Quare rursus Illustris consilii Protector WILHELMUS, quatuor viris utrimque adscitis, de re pacifice transigenda tractavit. Ex quorum Concilio decrevit Sancta Synodus insignem Legationem cum Oratoribus Bohemorum Pragam mittere, ubi ad diem Sacratissimæ Trinitatis populus esset conventurus. Neque enim conditiones concordie, quas offerebant nostri volebant accipere; sed abire festinabant. Itaque decimo quarto Aprilis die, Philibertus, Constantiensis in Normannia Antistes, Petrus, Augustensis Episcopus, Johannes Polemarius, Archidiaconus Barcinonensis, juris Pontificii Professor, Fridericus Parsperger, Præpositus Ratisponensis, Ægidius Carlerius, Decanus Cameracensis, Alexander Spa-

rum, Juris Consultus, Anglus, Thomas Hæfelbachius, Theologus Viennensis, Henricus Tœgius, Canonicus Magdeburgensis, Theologus, Martinus Bernerius, Decanus Turonensis, & Johannes Gelhusius, Mulbrunnensis Monachus, jussu Concilii cum Oratoribus Bohemorum Pragam sunt profecti. Longum esset narrare, quantum honoris fuerit impensum nostris cum passim in itinere, tum ab ipsis Bohemis, præsertim a Pragensibus. Cæterum cum Pragæ convenisset præfixum diem ingens multitudo Bohemorum, ex Clericis, Magnanibus, & plebeis, adhortati sunt eos nostri quod etiam ante sæpe fecerant, ut primum Ecclesiasticam unitatem amplecterentur: deinde si qua dubia essent, melius ea sic discuti posse. Non placebat hoc Bohemis, quin volebant quatuor illorum articulorum imprimis habere declarationem. Quam si possent obtinere, promittebant se pacem & concordiam amplexuros. Cum nostri viderent, rem aliter agi non posse, petierunt articulos illos in certa forma sibi dari, quos ad Synodum miserunt per tres Bohemorum Oratores. Declarationem vero postea Sacra Synodus in Bohemiam misit, in publico Regni Conventu populo promulgandam, Legatis Philiberto, Constantiensis Episcopo, Joanne Polemario, Henrico Tœgio, & Martino Bernerio: qui jussi sunt hoc Bohemis referre nomine Concilii: Quod si trium illorum articulorum declarationem, & pacem Ecclesiasticam suscipere vellent, invenire posse rationem, qua de quarto articulo, hoc est, de communione sub utraque specie, res per concordiam transigeretur. Proposuerunt autem apud Pragam in publico Nobilium, & plebeiorem Conventu declarationes trium articulorum in forma sequenti:

Quoniam circa Doctrinam veritatis sic sobrie, & caute incedendum est, maxime a Sacro Generali Concilio, ut veritas declaretur, verbis sic ordinate conceptis, ut nulli sit in futurum offendiculum, ubi possit impingere, & habere occasionem erroris, & (ut verbis utamur Beati Isidori) ne aliquid per obsecritatem in captione contineat. Circa materiam de cohibitione, & correptione peccatorum, in qua posuistis articu-

lum sub iis verbis: Omnia peccata mortalia, & præsertim publica, per eos, quorum interest, rationabiliter, & secundum Legem Dei coercuantur, corrigantur, & eliminentur. Ecce verbum: per eos, quorum interest, nimis est generale, & posset esse offendiculum. Et juxta scripturæ sententiam non debemus ponere offendiculum ante cæcum: & claudendæ sunt fossæ, ne bos vicini ibi lædatur; omnis talis occasio tollenda est. Dicimus ergo, quod secundum Scripturæ Sacræ sententiam, Sanctorumque Documenta Doctorum, sic Catholice est tenendum: Quod omnia peccata mortalia, præsertim publica, quantum rationabiliter fieri potest, secundum Legem Dei, & Sanctorum Patrum instituta, sunt coercibenda, corripienda, & eliminanda. Potestas autem puniendi criminatos, non ad privatas personas, sed ad eos tantummodo pertinet, qui jurisdictionem habent in eos fori, distinctione juris, & justitiæ ordine observatis.

Circa materiam de prædicatione Verbi Dei, in qua posuistis articulum hoc tenore: Quod Verbum Dei a Sacerdotibus Domini, & Levitis idoneis libere, ac fideliter prædicetur. Ne ex verbo, Libere, fuineretur occasio vagæ, & dispendiosæ libertatis, quam nec vos, ut sæpe dixistis, intenditis, circumstantionandum est. Dicimusque, quod secundum Scripturæ Sacræ sententiam, Sanctorumque documenta Doctorum, sic Catholice est tenendum: Quod Verbum Dei a Sacerdotibus Domini, & Levitis ad hoc idoneis, & per Superiores, ad quos pertinet, approbatis, & missis, libere, non tamen passim, sed ordinate, & fideliter prædicetur, salva auctoritate Pontificis, qui est Præordinator in cunctis, juxta Sanctorum Patrum instituta.

Circa materiam articuli ultimi sub his verbis expressi: Non licet Clero Christi tempore Legis gratiæ super bonis temporalibus sæculariter dominari; Meminimus, quod, dum in sacro Concilio super hoc disputatio ageretur publica & solemnitas, ille, qui ad disputandum per Sacrum Concilium exstitit deputatus, duas conclusiones posuit sub his verbis: Prima, quod Clerici non Religiosi, seu qui voto se ad hoc non obligarunt, licite possunt habere, & possidere quæcunque bona tempo-

ralia, hæreditates paternas, antialiorum, si eis relinquuntur, & alia bona juste acquisita ex causa donationis, vel alterius liciti contractus, vel arte licita. Secunda, quod Ecclesia potest licite habere, & possidere bona temporalia mobilia & immobilia, domos, prædia, villas, oppida, castra, & civitates, & in eis habere privatum, & civile Dominium. Ille siquidem ex vestris Ambassadoribus, qui disputabat, concessit eisdem, dicens illas sententiæ sui articuli bene intellecto non contradicere, cum ipse articulum suum intellexerit de Dominio civili formaliter intellecto. Ex quo, & aliis posset intelligi, quod verba: Sæculariter dominari, in præinserto articulo expolita, ad aliquem specialem dominantem modum, & usum videantur referri.

Sed quoniam doctrina Ecclesiæ non est verbis ambiguis pertractanda, sed plane; propterea id, quod secundum Legem Dei, & Sanctorum documenta Doctorum Catholice tenendum est, duximus exprimendum: Videlicet præmissas duas conclusiones esse veras, quodque Ecclesiastici viri bona Ecclesiæ, quorum sunt Administratores, debent fideliter administrare, juxta Sanctorum Patrum salubria instituta: Ipsaque bona Ecclesiæ ab aliis, quam ab his, quibus administratio Canonice est commissæ, usurpari sine sacrilegi reatu non possunt.

Sacrum Concilium circa materias dictorum trium articulorum curavit, remota omni ambiguitate, secundum veritatem Evangelicæ doctrinæ veros sensus exponere. Verum si circa ipsas materias aliquid dubieratis adhuc restat, juxta informationes, quas in Sacro Concilio accepimus, parati sumus, super illis prima veritate (quæ Deus est) largiente vobis declarare veritatem. Si declarationem dictorum trium articulorum, quæ veritati Sacræ Scripturæ innititur, suscipitis, & amplectimini, prout tenemini; ac unitatem puram, simplicem, & perfectam realiter, & cum effectu vultis habere; super libertate Communionis Sacratissimæ Eucharistiæ sub duplici specie, quam postulatis, & desideratis, quamque sine licentia Sanctæ Matris Ecclesiæ, licite non potestis habere, Nos habemus potestatem a sacro generali Concilio, certo modo tractandi, & vo-

biscum concludendi: speramus taliter, ut manfuri sitis merito consolati.

His explicatis, quia Domini Bohemi habita sua deliberatione, dixerunt, se nolle super prædictis dare responsum, nisi prius, super materia Communionis quid esset eis offerendum, audirent, opus fuit, explicationem rei ita facere; quæ facta fuit, & in scriptis tradita sub forma sequenti:

IN Nomine Domini, & Salvatoris nostri JESU CHRISTI, de cujus Sacratissimæ Eucharistiæ Sacramento tractaturi sumus, ut ipse, qui hoc sacratissimum Sacramentum instituit, quod est unitatis & pacis, illud in nobis effici faciat, quod designat, ut videlicet simus unum in ipso Domino JESU Capite nostro: & ut ipse conterat versutias Diaboli, qui sua maligna astutia ex Sacramento pacis & unitatis occasionem bellorum ingessit; ut dum de modo communicandi Christiani contendunt, communionis fructu priventur. Unde Beatus Augustinus in sermone de infantibus, in Decretis de Consecratione distinctione 2da. "Quia passus: Ita Dominus" noster Jesus Christus nos sanctificavit; "nos ad se pertinere voluit, mysterium" pacis, & unitatis nostræ in mensa consecravit. Qui accipit mysterium-unitatis, "& non tenet vinculum pacis, non mysterium accipit pro se, sed testimonium" contra se. Hoc ante omnia duximus præmittendum; quod consuetudo generalis Ecclesiæ (quam etiam Patres vestri, & vos ipsi olim observastis) per longissima tempora hoc habuit, & habet, quod non conficientes sub specie panis tantum communicant; quam consuetudinem ab Ecclesiâ, & Sanctis Patribus rationabiliter introductam, & diutissime observatam, non licet reprobare, aut sine Ecclesiæ auctoritate pro libitu immutare. Igitur dictam consuetudinem immutando, assumere usum communicandi, populum sub utraque specie, absque auctoritate Sanctæ Matris Ecclesiæ licitum non est, sed illicitum.

Sancta vero Mater Ecclesia, suadentibus causis rationabilibus, facultatem communicandi populum sub utraque specie potest concedere, & largiri. Et talis Communio, quæ sine auctoritate Ecclesiæ attentata, esset illicita, cum de

auctoritate & licentia sanctæ Matris fiet, erit licita, si alia non impediant. Si alia non impediant, propterea diximus: Quoniam (ut ait Apostolus) *Qui manducat & bibit indigne, judicium sibi manducat & bibit.* Unde Beatus Ildorus, & habetur de Consecratione Distinctione 2da: "Qui scelerate vivunt, & in Ecclesia communicare non desinunt, putantes; se tali communione mundari, discant nihil ad emundationem proficere sibi. Et Augustinus eadem distinctione: "Et sancta malis nocere possunt, bonis sunt ad salutem, malis ad judicium. Sunt ad hoc plures auctoritates: etenim inter primos communicantes Apostolus Judas fuit: sed quia indigne suscepit, prodicionis peccatum habens in corde, sibi nihil profuit: quin imo ex tunc diabolus in eum exercuit potestatem. Ratio hoc magna demonstrat. Quis vestrum Dominum suum in hospitium suscepturus, non cum omni cura domum suam studeret mundare pariter & ornare, ut ipsum Dominum poster honeste suscipere? Suscepturus igitur Dominum nostrum, & Salvatorem in hospitio animæ, debet illam animam diligenter ornare, & mundare, mundare per Sacramentum Pœnitentiæ, cum amaritudine, & contritione cordis, peccata sua humiliter, pure, & integre veraciter confitendo, & suscipiendo satisfactionem debitam, & pœnitentiam salutarem; ornare vero purpure sanctæ devotionis, ut sic corde purgato, & fervore devotionis ornato, accedat ad Divinissimum Sacramentum, in quo Deus est, mundum reconcilians sibi. Admonet igitur, exhortatur, & præcipit Sancta Synodus, ut omnes Sacerdotes exhortentur diligenter, & moveant populum, & omne studium, & sollicitudinem adhibeant, ut nullus ad tam sacratissimum Sacramentum, nisi debite præparatus, accedat, cum magna reverentia, & devotione; ne quod pro animæ salute suscipitur, in judicium condemnationis redundet, dum suscipitur indigne.

Præterea dicunt Doctores, quod dicta consuetudo communicandi populum sub specie panis tantum, ab Ecclesiâ, & Sanctis Patribus fuit rationabiliter introducta propter rationabiles causas, specialiter propter duo pericula, scilicet

scilicet erroris, & irreverentiæ. Erroris: fuit enim error Nestorii, credentium, quod sub specie panis sit sola caro Christi, & sub specie vini solus sanguis Christi, quod est error. Nam veritas est, quod sub qualibet specie est totus Christus vivus & integer, caro, sanguis, anima, & Divinitas. Et sub specie panis est totus Christus vivus & integer; & sub specie vini non est tantum sanguis, sed totus Christus vivus & integer. Quoniam (ut ait Apostolus) *Christus resurgens ex mortuis, jam non moritur*. Semel ergo tantum mortuus est, jam non moritur, nec sanguis a corpore separatur. Ut igitur huic errori obviaretur, & magis imprimereur fidelium mentibus, quod sub qualibet specie est totus Christus, dum non solum verbo, sed etiam ipso signo indicaretur, visum fuit utile esse sub una specie ministrari. Efficacius enim imprimitur, quando cum doctrina verbali sensuale aliud signum concurrit. Ideo Sacramenta & Sacrificia instituta sunt, ideo & Dominus noster JESUS CHRISTUS in parabolis loquebatur; & sapientes in parabolis loquuntur, ut dum cum doctrina sua similitudo repræsentativa concurrit, efficacius mentibus imprimatur. Secundum periculum est irreverentiæ: etenim quamvis omnia Sacramenta cum magna reverentia sint tractanda, istud tamen Divinitimum Sacramentum super omnia alia cum maxima, & summa reverentia tractandum est. Alia siquidem Sacramenta sunt vasa gratiæ Divinæ, non tamen per ea realem Domini nostri JESU Christi præsentiam obtinemus: in hoc vero Sacratissimo Sacramento Dominus noster JESUS Christus sub alia quidem forma, in propria vero substantia est nobiscum: ideo tractandum est cum omni studio, & cautela, ne aliquid contingat, quod eadat in irreverentiam ipsius Sacramenti. Et cum in calice sit sub specie liquida, multa possunt contingere; quæ cederent in irreverentiam ipsius Sacratissimi Sacramenti, tam ex parte ministrantis, quam ex parte suscipientis, quæ etiam ex parte speciei vini, quæ est magis ad alterationem suscipiendam disposita, quam species panis. Vos qui practicatis, per experientiam nostis. Nam Doctores de hoc multa dicunt, & nobis a fide dignis multa relata sunt: quæ cum

audivimus, exhorruerunt pili corporum nostrorum, & animi nostri nimio terrore concussi sunt. Dictum est nobis, accidisse, quod cum Sacerdos ad infirmum Sacramentum sub duplici specie detulisset, quando infirmo voluit de calice ministrare, nihil ibi reperit, totum, dum per viam agitando veniret, distillaverit. Et alibi, cum mane diei Dominicæ ministraretur, quod ex præcedente die fuerat reservatum, talis alteratio facta erat, ut qui suscipiebat, ferre non valens emiseric. Heu! casus horrendi, & non sine magna cordis amaritudine referendi! & multa alia hujusmodi relata sunt. Et quisque volens prudenter advertere, poterit, quanta possint accidere, cogitare. At vero, quam sint hæc gravia, ex decreti sententia poteritis intelligere, de *Consecratione Distinctione 11ma*: "Si quid per negligentiam de sanguine" stillaverit in terram, lingua lambatur, tabula radatur: si non fuerit tabula, ut non conculcetur sanguis, locus radatur, & igne consumatur, & cinis in Altari recondatur, & Sacerdos quadraginta diebus pœniteat. Si super lintheum Altaris, & ad aliud stilla pervenerit, quatuor diebus pœniteat; si usque ad tertium, octo diebus pœniteat: si usque ad quartum, viginti diebus pœniteat: & lintheamina, quæ tetigerit stilla, tribus vicibus Minister abluat, calice subter posito: & aqua ablutionis sumatur, & juxta Altare recondatur." Præterea audivimus, sæpe contingere, quod Sacramentum in calice non sufficit multitudini communicantium: & tunc fit noviter consecratio calicis tantum, & a Presbytero non communicante; quod est a Sanctorum Patrum doctrina plurimum alienum. Et etiam dicitur, quod aliqui interdum vinum non consecratum pro consecrato ministrant; quod maximum periculum est.

Fiet igitur isto modo, quod vobis suscipientibus Ecclesiasticam unitatem, & pacem realiter, & cum effectu, & in omnibus aliis, quam in usu communione utriusque speciei, fidei & ritui universalis Ecclesiæ vos conformantibus: vos, qui talem usum habetis, communicabitis sub duplici specie, cum auctoritate Ecclesiæ. Et articulus ille in Sacro Concilio discutietur ad plenum, & videbitis, quid

quid circa illum articulum pro veritate Catholica sit tenendum, & agendum pro utilitate, & salute populi Christiani. Et omnibus mature & digeste pertractatis, nihilominus si perseverantes in desiderio vestro hoc vestri Ambasiatores postulaverint, Sacrum Concilium Sacerdotibus vestris communicandi sub utraque specie populum vestrum, eos videlicet, qui in annis discretionis constituti, reverenter, & devote postulaverint, auctoritatem, & facultatem in Domino largietur: hoc semper observato, quod Sacerdotes sic communicantibus semper dicant, quod ipsi debent firmiter credere, quod non sub specie panis caro tantum, nec sub specie vini sanguis tantum: sed sub qualibet specie est integer totus Christus.

Hactenus decretum Sacri Concilii retulimus. Ad dubia autem, & quaestiones Bohemorum, quas Magistri, & Sacerdotes postea movebant, sic responderunt Oratores Sacri Concilii.

Primo dixerunt, quod non est intentio Sacri Concilii, permittere communionem sub duplici specie permissione tolerantiae, vel sicut Judæis fuit permixtus libellus repudii: quia cum Sacrum Concilium viscera maternae caritatis exhibere dictis Bohemis, & Moravis intendat, non est intentionis Concilii permittere tali permissione, quæ peccatum non excludat; sed taliter elargiri, ut auctoritate Domini nostri JESU Christi, & Ecclesiae veræ Sponsæ sit licita, & digne sumentibus utilis, & salutaris.

De punitione Peccatorum.

Item, cum circa materiam de punitione peccatorum fuisset per dictos Bohemorum Magistros, & Sacerdotes dictum, quod ex Scripturis sacris habetur, quod interdum Deus excitat corda privatarum personarum ad correptionem, & punitionem peccatorum; & sic videretur licere inferioribus, corrigere suos Superiores & punire.

Responderunt, & ostendentes textum Sancti Augustini in Decretis XXXIII. "Qui percutit malos in eo, quod mali sunt, & habet causam interfectionis, Minister Dei est: qui vero sine aliqua publica administratione maleficum, furem, sacrilegum, adulterum, perju-

rum, vel quemlibet criminofum interfecerit, aut trucidaverit, vel membris debilitaverit, velut homicida judicabitur" & tanto acrius, quanto non sibi a DEO concessam potestatem abusive usurpare non timuit. Et certe molestius fulciperet ista civitas, si aliquis privatus attentaret punire unum criminofum, & erigeret furcam in platea, & ibi eum suspenderet; quam si unus homo interficeret unum hominem in rixa, & per infidias. Et alios textus Beati Ambrosii & Hieronymi eidem concordantes, etiam allegarunt. Dixerunt, quod nemo dubitat, quod lex Dei sancte, & debite posita est: & in ea legitur simpliciter: *Non fur-tum facies*. Et tamen mandato Dei Israël adportarunt bona Aegyptiorum, quæ receperant commodata. Item in eadem Lege scribitur simpliciter: *Non occides*. Ex quo Beatus Augustinus libro 1. de Civit. Dei, probat, quod nemini licet occidere seipsum. Et cum facit instantiam de Samfone, respondet, & dicit hæc verba: Cum autem Deus jubet, seseque jubere sine ullis ambagibus intimat, quis obedientiam in crimen vocet? quis obsequium pietatis aculeus? Hic in proposito verba Sancti Augustini habeatis pro responso. Sed videat quisque, si Deus jubet, & se jubere sine ambagibus intimat, & probet spiritus, si ex Deo sint. Sed de talibus non est lex danda, nec est multum agitandum. Nam per hoc facile insurget occasio faciendi seditiones, & inferioribus insurgendi contra superiores. Et quando aliquis furatus esset, vel interfecisset, & diceret, quod Spiritu Dei motus est, certe, nisi de hoc bene constaret, puniretur.

Dixerunt denuo, quod aliqui sint casus, in quibus laici habent potestatem in Clericos.

Fuit responsum, quod certi sint casus in jure, in quibus laici habent potestatem super Clericos, & etiam aliquando super Cardinales. Nam si mortuo Papa Cardinales non vellent intrare Conclave ad electionem Papæ faciendam, Rex, Princeps, vel alius Dominus, seu Potestas secularis potest eos compellere. Sed in illis casibus jam ille non est privata persona, sed auctoritate juris utitur

juris.

jurisdictione. Similiter est intelligendum de aliis casibus in jure expressis.

Dixerunt ulterius, quod nullum jus fori habet justiciam, nisi jus poli illud approbaverit.

Fuit responsum, quod nullum jus fori habet justiciam, si sit contra Legem Dei, quia Lex Dei est regula omnium legum: sed exigitur magna pericia in applicando regulam ad regulatum. Nam interdum alicui videtur, quod sit tortuositas in regulato, & non est, sed est defectus in applicando, quia non applicatur debito modo regula ad regulatum.

De Prædicatione Verbi.

Circa articulum de Prædicatione Verbi Dei fuit motum, quod interdum aliquis Prælatus ex sua invidia, vel malitia, sine causa rationabili, bonum & idoneum Prædicatorem, bene & Catholice prædicantem, inhibet prædicare.

Fuit responsum, quod sacis intellexerant, quod abusus Prælatorum inordinate agentium magnam occasionem præstitit his turbationibus, & quod in eorum partibus nunquam audiverunt tales querelas. Sed Prælati favent bonis Prædicatoribus, & eos ad prædicandum excitant precibus, favoribus, & honoribus. In talibus autem casibus jam sunt a jure prædicta remedia. Quando aliquis prohibetur uti jure suo, habet remedium appellandi, & si bene confidit, quod sit appellatio justa, utatur jure suo, omni violentia brachii utriusque, spiritualis videlicet & secularis, semota. Nam exitus causæ declarabit, si ipse habebat justam causam appellandi. Tunc declarabitur superiorem male prohibuisse, & appellantem juste fecisse. Et superior injuste prohibens debet corripi. Si autem juste fuerit prohibitus, & ipse sua temeritate superioris justum mandatum sprevit, dignum est, quod ipse digna animadversione puniatur.

De Dominio seculari apud Clericos.

Circa quartum articulum fuit motum, an liceat Prælati Ecclesiasticis actus secularis Domini in propria persona exercere.

Tomus V. Concilior. German.

Fuit responsum, quod si per verbum: Actus secularis Domini, intelligantur actus, quos unus secularis Dominus possit agere, seu exercere: sicut sunt vendere, impignorare, infeudare, modis & formis jure ordinatis; Aliqui sunt, quos non licet in propria persona exercere, sed debent habere Oeconomum, Vice Dominum, vel Procuratorem, qui hæc exerceat, de quibus actibus jure caveretur in Rubrica: Ne Clerici, vel Monachi secularibus negotiis se immisceant, & aliis in rebus.

Fuit motum, an illa Potestas coactiva, quæ debet exerceri per Oeconomum &c. sit apud Prælaturam Ecclesiæ.

Dictus Johannes Polemair respondit, quod hæc quæstio præsupponit aliam; de qua sunt diversæ opiniones inter Doctores, apud quem sit Dominium Ecclesiæ. Et ulterius, an actiones sint in persona tutoris, vel procuratoris, vel licet non sint in earum persona, ramen per constitutionem actoris, vel procuratoris, cujus exercitium ipsam demandant ipsi actori, vel procuratori, & alias intricaciones, de quibus non est opus ad præsens agere. Sed cum multum instaretur, dicere opinionem suam, dixit: Quod si etiam otium haberent, & liberet solitari in disputando daret opinionem arguenti. Sed magis esset opinio sua, quod Dominium rerum Ecclesiæ est apud Christum, & Prælati, & alii Ecclesiastici sunt Canonici Administratores adinstar tutorum: sed ampliorem habent potestatem, seu administrationem, quam tutores. Et constituendo Oeconomum, seu Vice-Dominum &c. eorum constitutione debita facta, Oeconomus, seu Vice Dominus, habet illam potestatem coactivam, seu exercitium jurisdictionis.

Item circa quartum articulum, pro declaratione primæ conclusionis, est concordatum, quod verba: Juste acquisita, in ipsa posita, omnia in eadem contenta determinant.

Item circa secundam conclusionem, cum sacri Canones, & Doctores Sancti sic loquantur: Bona Ecclesiæ, res Ecclesiæ, facultates Ecclesiæ, & inter Doctores variæ sint opiniones, apud quem sit ipsarum rerum Dominium, prout notat *Glossa in Cap. Expedit. 12. Quest. I. Ad*

E e e e e

nul-

nullam illarum opinionum intendunt aliquem coarctare, nec aliquam illarum opinionum excludere, sed sit unicuique facultas illam, quæ sibi melior videbitur, probabiliter sustinere.

Dixerunt præterea dicti Bohemi, quod ipsi tenent, quod Clerici, aut viri Ecclesiastici rerum temporalium Ecclesiæ sunt Administratores, & non Domini, ad modum loquendi Scripturæ, Doctorum Sanctorum, & Canonum.

Item Bohemi dicunt, quod in omnibus emergentiis stare volunt dictamini iudicii, ex unanimi consensu in Egra compactati. Hunc in modum nostri Bohemi responderunt.

Tandem post multos tractatus ultro citroque habitos, inita est concordia, & manuum stipulatione firmata: promissa-

runtque se Bohemi declarationem trium articulorum, ac pacem, & Ecclesiasticam unitatem accipere. Factum est id anno Millesimo, quadringentesimo, trigésimo octavo, circa Festum Martini. Convenitum est postea, cum a Legatis Sacri Concilii, tum ab Oratoribus Bohemorum, ut quæ reliqua erant, componerentur: primum Ratisponæ, deinde apud Brunnam, Diocesis Olmutzensis, item apud Albam Regalem in Hungaria, coram SIGISMUNDO Cæsare. Verum nullibi res tota confici potuit: nunc enim erat consulenda Synodus, nunc alia sunt exorta impedimenta. Postremo apud Iglaviam, oppidum Moraviæ, concordia instrumentis, ac sigillis roborata est, Compactata vocant, V. die mensis Julii, Cæsare præsentē.

Petitiones Bohemorum,

*Postremo propositæ in Basileensi Synodo anno MCCCCXXXVIII.
Mense Novembri.*

REVERENDISSIMIS IN CHRISTO PATRIBUS, ET DOMINIS
NOBIS GRATIOSIS.

NOS Oratores Regni Bohemiæ humiliter, & quanta possumus affectione supplicamus, quatenus propter pacis & concordie inita perpetuam conservationem, & omnium, quæ in compactatis sunt, felicem ac firmam conservationem dignemini nobis dare, concedere, & de vestra clementia elargiri, cum effectuali executione omnes & singulas postulationes infra scriptas.

Primo & ante omnia petimus & supplicamus, quatenus pro tollendis universis litibus, jurgiis, & dissensionibus in populo nostro, ex diversitate communionis indubitanter, & infallibiliter sequentibus: & infinitis malis, quæ nec dicere sufficimus, sicut ea concepimus, prorsus auferendis, & abolendis, dignemini clementer pro vestra bonitate & liberalitate Regno nostro Bohemiæ, & Marchionatus Moraviæ dare, concedere, & demandare uniformem & unanimem omnibus & singulis sub utraque specie Sacræ Eucharistiæ Communionem, videlicet Archi-Episcopo Pragenfi, nec non Episcopis Linthomislensibus, Olmuzensibus, & aliis Prælatibus singulis Regni, & Marchionatus, curam animarum habentibus,

& eorum Vicariis, nec non & plebibus eorum singulis, & subiectis: & hoc secundum ea, quæ in mandato Bullæ Legatorum, & in Compactatis nomine Sacri Concilii sunt inserta in Cap. *Pro firmitate*: ubi sic dicitur: Et omnia alia fient, quæ pro observatione dictæ pacis & unitatis necessaria fuerint, & opportuna. Nam hoc factum ex vestro beneficio Regnum totum, supra quam dici potest, consolabitur, & in dilectione fraterna firmabitur: ex quibus uniformis subiectio, & obedientia Sacrosanctæ Ecclesiæ perpetuo tribuetur.

Item supplicamus ut supra, quatenus pro amputanda falsa suspitione, & vacillatione multorum, putantium, quod sacrum Concilium præfatam Communionem sub utraque specie Nobis concessam, ad tempus duntaxat concederet, non utilem & salutarem, sed ut libellum repudii, dignemini juxta illud Capitulum, in Compactatis positum: Primo dixerunt, quod non est intentionis sacri Concilii &c. Nobis, & vestræ concessioni salubriter, & mature providere, & illud Capitulum una cum aliis ipsum munus Legatorum vestrorum consequentibus,

bus, Bullis literarum vestrarum firmare, & perpetuare.

Item supplicamus ut supra, quatenus pro consolatione obedientiæ, & rotius ordinis Ecclesiasticæ disciplinæ, & pro finali Compactatorum defensione & observatione, & bono & optimo in spiritualibus regimine, dignemini nobis providere cum effectu de bono, & legitimo Pastore, Archi-Episcopis, & aliis Episcopis, qui nobis pro regno magis idonei, & magis grati, & accepti viderentur ad illa officia salubriter exsequenda.

Item supplicamus ut supra, quatenus vestræ Paternitates pro tuenda impofterum inclyta fama Regni, & Marchionatus, pro ostendenda, & manifestanda nostra innocentia, pro eo, quod communicaverunt, & communicant, & communicabunt sub utraque specie, dignentur dare, & ordinare, & destinare literas Sacri Concilii in modo, & forma magis offensionem accommodata, & congrua, ad omnes Principes, tam sæculares, quam spirituales, civitates, & communitates juxta compactata. Et hoc iidem Domini Legati nobis facere obligantur.

Item supplicamus, ut in discussione in materia communionis Eucharistiæ sub utraque specie, de ejus præcepto a Domino ad omnes fideles, non procedatur aliter, nisi secundum judicem in Egra compactatum, hoc est, secundum Legem Divinam, praxim Christi, & Apostolorum ejus, Concilia generalia, & secundum sententias Sanctorum Doctorum, veraciter se in Lege Dei fundantium.

Item supplicamus, quatenus Paternitates vestræ, considerata magna affectione populi nostri, velint dare nobis desideratam libertatem communicandi parvulos Sacra Eucharistia. Nam si iste usus communicandi, quem Regnum nostrum, pie motum, magnorum Sanctorum Doctorum scripturis, & exemplis inductum, ut Catholicum suscepit, & a multis annis effectualiter exercuit, aboleretur, certe magnum, & intolerabile scandalum in populo oriretur, immo animus eorum plurimum ex hoc implacabiliter perturbaretur.

Item supplicamus ut supra, quatenus

Tomus V. Concilior. German.

nus ex eisdem causis vestræ Paternitates dignentur permittere ad minus Evangelia, Epistolas, & Symbolum in vulgari in Missis, & Ecclesiis coram populo ad excitandam devotionem libertari, legi, & decantari. Nam in nostro Linguagio Slavico ex indulto Ecclesiæ, olim ab antiquo in vulgari suo exercetur, etiam in nostro Regno.

Item supplicamus in nomine ejusdem Regni, & almæ Universitatis Pragensis, quatenus erga ipsius Universitatis desideratam reformationem, vestræ Paternitates dignentur curam adhibere, & operam dare sollicitam, ut juxta modum, & formam aliarum Universitatum taliter per Ecclesiam reformatarum, Præbendæ, & Collationes Beneficiorum aliquorum Ecclesiarum Cathedralium, & Parochialium, eidem Universitati annectantur, conferantur, & incorporentur, ut per hoc Universitas augeatur, & promoveatur.

Item supplicamus ut supra, quantum sufficimus, salva semper paterna reverentia, ex compactatis vestras Paternitates requirimus, & instanter moneamus, quatenus ad illam cunctis piis mentibus desideratam, & Christiani Religionis summe necessariam, & opportunam totius Ecclesiæ reformationem digne vestra Paternitas toto studio invigilare, & effectualiter insudare pro extirpatione omnium malorum publicorum, in capite & in membris, prout Regno nostro frequenter promittitis in compactatis, & prout articulus noster quartus, de eliminatione omnium peccatorum publicorum, hoc manifeste exigit, & requirit.

Responsiones sequentes ordinatæ fuerunt, sed non datæ.

Prima petitio videtur inniti obligationi, tanquam ex compactatis Sacrum Concilium hoc facere teneatur, ex illo Capitulo, quod incipit: Pro firmitate, & observantia pacis, & sequitur: Per dictos Legatos sacri Concilii dabitur omnis firma, & procurabitur Bulla Concilii, & mandata ipsius sacri Concilii ad omnes Principes, & communitates circumstantes, & alia, quæ necessaria fuerint, &

E e e e e 2

oppo-

opportuna. Pro parte vero dictorum Regni & Marchionatus, dabuntur literæ cum sigillis firmis, ac munimentis opportunis: proclamabitur pax, & fervari mandabitur: & omnia alia fient, quæ pro observatione dictæ pacis, & unitatis necessaria fuerint & opportuna. Sed certe ex illo Capitulo, neque competit jus sacro Concilio faciendi Bohemis, quod pro bono pacis & unitatis teneantur dimittere usum communionis sub duplici specie: cum promiserint omnia facere, quæ pro observatione pacis, & unitatis fuerint opportuna. Hoc esset valde opportunum observationi pacis, ut ipsi in hoc, sicut & in cæteris, se conformarent usui omnium aliorum vicinorum, & totius Ecclesiæ Latinæ. Neque contra ipsi Bohemis competit jus ad petendum, quod sacrum Concilium compellat omnes de Regno ad communicandum sub utraque specie, tanquam hoc esset opportunum observantiæ pacis. Quia cum super hac materia jam sit in dictis compactatis specialis, & certa dispositio, generalis, clara, quæ subsequitur, non se refert ad illa; maximeque, quia hoc contrariatur ei, de quo in ipsis compactatis specialiter agitur, scilicet de liberatione, cui contrariatur coactio. Nam & in liberatione concedenda, dicitur de illis personis, quæ in annis discretionis constitutæ, reverenter & devote postulaverint. Et si devotioni, & postulationi cuiuslibet est relinquendum, non est ad hoc aliquis compellendus, secundum ipsum compactatorum seriem, & tenorem. Et alias hoc de se manifestum est, quod illa verba non dant jus talia postulandi. Quod vero ad liberationem concedendam, de qua continetur in compactatis, sacrum Concilium intendit omnino servare ipsa compactata, & ab ipsis in nullo deficere. Ex quorum tenore manifeste apparet, quod declaratio istius Articuli, an sit de præcepto, præcedere debet ipsam liberationem. Sicut ergo sacrum Concilium in omnibus se offert, compactata adimplere, ita & ipsi Domini Bohemi facere tenentur.

Ad secundam petitionem respondetur, quod omnia, quæ sacrum Concilium tenebatur ratificare, jam ratificavit, & super hoc literas suas dedit. Illa non tenetur ratificare: quoniam pacta,

& conventiones a Legatis sacri Concilii nomine ipsius facta habent ratificationis causam: Non autem responsa: quorum aliqua per omnes, aliqua per unum tantum ex ipsis facta fuerunt, ad interrogationes quorundam Magistrorum. Unde tam res ipsa, quam modus agendi, manifeste ostendunt, quod ad ratificandum sacrum Concilium non tenetur. Verum quantum ad illum punctum, qui in illa petitione specialiter exprimitur, non quia tenetur ratificare, sed pro consolatione populi Bohemici, & tollenda occasione aliis detrahendi, dicit sacrum Concilium: quod sicut consuetudinem laudabilem ab Ecclesia universaliter observatam, de communicando populum sub specie panis, absque auctoritate Ecclesiæ nemo debet immutare, ita postquam ab Ecclesia usus Communionis sub utraque specie aliquibus permittitur, talis permissio non est sicut de libello repudii, vel quæ peccatum non excludat, cum tales, qui ex licentia & auctoritate Ecclesiæ sic communicant, transgressores Ecclesiæ institutionis, vel consuetudinis dici non possint; dum tamen concessionis terminos non excedant. Erit igitur talis Communio auctoritate Ecclesiæ concessa illis, quibus concessa fuerit licita, & digna fumentibus utilis, & salutaris.

Ad tertiam petitionem respondetur, quod iustum & rationabile est, ut Ecclesiæ Prageni de legitimo, idoneo, & utili provideatur Pastore. Sed quoniam verba expresserunt Magistrum Johannem de Rocozana, de quo non est rationale, ut ad illam dignitatem promoveatur, cum ad impediendum, perturbandum, & disrumpendum pacem & unitatem, post firmata compacta, fuerit multipliciter machinatus. Et non diu est, quod a civitate Prageni Serenissimo Domino Imperatore insalutato clam & furtive recessit: & jam prodire, & apparere incipiant, quæ post talem recessum, & ante in perturbationem pacis fuerit machinatus; cum ad Pontificem maxime pertineat unitatem & pacem amare, & ad eas alios provocare verbo pariter, & exemplo; ideo melius videtur, hoc pro præfenti suspendere, ut habita meliori deliberatione, & diligentia, cum Serenissimo Domino Imperatore possit eidem Ecclesiæ utiliter provideri.

Ad

Ad quartam petitionem respondetur, quod ex tota serie compactatorum, sacrum Concilium non tenetur aliquas literas ad Principes, & Communitates circumstantes dirigere; nisi juxta præinsertum Capitulum, quod incipit: In firmitate. Illas promptum est facere, & dirigere, juxta seriem ipsius in forma rationabili & honesta.

Ad quintam petitionem respondetur, quod illa est intentio & voluntas Sacri Concilii, quod in discussione & decisione Spiritu Sancto Auctore facienda in materia Communione Eucharistiæ sub utraque specie, & de ejus præcepto a Domino ad omnes Fideles, ut verbis eisdem utamur, quæ in ipsa petitione continentur, non procedetur aliter, nisi secundum Legem Divinam, præxim Christi, & Apostolorum ejus, Concilia Generalia, & secundum sententias Sanctorum Doctorum veraciter se in Lege Dei fundantium. Et ita debent sperare, & credere omnes fideles, quod ille, qui Ecclesiæ suæ promissit sui assistentiam infallibilem, & Spiritum Sanctum cum Ecclesia in æternum mansurum, Salvator noster Jesus Christus, nullo modo permittit, quod ab ipsa Ecclesia aliqua decisio fiat circa materiam talem, quæ esset contraria superius memoratis. Sed debent firmiter credere omnes Christiani, quod Spiritus Sanctus per os Ecclesiæ docet Fideles omnem veritatem necessariam ad salutem: & ita debent firmiter credere, & nullatenus dubitare.

Ad sextam petitionem de Communionem parvulorum respondetur, quod Communio parvulorum per compactatam expresse excluditur: cum solum ibi de illis loquuntur, prout ex tunc qui talem usum hæcenus habuerunt, & ad ultimum de illis, qui in annis discretionis constituti, hoc reverenter postulaverint, & devote.

Ad septimam petitionem, quod

illa est de directo contra compactata, & ipsorum Bohemorum promissionem, per quam tenentur se conformare ritibus Ecclesiæ. Cæterum autem est, quod ritus Ecclesiæ hoc non habet, neque in ipsa Pragensi Ecclesia ante ista disturbia hoc fiebat. Unde justum & rationabile foret, quod confirmarent se ritibus Ecclesiæ, & in hoc, & in omnibus aliis compactata efficaciter adimplerent, & tunc possent honestius a Sacro Concilio petere, & rationabilius sperare.

Ad Octavam, gratissimum est sacro Concilio, quod Universitas Studii Pragensis reformetur & reparetur: & ideo super hoc faciet commissionem Legato suo, ut circa reformationem & reparationem Universitatis operam & studium præbeat: ordinando de aliquo certo numero Præbendarum in aliquibus Ecclesiis civitatis Pragensis, quod ad eas assumi habeant dictæ Universitatis Doctores, & Magistri, secundum ordinationem rationabiliter faciendam.

Ad nonam & ultimam petitionem respondetur, quod hoc Sacrum Concilium a suo exordio studium, & operam circa desideratam reformationem Ecclesiæ præbuit, & præbere, Deo auctore, intendit, multaque super hoc Decreta edidit. Sed inimico humani generis procurante multa impedimenta circa hoc habuit: nihilominus in spe non deficit, nec per Dei gratiam in studio deficiet & labore. Multa siquidem super hoc avifata sunt, & concepta, quæ ubi, Deo largiente, opportunitas fiet, ad executionem ponenda erunt ad Dei gloriam, & Ecclesiæ reformationem, honestatem, & decorem accommoda. Sed quoniam (ut Sapiens ait) *omni negotio tempus & opportunitas est*, omnia sunt cum Sapientia suaviter, & opportune disponenda: ne ea, quæ, si opportune fierent, possent esse multum accommoda, importunitas minus utilia reddat,



S U M M A
CONCILIORUM BASILEENSIS,
FLORENTINI, LATERANENSIS,
LAUSANENSIS, &c. (*)

*Auctore Augustino Patritio, Canonico Senensi, jussu FRANCISCI
PICCOLOMINEI, Cardinalis Senensis, Anno reparate salu-
tis humanæ MCCCCLXXX. conscripta.*

P R E F A T I O.

CUM ad sedandum diuturnum, & perniciosissimum schisma, quod Ecclesiam Dei per annos circiter XL. non sine gravi Reipublicæ Christianæ detrimento vexaverat, *Generale Concilium Constantiæ* in Germania legitime congregatum esset, procurante SIGISMUNDO Cæsare, & Præsidente ab initio JOHANNES XXIII. Pontifice Maximo; tandem unio & pax reperta est, & omnis seditio sublata. Post mortem namque Gregorii XI. Romani Pontificis, cum Urbanus VI. Romæ illi substitutus esset anno salutis MCCCCLXXVII. nonnulli Cardinales, secessione facta, quod dicerent illum per tumultum & impressionem Romanorum extortum esse, post tres menses Robertum, Cardinalem Gebennensem, in Romanum Pontificem apud Fundos (Johanne Regina præsidio) consecrarunt, Clementem VII. eum appellantes. Urbano deinde Romæ fatis functo, Bonifacius VIII. successit, & illi Innocentius VI., & paulo post Innocentio Gregorius XII. Clementi autem Antipapæ, post annos XVI. Avenioni decedenti, Petrus de Luna subrogatus est, Benedictus XIII. nominatus: qui per tempora Concilii Constantiensis, & etiam diu postea in sua pertinacia perseveravit. Cardinales utriusque Pontificis, Gregorii scilicet & Benedicti, cum illis abrogationem Pontificatus, quam pro unionem Ecclesiæ in electione juraverant, persuadere non pos-

sent, communi consilio Pisnam Synodum celebrarunt. In qua Gregorio, & Benedicto exauctoratis, Alexandrum V. Romanum Pontificem legitimum dixerunt. Sed cum Gregorius, & Benedictus Decreta Concilii Pisani spernentes, dignitatem retinere conarentur, & pro duobus tres viderentur esse Romani Pontifices: statutum est aliud Concilium celebrari oportere post triennium in loco ab Alexandro, vel ejus Successore nominando. Verum extincto infra annum Alexandro, Balthasar Cossa Bononiæ a Senatu ei subrogatus est, Johannes XXIII. nominatus; qui instante tempore indicti Concilii, illud Romæ jussit conveniri. Bulla interim (ut ajunt) procurans, ne Concilium, quod timebat, rite celebrari posset. Pulsus deinde Johannes præter opinionem Roma a Ladislao, Rege Neapolitano, Florentiam concessit: ubi petente Sigismundo Cæsare, & urgentibus Cardinalibus, Generale Concilium Constantiæ in Germania, indixit ad Kalendas Novembris anno salutis mccccxv. in quo Concilio Gregorius per Procuratores Pontificatu se abdicavit. Johannes de fuga retractus, ac privatus est: Benedictus etiam exauctoratus, & damnatus. Et communi omnium Patrum sententia Martinus V. Romanus Pontifex appellatus, quem omnes Christiani, aliis posthabitis, ut Christi Vicarium susceperunt unicum & verum. Hæc Sancta Synodus Con-

(*) Summam hanc, seu Historicam Epitomen Augustini Patritii, Harduinus Tomo IX. *Conciliorum* inseruit, quam ex ipso integram damus, recensendo simul, quæ Concilio Basilea Ferrariam, ac deinde Florentiam translato, gesta sunt: adeo enim utriusque Concilii res inter se connexæ sunt; ut aliæ ab aliis, quin historice series abruptatur, separari non possint. Cur acta ipsa Concilii Basileensis omiserimus, in Digressione referemus.

Constantiensis inter alia multa, quæ sanctissime statuit ad confirmandam unionem fidelium, ad extirpandas hæreses, quæ pluribus in locis invalescebant, & præsertim apud Bohemos: ad emendandos mores, & Clericorum vitam, Decretum illud promulgavit, quod *FREQUENS* appellatur: quo sancitum est, ut quinquennio post finem Constantiensis Concilii, aliud Concilium celebraretur; & illo finito, aliud per septennium, & deinde singulo quoque decennio conveniant Præsules ad Concilium Generale: locum autem futuri Concilii voluit semper nominari per mensem ante dissolutionem præsentis a Romano Pontifice, approbante & consentiente Concilio. Quod si Pontifex non adesset, voluit ab ipso Concilio. Prædicti autem temporis prorogationem omnino prohibuit; abbreviationem ex causa concessit; locum vero Concilii semel nominatum a nullo voluit posse mutari: neque a Pontifice maximo, nisi urgentibus necessitatibus, bellorum vi, pestis, & hujusmodi. Ex tunc de consilio sacri Senatus, ad votum Nationis Italiæ, Papiæ urbs nominata est pro futuro Concilio post quinquennium; & adventante fine quinquennii Martinus Pontifex anno VI. sui Pontificatus Apostolicos sacros Nuntios, qui vice sua Concilio præfiderent, Petrum Archi-Episcopum Cretensem, Jacobum Episcopum Spolethanum, Petrum Abbatem Rosacium, ac Leonardum Florentinum, Ordinis Prædicatorum Generalem Magistrum, Papiam transmisit, cum plena potestate omnia tractandi, & agendi, quæ rebus recte conficiendis essent opportuna, & Concilium ipsum (si res ita exigeret) ad aliam ipsius nationis urbem transmutandi: sedemque post septennium pro alio Concilio statuendi secundum Decreta Constantiensis Synodi. Verum cum sæviente peste Patres Papiæ pellerentur, communi consensu Senas Concilium transferre placuit. Convenerunt igitur undique Patres cum Apostolicis Legatis Synodum perficientes, ad annum salutis mccccxiv. ibique post multa, quæ utiliter sanxerunt, Basilea urbs Germaniæ supra Rhenum pro futuro Concilio ad septennium est nominata, Pontificis Martini anno VII. Præsidentibus ipsius Concilii Senensis,

& omnibus Nationibus pari voto decernentibus. Appetente termino, quo Basileæ Concilium celebrari oportebat, Martinus Pontifex cum adversa valetudine premeretur, anno salutis mccccxxxi, Pontifici vero sui XIV Kalendas Februarii, Julianum Casarinum Cardinalem Sancti Angeli, Legatum Apostolicum, qui nomine suo, & S. R. E. Basileensi Synodo præfideret, præmisit; cum plena potestate omnia agendi, tractandi, & concludendi, quæ ad reformationem Ecclesiastici status, ad hæreses ubique extirpandas, ad reductionem Orientalis Ecclesiæ, ad conservationem Ecclesiasticæ potestatis, & ad communem omnium Christianorum utilitatem, tranquillitatem, & pacem necessaria, & opportuna viderentur, ac de omnibus cognoscendi, statuendi, & concernendi cum consensu, & consilio Patrum Sacri Concilii.

I.

Principium Concilii Basileensis.

Quarto igitur nonas Martii ejusdem anni, quo die secundum Decreta Constantiensis Synodi, inchoari oportebat Concilium Basileense, Alexander Abbas Virziliacensis (*), Ordinis Sancti Benedicti, Eduensis Diocesis, vir doctrina clarus, convocatis Canonicis, & Collegio Ecclesiæ Basileensis, ac plurimis aliis viris virtute præditis: Viri Fratres (inquit) nostri, quod nudius tertius anni septem completi sunt a fine Concilii Senensis; & secundum illius, & Sanctæ Constantiensis Synodi Decretum heri Basileense Concilium in hac vestra urbe erat incipiendum; ad quod Prælatos omnes, quorum interest, absque alia vocatione sub pœnis juris venire oportebat. Adsum ego obedientiæ filius, paratus alios, qui venturi sunt ad Concilium, exspectare, & nobiscum interim, & cum his, qui venerint, omnia agere, quæ pro salute Christianæ plebis in Concilio tractari consueverunt, præsertim pro reductione Hussitarum ad viam salutis, pro censura morum Ecclesiasticorum, tam in capite, quam in membris, & pro pace, & quiete omnium Christianorum: rogans vos omnes, ut locum aliquem

(*) Vezeliacensis.

quem idoneum, & horam congruam statuere velitis, & rebus gerendis Concilii nomine mecum incumbere: protestans, per me non stare, quin Decreta Sanctorum Conciliorum impleantur.

II.

Confirmatur Legatio Cardinali Cæsarini ab Eugenio.

Inter hæc MARTINUS Pontifex Romæ moritur eodem anno, & EUGENIUS IV. ei subrogatus, Juliano Cardinali Sancti Angeli, pridie Kalendas Junii injunxit, ut rebus Bohemicis confectis, Basileam ad Concilium se conferret: ibique si Præsules iusto numero convenisse cerneret, sicut Martinus statuerat, Apostolicæ Sedis nomine præfideret secundum Constantiensis Synodi Decreta. Julianus autem Cardinalis Legatus, acceptis mandatis ab Eugenio, cum occupatus adhuc esset in expeditione Bohemica: (Martinus enim ei injunxerat, ut si Basileæ congregatos Patres non inveniret, rebus Bohemicis incumberet:) suos Nuntios misit Basileam, qui nomine suo Concilio præfiderent, quoad ipse commode posset venire; neque multo post ipse secutus est, & Basileæ Concilium inchoavit.

III.

SESSIO PRIMA

Concilii Basileensis.

Anno salutis MCCCCXXXI. septimo idus Decembris, cum jam supra tres menses Patres, qui aderant, Basileæ una cum Legato Apostolico de rebus gerendis consultassent, primam Sessionem publice tenendam ad XIX. Kalendas Januarii statuerunt; idque publico edicto palam nunciarunt. Præcipiebat enim omnibus, quos Concilii interesse more majorum oporteret, Apostolici Legati Præsidentis, & Concilii nomine, ut sub pœnis juris die dicta in Cathedrali Basilica convenirent. Ut autem statuta dies advenit; congregati sunt Patres in Basilica civitatis, & Perhibertus, Episcopus Constantiensis, rem Divinam celebravit, Spiritus Sancti gratiam expostulans; tum aliis supplicationibus, & precibus rite per-

actis, Legatus Apostolicus, Pontificali habitu præfidens, circumstantibus aliis Prælati, mitra alba, pluvialique ornatis, concionem præclaram habuit: singulos exhortatus ad ea statuendum, quæ Deo grata, & Reipublicæ Christianæ salutaria esse cognoscerent. Deinde Constantiensis Præsul, ut suggestum ascendit, Sacrosanctæ Basileensis Synodi nomine Decretum Constantiensis Concilii, quod *FREQUENS* appellant, de Conciliiis Generalibus frequentandis perlegit. Tum recensuit, ut Papiense Concilium per Constantiense fuerit indictum, & deinde Senas translatum. Inde Decreta Concilii Senensis recitavit, quibus Basileensis Synodus post septennium indicebatur. Postremo approbationem primam Martini V. Pontificis Maximi, & facultatem præfidendi in Concilio Basileensi Juliano Cardinali Sancti Angeli datam; & deinde Eugenii IV. publicis documentis omnibus ostendit.

Demum Decreta infra scripta, legesque a Concilio faciendas rogavit. In primis Concilium Basileense congregatum Canonice, ac legitime convenisse ex auctoritate Constantiensis & Senensis Conciliorum, & Martini V., & Eugenii IV. Romanorum Pontificum approbatione, & decreto: in eoque præfidere Apostolicæ Sedis Legatum: proinde Generale Concilium ab omnibus esse censendum, omnesque, qui ex lege Generalia Concilia obnoxii sicut adire, huc venire oportere. Versari autem debere hanc Sanctam Synodum totis viribus imprimis ad extirpandas hæreses ex Ecclesia Dei, quæ multis in locis pullulant: tum ad pacandos Christianorum animos, sedandasque fidelium contentiones; postremo ad mores, vitamque Clericorum, & populi Christiani ubique restituendos, emendandosque: licere omnibus, qui in Synodo essent, libere loqui, proponere, & consilium de omnibus rebus, ad utilitatem publicam spectantibus.

Decretum Toletani Concilii de modestia, & gravitate servandis in sessionibus, & deliberationibus Concilii comprobandum. In eo continetur, in sacris Sessionibus nemini licere clamorosis, aut inconcinnis vocibus perstrepere, fallacis vanis, immodestis risibus, obstinatis discepta-

ceptionibus, jurgiis, contumeliis, aut ineptis contentionibus Concilium perturbare: irrisores, perturbatoresque homines ejiciendos esse: prænominaciones, aut prælationes in sedibus, aut titulos in rebus gerendis cuivis adscriptos, nemini nocere, aut prodesse: nemini jus, aut dignitatem quoquomodo addere, aut demere; sed unumquemque in pristino statu conditioneque, qua ad concilium venerat, permanere. Decretum Constantiensis Concilii, quo impediētes, aut quoquomodo molestantes eos, qui veniunt, morantur, aut redeuntes a Concilio gravissimis penis coercent, illis ipsis, quibus multantur excommunicati singulis annis in Cena Domini, approbantur, & decernuntur in illos, qui quovis pacto perturbare, impedire, prorogare, seu dissolvere conarentur Basileense Concilium(*) graviter animadvertentur. Omnes, qui in Concilio interfunt, omnium suorum Beneficiorum fructus integre, ac si in ipsis Beneficiis residerent, percipere oportere. Postremo quosdam Deputatos Scribas Concilii, qui acta publica annotarent, alios, qui Scribarum scripta emendarent, alios, qui Concilii negotia promoverent: alios vero, qui pro meritis & dignitate cuique locum, & sedem in concionibus assignarent. His omnibus communi Patrum consensu legitime decretis, atque firmatis, prima Sessio soluta est.

IV.

*Dissolutio Concilii Basileensis
ab Eugenio.*

Dum hæc Basileæ aguntur, Eugenius Pontifex Maximus, Romæ ad XV. Kalendarum Januarii, sui Pontificii anno primo, ex sententia sacri Senatus, auctoritate Apostolica Concilium Basileense dissolvit: Legatum suum Cardinalem Julianum revocat, & aliud Concilium Bononiæ, post annum cum dimidio celebrandum publice indicit: cui per se ipsum cum Sanctæ Romanæ Ecclesiæ Cardinalibus præesse pollicetur. Tum decennio post finem Bononiensis Concilii, aliam Synodum Avenione congregandam publicis edictis decernit. Vocatque ex eo tempore per Apostolicas literas omnes, quos Generalibus Conciliis interesse

Tomus V. Concilior. German.

(*) manca sunt.

(**) Philippum

Sanctorum Patrum decreta volunt. Causas autem hujusmodi dissolutionis, & revocationis has esse disseminavit: Patres parvo numero, non supra decem, Basileæ convenisse; quamvis tempus præscriptum septennii ante octo menses esset elapsum: neque videri æquum, a tam paucis Episcopis universæ Ecclesiæ leges præscribi. Rigere hyemale tempus; neque verisimile esse, illos, qui nondum venerunt, in posterum venturos bellum exortum esse inter (**) Joannem Burgundiæ, & Fridericum Austriæ Duces: omnemque circa Basileam regionem ex bello vexari: proinde non posse Patres illic tuto congregari: multos convenire non posse, paucos non esse idoneos tam multis & magnis rebus agendis. Jam pridem sub Martino Pontifice tractatum fuisse de unione Orientalis Ecclesiæ cum Occidentali: Joannem Palæologum Imperatorem, & Joseph Patriarcham Constantinopolitanum Oratores ad se Romanam misisse, qui executionem conventorum cum Martino, nomine Ecclesiæ Græciæ exposcerent. Expedire admodum reipublicæ hanc Græcorum, & Latinorum unionem: nihil utilius salubriusque hoc tempore fieri posse: illis Basileam adire non facile esse: & ex tribus Italiæ civitatibus oblati Roma, Bononia, & Ancona, Bononiam elegisse. Non esse tantam occasionem omittendam, neque ullo modo spernendam tot populorum salutem. Non posse rursus vocari Patres ad Concilium Basileæ sine temporis prorogatione; interea diem Græcis promissam adventare: eodem tempore duobus locis congregari Ecclesiam non licere: neque, si id fieret, posse utrobique esse Synodum Generalem: & bis convenire laboriosum omnibus & plerisque impossibile. Audiisse præterea, Patres, qui Basileæ essent, hæreticos Bohemos, publice ac legitime damnatos Constantiensis, ac Senensis Conciliorum auctoritate, nunc iterum ad disputandum, & contendendum super damnatis Articulis provocasse, in dedecus & contemptum Apostolicæ Sedis, Sacrorum Conciliorum; Sanctorum Patrum Decretorum, & Imperialium Legum; jubentium, damnatos hæreticos non audiri. Ad hæc adjungi adversam valetudinem, qua in principio sui Pontificatus correptus sit: non facile esse cor-
F f f f f pori

pori per morbum confracto, tantum itineris conficere; & res magnas, quæ imminerent, præsentia Pontificis, & sacri Senatus admodum indigere. Fore, si ad annum cum dimidio res differatur, ut recuperata valetudine ad locum viciniorem, & ipse cum Romana Curia accedat, & tempore magis opportuno Orientales, & Occidentales conveniant frequentiores. Adeffe prætereaque plures alias causas, quæ hoc fieri suadeant, quas literis explicare non esset tutum, neque reipublicæ expedire, omnibus esse notas: eas venturas in lucem cum tempus fuerit. Hæc, & multa alia Apostolicus omnibus Christianis manifestavit Eugenius, eademque utriusque ordinis Principibus præscripsit, iussitque Basilea Patres discedere, & ad Bononiense Concilium se omnes præparare.

V.

Literæ Basileensium contra dissolutionem Concilii.

Patres autem, qui Basileæ conveniant, his auditis, Literas & Epistolas per universum Christianum orbem pridie Kalendarum Februarii, anno salutis mcccxxxii. datas, disseminarunt: asserentes vago rumore se accepisse, vulgo ferri, Basileense Concilium dissolutum esse. Falsos esse hos rumores, neque a quopiam admittendos. Convenisse omnes Patres Basileæ ex omni orbe Christiano; constituisseque Generale Concilium auctoritate Constantiensis, & Senensis Synodorum, Martini V., & Eugenii IV. Romanorum Pontificum; adesse Apostolicæ Sedis Legatum, cum plena potestate, omnia rite servata. Non esse credendum, Eugenium Pontificem; virum integerrimum & sanctum, tot majorum & suis Decretis velle obviare, ac Spiritus Sancti opera velle impedire: Se autem in publica Sessione statuisset, in Concilio Basileæ legitime congregato perseverare; neque ante inde discedere, quam omnia, propter quæ convenerunt, Deo benevolente recte componantur. Proinde monere, orareque omnes, ut ad Concilium veniant, quorum interest; eique pro utilitate publica votis & opere, omnique studio & diligentia faveant. Titulus autem Literarum Concilii hujus-

modi erat: Sacrosancta Generalis Basileensis Synodus, in Spiritu Sancto legitime congregata, Generale Concilium faciens, & universalem Ecclesiam representans, &c. Dilecto Ecclesiæ Filio N. Salutem & Omnipotentis Dei benedictionem.

VI.

SESSIO SECUNDA.

Ad XV. Kalendas Martias deinde convenerunt secundo Patres in publica Sessione, & hæc communi consensu statuerunt: Sacrosandam Synodum Basileensem, auctoritate Constantiensis & Senensis Conciliorum, jubenteque Apostolica Sede indictam, Canonice Basileæ congregatam, atque inchoatam esse. Decretum Constantiensis Concilii, quo declaratur, Generalia Concilia legitime congregata, a Christo Domino immediate potestatem habere, eique unumquemque obedire oportere, etiamsi Romanus Pontifex sit, in his, quæ pertinent ad fidem, & ad generalem Ecclesiæ reformationem, approbatum, instauratumque. Aliud Decretum etiam innovatum, quo Synodus Constantiensis statuit, non parentes Conciliis rite convocatis, gravi pœna multandos, etsi sit Romanus Pontifex. Basileensem Synodum legitime in Spiritu Sancto congregatam a nullo, neque etiam a Pontifice Maximo, dissolvi, prærogari, transferrive posse, sine expresso ipsius Concilii assensu. Patres in Concilio residentes, aut alios quoslibet ad Concilium pertinentes, non posse a quocumque, etiam a Romano Pontifice revocari, citari, aut quovis modo molestari, non assentiente Concilio: Neminem ad Concilium proficisci volentem impediri, aut retardari debere: Pœnas & censuras a quovis Judice, & a Pontifice Maximo contra tales irrogatas nullas esse: Neminem licere ante finem Concilii discedere sine venia Præsidentium Concilii: tunc autem recedentes, dimittant alium, qui vices suas gerat. Postremo additi sunt Promotores duo Sacri Concilii, & Notarius unus, & secundæ Sessioni finis datus est.

VII.

VII.

Bobemi invitantur ad Concilium.

Inter hæc, cum Synodus cum binis literis Bohemos ad reconciliationem, & concordiam provocasset; tandem nuntios duos ad eos delegavit Johannem Nider Prædicatorum, & Johannem Mulu-
brum Cisterciensium Ordinum Professores: qui cum non auderent Bohemiam ingredi, in hanc sententiam ex Nuremberga scripserunt Nonis Januarii mcccc-
xxxii. Sacrosanctam Basileensem Synodum inter alias curas, quibus assidue pro salute fidelium urgetur, nulla magis sollicitari, quam pro reductione, & reconciliatione Bohemorum: ferre iniquo animo tantam inter Christiani nominis viros diffensionem, tam crudeles, & inexpiabiles inimicitias, tot animarum Christi sanguine redemptarum jacturam. Monere igitur, orare, & obsecrare, ut deposita jam tandem feritate, cogitare, quæ pacis sunt, & unire se reliquo Christianæ Reipublicæ corpori velint. Proinde designant Legatos suos ad Concilium cum plena potestate; inventuros sanctam Synodum optime ad reconciliationem animatam, modo ipsi salutare conditiones honestasque afferant. Ut autem tuto ad Concilium proficisci possint, missuros se ad eos fidem publicam, si velint, nomine Basileensis Synodi, & aliorum, quos desideraverint. Mittant & ipsi publicam fidem, ut & nostri ad eos possint commere. His acceptis, Pragenses cives (ea enim civitas Regni caput est) literis responderunt, accepisse se sacri Concilii, & suas epistolas gratissimo animo: quandoquidem caritatis, & benevolentiae plenæ essent, altricesque pacis & unionis: sed quoniam ea, de quibus in illis agebatur, spectarent ad universum Regnum; se non potuisse inconsultis aliis Provincialibus Concilio respondere. Indixisse igitur conventum totius Regni ad Idus Februarii Pragæ. Orare, ut Nurembergæ aliquamdiu præstolari velint: futurum, ut brevi bonam Procerum, & popularium Bohemiæ mentem cognoscant. Interim Patribus, qui Basileæ sunt, causam, cur non rescripserint, nuntient, mittantque fidem publicam, quam ultro fuerant polliciti. Crebris hinc inde literis datis,

Tomus V. Concilior. German.

tamdiu Bohemi statuunt, Egræ, (urbe haud longe a Nuremberga) cum Oratoribus Concilii convenire, ubi tractaturi de modo conveniendi cum Concilio, & de fide publica pro Legatis suis conficienda.

VIII.

Congregatio Ecclesiæ Gallicanæ Bituris.

Interea Galliarum Prælati, dum contrariis Romani Pontificis, & Basileensis Concilii mandatis vexantur, hinc a Patribus vocantur ad Synodum, inde jubentur Bononiæ ad tempus convenire: jussu Regis ad tertium Kalendarum Februarii Bituris congregantur: ibique Ecclesiæ Gallicanæ communi consensu declarat, Concilium Basileæ legitime esse congregatum, neque inde posse, aut debere quoquomodo transferri: & non modo utile esse, & conveniens, Concilium non dissolvi, sed necessario Basileæ esse perficiendum propter res Bohemicas. Bohemos hæreticos multitudine & ferocitate insuperabiles esse, sæpeque nostros milites & nemine prosequente ab eorum facie fugisse: vocatos ad Concilium sub spe reconciliationis, & pacis jam conditiones accepisse, & Legatos designasse: si veniant, & unionem recipiant, nihil felicius posse desiderari, magnasque esse habendas Deo & Concilio gratias. Si enim in sua perfidia pertinaciter perseverent, facile ab universali Ecclesiâ posse decerni, quo pacto sunt coercendi; & ipsis auferri querelam illam, quam super Catholicis inculcant, se inauditos fuisse damnatos. Nimis perniciosissimum esse Ecclesiæ Dei, permittere hanc hæresin diutius vivere, quæ jam pluribus in locis non sine gravi periculo serpere incipiat. Si transferatur Concilium; Bohemos non venturos, prædicaturosque ubique, Ecclesiam Dei ab eorum facie fugisse. Proinde Galliarum Prælatos Concilium adire debere, & Legatos mittere ad Eugenium Pontificem, rogaturos pro Reipublicâ Christianâ commodo, ut Concilii dissolutionem revocet, sinatque Basileæ Synodum esse, in qua salubriter a Patribus incepta possint absolvi. Delegatus est Ecclesiæ Gallicanæ Legatus ad Pontificem, Archi-Episcopus Lugdunensis, qui

F f f f f 2

hæc

hæc omnia Patribus, qui Basileæ erant, literis nunciavit: eosque exhortatus est, ut cum Summo Pontifice, qui Caput Ecclesiæ esset, modeste agerent. His auditis Patres Concilii literis Gallorum Regi, quod hoc fieri procuraverint, gratias agunt: orant, det operam, quamprimum Galliarum Prælati petant Concilium, ipseque legationem insignem mittat: Futurum, si hoc fiat, ut Synodus tantis Patribus aucta, & tanti Regis judicio approbata, tuto consulere Reipublicæ possit. Idem Consultoribus Regis, idem plerisque aliis, qui apud Regem auctoritate & gratia valebant, scribunt. Lugdunensem autem Præsulem, quod eum hujus Decreti auctorem putabant, maxime efferunt laudibus: illumque vehementer exhortantur, ut dimissa legatione ad urbem, quam inutilem arbitrabantur, Concilium quamprimum adeat: ita videri Spiritui Sancto, & sibi, magis expedire utilitati Ecclesiæ, quod auctoritate sua exemploque alii Prælati Concilium certatim sint petitori.

IX.

SESSIO TERTIA.

Tertia inter hæc Sessio publica Basileæ celebratur anno salutis MCCCXXXII, pridie Kalendarum Maji, in qua hæc communi consensu decernuntur. Concilium Basileense legitime in Spiritu Sancto congregatum ad perniciosissimam Bohemorum hæresim, quæ armis opprimi non potest, Concilio extirpandam; & bellorum rabiem sedandam, quæ Christianos Principes vexat; ac etiam Christianorum normam, moresque collapsos in melius restituendos; non posse a quopiam dissolvi aut prohiberi: dissolutionem Concilii Basileensis ab Eugenio Pontifice factam, nullam esse ac irritam: Patres in Concilio Basileæ perseverare oportere, usque ad consummationem rerum, pro quibus sunt congregati: Eugenium Pontificem Maximum literis & nuntiis sæpe requisitum, ut ad Concilium veniat, aut Legatos suos mittat; utque dissolutionem Concilii revocet; hæc facere recusantem rursus publico edicto ad Concilium vocandum, monendumque, ut dissolutionem revocet intra trimestre tempus: Cardinales etiam Sanctæ Romanæ Ecclesiæ

intra dictum terminum vocandos, quoniam ad tantas res conficiendas, Pontificis præsentia, & Cardinalium perneccessaria sint. Quod si intra præscriptum tempus Pontifex & Cardinales venire neglexerint; daturus operam Patres Concilii, ne quid ob eorum culpam detrimenti reipublica patiatur. Cardinalem sacre Crucis ab hoc edicto immunem esse voluerunt, quod is in tractanda pace inter Angliæ & Galliæ Reges esset occupatus. Hæc eadem mandaverunt notificari Romano Pontifici, & Cardinalibus per quoscunque ejusdem ordinis Principes, ac per omnes, cujuscunque dignitatis essent. Quod si ad eos tuto accedi non posset, voluerunt satis esse, in urbibus vicinis Sutrio, Viterpio, Senis, id publicari. Et si id fieri commode non posset, legitimam esse vocationem in Cathedrali Basileensi Ecclesia factam. Omnes & alios Prælatos quoscunque, secundum Sanctorum Patrum constitutiones venire ad Generale Concilium oportere, pari ratione vocandos, citandosque. His decretis, atque firmatis, dimissa Concio hujus diei est.

X.

SESSIO QUARTA.

Neque multo post ad XII. Kalend. Julii IVta Sessio est celebrata, in qua ad consulendum indemnitate Cardinalium, qui ad Concilium venissent, aliosque provocandum ad veniendum, statutum est, vacante Sede Apostolica, durante Concilio electionem Summi Pontificis futuri nullibi fieri posse, nisi in ipso Concilio, alibi factam irritam esse, ac nullam. Electores, Electum, & in eum consentientes, fidelium communione privatos, atque ab omnibus dignitatibus, a nullo alio, nisi a Sancta Synodo posse absolvi: Prælatos, Principesque omnes utriusque Ordinis, Ecclesiasticos & sæculares, ac omnes alios, quos ex lege Concilii interesse oportet, absolutos a juramentis esse, quibus Summo Pontifici, alterive forsitan obligarentur, ne ad Concilium venirent; pœnas, censuras, multas, seu privationes dignitatum, beneficiorumve propter hanc rem in quemlibet attentatas, etiam a Summo Pontifice, irrita esse & vana: Concilium Basileense plumbea Bulla

in

in suis literis more Romanæ Curia: uti debere, cui ex uno latere Spiritus Sancti immissio in columbæ formâ, in altero literæ hujusmodi: Sacrosancta Generalis Synodus Basileensis, sint sculptæ: Pontificem Romanum, dum Concilium Basileæ sedet, neminem, quamdiu a Concilio ipse abest, ad dignitatem Cardinalatus sublimare posse: assumptos contra hujus Decreti auctoritatem, non modo illa, sed omnibus aliis dignitatibus & honoribus, quibus forsitan antea ornati erant, esse privatos: Ut Cardinales, aut eos honorantes, aut ita eos appellantes excommunicatos esse; Præfecturam administrationemque civitatis Avenionensis, & Venetini Comitatus, quæ ad Romanam Ecclesiam pertinent, Alphonso Cardinali Sancto Eustachii committendam pro pace & quiete illorum populorum, quod Præfectum ab Eugenio Pontifice missum recipere nollent, illeque in eos jam arma pararet. Post hæc, cum apud Egram inter Oratores Concilii, & Nuntios Bohemorum de forma, sub qua fide publica a Concilio, & Sigismundo Cæsare exigebant, convenisset, Synodus in hac Sessione illam publico edicto firmavit; & Johannem Mulu-
brum ad Cæsarem misit, ut ejus etiam nomine publica fides Bohemis daretur. Ipsos autem Bohemos dulcissimis atque humanissimis literis hortatus est ad unionem & pacem. Et dum concordia: hujusmodi tractatus penderent, induciæ utrimque statuta, decretum inhibitionis, ne vacante Sede Apostolica, Concilio durante ad electionem alibi procedatur: Cardinalibus per literas Concilii nuntiatur, tempusque decernendum in Concilio Lugdunensi statutum ad intrandum Conclave post mortem Pontificis ad novum subrogandum, prorogatum est ad quadraginta dies; ut Cardinales, qui procul abessent, convenire ad electionem in Concilio commode possent: Hortatur, rogat, juberque Synodus, ne Cardinales, Pontificis morte contingente, contra decretum electionem faciant, ne Ecclesiam Dei scindant, ne lacerent inconsutilem Christi tunicam, minaturque transgressoribus acerrimas penas, ac demum Divinam ultionem: Carolo Francorum Regi decretum & inhibitionem Cardinalibus missam literis indicat; ro-

gatque magnis affectibus, ut Concilii statutis faveat, compescatque renuentes: nullumque pro Romano Pontifice cognoscat aliter electum: idem Senatui, populoque Romano præscribunt: monentque, ut æquo animo ferant pro utilitate Reipublicæ Christianæ, Romanam Curiam tantisper abesse.

XI.

SESSIO QUINTA.

Fit deinde quinta Sessio, in qua Judices in causâ fidei decernuntur Papiensis, & Ratisponensis Episcopi, & Abbas Cisterciensis cum plena potestate cognoscendi, & omnia agendi usque ad sententiam definitivam, quæ Concilio reservatur. Ordinatur deinde Procurator in causis fidei vir Theologiæ peritissimus: cui tamen inhibitor, ut nullam causam fidei agat, nisi prius examinatam per Deputatos fidei. Statuuntur in aliis causis, quæ ad Concilium spectant, alii Judices: Petragoricensis, Augustensis, & Parmensis Episcopi, cum potestate perficiendi rectum judicium. Reservatur tamen Concilio cognitio causarum Cathedralium Ecclesiarum: tum ne temere causæ a Judicibus admittantur; deputantur præcognitores causarum Julianus Cardinalis Sancti Angeli, Legatus Apostolicus, Dominicus Sanctæ Mariæ in via lata Diaconus Cardinalis Firmianus, & quilibet præsidens Concilio. Tum Episcopus Gebennensis, & Henricus causarum Palatii Auditor, cum potestate declarandi, ac statuendi, quæ causæ, & quo ordine sint admittendæ, & finiendæ. Horum Magistratuum & Judicum potestatem trimestrem esse voluerunt. Statuitur etiam, ne quis ex his, qui in Concilio sunt, eruntve, aut iter ad illud acceperunt, trahi possit in causam ex Concilio a quocunque Judice, etiam a Summo Pontifice: In Concilio tamen omnibus justitiam administrari oportere. Henricus Hecel, Auditor Sacri Palatii, Judex ordinarius constituitur cum potestate Auditoris Camerae, & Titianus Laudicensis Soldanus more Romanæ Curia: Datur facultas Congregationi Generali, ut alios Magistratus opportunos possit creare. Adduntur aliis Notariis, & Scribis Concilii quinque, qui gesta

Concilii scribant: inter hos Petrus de Noxeto. Et finis sit quintæ Sessioni.

XII.

SESSIO SEXTA.

Anno salutis MCCCXXXII. viii. Idus Septembris Sessio sexta celebrata est, in ea præfidente Episcopo Constantiensi, qui rem Divinam celebravit. Adfuerunt Julianus Cardinalis Sancti Angeli, Legatus Apostolicus, Cardinalis Placentinus, & Dominicus Firmanus cum xxxii. Prælati, pluviali, & mitra ornat. Sacris cærimonis rite peractis, Promotores Concilii retulerunt Patribus, Eugenium Pontificem, & Cardinales Romanæ Ecclesiæ legitime ad Concilium vocatos secundum Decreta tertiæ Sessionis, & Pontificem requisitum, ut dissolutionem Concilii revocaret intra præfixum tempus, non paruisse. Proinde petere, ut contumaces censerentur, damnarenturque. Quod cum Patres legitime declarare vellent, palamque Eugenius, aut ejus Procuratores, tertio requisiti, non responderent; Tarentinus & Colossensis Archi-Episcopus, ac Magalonenfis Episcopus, Oratores Eugenii Pontificis, qui aderant, cum potestatem in hujusmodi causâ respondendi, non possent ostendere, impetraverunt, ut super declaratione contumaciæ aliquandiu superfederetur. Tum cum peteretur declaratio contra XVII. Cardinales citatos, complures affurxerunt asserentes, se mandatum habere ad eorum excusationem. Synodus commisit Frisingensem & Basileensem Episcopos, ut mandata & excusationes examinarent, omniaque Patribus deinde referrent. Gerardus Landrianus Episcopus Laudensis, ad Regem Angliæ per Concilium Legatus, qui luculentissima oratione coram Rege disseruit de legitima Concilii Basileensis congregatione, de Conciliorum summa auctoritate, & potestate, de causis necessariis congregati Concilii pro extirpanda perniciosissima Bohemorum hæresi, pro emendatione morum Cleri, & populi Christiani, ac pro sedandis Principum animis, & generali pace procuranda; demum hortatur, ut Legatos ad Concilium mitat, & Regni Prælatos, oratque, ut pacem cum hostibus suis amplectatur.

XIII.

Defensio Eugenii per Legatos.

Post hac audiuntur Basileæ in Conventu publico Legati Eugenii Pontificis, XI. Kalend. Septembris, Andreas Colossensis, & Johannes Tarentinus Archi-Episcopi. Et Colossensis quidem, qui primo auditus est, hæreses omnes a principio Ecclesiæ nascentis recensuit. Ex his duas in orbe Christiano adhuc super exstare admodum perniciosas Græcorum & Hussitarum, quas nullo pacto extirpari posse contendit, nisi prius Catholici sint inter se concordēs; Apostoli Pauli ad Corinth. præceptum crebro referens: *Non sit schisma in corpore*. Græcos sub Martino Pontifice cepisse agere de reconciliatione & unione cum Latinis, & nunc prosequi: ab Eugenio, si ipsi schismata non faciant, facile conversuros. Non esse deserendam nobilem ac doctam gentem, & de Ecclesia Dei optime meritam: Hortari, obsecrareque, ut Summum Pontificem, Ecclesiæ Caput, & Petri verum Successorem honorent, venerentur: caveantque, ne, dum Bohemos Ecclesiæ reconciliari studeant, se ipsos perdant, & majorem, periculosioremque faciant scissuram. Morum emendationem nullam fieri posse; qua maxime Clerus & populus indigent, nisi Pontifex concurrat, statuatque: illum nihil magis cupere, dummodo rite id fiat. Pacem autem, propter quam Concilium congregatum dicunt, nullo modo illos posse procurare inter alios, qui inter se dissentiant. Proinde hortatur, ut Pontifici Romano se reconcilient, ut schismata in corpore Ecclesiæ non faciant.

XIV.

Oratio Tarentini Episcopi pro Eugenio.

At Joannes Tarentinus Præsul, post hæc ad VII. Kalend. Septembris, dicendi facultatem nactus, longo & docto sermone causam Eugenii peroravit in frequentissimo Patrum conventu. Principio Romani Pontificis plenissimam, atque absolutam potestatem ab ipso Salvatore nostro Jesu Christo concessam probat multis argumentis & auctoritatibus. Tum Eugenium

nium quantum Pontificem Maximum, summis laudibus effert: afferit illum, principio Basileense Concilium a Senensi Synodo, & Martino V. indictum confirmasse: sed postea cum pauci præscripto tempore ad Concilium adventarent Oratores Concilii, & nova convocatio peteretur, ac locus omnino tutus a violentia hæreticorum, bellorumque tempestatibus non videretur; Pontificem Concilium Bononiam transtulisse: tum, quia multis Principibus & Prælatibus locus ille aptior esset ad conveniendum, tum maxime personæ Pontificis, qui ob adversam valetudinem Alpes transcendere, & tam longo itinere se committere sine aperto vitæ discrimine nullo modo posset, cuius certe præsentia cum sacro Senatu & Romana Curia magnam accessiorem & auctoritatem rebus gerendis esset allatura: Unionem præterea Græcorum, quibus Basileæ nullo modo convenire placeret propter difficultatem itineris, idoneam causam esse transferendi Concilii: Hussitarum vocationem ad Concilium, tanquam ad Communionem Spiritus Sancti, & ad examinandas rursus damnatas opiniones, indignam esse, & contra honorem Apostolicæ Sedis ac Sacrorum Conciliorum Constantiensis, & Senensis, quorum decreta de fide in dubium revocari videantur, si ad disputationem rursus admittantur: Plures alias superesse legitimas causas transferendi Concilii, quæ tuto apertiri in præsentia non possent: Cæterum Romanum Pontificem ex plenitudine potestatis legitime posse dissolvere, & pro arbitrio suo transferre: Basileense autem Concilium, sive aliud, non posse judicare primam sedem, cui omnes subsunt; Neque Pontificem Romanum subesse iudicio Ecclesiæ, nisi in causis fidei, quando a tota in fide dissentiret: Proinde Basileense non potuisse vocare ad Concilium Eugenium Pontificem, & ab iniuriis cepisse; multosque illuc confluisse rerum novarum cupidos post exortam seditionem, qui in unione pace Domini quiescebant: non esse hoc iudicium charitatis & pietatis Christianæ: impium esse & injustum, hominis unius causa quantumvis magni ac digni, Romanum Pontificem iniuriis lacerari, & ad causam dicendam vocari, qui a solo Deo est dijudicandus:

Marcellinum Episcopum Romanum de idololatria convictum, & se sponte Concilii sententiæ submittentem, sanctam Synodum liberum dimisisse, dixisseque, Romani Pontificis Iudicium Deo tantum esse reservatum: Eugenium hortari, atque obtestari Patres, ut ab iniuriis temperent, injustum iudicium remittant, paci, unioni, censuræ morum, instaurationi Ecclesiasticæ libertatis omni studio secum incumbant. Statuisse se, & velle omnino, ut Generale Concilium celebretur, cui interesse & præesse ex officio cupiat: mores, statum, vitamque suam omnem ab ineunte ætate censuræ Patrum libere permittere, ut reliqui corrigi, emendarique facilius possint: Concilium non prius dissoluturum, quam morum generalis censura, Principum reconciliatio, exstirpatio damnatarum hæresium sint plene absoluta, ut Christianus populus mundus & concors in hostes fidei communibus viribus possit insurgere: duo esse, quæ Basileenses præcipue damnent: loci dominationem, & temporis prorogationem: Placere Eugenio, ut Basileenses locum eligant, quem velint ex civitatibus Romanæ Ecclesiæ subiectis: Pontificem locum istum pro tempore Concilii libere dimissurum in potestate Patrum: Prorogationem autem omnem tollere, quam primum illi locum nominaverint: Concilium ibi incipiendum, ad quod statim Pontifex cum Romana Curia se transferret: injuriarum vero in Pontificem & offensarum oblivionem, & in futurum securitatem, ac libertatem polliceri: Bohemorum reductionem extra Germaniam facilius, quam in Germania; & præsentem Pontificem, quam absente, fieri posse; illosque si reconciliari velint, non reculaturos loci mutationem: Neque Græcorum unionem propter Bohemos esse spernendam, qui Germaniam petitori nullo modo sint: Placere; quod si judicent, Bohemorum conversionem & Germanorum censuram extra Provinciam perfici non posse, quod Cardinalis Sancti Angeli, Apostolicus Legatus simul cum pluribus, qui Basileæ congregati sunt, ad ea negotia perficienda ibi permaneant, & illis confectis ad Concilium properent: Æquas esse has Eugenii condiciones, honesta & sancta Pontificis desideria accipienda grato animo;

mo; & curandum, ne qui concordia, unitatis, & censuræ auctores videri velint, discordiæ, seditionis, & corruptionis fautores nutritoresque videantur.

XV.

*Refutatio Basileensium contra
Legatos Papæ.*

Ad hoc responsum est Patrum nomine, Sanctam Synodum Basileensem summo mœrore, ingentique tristitia affici, quod pro necessitate Christianæ Reipublicæ, in Spiritu Sancto congregatæ, tam acriter impugnetur, ab his præsertim, ad quos protectio defensioque Conciliorum spectaret. Proinde hortari eos cum Apostolo ad Ephesios, ne Spiritum Sanctum contristarent; id est, ne Spiritus Sancti opera impediant. Hæreses perniciosissimas plerisque in locis indies invalescere, bella per totum orbem Christianum deservire, mores ubique corruptos, collapsosque esse, ac vitia omnia in præcipiti stare. His omnibus detrimentis per Generale Concilium obvian- dum, jamque optima fundamenta jacta esse, ita ut spes pulcherrima omnibus data sit rei bene gerendæ. Hæc nunc, qui impediatur, procul dubio Spiritum Sanctum contristare: quod quidem peccatum sine venia esse constat. Patres Concilii nihil pejus odisse, quam schismata; nihil vehementius detestari, quam divisiones; neque quicquam diligentius curare, quam quæ sunt unionis & pacis. Superfluum esse, eos monere, ne sit schisma in corpore: eam cohortationem ad Eugenium convenientius pertinere, qui a Concilio, quod duæ Synodi constituere, duo Summi Pontifices approbavere, decrevereq; ipse secesserit, scissuramque fecerit: & sæpe multum requisitus, & rogatus, ut universali se Ecclesiæ conjungeret, recusaverit. Patres Basileæ convenisse non sponte, non propria auctoritate, non temere, sed Conciliorum, & Romanorum Pontificum decreto & auctoritate. Quod autem Basileenses declaraverint dissolutionem Concilii ab Eugenio factam, nullam esse, & irritam, non esse novum; & licuisse Concilio ex Decreto Synodi Constantiensis, quæ statuit Pontificem Romanum non posse dissolvere Concilium Generale

invitis Patribus: & Johannem XXIII. a Concilio Constantiensi recessisse; quod nihil aliud fuerit, quam quantum in ipso erat, Generale Concilium dissolvere: Permanisse tamen Patres Constantiæ, & declarasse, Concilium propterea non esse dissolutum. Quod seditiones & scandala necessario secutura sint, si perseveraverint Basileæ Patres: nulla eorum culpa id eventurum; qui secessionem ipsi non fecerint, sed secedentem reprehendant. Eugenium meminisse debere Salvatoris sententiæ, quæ ait, scandala necessario evenire, & comminationis in eum, per quem venit scandalum. Facile esse Romano Pontifici contentionem omnem, omnemque discordiam sedare: Non armis, non pecunia, non violentia aliqua opus esse, aut periculo. Tollat Concilii revocationem; uniat se universali Ecclesiæ, cujus est caput, & omnia tuta, omnia quæta erunt: Neque futurum est dedecori Pontifici Maximo, si pro tempore, rebus & causis, sententiam mutet pro salute Reipublicæ Christianæ, cui omnia debeat. Græcorum autem reconciliationem semper fuisse cordi Patribus, omniaque semper & cogitasse & egisse, quæ ad rem illam navandam conducere posse rati sunt. Sed Provinciam atque curam hanc cum plerisque aliis honoris causa dimisisse Summo Pontifici, a quo tamen pro reverentia respectum, pro honore contumeliam, pro obsequiis odium reportassent. Orare nunc Patres Colossensem Archi-Episcopum, ut Concilii nomine Legationem ad Græcos summat: & qui causam hanc sæpius egerit, eam nunc tandem resumatur, absolvatque: Patres commeatum & omnia opportuna ei plene suppeditaturos: Eugenio reverentiam & honorem, ut Romano Pontifici, & Ecclesiæ capiti se semper exhibituros, si ille ab Ecclesiæ corpore, extra quam non est salus, non discedat. Quod si contempserit, Pauli Apostoli exemplo, qui in faciem Petro palam restitit, non tacituros Patres, & Ecclesiam Dei omni studio; quoad vita suppetet, acriter defensuros. Græcos vero, si reconciliationem cupiant, cum parati sint Bononiam petere, non recusaturos & Basileam proficisci, qui alias & Lugdunum & Constantiam ad Concilia profecti sunt. Pestiferas hæreses tolli non posse, nisi prius

prius tollatur dissensio, verissimum esse; sed hoc ad illum spectare, qui seditionem intulit, qui se ab universali Ecclesia alienavit, qui Sacrorum Conciliorum secreta scindit. Patres nihil aliud jam per annum magis curasse, quam ut Pontifex veritati & rationi acquiesceret, Concilio adhereret, ut par est, & Decreta Constantiensis Synodi servaret: quæ si non servantur, frustra agi de reductione Bohemorum, quorum dogma in illo potissimum Concilio sit damnatum: Libenter audire Patres oblationem Eugenii Pontificis de censura suscipienda; libentius visuros effectum; Ordinem alium nullum scire, nisi qui in Concilio Constantiensi, cui & jam ipse interfuit, sit datus. Agendas esse Deo immortali gratias immensas pro virtutibus, quibus Eugenium decoratum dicunt, & orandum, ut hoc, quod deest, ut scilicet universali Ecclesiæ se coarctet, Divina benignitate addatur. Tum ad ea, quæ per Tarentinum dicta sunt, in hanc ferme sententiam est responsum: Non latere Sanctam Synodum, quæ de potestate & auctoritate Summi Pontificis Tarentinus dixisset; sed illa aperte profiteri, & curare, ut & alii profiteantur: & tamen dicere, Romanum Pontificem oportere, Synodi Basileensis, & cujusvis alterius legitime congregatæ, mandatis, atque statutis plene obtemperare in his, quæ ad fidem, extirpationemque schismatis, & morum censuram pertinent. Secundum Decreta Constantiensis Concilii non fuisse inconveniens, illum, qui tam multa de potestate primæ sedis dixisset, & aliquid dicere de potestate & dignitate Catholicæ Ecclesiæ, quam Concilium in Spiritu Sancto legitime congregatum repræsentare constat: & quæ sine ruga & macula existens, secundum omnium Sanctorum Doctorum sententias errare non potest: quod privilegium nulli alteri creaturarum a Deo concessum est. Conciliorum autem generalium dignitatem non fuisse tacendam, quæ eadem est, quæ & Ecclesiæ Catholicæ, quam repræsentant: quorum potestas (ut Constantiensis Synodus diffinivit) immediate a Christo est. Horum directorem, atque operatorem Spiritum Sanctum Paracletum esse, ut in Apostolorum actibus scribitur: *Visum est Spiritui*

Tomus V. Concilior. German.

Sancto, & nobis, cujus opera irreprehensibilia sunt: non esse dicendum, Concilium aliquod legitime congregatum invalidum esse, aut aliquo modo errare posse. Quod si de omnibus Conciliis, & de tota fide Catholica, quæ Conciliorum auctoritate probata est, dubitari posset: firmam ac stabilem esse Conciliorum auctoritatem, & potestatem etiam exercere in Romanos Pontifices; quorum plerosque non recte vadentes exauctoraverit, atque dejecerit: Pontifices Romanos sæpe errasse, & ab Ecclesia damnatos esse; nunquam autem universalem Ecclesiam errasse, aut fuisse damnatam a Pontifice. Itaque Pontificem Romanum tantum aliis singularibus personis cujusvis dignitatis præstare, quantum universalis Ecclesia privatis. Et quamvis in universali Ecclesia primus & major sit, non tamen majorem esse ipsa Ecclesia, in qua sit. Tum multa addita sunt, quæ universalis Ecclesiæ, & Sacrorum Conciliorum auctoritatem comprobarent. Deinde reliquis Tarentini propositionibus responsum. Constare, si Concilium Basileense (ut ferebantur) Senensis Concilii, & Martini auctoritate indictum esset, & ab Eugenio confirmatum, legitime congregatum esse, neque potuisse, aut debuisse dissolvi ab Eugenio: causasque dissolutionis, quas ostenderat, frivolas esse, ac nullas. Si parvo numero Patres Basileæ convenerant, oportuisse Pontificem (ut a Concilio petebatur) Prælatos omnes monere, & hortari, ut illuc irent, non autem revocare, qui jam venissent. Si propterea Bononiam Concilium transfuisset post annum cum dimidio, quod Concilio interessere cuperet, cum in præsentia valetudine impediretur; & hoc nihil esse: non enim constare Pontifici, si post annum cum dimidio liber ab adversa valetudine, aut si omnino vivus erit. Et quamvis Pontificis præsentia Concilio, & rebus gerendis multum prodesset, magis tamen nocere Ecclesiæ tantam dilationem & perturbationem Concilii, cum Ecclesiæ discrimina moram non patiantur. Concilia præterea Generalia magna ex parte celebrata esse absente Romano Pontifice: satis esse, si ea sua auctoritate, & per Apostolicos Legatos celebrentur; Dissolutionem matura delibera-

G g g g g

tione

tionem factam esse nullo modo videri, quæ inconsultis Patribus Concilii, ad quos spectaret, facta esset; damnarique ab omnibus bonis, etiam qui apud Pontificem in Romana Curia versarentur. Basileam propter Bohemorum vicinitatem tutam non esse, falso Pontifici renunciatum esse: distare enim Basileam a Praga Bohemorum Regia XV. dierum itinere: intermedios esse Principes, ac populos potentissimos, Regiones tutissimas, & hæreticis impenetrabiles: urbem præterea ipsam Basileensem opere & natura munitissimam esse, & populo fidei strenuoque refertam, vicina omnia loca pacatissima, & tuta; situm omnibus Nationibus accommodum, Italicis, Germanicis, Gallicis, in quorum finibus esset Basilea. Non esse tantæ audaciæ & temeritatis Patres, quod Basileæ perseverassent, si periculum imminere cognoscerent. Quod autem Bohemorum vocationem ad Concilium tantopere damnarent, assererentque illam honori Apostolicæ Sedis, & Sacrorum Conciliorum Constantiensis, & Senensis esse adversam, mirum videri. Non enim vocari Hussitas ad simul decernendum, sed instruendum; ut qui suis erroribus, aut superstitionibus jam fatigati, reconciliari Catholicis cupere videantur: nullibi apud Sanctam Scripturam vetitum esse orantes instruere, atque edocere: quin immo hoc proprium esse Episcoporum, & Sacerdotum officium, secundum Apostolum, exhortari omnes in sana doctrina, & eos, qui contradicunt, arguere. Futurum, si Bohemi reconcilientur, ut Romani Pontificis, & Conciliorum auctoritatem & sententiam venerentur, & servant. Quod si putant, hæreticos semel damnatos non oportere amplius audiri, quod falsum est; cur nunc vocari ab Eugenio Græcos, quorum perversa dogmata non semel tantum, aut iterum, sed sæpius sint a Summis Pontificibus, & universali Ecclesia damnata: Nunc autem non modo propter eos Concilium Bononiæ indictum esse, sed & legitime congregatum Basileæ dissolvi? Non esse minus perniciosam Bohemorum hæresim, quam Græcorum; immo tanto periculosiorem, quanto viciniorem: cujus veneno nisi occurratur, propinqui populi facile inficiantur: & sæpe in sacris Con-

ciliis damnatarum hæresum disputationes esse repetitas, atque iterum damnatas. Neque verum videri, Bohemos alibi potius, quam in Germania esse audiendos, si sint audiendi. Nam, ut ait Beatus Thomas; Sicut in loco, ubi nota non est hæresis, disputare periculosum est; ita ubi est nota, & Catholici ab aliis instentur, necessarium disserendo rem declarare. Neque propter hoc poni in dubium fideles, qui firmiores & certiores redduntur, videntes Patres non detractare certamen disputationis cum Bohemis: quos non aliter iudicatuos, quam Constantiensis Synodus iudicasset, non dubitant. Patres autem non paruisse Pontifici Concilium dissolventi; tum, quod placere Deo magis, quam hominibus voluissent; tum, quod illa dissolutio nulla esset: nec licuisse Pontifici, Patres legitime, & ex mandato Ecclesiæ congregatos, sua auctoritate dissolvere; sed ipsum Concilio Generali inobedientem, secundum Decreta Constantiensis Synodi acriter multandum: ex quibus etiam dissolutionem, aut prorogationem Generalis Concilii Romano Pontifici prohibitam esse constat. Neque licere Romano Pontifici, ut arbitrantur, Decreta Majorum, quæ pro utilitate publica summa cum maturitate edita sunt, pro suo arbitrio abrogare. Unde Gregorius: "Si ea (inquit) destruerem, quæ Antecessores mei statuerunt, non construtor, sed everfor essem. Et iterum: "Absit a me, ut statuta majorum cum Sacerdotibus meis infringam. Et Gelasius: Confidimus, quod jam nullus Christianus ignoret uniuscujusque Synodi constitutum, quod universalis Ecclesiæ probavit assensus, nullam magis exequi sedem præ cæteris oportere, quam primam, quæ & unamquamque Synodum sua auctoritate confirmat, & continua moderatione custodit. Et Zosimus: Contra statuta Patrum concedere aliquid, vel mutare, nec hujus quidem sedis potest auctoritas: apud nos non inconvulsis radicibus vivit antiquitas, cujus Decretis Patres sanxerunt reverentiam. Et Leo: Ideo permittente Domino Pastores sumus hominum effecti, ut quod Patres nostri sive in sanctis Canonibus, sive in mundanis affixere legibus, ex-

cede-

"cedere minime debeamus." Ex Concilio Chalcedonensi: "A sanctis Patribus usque nunc prolatas regulas tenere constituimus." His, & multis auctoritatibus patere, Pontificem Decreta Constantiensis Concilii abrogare non potuisse, & proinde dissolutionem Concilii Basileensis nullam esse. Et cum constet ex Decretis dicti Concilii, Pontificem oportere Generalis Synodi dictis auscultare, atque parere; Patres merito monuisse, & in iudicium vocasse Eugenium, non obtemperantem, & manifeste scandalizantem Ecclesiam. Quod autem dicerent, unius hominis causa, quantumvis digni, iniquum esse Romanum Pontificem vexari, id Patres intelligere, de Domino Cardinali Firmano. Quantum ad illud attinet, non potuisse sacrum Concilium oppresso iustitiam denegare; qui publico consensu Patribus exposuisset, contra iustitiam, & honestatem, & in maximum honoris ac status sui detrimentum, & publicum scandalum se a sacro Senatu, & ab Eugenio Pontifice summa injuria fuisse affectum. Ostendisse scedulam Romani Pontificis Martini V. & XI. Cardinalium manu subscriptam, in qua ipse cum aliis tribus Sanctæ Romanæ Ecclesiæ Cardinales creati fuerant, addita conditione, ut si ante obitum Martini Pontificis non publicarentur, pro publicatis haberentur; & eos oportere ab aliis Cardinalibus admitti, etiam ad electionem futuri Pontificis: & in omnibus aliis rebus haberi, & tractari, ut veros & publicatos Cardinales. Tamen post obitum Martini ipsum Firmanum, cum adhuc publicatus non esset, instantissime efflagitasse a Collegio Cardinalium, ut ad electionem admitteretur, & servarentur promissa, adque iurjurandi obligationem excommunicationis poena tenerentur; Cardinales ejus postulata sprevisse, atque ad electionem processisse, Eugeniumque deinde electum, non modo iustitiam super eum administrare ei noluisse, sed urbe eum fugasse, & omni tam patrimoniali, quam Ecclesiastico privasse. Quin & Cardinales aliquos ante introitum Conclavis protestatos fuisse, Dominicum Firmanum, ut Cardinalem admittendum. Rem hanc non parvam esse, & dignam Concilii cognitione; quæ in futura electione omnibus pateat, qui ad electionem

summi Pontificis sint admittendi. Nihil fecisse Patres contra juris ordinem, & tamen paratos esse omnibus volentibus rationem reddere. Quod autem dicunt illum, qui Romanæ Ecclesiæ privilegium ab ipso summo omnium Ecclesiarum Capite traditum detrahit, in hæresim labi: idem & Patres asserere: sed tanto magis illum esse hæreticum, qui universalis Ecclesiæ, in qua & ipsam Romam esse constat, auctoritatem imminuit, quanto publica privatis præcellunt: & unumquemque censendum esse hæreticum, qui Concilium Generale Constantiense non repræsentare Ecclesiam Catholicam putat, aut in his, quæ ad fidem, seu ad bonos mores. attinent, posse errare. Pacem autem & unionem illum frustra suadere, qui bellum infert, qui seditionem facit, verum esse. Cesser Eugenius a dissipatione Concilii, uniat se Ecclesiæ, & omnium erit finis. Quod si Concilium ipse petat, futurum; ut omnes illam cum honore & reverentia suscipiant benigne, ejusque pedes, ut Christi Vicarii, humiliter osculentur. De prorogatione autem futuri Concilii tollenda, & de loco per Patres nominando ex terris Italiæ Romanæ Ecclesiæ subiectis, Patres considerare; nihil aliud ea innuere, quam Eugenium Pontificem non modo non reputare Basileæ Concilium Generale esse, sed ne quidem velle omnino in futurum esse.

Proinde cum Concilium Basileæ legitime congregatum esse constet, oportere Pontificem sententiam mutare pro salute animæ suæ & Ecclesiæ universalis quiete; dissolutionem tollere, Concilium recognoscere, & illi tota mente coherere. Patres tolerare non posse, ut Decretum Constantiensis Synodi, quod Frequens appellatur, ullo modo rescindatur: quod si fieret, præter alia incommoda, quæ inde Reipublicæ Christianæ sequerentur, videretur Ecclesiam errare potuisse, quæ decreta minus utilia edidisset, cum statuisset Pontificem Concilio, non autem Concilio Pontifici parere oportere. Pontificis præterea inveterudinem non satis esse caute, ad Concilium transferendum. Illum, si Bononiam, non multo difficilius & Basileam petere posse: neque, si Concilio non interit, propterea reipublicæ consuli non

posse. Bohemos adhuc convenisse apud Egram cum Oratoribus Concilii; jamque se itineri accinxisse, ut Basileam veniant. Futurum, si transferat Concilium, ut sibi illud putent, jactentque ubique vicinos populos illorum sententiam secuturos; putantes ideo Patres recessisse; quoniam nil haberent, quod ad eorum argumentationes respondere possent: neque utile aut honestum esse, Patres simul cum Legato sine Concilii nomine agere cum Bohemis Basileæ, aut censuram Germaniæ Provinciæ tractare; quoniam Bohemi ad Concilium tantum sunt vocati, & sine auctoritate Concilii nihil omnino proficeretur. Quod autem Pontifex in Italiam Concilium transferre velit, mirari admodum Patres, cum tota Italia acri bello vexetur: Ecclesiæ oppida, ac civitates factionibus, civilibus odiis, & omnium rerum summa penuria laborare; neque Bohemos ullo pacto Italiam petituros, quos Basileam deduci oporteat, maximorum Principum Germaniæ, qui hoc onus susceperunt, fide & pollicitatione: Basileæ autem e contra omnia tuta, omnia commoda, omnia quæta, & rerum omnium summam abundantiam & copiam. Esse & aliam causam urgentem, quæ non permittat Patres dissolutioni consentire: quia si fieret dissolutio, Concilium Basileæ nullum esset ultra, & aliud fortasse non fieret: & si fieret, nullos ad illud conventuros, qui viderent pro arbitrio Pontificis Concilium dissolvendum, & maxime in Italia. Quod si Pontifex promittat, non dissoluturum Concilium ante rerum omnium confessionem, non oportere multum illi credere: quoniam si duorum Conciliorum & duorum summorum Pontificum Decreto dissolvit Basileense Concilium, facilius dissolvit & aliud unius tantum auctoritate congregatum. Quod si Eugenius ipse non dissolvat, posse accidere, ut ille moriatur, & ejus Successor suo exemplo Concilium dissolvat. Intelligere omnes, quorsum ista tendant. Nihil aliud Eugenium querere, nisi Concilii integram dissipationem, & Decretorum Concilii Constantiensis abrogationem. Proinde orare, atque obsecrare Patres Eugenium Pontificem, ut dimissa dissolutione se universali Ecclesiæ, cuius caput est, adherere, & coaptare

velit, & Concilii negotia (ut ex officio tenetur) omni studio promovere. Quod si fecerit, Patres ejus monita libenter suscepturos, osculaturosque ejus beatos pedes, ut Petri Apostolorum Principis veri Successoris & Christi Salvatoris Vicarii. Alioquin daturus operam, ne quid propter ejus secessionem detrimenti Respublica Christiana patiatur.

XVI.

*Institutio quatuor Deputationum,
& ordo rerum gerendarum.*

Inter hæc Patres, ut rebus in Concilio gerendis certus daretur ordo, urque dispartitis oneribus communi labore & consilio omnia agerentur, hæc statuerunt. In primis conciliationes omnes dividere in quatuor conventus, quas sacras deputationes appellaverunt diversis nominibus: nam unam fidei, alteram pacis, tertiam reformationis, ultimam communem appellabant. Has constare pari numero, ex quatuor Nationibus: (in totidem enim Latinam Ecclesiam dividerunt) & ex omni Ordine: ita ut quisque conventus Cardinales, Patriarchas, Archi-Episcopos, Episcopos, Abbates, Magistros, Doctores, & inferioris viros Ordinis contineret. Quemque Conventum Magistratus suos habere, Praesidentem, Promotorem, Scribam, Apparitorem sive Nuncium. Praesidentis Magistratum menstruum esse: alios perpetuos: loca designari, ubi deputatio ter in hebdomada conveniat, Lunæ, Mercurii & Sabbathi. Non licere conventuales juramento adstringi, ut secreta sint, quæ apud eos traduntur: sed licere unicuique conferre cæteris Conciliariis de his, quæ geruntur: Sententias tamen singulorum, cum ita Magistratibus expedire videatur sub perjurii poena non revelandas. Duodecim Virorum Collegium, quorum Magistratus mensstruus erit, ex quatuor Conventibus institui, ternos ex singulo quoque conventu: finito mense, cum alii subrogandi sunt, quatuor ex antiquis remanere, qui octo de novo subrogatos instruant. Hos etiam ter in hebdomada convenire oportere: aliis tamen horis quosque quatuor Conventus;

ventus; quorum officium esse, negotia ad Conventus referenda prius discutere; eaque vel respuere, vel ad hunc, vel illum Conventum remittere, ut res exigit, si (+) Præsidentem singulis mensibus inter se constituent. Hujus Collegii Præsidenti potestatem esse, quatuor Conventus advocare, cum opus fuerit. Si quispiam Conventus, aut vir singularis, Collegio duodecim virorum, aliquid pro utilitate publica revelaverit, sub iurjurandi religione oculum ejus nomen teneri, si id revelans exegerit. De his, quæ in Conventibus primum proponuntur, nihil ea die decerni, nisi urgeat necessitas, sed ad aliam reservari. Ut interim quisque de re statuenda consultius posset deliberare. Nemini licere sententiam dicere in Conventibus, nisi super re a Præsidente proposita: si qui aliud proposuerit, ea die nihil omnino de ea re agatur, sed ad alium Conventum differretur, nisi forte aliter Præsidenti expedire videatur. Quenilibet tamen, antequam inter Patres Concilii subscribatur, iuramento obligandum, quod sententias libere & secundum Deum, & pro utilitate tantum publica feret; statuta communi consilio in uno ex Conventibus ad alios tres Conventus per unum aliquem deferri cum causis, quæ ita statuere suaserunt. Si vero duæ sint variae sententiæ, quamvis altera alteram numero superet, deferri per duos ex unaquaque opinione cum argumentis utriusque, (*) & omnium iudiciis cognitis, quod optimum sit, decerni possit. Primo tamen illum Conventum consuli oportere, ad quem res ipsa spectat, de qua agitur in Generali Conventu: Præsidentem Concilii nihil ad Patres referre, nisi quod primum a quatuor Conventibus sit deliberatum, aut saltem a duobus, nisi aliquid immergitur novi, quod differri non possit. Singulis sextis feriis Generalem Conventum haberi. Quod si is dies impeditus fuerit, transferri ad sequentem diem: Præsidentem Concilii tabellam habere, in qua per ordinem annotata sint, quæ in Generali Conventu sunt pertractanda, & a gravioribus semper sit incipiendum. In sententiis dicendis non reiteranda, quæ jam a primis sunt dicta, sed in illorum sententias pedibus eundum; nisi qui ad-

dere, demere, seu aliquid omnino afferre voluerint; Si in concione (**) aliquid super re proposita dixerint, se vel le maturius rem domi considerare, differendum ad aliam concionem. Prædie, quam Generalis Conventus habeatur, quatuor Deputationum Præfectos, Præsidentem Concilii adire oportere, & in suis Conventibus meditata, aut Decreta aperire: in quibus, si omnes communi consensu, aut tres saltem Conventus consentiant, posse de illis ad Concilium referri. Licebit tamen unicuique alterius sententiæ ante relationem profiteri, quid sentiat, & cur aliter sentiat. Quod si videbit aliorum animos movere, poterit res differri, & rursus de ea in quatuor Conventibus agi: sui minus, tribus Conventibus ad tripulantes ad Concilium referretur. Conciliares omnes ad suos Conventus per proprios Magistratus convocandos summa diligentia, ita ut nullus negligatur: qui autem statuta hora non adfuerint, aut non omnino Conventu sine Præsidentis venia discesserint, Præsidentis arbitrio multandos. Idem agendum in Conventibus & Sessionibus publicis contra eos, qui non venerint, vel supplicationibus, & rerum Divinarum celebrationibus non interfuerint. Antequam Conventus publici, seu particulares dimittantur, per Scribas Conventus palam recitanda omnia meditata, sive decreta in concione. Et si quid per Scribas erratum esset, illico emendandum. Episcopos, Abbates, inferioris ordinis viros, sive eorum Oratores, sine bona venia Præsidentis Concilii, & quatuor Deputationum, e Concilio recedere non oportere. Si duo ex Præsidentibus Conventuum cum generali Præsidente concurrant, satis esse ad commercium concedendum. Inferiores Abbates a suo Conventu, & ejus Præsidente satis sit veniam impetrasse. Quatuor viros eligi oportere, a singulis Conventibus unum, qui orationum inter Sacra agenda curam gerant; easque viris idoneis demandent, audientque, antequam agantur; ne quid inepti, aut absurdi in tanto consensu proferatur. præterea ut Patres Divino numini acceptiores, probabilioresque hominibus, quibus leges laturi erant, merito fierent; utque non solum

G g g g g 3 verbo,

[+] forte: ipsi

(*) forsax: ut

(**) forte: aliqui

verbo, sed etiam exemplo ad bene, recteque vivendum alios hortarentur, hæc ab ipsis servanda sanxerunt. Unumquemque conciliarem vitam agere oportere castam, quietam, ac omni labe mundam; ita ut exemplo Christianis omnibus esse possit. Sacerdotes sæpe rem Divinam facere, alios sæpe confiteri: in supplicationibus, piisque eleemosynis frequentes esse. Singulis cunctis feriis ad impetrandum Spiritum Sanctum publice & privatim Divina celebrari. Oblationes Deo inter Missarum solemnias fieri; orandamque assiduo Divinam Clementiam pro pace & unione Ecclesiæ. Conveniunt omnes, atque Collegia, antequam tractare aliquid incipiant, rei Divinæ communiter interesse, quæ in loco suæ concionis celebretur. Interea tacitos contemplationi intentos esse. Sexta feria omnes jejunent: qui id non poterit, eleemosynis satisfaciendum. In cibo & potu modestia, sobrietateque semper utendum: pretiositatem, multitudinem, varietatemque epularum vitandam. Inter edendum secundum statuta Toletani Concilii semper aliquid ex sacris libris audiendum, mensamque benedicendam, & sumpto cibo gratias Deo agendum. Sodalitia, consortiaque turpia fugienda, & mulierum contubernia consuetudoque omnis vitanda. Derratione, murmuratione, contentione pertinaci, jurgiis, ac illiberali scurrilitate abstinentium. In via cum modestia & gravitate incedendum; Choreas, ludos, ac publica spectacula non adeunda; Vestibus utendum modestis, secundum Canonum Sacrorum instituta, talaribus, non apertis; non sericeis, non variatis, neque limbis pelliceis ullo modo ornatis: colore vero neque rubeo, neque viridi aperto. Annulos non gestandos, nisi quibus ex lege licet, & illi unico contenti erunt. Aurum, argentumque singulis non addendum. Caligis soleatis non utendum. Tonsuram, quam coronam dicunt, pro gradus condecencia tondendam. Capillosque, qui aures non tegant. Equorum, mularumve fræna, phalarasque nullo auro, argento, serico, coloreve rubeo, seu viridi ornanda, neque calcaribus deauratis, nec argenteis utendum. In familiis Prælatorum temperamentum modumque servandum,

numero, ornatu, moribus, habituque: anteambulones Cardinalium, quos Scutiferos vocant, supra decem non præmittendos: Patriarchis octo, Archi-Episcopis sex, Episcopis quatuor. Sic vestibus, supra genu non utantur; non diversi coloribus, non arte laceris, aut pictis acu, coloreve, non ornatis auro, argentove: monilia, torques, catenulasve ad collum non ferant, gladio, nisi forte palmari, non accingantur. Alea non ludant, aves venaticas ante Dominos non deferant, modestiaque in omnibus utantur; ut sacrorum Sacerdotum, non autem sæcularium Principum familiarum videantur. Sacris initiatos, aut Sacerdotia obtinentes, Clericorum habitum gerere oportere. Religiosos vero ac Monachos habitum sui Ordinis; Religiosos Monachos, sive Mendicantes, cum primum ad Concilium veniunt, Prælati suis sistendos, qui non paruerint, carceri mancipandos. In concionibus publicis & privatis modeste loquendum, neminem convitiis, aut maledictis taxandum. Sententias libere, & ad publicam tantum utilitatem secundum præstitum juramentum proferendas. Silentium servandum, audiendumque concionantem benigne & attente. Charitatem, pacem, & unitatem cum omnibus servanda. Patrum privatas sententias non revelandas: & ita agendum, ut Sanctorum Patrum veri imitatores merito nuncupari possint. Præsidentes crebro hæc in concionibus publicis & privatis recenseri curent, dentque operam Magistratus, ut omnia diligenter servantur. Acta sunt hæc in Generali Congregatione, usque ad VIII. Idus Novembris anni MCCCXXXII.

XVII.

SESSIO SEPTIMA.

Pontificis Electionem in Concilio esse faciendam.

Nec multo post septima Sessio publice celebrata est, & Decretum, si contigerit Eugenium mori, durante Concilio Basileensi, de electione Summi Pontificis in Concilio facienda post sexaginta dies innovatum: additumque, si Cardinales contra fecerint; illorum Sacerdotia omnia illico vacare, omnique dignitate

nitare, & Ecclesiastico censu privatos esse: licereque Ordinariis, quæ illi tenuerant, alteri conferre.

XVIII.

SESSIO OCTAVA.

Prorogatur terminus Eugenio ad sexaginta dies.

Ad XV. deinde Kalendarum Januarii in Octava publica Sessione solemniter ritu statutum est, terminum, Eugenio Pontifici perscriptum, intra quod dissolutionem Concilii Basileensis, & convocationem Bononiensis Synodi abrogare mandabatur, ad sexaginta dies prorogari. Quod si juxta hoc tempus non paruerit, neque plene Concilio adhæserit, ex lege contra illum agendum, ut Spiritus Sanctus inspiraverit. Cardinalibus præterea, & cæteris Prælati, omnibusque Curiam Romanam sequentibus, sub pena privationis omnium beneficiorum, officiorumque, & dignitatum mandatum, ut intra viginti dies, sexaginta prædictos proxime sequentes, ab obsequiis & curia Eugenii Concilio non obtemperantis discedant: sequere, qui ex lege tenentur, quam primum conferant Basileam ad Concilium Generale. Alii autem vel petant Concilium, si velint, vel ad Sacerdotia sua divertantur. Decretum est, durante Concilio Basiliensi nemini licere, neque Pontifici Romano, neque etiam Cæsari aliud Concilium convocare, sive celebrare. Accedentes ad quævis locum sub nomine Generalis Concilii, schismaticos habendos, privatosque censeri, omni dignitate, & Sacerdotio. Statutum etiam, ne quis Sacerdotia Conciliarium impetrare possit: neque ea etiam a Romano Pontifice ultro oblata accipere. Transgressores, ut schismaticos multandos; prohibitum quoque, ne liceat Pontifici Maximo Romanæ Ecclesiæ agrum minuere, sive ejus partem quoquo modo alienare. Audiverant enim Patres, Eugenium oppida aliqua Ecclesiæ ad emendos Principum favores vendere statuisse. Hæc ubi firmata sunt, ejus diei Sessio dissoluta est.

XIX.

SESSIO NONA.

Eugenii sententiæ contra Conciliares revocantur.

Celebratur paulo post alia Sessio, nona numero, XI. Kalend. Februarii, anno salutis MCCCXXXIII. In qua processus & sententiæ omnes lætæ, seu ferendæ per Eugenium Pontificem contra Sigismundum Cæsarem, vel Wilhelmum Ducem Baviaræ, Concilii defensorem a Cæsare institutum, aliosve quoscunque Concilii sequaces, irritæ & vanæ decernuntur, prohibeturque omnibus Christianis, ne quis in ea re Eugenio pareat.

XX.

SESSIO DECIMA.

Accusatur contumacia Eugenii Pontificis.

Post quindecim dies, decima Sessio celebrata est: in qua confirmatur Decretum in octava Sessione editum; quod provisiones Ecclesiarum Cathedralium, & omnium Beneficiorum per Pontificem Eugenium factæ in favorem dissolutionis Concilii sint nullæ & inanes: quodque judicium, an ob eam rem factæ sint, ad Concilium pertineat. Accusatur deinde contumacia Eugenii Pontificis per Promotores Concilii: & instanter petitur declarari, judicarique contumax; missis duobus Episcopis ad portas Ecclesiæ, ad requirendum, an Eugenius Pontifex adesset, aut quispiam alius pro eo. Cum nemo compareret, commissum est quibusdam Prælati, ut processum rei diligenter considerarent, & omnia deinde Patribus referrent in prima Sessione.

XXI.

Tractatus concordie inter Eugenium Pontificem & Concilium Basileense.

Inter hæc varii tractatus habentur pro rebus componendis inter Eugenium Pontificem, & Patres Concilii. Julianus Cardinalis, Legatus Apostolicus, longissimis literis hortatus Eugenium, ut dissolutionem

nem Concilii tollat, tantam occasionem reconciliandorum Bohemorum non spernat. Ipse Concilium petat, administrationem agri Ecclesiae Romanae Vicariis credat: si non potest, bonam partem Sacri Senatus mittat. Probat multis argumentis Concilium Basileae legitime convenisse; nec posse a Pontificibus dissolvi invititis Patribus: dicit se iuste potuisse convocare Praelatos ad Concilium, & non fecisse praeter commissionem, sed ex officio; cum oporteat iudicem reos ad iudicium vocare, antequam damnentur: abrogandam igitur dissolutionem Concilii, si seditiones & mala infinita velit evitare. Sigismundus Caesar per Legatos suos idem monet: Bohemos nulla alia via, nisi per Concilium Basileense reduci posse, neque melius consuli saluti fidelium, paci, & quieti Ecclesiae Dei, quam per revocationem dissolutionis Concilii Basileensis. Graecorum unionem non tanti esse, ut propter eam Bohemi sint spernendi; Graecos annis infinitis in sua opinione perdurasse, & sibi tantum damno esse, neque timendum, ut aliquid ab eis innovetur. Non esse periculum, in prorogando tractatu in eis. Cum Bohemis autem moram omnem esse perniciosam: saevire Bohemiae virum circa praecordia, omniaque circum circa venenosis opinionibus inficere, caede, ferro, ignique omnia vastare: Fore, si nunc Concilium dissolvatur, ad quod vocati non invitati veniunt, ut sibi illud putent; aut nostros ab eorum facie fugisse, quod eorum opinionibus respondere non potuerint, vicinosque hac occasione quam plures in illorum sententias transiuros, & jam nonnullos incepisse, ut Magdeburgenses, Wormatienses, Bambergenses, Patavienenses, & alios plerosque, qui contra Clerum suum insurrexerunt. Proinde orare, monere, hortari, ut Concilium esse sinat, illique omni studio faveat. Quod si non fecerit, sciat Caesarem Concilii auctoritatem; quam ita expedire Reipublicae Christianae putet, pro viribus defensurum.

XXII.

Responsum Eugenii Pontificis.

Ad haec respondit Pontifex, Caesarem oportere Romani Pontificis, & Sanctorum Conciliorum Decreta reverenter

(*) Rockyfana.

fuscepere, & ea implere; non autem de illis iudicare, quorum iudicium ad Sedem Apostolicam tantum spectet. Ebredunensis Archi-Episcopus, Caesaris nomine Eugenium adit, multaque de concordia agit: conscribuntur conditiones quaedam, quae ad Patres per Caesarem missae non recipiuntur.

XXIII.

Legatio Bohemorum ad Concilium.

Bohemorum Legati interim Basileam ingrediuntur ad quartum idus Januarii, susceptique sunt a Patribus magna letitia: & Julianus Cardinalis Legatus orationem habuit luculentissimam, aptissimamque ad concordiam & amicitiam. Erant Bohemorum Legati admodum duodecim, ex nobilitate, Sacerdotio, & plebe pari numero. Inter hos (*) Rochezana haereticus, qui etiam Legatione Universitatis Pragensisungebatur. Dissensionum capita, quibus ab universali Ecclesia diffident, quatuor erant, quae ipsi sanctissimas veritates suae genti pro salute fidelium revelatas asseverabant. Primum erat, Sacramentum Eucharistiae sub utraque specie, panis scilicet & vini omnibus Christi fidelibus ministrandum. Alterum, Verbum Dei libere, & sine impedimento ordinate a Sacerdotibus praedicandum. Tertium, Clero non licere bonis Ecclesiae donatis civiliter dominari. Postremo, omnia peccata mortalia, publica praesertim, & ordinationes Legi Dei contrarias in quolibet statu rite, & rationabiliter per eos, ad quos spectet, prohibendas, ac destruendas.

XXIV.

Defensio Eugenii Pontificis per Legatos.

Legati deinde Eugenii Pontificis sub fide publica Basileam petunt: Johannes Mella Protonotarius Apostolicus, & Episcopus Cervienensis, ac duo Abbates. Ii ad VIII. circiter idus Martii in magno Patrum confesso, data copia fandi legationem suam exposuerunt in hanc sententiam ferme: Eugenium Pontificem Maximum, Ecclesiae universalis Caput & Rectorem, JESU Christi Vicarium, & ve-

rum

rum Beati Petri Successorem, de plenitudine potestatis legitime potuisse Concilium Basileense dissolvere, & transferre: neque propterea Sanctionibus Constantiensis Concilii, ut multi falso calumniantur, (quas tamen nisi ad fidem tantum spectent, Romanum Pontificem & moderari, & omnino tollere posse manifestum est,) contravenisse: quod etsi multis auctoritatibus & rationibus asseruissent, hoc tamen uno argumento rem comprobare annexi sunt. Decretum de Conciliis præscripto tempore celebrandis communi consilio Patrum sanctum fuisse: illud tacito etiam consensu omnium abrogatum videri, quoniam statuto tempore Patres non affuerint, quos sine vocatione adesse oportebat. Non igitur Eugenium, sed Ecclesiam, Constantiense Decretum antiquasse. Placere tamen Eugenio pacis & concordie cupido, pro quiete populorum, pro civium suarum consolatione aliquid etiam de jure suo cedere; Patribusque, quantum cum DEO, & honore Sedis Apostolicæ liceat, gerere morem. Orare tamen Patres (si fieri potest) ut translationem Concilii ad Civitatem Bononiensem æquo animo ferant, quam Pontifex pro utilitate tantum Reipublicæ Christianæ, & ad nullius injuriam fecerit. In quo loco non sine magno universalis Ecclesiæ commodo, & honore (ut sperat) tum tota curia Romana, & Germanica Ecclesiæ cupit interesse. Polliceri Eugenium Decreta omnia per eum contra Patres publice, & privatim promulgata quamprimum abrogare; si & ipsi sua in Pontificem, & suos edita revocent. Si Bohemi Bononiam petere recusent, concedere Eugenium, ut Basileæ Patres Concilii nomine inter præscribendum tempus cum eis agant: & si interim de reconciliandis Principum animis agere velint, Pontificem laudaturum, dummodo elapso termino Bononiam ad Concilium quamprimum se conferant. Quod si Bononia pro loco Concilii omnino non placeat, indulgere Eugenium, ut locus alius per Patres, & Legatos suos eligatur in Italia, præscriptis legibus, ubi Concilium celebretur, vel inceptum Basileæ absolvatur. Si vero hac Pontificis postulata æqua non videantur, placere Eugenio, ut Prælati duodecim e numero Patrum eligantur, neutri parti suspecti, qui simul

Tomus V. Concilior. German.

cum Legatis Electorum Imperii, Regum, & Principum de his cognoscant; & si judicaverint Concilium in Germania omnino esse oportere, placere, ut a suis Legatis cum consilio Patrum locus alius propinquus, sive remotus a Basileæ, pro Concilio Generali eligatur; ubi de universalis censure, ac instauratione morum Christiani populi agi possit. De reconciliatione autem Bohemorum & procuracione pacis agi posse in Concilio Basileensi, ut dictum est. Quod si Pontifex emendationem, ac censuram morum universalis Ecclesiæ fieri cupit in loco communi consilio deligendo, non videri a ratione alienum: cum huic censure non modo curia, sed ipse personam suam subesse velit: ea tamen lege, ut nihil aliud decerni a Concilio possit, nisi adsit numerus septuaginta Episcoporum. Non enim justum videri, ut minor Prælatorum numerus legem præscribat toti Ecclesiæ. Placere etiam, ut nova Prælatorum convocatio fiat ad Concilium in loco deligendo celebrandum, sive malint continuandum, nomine Romani Pontificis, & Sacri Concilii ad certum tempus; Interim vero Basileæ a Concilio vacare rebus Bohemicis, & paci universali. Rogare igitur Pontificem Maximum, obsecrare, atque obtestari Patres per viscera misericordie JESU Christi, ut dimissis contentionibus arque discordiis has leges, quæ ex justo & æquo conscriptæ sunt, suscipere velint; neque permittant, ut qui pro aliorum reconciliatione, unione, & censura convenisse se dicunt, discidia, contentiones, & confusiones foveere videantur. Hæc ad VIII. idus Martij acta sunt, anno Domini Millesimo, quadringentesimo trigesimo tertio.

XXV.

SESSIO UNDECIMA.

Ad IV. deinde Kalendas Maji undecima Sessio habetur, in qua publice discernitur, Romanum Pontificem oportere semper Conciliis Generalibus interesse per se, vel per Legatum Apostolicum duarum partium Sacri Senatus suffragiis designatum: oportereque omnes Prælatos, qui secundum Sanctorum Patrum instituta Sacris Conciliis interesse coguntur, sine alia vocatione Concilium legitime indictum

H h h h h

adire

adire; quod si neglexerint, post quatuor menses a die indicti Concilii, administratio omnium dignitatum & officiorum eis sit interdicta, & administratio pro tunc Romani Pontificatus Generali Concilio cedit. Si vero per alios duos menses in contumacia perseveraverint, etiam Romanus Pontifex, a Concilio Magistratibus, ac Sacerdotiis abrogentur: licere unicuique per Sanctorum Patrum constitutiones obnoxio Concilia Generalia adire, etiam prohibente Romano Pontifice: & praesertim Romanæ Ecclesiæ Cardinalibus, quibus veniam Concilii petendi Pontifici negare potestas non sit. Nemini omnino licere, neque etiam Summo Pontifici Concilium rite congregatum prorogare, transferre, dissolvere, nisi de communi consilio Patrum, quod per duas partes singulorum Conventuum, deinde Generalis Congregationis, postremoque publicæ Sessionis debeat approbari. Decretum Constantiensis Synodi de Conciliis celebrandis singulis decenniis, declarat ita intelligendum, ut finito decennio quamprimum facultatem esse Concilium aliud celebrandi. Quod si in ipso principio alterius decenni Patres non adfuerint, non propterea auferri Patribus facultatem conveniendi ad Concilium, sed curandum, ut quamprimum convenient. Romanum Pontificem, sive ejus Legatum, Archi-Episcopum Provinciam, ac Prælatos, a loco nominato intra quatuor dierum iter commorantes, ante viginti dies tempus inchoandi Concilii prævenire oportere, atque ibi ea, quæ ad Concilii celebrationem spectant parare. Die deinde præscripto rem Divinam facere, Spiritus Sancti illuminationem postulantes, & Concilium rite inchoare. Non tamen licere Patribus quidquam ardui statuere, nisi concedens Prælatorum numerus adsit: si autem locus pro Concilio nominatus bello, peste, seu aliis gravibus molestiis secundum Decreta Concilii Constantiensis impeditus esset; & Pontifex de consilio Sacri Senatus alium locum legitime non mutaret; licere Sacro Senatui locum ipsum nominare, si duæ Senatus partes convenerint, (*) juraverint prius, se id pro utilitate Reipublicæ, & ex causis legitimis agere: quemlibet ex Electoribus Summi Pontificis Sanctæ Romanæ Eccle-

siæ Cardinalibus, ante electionem, cum celebranda erit, jurejurando promittere oportere, omnia hæc observare sine dolo malo, si ad Pontificatum eligatur; & electus idem promittat, idque mox publice profiteatur. Pontificem Romanum hujus Decreti prævaricatorem, seu publico, ac notorio crimine Ecclesiam perturbantem, judicio Generalis Concilii emendandum. Hanc professionem in literis assumptionis Summi Pontificis inscribendam; prohibitiones & mandata per Eugenium Pontificem, aut quemlibet alium quibusvis facta, ne Concilium Basileense petant, nulla & irrita esse.

XXVI.

Coronatio Sigismundi Cæsaris.

Inter hæc Sigismundus Cæsar, cum Senis in Tuscia esset, Oratores suos Maticonem Comitem, & Gasparem Slichium Cancellarium suum Romam ad Eugenium mittit: per quos conditionibus quibusdam hinc inde susceptis, statuta est dies circa idus Junias, qua Cæsar a Pontifice Maximo coronari deberet. Et Cæsar quidem, ut convenerat, cum domestica familia tantum, Romam petit, iuramenta consueta præstitit; & per se, & per Legatos privilegia donationum agri Ecclesiæ confirmavit, atque instauravit. Juravit in verba Eugenii Pontificis: & Coronationis Sacris rite peractis Senas reversus est, anno salutis millesimo, quadringentesimo trigesimo tertio. Carolus autem Rex Franciæ per ea tempora Legatos suos viros primarios Basileam ad Concilium misit.

XXVII.

Defensio Curialium Eugenii Pontificis, & contestatio inter Legatos Avenionenses.

Eugenius vero, cum sui Curiales quotidie novis Basileensibus edictis terrentur, publico Decreto statuit, non licere ordinariis, aut aliis quibuscumque, curiales in Sacerdotiis aut officiis suis aliquo modo molestare, privare, sive censuris, pœnive mulctare: contra facientes extra sacra posuit, & eorum gesta irrita

(*) forte: & juraverint.

rita fecit. Præfeturam Avenionensis urbis, & Comitatus Venaissini, quæ ad Romanam Ecclesiam pertinent, demandaverat Eugenius Pontifex Petro de Fuxo, Cardinali Episcopo Albanensi: Patres in ejus odium annitentibus Provincialibus, antequam Petrus Magistratum iniret, illo abrogato, Alphonsum Cardinalem Sancti Eustachii in Provinciam miserant, Petrus autem cum Fratribus suis viris nobilitate & potentia claris, & plerisque ejus Regionis Episcopis, ac Proceribus bellum Alphonso, & Avenioni infert. Basileenses contra hunc & ejus socios censuris Ecclesiasticis agunt, eisque sacra interdiciunt.

XXVIII.

Concordia Eugenii cum Concilio.

Instante per Legatos Sigismundo Cæsare paulo ante, & Electoribus Imperii adnitentibus; Eugenius Pontifex ad XVI. Kalend. Martii publico edicto tandem decrevit, Concilium Generale Basileæ per Legatos Apostolicos illuc transmittendos, celebrandum esse. Interim placere, ut Patres illic congregati reductioni Bohemorum, & paci universali inter Christianos operam darent: mandatumque omnibus, quos secundum majorum Decreta Concilii interesse oporteret, ut intra trimestre Basileam ad Concilium Generale petant. Tum ad ipsas Kalendas Martias Legatos ad Concilium, (de latere vocant) Cardinales quatuor designat, qui suo & Apostolicæ Sedis nomine Concilio præsent; Jordanum Ursinum Episcopum Sabinensem, Petrum de Fuxo Episcopum Albanensem, Nicolaum Sanctæ Crucis, & Angelotum Sancti Marci, Presbyteros Sanctæ Romanæ Ecclesiæ Cardinales. Hos jubet, ut simul cum Patribus intendant extirpationi hæresum, paci & quieti populi Christiani, augmento, & honori, & commodo Catholicæ fidei, & Christianæ Reipublicæ, censuræ, ac reformationi totius Cleri, & Ecclesiastici status, unioni Orientalis Ecclesiæ, conservationi Romanæ Sedis, & Ecclesiasticæ libertatis, cum plena potestate de omnibus statuendi, & decernendi cum consilio Patrum Concilii. Sed cum propter adventum Sigismundi Cæsaris,

Tomus V. Concilior. German.

qui Romam suscipienda Imperialis Coronæ gratia properabat, designati Legati Basileam petere tunc non possent, ne Concilium frustra sedere videretur, statuit Pontifex, ut Johannes Molla, Protonotarius, cum Archi-Episcopo Tarentino, & aliis Collegis suis, quos prius Basileam legaverat, quoad Legati Cardinales venirent, illorum subirent vices, ipsique absentium legatione fungerentur. Patribus vero in Concilio Basileæ congregatis mandat, ut illos ad præsentiam admittant, honorentque ut Sedis Apostolicæ Legatos; & summis affectibus hortatur ad rerum prosecutionem cum charitate, & pace pro salute Reipublicæ Christianæ, & Divini nominis honore & gloria. Postremo addit aliis suis Legatis Julianum Cæsarium Cardinalem Sancti Angeli, qui nunc Basileæ erat, jubetque cum aliis præsidere.

XXIX.

Refutatio concordie per Basileenses.

Ad octavo idus Majas anno salutis millesimo quadringentesimo trigesimo tertio, his Basileæ acceptis, diu multumque super conditionibus, singulisque verbis literarum Apostolicarum a Patribus consultatum est: tandem communi consilio in hanc sententiam responsum: Sacrum Concilium Basileense, cum semper sperasset, Eugenium longa Patrum tolerantia, ac mansuetudine delinitum iri, ac jam tandem a vexatione Synodi cessaturum, abrogaturumque perniciosam populo Christiano dissolutionem, & Concilio integre se conjuncturum; nunc non sine magno animi dolore aperte cognoscere obstinatam illius mentem, & genuinum in Sanctam Synodum odium: qui toties rogatus, toties interpellatus, etiam summorum Principum precibus, & totius Ecclesiæ, toties legitime requisitus ac monitus, pestiferam dissolutionem non revocaverit: sed nullo modo in delatis per Oratores suos conditionibus, Concilium esse voluit. In literis autem, ac Decreto ad decimo sextum Kalend. Martii editis, etsi Basileæ per Legatos suos certis conditionibus celebrari velit, non tamen profiteretur Concilium hæcenus Basileæ fuisse, sed celebrandum statuit, neque dis-

H h h h h 2. solv.

olutionem injuste factam revocat. Proinde Eugenium non paruisse monito & mandatis Ecclesiæ, ut parerat: & propterea Patres non posse suscipere conditiones oblatas, aut Decretum de novo Concilio Basileæ celebrando, sive Legatos ad Concilii præsentiam: quoniam facere viderentur Basileæ Concilium hætenus legitime non fuisse, ac se fuisse schismaticos ac rebelles, qui temere & sine auctoritate convenissent. Quod autem Legatis suis det auctoritatem præsidendi in Concilio, & omnia statuendi, ac decernendi cum consilio Patrum; hoc ferri nullo modo posse: quia si Patres consulendi tantum potestatem haberent, possent Legati etiam contra Patrum consilia decernere. Statuere autem, ac decernere in Concilio, proprie ad Patres spectare, ad Pontificem autem Romanum laudare & consulere. Præterea non dari potestatem Legatis agendi de emendatione, ac reformatione capitis Ecclesiæ: sine qua ne cætera quidem membra recte curari possunt. Collusionis igitur hæc esse manifesta judicium (*) non reconciliationis. Profiteatur Pontifex, Concilium Basileæ esse, & hætenus fuisse, ejus Decreta probet, ac suscipiat: dissolutionem revocet, uniat se Ecclesiæ, ut teneat: inventurum Sanctam Synodum Basileensem nihil prætermitturam ex his, quæ ad honorem, augmentum, & reverentiam suæ Sanctitatis, & Sanctæ Romanæ Ecclesiæ pertinent. Quod si in sua pertinacia perseveraverit, Patres daturus operam, ne quid detrimenti Ecclesiæ Dei, pro cujus defensione vitam profundere statuerent, ob ejus contumaciam patiatur. Per hæc tempora Legati Johannis Regis Cypri, & Philippi Burgundorum Ducis, Concilium periverunt, ut nomine Dominorum suorum Reipublicæ interessent: & pax Italiæ, quæ multo tempore fuerat agitata, tandem confecta est ad VI. Kalendas Martias ejusdem anni.

XXX.

SESSIO DUODECIMA.

Prorogatur terminus Eugenio.

Ad III. deinde Idus Julii Sessio XII. publice celebratur, quæ Patres cum dies Euge-

nio bis præscripta ad quartum primo, tum ad tertium mensem, ut dissolutionem revocaret, Concilioque Basileensi integre consentiret, jam pertransisset, & ipse illorum monitis non pareret, iterum precibus Sigismundi Cæsaris coacti terminum ipsum ad sexaginta alios dies prorogant: statuuntque, nisi præfixo tempore Eugenius dissolutionem revocaverit, profiteatur Basileæ Concilium legitime convenisse, & hætenus legitime sedere; oportereque ad finem usque gerendarum rerum perseverare, & illi integre pleneque se conjunxerit: ut absque alio Decreto, aliæque monitione suspensus sit ab omni administratione, seu jurisdictione Summi Pontificatus: ipsiusque Romanæ Ecclesiæ administratio plene, atque integre ad Concilium spectet: & quidquid post id tempus egerit, statueritve Eugenius, irritum esse ac vanum; Mandat Curialibus omnibus, & Romanæ Ecclesiæ Cardinalibus, ut eo termino elapso, nisi Eugenius interim paruerit, a Romana curia statim intra viginti dies discedant, petantque Concilium, qui Conciliis interesse ex lege obnoxii sunt: alii autem ad sua quique municipia divertant. Non obtemperantes Sacerdotiis, dignitatibus, muneribusque omnibus privant, lites præterea, causas omnes, omniaque judicia ad se advocant: inhibentque curiæ judicibus omnibus post ipsum terminum omnem jurisdictionem, & gerenda omnia per eos irritant, & nulla faciunt. Tum ut Electiones Prælatorum, Ecclesiarum, & Monasteriorum rite fiant, hæc statuunt: Electiones Ecclesiarum, ac Monasteriorum secundum Patrum antiqua instituta per Collegia legitime fiant. Neque liceat Romano Pontifici, Ecclesiis ac dignitatibus, quibus per electionem providi fas est, aliter providere, nisi urgens & legitima instet causa, quæ in literis Apostolicis exprimatur. Ordinatio tamen Ecclesiarum, ac Sacerdotum in Imperio Romanæ Ecclesiæ plene ad Pontificem spectet. Quod Decretum integre servare, Romani Pontifices in electione jurabunt. Electores Prælatorum, antequam ad electionem conveniant, rem Divinam solemniter faciant ritu, in qua Spiritus Sancti efflagitent inspirationem. Tum scelera & peccata per confessionem & Sacram Eucharistiæ perceptionem expient: & demum, ubi Sa-

cra-

[*] forte: indicia.

cramento se adstrinxerint, electionem se facturos secundum Deum, & pro Ecclesiæ honore & commodo; neque ullo pacto in eos consensuros, qui per corruptiones, aut sordes id ambierint, ad electionem Canonice faciendam procedant. Electio fiat in virum legitimæ ætatis, doctrina, & probitate clarum, & secundum majorum Decreta idoneum. Electiones præter has leges non rite factas, aut per simoniacam labem, irritas esse & nullas; Electores extra sacra positos, & jure eligendi privatos. Perperam electos non prius posse absolvi, quam Ecclesiæ, quas sortiti per sordes fuerant, libere dimittant. Nemini licere, etsi Principes sint cujuscunque dignitatis, ad aliorum preces cujuspiam electionem apud Collegia procurare. Neque licere ipsis Electoribus cuiquam in eligendo gerere morem; sed oportere ipsas electiones liberas esse, & omnino voluntarias. Archi Præsules, aut alii, ad quos Prælatorum confirmatio spectat, summa diligentia electiones examinent; & pro meritis legitime vel approbent, vel infringant; neque quidquam ad confirmationem accipiant. Scribis pro labore tantum modeste satisfiat. Prævaricatores hujus legis jure confirmationis careant, subjicianturque anathemati; a quo, nisi a Romano Pontifice non absolvantur; & confirmatio per sordes facta omnino nulla sit; sed neque ipsi Romano Pontifici licere quidquam pro confirmatione exigere. Daturum namque operam Sacrum Concilium, ut commoditati, necessitatique Pontificis & Cardinalium opportune consulatur. Quod si non fecerit, nolle hoc Decretum Romanæ Ecclesiæ præjudicare; & sic finis datus est huic Sessioni.

XXXI.

SESSIO DECIMA TERTIA.

Prorogatur terminus Eugenio ad triginta dies.

Habita deinde est decima tertia Sessio Idibus Septembris: in qua rogante per suos Legatos Sigismundo Cæsare, terminus Eugenio prorogatus est ad triginta dies, supra sexaginta præscriptos iisdem legibus: promissitque Cæsar se prorogationem ultra non petiturum: &

si interea temporis Eugenius Concilio non satisfecerit, se omnia executurum, quæ Patres decreverint. Decretum est, non licere Pontifici Romano aliquo pacto contra Conciliares, cujuscunque status, aut gradus sint, quidquam agere; dignitatibus, Sacerdotiis, muneribusve privare, excommunicare, multare, seu quocunque modo damnare: privationes, pœnas, multas, censurasve a die dissolutionis per Eugenium factas nullas esse, atque vanas.

XXXII.

Pontifex revocat omnia gesta Basileensia.

At Eugenius Pontifex his cognitis, asserens Basileæ congregatos omnia inique, omnia temere, aut variis passionibus affectos agere atque statuere; & non reformationem, quam prædicant Ecclesiæ, sed deformationem; non unitatem fidelium, sed scissuram; non pacem Christiani populi, sed bella & discordias in Ecclesia Dei assiduo procurare; & hæreses non modo veteres, ut jactitant, non extirpare, sed novas indes nutrire, ac fovere; de plenitudine potestatis Apostolici Pontificatus, Sacro Cardinalium Senatu comprobante, gesta, acta, dicta, Decretaque omnia contra Romanum Pontificem, Apostolicæ Sedis auctoritatem, Sanctæ Romanæ Ecclesiæ Cardinales, seu quemlibet ex Curialibus Romanæ curiæ sancita, & omnia alia per illos statuta, quæ non pertinent directe ad illa tria, pro quibus Concilium fuit congregatum, & de quibus per literas Apostolicas facultas non datur, publico Decreto revocat, irritat, & annullat: & expressè Decretum illud, quo jubent (*) Cardinales, alique curiales intra XX dies post terminum Pontifici assignatum, ab Eugenio & Romana Curia discedere; gravissimisque censuris illigat quoslibet, cujuscunque sunt dignitatis, Cæsareæ etiam, Regalis, seu Cardinalaris, & inferioris, si dicti decreti prætextu curiales suos quoquo modo vexare præsumpserint. Scribit præterea Pontifex ad Christiani Orbis Principes pro sua defensione in hanc ferme sententiam: Nihil magis cordi sibi semper fuisse, quam Ecclesiæ Dei unionem & pacem, & propterea se omnia egisse, & multa etiam, quæ sibi non expediebant, Basileensibus

H h h h h 3 con-

(*) lege: jubentur

concessisse, ne a quibusdam Cardinalibus, qui illuc confugerant, schisma, quod jam imminet, perniciosum fieret; sed nullo pacto placare illos potuisse, qui scissuram facere, & Jesu Christi Vicarium pessundare niterentur. Statuisse se in bono malum vincere, & tandem concessisse Basileæ esse; non tamen iniquas mentes destitisse, quin omni studio curarent, multis confictis criminibus se Pontificia potestate deturbare. Proinde ne illorum falsis calumniis plebes seducantur, innocentiam suam, & adversariorum nequitiam ante oculos omnium ponere statuisse. Objicere illos Romanum Pontificem Concilium Basileense injuste dissolvissse, quod sine consensu Concilii sibi non licebat, in scandalum & maximam Ecclesiæ perturbationem. Ad hæc respondere: Nunquam mentis suæ fuisse Concilium penitus dissolvendi, impediendique in hoc Decreta Constantiensis & Senensis Conciliorum, ne fieret Concilium, neve hæresum extirpatione, censura morum & Christiani populi pacificatio procuraretur: ab initioque sui Pontificatus potestatem dedisse Juliano Cardinali Sancti Angeli in Concilio præsidendi. Sed cum deinde per Joannem Puleripatris, nomine eorum, qui Basileæ erant, didicisset, Basileæ Prælatos non convenisse, neque facile posse convenire, nisi longo post tempore, non omnino dissolvissse Concilium, sed illud Bononiam transtulisse, ut commodius, celerius, meliusque reipublicæ consulere; menses jam octo tunc effluxisse, quo Concilium inchoari oportebat, & Episcopos tantum tres & alios Prælatos quosdam numero non supra decem convenisse, Principum legationes, Professores Sacre Theologiæ, sive Canonici civilisque Juris nullos affuisse, qui ardua negotia possent discutere: locum præterea tutum tunc minime fuisse, tum propter Bohemorum propinquam potentiam, tum propter bella, quæ inter Philippum Burgundiæ, & Fridericum Austriæ Duces imminebant: quibus de causis non ut Ecclesiam perturbaret, quod obtractatores calumniantur, Basileensem Synodum dissolvissse, & Bononiam transtulisse, quod statutum fuisset ex consilio & assensu sacri Senatus, & illorum maxime Cardinalium, qui nunc Basileam con-

venientes, mutationem damnant. Affuisse & aliam causam non contemnendam transferendi Bononiam Concilii, quod Sigismundus Cæsar tunc in Italia esset, quem sperasset Bononiam ad celebrandum Concilium facile secum perducere potuisse. Quod si per Basileenses licuisset, Synodum celebratam (*) fuisse magno numero Prælatorum, & Principum, ac summa totius Ecclesiæ Dei auctoritate & laude. Mirari vehementer Cardinales illos, qui hæc quotidie sibi inculcabant, quique hujus translationis auctores fuere, nunc eam damnare; cum ipsi potissimum a se, tunc gravi morbo laborante eam mutationem extorsissent; eo maxime argumento, quod in electione sua jurasse dicerent, illic Concilium celebrandum; ubi major pars Cardinalium censeretur. Quin & licuisset Romano Pontifici, & sacro Senatui, Concilium ea causa transferre, neminem sanæ mentis negare posse: Non enim potuisse Synodum Constantiensem Romani Pontificis potestatem, auctoritatemque arctare, quam a Christo Domino accepit: cum constet, Synodum Pontifici esse inferiorem in omnibus, præterquam in his, quæ ad fidei fundamenta spectant, & ad perturbationem manifestam universalis Ecclesiæ. In cæteris autem licere Romano Pontifici Prædecessorum suorum, & Sacrorum Conciliorum Statuta, Decreta, & Ordinationes pro tempore, proque commoditate reipublicæ moderari, emendare, commutare, & omnia tollere, si expedire putaverit. Contra quam opinionem qui sentiant, & Vicarii JESU Christi manus ligare conentur, non procul esse ab hæresi, & manifesto Sacrilegio. Dissolutionem igitur, sive translationem Concilii ad hæresim non pertinere, neque ex ea universalem Ecclesiam potuisse perturbari; cum non ob aliam causam mutatio facta sit, nisi ut tractanda pro utilitate Ecclesiæ, quæ Basileæ negligebantur, celerius, maturiusque absolventur. Accusare præterea Basileenses Romanum Pontificem; quod Sacro Concilio pure & simpliciter non adhæreant, neque tollat perniciosam dissolutionem; cum summa Synodus semper modestia & mansuetudine in Pontificem sit usa. Ad hæc, dissolutionem & mutationem Concilii non fuisse perniciosam Ecclesiæ Dei manifestum esse:

(*) forte: celebrandam.

esse: quia quæ tractari in Concilio Basileæ oportebat, & propter loci indispositionem & temporis non tractabantur, melius, celerius, commodiusque, & cum majori auctoritate potuissent tractari Bononiæ præsentem Romano Pontifice, si paruissent; Ecclesiam vero non potuisse ea mutatione perturbari, quæ nulla ibi congregata erat; cum ad eam diem non ultra decem Prælatos convenissent: qui certe repræsentare universalem Ecclesiam non poterant. Mansuetudinem autem & modestiam Basileensium in se omnibus esse notam: qui contra omnia jura Divina & humana ausi essent, administrationem Summi Pontificis inrerdicere, nisi eorum insaniis auscultaverit. Persistentes vero in congregatione post translationem Concilii rite factam, sine auctoritate Apostolica Concilium non fecisse. Quamvis ipsi falso jactitent, se Synodum celebrare auctoritate Constantiensis & Senensis Conciliorum, ac Martini V. & Eugenii IV. Romanorum Pontificum: quoniam ipse auctoritates illas Conciliorum & Pontificum legitime & Canonice revocaverit. Nec Concilium ullum Generale constare posse, non suffultum auctoritate Romani Pontificis. Postulare igitur Basileenses rem indignam, sacrilegam, & hæreticam, cum exigunt a Pontifice declarari, Basileæ continuo fuisse Concilium, cum post dissolutionem Canonicam non fuerit; neque eorum gesta statutaque digna esse comprobari, quæ fere omnia contra Divina & humana jura acta sunt: & ita injusta & inepta, ut etiam, si Canonice statuta essent, irritanda reprehendendaque merito viderentur. Inaudita quippe temeritate ausos illos esse, unum ex suis complicitibus Cardinalem Sancti Eustachii, Avenionensi civitati, quæ ad Romanam Ecclesiam sine contradictione spectat, præficere: quamvis Romanus Pontifex eam Provinciam alteri prius demandasset: unde bella & cædes multas esse subsecutas, quamvis adulterinus tandem Legatus sit ejectus, Romanæ Curie munera, atque officia omnia inter se pro eorum libidine divisisse. Præsidentes sibi ipsis statuisse, designatos a Sede Apostolica sprevisse, causarum privatarum Auditores, judicesque constituisse, quod nunquam altero Romano Pontifice Canonice sedente visum est, cum in Generali-

bus Conciliis rebus publicis, non privatis, sit incumbendum: Vice-Cancellarius officium sibi erexisse: generalia & publica Consistoria, & alia, quæ Romano tantum Pontifici attributa sunt, temere sibi præsumpsisse: omniaque tandem egisse, ac si Apostolica Sedes vacaret; seu omnis Pontificalis, ac Beati Petri potestas, quam apud se Romanum Pontificem esse constat, apud Conciliares esset, quod asserere nefas atque hæreticum. Beneficia præterea, & Sacerdotia temeraria auctoritate contulisse; jura Pontificalia, privilegiaque occupasse, & quod in Romanis Pontificibus damnarunt, administrationes Monasteriorum secularibus Clericis demandasse. Ut nuper officium Generalis Humiliatorum, ejus ordinis caput, & principale Monasterium seculari Clerico commendarunt, cui supra centum Monasteria parent: omnia tandem illos facere, ut numerum Prælatorum, qui suæ insanie faveant, augere possint. Postremo sacrilega temeritate ausos esse Romanum Pontificem, & Sacrum Senatium, ad causam dicendam citare, minarique, nisi eorum superbissimis edictis pareatur, Pontificalem sibi potestatem, & Cardinalem dignitatem abrogandam. Hanc esse mansuetudinem, hanc modestiam Basileensium, hanc Ecclesiæ reformationem, has extirpationes hæresum, has pacis & quietis procuraciones, pro quibus congregati essent. Quæ omnia, quoniam approbare recusaret, cum negaret Basileæ Concilium esse, interdictionem Pontificatus minari: animam prius vitamque dimissurum, quam Romanæ Ecclesiæ dignitatem auctoritatemque occupari, minui-ve permittat. Placere tamen, ut omnes norint, sibi nihil antiquius esse, quam Concilii Canonicam celebrationem profiteri: atque indulgere, Basileæ Concilium continuo fuisse, si prius illi omnia acta, gesta, statuta & intentata contra Romanum Pontificem, Apostolicam Sedem, ejusque Majestatem, privilegia, libertatem atque auctoritatem, contraque Sanctæ Romanæ Ecclesiæ Cardinales, & alios Pontificem sequentes, revocaverint, atque deleverint: & Legatos Apostolicos, ut par est, ad Concilii præsentiam. Quod autem tantopere accusant, se Legatis suis potestatem dedisse, omnia in Concilio statuendi nomine Apostolicæ Sedis cum consilio Sanctæ Synodi;

di; viderique Synodum ex iudice consultorem fieri, privarique statuendi potestate; & secundum hanc normam Legatos statuere posse, etiam quæ Concilio non placerent: mirari se tantam inter tot jurisperitos juris ignorantiam: cum constet, institutiones, decretaque omnia in Conciliis Generalibus statui promulgarique a Romano Pontifice, vel ejus Legato, consentiente, seu approbante sacro Concilio: sicque in veteribus Conciliis, sic nuper Constantiæ, Senisque servatum: neque aliquid a Patribus statuendum sine auctoritate Pontificis; cum Romanus Pontifex supra omnia Concilia sit, nisi in his, quæ ad fidem Catholicam proprie spectant, sive ad perturbationem manifestam universalis Ecclesiæ, in quibus Generalis Concilii auctoritas sequenda est. Non auferre Pontificem Canonicam potestatem, sed suam sibi præservare: falli autem, errare, ac decipi Basileenses, qui se in omnibus Romano Pontifici Superiores esse putent, ut eorum gesta præ se ferunt: quod quidem hæreticum, & profanum esse constat. Quod autem nonnulli ita humanis passionibus succumbant, ut audeant Canonicam electionem suam ad Summum Apostolorum in dubium revocare, non posse satis mirari illorum perfidam temeritatem; cum illi ipsi, qui maxime calumniantur, se in Sede Beati Petri collocaverint, consecraverint, coronaverint, ac pluribus annis, ut legitimum Christi Vicarium adoraverint. Proinde orare obsecrareque Christianos Principes, ut Basileenses in viam reducere curent, illisque persuadeant Concilium canonicæ, & cum auctoritate primæ Sedis celebrare; & unionem, non scissuram nutrire; aut si in sua pertinacia persistere maluerint, ab eis recedant; neque permittant Ecclesiam, Dei Beneficio unitam, ab impiis lacerari. Scripsit etiam aliis literis agens gratias compluribus Principibus, quod per Oratores suos Romanæ Ecclesiæ auctoritatem tutati sint: oratque ut perseverent, ut cum Sigismundo Cæsare unioni intendant.

XXXIII.

SESSIO DECIMA QUARTA.

Adventus Sigismundi Basileam.

Post hæc cum V. Idus Octobris Dominica luce Patres in Basileam convenissent, suspensionis sententiam in Eugenium rite laturo, repente nuntiatur Sigismundum Cæsarem jam in urbem ingressum esse, & ad Templum properare. Effundunt se illi obviam Patres, & magna lætitia ad publicum consessum deducunt. Differturque negotium ob adventum Cæsaris ad octavum diem. Et cum dies Eugenio dicta, deinde sæpius prorogata esset, tandem septimo idus Novembris in publica Sessione XIV. assistente Cæsare Sigismundo, Imperiali paludamento, Corona, Sceptro, aureo pomo, nudoque ente, atque aliis Imperialibus Insignibus ornato, legitime sancitum est, adnitente Cæsare, terminum Eugenio sæpius prorogatum ad nonagesimum rursus diem differri. Ita tamen, ut nisi interea sub certis expressis conditionibus Concilio adhæserit, interdictam sibi omnem Pontificalem administrationem cognosceret, & alia omnia exequenda fore, quæ in Decreto duodecimæ Sessionis continentur.

XXXIV.

Pontifex tandem Concilio reconciliatur.

Eugenius interea assiduis Cæsaris persuasionibus pulsus cum Patribus in hanc sententiam venit: Basileenses omnia contra Eugenium, Apostolicam Sedem, Cardinales Romanæ Ecclesiæ, & Pontificis sectatores, acta revocarent, ejusque Præsidentes admitterent: Eugenius vero profiteretur Concilium Basileæ esse, & hætenus legitime fuisse, & omnia contra Concilium & Conciliares quoslibet Decreta, Statutaque, maxime contra non citatos, aut defensos legitime, pariter revocaret: Concilioque plene adhæreret.

XXXV.

XXXV.

SESSIO DECIMA QUINTA.

De Synodis celebrandis.

Decima quinta Sessio celebratur, qua legitime statuitur, Synodos Episcopales singulis annis per Diocesces fieri oportere post octavas Resurrectionis Domini, nisi alia temporis consuetudo sit: in quibus Clerus ad ministranda Sacra instruatur, emendetur Ecclesiastica disciplina, & populi mores, ut salutis fidelium consulatur: deliganturque testes Synodales, viri graves & boni, qui gesta Cleri & populi clam perquirentes ad Synodum futuram referant: simili modo Concilia Provincialia singulis trienniis saltem celebrentur, ubi Diocesani Episcopi de administratione Ecclesiarum, de sacris Ordinibus rite conferendis, de commitendis Beneficiis, & animarum cura idoneis ministris, deque symoniaca labe penitus effugienda moneantur: instruanturque precipue, ne novas opiniones, aut damnatas hæreses in suis Diocesibus serpere permittant. Et si Metropolitanus in aliquo emendandus esset, per Concilium in charitate moneatur; quod si non satisfecerit, de eo referatur ad Summum Pontificem, vel ad alium Superiorem, si quem habet. Episcopi vero, sive etiam Metropolitanus negligentes Synodum congregare, sive ad Synodum venire, media parte fructuum unius anni, ultra juris penas mulcentur, quæ in reparatione Ecclesiarum suarum per alios convertantur. Intendant precipue Episcopales & Provinciales Synodi ad componendas seditiones, inimicitias, & bella Provincialium, & vicinorum. Dum autem Concilium Generale sedet, huiusmodi Concilia non fiant.

XXXVI.

Legatio Pontificis pro Præsidentia Concilii.

Designaverat, ut diximus, Eugenius quatuor Cardinales Legatos Apostolicos ad Concilium. Hos rursus confirmat cum plena potestate Apostolicæ Sedis nomine in Concilio præsendendi; & omnia, quæ ad generalem reformationem, sive censuram

Tomus V. Concilior. German.

Ecclesiæ in capite & in membris, ad extirpationem hæresum, & ad pacem Christiani populi spectant, statuendi, & decernendi, deliberatione & approbatione sacri Concilii. Et quoniam Cardinales ipsi non poterant statim ad Concilium se conferre, ne res diutius differretur, eis subrogavit cum pari potestate Archi-Episcopum Tarentinum, Episcopum Paduanum, Abbatem sanctæ Justini, suos Oratores: quibus addidit Julianum Cardinalem Sancti Angeli, qui in Concilio tunc erat. Ingressi igitur Basileam Tarentinus, Paduanus, Abbas Sanctæ Justini, xii. Kalend. Februarii, anno salutis mccccxxiv. & benigne suscepti, ubi in publica Congregatione mandata Apostolica exposuerunt, literas, Apostolica Bulla signatas, Patribus reddidere. In his Eugenius Pontifex de consilio Sacri Senatus declarat, confirmatque Concilium Basileense pro emendatione, reformationeque Ecclesiæ in capite & in membris, pro extirpatione hæresum, proque Christianæ plebis reconciliatione, & pace legitime congregatum, a suo principio Canonice semper continuatum fuisse, omniaque ad ea, pro quibus convenerunt spectantia Decreta, & decernenda, rata firmaque esse oportere, perinde ac si nulla dissolutio facta esset. Quinimo dissolutionem ipsam abrogat, irritatque, & sacro Basileensi Concilio pure & simpliciter adhæret; pollicetur deinceps Concilio in omnibus futurum; literas omnes, & omnia contra Concilium, Conciliaresve, Decreta, statuta revocat, & annullat. Processus, censuras, & multas quaslibet contra quemlibet ex Conciliaribus non legitime citatis, aut non legitime defensis, & præsertim contra Cardinales de Cypro, Sancti Sixti, & Firmanum latus instrictasque, irritas, & nullas esse decernit, omniaque in pristinum statum restituit.

XXXVII.

SESSIO DECIMA SEXTA.

Declaratur Eugenius plene adhæsisse Concilio.

Fit igitur XVI. publica Sessio, in qua peractis ex more sacris, decernitur Eugenium Pontificem integre mandatis

I i i i

Con-

Concilii paruisse, ac publice, & simpliciter adhæsisse.

XXXVIII.

SESSIO DECIMA SEPTIMA.

Legati Eugenii decernuntur Præsidentes Concilii cum quibusdam legibus.

Ad VI. Kalend. Majas in publica Sessione XVII. statuit Sancta Synodus Nicolaum Sanctæ Crucis Presbyterum, Julianum Sancti Angeli Diaconum, Sanctæ Romanæ Ecclesiæ Cardinales, Joannem Tarentinum, Petrum Paduanum Præsules, & Ludovicum Abbatem Sanctæ Justinae, Apostolicos Legatos, tantum ad Præsidentiam Concilii Apostolicæ Sedis nomine esse admittendos: hac tamen lege, ut nullam jurisdictionem coactivam haberent, atque omnia in procedendo per Concilium statuto, consuetoque a Patribus ordine servarentur. Tum Decretum est, nullam publicam congregationem extra ordinem fieri oportere, cum singulis sextis feriis ordinaria sit habenda; si autem ingruerit necessitas aliter faciendi, prius per tres Conventus statuatur; & tum ex illorum Decreto Præsidentes Concilii Generalem Conventum indicent. Quod si neglexerint, alter e Promotoribus Concilii, vel unus ex Deputatis id agat, Conventum indictum non legitime (ut dictum est) nemini licere adire. Idem servare oportere in publica Sessione; meditata, deliberataque in publica congregatione mox per primum ex Præsidentibus approbanda, statuendaque, etiam si alii Collegæ absint. Quod si forte recuserit, alius de Collegis statuat: & si nullus ex Præsidentibus id agere voluerit, sive ad Conventum non venerit, primus e Prælati illo die Præsidentis officio fungatur. Gesta insuper omnia statutaque per Synodum, Sacri Concilii Bulla signanda decernendaque Concilii Basileensis nomine.

XXXIX.

SESSIO DECIMA OCTAVA.

Duo Decreta Constantiensis Concilii innovantur.

Neque multo post ad III. scilicet Kalend. Julii in XVIII. publica Sessione duo Constantiensis Concilii Decreta renovata sunt: Concilium scilicet Generale immediate potestatem habere a Christo, cui quilibet obedire teneatur, etiam si sit Romanus Pontifex, in his præsertim, quæ ad fidem pertinent, ad emendationem Ecclesiæ, & ad Christianorum pacem: Alterum non parentes Concilio, puniendos esse, etiam si sit Romanus Pontifex.

XL.

Conventio Græcorum Legatorum cum Basileensibus pro unione.

Venerant Basileam Legati Græcorum, Johannis Palæologi Imperatoris, & Josephi Patriarchæ Constantinopolitani, Demetrius Palæologus, Isidorus Abbas Sancti Demetrii, & Johannes Diffipatus (*) auctori cum Patribus de ordine & modo concordandi in Sacro Generali Concilio cum Latinis. Et tandem post multa in hanc sententiam convenerunt: Quoniam Græci assererent, Basileam se commode non posse accedere, placere, ut Patres locum aliquem deligant pro Concilio celebrando, in Calabria, sive Anconam in Piceno, sive aliam quampiam urbem Maritimam Italiæ, aut etiam Meditteraneam, ut Mediolanum, Bononiam, & aliam quam velint: extra Italiam vero Budam in Hungaria, & Viennam in Austria, & etiam, si malint, in Sabaudiam. Venturos ad illud Concilium Imperatorem, & Patriarcham Constantinopolitanum cum aliis Patriarchis, & Prælati Græcis, cum Legatis Principum Christianorum Orientalis Ecclesiæ: Legatos Concilium mittendos Constantinopolim cum aureis nummis octo millibus; quibus Prælati Orientales constanter deducantur; mittendas etiam triremes quatuor;

(*) pro Dishypatus.

tuor ; duas quidem cum ecc. Militibus, quæ Portum Byzantii servant ; & duas grandiores , quibus Græci deducantur in Italiam : duas item alias majores apud Constantinopolim deducendas pro vectura Græcorum : aureos deinde quindecim mille Imperatori dandos, quibus sibi suisque omnibus Græcis usque ad numerum septingentorum victum parer usque ad portum ultimum Italiæ. Quamdiu autem Græci in continenti fuerint, sive in Concilio, sive in itinere, victum honestum a Concilio habeant: Legati Concilii quamprimum Constantinopolim cum trirēibus petant, pecunias præscriptas deferant : & præterea auri millia decem, quibus conducantur Milites pro præsidio urbis in absentia Imperatoris: Milites & terrestres, & Classarii in verba Imperatoris jurent : Legati quamprimum appulerint, portum, quo sint Græci applicaturi, & locum Concilii nominent ; curent tamen, si possunt illis persuadere, ut veniant Basileam ; Interea Patres Basileæ in Concilio perseverabunt ; quoad Græci in Italiam venerint : & intra mensem , postquam illi appulerint, locum dictum pro Concilio petent. Hæc omnia Synodus legitime statuatur, & Bulla signetur. Item confirmet suis literis summus Pontifex , quæ ubi per Oratores Græcos cum plena potestate accepta fuerunt, Sancta Synodus omnia sancivit in publica xix. Sessione, septimo Idus Septembris mcccxxxiv.

XLI.

SESSIO DECIMA NONA.

Firmantur Conventa cum Græcis.

In eadem Sessione statuit Sancta Synodus in re Judæorum & Neophytorum hujusmodi Decreta : Ecclesiarum Prælatos per suas Dioceses, ac Provincias sacrarum literarum Doctores instituere oportere, qui certis diebus singulis annis publice non tantum nostræ religionis hominibus, infidelibus etiam cujuscunque sectæ, qui inter Christianos habitant, fidem Christianam explicant, errores illorum aperiant, & argumenta confirmant, cum omni modestia & charitate : ipsos infideles utriusque sexus sub interdictione consortii, commerciique Christia-

norum cogendos, ut ad conciones hujusmodi veniant. Instituendos præterea, secundum Viennensis Concilii Decreta, in publicis Gymnasiis quatuor linguarum Doctores, Græcæ scilicet, Hebraicæ, Arabicæ, & Chaldææ, ut facilius harum linguarum infideles populi ad rectam fidem converti possint. Nulli infidelium licere servitiis Christianorum uti ; neque licere Christianis infidelium celebratibus, conviviis, balneis interesse, aut eis ætius quoquo modo conversari : non esse utendum eorum opera in medicinis, in contractibus, in mercimoniis, aut alia quavis causa: Magistratibus autem, aut publicis officiis nullo modo præficiendos : sacram suppellectilem, vasa, libros, vestes, & alia hujusmodi, sive etiam fundos, aut alia Ecclesiarum bona pignori non accipiant, neque emant; quod si fecerint, rem & pecuniam perdant. Habitum utique deferant præcipuum, & a Christianorum habitu omnino differentem : coganturque in urbibus & oppidis gregatim simulque inter se habitare, & procul ab Ecclesiis, ut minus commercii cum Christianis illis sit. Si qui ad fidem Christi convertantur, fortunas suas omnes, ut prius, possideant. Quod si ex usuris, illicitoque quæstu comparatae sunt, si supersint, notique sunt, quibus ablatae fuerunt, illis restituantur; sin autem inveniri non possunt, quoniam ad pios usus sunt convertendæ, decernit Sancta piissimum esse, fidelibus conversis eas elargiri, vetantque illos super his quempiam vexari. Ecclesiarum autem Præsules, aliosque ditiores quoslibet hortatur, monetque Sancta Synodus, ut pauperes conversos juvent, alant, & ab omni injuria tueantur : statuque, ut illius civitatis cives censeantur, ubi per Baptismum sunt regenerati : instruendos præterea esse hujusmodi conversos in fide orthodoxa per Sacerdotes, & illos, qui a sacro Fonte levarunt : neque permitendum, ut cum infidelibus conversentur. Matrimonia ab illis ineunda esse cum antiquis Christianis : neque indulgendum, ut novitii multum inter se commercii habeant: ne forte mutua familiaritate in errores labantur antiquos : cogendosque omnino ritus, & observationes antiquæ legis dimittere, & Catholicos nostros complecti: transfugas, de-

lectores, sive apostatas acriter puniendos, & eorum protectores mulcendos, ut hæresum fautores.

XLII.

Tractatus de unione Græcorum.

Et quoniam de Græcorum cum Latinis conventionem agendum est, id altius aliquantulum reperamus. A Martino quinto Romæ Ecclesiæ Præsidenti agceptum de unione Orientalis Ecclesiæ cum Latina, & jam per Oratores utrimque missos devenitum erat ad quasdam conditiones, quibus mediantibus Imperator & Patriarcha Constantinopolitani, cum Patriarcha Armenorum, Imperatore Trapezuntiorum, & aliis Prælati, ac Legatis Principum Ecclesiæ Orientalis utque ad numerum septingentorum hominum ad Generale Concilium in Italiam unionis causâ celebrandum, adnavigare promiserant. Martino interea e vita subtracto, cum ei Eugenius successisset, qui Cardinalis huic negotio intentus admodum videbatur, hujusmodi tractatus a Græcis instauratus est. Venerunt igitur Romam a principio Pontificatus Eugenii Græcorum Legati, qui post multas disceptationes de commodiori modo unionis perficiendæ, tandem præsentem etiam Sigismundo Cæsare, & probante, cum Eugenio conveniunt; mittendos esse a Sede Apostolica Legatos cum multitudine congrua Doctorem, qui Constantinopolim Orientales omnes convocarent, ibique de unione agerent in Generali Concilio Apostolicæ Sedis nomine. Quæ cum Orientalibus renuntiata essent, & omnibus admodum placerent, Johannes tum Palæologus Imperator, & Joseph Patriarcha Constantinopolitanus legationibus Basileensium provocati, suos illuc Oratores miserunt: qui tandem cum Patribus legibus, quas supra narravimus, convenire: Basileenses vero, ut præscriptum erat, ad Eugenium pro confirmatione Conventorum miserunt; qui rei novitate non parum commotus, quamvis alteram sententiam commodiorem, utilioremque putaret; tamen, ut Basileenses non perturbaret, rem confirmavit. Posthæc Legati, quos prius Eugenius miserat in Græciam,

Romam revertuntur, referunt placere Orientali Ecclesiæ, ut Latini Constantinopolim mittantur secundum sententiam Pontificis: orareque, ut illa sententia firmeretur, resque quamprimum executioni mandetur. Respondet Pontifex, tam diversas eorundem sententias se non parum mirari, alios jam Legatos Basileam petiisse, convenisseque cum Patribus de modo veniendi ad Concilium cum Latinis; seque pro pace & quiete Ecclesiæ conventiones eas confirmasse; quamquam prior sententia sibi potior videretur. Proinde si ipsis etiam magis placeret, Basileam peterent, & eam Patribus suadere conarentur. Iverunt Basileam Græci, sed Patres a sententia dimovere nullo pacto valuerunt. Pontifex autem, ne sententiarum variatio sibi posset adscribi, Legatos suos Constantinopolim misit, omnia, ut gesta erant, narraturos, polliciturosque, Pontificem cum universâ Romana Curia Concilium petiturum, si in ea Italiæ parte fieri contingat, quo commode possit se transferre. At Græcorum Legati sententiam a Pontifice approbatam suscipientes, Patres otabant, ut locum eligerent Græcis & Pontifici accommodatum; cum putarent, sine præsentia Pontificis Romani nihil omnino firmi de unione transigi posse. Redierunt inter hæc & Legati, quos Concilium miserat Constantinopolim, & sæpius hinc inde missæ sunt legationes: nihilque magis cupere videbantur Græci, quam cum Latinis convenire: rogabantque maxima instantia, ut quamprimum conventa executioni mandarentur. Nec multo post quemdam e suis Basileam miserunt Græcorum nomine, asserentem Orientalis Ecclesiæ Prælatos, Principesque omnes præsto esse ad statutam diem Italiam petere ad generale Concilium. Proinde se missum esse, ut Basileenses hortaretur, moneretque conventa quamprimum adimplerent: cognosceret, an locus pro Concilio designandus esset ex nominatis, & commodus Summo Pontifici: sine cujus præsentia Græci non putarent aliquid boni agi posse. Demum ut videret, an triremes, quibus Græci essent advehendi, satis solidæ ac firmæ essent: verum audire sese a nonnullis susurrari, Patres statuisse, Avenionem pro futuro Concilio deli-

deligere : mirari se horum sententiam , qui tam aperte a conventis discedere cogitent : non laturus ista Græcos æquo animo , neque ullo pacto e Græcia discessuros, nisi prius noverint locum unum ex nominatis, in conventibus, esse delictum. Proinde orare, ut conventa fervent; quod si non fecerint aperte Orientalium nomine protestari, per illos non stare, quin pacta non ferventur, ut unio fiat; sed per Basileenses, qui a conventis discedant. Verum cum videret, Patres statuisse omnino se Avenionem eligere , iterum palam protestatus est, græcos Avenionem nequaquam venturos; se vero iterum ad Pontificem , & eadem apud eum testaturum, & omnibus demonstraturum, per Græcos non stare, quin fiat unio. Tamen Patres, quamvis multa ultro citroque acta, dictaque essent, Avenionem pro Concilio, in quo Græci cum Latinis convenirent , publico Decreto delegerunt. Quod neque Romanus Pontifex, neque Græcorum Legati susceperunt: afferentes Avenionem in conventionibus non comprehendi, neque Græcis esse opportunam, cum per multa maria & maximos sinus sit illuc e Græcia eundum. Habere se domi continuos hostes potentissimos Turcas : neque posse longius abesse sine præfenti & magno periculo : servandas esse conventiones publico Patrum Decreto jam pridem initas; & Græcos ad locum tam remotum nullo modo venturos. Eugenium vero Pontificem propter adversam valetudinem, propter res novas, & periculum Provinciarum Ecclesiæ, Italia excedere minime posse; Florentiam Etruriæ urbem pro Concilio cupere sibi, ut Græcis accommodam, & Imperator quidem Constantinopolitanus suis literis aurea Bulla signatis promisit, & juravit, se omnino cum Patriarcha , & ad Concilium venturum, soluturumque e patria ante Kalend. Junias anni salutis trigesimi sexti supra mille & quadringentos, si Basileenses perfecerint omnia, quæ cum suis Legatis convenerant. Cæsar vero omni studio hortari Patres, ne ante Basilea discederent, quam Ecclesiæ reformationem, & Bohemorum reconciliationem absolvent : sperare se, & Pontifici, & Græcis posse persuadere, ut Basileam ad Concilium petant. Eugenius autem Pontifex his auditis Legatos suos

de latere Nicolaum Sanctæ Crucis, & Joannem Sancti Petri ad Vincula cum plena potestate ad Concilium misit, ut locus pro futuro Concilio communi omnium consensu eligeretur : qui summa diligentia, & multis rationibus hortati sunt Patres ad servandas conventiones cum Græcis initas. Cogitaverant Basileenses indulgentias certo modo publicare his, qui pecunias contribuissent, pro conducendis Græcis, petebantque, ut Pontifex confirmaret. Legati ad hæc respondebant, Pontifici non videri reipublicæ expedire has indulgentiarum elargitiones, quæ contemptum inducerent, & necessitati non satisfacerent: quod paulo ante in aliis rebus perspicuum fuerat: tamen si Patribus ita videretur, concessurum se indulgentias ritu & more Romanæ Ecclesiæ. Verum si convenire cum Pontifice vellent de loco Concilii, offerre Pontificem aureorum sexaginta millia pro conducendis Græcis, quantam summam indulgentiæ nunquam conficerent. Julianus autem Cardinalis Sancti Angeli post hæc, qui Apostolicæ Sedis nomine Concilio præsidebat, cum quædam alia tractari contra Romanam Ecclesiam cognosceret, publice in Generali Conventu Patres obsecravit, atque obtestatus est, ne quid amplius statuere, deliberareque velint, quod ad Romanam Ecclesiam, Summum Pontificem, ejusque privilegia, auctoritatem, Majestatemque; aut Sacrum Senatum spectaret, nisi prius ipse audiretur. Cum in Sacra Constantinopolitana Synodo cautum sit, si qua controversia in Conciliis Generalibus de Romana Ecclesia oriatur, oportere cum omni reverentia super ea re sciscitari Romanum Pontificem, ejusque solutionem suscipere: proinde si quid contra agatur, protestari se nullo pacto ei rei consenturum.

XLIII.

SESSIO VIGESIMA,

In qua multa decreta sunt.

Ad XI. Kalend. Februarii anni salutis MCCCCXXXV. vigesima Sessio publice celebratur. In qua solemniter statuatur: nemini ex Clero, cujuscunque status,

tus, ordinis, dignitatisve sit, quoquomodo licere, publice concubinas tenere; publicos concubinariorum post duos menses ab hujus Decreti constitutione, si perseveraverint in scelere, omnium Beneficiorum suorum fructibus per tres menses privandos: quorum pretium in instauratione, ornatuque Beneficiorum noxii exponantur: & nisi moniti deinde a suis Præsulibus e vestigio concubinas denuo ejecerint, sive aliam quoquomodo superinduxerint, omnibus Beneficiis, dignitatibus, & honoribus privandos, neque ultra ad ea admittendos, nisi post manifestam vitæ morumque emendationem. Quod si rursus redierint ad vomitum, perpetuo fore inhabiles ad quæque munera Ecclesiastica. Præsules autem, minoresve dignitates, qui hujusmodi noxios ex officio punire neglexerint, a majoribus Antistitibus, Archi-Episcopis, Patriarchis, sive a Conciliis Provincialibus, Synodalibusve, acriter puniendos. Publicos vero concubinariorum non solum illos censendos esse, quorum scelus per sententiam, aut confessionem in Judicio factam, seu per rei evidentiam, quæ nulla potest tergiversatione celari, manifestum est; sed omnes etiam, qui mulierem de incontinentia suspectam, infamatam domi habent, & moniti per Superiorem non statim dimittunt. Præsides autem, qui per sordes spe quæstus concubinariorum hujusmodi punire negligunt, ultra alias poenas negligentibus infligendas, duplum ejus, quod acceperint, ad pios usus exsolvere cogantur: concubinas vero ipsas, nisi sponte a Clericis discesserint, per auxilium etiam brachii sæcularis, si opus sit, expellendas: neque permittendum filios ex hujusmodi concubinato procreatos apud parentes enutrir. Hunc Canonem jussit Sancta Synodus ubique per Ecclesiarum Prælatos publicari: hortataque est Christiani nominis omnes homines, cujuscunque sint dignitatis, a concubinato tanquam a capitali peccato abstinere. Declaratum præterea atque sancitum est in eadem Sessione; neminem a communione alicujus in quibusvis Sacris abstinere oportere, nisi excommunicatio, suspensio, interdictio, seu quævis alia censura in hominem, Collegium, Universitatem, seu locum certum & expref-

sum sint lata: aut si aliquem ita manifeste in excommunicationis sententiam incidisse constiterit, quod nulla se possit justa excusatione tueri: & ne Sacris interdici vulgo omnibus liceat, quod sæpius & sine urgenti causa fieri contingit; statuit Sancta Synodus, nemini omnino licere, civitatibus, oppidis, villis, aut quibusvis locis Sacra interdici, illave quovis modo Ecclesiastico interdicto supponere, nisi ex culpa ipsorum locorum, aut Principis, Domini, Magistratusve ipsorum. Ob culpam autem, aut causam privati hominis, Sacra nullo modo interdiciantur: nisi forte Magistratus quempiam excommunicatum requisiti infra biduum a Fidelium consortio non ejecerint, quo reiecto Sacra resumantur. Nemini etiam licere decrevit super eodem gravamine, aut eadem interlocutoria, vim definitivam non habente, secundo appellare. Appellantes vero a definitiva, frivole vel injuste, ultra condemnationem expensarum, & damnorum, & interesse, aureis XV. esse mulctandos, qui adversario cedant.

XLIV.

Controversia de tollendis Annatis.

Actum est deinde diu, & acriter inter Patres disputatum, de tollenda consuetudine solutionis annatarum Cameræ Apostolicæ. Ita enim appellant medios fructus unius anni, quos pro novis Beneficiis acceptis Pontificis ærario inferunt. Et tandem cum inter quatuor Collegia jam convenissent, statuissetque, Decretum legitime sancendum, Archi-Episcopus Tarentinus, & Episcopus Paduanus, Legati Apostolici, Pontificis nomine protestati sunt: rem iniquam esse inaudito Pontifice tantum præjudicii, tantum detrimenti Romanæ Ecclesiæ inferri, & annatarum, & minorum solutiones jam pridem a Romanis Pontificibus introductas, ab universo Clero susceptas, a pluribus generalibus Synodis non violatas, injuste nunc auferri. His non modo Pontificem ali, sed & sacrum Senatum, ac Romanæ Curie Ministros fere omnes. Quod si tollantur, dignitatem Pontificiam sine viribus ruituram; Curiales omnes Pontificem relicturos.

Unde

Unde præterea Legationes per universum Orbem Christianum ob utilitatem Reipublicæ crebro mittendæ sustentantur? Unde ejectionis suis sedibus Principibus, aut Prælatibus subvenitur? Unde hæreticis, & aliis hostibus fidei obsistitur? Non tanti esse Romanæ Ecclesiæ patrimonium, atque provincias, ut a Tyrannis suis sumptibus defendi possint. Superfedendum igitur ab hoc Decreto, aut prius cum consensu Pontificis indemnitati Ecclesiæ Romanæ consulendum, Hanc Legatorum Decretum complures probi viri Ecclesiarum Prælati laudarunt: sed Patres asserentes necessitati Ecclesiæ Romanæ opportune se consulturos, postquam Decretum sancitum, susceptumque esset pari consensu, Juliano Cardinali Sancti Angeli, uno ex Legatis concludente, decretum sancendum statuunt: aliis Legatis cum suis frustra reclamando.

XLV.

SESSIO VIGESIMA
PRIMA.

Nemini licere, quidquam pro collatione Beneficiorum accipere.

In publica igitur vigesima prima Sessione, quæ habita est illi Idus Junii ejusdem anni solemniter ritu Patres in hanc sententiam Decretum sanciverunt: nemini omnino licere, neque in Curia Romana, neque alibi usquam, pro confirmatione electionum, postulationum, admissionum, præsentationum, provisionum, collatione, seu quavis concessione, aut dispositione quarumcunque Ecclesiarum Cathedralium, Monasteriorum, dignitatum, seu cujusvis Ecclesiastici beneficii, aut officii, ordinis, sacræ Benedictionis, aut Pallii, imposterum quidquam penitus antea vel post exigere ratione litterarum, vel sigilli, annatarum, communium, & munitorum servitiorum; primorum fructuum, aut sub quocunque alio nomine, prætextu cujusvis consuetudinis, privilegii, aut statuti, quovis qualico colore: Scriptoribus tantum, Abbreviatoribus, & Registratoribus pro ipsorum labore congrue satisfacto. Hujus sacri Canonis transgressores, eadem poena plectendos, qua Simoniaci

puniuntur; ut Sacerdotiis, dignitatibusque hac via acquisitis omnino careant. Promissiones autem sub quibusvis censuris & juramentis pro hujusmodi solutionibus factas, nullas esse, atque irritas. Quod si Romanus Pontifex hujus sacræ legis prævaricator fuerit, Concilio deferatur; reliqui per Superiores digna poena plectantur. Ecclesiasticorum Beneficiorum quorumcunque non violentos possessores, qui cum titulo colorato per triennium pacifice possederunt, a nemine perturbari posse, etiam ratione juris noviter impetrati; nisi forte quispiam legitimo casu impeditus, jure suo prius uti non potuerit: quod juxta (*) biennium Concilii Sanctionem prius, quibus potest, significare oportet, & pro viribus de jure suo experiri. Præsules diligenter perquirere oportere, an quispiam sine titulo Sacerdotia obtineat: eos abjiciendos, seu, si utiles videbuntur, & sine dolo factum sit, nova collatione confirmari poterunt. Et ut Divinæ, sacræque ceremoniæ agantur rite sancteque, statuit sancta Synodus in laudibus Divinis hæc servari: Sacerdotum Collegia in Templis suis, statutis, consuetisque horis, post data signa convenire oportere: Divinas laudes canere, voce, gestu, prolationeque concedenti: ut distincte proferentes intelligi facile possint. Ita tamen, ut differentia sit inter solemne Officium & feriale. Dum sacra fiunt, dicunturque, talari tunica utantur Sacerdotes, & super eam lineam vestem, quam superpelliceum vocant, sive habitus ad sacrum ministerium pro Ecclesiarum consuetudine deputatos habeant; capitiis in Ecclesia non utantur, sed almutiis aut birretis. In choro quisque loco suo sedens, aut stans gravitatem servet. Laudes Deo cum aliis modeste canat, cum Gloria Patri in fine Psalmorum dicitur, reverenter assurgat, genu flectatque; cum Jesu Salvatoris nostri nomen recitatur. Inter Psalmendum alias res non agat, non risui, confabulationi; indulgeat; privatas litteras non legat; sed neque privatas laudes psallat in choro. Assistat denique sacris non solum corpore, sed & mente, atque animo toto. Transgressores a Prælatibus suis debite puniantur. Non venientes autem statutis terminis ad sacras laudes, aut ante finem sine legitima causa, ac non impetrata dispensatione, per-

(*) Forte: intra biennium juxta Concilii Sanctionem.

perinde haberi, ac si non venissent. Distributiones autem, quas quotidianas appellant, pro labore ac assiduitate venientium, & in Ecclesia servientium, esse erogandas, etiam ex portione majori, quam dicunt massam, sive fructus grossos: constitutione illarum Ecclesiarum prorsus damnata, in quibus una hora servientes integram totius diei portionem accipiunt. Initiati Sacris, quive Beneficia sacra obinent, cum obnoxii sint, ubicumque degant, Divinas laudes quotidie Deo recitare, si in Divinis cum multitudine & choro non interfunt, laudes Divinas, nocturnasque soli, sive cum socio devote, distincteque ac integre persolvant: non verba degluciantur, truncentur. Non inter orandum aliis confabulationibus, sive actionibus quibuslibet se immisceant: sed tanquam cum Deo loquentes, loco convenienti, ore pariter ac mente orent. Dum Divina aguntur, si quis Sacerdotum illis relictis, per Ecclesiam, seu forum deambulet, seu ad alia negotia divertat, distributione integra totius diei mulctetur; si monitus id iterum egerit, menstrua distributione careat: si vero pertinaciter perseveraverit, mulctetur graviore poena; propellanturque tumultus omnes ab Ecclesia, dum sacra fiunt. Tabula in loco publico affidue affigatur, in qua per hebdomadas descriptum sit, quid quemque in sacris operari oporteat; negligens in suo munere integra distributione mulctetur. Illarum Ecclesiarum abusus, in quibus in sacrificio sollemnis Missæ symbolum fidei, præfatio, sive Oratio Dominica inchoata cantilena non perficiuntur, aut omnino sine cantu dicuntur, damnavit, atque abolevit: Vetuitque inter Missarum sollemnia cantilenas vulgari sermone conditas cantari; & in privatis Missis iussit omnia pronunciari alta, & intelligibili voce, præter ea, quæ secreta nuncupantur. Prohibuit etiam sub graviore censura, ne cui liceret Divinum cultum pignori opponere. Consuevere namque nonnulla Canonicorum Collegia propter æs alienum se obligare, ut nisi statuto tempore satisfacere, Divina exercere non possent. Huiusmodi obligationem, etiam cum iuramento, irritam Synodus decrevit, & prævaricatores trium mensium fructibus privavit, qui in Ecclesiæ

reparationem converti debent. Vetuit etiam, ne dum Missarum sollemnia peraguntur, celebrentur a Canonicis Capitula, aut aliqui actus Capitulares, nisi urgente necessitate: transgressores ejus diei distributione privandos. Demum graviore poena sancivit, nemini licere, quod multis in locis frequentabatur, scenas, jocos, fabulas, representationes, larvas, seu aliquas fictiones Episcoporum, Regum, Principum, & similia in Ecclesiis, aut earum Cæmeteriis quocumodo celebrare: aut permittere in his locis mercaturas, negotiationes, sive nundinas fieri: locorum Præsules sub censuris Ecclesiasticis hæc puniant.

XLVI.

Legatio Eugenii ad Concilium de multis rebus.

Hæc igitur sancita sunt ad III., ut diximus, Idus Junii, anni trigésimi quinti supra mille & quadringentos: quo tempore Eugenius Pontifex Florentiæ agens Concilii Legatos de pluribus rebus, & maxime de observandis Decretis suscepit. Remisitque ad Concilium suos Legatos, per quos in hanc sententiam respondit: Eugenium Pontificem, Græcorum reductionem, ad quam eum hortarentur, ardentissime semper desiderasse, & multum in ea re defudasse Constantiæ, & etiam Romæ, dum in minoribus esset, vivente Martino Pontifice. Postquam vero ad Apostolatum pervenisset, multos scire, quæ egerit ad hanc rem navandam. Nunc vehementer lætari, quod Concilio res facilis videatur, cum plerique a principio rem a Pontifice propositam, antiquam siliasteriam, & cantilenam appellarent. Quod autem de indulgentiis concedendis pecuniarum gratia pro Græcorum reductione petitur, Pontifici non videri expediens, aut utile Reipublicæ; tum ne videantur lucri causa concedi; tum, quia, si indulgentiæ jam concessæ suspendantur, Insulas Cypri & Rhodi fortissima Christianorum propugnacula, in discrimine necessario remansuras. Et si promulgatis indulgentiis Græci aliquo forte casu impediti ad Concilium non venerint, omnes Concilium & Papam damnaturos, tamquam

quam subtili ingenio pecunias a Fidelibus extorqueant. Exspectandam prius certitudinem de adventu Græcorum; & tum datarum operam Eugenium cum Concilio per indulgentias, aut alias commodiores vias, ut pecuniæ inveniantur. Pontificem tum missurum ad Concilium viros sacrarum litterarum scientia claros, qui cum Græcis possint disserere: & etiam, si detur, ut in loco congruo sibi Concilium celebretur, venturum Pontificem cum universa Romana Curia. Interim vero deputaturum aliquos, qui in ejus rei disputatione assiduo se exercent. Quoad observantiam vero Decretorum Concilii, Eugenium Pontificem respondere, se Concilii Decreta semper suscepisse, & observasse. Si vero in quibusdam privatis rebus aliter aliquando sit factum, id ex causa esse factum: non propterea non observata Decreta dici debere. Causas autem in Curiam Romanam non suscipere perturbationis, aut scandali alicujus gratia. Sed cum consueverit semper Apostolica Sedes ministrare omnibus justitiam petentibus, non posse id exigentes rejicere. Curaturum tamen Romanum Pontificem, ut lites, quam brevius fieri poterit, excidantur. Sed mirari complures, quod Concilium pro maximis (ut ajunt,) congregatum, ita indistincte rebus privatis incumbat, causasque etiam minimas admittat; & aliquando, quæ in Curia Romana agitantur, ad se attrahat, non sine partis alterius damno. Dictum autem contra Scriptores, & Abbreviatores emanatum, non illos comprehendere, qui tunc in Concilio erant, sed contra discessuros: propterea non esse contra Concilium. Quantum autem attinet ad Decretum annatarum non parum mirari Pontificem, & Curiales omnes, tantam rem cum tanto Romanæ Ecclesiæ, & totius Curie præjudicio & damno Patres tractavisse, & tam repente irrequisitis partibus statuisse; cum præsertim earum usus ab antiquis & sanctis Patribus inventus, per longa tempora ab omnibus sit observatus. Considerandum prius fuisse, unde Romanus Pontifex oneri reipublicæ posset satisfacere; unde Prælati ejusdem subvenire; unde Legationes per universum Christianorum Orbem mittere; unde denique alerentur Curiales, si anna-

tarum, & minorum servitorum usus tolleretur. Et statuendum prius modum, per quem his necessitatibus subveniretur, Pontificem non spereturum annatarum abolitionem.

XLVII.

Literæ Græcorum pro loco Concilii.

Dum hæc aguntur, literæ ab Imperatore, & Patriarcha Constantinopolitano mittuntur, rogantes, Concilium pro unione decerni in loco littorali, sibi & Pontifici accommodato.

XLVIII.

Monetur Eugenius, ut revocet, quæ contra Concilii Decreta fecerat.

Interim Basilicæ multæ sunt quarummoniz, Eugenium Pontificem Decreta Concilii non servare. Conveniunt igitur singulatim quatuor deputationes, & tandem statuunt, monendum esse Eugenium, ut revocet omnia, quæ contra Decreta Concilii, & maxime spectantia ad Generalem Reformationem in capite & membris quoquomodo attentasset, intra certum tempus, & præsertim in causa Grassensi: alioquin Patres daturus operam secundum Decreta Concilii, ne quid interea detrimenti respublica patiatur. Hæc antequam publico Decreto sancirentur, Tarentinus & Paduanus Præsules, Apostolicæ Sedis nomine in Concilio præsidentes, multis rationibus intercedere & prohibere conati sunt, asserentes, nihil a Pontifice contra Decreta Concilii innovatum. Quod si aliquid particulariter sit factum, licuisse Pontifici, ex causa dispensare, neque propterea censendum, actum esse contra Decreta. Nunc vero tam aperte insurgentibus Patribus contra Pontificem, nihil aliud esse, quam schisma introducere: inventurum enim Pontificem viam, qua se suosque tueatur: & si (*) Concilium, quod propter unionem Bohemorum, & reformationem morum coactum dicunt, causam futuram dissidii ac scandali. Ita ut neque Græci, neque Bohemi, ab his, qui inter se discordias nutriunt, unionem possint sperare. Orare igitur, atque ob-

K k k k k

secre-

Thomas V. Concilior. German.

(*) forte: sic

secrere, ut deputationum deliberata non suscipiant: abstineantque omnino ab injuriis Decretis, & Romanam Sedem, Christianorum Caput, non impugnent. Quod si quid cupiant ab Eugenio, mitant Oratores, impetraturos procul dubio quidquid honeste petierint: sin autem in sententiam deputationum descendere eis omnino esset animus, Apostolicæ Sedis nomine prohibere, ne id fiat, publiceque protestari, & contradicere: seque cum suis nullo modo ei Decreto consentire.

XLIX.

Excommunicantur Veneti propter Aquilejæ Principatum.

Agitata est inter hoc tempus causa inter rempublicam Venetorum, & Ludovicum Patriarcham Aquilejensem super principatum Aquilejensem, quem Veneti jam pridem occupant. Et tandem lata est sententia contra Venetos ad ix. Kalendas Januarii mccccxxxv., in qua Dux, Consiliarii, Procuratores, Advocati, Communitas, Nobiles, loca tenentes, & alii Venetorum obnoxii, declarantur excommunicationis, Anathematis, & interdicti sententias incurrisse: neque prius absolvi, aut reconciliari Ecclesiæ debere, quam civitates, oppida, terras, villas, & loca omnia pleno jure Patriarchæ Aquilejensi restituisent integre & pacifice.

L.

SESSIO VIGESIMA
SECUNDA.

*Damnatur libellus Augustini,
Episcopi Nazareni.*

Et circa idem tempus cujusdam Augustini Romani Episcopi Nazareni libellum, qui de Sacramento unitatis Christi, & Ecclesiæ suæ, ac de Christo integro intitulatur, cum pluribus aliis tractatibus, Sancta Synodus damnavit, ac reprobavit, tanquam falsam & hæreticam doctrinam continentem, in publica Sessione celebrata Idibus Octobris mccccxxxv.

LI.

SESSIO VIGESIMA
TERTIA.

In qua multa decernuntur.

Celebrata est post hæc XXIII. Sessio publice: in qua circa electionem Pontificis Romani, & ejus administrationem, hæc legitime sunt decreta IX. Kalendas Aprilis mccccxxxvi. Cum Apostolica Sedes vacare contigerit, S. R. E. Cardinales, qui præsentés sunt in loco, ubi electio est celebranda, decima die, postquam Sedes vacaverit, in sacellum aliquod Conclavi proximum simul conveniant. Tum præeunte Cruce, Sancti Spiritus inspirationem exorantes, præcipientibus Cantoribus Hymnum: *Veni Creator Spiritus*, locum conclavis petant. Intrent locum ipsum Cardinales, duobus tantum Ministris quilibet sociatus; aderunt, & duo Clerici cærimoniarum, quorum alter sit Notarius. Camerarius primum, & post, scrutetur locum, videarique, ut omnia bene sint clausa: undique scrutetur & Cardinalium cubacula, nihilque omnino quod elui, potuive sit, nisi medicinalia, dimittat. Exiens deinde singulis portis custodias fideles diligentesque statuatur. Cibos Cardinalium, cum ad eos deferuntur, intro aspiciat, neque admittat, nisi quæ ad modestiam sunt. Sequenti die re Divina peracta cuncti Cardinales sacram Eucharistiam communicabunt. Tum tactis sacris Evangelii Deum attestantes, sub jurjurandi religione promittant, se nullum in Romanum Pontificem electuros, nisi quem utilem, & tanto munere dignum putabunt: neque ullo pacto in illum consensuros, qui prece, premio, seu minis, per se, vel per alium Pontificatum ambierit. In scedula, qua Cardinalium vota exarantur, ultra tres Cardinales non ponantur; si quis autem quartum addere voluerit, extra Collegium aliquem nominet. Eodem die nunquam nisi semel scrutinium fiat. Post Missam lectis scedulis, nisi duæ Collegii partes in unum quempiam convenerint, comburantur scedulæ: nec prius ad quempiam accessus fiat, quam sexies scrutinium sit legitime tentatum. Interim cogitent Cardinales, quantam rem tractent; & ita agant, ne Dei indignationem, & mortalium accusatio-

fationem incurrant. Electus in Pontificem Romanum Canonice per Collegium, si est intus, sive per aliquem Cardinalium, si est extra Conclave, coram Notario, & decem testibus requiratur, ut electioni consentiat. Quod nisi intra integrum diem fecerit, electio nulla, atque irrita sit. Consentientem statim Cardinales omnes venerentur, & ut Romanum Pontificem adorent, neque ultra de ejus Pontificatu cuiquam liceat dubitare. Tum publice profitebitur, & Deum Omnipotentem, Sanctamque Trinitatem testabitur, atque promitter, se quoad vixerit, Sanctam Fidem Catholicam amplecturum, ac perpetuo defensurum secundum traditionem Apostolorum, & Generalium Sanctorum octo Conciliorum: videlicet Nicæni, Constantinopolitani, Ephesini, Chalcedonenfis; secundi, & iterum tertii Constantinopolitani, secundi item Nicæni, & rursus quarti Constantinopolitani; tum etiam Lateranenfis, Viennensis, Constantiensis, & Basileensis. Ritur præterea servaturum Ecclesiæ jam traditum; Catholicam fidem, etiam si mortis periculum immineat, proteclurum: daturumque operam, quantum fieri poterit, ad extirpationem hæresum, morum reformationem, & pacem populo Christiano procurandam. Juret etiam celebrationem Conciliorum, confirmationem, electionem se servaturum, secundum Decreta Basileensis Concilii. Quod votum manu sua conscriptum super sacram aram publice deponat, ipsumque deinde in publico primo confistorio palam repetat. Quæ professio ac promissio, ut recens semper firmæque in Pontificis mente permaneat, statuit Sancta Synodus, quot annis in die suæ incoronationis votum id per unum ex Patribus inter Missarum solemnias publice recitari, cum exhortatione vehementi ad præstandum, quod DEO teste, universali Ecclesiæ promissum erat; monendumque Pontificem, ne sibi, aut suis Ecclesiæ pecunias acquirat, ne personarum acceptor quoquomodo sit. Non carni, non sanguini, non præmiis, non gratiæ, sed meritis & virtutibus honores, ac dignitates conferat. Pro meritis unumquemque tractet, & unicuique reddat, quod suum est. Quot annis post coronationis solemnitatem Pontifex cum patribus per octo dies continuos agat

de his, quæ ad Rempublicam tantum spectant; recenseanturque, quæ provinciæ, qui populi a Turcis, Saracenis, aliisve fidei hostibus vexentur; in qua Orbis Christiani parte schisma, hæresis, vel prava aliqua superstitio invaleseat: ubinam Ecclesiasticorum mores, aut Divinus cultus collabantur: ubi tyrannides, ubi publica scelera, ubi odia, ubi aperta bella inter Principes populosve Christiano nomine sæviant: hæc omnia tollere, emendare, periculisve imminetibus providere omni studio curet. Familiam deinde suam Pontifex, moxque reliquos omnes Curiales instruat, ordinet, & ita in moribus emendet, ut omnibus aliis Christianis exemplo esse possint. Simonia, libidinumque sordes omnes procul pellat; justiciam recta lance, ac mundis manibus administrari curet: nec permittat, ut quicquam præter constitutum quoquomodo extorqueatur. Clerum Romanum in primis reformet, & circa Divinum cultum, & circa mores. Tum etiam populum, qui sibi peculiaris est, verbo & exemplo ad virtutem exerceat. Cardinales vero ipsos cogat demendas sibi in urbe parochias & cultu, & structura reparare. Sæuatque Episcopum quempiam virtute clarum, qui vice sua Episcopalem in urbe gerat curam. De administratione deinde provinciarum cum patribus agat, ut recte, benigne, pacificeque gubernentur: non Tyranni, aut Domini, sed optimi patris more, ut optimos decet Sacerdotes: curetque omni studio, ut factiones seditionesque omnes ex urbibus, locisque Ecclesiæ, & earum nomina prorsus tollantur. Provincias ac civitatibus Ecclesiæ præficiat Cardinales, aut Prælatos, virtute, integritate, experientiaque præstantes: eosque intra biennium aut triennium ad plus finire Magistratum cogat: quibus Censores postea constituat, qui subditorum querelis auditis, Præfectos ipsos aut absolvant, aut damnent. In majoribus autem rebus omnia ad Pontificem deferant, qui unumquemque pro meritis tractet. Pervestiget & crebro Pontifex, an provinciarum Præfecti, sive etiam civitatum Vicarii, seu Feudatarii aliquid injusti aut inconfueti oneris subditis imponant: an dure, insolenter, avareque se gerant: neque sinat populos, quos Vicariis credidit, tyrannice regi, cum

sui benigne gubernentur. Statuta Provincialia, quæ salubria sunt & honesta, fervari jubeat: quæ autem ad factiones, aut insolentias pertinent, subvertat. Intra annum suæ coronationis Provincialium ac civitatum suarum Legatos ad se vocet, ab eisque inquirat statum, & necessitates populorum, consulatque utilitati, & commodo eorum paterno amore. Idem singulis bienniis repetere non erit inutile. Inter cætera, quæ præfecti Provincialium, civitatum, arcium, Vicarii, Feudatarii, alique Magistratus, tum urbani, quam externi, jurare solent in principio suæ institutionis, hoc addatur: quod sede vacante, provincias, civitates, oppida, & cætera, tenebunt nomine Sacri Senatus Cardinalium, eique plene obtemperabunt. Ne carni potius, quam spiritui satisfacere Romani Pontifices videantur; nemini imposterum licere, quempiam ex sua cognatione, sive affinitate usque ad tertium gradum in Ducem, Marchionem, Comitem, Feudatarium, sive Vicarium locorum Romanæ Ecclesiæ assumere, illisve Legationes, Præfecturas Provincialium, civitatum, sive Arcium, aliosve Magistratus committere: neque eorum quempiam rei militari quoquomodo præficiat. Pontifici hæc molienti Cardinales omnes adversentur: omnia autem contra hoc decretum acta a Successore quamprimum irrita fiant. Redditi, census, vestigaliaque omnia Romanæ Ecclesiæ undecumque venientia, secundum institutionem Nicolai IV. ad sacrum Senatum pro medietate pertinere. Neque licere Pontifici, Præfectos, aut aliquos Magistratus creare sine consilio, & assensu Senatus Sanctæ Romanæ Ecclesiæ. Cardinales oportere Provincialium Ecclesiæ solertem gerere curam, subditorumque paci, tranquillitati, & commodo omni studio simul cum Pontifice incumbere: diligentiori tamen cura erga Romanam ipsam urbem, Romani Pontificis præcipuam sedem, & tot Christi Sanctorum venerandum receptaculum. Pro reparatione igitur Ecclesiarum, mœnium, viarum, pontiumque, ac pro securitate commœnantium peregrinorum, pecuniæ aliquæ statuatur, ex vestigalibus ipsius urbis, quæ in eos usus fideliter (*) exponantur; ut Servi fervorum Dei offi-

cium, quod proficetur, impleatur. Pontifex benignum, facilemque in audiendo se præbeat, pauperibus præsertim atque oppressis; eorumque necessitatibus opportune, quantum licet, consulat. In singulas hebdomadas unum saltem diem audientiæ publicæ statuatur, audiatque omnes æquo animo; quod si per valetudinem non licet, quempiam virum auctoritate, & dignitate clarum substituatur, qui suo nomine audiat & referat. Vice Cancellario, Penitentiario, Camerarioque, atque aliis curiæ Officialibus mandet, ut pauperes mature & sine præmio, aut solutione aliqua expediant. Diebus Festivis & Dominicis ad Missam in publicum prodeat Pontifex, & re Divina peracta audiat supplices. Octavo quoque die, vel saltem bis in mense publica consistoria celebret; in quibus causas majores audiat, Ecclesiarum scilicet Cathedralium, Monasteriorum, ac Principum. Minores autem causas per Vice-Cancellarium agat, neque se illis occupet gravioribus rebus necessarium. Pontifici non licere sine consilio & assensu Patrum graviora negotia tractare aut finire, fidei sacras decisiones, Canonizationes Sanctorum, erectiones, seu oppressiones, divisiones, subjectionesve Ecclesiarum Cathedralium, Monasteriorum; tum promotiones Cardinalium, confirmationes, ac provisiones Ecclesiarum Cathedralium, sive Monasteriorum; privationes, sive translationes Abbatum, Episcoporum, sive superiorum; legum, & statutorum constitutiones, Legationes de latere, commissiones Vicariorum, seu Nunciorum cum potestate Legati de latere, novas religionis institutiones, & hujusmodi alia. Tum ne sacer Cardinalium Ordo nimia numerositate Ecclesiæ sit gravis, aut vilescat multitudine, statuit sancta Synodus, ut numerum viginti quatuor nullomodo excedant; utque omnibus nationibus, atque provinciis fidelium satisfaciatur, curandum, ut ex omnibus, quantum fieri potest, pro regionum proportionem assumantur. Ita tamen, ut de una natione ultra tertiam partem assumi nullomodo possint ad eam dignitatem, neque ex una civitate, aut Dicecesi, præter unum. Quod si nunc supra tertiam partem ex aliqua natione Cardinales inveniantur, neque amplius ex eadem assumendum, quoad infra tertiam

(*) forte: expendantur

nam partem venerint. Assumendos præterea esse ad tantum fastigium viros scientia, moribus, ac rerum experientia claros, non minores XXX. annorum, Professoresque sacrarum litterarum, sive divini aut humani juris rigorosa examinatione probatos. Viginti quatuor Cardinalium Senatus tertia, aut quarta saltem pars ex Professoribus sacrarum litterarum constet. Poterunt tamen in hoc numero aliqui filii, fratres, aut nepotes Regum, aut magnorum Principum admitti, sed admodum pauci: in quibus, si probitas, & morum gravitas aderit, mediocris litteratura sat erit. Nepotes ex fratre, vel sorore Pontificis, aut alicujus Cardinalis viventis, nullo modo ad Cardinalatum admittantur. Poterunt tamen huic numero duo adjungi, etiamsi professionis gradus non habeant, si sanctitate vitæ, aut præclara virtute sint præditi: & etiam aliquis ex Græcis, si ad unionem venerint. Cardinalium electio per vota auricularia nequaquam fiat, sed viva omnium voce, ac per subscriptionem propriæ manus majoris Patris Cardinalium in Collegio factam: fiant etiam super ea Apostolicæ literæ cum subscriptione Cardinalium. Cardinales novi, cum suscipient insignia suæ dignitatis, in consistorio, si sint præsentēs, absentes vero in manibus alicujus Episcopi, cui id munus demandatum erit, publice iurejurando promittent, se deinceps futuros fideles Beato Petro, Romanæ Ecclesiæ, Summo Pontifici, & ejus legitimis Successoribus: daturus operam pro viribus defensionis fidei, extirpationis hæresum, emendationis morum, paci & quieti populi Christiani. Non consensuros alienationi bonorum Sanctæ Romanæ Ecclesiæ, sive aliarum quarumcunque Ecclesiarum, nisi in quantum jura permittunt: sed potius omni studio invigilatos recuperationi, & augmento rerum Ecclesiasticarum. Romano Pontifici non suafuros, nisi quæ secundum Deum esse cognoscent, neque in contrariis votum suum daturus, seu ullo modo subscripturus. Mandata Apostolica fideliter executurus, & Divinum cultum in titulo sibi commisso, & aliis suis Ecclesiis, pro viribus curaturos. Decima pars proveniunt, quos Cardinales ex vestigali-
bus Romanæ Ecclesiæ percipiunt, re-

parationi templorum, & celebrationi Divini cultus titulorum Cardinalium attribuitur. Constituatque præterea quisque Cardinalis in suo titulo Sacerdotium unum perpetuum cum opportuno proventu: quod si vivens, aut moriens quis non instituerit, tantum ex ejus bonis titulo remaneat obligatum, ut pro decimis & Sacerdotio satisfiat. Cujus Decreti Exsecutor erit senior Cardinalium sui ordinis. Quilibet Cardinalis, per se, si præsens erit; sin minus, per Vicarium titulum suum, & Parochias sibi commissas singulis annis visitet, agatque diligenter Visitatoris officium. Et ut dispartitis oneribus, atque Provinciis omnia facilius diligentiusque curentur, Episcopi Cardinales diligenter inquirent, in quibusnam Regionibus hæreses pullulent, errores in fide nutrantur, aut vanæ exerceantur superstitiones. Presbyteri vero perveſtigent, ubinam mores, & Divinus cultus, mandatorumque & legis observantia colabantur, negliganturque. Diaconi autem sedulo explorent, qui Reges, qui Principes, aut populi, & quamobrem seditiones bellaque inter se gerant, ac omnia Pontifici referant: curentque cum eo omnium necessitatibus, & calamitatibus, quantum pro viribus possunt, providere. Si Cardinales viderint Romanum Pontificem non bene vadentem, aut negligentem Pastoralem curam, & quæ Pontifici sunt indigna, facientem; sigillatim primo, & cum debita reverentia, & absque arbitris illum moneant, aperiuntque ejus errata. Sin minus eis auscultaverit, in Collegio, adhibitis etiam aliquibus claris Prælati id aperte agant, prædicantque, nisi se emendaverit, ejus gesta ad proximum Concilium se delaturos. Neque in hoc odium Pontificis curent, dum publicæ saluti consulant, modo cum caritate & reverentia omnia faciant. Idem etiam Pontifex in Cardinalibus faciat: & ita inter se gerant, ut pater in filios, & filii in patrem, sine æmulatione & rancore. Prælatos insignes, atque viros præclaros ad Curiam venientes, Cardinales benigne suscipiant: atque eorum negotia apud Pontificem, quantum per honestatem licet, promoveant, sine spe præmii, aut lucri. Neque particulari affectu quicquam persuadeant Pontifici, seu decernant contra justiciam, aut honestatem,

etiam ratione Patriæ, aut Principum suorum, sed ut Iudices collaterales sine ulla personarum acceptione Reipublicæ consulant & honori Romanæ Ecclesiæ. Gravitationem simul & benignitatem servent Cardinales dignitatij eorum condecens. In suos, aut bene meritos, (*) & pauperes ita munifices sint, ut de nimia affectione reprehendi non possint: neve ita eos opibus, ac Beneficiis Ecclesiasticis cumulent, ut obloquendi occasionem aliis præbeant. Excedentes in his Pontifex corrigat, & emendet. Pontificis, & Cardinalium familia, mensa, vestis, suppellexque omnis, neque fastu; neque pompa, neque numero invidiam plebi contrahant: sed cum modestia & honestate omnia moderentur, ut aliis exemplo bene vivendi, non autem scandalo esse possint. Romanus Pontifex Gregorii Sanctionem in Concilio Generali edictam servet. Habeat siquidem cubiculi sui Ministros ex Clericis, aut Monachis viros probos atque honestos in testimonium suæ conversationis. Oportet enim exemplum etiam dare his, qui foris sunt, juxta sententiam Paschalis Pontificis, qui ait: "Episcopi lectioni & orationi vacent: & semper Presbyteros, & Diaconos, aut alios boni testimonij Clericos habeant." Cardinalibus causæ tum Ecclesiarum Cathedralium, Monasteriorum, Principum, & majoris ponderis committantur: in aliis non occupentur, sed in Auditorio Rotæ expediantur. Pontifex, atque etiam Cardinales non mittant familiares suos ad promotos, sive confirmatos, quasi munera pro nuncio accepturos; quod hactenus factum est. Neque Pontifex quidquam ex bonis Cardinalis defuncti ratione annuli, (ut dicunt) accipiat. Et quamvis in alia Sessione abolita reservatione Ecclesiarum, Monasteriorum, ac Dignitatum electivarum, statutum sit, Romanum Pontificem contra hujusmodi electiones canonicè factas, nihil intentare posse, nisi ex magna, rationabili, evidenti causâ in litteris Apostolicis exprimenda: quia tamen non pauca præter hujus legis mentem acta sunt: statuit Sancta Synodus, electiones fieri rite, & sine aliquo impedimento. Quod si forte aliqua electio tandem canonicè facta afferatur Provinciæ, aut populo perturba-

tionem afferre; Summus Pontifex, si rem periculosam cognoverit, audita parte ac defensione, de consensu majoris partis Senatus, cum subscriptione propriæ manus, rejecta scandalosa electione ad Capitulum illam remittat: infra tempus juris mandans, ut ad aliam electionem magis utilem procedant. Reservationes item omnes quorumcumque Beneficiorum Ecclesiasticorum per Romanos Pontifices, quandocunque quovis pacto factas, revocat Sancta Synodus, & annullat tanquam inutiles, & Ecclesiis onerosas: præter eas tantum, quæ in corpore juris expressè continentur, & quæ in Provinciis, vel locis Romanæ Ecclesiæ mediate, vel immediate subiectis, fieri placuerit. Has quidem firmas, ratasque esse vult. His omnibus communi consensu rite firmatis, atque decretis in publica Sessione, confessus hujus diei solutus est.

LII.

SESSIO VIGESIMA
QUARTA.

Alia deinde Sessio publica vigesima quarta, haud multo post habita est ad XVIII. Kalendas Maji anni ejusdem: in qua primum tempus, in quo Græci Italiam petere debebant secundum priores conventiones elapsam, prorogabatur ad totum mensem Maji anni sequentis. Tum decreta est Græcis ad Oecumenicum Concilium venturis publica fides, ut salvi venire ac redire in patriam possent: permissumque eis usque ad numerum septingentorum hominum, ut libere in Concilio & alibi loqui, & differere de fide, & opiniones suas rationibus & auctoritatibus adstruere possint; quos sancta Synodus salvos in patriam reducere suis sumptibus promissit, etiamsi unio non sequatur. Indulgentiarum vero Decretum sancitum est, quamvis toties a Pontifice improbatum. Concessum est enim his, qui tantam pecuniarum summam pro unione Græcorum conferrent, quantam integra hebdomada cum tota familia pro victu suo assumerent, semel in vita, & in articulo mortis plena indulgentia omnium peccatorum, atque eadem omnino, quæ anno Jubilæi Romæ conceditur, aut proficiscentibus in

(*) forte: aut.

in subsidium terræ sanctæ ; aut si per annum singulis sextis feriis, vel aliis diebus, si religione, aut alia re impediti ea die non possent, jejunarent, & preces quasdam effunderent : data eorum Confessoribus plena potestate absolvendi omnes a quibuscunque excessibus, sive censuris, ac dispensandi, etiam cum Clericis ab irregularitate occulta, præterquam occasione bigamiæ, sive voluntarii homicidii : dispensandi etiam cum votis omnibus peregrinationis, sive abstinentiæ ; & ab omni turpi quæstu, usura, sive rapto : dummodo expensæ, quæ in peregrinatione faciendæ erant, & male parata, si propriis personis restitui non possint, in hoc Græcorum negotium secundum Confessoris æstimationem convertantur ; absolvendi etiam eos, qui ad hostes fidei prohibita adduxissent, si lucrum inde sumptum huc conferant. Has autem indulgentias per biennium durare voluerunt. In hac vero publica Sessione (ut ajunt) tres tantum & viginti insulati interfuerunt. X. Episcopi ; & reclamantibus Legatis Apostolicis, ac ne hujusmodi Decretum indulgentiarum ederetur, frustra intercedentibus.

LIII.

SESSIO VIGESIMA QUINTA.

De Communicatione sub utraque specie.

Publica deinde Sessio vigesima quinta habita est Basileæ ad decimum Kalendas Januarii, anni a Nativitate Domini trigésimi septimi supra mille & quadringentos : in qua communi consensu decretum & declaratum est : Communionem sub utraque specie, quoad non conficientes, & rem Divinam non operantes, non esse necessariam, neque de præcepto Salvatoris : spectareque ad Ecclesiam Christi ordinare, ac statuere, quoniam pacto non conficientes oporteat de Christi Sacramento communicare. Et cum sub qualibet specie, panis scilicet & vini, totus, atque integer Christus sit, observantes tamen Ecclesiæ Romanæ consuetudinem, & sub una specie tantum communicantes, laudandos esse : neque illos ferendos, qui

antiquum Ecclesiæ Latine ritum, a sanctis Patribus non sine urgenti causa approbatum, temere auderent permutare, cum pro firma & stabili lege sit habendus.

LIV.

Contentio inter Patres de loco eligendo pro futuro Con- cilio cum Græ- cis.

Magna per hoc tempus inter Patres Concilii dissensio orta est, ingensque & periculosa seditio. Nominaverat siquidem major pars Patrum pro loco Oecumenici Concilii cum Græcis celebrandi Avenionem, Basileam, & Sabaudiam, Præsidentibus Concilii, & Legatis Apostolicis frustra reclamantibus : advenierunt & Legati Græcorum, qui acriter conquirebantur, conventa non servari, quando Avenio & Basilea in Decreto concordie nominatæ non essent. Dure autem nimis agi secum, si Sabaudiam Græcos petere velint, quoniam sit in Decreto : cum Græci ad ultimum dixerint Sabaudiam, quasi aliis deficientibus ; & cum etiam intelligerent pro Sabaudia, aliquem Italiæ locum Duci Sabaudie subiectum. Græcorum Imperatorem & Patriarcham, plerosque alios Prælatos, & proceres esse annis, & valetudine graves, neque illos posse Alpes superare, ut Sabaudiam petant ; neque etiam ob iter longum eis esse facile, aut tutum, petere Avenionem, Turcis eorum urbem assidue infestantibus. Tandem bonorum opera, dissidentes his legibus in concordiam tunc venire publico consensu : si Avenionenses intra dies XXX. promissum mutuum septuaginta millium aureorum numerata pecunia non solverint ; & inter alios XII. dies se id integre perfecisse, Patres legitime non docuerint, Concilium posse & tene-ri procedere ad electionem alterius loci. Appetente hujus termini fine, Avenionenses paratam pecuniam habere se affirmant : sed antequam mutuum faciant, petunt, ut publico Concilii Decreto firma electio de Avenione fiat : portus vicinus nominetur : decimæ statuatur, quarum pecuniæ simul cum his, quæ ex indulgentiis provenient, occasione mutui sibi obligentur. Negabantur hæc, quod

quod præter conventa essent. Tandem elapso termino XXX. & XII. deinde dierum, Præsidentes Concilii, & Legati Apostolici convocant Patres ad novam loci electionem, quando Avenionensis nominatio esset expirata. Secedit magna pars Patrum, quæ Pontifici erat infensa, & Concilium in Italia nullo pacto volebat: hæc factio ex vili plebe magna ex parte constabat; quamvis Ducem haberent Cardinalem Arelatensem, & nonnullos alios Prælatos. In alia parte, Sanctæ Sabinae, qui & Sancti Angeli dicitur, Sancti Petri ad Vincula Cardinales erant, & plerique alii digni Prælati, numero tamen longe superabantur. Præsidentes per illos, qui conventa servare, & novam electionem procedere volebant, cum alii vocati non venirent, primo in deputationibus, tum in Generali Congregatione legitime concludunt, Florentiam & Utinum in Forojulii, ponendam in manu Concilii: seu quemcumque alium locum tutum, in Decreto conventionis contentum, Summo Pontifici, & Græcis accommodum, esse eligendum pro Concilio: illum videlicet, qui citius paraverit, & expederit pecunias, triremes, & alia opportuna: afferunt hoc sibi licere, etiam majori parte Concilii contradicente. Quod cum ipsa major pars non velit convenire ad electionem, ut ex communi Decreto tenebatur; & terminus sit jam elapsus, urgeatque necessitas locum eligendi, cum jam finis mensis Aprilis inisset, & per totum sequentem Mensem Maji oporteat secundum conventionem & fidem Græcis datam, naves Constantinopolim appulisse, omne jus Concilii restet in eos, qui Decretum Concilii exsequi, & Reipublicæ consulere velint: sicut si in electione Episcopi intra tempus major pars Collegii eligere non vellet, minor potest eligere, & tota Capituli potestas in volentibus eligere permanet. At pars adversa asserens, nihil decerni posse sine consensu majoris partis, acrius irritata, Præsidente Cardinali Arelatensi concludit, Avenionensium postulata esse admittenda. Neque his contenta, publicam Sessionem indicit, ut Decretum firmer. Legati vero Apostolici, & qui Pontificis dignitatem tuebantur, concordiam querentes, hortantur Patres, ut suæ sententiæ, quæ reipublicæ utilissima esset, vel-

lent acquiescere; sin minus communi Decreto Avenio, sive Sabaudia pro Concilio eligeretur, hac conditione, ut, si adhibita omni diligentia, per Patres Græci non vellent ea loca acceptare, ut protestati erant, tum alius locus eligeretur, Græcis & Pontifici accommodus: quod si etiam hoc non placeret, mitterentur Legati ex Concilio Constantinopolim, qui Græcos ad quamcumque Latinorum terram possent, sive ad quam vellent, omnino deducerent; ita, ut non tam locorum utilitas, quam Græcorum salus quæri videretur, neve ob aliquorum passiones Latinæ Ecclesiæ fides inanis redargueretur. His tamen omnibus neglectis atque spreis, adversæ factionis capita Clericos undique cogunt: veniunt turmatim ex vicinis oppidis & civitatibus Sacerdotes, & qui etiam in urbe Patribus serviebant; plerique & in Ecclesia togati convenientes iussa præstabant suffragia.

LV.

SESSIO VIGESIMA
SEXTA.

In qua per seditionem duo contraria Decreta statuuntur.

Celebratur igitur XXVI. Sessio magna frequentia, majorique diffensione Notis Maji anni salutis MCCCXXXVII. in qua sedentibus seorsim factionibus, a Præsidentibus Concilii, & Legatis Apostolicis Florentia & Utinum decernuntur, ut supra conclusum fuerat: portus autem nominantur Venetiæ, Arimini, Ravennæ, quem malint Græci. Decimas non ante esse imponendas statuitur, quam Græci portum Italiæ appulerint unum de nominatis. Ne si forte aliquo fato impediti non venerint, illud sibi Clerus conqueratur. Concilium interim Basileæ perseverare oportere. Legatos Constantinopolim mittendos, qui hæc Græcis nuntient, dentque operam, si possunt, omni studio, ut Græcos Basileam perducant. Altera factio, quæ multitudine & numero se tuebatur, eodem die & eodem loco decernit, Avenionensium postulata esse admittenda, Avenionem & Sabaudi-

am pro futuro Concilio statuit. Portum illis viciniorem nominat: decimas & indulgentias decernit Avenionensibus concedendas. Duobus igitur Decretis omnino contrariis; & eadem Sessione editis crescit in dies seditio: & cum Basileenses, (sic enim factionem Pontifici adversam appello) non permetterent, ut Concilii signo decretum adversæ factionis signaretur; Præsidentes facto novo Decreto, statuerunt Bullam Concilii Cardinali Sancti Petri ad Vincula, Archi-Episcopo Panormitano, & Episcopo Burgenfi esse credendam, qui litteras Decretorum ab ipsis factorum signarent, & debitæ executioni mandarent. Quorum postea opera, & Bulla munitæ sunt litteræ, & Arca, in qua Bulla servabatur, ad Sacrum Sancti Leonardi est translata. Unde major & periculosior tumultus postea exortus est, & tandem Arca ipsa multitudinis violentia ad pristinum locum reducta. Eugenius autem Pontifex, qui tum Bononiæ erat, instantibus Græcorum Legatis, nominationem Florentiæ & Utini pro Oecumenico Concilio approbavit, & confirmavit ad IV. Kalend. Junii ejusdem anni.

LVI.

*Legatio Basileensium ad Venay-
sinos.*

Basileenses vero, ut rem Avenionensem sibi curæ esse ostenderent, Legatos ad Comitatum Venaysinum mittunt, qui Concilii nomine petant, Venaysinos commeatu & aliis ad victum opportunis Avenionenses juvare, si Concilium illuc transferatur. Provinciales facto Conventu communi consensu respondent, jucundo animo se audire Concilii adventum ad Avenionensem urbem; cum maxime intelligant, id fieri Romano Pontifice, & Sacro Senatu benevolentibus. Se autem & Patres suos semper fuisse, & esse fideles subditos Romanæ Ecclesiæ, & in ejus semper potestate futuros. Proinde si Romani Pontificis, & sacri Senatus voluntatem aperte cognoverint, in nulla re Concilio defuturos. Et cum jam promiserint Avenionensibus quartam partem frumenti & vini unius anni ex tota Provincia mutuo concedere, nunc paratos esse in gratiam Patrum Concilii, partem

Tomus V. Concilior. German.

illam dono dare, si id gratum futurum esse sciant Summo Pontifici.

LVII.

SESSIO VIGESIMA
SEPTIMA.*In qua citatur Eugenius ad Con-
cilium intra sexaginta
dies.*

Crescente in dies seditione, cum Basileenses audissent Eugenium adversariorum Decreta confirmasse, acius irritati contra ipsum hujusmodi edictum decernunt, prohibente tamen, & protestante Juliano Cardinale Sanctæ Sabinæ, Præsidente Concilii, & conquerente, quod super defensione Pontificis non audiretur: quem & Cardinalis Sancti Petri ad Vincula, & plerique optimi Patres sequebantur: quibus etiam dilatio ad tertiam diem denegata est, & præter ordinem eodem die generalis Congregatio, & publica Sessio est habita: Eugenium Pontificem, quem ex officio par erat alios monere, & sua auctoritate cogere ad observandum Sacri Concilii leges, præcipuum esse, semperque fuisse omnium Decretorum ac Statutorum Concilii prævaricatorem, contemptoremque. Hunc Patres litteris, Nuntiis, Legationibus persæpe rogasse, ac monuisse, ut electionem Prælatorum per Collegia Canonica fieri sine-ret: ut confirmationes Ecclesiarum, collationes Ecclesiasticorum Beneficiorum, & aliarum gratiarum concessiones sine pecuniis, gratisque faceret, cæteraque alia imple-ret, quæ Sancta Synodus servanda statuisset: cum ex declaratione Sacri Concilii Constantiensis oporteat Romanum Pontificem in his, quæ ad reformationem morum Ecclesiæ pertinent tam in Capite, quam in membris, statutis Concilii obtemperare: Eugénium tamen, etsi alias monitus, promissit Concilii Decreta observare, nunc tamen Ecclesiam Dei publice perturbare. Electiones Prælatorum Canonice factas infringere, translationes Ecclesiarum, etiam invitis Prælatibus, contra Patrum Decreta agitare, Concilio parentes pœnis & censuris injuste afficere, dignitatibus, & beneficiis privare, pecuniarum graves summas ex collationi-

L 1111

bus

bus Beneficiorum, ac concessionibus gratiarum per simoniacam labem extorquere in animarum Christi fidelium perditionem, Ecclesiarum Christiani orbis ruinam, & omnium Provinciarum expilationem; Beneficia vero & dignitates non tam bene meritis, quam sanguine & amicitia junctis conferre, sive his, quibus magni Principum favores, munera, seu specialis gratia suffragantur. Inde fieri, ut indigni plerumque assumantur. Appellationes præterea a Concilio factas passim admittere, & contra ejus declarationes sententias ferre. Excommunicatos a Concilio sine aliqua satisfactione absolvere, ardua & graviora negotia etiam sine legitimo consensu sacri Senatus plerumque tractare, Ecclesiæ Romanæ patrimonium dilapidare: urbem Præneste Burganum, & pleraque alia Ecclesiæ loca per Milites suos sine causa evertisse, impedimenta etiam complura intulisse, ne unionis cum Græcis tractatus inceptus absolvi posset; indulgentias plenarias multis concessisse in præjudicium indulgentiarum per Concilium concessarum. Juramentum, quod in sua Electione ad Pontificatum præstitisset, aperte violasse, & perjurii crimen temere incurrisse: Ecclesiæ Romanæ agros, urbes, & loca complura alienasse, alia sua culpa perdidisse: dedisseque occasionem, ut cædes, incendia, direptionesque multæ factæ sint: & denique obstaculo atque impedimento esse, ne Reipublicæ necessitati per Concilium consuli possit. Proinde cum hæc publica sint Pontificis gesta, quibus universalis Ecclesia perturbatur, non amplius esse dissimulandum. Igitur Sanctam Synodum diem Eugenio dicere; utque intra sexagesimum diem ad causam dicendam Basileæ compareat, monere: quod si non fecerit, daturum operam Concilium, ne quid detrimenti ob ejus contumaciam Respublica Christiana patiatur. Jubere etiam omnes Romanæ Ecclesiæ Cardinales intra eundem terminum in vim præstiti juramenti, & sub pœna amissionis omnium Beneficiorum suorum Basileam se ad Concilium transferre, Reipublicæ consuluros. Hæc sancita sunt Basileæ in publica Sessione pridie Kalendas Augusti anni mcccxxxviii. non tamen sine magna contentione.

LVIII.

SESSIO VIGESIMA
OCTAVA.

Irritatur Creatio Cardinalis ab Eugenio facti.

Nec multo deinde post, ad VIII. scilicet Kalend. Octobris ejusdem anni, cum didicissent Basileenses, Eugenium Pontificem sacro Senatui adscripsisse Johannem Patriarcham Alexandrinum contra eorum statuta; alia duo Decreta jam pridem edita instaurantur: primum, Pontifici Romano a Generali Concilio absenti non licere novos Cardinales creare sedente Concilio. Alterum, de numero & qualitate creandorum tum publico Decreto sanxerunt. Assumptionem Patriarchæ ad Cardinalatum nullam esse atque irritam: jussitque Eugenium, illam, ut temere factam, revocare. Facta sunt hæc in publica XXVIII. Sessione.

LIX.

SESSIO VIGESIMA
NONA.

Revocatur Decretum de Florentia & Utino.

Postridie ejus die stimulante factio-
ne Basileensium publica Sessio habita est, in qua prævalente factione, Decretum Florentiæ & Utini per Præsidentes Concilii revocatum est & irritum factum: declaratumque, litteras super ea re signo Concilii confectas adulterinas esse, & nullius momenti, sive valoris, neque his fidem adhibendam: tum statutum in eadem Sessione, nemini unquam licere, neque etiam Pontifici Maximo, civitatem Avenionensem, Comitatum Venaysinum, & subiectum in ea regione agrum Romanæ Ecclesiæ quoquomodo alienare. Quod si forte temere ab aliquo fiat, id irritum esse & inane. Civitatem ipsam Avenionensem, agrumque prædictum, & incolas omnes sub protectione ac tutela esse Sacri Concilii: perturbantes, vexantesque, aut quovis pacto illos molestantes, excommunicatos esse: Ecclesiæ etiam prærogativa gaudere oportere Episcopum
Alba-

Albanensem Cardinalem de Fuxo , Legatum Apostolicum , ejus Provinciæ Præfectum , quando & civitas , & Legatus optime de sacro Concilio sint meriti : & hæc ad VIII. Kalendas sunt acta.

LX.

*Basileenses, litteris Cæsarem in
sententiam trahere con-
nantur.*

Dicta fuerat dies Eugenio Pontifici , & citatio in eum decreta magna Patrum seditione , ut diximus : Cum Basileensis factio numero prævaleret , plerique tamen Prælatorum & Legatorum Principum , qui (*) erant , & præsertim Hispani , adversa sentiebant : neque putabant reipublicæ expedire hujusmodi cum Pontifice concertationem. Basileenses vero , ut Sigismundum Cæsarem in suam traherent sententiam , litteris suis diligentissime nuntiant , triremes se jam misisse Constantinopolim , ut Græcos advehant , ad unionem navandam : verum Eugenium Pontificem , suosque sectatores rem admodum interturbare : Archi-Episcopum Tarentinum litteras Concilii nomine super electione Florentiæ & Utini falso signasse. Patres vero , ut reipublicæ confulerent , Eugenium in causam vocasse : dixisseque ei diem , ut prævaricatori & contemptori Concilii Decretorum , perturbatorique manifeste Ecclesiæ Dei. Proinde orare Cæsaris Majestatem , ut suo auxilio, suaque auctoritate sacrum Concilium tueri velit. Ad ea Cæsar responderet , molestissimo se animo audire hæc novas seditiones inter Pontificem & Concilium exoriri ; hortari ut maturius in tanta re se gerant , neque ea agant , quæ divisionem , & schismata sint paritura ; quo nihil rebus gerendis perniciosius evenire potest. Invenisse eos Ecclesiam Dei pacificam , & longo magnoque suo labore unitam , Meminisse debere Patres suæ professionis , cum prædicent se ideo convenisse , ut Christiani populi mores emendent , hæreses pellant , & dissidentium animos componant : cavendum ne contrarios effectus pariant ; ut qui Græcos se unituros pollicentur , Latinos sæpe ipsos scindant. Consultuisse se super hac re Imperii Principes : omnium esse sententiam supersederi oportere

re super processu contra Pontificem ; exquirendaque prius Regum , atque Principum consilia : & quorum postea essent auxilia imploraturi , prius cognoscerent , sententias. Interim curandum , ut Principum opera seditio componatur. Si Patres hoc fecerint , daturum operam Cæsarem , ut Concilii Decreta serventur. Sin minus , se cum Regnis , ac Principibus suis Romano Pontifici non defuturum , ejusque dignitatem adversus perperam impugnantes tutaturum. Hæc eadem paulo post ; & Legati Principum electorum Concilio iterarunt.

LXI.

*Basileenses Eugenium contumacem
declarant.*

At Basileenses in eorum pertinacia perseverantes , spretis Cæsaris & Principum consiliis , elapso termino contumacem Eugenium declarant. Secedunt Hispaniarum Regis Legati ; aperteque asserunt , se Regis sui , Prælatorum ac Principum suæ nationis nomine , ei declarationi non consentire : protestarique , si proinde schisma aliquod oriatur , Hispanicæ nationi adscribendum non esse. Eugenius autem his perceptis perversorum hominum temeritati obviare cupiens , & per litteras suas Basileensium objecta diluit , & plenitudine potestatis , & de consilio sacri Senatus , Basileensem Synodum perperam se gerentem , ac nutrientem schismata dissolvit : Patresque sub gravibus pœnis & censuris iussit abire , & novum inducit Concilium in civitatem Ferrariensem : ad quod omnes Ecclesiarum Prælatos convocavit , multa afferens , cur ita facere reipublicæ expediret.

LXII.

SESSIO TRICESIMA.

*Revocantur Eugenii gesta contra
Concilium , & damnatur Fer-
rariensis Synodus.*

Hæc , ubi Basilæ cognita sunt , acris seditio exoritur : conveniunt partes turmatim , hi præsertim , qui Pontifici adversabantur , & post multas consultationes publicam celebrarunt Sessionem (**).

XXX.

(*) forte : aderant.

(**) Dissentit ab actis Concilii in ordine & numero Sessionum.

XXX. IV. Idus Octobris ejusdem anni ; ubi Statuta, atque Decreta omnia Eugenii contra Concilium Basileense revocant , irritant & annullant : dissolutionem Basileensis Concilii , censuras , ac pœnas in non discedentes latas , indictionem Ferrariensis Synodi , ac Prælatorum illuc convocationem damnant , nulliusque esse momenti statuunt. Et, cum Concilium supra Pontificem potestatem habere affirmant , monent Pontificem , nisi intra quatuor menses respuerit , & omnia contra Concilium , conciliaresve statuta revocet , a Papali administratione secundum Decretum in XI. Sessione editum ipso facto esse suspensum , ipsamque Summi Pontificatus administrationem ad sacrum Concilium devolvi. Quod si per duos menses post interdictionem Pontificatus in sua pertinacia perseveraverit , procedendum esse contra Eugenium , etiam ad privationem Pontificatus , Cardinalibus & aliis Prælati omnibus , qui in Romana Curia apud Eugenium essent , mandant , ut ad Basileense Concilium se conferant ; alii ad sua quique Beneficia revertantur , sub privatione omnium Beneficiorum ac dignitatum : prohibent quempiam , cujuscumque sit dignitatis aut ordinis , etsi Cardinalis , aut inferioris dignitatis , a Concilio discedere , prætextu dissolutionis , aut mandati Eugenii Pontificis. Jubentque omnes ad Concilium indictum , aut indicendum properare , & rem publicam ita tractare , ac si nulla dissolutio Concilii facta fuisset a Pontifice : Qui impedimento , aut molestiæ essent venientibus ad Concilium indictum , aut indicendum , seu ad illud Legatos , nunciosve mittentes , excommunicatos esse , etiam si Imperator , Rex , aliussve Princeps sit , sive Cardinalis , Patriarcha , Archiepiscopus , Episcopus ; Universitates , Collegiaque Sacris sint interdicta. Pontificem vero ipsum magnis edictis prohibent , ne deinceps quidquam agat contra Concilium Basileense , Conciliaresve , neve in suis cœptis contra Concilium perseveret. Imperationes , sive collationes Beneficiorum Conciliarium factas in Curia Romana per Pontificem , aut alias per viam privationis , cassat , atque irritat. Fautores , sive adjuutores ad possessiones talium Beneficiorum consequendas excommunicat. Ordinarios , sive Collegia hujus-

modi admittentes , sive literis Apostolicis parentes in hac re , censuris gravissimis ligat , quas decernit a nemine solvi posse , nisi a Concilio. Jubetque hujus Decreti paginam præ foribus Basilicæ Basileensis affigi , ut nullus ejus rei ignorantia possit excusari.

LXIII.

Divisio Christianorum in varias obedientias.

Dividitur Christianus Orbis his variis edictis. Alphonsus Rex Aragonum , qui Eugenio propter Regnum Neapolitanum erat infensus , Basileensis Decreta laudat , & probat. Amedeus Sabaudia Dux Legatos ad Eugenium mittit , rem Basileensem protegens : quibus Eugenius rei seriem diligentissime pandit , ostenditque multis rationibus , Basileenses non recte ambulare , & divisiones , scissurasque in Ecclesia querere. In Concilio autem non suffragiis legitimis , & consuetis uti , sed multitudinem conductam convocare , ut numero vincant. Proinde ut necessitati Ecclesiæ consulere , Concilium Ferrariam transfuisse , quod & Græci , qui aderant , & reliqui Latini approbarent , laudarentque. Placere tamen Pontifici , ut Dux operas suas interponeret pro honesta concordia inter se , & Basileenses : pollicerique illis commissorum impunitatem , si Basilea discedant ; & futuros in omnibus salvos , si Ferrariam ad legitimum Concilium velint proficisci. Et Basileenses quidem litteris , & Nunciis apud Cæsarem , & alios Principes per se gesta in Eugenium justificare conantur : illumque affirmant , publice , & enormiter Ecclesiam Christi perturbare. Idem & Pontifex contra illos agit : alter alterum accusat , reprehendit , damnat : hic excommunicat , illi absolvunt : illi decernunt , iste abrogat : isti Basilea , iste Ferraria Prælatos advocat. Quisque per se agit , & curat , ut alterius gesta injusta , sua Sancta videantur.

LXIV.

Legati ad Græcos per partem Concilii Eugenio Papæ faventem.

Cum pars Concilii , quæ Præsidentes & Legatos Apostolicos sequebatur ,

in seditione (ut diximus.) Florentiam, & Utinum pro Concilio Oecumenico statuisent, & approbantibus, petentibusque Legatis Græcorum, Eugenius id confirmasset, decreti sunt ab ea parte Legati Concilii nomine ad Græcorum Principes, Dinienfis, & Portugallensis Episcopi: qui mense Junii Bononiam peterent, ubi Romanus Pontifex erat. Postquam omnia per Pontificem intellexerunt, ad Græcos in Italiam conducendos una cum Episcopo Coronensi, Pontificis Oratore, Venetias profecti sunt: ubi consensu triremi, Cretam primum circa Idus Augusti appulerunt. Ibi conscriptis trecentis Ballistariis, quos ad præsidium urbis Constantinopolitanæ, absente Imperatore, conduxerunt; tertio Nonas Septembris Constantinopolim adnavigarunt: qui ab Imperatore & Patriarcha suscepti, & auditi, eis persuaserunt, ut se ad navigationem pararent, ad Concilium in Italia celebrandum. Ornabantur igitur Constantinopoli triremes tres, una Major, duæ minores. Archi-Episcopus Tarentasiensis, ac Nicolaus de Cusa, Natione Germanus, qui postea fuit Cardinalis Sancti Petri ad Vincula, ex Creta alios triremes tres majores paulo post adduxerunt, quibus Pontificis nomine Græci erant traducendi. Dum Græci se ad transfretationem accingunt, ecce quinto Nonas Octobris Avenionenses triremes appellunt, Præfectis Visensi, & Lausanensi Episcopis; quorum adventus eo visus est Græcis ineptior, quo aperte per Legatos Basileæ protestati fuerant, se Avenionem nullo modo venturos. Ii, ubi data est copia fandi, Concilii Basileensis, ac multorum Principum litteras Imperatori primum reddiderunt: tum Concilii nomine, cujus se Legatos esse profitebantur, in vim præstri juramenti exoptulunt Græcos, ut Basileam, Sabaudiam, sive Avenionem, ad Concilium se quamprimum conferant. Ostendunt Monitorium in Eugenium Pontificem editum: asseruntque, si in ejus triremibus navigare pergant, prius Eugenium a Concilio Pontificali dignitate dejectum iri, quam ad eum perveniant, atque eo pacto frustra illos ituros; cum exauctoratus Eugenius Concilium dare non poterit. Diniensem, & Portugallensem Præsules non esse Concilii veros Legatos, sed adulterinos, & præter Pa-

trum Decreta missos; quod & litteris Concilii approbant. Nisi ad unum de nominatis locis se conferrent, Principes omnes, quorum litteras attulerant, simul cum Basileensi Concilio eis futuros hostes; daturosque operam, ut aliud Concilium celebrari non possit. Sin autem secum navigarent, Concilium, & Principes futuros eis contra Turcas; decreturosque generalem expeditionem & cruciatam in hostes. Eadem & Patriarchæ Constantinopolitano retulerunt; qui ubi criminationes Eugenii ex Monitorio audire cepit, Avenionenses filere jussit, & ab se dimisit. Sed cum Legati Papæ, Dinienfis, & Portugallensis, objecta omnia & difficultates Avenionensium dissolvissent, Imperator, & Patriarcha se cum eis in Italiam navigaturos promiserunt: multisque verbis hortati sunt Avenionenses, ut depositis odiis & dissensionibus simul Venetias vellent petere; ubi de loco Concilii commodiori esset disceptandum. Illi vero indignati, minarum pleni solutis ancoris Peram petunt, & post quindecim dies quarto Nonas Novembris in patriam revertuntur. Græci vero cum Imperatore, Patriarcha, & aliis Patribus ad VII. Kalend. Decembris cum novem triremibus iter ingressi sunt. Venetiasque tandem appulerunt ad VI. Idus Februarii. Quod, cum Basileæ renuntiatum esset, illos scilicet e Græcia solvisse cum Legatis Papæ, variæ inter Patres sententiæ, multæque contentiones agitabantur. At Julianus Cardinalis, Legatus Apostolicus, convocatis Patribus, longa & ardenti oratione primum hortatur Patres, ut dimissis odiis atque contentionibus, Græcis jam jam Latinorum terras appetentibus obviam irent; & quos tantopere absentes optaverant, nunc præsentem non spernerent: mitterent Legatos suos, qui eos (si possent) Basileam, Avenionem, Sabaudiamve perducere curarent. Quod si non persuaderent, agerent cum eis de loco Concilii, ita ut Græcos non propter locum, sed locum propter Græcos amare videantur; Eugenio Pontifici reconciliarentur, ne venientibus Græcis ludibrio essent; ut qui aliorum concordiam quærerent, inter se divisi reperirentur. Placere Eugenio, ut Sigismundi Cæsaris arbitrio cuncta componantur. Nefas esse Patribus, talem arbitrum

recusare, cum Cæsar præcipuus semper auctor, fautorque Concilii fuerit. Tollatur a Patribus Monitorium, tollet & Eugenius translationem Concilii, promittetque Decretorum Concilii observationem, si talia fuerint, quæ & reformationi, & honori Sedis Apostolicæ consulant. Sed obstinatis animis frustra narrabatur fabula. Perstant in sententia Basileenses, & nisi in loco a se delecto, non videntur passuri Concilium celebrari.

LXV.

Albertus Sigismundo Cæsare defuncto substituitur.

Moritur inter hæc Sigismundus Cæsar ad V. Idus Maji, salutis anno MCCXXXVIII. eique deinde in Imperio, & Regnis subrogatur Albertus, Dux Austriæ, ejus gener; & Principes Electores Imperii Legatos ad Eugenium mittunt, qui Ferrariæ cum Græcis jam Oecumenicum inchoaverat Concilium. Summa Legationis hæc erat, ut Pontifex pro unione & pace Ecclesiæ pateretur alium locum eligi pro Oecumenico Concilio, nihil amplius contra Basileenses innovaret. Ad ea respondit Pontifex, quamvis Concilium legitime Ferrariæ inchoatum esset, & a Græcis approbatum, non expediret rebus gerendis, & utilitati publicæ illud transferre; velle tamen expectare Alberti novi Cæsaris Legatos, & aliorum quamplurimorum Regum, ac Principum Christiani orbis, quos propediem ad se venturos cognovisset; quorum consilio & auctoritate statuisset se rem hanc pertractare: rogare autem Principes Electores, ut interim in aliquo Germanicæ Nationis loco convenirent cum Cæsare ad conventum celebrandum, ad quem ipse Legatos suos mitteret; qui optimam ejus mentem ad pacem & unionem Ecclesiæ, efficacem & diligentem operam ad unionem cum Græcis navandam, justiciam, innocentiamque suam in administratione Pontificatus, & Basileensium injurias, ac falsas calumnias omnibus plane ostenderent; cum plena tamen potestate Cæsaris, & Principum arbitrio conveniendi cum Patribus, qui Basileæ remanserant; sive etiam, si reipublicæ conducere videatur, alium lo-

cum nominandi pro Concilio universali. Quantum autem ad Basileenses attineret, quamvis ab eis quotidie injuste multipliciter vexaretur, imperaturque, placere tamen, ut contra eos judicia suspendantur, si & ipsi interim quiescant. Quod si non fecerint, protestari coram Deo, & hominibus, per se non stare, quin pax & unitas in Ecclesia Dei perseveret.

LXVI.

SESSIO TRIGESIMA PRIMA.

Eugenius ab administratione Pontificatus suspenditur.

Basileenses vero post hæc, cum audirent Ferrariense Concilium in dies augeri, ad ix. Kalend. Februarii publicam Sessionem (ut consueverant) tenent, anno salutis MCCCXXXVIII. in qua quidem Sessione trigesima prima secundum Decreta Constantiensis Synodi, quæ jubet Romanos Pontifices dissolventes, aut transferentes Concilia Generalia sine Patrum communi consensu, nisi intra quartum mensem resipuerint, & dissolutionem revocaverint, suspendendos esse ab administratione Papali; & post duos alios menses, si in pertinacia perseveraverint, privandos omni Pontificis dignitate; Eugenium IV. Romanum Pontificem, ut manifestum contumacem, & in aperta rebellionem perseverantem, ac notorie incorrigibiliterque Dei Ecclesiam scandalizantem, ab omni administratione Papatus suspenderunt: comminatique sunt, se ad ulteriora processuros, si opus fuerit, absque alia vocatione, Administrationem autem omnem Pontificatus, tam in Spiritualibus, quam in temporalibus, ad sanctam Synodum spectare declaraverunt. Decernentes irritum & inane, quidquid deinceps ageretur ab Eugenio. Principes omnes Christianos monent, hortanturque, Prælatos autem Ecclesiarum, cujuscumque dignitatis aut ordinis Vicarios, Feudatarios, Vassallosque omnes Ecclesiæ Romanæ jubent, ut Eugenio minime pareant durante suspensione: eosque omnes per id tempus

ab

ab omni juramento, quo illi tenerentur, absolviunt: mandant præterea omnibus Cardinalibus, aliisque Prælatibus quibuscumque, atque aliis Officialibus, & quibusvis Romanam Curiam sequentibus, sub pœna excommunicationis, & privationis omnium Beneficiorum, ut intra quadraginta dies ab ipso Eugenio, & Romana Curia discedant. Cardinales autem, & alii Prælati, qui secundum sanctorum Patrum Decreta petere Concilia, sunt obnoxii, Basileam ad Concilium se conferant; alii ad sua quique Beneficia divertant, vel ad Concilium ipsi veniant. Causas omnes, quæ in Romana (*) agitantur, Ecclesiasticas, Spirituales, profanas, civiles, criminales, sive mixtas ad se advocant: inhibentesque Judicibus omnibus, Auditoribus, & Commissariis Romanæ Curiae, cujuscunque sint dignitatis, aut ordinis, ne quoquomodo in eis causis procedant: decernentes irritum & inane, si secus a quopiam fieret: & transgressores hujus Decreti excommunicationis sententia innodarunt, a qua nisi per Synodum possint absolvi. Tum statuunt causas omnes ultra quatuor diætas a Romana curia distantes, præter majores, quæ sacris Patrum Decretis exprimuntur; & causas electionum Ecclesiarum vel Monasteriorum, deinceps in Provinciis propriis apud ordinarios judices esse cognoscendas, finiendasque: neque licere cuique appellare, nisi ad judicem immediate superiorem; neque etiam ad Pontificem Maximum, nisi sit immediatus Superior: & tum Pontifex causam ipsam per rescriptum ad Provinciam ipsam usque ad finem litis remittat: nisi forte propter defectum justitiæ, aut justum metum aliter facere cogatur: & tunc in propinquis Provinciis causa poterit committi. Ab hoc Decreto exemerunt sanctæ Romanæ Ecclesiæ Cardinales, Officialesque omnes Romanæ curiæ in curia commorantes tantum, quoad Concilium aliud statuerit: Voluerunt causas omnes, quæ in Romana Curia vertuntur (ut dictum est) ad Concilium esse advocatas, neque licere de eis quoquo modo agi apud Papam, aut apud Convenculum Ferrariense, (ita enim appellabant Ferrariense Concilium:) & ut dignitates, Beneficiaque Ecclesiastica

idoneis, ac bene meritis conferrentur, minuerenturque lites & ambitiones, hujusmodi Decreta statuerunt. Primum, quoniam gratiæ expectativæ ad Beneficia Ecclesiastica confusionem Ecclesiis generant, ministros plerumque minus idoneos afferunt, occasionem optandæ mortis inferunt, lites & contentiones augent, ex quibus Provinciæ & Ecclesiæ pecuniis exhauriuntur; angustias, solitudinesque expectantibus litigantibusque præparant: ac fraudes, dolos, circumventionesque infinitas pariunt, ordinem Ecclesiasticum perturbant, & ordinariorum collatorum jurisdictionem confundunt: (**) statuere, non licere deinceps Romano Pontifici, gratias expectativas, sive nominationes ad Beneficia quoquomodo concedere; concessas autem, quarum processus non sunt expediti, nullas esse: alias ratas haberi, quoad aliter a Concilio sit deliberatum. Reservationes etiam particulares Beneficiorum, tam per summum Pontificem, quam per Legatos ejus factas, irritas esse & cassas. Licere tamen Romanis futuris Pontificibus, tempore sui Pontificatus de uno Beneficio tantum ad collationem, in qua fuerint decem Beneficia, & deduobus, ubi fuerint quinquaginta, & ultra pro arbitrio suo honeste disporre. Ita tamen, ut in eodem Collegio duas Præbendas non conferat: saluumque esse perpetuo Romano Pontifici jus præventionis in collatione Beneficiorum. In conferendis autem Beneficiis Ecclesiasticis hunc modum servari voluerunt. Primum, ut saluti animarum, Doctrinæque Ecclesiæ consulatur. Prima Præbenda, quæ in Cathedralibus Ecclesiis vacabit, conferatur alicui Magistro, vel Licentiatum, vel Baccalaureo formato in Theologia, qui per decennium in publicis Gymnasiis studuerit, & residenciæ, lecturæ, ac prædicationis onus voluerit subire. In omnibus autem Collegiis Canonicorum tertia pars Præbendarum ad minus conferatur doctinarum Professoribus; quos graduatos appellant. Ita ut prima vacatura conferatur graduato, duæ sequentes aliis; tum alia iterum graduato; & sic deinceps, his videlicet: Magistris, Licentiatum, & Baccalaureis formatis in Theologia, qui per decennium in publicis

(*) forte: Curia agitantur

(**) forte: statuunt

licis Gymnasiis studuerint; Doctoribus, Licentiatisve in altero iurium, sive in Medicina, qui per septem annos; Magistris, sive Licentiatis in artibus, qui per quinquennium: & si nobiles ex utroque parente, & ex antiquo genere fuerint, sat erit, ut annis sex in Theologia studuerint, & in altero iurium annis tribus. Qui autem ex prædictis alias præbendas duas, sive alia Beneficia obtinerent, propter quæ in alio residere non possent, hos non esse connumerandos in dicta tertia graduatorum, præsertim si ea Beneficia sunt census ducentorum aureorum. In parochialibus vero Ecclesiis per civitates & oppida etiam, ut superius, graduati assumantur, qui minus per triennium in publicis Gymnasiis studuerint. Huiusmodi autem graduati, qui ad Beneficia promoveri cupiunt, nomen suum per tempus Quadragesimæ singulis annis dent ordinariis Collatoribus: quod si non fecerint, collatio in alios per Ordinarios facta rata erit: si vero contra huiusmodi Decretum collatio aliqua, sive præsentatio Beneficiorum fiet, nulla sit omnino, & cassa. His solemnibus decretis ad IX. Kalend. Februarii (ut diximus) ne provinciarum Romanæ Ecclesiæ sine Rectore & Administratore remansisse viderentur, interdicto Pontificatu Eugenio, aliud duodecim virorum Collegium statuerunt, quod curam administrandarum provinciarum susciperet, ternos ex qualibet Natione. Hi Legatos duos de latere statim constituerunt: Cardinalem Sancti Petri ad Vincula, qui favore Alphonsi, Regis Aragonum & Siciliæ, urbem Romanam, & Vicinas Ecclesiæ Romanæ provincias: & Valramum postulatam Trajectensem, qui Bononiam, quam Nicolaus Piccinius per id tempus occupaverat, & exarchatum, favore Philippi Ducis Mediolani, cui carissimus erat, administrarent. Basileenses siquidem plurimum in Rege Aragonum, & Duce Mediolani confidebant; qui & Concilio dediti, & Eugenio infensissimi videbantur. Sed Cardinale & postulato provincias recusantibus, petente Duce Cardinalis Ursinus Legatus declaratur. Verum forma iuramenti, quam Basileenses ex Legato exigebant, Duci non placebat, & Cardinalis illis diebus est vita subtractus: Dux vero Cardinales Sanctæ Cru-

cris, & Sanctæ Sabinæ Legatos decerni petebat, viros Basileensibus minime gratos. Tandem post multos tractatus Philippus Dux, qui suspensionem Eugenii summo studio exposulaverat, nunc apertè Basileensibus ostendit, non sibi placere, ulterius contra Eugenium procedere: hortabaturque Patres, ut tertium Generale Concilium fieri paterentur in una ex suis civitatibus, vel alibi in Italia, ubi opportunius videretur. Julianus autem Cardinalis Sanctæ Sabinæ, Sancti Angeli appellatus, ut vidit Basileenses in proposito Pontificem deponendi obtinatos, Basilea discessit V. Idus Januarii. Et Patres concione advocata, Ludovicum, Cardinalem Arelatensem, qui unicuique tunc Cardinalis in Concilio supererat, Præsidentem creant cum plena potestate: & Classis præfectus Nicolaus cum Legatis Basileensium e Græcia reversus, Magistratu se abdicavit, redditus vexillis & scepro. Tum dicta est dies Archi-Episcopo Tarentasiensi, quod contra Concilium Basileense egisset, torture exposuisset Heraldum Ducis Sabaudiarum per Concilium in Græciam missum: vocati sunt ad causam dicendam, quamvis absentes, Dinienfis, & Portu-gallensis Episcopi, ac Nicolaus de Cusa, quod falso se appellassent Concilii Legatos.

LXVII.

SESSIO PRIMA

Principium Concilii Ferrariensis.

Inter hæc convenerant jam Ferrariæ Patres complures Concilii celebrandi gratia: & Nicolaus Sanctæ Crucis Cardinalis, Apostolicæ Sedis Legatus, Eugenii Pontificis nomine Concilio Præsident, primam publicam Sessionem solemniter habuit, quarto Idus Januarii, anno salutis MCCCXXXVIII. in qua hæc communi consensu decreta, statutaque sunt: Eugenium Pontificem ob causas iustas & necessarias, atque urgentes, ad removenda impedimenta, quæ unioni cum Græcis tractandæ interponebantur, propellendumque imminens schisma, de consilio sacri Senatus, approbantibus, laudantibusque Prælati Romanæ curiæ magno numero, transulisse Basileensem Synodum

LXVIII.

SESSIO SECUNDA

Concilii Ferrariensis, in qua Basileenses damnantur.

dum Ferrariam; eam translationem legitimam & Canonicam esse; ac proinde Ferrariense Concilium Oecumenicum legitime congregatum esse; oportereque illud incumbere unioni navandæ cum Græcis, consummationique rerum illarum, quæ Basileæ inceptæ, nondum finitæ essent: neque propter hanc translationem, quæ ob publicam utilitatem manifeste facta esset, Eugenium Pontificem comprehendi Decretis octavæ & undecimæ Sessionis Concilii Basileensis. Congregationem illorum, qui post translatum Concilium Basileæ pertinaciter remanserunt, sive quæcumque aliam præter Ferrariæ legitime congregatam, non esse Concilium Generale, neque auctoritatem illam (*) potestatemve habere: omniaque per Basileenses gesta actaque post translationem, irrita esse & nulla; nisi forte pro reductione Bohemorum aliquid egerint utile, quod sacrum Ferrariense Concilium laudabit, probabitque: omnes, qui in verba olim Basileensis Concilii jurassent, absolutos liberatosque esse ab eo juramento. Nemini omnino licere ex Conciliariis Concilii Ferrariensis, cujuscumque sint gradus aut ordinis, molestare; seu quoquo modo etiam in Beneficiis, aut dignitatibus vexare, quamdiu in Concilio, sive in curia Romani Pontificis perseverabunt. Molestatores, etiam si Cardinales, aut inferioris dignitatis sint, excommunicatos esse, Collegia & Universitates sacris interdicta: & nisi intra tres dies a molestatione cessaverint, sive Beneficio, aut dignitate per se pulsos non restituerint, ipsos cum omni dignitate, etiam si Episcopali & supra, omnique Beneficio Ecclesiastico ipso facto esse privatos. Eos etiam, qui Conciliarium, sive Curialium hujusmodi Beneficia, sibi a quovis collata acceptaverint, excommunicatos item esse, omnique honore & Beneficio privatos, inhabilesque ad futura. Demum convocaverunt omnes ad Generale Concilium Ferrariense, quos ad Concilia secundum sacras leges venire oportet. Venerant jam Græci Venetias ad VI. Idus Februarii, & Eugenius Pontifex paulo post Ferrariam se contulit ad Concilium, ubi ad XV. Kalend. Martii celebrata publica Sessione secunda, hæc approbante Concilio decrevit.

Tomus V. Concilior. German.

(*) lege: ullam

Basileæ post translationem Concilii legitime & necessarie factam, sub nomine Generalis Concilii remanentes, quoniam sanctissimam Græcorum unionem omni studio perturbant, audentque sua temeritate Romanum Pontificem inique judicare, omnes & singulos, etiam si Cardinales, Patriarchæ, Archi-Episcopi, Episcopi, & minoris dignitatis sint, cujuscumque ordinis, excommunicatos esse, ac Beneficiis, dignitatibusque omnibus privatos esse, & ad futura inhabiles, omnia eorum gesta, decretaque a tempore translationis, tam contra hujusmodi translationem, quam contra Conciliares Ferrarienses, Curialesve Summi Pontificis, irrita & nulla esse. Prælatos omnes cujuscumque gradus & dignitatis in vim præstiti juramenti Apostolicæ Sedi discedere oportere & Basileam intra triginta dies; alioquin poenis supradictis subiectos esse: Magistratus, civesque Basileenses, nisi infra prædictum tempus remanentes ejecerint, in eadem esse censura: neminique licere mercimoniis, aut alia quavis re Basileam, nisi paruerint, juvare: contra hanc legem aliquid Basileam importantes, impune ab omnibus spoliuntur, diripianturque: sint ejus bona primi occupantis. Si tamen quispiam ante triginta dies resipuerit, discesseritque, impunitas sit ei concessa, & omnium injuriarum remissio.

LXIX.

Dux Bavarie Bellum infert Basileensibus.

Hæc ubi decreta sunt, & per provincias Basileæ vicinas litteris Pontificis divulgata, plures Basileam petentes, aut hinc inde Concilii gratia transcurrentes sunt capti: & Stephanus Dux Bavarie, & alii nonnulli bellum Basileensibus nunciaverunt. Græcorum Imperator Basileensibus ex Venetiis scripsit, se in Italiam venisse, ut impleret promissa pro unionem: & cum ipsi non satisfecerint conventis, se pro Oecumenico Concilio ce-

M m m m m

lebran-

lebrando Ferrariam petitorium : hortaturque Patres, ut illuc ad Concilium se conferant. Rex Franciæ promittit se fauturum nominationi Basileensium pro Oecumenico Concilio. Rex Hispaniæ, & Electores Imperii, qui Francofordiæ congregati, Albertum Austriæ Ducem, ac Regem Hungariæ & Bohemiæ, Imperatorem designaverant ad XV. Kalend. Aprilis; hortantur Patres, ut a processu contra Eugenium superseant. Sed Ludovicus, Proto-Notarius Romanus, multis argumentationibus omnium objecta, & præsertim Græcorum diluens, hortatur, ut processum maturent.

LXX.

SESSIO TERTIA *Concilii Ferrariensis.*

Græci autem Nonis Martii Ferrariam ingressi sunt, & V. Idus Aprilis anni MCCCXXXVIII. tertia Sessio publica Ferrariæ celebrata est: in qua Pontifex approbante Imperatore Græcorum, Patriarcha Constantinopolitano, Legatisque aliorum Patriarcharum Orientis, ac cæteris Patribus, qui Ferrariæ convenerant, declaravit Ferrariæ celebrari, & legitime congregatum esse Oecumenicum & Generale Concilium pro unione cum Græcis facienda, & ad alia perficienda, quæ Basileæ erant incepta.

LXXI.

*Principes & Legati frustra orant,
ut ab omni processu contra Eugenium superseatur.*

Appetebat jam terminus duorum mensium post suspensionem Eugenii a Basileensibus factam: post quem secundum Decreta Constantiensis Synodi privandus erat Pontificatu, si Concilio non satisfaceret: dies erat ad IX. Kalendas Aprilis. Quare Regum Hispaniæ Legati simul cum Oratore Ducis Mediolani, qui etiam nomine Alphonsi, Regis Aragonum, petebat, Patres hortabantur, rogabantque, ut ad diem octuagesimum judicium contra Eugenium differrent: alioquin nomine suorum Principum protestari, quod ei non consentirent, quoniam vereantur inde schisma oriturum: ex prorogatione autem fieri posse, ut

concordia inter Papam & Concilium inveniat. Archi-Episcopus Mediolanensis, qui se Primatem Italiæ appellabat, idem afferebat suo & provinciæ suæ nomine. Quin & Ludovicus, Proto-Notarius Romanus, qui nuper Eugenii acerrimus impugnator erat, instigaveratque Patres ad procedendum contra eum, nunc etiam sententiam differendi probabat. Sed cum res in longam disceptationem venisset, statuerunt tandem Patres procedendum esse; & ut maturius tantam rem aggredi viderentur, faciliusque ejus aditus pateret ad deiciendum Pontificatu Eugenium, tamquam male de fide sentientem: ut qui in confictis contra eum criminibus non multum confiderent; communi consensu tria (ut ajunt) firmant fundamenta, quas veritates fidei appellant, declarantque ab omnibus esse tenendas, ut a sacro Constantiensis Synodo manifestatas: Romanos Pontifices Concilia Generalia legitime congregata dissolvere, prorogare, seu transferre minime posse sine majoris partis Conciliarium assensu: Concilium Generale habere potestatem immediate a Christo, cui etiam Romanus Pontifex obnoxius est: eumque in his, quæ ad fidem Catholicam, exstirpationem hæresum, ac schismatis, & reformationem generalem Ecclesiæ, tam in capite, quam in membris pertinere, Concilio obedire oportere. Romanum Pontificem non posse immutare ea, quæ spectant ad universalem Statum Ecclesiæ. Hæc qui non tenent, male de orthodoxa fide sentire.

LXXII.

SESSIO TRICESIMA SECUNDA BASILEENSIS

*Contra Ferrariense Concilium, &
ejus Sequaces.*

Celebratur igitur post hæc publica Sessio XXXII. ad IX. Kalend. Aprilis, anni MCCCXXXVIII. In qua decernuntur litteræ Concilii nomine ad Christianos Principes: quibus Basileensium gesta circa nominationem Concilii pro Avinionem, Basilea, & Sabaudia, completorumque omnium promissorum in Concordatis cum Græcis narrantur, probanturque.

turque. Et e contra improbat, damnatur electio per minorem partem facta de Florentia & Utino, Decretum illud falsum asseritur, & nullum, neque etiam secundum in eo contenta ab Eugenio servatum. Tum asseritur per Eugenium impeditum fuisse, quo minus Basileenses in tempore Constantinopolim petere potuerint; & ejus opera Græcos seductos ad locum Concilii per se nominatum non venisse, ut eos ad locum sibi placitum duceret; neque aliud querere Eugenium, nisi ut Conciliis potestatem auferat supra Romanos Pontifices. Gesta omnia, Sessionesque, & Decreta in Ferrarienti Concilio, quod Conventiculum Schismaticorum appellabant, irrita esse & nulla, neminemque illis obedire oportere. Tum omnes, qui a die suspensionis Eugenii in ejus Curia perseveraverunt, omnesque, qui Ferrariense (ut aiebant) Conventiculum adierant, ad iudicium vocant, intra XXX. dies responsuros, cur poena in Sessione XXIX. decreta puniri non debeant. Declarant deinde molestantes, vexantesque quoquo modo Basileense Concilium, vel ad illud accedentes, recedentesque, poenas, & censuras incurrisse in prima Sessione contentas; etiam si quis id egerit Eugenii Pontificis, Ferrariensiumve mandato, quod nullam potestatem habere affirmant. Posthac Concilii Procuratores accusationes Eugenii, caudicorum more, capitibus centum & quinquaginta, ut res atrocior videretur, Patribus proponunt: quas testibus, & publicis documentis se asserunt probaturos. Summa erat Eugenium IV. Romanum Pontificem pertinacem ac rebellem, violatorem ac perversorem Sacrorum Conciliorum esse, inemendabilem, atque incorrigibilem, & perjurum, qui per eum in sua assumptione solemniter jurata non servaverit; schismaticum, ac schismata nutrientem, qui stante Concilio Generali Basileensi aliud Conventiculum sub nomine Generalis Concilii erexerit Ferrariæ; pacis & unionis Ecclesiæ, ac sanctorum operum, propter quæ Sancta Basileensis Synodus congregata esset, turbatorem, ac impediatorem; de fide orthodoxa male sentientem, abnegantemque Articulum Symboli: Unam Sanctam Ecclesiam

Catholicam; quorum (*) Sanctorum Conciliorum Decretis, quæ Sanctam Ecclesiam repræsentant, non obtemperet: Bonorum ac jurium Romanæ Ecclesiæ depopulatorem, dilapidatoremque, qui ejus provincias alienaverit, destruxeritque: Simoniacum manifestum, ac notorium; qui nullis Ecclesiastica Beneficia sine pecuniis concedat: & denique aperte atque enormiter scandalizantem universalem Ecclesiam Dei in omnibus suis gestis, ac dictis. Quare iusto iudicio, ut tanta dignitate prorsus indignum, esse rejiciendum a Pontificali dignitate, & ab universali Ecclesia, & ut putridum membrum abscindendum. At alia ex parte Franciæ; Hispaniæque Reges litteris & Nunciis orabant Patres, ut in iudicio contra Eugenium superfederent, putantes mitiori medicina languenti Ecclesiæ succurrendum. Et Rex quidem Anglorum acerbissimis litteris Patres increpavit, quod auderent Romanum Pontificem judicare; asserens Antichristi tempora eos introducere; & exhortans, ut a processibus cessarent; & in litterarum superscriptione Basileensem Congregationem, non autem Concilium appellavit. Et Rex Portugalliæ secundum Decreta quorundam Romanorum Pontificum petebat a Basileensi Concilio sibi decerni expeditionem contra Saracenos, qui Regnum Granatæ occupant: promittens, quoniam provincia sub Rege Hispaniæ esset, omnia, quæ coeperit ex hostibus, Hispaniæ Regi se redditurum, si ille expensas pecunias restitueret. Quod ne fieret, Oratores Regis Hispaniæ impedierunt: asserentes id cedere in apertum præjudicium & dedecus sui Regis, qui sæpe cum infidelibus prospere decertasset.

LXXIII.

Germaniæ Principes Neutralitatem instituunt per sex menses.

Convenerunt Francofordiæ Electores Imperii post mortem Sigismundi Cæsaris ad novum Cæsarem subrogandum, ut dictum est: qui cum varia in dies edicta Romani Pontificis, & Basileensium cernerent, communi consensu XV. Kalend. Aprilis ejusdem anni, sta-

M m m m m 2

tuunt

Tomus V. Concilior. German.

(*) forte: quoniam

tuunt se, Provincialesque omnia Decreta alterius partis contra alteram partem non suscipere: Venerarique & Eugenium pontificem, & Concilium Basileense: velleque usque ad sextum mensem deliberare, cujus parti sit adhaerendum. Interea tamen protestari se non discedere ab obedientia & reverentia Sedis Apostolicæ. Prælatos autem Ecclesiarum populos sibi commissos jure ordinario gubernaturos. Hoc principium fuit Neutralitatis Germanicæ, quæ prætextu Concordiæ per sex menses instituta, supra sex annos perduravit, ab Eugenio, & Basileensibus reprobata. Nemini enim parebant, cum censuræ imponebantur: & quod ab altero non poterant impetrare, ab altero petebant. Causa autem fuit Germanorum Neutralitas, ut Felici deinde Antipapæ a multis non obediretur, cum Germani illum non susceperunt; & Eugenium non negarent.

LXXIV.

*Legatio Electorum pro superse-
dendo in judicio contra
Eugenium.*

Advenerunt posthæc Electorum Legati Basileam, qui multis argumentis suadebant super sedendum esse a processu contra Pontificem: id etiam affirmabat Mediolani Ducis Legatus. Sed Basileenses auctore præsertim Cardinale Arelatense maturandum putant. Statuunt igitur Generalem Conventionem celebrare, ut Eugenii accusationem & articulos probent: Primores Nationum rem differendam putant: Præsident cum popularibus negant id utile ad summam: Prælati Hispanicæ nationis afferunt se probationi criminationum Eugenii non assensuros: & Panormitanus Præsul, qui alias accelerationum judicii persuadere consueverat, nunc super sedendum omnino censebat: affirmabatque Italicis & Hispanicis non consentientibus, quasi media parte Concilii, nihil ab aliis statui posse: quod a Gallicis & Germanicis non admittebatur; cum dicerent eos nullo modo esse non modo pares, sed vix quartam partem. Quibus respondebat Panormitanus, non Prælatos, quibus illi maxime abundarent, non habere potestatem statuendi in Conciliis; & proin-

de se esse eis æquales, cum non essent inferiores numero Prælatorum. Fit tandem Congregatio generalis ad IV. Kalendas Majas, in qua cum proponeretur, an admittendæ essent criminationes Eugenii, Oratores Regum Hispanicæ & Aragoniæ, Ducisque Mediolani, & Barcinonensis Episcopi nomine Ecclesiæ Hispaniensis, A. chi-Episcopus Mediolanensis nomine Italiæ, cujus se Primatem appellabat, intercedunt, prohibentque, ne id fiat. Quod si fiat, attestantur neque se, neque Principes suos consenturos. Sed cum his non moverentur alii, jamque Decretum admissionis Articulorum jubente Præsidente legeretur, omnes supradicti e concione discesserunt. Patriarcha vero Aquilejensis multa contra Mediolanensem disseruit: asserens Primatum Ecclesiæ Italiæ ad se post Romanam Sedem spectare. Admissæ sunt criminationes, & statutum, ut intra triginta dies testibus approbarentur, & contumacem esse Eugenium. Declarati sunt & contumaces Cardinales Sanctæ Romanæ Ecclesiæ, & alii, qui Ferrariæ convenierint, quod Decreto trigesimæ secundæ Sessionis intra statutum tempus non paruisent: & paucis post diebus admissi sunt testes jurati viginti duo ad probandum Eugenii criminationes. Majo mense sequenti Ludovicus Protonotarius Romanus ex legatione ad Ducem Sabaudie rediit: retulitque Ducem ipsum Patribus deditissimum esse, faterique Basileæ esse legitimum Concilium, Ferrariæ autem minime; proinde missurum ad eos Prælatos Provinciæ suæ. Petere deinde, ut provisionem de Ecclesia Tarantasiensi factam ab Eugenio post suspensionem suam in personam cujusdam Joannis de Arcis, irritam declararent, Ecclesiæque illi de alio provideant.

LXXV.

*Sexdecim virorum Magistratus
pro conferendis Bene-
ficiis.*

Factus est etiam alius Magistratus sexdecim virorum super Beneficiis vacantibus, non electivis tamen, conferendis, qui menstruus erat Magistratus. Hos tamen servare oportebat ordinem in trigesima prima Sessione præscriptum.

Sta-

Statuerunt etiam alios Magistratus, qui poenitentiarum regerent in Concilio. Albertus vero novus Cæsar Legatos suos in Concilio iussit esse Episcopum Lubecensem & Georgium Vifchel, qui Sigismundi legatione prius erant functi; approbavitque Concilium Basileense, & fidem publicam a Sigismundo Patribus datam, securitatemque innovavit: iussitque Conciliares omnes per totam Germaniam salvos esse. Patres illi pecunias concesserunt ex indulgentiis in Austria collectas, pro Græcorum adventu. Sed cum a Legatis Basileensium peteretur a Cæsare, ut juberet Decreta Concilii contra Eugenium per Germaniam observari; responsum est, eos præstolari oportere conventum ad festum Divæ Margaritæ indictum, in quo Cæsar cum Principibus statueret, quod agendum esset pro utilitate publica.

LXXXVI.

Legatio Electorum Basileam.

Miserant, ut diximus, Principes Electores ad Eugenium Legatos, ut permitteret tertium locum nominari in Germania pro Generali Concilio, responsumque fuerat, velle Eugenium expectare Legatos novi Cæsaris, & aliorum Principum, qui brevi assuturi erant, & ex eorum consilio omnia agere: placereque sibi, ut interim Conventus aliquis in Germania celebraretur, ad quem ipse esset Legatos suos missurus, in quo de modo concordie, & pacis Ecclesiæ tractaretur: qui si iudicaret expedire reipublicæ, quod alius locus eligeretur pro Concilio, id concessurum se pollicebatur. Principes igitur Legatos ipsos ad se reverbos cum his mandatis Basileam mittunt: orantes, ut processum contra Papam tamdiu prorogent, quoad ipsi convenire, & concordiam tractare possint. Eliguntur quinquaginta viri, qui hæc discutiant, videantque, quid agendum. Primores statuunt ad tres menses supersedendum a toto processu, nec omnino aliquid contra Eugenium interim faciendum. Alii vero auctore Cardinali Arelatenfi multis argumentis & approbationibus usi, censent supersedendum quidem a sententia depositionis ad id tempus: sed interim necesse est, ut testium depositione criminationes Eugenii

approbentur, ne diutius de sua innocentia gloriari possit Eugenius; neve Patres fallam calumniam ei ingessisse arguantur. Interim vero posse per Principes de concordia agi, faciliusque Eugenium Concilii potestati se submissurum, cum cognoverit crimina sua probata esse.

LXXVII.

Legatio Regis Franciæ Basileam pro Eugenio Pontifice.

Julio mense Dominicus Cardinalis Tarraconensis, tituli Sancti Joannis & Pauli, Basileam ad Concilium venit: benigne a patribus susceptus est. Et Rex Franciæ celebrato Bituris provincialium suorum Conventu, Oratores suos Basileam misit, orans iterum patres, ut a processu contra Eugenium cessarent: promittens se operam daturum pro concordia & pace. Sed quoniam non præscribebatur tempus, responsum est dilationem continuo fieri.

LXXVIII.

Dammantur sequentes Eugenium.

Sequenti mense vocantur rursus in iudicium sequentes Curiam Eugenii, Ferrariæ commorantes sub specie Concilii, & qui Basileense Concilium quoquo modo impedirent, vel Legationibus Eugenii fungerentur contra Concilium: & paulo post in Generali Congregatione declaratur, eos incidisse in pœnas contra eos statutas.

LXXIX.

Accusatio Beati Bernardini Senensis.

Per hoc tempus, deferente quodam Bartholomæo ex Ordine Eremitarum Sancti Augustini, actum est de cultu tabellæ Nominis JESU; quem frater Bernardinus Senensis, qui postea inter Sanctos relatus est, introduxerat. Et cum a multis reprobareretur cultus ille, & Arelatenfis Cardinalis assereret, Bernardino a Martino pontifice fuisse prohibitum, ne id ultra faceret, affirmatum est, post prohibitionem semper ab eo cultu abstinuisse

nuisse Bernardinum, & res indiscussa est & dimissa.

LXXX.

Conventus Nurimburgensis super rebus Ecclesiæ.

Celebratus est Conventus Nurimbergæ ad diem dictum: & cum Basileenses Legati rogarentur ab Oratoribus Cæsaribus & principum, ut permitterent patres, suorum principum arbitrio, & interventione pacem componi inter se, & pontificem: multis argumentis responderunt, id neque fieri posse, neque iustum videri; quoniam non liceret sæculares principes de rebus Ecclesiasticis iudicare, neque esse utile reipublicæ, ut principes videantur legem præscribere Concilio Generali, & Romano pontifici. Volebant enim principes, ut ad alium Conventum ad festum Sancti Galli celebrandum, Legati pontificis & Basileensium cum plena potestate concordandi adessent. Quod omnino a Basileensibus negatum est; quamvis assererent principes non iudicis, sed Mediatorum & procuratorum pacis officio functuros.

LXXXI.

Processus contra Eugenium.

His peractis adveniente tempore concessio ad probandas Eugenii criminationes, alia concerratio exorta est: cum hi, quibus commissum erat, ut Eugenium ad iudicium vocarent responsurum contra producta, & probata, procedere in causâ statuerunt, adducuntur litteræ principum, petentes, ne id fiat. Et Dux quidem Mediolani gravissime litteris conquestus, quod patres in gratiam principum abstinere nollent a iudicio contra Eugenium. Tandem declarat, se non consenturum eorum iudicio; & si Eugenium pontificatu ejiciant, aliumve subrogent, se omni studio totis viribus adversaturum, atque alios principes inducturum in suam sententiam. Præter hæc Hispaniæ, Aragonum, & Navarræ Regum Legati, ac etiam Ducis Mediolani, principum suorum nomine, & Mediolanensis præsul Italix, & Barchinonensis Hispanicæ Ecclesiæ, Cardinalis vero Tarraconensis proprio nomine intercessionem fecerunt: protestatique sunt, ne-

que se, neque principes, provincialesve suos in eam rem consentire. Spretis tamen his omnibus, judiciali ritu servato, vocatus est Eugenius per edictum ad contradicendum productis XVII. Kalendas Novembris ejusdem anni, affirmantibus patribus posse superfedere a sententia contra Eugenium: a cognitione autem causæ, & completionem processus cum honore Concilii non posse.

LXXXII.

Alius Conventus Nurimburgensis, in quo Legati Eugenii & Basileensium interfuerunt.

Inter hæc Basileensium Oratores Nurimbergam petunt ad secundum Conventum, quo & Pontificis Legati prius convenerant, Cardinalis Sanctæ Crucis, Archi Episcopus Tarentinus, & alii quidam: inter quos Joannes de Turrecremata, Ordinis Prædicatorum, qui postea Sancti Sixti, & Nicolaus Cusa, qui Sancti Petri ad Vincula Cardinales fuere, annumerabantur. Excepti sunt Basileenses publica pompa: multis Principibus & Clero obviam effuso, ut Legati de latere procedebant; præcedebat Crux Aquilejensem Patriarcham, qui princeps erat Legationis. Is ad templum Sancti Sebaldi descendens, populo benedixit, & quinque annorum indulgentias elargitus est. Sed cum ad concordix tractatus deveniret, videreturque Principibus optimum esse, si tertius eligeretur locus, in quo & Basileenses, & Ferrarienses cum Græcis, & Pontifice convenirent, facerentque Concilium Generale: post multas allegationes Basileensium, qui asserbant, id neque utile futurum, neque iustum; tandem responderunt super ea re potestatem non habere: petere tamen responsum super pridem postulatis a Principibus, ut scilicet Decreta Concilii susciperent, ea per provinciam facerent servare; curarentque, ut Basileæ congregati salvi essent. Responsum est, Cæsarem, & Principes per suos Legatos, mox Patribus aperturos eorum sententias.

LXXXIII.

LXXXIII.

*Regis Franciæ consilium pro pace
Ecclesiæ.*

Legati vero Francorum Regis, qui Patribus suaserant, ut a iudicando Pontifice supersederent, petierantque pragmaticæ Sanctionis confirmationem, quam Ecclesia Gallicana Bituris sancierat, requisiti quæ media pacis haberent, hæc proposuerunt: placere Regi & Prælati, ut Patres persisterent in sententia alterius ex tribus locis nominatis pro Oecumenico Concilio, Basilea, Avenione, & Sabaudia, si Pontifex & Græci induci possent ad probandum. Et quamquam Galliarum Prælati eis non conducere arbitrantur Romanam Curiam Avenioni esse; tamen pro utilitate publica, id æquo animo ad aliquod tempus laturus: tum si loca nominata Pontifici & Græcis non placerent, obsecrare Patres Regem, ut plurima nominent loca, quorum aliqua etiam in Galliis sint, e quibus sint nonnulla, quæ merito recusari non possint. Interea selectionem pro Concilio, si volunt Pontifici tamquam colliganti concedere, concedant Græcis, quibus ut facilius unioni assentiant, omni studio sit blandiendum. Et quamvis secundum Decreta Constantiensis, & Basileensis etiam Synodi, in Galliis sit celebrandum proximum Concilium, placere tamen Regi & Prælati juri suo pro hac vice cedere; ita ut ibi celebretur Concilium, ubi pax & concordia Ecclesiæ facilius possit inveniri: hac tamen lege, ut proximum deinde Concilium in Gallia celebretur.

LXXXIV.

*Cæsaris & Principum Respon-
sum.*

Tertio Nonas Septembris hujus anni Legati Cæsaris & Principum Germaniæ Basileam ingressi benigne suscipiuntur: quorum Legationis hæc summa fuit: fateri Germanos Concilium Generale esse, vellesse Cæsarem omnes ibi congregatos, conciliaresque omnes esse salvos: Sententiam neutralitatis prælatos, principes, populosque omnes approbasse, suscepisseque; ac venerari simul eodem tenore & sacrum Concilium, & Eugeni-

um Summum Pontificem. Pro quiete autem, & concordia contententium videri Cæsari & Principibus, ut Basileenses & Ferrarienses in tertio quodam loco pro Generali Concilio conveniant, quem patres de consilio Cæsaris nominassent aptum rebus gerendis: ostendentes nullum esse remedium tantis malis, nisi tertium locum. Et obsecrantes multis maximisque precibus, ut hoc efficerent: quorum petitiones & Regis Franciæ Legati confirmabant, asserebantque idem cupere & orare Gallorum Regem. Cum res acriter urgeretur, qui a dissolutione Concilii abhorrebant, legem fieri procurant, non licere de dissolutione, sive translatione agere, nisi prius per XII. virorum magistratum legitime probatum, & in quatuor conventibus omnibus convocatis statutum fuerit: ita ut nisi conveniente multitudine omni, de ea re non agatur. Accesserunt ad petitionem Germanorum & Gallorum, etiam Oratores Hispaniæ, Aragoniæ, Navarræ, portgalliæque Regum, & Ducis Mediolani, qui omnes in sententiam Cæsaris ire profitebantur. Diu igitur multumque inter patres, quibus demandata erat hæc provincia, & Legatos disputatum est per continuos duos menses, sæpeque hinc inde pacis conditiones præscriptæ. Sed cum viderentur nimis duræ a patribus imponi, Legati in hanc formam leges conscripsere: Patres eligent Concilii auctoritate pro loco Oecumenici, & Generalis Concilii, Argentinam, Constantiam, Moguntiam: hanc electionem Cæsar intra mensem, & cæteri Reges Eugenio Pontifici, Græcisque, significant: qui etiam intra alium mensem unum ex nominatis locis litteris publicis approbent; & intra tertium mensem, unum scilicet ab approbatione loci, de eorum electione Basileenses reddant certiores. Et mox post approbatum locum a Pontifice congregatio Ferrariensis omnino cesset; Basileenses vero, ut primum certiores redditi fuerint de acceptance loci, publico Decreto statuant ibi Concilium celebrandum. Si locus ille novo accidente infortunio incommodus fiat ante Concilii inchoationem, alius è nominatis assumatur. Si post inchoationem Concilium sibi provideat, Pontifex per se vel suos Legatos, & Græci intra duos menses a die approbationis loci:

Basi-

Basileenses vero intra eundem terminum a die notitiæ approbationis, ad nominatum locum se conferant Concilii gratia ; sitque ibi post illos duos menses Generale Concilium indissolubile, nisi a seipso. Nihil tamen in Concilio agi posse, nisi post illos duos menses, & quindecim dies. Præsidentes Concilii Pontificis nomine, ut in Basileensi, suscipiantur. Modum procedendi in eo Concilio Patres sibi statuent, ut expedire videbitur. Ut primum Pontifex locum acceptabit, profitebitur Decreta Constantiensis Concilii de Potestate Conciliorum. Quod cum primum patres Basileæ per litteras publicas Eugenii cognoverint, mox suspensio ipsius Pontificis tollatur. Pœnæ & censure hinc inde cassentur, annullenturque. Quod si nec Pontifex, nec Græci locum aliquem ex nominatis acceptaverint, patres unum pro suo arbitrio accipiant, & intra duos menses illuc transferant Concilium : non tamen ante quintum mensem a prima nominatione quidquam statuatur a Concilio. Avenionensibus ex pecuniis indulgentiarum, aut aliunde, satisfiet pro pecuniis sacro Concilio mutuatis, & eorum damnis : agaturque de provisione faciendâ Apostolicæ Sedi, ejusque prælatis ob remotas annatas. Cæsar & principes Imperii fidem publicam patribus Concilii dabunt, locumque pro Concilio nominandum tutabuntur, & ab omni violentia defendent ; dabuntque operam, ut rerum omnium copia securitasque integra omni ex parte abundet ; & aliquem ex proceribus Defensorem, protectoremque Concilii constituent. Has tamen Legatorum condiciones pacis Basileenses suscipere noluerunt : multa illis addentes, multa dementes ; ut omnem Pontificis potestatem omnino enervarent ; illud maxime asserentes, Eugenium nullo modo posse inclinari, ut potestatem Ecclesiæ confiteatur : qui nuper etiam inconsultis principibus, qui ei faverunt, transtulit congregationem suam e Ferraria Florentiam : non esse id signum volentis consentire Concilium celebrare in Germania, qui a Germania longius (*) abscesserint. Tandem promiserunt, se missuros Legatos ad novam diartam cum plena potestate, facturosque omnia, quæ utilia esse Catholicæ fidei putarent.

(*) forte: abscesserit

LXXXV.

SESSIO QUARTA.

Ferrariense Concilium Florentiam transfertur.

Eugenius inter hæc, cum Ferrariæ annonæ caritate ; & etiam peste patres premerentur, quarto Idus Januarii ejusdem anni Concilium ex voluntate patrum, & sacri Senatus Florentiam transtulit prosequendum, ut Ferrariæ erat inceptum, quod actum est in quarta publica Sessione.

LXXXVI.

Mittuntur Legati per Basileenses ad Conventum Francofordiensem.

Menſe Martio Anni mccccxxxix. pestis Basileæ ſerpere cœpit, & patres plenariam indulgentiam in ea perfeverantia morientibus conceſſerunt. Miſerunt Oratores aliquos in Britanniam, qui principibus populisque ejus provinciæ ſuaderent, ut Basileenſium Decreta ſuſciperent, exigerentque pecunias ex indulgentiis collectas. Et cum inſtaret tempus indiſti a principibus Germaniæ conventus, qui ex Francofordia translatus fuerat Moguntiam, Basileenſes Legatos illuc deſignant cum plena potestate, datis tantum clam mandatis, quouſque principibus complacerent. Princeps hujus Legationis fuit Ludovicus ex Ducibus de Dech. patriarcha Aquilejenſis, cum potestate & inſignibus Legati de Latere. Data eſt præterea patriarchæ, & aliis Collegis, etiam ſeparatis poteſtas multa concedendi, quæ ad Pontificatum ſpectant : confeſſionale, altare portatile, diſpenſationes ſuper irregularitate, inhabilitatione, defectu natalium, & plura hujusmodi, quæ nunc primum Legatis ſunt conceſſa, ſed deinceps ampliora. Proviſiones plurium Eccleſiarum factæ ſunt hoc menſe Basileæ, & præſertim Eccleſiæ Groſſetanæ, in perſonam fratris Nicolai de Sancto Geminiano, qui tamen non obtinuit : ſtatutumque, ut qui ab Eugenio Beneficia obtrinerant, eis a Concilio non darentur, niſi coram Basileam peterent, & Eugenii collationi penitus relinqua-

resignarent. Venerunt Maguntiam Oratores Concilii: ubi cum Legatis Cæsaris, Cardinalis Sancti Petri ad Vincula, Trevirensis, Colonienfis, & Maguntinus, Principes Electores, & Archi-Episcopi aderant. Tum Patavienfis, Lubecenfis, & Auguftanfis Episcopi, præter hos, qui Cæsaris erant Legati, Turonenfis Archi-præsul, & Trecentis Episcopi Gallorum, Conchenfis Hispanorum, Albiganensis Mediolanensis Oratores, & aliorum Principum Germaniæ Legati complures. Legati Basileenses sæpius cum Principibus, & Legatis Cæsaris, ac Regum convenientes, acriter petitionibus Principum resistebant: & producentes Patrum mandata, quæ plumbea Bulla munita erant, ea prævaricari non posse asserabant. Petebant insuper Concilii Decreta a Cæsare, & a Principibus suscipi. At Principes & Legati Cæsaris paci, & quieti studentes instabant, ut a iudicio contra Pontificem superfederent: permitterentque Patres Concilium transferri, ut dictum erat. Disceptatio per plures dies tractata est, & nihil tandem a Basileensibus potuit obtineri: cum affirmarent iudicium contra Eugenium assidue potestatem Ecclesiæ labefactantem, suspendi non posse: & Concilium a petitis conditionibus non esse transmutandum. Nicolaus de Cusa Eugenii causam tuebatur, ubique prædicans Basileæ non esse Concilium Generale.

LXXXVII.

De iudicio Vestfaliæ.

Post hoc tempus Albertus Cæsar Patres litteris hortatur, ut causam quandam profanam ad iudicium Vestfaliæ, quod veritum & secretum appellant, remitterent. Iudicium hoc a Carolo Magno institutum ajunt: quod deinde Cæsares tanti fecerunt, ut raro, vel nunquam ab illo ad se provocantes admiserint. In eo etiam non vocati damnantur. Ponitur in medio chordula, cum de aliquo noxio refertur: si necandus videtur, tangunt omnes, qui accusatum suspensio dignum putant, digito funem: & ne damnatus sit omnino incius, per unum aliquem ex Iudicibus, qui incogniti sunt, cum obviis datur virga leni-

Tomus V. Concilior. German.

(*) forte: non satis

ter percutitur, vel ex eo audit hujusmodi verba: *Et alibi ita bonus comeditur panis, ut hic.* post hoc, ubicunque damnatus repertus fuerit, suspenditur. Neque possunt ii Iudices evitari, cum non cognoscantur. Quod genus iudicii a Carolo ideo inventum ajunt, ut Saxonum gentem barbaram tunc ac perferocem, cædibus & latrociniiis assuetam, ac crebro rebellantem in officio contineret. Gens færa, & idolis dedita, neque fidem, neque iurandum colebat, & ideo graviore fræno coercenda videbatur.

LXXXVIII.

Octo Conclusiones Fidei contra Eugenium.

Inter hæc Patres, qui Basileæ erant, veriti, ne criminationes Eugenio objectæ (*) satis viderentur ad deiciendum illum pontificatu, Conclusiones octo per Sacræ Theologiæ Professores excusserunt; quibus asserbatur Eugenium hæreticum, atque in hæresi relapsum esse: has octo conclusiones veritates Catholicæ Fidei affirmantes. Potestatem Generalis Concilii supra Romanum Pontificem, & quemlibet alium esse. Pontifici non licere dissolvere Generale Concilium præter ejus consensum. Has duas veritates esse Fidei Catholicæ: quas, qui negaverit, aut eis contrafecerit pertinaciter, hæreticum censendum. Dissolutionem Concilii Basileensis primo per Eugenium factam contra primas veritates esse: Eugenium monitum a Concilio, errores suos primæ dissolutionis revocasse: secundam dissolutionem ab Eugenio factam, si contra se, suosque procederetur, manifestum esse errorem fidei: secundam dissolutionem hujusmodi ab Eugenio factam, pertinaciam ejus post accusatam contumaciam apertam, & erectionem alterius Congregationis sub nomine Concilii Generalis, durante adhuc Basileensi Synodo, contra primas veritates esse. Has igitur conclusiones multis argumentis munitas ad Legatos suos Maguntiam miserunt. Post hæc instantibus Legatis Basileensium, Conventus Germanorum acceptavit, suscepitque omnia Basileensis Concilii Decreta, præter ea, quæ ad iudicium contra Pa-

N n n n n

pam

pam quoquo modo spectarent: & in plerisque aliis limitationes, & exceptiones aliquas præscriperunt a Concilio deinde statuendas. Facta sunt hæc Maguntia VII. Kalendas Aprilis, anno salutis MCCCXXXIX. Postremo cum multis diebus pro rebus componendis frustra disceptatum esset, Basileenses Legati affirmarunt, si Cæsar, & Principes, ceterique Regum Legati promitterent, caveantque Concilium transferendum iisdem legibus, consuetudinibus, atque ordinationibus continuandum fore, quibus Basileæ hæctenus celebratum est; sique ei intra terminum præfigendum Eugenius non profiteretur fidei veritates, neque adimpleret Concilii mandata, vellent illum deferere, & Patribus assistere, fervareque iudicium; sperare Patres omnia, quæ Principes peterent implenturos. Ad ea per Conchensem Episcopum responsum est: primum a Pontifice non posse concedi; quoniam non liceret illi præiudicium facere omnibus Episcopis, quibus a Basileensibus sit injuria; cum inferioris ordinis viri voces habeant in Concilio, quod solum ad Episcopos spectat. Alterum vero Principes nunquam concessuros, ut qui nihil magis cupiant, quam a iudicio contra Pontificem abstinere. Tandem rebus infectis Basileensium Legati domum reversi sunt.

LXXXIX.

*Legati Eugenii ad Conventum
Maguntinum.*

Discedentibus Maguntia Basileensibus, Legati Eugenii adventarunt, qui Conventa Nurembergæ adimpleri postulabant: asserentes supremam Ecclesiæ potestatem in solo Romano Pontifice esse, celebrarique Florentiæ Generale Concilium. Quod si Principes secundum promissa non facerent, non stare per Pontificem, quin fiat concordia. Basileæ vero interim mense Aprili inter multa alia privata, electus per Capitulum Ecclesiæ Andegavensis, quem & litteris suis Rex Franciæ commendabat, confirmatus est, rejecto Guilelmo de Stotovilla, cui Eugenius Ecclesiam illam demandaverat. Sed is postea non modo Andegavensem Ecclesiam obtinuit, sed

& Cardinalis factus est, & ad Rotomagensem longo post tempore est translatus.

XC.

Concertatio Patrum pro octo veritatibus concludendis.

Mense Aprili magnæ acerrimæque inter Patres contentiones actæ sunt; cum illi octo veritates legitimo Decreto approbare vellent; Legati vero omnium Principum aperte contradicerent: atque ita incensi sunt contententes, ut cum Promotores Concilii Arelatenlem Cardinalem, ut primum præfidentem peterent, ut veritates illas ex more concluderet; Panormitanus præsul, cum aliter persuadere non posset, secessione facta duxerit (*) se cum aliis prælatis Oratorium, qui majorem partem prælatorum complectebantur, concludere (**) non esse concludendum; & asserentes omne jus Concilii apud eos esse; quoniam inferiores non haberent potestatem ineundi suffragia in Conciliis Generalibus, & maxime in rebus fidei, neque vocem habere, nisi consultivam tantum: atque in tantum excanduit, ut colluviem illam copistarum Concilium appellaverit: affirmaveritque flagitium fieri ab Arelatenfibus, qui cum tribus Episcopis titularibus contra omnes Concilii prælatos vellet statuere. Tandem instante Arelatenfibus & quibusdam ex suis, ferventeque multitudine, tres tantum primæ conclusiones in generali Congregatione sunt approbatæ. Sed non minor deinde concertatio fuit, cum in publica Sessione solemni Decreto illa sancire voluerunt. Fidei Procurator Cardinalem Arelatensem monet, ut ex debito officii, quod Concilio præfideret, & quia Cardinalis esset, Sessionem indiceret pro veritatibus Fidei decretandis. Ad quæ Arelatenfibus respondit; merito se, aliosque Sanctæ Romanæ Ecclesiæ Cardinales, vitam etiam pro fidei defensione exponere oportere, quod rubrum Galerum ejus dignitatis insigne designaret, & in litteris Apostolicis sui Cardinalatus clare esset expressum; indixitque in diem alteram Sessionem. Reclamantibus autem Legatis Cæsaribus, & aliorum Principum, affirmantibusque, se huic rei nullo modo consentire

(*) forte: dixerit

(**) forte: concludere

sentire posse; neque bene agere Patres, qui Principibus pro pace Ecclesiæ laborantibus superfedendo morem gerere nollent; Respondit Arelatenfis Patres Basileæ convenisse in nomine Christi, non autem in nomine Principum; ac proinde Christi voluntatem, non principum, impleri oportere.

XCI.

SESSIO TRIGESIMA TERTIA.

*Tres primæ Veritates appro-
bantur.*

Illucescente igitur die, quæ fuit decima septima Kalendarum Junii, anno salutis MCCCXXXIX. habita est publica Sessio ex more; in qua tres illæ primæ conclusiones; videlicet, Concilium Generale legitime congregatum esse supra Papam; illudque non posse a quocunque, neque etiam a Romano Pontifice dissolvi, prorogari, aut transferri, & pertinaciter has veritates impugnantes esse hæreticos: approbatæ sunt, declaratumque eas esse Fidei Catholicæ veritates ab omnibus affirmandas. Principum Legati, præsertim Lubecensis Episcopus Cæsaris, & Archi-Episcopus Turonensis Francorum Regis Oratores nomine proprio Patrum sententiam approbarunt; excusaveruntque, quod Sessioni non interfuissent, ne Principum mandatis contrairent. Majo deinde mense in Basileenses uniti sunt Episcopi tres, & alii complures ex Sabaudienfis Ducis provinciis: reversi sunt ex Britannia Basileenses Oratores, qui dicerent, Brittonum Ducem Concilii Decreta omnia pie suscepisse, præterquam Eugenii Pontificis suspensionem. Decimo deinde Kalendarum Junii in Generali Congregatione Legati Cæsaris, ac Principum omnium Germaniæ, Regum Franciæ, Hispaniæ, Aragoniæ, & aliorum multis precibus, suasionibus, & argumentationibus Patres rogabant, ut Maguntia meditata pro pace Ecclesiæ susciperent, processum contra Eugenium differrent, & in tertium Concilii locum consentirent. Quod si forte Pontifex, aut Patres Principum constituta pro pace non sequerentur,

affirmabant Cæsarem cum Regibus & Principibus non acceptandi pacis constituta partes non secuturum; sed omni studio daturum operam, ne ob eorum contentiones res Christiana detrimentum patiatur. Super his petitionibus cum diu multumque disceptatum esset, auctore Cardinale Arelatenfi, tandem Concilii nomine responsum datum est in Generali Congregatione Idibus Junii, ejusdem anni, redactum in scriptis sub Bulla Concilii. In eo responso affirmabant Patres multis argumentis, assertionibus, auctoritatibus, & exemplis, neque sibi licere, neque utile esse Republicæ Christianæ, ut a judicio contra Eugenium superfederetur, utve mutatio aliqua Concilii fieret, quod perebant Principes: quoniam nihil aliud esse mutare, quam dissolvere Concilium: & judicium contra Eugenium iuste, & necessarie inceptum frustrari. Necesse enim esse Patribus, pro fidei orthodoxæ firmitate, & tuitione veritates fidei tueri, judicium perficere, & usque ad mortem in sententia perseverare: neque ullo modo puritatem fidei Catholicæ posse persistere, si homo unus mortalibus possit universalem Ecclesiam, fidemque Catholicam pro suo arbitrio vexare, & in Ecclesia tyrannice dominari. Proinde laudare Patres Principum pietatem, qui pacem Ecclesiæ omni studio procurent, eorumque meditata in partem suscipere meliorem: sed neque illos ægre ferre oportere, si aliter faciendum Patribus videatur, cum judicium harum rerum ad eos pertineat: neque posse conqueri Principes de dilatione processus; cum jam per duos annos eorum gratia res sit dilata. Principum igitur precibus, suasionibusque omisitis, judicium contra Eugenium perficere Basileenses statuunt: asserentes nullam aliam esse commodiorem ad pacem Ecclesiæ viam, quam libertatem Ecclesiæ restituere, quæ ab uno mortali quidem homine injuste occupatur: actum esse de Fide Catholica, de religione, de moribus, de disciplina Clericali, si unus pro suo arbitrio cuncta moderari, versari, statuere, evertere valeat: Generalia Concilia, quæ stabilitatem religionis, puritatemque fidei semper produxerunt, frustra congregari, si ab uno dissolvi, prorogari, transferri ve possint. Quo argumento Romanum

Pontificem, si hæreticus sit, si schismaticus, si Ecclesiam manifeste perturbet, non posse ad sanitatem reduci, non posse emendari, qui arma promptissima habeat ad iudicium Ecclesiæ fugiendum: dissolutionem, prorogationem, translationemve Conciliorum: atque ita necesse Ecclesiam perire, si incidat in malum pastorem, ut interdum evenit. Moriendum igitur prius esse, quam Ecclesiasticam libertatem deferendam. Coacta igitur concione his, quibus demandata res erat, jubent, ut omnia ad iudicium conficiendum parent: & communi consensu quinque alias conclusiones, quas veritates fidei appellabant, jam Legatis silentibus approbant, IX. Kalend. Julii ejusdem anni: ac publico edicto citari statuunt Eugenium Pontificem ad sententiam audiendum, ad VII. Kalendas ejusdem mensis. Quod edictum in valvis Basileensium Basilicæ affigi mandant.

XCII.

SESSIO TRIGESIMA
QUARTA.*Eugenius Pontificatu privatur.*

Fuit igitur Concurfus ad Basileam VII. Kalendas Julii: ubi celebratis ex more Sacris Sessio XXXIV. habetur: in qua insulati Præsules XXXIX. interfuere inter Episcopos & Abbates, inferioris autem Ordinis non minus trecentis. Vocatus per duos Episcopos Eugenius iterum: & non comparens, contumax iudicatus est. Tum sententia in eum fertur In hanc formam: Sancta Synodus Basileensis, in Spiritu Sancto legitime congregata, universalem Ecclesiam representans, sedens pro Tribunali, pronuntiat, decernit, & declarat in his scriptis, Gabrielem prius nominatum Eugenium Papam IV. fuisse, & esse notorium & manifestum contumacem, mandatis, seu præceptis universalis Ecclesiæ inobedientem, & in aperta rebellionem persistentem: violatorem assiduum, & contemptorem Sacrorum Canonum Synodaliū, pacis & unitatis Ecclesiæ perturbatorem notorium, universalis Ecclesiæ scandalizatorem notorium, simo-

niacum, perjurum, incorrigibilem, schismaticum, a fide devium, pertinacem hæreticum, dilapidatorem jurium, & bonorum Ecclesiæ, inutilem, damnosum administratorem Pontificatus Romani, omni titulo, gradu, honore & dignitate se reddidisse indignum: quem propterea eadem Sancta Synodus a Papatu, & Romano Pontificatu jure privatum esse declarat, & pronuntiat: ac ipsum ab eisdem amover, deponit, privat, & abjicit: decernendo etiam ad executionem aliarum juris poenarum, ad quas condemnatus esset, esse procedendum. Absolvuntur propter hæc omnes a juramentis illi præstitis: prohibeturque, ne quis ultra eum Pontificem nominet sub gravissimis poenis, neve ullo pacto illi obtemperet, ut Romano Pontifici. Abrogato Eugenio, Basileenses iterum eadem die conveniunt, decernunt Legatos per orbem Christianum mittendos, qui dejectionem Eugenii, & cur sit ejectus, omnibus aperiant, jubeantque hujusmodi Decretum ab omnibus suscipi. Et cum de novo subrogando Pontifice variæ essent Patrum sententiæ, (*) non propter pestem, quæ Basileæ grassabatur, non expectandum constitutum tempus sexaginta dierum plerique arbitrabantur, tandem differendum esse, statutum est. paulo post litteræ Regis Francorum patribus redditæ sunt, in quibus acriter conquerebatur Rex, patres non modo non annuisse ejus precibus & exhortationibus, ut in iudicio contra Eugenium superfederetur; sed & graviora contra eum egisse (non tamen adhuc privationem audierat) quod non solum sibi, sed & multis aliis principibus magnæ esset admirationi, cum pacem Ecclesiæ, quam Principes tantopere quærerent, Patres respuere viderentur: obsecrabat igitur summis precibus, ne ulterius procederetur. Ad ea Basileenses responderunt: Regem paulo post per suos Legatos cognitum, quid in hac re actum sit: Non dubitare patres, quin omnia in meliorem partem suscipiat Christianissimus Rex, quoniam pax Ecclesiæ non aliter cum Deo possit convenientius inveniri, quam si debita libertati reddatur: rogare Regem, ut Regni Prælatos ad consulendum Rei publi-

(*) forte; & propter

publicæ Christianæ mittat. Post hæc publicis literis approbatas veritates, & quinque conclusiones, quæ Eugenium hæreticum annotabant, divulgant.

XCIII.

SESSIO QUINTA FLORENTINA

In qua Græci cum Latinis uniuntur.

Inter hæc Eugenius Florentiæ Concilium agens, incumbensque unioni Græcorum, postquam diu multumque inter Græcos & Latinos disceptatum est, communi Latinorum & Græcorum consensu in publica Sessione super veritatibus fidei, in hanc sententiam definivit: Spiritum Sanctum ex Patre & Filio æternaliter esse, & essentiam suam, suumque esse subsistens necessarie simul ex Patre & Filio, & ex utroque æternaliter, tamquam ab uno principio & unica spiratione procedere; verbaque illa in professione fidei, FILIOQUE veritatis gratia declarandæ necessarii fuisse apposita. Sacerdotes in azymo, sive fermentato pane triticeo, verum Christi Corpus conficere oportere secundum Ecclesiæ suæ consuetudinem. Vere pœnitentes, si ante vitam (*) fuerint defuncti, quique digne pro commissis culpis satisfecerint, eorum animas pœnis purgatorii post mortem purgari, si decesserint in Christi charitate; prodesseque eis, ut ab his pœnis leventur, fidelium vivorum suffragia, Missarum sancta Sacrificia, orationes, eleemosynas, & alia opera pietatis. Illorum animas, qui post susceptum baptismum nullam peccati maculam incurrerunt; illorumque autem animas, quæ post mortem, ut diximus, in purgatorio, vel in vita per pœnitentiam sunt purgatæ, mox in cælum assumi & intueri clare ipsum Deum trinum & unum sicuti est: pro meritorum tamen diversitate, aliam alia perfectius. Illorum autem animas, quæ in actuali peccato mortali, vel solo originali decedunt, mox in infernum descendere, pœnis tamen disparibus puniendos. Romanum deinde Pontificem, sanctamque Apostolicam Sedem in universo orbe terrarum Primum obtinere, ipsumque Romanum Pontificem Suc-

cessorem esse Beati Petri principis Apostolorum, & verum JESU Christi Vicarium, totius Ecclesiæ Caput, & omnium Christianorum Patrem & Doctorem, ipsique in Beato Petro pascendi, regendi & gubernandi universalem Ecclesiam a Domino JESU Christo plenam potestatem traditam. Demum secundum sacrorum Canonum antiquas institutiones Patriarcham Constantinopolitanum secundum locum obtinere post Romanum Pontificem, tertium vero Alexandrinum, quartum Antiochenum, & quintum Hierosolymitanum. Acta sunt hæc Florentiæ in publica Sessione Oecumenici Concilii, Nonis Julii, anno salutis MCCCXXXIX. Cui Decreto Joannes Palæologus Græcorum Imperator, aliorumque trium Patriarcharum Legati (nam Patriarcha Constantinopolitanus, paulo ante Florentiæ diem obierat) manu propria se subscripserunt; & simul plures alii prælati Græcorum. Dicebant enim Græci Spiritum Sanctum procedere a Patre per Filium, non autem a Patre & Filio: sacrificium vero Altaris in fermentato pane tantum offerendum: animas decedentium mox, aut cælum, aut infernum petere. Purgatorii locum nullum esse, & ideo vanum pro Defunctis orare. Contendebant etiam nonnulli, Constantinopolitanam Ecclesiam primum inter omnes habere.

XCIV.

SESSIO TRIGESIMA QUINTA.

Statuitur perseverandum esse in Concilio Basileæ usque in finem.

At Basileenses dejecto suis Decretis Eugenio a Pontificatu, magis magisque in dies angebantur, cum pestis domi admodum sæviret; & Eugenius eos foris acriter impugnaret, præsertim unione Græcorum confecta: crebras igitur agunt conciones, discutiuntque quid agendum. Erant, qui censebant optimum factum (**) esse, si auctoritate Concilii, aliqui Cardinales crearentur. Sed re in aliud tempus dilata, ubi aliquos novos Magistratus delegerunt, aliam publicam Sessionem tri-

N n n n n 3

gesi-

(*) Hæc minus bene Patricius expressit.

(**) forte: factu.

gesimam quintam celebrarunt Idibus Julii: in qua communi consensu decernunt dejecto obstaculo adversi Pontificis, oportere patres constanter perseverare in Concilio usque ad perfectionem operum susceptorum; neque dissolvi Concilium per recessum cujusvis viri cujusvis ordinis, sed perfectis operibus, propter quæ congregata est sancta Synodus, suffragio & consensu duarum partium Conciliarium dissolvendam Synodum, & non aliter: interim vero incumbendum omni studio electioni futuri Pontificis, & talem eligendum, qui digne Romanæ Ecclesiæ præesse possit: tempus vero electionis ad sexagesimum diem post Eugenii electionem secundum Statuta Sessionis. Et ut facilius in suam sententiam alios traherent, decernunt omnibus, qui Eugenium, sive Ferrariensem Congregationem secuti fuerant, licere intra terminum prædictum dierum sexaginta relictis illis, Concilii Basileensis partes sequi: quibus omnibus impunitas promittebatur, & defensio ab adversariis. Undecimo deinde Kalendas Augusti, cum acrius pestis grassaretur, Arelatensis consilium erat, cessandum a conventionem, & actibus Conciliaribus usque ad finem Septembris; differendamque novi Pontificis electionem ad kalendas Novembris. Patres re in discussionem deducta, statuunt satius esse mori Basileæ, quam videre, (ut ajunt) Ecclesiæ Dei ruinam; fore enim, si actus Conciliares dimittantur, ut mox dissolvatur Synodus, omnia remaneant interrupta: perseverandum potius, & Dei misericordiam expectandam. Rebus ita firmatis Legatos deligunt ad Conventum Francofordiensem per Electores Imperii circa Kalendas Augusti celebrandum: alios ad Synodum Provinciale Maguntiam ad solemnitatem Assumptionis Beatæ Mariæ Virginis: alios ad Cæsarem, alios ad Regem Hispaniæ, alios ad Conventum Bituricensem a Rege Franciæ indictum: & pridie Kalendas Augusti publico Decreto gratias expectativas, nominationesque quibuscumque ad Beneficia concessa revocant & annullant. Qua die quidam Jacobus Medicus, qui Eremitæ habitu Basileam petierat, articulos triginta attulit erroneos: quos extraxisse se dixerat, ex libro animæ simplicis: quibus Eugenius faveret, qui eti-

am post depositionem judices super ea re constituerat, Venetiarum & Tarracoenis Episcopos, coerceretque errores illos impugnantes.

XCV.

*Legati Basileenses non admittuntur
a Conventu Maguntino per-
sequi contra Eugenium
Pontificem.*

Basileensium Legati Maguntiam ad conventum petentes, edicta privationis Eugenii in Valvis Basilearum Argentiniæ, Spiræ, Wormatiæque affixerunt: quod cum etiam Maguntinæ fecissent, deleta sunt edicta, prohibitiveque, ne ultra illa uspiam affigerent. Aderant Maguntinæ Maguntinus Præsul, & Electus Trevirensis, & aliorum Electorum Oratores, consultoresque: qui adhibitis Legatis Basileensium in conventu afferunt, quoniam patres, qui Basileæ essent, nolissent admittere media pacis & unionis, prædicarentque se juste privasse Eugenium Pontificem Pontificatu; & ille tamen omnia ageret, quæ alii Romani Pontifices fecissent; habereturque a multis pro Romano Pontifice; & utrimque varia in dies contrariaque edicta emanarent; essetque eis res ista tenebrosa aqua sub nubibus aeris, neque de tam difficillima re determinare valerent; sua probabili dubitatione pensata, statuerunt neutri parti adherere; ut alias inter Principes Germaniæ statutum erat. Et quoniam ipsi peterent executionem sententiæ contra Eugenium in Germania, responderunt se non posse id concedere, quoniam alteri adhæsisse viderentur: & ne censurarum, aliarumve pœnarum per Basileenses indictarum timore cogi possint, Principes nomine totius Germaniæ provocare ab illis ad proxime futurum Concilium Generale, ad Sanctissimum Dominum Eugenium Pontificem Romanum, Sedem Apostolicam, vel alios, ad quos de jure spectaret. Post hæc Legati Basileenses longo sermone multisque argumentis explicant iudicii contra Eugenium seriem: probantque illum juste legitimeque esse tanta auctoritate dejectum: ac monent, hortanturque Principes, ut Concilii sententiam suscipiant, exsequanturque. Tum multa dicunt

cunt in neutralitatem, affirmantque nullo modo licere illis in ea suspensione animorum permanere: nullumque dubium amplius apud eos remanere posse, re tam dilucide, tam clare, aperta & probata. Responsum tandem est rem esse arduam, & non modo Electores Imperii, sed & totum Imperium spectantem: proinde cum Cæsar, & cæteri Principes absint, non posse eis tunc aperte responderi: indictum esse alium Conventum, brevi futurum: ibi conventuros Principes majori frequentia, & consultaturos de rebus suis, & convenientius judicatuos: missuros deinde suos Legatos Basileam. Idem responsum est a Synodo Maguntina. Postulabant magna instantia Basileenses Legati, ne Maguntinus & alii, qui cum eo erant, appellarent Eugenium Sanctissimum Dominum nostrum. Sed eis responsum (*) est, unicum verbum non debere impedire pacem Ecclesiæ. Hæc omnia per Oratores relata sunt Patribus, cum Septembri mense vacui Basileam rediissent.

XCVI.

SESSIO TRIGESIMA
SEXTA.

*Declaratur Beatam Virginem
sine peccato originali
conceptam fuisse.*

Post hæc Basileenses quæstionem de Conceptione Beatæ Mariæ Virginis, an in peccato originali facta esset, more humani generis; an sine peccato potius esset generata: per annos plures agitaram, tandem dirimere statuunt. Rebus igitur diligenter examinatis, publicam Sessionem celebrant trigessimam sextam ad XV. Kalendas Octobris ejusdem anni, in qua solemniter declarant Gloriosam Virginem Mariam, Dei Genitricem, prævenientem & operante Divini muneris gratia singulari, nunquam actualiter subiacuisse originali peccato, sed immunem semper fuisse ab omni originali & actuali culpa, sanctam atque immaculatam: & hanc doctrinam ab omnibus approbandam, tenendamque judicant, statuantes nulli omnino deinceps licere in contrarium ali-

quid prædicare, seu asserere. Cujus Festivitatem sexto Idus Decembris celebrandam more Romanæ Ecclesiæ comprobant: curantque hanc celebritatem omnibus divulgandam: & Officium Ecclesiasticum per Joannem de Segobia editum laudant, cantandumque per Ecclesias proponunt, adjunctis indulgentiis.

XCVII.

SESSIO SEXTA FLO-
RENTINA.

*Basileenses cum suis veritatibus
fidei damnantur.*

Cum hæc Basileæ aguntur, Pontifex illorum in se gesta cognoscens, re cum Patribus communicata sextam Sessionem publicam Florentiæ celebrat, in qua veritates fidei a Basileensibus declaratas damnat, easque asserit præter mentem Constantiensis Synodi esse interpretatos Basileenses. Tum affirmat totius orbis demonia ad Latrocinium Basileense confluisse, ut ad complendam iniquitatem, abominationem desolationis in Dei Ecclesia ponant. Decretum contra illos Ferrariæ decimo quinto Kalendas Martii editum innovat: declaratque Concilio Florentino approbante, omnes, cujuscunque sint dignitatis, etiam si Cardinales, Patriarchæ, Archi-Episcopi, Episcopi, aut cujuscunque ordinis inferioris, qui Basileæ post revocatum Concilium remanserint, interfuerintque actionibus Conciliariis, excommunicatos esse, & privatos omni dignitate, honore & Beneficio; atque cum Core, Datan & Abiron, ut schismaticos & rebelles æterno judicio esse perendos, & eorum omnia acta, gesta, statuta, atque decreta, maxime in duabus ultimis Sessionibus, contra veritatem suarum approbationem & temerariam dispositionem cassat, revocat & annullat, ut perniciosam, & a nullam habentibus, potestatem temere condita: illos, que omnes hæreticos censendos esse, atque schismaticos puniendos, ultra statutas penas cum omnibus suis fautoribus, & sectatoribus æterno judicio, ut qui confusionem; atque scissuram in Ecclesia Dei, & Principatu Ecclesiastici ordinis

pone-

(*) puto: responsum.

ponere conentur. Hac ubi Basileæ nuntiata sunt, magna molestia Patres affecerunt, videntes Eugenium, quem suis edictis perterritum putabant, tam acriter contra se insurgere. Unde adhibitis doctoribus viris Apologiam contra ejus (ut appellabant) invecitivam componunt; conanturque multis argumentis affirmare, veritates a se professas veras esse, & iuste meritoque se deiecisse Pontificatu Eugenium. Sed cum a multis deinde peteretur, ut Eugenii Decretum, quod *Moyſes* incipiebat, ut libellus hæreticus publico consensu damnaretur, magnæ sunt adhibitæ contentiones. Joannes Segobius vir acer & doctus multis argumentis affirmabat rem esse magni discriminis, si scriptura illa hæretica censeretur. Maximam esse multitudinem, qui Eugenium, ut Pontificem colerent, neque assentirent ejus depositioni. Tum in congregatione illa Florentina affuisse Cardinales omnes, magnamque Prælatorum multitudinem, cum fuit editum Decretum: omnes igitur damnari, atque hæreticos censerî oportere, si ejus Sessionis Decreta hæretica censeantur: periculosumque nimis, si duæ futuræ obedientiæ, Eugenii scilicet, & novi Pontificis, hæresim sibi invicem objiciant. Tandem quamvis Arelatensis aliter videretur, res in aliud tempus dilata est, & litteræ pragmaticæ Sanctionis sub Bulla Concilii Gallicis data.

XCVIII.

*Prælati Sabaudie ad Concilium
pro electione novi Pontificis
accedunt, litteræque
Cæsareæ.*

Menſe deinde Octobri cum subrogandi Pontificis tempus a Basileensibus præfixum adesset, plures a vicinis locis, & maxime e Sabaudiensi principatu Basileam ad Concilium accesserunt; ut Tarrentinensis Archi-Episcopus, Bellicensis & (*) Hypporegiensis Episcopi, & plerique alii. Litteræ a Cæsare Patribus traditæ sunt, qui acriter conquerebatur, illos suas & Principum preces tam aperte sprevisse, processisseque contra Eugenium invitis Principibus: orare, ut saltem a nova electione supersederent; missurum

propediem Oratores, qui pacem procurarent. Arelatensis vero Cardinalis prope-
randum dicebat, neque amplius differendum, sive expectandum Conventus Germanorum: apud quos semper diæta diætā pareret. Consulendum Ecclesiæ, & puritati fidei, auctoritatique Generalium Conciliorum, neque quempiam timendum; se paratum esse & vitam ponere pro defendenda Ecclesia, quam tantopere Gabriel, olim Eugenius, impugnaret. Pridie igitur Octobris tres deliguntur, Abbas Scotus, Joannes Segobius, & Thomas Corcellus, Electores Summi Pontificis, communi omnium consensu: data eis potestate, ut singulos vel binos collegas cooptare possent, qui simul Electorum numerum deligerent: statutum enim a principio fuerat, addendos esse Cardinalibus in electione Pontificis alios triginta duos, octo scilicet ex unaquaque natione; quam tamen Electorum electionem secretam tenerent, quoad in publica concione esset legenda. Arelatensis Cardinalis conventus, sive deputationes adiens conquerebatur, sibi iniuste adscribi, quod multitudo ex Sabaudia ad novam electionem sua opera advenisset, quasi eorum suffragiis uti veller ad electionem, cum procuraret condemnationem libelli, *Moyſes*: dicebat Concilium convocasse omnes circumvicinos ad electionem & defensionem Concilii, alios venire noluisse: Sabaudienſes vero Principis sui pietate illectos venisse. De libello autem, quæ sibi utilia visa fuissent, dixisse. Dolere autem, quod non plene de se considerent Patres. Quod cum consuetum esset, Præsidentes Cardinales ab omnibus deputationibus admitti in consultationibus, ipse ut canis sperus in deligendis Electoribus admissus non sit, officia sua in defensionem Concilii commemorans; conversus tandem ad imaginem Crucifixi magno juramento juravit, se nullum cupere Pontificem, nisi per quem conservaretur Ecclesiæ status: oportereque eligi virum potentem, ut per se ipsum posset se sustentare. Alioquin actum esse de Ecclesia. Cum vero Patres, quæ ad electionem Pontificis (ut agebant) rite faciendam omnia prius paranda statuerent, publicam Sessionem XXXVII. celebrarunt IX. Kalend. Novembris

(*) Eporediensis.

vembris ejusdem anni: in qua communi consilia hæc statuta sunt.

XCIX.

SESSIO TRIGESIMA
SEPTIMA.*Ordinationes pro Electione novi
Pontificis.*

Ut libere pureque electioni Summi Pontificis per Concilium celebrandæ intendi possit, statuit Sancta Synodus protestationes omnes, quæ sinceritati electionis hujusce, sive generali obedientia Summis Pontificibus debitæ quoquo modo obviare possent; conventiones præterea, pactiones, promissiones, obligationes, juramenta, condictioneque omnia per quemvis hominem facta, cujuscunque ordinis, status, aut dignitatis, etiam si Imperialis, Regalis, Cardinalaris, Patriarchalis, Archi-Episcopalis, Ducalis, seu inferioris ordinis sint, nullas esse & irritas; omnes & singulos hujusmodi occasione forsitan ligatos absolvens, & liberans. Tum Decreta omnia prius edita pro electione Summi Pontificis instaurans, & servanda decernens, Ecclesiæ Romanæ per depositionem olim Eugenii vacanti, providendum per Sacram Synodum hac vice duntaxat, statuit per hunc modum: Ludovicum tituli Sanctæ Cæcilie Cardinalem Arelatensem una cum aliis S. R. E. Cardinalibus, qui ante finitam electionem Basileam advenerint, & electioni interesse voluerint, & cum aliis ex Patribus in Sacerdotio, vel Diaconatu constitutis ad numerum triginta duorum per Concilium eligendis plenam potestatem habere eligendi Pontificem Romanum pro hac vice duntaxat: & illum, quem prædicti omnes, vel saltem dux partes illorum nominaverint, Romanum Pontificem censendum esse ab omnibus, ac adorandum ut Christi Vicarium, & Beati Petri Successorem. Prædictæ, quam intraturi sint in Conclave, Electores a Deputatis nominentur: & die statuta convenientes omnes cum Patribus in Basilea ad publicam Sessionem celebrandam re Divina perfectæ, omnes communicent de Sacramento Altaris: tum juramento se adstringant, ut in XXIII.

Tomus V. Concilior. German.

Sessione est institutum. Conclave deinde intrabunt consuetis caerimoniis, & omnia alia servabunt, quæ a Sanctis Patribus, & Summis Pontificibus sunt constituta. Electio communi consensu per aliquos ex Electoribus, præsentem tabellione publico, & saltem decem testibus, offeratur electio: petaturque ab eo, ut intra diem naturalem vel annum, vel recuset: alioquin nullam esse. Si electus in urbe fuerit tempore electionis, non exhibent ex conclavi electores, quoad cognoverint illum consensisse: quod si non consenserit, alium eligant, antequam inde discedant. Si vero electus extra urbem fuerit, post electionem exhibent. Sed si electus non consenserit, post triduum statim reverteantur ad Conclave, cum id cognoverint. Si quis Electorum electioni interesse non potuerit, sive noluerit, alius per suos Collegas constituatur, qui omnia statuta server. Horum Magistratus finis sit, cum electio Summi Pontificis per consensum electi fuerit consummata. Et ut calumniari a nullo hæc electio possit, Sancta Synodus omnes & singulos Conciliares, eorumque sequaces, ab omnibus censuris quomodocumque latis absolvit; innovatque Clementis V. constitutionem de Electoribus Romani Pontificis, & supplet omnes defectus: derogans pro hac vice omnibus Decretis & Constitutionibus Generalium Conciliorum, Summorum Pontificum, juris communis, quæ aliquo modo hanc electionem possent perturbare. Electus in Romanum Pontificem, si consenserit electioni, non prius aliquid agat ardui, quam Basileæ consecratur, coroneturque: & maxime jurejurando prius profiteatur Catholicam Fidem secundum traditionem Apostolorum, & Generalium Conciliorum, octo præsertim generali consensu laudatorum: videlicet Nicæni, Constantinopolitani primi, Ephesini primi, Chalcedonensis, Constantinopolitani secundi & tertii, Nicæni secundi, & iterum quarti Constantinopolitani, tum Lateranensis, Lugdunensis, Viennensis, Constantiensis, & Basileensis; promittatque illam fidem illibatam servare, & usque ad sanguinis effusionem tueri. Juret etiam servare Decreta Constantiensis, & Basileensis Conciliorum. Statuit præterea, nemini omnino licere bona electi

O o o o o

electi

electi in summum Pontificem, sive Electorum, quovis modo diripere, aut auferre, aut clam, sive palam subripere: non obstante abusu per multa tempora servato, de diripiendis domibus Electorum, quem Synodus damnat, & declarat omnes contra facientes incurrere penas a jure statutas. Demum statuit iustitiam indicendum a die, qua intrabunt Conclave Electores, usque ad publicationem factæ electionis: nullique licere judicia tractare, nisi apud Auditorem Camera Apostolicæ. His in publica Sessione decretis tres viri Electores Electorum designati, quantum sibi addiscunt Christianum de Gretz, Germanum Theologum: qui simul juncti viginti octo alios coelegerunt ex omnibus Nationibus pari numero, inter quos fuerunt Episcopi XII., & alii Abbates, & viri magna præditi doctrina, qui omnes Sacerdotalis Ordinis censebantur. Loculus conclavis in prætorio urbis est constructus, & cellulæ sorte divisæ, annuente maxime Arelatenfi.

C.

SESSIO TRIGESIMA OCTAVA.

*Damnatur libellus MOYSES, &
alia statuuntur ad electionem.*

Tertio deinde Kalendas Novembris, cum Aquisensis Episcopus, unus ex Electoribus, interesse electioni reculasset, alius est ei suffectus, Episcopus scilicet Massiliensis: & Sessio publica consuetis cæremoniis est habita, assistente omni Clero urbis cum sacra pompa. Rem Divinam fecit Cardinalis Arelatenfis, qui Electores omnes communicavit: communicavit etiam Clericos cæremoniarum, & complures e servitoribus Electorum, qui Conclave intraturi erant. Dum celebrata ex more publica Sessione xxxviii. primum allegatis multis rationibus & auctoritatibus tres veritates superius declaratas affirmant: Argumenta adversa Eugenii refutant, & tandem libellum *Moyseis* damnant, ac reproband: ejusque doctrinam ut hæreticam evitari jubent: ac omnibus mandant sub gravissimis

cenfuris, & pœnis, ne quis illi libello ullo modo pareat, sive in aliqua parte cedat. Tum statuunt Collegia Ecclesiarum, sive Monasteriorum, cum de electione Prælatorum suorum est agendum, non obligari ad vocandum absentes Coelectores, si ultra duorum dierum itinere absentes fuerint: nisi forte ex privilegio, sive ex consuetudine aliquos extra Collegium illius Ecclesiæ, vel Monasterii electioni interesse oportuerit. Majores Prælatos, ad quos spectat electiones confirmare, auctoritate Concilii posse supplere defectus circa formam electionis commissos, dummodo electiones a parte majori Capituli factæ sint, & a prius juratis, & communicatis, & vocatis vocandis: quod servandum esse voluerunt etiam in postulationibus. Demum viginti octo nominatos a quatuor Electoribus confirmant, & probant, eisque omnibus rursus plenam potestatem concedunt Pontificem eligendi. Alios etiam Magistratus, Ministrosque ad hoc opus decernunt: Ludovicum Lausanensem Episcopum, Vice-Camerarium, Bellicensem, & Grossetanum Episcopos: Sancti Michaelis de Clusa, Tammenensem, & Abundantiz, Gebennensis Diocesis Abbates, & quatuor alios Doctores conclavis custodes: tum Æneam Senensem, Canonicum Tridentinum, (qui fuit deinde Pius Papa II.) & Michaellem Brunonem, Belvacensem Canonicum, Clericos cæremoniarum, ac Notarios: Hugonem Berardum Promotorem, Petrum de Atrio Soldanum, & alios quosdam. His omnibus publico Decreto firmatis, Arelatenfis primum, & tum alii Electores juramentum, ut alias conceptum erat, præstiterunt. Inde & Custodes conclavis idem fecerunt, jurantes servare, quæ ad eorum officia spectabant. Deinde cantantes, *Te Deum laudamus*, præcedentibus minoribus Patribus & Cruce; post eos subsequerantur Arelatenfis, & alii Electores: sicque ab Ecclesia in prætorium urbis, ubi ornatum erat Conclave, pervenerunt, quod prius a Custodibus, & Vice-Camerario provisum, & omnibus purgatum, evacuatumque. Ingressi sunt Electores Hymnum cantantes, *Veni Creator Spiritus*. Ingressi sunt eadem die Conclave Electores, & magna civium manus armata foris observabat, ut libere possent

possent eligere. Intraverunt cum Electoribus Clerici cærimoniarum, & servitores Electorum: Cardinalis duobus fuit contentus, alii uno tantum. Postridie vero, antequam suffragia inirent, Arelatenfis Cardinalis multis verbis hortatus est Collegas suos, ut in Pontificem eligerent virum quempiam genere & divitiis potentem, qui necessitati Ecclesiæ providere posset; alioquin omnia frustra cessura; opus esse magna & præsentī pecunia ad quadraginta millia nummorum; & tali Pontifice, qui in suo Imperio Patres susciperet, & ab adversariis tueri possit. Scrutinium factum est more consueto: conscribebantur in cedulis nomina eligentis, & electorum: nominabant enim duos, aut tres, nonnulli unum tantum. Quater ad ineunda suffragia convenere, singulū quoque die semel; & cum in unum duæ partes non convenissent, quinta tandem die, quæ fuit pridie Nonas Novembris, compertum est, Amedæum, Sabaudia Ducem, viginti duobus ad Pontificatum vocari, & secundum Synodalia instituta electum esse in Pontificem Romanum. Arelatenfis septem illos, qui Amedæum non elegerant, hortatur, ut etiam ipsi Amedæum eligerent: qui respondentes satis esse, si electionem laudarent, aliam electionem facere recusarunt. Perfecta electione intromissi sunt Custodes, & alii nonnulli viri præclari; in quorum conspectu Arelatenfis nomine Collegarum reculit omnia, quæ gesta erant, & rursus omnium nomine elegit Amedæum, Sabaudia Ducem, in Romanum Pontificem. Rogatque Clericos cærimoniarum, tabelliones præsentēs, ut inde publica conficiant instrumenta. Demum publicata electione electores omnes egressi e Conclavi deducēte Clero cum pompa Ecclesiam petierunt, ubi rursus publicatur.

C I.

Mors Alberti Cæsaris.

Inter hæc Albertus Cæsar moritur sexto Kalend. Novembris hujus anni Millefimi quadringentesimi trigesimi noni. Et Electores Imperii fidem publicam Basileensibus innovant, quam ob mortem Cæsaris evanuisse Patres putabant. Patres vero interim Lubecensi Ecclesiæ vacanti Pastorem dant, & Gra-

Tomus V. Concilior. German.

tianopolitanae titulare: tum cassata provisione facta de Ecclesia Cenomanensi per Eugenium, Guillelmum Maleftrictum illi præficiunt. Ecclesiæ vero Aquileensi, quæ per mortem Ludovici Ducis vacaverat, Episcopum Tridentinum Georgium præficiunt, reservata sibi Tridentina Ecclesia, quoad possessionem Aquilejensis obtineret. Convenerant interea Germani Principes Francofordiæ ad Conventum celebrandum. Ubi mature rebus discussis, asserentes Generale Concilium Basileense, ac Eugenium IV. Romanum Pontificem contraria inter se quotidie Decreta, edictaque constituentes, & alter alterum excommunicantes, ac etiam exauctorantes, & de Summo Pontificatu in ecclesia acriter decertantes, se omnino dubios reddidisse; ita ut non possint discernere, quisnam sit major, quisve magis innitatur veritati; venerari se Patres Basileæ congregatos ut Generale Concilium, venerari pariter & Sanctissimum Dominum Eugenium Romanum Pontificem, Sanctamque Sedem Apostolicam professi sunt. Proinde Neutralitatem in tanto rerum turbine complecti statuisse, nullique contendendum adharere. Decreta neutrius partis, quæ contra alteram facerent, neque permittere, ut in Provinciam publicentur: aganturque potius omnia per Ordinarios, ut jura statuerunt. In his autem, quæ ad pœnitentiam, & forum conscientia concernunt, licere unicuique adire, quem maluerit. Hæc tandiu per Provinciales servanda esse, donec pax Ecclesiæ reddatur, cui daturos se operam omnes pollicentur.

C II.

SESSIO SEPTIMA
FLORENTINA.*Armeni Ecclesiæ Latinæ uniuntur,
& Cardinales creantur.*

Eugenius autem Pontifex, ut electionem Amedæi in Antipapam a Basileensibus factam accepit, Romanæ Ecclesiæ, suæque auctoritati rectius consulturus, Cardinales creat numero decem & septem viros doctrina & prudentia claros. Tum advenientibus Armenorum Legatis, qui ad unionem cum reliquis

O o o o o 2

Orien-

Orientalibus vocati erant, & eorum intellectis erroribus contra fidei nostræ puritatem, per multos dies eorum sententias discuti, & per viros sacræ doctrinæ peritissimos confutari, aperiri que veras & Catholicas iussit. Inde celebrata publica Sessio VII. Florentiæ X. Kalend. Decembris, solemniter more, quid ab eis profitendum esset, præscripsit, eosque edocuit Catholicam Fidem in hanc sententiam: Symbolum Constantinopolitani Concilii cum additione *Filioque* tenendum, illudque singulis Dominicis diebus, & solemnibus in Ecclesiis clare recitandum; definitionem Chalcedonenfis Concilii de duabus naturis in una persona Christi, & sexti Concilii de duabus Christi voluntatibus & operibus amplectendam; Chalcedonensem Synodum, & Leonem Pontificem Summum recte de duabus naturis in una persona Christi sensisse contra Eutychis, & Nestorii falsum dogma: Synodos nominatas, & præterea Nicænam, Constantinopolitanam, Ephesinam primam, aliasque universales auctoritate Romani Pontificis confirmatas reverenter suscipiendas. Septem Sacramentorum Ecclesiæ formam acceptandam: Baptismi scilicet, Confirmationis, Eucharistiæ, Pœnitentiæ, extremæ Unctionis, Ordinis, & Matrimonii, secundum Romanæ Ecclesiæ ritum. In oblatione Calicis, in Sacrificio aquæ pauxillum vino admiscendum. Formulam Fidei ab Athanasio conceptam, quæ incipit: *Quicumque vult salvus esse*, firmiter credendam: unionem cum Græcis nuper factam amplectendam, in qua Spiritum Sanctum a Patre & Filio procedere, Sacramentum Altaris in pane triticeo absque fermento, sive azymo: pœnas purgatorii esse, & leniri fidelium suffragiis est declaratum: Romanum Pontificem supremum esse in Ecclesia Dei, & plenitudinem potestatis a Christo habere. Armenos oportere se conformare consuetudini Romanæ Ecclesiæ in celebrandis his solemnitatibus: Annuntiationis Beatæ Virginis; Nativitatis Beati Joannis Baptistæ; Nativitatis Christi, Circumcisionis, Epiphaniæ, Purificationis, quæ aliis diebus ab illis celebrabantur; quæ omnia ab Armenis reverenter suscepta sunt.

CIII.

SESSIO TRIGESIMA
NONA.

*Confirmatur Amedæi electio in
Romanum Pontificem.*

Basileenses electionem a se factam de Amedæo Duce ad Pontificatum, quam primum litteris & nunciis per orbem Christianum promulgare curant; illam ut sanctam, ac Ecclesiæ Dei pernecessariam laudantes. Tum coacta publica Sessio XXXIX. XV. Kalend. Decembris solemniter electionem prædictam laudant, & probant, jubentque Amedæum ipsum legitime electum in Romanum Pontificem ab omnibus venerari. Deinde Legatos numero XXV. ad Amedæum legant, qui Concilii nomine electionem nuntient; & consensum exigant. Tertio Nonas Decembris Princeps Legationis Cardinalis Arelatensis erat, quem sequebantur Episcopi septem, Abbates tres, & XIV. Doctores. Aderant eis, & Basileensis civitatis Nuntii, & Nobiles complures, qui cum equitibus supra ducentos Amedæum petierunt. Erat is Ripaliæ, ubi in placido nemore Monasterium construxerat: ibique cum decem aliis nobilibus viris habitum gestabat Eremiticum, vocabaturque militum Sancti Mauricii Decanus. Huc cum pervenissent Legati ad XIII. Kalendas Januarias, processit eis obviam Amedæus cum Clero & sociis suis præcedente Cruce. Deinde cum Legati causam sui adventus exposuissent, ne brevitate terminus coarctaretur, neque consensum expostularunt, neque Concilii litteras reddiderunt, petieruntque ad alium diem audiri: statuta est dies tertia ad audiendos Legatos. Interim per Consiliarios Ducis, inter consultandum objectæ sunt Legatis nonnullæ difficultates: Particulam quamdam juramenti removeri, seu ad eorum sensum declarari cupiebant. Tum electum produci in habitu Eremitico, cum sua barba, & nomen Amedæi non mutari. Ad particulam juramenti responsum est, nihil per Legatos addimui posse, quod id ad Concilium spectaret. Ut primum electus consenserit,

ferit, oportere habitum Pontificalem suscipere, per quem possessio Pontificatus ostendi videtur. Nomen autem ex antiquissima institutione omnino mutandum: Quod etiam Christus Dominus in Beato Petro fecerit. Et quoniam Amedæi nomen religione præ se ferret, daturos operam Legatos, ut in Catalogo Pontificum adscribatur, eoque in posterum uti possint Pontifices. De barba, cum consentire non videretur, permissa est ei ad tempus. Præscripta igitur hora admissi sunt Legati, qui electionem Concilii nomine in scriptis obtulerunt; adhibitisque testibus consensum efflagitarunt, multisque argumentis, ut Ecclesiæ morem gereret, suaserunt. Post aliquam consultationem, cum semel atque iterum dilationem peteret, neque concederetur; genuflexus & iunctis manibus dixit se consentire electioni in eum factæ, & assumpto nomine Felicis V. iuramento se constrinxit, ut exigebatur: & acceptis Pontificalibus indumentis benedictionem ab Arelatensi, & annulum piscatoris accepit, & ab omnibus salutat, adoratusque est, ut Romanus Pontifex. Postridie Ripariæ solitudine eductus Felix, Tonuntum Pontificali pompa perducitur, ubi Pontificalia tractare coepit: & in Vigilia Nativitatis Christi cum Vesperis interesset sacris vestibus ornatus, & barba sua videretur multis res nova, & religioni nostræ minime quadrans, amicorum suavis barbam rasit. In die autem Epiphaniæ celebratis Sacris, Arelatensis orationem habuit, in qua multa disseruit de virtutibus & nobilissimo genere electi: asserens Amedæum & Sabaudia domum originem ducere a Beroldo Saxoniarum Duce, Nepote Othonis III. Cæsaris. Tum vero Provincia nomine rogavit Felicem, ut cum in administratione universalis Ecclesiæ jam esset occupatus, avitum Imperium Filiis delegaret, qui aderant. Quibus dictis Felix, Ludovicum Filium primogenitum Sabaudia Ducem creat: Philippum vero secundo natum Comitem Gebennarum: Amedæum Nepotem Principem Pedemontium, Niciæ, & Vercellarum: Humbertum vero Germanum, Comitem Montis Rotundi. Interim ne, qui apud Eugenium erant, difficiliore redderentur ad sentiendum cum Felice, statuerunt illum majora Curie Romanæ officia ne-

mini concedere, sed per Vicarios administrarentur. Statutum est etiam, ut in scribendis ad Concilium litteris Felix nomen suum postponeret, ita ut scriberet: Sacrosanctæ Basileensi Synodo, &c. Felix Episcopus Servus Servorum Dei, &c. Post hæc Felix litteras suæ electionis ad omnes Principes transmisit, asserens non ob divitias, aut potentiam Ecclesiæ, quæ parvæ nunc essent, & ipse satis abundaret, propriasque, atque avitas pro animi quiete dimississet, Pontificatum accepisse; sed ut Ecclesiæ Dei subveniret, & vocationi Sancti Spiritus non contradiceret, sexaginta ultra annos, fortemque senectæ, dimissa pace & quiete, quam elegerat, labores immensos suscepisse. Mense autem denique Januarii quadragiesimi supra mille & quadringentos, Basileenses Petrum Dignensem, & Antonium Portugallensem Episcopos dignitate Sacerdotisque privarunt, quod falso apud Constantinopolim Concilii Legatos se dixissent.

CIV.

*Conventus Francofordiæ, in quo
Fridericus Cæsar eligitur, &
responsum Basileensibus
datum.*

Convenerant Francofordiæ Principes Germaniæ ad novum Cæsarem Alberto nuper subrogandum: ad quos Basileenses Legatos suos miserunt, curaturos, ut dimissa neutralitate Felicem in Romanum Pontificem susciperent; omnibusque monstraturos, & Eugenium justo iudicio Pontificatu esse dejectum, & Felicem legitime substitutum. Fridericus, Dux Austriæ, quarto Nonas Februarii, anno salutis mccccxl. Francofordiæ Cæsar dictus est: & Legatis Basileensium datum responsum Cæsaris novi, & Principum nomine, non posse Principes discedere ab his, quæ prius statuerunt, nec velle Provinciam scindere: sed daturos operam omnistudio ad pacem & quietem Ecclesiæ procurandam.

CV.

*Eliguntur quatuor Cardinales
a Felice Antipapa.*

Interea Basileenses, ut Felix, quem sibi præfecerant Pontificem, augustiori
O o o o o 3 cultu

cultu Basileam petere posset ad Coronam Pontificatus suscipiendam, illi indulgent, ut novos Cardinales creare possit quoscunque velit; etiam præter Decreta vigesima quartæ Sessionis. Et paulo post mense Aprili, quatuor ab eo assumptos approbant, & confirmant: quorum nomina hæc sunt: Ludovicus Lausanensis, Bartholomæus Novariensis Episcopi: Valramus Trajectensis electus, & Alphonsus Carillo Protonotarius a Felice designatus. Designantur & alii Legati a Basileensibus & Felice in Galliam ad Bituricensem Conventum: datis mandatis, ut Basileensium gesta de abrogatione Eugenii & Felicis substitutione, tutarentur. Curarent, ut Felici omnes parerent, darentque operam, ne alius locus pro tertio Concilio decerneretur.

CVI.

SESSIO QUADRAGESIMA.

Confirmatur Felix, & damnatur Eugenius.

Tum celebrata quadragesima publica Sessione ad IV. Kalendas Martias, promulgant Felicem electioni de se factæ legitime consensisse: demum statuunt illi, ut vero & legitimo Romano Pontifici, ac Christi Vicario ab omnibus parendum: ejus rebelles, aut ei non obtemperantes ut Summo Pontifici, sacros viros ejusvis dignitatis, aut ordinis excommunicant, Sacerdotisque privant: profanos multæ Concilii, aut ipsius Felicis reservant. Parentes autem Eugenio omnes damnant, excommunicant, privant. Deinde cum ageretur de provisione Pontifici & Cardinalibus & curiæ Officialibus facienda loco annatarum; multique urgerent homines Germanicæ nationis, & Gymnasii Parisiensis Legati, cum plerisque aliis Gallorum nomine intercesserunt, obstitere, quominus id fieret, antequam Provinciales de ea re redderentur certiores. Litteræ Felicis post hæc, quibus legationem & præsidendam Concilii Cardinali Arelatensi demandaverat, cum lectæ in concione non placerent, deletæ sunt, & ex registris abasæ, & rursus aliis ver-

bis concessæ. Carthusienses vero Monachi, cum (*) Lausanensem magno numero ad Capitulum convenissent, Felicem ut Romanum Pontificem venerati sunt. Quod tamen Italici, & alii Provinciarum Monachi ejusdem ordinis non probaverunt, sed Eugenium sunt secuti.

CVII.

Legatio Basileensium in Poloniam.

Miserant Basileenses Legatos suos in Poloniam, ut Regem & Provinciam ad se traherent. Sbigneus Cracoviensis Episcopus auctoritate & gratia apud Regem potentissimus ad eos inclinare videbatur, astute tamen, & prudenter rem gerebat: ita ut assumptus ab Eugenio post depositionem ad Cardinalatus dignitatem, non consenserit, & Felici aperte non adhæserit: quin & rerum ipse Basileensium acta laudabat, non tamen Felici profitebatur se obtemperaturum. Nuntiatur inter hæc Basileæ, Felicem, quem Pontificem creaverant, ad Concilium propere. Erat jam nuper orta contentio inter Patres de jurisdictione Concilii præfente Pontifice, quoniam modo esset exercenda, quæ his diebus gravius exagitata est: tandem in hanc sententiam conveniunt. Auditorem Cameræ Concilii nomine, ut hætenus fecit, solum jurisdictionem habere in omnes & singulos Concilio incorporatos, incorporandosve: sic enim appellabant Concilio adscriptos: non licere tamen Auditori pro re Criminali contra quempiam agere ex Conciliaris, nisi de consilio quatuor Prælatorum, si reus fuerit Prælatus; seu quatuor aliorum patrum, si fuerit ordinis inferioris. Qui consultores singulis mensibus a patribus designabuntur, in re tamen graviore, & ubi fugæ periculum appareret, licere auditori reum coardare, & tradere custodibus; sed quamprimum rem consultoribus aperire, & exsequi pro eorum consilio. Hoc judicium servandum esse non solum in conciliares omnes, & eorum familias, sed etiam in Legatos Principum, & suas familias, quamdiu in Concilio erunt. Pontificis autem, & Romanæ Curie Officiales quoscunque, non prius in Concilio admittendos ad exercitium suo-

(*) Lausanam.

rum Magistratum, quam jurejurando promittant, se Auditoris jurisdictionem nullo modo impedituros, nihilque omnino se acturos contra Conciliares injussu Auditoris, seu Concilii. Venit tandem Felix Basileam ad VIII. Kalendas Julias anni salutis MCCCXLI. Pontificatusque pompa susceptus est.

CVIII.

SESSIO OCTAVA FLORENTINA.

Post recessum Græcorum Amedæus Antipapa cum suis damnatur.

Florentiæ inter hæc Eugenius Pontifex coacta publica Sessione octava, approbante sacro Oecumenico Concilio, judiciali ordine per debita intervalla prius servato, ad X. Kalendas Aprilis, Amedæum Antipapam, ut hæreticum & schismaticum, Electores, fautores, sequacesque suos omnes monet, nisi infra quinquaginta dies resipuerint, & ad gratiam Apostolicæ Sedis rebellionem dimissa supplices confugerint, incursum poenas contra hæreticos, schismaticos, ac reos in crimine læsæ Majestatis a jure promulgatas, statuitque, & declaravit, nisi intra tempus paruerint absque alio judicio, elapso termino, mox in poenas omnes incidisse. Pollicetur tamen supplicibus intra tempus veniam & gratiam se daturum.

CIX.

SESSIO QUADRAGESIMA PRIMA.

Eugenii Decreta irritantur.

Quæ ut Basileæ nuntiata sunt, post aliquot menses, X. Kalendas Augusti Patres in publica Sessione quadragesima prima Eugenii sententias, decretaque irrita, nullaque esse censuerunt. Publico Decreto ex more edito statuerant prius, ut inter Pares & Felicem in rebus gerendis concordia esset. Petitiones, quas supplicationes appellavit, si in eis Sacro Concilio supplicaretur, per Concilii Præsidentes; si Pontifici, per Felicem, aut suos Referendarios subscriberentur, cum

ejus nomine: & illæ quidem sub Bulla Concilii, hæc Felicis signo expedirentur. Nec multo post circumvicini Proceres, & Albertus, Baviaræ Dux, Felicem ut Romanum Pontificem venerati sunt: & Fridericus novus Cæsar fidem publicam Patribus, qui Basileæ erant, innovavit: addens unumquemque saluum esse & incolumem esse velle Basileæ, etiam si esset Papalis dignitatis.

CX.

Coronatio Felicis Antipapæ.

Ad IX. deinde Kalend. Augusti magna Procerum, ac populorum frequentia Felix publice coronatur pompa magnificentissima: & quoniam Cardinales numero paucos habebat, nec tantæ celebritati poterant sufficere, adsciti sunt octo Episcopi, qui Cardinalium munera implerent. Coronatus est in suggestu præforibus templi ex materia excitato, & consecratus in Romanum Pontificem, Cardinale Arelatense vicem Ostiensis Episcopi gerente. Regium diadema, quo est coronatus, triginta millia nummorum pretium superare ajebant. Tum data omnibus plenaria indulgentia, solemniter pompa ad Monasterium Prædicatorum profecti sunt. Præcedebant Curialium, & Procerum familiæ, tum Nobiles, & Militares: inde Barones, Comites, & Marchiones. Hos sequebatur Dux Sabaudia cum suis Consiliariis, deinde tibicines, tympanistæ, & histrionum turba: Clerus urbis cum sacra pompa subsequeretur, laudes Deo canentes. Post quos Vexilla, & nobiles Papæ familiares cum quatuor Capellis sequebantur, quibus proximi erant Præfectorum navali loco milites Ripariæ cum eremitico habitu, & barba, qui collegæ fuerant Felicis. Post hos deferrebat arcula cum Sacra Eucharistia, quam sequebantur Cardinales, & Episcopi Cardinalium loca implentes. Felix deinde Pontificali habitu ornatus, equo vehebatur albo, quem fræno ducebant Marchio de Roteling, & Comes de Vinsperg. Postridie vero in publica Congregatione Dux Sabaudia, & Comes Gebennensis gratias Patribus egerunt pro honore eorum genitori impenso, & in patriam reversi sunt. Celebravit mox Felix publicum consistorium;

storium; in quo primum actum est de pace procuranda inter Ludovicum patrem, & filium, Duces Bavariz; tum per Stephanum Novariensem, & Æneam Senensem peticum est Pallium Patriarchatus Aquilejensis Alexandro Tridentino Episcopo: & postremo Felix professionem ac juramentum in electione sua præstitum publice innovavit. Augusto mense subsequenti Stephanus Bajoariz Dux cum duobus filiis Basileam veniens, Felicem ut Romanum pontificem venerantur: & Robertus, Stephani dicti filius, Argentinenſi Ecclesiæ præficitur, vacanti per cessionem Conradi de Busnau.

CXI.

SESSIO QUADRAGESIMA SECUNDA.

De quinto & decimo Denario.

Cum sæpe multumque disceptatum esset inter patres de provisione Pontifici, Cardinalibus, & Officialibus curiz, loco annatarum facienda; tandem coacta publica Sessione quadragesima secunda solemni ritu statutum est Decreto irrefragabili, non obstantibus quibuscumque aliis Decretis, quoniam ex Patrimonio Ecclesiæ Romanæ Felix nihil perciperet, & tamen pro utilitate reipublicæ cogeretur magnas subire impensas; licere Felici exigere usque ad quinquenium decimum denarium omnium censuum ac reddituum unius anni quorumcumque Beneficiorum Ecclesiasticorum in posterum vacaturorum: cogendosque esse omnes ad perfolvendum, etiam cum censuris & pœnis. Beneficia tamen Germanicæ nationis, quæ censum quinque marcarum argenti non superant, ab hoc Decreto immunia esse. Acta sunt hæc Basileæ in publica Sessione, pridie nonas Augusti ejusdem anni.

CXII.

Conventus Bituricensis in quo Rex Gallie se pro Eugenio Pontifice declarat.

Convocaverat Rex Franciæ Conventum Prælatorum, ac procerum suorum Bituris, ut super divisione Ecclesiæ

cum eis deliberaret. Convenerant jam illic Patriarcha Antiochenus, Parisiensis Ecclesiæ Prælatus, Malleacensis, Bitterensis, Agathensis, Montis Albani, & Apamiarum Episcopi. Tum supervenerunt Viennensis Archi Episcopus, & Remensis Regni Cancellarius una cum Pictaviensi & Magalonensi Episcopis. Aderant Oratores Concilii, & Felices, aderant etiam Eugenii Legati, quorum Princeps erat Joannes de Turrecremata, nuper in Cardinalem creatus. Habitæ sunt variz altercationes, disputationesque cum unaquaque pars magnis auctoribus se tuere. Adveniente tandem Rege ad conventum cum Prælatorum & procerum multitudine, auditæ sunt Legationes Eugenii & Basileensium. Legationum summa erat. Afferebant Legati Eugenii Romanum Pontificem Monarchicam potestatem in Ecclesia habere, sicut Regem in Regno: neque judicio Ecclesiæ subesse, nisi in hæresi manifesta: neque posse a quopiam corrigi Romanum etiam Pontificem peccantem, quoniam solum Deum haberet judicem, essetque hæreticum aliter sentire. Hoc multis Sanctorum patrum auctoritatibus firmabant: Basileenses traditiones hæreticas esse, & reipublicæ perniciosissimas: quæ si admitterentur, non Pontifices, non Reges, non Principes aliquos tutos esse in statu. Eugenium virum sanctissimum, atque integerrimum non potuisse, neque debuisse a Basileensibus judicari. At contra Basileensium Legati multis argumentis, multisque rationibus & auctoritatibus & probare, & ostendere conati sunt, Generale Concilium supremam potestatem in terris habere, & Eugenium merito & legitime Pontificatu dejectum, substitutumque Felicem. Proinde orare Regem, ut Basileensis Concilii Sancta justaque Decreta susciperet, Felicemque verum Christi Vicarium veneraretur. His auditis Rex, re mature cum suis discussa, tandem quarto Nonas Septembris in magna Prælatorum ac Principum corona, Legatis Basileensium in hanc formam respondit, Claromontensi Episcopo Regis nomine lingua Gallicana loquente: Gallorum Regem, ut Christianissimum Principem decet, qui semper favisset dignitati Generalium Conciliorum, & Basiliensium inprimis, quo semper

per Legatos suos habuisset, tulisse moestissimo animo seditiones & discordias inter Patres & Pontificem exortas: monuisse, rogasseque summa diligentia patres litteris & nuntiis, ut a iudicio contra Eugenium superederent: illos vero speretis Regis precibus, non modo superfedisse, sed illum dejecisse Pontificatum, & alium subrogasse: Regiam Majestatem in hac re nihil statuere voluisse sine consilio Prælatorum, & procerum Regni: Et propterea Conventum Biturici indixisse. Nunc vero ex consilio Conventus statuisse Regem perseverare in obedientia Eugenii Pontificis, nec alium recognoscere Romanum Pontificem, quam Eugenium: cui supplicabit, ut intra annum Generale Concilium in Galliis celebret ad scissionem Ecclesiæ tollendam. Rogare autem ipsos Legatos, ut dicant Regio nomine Patribus, qui Basileæ essent, & Domino Sabaudia (sic enim Felicem appellabat) ut dimissis censuris, & comminationibus, ad ea, quæ pacis essent, intenderent, neque ullo modo Regni sui Clericis iudiciis infestarent. Dominum Sabaudia sanguine Regi esse conjunctum: non placere Regi, ut a quopiam injuriæ ei irrogentur, sed in hac re, quoniam ad fidem pertinet, nihil præter justitiam audere Regem: sperare tamen consanguineum suum solita sua prudentia rem hanc tractaturum. Hoc accepto responso Basileenses ad suos reversi sunt, animo satis moesto: adscribentes hanc Regis sententiam ob Regis Renati causam emanasse: ut qui cuperet Eugenium in Regno Neapolitano Renati partes contra Alphonsum tueri: ob hanc rem, & Regem ipsum, & Carolum Andegavia Ducem Renati fratrem Eugenio assistere statuisse. Hæc ubi IX. Kalend. Octobris Patribus, & Amedæo renunciata sunt, omnium mentes merore occupavit.

CXIII.

Litteræ adhærentium Felici, & Basileensibus.

Mense deinde Octobris Basileenses litteras Regis Aragonum acceperunt; in quibus ille Sacrosanctam Synodum, representantem universalem Ecclesiam appellabat. Elisabeth quoque Regina Hungaria Sigismundi Cæsaris relicta Fe-

Tomus V. Concil. German.

lici Papæ V. litteras dederat, in Romanum Pontificem recognoscens illum. Idem fecit Albertus Bajoaria Dux, qui electus in Regem Bohemiæ regnum recusavit: & Albertus Austria, Friderici Cæsaris Germanus, qui ambo Felicem Pontificem sunt professi. Quarto deinde Idus Octobris, cum Patres dispensassent Decreto XXIII. Sessionis super creatione Cardinalium, indulserunt Felici, ut quos utiles esse judicaret, crearet novos Cardinales: qui mox de consilio aliorum Cardinalium octo novos creavit, quorum unus illegitimus erat. Eorum nomina hæc sunt: Alexander Patriarcha Aquilejensis Tridentinus; Otho Dertulensis, Georgius Vicensis, Franciscus Gebennensis, Bernardus Aquis, Joannes Argentinensis Episcopi, Joannes Frisingensis Vicarius, & Joannes de Segobia Presbyteri Cardinales omnes. Horum tituli hi fuere: Patriarchæ Aquilejensis, Sancti Laurentii in Damaso: Dertulensis, Sanctæ Potentianæ: Vicensis, Sanctæ Anastasiæ: Gebennensis, Sancti Marcelli: Aquis, Sanctorum Nerei & Achillei: Argentinensis, Sancti Sixti: Joannis Frisingensis, Sancti Martini in montibus: Joannis de Segobia, Sancti Calixti. Deinceps cum jam Cardinales numero satis honesto esse viderentur, provisiones Ecclesiarum, quæ per Concilium prius fiebant, Felici, & Cardinalibus suis sunt permittæ. Instituit præterea Felix justitiæ Concilium, quod octavo quoque die voluit in Capella publica residere, ac jus dicere. Erant ad hoc descripti cum Vice-Cancellario quinque alii Cardinales, & octo ex Patribus, qui communi consensu commissiones justitiæ subscriberent. Instituit etiam fieri publicum consistorium semel in mense, & in Romana Curia semper esse studium generale, & Patres quibusdam doctis viris in mandatis dederunt, ut gesta Constantiensis Concilii dispersa colligerent, Bulla Basileensis Synodi munienda: quæ omnia perfecta sunt. Post hæc, ut Galliarum Prælatos sibi conciliaret Felix, sex alios Cardinales creavit pridie Idus Novembris, Dionysium Patriarcham Antiochenum parisiensem Episcopum, Amedæum Lugdunensem, Philippum Turonensem, Nicolaum ranormitanum Archiepiscopos: tum Joannem Nannetensem,

P p p p p

&

& Gerardum Castrensem, Regis Franciæ Confessorem, Episcopos, absentes omnes; & paulo post designati sunt Legati in Germaniam, Alexander Sancti Laurentii in Damasco, Joannes Sancti Martini, & Joannes Sancti Calixti, cum pluribus aliis, cum amplissima potestate omnia agendi & concedendi Cæsari, ac principibus, modo ipsos traherent ad partes suas. Audierant enim Cæsarem Convencum Generalem omnibus Regibus, & principibus indixisse Maguntiam ad purificationem Beatæ Virginis; & alium provincialibus suis prius Nuringbergæ ad festum Sancti Andree, ut in eo præconsultaret, quid in dissensione Ecclesiæ esset agendum. Magna igitur cura inerat Basileensibus Cæsarem præveniendi, & eum in sententiam suam deducendi. Inter hæc longa Epistola Christianæ plebi persuadere conantur, actum esse de Republica Christiana, deque disciplina Catholice fidei, si patiantur auctoritatem sacrorum Conciliorum per ignaviam opprimi: Ostendunt multis argumentis supremam Conciliorum auctoritatem, Eugenii justam dejectionem, & Felicis necessariam, legitimamque subrogationem. Tandem hortantur, rogant, jubent, omnes Decreta Basileensis Concilii suscipere, Felicem venerari ut Romanum Pontificem, & ab adversariorum favore omnino discedere: asseruntque neutralitatem nullo modo sustinendam.

CXIV.

Gymnasia, quæ cum Basileensibus senserunt.

per hoc tempus parisiensis schola instantibus Basileensibus Concilio Basileensi se adhærere professæ est, & plurima Germaniæ Gymnasia, ut Viennense, Erfordienste, Colonienste, & etiam Cracoviense in polonia: quæ omnia suis scriptis declarant supremam esse potestatem apud Generale Concilium Basileense, cui etiam papa obedire teneretur. Panormitanus Episcopus, qui aberat, Basileam reversus mense Februario anno salutis MCCCXXI. rubeum capellum, anrequam urbem ingrederetur, acceptavit; & facta reverentia Felici, ut Romano pontifici, litteras Regis Aragonum protulit patribus: quibus Rex illum Gene-

ralem suum procuratorem in omnibus constituerebat, mandabatque, ut nomine suo Basileensi Concilio semper adhæreret. Jamque tractare incipiebant, quibusnam legibus Alphonsus Felicem in Romanum pontificem suscipere. Et Dux Britannicæ litteris gratias egit patribus, quod Episcopum Nannetensem cognatum suum Cardinalem creassent: statutumque est per hoc tempus, ne Abbates ex ordine Canonicorum regularium rochetis uterentur ad differentiam Episcoporum.

CXV.

Quid egerit Basileensium Legatio Nuringbergam petens.

Legati Basileensium interea Nuringbergam petentes, inter eundem plures e Ducibus Bajoariæ in sententiam suam pertraxerunt; quin & Archi-Episcopus Saltzburgensis, quem patavienfis & Ratisbonensis Episcopi sequebantur, eorum partes se probaturum pollicebatur. Idem & Marchio Brandeburgensis promittebat. Venerunt tandem Nuringbergam; & cum peterent a Consulatu urbis suscipi Concilii Decreta, responsum est, quoniam ea civitas ad Imperium immediate spectaret, decere, ut sententiam Cæsaris sequerentur. Tandem cum litteris Cæsaris renuntiatum esset, Cæsarem Nuringbergam non venturum, sed quamprimum petiturum Maguntiam ad indictum Convencum, Legatorum Basileensium pars Basileam rediit: Cardinalis vero Sancti Calixti cum aliquibus ex Collegis Maguntiam properarunt, cum præsertim intellexissent Eugenii Legatos Joannem Carvajalem, Nicolaum Cusam, & Jacobum de Ferrara illum accessisse. Basileæ interea nunciatur Alphonsum Regem mandasse, ne in suis Regnis quispian Basileensium edictis pareret: quod panormitanus falsum esse affirmabat; asserens Regem non jussisse, ut Concilio non pareretur, sed ad tollendas seditiones jussisse, non executioni mandanda edicta sine litteris regis.

CXVI.

Præsentia Felicis in Concilio, & aliqua Decreta.

Et cum Arelatenfis & Sancti Martini in montibus Cardinales abessent, qui

Præsidentes Concilii erant, & ob contentionem nullus esset legitimus Præsidentis subrogatus, ipse Felix, quem Papam appellabant, extra ordinem, & præter consuetudinem Basileensi Concilio præfedit in Generali Conventu, & conclusiones nomine Concilii fecit complures. Primum, ut Præsidentis Concilii esset semper primus Prælatus, qui adesset: Tum, ut litteris Collatorum Beneficiorum quorumcumque non staretur, nisi ante datam collationem tantum effluxisset temporis, quo verissime noticia obitus prius possidentis collatori potuerit fieri. Inde ne collationes de eodem Beneficio, eodem tempore, eodemque modo factæ cuiuspiam suffragarentur. Deinde, ne litteris collatorum de Beneficiis collatis in præjudicium provisorum Apostolicorum stetur, nisi probeatur collatio per instrumentum publicum a Notario subscriptum. Statutum dein est, Doctoribus, Nobilibusve, si Beneficia obtinerent census trecentarum librarum, non esse concedendas dispensationes ad duo incompatibilia: inferioribus autem, si ducenarum: ad duas autem parochiales, vel dignitates majores post Pontificales vel principales, in Collegiatis Ecclesiis nemini omnino dandam dispensationem. Item Doctores, seu Nobiles non posse obtinere ultra duas Præbendas in Metropolitani, in Cathedralibus tres, in Collegiatis autem quatuor: inferiores, unam, duas, tres, pro portione supradicta. Beneficia simplicia primi non habeant supra octo, secundi ultra tres; Licentiatum in Theologia, vel altero iurium legitime, & Officiales Romanæ Curie Pontificali servientes, Doctoribus & Nobilibus comparentur. Commendæ insuper Cardinalibus, si census sex millium librarum habuerint, non duntur: neque ullo modo supra dictam summam permittantur habere, nisi in uno Beneficio major summa comprehenderetur. Patriarchis si quatuor, Archi-Episcopis si tria, Episcopis & Proto-notariis si duo, Abbatibus si mille tantum possederint, commendæ non duntur. Statutum est etiam, ne ordinationes in Concilio temere fierent, ut consueverant. Delectique sunt quidam, qui ordinandos examinant, probarentque certis conditionibus: Felici autem instanti, ut reserva-

tiones sibi concederentur in Provincia Sabaudia, quibus Romanus Pontifex in Provinciis Ecclesiæ uteretur, non est concessum.

CXVII.

*Gesta Legatorum Basileensium
in dieta Maguntina.*

Maguntia interea Joannes Segobienus, Cardinalis Sancti Calixti appellatus, cum reliquis Legatis Basileensibus Principum adventum expectans, ut Legatus de Latere, jurisdictionem exercere, & insignia deferre ceperat, jamque Basilicam Maguntinam petens crucem præ se tulerat: aberat tunc Maguntinus, Templi igitur præfides, & aliarum Ecclesiarum Prælati, Joannem adeuntes orant, ne ultra eorum Ecclesias ut Legatus ingrediatur: Maguntinum Præfulem cum aliis Germaniæ Principibus unitos esse; statuisseque nihil admittere, quod alteri e contendentibus posset præjudicare. Illos profiteri Basilicæ Concilium esse, & Eugenium Romanæ Ecclesie Summum Pontificem: domi tantisper se contineret, quo adveniret Maguntinus. Advenerunt tandem Maguntinus & Trevirensis circa Idus Februarii, & paulo post Legati Cæsaris, & alii complures. Segobius autem cognoscens aliquorum relatu Electores ad Eugenium inclinare, & præsertim Maguntinum, Basileensibus scripsit, ut alios Legatos viros claros adjungerent. Et cum deinde per plures dies expostulasset, ut Concilii nomine audiretur, tandem Principum nomine in hanc sententiam responsum est: Principes nullo pacto discessuros ab unione, quam juraverant, statuisseque juramentum servare, etiam contra dubium conscientie. Audituros illum, ut Concilii Oratorem, si crucem, & Cardinalis habitum domi relinquit, quoniam pro Cardinali, aut Legato eum non haberent. Idem se facturos, si quis Cardinalium ab Eugenio creatorum post suspensionem advenerit. Hæc cum duriora Segobienis viderentur, respondit injussu Concilii & Felici ea non admittarum: præsertim cum peterent, ne inter loquendum Eugenium hæreticum, aut schismaticum appellaret; quoniam

non ob aliam causam venerant, nisi ut iustitiam Concilii, & Eugenii manifesta scelera ostenderent. Paulo post Cardinalis Arelatensis ut Legatus de Latere, una cum Joanne Frisingensi, quem appellabant Sancti Martini Cardinalem, Maguntiam venit. Principes Joannem Lyſuram ad eum mittunt: asserunt se Arelatensem honoraturos, ut verum Cardinalem, si legationis insignia ponat: auditurosque eum æquo animo, & alios, si ille crucem, alii habitum Cardinalis domi dimittant. Ingens per multos dies contentio habita est super ea re, cum Basileenses nullo modo cedere velent. Tandem cum Principes se conventum translaturus ad alium locum prædicerent, nisi acquiescerent; cives & Magistratus Maguntini Basileensibus prædixerunt, nisi voluntati Principum acquiescerent, se fidem publicam revocatos, nisi intra octo dies ab eorum urbe discederent. His auditis Basileenses Legati, cum cernerent Principum animos fixos esse, & cives nos passuros, ut Principum voluntas violeatur, ne causam suam indefensam dimittant, cedere statuunt. Igitur IX. Kalendas Aprilis, Cardinalis Arelatensis cruce domi relicta cum aliquibus ex collegis & familiis suorum Cardinalium, quos etiam domi dimiserat, ad locum congregationis venit: ubi multa primum ipse, & plura Thomas de Corcellis ejus Collega, dixit de potestate suprema Conciliorum, de recto Concilii judicio contra Eugenium, & de legitima & necessaria electione Felicis. Postridie vero auditi Eugenii Legati sunt: & Joannes Carvajal apologiam his verbis sumens: *Ejice ancillam & filium ejus; quia non erit heres filius ancillæ cum filio liberæ.* Multa & miranda dixit contra adversarios, cujus orationem suscipiens Nicolaus Cusa, ejus collega non minora est profecutus, adversariorum dicta protestans, suorum confirmans; & demum attestans, Amedæum Papatum, quem plurimis annis sub ovina pelle aucupaverat, tandem ab Electoribus emisisse, & Veneris promississe XII. millia equitum, si dimisso Eugenio secum sentirent. Depositionem autem Eugenii ab Episcopis tantum septem factam fuisse; cum puri Episcopi depositio a paucioribus XII. rite fieri non possit. Auditi sunt

Eugeniani non sine magno Principum applausu; cum visi essent optime adversariorum objecta repulisse: Summa sententiarum Eugenanorum hæc fuit.

CXVIII.

Assertiones Eugenanorum pro auctoritate Pontificis.

Fidem orthodoxam unam habere Ecclesiam Catholicam & Apostolicam in remissionem peccatorum, in qua de necessitate salutis est esse: hujus Caput, & Pontificem Summum, esse Eugenium, quem omnis Ecclesia per universum orbem diffusa, ut talem venerata est, & nunc major pars veneratur. Qui igitur cum Eugenio Ecclesie Capite non est, extra Ecclesiam est, neque ab Ecclesia factum putandum est, quod a quibusdam Basileæ est factum, cum major pars Ecclesie id non probet. Claves præterea Ecclesie soli Petro & Successoribus datæ; cui dictum est, *Tibi dabo claves regni celorum*, & iterum, *Pasce oves meas.* Ecclesie Monarchiam, nisi in Petro solo fuisset fundata, deleam fuisse, si quisque Apostolorum peculiaries habuisset oves. Papam Petri Successorem nonnisi in causa hæresis a quopiam esse judicandum, sed propria potestate se ipsum judicaturum. Papam dispensare posse juri Divino & humano, super quæ potestatem habet. Papam omnibus Christianis præesse, & ita Concilio Generali, ut illi potestatem tribuat. Generale Concilium non habere potestatem immediate a Christo, sed a Beato Petro, & ejus Successoribus. Pontificis Summi gesta non esse ferienda gladio ovium suarum. Legibus & Statutis omnibus, & Generalium Conciliorum rapam posse contravenire legitime. Hæc verba: *Quæcunque alligaveris super terram, &c.* non esse dispositiva, aut clavium collocativa. Summum Ecclesie tribunal, & in terris supremum Judicium apud Papam solum esse. Nemini licege Summo Pontifici dicere, cur ita facis? cujus est de medio tollere omnes insolentias, & perturbationes pacis Ecclesie. Exercitium clavium in plenitudine potestatis in terris Papæ tantum competere; qui omnia potest in terris. Generale Concilium veluti

veluti arenam sterilem esse, nisi a Papa fecunderetur. Cum igitur his & multis assertionibus Basileenses gravius urgerentur, & una tantum dies eis assignaretur ad respondendum, quæ vellent; visum est, ut Segobienſis hanc provinciam ſumeret; qui doctrina & elocutione valeret, & series rerum argumentationesque omnes in Concilio jam pluribus annis factas optime calleret. Igitur dimisso domi Cardinalari habitu, ut privatus, concionem petiit: ubi postquam plurima pro causa Basileensium dixisset, & cur habitum dimiserat, adversariorum dicta dissolvere conatus est: longumque tractatum exhibuit in XII. libros divisum, quos parcelas appellabat: in quibus infinitis argumentationibus, rationibus, Sanctorum patrum sententiis, dictisque tam veteris, quam novi testamenti comprobare conatus est, summam potestatem in terris esse apud Generalia Concilia, quibus etiam Papam oporteat obedire: tum Basileense Concilium legitimum, & nullo modo ab Eugenio potuisse dissolvi, etiam de plenitudine potestatis: neque verum esse, quod per partialem conclusionem seipsum dissolverit. Deinde Eugenium iuste depositum esse, & Felicem legitime subrogatum. Demum oportere omnes Felici, ut vero Pontifici obedire. Postremo veritates a Concilio approbatas multis rationibus confirmavit, & legitime Eugenium fuisse declaratum hæreticum. Contra hæc sequenti die late disseruerunt Carvajal & Cusa; affirmantes, Basileenses non potuisse judicare Eugenium, & eorum veritates, quas tantopere extollerent, esse falsas fatuitates; eorum omnia gesta, ut iniqua & fatua damnantes, & irridentes. Basileenses vero post hæc audiri petentes, non sunt amplius admissi. Et congregati (quamvis Trevirensis discessisset) simul convenientes cum Legatis Cæsaris, & Francorum Regis, in hanc sententiam convenere. Pro pace Ecclesiæ esse congregandum Generale Concilium in alio loco extra Basileam & Florentiam. Cæsarem cum aliorum Principum assistentia contententes interpellaturum, ut ad Concilium veniant concordie causa. Si contententes, vel alteri eorum locum eligere noluerint, Cæsarem electurum. Nominataque sunt lo-

ca sex in Germania, & totidem in Gallia: si placeret per Decretum, ut Oratores nomine Cæsaris, & Regum, & Principum ad Eugenium mitterentur mense Novembris super ea re: qui etiam idem Amedæo per aliquem ex suis Prælatiſ significarent: Conciliumque Generale omnino inchoandum Kalendis Augusti anni MCCCCXLII. Cæsarem, Reges, ac Principes daturos operam, ut Prælati, & alii ex suis provinciis Concilium petant: & finis datus est conventui. Hæc omnia Cæsari relata sunt, quem etiam Viennæ morantem pars Legatorum Basileensium & Eugenii Legati adierunt, quisque causam suam agentes. Respondit Cæsar, se alium conventum indixisse Francofordiæ ad Festum Martini; ubi de consilio Principum vellet statuere, quid sit agendum. Albertus Cæsaris Germanus professus est se cum Felice sentire, illumque usque ad mortem sequi velle. His finis fuit Maguntinæ Diætæ, quæ more Germanico Francofordienſem diætam peperit. Basileenses vero, cum sancti locus amplius datus non esset, longam apologiam contra Eugeniæorum dicta scripserunt, disseminaruntque.

CXIX.

*Ordinis Minorum Germaniæ
Fratres Felicem sus-
cipiunt.*

Mense deinde Julio ejusdem anni MCCCCXLII. Episcopus, Clerusque Ecclesiæ Selesvicensis, & Minister Ordinis Minorum, provinciæ Germaniæ, per procuratores in verba Felicis jurarunt. Illumque ut Romanum Pontificem venerati sunt. Erat jam pridem dissensio inter Fratres ejusdem ordinis, cum hi, qui observantiam regulæ profitebantur, Prælatiſ Conventualium subesse nollent, & jam a Constantienſi Synodo ab illorum jurisdictione fuerant liberati. Annuebat Felix, annitentibus maxime civibus Basileensibus, ut in Monasteriis ejusdem ordinis, in quibus major, saniorve pars Observantibus consentirent, ejectis Prælatiſ Conventualium ab Observantibus regerentur. Instabat igitur Martinus Nurembergenſis Miniſtri nomine, rogans, ne in provincia ordo divideretur: non
P p p p p 3 esse

esse concedendam Observantibus exemptionem, & varias in eorum ordine Prælaturas. Re diu inter Patres agitata, nihil tandem statutum est. Per hoc tempus a quodam Petro Reginaldo ex Observantibus Theologo insigni, Patribus propositum est, videri sibi declarandum, omnes homines adultos sub pœna damnationis æternæ obligari, scire explicite decem præcepta legis. Diu super ea re disceptatum est : sed cum ardua nimis videretur, & non necessaria, indefinita dimissa est.

CXX.

*Conturbatio Patrum de oratione
Panormitani.*

In celebritate Pentecostes, cum Felix rem Divinam faceret, Panormitanus sermonem habuit, in quo cum de auctoritate Concilii & Papæ loqueretur, asseruit Papam esse majorem Generali Concilio : neque recte agi a patribus, quod nomen Pontificis nomini Concilii postponerent, quoniam ipse esset Caput Concilii & Episcopus universalis Ecclesiæ : sed hanc prærogativam habere Pontificem in rebus alienis, in factis autem propriis ita Papam subesse Concilio, ut etiam pro quocumque peccato mortali notorio Ecclesiam perturbante posset a Concilio judicari. In alienis iudicium ad eum omnino pertinere, ad quem etiam definitiones fidei spectarent, etiam præsentī Generali Concilio. Hæc Panormitani verba multorum patrum animos admodum perturbaverunt, putantes ea aperte contra Constantiensis Synodi doctrinam esse, & in favorem Eugenii. Monitus super his Panormitanus, coram Felice & Cardinalibus suis se multis verbis purgavit : ostendens prius, quæ & quanta fecisset pro auctoritate & defensione Sacri Concilii : se ea verba protulisse ardore quodam sermonis, & non ea intentione, qua multi acceperant; sed neque ita esse interpretanda. Proinde acciperent ejus bonam mentem, qui auctoritati Conciliorum favisset semper, faveretque quoad viveret.

CXXI.

*Relatio Basileensium Legatorum
ex Polonia.*

Circa hoc tempus Legati Basileenses

in Poloniam missi ad procurandam obedientiam Concilio & Felici, reversi sunt : & inter multa retulerunt Cracoviense Gymnasium in sententiam Basileensium venisse, ejusque scripta longa serie attulerunt : Prælatos autem & proceres regni varias habere opiniones : ad summam, si Concilium & Felix Regi tradant titulum Regni Hungariæ in suis litteris, sique principibus libere dimittant pecunias, quas habent in potestate, ex indulgentiis, Græcorum causa collectas, forsan, ut Poloni Concilio & Felici se parituros profiteantur. Hæc cum admittenda non viderentur, litteræ supervenerunt, quæ novam spem facerent, Regem scilicet Poloniæ in Concilio procerum statuisse, supersedere velle in rebus Ecclesiæ usque ad plenam veritatis cognitionem. Interim vero prohibuisse, ne quis litteris mandatisve Eugenii pareret, sub pœna proscriptionis : utque de pecuniis provenientibus ex denario Sancti Petri Cantori Cracoviensi interim responderetur. Nec minor erat spes de obedientia Britanniarum, quam opera Nannetensis Episcopi, quem Cardinalem fecerant, & alterius magnæ auctoritatis viri, quem promoturum ad eandem dignitatem pollicebantur, impleri putabant. Et cum pluribus in locis magis obtemperaretur litteris Concilii, quam Felicis, statuerunt litteras provisionum Ecclesiasticarum & Beneficiorum sub nomine Concilii expediri, vel sub nomine utriusque, ut magis impetranti placeret.

CXXII.

*De Celebritate Visitationis
Beatæ Mariæ Virginis.*

Disceptatum fuerat jam per longum tempus inter Patres de celebritate Visitationis Beatæ Mariæ Virginis instituenda, cum prima institutio a Bonifacio IX. facta schismatis tempore, non fuisset suscepta ab hominibus alterius obedientiæ : sed cum de formula Decreti non convenirent, res diu dilata est. Tandem cum Æneas Senensis formulam quamdam confecisset, quæ omnibus æque satisfaceret, placuit in publica Sessione firmari Decretum. Verum alia exorta est contentio. Videbatur plerisque probis viris De-

Decretum promulgandum esse Felicis nomine, quem Papam putabant, sacro approbante Concilio: quod observatum dicerent in antiquis Conciliis, vel saltem addendum, Papa Felice præfidente, ut Senis fuerat observatum in ultimo Concilio de præfidentibus Martini Pontificis: quæ cum aliis non placerent, annuente Felice, dimissa sunt.

CXXIII.

SESSIO QUADRAGESIMA TERTIA.

Instituitur celebratio Visitationis.

Celebrata est Sessio quadragesima tertia Kalendis Julii anno Christi Millefimo quadringentesimo quadragesimo primo: in qua solemniori ritu decretum, atque sancitum est, Festivitatem Visitationis Beatæ Mariæ ab omnibus Christi fidelibus piâ religione celebrandam quot annis Sexta Nonas Julii, ad honorem Genitricis Dei: concessâque est omnibus, qui matutinis, processioni, sermoni, Missarum solemnibus, primis aut secundis vesperis interfuerint, pro unoquoque officiorum prædictorum centum dierum indulgentia de injunctis poenitentiis. Augusto mense hujus anni inter alios incorporatus est Basileensi Concilio Bartholomæus Cornetanus. Per quod tempus Alphonsus Rex per Legatos a Patribus petebat, ut decima universalis super Clerum imponeretur pro defensione Insulæ Rhodi, quæ a Turcis infestaretur: daturumque se operam, ut in suis regnis facile exigeretur. Quod cum Patribus non videretur propter contentionem Ecclesiæ; petebat saltem, ut in provinciis Sabaudia, & ipsius Regis tantum imponeretur: quod etiam non est admissum.

CXXIV.

Tractatus Philippi Ducis Mediolani cum Antipapa de obedientia præstanda.

Tractaverat jam pridem Philippus Mediolanensis Dux per suos Nuntios de obedientia Felici præstanda. Hunc tractatum nunc Felix ab amicis præmonitus vehementius prosequabatur, ut an-

tequam Cæsar Francofordiæ cum Principibus conveniret, perficeretur. Petebat Philippus, quoniam grave sibi periculum immineret, si primus ex Italicis Felicem susciperet, tredecim millia aureorum in stipendium singulo quoque mense, pro quatuor millibus equitum, & aliquorum mensium stipendia in principio: & hoc tam pro sua defensione, quam pro recuperatione provinciarum Romanæ Ecclesiæ. Promittebat se in manus Felicis positurum Bononiensem civitatem, & alia quædam addebat. Aderat Secretarius & Nicolai Piccinini Clarissimi exercitus Ducis, qui a Felice repetebat expensas factas pro expugnatione Bononiæ, si illam cuperet obtinere: neque erat parva summa. Habiti sunt varii tractatus, missique ultro citroque nuntii, & litteræ. Hortabantur sui Cardinales & Amici Felicem, ut condiciones, quas posset, amplecteretur: quoniam si Mediolanensem in partes suas traheret, haberet etiam Alphonsum Regem, & magnam Italiæ partem: quos procul dubio & Germani, & alii deinde sequerentur. His exhortationibus impulsus Felix, circa Kalendas Septembris, pollicitus est Mediolanensi stipendii nomine aureorum quinquaginta millia, intra tres hebdomadas post prædictam obedientiam & Bononiam consignatam: tum alia quinquaginta millia ex redditibus Bononiæ, & aliorum locorum competentibus terminis persolvenda. Missus cum his mandatis Felicis Vice-camerarius diu verbis ductus, & nunc ad Marchionem Ferrariensem, quasi Ducis arbitrum, nunc Mediolanum remissus: tandem mense Januario Basileam rediit facta spe, post decem dies Ducem missurum insignem legationem ad obedientiam Felici præstandam: sed vana fuit omnis hæc spes: nunquam enim postea Legati Basileæ comparuerunt.

CXXV.

De Divisione quinti, & decimi denarii.

Contentio non parva exorta est per hoc tempus inter Felicem, & suos Cardinales pro divisione quinti & decimi denarii. Petebant Cardinales dimidiam partem secundum Decretum XXIII. Sessionis, & Nicolai IVti. Felix vero id non esse

esse æquum dicebat, quoniam is graves expensas pro Ecclesia subiret, nec ex redditibus Ecclesiæ Romanæ quidquam acciperet : ex quinto autem denario nihil, nisi ex Sabaudia provinciis proveniret. Officiales Curia, & ipsi suam ratam petebant, asserentes pro eorum sustentatione eam legem esse introductam. Res diu disputata est, & quia graviora incumbebant, indecisa. Dimissa fuit & altera disceptatio eodem ferme tempore, quæ tandem meliorem finem est sortita. Postulaverat Felix a Patribus, ut quoniam aliunde ex Pontificatu nihil omnino accipiebat ad onera supportanda, concedere Concilii nomine, licere Felici Ecclesiam unam, Monasterium unum, & unum aliud Beneficium in provinciis Sabaudia tamdiu obtinere, quoad majorem partem agri Romanæ Ecclesiæ recuperaret. Diu multumque super hac re disputatum est, & tandem non sine maxima contentione annitentibus amicis concessum. Decretum est etiam Felicem uti posse reservationibus in XXXI. Sessione statutis. Et cum multæ querelæ contra Scriptores litterarum Apostolicarum ob excessivas taxas haberentur, actum est diu de moderatione: nihil tamen conclusum, cum assererent se Joannis XXI. taxas non superare. Mense deinde Octobri litteræ allatæ sunt Patribus a Rege Alphonso, qui in sex Regnis suis plenam Concilio obedientiam exhibebat, pollicebaturque etiam majora, si Legatus aliquis ad eum mitteretur. Designatus est igitur Legatus de latere Joannes Segobienensis, quem appellabant Cardinalem Sancti Calixti, per totam Italiam, Insulasque adjacentes ad manifestandam Concilii justiciam & veritatem, ad procurandam obedientiam Felici, & ad tractandam pacem inter Alphonsum, & Renatum Reges. Pridie Kalendas Novembris Oratores Electi Pragensis, & Ulrici Rosenbergii Gubernatoris Regni Bohemiæ, majorisque partis hujus Regni in Generali Congregatione Felicem, ut Romanum Pontificem, venerati sunt, eique plenam obedientiam præstiterunt, petentes tamen suppliciter, ut Ulrico contra hæreticos assidue decertanti, atque minus potenti suppetias mitteret. Ad quod responsum, missuros Patres Legatos ad Conventum Francofordiensem, ro-

gatos Casarem, & Principes, ut de pecuniis indulgentiarum Ulrico subveniat. Neque multo post Nuncius Episcopi Cracoviensis Sbignei, quem Felix Cardinalem declaraverat, nomine Episcopi Felici publice obedientiam præstitit; egitque gratias pro demandata illi dignitate, quam prius non suscepisset oblatam, ut reipublicæ melius posset consulere. Post hæc cum Patres pecuniis indigerent, actæ sunt causæ repetundarum contra quæstores, exactoresque, ac præfectos ærarii Concilii, vocatique sunt omnes ad causam dicendam, reddendamque rationem administratorum. Et paulo post cum Soldanus Felicis quosdam ex Patribus conscriptis carceri mancipasset, exorto tumultu civitas interdicta est a Patribus, quod libertatem Concilii non servaret: & tandem iisdem annitentibus concordia secuta, Soldanusque debita poena multatus.

CXXVI.

Provisio Ecclesiæ Saltzburgerensis.

Per hæc tempora provisiones plures Ecclesiarum factæ sunt in plerisque locis; vacante Ecclesia Saltzburgerensi in Germania divite & nobili, Federicus ejus Ecclesiæ Decanus a Capitulo electus est: cujus nomine Legatus missus, a Concilio confirmationem exposcebat. Et cum patres vellent Felicem cum suo Senatu confirmationem decernere, ut in verba Felicis juraret, renuit ille; affirmavitque se non ad Felicem, sed ad Concilium missum, neque quidquam agere posse cum Felice. Disceptata diu est res, & tandem Concilii nomine omnia sunt gesta, & mox circa Idus Januarii pallium Saltzburgerensis electi per Stephanum de Novaria Advocatum, & procuratorem peticum, & per Cardinalem Sancti Sixti jubente Felice traditum. Principio anni subsequentiis MCCCXLII. graves contentiones habitæ sunt inter patres ex privatis causis. Joannes Bacelestein, vir primarius, & magna doctrina clarus, præposituram Ecclesiæ Herbipolensis a patribus obtinuerat; quamvis Philippus Trevirensis Archi-Episcopus Germanus eandem ab Eugenio post ejus suspensionem a Basileensibus factam antea impetrasset.

trasser. Agebat causam Joannes contra Philippum in Concilio: Felix hortabatur Joannem, ut aliquantisper differret, quoad res Ecclesiæ in Germania componerentur. Magnam esse Treverensis auctoritatem & potentiam inter Principes Electores, esseque valde periculosum tantum virum hoc tempore irritari. At Joannes privata publicis præponens, Felice inscio non prius quievit, quam sententia pro se a Vercellensi Episcopo ferretur. Tum Joannes, ut jura sua plenius firmaret, novam provisionem a Concilio super ea re petebat. Hinc acrior contentio, cum multi Joanni faverent, plurimi vero propter scandalum rem differendam putarent. Deputationes pacis & fidei resistebant, alia acriter urgebant: ita ut in Generali Congregatione querelæ, tumultus, strepitus clamoresque persæpe fierent supra omnem modestiam. Nec minor dissensio fuit in causa Decanatus Oiscensis, ita ut quidam clamorosis vocibus ante oculos præsentis dicere ausus sit, quod vellet, nolletve, concluderet in suam sententiam. (*) hæc parva fuit contentio in demembris Orioli oppidi ab Ecclesia Carthaginiensi in Hispania, & erectione Ecclesiæ Oriolensis in Cathedralem, instante Alphonso Rege, in cuius Regno erat Oriolum. Multumque temporis in hujusmodi contentionibus frustra consumebatur, ita ut plerumque publicæ contentiones privaræ fierent. Interea temporis Felix operam dabat, ut Legatus in Italiam quamprimum proficisceretur. Et Nichodio de Metone, Comitatus Niciæ Gubernatori, qui forte tum Basileæ erat, mandat, ut trirēm in instruatur, qua Legatus ad Kalendas Martias in Italiam transvehi possit. Tum factis instructionibus per Æneam Senensem, quem secretis præfecerat Felix, pridie Kalendas Februarii, de eis ad quatuor Conventus referretur. Sed (**) profecto Legati profectio ad Italiam dilata est, quod prius mittenda videbatur ad Duces Burgundiæ, Borbonii, & Sabaudia, qui Nivernis conveniebant.

CXXVII.

Relatio a Tridentino de gestis in Austria.

Alexander Tridentinus Præsul, quem Cardinalem & Patriarcham Aquileiensem appellabant, Cæsari sanguine junctus, illius salutandi gratia in Austriam profectus est: quem Cæsar sine rubeo pileo venire iustum honorifice suscepit. Sed cum paulo post Julianus Cardinalis Sancti Angeli, Eugenii Pontificis Legatus, Cæsarem adiret, resumpsit pileum etiam Alexander, ne illi cedere videretur; & ut ipse Tridentinus Basileam scripsit, iustus est intrare ad curiam Cæsaris Julianus sine insignis legationis: quæ si prætulisset, parati erant nobiles quidam, Tridentini cognati, ea vi auferre. Et quidam Nicolaus Ordinis Minorum Monachus, his diebus Basileam venit cum litteris Casimiri Magni, Ducis Lituaniæ, & Russiæ, cujus nomine Basileensi Concilio obedientiam, ac reverentiam præstitit. Reddidit quoque litteras Episcopi Vilenensis ejusdem provinciae, in quibus ille profitebatur auctoritatem Concilii Basileensis, & narrabat Isidorum Abbatem unum ex tribus Oratoribus Græcorum, qui Basileam venerant, ut Archi-Episcopum & Cardinalem Eugenii nomine Legatum in Provinciam nuper accessisse; quem ipse ut talem minime suscipere voluisset, quoniam sciret, Eugenium iuste a Concilio Basileensi damnatum esse. Per id tempus Ecclesia Curienfis commendata est a Felice & patribus Alexandro Tridentino, quoad obtineret possessionem Ecclesiæ Aquilejensis.

CXXVIII.

Relatio exploratorum de inclinatione Principum erga Eugenium Pontificem.

Dum hæc Basileæ geruntur, circa Kalendas Martias Archi-Diaconus Metensis, & Auditor Cameræ, qui per Patres missi fuerant in Germaniam ad explorandos Principum animos, revertuntur; renunciant majorem Principum partem inclinatam esse ad Eugenium, jamque

(*) lege: nec parva.

(**) forte: vox ea, profecto, redundat.

jamque missas esse ad illum in Italiam conditiones, quibus Eugenium aperte sint suscepturi. Gravi animo tulisse Principes, quod Basileenses nullum ex nominatis locis pro Concilio acceptaverint. Videri sibi, ut quamprimum mittantur Legati ad Convantum Francofordiensem, cum plena potestate omnia agendi, quæ Principibus placeant. Quæ, ubi renunciata sunt, omnium animos male affecerunt: sunt igitur variz consultationes, varizque in medium afferuntur sententiz. Et cum quidam ex consultoribus Felici diceret, optimum (*) si crebræ Legationes ad Reges & Principes mitterentur, ut alias statutum fuerat; Respondit Felix, se satis gravatum esse inutilibus expensis: Legationes quidem multis misisse, ex quibus nullum videret fructum: latius sibi videri, si locum pro futuro Concilio ipse quamprimum nominaret, ut Principes, qui ad eam rem potestatem nullam haberent, præveniret. Paucis post diebus, cum Felix Patribus in Concilio obtulisset se omnia facturum, quæ Concilio viderentur pro pace Ecclesiæ, salva tamen Ecclesiæ auctoritate, visum est mittendos Legatos ad Cæsarem de pace tractaturos. Designati sunt Legati a Felice Bartholomæus Episcopus Cornetanus, & Nicolaus Anici, qui Synodalem Epistolam ad Cæsarem instruendum, & pacem luadendam deferrent. Hanc Epistolam Concilii nomine prius confecit Panormitanus: quæ, quamvis laudata coram eo, tamen non placuit. Hortante autem Arelatenſi Cardinale Æneas Senensis aliam formulam edidit: quæ ab omnibus, & etiam ab ipso Panormitano probata: in ea narrabantur distincte & plane magnifica Basileensium gesta, causæ dissensionum inter Patres, & Eugenium, Eugenii injuriæ, & contemptus in Concilium, assidueque opera ad Concilii everſionem; ejus manifesta & enormia in Ecclesiam peccata, justum Basileensis Concilii judicium contra eum, & Canonica, necessariaque Felicis electio. Et hortabatur deinde Cæsarem ad cognoscendam, amplectendamque Concilii justitiam, exercendamque adversariorum iniquam pertinaciam. Demum Concilium nihil magis cupere, quam pacem Ecclesiæ; sed eam pacem, quæ justitiæ,

quæ veritati, quæ honestati, quæ fidei orthodoxæ adversaria non esset. Conveniendum prius in unam fidem, honorandam Christi sponsam, servanda Constantiensis Synodi sancta Decreta, & sacra Basileensis Concilii, quod omnes Prælati, Principesque venerati sunt; salubria instituta: mox pacem affuturam sine aliqua difficultate. Felicem Pontificem, Patresque omnia facturos, quæ cum Deo poterunt, ut pax Ecclesiæ reddatur. Cum his mandatis profecti sunt Cornetanus, & Nicolaus Anici, Nonis Aprilis. Deinde cum fama esset Cæsarem Francofordiam ad Convantum adventare, actum est inter Patres de insigni Legatione illuc mittenda. Reculabant novi Cardinales eam provinciam propter molestiam Maguntiz susceptam, ne cogerentur rursus habitum dimittere: sed affirmante Felice, & plerisque aliis, oportere illos ire, etiam si habitus dimittendi essent, pro defensione veritatis, & justitiæ Concilii, tandem designati sunt Legati Cardinales Arelatenſis, & Panormitanus, & Joannes Segobienſis Cardinales vocati, qui mense Maji secundo Rheino iter acceperunt in celebritate Pentecostes, (**) XII. Kalendas Julii.

CXXIX.

SESSIO DECIMA
FLORENTINA.*In qua Concilium Lateranum
transfertur.*

Florentiæ inter hæc Eugenius decimam Sessionem celebrat VI. Kalendas Maji anni salutis MCCCXLII., in qua asserens Zare Jacob, magni Regis Æthiopiz, quem Presbyterum Joannem vocant, Legatum ad Concilium Oecumenicum orthodoxæ fidei suscipiendæ gratia properare, Concilium ipsum, ut majorem auctoritatem etiam ex loco susceperet, Romam approbante ipso Concilio transtulit, prosequendum in Basilica Lateranensi, propria & prima sede Summi Pontificis, XV. die post ejus ad urbem reditum. Huic translationi addit & plures causas, loci reverentiam, & commoditatem, rerum omnium copiam, tum

occa-

(*) forte: optimum fore, si.

(**) Scribendum: XIII. Kal. Jun. eo quippe anno Pascha Kal. April.

occasionem componendarum Provincia-
rum Ecclesiæ, & pacis & quietis Italiæ,
ceterarumque Regionum procurandæ.
Quæ omnia Basileenses in peiorem par-
tem sumentes, prædicabant Eugenium
Romam Concilium transtulisse, ne com-
pelleretur ad aliud Concilium in Ger-
mania pro voluntate Principum celebra-
ndum, quoniam nullo pacto veller Con-
cilium extra Italiam: tum ut ostenderet
se summum habere Imperium supra
Concilium, quod de loco ad locum pro
suo arbitrio transferret, ut fecerat ex
Basilea Ferrariam, ex Ferrariâ Floren-
tiam, & inde demum Romam: quæ om-
nia tenderent ad enervationem aucto-
ritatis Ecclesiæ, & Conciliorum. Con-
ventus interea Francofordiensis magna
Principum frequentia celebrabatur, cui
Fridericus Cæsar præerat. Et Patres in-
terim Basileæ Divinis supplicationibus
per omnia templa intendebant, ut res
suar prospere succederent. Felix autem
statuit, ut dum Conventus ille federet,
nihil Basileæ de gravioribus causis agere-
tur, ne aliquo modo Principum animi
possint irritari.

CXXX.

SESSIO QUADRAGE- SIMA QUARTA.

Decreta pro tuitione Basileen- sum.

Dum hæc fiunt, non sine gravi con-
tentione agitur inter Patres de sanciendo
Decreto pro tuitione Conciliarium. Diu
disceptata fuit formula Decreti, cum Ro-
bertus Adimarus, Volaterranus Episco-
pus, a Concilio Archi-Episcopatum Flo-
rentinum obtinuerat: & Rondenensis
Episcopus, & alii quidam pro defensione
Apostolicæ auctoritatis se opponerent:
conclusum tandem est Decretum sancien-
dum, & Sessio publica quadagesima
quarta habita est quinto Idus Augusti,
summa Decreti hæc fuit. Omnia in fa-
vorem, ac defensionem Concilii descrip-
torum, describendorumve Statuta, ac De-
creta in superioribus Sessionibus firma &
rata esse: & propterea omnes quoquo
modo vexantes Conciliares, eorumve Sa-
cerdotia, ac Beneficia cuiuscumque qua-

litis impetrantes, acceptantes, seu oc-
cupantes ultra excommunicationis, pri-
vationisque omnium Beneficiorum suo-
rum censuras, decem marcarum auri mul-
ctam incurrere singulares personas: Col-
legia vero & Universitates triginta mar-
carum: quarum tertiam partem Cameræ
Apostolicæ, alteram partem offenso,
tertiam vero loci Principi vel Magistratui:
vel ubi hi non fuerint, præcipuo fautori
& defensori: horum Beneficiorum Col-
latores, nisi requisiti a Conciliariis intra
duos menses, & XII. dies eiectionis occupa-
toribus Conciliares restituerint, easdem
pœnas incurrere; & pleraque alia in hanc
sententiam.

CXXXI.

Gesta in Francofordiensi Con- ventu.

Basileenses Legati interim (ut ad
Francofordiensem Conventum reverta-
mur) sexto Kalendas Junii, Francofor-
diam navibus appulerunt: susceptique sunt
a civibus perbenigne, non tamen ut Le-
gati Apostolici, iussique sunt insignia lega-
tionis domi dimittere. Eadem die Fri-
dericus Cæsar Francofordiam ingressus
est cum Maguntino, Colonienfi, Trevi-
rensi, Comite Palatino, & Duce Saxonie
Electoibus, & aliis plerisque Principibus.
Qui vetuit Basileenses sibi honoris gratia
obviam dari. Post aliquot dies Basileen-
ses Cæsarem adierunt: redditisque liti-
ris Concilii & Felicis, causam suam Pa-
normitano orante commendant; orantes,
ut iustitiam libertatemque Ecclesiæ, cu-
jus erat Protector, tueri veller. Cæsar
respondit, se nihil magis cupere, quam
Ecclesiæ pacem dare: & propterea Con-
ventum Principum indixisse. Verum
oportere eos paucis diebus præstolari,
quoad ex Aquisgrano, quo suscipiendæ
primæ coronæ gratia iturus sit, revertatur.
Interim posse Basileenses & adversarios
jura sua exponere his, quos ipse suo &
Principum nomine ad hoc opus constitue-
rit; ne in suo reditu colligantes oporteat
audire. Arelatenfis Cardinalis, ubi Cæsari
gratias egit, obtulit se comitem itineris Cæ-
sari; asserens se, ut Arelatensem Archi-Epi-
scopum, Principem Imperii esse, pertinere-
que ad se Coronam Cæsari imponere,
quod Prædecessor suus Arelatenfis alias
fecisset. Postridie Eugenii Pontificis Le-

Q q q q q 2 gati

gati Joannes Carvajal , Nicolaus Cusa , & Jacobus Ferrariensis Cæsarem , ut Basileam congregatos expelleret , ut suspensionem tolleret animorum , ut obedientiam restitueret Eugenio indubitato Pontifici , ubi eum in Templo Divi Francisci adire , post redditas litteras hortati sunt : & quem , ut Romanum Pontificem venerati erant omnes populi , nunc velit eundem venerentur . Aderat unus ex Basileensibus Oratoribus , cum hæc dicerentur , qui Cæsarem rogabat , Collegas suos prius audiret , quam adversariis responderet . Negabat Carvajal audiendos esse damnatos ac schismaticos : quod si vellet audiri , veniret Segobius ille , ut nuper , & Monachus cum suo habitu , & eis libenter responderent . Cæsar vero , ubi eis respondit se super his deliberaturum , postridie Aquisgranum contendit , quem Arelatensis secutus est . Constituerat Augustensem & Chimensem Episcopos , Marchionem de Rothelingen , & Thomam Hisselbachium Theologum , qui contententium propositiones , & jura audiret , referrentque : & cum his Principes alios suo quisque nomine duos , unumve adjunxerant : qui statuta die Basileenses primo audirent . Li tribus diebus Panormitano perorante causam suam egerunt . Panormitanus juris utriusque peritorum sui temporis excellentissimus , explicata primum longa narratione serie rerum , multis argumentationibus , & infinita jurum allegatione conatus est probare , Concilium Basileam legitime permanere , Romanum Pontificem Concilio obedire oportere , neque posse illud dissolvere , seu transferre : Basileense Concilium non esse sua sponte dissolutum , nec ab Eugenio potuisse dissolvi ; Ferrariensem congregationem non esse Concilium Generale , Eugenium legitime a Concilio esse privatum Pontificali dignitate , & Felicem canonice , sancteque illi subrogatum : oportere Christianos omnes de necessitate salutis Felici obedire , ut Christi Vicario . Deinde adversariorum objecta , & libellum quemdam Eugenii , *Etiam si non dubitemus* , appellatum , multis rationibus refellere nisus est . Auditi sunt Basileenses sine arbitris per tres dies . Deinde sunt admissi Eugeniani eodem modo : qui Nicolao Cusa agente primum asseruerunt , iniquum fuisse , damnatos Amedæistas audiri ; tum

explicata serie rerum gestarum , ostendit Eugenium rite & necessario Concilium transtulisse , Conciliumque eam translationem per Decretum Præsidentium , & suorum sequacium , apud quos potestas remanserat , eligendi locum statuisse : judicium contra Eugenium injustum fuisse , criminationes omnes falsas , electum Basileensem , electoresque inhabiles : Basileam nullum Concilium esse , Florentinum Concilium Oecumenicum esse & sanctum , Basileensis fructum schisma , divisionem , & abominationem in Ecclesia Dei : Florentinæ Synodi Græcorum , Armeniorum , Jacobitarum , Heberorum unionem & conversionem . Proinde ejiciendos Basileenses cum suo idolo , relegandosque in ultimas terras ; & Eugenium Summum Sanctumque Pontificem , ut Christi verum Vicarium , venerandum , adorandumque : neque aures dandas Basileensium sermoni , qui fumus esset caligine plenus , oculos stolidorum obtenebrans , nihil in se habens veritatis . Has contententium contradictiones Auditores in scriptis petierunt , ut fidelius , pleniusque Cæsari , & Principibus omnia possent referre : quod & factum est . Audierunt Basileenses Legati , quinque ex Principibus Electoribus conjurasse , ut Eugenio certis legibus omnino obedientia redderetur . Quare , ut huic rei obviarent , summo studio curarunt ab eis audiri ; quod nunquam consequi potuerunt : qui etiam audita relatione dictorum a contententibus magis urgebant , ut Eugenio susciperetur . Voluit Cæsar leges illas cognoscere , utque alii Principes , & Prælati eas examinarent . Quas , ut Basileenses etiam cognoverunt , Cæsarem adeuntes , magnis execrationibus damnabant : orabantque , ut nullo pacto admitterentur . Res in Senatu Principum discussa prætermissa est : sed post multas disputationes , multaque consilia tandem Cæsar de consilio Principum statuit , aliud Concilium indubitatum esse celebrandum , mittendos esse Nuncios super ea re Basileam ad Patres , & Florentiam ad Eugenium Pontificem ; interim Germanis in sua suspensione animorum manendum . Quæ cum Basileenses Legati audissent : conquerebantur , quod Cæsar & Principes factiosi viderentur , non indifferentes , cum Nuncios ad Eugenium , non autem ad Felicem mittere statuisent .

Cæsar

Cæsar placatis Basileensibus, dicens se æqua lance rem tractaturum, illos remisit. Qui Basileam reversi Kalendis Septembris, Patribus retulerunt, quæ Francofordiæ gesta erant.

CXXXII.

Decreta in Conventu Francofordiensi.

Cæsar vero, ut pax interim in provincia servaretur, publico edicto vetuit quempiam in suis Beneficiis occasione schismatis quoquo modo vexari, sed unumquemque in sua possessione esse defendendum: contra facientes, ut hostes Reipublicæ habendos. Tum volentibus Principibus leges compositz sunt, quæ Eugenio Pontifici pro pace offerrentur: dataque regula, quam Legati Eugenium, & alios adituri servarent, in hunc ferme modum: Legati Cæsaris & Principum Tridenti omnes convenient ad festivitatem Sancti Galli: venerabuntur Eugenium, cum ad eum pervenerint, ut Romanum Pontificem: excusabunt Cæsarem & Principes, causamque explicabunt, cur tamdiu in neutralitate perseveraverint. Deinde dicent, Cæsaris & Principum sententiam esse, non posse melius dari pacem Ecclesiæ, quam per indubitatum Generale Concilium. Proinde orare Sanctitatem suam, velit Generale Concilium indicare in uno ex his locis: Ratisbonæ, Treviri, Meti, Augustæ, Constantiæ, & si malit Tridenti, quod intra annum celebretur. Quod si Rex Franciæ instabit in Galliis celebrandum fore, suadeant Pontifici, convenientius fieri in Germania, ubi pax est & quies; decereque, ut ubi scissio facta est, ibi fiat unio. Modum procedendi in Concilio, ipsi Concilio esse relinquendum. Quod si Pontifex nolit Concilium indicare, concedat Cæsari, ut jure Advocatiæ Concilium possit convocare. Si Pontifex de criminationibus sibi adscriptis apud Legatos se excuset, neque admittatur, neque respuatur excusatio: apud Pontificem non expectent supra mensem; & responsum Pontificis in scriptis referant. Jurabunt Legati, antequam profisciscantur, nihil omnino a Pontifice se petituros, aut acceptaturos etiam ultrâ oblatum; non Sacerdotia, non dignitates,

non gratias aliquas. Idem apud Concilium Basileense facient. Felici autem non exhibebunt reverentiam, ut pontifici sed per intermedias personas secum agent. Referant deinde omnia Legati Cæsari, & Principibus, qui ad festum Purificationis Nürimbergæ convenient, & delibebunt. Hæc acta sunt in magno Conventu Francofordiensi a Cæsare & Principibus, & alia diæta Nürimbergæ indicta.

CXXXIII.

Legatio Cæsaris ad Basileenses.

Hæc ubi Basileæ per Legatos, qui redierant, innotuere, non parvo mœrore afficiebantur Patres, cum putassent Principes facile potuisse adduci in suam sententiam. Designavit Cæsar Sylvestrum Chimensem, Thomam Haselbachium, & alios, suo & Principum nomine Legatos Basileæ. Et ipse XVIII. Kalendas Octobris Basileam appropinquans, quamvis a Cardinalibus, & multis ex Patribus, qui obviam processerunt, rogaretur in urbem intraret, recusavit: rogavitque, ut suos Legatos exaudirent. Qui Patribus exposuerunt, Cæsarem & Principes rogare, ut pro pace & quiete universalis Ecclesiæ vellent vota sua conferre, ut modis congruis Generale indubitatum Concilium intra annum congregaretur in loco, suæ Majestati & Principibus grato, & rebus gerendis accommo. Super hac petitione diu multumque disceptatum est coram Felice, & coram patribus, multæque difficultates demonstratæ. Et cum tandem de transferendo Concilio convenirent, magnæ tamen contentiones habebantur de modo rerum gerendarum. Videbatur multis nihil respondendum, antequam Cæsar urbem intraret: illeque non prius urbem ingressurum se dicebat, nisi prius responderetur. Magna molestia acceperant Felix & patres, principes quosdam, & ipsum etiam Cæsarem, Eugenio scribere tanquam Romano Pontifici. Conquerebantur, non servari ab eis æquitatem, quam promiserant; cum Felicem non appellarent Pontificem, neque eum venerarent; sed neque miserint ad eum Legatos: videri illos publice profiteri, Basileense Concilium injustum esse, & Eugenium non recte privatum.

Q q q q 3

tum. Quæ cum apud Cæsarem Basile-
ensium Nuncii conquererentur, respon-
sum est per Gasparem Silichium, Cæsa-
rem promptissimum esse ad pacem pro-
curandam : sed quæ de nominatione Eu-
genii dicerent, immutari non posse ; cum
per Convantum Francofordiensem statu-
tum ita sit. Post multas tandem consul-
tationes, contentionesque tandem ex
communi Patrum decreto, Cæsaris Lega-
tis in hanc sententiam responsum est :
Sanctam Synodum Basileensem, quamvis
legitime congregata, nullibi majori com-
moditate, securitateque esse possit ; sitque
Patribus valde periculosum & grave lo-
cum mutare : tamen pacis desiderio, utque
Cæsari & Principibus gratificetur, para-
tam esse ad locum ejusdem nationis re-
bus gerendis accommodum, ac Regiæ
Majestati gratum, sua propria auctoritate
modis congruis se ipsam transferre, si
securitates opportuna ordinentur. Ro-
gare Cæsarem, ut ipse Concilio intersit,
vel aliquem ex Principibus suo loco sub-
stituatur, qui auctoritate & potentia Con-
cilium tueatur. Hortatur Reges & Prin-
cipes, ut per se, vel Legatos convenient,
Prælatos, & alios, quos Conciliis interesse
oportet, illuc mittant : utque tanti labo-
res irriti non sint, promittat Imperator,
& Principes futuro Concilio integre pari-
turos ; suscepturos, servaturosque omnia
ejus Decreta, etiamsi non eo venerint
adversarii : Basileenses loca pro futuro
Concilio nominaturos rebus gerendis ac-
commoda : ex quibus Cæsar pro suo ar-
bitrio unum eligit : quem Patres habitis
securitatibus opportunis Decreto solemn-
i firmabunt ; tempore conveniente illuc
se transferent.

His peractis Cæsar tertio Idus No-
vembris Basileam solemn-
i pompa ingreditur : quem honoris gratia Patres omnes,
& Cardinales Felicis deduxerunt : Arela-
tensis & Tridentinus Cæsari utrimque
assistebant : cæteri Cardinales præcede-
bant : sequebantur Dux Brunswicensis,
& Comes Gebennarum ; deinde Prælati,
Petierunt primo Cathedralem Ecclesiam,
ubi facta oratione ad prætorium accessit.
postridie a Cardinalibus ac primoribus pa-
trum domi visitatus est : multaque ab
eis audivit, ut Ecclesiæ auctoritatem &
justitiam tueri vellet. Altero deinde die
ipse Felicem visitare statuit ; ita tamen,

ut eum adorare ut papam non videretur.
Sub crepusculo igitur vespertino cum
paucis Felicis domum nudo capite adiit ;
& in Camera, quam papalem appellant,
substitit cum suis. Illuc e cubiculo egres-
sus Felix cum novem suis Cardinalibus
præcedente cruce advenit. Erat indutus
Felix magna clamyde purpurea, albis al-
merinis pellibus substrata : quem Cæsar
modesta reverentia excepit ; & per Epi-
scopum Chimensem se excusavit, quod
non exhiberet ei reverentiam Romano
pontifici debitam, ut paci aptior esset.
Hortatusque est Felicem, & suos Cardi-
nales, ut ad pacem Ecclesiæ dandam om-
nino se disponerent, quam ipse totis vi-
ribus prosequeretur : cum tamen Chi-
mensis, ne illum Pontificalibus titulis un-
quam appellaret, *Clementem Benignitatem*
tuam dicebat, non sanctitatem, aut bea-
titudinem. Felix autem pontificalibus
verbis usus benigne Cæsari respondens,
egit ei gratias pro visitatione ; asserens,
se omnia in partem accipere meliorem ;
& se, Cardinalesque suos ad pacem Eccle-
siæ paratissimos esse : se autem non ac-
cepisse Pontificatum ambitionis gratia,
quoniam omnibus rebus abundaret ; sed
ut Ecclesiam Dei afflictam consolaretur.
Proinde orare Cæsarem, ut justitiam &
auctoritatem Ecclesiæ pro officio suo om-
ni studio tueretur. Multis præterea hinc
inde dictis Cæsar domum rediit : & inde
sequenti die Basilea discessit.

CXXXIV.

*Felix Antipapa Lausanam
petiit.*

Paucis post diebus & Felix ipse vale-
tudinis gratia, ut aiebat, discedens, Lausa-
nam rediit cum parte Cardinalium suorum,
atque aliorum Officialium : majorem au-
tem partem Basileæ dimisit ; pollicitus,
transacta hyeme se ad Concilium reditu-
rum. Convenitque tandem per hoc tem-
pus inter Felicem & Cardinales de quinto
denario, post multas & varias discepta-
tiones.

Ex Scotia inter hæc afferuntur lit-
teræ mense Octobri ; in quibus Jacobus
Comes de Dongliis Concilio se parere
prohibebatur ; mittebatque nuntium suum
Guillelmum Archi-Diaconum Tindaliæ,
qui patribus nuntiaret, Regni Scotiæ
præ-

Prælatos, opera quorundam Episcoporum ab Eugenio post privationem suam promotorum, provincialem Synodum celebrasse, damnasque & excommunicasse Basileenses & Felicem; privasseque omnes illis adhærentes omni Sacerdotio & dignitate, & præsertim Filium suum Episcopum Aberdonensem, qui eam Ecclesiam a Concilio & a Felice obtinisset: se vero cum suis restitisse quantum potuisset: orare patres, ut auxilio sint, mittantque suos nuntios cum censuris & litteris defensionis.

Decembri mense Ferdinandus Dux Calabriae, Alfonsi Regis Aragonum, Filius, nuntium Basileam misit, qui suo nomine obediëntiam, reverentiãque Concilio exhiberet, in omnibus, quæ patri suo contraria non essent. Sed cum nuntius illum Ducem Calabriae appellasset, Raymondus Episcopus Sifterciensis, nomine Renati Regis protestatus est, illum non esse Ducem Calabriae; quoniam Regnum Neapolitanum spectaret ad Renatum, non autem ad Alfonsum occupatorem: & Ducatus Calabriae ad Joannem Renati Filium: Ferdinandum spurium esse, & nihil ad eum de Regno Siciliae. Hæc redarguit ranormitanus: multumque redarguens Sistaricensem, quod sine mandato Renati ea faceret, quæ facere non posset: præterea quod impugnaret Alphonsum & Filium Concilii fautores, & tueretur adversarii amicum.

Post hæc quinto Kalendas Januarias, Thomas Reatinus, nomine Francisci Sfortiæ, fortissimi exercitus clarissimi Imperatoris, Basileam venit; qui primo fuerat Lausanæ cum Felice. Hic cum coram patribus multa in Eugenium invecus esset, tandem quatuor Francisci nomine pollicebatur: Quod urbem Romam, & Ecclesiæ provincias intra duos menses recuperaret, Felicique assignaret: Quod ipsum Eugenium captivum traderet in manus Felicis: Quod confederatæ sociæque Italiae civitates, Venetiæ, Florentia, & Genua, obediëntiam Felici præstarent: & tandem post mensem Junii bellum inferret cuicumque Felix imperasset, & contra socias civitates, quibus usque ad illud tempus tantum esset obnoxius; interim vero aliis quibuscumque. Petere autem eadem privilegia sibi confirmari,

quæ Eugenius sibi quondam concessisset: ut vexillifer Ecclesiæ Romanæ esset: ut stipendium tredecim millium aureorum susciperet singulo quoque mense pro quatuor millibus equitum, & mille peditibus: ut Tudertum, Alifium, Tuscanella, & alia tria oppida sibi confirmarentur. Fidejussores promissorum pollicebatur mercatores Gebennæ commorantes. Hinc facta est magna spes patribus & Felici rei bene gerendæ: ita ut parum deinde curarent Conventum Nürimbergensem.

CXXXV.

Contentio de privatis causis.

Per hoc tempus causæ nonnullæ privatarum actæ sunt, non sine magna patrum contentione. Curiensis Episcopus translatus fuerat ad Ecclesiam Constantiensem, reservata sibi priori Ecclesia Curiensi. Patres Concilii Curiensem Ecclesiam commendaverant Tridentino, quoad Aquilejensis Ecclesiæ possessionem consequeretur. Aquilejensis igitur Constantiensem impugnabat, qui nullo modo cessurus videbatur. Quidam ex Principibus hortabatur patres, ne quid statuerent contra Constantiensem, quoniam esset contra Principum unionem. Erat & altera contentio Joannis Baccheistein pro Herbipolensi Præpositura; qui nullo modo induci poterat ad differendum iudicium; quamvis Arelatenfis & primores ex Patribus id magna cura suaderent. Aderat tempus mittendi legationem ad Conventum Nürimbergensem: multæ difficultates in ea ortæ sunt. Primum de numero & qualitate Legatorum; tum de commissione, postremo de viatico. Tandem conveniunt, ut Aquilejensis cum potestate Legati de Latere iret: & alii nonnulli ad Cæsarem, Reges Poloniae, Hungariæ, Bohemiæ; Duces Austriæ, & alios Principes plerosque. Erat Aquilejensis, patruus Cæsaris & Regis Poloniae: curabatque, quoniam etiam id Regnum putaret ad eum pertinere, ejus partem possidebat; quod non est admissum: cum dicerent patres, existare Ladislaum, posthumum Alberti Regis Filium, quamvis infantem. Viaticum Felix iple supplavit.

Agitata est, & alia contentio inter Patres, ut Præsidentes Concilii, non unus tan-

tantum esset, sed quatuor; ex qualibet natione unus: quod adnitente Felice ac Arelatenſi Cardinali, admiſſum non eſt: maxime cum intelligerent, duos pro natione Italica & Hiſpanica, futuros ex ditione Regis Aragonum. Et Jacobus Sirif(*) Trevirenſis Epiſcopus, circa Idus Martias anni hujus MCCCXLIII. Felicem Lauſanam adiit, multaſque illi pollicitus eſt: ita ut bonam ſpem omnes de ea re concepiſſent.

CXXXVI.

*Dilatatio diætæ Nurembergenſis:
& Eugenii Pontificis re-
ſponſum Legatis
Cæſaris.*

Venerat tempus præſcriptum Conventus Nurembergenſis: nonnulli Oratores Cæſaris & Principum illic convenientes, ſtatuērunt aliam Generalem diætā poſt ſex meſes celebrandam per Cæſarem & Principes; cum tunc a contententibus reſponſa non haberent Regi accomoda; & eſſet Cæſar occupatus ad eundem tutelam patruelis Ladislai gratia; huic rei non poſſet intendere. Eugenius autem Legatis Cæſaris poſt multas conſultationes de conſilio patrum in hanc ſententiam reſponderat. Mirari ſe Cæſarem & Principes petere Generale Concilium indubitatum celebrari; cum ipſe ſacram Oecumenicam Synodum auctoritate Apoſtolica, & omnium Patriarcharum orbis Chriſtiani inſtitutam celebret, mirabilium rerum effectricem: quam ſi in dubium revocare velint, nihil aliud eſſe, quam fidem Catholicam oppugnare, & Dei ordinationi reſiſtere. Optare ſe, ſi qui tali errore tenerentur, ratione inſtruantur; rejectiſque ſtultis ac perfidis Baſileenſium dogmatibus, doctrinam Apoſtolicæ Sedis, quam Chriſtus fidei Matrem & Magiſtram inſtituit, ſuſciperent. Poſſe igitur in ea Synodo magno Prælatorum numero congregata, recte conſuli & commode, ſi quid reſtat; & dubia aperiri, ſi qua ſint. Tamen ut Cæſari & Principibus morem gerat; quamprimum Romæ fuerit, ubi apud Lateranum Generale Concilium tranſtulerat, convocaturum Prælatos majori numero; tractaturumque cum eis, an expediat aliud Concilium celebrari: & qui admittendi, quive repellendi ſint in

eo Concilio, & quo ordine res gerendæ; ut pernicioſis violentiis, quæ noſtro tempore emerſerunt, obvietur. Miſſurum ſe tamen ſuos Legatos, qui de iis cum Cæſare & Principibus agant: quamquam non videat, quid cum eis recte agi poſſit, niſi animi ſuſpentionem depoſuerint, quam Chriſti fides ignorat; revertanturque ad priſtinam Apoſtolicæ Sedis reverentiam, qua una re pacem Eccleſiæ darent. Quod ſi fecerint, concurrentibus aliis Regibus & Principibus, qui in tentationibus ſolidi permanserunt, libenter ſe aliud Concilium celebraturum.

CXXXVII.

Cauſæ privatæ.

Hoc anno MCCCXLIII. pauca digna memoria acta ſunt, cum Felix a Concilio procul eſſet: propter quod multum priſtinæ auctoritatis amiſſum videbatur. Cauſæ privatæ quamplures ſunt agitæ ſumma nonnunquam contentione. Inter quas præcipuæ fuere, cauſa Præpoſituræ Herbipolenſis, de qua ſupra dictum: cauſa ſpolii contra Nicolaum de Mentone; & cauſa Philippi Hibernici ſuper revocatione ſententiæ contra eum lata in Romana Curia per Cardinalem Firmanum.

Majo meſe litteræ ex Britannia allatæ ſunt a Franciſco Duce, qui ſpem faciebat, ſi mitteret in provinciam Legationem, coacturum Clerum ſuum, & deliberaturum ſuper rebus Eccleſiæ. Quod Baſileenſes impigre fecerunt: & Felix multum conquerebatur; quod cum Patres cenſuiſſent ante ſuam electionem per ſe ipſos inſignes Legationes mittere: nunc nihil facerent: ſe autem filiorum ſuorum hæreditatem conſumpſiſſe. Et cum rogaretur, ut Baſileam rediret auctoritatis augendæ cauſa; reſpondit experientia didiciſſe, longe ſe melius rempublicam Lauſanæ regere, quam Baſileæ; quoniam multi illum Lauſanam adirent, qui Baſileam non venirent.

CXXXVIII.

*Dammatio quarundam aſſertionum
Mendicantium.*

Philippus Hibernicus, cum obtinere a Patribus non poſſet ſententiæ articuloꝝ damnatoꝝ revocationem, inſtare cœpit,

(*) de Syrck.

cœpit, ut registrarentur litteræ quædam Decretæ Concilio, pridie Idus Februarii, anni MCCCXLIV. quæ Mendicantium assertiones quasdam damnabant; ut omnibus exemplum posset exhiberi. Quod post multas contradictiones Mendicantium tandem concessum est. Sententia Synodalis Decreti erat hujusmodi: Assertionem Mendicantium; qui ajunt Parochianos non teneri de jure Dominicis diebus & solemnibus Missas in propriis Parochialibus Ecclesiis audire, sed ubi eorum devotione maluerint, prætermisiss suis Parochiis; & hanc libertatem non posse eis adimi a Synodalibus constitutionibus: quodque Parochiani suis Curatis illis diebus non tenentur ad oblationem faciendam; sed in voluntate dantis sit, cui velit eam dare, falsum esse. Eodem modo falsas esse etiam has eorum assertiones: Obnoxium quavis causa faciendi Missas celebrari pro vivis & defunctis, non satisfacere debito suo, si per curatum Sacerdotem id fieri curet, quoniam ratione curæ ad id sit obligatus. Decimarum solutionem, etsi de præcepto sit, non tamen de præcepto esse, cui sit solvenda: liberum igitur esse omnibus, cui velint eas solvere, vel in opera pietatis pro arbitrio impendere. Morientes in habitu & professione Ordinis Minorum ultra annum non passuros in pœnis purgatorii: quoniam Beatus Franciscus ex Divino privilegio quotannis ad purgatorium descendat, Professoresque omnes sui ordinis adducat secum ad cælum. Fratres Mendicantes, etiam non presentatos Ordinariis, omnium confessiones posse audire; illosque, qui apud eos sint confessi, non obligari, etiam semel in anno confiteri proprio Sacerdoti, nec petere confitendi veniam. Episcopos Dœcesanos etiam in suis Synodis non posse sibi reservare absolutiones aliquorum criminum, præter casus in jure expressos. Has omnes opiniones sancta Synodus per suas litteras damnat, declaratque esse erroneas; quæ maxime prædicabantur a Mendicantibus in Taurinensi & Asteni Diœcesibus.

CXXXIX.

Varia gesta Basileensium.

Mense Junio hujus anni actum est per Patres summa diligentia de pace inter
Tomus V. Concil. German.

Suicenses & Turegienses: & demum approbata est forma novi Officii Vultationis Beata Mariæ, quam ex multis Thomas de Corcellis composuit. Sequenti mense Duces Stetenensis, & Pomeranæ per litteras & nuntios obedientiam exhibuerunt Basileensibus & Felici: & Patres litteras complures hinc inde acceperunt, varia afferentes. Erant, qui scriberent, Ludovicum Patriarcham Aquilejensem Eugenii nomine cum Alphonso Rege apud Terracinam convenisse, ut eum Eugenio reconciliaret. Tridentinus autem, quem Cardinalem & Patriarcham appellabant, Legatus ad Cæsarem missus, multa scripsit ex Vienna; affirmans se apud Cæsarem, & alios semper usum fuisse insigniis & auctoritate Legationis. Et quod Julianus Cardinalis, qui illuc venerat, ut Eugenii Legatus, non fuisset permixtus uti insigniis: qui latebat, neque audebat in publicum exire, ab omnibusque reputaretur ut hæresiarcha. Et quod inter alios Joannes Trunt, & Æneas Senensis graviter contra eum disputassent: & multa hujusmodi.

CXL.

*Cæsar hortatur Principes ad
consentiendum novo
Concilio.*

Fridericus autem Cæsar, ut vidit desiderio suo non satisfieri, neque ab Eugenio, neque a Basileensibus; litteras ad Reges & Principes dedit Kalendis Junii datas; in quibus hortabatur omnes, ut consentirent celebrationi Generalis Concilii; quod ipse exemplo Constantini, Marciani, Valentiniani, Theodosii, & aliorum Catholicorum Cæsarum, ad schisma tollendum, de eorundem consilio indicare statuerat. Rogabat omnes, ut Legatos mitterent ad conventum Nurembergæ indictum ad Sancti Martini celebritatem, consulturos de modo & ordine Concilii. Vacaverat Frisingensis Ecclesia Augusto mense. Cæsar Patres rogat, ut eam Henrico Slichio Secretarii sui Germano concedant. Consuevisse Romanos Pontifices semper de ea Ecclesia pro voluntate Ducum Austriæ providere, cuius agri & oppida sint sub eorum Imperio. Paulo post electio super ea Ecclesia in personam Joannis Cardinalis, ut aje-

R r r r r

bant,

bant, Sancti Martini, qui Canonicus & Præpositus illi erat, Patribus præsentatur. Fit igitur Patrum divisio; cum illi suo Cardinali, alii Cæsari morem gerendum putarent. Ii iustitiam & Synodalia Decreta servanda aiebant, confirmandamque electionem. Illi in tanta universalis Ecclesiæ necessitate Cæsarem, qui multum conferre potest ad utilitatem Ecclesiæ, non exasperandum: curandumque, ne quod a Patribus denegatur, petatur ab eo, qui libenter concedat. Disceptatum est de hac re per multum tempus adnitate maxime Arelatenſi, ut Cæsari gratificaretur, vel saltem differretur res. Impellente tamen multitudine confirmatio decreta est: & deinde repertum est, Henricum provisionem habuisse ab Eugenio pridie, quam electio fieret de Joanne: quo jure se defendens Henricus, Ecclesiæ illius oppida & jura, quæ erant in Austria, possidebat. Joannes autem favore Alberti Bavariæ Ducis Monachii, cujus erat consanguineus, Ecclesiam ipsam, tenebat. Antonius de Rosellis, jure consultissimus, sui temporis, multa pro jure Henrici scripsit.

CXLI.

*Leges Concordiæ inter Alphonsum
& Felicem: Item Leges Con-
cordiæ inter Alphonsum
& Eugenium.*

Alphonſus interea Rex Ludovicum Caſulam ad Felicem miſerat, cum litteris IV. Idus Aprilis Neapoli datis, ut certis legibus cum Felice conveniret. Eæ ferme erant hujusmodi: Adoptionem Joannæ Reginæ de Alphonſo in filium factam confirmet: Feudum Regni Siciliæ citra Pharum ſub formula per Alphonſum mittenda concedat: pecunias omnes, de quibus convenerat, exſolvat, cum obedientia Alphonſi nomine exhibebitur: patrimonium Beati Petri, agrum omnem Eccleſiæ recuperabit Alphonſus, perpetuoque, & ipſe, & Ferdinandus filius ea defendent, tuebunturque, ut Eccleſiæ Romanæ Proteſtores & Deſenſores. Terracinam accipiet Alphonſus pro trecentis millibus aureis nomine pænæ, quam incurrerat Eugenius, ob inducias contra ſe violatas per Patri-

archam Alexandrinum. Alphonſus his completis, nomine ſuo & fratrum ſuorum obedientiam Felici præſtabit: Prælatos e Regnis ſuis magno numero ad Concilium mittet ubicunque fuerit, pro tuitione Synodi Baſileenſis & Felicis: procurabitque, quantum in eo erit, ut idem faciat Rex Hiſpaniarum, & Dux Mediolanenſis; Rex ex proventibus provinciarum Eccleſiæ tertiam partem Felici, tertiam Cardinalibus ejus concedet; reliquum ſibi reſervabit: deductis tamen prius expenſis in illis recuperandis factis. Licere tamen Regi, antequam hæc concludantur, immutare quæ voluerit, & etiam cum alio rem ſuam agere.

Et per idem tempus Aquilejenſis Patriarcha cum litteris Eugenii, Senis datis pridie Idus ejusdem anni, Terracinam ad Regem contendit; qui tandem cum Rege convenit. Et pridie Idus Junii his ferme legibus concordia facta eſt: Inter Eugenium Papam & Alphonſum Regem pax perpetua eſto, injuriarum, inimicitiarumque omnium obliſio. Rex Eugenium, ut ſummum & verum Pontificem adorato: neque permittito illum clam palamve offendi: eadem ſit lex cum Cardinalibus, populis, ſubditis, ſequentibusque Eugenium: Rex ſi quid contra libertatem Eccleſiaſticam vel ipſum Eugenium jam ſtatuerat in ſuis Regnis, id omne revocato: annonam commeatusque omnis generis libere ut importentur Romæ, permittito, & curato: Eugenius Regem, ſuosque minime offendo: illumque a cenſuris omnibus & pœnis abſolvido per ſe, vel per Legatum: De Regno Siciliæ citra Pharum inveſtito ſecundum formam per Romanos Pontifices ſervari conſuetam, cum clauſula, non obſtante, quod vi illud occupaverit: illumque Regni Corona donato: Beneventanam & Terracinam urbes permittito Alphonſo nomine perpetui Vicarius, ſub cenſu duorum accipitrum: abſolvidoque Regem ab omni pecuniarum ſumma, quam deberet Apoſtolicæ Cameræ ex quacunque cauſa. His perfectis, Alphonſus in verba Eugenii jurato: præſtato illi homagium: reſtituitoque Eccleſiæ Romanæ oppida, civitatem Ducalem, Sancti Felicis, Frefolenſem, & alia quæ occupat: mittito contra Turcas tiremes ſex, ſex menſibus regis ſumptibus

ribus militaturas : Item mittito contra Franciscum Sfortiam ad recuperandam Marchiam Anconitanam, & alia Ecclesiæ loca, equitum quatuor millia, & mille pedites; quibus Eugenius Ducem pro suo arbitrio constituet: quæ omnia intra terminum trium mensium per Eugenium componenda erunt. Non servanti Convenia multa erat ducentorum millium aureorum; & tamen omnia firma esse oportere. Hæc ut Eugenio relata, mox approbata, firmataque sunt. Et Alphonsus sexto die post conditionum concordie descriptionem, ad XII. Kalendas Julias, ut cognovit Eugenium omnia confirmasse, litteris suis per omnes Regnorum suorum provincias testificatus est, se post longam consultationem, cum in rebus Ecclesiæ dubius admodum fuisset, revelante Divina gratia cognovisse, Eugenium esse summum & verum Romanum Pontificem, ac Christi indubitatum Vicarium, illumque & non alium pro tali esse adorandum: tum leges, editaque omnia in suis Regnis contra Eugenium, & pro Concilio Basileensi contra ejus voluntatem, irrita esse, & omnino revocata; licereque unicuique Romanam curiam adire. Hoc edicto publicato Eugenius paulo post Regem supplicentem absolvit; atque restituit in pristinum statum omnes cujuscunque ordinis & status, qui Basileensibus auscultantes, & Regi contra Apostolica sua mandata favissent, usque ad Kalend. Julii anni præsentis, & per duos menses proxime sequentes; venitque, quæ hoc tempore egissent, eis in judicio vel extra quoquo modo impingi. Quoad Beneficia Ecclesiastica, venit hoc intelligi pro his, qui post Kalendas Julias Basileæ remansissent, vel Basileensibus adhererent, neque ullo pacto comprehendi in hac deliberatione, qui ab Amedæo Cardinales sunt profanati: quibus, si id merentur, & humiliter veniam postulerent, alio modo provideretur.

CXLII.

*Alphonsus Regni sui Legatos
ex Basilea avocat.*

Aperuit hæc omnia Alphonsus clam suis litteris Panormitano, Dertusensi, & Vicensi Cardinalibus Felicis; monens

Tomus V. Concilior. German.

eos, ut si cuperent rem gratam Regi facere, discederent quamprimum Basilea, & in Italiam, vel ad suas Ecclesias proficiscerentur: non posse hoc tempore eos quidquam agere Regi acceptius. proinde secundas litteras non expectarent. Erant hi tres Regis subditi, & in ejus Regnis possidebant Beneficia. Qui cognita Regis voluntate post multas consultationes, lamentationesque cum suis Collegis, asserentes se in fide Concilii & Felicis semper mansuros, & nunquam adoraturos Eugenium; defensurosque auctoritatem sacrorum Conciliorum, ac professam doctrinam; tandem pridie Nonas Augusti e Basilea discesserunt: panormitanus dimissis insigniis Cardinalibus Italiam petiit. Reliqui ad Ecclesias suas reversi sunt. Hos mox sunt secuti reliqui fere omnes, qui ex Regnis Alphonsi Basileæ erant. Grave per hoc tempus exortum est bellum inter Austriæ Principes, & Basileenses cives, & eorum socios, quod tandem Patres summa diligentia & labore compresserunt. Appetebat tempus indicti Conventus Nurembergæ; in quo Cæsarem cum Principibus & Regum Legatis statuere oportebat de modo Concilii convocandi. Ad hunc Conventum post multas deliberationes tandem a Felice designati, Lausanensis Episcopus, Vice-Camerarius, & Episcopus Taurinensis Auditor Cameræ, & alii nonnulli, qui acceptis mandatis a Patribus Nurembergam profecti, Cæsaris & Principum Legatos tantum invenerunt: qui asserentes, Principes hoc tempore occupatos esse, Conventum ad S. Georgii Festum distulerunt. Interim Alphonsus Rex, Veneti, Florentini, & Senenses, & reliqui ex Italia, Cæsari litteris suadere conantur, ut Concilium Lateranense celebrari permittat, illucque jubeat ire Prælatos.

CXLIII.

*Creatio novorum Cardinalium
a Felice.*

Duxerat secum Felix, cum Basilea discessit, quatuor suos Cardinales: Aquilejensem, Sancti Sixti, Sancti Marcelli, & de Varambone. Horum duo mortui nuper erant; Sancti Sixti, & Sancti Marcelli: Aquilejensis apud Cæsarem Vienne diverterat, unicus tantum aderat

R r r r r 2

Felici.

Felici. Igitur instabat Felix apud Patres, ne solus omnino videretur, utque Sacra publice posset celebrare, Decretum pro celebratione & creatione Cardinalium pro ea vice relaxarent, permitterentque, ut quinque Cardinales deligeret. Acta est hæc res magna Patrum contentione, & tandem post multos dies relaxatum decretum. Et Felix Cardinales quidem quinque creavit, sed duos tantum publicavit, Joannem Tarantasiensem, & Ludovicum Vicensem Præsules, Aprili mense anni sequentis: & cum Patres multis exhortationibus instarent, ut Felix Basileam rediret, quod a principio pollicitus erat; tamen auditis ejus argumentationibus, quibus ostendebat satius esse morari Gebennis, quam Basileæ, destiterunt; & maxime cum bella in ea Regione recrudescerent. Hæc acta sunt ad annum quadragesimum tertium supra mille & quadringentos, cætera non habentur.

CXIV.

Finis Concilii Basileensis narrationis.

Quæ hæcenus de rebus gestis Basileensis Synodi perscripsimus, ex longa historia, & maximis duobus codicibus excerptimus; nihil omnino prætermittentes rerum publicarum, sed summarie omnia atque integra fide sumus prosecuti. Hos quidem codices ipsi Basileæ vidimus, magna diligentia, ut Sibyllarum libros a civibus servatos: quorum exemplum a Reverendissimo Domino Cardinali Sancti Marci, rerum Ecclesiasticarum diligentissimo percuratore, nuper habuimus. Horum Scriptor & Auctor fuerat Joannes Segobiensis, natione Hispanus, qui deinde a Basileensibus Cardinalis Sancti Calixti est appellatus. Vir quidem magno ingenio, & multa doctrina præditus, Theologica præsertim, & qui in sua pertinacia usque ad extremum vitæ suæ, etiam dissoluta illa multitudine, semper permansit, Camerarius officium gessit. Habui & primam hujus Synodi partem collectam a piæ memoriæ Dominico, Cardinali Firmano, qui tamdiu Concilio interfuit, quamdiu mansit concordia cum Eugenio Pontifice. Etsi Concilium adierit, ut ru-

beum Capellum Cardinalis dignitatis, quod Eugenius negabat, a Concilio obtineret; reconciliatus tandem Eugenio, seditiosos dimisit, rediitque ad suum Principem, & Pastorem.

CXLV.

Epilogus Concilii Basileensis, & ordo rerum.

Basileense Concilium originem & auctoritatem primam traxit a Sacrosancta Synodo Constantiensi. Ibi enim (ut a principio commemoravimus) statutum fuerat, ut quinquennio post ejus Synodi finem aliud Concilium Papæ celebraretur, & aliud deinde post septennium. Sed cum statuto tempore Patres Papæ convenissent, peste fugati Concilium Senas transtulerunt, ubi Basileense Concilium post septennium legitime fuit indictum. Adveniente septennii fine Martinus V. Pontifex Maximus Julianum Cæsarium, Cardinalem Sancti Angeli, Legatum Apostolicum in Germaniam misit, datis mandatis, ut si Patres Basileæ convenissent, Apostolicæ Sedis nomine Concilio præsideret, anno MCCCXXXI. sed cum eodem anno vita functus esset ipse Martinus, Eugenius IV. illi Canonice suffectus, Juliano prædenti in Concilio potestatem confirmavit, instauravitque. A duobus igitur sacris Conciliis Constantiensi, & Senensi, totidemque Summis Pontificibus, Martino V. & Eugenio IV. initium, auctoritatemque habuit Concilium Basileense. Verum cum a principio pauci numero convenissent, & quædam contra Romani Pontificis auctoritatem, & potestatem moliri viderentur, Eugenius primo anno Concilium dissolvere conatus non prævaluit: cum quo annis circiter quatuor acriter decertavit: tandem Sigismundi Cæsaris opera Patribus reconciliatus, per annos ferme quinque in concordia mansit, per quod tempus multa salubria & optima Decreta sunt condita. Sed cum nimis multa arrogarent sibi Patres, & in omnibus Concilio Romano Pontifice majus esse contenderent; illumque affirmarent oportere Decreta omnia Concilii suscipere, & observare; seditio & discordia priore longe major, & perniciosior est orta: Et Patres quidem ita in Eugenio

nium eorum Decreta non suscipientem excanduerunt, ut illum in jus vocare, eique diem dicere tanquam reo non dubitarent. Quorum severitatem, ut perfringeret Eugenius, Basileense Concilium de plenitudine potestatis iterum dissolvit, illudque transfudit Ferrariam: est illi in sua pertinacia persistentes, Eugenium post quatuor menses, cum ipse iudicio se non listeret, administratione Pontificatus suspenderunt. Et demum reclamantibus Regum & Principum Legatis, suis furiosis edictis, quantum in eis fuit, Summo Pontificatu dejecerunt, illique subrogarunt Amedæum, Sabaudiarum Ducem, quem Felicem V. nominarunt. Sed pauci admodum eorum stultitiam sunt secuti; quamvis a principio maximos habere viderentur fautores, quorum præcipui erant Alphonsus, Rex Aragonum, & Philippus, Dux Mediolani. Sedit hæc Synodus Basileensis annis circiter decem & octo, varia forma: anno namque xxxi. supra mcccc. sub principio Eugenii incæpit, & tandem finem habuit per cessionem Felicis de Pontificatu, factam Nicolao V. Pontifici Maximo. Quod factum est xi. Kalendas Julii mccccxlix. Interim vero, qui Basileæ remanserant, quamvis ab Eugenio, & Oecumenico Concilio Florentino, quo ex Ferraria propter pestem translata est Synodus, damnati & excommunicati essent, nunquam tamen Concilii nomen dimiserunt, aut destiterunt ab execratione, & infestatione contra Eugenium. Postquam cum Eugenio reconciliationem hoc Concilium satis frequens fuit, ita ut aliquando Prælati circiter centum insulati adessent, inter quos XI. Cardinales Romanæ Ecclesiæ connumerabantur, multaque sancta & optima instituta sunt edita. Sed crescente indies dissensione, cum Apostolicæ Sedis dignitatem omnino prosternere conarentur, optimus quisque discessit: ita ut cum iudicium contra Eugenium intentarent, vix viginti, aut triginta ad summum insulati adessent, & in ejus depositione septem tantum Episcopi interfuerunt. Admittebantur siquidem ad definitiones, & scienda decreta, non modo Episcopi, & Abbates, sed Theologiæ, Jurisque utriusque, & aliarum doctrinarum Professores, quos Graduatios appellant: tum Eccle-

siarum Canonici, & parochialium Rectores, jurati tamen omnes: ita ut non minoris esset auctoritatis simplicis Canonici, quam Episcopi cujuspiam sanctissimi suffragium: cum numero, non dignitate, expenderentur sententiæ, contra antiquorum Conciliorum consuetudinem: in quibus (ut ajunt) soli Episcopi & Abbates vocem deliberativam habebant, alii vero consultivam tantum. Hoc autem ordine res in Concilio gerebatur. Multitudo omnis in quatuor Nationes primum distincta erat: Italicam, Gallicam, Germanicam, & Hispaniensem. Ex his Nationibus pari ex unaquaque numero quatuor Conventus (quas sacras Deputationes appellabant) constituiebantur: ita ut XX. interessent Itali, totidem essent Galli, Germani, Hispani. Inter hos proportionem, quantum fieri poterat, etiam pari numero, cum aderant Cardinales, Patriarchæ, Archiepiscopi, Episcopi, Abbates, Magistri, Doctores connumerabantur. Hæc quatuor Collegia diversa ac propria habebant tribunalia, variisque nominibus censebantur. Prima erat fidei deputatio, altera pacis, tertia reformationis, ultima de communibus. Tria enim erant, propter quæ Patres Concilium celebrare se profitebantur: ut hæreses extirparent, ut pacem procurarent inter Christianos Principes, & populi Christiani, & præsertim Clericorum mores & vitam emendarent, & (ut eorum verbo utar) reformarent. Erant cuique Conventui proprii Magistratus. Prædens, qui concionem advocaret, negotia proponeret, & secundum majoris partis sententias concluderet. Promotor, qui tanquam Curator publicus ingereret negotia, instaretque, ut absolverentur. Scriba, qui gesta, decretaque publicis documentis annoraret. Lictor, sive apparitor, qui Conventus nomine Patres convocaret, & edicta proponeret. Conveniebant hæc Collegia ter in hebdomada, iisdem horis in propriis pratoriis, ubi re confecta Divina rebus gerendis operam dabant. Ex quatuor deinde Conventibus, sive sacris Deputationibus XII. virorum collegium creabatur, qui appellabantur duodecim Deputati: eligebantur enim terni ex unoquoque Conventu viri doctrina, & experientia clari. Ad

hos primum negotia deferrebantur; qui rebus digestis vel respuebant, vel si admittenda videbantur, ad Collegium, cui competeabant, remittebant. Erat his potestas, cum aliquid grave instaret, convocare quatuor Conventus, etiam extra ordinem: quæ a duodecim virorum Collegio ad quempiam ex quatuor Conventibus remittebantur, in concione per Præsidentem illius Conventus proponebantur: neque licebat prima die de propositis quidquam decernere, nisi res necessariam celeritatem manifeste exigeret. Quod major pars statuisset, ad alios tres Conventus deferrebat: & si ita minori parti videretur, etiam deferrebat eorum sententia cum rationibus, & argumentationibus utriusque partis. Quod per tres Conventus approbatum erat, ad Præsidentem Concilii publicis documentis deferrebat, qui statuto die in Generali Congregatione de ea re referebat. Neque licebat (*) præcedenti de aliqua re agere cum Patribus in Generali Conventu, nisi prius de ea deliberatum, sive, ut ajunt, conclusum fuisset per quatuor, aut saltem tres speciales Conventus, sive Deputationes. Demum ubi quippiam a Patribus approbatum erat in generali, in formam Decreti redactum in publica Sessione solemniter statuabatur. Differrebat autem Generalis Congregatio a publica Sessione, quod in illa, quæ octavo quoque die frequentabatur, res statuendæ, approbabantur hoc modo: ubi in sacris Deputationibus aliquid decernendum judicabatur a majori parte; Præsidentes illorum quisque in suo Conventu illud firmabat his verbis: In Nomine Sanctæ Trinitatis, Patris, & Filii, & Spiritus Sancti, ego concludo in talem sententiam. Idem fiebat deinde in Generali Congregatione, ubi Præsident Concilii præsentium Deputationum vota cognoverat, concludebatque nomine totius Concilii. Oportebat tamen illi ex lege concludere secundum Præsidentium vota, & non aliter: quod si noluisset, alius, qui juxta illum sederet, per Promotorem Concilii rogabatur. Et si ille etiam reculasset, alius, & deinde alius, quoad inveniretur unus, qui concluderet. His peractis, cum temporis opportunitas aderat, publica Sessio indicebatur.

(*) forte: Præsidenti.

CXLVI.

Quo ordine publica Sessio in Concilio celebraretur.

Conveniebant statuta die Patres omnes ad Basilicam civitatis, & nonnunquam Clerus cum sacra pompa: ubi re Divina per aliquem ex Prælatiis facta, Præsules, Abbatesque omnes, sacras vestes & albas Infulas sumebant. Præsidentem autem Concilii mitra & veste sacra pretiosiori ornatus, in pontificali sede ad Altare sedens, ad patres faciem convertebat, cui Diaconus & Subdiaconus in sacris vestibus, ut celebraturo adstabant. Patres infulati hinc inde in subsellis chori sedebant. Legati vero Regum & Principum in medio ante faciem Præsidentis humilioribus sedibus. Post eos sedebant Generales ordinum, Magistri, Doctores, graduatique omnes, & alii Sacerdotes, suo quisque ordine. Cum Patres aliquantisper sedissent, silentio facto, Diaconus dicebat, *Orate*: quo dicto omnes se prosternebant ad orationem. Et mox iterum exclamans dicebat, *Erigite vos*. Omnibus igitur surgentibus, stantibusque nudis capitibus, Præsident alta voce orationem de Spiritu Sancto dicebat, quæ incipit: *Adsumus Domine Sancte Spiritus &c.* qua finita Cantores Antiphonam cantabant: *Exaudi nos Deus &c.* Vers. *Salvum me fac, Gloria Patri &c.* Tum iterum Diaconus exclamabat secundo: *Orate*. Et cum flexis genibus aliquantulum orassent, iterum dicebat: *Erigite vos*. Stantibus iterum omnibus, aliam orationem subungebat Præsident, dicens: *Mentibus nostris quæsumus Domine &c.* His peractis iterum omnes genuflectebant; & duo ante Altare stantes, cantabant Litaniam. Cum autem perventum esset ad locum illum, ubi dicitur: *Ut Domnum Apostolicum, &c.* Tunc surgens Præsident cum mitra, Benedicebat Patres, dicens: *Ut hanc Synodum & omnes Gradus Ecclesiasticos benedicere digneris*: iterum addebat, *Benedicere & regere*: tertio. *Benedicere, regere & conservare digneris*. Chorus respondebat semper, *Te rogamus audi nos*. Cum omnibus iterum procumbentibus Litaniam perficiebatur. Deinde Præsident stans dicebat: *Oremus*. & Diaconus, *Flectamus genua*: Subdiaconus vero, *Levate* subungebat. Et iterum Præsident alte ora-

orabat dicens , *Da quæsumus Ecclesiæ tuæ misericors Deus &c.* Deinde Diaconus petita benedictione cum incenso , & luminaribus ad ornatum pulpitum accedens , Evangelium cantabat pro arbitrio Præsidentis , conforme rebus , quæ tunc tractabantur . Finito Evangelio omnes iterum sedebant : & Præsidentis orationem ad Patres habebat , causas assignans , cur Decreta essent facienda . Hortabaturque omnes ad bene reipublicæ consulendum . Post sermonem mox Præsidentis genu flexus Hymnum incipiebat , *Veni creator Spiritus* , quem alternatim chorus & Patres cantabant . Quo finito Præsidentis cantabat : *Emitte spiritum tuum &c.* Resp. *Et renovabis &c.* Oremus : *Deus , qui corda fidelium Sancti Spiritus , &c.* demum duo cantatores dicebant : *Benedicamus Domino , &c.* Postremo his omnibus completis , reliquis omnibus sedentibus unus , aut duo Prælati cum mitra suggestum ascendentes Decreta legebant : quibus perlectis interrogabant Præsidentes , an placerent . Præsidentis Concilii pro toto Concilio , alii pro suis conventibus respondebant , Placeret . Aderant Scribæ , qui rogati omnia annotabant , ut lecta erant , & in actis publicis redigebant . Tum depositis sacris vestibus , dimisso Senatu , domum revertebantur , & Sessio finita erat . Decretum in scriptis redactum ,

Concilii Bulla muniebatur . Quæ autem a Scribis Concilii notabantur , non prius edebantur , quam a Correctoribus , quibus ea provincia demandata erat , emendarentur . Erant in Concilio & alii plerique Magistratus ordinarii , Promotores Concilii & Deputationum , quia Patribus executionem & confectionem negotiorum assiduo expetebant : sedium distributores , qui quo quemque loco sedere oportebat , dijudicabant : Procuratores & Advocati Concilii , qui causas publicas agebant ; Judices & Procurator in causis fidei , qui ea tantum procurabant , quæ ad fidem pertinerent . Erant & Judices aliarum causarum complures , & Auditores Rotæ appellati : Præcognitores etiam causarum instituebantur , qui censerent , quæ privatæ causæ essent admittebdæ , & quo ordine cognoscendæ . Erat præterea Auditor sacri Palatii , cum potestate Auditoris Cameræ , plenam jurisdictionem exercens in omnes Conciliares . Soldanus etiam aderat tanquam Prætor & Executor Auditoris : & denique Magistratus omnes , qui in Romana Curia esse solent .

Finit Summarium Concilii Basileensis , editum per Augustinum Patricium . Canonicum Senensem , jussu Francisci Piccolomini Cardinalis Senensis , Anno salutis MCCCCLXXX.

Apologia EUGENII Papæ IV.

Sive de Summi Pontificis & Generalis Concilii potestate , ad Basileensem Oratorem , in Florentina Synodo () responsio, viva voce exhibita*

PER JOANNEM A TURRECREMATA DOMINICANUM , TUNC SACRI APOSTOLICI PALATII MAGISTRUM , AC POSTEA SANCTI XYSTI PRESBYTERUM CARDINALEM.

SUMMARIUM.

- I. Apostolica Sedes hæreses non fovet , sed destruit.
- II. Romano Pontifici Jure Divino Caput omnes inclinant.

P R Æ F A T I O.

NOtaſtis , credo , ſuperiori die , pro veſtra ſapientia & humanitate , Reverendiſſimi Patres , Sanctiſſimam & religioſam intentionem Sanctiſſimi Domini noſtri , & celeberrimum ejus deſide-

rium . Opat enim Sanctiſſimus Dominus noſter ſicut pius Pater , utpote qui in Cathedra ſederet , quæ nullam unquam hæreſim foveret , ſed omnes hæreſes deſtruit , naſcentes errores de medio populi

(*) Excufa fuit Venetiis in 4to. anno 1563. opera F. Camilli Campegii Theologi Papienſis , ab Harduino infera Tomo IX. Conciliorum.

puli Christiani evellere. Vult nihilominus hoc cum omni pace & caritate, quantum fieri poterit, adimpleri, ea gravitate servata, quam Sanctitatis suæ circumspectio materiam fidei novit, pro singularitate Celsitudinis suæ exigere. Instituit propterea ejus Sanctitas de controversia super reprobatione quorundam errorum Basileenſium inter Deputatos orta, coram prudentissimis Circumspectionibus vestris, pro utraque parte agitari rationes; & hoc maxime circa propositionem primam inter tres illas, quas Basileenſes intelleximus, declarasse veritates esse fidei Catholicæ, cujus tenor est:

Veritas de potestate Concilii Generalis, universalem Ecclesiam repræsentantis, supra Papam, & quemlibet alterum, declarata per Constantiense, & hoc Basileenſe Generalia Concilia, est veritas fidei Catholicæ.

Audivistis jam heri sapientissimum virum, & celeberrimum Patrem, Dominum meum singularissimum, qui more suo sapientissime & amplissime partem illam fulsit, quam gratia illustrioris veritatis habendæ defendendam suscepit. Utinam tam pro ampliore claritate veritatis, quam pro sublimitate auditorum, alius, quam ego, institutus fuisset dignitate & auctoritate major, peripicacior ingenio, & locupletior sapientia; qui tantæ rerum amplitudini satisfaciens, dictis per eundem Clarissimum & Reverendissimum Patrem & Dominum plena responsa dedisset. Verum quia ejus mandatis me parere oportet, cui omnes jure Divino caput inclinant, Responſionem hanc de ejus confisus auxilio, cujus Vicariatum defendimus, & principatus honorem cum omni humilitate & reverentia, & sub omnimoda correctione Sanctissimi Domini nostri, & suppotatione pia omnium Reverendissimorum Patrum, & Dominorum hic existentium, rem ipsam mihi deputatam aggredior. Distinxit autem præfatus Dominus (si bene teneo) actum suum in tres articulos principales: in primis enim arbitratus, quod illa prima propositio Basileenſium, parum ante commemorata, non posset tangi tactu reprobationis & condemnationis, & nisi pariter Decretum Constantiense de potestate Concilii super Papam

tangeretur; induxit primo loco auctoritates multas, & rationes pro veritate præfati Decreti Constantiensis, de auctoritate Concilii universalis supra Papam: Secundo viſus est per rationes plures, persuadere, quod prædicta prima propositio Basileenſium non debeat tangi; Tertio ejus prudentia studuit argumenta solvere, quæ fiebant ab aliquibus Patribus inter Deputatos; Quod non possent aliæ duæ propositiones damnari, nec veritas translationis factæ per Sanctissimum Dominum nostrum de Basilea ad Ferrariam habere firmitatem, præfata illa propositione non damnata. Circa primum consideravit Dominus proponens quinque partes in Decreto illo Constantiensi edito de potestate Conciliorum, secundum quas primum articulum suum in quinque partes subdividit. Prima pars illius Decreti Constantiensis est: quod ipsa Synodus in Spiritu Sancto legitime congregata, & Generale Concilium faciens, Ecclesiam Catholicam repræsentat. Pro hujus partis probatione inducta est Epistola illa Domini Martini, quam, approbante universo Concilio Constantiensi editam, ad Germaniæ Prælatos direxit, in qua inter cætera interrogatoria, quæ fienda instituit captis hæreticis suspectis de erroribus damnatæ memoriæ Joan. Wiclef, & Joan. Huſ, jubetur, ut hæreticus talis interrogetur, utrum credat, teneat, & asserat, quod quodlibet Concilium Generale, & etiam Constantiense universalem Ecclesiam repræsentet.

Responſio ad primum Articulum.

SUMMARIUM.

- I. Concilium ab eo congregatum, qui indubitus Pontifex non est, legitimum dici non potest.*
- II. Congregatio per Joannem XXIII. facta Constantiæ, non consentientibus aliis duabus obedientiis; nec Synodum legitimam constituit, nec universalem Ecclesiam repræsentavit.*
- III. Veritas illa Catholica non fuit, cui aliæ duæ obedientiæ contradixerunt.*
- IV. Concilium Generale universalem Ecclesiam repræsentare non dicitur, si integrum & plenarium non est.*
- V. Integrum & plenarium Concilium quando vere existat.*

- VI. Congregatio nulla Canonica, Romano Pontifice excluso, universalem Ecclesiam representare potest.
- VII. Definire, quod Decretum illud Constantiense, ad veritatem Fidei Catholice pertineat, temerarium & scandalosum est.
- VIII. Concilium Generale, legitima Apostolica auctoritate congregatum, habere potestatem a Christo immediate, non est veritas Catholice Fidei.
- IX. Papa indubitate in Concilio personaliter existente, Synodus constituentis, aut definentis nomine utitur; sed Pontifex Sacro approbante Concilio universo decernit.
- X. Quomodo Synodus statuatur, definiatur, pronuncietur, & condemnatur.
- XI. Sine Papæ auctoritate nec Concilium congregari, nec quidpiam in eo determinari potest.
- XII. Papa legitimus, Ecclesie Catholice Caput est, & supremam in illa auctoritatem habet.
- XIII. Concilium universale potestatem habere a Christo immediate, falsum est.
- XIV. Et repugnat articulo fidei: Credo unam Sanctam Ecclesiam.
- XV. Nulli Congregationi Synodali Ecclesie, Fidelium omnium Regimen immediate committitur.
- XVI. Petro soli, & Successoribus universaliter & indistincte dixit Dominus: Pasce oves meas.
- XVII. Ecclesie Regimen Monarchicum, & Regale, a Christo institutum est.
- XVIII. Species Regiminis politice Ecclesiastica immutabile est.
- XIX. Ecclesiastica Hierarchia, ad exemplar celestis formata est.
- XX. Nulla potestas a Christo Ecclesie, aut Generali Concilio tribuitur, quæ Romano Pontifice mediante non conferatur. Qui Hierarcha & primus est in tota Hierarchia.
- XXI. Conciliorum universalium auctoritas, & quoad convocationem, & quoad actorum robur & firmitatem, ab Apostolica Sedis auctoritate immediate dependet.
- XXII. Jurisdictionis potestatem a Christo immediate Apostoli alii non acceperunt, sed mediante Petro.
- XXIII. Apostoli aliis Christus immediate subditos non dedit.
- XXIV. Nec illis Christum populos immediate divisisse legimus.

Tomus V. Concilior. German.

- XXV. Nec potestatem aliquam, etiam limitatam, contulisse.
- XXVI. Dato, quod Apostoli jurisdictionis potestatem, sicut Ordinis, a Christo immediate receperint; non tamen concedendum est, quod alii Prælati Ecclesie eandem potestatem nunc immediate a Christo suscipiant.
- XXVII. Jurisdictionis potestatem, mediante Romano Pontifice, Christi in terris Vicario, Prælati Ecclesie accipiunt.
- XXVIII. Papa Princeps & Monarcha est in Ecclesie Principatu.
- XXIX. Est primus in ordine Prælatorum Ecclesie, & in eo residet plenitudo potestatis.
- XXX. Romana Ecclesia aliarum Ecclesiarum Caput est.
- XXXI. Ad unitatem Ecclesie requiritur, quod omnium Prælatorum potestas jurisdictionis a Romano Pontifice derivetur.
- XXXII. Dato, quod Ecclesie Prælati jurisdictionis potestatem a Christo immediate susciperent, non tamen sequitur, quod Concilium universale a Christo immediate auctoritatem habeat, cui etiam Papa obedire teneatur.
- XXXIII. Cum Matth. XVI. Christus dicit: dic Ecclesie, non universalem Ecclesiam dispersam, aut in Concilio congregatam, sed Prælatum principaliter intendit.
- XXXIV. Fraternæ correctionis præceptum, nec impossibile, nec difficile est.
- XXXV. Totalitas Ecclesie multiplex.
- XXXVI. Quando, & quomodo Papa fraterne corrigendus sit.
- XXXVII. Ligandi & solvendi potestas, quomodo Episcopis & Sacerdotibus omnibus intelligatur collata.
- XXXVIII. In Concilio, qua potestate Patres decreta condant.
- XXXIX. Spiritum Sanctum Pastores posuisse, ut regerent, quomodo intelligatur.
- XL. Claves Ecclesie quomodo Apostolis, & eorum Successoribus Christus dedit.
- XLI. Augustini locus XXIV. Qu. I. Cap. Quodcunque, de Petro claves accipiente, & Ecclesiam significante, explicatur.
- XLII. Non Petro tantum, ut singulari persone, data est clavium auctoritas, sed in eo Successoribus ejus, & universis Prælatibus in Ecclesia Dei futuris, quos in partem sollicitudinis sue vocaret.
- XLIII. Pasce oves meas, non tantum Petro, sed ejus Successoribus, & aliis in partem sollicitudinis ejus evocandis, dictum est.

S s s s s

XLIV.

- XLIV.** Novatianorum error est, dicere, apud Sacerdotes, nullam esse absolvendi facultatem.
- XLV.** Hæretici & Schismatici nec ligare, nec solvere possunt.
- XLVI.** Universale Concilium potestatis auctoritate, Romano Pontifice superius esse, non sensit Augustinus.
- XLVII.** Iudicium per Papam & Patres universæ Ecclesiæ simul habitum, in quo differat cum paucis per Papam facto.
- XLVIII.** Dei & Papæ consistorium idem est, sicut Episcopi & ejus Vicarii: ideo nulum majus tribunal in terris invenitur.
- XLIX.** De Iudiciaria potestate Apostolis, Episcopis, & Presbyteris omnibus a Christo tradita, Hieronymi sententia explicatur.
- L.** Non omnia Ecclesiæ membra claves habent, sed Episcopi & Presbyteri.
- LI.** Claves secundum plenitudinem potestatis Ecclesiæ accepit in Petro, cujus Romanus Pontifex Successor est.
- LII.** Christus donavit Apostolis, ut ipsi Petræ vocarentur.
- LIII.** Pavem Apostolos omnes potestatem cum Petro a Christo accepisse, quomodo intelligatur.
- LIV.** Pro omnibus & præ omnibus claves Petrus, non veluti Procurator & Syndicus accepit.
- LV.** Petrus, & ejus Successores in potestate jurisdictionis ceteris omnibus, etiam simul junctis, antecellunt.
- LVI.** Caput & Princeps aliis influens, in toto corpore Ecclesiæ Petrus constitutus est.
- LVII.** Ex verbis octavæ Synodi, non habetur, Concilium a Deo immediate potestatem accepisse, aut illi convenire, quod Dominus Matth. XVIII. dicit: Ubi fuerint duo vel tres congregati, &c.
- LVIII.** Impossibilitas errandi in fide, quomodo Concilii, & quomodo Papæ conveniat.
- LIX.** Homo confirmatus in gratia, Romano Pontifice non confirmato, potestate præstantior non est.
- LX.** Beatæ Virgini, quamvis Apostolis omnibus digniori, claves Regni Cælorum non commisit Deus.
- LXI.** An quilibet etiam Papa in his, quæ sunt fidei, universali Concilio obedire teneatur.
- LXII.** Concilii generalis & universalis Ecclesiæ Decreta, ad fidem expresse spectantia, Papa amplecti & recipere tenetur.
- LXIII.** Concilia universalia non habent privilegium in Iudicio Fidei non errandi.
- LXIV.** Decreto Generalis Concilii de Fide definiti, per Apostolicam Sedem probato, & confirmato, etiam Papa obedire tenetur.
- LXV.** Si Apostolica Sedes, aut Ecclesia Romana Synodo contradicit, definitioni Apostolicæ Sedis, potius quam Decreto cujuscunque Synodalis Congregationis, parendum est.
- LXVI.** Ecclesia Romana errare non potest.
- LXVII.** Solo Papa, Patribus universim in Concilio de Fide desinentibus contradicente, iudicio potius Synodi, quam solius Papæ standum esset.
- LXVIII.** Ubi de Fide agitur, Papa Episcoporum iudicium requirere tenetur.
- LXIX.** Synodus quandoque major est Papa.
- LXX.** Declarationibus de Fide ab universa Synodo, per aperta Sanctæ Scripturæ, aut Sanctorum Patrum testimonia unanimiter factis, si Papa obedire renuit, veluti hæreticus Concilio subditur.
- LXXI.** Papa in Canonem latæ sententiæ incidere potest.
- LXXII.** Concilium supra Papam Catholicum nullam potestatem habet.
- LXXIII.** Papa in casu hæresis Concilio subditur.
- LXXIV.** Decretum Constantiense, quod quilibet etiam Papa, Concilio Generali in his, quæ pertinent ad extirpationem schismatis, obedire teneatur, non loquitur universaliter, sed de illo tempore tantum.
- LXXV.** In casu universalis Reformationis, Papa de bonestate, non autem de necessitate, Concilio obedire tenetur.
- LXXVI.** Decretum Concilii necessitatem coercitivam, seu coactionem importans respectu Papæ, Scripturis, & Patribus repugnat.
- LXXVII.** Concilium Generale extra casum hæresis, Papam indubitatum nec deponere, nec judicare potest.
- LXXVIII.** Dispensator Papa est a Christo super Ecclesiam constitutus.
- LXXIX.** Inferior Superiorem non judicat.
- LXXX.** Romano Pontifice solus Deus Superior est, cujus & servus est.
- LXXXI.** Papæ iudicium sibi Deus reservavit.
- LXXXII.** Papa per singularem Clavium prærogativam, totius Ecclesiæ Fundamentum est.
- LXXXIII.** Papa universalis Ecclesiæ Pastor & Rector a Christo in Petro constitutus est.

LXXXIV. Grex Pastorem non corrigit.

LXXXV. Romanus Pontifex in orbem universum Primatum tenet, Petri Successor, Ecclesie totius Caput, Fidelium Pater, Doctor, Pastor, Rector, in Petro a Christo institutus est.

LXXXVI. Papa per mortale peccatum non desinit esse Superior.

LXXXVII. Cur ex sola pertinacia in heresi a jurisdictionis Superioritate quis cadat.

LXXXVIII. Pastores mali, recte tamen docentes, abijciendi non sunt.

LXXXIX. Veritas Fidei Catholica non est, quae Sedis Apostolicae determinationi contradicit.

XC. Papa deponendus non est, etsi imminente necessitate reformationis Ecclesie, Concilio reformare volenti se opponat.

XCI. Incorrigitas in Papa Ecclesiam scandalizante, non semper depositionis causa sufficiens est.

XCII. Papa tantum pro heresi strictè sumpta, judicari potest, & aliter dicere, error est.

XCIII. Papae contra Ecclesie universalis statutum facienti obediendum non est, sed resistendum. Non tamen ob id a Concilio ille judicandus est.

XCIV. Papa volens deponere simul omnes Episcopos, aut similia facere, quae a veritate, aut Sanctorum Patrum sententiis sunt devia, aut contra statutum universalis Ecclesie agere tentans, sustinendus non est.

Dicimus imprimis, quod pars hujus Decreti non potest habere rationem, veritatis Catholicae Fidei; Primo, quia, ut exploratissimum est, quod D. Balthasar in sua obedientia, Joannes XXIII. vocatus, cujus auctoritate Congregatio illa facta est, & legitima esse describitur; fuerit Summus Pontifex in Ecclesia, verus Christi Vicarius, Caput Sanctae Ecclesiae Catholicae, non habet eam certitudinem indubitam apud omnium fidelium animos, qualem veritas Catholicae Fidei importat. Nihil enim certius fide, ait Gregorius super Ezech. & ut etiam ait Augustinus: Nihil est certius homini sua fide. Secundo, quia quod obedientia praefati Joannis XXIII., quae Constantiae congregata, praefatum Decretum ante unionem Ecclesiae edidit, sola praeter alias obedientias legitimam

Synodum universalem constitueret, & Christi universalem Ecclesiam repraesentaret, non habet certitudinem Catholicae fidei, ut manifestum est. Tertio, quia illud non potest habere rationem veritatis Catholicae, cui in ipsa unione Ecclesiae duae aliae obedientiae, Gregorii scilicet, & Benedicti apertissime, in plena congregatione contradixerunt, & eorum contradictio fuit acceptata. Contradixit imprimis Dominus Gregorius in sua obedientia vocatus, verum Romanum Pontificem verbo & scripto se asserens, parti illius Decreti, in qua dicitur, quod Congregatio Patrum, quae sub obedientia Joannis Constantiae convenerat; si legitime congregata esset, Generale Concilium faceret, Ecclesiam Catholicam repraesentans. Quare, ut clarissimum est ex gestis illius Concilii, mittens idem Dominus Gregorius post Oratores suos ad Constantiam, committit eis, videlicet Domino Cardinali Sancti Sixti, & Domino Joanni, Clerico Patriarchae Constantinopolitano, & Domino Archiepiscopo Trevirensi, & Domino Comiti Palatino, & Domino Carolo de Malatestis, auctoritatem, Congregationem ipsam Constantiae, in quantum per Serenitatem Regiam, & non per Balthazarem se nuncupari facientem Joannem XXIII. vocatam, vice sua convocandi, & auctorizandi in Generale Concilium, remota tamen omnimode dicti Balthazaris praesidentia, & praesentia ab eisdem, &c. Verba sunt formalia Bullae datae auctoritatis praefatis Oratoribus, quae inserta est gestis praefati Concilii. Quod autem haec verba & gesta Domini Gregorii praefato Decreto Constantiensis contradicant, manifestum est. Contradixit praeterea eisdem Decreto obedientia Dominorum Regum & principum, qui Petro de Luna, Benedicto XIII. nuncupato, tanquam vero Summo pontifici adhærebant. Nam ex gestis ejusdem Concilii patet, pro eo quod tenebant praefatos patres Constantiae congregatos non facere Concilium universale, nec Ecclesiam Catholicam repraesentare, voluerunt, juxta compactata in Narbona cum bonae memoriae Domino Imperatore Sigismundo, ut nova fieret Ecclesiae per eos Concilii convocatio, sicut & factum est. Ex qua hora tantum, cum jam omnes tres obedientiae

simul essent, habita est, certitudo, & fides apud omnes, universale Concilium Constantiæ celebrari, & Ecclesiam repræsentare Catholicam. Quare cum fuerit dubium tempore schismatis, apud quos vera Ecclesia esset, quam super Cathedrali petri Hier. dicit esse fundatam, in cap. Quoniam vetus oriens. & in Sedis Apostolicæ radice Augustinus dicit constitutam, in cap. rudenda. XXIV. quæst. I. non potest dici ad veritatem Catholicæ fidei pertinere congregationem illam sub obedientia dicti Joan. XXIII. Constantiæ congregatam pro tempore illo, quo præfatum Decretum de potestate Conciliorum edidit, Concilium facere Generale, & Ecclesiam Catholicam repræsentare, sine insupportabili scandalo aliarum obedientiarum. Unde quod Dominus Martinus dicit in Epistola allegata per Reverendissimum Dominum meum, referendum est non ad tempus schismatis, pro quo sola obedientia Joannis Constantiæ conveniens, Decretum illud edidit, sed ad tempus, in quo omnes obedientiæ pro unione Ecclesiæ faciendæ, simul convenerant. Est præterea hic considerandum, quod dictum Domini Martini, in quo ait, Concilium Generale Ecclesiam universalem repræsentare, accipiendum est de Concilio integro, sive plenario, quod id dicitur esse ex Decretis Concilii Antiocheni, & ex Dist. XVII. per totum, in quo auctoritate & assensu Romanus Pontifex affuerit. Cum enim dicat Augustinus, in sermone quodam Apostolorum Petri & Pauli, quod solus Petrus, cui succedit Romanus Pontifex in plenitudine potestatis, inter Apostolos totius Ecclesiæ gestet personam; Nulla congregatio, Canonico Romano Pontifice excluso, dicenda est universalem Ecclesiam repræsentare. Quare Beatissimus Cyprianus in Epistola, quam ad lapsos scribit, qui a Romano Pontifice segregati, nomen Ecclesiæ sibi adscribere præsumperant, ita dicit: " Dominus noster, cujus præcepta intueri debemus, & servare, Episcopi honorem, & Ecclesiæ suæ rationem disponens, in Evangelio sic loquitur, & dicit Petro: " Tu es Petrus, & super hanc petram ædificabo Ecclesiam meam. Infra: " Cum hoc ita Divina Lege fundatum sit, miror quosdam audaci temeritate

" sic mihi scribere voluisse, ut Ecclesiæ nomine litteras facerent, cum Ecclesiæ sit in Episcopo, & Clero, & omnibus " Statibus sit constituta. Hæc Cyprianus &c.

Qua parte sic illustrata, non esset jam opus, cæteras præfati Decreti partes tangere, quoniam demonstrato non esse veritatem Catholicæ fidei, immo nec opinionem communem omnium fidelium: Patres Constantiæ sub obedientia dicti Joannis XXIII. congregatos pro tempore, quo declaratio illa de potestate Conciliorum supra Papam emanavit, fuisse Concilium universale, aut Ecclesiam repræsentare Catholicam, illico ruit omnis auctoritas & firmitas factæ declarationis: quoniam juxta Beati Augustini sententiam ad Hieronymum, si dubitatio, aut falsitas ad Scripturas Sanctas admissa fuerit, nil perfectio in eis remaneret auctoritatis. Nihilominus ut ad omnia, quæ tacta sunt per Dominum arguentem, plena detur responsio, ad alias etiam partes præfati Decreti, consideratione nostra tendamus. Dicitur autem in secunda parte prædicti Decreti, quod Synodus ipsa habet potestatem immediate a Christo, cui quilibet cujuscunque dignitatis, etiam si Papalis existat, obedire tenetur. Hæc autem declaratio cum ex ipsa verborum forma, accipienda veniat de congregatione illa Patrum tempore schismatis Constantiæ, sub obedientia dicti Joannis XXIII. congregata: clarissimum est ex jam dictis, quod nullo modo potest habere rationem veritatis fidei Catholicæ, nec communis opinionis omnium Catholicorum. Quoniam quidquid sit de fide, aut opinione Patrum, qui præfatum declarationem ediderunt, Patres tamen & Principes aliarum duarum obedientiarum, scilicet Gregorii & Benedicti, nec tenuerunt pro tunc, nec ad huc viventes tenent, quod congregatio illa Patrum, tempore schismatis sub Joanne dicto XXIII. Constantiæ celebrata, potestatem a Christo haberet immediate, cui quilibet cujuscunque dignitatis existeret, obedire teneretur. Quibus rebus sic existentibus, temeraria plane nimis & scandalosa præsumptio est, definire, Decretum illud Constantiæ in hac parte ad veritatem Catholicæ fidei pertinere. Temeraria quidem diffi-

diffinitio, quæ nec auctoritate, nec ratione certa probari potest; scandalosa vero, quoniam sicut per primam partem Decreti, duæ aliæ obedientiæ concluduntur fuisse schismaticæ, per cap. Scire debes. VII. quæst. I. &c. Non vos. XXIII. quæst. V. & per cap. Pudenda. & cap. Schisma, XXIV. quæst. I. Ita per secundam partem de hæresi convincuntur infectæ per cap. Si qui Presbyteri. distinct. LXXXI. & cap. Arrecta: & cap. Alienus, XXIV. quæst. I. Viso jam & clarissime demonstrato, partem illam Decreti Constantiensis, dicentem Synodum habere potestatem immediate a Christo, nullo modo dicendam esse ad veritatem fidei Catholicæ pertinere, intelligendo illam de congregatione illa, quæ Constantiæ tempore schismatis sub dicto Joanne XXIII. convenit: reliquum est ostendere, quod etiam accipiendo partem illam de Synodo universali legitimam & indubitata, Apostolica auctoritate congregata, non sit veritas fidei Catholicæ, quod talis potestatem immediate habeat a Christo, cui &c. Quod multipliciter ostenditur: & primo ex gestis & declarationibus fidei in ipso Constantiensis Concilio, facta unione Ecclesiæ, conclusis: legimus enim in primis in gestis præfati Concilii, quod cum Dominus Martinus electus fuit in Romanum Pontificem, amplius Synodus non est usâ nomine constituentis, aut diffinientis: sed ipse Dominus Martinus omnia Synodo approbante statuisse, & diffinivisse describitur, morem in hoc secutus Prædecessorum suorum: qui sive in materia fidei, sive in materia schismatis, sive reformationis Ecclesiæ, soli in Conciliis universalibus auctoritate propria statuisse & sententiasse leguntur, sicut ipsorum Conciliorum gesta in Decretalibus. Clementinis, & Extravagantibus inclusa, clarissima luce demonstrant. Quod plane minime per tam gloriosos & doctos Romanos Pontifices attentatum fuisset, nec ab ipsis universalibus Conciliis permisum; si esset veritas Catholicæ fidei, quod Concilium universale non a Papa, sed immediate a Christo auctoritatem haberet in his, quæ sunt fidei & schismatis, & reformationis Ecclesiæ: & potissimum cum illa infallibilitate iudicii & superioritate, quam ajunt, auctoritatis. Si enim Ecclesiastici cap. XI. in Sacra Scriptura ipse Spiritus Sanctus, in me-

dio senum prohibet addiscentem loqui: quanto magis prohibitum esse credimus, utpote omni reprehensione dignissimum, ut quis iudicio, auctoritate, & potestate inferior, in medio congregationis Senum totius Ecclesiæ, diffinendi & statuendi sibi assumat superioritatem & principatum? Cum autem blasphemum esset dicere, Apostolicam Sedem contra Divinam prohibitionem, hunc in Ecclesia tanto tempore sibi usurpasse statuendi & diffinendi auctoritatis principatum, quæ ut in cap. Arrecta, XXIV. quæst. I. per Dei Omnipotentis gratiam a tramite Apostolicæ traditionis nunquam errare probatur; ex ipsa practica Concilii universalis apertissime colligitur, quod sacra ipsa Synodus Constantiensis ex omni parte Christianitatis collecta, non tenuit, sicut nec tenendum est, ad veritatem fidei Catholicæ pertinere, quod existente in Ecclesia uno & indubitato Romano Pontifice Synodus universalis potestatem immediate habeat a Christo. Si vero dicatur, quod etiam Synodus legitur statuere & diffinire, sententiarum & econdemnare, sicut patet ex multis Capitulis in Decreto: Respondetur primo, quod hoc legitur factum, quando Papa non fuit personaliter Concilio universalibus præfens. Secundo, quod hoc facit ipsa Synodus non auctoritate, quam immediate suscipiat a Christo, sed auctoritate Romani Pontificis, ut dicit Sanctus Thomas: cujus verba in Tractatu contra impugnantes religionem, sunt, quæ sequuntur: "Sancti Patres in Concilio congregati, nihil statuere potuissent, nisi auctoritate Romani Pontificis interveniente: sine qua etiam Concilium congregari non potest." Hæc Sanctus Thomas: ubi nota, quod Sanctus iste vult, quod auctoritas Papæ non solum respiciat convocationem; sed quod Patribus congregatis potestatem attribuit diffinendi & statuendi. Præterea hoc idem notari videtur in cap. His ita videtur, XXV. quæst. I. ubi dicitur, quod summæ Sedis Pontifices Canonibus a se vel ab aliis sua auctoritate conditis, reverentiam exhibent, & eis se humiliando, ipsos custodiunt, ut aliis observandos exhibeant. Et manifestum est, quod de canonibus universalium Conciliorum loquatur. Cæterum ex hoc ipso, quod Synodus universalis auctoritate Romani

Pontificis canones condit, ipse Romanus Pontifex, utpote totius Reipublicæ Christianæ Princeps, conditor dicitur canonum, ut ex eodem cap. colligitur. Ceterum quod Synodus universalis absente Papa auctoritate ejusdem Romani Pontificis principaliter diffiniat, & sententiet, accipitur manifeste ex Concilio Chalcedonensi: in quo Sancti Patres congregati in sententia data contra Dioscorum, ita dicunt: "Sanctissimus & Beatissimus Archiepiscopus magnæ senioris Romæ Leo, per nos & per præsentem Synodum nudavit eum, tam Episcopatus dignitate, quam etiam omni Sacerdotali officio, simulque eum alienavit a ministerio Sacrosancto." Clarum est autem, quod Papa in hoc loco non nisi rationem sive habitudinem principii influentis auctoritatem ipsi Synodo importare potest. Unde in Epistola, quam super condemnatione ejusdem Dioscori præfati Patres Imperatoribus Valentiniano & Marciano scribunt, ita, juxta translationem, quæ habetur in libro Isidori Summarum Pontificum, dicunt: "Magna Synodus secundum Dei gratiam & vestræ pietatis Sanctionem congregata in Chalcedonensi civitate, &c." Sequitur: "Nos igitur confidentes & universo orbi factæ tempestatis causam inquirentes, hujusmodi rei auctorem comperimus Dioscorum Episcopum: quapropter & quia damnatus jam erat a Sedis Apostolicæ Episcopo Leone, cujus auctoritate fulti, & nos omnes consona voce damnamus." Præterea quod pars Decreti Constantiensis dicens Synodum immediate habere a Christo potestatem &c. non contineat unitatem fidei Catholicæ, manifeste ostendunt duo articuli fidei in ipsa Synodo Constantiensi diffiniti, quæ omnia habentur in Epistola Decretali Domini Martini, quam universo approbante Concilio editam Prælati Germaniæ contra errores Wiclevistarum, & Joan. Huss direxit. Primus est, quod Papa sit Caput Ecclesiæ Catholicæ. Secundus, qui inter interrogatoria fienda hæreticis continetur, est, quod Papa canonice electus habeat auctoritatem supremam in Ecclesia. Quod autem primus articulus præfato Decreto contradicat, patet manifeste, quoniam ex hac propositione Christianæ fidei, quod Papa est Caput Sanctæ Ecclesiæ Ca-

tholicæ, habetur, quod habitudo Papæ ad universam Ecclesiam, & per consequens ad universale Concilium illam representans, sit habitudo capitis ad corpus: sed sic est, quod corpus non nisi mediante capite recipit influxum virtutis sensus, & motus, ut communis habet doctrina. Unde Beatus Isidorus Libro X. etymologiarum dicit: prima pars corporis caput est, datumque est illi hoc nomen, eo quod sensus & nervi inde initium capiant, atque ex eo omnis vigendi causa oriatur. Ergo cum hoc articulo sive diffinitione fidei, quod Papa sit Caput Ecclesiæ Sanctæ Catholicæ, non potest stare, quod Synodus corpus Ecclesiæ representans, non mediante Papa, sed immediate a Christo potestatem regitivam & motivam suscipiat. Consequentia notissima est, & notum antecedens per processum. Quod vero secundus Articulus præfato Decreto etiam contradicat, patet manifeste: quoniam si a cunctis fidelibus indubitata fide credendum est, quod Papa canonice electus habeat supremam potestatem in Ecclesia Dei, de necessitate sequitur, quod Concilium universale non habeat potestatem immediate a Christo, cui ipse Papa obedire tenetur: cum obedientiam inferiores ex ordine superioribus tantum debeant, ut in cap. Si obedientiam. dist. XCIII. & cap. In his omnibus, dist. XXI. Si vero quis contentionis amator dicat, quod hoc, quod Papa dicitur habere supremam potestatem in Ecclesia, non sit simpliciter accipiendum respectu universalis Ecclesiæ, sed respectu tantum singulorum Prælatorum in Ecclesia, animadvertat, ne volens vitare unum errorem, altero involvatur. Cum enim ex superiori articulo convincamur credere, quod Papa sit caput totius corporis Ecclesiæ, quia Ecclesiæ Sanctæ Catholicæ; & caput præstantius sit virtute & potestate toto corpore; necesse est, nos credere, quod Papa habeat simpliciter post Christum, cujus Vicarius est, supremam potestatem in tota Ecclesia, non tantum respectu singulorum, sed etiam respectu totius corporis Ecclesiæ. quare in cap. Nolite orare. dist. XI. dicit Julianus (*) Papa, & in cap. Basilicas. de consecrat. dist. I. Gelasius Papa, quod in Apostolica Sede Dominus totius Ecclesiæ posuit principatum.

(*) pro: Julius.

Amplius conformando hanc rationem ostenditur multipliciter ex aliis, quod pars Decreti, videlicet, quod Synodus universalis immediate habeat potestatem a Christo, non contineat veritatem. Potestas, quam dicitur Synodus immediate habere a Christo, aut est eadem cum potestate papali, aut est alia ab illa. Non potest dici, quod sit eadem, nec quod sit alia ab illa: Ergo fictitium est dicere, quod veritas fidei Catholica sit, quod Synodus habeat potestatem immediate a Christo. Consequentia est manifesta: & major ex sufficiente divisione: minor vero pro utraque sui parte sic probatur. Quod enim non possit dici primum, videlicet quod potestas data Synodo, sit eadem cum potestate papali, patet, quia tunc nulla superioritas attendi posset in Synodo respectu papæ. Decretum autem dicit, quod Synodus habet potestatem immediate a Christo, cui etiam Papa obedire tenetur. Si enim par in parem ratione paritatis potestatis, non habet Imperium; multo minus Synodus in Papam, si eadem sit potestas utriusque. Quod vero non possit dici secundum, videlicet, quod sit alia potestas, & maxime suprema a potestate papali, patet: tum primo, quia repugnat supradictis duobus articulis, quos ad veritatem fidei Catholica pertinet, Sacra Constantiensis Synodo approbante, Dominus Martinus Constantie declaravit: quorum primus est, quod Papa sit caput Ecclesiæ sanctæ Catholicæ: secundus, quod habeat supremam potestatem in Ecclesia Dei. Quod autem per superabundantiam dicitur in unoquoque genere, tantum unum est. Tum secundo, quia pluralitas principatum non est bona: XII. Metaphysicæ. Quod autem bonum non est, non est credendum a Christo in Ecclesia sua institutum esse. Tum tertio, quia talis potestas suprema alia a potestate Papæ, dari non potest; quia ut inquit Beatus Cyprianus in Epistola ad quinque Presbyteros: "Deus unus est & Christus unus, & una Ecclesia, & Cathedra una super Petrum voce Domini fundata; aliud Altare constitui, aut Sacerdotium novum fieri præter unum Altare, & unum Sacrificium, non potest. Quisquis alibi collegerit, spargit; adulterium est, impium est, sacrile-

gium est, quodcumque humano furore constituitur, ut dispositio Divina violetur." Præterea Concilium universale habere aliam supremam potestatem immediate a Christo, a potestate Romani Pontificis, videtur esse contra articulum fidei: Credo unam Sanctam Ecclesiam. Ergo pars illa Decreti dicentis, Synodum immediate habere potestatem a Christo, cui &c. magis dicenda est continere errorem, quam veritatem fidei Catholicæ. Consequentia nota est; antecedens autem ostenditur ex eo, quod unitas Ecclesiæ attendenda est necessario inter alia ex ordine ad unam supremam potestatem regitivam respectu totius boni communis; legitur enim Canticorum IV. de Ecclesia, quod terribilis est, ut castrorum acies ordinata in unum, ut deducit S. Thomas in IV. dist. XXIV. oportet esse aliquod universale Regimen super particularia Regimina; quia in omnibus virtutibus & artibus, ut dicitur in primo Ethicorum, est ordo secundum ordinem finium: bonum autem commune est divinius, quam bonum speciale: & ideo supra potestatem regitivam, quæ communicat bonum speciale, oportet esse potestatem regitivam universalem respectu boni communis: alias non posset esse colligatio ad unum. Et ideo cum Ecclesiæ sit unum corpus, primæ Cor. XII. oportet, si ista unitas debeat servari, quod sit aliqua potestas Regitiva respectu totius Ecclesiæ supra potestatem Episcopalem, qua unaquæque specialis Ecclesia regitur: & hæc est potestas Papæ, qui caput est, & rector totius Ecclesiæ. Unde Glossa super illud Matth. XVI. Tibi dabo claves regni Cælorum: dicit, quod adeo specialiter ligandi & solvendi potestatem Christus Petro concessit, ut ad unitatem nos invitaret; ideo enim eum Principem Apostolorum constituit, ut Ecclesia unum principalem Christi Vicarium haberet, ad quem diversa membra Ecclesiæ recurrerent, si forte inter se dissentirent. Quod si diversa capita essent in Ecclesia, unitatis vincula rumperebantur. Cypr. in Epistola ad Magnum dicit: "Dominus insinuans nobis unitatem de Divina auctoritate venientem, ponit, & dicit: Ego & Pater unum sumus: ad quam unitatem redigens Ecclesiam suam, denuo dicit: Et erit unus grex,

grex, & unus Pastor." Quare Sanctus Thomas tam in IV. dist. XXIV. quam in Tractatu de erroribus Græcorum, dicit, quod qui hanc supremam potestatem negant in Romano Pontifice, schismatici dicuntur, quasi divisores Ecclesiasticæ unitatis. Sed ponere, quod Synodus universalis habeat supremam potestatem datam a Christo immediate, aliam a potestate suprema Romani Pontificis, est unitatem præfatæ Ecclesiæ scindere; tum ponendo dualitatem supremarum potestatum, cui quilibet fidelis teneatur obedire, manifeste est rumpere ordinem, & colligationem totius corporis Ecclesiæ ad unam supremam potestatem Ducis & Pastoris totius multitudinis Christianæ. Quocirca Beatus Cyprianus in Epistola de unitate Ecclesiæ, ad Novatianum loquens, ita ait: "Quis ergo sic sceleratus & perfidus? quis sic discordiæ furore vefanus? ut aut credat scindi posse, aut audeat scindere unitatem Dei, vestem Domini, Ecclesiam Christi? Monet ipse in Evangelio suo, & docet, dicens: Et erunt unus grex, & unus Pastor: & esse posse in uno loco aliquis existimat, aut multos Pastores, aut greges plures?" Et Beatus Gregorius concordans in Epistola ad Rusticum Monachum, ut habetur in cap. In apibus VII. qu. I. ita dicit: "In apibus Princeps unus, græves unam sequuntur ordine litterato, Imperator unus, Judex unus provinciarum: Roma autem condita duos fratres simul Reges habere non potuit." & cur hæc omnia? Certe quia, ut ait Beatus Augustinus in libro primo de nuptiis & concupiscentia: Natura Principum amat singularitatem, & omnis potestas impatiens est consortis. XXIII. Qu. VII. Quod autem.

Item arguitur sic: Nulli congregationi Synodali Ecclesiæ Christus commisit immediate Regimen omnium fidelium: ergo nulli congregationi Synodali Ecclesiæ Christus dedit potestatem immediate, cui omnis fidelis cujuscunque dignitatis existat, obedire teneatur. Consequentia patet; quoniam auctoritas regendi, & jubendi majorum, est tantum respectu inferiorum. In majoribus siquidem est regendi jubendique potestas, in minoribus obsequendi necessitas, in §. In his omnibus. dist. XXI. Antecedens probatur: quoniam soli Petro, & solis Successo-

ribus ejus, ait Dominus universaliter, & indistincte: Pasce oves meas. Joan. XXI. Super quo verbo dicit Theophilus, & habetur in Glossa. Quod finito prandio, commissionem ovium mundi Petro commendat, non alii. Item Chrysostomus super eodem verbo, & habetur in eadem Glossa, ita dicit: "Præteriens alios, scilicet Apostolos, Petro de talibus loquitur: "Eximius enim erat Apostolorum Petrus, & os Discipulorum, & vertex Collegii: unde & negatione deleta, committit ei Prælationem Fratrum. Si diligis me, præfide fratribus, & ferventem amorem, quem per omnia demonstraſti, & animam, quam dixisti positurum te esse pro me, hanc da pro ovibus meis." Ecce quod uni tantum, scilicet Christi Vicario, omnium fidelium Regiminis cura committitur. Ecce quod unus tantum totius Christianæ Reipublicæ Princeps a Christo constituitur: cui ergo dubium, quod soli isti Christus immediate potestatem tribuit, cui quilibet fidelis obedire tenetur? Præterea confirmando hanc rationem, ad idem arguitur sic: Ecclesiæ regimen constitutum est a Christo Monarchicum, sive regale. Ergo suprema potestas, & supremus principatus, non multitudini alicui, sed uni tantum in Ecclesia a Christo collata est. Consequentia patet, quoniam ut colligitur ex III. Polit. in hoc distinguitur Regnum, sive Principatus Regalis, ab aliis speciebus regiminis, videlicet ab Aristocratia, & Democratia, quoniam in Regno principatus & potestas suprema est apud unum: in Aristocratia est apud paucos: in Democratia vero apud multos. Unde Sanctus Thomas in IV. Sententiarum dist. XXIV. dicit, quod in Regno tota potestatis plenitudo residet apud unum: in Aristocratia vero non apud unum, sed apud plures. Antecedens vero patet auctoritate & ratione. Auctoritate patet per illud Isa. IX. Super solium David, & super Regnum ejus sedebit, Glossa id est, Ecclesiam. Præterea ex illo colligitur, quod in Evangelio Ecclesia Regni nomine sæpe numero describitur, nostro Salvatore dicente: Simile est regnum, &c. Ratione vero probatur sic, ut Sanctus Thomas probat Lib. IV. contra Gentiles cap. LXXVI. ita enim dicit: "Nulli dubium esse debet, quin regimen Ecclesiæ sit optime ordinatum, utpote per

" per eum dispositum, per quem Reges regnant, & legum conditores iusta decernunt. Optimum autem regimen multitudinis est, quod regatur per unum: quod patet ex fine regiminis, qui est pax; Pax enim & unitas subditorum, est finis regentis: unitatis autem causa congruentior est unus, quam multi. Manifestum est ergo regimen Ecclesiæ sic esse dispositum, ut unus toti Ecclesiæ præsit." Hæc Sanctus Thomas. Et notandum, quod hac ratione Sancti Thomæ ostenditur, Ecclesiæ regimen Regale esse, sive Monarchicum, non solum respectu Christi, sed etiam respectu sui Vicarii. Quare Beatus Hieronymus, in Epistola, quam ad Eustochium de regula vivendi in Monasteriis dicitur scripsisse, dicit: Quod piscatori Petro a Christo totius mundi Monarchiæ est traditus Principatus. Item hac ratione Beatus Gelasius in generali Decreto de Ecclesiasticis Statutis ad omnes Episcopos scribens, ait: "Conveniens est, ut totum corpus Ecclesiæ in hac observatione concordet, quam illic vigere videt, ubi Dominus totius Ecclesiæ posuit Principatum." Dicere autem, quod Synodus aliquam habuerit a Christo immediate potestatem supremam, cui quilibet fidelis obedire tenetur, est dicere, quod non in uno, sed in multitudine Christus Ecclesiæ suæ Principatum collocavit. Si quis vero vellet dicere, quod licet regulariter Ecclesiæ Principatus in uno locatus sit, nihilominus tempore Concilii universalis, Principatus Ecclesiæ multitudini committitur: dicendum, quod hoc nullo modo stare potest. Tum primo, quia species regiminis politiæ Ecclesiæ, non immutabilis permaneret, sed multiplicem pateretur varietatem & corruptionem, contra illud Dan. VII. Potestas ejus, potestas æterna, quæ non auferetur, & Regnum ejus non corrumpetur: & Joan. X. Erit unum ovile, & unus Pastor. Tum secundo, quia cum, ut dictum est, Regimen Monarchicum, quo multitudo tota regitur per unum, sit optimum, & species principalior inter omnes species politiæ: si tempore celebrationis Conciliorum, Ecclesiæ regimen a Monarchia transiret in Aristocratiam, vel Democratiam, profecto descenderet a perfectione sua. Tum tertio, quia cum istæ tres species regiminis ex opposito

Tomus V. Concil. German.

distinguantur, simul esse in uno Principatu non possunt, dicente Aristotele III. Politicorum: "Necessæ est dominans, aut unum esse, aut paucos, aut multos." Si Synodo existente, Ecclesiæ Principatus supremus esset apud multos, necesse est dicere, quod congregata Synodo, & Ecclesia desineret esse Regnum, & Romanus Pontifex desineret esse Princeps Ecclesiæ, & plenitudinem habere potestatis: quæ omnia sunt inconvenientissima, & absurda. Præterea, quod pars illa Decreti dicens, Synodum habere potestatem immediate a Christo &c. non sit veritas Fidei Catholicæ, sicut luculenter ostenditur, & præsupponitur imprimis cum Beatissimo Dionysio libro de Ecclesiastica Hierarchia: Quod Ecclesia nostra sit ad modum Hierarchiæ a Christo disposita. Secundo præsupponitur cum eodem, quod Hierarchia nostra formata sit ad exemplar, sive similitudinem Hierarchiæ cælestis; unde etiam Moyssi a Domino dictum est, Exod. XXV. Inspice, & fac secundum exemplar, quod tibi monstratum est in monte. Præterea Sanctus Joannes dicit Apoc. XXI. Se vidisse civitatem sanctam Hierusalem novam descendentem de cælo, scilicet exemplariter, ut Doctores exponunt. Quare Beatus Ambrosius dicit: Quod Ecclesia est imago cælestium. Et Beatus Bernardus Lib. III. ad Eugenium Papam, clarissime inducit. Sed sic est, quod in Angelica Hierarchia nulla potestas ad actus hierarchicos perficiendos tribuitur desuper a Deo personæ, aut ordini, aut toti Hierarchiæ, quæ non tribuatur mediante primo illius Hierarchiæ, ut patet ex ipsa doctrina Beati Dionysii. Ait enim: "Ecclesiæ Hierarchiæ Lex Divinitatis sanctissima est per prima media in Divinissimam reducere lucem, ergo pari modo nulla potestas a Christo, ipsi Ecclesiasticæ Hierarchiæ, aut universali Concilio illam representanti tribuitur, quæ non conferratur mediante Romano Pontifice, qui est Hierarcha, & primus in tota Hierarchia. Quare manifestum videtur, quod cum veritate Catholicæ Fidei, tam ex Scriptura Sancta, quam ex Sanctorum Patrum traditione habemus, quod Romanus Pontifex Caput sit Ecclesiæ Sanctæ Catholicæ, & Hierarcha Ecclesiasticæ Hierarchiæ; & cum nostra Hierarchia ad similitudinem

T t t t t

&

& exemplar cælestis formata sit, non possit stare, quod existente unico & indubitato Rom. Pontifice in Ecclesia Concilium universale habeat potestatem a Christo immediate, cui quilibet fidelis, cujuscumque dignitatis existat, obedire teneatur. Amplius hoc idem sic probatur. Nihil quod in auctoritate sua dependet immediate ab auctoritate Apostolicæ Sedis, est dicendum, habere immediate potestatem a Christo, cui etiam Papa obedire tenetur: sed auctoritas universalium Conciliorum dependet immediate ab auctoritate Apostolicæ Sedis: Ergo Concilia universalia non sunt dicenda immediate a Christo potestatem habere, cui, &c. Consequentia pater: Major nota ex terminis est; Minor patet ex dist. XVII. per totum: unde in cap. Regula, dicitur, quod nec ullum est ratum, aut unquam erit Concilium, quod Romanæ Ecclesiæ non fuerit auctoritate fultum. Et quod hæc dependentia non solum accipienda sit respectu convocationis, aut congregationis Conciliorum, sicut quidam dicere voluerunt, sed etiam quantum ad robur & firmitatem omnium actuatorum in eisdem, pater ex cap. Confidimus. XXV. quæst. I. ubi Gelasius Papa, Apostolicam Sedem, unamquamque Synodum dicit sua auctoritate confirmare; & extra de Elect. in cap. Significasti, dicit Paschalis papa, quod omnia Concilia per Ecclesiæ Romanæ auctoritatem & facta sunt, & robur acceperunt. Ecce quam clare loquitur text. iste, quod per Papam, & per consequens non immediate a Christo, Concilia ipsa universalia robur accipiant. Ex quibus omnibus sic breviter & luculenter demonstratur, quod declaratio illa Constantiæ facta, dicens, quod Synodus universalis immediate habeat a Christo potestatem; non contineat veritatem Fidei Catholicæ. Jam ad auctoritates & rationes accedamus, per quas Dominus arguens pro parte adversa, nixus est probare declarationem præfatam veram esse. Verum quia in hac argumentationis parte, principalior articulus residet præsentis difficultatis, & examinis; tria præmittam per ordinem circa hunc articulum, antequam præfatis inductis auctoritatibus & rationibus formaliter respondeatur. Primo quidem ostendam, quod id, quod præsupposuit

præfatus Dominus, videlicet, quod Apostoli alii, a Petro receperunt immediate a Christo potestatem jurisdictionis, non sit usquequaque probabile. Secundo ostendam, quod dato, quod hoc esset verum de Apostolis, non tamen ita esset dicendum de Episcopis, & Curatis, videlicet, quod suscipiant potestatem jurisdictionis immediate a Christo. Tertio ostendam, quod dato, quod hoc etiam esset verum, non probatur, aut sequitur ex hoc, quod sit veritas Catholicæ Fidei, quod Synodus universalis habeat potestatem immediate a Christo, cui quilibet fidelis obedire tenetur. Primum vero, quod Apostoli alii a Petro, non immediate potestatem jurisdictionis acceperunt, auctoritate & ratione multipliciter declaratur. Auctoritate primo Beati Anacleti, qui ut habetur in cap. Sacrosancta. Dist. XXII. dicit: "Inter Apostolos quædam fuit discretio: & licet omnes Apostoli essent, Petro tamen a Domino concessum est, ut reliquis omnibus præesset Apostolis, & Cephas, id est, Caput, & Principatum teneret Apostolatus." Cum autem nomine capitis & principii, origo designatur potestatis, non videtur posse dici Beatus Petrus caput, & principium tenere Apostolatus, nisi ab eo potestas derivaretur jurisdictionis in Apostolos ceteros. Secunda auctoritas est Beati Cypriani in Epistola, quæ de unitate Ecclesiæ inscribitur ad Novatianum, & habetur in cap. Loquitur Dominus, XXIV. Quæst. I. "Loquitur Dominus ad Petrum: "Ego dico tibi, quia tu es Petrus, & "super hanc Petram ædificabo Ecclesiam: "meam: super unum ædificat Ecclesiam: " & quamvis Apostolis omnibus post Resurrectionem suam, parem, id est, communem potestatem tribuat, & dicat: "Sicut me misit Pater, & ego mitto vos: "Accipite Spiritum Sanctum; tamen ut unitatem manifestaret, unitatis ejusdem originem ab uno incipientem sua auctoritate disposuit. Hoc erant utique ceteri Apostoli, quod Petrus: pari consortio præditi & honoris, & potestatis: (Gloss. in ordine & dignitate consecrationis, non in administrationis plenitudine) sed exordium ab unitate proficiscitur, ut Ecclesia Christi una esse demonstretur." Hæc Cyprianus. Ubi cum ait, quod Christus ut Ecclesiæ uni-

unitatem manifestaret, potestatis originem ab uno incipientem disposuerit, manifeste dat intelligi, quod solus unus, scilicet Petrus, super quem unum fundatam dicit Ecclesiam, a Christo immediate potestatem suscepit jurisdictionis, alii vero Apostoli mediante ipso Petro: plane ut videtur, si immediate omnes Apostoli potestatem jurisdictionis recepissent a Christo, origo potestatis non incepisset in Ecclesia ab uno Apostolorum, cum data fuisset simul, & immediate omnibus. Tertia auctoritas est Beatissimi Augustini, qui super Joan. Homil. CXIV. dicit sic: "Petrus Apostolus propter Apostolatus sui Primatum, gerebat Figuratam generalitatem Ecclesiæ personam. Quod enim ad ipsum proprium pertinet, natura unus homo erat, gratia unus Christianus, abundantiore gratia unus idemque primus Apostolus. Sed quando ei dictum est: Tibi dabo claves Regni Cælorum, & quodcumque ligaveris, &c. universam significabat Ecclesiam." Et infra: "Ecclesia ergo, quæ fundatur in Christo, claves ab eo Regni Cælorum accepit in Petro, id est, potestatem solvendi, ligandique peccata. Sed videtur, quod hoc quod soli Petro attribuitur, ratione primatus non esset verum, si alii Apostoli cum Petro immediate potestatem jurisdictionis recepissent a Christo; Quia dato illo, Ecclesia non in solo Petro, sed etiam in aliis Apostolis claves recepisse, diceretur.

Quarta auctoritas est Beatissimi Leonis, qui (ut habetur in cap. Ita Dominus, dist. XIX.) ita dicit: "Hujus munus Sacramentum ita Dominus ad omnium Apostolorum officium pertinet, re voluit, ut in Beatissimo Petro omnium Apostolorum summum principaliter collocaret, ut ab ipso quodam capite dona sua velut in corpus omne diffunderet; ut extorem se ministerii intelligeret esse Divini, qui ausus fuisset a Petri soliditate recedere.

Quinta auctoritas est ejusdem in sermone tertio ordinationis suæ, ita dicentis: "Multo dignius ad Beatissimi Petri gloriam contemplandam, aciem mentis attollere, & hunc diem in illius potissimum veneratione celebrare, qui ab ipso omni charismatum fonte, ita copiosis est irrigationibus inundatus, ut cum multa solus accepit, nihil in

Tomus V. Concilior. German.

"quemquam sine ejus participatione transierit. Et infra: De toto mundo unus Petrus eligitur, qui & universarum gentium vocationi, & omnibus Apostolis cunctisque Ecclesiæ Patribus præponatur; ut quamvis in populo Dei multi sint Sacerdotes, multique Pastores; omnes tamen proprie regat Petrus, quos principaliter regit & Christus: magnum & mirabile, dilectissimi, huic viro consortium potentiae suæ tribuit Divina dignatio, & si quid cum eo commune ceteris voluit esse principibus, nunquam nisi per ipsum, dedit, quidquid aliis non negavit." Ecce quam clara luce Leo iste, irrefragabilis auctoritatis inter Patres Ecclesiæ, dicit, quod quidquid commune Christus cum Petro ceteris voluit esse Principibus, videlicet Apostolis, non nisi per Petrum dedit: quid donabile esset, per hominem aliis non negavit: & ita manifeste habetur, quod ceteri Apostoli non immediate a Christo jurisdictionem acceperunt, sed mediante Petro Beatissimo Apostolo eorum Principe. Consequenter hoc idem ratione probatur, & primo sic: Ab eo, a quo quis non habet subditum, ab illo non habet aliquam potestatem jurisdictionis: sed alii Apostoli non habuerunt immediate subditos a Christo: ergo ipsi non habuerunt potestatem jurisdictionis immediate a Christo. Consequentia patet. Major etiam: cum nullus ligare, aut absolvere possit, nisi subditum; cum a non suo iudice ligari nullus valeat, nec absolvi, de poenit. & remissionibus, cap. Omnis. Nam potestas jurisdictionis, qua aliquis potest absolvere & ligare, dicitur relative ad subditum. Relativa autem, ut habet doctrina Aristotelis in prædicamentis, posita se ponunt, & preempta se perimunt. Unde sicut, si non est servus, non est Dominus, propter quod (secundum Augustin. lib. de Trinitate) Deus non fuit Dominus quousque habuit creaturam suam; ita si non est subditus, non est Prælatum, nec iudex, qui possit eum judicare. Rom. XIV. *Tu quis es, qui judicas alienum servum? suo Domino aut stat, aut cadit.* Minor vero probatur, quia si Christus dedisset aliis a Petro subditos, aut omnes dedisset, aut aliquos; non est dicendum primum, quod dedisset omnes, tum quia (ut dictum est) pluralitas principa-

T t t t t 2

cipa-

cipatum non est bona, ut dicitur XII. Metaphysices: & ideo sic concluditur ibidem, unus ergo Princeps. Tum secundo, quia tunc ovile Christi non esset unum, nec unus ovium Pastor, sed plures, contra illud Joan. X. Erit unum ovile, & unus Pastor. Præterea secundum non est dicendum; cum nullibi legatur Christum Apostolis populos immediate divisisse, nec facile est fingere quos s. subditos, quibus s. prælati subjecerit. Item secundo, ratione arguitur sic: Si Christus dedisset Apostolis immediate potestatem jurisdictionis, aut dedisset plenam & omnimodam sicut Petro, aut particulariter limitatam, aut coarctatam: sed neutram, ergo nullam. Consequentia bona. Major patet ex sufficienti divisione. Minor quoad primam partem patet. Primo quia, ut dicit Beatus Cyrillus in libro Thesaurorum, nulli alii, quam Petro Christus, quod suum est, plenum commisit, sed ipsi soli dedit. Secundo, quoniam si aliis Apostolis data fuisset potestas in ea plenitudine, qua Petro data est, Petrus nec major, nec superior, nec Princeps, nec caput fuisset Apostolorum: sed omnes jurisdictionis auctoritate pares fuissent: quod est erroneum. Ut enim Sanctus Anacletus inquit, in cap. Sacrosancta. dist. XXII. Inter Apostolos quædam fuit discretio; licet enim omnes Apostoli essent, Petro tamen a Domino concessum est, ut reliquis omnibus præesset Apostolis, & Cephas, id est, Caput, & principatum teneret Apostolatus. Secunda vero pars minoris quæ dicit, quod etiam Christus non dedit Apostolis potestatem aliquam limitatam, & coarctatam, patet: quoniam nullibi in Evangeliiis Christus legitur aliquam talem potestatis limitationem Apostolis indulgisse; nec possibile est fingere certitudinem talis limitationis. De talibus autem, quæ facta esse dicuntur, maxime circa Apostolos, de clavibus Ecclesiæ, nihil videtur asserendum, quod de scripturis sanctis non habeat testimonium explicate vel implicate, quod in hac parte non datur. Et hoc de primo puncto brevitatis causa sufficiat: in quo ostendendum erat, non esse usquequaque probabile, Apostolos alios a Petro, potestatem jurisdictionis immediate suscepisse a Christo.

Reliquum est jam ostendere secundum.

Quod dato, quod Apostoli immediate a Christo potestatem jurisdictionis, sicut ordinis receperint, non tamen concedendum sit, sed omnino negandum, quod alii Prælati Ecclesiæ, nunc suscipiant potestatem jurisdictionis a Christo immediate; non enim sequitur: Apostoli, qui primi fuerunt lapides ædificii Ecclesiæ, habuerunt immediate potestatem a Christo; ergo & alii Prælati Successores illorum, nunc ab ipso immediate suscipiunt. Sicut exemplariter non sequitur: si Deus institutione mundi immediate fecit cælos, & Elementa, & alias partes principales mundi, sicut prima individua specierum; quod in propagatione rerum institutarum illa fiant immediate a Deo, quæ fuerunt secundum speciem facta immediate in mundi constitutione. Immo sunt multa mediante virtute cælesti, & mediantibus aliis causis secundis: sol enim & homo generant hominem, dicit Arist. II. Phys. Quod autem Prælati Ecclesiæ non immediate a Christo potestatem suscipiant jurisdictionis, sed mediante Romano Pontifice, ejus Generali Vicario, multipliciter ostenditur. Et primo quidem hoc manifestum redditur omnibus illis auctoritatibus, & rationibus superius inductis, quibus ostensum est, Apostolos non a Christo immediate, sed mediante Petro Ecclesiæ Principe ab eo constituto, potestatem jurisdictionis suscepisse: cum eam habitudinem, quam habuit Petrus, postquam fuit Papa ad Apostolos & primitivam Ecclesiam, habeat Papa ad omnes Prælatos Ecclesiæ & ad omnes Ecclesias; cum succedat Petro in eadem plenitudine potestatis. Quod probatum est de Petro respectu Apostolorum, & Discipulorum Christi, probatum relinquitur de quolibet Successore suo legitimo Rom. Pontif. respectu omnium Prælatorum Ecclesiæ. Præterea in speciali, auctoritate videtur ostendi manifeste, primo per illud, quod habetur in cap. Omnes, dist. XXII. ubi sic dicit Nicolaus Papa: Omnes sive Patriarchæ cujuslibet apicem, sive Metropol. Primatus, aut Episcopatum Cathedras, vel Ecclesiarum, sive cujuscunque ordinis dignitatem instituit Romana Ecclesia. Ad idem secundo est Auctoritas Beati Clementis, qui, ut habetur in cap. In illis, dist. LXXX. dicit: quod in illis civitatibus, in quibus olim apud Ethnicos

nicos primi flamines eorum, atque primi legis Doctores erant, Episcoporum primates atque Patriarchas, Beatus Petrus poni præcepit, qui reliquorum Episcoporum causas & majora negotia in fide, id est, fidehiter (ut ait Glossa) agitentur: in illis autem, in quibus dudum apud prædictos Ethnicos erant eorum Archiflamines; quos tamen minores esse tenebant, quam memoratos Primates, Archiepiscopos institui præcepit. In singulis vero reliquis civitatibus singulos, & non plures Episcopos constitui præcepit, qui Episcoporum tantum vocabula fortirentur: quoniam nec inter ipsos Apostolos par fuit institutio, sed unus præfuit omnibus. Manifestum est autem, quod hæc fundamentalis dependentia, dignitatis, ordinis, & gradus cæterarum Ecclesiarum, ab Ecclesia Romana intelligi sane non possit, nisi per hoc, quod cæterarum jurisdictionis auctoritas intelligatur ab Apostolica Sede derivata. Quare Sanctus Thomas in fine secundi Sententiarum dicit: Quod sicut se habet potestas Dei ad omnem potestatem creatam, sic etiam se habet potestas Imperatoris ad potestatem Proconsulis, sic se habet potestas Papæ ad omnem potestatem in Ecclesia. Quia ab ipso Papa gradus dignitatum diversi in Ecclesia disponuntur & ordinantur: unde ejus potestas est quoddam Ecclesiæ fundamentum, ut patet Matth. XVI. Hæc Sanctus Thomas. Tertio auctoritate hoc ipsum ostenditur, per illud quod habetur in cap. Decreto. II. Quæst. VII. ubi Beatus Gregorius ita dicit: "Quod Sancta Romana Ecclesia vices suas ita aliis impartitur Ecclesiis, ut in partem sint vocatæ sollicitudinis, non in plenitudinem potestatis." Item eadem sententia ponitur in cap. Sequ. ubi Vigilius Papa ita dicit: "Ecclesia Romana, quæ prima est, ita reliquis Ecclesiis vices suas credidit largiendas, ut in partem sint vocatæ sollicitudinis, non in plenitudinem potestatis." Præterea hoc idem ratione probatur sic: In omni principatu potestas jurisdictionis derivatur ad quæcumque personam illius principatus a Monarcha, sive principe illius principatus: sed rapa est princeps, sive Monarcha in sacro Ecclesiæ principatu: ergo sequitur, quod potestas jurisdictionis omnium inferiorum prælatorum derivatur a rapa. Confe-

quentia bona: Major patet ex sententia Dionysii, qui tam in Ecclesiæ quam cælesti Hierarchia docet, ab ipso Hierarcha ad omnes Hierarchiæ personas descendere irradiationis profluxum. Minor vero, quod solus Papa sit princeps & Monarcha totius Ecclesiastici principatus, superius inductis auctoritatibus ostensum est; in quibus Sancti Patres ipsum, & Ecclesiæ totius principem, & Caput prædicant, & attestantur. Dicit etiam Chrysost. super Actus Apostolorum: Quod Petrus a filio super omnes, qui filii sunt, accepit potestatem, non ut Moyses in gente una, sed in universo orbe: & Theophyl. super illud Lucæ XXII. Tu aliquando conversus confirma fratres tuos; dicit, quod Petrus obtinuit, ut esset Antistes mundi. Item in Ecclesiastico Officio legitur ei Christus dixisse: Super plebem meam principem te constitui. Præterea secundo sic confirmatur idem ratione, & primo: In unoquoque ordine, in quo maxime residet plenitudo virtutis, sive potestatis, originaliter dependet virtus omnium sequentium in illo ordine. Sed Romanus Pont. est primus in ordine Prælatorum Ecclesiæ, & in quo solo residet plenitudo Ecclesiasticæ potestatis; ergo sequitur, quod potestas omnium sequentium Prælatorum Ecclesiæ, dependeat, & derivetur ab ipso Romano Pontifice. Consequentia est bona; Major colligitur ex Sententia Arist. II. Metaph. Minor est Canon Concilii Constantinopolitani, dicentis: "Veneramur secundum Scripturas, & Canonum diffinitiones, Sanctissimum antiquæ Romæ Episcopum primum esse, & maximum omnium Episcoporum." Item in Concilio Chalcedonenfi acclamatum legitur a tota Synodo Papæ Leoni: "Leo Sanctissimus Apostolicus, & Oecumenicus, & universalis Patriarcha, per multos annos vivat." Confirmatur hoc argumentum per illud Beati Isidori, qui, ut dicitur in cap. In novo. dist. XXI. ita dicit: In novo testamento post Christum Dominum a Petro cæpit Sacerdotalis Ordo: & causam subjungens, ait: Quia ipsi primo pontificatus in ecclesia datus est, dicente Domino ad eum: Tu es Petrus, & super hanc petram edificabo ecclesiam meam. Item tertio sic idem confirmando: Inter habentia ordinem secundum influentiam, omnia, quæ

aliis influunt, virtutem influendi recipiunt a primo illius ordinis; sed ordo, qui est inter Romanam ecclesiam, & alias ecclesias; sive inter Romanum Pontificem, & prelatos ceteros; est secundum influentiam, prout unus movet alium ad actus hierarchicos; ergo potestas jurisdictionis omnium Prælatorum Ecclesiæ derivatur a Romano Pontifice. Consequentia est bona: Major patet ex commento primæ propositionis de causis. Causa enim secunda virtutem causandi habet a prima. Minor vero patet auctoritate Beatissimi Cypriani, qui ut in cap. Loquitur. XXIV. Quæst. I. Ecclesias particulares ad Ecclesiam Romanam comparat, sicut radios ad solem, fluvios ad fontem, sicut ramos ad radicem. Quare dicit Petrus Ravennas, quod stipiti rami, quod Capiti membra, quod soli radii, quod fonti rivuli, hoc Apostolicæ Sedis reverentiæ debent omnes Ecclesiæ, quas ubique terrarum Religio Christiana fundavit. Quarto sic confirmatur eadem ratio: Omnia membra a capite accipiunt immediate derivationem virtutis, sensus, & motus sui regiminis, sed Ecclesia Romana est Caput cæterarum Ecclesiarum: Ergo cæteræ Ecclesiæ, & earum Prælati, potestatis suæ originem suscipiunt a Romana Ecclesia, sive a Rom. Pontifice. Consequentia est bona: Major patet, quoniam, ut superius habitum est ex sententia Isidori, ex eo datum est Capiti hoc nomen, quod sensus omnes & nervi inde initium capiant, atque ex eo omnis vigendi causa oriatur. Minor vero ponitur in cap. Sacrosancta. dist. XXII. ubi Sanctus Anacletus ait: Quod Apostolica Sedes (Caput & cardo scilicet omnium Ecclesiarum) est a Domino, & non ab alio constituta: & sicut cardine ostium regitur, sic huiusmodi Apostolicæ Sedis auctoritate, omnes Ecclesiæ Domino disponente reguntur. Quinto sic: quilibet fidelis tenetur credere unam esse Sanctam Ecclesiam Catholicam: Sed ad unitatem Ecclesiæ requiritur, quod omnium Prælatorum potestas jurisdictionis derivetur a Romano Pontifice; Ergo necesse est, quod quilibet fidelis hoc credat & teneat. Consequentia bona: Major patet, cum sit Articulus fidei, & dicatur Canticorum VI. Una est columba mea, una est perfecta. Dicit Glossa: id est, Ecclesia.

Minor probatur: quoniam unitas Ecclesiæ, ut habetur a Beato Cypriano in Epistola de unitate Ecclesiæ, & habetur in cap. Loquitur. XXIV. quæst. I. necessario attenditur in ordine ad unam fontalem originem totius potestatis Ecclesiasticæ, quam esse dicit Apostolicam Sedem, sive Romanum Pontificem, super quem fundatam esse, dicit Ecclesiam. Unde ait: Ecclesia Dei luce perfusa, per totum orbem radios suos porrigit; unum tamen est, quod ubique diffunditur, nec unitas corporis separatur; radios suos per universam terram copia ubertatis extendit, profluentes largitur rivos, latius expandit; unum tamen caput est, & una origo, & una mater fecunditatis copiosa. Hæc ille. Item Sanctus Thomas contra gentes Lib. IV. cap. LXXXVI. dicit: Soli Petro promisit: Tibi dabo claves Regni cælorum: ut ostenderetur potestas clavium per eum ad alios derivanda, ad conservandam Ecclesiæ unitatem. Ex quibus manifeste colligitur, pertinere ad unitatem Ecclesiæ, quod a Romano Pontifice omnium aliorum Prælatorum derivetur auctoritas: quæ erat minor probanda.

Sexto arguitur confirmando præcedentem rationem sic: teste Beato Dionysio, X. cælestis Hierarchiæ, omnes Hierarchiæ sunt etiam connexæ, & ordines ipsi cujuslibet Hierarchiæ sunt etiam connexi. Hæc autem connexio, secundum ejusdem Divini Doctoris doctrinam, ut Sanctus Thomas & Albertus declarant, non tantum attenditur per relationem ad unum ultimum finem, secundum quem omnis Hierarchiæ finis est similitudo, & unitas ad Deum; sed secundum ea, quæ sunt de essentia hierarchiæ, scilicet secundum ordinem, scientiam, & actionem. Secundum ordinem quidem, in quantum in omnibus hierarchiis invenitur distinctio per primum, medium, & ultimum. Secundum scientiam vero, in quantum irradiatio extenditur, procedendo a primo usque ad ultimos. Secundum actionem autem, in quantum primi habent actionem hierarchicam in medios, & per medium in ultimos; Sed ecclesia nostra a Deo est ad instar hierarchiæ disposita, & formata; ergo necesse est, nisi hierarchiam nostram inconvenientissime asserere inconnexam vellemus, potestatem eccle-

ecclesiasticam a primo nostræ Hierarchiæ, qui est Romanus Pontifex, in omnes inferiores procedere, & derivari. Processus patet. Hujus autem connexionis hierarchiæ nostræ duo sunt evidentissima testimonia: primum est, quod qui a Beati Petri societate, & connexione Apostolicæ Sedis segregatur, non potest absolvi a peccatis. Secundum est, quod talis existens, si Prælatus sit, ipsa potestate ecclesiastica denudatur. De primo habetur in gloss. Matth. XVI. quod Petrus ideo specialiter claves Regni cælorum, & principatum judiciariæ potestatis accepit, ut omnes per orbem credentes intelligant, quod quicumque ab unitate fidei, & societate Petri, quovis modo segregantur, nec vinculis peccatorum absolvi, nec janua Regni cælestis ingredi possunt. De secundo habetur in cap. Factus, & in cap. Novatianus. VII. quæst. I. & in cap. Dicimus. XXIV. quæst. I. quæ omnia sunt Beatissimi Cypriani testimonia. Superfedeo autem multis aliis, quæ induci possent, maxime ex institutionibus, confirmationibus, mutationibus, translationibus, & depositionibus, quas circa Ecclesias, & earum Prælatos, Sedes Apostolica jure ordinario facere solita est, quas facere minime liceret, nisi earum jurisdictionis auctoritas ab ipsa Apostolica Sede, modo supradicto dependeret: quod pro observanda brevitate sermonis, tantum de isto secundo puncto dixisse sufficiat.

Duobus jam punctis luculenter expressis, venio ad tertium, in quo dicendum institui, quod etiam dato, licet non concessio, quod præsuppositum, & fundamentum Reverendissimi Patris Domini argumentis verum esset, videlicet, quod Ecclesiæ Prælati potestatem jurisdictionis a Christo immediate reciperent, sicut Papa, non tamen ex hoc habetur, quod Decretum præfatum Constantiense in illa parte contineat veritatem fidei Catholicæ; Primo, quia dato, quod quilibet Apostolorum, & nunc quilibet Ecclesiæ Prælatus, potestatem jurisdictionis immediate a Christo habuisset, non tamen ex hoc habetur, quod tota Ecclesiæ communitas collegialiter talem a Christo potestatem immediate accepisset. Secundo dato, quod Apostoli tunc, & nunc

Ecclesiæ Prælati immediate a Christo potestatem suscepissent, non habetur, quod Decretum illud Constantiense contineat veritatem, dicens, quod Concilium universale habet potestatem immediate a Christo, cui etiam Papa obedire tenetur. Qui enim Apostolos dicit cum Petro, & Prælatos cæteros cum papa a Christo immediate jurisdictionis potestatem suscipere, debet animadvertere, si errorem Indorum & Armenorum, & quondam Græcorum, Valdensium, pauperum de Lugduno, & novissime Bohemorum vitare vult; quod non æqualem omnes Apostoli cum Petro, nec Prælati cum ejus Successore Romano Pontifice, suscipiunt potestatem. Solus quidem papa inter eos tamquam caput totius corporis Ecclesiæ suscipit: & ideo ipse solus in toto corpore Ecclesiæ plenitudinem potestatis accepit; cæteris, ut supra habitum est, in partem tantum sollicitudinis evocatis, ut ait Beatus Gregorius in cap. Decreto. II. quæst. VII. In cujus testimonium, cum soli petro potestas a Christo promittitur, dicitur: Tibi dabo claves Regni Cælorum: & quodcumque ligaveris super terram, erit ligatum & in cælis. Matth. XVI. Cum Apostolis vero alia forma servatur, dicitur enim: Quæcumque alligaveritis super terram, erunt ligata & in cælo. In cælo uno dicit, non in cælis sicut petro dixerat, ait Origines, & inducitur in Glossa continua: quia non sunt tantæ perfectionis sicut petrus; Quare sicut in corpore naturali, cui Apostolus ipsum Ecclesiæ corpus simile esse dicit, ad Rom. XII. nulla aliorum membrorum multitudo adæquat virtutem capitis; etiam si mille manus, mille pedes, mille oculi, & sic de aliis particularibus membris, in corpore aggregarentur. Ita in corpore mystico Ecclesiæ nulla membrorum Ecclesiæ multitudo adæquare potest virtutem, & amplitudinem potestatis capitis Ecclesiæ, scilicet Romani Pontificis. Quo ergo jure Prælati Ecclesiæ congregati, majores potestate, aut superiores Romano Pont. Capite & principe totius Ecclesiæ, dicendi sint, non invenio. Quo circa inter veritates Catholicæ fidei, nullo modo annumerandum venit, nisi aliunde apertiori testimonio Sacræ Scripturæ, aut Sanctorum patrum fuerit roboratum:

ratum. Dicit enim Hieronymus ad Demetriadem Virginem : Quod de Scripturis Sanctis Auctoritate non habetur , eadem facilitate contemnitur , qua probatur.

Tribus jam punctis breviter expeditis, venio quarto loco ad respondendum auctoritatibus , & rationibus inductis per patrem & Dominum arguentem ; pro hac parte Decreti Constantiensis, quæ dicit, quod Concilium universale potestatem habet immediate a Christo , cui &c. Prima auctoritas inducta fuit illa Matth. XVI. ubi Christus ait : Si peccaverit in te frater tuus , corripe eum inter te & ipsum solum &c. Sequitur : Si te non audierit, dic ecclesiæ : & si ecclesiam non audierit, sit tibi sicut Ethnicus & publicanus : Quod per Ly Ecclesiam, non solus prælatus, sed Ecclesia ipsa universalis accipienda sit, patet per Glo. ordinariam, quæ in eo loco sic habet : Vel dic Ecclesiæ, id est, toti Ecclesiæ. Ad istam auctoritatem, in qua maxime adversa pars fundamentum facere videtur, responsurus, duo faciam. primo ostendam, quod in auctoritate Christi per Ecclesiam, cui tanquam judici, fratris nostri peccatum post admonitionem denunciari præcipitur, ex sensu litterali, non universalis Ecclesiæ, nec Concilium universale, sed prælatus intelligendus sit. Secundo ostendam, quod dato, quod quandoque ad Concilium universale auctoritas illa per aliquos applicetur ; ex hoc tamen nulla superioritas in Concilio arguitur supra papam. Primum autem, videlicet, quod in dicta auctoritate, per Ecclesiam, cui tanquam judici, delinquentis fratris peccatum denunciari præcipitur, non sit accipienda ex ipsa principali intentione Legislatoris, universalis Ecclesiæ, nec dispersa per orbem, nec conciliariter congregata, clarissime ostenditur ; supposito primo cum omnibus Doctoribus Sacræ Scripturæ, quod correctio fraterna, de qua in præfata auctoritate a Christo datur generalis doctrina, cadat sub præcepto. Quo præsupposito, clarissimum est primo, auctoritatem prædictam de Ecclesiâ universali per orbem dispersâ, non posse accipi ex ipsâ impossibilitate adimplendi. Ait enim Hieronymus : Anathema sit, qui Deum dixerit aliquod impossibile præcepisse.

Secundo, hoc idem patet de Ecclesiâ conciliariter congregata, tum ex ipsâ raritate Conciliorum universalium ; tum ex eo, quod Synodorum congregandarum auctoritas, non in cujuslibet est potestate, sed solum Romani Pontificis, ut distinctione decima septima habetur : tum propter ipsam oneris insupportabilem gravitatem, qua populus Christianus gravaretur, si pro adimplendo præcepto de correctione fraterna, teneretur venire ad Concilium universale, etiam actu congregatum. Tanta autem gravitas repugnat suavitati Legis Christi, qui ait Deuteronom. XXX. Mandatum hoc, " quod ego præcipio tibi hodie, non est " supra te, nec procul positum, nec in " celo situm, ut possis dicere, quis " nostrum ad cælum valet conscendere, " ut deferat illud ad nos, ut audiamus, " & opere compleamus ? neque trans " mare positum, ut causeris, & dicas, " quis ex nobis transfretare poterit, & " illud ad nos deferre, ut possimus au- " dire & facere, quod præceptum est ? " sed juxta te est valde." Gloss. interlin. Mandata Dei moderata & temperata sunt humanis viribus : & Matth. II, dicit ipse Legislator : Jugum enim meum suave est : & onus meum leve. Plane non leve esset præceptum Domini de correctione fraterna, si fidelis quilibet id adimpleret, ad universale Concilium actu existens venire esset obnoxius, ad quod procul dubio obnoxius esset, si per Ecclesiam, cui denunciandum est delinquentis fratris peccatum, non Prælatus, sed Synodus universalis ex ipsâ intentione litteralis sensus accipienda veniret. Quare manifestum videtur, non esse de intentione Legislatoris Salvatoris nostri Dei, per Ecclesiam in prædicta auctoritate, designari universalem Ecclesiam, nec Concilium universale ; sed Prælatum præidentem, secundum eum intelligendi modum, quo Philosophus IX. Ethicorum dicit, quod civitas est id, quod principale est in ea. Quod etiam multiplici testimonio roboratur. primo ex eo manifeste colligitur, quod Christus non universali Ecclesiæ, nec alicui Synodo universali, sed tantum Apostolis ipsis, & eorum Successoribus Ecclesiæ Prælati ait : Amen dico vobis, quæcunque ligaveritis super terram, erunt ligata

ligata & in cælo : ubi gloss. Hieronymi ait : Hanc potestatem tribuit Apostolis. Secundo patet ex gloss. Origenis, qui, ut habetur in gloss. continua ponderans illud : Quæcunque ligaveritis super terram, erunt ligata & in cælo, non dixit in cælis, sicut Petro, sed in cælo uno, quia non sunt tantæ perfectionis, sicut Petrus. Tertio patet ex auctoritate Beatissimi Chrysostomi, qui super Matthæum, ut habetur in gloss. continua, exponit : Dic Ecclesiæ : id est, his, qui Ecclesiæ præsunt. Quarto auctoritate Beati Thomæ, qui & in quarto dist. XIX. & in Secunda II. quæst. XXXIV. in materia de correctione fraterna exponit : Dic Ecclesiæ, id est, Prælato in iudicio præsidenti. Quinto auctoritate Alberti Magni super Matth. qui ait sic in forma : Dic Ecclesiæ, hoc est, Prælato in Conventu, & Synodo; ita quod Ly, Synodo, sicut Ly, Conventu, in ablativo ponitur. Unde subjungit : Si Ecclesiam non audierit, ut secundum arbitrium Prælati corrigatur, sit tibi quasi ethnicus & publicanus. Sexto, ad idem est Dominus Hugo Cardinalis, primus postulator Babilonæ, qui juxta duas gloss., quæ ponuntur in gloss. continua, quarum una dicit : Dic Ecclesiæ, id est, eis, qui Ecclesiæ præsident : & alia dicit, dic Ecclesiæ, id est, toti Ecclesiæ, ut majorem erubescenciam habeat, dicit super Matth. sic : Si privata persona corrigit, sic exponendum est, dic Ecclesiæ, id est, coram Prælato Ecclesiæ eum convince per testes, quos nolumus audire corripientes, & hoc juxta primam gloss., si vero Prælatus corripit, sensus est : Dic Ecclesiæ, id est, coram Ecclesia illum excommunicat, id est, coram congregatione Fidelium. Eandem sententiam persequitur Magister Nicolaus Gorram super Matth. Septimo ad idem communis est expositor litteralis magister Nicolaus de Lyra : qui exposuit super Matth. Dic Ecclesiæ, id est, Prælato. Octavo ad idem est glossa Decret. in cap. Si peccaverit. II. q. I. quæ eum similiter exponit : dic Ecclesiæ, id est, Sacerdoti. Nono patet testimonio Innocentii Papæ, qui in cap. Novit. extra de iudiciis, de Pastore, & Prælato universalis Ecclesiæ, scilicet de Romano Pontifice illam exponit. Decimo patet ex practica & consuetudine observata a Sanctis, & ab universitate fidelium, & ab ipso nascentis Ecclesiæ exordio. Manifestum est autem, quod

Tomus V. Concilior. German.

practica observata in Ecclesia Dei circa observantiam præcepti de correctione fraterna semper fuit, & est, denuntiare prælato, & non universali Ecclesiæ, sive dispersæ, sive congregatæ, fratris errantis peccatum. Cum ergo consuetudo observantiæ sit interpret legis, & ut dicit Augustinus libro de Mendacio, ex factis Sanctorum colligamus, quid in scripturis sentire debeamus : manifestum est, quod verus ac proprius, ac principalis intellectus præfatæ auctoritatis sit, & per Ly, Ecclesiæ, cui tamquam iudici denuntiatio fienda est, Prælatus Ecclesiæ intelligendus veniat, & non universalis Ecclesiæ Synodus. Ad argumentum autem, quod quidam Professores adversæ partis contra hoc faciunt : videlicet, quod cum Christus in hoc loco Petro loqueretur, qui futurus erat prælatus Ecclesiæ, & nemo remitteretur ad se ipsum per Ecclesiam, cum dicitur, dic Ecclesiæ, non intelligendus sit Prælatus, sed universalis Ecclesia eo modo, quo haberi potest, scilicet Synodaliter congregata, responsio est manifesta. Dicitur enim primo, quod hæc doctrina data a Christo de correctione fraterna, generalis est, omnes fideles respiciens, & non solum Petrum, licet ad ipsum specialiter vice omnium directus sit sermo Domini, in signum principatus sui super alios. Et ita Christus tam subditos, quam prælatos, ad observantiam huiusmodi præcepti obligare voluit. Verum, ut superius commemoratum est, ex sententia Domini Hugonis Cardinalis super Matth. exponentis juxta duas Gloss. ordinarias dupliciter hunc textum, alia est intelligentia huius nominis Ecclesiæ, quando privata persona corrigit, & alia, quando publica persona. Nam si privata persona corrigit, tunc est sensus : Dic Ecclesiæ, id est, Prælato, si vero publica persona corrigit, tunc est sensus : Dic Ecclesiæ, id est, coram congregatione eum obijurga ; ut sic, quemadmodum ait Gloss. Majorem erubescenciam patiat : vel coram congregatione eum excommunicat, ut sic, quemadmodum ait Hieronymus, multorum detestationi habitus opprobriis salvetur, qui pudore salvari non potuit. Sed cum hoc modo Prælatum remitti ad Ecclesiam, non sit remitti ad Superiorem, sive ad Judicem, ut de se patet ; Manifestum est, quod ratio ex adverso

V v v v v

in

in nullo probat intentum. Præterea ratio præfata non procedit: quoniam non videtur inconveniens, quod quis remittatur ad seipsum secundum aliam & aliam habitudinem consideratum. Prælati enim, ait Sanctus Thomas in IV. Distinct. XIX. IV. II. dupliciter potest considerari: aut secundum quod in iudicio præsidet, & sic Prælati, inquit, est dicere Ecclesiæ: aut extra iudicium existens, & sic dicere Prælati, non est dicere Ecclesiæ: per quem modum persona in prælatione constituta, potest a se, ut est privata, remitti ad se, ut est persona publica: & tunc dicere Ecclesiæ, nihil aliud est, quam exire in actum iudicii. Quomodo Beatus Gregorius scribens Joanni Patriarchæ Constantinopolitani. super usurpatione vocabuli universalis Ecclesiæ, Epistola CCLXV. ostendit, sic dicens: "Nos quidem in quibus talis tantaque per aulum nefarium culpa committitur, servamus, quod præcipit Veritas dicens: Si peccaverit in te frater tuus, corripe eum inter te, & ipsum; si autem te non audierit, dic Ecclesiæ: si vero Ecclesiam non audierit, sit tibi sicut ethnicus & publicanus. Ego itaque per responsales meos semel & bis, verbis humilibus, hoc, quod in tota Ecclesia peccatum corripere statui, per me scribo: quidquid humiliter facere debui, non obmisi: si in mea correctione despicitur, restat, ut Ecclesiam debeam adhibere." Hæc Gregorius: ubi Ecclesiam adire, vel adhibere, est censuram Ecclesiasticam apponere, sicut fecit, non convocando super hoc aliquod Concilium universale. Præterea hoc modo ait Nicolaus Papa, sicut habetur in cap. Præcipue: ubi ita dicit Regi Lothario: "Ceterum cave, ne quando nobis, secundum præceptum Domini, duos vel tres testes adhibeamus, immo vero hoc sanctæ Ecclesiæ dicamus, & quod non optamus, de cetero cunctis fiat ethnicus, & publicanus." Quod vero ibi per Ecclesiam, non alium Iudicem, quam se ipsum intelligat, patet ex Gloss. quæ in eo loco dicit: Sic ergo in causa denunciationis, idem potest esse Iudex, accusator & testis: & extra de Simonia. cap. Licet. Ceterum ipse Beatus Petrus, in cuius persona hæc Constitutio Divina primo emanavit, absque hoc, quod universali Ecclesiæ diceret, aut universale Concilium convocaret, Ananiam & Sa-

phiram ejus conjugem sua auctoritate damnavit. Nimirum plane foret periculosum asserere, Beatum Petrum, aliosque Sanctos Patres transgressores extitisse Divini præcepti, qui ad correctionem peccatorum, absque denunciando universali Ecclesiæ sua auctoritate processerunt. Amplius, si cum dicitur, si in te peccaverit frater tuus &c. dic Ecclesiæ, semper recursus habendus esset ad aliquem alium; immo nunquam Papa, aut alius Prælati veniret judicaturus eum, qui in ipsum peccaret: quod est inconvenientissimum, & ab omni ratione & veritate separatum. Ad confirmationem autem inducitur est Glossa ordinaria per Patrem & Dominum Arguente, qui ait: Vel dic toti Ecclesiæ: licet etiam ex superioribus in responsione præcedentis argumenti pateat copiose satis responsio ejus; nihilominus dicitur, quod Gloss. in nullo deservit proposito partis suæ, quin immo omnino ejus infirmat intentionem, si Gloss. bene videatur. Gloss. autem ita dicit: Vel dic toti Ecclesiæ, ut majorem erubescerentiam patiatur: post hæc omnia, sequatur excommunicatio, quæ fieri debet per os Ecclesiæ, id est, per Sacerdotem, quo excommunicante tota Ecclesia cum eo operatur. Hæc Glossa, in qua Gloss. tria veniunt ponderanda: primo, quod cum ait, vel dic toti Ecclesiæ, per totam Ecclesiam non est accipienda universalis Ecclesia: quia, ut superius ostensum est, fidelibus in diversis regionibus orbis constitutis, adimplere hoc esset impossibile, sed illa totalitas Ecclesiæ accipienda est valde stricte. Quandoque enim pro collegio Cardinalium, quandoque pro congregatione una conventuali, quandoque pro congregatione una capitulari, quandoque pro congregatione una Synodali, aut Provinciali, quandoque pro congregatione una parvæ familiæ. Sic enim accommodata locutione quandoque nomine universæ Ecclesiæ Sacra Scriptura utitur, sicut Apost. ad Rom. ultimo ait: Salutat vos Cajus hospes meus, & universa Ecclesia. Ubi per universam Ecclesiam, solam provinciam Caji intelligit, ut ait Gloss. Secundum considerandum est in prædicta Gloss. quod dicendum esse toti Ecclesiæ, dicit, ut majorem erubescerentiam patiatur, in quo nihil auctoritatis attribuit communitati. Quocirca manifestum, quod remitti

mitti Prælatus hoc modo ad commun-
nitatem, non est remitti ad superiorem.
Tertio ponderandum est, quod ait: "Et
" post hæc sequatur excommunicatio,
" quæ fieri debet per os Ecclesiæ, id est,
" per Sacerdotem." Ubi manifeste in-
nuit, quod non apud communiatem,
sed apud Prælatum, qui os & vertex est
Ecclesiæ, sit auctoritas iudicii: quo ex-
communicante, sive uniente, tota illa
Ecclesia, quæ est corpus ejus, cujus con-
sensu & approbatione in contumacem
fratrem Prælatus sententiam condemna-
tionis profert, dicitur cum eo operari.
Et hoc de primo, quod erat dicendum
juxta auctoritatem illam. Secundo di-
citur, quod & si aliquando prædicta au-
thoritas ad Concilium universale Apo-
stolica auctoritate solum applicetur, aut
ad Concilium universale Sede vacante,
non tamen propter hoc habetur intentio
arguentis; videlicet, quod universalis
Synodus supra Papam, unicam & indu-
bitatam iudicii potestatem haberet; &
quod Papa extra casum hæresis, veniat
Ecclesiæ denunciandus. Si vero dicatur,
quod Papa frater noster est: ergo vide-
tur, quod ad eum se extendat auctoritas
præfata, quæ ait: Si peccaverit in te
frater tuus, &c. dicendum, quod Papa
cum hoc, quod est frater noster, & natu-
ræ conformitate, & fidei religione, est
etiam Princeps & Caput totius Ecclesiæ
universalis, supremam habens potesta-
tem in Ecclesia. Ratio primi, scilicet,
quia frater noster, extendit se ad eum
auctoritas in ea parte, in qua simplex
tangitur correctio fraterna, prout est
actus charitatis, videlicet pro ut dicit
quamdam caritativam admonitionem,
quæ potest esse inferioris ad superiorem,
sicut & ipse caritatis affectus: ratione
vero secundi, videlicet, quod Princeps
& Pastor, supremam potestatem Eccle-
siæ habens, totius gregis Dominici est;
non extendit se ad eum auctoritas præ-
fata in ea parte, in qua contra non susci-
pientem correctionem fraternam jube-
tur Ecclesiæ denunciationem fieri, &
correctionem justitiæ per coarctationem
pœnæ exhiberi. Quoniam cum hoc
genere correctionis nemo corrigendus
veniat, nisi a superiore, ad illos tantum
se extendit Christi institutio, qui superio-
rem habent in terris, cujusmodi non
est Papa, quem Christus utpote Vicarium
ejus supremum omnibus fidelibus, sive

Tomus V. Concilior. German.

dispersis, sive in unum convenientibus
præesse voluit; & ideo peccata illius solo
suo reservavit iudicio. De hoc plurima
inferius dicenda venient, ideo pro nunc
dixisse de ista auctoritate sufficiat.

Secunda Auctoritas inducta est illa
Joan. XX. ubi Christus ait Apostolis:
Accipite Spiritum Sanctum, & quorum
remiseritis peccata, remittentur eis. Su-
per quo verbo Beatus Gregorius in Ho-
milia, ut deducit Sanctus Thomas in
Gloss. continua, ita dicit de Apostolis:
"Principatum superni iudicii sortiuntur,
" ut vice Dei quibusdam peccata reti-
"neant, quibusdam relaxent: quorum
"nunc in Ecclesia Episcopi locum te-
"nent, & solvendi atque ligandi aucto-
"ritatem suscipiunt, qui gradum regi-
"minis sortiuntur." Ad istam auctori-
tatem responderetur, ut Sanctus Thomas
respondet in IV. Sententiarum, ad quam
dicit Dist. XIX. quod ad absolutionem
a peccato requiritur duplex potestas,
scilicet potestas ordinis, & potestas juris-
dictionis. Prima quidem potestas ad-
æquatur in omnibus Sacerdotibus, non
autem secunda; & ubi Dominus Joan.
XX. dedit omnibus Apostolis commu-
niter potestatem remittendi peccata, in-
telligitur de potestate, quæ consequitur
ordinem. Unde & Sacerdotibus, quan-
do ordinantur, illa verba dicuntur: sed
Petro dedit singulariter potestatem re-
mittendi peccata, Matth. XVI. ut intelli-
gatur, quod ipse præ aliis haber potes-
tatem jurisdictionis. Hæc ibi Sanctus
Thomas. Secundo in eodem IV. Sen-
tentiar. Dist. XXIV. ad eandem auctori-
tatem respondens ait, "quod quamvis
omnibus Apostolis data sit communiter
potestas ligandi, & solvendi, tamen, ut
in hac potestate ordo aliquis signifi-
cetur, primo soli Petro data est, ut osten-
datur, quod ab eo in alios debeat ista
potestas descendere. Propter quod eti-
am ei dixit singulariter Christus: Con-
firma fratres tuos, & pascis oves meas,
id est, loco mei, ut dicit Chrysostomus,
Præpositus & Caput esto fratrum tuo-
rum; ut ipsi te in loco meo assumentes,
ubique terrarum te in throno tuo se-
dentem prædicent, & confirmant." Hæc
Sanctus Thomas. Ad idem est sententia
Alberti Magni, & Bonaventuræ. Ex qua
responsione cum duo colligamus, Primo,
quod auctoritas illa inducta Joan. XX.
de potestate ordinis, accipienda sit, quæ

V v v v v 2

æqua;

æqualis est in omnibus Sacerdotibus. Secundo, quod potestas jurisdictionis, quæ non est communis omnibus, nec æqualis in omnibus, in quibus est, a Petro, in quo solo per plenitudinem fuit, in alios derivata est. Pater, quod ex auctoritate illa non probatur quoquo modo veritas Decreti Constantiensis, nec quoad immediationem potestatis jurisdictionis a Christo, nec quoad superioritatem Conciliorum supra Papam.

Tertia auctoritas inducta in ordine per præfatum Dominum arguentem est illa Actor. XV. Placuit Apostolis & Senioribus cum omni Ecclesia, eligere viros ex illis, & mittere Antiochiam. Et infra: Visum est Spiritui Sancto, & nobis, nihil ultra imponere vobis oneris, quam hoc necessario, ut &c. Ex hac auctoritate arguit Dominus opponens, quod Apostoli & Seniores fecerunt Decreta. Ad hanc auctoritatem respondetur, quod in nullo probat Decretum præfatum veritatem continere. Primo quidem, quia licet aliquo modo concedatur, quod patres in Concilio existentes, simul concurrant cum Papa in condendo Canones, sicut hic de Apostolis cum Petro legitur; nihilominus principatus decretandi, sive auctoritas principalis competit Romano Pontifici, utpote qui Princeps est totius Reipublicæ Christianæ. Unde Gloss. Hieronymi super illo passu, & habetur in Epistola XXII. ejusdem ad Augustinum, commemorato, qualiter Jacobus & omnes presbyteri in sententiam petri transferant, inquit sic: "Non debent hæc molesta esse lectori, sed mihi, & illi utilia, ut probe-
" mus ante, Apostolum Paulum non
" ignorasse, Petrum principem esse hu-
" jus Decreti, legem post Evangelium
" non esse servandam." Ecce quod Hieronymus Decreti illius, quod in illa Synodo Apostoli & Seniores fecisse dicuntur, principem petrum appellat. Id quod sequitur: Visum est Spiritui Sancto, & nobis, non arguit aliquam jurisdictionem datam immediate a Christo, sive a Spiritu Sancto toti Collegio Apostolorum; sed bene arguit datam inspirationem ad intelligendam veritatem. Unde Venerabilis Beda in Gloss. ita dicit: Placuit Spiritui Sancto, qui arbiter suæ potestatis, ubi vult spirat, ubi vult loquitur: & nobis, non solum voluntate humana, sed instinctu Spiritus Sancti. Hæc

Gloss. Ex quibus verbis nihil habetur, nisi quod Petrus, & alii Apostoli, & Seniores in sententiam illius Canonis, de lege post Evangelium non servanda, instinctu Spiritus Sancti, sive Spiritu Sancto inspirante, & docente convenerant. Planum est autem, quod hujusmodi assistentia, qua Spiritus Sanctus sanctis congregationibus assistit inspirando, & docendo quid agendum sit, non abstulit a Petro tunc, nec nunc ab ejus Successoribus Romanis Pontificibus superioritatem, & præsentiam super Synodum, non unitatem Ecclesiæ, non connexionem totius corporis Ecclesiæ ad unum caput, Christi Vicarium: præcipue cum dicat Chrysostomus, quod Petrus erat vertex Collegii, & caput Apostolici chori. Et ita patet, quod auctoritas inducta non probat veritatem præfati Decreti Constantiensis.

Quarta auctoritas est illa, quæ Actor. XX. habetur. Attendite vobis & universo gregi, in quo posuit vos Spiritus Sanctus regere Ecclesiam Dei, quam acquisivit sanguine suo. Ad istam auctoritatem dicitur, quod ex ea non probatur intentum arguentis. Et primo quidem, quoniam si ex hoc, quod dicitur, quod Christus posuerit Presbyteros illos, ad quos sermo Pauli dirigebatur, regere Ecclesiam suam, arguatur, quod tales acceperint a Christo regimen immediate, sive potestatem jurisdictionis; consequentia nullas vires habet, immo sic arguens committit fallaciam figuræ dictionis, mutando quid in quale. Unde & Apostolus cum ait ad Rom. XIII. Non est potestas, nisi a Deo: immediate subjungit: Quæ a Deo sunt, ordinata sunt. Stat ergo, quod omnis potestas a Deo sit, & tamen, quod non immediate singulis conferatur a Deo, sicut Joan. primo dicitur: Omnia per ipsum facta sunt. Et nihilominus multa non immediate, sed mediantibus causis secundis a Deo sunt. Præterea secundo, si ex prædicta auctoritate arguens velit inferre, quod alii Apostoli, sive Prælati habeant potestatem regiminis Ecclesiæ, aut Superiorem Petro, aut æqualem; negabitur consequentia. Quoniam cum dicat Apostolus ad Rom. XIII. quod omnis anima potestatibus sublimioribus subdita sit: & subjungat: Quæ a Deo sunt, ordinata sunt: Oportet, quod prælatio attendatur secundum ascensum & descensum,

tum, non secundum æqualitatem. Quare necesse erit, ut arguit Dominus Cardinalis Bonavent. in IV. secundum rectum ordinem Ecclesiæ, quod suprema potestas regiminis & plenitudo jurisdictionis, stet in uno primo & supremo, in quo solo sicut in primo, & in simplicissimo in illo genere, est status omnis Prælationis Ecclesiasticæ. Quocirca cum alii a Petro dicuntur, aut Principes, aut Rectores Ecclesiæ, aut Pastores gregis Dominici, non est intelligendum, quod aut tales immediate constituti sunt a Christo, aut quod vocati sunt in plenitudinem potestatis: sed accipiendum est mediate, & secundum eam partem sollicitudinis; ad quam per supremum Pastorem in Ecclesia sancta Romanum Pontificem, vocati sunt. Unde Gloss. super illud primæ Petri V. Pascite, qui in vobis est gregem Dei, dicit sic: sicut Dominus Petrum totius gregis curam habere iussit: ita Petrus sequentibus Ecclesiæ Pastoribus jure mandat, ut quisquis, qui secum est, gregem Domini sollicita gubernatione tueatur.

Quinta auctoritas est illa, quæ habetur in cap. Firmiter, extra de Summa Trinit. §. Unam sanctam. ubi dicitur, Et est diffinitio in Concilio universali facta, quod Jesus Christus concessit claves Ecclesiæ Apostolis, eorumque Successoribus, ubi Joan. Andr. dicit, quod non soli Petro Christus claves concessit, sed & cæteris Apostolis. Ad hanc auctoritatem respondetur, & primo ad hoc, quod non ideo claves dicuntur Ecclesiæ, quod communitati totius Ecclesiæ datæ sint, ita quod singillatim, sive collegialiter omnes fideles, claves a Christo susceperint, cum teste Beato Ambrosio lib. de pœnit. & habetur a Magistro sententiarum in IV. Dist. XVIII. Jus hoc solvendi & ligandi, solis Sacerdotibus competat. Sed dicuntur esse Ecclesiæ triplici ratione: Primo, quia claves istæ datæ sunt potioribus partibus Ecclesiæ, sicut ait Hieronymus, quod datæ sunt Ecclesiæ in Episcopis & Presbyteris. Solitum est autem, ut patet nono Ethic. ut communitas dicatur, id quod principalissimum est in ea. Secundo dicuntur claves Ecclesiæ, quia potestatis, (*) quæ non potest perpetuari in uno, aut pluribus singularibus suppositis alicujus multitudinis, sed tantum per successionem, consuevit sæpe nominari & dici potestas

communitatis, licet omnibus de communitate talis (**) conveniat potestas; sicut est in privilegio perpetuo dato dignitati alicujus Ecclesiæ: & ita est de potestate clavium Ecclesiæ data in Episcopis & Presbyteris. Tertio ideo dicuntur claves Ecclesiæ, quia ad bonum totius Ecclesiæ, a Christo, Petro, & ejus Successoribus donatæ sunt: sicut etiam Sacramenta Ecclesiæ esse dicuntur, quia ad ejus utilitatem instituta, licet collatio Sacramentorum non ad totam communitatem, sed ad Ministros solos Ecclesiæ pertineat. Præterea ad id, quod consequenter in auctoritate ponitur, videlicet, quod Christus Apostolis, eorumque Successoribus claves concessit, respondetur, quod verum est, & etiam quod Joan. Andr. in Gloss. loquitur: sed ex hoc nihil auctoritatis inducitur pro veritate Decreti Constantiensis. Primo, quia quod dicitur, quod Christus omnibus Apostolis & Successoribus claves concessit, intelligendum est, ut patet ex superius inductis, Petro per se & immediate, aliis vero Apostolis mediante Petro. Secundo, quia quamvis non solus Petrus accepit claves, solus tamen, ut sæpe ex dictis Sanctorum commemoratum est, in plenitudine suscepit, upote aliorum princeps & caput. Ob quam prerogativam solus petrus cum clavibus depingitur, solus petrus de collatione clavium a Christo sibi facta in Ecclesia, inter cæteros præcipue commendatur.

Sexta auctoritas inducta per Dominum & patrem opponentem, fuit illa extra de pœnitent. & remiss. in cap. Nova: ubi dicitur, quod Apostolis omnibus Deus claves commisit. Ad istam auctoritatem patet per jam dicta responsio: per has enim & hujusmodi auctoritates, sicut jam probatum est, nec habetur, quod alii Apostoli a Petro, immediate a Christo susceperint potestatem jurisdictionis, nec quod, si suscepint, Superiorem aut æqualem cum Petro eorum principe potestatem habuerint.

Septima auctoritas inducta, est illa Augustini super Joan. & habetur in cap. Quodcumque. XXIV. quæst. prima. Ubi dicit Augustinus, quod si hoc, scilicet, quodcumque ligaveris super terram, tantum Petro dictum est, non hoc facit Ecclesia. Si autem in Ecclesia sit, utique quæ in terra ligantur & in cælo: &

V v v v v 3

quæ

(*) forte: potestas.

(**) addendum videtur: non

quæ soluta sunt in terra, soluta sunt in celo. Et sequitur: Si ergo in Ecclesia sit petrus, quando claves accepit, Ecclesiam sanctam significavit. Ad illam auctoritatem dicendum, quod nihil ex ea favoris, seu virtutis Decreto Constantiensi præstatur. Quoniam non est ea intelligentia Augustini in hoc loco, quam quidam prætendunt: videlicet quod Beatus petrus ita nomine Ecclesiæ, ut tanquam Syndicus ejus, aut procurator, sive vices gerens, a Christo claves accepit, cum ipse princeps, Caput, & Rector totius universalis Ecclesiæ in collatione clavium constitutus esse dicatur. Non autem stant hæc duo simul: quod Petrus in susceptione clavium a Christo, fuerit Syndicus Ecclesiæ, sive quod procuratorio nomine illas suscepit: & quod sit per claves illas princeps, Caput, & Rector Ecclesiæ a Christo constitutus. Cæterum hæc intelligentia, ex eo aliena a fide omnino judicanda est, quia Papa non Ecclesiæ Vicarius, sed Christi, non Ecclesiæ vices, sed Christi gerit in terris. Non ab Ecclesia potestatem suscepit, sed a Christo super Ecclesiam, quam gubernandam, regendamque suscepit. Præterea, quod dicitur, quod Petrus, quando claves accepit, Ecclesiam Sanctam significavit, non est ita accipiendum, quasi voluerit Augustinus, quod universo corpori Ecclesiæ, in omnibus ejus membris datæ sunt claves: cum in solis Episcopis & Presbyteris, testibus Beato Ambrosio, & Hieronymo illas suscepit. Sed hæc sana & vera Beatissimi Augustini intelligentia, quod non Petro tantum, ut singulari personæ, data sit auctoritas clavium; quoniam, ut Augustinus optime arguit, si tantum Petro data fuisset, jam nec absolutio, nec ligatio, nec aliqua reconciliatio fieret in Ecclesia. Cum ergo in veritate ita fiat, sequitur, quod non tantum Petro data sit, sed etiam data sit in eo Successoribus ejus, & universis Prælati futuris in Ecclesia Dei, quos in partem vocaret sollicitudinis suæ. Unde data est ei potestas clavium, ut signanti & repræsentanti universos Prælatos futuros in Ecclesia Dei, manentes in unitate corporis Christi, sive in societate Petri. Et hoc est ipsum Petrum cum claves accepit, Ecclesiam Sanctam significasse: ut patet ex ipsamet littera

bene considerata. Unde Dominus Archidiaconus in rosario suo, hunc locum ad istam intelligentiam exponens, ita dicit: Si hoc tantum Petro dictum est, scilicet ut ejus personam non transgrediatur, non hoc facit Ecclesia J. ejus auctoritas. Hæc ille. Plane hæc est vera intelligentia, hoc est veraciter Augustini argumentum, sicut iste Clarissimus Doctor exponit; si potestas data esset soli Petro, ita quod ejus personam non transgredereetur, profecto auctoritas ligandi & solvendi in Ecclesia non esset. Præterea quod ex ista auctoritate non sequatur aliquid pro veritate Decreti Constantiensis, patet ex ipsa Glossa ordinaria, quæ ita habet in hoc loco: Argumentum, quod sententia totius Ecclesiæ præferenda sit Romanæ, si in aliquo sibi contradicant. Argumentum Distinct. XCIII. legimus. Sed contrarium, inquit, credo, argumentum: infra eadem. Hæc est fides, nisi erraret Romana Ecclesia, quod non credo posse fieri, quia Deus non permetteret: cap. Arrecta. & cap. Pudenda. Hæc Glossa. & hoc de auctoritate ista.

Octava auctoritas inducta est ejusdem Aug. super Psalm., ubi ita dicit: Sunt quædam, quæ dicuntur ad Petrum, quæ licet proprie ad eum pertinere videantur; non tamen habent intellectum, nisi cum referuntur ad Ecclesiam, cujus ille agnoscitur in figura gessisse personam, propter primatum, quem in Discipulos habuit. Ad istam patet responsio, ex responsione data ad superiorem auctoritatem. Verum enim est, ut ait Augustinus, quod cum claves Petrus recepit dicitur, licet veraciter hoc dicatur, nihilominus cum intellectu ad Ecclesiam accipiendum est, id est, ad omnes Successores ejus, & alios futuros in Ecclesia Prælatos, sicut sæpe commemoratum est. Ex hoc autem non potest argui, quod aliquis in Ecclesia, aut tota ipsa Ecclesia potestate clavium major, aut superior fuerit ipso Petro; quod etiam ex eo patet, quod Augustinus in eadem auctoritate dicit, quod Petrus habuerit inter Discipulos primatum.

Nona est auctoritas Augustini, qui in lib. de agone Christiano ita dicit: Non enim sine causa inter omnes Apostolos hujus Ecclesiæ personam sustinuit Petrus;

huius

huic enim claves Regni cælorum datæ sunt: & cum dicitur: *Petre amas me? pascere oves meas*, ad omnes dicitur. Ad istam auctoritatem eadem est responsio, quæ ad superiores assignata est, quoniam eandem, cum illis sententiam importare videtur. Id enim, quod primo dicitur, quod cum Petro claves datæ sunt, Ecclesiæ datæ sunt; Jam in superioribus dictum est, qualiter accipiendum sit: videlicet, quod Ecclesiæ non in multitudine fidelium, sed in Episcopis & Presbyteris datæ sint. Unde dicit Ambrosius, quod in Petro claves omnes Sacerdotes recipimus. Quod vero secundo in auctoritate dicit Augustinus, quod cum dictum est Petro: *pascere oves meas*, ad omnes dictum sit; non ita accipiendum est, quod omnibus fidelibus Christus commiserit curam pastorem Ecclesiæ, maxime cum dicat Apostolus ad Rom. XII. Dedit quidem Deus quosdam pastores. Quosdam quidem dixit, non omnes, sed intelligentia est Augustini, quod Ly omnes, solum distribuat pro Pastoribus in Ecclesia, Successoribus Petri, & aliis evocandis in partem sollicitudinis ejus: quod manifeste Augustinus ostendit in sermone quodam, qui sermo incipit: Apostolum Petrum primum omnium Apostolorum, in quo tractans præfatum verbum, *pascere oves meas*, ita inquit; per singula enim dicebat Petro Dominus Jesus dicenti, *Amo te: pascere agnos meos, pascere oviculas meas*. In uno Petro figurabatur unitas omnium pastorum. Hæc August. Præterea licet cura pastoralis multis aliis Prælati, quam Petro commissa sit, non tamen, ut sæpe reperitum est, in ea plenitudine & universalitate, qua Petro: qui ita universaliter totius gregis Domini pastor a Christo est constitutus, ut non sit dicendus quis Christianus; nec Christi agnus, seu fidelium hominum conventus, qui dicit se non esse sub cura hujus pastoris, ut Sanctus Thomas ait super Joan. in cap. ultimo.

Decima auctoritas inducta, est ejusdem Beatissimi August. qui in lib. II. quæst. novi & veteris testamenti, sic loquitur: Dominus noster Jesus Discipulos suos ante passionem suam, sicut nostis, elegit, quos appellavit Apostolos: inter hos pæne ubique Petrus solus totius Ecclesiæ

meruit gestare personam: & propterea audire meruit: Tibi dabo claves Regni cælorum. Et sequitur: *Has autem claves non homo unus, sed unitas accepit Ecclesiæ*. Ad istam auctoritatem respondetur, quod non intendit Augustinus negare, Petrum claves accepisse, cum Petro a Christo dictum sit: Tibi dabo claves Regni cælorum, Matth. XVI. & Joan. XXI. *pascere oves meas*, & ipse Aug. ipsum dicat & Apostolorum Principem, & totius Ecclesiæ Caput appelleret. Sed ideo dictum est, quod non unus, quia non unus solus singulariter, ita quod non alii in eo susceperint, plane in eo etiam Ecclesiæ posteritas in Prælati suis claves accepit, eo modo, quo sæpe commemoratum est. Pro cuius auctoritatis, & multarum similium Augustini plena intelligentia sciendum est, quod duo errores inter alios emanaverunt circa claves Ecclesiæ, quos veluti perniciosissimos Beatus Augustinus pervigili studio eradicare curavit.

Primus error fuit Novatianorum, ut dicit Sanctus Thomas in III. parte, quæst. LXXIV. artic. X. qui negabant poenitentiam lapsis post baptismum, dicentes, apud Sacerdotes nullam tales absolvendi a peccatis esse facultatem. Istum errorem tangit Augustinus & impugnatur primo libro de vera & falsa poenitentia, ubi in cap. III. in principio ita dicit: Sunt quidam, qui credant usque in baptismum poenitentiam proficere, sed postea peccantibus cassam perseverare. Item in principio capituli IV. dicit: Adhuc sunt, qui reclamant, non esse peccatorum remissionem baptizatis per poenitentiam. Ad quem errorem penitus eradicandum, Beatus Augustinus, utpote acutissimus argumentator visus est semper ostendere, quod non soli personæ Petri claves datæ sunt, sed cum Petro datæ sunt Ecclesiæ, id est, toti posteritati Ecclesiæ in Prælati. Unde in cap. V. præfati libri inducens contra præfatos hæreticos illud Joan. XX. quod Christus ait Apostolis: Accipite Spiritum Sanctum, & quorum remiseritis peccata, remittentur eis: dicit sic: Scimus autem & primos patres, & in omni tempore Ecclesiam Dei semper usque ad septuagesies septies, quod est, semper, peccata dimittere; quam potestatem isti ab Ecclesia auferre conantur.

Præ-

Præterea de istorum perversorum hominum errore apertissime loquens, eumque fortissime expugnans, in libro de Agone Christiano cap. XXXI. sic dicit: "Nec eos audiamus, qui negant Ecclesiam Dei omnia peccata posse dimittere. Itaque miseri dum in petra Petrum non intelligunt, & nolunt credere claves Regni Cælorum esse datas Ecclesiæ, ipsi eas de manibus amiserunt. Hæc Augustinus. Agit etiam contra hos hæreticos Novatianos Sacerdotes parem congressum Beatus Ambrosius libro suo de penitentia: cujus verba brevitatis causa pertranseo. Secundus error fuit eorum, qui in hæresi & in schismate constitutos, & ita ab universitate Ecclesiæ separatos, asserunt posse ligare & solvere, qui error est communiter omnium schismaticorum. Contra quem errorem dicit Beatus Cyprianus in quadam Epistola, & habetur VII. quæst. I. cap. Novatianus. Qui nec unitatem, inquit, Spiritus, nec conventionis pacem observat, & se ab Ecclesiæ vinculo, atque Sacerdotum Collegio separat, nec Episcopi potestatem habere potest, nec honorem. Item multa hujusmodi sunt in cap. Dicimus, & in cap. pudenda. & in cap. Schisma. XXIV. quæst. I. ubi maxime ad notitiam hujus rei considerandum venit illud, quod Cyprianus ponit in Epistola ad Jovinianum (*) ita dicens: "Clamar Dominus, ut qui sitit, veniat, & bibat de fluminibus aquæ vivæ, quæ de ejus ventre fluxerunt. Quo venturus est, qui sitit? Utrumne ad hæreticos, ubi fons, & fluvijs aquæ vitalis omnino non est? An ad Ecclesiam, quæ una est, & super unum, qui & claves ejus accepit, & Domini voce fundata est? Hæc est una, quæ tener & possidet omnem sponsum sui & Domini potestatem. Hæc ille. Beatissimus præterea Augustinus libro de penit. Superius commemorato, contra præfatum errorem loquens, & unitatem Ecclesiæ ad usum clavium ostendens, ita dicit: "Nemo penitere digne potest, quem non sustineat unitas Ecclesiæ, ideoque non petat Sacerdotes ab unitate Ecclesiæ diversos. Ad destruendum ergo errorem hunc secundum, videlicet quod ab Ecclesiæ unitate divisi potesta-

tem habeant clavium jurisdictionis; dixit in auctoritate inducta, quod non unus, sed unitas claves acceperat; ostendens per hoc necessariam esse unitatem Ecclesiæ, ad habendam communionem potestatis Ecclesiasticæ. Et quod hæc fuerit Augustini intentio, patet, quoniam post illa verba inducta per Dominum arguentem, quæ habentur in sermone Apostolorum Petri & Pauli, qui incipit: Istum nobis diem: ita subjungit: Huic ergo Petri excellentia commendatur; quoniam ipsius universitatis & unitatis Ecclesiæ figuram gessit. Hæc Augustinus. Plane Petrus universitatis Ecclesiæ in prælati figuram gessit: & hoc contra primum errorem, qui a Sacerdotibus præsentis temporis clavium potestatem auferebat. Gessit præterea figuram unitatis Ecclesiæ contra errorem secundum, dicentium, ab Ecclesia divisos usum potestatis clavium retinere. Et ita patet, quod Beatissimi Augustini dicta, optime considerata, non probant ea, quæ Basileenses adstruunt de potestate Concilii, universalis Ecclesiæ repræsentantis, sed illa magis infirmant.

Undecima auctoritas inducta est illa Augustini de doctrina Christiana. Has igitur claves dedit Ecclesiæ suæ, ut quæ soluta essent in terra, soluta essent in cælo. Ad istam auctoritatem ex dictis ita plene patet responsio, ut superfluum sit, ad eam aliquid dicere.

Duodecima auctoritas inducta, est illa ejusdem August. in Epistola ad Glorium & Eleusium Episcopos Donatistarum, ad quos ita, post multa alia, loquitur: "Ecce putemus illos Episcopos, qui Romæ judicaverunt non bonos judices fuisse: restabat adhuc plenarium Ecclesiæ universalis Concilium, ubi etiam cum ipsis judicibus causa posset agitari; & si male judicasse convicti essent, eorum sententiæ solverentur. Ad istam auctoritatem, quæ partis adversæ videtur Achilles, responderetur, quod per eam nullo modo probatur Decretum Constantiense in parte illa, de qua loquitur, continere veritatem: Tum primo, quia per illa verba, non est intentio Augustini dicere, quod universale Concilium potestatis auctoritate superius sit Romano Pon-

(*) pro: Jubaianum.

Pontifice. Primo, quia in eadem Epistola, sicut etiam in libro de unico Baptismo, proficitur, quod in Romana Ecclesia Apostolicæ Cathedræ semper viguit principatus. Quod verum non esset, si superior Cathedra, quam sit Apostolica, alia in Ecclesia daretur. Secundo, quia idem Augustinus, ut inducitur in cap. Pudenda. secundo, & (*) lib. quæst. I. dicit, quod cum Ecclesia, (**) nulla esse potest, ea sit, quæ in Apostolicæ Sedis radice per successionem Episcoporum constituta est. Quomodo autem Augustinus Apostolicam Sedem diceret radicem fundamentalem Ecclesiæ, si illius Sedis auctoritas ad aliquam aliam altioris potestatis, & principatus resolvenda veniret; cum natura radicis, aut ultimi fundamenti, sive primi principii hoc non patiatur, sicut ex primo posteriorum habetur. Quod autem dicit Augustinus, quod restabat adhuc plenarium Ecclesiæ universalis Concilium; non dicit ratione superioritatis principatus, aut potestatis, quæ major sit in plenario Concilio, quam in Apostolica Sede: sed ratione amplioris & majoris examinis habendi iudicii, quale sperabatur in plenario Patrum totius Ecclesiæ Concilio, secundum illud: Ubi consilia multa, ibi salus. Proverb. XI. Quod vero ista fuerit Augustini intelligentia, patet ex verbis Epistolæ, & ex illis, quæ de ista materia commemorat in libro de unico Baptismo. Dicit enim sic in præfati Epistola ad Glorium, & Eleusium: Sed jam tamen, quasi haberent, quod dicerent, malos Iudices se esse perpeffos; quæ vox est omnium malorum ligatorum, cum fuerint etiam manifestissima veritate superati: quasi non adhuc eis dici possit, & iustissime dici: Ecce putemus illos Episcopos, qui Romæ iudicant, non bonos Iudices fuisse, restabat adhuc plenarium Ecclesiæ universalis Concilium, ubi etiam cum ipsis iudicibus causa possit agitari. Et hoc eo, quia, ut in libro de unico Baptismo idem Augustinus dicit, majores accusatorum Episcopi (***) Siciliani, qui innocens erat iudicatus, querebanturque Imperatori, quod non plene fuerat illud iudicium Romæ examinatum, atque depromp-

tum. Quam ob causam dicebat Beatus Augustinus, quod præfati Episcopi, qui iudicium Papæ dicebant, licet falso, minus plene examinatum; quod antequam schisma facerent; se ab Ecclesia Romana separantes, debuissent, si amatores erant unitatis Ecclesiæ, iudicium expectasse plenarii Concilii universæ Ecclesiæ, in quo cum ipso Papa discussio fieret. Nulli autem dubium est, quod iudicium habitum per Papam & Patres universæ Ecclesiæ simul, majus æstimeretur auctoritate reputationis, gravitate examinis, & plenitudine discussionis, quam iudicium habitum per Papam cum paucis, licet non majus dicendum sit superioritate potestatis. Quod autem consequenter dicit Augustinus, quod si male iudicasse convicti essent, eorum sententia solveretur; non ita accipiendum est, quod auctoritate Concilii plenarii, tamquam superioris iudicii potestate, sententia Papæ dissolveretur, cum majus tribunal, sive iudicium alterius haberi non possit in terris, quam sit Vicarii Jesu Christi. Idem quidem est Consistorium Dei & Papæ, sicut Episcopi & Vicarii ejus. Unde Glossa super illud Matthæi XVI. Tibi dabo claves Regni Cælorum: dicit: Vide quantam potestatem habeat petra, super quam ædificatur Ecclesia, ut etiam iudicia ejus maneant firma, quasi Deo judicante per eam. Et ideo in cap. Patet. IX. quæst. III. dicit Nicolaus Papa, iudicium Apostolicæ Sedis, cujus perfectio auctoritate majus non est iudicium, a nemine fore retractandum, nec de ejus cuiquam liceat iudicare. Iudici. Quod ergo dicit Augustinus: quod si male iudicasse convicti essent, eorum sententiæ dissolverentur; exponendum est, id est, nullæ, aut cassæ, aut dissolutæ esse jure ostenderetur: quia, ut ait, regula juris, quæ contra jus fiunt, debent pro infectis haberi; extra de regulis juris in sexto: & hoc modo ponitur illud de cap. Multis. Dist. XVII. Vestrum Conventiculum, vel Conciliabulum cassatur, id est, ipso jure cassum est. Ita hic Augustinus hoc accipere videtur, cum ait: Si male iudicasse convicti essent, eorum sententiæ dissolverentur, id est, ipso jure nullæ, sive nullius firmitatis esse ostend-

(*) Desideratur aliquid.

(**) Manca sunt hæc.

(***) pro: Cæciliani.

Temus P. Concil. German.

X x x x x

ostenderentur. Vel accipiendum est verbum illud, quod auctoritate vel ipsius Papæ, cujus auctoritate plenarium Concilium congregatur, & sententiæ firman- tur, deberent dissolvi, vel declarari nullæ esse. Quomodo legimus factum Distinct. XVII. cap. Huic etiam: ubi Synodo congregata super criminibus, quibus im- petebatur Symmachus Papa, Patres Episcopi ibidem congregati auctoritate ipsius Symmachi, sententiarunt ipsum Symmachum immunem esse. Præterea simile legimus de Beato Gregor. qui ait: ut habetur II. quæst. VII. cap. Si quis nos super his arguere voluerit, vel extra auctoritatem nos facere contenderit, veniat ad Sedem Apostolicam; & ibi ante confessionem Beati Petri, mecum iuste decerit; quatenus ibi unus ex nobis sententiam suscipiat suam. Clarissimum est autem, quod sententia danda per Apostolicam Sedem, sive contra Papam, sive pro eo, non nisi auctoritate Papæ seden. a quo ejus thronus auctoritatem suscipit, danda veniret. Et ita patet, quod ex auctoritate illa Augustini in nullo probatur veritas Constantiensis De- creti.

Tertia decima auctoritas inducta, est illa Hieronymi, quæ habetur in Gloss. super illud Math. XVI. Quodcumque ligaveris super terram, erit ligatum & in caelis, &c. ubi sic dicit: "Habent quidam eandem judicariam potestatem alii Apo- stoli, quibus post Resurrectionem Do- minus ait: Accipite Spiritum Sanctum, & quorum remiseritis peccata, remissa erunt: & quorum retinueritis, retenta sunt. Habet etiam omnis Ecclesia in Episcopis, & Presbyteris." Ad istam auctoritatem, paret ex superioribus plene responsio. Ex ea enim non habetur aliquid pro veritate Decreti dicentis, quod Synodus potestatem habet imme- diate a Christo, cui etiam Papa obedire teneatur: maxime si id, quod sequitur in auctoritate Hieronymi, producat in medium. Ait enim Hieronymus post ante posita verba sic: Sed ideo specialiter Petrus eam accepit, ut omnes intelli- gant, quod quicumque ab unitate fidei, & societate ejus se separaverint, nec pec- cati solvi, nec calum possunt ingredi. Ecce quam manifeste Beatus Hierony- mus docet, quod Petrus specialius pote-

statem clavium, quam omnis Ecclesia, acceperit. Secundo, quod omnes ita dependent a Petro, ut quicumque ab ejus societate, & fidei unitate se separave- rit, nec vinculis absolvi possit, nec in- gredi calum.

Quarta decima auctoritas est illa ejusdem Hieronymi, & ponitur in cap. Omnibus consideratis, XXIV. quæst. I. ubi sic ait: de domo Ecclesiæ loquens: "Hæc domus etiam claves accepit, & potestatem ligandi, & solvendi: hanc domum, si quis corrigentem, cor- ripientemve contempserit, sit tibi tamquam ethnicus & publicanus." Ad istam auctoritatem respondetur, quod per eam in nullo probatur intentum ar- guentis. Primo quidem, quia domus Ecclesiæ non ita dicitur habere claves, quod in omnibus suis membris dispersis aut simul congregatis eas habeat; sed tantum juxta ejusdem Doctoris superius positam auctoritatem, in Episcopis & Presbyteris eas habet, in quibus dicitur contemni aut venerari. Ex cujus glorio- sissimi Doctoris sententia satis manifestum est, quam alienum sit a Patrum doctrina, quod Conventus copistarum, advoca- torum & sæcularium hominum claves dicatur habere regni cælorum; & quod cum illorum Conventus judicium contemnitur, universalis Ecclesia contemni dicatur. Secundo, quia licet domus Ec- clesiæ claves accepit eo modo, quo di- ctum est, scilicet in Episcopis & Pres- byteris; nihilominus specialius, quia in plenitudine potestatis eas accepit in Pe- tro, cujus Successor est Romanus Pon- tifex: in cujus contemptu, utpote Principis ipsius Ecclesiæ, maxime Ecclē- sia ipsa contemni dicitur: Quoniam Pe- trus, ut ait Augustinus, totius Ecclē- siæ figuram, sive personam gessit: & ut dicit Ambrosius libro de Arca Noe: Se- nioris nomine, de quo pendent cæteri, domus omnis significatur, qui Romanus Pontif. cum pro eo, quod Caput & Re- ctor totius domus existeret, superiorum, extra calum hæresis non habeat, non potest proprie dici in alio casu Ecclesiam corrigentem, aut corripientem contem- nere: hujusmodi enim contemptus pro- prie non est, nisi inferiorum respectu su- periorum. Quare manifestum est, quod aucto-

auctoritas illa nullam superioritatem arguit Concilii universalis supra Papam.

Auctoritas quinta decima inducta, est ejusdem Hieronymi, qui super Joëlem prophetam tertio ita dixisse fertur: Petra, inquit, Christus est, qui donavit Apostolis suis, ut ipsi quoque vocarentur petra, dicens: Tu es Petrus, & super hanc petram ædificabo Ecclesiam meam. Ad hanc auctoritatem respondetur, quod ex ea non habetur in aliquo proposito argumentis; quoniam licet Christus donaverit Apostolis, ut ipsi quoque vocarentur petra, hoc tamen præcipue Petro donavit, cui specialiter ait: Tu es Petrus, & super hanc petram ædificabo Ecclesiam meam; & in quo omnes alii Apostoli, primo nomine Petro sumptum sunt. Quare recte post Christum fundamentum fundamentorum, ac petra petrarum, ac totius Ecclesiæ firmamentum Petrus asseritur. Unde Leo papa in sermone tertio Consecrationis, dicit: quod in Petro fortitudo invenitur, & Divinæ gratiæ ita ordinatur auxilium, ut firmitas, quæ per Christum Petro tribuitur, per Petrum Apostolis conferatur. Et ideo Beatus Ambrosius, & habetur in cap. Fidelior, distinct. L. dicit: Eo petra dicitur, quia primus in nationibus Fidei fundamenta posuerit, & tamquam saxum immobile totius corporis Christianitatis compagem, molemque contineat, cui ob hanc singularitatem nominis petra dicitur dixisse Paulus petro, mortis instante hora, ut Beatus Dionysius testatur, pax tecum, fundamentum Ecclesiarum, & pastor ovium. Vrat ergo, quod ex eo, quod ceteris Apostolis suo modo nomen petra, aut fundamenti in petro Christus donaverit, non habetur, quod Synodus universalis a Christo immediate potestatem suscipiat, cui ipse papa obedire teneatur.

Auctoritas sexta decima inducta per Dominum arguentem, est illa Cypriani in cap. Loquitur Dominus, XXIV. quæst. I. ubi ita ait: Quamvis Deus omnibus Apostolis post resurrectionem suam parem potestatem tribuat & dicat: Sicut misit me Pater: & ego mitto vos: Accipite Spiritum Sanctum: & infra: hoc utique ceteri erant Apostoli, quod Petrus fuit, peri consortio præditi & honoris & potestatis. Ad istam auctoritatem facilis

patet responsio, primo per Glossam ejusdem capituli: dicit enim ibi Glossa, quod ista paritas accipienda sit in ordine & dignitate consecratione, non in administrationis plenitudine; in hoc enim Petrus superior fuit, & major utpote Apostolorum Princeps, & totius Ecclesiæ Caput. Ut enim ait Beatus Clemens, & habetur in cap. In illis, distinct. LXXX. Inter Apostolos non fuit par institutio, sed unus præfuit omnibus. Secundo respondetur, quod paritas in hoc loco non dicit æqualitatem, sed similitudinem; unde exponendum est, parem, id est, similem aut communem; Quomodo loquitur Beatissimus Leo Papa in Epistola ad Anastasium Thessalonicensem Episcopum: Inter Beatissimos Apostolos in similitudine honoris, fuit quadam discretio potestatis. Tertio respondetur, quod dato, sed non concesso, quod ceteri Apostoli cum Petro pari potestate jurisdictionis præditi fuissent, non habetur ex hoc, quod Synodus universalis a Christo immediate potestatem suscipere, cui Papa obedire teneretur; par enim in parem potestatem non habet, nec principatum.

Decima septima auctoritas fuit Alexandri Papæ in cap. Audivimus, XXIV. quæst. I. sic dicentis. Unde cum Dominus daret omnibus discipulis parem ligandi, ac solvendi potestatem, Petro pro omnibus, & præ omnibus claves Regni Cælorum se daturum promisit, dicens: Tibi dabo claves Regni Cælorum. Quicumque ergo ab unitate Ecclesiæ, quæ per Petrum intelligitur, fuerit alienus, exsecrare non potest, consecrare non valet, excommunicationis vel reconciliationis potestatem non habet. Ad istam auctoritatem dicitur, quod non agit contra, sed plurimum confirmat, quod nullo modo potest stare cum veritate pars illius Decreti dicentis, quod Synodus habet immediate potestatem a Christo, cui etiam Papa obedire teneretur. Quod sic ostenditur: quod enim primo dicitur, quod parem potestatem Dominus Apostolis dedit, accipiendum est, ut proxime dictum est ad auctoritatem præcedentem; aut quod sermo sit de potestate ordinis, quæ, ut superius ex Sancto Thoma, in quarto, dist. XIX & dist. XXIV. commemoratum est, æqualiter fuit illa data omnibus. Quod vero consequenter dicitur,

ecitur, quod Christus Petro se daturum promiserat claves pro omnibus & præ omnibus, manifestum declarat partem illius Decreti Constantiensis non continere veritatem. Nam in eo, quod dicit, quod Petro præ omnibus datæ sunt claves: datur intelligi, quod Petrus & per consequens ejus Successor, in potestate jurisdictionis superior & major omnibus fuerit etiam simul junctis. In eo vero quod dicit, quod pro omnibus & præ omnibus potestatem accepit, manifeste designatur, quod alii Christi Discipuli, & eorum Successores potestatem jurisdictionis non acceperint, nisi per Petrum, & ita non immediate a Christo. Ubi considerandum est, quod cum dicitur Petrus suscepisse pro omnibus & præ omnibus potestatem, non est intelligendum ipsum pro omnibus accepisse ad modum, quo unus procurator nomine aliquorum aliquod donum, sicut castrum, aut principatum accepit a principe. Sed intelligendum est, ad modum, quo dicimus, solem accepisse lumen a Deo præ omnibus, quia in majori plenitudine quam ceteræ stellæ: pro omnibus, quia in eo ordine, ut ab ipso sicut a fonte in cæteras stellæ lumen descendat. Et simile est de capite, quod pro omnibus & præ omnibus membris virtutem recepit. Præ omnibus quidem, quia in solo capite est plenitudo sensuum. Pro omnibus quidem, quia ab ipso cetera membra sensum motus, & regiminis suscipiunt. Ita est de Petro, qui non tantum auctoritate præ omnibus aliis donatus est, sed etiam caput & princeps, aliis influens in toto corpore Ecclesiæ constitutus est, ut apertissime superius ex doctrina Sanctorum ostensum est. Præterea hujus rei causa, videlicet quod Petrus in Ecclesia non tantum fuit prælatus superior cæteris amplitudine potestatis, sed etiam caput influentia virtutis, dicitur consequenter, quod unitas Ecclesiæ per Petrum intelligitur. Sane unitas corporis in uno capite designatur & exercitur in uno duce: propter quod optime dicitur in cap. Non vos. XXIII. quæst. V. quisquis ab Apostolicis divisus est sedibus, in schismate eum esse, non dubium est. Quare optime concludit, quod quicumque ab unitate, quæ per Petrum intelligitur, fuerit alienus, ligandi & solvendi potestate privatur, avelle

radium a solis corpore, inquit Cyprianus in Epistola de Unitate Ecclesiæ, & habetur in cap. Loquitur, XXIV. quæst. I. divisionem unitas non capit: ab arbore frange rami, fructus germinare non poterit: a fonte præscinde rivum, præcisus arefcit. Ex quibus omnibus clare satis ostenditur, ex prædicta auctoritate non probari propositum Domini arguentis.

Decima octava, & si bene retinui, ultima auctoritas, est illa octavæ Synodi, quæ dicitur sic in condemnatione Photii dixisse: Hæc autem nolentem intelligere Photium, ut bene ageret, sed inobedientem & resistentem huic universali Synodo, repulimus, & anathematizavimus, atque a Catholica tota & Apostolica Ecclesia fecimus alienum, per datam nobis potestatem a Spiritu Sancto, a Christo, & magno Pontifice nostro, & Deo Liberatore, & Salvatore cunctorum: Et postea subditur: nullus ergo studeat eorum, qui Christiano vocabulo digni sunt, quique regimen Pastorale sortiti sunt, contrarium quidquam agere hujus sanctæ & universalis Synodi, ac per hæc inveniatur Deo contradicens, & illius Concilii judicium spernens. Dicit enim Paulus magnus Apostolus: Qui spernit nos, non spernit hominem, sed Deum unum, qui dedit Spiritum Sanctum in nobis. Quis enim nesciat, quod in medio hujus & universalis Synodi fuerit incircumscriptibilis, & incomprehensus Deus, qui ait: Ubi duo vel tres sunt congregati in nomine meo, sum in medio eorum. Ex istis contentis in hac auctoritate arguit præfatus Dominus; Primo, quod Synodus habeat immediate a Deo potestatem. Secundo, Concilio universali competat illud Matth. XVIII. Ubi duo vel tres congregati fuerint, &c. Ad istam auctoritatem breviter responderetur, quod parum habet difficultatis: tum quia non ita habetur in originali, sicut inducitur per arguentem: sed sic habetur: per datam nobis potestatem in Spiritu Sancto, a primo & magno Pontifice nostro, Deo Liberatore & Salvatore cunctorum. In quibus verbis Synodus videtur per magnum Pontificem, Papam intelligere: tum secundo dato, quod sic se haberet auctoritas, sicut allegata est; non sequitur id, quod arguitur: nam ad primam partem responderetur negando

gando consequentiam. Ex verbis enim illis patrum in Synodo congregatorum, non sequitur, quod Synodus ipsa immediate a Christo potestatem habuerit: immo ut sæpe repetitum est, in hac argumentandi forma, committitur fallacia figuræ dictionis. Sane si hæc argumentatio locum haberet, cum juxta Apostolum Rom. XIII. non sit potestas nisi a Deo, quilibet qui potestatem aliquam haberet, posset dici illam habere immediate a Deo: & ita nedum ab ipsa Ecclesia, sed ab ipso universo, id quod optimum est, scilicet ordo tolleretur. Ad secundam partem responderetur, quod illa & similia verba Christi bptime competunt Conciliis universalibus similibus, qualia fuerunt illa VIII. Concilia, Apostolica auctoritate fulta & roborata, quæ debitam reverentiam & caritatem observantur semper ad Sedem Apostolicam; sed illa verba non competunt perveris & malignis Synodalibus, sicut patet de multis, scilicet Ariminensi, & Ephesina secunda, & ita de aliis quibuscumque, quæ fuerint ab Apostolicæ Sedis societate, & caritate divisæ. Verum ex eo, quod universali Synodo competat illud verbum: Ubi duo vel plures congregati fuerint in nomine meo, in medio eorum sum: non arguitur, quod Synodus immediate habeat potestatem a Christo jurisdictionis, sicut manifestum est. Alias omnis congregatio quorumcumque fidelium, sive magna, sive parva, in Christi nomine conveniens, potestatem jurisdictionis haberet immediate a Christo: quod ab omni ratione alienum est.

Ultimo quantum ad istum articulum, respondendum est, ad rationem illam supradictam, pro Ecclesia universali, ex parte impossibilitatis errandi in fide. Arguebatur autem sic: Ecclesia universalis nunquam legitur errasse, nec errare in futurum potest. Sed Romanus Pont. a fide errasse legitur, ut in cap. Anastasius, dist. XIX. & potest errare, ut de se patet: ergo videtur, quod universalis Ecclesia, & per consequens universale Concilium illam representans, auctoritate superior sit Romano Pontifice. Ad istam rationem responderetur breviter primo ad antecedens, quod Ecclesia universalis, quæ errare non potest, non dicit congregationem distinctam, aut separatam a

Romano Pontifice; cum illa dicatur collectio omnium fidelium, de Consecr. dic. Prima. in cap. Ecclesia. Secundo ad consequentiam dicitur negando illam. Hæc enim argumentatio nulla est: Ecclesia universalis non potest errare in fide, Papa vero sic. Ergo illa est major potestate jurisdictionis, sive potestate clavium (de qua majoritate est præsens sermo) ipso Romano Pontifice. Quod ex eo manifestum est: quoniam istæ gratiæ gratis datæ distinctæ sunt: videlicet non errare in fide, & potestas clavium: & una non arguit illam de necessitate, sicut planum est. Alias quilibet in gratia confirmatus potior esset auctoritate Romano Pontifice non confirmato, quod esset absurdum. Est autem multum animadvertendum, pro solutione multarum hujusmodi rationum, illud quod scribitur, extra de penitentiis & re. in cap. Novar. quod licet Beatissima Virgo MARIA dignior, & excellentior fuerit universis Apostolis, non tamen illi, sed istis, Deus claves regni cælorum commisit. Ecce, quod licet Beatissima Virgo MARIA, Mater Dei, Sponsa Christi, Regina mundi, & Angelorum Domina, gratia plena, & in fide semper immobilis fuerit; non tamen arguitur inde, quod potior fuerit potestate clavium, ipso Petro. Tercio ratio facta etiam non procedit, eo quod licet universalis Ecclesia privilegium habeat non errandi in fide, hoc tamen privilegium universa Concilia non habent, cum multa eorum errasse legamus: Cum a doctrina Apostolicæ Sedis, in qua semper immaculata Christianæ fidei est religio servata, declinaverunt: immo si alicujus auctoritatis esset ratio facta, clare concluderet in oppositum: cum Apostolica Sedes juxta illud Lucæ XXII. Ego rogavi pro te, ut non deficiat fides tua: & juxta Sanctorum Patrum doctrinam, exponentium hunc locum, privilegium habeat a Christo, utpote tribunal Christi in terris, in judicio fidei non errandi: quod Concilia universalia ab Apostolica Sede separata, non habent. Et hæc de omnibus auctoritatibus, & rationibus factis per Reverendissimum Patrem Dominum Cardinalem, pro secunda parte Decreti facti Constantinæ, per obedientiam dicti Joannis XXIV. dixisse sufficit.

Tertia pars Decreti, quam præfatus
X x x x x 3 Do-

Dominus arguens tetigit tertio loco, est illa, ubi dicitur, quod quilibet cujuscunque dignitatis, etiam si papalis existat, tenetur obedire Synodo universali in iis, quæ pertinent ad fidem. Dicebat prædictus Dominus, quod Decretum illud in hac parte nullam difficultatem habet, & quod omnes in ejus sententia concordare videntur. Ad cujus probationem induxit capitulum: Si Papa. dist. XL. de hac parte præfati Decreti, cum omni tamen correctione Sanctissimi Domini nostri loquendo, cujus auctoritati & judicio omnia dicta mea subijcio, non videtur mihi simpliciter & indistincte asserendum, Decretum illud Constantiæ editum in hac parte veritatem non continere fidei Catholicæ. Cujus ratio est, quoniam illa propositio multiplicem habeat intelligentiam; in quarum una, potest Decretum illud continere veritatem, & in alia non. Potest autem pars illa Decreti primo modo sic intelligi, quod quilibet Catholicus, etiam Papa, tenetur obedire, id est, amplecti, & recipere ea, quæ Synodus jusserit, quæ manifeste ad fidem pertinent, utpote in Sacra Scriptura expressa, aut per Ecclesiam universalem, aut per Apostolicam Sedem jam diffinita. Et in hoc sensu Decretum illud in hac parte continet veritatem. Sed quod in hoc casu teneatur Papa obedire Synodo, non ex aliqua superioritate potestatis, quæ sit in Synodo supra Papam, quia in talibus ad fidem pertinentibus obedire tenetur, nedum Synodo, sed Apostolicæ Sedi talia docenti, quæ nullam habet superioritatem respectu Papæ. Sed obedientia & reverentia ista attenditur ratione materiæ fidei, quæ auctoritatem supremam habet ex parte Spiritus Sancti, a quo est omnis veritas, ut dicit Ambrosius, a quocumque dicatur: quomodo loquitur Apostolus ad Romanos decimo: Non omnes obediunt Evangelio. Secundo modo pars illa Decreti potest habere hunc sensum: quod scilicet Papa teneatur stare & obedire diffinitionibus universalis Concilii in iis, quæ ad fidem pertinere, ipsa Synodus diffinierit. In quo sensu non videtur, quod ita simpliciter & indistincte loquendo, pars illa Decreti contineat veritatem Catholicæ fidei, Quoniam cum Concilia universalia non habeant hoc privilegium in judicio fidei non errandi, quia quando-

que, ut superius dictum est, leguntur errasse, sicut manifestum est de Synodo universali secunda Ephesina: nullo modo videtur asserendum, quod sit veritas Catholicæ fidei, quod ita indistincte & simpliciter quilibet fidelis, etiam Papa, tenetur obedire Synodo universali in his, quæ pertinent ad fidem, id est, quæ ipsa Synodus judicaverit, aut diffinierit ad fidem pertinere. Nec hoc probat capitulum, si Papa, inductum ex adverso. Quare necessario sensus iste distinguendus est: quoniam aut Synodus universalis aliquid diffinivit de fide, Apostolica Sede probante & confirmante, quæ ut habetur in cap. Omnes. dist. XXII. Mater fidei appellatur: & tunc dicendum videtur, quod Decretum illud contineat veritatem: videlicet, quod tali diffinitioni & determinationi fidei, quam universalis Synodus modo assignato fecerit, quilibet fidelis tenetur, etiam Papa obedire. In quo casu optime venit illud, quod Beatus Gregorius ait, & habetur in cap. Sicut, distinct. XV. "Sicut sancti Evangelii libros quatuor, sic & quatuor Concilia, & venerari me fateor, & hæc tota devotio- ne amplector, integerrima approbatione custodio: quia in his velut in quadro lapide, sanctæ fidei structura confurgit, & cujuslibet vitæ, atque communis actionis norma existit. Quæ dum universalis sunt consensu constituta, se & non illa destruit, quisquis præsumpserit absolvere, quos ligant, aut ligare, quos absolvent, id est, judicare Catholicos, quos illa hæreticos judicat, aut e converso." Si vero contingat, quod Synodus aliquid diffiniat, cui Apostolica Sedes, sive Romana Ecclesia contradicat, sicut factum est de universali Synodo Ephesina secunda, tunc manifestum est, quod magis obediendum est diffinitioni Apostolicæ Sedis, quam diffinitioni cujuscunque Synodalis Congregationis, Unde Glo. in cap. Quodcumque. XXIV. qu. I. dicit: Credo, quod sententiæ totius Ecclesiæ, præferenda sit sententia Romanæ Ecclesiæ, si in aliquo sibi contradicant: Art. Hæc est fides, si Papa beatissime. Eadem causa & questione. Nisi erraret Romana Ecclesia, quod non credo posse fieri, quia Deus non permetteret. Art. eodem cap. Pudenda. Hæc Glo,

Glo. Hoc etiam confirmatur omnium illorum Patrum testimoniis, qui Apostolicæ Sedis privilegium, non errandi in iudicio fidei, esse testantur: de quibus jam aliqua commemorata sunt supra. Præterea, quod hæc consideratio habenda sit in diffinitionibus fidei factis per Synodos quascumque, ostendit Beatissimus Leo Papa in Epistola, quam ad Nicetam Aquilegiensem Episcopum scribit, de quibusdam Clericis Pelagiana & Cælestiana hæresibus suspectis, ut errores suos cogantur detestari: ubi sic inter alia dicit: "Damnent apertis professionibus suis superbi erroris auctores, & quidquid in doctrina eorum universalis Ecclesia exhorruit, detestentur: omniaque Synodalia, quæ ad excisionem hæreseos Apostolicæ Sedis confirmavit auctoritas, amplecti se, & in omnibus approbare, plenè & apertè ac propria manu subscriptis protestationibus eloquantur. Hæc ille. Ecce quod non inquit simpliciter, illos debere omnes Synodales definitiones illius hæreseos amplecti; sed eas tantum, quas Apostolicæ Sedis confirmavit auctoritas. Si vero casus talis contingeret, quod Patres universi in Synodo universali convenientes unanimiter aliquam diffinitionem fidei facerent, cui sola persona Papæ contradiceret, dicerem iudicio meo, quod Synodo standum esset, & non personæ Papæ. Iudicium enim tantorum Patrum universalis unius Synodi, in materia fidei, merito præferendum videtur iudicio unius hominis. In quo casu optime venit illa Glossa, quæ habetur in cap. Anastasius, dist. XIX, quod ubi de fide agitur, Papa tenetur requirere Concilium Episcoporum: quod intelligendum est, quando casus est valde dubius, & Synodus convocari poterit: & tunc Synodus maior est Papa, non quidem potestate jurisdictionis, sed auctoritate discretivi iudicii, & amplitudine cognitionis. Ut enim habet Glossa in cap. Multi, dist. XL. Pars illa, quæ iustiori ratione utitur, major dicitur; licet sit minor, scilicet alio respectu. XXXI. dist. cap. Nicæna. Ubi autem ita eveniret, quod talibus, quæ ad fidem pertinere tota Synodus per apertissima testimonia Sacræ Scripturæ, aut Sanctorum Patrum doctrinam unanimiter declararet; Papa

acquiescere, obedire, & stare nollet, sed contumaciter contradiceret; talibus aperte ad fidem Catholicam pertinere declaratis, jam utpote hæreticus subiectus veniret Concilio, sicut & quilibet alius a fide devius. Cum enim per hæresim a papatu cadat, factus est, ut ait Sanctus Thomas in quarto, omni fidei minor: & idem habetur in Glossa in cap. Acacius, (*) el. primo, ubi sic dicit: Hic est casus, in quo Papa in Canonem latæ sententiæ incidit. Nec obviat regula illa, quia par parem solvere, aut ligare non potest: quia si Papa hæreticus est, in eo, quod hæreticus, minor est quolibet Catholico. Et ad istum casum facit cap. Si Papa, inductum ex adverso, & non ad alium, sicut ex ipso text. patet. Dicit enim sic: "Si Papa. suæ & fraternæ salutis neglige gens deprehenditur, inutilis & remissus in piis operibus, & insuper a bono ta-citurnus, quod magis officit sibi, & omnibus, &c. Hujus culpas isthic hic redarguere præsumit mortalium nullus, quia cunctos ipse judicaturus, a nemine est judicandus, nisi deprehensus datur a fide devius." Hæc ibi. Et intelligitur, ut dicit Glossa incorrigibiliter. Quod Capitulum cum loquatur de Papa, cum jam per hæresim notoriam & contumaciter defensam, sit ipso jure Pontificatu privatus, quia remota fide, per quam sit prima connexio hominis ad Corpus Christi, membrum Ecclesiæ esse desinit; manifeste demonstratur, quod ex eo nulla superioritas potestatis arguitur in Concilio universali supra Papam Catholicum sive fidelem: sicut nec ex hoc, quod juxta Glo. jam dictam in cap. Acacius. Papa Papam in casu hæresis ligare potest, sequitur, quod Papa unus Superior sit potestate Prædecessore, aut Successore suo vero Catholico existente.

Quarta pars Decreti tacta per præfatum Patrem & Dominum opponentem quarto loco, est illa, in qua dicitur, quod quilibet fidelis cujuscumque dignitatis, etiam si Papalis existat; tenetur obedire universali Synodo in his, quæ pertinent ad extirpationem schismatis. Induxit autem idem Dominus pro hac parte Capitulum, si duo contra fas, dist. LXXIX. Circa quam partem primo considerandum est,

(*) forte: Gel. pro Gelaf.

est, quod Decretum Constantiæ editum, non loquitur de schismate quocumque, sed tantum de schismate, illo tempore currente, quo decretum est. Nam sic ait: & in his, quæ ad extirpationem præsentis schismatis. Quam periculosum autem & scandalosum sit, secundum hunc sensum, quem forma hujus Decreti prætendit, dicere, quod sit veritas Catholica fidei, quod quilibet fidelis in pertinentibus ad extirpationem illius schismatis, aut in quacumque alia re tenebatur obedire illi congregationi, quæ sub Joanne XXIII. dicto tempore schismatis Constantiæ sub nomine Generalis Concilii convenit, patet manifeste, & in superioribus perspicue ostensum est. Quare aliis prætermisissis testimoniis, videndum est, quid veritatis contineat præfatum Decretum, accipiendo illud de alio quocumque schismate & de quarumcumque alia universali Synodo. Videtur autem respondendum, quod decretum illud in illa parte veritatem continet in eo casu in quo loquitur cap. Si duo contra fas, inductum per reverendum patrem & dominum dist. LXXIX. Ubi tex. loquitur, quando duo contra fas, id est, illicite, temeritate concertantium fuerint ordinati. Quod Capitulum locum habet, quando neuter eorum est Canonice, sive ut ait. Glo. electus a duabus partibus; ad quem casum referenda est intelligentia Decreti Constantiensis, quod incipit. Frequens. Sed in casu quo unus Canonice est electus & per universalem Ecclesiam per multos annos indubitatus habitus & veneratus pro tali; & eo superstiti, alius per nonnullos inthronizatur, non videtur esse veritas Catholica fidei, immo falsitas, quod Papa, qui verus & indubitatus est, obedire tenetur universali Synodo, quæ pro extirpando schismate vellet disponere de dispositione ejus. Plane, si hæc consuetudo introduceretur, innumera schismata nascerentur in Ecclesia: nullusque suam dignitatem servaret illæsam, & perversis hominibus occasio præberetur audaciæ, & temeritatis plurimæ ad elevandum idola in Ecclesia: ut hac occasione deponendus ille veniret, quem quilibet Princeps aut communitas gratum non haberet. In quo considerandum est, quod Beatiss. Cyprianus dicit in Epistola ad Cornelium de quinque Presbyteris, qui tenebant cum

Novatiano intruso. "Quod si ita res est, frater, ut nequissimorum timeatur audacia, ut quod mali jure atque æquitate non possunt, temeritate ac desperatione perficiant; actum est de Episcopatus vigore, & de Ecclesiæ gubernandæ sublimi: ac Divina potestate, nec Christiani ultra aut durare, aut esse possumus, si ad hoc ventum est, ut perditorum minas atque insidias pertimescamus." Et in alia quadam Epistola, sic dicit: "Quid? quia honorem Cathedræ Sacerdotalis? Novatianus usurpat, numquid idcirco nos Cathedræ renunciare debemus? Et quia Novatianus altare collocare, & sacrificia offerre contra fas nititur, ab altari & sacrificiis cessare nos oportet, ne paria & similia cum illo celebrare videamur? Vanum prorsus & stultum, ut quia Novatianus extra Ecclesiam vindicat sibi veritatis imaginem, relinquat Ecclesia veritatem." Hæc Cyprianus. In casu ergo, quod universalis Ecclesia pro schismate hujusmodi tollendo congregaretur, non utique deberet procedere ad deponendum verum & indubitatum habitum Rom. Pontificem, & quem nullo jure constat a Papatu cecidisse; sed ad persequendos eos perditos homines, qui per novi idoli erectionem schisma intrudere in Ecclesiam, tanta temeritate præsumunt. Et hoc de quarta parte illius Decreti dixisse sufficiat.

Quinta pars Decreti tacta per præfatum Dominum opponentem est, quod quilibet fidelis cujuscunque status & dignitatis, etiam si Papalis existat, tenetur obedire universali Synodo, in his, quæ pertinent ad generalem reformationem Ecclesiæ, in capite, & in membris. Licet autem idem Dominus dixerit, opus esse, ut hoc Decretum in hac parte declararetur, pro eo, quod aliqui illud extegdebant, amplius & extensius intelligant, quam accipiendum esse videretur; nihilominus tres induxit casus, si bene retinui, in quibus dixit Gloss. & Doct. aliquos ante Constantiense Concilium fuisse illius sententiæ & doctrinæ: in quibus videtur, quod Decretum illud sit verum. Primus est, quando esset necessitas reformandi Ecclesiam, & Concilium esset congregatum ad hoc, & ipse nollet facere reformationem. Quia in hoc casu videretur, quod nollet, quod Ecclesia esset pul-

pulchra, & ita decoloraret Ecclesiam. Secundus casus, quando scandalizat Ecclesiam sua mala vita: quia ex hoc daretur occasio credendi aliis, multa non esse peccata. Pro quo casu induxit Gloss. cap. Si Papa. Tertius, quando vellet facere contra universalem statum Ecclesiæ: quod tamen non potest facere, ut dicunt Doctores in cap. Sicut, distinct. XV. & cap. Si illa, XXV. quæst. I. Unde Archi-Diaconus & Innocentius dicunt, quod si vellet facere contra universalem statum Ecclesiæ, non esset sustinendus. Ad istam partem in paucis respondetur, dicendo, quod Ly, tenetur obedire, intelligeretur de honestate, non de necessitate: & sic Decretum verum esset juxta Gloss. in cap. Confidimus. XXV. quæst. I. nisi sequeretur in alio sequenti Decreto, quod quicumque, cujuscumque status vel dignitatis, etiam si Papalis existat, qui mandatis, statutis, seu ordinationibus, aut præceptis hujus Sanctæ Synodi, & cujuscumque alterius factis, vel fiendis, obedire contumaciter contempserit, nisi resipuerit, condignæ poenitentiae subji- ciatur. Hic enim tenor, & hæc forma Decreti necessitatem coercitivam, & co- actionem important. Propter quam cau- sam omnino videtur impossibile, Sacræ Scripturæ, & Sanctorum Patrum senten- tiis consideratis, videre, quod hæc pars Decreti sit veritas Catholicæ fidei: vide- licet, quod Papa teneatur hoc modo obedire Decretis, seu Statutis quibuscum- que, cujuscumque Synodi universalis, ad generalem reformationem pertinenti- bus universalis Ecclesiæ in Capite, & in membris: ita quod Papa illa non observans per Concilium universale pos- set puniri, sive judicari, aut deponi: quoniam ex superioribus, tam ex repro- batione aliarum partium præfati Decreti juxta intelligentiam, quam de eo Basile- enses recipiunt, quam ex his, quæ de pri- matu Romani Pontificis dicta sunt, & de Conciliorum dependentia a Sede Aposto- lica, manifestum videtur, ut etiam est communis doctrina Theologorum & Ju- ristarum, quod extra casum hæresis, in quo, ut dictum est: "Papa a Papa- tu cadit, cadens a petra fidei, uni- versalis Synodus non possit Rom. Pon- tificem verum & indubitatum prædicto modo judicare, propter non obser-

"vantiam quorumcunque Statutorum, "seu Decretorum universalis Concilii, "sive propter quodcumque aliud crimen "a crimine hæresis." Oppositum enim dicere, facile est ostendere, repugnare Sacræ Scripturæ & Sanctorum Patrum do-ctrinis. Primo quidem repugnare vide- tur sacra Scripturæ illi, quæ habetur, Matth. XXIV. & Luc. XII. ubi Christus Petro loquens ait: Quis putas est fidelis Dispensator & servus prudens, quem con-stituit Dominus super familiam suam? Gloss. id est, Ecclesiam. Dicit autem Ambrosius, Lib. V. de Trinitate, quod servus iste super Ecclesiam a Christo con-stitutus, est Petrus, & per consequens ejus Successor. Unde in Ecclesiastico Officio, Christus legitur Petro dixisse: Super plebem meam Principem te con-stitui, Quod autem huic Scripturæ Sanctæ contradicat pars illa Decreti, patet manife- ste: quia hæc Scriptura dicit, Romanum Pontificem potestatem sibi a Deo tradita, esse super Ecclesiam Principem constitu- tum: Decretum vero dicit, Concilium universale, Ecclesiam repræsentans, per potestatem a Deo immediate habitam, esse supra Romanum Pontificem, & pos- se illum judicare. Notum est autem, quod inferior judicare non potest Superiorem, ad Rom. XIV. "Tu quis es, qui judicas "servum alienum? suo Domino stat, "aut cadit." Et I. Cor. IV. "Qui autem "judicat, me Dominus est." Et in cap. Inferior, distinct. XXI. dicit textus, quod inferior sedes, nec absolvere, nec ligare potest potior: sola potior est, quæ inferiorem convenienter absolvit, aut li- gat. Cum ergo solus Deus Superior sit Romano Pont., cum illius solius ser-vus sit, & Vicarius; videtur, quod ad so- lum Deum Dominum ejus pertineat ejus judicium in hoc casu. Quod etiam ex sequentibus in præfata auctoritate videtur manifeste colligi: ait enim sic Salvator noster: "Quod si dixerit servus ille in "corde suo: moram facit Dominus me- "us venire: & cæperit percutere servos " & ancillas, & edere & bibere, & ine- "briari." Glo. id est, ad vitia incitare, & conscientiam infirmorum pravo exem- plo, vel verbo laniare: sequitur: "Veniet "Dominus servi illius in die, qua non "sperat, & hora, qua nescit," Glo. Judicii vel mortis: & dividet eum a consortio

fideliū, partemque ejus cum infidelibus ponet. Hoc ibi. Ecce quam manifeste Salvator noster, sibi soli reservat judicium servi sui delinquentis, quem constituerat super familiam suam. Hoc est, quod dicit Symmachus Papa, Concilio Generali Romæ Præsident, in quo, teste Fratre Martino in Chronica, ducenti viginti Episcopi convenerant. Dicit autem sic, ut in cap. Aliorum. IX. quæst. III. Aliorum hominum causas Deus per homines voluit terminari: sed sedis istius Præsulem suo sine quaestione reservavit arbitrio. Præterea pars illa Decreti contradicit Scripturæ sanctæ illi Matth. XVI. Tu es Petrus, & super hanc petram ædificabo Ecclesiam meam. Ergo non potest dici continere veritatem, sed magis errorem: consequentia patet, & antecedens deducitur sic: In hac auctoritate Beatus Petrus, non solum præ omnibus singulari prærogativa clavium donatus est, ut ait Glo. ordinaria, sed etiam totius Ecclesiæ futurum pronunciabatur fundamentum. Unde in Commentario Hieronymus, & ponitur in Glo. Secundum metaphoram petræ, recte dicitur ei: Ecclesiam meam ædificabo super te: & iterum Glo. vide quam potestatem habet petra, super quam ædificatur Ecclesia, ut etiam judicia ejus maneant firma, quasi Deo judicante per eam. Sed manifestum est, quod ista duo repugnant: Pontif. Romanum fundamentum esse Ecclesiæ per singularem prærogativam principatus clavium, & ipsum esse subditum universali Concilio Ecclesiæ representanti. Dicit enim Propheta Isaias in C. X. & habetur in C. Inferior. dist. XXI. "Numquid gloriabitur securis contra eum, qui secat in ea, aut exaltabitur ferra contra eum, qui trahit eam?" & sequitur in præfato cap. Inferior. His itaque ex Divina Scriptura commemoratis, sole clarius exhibuimus, non posse quemquam, qui minoris auctoritatis est, eum, qui majoris potestatis est, judiciis suis addicere. Ceterum arguitur sic: Pars illa Decreti contradicit Scripturæ illi sanctæ Joan. ultimo: Petre, pascue oves meas. Ergo illa non potest continere veritatem Fidei Catholicæ, sed errorem magis. Consequentia patet: antecedens deducitur sic: Per hanc Salvatoris institutionem Petrus, cui succedit Romanus Pontif. constitutus est universalis

Ecclesiæ Pastor & Rector. Unde Beatus Chrysostomus super Act. Apostol. Petrus a filio super omnes, qui filii sunt, potestatem accepit: Non ut Moyses in gente una, sed in universo orbe, dicente Domino ipsi Petro: pascue oves meas: inter oves istas & illas non distinguens, sed universas oves suas ejus curæ commendat. Et Beatus Gregorius ad Imperatorem Mauricium: Cunctis Evangelium scientibus liquet, quod voce Dominica Sancto, & omnium Apostolorum principi Petro totius Ecclesiæ cura commissæ est: ipsi quippe dicitur: Petre amas me, pascue oves meas. Sed manifestum est, quod ista repugnent ad invicem, quod Romanus Pontifex sit pastor totius gregis Dominici, Rector, Gubernator: et quod ipse grex, aut universalis Synodus gregem ipsum representans, potestatem habeat a Christo immediate judicandi, & puniendi pastorem ipsum, si gregis sui transgrediatur instituta. Ratio enim pastoris, & ratio gregis, ista simul stare non possunt. Ad pastoris enim rationem pertinet cura regendi oves. Ovium vero est obedire pastori. Unde Joan. X. Oves meæ vocem meam audiunt. Et Beatus Augustinus in De verbis Domini, homil. LXII. "Animad-
" vertit caritas vestra: dictum est Petro
" a Domino per interrogationem, Dili-
" gis me? cui respondit ille: Tu scis,
" quia amo te: hoc secundo, hoc ter-
" tio, & ad singula verba respondens,
" dicebat Dominus: Pascue agnos meos.
" Commendat Petro Christus agnos suos
" pascendos, qui pascebat & Petrum.
" Et infra: pertineat ergo ad nos cura,
" ad oves obedientia: ad nos vigilantia
" pastoralis, ad vos humilitas gregis."
Hæc Augustinus. Nulli ergo dubium, cum contra rationem pastoris sit, ut oves, aut grex potestate superior sit ipso pastore, quod contra institutionem Christi, qua Rom. Pontifex constitutus est Pastor, & Rector totius gregis Dominici, sit pars prædicti Decreti. Quamobrem dicitur in cap. Oves. II. quæst. VII. Oves, quæ suo pastori commissæ sunt, eum nec reprehendere, nisi a fide exorbitaverit, nec ullatenus accusare possunt: quia facta Pastorum, oris gladio ferienda non sunt, quamquam reprehendenda recte videantur. Idem habetur VI. quæst. I. Oves.

Oves. Oves pastorem suum non reprehendant, scilicet imperiose. Et sequitur ratio, quia non est discipulus supra Magistrum. Præterea quod pars illa Decreti non posset dici continere veritatem fidei Catholicæ, patet, quoniam contradicit Decreto hujus universalis & œcumenicæ Synodi Florentinæ; in qua Orientali & Occidentali Ecclesiis convenientibus, Præsidente Sanctissimo ac Beatissimo Domino nostro Eugenio Papa IV. Divina & Apostolica auctoritate diffinitum est, Apostolicam Sedem, & Romanum Pontificem in universum orbem tenere Præmatum, & ipsum Pontificem Rom. Successorem esse Beati Petri, principis Apostolorum, & verum Christi Vicarium, totius Ecclesiæ Caput, & omnium Christianorum Patrem & Doctorem existere, & ipsi in Beato Petro pascendi, regendi, & gubernandi Ecclesiam universalem, a Domino JESU CHRISTO plenam potestatem traditam esse. Plane hæc simul stare non possunt, ut Romanus Pontifex primus sit totius orbis, & tamen universali Concilio orbem representanti, sit subiectus. Quod princeps sit Apostolorum, seu plebis Christianæ, & illorum Concilio subditus sit. Quod sit Vicarius Christi præsentialis immediate ab eo constitutus, & alteri, quam Christo subditus sit. Quod sit Caput totius corporis Ecclesiæ, & a Concilio corpus Ecclesiæ representante veniat judicandus, & regendus. Quod sit Pater omnium Christianorum, & sub pœna damnationis (*) damnatorum, de consilio filiorum suorum parere teneatur mandatis. Quod sit Doctor omnium fidelium, & Synodo universali, Collegio Discipulorum suorum veniat inferior. Quod plenam a Christo potestatem acceperit pascendi, regendi, & gubernandi universalem Ecclesiam; & quod Concilium universale Ecclesiam representans superius sit illo potestate regiminis, & gubernationis. Plane hunc locum optime respicit dictum sapientissimi Salomonis, qui Prov. XXX. dicit: per tria moveatur: Gloss. interlin. inquietatur terra Gloss. id est; Ecclesia: & quartum sustinere non potest: per servum cum regnum cœperit. Quod tunc videtur contingere, cum inferiores superiores

reprehendere, & corrigere, & quos Deus exaltavit dignitate principatus, humiliare præsumunt. Ubi compleri videtur, quod dicitur Ecclesiast. X. Vidi servos in equis, Gloss. interlin. in dignitate: Principes autem ambulantes, quasi servos. Nec potest dici, quod Papa per peccatum mortale desinat esse superior: quoniam hoc falsum est & erroneum. Unde in Concilio Constantiensi, ut patet in Epistola decretali Domini Martini, super erroribus Wiclef, & Joannis Hufi sequentes errores sunt condemnati. "ne-
" mo gerit vicem Christi, vel Petri, nisi
" sequatur eum in moribus. Item alius:
" Papa non est manifestus, & verus
" Successor principis Apostolorum Pe-
" tri, si vivit moribus contrariis Petro. Item alius: " Cardinales non sunt veri &
" manifesti Successores Collegii aliorum
" Apostolorum Christi, nisi vixerint
" more Apostolorum, servantes mandata
" & consilia Domini nostri Jesu Christi." Per solum quidem crimen hæresis pertinaciter defensum, quis cadit a superioritate jurisdictionis, & potestatis. Et cum quaritur, unde hujus differentia inter crimen hæresis, & alia peccata habetur fundamentum; Respondetur breviter pronunc, quod de Sacra Scriptura, & ex Jure Canonico, & ex ipsa ratione. Ex Scriptura quidem, nam de aliis criminibus ait Dominus Matth. XXIII. Super Cathedram Moysi sederunt Scribæ & Pharisei: Quæcumque dixerint vobis, facite, & servate, secundum opera eorum nolite facere. Ecce, quod Dominus non abjiciendos dicit malos pastores, qui doctrinam bonam habent, vitam vero malam. Item ad Rom. XIII. dicit Apostolus: Omnis anima potestatibus sublimioribus subdita sit. Gloss. bonis vel malis. Et I. Pet. II. Subditi estote Dominis vestris, non tantum bonis, sed & dycolis. De crimine vero hæreseos, quod illud faciat Prælatum cadere ab auctoritate jurisdictionis, & per consequens a Papatu, qui principatum jurisdictionis importat, colligitur primo secundum quorundam veterum expositionem ex illo Deuteron. XVII. Non poteris alterius gentis, quam scilicet Christianæ, hominem regere facere, qui non sit frater tuus, scilicet fidei religione.

Tomus V. Concilior. German.

Y y y y 2

Præ-

(*) damnatorum videtur redundare.

Præterea dicit Salvator Matth. X. Qui negaverit me eorum hominibus, negabo eum coram Patre meo. Item Joan. III. Qui non credit, jam judicatus est. Item Joan. secundæ I. Si quis venit ad vos, & hanc doctrinam non affert, nolite eum recipere in domo vestra, nec Ave dixeritis ei. Qui enim dixerit Ave, communicat ejus operibus malignis. Ex quibus manifesta differentia inter hæresis crimen & alia. Ceterum ex Jure Canonico hujus differentię capitur fundamentum, sicut superius ostensum est in multis Capitulis inductis ad ostendendum, quod hæretici potestate privantur jurisdictionis. Ratione etiam non caret hæc differentia, quoniam cum fides sit prima connexio, qua quis connectitur Corpori Christi, sique primus lapis ædificii spiritualis; impossibile videtur, quod quis habeat rationem capitis, qui non habet rationem membri. Ecce quam clara differentia ex ipsa Scriptura sancta colligitur inter crimen hæresis, & alia peccata in ipsis Pastoribus Ecclesiæ. Et ideo non mirum, si Doctores eruditi tam Theologi, quam Juristæ, magnam inter illa differentiam faciant. Amplius arguitur sic contra præfatam partem Decreti: illa non videtur posse dici continere veritatem Catholicæ fidei, quæ determinationi Apostolicæ Sedis contradicit: sed illa est hujusmodi; ergo non veritatem, sed magis errorem continere dicenda est. Major patet ex illo Hieronymi in cap. Hæc est fides, Papa Beatissime. XXIV. qu. I. Minor vero patet in decretali illa: Unam Sanctam: quam fecit Bonifacius VIII. cujus sunt verba, quæ sequuntur: "Si deviat terrena potestas, judicatur a spirituali: si deviat spiritualis, judicatur minor a suo Superiore; si vero superprema, a Deo solo potest judicari." Hæc ibi. Alia plurima facile est inducere contra hanc partem Decreti, contra quam manifeste sunt Hugo de S. Victore, Sanctus Thomas, Albertus magnus, Alex. de Ales, Alvarus, & alii plurimi in facultate Theologica Magistri, quorum dicta pertransseo brevitatis causa. Quibus sic habitis, venio ad casus positos per Dominum argumentem. Primus casus assignatus est, videlicet quomodo imminente necessitate reformationis Ecclesiæ, & actu existente Concilio, Papa

nollet facere reformationem, non sufficit ad depositionem Papæ, cum talis negligentia, aut mala voluntas non deiciat eum a superioritate potestatis, nisi ista mala voluntas talis esset, quæ manifeste oriretur ex aliquo errore in fide Catholica: ut puta, quia non crederet Ecclesiam sanctam esse, contra illud, quod de ea ait Spiritus Sanctus: Tota pulchra es amica mea, & macula non est in te: Cant. IV. aut quod non crederet, quod sanctitas vitæ requiratur in suscipientibus ordines sacros, & promovendis ad Ecclesiasticas dignitates de necessitate præcepti, etsi non de necessitate Sacramenti: contra illud Levit. XXI. Homo de semine Aaron, qui habuerit maculam, non offeret panes coram Domino, nec accedet ad ministerium ejus. Ubi per maculam in Gloss. omne vitium intelligitur. Juxta quem sensum intelligendi sunt Doctores, si qui illum casum proposuerunt: sic dico, quia nullum talem, qui alicujus esset nominis, talia docentem ego legi. De secundo autem casu, quando scilicet scandalizat incorrigibiliter Ecclesiam, dico, quod ista incorrigibilitas malæ vitæ, qua talis scandalizat Ecclesiam, potest dupliciter intelligi: uno modo in continuatione criminis, puta, quia monitus non curat desistere, seu abstinere a peccatis: alio modo potest incorrigibilis illa in defensione criminis, ut si pertinaciter defenderet aliqua non esse peccata, sicut simoniam, sicut avaritiam, sicut promotionem indignorum; ita quod crimina prohibita jure Divino, laudaret aut defenderet tamquam licita. Primo modo loquendo de incorrigibilitate, casus ille juxta superius dicta non habet veritatem; secundo autem modo intelligendo, locum haberet, quia jam hæreticus esse, sentiens male pertinaciter de Legge & Scriptura sancta, convincitur. Et ad Glo. quæ allegatur in cap. Si Papa, dico, quod multa sunt, propter quæ illa Glo. nullum doctum, seu gravem virum debeat movere, immo parum, aut nihil est curandum de illa. Tum primo, quia Glo. illa nulla firmatur ratione; nec hoc, quod inducit: Si peccaverit in te frater tuus: pro opinione sua, sicut in responsione ad primam auctoritatem est ostensum. Tum secundo, quia Gloss. illa est manifeste contra text. unius Summi

mi Pontificis, & Martyris, qui multo præstantioris est auctoritatis, quam Hugutio unquam fuit. Tum tertio, quia est contra alios multos tex. sacrorum Canonum, sicut patet de Capitulo. Nemo judicabit primam sedem: &c. Cuncta novit Ecclesia. IX. quæst. III. cap. Ejeſti. dist. LXXX. Quarto, quia contraria est multis aliis Gloss. & maxime in cap. Si quis pecuniam, LXXIX. quæ vult, quod tantum pro hæresi stricte sumpta Papa posset judicari, scilicet si peccat contra articulos fidei. Quinto, quia est contra clariores Doctores in jure Divino, quorum aliqui superius nominati sunt, quibus merito in hac parte credendum est, & securius creditur eis, quam Hugutioni. Inter quos Dominus Alvarus, maximus Doctor in utroque jure, ponit expresse in libro de hæresibus, rubrica XXXII, quod error est, quod Papa possit judicari extra casum hæresis a Concilio Generali. De tertio vero casu, quando scilicet vult facere contra universalem statum Ecclesiæ; dicitur, quod in isto casu, licet Papæ non esset obediendum, sed resistendum; non tamen venit propterea a Concilio judicandus. Aliud enim est non obedire, quod potest facere inferior, cum aliquid contra Divinam legem a superiore præcipitur. Ut enim dicitur Act. V. Obedire oportet Deo magis, quam hominibus. De quo in cap. Qui resistit. & in cap. Si is, qui præest. II. quæst. III. Aliud est resistere, cum a superiore aliquid dicitur, quod a veritate, aut a Sanctorum Patrum sententiis sit devium, sicut Paulus resistit Petro, quia non ad veritatem Evangelii ambulabat, ad Galat. II. Aut cum contra statum universalis Ecclesiæ generaliter agere attentaret, sicut si vellet deponere simul omnes Episcopos, ac familia, ex quibus parenter universa turbaretur Ecclesia. Et hoc modo dicunt Hosti. & Inno. & Archi-Diaconus, quod non esset papa sustinendus, id est, non permittendus hoc facere, sed ei, eum omni tamen humilitate & reverentia, resistendum esset. Non autem dicunt, quod in hoc casu deponendus esset, cum ipsi cum antiquis Doctoribus Theologis concordantes, dicunt papam propter solum crimen hæresis posse ab Ecclesia judi-

cari. Aliud est judicare, & hoc non est nisi Superioris, ut ante dictum est; Qui autem judicat me, Dominus est. I. Cor. IV. Et patet ita, quod nullus illorum trium casuum sufficiat, ut Papa possit subiacere judicio universalis Concilii; & ratio est, quæ superius assignata est: videlicet quod propter nullum aliud crimen venit sub judicio quorumcumque inferiorum. Quare cum quamdiu Catholicus est, verus Summus Pontifex sit, dicunt Doctores, quod semper in honore habendus est. Unde Augustinus lib. IX. veteris & novi Testamenti dicit sic: "Nonne sciens David, Divinam esse traditionem in officio ordinis regalis, idcirco Saul in eadem adhuc traditione positum honorificat, ne Deo injuriam facere videatur, qui his ordinibus honorem decrevit? Dei enim imaginem habet Rex, sicut & Episcopus Christi. Quamdiu ergo in eadem traditione est, honorandus est, vel propter se, vel propter ordinem. Unde Apostolus inquit: Potestati bus sublimioribus subditi estote. Non enim est potestas, nisi a Deo." Hæc Augustinus. Ex quibus omnibus patet, quod Decretum illud per Patres obedientiæ Joan. XXIII. dicti, Constantiæ editum, juxta intelligentiam, quam de eo præstant verbis & factis Basileens. secundum quam persecutus sum istam responsionem, non contineat veritatem fidei Catholicæ, immo errorem & impietatem. Quare præsumptio maxima & execrabilis temeritas fuit, tali intelligentia data, diffinire, decretum illud veritatem esse Catholicæ fidei. Animadvertissent utinam pro eorum salute illud, quod Augustinus dicit in libro de Ecclesiasticis (*) dignitatibus in fine, ubi sic ait; Si quis scripturas præter eas, quas Catholica Ecclesia recepit, vel in auctoritate habendas esse, (**) vel fuerit veneratus, Anathema sit. Et hæc dicta sufficiant pro primo articulo propositionis factæ per Patrem & Dominum arguentem.

Responsio ad secundum Articulum.

SUMMARIUM.

1. Concilium Constantiense nunquam decrevit, Concilium esse supra Papam.

Y Y Y Y Y 3

II.

(*) pro: dogmatibus, sed verius ex Conc. Toletano I. pag. 993. E. (**) manca sententia.

- II. Patres Constantiæ congregati recta intentione procedebant.
- III. Petierunt confirmationem suorum Decretorum a Romano Pontifice, quem Concilio superiorem confessi sunt.
- IV. Basileensium propositio, absque offensa Concilii Constantiensis, merito veluti hæretica condemnatur.
- V. Constantiensis Decreto de Superioritate Concilii sæpe contradixerunt Patres.
- VI. Joannes XXIII. renunciavit juri Papatus, si aliquid habebat.
- VII. Et pro hæresi specialiter fuit a Concilio judicatus.
- VIII. Concilium Generale, præsertim Sede vacante, potest facere Decreta Reformationis, pertinentia tam ad Caput, quam ad membra.
- IX. Romanus Pontifex legibus quoad vim coactivam non subjicitur.
- X. Legis ratio duo includit juxta Sanctum Thomam.
- XI. Concilia in Ecclesiæ Romanæ aut Summi Pontificis præjudicium non possunt leges statuere.
- XII. Princeps, quomodo solutus sit legibus.
- XIII. Rex a Deo tantum puniendus est.
- XIV. Basileense Concilium legitime convocatum, & continuatum esse, quomodo intelligitur.
- XV. Concilium legitime inchoatum, & continuatum, errare potest in suis diffinitionibus.
- XVI. Concilium Ephesinum secundum, & Aquisgranum (*) legitime inchoata, & continuata, tandem erraverunt.
- XVII. Concilia plenaria priora a posterioribus perquam emendantur.
- XVIII. Basileenses non observasse, quæ Eugenio Pontifici Max. promiserant, ostenditur.
- XIX. Papæ præfidentes noluerunt recipere.
- XX. Præfidentibus Apostolicæ Sedis non consentientibus nulla est Concilii diffinitio.
- XXI. Quomodo Præfidentes Decretis Concilii subleventur.
- XXII. Non errare, non est privilegium Conciliorum Generalium.
- XXIII. Basileensium Decreta nunquam approbavit Eugenius IV.
- XXIV. Conciliorum Decreta a Romano Pont. necessario confirmari debent.
- XXV. Quamvis potestas Papæ in Concilio sit inclusa, necesse est tamen, ut ejus Decreta

ab Apostolica Sede expresse confirmantur.

XXVI. Concilium potius includitur in Papa, quam e converso.

SEquitur secundus Articulus propositionis factæ per Dominum opponentem : in quo nixus est duplici via persuadere, quod propositio illa prima Basileensium de potestate universalis Concilii supra Papam, quam veritatem Catholicæ fidei vocant, quæ superius posita est, non condemnaretur. Et prima via sumpta fuit ex parte Patrum, qui Decretum illud Constantiæ ediderunt; Secunda ex parte eorum fratrum, qui illud Basileæ renoverunt. Circa primam viam, prima ratio, si bene mente tenui, fuit, quia non poterat condemnari sine offensa & scandalo Concilii Constantiensis, quod Decretum præfatum de potestate Concilii universalis supra Papam edidit.

Ad istam rationem respondetur, quod salva pace nunquam Concilium universale Constantiense tale Decretum edidit. Unde ex hac parte dicimus, Basileenses falsum dixisse in propositione illa prima, præsupponendo, quod Constantiæ per universale Concilium, universalem Ecclesiam repræsentans, fuerit illa superioritas potestatis Concilii supra Papam declarata. Cum enim solum pro tempore, quo tres obedientiæ fuerunt simul, congregatio illa fuerit indubitata, Synodus Generalis credita; & non a tribus obedientiis decretum illud, sed ab una tantum fuerit editum, ut sæpe in exordio præsentis responsionis commemoratum est, manifeste falsum est, quod præsupponitur. Quod etiam ex alio colligitur; nam tota Synodus ex tribus obedientiis aggregata, statuto suo designare videtur, præfatum Decretum nunquam de mente sua processisse. Unde in Sessione xxxvi. ita dicitur: Sacrosancta Constantiensis Synodus &c. statuit, decrevit, quod futurus Romanus Pontifex per Dei gratiam de proximo assumendus, cum hoc Sacro Concilio, vel Deputandis per singulas Nationes, debeat reformare Ecclesiam in capite Romanæ Curie, secundum æquitatem & bonum regimen Ecclesiæ, antequam hoc sacrum Concilium dissolvatur, supra

mate-

(*) Aquisgranense.

materiis articulorum alias per Nationes in reformatorio oblatorum, qui sequuntur : Primo de numero, qualitate, & natione Dominorum Cardinalium ; & infra in XIII. articulo dicitur : propter quæ & quomodo Papa posset corrigi, vel deponi. Ex quo instituto manifeste datur intelligi, quod Synodus illa hoc decernens, non prius instituerit, aut decreverit, quod Papa non obediens etiam incorrigibiliter statutus, mandatis, & ordinationibus Concilii universalis, ex omnibus obediens Christianitatis collecti, in pertinentibus ad fidem, & extirpationem schismatis, reformationem in Capite, & in membris, veniret per Concilium correctione pœnali puniendus, & maxime pena depositionis : & præcipue eo considerato, quod nullus videatur posse dari casus, qui non contineatur in prædictis. Secundo arguebatur per eundem Dominum arguentem sic : Dato, sicut verum est, quod Decretum illud factum fuisset ab una obedientia tantum, nihilominus in illa erat major pars Ecclesiæ. Unde non videtur eorum, quod Decretum illud a tot populis factum, condemnaretur ut hæreticum. Ad hoc licet plurima possent dici tam circa præsuppositum, quam circa consequentiam, respondetur breviter sic.

Primo, quod non tractatur hic, neque est de mente Sanctissimi Domini nostri, quod Decretum illud Constantiæ factum per obedientiam Joannis XXIII. condemnatur ut hæreticum : quoniam arbitraturs Sanctissimus Dominus noster pro illorum Patrum reverentia, religione, & integritate, non alium sensum habuisse in illo Decreto, quidquid verba ejus in sono litteræ prætendant, quam Sancti Patres habuerunt ; sicut colligi potest ex reverentia, obedientia, & professione humilitatis ostensis per eos Domino Martino Romano Pontifici electo per eos, qui mox, ut creatus fuit, Cathedram sumpsit iudicii supremi : ipse quidem dissinivit, statuit singula, Concilio Sacro approbante.

Præterea ipsi recognoscences Decretorum suorum firmitatem ab Apostolica Sede pendere, confirmationem eorum a præfato Romano Pontifice humiliter postularunt : per quæ omnia re-

ste ponderata profitebantur Romanum Pontificem superiorem Synodo, non inferiore.

Sed tractatur nunc, quod prima illa Basileensium propositio una cum aliis duabus, in quibus omnes conveniunt, pariter damnetur, sicut jure damnanda est : cum manifestum sit illam ad eorum intelligentiam, quam verbis factisque docent & prædicant, alienam esse a Scripturæ sanctæ, & a sanctorum Patrum doctrina. Et hoc potest optime fieri, absque offensa Decreti Constantiæ facti bene intellecti, & abique scandalo decretantium illud : quoniam planum est, quod una & eadem propositio multiplicem habens intelligentiam, secundum unam intelligentiam possit esse vera, & secundum aliam sit hæretica : sicut exempla plurima dari possent, in quibus quia nota sunt, & brevitatis causa, superfedeo. Secundo respondetur, quod Domini & Patres de obedientia Joannis XXIII. ita debent honorem suum zelare in defensione præfati Decreti, quod non velint alias duas obedientias schismaticas & hæreticas declarare ; quoniam hic error pejor esset priore : quod tamen, ut superius ostensum est, difficillimum est observare, nisi Decretum illud ad aliam trahatur intelligentiam, quam verba in superficie prætendunt, & quam Basileenses prædicarunt : alias non videbantur, salva pace, observare illud, quod Dominus præcepit : Quod tibi fieri non vis, alteri ne feceris.

Tertio arguit Dominus opponens, quod licet ab una obedientia tantum fuerit factum præfatum Decretum, nihilominus cum post nulla facta fuerit reclamatio per alias obedientias, videtur approbatum fuisse. Respondetur, negando, quod nulla fuerit facta reclamatio, immo multiplex. Tum primo, quando primo factum est, contradictum & reclamatum est, tam per Prælatos & aliquos Dominos Cardinales, qui, ut in gestis ejusdem Concilii patet, se absentarunt a Sessione illa : quam per multos doctos viros, sicut a fide dignis, qui interfuerunt, refertur. Tum secundo contradictum est per eum, quem obedientia illa pro Romano Pontifice venerabatur, & cujus auctoritate congregatio illa legitime adunata dicebatur, scilicet

cer Joannem XXIII. dictum, qui Decreta illa facta erronea esse saepe professus est, ut Dominus Dynensis ab ejus ore in opido Schaphusensi prope Constantiam audivit. Tercio contradictum est per duas obedientias alias, scilicet Gregorii & Benedicti, quæ, ut superius ostensum est in principio præsentis responsionis, manifeste verbis & factis contradixerunt opinioni dicentium, eos, qui de obedientia præfati Joannis XXIII. Constantiæ ante convenerant, Concilium Generale facere, Ecclesiam Christi repræsentare, habere potestatem immediate a Christo, cui &c. Tum quarto manifestum testimonium hujus reclamationis, sive non acceptationis colligi videtur ex eo, quod numquam amplius convenientibus omnibus obedientiis simul, fuerunt illa Decreta repetita, nec confirmata: sed statutum fuit, ut jam dictum est, quod per Papam & per Concilium deberet declarari, per quæ, & quomodo Papa possit corrigi vel deponi.

Quarto arguit Dominus opponens, quod si illud decretum non fuit verum, Joannes XXIII. non potuit deponi, maxime cum, ut ex sententia ejus patet, non fuit depositus pro hæresi, sed juxta Glossam Can. Si Papa, scilicet, quia moribus suis pravis scandalizabat incorrigibiliter Ecclesiam. Nec potest dici, inquit, quod postmodum Florentiæ approbavit depositionem suam & electionem Martini: quia talis approbatio non poterat facere Martinum Papam. Ad istam rationem, dimissis multis aliis, quæ possent dici, respondetur negando consequentiam, & hoc duplici ratione.

Tum primo quia ipse, ut patet per instrumenta, quæ includuntur in gestis hujusmodi Concilii, renunciavit juri Papatus, si aliquod habebat. Et quod dicitur, quod approbatio sua nihil juris contulit Domino Martino, negatur; dicendo, quod approbatio non fuit talis, qualis dicitur esse per Dominum arguentem: sed talis fuit, ut Reverendissimus Placentinus, & alii Domini Cardinales nuper in præsentiarum dixerunt, quod videlicet postquam liberatus a carceribus venisset Florentiam ad Dominum Martinum, approbavit renunciationem suam, quam fecit in carcere, profitens illam publice, non metu, non sophistice, sed veraciter & libere fecisse.

Secundo consequentia non valet: quoniam in casu hæresis, de qua iste accusatus fuit, & testes induciti, universale Concilium potest Papam judicare, sicut dictum est: unde negatur, quod non pro hæresi, sed pro aliis criminibus Joannes ille fuerit judicatus. Unde, sicut patet ex gestis illius Concilii, in sententia suspensionis ejusdem facta in Sessione decima, vocatur notorius hæreticus, & incorrigibilis. Sed licet hoc in sententia condemnationis non exprimitur specialiter: nihilominus in eadem sententia dicitur, quod propter illa crimina tunc ibi nominata, & alia crimina, in processu dictæ causæ contra eum deducta, & contenta, tamquam indignum & inutilem, & damnosum sancta Synodus privat.

Quinto arguit Dominus opponens, & præsupponit, quod, ut patet est gestis illius Concilii, inter Patres deputatos obedientiæ Joannis XXIII. & Patres de obedientia Benedicti, fuerunt compactata Narbonæ quædam Capitula, inter quæ fuit unum, scilicet primum, de convocatione fienda per Prælatos utriusque obedientiæ. Aliud vero Capitulum fuit, quod est secundum in ordine, quod dicta congregatio & constitutio Concilii fienda per dictos Dominos, fieret generaliter pro extirpatione schismatis, & hæresis, & pro sancta unione Ecclesiæ, & pro reformatione universalis Ecclesiæ in Capite & in membris &c. Ex istis elicit præfatus Reverendissimus Dominus, quod Concilium habeat potestatem in reformatione capitis facienda: & per consequens videtur, quod omnium illorum Patrum fuit hæc fides, quod Concilium haberet hanc potestatem. Ad istam rationem, dimisso, quod ex convocatione illa nova, & institutione Concilii, arguatur manifeste non esse creditum apud omnes, veritatem esse fidei Catholicæ; Patres convenientes Constantiæ, quando fecerunt Decreta, de quibus est sermo, facere Concilium generale, aut universalem Ecclesiam repræsentare: Respondetur, quod per Caput illud secundum, quod, ut in eodem continetur, factum est, ut deferretur honori Concilii Constantiensis, & sub certis conditionibus, non arguitur aliquod contra dicta.

Non

Non enim negatur, quod Concilium universale, & maxime Sede vacante, possit facere Decreta Reformationis pertinentia tam ad Caput Ecclesiæ, quam ad membra. Sed hoc negatur, quod posset facere leges indifferenter habentes vim coactivam contra Caput ejus, Romanum scilicet Pontificem. Pro quo notandum est, quod ut ait Sanctus Thomas in prima II. quæst. XCVI. articulo quinto, ubi quærit, utrum omnes subdiciantur legi: quod lex de ratione sui duo habet: videlicet, quod est regulâ humanorum actuum; & quod habet vim coactivam. Quantum ad primum, Concilium universale potest facere Decreta, & Instituta, quæ respiciant tam caput, quam membra, etiam instituta, quæ respiciant ipsa universalia Concilia: quantum vero ad secundum, scilicet vim coactivam, judicium condemnationis inferendi transgressionibus legum, non potest; cum inferiore hujusmodi legem non possit imponere superiori: & ideo dicitur extra de Elect. cap. Significasti, quod Romanæ Ecclesiæ nulla Concilia legem præfixerint. Quod etiam in præjudicium Romani Pontificis nihil instituere possint, testatur Innocentius tertius in can. Innocentius, extra de Elect. ubi dicit, quod Canon Lateranensis Concilii ab Alexandro Papa prædecessore suo editus, nullum potuit Successori suo præjudicium generare, cum non habeat imperium par in parem. Quamobrem Sanctus Thomas præfato articulo, in responsione ad tertium dicit, quod Princeps dicitur solutus legibus; non quidem quantum ad vim directivam, debet enim legibus vivere: sed quantum ad vim coactivam, quia nullus potest in ipsum judicium condemnationis inferre, si contra legem agat. Unde super illud Psalmi: *Tibi soli peccavi*, dicit Glossa: "Rex est omnibus superior: ideo a Deo tantum, qui major est, puniendus est. Si quis de populo erraverit, & Deo (*) peccaverit & Regi: Rex vero non habet hominem, qui sua facta dijudicet: ideo ait, Tibi soli peccavi." Hæc Glossa: & hæc de rationibus inductis ex parte Patrum de obedientia Joannis XXIII. & gestorum Concilii Constantiensis dixisse sufficiat.

Tornus V. Concilior, German.

(*) forte: peccavit.

Jam ad argumenta, quæ egit præfatus Dominus opponens ex parte Concilii Basileensis, tendamus, licet ex multis eorum, quia dispensative per modum tolerantia ad preces Regum & Principum Apostolica Sedes fecit, ut schismatis tolleretur occasio, & Bohemorum tractatus ex dilatione non sulciperet impedimentum, argumenta sumpta parum debeant habere virtutis. Argumentum est autem inprimis, si bene retinui, sic: Concilium Basileense fuit legitime inchoatum, quia auctoritate & Martini, & præsentis Sanctissimi Domini nostri, & hoc pro reformatione in capite & in membris: fuitque legitime continuatum, ut in Bulla annulationis, dissolutionis, sive translationis ejusdem Concilii Sanctissimi Domini nostri attestatur: & præfatum Concilium fecit illas declarationes de potestate Concilii universalis, sicut est manifestum: ergo videtur Decretum illud esse verum: alias Concilium illud non fuit legitime continuatum: errare enim non stat cum legitima continuatione.

Ad istam rationem responderetur, quod Concilium legitime continuari, potest intelligi duobus modis: uno modo quia continuatur ejus potestas instituentis, & non est evacuatum auctoritate, sed habet processum legitima potestate fulcitum; alio modo potest intelligi legitime continuari, non per respectum ad auctoritatem dictam, sed ad materiam processus, ita quod omnis declaratio facta per tale Concilium fuerit vera. Omnis ejus constitutio sancta, est sententia justa. Capiendo autem hoc secundo modo legitimam continuationem, conceditur consequentia, & negatur antecedens. Licet enim Sanctissimus Dominus noster declaraverit Concilium illud legitime continuatum, quia non fuerat intentionis Sanctitatis suæ, quod Concilium illud evacuaretur virtute sua, si causæ, propter quas illud transfunderat, non essent veræ, aut tantæ gravitatis, sicut ejus Sanctitas agnovit: non tamen concessit eis, nec declaravit, eos in omnibus, quæ dixerant, definierant, aut constituerant, bene, sancte, justeque fecisse. Capiendo autem primo modo legitimam continuationem Concilii, con-

Z z z z z

cedi-

ceditur Antecedens, & negatur consequentia. Stat enim cum hoc modo legitimationis processus Concilii, error aliquis in conclusionibus: sicut patet de secunda Synodo Ephesina: quæ sicut fuit legitima auctoritate inchoata, ita etiam continuata, quæ tamen gravissime erravit. Præterea Concilium Aquisgrani celebratum legitime fuit, & continuatum, de quo in can. Placuit, XXXVI. quæst. II. & tamen ejus definitioni præponitur sententia Hieronymi, ut in eodem loco colligitur, & habetur in Glossa in can. de Libellis, distinct. XX. Præterea dicit Augustinus contra Donatistas loquens, libro primo de unico Baptismo, plenaria Concilia sæpe priora posterioribus emendari. Præterea interrogentur Patres Basileenses, utrum dicant verum apud omnes indubitatum in hoc, quod Synodus universalis Constantiensis fecisset illas declarationes. Et plane, si veritatem loquuntur, dicturi sunt contra definitionem eorum, cum manifestum sit per unam solam obedientiam illas factas esse. Non ergo erit inconveniens, quod Concilium Basileense, licet dicatur fuisse legitime continuatum, scilicet quoad processum ejus, habeat in eis, quæ declaravit, aut instituit, aliquid emendandum, & corrigendum.

Secundo arguebat idem Dominus opponens sic, confirmando rationem præmissam: Concilium Basileense fuit universale & indubitatum, & renovavit hoc Decretum, facta revocatione dissolutionis: ergo sequitur, quod illud sit verum. Ad istam rationem respondetur primo ad antecedens, quod attento quod conditiones & promissiones Domino nostro factæ, ut dissolutionem, sive translationem revocaret, non fuerunt ei observatæ, maxime quod sui Præsidentes non fuerunt recepti juxta dispositionem, & juxta morem antiquorum Conciliorum, non videtur omnino indubitatum fuisse illud Concilium; immo apud multos doctos omnino vacuum auctoritate judicatum est: cum Præsidentes Papæ juxta formam a Romano Pontifice datam, noluerit recipere; sed contra omnem modum & rationem, corpus sine ordine dependentiæ ad caput sibi a Christo superpositum, potestate propria voluit procedere.

Secundo dicitur, quod non videtur verum, quod Concilium Basileense renovaverit Decretum illud Constantiense, immo Decretum fecerit novum: quod patet ex eo, quod forma unius multum differt & littera & intelligentia ab alio, sicut patet intuitu illas, quas supersedeo prosequi brevitate causa.

Tertio Præsidentes omnes, quibus in solidum auctoritas data erat, non consenserunt, immo contradixerunt, & protestati sunt eo modo meliore, quo potuerunt, licet aliqui eorum non ut Præsidentes, sed ut particulares personæ, quasi violenter, cum aliter non reciperentur ad præsentiam, in renovatione illa consenserint.

Sed quærebat Dominus arguens: Unde habetur, quod si Concilium vult aliquid diffinire, & Præsidentes nolunt consentire, quod definitio sit nulla, cum hoc videatur valde mirabile? Ad hoc respondetur, quod hoc colligitur primo ex Chalcedonensi Concilio, in cujus gestis in actione sexta, ut habetur in libro Pontificum Isidori, ita dicitur: "In omnibus Synodis, apocriefarii Apostolici decretas sententias primo, propter summam auctoritatem ejusdem Sanctæ Sedis, confirmabant, & subscribant, quia aliter nullum robur habebant; unde scriptum est: Paschasius Episcopus, vice Domini mei Beatissimi atque Apostolice universalis Ecclesiæ Papæ urbis Romæ Leonis, Synodo præfidentis statui, consensu, & subscripsi similiter reliqui fecerunt." Hæc ibi. Secundo colligitur ex distinct. XVII. quæst. Per totum, & præcipue in Can. Regula. ubi habetur, nullum ratum esse Concilium, quod non fuerit Apostolica auctoritate fulcitur. Clarum est, quod ea, quæ fiunt Præsidentibus Papæ contradicentibus, non possunt dici fulsa auctoritate Apostolica. Secundo respondetur ad consequentiam, negando illam: assignata est ratio negationis in superioribus, pro eo scilicet, quod non errare, non reperitur privilegium esse generaliter universalium Conciliorum, etiam indubitatorum, nisi cum ita universali consensu in eisdem cuncta sint definita, quod Apostolicæ Sedis consensus, & approbatio intervenerint. Exempla etiam assignata sunt de secunda Syno-

Synodo Ephesina universali & indubitata. Tercio arguebatur per eundem Dominum opponentem sic: Sanctissimus Dominus noster approbasse videtur illud Concilium per Bullas suas: ergo videtur, quod diffinita per illud sunt approbata per Apostolicam Sedem, & per consequens vera sunt: aut Apostolica Sedes erravit cum illo.

Ad hoc respondetur, sicut idem Sanctissimus Dominus noster pro se tunc respondit, quod approbavit progressum illius; sicut dictum est, non autem Decreta ejus: quod sapientissime factum est. Quis enim, nisi imprudentissimus approbaret Decreta aliqua, antequam illa videret, examinaret, atque plene & integre ponderaret, si quid in eis minus rectum, minus verum, aut minus expediens contineatur? Aut si quid ineptum, aut si quid diminutum, aut superfluum sit? Quomodo dicitur fecisse Papa Clemens, ut Joannes Andreas ponit in principio Clementinarum, de constitutionibus factis in Concilio Viennensi: Quæ quia, ut inquit, aliquæ earum erant ineptæ, aliquæ prolixæ, aliquæ defectivæ composuit, aliquæ etiam non expediebant, fecit illas Clemens recenseri per peritiores: qui alias illarum in toto reservarunt, aliquas in totum rescaverunt, aliquas mutarunt quoad verba, mente servata, aliquibus vero earum, quibusdam detractis quoad verba, & quoad mentem aliqua sunt addita. Præterea si approbando processum Concilii Sanctissimus Dominus noster approbasset Decreta illius Concilii; cur tanto studio, & tam repetitis vicibus laborarunt Basilienses per Oratores suos, ut Sanctissimus Dominus noster approbaret & confirmaret eorum Decreta, quod hucusque habere non potuerunt?

Sed quærebat Dominus arguens, unde reperitur, quod necesse est accipere, aut habere a Romano Pontifice, sive Apostolica Sede confirmationem Decretorum factorum per Concilia universalis, cum in universali Concilio intelligatur esse auctoritas Papæ? Ad hoc respondetur, quod hujusmodi necessitas confirmandi Decreta Conciliorum per Papam, colligitur primo ex auctoritate sacræ Scripturæ, secundo ex evidentia rationis, tertio ex practica observata

sacrorum Conciliorum præstantissimo. Ex sacra Scriptura quidem colligitur Deuter. XVII. ubi Dominus ait: "Si difficile & ambiguum apud te iudicium perspexeris: (dicit Ecclesia interlinearis, hoc quoque in Ecclesia observandum est:) & iudicium inter portas tuas videris verba variari; surge & ascende ad locum, (Glossa prima: Ecclesiam) quem elegit Dominus Deus tuus: veniesque ad Sacerdotes Levitici generis, (Glossa prima: legitimos) & ad Iudicem, (Glossa prima: Pontificem) qui fuerit illo tempore, quæresque ab iis, qui indicabunt tibi iudicii veritatem. Et facies, quodcumque dixerint, qui præsum loco, quem elegit Dominus, & docuerint te juxta legem ejus, sequerisque sententiam eorum, nec declinabis ad dextram, neque ad sinistram. Qui autem superbierit nolens obedire Sacerdotis imperio, qui eo tempore ministrat Domino Deo tuo, & Decreto iudicis, morietur homo ille." Ubi licet dubiorum difficultium discussionem & indagationem veritatis, Deus conventui Sacerdotum attribuat: imperium tamen & diffinitivum iudicium, cui sub poena mortis obediendum est, uni soli, scilicet summo Sacerdoti attribuit. Unde manifeste patet, quod robur & auctoritas, & vis coactiva Decretorum universalium Conciliorum, ab uno scilicet summo Sacerdote dependet. Præterea præcipitur Moyfi, qui potestate, ut ait Bernardus Libro de consideratione ad Eugenium Papam, fuit figura Romani Pontificis: Esto tu populo in his, quæ ad Deum pertinent, ut ostendas eis ceremonias, & ritum colendi Deum. Exodi XVIII. Ceterum Christus cum aliis Apostolis imperaverit, ut laxarent retia sua, tantummodo Petro inquit: Duc in altum. Luc. IV. hoc est in profundum disputationum, ut ait Glossa Ambrosii, & habetur in Can. non turbatur, XXIV. quæst. I. Quomodo autem hæc Divina institutio integra servaretur, qua Summo Ecclesiæ Pontifici Divinitas tam singulariter inunxit summorum causarum & difficultium quæstionum in Ecclesia iudicium; si Patrum in Synodis convenientium Decreta, & Canonæ, & sententiæ, quæ communiter de rebus maximis pro-

feruntur, non consensu & approbatione firmarentur Summi Pontificis? Suffragatur præterea ad hoc ratio evidens; lex enim non habet vigorem & virtutem coactivam, nisi ex Principis auctoritate, aut auctoritate ejus, in quo principatus totius communitatis est collocatus. Istud est clarissimum apud omnia jura. Sed Romanus Pontifex est Princeps Ecclesiæ, & Principatus totius Ecclesiæ collocatus est ab ipso summo omnium principe Christo Salvatore nostro in Apostolica Sede, ut in Can. Basilicas, & de consecrat. quæst. I. ergo necessario firmitas, robur, & auctoritas Decretorum Conciliorum dependet a Romano Pontifice, five ab Apostolica Sede, sicut habetur expresse in Can. Confidimus, XXV. quæst. I. & extra de Elect. cap. Significasti. Facit etiam ad hoc ratio Beatissimi Thomæ in II. II. quæst. I. artic. ultimo, quam sumit ex unitate fidei; sic una fides debet esse totius Ecclesiæ secundum illud, primæ Corinth. primo: Idipsum dicatis omnes, & non sint in vobis schismata: quæ videtur servari non posse, nisi quæstio fidei de fide exorta determinaretur per unum, qui toti Ecclesiæ præest, ut sic ejus sententia a tota Ecclesia firmiter teneatur. Et ideo concludit, quod ad solam auctoritatem Romani Pontificis pertineat nova editio Symboli. hæc Sanctus Thomas. Ex quibus patet, quanta necessitas sit, ut Canones Conciliorum, & maxime fidem respicientes, per eum, qui universali Ecclesiæ præfidel, confirmantur. Fundatur præterea hoc ipsum in practica antiquorum Conciliorum, Nicæni scilicet, & Chalcedonenfis: in quibus Patres convenientes omnia diffinita & constituta per eos, miserunt ad Apostolicam Sedem, rogantes, illa per Romanum Pontificem confirmari: sicut patet de Patribus Nicænæ Synodi, ex Epistola ejusdem Synodi missa ad Papam Sylvestrum, quæ habetur in gestis ejus: & de Patribus Chalcedonenfis Synodi ex Epistola ejusdem missa super hoc ad Leonem Papam, quas pro brevitate tenenda hic interferere non curavi. Hoc præterea observatum in Concilio Constantiensi legimus, in quo licet Papa Martinus fuerit præsens, & fortassis primus omnibus assensum dedisset, nihilominus factus Pontifex, in fine omnium rogatus est, ut omnia Apostolicæ Sedis

auctoritate roboraret, quod sub certa forma fecit, ut patet in gestis ejusdem Concilii.

Quod vero dicebatur per Dominum arguentem, videri hoc non esse necessarium, quia, ut inquit, in Concilio universali potestas Papæ includitur. Respondetur primo, quod hæc locutio proprie loquendo non videtur mihi accipienda, quod potestas Papæ sit inclusa in Concilio universali ad eorum sensum, quem prætendunt illi, qui dicunt Concilium omnia posse, quæ Papa, & majora. Dicunt enim, quod Concilium dicit quid aggregatum ex potestatibus particularibus, quarum una sit potestas Papæ, ita quod Concilium dicat, unum totum comprehendens omnes istas intra se potestates. Inde arguentes, quod cum totum majus sit sua parte, Concilium sit majus Papa. Sed revera non ita accipienda est ratio Concilii, sicut isti imaginantur. Cum autem Romanus Pontifex, utpote Caput Ecclesiæ, plenitudinem & totalitatem habeat potestatis, & ab ipso omnis potestas jurisdictionis aliorum Prælatorum derivetur, ut superius multipliciter est ostensum: potestas Papæ non potest comparari ad potestates particulares aliorum Prælatorum, sicut pars totius comparatur ad alias partes, ex quibus illud totum resultat; sed ut totum comprehendens virtute quidquid potestatis est in illis: sicut dicit Boetius, quod superior virtus comprehendit in se inferiores; & Beatus Dionysius libro V. Ecclesiasticæ Hierarchiæ dicit: quod Hierarchici ordinis virtus in omnibus capitur sanctitatis totalitatibus; unde omnes Episcopi congregati cum Papa, quoad potestatem jurisdictionis, non videntur dicere plus potestatis, quam Papa solus. Omnes præterea Rectores, Officiales Regis, simul convenientes cum Rege, non dicunt plus jurisdictionis, quam Rex solus, sicut Sanctus Thomas inquit, quod omnes creaturæ & deus considerata simul, non portant plus bonitatis, quam Deus solus. Et ideo non est ita dicendum, sicut ex adverso intelligitur, quod potestas Papæ includatur in Concilio. Immo fortassis magis proprie diceretur e converso, scilicet quod potestas totius Concilii comprehendatur in Papa, sicut derivatum & dependens comprehenditur

tur in eo , a quo dependet & emanat. Dicimus enim , quod omnium membrorum virtus continetur in capite , & omnium inferiorum potestas in Principe. Secundo responderetur , quod ad hunc sensum potest dici , quod in universali Synodo includitur potestas Papæ : quia si rationem Concilii universalis habet , necessario consensus Papæ includitur , & auctoritas ad earum rerum persecutionem , ad quas Synodus ordinata est. Sed ex hoc modo comprehensionis potestatis Papæ in Concilio , non sequitur , quod conclusa per Patres Synodi non egeant confirmatione Principis Ecclesiæ. Et hæc de secundo Articulo pro mea mediocritate dicta sufficiant. De tertio autem articulo , quia cum non fuerit opus loqui , nihil respondi : ideo in hac recollectione responsionis meæ superfedeo : per totum

omnia per me dicta subjiciens correctioni & emendationi Sanctissimi Domini nostri Eugenii Papæ quarti , verissimi Christi Vicarii , & Principis universæ Ecclesiæ : cujus sanctitatis mandato hanc responsionem in præsentia Beatitudinis suæ , & Reverendissimorum Patrum Dominorum Cardinalium , fereque omnium Prælatorum hujus sanctæ Synodi Oecumenicæ , multorumque aliorum Patrum , Magistrorum , & Doctorum , satis ex tempore factam , nunc parum copiosius & extensius collegi. Sitque ipse Deus omnis boni fontalis origo pro assistentia gratiæ suæ in sæcula benedictus. Amen.

Explicit Responso facta per Magistrum Johannem a Turrecremata , Sacri & Apostolici Palatii Magistrum , Anno Incarnationis Dominicæ MCCCCXXXIX.

FELICIS V. Anti-Papæ Bulla , qua usurpatæ dignitati renuntiat. (*)

FELIX EPISCOPUS , SERVUS SERVORUM DEI , AD PERPETUAM
REI MEMORIAM.

QUAS ob causas evocati & emoti curam Apostolici regiminis suscepimus , toti sæpe numero manifestavimus orbi . Quamquam enim imparitatem nostrarum virium ad sustinendam hujusmodi oneris gravitatem sentiremus ; nihilominus , ubi universalis Ecclesiæ Basilicæ , in Spiritu Sancto legitime congregata , pias exhortationes simul ac sanctas missiones accepimus , quibus ad succurrendum auctoritati Ecclesiæ superpressæ nimium incessanter commonebamur , concaluit introrsum cor nostrum pietate , quæ ad omnia valet , & caritate , quæ omnia sustinet , animum fraudulentum congeniantibus , atque confidentes in illo , qui omnia potest , & de cujus agebatur negotio , tranquillam solitudinem reliquimus , laboriosum & immensum opus aggrediendo . Namque immortalis Deo nihil placitius offerri existimamus posse , quam conatus nostros in obsequium Ecclesiæ , grandibus & insuetis oppugnationibus conturbata . Quid nempe condignum reddi potest ab homine illi inclytæ matri nostræ , cujus in gremio fidelis quisque salutem con-

sequitur , propter quam unigenitus Filius Dei , Deus noster , & Dominus . Jesus Christus de sinu Patris ad terras descendit , & proprium sanguinem effundere dignatus est . Cumque ipsam videre tantis perplexam anxietatibus , ut nullus mortalium ab exhibitione possibilis auxilii deberet excusari , profecto cogente fide , excitante devotione , spe denique in finem optime ducendarum rerum freti , personam , operas , facultatesque nostras ex integro devovimus .

Aderat namque tempus , quo ab omnibus vehemens debebat restringi incendium , & tanto validiore , fortiori-que præsidio opus erat , quanto Sacrorum Conciliorum Generalium auctoritas fortius agitata , non modo fluctuaret , sed quasi conculcata , prostrataque jaceret . Non enim exciderat a memoria nostra Sacri Constantiensis Concilii nulla unquam oblivione delenda definitio , quæ videlicet Sancta Synodus , in Spiritu Sancto legitime congregata , Concilium Generale faciens , Ecclesiamque Catholicam militantem repræsentans , potestatem immediate a Christo habet , cui qui-

Z z z z z 3 libet;

(*) Relata a Cl. Dominico Mansi in Supplemento Conciliorum Tomo V. ex Martene Vet. Monum. T. V.

libet, cujuscumque status vel dignitatis, etiamſi Papalis exiſtat, obedire tenetur, in his, quæ pertinent ad fidem, extirpationemque ſchiſmatis, & ad generalem reformationem Eccleſiæ Dei in Capite & membris. Satis etiam & recenter editum Decretum Sacri Concilii Baſileenſis audiebamus, hanc veritatem reſumendo confirmanſ, conſpiciebamus non minus eandem ab Eccleſia Catholica ſuſceptam, & præſtatam eſſe.

Proinde ſatagentes graviffimis & abhorrendis periculis poſſe tenus obviare, ac offendere cunctis fidelibus reſtitutionem noſtræ, Deo inſpirante, voluntatis, quod non caducorum fuſiliumque bonorum, ſed communis ſalutis affectu commoti, eandem Sedem Apoſtolicam teneremus; non præſeſſe, ſed prodeſſe cupientes, in Sancta Synodo Baſileenſi perſonaliter comparere volumus, ſubireque communes pro ſalute publica labores.

Cumque nobis in temporis proceſſu luculenter exploratum foret, diſſenſionis & differentiæ materiam in Eccleſia Sancta Dei magis ac magis obdurari; dubitantes, ne a quovis hominum de ſcandalo notari poſſemus; oblationes multas & grandes Regibus ac Principibus orbis deſtinare curavimus; ex quibus quidem animadvertere potuerunt, nos propria non quærere, ſed quæ JESU CHRISTI, ac publicam pacem; neque unquam a formis, modisque, a Patribus, dum ſchiſmata vigerent, pro unitatis & pacis obrentu traditis & præſtatatis divertere, liberiori apertoque animo ſemper acquievi omnibus & ſingulis, quæ ad ſerenitatem, redintegrationemque Eccleſiæ judicata fuerant quomodolibet opportuna; atque longe ſerventiori ſtudio laboravimus & invigilavimus per noſtrarum ceſſionis, & renunciationis medium, diſſectos, diſtantes animos Chriſti fidelium cōnſuere, quam in ſede potentiæ, manente ſchiſmate diutius immorari. Non enim ignoramus ſchiſmatis incommoda mortifera. Scimus etiam Chriſtianam religionem a pacis Auctore fundatam, ſine pacis vinculo damnosæ confuſioni ſubjacere. Cumque pax omnium rerum tranquillitas ſit, & ea nihil gratius ſoleat audiri, nihil deſiderabilius concupiſci, nihil poſtremo melius inve-

niri; debito filialis aſtringebamur pietatis, ipſi Matri Eccleſiæ luſtuosæ venuſtatem, jucunditatem, integritatem, unionem, & pacem extrema poſſibilitate curare; quantumque pro hujusmodi excelsi & deſideratiſſimi boni conſecutione perſeveranter & indefeſſe laboravimus apud ipſos Reges, & Principes, ceterosque fideles, & noſtris accuratiſſimis diligentis, multipliciumque litterarum tenoribus totus fere cognovit orbis.

Nunc igitur, ut ſemper conſtituti ſub ineffabili, incomprehenſibiliſque providentia Dei omnia diſponentis & dirigentis in melius, poſt acerrimos continuosque labores, quos ſolius veritatis manifeſtandæ, auctoritatisque Generalium Conciliorum conſervandæ gratia volumus amplecti, maxime poſt cariſſimorum in Chriſto Filiorum Francorum, Angliæ, & Sicilia Regum, nec non Delphini Vienneniſis, Primogeniti Francorum Regis Illuſtriſſimi, ſupplices, frequentesque inſtancias, quarum ſaluberriſ ſuaſionibus intentas ſemper commendavimus aures noſtras, omnes cogitatus per orbem diſperſos in arcem unice conſiderationis reducimus: deſiderantes namque toto corde, in hoc dierum noſtrorum reſiduo, beatam pacem in Eccleſia Dei diſſeminari, quæ veluti a noſtris egreſſa manibus in corda omnium fidelium dilabatur, ſinceritatem noſtræ intentionis per ævum reſtauratam, exemplo Domini noſtri JEſu Chriſti, qui ſic dilexit Eccleſiam, ut pro ea non modo formam ſervi acciperet, ſed traderet ſemetipſum; In hac Sancta Synodo Lauſannenſi, in Spiritu legitime congregata, univerſalem Eccleſiam repræſentante, pure, libere, ſimpliciter, ſincere, & realiter cum effectu; in nomine Patris, & Filii, & Spiritus Sancti, Papatui, ejusdem operi, honori, dignitati, titulo, & poſſeſſioni cedimus, & renuntiamus per præſentes, ſperantes, quod in futurum præſati, ceterique Reges, ac Principes, Prælati, & alii Catholici, quibus hujusmodi noſtram renuntiationem acceptiſſimam fore judicamus, auctoritatem Sacrorum Conciliorum Generalium, eaque tuebuntur, & defendent: quodque univerſalis Eccleſia, pro cujus dignitate, ſupereminentia, & auctoritate totis viribus pugnavimus, nos
apud

apud clementiam primi & æterni Pastoris, nostræ hujus pacificæ humilitatis contemplatione, suis devotionibus, iugibusque orationibus commendabit. Da-

tum Lausannæ VII. Idus Aprilis, anno a Nativitate Domini MCCCCXLIX. Pontificatus nostri anno nono.

*Sacro sancta Generalis Synodus Lausannensis,
in Spiritu Sancto legitime congregata, universalem Eccle-
siam representans, ad perpetuam rei memoriam.*

MULTIS ab annis circumspectantes Ecclesiam Catholicam gravissimis impedimentis & conturbationibus infestari, tum confurgentibus erroribus, tum moribus depravatis, tum (proh dolor) invalescente schismate, quo mentes Christi fidelium paulo momento huc & illuc impulsæ nutantes, incertæque vagabantur, accuratissimis studiis invigilavimus, prominentibus periculis, grassantibus malis in virtute Sancti Spiritus obviare, & pro nostra possibilitate consulere publicæ salutis in idem tempus deveneramus, permittente Deo, quo non modo perniciofa erroris alicujus audacia, vel promulganda disciplina virtutum, vel inter dissidentes Principes populosque firmanda concordia videretur: verum operæ pretium fuit, auctoritatem Ecclesiæ universalis insolentius oppugnatam viribus accumulatis, & extremis defendere, atque tanto fortius incumbere continuo gloriosoque certamini, quanto ex tanta offensa oppressæque veritate judicavimus, populum Christianum in scandalum irreparabile collapsurum, nobis ipsis persuadentibus, nullo unquam convenientiore fructuosiorique labore detineri posse, quam tanta in tempestate fluctuanti Ecclesiæ, mitigatis fluctibus turbulentis succurrendo, anchoram firmam unius veritatis, unius confessionis, unius pacis in Domino jacentes; ut quemadmodum una fides est, unum baptisma; unus Deus & Dominus noster JESUS Christus, ita unanimitem, integritatem, & pacem una sancta Catholica confiteretur Ecclesia, in hacque sua peregrinatione terrena, cujus finis est tranquilla æternitas, & æterna tranquillitas, persuavi serenitate frueretur saluti cunctarum animarum accommodata.

Is sane finis a nostrorum laborum initio ante oculos versabatur: hoc inibi perseveranter continuimus propositum, ad id ipsum nostri semper efferbuere cogita-

tus, & actiones omnes usquequaque direximus, prout ex Decretis, responsionibus, epistolis, legationibus, mandatis, patientia, longanimitateque nostris nulli Christianæ nationi arbitramur incognitum: quantusque fuerit cum tunc Sanctissimo Domino Felice Papa V. noster ad pacem affectus, quantisque congratulationibus oblata media unionis non solum suscepimus, verum etiam declaraverimus necessariam esse pacem (auctoritate tamen Ecclesiæ juxta diffinitionem sacri Constantiensis Concilii illibata permanente) maxime persenserunt charissimorum Ecclesiæ Filiorum Francorum, Angliæ, & Siciliæ Regum, nec non Delphini Viennensis Primogeniti Francorum Regis Illustrum, complurimis in dictis solemnes Oratores. Sed & novissime in diebus istis Sanctissimi Domini, tunc Felici Papæ V. præclaram ingentemque sanctimoniam iidem ipsi perceperunt, dum pro Ecclesiæ universæ integra pacificatione, quieteque finali obtinenda, pure, libere, simpliciter, & sincere, realiter & cum effectu cessit & renunciavit Papatui, volens exemplo Domini nostri Jesu Christi, cujus vices gerebat in terris, semetipsum dejicere, ut Ecclesiam in summo tranquillitatis culmine collocaret, atque suæ humilitatis admirabili remedio populum Christianum servaret claritate pacis, insignis utque pietate viri laudibus altissimis extollendi, cujus inclyta virtus nec oblivione eorum, qui nunc sunt, neque reticentia futurorum poterit sepeliri. Est etiam excellentissimum e celo demissum munus suscipiendum cum omni promptitudine & alacritate animorum: propter quod in sempiternum agenda sunt, habendæque gratiæ clementissimo Domino Deo nostro, qui Ecclesiam suam sanctam tanta nostris temporibus felicitate donavit; ut extirpata caligine, beata pax oriens ex alto, corda omnium fide-
M

um illustrando lætificet. Sursum propterea nostræ mentis oculos pia devotione sublevantes, attentaque meditatione pensantes Sapientiam illam æternam pertingentem a fine usque ad fines, & disponentem omnia suaviter, apertissimam viam ad abundantiam plenitudinemque tranquillæ unionis ostendisse, boni quidem supereminētis & incomparabilis, quod longa expectatione cupivimus; nihil jam profecto nobis agendum superesse arbitramur, quam ut cum recta voluntate præfati Domini Felicis concurrentes, pacem ipsam desideratissimam, pro qua omne nostri temporis curriculum elaboratum est, in una tandem animorum, atque principatus consensione complectamur. Fuit namque pax semper nostræ intentionis unicus finis, & terminus nostræ sollicitudinis, requies amœnitas pacis existit, nostri porro certaminis pacem præpotentem opulentam victoriam esse pronitemur.

Desiderantes itaque de unico Pastore uni sanctæ Catholicæ & Apostolicæ Ecclesiæ providere, cujus sollicito sanctoque ministerio populus Christianus feliciter gubernari, atque pacificis & salutiferis semper adaugeri valeat incrementis, complurimis suadentibus & urgentibus causis, & præsertim dilectione dandæ unionis & pacis in Ecclesia sancta Dei, in personam dilectissimi Ecclesiæ filii Thomæ, in sua obedientia Nicolai V. nominati, nostra vota contulimus, sperantes, ipsum ea facturum, quæ Summus Pontifex facere tenetur: fida quoque relatione intelligentes eandem credere & tenere veritatem pro conservanda, manutenendaque sacrorum auctoritate Conciliorum, in Sacrosancta Synodo Constantiensi definitam, & declaratam, ac in sacro Basileensi Concilio renovatam, nec non a Prælati, Regibus & Principibus, universalibusque orbis susceptam, prædicatam, & dogmatizatam, videlicet, quod Generalis Synodus in Spiritu Sancto legitime congregata, Generale Concilium faciens, Ecclesiam Catholicam militantem repræsentans, potestatem immediate habet a Christo, cui quilibet, cujuscumque status vel dignitatis, etiam si Papalis existat, obedire tenetur in iis, quæ pertinent ad fidem, exstirpationem schismatis, & ad generalem reformationem Ecclesiæ Dei in capite & in membris, & quod quicumque, cujuscumque status vel

dignitatis, etiam si Papalis existat, qui mandatis, statutis, seu ordinationibus & præceptis hujus sanctæ Synodi, & cujuscumque alterius Concilii Generalis legitime congregati, super præmissis, seu ad ea pertinentibus, factis vel faciendis obedire contumaciter contempserit, nisi respuerit, condignæ penitentiae subiciatur, & debite puniatur, etiam ad alia juris subsidia, si opus fuerit, recurrendo. (Falsum omnino est eorum principium, quo Pontificem non ambiguum subijci Synodo interpretantur, nam de ambiguo tantum sanctio intelligenda fuit.)

Ad laudem igitur Dei Omnipotentis, salutem, pacem & consolationem omnium Christi fidelium sancta hæc Synodus in Spiritu Sancto legitime congregata, universalem Ecclesiam repræsentans, matura, unanimi, concordique deliberatione præhabita in suis sacris deputationibus, votis dilectissimorum Ecclesiæ Filiorum Ludovici Sanctæ Cæcilie Arelatensis. Ludovici tit. S. Sufannæ de Warambone, Georgii tit. S. Mariæ Transtiberim Vienenfis vulgariter nuncupati, Joannis tit. S. Callixti, Joannis tit. S. Stephani in Cæliomonte de Arciis, Bartholomæi tit. S. Marci Cornetani, vulgariter nuncupati, & Guillelmi tit. S. Marcelli, S. R. E. Presbyterorum Cardinalium: ac Venerabilium necnon dilectorum Ecclesiæ Filiorum Archiepiscoporum, Episcoporum, Electorum, Abbatum, Ducum, Divini & humanis juris Magistrorum, & Doctorum, ac omnium & singulorum eidem sanctæ Synodo incorporatorum, præfatum dilectissimum Ecclesiæ Filium Thomam in summum elegit Pontificem, nomine, quo nunc appellatur, Nicolaum V. appellandum, utque pro Summo Pontifice habeatur, præsentis Decreti tenore ex certa scientia statuit, & ordinat, & decernit, iuribus, Decretis & ordinationibus, etiam sacri Basileensis Concilii quibuscumque non obstantibus, quibus quoad hujusmodi actus celebrationem volumus esse derogatum, supponentes omnes & singulos defectus, si qui interveniant in præmissis, etsi tales forent, de quibus deberet præsentibus fieri mentio specialis. Mandat propterea, jubet, ac præcipit hæc sancta Synodus omnibus & singulis Christicolis, quatenus eidem tanquam unico, vero & indubitato Summo Pontifici obediant, pareant

pareant, & intendant. Datum Laufannæ in Sessione nostra publica, in majori Ecclesia Laufannensi solemniter celebrata


XIII. Kal. Maji, anno a Nativitate Domini Milleesimo, quadringentesimo, quadagesimo nono.

Raynaldus ad annum jam dictum ubi Decretum, quod sequitur, etiam refert.

*Sacro sancta Generalis Synodus Laufannensis,
in Spiritu Sancto legitime congregata, universalem Ecclesiam
representans, ad perpetuam rei memoriam.*

SANCTORUM ECCLESIAE OPERUM FINEM, atque terminum pacem esse, docet Regius Propheta, testimonium perhibens, Deum, qui feras confortat portarum Ecclesiae, fines ejus posuisse pacem. Ad hanc autem in populo Christiano procurandam, & firmandam, hæc Sancta Synodus ab initio sui congregata sollicitudine continua laboravit, ut quemadmodum una fides est, unum baptisma, unus Deus, unum Ecclesiae Caput Dominus noster JESUS CHRISTUS, ita & in ea præsideat unicus & indubitatus Christi Vicarius, unus Pastor, unus Pontifex Summus: qui in æternam salutem euntes fideles dirigat salutarium exemplo actionum, & sanctarum odore virtutum: quam utique pacem in persona Sanctissimi Domini Nicolai Papæ V. operante Altissimo, his diebus

salutis donatam Ecclesiae conspiciens eadem Synodus tempus acceptabile arbitratur tam felici, tamque optato fine suas claudere actiones. Quocirca persistens in nominatione loci pro futuro celebrando Concilio, facta per ipsam in Decreto Translationis suæ a Basilea in hanc civitatem, justis & manifestis causis ad ipsum suadentibus, sine imposito celebrationi suæ, præsentis Decreto semetipsam dissolvit, & dissolutam esse decernit, omnibusque & singulis in ea consistentibus ad propria remeandi licentiam impartitur ad laudem & gloriam Omnipotentis Dei Patris, & Filii, & Spiritus Sancti. Amen. Datum Laufannæ, in Sessione nostra publica, in majori Ecclesia Laufannensi solemniter celebrata VII. Kal. Maji, anno a Nativitate Domini MCCCCXLIX.



Indultum Concilii Basileensis datum Nobilibus Schwichelte pro tempore interdicti.

Anno Christi MCCCCXXXV. Eugenii IV. Papæ IV.
Sigismundi Reg. XXIV.

SACRO-SANCTA GENERALIS SYNODUS BASILEÆ, IN SPIRITU SANCTO LEGITIME CONGREGATA, UNIVERSALEM ECCLESIAM REPRESENTANS, DILECTIS ECCLESIAE FILIIS, NOBILIBUS CONRADO ET FRATRIBUS SCHWICHELTE, HILDESEMENSIS DIOCESEOS, ET EORUM UXORIBUS, ET NATIS UTRIVSQUE SEXUS, IN PRÆSENTIARUM EXISTENTIBUS, SALUTEM ET OMNIPOTENTIS DEI BENEDICTIONEM.

SINCERÆ devotionis affectus, quem ad universalem Ecclesiam gerere comprobamini, promeretur, ut votis vestris, illis præsertim, quæ in Divini cultus augmentum, & animarum vestrarum salutem cedere dinoscuntur, quantum cum Deo possumus, favorabiliter annuamus. Hinc est, quod Nos devotis vestris in hac parte supplicationibus incli-

Tomus V. Concilior. German.

nati, ut quotiens vos ad loca Ecclesiastico supposita quavis auctoritate interdicto declinare contingeret; Clerus locorum hujusmodi, alicujus alterius super hoc licentia minime requisita, in singulis Ecclesiis, Monasteriis & Capellis, in vestri & cujuslibet vestrum, & vestrarum familiarum, ac assistentium vobiscum presentia, clausis tamen januis, & campanis

A a a a a mini.

minime pulsatis, excommunicatis quoque, & interdictis exclusis, Missas, & alia Divina Officia publice, solemniter, summissa voce, resumere, & celebrare, ac quaecunque alia Ecclesiastica Sacramenta, & Sacramentalia ministrare libere & licite valeat, (dummodo vos, vel Clerus, & alii prædicti causam huiusmodi non dederitis interdicto, nec id specialiter interdici contigerit vobis, & eisdem) Clero auctoritate nostra, tenore præsentium indulgemus; non obstantibus constitutionibus, & ordinationibus Apostolicis, nec non Statutis Provincialibus, & Synodali-

bus in contrarium facientibus quibuscunque. Nulli ergo omnino hominum liceat, hanc paginam nostræ concessionis, voluntatis, & indulti infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, & universalis Ecclesiæ se noverit incursum.

Datum Basileæ secundo Calendarum Januarii, anno a Nativitate Domini Millesimo, quadringentesimo, tricesimo quinto.

Communicavit Cl. D. ab Erath, Consiliarius Nassovico Dillenburgicus.

Pactum Præpositorum in variis Canonis

Halberstadenſis Diœceſis, de tuenda Immunitate ab Eugenio PP. concessa, collato ære & auro usque ad finem motæ litis.

Anno Christi MCCCCXXXV. Eugenii IV. PP. V.
Sigismundi Reg. XXVI.

Wir Hermannus, Probst, und Capittel zum Caldenborn, Johannes Probst, und Capittel zu St. Johannis vor Halberstad, Hermannus Probst, und Capittel auff St. Georgenperge vhor Goslar, Johannes Probst, und Capittel zu der Sultzen vor Hildesheim, Johann Probst, und Capittel zu Schenningen, Johann Probst, und Capittel zu Hamersleben, bekennen uffenbar in diesem brieve vor uns, und unsere Nachkommeling, und elss wenn (*) das wir auff das Privilegium, das unsern Orden in teutschen Landen von unserm heiligen Vather dem Babste Eugenio gegeben ist, vollstendig und unverborgen bliebe, uns voreyniget haben in dieſſe Wiſſe:

Wehr es, das die Priorey von Wyndessen und von Wittenberg, adder erer einer besunder, adder die von ohn darzu gesetzt werden, unser einen ahnlangen, von macht wegen Briffes des heiligen Concilji zu Basell, whu die zu kommen, die sollen sich mit rechte wehren, und deme sollen und wollen wir alle bestendig und behufllich seyn mit liebe und mit gute, bis zum ende der sachen.

Und bienahmen, so folden und wolten wir Probst und Capittel vorbenumen unser itzlicher legen und bereden ahn Pfennigen und Goldes zur Austrag der Sache, einer so viel, als der andere, zu glichem Teyll, wann des von uns geschiet, wert us von denen jennen, die also angelanget, von den erscheinen Prioribus, adder ore einer waden (**) one allerley hindernis und insage: Aber wir Johann, Probst, und Capittel zu Hamersleben, Regeler, und unsere Nachkommeling in dem Stifte zu Halberstadt, sollen und wollen in dieser Sache halb so vihl legen, und dem also der vorschreiben Probst und Capittel ehrbenohmet, vor uns, und unsere Capittel, und unsere nachkommeling, unser Ingesiegel ahn dieses Briff wislichen lassen hengen.

Nach der Geburth Christi verzenhundert Jar, darnach in dem funff und dreissigsten Jare, in der Dominiken: *Exurge, quare.*

Ineditum communicavit Clar. ab Erath, Consiliarius Nassovico Dillenburgicus.

(*) i. e. quemcunque.

(**) *Corruptus videtur hic locus.*

Conservatorium Concilii Basileensis pro

Confraternitate Capellæ S. Gertrudis Brunswic.

Anni 1435.

S. SANCTA GENERALIS SYNODUS BASIL... IN SPIRITU S. LEGITIME CONGREGATA, UNIVERSALEM ECCLESIAM REPRESENTANS, DIRECTIS ECCLESIE FILIIS, ABBATI MONASTERII S. EGIDII BRUNSVICENSII, HALBERSTADIENSII DIOECESIS, ET PREPOSITO SANCTORUM SIMONIS ET JUDÆ GOSLARIENSII, AC DECANO B. MARIE HAMBURGENSEM, BREMENSIUM, HILDESHEIMENSII, ET DICTÆ HALBERSTADIENSIS DIOECESIS ECCLESiarum, SALUTEM ET OMNIPOTENTIS DEI BENEDITIONEM!

AD compefcendos conatus nepharios perversorum, qui personas, & loca Ecclesiastica super bonis, & juribus suis offendere, ac multiplicibus perturbare molestiis non verentur, tanto magis per sacrum decet Generale Concilium, oportuno remedio providere (*) &c. - - - Cum autem, sicut lamentabili querela dilectorum Ecclesiæ Filiorum, *Præpositi, & Sacerdotum in Capella S. Gertrudis Brunsvicensium*, Hildesienfis Diocesis, pro Divinis Officiis inibi celebrandis, convenire solitorum, nuper accepimus, nonnulli Principes, Duces, Comites, Barones & aliæ seculares potestates, earundum constitutionum, & Sanctionum Canonicarum, & legalium forsan ignari, contra ipsas a Præposito, & Sacerdotibus

prædictis communiter vel divisim, tallias, gabellas, & alias exactiones illicitas, hæcenus extorserint, & adhuc extorquere nitantur, ac etiam bona Præpositi, & Sacerdotum prædictorum communiter, vel divisim invaserint, arrestaverint, occupaverint, detinuerint, & suis usibus applicaverint &c. - - - transgressores, & violatores hujusmodi tamdiu excommunicatos, & anathematizatos publice nunciari faciatis, donec ab earundem talliarum, collectarum, impositionum, & quarumlibet extorsionum - - omnino desistant - - Dat. Basileæ II. Id. Jul. anno a Nativitate Domini Millesimo quadringentesimo tricesimo quinto.

*Ineditum communicavit Cl. ab Evath,
Nassovico-Dillenburgicus Consiliarius.*

(*) Omisiss hic est introitus, secundum formulam, consuetus.

SALISBURGENSE CONCILIUM

Anno Christi MCCCCLI. Nicolai V. Papæ IV.
Friderici Cæsaris XII.

SUB NICOLAO CUSANO, LEGATO APOSTOLICO.

NICOLAUS DE CUSA, Cardinalis Legatus Sedis Apostolicæ, a Nicolao V., quum Salisburgum venisset, ibidem Concilio Provinciali præfedit anno MCCCCLI. mensæ Februarii: cujus Concilii, quum Historici Salisburgenses haud meminerint, id tamen discimus ex geminis litteris, primum iis, quas idem Cardinalis, Apostolicæ Sedis per Alemanniam Legatus, in eodem Concilio dedit:

Sacro, *inquit*, Saltzburgenfi Provinciali Concilio, cui auctoritate Sanctissimi Domini nostri NICOLAI Divina providentia Papæ V. præsidemus, concorditer approbante, ordinamus, quod ex nunc in antea Sacerdos quilibet singulis diebus Dominicis, dum celebrat, ad

finem Collectarum tam in principio, quam in ultimo Missæ adicere debeat Orationem, quæ sequitur: *Et Famulos tuos N. Papam, ac N. Antistitem nostrum, una cum universali Ecclesia Catholica ab omni adversitate custodi. Per Dominum nostrum Iesum Christum.* Et ut in Saltzburgenfi Diocesi dictus San-

Tomus V. Concilior. German.

A a a a a 2

Christi.

Sanctissimus Dominus noster, Dominus NICOLAUS Papa V. & FRIDERICUS (*) nunc Antistes, ipsorumque Successores in præscripta Oratione nominandi sint: sic & in singulis Diœcesibus Provinciæ præfatæ nomen Episcopi Diœcesis cujuscunque cum Romani Pontificis nomine modo præmissio debet recitari. Ut autem omnis Sacerdos ordinationem nostram hujusmodi observans, spiritualis thesauri se gaudeat munere refectionem, cuilibet tali Sacerdoti pro qualibet die Dominica, qua dictam orationem colle-

gis ipsis adjunxerit, ut præfertur, quinquaginta dies de injunctis sibi pœnitentiis, auctoritate Legationis nostræ, qua fungimur, misericorditer in Domino relaxamus. Demum statuit hanc ordinationem infra unius mensis spatium post receptionem ejusdem per totam Provinciam Saltzburgensem, & per singulas ejus Diœceses, tam Regularibus, quam secularibus, exemptis, & non exemptis Presbyteris publicari. Datum Saltzburgæ die octava mensis Februarii, anno MCCCCLI. Pontificatus NICOLAI Quinti anno IV.

Hæc Ordinatio, quamvis in Synodo concepta, & perscripta, post duos primum menses, id est, tertia decima Aprilis, Archi-Episcopo reddita est, cum mandato, uti ad Suffraganeos transmitteretur.

Quare Fridericus earundem literarum copiam, seu apographum ad Leonardum Pataviensem transmisit: quemadmodum contenta in eadem copia alias, dum sua Paternitas Reverenda hic Saltzburgæ Sacro Provinciali Saltzburgensi præfideret Concilio, unanimi sunt voto conclusa. Hortatur Pataviensem, ea, quæ continentur, per Diœcesin publicari. Datum Saltzburgæ XIV. mensis Aprilis anno MCCCCLI.

Sed aliud insigne in eodem Concilio constitutum erat, nempe Reformatio Disciplinæ Regularis per Provinciam Salisburgensem: eademque die octava Februarii, quando Cardinalis Synodo præfidebat, perscripsit ea de re mandatum ad Archi-Episcopum, & Suffraganeos sequentis tenoris:

Archi-Episcopo Saltzburgensi, & Suffraganeis &c.

NICOLAUS, MISERATIONE DIVINA, TIT. S. PETRI AD VINCULA SACRO-SANCTÆ ROM. ECCLESIAE PRESBYTER CARDINALIS, APOSTOLICÆ SEDIS PER ALEMANNIAM LEGATUS. REVERENDISSIMO IN CHRISTO PATRI DOMINO FRIDERICO, ARCHI-EPISCOPO ECCLESIAE SALTZBURGENSIS, AC UNIVERSIS EPISCOPIS PER SALTZBURGENSEM PROVINCIAM CONSTITUTIS, SALUTEM IN DOMINO SEMPITERNAM.

Quoniam Sanctissimus Dominus noster, Dominus Nicolaus Divina providentia Papa quintus, curam habens, ut universalis Ecclesia sibi commissa in suis membris per orbem diffusis salubriter guberetur, nos ad hanc Saltzburgensem, quemadmodum & ad alias Almanicæ Nationis Provincias pro communi animarum salute procuranda transmisit, plurimos ad id opportunas nobis tribuens facultates: Nos considerantes ad honorem Dei, animarum ipsarum salutem, ac populi Christiani gratam consolationem tendere, si omni studio, & diligentia procuraverimus, quod personæ religiosæ, quamcunque regulam per Sedem Apostolicam approbatam tacite vel expresse professæ, secundum regu-

lam hujusmodi religionis suæ vivant, & Deo Altissimo reddant vota sua: considerantes etiam, quomodo ob hanc causam eisdem religiosis personis, ut in observantia regulari Omnipotenti Deo eo liberius & quicquid servire possint, & debeant, ab Apostolica Sede privilegia, & indulta multa, pluresque Parochiales Ecclesiæ cum fructibus, redditibus, & proventibus illis unitæ, & incorporatæ existunt. Quarum quidem religiosarum personarum nonnullæ, tantis ingratis beneficiis, salutem suam miserabiliter negligentes, dictarum religionum suarum regulas & statuta observare non curant, quinimo nonnunquam contradicunt in grave animarum suarum periculum & scandalum religionum. Quapropter, nisi illi mores

pra-

(*) Fridericus h. n. IV., Dynasta de Emerberg Dapifer, & Archimagirus, seu coquinae Palatinæ Præfectus, ex Decano Salisburgensis Metropolitici Capituli eligitur Archi-Episcopus XL. Salisburgensis anno 1441., a Concilio Basileensi contra æmulum coelectum confirmatus; hinc stetit semper pro Concilio Basileensi.

pravos, & dissolutam vitam abjecerint, ac ad eor redierint, opera priorum Patrum, in quorum locum, & statutum successerunt, devote adimplendo, privilegia, indulta, atque Ecclesias prædictas iuste merentur amittere; quorum, si in pertinacia incorrigibiles perseverare præsumperint, nequaquam poterunt esse digni. Hinc est, quod Nos auctoritate Apostolica, qua in hac parte fungimur, omnibus, & singulis personis religiosis Monasteriorum quorumcunque, tam virorum, quam mulierum in prædicta Provincia Saltzburgenfi ubilibet constitutis, exemptis & non exemptis, sub pena amissionis, & revocationis omnium & singulorum privilegiorum, indultorum & unionum prædictarum, eis, & eorum Monasteriis, atque locis quibuscunque, etiam Apostolica auctoritate factarum, & concessarum, districte precipiendo mandamus, quatenus infra unum annum a die datarum præsentium computandum, regularem vitam juxta regulas & statuta ordinis, quem, ut premititur, professæ sunt, effectualiter observare incipiant, & sic inceptam fideliter continuare studeant, & teneantur. Eademque auctoritate declaramus, decernimus, & ordinamus, omnes & singulas personas religiosas prædictas, per Saltzburgensem Provinciam ubilibet constitutas, quæ infra annum prædictum hujusmodi observanciam regularem non inceperint, post elapsam ejusdem anni in antea ad quamcunque dignitatem fore inabiles, ac ineligibiles: quodque post lapsum duorum annorum a datis præsentium numerandum, nulla talium personarum religiosarum, nisi prius saltem per annum integrum immediate precedentem regularem tenuerit observanciam, ad quamcunque dignitatem eligibilis existat: Mandantes insuper Archi-Episcopo, & Episcopis prædictis, ac omnibus aliis & singulis, ad quos de

jure, vel consuetudine; vel privilegio, electio personarum, & Monasteriorum præfatorum confirmatio pertinet, ne contra declarationem, decretum, ac ordinationem nostras hujusmodi veniendo ullam electionem de persona, ut presertur, inhabili pro tempore factam, quovis modo confirmare attemptent, siue presument. Quod si secus fecerint, confirmationes easdem simili auctoritate Apostolica ex nunc, pro ex tunc, ex tunc, prout ex nunc decernimus. irritas & inanes, nulliusque existere roboris vel momenti. Quod si forsitan infra ipsum primum annum, a data presentium computandum, casus vacationis alicujus dignitatis occurrerit, ad quam persona eligeretur, que in observancia regulari sui ordinis non stetit antea per annum, ac vitam regularem hujusmodi nondum incepisset servare, circa illam confirmator agere poterit, prout de juris communis dispositione fuerit faciendum. Ut ergo hæc nostra facta ordinatio, & caritativa admonitio ad omnium, ad quorum interest, intererit, vel in futurum interesse poterit, publicam deducatur notitiam; vobis Reverendissimo, & Reverendis Patribus, Archi-Episcopo, & Episcopis Provinciæ Saltzburgenfis supradictæ firmiter precepimus, & mandamus, quatenus has nostras literas, ac omnia, & singula in eis contenta, per vestras Dioceses, & ubicunque opus esse judicaveritis, infra unius mensis spatium a tempore receptionis præsentium, insinuare, ac publicare curetis: & ea, quantum ad vos spectat, observetis, ac ab aliis omnibus, quorum interest, faciatis inviolabiliter observari. Datum & actum Saltzburgæ, die octava Februarii, anno a Nativitate Domini MCCCCL. Pontificatus præfati Sanctissimi Domini nostri NICOLAI Divina providentia Papæ quinti anno IV.

Absoluto Concilio, Cardinalis Viennam se contulit, nominavitque Visitatores Monasteriorum, editis eam ob rem litteris publicis, quæ sic habent:

NICOLAUS, MISERATIONE DIVINA, TIT. S. PETRI AD VINCULA, SANCTÆ ROMANÆ ECCLESİÆ PRESBYTER CARDINALIS, APOSTOLICÆ SEDIS LEGATUS PER ALMANNIAM, VENERABILIBUS IN CHRISTO NORIS DILECTIS PATRIBUS, ET RELIGIOSIS PERSONIS, ABBATIBUS, ABBATISSIS, ATQUE CONVENTIBUS ORDINIS S. BENEDICTI, PER PROVINCIAM SALTZBURGENSEM UBILIBET CONSTITUTIS, SALUTEM IN DOMINO.

Divina pietate Ecclesiam suam misericorditer respiciente, actum est, (quis poterit dubitare?) quod hoc in tempore Sanctissimus Dominus noster, Dominus

A a a a a a 3 nus

nus Nicolaus Papa quintus, Pastor vigilantissimus eidem Ecclesiæ Præfectus existit, cuius diligentissima cura ad hoc indefinenter attendit, ut oves sibi creditas in salutis viam dirigere possit, & in Dei caritate unumquemque pro suo debito ardere se procuret. Idcirco sua Sanctitas ad facerrimam vestram religionem oculos attollens, nobis districte præcepit, atque singulariter dedit in mandatis, ut per similia commissæ Nobis Legationis loca eam sollicitudinem, quantum ex alto datur, adhiberemus, qua omnes, si qua exorta reperitur, deformitas a vestra religione devia, Apostolica visitatione amoveatur, sacraque religio in sanctis observantiis reviviscat. Sed quia Nos permultis negotiis aliis occupati ad singula loca vestra personaliter accedere non valemus, per alios nostros Commissarios idipsum explere compellimur, quod nostra in in persona facere nequimus. Hinc Venerandos in Christo Patres vestri ordinis, Martinum ad Scotos, & Laurentium Celle Mariæ Abbates, nec non Stephanum in Medico Priorem, Monasteriorum Patavienensis Diocesis, de quorum trium fidei integritate, ac optimo zelo, ad Dei cultum, & religiosam observantiam plurimum in Domino speramus, Apostolica auctoritate Visitatores deputavimus, & per presentes deputamus, eosque ad vos, & singula vestra Monasteria ad visitationis officium plenarie exercendum cum omni facultate ad hoc necessaria transmittimus. Quibus præcipue dedimus, atque etiam harum serie damus in mandatis, ut ipsi solum Deum præ oculis habentes, omni sinistra affectione postposita, dispositionem statuum, & conditiones omnium & singulorum Monasteriorum, Priorum, ac personarum in ipsis, & ipsorum quolibet degentium, primo ab Abbate incipiendo, demum ad alias personas descendendo, usque ad ultimam, sollicite & diligenter inquirent, & inquisita debite conscribant, seu conscribi faciant; omnia quoque & singula, quæ a statutis, & regula dicti ordinis devia esse conspexerint, aut compererint, emendari procurent. Ubi vero in visitatione huiusmodi graves excessus, & incorrigibiles personas eos reperire contingeret, quod tunc advocato ad hoc brachio seculari ad extirpationem criminum & difformitatum omni

diligentia adhibita procedant, & nihominus nobis excessus huiusmodi, & facti qualitatem cum suis circumstantiis quantotius suis literis referre studeant: ut Nos omni opportuno remedio, si opus fuerit, occurramus. Volumus autem, quod omni diligentia invigilent, quod tria substantialia omnis Religionis, scilicet paupertas, castitas, & obedientia, & exactissime observentur; & esus carniū nequaquam, nec Abbati, nec Abbatissæ, nec Monachis, seu Monialibus indulgeatur, nisi eo modo, quo Regula S. Benedicti per eos professæ, ipsis permittit eundem; omnibus dispensationibus in contrarium, per quemcunque Visitatorem concessis, non obstantibus; quas omnes, cum sint contra Regulam, presencium tenore irritas esse decernimus. Insuper volumus, quod prædicti nostri Commissarii & Visitatores nonnulla nostra ordinationes & statuta, quæ ad Dei honorem, animarum vestrarum salutem, pro reformationis introductione fervari mandavimus, vobis omnibus & singulis supradictis insinuent, ac publicent; & ubi vos per observantiam Regularem gratia Dei capaces esse viderint, plenariæ indulgentiæ cum certa penitentia facili participes faciant, ac omnia alia, ac singula, quæ ipsos agere, & in huiusmodi visitatione exercere contigerit, primo in scriptis diligenter redacta, nobis examinanda, & Apostolicæ Sedi deferenda citius transmittere non postponant. Quocirca vobis omnibus Abbatibus, Abbatissis, singulisque personis ordinis S. Benedicti antedictis, per Saltzburgensem Provinciam ubilibet constitutis, dicta auctoritate Apostolica, in virtute sanctæ obedientiæ, ac sub pœnis excommunicationis, quam in singulares personas; & interdicti, quam in loca & Monasteria vestra, latis sententiis ferimus in his scriptis, districte præcipiendo mandamus, quatenus prænominatos Abbates, & Priorem, a nobis Visitatores Deputatos, uti Apostolicos Visitatores & Nuntios, cum omni reverentia & obedientia, quibus Apostolicæ Sedi afficiuntur, suscipiatis, & ad ipsorum visitationis officium in omnibus exequendum libere admittatis, omnem illis vestrorum Monasteriorum, & personarum quarumcunque, a capite usque ad ultimam, dispositionem & conditionem plenius manifestando; ac omnia, & singula,

gula, quæ Visitatores ipsi secundum regulam & statuta ordinis vestri fieri, & observari mandaverint, seu ordinaverint, reverenter acceptetis, & studeatis diligenter, ut tenemini, etiam observare. Et si secus feceritis, quod absit, ex tunc sæpe dictis Visitatoribus per præfentes committimus, & etiam districte præcipimus, ut vos, & quemlibet vestrum in præmissis inobedientem, cujusque conditionis, seu status fuerit, post trium dierum Canonicam monitionem, ultra pœnas ordinis, præmissam excommunicationem, ac

Monasteria inobedientium interdicti Ecclesiastici, per nos, ut præfertur in scriptis literis, lententias incidisse declarent. Absolutionem vero omnium & singulorum, qui præfatas nostras sententias incurrerint, Nobis, & Apostolicæ Sedi tantummodo reservamus. Dat. Wiennæ, Patav. Diocesi, die tertia mensis Martii, anno a Nativitate Domini MCCCCLI. nostro sub sigillo. Pontificatus Sanctissimi in Christo Patris & Domini nostri, Domini NICOLAI, Divina providentia Papæ quinti anno IV.

Processum Visitationis descripsit unus de Visitatoribus, Martinus, Scotorum Abbas, in Dialogo. Quem V.C. Hieronymus Pcz edidit Tom. II. Script. Austr. 4 column. 637. Initium factum a Monasterio Gorwicensi: a quo Visitatis per Austriam reliquis, transiit in Stiriam, & Carinthiam: inde Salisburgum, demum in Bavariam per Monasteria facile duo supra quinquaginta utriusque sexus. Cæterum idem Martinus pro Stephano, Mellicensium Priore, supra nominato, scribit, Visitatorem tertium fuisse Joannem Slipacher, Professum in Mellico; qui nempe Stephano de Spanberg in Abbatem Mellicensem electo, suffectus fuerat.

P. Marcus Hanfz S. J. Germaniæ Sacrae Tomo II.

NICOLAI Papæ V. Confirmatio & Appro-
batio Statutorum Synodaliū & Curie Leodiensis,
 Anni 1451.

NICOLAUS EPISCOPUS, SERVUS SERVORUM DEI, AD PERPETUAM REI MEMORIAM.

IN Apostolicæ Dignitatis specula, licet immeriti, disponente Domino constituti, ad universos nostræ vigilantie creditos, tanquam universalis Dominici gregis Pastor, commissæ nobis speculationis aciem, quantum nobis ex alto permittitur, extendentes, manus operarias libenter apponimus; ut inter fideles quoslibet, præsertim sub quavis jurisdictione Ecclesiastica degentes, ita dirigatur justitia, & illius vigeat cultus; quod abusus repressis, & moribus reprobis extirpatis, plantentur & succrescant bonæ ac virtuosæ actiones, præmium boni sentiant, malique pro demeritis condigne puniantur: illaque rursus Apostolici muniminis ampliori adminiculo communimus, quæ præmissorum consideratione percipimus consultius processisse. Sane pro parte dilectorum filiorum Decanorum, & Capitulorum secundariarum Ecclesiarum Leod.

annes, episcopus Leodiens. (*) propriorum & dilectorum filiorum majoris Leodiens., cui etiam tunc præerat Ecclesiæ; Præpositi, singulorumque Archidiaconorum & Capituli Officialis in sua Leodiens. seu quavis eorundem filiorum Curie forisque Deputatis bene agendi, & non inquietandi, nec gravandi ejus subditos, normam, remediumque dare, & adhibere volens, nonnulla per bonæ memoriæ Adolphum episcopum Leodiens. Prædecessorem suum, ex tempore, quo ipse dictæ dignoscitur Ecclesiæ præfuisse, contra abusus Officiatorum hujusmodi, & excessus edita: nec non Synodalia Statuta innovando & confirmando; quamplurima alia statuta, consideratione majoris, & aliorum Capitulorum hujusmodi, atque Cleri civitatis & Diocesis Leodiens. de consilio etiam & consensu majoris Capituli hujusmodi provide edidit: in eisque voluit, statuit, & ordinavit, quod licentia testandi alicui Beneficiato, seu Presbytero ab Episcopo concessa,

(*) Multa in his, quæ sequuntur, mutila & manca sunt.

cessa, per cessum vel decessum ejusdem Episcopi expirare non deberet: & quod de bonis mobilibus Beneficiati, seu Presbyteri absque tali licentia, seu ab intestato defuncti, inventarium confici, illaque solutis exequiis, atque debitis suæ dispositioni cedere deberent: ac deductis oneribus realibus, Beneficiorum vicesimus denarius valoris ipsorum Beneficiorum pro absentia atque ratione Beneficii, si cum cura, unum Scutum verus; si vero sine cura foret, quatuor grossi veteres, & non ultra, pro placet reciperetur, & semel tantum de valore Beneficii docere deberet; nihilque abusive pro placet, & absentia, ac tantum duo grossi antiqui pro suis registrationibus reciperentur. Quodque unicuique Canonico alicujus dictarum secundariorum Ecclesiarum absentiam ratione Beneficiorum suorum aliorum pro tempore petenti, & vicesimum, de quo præfertur, denarium annis singulis ante Festum Sancti Lamberti offerenti, absentia concedi deberet: & quod fructus Beneficiorum, in quibus Rectores residerent, non sub ficto colore absentia, nec etiam illorum Beneficiorum, a quibus Rectores essent absentes, dummodo Beneficii ipsis laudabiliter deserviretur, aliquatenus arrestarentur: alioquin si secus attemptari, ac ad excommunicationem, suspensionem vel interdictum contra Rectorem aliquem procedi contingeret, arrestum tolleretur, & Rectori absolutio impenderetur, ipsique super his literæ darentur ubique gratis: nec non expensæ, in quibus forte propter arrestum, seu processum hujusmodi Collector vel Procurator condemnatus foret, statim per illum solvi, seu deponi in judicio deberent. Collector quoque fructuum Beneficiorum, quorum Rectores personaliter residerent, sub ficto colore absentia talium Rectorum arrestari non procuraret, & quod ipse in absentia Rectorum Beneficii in Divinis laudabiliter deserviri facere, eorumque onera, etiam realia supportare, ac diminutos negligentia sua eorundem Beneficiorum fructus reaugmentare deberet. Quodque si licentia absentiendi arrestationem præcederet, pro ipsa arrestatione, seu illius literis Collector nihil; & si eam licentia ipsa sequeretur, quo casu arrestum sublatum foret, pro ea, seu illius literis Colla-

ctor ipse, sive Subcollector duos grossos duntaxat percipere deberet: ac quod de Synodo & excessibus Synodalibus, Fiscaliumque examinationibus, & institutionibus Procuratorum ac Sententiariorum, Articulorum, Copiatorum, Notariorum, ac Fiscalium, & non Fiscalium Procuratorum salario & scripturis, ac hominibus volentibus cedere bonis, prout de his omnibus in Synodalibus præfatis omnibus, aut suæ curiæ Leodiens. Statutis, dictique Adolphi moderationibus, nec non pace Tongron. & aliunde provilum ac ordinatum foret, servaretur: quodque Articulator propter diversos excessus contra unam personam diversos processus facere non deberet, staretque Articulator ipse pro juramento & responsione ad articulos unius excessus salario, prout de illo, ut præfertur, ordinatum est: excessum vero plurimum, juxta Decretum Judicis, contentus, & quod excommunicatus propter contumaciam pro ipsa contumacia non ultra valorem sex grossorum Turonensium; si vero Presbyter esset, duodecim grossorum summam: excommunicatus vero per annum & amplius Judicis arbitrio plecteretur; quodque pro definitiva sententia signanda & sigillanda, vicesimus denarius condemnationis, vel absolutionis: pro interlocutoria autem duo grossi & non ultra reciperentur: & quod non essent, nisi quindecim Procuratores negotiorum curiæ in Leodiens. & tantum unus Procurator in qualibet curia Præpositi, & Archi-Diaconorum prædictorum. At quod nullus eorum esset Sigillifer vel Notarius Curie illius, cujus foret Procurator, suoque esset quivis officio contentus. Quodque deservitor pro licentia deservendi Beneficio nihilolvere deberet; & quod nullus super excessibus ad Leodiens. vel alicujus Archi-Diacon. curiam citaretur, nisi articuli excessuum cum citatione mitterentur, vel ex tenore citationis hujusmodi citatus instrui posset, super quibus in judicio conveniretur: ac quod non caperetur, nec incarceraretur aliquis citatus ad Leodiensem civitatem, juri stare, seque defendere volens; nisi crimen confessus, vel in illo comprehensus, seu convictus de eo esset: nec Beneficiatus aliquis in Beneficio suo residens, pro quocunque crimine caperetur, de quo convictus

viſtus non foret, neque ipſius Beneficii fructus arreſtarentur. Quodque Executores literarum monitorialium ſub ſigillis ſuis executiones illarum, ac modum & formam, diemque & horam executionum huiusmodi, una cum perſonarum designatione ſpeciali, reſcribere tenerentur. Et ne pro reſignationibus Beneficiorum admittendis, ac inſtructionibus, ſeu admiſſionibus aliquid recipere- tur; ſed pro trium proclamationum, ſeu inſtitutionum, ſeu admiſſionum literarum, duodecim groſſi, cum uno groſſo pro audientia recipi poſſint. Quodque in Viſitationibus, quas Archi-Diaconi per ſe, vel ſuos facerent Viſitatores, taliter ſe haberent, quod nihil contra Canonicas Conſtitutiones, ſeu Synodales Conſtitutiones aliquatenus facerent, aut fieri permitterent; ſed quæ ſibi licita forent, his duntaxat contenti eſſent, nihil penitus euralitatis, ſeu procurationis nomine a proviſoribus menſæ Sancti Spiritus, aut fabricæ Altariſtis, appenditiis non ſeparatis, ſeu filiabus Eccleſiarum, Capellis, hospitalibusve recipientes: nec reus aliquis ſuper exceſſu in cauſam tractus componere volens, ad iurandum compelli deberet, neque ratione alicujus iuramenti per eum non præſtiti, aliquid exigi ab eodem: quodque literæ ſtatutorum nuncupatæ per practicos expertos dictari, & ſigneto Officialitatis ſignari deberent. Nec occasione litis, ſuper Beneficio per biennium pacifice poſſeſſo, movendæ illius fructus ſubtrahi, vel arreſtari deberent. Neque ejus Rectori abſentia denegari: & quod in ſingulis aliis a Berckenſi, Tongrenſi, Trajectenſi, & Sancti Trudonis Conciliis non eſſet, niſi unus Officialis foraneus, & unus Archi-Diaconus foraneus. Quodque ſuper matrimoniis, ſeu ſponſalibus contractis, nulli concordiam aliquam facere, vel tractare, ſeu fieri procurare, aut concordii talibus intereſſe præſumerent: ſed ſententia deſuper iudicis competens exſpectaretur, nec aliquis litigans habentem Procuratorem legitimum citare facere præſumeret ad aliquem actum, neque abſque expreſſa commiſſione Iudicis Notarius aliquis reſponſiones ad poſitiones faciendas, ſive teſtes producendos extra Curiam Leodienſem audiret, reciperet, vel examineret: & quod abſque eviden-

ti neceſſitate alicui Presbytero de Servitura duarum Eccleſiarum Parochialium non conſequentium non committeretur. Habentes autem plura Beneficia, & illis ſimul deſervientes, propterea non vexarentur, nec quidquam exigeretur, vel reciperetur ab eiſdem, dummodo ſatiſfacere poſſint, & cum effectu ſatiſfacerent Beneficiorum oneri eorundem. Quodque Placet conſeſſum Curato reſidenti pro Coadjutore, atque abſenti pro Deſervitore, poſt eorum obitum eſſet duraturum, neque ad feſtum Sancti Joannis Baptiſtæ extunc immediate ſequens: nullique Rectori alicujus Beneficii, ſeu Altaris, licentiam petenti fructus Beneficii, vel Altaris huiusmodi in augmentum convertente(*) licentia ipſa denegaretur, & quod Placet gratis concederetur deſervitori; Rectori quoque propter executiones mandatorum in Beneficio reſidere non audenti, abſenti licentia daretur gratis: & ne quis in eadem Curia ſimul & ſemel Iudex & Sigillifer, ſeu Vicarius & componens, aut eorum aliquis conjugatus eſſet: neque Decani rurales Chriſtianitatum nuncupati, ſub colore viſitationis ficto, vel illius remiſſionis, de quartis Capellis per ipſos non perſonaliter viſitatis, aliquas pecunias annuas reciperent, ſed de viſitatis per eos Capellis tantum quarta parte illius, quod Archi-Diaconis pro viſitatione integræ Eccleſiæ deberetur pro ipſarum Capellarum viſitatione, & eadem etiam parte pro Cathedratico & obſonio; nec non octava parte eorundem fructuum pro Placet & abſentia, ac proclamationibus, & admiſſionibus ratione Capellarum earundem contentari deberent. Et eorum quilibet in ſuo Concilio ſalvis privilegiis Apoſtolicis, & aliis conditionibus tunc adjectis perſonaliter reſidere. Et ne Sigillifer Leodienſis pro deliberatione Chriſmatis, vel Olei ſacri ſive infirmorum, neque pro illorum miniſtratione Decani rurales præſati quidquam reciperent, vel etiam exigenter præter & contra Synodalia Statuta, nec etiam eorum deliberatio alicui Decano denegaretur propter deportationem, vel executionem Eccleſiaſticorum mandatorum. Et ne Archi-Diaconi, & Decani Chriſtianitatum cauſarum eis intentarum decionem, & definitivam ſententiam:

Thmus V. Concilior. German.

B b b b b

Nes

(*) forte: convertendi.

Nec Officialis Leodienſis per appellationes per eum devolutas, neque ultra ſemel ſimplicis querelæ coram ſe intentatas cauſas aliquas committere præſumerent, nec etiam pro præſentatione ad aliquem ſacrum ordinem, ſive illius literis ultra ſex groſſi reciperentur. Quodque Curatus reſcribens Decano, ſive Vice-Decano, prout moris eſt, deberet ſemel in anno duntaxat, & non amplius reſcribere, Beneficiorum infra Parochiam ſuam conſiſtencium, ſuorumque Rectorum, & etiam deſervitorum, ac etiam excommunicatorum per annum & amplius nomina, & cognomina, una cum valore annuo Beneficiorum eorundem. Nec deberet ex officio talis ſic reſcribens citari ſuper ulteriori reſcriptione: & quod nullus Presbyter ſuper incontinentiſ citaretur, niſi mulier nominata in Citatorio, cum qua diceretur incontinentens, eſſet primo ad Synodum provocata, plerisque aliis variis & diverſis etiam tunc adjectis, quæ omnia & ſingula idem Joannes, Episcopus Leodienſis, etiam voluit, & ſub certis pœnis mandavit inviolabiliter obſervari, prout in literis ſuper his conſectis, & per ipſum Joannem, Episcopum Leodientem, anno a Nativitate Domini Milleſimo, quadringenteſimo ſexto, die quarta Junii conceſſit, ſuoque, & majoris Capituli Leodienſis huiusmodi ſigillis ſignatis dicitur plenius contineri. Quare pro parte ip-

(*) ſcientia.

forum Decanorum, & Capitulorum ſecundariorum Eccleſiarum fuit Nobis humiliter ſupplicatum, ut præſatis, & aliis in dictis literis contentis pro eorum ſubſiſtentia firmiori, robur Apoſtolicæ confirmationis adjicere, ex benignitate Apoſtolica dignaremur.

Nos igitur huiusmodi ſupplicationibus inclinati, ſtatuta prædicta, & illa in præſatis literis contenta, rata, & grata habentes, illa ex certa licentia (*) auctoritate Apoſtolica confirmamus, & approbamus, ac præſentis ſcripti patrocinio communimus, ſupplices omnes deſectus, ſi qui forſan intervenerint in eisdem, non obſtantibus conſtitutionibus, & ordinationibus Apoſtolicis, cæterisque contrariis quibuſcunque.

Nulli ergo omnino hominum liceat hanc paginam noſtræ confirmationis, approbationis, communionis, & ſuppletionis infringere, vel ei aultu temerario contraire.

Si quis autem hoc attentare præſumpſerit, indignationem Omnipotentis DEI, Beatorum Petri & Pauli Apoſtolorum ejus ſe noverit incurſurum. Datum Romæ apud Sanctum Petrum, anno Incarnationis Dominicæ Milleſimo, quadringenteſimo, quinquageſimo primo, quarto decimo Calendas Novembris, Pontificatus noſtri anno quinto.

Lünig Continuatur. III. Spicil. Eccleſiaſt.
pag. 1093.

CAMINENSIS SYNODUS

Anno Chriſti MCCCCLIV. Nicolai V. PP. VIII.
Friderici III. Reg. XV.

HENNINGHUS, DEI GRATIA, EPISCOPUS CAMINENSIS, UNIVERSIS ET SINGULIS DOMINIS ABBATIBUS, PRIORIBUS, PRÆPOSITIS, ET DECANIS, ARCHIDIACONIS, SCHOLASTICIS, CANTORIBUS TAM CATHEDRALIUM, QUAM COLLEGIATARUM CAMINENSIVM, PAROCHIALIUM ECCLESIARUM RECTORIBUS, VICERECTORIBUS, AC LOCUM EORUNDUM TENENTIBUS, CAPELLANIS, VICARIIS, SUBSTITUTIS, ET CLERICIS BENEFICIATIS, ET NON BENEFICIATIS, OMNIBUSQUE ALIIS ET SINGULIS, CUJUSCUNQUE STATUS, GRADUS, ORDINIS, AUT CONDITIONIS FUERINT, IN DIOCESI NOSTRA UBILIBET CONSTITUTIS, QUOSCUNQUE INFRA SCRIPTUM TANGIT NEGOTIUM, SEU TANGERE POTERIT QUOMODOLIBET IN FUTURUM, SALUTEM, ET SINCERAM IN DOMINO KARITATEM.

Injuncta nobis Creatore ab Altissimo omnium rerum, & conditore, sollicitudine Pastoralis curæ, subjeclarum (*) remediis nos invigilare oportune, earundem

pag. 437. hujus Tomi Epitomen hujus Synodi ex Cramero excerptam retulimus: nunc integram damus, qualis a Cl. Lünigio edita fuit.

(*) fors addendum: ovium.

dem periculis obviare, ac difformitates remove compellit. Sanum est, quod de sancta nostra Synodo de anno Domini MCDLIV. ipso die Beatæ Mariæ Magdalenz in Ecclesia nostra Cathedrali Caminenſi cum noſtris Prælatiſ celebrata, multi deſectus, abuſiones, & difformitates ad noſtram audientiam deduſti fuerunt, præcipue de Clericis, tam Religioſis, quam ſæcularibus: qualiter, quod dolenter eſt audiendum, ipſi contra Sacroſanctas Canonicas Sanxiones delinquant, & exorbitant, a veritatis tramite valde recedentes. Quapropter DEI adjutorio, ac de Prælatorum noſtrorum conſilio ad obviandum difformitatibus hujusmodi, ac ad providendum futuris periculis, ordinationes infra ſcriptas fecimus, quas ab omnibus noſtris Diœceſanis inviolabiliter volumus obſervari. Illis tamen Statutis Synodalibus, quæ per Prædeceſſores noſtros pia memoriz ordinata ſunt, nequaquam derogando, neque in eis aliquid immutando, niſi inferius duxerimus aliter diſponendum. Sed illa potius amplectendo, & approbando, eis ordinationes, & ſtata noſtra hujusmodi duximus addenda pariter, & annectenda &c.

In primis volumus, ſtatuiſmus, & ordinamus, quod de cetero nullus Clericorum, & ſignanter Curati, publicas & ſuſpectas intrare præſument tabernas cum laicis, ubi & in quibus plurima ſcandala, & crimina, videlicet homicidia, furta, perjuria, convitia, & luxuriæ committuntur: Clerus cum ſuis Parochianis coequales bibunt hauſtus, ſuas oves paſtorali cura ſibi commiſſas ſeducunt, & in profundum interni demergunt, aliis iter devium & lubricum, ac extreme præbentes pernicioſum.

Secundo refertur de diſtis Curatis, quod in Vigiliis, & Profeſtis Sanctorum cum ſuis Parochianis, ac etiam extraneis aliis uſque ad medium noctis crapulantur, & gurgitant, elculenta & potulenta ſaturiantes, & ſic æſtuati in continenti Miſſarum ſolemnia omiſſis Horis Canonicis, in Divini nominis offenſam, celebrant. Si qui tales in præmiſſis de cetero culpabiles reperti fuerint, privabimus Beneficiis, & eoſdem ſine & absque alia monitione præmiſſa ab officio ſuſpendedemus.

Tomus V. Concilior. German.

Rurſum præcipimus omnibus Presbyteris, & Clericis noſtræ Diœceſis, ne de cetero ad hauſtus æquales bibant, neque unus alium ad bibendum taliter, vel ultra modum honeſtum incitet, quovis quaſito colore: alioquin contrarium facientes, totiens, quotiens in his deliquerint, pena duorum florenorum Rinenſium volumus puniri.

Inſuper ad aures noſtras pervenit, quod non ſolum minores Clerici, & ſimplicibus Beneficiis Beneficiati, ſed prohdolor! nonnulli Eccleſiarum Prælati ſuperfluis commellationibus, & illicitis conſabulationibus inſudantes, ſere medietatem noctis expendunt, in Divino officio raro, vel vix comparentes. Et poſtquam tales domi oraverint, ſincopando Horas Canonicas tranſcurrunt, quaſi nullam habeant ad Dominum intentionem.

Ceterum ſunt nonnulli plures, & etiam alii, qui quater in anno Miſſarum ſolemnia vix celebrant; & quod deterius, intereſſe contempnunt, & ſi Divinis interſunt, Chorum exeunt, laicorum conſabulationes ſic commiſcentes, prohibemus de cetero talia fieri. Contrarium vero facientes, pena ſuſpenſionis volumus puniri, ut eo ferventius, eoque devotius Divino cultui ineſſe ſtudeant.

Præterea, ut refertur, ſunt nonnulli, curam animarum habentes & vices gerentes earundem, qui mandata ordinaria exequi contempnunt, timorem temporalem plus, quam Dei affectantes, perjurium & infamiam exinde incurrentes. Tales & conſimiles ab omni honore & officio ſuſpendedimus, ac privabimus Beneficio, juxta ſacroſanctiſſimas Sanxiones Canonicas.

Inſuper nonnullorum Prælatorum noſtrorum frequens & aſſiduus clamor auribus noſtris inſonuit, quatenus nulli Presbyteri & Clerici pacis æmuli, Dei timore, ac etiam omni humano honore poſtpoſito, majoris excommunicationis ſententiæ poenas non formidantes, ſtata Prælatorum eorum minime decenter, interdum clam, & quandoque palam & publice, contra utriusque juris diſpoſitionem, Prælatiſ ſuis detrahunt, convitia & diſſenſiones, ac ſcandala inter Prælatos, & minores Clericos, nec non inter Præ-

B b b b b b 2 latos,

latos, Clericos, & laicos, instinctu diabolico suas zizánias seminant, bonum pacis & concordiam inter illos eradicant, & evellunt, & faciunt, uti sæpius visum est, tam laicos, quam Clericos contra suos Superiores & Prælatos insurgere & insultare.

Monemus & requirimus talia perpetrantes & facientes, ac illis adhærentes, nec non consilium, auxilium, aut favorem ad id præstantes, sub pœna a jure contra tales malefactores promulgata, quatenus mox & in continenti post publicationem præsentis nostri statuti a talibus desistant. Et artius prohibemus, ne in antea talia vel consimilia committantur, taliumque scelerum patratores juxta Canonicas sanctiones serius puniemus, & impune nullatenus evadent.

Prohibemus insuper, quod nemo Clericorum vel laicorum de quæstionum apicibus tractet, aut disputer in publico inter laicos Christianos, aut infideles, Judæos, Schismaticos, seu Paganos, aut quoscunque alios, videlicet de Sancta Trinitate, aut Filii in Divinis incarnatione, aut de pretiosissimo Sacramento Corporis & Sanguinis Domini nostri JESU Christi, nec in præsentia laicorum, nec de indulgentiis a Sancta Sede Apostolica & Romana Ecclesia indultis; nisi tunc Clerici tales fuerint, quibus permissum esset, & a talibus, quibus permissum est, talia tempore & loco congruis ad evitandum schismata & scandala, quæ ex his aliquando in populo consueverant venire.

Item de Religiosis nostræ Diocesis graves accepimus querelas, videlicet quod nonnulli tam Mendicantium, quam Prædicatorum, nec non Militiarum S. Johannis Ordinis Fratres pauci sub regulari observantia vivunt. Quidam de ipsis, ut dicitur excommunicatos & interdictos, tam a jure, quam ab homine ad Divina admittunt. Aliqui etiam ipsorum Religiosorum nocturno tempore abjecto habitu loca suspecta subintrant. Similiter & in die non bini, juxta regulas ordinis eorum, sed unus solus hinc inde vagatur, indecenter platheas transcurrendo, & abusiones varias alias faciunt, & committunt. Et si aliquotiens super his per Nos, ac Prælatos nostros corripiantur, minime advertunt, sed consili de privilegiis suis

pertransseunt impunes. Quatenus omnes & singulos Priores, & Sub-Priores, Custodes, Ghardianos, & alios quocunque nomine censeantur, dictorum ordinum Superiores hortamur, requirimus, & monemus, quatenus infra unius mensis spatium a die publicationem præsentium immediate sequente, præmissarum abusionum, & difformitatum reos juxta disciplinam eorum ordinum corrigant, & correctioni condigne subiciant; alioquin si Superiores hujusmodi in præmissis negligentes, & remissos invenerimus, dicto tempore monitionis elapso, culpabiles, & reos juxta Canonicas Sanxiones puniemus, justitia mediente. Et sicut de Monialibus in Prædecessorum nostrorum statutis provisum est, ita præcipimus observari.

Item, ut supra diximus, statuta a Prædecessoribus nostris, & præsertim a Johanne Frederico, & Sifrido condita, inviolabiliter præcipimus observari, & specialiter de Mendicantibus, similiter de Procuratoribus, de Notariis, de cessionibus, & ad observanda decrevimus: ne laicus laicum ad judicium spirituale trahere audeat, vel præsumat, nisi in casibus a jure permissis, vel de consensu partium; alioquin tam Judex, quam Actor in quatuor marcas argenti debeat puniri. Et si contingeret, quod laicus laicum citet, ex tunc Judex in citatorio teneatur, & debeat exprimere causam, ostendendo, quomodo illa causa ad forum Ecclesiasticum dignoscitur pertinere, & hoc pœna sub eadem.

Item statuimus, quod nullus Clericus Clericum, aut personam trahat coram aliquo Judice in vim cessionis in causam, nisi talis cessio sit vera, & non simulata, & pure propter Deum facta. Et jurabunt cedens, & cessionarius coram Judice, coram quo actus cessionis agitur: videlicet, quod nullum emolumentum, seu commodum ex cessione ad ipsum cedentem deferatur. Et si secus factum fuerit, cedens perdet causam, & cessionarius cedet ab instituta actione, & cum hoc cessionarius pœna quatuor marcarum argenti puri per eundem Judicem puniatur, & si Judex hoc juramentum prætermittit, eadem pœna se senserit puniendum.

Item statuimus, quod testamenta, seu ultimæ voluntates Presbyterorum, & Clericorum nostræ Diocesis semper maneant in sua firmitate, non obstante, quod huiusmodi testamento, vel ultimæ voluntati publica non interfuit persona; dummodo tamen ibidem tres vel quatuor personæ idoneæ interfuerint præsentibus: omnesque huiusmodi testamentum impediētes, cujuscunque status, vel conditionis fuerint, nisi infra octo dies a tempore præfati impedimenti continue computandos desisterent, poenam decem marcarum argenti puri se noverint incurfuros.

Item statuimus, quod nullus decedens in testamento seu ultima ejus voluntate (*) Episcopum & Prælatum loci, in quo recognoverit tale testamentum, sit de facto nullum, & inofficiosum. Statuta insuper de testamentis, & de tempore executionis eorundem a Nobis, qualiter a Prædecessoribus nostris condita, volumus & præcipimus inconcussè observari.

Item statuimus & ordinamus, quod tam Presbyteri, quam Clerici nostræ Diocesis vestes illaudabiles infra mensem deponant, & unusquisque in vestibus deferendis se Archidiacono suo, seu Prælato loci, secundum decentiam status sui conformet. In contrarium facientes, poena duarum marcarum argenti puri multentur.

Item insuper præcipimus, quod nullus Presbyterorum, aut Clericorum differat biretum, ac cum tali in Platheis incedat, nisi fuerit Prælatus, vel Doctor, aut Magister tali insignio decoratus, vel sub poena duorum florenorum Rinenfium, totiens, quotiens contrarium factum fuerit, Nobis, vel Prælato loci irremissibiliter solvendorum.

Rursum præcipimus, statuimus, & ordinamus, quod nullus Clericus & Presbyter in domo habitationis suæ habeat mulierem suspectam, vel infamam, aut talem habere audeat, vel præsumat; sed eas habentes infra duodecim dierum spatium a notificatione præsentium a se removeant, & dimittant, neque iterato recipere procurent, sub poena decem marcarum argenti puri pro una medietate nobis, & pro altera medietate Prælato loci applicandarum: nisi

ex justis & rationabilibus causis huiusmodi a Nobis tolererur.

Insuper gravem conspicimus, & inauditam Dei offensam, & in publicum scandalum in Clero exoriri ex hoc, quod Presbyteri mulieres habent, cum quibus, timore Dei postposito, continue conversantur, in collationibus scilicet in una mensa comedentes, tanquam legitime viventes, se perpetuo simul manituros colligantes, se sic habentes, ut, quos diabolus conjunxit, homo separare non possit, procreantque animalia gradientia super terram, & post perpetrata crimina, & scandala huiusmodi tam mulieres, quam triobolæ ad eorum domus cum clavibus propriis accedentes, & recedentes permittunt (**) palam & publice, Patrimonium JESU Christi in meretricio consumentes. Quare desuper providendum statuimus, ac sub poena decem marcarum argenti puri firmiter præcipimus, ne talia, vel consimilia de cetero quomodolibet committantur. Contrarium vero facientes dictam decem marcarum poenam minime evadent.

Item Statuta Prædecessorum nostrorum de creatione & officio Notariorum edita volumus observari. Contrarium vero facientes poena pecuniaria arbitraria decrevimus præsentandos. Et prout de ordinibus, ordinandis, examinationibus & qualitate ordinandorum provissum est, ita observetur, nisi quod examinatores sine sed solum dictamine conscientie examinabunt. Adjiciamus tamen, ne dolus vel fraus in literis Archidiaconorum examinatorebus præsentandis committatur: quatenus quilibet Archidiaconus tam tempore examinationis ad locum sui Archidiaconatus se transferat, ad mensem vel modicum extra, & ordinandorum qualiter in suo districtu juxta nostra statuta inquireat, & sic pro eo cum propriæ sue manus appositione scribat, etiam Officiales Archidiaconatum Archidiaconis in remotis partibus constitutis id facere teneantur.

Volumus insuper & mandamus, quatenus Cancellarius noster, sive Notarius neminem intitulet, sive inseribat, nisi finito examine: & tunc ordinandos examinatores unanimiter præsentantur. Neque etiam aliquem postea secretò inseribant,

B b b b b 3

(*) Manca sunt.

(**) forte: permittuntur.

bant, sub poena decem florenorum pro una medietate Nobis, & pro altera medietate Examinatoribus irremissibiliter applicandorum.

Rursum de Festis in nostra Dicecesi tenendis, ut pariformiter in Domo Dei ambulemus, sic duximus statuendum. Quia alias equidem Festum S. Annæ ante Festum Natalis Domini mandavimus celebrari, tamen, quia conspiciamus illud tempus ineptum, propter certarum ceremoniarum illo sancto tempore observandarum turbationem, decrevimus, ut per amplius sequente die post Jacobi ab omnibus celebretur, sicut antiquitus Calendario est annotatum.

Insuper volumus, quod Festum S. Faustini in secundis Vesperis septem Fratrum ab omnibus imponatur.

Item de Festo S. Joannis Baptiste, Ecclesie & totius nostræ Dicecesis nostræ Patroni, aliquæ, ad Dei & ipsius majorem laudem sanctæ sunt ordinationes, quas ab omnibus nostræ Dicecesis uniformiter volumus observari, hoc ordine infra scripto. Ad Completorium Capitulum: *Dedi te in lucem gentium.* Hymnus: *O nimis felix. V. Justus ut palma florebit.* Antiphona: *super Nunc dimittis; Pro eo quod non credidisti: V. ante Collectam: Ipse præbuit ante ipsum in spiritu & virtute Helia, parare Domino plebem perfectam.* Collecta: *Quæsumus omnipotens Deus, ut viarum illarum imitari reſtitudinem, quam beatus Baptista Joannes mundo in deserto prædicando edocuit. Illumina &c.* Ad Primam: *O nimis felix, cum conclusionē.* Ad Tertiam: *Sexta ter denis, cum conclusionē.* Ad Sextam: *Hinc potens nostri, cum conclusionē.* Ad Nonam: *Ut pius mundi, cum conel.* Ad Missam: *Credo, dicitur, quia non Martyrii, seu Nativitatis gaudia celebrantur.* Ita per totam octavam ad horas servabitur, nisi venerit in octava Corporis Christi: quia tunc ad horas, ut dictum est, de Corpore Christi servabitur. In die Beatorum Apostolorum Petri & Pauli horæ servantur ad Completorium, ad Primam, & Hymnus, & ad alias horas, sicut in die Joannis Baptiste.

Item statuimus, præcipimus & ordinamus, quod in Festo Visitationis Virginis Mariæ historia, *Ecce venit sapiens,*

pariformiter in omnibus Ecclesiis nostræ Dicecesis sub debito obedientie observetur.

Item si aliquem Canonicum Ecclesie Cathedralis, aut alium quemcunque Archidiaconum vel Prælatum in Ecclesiastica (*) constitutum capi, aut captum detineri contigerit, sine nostra, ac Capituli nostræ Ecclesie licentia speciali; extunc ipso facto omnes & singulas Parochias, in quibus capiens, aut capientes hujusmodi, seu id fieri mandantes, residenti- am aut propria habuerint, nec non totum Archidiaconatum, aut Præposituram, vel districtum, in quibus captivus detinetur; usque ad integram libertatem captivati, seu detenti, Ecclesiastico supponimus interdictum, similiter si aliquem Canonicum Ecclesie Collegiatæ, aut quemcunque alium Clericum, vel Sacerdotem sine nostra, aut fortassis Præpositi, vel sui Archidiaconi, qui in eundem jurisdictionem habere dinoscitur, (**) licentia speciali capi contigerit, aut captum detineri, in illa Parochia, in qua capitur, & in qua captivus detinetur, ac in illa & in illis, in qua vel in quibus hujusmodi captivantes, vel detinentes residentiam aut propria habeant, vel habuerint, usque ad integram libertatem ipsius captivati, vel detenti penitus cessatur a Divinis. Quod quidem interdictum, & quam cessationem Divinorum ferimus Dei nomine in his scriptis; volentes exnunc, ut quicumque Clericus vel Presbyter supradictam captivitatem, vel detentionem ipsorum Prælatorum, Archidiaconorum, Canonicorum, Presbyterorum, & Clericorum sciverit, aut fortassis apud quem hujusmodi captivatio, vel detentio aliquo modo notoria, aut manifesta fuerit, & interdictum Ecclesiasticum, aut cessationem Divinorum juxta tenorem prædicti nostri statuti non servaverit, aut fortasse contumaciter, vel ignoranter observare recusaverit, aut distulerit, præter alias penas sibi a jure communi inflictas, excommunicationis sententiam ipso facto incurrat. Quam quidem sententiam in eundem extunc, ut exnunc, prout extunc ferimus in Dei nomine in his scriptis; & tanquam infamis & profanus ab omnibus habeatur, & evitetur, & hujusmodi etiam statuta infra mensē a publicatione præsentium in singulis

(*) Supple: dignitate.

(**) Supple: sine

lis Ecclesiis Parochialibus per Plebanos earundem, & deinde in singulis quatuor temporibus anni sub pœna Synodali, videlicet decem marcarum argenti puri, præcipimus publicari.

Item licet inclitæ memoriæ Carolus IV. Rom. Imp. & semper Augustus, in favorem totius ordinis Clericalis, Sacra Imperiali decreverit, statuerit, & pronuntiaverit autoritate, quod quicumque laicus, cujuscunque status, aut conditionis extiterit, qui ausu sacrilego, & propriæ temeritatis audacia Sacerdotem, vel Clericum secularem, vel religiosum diffidanter præscripserit, captivaverit, spoliaverit, occiderit, mutilaverit, aut in carcere detinuerit, vel hujusmodi perpetrantes scienter receptaverit, aut eis favorem præstiterit, præter pœnas a Sacris Canonibus Legalibus, & Sanxionibus in tales inflictas, eo ipso reddatur infamis, & omni honore privatus, nec ad placita vel consilia bonorum hominum admitatur quovis modo. Nonnulli tamen iniquitatis Alumpni nostræ Dicecesis prædictæ, inclitæ Sanctæ Constitutionis CAROLINÆ immemores, aut fortassis crasse & lupine eandem ignorantes, supradicta crimina de die in diem etiam publice committere non verentur. Nos igitur hujusmodi constitutionem Carolinam, tanquam sanctam & rationabilem recipientes, sub pœna Synodali præcipimus, ut hujusmodi constitutio saltem in parte prædicta singulis annis in quatuor Festivitatibus principalioribus de ambone publicetur. Statuentes etiam ex nunc, ut quicumque Clericus, aut laicus prædictos actus nepharios in supradicta constitutione vetitos, seu prohibitos, aut eorum aliquem commiserit, aut aliquem Presbyterum, vel Clericum de loco suæ residentię directe vel indirecte, per minas, aut per quamcunque violentiam fugaverit, aut expulerit, vel hujusmodi committenti, vel committentibus consilium, aut auxilium, aut favorem, directe, vel indirecte præstiterit, præter pœnas a Sacris Canonibus, & legalibus Sanxionibus, & præsertim per prædictam constitutionem Carolinam in tales inflictas, ipso facto excommunicationis sententiam, & ultra hoc, si Clericus fuerit, etiam privationem omnium Beneficiorum incurrat,

quam in talem, aut in tales ferimus Dei nomine in his scriptis.

Quoniam ex indiscreta interdictionum promulgatione multa consueverunt pericula evenire; quapropter statuimus, quod de cetero in causâ prophana pro debito pecuniario nullo modo feratur interdictum, neque generale, neque speciale, neque etiam cessatio Divinorum; nisi ex tunc in contumaciam partis, quia sic juxta nostram dispositionem licitum est promulgari. Et non feratur leviter, sicut sæpissime contingit, nisi magna exigente contumacia: & cum dilationibus ac intervallis spatiofis, sine & absque clausulis, ubi propria habuerit, & ad duos vel tres dies post ejus recessum &c. promulgetur. Et si secus factum fuerit, sit ipso facto, quoad clausulas hujusmodi irritum & inane: ac Executor ad illam clausularum executionem jure teneatur; in causis autem Ecclesiasticorum reddituum interdictum ferri, non tamen leviter, licitum est, quia tales sunt causæ spirituales.

Item præcipimus, ac sub pœna quatuor marcarum argenti puri mandamus, quatenus infra hinc & Festum omnium Sanctorum proximum quilibet Presbyter, aut Clericus in Dicecesi nostra Beneficiatus, literas foundationum & confirmationum Beneficii sui in carta pargamenti in fine libri Missalis ad Beneficium hujusmodi pertinentis conscribat, easque conscriptas, registratas, ac in fine libri dicti alligatas, debito custodiat, ad tollendum dissensiones, quæ aliquando super jure patronatus Beneficiorum oriuntur, ac ad evitanda animarum pericula, quæ in eo, quando Beneficia juxta eorum foundationis tenorem non debite, aut . . . gubernantur, . . . potestque facilius haberi aditus ad Missalia hujusmodi, quam ad foundationis, & confirmationis Beneficiorum literas originales. Et si quis plura Beneficia habuerit, omnium eorum foundationes, & confirmationes conscribere, registrare, ac modo præmissis alligare debeat, & teneatur, pœna sub præmissa.

Item volumus, statuimus, & ordinamus, quod quilibet Plebanus nostræ Dicecesis habeat librum bene ligatum, in quo nomina excommunicatorum, & aggravatorum &c. & interdictionum diligenter

genter conscribat, ut successori suo, si ab Ecclesia aliquo modo recesserit, possit de excommunicatis, aggravatis, & interdictis evidenter constare, ne excusationem, excommunicatos, & interdictos evitandi aliqualem valeat allegare. Remissos in his, duobus florenis Rinenfibus volumus puniri.

Volumus insuper, & mandamus, quatenus quilibet Archi-Diaconus, seu Prælati jurisdictionem habens Ecclesiasticam, infra hinc & proxime instans festum Nativitatis Gloriosæ Virginis Mariæ exclusive, dicta nostra Statuta sigillo nostro roborata, aut a nostro Officiali principali sigillo officii sui sigillata

recipiat, & in dicto suo districtu publicet, seu faciat publicari, & hoc sub pena decem marcarum argenti, fabricæ Ecclesiæ nostræ Caminenfis irremissibiliter applicandarum. Facta autem sic publicatione per Prælaturæ loci, præcipimus omnibus Ecclesiæ nostræ Rectoribus, saltem in civitatibus & oppidis constitutis, quatenus ipsi, & quilibet eorum a Prælati suo infra mensem post hæc dicta nostra statuta sigillo ejusdem Prælati, aut sui Officialis sigillata recipiat pena sub præmissa.

Cl. Lämig in Continuatione Continuationis III. Spicilegii Eccles. pag. 7.

SALTZBURGI CONCILIUM PROVINCIALE

Anno Christi MCCCCLVI. Callisti III. Pp. II.
Friderici Imp. XVII.

Synodi hujus meminit Chronicon MS. Bibliothecæ Cæsareæ ad annum MCCCCLVI. his verbis: *Calixtus III. vexavit Clerum Diocesis Saltzburgenfis ad dandam decimam contra Turcos.* Synodus Saltzburge decrevit, standum esse determinationi Nationis Teutonicæ. Verum alia quoque causæ ad eam Synodum relatæ sunt, quarum copiam præbet alius Codex MS. Missæ fuerant e Diocesis Salisburgenfis Provinciæ conquestiones variae, postulationes, interrogationes, informationes; quæ omnia Italico vocabulo *Avisamenta* vocantur: quæ hic inferimus, quoniam alia Concilii hujus acta desiderantur. *Hansfz. Tom. II. Germ. Sacra pag. 495.*

Avisamenta in Sacro Concilio Provinciali Salzburgenfi porrecta, de anno 1456, Dominica Jubilate, quæ fuit 18. Aprilis, recto ordine sequuntur.

Avisamenta Domini Episcopi Seccoviensis.

Reverendus in Christo Pater & Dominus, Dominus Episcopus Seccoviensis sacro Concilio exponit, gravium querela; quomodo quidam Fratres Ordinis Minorum Beati Francisci de observantia nuncupati, nuper ad Diocesis suam venientes, quendam fundum a laicali potestate recipiendo, quoddam Claustrum sui ordinis ibidem de novo, propria temeritate in contemptum suæ potestatis ordinariæ, ipsius consensu ad id non-accedente, ac in gravissimum præjudicium & jacturam Parochialis Ecclesiæ, sub cuius limitibus dictus fundus situs est; aliarum quoque Ecclesiæ Parochialium circumjacentium detrimentum non modicum construere nituntur,

velut hodie ædificare non cessant. Estque locus ipse in solitudine positus, ubi ipsi fratres neque officium prædicationis, super quo idem ordo originaliter institutus est, nec victus necessitatem malicia vagationis devitata, habere possunt. Quare petit præfatus Reverendus Pater humillima cum instantia, per sacram Synodum sibi & Clero suæ Diocesis provideri opportune, ut dicti Fratres ita coherceantur, quod ab opere hujusmodi structuræ cessantes, in antea talia attemptare non præsumant; talis quoque resistentia adhibeatur fratribus eisdem, qua ordo Beati Petri in honore & quiete pristino conservetur.

Fertur namque dictos fratres etiam in

in alijs locis, & civitatibus Provinciæ Salzburgenſis fundos & loca ipſis pro clauſtris ſui ordinis placencia, non requiſitis ordinarijs locorum eorundem, contra Canonica inſtituta occupando recepiſſe. Et ſi forte præſati fratres quocunque indulto Apoſtolico fundos recipiendi, & clauſtra ſui ordinis, ut præmiſſum eſt, propria auctoritate ubicunque erigendi ſe prætenderent munitos (velut præſatus Episcopopus ex quadam miſſiva ſuperiorum fratrum prædictorum ſibi tranſmiſſa ipſos ad ipſum habere accepit: quamvis ſuam paratus eſt ſacræ Synodo ad legendum exhibere) & ſi ſit, quod tunc ipſa ſacræ Synodus apud Apoſtolicam Sedem, vel revocationem hujusmodi indulti procurer, aut alio modo provideat, ne Eccleſiæ Parochiales Provinciæ Salzburgenſis ita enormiter ledantur. Timor namque vehemens eſt, per tolerantiam talium novarum Religionum in longum extinctionem Cleri ſecularis ſequi poſſe.

*Litteræ Parochorum circa Krems
commorantium, ad Episcopum
Pataciensem.*

Reverendiſſime Pater, & Domine Gratiſſime! Humillimis ſubjectionibus, ac omni reverentia, & obedientia præmiſſis. Nos ſubſequentes Plebani Andreas in Lewbs, Conradus in Gobolzburg, Servatius in Hadersdorff, Thomas in Czebnig, Paulus in Schaimberg, Joannes in Lengeveld, Petrus in Schiltarn, Gabriel in Streznig, Thomas in Geresdorff, & Joannes Plebanus in Gozdorff, ceterique Eccleſiarum Provincialium Rectores, Vicegerentes, & Altariſtæ per diſtriſtum circumferentialiter circa Krems commorantes, veſtræ R. P. notum facimus, quomodo iſti Capistrani, ſcilicet Fratres Minores de Obſervantia ad noſtras Eccleſias vicini in foro Lewbs ligneum conſtruxerunt Oratorium, de factò prædicant; & ut timetur, confeſſionibus ſuis Plebianos noſtros a nobis averſuri: quod noſtris Eccleſiis, & nobis in maximum cedit præjudicium; quoniam nec de grano, neque de guttula vini in decimis gaudemus; ſed ſolum fructibus cotidianis & culturis, de quibus quaſi quilibet ſuo collatori cenſualis exiſtit. Et unde V. R. P. ac Prin-

cipi jura Episcopalia, & ſteuras præſtare tenemur. Immo Fabrica Eccleſiæ Patavienſis, & omnes pauperes, & ſtructure notabiliter ſentient detrimentum. Quare omnes prædicti R. P. V. Capellani ad vos tanquam gratiſſimum noſtrum &c. revertentes, eandem humillime in Domino deprecantes, ut iſtis novis inſtitutionibus, maxime præjudicialibus, noſtris Eccleſiis, & nobis obſtare dignentur gratiſſime cum effectu, in eo ſalutem populo, & provisionem nobis, & commodum paterne oſtenderis &c. Harum omnium noſtrorum Secretis ſub inpreſſis teſtimonio literarum. Datum in Levbs, ſeptima Maji MCCCCLVI.

*Adviſamenta ex parte Reverendiſſimi in Chriſti Patris, & Domini,
Domini TYBOLDI, Episcopi
Laventin., totiusque Cleri
ſibi commiſſi.*

Reverendiſſime Pater! Præpoſitus S. Andreæ, Eccleſiæ Laventin. Archi-Diaconus, nimis gravatum ſe fore credit per ſuum Ordinarium, ſibi in latere conſtitutum, in cura animarum Plebanis, ac Vicariis compenſanda, qui ſibi ex jure Archi-Diaconatus ſui hujusmodi curam animarum dare adſcribit.

Item declaretur, qui caſus ſint ipſi Archi-Diacono a jure, vel conſuetudine reſervati.

Item quid agendum ſit de plebe in Lavenmund, Laventin. Diceceſ., quæ ſe alias in proxima viſitatione, Commiſſariorum Domini Episcopi Laventin. reddidit contumacem ad juramenta præſtanda ſuper inquisitionem viciorum, ac aliorum extirpandorum.

Item ex parte Eccleſiæ Parochialis S. Joannis in Gorgig, Saltzburgenſ. Diceceſ., quæ eſt de Præſentatione V. R. P. & de collatione Rev. Patris Domini Episcopi Laventin. Diceceſ. An diſta Eccleſia S. Joannis in Gorgig ſubjaceat Diceceſano, & quis ejusdem Eccleſiæ Vicariis habeat dare curam animarum, & cognoscere de cauſis?

Item quid agendum ſit cum Plebano in Muta prope Marenberg, Laventin. Diceceſ., qui contumaciter ſe abſentare præſumpſit? &c.

C c c c c c

Item

Item de publicis remittendis, quantum quis pro Archi-Diacono solvere debeat? & qualiter immitti debeant ceteris causis, & an ad suum Plebanum, seu ipsius locum tenentem, pro injungenda pecunia sint iterum remittendi?

Item de festo S. Mathiæ Ap. quando in anno bissexili sit celebrandum?

Item laicalis potestas usurpare conatur jurisdictionem spiritualem, omnino suppeditandam, contra jus commune: præsertim de decimis, quæ debentur de jure communi, & Divino Ecclesiæ, se intromittunt, judicando de eis: cum tamen incapaces hujusmodi jurisdictionum existant.

Item causas dotis, donationis propter nuptias, & similes, non permittunt tractari in foro Ecclesiastico, & omnino Judicem Ecclesiasticum excludere conantur: cum tamen in hujusmodi causis locus sit preventioni; causam subjugentes, quod majori modo contrahitur sub specie dotis, & donationis propter nuptias sub obligatione jurium forensium, vulgariter, Land-Gericht, & propter non solutionem in termino promisso dotis, vel donationis propter nuptias, ut præfertur, prætendunt solum stare arbitrio Judicum forensium.

Item de peculio Clericorum, & de rebus relictis per Rectores, Presbyteros, & Clericos post eorum mortem, laici se intromittunt, & de illis disponunt, non obstantibus privilegiis, & libertatibus Ecclesiasticis, & per hæc privilegia, & libertates Ecclesiasticæ suppeditantur.

Item excommunicati, & denunciati non verentur intrare Ecclesias, stantes scienter ultra annum in eorum protervitate, & excommunicatione, tanquam suspecti de hæresi. Et postquam Ordinarii loci juxta juris exigentiam contra eosdem processum juris instaurare volunt, imponunt minas multum formidabiles, quæ in constantem virum metu concurrente cadere possunt. Per hoc vilipenduntur privilegia, & Ecclesiasticæ libertates, & magna pericula, & gravamina Ecclesiis proveniunt ex istis.

Item laicalis potestas in civitatibus majoribus decernit statuta, quod nullus Clericorum prædium cujuscunque con-

ditionis onerare, & in remedium animæ suæ disponere potest.

Insuper & redditus legitime possessos contra juris dispositionem, quo cavetur, quod nullus Clericorum, cujuscunque conditionis existat, res Ecclesiarum laicali potestate submittere debet sub pœnis maximis, & merito formidabilibus, de quo in Capitulo hoc consuetissimo: De rebus Ecclesiæ non alienandis. Lib. VI.

Item manifestos usurarios absque satisfactione condigna, per ipsos, vel eorum hæredes facta, Religiosi ordinum Mendicantium Ecclesiasticæ sepulturæ tradere non verentur. Ex quo oritur contra Clerum maxima suspicio. Quia laici dicunt: tales Religiosi sunt tantæ devotionis & intelligentiæ, qui si hujusmodi usurarii non essent sepeliendi, nunquam eos sepelirent.

Hinc Patres hujus sacri Concilii accusati sunt de correctione Breviarii Salzeburgensi, & Patavienf, Ecclesiarum, maxime de Sabbato Sancto Paschæ, ubi cavetur, quod pueri post baptismum non lactentur, quousque procurentur in Corpore & Sanguine Christi.

Item sunt nonnulli Episcopi, Abbates, Præpositi, Monasteria, Collegia, Nobiles & aliæ personæ Ecclesiasticæ, & seculares, habentes infra limites parochialium Ecclesiarum decimas unam, duas, vel tertiam partes, vel etiam omnem decimam eis incorporatam, vel aliis debitam. Hi, postquam novalis decimæ in eisdem Ecclesiis de jure Rectoribus Ecclesiarum debite fieri contingunt, novalis decimas hujusmodi contra juris dispositionem in animarum suarum periculum, & damnationem contra voluntatem Rectoris violenter rapiunt, & accipiunt. Dignetur igitur hæc sacra Provincialis Synodus super his de opportuno remedio salubriter providere. Nam plures etiam sententiæ diffinitivæ contra recipientes, & rapientes decimas novalis hujusmodi in consistorio Salzeburgensi factæ sunt. Quibus tamen aliqui Nobiles, & Prælati nunquam parere curaverunt, prout non curant de præfenti. &c.

Item sunt nonnulli laici, accipientes decimas, & omnia novalia etiam ap-

pro-

propriantes, & manu violenta derinentes.

Item accusatur Synodus ex parte quorundam laicorum, qui absque scitu & consensu suorum accedunt curiam Romanam, & ibidem a Cardinalibus impetrant indulgentias ad filiales Ecclesias in damnum maximum jurium Parochialium & matricum Ecclesiarum: & eadem indulgentiæ ita exorbitantes sunt, quod non solum concessa sunt in diebus festis, sed etiam in diebus feriatis. Postquam vero laici prædicti literas huiusmodi ad partes istas attulerint, petunt ab Ordinariis easdem confirmari; qui Domini Ordinarii, etiam absque scitu & consensu Plebanorum in gravamen & jacturam Ecclesiarum Parochialium confirmant.

Provideatur igitur, quid Plebanis in his sit faciendum, qui quodammodo perplexi sunt inter duo adversa, tum quia tenentur Ecclesias suas indempnes servare, tum etiam quia tenentur ordinariæ auctoritati obedire.

Item provideatur, quomodo Mendicantes debeant audire confessiones. Et an quilibet fidelis teneatur quolibet anno ad minimum semel confiteri suo Plebano juxta tit. *Omnis utriusque &c.* & plura alia, quæ conclusa sunt in *Synodo Provinciali Maguntina*, petuntur hic concludi.

Item Plebani gravantur per Mendicantes, quia sine licentia communicant populum; immo dicunt, quod non sint oves Plebanis commissæ, sed sunt oves Episcopi.

Item Clerici gravantur, quod violenter trahuntur ad forum vetitum; immo prohibentur, ne aliquem citent ad Judicium Spirituale, pro rebus Ecclesiasticis, ut super decimis, testamentis, & in causis rationabilibus. Immo aliqui Clerici sponte se submittunt jurisdictioni seculari absque licentia suorum Superiorum.

Item de agris & pratis de novo ex cultis laici propriis motibus, & violenter privant Plebanos decimis contra jus commune.

Item Judices & Præfecti, precones, & ceteri laici violenter auferunt bona relicta per Presbyteros, & Clericos Beneficiarios; immo consanguinei eorum preterdunt & volunt talium esse hæredes,

& sic impediunt testamenta, & ultimam eorum voluntatem: quamvis de Elemosyna, & Beneficiis sint acquisita.

Item, quando Clericus Beneficiatus moritur, statim laici intromittunt se de possessione Beneficii, & bonis per talem relictis, a quibus oportet postea emere possessionem. Et contingit pluries, quod possessio traditur non habenti justum titulum &c.

Item seculares Advocati gravant Ecclesias augendo advocatias diversis modis, puta venaticis canibus, vesturis & laboribus variis: & idem faciunt alii Nobiles & Principes, & eorum locum tenentes.

Item Nobiles compellunt Ecclesiarum colonos ad labores suos, vulgariter Scharwerche, ut in messe, in feno, & in fossis.

Idem volunt habere a Plebanis, & eorum colonis.

Item laici proprio motu se intromittunt de rebus temporalibus Ecclesiarum, facientes de illis rationem; cum sæpius non vocantes, ad hoc suum Plebanum, vendunt ad placitum res Ecclesiarum, construunt & destruunt Ecclesias.

Item absque scitu Plebani auferunt cistas, ad quas etiam soli habent claves. Instituunt & destituunt ad voluntatem suam Campanatores & Magistros Schollarum; placeat vel displiceat Plebanis. Item acceptant anniversariam Defunctorum, & soli deputant Plebano, & suis Sacerdotibus stipendia, sicut ipsi laicis placet: & si non vult Plebanus consentire, remittunt ad alias Ecclesias, puta Monasteria vel Hospitalia, quæ ipsi regunt. Etiam instituunt prædia Ecclesiarum & destituunt. Et si Plebanus aliquem instituit, ipsi eundem non admittunt, nisi placeat eis.

Item Principes gravant Clericos per Venatores.

Item Nobiles quoque inhibent Plebanis, ne prædicent, nisi ad eorum voluntatem, & faciunt eos expectare, quousque surgant de somno.

Item volunt, quod Prebyteri eorum tabernas intrent. Quod si non fecerint, dampna & gravamina eis inferunt.

Item de certis prædiis non volunt dare decimam.

Item laici usurpant sibi prædia super quibus Ecclesiæ sunt fundatæ.

Item provideatur contra Collectores, ne amplius admittantur per Ordinarios locorum: quia nimium gravant Plebanum. Et quidam ipsorum ascendunt in bonum, & decipiunt populum in suis predicationibus, & indulgentiis. Etiam portant secum Reliquias, cum quibus stant publice in Ecclesiis, quando populus dicit Offertorium.

Item fiat Executio Karoline.

Item provideatur, quod Sacramentum Eucharistiæ non fiat nimis commune, quia feriis quintis per certos deferatur publice cum processione per Ecclesias, & circuitus in Ecclesiis, absque licentia Superiorum. Et hoc idem fit a Religiosis feriis quintis, per hoc attrahentes sibi populum, & impeditentes iura parochialia.

Item provideatur de laicis contra Clericos auctoritate sua arrestantibus bona, fructus, redditus, & proventus Clericorum, & Clericos, militantibus vulgariter *Wandelut*.

Item de laicis, qui auctoritate sua capiunt Clericos, & Presbyteros presentant Episcopo.

Advisamenta Ratisbonensia.

Item provideatur contra laicos diffidentes Clericos, ducentes eosdem in Bohemiam, cremantes corpora & bona eorum.

Item tales cogunt Clericos ad dandum pecuniam pro securitate eorum.

Item quomodo cum ditionibus laicis post reconciliationem ad terram reversis agendum sit?

Item provideatur specialiter in Dicecesi Ratisbonensi contra hoc, quod Clerici coguntur ad damnationem pecuniæ, vulgariter Abting, ad Bohemiam; quod cotidianum est propter inimicos diffidentes generaliter omnem Clerum.

Item Clerici, qui provocant sanguineos suos, & alios laicos ad diffidendum Clero; & quomodo agendum sit cum Clericis, qui per se faciunt tales diffidationes, & intrant Bohemiam; cum fuerint reversi.

Item, an concepta in Concilio Provinciali Moguntino sint acceptanda?

Item de jurisdictione Reverendissimi Domini Salzberg., quod plures ad eandem Curiam, & etiam Romam trahuntur solum pro hoc, ut propter distantiam fatigent colligantes ad concordandum cum eisdem: & arrestacionibus a Sede Salzburgenfi emanantibus.

Item fiat provisio, ut matrimonium possit licite contrahi, & consummari, & nuptiæ solemniter celebrari temporibus a jure interdictis, puta in LXXma &c. ut fit alio tempore Domini.

Item quidam Religiosi præsertim Cisterciensis Ordinis in Capellis sibi subiectis, extra septa Monasteriorum sitis, prædicant, festa indicunt, solempnes Benedictiones in Mitris faciunt, publicas Missas decantant tempore, quo publica Missa diebus Dominicis & Festivis in Ecclesiis Parochialibus peragitur: per hoc Parochianos a suo Pastore & Ecclesia Matrice retrahendo, prædicando, prædicta sibi vigore exemptionis, consuetudinis, & privilegiorum licere, cum tamen curam animarum minime habeant.

Item mortuos sepeliunt, Parochianos alienos in casibus Episcopis reservatis absolunt, Sacramentum Eucharistiæ & alia contra Clem. Religiosi administrant omnia, prætendentes sibi ex privilegiis licere; quæ tamen ostendere recusant: novas Capellas absque licentia Ordinationum erigunt in locis non exemptis, & offertoria ibidem obvenientia usurpant.

Item petitur moderari statutum de tabernariis quoad poenam suspensionis ab officio: cum ex hoc plures incurrant irregularitatem, tempore hujus suspensionis se Divinis, ut prius, ingerentes.

Item petitur declarari, quotiens criminarii debeant in anno admitti a Plebanis; cum multum præjudicent Curatis, & eorum sociis, & cum prætendant se exemptos, qualiter prohiberi debent ab eorum excessibus, cum nimis difficile foret semper ad Sedem Ap. recurri.

Advi-

*Advisamenta, quæ respiciunt
Diecepsim Salzbur-
gensem.*

Sacerdos secularis obmissis trina oratione & quindecim gradibus, incipiat matutinas, continuando omnes horas Canonicas secundum Rubricam Salzburgens. paucis mutatis: imo. Ad summum Festum, ad Primam, ad Completorium, immediate post Symbolum dicatur Versus cum Collecta ad binas partes usque ibi: *Sacerdotes.* De Sanctis trium lectionum oret sine precibus. Capitulum post Primam secundum chororum demptis quinque psalmis, scilicet: *Verba mea &c.* In Adventu & Quadragesima suffragia de Patronis sub una Antiphona, scilicet ad Vesperas: *Fulgebunt iusti:* & ad Matutinum: *Corpora Sanctorum:* & una Collecta, in qua nominentur Patroni, scilicet *Rupertus, Virgilius, & Martinus*, una cum aliis suffragiis consuetis. Infra Pascha & Pentecosten diebus Dominicis in Matutinis ad quemlibet nocturnum tres psalmos cum una Antiphona. Ad Primam: *Deus in nomine &c.* cum reliquis: quod hoc tempus in omnibus Diecesibus privilegiatum est præ aliis temporibus. Quocunque etiam die dicuntur VII. psalmi ad horas; eodem die dicatur Letania, aliis vero diebus neque VII. psalmi, neque Letania.

Orare cottidie cursum & vigiliis mortuorum, sicut in arbitrio cujuslibet volentis orare ex devocione, sed nullus ad hujusmodi sit ex debito strictus.

Item semel in septimana, quando commodè fieri poterit, horæ de Patronis teneantur, ut in aliis Dieces. fit.

Item præcipitur in quodam statuto Provinciali, festa SS. Rudberti, Virgilii, & Augustini celebrari. Petitur relaxatio de festo Translationis S. Virgilii; quod non potest commodè celebrari propter occupationes vindemiarum; propter quod plures scandalizantur.

Item fiat provisio de remediis mortuorum, ne Plebsani nimium graventur.

Advisamenta Cleri Stirie inferioris.

Primo Serenissimus Dominus noster Imperator nos communem Clerum

beneficium in suis terris & Dominiis constitutum, variis & continuis exactionibus suarum thesaurarum solet aggravare, conando nos redigere in continuam servitutem, contra Ecclesiasticam libertatem, qua minime uti valeamus. Petit Clerus humillime, ut provideatur contra futura similia, sive per scripta Reverendissimi Domini nostri Archi-Episcopi, vel alio modo; aut per convocationem Cleri, prout proxime factum est. Paratus enim esset idem Clerus potius sustinere spolia, vel alia mala, quam ita redigi ad continuam servitutem: attento, quod si in Ecclesiis spolia committentur, cessaretur a Divinis tam diu, quousque spolia restituerentur, vel alia fierent. Gravatur etiam Clerus curatus in variis, & plurimis articulis per Monachos Mendicantes, ut sequitur.

Primo solent nobis Ecclesiarum Parochialium Rectoribus populum nobis commissum abstrahere, precipue in propiciationibus, recipiendo de eisdem propiciationibus Vigiliarum, Exequiarum, Missarum, & diversorum officiorum minus, quam solito recipi solet in Parochiis nostris, contra laudabilem Ecclesiarum nostrarum consuetudinem hætenus observatam; puta vix terciam partem, & sic populus propter minorem solutionem ad ipsos affluit, nobis in grave præjudicium.

Item solent plerique Mendicantium, Priores, & Guardiani in suis claustris Benedictiones facere solemnes, videlicet in diebus festis Purificat. Gloriosæ Virginis Candelarum: in die Palmarum, ipsarum Palmarum: in die Resurrectionis Dominicæ carniū, etiam in domibus Plebsanorum: item in die S. Stephani Proto-Martyris, salis & aquæ Benedictiones celebrare solemnes.

Idem in die Parasceves ornare Sepulchrum Domini, imponentes ibi Sacramentum Eucharistiæ, candelis plurimis accensis, canentes quoque Psalterium usque ad diem Paschæ; quæ omnia insignia sunt Parochialia, & solummodo ad Ecclesias Parochiales videntur pertinere.

Item in diebus Festivis & Dominicis solent de mane hora in consuetâ prædicare, & alios actus exercere; ita quod populus in diebus Dominicis, & maximis Festivitatibus præcipue sermo-

nem audire, & ad officia, quæ in suis peraguntur Parochiis, frequenter venire negligitur in animarum suarum dispendium, & nobis Rectoribus maximum præjudicium.

Item prædicti Monachi, gaudentes privilegio audiendi confessionem, populum inducunt, ut apud eos Confessores suos eligant; etsi in loco habeantur sufficientes, & bene docti Presbyteri sæculares, ad quos pertinent, imo peritiores, quam sint ipsi Monachi. Et etsi ibi non est multitudo populi, ita quod Plebanus cum suis optime sufficiunt plebi suæ. Præsumitur enim, ut verum est, quod Monachi in audiendis confessionibus plebem ad se alliciant, & ipsis Missas, & alia apud eos peragenda in penam injungunt; absolventes etiam quoscunque casuales publicos & occultos, qui ex hoc in suis sceleribus eo temerarius persistunt in maximam damnationem animarum plebis.

Item sunt certa-claustra Mendicantium, habentia in Ecclesiis suis non tantum unam, sed duas, aut plures campanas, quas cotidie ad officium compulsi sunt, sicut in Ecclesiis Parochialibus fieri solet; nec a talibus volunt abstinere. Dixit enim quidam Prior Ordinis Heremitarum S. Augustini in Rackerpsurg: Si Plebanus in duabus campanis suis displicentiam habet, ipse vellet addere terciam.

Advisamenta Archi-Diaconi & Cleri Archi-Diaconatus Karinthiæ inferioris, Salzburgensis Diœcesis.

Primo quidem provideatur per Sacrum Concilium, quod Clerus, & Ecclesiasticæ personæ juxta Lateran. & generalis Conciliorum, ac Imperialium Sanctionum Statuta ab omni steurarum sæcularium impositione immunes existant, & debita potiantur libertate.

Inhibendum quoque esset ipsis Clericis, & Ecclesiasticis personis sub pœnis & censuris formidabilibus, ne steuras & exactiones hujusmodi sub cujuscunque contractus colore sine expresso Romani Pontificis assensu potestati temporali largiantur.

Item, quod statuta venerandæ memoriæ Domini PILIGRINI, sub titulo: *Ne Clerici in foro vetito conveniantur.* Et felic. recordat. Domini EBERHARDI, sub titulo: *De foro competenti*, situata, olim S. Salz. Ecclesiæ Archi-Episcoporum in suis Provincialibus Conciliis edita, districtius observari mandentur.

Item, quod declaratur per Sacram Synodum, qua die post festum Kathedræ S. Petri festum S. Mathiæ Apostoli anno bissextili sit celebrandum, ne ex diversa ejus celebratione, veluti sapius contingit, scandalum generetur in populo.

Item, quod unus tantum Patrinus juxta Canonica instituta ad levandum de sacro fonte puerum admittatur: inhibeatur quoque Archi-Diaconibus, Decanis, & cæteris Presbyteris curatis, ne contra hujusmodi statutum dispenfent secundum favorem, & suæ libitum voluntatis.

Item, quod hi, qui ad auctoritatem Superiorum mittendi sunt, literas sui Curati Presbyteri, qualitatem & circumstantias culpæ, propter quam Superiorem requirere tenentur, continentes requirant, & Superiori præsentent. Ipse quoque Superior literas absolutionis eidem Curato transmittat; quod &, si is, qui Superioris auctoritatem adiit, publice delinquendo plebem scandalisavit, Superior eundem suo Curato remittat publice puniendum, modum pœnæ sibi injungendæ scriptotenus declarando.

Item, quod Fratres ordinum Mendicantium in oppidis & civitatibus Provinciæ Salzburgensis degentes in suis Prædicationibus, Parochialium Ecclesiarum Rectoribus non derogent, aut detrahant; eaque hora, & maxime diebus Dominicis, & festivis, qua in Ecclesiis Parochialibus Divina peraguntur Missarum solemnitas, & populo Dei verbum prædicatur, prædicationibus suis, & prolongatione officiorum Divinorum populum a frequentatione & visitatione suæ Parochialis Ecclesiæ non retrahant, ac retardent.

Item, quod Archi-Diaconi, Decani, & Provincialium Ecclesiarum Rectores, cæterique Presbyteri curati ab eis, qui pro delictis suis eorum auctoritatem requirere tenentur, pecunias non exigant; sed beneficium absolutionis pro Deo, uti justum est, gratis impertiantur, Presbyter-

byterosque delinquentes condigna poena castigant, cum ex præmissis interdum grandia scandala visa sunt exoriri.

Item, quod ab Ecclesiis pro Chrismate pecunia non exigatur, sive oblata requiratur.

Item, quod de Baptismo basthardis, & spurii, ac aliis illegitime natis conferendo pecunia non exigatur.

Item, quod testamenta observentur.

Advisamentum de Archidiaconatu Stiriae Marchiae superioris.

EXponitur pro parte Cleri Archidiaconatus Stiriae Marchiae superioris, qualiter quædam Monasteria ejusdem Archidiaconatus longe post eorum fundationem quasdam Ecclesias tunc rectas per Presbyteros seculares, suis Monasteriis incorporaverunt, quorum Prælati, quanquam de hujusmodi Ecclesiis maximum habeant emolumentum, nolunt tamen obligari ad hujusmodi onera Ecclesiarum, nec compati Clero dicti Archidiaconatus in steura & contributionibus, ipsi Clero impositis, secundum quod Rectores olim earundem Ecclesiarum contribuere consueverunt, afferentes se alias contribuere oportere occasione suorum Monasteriorum de singulis redditibus eorundem.

Supplicat Clerus prædictus, quatenus attento, quod præfati Prælati ab hujusmodi Ecclesiis habeant emolumentum, merito subeunt onus; ipsis provideri de remedio opportuno: quod nisi fiat, continget propter nonnullas Ecclesias noviter in nova civitate, & alibi incorporatas, dictum Clerum multipliciter aggravari, & quod tandem decem, aut modico plures Plebani intolerabilem steuram persolvent, quæ in dies & annos non minorantur, imo potius augmentantur.

Advisamenta Generalia totam Provinciam respicientia.

Primo a Sancto Concilio petitur declarari, de quibus Episcopalibus casibus, & quomodo Curatus se debeat intromittere; maxime autem de dampnabili

divinatione, superstitionis & incantationis usu.

Item provideatur, ut fiat liber agendarum pro administratione Sacrorum, & omni benedictione in Ecclesiis Parochialibus fienda; secundum cujus modum & formam, omnes per totam Provinciam operari debent.

Item fiat provisio de minutis decimis, de quibus Parochiani duntaxat tertiam partem suis Curatis porrigunt, imo non semper tertiam, sed plerumque eandem dare omnino recusant, contra Provincialia alias edita statuta, & juris communis dispositionem.

Item hoc ipsum fiat de decimis novalibus, ut & istæ secundum communis, & statutorum Provincialium ordinationem Curatis tribuantur. Habentes enim duas partes decimarum, duas etiam partes novallium in gravamen suarum animarum sibi inburfare non verentur.

Item provideatur, ut Curatis de collectis suarum Ecclesiarum tertia pars cedat, hujusmodi namque collectæ, ut plurimum in detrimentum, vergunt Curatis; quia in summis Festivitatibus ad offerendum obligati, si ad tabulam vitricorum quidquam porrexerint, se æstimant etiam offertorium explevisse.

Item petitur declarari, in quibus Curatus a Parochianis suis habeat ex posteris decimam personalem juxta consuetudinem civitatis Salzburgensis.

Item si secundum Constitutionem S. Matris Ecclesiæ ad Festa Paschalia rite & legitime confessum, & communicatum infra ejusdem anni spacium, casu, ruina, vel quovis alio modo, absque tamen finali confessione, & Sacramentorum provisione mori contingat; an tali inrequisito Superiore concedenda sit Ecclesiastica sepultura? Vel an pro ea remittendum sit ad Superiorem? Et an talis, vel quis alter, & quo casu dici debeat præventus.

Item petitur secundum priorum Decreta Conciliorum Provincialium, & Episcopaliū dari mandata contra debitores Ecclesiarum, ut ipsi earundem debita ab eis mutuata sub alicujus poenæ incurfu pro certo termino exsolvere compellantur.

Item

Item concedatur mandatum Curatis ad reddendum, alienandum, & tollendum vaccas a fabrica locatas, sive vaccas perpetuas, vulgariter Ymmerkue, ut pecuniæ exinde collectæ usui Ecclesiarum applicentur.

Item, quid agendum sit in Provincia de vectoribus currium Dominicis & aliis Festivis diebus, cum vectoribus suis propria domicilia eorum exeuntibus, & molitoribus eisdem diebus molentibus, ceterisque publice laborantibus in illis diebus, de quibus suis Plebanis indubitanter constat.

Item idem petitur, quid de institutoribus & carnificibus, præfatis Festivitatibus diebus, tempore Divini cultus, sua mercimonia venundantibus in Parochia, cujus Plebani existunt, & extra tempus nundinarum & Dedicationum; quia secus in his & institutoribus advenis foret, qui forte sumptuum necessitate coguntur.

Item petitur etiam decerni, seu declarari, qua pœna plectendi sint diebus Dominicis & ceteris Festivitatibus ad fores Ecclesiarum, & in cimiteriis tempore sermonum, & Divinorum cultuum stantes sibi mutuo confabulando, & quibus modis, & ordine de hac abusione sint reducendi.

Item dignetur Sacra Synodus istam mirabilem, imo revera insanam consuetudinem immutare, & delere, qua in quibusdam Parochiis die Resurrectionis Dominicæ mane venerabile Sacramentum manibus Presbyteri euntis, vel equitantis, adjuncta sibi plebe, sine reverentia & devotione; modo quodam ridiculo clamoribus & cantibus insolitis per circuitum Parochiæ defertur. In quibusdam vero locis hæc peracto prandio non majori reverentia solita sunt.

Item hoc ipsum petitur de plerumque mirabili consuetudine, qua istud pretiosissimum Sacramentum singulis Dominicis diebus a Festo Ascensionis, seu Penthecostes, usque ad Festum S. Laurentii, vel Jacobi, in cimiteriis Ecclesiarum sepiissime modica, vel pene nulla devotione circumducitur, lectis ibidem cum certis collectis; versus quatuor partes mundi, quatuor initiis Evangeliorum, non sub una, sed sub diversa forma.

Cæterum instantius petitur inhiberi

istam præ cæteris periculosiorem consuetudinem, potius autem abusionem, seu corruptelam, per quam Presbyteri quantumcunque ab Ecclesiis longi, quotiescunque in die, vel septimana tonitrua, fulmina, corruscationes vel venti insurgunt, unde tempestatem, vel grandinem timent imminere, illud salutare Sacramentum foras ad cimiterium irreverenter efferunt; quanquam etiam vix edituus, vel juvenis campanam bajolans adest, & vulgus advertere non curans, instat labori. Unde certe pericula gravia sunt exorta. Compertum namque est, quod ex hujusmodi tempestatum, & ventorum invalescentia, tecta Ecclesiarum, & turrium confracta ceciderunt, & Presbyteri casu horum tacti semimortui inventi sunt, Venerabili Sacramento cum vase in terram prostrato.

Quibus tempestatibus caucius & melius creditur provideri, si per idem præfatum anni tempus continuum expletis Divinorum Mysteriis cottidie omnium Ecclesiarum campanæ tangerentur, & unusquisque hominum bonæ rationis, ubicunque constitutus, his auditis, pro pace, ac tranquillitate, ac republica secundum sibi datam gratiam oraret; pro quo etiam tempore & Sacerdos loci legeret dicta initia Evangeliorum quatuor, vel unum cum collectis aptis, secundum Decreta, & determinationem istius Sacratissimi Concilii.

Eapropter hoc Sanctissimum Concilium statuatur, & exponatur, quibus tempore & casu, extra tamen casum morte laborantium, istud Venerabilissimum Sacramentum a loco suo sacro communis ipsius repositionis debeat, & licite possit amoveri: ut puta in articulo mortis, inundatione aquarum, guerrarum, ignis, pestis congninnarie, seu alterius mali communis, vel reipublicæ.

Item deinde hoc sacratissimum Concilium compescat plurima festa incognitorum Sanctorum, ut quintas ferias Paschæ, Penthecostes, Nativitatis proximas, & sextam feriam immediatam post festum Ascensionis Domini, festa Beatorum Ottonis, Colomanni, & plerumque aliorum: quæ quidem festa multi laici, & vetule amplius, quam Dominicos, & alios dies festos ab Ecclesia indictos, plurimum superstitiose colunt, & festivant.

Unde

Unde simplices festa S. Matris Ecclesiæ minus curant festivare.

Item fiat declaratio, quomodo colligentium ad Ecclesias, Capellas, Monasteria, & Hospitalia, indulgentiæ vulgo interpretandæ sint & insinuandæ; cum hrens indulgentiarum communi stilo inferatur: quicumque causa devotionis illuc co fluxerint, & pias manus porrexerint adjunctrices &c. indulgentiam, & gratiam consequantur. Certum est autem, quod multi elemosynam dant, qui Ecclesias, seu loca illa nunquam videbunt.

Item tales Collectores emunt, & mercantur collecturas ab Ecclesiis, quamque per decem, vel XIII. libras denn. & per annum XL. sive L. accumuland, dantque I. libram denn. pro litera per Diœcesin exhortatoria, virtute cuius pro suo commodo multo amplius pecunias recolligunt, multaque facinora & scandala committunt, bibunt, noctuque ludunt, & blasphemant, in tabernis per noctes integras vane & turpius confumentes, quod ad Dei cultum & honorem fideles porrexerunt. Ecce qualis fraus.

Item compellantur omnes Curarii

gerere solitudinem circa plebem suam, examinando in confessione, & informando diebus festivis Dominicalem orationem. Multi enim in hac oratione errant, ymo penitus ignorant.

Item provideat Sancta Synodus, ut pauperes peregrini continue de loco in locum discurrentes, & similiter vagi scholares cum retibus, vel sine, discurrentes, & quodammodo discredere facientes, multique alii truffatores, & terrarum exploratores foras ejiciantur, & in Provincia ista nullatenus ita discurrere, & mendicare permittantur.

Item inhibeat Curatis, ne Sanctum Oleum infirmorum, seu catechuminorum, extra locum sacrum in non sacro, ut puta, camera, vel coquina, faciant conservari, neque ipsum potestati tradant laicali ad custodiendum, vel rursus ad Ecclesias deferendum, quod tamen in nonnullis Parochiis consuevit observari.

Hucusque relationes ad Synodum Salisburgensem. Circa illas, quid statutum fuerit, non constat, cum ipsa Concilii acta non reperiantur.

PII Papæ II. Bulla Retractionum eorum, quæ dudum in minoribus adhuc agens, pro Concilio Basileensi, & contra Eugenium Summum Pontificem scripsit: data Anno Christi MCCCCLXIII.

Ex Apographo, quod in Bibliotheca Collegii S. J. Parisiensis asservatur, & transumptum dicitur ex Bibliotheca Joannis Mariae Jagbafem, Roma. ()*

PIUS EPISCOPUS, SERVUS SERVORUM DEI, DILECTIS FILIIS, RECTORI, ET UNIVERSITATI SCHOLÆ COLONIENSIS, SALUTEM ET APOSTOLICAM BENEDICTIONEM.

IN minoribus agentes, nondum sacris Ordinibus initiati, cum Basileæ inter eos versaremur, qui se generale Concilium facere, & universalem Ecclesiam representare ajebant, dialogorum quemdam libellum ad vos scripsimus, in quo de auctoritate Concilii Generalis, ac de gestis Basileensium, & Eugenii Papæ contradictione, ea probavimus, vel damnavimus, quæ probanda, vel damnanda censuimus: quantum capiebamus, tantum defendimus, aut oppugnabimus: nihil mentiti sumus, nihil ad gratiam, nihil ad

odium retulimus. Existimavimus bene agere, & recta incedere via, nec mentis nostræ aliud erat objectum, quam publica utilitas, & amor veri. Sed quis non errat mortalis? Sapientem, inquit Philosophi, nunquam errare? Verum est. At quis sapiens, nisi bonus? Quis bonus, nisi solus Deus? Omnes declinaverunt, simul inutiles facti sunt, non est, qui faciat bonum, non est usque ad unum. Inquit Propheta Regius. Declinavimus & nos, ab utero matris, erravimus in invio, & non in via: ambulavimus in tenebris,

D d d d d

&

Tomus V. Concil. German.

() Harduin. Tom. IX. Concilior.*

& procul a vera luce recessimus: nec nobis tantum erravimus, alios quoque in præcipitium traximus, & cæcis ducatum præbentes cæci, cum illis in foveam recessimus. Forsitan & aliquos ex vobis scripta nostra decipere, & de via deduxerunt, quorum sanguinem, si de manibus nostris requisierit Dominus, non habemus, quod respondere possimus, nisi nos, ut homines, peccavisse: qui arbitantes rectum iter ostendere, obliquum monstravimus. In misericordia tantum Dei spes ejus elucet. Sed haud quaquam satis fuerit Divinam misericordiam implorare, & dicere: Parce Domine, parce peccatis nostris; nisi pro viribus vulnera, quæ inflaximus, veritate curare adnitamur: & sicut est in fabulis, sagitta, quæ vulneravit, afferat opem; sive ut canit Ecclesia: Medelam inde ferat hostis, unde læserat. Mortem quidam prius sibi consciverint, quam videri velint aliquando male sensitse: & nonnulli, ne vel ad horam videantur errasse, semper errant; & dum vel minimam tolerare honoris jacturam nequeunt, totum abiciunt, & perpetua notantur infamia; & in pessimas prolabantur hæreses: qui ne appareant inconstantes; pertinaces efficiuntur. Superbissimi hoc ajunt, qui videri Dei, non homines volunt: quales Constantiæ combusti sunt nostra ætate in magno Conventu Hieronymus, & Joannes Hæresiarchæ. Nos homines sumus, & ut homines erravimus, neque imus inficias, multa, quæ diximus, scripsimus, egimus, damnari posse: verum non ut Arius, Eutiches, Macedonius, aut Nestorius, & alia blasphemorum turba, ex animo damnatam viam elegimus: seducti peccavimus, ut Paulus, & ignoranter persecuti fuimus Ecclesiam Dei, & Romanam, primamque Sedem. Propter quod prostrati ante oculos Divinæ pietatis supplices oramus: *Delicta juventutis meæ & ignorantias ne memineris*, &c. Pudet erroris, pœnitet male fecisse, & male dictorum, scriptorumque vehementer pœnitet: plus scripto, quam facto nocuimus. Sed quid agamus? Scriptum & semel emissum volat irrevocabile verbum. Non sunt in potestate nostra scripta, quæ in multas inciderunt manus, & vulgo leguntur. Utinam latuissent, quæ sunt edita. Nam si futuro in sæculo man-

serint, & aut in malignas mentes inciderint aut incautas, fortasse scandalum parient. Qui hæc scripsit, inquit, in Beati tandem Petri Cathedra sedit, & Christi Salvatoris Vicariatium gessit. Ita scripsit Æneas, qui postea Summum Pontificatum adeptus, Pius Ildus appellatus est, nec invenitur mutasse propositum. Qui eum elegerunt, & in Summo Apostolatus vertice collocarunt, ab iis scripta ejus approbata videntur. Verendum est, ne talia nostris aliquando Successoribus obijciantur: & quæ fuerunt Æneæ, dicantur Pii, atque ab ea Sede auctoritatem vindicent, adversus quam ignoranter traverserunt. Cogimur igitur, dilecti Filii, Beatum Augustinum imitari, qui cum aliqua in suis voluminibus erronea interuisset, retractationes edidit. Humilis & probatissimi vir ingenii, qui suas ineptias verecunde confiteri, ac corrigere, quam impudenter defendere maluit. Idem & nos faciemus: confitebimur ingenue ignorantias nostras, ne per ea, quæ scripsimus juvenes, error irreat, qui possit in futurum Apostolicam Sanctam Sedem oppugnare. Nam si quem decuit unquam Romani, primique throni eminentiam, & gloriam defendere, ac extollere, nos illi sumus, quos sine illius meritis pius & misericors Deus sola dispensatione sua ad Beati Petri solium, & dilectissimi filii sui Domini nostri Jesu Christi Vicariatium evocavit. Quibus ex rebus Dilectiones vestras hortamur, & in Domino commonemus, ne prioribus illis scriptis inhæreatis, aut fidem ullam præsteris, quæ supremam Apostolicæ Sedis auctoritatem quovis pacto elidunt, aut aliquid adstruunt, quod Sacrosancta Romana non amplectitur Ecclesia. Suadete omnibus, ut id solium præ cæteris venerentur, in quo Salvator Dominus suos Vicarios collocavit, & quod Beati Apostoli Petrus & Paulus suo sanguine dicaverunt: nec putetis Divinam providentiam, quæ cuncta gubernat, & nihil negligit eorum, quæ creavit, inordinatam reliquisse militanti Ecclesiam: quæ cum sit Sponsa Christi, profecto a Deo est, & ordinem habet, dicente Apostolo: *Quæ sunt a Deo, ordinata esse*. Requirit autem ordo, ut inferiora a superioribus gubernentur, & ad unum tandem perveniatur, tanquam Principem, & moderatorem cunctorum, quæ

infra

infra se sunt. Sicut grues unam sequuntur, & in apibus unus est Rex; ita & in Ecclesia militante, quæ instar triumphantis habet, unus est omnium moderator & arbiter JESU CHRISTI Vicarius, a quo tanquam Capite omnis in subiecta membra potestas, & auctoritas derivatur, quæ a Christo Domino Deo nostro sine medio in ipsum influit. Nec profecto in alium, tanquam sui exercitus Ducem, supremam auctoritatem Christus principaliter derivasset, quam in suum Vicarium, qui primus fuit Petrus, cui commissam novimus Dominici gregis curam. Nec duos, pluresve Petros Evangelistæ commemorant: nec duos, aut plures instituit Dominus, qui suum locum tanquam capita tenerent æqualia: sed unum constituit, ut Verticem, ac Ducem, & Pastorem universi gregis, Simonem Petrum, dicens: *Tu es Petrus, & super hanc petram edificabo Ecclesiam meam, & tibi dabo claves Regni Cælorum, & quodcumque ligaveris super terram, erit ligatum & in cælo, & quodcumque solveris super terram, erit solutum & in cælo. Et pascite oves meas.* Quæ nulli alteri seorsum dicta leguntur, nisi Petro, ut in Petro unitas & summa contineretur auctoritas. Nec alius à petra dictus est Petrus, nisi Simon: ut intelligeremus, unicum esse veræ & solidæ petræ, id est, Christi, (ut Paulus exponit) locum tenentem Simonem Petrum, qui solus pro Domino in periculo constituto exemit gladium. Petrus igitur, & Successores ejus Romani Pontifices Primatum in Ecclesia tenuerunt; & nos hodie quamvis indigni, sola Domini voluntate digni, tenemus: & quicumque Romanæ secundum Canonicas Sanctiones præcitur Ecclesiæ, quamprimum electus est in sacro Collegio, supremam a Deo potestatem sine medio consequitur, & per ordinem in omnem diffundit Ecclesiam, cujus peccata Divino judicio puniendi relinquuntur. Si quid adversus hanc doctrinam inveneritis aut in Dialogis, aut in Epistolis nostris, quæ plures a nobis sunt editæ, aut in aliis opusculis nostris (multa enim scripsimus adhuc juvenes) respicite, atque contemnite: sequimini, quæ nunc dicimus, & seni magis, quam juveni credite: nec privatum hominem pluris facite, quam Pontificem: Æneam rejicite, Pium recipite. Illud gentile nomen parentes indidere

Tomus V. Concilior. German.

nascenti, hoc Christianum in Apostolatu suscepimus. Dicent fortasse aliqui, cum Pontificatu hanc nobis opinionem advenisse, & cum dignitate mutatam esse sententiam. Haud ita est, longe aliter actum. Audite, filii, conversationem nostram: brevis narratio erit, quæ vobis, quantum ad rem attinet, veritatem aperiet, & objectioni faciet satis. Anno salutis primo & trigesimo supra Millesimum quadringentesimum, cum Dominico Capranica, quem Martinus quintus in secreto Consistorio Cardinalem creaverat, Eugenius quartus spreverat, Basileam petivimus, ibique Concilium inchoatum invenimus; verum ab Eugenio revocatum: quamvis congregati noluerant obedire, asserentes jam inceptum Concilium, sine consensu Patrum, qui convenissent, haud quamquam potuisse dissolvi. Julianus aderat Sancti Angeli Cardinalis, natione Romanus, moribus & doctrina conspicuus. Is, cum cæteris præstaret, audita Eugenii revocatione, præsentiam dimisit, tanquam Summo Pontifici vellet obedire: sed cum aufereret in dies, Eugenio vel invito, Concilium, & multi ex diversis Regionibus Episcopi, & Regum Legati adventarent, Cardinales quoque ex Romana Curia profugi in dies nonnulli concurrerent, præsentiam resumpsit, & auctoritatem Concilii mirum in modum extollens, Eminentiam primæ Sedis suppressere cœpit. Venientes Eugenii Legatos, & potestatem Romanorum Præsulorum magnificantes, apparenter confutavit: & cum esset facundissimus, facile persuasit auditoribus, quæ cupiebat. Cardinales ex urbe profecti, Eugenio infensi, vitam ejus, moresque carpebant. Acedebant in horas catervatim novi Curiales, qui (ut est omnis multitudo maledica & inimica Principi) Eugenii nomen modis omnibus lacerabant. Nos, qui ex patria juvenes, non ex urbe illuc migraveramus, & nova tum primum avis ex Senensi Gymnasio evolaveramus, rudes, & inexperti, vera esse arbitrabamur, quæcumque dicebantur; nec putabamus mentiri alios, qui nesciremus ipsi mentiri; atque, ut est innatum homini, tetra & horrenda crimina odio habebamus: nec Eugenium diligere poteramus, quem tot tantique testes indignum Pontificio dicerent. Ad erant Legati Parisiensis Scholæ, cujus est

D d d d d d 2

fama

fama percelebris: adfuerunt & aliquando vestri, & aliorum Studiorum Germanicæ Nationis Oratores: & uno cuncti ore Concilii Generalis auctoritatem ad cælum efferebant. De potestate Romani Pontificis pauci erant, qui loqui præsumerent: omnes, qui publice loquebantur, prurientes auribus, multitudini applaudebant. Accessit & ipsius Eugenii consensus, qui dissolutionem Concilii a se factam revocavit, & progressum ejus approbavit, cum reconciliata Synodus Eugenio videretur, & pax Ecclesiæ data. Præterita enim omnia per suas (*) literas Concilii Patres Eugenio se se remissuros, & pedes ejus tanquam Beati Petri exosculaturos promiserant, si revocata dissolutione, Concilio cursum permitteret, atque illi cohæreret. Novæ intercessere discordiæ, tum aliis de rebus, tum potissime super translatione Concilii Græcorum causa in alium locum. Eugenius in Italia non sine ratione Concilium perebat: popularitas Synodalis transire montes horrebat, & in Avenione, aut in Sabaudia locum desiderabat. Adiverunt per id temporis duo viri ex Italia Basileense Concilium: Nicolaus Panormitanus Archi-Episcopus, & Ludovicus Pontanus, Apostolicæ Sedis Notarius, Alphonsi magni Regis Oratores: qui velut duo orbis sidera, cœu Pontificii juris, & totius civilis sapientiæ duo præcipua lumina & clarissima censebantur. Hi dictis scriptisque Concilii gesta probabant, Eugenio facta damnabant: nec erant, qui aut veller, aut auderet dicta eorum refellere. Quid ageremus? Audire potuimus, non discere? Rude nimis ingenium est, quod per singulos dies audita & inculcata non capit. Quales Magistri sunt, tales discipuli evadere solent. Paucos invenias Aristoteles, qui Platonica norint destruere dogmata. *Non est discipulus supra Magistrum*, inquit Dominus, nec nos Magistrum potuimus superare. Julianus nobis, & Nicolaus, & Ludovicus, & alii complures fuere Magistri: Schola, Basileensis Conventus, in quo raro aliquis Eugenii causam defendit. Adversus Concilii dignitatem mutire aliquid, crimen hæresis fuit. Una omnium vox Concilium Eugenio præferebat: de Sedis Apostolicæ præcellentia aut silentium, aut contemptus. Concilium, Concilium cuncta sonabant. Didicimus ergo, quæ

audivimus, & post aliquot annos existimantes nos aliquid esse, diximus, ut est apud Satyricum: *Semper ego auditor tantum? numquamne reponam?* (***) puduit semper discipulum agere, subtraximus ferulæ manum, cœpimus loqui, & Magistri personam induimus. Scripsimus Epistolas & opuscula: hoc omnibus passim datur: docti & indocti scribunt: & quæ scripsit ipse, nemo contemnit, nisi editionis fervorem tempus extinxerit. Nobis placebant scripta nostra more Poetarum, qui poemata sua tanquam filios amant. Nec Basileæ quæquam inveniebamus, qui ea damnaret: probant enim similia similes, Applaudebamus nobis ipsis, & in editionibus nostris gloriabamur: & quanquam postea Eugenius Concilium in Italiam transtulerit, & cum Græcis Ferrariæ, ac demum Florentiæ convenerit: quamquam Julianus Sancti Angeli, & Joannes Sancti Petri Cardinales, quibus plurimum credebamus, ad Eugenium defecissent: quamquam paucissimi in fide Basileensi remansissent: noluimus tamen cedere, existimantes cunctos, qui abibant, metu recedere, ne bona temporalia perderent: & cum nihil haberemus, quod nobis auferri posset, perseverandum putavimus, ne partem, quæ verior Nobis apparebat, relinquentes, detrimentum animæ faceremus. Mansimus igitur Basileæ, quoad Eugenio, ut credidimus, iusto judicio deposito, Amedeo Sabaudienfis suffectus est, & Felix quintus appellatus: quem non ut idolum (quod erat) (***) sed tanquam verum Christi Vicarium venerati fuimus, nihil adhuc sinistri putantes intercessisse. At cum Fridericus Romanorum Rex Aquisgrani coronatus, domum repetens, Basileam transitum fecisset; rogatusque Felicem, illic præsentem accedere, nullo pacto persuaderi potuisset, ut honorem ei tanquam Romano Pontifici exhiberet, aut publice cum eo verba mitteret: tum primum consideravimus, possibile esse, quod partem erroneam sequeremur; quando Rex Imperator Romanorum futurus, in tanto negotio dubius esset, & ad Eugenium inclinaret magis. Multum & sæpe inter nos ipsos cogitavimus, qui esset modus inveniendi verum. Nunquam enim volentes erravimus. Rogati in familiam Friderici transire, non reuimus. Erat tunc ille cum tota fere

Germa-

(*) *al. duas.*

(**) *Juvenalis.*

(***) *Nota: testimonium de Amedeo.*

Germania neutralis, Concilium Basileæ dicebant esse Germani, & idolum ejus respuebant: Eugenium Christi Vicarium appellabant, & Concilium ab eo celebratum reculabant: nec Eugenio, nec Basileensibus plene obediebant. Placuit ad neutrales transire, ut verum apud eos liberius audiremus; & si recedendum esset ab uno extremorum, per aliquod medium transiremus ad alterum: & eorum judicium spectaremus, qui non essent affecti causæ. Mansimus in Aula Friderici pluribus annis, illic varias audivimus opiniones. Neutralitatem idcirco Teutones induerant, ut concordia facilius inveniretur: non ex consilio Solonis, qui tumultuante civitate extorrem fecit eum, qui sine parte remansit. Multa inter neutrales didicimus, quæ nos antea latebant. Eugenium falso de multis accusatum invenimus: Cardinales, qui Basileam venerant, ob privatas inimicitias bono & sancto viro notam inurere voluisse: qui tamen cuncti postea ad eum redierunt, & veniam errati petierunt. Forte per id tempus Julianus Sancti Angeli Cardinalis, cujus supra meminimus, ex Hungaria, quæ sibi decreta contra Turcas fuerat provincia, Flavianum venit (quæ hodie Vienna dicitur) præcipuum Austriæ columnen. Sæpe cum eo sermonem pro veteri consuetudine miscuimus, sæpe de rebus Basileensibus disputavimus. Tuebamur antiquam sententiam, ille novam defendebat: extollebamus generalis Concilii auctoritatem, ille Apostolicæ Sedis potestatem magnopere collaudabat: dicebamus Concilium Basileense jure perseverasse, quamvis Eugenius præfidentes revocasset, & hoc ejus factum accusabamus; ille dissolutum, seu translatum rite Concilium affirmabat, & Basileensium opera multis modis detestabatur: Basileæque non Synodum Ecclesiæ, sed Satanæ, & ministrorum ejus Synagogam remansisse dicebat. Diutina fuit inter nos concertatio, verum modesta & caritate plena. Ad extremum cum suis scriptis, dictisque Cardinalem vinceremus, premeremusque vehementer, subridens ille, Tu, inquit, Ænea, tabellis obsignatis agis mecum: & quoniam aliquando sensimus, ut dicis, idcirco & hodie idem putas debere sentire, & addictos priori sententiæ cen-

ses, Verum propterea non sumus liberi, quia mutare sententiam usque ad mortem possumus. Cur enim non liceat omni tempore, relicto falso, verum amplecti? Fateor me dixisse, & scripisse, quæ refers, verum a vero remotum errasse. At tu, qui, ut ais, me Doctore Basileensibus credere adductus es, errantem olim sectatus es, cur modo non sequeris recta monentem? Præsumpsi de me ipso, dum essem Basileæ, nimis; quamvis deceptus decepi, & credens prodesse, nocui, in medio Ecclesiæ docens, quæ non didici: cæcus erravi, & in tenebris ambulavi: reliqui tandem Ecclesiam malignantium, & eum impiis sedere reculaui. Revelavit Dominus oculos meos, & consideravi mirabilia de lege sua. Cognovi priorem errorem, & quantum a vero procul abiiissent Basileenses, plane intellexi. Adii Romanam Curiam, & Eugenio, cui (*) fuisset rebellis, submissi cervicem: a quo misericordiam consecutus, ad unionem Græcorum navavi operam: & illis Romanæ Ecclesiæ reconciliatis, adversus impios Turcas Legationem accepi. Castigans castigavit me Dominus, & morti non tradidit me, sed humiliatum exaltavit, quia cognito in errore non perseveravi; sed mox in viam redii, & ex Magistro factus discipulus, ex magno parvus, expurgato veteri fermento, novum hominem indui, & vere matris lacte nutritus ad fontem veri perveni, quem Sancti Doctores ostendunt Græci & Latini: quorum una vox est, salvari non posse, qui Sanctæ Romanæ Ecclesiæ non tenet unitatem: omnesque illas virtutes mancasse ei, qui Summo Pontifici obedire recusat, quamvis in sacco & cinere jacens, dies & noctes jejundet, & oret, & in cæteris videatur legem implere: quia melior est obedientia, quam victimæ, & omnis anima potestatis sublimioribus subjecta est: & Romanum Præfulem in Ecclesiæ vertice constitutum esse constat, a quo nullam ex ovibus Christi exemptam novimus. Ego ad ovile redii, qui diu erraveram extra caulas, & Pastoris Eugenio vocem audiui. Tu, si sapias, idem facies. Hæserunt pectori nostro verba viri, (**) quæ sæpe ad Nos repetiit non sine caritate ardenti & amore singulari. Interea ex diversis Regionibus homines

D d d d d 3 doctis.

(*) al. cum

(**) al. vitæ.

doctissimi Cæsarem adierunt, quibuscum placidos de eisdem rebus miscuimus sermones, semper ad verum intenti, cujus est natura hominis avida. Multum profuit Nobis Joannes Carvialis, Apostolici Palatii Auditor, natione Hispanus, qui Juliano defuncto in titulo Cardinalatus ac legatione successit: quo cum sæpe de Concilio Basileensium amice disputavimus. Nemo doctus ad Imperatorem venit, quem de his rebus in colloquium non adduceremus. Cumque Cæsar ad unionem Ecclesiæ procurandam in Nuringbergæ suæ nationis conventum instituisset, decrevissetque Summum Pontificem adhortari, ut Constantiæ novum Concilium indiceret, legatumq; mitteret, ac Basileenses pariter induceret, ut eo se transferrent, ut ibi pax Ecclesiæ redderetur; primi Basileenses recusavere. Quod audiens Thomas Asselbachius, ex Germania insignis Theologus: Nunc, inquit, scio Basileenses Spiritum Sanctum non habere ductorem, quando tam æquam Imperatoris legem effugiant. Idem multi alii dixere viri doctissimi & opinione Sanctitatis illustres. Quibus consideratis caligo tandem ab oculis nostris cecidit, quæ velut aranearum tela verum cernere impediēbat. Recognovimus errorem nostrum, venimus Romam, Basileense dogma rejecimus, Eugenio Pontifici Maximo caput submisimus & reconciliati, Ecclesiæ Romanæ, doctrinam ejus imbuimus, & illud Hieronymi diximus: Ego nullum præmium, (*) nisi Christum sequens, Beatitudini tuæ, id est, Cathedræ Petri communione consocior. Super illam fundatam Ecclesiam scio. Quicumque extra hanc domum agnum Dominicum comederit, profanus est: si quis in Arca Noë non fuerit, peribit regnante diluvio. Eramusque adhuc pene laici, quando ad Eugenii obedientiam reddivimus. Ex Basilea Clericali tantum charactere insigniti recessimus, nec unquam sacros imbuimus ordines, nisi post veritatem cognitam, Basileensi cæcitate relicta. In Austria minores ordines ac Sub-Diaconatum & Diaconatum recepimus: in urbe ad Presbyteratum pervenimus. Hæc est conversatio nostra, per hos gradus & tenebris ad lucem migravimus. Ad quam rem non parum luminis nobis attulit Thomas Sazanus, (**)

Theologicæ sapientiæ celebratus ac acutissimus interpres, qui postea in summo collocatus Apostolatu, Nicolai Vti nomen accepit. His Authoribus unam Ecclesiam Catholicam & Apostolicam esse didicimus matrem omnium fidelium, extra quam non invenitur salus, sponsam Christi immaculatam, in qua omnes, qui militant, finem sibi proponunt vitam æternam. Idcirco enim in Ecclesia militanti laborant homines, & cum daemonibus tanquam hostibus pugnant, ut pacem tandem assequantur, & cum JESU Magistro ac legisero suo in celesti Jerusalem triumphare ac regnare possint. Hic finis Christiano proponitur, huc omnes Ecclesiæ militantis conatus, omnes lehes, omnes regulæ tendunt. Et quoniam Ecclesia quidam exercitus est Deo militans, terribilis ut castrorum acies ordinata dicitur: uni procul dubio Imperatori subiecta, ad cujus nutum cuncta referuntur. Cumque pius ac maximus & optimus Deus in suo Sanguine fundaverit Ecclesiam, eamque voluerit ad finem usque sæculi perdurare, quis non dixerit in ea id regimen institutum esse, quod optimum censeretur? At vero inter genera gubernationum communis philosophorum sententia est, præstare Monarchiam: & Romani, quorum toto micuit orbe dignitas, quamvis ejectis Regibus duos annuos Consulēs elegerunt, & modo tribunos addidere, modo alios Magistratus invenere: in adversis tamen casibus, bellisque gravioribus ad unum aliquem recurrerunt virtute & autoritate præstantem, quem Dictatorem appellaverunt, cujus dicto non liceret adversari: & quanquam Dictaturam ab initio temporaneam instituerunt, in Julio tamen & Successoribus ejus perpetua effecta est. Nec unquam Romana res admirabilior aut celsior fuit, quam sub Augusto Cæsare, quando jam clausis Jani portis totus fere orbis sub unius hominis gubernatione quievit. Quo tempore natus mundi Salvator Monarchicum regimen cæteris prætulisse videtur gubernationibus. Idem probat totius fere orbis consuetudo, cujus maximam partem gubernant Reges, sive Christianos intueamur, sive barbaros. Et quamvis civitates aliquot reperiantur, quæ cum maxime serviant, liberas sese

(*) al. prævium.

(**) Sarzanus, legit Platina.

sefe vocitant sine Rege viventes, non possunt tamen effugere, quin unum præferant aliis, eique tanquam capiti pro tempore obediant. Quid plura? Cœlestis aula Nos admonet. Quid illa pulchrius? quid ordinatius? quid majus aut durabilius? quid melius aut beatius? Quamvis in ea & Angelorum diversi sint ordines & Sanctorum Spirituum innumerabiles chori, unus est tamen omnium Rex æternus Deus, qui condidit universa, & nihil negligit eorum, quæ condidit: ejus Filius unigenitus Christus JESUS, cum pro nostra salute venisset in hunc mundum, servili accepta forma, Ecclesiam, de qua loquimur, in Cruce patiens suo sanguine acquisivit; & in ea usque in diem Ascensionis corporaliter præsedet, & tanquam Dux verus & Imperator cuncta in finem suum direxit. Et cum ascendisset in celum, eum indubitanter sui gregis Pastorem reliquit, cui dixerat: *Pasce oves meas. Et Tibi dabo claves Regni Cælorum.* Neque enim dixit & non fecit, qui solus est verax. Grex Christi Ecclesia est, Pastor primus ipse Christus fuit, & Pastor bonus, qui posuit animam suam pro ovibus suis. Secundus Pastor Petrus exstitit, ab ipso Domino institutus, atque omni potestate donatus, quæ ad bene gerendum commissas oves necessaria ducitur. Alioqui Christus, qui sapientia Patris est, & omnino sapienter egit, Ecclesiæ suæ haud sufficienter providisset: quod est nefarium asserere. Et quamvis plures per orbem Ecclesiæ institutæ fuerint, & plures Episcopi, id est, plures greges & ovilia plura, & Pastores plures, omnes tamen sub uno Pastore, & in uno grege, atque ovili continebantur, sicut & hodie continentur: quia unus est Christi talamus, una Sponsa, unum ovile & unus Pastor, & omnium Episcoporum unus Episcopus Romanus Præsul, Beati Petri Successor, & JESU Christi Vicarius. Petrus enim in Antiochia primum sedet, deinde Romanam venit: unde cum persecutionem fugiens vellet abire, a Domino prohibitus est, & hic glorioso Martyrii vitam finivit, Successore Clemente substituto. Atque ita in hanc usque diem servatum est, ut qui Romæ sederit antistes rite institutus per legitimum electionis tramitem, tanquam Aaron vocatus a Domi-

no, hunc omnes Christianæ plebes omnes populi, omnes Reges, omnes Clerici, omnes Episcopi tanquam JESU Christi Vicarium, & Beati Petri Successorem, universalis Ecclesiæ Caput, ac Rectorem & Ducem venerati sint. Inter quos plurimi pro Christi nomine asperrimos (*) perpassi cruciatus, & morte multati, Coronam Martyrii susceperunt. Plurimi Confessores egregii, vita, moribus, & Doctrina fulgentes, quamvis sine sanguinis effusione, non tamen sine periculis & labore, ac voluntate parata pro conservanda sacri Evangelii autoritate moriendi, ad cœlestem gloriam pervenere: ut Gregorii, Damasi, Leones, Innocentii, Bonifacii, Benedicti & alia nomina, inter quæ tertius claruit Eugenius, ex Monasterio Sancti Anastasii ad summum Sacerdotium evocatus: ad quem divus Bernardus, Monachorum Pater, non minus doctrinæ fulgore, quam vitæ sanctimoniam illustris, inter multa hujusmodi verba conscripsit: "Indagemus, inquit, adhuc diligentius, quid sis, quam generas videlicet personam pro tempore in Ecclesia Dei. Tu es Sacerdos magnus, tu Summus Pontifex, tu princeps Episcoporum, Tu hæres Apostolorum, tu primatu Abel, gubernatu Noë, patriarchatu Abraham, ordine Melchisedech, dignitate Aaron, autoritate Moyses, judicatu Samuel, potestate Petrus, unctione Christus. Tu es, cui claves traditæ, cui oves creditæ sunt. Sunt & alii quidem cœli Janitores & gregum pastores; sed tu tanto gloriosius, quanto & differentius utrumque præ illis nomen hæreditasti. habent illi assignatos sibi greges, singuli singulos, tibi universi crediti uni sumus: nec modum ovium, sed & pastorem, tu unus omnium pastor." Hæc Bernardus ad Eugenium tertium scribit, cui supremam & omnimodam in Ecclesia potestatem concedit. Quod ille de tertio testatur Eugenio, hoc Nos de quarto & omnibus aliis Romanis Pontificibus profiteamur, quia dignitatis est autoritas. Liquet igitur, unum in Ecclesia caput esse & unum principem, quia pax populi ex uno Rectore dependet, & pluralitas principum discordiam parit. Christus Ecclesiæ suæ in ultimo testamento pacem reliquit, & pacem multis verbis commendavit.

(*) al. acerrimos.

davit. Dedit ergo & regimen pacis amicum, id est Monarchicum, sed Beato Petro & Successoribus ejus administrari cuncta præcipiens clavibus illi commissis, & cura gregis demandata. Hæc Nos de Romani Pontificis autoritate & potestate sentimus, cui & congregare Generalia Concilia & dissolvere datum est. Qui etsi filius est propter regenerationem, propter dignitatem tamen Pater habetur: & sicuti filiationis causâ (*) venerari debet Ecclesiam tanquam Matrem, ita & prælationis causâ præfertur ei, ut pastor gregi, princeps populo, Rector familiæ. Cum his & Generalis Concilii auctoritatem & potestatem complectimur, quemadmodum & ævo nostro Constantiæ, dum ibi fuit Synodus universalis, declaratum definitumque est. Veneramur enim Constantiense Concilium, & cuncta,

(*) *al.* Sicut propter generationis causam.

quæ præcesserunt, a Romanis pontificibus nostris prædecessoribus approbata: inter quæ nullum invenimus unquam fuisse ratum, quod stante romano indubitate præstule, absque ipsius auctoritate convenerit: quia non est corpus Ecclesiæ sine capite, & omnis ex capite defluit in membra potestas. Hæc nostra sententia est, filii, hæc credimus & profitemur: hæc jam senes & in Apostolatus apice constituti pro veritate asserimus. Si quæ vel vobis, vel aliis conscripsimus aliquando, quæ huic doctrinæ repugnent, illa tanquam erronea & juvenilis animi parum pensata judicio, revocamus, atque omnino respuimus.

Datum Romæ, apud Sanctum Petrum, sexto Calendas Majas, Anno MCCCLXIII.

SYNODUS PADERBORNENSIS

Anno Christi MCCCCLXV. Pauli II. Papæ II.
Friderici Imp. XXVI.

SIMON Episcopus, (*) postquam bellum Hassicum fuit compositum, quietiori animo Sacra, civiliaque in pristinum statum reponenda sumpsit: inspectaque Diœcesi prima illi cura fuit, de idoneis Sacerdotibus Parochiis imponendis. Eam in rem SYNODUM Cleri convocavit, in qua mores Parochorum & Cleri, qui per bella superiorum temporum, & absentiam Theodorici Administratoris, (**) multum corrupti erant, emendandos suscepit.

P. Schaten. Annal. Paderborn. Parte II. L. XVIIII. pag. 696.

(*) Simon ex Comitibus de Lippia, Bernardi VI. Comitis Lippiensis frater, concordibus suffragiis Paderbornensium Episcopus electus fuit anno 1463. mense Februario. Præfuit Diœcesi in annum trigésimum sextum. Defunctus 1498. Nonis Martii.

Schaten. pag. 691. & 779.

(**) Theodoricus, Comes de Merfa, Archi-Episcopus Coloniensis, Anno 1416. Ecclesiam Paderbornensem titulo Administratoris gubernandam suscepit, rexitque usque ad annum 1463. quo obiit. In Cathedrali Paderbornensi Successorem habuit Simonem, quem diximus, ex forore nepotem. *Ibid. pag. 526. & 688.*

SYNODUS OSNABRUGENSIS

Anno Christi MCCCCLXVI. Pauli II. Papæ III.
Friderici Imp. XXVII.

CONRADUS DIEPHOLTIUS (*) Episcopus, celebrem Osnaburgi hoc anno Synodum habuit, in qua præter cætera, quæ in ea præclare statuta sunt, damnantur ab Episcopis clandestina Matrimonia: omnique usu Sacrorum interdicuntur, quotquot secus Matrimonium contraxerint, sicut id præter alios reulit Godeschal-

deschalcus Howenius, celebris per id tempus Osnabrugi ex familia D. Augustini Theologiæ Professor, & Orator ad populum, Scriptorque libris clarus.

Schatenus L. cit. pag. 698.

- (*) Conradus a Diepholt, ex Præposito Osnabrugensi creatus Episcopus, per annos septem & viginti Ecclesiam suam rara virtutis commendatione gubernavit, omniaque Episcopatus sui Monasteria ad veterem disciplinam reduxit: vivere desiit 1482

Schaten. pag. 744.

Statutum RUDOLPHI, Episcopi Wratislaviensis. De Casibus reservatis Papæ, Episcopo, Vicariis, Altaristis, Mansionariis Ecclesiæ Cathedralis, & Canonicis S. Egidii.

Editum Anno Christi MCCCCLXXI. Sixti IV. Pp. I.
Friderici Imp. XXXII.

RUDOLPHUS, DEI GRATIA, EPISCOPUS WRATISLAVIENSIS, APOSTOLICÆ SEDIS LEGATUS, &c. UNIVERSIS ET SINGULIS MAJORIS, ET ALIARUM COLLEGIATARUM CIVITATIS ET DIOCESES NOSTRARUM ECCLESiarUM PRÆLATIS, CANONICIS, ET VICARIIS, PAROCHIALIUM ECCLESiarUM RECTORIBUS, PERPETUIS VICARIIS, ALTARISTIS, ET MANSIONARIIS, IPSORUMQUE LOCA TENENTIBUS: NEC NON MONASTERIORUM QUORUMCUNQUE ORDINUM, SEU RELIGIONUM, ETIAM MENDICANTIUM, TAM EXEMPTORUM, QUAM NON EXEMPTORUM ABBATIBUS, PRÆPOSITIS, PRIORIBUS, GUARDIANIS, CÆTERISQUE RELIGIOSIS, QUIBUS A JURE, PRIVILEGIO, AUT INDULTO, CONCESSIONE, VEL ADMISSIONE NOSTRIS, CONCESSA EST FACULTAS AUDIENDI CONFESSIONES, SIVE ECCLESIASTICARUM, SIVE RELIGIOSARUM, SIVE SECULARIUM PERSONARUM: SALUTEM IN DOMINO.

Cum sit ars artium cura animarum, & inter lepram & lepram expedit ad coercendum malos, & ad eorum audaciam confringendam, ne in futuris denuo ad ea, quæ commiserunt, praviore peccata prolabantur, ut in majoribus criminibus non passim ab omnibus absolvantur, sed ad Superiores remittantur. Hinc est, quod sacri Canones, sanctique Patres, plures casus magis enormium, & gravissimorum peccatorum, soli Apostolicæ Sedi, plures solis pontificibus reservaverunt: Statuentes, ut inferioris gradus Ecclesiastici neminem in talibus casibus auderent absolvere, & animas eorum decipere, sed quod illos hujusmodi criminibus irremitos, ad Superiores remittere teneantur. Hinc est, quod Nos RUDOLPHUS Episcopus præfatus, cupientes, quod unusquisque Ecclesiasticus in Diocesi & civitate nostra constitutus, sciat, in quibus casibus reservatis ei liceat ab-

solvere, & in quibus ad alios Superiores remittere teneatur & debeat: prædecessorum nostrorum vestigiis inhærendo, subscripta duximus ordinanda, atque publicanda, ut ad notitiam totius Cleri, civitatis & Diocesis nostræ devenire, & unusquisque se secundum hæc regere sciat.

In primis prohibemus sub interminatione divini judicii, & excommunicationis poena omnibus & singulis, cujuscunque status, gradus, præminentiae, vel conditionis existant, tam religiosis, quam aliis Sacerdotibus, ne quis aliquem absolvere præsumat in casu, vel casibus, tam de jure, quam vigore Bullæ per Sanctissimum Dominum nostrum, contra & adversus hæreticos, & eis adhærentes, publicæ, Apostolicæ Sedi reservatis, & præcipue in casibus hæresis, & adhærentiæ hæreticorum, & qui eis arma, sal, species, plumbum, equos, & alia prohibita adduxissent. In incendio

Ecclesiarum, vel Ecclesiasticorum locorum: in violenta, & enormi manuum iniectione in Clericum, maxime Sacerdotem: in Presbytericidio, parricidio, uxoricidio: in simoniaca pravitate, in ordine vel Beneficio commissis: in Apostasia temeraria & notoria. Ac si quis Romipetam scienter, ut eum in peregrinatione tua impediret, cepisset, aut taliter laxisset, quod peregrinationem suam adimplere non posset: in votis ingrediendi religionem, vel servandi continentiam, & in similibus in jure expressis, Apostolicæ Sedi specialiter reservatis, nisi quis hoc ab Apostolica Sede, aut a Nobis tanquam ipsius & Sanctissimi Domini nostri Summi Pontificis cum potestate Legati de latere Legato specialiter, & ex certa nostra scientia habeat in mandatis, ac nisi mortis articulo: servatis tamen tunc modis & formis in jure, ac dicta Bulla expressis, videlicet recepta primitus ab incendiario, sacrilego, homicida, percussore Clerici, raptore & similibus, promissione vel cautione sufficienti de satisfaciendo ipsi læso infra certum terminum per se, vel suos hæredes &c. Ab hæretico vero, fautore, receptatore, aut adhærente hujusmodi, abjurazione solenni erroris aut fautoria, qui tamen nihilominus perpetuo carebunt Ecclesiastica sepultura: & contrarium faciens, sepeliendo videlicet talem, ipso facto excommunicatus est, &c.

Simili modo prohibemus omnibus & singulis, etiam illis, quibus dedimus, ac in futurum dabimus auctoritatem absolvendi in casibus Episcopo reservatis: ne quis aliquem excommunicatione majori innodatum, & denuntiatum, aut alias notorium, neque usurarium publicum vel occultum, qui ultra valorem duorum florenorum per usurariam pravitatem acquisivit, absolvat: neque super male acquisitis per usurariam pravitatem, aut ex fructibus Beneficiorum male perceptis concordet: neque super votis quibuscunque dispense, aut ea in alia pietatis opera commutet, nisi quis ab Apostolica Sede, aut a Nobis tanquam Legato, vel Ordinario desuper habeat facultatem.

Hos enim casus Nobis, aut in Spirituallibus Vicario nostro reservamus, salva tamen in hoc Officialis nostri in absol-

vendis, quos in foro contentioso ligavit, absolvendi facultate sibi per Nos attributa.

Præterea omnibus & singulis supra dictis, modo, quo supra, inhibemus, ne in casibus infra scriptis aliquem absolvant, sed in illis delinquentes ad duos Pœnitentiariorum majores, qui nunc sunt, aut in futuro erunt in Ecclesia nostra Wratislavienti, remittant, quos Nobis & dictis Pœnitentiariis reservamus: blasphemorum videlicet Dei & Sanctorum, blasphemia tali, quæ ex temeritate & proposito fiat, & plurimum scandalis. Incendiariorum villarum, domorum, & possessionum Christi fidelium, diffidatorum Ecclesiasticarum personarum, effractorum, & spoliatorum Ecclesiarum: atque sacrilegorum, libros, calices, & alias res Ecclesiasticas, vel alias subtrahentium. Item publicorum prædonum & raptorum: Item homicidarum, qui temerarie Catholicos homines occiderunt, & qui consilium vel auxilium ad hoc dederunt, & præstiterunt. Item opprimentium liberos proprios. Item omnium perjuratorum cum læsione patris, seu proximi. Item violatorum Ecclesiarum, aut cœmeteriorum. Dignum enim est, quod in hujusmodi gravibus casibus delinquentes, saltem pro reverentia, quæ ad Ecclesiam majorem Matricem omnium totius Dicecesis Ecclesiarum haberi debet, & in partem pœnitentiæ satisfactionis ad eandem Ecclesiam majorem, & Pœnitentiariorum majores in ea constitutos, pro absolutione recursum habeant, & per omnes illos remittantur. Eandem tamen potestatem, in hujusmodi & infra scriptis casibus absolvendi, omnibus Prælati, & Canonicis Ecclesiæ nostræ, confessiones audientibus, præsentibus concedimus, & elargimur.

In cæteris vero casibus Episcopo reservatis, quorum non modici sunt, excedentes & delinquentes, utpote violatores virginum, stupratores monialium, incestuosos, qui cum consanguineis, aut affinibus carnaliter excesserunt: Sodomitas, sortilegos, ac Divinatores, & eos, qui pro sortilegiis & divinationibus eos accedunt, & divinationes exquirunt: violatores simplicium votorum pro excessu in hoc commissi, absque totali absolutione a voto, aut commutatione, pro-

ut supra. Usurarios occultos, qui non ultra duos florenos ex usura acquisierunt: maleficos. Contrahentes matrimonium clandestine, aut contra interdictum Ecclesiæ. Item falsificantes literas & sigilla inferiorum a Papa. Item falsificantes monetam. Item non dantes rectam mensuram, & alios in quibuscunque casibus Episcopo reservatis excedentes: exceptis duntaxat casibus supra enarratis, & pro majoribus Pœnitentiariis reservatis. Vicarii, Altaristæ, & Mansionarii Ecclesiæ nostræ, eorumque substituti: nec non Canonici Ecclesiæ Sancti Egidii, dum tamen omnes prædicti in Ecclesia nostra, & non alibi, confessiones audiant: nec non & ii, sive Religiosi, sive seculares Ecclesiastici sint, quibus absolvendi in casibus Episcopalis facultatem dedimus, & in futurum dabimus, absolvere possint; dummodo in aliis supra positis casibus delinquentes ad Sedem Apostolicam, aut Nos, sive Vicarium nostrum in Spiritualibus, aut Pœnitentiarios majores, ut præmittitur, remittant: Quod si non fecerint, etiam in illis ultimis casibus absolvendi eis adimimus, sive tolli-

mus facultatem. Reliqui vero Sacerdotes, sive Curati, sive Religiosi, aut alii, qui non sunt Vicarii, Altaristæ, aut Mansionarii Ecclesiæ nostræ, sive eorum substituti, & quibus non dedimus specialiter facultatem absolvendi in casibus Episcopalis; etiam in prædictis ultimis casibus, absolvere non poterunt, nec debent: sed excedentes in talibus, sicuti in aliis superioribus & gravioribus casibus, ad habentes hujusmodi facultatem remittere tenebuntur.

In quibus omnibus, ut vos omnes rite agatis, conscientias vestras oneramus per præsentem, quas usque ad revocationem, vel limitationem aliam per Nos in scriptis faciendis durare, & singulis annis in principio, aut saltem ante medium Quadragesimæ in singulis Ecclesiis in ambonibus publicari volumus: ut nullus, sive Ecclesiasticus, sive secularis, dictorum casuum ignorantiam prætereundum possit. Datum Wratislaviæ, quarta mensis Februarii: Anno Domini Millesimo quadringentesimo septuagesimo primo. Nostro minori sub sigillo præsentibus appresso.

Hæc de casibus per Dominum RUDOLPHUM Episcopum Wratislaviensem reservatis. Plures enim alii casus, in quibus confitentes ad Episcopum, & in quibus de jure communi ad Papam remittuntur, in *Synodaliibus Statutis* Domini CONRADI Episcopi Wratislaviensis una cum Canonibus Pœnitentialibus habentur, quos quilibet Sacerdos (juxta præfatorum Statutorum tenorem) scire, alias in eo vix Sacerdotis nomen constabit, ipsaque Statuta in Ecclesia sua habere, publicare, districteque observare tenetur.

Impressit Nurembergæ A. 1512. Hieronymus Hölzel Litera Petri. Recusi iidem casus Wratislaviæ in 4to. pag. 128. & seqq.

Casuum reservatorum a Rudolpho Episc. Wratislaviensi meminit *Petrus Georgsch T. III. Regesti Diplomatici ad annum 1471. Tomo III. n. 6.*

Brevis Synopsis aliquarum SYNODORUM HAVELBERGENSIUM ad Sæculum XV. potissima ex parte pertinentium.

Finendus jam erat hic Tomus, cum ad manum venit Cl. V. Georgii Gothofredi Kusteri, Gymn. Fridr. Rectoris &c. *Bibliotheca Historica Brandenburgica*. Reperi in hac brevem indiculum Statutorum Synodaliū Havelbergenſium a diversis Episcopis Sæculi XIV. & XV. editorum, quæ Joannes Episcopus Havelbergenſis unum in fasciculum collegit, & præmissa Præfatione Clero suæ Diœcesis observanda commendavit. Eadem, ut dicto in libro reperi, paucis solummodo indicata hic adiecto: integra producturus in Supplemento generali, ubi illa expansa, amicorum favore & opera, accepero.

JOHANNES, DEI ET APOSTOLICE SEDIS GRATIA, ECCLESIE HAVELBERGENN. EPISCOPUS, UNIVERSIS ET SINGULIS PRELATIS, CAPITULIS, ECCLESiarUM PAROCHIALIUM RECTORIBUS, SEU EORUM LOCA TENENTIBUS, ALTARISTIS, AC CLERICIS TAM RELIGIOSIS QUAM SECULARIBUS, PER CIVITATEM ET DIOCESIN NOSTRAM HAVELBERGENN. UBILIBET CONSTITUTIS, SALUTEM IN DOMINO SEMPTERNAM.

Rex magnificus, qui facit mirabilia magna solus, ex alto prospiciens, atque sinum sue pietatis aperiens, Ecclesie *Havelbergenn.* Nos prefecit, & super solum Pastoralis dignitatis licet immeritos, sua tamen, ac Sancte Sedis Apostolice gratia sublimavit. Idcirco ex injuncti Nobis officii debito subditorum utilitati provideri cupientes, sententias aliquorum Canonum, quas pro morum correptione, & Cleri nostri reformatione volumus pro statutis Synodalibus de cetero haberi, teneri, & observari, de consensu Prelatorum nostrorum plano & brevi stilo, ut facilius possint memorie commendari: in unum duximus redigendas. Et ut ipsa statuta ad singulorum veniant noticiam clariorem: omnibus & singulis supradictis in virtute sancte obedientie districte precipiendo mandamus: Quatinus ipsa mox scribant, aut scribi procurent: Et singuli Parochialium Ecclesiarum Rectores, seu Vicerecores copias ipsorum statutorum comparent, & in armariis sive vestibulis Ecclesiarum patenter habeantur. Nam lapsis tribus mensibus nemo per ignorantiam eorundem se poterit tueri. Aliis siquidem statutis a Predecessoribus nostris editis in suo robore duraturis.

Et pro declaratione infra scriptorum notandum, quod non est estimandum, quod statuta Episcoporum in eorum obitu expirent, sive vigorem habere desinant: imo perpetua sunt & vigorosa manent, etiam post obitum. . . Ideo defuncto Episcopo ejus statuta, etiam cum suis penis, si que adjecte fuerint, indubitanter vigorem obtinent, donec abrogata fuerint, aut revocata, & non egent aliqua confirmatione Successoris, ex juribus supra allegatis. Et pro tanto non est verecundum Successori, imo honestati & rationi consentaneum, si Antecessorum suorum statuta, aut ex eis aliqua etiam sub eorum nominibus faciat interdum recitari, imo hoc fieri expedit. Et dum visum fuerit, potest propter ignorantes ea innovare. . . Ita in plerisque Dioecesibus visum est observari.

Et quamvis etiam inferior legem Superioris non possit tollere vel mutare, intellige, abrogando in totum; tamen supplere & extendere, etiam cum pœnarum adjectione, bene potest. Etiam stante prostitutione Superioris quandoque inferior contra illam dispensat. . . Unde & in Diocesi *Havelbergenn.* successu temporis per diversos Episcopos inveniuntur condita diversa talia statuta, prout ipsa sunt inferius annotata.

Primo sunt ibi STATUTA Domini BORCHARDI, quondam Episcopi *Havelbergenn.* Ibi inter cetera ipse primo per modum Epilogi sub brevitate recolligit statuta Provincialia, deinde specialiter providet contra Curatos & non Curatos absentantes se a suis Beneficiis, & officia debita non exereentes: & mandat eis sub pena excommunicationis late sententie, ut infra mensem resideant. Deinde contra habentes plura Beneficia, etiam specialiter invehitur, comminando privationem, nisi infra mensem offendant dispensationem cum eis factam. Deinde etiam statuit de locantibus, & conducentibus Beneficia. Et vult ibi, quod quilibet locans recipiat tertiam partem a conductore secundum formam Registri utualis. Alioquin tam locans, quam conducentis sententiam excommunicationis ipso facto incurrit, si locans excedit illam quantitatem. Idem etiam sub eisdem penis statuit, quod nulus debet officiare, nisi habeat ab Episcopo accessum, & sit approbatus.

Sequitur STATUTUM TIDERICI de spoliatoribus, in quo excommunicat spoliatores, incendiarios, venditores, emptores, vel detentores rerum & bonorum Ecclesie, & Capituli *HAVELBERGENN.* & per loca eorum mandat cessare a Divinis, & Ecclesiasticam sepulturam, quamvis pœnitent, eis negare, donec specialiter fuit impetrata. *Dat. & actum anno 1327. in crastino undecim Millium Virginum.*

Sequitur STATUTUM BORCHARDI, de contrahendis Matrimoniis, de mutationibus denariorum offerendorum, &

& de infaforibus Ecclefiarum. *Datum* 1362. in die *Sebastiani Martyris*.

Sequitur STATUTUM TIDERICI, in quo prohibet ludibria larvarum, & alias abufiones in Ecclefiis fieri, fub pena excommunicationis, & per Rectores Ecclefiarum mandat prohiberi. *Datum* *Wiflogk* anno 1376. in die *Luce Evangelifte*, in Synodo.

Regule jam fequuntur bone tradite pro Plebanis, a quodam (*) *Domino REYVERO Epifcopo Havelbergenn. Inc.* Populum vobis commiffum edicite, & inſtruite verbo & exemplo. *Fin.* Has conſtitutiones omnes habete, & fub pena Synodali duarum Marcarum argenti fideliter refervate.

Ad viſitandum Chorum & Altare Plebano Eccleſie. *BORCHARDI STATUTUM*, *datum* *Wiflogk* anno Domini 1390. *Feria quarta poſt Nicolai*.

Sequuntur alia STATUTA SPNODALLA, tempore quondam domini *CONRADII* Predeceſſoris noſtri, *Epifcopi HAVELBERGENN.* in Synodo publicata. Et primo de vita & honeſtate Clericorum, de cohabitatione Clericorum & mulierum, de ebrietate, de Capellanis Nobilium, de ſpoliis, de raptoribus, de ſortilegio, de uſuris, de clauſuris Monialium, de die Dominico, de Baptiſmo & ejus effectu, de cuſtodia Euchariftie, de Sponſalibus & Matrimoniis, de Pœnitentiis & Remiſſionibus.

Sequuntur STATUTA SPNODALLA Reverendi Patris, Domini WEDEGONIS, Epifcopi Havelbergenn. de fruſtibus Beneficiorum, quibus debentur, & quando dicuntur deſerviri: de teſtamenti, & bonis inſteſtatorum Clericorum, de excommunicationis abſolvendis in mortis articulo, & eorum ſepultura. *Dat.* *Wiflogk* anno Domini 1464. ſecunda *Feria poſt Dominicam: Miſericordia Domini*.

De Altariſtis & Officiantibus. *Datum* *Wiflogk* in publica Synodo, celebrata anno Domini 1464. ſecunda *Feria ut ante*, de non abutendis cantu & organis, & ludis tollendis.

STATUTUM de anno Gracie. *Dat.* *Wiflogk* in publica Synodo, celebrata anno Domini 1471. *Feria ſecunda poſt Dominicam: Miſericordia Domini*.

(*) puto: quondam.

De Horis Canonicis, & aliis Divinis, decenter & debite ſolvendis. *Dat.* *Wiflogk* anno LXXXIII. in die *Nativit. Johan. Baptiſte*.

Ex Decretis Concilii Baſileen. de modo orandi verſus. *Dat.* *Wiflogk* in publica Synodo anno Domini 1486. *Feria ſecunda poſt Miſericordia Domini*.

Sequuntur STATUTA SPNODALLA Rev. Patris & Domini BUSSONIS Epif. Havelburg. in Synodo publica, in Eccl. B. *Mariæ Virg. Wiflogken.* per eum celebrata, anno 1488. *Feria ſecunda poſt Cantate*.

CONSTITUTIONES WEDEGONIS, Epifcopi Havelberg., confirmata ab ERNESTO Archi-Epiſcopo, Magdeb. Nos vero *Erneſtus Archi-Epiſcopus*, & *Primas antedictus*, qui ſupplicum votis, preſertim, que honorem Dei, libertatemque Eccleſiaſticam reſpiciunt, ſemper annuimus, hujusmodi ſupplicationibus paterne inclinati, *Conſtitutiones præſati WEDEGONIS, Anteceſſoris veſtri*, gratas & ratas habemus. Ipſasque auctoritate noſtra ordinaria, ac *Metropolitica*, & tenore præſentium approbamus, & confirmamus, ac quatenus opus eſt, innovamus. *Datum in Caſtro noſtro Gebichenſtein, ſub anno Domini Miſeſimo quadringentefimo nonageſimo*.

Sequuntur STATUTA SPNODALLA Reverendi in Chriſto Patris & Domini, Dn. OTTONIS, Epifcopi Havelberg.

STATUTUM de Teſtamenti, in publica Synodo publicatum anno Domini 1496. *Feria tertia poſt Cantate*.

STATUTUM de Concubinariis, ex Concilio Baſileen. in *ſeſſione XX*.

Sequitur Aviſamentum de concubinariis non abſolvendis quibuſcunque, aſt eorum periculis quam plurimis.

Sequuntur varia pericula correlarie dictis jam conſonantia.

Sequitur aliud periculum nedum Sacerdotum, ſed omnium concubinariorum quoad contritionem & confeſſionem.

Sequitur Exhortatio de concubinis abjiciendis, & concubinariorum abjectionibus invalidis.

Finit: O igitur mi Confeſſor, hec modica auſcultanter velim animadvertas, E e e e e 3 &

& concubinariorum ad firmum propositum abjiciendi concubinam, ut nullius peccati moralis periculum sit in mora, efficaciter inducas, antequam absolvas.

Alius tu cecus cecum ad infernum ducis, teque secum precipitas. Vale.

Biblioth. Historica Brandenburgica a pag. 129.

DIGRESSIO AD SÆCULUM XV.

CAPUT I.

Præmittuntur aliqua de Conciliis universum.

PRIUSquam ea, quæ ad Sæculum XV. pertinent, in hac Digressione tractanda suscipiam; præmittenda quædam duxi, quæ ad veram Conciliorum Ecclesiæ Catholicæ ideam in Lectorum animis efformandam, tum etiam ad eorundem auctoritatem a quorundam calumniis vindicandam, augendamque æstimationem videbantur profutura.

Ex eo tempore, quo in hoc Synodorum Germaniæ colligendarum studio versatus sum, non Catholicorum tantum pervolvavi volumina, ut cum Catholicis Catholicæ semper & sentirem, & scriberem; sed plurimum etiam A Catholicorum isthoc de argumento scribentium libros discussi; ut, quam ipsi quoque opinionem de Synodis animo conceperint, qua illas notione consignarent, a quo, aut a quibus indicendas, quas personas, cujusve conditionis, dignitatis & auctoritatis homines ad eas convocandos putarent, quo in numero earum sententias, dogmata, Canones haberent, cæteraque huc pertinentia, ipsorummet ex verbis intelligerem.

Atque illud ingenue fateor, non potuisse me non mirari, cum cernerem, DD. Protestantium non paucos, eosque doctrina præstantes, in antiquorum Conciliorum monumentis undique conquirendis, in iisdem e pulvere, quo obforduerant, extrahendis in lucem, in illis sua crisi, & animadversionum adnotatione illustrandis, in concinnanda demum ipsorum historia, tam sedulam operam & collocasse hætenus, & adhucdum collocare. Fecerunt hoc præter complures alios David Chytræus, Joan. Albert. Fabricius, Sal. Gesner, Joachim. Hildebrandus: & comprimis Joan. Christian. Lunigius in Spicilegio Ecclesiastico: cujus viri industriæ in Synodis Germanicarum Ecclesiarum colligendis quantum in hoc opere debeamus, non uno loco testati sumus: Fecit adhuc recentissime Clar. Christian. Wilh. Francisc. Walchius Theol. Doct. & Prof. Ord. in universit. Göttingensi, qui anno 1759. typis Lipsienfibus Librum

edidit, Germanico idiomate conscriptum, sub titulo: *Idea completa Historiæ Conciliorum Ecclesiasticorum.*

Quivis facile sibi persuaserit, aliam his viris fuisse & esse mentem, multoque nobiliora de Conciliis sensa, quam olim fuerint Martino Luthero. Hic sub initium suæ ab Ecclesiâ secessionis nihil quidem urfit vehementius, aut majore contentione postulavit, quam ut pro causâ suâ decidenda Generale totius Ecclesiæ Concilium convocaretur. Eadem vox & postulatio fuit Lutheri discipulorum, in Comitibus Augustanis, Norimburgensibus, Spirensibus, Ratisbonensibus, aliisque, Generalem ad Synodum provocantium. Sed quam seria hæc illis & sincera fuerit appellatio, paulo post res ipsa docuit. Concilium conclamabant, quam diu ob gravissimas, quas illi convocando obitare viderant, difficultates nullum Concilium esse futurum putaverant. Ast ubi demum a Cæsare apud Pontificem serio rem agi: ubi Synodum ab hoc indictam, fixum illi celebrandæ tempus & locum, ubi Episcopos ac Principum Catholicorum Legatos confluere Tridentum audire, subito vela vertebant, causæque suæ, quam prædamnatam sciverant, diffusi, Episcoporum congregandorum istud tribunal subterfugere, Concilium, ne inciperetur, impedire, cæptum dissolvere, & cum neutrum possent, omnium animos adversus sententias ibidem ferendas præoccupare, earundem vim & robur enervare, verbis, scriptis, modis omnibus adnitebantur. (a)

Lutherus arrepto mox calamo librum de Conciliis conscripsit, non alium præfixum habens suæ scriptioni scopum, quam ut Conciliorum plane omnium inanitatem ostenderet, omnemque illis auctoritatem abrogaret: nulla illi tum particularium, tum Oecumenicorum, nulla recentium & antiquorum reverentia: parique contemptu, quo cætera, etiam Nicænum primum, imo ipsum Hierosolymitanum, ab Apostolis celebratum, explodit. Omnia, dicit, errori fuisse

[a] *Bellarmin. L. de Concil. in Præfat.*

fuisse obnoxia, nec errare tantum potuisse, sed re ipsa erravisse.

De Hierosolymitano, a quo orditur, scribens, indignatur Ss. Apostolis, quod a sanguine & suffocatis decreverint abstinendum: gravibusque verbis exaggerat, quantam futura esset illa calamitas, non vesci capreis, leporibus, anseribus, turdis; non lucanicis, aliisque farciminibus, jusculis item sanguine vel liquido tinctis, vel coagulato fartis. Tam gravis hæc visâ Luthero fuit jactura, ut hinc concluderet: non esse Apostolico Decreto parendum. Unde rursum conclusit: Ergo liberum est nobis, alia Concilia relinquere: & sic liberi sumus ab omnibus Conciliis. (b) Quasi vero, propterea, quia non tenemur ea lege, quæ non pro omni, sed pro aliquo tantum tempore lata fuerat, jam nullis aliis Conciliorum legibus teneamur.

Multo vehementius in Synodum Nicænam I. Oecumenicam, cujus tanta semper fuit in universâ Ecclesiâ æstimatio, ejusque in Canones insurgit. *Hi omnes*, inquit, *articuli fœnum, stramen, lignum, stipulæ fuerunt.* Et infra: *de illis ligneis articulis reliquæ manserunt, quasi aliqui titiones, nempe articulus de Fœsto Paschatis.* (c)

Omitto alia ejusdem fursuris, censurasque, quibus tum eandem hanc, tum alias deinde Synodos proscindit. Unum hoc adjectum sufficit, quod Concilia universim omnia non pluris, imo etiam minoris æstimeret, quam institutionem Parochi alicujus aut Ludimagistri, catechesi pueros imbuerentis. *Putasne*, inquit, *adeo esse tenue, aut angustum officium Parochi, aut Ludimagistratus, ut non possit aliqua ex parte conferri ad Concilia?* Dicam & quiddam amplius: majus lucem accedit doctrinæ Christianæ ex Catechismo puerili, quam ex omnibus Conciliis. Et infra: *Quid opus est verbis? etiam si omnium Synodorum Decreta possent per infundibulum demitti in tuum corpus; tamen nondum esses Christianus, quia nimis parum conferunt.* Rursum alibi: (d) *Hoc, inquit, capite Evangelium: quia neque Papæ, neque Conciliis, neque ulli hominum commissum est, ut concludat, quid sit fides.* Ideo debet dicere: *Papæ, tu conclusisti cum Conciliis; nunc ego habeo judicium, an acceptare queam, nec ne.* En quam vili apud Lutherum loco fuerint Concilia.

Mitius scribunt præfenti hoc sæculo, stiloque magis temperato utuntur DD. Protestantæ: non ligneos, non stramineos Synodorum Canones, non stipulas vocant. No-

runt viri prudentes, quantum insulsa scemata, quæ familiaria quondam Luthero fuerant, moderni ævi nostri, politionibus longe moribus exculi, magisque ad humanitatem compositi palato desipiant: & tantum abest, ut Conciliorum reliquias tanquam titiones averseantur; ut multo potius in illis ubique investigandis indefesso studio laborent, de inventis gaudeant, easdemque multo aere publicam emittant in lucem.

Nescio tamen, an justum suæ operæ pretium, dignumque tam nobili labore fructum reportent: Immo dubito vehementer, annon hac ipsa sua industria ad Ecclesiæ Christianæ Concilia deformanda potius, quam illustranda colliment. Nam pervolutanti mihi eorum scripta & libros, plurima ubique incurrunt in oculos, quæ palam faciunt, quod vilem nimis ideam, ac non multo meliorem, quam Lutherus, de sacris hisce conventibus & ipsi animis imbibebant, & aliis intillare laborent: Ideam, inquam, plane novam, veris veræ Christi Ecclesiæ filiis ante Wicleffii, Hussi, Lutheri tempora nunquam cognitam, ac talem, quæ Conciliorum Ecclesiasticorum dignitati minime congruat, eorundem vero auctoritatem penitus subvertat.

Non abs re proinde futurum existimem, nec Lectoribus injucundum, si, quid Catholici, quid vicissim DD. Protestantæ de Conciliis sentiant, paucis exponam; ut ex ea utriusque doctrinæ comparatione, pro qua parte stet veritas, & utra alteri præferenda sit, clarius elucescat.

§. I.

Definitio Conciliorum ex mente Catholicorum.

Concilii nomen, si in sua latitudine accipiat, ea vox, non Catholicorum duntaxat, sed etiam eorum, qui a Catholica Ecclesiâ defecerunt, conventibus commune est. Neque enim a Catholicis tantum celebrata fuere Concilia: habuerunt jam olim in Oriente suos Conventus, Synodos, Concilia Accaciani, Ariani, Donatistæ &c. habuerunt posterioribus Sæculis Hussitæ in Bohemia, Lutherani in Germania, Calviniani in Hollandia. Verum non idem vocis hujus apud Catholicos, Acatholicosque usus est & significatio. Catholicis quidem idem hodie denotat illa vox, quod per eam denotatum fuerat in primo Ecclesiæ principio, ipsoque tempore Apostolorum. Concilium dicunt esse Conventum legitimum præcipuorum Ec-

(b) Luth. Tom. VII. Oper. German. in L. de Conciliis & Eccles. pag. 225. &c. Edit. Jenens. anno 1598.

(c) Ibid. pag. 236.

(d) Luth. Præf. art. a Leone X. damnatorum. Art. 115. apud Maxim. Sandæum de Synodo Holl. pag. 349.

Ecclesiæ Præfulum, ad deliberandum & statuendum de iis, quæ ad fidem, & mores, & Ecclesiæ disciplinam pertinent. Qua sua descriptione simul & res indicant, quæ Ecclesiasticis in Conciliis tractandæ sunt, & personas, ex quibus illa componuntur. Nimirum Regni Comitiorum naturam Ecclesiastica imitantur Concilia: & sicut illa ex solis Optimatibus, jus suffragii habentibus, coalescunt; ita hæc ex Ecclesiarum Præfulis, pari jure, & sententiæ dicendæ auctoritate munitis constituuntur.

Dividunt Catholici Concilia in Oecumenica, sive Generalia, quæ Summo Pontifice, totius orbis Episcopos convocante, eodemque vel per semetipsum, vel per Legatos præfidente, celebrantur: in Nationalia, ad quæ Archi-episcopi omnes & Episcopi, totius regni, vel nationis conveniunt, Præfide Patriarcha vel Primate: In Provincialia, ad quæ unius Provinciæ Episcopi sub præfidio Metropolitanæ, vel Archi-episcopi evocantur: demum in Diocesana, in quibus unius Diocesis Clerus suo sub Episcopo congregatur, Presbyteri præsertim, qui curam animarum gerunt. Quamquam hæc, ut Cardin. Gotti observat, Concilii vix mereantur nomen; eo quod, præter Episcopum nullus illis soleat interesse, qui jus habeat suffragii, aut sententiæ dicendæ.

Porro Concilium, ut legitimū sit, debet legitime convocari, legitime celebrari, ac denique auctoritate legitima confirmari. Legitima erit Concilii convocatio, si hæc fiat a legitimo Superiore, eos omnes ad Synodum convocante, qui ferendi in illa suffragii jus habent. Legitima erit celebratio, si 1. mo. Acephalum non fuerit, non destitutum suo capite. 2. Si convocati vel omnes, vel tanto, ac talium numero eidem interfint, ut ipsorum universitas repræsentari intelligatur. 3. Si libera fuerint eorum suffragia, qui statuendi, definiendi, decidendi jure gaudent. 4. Si in habendis consultationibus, dicendisque sententiis iustus ordo teneatur. Legitima postremo erit Concilii confirmatio, si quæ in illo decisa ac definita sunt, ab eo, a quo debent, rata habeantur, ejusdemque accedente auctoritate comprobentur: quæ quidem confirmantis auctoritas quanto major fuerit, tanto plus etiam roboris, firmitatisque Concilii Decretis afferet: perque ipsam hanc confirmationem, & subsequenter Ecclesiæ acceptationem sanari etiam quadam ratione possunt defectus, si qui vel in Synodi convocazione, vel in ejusdem celebratione intercurrerint.

Hæc genuina veri Ecclesiastici Concilii idea est, quam Ecclesia Catholica a primorum sæculorum Synodis, immo ab ipsis SS.

Christi Apostolis accepit: hanc illa semper hucusque tenuit: ad hujus idæ normam Concilia sua celebravit hactenus, & celebrat: Conventusque omnes alios, qui contra hanc normam fuerant instituti, cum Synodos spurias, adulterinas, omni robore auctoritatis destitutas, unanimi consensu ex verorum numero Conciliorum expunxit, reprobavit, damnavit.

§. II.

Definitio Conciliorum secundum Protestantés.

Vidimus, quid de Conciliis Catholici sentiant: videre nunc lubet, quam illorum imaginem conceperint DD. Protestantés, quæ sub definitione nobis eadem repræsentent. Quam ex Catholicorum sententia dedimus, non unius est, sed omnium: sic enim & non aliter, quantum ad rei significandæ substantiam pertinet, Ecclesiasticas Synodos Scriptores Catholici semper & ubique describunt. Non par sententiarum unitas a DD. Protestantibus expectanda est. Ut in cæteris, quæ ad fidem referuntur, suis sunt opinionibus divisi; sic in hæc etiam doctrina de Synodis a se invicem discordes, aliter alii, nimirum pro suo singuli arbitrio sentiunt, loquuntur, & scribunt. In explicandis Conciliis particularibus, sive Nationalia illa sint, sive Provincialia, sive Diocesana, plerisque eorum nobiscum convenit; at ubi de Generalibus, & Oecumenicis agitur, mirum, quam diversas abeant in vias.

Lutherus *L. de Conciliis & Ecclesia*, Oecumenici nomen magnis & Universalibus Conciliis inditum scribit a magno & universali Monarcha, Imperatore scilicet, omnium Regionum Episcopos congregante. *Ut æstimem*, (e) inquit, *secundum stultitiam meam, quod magna Concilia & universalia istud inde sortita sint nomen, quod Episcopi a Monarcha, magno Capite & universali ex omnibus Regionibus fuerint convocati.*

Sibrandus Lubbertus Calvinianus econtra non ab universalitate Domini, quod resideat in Monarcha convocante, sed ab universalitate convocatorum non Clericorum duntaxat, sed & Laicorum, universalis dici Concilia voluit. In indice opusculi, quod contra Ennin. Cardinalis Bellarmini librum de Conciliis edidit, hæc lego: *Concilium Universale sic dicitur, quod omnes Christianos, tam Clericos, quam Laicos complectatur.* L. 1. C. 1. sic habet: *Concilium, vel Synodus Universalis significat congregationem, vel Convantum omnium fidelium.* L. 2. C. 2. pag. 46. Non est

est universale, quod unam tantum speciem, nempe Clericos, complectitur, & alteram speciem, nempe Laicos excludit. Hæc Lubbertus.

Sed nec ipsi Luthero diu placuit sua definitio: cum enim *l. cit.* dixisset, Synodos Oecumenicas ex omnium Regionum Episcopis fuisse conflatas; paulo post *eod. lib.* diversum penitus schema, non alibi, quam suo natum in cerebro, suisque in Pontificem odiis accommodum depingit. Air, si unquam alias, tum suo illo tempore, quo ista scripserat, Synodum, quam maxime expectandam, lamentaturque dein, quod eandem impetrare eousque non potuerit. Sed quam Synodum, aut qualem? Talem, scilicet, ad quam non omnes Episcopi, Abbates, Monachi, Doctores, ac reliqua, ut loquitur, suffuris inutilis tax conveniat; Horum in locum exquirendos toto orbe viros profunde doctos, atque in Scriptura cumpri- mis versatos, eosque inter etiam Laicos, (nam horum quoque interesse.) Joanni Schwarzenbergio similes, suæ nimirum factionis homines, trecentos ut summum, pari enim ferme numero Patres Nicenam primam ad Synodum confluisse. In ea Synodo Pontificis hæresim, inno abominationem per capita singula palam esse recensendam: in ea Synodo debere Pontificem non solum omni tyrannide, potestateque præcepta condendi sese abdicare; sed Luthero insuper, ejusque affectis assentiri, & una cum ipsis profiteri, quod bona opera, etiam illa, quæ ex Dei mandato fiunt, ad justitiam, ad abolenda peccata, ad gratiam Dei impetrandam, nihil conferant, sed sola fides in Christum, &c.: In ea denique Synodo debere Pontificem omnes suas Bullas, Decreta, Libros de Indulgentiis, de Purgatorio, de vita Claustrali, de cultu Sanctorum, de Peregrinationibus, cæterisque omnibus, ut air, innumeris mendaciis & idololatriis, reprobare, dammare, comburere. . . præcipue autem ementitam omnem sui Primatus prærogativam a se abalienare. Istam enim vero gravissimam omnino, ac dignam præcel- lenti, rigido, prævalidoque Concilio causam dicit. Ad hæc evincenda conitti debere Imperatorem, Regesque: ac Pontificem, si sponte sua cedere non veller, vi cogendum. Tale Concilium, non aliud, exoptandum esse. Quodsi Monarchæ cæteri ad hujus nominæ Synodum Oecumenicam celebrandam conspirare non vellent, posse tamen Nationalem institui in Germania a Carolo Cæsare, Principibusque Germanis: Ubi vero istam quoque sperare non posset; illud sibi futurum esse solatio, si parvulos pueros Episcopali sub larva incedentes videat, cogiterque, Deum ex ludicris hisce Episcopun-

culis veros aliquando Episcopos esse susci- taturum, &c. (f) En nobilem, dignam Authore suo, veræ, Christianæ, & NB. li- beræ, qualem DD. Protestantes tantis olim clamoribus postulaverunt, Synodi ideam.

Præterire hic ego non possum, quin aliam adhuc afferam Concilii speciem, anno 1533. a Serenissimo Duce Saxonæ, Joanne Friderico, cæterorum Principum Protestan- tium nomine, Pontificio, Cæsareoque Le- gatis propositam. Fervebat tunc maxime, urgebaturque a Cæsare apud Pontificem Concilii convocandi negotium. Missus ea de causa in Germaniam Rangonius a Cle- mente VII. Papa Legatus: additus huic fuit a Cæsare Orator Lambertus Briardus, Con- silii Belgici Præses. Hi primo apud Joan- nem Fridericum Saxonæ Ducem, tanquam Protestantium Principem, officio fungentes, quæ in mandatis acceperant, exposuere. Octo Capita erant, quæ Synodi convocan- dæ condiciones complectebantur, æquissi- mas omnes, & pro tollendo tandem schis- mate, paceque restauranda, necessarias.

I. Ut Concilium sit liberum, celebretur- que more ab Ecclesia usurpato usque ab initio Universalium Conciliorum.

II. Ut ii, qui sunt interfuturi Concilio, se illi obtemperaturos polliceantur.

III. Ut ii, qui legitima causa, ne adsint, excusantur, legitimos Procuratores mittant.

IV. Ut interea in controversiis fidei nihil innovetur in Germania.

V. Ut locus decernatur: secus enim om- nia frustra parari. Proponi a Pontifice Man- tuam, Bononiam, ac Placentiam: quarum singule tutæ sunt, capaces, fertilesque ac Cælo salubri: atque Germania propinquiores, quam cæteris transmontanis Nationibus, Synodo in- terfuturis.

VI. Ut si quis Christianorum Principum opêri tam Religioso absque justa causa defuerit; non idcirco omittatur, sed cum reliquis in ip- sum conspirantibus promoveatur.

VII. Ut, si quis Sacrum hujusmodi Ca- tum impedire, seu postea ejus Decreta violare tentaverit, reliqui cunctis suis viribus Ponti- fici pro Concilio tuendo adsint:

VIII. Pontifex vero sexto mense, postquam de cæteris memoratis capitibus propitium re- sponsum acceperit, Concilium indicat, post annum cogendum: quo spatio opus est, tum urbi destinata rebus opportunis instruenda, tum quo ii præsto sint, qui e tam longinquis re- gionibus advocantur. (g)

Capita hæc simul omnia a Serenissimo Duce Saxonæ cum cæteris Protestantibus Principibus, Schmalkaldæ propterea, con- gre-

(f) Luther. *l. cit.* pag. 262.

Tomus V. Concilior. German.

(g) Pallavic. *Hist. Conc. Trid. L. III. c. 13.*

F f f f f f

gregatis, communicata sunt. Reddita demum scripto responsa. Horum summa fuit: Non posse se primæ ac secundæ conditioni consentire: in iis enim ex una parte haberi, Concilium liberum futurum; ex altera vero Concilium deposci Pontificiæ auctoritati subiectum, cui ab omnibus esset obtemperandum. *Sed mira excusatio*, inquit Emin. Cardinalis Pallavicinus: *nam in articulis modo recitatis, ne nominatur quidem Romanus Pontifex: dicitur solum, Concilium celebrandum more ab Ecclesia usurpato a primis usque Universalibus Conciliis. Neque sermo ibi est de obligatione obtemperandi Pontifici, sed Concilio.* Verum ex hac ipsa excusatione intellegatur satis, DD. Protestantes agnoscere, & vel nolentes confiteri, quod tamen modis omnibus impugnabant, & adhucdum impugnant, eam antiquissimam fuisse in Ecclesia Christi consuetudinem jam ab initio Oecumenicorum Conciliorum, ut illis Romanus Pontifex præfideret. Repudiato igitur Concilio vero, & ex antiquissimo Ecclesiæ more celebrando, aliam quandam Synodum sibi dare petivere: talem, scilicet, in qua sacræ literæ prævalerent, & quæ Romanorum Pontificum, aut Scholasticorum auctoritati minime subderetur. Novum Synodi genus, & cui simile in Ecclesia Dei nunquam visum fuit, nunquam auditum! Nam omnem appello antiquitatem, omnemque Orientalis & Occidentalis Ecclesiæ historiam, indeque vel unicum Synodi ejuscemodi exemplum mihi depromptum velim, in quo fidei Quæstiones ita ex solius Scripturæ Sacræ oraculis fuerint decise, ut nulla Romanorum Pontificum, nulla Episcoporum ceterorum, Doctorumque haberetur ratio; nulla auctoritas ipsorum sententiis & interpretationibus tribueretur. Quid hoc aliud erat, quam velle Concilium, & non velle? Mira eninvero res: Lutherus Scholarum Doctoribus, interpretibusque Divinarum literarum, quod supra vidimus, tantum putavit esse deferendum, ut eruditissimos omnes ex omni Regione voluerit ad Concilium evocari; Lutheri autem discipuli, ipso adhuc Magistro vivente, omnem illis auctoritatem derogatam volunt. Star sua, stetitque semper inconcussa in Conciliis omnibus, quæ ad hanc usque diem in Ecclesia Christi celebrata fuerunt, Scripturæ Sacræ auctoritas: illamque pari reverentia & Pontifices, & Doctores Scholastici apud Catholicos venerari debent, & venerantur. Immo, ut Emin. Pallavicinus ait: *Si quidquam Pontifex contra sacras literas doceret, desineret esse Pontifex: & Scholastici, qui hoc ipsum auderent, Scholasticorum nomen amitterent.* Utrique vero proferuntur in Conciliis, tanquam

meri Scripturarum interpretes in obscuris locis: sed ille absque erroris periculo, hi ut erroribus obnoxii. Dixi: IN OBSCURIS LOCIS; siquidem in iis, quæ per se patent, variasque interpretationes minime patiuntur, non requiritur, neque convocatur Concilium; ut ex iis omnibus constat, quæ ab Ecclesiæ primordio, vel per ipsos Apostolos celebrata sunt. At Lutherani per eam speciosam loquendi formam volebant, ut in essatis Divinæ Scripturæ, non adeo apertis, explanationes ex ipsorum libidine antebaberentur declarationibus Interpretis legitimi, atque a Deo constituti, tum Sacrorum Doctorum commentationibus, a peculiari quidem ipsorum lumine profectis, qui tamen communem Ecclesiæ sensum enuntiant. (g)

Sed quo modo demum DD. Protestantes ex Scriptura Sacra hoc ipsum probare, & evincere potuissent, quod suæ istæ explanationes, vel omnino novæ, vel jam olim reprobatae, anteferendæ essent contrariis Catholicorum Pontificum, Episcoporum, Doctorum interpretationibus, quas ab Apostolis traditas, a SS. Patribus conservatas, communi fidelium consensu stabilitas, S. Christi Ecclesia semper tenuit, & adhucdum tenet? Ex nullis istud Divini Verbi testimoniis ostendere potuerunt hætenus, nec unquam deinceps poterunt. Frustra igitur Scripturam Sacram, unicum in sua causa iudicem in Concilio sibi dandum appellarunt, frustra ad illam etiamnum protestando provocant.

Sed lubear adhuc alias quasdam Synodorum definitiones a Protestantium Theologis audire. Primus sit Joachimus Hildebrandus, Theol. & SS. Antiquitatum in Acad. Julia Professor. Hic Concilia quadriariam dividit, atque Catholicorum fere ad morem ita describit: (h) *Ego existimo esse Concilium Oecumenicum, in quo Patriarchæ cum selectis suarum Regionum Episcopis conveniunt, aliisque viris doctis, qui in Provincialibus Synodis instructi, mentem suarum Ecclesiarum in Concilio exponunt.* Subdit: *Primis enim IV. Seculis totus orbis Christianus divisus est in IV. Patriarchatus. Primus erat Romanus: secundus Alexandrinus: tertius Constantinopolitanus: quartus Antiochenus. His ex Decreto Synodi Nicænæ adjectus est Patriarcha Hierosolymitanus, in honorem urbis: ut ita sub quinque Verticibus, h. e. Patriarchis, olim Ecclesia fuerit constituta. Est igitur Concilium Oecumenicum, in quo sunt hi V. Vertices, vel ipsi, vel per Legatos, & præcipui Episcopi ex Regionibus, ut hi tamen essent instructi a suis Ecclesiis. Et infra: (i) Nationale definitur, in quo Metropolitanis, & Episcopi unius Regni aut Nationis conveniunt, & in his talibus præsidem agit unus de V. Patriarchis.*

(g) Pallav. L. cit.

(h) Hildebrand. in Proem. Hist. Concil. pag. 3.

(i) pag. 5.

triarchis, vel in Occidente unus de Primatibus. Provincialia sunt, in quibus conveniunt Episcopi unius Provinciae: & in his praeses est Metropolitanus. Diocesana sunt, in quibus Presbyteri unius tantum Diocesis conveniunt, & in his praesidem agit Episcopus. Quo modo, quave ratione cum hac sua definitione componenda sit, aut ad quam Conciliorum classem referenda Synodus Dordracena, quam a Protestantibus anno 1618. celebratam laudat, (i) ipse Hildebrandus viderit.

Alter sit Cl. Walchius, qui in prævio suo adparatu ad Hist. Concil. hanc definitionem exhibet: *Per Congregationes Ecclesiasticas, quas Latini Concilia, Graeci Synodos appellant, intelligimus solemnes Conventus idoneorum membrorum ex diversis Christianis communitatibus, quorum finis est, de rebus, ad utilitatem Ecclesiae pertinentibus, communi deliberatione ferre sententiam.* (k)

In animadversione I. quam subicit, aliam affert definitionem Buddei, qui dicit, Concilium esse cœtum personarum capacium ad iudicandum de rebus, quæ Christianam attinent ad fidem: ut per controversiarum exortarum compositionem, per emendationem vitæ, per Ecclesiasticæ disciplinæ observationem commune Ecclesiæ bonum promoveatur. Differre se dicit Walchius a Buddeo, ceterisque modernis Scholarum Protestantium Doctoribus, quod hi simpliciter homines, ad ferendum de rebus fidei iudicium capaces; ipse vero non capaces tantum, sed insuper ex diversis Christianis communitatibus congregatos velit, ut legitimum, verumque ex illis conflari Concilium possit. Quam illimitata sit, & indefinita utraque definitio, nemo non videt. Sed nolo perstringere ea, quæ displicent, cum Polemicum non agam. Modo id mihi fatis est, quod ostenderim, quam diversæ sint in Conciliis describendis Protestantium opiniones, quantumque a se ipsis dissideant.

§. III.

Cui competat jus Concilia convocandi.

Cum DD. Protestantes de particularibus Synodis Catholicorum idem fere nobiscum sentiant; de Generalibus duntaxat & Oecumenicis agemus. Tria præcipue, ut paulo ante adnotavimus, ex Catholicorum sententia ad legitimi Concilii Oecumenici substantiam pertinent. Primum, ut ad illud Episcopi ex orbe universo convocentur a Romano Pontifice, aut ex huius saltem voluntate & consensu. Alterum, ut eodem vel per semetipsum, vel per Legatos præfidente

celebretur. Tertium, ut, quæ Episcoporum suffragiis in Synodalibus consultationibus Decreta sunt, ejusdem Summi Pontificis auctoritate & approbatione stabiliantur. Nullum tribus hisce e Capitibus DD. Protestantibus placet. Cum ex una parte Romanum Pontificem tanquam Christi Domini in terris Vicarium, Sancti Petri Successorem, & supremum Ecclesiæ Caput, agnoscere non velint; ad illum toto isto jure, Concilia convocandi, eisdem præfidenti, eadem sua confirmatione roborandi exuendum conspiciant: cum insuper ex altera parte veros nec Episcopos habeant, nec Sacerdotes; quasunque personas alias, dummodo capaci ad consultandum de fidei rebus iudicio valeant, Episcoporum in locum, etiam cum pleno suffragii ferendi jure substituunt: sicque Patrum illas Congregationes, quas Ecclesiæ Sanctissimas semper habuit, in Convenus mere profanos suo ex arbitratu transmutant. Ut proinde mirum non sit, quod omnem etiam Synodis omnibus auctoritatem, & infallibilitatis prærogativam abnegantes, easdem æque ac alia quævis politica comitia erroribus faciant obnoxia. Sed singula singulatim inspicimus.

Catholicorum hæc fere omnium semper fuit sententia, quod sicuti politica indicare Comitia juris est sæcularis, & ad Principes sæculares pertinet; ita Comitia Ecclesiastica, sive Synodos convocare potestatis sit Ecclesiasticæ, nec ad alios pertineat, quam ad Ecclesiarum Antistites. Diocesanas proinde Synodos congregandas dicimus a Diocesis Episcopo: Provinciales a Metropolitanis, Nationales a Primate vel Patriarcha: Synodos demum Universales, seu Oecumenicas cogendas esse a Romano Pontifice, qui Christi in terris Vicarius est, Episcopus Episcoporum, fidelium omnium, totiusque Ecclesiæ per orbem diffusæ supremum Caput & Rector.

Adversatur his DD. Protestantium, non concors tamen opinio. Ac de suis quidem Conventibus, verbique Ministrorum Synodis, quam præclaram ipsimet existimationem habeant, luculenter ex Witakero Calvinista Anglo ostendit Hugo Grotius, celebre Protestantis inter Theologos nomen, qui ex Witakero hæc refert: (1) *In Episcoporum ipsa congregatione* [Anglicorum videlicet, & Batavicorum Superintendentium] *non magis sacrum aliquid esse, quam in congregatione aliorum hominum. Ut autem Principis est, edictis suis Dilectos convocare, & milites suos, ut de bello deliberent: & jurisperitos suos, ut de jure inquirent; sic ejusdem etiam est, Episcopos suos congregare,*

ME

(i) Hildebr. pag. 339.

(1) In piet. Ordin. pag. 44.

(k) Walch. Idea Hist. Concil. in appar. præv. §. 2.

ut de religione consultant. Episcopi cum literas & mandata a Principe hac de re acceperunt, debent hac auctoritate coacti convenire. Hoc ergo æque politicum est, atque alios hominum ordines cogere. Quod tam viles Synodos suas censeant, nihilque in eis agnoscant, quod profanum non sit, facile permittent Catholici, nunquam tamen permitturi, ut eadem labes aspergatur Sacrosanctis Conciliis, quæ in Ecclesia Catholica vel celebrata sunt hæctenus, vel porro deinceps celebrabuntur.

Quin ipsimet DD. Protestantes non obscure fatentur, quod plus aliquid nostris Synodis deferendum putent. Nationales certe, Provinciales, imo & Diocesanas, ex edicto aut convocatione Principis sæcularis politicas esse dicendas non putant. Nam Calvinus, (m) *Quantum ad Synodos convocandas*, ait, *hoc erat Metropolitæ cujusque officium, ut Provinciale Synodum statim temporibus cogeret.* (n) Eandem in sententiam scribunt Centuriatores. [n] *Habebant singuli Metropolitani potestatem, convocandi Synodos ex Episcopis suæ Provinciæ.* Parem auctoritatem Particulares Synodos congregandi, Episcopis tribuunt Hildebrandus, Walchius, &c. Ast ubi de Oecumenicis Conciliis sermo est; nescio, quibus præoccupationibus incitati, horum indicendorum omne jus a potestate ecclesiastica ad sæcularem transferunt: summoque Pontifici, ad quem illud præcipue pertinet, adjudicatum, Imperatori, invito licet ac reluctanti transcribunt. Istud autem, quo doctrinæ nexu faciant, non video. Nam si Episcopi sit, Clerum Diocesenum: si Archiepiscopi aut Metropolitani, suæ Provinciæ Episcopos: Si demum Primatis vel Patriarchæ sit, totius nationis vel Regni Archiepiscopos una cum Episcopis ad se pro Synodo celebranda evocare; annon inde legitima consecutione deducitur, quod Patriarchas ipsos, Archiepiscopos, cæterosque Ecclesiarum Antistites omnes in Oecumenicum & universale Concilium congregare, pertineat ad Pontificem Maximum, ad Patriarcham Oecumenicum, ad Archiepiscopum universalem, ad Pastorem Pastorum, totiusque Ecclesiæ caput? Et vero, cuinam alteri tribuendum sit illud jus, totius Ecclesiæ gregem convocandi, quam illi, cui totius gregis pascendi, docendi, regendique commissæ est cura? Hæc autem nonne Petro, & in Petro ejusdem Successoribus demandata fuit a Christo, cum diceret: *Pasce oves meas?* Quomodo autem pascere poterit, si nullo jure valeat pascendas, docendasque convocare? Ostendant Protestantes, an, ubi, cui omnium Principum sæcularium, Regum, Imperatorum idem a Christo Salvatore dictum fue-

rit. Omitto ne prolixior sim, alia Scripturæ testimonia.

Miror, Sibrandum Lubbertum Concilia Generalia convocandi jus Romano Pontifici abrogare tam fidenter ex eo, quod, ut ait, [o] *Nullus in tota Sacra Scriptura sit locus, ex quo id doceri possit:* Addit: *Unde apparet, hanc opinionem ex S. Scriptura baptismam non esse. Quod vero extra Sacram Scripturam asseritur, id non recipimus; etiamsi mille Papæ illud assererent.* Atque ipse tamen, dum capite sequente asserit, jus hoc ad Imperatorem pertinere; Nullum ex tota Sacra Scriptura potest, vel audeat asserre verbum, quo asserum hoc suum probet: & hanc nihilominus sententiam recipit, licet manifeste appareat, *illam ex Scriptura baptismam non esse.* Adeo parum is sibi constans est, sui que memor.

Idem Sibrandus (quod & alii Protestantium Scriptores faciunt) multam vim certis in factis ponit. Ex historiis Ecclesiæ Orientalis ingentem coarctat narrationum, rerumque gestarum farraginem, ut inde ostendat, quæ Constantinus Magnus, quæ Theodosius, alique Imperatores pro Conciliis Generalibus cogendis fecerint. Verum hæc Catholicorum nemo negat. Non de facto, sed de jure queritur. Scimus, priuscos Imperatores, pro sua in Ecclesiam pietate, pacisque in illa restaurandæ studio, multam in cogendis Synodis impendisse industriam, opem etiam suam, sumptumque non modicum contulisse. Scimus, ab ipsis, missis per Provincias literis, Episcopos fuisse evocatos. Scimus ab iisdem aptum Concilio habendo locum, tempusque, quo convenire debeant, designatum: ac proinde tum ob hæc, tum ob alia complura Synodorum convocatarum, imo & promotorum laudem illis non exiguam esse tribuendam. Verum, hæc ipsa, quæ commemoravimus, an ita gesta sunt, ut nulla Pontificum Romanorum interveniret auctoritas, nulla approbatio, nullus consensus? Immo Sancta ista studia, concordia, unitatisque in Ecclesiam per Synodos Oecumenicas reducendæ annon ex Pontificum voluntate, rogatu etiam, & observatione suscepta sunt ab Imperatoribus, quorum ope & auxiliis Romani Pontifices, ad exequenda ea, quæ ex auctoritate commissæ sibi a Christo supremæ jurisdictionis Ecclesiasticæ decreverant, maxime indigebant. Non tam amplum illis, ac tam opulentum fuit ærarium, quod necessario sumptui tantas ad res perficiendas, ad cogendos tot hominum remotissimis e terris accersendos conventus, ad Præfules, & eorundem comitatum, tanto tempore alendos sustentandosque sufficeret. Non poterant locum, Impe-

(m) Calvin. L. IV. Instit. C. VII. §. 8.
(n) Sibrand. de Concil. L. III. C. III.

(o) Cent. IV. C. VII. pag. 300.

Imperatorum potestati subiectum, Synodo celebrandæ designare, & sine bona eorundem venia, per Episcopos, eorumque comites occupare. Non poterant iisdem, per Regiones ab Ethnicis & Barbaris gentibus habitatas profecturis, tutum præstare comitatum & securitatem itineris, non vecturas & iumenta providere. Non poterant Antistites jam infectos hæresi, contumacesque & refractarios, ut se Concilio sisterent, vi compellere, & ne in seditionem ac tumultus prorumperent, Synodumque disturbarent, in officio continere. Necessarium proinde Romanis Pontificibus fuit, ad implorandam ab Imperatoribus opem confugere, ut hi tum Regiæ Majestatis potentia rebellium audaciam frangerent, tum etiam suæ munificentia liberalitatis, alia, quæ dixi, obstacula removerent. Atque unum hoc, nihil amplius, ex omnibus, quæ tam operose Protestantibus a Scriptoribus congesta sunt, extundi potest. Cæterum, quod neque a Romanis Pontificibus neglecta, neque ab ipsis Imperatoribus non agnita & honorata fuerit Vicariorum Christi in Conciliis convocandis prima Jurisdicção Spirituális; antiquissima monumenta tum Pontificum, tum Conciliorum Oecumenicorum, tum Imperatorum evincunt: quæ afferre cum pro nostro instituto nimis prolixum foret; Lectorem ad quatuor purpuratos, de Turrecremata (p), Bellarminum (q), Pallavicinum (r), & Gotti (s) remittimus. Invenier apud hos, quid Pontificis, quid Concilia, quid Imperatores ipsi, de Synodorum indicendarum jure, deque suprema Successorum Petri potestate Ecclesiastica senserint.

Unum duntaxat, alterumque Regum & Imperatorum adnectam testimonium. Ineunte Sæculo VI., ipso nimirum A. DI. Theodorici Italiæ Rex Synodum Romæ convocaverat adversus Symmachum papam, quem Schismatici multorum criminum reum dixerant. Ipso mox Synodi initio, Episcopi, ut Romani Pontificis in Conciliis cogendis tuerentur jura, coram Theodorico testati sunt palam, ut in Synodi actis legitur, non Regem, sed ipsum, qui dicebatur impetratus, debuisse Synodum convocare: scientes, quia ejus Sedi primum Petri Apostoli meritum, vel Principatus; deinde secuta jussione Domini Conciliorum venerandorum auctoritas ei singularem in Ecclesiis tradidit potestatem: nec antedictæ Sedis Antistitem minorum subjacuisse judicio in propositione simili, forma aliqua testaretur. Contra hæc ab Episcopis objecta nihil excepit Theodoricus; Sed, ut eadem Acta loquuntur, Potentissimus Princeps, ipsum quoque Papam

in colligenda Synodo voluntatem suam literis demonstrasse, significavit. Cumque Episcopi Theodorici dictis non acquiescerent, Literas ipsas toti Concilio exhibere necessum fuit. Unde a Mansuetudine ejus pagina postulatæ sunt, quas ab eo directas constabat; hasque dari Sacerdotibus sine tarditate constituit. Deinde Serenissimus Rex (Deo aspirante) respondit: In Synodali esse arbitrio, in tanto negotio sequenda præscribere, nec aliquid ad se, præter reverentiam, de Ecclesiasticis negotiis pertinere: committens etiam potestati Pontificum, ut, siue propositum vellent audire negotium, siue nollent; quod magis putarent utile, deliberarent: dummodo Venerandi provisione Concilii, pax in civitate Romana Christianis omnibus redderetur. (t) Hæc Theodoricus Ostrogothus in Synodo Romana: ex quibus patet, quam pervulgata isto Sæculo non apud Episcopos tantum, sed apud Principes etiam Sæculares ea fuerit opinio, auctoritatem Synodi congregandæ, regendæque, non ad alium, quam ad Romanum Pontificem pertinere.

Juvat his addere Regum Francorum, Imperatorumque de eadem auctoritate sententiam. Hi L. 6. suorum Capitularium cap. 381. omnibus Sacerdotibus notum faciunt, quod Auctoritas Ecclesiastica atque Canonica docet, non debere absque sententia Romani Pontificis Concilia celebrare. Et in additione 4. C. 24. ita statuunt: Nullus Episcopus, nisi canonice vocatus, & in legitima Synodo, suo tempore, Apostolica auctoritate convocata, cui jussione Domini, & meritis Beati Petri Apostoli, singularis congregandorum Conciliorum auctoritas, & Sanctorum Canonum, ac Venerandorum Patrum Decretis multipliciter privata tradita est potestas, super quibuslibet criminibus pulsetur, id est, judicetur, audiat, vel impetatur. Sin aliter præsumptum a quibuslibet fuerit, in vanum deducatur, quod egerint: nec inter Ecclesiastica ullo modo reputabitur, nec ullas habebit vires, quidquid ei obviaverit; quoniam eadem Sedes, testante Veritatis voce, primum Primatum obtinuit. Nec prima diceretur, si aliam super se haberet; quæ etiam caput est omnium Ecclesiarum, a qua omnes sumpserunt Originem. Primatum enim, non Synodalibus, aut aliquibus commentis meruit institutis; sed Domino largiente, qui ait: Tu es Petrus, & super banc Petram edificabo Ecclesiam meam . . . quibus si aliquis superbo spiritu obviaverit præceptionibus; non exeat impunitus, sed gradus sui periculo subiacet. [u]

F f f f f 3

His

(p) L. 3. Summ. Eccles. C. 6.

(r) Hist. Conc. Trid. L. 6. C. IV.

(t) Harduin. Tom. II. Concil. col. 967.

(q) L. 1. de Concil. C. XII. & XIII.

(s) Colloq. II. Class. de Rom. Pontif. coll. III.

(u) Capitularia Reg. Francorum. L. cit.

His expensis judicet Lector, jurene, an injuria Sibrandus Lubbertus Romanum Pontificem occupati alieni juris, ejusdemque restituendi reum postulet, cum scribit: *Restituat igitur Papa Imperatori Universalia Concilia convocandi potestatem, & fateatur, se contra primitivæ Ecclesiæ consuetudinem fecisse, quod hanc auctoritatem sibi vendicaverit?* (x)

Illud equidem verum esse fateamur, quod Constantius, Imperator Arianus, plus auctoritatis in Conciliis cogendis, moderandisque & ipse sibi arrogaverit, & ab Arianis Episcopis tributum acceperit: sed, ut ab ipsis Protestantibus appellatur, Hæretici erant, quorum commune id esse studium solet; ut, ubi possunt, Supremi Pontificis jurisdictioni detrahant, & prærogativas illi soli debitas, Principibus sæcularibus largiantur. Audiamus S. Athanasium, testem coævum, & qui istis in Synodis maxime exagitabatur, de his Arianorum Episcoporum Conciliabulis loquentem: *Obtendit (Constantius) in speciem Episcoporum judicium; sed interim facit, quod illi volupe est. Verum ne ita quidem latere potest; quum in proximo sit, quod ejus vafritiem patefaciat. Nam si istud est judicium Episcoporum; quid cum eo commune habet Imperator? Sin contra ista minis Cæsaris constantur; quid opus est hominibus, titulo Episcopis? Quando a condito ævo auditum est, quando judicium Ecclesiæ auctoritatem suam ab Imperatore accepit? . . . Plurimæ antehac Synodi fuisse: multa judicia habita sunt; sed neque Patres istiusmodi res Principi persuadere conati sunt: nec Princeps se in rebus Ecclesiasticis curiosum præbuit. Paulus Apostolus habebat amicos in Cæsaris domo, & per eos salutabat in literis Philippenses; non tamen eos in judicio socios assumpsit. Nunc autem novum quoddam spectaculum ab Ariana hæresi editur: Convenerunt enim in unum hæretici & Constantius Imperator; ut ille quidem sub prætextu Episcoporum sua potestate adversus eos, quos velit, utatur: & tamen in persecutione movenda persecutor non appelletur; illi vero succincti Principis potestate faciant insidias, quibus volunt. &c.* Præterire hic ego non debeo, quæ idem S. Athanasius in eadem Epistola narrat, a Liberio papa dicta fuisse Eusebio Eunucho, quem Constantius Romam miserat ad Liberium Arianorum in partes pertrahendum: qui inter cætera hæc Eunucho reposuit: *Quodsi omnino Imperator curam suam pro Ecclesiastica pace interponere querit, . . . fiat Ecclesiastica Synodus longe a Palatio, ubi nec Imperator præsto est, nec Comes se ingerit, nec*

Judex minatur, & ubi solus timor DEI sufficit & Apostolorum institutio: ut eo in loco ante omnia Ecclesiastica fides asseratur, quemadmodum a Patribus definitum est in Nicæno Concilio: iique, qui Arianicæ sententiæ sunt, ejiciantur, & eorum hæresis anathemate damnetur: . . . Non enim fieri potest, ut locum in Synodo habeant, qui fide impii sunt. Subjungit demum: Hæc a Patribus didicimus: hæc venuntia Imperatori, siquidem ea ipsa & illi utilia sunt, & Ecclesiæ edificant.

Hæc Athanasii, qui Concilio Nicæno ipse interfuit, hæc Liberii Athanasio coævi sententia fuit: unde liquet, quas Principibus sæcularibus partes in Conciliis celebrandis olim Ecclesiæ censuerit esse tribuendas. Atque eadem adhuc hodie mens est Catholicorum. Nec veniunt illi magnopere, ne in eos detorqueatur, non verecundum satis Lutheri convitium, quo Catholicos universim omnes, propter Pontificiæ dignitatis defendendæ studium, assentatores Papæ & parasitos compellavit. Non enim probro id nobis ducimus, si in Christi Vicario Christum ipsum revereamur: si Principibus sæcularibus contra jus omne & fas non obtrudamus, quæ ipsi non ambiunt: si demum fideliter utrimque reddamus & quæ sunt Cæsaris, Cæsari, & quæ sunt Dei, Deo.

§. IV.

Ad quem pertineat Concilii præsidere?

Quæstio hæc cum præcedenti connexa est, iisdemque e principiis decidenda: ad eundem enim pertinet, iudicibus præsidere, ad quem pertinet, illos convocare. Jus hoc utrumque in Conciliis convocandis, regendisque Laicæ Imperatorum potestati tribuunt Protestantes: cum hoc tamen discrimine, quod licet Oecumenicorum istud Regimen Cæsarium auctoritati adscribant; Catholicas tamen Synodos Nationales, Provinciales, Diocesanasque, uti convocandas, sic gubernandas etiam Primatibus, Metropolitanis, & Episcopis Catholicis relinquunt, suas vero omnes profanas faciant, Laicisque, quibus subsumunt, Magistratibus subijciant.

Non una tamen semper fuit omnium isthac in re, circa suas etiam Synodos sententia. Nota sunt, quæ olim Gomaristas inter & Arminianos circa Nationalem Synodum Hollandicam, Dordraci celebrandam, exarserunt dissidia. Gomaristæ, cum Calvino sentientes, licet quoad tumultus

tus

(x) Sibrand. Lubbert. de Concil. L. I. C. IV.

nas compescendos, Statutorumque Synodaliū executionem procurandam, urgendamque, Synodi præsidium Statibus Hollandicis permittendum ducerent; minime tamen fidei, doctrinaeque causas tractandi, definiendique potestatem iisdem esse concedendam arbitrabantur. Arminiani, e contra, quamvis & ipsi se Calvinī profiterentur discipulos, utrumque illud jus, & Synodum auctoritate politica tuendi, & simul quæstiones fidei decernendi, plena manu Ordinum Statibus obtulerunt, malo tamen suo; Nam qui ab Ordinibus fuerant deputati, oblata hac sibi facultate non segniter usi, Arminianos ipsos, una cum suis dogmatibus damnarunt, proscripterunt. Sed de his satis.

Catholicos audiamus. Horum, si paucos, quibus, quod est heterocliton, sapit, excipias, hæc una vox est, & concors sententia, quod sicut Diocesana Concilia Episcopus, Provincialia Archi-Episcopus, Nationalia Primas, aut Patriarcha præsidendo moderatur; ita Conciliis Oecumenicis, ex tota Ecclesia congregatis præesse, eademque suprema potestate regere, gubernare, Romano competat Pontifici, tanquam Capiti Ecclesiarum omnium, & Patriarchæ universali. Hanc auctoritatis prærogativam in Antistite Romano Catholici semper agnoverunt, & adhuc dum reverentur. Hæc a Christo Domino Principi Apostolorum Petro tradita, ab hoc in Hierosolymitano Concilio ipso facta declarata, a Petri Successoribus Romanæ Sedis Episcopis perpetuo usu in Oecumenicis præsertim Synodis usque ad hæc nostra tempora conservata fuit: adeo, ut, quod S. Damasus Papa ante annos plus mille ducentos asseruit, idem adhuc hodie dicere liceat: *Nulla unquam Concilia rata leguntur, quæ non sunt iuxta Apostolicam auctoritatem*, aut quæ fuerint Romani Pontificis præsidio destituta.

Præsidere porro in Conciliis idem est, quod supremi Iudicis partes agere, omnes congregatorum actiones præfixum dirigere ad finem, regulas, modumque, quibus se cæteri conformant, præscribere, tractanda proponere, postulare & colligere suffragia, atque instar Mystici Capituli, totum Concilii corpus moderari [y]. Ea vero præsidendi ratione Synodos Oecumenicas omnes a Romanis Pontificibus, vel per semetipsos, vel per substitutos a se Legatos gubernatas semper fuisse, longa inductione ex ipsarummet Synodorum actis & historiis probari potest.

Excipio Constantinopolitanum I., quod secundum inter Oecumenica obtinet locum. Huic nec ipse Papa, nec ejus Legati præderunt. Sed Nationale id solum fuit, quia ex Orientalibus tantum Episcopis coactum:

nec ante Oecumenici sortitum est nomen, quam a Damaso Papa probatum, confirmatumque, & ab Ecclesia Occidentali receptum fuit, sicque, licet in sua celebratione Oecumenicum non fuerit; Universalis tamen Concilii titulum ac prærogativas accepit: idque vel ex eo magis, quod Constantinopolitanum istud, unum quodammodo reputatur cum Concilio Romano, anno sequente sub Damaso, præsentibus Orientalium Legatis habito, in quo a Romano Pontifice, cæterisque, qui aderant ex Occidente Episcopis, hujus Constantinopolitanæ Synodi Symbolum communi assensu probatum & confirmatum fuit. Atque sub eo prospectu Conciliis Oecumenicis adnumeratur, retento etiam a Constantinopoli nomine, quia hac in urbe inchoatum, Romæ demum accedente totius Ecclesiæ acceptatione honoratum simul, penitusque consummatum fuit.

Constantinopolitano item II. Vigilius Papa nec ipse, nec ejus Legati præfuerunt. Versabatur is quidem eo tempore in Oriente, sæpe etiam, multumque, missis quoque honorificentissimis ad eum & ab Imperatore Iustiniano, & ab ipsa Synodo, multorum Episcoporum, imo & Patriarcharum Legationibus, præfidere ut veller, rogabatur; non voluit tamen, tum propter vim, quam Orientalium quorundam machinationibus passus jam fuerat; tum quod majorem timeret. Ipsam tamen Synodum sua auctoritate confirmavit.

Ad cætera quod attinet, ea Romani Pontificis non caruisse præsidio, ostenditur imprimis ex omnibus, quæ in Occidente celebrata sunt. Nec loquor de illis, quæ Romæ in Laterano, sed quæ in Gallia, quæ in Germania coacta fuerunt apud Potentissimos Imperatores & Reges, Episcopis ac Prælati, magno numero, iisque amplissimis, religiosissimisque simul confluentibus. Quis credat, universos hos unquam fuisse consensuros, ut Romanæ Sedis Episcopus supremam ejusmodi, Generalibus Conciliis præsidendi, auctoritatem supra omnium aliarum Ecclesiarum Pastores sibi arrogaret, usurparetque ipso facto; si non jam aprea persuasum illis fuisset, penitusque manifestum, quod jus istud ab ipsomet Christo Domino fuerit Petro concessum, & ab hoc in omnes ejusdem Successores derivatum? Nullusne tor inter Præsules, peritissimos non minus, quam Sedium suarum dignitatis ac prærogativarum tuendarum studiissimos, nullus, inquam, fuisset, qui in prima, alterave Synodo sub Romani Antistitis præsidio celebrata, reclamaret? Nullus, qui ipsum ambitus reum diceret, aut occupati alieni juris, præsumptæque in Ecclesiam Universam

(y) Beyerlinck Tract. de Synod. Dordrac. C. VIII.

ſam tyrannidis accuſaret? Non Imperatores ipſi, non Reges obſtiſſent? non juſt iſtud præſidium, ſi quidem hoc ad ipſos, quod Pro- teſtantes volunt, ulla ratione pertinuiſſet, de- tractum Pontifici, ſibi vendicaſſent?

Ubinam autem, accuſationis ejuscemodi, aut exceptionis unquam oppoſitæ memoria, in Conciliorum iſtorum actis conſignata reperitur? Noverant nimirum Sapientiſſimi Principes, non eſſe ſe Succeſſores Petri, quem Chriſtus ſuum eſſe voluit in ter- ris Vicarium. Noverant, non Tiberio Imperatori, ſed Petro, & qui in Petri Sede ſe- cuturi eſſent, Episcopis, Chriſtiani gregis paſcendi commiſſam fuiſſe curam. noverant, nulli Principum terrenorum, Regum, aut Cæſarum, ſed Petro dictum fuiſſe a Domino: *Ego rogavi pro te, ut non deficiat fides tua.* A Petro proinde, ejusque in Romana Cathedra poſteris, veram Chriſti doctrinam, de qua in Conciliis præcipue agitur, expeten- dam eſſe: ad hos pertinere, paſcua ſana & ſalubria a noxiis diſtinguere, quæ vera ſint fidei dogmata, quæ ſpuria, declarare: Veri- tates ab erroribus, hæreſibusque diſcernere. Horum eſſe, teſtos ovina pelle lupos dete- gere, & ne in probarum ovicularum perni- ciam ſæviant, a Chriſti grege arcere, lato- que anathemate ex Eccleſia proſcribere, pro- ſtigare. Noverant denique, Poſteſtatibus ſæcularibus curam Rei publicæ ſæcularis, tem- poralem Provinciarum ipſis ſubjectarum ſalu- tem, felicitatemque promovendam, admi- niſtrandam politicis in tribunalibus juſtitiam eſſe a Deo ſupremo omnium Domino de- mandatam; Regimen vero Spirituale fide- lium, ſolicitudinemque eorum omnium, quæ ad Religionem, ad Fidem, ad Eccleſiaſticam diſciplinam pertinent, Chriſti Vicario, Ec- cleſiarum omnium Capiti, fuiſſe reſervatam.

Et annon eadem hæc, ut de Orientali- bus quoque Conciliis loquamur, apertiſſime declararunt Auguſtiſſimi Imperatores; qui poſt diuturnas, quas Eccleſia ab Ethnicis Principibus perpeſſa eſt, perſecutiones, Chriſtianam primi complexi ſunt fidem, ean- demque non minus auctoritate ſuæ Majeſta- tis, quam armorum potentia defenderunt.

Interfuerunt illi quidem Conciliis, ſed ut eadem rueretur, tumultibusque ac turbis Auguſta ſua præſentia vel impeditis, vel com- preſſis Congregatorum Patrum paci, ſecuri- tati que conſulerent; Munus autem ſupremi judicis in controverſis fidei, morum, diſci- plinaque Eccleſiaſticæ quæſtionibus, quod ad Concilii Præſidem præcipue pertinet, non tantum non arrogarunt ſibi, ſed penitus reſu- gerunt.

Interfuit Nicæno I. Conſtantine, &

quo animo interfuerit, luculentiffimis ipſe tum factis, tum verbis declaravit. Quan- quam enim Orientem, Occidentemque ſuo teneret Imperio; in Episcoporum tamen iſta Synodo, tanquam in altiore ſæcularibus tribunali, aurea quidem, humiliore tamen infra Episcopos conſidere voluit in ſella, immo non ante conſidere, quam Episcopii innuerent. (z) Tum Oratione habita pro- feſſus eſt palam: *Deus vos conſtituit Sacerdo- tes, & poteſtatem dedit, de nobis quoque ju- dicandi: & ideo nos a vobis recte judicamur: Vos autem non poteſtis ab hominibus judicari.* [a] Demum ubi Synodo ſubſcribendum, poſt omnium Episcoporum nomina, ſuum ipſe conſignavit; cum tamen Legatorum S. Silveſtri Rom. Pontificis ſubſcriptio primo poſita loco reperitur. En quantum magnus ille Imperator abſuerit ab eo, ut hac in Synodo ſupremi Judicis partes ſibi tri- buendas putaverit.

Concilio Epheſino I. pro Imperatoribus Theodoſio & Valentiniano Legatus interfuit Candidianus: ſed qua fuerit voluntate miſ- ſus, aut quod ſubeundum illi in iſta Synodo munus fuerit demandatum, non aliunde cer- tius poteſt intelligi, quam ex ipſa Episto- la ab Auguſtis ad Synodum data. *Candidianum*, inquit, *præclariffimum Sacrorum domeſti- corum Comitum, ad Sacram veſtram Synodum ire juſſimus; ſed ea lege & conditione, ut cum quæſtionibus & controverſis, quæ circa fidei dogmata incidunt, nihil quidquam commune habeat; NEFAS EST ENIM, QUI SANCTISSIMORUM EPISCOPORUM CATALOGO ADSCRIPTUS NON EST, ILLUM ECCLESIASTICIS NEGOTIIS ET CONSULTATIONIBUS SE SE IM- MISHERE: Verum, ut Monachos, & Sæ- culares, & cæteros denique omnes, qui hujus ſpectandi cauſa, vel eo nunc confluxerunt, vel in poſterum forte conſuent, ab eadem illa civi- tate modis omnibus ſubmoveat: &c.* (b) Ver- ba tam manifeſta ſunt, ut interprete non in- digeant.

Chalcedonenſi interfuit Martianus, quin & ſublimiore ſupra omnes Episcopos loco conſedit; Præſidem tamen, cauſarum- que Eccleſiaſticarum Judicem non fuiſſe, tum S. Leo Magnus, qui ſuos per Le- gatos præſuit, tum ipſa Synodus, tum Pul- cheria Auguſta docent, ut Pallavicinus oſten- dit. S. Leo Magnus Episto. 40. ad idem Concilium de ſuis Legatis hæc habet: *In his, qui a Sede Apoſtolica directi ſunt, me Synodo Veſtra Fraternitas exiſtimet præſi- dere.* Ipſi vero Legati, qui, ut apparet, omnium primi ſemper & loquuntur & ſub-

(z) Theodoret. L. I. Hiſt. C. 7. & Euseb. L. 3. Vit. Conſtantine.

(a) Ruſſin. L. 10. C. 2.

(b) Vide Harduin. Tom. I. Concilior. col.

"subscribunt, Actione tertia in hanc sententiam verba faciunt: *Sanctissimus ac Beatissimus Archiepiscopus magnæ & senioris Romæ, Leo, per nos & per præsentem Sanctam Synodum, una cum ter Beatissimo & omni laude digno Beato Petro Apostolo, qui est Petra & crepido Ecclesiæ Catholicæ, & ille, qui est recte Fidei fundamentum, nunc dicitur Discipulum tam Episcopatus dignitate, quam etiam & ab omni Sacerdotali alienavit Monasterio.* Ita illius Concilii Acta pronuntiant, scripsisse ac dixisse absque ulla cuiuspiam contradictione Pontificem ejusque Legatos. Postea Synodus ipsa, in Epistola, quam ad Leonem scripsit, his utitur verbis: *Tu quidem, sicut membris caput, præeris in us, qui tuum tenebant ordinem, benevolentiam præferens; Imperatoris vero, ad ordinandam decentissime præsidebat.* Alia igitur presidendi ratio habebatur Romano Pontifici, alia Imperatori: illa interior & tanquam Capitis membra moderantis; hæc exterior, & tanquam coronæ frontem exornantis. Sed tandem rem totam reponamus in iis, quæ de hoc scribit Pulcheria Augusta, cui omnis auctoritas, totumque regimen innitebatur. Habetur ipsius Epistola ad S. Leonem, quæ de mittendis Episcopis ita loquitur: *Et illic factò Concilio & de Catholica confessione, & de his Episcopis, qui se se ante hoc segregaverunt, sicut Fideles & Christiana pietas exigit, te auctore decernant.*" (c) Duplex hic proponitur, de quo ab Episcopis tractandum esset negotium: Fidei nimirum consensio, & de Episcopis contumacibus judicium: utrumque autem non ex Marciani Imperatoris, qui cum Pulcheria Synodo intererat, sed ex Romani Pontificis auctoritate a Concilio peragendum declaratur.

Rursum Constantinopolitano III. interfuit, primanque oblatum sibi in eo sedem tenuit Constantinus IV. Sed judicem non egit, nullam tulit sententiam, ultimus omnium subscripsit, non desinens, sed contentus. (d)

Constantinopolitano demum IV. interfuit Basilius. Quam parum autem ad se pertinere putaverit, Ecclesiasticis causis, fideique questionibus judicandis immitteri, prolixam, quam sub Synodi finem ad Patres habuit Orationem manifestum fecit. In hac enim aperte protestatur, *Non datum esse Laicis seculum Canonem, dicendi quidquam penitus de Ecclesiasticis causis: Opus enim hoc, ait, Pontificum, & Sacerdotum est.* (e) Copiosius

infra eandem suam prosequitur sententiam: *De vobis autem Laicis, tam qui in dignitatibus, quam qui absolute conversamini, quid amplius dicam, non habeo; quam quia nullo modo vobis licet de Ecclesiasticis causis sermonem movere, neque penitus resistere integritati Ecclesiæ; & Universalis Synodo adversari.* Hoc enim investigare & querere, Patriarcharum, Pontificum, & Sacerdotum est, qui Regiminis officium sortiti sunt: qui sanctificandi, qui ligandi & solvendi potestatem habent: qui Ecclesiasticas & Cælestes adepti sunt claves: non nostrum, qui passi debemus, qui sanctificari, qui ligari, vel a ligamento solvi egemus. Quantacunque enim religionis & sapientiæ Laicus existat, vel etiam si universa virtute interius polleat; donec laicus est, ovis vocari non desinet: rursusque quantacunque Episcopus sit irreverentia, & (f) religiositate plenus, & nudus omni virtute; donec Antistes est, & veritatis verbum recte prædicaverit, Pastoris mentionis & dignitatis damna non patietur. Quæ ergo nobis ratio est, in ordine eorum constitutis, Pastores verborum subtilitate discutiendi, & ea, quæ super nos sunt, querendi, & ambiendi? Oportet nos, cum timore & fide finem adire, & a facie eorum vereri, cum sint Ministri Domini Omnipotentis, & hujusmodi formam possideant: & nihil amplius, quam ea, quæ sunt nostri ordinis requirere. Subjungit: *Nunc autem videmus, adeo multos maerore in insaniam accendi, ut obliviscentes proprii ordinis, & quod pedes sint, minime cogitantes, legem ponere velint oculis, non ut natura se habet, sed ut ipsi cupiunt.* &c. Hæc Basilius Imp. in Synodo Oecumenica Constantinopolitana IV. cujus verbis nec addere quidquam volui, nec demere.

Unum adhuc ex hujus Sancti Concilii Actis adjicio: Cum absolutis omnibus, eorum, qui intererant, signanda essent nomina, rogareturque Basilius a Legatis Hadriani papæ, qui, ut ex actis omnibus, atque ex ipsa subscriptione est evidens, Synodo præfuerunt, ut primus ipse cum Constantino & Leone, Fratribus, subscriberet; reposuit, voluisse quidem se post omnes subscribere Episcopos, ut olim Constantinus Magnus, Theodosius, & Marcianus fecerant; *Sed quoniam, inquit, postulat præferri nos Sanctitas Vestra, subscribam post subscriptionem omnium Sanctissimorum Vicariorum, intellige, Patriarcharum.* Quod re ipsa fecit. Primitaque

(c) Pallavic. *Histor. Concil. Trident. L. 6. c. 4.*

(d) Bellarm. *L. I. de Concil. & Eccl. C. XIX.*

(e) In *Allocutione Basilii Imp. ad Synod. Constantinop. IV. in Collect. Reg. Harduini Tom. V. col. 920.*

(f) forte: irreligiositate

itaque sui subscriptione nominis Synodum hanc munivere, qui eidem præfuerunt, Hadriani Romani Pontificis Legati, Donatus Episcopus Ostiensis, Stephanus Episcopus Nepefinus, & Marinus Romanæ Ecclesiæ Diaconus. Donati Ostiensis hæc forma fuit: *Ego Donatus, Gratia DEI Episcopus Sanctæ Ostiensis Ecclesiæ, Locum obtinens Domini mei Hadriani Summi Pontificis, & Universalis Papæ, omnia, quæ superius leguntur, huic Sanctæ & universali Synodo præficiens, usque ad voluntatem ejusdem eximii Præsulis promulgavi, & manu propria subscripsi.* Iisdem verbis, eodemque verborum ordine usi sunt Stephanus Ep. Nepefinus, & Marinus Diaconus. Hos Papæ Legatos in subscribentium serie secutus est Ignatius Patriarcha Constantinopolitanus, in hæc verba: *Ignatius, Misericordia DEI Episcopus Constantinopolitæ, novæ Romæ, Sanctam hanc & Universalem Synodum suscipiens; & omnibus, quæ ab ea judicata & scripta sunt, concordans, & definiens, subscripsi manu propria.* Parem subscribendi normam tenuere Legati & Vicarii Patriarcharum Alexandrini, Antiocheni, & Hierosolymitani. Post horum denique sententiam, Basilius Imperator, suum, Fratrumque nomen subjunxit, verum non definiens, sed Synodum suscipiens, & omnibus, quæ ab ipsa definita sunt, concordans, En verba: *Basilius, Constantinus, & Leo, perpetui Augusti, in Christo fideles Principes Romanorum, & magni Imperatores, Sanctam hanc & Universalem Synodum suscipientes, & omnibus, quæ ab ipsa definita & scripta sunt, concordantes, subscripsi manu propria.* (g)

Videbor forsitan hæc deduxisse paulo prolixius; sed id eo consilio factum, ut inde dijudicare quisque possit, majorne sit adhibenda fides Scriptoris quibusdam Protestantibus, qui jus hoc, Conciliis Oecumenicis præsidendi, cum plena auctoritate Sententiæ ferendæ, decidendæque, proprium Imperatoribus semper fuisse contendunt; an vero credendum sit potius Imperatoribus ipsis, qui suam ea de re mentem, dictis, scriptis, factisque tam manifestis declararunt, ut de eorum vero ac genuino sensu dubitare non alius possit, quam is, qui plena in meritis voluerit cæcutire.

Constantius equidem Imperator jus istud arrogavit sibi, & usurpavit, ut Concilia non convocare solum, sed & præsidendo rege- ret; necio tamen, an ejus ista usurpatione DD. Protestantes gloriari magnopere aut possint, aut velint: constar enim, illum

Arianæ hæresis fautorem fuisse manifestum, & Catholicorum, Antistitum præsertim, persecutorem acerrimum. Audiamus, quæ de assumpta hac ab ipso auctoritate scribit S. Athanasius: *Quis, ait, videns illum, iis, qui Episcopi putantur, præfici, in Ecclesiasticisque judiciis præsidere, non jure dicat, hanc esse illam a Daniele prædictam abominationem desolationis.* (h) Ex quibus infert Emin. Cardiu. Gotti: *Erat ergo Athanasius ævo veris Catholicis abominationem desolationis videre, Imperatorem [intueri] quasi Episcoporum Caput, Concilio in Ecclesiasticis negotiis Præsidentem.* [i] Nunquam certe ista scripturus fuisset Athanasius, vir sanctissimus æque, ac doctissimus; si causas Ecclesiasticas summa potestate in Synodis moderandi jus ad Imperatores semper pertinuisset.

Miror proinde, Jacobum Arminium, (ut Maximil. Sandæus refert) in suis, quas de Conciliis publicæ disputationi exponendas vulgaverat, Thefis scripsisse: "Jus convocandi Concilia: iisque præsidere, & post litigantium acta, & propositiones, de quibuscunque fidei articulis sententiam ferre" decisivam & definitivam, cui omnibus fidelibus obtemperandum sit, semper obtinuisse & obtinere Imperatorem." Interfuit ipsi disputationi Petrus Cudsemius, qui cum ex eadem hac, quam impugnandam assumpserat, thesi inferret: (k) *Ergo tibi in hac principali controversia, an penes vos, an vero penes Pontificios sit DEI Ecclesiæ; Imperatoris nostri judicio standum est: sequus non modo rebellis es, & contumax; sed ex propria confessione, etiam infidelis;* Argumentum hoc rifu exceperit, & rifu dissolvit Arminius: cui postea infusurravit Gomarus: *Tu protulisti quædam odiosa, quædam falsa.*

Magis miror Sibrandum Lubbertum. Hic in suo, quem contra Emin. Cardinalem Bellarminum scripserat libello de Conciliis, labore improbo, vanissimoque fatigavit sese, ingentemque congestit historicarum laciniarum farraginem, ut ostenderet, Imperatorum istud jus esse & munus, ut Conciliis & ipsi præfint, & de Sacris sententiam ferant. (l) Sed dubito vehementer, num quæ scripsit, vera esse, non dicam aliis, sed vel sibi ipse persuaserit. Nam cum famosa illa inter Gomaristas, seu Rigidos Calvinianos, & Arminianos, seu molles Calvinistas ferveret controversia, agereturque de Synodo propterea convocanda, in qua plenum jus, ut supra meminimus & præsidendi, & fidei quæstiones decidendi, Ordini-

bus

(g) Harduin. ibid. col. 923.

(h) S. Athanas. in Epist. ad Solitar. vitam agentes. n. 77.

(i) Card. Gotti in Colloq. Theologicæ Polem. 2da class. Colloq. III. de Pontif. auctorit. in Conc.

(k) Petrus Cudsemius in Tractatu de desperata Calvinii causa c. 8. apud Maximil. Sandæum de Syn. Holland. L. II. c. VIII.

(l) Sibrand. Lubbert. de Concil. L. II. c. 4. & 5.

bus Hollandiæ deferendum Arminiani contende-
bant; Lubbertus Gomarritarum par-
tes secutus, quamquam Synodum cogere,
coactam politico præsidio tueri ad Principes
pertinere putaret; auctoritatem tamen de
fidei articulis statuendi ipsorum a foro alie-
nam scripsit. *Sint sane, inquit, Ordines cu-
stodes utriusque tabulæ; sed quia custodes sunt,
quod alienum est, sibi arrogare non debent. Est
autem alienum de Proprietis judicare.* Rur-
sum alibi contra Hugonem Grotium, Armi-
nianorum Patronum, scribens, ait, *Nunquam
in Ecclesia eam potestatem in Magistratu secu-
lari esse agnitam, neque ab Ordinibus esse usur-
pandam: (m)* Eamque sententiam ex Go-
maristarum sensu toto capite longa oratione
pertractat: nimirum, iudicium de controver-
sis fidei questionibus non ad Magistratus, ul-
lamve Potestatem politicam, sed ad Mini-
stros Ecclesiæ pertinere. Horum, utpote
servorum DEI, & Pastorum Dominici Gre-
gis, ut Gomaristæ loquuntur, esse, Ecce-
lesiasticæ curare: concessa ipsis a Christo po-
testate, gladio Divini Verbi, falsæ doctrinæ,
& Ecclesiarum dissidiis obviam ire, atque uni-
versum de Ecclesiasticis rebus omnibus ex
norma Verbi DEI judicare.

Revocat igitur Lubbertus, quæ antea
asseruerat, potestatemque de fidei dogmatis
decidendi, quam tanto molimine Imperato-
ribus asserere conabatur, nunc illis penitus
abjudicatam, Ecclesiæ Ministris transcribit.
Cui jam obscuro Lubberto habenda fides?
An Genevæ scribebanti contra Bellarminum
& Catholicos? An vero eidem in confiniis
Germaniæ inferioris contra Hugonem Gro-
tium & Calvinianos Gomaristas decertanti?
Quid mirum, si multis Protestantium Do-
ctoribus circa unum idemque dogma inter se
se non conveniat, cum etiam unus idemque
a semetipso dissentiat, & subito album di-
cat, quod paulo ante ceu nigrum aversaba-
tur? Sed hoc, ut ex omnium Sæculorum
historia patet, illis commune est omnibus,
quicunque ducti privati spiritus decepti, a
Petri Sancta Sede, ab Ecclesia Romano-Ca-
tholica, defecerunt, in qua sola, certa, con-
stans, perpetua & inconcussa veritatis regula
invenitur.

§. V.

De Conciliorum auctoritate, &
infallibilitate.

Quam exiguum Conciliis quibuscunque
auctoritatem, & ab erroris periculo
securitatem inesse putaverit Lutherus,

jam supra vidimus. Nihil plus ipsis tri-
buit Calvinus. Multa is quidem laude Epi-
scoporum intas Congregationes, pro fide sta-
bilenda institutas, commendat, illarumque
definitiones magno loco habendas asserit:
*Nos certe, inquit, libenter concedimus, si quo
de dogmate intercidat disceptatio, nullum esse,
nec melius, nec certius remedium; quin si ve-
rorum Episcoporum Synodus conveniat, ubi
controversum dogma excutitur. Multo enim
plus ponderis habebit ejusmodi definitio, in
quam communiter Ecclesiarum Pastores, invo-
cato Christi Spiritu consenserint; quam si quis-
que seorsum domi conceptam populo traderet,
vel pauci homines privatim eam conficerent. (n)*
His ipsis tamen definitionibus, sine prævio
examine integram adhibendam esse fidem,
non censet. Paulo enim ante dixerat: *Quo-
ties Concilii alicujus Decretum profertur, ex-
pendi primum diligenter velim, quo tempore
habitu fit, qua de causa habitum, & quo
consilio, quales homines interfuerint: deinde
illud ipsum, de quo agitur, ad Scripturæ am-
plum examinari; idque in eum modum, ut
Concilii definitio pondus suum habeat, sitque
institæ præjudicii, neque tamen examen, quod
dixi, impediatur. (o)* Cujuslibet igitur exa-
mini Venerabilium istarum Synodorum acta
submittit, Patrumque sententias tanta ma-
ritate, deliberatione, studioque latas, & fi-
delium omnium assensu probatas, ipse sin-
gulorum hominum, virorum, mulierum
crisi dijudicandas, ventilandas pro libitu,
explorendasque exponit.

Quid facilius, quam ut nasutus quisque,
petulansque cavillator vel in tempore, quo
habitu Concilium fuit, vel in occasione
ejusdem & causæ, aliisque circumstantiis, vel
in personarum, quæ eidem interfuerant,
genio, indole, doctrina, vita, moribusque
inveniat aliquid, aut invenisse se putet, quod
carpat, quod audaci censura perstringat, ac
damnet? Præsertim ubi viderit, quod Cal-
vinus ipse suo præcesserit exemplo, atque
ad Synodorum omnium Decreta, gestaque
libere cavillanda prætulerit faciem? Nam,
quamquam profiteatur, se priora quatuor
Œcumenica Concilia venerari, eadem ta-
men gravissima censura notat. *In ipsis, in-
quit, purioribus quoque & antiquioribus Con-
ciliis est, quod jure desideres: vel quod eruditi
viri multa non prospiciebant: vel quod gra-
vioribus occupatos nonnulla subterfugiebant:
vel quod simpliciter ut homines falli poterant:
vel quod nimio affectu plerumque præcipites
ferebantur. (p)* Hæc nimirum est illa reve-
rentia, quam Sanctissimis istis Conciliis Cal-
vinus deferret: quod eorundem Patres vel
modi.

(m) Lubbert. in *Refutat. Pietat. Holland.* pag. 145. apud Sandæum l. cit.

(n) *Calvin. L. IV. Institut.* c. 9. §. 13.

(o) *Calv. loc. cit.* §. 8.

(p) *Ibid.* c. 8. §. 9.

modicæ prudentiæ in prospiciendo, vel negligentia in animadvertendo, vel erroris in iudicando, vel demum vitiosi cuiusdam affectus, quo impulsus a vero, rectoque devierint, reos arguat. Atque hoc uno eodemque cuncto, quo puriora illa, ut ait, & antiquiora Concilia aggreditur; omnium plane Synodorum auctoritatem convellit: præ quibus tamen ad discutendam dogmatis alicujus veritatem nullum esse nec melius, nec certius remedium, ipse agnoscit & faceret. Hæc eadem illa via esse videtur, de qua ad Canonum omnium & Conciliorum robur infirmandum inventa Lutherus tantopere lætatur & gaudet. *Via nobis facta est, inquit, enervandi auctoritatem Conciliorum, & libere contradicendi eorum gestis, & iudicandi eorum Decreta, & confidenter confitendi, quidquid verum videtur, sive probatum fuerit, sive reprobatum a quocunque Concilio.* (q) Vias autem tam malas excogitare, easdemque sequendas aliis ostendere, quid hoc aliud est, quam omnem deprehendendi erroris, veritatisque inveniendæ modum vasserrimo consilio, ut nihil acrius dicam, adimere? Nam si ea ipsa, quæ omnium assensu optima sunt, certissimaque ad veram, germanam, & incorruptam Christi doctrinam investigandam adjumenta, si hæc, inquam, non debilia tantum & manca, sed omnino dicantur erronea; quid demum supererit, in quo salutis æternæ, quæ non nisi in vera fide, & in vera Christi Ecclesia obtineri potest, adipiscendæ spem collocemus?

Alia longe, multo sanctior est illa reverentia, qua veri veræ Christi Ecclesiæ filii Sanctas Synodos, Oecumenicas præsertim, olim susceperunt, & venerati sunt. S. Gregorius M. in sua ad Secundinum Servum Dei, inclusum, Epistola scribit, hanc suo tempore viguisse consuetudinem, ut tam Romanæ Ecclesiæ Pontifex, quam aliarum Patriarchalium Sedium Antistites, mox ab Ordinatione sua, datis ad Patriarchas cæteros literis profiterentur, se quatuor priora Concilia & cum reverentia complecti, & eorundem Canones perpetuo observaturos. Unde idem Apostolicus (S. Gregorius) Papa) ut Bernaldus, antiquus Auctor, apud Gregferum (r) scribit, in exordio Ordinationis suæ, missa Synodica Patriarchis, ita professus est de eisdem Conciliis:

Sicut, inquit, Sancti Evangelii IV. Libros, sic IV. Concilia suscipere & venerari me facior: Nicænum scilicet, Constantinopolita-

num primum, Ephesium primum, Chalcedonense: quia in his, velut in quadrato lapide Sanctæ fidei structura consurgit. Et cujuslibet vitæ atque actionis exibat, quisquis eorum soliditatem non tenet, etiamsi lapis esse videatur; tamen extra ædificium jacet. Quantum quoque Concilium pariter veneror, in quo Epistola, quæ Ibe dicitur, erroris plena reprobat: & Theodorus, personam Mediatoris DEI & hominum in duabus substantiis separans, ad impietatis perfidiam cecidisse convincitur. Scripta quoque Theodorici, (s) per quæ B. Cyrilli fides reprehenditur, auctus incidentiæ prolata refutantur. Cunctas vero personas, quas præfata Veneranda Concilia respuant, respuo: quas venerantur, amplector: quia, dum universali consensu sunt constituta, se, & non illa destruit, quisquis præsumit, aut solvere, quos ligant; aut ligare, quos solvunt. Quisquis ergo aliud sapit; anathema sit. Hæc S. Gregorius.

Addit Bernaldus: "Nequaquam autem illorum IV. Conciliorum excellentiam ita prædicare debemus, ut reliquorum auctoritati in hoc quoquo modo præscribamus: illorum, inquam, quæ eodem modo & universaliter instituta, & Apostolica auctoritate confirmata non dubitamus. Nam quia antiquitus Patriarchæ illa quatuor tantummodo in suis Synodicis se venerari protestati sunt; nullatenus hoc in contemptum reliquorum hujusmodi Conciliorum fecisse credendi sunt: sed ideo potius, quia nondum alia habuerunt. Si enim jam habuissent, procul dubio non magis illa, quam ista IV. contemnerent, utpote quæ non minus authentica & universalis, & Catholica professioni necessaria prospicerent. Unde B. Gregorius Papa quintum Concilium, post illa IV. congregatum, in sua Synodica adjecit: quod de Sexto facere non potuit; quia illud nondum institutum, sed sub XVI. Successore suo postea instituendum (t) longe præcessit." Hæc Bernaldus Presbyter Ecclesiæ Constantinensis, quem Gregferus eundem putat, qui a Trithemio Bernaldus appellatur. (u) Claruit Sæculo XI.

Parem reverentiam jam diu ante S. Gregorium I. Papam, Oecumenicis exhibendam Synodis suo iudicio declaravit S. Ambrosius, Mediolanensium Antistes: qui de Nicæna loquens (hæc enim & Constantinopolitana I. ejus ævo tantum celebratæ fuerant) dignam hanc Ambrosiana fortitudine protulit sententiam

(q) Lutheri Propositio 29. a Leone X. damnata.

(r) Gregferi Operum Tom. VI. edit. Ratisbon. pag. 524.

(s) Theodoret.

(t) Obiit S. Greg. Magn. anno DCIV.: Concilium autem VI. captum fuit A. DCLXXX., finitum DCLXXXI. sub Agathone III. PP. qui S. Gregorii Successor fuit XVtus: sed a S. Leone II., Successore XVI. confirmatum.

(u) Gregfer. Tomo VI. Ratisbon. edit. pag. 23.

loquens ait: *Quibus sane Christus adfedit, qui dixit: ubi fuerint duo vel tres congregati &c.* (d) Idem fere legitur in Concilio Chalcedonensis Epist. ad Leonem. Idem in VI. Synodo Act. 17. Idem in Epist. Cælestini ad Concilium Ephesinum I., ubi ex laudatis Christi Domini verbis sic arguit: *Quod si numero tam exiguo Spiritus Sanctus non defuit; quanto magis par est credere, illum minime defuturum, ubi tanta Sanctorum multitudo conuenerit?* Eandem in sententiam, immo iisdem pene verbis scribit S. Gregorius: *Si ergo adesse dignabitur, ubi duo vel tres fuerint; quanto magis non debeat, ubi plures conuenerint Sacerdotes?* (e) Æstimer proinde æquus Lector, an credendum sit potius Calvino, qui, ut Bellarminus ait, non adeo magni facit hoc testimonium; an vero tot Conciliis, Patribusque, doctrina non minus, quam Sanctitate clarissimis habenda sit fides, qui iisdem hisce Christi verbis maximum inesse pondus unanimi consensu existimant, deductaque inde a minori ad maius argumentatione, Conciliorum præsertim Oecumenicorum ab errore securitatem dilucide evincit voluit?

Hæc ab errore securitas Catholicarum Synodorum, multo certius stabilitur ex altera Christi promissione apud Joannem: *Spiritus veritatis docebit vos omnem veritatem.* [f] Quod non solis Apostolis, sed horum etiam Successoribus ea fuerit facta promissio, eruitur ex aliis Domini verbis, quæ apud eundem Evangelistam pollicendo præmiserat. *Ego, inquit, rogabo Patrem, & alium Patrem dabit vobis, ut maneat vobiscum in æternum, Spiritum veritatis.* (g) Nimirum huic Sanctum Spiritum veritatis a Patre dandum promisit primum quidem Apostolis, ut cum ipsis maneret, quamdiu in vita superstites ejusdem ope indigerent: tum vero simul eundem a Patre dandum promisit Apostolorum Successoribus, quos idem Spiritus Sanctus positurus erat Episcopos, regere Ecclesiam DEI, ut cum his quoque perpetuis deinceps temporibus permaneret, eosdem dirigeret, veritatem doceret, quam hi in alios docendo transfunderent. Jam vero quandonam hæc Spiritus Sancti Doctrina vel olim Apostolis fuit, vel eorum Successoribus adhucdum est magis necessaria, quam in publica Synodo? quod tempus aptius, quis opportunior ad veritatem docendam locus, quam in Concilio Generali, ubi Episcopi omnes veritatis indagandæ causâ congregantur?

Sancti Apostoli profecto in Hierosolymitana sua Synodo tantum fiduciæ in hac

Christi Domini promissione posuerunt, ut cum dicenda jam esset de proposita questione sententia, fidenter ac sine hæsitatione pronuntiarint: *Vilum est Spiritui Sancto & nobis, &c.* Quo declararunt, Concilii sententiam non tam ab hominibus fuisse conceptam, quam a Spiritu Sancto dictatam, ac proinde ceu verissimam, atque ab omni erroris periculo exemptam ab universa Ecclesia recipiendum esse: prout illam re ipsa etiam, non ab his tantum, qui Concilio intererant, sed a cæteris etiam, quibus eadem ex Concilii Decreto nuntiata fuerat, cum insigni reverentia gaudioque receptam fuisse, ipsa Apostolorum acta testantur. Tunc placuit Apostolis & Senioribus cum omni Ecclesia eligere viros ex eis, & mittere Antiochiam cum Paulo & Barnaba, Judam, qui cognominabatur Barsabas, & Silam, viros primos in Fratribus, scribentes per manus eorum. . . . Illi ergo dimissi, descenderunt Antiochiam, & congregata multitudo tradiderunt Epistolam. Quam cum legissent, gavisi sunt super consolatione. Judas autem & Silas, & ipsi cum essent Propheta, verbo plurimo consolati sunt Fratres, & confirmaverunt. Facto autem ibi aliquanto tempore, dimissi sunt cum pace a Fratribus, ad eos, qui miserant eos. (h) En primæ hujus ac celeberrimæ Synodi finem. Nulla ibi mentio examinis, quale a Calvino de Synodorum Decretis institiendum præscribitur, neque ab aliis, neque ab Antiochenis ipsis suscepti, apud quos tamen primum ea mota controversia fuit, Synodoque data occasio. Solum de gaudio legitur, de consolatione, quam universi fideles ex eo perceperant, quod causâ tam gravis, tanta contentione, imo seditione (i) antea agitata, per Synodi sententiam, ab Apostolis, Spiritu Sancto, ex Christi promissione ipsos dirigente pronuntiatam, felicissime decisa esset, penitusque finita.

Cum igitur hæc ipsa Synodus prototypon sit ac norma, cui Synodi omnes aliæ debeant conformari: cum in hac DEUS evidens ac manifestum dare nobis voluerit argumentum illius opis ac directionis, qua Ecclesiæ suæ Episcopis in Concilio legitimo congregatis esset adstitutus, eorundemque deliberationes ac sententias moderaturus, ut nihil quod moribus esset inimicum, aut a veritate alienum docerent, aut docendum statuerent: cum denique in hujus Apostolicæ Synodi promulgatione, cæteris fidelibus facta, exhibere nobis voluerit exemplum, qua animi reverentia, qua intellectus voluntariisque promptitudine Conciliorum dogmata, Canones, Decreta suscipere deberemus; tum

(d) S. Cyrill. in exposit. Symb. Niceni.

(f) Joann. 16. v. 13.

(h) Act. Apostol. c. 15. v. 22.

(e) S. Gregor. L. 7. Epist. 106.

(g) Joann. 14. v. 16.

(i) Ibid. v. 2.

tum certe mirari magnopere non poterunt Protestantes, si quemadmodum Apostoli sui Concilii definitiones, ipsiusmet Spiritus Sancti compellarunt; ita pariter cæterorum Synodorum Patres eadem nuncupatione suas definitiones honorandas putent, parique reverentia a fidelibus excipiendas, observandasque contentant.

Fecerunt hoc ipsimet, Protestantes, eadem verborum Domini, quæ supra attulimus, auctoritate nixi, non eodem tamen nobiscum jure fulti. Excipiebant Arminiani in Hollandia contra inimicam causæ suæ Synodum Dordracenam, contendentes, illam falli posse, erroribusque esse obnoxiam; ac proinde ejusdem sententias, definitiones ac Decreta, non eam obtinere vim, suas ut conscientias adfringerent. Sed hoc unum illis fuit responsi loco datum a Gomaritis: *Christus promittendo Apostolis Spiritum veritatis, simul promisit Ecclesiæ suæ, cum ipsa se futurum usque ad consummationem sæculi, & esse in medio duorum, vel trium, qui congregati sint in nomine suo.* Ex his, quæ verissima sunt, ac plane Catholica, inferebant: *Cum Pastores ex pluribus Regionibus convenirent, ad definiendum juxta Verbum DEI doctrinam in Ecclesiis edocendam; par erat, firma fide suaderi, JESUM Christum, juxta spem suam in medio eorum esse.* (k) En quam belle suum illum conventum, quem ex ipsorum voce Synodum hucusque appellavimus, infallibilem probent. Illum, inquam, conventum, qui ad nullam veræ Synodi classem reduci potest. Quo enim nomine eundem compellabimus? An Synodum Oecumenicam dicemus? Sed hoc ipsi non volunt. An Nationalem? Ubi Primas igitur? Ubi Patriarcha? An Provincialem? Ubi Archi-Episcopus & subiecti eidem Suffraganei? An Diocesanam? cujus autem Diocesis? & ubi ejusdem Episcopus, ex Apostolica, veraque ordinatione succedens? Immo ubi Sacerdos, ubi Parochus ab Episcopo consecratus? Atque hunc tamen Conventum Christi assistentis præsidio honoratum, ac proinde ab omni erroneæ definitionis periculo alienum volunt: [quem enim alium in finem Christus adsit in medio eorum, qui ad Synodum convenerunt; nisi, ut eorundem consultationes moderetur, dirigat suffragia, ne a veritate exorbitent?] istamque ab errore immunitatem firma fide credendum dicunt; cum tamen e diverso doceant, Synodos Catholicorum, etiam antiquissimas, sanctissimas, celeberrimas, legitime & convocatas & celebratas, legitimas ab Ecclesiâ universâ semper agnitas, has, inquam, non errare tantum potuisse, sed re ipsâ erravisse? Illorum nimirum Concilia Christus deseruerit, eadem hallucinari

turpiter, varioque errore a sana fidei, morumve doctrinâ deviare permiserit, qui in Ecclesiâ, ab ipso instituta, & per Apostolos propagata, constanti semper conventus ab errore defenderit, & adhuc defendet, qui ab hac Christi Ecclesiâ, in qua sola veritas invenitur, defecerunt?

Sed nihil ista Protestantium vana dictoria nos movent. Quam certi sumus, ipsam fallere non posse Veritatem, quæ dixit: *Ubi duo vel tres congregati sunt in nomine meo, illic sum in medio eorum.* Et: *Ecce ego vobiscum sum usque ad consummationem sæculi.* Et rursus: *Spiritus veritatis docebit vos omnem veritatem;* tam certi pariter sumus, propter ipsam harum Christi promissionum auctoritatem, Synodos Oecumenicas, quas Sancta Ecclesiâ legitimis agnovit, habuit, accepit, in fidei ac morum doctrinâ, quam fidelibus omnibus tenendam proponunt, aut falli, aut fallere nunquam posse. Scimus enim, quod DEUS, sicut est in loquendo veracissimus, ita fidelissimus sit in adimplendo, quæ promisit. Hinc Constantinus Imperator, ut Sozomenus narrat, finita Nicæna I. Synodo ad Alexandrinam scripsit Ecclesiâ, hortatus, ut omni dissidio ac similitate deposita, in fide a Concilio edita consentirent: *Eam enim nihil aliud esse, quam DEI sententiam, consensu tot, tantorumque Episcoporum per Spiritum Sanctum stabilitam, & post accuratam inquisitionem, atque adeo exploratam disceptationem rerum omnium in controversia positarum, comprobata.* (l)

§. VI.

De Conciliorum confirmatione.

Atque hanc doctrinâ in Conciliis definitæ veritatem minime fallibilem multo firmitus tenemus & credimus, multo fidentius asserimus tunc, ubi ad congregatorum in Synodo Patrum sententias Romani Pontificis consensus accesserit, quo ea, quæ ab Episcopis in Synodo definita sunt, rata habeat, comprobet, suoque judicio cum illis conspirante confirmet. Hæc enim Pontificis confirmatio veluti sigillum est, quo de legitima Synodorum authentia, certissimaque definitionum in illis conditarum veritate securi reddimur: Hæc facit, ut ea, quæ in Conciliis ex Spiritu Sancti directione decreta sunt, licet secundum se verissima sint, etiam quoad nos verissima fiant: facit, inquam, ut eorundem veritas ex Pontificis oraculo, tanquam indicio, ab ipsomet Christo Domino designato, nobis innotescat: Hæc demum confirmatio sanat, si quis forte defectus in Concilii convocatione, celebratione, cæterisque, quæ ad perfectam integritatem desiderabantur, irrepperit.

Singulæ

(k) Synod. Delp. inter acta Dordrac. Sess. 26.

(l) Sozoman. L. I. Hist. Eccles. cap. ult.

Singulare istud Conciliorum confirmandorum privilegium collatum Romanis Episcopis in Petro fuit, cum huic est facta promissio, quod ejusdem fides non esset defectura. Eodem enim illo tempore, quo Christus Petro dixerat: *Ego autem rogavi pro te, ut non deficiat fides tua*; simul addidit: *Et tu aliquando conversus confirma fratres tuos.* (m) Privilegium hoc Romanorum Pontificum sicut ab Ecclesia universa agnatum semper fuit, ita pariter illud perpetuo usu a primis usque Conciliis non particularibus tantum, sed & generalibus fuisse comprobatum, tum Sanctorum Patrum monumenta, tum ipsarummet Synodorum etiam antiquissimarum acta testantur.

Magnum Sardicæ anno CCCXLVII. celebrabatur Concilium in causa S. Athanasii, & plurimum Episcoporum, ab Eusebianis, pro Ariana perfidia stantibus, iniquissime læsorum. Patres intererant plures, quam trecenti, ut ipse S. Athanasius [n] narrat. Hi in Synodica sua ad Julium Romanum Pontificem data isthæc in verba scribunt: *Hoc enim optimum & congruentissimum esse videbitur, si ad Caput, id est, ad Petri Apostoli Sedem de singulis quibusque Provinciis Domini referant Sacerdotes.* (o)

Contra exorientem hæresim Pelagianam sub Innocentio I. Papa duo Provincialia coacta fuere Concilia, Carthaginense nimirum anno CCCCXVI., in quo congregati Patres Pelagii, & Cælestii ejus discipuli errores anathemate damnandos judicarunt: nec diu post in Numidia Milevitanum, Huic S. Augustinus interfuit, ac ad imitationem Synodi Carthaginensis, parem cum cæteris Patribus adversus eosdem errores ruli sententiam. Utraque Synodus, discussio negotio, quidquid in ea causa gestum fuerat, ad Innocentium Papam remisit, ut ipse sua auctoritate firmaret, quod Episcopi de hac hæresi, ejusque Magistris censuissent. Rulerunt, inquit Marca (p), ad Papam Innocentium, ut ipse summo jure decerneret. Censuimus, ajunt Carthaginenses, *hujusmodi persuasionis auctores Pelagium & Cælestium anathematizari oportere.* Definunt, ait Paggi, quid agendum videatur, sed non pronuntiant. Id summæ Sedi reservant, cujus auctoritas per universam Ecclesiam expansa porrigitur. (q) Docent hoc ipsa Synodi verba: *Hoc itaque gestum, Domine Frater, Sanctæ Charitati tue intimandum duximus, ut Statutis nostræ mediocritatis, etiam Apostolicæ Sedis adhibeatur auctoritas pro tuenda salute multorum, & quorundam etiam pervertitate corrigenda.* (r)

Eandem fere in sententiam scribunt, parique cum reverentia ad Apostoli eam recurrunt Sedem Patres Concilii Mileviani. Suam his verbis Synodicam ordiuntur: *Quia Te Dominus gratia sue præcipuo munere in Sede Apostolica collocavit, talemque nostris temporibus præstitit, ut nobis potius ad culpam negligentiam valeat, si apud tuam venerationem, quæ pro Ecclesia sunt suggerenda, tacerimus, quam ea Tu possis vel fastidiosè vel negligenter accipere; magnis periculis infirmorum membrorum Christi pastoralem diligentiam, quæsumus, adhibere digneris.* Post hæc hæresin Pelagianam exponunt: deum subjungunt: *Hec insinuantes Apostolico pectori tuo, non habemus opus multa dicere, & tantam impietatem verbis exaggerare; cum procul dubio te ista permoveant, ut ab eis corrigendis, ne latius serpent, multosque contaminent, vel potius intervinant, dum sub nomine Christi, a gratia Christi penitus alienant, omnino dissimulare non possis.* Tum quibusdam de Pelagio & Cælestio interjectis: *Sed ardentius, adjuvante Misericordia Domini DEI nostri JESU Christi, qui Te & regere consulente, & orantem exaudire dignatur, auctoritati Sanctitatis tue, de claro Scripturarum lumine deprompte, facilius eos, qui tam perverſa, & pernicioſa sentiunt, esse cessuros; ut de correctione potius eorum gratulemur, quam contristemur interitu, Domine Beatissime. &c. . .* Hæc ad Sanctitatem Tuam de Concilio Numidicæ scripta direximus, imitantes Carthaginensem Ecclesiam, & Carthaginensis Provinciæ Coepiscopos nostros, quos ad Sedem Apostolicam, quam beatus illustras, de hac causa scripsisse comperimus. &c. (s)

His Episcoporum literis proluxa ad utramque Synodum Epistola respondit Innocentius, VI. Kal. Februar. anno CCCCXVII. Laudat Patres diversis in qualibet Epistola elogiis tum ob zelum in erroribus ex Ecclesia Dei profligandis, tum ob reverentiam exhibitam Sanctæ Sedi, eam consulendo, omniaque ad ejus judicium referendo. Laudat, quod questionem discussissent, hæresim damnarint, a sententia tamen promulganda abstinerint, utpote, quæ Sedis Apostolicæ Decreto fuerit roboranda, ut omnes adstringeret. Demum hæc duo statuit: primum quidem, in Epistola ad Carthaginenses, impium dogma condemnat, illique adhærentes ab Ecclesia removendos decernit: *Quisquis ergo huic assentiens videtur esse sententia, quod dicat, adjutorio nobis non opus esse*

(m) Luca 22. v. 32.

(n) S. Athanas. in Exord. Apologiae suae secundæ.

(o) Synod. Conc. Sardicens. apud S. Hilar. in Fragmentis.

(p) Marca in Dissert. de Peter. Collect. Canon. cap. 14.

(q) Franc. Pagi in Breviar. Roman. Pontif. Tom. I.

(r) Conc. Carthaginens. apud Harduin. Tom. I. Concil.

(s) Synodica Concil. Milevit. apud Harduin. Conc. T. I. Est Epist. 92. inter Augustinian.

esse Divino, inimicum se Catholica Fidei, & DEI beneficiis proficitur, ingratum. Nec nostra communione sunt digni, quam prædicando taliter polluerunt. . . . Separetur ergo a sano corpore vulnus insanum, remotoque morbi sevientis afflatu, cautius, quæ sunt sanæ perducent, & grex purior ab hac mali pecoris contagione purgetur. &c. (t) In altera vero Epistola ad Milevitanos, Hæresiarchas ipsos suis expressos nominibus, a fidelium communione separat, donec resipiscant. Quare Pelagium, Celestiumque, id est, inventores vocum novarum, quæ (sicut dixit Apostolus (u)) ædificationis-nihilum, sed magis vanissimas consueverunt parare (x) quæstiones, Ecclesiastica communione privari, Apostolici vigoris auctoritate censemus; donec resipiscant a Diaboli laqueis, a quo captivi tenentur, secundum ipsius voluntatem: eosque interim Dominico ovili non recipi, quod ipsi perversa viæ secuti trinitatem, deserere voluerunt. Ascendendi sunt enim, qui nos conturbant, & volunt convertere Evangelium Christi. (y) Simul autem præcipimus, ut quicumque id pertinacia simili defensare nituntur, par eos vindicta confringat; Non solum enim, qui faciunt, sed etiam qui consentiunt facientibus, digni sunt morte: (z) quia non multum interesse arbitror inter committentis animum, & consentientis favorem. Adde & amplius: plerumque desedit errare, cui nemo consentit. Hæc igitur, Fratres Carissimi, in supra dictos maneat fixa sententia: Absint Atrius Domini: careant dumtaxat custodia Pastoralis, ne duarum ovium dira contagia serpent forsitan per vulgus incantum. &c. [a] Hæc de Provincialibus Synodis exempli solum causa memorasse sufficiat. Plura qui volet, Synodographos ipsos adeat.

Quod Oecumenicis etiam Conciliis confirmandis Romani Pontifices suam impenderint auctoritatem, certissimis pariter argumentis evincitur. Ad Nicænum I. quod attinet, legitur quidem in omnibus fere Conciliorum collectionibus ejusdem Synodica pro confirmatione impetranda ad S. Sylvestrum data, hujus item ad Synodi Pa-

tres responsoria; sed vario utraque tum stili, tum notæ temporis, quo data scribitur, vitio laborat, ideoque plenam hodie apud eruditos fidem non invenit. De Constantinopolitana I., quæ secunda est inter Oecumenicas, a Damaso Pontifice Rom. probata, testatur Photius, qui dum illustriores Constantinopolitani hujus Concilii recensuit Episcopos, hæc subjungit: *Quibus haud multo post & Damascus Episcopus Romæ, eadem confirmans, atque sentiens accessit.* (b) Idem declarat Epistola Synodica, anno sequente nimirum CCCLXXXII. ab Orientalibus Episcopis, Constantinopoli denuo congregatis data ad Damasum Papam, ceterosque Ecclesiarum Antistites, Romana in Synodo collectos. Hæc illi præfixa inscriptio apud Harduinum: *Dominis Honoratissimis, & Reverendissimis Fratribus, & Collegis* (c), *Damaso, Ambrosio, Brittoni, Valeriano, Ascholio, Anemio, Basilio, & reliquis Sanctis Episcopis, in magna urbe Roma congregatis, Sancta Synodus Orthodoxorum Episcoporum, qui in magna urbe Constantinopoli convenerunt, in Domino salutem.* Ista in Epistola excusant Patres, quod suarum Ecclesiarum impediti necessitatibus, & longiore Constantinopoli mora detenti ad Synodum Romæ indictam nec anno præterito, nec præsentipotuerint convenire, Romani Pontificis auctoritatem agnoscentes, qui pro suo eosdem jure ad Concilium evocaverat. Addunt: *Quod proximum erat, tum ad res constituendas, tum ad vestram erga nos benevolentiam declarandam, Reverendissimos, Honoratissimosque Fratres & Collegas nostros Episcopos, Cyriacum, Eusebium, & Priscianum exoravimus, ut proficiscendi ad vos laborem libenter susciperent: per quos & pacifica, unitatemque spectans voluntas nostra, & incensum sanæ fidei studium patefiat.* Tum ejusdem fidei, quam inter Arianorum Principum persecutiones, Judiciumque crudelitatem hæcenus defenderint, & adhucdum tueantur, ac teneant, rationem reddunt, eamque ulterius pernoscendam scribunt tum ex Tomo Synodi Antiochenæ [d], tum ex eo, qui superiore anno Constantinopoli a Synodo [e] Universali est editus, ubi, inquit, & fidei confessionem uberius exposuimus, & in recens adinventas hæreses anathematis sententiam per-

scripsi-

(t) Rescript. Innocentii PP. ad Conc. Carthag. apud Harduin. Tom. I.

(u) 1. Tim. 1.

(x) MS. parere.

(y) Gal. 1. 7. & 5. 12.

(z) Rom. I.

(a) Rescript. Innocent. PP. ad Concil. Milevitan. apud Harduin. l. cit.

(b) Phot. Lib. de VII. Synodis ad Michaelem Imp.

(c) Franc. Pagi in Breviar. Roman. Pontif. legit: Dominis Carissimis, & Religiosissimis Fratribus, & Communitatibus, &c.

(d) Anni 378.

(e) Nondum probata a Damaso & ab Episcopis Occidentalibus acceptata tunc fuerat Synodus hæc Constantinopolitana; Universalem tamen appellant, quia a totius Orientis Episcopis celebrata.

scripsimus. præter hæc, quæ in fidei causa gesta, significant cætera, quæ eadem in Synodo Constantinopolitana peracta sunt. Demum, ut eadem Damascus cum congregatis tunc in Romana Synodo Episcopis rata habeat, rogant: *Quibus tanquam legitime & Canonice apud nos constitutis, Vestram quoque Reverentiam gratulari obsecramus, intercedente Spirituali caritate & Domini timore, humanum omnem affectum coercente, Ecclesiarumque ædificationem pluris faciente, quam privatam erga unumquemque voluntatem & gratiam. Sic enim & fidei doctrina consonante, & Christiana in nobis caritate confirmata, desinemus illud dicere, quod ab Apostolis damnatum est: Ego quidem sum Pauli, ego autem Apollo, ego vero Cephæ (f). Atque omnes nos Christi esse ostendentes, qui in nobis divisi non est, indiscerptum, DEO favente, corpus Ecclesie conservabimus, & ad Domini tribunal cum fiducia comparebimus. His acceptis & expensis, auditaque Episcoporum Orientalium relatione S. Damascus Synodum probavit. Atque ex hoc tempore eadem, tanquam per Sedem Apostolicam confirmata, magnam ubique venerationem habuit.*

Animadvertendum hic tamen, Damascum Papam sua ista probatione non omnia prorsus ac singula hujus Concilii gesta, statutaque fuisse complexum; sed ea duntaxat, quæ ad fidem pertinent: puta Symbolum, cæteraque, quæ contra Macedonium fuere definita. Canones enim, in eo Concilio editi, non tantum ab Apostolica Sede recepti non sunt; sed ne quidem Libris Synodicis ab Ecclesia Rom. inserti. Constat ex Concilio Chalcedonensi, in quo Aët. XVI. Legatus Sedis Apostolicæ, Lucentius, Episcopus Esculanus, eosdem hos appellat *Canones non conscriptos*, id est, ab Ecclesia non probatos. Et quanquam Codex Ecclesie Orientalis, in quem iidem relati sunt, Canone I. ejusdem Concilii Chalcedonensis fuerit receptus; reclamatum tamen est a Legatis Apostolicis, quod *Canones illi in Synodicis non habeantur*. Quin & post Concilium Chalcedonense Romani affirmarunt Pontifices, Canones hos ab Ecclesia non admitti. Sufficiat unius Sancti Gregorii Magni testimonium: qui licet fuerit solemnissime professus, se *quatuor prima Concilia*, (inter quæ Constantinopolitanum I. de quo loquimur, secundum locum habet) *tanquam quatuor DEI Evangelia venerari*; in Epistola tamen ad Eulogium Alexandrinum, & Anastasium Antiochenum Pa-

triarchas data aperte testatur: *Romana Ecclesia Canones hujus Synodi non accipit: in hoc autem eandem Synodum accepit, quod est per eam contra Macedonium definitum.* (g) Canon certe tertius (plures enim non fuere [h]) quo decernitur, quod Constantinopolitanus Episcopus habeat honoris Primatum post Romanum Episcopum, auctoritatem in Ecclesia non obtinuit ante Synodum Lateranensem IV., in qua demum sub Innocentio III. Papa, primus post Romanam Sedem locus Constantinopolitanæ Cathedræ delatus fuit. Vtus ejus Concilii Canon sic habet: *Antiqua Patriarchalium Sedium Privilegia renovantes, Sacra Universali Synodo approbante, sancimus, ut post Romanam Ecclesiam, quæ disponente Domino, super omnes alias ordinaria potestatis obtinet Principatum, utpote Mater universorum Christi Fidelium & Magistra; Constantinopolitana primum, Alexandria secundum, Antiochena tertium, Hierosolymitana quartum obtineant; servata cuiuslibet propria dignitate.*

Tertia inter Oecumenicas numeratur Synodus Ephesina, anno CCCCLXXXI. congregata adversus novam hæresin Nestorii, Episcopi Constantinopolitani, qui adorandum Incarnationis mysterium, & veræ Genitricis DEI titulum, quam Beatissimæ MARIÆ Virgini Catholica semper tribuit Ecclesia, suis blasphemis pertinaciter impugnavit. Constituta Synodo Ephesi inchoandæ ab Imperatoribus fuerat ipsa dies Pentecostes, quæ eo anno in septimum Junii incidit; sed non ante vigesimam secundam ejusdem mensis Episcopi convenere. Duas proinde jam modo Synodos ante Oecumenicam Ephesinam Celestinus Papa contra hanc Nestorii impietatem Romæ celebraverat: primam anno CCCCLXXX. sub initium mensis Augusti (i). In hac lata est in Nestorium sententia excommunicationis & depositionis ab Episcopali dignitate & gradu; nisi intra decimum a denuntiatione facta diem, perfidiam suam erroresque scripta confessione condemnaret. Restitui quoque in Ecclesie communionem, qui propter fidem a Nestorio ejecti fuerant. Damnati sunt Pelagiani, ut qui societate erroris cum Nestorio jungerentur; eadem cum ipso percellerentur sententia. Denique ex eo Concilio septem a Celestino Pontifice scriptæ sunt epistolæ: (k) Ad Nestorium, ut ejuratis erroribus redeat ad penitentiam: Ad Clerum populumque Constantinopolitanum, ut constantes in fide per-

(f) 1. Cor. I.

(g) S. Gregor. M. L. VI. Epist. 31.

(h) Vide Natal. Alexandr. in Hist. Eccles. Seculi IV. Dissert. XXXVIII. art. I.

(i) Pagi in Breviario Roman. Pontif. T. I. in S. Celestino. n. XV.

(k) Recitantur hæc literæ apud Harduin. Tom. I. Concilior. in parte I. Conc. Ephesini a Cap. VIII.

permaneant : Ad Joannem Antiochenum , Rufum Thessalonicensem , Juvenalem Hierosolymitanum , Flavianum Philippensem Episcopos , ut causam fidei strenue tueantur : Denique ad Cyrillum Alexandrinum , egregium Ecclesiæ Dei Defensorem , & a multis jam palmis varia ab hæresi reportatis celeberrimum . Huic Sedis Apostolicæ vices hoc in negotio sustinendas , & exequendam suam ac Synodi Romanæ sententiam Celestinus demandavit . *Auctoritate igitur tecum , inquit , nostræ solis aucta , vice nostra usus , hanc exequeris districto vigore sententiam : ut aut infra decem dies ab hujus conventionis die numerandos , pravas prædicationes suas scripta professione condanet , & hanc se de Nativitate Christi DEI nostri fidem tenere confirmet , quam & Romana , & tuæ Sanctitatis Ecclesia , & universalis devotio tenet ; Aut si hoc non fecerit , mox Sanctitas tua , illi Ecclesiæ provisa , a nostro eum corpore modis omnibus sciat esse removendum , qui nec in se medentium curam voluit admittere , & in perditionem tam suam , quam omnium sibi creditorum male perisur festinavit .* Addit : Eadem autem scripsimus & ad sanctos Fratres & Coepiscopos nostros , Joannem , Rufum , Juvenalem , & Flavianum , ut nota sit de eo nostra , immo Christi nostri Divina sententia . (1)

Alteram Synodum coegit Celestinus , postquam Sacram Imperatorum , qua Metropolitani omnes ad Concilium Ephesinum Occumenicum vocabantur , acceperat , anno CCCXXXI. quo sub initium Maji Occidentales Episcopi Romam acciverunt . Hi illic congregati , ut ajunt Patres Ephesini in sua ad Imperatores relatione , & rectam de fide sententiam magno consensu prædicarunt , & eos , qui diversa sentirent , alienos esse penitus a Sacerdotio , Clero , graduque definiunt . (m) Eadem in Synodo delecti Legati , qui Ephesino in Concilio Celestini præsentiana supplerent , Arcadius & Projectus Episcopi , & Philippus Presbyter Romanus , his instructi mandatis , ut & Pontificis in Concilio tenerent locum , & communis cum Cyrillo consilii , latam jam modo sententiam adversus Nestorium exequendam urgerent , simulque Occumenicæ hujus Synodi Decretis Apostolicæ auctoritatis pondus adderent . Quod re ipsa præstitum ab illis fuisse , manifesta ejusdem sanctæ Synodi monumenta evincunt .

Cum enim non ante Legati pervenissent ad Synodum , quam prima Actione jam fini-

ta : in qua Nestorius , discussis ejus in erroribus ac damnatis , Concilii notius consensu , anathematis sententia percussus , Episcopi dignitate privatus , atque ab universo Sacerdotum omnium consortio exclusus fuit ; mox in altera Actione , postquam literas Celestini & ad Synodum , & ad Cyrillum publice prælegendas obtulissent ; omnium , quæ eo usque gesta fuissent , seriem sibi exhiberi petierunt : Quo , ajebant , juxta Beati Papæ nostri , præsentisque hujus Sancti catus sententiam , nos quoque CONFIRMEMUS .

Exhibitis Actis , perlectisque , Actione tertia , *Philippus Presbyter* [ut ipsius Synodi verbis utar] *& Legatus Apostolicæ Sedis dixit :* " Ex Actorum lectione cognovimus , quæ in Nestorium constituta sunt in sancto vestro Concilio . In quibus Commentariis intelleximus omnia Canonice , & ex Ecclesiastica disciplina judicata esse . Ac nunc quoque petimus a corona vestra , quamvis supervacaneum sit , ut quæ in vestra Synodo lecta sunt , rursum nobis etiam eadem legantur ; ut sequentes formulam Sanctissimi Papæ Celestini , qui hanc curam nobis commisit , & vestræ etiam Sanctitatis , judicia vestra CONFIRMARE possimus .

Assensit Synodus . Prætermisissis cæteris , recitata denuo fulminis in Nestorium Decreti sententia . Ex hac excerpto , quæ sequentur , cum singularem Congregatorum Patrum (plures ducentis erant) erga Romanum Pontificem indicent reverentiam , Sedisque Apostolicæ primatum non obscure significant : *Coacti , inquit , per sacros Canones , & Epistolam Sanctissimi Patris nostri , & Communiſtri Celestini , Romanæ Ecclesiæ Episcopi , lacrymis subinde perfusi , ad lugubrem hanc contra eum (Nestorium) sententiam necessario venimus . Igitur Dominus noster JESUS Christus blasphemis illius vocibus impetitus , per Sanctissimam hanc Synodum eundem Nestorium Episcopali dignitate privatum , & ab universo Sacerdotum consortio & catus alienum esse definivit .*

Mox secuta Legatorum confirmatio : Ac primo quidem loco *Philippus Presbyter & Apostolicæ Sedis Legatus dixit :* " Nulli dubium , immo sæculis omnibus notum est , quod Sanctus , Beatissimusque Petrus Apostolorum Princeps & Caput , fideique columnæ , & Ecclesiæ Catholicæ fundamentum , a Domino nostro JESU Christo , Salvatore humani generis , ac Redemptore ,

(1) *Epist. Celestini Papæ ad Cyrillum Archi-Episc. Alexandrin. apud Harduin. Tom. I. Conc.*

(m) *Pagi Loc. cit. n. XXXII.*

re, claves Regni accepit, solvendi-
que, ac ligandi peccata potestas ipsi data est: qui
ad hoc usque tempus, & semper in suis
Successoribus vivit, & iudicium exercet.
Hujus itaque secundum ordinem Successor,
& locum tenens, Sanctus, Beatissimusque
Papa noster Celestinus Episcopus, nos ip-
sius præsentiam supplentes, ad hanc sanctam
Synodum misit: Quam quidem Synodum
convenire jusserunt humanissimi, Chri-
stianissimique Imperatores, memoria reti-
nentes, & perpetuo custodientes fidem
Catholicam: qui & Apostolicam doctri-
nam a piissimis, humanissimisque sanctæ
memoriæ avis & Patribus ipsorum tradi-
tam sibi hucusque custodierunt, & custodi-
unt. Synodum ergo, ut supra diximus,
indixerunt, id unum spectantes ac fata-
gentes, ut fides Catholica, a sæculis ha-
ctenus conservata, sic perpetuo immota
perseveret. Nestorius itaque novæ per-
versitatis auctor, atque malorum caput,
sicut e Synodalibus actis accepimus, voca-
tus, ac admonitus secundum Patrum De-
creta, videlicet secundum Canonum disci-
plinam, iudicio se sistere contempsit;
cum tamen, ut spiritali remedio sanita-
tem reciperet, tanto sancto cœtui ultro se
se offerre debuisset: sed cauteriatam ha-
bens conscientiam, quamvis legitime, &
secundum Canonum disciplinam, ut ante
dixi, commonefactus, ad sanctam hanc
Synodum accedere recusavit: neque ter-
minum tantum ab Apostolica Sede sibi con-
cessum, sed alia præterea multa tempo-
rum intervalla fluere permisit. FIRMUM
ergo est juxta omnium Ecclesiarum Decre-
tum (nam Orientalis & Occidentalis Ec-
clesiæ Sacerdotes, vel per se, vel certe
per suos Legatos, Sacerdotali huic con-
fessui interfunt) quod in ipsum pronun-
tatum est, qui impio ore & hostili spiri-
tu blasphemias voces depromere contra
Dominum nostrum JESUM Christum non
est veritus. Propterea Patrum Sanctiones
secuta præfens sancta Synodus, adversus
impium, temerariumque Nestorium lata
sententia definivit, ut is, qui emendatio-
nem sprexit, cum eo partem habeat, de
quo scriptum est: *Et Episcopatum ejus ac-
cipiat alter.* (n) Quamobrem intelligat
Nestorius, se a communione Sacerdotii Ec-
lesiæ Catholiæ alienum esse.

*Arcadius Reverentissimus Episcopus, &
Apostolica Sedis Legatus dixit:* "Ingentem
luctum, &c. Et quoniam ipse sua sponte
se ipsum a nobis alienum exulemque red-
didit; propterea nos etiam secuti sanctiones
jam inde ab initio traditas a Sanctis Aposto-
lis & ab Ecclesia [hoc enim docuerunt, quod
a Domino nostro JESU Christo accepe-

rant] nec non secuti formam Celestini San-
ctissimi Papæ Apostolicæ Sedis, qui nos
dignatus est hujus negotii executores suos
mittere, & sanctæ Synodi Decreta; Cog-
noscat Nestorius se Episcopali dignitate
exutum, atque a tota Ecclesia, & com-
munionem omnium Sacerdotum alienum
esse.

*Projectus Episcopus, & Ecclesiæ Romanæ
Legatus dixit:* "Clarissime ab eorum lectio-
ne &c. Cum igitur contra fidem Evan-
gelicam, Apostolicamque doctrinam, quæ
per universam ubique Ecclesiam Catholi-
cam confirmata est, suæ hæreseos perversi-
tatem invehere ausus fuerit; propterea
& ego quoque auctoritate Legationis Apo-
stolicæ Sedis, una cum Fratribus senten-
tiæ executor existens, desinio memoratum
Nestorium, veritatis inimicum, fideique
corruptorem, tanquam iis, de quibus ac-
cusatus est, obnoxium, a gradu Episco-
palis honoris, & ab omnium præterea
Sacerdotum orthodoxorum communione
remotum esse.

Collaudarunt factum Cyrillus, univer-
sæque Synodus, & quæ commissæ ipsis ex
Celestini mandato fuerat, sententiæ, in utraque
Synodo Romana & Ephesina latæ executio-
nem, numeris omnibus impletam, gratulati
sunt. Rogarunt præterea Patres, ut quæ sua o-
ratione jam definierunt, verbisque confirma-
verant, manu etiam, & nominum subscrip-
tione corroborarent. Labet ipsa verba ad-
scribere, ut Synodalia decreta confirmandi
privilegium, quod Romanis Pontificibus
Protelantes negant, ex ipso hujus Synodi
usu certius ostendatur.

Cyrillus Episcopus Alexandriæ dixit:
"Quæ Arcadius & Projectus Sanctissimi, pi-
ssimique Episcopi, nec non Philippus
Religiosissimus Romanæ Ecclesiæ Presby-
ter, deposuerunt, perspicue sancta Syno-
dus percepit. Deposuerunt enim, sup-
plentes locum Sedis Apostolicæ, totiusque
Synodi, Sanctissimorum, Deoque dile-
ctissimorum Occidentalium Episcoporum.
Quare cum ea, quæ a Celestino sanctissi-
mo, Deoque dilectissimo Episcopo defini-
ta jam fuerant, executi sint; sanctæque
Synodi, quæ in hac Ephesiorum Metro-
poli convenit, sententiæ, contra hæreti-
cum Nestorium latæ, adscriptæ sint; con-
sequens est, ut eorum quæ hesterno, ho-
diernoque die facta sunt, commentarii Su-
perioribus attexantur, ipsorumque pietati
offerantur; quod propria oblatione, ut
moris est, plenam faciant ac manifestam
cum omnibus nobis Canonicam assensio-
nem.

Arca-

Arcadius Reverentissimus Episcopus, & Romana Ecclesie Legatus dixit: "Juxta sanctæ hujus Synodi acta, non possumus eorum doctrinam nostris subscriptionibus non CONFIRMARE.

Sancta Synodus dixit: "Cum Arcadius & Projectus Reverentissimi, Religiosissimi & Philippi Presbyter, & Apostolicæ Sedis Legatus, consentanea sunt locuti; consequens est, ut promissis suis satisficientes etiam subscribendo ACTA CONFIRMENT. Proinde actorum Commentarii ipsis exhibeantur.

Interpretatio depositionis.

"Philippus Presbyter, & Apostolicæ Sedis Legatus, commentarii subscripsi.

"Arcadius Episcopus, & Apostolicæ Sedis Legatus, sententiæ in Nestorium, schismatis & hæresis, omnisque blasphemiae & impietatis auctorem pronuntiatae, subscripsi.

"Projectus Episcopus, & Apostolicæ Sedis Legatus, iusto sanctæ hujus & Oecumenicæ Synodi judicio, prout ex actis edocti sumus, per omnia assentiens, impii Nestorii depositioni subscripsi.

Satis, opinor, ex his prudens quisque vider, Celestinum Papam ea, quæ Ephesi contra Nestorii hæresin, atque adversus ipsum hæresiarcham acta sunt, non tantum per Legatos, petente etiam Synodo, confirmasse; sed per eosdem etiam, quæ primum ipse Romæ cum Occidentalibus definierat, & in Ephesina Synodo definienda præscripserat, in hæresi damnanda, in ejusdem auctore Nestorio a dignitate Episcopali dejiciens, & ab Ecclesia universa proscribendo, fuisse executum.

Sed pauca adhuc ex aliorum Conciliorum Oecumenicorum actis delibemus. Quartæ Oecumenicæ Synodi Episcopos ejusdem confirmationem a S. Leone Papa petivisse, ostendit eorum Synodica, in qua gestorum omnium enarratione præmissa subjungunt: *Rogamus igitur, & tuis Decretis nostrum honora judicium: & sicut nos capiti in bonis adjecimus consonantiam; sic & Summitas tua filiis, quod decet, adimpleat.* Addunt: *Omnes vobis gestorum vim insinuavimus ad probationem nostræ sinceritatis, & ad eorum, quæ a nobis gestaque sunt, firmitatem & consonantiam.* Satisfecit Synodi petitis Leo, confirmavitque amplissime, sed ea duntaxat, quæ in fidei causâ fuere definita: non Canones, quorum ultimo (vigesimo octavo) con-

stantissime contradixit. Continus is Canon fuit, absentibus Legatis Romanæ Sedis, & iisdem reclamantibus a Synodo probatus. Confirmare per illum voluerunt Patres Patriarchatus dignitatem & jura Sedi Constantinopolitanæ, primamque prærogativam, post Romanam Cathedram Petri. Nitebatur Canone III. Concilii Constantinopolitani I., jam dudum reprobato, & falso asserebant, Romanam Sedem, jure illo Primatus, quem in universam Ecclesiam obrinet, non aliunde, quam ex accepto a Patribus privilegio potiri: pari proinde prærogativa donandam esse Sedem Constantinopolitanam, eo quod nova Roma æqualibus cum antiqua, Regii throni, Senatusque honoribus præfulgeat. Hæc, cum Synodi Nicænæ sanctis definitionibus adversarentur; sanctus Pontifex perpetuo repudiavit. Duas & de confirmatione eorum, quæ Chalcedone in causâ fidei definita sunt, & de reprobatione dicti Canonis vigesimi octavi, literas dedit. Primas ad Anatolium Episcopum Constantinopolitanum, mox post reditum Legatorum, qui Chalcedonensem ad Oecumenicam Romam missi fuerant: sed has Anatolius, eo quod in iisdem ob prelatum supremæ dignitatis honorem non leviter coargueretur, ne suum ambitum proderet, callide occultavit. Alteras proinde, omnibus Episcopis, qui Chalcedonensi Synodo interfuere, inscriptas, exaravit, easque ut illorum ad manus certius pervenirent, ad ipsum direxit Imperatorem, eundem rogans, ut pro suo, quo erga fidem Catholicam ferveret, amore, ad Episcopos perferri curaret. Postremas has, cum ad ea, quæ tractamus, stabilienda multum serviant, ex Harduino [o] integras damus.

*Leo Episcopus Sanctæ Synodo
apud Chalcedonem
habitæ.*

Omnes quidem Fraternitatem vestram nosse non ambigo, definitiones sanctæ Synodi, quæ ob confirmationem fidei in Chalcedonensi civitate celebrata est, toto corde me fuisse complexum; quia nulla sinebat ratio, ut, qui unitatem Catholicæ fidei dolebam ab hæreticis fuisse turbatam, non exultanter in integrum rediisse gauderem. Hoc autem non solum ex ipso beatissimæ consensionis affectu, sed etiam ex epistolis meis, quas post reditum meorum ad Constantinopolitanam urbem Antistitem dedi, potuissetis agnoscere, si vobis responsum Sedis
H h h h h 3 *Apo.*

*Apostolica manifestare voluisset. (p) Ne ergo per malignos interpretes dubitabile videatur, utrum quæ in Synodo Chalcedonensi per unanimi-
tatem vestram de fide statuta sunt, appro-
bem; hæc ad omnes Fratres, & Coepiscopos
nostros, qui prædicto Concilio interfuerunt,
scripta direxi, quæ Gloriosissimus & Clemen-
tissimus Princeps; sicut poposci, in notitiam
vestram mittere pro Catholica fidei amore dig-
nabitur: ut & fraterna universitas, & omni-
um fidelium corda cognoscent, me non solum
per Fratres, qui vicem meam executi sunt,
sed etiam per approbationem gestorum Synoda-
lium propriam vobiscum iniisse sententiam, in
sola videlicet fidei causa (quod sepe dicendum
est) propter quam Generale Concilium & ex
præcepto Christianorum Principum, & ex con-
sensu Apostolicæ Sedis placuit congregari: dam-
natis hæreticis, qui si corrigi voluissent, nulla
penitus resideret de vera Domini nostri JESU
Christi incarnatione dubitatio. Unde, si quis
unquam ausus fuerit vel Nestorii persuliam tue-
ri, vel Eutychetis ac Dioscori impium dogma
defendere, a Catholicorum communione rejece-
tur: nec habeat ejus corporis participationem,
cujus abnegat veritatem. De custodiendis quo-
que sanctorum Patrum statutis, quæ in Synodo
Nicaena inviolabilibus sunt fixa Decretis, ob-
servantiam vestræ Sanctitatis admoneo; ut ju-
ra Ecclesiarum, sicut ab illis trecentis decem
& octo Patribus Divinitus inspiratis sunt ordi-
nata, permaneant. Nihil alienum impro-
bus ambitus concupiscat, nec per alterius im-
minutionem suum ab alijs querat augmentum.
Quantumlibet enim extortis assentionibus sese
inservat vanitatis elatio, & appetitus suos
Conciliorum aestimet nomine roborandos; infir-
mum atque irritum erit, quidquid a prædicto-
rum Patrum Canonibus discreparit. Quorum
Regalis Apostolica Sedes quam reverenter uta-
tur, scriptorum meorum, quibus Constantinopo-
litani Antistitis conatus repuli, poterit San-
ctitas vestra lectione cognoscere, & me, auxi-
liante Domino nostro, & Catholica fidei, &
Paternarum traditionum esse custodem. Data
XII. Kalendas Aprilis, Opilione viro clarissimo
Consule. (q)*

Canones reliquos, præter vigesimum
octavum a sancto Leone facite fuisse pro-
batos, & ab Ecclesia receptos asserit

cum aliis Natalis Alexander: negat Bellar-
minus.

Cæterum, quanta fuerit Græcorum er-
ga sanctum Leonem, ultimum, quem dixi-
mus, Canonem reprobantem, reverentia;
colligi ex eo potest, quod ipsimet hunc Ca-
nonem suis in codicibus expunxerint.

Synodum Vtam Vigilius Papa, licet ei-
dem adversatus antea fuerit, tandem tamen
ratam habuit & confirmavit, non solum in
sua ad Eurychium epistola, quam aliqui cum
P. Garnerio tanquam alienum a Vigilio par-
tum rejiciunt, Natalis autem Alexander ceu
verum ipsius ac genuinum opus defendit;
sed etiam in opusculo, quod *Constitutum* in-
scripsit, & Constantinopolim ad Imperato-
rem & Episcopos misit: in hoc famosa tria
Capitula prolixo, eruditoque commentario
explanat, eademque, prout damnata a Sy-
nodo fuerant, & ipse refutat, anathema-
tizat ac damnat. Prædicta igitur, ita concludit,
tria impia Capitula anathematizamus, atque
damnamus: id est, Epistolam, quæ dicitur
Ibæ ad Maximam Persem, in qua nefande supe-
rius designatæ blasphemie continentur: & im-
pium Theodorum Mopsuestenum cum nefandis
ejus conscriptis, & quæ impie Theodoritus (r)
conscripsit. Et quicumque ea quoquo tempore
crediderit, accipienda vel deferenda, aut con-
tus fuerit aliquando, præsentem damnationem
resolvere, pari anathemate condemnamus. . .
Quæcumque vero sive meo nomine, sive quo-
rumlibet pro defensione memoratorum trium
Capitulorum prolata fuerint, vel ubicunque
reperita, præsentis nostri plenissimi consulti
auctoritate vacuamus. Data VII. Kalendarum
Martiarum, Imperante Domino Justiniano
perpetuo Augusto, anno XXXVII. Et post Con-
sulatum Basilii Viri Clarissimi anno XIII. (s)
Constantinopolim. (t)

Unum his adhuc addam pulcherrimum
plane monumentum confirmationis, quam
Vtæ Synodi Patres, data ad Agathonem Pon-
tificem Synodica periverunt, & ab hujus,
ante quam literæ afferrentur, defuncti Suc-
cessore S. Leone II. impetrarunt. Maximi
morbi, ita Synodicam suam Constantinopo-
litani Patres ordiuntur, majoribus indigent
auxiliis: atque idcirco Christus verus Deus nos-
ter, virtus vere rerum omnium conditrix &
gubernatrix, sapienter dedit medicum, ve-
stram a DEO honoratam Sanctitatem, conta-
gia

(p) al. Sed quia in eisdem literis ea, quæ per occasionem Synodi male sunt attentata, repre-
bentur; maluit prædictus Antistes meam gratulationem tacere, quam suam ambitum
publicare.

(r) Theodoretus

(q) Anno CCCCLIII.

(s) Anno Christi DLII

(t) Ex Haraduno Conc. Tomo III. fol. 244.

gia heretica luis fortiter propulsantem vemediis Orthodoxiæ, ac valetudinis robur membris Ecclesiæ largientem. Itaque tibi, ut primæ Sedis Antifiti universalis Ecclesiæ, quid agendum sit, relinquimus, stanti super firmam fidei petram, libenter acquiescentes veræ confessionis literis a vestra Paterna Beatitudine ad Prissinum Imperatorem missis: quas ut a summo Apostolorum vertice Divine perscriptas agnoscimus: per quas exortam nuper multiplicis erroris scilicet depulimus; Constantino nobis ad decernendum hortatore. . . . Inde fundamenta execranda eorum hæreses prorsus corollentes, eosque armis Spiritualibus, Paternisque aggredientes, & linguas eorum, ne inter se incommode loquerentur, confundentes, extructum ab iis impissimæ hæresis turrim subruimus: ac ipsos, ut lapsos circa fidem ac peccatores, in manutibus extra castra atriorum Dei, ut Davidice loquamur, anathematibus interfecimus, ex sententia per sacras Literas vestras prius lata. &c. Et infra: Orthodoxæ fidei splendentem lucem vobiscum clare prædicavimus. Quam ut iterum per honorabilia vestra vestripta CONFIRMETIS, vestram oramus Paternam Sanctitatem. &c. (u)

Alias dein præter has Synodicas comperta Agathonis morte, ad S. Leonem dedit Constantinus Imperator, per Legatos Romanæ Sedis transferendas. Quibus acceptis Pontifex eadem, qua Imperatori respondit, epistola, Synodum confirmavit: Sancta igitur, inquit, universalis & magna sexta Synodus, quam nutu Dei Vestra Clementia sedule convocavit, & cui pro Dei ministerio præfuit, Apostolicam in omnibus regulam, & probabilitatem Patrum doctrinam secuta est: & quia definitionem rectæ fidei, ut dictum est, plenissime prædicavit, quam & Apostolica Sedes Beati Petri Apostoli, cujus licet impares, ministerio fungimur, veneranter suscepit; idcirco & nos, & per nostrum officium hæc veneranda Sedes Apostolica concorditer ac unanimiter bis, quæ definita sunt ab ea, consentit, & Beati Petri auctoritate confirmat, sicut supra solidam Petram, qui Christus est, ab ipso Domino adeptis firmitatem. Propterea sicut suscepimus, atque firmiter prædicamus Sancta quinq; universalis Concilia, Nicænum, Constantinopolitanum, Epheesium primum, Chalcedonense & Constantinopolitanum, quæ & omnis Christi Ecclesiæ approbat & sequitur; ita & quod nuper in Regia urbe pio Vestræ Severitatis annisu celebratum est, Sanctum

sextum Concilium, ut eorum pedissequum, & ea interpretans, pari veneratione atque censura suscipimus: & hoc cum eis digne communerari, tanquam una & æquali DEI gratia congregatum decernimus.

En quam dilucide sanctus Pontifex in diplomate hoc suo explanet, quid sit Synodos Apostolica Romanæ Sedis auctoritate confirmari.

Ista si legisset Joachimus Hildebrandus Theol. & Ss. Antiquit. in Academia Julia Professor; aut si singula verba expendisset accuratius & rationis iusta statera ponderasset; non arbitror eum fuisse scripturum tam audacter: Quod Pontifex auctorisaverit Concilia, id falsissimum est. (x) Nam quæ major, obsecro, conferti Synodo potest auctoritas, quam si Pontifex, Summum in terris Ecclesiæ Caput, non iis solummodo, quæ in Synodo circa fidem definita sunt, suum præster assensum; sed insuper, eandem confirmando, declaret, quod Apostolicam in omnibus secuta sit regulam, ac Ss. Patrum doctrinam: quod definitionem fidei recte prædicaverit: quod proinde inconcussam ab ipso Domino adeptam sit firmitatem? Si præterea, diligenti maturaque deliberatione & consultatione præmissa, proficatur aperte, quod sicuti suscipit priora Concilia universalis Nicænum I. Constantinopolitanum I. Epheesium I. Chalcedonense, Constantinopolitanum alterum; quæ & omnis Christi Ecclesiæ approbat & sequitur; ita illam, de cujus confirmatione agitur Synodum, tantquam prioribus consentaneam, ac veræ fidei interpretem, pari veneratione suscipiat, & amplectatur? Si demum pro suprema Apostolicæ Sedis potestate ac jure decernat, hanc ipsam, quam probat, Synodum, primis istis Sanctissimis Conciliis adnumerandam esse, illamque eodem auctoritatis loco habendam, eadem reverentia ab omnibus Christi fidelibus observandam, ejusdem dogmatis tanquam verissimis, certissimis, atque ab omni erroris suspitione remoris adhærendum jubeat. Si istud non est auctorizare Concilia, ut Hildebrandina phrasi utar, doceant DD. Protestantes, quid per eam vocem aut ipsi intelligant, aut a nobis intelligi velint?

Faretur tamen Hildebrandus, Synodis ex ista Romani Pontificis approbatione, non omnino nihil auctoritatis advenisse. Erat, inquit, hæc confirmatio Conciliorum plenius firmamentum: erat obligatio ad obediendum Concilio. Immo vero erat illa, & etiamnum est Conciliorum firmamentum omnino plenissimum, maximumque, quo nullum plenius majusve addi Synodo potest: Erat & etiamnum est obligatio, non uni tantum Ecclesiæ, sed toti fidelium omnium, qui per totum

ter-

(u) Harduin. Tom. III. Concil. col. 1438.

(x) Joach. Hildebr. Histor. Concil. in proæmio. pag. 11.

terrarum orbem dispersi sunt, universitati imposita; ad credenda firmiter illa fidei dogmata, quæ in Concilio sic confirmato fuerunt definita; ad hæreses, erroresque omnes reprobandos, damnandosque, qui in eodem lato a Patribus anathemate fucere condemnati. Sed firmamentum tam solidum Synodis addere, obligatione tam universali omnes, quotquot uspiam sunt, fideles ad obtemperandum earundem Decretis adstringere, annon istud est Synodos auctorificare?

Verissimum igitur est, licet Hildebrandus millies dicat, id esse falsissimum, quod Pontifex auctorificaverit Concilia. Quidquid enim illa auctoritatis, firmitatis ac venerationis, sive particularia, sive oecumenica, in Ecclesia obtineant, istud a Romani Pontificis approbatione acceperunt. Sicut id, quod prima Sedes non probaverat, stare non potuit, inquit Gelasius Papa, sic quod illa censuit iudicandum, Ecclesia tota suscipit. Nullum unquam a Catholica, quamdiu stetit, Christi Ecclesia probatum fuit Concilium; quod antea fuerat a Romano Pontifice damnatum: nec ullum unquam fuit a Catholica Christi Ecclesia reprobatum; quod antea fuerat ab Apostolica Sede receptum. Hujus sanctæ Sedis Synodos vel confirmantis, vel repudiantis sententiam, suo semper assensu iudicioque secutus est Orbis Christianus. Quidquid post celebrata Concilia Catholicos inter Episcopos adhuc fervebat discordiæ, aut ambiguae dubitationis, istud Sedes hujus, Romani, inquam, Pontificis Synodi acta confirmantis definitione compositum fuit, penitusque sopitum.

Illustre rei hujus monumentum nobis exhibet Sanctus Augustinus. Dum Pelagii impia hæresis propagari cœpisset, duo in Oriente eam ob causam celebrata fucere Concilia: Alterum Hierosolymis, alterum Diospoli. Ex utroque nullo læsus anathemate evasit Pelagius, tum Joannis Episcopi Hierosolymitani, quo amico utebatur, favore, tum fraude etiam sua. Suspiciati dolum Episcopi, qui in Africa regebant Ecclesias, ubi Cælestius Pelagii discipulus idem prævæ doctrinæ virus diffundebat, Synodo indicta, primum in urbe Cathaginenſi, tum rursus in Milevitana convenere. Causa diligenter excussa, utraque in Synodo pessimum dogma dignum anathemate censuerunt. Sententias igitur suas, quod supra modo meminimus, Romam ad Innocentium I. Pontificem perscribere, rogantes, ut quod ipsi judicassent, sua is auctoritate roboraret. Annuit Pontifex, illorumque contra Pelagianos errores iudicium ac censuras Apostolico Diplomate confirmavit. Vix Decretum

istud allatum in Africam fuit, cum Sanctus Augustinus toto illud animo complexus quidquid id esset controversiæ; quod circa Pelagii doctrinam tam diu ventilatum fuerit solo hoc Romani Pontificis Episcoporum sententias probantis iudicio feliciter dirempit, penitusque finitum pronuntiat. Jam enim, inquit, de hac causa duo Concilia (Africana) missa sunt ad Sedem Apostolicam: Inde etiam rescripta venerunt. Causa finita est: Utinam aliquando finiatur errore. (y)

Et en quam firmiter hac Apostolicæ Sedis sententia tanquam minime fallibili, certissimæque & indubitatæ veritatis, standum putaverit vir Sanctus. Cum Julianus Episcopus Eclanensis, Pelagii, ejusque errorum fautor præcipuus ac Patronus, non tantum, quam ab illo propinatam imbiberat hæresin, ejurare non veller; sed contumaciter pergeret eandem propugnare; ideo præsertim, quod illam a nullo adhuc dum Orientis Episcopo condemnatum diceret; Sanctus Augustinus, non segnior vindex Apostolicæ auctoritatis, quam Catholicæ veritatis, acri calamo hominis pertinaciam adortus, An ideo, inquit, contemnendos putas, quia Occidentis Ecclesiæ sunt omnes, nec ullus est in eis commemoratus a nobis Episcopus? Quid ergo faciemus, cum illi Græci sint, nos Latini? Pato, tibi eam partem orbis sufficere debere, in qua primum Apostolorum suorum voluit Dominus gloriosissimum Martyrio coronari: cui Ecclesiæ Presidentem Beatum Innocentium si audire voluisses, jam tunc periculosissimam juventutem tuam Pelagianis laqueis exuisses. Quid enim potuit Vir ille Sanctus Africanis respondere Conciliis, nisi quod antiquitus Apostolica Sedes & Romana cum ceteris tenet perseveranter Ecclesiæ? [z] Non aliud eleganti hac sua sententia docere voluit Sanctus Doctor, quam frustra expectari a Juliano Episcoporum Orientalium, adeoque Universalis Ecclesiæ iudicium & consensum, quo ad errores repudiandos compelleretur: Sufficere illi debere, quod eos illa jam damnasset Ecclesiæ, in qua primum Apostolorum suorum voluit Dominus gloriosissimo Martyrio coronari. Hæc autem non alia est, quam Romana, illa, inquam, Ecclesiæ, quæ super Petrum, cujus nunquam defectura esset fides, ædificata fuit, & adversus quam portas inferi nunquam esse prævalituras Christus ipse Divino suo Oraculo promissit. Hujus proinde Ecclesiæ Præsul Innocentius ex Augustini sententia, in sua Carthaginenſi, & Milevitani Concilio confirmatione, aliud Africanis respondere Ecclesiis non potuit, nisi quod antiquitus & Romana ipsa, & cæteræ simul Ecclesiæ

(y) Sermone 131. alias 2. de verbis Apost. C. 10.

(z) S. Augustin. L. I. contra Julian. C. 4.

sic tenere. Quod idem plane est, ac si dixisset, Innocentium, Petri in Romana Sede Succ. efforem in suo ad Africana Concilia diplomate non potuisse, nisi veram & antiquam, & Catholicam, id est, Universalem Ecclesiæ doctrinam exhibere: & quod inde consequitur, non potuisse in dogmatico iudicio errorem propinare.

Eodem argumento, quo S. Augustinus, ipsisque ejusdem verbis, moderno etiam ævo nostro, occasione Clementinæ Constitutionis *Unigenitus*, usus est Illustrissimus de Fenelon, Cameracensis Archi-Episcopus, non apud Gallos tantum, sed omnes apud Catholicos a summæ eruditionis laude celeberrimus. *S. Augustinus*, ait, *pauca verba*. . . *Pelagianorum objectiones resistit. De hac causa, inquit S. Doctor, duo peculiariter Africæ Concilia missa sunt ad Sedem Apostolicam. Inde rescripta venerunt. Causa finita est. Nihil clarius. Procul a nobis cunctæ vanæ subtilitates. Ante ea rescripta, quæ Romana venerunt, duo Africana Concilia causam minimè finebant. Ast ea finita fuit eo ipso momento, quo Romana rescripta venerunt: eo ipso momento iudicium evasit, juxta ipsos Novatores, infallibile, finale, supremum, & irrevocabile. (a)*

En constantem semper sibi, a primis Ecclesiæ Sæculis usque ad hæc nostra tempora productam, non in rationis humanæ argutis, quæ fallunt: sed in Dei verbo, ut supra vidimus, fundatam Ecclesiæ Catholicæ doctrinam, qua Conciliorum a Romano Pontifice probatorum infallibilitas; atque ab omni erroris suspitione securitas, & olim a vera Christi Ecclesiæ defensione fuit, & adhuc defenditur.

Hinc eadem, quæ olim, etiamnum hodie est Catholicis omnibus erga Synodos a Romana Sede confirmatas, earundemque dogmata & Canones reverentia. Hinc tanta assidue & solertia omnes, sanæ, incorruptæ, & in vera Christi Ecclesiæ servatæ semper doctrinæ studiosi, in Synodis pervolvendis, revolvendisque etiamnum versantur: norunt, hi, post sacros Scripturarum codices, & Sanctæ Christi Evangelia, hos purissimos esse fontes, unde securissime veræ fidei salutisque scientiam hauriant. Ex Synodorum enim lectione discimus, pretiosum a vili separare, veritatem ab errore discernere: ex hac convincimur, & veluti ad oculum nobis demonstratum videmus, quod una & eadem fides, quæ a primis Ecclesiæ

principiis ab ipsomet Christo Domino revelata, ab Apostolis Christi propagata, ab horum Successoribus, Orthodoxis Episcopis, tanquam Apostolicæ doctrinæ custodibus prædicata olim fuit; eadem, inquam, fides, nullo vel ullius dogmatis apice mutato, adhuc in Catholica nostra, vera Christi Ecclesiæ, prædicetur: quod eadem hodie, quæ olim, morum Sanctitas, vitamque recte ordinandi regulæ commendentur.

Multa quidem adversus hæc A Catholicorum non pauci de Conciliorum inter se, ut ajunt, pugnantium dissensu, de Pontificum erroribus, aliisque ejusmodi, obgannunt: sed illorum itæ nœniæ, jam centies refutatæ, nihil nos pungunt: immo a prudentioribus etiam Protestantibus, qui in Conciliis versati sunt diligentius, & propostita in eisdem, constanterque propugnata Catholicorum dogmata profundius rimati, tanquam inanes nugæ exploduntur. Unicum hanc in rem afferam Hugonem Grotium, non infimi apud Protestantes subfellii virum, sacri profanique juris peritissimum, qui sua sententia hanc de Conciliis discussionem concludit. De traditione, quæ ex antiquorum consensione desumenda est, loquens, manifeste confitetur hunc doctrinæ consensum non alibi certius, quam in Conciliis Universalibus, atque apud Episcopos Romanæ Ecclesiæ, quam Deus errare non sinat, inveniri. *Consensus autem istius, inquit, qui in veterum Scriptis, maximeque in Conciliis universalibus apparet, custodes quidem sunt Episcopi omnes; sed (Notent hæc Protestantes) auctoritatis ad veritatem, unitatemque retinendam, præcipue Episcopus Romanus: quem Ecclesiæ aliæ, ad videnda ex rebus dubiis schismata, consulere, ex quo Apostoli in terris vivere deserunt, sunt solite. Et hinc est, quod Ecclesiæ Romana ab antiquis dicitur aliarum Ecclesiarum Magistra. Hanc viam inivit Hieronymus in Questione de Hypostasibus: hanc Africi Episcopi in Questione de Gratia: hanc alii viri, ingenio, eruditione, & pietate præstantes.* Subjungit hijs, quod rursus adverti velim: *Corrumpi quidem mores Romæ & alibi passus est DEUS; at doctrina, illis ipsis malis moribus contraria; DEO ita res dirigente, corrupta non est.* (b) Catholico hæc e calamo fluxisse crederem; nisi scripta a Grotio scirem. Sed hominem veritatis amantem sic scribere veritas ipsa coegit. Nullas certe vir hic eruditus, & non male oculus, contradictiones, non dogmata inter se pugnantia in Conciliis (Catholicis nimirum, & probatis) inve-

(a) *Illustr. de Fenelon Archi-Ep. Camerac. in suo Mandato Pastor. anno 1714.*

(b) *Hug. Grot. Rivet. Apolog. discuss. apud Emin. Cardin. Gotti de vera Christi Eccles. Tom. I.*

invenit; sed merum *consensum*: non Romanæ Ecclesiæ Pontifices erroris cuiuspiam, quem docuerint, reprehendit: sed eosdem communis doctrinæ & universalis, in quam cæteræ Ecclesiæ omnes una assensione conspirarint, fidelissimos custodes laudat.

Ast, bona DD. Protestantium pace, denovo virum hunc differentem audiamus. Alibi de eodem Traditionum argumento scribens, sic ait: *Traditionis autem dignoscende Regulas eas agnosco; quas consignavit Vincentius Lirinensis, approbantibus Catholicis, & Protestantium multis.* . . . (Summa Vincentii Regularum hæc est: Ut id teneamus, quod ubique, quod semper, quod ab omnibus creditum est.) *Judicium autem traditionis, quod quidem omnium generum hominibus conveniat, nullum aut a DEO datum, aut ab hominibus repertum, aut reperiri posse melius arbitror; quam quod est a Concilio Universali: neque aut hæcenus evenisse, aut eveniturum; ut in Concilio universali, id est, a selectis undique Episcopis & Doctoribus aliquid pronuntietur, & ab omni Ecclesia recipiatur, in quo periclitetur populi salus.* Tum Rivetum, contra quem pugnat, alloquitur: Si D. Rivetus mihi viam & tutiorem, & certioram monstrare potest, monstrat. Nam dicere: Nos habemus Verbum DEI, & verum sensum & Spiritum ejus, commune est omnibus. (c)

Finio & ego cum Grotio: Si DD. Protestantes viam & tutiorem & certioram monstrare possint; eam oro, ut sibi, mihi que designent. Dicere: Nos habemus Verbum DEI & verum sensum & Spiritum ejus, commune est omnibus; sed nemini tutum. Nam, ut ait, Vincentius Lirinensis, quem citat & sequitur Grotius, *Scripturam Sacram pro ipsa sua altitudine, non uno eodemque sensu universi accipiunt, sed ejusdem eloquia aliter atque aliter, alius atque alius interpretatur: ac pene quot homines sunt, tot illinc sententia*

erui posse videntur. Aliter namque illam Novatianus, aliter Sabellius, aliter Donatus exponit, aliter Arius. . . [addo: aliter Lutherus, aliter Calvinus, aliter Zwinglius &c.] Atque idcirco multum necesse est, propter tantos tam varii erroris anfractus, ut Prophetie & Apostolice interpretationis linea secundum Ecclesiasticæ & Catholicæ sensus normam dirigatur. His summam adnectit, de qua supra dixeram: *In ipsa item Catholica Ecclesia magnopere curandum est, ut id teneamus, quod ubique, quod semper, quod ab omnibus creditum est.* (d)

Istud quod Catholici teneamus, ipsa tot Conciliorum loquuntur volumina, non ea solum, quæ labore nostro Coloniae edidimus, & adhuc dum, Deo favente, edemus: sed quæ ante nos tum hic Coloniae a Laur. Surio, & Sever. Binio, tum in Gallia a Merlino, PP. Sirmondo, Labbeo, Cossartio, & Harduino: in Italia a Colero & Mantio: in Hispania a Gortia Loaisa: in Anglia a Spelmanno & Wilkinio: in Hungaria a Carolo Petersey, & aliis alibi hæcenus evulgata sunt.

Istud quod Catholici teneamus, hoc ipsum est, de quo gaudemus, de quo gloriamur & gratulamur nobis: in eoque spem firmam æternæ salutis, in Dei Verbo ac promissione fundatam, reponimus.

Videant DD. Protestantes, an parem spem, simili promissione Divina nixam, in privato, quem sibi fingunt, Scripturæ sensu, Spirituque, quem olim quoque suo pro libitu Ariani, Sabelliani, Macedoniani, cæterique ab universalis Christi corpore sejuncti, quos ipsi hæreticos appellant, secuti sunt, valeant collocare. Utinam idem nobiscum aliquando sapiant, utinam nobiscum, id, quod ubique, quod semper, quod ab omnibus creditum est, teneant; ut nobiscum etiam, quod unice optamus, æternam salutem consequantur!

CAPUT II.

De Synodis Constantiensi & Basileensi prætermisiss: de celebrioribus hujus sæculi XV. Scriptoribus Canonistis Germanis, ac de variarum Sectarum erroribus in eodem Sæculo per Germaniam disseminatis.

§. I.

De Synodis Constantiensi & Basileensi prætermisiss.

OMnia inter Concilia, quæ ad hoc usque sæculum in Germania celebrata sunt,

duo hæc, Constantiense & Basileense fuere celeberrima, sive personarum, quæ eo convenere, dignitatem & frequentiam; sive rerum, quæ in illis gesta sunt, magnitudinem spectes: videbanturque huic Germanicarum Synodorum collectioni inferenda tanto magis, quod utrumque Sigismundo, Germanorum

(c) Hug. Grot. *Vot. pro pace Eccles.* Apud eund. Cardin. Gotti *Lib. cit.*

(d) Vincent. Lirinens. *Commonit. n. 2.*

rum Imperatore, urgente a Romano Pontifice, ad urbem Germaniæ, propter grassantes in Germania hæreses, convocatum: Constantiensē insuper, eodem Imperatore præsentē, celebratum, ejusdem auctoritate & potentia protectum, ac demum impensarum magna vi, susceptis etiam ab ipso gravissimis in Galliam, Angliam, Hispaniam itineribus promotum fuerit.

Utrumque tamen ex Eruditorum consilio prætermisimus. Varia fuere, quæ ad id impulerunt. Præcipua, ut ingenue fatear, causa fuit, ipsa cujuslibet hujuslibet Concilii vastissima moles. Nam Clar. von der Hardt ex solius Concilii Constantiensis actis octo implevit Tomorum volumina, neque tamen nactus est universa, quæ in eodem gesta sunt. Nec minor forsitan moles exsurgeret, si, quæ Basileæ fuerē disceptata, secundum suam latitudinem essent evulganda. Addi insuper Basileensibus actis deberent Ferrariensia, ac dein Florentina, cum ob rerum se invicem tangentium seriem, nexumque, alia sine aliis intelligi vix possint. Quæ omnia si collectioni huic, per se satis amplæ, adjicerentur, opus hoc multorum admodum Tomorum accessione, non sine magno & Bibliopolæ & emptorum sumptu augetur. Multa præterea Constantiæ, multa item Basileæ non conciliantur, ac contra receptam Ecclesiasticis in Synodis normam, institutis præter Episcoporum congregationes nationum Consultationibus, aliisque ejusmodi, gesta sunt, unde nec omnia Romanis a Pontificibus probari meruere. Utriusque tamen Synodi brevem dedimus Synopsin, & Constantiensis quidem Diarium in ipso hujus Tomi corpore, Basileensis vero epitomen Historicam in Supplemento.

Addere his lubet ex Harduino Observationem P. Philippi Labbe, una cum judicio Clar. Viri Lucæ Holsteinii de Concilio Basileensi, an editioni Conciliorum Generalium inferendum sit.

Observatio Philippi Labbe, Societatis Jesu.

Auctor vite Eminentissimi S. R. E. Cardinalis Francisci de Rupe Fucaldi, extremo capite IX. libri primi, cum, cum Romæ anno MDCIX. degeret, illud Ecclesiæ communiter contulisse asserit, quod pars Basileensis Concilii post schisma habita, & in vetustis editionibus vano quodam offensionum metu hætenus conservata, ut deinceps expungeretur, Pontifici & Cardinalibus auctor fuit. Certe in editione G. L. Romana Conciliorum Generalium, quæ ab anno MDCVIII. incœpta, anno demum MDCXII. perfecta omnibus suis numeris atque

Tomus V. Concilior. German.

absoluta est, non solum extrema illa pars Concilii Basileensis deest, sed & prima desideratur, adeoque & ipse titulus. Disputatum quoque fuisse acerrime, & eos, qui excudendum, cum cæteris censebant Basileense Concilium, pervicisse discēs ex sequenti ad lectorem admonitione: quæ nisi intercessisset Cardinalis Rupe Fucaldius apud Pontificem, & purpuratos Patres, a Curatoribus illius editionis fuerat pro more in reliquis usitato præsigenda. Eam uti ad me Roma fuit transmissa, tecum lector communicabimus.

De Concilio Basileensi, cum cæteris Conciliis Generalibus edendo in lucem Romæ, vel non edendo, in utramque partem admonitio ad lectorem, ex Schedis V. C. Lucæ Holsteinii Hamburgensis, Sancti Petri in Vaticano Canonici, ad nos transmissa.

Basileense Concilium non immerito rejiciendum est a numero Generalium Conciliorum: quamvis enim legitime inchoatum fuerit, tamen progressum & exitum illegitimum sine dubitatione habuit. Primum, quoniam ab Eugenio IV. Summo Pontifice decretum est, ut Ferrariam transferretur, quod Imperator & Patriarcha Græcorum, & cæteri Episcopi Græci nollent ad Basileam usque iter suscipere.

Deinde, quia post discessum Legati Apostolici mansit Concilium acephalum; cum Summus Pontifex, neque per se, neque per Legatos ei præfuerit. Est autem regula Ecclesiastica, ut sine Summo Pontifice Generalia Concilia celebrari non possint; cujus regulæ meminit Julius primus in Epistola ad Episcopos Orientales, apud Socratem, Lib. II. cap. XIII. & Sozomenum Lib. III. cap. IX. atque ex ea regula in Concilio Chalcedonensi A. 451. jubetur Dioscorus non sedere inter Episcopos, quod Synodum facere ausus sit sine auctoritate Apostolicæ Sedis, quod nunquam licuit, neque factum est. Et in Concilio Nicæno secundo A. 325. VI. reprobatum Concilium quoddam Constantinopolitanum, quod sine consensu Romani Pontificis actum fuisset.

Tertio, Quia in Concilio Basileensi præter morem omnium legitimorum Conciliorum ob Episcoporum paucitatem admissi sunt ad vocem etiam decem plurimi minores Sacerdotes. Id quod ex Aenea Sylvio Lib. I. de Concilio Basileensi cognosci potest, ubi scribit, Archi-Episcopo Panormitano reclamantem

te & contradicente, inferiorum multitudinem in Concilio illo prævaluisse; de qua re sic loquitur, eodem referente Sylvio, Ludovicus Cardinalis Arelatenfis, qui in eo Concilio contra voluntatem Summi Pontificis præsidebat; Episcopi, inquit, quos solos Panormitanus habere vult vocem, videtis, quam pauci nobiscum sunt: & illi ipsi, qui præfentes adsunt, haud quaquam virtute valent perire iniquitatem. At ipsi inferiores ipsi sunt, qui iustitiam, qui veritatem, qui denique ipsum Deum præ oculis habuerunt, habendaque his gratia est, quod tales se Dei Ecclesiæ præstiterunt. Et paulo superius: "Ubi nunc, inquit, Concilium, si soli Episcopi, solique Cardinales" vocem habuissent? At vetera Concilia Generalia omnia solos Episcopos majoresque Prælatos ad vocem admiserunt: hinc est illa vox Concilii IV. Generalis Aët. I. "Mitte te foras superfluos: Concilium Episcoporum est."

Quarto, quia eodem tempore Concilium Generale habebatur Ferrariæ, ac paulo post Florentiæ, ubi Summus Pontifex præsidebat, aderantque Episcopi Græci & Latini in magno numero, atque una cum ipsis Imperator Græcus, & Orator Imperatoris Latini: & cum unum tantum Generale Concilium uno tempore haberi possit, facile est judicare, utrum e duobus Concilium Generale legitimum esset.

Quinto, Quia tam sæva pestis eo tempore Basileæ grassata est, Aenea Sylvio teste, in secundo libro de Concilio Basileensi, & tam multi Patres vel extincti sunt, vel inde abire coacti, ut Christus ipse de Cælo pro Vicario suo pugnare videretur. Concilium enim illud in id potissimum incumberebat, ut Eugenium Pontificem in ordinem redigeret, vel de folio deturbaret.

Sexto, Quia Felix V. Antipapa, quem Basileense Concilium Eugenio IV. Summo Pontifici legitime creato opposuerat, veritate tandem aliquando agnita, Pontificatu se abdicavit: atque hoc ipsum Concilium, a quo creatus fuerat, primus ipse damnavit, seque Nicolao V. Eugenii Successori subiecit.

Septimo, Quia Concilium ipsum Basileense Laufanæ postea translatum, deposita contentione cum eodem Nicolao Pontifice in gratiam rediit, ut ex Epistola Nicolai post finem Concilii adjecta, intelligi potest. Qui Nicolaus nulla ejus Concilii Decreta de fide vel moribus confirmavit, sed solum ad lites evitandas & conservandam pacem indulgit, ut qui Beneficia Ecclesiastica a Felice Antipapa acceperant, ea licite retinere possent: atque alia id genus, quæ ad Beneficia vel censuras Ecclesiasticas pertinebant, rata esse voluit.

Postremo, quia Synodus Lateranensis sub Leone X. Sess. II. Basileense Concilium aperte reprobavit, dum illud non Concilium Ecclesiæ, sed Conciliabulum sive Conventiculum appellandum censuit.

His igitur de causis Concilium Basileense locum inter Generalia Concilia habere minime debuit. Quia tamen in omnibus editionibus hætenus impressum fuit, ne quis forte quereretur in hac editione fuisse prætermittam, visum est illi locum, quem sibi quodammodo præscripserat, reservare: quemadmodum in ipsis sacris Bibliis, & in sanctorum Patrum voluminibus, apocrypha nonnulla, quæ ab antiquis temporibus inserta feruntur, notari videmus, non auferri.

Hæc Luc. Holsteinius.

§. II.

De Scriptoribus, præcipue Canonistis, Germanis, qui sæculo XV. floruerunt.

GOBELINUS PERSONA, in Paderbornensi Diocesi natus (locum incompertum scribit Schaten. in *Annal. Paderb.* pag. 530) a primis annis literis operam dedit inter suos: profectus in Italiam, politicis studiis, Canonici præsertim juris, ætatem præclare excoluit. Multos dein annos cum Theoderico Niemio, populari suo, in Curia Romana transegit, Pontificibus & Cardinalibus familiaris. Sacerdotio Ornatus anno 1386, in Patriam rediit. Primum Capellam SS. Trinitatis Paderbornensi in urbe rexit, Conciones simul dixit in Templo forensi. Constitutus a Wilhelmo Episcopo Paderbornensi, causarum Ecclesiasticarum iudex, cum Cleri emendationem urgeret vehementius, & Ecclesiæ libertatem contra Magistratus Urbani edicta acrius defenderet; multis injuriis vexatus, Bilefeldiam secessit. Hic Collegii Canoniorum Decanus electus, eam dignitatem usque ad annum 1416. tenuit. Tandem negotiorum pertæsus, ad Bodecense Cænobium se contulit, ibidemque inter Religiosos, sanctæque vitæ Sacerdotes, reliquam ætatem exegit. *Schaten. L. cit.*

Scriptis Historiam ab orbe condito, per sex ætates divisam, eamque ad annum 1418. produxit, quo & scribere & vivere desit.

Titulum operi dedit: *Cosmodromium*. Francofordensibus id typis excusum anno 1599. Recusum Helmstadii A. 1688.

HENRICUS HASSUS, vel de Langenstein, Theologicæ Licentiæ gradum obtinuit in Universitate Parisina. Dein Canonicorum Wormariensium Collegio adscriptus, Viennensi in Universitate sacram scientiam docuit.

Her-

Hermannus von der Hardt Tomo II. rerum Concilii Constantiensis profert Opusculum, in quo Henricus, de quo agimus, scribitur Vice-Cancellarius Academiae Parisiensis. Hic operi præfixus est titulus: *Henrici de Langenstein de Hassia Germani, Theologi illo tempore & Vice-Cancellarii Academiae Parisiensis, qui fata Concilii Constantiensis vidit & superavit, Consilium pacis de unione ac reformatione Ecclesiae in Concilio universali querenda.* Ex antiquissimo codice MS. Academiae Helmstadiensis.

Scripsit præterea I. *Tractatum de Antichristo & Schismate.* II. *De instructione Sacerdotis.* III. *Tractatum de Horis Canonicis.* IV. *Tractatum contra Wicleffistas.* V. *Contra fratrem Telesphorum.* VI. *De Canonicis Regularibus.* VII. *Librum de contractibus & ordine censuum* inter opera Gerlonis relatum *Vitthemius de Scriptor. Ecclesiast.*

HENRICUS DE HASSIA, Eremita Augustinianus, scripsit *Tractatum de clavibus Ecclesiae & Indulgentiis.* Putant aliqui eum transiisse ad Cartusiam. Obiit anno MDXVII. Sunt, qui iudicent, eundem esse cum præcedenti. *Dapinius in nova Bibliotheca nil decedit.* Negat Petrejus in Biblioth. Carthusiana pag. 131.

NICOLAUS DE DUNCKELSPIEL, Suevus, Rector Universitatis Viennensis in Austria: interfuit Conventibus Constantiensis, & Basileensis: scripsit I. *De tribus partibus penitentiae.* II. *De septem peccatis mortalibus.* *Vitthemius de Script. Ecclesi.*

HENRICUS KALTEISEN, Germanus, Patria Confluentinus, Ordinis Prædicatorum Theologus eximius, Fidei apud Colonienfes Quæstor, deinde Palatii Apostolici Magister, tandem Nidrosiensis in Norvegia Archi-episcopus creatus. Obiit Confluentiae, ibidemque sepultus anno 1465. in Ecclesia sui ordinis.

Dissertatio ejus Triduana: *De libera Verbi DEI prædicatione, non omnibus concedenda*, dicta in Concilio Basileensi contra Bohemos Hussitas, extat apud Synodographos, *Binius, Labbe, Harduinus.*

Scripsit præterea *Tractatum, quomodo, qui præfunt, se debeant habere, quando mala exorta perseverant.* Ubi multa recenset de Ecclesiae regimine contra Schismaticos.

Natalis Alexand. Hist. Ecclesiast. Tomo VIII. Echard & Quetif Tom. I. Scribe. Ordinis Prædicatorum.

THEODORICUS A NIEM, Patriam habuit oppidum Niehemium in Diocesi Paderbornensi, uti Paderbornenses ipsi scribunt in suis ad Martinum V. Literis, ubi

eum inter Illustres suæ Diocesis Viros numerant, oppido Niehemio oriundum. Falluntur proinde, qui eum equestri Niemiorum familia apud Osnabrugenses natum volunt. Literis domi excultus, in Italiam abiit, septemque supra quadraginta annos in Curia Romana sub quinque Pontificibus: Gregorio XI, Urbano VI, Bonifacio IX, Innocentio VII, & Gregorio XII. versatus fuit, inter Abbreviatores literarum Apostolicarum adscriptus. Sacerdotium obtinuit Lucæ. Qui cum *Crantzio* eundem Ottoni Brunswicensi in Cathedra Verdenfi subrogatum, ac dein ad Metropolitancam Cameracensem translatum scribunt, fidem apud eruditos non inveniunt. Recte *Schaten* in Annalibus Paderb. Parte II. L. XVI. pag. 531. eum Romæ privatam semper vitam coluisse opinatur. Obiit Constantiæ, tempore Concilii anno 1416.

Historiam annorum XXXVIII. complexus fuit Libris quatuor. Horum tres priores agunt de *Schismate* suorum temporum: Quartus inscribitur *Nemus unionis.* His quintum addidit *De vita Joannis XXIII. Pape*, usque ad ejus depositionem a Pontificatu in Concilio Constantiensis. Acerbus in Pontifices, & mores Romanorum Scriptor, Quales plerumque esse solent, inquit *Schaten*, qui vel cum Platina læsi, vel speratis honoribus potiti non sunt.

P. Henricus Schutz S. J. in *Commentariis suis Criticis* editis A. 1761. nititur evincere, Theoderico Niemo, universa hæc opera falso fuisse adscripta.

Cæterum Natalis Alexander de Theodorico hoc nostro scribit, quod Pontifices quidem tempore schismatis Romæ vel Avinionis sedentes acerrime insectentur, ac discerpant; Hæresion tamen ac schismatis hostem infensissimum se prodat.

JOANNES WIMPHELINGUS, Slerstadiensis, Ecclesiæ Spirensis Presbyter: hujus honorifice meminit Paulus Langius in Chronico Citizenfi. Floruit apud Nemetes anno circiter 1494. Præter alia scripsit

Epitomen Imperatorum, & Rerum in Germania gestarum.

NICOLAUS SIMON DE HARLEM Carmelita. Floruit extremo Sæculo XV. Obiit Sæculi sequentis anno XI. Scripsit

I. *Commentarios in Ildum Decretalium.*

II. *Tractatum de Potestate Pape, Imperatoris, & Concilii Generalis.*

HENRICUS COSFELDUS, Ordinis Carthusiani, Prior domus S. Mariæ prope montem Sanctæ Gerrudis in Hollandia. Præter multa, quæ ad Theologiam & Ascetismum pertinent, scripsit

I i i i i 3

I.

I. *De tribus Votis Religiosorum substantialibus.*

II. *Contra vitium proprietatis.*

III. *De institutione Novitiorum.*

IV. *De tribus custodiis Monasticis.*
Petrus in Biblioth. Carthusian.

HERMANNUS DE CAMPO, Mariæ (Marienheid) Ordinis Cisterciensis. Floruit & scripsit circa annum 1440.

I. *Traſtatum de poteſtate Papæ & Concilii.*

II. *Traſtatum de Schismate & Neutralitate.*

III. *De vocibus definitivis in Concilio Generali.*

Dupin. Tom. XII. Nov. Bibl. pag. 119.

JOANNES ERNESTUS, Doctor Universitatis Heidelbergensis scripsit

Traſtatum de Auctoritate Concilii.

Dupin. Tom. cit. nov. Bibl. pag. 117.

BARTHOLOMÆUS, Ruræmundanæ Carthusiæ Prior, Patria Trajectensis ad Mosam. Præter plura Ascetica, scripsit

De auctoritate Concilii supra Papam.

Obiit Coloniae Anno 1446. IV. Id. Junii.

JOANNES DE RODE, Trevir, post lauream Doctoris in Universitate Heidelbergensi obtentam, renuntiatis, quæ tenebat, Beneficiis Carthusianum prope Treviros amplexus est institutum. Inde ob vitæ perfectioris famam, ad Clerum aliorum Ordinum reformandum, per Archi-Episcopum Treverensem, probante Martino V. Papa, extractus, celebri Monasterio Sancti Matthiæ prope Treviros Abbas præficitur. Huic viro prima tribuuntur celeberrimæ Congregationis Bursfeldensis initia, cujus & caput scribitur.

Librum scripsit Constitutionum, & de Qualitatibus Abbatum.

Brower. in Annal. Trevir. Tom. II. &

Dupin. Tom. XII. Biblioth. novæ AA. Ecclesiæ.

NICOLAUS CUSANUS, ortum & nomen accepit ab obscuro olim Diœcesis Treverensis pago *Cusa*, Berncastello ex altera Mosellæ ripa opposito. Quam paupere e familia, piscatore Patre natus, tam divite præditus ingenio fuerat, & rerum maximarum capaci, quod sua etiam solertia ita perpolivit; ut linguam Hebraicam, Græcam, Latinam complecteretur, ac vix ullum vel Mathematicis in disciplinis, vel in Historiarum notitia, vel in juris prudentia, vel in sacrarum peritia literarum parem suæ ætate

reperiret. Confluentiæ Canonicorum adscriptus Collegio, ob eminentes doctores Ecclesiæ ad S. Florinum Decanus electus, tres de concordantia Catholica libros, ab se elaboratos, Patribus Basilæ congregatis obtulit. His aliquantulum adhæserat, dein vero, cum eorum consilia novum in schisma videret inclinare, ad Eugenii Papæ partes se transtulit, eumque contra Basileenses omni studio defendit, *Eugeniarum partium Hercules* ab Ænea Sylvio appellatus. A Nicolao V. Eugenii Successore Ecclesiæ Romanæ Cardinalis, dein Brixinensis etiam Ecclesiæ Episcopus creatus, maximis Apostolicæ Sedis Legationibus in Germania, Gallia, Anglia præclarissime perfunctus est. Amplum in Cusano suo ad Mosellam natali solo, cum decore templo erexit Nosocomium, quod honestis auctum Sacerdotiis, largis opibus ad pauperum miseras sublevandas cumulavit, addita Bibliotheca veterum librorum Græci, Latiniq; Sermonis, in omni genere disciplinarum lauta & exquisita. Par studium liberalitatis exercuit erga Daventrienses, excitato apud hos Seminario, constitutisque vestigalibus, unde sustentari in optimarum artium studiis Mosellani Adolescentuli non pauci possent. Obiit Tuderti in Umbria pridie Idus Augusti anno 1464. Corpus Romam delatum, in Ecclesia S. Petri ad Vincula conditum, cor vero ad Cusanum, quod diximus, Nosocomium deportatum, ibidem in æde sacra marmoreo lapide relictum est. Vir fuit integritate vitæ atque innocentia prorsus admirabili, in maximæ famæ ac dignitatis luce tanta semper animi moderatione usus, ut obscuro se loco, ac piscatore Patre natum esse, ignorari non vellet.

Scripsit I. *De Concordantia Catholica Libros tres.*

II. *De docta Ignorantia Libros tres* ad Cardinalem Julianum Cæsarinum, eorumque *Apologiam.*

III. *Excitationum Libros decem.*

IV. *Cribrationis Alcorani Libros tres.*

V. *Idiota de Sapientia Libros quatuor.*

Aliaque opera tribus Tomis comprehensa.

DIONYSIUS RICKELIUS, hoc nomen sortitus ab Hasbanæ pago, in quo natus fuit, Carthusiam Ruræmondanæ uti admirabili pietate vitæ, sic & scribendi industria illustravit, Doctoris exaratici nomen promeritus: obiit Ruræmundæ 1471. cum magna opinione Sanctitatis. Longum operum Catalogum, quæ pro omni hominum genere erudiendo elucubravit, exhibet *Petrus in Biblioth. Carthusiana.*

Excerpo sequentia, quæ huc pertinent:

I. *De Auctoritate Summi Pontificis & Concilii Generalis Libri III.*

II. *De vita & regimine Præfulum Lib. I.*

III. *De vita & regimine Archi-Diaconorum. L. I.*

IV. *Contra pluralitatem Beneficiorum L. I.*

V. *De Simonia Lib. II.*

VI. *De vita Canonicorum L. I.*

VII. *De vita & regimine curam animarum habentium.*

Impressa Coloniae Tomo I. Operum minorum anno 1432. Typo Joannis Soler. Commentarios edidit in omnes Sacrae Scripturae Libros, aliaque quam plurima Opera Ascetica & moralia.

JOANNES NIEDER, Ordinis Prædicatorum, Theologicis Scientiis Viennæ in Austria, dein Coloniae excultus, Basilæ Fratrum conventum rexit eo tempore, cum Basileense celebraretur Concilium. Solertem Concilii Patribus navavit operam, variis perfunctus Legationibus, præsertim in causa Bohemorum ad Ecclesiam reducendorum.

Edidit I. *Tractatum de decem Præceptis.*

II. *Manuale Confessorum ad instructionem Parochorum.*

III. *De Contractibus Mercatorum.*

IV. *Epistolas duas ad Bohemos Tom. XII. Concilior. insertas.*

V. *De Reformatione Religiosorum Libr. III.*

Præter complura alia.

Echard & Quetif. in Script. Ord. Prædicatorum.

HENRICUS A GORCOMIO, Natione Batavus, postquam Laurea Doctoris donatus fuisset Parisiis, anno 1419. Coloniam venit, rem literariam ibidem promotururus. Celebre Gymnasium, quod ab ejus Successore Gerardo Terstege a Monte Domini Montanum appellatum est, primus rexit ab anno 1420. ad 1431. A Præposito Collegii Metropolitani Colonienfis Universitatis Pro-Cancellarius ob doctrinæ præstantiam nuncupatus fuit. Scripsit præter per multa alia

I. *Tractatum de Cerimoniis Ecclesiasticis.*

II. *De celebritate Fæstorum.*

III. *Conclusiones & concordantias Bibliorum ac Canonum in Libros Magistri Sententiarum, additis ad Distinctiones singulas Summariis, itemque erroribus Magistri, Parisiis & in Anglia damnatis.*

IV. *Consultationes de temerario judicio Hussitarum circa potestatem Papæ.*

Natal. Alexand. Hist. Eccles. T. VIII. Hartzheim Biblioth. Colon.

HENRICUS DE WERLIS, Ordinis FF. Minorum Sancti Francisci Conventualium, in Universitate Colonienfi Ss. Theologiæ Doctor. Durante Concilio Basileensi scripsit

Tractatum de potestate Ecclesiastica & Concilii Generalis.

Dupin T. XII. Bibl. novæ AA. Eccles. pag. 118.

HENRICUS INSTITORIS, Germanus, Ord. Prædicatorum, vir sua ætate Clarissimus, Theologiæ Magister & Professor. Magno exarsit fidei religionisque tuendæ studio. Ab Innocentio VIII. datis anno 1484 literis, cum Jacobo Sprengero per quinque Provincias Metropolitanas Germaniæ Moguntinam, Coloniensem, Trevirensensem, Salisburgensem, & Bremenensem fidei Quæstor constitutus, sui auctoritatem officii egregie sustinuit. Plura scripsit. Huc pertinent

I. *Tractatus adversus errores D. Antonii Roselli J. U. D. de plenaria potestate Pontificum.*

II. *Clypeus defensionis Sanctæ Romanæ Ecclesiæ contra Pikardos & Waldenses.*

III. *Malleus maleficarum per Henricum Institoris, & Jacobum Sprengerum, Ord. Prædicat.*

Quetif in Script. Ord. Prædicat.

NICASIVS DE VOERDA, seu VORDANUS, Mechliniæ in Belgio natus, quarto ætatis suæ anno lumen oculorum amisit: sed cæcitatæ hoc damnum ingens discendi ardor, memoriæ tenacitas, & interna mentis perspicacia ad orbis admirationem compensavit. Solo ex auditu tantum scientiarum affectus fuit, ut Lovanii primum Magister Artium creatus, nec diu post ibidem Licentiam in Theologica Facultate adeptus, demum & Coloniae Canonici Doctor Juris fuerit renuntiatus, ac mox Canones Pontificum, Legesque Cæsareæ pari facundia, summaque publice explanaverit. Apostolica indulgente Sede Sacerdos consecratus excepit audivique confitentem, Sermones ad populum dixit; tantum ad Aram non celebravit. Scriptor Chronici Colonienfis ab annum Christi 1489. testatur, illum se & pro Concione dicentem, & Collatiohes habentem, cum admiratione audivisse. Vivere desuit anno 1492., in Æde Metropolitana Colonienfi sepultus.

Excepti illius ex ore sunt, editique in lucem

- I. *Casus longi super institutis.* In fine legitur: *Opus lecturæ magistralissimum.* Huic operi adjuncta
 - II. *Arbor actionum utilissima Domini & Magistri Nicasti Mechliniensis de Verda, cæci a quarto anno Nativitatis suæ, attamen L.L. A.A. & Juris Canonici Professoris Clarissimi, & Sacræ Theologiæ Licentiat.*
 - III. *Enarrationes in Libros IV. Institutionum Juris Civilis.* Hæ primum Coloniae impressæ Anno 1493. Recusæ Francofurti 1513. Lipsiæ 1541. Lugduni 1566. ibidemque iterum 1579.
- Eisengrein. Cratopolius, Tritheimius, Middendorpius L. V. de Academiis. Annales Facult. Artium Universit. Colonienf.*

§. III.

*De erroribus variarum Sectarum,
Sæculo XV. per Germaniam
disseminatis.*

Inter omnes Europæ Provincias solius Germaniæ istud hoc Sæculo fatum fuit, ut diversissimorum errorum fœda colluvies undique in eam conflueret, magnamque ejus partem atrociter devastaret. Non deerant quidem aliis etiam in Regionibus homines, qui vertigine quadam abrepti, vel damnata jam pridem, vel recenter excogitata prava dogmata dispergerent, & cum aliis ore, calamoque communicarent. Fecit hoc Joannes Parvus in Gallia, fecit Augustinus de Roma in Italia, fecit Petrus de Osma in Hispania. Sed quæ ab his sparsa fuerunt mala femina, in ipso mox ortu suo ita suffocata sunt penitus: ut nunquam denuo repullulaverint, nec in grave Ecclesiæ damnum sese diffuderint. Una cum suis authoribus eorundem errores pariter interierunt, omnisque illorum memoria consopita est. Cum e contra, qui in Germaniam nostram hoc infelici Sæculo vel aliunde inveci, vel in ea nati sunt, tam firmam continuo, tanquam in parato solo, fixerint sedem, brevique intervallo temporis, adeo propagati sunt, ut eradicari vix possent, & etiamnum adhuc in plurimarum animarum æternam perniciem, & in gravissimam Ecclesiarum Germanicarum, totiusque Christianæ Reipublicæ calamitatem grassentur.

Primo loco hos inter numerari merito debent dogmata Wicleffi, quæ ex Anglia in Germaniam transportata, & ab Husso excepta sunt.

Quanta pertinacia fuerint eadem tum ab hoc, tum ab ejusdem sequacibus defensa, quan-

tum sanguinis pro illis tuendis ab Hussitis, quantum ex adverso pro eorundem extirpatione a Catholicis profusum sit, Annales eorum temporum ad horrorem posteritatis commemorant. Sed non de his tractabo prolixius hoc loco. Cum enim ex Hussi erroribus multos Lutherus, multos Calvinus adoptaverint, visum est, futurum opportunius, si quæ dicenda de his essent, sequentem in Tomum reserventur; ut commodius tota rerum inter se connexarum series uno ordine pertextatur.

Eodem fere tempore, quo Hussitica tempestas erupit Pragæ, novis etiam erroribus turbari cepit Belgium. Duobus ab auctoribus natum, auctumque est malum. Alter homo laicus fuit, *Aegidius Cantoris*: alter Ord. B. V. de Monte Carmelo, Sacerdos gradu, officio Concionator, *Wilhelmus de Hildernissen*. Uterque Belga. Ab his simul eandem in hæresin conspirantibus nova condita secta est, quam *Hominum intelligentie* appellabant, melius *Insuperbie* nuncupassent. Vix sua spargere dogmata Bruxellensi in villa ceperant, cum Petrus de Alliaco Archi-Episcopus Cameracensis, pro suo in Religionem studio, errorum Auctores ad Conventum S. Quintini, Fratrum Prædicatorum, Diocesis Noviomensis, evocavit, causaque ibidem coram ejusdem Conventus Priore, qui fidei Quæsitore fuerat, instituta, hæc comperta sunt errorum capita, quæ docuerunt.

Asserebat Aegidius, I. *Se esse Salvatorem hominum, qui per ipsum visuri essent Christum, sicut per Christum Patrem.*

II. *Diabolum & omnes homines finaliter esse salvandos: ac tunc Luciferum, non superbum, sed humillimum esse futurum.*

III. *Actus carnalis copulæ Paradisi delationes.* vocabat homo spurcissimus, eosque sine peccato exerceri docebat.

IV. *Omnes actus nefarios ad Divinam referendos esse voluntatem.*

V. *Tempus veteris legis tempus fuisse Patris: tempus novæ legis, Filii: tempus vero proximum, Spiritus Sancti, quod tempus Eliæ appellabat, quo reconciliabuntur Scripturæ; ut quæ prius tanquam vera habebantur, jam refutentur; sicut & Catholice veritates, quæ consueverunt prædicari de paupertate, continentia, obedientia, quarum oppositum hoc tempore Spiritus Sancti prædicandum esset.*

Hinc Afflatum Spiritus Sancti etiam in rebus inonestis jactitabat: *Orationes, jejunia, Ecclesiæ præcepta, castitatem & continentiam si in opere oderat, nullam esse omnino in mundo virginem essutens, præter unam, cui Sapientiæ nomen.*

De purgatorio autem & inferno singulari & sicut modo loquebatur.

Mirabatur, quod aliquis signaret se signo Crucis, & dicebat: Eritis & vos adhuc benedicendi?

His Ægidii fatuitatibus sua addidit derisoria Fr. Wilhelmus:

I. Qui dicunt se habere velle, nihil dicunt. Deus enim totum facit: & omnia sive bona, sive mala, sunt voluntate Divina.

II. Quod nullus homo purus in via actibus suis meretur aliquid vitæ æternæ; sed Christus solum, qui in cruce omnia meruit. Ideoque illud, quod homo agit, non cedit sibi ad meritum, vel demeritum, nec ad salvationem, aut damnationem: sed passio Christi satisfecit pro omnibus.

III. Quod homo exterior non maculat interiorum: nec homo interior unquam damnabitur.

IV. Quod Presbyteri, audientes confessiones, non remittunt peccata, sed Christus: ex eo, quod peccator non potest remittere peccata.

V. Quod Deus est ubique, in lapide, in membris hominis, & in inferno, sicut in Sacramento Altaris.

VI. Quod Resurrectio amplius non sit futura, quia jam facta in Christo, eo quod sumus Christi membra, & non surrexit caput sine membris.

Hos aliosque errores a se assertos fuisse, coram Petro de Alliaco confessus est Wilhelmus, eosque solenniter & voce & scripto ejuravit: ac dein etiam Cameraci ac Bruxellis publice revocavit Anno 1411. Acta ipsa videri possunt apud Du Pleffis Tom. I. Part. 2. pag. 201.

Vix ea profligata e Belgio hæresis fuerat, cum antiqua ADAMITARUM obscœnissima pestis, quæ secundum Ecclesiæ Sæculum sua modo spurcitia inquinaverat, denuo ab inferis resuscitata, & a Pikardo quodam in Bohemiam Wicleffi jam erroribus infectam illata fuit. Harbsfeldius C. 4. Historie Wicleffianæ eam sectam ex ipsa Wicleffi schola prodixisse scribit. De novis Sæculi XV. Adamitis, qui antiquos sua feditate superabant, ita scribit Æneas Sylvius: Pikardus quidam ex Gallia Belgica transmissus Rheno per Germaniam in Bohemiam penetravit: qui præstigiis quibusdam fidem sibi concilians, brevi tempore non parvam mulierum, virorumque plebem ad se traxit, quos nudos

incedere jubens, Adamitas vocavit, & occupata insula qualiam, anime Lusincro cincta, Filium Dei se dixit, & Adam vocari. Conmubia eis promissa fuisse. N. fas tamen injussu Adæ mulierem cognoscere. Agebat, ceteros homines servos esse, se vero, & qui ex eis nascerentur, liberos. Ex iis quadraginta viri insula exiere, & intrantes vicinas villas, evaginati gladiis super ducentos agrestes interfecere, quos Diaboli filios asserabant. Ziska, iis auditis, quamvis sceleratus, scelus tamen exhorruit. Habet enim hoc natura hominum, ut aliena magis, quam sua quisque vitia perborrescat. Dixit igitur in eos exercitum, expugnataque insula, Adamitas omnes gladio delevit, duobus tantum reservatis, ex quibus gentis superstitionem cognoscere. Addit Æneas Sylvius: Audivi & ego ex Ulrico Rosenfi præstanti Regulo, cum egrem in Bohemia, fuisse apud se viros ac mulieres ejus sectæ captivos. quos cum anno elapso igni tradidisset, videntes, constantesque incendia pertulisse. (e) Nimirum Diabolus, qui semper fuit, & erit DEI simia, etiam suos Martyres habere voluit, ut Floremundus Remundus ait, eoque illorum animos, quos ab Ecclesiæ unitate seduxit, specie quadam magnanimitatis armat, quæ veræ constantia ponderibus appensa atque examinata, nihil minus, quam veras notas illius habet: ut quæ ex infernalibus haurita fontibus, brutalitas potius, aut furor, vel insania, quam magnanimitas dicenda sit. (f)

Natalis Alexander eandem hanc exorandam hæresin Sæculo XVI. revivisse scribit, Auctore Adamo Pastoris, qui Christum insuper merum hominem professum, eum natura Deum esse, cum Photino negabat. Matrimonium damnabat, quasi per se malum. Fuere & alii, Secta Anabaptista, qui quod nuditatem Adami æmulari gestirent, Adamitarum nomen mutuati sunt. De his Lindanus, Ruremondensis Episcopus, eo in Libro, quem Dubitantium inscripsit, Dialogo II. Tales, inquit, fanaticos vidit Amsterdamus nostra: Hos loco honestissimo natos, & rebus lautis opulentissimos, vidit nudos discursitare nostra Hollandia anno 1535. Horum quidam tam fuisse insani capitis, ut consensu arboribus, nudi caulem panem frustra expectantes, in terram deciderint semineces. (g)

Ass.

(e) Æneas Sylvius in Hist. Bohemica cap. 41. apud Cardin. Gotti Tom. II. Verit. Religion. Christ. cap. XXVII.

(f) Floremundus Remundus L. 7. C. 6. num. 6. Hist. Hæres. apud Gotti Lib. cit. cap. CVI.

(g) Nat. Alexand. Tom. VIII. Hist. Eccles. Cap. II. Art. III.

Tomus V. Concil. German.

Affinis Adamitarum impuræ fœci fuit Secta FOSSARIORUM, quæ sub hujus Sæculi finem ac sequentis initium in Bohemia pariter erupit, ut Joannes Trithemius narrat. *His temporibus, inquit, multiplicati fuerunt hæretici in Bohemia, qui vulgo Fossarii nominantur, propterea quod in fœssis & occultis speluncis nocte conveniunt, turpitudinem sine differentia personarum, more bestiarum exercentes. Ecclesiam DEI & Ministros ejus contemnunt, Sacramenta irridunt, infinitos fonturientes errores. Crescit autem hoc nefandissimum genus hominum, & mirum in modum quotidie augetur, in tantum, quod anno prænotato (h) numerus eorum major novemdecim millibus fuit inventus. Sed & nobiles, atque potentes quamplures in Regno Bohemia ad eos turpissimos hæreticos declinarunt: e quibus Christophorus nomine, vir nobilis & dives, quadraginta florenorum millia inter eosdem hæreticos pro elemosyna distribuens unus ex eis factus est. . . . Apostolorum se profitentur imitatores, homines sine Deo, sine corde, Diabolo pleni. Sunt autem homines astutissimi, & in sua secta mirabiliter docendo, disputando & defendendo periti; in tantum, quod non facile a quolibet rationibus disceptando poterunt superari. Nullus tam crassi intellectus reperitur, qui tamen usum rationis habeat liberum, qui non mox, ac sectam fuerit professus, in ea defendenda rationibus, ut eis videtur, doctissimus evadat. Sed ne quis rem alicujus miraculi existimet; causam tantæ mutationis dicemus: ut omnes non Deum, sed malignum Spiritum, in illis operantem, intelligant. Quicumque in illam secretam intronitti prudentiæ societatem exoptat, primum aliquo celebrante Catholico Sacerdote Ecclesiam ingreditur, & stans in angulo, vel secreto aliquo loco per totam Missam verba quedam contumeliosa (quæ nos propter infirmos exprimere non decet) contra Sacramenta loquitur sub silentio, cum intentione sibi a docente proposita. Quibus post finem Missæ completis, musca magni corporis advolat, & pennarum strepitu significans, se adesse præsentem, oris introitum petit: ac vero mox ac ille os suum aperierit, ingreditur illa, & homo spiritu diabolico impletur, efficiturque in ea secta doctus, & mirabiliter astutus. Perum ipsi muscam illam non Dæmonem, sed Spiritum Sanctum esse confirmant, qui in eos, ut veros Apostolorum imitatores, sicut in die Pentecostes in illos quondam descendens, eruditos faciat & constantes. Et revera non con-*

stantes; sed pertinaces sunt: nec ullis tormentorum generibus a suis erroribus ad rectam fidem reduci unquam potuerunt. Hæc Trithemius Auctor coævus, (i) ex quo Natalis Alexander, (k) & alii.

Fossarios propter turpitudinis societatem Adamitis adjunximus: ordine tamen temporis illos præcessit Hæresiarcha novus in Germania. Fuit is JOANNES Ruchard (alii Burchardum appellant) DE WESALIA superiore, celebri ad Rhenum oppido, Diocesis Trevirensis. Hunc Doctoris in Academia Erfurtensi insignitum honoribus, Wormatienses Divini Verbi præconem adopraverant. Sed officio pessime functus, dictis, scriptisque in errores tentavit inducere, quos veritatem docere debuisset. Novem præcipua fuere ejus errorum capita, ex Waldensium, Begardorum, Martini Patavini damnatis opinionibus, atque ex Græcorum etiam hæresi deprompta. Ex his male confarctatis fidei suæ Systema producit. Articulos ipsos ex Trithemio ejusdem temporis Scriptore dabimus.

Primus Articulus, quem prædicasse ferebatur, fuit; Quod Prelati Ecclesiæ non haberent auctoritatem condendi, vel aliquid addendi ad ea, quæ Christus & Apostoli dixerunt: Nec Summi Pontifices talem potestatem a Christo acceperant.

Secundus Articulus: Nulli hominum, quantumcunque sancto, docto, vel erudito, licet verba Christi, & Evangelium exponere: & quod Sacra Scriptura non sit per Sanctos Patres eo spiritu interpretata, quo primitus tradita fuit & instituta.

Tertius Articulus fuit contra Papam, & auctoritatem clavium Sanctæ Matris Ecclesiæ, quia dixit: Indulgentias nihil aliud esse, quam pius fraudes, & deceptiones Christianorum, eosque stultos esse & fatuos, qui pro indulgentiis Romam pergerent, quis domi, si modo essent vere contriti de peccatis suis cum emendandi proposito, invenire potuissent.

Quartus Articulus ex primo: quod mandata Ecclesiæ, Papæ, & aliorum Prelatorum non obligent ad mortale peccatum, pro eo, quod non habeant auctoritatem legis condende.

Quintus Articulus: Quod non sit, nec unquam fuerit originale peccatum, nec parvulos in originali concipi, neque propterea damnari: se quoque nunquam originali subjacuisse peccato.

Sextus Articulus fuit: Quod omnes Presbyteri realiter sint Episcopi, & Papæ, solumque nomine, & hominum institutione differant: Quodque Papæ, Episcopi, Sacerdotes nihil boni-

(h) 1501.

(i) Trithem. in Chron. Sponheim.

(k) Nat. Alex. Hist. Eccles. Tom. VIII. C. II. art. VIII.

hominibus conferant ad salutem; sed fide, concordia, & pace salvari posse sine Sacerdotibus.

Septimus Articulus: Jejunium, cum non sit a Christo institutum; non obligat nos ad jejunandum: Ecclesia enim obligare non potest nolentem in eo, quod Christus non præcepit, cum non habeat auctoritatem, Canones & Leges condendi, ut in primo Articulo.

Octavus Articulus: Quod extrema unctio non sit Sacramentum, quia non per Christum, sed per homines sit instituta, sed sit oleum, & manet oleum, sicut antea fuit.

Nonus Articulus fuit: Cum nusquam legatur, quod Spiritus Sanctus procedat a Filio, in Sacra Scriptura, sed potius contrarium; potius est credere cum Grecis Sapientibus, Spiritum Sanctum a Patre tantum, & non a Filio procedere, quia Filius hoc dixit.

Alios quoque plures Articulos erroneos prædicasse perhibetur, sicut de Horis Canonicis non dicendis: de non servandis festis: de continentia Clericorum non servanda. De benedictionibus rerum inanimatarum in Ecclesia, herbarum, luminum, aque, vasorum, vestium, & similibus non curandis: & alios multos.

Dogmata tam perversa cum non sine gravi Germaniæ perturbatione spargerentur in vulgus; Dietherus Archi-episcopus Moguntinus Joannem Burchardum Wesaliensem Moguntiam postulavit: convocatisque ex Academia Heidelbergensi, Colonienſi, ac sua in Concilium eruditissimis Viris & Doctoribus, Joannem hæresis convictum damnavit, iussitque palam hæreses, quas docuerat, revocare. Tum vero conscripti ab illo libri publice in ignem coniecti & exusti sunt, ipse autem in Cenobium Angultinianum penitentiae causa relegatus, inclususque, haud multo post mœnore contabuit. (l) Hujus prædamnati hominis libri fontes fuere, unde Lutherus, ut ipse fassus est, dogmata sua hausit. (m)

Eodem fere tempore (n) & alius quidam impostor fuit in Franconia, homo tympanotriba & pecorum pastor. Finxit hic Beatissimam Virginem sibi fuisse oblatam, ab illaque se in mandatis accepisse, ut publice depravatam Cleri & populi vitam reprehenderet. Is igitur hominum cœtus collegit, nactusque Sectatores, nunc in templis, nunc ex fenestris adium, qua erat facundia, peroravit ad populum: Sacerdotes, Religiososque vocavit in invidiam: Episcopis minime obtemperandum docuit, eo quod his

nulla tributa esset a DEO potestas: Non solvendas esse decimas, non census, non vectigalia, quia DEUS uti Clerum, sic ejus etiam temporis nobilitatem execraretur. Omnes aquas & nemora libera esse, omnibusque communia. Aliaque hujusmodi, grata vulgo, decantabat, tanto populi concursu, ut, Nauclero teste, quodam die supra triginta millia hominum ad hunc armentarium, novum, ut vocabant, vatem audiendum confluerint. Quia rudis literarum erat, adstitisse illi a tergo ferunt fugitivum Monachum, & Concionis argumenta suggestisse, quæ ille facunda sua audacia ad plebem declamaret. Ea hominis vesania cum apertam in reipublicæ perturbationem vergeret; Rudolphus Herbipolensis Episcopus, novum hunc Prophetam curavit captivum abripi. Mox adversus eum ex Legum præscriptis actum, lætæque a Judicibus sententia in rogum coniectus fuit. (o)

Pari supplicio sub Sæculi sequentis initium atrocissimæ hæreses, gravissimarumque blasphemiarum pœnas exsolvit HERMANUS RUISSVICH, natione Baravus. Cum varios jam ante commentus fuisset errores, eosque evulgasset, palinodia cantata, perpetuo fuit carcere damnatus anno Sæculi XV. nonagesimo nono. Inde elapsus, pristinam ad insaniam rediit, pejoresque multo, quam ante blasphemias evomit. Comprehensus propterea Hagæ anno 1512. hæresesque suas coram Fidei Censoribus confessus, Sæcularis Magistratus potestati traditus, vivusque exustus fuit. Errorum ejus hæc summa fuit:

- I. Angelos a DEO non esse creatos.
- II. Animæ & corporis eundem esse interitum.
- III. Nullum esse infernum.
- IV. Materiam, ex qua elementa facta sunt, non esse a Deo factam, sed ipsi coæternam esse.
- V. Scitum & simplicem fuisse Christum, phantasticum ac seductorem hominum, qui universum mundum damnaverit, & neminem salvum fecerit.
- VI. Quæcunque Christus gessit, contra rationem esse, & humano generi nocere: ac proinde ipsum Omnipotentis Dei Filium non esse.
- VII. Moysen a Deo modo visibili Legem non accepisse, nec facie ad faciem cum eo locutum.
- VIII. Fidem nostram fabulosam esse, factam Scripturam, ficta tum nova, tum veteris Testamenti Biblia.

K k k k k k 2

IX.

(l) Tritheim. ubi supra. Servarius L. I. c. 34. in Mogunt. & L. 5. in Diethero. Raynald. in Hist. Eccles.

(m) Schaten. Annal. Paderb. Part. II. L. XVIII. ad annum 1467.

(n) Anno 1476.

(o) Schaten. L. cit. ex Nauclero Gener. L. & Tritheim. Chron. Sponheim.

IX. Falsum esse Evangelium ex eo dicebat, quod qui potuit creare mundum sine Incarnatione; eundem quoque sine Incarnatione salvare potuerit.

Articulos hosce cum fateretur, addidit homo impiissimus, se Christianum natum esse; sed a Christiana Religione descivisse, quod eam insanam, Christianosque omnes amen-

tissimos judicaret. Ita *Emin. Cardin. Gotti* (p), & *Natalis Alex.* (q) ex *Bernardo Luxemburgo & Præcolo*. Prælusit impius iste Riuswichius modernis Sæculi nostri Deistis, totique incredulorum, fidem omnem revelatam negantium, turbæ, qui permultos admodum, nimium credulos, corrupto hoc ævo inveniunt Sæctatores.

(p) *Verit. Relig. Christi. Cap. CVII. §. II.*

(q) *Hist. Eccles. Tom. VIII. Cap. II. Art. IX.*

FINIS DIGRESSIONIS SÆCULI XV.



